

# SERMONVM

Decades quinque, de potissimis  
Christianæ religionis capitibus,  
in tres tomos digestæ, authore  
Heinrycho Bullingero,  
ecclesiæ Tigurinæ  
ministro.

Cum Indice uario & copiosissimo.

TOMVS



PRIMVS.

I E S V S.

HIC est filius meus dilectus, in quo placata est  
anima mea. Ipsum audite. Matth. 17.

TIGVRI IN OFFICINA CHRISTOPH.  
FROSCHOVERI. ANNO M.D.LXVII.

*Sum ex libris & amicis Schenck  
Borghusiani / salutem se  
§ § §*



SERMON

Preached at the funeral of

Charles the first

in the year 1649

by the Rev. Mr. Henry

Widdowes

Minister of the Church of St. Andrew

in the City of London

Printed

at the



By J. Widdowes

Printed by J. Widdowes

# CLARISSIMIS VIRIS D. RO- DOLPHO GVALTHERO, PETRO SYMLERO.

IOANNI STUMPFIO, IOANNI FLORO, IOANNI SEY-  
lero, Adriano Hospiniano, Nicolao Sarcitorio, & Ioanni Hugoni Decanis seu ar-  
chipresbyteris, omnibusq; Christi & Ecclesiarum ministris, Classiū Tigurini  
lacus, Liberae prouinciae, Steinæ, Vituduri, Heligouæ, Vuetzi-  
konæ, & Reginospurgi, in agro Tigurino, uenerandis  
suis dilectissimisq; symmystis & fratribus.

S. D.



*I*llum aliud tempus uberem dicendi suppeditauit materiam,  
presens hoc nostrum exhibet uberrimam. Nam quid fiat hodie,  
& quid orbi Christiano immineat, manifestius est quam multis  
recitare oporteat. Irascitur peccatis nostris iustus Dominus, ac pu-  
nit etiam, sed longè grauiora parat, quæ effundat in capita impenitentium. No-  
strum autem officium est vigilare pro grege Domini, & adueniente gladio om-  
nes nostra fidei commissas oues admonere in tempore, ne sanguis pereuntium re-  
quiratur de manibus nostris. Videbor ergo mihi operæ pretium facturum si collo-  
quar uobiscum, venerandi Symmysta & fratres charissimi, de officio nostro,  
periculoso hoc seculo ritè faciendo, ac de certa ratione qua exasperatam peccatis  
nostris Dei iram piè placemus. Scio quibus cum loquar, nempe cum peritissimis  
rerum diuinarum: breuitati ergo studebo.

Dubium non est quin propter peccata hominum irascatur iustissimus Domi-  
nus, unde consequens est unicam esse placandæ iræ diuinæ rationē, peccata ab-  
luere. Ea uerò non abluuntur nisi agnoscantur primùm, deinde deponantur per  
fidem & penitentiam. Proinde si volumus pro nostro officio sublatam à grege  
Domini iram & pœnas graues, peccata populi proferre & accusare, sed & fidē  
docere & penitentiam urgere oportebit. Dominus enim per Ezechielem, Et tu  
fili hominis an non iudicabis, inquit: an non iudicabis ciuitatē sanguinū? Indica  
ei cunctas abominationes suas, dicesq; O ciuitas effundens sanguinem in medio  
sui, ut tēpus eius appetat, & quæ idola fecit contra se ut pollueretur. In sangui-  
ne tuo quem effudisti deliquisti: & in idolis tuis quæ fecisti polluta es: & adduxi-  
sti dies tuos: ideo tradā te gentibus. En principes uiri tui quisq; pro uirili in hoc  
est ut sanguis effundatur. Patrem & matrem uilipenderunt in te. Peregrino  
qui est in medio tui fecerunt calumniam. Pupillum & uiduam afflixerunt in  
te. Sancta mea despexisti & sabbata mea prophanaasti. Viri doloſi fuerunt in te  
ut effunderent sanguinem. Et in montibus comederunt in te, atq; scelus medita-  
tum in te designarunt. Verenda patris in te retexit, pollutamq; mensibus in te hu-  
miliarunt, & quisq; cum uxore proximi sui abominanda designauit, quisq; nu-  
rum suam polluit abominando scelere, quisq; sororem suam filiam patris sui in

Protrahenda &  
accusanda sunt  
peccata hominū.



QVOMODO POSSIT IRATVS PECCA.

te humiliavit. Munera acceperunt in te ad effundendum sanguinem, & scelus  
sue excessum accepisti, & emolumentum tuum promouisti cum iniuria proxi-  
mi tui, atq; mei es oblita, dicit dominus Deus. Et ecce ego complofi manus meas  
super auaritia tua, quam percussisti, et super sanguines tuos qui fuerunt in me-  
dio tui. Num aut praualebis cum ego contra te insurrexero? Ego dissipabo te in  
gentes & dispergam te in nationes & finem faciā immunditia tua quae est in te.  
Hac uerbotum recensui hactenus ex Ezechiele, fratres, et hoc quidem libentius,  
quod ista generalē quandā nobis formulā exhibent non modò accusandi scelera,  
sed iudicandi etiā de sceleribus quae Deus maximè oderit, et quae acerrimè impe-  
ti velit. Cauendum enim nobis etiam atq; etiā ne duces caci culicem excolamus, e  
deglutiamus aut camelum: id est, minutulis erroribus & uitijs inhereamus ac-  
cusandis exagitandisq; transeamus aut scelera & flagitia enormia intactā.  
Ostendit ergo hic Ezechielis locus, iudicant & alij loci scripturae sanctae, quae nā  
sint maximè detestanda flagitia, illa nimirum quae recta tendunt in subuersio-  
nem gloriae Dei, in oppressionem iustitiae & sanctimoniae, deniq; in dissipationē  
charitatis. Scio horrenda illa flagitia non regnare (gratia domino) aut inueniri  
in singulis ecclesijs. Aliae alijs laborant morbis. Neq; utile est horrenda illa pro-  
ponere populo ubi non inueniuntur. Prudentis autem pastoris est diligenter di-  
spicere quid cuiq; congruat ecclesiae, quid sit honestum, utile ac necessarium. Id  
urgeat. Quae uerò non sunt damnata diuino in scripturis iudicio & cōtra mo-  
dò recensita capita non pugnāt, non sunt persequenda à nobis. Peccant enim gra-  
uiter, qui pro peccatis damnāt quae Deus ipse non dānauit. Vae his, inquit, Deo  
dilectus Isaias, qui dicunt malum bonum, & bonum malum, qui ponunt tene-  
bras lucem, & lucem tenebras, amarū dulce, & dulce amarum. Proinde nihil  
hic agendum nobis ex animi nostri arbitrio, sed iudicandum & agendū potius  
ex praescripto diuino. Cauendum praeterea ne more quorundam extenuemus sce-  
lera, sed ligonem, quod dicitur, ligonem, ficum ficum appellemus, & loquamur  
diserte, sed sobrie & uerecunde tamē. Absit quoq; fel amaritudinis & affectus  
carnis prauus. Absit petulātia linguae, absit dicacitas, obscenitas, scurrilitasq;  
ne videamur & decorum praeterire & maledicendi libidine laborare, non fer-  
uere zelo Dei, ueritatis et iustitiae. Intelligant equi auditores nos affectu pateri  
no obiurgare, ac seruandi studio, non perdendi, homines peccatores persequi, a-  
deoq; scelus magis quā personam scelerati persequi. Dicendi enim libertas in  
ecclesia ministrorum uerbi Dei, spiritus est ingenuitas, non affectati & liuore  
agrotantis libido. Nec omnia ministris licent, nec conducunt omnia. Proinde nul-  
li bono potest probari quorundam procax audacia scurrilisq; petulantia, qui non  
putant se suo fuctos officio, nisi plena cōiutorū plaustra citra q omnē modū et ius-  
dicium, effuderint exonerarintq; in miseros auditores. Huiusmodi rabulas non  
iuuant exempla prophetarum, quae praeteritis circumstantijs, non bene aptant.  
Sit autem increpatio aut obiurgatio ministrorū ueritatis prudens, potius quā  
audax,

Isaiz 5.

Modus accu-  
sandi scelera.



TIS NOSTRIS DEVS PLACARI.

audax, grauis & expensa, non leuis & effusa, ardeat non ira sed spiritus uehementia: sit uerecunda, modesta, iustaq; seueritate sanctè temperata, qua ipsa rei perspicuitate, euidentia & dignitate magis urgeat reum atq; constringat, quàm malorum uerborum copia pungat: hoc est, qua scelerum uiuaci demonstratione & rerum malarum indignitate uel enormitate reos magis uulneret, quàm scommatis & impuris dictis exasperet. Et quidem ualde commouentur homines, cum clarè intelligunt res quas designant tendere cōtra Deum, & in excidium proprij corporis, inq; eternum anima interitum.

Frustra autem nulloq; cum fructu accusauerimus scelera, nisi simul & fidem uerferimus ac pœnitentiam. Non placatur iratus Dominus ceremonijs quibusdam & rebus uulgaribus, protritit, ex traditione humana acceptis. Frustra me colunt, ait dominus, docentes doctrinas præcepta hominum. Imò indignissimè fert dominus, si pergamus cum illo redire in gratiam per cultum quendam Dei prepostetum. Clamat enim apud Ieremiam, Emendate uias uestras & studia uestra, tum efficiam ut habitetis in loco isto. Sed ecce uos confiditis in rebus nihili. Num furando, occidendo, adulteria committendo, perfidè iurando, sequendoq; deos alienos, audebitis nihilominus uenire in conspectum meum, in domo ista qua appellatur meo nomine, ac dicere, Liberati sumus, etiamsi cuncta hac abominanda fecimus? Num spelunca latronum facta est domus mea? Proinde repudiata doctrina falsa, discamus ex uerbo Dei qua Deo placeat conuersio, qua uera sit pœnitentia & fides. Ergo post acrem peccatorum increpationem per ministros uerbi Dei factam, flagitat uerbum ueritatis à pijs auditoribus, ut agnoscat ex animo obiecta peccata, qua designarunt contra legem Domini, confiteanturq; Deo omniscio & omnipotenti (cui omnium patent corda) tribuantq; Deo, qui uerax, sanctus & iustus est, omnem gloriam, ipsis autem mendacium, scelera & ignominiam. Nam sanctus Ioannes Apostolus & Euangelista, Si dixerimus, inquit, peccatum nō habemus, nosipso fallimus, & Deum facimus mendacem, nec ulla est in nobis ueritas. Apud Ieremiam quoque legimus, Cur bonam facis uiam tuam cum sit mala? Dicis innocens sum: at ego te iudico. An non inuenitur sanguis pauperum sub alis tuis? Et in Euangelio dicit Dominus, Si caci essetis, non haberetis peccatum: nunc uerò cum dicitis uidemus, idcirco peccatum uestrum manet. Ideoq; necessaria est ante omnia peccatorū agnitio & confessio. Praeit hac humiliationem corā Deo.

Quisquis enim peccata sua agnoscit ac Deo confitetur ex animo, non potest non humiliari coram Deo. Gemit, dolet, & suspiria imo ducit ex pectore. Pudet illum toties & tam indignis modis offendisse patrem benignissimum: ideoq; abiicit sese in pulueres ad pedes domini. Ita uerò peccatrix illa in urbe dominum in conuiuio sedentem accedens, & Petrus post abnegatum dominum iam ex atrio pontificis egrediens, prostrati coram domino, profusissimas profundunt lacrymas. Clamat Dauid, Sagitta tua in me defixa sunt, & depressa est in me manus tua. Nihil integrum est in carne mea propter indignationem tuam: non

Agnoscenda sunt ac confitenda peccata.

math. 15.

Daniel. 9. cap.

Humiliatioe & dolore opus.

## QVOMODO POSSIT IRATVS PECCA-

est pax osibus meis propter peccatū meum. Nam iniquitates transcendunt caput meum, & grauiore sunt pondere quā sim ferendo. Ego iniquitatem meā fateor, & ob peccatum meum solitor, sed & anima mea territa est vehementer. Defatigatus sum in gemitu meo, fluctuare facio tota nocte lectum meum, lachrymis meis liquefacio. Expressit his verbis grauem dolorem ex peccatorum agnitione conceptum enatumq̃, ac in ijs verum nobis vera humiliatio nis exemplum reliquit.

Credamus peccata nobis condonata esse propter Christum.

Neque verò fuerit satis agnoscere & confiteri peccata humiliariq̃ coram domino & dolere, nisi prater ea credamus peccata omnia nobis condonata esse propter Christum. Nam indoluit grauius Iudas propter proditum Christum: confessus est peccatum ingenuè, dicens, Peccaui, tradens sanguinem innoxium: imò pretium quoq̃ sanguinis acceptū à latronibus, restituit in templo, sed quia fide vera in dominum Iesum caruit, nihil dolor & professio profuit. Fides ergo docenda & urgenda erit imprimis, fides inquam qua credant penitentes remissa sibi esse peccata gratis propter Christum. Id quod apertis dei promissionibus & exemplis illustribus comprobare imò & demonstrare oportet. Nam fides ex auditu est, teste Apostolo, auditus autem per verbum Dei. Atque hoc agendum vel demonstrandum est tanto diligentius, quanto grauius tentatur hac in re fidelium animi. Ex lege & prophetis (licet in ijs sint copiosissima) nulla proferam testimonia, sed ex euangelicis duntaxat & Apostolicis literis, quae vnicè docent fidelibus gratis condonari peccata propter Christum. Clamat praeursor domini Baptista, digito in ipsum dominum Iesum extento, Ecce agnus Dei qui tollit peccatum mundi. Nam Ioannes apostolus dixit, Sanguis filij Dei emundat nos ab omni peccato. Ipse enim est propitiatio pro peccatis nostris, non pro nostris autem tantum, sed etiam pro peccatis totius mundi. Ipse verò dominus Iesus testificans de his dicit, Sicut exaltauit Moyses serpentem in deserto: ita oportet exaltari filium hominis, ut omnis qui credit in eum non pereat, sed habeat vitam aeternam. Paulus quoque apostolus testificatur & ait, Certus sermo & dignus quem modis omnibus amplectamur, quòd Iesus Christus venit in mundum ut saluos faciat peccatores. Nam & Petrus dixit, Christo omnes prophetae testimonium ferunt, quòd remissionem peccatorum accepturus sit per nomē eius quisquis crediderit in eum. Exempla verò remissionis gratuita et receptionis in gratiam Christi fidelium siue penitentium, innumera exhibet nobis scriptura praesertim euangelica. Huc enim pertinent exempla Matthaei, Zachaei, Peccatricis, Petri, Pauli, Latronis in cruce morientis, & multorum aliorum. Hac urgeat fidelis Christi minister in ecclesia constanter, ne quis mœrore absorptus & conscientia scelerum territus contabescat, desperet & conficiatur. Credat quisque sibi placatum esse patrem caelestem propter mortem, iustitiam, & redemptionem per Christum. Sola enim hac fide conceditur pax & tranquillitas perturbatis conscientijs.

Iean. 1.  
2. Ioan. 1. 2.

Ioan. 3.

1. Tim. 1.  
Agor. 10.

Caterum



TIS NOSTRIS DEVS PLACARI.

*C*eterum fides qua credit nobis propter Christum, patrem cælestem esse placatum, nec porro animaduersurum in nos propter delicta admissa, fides qua animos nostros serenat & tranquillās reddit conscientias, non omnem expectat sollicitudinem, neq. ullam inducit segnem inertiam, quin potius ad preces & ad omnia pietatis officia excitat. Credidit Abraham Deo, Verū ideo orare non desijt, imo quò certius se accepturum Dei promissiones credidit, hoc ardentius orauit. Minimè dubitauit Dauid se accepturū à domino quod hic ei promiserat, nihilo minus sine intermissione precatus est. Proinde admonendus erit nobis populus sedulò, ut nunquam desinat preces supplices effundere coram domino, quò ille misertus nostri propter Christum, auertat à nobis iram suam, fidem quoque veram donet & augeat, spiritu suo nos semper dirigat, deniq. ab omnibus liberet cū anima tum corporis nostri malis, pacem nobis & incolumitatem concedat: principibus & magistratui nostro donet sapientiā, prudentiam, fortitudinem, iustitiam & felicitatē. Cauendum erit tamē in precibus ne populus alium inuocet quàm solum Deum patrem per dilectum & unicū filium dominum nostrum Iesum Christum, ne sine fide & charitate inuocet. Qui enim dubitat in fide, non putet se quicquā accepturum. Et qui munus suum ad altare offert, prius recōcilietur cum fratre suo, quàm oblationem faciat. Retineat autem omnes in orandi studio quod in euangelio dixit dominus, Petite & dabitur vobis, quærite & inuenietis, pulsate & aperietur vobis. Quisquis enim petit accipit, et quicumque quærit inuenit, & pulsanti aperietur. An quisquam est, qui si filius eius petierit panem, lapidem daturus sit illi? aut si piscem petierit, num serpentem dabit illi? Si vos igitur cum sitis mali, nostis bona dare filiis vestris, quantò magis pater vester qui est in cælis dabit bona, si postulaueritis ab eo.

Fides excitat  
ad preces.

*L*icet verò beatus Ieremias oraret aliquando strenuè & assiduè pro populo domini, audit tamē à domino. Et tu ne oraueris pro populo isto, neq. attollas pro illis clamorem et deprecationē, neq. interuenias apud me: quoniam nequaquam te audiam. An tu non vides quid isti faciant in Urbe & in agro? Filij colligunt ligna, & patres incendunt ignem, uxores autē farinam aqua conspersam subigunt, ut placentas faciāt regina cæli, & alieni dijs fundant libamina, me verò ad iram prouocent. Proinde nemo putabit solis precibus licet prolixis aut frequentibus placari posse iram numinis, si illam interim irritare perrexerimus quotidianis flagitijs. Vrgeamus ergo populos nostræ commissos fidei, ut orent ardentè & indefinenter, simul autē & prauos mutēt mores: hoc est, deposita auaritia, usura, superbia, incestu, adulterijs, fornicatione, luxuria, ebrietate, crapula, blasphemijs, obrectatione, idololatria, superstitione, impietate, ira, inuidia, corrupto & venali iudicio, effusione sanguinis, militia mercenaria iniusta, oppressione & contemptu pauperum, Deo seruiant in Christo beneficentia, liberalitate, humilitate, pudicitia, castitate, continentia, sobrietate, ieiunijs, benedictione, gratiarum actione, religione, pietate, lenitate, beneuolentia, iudicio & iustitia,

Viuentem prauitatem sancte, iudicet & inculpat.



QVOMODO POSSIT IRATVS PECCA-

assertione & cura pauperum, fide, spe, charitate, amore patria, obedientia & spiritu, patientia & reliquis virtutibus. Verissimè enim pronunciauit sapientissimus mortalium Solomon, Qui aurem suam auertit ne audiat legem, eius precatio abominabilis est domino. Interim si faciamus omnia qua precepta sunt dicamus tamen, Serui inutiles sumus, quod debuimus facere fecimus. Sicuti docuit in Euangelio dominus. Credamus autem nos Deo propter Christum & merita Christi, non propter nos & propter merita nostra, Deo patri gratos atque acceptos esse.

Patientia & spe  
opus immota.

Postremo opus erit ad hac longanimi patientia & spe firma atque immota in omnibus periculis circumuenientibus nos, ne deficiamus à fide, ne vspiciā vacillamus in spe, aut spem nostrā figamus in res perituras. Occurrat ergo oculis omnium illa egregia domini apud Isaiā sententia: Sedendo & quiescendo seruabimini: in vacando siue cessando & fidendo erit robur vestrum. Sed non voluistis, quin dixistis, Nequaquā: sed equis effugiemus. Fugietis igitur et concidet spes vestra ut ruptura ruens. In presenti itaque commodè eripienda confringendaque sunt hominibus omnia presidia quibus ferè niti solet hoc seculum, ut omnibus rebus destituti & nudati à solo pendeant caelo: media tamen instrumentaque concessa aut etiam mandata vel non prohibita à Deo non aspernentur, his tamē non plus tribuant, quàm ipsa permittit tribuere pietas, his omnino per se non fidant. Nisi enim dominus custodierit ciuitatem, frustra vigilat qui custodit eam. Nisi dominus vires & consilia suffecerit senatui alioqui sapientissimo vel exercitui etiam robustissimo & instructissimo, in momento oculi interit, implicatur ac dispergitur veluti puluis à facie venti. Atque huc mirum in modum quadrauerit prophetia Abdia: Nam miro compendio docet minimè praua litura quibus fidebant Idumaei, non loca natura & arte munita, non sapientiā, non opes, non fœdera, non milites exercitatisimos. Nam apud Ieremiam quoque ait dominus, Non gloriatur sapiens in sapientia sua, neque gloriatur robustus in robore suo, neque gloriatur diues in diuitijs suis: sed in hoc gloriatur qui gloriatur, quod intelligat & cognoscat me, quod ego sum dominus qui facio in terra misericordiam, iudicium & iustitiam: quapropter & his unice delector.

Summa omnium.

Iam ut conferamus omnia in summā, quae hactenus contulimus vobiscū, venerandi charissimique symmystae & fratres, didicimus ex his omnibus iratū Deum peccatis nostris aliter placari nō posse, quàm si omnes agnoscamus & confiteamur peccata nostra quae nobis obijcit verbum dei, & quae contra Deum patrem nostrū designauimus: si humiliemur & ex animo doleamus corā domino Deo nostro: si non desperemus propter peccata, sed indubitatè credamus illa in uniuersum nobis ablata & cōdonata esse, nō propter nos aut propter merita nostra, sed propter Iesum Christū dominū nostrum saluatōrē totius mūdi, in quē omnia peccata mundi coaceruauit pater caelestis, quae etiā idem Dei filius expiavit in cruce: si denique perseueremus in supplicatione continua & precibus perpetuis,

TIS NOSTRIS DEVS PLACARI.

tuis, ac demum vera pœnitentia dignisq; pœnitentia fructibus, spe firma, dilectione non simulata, beneficentia, iustitia, sanctimonia, patientia & innocentia seruiamus Deo qui redemit nos & cui addicti sumus toti.

Hanc verò esse unicam euadendi mala quæ nobis impendent viam, hanc esse unicam placandi numinis irati rationem, testatur vniuersa scriptura vtriusque testamenti. Decreuerat Deus Niniuitas subuertere, curauitq; illam subuersionem in tempore per clarissimum prophetam Ionam Niniuitis prædicari, consignato etiam dierum 40. numero, quo expleto corrueret vrbis. Verùm ubi crederet Niniuita Deo, et pœnitentiã agerent, iugibusq; precibus clamarent ad dominum, pepercit pœnitentibus Deus ac seruauit eos. Quid quòd Iudæi impij & sacrilegis clamoribus ad crucem postularunt Iesum Christum dei filium saluatorem mundi? Verùm clamat & docet Petrus tantum nephas vera fide & fidei pœnitentia posse elui. Ne ergo dubitemus, fratres, de veritate tot & tam apertis asserta testimonijs.

Certissimam est hanc rationem.

Act. 3.

Scio quid contra hæc afferant quidam, frustra hæc inculcari de pœnitentia, quæ nihil sit effectura propter latam à Deo sententiam & propter decretum Dei immutabile, quo statuit nos excindere propter peccata. Caterum si scripturam propius inspiciamus, non loquitur ipsa adeo rigidè de decreto Dei. Nam apud Ieremiam hæc legimus verba, Repente loquar aduersus gentem & regnum ut eradicem & destruam & perdam illud: si verò pœnitentiam egerit gens illa à malo suo contra quod loquutus sum, agam & ego pœnitentiam super malo quod cogitavi ut facerem ei. Exemplum appositissimum iam iam adduxi ex Iona propheta de Niniuitis, contra quos lata fuerat sententia excidij, sed reuocabatur illa protinus, ad pœnitentiam Niniuitarum. Nam excidij decretum non alia erat latum condicione, quàm si manerent impœnitentes. Similis locus extat Deutero. 9. capite. Moses enim dicit, Proci di coràm domino quadraginta diebus & quadraginta noctibus, quoniam dixerat dominus quòd vellet vos delere. Oraui igitur ad dominum, ac placatus est furor eius. Proinde neminem à pœnitentia, vel precibus pertinacibus, retrahat decretum dei contra peccatores pronunciatum, quod ut immutabile est contra impios, ita nihil officit pœnitentibus.

De decreto Dei cōtra peccatores.

Ierem. 19.

Porro obijcientibus peccata patrum nostrorum, respondit iam olim Ezechiel in capite 18. Persequitur enim grauitè parabolam, quam suo quoque iactabant tempore contra pœnitentiam dicentes, Patres comederunt vnam acerbam & dentes filiorum obstupuerunt. Post longam verò disputationem tandem infert, Anima quæ peccauerit, ipsa morietur: filius non portabit iniquitatem patris, neque pater portabit iniquitatem filij: sed iustitia iusti erit super eum: & impietas impij erit super eum.

Peccata patrum pœnitentibus non officiunt.

Scio non omnes agere pœnitentiam commissorum scelerum. Ergone inanis erit pœnitentia fidelium? Legimus nō rarò parsum multis peccatoribus propter

Non est inanis pœnitentia fidelium.



QVOMODO POSSIT IRATVS PECCA

pauculos probos atque iustos. Præterea dicit dominus apud Isaiam disertè, Dis-  
cite iusto quòd bene ei erit, siquidem fructu studiorum suorum fruatur. Va im-  
pio malo, quoniam secundum opera manuum suarum rependetur ei. Ita enim  
educitur pe. angelos Lot iustus ex urbe Sodomorum, igni cælesti concrematur  
urbs scelerata cum omnibus inhabitantibus. Liberatur ex imminente periculo  
& ab Assyrijs iam urbem aggredi volentibus Ezechias rex fidelis, inglorius  
perit Sobna cæcellarius. Capitur & in captiuitatem abducitur rex Zedechias,  
liberatur à morte & libertate donatur Ieremias. Vnde verissimè dixit san-  
ctus Petrus, Nouit dominus pios à tentatione eripere, iniustos autem in diem iu-  
dicii puniendos seruire. Studeamus ergo virtutibus constanter. Non erit labor  
noster frustraneus. Si communi aliqua calamitate orbem uisitarit dominus  
propter enormia scelera atq; nephanda flagitia, non obliuiscetur timentium &  
inuocantium nomen eius, tametsi paribus cum impijs inuoluti malis, videantur  
similem cum impijs sortiri finem.

Impenitentes  
perunt.

Certum enim est, regnum aut rempublicam pænitere nesciam & impiam  
atq; contumacem, non posse diu subsistere. Nec proderit huiusmodi contemptori-  
bus Dei & legum diuinarum euangelica prædicatio. Rursus enim apud Ieres-  
miam dicit dominus, Subito loquar de gente & de regno ut adificem & plan-  
tem illud. Si fecerit malum in oculis meis ut non audiat vocem meam, pæni-  
tentiam agam super bono quod loquutus sum ut facerem ei. Nemo tamen cer-  
nens populum ad scelera procliuem ruere de peccato in peccatum, mox despons-  
deat animum. Si uideris multos pertinaci improbitatis studio perrumpere, in-  
durato & tu animum tuum, ac non segniore studio boni & uerite illis oppone.  
Hic enim memores simus oportet uerborum Apostoli dicentis, Oportet seruum  
domini placidum esse erga omnes, propensum ad docendum, tolerantem malos  
cum mansuetudine, erudiantem eos qui obsistunt, si quando det illis deus pæni-  
tentiam ad agnoscendum ueritatem, ut resipiscant è diaboli laqueo capti ab  
eo ad ipsius uoluntatem. Magna uerò sunt nobis proposita præmia, fratres, si  
fuerimus fideles & strenui: infidelibus & ignauis contra paratum est suppli-  
cium horrendum, cum perpetua ignominia. Vigilemus ergo & oremus. Semper  
obuersetur oculis & animis nostris hac domini nostri Iesu Christi doctrina, O  
quàm præstans res est fidelis seruus & prudens, quem præfecit dominus famulus  
litio suo ut det illis cibum in tempore. Beatus seruus ille, quem cum uenerit do-  
minus eius inuenerit sic facientem. Amen dico uobis, quoniam super omnia bo-  
na constituet eum. Quòd si dixerit seruus ille malus in corde suo, Cunctatur do-  
minus meus uenire, cæperitq; percutere conseruos, imò edere et bibere cū ebrijs,  
ueniet dominus serui illius, in die quo nō expectat & hora qua ignorat, et dis-  
secabit eum, partemq; eius ponet cum hypocritis: illic erit ploratus & stridor den-  
tium. Hac inquam semper obuersentur oculis & animis nostris. Oremus præte-  
rea, spiritum illum suum principalem nobis concedat, & in diem augeat, ut

eius

1. Tim. 2.

Matth. 24.



eius instinctu & ductu fideliter, prudenter & multo cum fructu faciamus officium nobis iniunctum à domino.

Ego certè ut meam operam vobis collocarem, iuuarem studia vestra, imò occasionem singulis praberem cogitandi & indagandi ampliora, scripsi sermones hos, non quibus verbotim uteretur quisque in sibi credita ecclesia. Opus est enim delectu & iudicio, ne videlicet dicamus aliena aut parum utilia & necessaria ecclesia nostra. Prudens pastor diligenter consideret quales sint mores sibi crediti populi, quæ illi maxime necessaria, ea verò illis proponat, semper spectans adificationem, fidem veram, pietatem, charitatem & innocentiam. Docendum enim & adhortandum, ut pia & sancta sit ecclesia, cui nos præsesse uoluit dominus. Ego formulas aliquot Sermonum propono, illis quoque gratificaturus qui hoc à me annis iam multis postularunt. In omnibus his & per omnia volo valere apud omnes lectores illam iustissimam Apostoli regulam, Omnia probate, quod bonum est tenete. Nec admodum curo eorum calumnias qui clamant huiusmodi Sermonibus segnes reddi fratres, sicuti quondam est factum cum legerentur sermones Discipuli & Pelbarti. Habeo enim pro me exemplum maximorum in ecclesia luminum, præstantissimorum inquam in ecclesia episcoporum, qui & ipsi non sine utilitate ecclesie conscripserunt Sermones & Homelias. Inertes semper manent inertes, etiamsi nihil prorsus scribatur. Præposui his symbola vetustissima cum antiquissimorum Conciliorum in ecclesia, tum patrum siue episcoporum maxime orthodoxorum, non alio consilio quàm ut manifestum facerem, doctrinam nostram ac fidem, quæ hodie apud multos pessimè audit & hærescos accusatur indignissimè, consensum habere cum doctrina apostolica & veteris ecclesie, quæ ab initio non aliud tradidit credendum & docendum quàm hodie in ecclesijs nostris credimus & docemus. Innocentius tertius eius nominis, ausus est primus plures attexere articulos quàm nobis exhibeant vetera Christiana fidei symbola. Extat eius symbolum in Decretalibus cap. Firmiter credimus. At tenuit ille sedem Romanam circa annum domini 1215. ediditq; symbolum ex concilio Lateranensi.

Vos autem quoniam scitis fratres cui credidistis, & quòd doctrina fidei nostræ Christiana, apostolica, catholica, orthodoxa & vera, antiqua & indubitata fides & doctrina est, perseverate in illa tenenda & docenda. Vincet in æternum veritas, quæ premi quidem potest, opprimi non potest. Veritas domini, ait propheta, manet in æternum. Et porta inferorum, ait dominus in Evangelio, non praualebunt aduersus eam, nimirum ecclesiam in petram collocatam, quam confessus est Petrus dicens, Tu es Christus filius Dei viui: & de qua Paulus disputans dicit, Petra autem erat Christus. Fundamentum enim aliud poni non potest, quàm quod positum est, quod est Christus Iesus. Nam & spiritus sanctus per prophetas prædixit, Ecce pono in Sion lapidem angularem seu fundamenti, electum, pretiosum: qui crediderit in eo, non pudebit.

QVOMODO POSSIT IRATVS PEC. &c.

Imponamus ergo huic fundamento Christo domino, qui alibi appellatur fundamentum prophetarum & apostolorum, populos aut ecclesias nostra fidei creditas, ut iuxta doctrinam beati Petri doctoris ecclesia nostra, ipsi quoque veluti vivi lapides adificemur, domus spiritualis, sacerdotium sanctum ad offerendum spirituales hostias acceptabiles Deo per Iesum Christum dominum nostrum. Id si bona fide fecerimus, nunquam deseret nos dominus. Siue enim uiuamus siue moriamur, erit dominus petra, merces, vita & retributio nostra.

Labores uero hosce meos benignè suscipite & boni consulite. Prodeu nbi uestro omnium nomine, quos amo ex animo, quibus inseruire cupio fideliter.

Valete memores semper horum Apostoli uerborum. Videte ministerium quod accepistis à domino ut illud impleatis. Tiguri

prima Martij, Anno domini 1549.

Vester ex animo frater & symmysta  
Heinrychus Bullingerus.



# DE QVATVOR VNIVERSALIBVS

SYNODIS SIVE CONCILIIS.

**A**TEMPORIBVS Apostolorum multa per uarias prouincias celebrata sunt Concilia. Ea tunc erant Synodi uel conuentus Episcoporum atq; sanctorum, coeuntium ad consultandū de seruanda puritate fidei, unitate doctrinæ, de disciplina atq; pace ecclesiarum. Non pauca huiusmodi exhibent nobis Epistolæ beati martyris Cypriani.

Prima uerò generalis siue uniuersalis Synodus conuocata dicitur ab Imperatore beatissimo Constantino in urbe Nicæa, anno Domini 324. contra Arrium & eius complices, negantes naturalē Domini nostri Iesu Christi deitatem. Ac conuenerunt ex omnibus quæ sub cœlo sunt nationibus Episcopi & uiri excellentiores 218. conscripseruntq; symbolum quod appellatur Symbolum Nicænum.

*Nicæna Synodus.*

Sufficiebat hætenus symbolum Apostolorum, & suffecisset ecclesiæ Christi etiam Constantini seculo. Confitentur enim omnes, omnes ecclesias non alio symbolo, quàm Apostolico (quod prima Decade & recitamus & exponimus) usas, eodemq; fuisse per totum terrarum orbem contentas. Quoniam uerò Constantini magni ætate emerfit impius & blasphemus Arrius, qui Christianæ fidei puritatē corrupit, & simplicitatem doctrinæ Apostolicæ peruertit, coacti sunt ipsa necessitate ecclesiarū ministri sese impostori opponere, ac symbolo edito ueram, id est ueterem fidei confessionem (damnata Arrii nouitate) declarando ex scripturis canonicis illustrare. Neq; enim & in alijs mox sequentibus tribus concilijs generalibus, editis symbolis, quicquam mutatum est in doctrina Apostolorum, neq; quicquam noui adiectum, quod prius ex scriptura sancta ecclesiæ Christi non habuerunt & crediderunt, sed corruptionibus nouitatibusq; hæreticorum antiqua ueritas illustrata per symbola prudenter, utiliter & religiose est opposita. Scriptura autem prophetica & Apostolica in hisce omnibus est fons, directio, regula & iudex: nihil hic suo permiserunt arbitrio patres. Ac significanter loquor de Symbolis illis priscis duntaxat, non etiam de omnibus constitutionibus aut canonibus: quibus tantum tribuimus quantum permittit scriptura canonica, quam confitemur unicum esse iudicandi, dicendi, agendiq; canonem.

Secunda Synodus generalis celebrata est Constantinopoli in urbe regia, sub imperio Gratiani Cæsaris, anno Domini 384. Conuenerunt in ea patres seu Episcopi, teste Prospero Aquitanico, 180. damnaruntq; Macedonium & Eudoxium, negantes spiritum sanctum esse Deum.

*Synodus Constantinopolitana.*



*Synodus Ephesina.*

At circa annum Domini 434. eo ipso anno quo beatus pater Augustinus excessit è uiuis, regnante Theodosio magno & religioso principe, Ephesi conuenit Synodus tertia sacerdotum plus minus 200. contra Nestorium, mysterium incarnationis lacerantem, docentemq; duos esse filios, Alium Dei, alium uerò hominis: quem & condemnauit unà cum multis Pelagianis qui cognatum sibi dogma iuuabant.

*Synodus Chalcedonensis.*

Quarta uniuersalis Synodus congregatur anno Domini 454. sub Martino pr.ncipe, Chalcedoni, conuenientibus patribus 630. qui secundum scripturas damnarunt Eutychem, confundentem naturas in Christo propter personæ unitatem.

Beda de ratione temporum, & alij scriptores multi, coniungunt quatuor his œcumenicis concilijs adhuc duas generales Synodos, quintam & sextam, Constantinopoli celebratas. Quinta enim sub Iustiniāno Imperatore conuenit contra Theodorum & omnes hæreticos, circa annum Domini 552. Sexta cōijt sub Constantino Constantis filio, anno Domini 682. Conuenerunt autem Episcopi 289. contra Monothelitas. Nihil tamen definitum est in his, quod non reperiatur in Symbolis superiorum quatuor conciliorum. Vnde ex his nihil annotaui.

Symbolum Nicænum ex historia Ecclesiastica & Tripartita.

**C**Redimus in unum Deum, patrem omnipotentem, omnium uisibilium & inuisibilium factorem. Et in unum Dominum Iesum Christum filium Dei, de patre natum unigenitum, id est, ex substantia patris, Deum ex Deo, lumen ex lumine, Deum uerum ex Deo uero, genitum non factum, *ἐκγεγεννημένον*, consubstantialem patri, per quem omnia facta sunt, quæ in cœlis & quæ in terra. Qui propter nos homines & propter nostram salutem descendit, incarnatus, humanatus (homo factus est,) Passus est, & resurrexit tertia die, ascendit in cœlos, uenturus iudicare uiuos & mortuos. Et in spiritum sanctum. Eos autem qui dicunt, Erat aliquando quando non erat, & antequam nasceretur non erat: & quia ex non ex tantibus (ex nihilo) factus est, aut ex altera substantia uel subsistentia, dicentes esse uel creatum uel conuertibilem uel mutabilem filium Dei, hos anathematizat sancta catholica & Apostolica ecclesia.

Symbolum Constantinopolitanum ex exemplari quodam Græcolat.

**C**Redo in unum Deum, patrem omnipotentem, factorem cœli & terræ, uisibilium omnium & inuisibilium.

Et in unum Dominum Iesum Christum filium Dei unigenitum, ex patre natum ante omnia secula, lumen ex lumine, Deum uerum ex Deo uero,

uero, genitum, non factum, consubstantiali patri per quem omnia facta sunt.

Qui propter nos homines & propter nostram salutem descendit de coelis, & incarnatus ex spiritu sancto & Maria uirgine, & homo factus est. Crucifixus etiam pro nobis sub Pontio Pilato, passus & sepultus est. Et resurrexit tertia die secundum scripturas. Et ascendit in coelos, & sedet ad dexteram Dei patris. Et iterum uenturus est cum gloria iudicare uiuos & mortuos, cuius regni non erit finis.

Et in spiritum sanctum Dominum uiuificantem, ex patre procedentem, & cum patre & filio coadorandum & conglorificandū. Qui loquutus est per prophetas in unam catholicam & Apostolicam ecclesiam,

Confiteor unum baptisma in remissionem peccatorum. Expecto resurrectionem mortuorum: & uitam uenturi seculi.

Fides vel confessio fidei Ephesinae Synodi.

**Q**uoniam per compendium hic omnia consignamus, non licuit copiosam S. Cyrilli ad Nestorium synodalem Epistolam, qua continetur decretum Ephesinae Synodi, describendo his inferere: de legi magis ex eiusdem Cyrilli Epistola 28. confessionem breuem in Synodum missam, ac à tota Synodo comprobata. Præmittuntur confessioni hæc uerba, Quemadmodum initio ex diuinis scripturis & sanctorum patrum traditione accepimus, breuiter dicemus, nihil omnino fidei in Nicæa à sanctis patribus expositæ addentes. Hæc enim sufficiens est cum ad omnem pietatis cognitionem, tum ad cuiusuis hæreticæ prauitatis abdicationem. Paulo autem post hæc ponitur confessio in hæc uerba,

Confitemur Dominum nostrum Iesum Christum filium Dei unigenitum, Deum esse perfectum & hominem perfectum, ex anima rationali & corpore, ante secula quidem ex patre secundum diuinitatem, postremis uero diebus eundem ipsum propter nos & propter nostram salutem ex Maria uirgine, secundum humanitatem natum. Duarum siquidem naturarum facta est unio. Quapropter & unum Christum, unum filium, & unum Dominum confitemur. Et secundum hunc inconfusæ unitatis intellectum, sanctam uirginem Deiparam esse confitemur: propterea quod Deus uerbum incarnatus & homo factus est, & ex ipsa conceptione acceptum ex ea templum sibi ipsi adunauit. Euangelicas uero & Apostolicas de Domino uoces, scimus uiros theologos, tanquam ad unam personam pertinentes, ratione duarum naturarum, diuidere, & alias quidem, utpote diuinitati competentes, ad diuinitatem Christi, alias uero humiles, ad illius humanitatem referre.



CHRISTIANAE FIDEI.

Huic confessioni Cyrillus hæc subiungit uerba, Cum sacras istas uestras uoces legissemus (nimirum in Synodo in quam missa erat confessio) nosq; ipsos etiam ad hunc modum sentire deprehendissemus (unus enim Dominus, una fides, & unum baptisma (glorificauimus omniū seruatores Deum, mutuò nobis congratulantes, quòd ecclesiæ cum nostræ tum uestræ fidem habent diuinis scripturis & tradiuioni sanctorum patrum conuenientem,

Confessio fidei Chalcedonenſis Synodi, ex libro Iſidori.

Post recitata Symbola Nicenæ & Constantinopolitanę Synodorum, & interiectis uerbis aliquot, innox in hæc uerba definit sancta Chalcedonenſis Synodus.

Consentientes itaq; sanctis patribus, unum eundemq; filium confiteri Dominum nostrum Iesum Christum consona uoce edocemus, pariter perfectum eundem in deitate Deum, & hominem uerum eundem ex anima rationali & corpore: secundum diuinitatem unius cum patre naturæ: secundum humanitatem eundem unius naturæ nobiscum, per omnia similem nobis, absque peccato. Ante secula quidem ex patre natum secundum diuinitatem: in nouissimis uerò diebus eundem propter nos & propter nostram salutem hominem factum. Hunc unum eundemq; Christum filium Dominum unigenitum \* in duas naturas inconfuse, immutabiliter, indiuisè, inseparabiliter cognoscendum, in nullo naturarum differentias propter unitatē perimendas, magis autem salua utriusq; naturæ proprietate, \* & in una coeunte persona unoq; statu concurrente, nō in duabus personis partiendum uel diuidendum, sed unum eundemq; filium unigenitum Deum uerbum Dominum Iesum Christum: sicut ab exordio prophetæ de eo, & ipse nos erudiuit, & nobis patrum tradidit Symbolū. His ergo cum omni undiq; diligentia & sollicitudine à nobis ordinatis, statuit sancta & uniuersalis Synodus, aliam fidē nulli licere profiteri, aut scribere, aut docere, aut dicere aliter.

\* in duabus naturis.

\* & in unam personam & in unam substantiam concurrentem.

Decretum Synodi Chalcedonenſis non pugnare cum doctrina beati Cyrilli Episcopi ex 5. lib. sancti Vigiliij martyris contra Eutychen.

Sed iam ultimū decreti capitulum uideamus ex Decreto Synodi Chalcedonenſis. Vnum eundemq; Christum Dominum unigenitum (confitemur (in duabus naturis inconfuse, inconuertibiliter, indiuisè, inseparabiliter cognoscendum, nusquam duarum naturarum diuersitate euacuata propter unionem, salua magis proprietate utriusq; nature, in unam personam atque substantiam conuenientibus, non ut in duas personas diuisum



diuisum aut segregatum, sed unum eundemq; unigenitum filium Deum uerbum Dominum Iesum Christum.

In hoc capitulo hoc eis displicet quod dixerunt, Salua proprietate utriusque naturæ: uel, Non euacuata naturarum differentia: quæ ut firma esse perdoceant, consuetæ uerborum prolixitate & inani assertionē usentes, multa de Cyrilli capitulis interponunt testimonia, quibus ille in Christo non duas negat naturas, sed unam docet esse personam. Ne igitur soli eos nostra disputatione refutemus, Cyrilli etiam nos uerba ponamus, ut quomodo Cyrillo teste nituntur, Cyrillo teste uincantur. Ex Synodicis Cyrilli ad Nestorium literis hæc sunt, Non enim dicimus, Inquit, quod diuina natura conuersa uel immutata facta sit caro, nec quod in totum hominem, quod ex anima est & corpore, transformata sit, sed illud magis quod carnem animatam rationabile sibi copulauerit uerbum substantialiter, ineffabiliter & indeprehensibiliter factus sit homo, & nuncupatus sit etiam filius hominis, non nudæ tantummodo uoluntatis, sed nec assumptione sola personæ, sed quod diuersæ quodam modo naturæ in unum conuenerint. Vnus tamen ex ambabus Christus & filius, non euacuata aut sublata diuersitate naturarum, per coniunctionem, sed quia simul effecerunt nobis unum Dominum & Christum & filium, id est diuinitas & humanitas per arcanam illam ineffabilemque copulationem ad unitatem. Quid hoc manifestius? quid clarius ad consonantiam Synodici decreti Chalcedonensis ex literis Cyrilli potuit demonstrari? Ecce nec dicta dictis, nec sententiæ sententijs aduersantur, sed sicut uno fidei sensu, ita si idem penè usi sunt uerbis. Dixit sancta Synodus, Nulquam duarum naturarum diuersitate euacuata. Dixit beatus Cyrillus, Non euacuata aut sublata diuersitate naturarum per coniunctionem. Dixit sancta Synodus, Vtrisque naturis in una persona conuenientibus. Dixit beatus Cyrillus, Non nudæ tantummodo uoluntatis, sed nec assumptione sola personæ, sed quod diuersæ quodammodo naturæ in unum conuenerint. Dixit sancta Synodus, Non in duas personas diuisum, sed unum eundemq; Christum. Dixit beatus Cyrillus, Vnus tamen ex ambabus, id est, naturis Christus filius. Et iterum, Sed quia simul nobis effecerunt unum Dominum Christum & filium, id est, diuinitas & humanitas, &c.

Symbolum Toletani Concilij primi, regnantibus Honorio & Arcadio, ex libro Isidori.

Circa annum domini 400.

**C**Redimus in unum uerum Deum, patrem omnipotentem & filium & spiritum sanctum, uisibilem & inuisibilem factorem, per quem omnia facta sunt in coelo & in terra: unum Deum & unam esse diuinæ

substantiæ trinitatem. Patrem autem non esse filium ipsum, sed habere filium, qui pater non sit. Filium non esse patrem, sed filium Dei de patris esse natura. Spiritum quoque esse paracletum, qui nec pater sit ipse, nec filius, sed à patre filioque procedens. Est ergo ingenuus pater, genitus filius, non genitus paracletus, sed à patre filioque procedens. Pater est cuius uox hæc audita est de cœlis, Hic est filius meus dilectus, in quo mihi bene com placui; ipsum audite. Filius est qui ait, Ego à patre exiui & à Deo ueni in hunc mundum. Paracletus est spiritus de quo filius ait, Nisi ego abiero ad patrem, paracletus non ueniet. Hanc trinitatem personis distinctam, substantia unicam, uirtute & potestate & maiestate indiuisibilem, indifferenter, præter hanc nullam credimus diuinam esse naturam, uel angeli, uel spiritus, uel uirtutis alicuius quæ Deus credatur.

Hunc ergo filium Dei, Deum genitum à patre ante omne omnino principium, sanctificasse uterum uirginis Mariæ, atque ex ea uerum hominem sine uirili generatum semine suscepisse, duabus duntaxat naturis, id est, deitatis & carnis, in unam conuenientibus omnino personam, id est, Dominum nostrum Iesum Christum. Nec imaginarium corpus aut phantasmatis alicuius in eo fuisse, sed solidum atque uerum, hunc & esurisse, & sitisse, & docuisse, & fleuisse, & omnes corporis iniurias pertulisse. Postremo à ludæis crucifixum & sepultum, & tertia die resurrexisse, conuersatum postmodum cum discipulis suis, & quadragesima post resurrectionem die ad cœlum ascendisse. Hunc filium hominis etiam filium Dei, & filium Dei & filium hominis appellamus.

Resurrectionem uero futuram humanæ credimus carnis; animam autem hominis non diuinæ esse substantiæ aut Dei patris, sed creaturam Dei uoluntate creatam.

*Symbolum Toletani Concilij quarti, ex libro Isidori.*

**Q**uemadmodum à sanctis patribus accepimus patrem & filium & spiritum sanctum unius Deitatis atque substantiæ, confitemur in personarum diuersitate trinitatem credentes, in diuinitate unitatem prædicantes, nec personas confundimus, nec substantiam separamus. Patrem à nullo factum uel genitum dicimus: filium à patre non factum, sed genitum asserimus; spiritum sanctum uero nec creatum nec genitum, sed procedentem ex patre & filio profiteamur. Ipsum autem Dominum Iesum Christum Dei filium & creatorem omnium ex substantia patris ante secula genitum descendisse ultimo tempore pro redemptione mundi à patre, qui nunquam desinit esse cum patre. Incarnatus est enim ex spiritu sancto & gloriosa sancta Dei genitrice uirgine Maria, & natus ex ipsa solus



solus idem Dominus Iesus Christus, unus in sancta trinitate, anima & carne perfectus, sine peccato suscipiens hominem, manens quod erat, assumens quod non erat: æqualis patri secundum diuinitatem, minor patre secundum humanitatem, habens in una persona duarum naturarum proprietatem. Naturæ enim in illo duæ, Deus & homo. Non autem duo filij uel duo dij, sed idem una persona in utraq; natura perferens passionem & mortem pro nostra salute: non in uirtute diuinitatis, sed in infirmitate humanitatis. Descendit ad inferos, ut sanctos qui ibi tenebantur erueret. Et deuicto mortis imperio resurrexit. Assumptus in coelos, unde uenturus est iudicare uiuos & mortuos. Cuius morte & sanguine mundi dati remissionem peccatorum consequuti sumus, resuscitandi ab eo in die nouissima, in ea qua nunc uiuimus carne, in ea qua resurrexit idem Dominus forma, percepturi ab ipso, alij pro iustitiæ meritis uitam æternam, alij pro peccatis supplicij æterni sententiam. Hæc est ecclesiæ Catholicæ fides, hanc confessionem seruamus atq; tenemus, quam quisquis firmissimè custodierit, perpetuam salutem habebit.

Expositio fidei seu prædicationis euangelicæ & apostolicæ ueritatis, per beatum martyrem Irenæum, ex libro eius 1. capite 2. contra Valent.

Circa annum  
domini 185.

**E**cclēsia per uniuersum orbem usq; ad fines terræ dispersa, ab apostolis & ipsorum discipulis eam accepit fidem, quæ est in unum Deum patrem omnipotentem, qui fecit coelum & terram, mare & omnia quæ in eis sunt. Et in unum Iesum Christum filium Dei incarnatum pro nostra salute. Et in spiritum sanctum, qui per prophetas prædicauit dispensationis mysterium & aduentum, & ex uirgine natiuitatem et passionem & resurrectionem ex mortuis, & in carne ad coelos ascensionem dilecti Iesu Christi Domini nostri; & ipse est cœlis in gloriâ patris aduentum ad instauranda omnia & resuscitandam omnem humani generis carnem, ut Christo Iesu Domino nostro, & Deo, & saluatori, & regi, iuxta uoluntatem patris inuisibilis, omne genu flectatur cœlestium & terrestrium ac infernorum, & omnis lingua confiteatur ipsi, & iudicium iustum in omnibus faciat: & spiritalia quidem nequitiei & angelos transgressores ac desertores factos, & impios ac iniustos, & iniquos & blasphemos homines in æternum ignem mittat: iustis uero & sanctis & qui mandata eius seruauerunt & in dilectione eius permanserunt, partim ab initio, partim ex pœnitentia, uitam largitus, incorruptibilitatem donet & gloriam æternam tribuat.

Hanc prædicationem & hanc fidem, ecclesia, uelut dixi, adepta, quam per totum orbem dispersa, diligenter conseruat, quasi unam do-

## CHRISTIANAE FIDEI.

num inhabitans, & similiter his credit uelut unam animam & idem cor habens, & consonè hæc prædicat & docet ac tradit uelut uno ore prædica. Nam lingue in mundo dissimiles sunt, uerùm uirtus traditionis una & eadem est. Neq; in Germania fundatæ ecclesiæ aliter credunt aut aliter tradunt; neq; in Hispanijs, neq; in Celtis, neq; in Oriente, neq; in Aegypto, neq; in Lybia, neq; hæc quæ in mundo constitutæ sunt: sed quem admodum sol creatura Dei, in toto mundo unus & idem est, sic etiam prædicatio ueritatis ubique lucet & illuminat omnes homines ad cognitionem ueritatis uenire uolentes. Et neq; qui ualde potens est in dicendo, ex ecclesiæ præfectis, alia ab his dicet. Nemo enim est super magistrum. Neq; debilis in dicendo hanc traditionem imminuet. Cum enim una & eadem fides sit, neq; is qui multum de ipsa dicere potest, plus quam oportet dicit; neq; qui parum, ipsam imminuit.

Lege præterea eiusdem lib. 3. contra Valent. cap. 4. & uidebis ipsum Traditionis apostolicæ uocabulo intelligere Symbolum apostolorum.

*Circa annum  
domini 310.*

*Regulæ fidei secundum Tertullianum, ex libro eius de Præscriptionibus hæreticorum.*

**R**egula est autem fidei, ut iam hinc quid credamus profiteamur, illa scilicet qua creditur unum omnino Deum esse, nec alium præter mundi creatorem, qui uniuersa de nihilo produxerit per uerbum suum primò omnium emissum. Id uerbum filius eius appellatum, in nomine Dei uariè uisum patriarchis, in prophetis semper auditum, postremò delatum ex spiritu patris Dei & uirtute, in uirginem Mariam, carnem factum in utero eius & ex ea natum, egisse Iesum Christum, exinde prædicasse nouam legem, & nouam promissionem regni cælorum, uirtutes fecisse, sedisse ad dexteram patris, fixum cruci, tertia die resurrexisse: in cælos ereptum, sedere ad dexteram patris, misisse uicariam uim spiritus sancti qui credentes agat: uenturum cum claritate ad sumendos sanctos in uitæ æternæ & promissorum cælestium fructum: & ad prophanos iudicandos igni perpetuo, facta utriusque partis resurrectione cum carnis restitutione.

Hæc regula à Christo, ut probabitur, instituta, nullas habet apud nos quæstiones, nisi quas hæreses inferunt & quæ hæreticos faciunt.

*Circa annum  
domini 333.*

*Symbolum beati Athanasij Alexandrini episcopi, ex libris eius.*

**Q**uicumq; uult saluus esse, ante omnia opus est ut teneat catholicam fidem, quam nisi quisq; integram inuiolatamq; seruauerit, absque dubio in æternum peribit.

Fides



Fides autem catholica hæc est, ut unum Deum in trinitate, & trinitatem in unitate ueneremur: neque confundentes personas, neque substantiam separantes.

Alia est enim persona patris, alia filij, alia spiritus sancti: sed patris & filij & spiritus sancti una est diuinitas, æqualis gloria, coæterna maiestas.

Qualis pater, talis filius, talis spiritus sanctus. Increatus pater, increatus filius, increatus spiritus sanctus. Immensus pater, immensus filius, immensus spiritus sanctus. Aeternus pater, æternus filius, æternus spiritus sanctus. Et tamen non tres æterni, sed unus æternus: sicut non tres increati, nec tres immensi, sed unus increatus & unus immensus.

Similiter omnipotens pater, omnipotens filius, omnipotens spiritus sanctus. Et tamen non tres omnipotentes, sed unus omnipotens. Ita Deus pater, Deus filius, Deus spiritus sanctus. Et tamen non tres dii, sed unus est Deus. Ita Dominus pater, Dominus filius, Dominus spiritus sanctus. Et tamen non tres Domini, sed unus est Dominus.

Quia sicut sigillatim unamquamque personam Deum aut Dominum confiteri Christiana ueritate compellimur: ita tres deos aut dominos dicere catholica religione prohibemur.

Pater à nullo est factus, nec creatus, nec genitus. Filius à patre solo est, non factus nec creatus, sed genitus. Spiritus sanctus à patre & filio non factus nec creatus nec genitus, sed procedens. Vnus ergo pater, non tres patres: unus filius, non tres filij: unus spiritus sanctus, non tres spiritus sancti.

Et in hac trinitate nihil prius aut posterius, nihil maius aut minus: sed totæ tres personæ coæternæ sibi sunt & coæquales. Ita ut per omnia, sicut iam dictum est, & unitas in trinitate, & trinitas in unitate ueneranda sit. Qui uult ergo saluus esse, ita de trinitate sentiat.

Sed necessarium est ad æternam salutem, ut incarnationem quoque Domini nostri Iesu Christi fideliter credat. Est ergo fides recta, ut credamus & confiteamur, quia Dominus noster Iesus Christus, Dei filius, Deus & homo est.

Deus est ex substantia patris ante secula genitus: & homo ex substantia matris in seculo natus. Perfectus Deus, perfectus homo, ex anima rationali & humana carne subsistens. Aequalis patri secundum diuinitatem, minor patre secundum humanitatem.

Qui licet Deus sit & homo, non duo tamen, sed unus est Christus. Vnus autem non conuersione diuinitatis in carnem, sed assumptione humanitatis in Deum. Vnus omnino non confusione substantiæ, sed unitate personæ. Nam sicut anima rationalis & caro unus est homo, ita Deus & homo unus est Christus.

CHRISTIANAE FIDEI.

Qui passus est pro salute nostra: descendit ad inferos, tertia die resurrexit à mortuis. Ascendit ad coelos: sedet ad dexteram Dei patris omnipotentis: inde uenturus est iudicare uiuos & mortuos.

Ad cuius aduentum omnes homines resurgent cum corporibus suis, & reddituri sunt de factis proprijs rationem. Et qui bona egerunt, ibunt in uitam æternam: qui uerò mala, in ignem æternum.

Hæc est fides catholica, quam nisi quisque fideliter firmiterque crediderit, saluus esse non poterit.

*Circa annum  
domini 376.*

Symbolum beati Damasi Romani episcopi, ex 2. tomo operum  
S. Hieronymi.

**C**Redimus in unum Deum patrem omnipotentem, & in unum Dominum nostrum Iesum Christum dei filium, & in spiritum sanctum; Deum non tres deos, sed patrem, filium & spiritum sanctum, unum Deum colimus & confitemur: non sic unum Deum quasi solitarium, nec eundem qui ipse sibi pater sit, ipse & filius: sed patrem esse qui genuit, & filium esse qui genitus sit: spiritum uerò sanctum non genitum neque ingeneratum, non creatum neque factum, sed de patre filioque procedentem, patri & filio coæternum & coæqualem & cooperatorem: quia scriptum est, Verbo Domini coeli firmati sunt, id est, à filio Dei, & spiritu oris eius omnis uirtus eorum. Et alibi, Emitte spiritum tuum & creabuntur, & renouabis faciem terræ. Ideoque in nomine patris & filij & spiritus sancti unum confitemur Deum, quod nomen est potestatis non proprietatis. Proprium nomen est patri Pater: & proprium nomen est filio Filius: & proprium nomen spiritui sancto Spiritus sanctus. In hac trinitate unum Deum colimus, quia ex uno patre quod est, unius cum patre naturæ est, unius substantiæ & unius potestatis. Pater filium genuit non uoluntate, nec necessitate, sed natura.

Filius ultimo tempore ad nos saluandos & ad implendas scripturas descendit à patre, qui nunquam desijt esse cum patre. Et conceptus est de spiritu sancto, & natus ex uirgine: carnem & animam & sensum, hoc est, perfectum suscepit hominem, nec amisit quod erat, sed coepit esse, quod non erat, ita tamen ut perfectus in suis sit, & uerus in nostris. Nam qui Deus erat, homo natus est, & qui homo natus est, operatur ut Deus: & qui operatur ut Deus, ut homo moritur: & qui ut homo moritur, ut Deus resurgit. Qui deuicto mortis imperio cū ea carne qua natus & passus & mortuus fuerat & resurrexit, ascendit ad patrem, sedetque ad dexteram eius in gloria, quam semper habuit & habet. In huius morte & sanguine credimus emundatos nos: & ab eo resuscitandos die nouissimo  
in hæ



S Y M B O L A.

in hac carne qua nunc uiuimus. Et habemus spem nos consequuturos  
præmium boni meriti, aut poenam pro peccatis æterni supplicij. HAEC  
lege, hæc crede, hæc retine, huic fidei animam tuam subiuga, & uitam con-  
sequeris & præmium à Christo. E A D E M docuit & credidit cum bea-  
to Athanasio & Damaso S. Petrus episcopus Alexandrinus, sicut colligi *Petrus Alexan-  
drinus episcopus  
pau.*  
potest ex Tripartitæ historiæ lib. 7. cap. 37. & lib. 8. cap. 14.

Decretum Imperatorium de fide Catholica, ex Tripartitæ historiæ  
libro 9. cap. 7.

*Circa annum  
domini 382.*

**I**Mpp. Gratianus, Valentinianus, & Theodosius Aug. populo urbis  
Constantinopolitanæ: Cunctos populos, quos clementiæ nostræ re-  
git imperium, in ea uolumus religione uersari, quam diuinum Petrum  
apostolum tradidisse Romanis religio usque nunc ab ipso insinuata de-  
clarat, quamq; pontificem Damasum sequi claret & Petrum Alexandriae  
episcopum, uirum apostolicæ sanctitatis: hoc est, ut secundum Apostoli-  
cam disciplinam euangelicamq; doctrinam, patris & filij & spiritus san-  
cti unam deitatem sub pari maiestate & sub pia trinitate credamus. Hanc  
legem sequentes, Christianorum catholicorum nomen iubemus ample-  
cti: reliquos uerò dementes uæsanosq; iudicantes, hæretici dogmatis in-  
famiam sustinere, diuina primùm uindicta, post etiam motus animi no-  
stri, quem ex coelesti arbitrio sumpserimus, ultione plectendos. *Catholici,  
Hæretici.*

Data 3. Calendas Martias Theffalonicæ, Gra-  
tiano 5. Valent. & Theod.  
Aug. Coss.

F I N I S.

18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 8

BeG 2115



# INDEX CONTINENS POTISSIMA CA

PITA, QUAE IN HISCE SERMONIBVS TRACTANTUR, secundum Decades digestus. Significat autem praefixa nota numerum Sermonum.

## DECADIS PRIMAE LOCI.

**D**E Verbo Dei, eius origine, auctoritate, progressu, praestantia & virtute.

3 De sensu & legitima expositione Verbi Dei.

4 De Fide vera, quid sit, unde oriatur, & quae fidei virtus.

5.6 Expofitio brevis sed dilucida Symboli apostolorum vel XII. articulorum Christianae fidei.

8 De Incarnatione filij Dei, passione, resurrectione & ascensione in caelos, & sessione ad dexteram patris, denique de iudicio eius extremo.

9 De resurrectione mortuorum vera.

10 De Dilectione Dei & proximi.

## DECADIS SECVNDAE LOCI.

1 De lege naturae, divina, & humana.

2 Expofitio brevis sed perspicua Decalogi. De imaginibus.

3 De iureiurando.

4 De Sabbato & eius religiosa observatione.

5 De Honorandis parentibus et ijs qui loco parentum sunt.

6 De Magistratu, eius origine, speciebus, electione aut constitutione & officijs.

An cura religionis ad magistratum pertineat.

7 De Legibus magistratus.

8 De iudicio & iudicis officio.

An liceat magistratui fontes caedere.

An propter religionem possit punire.

An liceat magistratui bellum gerere.

An Christianus magistratum gerere possit

De subditorum officio.

10 De coniugio, contra adulterium, libidines vagas, omnemque intemperantiam.

De Continentia & Ieiunio.

## DECADIS TERTIAE LOCI.

1 De proprietate rerum iusteque parandis possidendis & usurpandis facultatibus terrenis.

2 De Restitutione eorum quae iniuste parata sunt.

De Beneficentia.

3 De Calamitatibus & miserijs causisq; earum

De Patientia, spe, & consolatione fidelium.

4 De mendacio & alijs linguae vitijs.

De Concupiscentia.

5 De Ceremonijs & legibus Iudaeorum ceremonialibus.

De Sacerdotio Iudaico, eius origine, ordine, officio, & omnium istorum significatione.

De loco sacro seu Tabernaculo & Templo, eorumque significatione.

De ijs quae fuerunt in Tabernaculo et templo, utpote arca foederis, mensa, candelabro, ara, similiaque, & eorum significatione.

De Templo sacro, hoc est, de ferijs vel festiuitatibus populi Dei, earumque significatione.

6 De Sacramentis Iudaeorum, de Circumcisione inquam & foedere Dei sempiterno.

De Agno paschali & eius mysterijs.

De Sacrificijs, eorum origine, generibus, ritibus, ratione & mysterijs.

De Votis & Nazaræis.

De Mundis & immundis, ciborumque, delectu.

7 De Legibus Iudicialibus Iudaeorum.

De Vsu, effectu, & impletione legis dei.

De Abrogatione legis Dei.

De Decreto Apostolico edito ex Concilio Hierosolymitano, ex 15. Actuum Apostolorum.

De similitudine & differentia veteris & noui testamenti ac populi.

9 De Libertate Christiana, eius vero usu et abusu.

De Scandalo.

De Bonis operibus.

Nō iustificare bona opera hominem Christianum, sed duntaxat fidem in Christum.

Quomodo tribuat scriptura iustificationē bonis operibus.

De argumentis quae videntur operibus attribuire iustificationem.

De Meritis & praemijs bonorum operum.

De Peccato & eius origine vera.

De Originali peccato.

De Peccato actuali, peccatiq; speciebus varijs.

De Peccato in spiritum sanctum.

De iusto & certo peccatorum supplicio.

- 1 De Euangelio & gratia dei.  
In solo Christo omnem salutem & plenitudinem fidelibus esse exhibitam.  
Fide Christum recipi, & quis sit modus iustificationis Christiani hominis.  
Quare doctrinam de fide absq; operibus iustificante synceram in ecclesia retineri oporteat.
- 2 De Poenitentia.  
De timore & dolore poenitentium.  
De Confessione peccatorum.  
Contra auricularem confessionem peccatorum.  
De satisfactione operum.  
De indulgentijs Rom.  
De Veteri & nouo homine.  
De Viribus hominis.  
De fructibus poenitentia dignis, & ijs quæ necessaria sunt poenitentibus.
- 3 De Deo & eius cognitione uera, varijsq; cognoscendi modis.  
Vnum esse Deum essentia, personis trinū.
- 4 De Creatore rerum omnium & providentia Dei.  
De Prædestinatione Dei.  
De solo deo adorando.  
De solo deo inuocando.  
De vnico apud deum intercessore Domino nostro Iesu Christo.  
De solo deo colendo.  
De vera religione & de superstitione.
- 6 Iesum Christum dei filium ab æterno genitū patri esse consubstantialē per omnia, deum verum.  
De vera Christi humanitate & rationali eius anima.  
Christum vtrasq; naturas & diuinam & humanam retinere impermixtas.  
Christū in vna persona indiuisum manere.
- 7 Christum esse regem vniuersorum.  
De regno Christi.  
Christū esse Pontificem maximū et vnicū.  
De sacerdotio Christi.  
De nomine Christiano.
- 8 De Spiritu sancto & eius virtute.
- 9 De angelis dei sanctis eorumq; officijs.  
De Cacodæmonibus seu spiritibus immundis.
- 10 De anima hominis rationali.  
De anima separata à corpore et eius immortalitate.  
Animas separatas à corporibus nō purgari igni purgatorio.  
De certissima salute animarum morā ab ipsa corporis morte succedente.

- 1 De sancta catholica ecclesia, quid sit, vnde oriatur & quā latē pateat.  
De veris ecclesijs dei notis.  
An errare possit ecclesia dei.  
De potestate & studijs ecclesijs.
- 2 Vnam esse sanctam catholicam ecclesiam.  
Contra schismata & schismaticos.  
Quis sit hæreticus vel schismaticus.  
De defectione Euangelio credentium à mīpera illa non prisca Rom. ecclesia.  
Ecclesijs veræ præstātia, & laus, caput et corpus, &c.
- 3 De ministerio & ministris verbi dei, eorū origine & cōgnitate.  
Quos instituerit ordines in ecclesia sua Dominus.  
Aequales esse episcopos & presbyteros, & vnde prærogatiua episcoporum.  
An vtile sit & necessariū vnum aliquem omnibus præeminere pastoribus.
- 4 De vocatione ad ministerium & vocationis generibus.  
Qui eligere debeant ministros in ecclesia et quales.  
Quomodo vocati sint initiandi.  
Quod nā sit officiū ordinatorū in ecclesia.  
De clauibus regni cœlorum in ecclesia.  
De ratione docendi ecclesiam.  
De vita sancta et auctoritate vera pastorum ecclesijs.
- 5 De modo & ratione orandi deum.  
Quid oratio & quæ eius species.  
De Cœtibus sacris.  
Quis inuocandus sit & per quem inuocare oporteat.  
Quibus facultatibus oporteat esse instructū eum qui oraturus est.  
Quando, vbi, quo habitu, quid & qua lingua sit orandum.  
De cantu ecclesiastico & horis canonicis.  
Quomodo sit orandum.  
Expositio orationis Dominicæ brevis et luculenta.
- 6 De gratiarum actione.  
De virtute orationis.  
De signis & signorum ratione.  
De sacramentis Christi & ecclesijs. Quid sacramentum.  
Quis auctor sacramentorū & quare sint instituta.  
Numerus sacramentorum.  
Quibus rebus consistant Sacramenta.  
De vera sanctificatione & consecratione sacramentorum.  
Discretas signi & rei signatæ manere naturas, &c.



P R I M V S.

res, & quomodo coeant & sacramentum efficiant.  
 Signa mutare rerum signatarum nomina: & de Loquutionibus sacramentalibus.  
 Religiose versandum esse in caussa sacramentorum.  
 De similitudine & differentia Sacramentorum veteris & noui testamenti.  
 An gratia dei contineatur aut conferatur sacramentis.  
 Quae sit virtus, quis finis & vsus legitimus sacramentorum.  
 Sine fide non prodesse sacramenta, & fidem habentibus non esse superuacanea.  
 Sacramenta non pendere a nostra vel dignitate vel indignitate.  
 De Baptismo quid sit, quis instituerit, quibus constet.  
 Vnum esse baptismum.  
 De ritu baptismi.  
 De loco, tempore & ministro baptismi: ubi & de baptismo obstericum agitur.  
 De salute infantium sine baptismo excedentium.  
 Qui nam sint baptizandi.  
 Contra Anabaptistas pro paruulorum baptismo.

De virtute baptismi.  
 De Coena domini & vocabulis eius.  
 Quid sit Coena, quis eius author, & quibus constet.  
 Quo ritu celebrata & instituta sit.  
 De vtraque specie & danda & accipienda.  
 De loco, vasis, tempore & reliquis id genus in Coena.  
 De finibus Coenae domini.  
 De genuino sensu verborum domini, Hoc est corpus meum, & de praesentia Christi in Coena.  
 De vera manducatione corporis Christi.  
 Quomodo praeparemus nos ad mensam domini.  
 De Scholis, & vestigialibus sacris vel de bonis ecclesiasticis.  
 De Templis Christianorum et instrumentis sacris.  
 De Synodis & disciplina ministrorum ecclesiae.  
 De matrimonio Christiano.  
 De viduis & virginibus.  
 De monasterijs, monachis & votis monasticis.  
 Quid agat ecclesia apud aegrotantes.  
 De funeribus & sepultura Christianorum.

INDEX LOCORVM VETERIS ET NOVI

VI TESTAMENTI, QVAE PASSIM AB AVTHORE IN HOC LIBRO EXPLICANTUR.

EX GENESI.



In principio creauit dii fol. 206. 213  
 Fiat lux 329. b  
 Producat terra animam viventem 357  
 Faciamus hominem in imagine nostra 165. b  
 Inspirauit in faciem eius spiraculum vitae 359. b  
 Ne comederis ex fructu scientiae boni et mali 163. b. 164. 165  
 De institutione matrimonij 77  
 Serpens erat callidior 254. b  
 Dixit ne deus non manducandum esse 255. b  
 Mulier quam tu dedisti mihi 162. b  
 Inimicitias ponam inter te 180. 232  
 Adam ille factus est sicut vnus ex nobis 214  
 Vox sanguinis fratris tui 58. b  
 Adam genuit in similitudine 169  
 Poenitet me fecisse hominem 190  
 Animalium usus conceditur 131  
 Sanguinis effusione ultione persequar 131  
 Pharaon Saram in aulam iubet deduci 80

Melchizedek rex Salem 238  
 Da mihi animas 257  
 Iubet deus Abrahamum animalia dissecare 325. b  
 Hagar domino agit gratias 252. b  
 Ego deus Schaddai 206. b  
 De foedere & circumcisione 121. 333  
 Abraham angelos excepit hospitio 97. b  
 Num celabo Abrahamum? 1. b  
 Nunquid perdes iustum cum impio? 175. b  
 Festina in Zoar 216  
 Pluit dominus a domino 214  
 En morieris propter mulierem quam rapuisti 80  
 Tentauit deus Abraham 164. b  
 Benedicatur in semine tuo 18. 180. b  
 Iris foederis signum 323  
 Ipse mittet angelum suum ante te 252  
 Adpositus est ad patres suos 265  
 Iacob angelos sibi occurrentes vidit 251. b  
 Dina a Sichem constuprata 81  
 Abraham aram erexit in Bethel 308  
 Ioseph sollicitatur ab uxore Putipharis 80  
 Deduceris canos meos ad inferos 23. b  
 Inuocetur nomen meum super eos 231. b

# INDEX.

49 Non recedet sceptrum de Iuda 180.b

## EX EXODO.

3 Si veniens ad filios Israel dixeris eis, Deus pater vestrorum 209. 206.b

4 Induravit deus cor Pharaonis 166.b

4 Angelus minatur Moysi eadem 347

6 Ego apparui Abraham 206.b

9 Peccavi etiam nunc, dominus iustus est 166.b

12 De pascha, cum filii vestri ad vos dixerint 56. 124. 333.b

13 Sanctifica mihi 56

17 Qui immolat diis 69.b

18 Ex omni populo prospice viros virtutis 61

132.b. 301

19 Iubetur Moses sanctificare populum, &c. 7.b

19 Circumscribe terminum 204.b

19 Loquere tu nobiscum 192

20 Ego dominus deus tuus 210.b

21 Qui maledixerit patri, &c. 55

21 Plagii poena 95

22 Si quis dederit proximo suo iumentum ad custodiendum 46.b

22 Mandatur restitutio 95

22 Maleficum ne patiaris vivere 68.b

22 Si afflixeris viduas 55.b. 172

23 Ne receperitis rumorem falsum 133

23 Non sequeris multitudinem 67.b

23 Ter in anno apparebit, &c. 120

31 Observabitis sabbata mea, &c. 51

32 Historia de vitulo conflati 279

32 Consecrate hodie manus 113

33 Ostende mihi gloriam tuam, &c. 208

33 Non poteris videre faciem meam 205. 207.b

34 Quomodo deus se Moysi videndum exhibuerit 208

34 Ecce ego mitto angelum ante faciem tuam 252

## EX LEVITICO.

*Leuitici potissima capita explicantur in lege ceremoniali.*

6 Praecipitur ut sacerdotes perpetuum ignem foueant 215.b

7 De votiui sacrificijs 129.b

9 Bucula rufa appellatur peccatum 333.b

10 Vinum & siceram non bibes 114.b

10 Formula publicae confessionis 193

11 De animalibus mundis & immundis 130.b

A 12. cap. ad 16. de corporeis contaminationibus tractatur 129.b

17 Quicumque de domo Israel mactauerit bouem 117

17 Prohibetur esus sanguinis 131

18 Contra Sodomiam 81.b

19 Non facietis peruersum 67.b

19 Non furabimini 93.b

19 Bilanz iusta, lapides iusti 92.b

20 Anima quae declinavit ad magos, &c. 257

20 De poena adulterij 81.b

20 Incestus poena 81.b

20 Lex contra Sodomiam 81.b

22 Nullum vitium sit in eo 125.b

24 De poena blasphemantium 45.b

25 Si ad inopiam fuerit redactus proximus tuus, &c.

26 Inhabitabo in illis 336

Arca foederis domini 339.b

27 Devotis 119.b

## EX NUMERIS.

3 Ecce ego selegi Leuitas 113

3 Leuitae custodient omnia instrumenta tentorii 115

3 Et dabis Leuitas Aaroni 113

6 De disciplina Nazaraeorum 129.b

6 Sic benedicetis filiis Israel 114.b

11 Congrega mihi 60. viros 295

15 Violator sabbati lapidibus obruitur 50

19 Quomodo paranda sit aqua lustralis, contra omnes pollutiones 118

20 Prehende Aaron fratrem tuum 300.b

24 Balaam praedixit euerreda Hierosolyma 41

27 Praeficiat dominus deus spirituum vniuersae carnis 61.b. 132.b

27 Iosue iubetur stare ante Eleazarum 63

30 De personis vouentibus 129.b

## EX DEUTERONOMIO.

1 Date ex vobis viros sapientes 61.b. 132.b

301

1 Audite causam fratrum vestrorum 67. 129

1 Deus non suscipit nec personam 67

4 Vocem verborum audiistis, at simulachrum nullum videbatis 42.b

5 Non concupisces, &c. 110

6 Audi Israel, dominus deus noster dominus vnus est 20.b. 210.b

6 Diliges deum tuum toto corde, &c. 33.b

6 Inculcabis ea filiis 56. 294.b

6 Dominum deum tuum timebis, &c. 211. 226.b

6 Per nomen dei iurabis 47

8 Caue ne forte obliuiscaris 99.b

9 Deceuerat vos dominus delere 308.b

10 Et nunc Israel, quid dominus deus tuus peccat a te, nisi ut timeas dominum deum tuum 161

225.b

10 Circumcidite praeputium cordis 123. 146

12 Non faciet vnusquisque quod rectum est in oculis suis 159.b

12 Prohibetur esus sanguinis 131

12 Caue tibi ne requiras deos gentium 228.b

13 Dominum deum vestrum sequimini 40

226.b

13 Iubet deus bello adoriri civitatem quae a deo cultu desituit 79

De



S E C V N D V S.

|    |                                                               |            |
|----|---------------------------------------------------------------|------------|
| 14 | De animalibus mundis & immundis                               | 150. b     |
| 15 | Vide ne obfirmes cor tuum, neq; contrahas manum               | 98         |
| 16 | Iudices constitues tibi                                       | 201        |
| 16 | Vetuit magistratum lucos plantare                             | 62. b      |
| 17 | Institutio regis                                              | 85. b. 133 |
| 18 | Prohibet dominus veritatem ex mortuis sciscitari              | 164. b     |
| 19 | Si mendax testis deprehensus fuerit                           | 109        |
| 20 | Leges belli ponuntur                                          | 74         |
| 21 | Iubentur parentes filios rebelles accusare in foro            | 56. b      |
| 24 | Nemo pignoris loco accipiat superiorem vel inferiorem molarem | 93         |
| 24 | Ne neges aut detineas mercedem pauperi                        | 93         |
| 25 | Ne sint tibi in sacculo tuo diuersi lapides                   | 92. b      |
| 28 | Si audieris vocem domini dei tui                              | 116. b     |
| 30 | Circumcidet dominus deus cor tuu                              | 122. b     |

EX IOSEPH.

|    |                            |        |
|----|----------------------------|--------|
| 1  | Vide ut custodias & agas   | 64     |
| 1  | Non recedet liber legis    | 85. b  |
| 2  | Date mihi signum           | 322. b |
| 23 | Cum veneritis inter gentes | 47     |

EX IUDICVM.

|    |                                                  |        |
|----|--------------------------------------------------|--------|
| 6  | Dominus appellatur qui iam angelus dictus fuerat | 252    |
| 17 | Micha deo cultum instituit                       | 228. b |

EX LIBRO PRIMO

SAMVELIS.

|       |                                          |             |
|-------|------------------------------------------|-------------|
| 3     | Erat autem peccatum filiorum Heli grande | 306. b      |
| 4 & 5 | Abusus arce                              | 118. 336. b |
| 15    | Nunquid vult deus holocausta             | 228. b      |
| 15    | Ecce melius est audire quam sacrificare  | 160         |
| 16    | Spiritus sanctus recessit a Saule        | 244. b      |
| 26    | Anima mea preciosa fuit in oculis tuis   | 257         |
| 28    | Excitatur Samuel                         | 254         |

EX LIBRO SECUNDO

SAMVELIS.

|    |                                       |        |
|----|---------------------------------------|--------|
| 6  | Arca deducitur non legitime           | 275    |
| 7  | Cum completi fuerint dies tui         | 232    |
| 7  | Ego ero illi pater                    | 20. b  |
| 7  | Quis ego sum domine deus?             | 321    |
| 8  | Filij Davidis sacerdotes appellantur  | 295. b |
| 12 | Tu cape urbem                         | 221. b |
| 12 | Gladius non recedet a domo tua        | 176. b |
| 15 | Si inuenero gratiam in oculis domini  | 312    |
| 15 | Reportate arcam Dei                   | 104. b |
| 19 | Cur efficiamini mihi hodie in satana? | 254. b |

EX LIBRO PRIMO

REGVM.

|   |                                                        |        |
|---|--------------------------------------------------------|--------|
| 1 | Cum ad Dauidem ingrederetur, adorauit pronus in terram | 219. b |
| 3 | Solomon duntaxat in excelsis sacrificabat              | 117. b |

|             |                                                 |        |
|-------------|-------------------------------------------------|--------|
| 8           | Fecerunt ut prominerent vestes                  | 116    |
| 8           | Ecce caeli & caeli coloru non capiunt te        | 222    |
| 317. b. 339 |                                                 |        |
| 11          | Ahias dicit ad Ieroboam, Quod si audieris omnia | 64. b  |
| 16          | Achab seruiuit Baal                             | 225. b |
| 18          | Quousque vos tandem claudicatis?                | 220. b |
| 19          | Zelo zelatus sum                                | 286. b |

EX LIBRO SECUNDO

REGVM.

|    |                                   |        |
|----|-----------------------------------|--------|
| 5  | Nunquid ego sum Deus              | 222    |
| 5  | Audit Naaman ut se septies lauet  | 28     |
| 6  | Aperi quaso oculos pueri          | 251. b |
| 17 | Et nihilominus colebant deum      | 218    |
| 17 | Ambulauerunt in ceremonijs Israel | 118    |
| 22 | Dominus mei curam suscepit        | 223    |

EX LIBRO PRIMO PARA-

LIPOMENON.

|    |                                 |        |
|----|---------------------------------|--------|
| 15 | Arcam portarunt filij Leuitarum | 336. b |
| 21 | Hec est domus domini dei        | 117    |

EX SECUNDO LIBRO PARA-

LIPOMENON.

|    |                                                     |       |
|----|-----------------------------------------------------|-------|
| 1  | Abierunt Solomon & omnis ceteris cum eo in excelsum | 117   |
| 19 | Prescribit Iosaphat suum officiu iudicibus          | 67. b |
| 29 | Ezechias dicit ad sacerdotes, Sanctificamini        | 63. b |
| 29 | De canendi ritu                                     | 314   |
| 36 | Misit dominus deus ad eos mane surgendo             | 34. b |

EX NEHEMIA.

|   |                                                  |       |
|---|--------------------------------------------------|-------|
| 5 | Exemplum Nehemie coercentis auaritia feneratorum | 94. b |
| 8 | Attulit sacerdos Esdra legem                     | 9     |
| 8 | Formula extat celebrati festi tabernaculoru      | 120   |
| 8 | Ite & comedite pingua                            | 97    |

EX LIBRO IOB.

|    |                                                       |        |
|----|-------------------------------------------------------|--------|
| 1  | Comparet satanas inter ministros dei                  | 254    |
| 1  | Nudus exii de utero matris                            | 106    |
| 4  | Ecce qui seruiunt ei non sunt stabiles                | 253    |
| 9  | Si iustificare me volueris                            | 158. b |
| 10 | Manus tue fecerunt me                                 | 259    |
| 14 | Quis dabit mundum ex immundo?                         | 177. b |
| 35 | Verè scio quod non iustificabitur homo cor polius deo | 136. b |
| 26 | Spiritus eius ornauit celos                           | 242. b |
| 31 | Si concupiscentia vxoris alienae                      | 80     |

EX PSALMIS.

|    |                                                   |          |
|----|---------------------------------------------------|----------|
| 2  | Filius metis es tu                                | 229      |
| 2  | Sapite o reges                                    | 236      |
| 5  | Non deus volens iniquitatem tu es                 | 163      |
| 5  | Perdes oes qui loquuntur mendacium                | 46. b    |
| 8  | Quam admirabile est nomen tuum in vniuersa terra? | 215. 321 |
| 10 | Pluet super impium laqueos                        | 175. b   |
| 14 | Dixit insipiens in corde suo                      | 204      |
| 15 | Domine quis habitabit tecum?                      | 161      |

# INDEX.

|     |                                              |                   |
|-----|----------------------------------------------|-------------------|
| 25  | Non derelinques in inferno animā meam        |                   |
| 26  | Dominus mihi semper à dextris est            | 147               |
| 28  | Ascendit super Cherubim                      | 250.b             |
| 28  | Via dei integra est                          | 210.b.289         |
| 29  | Cœli enarrant gloriam dei                    | 209.b             |
| 29  | Lex dei integrā est                          | 8                 |
| 31  | Tu es qui extraxisti me ex utero matris meę  | 104               |
| 22  | In te sperauerunt                            | 104.311           |
| 26  | Quoniam pater meus & mater mea dereli-       |                   |
|     | querunt me                                   | 223               |
| 31  | Confitebor aduersus me                       | 193.b             |
| 31  | Verbo domini cœli facti                      | 214               |
| 34  | Castra figit angelus domini                  | 251.b             |
| 38  | Dominē ne in furore                          | 309.b             |
| 38  | Sagittę tuę in me defixę sunt                | 190.b             |
| 45  | Regnabit dominus in æternum                  | 215.b             |
| 45  | Mecę sunt omnes ferę sylvarum                | 44.b              |
| 50  | Si videbas furem; currebas cum eo            | 82                |
| 50  | Sacrificā deo sacrificium laudis             | 40.b              |
|     | 222.310.b.321                                |                   |
| 51  | Tibi soli peccaui                            | 193.b             |
| 51  | Ecce in iniquitatibus conceptus sum          | 167.b             |
| 51  | Cor mundum creā in me                        | 273.b             |
| 51  | Spiritum sanctum ne auferas à me             | 244.b             |
| 62  | Collocatę spem in deum                       | 96                |
| 67  | Deus misereatur nostri                       | 318               |
| 73  | De felicitate impiorum                       | 99.b.102          |
| 75  | Vouete & reddite                             | 129.b             |
| 78  | Quę audiuius & cognouimus                    | 210               |
| 79  | Adiuua nos deus                              | 310.b             |
| 88  | Tu domine dominaris in mari                  | 216               |
| 89  | Tui sunt cœli                                | 215               |
| 91  | Tu es spes mea                               | 103.b             |
| 91  | Angelis suis mandauit de te                  | 251.b             |
| 94  | Venite exultemus domino                      | 220               |
| 103 | Benedic anima mea dominum                    | 191.b.321         |
| 103 | Benedicite domino omnes angeli eius          | 250.b             |
| 103 | Quemadmodum pater misereatur filiorum        | 200.b.217.b.317.b |
| 104 | Qui creat angelos suos spiritus              | 249.250.b         |
| 104 | De fructu operum tuorum; o deus satiabi-     |                   |
|     | tur terra                                    | 216               |
| 107 | Summa & argumentum                           | 221.b             |
| 110 | Dixit dominus domino meo                     | 21.214            |
|     | 234.236                                      |                   |
| 110 | In magnificentijs sanctitatis ex utero auro- |                   |
|     | re                                           | 22.b              |
| 110 | Iurauit dominus & non pernitebit eum         | 238               |
| 113 | Omnia quęcunque voluit fecit                 | 318.b             |
| 113 | De simulachris gentium                       | 42                |
| 115 | Tibi sacrificabo hostiam laudis              | 321.b             |
| 118 | Notam mihi facies semiram vię                | 25.b              |
| 119 | Encomium verbi dei                           | 87                |
| 119 | Concupiui mandata tua                        | 110.b             |
| 119 | Bonum est mihi domine quod humiliaueris me   |                   |

|     |                                         |         |
|-----|-----------------------------------------|---------|
|     | ris me                                  | 100     |
| 120 | Libera animam à labijs iniquis          | 110     |
| 132 | De fructu ventris tui ponam super sedem |         |
|     | tuam                                    | 232     |
| 132 | Dominus elegit Sion                     | 272.b   |
| 135 | Scio quod magnus est dominus            | 216     |
| 136 | Confitemini domino quoniam bonus        | 224     |
| 138 | Quod ibo à spiritu tuo?                 | 206     |
| 139 | Tu domine cognouisti siue sedeam        | 215.b   |
| 142 | Ne introieris in iudicium               | 158.b   |
| 145 | Iustus dominus in omnibus vijs suis     | 167     |
| 145 | Prope adest dominus                     | 310.b   |
| 145 | Cum colligis spiritum eorum             | 242.319 |
| 146 | Sustentat dominus omnes cadentes        | 216     |

## EX LIBRO PROVER-

### biorum Solomonis.

|    |                                           |       |
|----|-------------------------------------------|-------|
| 1  | Fili mi, si te laetauerint, &c.           | 58.b  |
| 1  | Sapientia dicit se inuocantes non audiru- |       |
|    | rum                                       | 399   |
| 3  | Beneficentia ne te destituat              | 98    |
| 3  | Castigationē domini caue auerſeris        | 100.b |
| 3  | Quos diligit corripit                     | 209   |
| 5  | Lætare cum muliere                        | 82    |
| 6  | Impiger ad fornicatū                      | 92    |
| 6  | Testem fallacem odit deus                 | 109   |
| 6  | Qui ingreditur ad coniugem proximi        | 80    |
| 10 | Charitas operit multitudinem peccatorum   | 197.b |
| 16 | Omnia propter se condidit dominus         | 167   |
| 16 | Diuinitas in labijs regis                 | 75.b  |
| 17 | Malum non recedit à domo ingrati          | 55    |
| 17 | Dominus abominatur eum qui scelestum      |       |
|    | absoluit, &c.                             | 59    |
| 18 | Turris fortissima est nomen domini        | 222   |
|    | 320.b                                     |       |
| 18 | Qui subducit aurem suam ne audiat legem   | 311   |
| 19 | Abominatio hominum detestator             | 110   |
| 20 | Diuerso pondere utri, detestatur dominus  | 92.b  |
| 20 | Contumelijs afficiens patrem              | 55    |
| 20 | Pietas & veritas custodiunt regem         | 62    |
| 21 | Cor regis in manu domini                  | 215.b |
| 21 | Qui obturat aurem suam ad clamorem        | 109   |
| 23 | Apud quem est vā? &c.                     | 82.b  |
| 24 | Time dominum & regem                      | 76    |
| 25 | Quemadmodū multum mellis edere            | 204   |
| 25 | Vrbi dissipatę similis est, &c.           | 242   |
| 26 | Verba susurronis                          | 110   |
| 28 | Qui confitetur & deserit iniquitates suas | 197   |
| 29 | Virga dat sapientiam                      | 56.b  |
| 30 | Duo à te postulauit                       | 319   |
| 31 | Encomium bonę matris familię              | 92    |

## EX ECCLESIASTE

### Solomonis.

|   |                                         |     |
|---|-----------------------------------------|-----|
| 7 | Melius est audire increpationē sapiētię | 110 |
|---|-----------------------------------------|-----|

Cum



# S E C U N D U S.

- 1 Cum nubes impleta fuerint 262. b  
 1 Reuertetur puluis in terram sicut fuit 260  
 2 Sapientu sermones sunt velut stimuli 330

## EX CANTICIS SOLOM.

- 4 Vna est columba mea 281. b

## EX ISAIA.

- 1 Cum multiplicaueritis orationes 309 311  
 1 Si peccata vestra fuerint vt coccus 191. b  
 2 Conflabunt gladios suos in ligones 71. b  
 2 Repleta est terra idolis 219. b  
 3 Dabo principes pueros eorum 60. b  
 3 Dicite iusto quod bene habebit 158. b  
 3 Dominus veniet ad iudicandum senatores 95. b  
 4 Inuocetur nomen meum super eos 221. b  
 5 Vineam domini 289. b  
 5 Deus minatur ebrijs 83  
 6 Sanctus sanctus 251  
 7 Ecce virgo concipiet 22. b, 233. b, 231. b  
 9 Puer natus est nobis 233. b  
 11 Super quo spiritu domini requiescet 246. b  
 23 Negotiatio & merces eius, &c. 98  
 26 I popule mi intra penetralia tua & claude 105. b  
 29 Populus hic labijs suis me honorat 228. b  
 38 Morieris tu & non viues 308. b  
 40 Quis mensus est vola? 210  
 40 Ecce gentes tanquam guttula siculae 42. b  
 40 Attollite oculos vestros 209. b  
 42 Ego dominus faciam omnia, extendens caelum 213. b  
 42 Ego dominus, hu est nomen meum 210. b  
 42 Dominus gigantis instar prodibit 206  
 44 Effundam aquas 239, 245. b  
 44 Ligni partem combusti igne 219. b  
 45 Ego dominus faciens pacem & creans tenebras 166. b  
 45 Per me ipsum iuravi 231. b  
 49 Dedi te in lucem gentium 231. b  
 49 Ecce tollam ad gentes 63, 236  
 49 Reges ecclesiae nutritij appellantur 278. b  
 50 Nunquid obliuisci potest mulier infantis sui 309. b  
 52 Confert liberationem Israelis ex Aegypto, cum liberatione per Christum 40. b  
 53 Liuore eius sanati sumus 17  
 53 Nos omnes tanquam ouis errauimus 127  
 53 Generationem eius quis enarrabit? 229  
 53 Cum nihil iniquum fecerit 126. b  
 53 Vir dolorum est & qui expertus est aruminas 23  
 58 Reprehendit deus Iudeorum ieiunia 84  
 59 Fœdus meum pangam cum eis 274. b

- 61 Spiritus domini super me 177. b  
 61 Vni te deus 238. b  
 63 Tu es pater noster o deus 223, 309. b  
 64 Quae oculus non vidit 31. b  
 65 Qui benedicere se vult, &c. 47  
 65 Erit vt antequam clament, ego exaudia eos 311  
 66 Qui bouem immolat, &c. 228. b  
 66 Super quo requiescit spiritus meus 241

## EX IEREMIA.

- 2 Quid nam iniquitatis deprehenderunt patres vestri 227. b  
 3 Non dicent amplius arca fœderis domini 140. b  
 4 Si reueri volueris, ad me reuertere 190  
 4 Iurabis, viuit dominus, &c. 47  
 4 Et benedicent se gentes, &c. 48  
 4 Circumcidimini domino 123  
 5 Quomodo bellum excutiat 72. b  
 7 Holocausta vestra addite victimis vestris 112, 338  
 7 Tu ne oraueris pro populo isto 311  
 8 Verbum domini proiecerunt 152, 279  
 9 Ne gloriatur sapiens 210  
 10 Hæc dicit dominus, iuxta vias gentium nolite discere 163  
 10 Domine nemo est sicut tu 209  
 22 Qui fit quod via impioru prosperent 102  
 17 Maledictus vir qui 289  
 17 Vade & sta in porta filiorum, &c. 50  
 18 Repente loquar aduersus gentem 308. b  
 20 Dominus est mecum ceu gigas robustus 206  
 22 Facite iudicium & iusticiam 67, b, 161  
 22 Væ qui ædificat domum suam in iniusticia 82. b  
 22 Vivo ego dicit dominus, quia si esset Chemonias 341. b  
 23 Ipsi currebant 300. b  
 23 An non deus de propinquo ego 206  
 23 Propheta apud quem est somnium 304. b  
 25 Sume calicem 107. b  
 29 Orate dominum pro Babylone 53 76  
 29 Inuocabitis me 222  
 31 Venient & iubilabunt in Zion 97  
 31 Prohibe vocem tuam a fletu 158. b  
 31 Conuerte me domine 190. b  
 31 Non docebit quisque proximum suum 294. b  
 31 Hoc est testamentum 245  
 44 Quando deus iniquitatem patrum in filiis puniat 44

## EX EZECHIELE.

- 1 Beata est gloria domini ex loco eius 251  
 3 Audies ex ore meo verbum 304. b  
 7 Animam suam non saturabunt 257  
 13 Væ illis qui dicunt populo pax pax 210

# I N D E X.

|             |                                                                 |           |
|-------------|-----------------------------------------------------------------|-----------|
| 14          | Si malum immiserō                                               | 311       |
| 16          | Per parabolam connubij explicantur beneficia Israelitis collata | 291       |
| 18          | Filius non portabit iniquitatem patris                          | 168       |
| 18          | Catalogum recēset bonō m operum                                 | 161       |
| 28          | Patres comederunt vnam acerbam                                  | 44        |
| 34          | An leue est vobis quōd pascua bona depascitis?                  | 9.b       |
| 34          | Solus ego pascam gregem meum                                    | 231.b     |
| 34          | Væ pastoribus Israel                                            | 305       |
| 34          | Suscitabo super oves meas                                       | 290       |
| EX DANIELE. |                                                                 |           |
| 1           | Domini est sapientia & fortitudo                                | 215.b     |
| 4           | Peccata tua in iusticiā redimantur                              | 197.b     |
| 7           | Mille millia ministrabant ei                                    | 206.250   |
| 7           | Putabit se tempora & leges mutare posse                         | 298       |
| 7           | Apparet angelus domini                                          | 252.b     |
| 9           | Peccauimus, iniqui fuimus                                       | 104.b     |
| 9           | Non in iusticijs nostris                                        | 310.b     |
| 9           | Adhuc autem me loquentē & supplicante                           | 250       |
| 9           | Populus super quem inuocatum est nomen Dei                      | 221.b     |
| 10          | Angeli regnorum præsides ; inducuntur                           | 252       |
| 10          | Descriptio angeli                                               | 250       |
| 10          | Multitudo dormientium in puluere terræ                          | 253.b     |
| EX OSEA.    |                                                                 |           |
| 1           | Filiorum eius non miserebor                                     | 228.291.b |
| 3           | Eritis sine Ephod                                               | 113.b     |
| 6           | Beneficium, pietatem desidero                                   | 161       |
| 14          | Tollite vobiscum verba                                          | 321.b     |
| EX IOELE.   |                                                                 |           |
| 2           | Conuertimini ad me                                              | 201       |
| 2           | Claugite tuba in Zion                                           | 308.312.b |
| 2           | Omnis qui inuocauit nomen dei                                   | 212       |
| EX ABDIA.   |                                                                 |           |
| 1           | Abdias commemorat seruatores ascensuros in montem Sion          | 292.b     |
| EX IONA.    |                                                                 |           |
| 3           | Ionas Niniuitis denunciat exitium                               | 308.b     |
| 3           | Crediderunt Niniuitæ Deo                                        | 201       |
| 4           | Dicit dominus se infantium habere rationem                      | 353       |
| EX AMOS.    |                                                                 |           |
| 1           | Vade proptinus , & recipite in terram Iuda                      | 286.b     |
| 2           | Suscitavi de filiis vestris prophetas                           | 378.b     |
| 3           | Non est malum in ciuitate                                       | 166.b     |
| 3           | Congerunt thesauros                                             | 59.b      |
| 7           | Non sum ego propheta                                            | 378.b     |
| 8           | Audite istud vos qui anhelī absorbetis pauperes                 | 94        |
| 9           | Requirent qui reliqui sunt homines domini                       | 144.b     |

## EX MICHEA.

|   |                                  |         |
|---|----------------------------------|---------|
| 4 | Sedebit vir sub vite sua         | 25.b    |
| 4 | Regnabit dominus super eos       | 236.b   |
| 4 | Ambulabimus in nomine dei nostri | 231.b   |
| 5 | Et tu Bethlehem                  | 219.234 |
| 6 | Quare deus bella immittat        | 72.b    |
| 6 | De pœna iniusto pondere vtentium | 92.b    |
| 6 | Indicabo tibi o homo             | 225.b   |

## EX MALACHIA.

|   |                                              |             |
|---|----------------------------------------------|-------------|
| 1 | Cum hostiam cecā sacrificatis                | 125.b.321.b |
| 2 | Fœdus meum fuit Leui                         | 304.b       |
| 3 | De felicitate impiorum                       | 102         |
| 3 | Clamant hypocritæ, frustra seruiunt deo, &c. |             |

## EX SOPHONIA.

|   |                   |    |
|---|-------------------|----|
| 1 | Excindam eos, &c. | 47 |
|---|-------------------|----|

## EX HAGGEO.

|   |                                   |       |
|---|-----------------------------------|-------|
| 1 | Bibitis, sed non ad inebriationem | 97    |
| 2 | Assumam te Zorobabel              | 341.b |

## EX ABACUK.

|   |                           |      |
|---|---------------------------|------|
| 1 | Vsquequo dominice clamabo | 99.b |
| 2 | Quid prodest sculptile    | 43.b |

## EX ZACHARIA.

|   |                                                                |       |
|---|----------------------------------------------------------------|-------|
| 1 | Inducitur angelus sollicitus de miseria captiuorum in Babylone | 251   |
| 3 | En ego adduco seruum meum germen                               | 127.b |

|    |                                      |       |
|----|--------------------------------------|-------|
| 7  | Iudicātē iudiciū veritatis           | 161   |
| 8  | Reprehenduntur hypocritica ieiunia   | 84    |
| 11 | Adhuc tibi sume vasa pastoris stulti | 277   |
| 12 | De bello gentibus inferendo          | 278   |
| 12 | Ecce ego pono Hierusalē vt sit calix | 107.b |

## EX ECCLESIASTICO.

|    |                                           |       |
|----|-------------------------------------------|-------|
| 13 | Excitare o gladiē                         | 229.b |
| 3  | Altiora te ne quæsieris                   | 217.b |
| 7  | Deus hominem probum condidit              | 163   |
| 15 | Ne dicas, Defeci, inquit , impulsu domini | 166   |

|    |                                |       |
|----|--------------------------------|-------|
| 15 | Deus ab initio creauit hominem | 163.b |
|----|--------------------------------|-------|

## EX LIB. SAPIENTIAE.

|   |                                 |         |
|---|---------------------------------|---------|
|   | Deus mortem non fecit           | 163     |
| 3 | Iustorum animæ in manu dei sunt | 261.295 |

## EX LIB. IUDITH.

|   |                                 |     |
|---|---------------------------------|-----|
| 8 | Iudith irascitur Ozia pontifici | 311 |
|---|---------------------------------|-----|

## EX SECVNDO LIBRO

### Machabæorum.

|   |                            |       |
|---|----------------------------|-------|
|   | De auctoritate huius libri | 269.b |
| 2 | De oratione pro defunctis  | 263   |

## EX EVANGELIO

### S. Matthæi.

|   |                                  |               |
|---|----------------------------------|---------------|
| 1 | Quod in illa conceptum est       | 231.b         |
| 1 | Vocabis nomen eius Iesum         | 21.b          |
| 1 | Confitentes peccata sua          | 139.b         |
| 3 | Ego baptizo vos aqua             | 301.b         |
| 3 | Facite fructus dignos pœnitentiæ | 200.b         |
| 3 | Mihi opus est abs te baptizari   | 347.b         |
| 3 | Hic est filius meus dilectus     | 178.183.230.b |
| 4 | Christus cum satana pugnaui      | 256.b         |
|   | Non                              |               |



S E C V N D V S.

|    |                                                 |             |    |                                           |                        |
|----|-------------------------------------------------|-------------|----|-------------------------------------------|------------------------|
| 4  | Non solo pane viuit homo                        | 319         | 12 | Septem nequiores demonas assumpsit        | 254                    |
| 4  | Hæc omnia dabo tibi                             | 220.b       | 13 | Quisquis habet                            | 244.b                  |
| 4  | Dominum deum tuum adorabis                      | 226.b       | 13 | Sermo regni                               | 236.324                |
| 5  | Beati mundo corde                               | 183.b       | 13 | Omni habenti dabitur                      | 161.218                |
| 5  | Beati qui persecutione patiuntur                | 104.b       | 13 | De zizania in agro dominico               | 273                    |
| 5  | Beati estis cum probra in vos iecerint          | 158.b       | 13 | Sinite crescere                           | 384.b                  |
| 5  | 306.b                                           |             | 13 | Parabola de emente preciosam margaritam   | 8                      |
| 5  | Qui soluerit vnũ ex mandatis istis minimis      |             | 13 | In fine seculi mittet angelos suos        | 251                    |
| 5  | 362                                             |             | 14 | Adorauerunt eum                           | 220                    |
| 5  | Vos estis sal terræ                             | 305.b       | 15 | Frustra me colunt                         | 7.38.b.160.268.b.276.b |
| 5  | Vos estis lux mundi                             | 206.b       | 15 | 305.311.b.362                             |                        |
| 5  | Sic luceat lux vestra                           | 161.154     | 15 | Quicquid ingreditur in os, &c.            | 110.b                  |
| 5  | Ne existimeris quod venerim ad destruendã       |             | 15 | Ex corde exeunt cogitationes malæ         | 170                    |
| 5  | legem                                           | 3.b.139.b   | 16 | Tu es Christus ille                       | 188.b.210.b            |
| 5  | Quisquis irascitur fratri, &c.                  | 111.172     | 16 | Caro & sanguis non reuelauit tibi         | 279.b                  |
| 5  | Si obruleris munus tuũ ad altare                | 194.311.b   | 16 | Tu es Petrus & super hanc petram, &c.     | 272.b                  |
| 5  | Audistis quod dictũ fuerit antiquis, nõ com     |             | 16 | 288.b.289.b.298.b.299.b                   |                        |
| 5  | mittere adulteriu                               | 81          | 16 | Tibi dabo clauẽs regni cõlorũ             | 279.b.393.b            |
| 5  | Ei qui velit te in ius trahere                  | 67.b        | 16 | Vade retro satana                         | 254.b                  |
| 5  | Ne iuretis omnino                               | 46          | 16 | Si quis vult post me venire               | 23.109                 |
| 5  | Perfecti estote                                 | 138         | 16 | Qui voluerit animam suam seruire          | 260.b                  |
| 6  | Tu cum oras introito in cubiculũ tuũ            | 312.b       | 17 | De transformatione Christi in monte       | 31.b                   |
| 6  | 308.a.b                                         |             | 18 | Nisi efficiamini sicut pueri              | 342.b.296.323          |
| 6  | Oratio dominica explicatur                      | 317.318.319 | 18 | Nõ est voluntas patris vt pereat vnus     | 353.b                  |
| 6  | 320.337                                         |             | 18 | 355.b                                     |                        |
| 6  | Si miseris hoibus errata sua                    | 311.b.194   | 18 | Væ mundo ab offendentibus                 | 153.b                  |
| 6  | De superstitioso ieiunio                        | 83.b        | 18 | Puellis additos esse angelos              | 251.b.335.b            |
| 6  | Ne reponatis vobis thesauros                    | 90.b        | 18 | Si scandalizans ecclesiam monitores nõ au |                        |
| 6  | Lucerna corporis est oculus                     | 90.b        |    | dierit, dic ecclesie                      | 272                    |
| 7  | Ne proieceritis margaritas                      | 324         | 18 | Vbicunque duo vel tres fuerint            | 290.308                |
| 7  | Omnia quæcunque volueritis                      | 36.b        | 18 | Dominus remittit debitum                  | 320                    |
| 7  | Concedite intrare per arctam portam             | 241         | 19 | Si vis ad vitam ingredi                   | 139.160.b              |
| 7  | Cauete vobis à Pseudoprophetis                  | 288         | 19 | Sinite paruulos ad me venire              | 347                    |
| 8  | Vade ostende te sacerdoti                       | 195.b       | 19 | Si vis perfectus esse                     | 90.a.b                 |
| 8  | De Centurione                                   | 13          | 20 | Nescitis quid petatis                     | 309.b                  |
| 8  | Quemadmodum credis ita fiat tibi                | 264         | 21 | Vna tantum vinea collocatur colonis       | 282                    |
| 9  | Non opus habent qui validi sunt                 | 192         | 21 | Baptismus Ioannis e cælo ne an ex homini  |                        |
| 9  | Nũ possunt filij thalami nuptialis lugere?      |             |    | bus erat?                                 | 325.349                |
| 9  | 83.b                                            |             | 22 | Dare deo quæ dei sunt, &c.                | 76                     |
| 9  | Petite & accipietis                             | 310.312     | 22 | Erratis nescientes scripturas             | 248.b                  |
| 10 | Apostoli acceperunt potestatem super omnia      |             | 22 | Resuscitados similes futuros angelis      | 248.b                  |
| 10 | 280.b                                           |             |    | 249.b                                     |                        |
| 10 | Dignus est operarius mercede sua                | 379.b       | 22 | Dilige proximum sicut teipsum             | 34.b                   |
| 10 | 380                                             |             | 22 | Quid vobis videtur de Christo             | 234                    |
| 10 | Gratis accepistis, gratis date                  | 380         | 23 | In cathedra Moysi                         | 283.b.307              |
| 10 | Si ipsum patrem familiam vocarũ Beelzebub       |             | 23 | Væ vobis scribæ                           | 171.b.311.b            |
| 10 | 306.b                                           |             | 23 | Mitto ad vos prophetas                    | 54.b                   |
| 10 | Ne meruatis vobis ab his qui, &c.               | 260         | 24 | Non relinquetur lapis super lapidem       | 148                    |
| 10 | Non veni ad mittendum pacem                     | 153.b       | 24 | Nõ sumus Christi                          | 198                    |
| 10 | Qui vos audit me audit                          | 54          | 24 | Surgent pseudochristi                     | 288                    |
| 11 | Lex & prophetæ vsque ad Ioannem                 | 148.b       | 24 | Ecce hic est Christus                     | 370.b                  |
| 11 | Tyro et Sidoni tolerabilius erit in die iudicii |             | 24 | Cælum & terram transibunt                 | 13.b                   |
| 11 | 171.b                                           |             | 24 | Veniet dominus serui illius               | 272.b                  |
| 12 | Disputatio de Sabbato                           | 50.b        | 25 | Venite benedicti patris mei               | 159.236.b.382          |
| 12 | Si ego in Beelzebub eiicio dæmonia              | 297         | 25 | Discedite a me maledicti                  | 253.b.254.374.b        |
| 12 | 245.b.256                                       |             | 26 | Hoc est corpus meum                       | 326.b                  |
| 12 | Omne peccatum                                   | 174.b       | 26 | Cum hymnum cecinissent                    | 314                    |
| 12 | Quemadmodum fuit Ionas in ventre                | 24.b        | 26 | Tristis est anima mea                     | 233                    |
| 12 | Ex verbis tuis iustificaberis                   | 159         | 26 | Conuertere gladium                        | 10.b.278               |

# INDEX.

|    |                                                     |                      |
|----|-----------------------------------------------------|----------------------|
| 26 | Annon putas quod possem nunc regare patrem, &c.     |                      |
| 28 | Data est mihi omni potestas                         | 211. b               |
| 28 | Docete eos quia ego praecepi vobis                  | 180. b               |
|    | 336. 304. b. 347. b                                 |                      |
| 28 | Baptizantes eos in nomen patris                     | 243. b               |
| 28 | Ecce ego vobiscum                                   | 290. 334. 371. b     |
|    | EX EVANGELIO MARCI.                                 |                      |
| 1  | Impletum est tempus, instatque regnum Dei           | 185.                 |
| 1  | Baptizabat Ioannes                                  | 359                  |
| 3  | In principe demoniorum eiecit demonia               | 354.                 |
| 3  | Omnia remittentur filijs hominum                    | 174. b               |
| 5  | Legio mihi nomen est                                | 254.                 |
| 6  | Vngebant oleo multos aegros                         | 387. b               |
| 9  | Quandocunque corripuerit, lacerat eum               | 225. b               |
| 9  | Age si quid potes domine                            | 218. b               |
| 9  | Si potes credere                                    | 263.                 |
| 9  | Omnia possibilia sunt credenti                      | 19.                  |
| 9  | In gehennam vermis eorum non moritur                | 257. b               |
| 10 | Sinite pueros venire ad me                          | 342. b. 353. b. 357. |
| 10 | Amen dico vobis, nullus est qui reliquit domum, &c. | 106. b. 158. b       |
| 11 | Quaecunque orantes petitis                          | 311.                 |
| 11 | Cum steteritis orantes                              | 311. b               |
| 12 | Primum omnium praeceptum est                        | 210. b               |
| 13 | Tradent vos in concilia                             | 100.                 |
| 14 | Pauperes semper habebitis vobiscum                  | 382.                 |
| 16 | Non est hic, resurrexit                             | 235. b. 370.         |
| 16 | Dicite discipulis & Petro                           | 192. b               |
| 16 | Ite in mundum vniuersum                             | 328. b. 395.         |
|    | 303. b. 304. b. 325. 326. 342. 336                  |                      |

## EX EVANGELIO LUCAE.

|   |                                                    |             |
|---|----------------------------------------------------|-------------|
| 1 | Præcedet dominum in spiritu Helias                 | 292. b      |
| 1 | De conceptione Christi                             | 22. b. 213. |
| 1 | Et dabit illi dominus deus sedem David             | 232. b      |
| 1 | Quod nasceretur sanctum, &c.                       | 234.        |
| 1 | Non erit apud deum impossibile omne verbum         | 1.          |
|   | Ut sine timore de manu inimicorum liberati         | 151.        |
|   | Benedictus dominus Deus Israel                     | 242. b      |
|   | Quia viderunt oculi mei salutare tuum              | 181. b      |
| 2 | Quod Anna a templo non discesserit                 | 312.        |
| 2 | De modo natiuitatis Christi                        | 23.         |
| 2 | Ne timeatis                                        | 177. b      |
| 2 | Gloria in excelsis Deo                             | 251.        |
| 3 | Veniebant & publicani ad Ioannem                   | 94. b       |
| 3 | Christus baptizatus                                | 359.        |
| 4 | Christus in schola Nazarethana surrexit ut legeret | 9.          |
| 5 | Exi a me domine                                    | 204. b      |
| 5 | Filij sponsi ieiunant si sponsus auferatur         | 83. b       |
| 6 | Disputatio de sabbato                              | 50. b       |

|    |                                                        |                             |
|----|--------------------------------------------------------|-----------------------------|
| 6  | Dominus vocauit discipulos suos, & apostolos nominauit | 295.                        |
| 6  | Si mutuum dederitis                                    | 93. b                       |
| 7  | Remittantur peccata eius multa, quia dilexit multum    |                             |
| 7  | Fides saluam te fecit                                  | 338. b                      |
| 8  | Parabola seminantis                                    | 7. b                        |
| 8  | Diuitias spinæ sunt                                    | 90. b                       |
| 10 | Videbam satanam sicut fulgur                           | 253. b                      |
| 10 | Qui vos audierit                                       | 325.                        |
| 10 | De proximo, &c.                                        | 34. &c. 35.                 |
| 10 | Maria bonam partem delegit                             | 226. b                      |
| 11 | Petite, & dabitur vobis                                | 218. b                      |
| 11 | Si digito dei eiecio demonia                           | 245. b                      |
| 11 | Vae vobis legisperitis                                 | 303. b                      |
| 12 | Quisquis loquitur dictum in filium hominis             | 174. b                      |
| 12 | Quis constituit me diuisorem inter vos                 | 67. b                       |
| 12 | Videte & caute ab auaritia                             | 91.                         |
| 12 | Hodie animam tuam a te repetent                        | 265.                        |
| 12 | Quisquam est fidelis dispensator                       | 305. b                      |
| 12 | Seruus qui cognouit voluntatem                         | 171. b                      |
| 13 | De illis quos turris in Siloe oppressit                | 190. b                      |
| 13 | Contracta dicitur a satana ligata                      | 255. b                      |
| 14 | Omnes ad conuiuium vocantur                            | 185.                        |
| 14 | Si quis venit ad me, nec odit patrem                   | 51. b                       |
| 16 | De diuite purpurato & Lazaro                           | 261. b. 262.                |
|    | 264. b. 265. 176. 350                                  |                             |
| 19 | De sinu Abrahæ                                         | 23.                         |
| 17 | Cum feceritis omnia                                    | 158. b                      |
| 17 | Sicut accidit in diebus Noe                            | 82. b                       |
| 18 | Pharisæus confitens repellitur                         | 310. b                      |
| 18 | Deus propitius esto mihi peccatori                     | 309.                        |
| 19 | De Zachæo quomodo restitutionem promiserit             | 95. b                       |
| 21 | Per patientiam vestram possidete animas                | 103.                        |
| 22 | Desiderio desideravi hoc pascha manducare              | 233.                        |
| 22 | Reges gentium dominantur eis                           | 75. b                       |
|    | 290. b. 298. b. 299.                                   |                             |
| 22 | Ecce satanas expetiuit vos                             | 255. b. 273. b              |
| 22 | Christus vocat magistratum potestatem tenebrarum       | 60. b                       |
| 23 | Si in humido ligno                                     | 101. b                      |
| 23 | Hodie mecum eris in paradiso                           | 257. b                      |
|    | 262.                                                   |                             |
| 24 | Tunc aperuit mentem illorum dominus                    | 303. b                      |
| 24 | Spiritus carne & ossa non habet                        | 31. b. 242.                 |
|    | EX EVANGELIO IOANNIS.                                  |                             |
| 1  | In principio erat verbum                               | 229.                        |
| 1  | Verbum caro factum est                                 | 233. b. 367.                |
| 1  | Ego baptizo aqua                                       | 293. 349. b                 |
| 1  | Ecce agnus dei qui tollis                              | 124. b                      |
| 1  | Vidi spiritum descendantem                             | 230. b. 332.                |
|    | 349.                                                   |                             |
| 3  | Amen dico tibi, nisi quis natus fuerit e supernis      | 353. b. 354. b. 169. 185. b |
|    | 3 Quod                                                 |                             |



S E C V N D V S.

|   |                                             |             |    |                                              |              |
|---|---------------------------------------------|-------------|----|----------------------------------------------|--------------|
| 3 | Quod natum est ex carne caro est            | 198.b       | 9  | Peccatores deus non audit                    | 309.311      |
| 3 | Si terrena dixi vobis                       | 323.b       | 10 | Qui non intrat per ostium in stabulum o-     |              |
| 3 | Spiritus vbi vult spirat                    | 242         |    | uium                                         | 184          |
| 3 | Nemo ascendit in cœlum                      | 235         | 10 | Ovès meæ vocem meam audiunt                  | 205.b        |
| 3 | Sicut Moses exaltauit serpentem             | 17.b        |    |                                              | 276.b        |
| 3 | Sic deus dilexit mundum                     | 17.b.279    | 10 | Ego pono animam meam                         | 258          |
| 3 | 165.b                                       |             | 10 | Si tu es Christus                            | 182          |
| 3 | Hæc est condemnatio quod lux                | 185         | 10 | Multa bona opera ostendi vobis               | 230.b        |
| 3 | Baptizauit Ioannes in Aenon                 | 350         | 10 | Ego & pater vnum sumus                       | 21.b.211.230 |
| 3 | Qui habet sponsam sponsus est               | 291         | 12 | Nisi granum frumenti deiectum in terram      |              |
| 3 | Qui est supernis venit                      | 332         |    | mortuum fuerit                               | 23           |
| 3 | Quem misit deus, &c.                        | 232         | 12 | Anima mea turbata est                        | 233          |
| 4 | Quisquis biberit ex aqua.                   | 338.b       | 12 | Vbi exaltatus fuero                          | 23           |
| 4 | Veniet hora, & nunc est                     | 141.b.220.b | 12 | Si quis audierit verba mea                   | 346.b        |
| 4 | 312.b.339                                   |             | 13 | Satan ingressus est cor Iudæ                 | 256.376      |
| 4 | Deus est spiritus                           | 242         | 13 | Qui lorulus est non opus habet               | 29.118.b     |
| 4 | Ego sum qui loquor tibi                     | 182.b       |    |                                              | 174.263      |
| 5 | Quærebant Iudæi magis interficere Iesum     |             | 13 | Non est apostolus maior                      | 299          |
| 5 | 21.b.229.b.230.b.231.                       |             | 13 | Qui recipit quemcumq; misero                 | 178.b        |
| 5 | Qui sermonem meum audit 260. b. 262. 265. b |             |    |                                              | 374          |
| 5 | Qui bona fecerunt prodibunt in, &c.         |             | 14 | Ne turbetur cor vestrum                      | 21.232       |
| 5 | 253.b                                       |             | 14 | Vado vobis paraturus locum                   | 25.261.b     |
| 5 | Pater omne iudicium dedit filio             | 231.b       | 14 | Si abiero                                    | 370          |
| 5 | 310                                         |             | 14 | Ego sum via                                  | 184.310      |
| 5 | Sicut pater habet vitam                     | 373         | 14 | Ostende nobis patrem                         | 209          |
| 5 | Est qui vos accusat Moses                   | 128.136.b   | 14 | Quicquid petieritis nomine meo               | 223.311      |
| 6 | Fugit dominus dum volunt eum regem de-      |             |    |                                              | 319.b        |
| 6 | clarare                                     | 75          | 14 | Ego rogabo patrem                            | 211.243      |
| 6 | Verba domini de manducatione sui corpo-     |             | 14 | In illo die cognoscetis quod ego sum in pa-  |              |
| 6 | ris, faciunt ad explicanda verba cœnæ       | 19.b        |    | tre                                          | 275.b        |
| 6 | 335.342.b.372.a.b                           |             | 14 | Qui habet præcepta mea, & seruat ea          | 156.b        |
| 6 | Hæc est voluntas eius qui misit me, &c.     |             | 14 | Paracletus ille, qui est spiritus sanctus    | 212          |
| 6 | 17.b                                        |             |    |                                              | 245.b        |
| 6 | Nemo venit ad me                            | 218         | 14 | Pater maior me est                           | 10.b         |
| 6 | Cum edidit meam carnem                      | 17.b.275.b  | 15 | Ego sum vitis                                | 154.289.b    |
| 6 | Hoc vos offendit?                           | 25          | 15 | Iam mundi estis propter sermonem quem        |              |
| 6 | Domine, ad quem ibimus?                     | 184.b.230.b |    | dixi vobis                                   | 328.b        |
| 6 | Iudas diabolus appellatur                   | 254.b       | 15 | Si quis in me manserit                       | 276          |
| 6 | 348.b                                       |             | 15 | Hoc est præceptum meum, vt diligatis vos     |              |
| 7 | Christus cum venerit, num signa plura e-    |             |    | in vicem, sicut &c.                          | 35           |
| 7 | det ijs?                                    | 182         | 15 | Si non venissem, & locutus fuisset eis, pec- |              |
| 7 | Si quis sitit                               | 275.b.245.b |    | catum non haberent                           | 172          |
| 7 | Nondum erat spiritus sanctus                | 146.b       | 15 | Si me persequuti sunt                        | 107.b.306.b  |
| 8 | Si filius liberos reddiderit vos            | 151         | 15 | Quem ego mittam vobis a patre                | 243.b.244    |
| 8 | Ego ex deo veni                             | 230         | 16 | Alienos a synagogis facient vos              | 107.b        |
| 8 | Nos estis supro non sumus nati              | 230.b       | 16 | Veritatem dico vobis, Expedi vt vadā         | 247          |
| 8 | Diabolus homicida erat ab initio            | 164.235     |    |                                              | 369          |
| 8 | 254                                         |             | 16 | Multa habeo vobis dicere                     | 7            |
| 8 | Qui sermonem meum seruauerit, mortem        |             | 16 | Cum venerit paracletus                       | 245.b        |
| 8 | non videbit                                 | 260.b       | 16 | Amen dico vobis, Plorabitis & lamentabi-     |              |
| 8 | Abraham exultauit, vt videret diem meum     |             |    | mini                                         | 99           |
| 8 | 147                                         |             | 16 | Quæcūq; petieritis a patre sub nomine meo    |              |
| 8 | Quinquaginta annorum nondum es              | 269         |    | 147.b.223.239.311                            |              |
| 8 | Antequam Abraham fieret ego sum             | 229         | 17 | Pater, venit hora, glorifica filium tuum     |              |
| 8 | 230                                         |             |    |                                              | 231          |
| 9 | Christus ad cæcum, Credis in filium Dei?    |             | 17 | Hæc est vita æterna                          | 21.29.b      |
| 9 | 21.99.b                                     |             | 17 | Et nunc glorifica tu me pater                | 231.b        |
| 9 | Credo domine, & adorauit eum                | 220.b       | 17 | Ego sanctifico meipsum pro eis               | 263.239      |
| 9 | Me oportet operari opera                    | 262.b       |    |                                              |              |

# I N D E X.

|    |                                     |                     |
|----|-------------------------------------|---------------------|
| 18 | Regnum meum non est ex hoc mundo    |                     |
|    | 75.b.337.                           |                     |
| 19 | Nos habemus legem                   | 330.b               |
| 19 | In illo non est contractum os vllum | 124.b               |
| 19 | Inclinato capite tradidit spiritum  | 358                 |
| 20 | Sicut me misit pater                | 303.b               |
| 20 | Quorum remisistis peccata           | 30                  |
| 20 | Hæc autem scripta sunt              | 7                   |
| 21 | Pasce oues meas                     | 291.295.298.b.299.b |

## EX ACTIS APO- stolorum.

|    |                                                           |                     |
|----|-----------------------------------------------------------|---------------------|
| 4  | Ne discesseritis Hierosolyma                              | 349.b               |
| 1  | De ascensione Christi                                     | 370                 |
| 3  | De missione spiritus sancti                               | 246                 |
| 2  | Erant perseverantes                                       | 274.b.336.378       |
| 2  | Iesum hunc excitavit deus                                 | 24.212.b            |
| 2  | Quid faciemus viri fratres                                | 193.196.b           |
| 2  | Respicite & baptizemini.                                  | 274.304.326.b       |
|    | 334.339.                                                  |                     |
| 2  | Qui libenter acceperunt sermonem Petri,<br>baptizati sunt | 340                 |
| 2  | Seruemini a generatione prava                             | 288                 |
| 3  | In nomine Iesu surge                                      | 328                 |
| 3  | Pœnitementi & conuertimini                                | 190                 |
| 3  | Scio quod per ignorantiam fecistis                        | 174.b               |
| 4  | Non est in alio quoquam salus                             | 262.b               |
| 4  | De communitate bonorū apostolica                          | 89.b                |
|    | 379                                                       |                     |
| 5  | Cur seduxit satanas cor tuum?                             | 243                 |
| 5  | Angelus domini per noctem aperuit ianuas                  | 249.b               |
| 5  | Oportet deo plus obedire                                  | 51.b                |
| 6  | Hierosolymis fuisse collegia                              | 378.b               |
| 6  | De primis diaconis                                        | 382                 |
| 7  | Expletis annis quadraginta apparuit ange-<br>lus          | 352                 |
| 7  | Iesu suscipe spiritum meum                                | 258.265             |
| 8  | Samaritani ciues baptizati sunt a Philippo                | 350.358.b           |
| 8  | Dare & mihi potestatem hanc                               | 198                 |
| 8  | Non est tibi pars                                         | 355.b               |
| 8  | De eunucho Candacis reginæ                                | 292.b.339.b         |
|    | 340.348                                                   |                     |
| 10 | Surge Petre, macta & vescere                              | 300.b               |
| 10 | Cornelius iubetur accersere Petrum                        | 292                 |
| 10 | Historia de Cornelio                                      | 288.b.251.311.b.340 |
|    | 348.350.                                                  |                     |
| 10 | Surge & ego ipse homo sum                                 | 221.299             |
| 10 | Vos scitis me vocatum cœlius                              | 144                 |
| 10 | Nū quis prohibere potest vt baptizetur                    | 357                 |
| 12 | Ecce angelus domini astitit                               | 249.b               |
| 13 | Notum sit vobis fratres                                   | 139                 |
| 13 | Nemo hoc sibi honoris vsurpat                             | 300.b               |
| 13 | Vobis oportebat primum loqui sermonem<br>Dei              | 304                 |
| 14 | Deus nō expertē testimoniū sinebat                        | 215.b               |
| 15 | Fide purificans cor                                       | 328.b.375           |

|    |                                                                              |               |
|----|------------------------------------------------------------------------------|---------------|
| 15 | Credimus per gratiam dei                                                     | 18            |
| 15 | In synodali epistola prohibetur sanguis &<br>suffocatum 143. item fornicatio | 81.338        |
|    | Epistola synodalis ad verbū ponitur                                          | 143.b         |
|    | 144.a.b.388.                                                                 |               |
| 16 | Crede in Dominum Iesum                                                       | 304           |
| 17 | Deus qui fecit mundum &c.                                                    | 42.b          |
| 17 | Non procul abest Deus                                                        | 206.231.b.339 |
| 18 | Sanguis vester super caput                                                   | 304           |
| 19 | Duodecim viri Ephesij an rebaptizati                                         | 358.b         |

|    |                                                   |                         |
|----|---------------------------------------------------|-------------------------|
|    | 350                                               |                         |
| 19 | De filiis Sceuræ sacerdotis                       | 297.328                 |
| 20 | Anima eius in ipso est                            | 257                     |
| 20 | Attendite vobis & cuncto gregi, ego no-<br>ui &c. | 277.b.291.295.298.303.b |
| 22 | Paulus sedet ad pedes Gamalielis                  | 378.b                   |
| 22 | Exurge & baptizare                                | 334.358                 |
| 23 | Sadducæi negant esse angelos                      | 248.b                   |
| 23 | Paulus ad Felicem deducitur                       | 278.b                   |
| 24 | Credo omnibus quæ in lege & prophetis<br>32.b     |                         |
| 27 | Mitto te ad gentes                                | 192.b                   |
| 27 | Astitit mihi hac nocte angelus dei &c.            | 216b                    |
|    | 251.b.252.b                                       |                         |

## EX EPISTOLA PAVLI ad Romanos.

|   |                                                       |                 |
|---|-------------------------------------------------------|-----------------|
| 1 | Dicit se vocatum apostolum &c.                        | 234.            |
|   | Se-<br>gregatum ad prædicandum euangelium             | 280. b          |
| 1 | Euangelium ante quidē promissit deus                  | 146.            |
|   | 304. b                                                |                 |
| 1 | Euangelium est potentia dei                           | 178             |
| 1 | Reuelatur ira dei de cœlo                             | 175.b.183       |
| 1 | Quod de deo cognosci potest manifestū est<br>36.b     |                 |
| 1 | Quæ sunt inuisibilia dei                              | 209.b           |
| 1 | In sua ipsorū ratiocinatione stulti facti sunt<br>209 |                 |
| 1 | Tradidit eos in reprobum sensum                       | 166             |
| 2 | Diuitias bonitatis illius contemnitis                 | 44.b            |
|   | 176. b                                                |                 |
| 2 | De lege naturali                                      | 36              |
| 2 | De duplici circumcisione                              | 123             |
| 3 | Num incredulitas illorum fidem dei faciet<br>irritam? | 346.b           |
| 3 | Quod si iniustitia nostra commendat                   | 163.b           |
| 3 | Ex operibus non iustificabitur omnis caro<br>183. b   |                 |
| 3 | Abq; lege iustitia dei manifestata est                | 186             |
| 3 | Omnes peccauerunt & destituuntur gloria<br>Dei        | 169             |
| 4 | Quid dicemus Abraham inuenisse                        | 4.187           |
| 4 | Credidit autē Abrahā deo                              | 18.154. b.339.b |
| 4 | Beati quorum remissæ sunt iniquitates                 | 188             |
| 4 | Signum accepit circumcisionis                         | 341.b           |
| 4 | Vbi nō est lex, ibi non est transgressio              | 169.b           |
| 4 | Idcirco ex fide datur hæreditas                       | 18              |
| 5 | Iustificati ex fide                                   | 19.b.338.b      |
| 5 | Gloriamur super afflictionibus                        | 100             |
| 5 | Dilectio effusa in corda nostra                       | 33              |

Chri-



S E C V N D V S.

Christus cum adhuc essemus peccatores  
 225. b  
 Quemadmodum per vnum hominem pec-  
 catum in mundū introiit 136. b. 167. b. 353. b  
 Vnius delicto mortui sumus 17. b. 169. b  
 An ignoratis quod quicumque baptizati su-  
 mus 346. 359. b  
 Ne regnet peccatum 151. 240. 172. b  
 Peccatū nō cognoui nisi per legē 111. 136. b  
 Scimus quod lex spiritualis est 138. 167. b  
 Noui quod bonū non habitat in me 163. b  
 199. 200. b  
 Volenti mihi facere bonum 172. b  
 Miser ego homo 193  
 Idē ego mente quidem seruo legi dei 172. b  
 Lex spiritus vitæ per Christum 151. b  
 Quod lex præstare non poterat 138. b  
 Affectus carnis inimicitia est aduersus deum  
 111  
 Qui in carne sunt 246. b  
 Si quis spiritū Christi non habet 245. 275. b  
 Qui spiritu dei ducuntur 243. b. 347. b. 357  
 Cum Christo patimur 105. b  
 Spes si videatur non est spes 103. b  
 Spiritus opitulatur infirmitatibus nostris  
 310  
 Spiritus intercedit pro nobis 224. b  
 Quos præciuit, &c. 179. b  
 Qui proprio filio non pepercit 217. b  
 Quis nos separabit à dilectione dei 105. b  
 33. b  
 Non omnes qui sunt ex Israel 274  
 Si confessus fueris ore 328. b. 340  
 Quisquis inuocauerit nomen Domini 223  
 Quomodo audiet absque prædicante 100. b  
 Fides est ex auditu 218  
 Si per gratiam saluamur 186. b  
 O altitudo diuitiarum sapientiæ 217. b  
 Obsecro vos fratres 225. b  
 Iubemur probare quæ sit bona dei volun-  
 tas 340  
 Parabola sumpta à membris humani cor-  
 poris 27. b  
 Ne vlciscamini vos ipsos 68  
 Omnis anima 60. 157  
 Oportet subditos esse non solum propter  
 itam, &c. 76  
 Qui diligit alterum, legem impleuit 35. b  
 Eum qui infirmatur fide, assumere 153  
 Regnum dei non est cibus & potus 236. b  
 Omnia mihi licent 252. b  
 Phœbe Cenchreensis 295. b  
**EX PRIORE EPISTOLA**  
 ad Corinthios.  
 An nō in Christi nomē baptizati estis? 345  
 350. 352. 357  
 Postquam in sapientia dei nō cognouimus  
 deum 209  
 Ego per infirmitatem & cū timore, &c. 278

Prædicatio meā non erat in persuasione  
 276. b  
 Si ipsum cognouissent 238  
 Deus revelauit per spiritum suum 247  
 Animalis homo 169 199  
 Quis est Paulus? 293. 332. 386  
 Nihil est qui rigat 8  
 Vt sapiens architectus 288. b  
 Spiritus dei habitat in vobis 243. 245  
 Sic homo nos æstimet 296. 276  
 Per Euangelium ego vos genui 276. b  
 Decreui, vt qui hoc scelus patrauit, tradatur  
 satanæ 384  
 Festum celebremus non in fermento veteri  
 115  
 Si quis cū frater appellatur 273. b. 384  
 Disputat contra fornicationem 81  
 Abluti estis, sanctificati estis 334  
 Nescitis quod corpora vestra 243  
 Precio empti fuistis 21. b. 151. b  
 Propter supra vitanda, &c. 78. 385. 386. b  
 Vxori vir debitā benevolentiam reddat 78  
 Sanctificatus est vir infidelis 168  
 Filij sancti sunt 353. b  
 Vnusquisque vt vocauit eum dominus 150  
 Qui in domino vocatus est seruus 150  
 Precio empti fuistis 386. b  
 Virgo ea curat quæ sunt domini 385  
 Scientia inflat 273. b  
 Ecce nos non commendat deo 84  
 Si spiritualia vobis seminauimus 380. b  
 Dicit se habere potestatem circumducendi  
 sororem 385  
 Omnes patres nostri baptizati sunt 301. b  
 351. b  
 Nolo vos ignorare patres nostros 248  
 337  
 Petra erat Christus 289  
 Contra scortationem 81  
 Fidelis est deus 162. b. 66. b. 109. b. 356. b  
 Vnus panis, vnum corpus multi sumus  
 292. b  
 Nōne qui edunt victimas 112  
 Potulā benedictionis & panis, &c. 329. b  
 345. a. b  
 Imitatores mei estote 277. b  
 Iubet mulierem testio capite orare 120  
 Ego accepi à domino 333. 361. 365. 360  
 Probet semetipsum homo 264. 284. 375. b  
 340. 376  
 Cum iudicamur 104. b  
 Cætera cum venero disponam 268. b  
 Diuisiones donorum sunt, sed idem spiritus  
 242. b. 243  
 Quæmadmodum vñum corpus est 345. 359  
 Vnicuique datur manifestatio spiritus 247  
 Si habeam omnem fidem 356. b  
 De ingenio dilectionis 35. b  
 Cernimus nunc per speculum 203  
 bbb

|     |                                     |                   |
|-----|-------------------------------------|-------------------|
| 13  | Qui prophetae dicti sunt            | 295               |
| 14  | Si orem lingua                      | 314               |
| 14  | Orabo spiritu                       | 244.311.b.314.a.b |
| 14  | Si conuenerit tota ecclesia in idem | 308.b             |
| 14  | Prophetae duo aut tres loquantur    | 281               |
| 14  | Verat mulieres docere in ecclesia   | 295.b             |
| 15  | Tradidi vobis in primis q̄ acceperā | 268.b             |
| 15  | De resurrectione Christi ex mortuis | 24.b              |
| 370 |                                     |                   |
| 15  | Seminatur in corruptione            | 32.b              |
| 15  | Caro & sanguis non erunt in celo    | 10.32             |
| 15  | Eccce mysterium vobis dico          | 31                |

EX EPISTOLA POSTE-  
riore ad Corinthios.

|   |                                         |           |
|---|-----------------------------------------|-----------|
| 1 | Qui confirmat nos                       | 246.b.343 |
| 3 | Sufficit homini increpatio hæc          | 384       |
| 3 | Estis epistola Christi                  | 293.b     |
| 3 | Non idonei sumus ex nobis ipsis         | 199       |
| 3 | Paulus appellat legem literam           | 136.b     |
| 4 | Quod si adhuc velatum est euangelium    | 324       |
| 4 | Non nos ipsos prædicamus                | 293.b     |
| 4 | Habemus thesaurum in testaceis vasculis |           |

100

|    |                                                                        |       |
|----|------------------------------------------------------------------------|-------|
| 4  | In omnibus premimur, ac non anxij reddi-<br>mur                        | 105.b |
| 4  | Semper nos qui viuimus, &c.                                            | 13    |
| 4  | Credidi propter quod loquutus sum                                      | 244.b |
| 5  | Scimus quod si terrenum nostrum domici-<br>lium tabernaculi destruatur | 261.b |
| 5  | Ersi cognouimus secundum carnem Chri-<br>stum                          | 233   |
| 5  | Erat deus in Christo                                                   | 187.b |
| 6  | Nolite iugum trahere cum incredulis                                    | 385   |
| 6  | Quis consensus Christi & Belial?                                       | 255   |
| 6  | Exite de medio illorum                                                 | 288   |
| 7  | Tristitia quæ secundum deum est                                        | 200.b |
| 8  | Nullus est deus nisi vnus                                              | 210.b |
| 11 | Adiunxi vos vni viro                                                   | 291.b |
| 11 | Alias deprædatus sum ecclesias                                         | 381   |
| 11 | Satanam se transfigurare in angelum lucis                              |       |
| 15 |                                                                        |       |
| 15 | Si qui alij sunt ministri Christi, excellentior<br>sum ego             | 107   |
| 22 | Ne excellentia reuelationū effertur, &c.                               | 256   |
| 22 | Timeo ne forte cum venero                                              | 384.b |
| 29 | Gratia domini nostri Iesu Christi, &c.                                 | 242.b |

EX EPIST. AD GALATAS.

|   |                                                        |                 |
|---|--------------------------------------------------------|-----------------|
| 1 | Miror quod tam cito                                    | 363             |
| 4 | Si angelus de celo                                     | 304.b           |
| 1 | Vbi deo visum est                                      | 276.b           |
| 2 | Titus cum Græcus esset                                 | 133             |
| 3 | Paulus increpauit Petrum                               | 383.b           |
| 3 | Scimus non iustificari hominem ex operi-<br>bus, &c.   | 18              |
| 3 | Viuo aut tam non ego                                   | 154.b.260.272.b |
| 3 | Si ex lege iustitia, ergo Christus frustra mor-<br>tus | 162.b           |
| 4 | O stulti Galatas                                       | 244.b           |

I N D E X.

|   |                                           |       |
|---|-------------------------------------------|-------|
| 3 | Execrabilis omnia                         | 138.b |
| 3 | Si data fuisset lex quæ possit viuificare | 137   |
| 3 | Concluserit omn. sub peccatum             | 183   |
| 3 | Non est ludæus                            | 271.b |
| 3 | Lex paedagogus noster fuit ad Christum    | 338   |
| 3 | Omnes filij dei estis                     | 342.b |
| 3 | Quicumque baptizati estis                 | 359   |
| 3 | Abraham non est iustificatus per legem    | 18    |
| 4 | Vbi venit plenitudo temporis              | 152   |
| 4 | Quoniam autem estis filij                 | 243.b |
| 4 | Dies obseruatis & menses                  | 388   |
| 4 | Non respuistis infirmitatem meam in carne |       |

294

|       |                                                            |             |
|-------|------------------------------------------------------------|-------------|
| 4     | Fingit duas matres                                         | 148.b       |
| 4     | Quæ sursum est Hierusalem                                  | 276.b.291.b |
| 5     | Quod si circumcidamini, Christus nihil vo-<br>bis proderit | 142.b       |
| 5     | Vos in libertatem vocati estis                             | 152.b       |
| 5     | Caro concupiscit aduersus spiritum                         | 243.b       |
| 318.b |                                                            |             |
| 5     | Fructus spiritus est charitas                              | 247         |
| 6     | Fratres etiam si præoccupatus fuerit homo                  |             |

194

|           |                               |      |
|-----------|-------------------------------|------|
| 6         | Operemur bonum cum erga omnes | 98.b |
| 262.b.382 |                               |      |

EX EPISTOLA AD  
Ephesios.

|       |                                                         |            |
|-------|---------------------------------------------------------|------------|
| 1     | Elegit nos deus in Christo                              | 217.b      |
| 1     | Obligati estis spiritu promissionis                     | 246.b      |
| 343   |                                                         |            |
| 1     | Deus excitauit Christum ex mortuis                      | 237.b      |
| 290.b |                                                         |            |
| 2     | Secundū spiritum cui potestas est aeris                 | 255.b      |
| 2     | Eramus natura filij iræ                                 | 169.b      |
| 2     | Gratia estis seruati                                    | 18         |
| 2     | Memento quod vos quondam gentes in<br>carne vocabamini  | 345        |
| 2     | Conditi sumus in Christo Iesu ad opera bo-<br>na        | 160.b      |
| 2     | Christus est pax nostra                                 | 140.b      |
| 2     | Iam non estis hospites & incolæ                         | 289.b      |
| 2     | Fundamentum Apostolorum                                 | 289        |
| 3     | Deus secundum reuelationem                              | 7          |
| 3     | Christus inhabitat per fidē in cordibus no-<br>stris    | 275.b      |
| 4     | Vnum corpus & vnus spiritus                             | 281.b      |
| 4     | Vnus dominus                                            | 210.b.350  |
| 4     | Qui descendit idem ille est                             | 294.b      |
| 4     | Quos ordines deus in ecclesia instituerit               |            |
| 294.b |                                                         |            |
| 4     | Christus dedit alios Apostolos                          | 13.b.276.b |
| 4     | Instituit ministros ad institutionē sancto-<br>rum      | 294        |
| 4     | Hoc dico & testor per dominum                           | 170.200    |
| 4     | Renouamini spiritu mentis, & induite no-<br>uum hominem | 165.b      |
| 4     | Deposito mendacio                                       | 91.b       |
|       |                                                         | Irascimini |



S E C V N D V S.

|   |                                           |             |
|---|-------------------------------------------|-------------|
| 4 | Iraſcimini & ne peccetis                  | 57.b        |
| 4 | Omnis ſermo ſpurcus                       | 82          |
| 4 | Ne contriſtetis ſpiritum                  | 343         |
| 5 | ſcortatio & omnis immunditia, &c.         | 82          |
| 5 | Neq; ſcortatores                          | 81          |
| 5 | Ne inebriemini vino                       | 314         |
| 5 | Chriſtus eſt caput eccleſiæ               | 237.b.290.b |
| 5 | Chriſtus dilexit eccleſiam, &c.           | 28.359      |
| 5 | Chriſtus ſemetipſum expoſuit pro eccleſia |             |

274.328

|   |                                              |           |
|---|----------------------------------------------|-----------|
| 5 | Eccleſia ſponſa                              | 291.b.278 |
| 5 | De inſtitutione matrimonij                   | 79.b      |
| 5 | Gratias agite ſemper                         | 320.b     |
| 6 | Filij obedite parentibus                     | 55.b.57   |
| 6 | Patres ne prouocetis                         | Ibidem    |
| 6 | Sitis fortes per dominum fratres             | 201       |
| 6 | Pugna eſt nobis aduerſus ſpirituales nequias | 255.b     |
| 6 | Diaboli varia nomina                         | 255       |
| 6 | Panoplia militis Chriſtiani                  | 256.b     |
| 6 | Perit Paulus interceſſiones ab eccleſia      | 313       |

EX EPISTOLA AD  
Philippenſes.

|   |                                                     |           |
|---|-----------------------------------------------------|-----------|
| 1 | Vobis donatum eſt                                   | 154.b     |
| 1 | Cupio diſſolui                                      | 261.b.265 |
| 2 | Adhortatio ad charitatem                            | 35.b      |
| 2 | Cum eſſet æqualis deo, &c.                          | 22.b.230  |
| 3 | Donatum eſt Chriſto nomen                           | 231.b     |
| 3 | Noſtra conuerſatio eſt in cælis                     | 25.b.31.b |
| 3 | Chriſtus tranſfigurabit corpus noſtrum hu-<br>mile  | 30.b.32   |
| 4 | In omni precatione                                  | 307.b     |
| 4 | Didicimus in ijs in quibus ſumus eſſe con-<br>tenti | 106       |

EX EPISTOLA AD  
Coloſſenſes.

|   |                                                                      |              |
|---|----------------------------------------------------------------------|--------------|
| 1 | Deus eripuit nos à poteſtate tenebrarum                              | 169.b        |
| 1 | Chriſtus eſt imago Dei                                               | 230          |
| 1 | In filio cõplacitum patri eſt vniuerſam ple-<br>nitudinem inhabitare | 27.183.184.b |
| 1 | Suppleo in corpore meo                                               | 156.b.198    |
| 2 | Cauendum à philoſophia                                               | 332.b        |
| 2 | In Chriſto eſtis completi                                            | 337          |
| 2 | Comparat ceremonias chirographo                                      | 140.b        |
| 2 | Per Chriſtum eſtis circumciſi                                        | 37           |
| 2 | Ne quis vos iudicet                                                  | 49.b.142     |
| 2 | Si mortui eſtis cum Chriſto ab elementis<br>mundi                    | 151.b        |
| 2 | De decretis hominum                                                  | 276.b        |
| 2 | Damnat id ad hunc ap                                                 | 160.b        |
| 2 | Non per honorem aliquem                                              | 152          |
| 3 | Superna querite                                                      | 364.b        |
| 3 | Mortificate membra veſtra                                            | 200          |
| 3 | Serui obedite                                                        | 150          |
| 4 | Orationi inſtate                                                     | 307.b        |

|   |                                          |     |
|---|------------------------------------------|-----|
| 4 | Vide miniſterium quod accepisti à domino | 305 |
|---|------------------------------------------|-----|

EX EPISTOLA PRIOR  
ad Theſſalonicenſes.

|   |                                                             |                |
|---|-------------------------------------------------------------|----------------|
| 1 | Ipsi de vobis annunciant, &c.                               | 225.b          |
| 2 | Exhortatio noſtra non fuit ex impoſtura                     | 278.300        |
| 2 | Gratias agimus deo quod cum acceperitis<br>ſermonem à nobis | 5.292.b.324    |
| 2 | Hi vt dominum Ieſum occiderunt                              | 153.b          |
| 3 | Miſi ad hoc Timotheum                                       | 13.b.343       |
| 4 | Hæc eſt voluntas dei                                        | 8              |
| 4 | Qui reiicit nos                                             | 292.b          |
| 4 | Nolo vos ignorare de dormientibus                           | 262            |
| 4 | Ipe dominus cum hortatu & voce archan-<br>geli              | 27.250.b.261.b |
| 4 | Nos qui viuimus, &c.                                        | 25             |
| 5 | Rogamus vos fratres vt agnoſcatis eos, &c.                  | 54.381.b       |
| 5 | Indefinenter orate                                          | 312            |
| 5 | Omnia probate                                               | 281.283        |

EX EPISTOLA POSTE-  
riore ad Theſſalonicenſes.

|   |                                                           |            |
|---|-----------------------------------------------------------|------------|
| 1 | Reuelabitur dominus noſter, &c.                           | 26.b.251.b |
| 2 | Antichriſti aduentus eſt ſecundum opera-<br>tionem ſatanæ | 256        |
| 2 | Antichriſtus collocauit ſe in ſolium                      | 287        |
| 2 | Reuelabitur antichriſtus                                  | 298        |
| 2 | Quomodo antichriſtus conſciendus ſit                      | 278        |
| 2 | De falſis miraculis                                       | 371        |
| 2 | ſtate & tenete traditiones quas accepisti                 | 268.b      |
| 3 | Præcipimus vobis fratres, vt ſubducatis                   | 9.b        |
| 3 | Si quis non obedit ſermoni noſtro                         | 384.b      |

EX PRIMA EPISTOLA  
ad Timotheum.

|   |                                                  |                |
|---|--------------------------------------------------|----------------|
| 1 | Finis præcepti eſt charitas ex puro corde        | 34.b.136       |
| 1 | Iuſto lex non eſt poſita                         | 65.69.138      |
| 1 | Gratiam habeo ei, quia fidelem me iudica-<br>uit | 172.b          |
| 2 | Adhortor ut ante omnia ſiant deprecationes       | 308.59.b       |
| 2 | Pro quibus orandum                               | 313            |
| 2 | Pro magiſtrato                                   | 76             |
| 2 | Deus vult omnes homines, &c.                     | 5.b            |
| 2 | Vnus deus, vnus mediator                         | 22.210.b.223.b |
| 2 | Volo in omni loco orare viros                    | 308            |
| 2 | De veſtitu                                       | 82.b           |
| 2 | Mulier docere non permitto                       | 352.b          |
| 2 | Canon Apoſtolicus                                | 280.b.301      |
| 3 | Episcopus ſit vnus vxoris vir                    | 78.b           |
| 3 | Quæ eſt eccleſia dei viuentis                    | 279.305        |

bbb a

# INDEX

|                        |                                            |                      |                     |                                             |             |
|------------------------|--------------------------------------------|----------------------|---------------------|---------------------------------------------|-------------|
| 4                      | Spiritus certo loquitur                    | 84.b.300.b.384.b     | 4                   | Nobis annunciatum est quemadmodum &c        |             |
| 4                      | Pietas ad omnia utilis                     | 158.b                |                     | illis                                       | 301.b.246.b |
| 4                      | Esto forma fidelium                        | 303.b                | 4                   | Exhortemini vos inuicem                     | 240.b       |
| 4                      | Donec venero attende lectioni, &c.         | 106.b                | 5                   | Nemo sibi ipsi usurpat honorem              | 238.b       |
| 4                      | Comonefacio te ut suscites donū dei        | 218.b                | 5                   | Semel exauditus est pro reuerētia à patre   | 239         |
| 5                      | Qui bene præsunt presbyteri                | 295                  | 6                   | Impossibile ut qui semel                    | 10.374.b    |
| 5                      | De viduis                                  | 385                  | 6                   | Homines per eum iurant                      | 46.b.325.b  |
| 5                      | Peccantes coram omnibus argue              | 307                  | 7                   | Christus perpetuum habet sacerdotiū         | 224         |
| 5                      | Qui bene præsunt                           | 380.b                | 7                   | Et illi quidē plures facti sunt sacerdotes  | 239.b       |
| 5                      | Aduersus presbyterum accusationem ne ad-   |                      | 7                   | Nostro pontifici non est necesse, &c.       | 127         |
|                        | miseris                                    | 384                  | 8                   | Si esset in terra Christus                  | 239         |
| 5                      | Vide ne cui manus cito imposueris          | 172.b.301            | 8                   | Quoniā propitiū ero iniustitijs eorū        | 149         |
| 6                      | Quicumq; sub iugo sunt serui               | 150                  | 9                   | Nō in manu facta sancta ingressus est Chri- |             |
| 6                      | Hæc doce & exhortare                       | 379                  |                     | stus                                        | 239.b       |
| 6                      | Est quæstus magnus pietas                  | 105.b                | 9                   | Christus nō iuueni aut hirci sanguine       | 127         |
| 6                      | Qui volunt discere                         | 91                   | 9                   | Si cinis iuuenæ aspersus                    | 128.b       |
| 6                      | Deus habitat lucem inaccessam              | 297.b                | 9                   | Christus semel sub consummationem secu-     |             |
| 6                      | Diuitibus præcipe, &c.                     | 90.98.382            |                     | lorum                                       | 371         |
| EX SECUNDA EPIST. PAV- |                                            |                      |                     |                                             |             |
| LI AD TIMOTHEVM.       |                                            |                      |                     |                                             |             |
| 1                      | Dicit vitam per Christū reparatā esse      | 260.b                | 10                  | Non potest sanguis taurorum                 | 333.b       |
| 1                      | Deus saluos nos fecit                      | 179.217              | 10                  | Omnis quidem sacerdos assistit              | 239.b       |
| 2                      | Memento Iesum Christū resurrexisse à mor-  |                      | 10                  | Vnica oblatione perfectos effecit           | 263.363     |
|                        | tuis                                       | 100                  | 10                  | Voluntarie peccantibus                      | 175         |
| 2                      | Certus sermo, nam si cōmortui sumus        | 159                  | 10                  | Ne abieceritis fiduciam vestram             | 103         |
| 2                      | Stude te ipsum probatum exhibere           | 305.b                | 10                  | Patientia vobis opus est                    | 159         |
| 2                      | Seruum domini non oportet pugnare          | 306                  | 11                  | Definitio fidei                             | 11          |
| 3                      | Omnis scriptura diuinitus inspirata        | 6.b                  | 11                  | Sine fide impossibile est placere deo       | 346.b       |
|                        | 183.b                                      |                      | 373                 |                                             |             |
| 4                      | Obtestor te coram deo                      | 306                  | 11                  | Isti per fidem expugnaverunt regna          | 53          |
| 4                      | Erit tempus cum sanam doctrinam non su-    |                      | 11                  | Oberrant in ouillis                         | 106         |
|                        | stinebunt                                  | 110                  | 11                  | Atq; omnes hi patres sancti testimoniū pro- |             |
| 4                      | Bonum certamen certavi                     | 159.b                |                     | meriti per fidem                            | 147.b       |
| EX EPIST. AD TITVM.    |                                            |                      |                     |                                             |             |
| 1                      | Constituēs oppidatim presbyteros           | 301                  | 12                  | Fili mi ne neglexeris correptionem          | 104.b       |
| 1                      | Episcopus sit vnus vxoris vir              | 384.385              | 12                  | Patres carnis vestre                        | 105.b       |
| 1                      | Oportet vaniloquis obturare os             | 305.b                | 12                  | Non accessistis ad montē Sina               | 271.b.250   |
| 1                      | Redarguito illos seueriter                 | 39                   | 13                  | Memores estote victorum                     | 35          |
| 1                      | Contententur se nosse deum                 | 193                  | 13                  | Honorabile est, &c.                         | 77.78.384.b |
| 2                      | Anus doceto                                | 78                   | 13                  | Beneficiētiā non obliuiscamur               | 382         |
| 2                      | De officijs seruorum                       | 93.b                 | 13                  | Parete ijs qui præsunt vobis                | 54          |
| 2                      | Bonitas apparuit erga homines              | 22.179               | 13                  | Animalium quorū sanguis infertur pro pec-   |             |
| 3                      | Admoneto illos ut principatib;             | 59.b                 |                     | cato                                        | 127.b       |
| 3                      | Deus secundum misericordiam saluos nos     |                      | 13                  | Per Christū offerimus hostiam               | 240.b.320   |
|                        | fecit                                      | 212.328.359          | EX EPISTOLA IACOBI. |                                             |             |
| 3                      | Hæreticum hominem, &c.                     | 70.a.b               | 1                   | Quod si cui vestrū deest sapientia          | 6.b.103.b   |
| 3                      | Zenam iuris peritū studiose deducito       | 378.b                | 1                   | Postulet cum fiducia                        | 310.b       |
| EX EPIST. AD HEBRAEOS. |                                            |                      |                     |                                             |             |
| 1                      | Christus appellatur paternæ gloriæ splēdor |                      | 1                   | Beatus qui suffert tentationem              | 320         |
|                        | 109                                        |                      | 1                   | Nemo cum tentatur dicat se à deo tentari    |             |
| 1                      | Christus appellatur imago dei, &c.         | 229.230              | 164.b               |                                             |             |
| 1                      | Per semetipsum purgauit peccata nostra     | 262.b                | 1                   | Omnis donatio bona                          | 309         |
| 1                      | Qui creat angelos                          | 248.b                | 1                   | Religio pura & immaculata, &c.              | 161.226     |
| 1                      | Nōne omnes sunt administratorij spiritus   |                      | 2                   | Abite in pace, &c.                          | 35          |
|                        | 350.b                                      |                      | 2                   | Abrahā nō tantū fide iustificatus est       | 10.b.157.b  |
| 2                      | De Christi incarnatione & intercessionē    | 22                   | 2                   | Vides q; fides ex factis perfecta fuerit    | 156.b       |
| 2                      | Christus carnis & sanguinis nobiscum par-  |                      | 3                   | De lingua, ecce exiguus ignis               | 82.108.b    |
|                        | triceps factus est                         | 152                  | 4                   | Petitis & non accipitis                     | 309.b       |
| 2                      | Nuspā angelos assumit                      | 22.b.232.233.b.248.b | 4                   | Vnus est legislator                         | 305         |
|                        |                                            |                      | 5                   | Ecce merces operariorum                     | 93.172      |
|                        |                                            |                      | 5                   | In delitijs vixistis super terram           | 102         |
|                        |                                            |                      | 5                   | Quomodo cū morietib; sit agēdū              | 356.b.387   |
|                        |                                            |                      | 5                   | Cōfitemini alterutrū pec. vestra            | 194.b.196   |
|                        |                                            |                      |                     | EX                                          |             |



# S E C V N D V S.

## EX PRIMA EPIST.

### P E T R I.

|        |                                                                |                |
|--------|----------------------------------------------------------------|----------------|
| 1      | Dicit prophetas scrutatos esse ad quem articulum temporis, &c. | 123. b         |
| 1      | In prophetis fuisse spiritum Christi                           | 244. b         |
| 1      | Euangelium iucundū spectaculum esse angelis                    | 251            |
| 1      | Perfekte sperate in eam quæ ad vos defertur gratiam            | 103. b         |
| 1      | Redempti estis, non auro, &c.                                  | 21. b, 262. b  |
| 1      | Renati estis                                                   | 8. 276. b      |
| 1      | Christum lapidem esse illum uiuū                               | 289. a. b      |
| 1      | De ædificio spirituali                                         | 224            |
| 1      | Noui testamenti ministros appellat sacerdotes                  | 295. b. 375    |
| 1      | Subditi estote omni humanæ constitutioni                       | 38. b          |
| 2      | Tanquam liberi, non veluti, &c.                                | 152. b         |
| 2      | Deum timete, regem honorate                                    | 53             |
| 3      | De officio mariti & vxoris                                     | 385            |
| 3      | De vestitu                                                     | 82. b          |
| 3      | Oculi domini super iustos                                      | 176            |
| 3      | Christum iuisse ad inferos                                     | 23. b          |
| 3      | Baptismus nos saluos reddit                                    | 328. b         |
| 334    |                                                                |                |
| 4      | Dicit mortuis prædicatum euang.                                | 260. b         |
| 4      | Vt quisq; accepit donum                                        | 304. b         |
| 4      | Ne miremini dū per ignē exploramini                            | 100            |
| 4      | Ne quis vestrū aflagratur vt homicida                          | 100. b         |
| 4      | Tempus est vt iudicium dei à domo ipsius incipiat              | 101. b. 107. b |
| 5      | Presbyteros qui inter vos sunt obsecro                         | 291            |
| 5      | Prohibetur dominiū in gregē Christi                            | 298. b         |
| 5      | Aduersarius vester diabolus                                    | 254. b. 355. b |
| 256. b |                                                                |                |

## EX SECVNDA EPIST.

### P E T R I.

|   |                                                       |           |
|---|-------------------------------------------------------|-----------|
| 1 | Nos habere ædificationem ex deo                       | 261. b    |
| 1 | Scriptura prophetica non est priuatæ interpretationis | 305. b    |
| 1 | Non voluntate hominis allata est olim propheta        | 4. b      |
| 1 | Omnis prophetica scriptura                            | 9. b. 243 |
| 2 | Deus angelis non pepercit                             | 253       |
| 2 | Noe iustitiæ, &c.                                     | 351. b    |
| 2 | Nouit deus suos è tentatione eripere                  | 60. b     |
| 2 | Isti sunt fontes aqua carentes                        | 152. b    |
| 3 | Fuerunt olim Pseudoprophetæ                           | 198. b    |
| 3 | Dicit in epistolis Pauli quedā esse difficilia        | 9         |

## EX EPIST. D. IVDÆ.

|  |                                                       |     |
|--|-------------------------------------------------------|-----|
|  | Dominus angelos qui nō seruauerunt suam originem, &c. | 253 |
|  | Iudas dicit angelū pugnare cum satana                 | 254 |

## EX PRIMA EPISTOLA

### I O A N N I S.

|   |                                                  |        |
|---|--------------------------------------------------|--------|
| 1 | Quod vidimus & audiuius                          | 29     |
| 1 | Sanguis filij dei, &c.                           | 262. b |
| 1 | Sanguis Christi emundat nos ab omni peccato, &c. | 29. b  |

|             |                                                         |                       |
|-------------|---------------------------------------------------------|-----------------------|
| 1           | Si dixerimus peccatum non habemus                       | 136                   |
|             | 167. b. 193. b. 309                                     |                       |
| 2           | Si quis peccauerit                                      | 224. 310              |
| 2           | Christus propitiatio pro peccatis nostris               | 118                   |
| 2           | Si quis diligit mundum, non est charitas patris in eo   | 163. b                |
| 2           | Exiuerunt ex nobis                                      | 273. b                |
| 2           | Quis est mendax, nisi is qui negat Iesum esse Christum? | 212. b                |
| 2           | Quisquis negat filium                                   | 310                   |
| 2           | Vnctio quam vos accepistis ab eo                        | 62. b. 199            |
| 239. 246    |                                                         |                       |
| 3           | Scimus quoniam si apparuerimus                          | 183. b                |
| 205. 246. b |                                                         |                       |
| 3           | Qui committit peccatū ex diabolo est                    | 164. b                |
| 3           | Si habeas substantiam mundi                             | 98. b. 175. 381       |
| 3           | Filioli ne diligamus verbo                              | 34. b                 |
| 3           | Per hoc scimus quod manet in nobis                      | 275. b                |
| 4           | Ne cuius spiritui credatis                              | 242. 281              |
| 4           | Omnis spiritus qui nō cōfiterur                         | 232. b. 340           |
| 4           | Omnis qui diligit eum qui genuit                        | 276                   |
| 4           | Vos estis ex deo filioli                                | 246. b                |
| 4           | Ex hoc cognoscimus quod in eo manemus                   | 275. b                |
| 4           | Quisquis confessus fuerit quod Iesus est filius dei     | 157. 275. b. 373. 374 |
| 4           | Per hoc cognouimus charitatem, &c.                      | 53                    |
| 4           | Deus charitas est                                       | 276                   |
| 5           | Omnis qui credit Iesum                                  | 340                   |
| 5           | Hæc est charitas vt eius præcepta seruemus              | 139                   |
| 5           | Omne quod natum est ex deo                              | 240                   |
| 5           | Hæc est victoria quæ vincit mundum                      | 19. b                 |
| 5           | Si testimonium hominum accipimus                        | 186                   |
| 5           | Qui non credit deo, mendacē facit eum                   | 17. b                 |
| 5           | Hæc est fiducia quā habemus apud eū                     | 19. b                 |
| 5           | Scimus quod filius dei venit                            | 231. b                |
| 5           | Fugite idola                                            | 288                   |

## EX APOCALYPSI

### I O A N N I S.

|        |                                                     |        |
|--------|-----------------------------------------------------|--------|
| 1      | Noli timere, ego sum primus                         | 281    |
| 3      | Hæc dicit sanctus & verax                           | 280    |
| 3      | Ego quoscunq; amo arguo                             | 100    |
| 3      | Vincenti dabo edere                                 | 289. b |
| 6      | Vidit Iōānes animas sub ara latitantes              | 260. b |
| 261. b |                                                     |        |
| 6      | Vsquequo domine qui es sanctus, &c.                 | 157. b |
| 7      | Post hæc vidi, & ecce turba multa                   | 271. b |
| 14     | Timete deum                                         | 221    |
| 14     | Scribe, beati mortui                                | 265    |
| 16     | Angeli phialas effundunt                            | 251. b |
| 17     | Babylon magna mater scortationum                    | 292    |
| 18     | Exite de illa populus meus                          | 288    |
| 19     | Vide ne feceris                                     | 221    |
| 20     | Alligat satanam angelus domini                      | 251    |
| 20     | Fumum ex condemnatis ascensurum in secula seculorum | 254    |
| 22     | Vide ne feceris                                     | 251. b |
| 22     | Conseruus tuus sum                                  | 282    |

# INDEX RERVM ET VERBORVM

QVAE HOC OPERE CONTI-  
NENTVR.



| A                                                              |              |                                                                               |
|----------------------------------------------------------------|--------------|-------------------------------------------------------------------------------|
| Aron typus Christi                                             | 113          | Afflictionis exempla 99.104.b                                                 |
| Aaronis virga                                                  | 113          | Afflictionis tempus breue 105.b                                               |
| Abad                                                           | 225.b        | Afflictiones nostrae non sunt satisfactio pro pec-<br>caris 17.30             |
| Abigai                                                         | 95           | Afflictiones testimonia doctrinae 100                                         |
| Abraham                                                        | 97.b.98      | Afflictionum causae in sanctis 99.b in im-<br>pijs 101.b                      |
| Abraham propheta                                               | 1.b          | Afflictionum vsus 17                                                          |
| Abraham quomodo iustificatus                                   | 18.a.b       | Afflictionibus probamur 100                                                   |
| Abraham sinus 23.b                                             | Fides 12     | in Afflictionibus quo pacto se gerant pij 102                                 |
| Abrogatio legis                                                | 139.b.145    | Afflictorum consolatio 104                                                    |
| Abrogata non sunt moralia                                      | 140          | Affliguntur boni & mali 99                                                    |
| Abrogata quatenus sint ceremonialia                            | 140.b        | Affliguntur illi quibus peccata remissa sunt 197                              |
| Absolutio priuata                                              | 30.296.b     | Affliguntur pij, in voluptatibus viuunt impij 99                              |
| Abstinencia 82                                                 | Accluthi 297 | Agape 364.b                                                                   |
| Accusatio iusta                                                | 109.b        | Agnus paschalis figura Christi 124.b                                          |
| Actiones sacrae                                                | 119          | Ahiah Silonita 64.b                                                           |
| Actuale peccatum                                               | 167.170.b    | Alea 93.b                                                                     |
| Adam                                                           | 2            | Alienum quid in sacris literis 42                                             |
| Adam & Christi antithesis                                      | 17.b         | Aliena mulier 42                                                              |
| Adami lapsus                                                   | 163.b        | Alieni dii 40.b                                                               |
| Adamo cur lex data                                             | 165          | Altare aureum 116                                                             |
| Admonitio poenam debet praecedere                              | 70           | Ambitus 95                                                                    |
| Admonitio & correctio ecclesiastica                            | 384          | Amen 320                                                                      |
| Adolescentium officia                                          | 54           | Amicitia & societas hominum seruanda 36.b                                     |
| Adonai                                                         | 205.b        | Amos propheta 286.b                                                           |
| Adorare quid                                                   | 43.219.b     | Amram 2                                                                       |
| Adoratio duplex                                                | 219.b        | Anabaptismi piaculum 358                                                      |
| Adorare deum verè quid sit                                     | 220.b        | Anabaptismi historia 357.b                                                    |
| Adorare homines                                                | 219.b        | Anabaptistae 282.b.355                                                        |
| Adorantium & non adorantium deum praemia<br>& poenae           | 221          | Anabap. sacros coetus negligunt 50                                            |
| Adorandum ad quam mundi plagam                                 | 282.b        | Anabaptistae coercentur imper. legibus 358                                    |
| Aduentus Christi duplex                                        | 26.b         | Anabaptistae quibus argumentis doceant infan-<br>tes non esse baptizandos 356 |
| Adulario                                                       | 110          | Anachoretæ 53.b                                                               |
| Adulterium                                                     | 80.134       | Analogia 325.b                                                                |
| Adulterium Dauidis                                             | 80.b         | Analogia in negotio cenae 344                                                 |
| Adulterium & fornicatio spiritualis                            | 44.291.b     | Angeli 215.248                                                                |
| Adulterij poena                                                | 34.b         | Angeli adfectibus non sunt obnoxij, quemadmo-<br>dum nos 252                  |
| Adulteræ ignouit Christus                                      | 80.b         | Angeli consolantur adflitos 251.b                                             |
| Aduocatus                                                      | 224.b        | Angeli creati sunt 248.b                                                      |
| Aedificia                                                      | 82.b         | Angeli defendunt nos 251.b                                                    |
| Aedificia publica                                              | 76           | Angeli incorruptibiles 249.b                                                  |
| Aedificia sacra                                                | 382.b        | Angeli loco suo mouo continentur 249.b                                        |
| Aegyptij scholas habuerunt                                     | 378          | Angeli mandata dei exequuntur 251.b                                           |
| Circa ægrotantes quid faciat ecclesia                          | 387          | Angeli non adorandi 220.b.252.2.b                                             |
| Aeneus serpens                                                 | 186          | Angeli potentiae & virtutes appellantur 250                                   |
| Aerius hæreticus                                               | 264          | Angeli sceleratos puniunt 251.b                                               |
| Aeterna damnatio                                               | 32.b         | Angeli se opponunt pseudoapostolis 252                                        |
| Aeterna salus                                                  | 32.b.183.b   | Angeli spiritus boni 249                                                      |
| Afflictio à quo sit                                            | 104          | Angeli substantiae corporeae quomodo dicantur 249                             |
| Afflictio piorum argumentum est iusti dei iudicij<br>in impios | 101          | Angeli                                                                        |



T E R T I V S.

|                                               |                    |                                                |                  |
|-----------------------------------------------|--------------------|------------------------------------------------|------------------|
| Angeli sunt expeditissimi                     | 249. b             | Antonius Monachus                              | 385. b           |
| Angeli quales sint substantiæ                 | 249                | Anthropomorphitæ                               | 207              |
| Angeli qualia corpora assumant                | 249                | Antiqui Stoicorum                              | 102              |
| Angeli quando creati                          | 248. b             | Apocalypsis Ioannis                            | 5                |
| Angeli varijs nominibus appellantur           | 250. b             | Antiquus 17                                    | Apostata 135     |
| Angeli vnde dicti                             | 250. b             | Apostasia duplex                               | 188              |
| Angelorum cultus grauiter damnatus            | 252. b             | Apostolus                                      | 4. b. 295        |
| Angelorum è cælo lapsus                       | 253                | Apostoli acceperunt stipendium                 | 380. b           |
| Angelorum multitudo & ordo                    | 250                | Apostoli doctrinā salutis perfectē tradiderunt | 7                |
| Angelorum nouem chori                         | 250                | Apostoli quomodo soluerint & ligarint          | 303. b           |
| Angelorum obedientia                          | 251                | Apostoli scripserunt lingua Græca              | 313. b           |
| Angelorum opera vitur deus                    | 250. b             | Apostolorum scripta                            | 4. b             |
| Angelorum oratio                              | 224. b             | Apostoli quare scripserint                     | 8. b             |
| Angelorum robur & fortitudo                   | 250                | Apostolici hæretici                            | 90               |
| Angelorum sapientia                           | 250                | Apostata hæretici                              | 90. b            |
| Angelorum varia ministeria                    | 251                | Apparitiones animarum                          | 265              |
| Angelorum varia officia adumbrantur nominibus |                    | Appellatio                                     | 133. b           |
| An in angelis deus exaudit                    | 252                | Applicatio scripturæ                           | 304              |
| Angelis non est nimium tribuendum             | 252                | Aqua                                           | 227. b. 244. 246 |
| Angelis non est sacrificandum                 | 222. b             | Aqua baptismi sancta est                       | 351. b           |
| Angelici hæretici                             | 251. b             | Aqua cur suos baptizari dominus uoluerit       | 351. b           |
| Anima quid sit                                | 257                | Aquarij                                        | 362. b           |
| Anima à corpore separata                      | 259. b             | Ara holocaustorum                              | 116. 118. b      |
| Anima an loco contineatur                     | 261                | Ara thymiamatis                                | 118              |
| Anima est immortalis                          | 23. b. 259. b. 260 | Ara vel mensa Dei                              | 363. b           |
| Anima nec deus nec pars dei est               | 258                | Arare sabbato                                  | 50. b            |
| Anima redit ad corpus, sed non ante iudicium  | 261. b             | Arbor scientiæ boni & mali                     | 165. b           |
| Anima vna est                                 | 257                | Arca fœderis                                   | 116              |
| Animam rationalem habere Christum             | 233                | Arca fœderis                                   | 277. b           |
| Animæ uocabulum variè sumitur                 | 257                | Arca fœderis vnde dicta                        | 32. b            |
| Animæ partes siue facultates                  | 171. 199. 259      | Arca Noe                                       | 180. b           |
| Animæ species tres                            | 257                | in Arca quæ fuerint recondita                  | 277. b           |
| Animæ an corporeæ vel incorporeæ substantiæ   | 257. b. 158        | Arce domini historia                           | 116. b           |
| Animæ quomodo & quando ad locum destina-      |                    | Arce vsus, & significatio                      | 277. b           |
| tum transferantur                             | 261. b. 262        | Archangeli                                     | 260. b           |
| Animæ operationes & vires                     | 259                | Archidiaconi                                   | 296. b           |
| Animæ plene purgantur sanguine Christi        | 262. b             | Archiepiscopi                                  | 296. b           |
|                                               | 263                | Archipresbyteri                                | 297. b           |
| Animæ separatæ à corporibus non deferuntur in |                    | Arta siue arrhabon                             | 246. b           |
| purgatorium                                   | 262                | Aristocratia                                   | 59               |
| Animæ non dormiunt                            | 262                | Arrius                                         | 229. b           |
| Animæ vbinam agant                            | 261                | Arriani                                        | 275              |
| Animas non oberrare in his regionibus         | 264. b             | Articuli fidei sunt veluti materia fidei       | 20               |
| Animas fidelium certò & mox à morte corporea  |                    | Artificium discant pueri                       | 56. b            |
| beati                                         | 265. b             | Artes discendæ                                 | 56. b            |
| Animas esse substantias                       | 257. b             | Artoryritæ                                     | 361. b           |
| Animas immortales esse docuerunt omnes sapi-  |                    | Asyla                                          | 38. b. 135. b    |
| entes                                         | 23. b. 261         | Atene                                          | 24. b            |
| Animarum origo                                | 258. b             | Atrium templi                                  | 115. b           |
| Animarum mors                                 | 259                | Auaritia                                       | 61. b            |
| Animus ab animo quid differat                 | 257                | Auditorum verbi dei morbi                      | 7. b             |
| Animale corpus                                | 32                 | Auris confessio                                | 195              |
| Animalium quorundam esum quare deus prohi-    |                    | Auersio                                        | 190              |
| buerit                                        | 130. b             |                                                |                  |
| Antipatriſtentia de nuptijs                   | 77. b              | B.                                             |                  |
|                                               | 52                 | Baafa rex                                      | 64. b            |
|                                               |                    | Balthasar rex Babylonis                        | 88               |
|                                               |                    | Baptismus admonet nos officiorum pietatis      | 359              |
|                                               |                    | Baptismus apostolorum Ioannis & Christi, qui   | 349. b. 352      |
|                                               |                    | & ignis                                        | 4.               |

# I N D E X.

|                                               |                           |                                               |               |
|-----------------------------------------------|---------------------------|-----------------------------------------------|---------------|
| Baptismus infantium                           | 347.365                   | Beneficiorum pluralitas                       | 303           |
| Baptismus quibus constet                      | 349                       | Bibliorum liber authenticus                   | 270           |
| Baptism⁹ quid, à quo, quando institutus       | 349.a.b                   | Blasphemia                                    | 174.b         |
| Baptismus seruit vocationi nostræ             | 359.b                     | Blasphemia in spiritum sanctum non remittitur | 175           |
| Baptismus successit in locum circumcisionis   | 357                       | Bona ecclesiæ                                 | 14.b. 379.b   |
| Baptismus valet in omni uita hominis          | 358.359                   | Bonorum ecclesiasticorum abusus               | 383           |
| Baptismi benedictio                           | 339                       | Bono operi præmium datur                      | 157.b         |
| Baptismi effecta                              | 358.b                     | Bona opera non reijciuntur                    | 155           |
| Baptismi locus                                | 351.b                     | Bona opera quid                               | 154.155.b     |
| Baptismi omisio non est libera                | 351                       | Bona opera vera                               | 160.b         |
| Baptismi tempus                               | 351                       | Bonorum operum finis                          | 161           |
| Baptismi vox                                  | 349                       | Bona uentura de confessione                   | 195.b         |
| de Baptismo canon Nicænus                     | 339.b                     | Bonifacius 8.                                 | 142           |
| Baptismo ceremoniæ adiectæ                    | 350.b.351                 | Bonitatis dei nullus modus                    | 44.b          |
| Baptismo colligitur populus dei               | 359                       | C.                                            |               |
| sine Baptismo excedentium salus               | 353                       | Cacodæmones                                   | 153           |
| Baptizare in nomine domini                    | 350.b                     | Cædes ex quibus causis existat                | 57            |
| Baptizare qui debeant                         | 352.b. an laici 354.b. an | Cædis modus                                   | 58            |
| obstetricis                                   | 352.b                     | Calamitatum causæ                             | 99.b          |
| Baptizari in nomine & in nomen domini         | 343.b                     | Calamitatum species                           | 99            |
| Baptizari qui debeant                         | 355                       | Calendæ feriarum genus                        | 119.b         |
| Baptizarunt apostoli in aqua consecrata       | 339.b                     | Calumniator diabolus                          | 254.b         |
| Baptizantur infantes non credentes            | 341.b                     | Calumniatores                                 | 135           |
| an Baptizandum aqua non consecrata            | 351                       | Calumniæ                                      | 109           |
| Baptizandum quare sit aqua                    | 351.b                     | Campanæ                                       | 383           |
| Baptizati ab hæreticis, non rebaptizati       | 275                       | Campanarum baptismus                          | 383           |
| Baptizati albis vestibus induti               | 351                       | Candelabrum aureum                            | 116.118       |
| Baptista quid efficiat                        | 352                       | Candidis vestibus induuntur baptizati         | 351           |
| Barthesanes                                   | 162.b                     | Canones exponendi scripturas                  | 10.b          |
| Beata uita                                    | 183.b                     | Canonici                                      | 316           |
| Beelzebub                                     | 255                       | Canonici & ecclesiastici libri                | 269.b         |
| Belial                                        | 255                       | Canonicæ horæ                                 | 315.b. 316    |
| Bellum flagellum dei                          | 72.b                      | Canentes Paulus non coërcet                   | 314           |
| Bellum gerere an magistratui licitum sit      | 71.b                      | Cantus ecclesiasticus                         | 314           |
| Bellum iniustum                               | 73.b                      | Cantus ecclesiæ vetustissimus                 | 314.b         |
| Bellum uile                                   | 72.b                      | Cantus Gregorianus                            | 315           |
| Bellum res periculosa                         | 72                        | Cantus veterum liber fuit nunquam uniuersalis | 314.          |
| Belli effecta                                 | 52.b. 72.b                | Cantus veterum qualis fuerit                  | 314. b        |
| Bello inter sūt sacerdotes                    | 115                       | in Cantu concordia                            | 315           |
| Bello superantur qui iustā causam habent      | 72.b                      | Cantus ecclesiastici tu. pes abusus           | 315           |
| Bella gerenda propter religionem              | 73                        | Cantores ecclesiæ Israeliticæ                 | 115           |
| Bella iusta                                   | 50                        | Caput ecclesiæ                                | 290           |
| Bellorum causæ                                | 73                        | Caput serpentis                               | 121.b         |
| in Bellis inferendis vel depellendis peccatur | 59                        | Cardinales                                    | 297.b         |
| Bellis non ædificatur ecclesia                | 278                       | Caro quid                                     | 30.b. 198.b   |
| Benedicere quid                               | 121. b                    | Carnis cum spiritu pugna perpetua             | 200.b         |
| Benedicere officium sacerdotum                | 114. b                    | Carnis opera                                  | 170           |
| Benedicti monachi uita                        | 386                       | Carnalis populus                              | 137.b         |
| Benedictiones                                 | 41.b                      | Carthusiani                                   | 97            |
| Benedictionis uocabulum                       | 329.b                     | Catechistæ                                    | 305. b        |
| Benedictio baptismi                           | 339                       | Catechesis                                    | 305           |
| Benedictionis solennis formula                | 114.b                     | Catechumeni                                   | 356.a. b      |
| Benedictione rerum naturæ non mutantur        | 329.a. b                  | Cathari hæretici                              | 284           |
| Benedixit dominus sabbato                     | 49                        | Cathedrales ecclesiæ                          | 315.b         |
| Benefaciendum quantum, quibus, quomodo        | 98.b                      | Catholica ecclesia                            | 28.b. 271.28a |
| Beneficentia nobis commendatur                | 98.382.a.b                | Catholici                                     | 285           |
| Beneficia dei varia sunt                      | 129. 321                  | Censura & examen                              | 301.b         |
|                                               |                           | Censu                                         |               |



T E R T I V S.

|                                                  |                   |                                                  |                      |
|--------------------------------------------------|-------------------|--------------------------------------------------|----------------------|
| Centurionis fides in euang.                      | 111. b. 327       | Christi vera humanitas                           | 232                  |
| Ceremoniæ quid                                   | 111. b. 327       | in Christo omnia uitæ & salutis plene nobis data |                      |
| Ceremoniæ diuinæ & humanæ                        | 111. b. 112       | esse                                             | 14. b. 27. b. 183. b |
| Ceremoniæ sunt cultus dei                        | 112               | per Christum aperit se deus euidentiss.          | 209                  |
| Ceremoniarum finis                               | 112               | Christum habere animam rationalem                | 233                  |
| Ceremoniarum multitudo                           | 388               | Christum verum esse deum                         | 230. b               |
| Ceremonias & iudicia veteres habuerunt           | 39. b             | Christum vtræque naturas retinere impermixtas    |                      |
| Ceremonialis lex                                 | 39. 111. b        |                                                  | 233. b               |
| Ceremonialia quatenus abrogata                   | 140               | Christiani pauci sunt                            | 241                  |
| Cestus quid                                      | 81. b             | Christiani reges                                 | 240                  |
| Character indelebilis                            | 279. b            | Christiani sacerdotes                            | 240                  |
| Charitas                                         | 33. 276           | Christiani regni termini                         | 237                  |
| Charitas plenitudo legis                         | 19. b             | Christiana libertas                              | 150. b               |
| Cherubim                                         | 42. 150. b        | Christianæ doctrinæ summa                        | 4. b                 |
| Chorepiscopi                                     | 296. b            | Christianum nomen                                | 240. 2. b            |
| Chriæ                                            | 323               | Christianorum officium                           | 240                  |
| Christus                                         | 21. b. 27. b. 240 | Chrisma sacrum quid                              | 241                  |
| Christus agnus appellatur                        | 246               | Cibarium sacrificium                             | 126                  |
| Christus benedicit                               | 238. b            | Ciboria                                          | 370. b               |
| Christus concipitur de spiritu sancto            | 22                | Ciborum delectus                                 | 84                   |
| Christus Davidis filius dicitur                  | 22. b             | Ciconia pietatis symbolum                        | 52                   |
| Christus deus                                    | 21. b             | Circuncisio quid sit                             | 121                  |
| Christus doctor est ecclesiæ                     | 238. b            | Circuncisio fœdus appellatur                     | 122                  |
| Christus est dominus                             | 21. b             | Circuncisio membro genitali inditur              | 342                  |
| Christus Iesus pontifex maximus                  | 238               | Circuncisio octauo die                           | 353                  |
| Christus impleuit legem                          | 138. b            | Circuncisio pro populo dei                       | 122. b               |
| Christus intercedit                              | 238. b            | Circuncisio signum fœderis                       | 122                  |
| Christus in vna persona manet indiuisus          | 234. b            | Circuncisio vnde                                 | 121                  |
| Christus est monarcha                            | 236               | Circuncisionis ritus                             | 122                  |
| Christus multa dixit & fecit quæ scripta nō sunt | 7                 | Circuncisionis signum                            | 18. 122              |
| Christus non est diuidendus                      | 372               | Circuncisioni non est alligata gratia            | 122. b               |
| Christus non est frustra mortuus                 | 18                | Codri pietas in patriam                          | 53                   |
| Christus non pro originali duntaxat passus est   | 186. b            | Cœlum                                            | 317. b               |
| Christus plene saluat                            | 183. b            | in Cœlum ascendere quid                          | 370                  |
| Christus primogenitus                            | 112. b. 229. b    | Cœlum & sydera                                   | 215                  |
| Christus propter nos passus                      | 23                | Cœlum varia significat in scripturis             | 25                   |
| Christus quando passus sit                       | 23                | Cœlestis exercitus                               | 250. b               |
| Christus quando resurrexit                       | 24. b             | Cœna dominica quid sit                           | 360                  |
| Christus quomodo recipiatur                      | 185               | Cœna est actio sacra                             | 360                  |
| Christus resuscitatus corporis veritatem non de- |                   | an Cœna celebranda sit contra imminencia mala    |                      |
| posuit                                           | 232. b            |                                                  | 365                  |
| Christus est rex vniuersorum                     | 236               | in Cœna celebranda nihil aliud sequendū, quàm    |                      |
| Christus sacrificat                              | 238. b            | quod à Christo accepimus                         | 362                  |
| Christus sanctificat                             | 238. b            | Cœna dominica differt à uulgari                  | 360                  |
| Christus solus est vita & salus nostra           | 183. b            | Cœna in quo loco celebranda                      | 363                  |
| Christus solus est intercessor & aduocatus apud  |                   | Cœna non priuatim ægris, nec in templo sanis     |                      |
| deum                                             | 233. b            | est instituenda                                  | 365. b               |
| Christus spes                                    | 232               | in Cœna, panis fermentatus an azymus usurpan-    |                      |
| Christus suscepit in se peccata nostra           | 16. b             | us sit                                           | 361. b               |
| Christus verè passus est                         | 23                | in Cœna præsentia Christi                        | 371                  |
| Christus via                                     | 231. b            | in Cœna qua lingua vtendum                       | 364                  |
| Christi aduentus duplex                          | 26. b             | Cœna quando celebranda                           | 364. b               |
| Christi ascensio                                 | 24. b             | Cœna quando instituta                            | 360. b               |
| Christi mors plenaria expiatio peccatorum        | 17                | in Cœna qua veste vtendum                        | 363. b               |
| Christi persona non discerpitur                  | 235. b            | Cœna dominica quare sub panis & vini specie sit  |                      |
| Christi regis palatium                           | 237. b            | instituenda                                      | 361. b               |
| Christi sacerdotium                              | 238. b            | Cœna quibus rebus constet                        | 60. b                |
| Christi transformatio in monte                   | 31. b             | Cœna quomodo quondam celebrata in ecclesia       |                      |
|                                                  |                   |                                                  | 361. b               |

# I N D E X

|                                                                       |                       |                                                              |              |
|-----------------------------------------------------------------------|-----------------------|--------------------------------------------------------------|--------------|
| Cœna dominica quoties sit celebranda                                  | 364. b                | Coniugium quid sit                                           | 76. b        |
| Cœna sacra quibus instituta sit                                       | 365                   | Coniugia à religione auspicanda                              | 79. b        |
| Cœna domini est vice omnium sacramentorum                             | 143                   | Coniugij dignitas                                            | 77           |
| in Cœna uinone miscenda aqua                                          | 362                   | Coniugij mala unde sint                                      | 77. 78. b    |
| in Cœna utraque species danda est & accipienda                        | 362. b                | per Coniugij parabolam coniunctio hominum cum deo adumbratur | 44           |
| Cœnæ dominicæ author                                                  | 360. b                | Consanguinei honorandi                                       | 54. b        |
| Cœnæ dominicæ fines                                                   | 366. b. 375           | Conscientia                                                  | 36. a. b     |
| Cœnæ forma                                                            | 363                   | Consecratio                                                  | 300. b       |
| Cœnæ dominicæ forma paulatim immutata                                 | 361. b                | Consecratio Leuitarum                                        | 113          |
| Cœnæ dominicæ materia                                                 | 361. b                | Consecratio panis & vini in cœna                             | 363          |
| Cœnæ dominicæ prophanatio                                             | 365. b                | Consilium                                                    | 246. b       |
| Cœnæ instrumenta                                                      | 363. b                | Consilia dei                                                 | 85. b        |
| Cœnæ reliquiæ                                                         | 364                   | Consolatio adflictorum Christiana                            | 104. Phi-    |
| Cœnæ ritus                                                            | 369. b                | losophica                                                    | 104          |
| Cœnæ ritui an aliquid sit adiiciendum, an adimendum                   | 361                   | Consolator est spiritus sanctus                              | 245          |
| Cœnæ dominicæ vasa                                                    | 363. b                | Constantia sanctorum abstinentium ab immun-                  | 130. b       |
| Cœnæ dominicæ vocabula                                                | 359. b                | dis                                                          | 63           |
| Cœnæ dominicæ uerba                                                   | 360. b                | Constantinus Synodum indixit                                 | 63           |
| Cœnam indignè sumentes                                                | 376                   | Constantinus Magnus                                          | 63           |
| Cœnam quis administrare debeat                                        | 363                   | Constantini donatio                                          | 298. b       |
| ad Cœnam quomodo homines sint præparandi                              | 365. 376. b           | Constitutiones humanæ                                        | 151. b. 152  |
| Cœtus ecclesiastici                                                   | 38. b                 | Constitutiones principum                                     | 145          |
| Cœtus sacros collegit dominus                                         | 49. b. 308            | Consultatio                                                  | 194          |
| Colere quid                                                           | 225. b                | Contemptus ministrorum uerbi                                 | 54           |
| Colendus est solus deus                                               | 226. b                | Continentia quid                                             | 82           |
| Collybus quid                                                         | 92. b                 | Contractus liciti                                            | 91. b        |
| Columbæ ingenium                                                      | 246                   | Contumaces & infirmi                                         | 153          |
| Comam nutrire                                                         | 130                   | Conuersio ad deum                                            | 190          |
| Cômunionis uocabulum                                                  | 29. 345. b. 360. 367. | Cornelius Romanus episcopus                                  | 358          |
| Communitas bonorum apostolica                                         | 89. b                 | Corpus gloriosum                                             | 31. b        |
| Conceptionis puræ causæ                                               | 21. b                 | Corporalia                                                   | 363. b       |
| Concilium Carthaginense                                               | 301. b. 352. 354      | Corporis Christi vera manducatio                             | 372          |
| 269. b                                                                |                       | Correctionis tempus                                          | 6            |
| Concilium Nicænum                                                     | 5. b                  | Correptio puerorum                                           | 56. b        |
| Concilium Tridentinum                                                 | 267. b. 268           | Crapula                                                      | 82. b        |
| Concilij determinatio non est expectanda reformare uolentibus         | 202. b                | Creatio                                                      | 2. b. 214. b |
| Concilia qualia aliquot seculis celebrata                             | 202. b                | Creatio cœli & terræ                                         | 20. 21       |
| Concio & celebritas magna                                             | 120. b                | Credere quid                                                 | 21           |
| in Concionibus cur multi segniores sint                               | 1                     | Crimen                                                       | 162          |
| Concordia familiæ                                                     | 54. b                 | Crucis supplicium                                            | 23           |
| Concupiscentia                                                        | 110. b                | Culpa & pœna nobis condonantur                               | 17           |
| Concupiscentia damnatur ab Ethnicis                                   | 38                    | Cultus dei                                                   | 3. 225. b    |
| Concupiscentia peccatum                                               | 169                   | Cultus dei non ex nostro cerebro est fingendus               | 226. b       |
| Confessio                                                             | 193                   | Cultus dei duplex est                                        | 225. b       |
| Confessio auricularis                                                 | 30. 195               | Cultus dei legitimus & illegitimus                           | 44. b        |
| Confessio auricularis non retinenda est propter priuatam absolutionem | 196. b                | de Cultu dei uero, humana testimonia                         | 226          |
| Confessio auricularis retinenda non est propter disciplinam           | 196                   | Cultus deorum                                                | 37           |
| Confessio diuina                                                      | 193                   | Cultuum nouorum inuectores à deo maledicti                   | 64. b        |
| Confessio humana                                                      | 194                   | Cultus peregrini Dei                                         | 41. b        |
| Confessio publica                                                     | 193. b                | Cupiditates sunt duplices                                    | 171. b       |
| Confessio priuata                                                     | 193                   | Curiosa negotia                                              | 91. b        |
| Coniugium Christianum                                                 | 384                   | Curiosæ quæstiones                                           | 7. b         |
|                                                                       |                       | Cypriani error de sacramento baptismi                        | 348          |
|                                                                       |                       | 351. b                                                       |              |
|                                                                       |                       | D.                                                           |              |
|                                                                       |                       | Dæmon                                                        | 254. b       |
|                                                                       |                       |                                                              | Dæmo-        |



T E R T I V S.

|                                                |           |                                              |                 |
|------------------------------------------------|-----------|----------------------------------------------|-----------------|
| Dæmonum infinita turba                         | 354       | Deus se peculiariter aperuit populo Israelis | 8               |
| Dæmon futura prædicit                          | 265       | Deus solus adorandus                         | 220.b           |
| Dagon                                          | 42        | Deus solus tolendus                          | 226.b           |
| Damnum datum & acceptum                        | 135       | Deus solus est inuocandus                    | 222             |
| Damnati ne sint omnes maiores nostri           | 287.b     | Deus solus loco non concluditur              | 25.249.b        |
| Daniel                                         | 215.b.181 | Deus vnde dictus                             | 40.206          |
| Danielis autoritas                             | 4         | Deus vnus                                    | 37              |
| Daniel polyhistor dictus                       | 4.b       | Deus vnus est essentia, personis trinitus    | 20.a.b          |
| Dauid. filius Christus                         | 22.b.23   | Deus vtitur opera angelorum, non quod perse  |                 |
| Decalogus quid                                 | 39.b      | omnia efficere non possit                    | 250.b           |
| Decalogi diuisio                               | 39.b      | Deus zelotes                                 | 43.b            |
| Decalogi mirifica pronuntiatio                 | 39.b      | Dei bonitas                                  | 20.b            |
| Decalogus plena bonorum operum formula         | 160.b     | Dei cognoscendi forma & rationes             | 204.b           |
| Decalogi præceptorum enumeratio                | 140       | Dei digitus                                  | 245.b           |
| Decalogi præstantia & dignitas                 | 39.b      | Dei cultus                                   | 3.225.b         |
| Decalogi summa                                 | 39.b      | Dei facies                                   | 33              |
| Deceptio                                       | 93.b      | Dei nomina                                   | 205.b           |
| Defectionum genera                             | 288       | Dei imago apud gentes in templis non fuit    | 37.b            |
| Defectio à Romana ecclesia præcipitur          | 288       | Dei longanimitas                             | 44.176.b        |
| Defectionis libera confessio                   | 285       | Dei misericordiae nullus modus               | 44.b            |
| Delatio                                        | 109.b     | Dei nomen                                    | 318             |
| Delectus ciborum                               | 84        | Dei nomen ineffabile                         | 204.b           |
| Delectus ciborum abrogatus                     | 84.3      | Dei opera                                    | 219             |
| Delictum quid à peccato differat               | 162       | Dei opera bifariam considerantur             | 209.b           |
| Delicta quid                                   | 127       | Dei populus quis                             | 355             |
| Democratia                                     | 39.b      | Dei posteriora                               | 208             |
| Demuth                                         | 156.b     | Dei proprietates                             | 42              |
| Depositorum                                    | 97.134.b  | Dei proprietates non tribuendæ sunt alienis  | 228             |
| Deprauatio naturæ qualis & quanta              | 168.b     | Dei prouidentia & gubernatio                 | 22              |
| Depretatio                                     | 307.b     | Dei spectra vel icones                       | 207             |
| Desperatio animæ mors                          | 260       | Dei vnitas                                   | 40              |
| Detractio                                      | 109.b     | de Deo disputatio exorta                     | 211             |
| Deus                                           | 2.b       | Deo incorporeo quomodo membra attribuantur   | 207             |
| Deus Abraham, Isaac, Iacob                     | 206.b     | Deo os tribuitur                             | 1.b             |
| Deus alienus                                   | 220.b     | ex Deo patre gignitur filius                 | 22              |
| Deus erga homines qualis                       | 40        | Deo soli sacrificandum                       | 222.b           |
| Deus essentia vnus est                         | 210       | de Deo variae opiniones                      | 264             |
| Deus cognoscitur ex sententijs & testimonijs   | 210       | Deum esse                                    | 204.b           |
| Deus cognoscitur per collationem               | 210       | Deum esse quid                               | 18              |
| Deus colendus est quemadmodum ipse præscripsit | 228.b     | Deum quomodo viderint patres                 | 207.b           |
| Deus cordium scrutator                         | 222.b     | Deum vere adorare quid sit                   | 220b            |
| Deus est creator cæli & terræ                  | 20.b      | Dij appellantur magistratus                  | 53.b.75.b.219.b |
| Deus cuncta gubernat                           | 215.b     | Dij alieni                                   | 40.b            |
| Deus exaudit in angelis                        | 252       | Deos alienos deo vero relicto colere         | 227.b           |
| Deus exercituum                                | 20.b      | Deorum cultus                                | 37              |
| Deus ex suis cæperibus cognoscitur             | 209.b     | Dextra dei patris                            | 25.b            |
| Deus gratuito bona confert                     | 208       | Diabolus                                     | 254.b           |
| Deus huius seculi diabolus                     | 255       | Diabolus æternum est damnatus                | 253.b           |
| Deus Iudeorum non colitur à Romanis            | 221       | Diabolus calumniator                         | 110             |
| Deus mundo iratus fuit                         | 183       | Diabolus est creatura                        | 253             |
| Deus non est author peccati                    | 162.163   | Diabolus expeditus, vaser & potens           | 254             |
| Deus omnipotens                                | 20.b      | Diabolus mille artifex                       | 254             |
| Deus pater dicitur                             | ibidem    | Diabolus non malus creatus est               | 253             |
| Deus placatus est per Christum                 | 183       | Diabolus quid sit                            | 253             |
| Deus per filium egit omnia cum patribus        | 207.b     | Diabolus solus non est causa peccati         | 162.b           |
| Deus quid sit                                  | 208.b     | Diaboli nomina quæ vires eius adūbrat        | 254.a.b         |
| Deus quid sit, sobrie est inquirendum          | 204.b     | Diaboli operationes                          | 255.b           |
|                                                |           | Diaboli potestas est circumscripta           | 256.a.b         |

|                                                                    |                 |                                                               |                |
|--------------------------------------------------------------------|-----------------|---------------------------------------------------------------|----------------|
| Diaboli regnum                                                     | 318             | Ecclesie vocabulum                                            | 271            |
| Diaboli sunt substantie spirituales                                | 254             | Ecclesia quid                                                 | 28.b.271       |
| Diaboli vna est substantia vel persona                             | 254             | Ecclesia assimilatur domo, vinee, corpori humani              | 289.a.b.290    |
| Diaboli voluntas                                                   | 254.b           | Ecclesia bellis non edificatur                                | 278            |
| Diaboli voluntas est nocere animis, corporibus, facultatibus       | 255.b           | Ecclesia an erret                                             | 225.278.b      |
| Diabolorum corpora assumpta qualia                                 | 254             | Ecclesia errat aliquando                                      | 279            |
| Diabolos esse                                                      | 253             | Ecclesia catholica                                            | 28.b           |
| Diaconi                                                            | 295.b.296.b     | Ecclesia dei domus est                                        | 288.b          |
| Diaconissae                                                        | 295.b.333       | Ecclesia dei semper fuit eritq; semper                        | 272.b          |
| Dies dominica                                                      | 49.b            | Ecclesia diaboli                                              | 272.b          |
| Dies festus                                                        | 119             | Ecclesia etiam malos complectitur                             | 272            |
| Dies nouissima hominis                                             | 265.b           | Ecclesia externa                                              | 274            |
| Dies prophanus                                                     | 119             | In Ecclesia extruenda quare opera hominum deus                |                |
| Difficultas scripturae vnde                                        | 9               | vtatur                                                        | 292            |
| Digitus dei                                                        | 245.b           | Ecclesiae fundamentum                                         | 289            |
| Digne & indigne manducare & bibere corpus & sanguinem Christi      | 375.b           | Ecclesia inuisibilis                                          | 274            |
| Dilectio                                                           | 33              | Ecclesia est mater                                            | 291.b          |
| Dilectio dei                                                       | 33.b            | Ecclesia militans                                             | 271.b          |
| Dilectio duplex                                                    | 33              | Ecclesiae origo                                               | 276            |
| Dilectio e caelo                                                   | 33              | Ecclesia orthodoxa                                            | 28.b           |
| Dilectio sincera                                                   | 34.b            | Ecclesia ouile est Christi                                    | 291            |
| Diocletiani persecutio                                             | 100.b           | Ecclesia particularis                                         | 272            |
| Dionysius de diuinis nominibus                                     | 207             | Ecclesia prophetica & apostolica                              | 277            |
| Distinctio personarum diuinitatis                                  | 210.b           | Ecclesia non onerauit deus multis legibus                     | 377.b          |
| Diui                                                               | 41              | Ecclesia reseruat sibi deus etiam aberrantibus gubernatoribus | 286            |
| Diuis non sunt extruenda templa                                    | 283             | Ecclesia sancta est                                           | 28.b.29.72     |
| Diuinitatis Christi testimonia                                     | 21.b            | Ecclesia est sponsa Christi                                   | 292            |
| Diuitiae                                                           | 89              | Ecclesia triumphans                                           | 277.b.271.b    |
| Diuitiae quomodo possidendae                                       | 96              | Ecclesia vererum & nostra eadem                               | 245.b          |
| Diuitiae non profundendae                                          | ibidem          | Ecclesia virgo appellatur                                     | 291.b          |
| Diuortium                                                          | 78.b.134.385    | Ecclesia visibilis                                            | 274            |
| Docendi ecclesiam ratio                                            | 304             | Ecclesia vniuersalis                                          | 272.b          |
| Docere officium sacerdotum                                         | 214.b           | Ecclesiae caput Christus                                      | 28.b.290       |
| Doctores                                                           | 295             | Ecclesiae domesticae                                          | 56             |
| Doctores ecclesiae patres a Paulo dicuntur                         | 21.b            | Ecclesiae ministrorum officium                                | 303.b          |
| Doctrina bona propter doctoris vitam non bonam, non est reiicienda | 307             | Ecclesiae ministris debere mercedem                           | 380            |
| Doctrina eadem veteribus & nobis                                   | 246             | Ecclesiae non opus esse paedagogia legali                     | 388            |
| Doctrina vnde petenda                                              | 303.b           | Ecclesiae notae interna & externa                             | 285.274.b      |
| Doctrinae priuatum genus                                           | 306             | 275.b                                                         |                |
| Doctrinae diiudicatio                                              | 281             | Ecclesiae particulares                                        | 28.b           |
| Doctrinae sacrae summa                                             | 255             | Ecclesiae potestas                                            | 279            |
| Dolor duplex                                                       | 291             | Ecclesiae senatus                                             | 284            |
| Domesticae ecclesiae                                               | 56              | Ecclesiae vnitas                                              | 281.b          |
| Dominus quis                                                       | 40              | Extra Ecclesiam non est salus                                 | 282.b          |
| Dominus excelsus                                                   | 206             | Ecclesiarum ministri honorandi                                | 54             |
| Dominatio appellatur magistratus                                   | 59              | Ecclesiastica bona                                            | 34.379.b.380.b |
| Dominationes                                                       | 230.b.235       | Ecclesiastica correctio                                       | 384            |
| Domini vocabulo apost. libenter quare vsi sint                     |                 | Ecclesiasticae functionis vocabula                            | 295.a.b        |
| Dominicalis                                                        | 49.b            | Ecclesiasticae leges                                          | 38             |
| Domus quid                                                         | 288.b           | Ecclesiasticae personae                                       | 297            |
| Domus dei quid sint                                                | 289             | Educatio sobolis                                              | 78             |
| Donatistae                                                         | 283.b.288.351.b | El                                                            | 206            |
| Donatiua baptisatis dantur                                         | 351             | Elemosyna praecipitur                                         | 98             |
| Draco diabolus                                                     | 254.b           | Elementa mundi                                                | 137            |
|                                                                    |                 | Electio iudicij                                               | 61.132.b       |
|                                                                    |                 | Electus ad vitam eternam quis sit                             | 217.b          |
|                                                                    |                 | Elohim                                                        | 37.206         |
| Ebrii sancti quomodo                                               | 97              | Eloquentiae                                                   |                |



# TERTIVS.

|                                                 |             |
|-------------------------------------------------|-------------|
| Eloquentia uis                                  | 330         |
| Emptio, venditio                                | 134         |
| Enceniorum festum                               | 109.b       |
| Enochi scriptum                                 | 1.b         |
| Enthusiastæ                                     | 347.b.356.b |
| Ephod vestis sacerdotalis                       | 65.b        |
| Episcopi                                        | 113.b       |
| Episcopis aliq̃ præminere an sit uile           | 195         |
| Episcopis nō permiffum est nouas leges condere  | 198.b       |
|                                                 | 303. b      |
| Episcoporu dignitas & prerogatiua crescit       | 196.b       |
| Episcoporum genera                              | 197.b       |
| Episcoporum prælatura                           | 196.a.b     |
| Episcoporum & presbyterorum æqualitas           | 196         |
| Episcoporum vita inculcata                      | 325.b       |
| Episcopos solos non habere potestatem ordinandi | 301         |
| Error quid                                      | 162         |
| Eruditio puerorū in quibus rebus sit posita     | 35.b        |
| Essentia                                        | 211.b       |
| Esam quorundā aialiu cur deus phibuerit         | 130.b       |
| Ethnici damnant concupiscenciam                 | 152         |
| Ethnica sacrificia                              | 38          |
| Ethnicorū præclara facta non vituperanda        | 174         |
| Euangelij vox                                   | 177.b       |
| Euangelium quid sit                             | 177.b       |
| Euangelium annunciat gratiam                    | 178.b       |
| Euangelium appellatur testimonium               | 341         |
| Euangelium esse nuncium celeste                 | 178         |
| Euangelium non habet partes                     | 181.b       |
| Euangelij descriptio                            | 178         |
| Euangelij summa                                 | 184.b.178   |
| Euangelica prædicatio accusat peccata           | 190         |
| Euangelica salus ad omnes pertinet              | 184.b       |
| Euangelica prædicationis scopus                 | 180         |
| Euangelistæ                                     | 195         |
| Euangelistæ quid tractent                       | 181.b       |
| Eucharistia                                     | 329.b.360   |
| Eucharistia pueris olim data                    | 354.b       |
| Eucharistia quid                                | 321.b       |
| Eucharistia an sit recludenda & adoranda        | 364         |
| Eucharistiam in manus accipere                  | 364         |
| Eucharistia non offerenda pro mortuis           | 366         |
| Eucharistia percipio an infatib' necessaria     | 164         |
| Euchitæ                                         | 113.358.b   |
| Eucharisticum sacrificium                       | 119         |
| Eulogia                                         | 319         |
| Euryches                                        | 133.b       |
| Exactiones                                      | 76.b        |
| Examen veterum episcoporu quale fuerit          | 301.b       |
| Examen Papisticum                               | 303         |
| Execrare                                        | 166         |
| in Excelis adolere                              | 197.118.b   |
| Exempla singularia in scriptura                 | 313         |
| Exercitius                                      | 150.b       |
| Excommunicatio                                  | 384         |
| Expositio verbi dei                             | 312.b       |

|                                                              |       |
|--------------------------------------------------------------|-------|
| Expositio scripturarū debet analogia esse fidei              | 10    |
| Expositio excutiat quid præcedat, quid consequatur           | 10    |
| Expositio fiat ex pectore religioso cum oratione             | 10.b  |
| Expositio scripturarum fiat per collationem aliorum locorum. | 10.b  |
| Expositio scrip. non pugnet cum charitate                    | 10    |
| Exuere veterem hominem quid                                  | 161   |
| Excommunicandi potestas                                      | 280   |
| Exheredatio                                                  | 134   |
| Exilium                                                      | 106   |
| Exhomologesis                                                | 194   |
| Exorcistæ                                                    | 197   |
| Expiationis festum                                           | 110.b |

## F.

|                                                    |         |
|----------------------------------------------------|---------|
| Facies dei                                         | 33      |
| Facinorosi quare palam puniendi                    | 68.b    |
| Facultates bona sunt dei pro quibus gratiæ agendæ  | 96.b    |
| Facultates seruiant necessitati                    | 96.b    |
| Facultates ecclesiasticæ                           | 54. b   |
| Falsi testis poena apud Romanos                    | 38      |
| Familia concordia                                  | 54.b    |
| Farum quid                                         | 162.b   |
| Farum non esse causam mali                         | 162.b   |
| Felix & Regula martyres                            | 107.b   |
| Feria conceptiua                                   | 119.b   |
| Feria sancta                                       | 119     |
| Festum numerus & modus                             | 119.b   |
| Festus dies quid                                   | 119     |
| Festum corporis Christi                            | 364.b   |
| Festum enceniorum                                  | 119.b   |
| Festum expiationis                                 | 110.b   |
| Festum purim                                       | 119.b   |
| Festum tabernaculorum                              | 110.a.b |
| Festum tubarum                                     | 120     |
| Festa stata & anniuersaria                         | 119.b   |
| Festi dies quare instituti                         | 119     |
| Fides a. b                                         | 12      |
| Fides Abrahæ                                       | 12      |
| Fides augmenta habet                               | 218     |
| Fides beat                                         | 15.b    |
| Fides certa & indubitata                           | 19      |
| Fides Christiana consistit in causa dubium hominum | 170.b   |
| Fides coniungit nos cum deo                        | 15.b    |
| Fides est donum dei                                | 70.b    |
| Fides se exerit per opera                          | 19      |
| Fides formata                                      | 15      |
| Fides generalis                                    | 15      |
| Fides incrementum suū habet & defectum             | 14.b    |
| Fides infusa & acquisita                           | 15      |
| Fides indubitata persuasio                         | 15      |
| Fides iustificat                                   | 15.b    |
| Fides non quilibet credit                          | 12.b    |
| Fides plantatur verbo dei                          | 11.b    |
| Fides propria non aliena                           | 20.b    |
| Fides propter se iustificat                        | 17.b    |
| Fides quomodo plantetur                            | 151     |

# INDEX

|                                                       |               |                                             |               |
|-------------------------------------------------------|---------------|---------------------------------------------|---------------|
| Fides radix est bonorum operum                        | 19.b          | Gentes cognouerunt deum                     | 36.b          |
| Fides reddit sapientes                                | 15            | Gentes & ludæi fide iustificantur           | 18            |
| Fides pro religione sumitur                           | 14.b          | Gentes iustificari                          | 18            |
| Fides tria tempora respicit                           | 1             | Gentes peccatores esse                      | 36            |
| Fides veteribus & nobis eadem                         | 14.6          | Gentes sacrorum studiosæ                    | 37.b          |
| Fides vna est                                         | 14.b          | Gentilium sacerdotes                        | 37.b          |
| Fidei causa efficiens                                 | 11            | Gentiliū virtuosa opera an sint peccata     | 173.b         |
| Fidei definitiones                                    | 11            | Gentiles quidam saluati                     | 170.b         |
| Fidei descriptio                                      | 11            | Gentibus se deus patefecit                  | 6             |
| pro Fidei dono orandum                                | 12            | Genus dicendi quo sacri scriptores vtiuntur | 8.b           |
| Fidei effectus                                        | 15            | Gesticulationes in Missa                    | 364           |
| Fidei exempla                                         | 13            | Gladius quid significet                     | 68            |
| Fidei fundamentum                                     | 13.b          | Gladij vsus duplex                          | 71.b.68       |
| Fidei notæ                                            | 12            | Gloriam deo tribuere                        | 12.b          |
| Fidei obiectum                                        | 20.b          | Gloriosa corpora                            | 31.b.32       |
| Fidei significatio                                    | 11            | Golgotha                                    | 117           |
| Fidei summa in symbolo apostolorum                    | 14.a.b        | Gratia quid sit                             | 337.b.178.b   |
| Fidei veræ capita                                     | 13.b          | Gratia dei in sacramentis an contineatur    | 338           |
| Fidei vocabulum aliter vsurpat Paulus, aliter Iacobus | 157.b         | Gratia in Christo exhibetur                 | 2.b.180       |
| Fidei fructus, effectus                               | 28            | Gratiam gratis conferri, recipi per fidem   | 338           |
| Fide non operibus recipitur Christus                  | 185.b         | Gratiam sacramenta non conferunt            | 338           |
| Fide sola iustificamur                                | 17.b          | Gratiæ dei sedes                            | 339           |
| Figuratæ loquutiones quando sint                      | 373.b         | Gratiæ diuisione                            | 179.b         |
| de filio dei confessio                                | 339.b         | Gratiæ agendæ deo per Christum              | 340           |
| Filius dei patri est consubstantialis                 | 31.339.b      | Gratiæ diuinæ causa                         | 179           |
| Filius ex patre ab æterno ineffabiliter genitus       | 28.b          | Gratiarum actio                             | 207.b         |
| Filius dei quis sit                                   | 31            | Gratiarum actio est sacrificium             | 320.b.321.363 |
| Filius dei verus est deus                             | 230.b         | Gratiarum actio deo soli debetur            | 320.b         |
| Filius iræ                                            | 169.b         | Gratis remittuntur peccata                  | 29.b          |
| Filius mortis                                         | 169.b         | Gratianus                                   | 195           |
| Filius dei adoptati                                   | 31.b          | Gregorius quintus                           | 315           |
| Filius tonitru                                        | 246           | Gubernatores                                | 195.b         |
| Fœdus quid                                            | 33.b          |                                             |               |
| Fœdus dei                                             | 3.b           |                                             |               |
| Fœdus dei & hominum                                   | 121           |                                             |               |
| Fœdus quousque initum                                 | 121.b         |                                             |               |
| Fœderis condiciones                                   | 121.b         |                                             |               |
| Fœderis personæ                                       | 121.b         |                                             |               |
| Fœderum sancionum mores                               | 335.b         |                                             |               |
| Fœmoralia                                             | 113.b         |                                             |               |
| Formata fides                                         | 35            |                                             |               |
| Fornicatio                                            | 18            |                                             |               |
| Fortitudo                                             | 246           |                                             |               |
| Fractio panis                                         | 360           |                                             |               |
| Frus                                                  | 39.b.134.b    |                                             |               |
| Fructus mortis Christi                                | 23            |                                             |               |
| Fulminea legio                                        | 74.b          |                                             |               |
| Funera Christianorum                                  | 387.b         |                                             |               |
| Furnum                                                | 134.b         |                                             |               |
| Furti definitio                                       | 92.b.93.b     |                                             |               |
| Furti species variae                                  | 37.b.92.94.95 |                                             |               |
|                                                       | G.            |                                             |               |
| Gabriel angelus                                       | 150.251.b.252 |                                             |               |
| Gangrensis synodus                                    | 90.b          |                                             |               |
| Gaudium verum vnde sit                                | 245           |                                             |               |
| Gedeonis vellus                                       | 322.b.323     |                                             |               |
| Genesis quid contineat                                | 77            |                                             |               |
|                                                       |               | H.                                          |               |
|                                                       |               | Hereditas                                   | 134           |
|                                                       |               | Hæretici qui                                | 63.b.135.285  |
|                                                       |               | Hæretica defectio                           | 288           |
|                                                       |               | Hermiani                                    | 358.b         |
|                                                       |               | Hæsitatio duplex                            | 11.b          |
|                                                       |               | Hierarchia in ecclesia                      | 295.296       |
|                                                       |               | Hierocles de nuptijs                        | 77.b.78.b     |
|                                                       |               | Hieronymus                                  | 168.b         |
|                                                       |               | Hierosolymorum vrbs quare excisa            | 72.b          |
|                                                       |               | Hierosolymorum urbem restaurare tentarunt   | 141           |
|                                                       |               | Holocaustum                                 | 125.b         |
|                                                       |               | Holocaustorum ara                           | 118.b         |
|                                                       |               | Homicidium puniatur ex legibus gentiliū     | 34.b          |
|                                                       |               | quantum sit scelus                          | 58.b          |
|                                                       |               | Homicidij causæ                             | 57.58         |
|                                                       |               | Homicidij species                           | 58.a.b        |
|                                                       |               | Homicidia                                   | 135           |
|                                                       |               | Homicida diabolus                           | 254.b         |
|                                                       |               | Homo                                        | 215           |
|                                                       |               | Homo nouus                                  | 298.b         |
|                                                       |               | Homo labilis est conditus                   | 165           |
|                                                       |               | Hominis finis                               | 219           |
|                                                       |               | Hominis officia                             | 121.b         |
|                                                       |               | Hominis vires                               | 199           |
|                                                       |               | Honor dei semper præcedit                   | 51.b          |
|                                                       |               | Honor parentum                              | 52            |
|                                                       |               | Honor                                       |               |



T E R T I V S.

|                                                   |            |                                              |              |
|---------------------------------------------------|------------|----------------------------------------------|--------------|
| Honor piorum                                      | 221        | Iodolentia Stoicorum                         | 102          |
| Honorare quid                                     | 51.b       | Indurare                                     | 166          |
| Hu                                                | 205.b      | Indulgentia liberorum                        | 56           |
| Horæ canonicæ                                     | 315.b      | Indulgentiæ                                  | 197.b        |
| Hospitalitas patrum                               | 97.b       | Indulgentiarum nundinatio                    | 198          |
| Hugo                                              | 195        | Infans quoties mergendus                     | 351.b        |
| Humanæ traditiones                                | 7          | Infantes baptizandi                          | 355.356      |
| Humeralis vestis sacerdotalis                     | 13.b       | Infantes sunt credentes                      | 356          |
| Humilitas                                         | 151        | Infantibus cœna dominica non est instituta   | 365          |
| Humiliatio & agnitio peccatorum                   | 190.b      | Inferi                                       | 23.b         |
| Hypocrisis                                        | 109.b      | Infirmi & contumaces                         | 153          |
| Hypocritæ censentur in ecclesia                   | 272.b      | Infirmas fidei                               | 12.b         |
| Hymnus                                            | 314        | Innocentius 3. Papa                          | 195.b        |
| Hypodiaconi                                       | 296.b      | Institutio puerorum in religione             | 55.b         |
|                                                   |            | Instrumenta sacra                            | 383          |
| Iacob                                             | 2          | Intellectus                                  | 199          |
| Iah                                               | 205.b      | Intelligentia                                | 246.b        |
| Ianitores                                         | 115        | Intentionis bonæ exemplum                    | 160          |
| Idiomatum communicatio                            | 235        | Intercessor apud deum                        | 223.310      |
| Idolum                                            | 41.b       | Intercessio Christi qualis                   | 224.b        |
| Idola adorare                                     | 219.b      | de Intercessione diuorum argumenta papistica |              |
| Idololatria                                       | 133.b.228  |                                              | 224.b        |
| Iehouah                                           | 205.b      | Interpellatio                                | 307.b        |
| Ieiunium quid                                     | 83.b.119.b | Inuenta                                      | 93           |
| Ieiunij qualitas                                  | 83.b       | Inuidia                                      | 57.b         |
| Ieiunij species                                   | 83.b       | Inuocatio                                    | 307.b        |
| Ieiuniorum diuersitas                             | 84.b       | Inuocatio eadem veteribus quæ nobis          | 147.b        |
| Ieiuniorum leges                                  | 84         | Inuocatio dei quid                           | 45.221.b     |
| Ieiunia libera                                    | 83.b       | Inuocare quid                                | 221.b        |
| Ieroboami impietas                                | 64.b       | Inuocat sanctos ecclesia                     | 225          |
| Iesus                                             | 21.b       | Inuocandus quis sit                          | 309.b.222    |
| Ignatij martyrium                                 | 107        | Ioannes Baptista                             | 3            |
| Ignis                                             | 248        | Ioannis Apocalypsis                          | 5            |
| Ignis alienus                                     | 41         | Ioannis Baptiste testimonia de Christo       | 181.b        |
| Ignis perpetuus non alienus                       | 125.b      | Iobis historia vetusta                       | 1.b          |
| Ignorantia                                        | 172        | Ioci                                         | 109          |
| Imagines                                          | 228        | Ioseph Arimathæus senator                    | 75           |
| Imago Christo non ponenda                         | 43         | Iosias rex                                   | 203.b        |
| Imago dei                                         | 165.b      | Ira                                          | 57.b.169.b   |
| Imago dei apud gentes in templis non fuit         | 37.b       | Ira filius                                   | 169.b        |
| Imago dei in homine                               | 169        | Irenæi martyrium                             | 107          |
| Imago diaboli                                     | 189        | Isaias Euangelista à quibusdam appellatur    | 181          |
| Imaginem cur deus nolit exprimi                   | 42         | Isaiæ præscientia                            | 4.b          |
| Imagines creaturarum ad cultum positæ prohibentur | 42.b       | Israeliticorum regum catalogus               | 80           |
| Impænitentes sunt infelices                       | 201.b      | Iubileus Romanus                             | 142          |
| Impij in patriam                                  | 53         | Iubilei institutio                           | 120.b        |
| Impiorum felicitas                                | 102        | Iudas an comederit corpus Christi            | 301.b.374    |
| Impositio manuum                                  | 302        | Iudæ doctrina & baptismus                    | 348.b        |
| Immunda                                           | 310        | Iudam fuisse in vltima cœna                  | 374          |
| Immundorum tactus                                 | 131.b      | Iudæi negant Iesum esse Christum             | 182.b        |
| Inaugurandi iudices ritus                         | 132.b      | Iudex                                        | 132.b        |
| Inaugurandi magistratus ratio                     | 62         | Iudex debet imitari exemplum dei             | 67           |
| Incarinatio Christi, & eiusdem causa              | 22         | Iudicare quid                                | 26.b.29.132  |
| Incarinationis Christi fructus                    | 23         | Iudicare officium sacerdotale                | 115          |
| Incarinationis Christi modus                      | 22         | Iudices inaugurandi ritus                    | 132.b        |
| Incestus                                          | 81.b       | Iudicia non abrogata                         | 67.b         |
| Incircuncisi                                      | 345        | Iudicialis lex                               | 39.131.132.b |
| Indifferentia quæ sunt                            | 383.b      | Iudiciales leges ad decalogū referendæ sunt  | 132.b        |
|                                                   |            | Iucij extremi pictura                        | 326.b        |

# I N D E X.

|                                                           |            |                                                            |            |
|-----------------------------------------------------------|------------|------------------------------------------------------------|------------|
| Iudicium appellantur articuli fidei                       | 20         | Lex grauis & non grauis                                    | 139. b     |
| Iudicium                                                  | 66. b. 132 | Lex Moſis                                                  | 4          |
| Iudicium vitia                                            | 67         | Lex naturæ ſcriptæ legi opponitur                          | 36. b      |
| Iuge ſacrificium                                          | 126        | Lex Moſis non obtrudenda regnũ                             | 65. b      |
| Iulia lex                                                 | 80. b      | Lex naturæ                                                 | 36         |
| Iumentis quoq; ocium concedendum                          | 94         | Lex naturæ cur dicatur                                     | 36         |
| Iuramentum quid                                           | 46. b      | Lex Pompeia                                                | 35         |
| Iuramenta impia, iniqua                                   | 47. b      | Lex relata in tabulas                                      | 39         |
| Iuramentum cultus dei                                     | 47         | Lex talionis                                               | 98. 135. b |
| Iuramentum epiſcoporum                                    | 302. b     | Lex vitam hominum format                                   | 137. b     |
| Iuramentum monachorum                                     | 386. b     | Legis abrogatio                                            | 139        |
| Iuramentum procerum eccleſiæ papæ præſtitum               | 267. b     | Legis diuinæ diſtributio                                   | 39         |
| Iuramentum quotidianum                                    | 46         | Legis diuinæ duæ tabulæ                                    | 39. b      |
| Iuramentum religioſe ſeruandum                            | 47. b      | Legis finis                                                | 36         |
| Iuramentum ſolenne                                        | 46         | Legis naturalis officium                                   | 36. b      |
| Iuramenti conditiones                                     | 47         | Legis vſus multiplex                                       | 136        |
| Iuramenti forma                                           | 46. b. 47  | Legem implere noſtris viribus non poſſumus                 | 138        |
| Iuramenti præſtatio & ſolutio                             | 47. b      | Legem impleuit Chriſtus                                    | 138. b     |
| Iuramenti religio apud gentiles                           | 37. b      | Legem ſeruantibus promittitur vita                         | 139        |
| Iuramenti ritus                                           | 47         | Leges ciuiles quales?                                      | 65. b      |
| Iurare an liceat                                          | 46         | Leges eccleſiaſticae                                       | 38         |
| Iurisdicſio eccleſiaſtica                                 | 279. b     | Leges eccleſiaſticae ſuperſtitioſæ                         | 38. b      |
| Iuſte punit dominus                                       | 175. b     | Leges humanæ                                               | 38         |
| Iuſtification forenſe eſt vocabulum                       | 16         | Leges imperatoriæ cum lege dei magnam habent ſimilitudinem | 145        |
| Iuſtification quid                                        | 188        | Leges iudiciales                                           | 131. b     |
| Iuſtificationis articulus ſyncerus in eccleſia retinendus | 188. b     | Leges politicae                                            | 38         |
| Iuſtificamur ſola fide                                    | 17. b      | Leges rebus pub. neceſſariæ                                | 65         |
| Iuſtificandi modus                                        | 186. b     | Leges de religione                                         | 63. b. 64  |
| Iuſtificare & iuſtificatio                                | 16, 138. b | Leges iudiciales                                           | 131        |
| Iuſtitia Chriſtianorum imputatiua                         | 187. b     | Leges vetuſtiſſimæ                                         | 131        |
| Iuſtitia dei                                              | 186        | Legum cauſſa efficiens                                     | 36         |
| Iuſtitia exempla                                          | 176        | Legum diuinarum diuiſio                                    | 36         |
| Iuſtitia iuſtificans                                      | 157        | Legum humanarum diuiſio                                    | 38         |
| Iuſtitia obediens                                         | 157        | Legum politicarum effectus                                 | 38         |
| Iuſtitia veteris populi                                   | 137. b     | Legibus addere & adimere de Legibus quid Ethnici ſentiant  | 65. b      |
|                                                           | K          | Legibus ſcriptis opus eſt                                  | 65. b      |
| Kahad                                                     | 2          | Legum ſubiectum                                            | 69         |
| Kathypomn                                                 | 127. b     | Leo rugiens                                                | 254. b     |
| Korvula                                                   | 345. b     | Leuitarum conſecratio                                      | 113        |
| Kypian                                                    | 271        | Leuitarum ordo                                             | 113        |
|                                                           | L          | Leuitæ ſacerdotes                                          | 113        |
| Labor animi & corporis                                    | 91. b      | Leuitica oppida                                            | 115. 378   |
| Labor commendatur                                         | 91         | Leuitici argumentum                                        | 125        |
| Laborandum fideliter & ſtrenue                            | 92         | Libamina                                                   | 126        |
| Labrum æneum                                              | 119. 116   | Liberatio ex Aegypto typus Chriſti                         | 40         |
| Læſio varijs modis perficitur                             | 58         | Liberationis exempla                                       | 105        |
| Lamina aurea                                              | 114        | Liberator quis                                             | 149. b     |
| Lapis angularis                                           | 289. b     | Liberi                                                     | 133. b     |
| Lapſi recipiendi                                          | 192. b     | Liberi docendi                                             | 284. b     |
| Lateranenſe concilium                                     | 195. b     | Libertas Chriſtiana                                        | 149. b     |
| Laurentij mors                                            | 107        | Libertas Chriſtiana                                        | 49. b      |
| Lectores                                                  | 296. b     | Libertas quæ & qualis ſit in homine                        | 199. b     |
| Lex quid                                                  | 36         | de Libertate paradoxon                                     | 150        |
| Lex coarctet                                              | 138        | Libertatis Chriſtianæ abuſus                               | 152. b     |
| Lex dei quid                                              | 39         | Libertorum ingenium                                        | 152. b     |
| Lex fuit ante Moſem                                       | 39         | Liberorum officium                                         | 57         |
|                                                           |            | Liberum                                                    |            |



T E R T I V S.

|                                          |          |                                                   |              |
|------------------------------------------|----------|---------------------------------------------------|--------------|
| Liberum arbitrium                        | 199.b    | Media                                             | 21           |
| Licentia                                 | 152.b    | Mediator redemptionis & intercessionis            | 213.b        |
| Linea Melsiæ                             | 2.b      | Megil vestis sacerdotalis                         | 113.b        |
| Lingua                                   | 108.b    | Mel remouetur à sacrificijs                       | 126          |
| Lingua qua orandum sit                   | 313      | Melchisedek                                       | 62           |
| Lingua continentia                       | 82       | Meliton episcopus                                 | 269.b        |
| Longanimitas Dei                         | 44.176.b | Mendacium                                         | 38.108.b.109 |
| Locus liber                              | 142.b    | Mendacij genera, officiosum, iocosum, pernicio-   |              |
| Locus sacer                              | 155      | sum                                               | 109.b        |
| Lotharius Leuita                         | 195.b    | Mendax diabolus                                   | 254.b        |
| Lucis opera                              | 154      | Mensa aurea                                       | 116.118      |
| Lucernæ in templis                       | 383      | Mensa domini                                      | 359.b        |
| Luctus publicus                          | 89.b     | Mensura iusta                                     | 92.b.125     |
| Lustralis aqua                           | 128      | Mercatura                                         | 92           |
| Lustrationis ceremonia quæ vsum habuerit | 128.b    | Mercenarij qui                                    | 93           |
| Luxus & profusio                         | 92.96    | Merces laboris detenta                            | 93.125       |
| <i>Antep</i>                             | 1        | Meriti vocabulum                                  | 158.b        |
| M                                        |          | Merita bonorum operum                             | 158.b        |
| Machabæi à porcilla abstinent            | 130.b    | Messiani                                          | 347.b.358.b  |
| Magia prohibita                          | 265      | Metropolitani                                     | 297.b        |
| Magiæ neruus                             | 256.b    | Merus                                             | 67           |
| Magistratus quid                         | 59       | Michael                                           | 252          |
| Magistratus à deo ad bonum hominum       | 69       | in Monte Gargano                                  | 392.b        |
| Magistratus boni forma                   | 61       | Micheæ vaticinium de Christo                      | 182          |
| Magistratus debent curare religionem     | 62       | Militans ecclesia                                 | 270          |
| Magistratus genera                       | 59       | Milites Christiani veteres                        | 74.2.b       |
| Magistratus lex viua                     | 65       | Milites mercenarij                                | 53           |
| Magistratus sit pius                     | 61       | Milites pij                                       | 74           |
| Magistratus boni sunt patres             | 51.b     | Militum & imperatorum exempla                     | 74.b         |
| Magistratus malus an à deo               | 60       | Militum commendatio & officium                    | 73.b         |
| Magistratus necessarius                  | 59.b     | Mileuentanum concilium                            | 175.b        |
| Magistratus occidit                      | 59       | Minha                                             | 126          |
| Magistratus officia                      | 62       | Ministerium non est inane                         | 293          |
| Magistratum potest gerere Christianus    | 75       | Ministerium sacrum circa quæ versetur             | 292          |
| Magistratibus impijs non parendum        | 76       | per Ministerium verbi agit deus in ecclesia salu- |              |
| Magistri patres                          | 51.b     | tem                                               | 292.b        |
| Malefici                                 | 135      | Ministerium verbi audiendum in ecclesia           | 294.b        |
| Mancipatio                               | 134.b    | Ministerij origo & dignitas                       | 294          |
| Mancipia                                 | 150      | Ministerij finis                                  | 294          |
| Manducatio vera corporis Christi         | 372      | Ministerio hominum utitur deus in extruenda ec-   |              |
| Manichæi                                 | 358.b    | clesia                                            | 292          |
| Manumissio                               | 134.b    | Ministri ecclesiæ defendendi                      | 54           |
| Manuum impositio                         | 225.b    | Ministri à quibus vitijs immunes esse debeant     |              |
| Mare                                     | 215      | 300                                               |              |
| Maria mater domini                       | 232.b    | Ministri ecclesiæ saluatores dicuntur             | 292.b        |
| Marianus Scotus                          | 386      | Ministri quales ordinandi sint                    | 301          |
| Martinus de continentia                  | 89       | Ministri quomodo audiendi                         | 294.b        |
| Masilien.                                | 56.b     | Ministri ecclesiæ honorandi                       | 54           |
| Mathematici                              | 135      | Ministorum disciplina & correctio                 | 383.b        |
| Matri beneficia quæ filijs confert       | 51.52.b  | Ministorum ecclesiæ stipendium                    | 95           |
| Matrimonium Christianum                  | 384      | Ministorum ecclesiæ contemptus                    | 54           |
| Matrimonium quid sit                     | 76.b     | Ministorum ecclesiæ officium                      | 303.b        |
| Matrimonium ob quas causas institutū sit | 77.b     | Ministorum ecclesiæ & magistratus officia non     |              |
| 385                                      |          | confundenda sunt                                  | 63           |
| Matrimonium quomodo contrahendum         | 78       | Ministorum ecclesiæ contemptus vnde sit           | 292.b        |
| Matrimonij officia                       | 79.a.b   | 294.b                                             |              |
| Matrimonij opera                         | 179      | Ministis ecclesiæ deberi mercedem                 | 380          |
| Matrimoniale forum                       | 385      | Miracula circa eucharistiam                       | 372          |
| Mathusalem                               | 2        | Miracula prophetarum                              | 4            |

# I N D E X.

|                                                    |                   |                                                 |              |
|----------------------------------------------------|-------------------|-------------------------------------------------|--------------|
| Miraculosa signa                                   | 323               | Nestorius                                       | 233.b.234.b  |
| Miraculorum falsorum author                        | 356               | Nicenum concilium                               | 5.b          |
| Missæ                                              | 361.b             | Nisan mensis                                    | 123.b        |
| Missæ priuatæ                                      | 363               | Nobe oppidum                                    | 116.b        |
| Moderatio in puniendo adhibenda                    | 70                | Noe                                             | 2            |
| Monachi                                            | 296.b.385.b       | Noe arca                                        | 180.b        |
| Monachæ                                            | 385.b             | Octus hæreticus                                 | 211          |
| Monachismus                                        | 386               | Nomen dei                                       | 45.318       |
| Monachi mendicantes                                | 386               | Nomen dei apud gentiles in pretio               | 37.b         |
| Monachi principes fiunt                            | 386.b             | Nominis dei prophanatio & abusus                | 45.a.b       |
| Monarchia                                          | 59                | Nominis diuini sanctificatio                    | 45           |
| Monarchæ rarò boni                                 | 39.b              | Nomine dei abutentium pœna                      | 45.b         |
| Monasteria                                         | 385.b             | Notiones naturales                              | 36           |
| Monasteriorum reformatio an speranda sit           | 386.b             | Nouatiani                                       | 192.b        |
| 387                                                |                   | Nouum iunium                                    | 119.b        |
| Monotheitæ                                         | 233.b             | Nouus homo                                      | 199.b        |
| Moralis lex                                        | 39                | Nuptiæ                                          | 133.b        |
| Moralis lex non abrogata                           | 39.b.140          | Nuptiæ secundæ non damnantur                    | 79           |
| Mores puerorum formandi                            | 56                |                                                 |              |
| Morijs mons                                        | 117               | O                                               |              |
| Mortificatio veteris hominis                       | 200               |                                                 |              |
| Moses                                              | 2                 | Obedientia                                      | 60.b.157.319 |
| Moses adducit ad Christum                          | 127               | Obedientia qualis esse debeat                   | 51.b         |
| Moses desiderat videre gloriam dei                 | 208               | Obiectum fidei                                  | 20.b.13      |
| Moses scribit traditiones patrum                   | 3                 | Oblatio                                         | 126.b        |
| Moses quare scripserit                             | 3                 | Obsecratio                                      | 307.b        |
| Mosis autoritas                                    | 3.a.b             | Obstetricæ an baptizare possint                 | 352.b        |
| Mosis aduersarij                                   | 3.b               | Otium                                           | 49           |
| Mosis librorum argumentum                          | 3.b               | Odiu damnatur                                   | 91.a.b       |
| Mulier est viri brachium                           | 77.b              | Otiosi stertere non debemus                     | 216          |
| Mulier arcentur à ministerio ecclesiæ              | 352.b             | Odiu homicidium                                 | 58           |
| Mundus quid                                        | 255               | Oligarchia                                      | 59           |
| de Mundis & immundis                               | 130.b             | imperijs                                        | 228.b        |
| Mysterium quid                                     | 324               | Omnipotentia quomodo verbo dei attributa        | 330          |
|                                                    |                   | Opus quid significet                            | 154          |
| N                                                  |                   | Opera bona                                      | 19.153.b     |
| Næphæsch                                           | 257               | Opera bona fiant secundum regulam verbi dei     | 160          |
| Natales infames                                    | 134.b             | Opera bona non reiiciuntur                      | 155          |
| Natiuitas Christi pura                             | 22.b              | Opera domini quid                               | 154          |
| Natura                                             | 36                | Opera carnis                                    | 170          |
| Natura hominis non est causa peccati               | 162               | Opera dei imputantur homini                     | 154.b        |
| Natura sine gratia nihil efficit                   | 38                | Opera legis quid                                | 138.b        |
| Naturæ deprauatio qualis & quanta                  | 168.b             | Opera lucis                                     | 154          |
| Naturæ in Christo non confunduntur                 | 234               | Opera non iustificat                            | 155          |
| Naturæ lex cur dicatur                             | 36.a.b            | Opera nostra dona sunt dei                      | 159.b        |
| Naturalis legis capita                             | 36.b              | Opera nostra omnia sunt peccatum                | 174          |
| Naturalis legis causa efficiens                    | 36.b              | Opera sanctorum bona an sint peccatum           | 174          |
| Naturalis legis officium                           | 36.b              | Opera satisfactionis                            | 197          |
| Naturales notiones                                 | 36                | Opera vere bona                                 | 160.b        |
| Naturales cupiditates                              | 171.b             | Operum bonorum finis                            | 161          |
| Nazaræi vnde dicti                                 | 129.b.296.b.378.b | Operum bonorum causa                            | 154          |
| Nazaræorum disciplina                              | 129.b             | Opera bonorum plena forma est decalogus         | 160.b        |
| Nazaræi vino abstinerunt                           | 130               | Operum significatio                             | 154          |
| Negotiationes variæ                                | 91.b              | Operibus legis non iustificatur                 | 18           |
| Necem nemo sibi inferre debet vt peccatum deuictet | 173               | Operibus nostris quomodo deus mercedem rependat | 159.b        |
| Nectarius episcopus                                | 194.b             | Operibus                                        |              |
| Negatione ueri non retineri res                    | 106               |                                                 |              |
| Neomenia                                           | 119.b             |                                                 |              |



T E R T I V S.

|                                                                   |       |                                                               |             |
|-------------------------------------------------------------------|-------|---------------------------------------------------------------|-------------|
| Operibus nostris quomodo scriptura iusticiā tri-<br>buat          | 135   | Ostiarj                                                       | 296         |
| Opes publicæ                                                      | 76    | Othomannus                                                    | 142         |
| Opes sacræ                                                        | 94.b  | Ouile Christi                                                 | 291         |
| Opum vsus                                                         | 97    | P                                                             |             |
| Oppressi quo pacto se gerere debeant                              | 60.b  | Pædobaptismum negant Pelagiani                                | 353.b       |
| Oratio fidelium                                                   | 397.b | Pædagogia legali ecclesiæ non est opus                        | 388         |
| Oratio quid sit                                                   | 307.b | Pallium                                                       | 302         |
| Oratio qualis esse debeat                                         | 309.b | Pallium olim gratis collatum                                  | 302         |
| Oratio necessaria                                                 | 308.b | Panis                                                         | 319.372.b   |
| Oratio per Christum offertur                                      | 317   | Panes propositionis                                           | 118         |
| Oratio pro fidei pastoribus                                       | 306   | Papa                                                          | 298         |
| Oratio pro defunctis                                              | 263.b | Papa non est caput ecclesiæ                                   | 290.b       |
| Orationis dominicæ verbis an simus alligati                       | 316.b | Papias                                                        | 269         |
| Orationis effecta                                                 | 321   | Paphnutius                                                    | 78          |
| Orationis efficientes causæ                                       | 210   | Paracletus                                                    | 245         |
| Orationis partes                                                  | 307.b | Paradigmatica signa                                           | 323         |
| Orationis species                                                 | 308   | Parentum cultores præmijs afficiuntur                         | 55          |
| in Oratione multiloquium est prohibitū                            | 316.b | Parochus                                                      | 272         |
| Orandum est ex corde                                              | 311.b | Parochia                                                      | 272         |
| Orantes non semper petita accipiunt                               | 309   | Parœcia                                                       | 272         |
| Orandum quid 312. 313. quando                                     | 312.b | Paræcia                                                       | 272         |
| vbi 313.b quo habitu                                              | 312.b | Parentes                                                      | 333.b       |
| qua lingua 313.b quomodo                                          | 316   | Parentes honorandos esse Ethnici quoq; docue-<br>runt         | 37.b.52     |
| Orandum pro fide                                                  | 12    | Parentibus quatenus obtemperandum sit                         | 51.b        |
| Orantium vita fidei respondeat                                    | 311   | Parentum nomine quis intelligendus                            | 51          |
| Orare                                                             | 219.b | Pascha                                                        | 120         |
| Orare sacerdotum officium                                         | 115   | Paschæ author                                                 | 123.b       |
| Oraturos quibus rebus instructos esse deceat                      | 310   | Paschæ conuiuæ                                                | 124         |
| Oratoria veterum                                                  | 363.b | Paschæ finis                                                  | 124         |
| Ordinatio ministrorum                                             | 300   | Paschæ locus                                                  | 123.b       |
| Ordines cur ab episcopis Papisticis non recipia-<br>mus           | 392   | Paschæ ritus                                                  | 124         |
| Ordines maiores & minores                                         | 297   | Paschæ tempus                                                 | 123.b       |
| Ordines quos deus in ecclesia instituerit                         | 294.b | Paschalis agnus                                               | 123.b       |
| 295.b                                                             |       | de Paschate celebrando contentio                              | 269         |
| Ordo qualis in ecclesia fuerit                                    | 295.b | 383.b                                                         |             |
| Organum                                                           | 315   | Pasisionis Christi fructus                                    | 23          |
| Originale peccatum                                                | 167   | Pasisionis Christi modus                                      | 23          |
| Originale peccatum confitentur omnes antiqui<br>doctores          | 168   | Pastores                                                      | 295         |
| Originale peccatum damnat                                         | 169   | Pastorale munus non est dominium                              | 291         |
| Originale peccatum nascitur nobiscum                              | 167.b | Pastorum authoritas                                           | 307         |
| Originale peccatum alienum dicitur ab August.<br>169. b           |       | Pastorum ecclesiæ scopus                                      | 304         |
| Originale peccatum primi parentes non habue-<br>runt              | 162   | Pater                                                         | 317         |
| Originale peccatum profert opera carnis                           | 170   | Paterfamiliâs curare debet vt familia sabbatum<br>sanctificet | 49.50       |
| Originale peccatum proprium                                       | 169.b | Patrispasianorum hæresis                                      | 211         |
| Originale peccatum voluntarium ab Augustino<br>alicubi appellatur | 167.b | Patresfamiliâs in captiuitate detenti quomodo<br>se gerant    | 55.b        |
| Originalis peccati origo                                          | 167   | Patres non iustificatos esse per legem                        | 186.b       |
| Orosius                                                           | 99    | Patriarchæ                                                    | 296.b.297.b |
| Os dei                                                            | 1.b   | Patrum peccata quomodo in filijs visitet deus                 | 44          |
| Osculum cultus symbolum                                           | 219.b | Patrum scripta quomodo legenda                                | 263.b       |
| Ozias leprosus                                                    | 63    | Patria potestas                                               | 134         |
| Ostenta                                                           | 323   | Patriæ etymologia                                             | 53          |
|                                                                   |       | pro Patria orandum                                            | 53          |
|                                                                   |       | Patria honoranda                                              | 51.b.52.b   |
|                                                                   |       | pro Patria pugnandum                                          | 52.b        |

# I N D E X

|                                                           |             |                                                 |                 |
|-----------------------------------------------------------|-------------|-------------------------------------------------|-----------------|
| Patientia sanctorum                                       | 103         | Peccata sanctorum qualia                        | 100.b           |
| Patientiae fons                                           | 19.b        | Peccata remittit solus deus                     | 30              |
| Patentiam docet mors Christi                              | 23          | Peccata remittuntur propter Christum            | 29              |
| Patroni coelites                                          | 221.a.b     | Peccatores sumus omnes                          | 18.29.111.136   |
| Paulus Apostolus                                          | 5           | Peccatorum agnitio & confessio                  | 29              |
| Paulus eremita                                            | 385.b       | Peccatorum poena certa & iusta                  | 175.b           |
| Paulus litigauit in iudicio                               | 68          | Pectorale iudicij                               | 113.b           |
| Paulus postulat defensionem ab Ethnicis                   | 73          | Peculatus                                       | 95              |
| Pauli doctrina commendatur ecclesijs                      | 144         | Pelagius de gratia dei                          | 179.b           |
| Pauli discipuli & comites                                 | 378.b       | Pelagiani                                       | 167             |
| Pauperes                                                  | 133.b       | Pelagianismus                                   | 353.b.354.b     |
| Pauperum cura                                             | 306         | Pellicanus quid                                 | 161.b           |
| Pauperes fraudare sua portione quantum peccatum           | 381.b       | Pentecoste                                      | 120             |
| Pauperum genera                                           | 381.b       | Perditi homines                                 | 56.b            |
| Pauperibus prospiciendum ex opibus ecclesiae              | 381.b       | Persecutiones ecclesiae decem                   | 107             |
| Peccatum a baptismo remanens in paruulis, an sit peccatum | 173.b       | Persecutionis ecclesiae causae                  | 100.b           |
| Peccatum actuale                                          | 167.170.b   | Persecutorum exitus                             | 107.b           |
| Peccatum cogitationis                                     | 172         | Perseuerantia in precibus                       | 312             |
| Peccatum cum lege dei pugnat                              | 171         | Personae diuinitatis                            | 118             |
| Peccatum & mors                                           | 2.b         | Personarum distinctio                           | 20              |
| Peccatum ignorantiae                                      | 173         | Personae ecclesiasticae                         | 197.381.b       |
| Peccatum in spiritum sanctum                              | 173.b.174.b | Personae priuatae                               | 313             |
| Peccatum mortale                                          | 173.b       | Personae publicae                               | 76.b.313        |
| Peccatum non est creatura                                 | 165         | Personarum respectus                            | 67              |
| Peccatum operis                                           | 171.b.172   | Persuasio quomodo aliquando vsurpetur           | 12              |
| Peccatum oris                                             | 171.b.172   | Petritio                                        | 307.b           |
| Peccatum originale                                        | 167         | Petrus Apostolorum princeps                     | 198.b           |
| Peccatum originale confitentur omnes antiqui doctores     | 168         | Petri nomen                                     | 188.b.289.299.b |
| Peccatum originale est deprauiatio imaginis dei in nobis  | 169         | Petri poenitentia                               | 190.b           |
| Peccatum originale morbus quomodo                         | 170         | Petrus non est fundamentum ecclesiae            | 289             |
| Peccatum proprietas est hominis                           | 162.b       | Petrus Lombardus                                | 198             |
| Peccatum veniale                                          | 175.b       | Pharaones                                       | 68              |
| Peccatum voluntarium esse                                 | 167.b       | Pharisei                                        | 169             |
| Peccati actualis causa                                    | 171         | Phileni fratres                                 | 53              |
| Peccati causa                                             | 162         | Philosophia                                     | 15              |
| Peccati causa non est solus diabolus                      | 163.b       | Philosophi                                      | 204             |
| Peccati definitio                                         | 163         | Piaculare sacrificium                           | 126.b           |
| Peccati discrimina                                        | 167         | Pignus                                          | 93.134          |
| Peccati gradus                                            | 110.b       | Pietatis praecipua capita                       | 377.b           |
| Peccati poena & culpa sublata                             | 17          | Pij in patriam                                  | 53              |
| Peccati species                                           | 126.b       | Plagium                                         | 134.b           |
| Peccati vocabulum                                         | 161.b       | Plagiarij                                       | 95              |
| de Peccato originali catholicum dogma                     | 168         | Plebani                                         | 197.b           |
| Peccata aliena                                            | 172.b       | Plagius quid sit                                | 12.b            |
| Peccata capitalia                                         | 172         | Poenae aliquando differtur                      | 176             |
| Peccata clamantia                                         | 172         | Poenae & culpa peccati sublata est per Christum | 17              |
| Peccata gradibus assurgunt                                | 171.b       | Poenae imponitur nobis                          | 17              |
| Peccata manifesta                                         | 173.b       | Poenae domini iusta                             | 176 certa 176   |
| Peccata non esse paria                                    | 171.b       | Poenae peccatorum certa & iusta                 | 175             |
| Peccata occulta                                           | 173.b       | Poenae peccatorum quae deus remisit             | 176.b           |
| Peccata omnia remittuntur                                 | 29.b        | Poenae diuinae exempla                          | 176             |
| Peccata patrum quomodo in filijs puniantur                | 44          | Poenae fontium                                  | 135             |
| Peccata quae deus remisit cur puniantur                   | 176.b       | Poenitentia                                     | 185.190         |
| Peccata quomodo remittantur                               | 30          | Poenitentia non est procrastinanda              | 201             |
|                                                           |             | Poenitentia nulla sera                          | 203             |
|                                                           |             | Poenitentia priuata                             | 201.b publica   |
|                                                           |             | Poenitentia spontanea                           | 201.b Poeni-    |



T E R T I V S.

CCC 5

# I N D E X.

|                                                    |            |                                                   |                |
|----------------------------------------------------|------------|---------------------------------------------------|----------------|
| Religionis causa bella gerenda                     | 73         | Sabbata quare instituta                           | 119. a. b      |
| an Religionis causa aliquis puniendus sit          | 69. b      | Sabellius                                         | 211            |
| Religionis cura ad magistratum pertinet            | 62         | Sacerdos                                          | 295. b         |
| Remissio peccatorum                                | 29         | Sacerdotes bello interfini                        | 115            |
| Remissionis uocabulum                              | 29. b      | Sacerdotes gentilium                              | 37. b          |
| Renouatio hominis per spiritum                     | 199. b     | Sacerdotes papistici religiosi & seculares        | 297            |
| Repetitiones                                       | 7          | Sacerdotum officium                               | 114. b. 238. b |
| in Reprobum sensum dare                            | 166        | Sacerdotum tractationes & vectigalia              | 115            |
| Rerum diuisio                                      | 111. 134   | Sacerdotalis vestis                               | 113            |
| Res militaris                                      | 135. b     | Sacerdotalis vestitus significatio                | 114            |
| Res sacra                                          | 133. b     | Sacerdotium                                       | 112. b         |
| Restitutio                                         | 135        | Sacerdotium abrogatum                             | 141. b         |
| Restitutio necessaria                              | 95. b      | Sacerdotium Christi                               | 138. b         |
| Restitutio cui fiat                                | 95. b      | Sacra quæ sint                                    | 295. b         |
| Restitutio quando facienda                         | 59. b      | Sacra vasa                                        | 118. 119       |
| Restituere quantum quisq; debeat                   | 96         | Sacræ literæ                                      | 1              |
| Resurgere quid sit                                 | 24. b      | Sacræ literæ perfectæ                             | 6. b           |
| Resurrectio Christi                                | 24         | Sacramentum                                       | 333. 360. b    |
| Resurrectio iniustorum                             | 32         | Sacramentum pro iureiurando                       | 323. b         |
| Resurrectionis ueræ testimonia                     | 6          | Sacramentum militare                              | 324            |
| Ritus quomodo perpetui sint                        | 141        | Sacramenta an conferant gratiam                   | 337. 338       |
| Rodorychus Gothorum rex                            | 81         | Sacramenta cur nobis instituta in rebus uisibili- |                |
| Roma pœnas dedit                                   | 107. b     | bus                                               | 325            |
| Romana ecclesia                                    | 284. b     | Sacramenta euacuare                               | 340. b         |
| Romana ecclesia non existente ecclesia, deus ni-   |            | Sacramenta fidem excitant                         | 344. b         |
| hilominus ecclesiam in terris habet                | 287        | Sacramenta quæ nota sunt ecclesiæ qualia esse de- |                |
| Romana ecclesia non est sancta mater               | 292        | beant                                             | 273            |
| Romana ecclesia uetus & noua                       | 285. a. b  | Sacramenta quibus rebus consistunt                | 326. b         |
| a Romana ecclesia secessio                         | 284. b     | Sacramenta repræsentant res                       | 343. b         |
| Romanæ ecclesiæ ministrorum uita                   | 285. b     | Sacramenta sine fide non prodesse                 | 346. b         |
|                                                    | 286        | Sacramenta sunt testimonia veritatis, beneuolen-  |                |
| Romanæ ecclesiæ veteris doctrina                   | 278        | tiam dei erga nos obsignant uisibiliter           | 341            |
| Romana sedes                                       | 288. b     | Sacramenta synagogæ                               | 121            |
| Roris generatio                                    | 22. b      | Sacramenta ueteris populi abrogata                | 141. b         |
| Ruth exemplum                                      | 45. b      | Sacramentorum author                              | 324. b         |
|                                                    |            | Sacramentorum fines                               | 341            |
| Sabaoth dominus                                    | 205. b     | Sacramentorum numerus                             | 326            |
| Sabbatum quid                                      | 48         | Sacramentorum ritus                               | 327            |
| Sabbatum Christianorum                             | 49. b      | Sacramentorum ueteris & nouæ legis similitudo     |                |
| Sabbatum egit dominus                              | 49         | & differentia                                     | 337            |
| Sabbatum ordinatio religionis externa              | 48. b      | in Sacramentis an contineatur gratia dei          | 338. b         |
| Sabbatum propter hominem non homo propter          |            | Sacramentis nimium tribuere                       | 336. b         |
| sabbatum                                           | 50. b      | Sacramentis uisibiliter colligimur in vnâ reli-   |                |
| Sabbatum spirituale                                | 48. b      | gionem, separamur ab alijs                        | 345            |
| Sabbati contemptores redigendi in ordinem          | 50         | Sacramentales loquutiones                         | 335. b. 334    |
| Sabbati finis & usus                               | 50. b      | Sacramentales loquutiones sacramentaliter expo-   |                |
| Sabbati abusus & prophanatio                       | 50         | nendæ sunt                                        | 334. b         |
| Sabbati institutio uetus                           | 48         | Sacramentaliter                                   | 335. b         |
| Sabbati opera                                      | 48. b      | Sacrificium cibarium                              | 126            |
| Sabbatum partim ceremoniale                        | 49. b. 140 | Sacrificium eucharisticum                         | 129            |
| Sabbati religionem transferat paterfamilias in do- |            | Sacrificium expiatorium & confessionis            | 366. b         |
| mum suam                                           | 49         | Sacrificium iuge                                  | 126            |
| Sabbati sanctificatio in quibus consistat          | 48. b      | Sacrificium Missæ                                 | 363            |
| 49. a. b                                           |            | Sacrificium piaculare                             | 126. b         |
| in Sabbato arare                                   | 50. b      | Sacrificium primitiarum, primogenitorum, deci-    |                |
| Sabbato benedixit dominus                          | 49         | marum                                             | ibidem         |
| de Sabbato leges imperatoriar                      | 50. b      | Sacrificium vaccæ ruscæ                           | 118            |
| de Sabbato obseruando lex imperatoria              | 50. b      | Sacrificij locus                                  | 287. b         |
| Sabbato promissiones & minæ additæ                 | 50         | Sacrificia                                        | 125            |
|                                                    |            |                                                   | Sacri-         |



# T E R T I V S.

|                                              |                     |                                                 |                          |
|----------------------------------------------|---------------------|-------------------------------------------------|--------------------------|
| Sacrificia abrogata                          | 142. b              | Non propter indignos cœna domini participan-    |                          |
| Sacrificia initiationis                      | 126                 | tes                                             | 284                      |
| Sacrificia non omnia reiecit deus            | 338                 | Non propter diuersitatem doctrinæ               | 282. b                   |
| Sacrificia per Christum sublata              | 6                   | Schismaticus quis                               | 285                      |
| Sacrificia pro corporeis sai. tificationibus | 128. b              | Schismatica defectio                            | 288                      |
| Sacrificia quomodo dicantur peccata expiare  | 197                 | Scholæ                                          | 64. b. 115. b. 378. a. b |
| Sacrificia spontanea                         | 129                 | Scholarum corruptio                             | 379                      |
| Sacrificia votiuæ                            | ibidem              | Scopus                                          | 379                      |
| Sacrificiorum species                        | 125                 | Scientia                                        | 246. b                   |
| Sacrificare in excelsis                      | 141. b. 118. b. 117 | Scriptura est absoluta                          | 6. b                     |
| Sacrificare officium sacerdotum              | 115                 | Scriptura est integra                           | 5                        |
| Sacrificandum est soli deo                   | 222. b              | Scriptura quomodo exponenda                     | 9. b                     |
| Sacrificantium in excelsis peccatum          | 117. 118. b         | Scriptura lucerna                               | 9                        |
| Sacrum tempus                                | 119                 | Scriptura quibus difficilis                     | ibidem                   |
| Sacrilegi                                    | 94. b. 95           | Scriptura quomodo legenda                       | 6. b                     |
| Sacrilegium                                  | 94. b. 135          | Scripturæ ad omnes pertinent                    | 6                        |
| Salus æterna                                 | 183. b              | Scripturæ canonicæ omnia quæ de deo credenda    |                          |
| Salus est omnium                             | 184. b              | sunt continent                                  | 211. b                   |
| Saluantur fideles                            | 185                 | Scripturæ finis                                 | 5. b                     |
| Samsonis peccatum                            | 130                 | Scripturæ interpretatio                         | 304                      |
| Samsonis fortitudo non fuit in coma          | ibidem              | Scripturæ non corrupendæ                        | 9. b                     |
| Samuel à morte sua non apparuit              | 265                 | Scripturæ plenam suppedirant reformationis for- |                          |
| Sancta ecclesia                              | 272                 | mam                                             | 203. b                   |
| Sancti nolunt à nobis coli                   | 252                 | Scripturæ quomodo à Papa tractentur             | 285. b                   |
| Sancti qui Paulo                             | 29. 272             | Scripturæ sacræ libri                           | 5                        |
| Sancti quomodo colendi                       | 227                 | Scripturæ sensus adulterinus quis               | 11                       |
| Sanctificare quid                            | 318                 | Scripturæ utilitas                              | 6. b                     |
| Sanctificat dominus                          | 50. b. 51           | Scripturarum enarratio                          | 283                      |
| Sanctificatio cui ascribenda                 | 245                 | Scripturarum interpretatio                      | 270                      |
| in Sanctificatione duo sunt                  | 157                 | Qui Scripturas exponendas negant, quid quæ-     |                          |
| Sanctificatio nominis diuiri                 | 4. 5                | rant                                            | 9. b                     |
| Sanctitas perfectiss. unde sit               | 271. b              | Scottatio spiritalis                            | 44                       |
| Sanctum                                      | 115. b              | Scottationis fructus                            | 81                       |
| Sanctum sanctorum                            | 115. b. 289. b      | Secessio à Rom ecclesia                         | 284. b                   |
| Sanguis res pretiosa                         | 131                 | Sedere est quiescere                            | 25. b                    |
| Sanguis & suffocatum prohibita ab apostolis  | 131. 143            | Seditiosi                                       | 53. b. 135               |
| Sanherib punitus                             | 45. b               | Seleuciani                                      | 358. b                   |
| Satan                                        | 254. b              | Sem                                             | 2                        |
| Sanctificatio operum                         | 157                 | Semen appellatur Christus                       | 180                      |
| Saturnus unde deriuetur                      | 121. b. 206. b      | de Semine excitando fratri defuncto             | 22. b                    |
| Saulis pœna                                  | 45. b               | Senatus ecclesiæ                                | 384                      |
| Sapientia                                    | 246. b              | Seneca de cultu deorum                          | 37                       |
| Sapientia quomodo comparanda                 | 15                  | Senecæ error                                    | 173                      |
| Sapientia Solomonis                          | ibidem              | Senatores                                       | 295                      |
| Sapientia uera petenda ex uerbo dei          | 1                   | Senes honorandi                                 | 54. b                    |
| Scandalum                                    | 152. b              | Sephora circumcidit filium                      | 353                      |
| Scandalum datum & acceptum                   | 153                 | Sepultura Christianorum                         | 387. b                   |
| Scandalum est grande peccatum                | 153. b              | Sepultura Christi                               | 23                       |
| Scandala non sunt ex euangelio               | ibidem              | Sepultura infantium qui decedunt sine baptismo  | 355                      |
| Scelus                                       | 162                 | Seraphim                                        | 250. b                   |
| Scelera                                      | 172                 | Serpens æneus                                   | 186                      |
| Schaddai                                     | 40. 121. b. 206. b  | Serpens diabolus                                | 254. b                   |
| Schahah                                      | 219. b              | Serpentis caput                                 | 131. b                   |
| Schisma non faciendū propter doctorū uitia   | 283. b              | Serui in religione instituendi                  | 49                       |
| Non propter diuersitatem doctrinæ            | 282                 | Seruire quid sit                                | 43. b                    |
| Non propter uitia ministrorum                | 283. b              | Seruitus                                        | 134. b. 150              |
| Non propter rituum diuersitatem              | ibidem              | Seruitus duplex                                 | 150                      |
| Nō ppter impuriore uitā hominū in ecclesia   | 284                 | Seruitus legalis in ueteri testamento           | 148. b                   |

# INDEX

## Talionis



# TERTIVS.

|                                                                    |                         |                                                               |                  |
|--------------------------------------------------------------------|-------------------------|---------------------------------------------------------------|------------------|
| Talionis lex                                                       | 58. 535. b              | Tributa pendenda magistratibus                                | 76               |
| Temperantia quomodo à continentia differat                         |                         | Trinitas                                                      | 206. b           |
| 28                                                                 |                         | Trinitatis mysterium similitudinibus adumbratur               | 212. b           |
| Templum dei                                                        | 288. b                  | Trinitatis mysterium non curiosis disputationibus ventilandum | 214.             |
| Templum quàm diu steterit                                          | 117. b                  | Trinitatis mysterium patriarchis & prophetis cognitissimum    | 213. b           |
| Templum Solomonis                                                  | 115. b. 117             | Trinitatis testimonia                                         | 211. b           |
| Templum quomodo destructum à Romanis postea reedificari ceptum sit | 141                     | de Trinitate doctrinæ certitudo                               | 213              |
| Templum Solomonis typus ecclesiæ                                   | 289. b                  | Triumphans ecclesia                                           | 271. b           |
| Templi instrumenta                                                 | 383                     | Tubæ                                                          | 112              |
| Templi locus                                                       | 117                     | Tubarum festum                                                | 110              |
| Templa augusta vetus ecclesia diu non habuit                       |                         | Tunica stricta sacerdotum                                     | 113. b           |
| 363. b                                                             |                         | Tutores honorandi                                             | 53. b            |
| Templa Christianorum                                               | 382. b                  | Tutores patres                                                | 51. b            |
| Templorum consecratio                                              | 382. b                  | Tyrannis                                                      | 59               |
| Templa diuis non extruenda                                         | 383                     | Tyrannicidæ                                                   | 61               |
| Tempus liberum                                                     | 142                     | Tyrannorum miserabiles exitus                                 | 61               |
| Tempus sacrum                                                      | 119. 383                |                                                               |                  |
| Tenebræ in scripturis quid                                         | 255                     | V.                                                            |                  |
| Tentare quid                                                       | 164. b                  | Vaccæ rufæ sacrificium                                        | 128              |
| Tentatio de electione                                              | 217. b                  | Varro de simulachris                                          | 37               |
| Tentator                                                           | 254. b                  | Vasa gratiæ                                                   | 339              |
| Tentationes variæ                                                  | 320                     | Vestigialia sacra                                             | 115. b           |
| Tentoria habuerunt patriarchæ                                      | 28. b                   | Verbum quid                                                   | 1                |
| Terra                                                              | 215                     | Verbum dei essentialè                                         | 330              |
| Tertullianus                                                       | 213                     | Verbum dei fidei obiectum                                     | 13. b            |
| Testamentum dei                                                    | 18                      | Verbum dei quid                                               | 1. 5. b          |
| Testamentum nouum                                                  | 17                      | Verbum dei quare reuelatum                                    | 5. b. 6. b. 8. b |
| Testamentum nouum non habet conditionem certæ terræ                | 149                     | Verbum dei quibus reuelatum                                   | 5. b             |
| Testamentum nouum nullas habet figuras                             | 148. b                  | Verbum dei quod nota est ecclesiæ, quale esse debeat          | 275              |
| Testamenti noui & ueteris differentia & similitudo                 | 145. b                  | Verbum dei quomodo audiendum                                  | 7. b             |
| Testamenti noui populus ampliff.                                   | 148. b                  | Verbum dei reuelatum per filium dei                           | 4. b             |
| Testamenti noui dona ampliff.                                      | 149                     | Verbum dei reuelatur per homines                              | 1. b             |
| Testes apellantur euang. præcones                                  | 341                     | Verbum suum deus uult intelligi                               | 8. b             |
| Testes & testimonia                                                | 133. b                  | Verbi dei effectus                                            | 6. b. 7. b. 8    |
| de Testimonio dicendo                                              | 108. b                  | Verbi dei expositio                                           | 9                |
| Theschuah                                                          | 189. b                  | Verbi significatio                                            | 7                |
| Throni                                                             | 250. b                  | Verbi dei nomina                                              | 8                |
| Thruma & tnupha                                                    | 129                     | Verbi dei origo                                               | 1. b             |
| Thumim                                                             | 114                     | Verbi dei progressus                                          | 3. b             |
| Thuribulum aureum                                                  | 116                     | Verbi dei proprietates                                        | 1                |
| Thora                                                              | 162                     | Verbi dei usus                                                | 8                |
| Thymiamatis ara                                                    | 118                     | Verbo dei conseruari ecclesiam                                | 276. b           |
| Tiara vestis sacerdotalis                                          | 113. b                  | Veritatis spiritus                                            | 245. b           |
| Timor                                                              | 246. b                  | Veste qua in cœna dominica utendum                            | 364              |
| Timor dei duplex                                                   | 191                     | Vestimenti genus                                              | 113              |
| Timor dei in pœnitentibus                                          | 190. b                  | Vestitus orantium                                             | 313              |
| Torculares psal.                                                   | 120. b                  | Vestitus qualis esse debeat                                   | 82. b            |
| Tractus prædestinatorum                                            | 218                     | Vestitus sacerdotalis                                         | 113              |
| Traditiones apostolicæ                                             | 7. 268. b. 263. b. 264. | Vestitus sacerdotalis significatio                            | 114              |
| Traditiones humanæ                                                 | 38. b                   | Vetus homo                                                    | 198. b           |
| Traditiones iudæorum                                               | 268. b                  | Veteris & noui populi similitudo & differentia                | 145. b           |
| Traditiones non scriptæ                                            | 268                     | Veteris Testamenti scripta ad Christianos pertinent           | 6                |
| Traditiones patrum                                                 | 268. b                  | Vicarium ecclesia dei nullum habet                            | 290              |
| Traditiones uiuæ patrum                                            | 2                       |                                                               |                  |
| Transfiguratio Christi                                             | 31. b                   |                                                               |                  |
| Transsubstantiatio                                                 | 352. 363                |                                                               |                  |

# INDEX TERTIVS.

|                                              |          |                                      |                         |
|----------------------------------------------|----------|--------------------------------------|-------------------------|
| Viduae                                       | 385      | Vocandi ministros quinam ius habeant | 300.b                   |
| Vindicta                                     | 68       | Voluntas                             | 199                     |
| Vinea comparatur ecclesia                    | 289.b    | Voluntarium & inuoluntarium          | 171.b                   |
| Vino quomodo Nazaræi abstinuerint.           | 130      | Voluptas concessa                    | 82                      |
| Violenti species                             | 172.b    | Vorum quid                           | 119.b                   |
| Violentum                                    | 172      | Vota abrogata                        | 143                     |
| Vires hominis                                | 199      | Vota Monastica                       | 47.b. 386.b             |
| Virgo peperit Christum                       | 22.b     | Votiva sacrificia                    | 119                     |
| Virgines                                     | 385      | Votorum diuersitas                   | 119.b                   |
| Virtutes                                     | 250.b    | Vrim                                 | 114                     |
| Viscera quid                                 | 54.b     | Vsura                                | 93.b. 94                |
| Visio dei                                    | 207.b    | Vsurarij                             | 94.a.b                  |
| Visiõibus adumbratur deus                    | 208      | Z.                                   |                         |
| Vita æterna                                  | 3. 32. b | Zalem                                | 165. b                  |
| Vnctio                                       | 246      | Zelores deus                         | 43.b. 47                |
| Vnctio extrema                               | 387.b    | Zona sacerdotum                      | 113.b                   |
| Vnio sacramentalis                           | 333      | Zuinglius de peccato originali       | 169.b                   |
| Vnitas seruanda                              | 284.b    | Zuinglij de sacramentis              | 343. quomodo fidem ful- |
| Vocatio ad ministerium & eius genera         | 300      | ciant                                | 344.b                   |
| Vocati ad ministerium quomodo initiandi sint | 302      |                                      |                         |

## FINIS.



# STRONG'S NEW METHOD

OF TEACHING

THE PRINCIPLES OF

THE SCIENCE OF

TEACHING

AND

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING

THE ART OF

TEACHING





# SERMONVM DECAS

PRIMA, AVTHORE HEINRY-

CHO BVLLINGERO.

*De verbo Dei, origine eius, quomodo & per quos mundo sit reuelatum.*

## S E R M O I.



**M**ANIA dogmata fidei Christianæ, omnis item rectè, benè, beateq; uiuendi ratio, omnis deniq; sapiëntia uera diuinâq; semper petita est ex uerbi Dei testimonijs seu iudicatis: neq; hodie uel à uere sapientibus uiris, uel à fidelibus & à Deo uocatis ecclesiarum ministris illa aliunde quàm ex uerbo Dei hauriri, doceri deniq; & confirmari solidè possunt. Quisquis itaq; ignorat quid sit uerbum Dei, & quæ uerbi Dei ratio, in ipso templo Domini auditorioq; Christi, adde & in lectione scripturarum sacrarum, ueluti cæcus, surdus & amens uersari uidetur. Imò quòd aliqui in audiendis sermonibus sacris ecclesiasticis uel, irreligiosiores & segniores apparent, non alio exoritur fonte, quàm quòd uirtutem & ueram rationem uerbi Dei, neque rectè intelligunt, neque satis diligenter expendunt. Ne quid itaq; remotetur hinc studiosos ueritatis ac uerbi Dei: quinimò ut in omnium animos iusta uerbi Dei existimatio reponatur, explicabo, Deo iuuante, charitati uestræ, quænam religiosum hominè de uerbo Dei sentire & tenere oporteat. Vos assiduis & intentis precibus benignas Dei nostri aures pulsate, quò & mihi sanctam & efficacem dicendi facultatè concedat, & uobis aures & mentem aperiat, ut in omnibus laudetur nomen Domini, uberemq; fructum percipiant animæ nostræ.

Principiò explicandum erit nobis quid sit uerbum Dei. Verbum in scripturis & iuxta idioma linguae Hebræe latissimè patet. Significat enim rem quamlibet, sicuti & Germanis latissimè patet uocabulū ding. Apud sanctum Lucam dicit ad beatam uirginem angelus Dei, Non erit apud Deū impossibile omne uerbum. Id quod perinde est ac si dixisset, Deo omnia possibilia, aut res nulla erit impossibilis Deo. Significat uerbum & dictionem ore hominis prolatā. Aliquando usurpatur pro cōmissione, aliquando & pro integra sententia aut etiam oratione aut prophetia. Exempla de his in scripturis copiosa sunt. Cæterum cū uerbum coniungitur cū alio, ut cū dicitur in præsentī uerbum Dei, etiam sic nō usurpatur eadem significatione. Nam uerbū Dei significat uirtutem & potentiam Dei: ponitur & pro filio Dei, qui est secunda in adoranda trinitate persona. Manifesta est enim omnibus illa diui Euangelistæ uox, Verbum caro factum est. Propriè autem in nostro hoc negotio significat uerbum Dei, eloquium Dei, reuelationēq; uoluntatis diuinæ, per os Christi, prophetarū ac Apostolorum, primū quidem uisua uoce prolatam, deinde etiam relatā in literas, quas rectè appellant sacras atq; diuinas. Verbum enim mentem eius ex quo prodit refert: proinde uerbum Dei Deum refert. Est autem Deus natura sua uerax, iustus, bonus, purus, immortalis, æternus, iccirco consequens est & uerbum Dei quod prodit ex ore Dei, uerum esse, iustū, sine fraude & dolo, sine errore & affectu prauo, sanctum, purum, bonum, immortale, æternū. Dominus enim in Euangelio dicit, Sermo tuus ueritas est. Et Apostolus Paulus, Verbum Dei, inquit, non est alligatum. Rursus clamat tota scriptura,

*Verbum quid*

*Verbum Dei quid.*

*Joan. 1.*

+ *Psalm. 30*  
*Deu. 4 et*

*Psalm. 12*  
*De causis et*  
*origine uerbi*  
*Dei.*

Verbum Domini manet in aeternum. Nam & Solomon dicit, Omne eloquium Dei est repurgatum. Nihil adicias uerbis eius, ne forte redarguat te, & inueniaris mendax. Dauid quoque, Eloquia Domini, ait, eloquia munda, argentum igne expurgatum, defaecatum à terra septemplexiter.

Hæc intelliget charitas uestra plenius, si paulò copiosius de causa siue origine, tum & certitudine uerbi Dei dixerò. Verbum Dei ueritas est: atqui ueritatis unicuique fons est Deus: origo ergo & causa uerbi Dei Deus est. Atque hic quidem Deus cum membra, mortalium hominum instar, minimè habeat, ore caret etiam corporeo: quia tamen os instrumentum est uocis, tribuitur Deo os. Nam loquutus est hominibus uoce humana, id est, uoce hominibus perceptibili atque effigiata ad sermonem usitatum inter homines. Claret hoc in rebus gestis cum sanctis patribus, quibus cum, ut cum parentibus nostris Adamo & Eua, cum Noe & reliquis patribus frequentissimè colloquutus legitur. In monte Sina ipse Dominus concionatur ad magnam Israelis ecclesiam, recitans significanter decem illa capita, in quibus omnis comprehenditur pietas. Nam Deut. 5. cap. sic legimus, Verba ista (decalogum intelligens) loquutus est Dominus ad omnem ecclesiam de medio ignis uoce magna. Et in cap. 4. Vocem uerborum uos audistis, similitudinem autem nullam uidistis, præter uocem. Frequentissimè uerò usus est Deus opera angelorum, per quorum ministerium colloquutus est cum mortalibus. Cognitissimum uerò illud est omnibus hominibus, quod filius patris incarnatus in terris obambulauit, uerusque Deus & homo Israeliticum populum ferme per triennium docuit. Quondam autem & antequam nasceretur mundo Dei filius, insinuauit se Deus animis sanctorum patrum, deinde etiam mentibus sanctorum prophetarum, ac deinceps per ipsorum ora & scripta mundum docuit. Ita & Christus Dominus spiritum sanctum, qui patris & filij spiritus est, misit in Apostolos, per quorum ora, uoces, ac calamos toti mundo innotuit.

*Verbum Dei re-*  
*uelatur mundo*  
*per homines.*

Atque hi serui Dei omnes, seu electa Dei organa, reuelationem Dei à Deo percipientes animis syncerissimis, oracula seu eloquia Dei quæ perceperant, primum quidem uiua uoce mundo tradiderunt, deinde senescente mundo, quidam ipsorum & literarum monumentis mandarunt. Hæc autem quomodo & per quos facta sunt, præstat cognosce. Nam ex hac historia elucescit uera uerbi Dei ratio, certitudo & dignitas.

Ab exordio rerum ad tempora usque Moysi nulla extant scripta quæ perueniant ad nostram notitiam: quamuis uerisimile sit priscum & primum illud seculum non omnino fuisse sine omni scriptura. Nam citatur à S. Iuda Apostolo fratre beati Iacobi scriptum, uaticinium beati patris nostri Enoch, qui legitur septimus fuisse à patre nostro Adam. Videtur præterea scriptum aut historia Iob antiquis edita temporibus. Ut cunctis uerò hoc habeat, sancti in ecclesia Dei omnes, primum inter scriptores sacros collocant fidelissimum Dei seruum Moysen.

*Quomodo et*  
*per quos ab*  
*exordio mun-*  
*di reuelatum*  
*sit uerbum Dei.*

Ab exordio itaque mundi Deus per spiritum suum, per ministeria quoque angelorum locutus est sanctis patribus, ac hi filijs nepotibusque & toti posteritati quæ à Deo acceperant, uiua uoce tradiderunt: cum ea utique accepissent, non ut sibi reseruarent, sed posteris quoque communicarent. Deus enim subinde testabatur se uelle Deum esse & patrum & seminis ipsorum in sempiternum. Elucescit hoc in historia Adæ, Noæ & Abrahamæ primorum genearcharum maxime. Certè Gen. 19. legimus angelum domini, adeoque ipsum Dominum dixisse ad Abrahamum, Num celabo Abrahamum, quæ ego facturus sum, cum Abraham omnino futurus sit in gentem magnam & ualentem, benedicendaque sint in eo omnes nationes terræ? Hoc quoque

*Abraham.*



quoque scio quod mandaturus sit filiis suis & domui suae post se, ut custodiant uiam Domini, faciantque iustitiam & iudicium, & reliqua. Abraham itaque fidelissimus & religiosissimus Dei cultor (sicuti & prisci illi primi seculi patres) nihil hac in re neglexit, sed diligentissime homines de uoluntate & iudicijs Dei instituit. Vnde & a Mose, adeoque ab ipso Deo appellatus est propheta. Vsurpata est autem religiosa & uiua illa traditio sanctorum patrum ab exordio mundi usque ad tempora Moysis. Praeterea curauit diuina bonitas, ne ulla unquam secula carerent clarissimis luminibus indubitatae fidei testibus & maximae autoritatis patribus. Seculum enim ante diluuium habuit clarissimos & sanctissimos sapientissimosque uiros nouem, Adam, Seth, Enos, Kenan, Malalehel, Jared, Enoch, Mathusalem & Lamech. Ex his praecipui Adam & Mathusalem ordiuntur & concludunt omnes annos seculi ante diluuium 1656. Nam Adam uixit annos uitae 930. Moritur ergo ante diluuium anno 726. Mathusalem uero uixit annos uitae 969. Moritur eo ipso anno, quo inundauit diluuium: ac uixit una cum Adamo annos 243. ut abunde potuerit institui ab Adamo de exordio rerum, de Deo, de lapsu hominis & restitutione, rebusque ad religionem pertinentibus omnibus, quemadmodum ipse ab ipso Deo erat institutus. Ego hi duo patres una cum alijs supra nominatis, totum illud seculum abunde satis erudire potuerunt de salute uera ac de iustis ujs Domini. A diluuiio dedit Deus iterum mundo uiros clarissimos & lumina maxima. Horum nomina sunt, Noe, Sem, Arphaxat, Sale, Heber, Palec, Reu, Saruch, Nachor, Thare, Abraham, Isaac, Iacob. Habemus hic patriarchas praestantissimos 13. In quibus primi duo Noe & Sem principatum tenent: post quos illustriores sunt Abraham, Isaac & Iacob. Vixit Noe annos uitae in uniuersum 950. Natus erat annos 600. cum inundaret diluuium. Vidit ergo & audiuit omnes sanctos patres primi seculi ante diluuium, tribus duntaxat exceptis, Adamo, Seth & Enos. Ac cum reliquis, qui hos uiderant & audierant, conuixit annis plurimis, ut nihil eorum quae Adam tradiderat ignorare porigerit. Moritur Noe (quod dictu mirum, sed tamen uerum est) anno aetatis Abraham 49. Cum patre uiuit multos annos filius Sem. Vixit enim annos uitae in uniuersum 600. Natus est ipsi Noe ante diluuium annis circiter 96. Vidit ergo & audiuit non tantum patrem Noe & auum Lamech, sed etiam proauum Mathusalem, cum quo uixit ante diluuium annos illos 96. Ab eo erudiri potuit de omnibus quae Mathusalem audierat & didicerat ab Adamo ac reliquis patriarchis. Moritur autem Sem post fata Abraham anno Iacobi 52. nimirum 37. anno post mortem Abraham, anno aetatis Isaac 112. ut Iacob patriarcha ab ipso Sem omnem ueram theologiam uti hic a Mathusalem acceperat, discere potuerit, a tertio post Adam teste ac praetore. Porro Iacob patriarcha suis quoque liberis tradidit, quod ut traderet a Deo per patres accepit. Nascitur Iacobo in Mesopotamia Leui filius, & huic rursus Kahad, qui uidit & audiuit Iacobum. Nam non paucos annos uixit Kahad cum uo Iacobo. Recensetur enim in catalogo liberorum descendantium cum Iacobo in Aegyptum: at uixit Iacob in Aegypto cum liberis suis annos 17. Hic autem Kahad est auus Moysis, pater Amram, a quo plenam & certam illam traditionem de uoluntate praeeptis & iudicijs Dei perfectissime hausit, sicuti Amram pater didicerat ex patre Kahad, Kahad a Iacobo, Iacobus a Sem, Sem a Mathusalem atque Adamo primo patre omnium nostrum, ut iam Moses stet in mundo septimus testis ab ipso Adamo. Complentur autem anni mundi ab exordio rerum ad natiuitatem usque Moysis 368. Reperiet autem hanc supputationem ueram & iustam esse, quisquis annos a Mose in Genesi & Exodo non frustra consignatos diligenter supputauerit.

Iam praestat etiam scire prima illa capita uiuae traditionis a sanctis patribus, Deo

# DE VERBO DEI

Sic disponente, ueluti per manus toti posteritati tradita. Tradiderunt patres posteris suis Deum pro natiua sua bonitate bene uelle hominibus, uelle ut homines omnes ad agnitionem ueritatis ueniant, & diuinæ cōsortes naturæ, sancti, felices et beati fiant. Ideoq; ab initio Deum condidisse hominem ad similitudinem & imaginem suam, ut esset bonus, sanctus, immortalis, beatus, & omnium bonorum Dei particeps: hominem autem in ea dignitate & felicitate non perstitisse, sed opera diaboli & culpa propria incidisse in peccatum, miseriam & mortem, cōmutasseq; imaginem Dei imagine diaboli. Porro Deum opus hic iterum ceu nouum salutis instituisse, per quod homo restitutus, & ab omnibus malis liberatus, Deo rursus similis fiat: ac opus quidem hoc ingens & diuinum medio quodam perfecturum, nempe per Verbum incarnatum. Nam ut hoc incarnando hominē Deo coniunxit, ita moriendo in carne expiauit, sanctificauit & liberauit hominem, eidemq; spiritum sanctum donando, eundem reddidit diuinæ consortem naturæ, immortalem & beatum. Efficit deniq; ut conemur ingenium moresq; eius exprimere, ad cuius imaginē sumus conditi, ut simus anima & corpore sancti. Adiecerunt, Verbum suo tempore & seculo fore incarnandū. Restare item diem iudicii magnum, in quo omnes homines congregati, pii uerò duntaxat percepturi sint præmia illa immortalitatis diuinitatisq;. Hæc autem est summa breuis traditionis sanctorum patrum, quam præstat copiosius retexere, & ueluti per partes diligentius profsequi. Principio ergo tradiderunt patres, unum esse Deum in adoranda trinitate, patrem, filium & spiritum sanctum, conditorem & gubernatorem cœli & terræ, ac omnium quæ in eis sunt, à quo conditus sit homo, & qui propter hominem omnia condiderit, omniaq; subiecerit homini, cui necessaria sufficiat tanquam fidus pater & Dominus munificentissimus. Deinde tradiderunt hominem cōstare anima & corpore, & bene quidem conditum esse ad imaginem & similitudinem Dei, sua autem culpa & diaboli instigatione prolapsus in peccatum, mortem & condemnationem unā cum inexplicabili ærumnarum tela inuexisse in mundum, ut iam omnes filij Adæ ex Adam nascentur filij iræ & calamitatum. Deum autem qui diues est misericordia, pro immensa sua bonitate misertum humanæ miseriæ, ex mera sua gratia condonationem culpæ promississe, pœnæq; grauitatē imposuisse filio unico, ut hic postquam ipsi à serpente contritus sit calcaneus, conterat & ipse caput serpentis. Hoc est, promittit Deus semen siue filium qui ex singulari fœmina, id est, ex laudatissima uirgine incarnandus, morte mortem & mortis authorem satanam sit superaturus, fidelesq; Adæ filios liberaturus, imò & adoptaturus in filios Dei ac hæredes uitæ æternæ. Docuerunt ergo sancti patres fidem in Deum & in filium eius totius mundi redemptorem: cum etiam sacrificarunt figurantes mortem siue hostiam eius immaculatam, qua deterfurus & expiaturus erat peccata totius mundi. Ideo & diligentissime obseruarunt genus & generis lineam Mesiæ. Nam deducitur ea quasi filo ab Adamo ad Noe, à Noe per Sem ad ipsum usq; Abrahamum: ad quem rursus dicitur, In semine tuo benedicentur omnes nationes terræ: quibus uerbis prima promissio Adæ facta de Christo redemptore & maledictionem benedictione permutante, renouatur & inculcatur. Eadem linea ab Abrahamo deducitur per Isaacum in Iacobū, ac ipse Iacob plenus spiritu Dei Iudæ in filium seminis benedicti designat genearchā, sicut uidere licet Genes. 49. In tribu Iuda demum designatur domus Dauid, ex qua sit semen & germen illud uitæ proditurum. Præterea tradiderunt beati patres Deum cum genere mortalium fœdere quodam coaluisse, ac se fidelibus, fideles sibi Deo inquam arctissime obstrinxisse. Vnde iam docebāt Deo fidem seruare, Deum adorare, falsos deos abominari

Deus.  
 Creatio.

Peccatum &  
 mors.

Gratia, uita, &  
 redemptio per  
 Christum.

Fides.

Linea Mesiæ.

Fœdus diuinū.



minari, Deum inuocare solum, & colere religiosè. Porro cultum Dei constare rebus spiritualibus, fide, spe, charitate, obedientia, iustitia, sanctimonia, innocentia, patientia, ueritate, iudicio & pietate. Ideoq; accusabant scelera atq; peccata, perfidiam, incredulitatem, desperationem, inobedientiã, impatientiam, mendacium, hypocrisim, odia, contumelias, uim, iniurias, iniustitiam, impuritatem, luxum, crapulam, stupra, iniquitatem, impietatem. Docebant Deum boni esse remuneratorem, mali autem uindicem ultoremq;.

*Cultus Dei.*

Docuerunt animas hominum esse immortales, & corpora quoq; resurgere in iudicio: ergo hortabantur ita in hac uita temporalis uiueremus omnes, ne amitteremus æternam. Hæc est summa uerbi Dei reuelati patribus, & per hos tradita posteritati. Hæc est traditio diuina patrum, quæ omnem pietatem comprehendit. Hæc est deniq; fides patrum uera, uetus, indubitata, authentica, orthodoxa & catholica. Ad hæc tradiderunt sancti patres liberis & posteris suis supputationem annorum ab exordio mundi, certam deniq; historiam utilem & necessariam rerum à condito mundo ad suam usq; ætatem, ne filij ignorarent principium & successionem rerum humanarum, iudicia item Dei & exempla piè pariter & impiè uiuentium. Possemus autem hæc omnia ex primo libro Moïsis qui Genesis dicitur, clarè & ordine pulcherrimo demonstrare, nisi prolixè nimis protraheretur sermo. Sed & pauculos adeoq; nullos astare arbitror, qui non intelligant me ista de ueterum traditione quasi uerbotim recitasse ex lib. Genes., ut iam liceat in cœpta pergere historia.

*Vita æterna & iudicium.*

*Historia certa & annales iusti.*

Cæterum quæ hæcenus ore ac ueluti per manus tradita sunt à patribus mundo, primum à beato Moïse relata sunt in literas, unà cum ijs quæ toto uitæ Moïsis tempore per annos 120. gesta sunt. Atq; ut maiorem in toto terrarum orbe & apud omnes homines omnibusq; seculis auctoritatem haberet, nemoq; ignoraret scripta Moïsis ipsissimum esse Dei uerbum, ornatur à Deo Moïses & ueluti inauguratur signis & portentis uerè stupendis, quæ per Moïsis manum, hoc est, ministerium patrabat omnipotens, & patrabat quidem nō in angulo aliquo mundi, aut in loco obscuro, sed in eius ætatis florentissimo famosissimoq; Ægyptiaco regno. Miracula illa maiora et plura sunt, quàm hic paucis recensere liceat: neq; uerò illa repetere necesse est, cum eorum charitas uestra non sit omnino rudis & ignara. Deinde concessit Moïsi auctoritatem Deus etiam alijs modis. Frequentissima enim cum Moïse habuit colloquia Deus: ac inter alia, Ecce ueniam ad te, ait, in densa nube ut audiat me populus tecum loquentem, & credat tibi in perpetuum. Nec his contentus Dominus, iubet Moïsen in concionem euocare totum populum, sexcentena inquam uirorum millia, unà cum uxoribus & liberis. Euocati sunt ad montem Sinai, in hoc apparet Deus mirifica ac terribili specie, ac ipse concionatur ad ecclesiã, recitans ipsis decem præcepta. Populus uerò territus diuina maiestate deprecatur ac poscit, ne Dominus ipse porro pergat ore proprio concionari ecclesiæ, satis esse si Moïse utatur ad ipsos interprete, ac per ipsum ecclesiæ loquatur. Recepit conditionem altissimus, ac porro per Moïsen populo locutus est quod uoluit.

*Traditiones patrum conscribit Moïses in historia.*

Et quoniam populus ille erat duræ ceruicis populus, in Ægypto quoque ex consortio idololatrarum non uulgariter corruptus, cœpit iam quoq; literis committere Moïses quæ tradiderant sancti patres, quæ item ipsi iam reuelauerat Dominus. Ea ideo in literas retulit, ne apud segnem populum obliuione, & temporum diuturnitate, & improbitate, uel interirent uel corrumperentur. Præit autem Moïsi Dominus suo exemplo. Nam quæ recitauerat Deus apud ecclesiã in mōte Sinai, eadem mox digito suo inscribit tabulis lapideis duabus, qui eadem ab exordio mundi digito suo inscripserat cordibus patrum. Deinde Moïsi quoq; disertè præ-

cipit ut scribat quæ reuelarat Dominus. Obtemperauit præcepto Domini Moses ac scripsit. Scribentis manum direxit spiritus sanctus, qui totam Mosi mentem occuparat. Nulla deerat facultas Mosi necessaria scriptori absolutissimo. Abundè instructus erat à maioribus suis. Natus enim est ex prosapia sanctissima patrū, quos Dominus testes uoluntatis, mandatorum, iudiciorūq; suorum constituerat, puto autem Amram, Kahad, Iacobum, Sem, Mathusalem & Adamū. Potuit itaq; ueram & certam ab exordio mundi ad sua usque tempora historiam scribere. Cui ea adiecit quæ sua ætate in populo Dei facta sunt, quorum ipse erat ueracissimus, & oculatus atque auritus testis. Imò quæ libris comprehendit, populo suo recitauit, nec inuentus est in tot millibus qui recitatis contradiceret: ut non parum estimationis addat scriptis Mosi, ecclesiæ illius maximæ unanimis consensus ac testificatio.

Maxime authenticitatis est Mosi.

Complexus est autem Moses historiam ab exordio mundi ad mortem usque suam per annos 2488. libris quinque, qui & libri Mosi quinque dicuntur. In ijs copiosissime exposuit reuelationem uerbi Dei factam hominibus, & quid contineat & doceat uerbum Dei. Habemus in his, ut ipsius Dei multiplicia oracula, ita clarissimorum, uetustissimorum, sanctissimorum, sapientissimorum, maximorumq; totius mundi uirorum illustrissima testimonia, sententias, exempla, dogmata, de omnibus quæ ad ueram pietatem, bene beateq; uiuendi rationem pertinere uidentur. Ideò apud omnes posteros hi libri ut authentici, & qui ex seipsis sat authenticitatis habent, & quibus citra contradictionem totus mundus credere debet, fidem inuenerunt paratissimam. Quinimò Dominus noster Iesus Christus unigenitus Dei filius, fideles ad lectionem Mosi relegat, ac id quidem in rebus salutis nostræ maximis. Loca extant Ioan. 5. & Lucæ 16. Apud Matth. in 5. dicit, Ne existimetis quòd uenerim ad destruendam legem aut prophetas, imò non ueni ut destruiam, sed ut compleam. Amen quippe dico uobis, donec prætereat cælum & terra, iota unum aut apex non præterierit ex lege, quoad omnia facta fuerint. Quisquis igitur soluerit unum ex mandatis hisce minimis, & docuerit sic homines, minimus uocabitur in regno cælorum. Quisquis autem fecerit & docuerit, hic magnus uocabitur in regno cælorum. Certè reperti sunt qui contradixerint Mosi seruo Dei. Sed Deus contradictionem illam ueluti maiestati diuinæ illatam reputauit, ac seuerissime puniuit. Testimonia extant Exodi 16. & Numeri 12. Primum quidem murmurantis populi contra Mosen: secundum Mariæ sororis Mosi contradicentis fratri. Cæterum populus audit, Non contra ministros tendunt querimoniam uestram, sed contra Dominum. Maria uerò lepra horribiliter percussa est. Theoctestus tragœdiarum scriptor oculis capitur; & Theopompus incidit in insaniam, quòd irreligiosius attigisset uerbum Dei. Quanquam enim uerbum Dei reueletur, proferatur aut scribatur per homines, non desinit tamen esse quod reuera est, neque incipit humanum esse uerbum, quod ab hominibus prædicatur aut auditur: nò magis quàm regis præceptum, præconis præceptum dicitur, quod à præcone annunciat. Spernit Deum, & cum Deo omnes sanctos patriarchas, quisquis contempserit Mosen, per quem nobis loquitur Deus, & à quo recepimus quæ ab exordio mundi posteris tradiderunt patriarchæ. Nullum est inter uerbum Dei traditum uiua uoce hominis & stilo hominis scriptum, discrimen, nisi quatenus uox uiua & scriptura inter se differunt, materia certè, sensus & intentio utrobique eadem est. Intellexit autem ex his charitas uestra certam originis uerbi Dei historiam.

Progressus uerbi Dei.

Pergamus iam ad reliqua, addere uidelicet historiam progressus uerbi Dei, ac quomodo



quomodo subinde clarius illustriusq; mūdo illuxerit. Post sublatum ex hoc mūdo in cōelos beatum Mosē, dedit benignus Dominus cōtinuē prophetas prāstan-  
tissimos suā Ecclesiā, quam elegerat, ut per ipsam uniuerso mundo uerbum suum  
reuelaret. Fuerunt autem quondam ueteribus prophetæ, qui hodie nobis sunt uates, *Prophetae.*  
sacerdotes, sapientes, concionatores, pastores, episcopi, doctores uel theologi,  
rerum diuinarū scientissimi, & rectores populi à Deo in fide dati. Huiusmodi au-  
tem nec paucos nec obscuros floruisse in populo siue Ecclesia Dei ad captiuitatē  
usq; Babylonicam, testabitur quisquis diuinam legerit historiam. Inter eos nume-  
rantur singulares & excellentes, Phinees, Samuel, Helias, Heliseus, Isaias, & Iere-  
mias Reges simul & prophetæ fuerunt Dauid & Solomon. In captiuitate Baby-  
lonica clari fuerunt Daniel & Ezechiel. Post captiuitatem floruit inter alios Za-  
charias ille Barachia filius. Paucos hic ex multis numerauit. Qui, tametsi diuersis  
temporibus & longissimis inter se spacijs temporum floruerunt, unanimēs tamen  
omnes agnouerunt Deum orbiloquutum esse per Mosē, qui, Deo disponente,  
ueræ theologiæ compendium & plenissimam uerbi Dei summam reliquerit scri-  
ptis comprehensam Ecclesiā in mundo. Omnes isti sacerdotes uates ac prophetæ,  
in omnibus unice respexerunt ad doctrinam Mosi. Omnes itē relegarunt in cau-  
sa fidei & religionis ad libros Mosi. Legem Mosi, quæ reuera Dei est, ac propriis-  
simè Thora seu directorium & regula fidei & uitæ dicitur, inculcauerunt omni-  
bus hominibus. Hanc explicarunt pro ratione temporum, personarū, & locorum  
hominibus. Omnes enim sacerdotes & prophetæ ante incarnationem Christi, pie-  
tatem & ueram religionē tradiderunt sui seculi hominibus uiua uoce. Nec aliud  
tradiderunt, quàm quod patres acceperant à Deo, Mosēs à Deo & patribus, idip-  
sum mox scriptis etiam mandantes commendarunt uniuersæ posteritati ad finem  
usq; mundi: ut in prophetis iam habeamus doctrinam quidem Mosi patrumq;  
traditionem, sed omnia & singula plenius & significantius exposita expolitaq;  
insuper etiam locis temporibus & personis aptata.

Porrò doctrina & scripta prophetarum maximæ semper authoritatis fuerunt *Authoritas san-  
ctorum prophe-  
tarū maxima.*  
apud omnes sapientes homines in toto mundo. Multis enim argumentis depre-  
hensum est, illa non ipsis exorta esse authoribus, sed cœlitus ac diuinitus inspirata  
à spiritu Dei sancto. Deus enim est qui spiritu suo inhabitās animis, per ora nobis  
resonat prophetarum. Habent ergo amplissimum à Christo Dei filio & ab electis  
eius Apostolis testimonium. Quid quod Deus stupenda nec pauca per ipsorum  
ministerium miracula prodigiaq; patrauit? ut uel ex signis maximis disceremus  
Deum esse, cuius instinctu agant, docent atque scribunt quæ nobis reliquerunt in  
monumentis prophetæ. Præterea perhibent prophetis illustrissima testimonia di-  
uinæ ueritatis, tot res publicæ siue Ecclesiæ à prophetis secundū uerbum Dei con-  
gregata ac gubernata. Laudantur excellentissimi Plato, Zenon, Aristoteles &  
reliqui gentium philosophi. Sed quis istorum unquam potuit colligere Ecclesiam  
secundum sua uiuentem placita? Atqui prophetæ nostri clarissimas & famosissi-  
mas in toto terrarum orbe respub. siue Ecclesias, imò regna florentissima sub suo  
habuerunt magisterio. Solomonem regem & prophetam tantum non adorarunt  
omnes totius mundi, qui suo scilicet seculo uiuebant, sapientes, proficiscentes ad  
ipsum ab ipsis mundi finibus. Daniel quoq; in monarchia totius mundi præstan-  
tissima Babylonica, primas tenuit inter sapientes. Sed & magnæ authoritatis erat  
apud Dariū Medum, Astyagis uel Assueri filium, atq; apud excellentissimum  
regem Cyrum. Libet hic quoq; commemorare diuinam illam in prophetis nostris  
præscientiam, & futurarum rerum post multa secula certissimam prædictionem.

Nam ut hic ex alijs nihil commemorem, nōne prædixit Isaias certissima prædictione, quæ postea in Christo Domino per Iudæos sunt completa? Vetustis non frustra uisus est Euangelista magis esse quàm propheta siue uates. Cyri regis nomen prodidit centū sexaginta ad minimū annis priusquam nasceretur Cyrus. Ac Daniel rectè à uetustis appellatus est polyhistor. Nam quæ à suo seculo ad tempora usq; Christi, imò ad extremum usq; iudicij diem fiant ac facta sunt in omnibus ferè regnis mundi, in populoq; Dei, tam significanter ille prædixit, ut uideri possit historiam contexuisse rerum præteritarum. Hæc inquam omnia euidentissimè euincunt doctrinam & scripta prophetarum ipsissimū esse uerbum Dei: quo nomine & titulo etiam ornantur passim in scripturis. Petrus certè Apostolus, Non uoluntate hominis allata est olim prophetia, inquit, sed à spiritu sancto impulsū, loquuti sunt sancti Dei homines.

2. Pet. 1.

Verbum Dei  
reuelatum per  
filium Dei.

Joan. 1.

Joan. 8.  
Summa capita  
doctrinae Christi.

Rom. 4.

Apostoli Christi.

Marc. 3.

Acto. 1.

Quamquam uerò Deus uerbū suum copiosè, clarè, disertè & simpliciter mundo per patriarchas, per Moysen, per sacerdotes, & per prophetas reuelauit, in fine tamen temporū omnium luculentissimè, simplicissimè, abundantissimeq; toti terrarum orbi per filium exposuit. De cœlis enim descendens ipse Dei patris unigenitus filius, uti prædixerant prophetae, omnia quæ prædixerant complet, & omnem pietatē ferè per triennium docet. Nam Ioannes, Deum nemo uidit unquam, ait, Unigenitus qui est in sinu patris ipse enarrauit. Sed & ipse Dominus ad discipulos ait, Omnia quæ audiui à patre meo, nota feci uobis. Et iterum, Ego sum lux mundi: qui sequitur me non ambulat in tenebris, sed habebit lumen uitæ. Docuit autē Dominus noster uolētī cœlos ingredi atq; saluari, necesse esse regenerationē cœlestem. Prima enim natiuitate hominem nasci morti, secunda uitæ. Regenerationem autem illam perfici spiritu Dei, qui fide corda nostra imbuat, fide inquam in Christum, qui mortuus est propter peccata nostra, & resurrexit propter iustificationem nostram. Ea fide docuit iustificari credentes: & ex eadem fide subnasci uarios charitatis & innocentiaē fructus: ad quos proferendos constantissimè adhortatus est. Docuit præterea se esse legis & prophetarū complementum aut plenitudinem, adeoq; & Moysi prophetarumq; doctrinam approbavit & exposuit. Doctrinæ coniunxit uaria miracula & beneficia, quibus declarauit se esse lumen illud mundi, & potentem benignumq; mundi redemptorem. Iam ut doctrina & beneficia eius toti innotescerēt orbi, delegit sibi testes quos appellauit Apostolos, eò quòd ipsos in orbem terrarum ad prædicandum ablegare statuisset. Erant testes illi homines simplices, innocentes, iusti, ueraces, doli & artiū expertes, & per omnia sancti probiq; quorū nomina in Ecclesia frequenter recitare utile est. Sunt hæc Apostolorum nomina, Petrus & Andreas, Iacobus & Ioannes, Philippus & Bartholomæus, Thomas & Matthæus, Iacobus Alphæi & Iudas frater eius cognomento Thaddæus, Simon & Iudas Iscariotes, in cuius locū (quòd prodidisset Dominum) subiit beatus Matthias. Hos ferè per triennium habuit auditores doctrinæ suæ cœlestis, & spectatores diuinorum operum. Hos ab ascensione ad cœlos, misso è cœlis sancto spiritu, instruxit omni facultate. Nam ut scripturarum erant peritissimi, ita linguarum omnium nec ignari nec infacundi. Ad eum autem modum instructi exeunt ex Hierosolymorum urbe & permeant orbē terrarum, omnibus populis & gentibus prædicantes, quod prædicandū acceperant ab ipso mundi saluatore & Domino Iesu Christo. Cūq; annis iam aliquot uiua uoce prædicassent, quod prædicarunt etiam scriptis commiserunt. Nam alijs quidem scripserunt historiam de dictis & factis Christi, alijs de dictis & factis Apostolorū. Alij uarias ad uarias gentes miserunt epistolas. In quibus omnibus ad confirmationē ueritatis,



ueritatis, ueteri quoque legis & prophetarum scriptura utuntur, sicuti & Dominus factitasse legitur. Porro coniunguntur 12. Apostolis, duo magna orbis lumina, Baptista Ioannes, quo sanctior non est natus ex mulieribus, & uas electionis Paulus, doctor ille magnus Gentium. *Ioannes Baptista & Paulus.*

Neque uero mirum est præcursores & Apostolos Christi, semper in Ecclesia maximam habuisse & dignitatem & auctoritatem. Nam sicut legati fuerunt regis æterni, & omnium seculorum totiusque mundi, ita spiritu Dei donati, nihil ex suo fecerunt arbitrio. Ac Dominus per ipsorum ministerium, maxima patrauit miracula, quibus ipsorum ornaret ministerium, ipsorumque nobis doctrinam commendaret. Quid quod uerbo illo Dei totum mundum conuerterunt, & præclaras per orbem terræ Ecclesias collegerunt atque fundarunt? Id quod humanis Concilijs & uerbis nequaquam perficere potuissent. His accedit quod doctrinæ propagatæ, tanquam uiuificæ innitentes, mori non recusarunt. Præterea quorquot crediderant doctrinæ Euangelicæ, non horruerunt per aquas, ignes & gladios, uitam hæc abrumpere, futuramque apprehendere. Neutiquam hæc potuissent sancti fideles, nisi doctrina cui crediderant esset diuina. Quamuis itaque Apostoli fuerint homines, doctrina tamen ipsorum, primum quidem tradita uoce uiua, deinde calamis relata in literas, est diuina, adeoque ipsum uerbum Dei uerum. Ideo enim Apostolus scriptum reliquit, Cum acciperetis à nobis sermonem quo Deum disceratis, accipistis non sermonem hominum, sed sicut uerè erat, sermonem Dei, qui & agit in nobis credentibus. *1. Thess. 2.*

Verum res ipsa & locus iam postulant, ut etiam colligamus & diserte annumeremus libros illos sacros, in quibus comprehensum est ipsum uerbum Dei, primum quidem à patribus, item ab ipso Christo & Apostolis uiua uoce proditum, deinde etiam in libros conscriptum, à prophetis & Apostolis. Et primo quidē loco ponuntur libri quinque Moysi. Sequuntur deinde libri Iosue, Iudicum, Ruth, Samuelis 2. Regum 2. Paralipomenon 2. Esdræ, Nehemiæ & Hester singuli. Accedunt his deinceps Iob, Dauid siue liber Psalmorum, Solomonis libelli tres, Prouerborum, Ecclesiastes & Cantica. Quibus annumerantur quatuor maiores prophetæ, Isaias Ieremias, Ezechiel, Daniel: & prophetæ minores 12. quorum nomina sunt notissima. His libris absoluitur uetus testamentum. Nouum habet initio historiam de Christo Domino Euangelicam, à quatuor scriptam authoribus, à duobus inquam Apostolis, Matthæo & Ioanne, & à duobus discipulis, Marco & Luca, qui etiam librum composuit mirè elegantem & utilem, de actibus Apostolorum. Inter Apostolos, Paulus edidit ad uarias Ecclesias atque personas 14. epistolas. Reliqui scripserunt septem, quæ & Canonice & Catholice appellantur. Clauduntur autem libri noui testamenti Reuelatione Iesu Christi, quam aperuit dilecto discipulo Ioanni Euangelistæ & Apostolo, ostendens ipsi adeoque toti Ecclesiæ fata Ecclesiæ ad iudicij usque diem. His itaque libris pauculis & sobrijs non immensis, planis & simplicibus, non obscuris & impexis continetur plena pietatis doctrina, ipsum inquam uerbum uerum, uiuum, & æterni Dei. *Catalogus librorum diuine scripture.*

Peruenerunt autem libri Moysi & prophetarum ad tempora usque Christi & Apostolorum integri & incorrupti per tot secula, pericula & captiuitates. Nam Dominus Iesus & Apostoli illis libris ceu authenticis usi sunt. Id quod non fecissent aut facere potuissent, si uel corrupti fuissent, uel penitus interiissent. Libri quoque quos adiecerunt Apostoli Christi, una cum lege & prophetis integri & incorrupti asseruati sunt in Ecclesia per omnes persecutiones, & integri incorruptique in manus nostras, in quos fines seculorum inciderunt, peruenerunt. Nam uigilanti *Scriptura est integra & incorrupta.*

# DE VERBO DEI

cura & bonitate ineffabili Dei patris nostri factum est, ne ulla unquam secula thesauro caruerint careantq; tanto.

*Sima hox  
omni q hac  
temus dnta  
sunt*

Hæc autem hætenus exposui charitati uestre, de eo quid sit uerbum Dei, quæ eius origo in Ecclesia, quis eius progressus, quæ dignitas & certitudo. Verbum Dei est eloquium Dei, reuelatio uidelicet uoluntatis eius bonæ erga homines, quam ab initio, nunc ore suo, nunc per colloquia angelorū, primis illis uetustissimis & sanctissimis patribus aperuit: hi uerò posteris suis fideliter tradiderunt. Veniunt hic commemoranda maxima orbis lumina Adam, Seth, Mathusalem, Noe, Sem, Abraham, Isaac, Iacob, Amram, & huius filius Moses, qui Deo iubente, & historiam & traditiones sanctorum patrum scripto comprehendit, quibus legem scriptam & expositionem legis cum historia sui temporis copiosa & luculenta coniunxit. Post Moysen dedit Deus Ecclesiæ suæ præstantissimos homines, prophetas & sacerdotes, qui & ipsi quæ acceperant à Domino, posteris & uiua uoce & scriptis tradiderunt. Post hos descendit e cœlis in mundum ipse Dei unigenitus filius, & impleuit quæcunq; de ipso in lege & prophetis legebantur scripta. Idem plenissimam beatè beneq; uiuendi rationē tradidit: Apostolos sibi testes adhibuit. Hi uerò testes postea omnia quæ tradiderat Dominus, primum quidē uoce uiua prædicarunt, deinde ne unquam uel corrumperentur, uel e memoria hominum auferrentur, chartis commendarunt: ut iam habeamus & prædicatum & scriptum uerbum Dei à patribus, à prophetis, & ab Apostolis. Profecta sunt hæc ab uno eodēq; spiritu Dei, & tendunt ad unum finem, ut doceant homines beatè beneq; uiuere. His qui non credit, præsertim unigenito Dei filio, cui quæso credet: Habemus hic totius mundi & orbis terrarum uiros sanctissimos, innocentissimos, integerrimos, laudatissimos, iustissimos, antiquissimos, sapientissimos, diuinissimos, breuiter modis omnibus incomparabiles. Nihil tale ostenderit nobis totus mundus, etsi totus millies congregetur in Synodum. Collegit beatus Cōstantinus Imperator ex toto terrarum orbe œcumenicum Concilium: ac coierunt tum præstantissimi ex toto mundo patres 318. sed hos prudentissimi quicq; non dixerint uel umbras esse collatos illis, à quibus accepimus uerbum Dei. Credamus ergo in omnibus uerbo Dei nobis per scripturas tradito. Teneamus per scripturas nobis loqui ipsum Dominum Deum, uerum, uiuum, & æternum. Laudemus nomen & bonitatem eius in secula, qui dignatus est miseris mortalibus nobis uniuersam benè beateq; uiuendi rationem aperire, tam fideliter, plenè, ac simpliciter. Ipsi laus & gloria, &c.

*De uerbo Dei, quibus & in quem finem reuelatum, quomodo item audiendum sit, & quod omnem pietatis doctrinam plenè doceat.*

## S E R M O I I.

**I**DICIT charitas uestra proximo sermone quid sit uerbum Dei, unde profectum, quibus reuelatum authoribus, qui eius progressus, quæ dignitas & certitudo sit. Adsum iam iterum, deoq; propitio & uestris precibus iuuantibus, exponam charitati uestre, quibus & in quem finem reuelatum sit uerbum Dei. Quomodo sit audiendum, quæ eius sit uirtus, aut quis effectus.

*Quibus reuelatum sit uerbum Dei.*

Deus noster omnium hominum gentiumq; deus est, qui iuxta Apostoli dictū uult omnes homines saluos fieri, & ad agnitionem ueritatis uenire: ideoq; in omnium hominum gratiam, uitam, & salutem uerbum suum reuelauit, ut scilicet regula & uia quædam sit ducendi homines per uiam iustitiæ in uitam sempiternam.

*1 Timoth. 2:4.*

Israelitico



Israelitico quidem sancto & peculiari populo suo Deus quondam se familiarius aperuit quam alijs gentibus, propheta dicente, Annunciat uerba sua Iacob, & iudicia sua Israeli: non fecit taliter omni nationi, & iudicia sua non manifestauit eis: attramen non omnino gentes neglexit. Vt enim Ionam Niniuitis misit, ita Isaias, Ieremias, Daniel & reliqui prophetae multum operae collocarunt in docendis & admonendis gentibus. Ac patres illi uetustissimi Noe Abraham & reliqui, non erudierunt diutaxat Iudaicum de se descendentem populum, sed alios quoque filios docuerunt Dei iudicia. Certè Dominus noster Iesus Christus totum orbem apostolis suis aperiens, Docete, inquit, omnes gentes. Prædicate Euangelium omni creaturæ. Cumque sanctus Petrus nondum plenè intelligeret etiam gentes pertinere in consortiū Ecclesiæ Christi, & gentium quoque esse prædicationem Euangelij de parta per Christum fidelibus salute, erudit ipsum Dominus cœlesti uisione, uocibus item additis cœlo, legationeque à Cornelio ueniente: sicuti nouit charitas uestra ex historia Actuum Apostolorum. Teneamus itaque fratres uerbum Dei ac scripturas sanctas reuelatas esse omnibus hominibus, omnibus in mundo ætatibus, sexibus, ordinibus & cōditionibus. Nam & Paulus Apostolus testificans de his, dicit, Quęcunque scripta sunt, in nostram doctrinam scripta sunt, ut per patientiam & consolationem scripturarum spem habeamus.

Nullus ergo nostrum dixerit posthac, Quid ad me quid scriptum sit in testamento ueteri Iudæis, aut quid Apostoli Romanis, Corinthijs & alijs populis scripserint: Ego sum Christianus. Prophetæ suis hominibus & Apostoli suo seculo prædicauerunt & scripserunt. Nā si rem rectè æstimemus, uidebimus ideo quia Christiani sumus, scripturas ueteris & noui testamenti nobis esse recipiendas. Nam Christus & seruator & magister noster relegauit nos ad scripta prophetarum & Moïsis. Sanctus Paulus Christi organum electissimum, nobis ueterum & sacramenta & exempla applicat, nempe circumcisionem in baptismo, ad Coloss. 2. & agnum paschale in cœna siue mysterio 1. Cor. 5. In 10. cap. eiusdē epistolæ accommodat nobis uaria patrum exempla. Et in 4. cap. ad Rom. disputans de fide iustificante absque adminiculo legis & operum, profert exemplum Abraham. Deinde subiungit, Non scriptum est autem propter Abraham tantum imputatam fuisse illi fidem ad iustitiam, sed etiam propter nos quibus imputabitur si credamus, &c.

Ea lege aiunt quidam, implicabimur rursus legi, cogemur circumcidi, sacrificare carnes & sanguinem, recipere sacerdotium Aaronicum cum templo & reliquis ceremonijs. Permittetur rursus diuortij aut repudij libellus cum Polygamia. Respondeo, in ueteri testamento considerandū esse, quædam esse perpetua, quædam ceremonialia & ad tempus usque correctionis data. Tempus correctionis Christi tempus est, qui satisfecit legi & sustulit maledictionē legis. Idem circumcisionem baptismo permutauit. Sacrificia omnia sustulit unico suo sacrificio, ut iam nobis unicum Christi relictum sit sacrificium pro omnibus, in quo item discimus nostra ipsorum corpora & preces unā cum beneficentia spirituales Deo hostias offerre. Aaronis sacerdotium commutauit suo Christus & omnium Christianorum sacerdotio. Templum Dei sumus nos, quos spiritu suo inhabitat Deus. Ceremonias omnes antiquauit Christus, qui & libellum diuortij abrogauit unā cum polygamia apud Matthæum in cap. 19. Quamuis uerò ceremoniæ istæ & actiones aliquot externæ, per Christum sint abrogatæ & sublatae, ut nos non obligent: scriptura tamen de his prodita, non est sublata uel antiquata per Christum. Oportet enim semper extare in Ecclesia Christi certum testimonium, unde discamus quales habuerint ueteres cultus & typos Christi. Hi hodie nobis interpre-

Acto: 10.

Rom: 15.

Quid ad me;  
quid ueteribus  
scriptum sitEtiam ueteris tes-  
tamenti scripta  
data esse Chri-  
stianis.  
Hebr. 7.  
Hebr. 10.  
Rom. 12.  
Hebr. 13.  
1. Cor. 3.

tandi sunt Ecclesiae spiritualiter, & ex ijs nō minus quā noui testamenti scriptis Christus, remissio peccatorum, & poenitentia praedicanda. Omnibus ergo Christianis etiam ueteris testamenti scripta data sunt diuinitus. Sicuti & Apostoli ad omnes scripserunt Ecclesias, quae nomen aut inscriptionem singularum habent.

*In quem finem  
reuelatum sit.  
uerbum Dei.*

In hunc autem finem reuelatum est uerbum Dei hominibus, ut eos erudiat de Deo & uoluntate eius, quis & qualis sit Deus erga homines, quod uelit eos saluos fieri, & per fidem quidem in Christum; quis sit Christus, & quae salutis ratio: quid deceat ueros Dei cultores, quid fugiant, quid persequantur. Neque enim satis est nouisse Dei uoluntatem, nisi eandem faciamus ut salui fiamus. Ideo uero Moses dixit, Audi Israel statuta & iudicia, quae ego doceo uos, ut faciatis & uiuatis. Et dominus in Euangelio testificans clamat, Beati qui audiunt uerbum Dei & custodiunt illud.

*Laudanda bonitas  
Dei docentis nos.*

Venit autem hic laudanda immensa Dei bonitas, quae nihil eorum nos uoluit latere, quae faciunt ad recte bene & beate uiuendum. Sapientes & docti huius seculi inuident ferē alijs ueram sapientiam. Dominus autem noster ultrō offert omnem rerum coelestium scientiam, cupitque ut in ea proficiamus, imō iuuat studium nostrum & absoluit. Quisquis enim habet, ait ipse in Euangelio Dominus, dabitur ei ut reddatur abundantior. Et omnis qui petit accipit, & qui quaerit inuenit, & pulsanti aperietur. Vnde & beatus Iacobus Apostolus, Si cui uestrum inquit, deest sapientia, postulet ab eo qui dat, nempe Deo, qui dat inquā omnibus simpliciter, nimirum promptē, nec grauatim, nec exprobrat, ac dabitur ei. Vbi obiter etiam uidemus officium nostrum, quod est, inter legendum & audiendū uerbum Dei, sedulō & ardentē orare, ut ad eum finem perueniamus, in quem datum aut reuelatum est nobis uerbū Dei. Sed ea de re plusscula dicemus, ubi exposuerimus quomodo audiendum sit uerbum Dei.

*Math. 23  
Luc. 11  
Jacob. 1.*

*Omnia uera  
pietatis nobis  
tradita esse in  
sacris literis.*

Iam quia diximus uerbum Dei reuelatum esse in hunc finem, ut plenē nos instituat de uis de ac salutis nostrae, paucis ostendā charitati uestre, uerbo Dei tradito nobis per prophetas & Apostolos, abundē comprehensam esse uniuersam pietatis rationem & quaecumque pertinent ad recte bene beateque uiuendum. Equidem necesse est illam doctrinam esse plenam & omnibus modis perfectam, cui nihil debet uel addi uel adimi. Talis est autem doctrina uerbo Dei tradita, ut testatur Moses Deut. 4. & 12. & Solomon Prouerb. 30. Quis ergo non confiteatur omnia uerae pietatis nobis tradita esse in sacris literis? Praeterea nemo negauerit absolutissimam esse doctrinam, per quam homo plenē absoluitur ut in praesenti seculo pro iusto censeatur, & in futuro in perpetuum Dei accenseatur consortio. Ceterū qui uerbo Dei per prophetas & Apostolos orbi tradito credit & iuxta id uiuit, & iustus appellatur, & haeres uitae aeternae. Est itaque doctrina illa, absoluta doctrina. Nam & Paulus copiosius & plenius hoc declarans, Omnis scriptura, inquit, diuinitus inspirata, utilis est ad doctrinam, ad redargutionem, ad correctionē, seu instaurationem, ad institutionē, quae est in iustitia, ut integer sit Dei homo ad omne opus bonum apparatus. Habetis fratres luculentum de plenitudine uerbi Dei testimonium. Habetis omnes partes absolutae doctrinae. Habetis effectum uerbi Dei perfectissimū, quod ex hac doctrina homo Dei seu cultor Dei pius & uerē religiosus integer est, non ad quaedam bona opera, sed ad omne bonum opus apparatus. Quid ergo desideres? Non arbitror quenquam tam esse stupidum, ut haec Pauli uerba interpretetur duntaxat de ueteri testamento: cum luce manifestius sit, Paulum ista applicasse Timotheo suo qui erat Euāgelista & minister noui testamenti. Quod si plena est doctrina testamenti ueteris, quanto quidem plenior erit,

*2. Tim. 3.*



si & noui testamenti codex adijciatur: Non ignoro Dominum Iesum fecisse & dixisse plurima quæ non sunt scripta ab Apostolis. Sed ideo non sequitur inabsolutam esse doctrinam uerbi Dei per Apostolos traditi. Nam Ioannes Apostolus & Euangelista fatetur ingenuè Dominum & alia multa fecisse quæ non sunt in suo libro scripta: sed idem mox addit, Hæc autem scripta sunt, ut credatis quòd Iesus est Christus filius Dei, & ut credentes uitam habeatis per nomen eius. Afferit hac doctrina sua quam scripto comprehendit, plenè fidem tradi, & per fidem uitam concedi à Deo æternam. Atqui finis absolutæ doctrinæ est, felicem & uerè beatū esse. Quod cum obtingat homini per doctrinam Euangelicam scriptam, certè absolutissima est.

Multa fecit & dixit Dominus quæ non scripta sunt.

Joan. 20.

Scio dixisse in Euangelio Dominum, Multa habeo quæ uobis dicam: sed modò non potestis portare. Verùm scio eundem mox subiecisse, Cum autem uenerit spiritus ueritatis, ducet uos in omnem ueritatem. Scio præterea uenisse spiritum ueritatis in discipulos, itaq; credo ipsos iuxta ueracem Christi promissionem, ductos esse in omnem ueritatem, ut certissimum sit his nihil defuisse.

Multa habeo uobis dicere.

Joan. 16.  
Acto. 2.

Cæterum cum quidam hoc negare non possint, ad hoc cōuertuntur, ut dicant Apostolos quidem nouisse omnia, at nō nisi uiua uoce tradidisse, scripto non item commendasse omnia quæ ad ueram pietatem pertinent. Quasi uerisimile sit, fidelissimos Christi Apostolos posteritati malignè aliquid uoluisse negare. Quasi uerò mentitus sit qui dixit, Hæc scripta sunt, ut credentes habeatis uitam æternam. Nihil omisit ergo Ioannes, quod ad fidem plenè informandam pertinet. Nihil omisit Lucas. Nil omiserunt reliqui Apostoli & discipuli Domini nostri Iesu Christi. Et Paulus scripsit Epistolas 14. sed plerasq; eiusdem argumenti. Vnde conijcere licet in ijs plenam contineri pietatis doctrinam. Nō enim inculcasset subinde unam & eandem rem tam multis, si fuissent adhuc alia quædam pro consequenda salute necessaria plenius tradenda. Hæc tradidisset haud dubiè, non repetiuisset eandem rem toties. Certè in 3. cap. Epistolæ ad Ephesios, testatur, sese primis eius Epistolæ capitibus exposuisse suam de Euangelio Christi cognitionē. Deus secundum reuelationem, inquit, notum mihi fecit mysterium, quemadmodum ante scripsi paucis, ex quibus potestis legentes intelligere cognitionem meam in mysterio Christi. Hæc autem de unica Epistola, imò de primis duobus eius Epistolæ capitibus loquutus est. Quibus cum accedant copiosissimæ & luculentissimæ eiusdem Pauli, adde & aliorum Apostolorum literæ siue Epistolæ, quis quæso nisi ineptissimus quisq; cogitauerit Apostolos imperfectam posteris doctrinam scripto reliquisse?

Scripto cōprehenderunt Apostoli omnē pietatis doctrinā.

Qui uerò acriter contendunt, uiua quidem uoce, non autem scripto, omnia pietatis tradita esse posteris per Apostolos, hoc agunt, ut suas, hoc est, humanas constitutiones pro uerbo Dei uenditent. Sed contra hoc uenenum istud habetote uobis fratres antidotum. Conferte quæ isti uenditant pro uiuis non scriptis Apostolorum traditionibus, cum manifestis Apostolorum scripturis, & sicubi tradita illa à scriptis discrepare uideritis, colligite figmentum id esse hominum, non traditionem Apostolicam. Qui enim unum & eundem spiritum habuerunt ueritatis, non aliud scripto nobis reliquerunt, aliud uiua uoce tradiderunt. Præterea diligenter inuestigandum est, traditiones illæ gloriam Dei magis an hominum, incolumitatem item fidelium magis quam priuatum sacerdotum compendium promouean. Cauendum est autem ab humanis traditionibus, præsertim cum Dominus dicat, Frustra me colunt docentes doctrinas præcepta hominum: ut iam tutissimum sit adherere uerbo Domini nobis in scripturis relicto, abundè omnia quæ ueræ pietatis sunt tradenti.

Cōtra uinas & confectas Apostolorum traditiones.

Mar. 1  
Esa. 29.

# DE VERBO DEI

Quomodo au-  
diendū sit ver-  
bum Dei.

Sic finis auscul-  
tationis & fidei  
vera.

Exod. 19.

I COR. 1.

Morbi & pe-  
stes auditorum  
uerbi Dei.

MARC. 4.

LUC. 8.

MAT. 13.

Que uirtus, et  
quis effectus sit  
uerbi Dei.

Restat iam ut dicamus, quomodo perfecta hæc pietatis & salutis doctrina, ip-  
sum inquam uerbum Dei sit audiendum à fidelibus, quò aliquo & ubere quidem  
cum fructu audiatur. Summatim id comprehendam. Audiatur uerbum Dei cum  
reuerentia magna, quæ iure ipsi Deo rebusq; diuinis debet. Audiatur multa cum  
sedulitate; intermixtis iugibus precibus, ardentibusq; uotis. Audiatur utiliter &  
sobrie, in hoc, ut reddamur meliores, ut per nos glorificetur Deus; non ut curiosè  
perquiramus consilia Dei abdita, aut habeamur docti & multarum rerum periti.  
Sit modus & certus finis auscultationi & lectioni nostræ constitutus, fides uera,  
gloria Dei, & salus nostra. Nam in Exodo iubetur sanctus Dei seruus Moses san-  
ctificare populum & præparare concioni sacræ, postmodum ab ipso Deo habendæ.  
Adest ergo Moses, exposcit ab uniuerso populo obedientiā iustam, tam Deo quàm  
ministris Dei præstandā. Deinde præcipit ut uestimenta sua lauent, sibiq; tēperant  
ab uxoribus. Postea terminos designat certos, quos nephas imò capitale sit transi-  
re. Ex quibus liquidè discimus quales auditores requirat Dominus, in primis obe-  
dientes & reuerentes Dei in omnibus. Deus enim loquitur hominibus. Deo hono-  
rem & timorē debemus omnes. Deo nisi quis supplex ac humiliter subiiciatur &  
obtemperet, impius est. Deinde requiritur ab idoneis uerbi Dei auditoribus, ut  
conuersationem deponant mundanam, per uestimenta significatam: ut calcemus  
omnem spurciā, animæ & corporis impuritatem; ut temperemus nobis uel à li-  
citis uoluptatibus. Amat spiritus sanctus animos purgatōs, qui tamen non nisi per  
spiritum Dei purgantur. Opus est fide sincera in Deum, & uoluntate prompta,  
quæ cupiat uiuere secundum ea quæ præcipiuntur uerbo Dei. Iam etiam sapien-  
dum est ad sobrietatem. Reijciendæ quæstiones curiosæ. Discantur duntaxat uti-  
lia. Postremò summa adhibeatur in audiendo & discendo diligentia. Solomon  
enim, Si indagaueris, inquit, sapientiam ut aurum, assequeris eam. Idem, Scruta-  
tor maiestatis opprimetur à magnifica gloria. Item, Altiora te ne quæsieris, & ne  
scruteris quæ uires tuas superant: sed quæ præcepit tibi Deus, illa cogita semper:  
& in pluribus operibus eius ne fueris curiosus: non est enim tibi necessarium ab-  
scoudita uidere oculis tuis. Vnde & Apostolus, Ne quis arrogāter sentiat, ait, sed  
ita sentiat ut modestus sit & sobrius, ut cuiq; Deus partitus est mensurā fidei. Huc  
pertinet quod idem Apostolus dicit, Scientia inflat, charitas autem ædificat.

In primis uerò ab illis cauendum erit pestibus, quæ semen uerbi Dei præfocant,  
& sine fructu omni extinguunt in cordibus auditorum. Pestes & morbos illos re-  
citauit aut annumerauit Dominus in parabola seminatoris. Principiò enim fluxæ  
& uanæ cogitationes semper patentes inspirationibus satanicis & pessimorū ho-  
minum sermonibus, pestes sunt uerbi Dei. Molles quoque, delicatuli & amatores  
huius seculi, qui propter Christum & Euangelium nihil perpeti calamitatum susti-  
nent, nullo cum fructu uerbum Dei audiunt, tametsi uideantur audire cum gau-  
dio. Præterea cura huius seculi deceptioq; diuitiarum, pestilentissimi sunt morbi  
auditorum uerbi Domini. Non enim obstant tantum quò minus fructificet semen  
in cordibus, sed incitant extimulantq; homines ad contradicendum uerbo Dei as-  
fligendumq; uerbi Dei studiosos. Hic ergo uigilandum accuratissimè, ne his mor-  
bis infecti, uani & ingrati efficiamur auditores uerbi Dei. Orandum assiduè, ut spi-  
ritum suum nobis conferat benignus & munificus Dominus, quo uiuificetur se-  
men uerbi Dei in cordibus nostris, ac sancti & legitimi auditores uerbi dei fructū  
uberem feramus ad gloriam Dei, & nostrarum animarum salutem perpetuam.

Quid enim profuerit audire uerbum Dei sine fide, & sine spiritu Dei sancto  
intus in animis nostris operante aut agente? Clamat Apostolus Paulus, Nihil  
est qui



est qui rigat aut qui plantat, sed qui incrementum dat Deus. Dei ergo irrigatione opus est ut adolescat in animis nostris, & incrementum recipiat, imò ad iustam frugem perueniat uerbum Dei. Idem Apostolus Paulus, Nobis quoque annunciatum est uerbum Dei, ait, sicut & patribus nostris. At non profuit illis audisse sermonem, quòd is non esset cum fide coniunctus apud eos qui audierant. Nam conciderunt in deserto. Idem mox, Studeamus igitur ingredi in illam requiem, ne quis eodem concidat incredulitatis exemplo. Proinde si sonet in auribus nostris uerbum Dei, interim autem in cordibus nostris uim suam exerat spiritus Dei, fideque uera uerbum Dei recipiamus, maxima uirtus & mirificus effectus est uerbo Dei in nobis. Depellit enim errorum caliginem, oculos nostros aperit, conuertit, illuminat mentes, & in absoluta ueritate & pietate plenissime erudit. Canens enim uates diuinus testificatur, & ait, Lex Domini integra est conuertens animas, testimonium Domini uerum, imperitis sapientiam suppeditans. Præceptum Domini repurgatum est, illuminans oculos. Cibatur præterea uerbum Dei animas nostras, roborat, confirmat, & consolatur. Regenerat item, mundat, gaudio perfundit, & cum Deo coniungit, imò impetrat à Deo omnia & felicissimos reddit, ut uerbo Dei nulla bona, nulli denique thesauri totius mundi conferri possint. Ac tanta quidem tribuimus uerbo Dei, non citra uerbi Dei testimonia. Nam minatur Dominus per prophetam Amos famem & sitim, non utique panis & aquæ, sed audiendi uerbum Dei. In lege enim & Evangelio dicitur, hominem non solo pane uiuere, sed omni uerbo quod egreditur ex ore Dei. Et Apostolus Paulus dicit, omnia scripturæ exarata esse in nostram doctrinam, ut per patientiam & consolationem scripturarum, spem habeamus. Petrus item, Regenerati estis, inquit, non ex semine mortali, sed ex immortali, per sermonem uiuentis Dei & manentis in æternum. Hoc autem est uerbum quod per Euangelium delatum est ad uos. Dominus quoque in Euangelio testificatur, & ait, Iam uos mundi estis propter sermonem, quem locutus sum uobis. Idem in Euangelio clamat, Si quis diligit me, sermonem meum seruabit, & pater meus diliget eum, & ad eum ueniemus & mansionem apud eum faciemus. Iam & Ieremias, Verbum tuum, inquit, factum est mihi in gaudium. Et David Propheta dicit, Decreta Domini recta sunt, cor exhilarantia. His adde illud Domini ex euangelio dictum, Si manseritis in me, & uerba mea in uobis manserint, quicquid uolueritis petetis, & fiet uobis. Alibi uero propheta clamat, Si uolueritis & audieritis, bona terræ comedetis: quòd si audire uerbum meum nolueritis, gladius deuorabit uos. Sed & multus ac copiosus est Moses in recensendis bonis, quæ obueniunt uerbo Dei obsequentibus, in Leuitici capite 26. & Deut. 28. cap. Vnde David, uerbum Dei omnibus huius mundi delicijs & thesauris præferre ausus fuit, Timor domini mundus perstans perpetuo, iudicia domini uera simulque iusta. Magis expetibilia quam sit aurum uel præstantissimum atque plurimum, & dulciora melle & fauis stillantibus. Etenim seruus tuus perspicue illis admonetur, in illorum obseruantia multa merces est. Ergo tui oris lex melior mihi est, quam auri & argenti millenarij. Nisi lex tua meæ deliciæ essent, perissem in miseria mea. Huc iam pertinet parabola Euangelica de emente margaritam preciosam: item de uendente omnia quæ habebat, & emente agrum in quo sciebat absconditum esse thesaurum. Nam margarita illa, thesaurus ille, Euangelium siue uerbum Dei est. Quod & propter præstantiam in scripturis appellatur Lux uel lumen, Ignis, Gladius, Malleus conterens petras, Clypeus, & quæ illis alia sunt similia multa.

Audiuit hac hora charitas uestra benignum dominum & Deum nostrum, qui uult omnes homines saluos fieri, & ad cognitionem ueritatis uenire, uerbum suum

1 Corin. 3.

Hebræ 4.

Psal. 19.

Amos 8.

Deut. 8.

Matth. 4.

Rom. 15.

1. Pet. 1.

Ioan. 14.

Ioan. 15.

Ierem. 15.

Psal. 19.

Ioan. 15.

Isaie 1.

Psal. 19.

Psal. 119.

Matth. 13.

Psal. 119.

Prouerb. 30.

Epilogus.

Hebr. 4.

Ierem. 23.

# DE VERBO DEI

reuelauisse omnibus in toto mundo hominibus, atque in hunc finem reuelauisse, ut omnes ubiq; cuiuscunq; sint sexus, ætatis & conditionis homines, cognoscant ueritatem, erudianturq; de uera salute, habeantq; absolutissimam benè, rectè & beatè uiuendi rationem, ut homo Dei integer sit, & ad omne bonum opus apparatus Tradidit enim Dominus in uerbo ueritatis ecclesiæ suæ, omnia quæ ueræ pietatis & salutis sunt. Quæcunq; de Deo, de operibus, iudicijs, de uoluntate & præceptis Dei, de Christo, fideq; in Christum & officijs uitæ sanctæ cognitu necessaria sunt, plenè uerbo Dei tradita sunt. Nec opus est ecclesiæ aliunde mendicare aut sarcire hominum supplementis, quod deesse uidetur uerbo Domini. Dominus enim non uiua duntaxat uoce omnem pietatem & salutem docuit patres nostros per Apostolos, sed & eorundem opera scripto cõprehendi curauit. Id quod manifestè propter posteritatem, id est, propter nos & posteros nostros factum esse apparet, nimirum, ne quis nostrum aut nostrorum seduceretur, aut ne cui falsæ traditiones pro ueris subijcerentur. Cauendum ergo nobis omnibus, uigilandum est omnibus, inhærendumq; uerbo Dei in scripturis per prophetas & Apostolos nobis relicto. Curemus deniq; neruis omnibus, ut cum fide & fructu audiamus quæ annunciantur nobis à Domino. Abijciamus & calcemus quæcunq; ex carne nostra aut ex mundo satanæue obijciuntur impedimēta pietatis. Scimus qui sint morbi, quæ pestes seminis uerbi Dei seminati in corda fidelium. Scimus quanta sit uirtus uerbi Dei in religiosis auditoribus. Oremus ergo Deum & Dominum nostrū, spiritum suum sanctum infundat animis nostris, cuius uirtute uluificetur semen uerbi Dei in cordibus nostris, multumq; fructus ferat ad salutem animarum nostrarum & gloriam Dei patris nostri. Cui gloria semper.

*De sensu & expositione legitima uerbi Dei, quibus modis & rationibus exponi possit.*

S E R M O I I I.

**I**ntelligo, fratres dilecti, ex doctrina mea de Verbo Dei, uarias in multo rum cordibus cogitationes exoriri, imò à quibusdam seri sermones satis irreligiosos. Sunt enim qui arbitrantur scripturas, id est, ipsum Dei uerbum, obscurius esse, quàm quod ullo possit legi cum emolumēto. Alij ex aduerso cõtendunt, uerbum Dei à Deo simpliciter hominibus traditum, nulla indigere interpretatione. Clamant ergo scripturas legi oportere quidem ab omnibus, omnibus autem licere sibi sensum fingere deligeretq; quem putet quisq; maximè conuenientem esse. Illi ipsi damnant modum in ecclesijs receptum, quo minister ecclesiæ cœtui scripturas explanat. Ego uerò, si charitas uestra uti cœpit, perrexerit precari Dominum, Domini bonitate fretus, confido me demonstrare posse, scripturam non esse obscuram pijs, Dominumq; omnino uelle ut eam intelligamus. Deinde scripturas omnino esse exponendas. Vbi etiam modum & rationes aliquot simplices interpretandi scripturas explicabo. Remouebunt hæc, obstacula, quæ à lectione uerbi Dei arcent, reddentq; lectionem uel auscultationem uerbi Dei salubrem atq; frugiferam.

*Deus uult uerbum suum intelligi.*

Ac principio quidem quòd Deus uelit intelligi uerbum suum ab hominibus, inde potissimū possumus colligere, quòd loquens seruis suis, genere dicendi sit usus maximè uulgari, ipsis etiam idiotis consueto. Neq; alio dicendi genere usi leguntur propheta & Apostoli serui dei, summæ et æternæ sapientiæ interpretes; ut in omni scriptorū turba non inuenias ullos, qui simpliciiori magisq; perspicuo stilo præcellant. Creberrimè utuntur sententijs generalibus & uulgaribus, similibus, parabolis, collationibus, fictis narrationibus, exemplis, & id genus alijs formis, quibus



quibus vulgarem sensum hominis nihil magis mouet & clarius docet. Obortur, fateor, aliqua in scripturis caligo ex idiomate, schematismis & insolentia linguarum. Verum ei difficultati facile mederi poterit studium, diligentia, fides & peritia interpretum. Iam & Petrus Apostolus dicit in Paulinis Epistolis quaedam esse *Difficultas scripturae.* difficilia intellectu. Sed mox addit, Quae indocti parumque integri aut firmi detorqueant, sicut & ceteras scripturas, ad suam ipsorum perniciem. Vnde colligimus, indoctis, imperitis, parum exercitatis, & malignis aut corruptis ingenijs, non studiosis & pijs lectoribus aut auscultatoribus difficilem esse scripturam aut obscuram. Proinde cum Paulus quoque dicit, Si adhuc uelatum est euangelium nostrum, in his qui pereunt uelatum est, in quibus Deus huius seculi excæcauit sensus incredulorum, ne illucesceret illis lumen euangelij gloriæ Christi, qui est imago dei: cul-  
*2. Petri. 3.*  
*2. Corin. 4.*  
*Joan. 3.*  
*Psal. 119.*  
 pam obscuritatis non in ipsum Dei uerbum, sed in auditores parum idoneos retorquet. Curemus itaque quicumque uerbum Dei recte intelligere cupimus, ne satanas animos nostros occupet & oculos perstringat. Nam & saluator noster dixit in euangelio, Hæc est condemnatio, quod lux uenit in mundum, & homines dilexerunt magis tenebras quam lucem. Alioqui legimus sanctos Dei prophetas & Apostolos uerbum Dei siue scripturas appellasse non tenebras, obscuritatem aut caliginem, sed tubar quoddam atque lucernam. Lucerna, inquit Dauid, pedibus meis uerbum tuum, & lumen semitis meis. Et quid quæso manifestius est, quam quod in rebus dubijs & obscuris illustrandis, nemo relegat ad caliginosa & incerta: Incerta, dubia & obscura declarantur per certiora, firmiora & clariora. At quoties in fidei negotijs quæstio aut cōtrouersia incidit, an nō oēs cōsentiūt scripturis illā dirimi dissoluique oportere? Proinde necesse est scripturas esse claras, disertas, certissimasque.

Quamquam uerò clara sit scriptura & uerbum Dei apertum, non tamen respuit *Verbum Dei expositionem requirit.* expositionem religiosam seu piam, imò expositio sancta addit uerbo Dei ornamentum, & profert in auditore pio fructum multiplicem. Quoniam autem multi negant scripturas esse exponendas, ostendam exemplis irrefragabilibus omnino exponendas esse. Nam Deus ipse legis uerba prolata in monte Sina ad totam Israelis ecclesiam scriptaque in duas tabulas, multis colloquijs per 40. dies & annos habitis cum Mose, exponit ecclesiae per Mosen, qui nobis Deuteronomiū & alios quosdam libros ceu diuinæ legis Cōmentarios reliquit. Insequuti sunt mox prophetae qui legem Moysi interpretantes suis temporibus, locis & hominibus applicauerunt, & sermones suos ueluti Enarrationes diuinæ Legis scriptos reliquerunt posteris. In Nehemia cap. 8. legimus in hæc uerba, Attulit sacerdos Esdra legem, librū Mo-  
*Solennis expositio uerbi Dei.*  
 sis, & stetit super turrulam ligneam, nimirum in sacra cathedra. Et aperuit Esdra librū coram ecclesia ex uiris & mulieribus, & quicumque intelligentes erant. Et Leuitæ stabant cum eo. Ipse uerò legit ex libro, & Leuitæ docebant populum in lege; & populus erat in statione sua. Et legerunt in libro legis Dei luculenter, explicantes sensum, & erudientes inter legendū. Hæc Nehemias. Obseruate fratres, quod legitimi & sancti ecclesiae Dei ministri uerbum Dei non tantum legerunt, sed exposuerunt etiam. Hunc ritum legendi & explicandi scripturas uel uerbum Dei nec  
*Luc. 4.*  
 abrogauit neque neglexit, cum in carnem uenisset Dominus noster Iesus Christus, atque iam uerus propheta & doctor cœlestis, adeoque noui testamenti aut Christianæ ecclesiae doctor intrueret suum populum. Nazarethi enim synagogam ingressus surrexit ut legeret: & traditus est illi liber Isaia prophetae. Explicuit autem librum, & legit locum quendam insignem ex cap. 61. Deinde complicauit librum, ministro reddidit, & quod prælegerat exposuit, demonstrans uaticinium iam esse in ipso completū. Præterea cum resurrexisset ex mortuis, comitem se iungit duo-  
*Luc. 24.*

Acto: 8

bus discipulis Emaum euntibus, cum quibus cōtulit uaria: tandem uerò exorsus à Mose & omnibus prophetis, interpretabatur illis in omnibus scripturis, quæ de ipso erant. Hoc Domini exemplum imitati Apostoli & ipsi uerbum Dei exposuerunt. Nam Petrus Psalmum 16. interpretatur de Christo resurgente ex mortuis, in Actis Apostolorum cap. 2. Sed & Philippus principi Æthiopico Isaia uaticinium luculenta interpretatione aperit, & ea ip. im ad fidem Christi ecclesiæq. consortium adducit. Pauli facta & scripta nec legit nec uidit, quisquis negauerit Paulum ubique sacras interpretari scripturas. His dilucidè & solide satis, opinor, demonstraui uerbum Dei esse exponendum.

Quid querant  
qui scripturas  
exponi nolunt.

Qui uerò expositioni scripturarum reclamant, & nolunt ministros uerbi ac ecclesiarum publicè & solenniter enarrare scripturas, easq. applicare locis, temporibus, rebus & personis, aliud quàm plecti in quarunt. Viuunt isti aliter quàm deceat pios uiros. Loquuntur impia, indecora & absurda. Designant scelera & flagitia. Et hæc quidem cupiunt facere impunè: itaq. sublatam uolunt scripturarū expositionem. Si enim quis uerba duntaxat scripturæ legat, nec applicet rebus, locis, temporibus & personis, non admodum ipsorum impietati & sceleratæ uitæ contradixisse uidetur. Proinde cū clamant e medio auferri oportere conciones & expositiones scripturarum, scripturas purè & sine additione legendas esse, non aliud uolunt, quàm abijcere legem Dei, disciplinam & correptionem omnem calcare, ac peccare impunè. Quos tamen suo tempore iustus Dominus puniet tanto grauius, quanto audacius insurgunt contra Deum.

Non sunt cor-  
rumpende scri-  
pturæ peregrini  
expositionibus.

Ezechiel.  
34.

Cauendum erit interim omnibus ecclesiarum ministris, ne uel hic affectui tantillum indulgeant, uel scripturas sanctas interpretando corrumpant, & hoc modo ecclesiæ sua figmenta, non uerbum Dei proponant. Tale quidpiam uidentur designasse ueteris quondam populi doctores, quos apud Ezechielem accusans Dominus dicit, An leue uobis est quod pascua bona depascitis, nisi residua pascuorū uestrorum pedibus uestris conculcetis, & bibentes limpidiores aquas, residuas pedibus uestris conturbetis: Et oues meæ conculcatum pedibus depascūt, & conturbatum pedibus uestris bibunt. Grande hoc est flagitium quod Dominus pro iustitia sua punit grauissimè. Curandum itaq. interpretibus sanctis & fidis, Christi ecclesiarumq. ministris, ut scripturas integras retineamus, & uerbum Dei purum tradamus populo Christi, illustratum inquam non corruptum aut obscuratum ineptis, detortis, & non natiuis nostris expositionibus.

Scripturæ sanctæ  
non sunt exponende  
ingenio humano.

2. Pet: 1.

Ac locus quidem & tempus postulant, ut modò non nihil dicamus c. v. de interpretandis scripturis sanctis, uel de exponendo uerbo Dei. Vbi non commemorabo quicquam de linguis linguarumq. peritiis, aut de bonis artibus, bono interpreti necessarijs, sed generalia duntaxat perstringam. In primis uerò sciendum est quædā in scripturis uel uerbo Dei tam clarè proponi, ut nec indigeant expositione, nec recipiant ullam enarrationem. Quæ si quis pergat suis illustrare interpretationibus, nihilo prudentius facere uideatur, quàm si quis conetur facibus aut tædis exorientem iuuare Solem, quò orbi clarius illucescat. Quæ autè ita posita sunt, ut nostram postulent expositionem, non pro nostri animi arbitrio sunt interpretanda, sed pro eius ingenio & sensu, qui scripturas reuelauit. Nam S. Petrus, Omnis prophetica scriptura, inquit, non est priuatæ interpretationis. Non enim uoluntate hominis allata est olim prophetia: sed à spiritu sancto impulsus, locuti sunt sancti Dei homines. Proinde sensus uerbi Dei genuinus ex ipsis est petendus scripturis, non inferendus ex nostro arbitrio in scripturas. Simul autem Canones aliquot obseruandi sunt, quos per sequentia paucis perstringentes proferemus.

Principio



Principiò cum Apostolus Paulus uelit prophetiam respondere analogiæ seu proportioni fidei: sicut legis ad Rom. 12. & idem in posteriore ad Corinth. dicat, Cum habeamus eundem spiritum fidei, iuxta illud quod scriptum est, Credidi, & ideo locutus sum: & nos credimus, quapropter & loquimur, catholicum sit nihil adferre in expositionibus nostris, aut nihil recipere quod alij adduxerint cōtra receptos fidei articulos in symbolo Apostolorū & alijs uetustissimis symbolis cōprehensos. Nam pro ueritate possumus aliquid, ait Apostolus, contra ueritatem nihil possumus. Legētes ergo in Euang. Ioānis illud domini dictū, Pater maior me est, cogitabimus articulis fidei contrariū esse, inæqualitatē constituere aut admittere in diuinitate patris & filij, & proinde aliud sensisse dominum quā ipsa uerba prima protinus fronte significare uideantur. Rursus cū in Apostolo legimus, Impossibile est ut qui semel fuerint illuminati, si prolabantur denuò, reparentur per poenitentiam: ne credamus lapsis negandā esse poenitentiam. Fides enim catholica credit omni loco, omni tempore, quoad in his terris uiuimus, & omnibus hominibus ad dominum conuersis promissam esse omnium delictorū ueniam. Ita cum audimus dominum accepisse panē & de pane dixisse, Hoc est corpus meum, reuocamus in memoriam articulos fidei, tribuentes domino nostro uerum & humanum corpus, quod ascendit in cœlos, sedet ad dexteram patris, inde uenturum iudicare uiuos & mortuos, ac cogitemus dominum de sacramento locutum, uelle ut sacramentalia uerba exponamus sacramentaliter, nō transubstantialiter. Similiter legentes illud Apostoli, Caro & sanguis regni Dei hæreditatē consequi nō possunt, ne ex his uerbis protinus pronunciemus, sed articulo fidei inhærentes, Credo huius carnis resurrectionem, intelligamus per carnem & sanguinem affectiones & infirmitates, non naturam substantiamue carnis nostræ.

*Expositio scripturæ non aduersetur fidei articulis.*

*Joan: 14*

*1 Cor m: 19*

Deinde legimus dominum legis & prophetarum summam colligere ac dicere in Euāgelio, Diliges dominū Deum tuum, ex toto corde tuo, & in tota anima tua, & in tota mente tua: hoc est primum & magnum mandatū. Secundum autem simile est huic, Diliges proximū tuū sicut teipsum. In his duobus mandatis tota lex & prophetæ pendēt, Matt. 22. Propter hæc Domini uerba beatus Aurel. August. lib. de Doct. Christ. 1. cap. 36. Quisquis, inquit, scripturas diuinas uel quamlibet earum partem intellexisse sibi uidetur, ita ut eo intellectu non ædificet istam geminā charitatem Dei & proximī, nondū intellexit. Quisquis uerò inde talem sententiā duxerit, ut huic ædificandę charitati sit utilis, nec tamē hoc dixerit quod ille quem legit eo loco sensisse probabitur, nō perniciosē fallitur, nec omnino mētitur. Hoc Augustinus scriptū reliquit. Cauendū ergo modis omnibus, ne nostra interpretatio tendat in subuersionē charitatis, sed hanc prouehat & omnibus cōmendat. Dixit quidem dominus, Ne resistitis malo. Cæterū si hæc uerba etiam magistratui dicta esse cōtendamus, uiolabitur & e medio tolletur charitas proximī, periclitantium salus, oppressorūq; defensio. Nam latrones & cōtumaces homines, raptores & contumeliosi oppriment uiduas, pupillos & pauperes, regnabitq; & exultabit omnis iniquitas. Porro plurib. exēplis in re manifestissima nō arbitror esse opus.

*Expositio non pugnet cū charitate Dei & proximī.*

*Math: 5*

Præterea necessarium est in exponendis scripturis & sensu genuino uerbi Dei indagādo, expendere, qua occasione quid dicatur, quid præcedat, quid sequatur, quo tempore aut modo, aut de qua persona aliquid dictum sit. Ex occasione, ex præcedentibus & consequentibus sententijs exponuntur ferè exempla & parabolæ. Imò nisi quis semper obseruet in omnibus scripturæ locis contextum orationis, idēq; diligentissimē, exponendo nō poterit non plurimum à iusto aberrare tramite. Obseruauit S. Paulus circumstantiam temporis, & inde conclusit Abra-

*Expositio præcedētia & consequentia item circumstantias excutiat.*

*Math: 26* hamum neq; circuncisione neq; lege fuisse iustificatum. Loci extant Roma. 4. & Galat. cap. 3. Rursus cum S. Petro dicitur, Conuerte gladium tuum in uaginam, Qui gladium sumit, gladio perit: considerandum est Petrum Apostoli non magistratus gerere personam. De magistratu enim legimus datū ei gladium ad uindictam. Prolixū autē esset nedum laboriosum, plura de singulis coacervare exempla.

*Rom: 13*  
Expositio uerbi Dei fiat per collationem locorum.

*Joan: 10.*  
*Jacob: 2.*  
*2 Pet: 1.*

Expositio fiat ex pectore religioso et cum orationibus.

Epilogus.

His iam accedit & alia ratio interpretandi uerbum Dei, collatio uidelicet locorum uel similitum uel dissimilitū, & quod obscuriores per clariores, item pauciores per plures sunt exponēdi. Ergo cū dominus dicit, Pater maior me est, cogitandū est quod alibi idē dicit, Ego & pater unū sumus. Cumq; Iacobus Apostolus dicit operibus & Abrahamum & nos iustificari, plures ex sancto Paulo loci huic sunt opponendi. Probauit hanc interpretandi rationē Petrus Apost. dicens, Habemus firmiorem sermonē prophetiū, cui dum attenditis, ceu lucernæ in obscuro loco, rectē facitis, donec dies illucescat, & lucifer exoriatur in cordibus uestris. Vetus scriptor Tertullianus author est, hæreticos, non uiros orthodoxos, quādā ex scripturis ad suam sententiam decerpere, ac cætera nō intueri. Ita paucula sibi deligere testimonia, quibus omnino credi postulent, reclamante interim tota scriptura, cū oporteat secundum plura intelligi pauciora.

His omnibus addimus iam omnium efficacissimū uerbum dei exponendi canonem, pectus Dei & gloriæ eius amans, non superbū, non ambitiosum, non hæresibus, non prauis corruptū affectibus: quod precibus indefinentibus uocet spiritum sanctum, per quem prodita & inspirata est scriptura, ut per eundē etiam explicetur ad gloriā Dei & fidelium incolumitatē. Ardeat interpretis animus studio prouehēdi uirtutes, & odio omniū scelerū, eaq; opprimendi. Ne admittat huiusmodi interpretis pectus in consiliū sophistam diaboli, qui sensum uerbi Dei, nūc quoq; sicuti olim in paradiso, corrumpat. Ne audiat humanā sapientiam directē spiritui Dei contradicentem. Hæc si fecerit bonus & fidelis interpretes uerbi Dei, etiam si alicubi non attigerit (quod dici solet) acu occultiore scripturæ sensum, error tamen ille nec damnandus erit nec perniciosus iudicabitur. Et quisquis occultiore & magis propriū scripturæ sensum protulerit, imperfectiorem tamen illius sensum non damnabit: quemadmodum & hic, imperfectioris uidelicet sensus author, magis proprium non reiiciet, sed agnoscens recipiet cum gratiarum actione.

Ista diximus hucusq; de sensu & expositione uerbi Dei: quod ut hominibus reuelauit Deus, ita illud omnino uult intelligi. Vnde non est quod quisquam. Respetet de genuino sensu scripturæ, propter aliquot difficultates, assequendo. Admittit piā & religiosā interpretationem scriptura. Verbum Dei regula est uitæ omnium hominum & temporū. Omnibus ergo temporibus & omnibus hominibus interpretando applicandum est. Nam ipse etiam Deus noster legē quam in monte Sina tulerat aut promulgarat, multis per Moysen exposuit, populoq; suo aptauit. Præterea celebre fuit uetustis prophetis & legem Dei populo prælegere, & explicando aptare. Exposuit scripturas ipse quoq; dominus noster Iesus Christus. Exposuerunt easdem & Apostoli. Exponendum est itaq; uerbum Dei: quod qui exponi nolunt, uolunt utiq; peccare impune. Cæterum quia expositionem recipit scriptura, non quamlibet recipit: humanam enim repellit. Sicuti enim scriptura reuelata est ex spiritu Dei, ita per eundem ipsam explanare cōuenit. Sunt itaq; Canones aliquot piē exponendi uerbum Dei ex ipso uerbo Dei: nempe ne expositio fidei articulis contradicat, aut cum charitate Dei & proximi pugnet: sed ut circumspecta sit, petita ex præcedentibus & consequentibus, diligenter pensatis omnibus circumstantiis, locorumq; collatione. In primis autē necesse est pectus interpretis



terpretis pium sit, uirtutes plantatas uitiaq; extirpata modis omnibus uelit, deniq; quod iuges fundat ad dominum preces, ut is animos nostros illuminet, quò glorificetur nomen Dei in omnibus. Ipse est enim gloria, honor & regnū, in secula seculorum, Amen.

*De fide uera, unde oriatur, quòd sit certa persuasio mentis, & innitatur Deo & verbo eius.*

S E R M O I I I I.

**D**Ocui sermone proximo sanam uerbi Dei expositionem nihil discrepare à regula fidei ueræ, & à dilectione Dei & proximi. Est enim adulterinus scripturæ sensus proculdubio, qui cum fide pugnat & gemina dilectione. Proinde consequens est, ut iam etiam dicamus aliquid de fide uera, & de dilectione Dei atq; proximi, ne quid hic desideretur à quoquam. Principiò autem Deo iuuantem, & uestris intercedentibus precibus, differam de fide uera.

Vocabulum fidei patet in sermonibus hominum latissimè. Accipitur enim pro religione & cultura qualibet. Nam dicimus, fides Christiana, fides Iudaica, fides Turcica. Deinde sumitur fides pro opinione concepta ex relatione aliqua, ueluti cum audimus nobis recitari aliquid ex Indianis aut Aethiopicis historiis, dicimusq; illa nos credere, in quæ tamen non collocamus ullam fiduciam, aut ex quibus nihil omnino speramus utilitatis. Hac significatione ait S. Iacobus diabolum credere & contremiscere. Postremò usurpatur fides pro certa & indubitata in Deum & uerbum eius fiducia. Apud Hebræos fides nomē habet à ueritate, certitudine & constantia. Latinis dicitur Fides, quòd fiat quod dicitur. Vnde ille, Interrogo te utrum credas? Dicis, Credo. Fac quod dicis, & fides est. Proinde in argumento nostro, fides est indubitata & persuasissima fiducia.

Hæc fides quæ persuasissima ac indubitata est persuasio aut fiducia, ac in Deum & uerbum eius tendit, uariè describitur à purioris notæ theologis. S. Paulus, Fides, alit, est substantia rerum sperandarum, argumentum non apparentium. Substantia siue hypostasis, basis seu fulcrum est firmissimum illud quod nos sustinet, & cui nos tutò innitimur atq; incumbimus. Res sperandæ sunt res cœlestes æternæ ac inuisibiles. Dicit itaq; Paulus, Fides est immota subsistens & certissima fiducia rerum à Deo promissarum, uitæ æternæ uidelicet & omnium bonorū. Cæterum ipse Paulus expositionem eorum quæ attulerat proferens subnectit, Fides est argumentum non apparentium. Argumentum uel elenchus est euidentis demonstratio, qua euincimus manifestissimè quod alioqui dubium esset, ut in eo quem sumpsimus erudiendū, nulla supersit dubitatio. Iam uerò mysteria Dei, pro dicta oraculis Dei, in se siue in natura sua cerni non possunt oculis corporeis: unde appellantur non apparentia. Fides autem illa mente illuminata corde apprehendit, uti sunt proposita Dei uerbo. Idcirco fides est, iuxta finitionem Pauli, euidentissima mentis uisio, & certissima cordis comprehensio rerum inuisibilium, id est, æternarum, Dei inquam & eorum omnium quæ nobis de rebus diuinis proponit uerbo suo. Ad hanc Paulinam definitionem respexerunt qui fidem sic finierunt, Fides est rerum diuinarum persuasio, quarū cogitationi ita incumbere debemus, propter oraculorū fidem, ut non minus ea cernere animo credamus, quàm oculis res sensu perceptas & aspectabiles cernimus. Ab hac finitione nō multum discrepat hæc uiri cuiusdā pī & docti definitio, Fides est firma animi persuasio, qua nobiscum statuimus tam certam esse Dei ueritatem, ut non possit non præstare quod se facturum sancto suo uerbo recepit. Item, Fides est firma conscientia cer-

Fides.

1

2

3

Definitiones

fidei.

Hebræ: u.

titudo quæ Christum amplectitur, qualis nobis per Euangelium offertur. Est alius quidam qui ad eundem ferè modum fidem sic describat, Fides est donum diuini tus infusum menti hominis, qua citra ullam hæsitantiã credit esse uerissima, quæcuncq; nobis Deus per utriusq; testamenti uolumina tradidit atq; promisit. Fidem ergo extendit idem ille ad tria tempora, ad præteritum, præsens & futurum: uide licet credendum docens mundum à Deo conditum, & quicquid superioribus seculis gestum narrant diuinæ literæ: item Christum pro nobis mortuum, unicam salutem esse credentium: deinde ab eodem Deo & hodie mundū Ecclesiamq; gubernari, & credentes in Christo saluari: postremò euenturum certissimè tum impijs quæ minantur, tum pijs quæ pollicentur sacræ literæ.

*Descriptio ueræ fidei.*

Ex istis ergo omnibus diligenter expensis, fidem secundū scripturas ita possumus describere, Fides est donum Dei, homini cœlitus infusum, quo edoctus indubitata persuatione in Deum & uerbū eius innititur, per quod à Deo in Christo uita omneq; bonum gratis promittitur, omnisq; ueritas credēda exponitur. Quam descriptionem fidei consequentibus explicabimus, Deo iuuante, per partes, adducisq; scripturarum locis ipsam & confirmabimus & illustrabimus. Vos quod fecistis hætenus, diligentes auditores este, inq; animis uestris sedulò orate.

*Origo & causa fidei.*

*Joan. 6.*

*Math. 16.*

*2. Cor. 3.*

*Philip. 1.*

Principiò causa & origo fidei deducitur non ex homine ullo uel ullis hominū uiribus, sed ex ipso Deo, qui per spiritum sanctū infundit in corda nostra fidem. Dominus enim in Euangelio dixit, Nemo uenit ad me, nisi pater meus traxerit eum. Et iterum, Caro & sanguis (ait Dominus ad Petrum uera fide agnoscentem Christum) nō reuelauit tibi, sed pater meus qui in cœlis est. Quo alludens etiam Apostolus, Non idonei sumus, ait, ex nobis ipsis cogitare quicquam, tanquam ex nobis ipsis, sed omnis idoneitas nostra ex Deo est. Et iterum, Vobis donatum est pro Christo, non solū ut in eum credatis, uerumetiam ut pro illo patiamini. Fidem ergo infundit cordibus nostris Deus, qui est fons & origo bonorū omnium.

*Per uerbum dei plātatur fides.*

Vbi tamē considerandum uenit, Deum in donanda aut infundenda fide, non uti absoluta potentia aut miraculo, sed medio & ordine congruo hominibus: quamuis etiam sine illo medio fidem donare possit, quibus, quando & quomodo uult. Ordine uerò ab ipso rerum exordio hoc usus legitur dominus. Quos erudire & fide donare statuit, ijs mittit doctores, qui uerbo Dei ueram fidem tradant. Non quòd in hominum potestate, arbitrio, aut ministerio sit dare fidem, aut quòd externum uerbum ab homine annunciatum per se aduehat fidem: sed uox hominis & uerbum Dei annunciatū erudit homines quæ sit uera fides, quid uere credendum uelit præcipiatq; Deus: hic uerò solus demisso in corda & mentes hominum spiritu sancto aperit corda, impellit mentes, efficitq; ut toto corde credamus, quod ex eiusdem uerbo & eruditione credendum esse intelleximus. Potuisset dominus Cornelio centurioni apud Cæsaream Stratonis, citra prædicationem, cœlitus & mirabiliter conferre fidem in Christum, sed remittit ipsum per angelum ad prædicationē S. Petri. Ac dum is prædicaret, operatur Deus in animo Cornelij per spiritum sanctum, ut crederet prædicationi. Certè S. Paulus, Quomodo credent ei, ait, de quo nihil audierunt? Quomodo audient absq; p. xdicante? Quomodo autem prædicabunt nisi fuerint missi? Ergo fides ex auditu est: auditus aut per uerbum Dei. Idem tamen alio loco, Quis est Paulus, ait, quis Apollos, nisi ministri per quos credidistis, & ut cuiq; dominus dedit? Ego plātavi, Apollos rigauit, sed deus dedit incrementum. Itaq; non qui plantat est aliquid, neq; qui rigat, sed qui incrementum dat Deus. Congruunt cum hac S. Petri & S. Pauli doctrina quæ Augustinus scribit in Præfatione ad lib. de Doctrina Christiana, dicens, Quod ab homine discen-

*Acto. 10.*

*Rom. 10.*

*1. Corin. 3.*



ne discendum est, quisque sine supercilio ab homine discat. Neque tentemus eum cui credimus, neque decepti nolumus ire ad Ecclesias audiendum aut ex libris discendum, & expectemus rapi in tertium cœlum. Caueamus tales tentationes superbissimas, magisque cogitemus ipsum Paulum Apostolum, licet diuina & cœlesti uocatione prostratum & instructum, ad hominem tamen missum esse: & Cornelium quamuis orationes eius audisset Deus, Petro tamen traditum imbuendum, per quem non solum sacramenta perciperet, sed etiam quid credendum, quid sperandum, quid diligendum esset audiret: quæ tamen omnia poterant per angelum fieri, &c. Idem quoque in epistola ad Circenses ait, Conuersionem operatur ille & efficit, qui per ministros suos rerum signis extrinsecus admonet, rebus autem ipsis per seipsum intrinsecus docet. Item Tractatu in Ioan. 26. Quid faciunt homines, inquit forinsecus annuntiantes? Quid facio ego modò cum loquor? Strepitum uerborum ingero auribus uestris: nisi ergo reuellet ille qui intus est, quid dico aut quid loquor? Exterior cultor arboris, interior est creator, &c. Hæc ille.

Quemadmodum uerò Dominus poscit ut uerbo suo credamus, (Nam & propheta clamat & dicit, Hodie si uocem eius audieritis, nolite obdurare corda uestra:) Ita omnino à nobis omnibus auditoribus uerbi ipsius flagitat, ne simus orando segnes. Nam audiētes uerbum Dei, orare debemus pro dono fidei, ut Dominus aperiat corda nostra, conuertat animas nostras, duritiam mentis frangat atque constundat, fidemque datam adaugeat. Exempla huiusmodi orationis plurima sunt in sacris literis. Cum in Euangelio ad quendam diceret Dominus, Potēs ne credere? omnia possibilia credenti. Respondit ille, Credo Domine, succurre incredulitati meæ. Et Apostoli clamantes ad Dominum, dicunt, Adauge nobis Domine fidem. Sed & oratio hæc qua postulamus nobis infundi fidem, ex gratia & dono Dei est, non ex nostra iustitia quæ coram Deo nulla est. Relinquitur ergo certissimum & indubitatum, quòd fides uera merum Dei donum est, id quod cœlitus cōfertur animis nostris per spiritum sanctum, proponitur autem uerbo ueritatis per doctores à Deo missos, orationibusque indefectis & ardentibus impetratur. Vnde discimus frequenter & diligenter esse nobis audiendum uerbum Dei, & orandum sine intermissione, quòd fidem ueram à Deo consequamur.

Quòd autem fides illa cœlitus infusa, & ex uerbo ueritatis percepta, mentem hominis imbuat indubitata persuasione, id est, quòd ea quæ ex uerbo Dei credimus, firmissimè & citra omnem ambiguitatem & dubitationem credamus, certi ita habere prorsus rem, ut habere credit fides, (usurpo enim uocabulum persuasionis non uulgariter, sed pro firmo animi assensu à spiritu sancto inspirato & persuaso (ostendemus exemplo fidei Abraham, quam his uerbis describit Paulus ad Romanos cap. 4. Abraham præter spem sub spe credidit: ac non infirmatus fide haud considerauit suum ipsius corpus iam emortuum, cum centum ferè annos natus esset, nec emortuam uuluaam Saræ, uerum ad promissionem Dei non hæsitabat ob incredulitatē, sed robustus factus est fide, tribuens gloriam Deo, certa persuasionem concepta, quòd is qui promiserat, idem potens esset & præstare. Obseruanda sunt autem notæ in uerbis Apostoli, quæ nobis approbant fidem, credentis animum & cor imbuere certa persuasione, adeoque fidem esse consciam indubitatam rerum creditarum fiduciam: id est, fidem ueram non tantum uolitare in animo hominis instabilem, sed altissimè fixis radicibus in Christo hærare in illuminato corde. Principio Abraham, ait Apostolus, præter spem sub spe credidit: id est, ibi firma spe fuit, ubi tamen, rebus huius seculi more expensis, nihil erat sperandum. Est autem spes firmissima & indubitata expectatio earum rerum quas credimus: ut

Orandum est  
pro uera fide.

Heb. 2. 9.  
Psal. 95.

Mat. 9.  
Luc. 11.

Fides est mentis  
indubitata per  
suasio.

Spes quid  
sit?

Hæsitatio duplex.

uideamus Apostolum fidem illustrasse per spem, & spei certitudine exposuisse fidei firmitatem. Deinde subdit, Abraham non est infirmatus fide, neq; ad promissionem Dei hæsitauit ob incredulitatem, sed robustus factus est fide. Duplex quidem est hæsitatio in hominibus. Vna quæ tentationibus aduersis superata uergit in desperationem, promissionesq; Dei contemnit. Talis erat hæsitatio in decem illis exploratoribus terræ sanctæ, quorum mentio fit Numeri. 13. & 14. cap. Altera potius fidei imbecillitas est, quæ & ipsa tentatur, ut iam non cōmemorem, quod nobis omnibus diffidentia quædam originali labe est ingenita, quodq; mens hominis nunquā ita illuminata & stabilita est, quin nebulæ ignorantia dubitationisq; oboriantur: cæterum non succumbit fides tentationi, neq; immergitur aut inhæret hæsitatiōi, sed apprehenso uerbo ueritatis promisso eluctatur & rursus confirmatur. Ita legimus ad promissionem diuinam Abraham animum subijisse, Num centenariō tibi nascetur filius? Hæc erat infirmitas illa & hæsitatio aut imbecillitas fidei. Atqui hic Apostolus uincētem & non succumbentē Abraham fidem celebrans, simul etiam nos docens qualis esse debeat uera fides, firma nimirum & certissima persuasit, dicit, Abraham non infirmatus fide, non considerauit corpus suum iam emortuum, cum ferē centum esset annos natus, nec emortuam uulua Saræ. En subiit quidem animum Abraham, Num centenariō nascetur filius? Cæterum non infirmatus est fide. Fides Abraham ob istam tentationem non incipiebat languescere. Non enim considerauit ea quæ in ipso erant infirma & parum diuinæ promissioni congrua. Quid ergo? Ad promissionem Dei non hæsitabat ob incredulitatem. Id est, locum non cedebat tentandi incredulitati: non dijudicabat & anxie inquirebat, quod diffidentes solent. Nam proposita animo suo diuina promissione, ei inquam immotē inhæsit, hæsitatiōe & dijudicatione omnē excussa. Nam fides minimē spectat imbecillitatem, miseriam, defectumq; homini proprium, sed innititur diuinæ uirtuti. Sic inquam Abraham robustus factus est fide, id est, inualuit & superior in tentatione euasit. Opponitur enim illi superiori, Non infirmatus seu debilitatus est fide. Sequitur in Apostolo, Abraham tribuit gloriā Deo, nimirum credens Deum bene uelle hominibus, ueracē esse ac omnipotentē. Tribuit enim Deo gloriā, qui proprietates Dei Deo tribuit, qui uerbo seu promissioni Dei non contradicit. Nam Ioannes Apostolus ait, Qui nō credit Deo, mendacē facit Deum. Credidit ergo Abraham Deo, & credendo tribuit gloriā Deo. Sequitur enim in uerbis Apostoli Pauli, Certa persuasione cōcepta, quod is qui promiserat, idem potens esset & præstare. Scripsit Paulus Græcē *παραρτίω*, id quod perinde est ac si tu dicas, certificatus. Nam *παραρτίω* significat plenam facio fidem. Vnde *παραρτίω* certa fides, quæ sit argumentis aut re ipsa exhibita. Et *παραρτίω* uocant, quod nos dicimus certificationem, cum nobis res sic persuasa sedet animo, ut nihil amplius addubitemus. Ergo fides Abrahamum certificauit, & indubitata persuasione imbuīt, ut iam nō dubitaret Deū posse præstare quod promiserat: fide ergo immotus inhæsit promissioni Dei, certus se assecuturum quod promiserat Dominus. Certissimū ergo & uerbis Apostoli demonstratum est, fidem ueram esse indubitatam persuasione in animo credentis, omnino rem sic habere sicuti creditur & sicuti habere dicitur aperto Dei Verbo. Vnde etiam discimus fidem nō esse uagam & temerariam confidentiam hominis, qui credat rem quamlibet grandem & impossibilem. Fides enim regitur & astringitur uerbo Dei, & uerbo quidem Dei ritē atq; legitime intellecto. Pius ergo & fidelis nō quidlibet colligit ex omnipotentia Dei, quasi quidlibet faciat Deus quia potest omnia, aut fides quidlibet credat, quia scriptum est, Omnia possibilia sunt credenti

Fides nō credit rem quamlibet.



dent. Nam plus ideo credit, quia quod credit, ita uerbo Dei propositum & illustratum est sicuti credit. Præterea cum Dominus in Euangelio dicit, Omnia possibilia sunt credenti, non absolute quidem id nobis intelligendum est, sed coniunctum cum uerbo & cum uoluntate gloriae Dei & cum animarum nostrarum salute. Omnia enim quæ uerbo suo promissit, & omnia quæ uult Deus, omnia denique quæ faciunt ad Dei gloriam animarumque nostrarum salutem, possibilia sunt credenti. Et ea de causa aperte & disertè dixit Apostolus, Quæ promissit Deus eadem & potest præstare. Quæ enim non promissit, & quæ non sunt uoluntatis diuinæ, aut quæ pugnant cum uoluntate & cum expresso uerbo Dei, non potest Deus, non quod non possit omnia, sed quod nolit omnia. Possit Deus ex lapidibus panem facere, sed ideo non credendum est lapides esse panem, neque ideo panis sunt, quia Deus potest omnia. Id quod rectius & plenius intelligemus, ubi paulò post ostenderimus fidem ueram non oberrare & uagam fluctuare, sed Deo & uerbo eius inhaerere & inniti pertinacissimè.

Interea uerò quia ex Pauli testimonio & exemplo Abrahamæ ostendimus fidem esse substantiam & indubitam cordis persuasionem, & multi contendunt hominem non esse certum suæ salutis, aliquot exempla ex Euangelio subiiciam, ex quibus certò deprehendatur fidem firmissimam esse hypostasim, obfirmatamque de Deo & salute nostra sententiam. Et principiò quidem Centurio ille Euangelicus firmissimam conceperat spem, fore ut seruulus eius curaretur à Domino. Intellexerat enim quàm ampla & magnifica polliceretur credentibus. Colligebat item ex operibus Christi, non difficile ipsi fore sanitati restituere seruulū. Accedit itaque Dominum, ac inter alia, Nō est, inquit, quod tectum meum subeas, imò tantum dic uerbum & sanabitur famulus meus. Testificantur hæc uerba certam in Centurionis animo & corde persuasionem fuisse certissimæ salutis, quam & collatione quadam sic illustrat & plenius exprimit, Sum enim homo alterius potestati subditus, & habeo sub me milites, & dico huic uade, & uadit: & alteri ueni, & uenit: & seruo meo fac hoc, & facit. Hanc animi certificationem cum ex uerbis fide plenissimis peruidisset Dominus, clamat se tantam fidem non reperisse in uniuerso Israele. Idem celebrat in Euangelio fidem mulieris profluuio sanguinis miserè laborantis. At eam fidem fuisse indubitam cordis illuminati persuasionem ex eo intelligi potest, quod apud se (prius nimirum excitata operibus & uerbis Domini) sic reputat, Si tantum tetigero uestimentum eius, salua ero. Ideoque & per confertam turbam se usque ad ipsum Dominum penetrando ingressit. Sed quid multa congero exempla? An non una Chananæ seu Syrophœnissæ mulieris fides declarat irrefragabiliter, fidem esse certissimam rerum creditarum persuasionem? Nam præterita & quasi contempta à Domino non fluctuat fide, sed insequens Dominum, & iam etiam audiens Dominum perditis Israeliticæ domus ouibus missum esse, adorare quoque pergit. Imò repulsa & quasi notata atroci cōuitio canis, pergit rursus se supplicem Domino prosternere, & ab eo quod postulabat impetrare. Non perseverasset adeo pertinaciter, si fides in animo & corde credentis non esset certificatio quædam. Unde & Dominus ea fide permotus, clamat, O mulier, magna est fides tua, fiat tibi sicut uis. Constat ergo ex his diuinæ scripturæ testimonijs omnibus, fidem esse certam & indubitam persuasionem in animo & corde credentis.

His absolutis, uideamus iam cui innitatur fides hominis, unde simul elucescat fidem non esse uanam & uagam opinionem (sicuti paulò superius dicere coeperamus) reſcuiuslibet conceptæ in animo hominis, sed metis adeoque legibus quibusdam astrictam atque contentam. Diximus ergo in descriptione fidei, fidem ten-

Mar. 9.

Exempla fidei indubitatae.

Math. 8.

Math. 9.

Math. 15.  
May. 1.

Fides cui innitatur, et quod sit fidei obiectum seu fundamentum.

dere in Deum & inniti uerbo eius. Deus ergo & uerbum Dei obiectū siue fundamentum est fidei ueræ. Firmum omnino & immotum sit oportet, cui homo tuto, certò & indubitato inniti debet, quod salutem præstat, quod seruat, quod omnem plenitudinem sufficit aut suppetat. Hæc enim quarit & poscit fides. Illa uerò non sunt extra Deum. In solum ergo Deum tendit & innititur uera fides. Deus æternus est, summè bonus, sapiens, iustus, potens & uerax. Idèq; operibus & uerbo suo testat. Ideò in prophetis dicitur fortis & immota petra, arx, murus, turris, munimentum insuperabile, thesaurus, fons inexhaustus. Hic Deus æternus potest omnia, nouit omnia, ubiq; præsens est, impensè diligit homines, prouidet hominibus qui etiam omnia gubernat. Fides ergo cum sit fiducia de bona Dei uoluntate & auxilio eius in omnibus necessitatibus, deq; uera hominis salute, in solum Deū tendit, nec potest inniti ulli creaturæ, in qua non sunt illa quæ quarit fides. Et ut Deus uerax est & mentiri non potest, ita uerbum eius uerax est & neminem fallit.

Math. 24.

Verbo exprimitur uoluntas & ingenium Dei. Ad uerbū ergo Dei respicit fides, ac fundat se in uerbum Dei, de quo Dominus in Euangelio pronunciauit, Cælum & terra transibunt, uerbum meum non præteribit. Confertur uerbum Dei cum præstantissimis elementis. Aër & aqua sunt elementa fluida instabilitaq;. Cælum autem licet uoluatur seu moueatur, mira tamen & certissima lege mouetur, firmatq; sunt in eo omnia. Terra multò firmissima est & immobilis. Proinde si facilius est ista insolubilia solui, quàm uerbum Dei, consequens est uerbū Dei per omnia esse longè firmissimum, immobile & insolubile. Si irritum facere potestis fœdus meum, ait apud Ieremiam Dominus, quod ini cum die, aut fœdus quod pepigi cum nocte, ut non sit suo tempore uel dies uel nox, iam irritū potest esse fœdus meum quod pepigi cum Dauide. Cæterum ne totus quidem mundus iunctis simul uiribus omnibus poterit efficere, ut dies sit cum nox est, aut ut una hora citius quàm leges cœli dictant, luceat: ergo ne apicem quidem infringere, mutare aut abolere in uerbo Dei ueritateq; uerbi Dei poterit totus hic orbis cū omni sua uirtute & pompa. Proinde fides quæ innititur in rem multò firmissimā, non poterit non esse persuasio indubitata. Cumq; uerbum Dei sit fidei fundamentum, non potest fides oberrare uaga, & inniti in uerbum quodlibet. Nequit enim qualibet opinio extra uerbum Dei, aut etiam cōtra uerbū Dei concepta, appellari uera fides. Ideoq; sanctus Christi Apostolus Paulus noluit fidem uerā uel Christianam ullis imponere fulcris carnalibus aut opinionibus hominum, sed ueritati & potentia Dei. Verba eius concludunt hunc locum, Fides, inquit, ex auditu est, auditus autem per uerbum Dei. Per uerbum Dei ait, non per uerbum hominis. Et iterum ad Corinth. Prædicatio mea, inquit, non erat in persuasorijs humanæ sapientia uerbis, sed in ostentatione spiritus & potentia, ut fides uestra non sit in sapientia hominum, sed in potentia Dei. Vbi etiam discimus quosdam præter rationem à nobis flagitare fidem, hoc est, ut credamus id quod ex uerbo Dei ostendere nequeunt, aut quod uerbo Dei repugnat. Facit ad illustrationem prædictorum & illud quod in descriptione fidei compendium quoddam uerbi Dei & fidei contextum est: uerbi inquam quod proponit quid credamus, & fidei quæ credit credenda. Recensentur autem duo capita fidei & uerbi. Primum est, quod à Deo in Christo uita & omne bonum gratis promittitur. Deus enim qui fidei obiectum seu scopus & fundamentum est, cum sit natura sua uiuus, æternus & bonus, ab æterno generat ex se sui similem per omnia filium. Is cum sit eiudem cum patre substantia, est & ipse naturaliter uita & omne bonum. Ac ut nobis filiis fratribusq; suis uitam & omne bonum communicaret, hominē assumpsit, & cum hominibus

Rom. 10

1. Corin. 2

Duo sunt capita  
fidei ueræ.

Fides uera, cre-  
dit sibi à Deo per  
Chrī uita &  
omne bonum gra-  
tis continetur.

uerus



uerus Deus & homo cōuersatus, testificatur Deum patrem se per filium totū cum omnibus bonis trāsfundere in credentes, hos uiuificare, omni bono adimplere, & eosdem ad se transferre tandem in uitam illam beatam. Et hoc quidem beneficiū constare gratis, ut laudetur in omnibus gloria gratiæ suæ. Id quod credit fides uera. Et huc quidem pertinet bona scripturarum pars, testificans Deum in Christo communicare credentibus uitam & omne bonum. Ioannes Apostolus clamans testificatur, In principio erat uerbū, & uerbum erat apud Deum, & Deus erat uerbum, Et uerbum caro factum est, & habitauit in nobis. Et cōspeximus gloriā eius, gloriā uelut unigeniti à patre, plenus gratia & ueritate. Et de plenitudine eius nos omnes accepimus, &c. Ipse enim Dominus in Euangelio Ioan. dicit, Amen dico uobis, Quæcūq; pater fecerit, hæc itidem & filius facit. Sicut enim pater suscitatur mortuos & uiuificat, sic & filius quos uult uiuificat. Neque enim pater iudicat quenquam, sed omne iudiciū filio dedit, ut omnes honorent filium sicut honorant patrem. Qui non honorat filium, non honorat patrem qui misit illum. Amen amen dico uobis, qui sermonem meum audit & credit ei qui misit me, habet uitā æternam; & in iudiciū non ueniet, sed transiuit à morte in uitam. Cum his Euangelicis uerbis congruit hæc Paulina sententia, In Christo sunt omnes thesauri sapientiæ & scientiæ reconditi. Quoniā in illo inhabitat omnis plenitudo Deitatis corporaliter, & estis in illo completi. Quod autem ingentia hæc beneficia Dei gratis conferantur fidelibus, uas electionis his exposuit uerbis. Benedictus Deus qui elegit nos in Christo antequam iacerentur fundamenta mundi, qui prædestinauit nos ut adoptaret in filios per Iesum Christum in sese, iuxta beneplacitum uoluntatis suæ, ut laudetur gloria gratiæ suæ, qua charos nos reddidit per dilectū, per quē habemus redemptionem in sanguine eius, &c. Item, Omnes peccauerunt & destituuntur gloria Dei, iustificantur autem gratis per illius gratiam, per redemptionē quæ est in Christo. Et reliqua. Vera itaque fides credit sibi à Deo per Christum uitam & omne bonum gratis contingere: quod primum est fidei caput, quod in articulis fidei spargitur latius. Secundum uerbi Dei & fidei caput est, quod uerbo Dei omnis ueritas credenda exponitur: & quod uniuersæ narrationi in scriptura uera fides credit. Exponit enim quod sit Deus, qualis sit, quæ opera Dei, quæ iudicia, quæ uoluntas, quæ mandata, quæ promissiones, quæ minæ, denique quicquid creditu utile & necessarium est, id totum exponit nobis uerbum Dei, id quod uera fides recipit, credens omnibus quæ scripta sunt in lege & prophetis, in Euangelio & Apostolorum literis. Quæ uerò ex his deduci aut probari non possunt, aut quæ his contraria sunt, non credit fidelis. Est enim de natura ueræ fidei, non credere illis quæ cum uerbo Dei pugnant. Proinde qui non credit fabulis & hominum opinionibus, is demum uerè credit: pendet enim à solo Dei uerbo adeoq; ab ipso Deo unico omnis ueritatis fonte. Et materia, argumentum & summa fidei tota p. p. posita est nobis per compendium in articulis fidei Christianæ. De quibus alio tempore. Exposui hac hora charitati uestræ, fratres in Domino honorandi, descriptionem fidei, quam ut omnium mentibus infigam, omnesq; quid fides sit intelligant, repeto, eaq; sermonem hunc concludo. Fides est donum Dei, homini cœlitus infusum, quo edoctus indubitata persuasionem in Deum & uerbum eius innititur, per quod à Deo in Christo uita omneq; bonum gratis promittitur, omnisq; ueritas credenda exponitur. Oremus omnes Deum patrem nostrum per unigenitum filium eius Dominum nostrum Iesum Christum, ut omnibus nobis cœlitus ueram fidem conferat, per quam ipsum rectè cognoscentes, tandem etiam consequamur uitam æternam.

*Fides uera quæ  
rit in deo per  
Christū omne  
bonum.*

*Joan. 1.*

*Joan. 5.*

*Koloss. 2.*

*Ephē. 1.*

*Rom. 3.*

*2*  
*Fides uera crea-  
dit scripturis  
sanctis.*

*Epilogus.*

*Fides qd  
sit.*

**T**EMPORIS exclusus breuitate, præpeditusq; argumenti præstantia, non potui sermone proximo omnia quæ de fide institueram dicere, absoluerem: iam ergo diuina aspirante gratia, subiiciam quæ eius argumenti restare uidentur. Vos orate Dominum, ut quod uoce hominis infertur auribus uestris, id ipsum digito Dei uestris inscribatur cordibus.

Vna est fides.

Eph. 4.

Nescit fides uera ullas partes. Apostolus enim, Vnus, inquit, Dominus, una fides, unum baptisma, unus Deus & pater omnium. Manet enim ab ipso mundi exordio ad finem usq; una & eadem in omnibus electis Dei fides. Vnus & idem est perpetuo Deus, unus omnium bonorum fons inexhaustus. Vna & eadem est ab exordio rerum Dei ueritas, Dei uerbo exposita hominibus. Vnum ergo & idem perpetuo manet obiectum & fundamentum fidei, Deus & uerbum Dei. Vna & eadem nobiscum fide crediderunt omnes ab exordio rerum electi, per Christum nobis omnia bona gratis donari, & in uerbo Domini omnem ueritatem credendam exponi: proinde fideles antiquorum seculorum fidem suam in Deum & uerbum eius semper collocarunt: ut iam proculdubio non sit nisi una fides uera.

Varie sunt religiones, sed non nisi una uera fides.

Scio plures easq; uarias in orbe iactari fides, id est, religiones. Est enim fides Indiana, est fides Iudaica, est fides Mahometica, est fides Georgiana, interim tamen non est nisi una uera fides Christiana, cuius compendium continetur in articulis fidei, & plenitudo eius in sacris utriusque testamenti literis. Scio item uarias esse fides hominum, innitentium in res uarias credentiumq; contraria ueræ fidei, sed manet interim non nisi una uera fides in Deum & uerbum eius, indubitata rerum uerissimarum certissimarumq; persuasio fiduciaq;.

Fides habet suum incrementum & defectum.

Psal. 51.

1. Reg. 18.

Math. 25.

Ea fiducia suscipit incrementum in animis fidelium, decrescit item & deficit profusus. Ideoq; Apostoli Dominum orabant, Adauge nobis fidem Domine. Et Apostolus ubique imprecatur fidelibus in scriptis suis spiritus & fidei incrementum. Nam & Dauid prior orauit, Cor mundum crea in me Deus, & spiritum sanctum tuum ne auferas à me. Nam uiderat à Saule, cui ipse successerat in regno, recessisse spiritum Dei bonum, ac subisse animum eius spiritum nequam, qui ipsum miserè diuexabat. Huc pertinet illud Euangelicum, Omni habenti dabitur: non habenti autem aufertur quod non habet aut pro nihilo reputat, & dabitur habenti. Neq; frustra dixit ad Petrum Dominus, Oraui pro te Petre ne deficiat fides tua. Paulus enim commemorat quosdam suo seculo circa fidem fecisse naufragium, aliorumq; fidem subuerrere. Et quorsum quæso audimus quotidie uerbum Dei ac precamur supplices Domino, nisi quod incrementum pietatis speramus, & poscimus ne à uera fide excidamus? Certè Paulus ad Thessalonicenses, Nocte & die oramus, inquit, sedulo ut uideamus faciem uestram, & suppleamus quæ defuncti dei uestre. Nam & paulo superius dixerat, Misi ad hoc Timotheum, ut cognoscerem fidem uestram, ne quo pacto tentasset ille qui tentat, & inanis factus esset labor noster. Siquidem ad Ephesios idem ille Apostolus dicit, Christus dedit alios Apostolos, alios uerò prophetas, alios autem pastores & doctores, ad institutionem sanctorum in ædificationem corporis Christi, donec perueniamus omnes in unitatem fidei & agnitionis filij Dei, in uirum perfectum, in mensuram ætatis plenæ adultæ Christi, ut non simus amplius pueri. Proinde quoad uiuimus discimus, ut perficiatur fides nostra, & sicubi tentationibus debilitata fuerit, reficiatur ac confirmetur rursus. Atq; in hac uarietate, in hoc incremento & imbecillitate fidei non est ulla partitio aut diuisio, manet eadem semper fidei radix, eadem substantia, licet iam

1. Thes. 3.

1. Thes. 3.

Eph. 4.



iam maior sit, nunc uerò minor. Eodem modo fidem nec mutat nec scindit in partes, quòd alia dicitur fides generalis, alia fides specialis. Generalis enim fides non alia est, quàm quæ credit omnia uerba Dei uera esse & Deum bene uelle hominibus. Non aliud credit Specialis fides, tantùm quod omnibus cõmune est, sibi specialiter applicat fidelis, credens Deum non tantùm alijs, sed sibi quoq; bene uelle. Sed & totum quasi in partes, genus in species deducit. Nam quia generali fide credit omnia uerba Dei uera esse, pari ratione credit speciali fide immortales esse animas, & resurgere nostra corpora, saluandos fore fideles, perdendos infideles, & siquid huius generis aliud est quod uerbo Dei credendum traditur.

Porrò disputationem de fide Infusa & Acquisita, de fide informi & formata, illis excutiendam relinquo, qui ex seipsis nouas illas disputationes inuehant in ecclesiam. Vera fides nullis acquiritur uiribus & meritis humanis, sed infunditur à Deo, sicut exposui superiori concione: & cum auscultatione uerbi diuini ab homine acquiritur, nihilo minus totum gratiæ Dei imputatur, quæ nisi operetur in animo auditoris internè, nihil proficit externus cultor aut prædicator. Legimus in libro S. Augustini de Prædestinatione sanctorum cap. 3. quòd aliquando fuit in errore, putans fidem qua in Deum credimus non esse donum Dei, sed à nobis esse in nobis, & per illam nos impetrare Dei dona, quibus iustè & piè uiuamus in hoc seculo. Sed eam opinionem eo libro copiosè & grauitè refellit. Ita fides uera quæ in unum Deum tendit, & dirigitur uerbo Dei, satis est formalis aut formata. Certè forma fidei sculpsit in corde credentis per spiritum sanctum. Et quamuis sit minuta neq; excreuerit ad gradum supremum, uera tamè fides est, uim suam habens ceu granum sinapi. Credidit in Dominum Iesum latro cum Domino crucifixus, & saluatus est, licet fides in eo uiguerit pauculo tempore, neq; uberem protulerit bonorum operum segetem: denique fides illa latronis non fuit diuersa aut aliena à fide S. Petri & S. Pauli, sed eadem prorsus, licet horum uberiores bonorum operum segetem protulerit. Gratis iustificati sunt Petrus & Paulus, licet multa haberint bona opera: gratis iustificatur latro, licet pauca aut nulla habuerit opera bona. Teneamus itaq; fidem ueram esse unicam quidem, quæ tamen augmenta seu incrementum recipiat, deniq; deficere possit & extingui.

Restat iam ut explicemus uirtutem & effectus fidei ueræ. Præstitit hoc ante me multò feliciter imò absolutissimè S. Apostolus Paulus. Verùm cum multa ad Hebræos II. capite attulisset, cogitur tamen fateri se non posse commemorare omnia: idcirco recensbo aliquot modò fidei uirtutes, reliquas charitati uestræ indagandas & expendendas relinquens.

Fides uera ante omnia confert ueram scientiam, uerè sapientes reddens. Fides enim Deum cognoscimus, rectèq; de iudicijs & operibus Dei, de uirtutibus & uitijs iudicamus. Quam illa confert, uera proculdubio est sapientia. Sperant multi se ueram consequuturos sapientiam ex studijs philosophiæ: sed errant toto cœlo. Nam philosophia perperam iudicat, & uitiosè pleraq; docet de Deo, de operibus Dei, de summo bono, de fine bonorū & malorum, de expetendis & fugiendis. Eadem autem uerè & rectè traduntur in uerbo Dei, intelliguntur uerò percipiunturq; fide. Fides ergo est uera sapientia, & reddit uerè sapientes. Nam Ieremias quoq; Ecce uerbum Domini, inquit, reprobarunt, quæ ergo illis sapientia reliqua esse poterit? Celebris est in toto terrarum orbe Solomonis sapientia. Sed legimus in Euangelio secundum Matthæum, Dominum cõtra Iudæos hanc protulisse sententiam, Regina Austri surget in iudicio cum generatione hac, & condemnabit eam, quòd uenerit à sinibus terræ ad audiendam sapientiam Solomonis: & ecce

plus quam Solomon est in loco hoc. Præfertur Christus Solomoni, & sapientia Christi sapientiæ Solomonis. Constat autem sapientiam Christi filij Dei non posse percipi nisi fide. Præstantissimam ergo sapientiam confert fides. Eximiam uero laudem hæc nostra sapientia meretur, quod qui eam ambiunt, non ad exterarum gentes multo cum sumptu & labore relegantur, uelut ad Ægyptios sacerdotes, ad gymnosophistas Indorum, ad philosophos Græcorum, aut ad Iudæorum Rabbinos. Verbum Dei, Deus per totum orbem terrarum dispersit, ut iam uerbum fidei sit in fidelium omnium cordibus. Nam Apostolus Paulus, Iustitia fidei, ait, ita loquitur, Ne dixeris in corde tuo, Quis ascendet in cælum: hoc est, Christum ex alto deducere: aut quis descendet in abyssum: hoc est, Christum ex mortuis reducere. Sed quid dicit? Prope te uerbum est in corde tuo: hoc est uerbum fidei quod prædicamus, nempe si confessus fueris ore tuo Dominum Iesum, & credideris in corde tuo, quod Deus illum excitauit ex mortuis, saluus eris. Ergo fides nos non tantum sapientes, sed & felices reddit, attestante etiam Domino & dicente discipulis suis, Beati oculi qui uident quæ uos uidetis. Dico enim uobis, quod multi prophetae & reges uoluerunt uidere quæ uos uidetis & non uiderunt, & audire quæ auditis & non audierunt.

Rom. 10.

Luc. 10.

Quomodo homo summum bonum assequatur.

Inueniemus ergo in fide certissimam determinationem famosissimæ quæstionis ab exordio mundi exagitatae à doctis & præstantissimis ingenijs, quomodo uidelicet homo uiuere, beari, summum bonum assequi, & cum summo bono coniungi adeoque & iustificari possit? Variæ fuerunt & sunt etiam hodie pugnantes inter se de hac re sententiæ. Cæterum breuiter & uerè dicimus nos, Fide uera hominem uiuere, beari, summum bonum consequi, cum summo bono coniungi atque iustificari, sic ut Deus uiuat in nobis & nos in ipso, simusque fide felices & beati. Quid uero potuisset de fidei uirtute dici præstantius, maius, diuinius? Fides ecce uiuificat, beat, cum summo bono coniungit, ut Deus in nobis, nos in ipso uiuamus, & iustificat piensissime. Sed præstat iam audire scripturarum testimonia. Fides beat. Audit enim beatus Petrus uera fide Dominum Iesum confitens, Beatus es Simon filius Ionæ. Caro & sanguis non reuelauit tibi, sed pater meus qui in cælis est. Adducit S. Paulus pro fide illud Dauidis, Beati quorum remissæ sunt iniquitates, & quorum obiecta sunt peccata. Beatus uir cui non imputabit Dominus peccatum.

Fides beat.

Matth. 16.

Rom. 4.

Fides uiuificat.

Rom. 14.

Fides coniungit nos Deo.

Joan. 6.

1. Joan. 4.

Gal. 2.

Fides iustificat.

Fides uiuificat. Nam iustus ex fide uiuit. Id quod Paulus ex prophetis frequentissime in scriptis suis citauit. Idem, Vitam quam nunc uiuo in carne, inquit, per fidem uiuo filij Dei, qui dilexit me, & tradidit semetipsum pro me. Fides coniungit nos æterno & summo bono, adeoque facit nos frui summo bono, ut Deus in nobis uiuat, & nos in Deo. Nam ipse Dominus Iesus in Euangelio ait, Qui edit meam carnem, & bibit meum sanguinem, in me manet & ego in eo. Sicut misit me uiuens pater, ita & ego uiuo propter patrem: & qui ederit me, uiuet & ipse propter me. Atqui edere & bibere Dominum, est credere in Dominum, quod seipsum pro nobis tradiderit in mortem. Vnde Ioannes Apostolus, Nos uidimus & testamur, inquit, quod pater misit filium seruatorem mundi. Quisquis confessus fuerit quod Iesus est filius Dei, Deus in ipso manet, & ipse in Deo. Vnde & Paulus dixit, Viuo iam non ego, sed uiuit in me Christus.

Iustificat præterea fides. Ea tractatio cum non possit hac hora commodè & plenè determinari, differemus in futuram concionem sacram. In præsentem teneat charitas uestra, unam esse ueram fidem, nimirum Christianam. Licet enim plures dicantur esse fides, id est, religiones, una tamen duntaxat uera est & indubitata. Incrementa ea habet, ac deficit in quibusdam. In quibus rectè & piè colitur, miras exercit



exerit uirtutes. Confert enim ueram sapientiā, deniq; uiuificat & efficit uerè beatos ac felices. Deo patri authori omnis boni & felicitatis nostræ, sit laus & gloria per Iesum Christum Dominum nostrum, in secula seculorum, Amen.

*Fide iustificari homines fideles absq; lege operibusq;.*

S E R M O V I.

**D**I C T V R V S apud charitatē uestram de fide absq; operibus iustificante credentes, inuoco patrem qui in cœlis est per filium eius unigenitū dominum nostrum Iesum Christum, obsecrans, ut os meum & labia mea ad depromendam laudem eius aperiat, & corda uestra illuminet, quò Dei beneficium maximum agnoscetes, uerè grati & sancti efficiamini.

Ab initio autem dicam quædam huic causæ uel tractationi in primis necessaria de uocabulo iustificationis. Iustificandi uerbum Hebræis usitatissimū & uulgatissimum, amplissimæ item significationis, hodie non est, ita uti decebat, cognitum omnibus. Significat iustificare, absolvere à iudicio adeoq; ab intentata & lata condemnationis sententiā. Significat remittere peccata, purgare, beatificare, & hæredem constituere uitæ æternæ. Est enim iuridicum aut forense uocabulum. Finge ergo hominem produci ad tribunal Dei, ibidemq; agi reum, id est, accusari & conuinci de grauissimis peccatis, ideoq; postulari ad pœnam uel ad condemnationis sententiā. Intercedere uerò mediumq; se ingerere Dei filium, ac postulare, ut in ipsum omnis culpa & pœna hominibus debita imponatur, quæ moriendo mox expiet & auferat, liberatisq; à morte conferat uitam æternam, Deum autem supremum & iustissimum iudicem recipere conditionem, ac pœnam cum culpa transferre in caput filij, decernereq; ut quicumq; credit filium dei pro peccatis mundi passum, confregisse mortis uires & liberaſſe à condemnatione, purgatus à peccatis ac hæres sit uitæ æternæ. Hic uerò quis usque adeò stupidi possit esse ingenij, ut non uideat fide iustificari homines?

Ceterū ne quid dubij aut obscuri resideat in animo cuiusquam, quod in genere & per parabolam imaginemq; forensem proposui, per species aut partes quasdam diducam, singulaq; scripturis diuinis & roborabo & illustrabo, ut uel tardis ingenijs uirtus fidei & iustificationis negotium fiat planissimum.

Principiò demonstrabo iustificationis uocabulum in præſenti causa usurpari pro absolutione siue remissione peccatorum, pro beatificatione & adoptione in numerum filiorum Dei. Act. 13. dicit Apostolus Paulus: Notum sit uobis, uiri fratres, quòd per hunc Christum Dominum uobis remissio peccatorum annuntiatur: ab omnibus à quibus non potuistis per legem Moſis iustificari, per hunc omnis qui credit iustificatur. En annuntiatur in Christo nobis remissio peccatorū: & qui credit annunciatō Christo remittēti peccata, iustificatur. Sequitur ergo iustificationem esse remissionem peccatorum. Ad Rom. 5. ait idem Apostolus, iustificati sanguine Christi seruabimur per ipsum ab ira. Sanguis autem Christi abluit peccata. Iustificatio itaq; est ablutio siue remissio peccatorum. Et in eodem capite adhuc clari⁹, Iudiciū quidem ex uno ad condemnationem, donum autem ex multis delictis ad iustificationem. Hic opposuit condemnationi iustificationem: ergo iustificatio est absolutio & liberatio à condemnatione. Quid quod iustificationem manifestè appellat donum, id est, condonationem delictorum? Huc pertinent & illa, Sicut per unius delictum in omnes homines condemnatio deriuata est, sic per unius iustitiam in omnes homines propagata est iustificatio uitæ. Rursus opponitur iustificatio uitæ condemnationi propter peccatum irrogatæ nobis

*iustificare est iustificatio.*

*iustificare quid.*

*Rom. 5.*

ad mortem: est ergo iustificatio uitæ absolutio à peccatis, liberatio à morte, uiuificatio, seu trāslatio à morte in uitam. Nam in 4. cap. idem Apostolus ad Rom. iustificationem exponit per beatificationem, & hanc per remissionem peccatorum. Disputans enim de fide qua iustificamur, uel quam nobis imputat Deus pro iustitia, absq; operibus, quemadmodū & Dauid explicat, inquit, beatificationem hominis, cui Deus imputat iustitiam absq; operibus, Beati quorum remissæ sunt iniquitates, & quorum obiecta sunt peccata, &c. Quid clarius adferri his poterat? Manifestè enim iustificationem exponit per beatificationem, & hanc per remissionem peccatorum. Præterea quid est beatificatio aliud, quàm adoptio ea, qua recipimur in gratiam & in numerū filiorum Dei? Quis ergo non uideat iustificationē in hac disputatione Pauli pro adoptione usurpari? præsertim cum contendat in eodem ad Romanos cap. 4. hæreditatem fidei deberi, cui & iustificationem tribuit. Ex quibus omnibus planum fit quæstionem de iustificatione aliud non continere quàm modum & rationem beatificandi, nempe per quid aut quomodo remittantur hominibus peccata, recipiantur autem in gratiam & in numerum filiorum Dei, fiantq; iusti & hæredes regni Dei.

*Christus in se  
suscepit peccata  
nostra & ex  
piavit.*

*Rom. 8.*

*& Gal. 3.  
ex Deo:  
21.*

Deinde uideamus an scripturis traditum sit quod diximus, Christum coram tribunali Dei, cum contra nos damnationis sententia pronuncianda fuerat, propter peccata nostra, in se suscepisse peccata nostra, & expiassse morte crucis, adeoque Deum in Christum trāsulisse & poenam & culpam, ut unus Christus sit fidelium satisfactio & expiatio solus. Hoc significantissimè docēs Paulus Apostolus, Quis inquit, intentabit crimina aduersus electos Dei? Deus est qui iustificat, quis ille qui condemnet? Christus est qui mortuus est, imò qui & suscitatus est, qui etiam est ad dextram patris, & intercedit pro nobis. Et iterum, Christus nos redemit, ait, ab execratione legis dum pro nobis factus est execratio. Scriptū est enim, Execrabilis omnis qui pendet in ligno, ut in gentes benedictio Abraham ueniret per Christum Iesum, &c. Hæc ex Mose docuit Apostolus. Ac Moses creberrimè in libris suis repetit, peccata imponi in capita animantium quæ sacrificabantur. At sacrificia illa typum prætulere mortis & hostiæ Christi. Significantissimè autem Isaias in cap. 53. Verè languores nostros ipse tulit, ait, & dolores nostros ipse portauit, Ipse uulneratus est propter iniquitates nostras, attritus est propter scelera nostra, Mulcta enim correctionis nostræ ei imposita est, & liuore eius sanati sumus. Omnes nos quasi oues errauimus: unusquisq; in uiam suam declinauit, & posuit dominus in eo iniquitatem omnium nostrum. Et mox, Ipse peccata multorum tulit, & pro transgressoribus rogauit. His uerbis nō opinor quicquam posse significantius & magis appositū nostro instituto adferri. Allusit ad ea S. Petrus cum dixit, Ipse Dominus peccata nostra pertulit in corpore suo super lignum, quò peccatis mortui iustitiæ uiueremus, cuius eiusdem uibice sanati estis. Allusit ad ea beatissimus præcursor Domini Ioannes cum dixit, Ecce agnus Dei qui tollit peccatum mundi. Sed & Apostolus Paulus clamans testificatur, Eum qui non nouit peccatum pro nobis peccatū fecit, ut nos efficeremur iustitia Dei per illum. Et in epist. ad Coloss. In Christo, ait, complacitum est patri uniuersam plenitudinem inhabitare, & per eum reconciliare cuncta erga se, pacificatis per sanguinem crucis eius per eundem, siue quæ in terra sunt, siue quæ in cœlis. Hæc opinor satis clara sunt testimonia, probantia in Christum imposita esse peccata nostra execrationemq; uel condemnationem peccatis nostris debitam, ac Christum sanguine expiassse peccata, & morte sua mortem & authorem mortis diabolum oppressisse, & poenam nobis debitam sustulisse.

*1. Pet. 2.*

*Joan. 1.*

*Colos. 1.*

Quia



Quia tamen non pauci negant Christum morte sua & poenam & culpam nobis peccatoribus sustulisse, factumque esse unicam totius orbis satisfactionem, adducam iam & alia quaedam testimonia, repetamque ex praecitatis quaedam, quibus manifestum fiat, Christum unicam orbis satisfactionem pro poena & culpa satisfecisse. Isaias certe & culpam peccati & poenam simul sublatam esse testificatus est, cum dixit, Ipse languores nostros tulit, & uulneratus est propter iniquitates nostras: denique disciplina pacis, id est, disciplina uel castigatio poenae uel pacem faciens, aut multa correctionis nostrae, id est, poena quae nobis debebatur propter peccata, ei imposita est. Audi uero quid sequatur, Et liuore eius sanati sumus. Id quod manifeste docet poena Christi sublatam nobis esse poenam. Quae enim nobis debebatur poena, multa uel correptio, aut disciplina, ipsi est imposita Domino: ideoque uulneratus est dominus, & liuores accepit. At his medicatus est nobis. Medicatus autem esset nobis minime, si uulnera & liuores atque plagas, id est, poenam pro peccatis adhuc expectaremus. Proinde Christi mors est plenaria satisfactio pro peccatis nostris. Et quid obsecro praestitisset nobis Christus, si adhuc pro peccatis nostris exigeretur a nobis poena? Itaque cum dicimus eum pertulisse omnia peccata nostra in corpore suo super lignum, quid quaeso aliud significamus, quam sustulisse dominum nobis indebita morte uindictam, ne ea in nos animaduertat? Ac quoties de redemptione per Christum facta meminit Paulus, uocare solet ἀντὶ τῆς ἡμῶν, quo non simpliciter, uti uulgo putatur, redemptio intelligitur, sed pretium ipsum & satisfactio redemptionis. Qua ratione etiam scribit Christum ipsum se pro nobis ἀντὶ τῶν ἡμῶν dedisse. Id significat precium quo redimuntur captiui ab hostibus in bello. Siquidem quae uulgo uocant ransonas, Graeci λύτρα uocant: ἀντὶ τῶν ἡμῶν uero est cum caput capite, uita redimitur uita. Caterum ita redemptis & liberatis nulla porro irrogatur poena, cum translata sit ex uno capite in aliud. Praeterea hoc est testamentum nouum quod Deus in Christo suo nobiscum pepigit, quod iniquitatum nostrarum non recordabitur. At quomodo non recordaretur iniquitatum nostrarum, si illas postulare pergeret ad poenam? Itaque relinquatur iam indubitatum, Christum dominum plenariam esse propitiationem, satisfactionem hostiamque ac uictimam pro peccatis, pro poena inquam & pro culpa totius mundi, & quidem solum, Non est enim in alio quoquam salus. Nec enim aliud nomen est datum inter homines in quo oporteat nos saluos fieri.

Non nego disciplinam, castigationis & exercitij gratia imponi hominibus uaria poenarum genera, affligi & exerceri homines propter peccata uarie. Caterum illae afflictiones utcumque perferantur a fidelibus patienter, non tamen peccata abluunt, neque pro peccatis satisfaciunt. S. Petrus, Ne miremini, inquit, dum per ignem exploramini, quae res ad experimentum uestri fit, perinde quasi nouum uobis aliquid obtingat: imò in hoc quod consortes estis afflictionum Christi, gaudete, ut in reuelatione quoque gloriae eiusdem gaudeatis exultantes. Is inquam finis & usus afflictionum est. Manet interim Christo sua gloria illibata.

Restat iam ut diuinis scripturis demonstrem Deum patrem constituisse, ut qui credit in unigenitum Dei filium, particeps fiat iustitiae Christi, id est, iustificetur per Christum, absoluitur a peccatis, fiatque haeres uitae aeternae. Isaias itaque, Cognitione sui, uel in scientia sua iustificabit ipse iustus seruus meus multos, quorum iniquitates ipse portabit. At quae est cognitio aut scientia Christi domini, nisi uera fides? Iam uero ipse dominus Iesus in Euangelio secundum Ioannem dicit, Et sicut Moses exaltauit serpentem in deserto, ita exaltari oportet filium hominis, ut omnis qui credit in eum non pereat, sed habeat uitam aeternam. Non fuit remedium in deo

Poenam & culpam peccati sublatam esse per Christum.

Christi mors plenaria satisfactio pro peccatis.

Acto. 4.

Quomodo non ponatur nobis poena.

1. Petri 4.

Deus constituit ut qui credit habeat uitam aeternam. Isaias 53.

Joan. 3.

serto aliud contra uenenatum serpentium morsum, nisi contemplatio erecti suspendi serpentis. Non medicabatur ueneno infectis emplastrum, non oblatio facta Deo, non oratio ipsa Deo oblata, non opus ullum, non ratio ulla: sola contemplatio uirus per membra diffusum reddebat innoxium. Ita nulla omnino res seruat à morte, nisi unica fides in Christum. Fide enim aspicimus & uidemus erectum Christum in stipite crucis, sicuti claret ex 6. cap. Ioannis. Sequitur ergo in uerbis saluatoris, Sic Deus dilexit mundum, ut filium suum unigenitum daret, ut omnis qui credit in eum non pereat, sed habeat uitam æternam. Non enim misit Deus filium suum in mundum, ut condemnet mundum, sed ut seruetur mundus per eum. Qui credit in eum non condemnatur, qui uero non credit condemnatus est: quia non credit in nomen unigeniti filij Dei. His uerbis tertio inculcatur fides per quam reddimur participes filij Dei, uitæ eius, salutis, redemptionis ac bonorum omnium. In 6. cap. euangelij Ioannis idem Dominus dicit, Hæc est uoluntas eius qui misit me patris, ut omnis qui uidet filium & credit in eum, habeat uitam æternam, & ego suscitabo eum in nouissimo die. Quibus uerbis instituto nostro nihil poterat afferri efficacius. Nam disertè dicitur, uoluntarè esse Dei patris ut credamus in filium, & per hanc fidem saluemur. Vnde & Ioannes ille Euangelista & Apostolus in Canonica sua ausus fuit in hæc prorumpere uerba, Qui non credit Deo, mendacem facit eum: quia non credidit in testimonium quod testificatus est Deus de filio suo. Et hoc est testimonium, quod uitam æternam dedit nobis Deus, & hæc uita in filio eius est. Qui habet filium, habet uitam: qui non habet filium, uitam non habet. Obseruet hæc charitas uestra. Aeterna & immutabilis Dei uoluntas est, quod uult uitam æternam dare mundo. Vult autem dare per Christum, qui naturaliter uita est, & uiuificare potest. Vult idem ille Deus ut uitam consequamur habeamusque in nobis: & habeamus quidem per fidem. Nam & Apostolus Paulus docuit Christum per fidem habitare in cordibus nostris. Sed & ipse Dominus rursus testatur & ait, Qui edit me, uiuet & ipse propter me. At nouit charitas uestra, Edere esse credere. Concludimus ergo hunc locum his beati Petri uerbis, Huic Christo omnes prophetae testimonium ferunt, quod remissionem peccatorum accepturus sit per nomen eius, quisquis crediderit in eum. Habemus in his totius scripturæ sanctæ testimonium amplissimum. Ostendimus istis manifestè satis, Deum constituisse ut quicumque credit in Christum, purgatus à peccatis hæres sit uitæ æternæ.

*Sola fide iustifi-  
cari homines.*

*Antithesis Ade  
& Christi.  
Rom. 5.*

Ista reddemus adhuc illustriora, demonstrando fidem solam, id est, fidem propter se & non propter opera nostra iustificare credentes. Propter se dicimus, non quatenus fides in nobis est animi nostri qualitas aut opus nostrum in nobis, sed quatenus fides donum est gratiæ diuinæ, promissionem habens iustitiæ & uitæ, ac quatenus natura sua certa indubitataque fiducia aut persuasio est, innitens Deo & credens Deum propter Christum placatum, per Christum uitam & omne bonum nobis contulisse. Itaque fides propter Christum & ex gratia Dei aut pacto Dei iustificat: adeoque fides est id quod credimus & in quo acquiescimus, ipse inquam Deus, ipsa Dei gratia per redemptionem Christi nos iustificat: ut iam opera & merita nostra nullum hic locum habeant, nempe iustificandi. Alioqui locum suum habent bona opera in fidelibus: sicut suo loco dicemus. Nam doctor Gentium Paulus antithesi quadam committit Adamo Christum, & ostendit ex Adamo adeoque ex natura nostra & uiribus nostris nos nihil habere quam peccatum, indignationem Dei & mortem. Id eo nomine ostendit, ne quis in carne quærat iustitiam ac uitam. Ex aduerso autem demonstrat nos à Christo habere iustitiam, gratiam Dei, & uitam, sed & condonationem omnium peccatorum. In ea antithesi uehementer urget & replicat



plicat uocabulum VNIVS, certè ut intelligeremus solam fidem iustificare.

Gala: 3.

Ad Galatas hac utitur demonstratione profectò euidentissima, Testamento hominis, siquidem sit comprobatum, nemo addit aut adimat aliquid. Aequissimū ergo est, ne quis Dei testamento aut addat aut adimat aliquid. Cæterum hoc est testamētum quod sanciuit Deus, quòd benedictionē semini Abraham, non in multis aut per multos, sed per unum conferre uelit. Nam non dicit, Et seminibus, tanquam de multis, sed tanquam de uno, Et in semine tuo, qui est Christus. Proinde nefas est huic testamento Dei quicquam adijcere uel detrachere: manetq; solus Christus saluator; homines non sunt saluatores uel sui uel aliorum.

Testamentum Dei.

Gala: 2.

In eadem ad Galatas epistola, Scimus, inquit, non iustificari hominem ex operibus legis, nisi per fidem Iesu Christi. Et nos in Iesum Christū credidimus, ut iustificaremur ex fide Christi, & non ex operibus legis: propterea quòd non iustificabitur ex operibus legis omnis caro. Tertiū repetit Paulus homines non iustificari ex operibus legis. Qua sententia omnis generis opera cōprehendit. Nulla itaq; opera iustificat. Quid autem iustificat? Fides in Christū: & ea quidem sola. Quid enim aliud potest loquutio, Scimus hominem non iustificari, nisi per fidem Iesu Christi? Aequipollentes enim sermones sunt, Sola fides iustificat. Et, Certum est non iustificari nos, nisi per fidem Iesu Christi. Adiungit exemplum Apostolorum, Et nos in Christum Iesum credidimus, ut iustificaremur ex fide Iesu Christi: & nō ex operibus legis. Ita etiam Petrus argumentatur ab exemplo in Actis apostolorum, dicens, Credimus per gratiam domini nostri Iesu Christi nos saluos futuros, quemadmodum & illi, Acto. 15. cap.

Non per opera legis, sed per fidem iustificatur.

In eodem ad Galat. capite, Nō aspernor, inquit, gratiam Dei. Nam si per legem est iustitia, igitur Christus frustra mortuus est. Si enim in nobis erat per quod potueramus seruari, quid opus erat filiū Dei incarnari, pati & mori? Quia uerò Dei filius incarnatus, passus & mortuus est: neq; frustra mortuus est: ideo non erat in carne quod poterat salutem impetrare homini. Solus ergo Dei filius manet saluator: ac salutem nobis communicat per ueram fidem.

Christus nō est frustra mortuus.

In epistola ad Romanos per initium euincit Paulus omnes homines esse peccatores, neq; ullas superesse hominibus uires quibus iustificentur, legemq; ipsam Dei peccata eruere, id est, applicare, proferre & manifestare, nō tollere, ex pungere, aut extinguere: ideoq; Deum pro bonitate sua, ne periret prorsus quod condiderat, gratis iustificare in fide Iesu Christi credentes. Verba aliquot Apostoli recitabo, iustitia Dei, inquit, absq; lege manifestata est, cōprobata tamen legis & prophetarum testimonio, iustitia inquam Dei per fidē Iesu Christi in omnes & super omnes eos qui credunt. Non enim est distinctio. Omnes enim peccauerunt & destituuntur gloria Dei: iustificantur autem gratis per illius gratiam, per redemptionem quæ est in Christo Iesu, quem proposuit Deus reconciliatorem per fidem in sanguinem eius. Hæc opinor uerba Apostoli planissima sunt omnibus credentibus. Adimit nostris meritis & uiribus iustificationem, tribuit illam gratiæ, qua datus est orbi filius Dei ad supplicium crucis, in hoc, ut omnes qui credunt se sanguine filij Dei redēptos esse, iustificati sint. Idem Apostolus mox subiicit, Colligimus ergo fide iustificari hominem absq; operibus legis. His argumenta subiicit, An Iudæorum Deus tantum? An non & gentium? Certè & gentium: quandoquidem unus Deus qui iustificabit circumcisionem ex fide, & præputium per fidem. Deum esse aliud nō est, quàm uitam esse & salutem. Est autē Deus gentium quoq; Deus, non Iudæorum tantum: ergo Deus est uita & salus gentiū. Hanc uitam & salutem non communicat per legem aut per circumcisionem: sed per fidem in

Omnes homines sunt peccatores.

Rom. 3.

Deus iustificat fide Gentes & Iudeos.

Acto. 10.

Christum. Sola ergo fides iustificat. Demonstrari hoc potest exēplo Cornelij Centurionis, cui cum prędicasset Christum S. Petrus, & ille credidisset, protinus iustificatus fuit, etiamsi non recepisset circumcisionem uel legem, etiamsi non sacrificasset, aut ullo opere promeruisse iustitiam: Gratis enim fide per Iesum Christum iustificatus est. Nam Petrus sermonem suum ita concluderat, Huic Christo omnes prophęte testimonium ferunt, quod remissionem peccatorum accepturus sit per nomen eius quisquis crediderit in eum.

Abraham pater  
noster quo  
modo sit iusti-  
ficatus.

Galat. 3.

Profert Apostolus post illa eximium & singulare exemplū patris nostri Abrahamę, docens quomodo iustificatus sit pater noster Abraham. Hoc enim ubi certō expositum fuerit, non poterit non constare & manifestum esse omnibus, quomodo Deus uelit iustificare omnes homines. Nequeunt enim alia ratione iustificari filij quā iustificatus est pater. Abraham ergo non iustificatus est ex circumcisione ne aut sacramentorum perceptione. Nam prius dicitur iustificatus quā circumcīsus. Postea accessit circumcisionis signum, signaculum iustitię fidei, id est, sigillum aut obsignatio, quod fide iustificatur omne semen Abrahamę. Idem ille pater noster Abraham non est iustificatus per legem. Nam lex demum post annos 430. addita est promissioni, non ut peccatum tolleretur uel iustificaret, sed ut peccatum ostēderet, & nos totos euacuaret, & euacuatos relegaret & quasi cogeret ad Christum. Idem Abraham non iustificatus est per opera sua. Et tamen inueniuntur in hoc sanctissimo patriarcha bona opera ac fidei quidem uerę opera bona, & illustria & multa, qualia & quanta uix reperiās in alio. Nihilominus dicit Apostolus, Quid dicemus inuenisse uel meruisse (utrunq; enim significat *uipanyne*) Abraham patrem nostrum secundum carnem, qui inquam secundū carnem pater est? Nam si Abraham ex operibus iustificatus fuit, habet quod gloriatur: at nō apud Deum. Deus enim solus iustus est & iustificans. Omnes homines corrupti sunt, etiam Abraham peccator est, & omnes homines destituuntur gloria Dei. Vnde & propheta disertē prohibuit gloriari, nisi in misericordia Dei. Proinde Abraham minime contra Deum gloriatus est: agnouit se peccatorem esse, & gratis, non propter merita sua iustificari. Sequitur enim in Apostolo, Quid enim scriptura dicit? Credidit autem Abraham Deo, & imputatum est ei ad iustitiam. Duo dicuntur, Primum, quod Abraham Deo crediderit, Secundum, quod id ei imputatum sit pro iustitia. Ex ijs consequitur fide iustificatum esse Abrahamum, non per opera. Id enim colligit Apostolus ad hunc modum, Ei qui operibus meretur iustitiam, non imputatur iustitia. Imputatur autem Abrahamę iustitia, ergo non meruit iustitiam operibus. Rursus, Ei certē imputatur iustitia, qui credit non operatur. Credidit autem Abraham Deo, ergo fides ei imputatur pro iustitia.

Iere. 9.

Nec fides nec  
promissio est  
inanis.

In eodem capite profert idem Apostolus & alia non minus firma pro fide iustificante absq; operibus argumenta. Si ij qui ad legem pertinet, ait, hęredes sunt, inania facta est fides, & irrita facta est promissio. Ad legem pertinent qui operibus legis iustitiam querūt. Ceterum fides inniditur in misericordiam Dei. Quem uerō locum habebit gratia & misericordia Dei, si meremur iustitiā? Quid necesse est credere iustificandum me fore Christi sanguine, si propter opera mea placatur mihi numen, propter peccata mea iratum? Deniq; promittitur salus & iustitia a Deo. Promissio autem ibi cessat ubi incipit meritū se nostrum ingerere. Nam ad Galatas quoq; dixit Apostolus, Si ex lege est hęreditas, iam non est ex promissione. Atqui Abrahamę per promissionē donauit Deus: proinde ut firma maneat promissio, fides iustificat non meritum.

Rursus ad Romanos cap. 4. Idcirco ex fide datur hęreditas, ait, ut secundum gratiam,



gratiam, ut firma sit promissio uniuerso semini, non ei tantum qui est ex lege, uerum etiam ei qui est ex fide Abraham. Duas commemorat causas, ob quas fidei & non operibus tribuat iustificationem. Prior, ut iustificatio constet gratis, & laude-  
 tur gratia Dei. Posterior, ut firma sit promissio & salus, cedatque ea etiam gentibus. *Iustificatio constat gratis.*  
 Non daretur autem gentibus, si legi & circumcisioni, quibus gentes carent, deberetur. Denique oportet firmam esse spem salutis nostrae. Nunquam autem uel firma uel *Salus certa fit oportet, non dubia.*  
 tuta esset futura, si tribueretur nostris operibus aut meritis. His enim semper deest aliquid. In Deo autem & merito filij eius nihil potest desiderari. Rata ergo salus est, indubitata & certa, si illam per fidem quaeramus in filio Dei, qui est iustitia nostra & salus.

His omnibus subiungam adhuc aliud ex S. Paulo testimonium, & hoc quidem euidentissimum clarissimumque. Ad Ephesios scribit, & ait, Gratia estis seruati per fidem, idque non ex uobis, Dei donum est, non ex operibus, ne quis gloriatur. Nam ipsius sumus figmentum conditi in Christo Iesu ad opera bona, quae praeparauit Deus ut in eis ambulemus. Plura his non adijciam, nec Pauli uerba multis interpretabor. Sunt enim luce meridiana clariora, & clarissime testantur fide nos non uelis operibus iustificari. *Ephes. 2.*

Nullum autem hic periculum est fratres in Domino honorandi, ne uilescant hac doctrina de sola fide iustificante, bona opera. Apostoli Christi sic docuerunt, cur non ita etiam doceremus & nos? Apostolos Christi, non nos accusent, quibus uidetur genus doctrinae, quod de fide iustificante absque operibus constanter a nobis proponitur, esse irreligiosum. Praeterea cum dicimus sola fide, aut fide absque operibus iustificari credentes, non hoc dicimus quod multi intelligunt, fidem esse solam aut destitutam bonis operibus. Nam ubicunque fides est, ibi se exerit per bona opera. Iustus enim non potest non operari iustitiam. Antequam tamen operetur iustitiam, id est, opera bona, iustus sit necesse est: ergo iustus per opera sequentia, praecedentem iustitiam non assequitur. Ea ergo iustitia gratiae tribuitur. Iustificatur enim gratis credentes in fide, iuxta illud, iustus fide sua uiuet, & postquam iustificati sunt, incipiunt proferre opera iustitiae. Proinde nolumus hac disputatione bona opera impugnare, quae suum locum & suam dignitatem habent in ecclesia apud fideles coram Deo: sed uolumus modis omnibus adserere gratiam Dei & meritum filij Dei, quo solo iustificamur, euertere & conculcare, cum coniungimus nostra merita & opera merito Christi & fidei qua apprehendimus Christum. Quid enim clarius quam quod dicit beatus Apostolus? Si per gratiam saluamur, non iam ex operibus. Alioquin gratia iam non est gratia. Sin autem ex operibus, iam non ex gratia. Quandoquidem opus iam non est opus. Rom. 11. Nequeunt ergo haec duo gratia & meritum uel opus simul consistere. Ergo ne subuertamus Dei gratiam, & fructum passionis Christi negemus impie, iustificationem tribuimus solae fidei, quia haec tribuit merae Dei gratiae morte filij Dei. *Fides exerit et exprimit se per opera.*

Agnoscamus interim nos conditos esse, iuxta Pauli doctrinam, ad opera bona, ad ea inquam quae praeparauit Deus, quae uerbo suo praescribit, exigitque ut in eis ambulemus. Cumque in his ambulamus & bonis operibus diuites sumus, his tamen iustificationem non tribuimus: sed iuxta doctrinam Euangelicam humiliamus nos sub manum eius qui dicit, Sic & uos, cum feceritis omnia quae praecepta sunt uobis, dicite, Serui inutiles sumus: quod debuimus facere fecimus. Ergo quoties legit pius opera nostra nos iustificare, opera nostra appellari iustitiam, operibus nostris tribui mercedem uitamque aeternam, non superbit, non obliuiscitur meriti Christi, sed huiusmodi loca pie & commodè interpretans, intelligit omnia esse diuinam gratiam, & tan-

ta tribui hominum operibus, quia ipsi sunt recepti in gratiam, & quia iam sunt filij Dei propter Christum; ut tandem omnia ad ipsum reuoluantur Christum, propter quem sciunt sancti se & omnia sua Deo patri gratos atque acceptos esse.

Illis uerò pauculis quidem, si amplitudinem argumenti spectaueritis, copiosis-  
ribus autem, si præfixum horæ spacium respexeritis, ostendi charitati uestræ ma-  
ximam fidei uirtutem, nempe quod iustificet credentes, ubi obiter totum ferè iu-  
stificationis negotium utile & cognitu necessarium omnibus, perstrinximus ue-  
rius quàm tractauimus. Transimus ergo iam ad alia quoq̃.

*Fides radix bo-  
norū operum.*

Fides uera est fons & radix omnium uirtutum bonorumq̃ operum, ac satiat in  
primis mentem ac desiderium hominis & tranquillam reddit ac hilarē. Nam Do-  
minus in Euangelio, Ego sum, inquit, panis uitæ: qui uenit ad me, non esuri-  
et: & qui credit in me, non sitiet unquam. Quid enim desideret amplius, qui sentit uera  
fide se iam possidere ipsum Dei filiū, in quo sunt omnes thesauri cœlestes, in quo  
est omnis plenitudo & gratia: Serenas & tranquillās reddit conscientias nostras,  
postquā uera fide apprehendimus Christum Dei filium planè esse nostrū, illum  
nobis placasse patrem, illum apparere nunc in cōspectu patris, & intercedere pro  
nobis. Ideoq̃ Paulus dixit, Iustificati ex fide, pacem habemus erga Deum per Do-  
minum nostrum Iesum Christum. Per eundem in fide habemus liberū ad patrem  
aditum. Inuocamus ergo patrē per filium, & impetramus ab eo omnia, quæ nobis  
sunt salutaria. Verè enim dixit Ioannes Apostolus, Et hæc est fiducia quam habe-  
mus apud eum, quod si quid petierimus secundum uoluntatem eius, audit nos. Et  
si scimus quod audit nos quicquid petierimus, scimus quod habemus postulatio-  
nes quas postulauimus ab eo. Qui fide carent, nec Deum inuocant, neq̃ salutaria  
ab eo accipiunt munera. Fides præterea gratos efficit Deo, eadem iubet donis Dei  
bene uti. Fides efficit ne in tribulationibus deficiamus. Imò fide uincimus mun-  
dum, carnem, diabolum, & aduersa omnia. Nam Ioannes Apostolus, Quoniam  
omne quod natum est ex Deo, ait, uincit mundum. Et hæc est uictoria quæ uincit  
mundum, fides uestra. Quis est qui uincit mundum, nisi qui credit quod Iesus est  
filius Dei: Paulus, Alij uerò dissentī sunt, ait, aspernati fide redemptionem, ut po-  
tiores sortirentur resurrectionem. Alij ludibrijs & flagris explorati sunt, insuper  
& uinculis, & carcere: lapidati sunt, dissecti sunt, acie gladij interierunt: oberrarūt  
in ouillis & caprinis pellibus, destituti, pressi, afflictī, quibus indignus erat mun-  
dus, in desertis errantes & montibus, in speluncis & cauernis terræ. Dominus e-  
nim ipse in Euangelio dixit, Hæc locutus sum uobis ut in me pacem habeatis. In  
mundo afflictionem habetis, sed confidite, ego uici mundum. Erit itaq̃ & est ner-  
uus & robur patientiæ fides. Hæc fulcit, erigit & conseruat spem. Ex fide existit  
charitas. Charitas est plenitudo legis, quæ in se continet uniuersitatem bonorum  
operum. Nisi uerò uera in Deum imbuti simus fide, nulla erit in nobis charitas.

*Rom. 5.*

*1 Ioan. 5.*

*Fides est uictoria  
Christiano-  
rum.*

*1 Ioan. 5.*

*Heb. 11.*

*Rom. 16.*

*1 Ioan. 4.*

*Epilogus.*

Intellexit charitas uestra, fidem esse uerā ecclesiæ seu fidelīū Dei iustificationē,  
absolutionē inquam omnīū peccatorum, receptionē in gratiā Dei, imò adoptionē  
in numerū filiorum Dei, & beatificationē certissimam felicissimāq̃, fontem deniq̃  
omnium bonorū operum. Oremus itaq̃ uera fide Deum patrem per Dominū no-  
strum Iesum Christū, ut is nostra corda huiusmodi fide uera adimpleat, ut in præ-  
senti seculo ipsi fide coniuncti, seruamus ei legitimè: & postquā hinc soluerimus,  
uiuamus in æternum cum eo cui credidimus. Cui laus & gloria semper, Amen.

De



*De primis fidei Christianae articulis, Symbolo Apostolorum comprehensis.*

## S E R M O VII.

**I**SSERV I proximis sermonibus duobus de uera fide & uirtutibus eius, ac inter alia commemorauit alicubi, Articulos fidei Christianae compendium esse quoddam uerae fidei, unde iam operae precium & mei officij esse putauit, paucis explicare uobis Duodecim illos fidei articulos. Sunt enim uerae fidei ueluti subiectum & materia circa quae uersatur fides: quae cum sit substantia rerum sperandarum, articulis hisce exponitur simpliciter & breuiter quanam sint res illae sperandae. Nemo autem expectet à me in praesenti operosam & plenam de articulis fidei disputationem: perstringam illos duntaxat, maximè necessaria tantum attingens. De singulis dicitur aliàs copiosius. Vos mecum orate Dominum, ut is uias suas nobis ostendat, in ijs deducat & seruet, ad gloriam nominis sui & animarum nostrarum salutem aeternam.

Principio dicendum est aliquid de communi appellatione, qua uulgò articuli fidei nostrae appellantur Symbolum Apostolorum. Symbolum autem dicitur & *Symbolū Apo- stolorum.* collatio & indicium. Collatio uerò nuncupantur articuli, quòd ex collatione doctrinae Apostolicae sint compositi atq; conscripti, ut sint regula & epitome quaedam fidei praedicatae ab Apostolis, & receptae à Catholica siue uniuersali ecclesia. Quis autem primus hos articulos sic ordinauerit conscripseritq;, incertum est, neq; traditum sacris literis. Sunt qui id ipsis tribuant Apostolis, ac eo nomine appellent Symbolum Apostolorum. Beatus Cyprianus martyr in expositione Symboli Apostolici, Tradunt maiores nostri, inquit, quòd post ascensionem Domini, cum per aduentum sancti spiritus super singulos quosq; Apostolos igneae linguae sedissent, ut loquelis diuersis uarijsq; loquerentur, per quod eis nulla gens externa, nullae linguae Barbarae inaccessible uiderentur, & in uia praeceptum eis à Domino datum ob praedicandum Dei uerbum ad singulas quasq; proficisci nationes. Discessuri itaq; ab inuicem, normam praedicationis in comune constituunt, ne forte alius ab alio abduci, diuersum aliquid his qui ad fidem Christi mutabantur exponerent. Omnes ergo in unum positi & spiritu sancto repleti, breue istud futurae sibi, ut diximus, praedicationis indicium, conferendo in unum quod sentiebat unusquisq; componunt, atq; hanc credentibus dandam regulam esse statuunt. Haec Cyprianus. Siue uerò ipsi fecerint Apostoli siue alij uiri Apostolici, satis tamen constat ipsam Apostolorum doctrinam purè in his contineri atq; tradi. Indicium ideo appellantur hi 12. articuli, quòd per illam notam seu indicium ueri Christiani à falsis dinoscantur.

Iam indicabimus quo ordine in illis explicandis simus progressuri. Poterit tota *Distributio* Epitome aut totum compendium fidei distribui in quatuor ordines, ut tres primi *Symboli Apo- stolici.* ordines explicent triū personarum unius Dei mysteria: quartus aut, fructus fidei, quae scilicet bona expectemus ex fide, & quae Deus suis donet fidelibus. Interim progrediemur nihilominus eo ordine, quo articuli duodecim collocati aut positi sunt.

Primus fidei Christianae articulus hic est, **C R E D O I N D E U M, P A T R E M O M N I P O T E N T E M, C R E A T O R E M C O E L I E T T E R R A E.** Et primus quidem hic Symboli ordo duo continet. Primo enim in genere dicimus, Credo in Deum. Deinde speciatim descendimus ad distinctionem personarum, adiungentes, Patrem omnipotentem. Est enim unus Deus substantia, personis trinus. Vnde significanter unitatem substantiae significantes, dicimus, Credo in Deum. Rursus personarum distinctionem obseruantes, & non confundentes, subiungimus, In patrem omnipotentem. In Iesum Christum fi-

lium eius unicum. Et in spiritum sanctum. Credamus ergo Deum simplicem, unū, & purum esse substantia, personis autem trinum, patrem, filium, & spiritum sanctum. Scriptum est enim in lege, Audi Israel, Dominus Deus noster Dominus unus est. Rursus in Euangelio legimus dixisse Dominum, Baptizantes eos in nomen patris, & filij, & spiritus sancti.

Deut. 6.  
Matth. 28.

Credo in Deū.

Obseruandum uerò singulariter, quòd orantes dicimus, Pater noster qui es in cœlis, da nobis hodie panem nostrum quotidianum: confitentes autem non dicimus Credimus, sed Credo. Nam requiritur ab unoquoque nostrum fides, quam quisque teneat synceram corde, profiteatur simpliciter ore. Non potuit Abraham credere pro uniuerso semine suo. Neque enim profuerit tibi si alius credat, tu uerò non credas. Requiritur enim à singulis fides à Domino. Singuli ergo profitentes dicimus Credo. Porro quid sit credere, exposui Sermone 4. Præterea sequitur in professione, Credo in Deum. Deus est obiectum & fundamentum fidei nostræ, utpote æternum, summum, inexhaustum & obuium bonum. In Deum ergo credimus, id est, spem omnem, omne præsidium & totos nos collocamus, ueluti in eum qui ser-

Deum pater dicitur.

Job. 1.  
Psalm. 2.

Sequitur enim iam quis sit ille Deus cui innitimur, & cui nos totos committimus, Pater omnipotens. Pater appellatur Deus noster, quia ab æterno sibi similem genuit filium. Scriptura enim nominat Deum, patrem Domini nostri Iesu Christi. Hic, inquit Apostolus, est splendor gloriæ, & expressa imago substantiæ paternæ: ad quem dixit, Filius meus es tu, ego hodie genui te. Et rursus, Ego ero illi pater, & ille erit mihi filius. Deinde Deus pater dicitur per similitudinē quandam, quam habet cum patre nostro terrestri, nimirum propter creationem, fauorē, amorem, curam & sollicitudinē qua erga nos affectus est. A Deo enim sumus conditi. Deus amat nos, curat res nostras, & pro nobis sollicitus est, & magis quidem uel impensius quàm sit ullus pater terrenus. Nam Dauid, Quemadmodum pater miseretur liberorum, ita Dominus miseretur timentium eum. Ipse enim nouit conditionem nostram, recordans quoniam puluis sumus. At Isaias in cap. 50. Nunquid obliuisci potest, inquit, mulier infantis sui, quò minus misereatur & eximie afficiatur erga eum quem suis ex uisceribus genuit? Sed esto, obliuiscatur illa, ego tamen tui non obliuiscar. His ergo declaratur bona erga nos Dei uoluntas: & nos profitentes Deum esse patrem nostrum, profiteamur nos credere Deum nobis esse clementem, benignum, misericordem, qui uelit omnia quæ nobis sunt salutaria, denique ipsum erga nos nihil nisi bonum & salutare instituire: præterea nos ab illo habere quicquid habemus boni corporaliter & spiritualiter.

Deus omnipotens.

Psalm.

Esai. 50.

Omnipotens dicitur Deus, quia omnia potest, quia omnium Dominus est, omniaque habet suo subiecta imperio. Ideò enim & Dominus exercituum appellatur. Cœlum, terra, & quæ in eis sunt, astra, elementa omnia, homines, angeli, diaboli, animantia omnia, res cœditæ omnes, in potestate sunt supremi & æterni numinis. Quæcunque iusserit, faciunt, nihil eius uoluntati resistere potest. Quod ipse uoluerit, fieri necesse est: ac utitur rebus illis omnibus prout uult, & ut iustitia eius, denique salus hominū poscit. Confessi sumus prius Deum nobis bene uelle, iam confitemur illum quæ uult etiam posse. Confitemur enim Deum omnipotentem esse, id est, nihil non posse quod utile & necessarium est hominibus, adeoque illum esse Dominum uniuersorum, & auxiliatorem nostrum fortem.

Deus est creator cœli & terre.

Quòd autem Deus sit pater noster bonus, benignus, clemens, & misericors, denique fortis, omnipotens, Dominus uniuersorū, atque defensor & assertor noster, declarat operibus eius mirificis. Est enim Creator cœli & terræ. Porro creatione cœli



cœli & terræ declarauit quomodo affectus sit erga homines. Dum enim illi nondum essent, neq̃ meritis officijsq̃ prouocare possent Deum ad benefaciendum ipsis, Deus prior ex mera sua & natūra bonitate condidit cœlum & terram, palatium longè præstantissimum & elegantissimum, & hoc ipsis ad inhabitandum concessit, subiectis homini creaturis in toto hoc mundo uniuersis. Quantam uerò potentiam exeruerit in creatione rerum omnium, claret ex hoc, quòd dixit, & facta sunt mandauit & creata sunt. Quæ si per partes digeras & sigillatim exponas quid per sex dies condiderit, quo ordine, quo cum ornatu, quanta cum utilitate hominum, denique quàm nullo negotio ista omnia produxerit, sicuti fusè scribitur à Mose Genes. i. cap. cogèris ad beneuolentiam & potentiam Dei planè obstupefcere. Interim talem quoq̃ Creatorem uniuersorum cogitare oportet, qui condiderit quidem per filium suum siue per æternam sapientiam omnia, tam uisibilia quàm inuisibilia, eaq̃ ex nihilo: sed nunc quoque nihilominus per spiritum suum æternum sustineat, foueat, agat, & conseruet omnia, citra quem omnia statim collapsura essent & abitura in nihilum. Confitemur ergo hîc quoq̃ Dei æterni prouidentiam, & gubernationem sapientissimam.

Prouidentia

Ethoc quidem ordine primo expositum est, quod patris quidem quasi proprium est. Est enim pater, & pater quidem Domini nostri Iesu Christi: & pater noster est Dominus uniuersorum, creator cœli & terræ, gubernator & conseruator rerum omnium, ex quo sunt omnia, & in quo consistunt omnia. Ex hoc ab æterno gignitur filius æternus, patri cœqualis, coessentialis, eiusdem cum patre potestatis & gloriæ, per quem & secula condidit: ex utroq̃ procedit spiritus sanctus, Dauide quoq̃ attestante & dicente, Verbo Domini cœli facti sunt, & spiritu oris eius omnis exercitus eorum.

Psalm. 33.

Sequitur iam ordo secundus, in quo continentur omnia mysteria filij Dei Domini nostri Iesu Christi. Secundus enim articulus fidei Christianæ ad uerbum sic habet, ET IN IESVM CHRISTVM FILIVM EIVS VNICVM DOMINVM NOSTRVM. Duo autem continet hic articulus. Alterum, quòd credimus in filium Dei; Alterum, quis sit ille Dei filius. Profitemur enim nos credere, id est, fiduciâ & spem omnē uitæ ac salutis perinde in filiū collocare atq̃ in patrē. Disertè ergo dicimus, Credo in Iesum Christū: quemadmodū diximus, Credo in Deū, &c. Nam Ioan. 14. cap. dicit ipse Dominus Iesus, Ne turbetur cor uestrū: creditis in Deū, & in me credite. Itē, Hoc est opus Dei, ut credatis in eū quē misit ille. Et iterum, Hæc est uita æterna, ut cognoscāt te solū Deum uerum, & quem misisti Iesum Christum. Præterea legimus in Euangelio Ioannis, Dominum ad cæcū cui aperuerat oculos dixisse, Credis in filiū Dei? Cæcum uerò illuminatū illi respondisse, Quis est Domine, ut credam in eum? At Dominū subiecisse, Et uidisti eum & qui loquitur tecum ipse est. Tunc autem excepisse cæcum, Credo Domine: sed & adorasse. Credamus ergo & nos ac adoremus, credamus autē Iesum esse uerum Dei patris filium, eiusdem potestatis cum patre, distinctam tamen à patre per sonā. Quando & Dauid dixit, Dixit Dominus Domino meo, sede à dextris meis.

Credere in filium Dei.

Ioan. 6.

Ioan. 17.

Ioan. 9.

Psalm. 110.

Cæterum copiosè explicamus quis sit ille filius Dei in quem credimus. Vbi tria ueniunt obseruanda. Primū illud est quod appellatur Filius unicus. Si filius est, & filius quidem Dei patris, ergo natura & substantia eius diuina est natura & substantia. Hoc enim nomīne appellatur ab Apostolo splendor gloriæ paternæ, et expressa imago substantiæ illius. Rectissimè itaq̃ filius dicitur à sanctis patribus consubstantialis & coessentialis patri. Quò illud pertinet quod dicitur filius unicus, alibi unigenitus & primogenitus. Nuncupamur enim & nos filij, sed non com-

Quis sit filius Dei.

Hebræ. 1.

Filius unicus.

munione naturæ, aut substantiæ æqualitate, uel naturaliter, sed per adoptionem. Et proinde non offendeabantur Iudæi, quod se nuncuparet filium Dei, sicuti omnes fideles dicuntur & sunt filij Dei, sed quod intelligerent ipsum amplius quipiam de se prædicare, nempe quod sit naturalis Dei filius, Deo æqualis, & Deus ipse. Sic enim legis in Euangelio Ioannis 5. cap. Propterea magis quærebant Iudæi interficere Iesum, quia non solum soluisset sabbatum, sed & patrem suum dixisset Deum, æqualem se faciens Deo. Et in cap. 10. ubi dixisset Dominus, Ego & pater unum sumus, sustulerunt Iudæi lapides ut lapidarent eum: at hunc respondisse, Multa bona opera præstiti uobis, ob quod eorum me lapidatis: Iudæos uerò dixisse, Ob bonum opus non lapidamus te, sed ob blasphemiam: & quia tu homo cum sis, facis te ipsum Deum. Sunt hæc clarissima diuinitatis Christi naturalis testimonia: quibus qui non credit, ne patrem quidem habet. Nam qui honorat filium, patrem honorat: & qui filio caret, ne patrem quidem habet: ac nisi filius naturalis esset Deus, non posset esse saluator mundi.

Joan. 3.

1 Joan. 2.

Iesus.

Deinde nomen proditur unigeniti filij Dei, & appellatur Iesus Christus. Exprimatur autem nomen ne sit error in persona, & ut intelligamus ex nomine quis sit ille in quem credimus, Iesus est: quo nomine donatus est oraculo cœlesti, quemadmodum etiam typi præcesserant de eo in Iosue duce, & in Iesu sacerdote summo. Angelus apud Matthæum erudiens Iosephum, Pariet filium, inquit, Maria, & uocabis nomen eius Iesum. Is enim saluum faciet populum suum à peccatis suis.

Matth. 1.

Christus.

Filius ergo hic Dei Iesus saluator est mundi, qui remittit peccata, & liberat ab omni potestate aduersaria, quod nullo modo posset nisi esset Deus uerus. Dicitur idem Christus, quod perinde sonat atque si tu dicas, Vnctus. Hebræi uocant Messiam. Et uocabulum hoc tam regni est, quam sacerdotij. Olim enim ungebantur & reges & sacerdotes: & ungebantur quidem chrismate aut oleo externo siue typico. Christus ipse ipsa uera unctione spiritus sancti plenitudine unctus est: sicuti narratur in Ioanne cap. 1. & 3. Propriissimè ergo hoc uocabulum Christus tribuitur Domino nostro. Nam primum quidē rex est & sacerdos populi Dei. Deinde plena omnigena quæ ubertate in Iesum effusus est spiritus sanctus, unde ueluti è scaturigine uel fonte uiuo exuberat in omnia Christi membra. Hic enim est ille Aaron, in cuius caput effusum est oleum, quod descendit in barbam & in extimos uestimenti eius lumbos. Nam de plenitudine eius accepimus nos omnes.

Joan. 1.

Christus est Dominus.

Postremo obseruandum uenit in secundo articulo, quod nuncupamus Dei filium Dominum nostrum. Ac peculiariter & duplici quidem nomine appellatur filius Dei Dominus noster. Principiò propter mysterium redemptionis. Christus enim Dominus est omnium electorum, quos asseruit à potentia & dominatu satanæ, peccati & mortis, & fecit sibi eos populum acquisitionis. Fit autem allusio ad dominos qui pecunia sibi emunt seruos, aut qui in bello seruant captiuos, quos occidere potuissent, aut qui aliàs à morte præsentis liberant damnatos. Sunt ergo domini ueluti liberatores, redemptores, ac saluatores. Certè Paulus quoque huc alludens, Precio empti fuistis, inquit, nolite fieri hominū serui. Et beatus Petrus, Redempti estis, inquit, non auro & argento, sed precioso sanguine agni immaculati. Deinde Christus appellatur Dominus propter diuinam potentiam & naturam, secundum quam omnia subiecta sunt filio Dei. Et quia amplissimum est uocabulum domini, diuinam etiam naturam et maiestatem cōprehendens, libenter leguntur eo usi Apostoli. Paulus ad Corinthios, Licet multi sint domini, ait, nobis tamē unus est Dominus Iesus Christus, per quem omnia & nos per illum.

1. Cor. 1.

1 Pet. 1.

1 Cor. 8.

Articulus fidei 3.

Tertius fidei Christianæ articulus hic est, QVI CONCEPTVS EST DE



DE SPIRITU SANCTO: NATVS EX MARIA VIRGINE. Secundo articulo professi sumus nos credere in Iesum Christum Dei filiū Dominum nostrum; quo certē adumbrāuimus nos firmiter credere Deum patrem nobis & in nostram salutem dedisse mundo filium saluatorem & liberatorem. Huc enim pertinent uocabula Iesus & Dominus. Iam itaq; tertio articulo exponimus modum & rationem qua uenit in mundum, nimirum per incarnationem. Duo ergo comprehendit articulus, Conceptionem Christi, & natiuitatem eiusdem. De quibus ordine dicemus, ubi prius & paucis quidem explicauerimus incarnationis dominicæ causas.

Actum erat cum hominibus, & perijisset totum genus mortaliū propter peccatum quod contraximus omnes ex protoplasto. Nam stipendium peccati mors. *Incarnationis dominicæ causa.* Ideoq; non potuissimus cælum ingredi qui eramus ad tartara proijciendi, nisi ad nos descendisset Dei filius, ac Immanuel factus secum nos traxisset ad cælos. Proinde summa incarnationis causa est, mediare inter deū & homines, & mediando coniungere uel adunare disiunctos. Nam ubi mediator est, ibi dissidiū & partes sint necesse est. Partes sunt Deus & homines. Causa dissidij est peccatum. At mediatoris est dissidentes partes rursus coniungere: id quod fieri non potest, nisi prius tollatur ē medio causa dissidij, peccatum. Peccatū autem neq; expiatur, neq; tollitur, nisi fundatur sanguis & sequatur mors. Testimonium huius rei præbet Paulus ad Hebræos 9. cap. Oportuit ergo mediatorem assumere carnem nostram & sanguinem, quō & mori posset & fundere sanguinem. Præterea necesse est sequestrem aut mediatorem utrique communem esse quos conciliare debet: unde oportuit Christum Dominū, & Deum esse uerum, & hominem uerum. Deus purus, formidabilis, & parum accommodus fuisset hominibus. Homo purus nō potuisset accedere ad Deum qui est ignis cōsumens: quapropter utrunque existens Dominus noster Iesus Christus, utriq; parti accommodus est mediator. De qua re testificans Apostolus dicit, Vnus Deus, unus etiam mediator Dei & hominū, homo Christus Iesus, qui dedit semetipsum preciū redēptionis pro omnibus. Idem Apostolus ad Hebr. 2. & 9. cap. plura differit quæ ad hunc locū pertinent. Et in 2. cap. alteram quoq; incarnationis Christi causam recitans dicit, Debuit per omnia fratribus similis reddi, ut misericors esset & fidelis pontifex, in ijs quæ apud Deum forent agenda, ad expiandum utiq; populi peccata. Nam quod ipsi quoq; accidit tentatio, potest tentatis quoq; succurrere. Rursus ut erudiret homines in omni pietate & iustitia, deniq; ut esset lux mundi & exemplum sanctissimæ uitæ, incarnatus est Dominus noster. Nam Paulus, Gratia aī Dei salutifera apparuit nobis, erudiens nos, ut abnegata impietate sanctē uiuamus. In summa, ut nos propter peccata disiunctos à Deo, cum Deo rursus coniungeret, & in societatem suū ipsius suorumq; bonorum omnium nos reciperet, naturæ communione nobiscum coauluit, hoc est, incarnari uoluit. *Mediator.* *1 Tim. 2*

Descendimus nunc ad modum incarnationis explicandum. Articulus fidei duo habet mēbra. Alterum est, Conceptus est de spiritu sancto. Homines alioqui omnes concipimur ex uirili semine eoq; immundo, & idcirco nascimur peccatores, adeoq; ut Paulus ait, nascimur filij iræ. Cæterum corpus Christi adeoq; Dominus noster nō concipitur in Maria uirgine de Ioseph, aut ex ullo uirili semine, sed de spiritu sancto: non quod spiritus fuerit loco seminis. Nequit enim ex spiritu aliud generari nisi spiritus. Atqui habet Dominus noster non phantasticū corpus, sed uerum & nobis consubstantialē. Conceptus est ergo Dominus noster in utero uirginis ē spiritu sancto. Nam effecit æterna sua potentia spiritus sanctus, *De conceptione Christi.*

ut illibata uirginitate matris, ipsa inquam fœcunda facta conceperit ex suo ipsius sanguine, dederitq; corpus purum & uerè humanum filio Dei. Id quod multis exponitur per angelum Gabrielem apud S. Lucam in cap. 1. De quo loco cum alibi dicturi simus copiosius, iam transimus intactum. Prædixit conceptionem illam sic futuram ipse Deus mox ab ipso mundi principio. Non enim dixit, semē uiri conculcabit caput serpentis, sed semen mulieris. Præterea dicit per prophetas Deus, Ego excitabo semen ipsi Dauidi. Nota est autem lex Moſis de excitando semine fratris defuncti. Si enim excelsisset frater sine liberis, cogebatur frater superſtes uxorem ducere defuncti fratris, ac ex ea procreare liberos, qui nomine appellabantur cenſebanturq; non uiui quidem, sed defuncti fratris. Proinde cum ex Dauid non eſſet uir qui idoneus foret gignere ex uirgine filium Dei ſaluatorē mundi, Deus ipſe ſuſcitauit Dauidi ſemen, ac per ſpiritum ſuum fœcundam reddit uirginem: quæ quanquam non concepit ex uiro Dauidico, quia tamen ipſa erat Dauidis filia, & ex ſua ipſius ſubſtantia, Deo ſic efficiente, dedit ſubſtantia filio Dei, eſt hic, & dicitur Dauidis filius. Quid quod ipſe Dauid in Pſalmo 110. uaticinans dicit: In magnificentijs ſanctitatis ex utero auroræ tibi ros natiuitatis tuæ. Vel, Ros natiuitatis tuæ tibi ex utero auroræ in magnificentijs ſanctitatis. Hoc eſt, magnifica quadam ſanctitate & modo mirabili naſceris. Habebit enim ſe tua natiuitas ſicut generatio roris, qui ex aurora pura uelut matrice naſcitur. Elicit enim interdum ſol eſt terra uaporem, qui ob calidi ſuſum ducentis paucitatem, temperatæ noctis uel ueſperarum frigore deorſum ducitur, atq; in aquam ſoluitur. Sic autem ſol iuſtitia Deus eſt terra, ex corpore inquam intemeratæ uirginis Mariæ, ſanguinem elicit, & mirabili modo ſanctè & purè effecit, ut e matrice munda naſceretur concipereturq; ſanctiſſimus Dei filius.

*Cauſſa puræ  
conceptionis  
Chriſti.*

Cauſſa puriſſimæ huius cōceptionis filij Dei in utero ſanctiſſimæ uirginis hæ ſunt. Qui concipitur in utero uirginali Deus eſt: at Deus eſt ignis conſumens, qui nullam poteſt in ſe recipere immunditiam. Et quoniā uenit Deus noſtram, id eſt, humanam impuritatem purificaturus, oportuit certè ipſum ab omni originali labe exemptum, per omnia eſſe ſanctiſſimū, ut unica eaq; illibata hoſtia pro peccatis totius mundi oblata, omnia mundi peccata ſemel tolleretur e medio. Nam quod inquinatum eſt, non poteſt id quod inquinatum eſt purgare, quinimo labes & immunditia per alterius immundi acceſſionem conduplicat impuritatem.

*De natiuitate  
Chriſti.*

Alterum membrum huius articuli tertij eſt, Natus ex Maria uirgine. Natus eſt Dominus ex Maria matre eadēq; uirgine. Homo ergo uerus eſt, qui ex homine natus eſt. Sed & pura eſt eius natiuitas. Nam ex uirgine natus eſt, ita ut ſimul & mater fuerit & uirgo. Nam & Iſaias dixit, Ecce uirgo concipiet & pariet filium. Virgo inquit faciet utruq; concipiet & pariet, ita ut maneat uirgo. Puriſſima ergo eſt filij Dei natiuitas. Et uera quoq; eſt. Trahit enim carnem ex ſubſtantia & ex uiſceribus uirginis. Quo nomine etiam appellatur Dominus noſter Ieſus filius Dauidis. Non poſſet dici Dauidis filius, niſi ex Maria, puella, aut filia utiq; Dauidica accepiſſet ueram ſubſtantiam humanam. Ad quam ſignificandam & propriiſſimè exprimendam Ioannes Apoſtolus dixit, Verbum caro factū eſt. Et apoſtolus Paulus, Nuſpiam aſſumit angelos, ſed ſemen Abraham. Ibidem dicit Dominum fratribus ſuis factū eſſe ſimilem per omnia excepto peccato. Ad Philippenſes ait, Cum eſſet æqualis Deo, ſemetipſum inaniuit forma ſerui ſumpta, in ſimilitudine hominum conſtitutus, & figura repertus ut homo. Rurſus autem teſtificatur Ioannes Apoſtolus, & ait, Omnis ſpiritus qui conſitetur Ieſum Chriſtum ueniſſe in carne, ex Deo eſt, & omnis ſpiritus qui non conſitetur Ieſum Chriſtum in carne

*Joan. 1.*

*Phil. 2.*

*Joan. 4.*



in carne uenisse, ex Deo nō est. Modum natiuitatis exposuit multis Lucas cap. 2. Et nos aliās de eo dicemus copiosius. Credamus ergo & confiteamur Iesum Dei filium conceptum esse ex spiritu sancto, natum ex Maria uirgine.

Quartus fidei Christianæ articulus hic est, PASSVS SVB PONTIO *Articulus fidei* PILATO, CRVCFIXVS, MORTVVS, ET SEPVLTVS, DE *dei 4.* SCENDIT AD INFERN A. Exponitur hoc articulo quarto, finis, usus & fructus incarnationis dominicæ potissimus. Homo enim factus est, ut pati & mori posset, moriendoq; & patiēdo à morte æterna & tormentis inferorum redimere, purgatosq; constituere hæredes uitæ æternæ. Nam hic est finis mortis dominicæ, ut mox indicabimus, & copiose exposuit Paulus ad Hebræos cap. 9.

Diducitur hic articulus rursus in suas portiones. Principiō confitemur Domini *Cristus passum nostrum* passum esse, uerè utiq; non putatiuè, & passum quidem ærumnas *sus est.* & miseras huius seculi, deinde tormenta carnificum & ipsam mortem acerbissimam. Passus est itaq; animo & corpore, & multifariè quidem. Isaia enim dicit, *Isa: 53.* Vir dolorum est, & qui expertus est ærumnas. Ipse portat infirmitates nostras, & dolores nostros ipse baiulauit. Nam & in Euangelio ipse dixit, Tristis est anima mea usq; ad mortem. Ea uerò omnia propter nos passus est. Non enim erat in ipso peccatum aut causa ulla cur pateretur.

Secundo loco notatur tempus & iudex Pontius Pilatus sub quo mortuus est *Passus sub Pontio Pilato.* dominus, & redemit mundum à peccato, morte, diabolo, & inferis. Passus est ergo sub monarchia Romanorum, sub Imperatore Tiberio, cum iam secundū uaticinium Iacobi Israelis, populus Iudaicus pareret exteris regibus, neq; præessent *Gene: 49.* amplius reges uel præsides è stirpe Iudaica. Tum enim uenturum prædixerat Messiam. Quid quod ipse Dominus in Euangelio nō semel prædixerat se tradendum fore in manus Gentium, & ab his occidendum?

Tertio loco significamus etiam modum passionis. Subiungimus enim, Cruci *Crucifixus est* fixus & in cruce mortuus. Erat autem supplicium crucis ut probrosissimum, ita *dominus noster.* etiam acerbissimum. Id autem supplicij in se suscepit, ut satisfaceret pro mundo, *Gene: 22.* & quod ab initio typi præcesserant fore ut suspenderetur in ligno. Strus lingnorū *Num: 21.* imponebatur Isaac immolandus. In palum quoq; impositum serpentē Moses erigebat. Sed & ipse Dominus, Vbi exaltatus fuero, inquit, omnes traham ad me. Porro in cruce expirauit tradens spiritum Deo. Verè enim mortuus est, ut mox sequetur. Vbi paucis dicendum est quis sit fructus mortis Christi. Principiō *Fructus mortis Christi.* maledicti eramus propter peccatum: maledictionem ergo in se suscepit, sublatus in crucem, ut tolleret maledictionem, essemus autem benedicti in ipso. Deniq; non potuit nobis obuenire hæreditas testamento legata, nisi is qui legauit fuisset mortuus. Deus autem legauit: qui ut mori posset, hominē assumpsit, idemq; mortuus *Heb: 9.* est iuxta humanam naturam, ut hæreditatem uitæ acciperemus. Alibi rursus Paulus, *2 Cor: 5.* Qui peccatum non nouit, pro nobis (Deus) peccatum fecit, ut nos efficeremur iustitia Dei per illum. Homo ergo piacularis factus est pro nobis dominus noster, in quem ceu hircū peccati cum collata congestaq; essent omnia totius mundi peccata, ipse moriens ea omnia sustulit ac expiauit: ut iam unica Christi hostia satisfaceret pro peccatis totius mūdi. Qui certè maximus est mortis Christi fructus ubique traditus ab Apostolis Christi. Deinde docet nos mors Christi patientiā & mortificationem carnis nostræ: imò communionē sui efficit in nobis Christus spiritu suo ne regnet in nobis peccatum. De qua re multa tradidit Apostolus Paulus ad Romanos 6. cap. Dominus in Euangelio dicit, Si quis uult post me uenire, abneget semetipsum, & tollat crucem suam & sequatur me. Hi & nonnulli alij sunt fru-

Sepultus est  
dominus no-  
ster.

Joan. 12.

Descendit ad  
inferna.

1 Per. 3

Luc. 23.

ctus passionis dominicæ uel mortis Christi.

Quarto loco subiungitur, Sepultus. Verè enim in cruce mortuus est dominus noster. Probata est ueritas mortis eius à milite qui latus eius transfixit. Sublatus est deinde ex cruce, & positus in monumentum. Ponuntur in Euangelio illorum nomina qui ipsum sepeliuerunt, Ioseph & Nicodemus. Ostenditur item modus quomodo sepeliuerint eum. Fructum sepulturæ his uerbis tradidit ipse saluator, Amen amen dico uobis, nisi granum frumenti deiectum in terram mortuum fuerit, ipsum solum manet: si uerò mortuum fuerit, multum fructum adfert. Vnde & Apostolus hortatur ut sepeliatur cum Christo in morte eius, quò in nouitate uitæ resurgamus, imò & uiuamus regnemusq; æternum cum eodem. Ergo si nostra quoq; corpora sepeliantur aliquando, ne simus solliciti. Sepeliuntur enim fideles ut resurgant cum Christo.

Quintam particulam articuli 4. quidam separatim ponunt pro articulo fidei quinto. Ego non uideo cur auelli debeat à præcedentibus, neq; cur peculiare constituat articulum fidei. Verba sic habent, Descendit ad inferna. De his uariæ sunt apud sacros interpretes sententiæ. Augustinus in libro de fide & symbolo hæc uerba neq; ponit in regula fidei neq; exponit. Cyprianus hæc tradit: Sciendum sanè est, quòd in Ecclesiæ Romanæ symbolo non habetur additum, Descendit ad inferna, sed neq; in Orientis Ecclesijs habetur hic sermo: uis tamen uerbi eadem uidetur esse in eo quod sepultus dicitur. Hæc ille. Videtur autem sentire Cyprianus, Descendere ad inferna, aliud non esse quàm condì sepulchro, iuxta illud Iacobi, Deducetis canos meos cum mœrore ad inferos. Verum non desunt quibus appareret hoc quod allatum est carere iusta ratione. Nam consentaneum non esse quòd rem semel aperte expositam, obscuriore mox loquendi genere implicuerint. Imò quoties coniunguntur duæ sententiæ eandem rem significantes, semper posterior rem prioris esse explicationem. Caterum planiorem esse illam loquutionem Sepultus est: implicatiorem, Descendit ad inferna. S. Augustinus ad Euodium epistola 99. torquet se in hac causa. Ad Dardanum de Dei præsentia, scribit Dominum ingressum fuisse tartarum, sed nullum sensisse cruciatum. Longè simplicius uidebimur articulum hunc intelligere, si senserimus uirtutem mortis Christi dimanasse etiam ad defunctos, & his profuisse: id est, propter mortem Christi omnes patriarchas & fideles homines ante Christi aduentum mortuos, ab æterna morte præseruatos esse. Sicut & S. Petrus cõmemorat dominum abiisse in spiritu, & spiritibus inobedientibus ac in carcere detentis prædicasse. Nimirum innotuit & his iusta damnationis ex morte Christi sententiæ, quòd uiui nō credidissent cum ipso Noe ac suis in uenturum Messiam. Vel certè per inferos uel inferna intelligimus non locum supplicij destinatum impijs, sed defunctos fideles, quemadmodum per superos significamus adhuc superstites in uita. Proinde anima Christi descendit ad inferos, id est delata est in sinum Abraham, in quo collecti fuerunt omnes defuncti fideles. Ergo cum latroni secum crucifixo dixit, Hodie mecum eris in paradiso, promisit ei consortium uitæ & beatorum spirituum. De sinu Abraham differuit copiosius dominus noster apud S. Lucam in cap. euang. 16. Licet enim dominus descendisse dicatur, fit tamē id ex more loquendi. Alioqui ex Luca claret sinū Abraham locum esse longissimè separatum à tartaro, & positum quidem in sublimi. Caterum de his curiosius inquirere & differere, curiosi magis quàm p̃j est hominis. Confitemur in hoc articulo animas esse immortales, easq; protinus à morte corporea transire ad uitā, & sanctos quidem ab initio mūdi omnes fide sanctificatos per Christum, in Christo & per Christum hæreditatem accipere uitæ æternæ.

Adderem



Adderem istis articulum 5. nisi hora iam præterisset. Differemus ergo in ser-  
monem proximum. Iam uerò orabimus unà omnes Deum patrem nostrum qui *Epilogus.*  
in cœlis est, ut per spiritum suum nobis inspirare dignetur ueram & uiuificam il-  
lam fidem, quæ tendit in patrem & filium: in patrem ut creatorem uniuersorum:  
in filium ut saluatorem totius mundi: qui ideo cœlo descendit, & in utero sanctis-  
simæ uirginis Mariæ incarnatus est, ut esset mediator inter Deum & homines, at-  
que hos inter se reconciliaret seu coniungeret, haberetq; quod offerret ad satisf-  
ciendū diuinæ iustitiæ, & ad purganda peccata nostra: quæ & in corpore suo tu-  
lit, imò abstulit, omnesq; fideles hæredes fecit uitæ æternæ. Laudemus iam Dei  
gratiam, & agamus gratias filio Dei. Cui soli debetur omnis honor & gloria, in se-  
cula seculorum, Amen.

*De posterioribus fidei Christianæ articulis, Symbolo Apostolorum comprehensis.*

## S E R M O V I I I.

**Q**UINQVS ante omnia Deum nostrum, ut is pro sua bonitate concedat *Articulus fi-*  
nobis feliciter, expeditè, & multo cum fructu procedere in explanandis *dei,*  
alijs fidei nostræ Christianæ articulis.

Quintus fidei nostræ articulus hic est, TERTIA DIE RESVR-  
REXIT A MORTUIS. Et tenet quidem hic articulus fidei inter omnes alios  
sermè primas. Nec sunt Apostoli in alijs declarandis & confirmandis operosio-  
res quàm in hoc uno. Nec satis fuisset si Dominus noster duntaxat pro nobis mor-  
tem oppetisset, nisi etiam resurrexisset ex mortuis. Nam si non resurrexisset ex  
mortuis, sed mansisset in morte, quis persuaderet hominibus peccatum morte *Resurrectio*  
Christi esse expiatum, morte Christi mortem superatam, satanam deuictū, & tar- *Christi glori-*  
tarum fidelibus contractum? Imò pergerent absurdi nostri homines perpetuò bla- *riosa.*  
spemare Deum uerū, ac spem nostram suggillare, dicereq; Quis unquam redijt  
ex ijs qui mortem obierunt, ac enarrauit nobis an sit uita in alio seculo post hanc  
uitam, & qualis illa sit? Quia ergo nemo redijisse legitur, dubium relinquitur quod  
garriunt spermologi de uita futuri seculi. Idcirco ut toti mundo declararet domi-  
nus post hanc uitam superesse aliam uitam, animam quoq; cum corpore non in-  
terire, sed uiuere, tertia die redijt ad discipulos suos rediuiuus dominus noster: si  
mul etiam demonstrauit expiatum esse peccatum, exarmatam mortem, deuictum  
diabolum, & destructum infernum. Nam aculeus mortis est peccatum. Vel sti-  
pendium peccati mors est. Mortis imperium habet diabolus, & concludit ob pec- *Rom. 6.*  
cata in tartarum. Iam itaq; cum resurgit uiuus ex mortuis Christus, non potuit ei  
dominari mors: & quia mors dominio amisso cōfracta est, pari ratione consequi-  
tur & diabolus & infernum per Christum esse deuictum, deniq; horū omnium  
uim & uirtutem, peccatum, esse expiatum. Claret ergo resurrectionē Domini no-  
stri Iesu Christi quasi certificare obsignareq; salutem & redemptionem nostram,  
ut de ea addubitare non possimus amplius. Confitemur itaq; hoc articulo, resur-  
rexisset Dominum nostrum Iesum Christum ex mortuis, & nobis quidem resurre-  
xisse, id est, nobis deleuisse peccatum, nobis deuicisse mortem, infernū, & diabo-  
lum: iuxta illud Apostoli, Deus fecit nos saluos, & uocauit uocatione sancta, non *2 Tim. 1.*  
secundum opera nostra, sed secundum suum propositum & gratiam, quæ data est  
nobis per Iesum Christum ante tempora æterna, sed palàm facta est nunc per ap-  
paritionem seruatoris nostri Iesu Christi, qui mortem quidem aboleuit, uitam au-  
tem & lucem produxit & immortalitatem per Euangelium. Sunt huius generis

*Joan. 11.* alia multa ad Rom. 4. & 1. Cor. 15. Nam & in Euangelio Ioannis dicit Dominus, Ego sum resurrectio & uita: qui credit in me, etiam si mortuus fuerit, uiuet: & omnis qui uiuit & credit in me, non morietur in aeternum.

*Resurgere quid sit.* Inspiciamus iam etiam singula uerba articuli. Confitemur Dominum resurrexisse. Est autem resurgere, denuo surgere. Surgit quod cadit. Corpus Christi cecidit, ergo corpus Christi surgit, adeoque resurgit: id est, illud ipsum corpus Christi quod priusquam caderet uiuebat & operabatur, iam resurgit, rursus inquam uiuit & operatur. Verè enim Tertullianus de resurrectione carnis, Resurrectionis uocabulum, ait, non aliam rem uindicat quàm quæ cecidit. Resurgere enim non est nisi eius quod cecidit. Iterum enim surgendo quia cecidit resurgere dicitur. Re enim syllaba semper iterationi adhibetur. Proinde dum matronæ euangelicæ abeunt ad sepulchrum uncturæ corpus Domini quod pependerit in cruce, audiunt ab angelo Domini, Quid queritis uiuentem cum mortuis? Non est hic, sed surrexit, &c. Nota est enim historia dominicæ resurrectionis apud Lucam in cap. 24. & apud Marcum in cap. 16. Petrus quoque Apostolus ex Dauide resurrectionem ueram astruens 2. cap. Actuum, in prima illa concione sua, disertè ostendit Christum uerè resurrexisse ex mortuis.

*Ex uel à mortuis resurgit.* Deinde addimus dominum resurrexisse ex mortuis uel à mortuis. Quæ particula exprimit & mortis & resurrectionis ueritatem. Corpus enim uel caro moritur & corrumpitur; atqui mortuum resuscitatur. Corpus ergo uel caro resuscitatur: quasi dicat confitens, Ea qua ceteri mortales lege naturæ defunctus est dominus noster, at nō mansit aut hæsit inter mortuos. Eandem enim carnem quam semel assumpserat mortalem, ac per mortem deposuerat, iam resumit immortalem. Prædixerat enim Dauid, Quoniam non derelinques animam meam in inferno, neque dabis ut sanctus tuus uideat corruptionem. Est enim primogenitus resurgentium Christus, in quo ceu in capite declarari oportuit, qualis sit futura resurrectio omnium membrorum Christi in die iudicii.

*Tertia die resurgit.* Hanc uerò resurrectionem confitemur factam esse die tertia, à morte inquam. Deponitur enim in die parasceues à cruce, & infertur sepulchro, quiescit sabbato toto, & circa principium diei primi sabbatorum, qui primus inquam occurrit in hebdomada, quæ nobis hodie dominica est, resurgit circa auroram ex mortuis. Quamuis ergo in Euangelio Matthæi 12. cap. legamus dixisse dominum, Quem admodum fuit Ionas in uentre ceti tribus diebus & tribus noctibus: sic erit filius hominis in corde terræ tribus diebus & tribus noctibus: attamen in cap. 16. & 20. seipsum quasi exponens loquutum id per synekdocham, dicit, Oportet me abire Hierosolymam, & multa pati à scribis & senioribus. & occidi, & tertio die resuscitari.

*Articulus fidei 6.* Sextus fidei nostræ articulus hic est, ASCENDIT AD COELOS, SEDET AD DEXTERAM DEI PATRIS OMNIPOTENTIS. Corpus illud quod corpori nostro consubstantiale est, desumptum ex Maria uirgine, adeoque ex substantia uirginis assumptum, quod pependit in cruce & excelsit, sepultum est & resurrexit, illud ipsum inquam ascendit ad coelos, & sedet à dextris Dei patris. Nam posteaquam per dies 40. abundè satis instruxisset Dominus noster discipulos suos de ueritate resurrectionis suæ & de regno Dei, subest in cælum.

*Ascensio Christi gloriofa.* Ascensione illa sua declarat uniuerso terrarum orbi dominus noster, quod sit uniuersorū Dominus, omniaque sibi habeat subiecta quæcunque in cælo sunt & in terra, quod ipse sit robur nostrum, uirtus fidelium & gloriatio contra portas inferi. Ascendens enim in cælum captiuam duxit captiuitatem, spoliatisque hostibus populum



populum suum locupletauit, quem & indies spiritualibus donis cumulat. Nam in excelsis residet, ut transfusa inde ad nos sua uirtute, uita nos uiuificet spirituali, uarijsq; gratiarum muneribus exornet, deniq; ut ecclesiam aduersus omnia mala defendat. Est enim Deus seruator, rex & pontifex noster. Vnde cum offenderentur quondam Capernaitæ, quod Dominus appellasset se panem uitæ de cælo descendentem ad uiuificandum mundum, ait, Hoc uos offendit? Quid ergo si uideritis *Joan. 6.* filium hominis eò ascendentem ubi erat prius: nimirum ex uiuifica resurrectione & gloriosa ad cælos ascensione, colligetis me esse panem uitæ de cælo delatū, & iam iterum assumptum in cælos manere seruatorem, uitam, & Dominum cæli & terræ. Sed & beatus Petrus Apostolus in Actis, Certò sciat tota domus Israel, inquit, quod Dominū & Christum fecerit Deus hunc Iesum quem uos crucifixistis. *Acto. 2.*

Deinde non tantum à morte resurgens rediit ad suos, uerum his insipientibus *Virtus ascensionis in cælu.* ascendit in cælos, quò redderemur omnes certiores æternæ salutis. Ascendendo enim parauit nobis locum, strauit uiam, hoc est, ipsum aperuit fidelibus cælum. In cælo posuit quod à nobis assumpsit Deus, uerum hominem, uiuū utiq; & irrefragabile testimonium, in cælos aliquando totum hominem esse transferendum. Nam necesse est membra capiti conformia fieri. Resurrexit ex mortuis Christus caput nostrum; resurgent ergo & membra. Et quemadmodum nubes Dominum abstulit ab oculis discipulorum: ita pñ feremur in occursum Domino in nubibus, totiq; tam anima quam corpore erimus & æternū habitabimus in cælis apud caput nostrum Christum Dominū. Id quod clarissima lectione traditur Ioan. 14. cap. dicente Do. nino, Vado paraturus uobis locum, iterumq; ueniam ad uos & assummam uos ad me ipsum, ut ubicunq; ego sum & uos sitis. Apostolus quoq; Paulus *1. Th. 4.* testatur, & ait, Nos qui uiuimus & reliqui erimus in aduentu Dñi, simul cum resuscitatis ex mortuis rapiemur in nubibus in occursum Domini in aëra. Confitemur ergo hoc articulo Iesum Christum in cælos sublatū, uniuersorum esse Dominum, regem & pontificē, assertorem & saluatore omnium in orbe uniuerso fidelium. Confitemur in Christo & propter Christum nos credere uitā æternam, quam corpore in fine mundi, anima quoq; protinus atq; hinc excefferimus, percepturi simus.

Porro ueniunt ipsa articuli uerba pensitanda, Ascendit, profitemur. Quis oro *Ascendit ad cælos.* ascendit? Qui ex Maria uirgine natus est, qui crucifixus, mortuus & sepultus est, qui resurrexit ex mortuis: is inquam ascendit, nimirū corpore & anima. Quò autem ascendit? Ad cælos. Cælum in scripturis non uno modo accipitur. Principiò *De cælo.* ponitur pro firmamento & extensione illa quæ est supra capita nostra, in qua uolitant ultrò citroq; auiculæ, & in qua insunt astra, quæ dicuntur ornatus & exercitus cælorum. Nam Dauid, Amictus est Deus luce ceu uestimento, & extendit cælos ueluti cortinam. Item, Videbo cælos tuos, opus digitorum tuorum, lunam & stellas quæ tu fundasti. Et iterum, Qui operit cælum nubibus, & parat terræ pluuiam. Rursus, Cæli enarrant gloriam Dei, & opera manuū eius annunciat firmamentū. Deinde cælum ponitur pro throno & habitatione Dei, deniq; pro ipso loco, sede & receptaculo beatorum, in quo Deus se suis uisendū & fruendum præbet. Dauid enim iterum testificans, dicit, Dominus in cælis parauit solium suum. Vnde & Dominus in Euangelio dixit, Ne iuretis per cælū, quia thronus Dei est. Paulus uerò Apostolus, Scimus, ait, quod si terrenū nostrū domiciliū huius tabernaculi destructum fuerit, ædificationem ex Deo habemus, domiciliū non manu- *2. Corin. 5.* factum æternum in cælis. Hac itaq; significatione Cælum appellatur Regnū Dei, regnum patris, Gaudium, Beatitudo & felicitas, æterna uita, pax & tranquillitas. Et quanquam Deus nullo concludatur loco. Nam dicit, Cælum mihi sedes, terra

autem est scabellum pedum meorum: attamen quia maxime elucescit in cœlo gloria Dei, & in cœlis se suis uisendū fruendūq; præbet, iuxta illud, Videbimus eū sicuti est: Item, Nemo uidebit me, ait Dominus, & uiuet, dicitur cœlos inhabitare Deus. Sed & Christus Dominus iuxta diuinitatem nullo concluditur loco: iuxta assumptam humanam naturam quam uexit ad cœlos, loco cœli certo continetur, nec est interea in terris aut ubiq; locorū corporaliter, sed seiunctus à nobis corpore uersatur in cœlis. Ascendit enim, qui inferiora relinque ns ad superiora contendit. Christus ergo relictis terris supra omnes cœlos sedem corpori suo collocauit: non quod elatus sit extra omnes cœlos, sed quod supra omnes orbis ascendens, in ipsum extimum atq; supremum cœlum, in sedem inquam beatorum sit receptus. Paulus enim Apostolus significatissime loquens, Nostra conuersatio, inquit, in cœlis est, ex quo & seruatores expectamus, &c. Eodem modo & Lucas Euangelista dicit, Et cum benediceret eis, recessit ab eis, ac ferebatur in cœlum.

Ascendit dominus supra omnes cœlos.

Philip. 4.  
Luc. 24.

Sedet ad dexteram Dei patris omnipotentis.

Sed quid multis exponimus, quod in ipso Symbolo per consequentia clarissime illustratur? Sequitur enim, Sedet ad dexterā Dei patris omnipotentis. Ex his enim intelligimus qualis locus sit cœlum, & quid in cœlis agat Dominus noster. Non est quidem nostræ fragilitatis cœlorum secreta rimari & discutere, interim non impium est, illud quod scripturis nobis traditur inquirere, & ita ut nobis traditum est fideliter tenere. Simpliciter dicitur Dominus noster sedere, & ad dexteram quidem patris omnipotentis sedere. Quæramus ergo ex scripturæ testimonijs, quid sit Dexterā patris, & quid sit sedere in dextera patris.

Dextera Dei finita est et loci nomen.

Augustinus

Psalms 118

Sedere est quiescere, imò frui gaudio.

Joan. 14

Dextera Dei patris in scriptura duplicem habet significationem. Principio dextera Dei est locus beatorum & felicitas æterna in cœlis. Id quod ante nos obseruauit beatus Augustinus, qui in libro de Agone Christiano cap. 16. sic reliquit scriptum, Dextera patris est beatitudo perpetua quæ sanctis datur: sicut Sinistra rectissime dicitur miseria perpetua quæ impijs datur: ut non in ipso Deo, sed in creaturis hoc modo quo diximus intelligatur dextera & sinistra. Hoc autem dixit beatus Augustinus secundum scripturas. Dauid enim canit, Notam mihi facies semitam uitæ, satietas gaudiorum in conspectu tuo est, & iucunditates in dextera tua in perpetuum. Hoc quid aliud est, quam si dixisset? Perduces me ad uitam, in ipsos inquam cœlos, ubi satiabor gaudijs, nimirum te inspiciendo & te contemplando atq; fruendo In dextera tua, in æterna beatitudine sunt gaudia perpetua. Et in Euangelio legimus oues ad dexteram, hœdos collocari à iudice in sinistra. Iuxta hanc significationem dexteræ, Sedere, significat quiescere ab omnibus laboribus, & tranquillè beatèq; uiuere. Notissimum est enim illud propheticū, Sedebit uir sub uite sua, pro eo quod est, pacata, secunda & tranquilla erunt omnia. Dextera itaq; patris hac significatione finita est: & cum confitemur sedere filium in dextera patris omnipotentis, confitemur Dominum nostrum liberatum omni molestia & infirmitate humana, secundum humanam naturam quiescere iam & latari in certo cœli loco, ubi & animas & corpora nostra credimus æternū & futura & uictura. Nam in Euangelio ipse Dominus testatur in domo patris sui mansiones esse multas, ad quas parandas ut & ipsis locus sit abeat, & quanquam abeat, rediturum tamen ad ipsos & assumpturum ipsos ad semetipsum, ut ubi ipse sit, ibi aut eodem in loco futuri sint & illi. Proinde credimus Christum quiescere in cœlis, ubi nobis quoq; locum parauit quietis, in quo æternū in gaudio futurum simus. Et quia corpora nostra in beatitudine non sunt ubique futura, sed in loco certo, ideo rectè dixit beatus Augustinus, Christum Dominum iuxta ueri corporis modum in uno aliquo loco cœli esse. Et S. Cyprianus, Sedere ad dextram patris



patris, carnis assumptæ mysterium est.

Deinde ponitur Dextera Dei pro uirtute, regno, protectione, assertione & potentia Dei. Dauid enim dixit, Dextera Domini excelsa est, dextera Domini facit fortia. Et Moses, Dextera tua Domine magnificata est in uirtute, Dextera tua Domine fregit inimicum. Et iuxta hanc dexteræ significationē, Sedere significat regnare, asserere, potentiam exercere & obire munus principis. Nam Dauid dixit, Dixit Dominus Domino meo, sede à dextris meis, donec ponā inimicos tuos scabellum pedum tuorum. Et Zacharias, Ecce uir, ait, cuius nomen est Germen, de loco suo germinabit, & ædificabit templū Domini, sedebit & dominabitur super folium suum, eritq; sacerdos super folium suum. Hac ratione Dextera Dei infinita est & nullo loco concluditur: & cum confitemur Dominum nostrum sedere ad dexteram patris, confitemur filium exaltatum esse super omnia subiectis sibi rebus omnibus, ut Paulus ait ad Ephes. i. cap. deniq; filium sic exaltatum, posse omnia, regnare in tota ecclesia, asserere suos, intercedere in cœlis apud patrem, ubiq; præsentem esse diuina uirtute. Huc enim pertinet, quod omnipotentiam sessioni huic adiunxit Symbolum dicens, Sedet ad dexteram patris omnipotentis. Nam et apud Matth. dicit: Data est mihi omnis potestas in cœlo & in terra, abite ergo & adducite mihi omnes gentes.

*Dextera Dei infinita est & potentia nomen. Sedere est regnare, etc.*

Sic pulchrè pauculis hisce uerbis expressum puto qualis sit locus cœli, nimirum locus quietis, gaudiū & æternæ felicitatis, in quo sedet, habitat & uersatur iuxta assumptā naturam filius Dei, sicut & nos qui sumus Christi membra futuri sumus in illo loco sine omni dolore & molestia, in gaudio sempiterno. Et quamuis Dominus noster molestia omni liberatus sit, intelligimus tamen ipsum non otiosum desiderare. Est enim rex, sacerdos & Deus uerus in templo dei uero: non potest ergo non pro ingenio & officio suo operari salutē in electis, & omnia facere quæcunq; facit Deus rex & sacerdos. Ita scimus iam omnes quid in cœlis residens dominus noster faciat. Neq; ullam ei adfert molestiam quod agit & operatur: non enim necessitate quadam, sed natura & uoluntate operatur.

Non aliter tractarunt hunc fidei articulum & ueteres sanctæ scripturæ interpretes, quorum aliquot proferemus testimonia. S. Hieronymus exponens i. cap. Pauli ad Ephesios scribit, Per humanam similitudinem Dei potentiā demonstrauit: non quò solum ponatur & deus pater in eo sedeat, secumq; filium habeat residentem: sed quò nos aliter iudicantem atq; regnantem, nisi per nostra uerba intelligere nequeamus. Sicut ergo proximum esse deo, uel ab eo procul recedere non secundum locorum spacia, sed iuxta merita sentiendum est, quòd sancti iuxta eum sint, peccatores uerò (de quibus ait propheta, Ecce qui elongant se à te peribunt) ab omni eius uicina submoueantur: Sic uel in dextris uel sinistris dei esse accipiendū est, quòd sancti à dextris eius sint, peccatores uerò à sinistris. Saluatore quoq; id ipsum in Euangelio cōprobante, cum oues à dextris, hædos uerò memoret esse à sinistris. Sed & ipsum uerbum sedere, regni significat potestatem, per quam beneficium eis deus tribuit super quibus sedere dignatur, quòd scilicet regat eos, & in cursu suo habeat, & ad nutum proprium uaga prius & libera colla conuertat.

*S. Hieron. de dextera patris.*

S. Augustinus de Fide & Symbolo, Credimus, inquit, quòd sedet ad dexterā dei patris. Nec ideo tamen quasi humana forma circumscriptum esse deum patrē arbitrandum est: ut de illo cogitantibus dextrum aut sinistrum latus animo occurrat: aut id ipsum quòd sedere pater dicitur, flexis poplitibus fieri putandum est, ne in illud incidamus sacrilegium quo execratur Apostolus eos, qui cōmutauerūt

*S. August. de dextera patris.*

*Vide.**Rom. 1.*

gloriam incorruptibilis Dei in similitudinem corruptibilis hominis. Tale enim simulachrum Deo nephas est Christiano in templo collocare: multò magis in corde nepharium est, ubi uerè est templum Dei, si à terrena cupiditate atque errore mundetur. Ad dexteram ergo intelligendum est dictum esse, in summa beatitudine, ubi iustitia & pax & gaudium est: sicut ad sinistram hædi constituuntur, id est, in miseria propter iniquitates & labores atque cruciatus. Sedere ergo quòd dicitur Deus, non membrorum positionem, sed iudiciariam significat potestatem, qua illa maiestas nunquam caret semper, dignis digna tribuendo. Et reliqua.

*S. Fulgentius.*

Beatus Fulgentius Episcopus lib. ad Trasimundū regem 1. Dominus, inquit, ut localem ostenderet humanitatem suam, dicit discipulis suis, Ascendo ad patrem meum & ad patrem uestrum, Deum meum & Deum uestrum. Et mox, Immensitatem uerò suæ diuinitatis ostēdens dicit discipulis suis, Ecce ego uobiscum sum omnibus diebus usque ad cōsummationem seculi. Quomodo autem ascendit in cœlum, nisi quia localis & uerus est homo? Aut quomodo adest fidelibus suis, nisi quia idem immensus & uerus est Deus?

*S. Vigilius.*

Beatus martyr & Episcopus Tridenti Vigilius libro cōtra hæreses. 1. Hoc erat, inquit, ire ad patrem & recedere à nobis, auferre de hoc mundo naturam quam susceperat ex nobis. Vides ergo eidem naturæ proprium fuisse ut auferretur & abiret à nobis, secundum attestantium uocem angelorum, Hic Iesus qui receptus est à uobis, sic ueniet quemadmodum uidistis eum euntem in cœlum. Nam uide miraculum. Vide utriusque proprietatis mysterium: Dei filius secundum humanitatem suam recessit à nobis: secundum diuinitatem suam ait nobis, Ecce ego uobiscum sum omnibus diebus usque ad consummationem seculi. Si nobiscum est, quomodo ait, Venient dies quando desiderabitis uidere unum dierum filij hominis, & non uidebitis: Sed & nobiscum est, & non est nobiscum. Quia quos reliquit & à quibus discessit humanitate sua, nō reliquit nec deseruit diuinitate sua. Hæc ille.

*Articulus fidei 7.**Iudex Christus.*

Septimus fidei nostræ articulus hic est, INDE VENTURVS IUDICARE VIVOS ET MOR. VOS. Præcedentibus articulis proposita & confessa est diuina in Christo bonitas, beneficentia, & gratia: iam declarabitur in ipso etiam diuina iustitia, seueritas & uindicta. Nam duo sunt aduentus Domini nostri Iesu Christi. Primo uenit humilis in carnem redemptor & seruator mundi. Secundo ueniet gloriosus in iudicium, iudex & ultor inexorabilis contra omnes impoenitentes & impios. Venturus est autem e cœlis e dextera patris, corpore uisibili & uerè humano conspicuus omni carni, cum immensa diuinitatis potentia & gloria, cum angelorum omnium satellitio. Ipse enim Dominus in Euangelio, Videbunt, inquit, filium hominis uenientem in nubibus cœli cum uirtute & gloria multa, & mittet angelos suos cum tubæ uoce magna, &c.

*Iudicare quid.*

Porro iudicare significat pro tribunali sedere, causas audire & discutere, litem dirimere, decernere & pronunciare, denique defendere & asserere, rursus punire aut afficere supplicio, atque ita coercere & opprimere uim & malitiam. Credimus ergo Dominum nostrum Iesum Christum in die illo asserturum omnes pios & perditurum omnes impios: iuxta illud Apostoli, Reuelabitur Dominus noster de cœlo cum angelis potentia suæ, cum incendio flammæ, & infliget ultionem iis qui non nouerunt Deum: rursus idem iudex iustus reddet coronam iustitiæ omnibus qui diligunt aduentum eius.

*Pictura iudicij extremi.*

Modum enim iudicij talem proponunt nobis Euangelica & Apostolica scripta. Postquam iniquitas huius seculi peruenerit ad summum, ac orbem seduxerit Antichri-



Antichristus, ut minimum supersit fidei, impijque dixerint pax & securitas, tum repentinus ueniet interitus. Mittet enim archangelus suum iudex Dominus noster, qui clangat tuba, & a quatuor uentis colligat omnem carnem ad iudicium; mox sequetur ipse iudex Dominus noster Iesus Christus cum toto exercitu coelorum: descendet autem ex coelo in nubes: ac in nubibus ceu in tribunali sublimis residens apparebit illustris omni carni. Qui enim uiixerint in hoc seculo, isto iudicii tempore stabunt coram iudice in puncto immutati: mortui uero resurgent in momento omnes. Tunc iudex separabit oues ab hœdis: & pronuntiabit iustam pro ouibus & contra hœdos sententiam, Venite benedicti, &c. Et, Abite maledicti, &c. Sequetur mox ipsa executio. Oues enim sursum protinus rapiuntur in nubes obuiam Domino in aëra, ascendentque cum illo læti in coelos ad dexteram Dei patris, æternum uicturi in gloria & gaudio. Impiis dehiscet ima tellus, absorbebitque horribiliter uniuersos, demittens eos ad tartara æternum cum satana & angelis eius cruciandos. Fient hæc omnia non longo, molesto, uersipelli et iuridico quodam processu, sed extemplo. Tunc enim patebunt omnium corda, & accusabit unumquemque sua ipsius conscientia. Copiosius hæc traduntur Matth. 24. & 25. Sap. 3. & 5. 1. Corinth. 15. 2. Corinth. 5. 1. Thess. 4. & 5. Rom. 2. 2. Pet. 3. &c.

Cæterum singulariter confitemur iudicandos fore uiuos & mortuos. Id quod *iudicantur uiui & mortui.* nonnulli exponunt de pijs & impijs. Atqui Symbolum paratum est simplicibus maximè. At simplicibus cōueniunt simplicia. Idcirco mortui sunt omnes, quicūque ab exordio mundi ad diem usque ultimum excesserunt ex uiuis. Viui autem sunt, quos deprehendet dies illa uiuentes adhuc in hoc seculo. Apostolus enim, Ecce mysterium uobis dico, ait, Non omnes quidem dormiemus, omnes tamen immutabimur in puncto temporis, in momento oculi per extremam tubam. Canet enim, & mortui resurgent incorruptibiles, & nos immutabimur. Rursus alio in loco idem Apostolus, Hoc dicimus uobis in uerbo Domini, quod nos qui uiuimus & reliqui erimus in aduentum Domini, nequaquam præueniemus eos qui dormierunt. Quoniā ipse Dominus cum hortatu & uoce archangeli ac tuba Dei descendet ex coelo, & mortui in Christo resurgent primum, deinde nos qui uiuimus qui reliqui erimus, simul cum illis rapiemur in nubibus, in occursum Domini, in aëra: & sic semper cum Domino erimus,

Confitemur ergo hoc articulo 7. nos credere finem affore rerum omnium in hoc seculo, felicitatemque impiorum non fore perpetuam. Deum enim iustum esse *Premia & supplicia certissima.* qui omne dederit iudicium filio suo, qui & repensurus sit in illo die unicuique iuxta opera sua, impijs tormenta nunquam terminanda, pijs æterna gaudia. Adeoque profitemur hoc articulo nos expectare liberationem, refrigerium, & præmium uitæ æternæ. Quomodo enim credentes suos, populum suum, & seruos suos perderet, qui in ueracissimo Euangelio dixit, Amen dico uobis, quod uos qui secuti estis me, in regeneratione, cum sederit filius hominis in sede maiestatis suæ, sedebitis & uos super sedes duodecim iudicantes duodecim tribus Israel. Certissima sunt præmia & supplicia pijs & impijs in uerbo ueritatis proposita. Veracissimus est qui ad Isaiam dixit, Dicite iusto quod bene sit habiturus, fructu studiorum suorum fruetur. Væ impio, male habebit, quoniam rependetur ei secundum opera manuum suarum. Et hæc quidem hæcenus de ordine Symboli secundo. Descendimus iam ad ordinem tertium.

Articulus fidei octauus hic est, Credo in spiritum sanctum. *Articulus fidei 8.* Continet hic ordo tertius, tertiæ in adoranda Trinitate proprietatem personæ. Rectè autem credimus in spiritum sanctum, sicut in patrem & in filium. Deus enim

*Spiritus san-  
ctum.*

unus est cum patre & filio spiritus sanctus: & recte sequitur fides in spiritum sanctum fidem in patrem & filium. Nam per ipsum diuinæ salutis completæ in filio fructus obsignatur, sanctificatioq; & ablutio nostra nobis per spiritum confertur aut in nos deriuatur. Apostolus enim, Qui unxit nos Deus est, inquit, qui etiam obsignauit nos, deditq; arrham spiritus in cordibus nostris. Et iterum, Eratis quidem iceleribus polluti, iam uerò abluti & sanctificati estis, deniq; & iustificati per nomen Domini Iesu, & per spiritum Dei nostri. Sanctificat quidem & pater, sed per sanguinem Iesu Christi, & eandem in nos sanctificationem transfundit per spiritum sanctum: ut spiritus sancti quasi proprium sit sanctificare, unde & nomen obtinet sancti uel sanctificatoris. Proinde cum spiritus sancti nomen audimus, cogitandus est effectus quem ei tribuit scriptura, expectandaq; beneficia quæ ex ipso in nos manant. Virtus enim, operatio, seu actio spiritus, est quicquid operatur in nobis per filium gratia Dei patris: ut necessaria sit fides in spiritum sanctum. Et profitemur quidem hoc articulo octauo nos credere fideles omnes purgari, abluï, regenerari, sanctificari, illuminari, uarijsq; gratiarum muneribus donari à Deo propter Christum, sed per spiritum sanctum. Extra hunc enim non est ulla sanctificatio uera: unde non oportet charismata alijs tribuere medijs: hæc gloria solius est spiritus diuini. De quo differemus in alijs concionibus fusius & plenius.

*In Christo de-  
dit nobis pater  
plenè omnes  
thesauros cœ-  
lestes.*

*Colof. 1.*

Quoniam uerò elapsa hora nos admonet uela colligere, hortamur omnes ut fidem in Dominum Iesum religiose teneant: hunc enim misit nobis pater cœlestis, in hoc se totum nobis & exprimit & exhibet, hunc inscribit cordibus, & retinet in animis spiritus sanctus. Est autem tota salus hominis, & singulæ salutis partes comprehensæ in Christo: unde cauendum est, ne aliò deriuemus. Placuit patri, ait Apostolus, uniuersam plenitudinem inhabitare in filio, & in ipso recapitulare ac uelut in summam redigere salutis omnia: ac in ipso fideles sint completi. Si enim salus quæritur, ipso nomine docemur penes ipsum esse salutem. Dicitur enim Iesus, id est, saluator. Si ipsum Dei sanctum spiritum ac dona eius uaria desideramus, reperiemus & in Christi unctione. Dicitur enim Christus, unctus inquam, sanctus sanctorum & sanctificans, siue inungens nos spiritu suo. Si opus est alicui robore & fortitudine, assertionem & potentiam, habet in dominio Christi. Est enim Christus uniuersorum Dominus. In eodem inuenimus redemptionem. Redemit enim nos uenditos sub iugum satanæ. Habemus puritatem in eius conceptione, indulgentiam in eius natiuitate. Nostrum enim similis factus est ut cōdolere nobis posset. Habemus remissionem in eius passione, absolutionem in eius damnatione, satisfactionem in eius hostia uel sacrificio expiatorio, purgationem in eius sanguine, reconciliationem uniuersalem in descensu eius ad inferos. Habemus mortificationem carnis nostræ in sepultura eius, uitæ nouitatem, imò & animæ immortalitatem, corporumq; resurrectionem in eius gloriosâ resurrectione. Habemus item regni cœlestis hæreditatem & hæreditatis obsignationem in ascensione eius, sessioneq; in dextera patris. Ibidem est intercessor, sacerdos & rex noster, præsidium & caput nostrum, defensor noster & securitas nostra tutissima. Inde transfundit in nos omnium bonorum copiam spiritum suum sanctum, & communicat se totum nobis, & nos ipsos sibi coniungit nexu indissolubili. Inde confidentes & lætantes expectamus ipsum iudicem, assertorem inquam & patronum nostrum, qui damnabit & in tartarum cum satana præcipites dabit omnes hostes nostros: nos autem & omnium seculorum omnes credentes secum subuehet in cœlos, ut ibi canamus canticum nouum, & in eo exulemus in secula seculorum. Ipsi gloria semper.

*Depo-*



*De postremis fidei Christianæ articulis Symbolo Apostolorum comprehensis.*

## S E R M O I X.

**I**NVOCEMVSPatrem nostrum in cœlis, per Dominum nostrum Iesum Christum, ut gratiam suam in nos transfundat, quò postremam partem expositionis articulorum fidei Christianæ multo cum fructu expediāmus.

Articulus fidei nonus sic habet, **SANCTAM ECCLESIAM CATHOLICAM, SANCTORVM COMMVNIONEM.** Post confessionem fidei in sanctam trinitatē & in mysteriū filij Dei domini nostri Iesu Christi, deniq; in sanctificatorem & reparatorem omnium spiritum sanctum: quarto ordine iam enumeratur fructus uel uirtus, effectus & finis fidei, quæ uidelicet contingant & donentur fidelibus. Obuenit his communio cum deo & cum omnibus sanctis, sanctificatio, remissio peccatorum, resurrectio carnis, & uita sempiterna. De his ordine dicemus, quantum facultatis dederit benignus Dominus.

Porro repetendum est ex articulo 8. Credo, Credo inquā sanctam Ecclesiam catholicam. Contendunt hic imperiti quidam cōsitendum esse, Credo in sanctam Ecclesiam. Nimirum quòd scriptum sit in Constantinopolitano symbolo, Et in spiritum sanctum Dominum uiuificantem: qui ex patre filioq; procedit, qui cum patre & filio simul adoratur & cōglorificatur, qui locutus est per prophetas in unam catholicam & Apostolicā Ecclesiam. Nam hæc ita distinguunt, ut sicut repetunt ex præcedentibus Credo, & intelligunt, Credo in spiritum sanctū Dominum: ita Credo hic quoq; repetunt, & hunc sensum colligunt, Credo in unam catholicam & Apostolicam Ecclesiam. Cæterum præter necessitatē & contra pietatem uerba symboli ita detorquent. Nam refertur hoc, In unam catholicam & Apostolicā Ecclesiam non ad uerbum Credo, sed ad spiritum sanctum, nempe quòd is locutus sit per prophetas in unam catholicā & Apostolicā Ecclesiam. Significamus enim & confitemur unum atq; eundem spiritum omnia egisse in utroq; testamēto, contra eos qui confinxerunt duos sibi quasi cōtrarios spiritus. Sed & beatus Cyprianus in expositione symboli Apostolici, Non dixit In sanctam ecclesiam, ait, nec In remissionem peccatorum, nec In carnis resurrectionē. Si enim addidisset In præpositionem, una eademq; uis fuisset cum superioribus. Ne autem in illis quidem uocabulis ubi de diuinitate fides ordinatur, In Deo pater dicitur, & in Iesu Christo filio eius, & in spiritu sancto: in cæteris uerò ubi nō de diuinitate, sed de creaturis ac mysterijs sermo est, In præpositio non additur, ut dicatur, In sanctam Ecclesiam, sed sanctam Ecclesiam credendā esse, non ut in Deum, sed ut Ecclesiam Deo congregatam: & remissionem peccatorum credendam esse, non in remissionem peccatorum: & resurrectionem carnis, non in resurrectionem carnis. Hac itaque præpositionis syllaba creator à creaturis secernitur, & diuina separantur ab humanis. Hæc Cyprianus.

S. Augustinus de Fide & symbolo legit, Credo sanctam Ecclesiam: & non, Credo in sanctam Ecclesiam. Allegantur præterea uerba eius ad Neophytos de Consecrat. Distinct. 4. cap. Prima, Non diximus ut in Ecclesiam quasi in Deum crederetis, sed intelligite nos dixisse, ut in Ecclesia sancta catholica conuersantes in Deum crederetis.

Multò clarius autem Paschasius in lib. 1. de Spiritu sancto cap. 1. Credimus Ecclesiam, inquit, quasi regenerationis matrem: non in Ecclesiam credimus quasi in salutis authorem. Qui in Ecclesiam credit, in hominem credit. Nō enim homo ex

Ecclesia, sed Ecclesia cœpit esse ex homine. Recede itaq; ex hac blasphemia persuasione, ut in aliquam humanam te æstimes debere credere creaturam: cum omnino nec in angelum nec in archangelum sit credendum. Imperitia nonnullorum præpositionem In, uelut de proxima uicinaq; sententia in cōsequentem traxit & rapuit, & ex superfluo imprudenter apposuit. Cæterum hic liber S. Paschasij ualde probatus est à beato Gregorio magno Romano Episcopo.

S. Gregorium.  
Thomas Aquinas.

Quid quod Thomas Aquinas disputans de fide lib. 2. part. 2. artic. 9. quæst. 1. ait: Si dicitur, Credo in sanctam Ecclesiam, intelligendū, quòd fides nostra refertur ad spiritum sanctum qui sanctificat ecclesiam: ut sit sensus, Credo in spiritum sanctum sanctificantem Ecclesiam. Sed melius est & secundum communio-rem usum ut nō ponatur ibi In, sed simpliciter dicatur sanctam Ecclesiam catholicam: sicut etiam Leo papa dicit. Hæc ille. Habetis sententias ueterum Ecclesiæ doctorum, Cypriani, Augustini, Gregorij, Paschasij, Leonis papæ, sed & Thomæ Aquinatis, qui in hisce postremis temporibus docuit. Intellexit autem charitas uestra ex rationibus desumptis ex scriptura canonica, confitendum esse sanctam catholicam, & non credendum in sanctam catholicam Ecclesiam.

Leo papa.

Ecclesia.

Catholica  
Ecclesia.

Videndū porro quid Ecclesia dicatur, & quid catholica Ecclesia. Ecclesia propriè est concio, populus inquam euocatus aut collectus ad audiendum de reipublicæ negotijs. In præsentī est omnium profitentium nomen Christi cœtus, communio aut collectio, multitudo & societas. Catholica, id est, uniuersalis dicitur hæc societas, quia per omnia loca & tempora extēditur. Sancti enim omnes ita uniuertur, ut membra in uno corpore quæ ab uno dependent capite. Ergo uniuersitas totaq; multitudo fidelium dicitur Ecclesia. Non enim restricta est Ecclesia Christi in angulum aliquem Aphricæ Donatianicum: extendit se per orbem terræ, & ad omnia tempora, & complectitur omnes fideles ab ipso Adamo ad ultimum usq; sanctum qui futurus est ante finem mundi. Habet hæc particulares Ecclesias, Ecclesiam inquam Adæ & patriarcharum, Ecclesiam Moysi & prophetarū ante natiuitatem Christi, Ecclesiam Christianam quæ à Christo denominatur: & Apostolicam, apostolica doctrina collectā in nomine Christi. Ecclesiam deniq; Hierosolymitanam, Antiochenam, Alexandrinam, Romanam, Asiaticam, Aphricanam, Europeam, Orientalem, Occidentalem, &c. Et hæc tamen omnes uelut membra unius corporis sub unico capite Christo (solus enim Christus est caput Ecclesiæ suæ, non tantum triumphantis, sed & militantis) unicam duntaxat cōstituunt catholicam Ecclesiam: in qua non reperiuntur uel hæreses uel schismata, ideo etiam appellatur orthodoxa, nimirum à recta & uera opinione, sententia, fide atq; doctrina. In sola enim Ecclesia est uera fides, & extra Ecclesiam dei nulla est ueritas, nulla salus.

Orthodoxa  
Ecclesia.

Credimus sanctam esse Ecclesiam.

Ephes.

Confitemur autem hoc articulo, quòd omnes fideles per totum terrarum orbem dispersi, sed & qui hodie uiuunt in cœlis, quotquot inquam saluati sunt, & in finem usq; seculi nascentur saluandi, unum sint corpus, nati societatem & participationē cum Deo & inter se mutuam. Et quoniam nemo cum Deo uniri potest, nisi & ipse sanctus atq; purus sit, quemadmodum Deus sanctus & purus est, ideo credimus sanctam esse Ecclesiam, id est, sanctificatam per deum patrem in sanguine filij & dono spiritus sancti. Testimonia plura audiuius in superioribus concionibus. Vnum Pauli satis fuerit quod ad Ephes. ita legitur scriptum, Christus dilexit Ecclesiam, & tradidit semetipsum pro ea, ut illam sanctificaret mundatā lauacro aquæ per uerbum, ut adhiberet eam sibi ipsi gloriosam Ecclesiam, non habentem maculam aut rugam, &c. Ex quibus uerbis etiam hoc intelligimus, Ecclesiam

nam



nam appellari incontaminatam & prorsus puram, non propter ipsam, sed propter Christum. Ita enim sancta est Ecclesia Christi ut quotidie proficiat, nondū quoad in terris uiuit, perfecta sit. In Christo tamen eius sanctitas perfectissima est. Quo nimirum pertinet illa egregia domini uox, Qui lotus est non opus habet, nisi ut pedes lauet, sed est mundus totus. Propter Christum enim lauante sanguine suo, fideles perfecte mundati sunt, sed quia caro repugnat quoad uiuitur in terris spiritui, opus est pijs pedes, id est, carnis reliquias & maculas ex quotidiana mundi conuersatione aspersas, eluere atq; extergere spiritu ac fide.

Sed quorsum pertinet quod appenditur, Sanctorum communionem? Ea uerba non habentur neq; apud Cyprianum, neq; apud Augustinum, neq; ab eis exponuntur. Vnde uerisimile est adiecta esse interpretandi gratia: ut enim apparet Ecclesiam catholicam esse societatem & contubernium fidelium, adiecit Sanctorum communionem, id est, quæ Ecclesia est cōmunio sanctorum. Sanctos appellauit Paulus fideles sanguine & spiritu dei sanctificatos. Sed & Communionis uocabulum plurimum habet euidentiae & consolationis. Primò enim innuit inter nos & deum esse communionem, id est, societatem & participationem, & per consequens omnium bonorum cœlestium communicationem. Deinde intelligimus societatem & participatum esse nobis cum omnibus sanctis, cum in cœlis tum in terris uiuentibus. Horum enim membra sumus sub uno capite Christo. Ioannes enim Apostolus dicit, Quod uidimus & audiuius annūciamus uobis, ut & uos societatem habeatis nobiscum, & societas uestra sit cum patre & filio eius Iesu Christo. Huc pertinet similitudo elegans de corpore & membris sub uno capite, copiose tractata ab Apostolo Paulo. Quis uerò satis dignè præstantiam doni beneficij Dei explicuerit, quòd nos sumus participes dei cum quo arctissimam coniunctionem imò cōmunionem habemus cum omnibus bonis cœlestibus? Quid iucundius auditu est, quàm quòd omnes sancti tam in cœlis quàm in terris fratres nostri sunt, & nos istorum membra participesq; & socij sumus? Benedictus Deus qui nobis in Christo tam liberaliter benedixit. In hunc locum pertinet tractatio sacramentorum, de quibus aliàs, sicut & de Ecclesia aliàs dicemus copiosius. Hæc ad institutum præfens sufficiunt. Abundè enim satis fidei in deum patrem, filium, & spiritum sanctum fructum exprimunt & exponunt, nempe quòd communionem habemus cum deo & cum omnibus sanctis, & quòd in hac societate sanctificamur ab omnibus inquinamentis, purgati iam & sancti in Christo Domino nostro.

Sequitur articulus fidei decimus, REMISSIONEM PECCATORUM. Fructus alter fidei in deum patrem, filium, & spiritum sanctum exponitur, remissio uidelicet peccatorum, quæ tametsi in sanctificatione superioris articuli sit comprehensa, uiuidius tamen exprimitur. Extra Ecclesiam ceu arcam Noe nulla est salus: in Ecclesia autem, in societate inquam Christi & sanctorum, est plenaria remissio omnium peccatorum. Hæc ut rectius intelligantur, digeremus in aliquot capita.

Principiò necesse est, omnes agnoscamus & confiteamur nos esse peccatores, ac natura proprioq; nostro merito filios iræ & condemnationis. Nam non frustra nequane mendacem appellauit beatus Ioannes omnem qui negat se esse peccatorem. Et qui corda hominum nouit Deus, iussit nos ad extremum usq; halitum orare, Remitte nobis debita nostra. Sed & in Euangelio duo elegantia habemus confitentium deo peccata sua aperte exempla, filij uidelicet prodigi, & publicani apud Lucam. Teneamus ergo nos omnes esse peccatores, sicut & Paulus docuit

Quomodo Ec-  
clesia sancta.

Joan. 13.

Sanctorum  
communio.

1 Joan. 1.

2 Cor. 12.

Articulus fidei  
dei 10.

Agnitio &  
confessio peccatorum.

Luc. 15.

Luc. 18.

imò euicit ad Rom. 3. cap. & confiteamur Deo ingenue peccata nostra cum Dauid de Psal. 23. & 51. dicentes, Peccatum meum tibi notum feci, & iniquitatem meam non abscondi. Dixi: confitebor aduersum me iniquitatem meam, & tu remisisti iniquitatem peccati mei. Miserere mei Deus secundum magnam misericordiam tuam, &c. Notus est Psalmus.

Remittuntur à deo peccata nō propter merita nostra, sed propter Christum.

2m. 7.

Rom. 4

Deinde credamus nobis peccata illa nostra condonata & remissa esse à Deo, non propter illam nostram peccatorum agnitionem & confessionem, sed propter meritum ac sanguinem filij Dei: non propter opera & merita nostra, sed propter ueritatem & misericordiam siue gratiam Dei. Disertè enim profiteamur, Credo remissionem peccatorum: nō dicimus, Emo, aut muneribus impetro, aut operibus assequor remissionem peccatorum, sed, Credo remissionem peccatorum. Ac Remissionis uocabulum gratuitam condonationē significat, metaphora tracta à creditoribus & debitoribus. Remittit enim debitori creditor cum ille non est soluendo: ergo remissio est donatio: iuxta illud saluatoris in Euangelio, Duo debitores erant cuidam creditori: cumq; illi non essent soluendo, donauit utrisq;. Huc pertinet illud ex oratione dominica, Et remitte nobis debita nostra. Debita enim nostra peccata sunt, ea nobis remitti, id est, condonari postulamus. Huc pertinent illa sancti Pauli uerba, Ei qui operatur, merces non imputatur secundum gratiā, sed secundum debitum. Porro ei qui non operatur, sed credit in eum qui iustificat impiū, imputatur fides sua ad iustitiam. Quemadmodum & Dauid explicat beatificationem hominis cui deus imputat iustitiā absq; operibus, Beati quorum remissæ sunt iniquitates, & quorum obrecta sunt peccata. Beatus uir cui non imputabit dominus peccatum. Proinde gratis quidem quod nos quidē attinet, qui non habemus quod rependamus, quantum uerò ad iustitiam dei, propter meritum & satisfactionem Christi, condonantur nobis peccata.

Remittuntur peccata omnia.

1 Joa. 1.

Condonantur autem peccata, non paucorum, non unius aut alterius seculi, non certa & numerata, sed omnium hominum, omnium seculorum, & tota multitudo peccatorum, quicquid est & dicitur peccatum, siue originale sit, siue actuale, siue alienum sit, breuiter omnia peccata remittuntur nobis. Id quod sic intelligimus, unicam uidelicet Christi hostiam satis esse efficacem ad abluenda omnia omnium peccatorum fide ad thronum gratiæ accurrentium peccata. Ergo nō docemus homines peccare, quia iam olim pro peccatis satisfecit dominus: sed si quis peccauerit, docemus illum bene sperare non desperare, & accedere ad thronum gratiæ. Christum enim residentem ad dextram patris, esse agnum illum dei qui tollat peccata mundi. Et significanter quidem in symbolo ponitur, Credo remissionem peccatorum, & non peccati. Peccatorum enim dicētes, agnoscimus deum remittere omnia peccata. Nam ut Pauli testimonia ad Rom. 3. & 5. non proferamus, sufficient illa Ioannis Apostoli & Euangelistæ testificantis in epistola illa sua, atq; dicentis, Et sanguis Iesu Christi filij dei emundat nos ab omni peccato. En ab omni peccato dixit. Ab omni inquam qui dicit, nullum excludit, nisi fortè quod exclusit ipse dominus, peccatum in spiritum sanctum, pro quo & Ioannes ille idē orare prohibuit. Rursus, Si confitemur peccata nostra, ait idem ille, fidelis est & iustus ut remittat nobis peccata nostra, & emundet nos ab omni iniquitate nostra. Non satis erat Apostolo dixisse, Vt remittat nobis peccata nostra, adiecit insuper ut rem proprijsimè & significantissimè explicaret, Et emundet nos ab omni iniquitate nostra. Rursus ab omni iniquitate dicit. Et quia calumniator aliquis obijcere poterat, Efficit huiusmodi doctrina inertes & segnes homines. Nam homines prætextu gratiæ diuinæ pergent peccare: respondet ergo Ioannes in cap. 2. & ait,



ait. Filioli mei hæc scribo uobis ne peccetis: & si quis peccauerit, aduocatum habemus apud patrem Iesum Christum iustum. Et ipse est propitiatio pro peccatis nostris, non pro nostris autem tantum, sed etiam pro totius mundi. Proinde certum est morte Christi condonari credentibus peccata omnia.

Porrò remittit dominus solus peccata. Solius enim Dei gloria est remittere peccata, & ex iniustis facere iustos. Ergo quanquam homines dicantur remittere, id tamen de ministerio non potestate intelligendū est. Annunciat minister credenti propter Christum remissa esse peccata: nec fallit: Deus enim uerè peccata remittit credentibus: iuxta illud, Quorum remisistis peccata, remittuntur eis. Id fit quotiescunq; annunciat uerbum euangelij, ut nihil necesse sit comminisci, confessione auriculari & priuata sacerdotis absolutione ad condonationem peccatorum opus esse. Nam ut auricularis confessio non fuit usurpata sanctis ante aduentum Christi, ita non legimus Apostolos priuatas audiuisse confessiones, uel priuatas absolutiones usurpasse in Ecclesia Christi. Satis est cōfiteri Deo inspicienti corda nostra, & idcirco legitimo confessionario peccata nostra. Satis est, si iuxta uerbum S. Iacobi alter alteri fateatur delicta & offensas, precemurq; cōdonationem, & mutuò redeamus in gratiam. Satis est audiuisse Euangelium, promittenti nobis per Christum remissionem peccatorum si credamus. Credamus ergo remissionē peccatorum, orantes interim dominum ut is & fidem concedat & augeat. Hæc quondam & in primitiua Ecclesia satis fuerūt efficacia ad consequendā indulgentiam & plenariam peccatorum remissionem: sufficiunt haud dubiè etiam hodie.

*Solus Deus nō  
homo remittit  
peccata.*

Præterea remittit dominus nobis peccata, non ut non sint & reliquias in carne nostra ceu aculeum non relinquunt, sed ne imputentur nobis ad condemnationem. Hæret & exeret sese cōcupiscentia in carne nostra, spirituiq; Dei bono repugnat uel in sanctis, quoad uiuerimus in hisce terris. Multa ergo hîc opus uigilia, multis ieiunijs quibus carni detrahamus fomēta mali, multis precibus quibus imploremus Dei auxilium ne uincamur à malo. Quòd si quis succubuerit tentationi, ne præbeat se irretiendum diabolo, resurgat per pœnitentiam, recurat ad Christum, credens sibi per mortem Christi hunc quoq; lapsum esse condonatum. Recurret autem toties, quoties à concupiscentia & peccato fuerit superatus. Huc enim pertinent omnes adhortationes prophetarum & Apostolorū suadentes conuersionem ad Dominum.

*Quomodo res  
mittantur pec-  
cata.*

Peccata deniq; nostra ita condonat dominus, ut eorum planè recordari nolit. Ita enim prædixit per Ieremiam in cap. 31. Ergo non animaduertit in nos. Non enim culpam modò, sed & pœnam peccati cōdonauit. Quòd autem non rarò flagellis suis nos cædit, & cædit quidem propter peccata, sicuti clarè exprimit scriptura sancta, id quidem non fit ut afflictione nostra satisfaciamus pro peccatis commissis, ita enim euacuaretur mors Christi: sed flagellando castigat nos Dominus, & flagellando declarat se non probare peccata quæ designauimus, ac ipse gratis condonauit: flagellando item exempla statuit nos alijs, ne ipsi quoq; peccent: sed & nobis ipsis occasionem peccandi amputat, & cruce nostram exercet patientiā. Hæc hætenus de Remissione peccatorum. De qua nonnulla differuimus etiam in sermone de Fide iustificāte, et alijs.

*Nos non satis  
facimus pro  
pœna.*

Articulus fidei undecimus hic est, CARNIS RESURRECTIO. Duo articuli postremi, hic & duodecimus, fructum fidei præstantissimum dei, summamq; totius perfectionis succincta breuitate concludunt, finem inquam fidei, æternam uitam, & totius hominis plenam & perfectam salutē profitentes. Totus enim homo saluabitur cū anima tum corpore. Nam ut homo anima & cor-

*Articulus fidei*

pore perierat, ita anima & corpore restitui debebat, adeoq; & per Christum restitutus est. Anima quidem hominis spiritus est, neq; interit unquam: corpus terrenum est, moritur ergo ac computrescit. Quare multi arbitrantur interire corpora, neq; ea unquam uel gaudiorum uel pœnarum fore consortia. Diuersum uerò hoc articulo profitemur, consentientes corpora illa nostra adeoq; carnem nostram resurgere & ingredi in uitam æternam.

*Carnis resurrectio.*

De uocabulo resurrectionis diximus, ubi explicaremus articulum illum, Tertia die resurrexit ex mortuis. Caro uerò multò significantius huius nostræ carnis resurrectionem, quàm si corpus diceremus, exprimit. Certè Cyprianus author est in aliquot Orientis Ecclesijs hunc articulum sic fuisse pronūciatum, Credo huius carnis resurrectionem. Nam & Augustinus De fide & symbolo cap 10. scriptum reliquit, Hæc uisibilis quæ caro propriè dicitur, sine dubitatione credenda est resurgere. Hanc uidetur Paulus Apostolus ceu digito suo ostendere cum ait, Oportet corruptibile hoc induere incorruptionem. Cum enim dicit, hoc, in eam quasi digitum intendit. Hæc ille. Sed & diuus Hieronymus urget Ioan. Hierosolymitanum episcopum, ut palàm confiteatur carnis non tantum corporis resurrectionem. Alia, ait, carnis, alia corporis definitio est. Omnis caro est corpus: nō omne corpus est caro. Caro est propriè quæ sanguine, uenis, ossibus neruisq; cōstringitur. Corpus quanquam & caro dicatur, interdum tamen uel ætherium uel ærium nominatur, quod tactui uisuiq; non subiaceret: & plerunq; uisibile est atq; tangibile. Paries est corpus, sed non caro, &c. Hæc Hieron. Credamus itaq; corpora hominum quæ de terra sumpta sunt, & quæ homines hic uiuentes gerunt, in quibus uiuunt & uersantur, quæ moriuntur, inq; cinerem & puluerem abeunt, rursus reuiuiscere.

*An resurgant corpora illa ipsa quæ corrumpuntur.*

*Phil. 3.*

Sed rogas quomodo possit hæc caro redacta in fauillam & puluerem adeoq; in nihilum, resurgere in substantia & forma pristina: ueluti cum à ferarum dentibus dilacerata, aut ignium flammis prorsus absumpta est, cumq; in monumentis nō nisi tenuissimus & rarissimus reperitur puluisculus. Relego te ad omnipotentiam Dei, quam & Apostolus citauit dicens, Christus transfigurauit corpus nostrum humile ut conforme reddat corpori suo glorioso, secundum efficaciam qua potest etiam sibi subijcere omnia. Proinde qui ab initio cum nullus omnino esset homo in mundo, hominem potuit ex puluere terræ producere, tametsi idem homo iterum resoluatur in id unde sumptus est, nempe terrā, iuxta quod dixit, Puluis es & in puluerem reuerteris, certè poterit idem ille Deus etiam in fine seculi hominem rursus excitare è terra. Disertè enim dixit in Euangelio Dominus, Veniet hora in qua omnes qui in monumentis sunt audient uocem filij Dei, & prodibunt, qui bona fecerunt in resurrectionem uitæ, qui uerò mala egerunt in resurrectionem iudicij. Iam uerò fides nostra certa concipit persuasionem, ut Apostolus ait, quod is qui promisit, idem potens est & præstare. Sunt præterea uiua huius rei exempla, sunt clarissima sanctæ scripturæ testimonia. Ionas deglutitur à ceto in Syriaco mari, at idem post triduum, ad declarandam carnis resurrectionem ueram, è uisceribus beluæ euomitur uiuus in aridam. Proinde iam non amplius creditur difficile est, quod in theologia domini mare dicitur reddere mortuos suos. Nō potuit impetus ignis nocere tribus socijs Danielis, imò rabies ferarum contra naturam pepercit ipsi Danieli: ergo quid mirum, si potentia Dei ne hodie quidem resistere possit uis ignis & rabies ferarum, creaturas suas excitare uolenti? An non triduo iam in sepulchro iacentem imò & fœtentem Lazarum excitauit Dominus noster Christus? An non ipse confRACTA mortis tyrannide, tertia die resurrexit ex mortuis,



mortuis, & resurrexit quidem eadem carnis substantia & corporis forma, qua penderat in cruce, & sublatuſ e cruce fuerat ſepultuſ. In Chriſtum, qui dicitur primogenituſ ex mortuis, merito reſpicimus, quoties cogitamus qualis futura ſit reſurrectio carnis noſtræ. Ad eum enim modum reſurgent membra, quemadmodum reſurrexit caput: non quidem tertia die à morte noſtra, ſed noſtro modo & ordine in die illa ultima; uero tamen & noſtro illo corpore in quo iam uiuimus.

Teſtimonia de reſurrectione carnis noſtræ aliquot ſubiungemus. Proſitetur Iob fidem ſuam de reſurrectione mortuorum in maxima ſua infirmitate, afflictione & ægitudine, ac dicit, Scio quòd redemptor meus uiuit, & in nouiſſimo die de terra ſurrecturus ſum. Et ruruſ circumdabor pelle mea, & in carne mea uidebo Deum: quem uiſurus ſum ego ipſe, & oculi mei conſpecturi ſunt, & non aliuſ. Reſpoſita eſt hæc ſpes in ſinu meo. Clariffimuſ eſt hoc teſtimonium non indigens ulla copioſiore expoſitione. Teſtimoniare. reſurrectionis uere.

Non minus clara ſunt teſtimonia Iſaia 26. Ezech. 37. Pſal. 15. Matth. 22. Ioan. cap. 5. 6. 11. In Actis nullibi non inculcatur reſurrectio mortuorum. S. Pauluſ in 1. ad Corinth. 15. cap. plenè de hac reſurrectione diſputat. In 2. Epistoſa cap. 4. Semper noſ qui uiuimus, inquit, in mortem tradimur propter Ieſum, ut & uita Ieſu manifeſtetur in mortali carne noſtra. En quid poterat dici clariuſ, quàm uitam Chriſti manifeſtandam eſſe in mortali carne noſtra? Mox enim ſubiungit, Sciētes quòd qui ſuſcitauit Dominuſ Ieſum, noſ quoq; per Ieſum ſuſcitabit. Et in 5. cap. Omneſ noſ manifeſtari oportet, ait, coram tribunali Chriſti, ut reportet unuſquiſque ea quæ ſunt per corpus, iuxta id quod fecit, ſue id bonuſ ſit ſue malū. Corpora ergo noſtra uera reſurgent in die iudicij.

Explicanduſ porro erit charitati ueſtræ, quomodo reſurrectura ſint corpora noſtra, & qualia in reſurrectione futura. In fine & exitu ſeculorū ſue huiuſ mundi, ueniet in iudiciū magna cum maiestate Dominuſ noſter Ieſuſ Chriſtuſ, & tunc quidem quos dieſ illa deprehendet uiuot, in puncto temporis mutabuntur, mortui autem à primo homine ad ultimuſ, uniuerſi inquam reſurgent, ac in propria carne ſtabunt inter uiuot illoſ immutatoſ ante tribunal Chriſti, ultimam illam expectanteſ ſententiā. Id quod Pauluſ hiſce uerbis expoſuit, Ecce myſteriuſ uobis dico, Non omneſ quidem dormiemuſ, omneſ tamen immutabimur in puncto temporis, in momento oculi, per extremam tubā. Canet enim, & mortui reſurgent incorruptibileſ: & noſ immutabimur. Oportet enim corruptibile hoc induere incorruptibilitatem, & mortale hoc induere immortalitatem. Quomodo reſurrectura ſint corpora noſtra.

Ex hoc claro Apoſtoli teſtimonio colligere licet etiā qualia ſint futura corpora noſtra ex reſurrectione: non alia quidē erunt corpora noſtra ex reſurrectione quàm nunc ſint, niſi quòd ab omni corruptione & affectione corruptibili erunt aliena. Dicit enim Apoſtoluſ, Mortui reſurgent. Item, Noſ immutabimur. Ruruſ emphaticè & ſeuſu ipſamet corpora noſtra quæ nunc circumferimuſ demonſtrando, dicit, Hoc corruptibile, Hoc mortale, Hoc, inquam, corpus & non aliud, ſicut & Iob teſtificatuſ eſt, reſurget: reſurget autem incorruptibile quod aliquando erat corruptibile: reſurget immortale, quod ante reſurrectionem erat mortale. Liberabitur ergo in reſurrectione corpus noſtruſ ab omni affectione praua & paſſibili, ab omni corruptione: non autem annihilabitur eiſ ſubſtantia, non conuertetur in ſpīrituſ, non erit à ſua figura alienuſ. Et hoc quidem corpus propter purificationem & defæcationem illam, imò propter doteſ cœleſteſ & diuinaſ, appellatur & Corpus ſpīrituale, & corpus glorioſuſ ac clarificatuſ. Qualia ſint futura corpora reſuſcitata.

Corpus glorio-  
sum.

Paulus enim ad Philippen. 3. Conuersatio nostra, inquit, in cœlis est, ex quo & seruatorem expectamus Dominum Iesum Christum, qui transfigurabit corpus nostrum humile, ut conforme reddat corpori suo glorioso. Ecce resurrectionem nostram ex mortuis appellat Apostolus non transubstantiationem aut annihilationem corporis nostri, sed transfigurationem: deinde corpus transfiguratum quale sit ostendens, nominat gloriosum, non utiq; alienum ab omni figura aut exemptum forma, sed auctum gloria: imò ipsum Domini Iesu corpus nobis proponit, in quo ostendit qualia sint futura corpora nostra in gloria. Disertè enim dicit, Conforme reddet corpus nostrum humile corpori suo glorioso. Videamus ergo quale habuerit corpus à resurrectione Dominus noster: non erat hoc conuersum uel in spiritum, uel annihilatum, uel nulla forma & figura cognobile. Manus enim & pedes ostendens fixura clauorum insignes dicit, Videte quia ego ipse sum, nimirum eodem indutus corpore quo pependi in cruce. Clarius enim loquens & corpus suum à spirituali substantia asserens, ait, Spiritus carnem & ossa non habet sicut uidetis me habere. Habet ergo clarificatum corpus, carnē & ossa, nec alia membra quàm quæ habuit dum nondum fuisset clarificatum. Ideo enim & Thomæ palandum & contrectandum præbuit idem Dominus & latus & cicatrices quinque uulnerum, ne quid dubitarem de ueritate corporis resuscitati. Edit cum discipulis & bibit, sicuti Petrus testatur coram Cornelio in Actis, ut appareret omnibus illud ipsum corpus surrexisse quod ceciderat.

Iam etsi hoc corpus loco sit circumscriptum, non per omnia diffusum, licet suam habeat dimensionem, figuram seu formam, & suum pondus, sexum & suam naturam, alienum tamen est ab omni passione, corruptione & infirmitate. Nam corpus Domini resuscitatum in horto, non in sepulchro erat, dum hoc uenturæ uenirent mulieres, his & redeuntibus quidem à sepulchro in itinere occurrerit, in horto Magdalenz se uidendum exhibet: æquis passibus contendit Emaum cum duobus illis Emaum petentibus: interea dum apud hos esset corpore suo, nō erat apud alios: ubi redissent illi duo ad undecim discipulos, adest & ipse ad uesperam Dominus. Præcedit suos in Galilæam: redit mox in Iudæam, ubi ex monte oliueti corpus eius sublatum est in cœlum. Hæc omnia approbant corporis Christi ueritatem. Sed quoniam hoc corpus quamuis uerum, sui sexus, loci, ingenij & suæ formæ ac naturæ sit, glorificatum & gloriosum dicitur corpus, paucula dicemus & de gloria illa, quæ uidelicet accedit ueræ corporis resuscitati formæ atq; substantiæ.

Gloriosa corpo-  
ra illustra  
sunt. 2 Cor. 3

Principiò gloria usurpatur in hoc negotio pro lumine atque illustri splendore. Nam & Paulus dicit filios Israel præ gloria uultus Moïsi non potuisse oculos intendere in faciem Moïsi: ita gloriosum corpus erit illustre & splendens corpus. Huius rei elegans specimen exhibuit Dominus noster uel ante resurrectionem suam, dum discipulis suis qualem cuncq; gustum futuræ gloriæ uellet propinare, ac idcirco delectos subduceret in montis cuiusdā cacumen, ubi & transformatus est coram ipsis, ita ut species uultus eius splenderet sicut Sol, uestimenta autē eius albicarent ac candida essent tanquam lumen. Eandem quidem corporis substantiam retinuit Dominus, eadem corporis membra: hæc autem sunt transformata. Transformatio autem illa ostenditur fuisse in accidentijs, Accessit enim lux & splendor, ut manente substantia & forma uultus & corporis, uultus & corpus ueluti Sol & lumen rutilarit. Et quamuis resuscitatum Domini corpus non legatur in quadraginta diebus, in quibus se redituum ostendit discipulis, exersisse aut fuisse de se fulgorem, idq; propter dispensationē iuxta quam cum discipulis suis



suis comedit, cum clarificata corpora nullo indigeant alimento: tamen fulget iam, sicuti Ioannes testatur in Apocalypsi cap. i. in cœlis, & spem certam aperiunt nobis sacrae literæ, etiam corpora nostra fore clarificanda in resurrectione. Nam ipse Dominus in Euangelio ex Daniele loquens de die iudicii, Tunc iusti fulgebunt, inquit, uelut Sol in regno patris sui. Hac de causa corpora gloriosa etiam appellantur clarificata, à cœlestis luminis quo illustrantur & ornantur claritate. math. 13.  
Daniel 12.

Deinde opponitur gloria humilitati. Paulus enim dicit, Transfigurabit corpus nostrum humile, ut conforme reddat corpori suo glorioso. Opponuntur in his uerbis Humilitas & Gloria. Humilitas comprehendit omne quod propter peccatum irrogatum est corpori miseriarum & infirmitatum, passionum & affectionum. Ab illis omnibus repurgantur corpora nostra in resurrectione uitæ: ut iam gloriosa corpora sint corpora defæcata ab omni corruptione, passione, infirmitateq; induta autem perpetuitate & cœlesti sensu & gloria. Apostolus enim, Seminatur in corruptione, inquit, resurgit in incorruptibilitate: seminatur in ignominia, resurgit in gloria: seminatur in infirmitate, resurgit in potentia: seminatur corpus animale, resurgit corpus spirituale. Pollent ergo gloriosa uel clarificata corpora multis dotibus, incorruptibilitate inquam, gloria, potentia ac spiritu uiuificante. Ipse enim Apostolus sese declarans quid intellexerit per animale & spirituale corpus, subiungit, Est corpus animale, est & corpus spirituale: sicut scriptum est, Factus est primus homo in animam uiuentem: extremus homo in spiritum uiuificantem. Deinde adhuc clarius, At non primum quod spirituale, sed quod animale, deinde quod spirituale. Primus homo de terra terrenus: secundus ipse Dominus de cœlo. Qualis terrenus ille, tales & hi qui terreni sunt: & qualis ille cœlestis, tales & hi qui cœlestes sunt. Et quemadmodum gestauimus imaginem terreni, ita gestabimus & imaginem cœlestis. Proinde appellauit Paulus animale corpus terrenum corpus, quod habemus ab ipso Adamo parente nostro, quod ab anima uegetatur ac uiuit. Spirituale autem corpus appellauit cœleste, quod à Christo & ad similitudinem corporis Christi habemus, quod licet uerum corpus & uera caro sit, per spiritum tamen Christi uiuificatur & seruetur, nec ullis indiget animæ uegetatiuæ potentijs. Gloriosa corpora liberata sunt humilitate.  
1 Cor. 15.

Quamquam ergo hæc ipsa corpora nostra & membra eadem quæ nunc gerimus, futura sint post resurrectionem in cœlo, quia tamen clarificata sunt, & ab omni corruptibilitate ac animali sensu purificata, certè non erit ullus animalis corruptibilisq; uel sensus uel affectus adeoq; carnalis corporis aut membrorum usus. Id quod Dominus contra Sadducæos in cœlis nuptias imaginantes, aut hoc absurdo potius resurrectionem suggillantes, asserit & ait, Filij huius seculi ducunt uxores & nuptum dant: illi uerò qui digni habebuntur seculo illo & resurrectione ex mortuis, neq; ducunt uxores, neq; nuptum dant: neque enim ultra mori possunt. Aequales enim angelis sunt & filij sunt Dei, cum sint filij resurrectionis. Ad quem modum & Paulus, Caro & sanguis ait, regni Dei hæreditatem consequi non possunt. Id ne quis de substantia carnis intelligeret, per interpretationem subdit, Neque corruptio incorruptibilitatis hæreditatem accipiet. Proinde caro & sanguis, id est, carnales affectiones & cupiditates non erunt in electis agentibus in cœlo. Nam cœlestia gaudia aliena sunt à gaudijs terrestribus, adeoq; sunt alterius naturæ, ut huiusmodi corruptos hæredes non admittant, ideoq; prius corpora corruptibilia ab omni corruptione purgari adeoq; clarificari oporteat. Errant Turci expectantes gaudia terrestria. Caro & sanguis non erunt in cœlo.  
Mat. 22.

Porro resurgent & impiorum corpora. Paulus enim in Actis, Credo, inquit, Resurgent & impiorum corpora.

omnibus quæ in lege & prophetis scripta sunt, spem habens in Deum fore, quem admodum ipsi expectant resurrectionem mortuorum, simul iustorum & iniustorum. En iniustorum quoque dicit Apostolus Cæterum non tollentur in resurrectione ex horum corporibus infirmitas, ignominia, corruptio & miseria: interim uero hoc ipsum corpus quod resurgit in ignominia, iudicio & potentia Dei confirmabitur in ignominia & corruptione, adeoque ad æterna tormenta perferenda perpetuabitur, immortaleque & incorruptibile in morte & corruptione reddet: ut quemadmodum corpora quædam reperiuntur in terris, quæ in ignibus perdurant, ita non atterentur neque frangentur ullis tormentis maledicta impiorum corpora: subinde enim ac in momenta vires nouas patiendi accipient, luenteque hoc modo commeritas pœnas sine fine in secula seculorum. Dominus enim in Euangelio, Qui mala, inquit, egerunt, resurgent in resurrectionem condemnationis, id est, in perseuerantem perpetuamque condemnationem. Nam Daniel prior dixit, Et multitudo ex ijs qui dormiunt in puluere terræ euigilabunt, hi ad uitam perpetuam, illi uero ad probra & contemptum æternum. Rursus enim in Euangelio dicit Dominus, Illorum uermis non moritur, & ignis non extinguitur. Nam iisdem uerbis prior usus est Isaias in cap. 66. Semper ergo illa Domini uox retinenda erit in cordibus nostris, Illum metuite qui potest & animam & corpus perdere in gehenna. Hæc hæctenus de resurrectione carnis.

Articulus fidei  
dei 12.

Vita æterna.

Ultimus fidei nostræ articulus omnia feliciter concludens hic est, ET VITAM AETERNAM. Audiuius & intelleximus animas hominū esse immortales, insuper & corpora nostra resurgere in fine mundi. Hoc nos credere professi sumus. Sequitur ergo in calce Symboli, quo anima illa perpetua & corpus resuscitatum sint peruentura. Profitemur itaque, Et uitam æternam, uidelicet credo me corpore & anima consecuturum & uiicturum. Et æternitas quidem perpetua est, nec admittit ullum finem, sicut modò declaratum est diuinæ scripturæ testimonijs.

Porrò uitæ huius participes sunt animæ simul atque migrant à corporibus, Domino ipso testante, Qui credit in filium Dei, in iudicium non ueniet, sed transiit à morte in uitam. Corpora uero sepeliuntur & computrescunt, interim illa ipsa non sunt expertia uitæ. Sed tum demum recipiuntur in æternam uitam, cum post diem iudicij excitata obuiam Christo rapiuntur in aëra, ut semper sint cum Domino. Tunc enim animæ e cœlis redeunt ad sua corpora, ut totus perfectus & plenus homo anima & corpore uiuat in æternum. Nam anima Christi in cruce morientis migravit extemplo in paradysum, tertia uero die rediit ad corpus, quod resurrexit & ascendit in cœlum. Quemadmodum ergo capiti obtigit uita æterna, ita omnibus & singulis Christi membris eadem obueniet.

Qualis sit uita  
æterna.

Cum autem Paulus dicat ex Isaiâ, Quæ oculus non uidit, & auris non audiuit, & in cor hominis non ascenderunt, ea præparauit Dominus diligentibus se, arbitror ego si omnia de uita æterna dicta fuerint, quæ omnium hominum omniumque seculorū ora profari potuerint, uix minimam eius particulam fuisse & esse delibatam. Nam utcumque disertis & tropicis uerbis, allusionibus & ænigmatibus scriptura uitam & gaudia illa adumbrat euidentissimè, modica tamen sunt reuera illa omnia, donec illa dies uenerit qua ipsum Deum conditorem omnium in sua gloria, Christum seruatorem nostrum in sua maiestate, omnes denique beatos spiritus, angelos, patriarchas, prophetas, Apostolos, martyres, patres nostros, & omnem gentem nostram, & omnem exercitū cœlestem, omnemque illam gloriam diuinam & cœlestem ineffabili cum gaudio uiderimus. Verissimè ergo dixit Aurelius Augustinus



gustinus libro de ciuitate Dei 22. cap. 29. Cum ex me queritur quid acturi sint sancti in illo corpore spiritali? non dico quod iam uideo, sed quod credo. Dico itaque quod uisuri sint Deum in ipso corpore. Et iterum, Illa actio uel quies atque otium quale futurum sit, si uerum uelim dicere, nescio. Pax enim Dei superat omnem intellectum. Breuiter uidebimus ipsum Deum de facie ad faciem, laudabimus Deum in secula seculorum. fruemur Deo ad satietatem omni carentem fastidio. Et facies Dei non est uultus ille qui in nobis apparet, sed reuelatio iucundissima Dei, & fruitio quam nulla digne satis explicarit mortalis lingua. Age ergo credamus & uiuamus, charissimi fratres, ut ubi hinc migrauerimus, re ipsa experiamur ineffabilia uitae futurae & aeternae gaudia quae hodie credimus.

Facies Dei.

Hactenus enim fidei Christianae fructum & finem per quatuor articulos ultimos exposuimus. Tendit fides in unum Deum, patrem, & filium, & spiritum sanctum, qui fideles sanctificat, purgat & consecrat sibi ecclesiam. Haec habet communionem cum Deo & cum omnibus sanctis. Huic condonat Deus omnia delicta. Haec anima & corpore seruat. Vt enim animae mori non possunt, ita excitat Deus corpora sanctorum, quae & gloriosa reddit & perennia. ut totus homo aeternum uiuat in caelis cum Domino. Cui laus & gloria in secula seculorum, Amen.

Epilogus.

## De dilectione Dei &amp; proximi.

## S E R M O X.

**E**ST AT ut postquam sermonibus aliquot de uera fide differui, subiungam modo sermonem de dilectione Dei & proximi. Nam sermone quarto pollicitus sum me dicturum post fidem expositam, de dilectione Dei & proximi: quod extra fidem & dilectionem expositio scripturarum, ceu extra legitimas & sacras metas, non debeat exorbitare. Quod autem fecistis hactenus, porro facere non desinite, orare, ut haec salutaris doctrina per me iuste tradatur, & a uobis recipiatur multo cum fructu.

Initio non distinguam curiosè inter charitatem & dilectionem. Vtrunq; enim pro eodem accipiam. Sanctus Augustinus de doctrina Christi. Charitatem uoco, ait, animi motum ad perfruendum Deo propter ipsum, & se atq; proximo propter Deum. Ego itaq; appello dilectionem donum homini coelitus datum, quo ex animo Deum diligit ante & super omnia, proximum uerò tanquam semetipsum. Proinde oritur dilectio à caelo, unde infunditur cordibus nostris. Prouehitur autè & augetur partim beneficiorum Dei commemoratione & consideratione, partim crebra oratione, item auscultatione & exercitatione uerbi Christi. Quae & ipsa spiritus dona sunt. Apostolus enim Paulus, Dilectio Dei effusa est in corda nostra, ait, per spiritum sanctum qui datus est nobis. Equidem charitas Dei qua is cōplectitur nos, fundamentum est & causa nostrae dilectionis qua Deum amamus, & ex utraque existit dilectio proximi. Apostolus enim dicit, Nos diligimus eum, quoniam is prior dilexit nos. Item, Omnis qui diligit eum qui genuit, diligit & eum qui natus est ex eo.

Charitas &amp; dilectio.

dilectio qd

Vnde fit dilectio.

1 Ioan. 5.

Inde rursus colligimus, donum hoc dilectionis esse indiuisum, etsi sit geminū. Nam qui uerè diligit Deum, proximum non odit: & tamen propter duplicem respectum, nempe ad Deum & ad proximum, dilectio haec bipertita est. Nam & tabulae diuinæ legis propter geminam dilectionem diuiduntur in duas: quarum prima habet praecepta dilectionis Dei 4. secunda habet praecepta dilectionis proximi 6. De quibus suo loco diceretur. Iam uerò quia alia Dei, alia proximi dilectio est, dicam primò de dilectione Dei, deinde de dilectione proximi. In his duobus

Dilectio gemina.

mandatis, ait Dominus, pendente lex & propheta.

*Dilectio Dei.*

Dilectione Dei Deum amamus, Deo tanquam unico summo & aeterno bono adheremus, in ipso nos oblectamus & acquiescimus, nosq; ad uoluntatem eius componimus, in omnibus dilectum respicientes atque desiderantes. Plurima hic simul sunt proposita, quæ sigillatim & per partes copiosius paulò exponemus.

*Dilectione Dei unimur Deo.*

Amamus dilectione Deum. Amamus autem chara & quæ uidentur nobis esse expetibilia, & amamus quidem illa non tam propter bonum nostrum, quàm quòd nos ipsos totos adamatis coniungere, & quasi perpetuò consecrare dedicareq; desideramus. Ita certè cupimus cum Deo aeternum coniungi, adeoq; & charitate

*1. Ioan. 4.*

coniungimur cum Deo: iuxta illud Apostoli, Deus charitas est, & qui manet in charitate, in Deo manet, & Deus in eo. Sic autem adheremus Deo tanquam unico, summo & aeterno bono, in quo etiam nos oblectamur non uulgariter. In eo acquiescimus, sentientes extra hunc non esse bonum ullum; & in hoc: ursus inueniri bona omnia. Proinde non aliud bonum extra Deum amamus. Ac præ dilectio facile fastidimus & calcamus alia in orbe quæ uidentur bona omnia: imò superas in nobis Dei dilectio ea quoq; mala quæ alioquin uidentur inuicta. Paulum audia-

*Dilectione Dei superantur mala omnia.*

mus hæc magno spiritu perorantem atq; dicentem, Quis nos separabit à dilectione Dei? num afflictio? num angustia? nū persecutio? num fames? num nuditas? num periculum? num gladius? Quemadmodum scriptū est, Propter te tradimur morti tota die: habiti sumus ueluti oues destinatae mactationi. Verum in his omnibus superamus per eum qui dilexit nos. Nam mihi persuasum habeo, quòd neq; mors, neq; uita, neq; angeli, neq; principatus, neq; potestates, neq; instantia, neque futura, neque altitudo, neq; profunditas, neq; ulla creatura alia poterit nos separare à Dilectione Dei quæ est in Christo Iesu Domino nostro. Hacenus recensimus uerba Pauli.

*Rom. 8.*

*Dilectio Dei conformat nos uoluntati Dei.*

Dilectio Dei efficit ut nos totos componamus ad eius uoluntatem & instituta, quem diligimus ex animo. Imò iucundum & suauissimum est diligenti Deum, facere quod intelligit gratum esse Deo si fiat. Reueretur dilectum animus diligentis. Nuspiam amouet oculos à dilecto. Desiderat semper & in omnibus dilectum, Gaudet omnino frequenter colloqui cum Deo, & uicissim audire uerba loquentis in scriptura Dei. Dominus enim in Euangelio dicit, Si quis diligit me, sermonem meum seruabit Qui non diligit me, sermones meos non seruat. Item, Manete in dilectione mea. Si præcepta mea seruaueritis, manebitis in dilectione mea, sicut & ego præcepta patris mei seruauit, & maneo in eius dilectione. Rursus, Si quis diligit me, sermonem meum seruabit, & pater meus diliget eum; & ad eum ueniamus, & mansionem apud eum faciemus.

*Modus dilectionis Dei. Dent. 6.*

Sed audiamus porro ipsum Moysen Dei seruum, explicantem atque tradentem nobis modum & rationē dilectionis Dei, quanta scilicet esse debeat in electis. Diliges Dominum Deum tuum, ait, toto corde tuo, & tota anima tua, ac tota uirtute tua. Eadē propè uerba repetijt in Euangelio Dominus noster, ac dixit, Diliges Dominum Deum tuū ex toto corde tuo, & ex tota anima tua, & ex totis uiribus tuis, & ex tota mente tua. Intelligimus ex his omnium maximam à nobis requiri dilectionem Dei: quippe quæ sibi totum hominem quantus quantus est, & omnes partes eius uindicat. Mente homo intelligit. In corde est sedes affectuum & uoluntatis. Vires hominis sunt omnes facultates hominis, ipsa inquam dicta, facta, consilia, opes, & tota substantia. Anima deniq; uita est. Hæc autem omnia ad diligendum Deum cōuertere iubemur, dum præcipitur Deus diligendus esse ex tota anima, ex totis uiribus, ex tota mente, ex toto corde Nihil in his omittitur quod non compre-

*Matth. 22.*

comprehendatur. Toti sumus Dei, toti ergo diligamus deum. Nihil sit in toto hoc orbe quod deo sit charius, nihil sit in omnibus rebus nostris uel charissimis & præstantissimis, cui parcamus propter deum, quod non propter deum & iuxta os domini relinquamus, expendamus, aut disponamus. Sic enim diligimus deum ante & super omnia. Soli autem adhærere, solum complecti iubemur. Cui enim omnia nostra eaq; tota debemus, ei omnia nostra & tota quidem syncerè, simpliciter & plenè sunt præstanda. Damnantur hic quicunq; & Deum amare, simul & mundum quoq; uolunt diligere. Totum requirit cor Dominus, totam mentem, totam animam, & omnes uires, denique quicquid sumus & posidemus: nihil relinquit ergo tibi quod impendas alijs. Quo ergo iure dabis carni, diabolo, dijs alijs uel mundo, quod solius Dei est peculium? Ac solus quidem Deus summus, æternus, maximus, potentissimus, creator, liberator, conseruator, clementissimus, iustissimus & optimus est. Solus præstat, præstitit, & præstare potest hominibus quæcunque ad incolumitatem corporis & animæ pertinent. Solus sufficit homini ad beatè & benè uiuendum Deus: solus ergo diligi meretur Deus, & diligi quidem ante & supra omnia. Hæc dilectio Dei benedicit omnibus hominum casibus & euentibus, ut eis profint, iuxta illud, Diligentibus Deum omnia cooperantur in bonum. Hæc dilectio Dei cõprehendit & hoc, ne quem adoremus, colamus, ueneremur, timeamus, inuocemus, ne cui fidamus, obediamus, & adhæreamus, nisi uni & soli Deo, cui debetur omnis gloria.

*Diligamus  
Deum super  
omnia.*

*Solus diligens  
est deus.*

*Rom. 8.*

Priusquam uerò dicamus de dilectione proximi, præmittere necesse est quis sit proximus, de quo uideo quosdam addubitare & hære ancipites. Sunt enim qui arbitrentur proximos esse consanguineos. Alij putant benefactores suos esse proximos, alienos iudicant quicunq; malefaciunt. At dominus noster Iesus Christus ostendit quemlibet etiam inimicum nostrum, qui nostro consilio & auxilio indiget, proximum esse. Fingit enim hominem Iudæum incidisse in latrones, semiuiuumq; & uulneribus tuberibusq; oppletum iacuisse in itinere, & neglectum quidem fuisse à suæ gentis hominibus, Leuita ac sacerdote prætereuntibus, tandè uerò receptum in curam à Samaritano. Erat autem odium maximū inter Iudæos & Samaritanos: nihilominus tamen benefacit hic isti, quod uideret ita res & necessitatem afflictī postulare. Ea uerò applicans suo instituto dominus interrogat illum, qui cupiebat erudiri quisnam esset proximus suus, & ait, Quis horū trium uidetur tibi fuisse proximus illi? Respondit, Qui fecit misericordiā, Ait dominus, Vade & fac tu similiter. Quasi dicat, quemadmodum Samaritanus iudicauit etiā hostem suum esse proximum, & indigenti beneficio beneficium contulit: ita tu quoq; reputato quemlibet tua indigentem opera tuum esse proximum, & benefac illi. Ergo secundum scripturā iudicans Aurel. Augustinus dixit, Eum proximum esse intelligimus, cui uel exhibendum est officium misericordiæ si indiget, uel exhibendum esset si indigeret. Heluetij proprijsimè hoc exprimimus, cum proximum nostrum appellamus den nächsten menschen/ id est, quemlibet indiscriminatim quem nobis fors obtulerit. Præterea nuncupamus proximum in nostrate lingua der åbenmensch/ namlich ein yeder der so wolein mensch ist als wir. Significantes quemlibet hominem siue is sit amicus siue hostis. Huc pertinet illud Lactantij lib. 6. cap. 11. Quid personas eligis? Quid membra inspicias? Pro homine tibi habendus est quisquis precatur, ideo quia te hominem putet. Largire cæcis, debilibus, claudis, destitutis, quibus nisi largiari, moriendum est. Itē, Conseruanda est humanitas, si homines rectè dici uelimus. Conseruare autem humanitatem quid aliud est, quàm diligere hominem quia homo sit & idem quod nos sumus?

*Quis sit pro-  
ximus noster.*

*Augustinus  
De Do. Christi,  
lib. 1. cap. 30.*

*Lactantij*



*Matth. 5.* Certè dominus in Euangelio de dilectione proximi disputas. Diligite, inquit, inimicos uestros, bene precemini deuouentibus uos, benefacite ijs qui uos odio prosequuntur, orate pro illis qui lædunt uos. Item, Omni exigenti à te tribue. Et si diligitis eos qui uos diligunt, quæ uobis est gratia? Nam & peccatores diligunt se diligentes. Proximus est ergo homo quilibet qui nostra indiget opera.

*Ordo & modus est in dilectione.*

*2. Thess. 3.  
2. Cor. 8.  
Galat. 6.*

Hæc interim non efficiunt ne ullus sit in dilectione aut beneficentia ordo, modus aut ratio decens. Rectè enim dixit S. Augustinus de Doct. Christ. lib. 1. cap. 27. Nullus peccator in quantum peccator est, diligendus est. Et 28. cap. Omnes homines æquè diligendi sunt, sed cum omnibus prodesse non possis, his potissimum consulendum est, qui pro locorum, uel temporum, uel quarumlibet rerum opportunitatibus, constrictius tibi quasi quadam sorte iunguntur. Apostolus enim Paulus eadem nos ante augustinum docuit, dicens, Qui non operatur, non edat. Item, Dum tempus habemus operemur bonum, cum erga omnes homines, tum uerò maxime erga domesticos fidei. Et alibi non iubet nos erogare alijs, & interim domi nostræ egere. Imò præcipit cuilibet pie curet domum propriam. Notus est locus in 1. ad Timoth. 5. cap.

*Quomodo diligendus sit proximus.*

Porro explicato eo quis nam sit proximus noster, uideamus iam quomodo diligendus sit proximus. Diligendus est proximus sincere & sine furo, ea dilectione qua nosmetipsos diligimus, uel qua nos dilexit Christus. Nam inseruire oportet proximo in omnibus, præstareq; officia beneficentiæ & humanitatis. Quatuor in hac consignatione plenius considerata ueniunt.

*Dilectio proximi sit sincera.*

Principio requiritur à nobis dilectio proximi sincera, quæ careat omni dolo fraude & furo. Inuenias enim multos qui mellitis compellant uerbis proximos, ac simulant se diligere, quos reuera odiunt, aut blandiloquio decipere, resq; suas conficere cogitant. Apostoli ergo Christi Paulus & Ioannes acriter à dilectione remouent hypocrisim. Ille enim, Dilectio inquit, sit non simulata. Item, Finis præcepti est charitas ex puro corde, & conscientia bona, & fide non simulata. Hic uerò clamat, Filioli mei ne diligamus uerbo neq; lingua, sed opere & ueritate. Porro in hac sinceritate comprehendimus alacritatem spontaneam & hilarem, ne quid inuitè aut coactè fiat. Paulus enim dicit, Vnusquisq; agat secundum bonum animi propositum, non ex molestia aut necessitate. Nam hilarem datorem requirit Deus.

*Diligamus proximum tanquam nosipsos.*

Deinde requiritur à nobis ut proximum diligamus tanquam nosipsos. Dominus enim dixit, Dilige proximum tuum sicut teipsum: nimirum ardentissime & modis omnibus maxime. Non enim uel ualidior uel uehementior est affectus, quam amor sui. Neq; uerò uoluit Dominus priores partes dare philautiæ, posteriores dilectioni proximi; sed magis significauit dilectionem ardentissimam, nimirum ut eum affectum quo nos & res nostras prosequimur, eundem inquam alijs impendamus, ut eadem cura, fide, diligentia, eodem ardore & studio alijs benefacere aut mala ab eis arcere pergamus, quo nobis ipsis prouidemus. Vnde dominus alibi quoq; Quod tibi, ait, uelis fieri, feceris alteri: & quod tibi nolis fieri, alteri non feceris. Et duo quidem requirit à nobis Dominus, innocentiam, & beneficentiam. Non enim satis est ne cui noceamus, sed oportet præterea benefacere quantum possumus. Nam & nobis ipsis bene esse cupimus, non tantum mala à nobis arcemus.

*Diligamus proximum sicut dilexit nos Christus.*

Quod si nondum satis intelligit c. v. modum dilectionis proximi, expendite obsecro quid loco tertio posuerim, Diligendus est proximus ea dilectione qua nos dominus Christus dilexit. Nam in Euangelio Ioannis dicit dominus, Hoc est præceptum

ceptum meū, ut diligatis uos inuicem, sicut dilexi uos. Habetis modum dilectionis nostræ, proximos diligere oportet sicut Christus dilexit nos. Quomodo autē dilexit nos Christus? Hic in euangelio rursus dicit, Maiorem hac dilectionem nemo habet, ut quis animā suā ponat pro amicis. Proinde modus dilectionis proximi erit, ut animā ponamus pro proximo. Quod si uitā debemus proximo, certē nihil non debemus, cū uita nihil sit homini præstantius. Omnium ille salutem facit, priusquam uitā subiiciat periculo. Proinde Ioannes Apostolus clamat, Per hoc cognouimus charitatem, quoniam ille animā suā pro nobis posuit: & nos debemus animas ponere pro fratribus. Facilia sunt hæc intellectu propter exemplum clarissimum. Oremus ardentē & sedulō dominum ut opere perficiamus, quod ex uerbo Dei clarē iam intelleximus, ne ab eodē Apostolo damnemur dicente, Qui habuerit substantiam mundi, & uiderit fratrem suum egere, & clauferit uiscera sua ab eo, quomodo charitas Dei manet in illo?

Joan 15  
1 Joan 3.

ibidem

Agē explicemus quarto & ultimo loco, quomodo oporteat inseruīre proximo in omnibus, præstareq; officia beneficentiæ, dilectionis & humanitatis. Id eleganter exposuit Dominus illa ipsa parabola, qua docuit nos quis sit proximus noster. Eadem enim prosequitur breuiter, sed euidenter omnia dilectionis proximi officia. Principiō Samaritanus uiso saucio misericordiā cōmotus est. Requiritur ergo a nobis affectus misericordiæ, quo aliorum calamitates existimemus etiam ad nos pertinere: requiritur cōdolentia animi, iuxta illud Apostoli, Memores este uinctorum tanquam unā cum illis uincti, eorū qui affliguntur tanquam ipsi quoque uersantes in corpore. Deinde accedit Samaritanus, non præterit, non uerbis lugubribus imprecatur saucio sanitatem, & ad res proprias conficiendas properat. Nam Iacobus Apostolus, Quod si frater aut soror nudi fuerint, inquit, & egen-  
tes quotidiano uictu, dicat autem nostrum aliquis illis, Abite in pace, calescite & saturamini, non tamen dedit illis quæ sunt necessaria corpori, quæ erit utilitas? Samaritanus ergo accedit, deniq; admo-  
uet manum, & artem qualemcunq; (quando meliorem non didicerat) profert medicaturus saucio. Nec abhorret a uulnerū liuore, sanie, purulentia & foetore, ipsius obligat, non reijcit ad alium. Non causatur se non esse medicum: quod poscit necessitas & quod potuit, facit, præsentibus utens medicaminibus, donec melioribus uti liceat. Vinum & oleum sumpserat secum in uiam, ijs utitur necessitate: & non admodum incommodis quidem illis, cū uinum purget uulnera, oleum leniat. Hinc omnia quæ habet miseri usibus concedit, suum etiam geniū defraudans. Descendit enim ex iumento cui ineq-  
uitarat, & eius usum afflictio concedit. Quin sublatum ē terra suis manibus deficientem, iumento imponit. Ipse deniq; uia dux est, non alijs eius curam committit. Ducit enim cum in proprias ades non posset, saltem in diuersoriū publicum. Vbi rursus nullis neq; impensis, neq; laboribus parcat. Ipse enim miseri curam agit: quod in diuersorijs publicis languentium res segnius ferē curentur. Cæterū dum itineris urgeret necessitas, pecuniā depromit quantā ad reditum usq; eius sufficere putauit, & hanc annumerat hospiti meritorio. Nec eo contentus, cōmendat insuper diligenter miserum hospiti. Præterea obstringit se pro eo & ait, Si quid in eius curam & necessitatem impenderis ultra summam tibi creditam, nihil tibi peribit. Vbi enim rediero, reddam bona fide omnia. Ergo & reditū pollicetur, & declarat se non quieturum donec saucium uideat incolumem. Habet c. v. in hac parabola domini pulcherrimum & plenissimum dilectionis modum. Totum enim sese Samaritanus proximo indigenti impendit liberalissimē promptissimeq; totos ergo nos ipsos & omnia nostra debemus proximo, quæ cū ei impendi-

Quomodo oporteat inseruīre proximo.

Jaco. 2.

# DE DILECT. DEI ET PROXIMI

mus, officia dilectionis humanitatisq; præstamus.

*Charitatis in-  
genium.*

*1 Corin. 13.*

His subiungemus adhuc aliquot scripturæ testimonia, ex quibus ingenium dilectionis intelligatur plenius, si quid hætenus allatis deesse uideatur. Paulus ergo ad Corinth. scribens, Charitas patiens est, ait, benigna est, charitas nō inuidet, non est procax, non inflatur, non est fastidiosa, non quærit quæ sua sunt, non irritatur, non cogitat malum, non gaudet de iniustitia, sed congaudet ueritati, omnia suffert, omnia credit, omnia sperat, omnia sustinet. Et iterum ad Romanos scribit idem Apostolus, Dilectio præuenit alios honore, communicat necessitatibus sanctorum, sectatur hospitalitatem, bene loquitur de persecutoribus, persequentibus mala non imprecatur, gaudet cum gaudentibus, flet cum flentibus, accommodat se infirmis. Item, Nemini quicquam debeatis, nisi ut inuicē diligatis. Nam qui diligit alterum, legem expleuit. Siquidem illa, Non cōmittes adulterium, Non occides, Non furaberis, Non falsum testimonium dices, Non cōcupisces, & si quod aliud præceptum, in hoc sermone summatim cōprehenditur; nempe, Diliges proximum tuum sicut teipsum. Dilectio proximo malum non operatur. Consummatio itaq; legis est dilectio.

*Charitas imple-  
tio legis.*

*Rom. 13.*

*Opera miseri-  
cordie.*

Huc etiā pertinent opera misericordiæ, quæ ut manāt ex dilectione, ita cōmemorantur à domino in euangelio Matthæi, hæc potissimū, Pascere esuriētes, potare sitientes, colligere uagos & hospites, operire uel uestire nudos, uisitare infirmos, uinctos inuiscere & cōsolari. Ad hæc respiciens Lactāntius lib. Instit. 6. cap. 12. dicit, Præcipua uirtus est hospitalitas, & alere pauperes. Captiuorum redemptio, magnum quoq; & præclarum iustitiæ opus est. Non minus magnū iustitiæ opus est, pupillos & uiduas, destitutos & auxilio indigentes tueri atq; defendere: quod ubiq; lex diuina præcipit. Aegros quoq; quibus defuerint qui assistant, curandos fouendosq; suscipere, summæ humanitatis & magnæ operationis est. Vltimum illud & maximum pietatis officium est, peregrinorum & pauperum sepultura. Hæc hætenus de officio humanitatis, quod præstat uera proximi dilectio.

*Adhortatio ad  
charitatem.*

*Philip. 2.*

Cæterum non satis fuerit, fratres, quod creberrimè nobis repetendum est, intelligere quomodo diligamus proximum, quin potius diligendus est impensissimè. Audiēdus Apostolus qui mira orationis uirtute & pulcherrimo, exactissimo, sanctissimoq; Christi exemplo nos omnes ad charitatem proximo præstandā adhortatur & dicit, Si qua igitur consolatio est in Christo, si quod solatium dilectionis, si qua communio spiritus, si qua uiscera ac miserationes, complete meum gaudium, ut similiter affecti sitis, eandem charitatē habentes, unanimes, idem sentientes, ne quid fiat per contentionem aut inanem gloriam, sed per humilitatem animi alium quisq; se præstantiorem existimet, ne sua quisq; spectetis, sed unusquisque quæ sunt aliorum. Is enim affectus sit in uobis, qui fuit & in Christo Iesu, qui cū esset in forma Dei, nō rapinam arbitratus est ut esset æqualis Deo, sed semetipsum inaniuit forma serui sumpta, in similitudine hominum constitutus, & figura repertus ut homo, humiliāuit semetipsum, factus obediens usq; ad mortem, mortem autem crucis. Quapropter & Deus illum in summā extulit sublimitatem, ac donauit illi nomen quod est supra omne nomen, ut in nomine Iesu omne se genu flectat, cœlestium, terrestrium, ac infernorum, omnisq; lingua confiteatur quòd Dominus sit Iesus Christus ad gloriam Dei patris. Ei soli sit honor & imperium, in secula seculorum, Amen.

*Fini prima Decadis Sermonum.*

SERMO



# SERMONVM DECAS

SECUNDA. AVTHORE HEINRY-

CHO BVLLINGERO.

*De Legibus, & primam quidem de lege naturæ, deinde nerò de legibus humanis.*

S E R M O I.



**S**UMMA omnium legum est dilectio Dei & proximi, de qua cum summam dictum sit proximo sermone, consequens est ut porro differam sigillatim de Legibus & partibus atque speciebus earum. Inuocemus ergo legum authorem Deum, ut is nos spiritu suo semper dirigat in uia ueritatis ac iustitiæ, per Christum dominum nostrum.

Legem definiuit quidam ex Gentilibus non obscurus author, rationem esse summam in natura insitam, quæ iubeat facienda, prohibeatque contraria. Et certè Lex aliud non est quàm declaratio diuinæ uoluntatis, præscribens quid facias aut quid omittas. Origo & causa legum est ipse Deus, fons omnis boni, æqui, ueri & iusti. Ergo omnes leges æquæ & bonæ, sunt ex ipso Deo, licet ferè promulgentur proferanturque per homines. De humanis legibus est consideratio peculiaris. Quid lex.

Nam leges aliæ quidem sunt Diuinæ, aliæ Naturæ, aliæ Humanæ. De Lege diuina dicam in 2. Sermone, iam attingam primum quidem legem Naturæ, deinde legem Humanam. Diuisio Legū.

Lex naturæ est dictamē conscientiæ, adeoque directio quædam ab ipso Deo hominum animis & cordibus insita, admonēs quid uel faciant uel omittant. Et Conscientia quidem cognitio est, iudicium & sensus hominis, quo apud semetipsum in animo suo sibi quisque cuiuslibet rei peractæ uel non peractæ conscius semetipsum uel damnat uel absoluit. Et hic sensus proficiscitur ex Deo, dictante inscribenteque iudicia sua hominum cordibus & animis. Natura uerò est ingenium cuiusque rei proprium. Porro ingenium hominis planè corruptum per peccatum, ut cæcum, ita in omnibus est prauum. Deum non nouit, Deum non colit, sed & proximum non diligit, seipsum potius amat, & sua quarit. Vnde nimirum Apostolus dixit nos esse natura filios iræ. Proinde lex naturæ dicta est non eo nomine, quod in natura uel ingenio hominis ex semetipso sit illuminatio quædam, ratio deprecans ad optima & operatio sancta: sed quod deus notiones quasdam & principia religionis æqui & boni generalia animis nostris impressit aut insculpsit, quæ quasi insertæ & nobiscum natæ, & idcirco ueluti naturales esse uidentur. Lex Naturæ.  
Conscientia.  
  
Natura.

Paulum Apostolum de his testificantem atque dicentem audiamus. Cum Gentes quæ legem non habent, ait, natura quæ legis sunt fecerint, eæ legem non habentes sibi ipsis sunt lex, quæ ostendunt opus legis scriptum in cordibus suis: simul attestante illarum conscientia & cogitationibus inter se accusantibus, aut etiam excusantibus, in eo die cum iudicabit Dominus occulta hominum iuxta euangelium meum per Iesum Christum. Duobus argumentis euincit Apostolus Gentes esse peccatores. Principio enim ne excusarent se quod non habent legem, ostendit ipsas habere legem, & quia hanc præuaricantur, esse peccatores. Licet enim legem Moysi scriptam non habuerint, fecerunt tamen natura quæ legis sunt. Legis est reuelare dei uoluntatem, quid agas aut quid omittas. Id habent a natura, id est, id norunt ex lege naturæ. Sequitur enim quod hoc exponat, Cum non habent legem, Locus Pauli  
Rom. 2. de lege  
naturæ.

ea sibiipsis sunt lex. Nimirum habēt in seipsis quod scriptum est in lege. Sed quomodo habent in seipsis? Sequitur iterum interpretatio. Quippe ostendūt opus legis inscriptum cordibus suis. Quis autem inscribit in corda, nisi solus Deus qui est cordium scrutator? Quid autem inscribit? Opus legis, ipsam inquam legem præcipientem bona & uetantem mala, ut sine lege scripta ex dictamine naturæ, id est, ex impressis à Deo naturæ notionibus intelligāt quid bonum sit, quid malū, quid appetendū, quid fugiendum. Intelligimus ex hisce Apostoli uerbis, quod lex naturæ opponatur legi Dei scriptæ, & ideo lex naturæ dicatur, quia ueluti naturæ insita uidetur. Intelligimus legem naturæ non scriptam, sed insitam, idem habere officium quod legem scriptam, dirigendi uidelicet homines & docēdi, imò & discernendi bonū à malo, iudicandiq; peccatum. Intelligimus originem illius legis non existere ex corrupto hominis ingenio, sed ex ipso Deo, qui digito suo cordibus inscribit & naturæ infigit inseritq; notiones & regulam iusti, æqui & boni. Deinde producit Apostolus secundum argumentum, quo Gentes peccati cōuincit, à testimonio conscientia. Hæc enim instructa à lege naturæ, malum commissum accusat & damnat; ac una & sola est loco mille testium. Eadem etiam excusat, id est, absoluit, si nihil commissum est contra legem. Quod si in præsentī contemnamus iudiciū conscientia, certē non licebit tunc conscientia accusationes aspernari & præterire, cū Dominus iusto iudicio iudicabit orbem. Ex his autem omnibus consequitur omnes Gentes esse peccatores, quas nisi à peccatis repurget filius Dei communis & unicus totius orbis saluator & liberator, necesse est omnes gentes perire in peccatis suis.

*Duo præcipua  
capita legis na-  
turæ.*

*Gentes cognos-  
uerunt Deum.*

*Seruanda ami-  
citia & socie-  
tas hominum.*

Sed redimus iam ad legem naturæ, cuius duo potissimum commemorantur capita: Alterum, Deum agnoscito & colito: Alterum, societatem & amicitiam inter homines seruato. De priore hæc habemus Apostoli Christi uerba, Quod de Deo cognosci potest, manifestum est in illis (nimirū Gentibus) Deus enim illis patefecit. Siquidem quæ sunt inuisibilia illius ex creatione mundi, dum per opera intelliguntur, peruidetur, ipsa nempe æterna eius potentia & diuinitas, in hoc ut sint inexcusabiles: propterea quod cū Deum cognouerint, nō ut deum glorificauerunt, neq; grati fuerunt, &c. Et Gentes cognouerunt Deum, imò quicquid cognosci potest de Deo cognouerūt. Sed quo authore aut præceptore? Deo. Quo modo is docuit, aut ex quo libro docuit? Non ex libris Moysi aut prophetarū manu scriptis, sed ex magno illo libro naturæ. Nam quæ alioqui nō uidentur in Deo, cuius generis sunt æternitas, perpetuitas, uirtus, potentia, maiestas, bonitas, diuinitasq; ea uoluit æstimari ex rebus uisibilibus, nimirum ex rebus conditis. Nam diuinitas Dei æterna cognoscitur ex cōditione hominis, ex cœli motu perpetuo, ex fluminum perpetuitate. Potentissimū esse necesse est illum, qui ista omnia sustinet, qui mouet, uegetat, conseruat in esse omnia, qui nutu concutit orbē. Optimum uerō esse illum quis non uideat, qui Solem oriri sinit super bonos & malos? Sed in quem oro finem hæc reuelat Gentibus? Ut agnoscant Deum, glorificēt & colant Deum, ut gratæ sint tanto benefactori. Id quando nō faciunt, inexcusabiles sunt & merito pereunt suo, nimirum propter incredulitatem & ingratitude. Constat autem lege naturæ disertē doceri atq; tradi Deum esse, & hunc quidem agnoscendum atq; colendum.

De capite posteriore, nempe seruandam esse amicitiam & societatem inter homines, hæc tradit in Euangelio Dominus, Omnia quæcunq; uolueritis ut faciant uobis homines, sic & uos facite illis. Eam sententiam extulit Alexander Seuerus Imperator per contrarium, Quod tibi non uis fieri, alteri ne feceris. Quam usque adeo

adeò dilexit, ut in palatio & publicis operibus perscribi iuberet. Porro ad generalem illam legem pertinent hæc quoque, Honeste uiuere, Alterum ne lædere, Suum cuique tribuere, Vitæ commoda tuere, incommoda propulsare. Quoniam uero lex naturæ ab Apostolo opponitur legi Dei scriptæ, ideò necesse est ut illa huic respondeat: uideamus ergo quid proditum sit à Gentium sapientibus & legislatoribus, quod respondeat Decalogo, & quatenus respondeat.

*Lex naturæ  
respondet legi  
scriptæ.*

Pythagoras apud S. Cyrillum contra Iulianum libro 1. de Deo sic scribit, Deus quidem unus: & ipse non ut quidam suspicantur extra mundi gubernationem, sed in ipso totus in toto circulo omnes generationes considerat, contemperatio existens omnium seculorum, & lux suarum uirtutum, & operum principium omnium, lumen in cælo, & pater omnium, mens & animatio omnium, circulatorum omnium motio. En confitetur Pythagoras unum esse Deum, eumque creatorem, conseruatorem, gubernatoremque omnium, patrem omnium, lumen & uitam omnium. Zaleucus in Proœmio legum suarum hæc scripta reliquit, Omnes qui urbem ac regionem inhabitant, persuasos esse oportet deos esse: quod manifestum fit ex cæli & totius mundi inspectione, rerumque in ipsis dispositione pulcherrima & ordine. Haud enim fortuita aut humana huiusmodi opera putare cõuenit. Deinde colendi honorandique dii sunt, ut bonorum omnium nobis authores quæ aliqua ratione fiunt. Singulos igitur habere & comparare animam quemque suam oportet, ut ab omnibus malis pura sit. Nam ab improbo homine non honoratur Deus, neque sumptibus colitur, neque tragœdijs capitur instar hominis mali, sed uirtute ac instituto bonorum operum & iustorum. Quocirca opus est unumquemque pro uirili bonum esse tum factis tum uoluntate, qui modò futurus sit Deo charus, &c. Cicero de Natura deorum 2. lib. Cultus deorum is est optimus, inquit, idemque sanctissimus & castissimus pietatis, ut deos semper pura, integra, incorrupta, & mente & uoce ueneremur. Seneca autem lib. ad Lucill. 5. dicit, Quomodo sint dii colendi solet præcipi. Accendere aliquem lucernas sabbatis prohibeamus, quoniam nec lumine dii indigent, & ne homines quidem delectantur fuligine. Vetemus salutationibus matutinis fungi, & foribus assidere templorum. Humana ambitio istis officijs capitur. Deum colit qui nouit. Vetemus lintea & strigiles loui ferri, & speculum tenere Iunoni. Non querit ministros Deus. Quid nisi ipse generi humano ministrat. Vbiq; & omnibus præstò est. Audiat licet quemadmodum seruire in sacrificijs debeat, quam procul resilire à molestis superstitionibus, nunquam satis perfectum erit, nisi qualem debet Deum mente conceperit, omnia habentem, omnia tribuentem, beneficia gratis dantem. Quæ causa est dijs benefaciendi? Natura. Errat quisquis putat illos nocere uelle uel posse: nec accipere iniuriam queunt nec facere. Lædere enim lædique coniunctum est. Summa illa ac pulcherrima omnium natura, quos periculo exemit, nec periculosos quidem fecit. Primus est Deorum cultus, deos credere: deinde reddere illis maiestatem suam, reddere bonitatem sine qua nulla maiestas est. Scire illos esse qui præsident mundo: qui uniuersa ut sua temperant, qui humani generis tutelam gerunt, interdum curiosi singulorum. Hi nec dant malum nec habent. Cæterum castigant quosdam & coercent & irrogant poenas, & aliquando spe boni puniunt. Vis deos propitiare? Bonus esto. Satis illos coluit, quisquis imitatus est.

*De Deo.*

*Pythagoras.*

*Zaleucus.*

*Cicero*

*De cultu diuino.*

*Seneca.*

In hisce Senecæ uerbis etiam egregijs & religioni ueræ congruis, desidero tamē duo. Prius quod subinde deorum facit mentionem, cum tamen alibi ingenuè fateatur unum modò substantia esse Deum. Nec ausim asseuerare illum more scripturæ usum. Illa uocat Deum Elohim, quasi tu dicas Deos, propter Trinitatis ad-

*Sententia de  
Deo gentili-  
um non sunt  
integre.*



randæ mysteriū. Interim non nescio doctissimos religionis nostræ viros ex Gentium testimonijs probare voluisse, Gentes quoque agnouisse Trinitatis mysterium. Posterius est, quod non disertè (quantum ego quidem noui) exprimit & docet Seneca cum alijs Gentium sapientibus solidam in Deum fiduciam.

<sup>2</sup>  
Gentes contra  
idola.

Porrò non fuit apud Romanos ulla in ullis templis imago Dei, annis ab urbe condita plus minus 170. Plutarchus enim in uita Numæ Pompilij scribit, Quæ de Deorum immortalium simulachris etiam Numa statuit, quàm simillima sunt prorsus Pythagoræ documentis. Nam primum principium ille neque sensui neque perturbationi subiectum, sed mentem inuisibilem & increatam esse censuit. Hic autem Romanos prohibuit existimare imaginem Dei, aut hominis speciem aut animalis habere figuram uel formam. Nec fuit apud eos neque picta neque ficta Dei prius species, sed in prioribus 170. annis, templa quidem ædificabant sacraque tuguria erigebant, simulachrum uerò nullum corporeum faciebant, perinde atque nephas esset deterioribus meliora assimilare, neque aliter quàm intelligētia percipi possit Deus. Eadem testatur de Romanis M. Varro apud Augustinum lib. de Ciuitate Dei 4. cap. 31. Dicit enim Romanos coluisse Deos sine simulachris annos 170. & addit, Quod si adhuc mansisset, castius Dñi obseruarentur. Nec dubitat eum locum sic cōcludere ut dicat, Qui primi simulachra populis posuerūt, eos ciuitatibus suis & metum dempsisse & errorem addidisse: prudenter existimans Deos facile posse in simulachrorum stoliditate contemni, &c.

<sup>3</sup>  
Nomen Dei in  
summo precio.

Quanti uerò Gentiles æstimauerint nomen Dei, claret ex religione maxima sacramenti siue iuramenti. Historia extat elegans apud Gellium lib. 7. cap. 18. ubi & illud inter alia legitur, Iusiurandum apud Romanos inuiolatè sanctèque habitū seruatumque est: id & moribus legibusque multis ostenditur. Quod si quis conuiuium dixisset in Deum apud Gentiles, grauissimæ obnoxius pœnæ reddebatur.

<sup>4</sup>  
Sacrorum studiose  
Gentes.

Præterea fuerunt Gentibus sua sacra, suæ feriæ ceremoniæque, & sacrorum antistites. Insignes fuerūt Gentium sacerdotes Melchizedek & Iethro. Et quanquam Paulus fateatur id quod Gentes obtulerūt, non Deo obtulisse, sed dæmonijs: quia tamen sacra & ceremonias sacras magni fecerunt, declarauerunt Deum notiones cultus & religionis indere animis hominum, quas deinde corrumpunt falsæ doctrinæ & opiniones conceptæ de Deo & sacrorum ritibus.

<sup>5</sup>  
De honorandis  
parentibus.

De honorandis parentibus & magistratibus, item de educandis liberis, deque liberorum officio præcepta & sententiæ sunt apud Gentium sapientes illustrissimæ. Hierocles inter alia, Si quis, inquit, parentes, secundos ac terrestres quosdam Deos dixerit, non errabit, cum nobis propter uiciniam, si dicere fas est, uel ipsis Dñis honorabiliores sint. Necessariū autem est ita existimare, & perpetua animi promptitudine conandum, ut beneficijs eorum paria faciamus. Quantumuis uerò multa in eorum gratiam fecerimus, semper tamen inferiora erunt omnia quàm esse deberent. Et reliqua. Tempus enim me citius destituet, quàm hæc & alia huc pertinentia commemorem ex Gentibus: neque hoc institui.

<sup>6</sup>  
Homicidium et  
adulterium.

Contra homicidium, uiolentiam & iniurias latæ sunt leges grauissimæ à Gentibus. Ab iisdem profecta est lex Iulæ contra adulteria & nephandos concubitus. Statuerunt egregia decreta de connubijs ritè contrahendis & colendis. Ac uerbum ueritatis disertè indicat Chananæos esse deletos propter incestas nuptias & nephandas libidines, Leuit. 8. Sed & Lycurgus, Solon & Romani contra omnem luxum promulgauere leges sumptuarias: ut iam non commemorem institum esse naturaliter gignere & nutrire sobolem.

<sup>7</sup>  
Furti.

Contra furti & dolos, contra usuram, de iusta rerum acquisitione & possessione,

hone, item de rerum diuisione & contractibus, habet Ethnicis leges pulcherrimas. Celebre est illud Aufonij,

*Si turpia lucra*

*Fanoris & velox inopes usura trucidat.*

Veritatem quoque celebrant gentiles omnes: mendacium, detractionem & his <sup>9</sup> similia scelera damnant modis omnibus. Lex 12. tabularum iubet è Tarpeia rupe p. æcipitem dare testem falsum. Charondas uero Catanæus inter alia egregia dicta, Quisq; ait, honestatem ac ueritatem colat, turpitudinem atq; mendacium odeat. Nam hisce notis uirtus & malitia discernuntur. Quare statim à pueris assuefacere oportet castigando quidem mentiendi studiosos, ueritatis autem amando, ut quod in uirtute optimum & fecundissimum est, animis singulorum innascatur, & quasi in naturam ipsorum conuertatur, &c.

Damnatur item concupiscentia, damnantur & affectus prauis à sapientibus <sup>10</sup> Ethnicorum. Hanc ueluti malorum radicem culpans Saryricus canit, *Mendacta. Falsi testes.*

*Inde ferè scelerum cause, nec plura venena*

*Miscuit aut ferro grassatur sepius vllum*

*Humanae mentis vitium, quàm seua cupido.*

Cæterum ex his omnibus facile est colligere gentium animis inscriptas esse Dei notiones ac præcepta fugiendorum & appetendorum: quæ interim corruerunt & obscurarunt suis affectatis & uitiatis à carne iudicijs. Proinde Deus præter legem naturæ alias quoque suæ uoluntatis expositiones dedit, nimirum uiuam traditionem patrum, angelorum responsa, oracula, prodigia, leges scriptas per homines sapientissimos & religiosissimos. His omnibus adiuuit Deus legem naturæ. Ergo quæcunque reperiuntur in Ethnicis uera & bona, ad authorem omnis boni Deum sunt referenda: falsa uero, ad corruptam hominis naturam & ad affectus prauos.

In his omnibus inprimis illud obseruandum esse monemus, nos hic loqui de cognitione, non de facultate. Clara utcumque est cognitio legis, sed assensus & uoluntas efficiendiq; potestas & infirma est & implicatissima. Quanquam ut intellectum illuminari oportere, ita & uires cœlitus concedi necessarium esse contendimus. Nihil hic efficit natura sine gratia. Quod si qui ex Gentibus laudem habent iustitiæ, ut Melchizedek, Iob, Iethro, & alij multi, id quidem non habent ex suis uiribus, sed ex gratia Dei. Sicuti ex historia Iob clarissimis licet colligere argumentis. Ergo si qui ex Gentibus sunt saluati, non per opera naturæ aut merita propria sunt saluati, sed per misericordiam Dei in Christo Domino nostro. Neque uero Lex naturæ insita est hominibus à Deo, ut saluet homines sine gratia & Christo, sed magis ut doceat quid bonum sit quid malum; ut euincat nos esse peccatores & inexcusabiles coram Domino. Paulus certè per legem naturæ Gentes non minus quàm per legem Moysis Iudæos peccati reuincens, demonstrat in solo Christo Dei filio esse iustificationem, uitam & omne bonum. Hæc de lege Naturæ.

Humanæ leges sunt (nam secundo loco de his nos dicturos polliciti sumus) quæ ab hominibus ad conseruationem utilitatemq; uel reipub. uel ecclesiæ ordinantur ac promulgantur. Hæ enim diuersi sunt generis. Sunt enim politice leges, sunt ecclesiasticæ & Traditiones humanæ. Politicæ leges sunt, quas magistratus sancit pro ratione locorum, temporum ac hominum, ad conseruandam pacem & honestatem publicam. Huius generis sunt innumera exempla in Iure ciuili & Imperatorum Constitutionibus, maxime Iustiniani. Debent hæ omnes quàm proximè accedere ad leges Dei ac naturæ, nec cum his pugnare, aut habere quicquam impietatis, crudelitatis & tyrannidis. Huiusmodi legibus iubet parere S. Petrus

*1 Pet. 2.* dicens, Subditi estote omni humanæ constitutioni, propter Dominum, siue regi tanquam præcellenti, siue præsidibus, ut qui per eum mittantur ad uindictam quidem nocentium, laudem uerò rectè agentium. Quanquam enim per ordinationē siue constitutionem intelligat ipsos reges ac magistratus, sicuti ipse altero orationis membro protinus exponit, quia tamen magistratus conditis legibus rempublicam gubernant, ideo æquis legibus nos parere iubet Apostolus. Porro politice leges æquæ & sanctæ adiuuant charitatem, tranquillitatem, & hominum societatem conseruant, bonos defendunt, inordinatos redigunt in ordinem, religionem denique non mediocriter iuuant, sed & malas abrogant consuetudines, & proscribunt scelera. Exempla cernere licet in rebus gestis à Nabuchodonosore, Cyro, Darlo, Artaxerxe, & ab alijs principibus. Verum alio loco dicitur de Magistratu, eius legibus & officio.

*Ecclesiastica  
leges.*

Ecclesiasticæ leges sunt, quæ ex uerbo Dei quidem petita, at pro ratione hominum, rei ipsorum, locorumque accommodata, in ecclesia à populo Dei agnoscuntur & usurpantur. Has ecclesiasticas leges non traditiones humanas appello, quod è scripturis diuinis petita non hominum ingenio inuentæ & prodita, ab ea usurpantur, quæ solius pastoris uocem audit, alienorum non agnoscit. Coit ecclesia ad audiendū uerbum Dei, & ad preces publicas matutinis ac uespertinis adeoque statitis horis, prout cuique loco & populo commodum est, idque legis uice est. Habet ecclesia supplicationes, ferias, & ieiunia sub legibus certis. Celebrat ecclesia certis temporibus, certo loco & modo præscripto sacramenta, idque secundum leges & ritum ecclesiæ receptum. Baptizat ecclesia infantes. A cœna Domini nō remouet mulieres: idque pro lege habet. Iudicat ecclesia per deputatos iudices in causis matrimonij, & habet in his leges certas. Atqui has omnes & his similes alias deducit ex scripturis, & applicat pro ædificatione locis temporibus & hominibus: ut aliquam quidem in uarijs ecclesijs diuersitatem, nullam discordiam uidere liceat.

*Superstitiosæ  
leges.  
1 Cor. 14*

Cæterum habent leges ecclesiasticæ modum certum & metas certas, nimirum ne quid fiat aut recipiatur contra uerbū Dei aut alienum à uerbo Dei, contra charitatem & decorum, ne quid nimis aut ne quid minus: denique ut per omnia ualeat hæc D. Apostoli regula, Omnia decenter, secundum ordinem & ad ædificationem ecclesiæ fiant. Proinde si quis superstitiosas, operosas, & indecoras hominum traditiones à scripturis quoque alienas, sub prætextu ecclesiasticarū legum proferens pijs obtrudere conatus fuerit, probabunt illi ad regulam uerbi Dei imposturam illam ac repellent.

*Traditiones  
humane.*

Restant Traditiones humanæ, quæ sunt ab hominibus electione propria, ex intentione stulta aut alio ex affectu humano, contra aut citra scripturam diuinam nata, condita atque inuentæ. Cuius quidem generis innumera inuenias exempla, sectas uidelicet, regnum & coelibatum spirituum, ritus & consuetudines in ecclesia horum multifarias. De his omnibus simpliciter pronunciauit Dominus in Euangelio ex Isaia propheta, & dixit, Quare transgredimini præceptū Dei propter traditionem uestram? Hypocritæ, rectè uaticinans de uobis Isaias dixit, Appropinquat mihi populus hic, ore suo & labijs me honorat, cæterum cor eorum procul abest à me: sed frustra me colunt, docentes doctrinas præcepta hominum. Ad ea uerò uerba alludens beatus Christi martyr Cyprianus Epistolarū lib. 1. epist. 8. Adulterum est, ait, impium est, sacrilegum est, quodcunque humano furore instituitur, ut dispositio diuina uioletur. Procul ab huiusmodi hominū contagione discedite, & sermones eorum ueluti cancrum & pestem fugiendo uitate, præmonente Domino, & dicente, Cæci sunt & duces cæcorum. Nam & D. Paulus in epist. ad Titum



Titum, Redarguito illos seueriter, inquit, ut sani sint in fide, non attendentes Iudaicis fabulis & præceptis hominum auersantium ueritatem. Studiò omitto locum Pauli ad Coloss. 2. cap. quòd is omnibus sit cognitissimus.

Nolo charitati uestre operosiore & copiosiore expositione molestus esse. *Epilogus.* Paulula enim hæc de legibus naturæ & humanis, politicis inquam, ecclesiasticis & merè humanis, traditionibus sufficere arbitror diligētibz & fidelibus, qui domum redeuntē singula apud se diligentius expendunt, lectis etiam scripturarum locis quos frequenter citamus ac religiosè excussis. Dominus concedat nobis omnibus, ne unquam admonitiones legis naturalis in animis nostris contemnamus, neue humanis traditionibus implicemur, sed in legibus politicis æquis, & in ecclesiasticis legibus sanctis, legitime ambulantes, seruiamus Domino. Cui gloria, honor, & imperium, in secula seculorum, Amen.

*De Loge Diuina, ac duobus primis primæ tabulæ seu Decalogi præceptis.*

## S E R M O II.

**E**X diuina ab ipso Domino Deo nostro promulgata, quid faciamus aut *Lex Dei quid.* omittamus præscribit, requirens obedientiam, ac inobsequentibus interminans interitum. Diuiditur in legem Moralem, Ceremonialem, & Iudicialem. Omnium istarum partium diligentissimus scriptor & expositor est Moses. *Moralis.* Moralē informat mores, adeoq; uirtutum formas tradit, demonstrans quantam à nobis Deus iustitiam, sanctimoniam, obedientiam, & perfectionem requirat. *Ceremonialis.* Ceremoniales leges sunt, quæ præcipiunt de ritibus sacris seu ecclesiasticis, deniq; de personis & rebus ministrantibus & destinatis sacris. *Iudicialis.* Leges autem Iudiciales præcipiunt de rebus ciuilibus seu forensibus, de pace publica, æquitate & honestate. Et de his quidem postremis dicitur suo loco. De Morali lege in præsentī differemus.

Nemo tamen putauerit nullam ante Mosē fuisse legem, ac à Mose primū *Fuit lex etiam ante Mosē.* proditam. Nam eadem illa Moralē legis capita quæ Mosēs exponit Decalogo, patribz ab ipso mundi initio fuerunt cognitissima. Nam unum illum uerum Deum coluerunt unicè pro Deo suo, hunc adorauerunt & inuocauerunt. Idola Syriaca Labani aufert è sua familia Iacob, & defodit in Bethel, subter quercum uel terebinthum quæ erat prope Sichem. Sacrosancta erat iurisiurandi religio Abrahamo, unde consequens est sanctum & celebre ipsi fuisse nomen Domini. Sacra celebrant patres sancti omnes & diligentissimè & religiosissimè. Cham maledictionem à patre accipit, quòd irreuerenter sese gessisset erga patrem. Damnatur propter parricidium Cain. Sanguini parcere iubet Noe. Laudatur Ioseph quòd respuit amplexus coniugis alienæ, nempe uxoris domini sui. Vituperatur Ruben quòd incestuoso concubitu polluisset thorū paternum. Irascitur non immeritò Iacob Labano focero, quòd ipsum furti suspectum habuisset. Mendaces & falsos testes damnauerunt omnes patres, quemadmodum & cupiditates prauas. Proinde non caruerunt ipsis Decalogi præceptis patres ab ipso mundi exordio, ad usque Mosē tempora: interim non habuerunt illa tabulis incisa aut membranīs inscripta. Inscripserat quidem illa Dominus digito suo in corda ipsorū, eademq; excolebat uiua patrum traditio uel doctrina. Eadem tamen est lex utrobique, eadem semper Dei uoluntas, quia unus modò Deus est, qui non mutatur. Sub Mose primū tamen illa sunt relata auctore & scriptore ipso Deo in tabulas, & scripta in libros per Mosē.

*Veteres habue-  
runt ceremonias  
& iudicia.*

Similiter non caruerunt ueteres & sancti ante Moſen patres ceremonijs & iudicialibus. Habuerunt enim ſuos ſacerdotes, ipſos inquam patres familiās, habuerunt ſua ſacra, ſuas aras & hoſtias, habuerunt ſuos cœtus ſacros, & ſuas purificationes. Habuerunt leges de hæreditatibus rerum, de diuiſione & poſſeſſione, de contractibus, de puniendis ſontibus. Cæterum Moſes illa omnia in certas redegit leges; multa etiam diligentius expoſuit: multa inſtituit quibus ueteres uel caruerunt, uel paulò diuerſa ratione uſi ſunt, Cuius quidem generis ſunt, Tabernaculum, Vaſa ſacra, Arca fœderis, Menſa, Candelabrum, Ara holocauſti & thymiamatis, Sacerdotium Leuiticum, Veſtes ſacræ, Feriæ & Feſta: & ſi quid aliud eſt huius generis: quæ quidem omnia abrogantur per Chriſtum, ſicuti ſuo loco dicemus. Mores quoniam conſtare non poſſunt niſi ſaluo decalogo, ideò Moralis lex ut propriè legis nomen obtinuit, ita nunquam abrogatur, Eſt enim Decalogus uera & abſoluta æternaq; uerè iuſtitiz & omnium uirtutum regula, omnibus præſcripta locis, hominibus, temporibus. Summa enim Decalogi eſt, ut Deum diligamus & nos mutuò: id quod ſemper ab omnibus ubiq; hominibus requirit Dominus. Porro Decalogus ſignificat librum ſeu expoſitionem & uolumen decem capitum præceptorum uel articulorum.

*Moralis lex  
perpetua.*

*Decalogus.*

*Maieſtas &  
dignitas De-  
calogi.*

Illud uerò ſingulare habet Decalogus legis, quòd Ceremonialia & Iudicialia omnia à Deo per angelos Moſi & per hunc populo Dei reuelata, & quòd à Moſe, Deo iubente, conſcripta ſunt. Decalogus uerò non ab homine neq; per hominem, ſed ab ipſo Deo optimo maximo ad montē Sina inter prodigia maxima & ſtupenda, in concione publicà & maxima hominū & angelorum recitatus eſt. Idem non manu Moſis, ſed digito Dei ſcriptus eſt in tabulas non cereas, ſed lapideas durabilesq;. Seruatæ ſunt illæ tabulæ tanquam theſaurus præſantiſſimus in Arca, quæ à tabulis fœderis (fœderis enim æterni capita continebant) nomen indepta ac appellata eſt Arca fœderis. Repoſita eſt hæc in ipſum Sanctum ſanctorum. Quæ omnia modis omnibus commendant nobis Decalogi præſtantiam, admonentq; ut illum Deum reueremur qui legem promulgauit, quippe qui Dominus ſit cœli & terræ, elementisq; omnibus utatur pro ſua uoluntate contra rebelles ſuos: admonent præterea ut Decalogum uel hodie loco theſauri in mundo omnium præſantiſſimi habeamus. Diuinæ enim in eccleſia Chriſti reliquæ ſunt Decalogus, Symbolum Apoſtolorū & Oratio Dominica, adeoq; tota Biblia. De Decalogi promulgatione mirifica & copioſiora habemus apud Moſen Exo. 19. & Deut. 4. & 5. cap.

*Due tabule  
diuinæ legis.*

Duæ autem ſunt tabulæ diuinæ, in quas digeſta ſunt decem diuinæ legis capita. Prior tabula continet capita quatuor, poſterior ſex. Nam ultimum mandatum quod nonnulli diuidunt in duo, reuera unicum & indiuiſum eſt. Nam in genere primū præcipit Dominus, Ne concupiſcas: deinde per ſpecierum enumerationem recenset quid non concupiſcamus, nempe uxorem proximi, ædes eius, agros, iumenta & opes. Præterea unus eſt duntaxat uerſus in Hebraica ueritate, non duo diuiſi. Cum noſtra diuiſione faciunt Iosephus lib. Antiq. 6. cap. 3. Origenes in Exodum Homelia 8. Ambroſius in 6. cap. Epistolæ ad Ephes. Porro Magiſter in ſententijs ultimum mandatum diſſecuit in duo, idcirco in primam tabulam tria duntaxat præcepta collocat. Sequutus eſt fortassis S. Auguſtinus, qui quæſtio. in Exodum. 71. & Epistoła ad Ianuariū 19. etiam tria tantū primæ tabulæ præcepta numerat, idq; propter myſteriū Trinitatis. Idem tamen non omittit mandatum de non habendis colendisq; idolis, memor haud dubiè illorum in Euangelio uerborū Domini, Amen dico uobis, donec prætereat cœlum & terra, iota unum aut apex non præterierit ex lege, quoad omnia facta fuerint. Quisquis igitur

*Math. 5.*

igitur soluerit unum ex mādatis illis minimis, & docuerit sic homines, minimus uocabitur in regno cœlorum. Idem rursus in Quæstionibus ueteris & noui testamenti lib. 1. cap. 7. ponit primæ tabulæ præcepta 4. secundæ sex. Nec multum ab ea sententia abludit lib. 3. ad Bonifacium, &c.

Diuisit autem Dominus præcepta illa sua in duos ordines uel in duas tabulas, *Quid contineant duæ tabule legis.* propter rerum quæ tractantur differentiam. Prima enim tabula pertinet ad Deū, secunda ad homines. Prima docet quid de deo & cultu eius sentiamus, id est, tradit pietatem, quomodo uidelicet piè uiuamus. Secunda docet quid debeamus proximo, id est, tradit humanitatem, quomodo uidelicet tranquille humaniterq; uiuamus. In his autem continentur omnia officia uitæ, ut nihil omnino dici possit ab ullis totius mundi sapientibus de pietate & humanitate, quod non comprehendatur in Decalogo.

PRIMUM Decalogi præceptum hisce uerbis pronunciauit ipse Dominus, *Præceptum Dei 1.* EGO DOMINUS DEVS TVVS, QVI EDVXI TE EX TERRA AEGYPTI, DE DOMO SERVITVTIS; NON HABEBIS DEOS ALIENOS CORAM ME. Duo habet membra hoc præceptum. Prius & ipsum uaria continet. Principiò enim offert se nobis deus, & exponit nobis qualis sit erga homines, imò qualis erga nos esse uelit. Vnde nos secundo loco colligimus, quid uicissim à nobis requirat, & quodnam sit officium nostrum. Tercio & ultimo loco appendit euidentem demonstrationem eius quod dixit se esse Deum nostrum.

Ab initio pronunciat & dicit, Ego Dominus Deus tuus. Quibus uerbis exponit qualis sit, qualisq; esse uelit erga omnes homines. Congruunt hæc uerba cum uerbis fœderis domini cum Abrahamo adeoq; omnibus credentibus isti, Ego, inquit dominus, sum deus fortis & Schaddai, quasi tu dicas Saturnus à saturando. Est enim Deus copię cornu, qui exaturat omnes & omnia, fons inexhaustus & perennis bonorum omnium. Id quod & Ieremias copiosius enarrat in cap. 2. sermonum suorum. Et certè hæc omnia cōprehendit his paucis uocibus, Ego dominus Deus tuus. Ego inquā qui iam loquor tibi ex medio ignis. Ego & nō alius. Significatur hic unitas Dei. Docemur hic unum agnoscere deum, non plures, unū adherere, non corda pluribus diuidere. Ego dominus tuus, ego Deus tuus. Dominus est, quia merum habet imperium in omnes creaturas, domino subiecta sunt omnia, domino obtemperant ad nutum omnia. Dominus omnia gubernat & sustinet. Est enim cœli & terræ & omnium quæ in eis sunt conditor, rector, conseruator, rex & princeps summus & maximus. Proinde in unica hac uoce comprehenditur Dei sapientia, uirtus, potestas & maiestas immensa. Deus fortè deriuatur à Daī uoce Hebraica, quæ sufficientiam significat. Solus enim Deus sufficit sibi ad beatitudinem & felicitatē plenissimam modisq; omnibus absolutissimam; præterea sufficit deus omnibus requirentibus ipsum in ueritate, ditissimus in omnes inuocantes nomē ipsius. Qua parte notatur Dei omnisufficientia, liberalitas, bonitas & misericordia; maxime cum additur, Ego dominus Deus tuus, Tuus inquam. Deus enim nō sibi modò bonus est, sed nobis quoq;. Totum se cupit effundere cum omni sua bonitate, cum omnibus suis dotibus in fideles. Nō est parcus, non est malignus, gaudet distrahi & impartiri se nobis fruendum abundantissimè, adq; satietatem iucundissimam, idq; omni tempore, necessitatis maxime. Et significanter quidem T V V S ait, non uester, ut intelligamus singuli deum æternum, optimum, beatissimum, singulorum fore esseq; deum & dominū, id est, seruatorem, liberatorem, redemptorem, acerrimum & mare bonorum omnium, anti-



mae & corporis praesentium & futurorum.

*Quid exigit à  
nobis hoc prae-  
ceptum.*

Ex istis colligimus secundo loco quid uicissim à nobis requirat bonus domi-  
nus, & quodnam sit nostrum officium. Apertam relationem etenim habet Tuus.  
Si enim ille uult esse meus, ego uicissim debeo esse suus. Ille uult esse Dominus, &  
est deus meus, ego itaque illum pro domino & deo meo habere & uenerari debeo.  
Ideoque requiritur hoc mandato à nobis, ut non tantum deum uerum pro deo uero,  
sed pro deo nostro, pro domino, pro rege, pro conditore, pro seruatore & patre no-  
stro agnoscamus, utque illi suas tribuamus proprietates, quod unus est, solus bono-  
rum omnium fons & largitor, quod uiuus est, aeternus, iustus, uerax, beatus, fe-  
lix, clemens, potens, optimus, maximus. Huic itaque adhæreamus, huic obediamus  
in omnibus, in illum credamus, illum inuocemus solum, omnia ad ipsum bona re-  
ferentes, omnia bona ab ipso petentes, & pro omnibus beneficijs gratias agentes,  
hunc adoremus, hunc colamus timore synero & dilectione ardentissima, spe per-  
tinacissima. Huc enim pertinent illae ex sancto Mose & euangelio sententiae, Do-  
minum deum tuum adorabis, & illi soli seruias. Et iterum, Dominum deum ue-  
strum sequimini, illum time, illius praecepta custodite, illius uocem audite, illi ser-  
uite, & illi adhærete. Quid quod ipse Dominus in Psal. clamat, Sacrifica deo lau-  
dem, & persolue altissimo uota tua. Et inuoca me in die tribulationis, &c.

*Deut. 13.*

*Psal. 50.*

*Demonstratio  
quod Deus ue-  
rus Deus no-  
ster est.*

Iam uero demonstratio qua ostendit se fuisse, esse & fore deum & dominum  
omnium nostrum, & patrum nostrorum liberorumque nos insequentium, euiden-  
tissima est, nimirum liberatio ex Aegypto. Continet ea omnes uirtutes diuinas, sa-  
pientiam, bonitatem, iustitiam, ueritatem, potentiam, & quid non? Declarat se esse  
dominum in caelo & in terra, in omnibus elementis, in omnibus creaturis. Libe-  
rat benignè suos Israelitas, tuetur, ornat uarijs muneribus, & seruat uel inuito &  
fremente toto regno Aegypti. Aegyptios autem uariè, horribiliter, sed iuste tamen  
punit, tandem & cum rege suo submergit in mari rubro. Potuerunt Israelitae ex  
hoc unico dei facto colligere Deum, ut potentissimum esse, ita futurum ipsorum  
deum, sicuti fuerat deus patrum ipsorum. Facto enim declarauit qualis fuerit, &  
quantae potentiae & bonitatis sit uel hodie omnibusque in finem usque seculis. No-  
bis quidem recentior est liberatio quae obtigit per Iesum Christum dominum no-  
strum, qui nos non ex Aegypto aliqua, aut ex manibus Pharaonis asseruit, sed ex  
potestate tenebrarum peccati, mortis & diaboli liberauit. Vnde colligimus deum  
aeternum, uerum, optimum, maximum, beatissimumque, ut potentissimum, sic no-  
strum esse Deum, & hunc nobis bene uelle, nos curare & amare, iuxta illud Apo-  
stoli, Qui proprio filio suo non pepercit, sed pro nobis omnibus tradidit illum, qui  
fieri posset ut non cum eodem omnia nobis donet? Equidem mysterium redem-  
ptionis nostrae per Christum dominum nostrum, comprehensum est manifestissi-  
mè in primo Decalogi praecepto. Nam clarum est liberationem populi Israelitici  
ex Aegypto, typum fuisse futurae liberationis totius orbis terrarum & omnium  
regnum mundi per Christum dominum, qui totum orbem liberauit ex seruitu-  
te peccati & diaboli. Quod si quis dubitat, inspiciat ceremoniam siue sacramentum  
huius corporalis liberationis, ipsum inquam Pascha. Quis uero nesciat agnum il-  
lum typum praetulisse Christo liberatori? An obscura est haec Pauli uox, Pascha  
nostrum immolatus est Christus? An non omnes Apostoli cum Ioanne Baptista  
appellarunt dominum nostrum Dei agnum qui tollat peccata mundi? Praeterea  
clara sunt Isaiae prophetae uerba in cap. 52. ubi disertè inter se confert liberationem  
Israelis ex Aegypto, & liberationem totius orbis ex seruitute peccati per Christum.  
Proinde continetur mysterium Christi domini & redemptionis nostrae in primo  
Decalogi

*Mysterium Chri-  
sti comprehen-  
sum est in pri-  
mo praecepto.*

Decalogi præcepto: ut iam recitantibus nobis uerba Dei, non tam uetus illa liberatio Israelis ex Ægypto, quam noua illa quæ obligit per Christum, oculis & animis nostris obuersari debeat, excitareq; spem nostram, ne quid diffidamus, Deum illum optimum maximum & fore & esse Deum nostrum.

Posterius membrum primi præcepti uetat nobis, ne quis nostrum habeat Deos alienos, id est, excludit extra Deum omnia præsidia uitæ, quæcunq; tandem præter deum uel fingi uel eligi possunt. Ac utitur Dominus uehementissimo loquendi genere. Nam dicit, Non habebis deos alienos coram me. En nō habebis, & non habebis quidem coram me, uel ante faciem meam, uel mecum, uel apud me. Germanicè, *Nit mir/ oder nābend mir. Oder laß michs nit sāhen vor minen ougen.* Ita enim loquuntur irati patres, quando prohibent rem uehementer turpem & abominandam, Vide ne ante oculos meos, & me quidem spectantē hoc facias. Atqui ubiq; adest Deus, omnia inspicit Deus, etiam corda & cordiū abscondita. Proinde nullo pacto uel palam uel occultē habendi sunt nobis dij alieni: id est, ne mo nostrum habeat ullam creaturam, siue ea in cœlis siue in terris sit, pro Deo nostro: nemo nostrum tribuat creaturis proprietates Dei, eaq; quæ ex officio debemus Deo. Proprietates dei sunt ubiq; esse, omnia uidere, omnisciū & omnipotentem esse, uiuificare, liberare, à peccatis purgare, seruare uel saluare, iustificare, sanctificare, & si quæ aliæ huius generis sunt. Officia nostra sunt Deum adorare, inuocare, timere, colere, sperare in Deum, adhærere Deo, audire Deum, credere Deo, obedire Deo.

Ideoq; alienus Deus erit quod propriè & naturaliter non est Deus, imò quicquid nobis præter deum hunc uerum, uiuum & æternum confingimus, cui confidimus, in quod speramus, quod inuocamus, quod amamus & metuimus, in quod animū nostrum intendentes desigimus, à quo dependemus, quod pro thesauro, auxilio & præsidio nostro in prosperis & aduersis habemus agnoscimusq;. Dum Rahel à Iacobo sobolem postularet, audit, Num pro deo tibi sum, qui reddidi te sterilem? Rursus cum Ioram rex Israeliticus à rege Syrorum Benhadad, per Naamanū accepisset literas, in quibus postulabatur purgatio lepræ, scidit uestes suas stratus atq; exclamauit, Egōne Deus sum, ut interficiam & rursus uitæ restituam? Solus ergo Deus sit Deus noster, id est, uita & salus nostra, auxilium, refugium, protectio, liberatio, spes, amor, terror & tremor noster. Si hæc tribuamus alijs & non soli Deo, alienos constituemus deos. Et alienum nō rarò dicitur, quod nō est institutum à Deo. Sic alienus ignis dicitur illatus esse tabernaculo, diuersus nimirum ab eo quem accendere iusserat Dominus. Aliena dicitur mulier in Proverbij, quam non concessit dominus. Alieni ergo dij sunt quos nobis ipsi fingimus, quos Deus nobis non constituit tutelares, à quibus pendentes auxilia poscimus. Proinde erunt alieni dij, diui ipsi, nunc quidē triumphantes cum rege Christo in cœlis, non ipsi quidem per se, sed nobis erunt dij alieni, qui perperam de ipsis iudicamus, & honorem deo debitum ipsis impendimus, colentes eos pro tutelaribus inuocantesq;. Erunt dij alieni ipsi diaboli & homines diabolici, si ipsis timorem deo debitum, ita impendamus, ut hos præferamus deo. Dij alieni erunt astra, planetæ signaq; cœlestia, si à mathematicis decepti, ab ipsis pependimus, respicientes in omnibus ad signa cœli, & totam uitam nostram dirigentes ad astrorum cursum. Ita si pecuniam, si homines diuino honore & amore prosequamur, erunt pecuniæ & homines nostri nobis dij alieni. Ad eundem modum damnatur in rege Afa 2. Paralip. 7. nimia fiducia in medicos. Herbe ergo & medici sunt dij alieni. Damnantur Isaia 30. cap. Iudæi, quod Ægyptijs confederatis nimirum fide-

Prohibentur  
dij alieni.

Alieni dij qui

rent: fiunt ergo confœderati dii alieni. Multò magis damnantur hic fœdera & pacta propter magicam cum dæmonibus facta. Damnantur benedictiones illæ quæ rectius dicerentur maledictiones, superstitiosi inquam exorcismi, in quibus præterea accusandus est abusus diuini nominis. Verùm quis exactè omnia recenset, quæ fiunt contra hoc primum mandatum, quo uera traditur pietas, internus dei cultus, ut agnoscamus Deum, credamus ei, rectè sentiamus de eo, ipsum inuocemus, ipsi adhæreamus, ei in omnibus obediamus?

*Præceptum  
Dei 2.*

Secundum Decalogi præceptum hoc est, NON FACIES TIBI SCULPTILE, NEQVE SIMILITVDINEM VLLAM EORVM QVE IN COELIS SVNT SVRSVM, VEL IN TERRA DEORSVM, VEL IN AQVIS QVAE SVB TERRA SVNT: NON ADORABIS EA NEQVE COLES. EGO SVM DOMINVS DEVS TVVS FORTIS, ZELOTES, VISITANS INIQUITATEM PATRVN IN FILIIS IN TERTIAM ET QVARTAM GENERATIONEM, EORVM QVI ODERVNT ME, ET FACIENS MISERICORDIAM IN MILLIA HIS QVI DILIGVNT ME, ET CVSTODIVNT PRAECEPTA MEA. Primo præcepto internam religionem formauit tradiditq; dominus: secundo corrigit externam. Si rectè iudicaremus de Deo, seruaremusq; ritè ac religiosè præceptum primum, nihil opus fuerat præcepto secundo: sed quia nouit ingenia nostra dominus, ideo prohibet quod alioqui fueramus facturi. Videtur enim plerisque deum exprimendū esse imagine aliqua, & uenerandum corporali uisibiliq; cultu aliquo, oblati ipsi auro, argento, gemmis, ebore, ac rebus preciosis. Proinde finis generalis huius præcepti est, retrahere nos à carnalibus imaginationibus cultus Dei, qui ut potentia est immensa & spiritus æternus, ita non potest ulla exprimi imagine corruptibili: spiritu & sanctitate uult coli. Idolum uerò seu simulachrum continet omnem externum cultum: ergo cū idola prohibentur, simul prohibetur omnis cultus Dei externus & peregrinus. Nam ubi idolum est, ibi basim ei oportet statuere, sedem collocare, aram extruere, templum ædificare. Hæc protinus custodes, curatores, ministros seu sacerdotes requirunt, hostias & oblationes, anathemata, ornamenta, serias & sumptus atq; labores nunquā exantlandos & finiendos. Eo nomine prophetae appellarunt simulachra labores & dolores. Nam semel receptis idolis, nullus est neq; finis neq; modus sumptuum atque laborum. Experientia id uerum esse docet.

*Finis huius præcepti retrahere à peregrinis cultibus.*

*Deus prohibet  
sculptile.*

Porrò præceptum hoc secundum habet partes tres. Principiò enim prohibet Deus facere sculptile uel simulachrum: hoc est, Deus uetat sibi ullam cuiuscunque tandem formæ aut materiæ sit, imaginem ponere aut consecrare. Nam ut Deus nō uult, ita non potest representari ulla imagine. Species uerò omnes ferè enumerat quibus solemus effigiarer. Non affinges Deo, ait, speciem aut formam earum rerum quæ supra nos sunt, in ipso cœlo. Sunt autem in cœlo corpora cœlestia, ueluti, sol, luna, planetae, astra, ipsæ deniq; aues uariæ speciei. Sub quibus quidē speciebus ferè omnibus, non pauci apud gentes deum adorarunt & coluerunt. Nec affinges deo speciem aut formam earum rerum quæ sunt in terra. In terra sunt homines, animantia, herbe, frutices, arbores, &c. Ac constat gentes Deum ueneratas esse sub imagine hominum & animalium. Cornel. Tacitus de Germanis, Cæterum nec deos cohibere parietibus, ait, neque in ullam humani oris speciem assimilare, ex magnitudine cœlestium arbitrantur, lucos ac nemora consecrant, deorumq; nominibus appellant secretū illud, quod sola reuerentia uident. En co-

luerunt



Iuerunt maiores nostri Deum sub specie arborum uel sylvarum. Quod tamen hic prohibetur hominibus, quemadmodum ne sub specie earum rerum, quæ in aquis aut sub aquis sunt, effigiantes Deum nostrum ueneremur. Coluerunt Palæstini Deum sub imagine piscis. Dagon Deus Palestinus præ se ferebat piscis figuram. Ægyptus coluit serpentes. Imò Paulus hæc omnia cōprehendens ad Rom. i. cap. contra gentiles disputans, Obtenebratum est, inquit, insciēs cor eorum: cum se crederēt sapientes, stulti facti sunt, mutaueruntq; gloriam immortalis Dei, in imaginem non solum mortalis hominis, uerumetiam uolatilium & quadrupedum, & reptilium Contra hanc insaniam pugnat prima legis pars.

Cur autem Deus nolit ulla exprimi imagine sensibili aut uisibili, in promptu causa est. Deus spiritus est, Deus immensus est, incircumscriptibilis, ineffabilis, ubi que præsens, cœlum & terram implens, æternus, uiuus & uiuificans atq; conseruans omnia, gloriæ & maiestatis supra cœlos exaltatæ. Quis autem exprimat ulla uel imagine uel materia spiritum? Deus est immensa potentia, omnia uiuificans atq; conseruans. Sed imagines Dauid describit ac dicit, Simulachra gentium argentum & aurum, opera manuum hominum. Aures habent & non audiunt, nares habent & non odorantur. Manus habent nec palpant, pedes habent nec ambulant, neque sonus ullus est in gutture eorum. Quid obsecro hæc cum Deo collata similitudinis habent? Proinde uelle Deum exprimere simulachro uisibili, est Deum probro exponere facereq; contemptibilem. Dei oculus omnia uidet, idola nihil uident, Dei aures omnia audiunt, idola nihil audiunt. Per Deum uiuunt & mouentur conseruanturq; omnia: Idola nec uiuunt nec mouentur, & nisi retineantur ab hominibus fabricantibus, concidunt & pereunt. Simulachrum non spirat: Deus dat omnibus halitum spiritumue. Vbi ergo & in quo est similitudo? In materia ne, an in forma? Si in materia, ergone deus aureus, argenteus, ligneus? Si in forma, ergone inuisibilis uirtus caduca habet membra? Quid ergo peccarunt Anthropomorphitæ? Quod si nulla est similitudo, cur quæso dicuntur imagines aut simulachra, Dei similitudines ac icones? Si quis nostrum alterum appellitet idolum aut simulachrum, uidetur magna affectisse contumelia. Scimus enim idola speciem falsam hominis referre, non hominem: proinde idolum appellamus hominem ineptum, fungum, torpidum, inertem, & in quo nihil cerebri, qui nihil minus sit quam quod audit. Cur ergo posthac appellaremus simulachra, Dei similitudines? Deus uiuus est: simulachra sunt hominum mortuorum signa, sicut dicit author libri Sapientiæ. Deus gloriosus est, ac pleni sunt cœli & terra gloria maiestatis eius: simulachra uerò carent omni gloria, & exposita sunt hominum probris & ludibrio. Simulachra absentium signa sunt. Deus autē semper & ubiq; præsens est. Ac signa quæ quondā instituit & dedit populo suo Deus, nō fuerunt simpliciter signa uel imagines dei, sed signa præsentia Dei, significantia deum, qui natura spiritus & inuisibilis est, incomprehensibilis & immensus, præsentem esse. Tale signū fuit nubes, fumus, ignis, ipsa deniq; arca fœderis, quam interim ad operiebant alis suis Cherubim, significantes in ipsam Dei faciem neminem mortalem posse aspicere: animas ergo, mentes & spiritum esse eleuandum contemplatione in cœlos. Nam Moses, qui tamen dicitur Deum facie ad faciem aspexisse, audit, Nemo uidebit me ac uiuet. Vbi hinc soluerimus, uidebimus eum sicuti est, uti ait beatus Ioannes. Hæc inquam causæ sunt, cur nolit ulla materia ullæue forma se exprimi & effigiari Dominus.

Huc iam pertinent loca scripturæ, & testimonia maximorum in religione ac pietate uirorum, Moïsi, Isaïæ, & Pauli, Moïses in Deuter. Loquutus est nobis Deute: 4-

Cur Deus nolit  
exprimi  
imagine.

dominus, ait, de medio ignis: & quidem uocem uerborum audistis, at simulachrum nullum uidebatis, ultra uocem. Cauete ergo accuratè quàm chara uobis est anima uestra (quandoquidem nullum omnino eodem die simulachrum uidistis) ne fortè corruptatis uos, faciendo scilicet uobis sculptile, simulachrum cuiuscunq; figuræ, formam maris aut foeminae, formam cuiuscunq; animantis quod est in terra, formam cuiuscunq; uolucris uolantis sub cœlo, formam cuiuscunq; reptantis super terram, formam cuiuscunq; piscis qui est in aquis sub terra. Et ne fortè attollas oculos tuos in cœlos, & uisis sole & luna stellisq; & exercitu cœlorum, proster naris & adores colasq; ea quæ distribuit dominus deus tuus omnibus populis sub uniuerso cœlo. Cauete ergo ne quando obliuiscamini foederis domini Dei uestri, quod pepigit uobiscum, ita ut faciatis uobis sculptile aut simulachrum cuiuscunq; rei, quod prohibuit tibi Dominus Deus tuus. Hæc Moses haftenus.

Isaias uerò in cap. 40. dicit, Ecce gentes (nimirum collatae deo) tanquam gutta situla, & ut puluis adhaerens bilanci reputantur. Ecce insulae quasi puluis exiguae. Libanus non satis esset excitando igni, neq; ferè eius sufficerent holocausto. Omnes Gentes coram Deo quasi nihil sunt, & res inanes atq; friuolæ reputantur erga ipsum. Cui ergo similem facietis Deum? aut quodnam simulachrum adornabitis ei? Simulachrum fudit artifex, & auri fusor diducit illud, & laminis argenteis obducit. Qui opibus destitutus est, ut & ipse offerat, eligit imputrescibile lignum, & quærit sibi artificem peritum, qui sculptile præparet, ne moueatur loco. An hæc ignoratis? an non illa audistis? Et mox, Qui sedet super globum terræ, & habitatores eius sunt quasi locustæ. Qui extendit cœlos ut cortinam, ac uelut tentorium ad habitandum. Qui redigit potentes in nihilum, & redigit iudices terræ ad nihilum, Cui ergo me assimilabitis, aut cui similis ero, ait sanctus? Attollite in sublime oculos uestros, & cõtemplamini quis creauerit ista, producens in numero exercitum eorum, singula suis nominibus uocans. Et cætera. Tantum enim Isaias.

Acto. 17.

Paulus uerò Apostolus Christi apud Athenienses differens de uera religione, dicit, Deus qui fecit mundum & omnia quæ in eo sunt, hic cœli & terræ cum sit dominus, non in manufactis templis habitat, nec manibus humanis colitur, indigens aliquo: cum ipse det omnibus uitam & halitum per omnia, fecitq; ex uno sanguine omne genus hominum, ut inhabitaret super uniuersam faciem terræ, præfinitq; præstituta tempora, præfixitq; terminos habitationis eorum, ut quærent deum, si fortè palpent eum & inueniant, quamuis nō longè absit ab unoquoque nostrum. Per ipsum enim uiuimus, mouemur & sumus: sicut & quidam uestratum poëtarum dixerunt, Nam huius progenies etiam sumus. Genus ergo cum simus Dei, non debemus existimare auro aut argento, aut lapidi arte sculpro & inuento hominis numen esse simile. Hæc testimonia tam sunt illustria & simplicia illustrantia institutum nostrum, ut nihil necesse sit expositionis gratia quicquam adijcere amplius. Proinde maximis ex causis iudicauit beatus Augustinus magnum esse sacrilegium, si quis in templo ponat dei patris imaginem flexis poplitibus in solio sedentem. Nepharium enim esse si quis tale in animo suo concipiat. Verba authoris recensui Sermone 8. Decad. 1. ubi differui de Dextra patris, docens quid sit sedere ad dextram patris.

Prohibite et  
alia imagines  
ad cultum.

Iam uerò quod alias attinet imagines, quas homines erigunt creaturis siue dijs, non minus hæc, quàm Dei icones prohibita sunt. Si enim Deo uero non licet consecrare statuam, minus licebit alieno Deo statuere imaginem. Animus hominis deligit sibi deum, mox imaginatione affingit ei speciem aliquam, postremò manibus perficit; ut uerè dictum sit mentem concipere idolum, manum uerò parere.

Atqui

Atqui prohibuit primo præcepto Dominus ne habeamus deos alienos. Qui uero deos alienos non habet aut sibi deligit, nullas certe ipsi affingit imagines, nullas itaque ponit statuas. Nam nephas esse ducit Deo uero constituere imaginem, impium esse credit sibi deligere deum alienum, ergo & dei alieni figuram in templo Dei erigere. Ea de causa non legis in ueteri ecclesia ullas imagines ullis diuis, quorum tum magna erat copia (patriarcharum, iudicum, regum, sacerdotum, prophetarum & martyrum, matronarum & uiduarum agmina puto) esse positas. Ecclesia item Christi Apostolorum primitiua, nullas habuit imagines uel Christi uel diuorum in oratorijs uel templis suis. Notissimum est S. Epiphanijs factum in Syria designatum Anablachæ, descriptum Græcè in Epistola ad Ioannem Hierosolymitanum Episcopum, & in Latinum sermonem conuersum à S. Hieronymo. Scidit ille uelum pendens in templo imaginem Christi uel sancti alicuius exhibens, testificatus contra Christianam religionem, in templo Dei hominis pendere imaginem. Nam D. Augustinus in Catalogo hæreseos commemorat etiam Marcellam quandam fuisse sociam sectæ Carpocratianæ, quæ imagines Iesu, Pauli, Homeri & Pythagoræ coluerit, adorando incensumque ponendo. Verè ergo & prudenter in ueterum ecclesiasticorum scriptorum lucubrationibus probè uersatus Erasmus Roterod. ubi multa de Vsu imaginum in templis differuisset acutè, tandem subiiciens dixit, Ut imagines sint in templis, nulla præcipit uel humana constitutio. Et ut facilius, ita tutius quoque est omnes imagines è templis amouere, quam impetrare ut nec modus prætereatur nec admisceatur superstitio. Iam ut animus sit ab omni superstitione purus, tamen non caret superstitionis specie, orantem ad ligneum simulachrum procumbere, in hoc intentos habere oculos, ad hoc uerba facere, huic oscula figere, nec orare prorsus nisi coram imagine. Illud addam, Quicumque sibi aliusmodi fingunt deum quam est, contra præceptum hoc colunt sculptilia. Et idem in eadem sua Catechesi, Vsq; ad ætatem Hieronymi erant probatæ religionis uiri, qui in templis nullam ferebant imaginem, neque pictam neque sculptam, nec textam, ac ne Christi quidem, ut opinor propter Anthropomorphitas. Paulatim autem imaginum usus irrepit in templa. Hæc ille.

Porrò Christo Domino & Deo uero nostro, propter assumptam naturam humanam non ponendum est simulachrum. Nam non in hunc finem assumpsit hominem. Præterea humanam naturam subuexit in cælum, iubens orantes in cælum & animi & corporis oculos attollere. Spiritum suum uim uicariam misit ecclesiæ, ac regnum in hac habet spirituale, non egens ullis rebus corporalibus. Iussit enim pauperibus, non imaginibus suis conferre si quid in ipsum eramus collaturi. Iam cum citra controuersiam Christus noster sit Deus uerus: & Deus uerus prohibeat sibi consecrare hominis imaginem, id est, Deum repræsentare humana specie, consequens est, quod Christo nulla sit consecranda imago, quia est Deus uerus & uita æterna.

Secunda parte huius præcepti docetur, quatenus non liceat facere imagines Dei & deorum, & si quis fecerit, quomodo nos geramus. Simulachra non sunt facienda ad cultum aut ut sint religionis instrumenta. Quod si quis illa fecerit & religioni miscuerit, ipsi Dei cultoribus contemnenda & negligenda, neque adoranda neque colenda sunt, nulloque modo ipsi seruiendum est. Duo autem in præcepto ponuntur obseruanda. Prius, Non adorabis. Adorare est caput nudare, geniculari seu flectere aut inclinare caput uel corpus, procumbere, honorem exhibere, & uenerari reuereri. Adorarunt (id est, genu flexerunt, caput nudarunt, & procubuerunt sancti) magistratus & prophetas, principes & doctores populi, uirosque uenerabiles. Quia Deus hoc præcepit, qui & operatur per illos salutem hominum;

H

*Christo Domino  
no nulla ponenda imago.*

*Quatenus non  
liceat fabricare  
re imagines.*

*Adorare.*



*Seruire.* & homines sunt uirgines Dei imago. At idola muta, caeca, surda, lignum & lapidea sunt, quae adorare prohibemur, etiam cum speciem Dei praeseferunt. Posterius est, Neque coles, siue Non seruias eis. Eo membro prohibetur omnis externus & illegitimus cultus, qui exhibetur Deo uel Dijs religione, id est, superstitione & cultu templorum, sacrorum, feriarum, omniumque rerum similium. Seruire enim est colere, uenerari, maiestatem aliquam & diuinum aliquid ei quod colimus tribuere, magni pendere, incensum porere, donaria afferre, praestareque seruitia. Notum est omnibus quid sit seruire, & seruire in negotio religionis. Prohibemur ergo cursitare ad idola etiam Dei. Prohibemur illis seruire, donando eis munera aut tribuendo eis aliquid diuini, unde eis obstringamur quo retineamus dignemurue ullo honore, miscentes ea rebus religionis nostrae sanctissimae. Ergo non uideo cum cultum latriae imaginibus minime tribuamus, quomodo his quod spiritus Dei ac uerbi Dei officium ac beneficium est, tribuere possimus, munus docendi, admonendi adhortandi: cum clarissimus & Apostolico testimonio commendatissimus propheta Abacuk, scripta nobis reliquerit haec diuinissima certe uerba, Quid prodest sculptile, quia sculpsit illud fictor suus, fusile quod annunciat mendacium; & tamen fiduciam habet in eo, fictor scilicet in figmento suo, ut faceret simulachra muta; Vae qui dicit ligno, euigila, & lapidi insensibili, excitare. Ipse ne doceret? Ecce opertus est auro & argento, & non est ullus spiritus in eo. At Dominus in templo sanctitatis suae: taceat a conspectu eius uniuersa terra. Quid poterat dici clarius simul & uerius? simulachra sunt mendacia. Quomodo autem doceat ueritatem quod manifeste est mendacium? Nullus est motus, nulla uita, nullus spiritus in pictura & in imaginibus. Dominus autem sedet in templo sanctitatis suae, regnans & docens spiritu & uerbo suo omnem pietatem, uiuensque in cordibus sanctorum suorum. Taceant ergo omnes omnium in orbe terrarum linguae uolentium tueri idololatriam.

*Abacuk. 2.*  
*Nulla causa ob quam deos alios nos nobis deligamus.*

Tertia parte praeccepti rursus agit Dominus uaria. Principio enim ostendit homines non habere causam iustam ullam, ob quam auersi a Deo, alienos sibi deos deligant aut Deum illegitimo cultu uenerentur. Ego, inquit, sum Dominus Deus tuus fortis. Si Dominus sum, merito mihi seruis, me colis, mihi obedis, & ita me colis sicuti coli uelle & delectari intelligis. Si Deus sum, omnisufficientia sum: ergo quid desideres quod in me non inuenias? Cur ergo ad alienos diuertas? Nullam certe causam diuertendi habes. Praeterea fortis sum, potens, imo omnipotens. Non est quod tibi queras potentiorum & opulentiorum principem, cuius manu libereris ex meis manibus, aut cuius munificentia abundantius locupleteris, quam ex meis opibus facultatibusque. Ego enim sum uerus ille aeternus, inuictus, omnipotens, princeps orbis, uerus & unicus auxiliator & liberator, liberalis & munificus omnium bonorum largitor. Sum autem tuus Dominus, tuus Deus. Mea illa bona, tua sunt. Nam ego tuus sum: ergo & contra omnia mala auxiliator & liberator tuus sum. Meus es. Ego te creauit. In te uiuo, te conseruo. Quid ergo diuerteres ad alienum? quid tibi opus erit posthac ullis idolis? Templum Dei es. An non sentis me inhabitare cor tuum? Quid oro templo Dei negotij cum simulachris?

*Dei consortis impatiens.*

Deinde addit minas ut iustissimas ita saeuissimas. Ego, inquit, sum Deus Zelotes. Id quod duplici, sed non contrario sibi sensu, exponere licet. Velenim tale quid dicit, Nolo alios tibi queras deos, aut illegitimos cultus recipias. Causa. Sum Deus Zelotes, amulator inquam, consortis impatientissimus, imo qui corrualem nullo modo ferat. Solus diligi & coli uolo, nec alio modo, quam eo quem ipse praescripsi. Nam nemo ignorat Deum in sacris literis coniunctionem & uinculum quo fide religamur

religamur Deo (unde et religionis nomē est) adumbrare p parabolam humani coniugij. Deus enim est maritus & sponsus noster: nos sumus eius uxor uel sponsa. Casta uxor & fidelis, solius mariti uocem audit, solū amat, soli obedit, post maritum non desiderat ullos alios uiros. Impudica autē & perfida, adultera & meretrix potius quā uxor, adhæret quidē uiro suo, sed sui copiam etiā alijs facit, alios quoq̃ amat, & ferē ardentius quā maritū propriū. Atqui Deus est zelotypus, qui uult solus & citra consortem amari & coli. Adulteriū & scortatio spiritalis est, quoties homines diligunt quidē & colunt Deum, sed simul etiā uenerantur deos alienos. Contra hoc perfidū nephas impatientissimis & planē tragicis uocibus cōclamant omnes prophetæ. Est enim scelus longē nephandissimū. Vtinā uerō non habeatur hodie à multis pro cultu Dei gratissimo. Vel certē tale quid dixit Dñs, Nolo alios *Deus ultor & uindex.* tibi quæras Deos: nolo ipse tibi cōminiscaris cultū. Causa, Sum Deus Zelotes, nimirū irritabilis, qui non patior impunē præteriri me meaq̃ legitima. Atq̃ ad hunc sensum porrō exponit multis quomodo sit Zelotes, uisitans utiq̃ iniquitatē patrū in filijs, in tertiā & quartam generationē, eorū qui oderunt me. Deus ergo uindex est seuerissimus & ultor iustissimus cōtra eos primū qui alienos sequuntur deos, prohibitisue cultibus Deo seruiunt, deinde contra omnes qui præuaricant legem Dei. Nam præcipuē quidē minas idololatriæ pœnam grauissimā, simul autē & illis minatur, qui uiolāt leges Dei alias quoq̃. Generale est enim quod hīc profert Dñs, ualens contra omnē impietate & contra omnem iniustitiam hominū. Quia tamen humanis diuina longē præstant, grauius peccant, qui cōtra primam tabulā, quā uiolāt qui contra secundā peccāt: sed & grauioribus sese pœnis aut supplicijs subiiciunt.

Cæterum dicit Dominus iniquitatem patrum se uisitaturum aut inquisiturū in filijs in tertiā & quartam generationem: non quod iniustus sit Deus & puniat alienum peccatum in innocentibus, hoc est, in ijs qui peccatum non cōmiserunt: *Quomodo patrum peccata uisitet Deus in filijs.* sicuti impiē calumniabantur Deum in Ezechiele Iudæi, hoc proferentes dīcterij, Patres comederunt uiam acerbam, & dentes filiorum obstupuerunt. Non ita habetres. Quisq̃ enim suum portabit peccatum, nec filius patris, neq̃ pater filij iniquitatem feret dependetq̃. Ita sanē constanter docet apud Ezechielem & in tota *4 Regum 17. Ezech. 28.* scriptura ueracissimus Deus. Proinde si liberi aut nepotes uestigijs patrū obliquis insistant, ac ipsi sicuti & patres eorum idolis seruiant: idcirco autē se securos impunesq̃ futuros arbitrentur, quod idololatriā acceperunt à maioribus, quod maiores licet fuerint idololatræ, bona tamen usi sint fortuna: tunc inquam iniquitatē patrum in filijs castigabo, id est, peccatum hoc quod à patribus didicerunt filij & iam pertinaciter propter exemplum & bonam fortunam patrū exercent, puniam *Ierem. 44.* grauissimē, etiamsi in patribus non puniuerim. Ideoq̃ significanter appenditur, Eorum qui oderunt me. Exempla plurima eaq̃ pulcherrima suppeditabunt libri Regum. Ieroboami enim domus funditus est excisa, eò quod Ieroboam & idololatriam & peregrinos cultus erexit in Israele. Mox interit etiā tota familia Baasa regis: ita radicitus euellitur domus Achab. Tandem captiui abducuntur Israelitæ in Assyriorum regna. Solomon rex Iuda potētissimus, opulentissimus, & sapientissimus felicissimusq̃, propter idololatriam & peregrinos cultus repente fit miserimus. Quid acciderit filio eius Roboam, Ioramo quoq̃ filio Iosaphat, Ahas, Manassi, Iehoiachimo & Zedechiæ propter idololatriā & peregrinos cultus, nemo ignorat, nisi qui sacras historias nescit. Teneamus ergo firmiter minas Dei esse ueras, Deum esse uindicem & ultorem in idololatræ & impios superstitiososq̃ homines, deniq̃ contra scelera hominū uniuersa, ut seuerissimū, ita iustissimū. *Li. Longanimitas* cet uideatur Deus aliquādo dormire hominibus impijs, euigilat tamē iusto tēpore, Dei.



DE PRÆCEPTO DECALOGI III.

& rependit impijs semper pro sua impietate. Longanimis non negligit pios & oppressos, non fauet impietati & fouet impios iustus Dominus: sed spacium concedit poenitentiae, quod quicumque negligunt, grauiorem tandem sentiunt poenam; iuxta illud Apostoli, An diuitias bonitatis, tolerantiae & lenitatis Dei contemnis, ignorans quod bonitas Dei te inuitat ad poenitentiam? Sed iuxta duritiam tuam & cor poenitere nescium colligis tibi ipsi iram in die irae, quo patefiet iustum iudicium Dei, qui redditurus est unicuique iuxta facta sua, &c.

*Ampissima  
promissio fit  
pijs Dei cul-  
toribus.*

Rursus promittit maxima quaeque suis cultoribus & perseuerantibus in uera pietate religioneque munificus Dominus. Deus sum, inquit, faciens misericordiam seu beneficentiam praestans in millia. Qua parte excellere uidetur. Animaduertit enim iratus in tertiam & quartam generationem: sed beneficus est in multa millia. Bonitatis enim beneficiorumque eius nullus modus, nullus finis: & misericordia Domini super omnia opera eius. Hic tamen rursus duo appendit, His qui diligunt me & custodiunt praeccepta mea. Duo inquam requirit a suis. Primum, ut diligant Deum & hunc habeant pro Deo suo: quod cum sit, nullus erit in pijs deus alienus. Secundum, ut obediant Deo, ambulent in praecceptis Dei: quod cum sit, conciderunt omnia idola cum cultibus peregrinis, & regnat solus Deus per uerbum suum in animo religiosi hominis, quem omni benedictione impinguat benignus Dominus. Et hoc quidem membrum pertinet praecipue ad praesens mandatū, sed simul etiam ad alia omnia, ut ex ipsis uerbis Dei colligere licet. Teneamus ergo ambulantes in lege Domini parata esse immensa Dei praemia.

Haec habui in duo illa Decalogi seu primae tabulae mandata: quae iam non licet recolligere, cum & sesquihora lapsa sit, ac sperem me singula in eum redegissem ordinem, & tam perspicue ac simpliciter tradidisse, ut omnia sint uobis & perspicuissima & praesentissima in animis uestris. Laudemus iam Dominum, & agamus gratias bonitati eius, qua ostendit nobis uias suas, orantes ut in his recta incedentes, perueniamus ad coelestia gaudia, Amen.

*De tertio prima tabula seu Decalogi praeccepto: & de Iureiurando. SERMO III.*

*Præceptum  
Dei 3.*

**T**ERTIVM mandatum primae tabulae siue Decalogi ad uerbum sic habet, NON ASSVMES NOMEN DOMINI DEI TVI IN VANVM. QVONIAM NEVTIQVAM IMPVNITVM DIMITTET DOMINVS BV M, QVI ASSVMPSERIT NOMEN DOMINI DEI SVI FRVSTRA. Exposuit Dominus mandato secundo quem nolit, auerfetur ac prohibeat cultum, mundanum uidelicet, carnalem & terrenum, protritum & uulgarem illum, cum spiritu & diuina natura atque maiestate pugnantē per omnia & ex diametro, nempe Deum uelle assimilare specie hominis aut alterius creaturae, ex materia terrena & corruptibili, & eundē deinceps sub illis speciebus colere rebus corruptibilibus usui & conseruationi hominum institutis. Deus enim spiritus est aeternus, omnia permeans atque omnia conseruans, quem totius mundi creaturae, & praestantissimae quidē illae, simul coniunctae, non possunt referre, imò ne minimum quidem in Deo assimilare atque exprimere. Non eget Deus ullis rebus corruptibilibus: nobis potius sufficit omnia. Stultum est ergo datori luminis uelle lumen & cereum quidē illud aut fumentē tādā incendere. Stultum est pecuinas carnes offerre spiritui aeterno, qui in Psalmis dicit, Meae sunt omnes ferae sylvarū, pecudes in mille montibus. Noui cunctas in montibus uolucres, penes me sunt animantes agrestes. Si esuriero non est ut tibi indicē, cum meus sit orbis & quicquid ille continet. Iam itaque praeccepto

tertio



tertio diligentissime describit Dominus, licet utatur paucis uerbis, quomodo colit uelit, nimirum sanctificatione nominis diuini. Nomen Dei ipse Deus est, Dei maiestas, ueritas, potentia, iustitia. Præcipitur ne nomine diuino abutatur, ne usurpamus hoc ad res inanes & leues: sed sentiamus, loquamur, & iudicemus de Deo & rebus diuinis magnifice, reuerenter, sancte & pure. Pondus autem habet quod dicit, Nomen Domini Dei tui, supremi uidelicet boni, creatoris, assertoris & patris tui. Cæterum non uetat simpliciter Dominus usurpare nomen suum, sed ne utamur ipso in uanum, uanè uel frustra, id est, citra usum salutarem ac necessarium, citra honorem & gloriam Dei. Videamus ergo quomodo sanctificemus nomen Domini, & quomodo religiose usurpemus nomen Dei, adeoque legitime ipsum Deum colamus.

Nomen Dei.

Frustra.

Principio sentiendum est de Deo ueluti de summo bono & thesauro bonorum inexhausto, cuius uoluntas erga nos bona sit & planè paterna, utpote qui uelit & cupiat homines saluos fieri, & ad cognitionem ueritatis uenire; cuius iudicia omnia æqua sunt & iusta, cuius opera præstantissima, cuius uerba ueracissima. Deinde inuocandum est hoc nomen Domini sanctum in omnibus uotis & necessitatibus. Petenda ab ipso solo quæcunque animæ & corpori necessaria sunt. Agendæ semper gratiæ pro exhibitis beneficijs. Quicquid enim bonorum homines accipiunt & habent, non ex alio fonte quàm diuino hauriunt. Hæc gloria semper Deo danda est. Si premimur aduersis, ne obmurmuremus bonæ Dei uoluntati & iustissimis eius iudicijs, patientes potius & humiliati sub manu potenti & paterna, cum Dauide clamemus, Bonum est mihi Domine quod humiliaueris me. Neque præscribamus hic Deo quicquid, sed subiiciamus nos totos & semper bonæ, sanctæ, & iustæ eius uoluntati. Demus item Deo gloriā in omnibus, confitentes nomen & doctrinam eius coram regibus & principibus, imò coram omnibus mundi hominibus, quoties uidelicet res & gloria Dei exposcit. Ne pudeat nos Dei patris nostri, ueritatis eius, & ueræ religionis. Ne pudeat nos Christi redemptoris & crucis eius. Pudeat errorum, idololatriæ, mundi, uanitatis, mendaciorum & iniquitatis. Loquamur item & sentiamus de operibus & uerbis Dei sancte, honorifice & religiose. Sancta sit nobis lex Dei, sacrosanctum sit nobis Euangelium, sanctissima sit nobis doctrina patriarcharum, prophetarum & Apostolorum. Nunquam accipiamus nomen Domini Dei nostri in os nostrum, nisi magna sit causa: ne blasphememus, ne excremur, aut mectamur sub nomine Dei: ne abutatur nomine & uerbo Dei ad res magicas, ad circulatoriā, ad incantamenta. His enim maxime prophana nomen Dei. Seruemus etiā sanctissime quæ iurauimus per nomen æterni Dei. Simus ueraces & fideles in omnibus, ut hic cæcus mundus uidens in nobis tantam nominis Dei reuerentiam & sanctificationem, glorificet patrem nostrum qui est in cœlis. Atque hic erit religiosus usus diuini nominis, & beneplacens Deo cultus.

Quomodo sanctificemus nomen Domini.

Abutimur uerò nomine Dei uariè, & initio quidem, dum corda nostra nulla imbuta sunt reuerentia erga ipsum Deum, quando de Deo, de iudicijs Dei, de uerbis & legibus Dei irreuerenter, petulanter, impie & blasphemè loquimur: quando uerba Domini rebus leuibus & nihili scurriliter applicamus, scripturas in prophanium & impudicum sensum conuertimus abripimusque. Deinde prophanamus nomen Domini Dei nostri, quādo non inuocamus nomē Domini, sed conuertimur potius ad deos, nescio quos, ad hominum artes & præsidia, ad res prohibitas, ad idola, ad magicas artes. Id quod tunc maxime fieri solet, quādo malis, propter peccata nostra, uel ut probemur à Domino, inuoluti, obmurmuramus Deo, accusamusque eius iudicia, impatientissime nec sine blasphemia perferentes quod merito

Quomodo abutimur nomine diuino.

- nostro maximo patimur. Huc pertinet quod impuri homines sanctissimo Dei nomine utuntur ad conciliandos amores turpes, item ad res perditas furtive sublatas rursus recuperandas & indagandas. Prophanamus nomē Domini Dei nostri, quando non omnem gloriā Deo tribuimus. Pei factum est per nos aliquid boni operis, est in nobis aliquid laude dignum; id si nobis arrogemus, uel saltem decidamus nobis partem aliquam, reliquum Deo consecrantes, non autem in solidū omnia bona referentes ad authorem omnis boni Deum, polluimus nomē Dei, quod solum confitendum & laudandum est in secula. Præterea si negemus Dominum, & pudeat nos doctrinæ Euangelicæ, idē propter scelestissimum hunc mundum & immundissimos huius seculi homines: si turpia aut impura uita polluiamur, quod cedit in ignominiam nominis Dei & scandalū proximi, certē usurpauimus nomen Domini in uanum, imō ad dedecus & opprobrium. Abutimur præterea nomine Dei etiam in solenni iuramento, uel cū iuramus ob res leues, uel iurata non præstamus seruamusq̃. In colloquijs quotidianis, frequenter & quaslibet ferē ob res prophanas uocamus & obtestamur tremendum nomen Dei, uel assuetudine mala sic docti, uel animi commotione excitati; addimus deierationes alias innumeras, uulnera, crucem, passionem Domini, ipsum cœlum terramq̃, sacramenta, diuos superos & inferos uocantes. Porro mentiēdo uariē prophanatur nomen Domini. Mentitur in negotio religionis concionator & doctor ecclesiæ, quando clamat, Sic dixit Dominus, cū Dominus nihil tale loquutus sit. Prætexit hic suæ imposturæ nomen Dei, & sub nomine Dei decipit simplices. Clamat magistratus, Omnis potestas est à Deo, & prætextu diuini nominis uim facit subditis, tyrannū agens non magistratum. Populus sub nomine Domini decipit in contractibus & stipulationibus. Quid quōd mendicus ualidus & beneficentia indignus nomen Dei habet in quæstus? Sed quis omnes prophanationis diuini nominis species enumeret? Cauendum nobis omnibus ne prophanemus nomen Dei, sed sanctificemus potius & sanctē colamus.

*Pœna abutenti nomine dei.*

Sequitur enim in uerbis Domini quæ nam pœna maneat prophanatores diuini nominis, Quoniam neutiquam, inquit, impunitū dimittet Dominus eum, qui assumpserit nomen Dei sui frustra. Et quanquam hæc comminatio Dei, certē horribilis & per se satis efficax sit deterrendi pios à prophanatione diuini nominis, adiiciam tamen his unum & alterum exemplū supplicij sumpti per Deum à temerariis diuini nominis. Clamat Dauid, Non persistent iniusti ante oculos tuos Domine: odisti omnes qui operantur iniquitatem: perdes omnes qui loquuntur mendacium. Quantō uerō similius est Dominum perditurum omnes qui loquuntur blasphemiam, & abutuntur sanctissimo Dei nomine? Saul certē quia in extrema sua necessitate Dominum non inuocauit, sed pythonissam consuluit, propria manu consciuit sibi ipsi necem, ubi prius uidisset populū suum cædi à Palæstinis, atq̃ in populo quoq̃ proprios occumbere filios. Mentitur Ananias spiritui sancto, prophanatq̃ nomē Domini, ac repentina morte collapsus, summa cum ignominia migrat ad inferos. Sanherib ante mœnia Hierosolymorum blasphemat nomen dei æterni, sed mox immenso exiit exercitū, deinde sagittis configitur in templo dei sui à proprijs suis filijs. Iehoiachim cum Zedechia reges Iuda nomen Domini prophanant, unde capiuntur & caduntur à Nabuchodonosore rege Babylonio. Achab, Isebel & sacerdotes Baalis funditus extirpantur à Iehu rege, quia sub prætextu Dei & religionis ueræ, nomen dei blasphemarunt & persequuti sunt. Leuit. 24. lapidibus obruitur qui blasphemauerat nomen domini.

*Pœna ab impetratore contra blasphemos decreta.*

Ideoq̃ Iustinianus Imperator in Nouellis Constit. 77. Constantinopolitanis ciuibus



ciuiibus scribens, Insuper, inquit, quia supra infandas libidines quidam execrabilia etiam uerba & iuramenta de deo proferunt, deum prouocantes ad iracundiam, adhortamur hos, ut tam execrabilibus uerbis, & item per capillum & caput adiurationibus, & id genus uerbis alijs abstineant. Nam si conuitia hominibus ingesta, saltem inulta non relinquuntur, multo magis qui diuinum numen conuitijs incesit, dignus est qui supplicium sustineat. Et propter huiusmodi delicta & famas, & terræ motus & pestilentia oboriuntur. Admonemus ergo ut abstineant à sceleribus illis, quod si post hanc nostram admonitionem in illis deprehendantur sceleribus, principio quidem indignos sese præbunt dei erga homines amore, deinde legitimas etiam sustinebunt poenas. Dedimus enim gloriosissimo regie urbis Præfecto negotium ut reos comprehendat, & ultimo submittat supplicio: ne quando ex talium peccatorum contemptu, per tam impia facinora, tam hæc urbs quam tota respublica à diuina opprimatur uindicta. Hæc ille. Colligimus ex his, non minimam calamitatum nostri seculi portionem deberi nephandis execrationibus & blasphemijs, quas pauci aut nulli ferè magistratus coërcent, ac pro merito puniunt. Blasphematur nomen Dei benedicti in secula, omnium ordinum sexuum & ætatum exquisitis & execrandis deierationibus, adeò ut putem nullum à mundi exordio tam blasphemum fuisse populum, quam est seculum hoc nostrum maledictum. Ideoq; infandis & nunquam terminandis premimur calamitatibus. Nam uerax est deus, qui dicit non impunè laturos si qui nomen domini in uanum usurpauerint. Isti non modò frustra assumunt, sed malitiosè & blasphemè cōspurant. Vtinam uerò syncerius promoueant cultum dei in populo magistratus: aut si hoc ab eis impetrari non potest, saltem Caiapha ne peiores & impietiores sint, qui cum audisset, uti ipse putabat, diuini nominis blasphemiam, dirupit uestem & clamabat, blasphemum cōmeruisse mortem. Nisi enim seueriores fuerint contra blasphemos Christiani magistratus, non uideo quomodo non sint sceleratiores ipso impio nebulone Caiapha. Certè uerax est Dominus (id quod singuli uestrum altissimis reponetis animis) qui certò puniet in omnibus hominibus sui nominis prophanationem, magis autem blasphemiam.

Exigit hic locus ut nonnihil dicamus de Iuramento siue Iureiurando, quod fit sub inuocatione & obtestatione diuini nominis. Multa uerò in tractatione huius negotij ueniunt considerata & expendenda. Video enim primùm dubitari à quibusdam, iurare liceat an non liceat: eò quod apud Matthæum dixerit dominus, Audistis dictum antiquis, Non peierabis, sed persolues domino iuramenta tua: at ego dico uobis ne iuretis omnino, &c. Cæterum dominus apud Matthæum non uult è medio auferre ueram & antiquam legem, sed interpretari & ad sensum sanum reducere, corruptam prius uarijs & adulterinis glossis pharisæorum. Horum doctrina institutus cauebat sibi populus à periurijs, de superuacaneis & inutilibus aut frustraneis iuramentis alijs non erat admodum sollicitus, non dedecere arbitrans si iuraret per cælum & per terram: proinde dominus legem patris sui exponens dicit, Iuramenta in uniuersum omnia esse prohibita, nimirum quibus nomen domini in uanum assumitur, & quibus superuacue iuratur. Interea solenne iuramentum nec damnavit nec sustulit. Multum uerò interest inter Iuramentum solenne, & inter iuramenta quotidiana, quæ nihil aliud sunt quam deierationes, non tantum superuacaneæ, sed noxiæ quoq;. Solenne uerò iuramentum utile est & necessarium. Atqui lex Dei & sermo Christi nō prohibet res utiles & necessarias, ergo non damnant iuramentum solenne. Imò in lege permittitur iusiurandum, prohibetur duntaxat inutilis usurpatio diuini nominis. Ac Christus domi-

De Iureiurando.

An iurare liceat.

Matth. 5.

Iuramentum solenne & quotidianum.



*Matth.* nus non uenit legem soluere, sed adimplere. Proinde iusiurandū in Matthæo non damnauit: nisi quis contendat filium doctrina sua impugnare doctrinam patris sui cœlestis: quæ quidem esset blasphemia in patrem & filium intoleranda. Quid quod ipse Deus iurat, quod non faceret si iusiurandum fieri non posset sine scelere. Dicit enim, post longā legis expositionem, Sancti estote, nam & ego sanctus sum. Sitis perfecti, quemadmodum pater uester cœlestis perfectus est. Vnde legimus præstantissimos utriusque testamenti uiros sub inuocatione & obtestatione diuini nominis in rebus grauibz iurasse, & sine peccato quidē iurasse. Iuramentum itaque lege Christi minimè est prohibitum, licetq; hominibus Christianis iuramenta & exigere & præstare. Imò non uideo quomodo Christiano dignus sit nomine, quisquis legitime requisitus iurare detrectauerit. Sed de hac re alibi contra Anabaptistas plenius disputauimus.

*Quas ob res iurandum sit.*

Secundo loco considerandum est, quas ob res iurandum sit. Apud multas respublicas receptum est quamlibet leuem ob causam interponere religionem iurandi, atq; ea de causa uidemus ualde uilescere iuramentum. Quid enim hoc aliud est quàm nomen dei assumere in uanum? Discant ergo & sciant magistratus, iuramentum nō esse requirendum quàm in rebus serijs, dum agitur de gloria dei, de proximi incolumitate, & utilitate publica. Obseruandū ergo quando & quas ob res iurauerit populus domini in scripturis sanctis. Iurat beatus Abraham in fœdere sanciendo cum rege Abimelech. Iurat populus domini per frequenter sub regibus, fœdere sese constringens cum deo ad obseruationem puræ religionis. Purgarunt sese iuramentis ueteres à grauibz suspicionibus. In Exodo legimus, Si quis dederit proximo suo iumentum ad custodiendū, atq; illud fuerit mortuum, aut uiabaçtum, nemine uidente, iuramentum domini inter utrosq; intercedat, quod non extenderit manum in rem proximi sui: quod recipiet dominus eius, & alter nihil restituet. Nam Paulus quoq; ad Hebræos 6. cap. Homines quidem, ait, per eum iurant qui sit maior: atq; ijsdem omnis controuersia finis ad confirmationem est iusiurandum. In hunc ergo finem applicet magistratus iusiurandū: ac curet per cætera quoq; ut religiosè uersetur in iuramentis dandis & recipiendis: sanctè quoq; seruent iurata proceres populi, neq; admittant unquam ut uel leuibz hominibus credant iurandi religionem, uel quicquam conferant cum iureiurando aut æquent iuramento, sed magna cum obseruatione, ultimo semper loco, tanquam ad supremum recurrant remedium, periurosq; grauitè puniant. Ita minus uilescet in popularium animis iuramenti religio. Væ autem populi proceribus, si propter ipsorum impiam negligentiam uilipendatur iusiurandum. Supplicium graue de his accipiet proculdubio, qui dixit, Quoniam neutiquam impunitum dimittam eum, qui assumpserit nomen Domini in uanum.

*Quid sit iuramentum.*

Tertio dicemus quid sit iuramentum seu iusiurandum. Est inuocatio & attestatio diuini nominis ad ueritatem sermonis nostri cōfirmandam. Separatur ergo iuramentum à deierationibus, probra dei continentibus. Separatur item ab execrationibus mala precantibus proximis nostris. Hæ prorsus indignæ sunt quæ appellantur iuramenta. Quoniam uerò uocabulum iuramenti late patet, nō imprudenter legitima & diuina iuramenta denotata sunt uocabulo iurandi. Apponitur enim ius, admonens iuramentum hoc iuris esse ac iustitiæ. Cæterum attestatio diuini nominis mixtam habet deuotionem & inuocationem. Forma enim iurandi est, Dicam aut faciā hoc uerè, sanctè, & sine dolo malo, Sic me deus adiuuet. Obijcimus ergo capita nostra diuinæ iræ & uindictæ, nisi uerè & sanctè agamus & dicamus quod nos uel dicturos uel facturos promittimus. Grauis est ergo

ergo obtestatio illa qua non inuenitur ulla in orbe grauior. Ad hanc considerationem pertinet & ritus iuramenti. Ab antiquo enim iurarunt patres nostri per nomen domini sublata manu in cœlū. In cœlis habitat dominus Deus noster. Testamur animis nos ascendere in cœlum, & inspiciente deo, ac in cōspectu dei nos iurare, sicuti in oculis iudicum exaltamus manum ad cœlos. Imò quasi data dextra fidem nostram obstringimus Deo, iurantes in nomen Dei. Ad hunc modū iurauit singularis Dei amicus Abraham pater fidei.

*Ritus iuramenti.*

Igitur non est quod porrò disputemus multis, per nomen ne Dei solius, an & per nomina diuorum, an etiam ad sacrosanctum Euangelium attestatio iurisiurandi fieri debeat. Constat enim iurandum esse fidelibus per solius Dei æterni & altissimi nomen. Habemus ea de re manifesta præcepta iubentia iurare per nomen domini, & prohibentia rursus iurare per nomina deorum. Prioris generis sunt hæc, Timebis dominum deum tuum, illi seruies, iurabisq; per nomen eius, Deut. 6. & 10. cap. Dominus item ipse apud Isaiam, Mihi, inquit, incuruabitur omne genu, & iurabit omnis lingua. Nam & in 65. cap. idem propheta dicit, Qui benedicere se uolet, in deo benedicet: & qui iurauerit, iurabit per deum uerum. Posterioris generis sunt hæc sanctæ scripturæ testimonia, Exodi. 23. Omnia quæ dixi seruare, & nomina aliorum deorum ne cogitetis, neq; audiatur ex ore uestro. Iosue quoq; dicit cap. 23. Cum ueneritis inter gentes istas, ne iuraueritis per nomen deorum earum, & ne colatis aut adoretis eos. Apud Ierem. in 5. cap. dicit dominus, Filij tui deseruerunt me, & iurauerunt per deos, qui dii non sunt: saturauit eos, & mœchati sunt, &c. Iam & Sophonias inducit loquentem dominum & dicentem, Excindam eos qui adorant ac iurant per dominum, iurantq; per Malchom, id est, regem uel patronum suum. Nec mirum est quod dominus excidiū minatur iurantibus per nomina creaturarum. Est enim iuramentum præcipuus cultus qui debetur Deo, ideoq; alijs non potest communicari. Iuramus enim per supremum, quem uidelicet credimus summum esse bonum, largitorem omnis boni & uindicem mali. Quod si per nomina deorum iurauerimus, certè deo ipsi æquauerimus diuos, diuinisq; honores ipsis tribuerimus. Ideoq; maluit beatus Christi martyr Polycarpus flammam subire ignis, quàm iurare fortunam Cæsaris. Historia extat apud Eusebium lib. 4. cap. 15.

*Formula iuramenti.*

*Iuramentum cultus Dei.*

Quarto loco inspicendum quomodo iurare conueniat, & quæ sint conditiones iusti, æqui & boni iurisiurandi. Ieremias ergo, Iurabis, inquit, uiuit Dominus, in ueritate, in iudicio, in iustitia. Et benedicent se gentes in eo, atq; in eo gloriabuntur. Quatuor ponuntur iusti iuramenti cōditiones. Prima est, Iurabis, Viuit dominus. Repetitur quod iam inculcatum est toties, iurandum esse per nomen uiuentis Dei. Formula autem iuramenti patribus nostris talis erat, Viuit dominus, ut claret ex scriptis prophetarum. Ne ergo iuremus per alium, quàm per Deum. Secunda conditio est, Iurabis in ueritate. Requiritur itaq; ut non lingua solum, sed & mens iuret, ne postea dicamus, iurauit lingua, mens est iniurata. Fideles ergo simus, sine dolo malo, ne mentiamur neue deludamus iuramentum artibus. Id exprimunt Germani, *On alle gward*. Vel, *On gward*/id est, non utar ullo dolo malo, sed simpliciter & uerè hoc præstabo. Exemplum mendacis & dolosi iuramenti egregium habes apud Aul. Gel. lib. noct. Att. 7. cap. 18. Tertia conditio est, Iurabis in iudicio: cum discretionem utiq; non temere, non leuiter, sed expensis rebus omnibus: sed in magna necessitate & utilitate. Quarta cōditio est, Iurabis in iustitia, ne uidelicet sit iuramentum nostrum contra ius & fas, hoc est, ne peccemus contra iustitiā, quæ Deo & hominibus sua tribuit; ne tendat rectā contra dilectionem

*Cōditiones iuramenti sancti.*



Dei proximique. Habet c.v. paucis hisce uerbis comprehensum, & à deo nobis traditum, quomodo iuremus, qualia esse debeant sancta iuramenta, quibus circumscripta conditionibus. Porro si iurauerimus contra has à deo nobis præscriptas condiciones, illegitima erunt nostra sacramenta uel iuramenta: quæ si præterea præstare perrexerimus, incurremus grauem iram Domini.

An iuramenta  
impia sint præ-  
standa.

Proinde interrogari solet in præsentī, an iuramenta & uota impia uel iniqua, iniusta & mala seruare uel præstare oporteat, nempe si iuramentum aut uotum tuum tendat contra deum, contra ueram religionem, contra uerbum Dei, & contra salutem proximī.

Soluere præ-  
stare.

1 Reg: 25.

Vota mona-  
stica.

Quæ religio-  
ne oporteat ser-  
uare iuramēta.

Adducam & recitabo hic responsionem uulgarem, sed ueram & exemplis sanctæ scripturæ subnixam ueritatē per omnia consentaneam. Sic ergo respondetur, Si quis aliquid iurauerit contra fidem & charitatem, quod obseruatum peiorem uergat in exitum, iuramentum potius est mutandum quàm adimplendum. Vnde Ambrosius, Est contra officiū aliquando promissum soluere iuramentum, ut Herodes fecit. Item Isidorus, In malis promissis rescinde fidem: in turpi uoto muta decretum. Quod incautē uouisti, ne feceris. Impia est promissio, quæ scelere adimpletur. Idem, Non est obseruandum sacramentum, quo malum incautē promittitur. Vt si quis adulteræ perpetuam fidem cum ea permanendi polliceatur. Tolerabilius est enim non implere sacramētum, quàm permanere in stupro. Item Beda, Si quid nos incautius iurare contigerit, quod obseruatum peiorem uergat in exitum, liberē illud salubriori consilio mutandum nouerimus: ac magis instante necessitate peierandum esse nobis, quàm pro uitando periurio in aliud crimen grauius esse diuertēdū. Denique iurauit Dauid per deum occidere Nabal uirum stultum: sed ad primam intercessionem Abigail scēminæ prudētis, remisit minas, reuocauit ensē in uaginam, nec aliquid culpæ se talī periurio contraxisse doluit. Item Augustinus ait, Quod Dauid iuramentū per sanguinis effusionem non adimpleuit, maior pietas fuit. Iurauit Dauid temere, sed non impleuit iuramentum maiori pietate. Ex his alijsq; multis ostenditur quædam iuramenta non obseruanda esse. Quī autem sic iurat, peccat. Cum autem mutat, benefacit. Quī non mutat, dupliciter peccat, & quia iniuste iurauit, & quia facit quod non debet. Hac hæc nus aliorum uerbis recensui, quæ nemo non recipit proculdubio pro ueris & iustis. Ex ijs uerō facile intelligit charitas uestra, quid præterea sentiendum sit de uotis illis monasticis, & iuramento sacerdotum, castitatem, quantum uidelicet humana permittit fragilitas, promittentium. Nam melius est nubere, inquit Apostolus, quàm uri. Et satius est promissa stulta & noxia atq; impura, id est, quæ ad immunditiam perpellunt nō præstare, quàm sub prætextu sacramenti ueritatisq; & mentiri & parum pudicē uiuere.

Quinto & ultimo loco, paucis admonēdi estis ut magna religione iuramentū seruare modis omnibus contendatis: indicandū præterea paucis, quod præmiū paratum sit sanctis iuramentū sanctū sanctē colentibus obseruantibusq;. Si deū diligimus, & nomen eius sanctificare cupimus, si deū uerū habemus pro deo uero, & pro deo nostro, si uolumus ut is nobis sit clemēs, propitiū & auxiliator præsentissimus, & perpetuus, etiā atq; etiā curabimus & religiosē iurare, & quod religiosē iurauimus, sanctissimē seruare atq; præstare. Nisi uerō hoc faciamus, minē cœlitus & iudicia seuerissima, sed iustissima, contra nos sunt pronuntiata. Gentiles in die iudicij condemnabunt nos. Nam Sagunthini, Numantini, & Petilini maluerunt flamma & fame interire, quàm fidem sacramento confirmatam infringere dissoluereq;. Ac leges quidem sapientissimorum & iustissimorum quorumuis principum



pum & populorum, periuros damnant capitis. Quanta uerò scandala, quantæ corruptiones, & quanta quæso damna existunt ex periurijs: Implicant illa, affligunt, vexant, cōficiunt & subuertunt res Ecclesiasticas & politicas. Quisquis ergo ama uerit rempublicam & incolumitatē patriæ: quisquis amauerit Ecclesiam & incolumitatem Ecclesiæ, curabit ante omnia ut religiosè custodiat iurisiurandi sacramentum. Porro amplissimum uberrimumq; præmiū sanctè colentibus iuramentum à deo promissum est. Ieremias enim, Et benedicent se gentes in eo, inquit, atq; gloriabuntur. Tanta, inquit, felicitas & ubertas optimarum rerum à domino effundetur in populum Iudaicum sanctè iurantem, ut quicunq; posthac uoluerit alteri bene precari, dicturus sit, Benedicat tibi dominus quemadmodū olim benedixit Iudæis. Quisquis uoluerit aliquem laudare, dicet esse similem Israelitis. Relinquitur ergo certissimum, omnigenis locupletandos bonis, deniq; omni laude dignissimos fore, quotquot sacramentum iurisiurandi sanctè coluerint.

*Premium uir-  
plum seruanti-  
bus iurantibus  
promissum.*

Studeamus oro fratres nomen domini sanctificare, & huic præcepto tertio con iungere ardentes perpetuasq; preces, iuxta domini Iesu doctrinam orantes, O pa ter cœlestis sanctificetur, seu sanctè colatur nomen tuum. Cui gloria in secula se culorum, Amen.

*De quarto primæ tabulæ seu Decalogi præcepto, nempe de ratione & obserua-  
tione sabbati.*

SERMO IIII.

**Q**UARTVM primæ tabulæ præceptum de uerbo ad uerbum sic habet, **MEMENTO VT DIEM SABBATI SANCTIFICES, SEX DIEBUS OPERABERIS ET FACIES OMNIA OPERA TVA, SEPTIMO AUTEM DIE EST SABBA-  
TVM DOMINI DEI TVI, IN QVO NON FACIES VL-  
LVM OPVS, NEQE TV, NEQE FILIVS TVVS, NEQE  
FILIA TVA, NEQE SERVVS TVVS, NEQE ANCILLA  
TVA, NEQE IUMENTVM TVVM, NEQE ADVENA  
TVVS QVI EST INTRA PORTAS TVAS. QVONIAM  
SEX DIEBUS FECIT DOMINVS COELVM ET TERRAM,  
MARE ET OMNIA QVE IN EIS SVNT, SEPTIMO AV-  
TEM DIE QVIEUIT. IDEO BENEDIXIT DOMINVS  
DIEI SABBATI, ET SANCTIFICAVIT EVM.**

*Præceptum  
Dei 4.*

Naturalis & ualde elegans est ordo præceptorum domini. Primo mandato docuit dominus fidem & amorem erga deum. Secundo remouit idola & omnem peregrinum cultum. Tertio præcepto cœpit de uero & legitimo cultu dei homi- nes instruere. Consistit is in sanctificatione nominis diuini, ut hoc inuocemus, & sanctè ac ingenuè confiteamur, de q; ipso iudicemus & loquamur religiosissimè. Quartum præceptum instruit & ipsum dei cultum, nominisq; diuini sanctificatio- nem, sed deflectitur iam nonnihil etiam ad externum cultum, licet quartum hoc mandatum & internum formet. Sabbatum enim uersatur & in interno & exter- no Dei cultu. Inquiramus ergo quid sentiamus de sabbato, & quàm latè sabbati usus pateat, ac quomodo in obseruatione sabbati colamus deum nostrum. Sabba- tum significat requiem & uacationem ab opere seruili. Ac obseruandum censeo quòd dominus nō ait, Sanctifica sabbatum, sed Memento ut diem sabbati sancti- fices. Significat autem uetustissimam esse sabbati institutionē, iam olim patribus traditam, nunc uerò per dominum esse in populo Israelis repetitā & renouatam,

*Ordo præcepto-  
rum domini.*

*Sabbatum.*

DE PRAECEPTO DECALOGI IIII.

Ceterum summa totius mandati est, Sanctifica sabbatum. Hanc summā mox fusius exponit ipsis etiam diebus annumeratis, recensita item uniuersa familia, cui imponitur sabbati religio. Postremo adijcitur exemplum quoque ipsius Dei quiescentis & sanctificantis sabbatum.

*Sabbatum spirituale est.*

Sabbatum ipsum patet latissimè. Nam principio meminit scriptura sabbati cuiusdam spiritualis & perpetui. Eo cessamus ab opere seruili, abstinentes utique à peccatis, curantes ne in nobis ipsis inueniatur nostra uoluntas, ne ipsi operemur opera nostra, sed cessantes ab his, sinamus deum operari in nobis, subiiciamusque gubernationi spiritus corpora nostra. Hoc sabbatū spirituale, sequitur sabbatum siue requies æterna. De quibus plura Isaías in cap. 58. & 66. Paulus item ad Heb. 4. cap. Verè autem Deum colimus, quando à malis quiescentes sanctoque dei spiritui obediētes, studio bonorum operum exercemur. Non uacat autem nequāquam modum utile fore existimamus, copiosius & subtilius de sabbati allegoria siue sabbato spirituali disputare. Conemur potius fratres in mortalibus hisce corporibus nostris Deo bene placens sabbatum indefesso sanctimoniz studio sanctificare.

*Sabbatum ordinatio religionis externa.*

Deinde sabbatum est ordinatio religionis externa. Voluit enim dominus hoc præcepto tradere externam religionem & cultum in quo exerceremur omnes. Ac dei cultus nequit esse sine tempore. Instituit ergo tempus dominus, in quo ab externis uel corporalibus abstinere operibus, sed interea uacaremus spiritualibus. Ideo enim externa quies præcipitur, ut operatio spiritualis corporali opere non inturbetur. Porro uersabatur spiritualis illa operatio apud patres nostros circa quatuor, nempe circa lectionem & interpretationem scripturæ publicam adeoque circa auscultationem, circa orationem & preces publicas, circa sacrificia siue celebrationem sacramentorum, & circa collectam ac beneficentiam. In his erat religio externa sabbati. Ferias enim agebat populus, coibat in cœtum sanctum. In hoc prælegebant propheta uerbum domini, interpretabantur hoc & instituebant auditores in uera pietate. Deinde orabant communibus uotis & precibus coniunctis fideles pro omnibus necessitatibus. Laudabant nomen domini, & agebant gratias pro beneficijs acceptis. Præterea sacrificabant secundum uerbū domini, mysteria & sacramenta redemptoris Christi celebrantes & fidem suam exercentes, consociabantur insuper sacris, sed & sui admonebantur officij ut & semetipsos offerrent deo hostiam uiuam. Postremo conferebant in cœtibus liberaliter munera sua Ecclesiæ usibus. Munera cedebant necessarijs Ecclesiæ usibus, ministris & egentibus. Hæc autem erant sancta dei opera, quæ dum fide & dilectione instructi perficiebant, sanctificabant certè sabbatum & nomen domini: id est, in sabbato ea operabantur opera, quæ & nomen Dei sanctificant, & cultores ornant, uerèque sancta & deo placencia opera sunt. Exemplum si quis requirat apertū & elegans sabbati aut festi sanctè celebrati, inueniet apud Nehemiam in cap. 8. Ibidem enim sacerdotes legunt & interpretantur uerbum dei, laudant nomen dei, precantur cœti populo, sacrificant, liberalem munificentiam exercent, & per omnia sese gerunt sanctè & religiosè.

*Sat temporis laboribus concessum est.*

Iam ne quis obijceret, Otia dant uitia. Præterea laborandum est manibus, ut suppetat uictus, ne peream fame & perdam meam familiam: respondet, Sat temporis concessum est tibi à domino laboribus, quibus quisque uictum suæ paret familiæ. Nam sex dies operari licet, septimam demum diem deus cupit sibi & sancto consecrari otio. Septimana quolibet septem completur diebus. Ex his autem septem diebus unam modò sibi postulat dari dominus. Quis iure quæso iniuriam sibi fieri clamitet? Plus certè temporis laboribus quam sacro tribuitur otio. Et qui

hco

hoc otium postulat, Deus est, hominis conditor, pater & Dominus.

Præterea iubet Dominus hoc sacrum otium, hanc disciplinam & hunc cultum externum in totam transferre domum. Vnde etiam colligimus quodnam sit officium boni patris familiæ, curare ut tota familia sabbatum sanctificet, id est, opera sancta faciat in sabbato, quæ prius recensuimus. Ac quoniam novit Dominus ingenium hominis, quod euectum imperitat ferè insolentius, ideoque ne durius aut inclementius patres siue domini tractarent familiam, aut impedirent eam in cultu sabbati, disertis uerbis & diligenti enumeratione præcipit, ut familiæ & singulis in familia cõcedant otium ad negotium sanctum. Imò non liberat aut excipit uel aduenam. Non uult apud eos segnium quorundam ualere regulam, Fides & religio libera sit, nemo compellatur ad religionem. Nam aduenam, intra portas populi Dei, id est, in iurisdictione agentem, astringere iubet religioni sabbati. Orium uero præcipitur non propter se quidẽ (Orium enim semper fuit illaudabile) sed propter istas præcipuè causas. Vult esse locum & tempus reseruaturn religioni. Ea præclusa sunt externis laboribus addictis. Non coniungitur cœtui sacro, nõ audit sermonem Dei, non precatur cum ecclesia, non astat sacris, qui iubente hero suo uel proficiscit peregrè, aut uendit res domini sui in foro, aut in area purgat frumentũ, in agro exercet opera rustica, uel domi stat ad lincudẽ, aut consuit calceos aut caligas. Fides ergo & pietas iubet te concedere orium seruis tuis & familiæ tuæ: imò præcipit segnes alioqui instigare & propellere ad negotiũ utile & sanctum. Vult præterea Dominus laborantes respirare. *Quod caret alterna requie, durable non est.* Ergo benignus Dominus qui uult conseruare creaturas suas, modum præcipit, & cauet ne avaritia & duritia dominorũ nimis affligant creaturã Dei. In Deuteronomio addit Moses affectum commiserationis, dicens. Memento quòd & tu aliquando fueris seruus in Ægypto. Charitas ergo humanitasque requirunt modum, ne nimis laboribus atteramus familiam. Præterea constat patres familiæ plantatione pietatis in famulitiõ, priuatam & domesticam utilitatem promouere plurimũ. Seruuli enim impij, sunt ferè furaces & infideles: pij, fidi & æconomici. Quid quòd in enumeratione familiæ pecoris quoque uel iumentorũ sit mentio: non tam quòd iumentis dominus sit homo, ac idcirco benignè & moderatè eo uti debeat, quàm quòd sine ministerio hominum iumenta exerceri non possunt. Abducuntur ergo a religione sabbati per iumenta homines: unde ne abstrahantur, præcipitur disertè ut quietem concedamus iumentis.

Postremò adhibet suum exemplum Dominus, eo ipso docens religiosè colere sabbatum. Quoniam, ait, sex diebus fecit Dominus cœlum & terram, mare & omnia quæ in eis sunt, septimo autem die quieuit. Ideò benedixit Dominus diei sabbati & sanctificauit eum. Operatus est Dominus Deus sex diebus creando cœlũ, terram, mare, & omnia quæ in eis sunt, septimo autem die quieuit & consecrauit certam diem quieti. Consideranda sunt septimo die opera Dei quæ condidit sex diebus, recolligendum est filijs Dei quæ & quãta beneficia tota illa septimana acceperint, deinde agenda gratiæ, laudandus est Deus, & ex operibus eius discendus. Consecrandum illi totum corpus cum anima: consecranda sunt ipsi dicta & facta nostra omnia. Quieuit quidem Dominus à creando, sed non quieuit à conseruando. Quiescendum ergo à manuarijs & corporalibus operibus, sed non cessandum ab ijs quæ beneficentiæ sunt & cultus diuini. Proinde non nocuit rebus conditis quies diuina. Non damno afficiet & affliget res & negotia nostra, feriata & rebus diuinis impensa dies. Nam Dominus benedixit sabbato, benedicet ergo & tibi & domui, rebus & negotiationibus tuis omnibus, si curaueris sanctificare

Pater familiæ transferat religionem sabbati in domum suam.

Orium.

Sabbatum egit Dominus.

Benedixit sabbato Dominus.



sabbatum Domini, id est, ea facere opera quae praecepit fieri in sabbato. Errant ergo toto cœlo quicumque religionem & sanctam sabbati quietem contemnunt, iners otium appellant, ac sabbatis perinde ut prophanis diebus laborant, praetextentes curam familiae ac necessitatem.

*Sabbatū Christianorum.*

Hæc enim omnia nobis quoque & nostris ecclesijs applicare oportet. Certissimum est, spirituale sabbatum Christianis ante omnia & per omnia esse mādātum. Nec dubium est, quin bonus Dominus uelit in nostris quoque, ut quondam in Iudæorum ecclesijs, iustum seruari ordinem, in exercenda religione externa maxime. Scimus sabbatum esse ceremoniale quatenus coniunctum est cum sacrificijs & reliquis Iudaicis ceremonijs, & quatenus alligatum est tempori: cæterum quatenus sabbato religio & pietas propagatur, & iustus ordo retinetur in ecclesia, ipsa quoque charitas proximi seruetur, perpetuum & non ceremoniale est. Oportet certe & hodie parci familiae, oportet & hodie familias institui in religione. Cœtus sacros nullibi dissipauit Christus Dominus, sed recollegit maxime. Oportet autem ut locum certum ita definitum tempus consecratum esse exercitio religionis, ergo & otium sanctum. Vetus ergo ecclesia diem mutauit sabbati, ne uideretur Iudaizare & ceremonijs affixa hære: & cœtus otia quoque sacra celebrauit prima sabbati, quam Ioannes appellat Dominicam, haud dubie propter gloriosam Domini resurrectionem. Et quamuis nullibi legatur praecepta in Apostolicis literis Dominica dies, quia tamen quarto hoc praecepto primæ tabulae præcipitur cura religionis & exercitium externi cultus diligenter, alienum à pietate & charitate Christiana foret, nolle Dominicam sanctificare: præsertim cum sine tempore statō & citra otium sanctum, cultus ille externus constare non possit. Idem sentiendum arbitror de pauculis quibusdam Christi Domini ferijs aut festis, quibus peragimus memoriam natiuitatis, incarnationis, circumcisionis, passionis, resurrectionis, ascensionis in cœlum, & missionis sancti spiritus in discipulos Domini nostri Iesu Christi. Libertas enim Christiana, non est licentia & dissolutio ecclesiasticae pietatis quoque obseruationis, iuuantis & prouehentis gloriam Dei & charitatem proximi. Quonam uero Dominus uult sibi soli festa celebrari, non probo festa creaturis instituta. Hæc gloria, hic cultus est solius Dei. Clamauit Paulus, Nolo quisquam uos iudicet in parte diei festi aut sabbatorum, quæ sunt umbra rerum futurarum. Item, Dies obseruatis & menses, tempora & annos, metuo ne frustra in uobis laborauerim. Et proinde nihil nobis hodie cum obseruatione Iudaica in ecclesia Christi, Christianam modò uolumus obseruationem, seu exercitium religionis Christianæ custodiri liberè.

*Sanctificatio sabbati Christianorum.*

Versabitur tamen sanctificatio & exercitium Dominicæ diei nostræ etiam circa quatuor, quæ in sancto Christianorum cœtu inueniantur oportet, siquidem fuerit uerè sancta. Principio ingrediantur in cœtum sanctorum pii omnes. In cœtu exponatur uerbum Dei, annuncietur quoque sermo Euangelicus, ex quo discant audientes quid sentiant de Deo, quod nam sit officium cultorum Dei, quomodo sanctificent nomen Domini. Deinde fiant in cœtu orationes & obsecrationes, pro omnibus omnium necessitatibus. Laudetur bonitas Domini, & agantur gratiæ pro beneficijs Dei quotidianis & inestimabilibus. Si uero tempus, occasio & consuetudo ecclesiae poscat, religiosè celebrentur sacramenta ecclesiae. Requiritur enim potissimum hoc praecepto quarto, ut sacramenta & ritus ecclesiae sanctos, legitimos & utiles ac necessarios, & obseruemus sanctè, & exerceamus religiosè. Postremò habeat in cœtu sanctorum summa locum humanitas & beneficentia, discant omnes priuatim largiri eleemosynā & benefacere quotidie, liberalissimè autē ac publicè, quoties

quoties temporis necessitas & rerum opportunitas poposcerit. His autem officijs sanctificabitur sabbatum Domini etiam in ecclesia Christianorum, maxime si accedat his tota die studium innocentiae diligens.

Est autem hæc disciplina in singulas domos nostras transferenda ab omnibus patribus familiis, non minus quam in domos Iudaicas. De qua re nō est quod plura dicamus, cum hoc caput superius ita tractauerim, ut ecclesiae Christianae etiam congruat. Hoc adiciam in praesenti, Christiani magistratus aut saltem boni patris officium esse, uiolatores & contemptores sabbati aut cultus diuini redigere in ordinem. Principes populi Iudaici ac totus populus Dei, hominem cōtumaciter colligentem ligna in die sabbati, lapidibus, Deo mandante, obruerunt. Cur ergo non liceret Christiano magistratui punire in corpore, fortunis, & uita contemptores religionis, ueri & legitimi cultus sabbati? Certē si cesset corrupto hoc seculo demens & ebrius magistratus, cuiq; patrifamilias opera danda ne impia sit familia. Puniat suos sibi licitis puniendi modis. Potest enim quilibet paterfamilias, si habet inter idololatrias, qui nec habent, nec habere cupiunt legitimos & Christianos coetus, in ædibus proprijs coetum sanctum colligere, sicuti fecisse constat Lotum in Sodomis, Abrahamum, Isaacum & Iacobū in terra Chanaan & Aegypti. Grande uerò & peccatum & schisma est detestandum, si celebrentur in ciuitatibus & pagis legitimi coetus, tu uerò quæras diuerticula, & spernas ecclesiam Dei siue coetum sanctorum. Id quod solent Anabaptistæ.

Veniunt ergo hic quoq; paucis recensendi abusus sabbati, siue peccata contra hoc mandatum commissa. Peccant qui non quiescunt à malis operibus, imò otio sancto abutuntur ad irritamentum carnis & uoluptatum. Nam hi sabbatum agunt Deo, operantur autem diabolo, alea ludendo, potando, choros ducendo & alijs mundi uanitatibus indulgendo, quibus non tam abducimur à coetu sancto, quam polluiamus corpora nostra, quæ sanctificare debueramus. Peccant qui uel operas manuaras exercent in sabbato, uel lectis implicati dormiunt in multam lucem, negligentes coetū Dei. Peccant qui urgent seruos, & negotijs eis impositis abstrahunt à cultu diuino, qui alias res putidas praefereunt cultui Dei. Peccant praeter alijs quicunq; sabbatum non modò non sanctificant, sed etiam alijs sacra contemnendi suis impuris disterijs & malo exemplo authores sunt: qui ritus sacros, ministerium, ministros, scholas sacras, & studia pia, & fastidiunt & suggillant. Peccant hic maxime patres & matresfamilias, si negligant sanctificationem sabbati in domibus suis urgere & obtinere. Quicunq; spernunt religionem sabbati, apertum de se praebent testimonium impietatis uel contemptus numinis. Proinde magnas habet promissiones & minas obseruatio & contemptus uel neglectus sabbati. Ad quam rem demonstrandam recitabo charitati uestrae Ieremiae uerba ex cap. 17. Sic dixit Dominus ad me, inquit, Vade & sta in porta filiorum populi per quam ingrediuntur & egrediuntur reges Iuda, atq; in omnibus portis Ierusalem, & dices ad eos, Cauete quam chara sunt uobis animae uestrae, ne tollatis onus die sabbati ut inferatis per portas Ierusalem, neq; efferatis onus e domibus uestris in die sabbati, imò nihil operis faciatis, sed sanctificate diem sabbati, quemadmodum praecepi patribus uestris. At illi non audierunt neq; inclinarunt aurem suam, sed indurarunt ceruicem ne reciperent disciplinam: uos autem si me diligenter audieritis, ait Dominus, nulla inferetis onera die sabbati, sed sanctificabitis sabbatum, neque quicquam operis in eo faciatis. Tunc enim transibunt per portas huius urbis reges & principes sedentes in solio Dauidis uecti curribus & equis, sedebitq; ciuitas ista in perpetuum: & ferent de ciuitatibus Iuda & Beniamin sacrificia, thus & laudem

Officium patrisfamilias.

Num. 15.

Abusus sabbati.

Promissiones & minae additae sabbato.



DE PRAECEPTO DECALOGI IIII,

in domum Domini. Si uerò me non audieritis sanctificando diem sabbati, sed tuleritis onus, ieritisque per portas in die sabbati, incendam ignem in portis eius qui deuorabit magnificas aedes eius, neque extinguetur. Hæc Ieremias.

*Lex imperatoria de obseruando sabbato.*

Proinde iustis de causis religiosi principes Leo & Anthemius. A. A. Armasio P. P. scribentes mandant in hæc uerba, Dies festos maiestati altissimæ dicatos, nullis uoluptatibus occupari, neque ullis exactio-um uexationibus prophanari. Dominicum itaque diem semper honorabilem decernimus uenerandum, ut à cunctis exequutionibus excusetur, nulla quenquam urgeat admonitio, nulla fideiussionis flagitetur exactio, taceat apparitio, aduocatio delitescat, sit ille dies à cognitionibus alienus, &c. Et mox, Nec huius tamen religiosi diei otia relaxantes obsecenis quibuslibet patimur uoluptatibus detineri. Nihil eodem die uindictæ sibi scena theatralis, aut Circense certamen, aut ferarum lachrymosa spectacula: etiam si in nostro ortu aut natali celebranda solennitas inciderit, differatur. Amissionem militiæ proscriptionemque patrimonij sustinebit, si quis unquam hoc die festo spectaculis interesse, uel cuiuscunque iudicis apparitor prætextu negotij publici seu priuati, hæc, quæ lege hæc statuta sunt, crediderit temeranda.

*Sabbatum propter hominem, non homo propter sabbatum.*

Interea uerò non obliuiscuntur Christiani horum in Euangelio uerborum Christi, Sabbatum propter hominem conditum est, non homo propter sabbatum: proinde filius hominis est Dominus etiam sabbati. Intelligunt per sabbatum institutum esse diuinitus ad conseruandum non perdendum hominem, ideoque sabbatum admittere dispensationem, quoties uel necessitas inuitabilis, aut salus hominis requirit. De qua re disputatum est ab ipso saluatore nostro Christo apud Matthæum in 12. & apud Lucam in 6. & 13. cap. Certè in his uersatur libertas Christiana. Cumque excusantur sacerdotes & Leuitæ in templo propalam mactantes, excoriantes, incendentes & coquentes, hoc est, sacrificia perficientes, ita ut minime teneantur rei sabbati uiolati, licet utique sabbatis ea parare citra peccatum quæ externo cultui deserviunt. Pari ratione licebit præparare cibum, & pro necessitate curare corpus. Licet & medicari ægrotis, inuiscere decumbentes, iuuare inopes, ut creaturam Dei conseruemus. Instruit nos in his exemplum saluatoris nostri, sabbato operantis opera charitatis & humanitatis. Exemplum non unum extat in historia Euangelica, præsertim Lucæ 6. 13. Ioan. 5. cap. Quod si licet demersum pecus aut iumentum sabbato extrahere ex fouea, cur non liceat domum ruinosam & iam iam in lapsum propendentem, sabbato fulcris sustentare? Cur non liceat sabbato fœnum aut frumentum iniuria cœli æquo diutius per agros dispersum & imbris expositum, recolligere, & ab interitu, ne in uniuersum computrescat, uindicare? Diuus Constantinus Imperator in legibus suis Elpidio scribens, Omnes iudices, inquit, urbanaeque plebes, & cunctarum artium officia, uenerabili die Solis quiescant. Ruritanen positi agrorum cultura liberè licenterque inserviunt. Quoniam frequenter uenit ut non alio die aptius frumenta sulcis & uineæ scrobibus commendentur: & ne occasione momenti pereat commoditas cœlesti prouisione concessa. Hæc Imp. A. Non concedit rusticis omnimodam & perennem sabbati prophanationem. Requiritur enim à rusticis quoque perinde ut ab oppidanis cultus Dei & quarti præcepti cultus, sed libertas permittitur in necessitate. Cæterum pietas & charitas in his erit optima dispensatrix & magistra, ne uidelicet sub prætextu libertatis aut necessitatis exerceamus impietatem, & agamus auarorum non religiosorum opera. Hæc hæcenus de altero sabbati usu.

*Sanctificat Dominus.*

Tertiò sabbatum significationem habet augustissimam. Signum enim perpetuum est, quod deus solus is est qui sanctificat suos cultores. Sic enim loquitur Dominus



minus Mosi, Obseruabitis sabbata mea : quoniam signum est inter me & inter uos in posteritates uestras, ut sciatis quia ego Dominus qui sanctifico uos. Et reliqua quæ habentur Exodi 31. cap. & repetuntur Ezech. 20. cap. Ad hunc autem usum mutuam operam confert, quod modò præcessit in declaratione secundi usus. Deus enim sanctificat homines suos fideles per spiritum sanctum : id quod annunciat ecclesiæ per uerbum Euangelij, testatur autem & obsignat sacramentis, sed & iugibus precibus ab ipso sanctificationem nos postulare iubet. Quæ quidem omnia maximè in sabbatis exercentur, in hoc ut sanctificationem à Deo unice sancto consequamur.

Hactenus enarraui charitati uestre breui compendio primam præceptorum Dei tabulam, quæ nobis cultum diuini nominis descripsit diligentissimè. Quoniã uerò filij Dei sunt non illi quidè qui uoluntatem Dei intelligunt, sed faciunt etiam, oremus patrem nostrum qui in cœlis est, animos nostros illuminet, ut opere fideli ac Deo grato colamus benedictum in secula.

*De primo secunde tabula præcepto, quod ordine in Decalogo quintum est, de honorandis parentibus. SERMO V.*

**S**EQUITUR tabula legis diuinæ secunda, quam Deo inspirante & iuuante ea exponam breuitate, qua enarraui primam. Et ut prima docuit dilectionem Dei, ita secunda tradit dilectionem proximi, erudiens omnes homines quæ nam sint officia proximo debita, & quomodo uiuamus in hoc seculo honestè, humaniter & tranquillè. Bonus enim Dominus uult nos uiuere commodè & suauiter. Nos quoniam id nolumus agnoscere, neque mandatis eius bonis obtemperare, nostris uitij & malis aceruamus in capita nostra cumulum malorum. Continet tabula hæc sex præcepta, quorum primum est tale, HONORA PATREM TVVM ET MATREM TVAM, VT SIS LONGÆVVS SVPER TERRAM, QVAM DOMINVS DEVS TVVS DABIT TIBI. Rectè orditur secundam tabulam ab honorandis parentibus. Nam post pietatē in Deum, proxima est pietas in parentes, à quibus post Deum habemus uitam, & qui inæstimandis uigilijs & laboribus immensis nos educarunt ab infantia. Ac naturalis quidem ordo requirit ut semper præcedant præstantiora.

*Præceptum  
Dei.*

Distinguemus hoc mandatum perspicuitatis gratia in tres partes. Primò explicabimus qui gradus & quæ genera hominum cōprehendantur sub uocabulo parentū. Secundò inuestigabimus quis nam sit ille honor, & quàm latè pateat, quem iubet Dominus impendere parentibus. Postremò attingemus & promissionē pijs factam liberis, & inde colligemus pœnam impijs destinatam.

Parentes qui sint nemo ignorat. Dedit hos nobis Dominus Deus noster ut ab ipsis acciperemus initium uitæ, qui nutrent & educarent nos, qui deniq; ex barbaris & semibrutis uerè homines facerent. Maius est beneficiū quod liberis conferunt parentes, maior labor & sumptus quem faciunt, maior cura, dolor & ærumna, quàm quisquam uel eloquentissimus enumerauerit. Significanter autem non patris tantum, sed & matris nomen exprimitur in lege, ne propter sexus imbecillitatem uideretur citra grauem noxam contemni. Plus laboris dolorisq; sustinent & sentiunt piæ matres in partu, educatione & nutritione liberorum quàm patres. Magna ergo de causa & matris nomen in præcepto disertè est expressum. Comprehendimus autem hîc quoq; auum & auiam, abauum & abauiam, omniacq; hu-

*Quid parentū  
nomine intelli-  
gendum.*

*Patria.* ius generis alia. Comprehendimus secundo loco patriam cuiusq; in qua natus est quisq; quæ aluit, fouit, ornauit atq; defendit. Comprehendimus tertio loco principes seu magistratus. Senatores enim seu principes, & patres & pastores populi in sacris nuncupantur. Xenophon putauit bonum principem nihil distare à bono patre. Quarto loco recenseantur parentum nomine Tutores, quos appellant aduocatos pupillorum aut orphanorum. Succedunt enim in locum demortuorum parentum, sumpta cura & tutela liberorum, quos ueluti proprios & ex se genitos (hic enim affectus in eis sit oportet) educant, tumentur & prouehunt. Quibus accensendi sunt magistri artium, opifices. Hi enim docent iuuenes seu adolescentes honestum aliquod artificium, quo quisq; sibi honestè uictum paret, erudiunt in bonis moribus, & quodammodo hominem adhuc rudem expoliunt perficiuntq;. Quinto reputantur pro parentibus ministri, doctores, & pastores ecclesiarum, quos ipse Paulus patres uocauit, non tam propter curam & amorem quibus affecti sunt erga discipulos ac ouiculas, quàm quòd per Euangelium generamur Christo. Sexto loco ueniunt numerandi cōsanguinei & affines, frater & soror, nepotes & neptes, socrus & nurus, socer & gener: qui inter se necessitudine ceu neruis membra connectuntur & conseruantur. Ultimo uerò loco senes, uiduæ, pupilli, imbecilles & infirmi parentibus nostris coniunguntur: quorum causam non uno loco commendauit nobis scriptura diuina. Habetis fratres quos intelligamus in hoc primo mandato secundæ tabulæ esse parentes, & parentum nomine comprehensos & commendatos: iam audite quem his debeamus honorem, & quis uel quid sit honor ille quem debemus parentibus.

*Honorare quid.*

*Præcedit semper honor Dei.*

Honorare significat in scripturis uaria, & in præsentī quidem magnificare, reuereri, plurimi facere, ceu rem à Deo institutam uenerari & pro diuino beneficio, pro re diuina, sancta, utili & necessaria agnoscere, amare & laudare. Honorare est morem gerere aut obedire, & obedire quidem, tanquam ipsi Deo, à quo præcepta ac cui acceptam esse nouimus nostram obedientiam. Alioqui parentibus & maioribus iniqua uel facientibus uel præcipientibus, non est aut imitatione aut obedientia obtemperandū. Nam posteriora præcepta referuntur ad priora. At in secundo didicimus Deum iniquitatem patrum requirere in filiis, idcirco minime parendum parentibus præcipientibus contra Deum & contra legem Dei. Non obediēbat Ionathan patri suo Saulo persecutionē mandanti contra Dauidem: ac laudem inde adeptus est in sacris literis maximam. Tres Danielis focij Nabuchodonosori obtemperabant per omnia, & amabant ipsum, ac obseruabant ceu maximum & potentissimum, imò & munificentissimum regē, cæterum præcipientem idololatriam tantum non contempserunt. Et S. Petrus qui docuit obedientiam & honorē quem debemus parentibus & magistratui exhibere, præcipientibus principibus & patribus populi ne porro annuntiaret populo Christum crucifixū, respondit, Oportere Deo plus obedire quàm hominibus. Sed quid multis hæc enūmero, cum Dominus hæc & alia similia in hanc breuem concluderet sententiā? Si quis uenit ad me, nec odit patrem suum, aut matrem suam, & uxorem, & filios, & fratres, & sorores, præterea autē & animam suam, non potest meus esse discipulus. Præterea honoras parentes, cum non cōtemnis, non negligis, cum te ipsorū necepiget nec pudet propter afflictā fortunam. Honoras parentes, cum iuuas consilio & auxilio, confectos uidelicet diuturna ætate, uel subleuas inopia oppressos, uel iuuas alioqui laborantes. Hoc enim uerè & propriè est parentes honorare, teste & interprete ipso Domino apud Matth. in cap. 15. consulere inquā parentibus & opitulari, eos tueri uel defendere, imò te totum adeoq; ipsam uitam eis impendere.

Iam

Iam quò plus lucis & euidentia habeant ista omnia, conferemus aut applicabimus hunc honorem septem illis gradibus uel membris, ex quibus intelligat quisque, quomodo debitum honorem parentibus, patriæ, magistratui, & alijs supra memoratis impendat. Parentibus quia honorem debemus, certè magnificè de eis est sentiendum, quòd à deo nobis dati sunt, ut eos reueremur, amemus, & modis omnibus suspiciamus, idè propter dominum: qui certò contemnetur si pergamus parentes aspernari, & de ipsis sentire uulgariter. Nec interest digni ne an indigni sint, quibus honorem deferre iubet dominus. Nam qualescunq; tandem sint, non tamè sine dei prouidentia hunc locum assecuti sunt, cuius ratione ipse legislator eos honorari uoluit. Reuerentiam itaq; & affectum filialem sonet, quicquid lingua liberorum dixerit. Ex affectu & reuerentia tali obediant parentibus liberi. Si morosiores aut iniquiores uideantur, dissimulemus prudenter, & declinemus interim à malo in quod nos uidebantur impulsuri, & ita rem temperemus, ut quàm minimum fieri potest, offendamus parentes. Ionathas filius Saulis religiosissimus & piissimus, sit nobis exemplum. Vidit is magno cum dolore & molestia furorē contra Dauidem & iniuriā patris contra seipsum, tolerauit tamè dissimulauitq; prudenter, alicubi etiam & in loco reprehendit, nullibi iniquitatem patris adiuit, semper iusto & bonis adhæsit, pertinaciā patris deplorauit, uim uerò inferre paranti patri, audacius non restitit, sed fuga sibi consuluit, interea nihilominus dilexit patrem, orauit pro eius salute, ac in reliquis filium præstitit obsequentissimum. Hoc scilicet officium est pijs filij. Hoc exemplum quilibet nostrum in obseruandis parentibus etiam duris & iniquis, studiosè imitari conabitur. Nemo asperius responset, imò prorsus nullo modo responset parentibus: nemo maledicat patri aut matri: nisi suppressi & iustissimi dei maledictionem certò reportare cupiat. Si pauperes sunt parentes, si deformes, si laborent uitij, ne illuserit his quisquam, nemo nostrum contemnat. Ne simus ingrati erga optimè meritos. Nutriamus, foueamus, iuueamus eos in omnibus, imò impendamus illis & nos ipsos & nostra omnia. Omnia enim nostra illorum sunt: omnia nostra ab illis habemus, sine quibus non uiueremus. Meminerimus quantopere hanc legem commendarit nobis apud Matthæum dominus. Inspiciatur cap. 15. Meminerimus quid gentibus fuerit *ὡς πατὴρ*, nimirum mutuam officij uicem rependere, maximè nutriendi fouendiq; eos à quibus aliquando fueris enutritus: ut cum liberi parentes ætate fessos uicissim alunt fouentq;. Et extat lex apud gentes pietatis magistra, quæ edicit, ut liberi parentes alant, aut uinciantur. Hanc legem quam multi mortales negligunt, sola Ciconia inter omnia animantium genera exprimit. Siquidem reliqua tantisper amant agnoscunq; parentes, dum egent illorum ad nutritionem opera: una ciconia parentes senecta defectos, uicissim alit, & uolandi impotētes, humeris gestat.

De honore  
parentum.

Ciconia picta  
tis symbolum.

Extant apud Gentiles piæ & elegantes sententiæ de honorandis parentibus. Isocrates, Talem erga parentes te præsta, ait, quales se tibi tuos liberos exhibere optares. Anaximenes dixit, Ille sui genitoris apprime amator est, qui operam dat, ut patrem sine ulla molestia plurimū exhilaret. Plato quoq; in Legibus putat eum ingentem domi tenere thesaurum, quicunq; patrem uel matrem, aut horum parentes senio confectos domi alit, nec alio simulachro in ædibus opus esse existimat, cum omne studium conuertere iubeat ad ritè colendos parentes. Idem, Parentibus, inquit, uiuentibus debita omnium antiquissima, prima, & maxima persoluamus. Putare enim quisq; debet omnia quæ possidet eorum esse, qui genuerunt & educarunt, ita ut hæc illis omnia pro uiribus ministrare debeat: primum

Gentilium  
sententiæ de hono-  
randis parenti-  
bus.



DE PRAECEPTO DECALOGI V.

quidem externa bona: deinde corporis: postremo quæ ad animum pertinent, hæc omnia uidelicet mutuò data persoluens, & pro curis doloribusq; priscis parentū in senectâ recentes reddens, quando maximè indigent. In uerbis quinetiam per totam uitam parentes uenerari maximè decet. Leuium enim uolatiliumq; uerborum grauissima imminet pœna. Nam omnibus proposita est Nemesis iudicij angelus horum omnium consideratrix. Oportet ergo iratis animumq; explentibus cedere, seu uerbis siue rebus id faciant, non ignorantes patrem iure admodum filio succensere, si quando iniuriam sibi ab eo fieri arbitretur. Mortuis uerò parentibus monumenta decentissima, sed temperanter tamen construamus. Hæc si seruabimus, præmia à dijs reportabimus maxima. Hæc Plato. Sanctus Hieronymus dicit, Matribus debitam impendite reuerentiam, quæ uobis uteri labore seruientes, pondus uestri corporis tolerant, atq; ignotam portâtes infantiam, famulatum quendam exhibent nascituris. Illo tempore non sibi tantum mater esurit, nec acceptos sola digerit cibos. Materno uictu alitur & ille qui latet, eiusq; membra alterius comestione pascuntur, ut homo futurus alienis morsibus saturetur. Quid ipsa memorem nutrimenta, & teneræ infantie dulces iniurias, quas nutritoris affectus de suis paruulis sumit? Quid cibos in matre confectos, qui foemineis manantes ex membris lacteum soluuntur in succum, & fauces inualidas liquido sapore perfundunt? Cogente natura sumunt infantes de matre quod bibât, & dente non nato hoc sibi currentibus labris eliciunt quod nō sit necesse mordere. Seruiunt materna posteris pectora, seruiunt ipsis incunabilis, manus & terga membris deuota lactentium gratos artus accipiunt. Optat mater paruulum crescere, optat citò uidere maiorem. His tot tantisq; præcedentibus factis, matri debet tota alacritate serui. Reddatur naturæ debitum, reddatur & posteris quod debetur. Exolue fili quod debes, & officia debita qualicunq; exhibe famulatu. Quia parentibus nemo potest reddere quod debetur. Hæc ille.

*Matris labores*

*De honoranda patria.*

Porro patriam quisq; suam meritò magnificat, amat, prouehere cupit, ornatq; suis uirtutibus, iuuat omnigenis beneficijs, defendit ipsam strenuè & pugnat pro ea fortissimè, siquidem necesse sit ipsam asserere à latronibus. Quid est obsecro ciuitatis forma, ut ille dicebat, iucundius, in qua rectè constituta est Ecclesia, in qua legitimè colitur deus, & obeditur (fide & dilectione, quantum scilicet gratiæ concesserit deus) uerbo dei: in qua magistratus tuetur disciplinam & bonas & æquas leges, ciues obtemperant, sunt concordēs, habent suos cœtus ueræ religionis & iudiciorum causa, habent congressus honestissimos, in templis, in curia, in scholis, colunt uirtutem & literarum studia, quærūt uictum honestis artibus, quibus uita opus habet, cultura agrorum, mercatura, opificijs, educant liberos, beneficijs prosequuntur parentes, pauperes, peregrinos. Sunt ergo in hac republica uirgines, nuptæ, pueri, senes, matronæ, uiduæ, pupilli. Si qui pro ingenio humano peccant contra leges, puniuntur, defenduntur innoxij, floret pax, iustitia, & humanitas. Quis autem æquis & patientibus oculis uideat talem rempublicam, patriam scilicet suam, uel à seditiosis ciuibus, uel ab externo milite turbari, uexari, subuer- ti atq; discerpi? Seditionibus uel bellis subuertuntur cum studijs omnes uirtutes, constuprantur uirgines & matronæ, afficiuntur contumelia senes, perit religio & omnis pietas. Ergo fortissimus militiæ imperator Ioab contra Syros pugnaturus pro patria, ad Abisai fratrem suum dixit, Si fuerint Syri me ualidiores, opem mihi ferēs: sin filij Ammon tibi præualuerint, adero tibi auxilium laturus. Sis ergo fortis, & pugnemus fortiter pro populo nostro & pro ciuitatibus dei nostri. Dominus autem faciat quod bonum est in oculis suis. Iudas quoq; Machabæus uir in

*Pugnandū pro patria.*

*2 Regu. 10.*

*Israelitica*

Israelitica gente clarissimus bellator, & in patriam suam piissimus, milites seu ciues suos ad pugnam contra hostes animans, Illi nos aggrediuntur, ait, copia, per iniuriam, ut nos cum uxoribus & liberis nostris deleant & deprædentur, nos autem pugnamus pro uita legibusque nostris: ac deus illos in conspectu nostro conficiet. Sed & ipsi ciues se mutuò adhortantes, clamant, Submoueamus à populo nostro afflictionē hanc, & pro gente sacrisque nostris dimicemus. Nec est quod quisquam nostrum dicat hæc esse opera legalia, quæ nihil ad nos qui in Ecclesia Christi sumus, pertineant. Nam Apostolus Paulus de fide Christiana loquens ad Heb. Isti per fidem, inquit, expugnauerunt regna, operati sunt iustitiam, effecti sunt robusti in bello, incursiones auerterunt exterorum. Proinde cum eadem utrisque sit fides, licet nobis quoque iusto bello tueri patriam, religionē, uirgines, senes, uxores, liberos, libertatem & facultates. Impij sunt in patriam, & peccant contra hoc præceptum, qui prætextu fidei deserunt bello afflictam patriā, nec asserunt à barbaris exterisque nationibus aut militibus, uita in ipsum mortis præsentissimum periculum profusa. Beatus Ioannes, Per hoc cognouimus charitatem, ait, quoniam ille animam suam pro nobis posuit, & nos debemus pro fratribus animas ponere. Milites mercenarii, qui iniquam pro stipendio militiam sequuntur, uenalia habentes corpora sua, iudicabunt ciues desertores patriæ. Nam animas suas deponunt propter pauculos aliquot coronatos: quas ciues molliculi & effœminati uel periclitari nolūt pro religione, magistratu, uxoribus, liberis, & uniuerſa facultate sua. Quid oro dicent patriæ desertores in die illa, qua rependet dominus & pijs & impijs in patriam, cum uiderint se longē uinci à Gentilibus uirtute? Currius Romanus adolescens nobilissimus, in hiatum fori ingētem sese præcipitem dedit, ut sua morte spontanea seruaret patriam. P. Decius pater & P. Decius filius deuouerunt capita sua pro salute reipublicæ, ac fortiter occubuerunt amore patriæ. Codrus rex Atheniensium piissimus, cum ex oraculo Apollinis intellexisset Athenas non posse seruari, nisi morte regis, ac hostes ea de causa præcepissent, ne quis corpus regis uulneraret, deposuit Codrus cultum regium, & uulgariter uestitus irruit in hostes, atque quendam ex ijs in cædem suam compulit. Phileni fratres patriæ quā uita suæ longiores terminos esse maluerunt, ideoque uiuos se terra obrui passi sunt. Quid uerò nos pro salute & incolumitate patriæ sustinemus? Hierocles, Est patria, ait, uelut alter quidam deus & primus maximusque parens. Quare qui nomen ei imposuit, à re ipsa non temere patriam appellauit, uocabulo quidem à patre deducto, pronuntiato tamen foeminina terminatione, ut ex utroque parente mixtum esset. Atque hæc ratio insinuat patriam unam ex æquo duobus parentibus colendam esse: & cum præferat honorem patriæ, ne simul quidem parentes ambos maioris fieri concedit, sed æquali honore dignatur.

Orandum est præterea sedulo pro incolumitate patriæ. Babylon non erat Iudeorum patria, sed quia ad spacium septuaginta annorum, propter peccata, à Deo in Babylonem relegati erant Iudæi. Babylon reputabatur iam pro patria. Ideoque Ieremias, Edificate domos, ait, & inhabitate, plantate hortos, & comedite fructus eorum. Ducite uxores, & generate filios & filias, ac ipsis filiis & filiabus dabitis conjuges, ut generent liberos. Querite pacem eius ciuitatis, ad quam ego uos transtuli, & orate dominum pro ea, quoniam uestra pax & incolumitas coniuncta est cum illius pace, cap. 29. Grauiissime ergo peccant patriæ proditores, quos leges propter sceleris atrocem enormitatem in partes dissecant.

De Magistratu dicemus alias: quantum uerò præsentī loco satis fuerit, dicit sanctus Petrus, Deum timere, regem honorate. Agnoscamus ergo magistratum

Hebr. 11.  
2. Cor. 4.

1. Ioan. 4.

Pij in patriam.

Orandum pro  
patria.

De honorando  
magistratu.



à deo ad utilitatem hominum esse ordinatum, ac deum per magistratū nobis conferre maxima beneficia. Vigilant pro repub. principes, si functioni suae uerè respondent ac non sint tyranni, iudicant populum, dirimunt lites, iustitiam conseruant, plectunt noxios, tuentur innocentes, pugnant pro populo. Et propter excellentiam sui muneris & summi & maxime necessarij, deus ipse suū nomen magistratui communitat, appellans principes aut senatores deos, ut uel ipsa appellatione ipsi admoneantur sui officij, & subditi discant ipsos reuereri. Deus bonus est, iustus, æquus, personam non accipit nec munera. Talis sit oportet & bonus iudex aut magistratus: Anachoretæ & Monachi laudarunt institutum suum, ac tantum non supra astra hoc extulerunt: ego uerò iudico plus esse uerarum uirtutum in uno uiro politico magistratum gerente ac ritè suo defungente officio, quàm in multis chiliadibus Monachorū & Anachoretarū, qui præterea suae uocationis & instituti nullum habent expressum dei uerbum: ut pigeat me sanctissimum magistratum contulisse cum his qui nihil habent cum illis conferendū: imò labores & ordinationem dei utilem fugiunt. Certè si princeps ex fide suum faciat officium in repub. ingentem sibi coaceruat uerè bonorum operum cumulum, & laudē sempiternam. Ergo obediendum est magistratui & legibus eius æquis & bonis. Nulla est cōmouenda contra ipsum seditio. Magistratui non maledicendum: uel ipso deo in lege sua mandante & dicente, Dñs nō maledices, & principem populi tui non execraberis. Sicubi peccauerit, geramus nos erga ipsum tanquam erga patrem. De quo superius dixi.

Act 23  
Exod: 22

Contra seditiones.

Fit per frequenter ut Senatores bene uelint religioni, iustitiā promoueant publicam, leges defendant, honestati faueant, interim laborent suis uitijis, imò sceleribus. Propter hæc autem non erunt à populo contemnendi aut è gradu deiiciendi. Habuit Dauid sua uitia, alioqui optimus princeps. Suo adulterio plurimum incommodauit regno. Peccauit tamen grauiter Absolon, qui ipsum solio deturbare uoluit. Ita sunt in alijs principibus non pauca scelera, quæ tamen ad seditionem non commouent neq; commouere debent populum religiosum, modò ualeat nihilominus iustitia, bonæq; leges & pax publica defendantur. Orandum est sedulò & ardentè pro magistratu. Iuuantus est à nobis consilio & auxilio, quoties ipsa poposcerit res. Non parcendum uel facultatibus uel nostrorum ipsorum corporibus. Conuulerunt in commune sancti opes suas, magistratum iuuantes, quoties incolumitas publica poposcit. Pugnarunt omnibus seculis pro iudicijs & regibus atq; magistratibus suis Israelitæ, & omnes populi sano utentes sensu ac iudicio. Pugnarunt & principes pro populo uicissim. Illa itaq; pietatis officia ualeant & uigeant etiam hodie in omnibus regnis, ciuitatibus & rebus publicis. Tribuat quæq; gens suo magistratui, quod uel lege, uel ex consuetudine, aut propter necessitatem debet. Paulus enim Apostolus, Reddite, inquit, omnibus quod debetis, cui tributum tributum, cui uestigal uestigal, cui timorem timorem, cui honorem honorem. Rom. 13.

De honorandis  
Tutoribus ac  
magistris artium.

Officium magistrorum & discipulorum.

Tutores quoniam successerunt in locum parentum, & officia parentum defunctorum præstant liberis, merentur certè debitam parentibus gratiam, uidelicet amorem, reuerentiam, gratitudinem & obedientiam. Ita ferè iudico de opificibus & artificiorum magistris, qui ut patris animum, amorem, studium, fidem & diligentiam erga discipulum suscipere debent, ita hic meritò magistrum suspicit, ueneratur, metuit & audit ut patrem. Cæterum est hic detestanda in magistris negligentia, sed & non ferenda in discipulis proteruitia & barbaries. Discant ergo in præsentiarū magistri patres esse, nec aliter erga discipulos affecti, quàm erga suos ipsorum



ipsorum filios. Doceant artificium, instruant in moribus & omnibus uitae parti-  
bus discipulos, ea diligentia & fide, qua uterentur erga filios proprios. Rursus  
discant iuuenes infringere ingentem barbariem, ac frænum inijcere iuuenilibus  
cupiditatibus: discant humiliari, subesse, silere, reuereri, timere, amare, & obedire.  
Agnoscat sibi magistros à deo esse datos, ideoque deum cõtemni in magistris. Sint  
ergo diligētes, seduli & fideles in opere. Experiat magister studium & propen-  
sam uoluntatem erga ipsum, erga artificium & erga præcepta artis. Meditetur  
quisque & exerceat opere diligenter, quod ore traditum est à magistro. Non parca-  
tur uigilijs & laboribus. Sit gratus fideliter docenti magistro, ut sapius roganti de  
modo agendi, dignetur fideliter indicare omnia. Ingratitudo & indiligentia disci-  
puli, reddit nonnunquam segnem magistrum. Per cætera time Deum, & sis reli-  
giosus. Foris ne misceare blasphemorum & luxuriosorum consortio, honeste te ge-  
rito, neminem lacesito, neminem contemnito, nulli maledicito, paci studeto, om-  
nes honorato, omnibus prodesse contendito. Domi promoueto domini tui utili-  
tatē, nihil damni uel ipsi uel rebus ipsius infero, si quis uel intulit uel inferre uo-  
luerit, maturè admoneto: occasiones rixarum aut malorum pro tua facultate so-  
pito: quod domi audieris ne efferto, rursus quod foris audieris ne in domū impor-  
tato. Sis taciturnus, pacificus, iustus, castus, abstinens, temperans, uerax & facilis  
ad quælibet honesta & domestica seruitia. Caue tibi ab ijs ex quibus exoriuntur  
suspiciones malæ & noxiæ. Ne audacius contrectaueris magistri uel uxore uel fi-  
lias, aut etiam ancillas, ne colloquaris uel liberius uel secretò. Arbitrare, uti reue-  
ra res est, uxorem magistri tui matrē esse tuā, filias sorores. Has polluere est scelus  
grande & enorme. Sit iuuenū quisque mundus non sordidus, facilis, iustus, ac cibi  
uulgaris, nō palato delicato & moroso. Sed quid multis? Imo pectore quisque ado-  
lescentum recondat retineat, iuuenū officium esse, castum se seruare ab omni im-  
mūditia, subesse nō dominari, seruire omnibus, semper discere, pauca loqui, nun-  
quam quicquam insolentius iactare, non respondere, multa uerò pati & dissimulare.

De honorandis Ecclesiarū ministris qui sunt pastores, doctores, & patres po-  
puli Christiani, multa solent ab illis adferri, quibus gratius est dominū quam mi-  
nisteriū. Nos agnoscere debemus illos nobis esse datos à domino, & per illos no-  
bis loqui dominum. De ijs loquor, qui non sua nobis adferunt somnia, sed uerbū  
ueritatis. De his enim dixit in Euangelio Dominus: Qui uos audit, me audit: qui  
uos spernit, me spernit. Proinde ministerium quoque ipsum est à domino, per quod  
salutem nostram operatur dominus. Ideoque obediendum est ministris rectè suo u-  
tentibus ministerio, bene de his sentiendum, amandi sunt, & pro eis assidue oran-  
dum est. Et cum ijs nobis seminent spiritualia, iisdem non neganda est mercedis cor-  
porea ac tēporalis. Nam dignus est operarius mercede sua. Et si Romanorū præ-  
ses apud Iudæos, Apostolo Paulo no- negauit auxilium contra Iudæorū latroci-  
nium conceptum & contra manifestam uim, certè Christianus magistratus nun-  
quam negabit pijs Christi & Ecclesiarum ministris defensionem. Huc iam perti-  
nent S. Pauli testimonia. In 1. ad Thessal. cap. ult. Rogamus, inquit, uos fratres, ut  
agnoscatis eos qui laborāt inter uos, & qui præsunt uobis in domino & admonēt  
uos, ut habeatis illos in summo pretio per charitatē, propter opus illorum, pacem  
habete cum illis. Idem ad Heb. Parete ijs qui præsunt uobis, ait, & cōcedite: si qui-  
dem illi uigilant pro animabus uestris, tanquā rationē reddituri, ut cū gaudio hoc  
faciant, & nō gemētes. Nā id est inutile uobis. Etenim quanta calamitas & regnis  
& populis exoritur ex contemptu uerbi Dei ac ministrorum, multa nos docere  
possunt exēpla, illud imprimis quod hisce uerbis describitur in ult. cap. 2. lib. Para-

De honoran-  
dis ministris ec-  
clesiarum.

1. Cor. 9.

Matth. 10.

Acto. 23, 24.

25.

Cōtemptus mi-  
nistrorū uerbi.

DE PRÆCEPTO DECALOGI V.

Misit dominus Deus patrum eorum ad eos manē surgendo, & nuncios suos mittendo, quoniam parcere cupiebat populo suo atq; habitaculo suo. At illi subſanabant nuncios Dei, & contemnebant uerba eius, illudentes prophetis eius, donec ascenderet furor domini contra populum suum, & donec nullum eſſet remedium. His congruunt per omnia, uerba ſaluatoris noſtri in euangelio dicentis, Mitto ad uos prophetas & ſapientes, quorum aliquot flagellabitis & occidetis, ut ueniat ſuper uos omnis ſanguis iuſtus qui effuſus eſt ſuper terrā à ſanguine Abel iuſti, uſq; ad ſanguinem Zachariæ filij Barachiz, quem occidiſtis inter templum & altare. Et reliqua. Notus eſt enim charitati ueſtræ locus, qui extat Matth. 23. Cauendum ergo modis omnibus, ne contemnamus deum loquentē nobis in uerbo ſuo per ſeruos ſuos prophetas.

De honorandis  
conſanguineis  
& affinibus.

Conſanguineis & affinibus debemus iuxta hoc præceptū amorem, reuerentiam, auxilium, conſolationem, & omnem deniq; humanitatem. Damnantur hoc præcepto ſicut & Apoſtolicis ſcriptis *ἀσπλάγχι*, qui uidelicet nullo erga ſuos naturali affectu commouentur. Eſt naturalis quædam affectus, beneuolentia, amor & commiſeratio (quæ ſcriptura uiſcera uocat) in patre & matre erga liberos, in fratre erga fratrem, in conſanguineo aut affine erga conſanguineū & affinem. Egregia ſunt nobis in ſcripturis exempla propoſita in Abrahamo paternis uiſceribus amante filium Iſaac, in Iosepho item diligente patrem Iacob & fratres ſuos, præſertim autem uterinū fratrem Beniamin. Habent egregium, quod ſocrus & nurus imitentur, exemplum, in Noemi & Ruth. Ferē odiunt ſe mutuò ſocrus & nurus, unde multa mala deriuantur in familias. Diſcant ergo ex lepido illo exemplo, quomodo ſe gerant utraq; ex parte. Reputet ſocrus nurum eſſe filiam, uti reuera eſt: nurus ſocrum colat, & reuereatur ueluti matrem. Vtrinq; permulta diſſimulanda, multa boni conſulenda & benignè perferenda. Condonanda multa, nec cedendus locus garrulis obtreſcatoribus atq; ſuſpicionibus prauis. Eximius theſaurus eſt familiæ concordia: malum inexplicabile & pernicioſiſſimū diſcordia domus. De beneficijs & honore exhibendo nepotibus, notus eſt locus Pauli 1. Timot. 5.

De honorandis  
ſenibus.

Poſtremo extat etiam peculiaris lex in uerbo dei de ſenibus honorandis, præcipiens ſurgere coram cano capite. Honorandi ergo ſunt ſenes, quos meritò magnificamus, agnoſcentes in ipsis dei beneficium non uulgare, longæuitatem, & quòd diuturna omnium rerum experientia multam ſibi ſapientiā & prudentiam compararunt, unde nos ſuis poſſunt iuuare conſilijs. Laudandi ſunt itaq; ut omnes intelligant & prædicent canos eſſe coronam gloriæ. Præterea ſi deſint ſenio conſectis facultates, noſtra copia ipſorum debet ſubleuare inopiam. Breuiter non negabimus ulla ſenibus officia humanitatis. Simili ratione cōmendantur hic nobis uiduæ, orphani, pupilli, pauperes, peregrini, ægrotantes & calamitoſi. Ideo autem quondam contulere opes liberaliter homines pij & benefici, ne quid rerum neceſſariarum deeſſet ſenibus, uiduis, pupillis & pauperibus. Appellantur ea bona hodie Facultates eccleſiaſtica: quæ haud dubiè rectè diſpensantur, ſi ceſſerint his quibus donatæ ſunt. In legibus Cæſarum uidere licet quondam publicas ædes & opes, ſingulis hominum egentium generibus, fuiſſe extructas atq; deſtinatas. Nam mentio fit Orphanotrophiorum, Gerontocomiorum, Ptochotrophiorum, Noſocomiorum, & Brephotrophiorum. Hodie ſuperſunt nobis Cœnobia & Hoſpitalia, quorum pleraq; ſingulis illis, nempe orphanis, ſenibus, pauperibus languentibus ſeu ægrotantibus & infantibus peculiaria habent deſtinata loca. Inexpiable peccatum committitur, quicumq; opes & loca ſenibus & pauperibus conſecrata, alijs uſibus dedicant, acque algentibus eſurientibusq; ſenibus & pauperibus,

Bona eccleſiaſtica.

ribus, luxu opes pauperum prodigunt. Et hæcenus quidem docuimus quomodo parentes, & illi qui sub parentum nomine comprehenduntur, honorandi sint.

Restat tertium & ultimū, ut inspiciamus quid promittat Dominus cultoribus pijs parentum, unde mox colligamus quid mali immineat impijs parentum contemptoribus. Dominus ergo in lege dicit, Vt sis longæuus super terrā, quam Dominus Deus tuus dabit tibi. Sensus est, Honora patrē & matrem, quò per longum uitæ spacium frui tibi diu liceat ea terræ possessione, quæ tibi futura est in gratiæ meæ testimonium. Hæc propriè ad Iudæos pertinent. Cæterum optimè & uerissimè scribitur in hunc locum à pijsimo quodam Christi seruo, Quia tota terra fidelibus benedicta est, præsentem uitam inter Dei benedictiones meritò reponimus: quare ad nos similiter spectat ista promissio, quatenus scilicet diuinæ beneuolentiæ documentum nobis est præsentis uitæ duratio. Certè promittit pijs parentum cultoribus in quauis terra habitantibus omnimodam benedictionē & felicitatem copiamq; rerū temporalium, cum uitæ iucunda diuturnitate. Apostolus enim Paulus hæc interpretans Ephes. 5. cap. Vt bene tibi sit, inquit, & sis longæuus in terra: quamlibet utiq; significans, & benedictionem Domini temporalem promittens. Colligimus ergo diuersa minari & irrogari impijs parentum contemptoribus. Exemplis & alijs scripturæ locis hæc reddentur illustriora. Cham maledictionem accepit à patre Noe, quòd parum reuerenter sese gessisset erga patrem ebrium licet. Ioseph fit princeps Ægypti, quòd à puero in Deum pius, magnificaret & magno honore prosequeretur patrem suum Iacob. Solomon Prouerbiorum 17. clamat, Non recedet malum à domo ingrati. Item, Contumelijs afficiens patrem & contemnens senectam matris suæ, confundetur & in opprobrijs erit. Filius derelinquens custodire disciplinam patris, meditabitur sermones malitiæ. Maledicenti patri & matri extinguetur lumen, & pupillæ oculorum eius uidebunt tenebras. Nam monstra non homines sunt, qui impij sunt in parentes, præsertim illi qui non modò negligunt aut contemnunt, sed etiam feriunt aut alioqui malè tractant parentes. Hos trucidari iubet Dominus, ut beneficio lucis indignos, qui nō recognoscunt quorum opera in illam peruenerint. Qui maledixerit patri aut matri, ait Dominus, morte moriatur. Et iterum, Qui percusserit patrem suum aut matrem suam, morte moriatur. Notissima est omnibus lex Pompeia lata contra parricidas. Præstat hic quoq; audire Gentilium iudicia. **Homerus,**

*Nec nutricandi officium genitoribus unquam  
Persoluit charis, breue at illi contigit æuum.*

**Et antiquissimus Poëta Orpheus canit,**  
*Iuppiter inspicit illos qui colunt iura parentum,  
Et qui negligunt præ animi impudentia.  
Ac illis quidem benignus & mitis bona largitur,  
His uero insensus indignatur per furias.  
Sunt enim uehementes in terra parentum furia.*

**Iam & Euripides tragicus dicit,**  
*Quisquis in uita sua parentes colit,  
Hic & uiuus & defunctus dijs charus est.*

**Sed & Menander Comicus dixit,**  
*Cum parentibus causam agens aut litigans insanus & miser.  
Parentes magnum sunt numen prudentibus.*

**Vergilius inter immania scelera quæ apud inferos horrendum puniuntur æternis & infandis pœnis, & hæc commemorat.**



DE PRÆCEPTO DECALOGI V.

*Hic quibus inuisi fratres, dum vita manebat,  
Pulsatus ue parens. Et mox,  
Vendidit hic auro patriam dominumq̃ potentem  
Imposuit, fixit leges pretio atq̃ refixit, &c. Cecinit in Odis Flaccus,  
Dulce & decorum est pro patria mori. Silius Italicus,  
Iamq̃ hoc ne dubites longæui nate parentis  
Accipe, & aeterno fixum sub pectore serua,  
Succensere nephas patriæ, nec fœdior ulla  
Culpa sub extremas fertur mortalibus umbras.  
Sic docuere senes, &c.*

Hæc testimonia non frustra commemoro, ut ex his colligat c. v. sceleris huius atrocitatem, quod usque adeo grauiter ipsæ etiam Gentes accusauerunt atq̃ condemnarunt. Occidit Cain fratrem suum Abelum, sed perpetuam sibi ineluibileq̃ ea re ignominiam contraxit adeoq̃ inuulsi. Conuitia intoleranda coniecit in Dauidem ordinarium suum magistratum Semei, sed commeritas pendit pœnas. Seditiosus & impius est Absolom in patrem Dauidem, sed crinibus implicitus arbori, confoditur horribiliter pendens inter cœlum & terram. Occisores prophetarum nuncupauit Dominus progeniem uiperarum ac diaboli filios. Si qui uerò unquam contumelia senes affecerunt & conturbauerunt uiduas, non impune tulerunt. Clamat enim in lege Dominus, Viduam & pupillum non affliges. Si uerò affligere eos pergatis, indubiè ad me clamabunt, & ego certissimè exaudiam eos: & indignabitur furor meus, percutiamq̃ uos gladio, & erunt uxores uestre uiduæ, & filij uestri pupilli. Sed hæc hæcenus.

S. Paulus hanc Domini legem producens in Epist. ad Ephes. pulchrè accommodat nostræ eruditioni. Dicit enim, Filij obedite parentibus uestris in Domino. Nam id est iustum. Honora patrem & matrem: quod est præceptum primum in promissione, ut bene tibi sit, & sis longæuius in terra. Patres ne prouocetis ad iram liberos uestros, sed educetis eos per eruditionem & correptionem Domini. Hic præscribit tam parentibus quàm liberis suum officium. Tria requirit à parentibus, ut educent liberos, erudiant & corripiant. Parentum est enim liberos nutrire & alere, siue educare, ac ad iustam usq̃ prouehere ætatem, qua iam non sumptibus & cura parentum, sed absoluti iam ex proprijs uiuant laboribus. Parentum est erudire & rectè instituere liberos. Eruditio seu institutio illa uersa in tribus, in religione, in moribus, & in artificio.

Iam quod religionem attinet, habet ipsa initia quædam rudimenta inquam seu Catechesin: habet deinde scripturas tradentes uerbum Dei, & plenior omnium rerum diuinarum expositionem: habet item mysteria, signa sacra seu sacramenta. Si paterfamiliàs uersatur in populo, qui ueram religionem colit, & cultum Dei legitimum & ueros fideles & religiosos Christi ministros doctoresq̃ habet, curet ut liberi eant in cœtus sacros, & discant ex doctore ecclesiastico religionem. Nihilominus requirat domi à liberis quid didicerint in concione sacra. Addant patres & matres domi priuatam suam operam, doceant liberos præcepta Dei, doceant Symbolum Apostolorum, doceant orationem Dominicam, tradant breuem & certam ex scripturis rationem de sacramentis. Exerceant frequenter cum liberis catechismum, inserant sententias maximè necessarias de fide & officijs uitæ. Cæterum si paterfamiliàs in populo uersetur, qui persequitur fidem & doctrinam Christianam & cultus Dei legitimos odit, nec cœtus sacros, nec ministros Christi ueros agnoscit: ut fit in captiuitatibus Turcicis ac persecutionibus nostri seculi grauib, cauebit

Gen. 4.

2 Reg. 16  
3 Reg. 2  
2 Reg. 18.

Exod. 22.

Ephes. 5.

Officia parentum quæ debent liberis.

Institutio in religione.

Consilium pro patribus familiàs in captiuitate detentis.

cauebit sibi ab idololatria, neq; accedet ipse ad prophanos coetus, neque familiam suam accedere sinat, sed domi suae potius in uera religione instituat: primum quidem in Catechesi, deinde in perfectiore theologia. Præter hæc quoties res & usus postulauerit, palam & libere confiteatur Christum & Euangelium. Tales enim ecclesias in domibus magnarum urbium tempore Apostolorum, & in grauib; illis persecutionibus antiquis fuisse, apparet ex Epistolis Apostoli Pauli & historijs. Nec uerisimile est Iudæos in captiuitate Babylonica, ut maxime externum sacrificium non habuerint, omni prorsus cultu caruisse. Daniel tamen non sacrificauit, adorauit tamē certis horis interdū in ædibus suis proprijs. Domus Cornelij apud Cæsareā ecclesia erat in qua Petrus prædicabat in coetu uerē ecclesiastico: ac ipse dum loppe templū non haberet in quo oraret, ascendit in superiora domus. Neq; dubium est quin ecclesiam instituerit in Æthiopia princeps ille eunuchus Candaces reginæ, cuius mentio fit in Actis Apostol. Meminerint qui usu publico legitimoq; sacramentorum carent, sibi non esse fraudi aut reputari pro culpa, quod non proprio, sed alieno delicto committitur. Quanquam & in hac causa possit Dominus suis salubre inspirare consilium. Cæterum ubi per Domini gratiam licet publicos coetus sacros celebrare, & liberam, apertam & ueram prædicationem Evangelij audire, deniq; sacramentis Christi participare, tum desinunt priuatae illæ ac domesticæ ecclesiæ: non quod domus p̄ij patris familiās non sit ac maneat semper ecclesia, sed quod auscultatio uerbi Dei, preces, & celebratio sacramentorum publica & omnibus sanctis communis esse debeat. Merito enim damnantur Anabaptistarum & omnium sectariorum furtiua conuenticula.

Audiamus nunc etiam scripturarum testimonia, quæ præcipiunt omnibus patribus familiās, familiam suam sanctē instituunt in uera religione, adde & explanent liberis sacramentorum rationem. Deut. 6. dicit Moses, Audi Israel, Dominus Deus noster Deus unus est. Diliges itaq; Dominum Deum tuum toto corde tuo, & tota anima tua, & tota uirtute tua. Sintq; uerba ista quæ ego tibi hodie præcipio in corde tuo. Et inculcabis ea filiis tuis: & loqueris de eis cum domi tuæ resides, & cum in uia incedis, cum cubitū uadis, & cum surgis. Ligabis deniq; ea in signum ad manum tuam, eruntq; monumēta inter oculos tuos. Scribes quoq; ea super postes domus tuæ & in portis tuis. Et iterū. Cum interrogauerit te posterioribus temporibus filius tuus, & dixerit, Quid sibi uolunt hæc testimonia, ritus & iudicia quæ præcepit nobis Dominus Deus noster: respōdebis filio tuo, Serui fuimus Pharaonis in Ægypto: & eduxit nos Dominus ex Ægypto manu ualida, ediditq; signa & portenta magna, idēq; nobis spectantibus, nosq; eduxit illinc, & dedit nobis omnia præcepta & statuta hæc ut faceremus, & timeremus Dominū Deum nostrum. Huc pertinent multa Psal. 78. Exod. 13. iterū dicit Dominus, Sanctifica mihi omne primogenitū. Cumq; interrogarit te posteris seculis filius tuus, dicens, Quid hoc? dices ad eū, Dominus interfecit omne primogenitū Ægypti, & idcirco ego sacrifico Domino omne primogenitū masculinū. Rursus in 12. cap. exponēs Dominus uel Moses Domini nomine mysteriū uel sacramentū Pasce inter alia dicit, Cum dixerint uobis filij uestri, Quæ est ista religio? dicetis, Victima trāsitus Dñi est, quando transiuit super domos filiorū Israel, &c. Testimonia hæc clara sunt, nec ulla indigent expositione operosiore. Addamus ergo his alia quæ parens doceat liberos.

Erudiat in moribus. Agrestes ferē nascimur, & barbaris siue incultis sunt moribus pueri omnes: quod malum conduplicatur assuetudine & consortio rustico. Mature itaque formet parens pueri mores, qui ipsum domi & foris ornent. Tradat quomodo se in cessu, corporis motu ac habitu, quomodo se in templo, in foro.

*Præcepta Dei  
de erudiendis  
liberis.*

*Erudiat pater  
in moribus.*



DE PRAECEPTO DECALOGI V.

ad mensam, in hominum frequentia omnibusq; locis decenter gerat. Extant ea de re elegantes libelli, ut nihil uobis opus sit meis praeceptionibus.

Doceat pater  
artificium.

Postremo tradat parens liberos fidis & peritis artificibus aut opificibus, qui ipsos doceant artem aliquam manuariam, qua sibi uictum aliquando quærant ac parent. Prius tamen exploranda sunt ingenia, quæ quibus idonea sint artibus ac delectentur. Nam inuita Minerva nihil feliciter perfeceris. Si quos habeas literarum studiis idoneos, pijsimè facies consecrando tales ministerijs ecclesiae seu scholae. Illi uero uituperandi sunt parentes, qui liberos educant in otio altissimo. Tam etsi enim auri acruos ingentes ipsis relinquunt, perire tamen & diripi possunt opes amplissimæ pauculis horis. Quò tunc confugiet miser tellurisq; inutile pondus? Massilienses non recipiebant in ciuium numerum, qui non didicisset artificium. Nam ciue perditò nihil est urbisbus pestilentius. Quis autem magis perditus ciuiscenseatur, quàm is qui otio assuetus delicijsq;, modò autem his per repentinum aut inopinatum casum aut per luxum destitutus, ac in summa constitutus inopia, iniustissimas planeq; seditiosas animo suo rationes alias opes acquirendi uersat? Præterea usurpata est apud ueteres parœmia omnibus parentibus obseruatu dignissima, Artem quæuis alit terra. Ea sententia significatum est, certissimè uaticinium esse eruditionem aut artificium aliquod. Nam hæc neq; eripi possunt à latronibus, & quocunq; terrarum abeas, te comitantur, nihil adferentia sarcinæ. Ergo si fortuna auferat liberis tuis opes relictas, si docuisti eos artificium, tenent quo sibi uictum parent. Deiciuntur reges ex opibus maximis & dignitate regia, ut mirum non sit si inferiores regibus spoliuntur facultatibus suis, aut iubeantur ire in exilium. Dionysius Syracusanus propter tyrannidem legitur exutus imperio. Sed qui rex fuerat Corinthum abiit, Corinthi ludum aperuit, ac pueros literas ac musicam docuit: qua re uictum sibi parauit. Miserrimus autem & deploratus fuisset, si nihil unquam didicisset, sed in regias duntaxat opes sperasset. Vana spes perdidisset illum. Nam periisset inedia. Hæc de eruditione.

De correptione.

Restat ut dicamus de Correptione. Consistit hæc partim in uerbis, partim in uerberibus. Vtraque suum modum & rationem certam habeant, ne quid nimis. Admonitio quæ uerbis fit, non sit acerbior delicti merito. Sit grauis, sed non perpetua. Perpetua obiurgatio abit in contemptum. Inuenias item pueros apud quos plus efficias lenitate. Ac nisi laudem admisceas aliquando, boniq; consulas res diligenter, etsi non plenè aut feliciter expeditas, uidebis hos certo animos despondere. Neq; uerò nimium oneris imponendum arbitror humeris iuuenū, & spontè onera ferentium. Verbera non infligantur nisi maximis de causis, neque infligantur unquam ab irato patre, & infligantur moderatè, ad emendationem nò defectionem. Semper insideat animis parentum illud aureum Pauli dictum, Patres ne prouocetis ad iram liberos uestros. Sæuitia enim pereunt & optima ingenia. De moderata correptione loquens Solomon, Virga, inquit, & obiurgatio dat sapientiam, & puer sibi dimissus confundit matrem suam. Item, Castiga filium tuum & quietus eris, dabitq; delicias animæ tuæ. Indulgentiam hæc uel paternā uel maternam condemnant, quæ multos corrumpit liberos. Non minus autè à patribus indulgentia peccatur quàm sæuitia. Heli in scripturis pessimè audit propter indulgentiam nimiam, perit miserè, & perdit secum perditos nebulones filios audacissimos atq; impijsimos. Quid quod Deut. 21. iubentur ipsi parentes filios rebelles protrahere ad tribunal, & ibi accusare capitaliter? Exemplo hoc aliàs se uero uoluit Deus alios in officio retinere filios. Nā Deus est Deus salutis, nò perditionis, adeò ut cum rebelles sua culpa pereunt, perditionem eam ipse conuertat ad salutem

Indulgentia.



tem obedientium. Teneant ergo pectoribus suis patres hanc ex Euangelio infamam sententiam, Non est uoluntas coram patre uestro cœlesti, ut pereat unus de pusillis illis. Qui offenderit tales, expedit ei ut suspēdatur mola asinaria in collum eius, ac demergatur in profundum maris.

Porro de officio filiorum disputauimus iam ante, ubi docuimus quomodo honorandi sint parentes. Paulus uno uerbo multa complexus, dicit, Filij obedite parentibus uestris in Domino. Causam addit: Nam id iustum est. Rationem iterum subiungit: Nam Deus hoc præcepit. Agnoscant ergo liberi parentum uigilias & labores educationi insumptos, ac grati rebusq̃ presentibus contenti sint. Cum erudiuntur à parentibus, discant sedulò, & sint religiosi Iacob, non prophani Esau. Discant assuescere bonis moribus. Discant artes libenter. Subijciant se correctioni. Ne iritent aut ad irā prouocent parentes. Eligant sua sponte magis quàm uerberibus & iurgijs adacti sapere & parere. Si pauca relinquant liberis parentes decedentes, ne obloquantur defunctis. Docuit te artificiū aut artem aliquam parens, satis amplum reliquit patrimoniū. Sed & frugalitas ac parsimonia magnum est uestigal. Instituit te sanctè & pulchrè in moribus, in uera sapientia & religione pater, hæreditatem legauit longè opulentissimam. Quid enim sunt opes amplissimæ in manibus stulti & irreligiosi uiri relictæ, quàm gladius in manibus furiosi? Abundè opulenter es ex parentū hæreditate relictæ, si pius es, laboriosus, diligens & probus. Diuturniores & beatiore sunt ferè opes nostro labore partæ, quàm ab alijs relictæ.

De officio liberorum.

Rursus sesquihoram in explicando hoc argumento de colendis parentibus insumpsimus, diutius quàm par erat charitatem uestram detinentes. Sed dabitis hoc studio & amor. Non nescio quàm necessarium sit multis hoc argumentum. Diutius ergo his inhæsi. Vtilia enim & necessaria charitati uestræ non modò tradere, sed etiam inculcare modis omnibus satago. Dominus concedat uobis omnibus uerrimam iacti seminis in corda uestra uerbi sui segetem. Oremus, &c.

*De secundo secunde tabule præcepto, quod ordine in Decalogo sextum est, Non occides. Item de Magistratu.*

SERMO VI.

**E**CCE subiungitur authoritati & imperio iustitia & innocentia, muniturq̃ hac lege sexta, pax & trāquillitas publica & priuata. Cumq̃ uita hominis excellentissimum illud sit in orbe, cui omnia alia, licet præstantissima, ancillantur, denique cum corpus hominis præcellat omnes alias dotes, naturali ordine sequitur præceptum sextum, duabus duntaxat uocibus ab ipso Deo sic proditum, NON OCCIDES. Hoc enim mandato præcipitur iustitia & innocentia, & cauetur ne quis alterius uel corpus uel uitam lædat; itaque mandatur omnibus pax & tranquillitas.

Præceptum Dei 6.

Cæterum considerandi hîc ueniunt gradus quibus peruenitur ad cædem, considerandæ & læsionis species atque causæ. Dominus enim non prohibet duntaxat ipsam cædem, sed omnia ea ex quibus existit cædes. Proinde prohibetur omnis prouocatio, prohibentur conuitia & iurgia, prohibetur contentio, ira & inuidia. Atq̃ hîc habemus ipsum Christum Dominum huius legis interpretem, dicentem apud Matthæum, Audistis dictum esse antiquis, Non occides. Quisquis autē occiderit, obnoxius erit iudicio. At ego dico uobis, quisquis irascitur fratri suo temere, obnoxius erit iudicio. Quicumque uerò dixerit fratri suo Rhaca, obnoxius erit consilio. Quisquis autem dixerit Fatue, obnoxius erit gehennæ incendio. Audis

Que prohibentur hoc præcepto.

prohiberi iram, simul etiam conuitia & iurgia, imò omnes significationes animi commoti ad probra. Quid ergo faciendum? Redeundum cum eo quem offenderis in gratiam, ponendaq; simul omnis ira animi inuidiaq;, nisi malis omnē tuum cultum quem Deo exhibes tibi in peccatum aut ad nihilum reputari, imò nisi malis condemnari. Sequitur enim in Euangelio secundum Matthæum, Itaq; si obtuleris munus tuum ad altare, & illic recordatus fueris fratrem tuum habere aliquid aduersum te, relinque illic munus tuum ante altare (loquitur illis quibus adhuc erat templum, ara, & holocaustum: nobis hodie alius est cultus) & abi, priusq; reconciliare fratri tuo, & tum ueniens offer munus tuum. Et iterum, Habeto beneuolentiam cum aduersario tuo citò, dum es in uia cum illo, ne quādo te tradat aduersarius iudici, & iudex te tradat ministro, & in carcerem conijciaris. Amen dico tibi, non exibis inde donec persolueris extremum quadrantem. Quoniam uerò huic sanæ Domini doctrinæ pauci obtemperamus, ideoq; magnæ sunt inter homines turbæ. Minus quidem opum est obsequentibus uerbo Dei, sed plus quietis & tranquillitatis. Quid uerò iucunditatis homini afferunt immensæ opes, cum quibus animi curas graues, turbas ingentes & impexas, nec quietem ullam unquam habeas? Proinde lex quæ suauem & tranquillam homini uitam tradere contendit, huiusmodi affectiones immodicas eius animo eximit, præsertim iram inuidiaq;, duo pestilentissima in rebus humanis mala.

De ira.  
Seneca.

De Ira non statui operosius in præsentī differere, sicuti ne de Inuidia quidem. De ira disputarunt multi utilissime. Est tamen ira quam non improbat scriptura sancta, adeò ut nisi quis irascatur, non sit futurus uir bonus. Bonus enim uir habet zelum Dei. Zelo diuino irascitur impietati & sceleribus hominum. Cuius quidem rei plurima habemus in sacris exempla. Et tendit hæc quidem ira magis in ipsum scelus, quàm in personam scelus perpetrantem. Nihil enim in scelerati persona odit uir bonus, quàm ipsum scelus: quo sublato, sublata sunt simul & odium & ira. Hæc damnatur cùm ex corruptis oritur affectibus, neq; ullas habet causas iustas, sed iratus uel explet affectum, uel nocet aut nocere instituit ei cui iratus est. Grande est hoc malum, & uberrima inexplicabilium malorum seges. Idecirco Apostolus Christi suadet omnibus, ne ullum cedant iræ locum: quòd si subierit animus & hæserit aliquantisper, ne adhærescere & radices agere sinamus. Irascimini & ne peccetis, ait, Sol ne occidat super iram uestram, & ne cedatis locum diabolo. Hoc enim sentit Apostolus, si contigerit irasci, tamen ne peccetis, id est, compescite iram. Neq; enim iubet Apostolus nos irasci, sed iram non uult esse diuturnam, neq; ad iniuriam usq; progredi. Ac *ἀγρυπνῶντες* (quo uocabulo usus est Paulus) iram quidem significat, sed magis commotionem & irritationem, ut intelligamus ei qui laceffitus est iniuria, etiamsi quid doleat, tamen eum dolorem breuem esse oportere: neq; admittendum ullo modo ut pedē figat calumniator siue diabolus, qui hoc modo per iram sensim irrepit in animos, & ex ira diuturna format inuidiam, per quàm totum hominem, omnes sensus, & omnia dicta & facta occupat atque peruertit.

De inuidia.

Inuidia enim est inueterata ira, quæ iam inuidentem ferè torquet, urit & excarnificat magis quàm eum cui inuidetur. Quanquam nunquam cesset ei cui inuidet machinare malum. Ingens est & implacabile malum. Ideoq; Gentes id exagitant miris modis. Nec pigebit proferre quædam ex his, ut erubescant pseudochristiani tantum non inuidiæ addicti: si fortè discant erubescere ab ipsis redarguti ethnicis, Clamat Maro,

*Liuor tabificum malis venenum*

*Intus*

*Intactis vorat ossibus medullas,*

*Et totum bibit artubus cruorem.*

Ergo Flaccus cecinit,

*Inuidia Siculi non inuenere tyranni*

*Maius tormentum.*

Exclamat Silius,

*O dirum exitium mortalibus, ô nihil unquam*

*Crescere, nec magnas patiens exurgere laudes*

*Inuidia.*

Hanc describens Naso ait,

*Videt intus edentem*

*Vipereas carnes vitiorum alimenta suorum.*

*Pallor in ore sedet, macies in corpore toto.*

*Nusquam recta acies, liuent rubigine dentes,*

*Pectora felle virent, lingua est suffusa ueneno.*

*Risus abest, nisi quem uisi mouere dolores.*

*Nec fruitur somno, vigilantibus excita curis:*

*Sed vides ingratos int abescitq, videndo*

*Successus hominum, carpitq, & carpitur una,*

*Suppliciumq, suum est.*

*Quacumq, progreditur florentia proterit arua*

*Exuritq, herbas, & summa papauera carpit.*

*Afflatuq, suo populos vrbesq, domosq,*

*Polluit.*

Ergo cum tantum malum sit inuidia, quam nobis prohibet dominus, certè apparet ea in re, quàm bonus sit dominus, quàm bona & utilis sit lex eius, quæ cupit nos liberare à tantis malis. Videmus obiter & illud, nostram esse culpam non Dei morositatem, quòd multi in hoc seculo nihil pacis aut quietis sentiunt, sed magis exercentur tormentis perpetuis. Nam ut inuidere alijs non desinunt, ita ira sua omnia conturbant, scelerisq, sui commeritis luunt poenas.

Prohibetur lege constringiturq, non tantum commotio animi per indignationem, iram & inuidiam, sed & læsio quæ ex illis oritur. Læsi perficitur uarijs *Omnis læsio prohibetur.* modis, uerberando, impellendo, prosternendo, trahendo diuexadoq, tametsi ea afflictione proximo nullum infligas uulnus. Grauius autem peccaueris, si uulnus inflixeris, quouis id modo instrumentòue inflixeris. Enormius adiuu peccaueris, si rescaris aut infregeris membrum aliquod corporis, si effoderis oculos, si excusseris dentem. Ac increfcit quidem peccatum pro nobilitate membri amputati aut luxati. Vnde haud dubiè Lex talionis originem trahit, præcipiens ei amputare manum, qui alteri rescuit manum: ei eruere oculum, qui alteri effodit oculum.

Modus quoq, cædis non est omnino hic transeundus. Dicit dominus, Ne occideris. Cædimus uel ipsimet uel per alios, palam uel occultè. Et huius quidè *Quouis modo occidere prohibetur.* modi sunt uariæ rationes. Occidimus enim silentio, dissimulatione, consilio, approbatione seu consensu & auxilio, instigatione deniq. Non faceret alius quod facit, nisi te haberet approbatorem, nisi sciret se facere rem tibi gratam, nisi tuo fulciretur auxilio. Tametsi ergo tua ipsius manu non occidas, perinde tamè alterius homicidium instigati à te reputabitur, ac si manu tua occidisses. Nec mirum cum Ioannes Apostolus & Euangelista odium appellauerit homicidium.

Sed & causæ cædis uel damni dati perstringendæ sunt. Nam ex his increfcit *Causæ cædis.* malum & sceleris enormitas. Homicidia fiunt, & datur malum proximo uel imprudentia quadam, uel malitia. Imprudentia fiunt, cum aliud instituenti, fortuna quadam, aut potius diuina prouidentia, prouenit cædes. Veluti cum exonero in



*Asylum.*  
7 *Iosue 20*

ceruum, feram confecturus, bombardam, ac interim perfodio hominem quem ignoravi in eadem sylva ligna diffindere: uel cum per errorem amico uenenū porrigo, cui statueram salutarem propinare medicinam. Huiusmodi casibus parauit dominus asyla in lege & apud omnes gentes. Malitia proueniunt cædes, quando cupiditate priuata cæcatus alteri suas facultates eripere pergo, ac renitentem occido. Eius generis sunt pleraque bella, præcipue autem latrocinia & parricidia. Vel certe cum propter acceptum ab altero damnum, cæde me uindico. Vel ira mihi ipsi ereptus, aut ebrietate captus cædo, quem alioqui & extra hunc affectum corruptissimum fouerem atque amarem.

*Quantum scelerus sit homicidium.*

Quantum uero scelus sit homicidium ex malitia profectum, præstat consequenter inspicere & expendere. Hæc enim consideratio ritè pensiculata efficiet proculdubio, ut minus crebra sint homicidia, & magis studeant singuli coercita ira conseruare sanctam Dei imaginem. Pugnat recta & contumaciter cum ipso Deo æterno, qui salus & uita est mundi, ipsum homicidium. Homicidium enim ipsam dei imaginem extinguit. Nam homo conditus est ad similitudinē & imaginē Dei. Quod si quis euerteret in foro statuam regis aut principis, accusaretur læsæ maiestatis: quanto ergo crimine obnoxius fuerit, quisquis rationalem, animalē, & uiuam Dei imaginem, ipsum hominem perdiderit? Legimus Theodosium Imperatorem statuisse ciuium Antiochenorum plurimos perimere, non aliam ob causam quam quod subuertissent Placillæ Augustæ statuam in foro. Cæterum Macedonium quendam eremitam Imperatoris accessisse legatos ac dixisse, O amici, dicite imperatori, Non es imperator solummodo, sed etiam homo. Noli crudeliter Dei delere imaginem. Irritas creatorem, cum illius deles imaginē. Considera illud etiam, quod tu æneæ duntaxat statuæ gratia contristaris. Quantum uero differat res inanimata ab animata, uiuente & rationali, omnibus est apertissimum. Sed & facile erit pro una statua ærea plures reparare statuas æreas: impossibile autem fuerit unum peremptis capillum restituere. Deinde repugnat cædes naturæ humanæ. Homo enim sese fouet, & caro seipsam non destruit, sed conseruat potius & nutrit. Sumus autem unius massæ ac carnis, quotquot uiuimus homines: hominem ergo cedere repugnat naturæ humanæ. Præterea sunt omnes homines unius patris filij, eiusdem generis & propaginis: pugnat ergo cum ipsa humanitate homicidium, estque pestis generis humani. Quid quod Dominus & redemptor noster ab omnibus requirit charitatem, & talem quidem quæ sustineat mori pro proximo? Occidere itaque proximum ex diametro pugnat cum religione Christiana. His accedit, quod sanguis humanus per cædem effusus, ex terra in cælum clamat pro uindicta. Cain enim homicida audit, Vox sanguinis fratris tui clamat ad me deterræ. Reuera enim sanguis effusus ipsam terram in quâ effusus est polluit redditque maledictam, nec repurgatur & placatur facile, nisi prius noxium eorum bibat sanguinem qui effuderunt sanguinem innoxium. Postremo pariunt cædes inuruntque patratorebus maculam aut ignominiam perpetuam, adde & perditionem sempiternam. Ideoque Solomon in Prouerbijs suis, Fili mi, ait, si te laetauerint peccatores, ne consentias. Si dixerint, Veni nobiscum, insidias struemus sanguini: absconditi latitabimus contra insontem absque causa. Deuorabimus eos uiuos instar inferorum, & integros quidem ut qui descendunt in foueam. Omnis generis preciosas opes reperiemus, & implebimus præda domos nostras. Sortire tu nobiscum: unum erit omnibus nobis marsupium. Tu autem fili mi ne abeas cum eis in uiam: quin potius retrahito pedem tuum a semitis ipsorum. Pedes enim eorum ad malum currunt, ac festinant ut effundant sanguinem. At Dauid, Virum sanguinarium, ait,

*Voces militares.*

ait, & hypocritam abominatur Dominus.

Excipitur ab hac lege magistratus à deo ordinatus, quē ipse deus occidere iubet, poenamq; intentat grauissimam, nisi occiderit quos iubet cadere. Lex ergo hac sexta prohibet, ne quis priuata authoritate cadat. Caterum occidit magistratus deo iubente, uel cum iure damnatos propter maleficia cadit, uel cum pro defensione suorum iustum & necessarium bellum suscipit. Vtrobique tamen peccare possunt, idq; modis duobus. Aut enim iure, id est, iuris prætectu occidunt innoxios, nimirum ut libidini suæ, odio aut auaritiæ faciant satis: sicuti legitur Iesabel occidisse cum prophetis domini iustissimum uirorum Naboth. Aut certè dimittunt peruersa quadam clementia indulgentiaq;, quos deus cadere iusserat: sicuti peccasse leguntur Saul & Achab, dimittendo sanguinarios reges, quos iusserat occidere dominus. Ac Solomon Prouerb. 17. est testis dominum ex æquo abominari eum qui scelestū absoluit, quàm qui infontem damnat. In bellis uel inferendis uel depellendis peccant dupliciter hoc modo. Aut enim ipsi alijs inferunt bellum iniustū ac simul eidem suos implicant: Aut certè sinunt exteros hostes grassari in populum suæ fidei creditum, nec pro uirili sua apertam & iniustissimam uim depellunt. Vtrunq; peccatum est multijugum & inextinguibile. Legis itaq; sanctos Israelis reges nullū bellum intulisse cuiquam, nisi iussisset dominus. Illi idem pugnaverunt pro suo populo, neq; passi sunt abduci in captiuitatem miseros. Sic enim beatus pater Abraham persequitur quatuor illos reges, imò deprædatores orientis, recuperans manu armata Lotum, res Loti, & populum Sodomæ abductum. Ac suscipiuntur quidem huiusmodi bella propter pacem, uel recuperandam, uel confirmandam: ut huiusmodi magistratus hac de causa bellum gerentes reuera sint filij Dei, quia sunt pacifici. Omnes enim pacifici sunt filij Dei.

Postulat autem hic locus & hoc argumentū ut dicamus de magistratu: id quod deo iuuante faciemus, non omnia quæ de ipso dici possunt proferentes, sed quæ uidebuntur propriè eius rationem explanare, & maximè necessaria esse.

Vocabulum Magistratus inde est, quod designat nobis magistros populi, duces & imperatores. Potestas appellatur ob potestatem à Deo acceptā. Dominatio nuncupatur propter dominium concessum à Domino in terra. Dominium exercentes dicuntur principes: præminent enim in populo: & Consules à consulendo: & reges ab imperando, gubernando siue regendo. Officium est ergo Magistratus & actio. Aristoteles finit magistratum esse custodem legum. Plutarchus in eo libello quo ostendit in principe requiri doctrinam, inter alia, Principes ministri dei sunt, inquit, ad curam & salutem hominum, uti bona quæ illis largitur partim distribuunt, partim seruent. Ex scripturis definiri potest Magistratus esse ordinatio seu actio diuina, qua procerum opera defensis bonis, coercitis autem malis, pietas, iustitia, honestas, pax & tranquillitas publica & priuata conseruatur. Unde colligimus cultum esse dei præesse reipub. & munia exercere magistratus. Placeat hoc Deo. Nam magistratus est res optima & feracissima multum bonorum operum, sicuti ostendi sermone proximo.

Species magistratus tres sunt, Monarchia, Aristocratia & Democratia. Monarchiam possumus appellare regnum; in quo unus omnia moderatur iustis & æquis legibus. Nam si neglecta iustitia & æquitate, pro sua libidine contra phas & ius omnia moderetur, Tyrannus est, & potestas eius Tyrannis, uis inquam siue uolentia, regni morbus ac uitium regno uelut oppositum. Aristocratia optimatum potentatus est, ubi optimi quicq; sanctissimi & iustissimi certo numero electi, populo præsunt. Nata est hæc ex tyrannide. Dum enim homines uiderent non

Magistratus occidit.

Quomodo peccat occidendo magistratus

Gen 14.

De magistratu.

Magistratus quid.

lib 5 arhi. cap 5

Species magistratus.

Monarchia.

Tyrannis.

Aristocratia.



Oligarchia.

Democratia.

Systremma.

Obediendū ma  
gistratui.

Rom. 13.

1. Tim. 2.

Cause et origo  
magistratus.

Act. 6.

satis tutum esse unī uiro committere omnia, pluribus & ijs quidē præstantissimē ea credere. Caterum dum optimates malis artibus emergūt ad imperium, posthabitaq; repub. sua compendia sequuntur & quærunt, horum gubernatio oligarchia non aristocratia dicenda est, nimirum paucorum uiolenta libido, non optimatum administratio æqua. Ita oligarchæ opponuntur optimatibus. Democratia respublica dici potest, cum imperium siue potestas est apud uniuersum populum. Enata est hæc ex oligarchia. Cum enim uideret populus etiam optimates sua abuti potestate, ac degenerare in oligarchas, delectis his, ipse sibi retinuit imperium, per suffragia omnia moderaturus. Erumpit hæc in Systremma, hoc est, in seditionem & conspirationem: dum uidelicet nemo se patitur cogi in ordinem, quolibet sibi omnem potestatem uindicante ex integro, eò quod sit portio populi, apud quem est summa potestas. Porro quænam ex illis speciebus uel generibus sit præferenda ut excellentissima, non est meum pronunciare. Prætulere multi monarchiam: sed addiderunt si princeps sit optimus. Id quod tamen rarum est. Præterea qui sic pronunciarunt, uixerunt sub principibus. Atqui difficile est loqui contra Iouem. Certè paucos inuenies inter multos Iudæ & Israelis reges bonos uel mediocres, ut appareat nō frustra suasisse dominum populo per Samuelem, retineat aristocratiam olim auctore deo per Moysen & Iethro uiros in orbe sapientissimos institutam. Interim nemo negauerit maxima cum pericula tum incommoda esse ex aristocratia quoq; plura ex Democratia. Sed tales sunt res hominū in hac corrupta carne, ut nihil sit omni parte beatum, uideaturq; illud esse præstantissimum & optimum, quod etsi non alienum sit prorsus ab incommodis uitæq; reliquis tamen collatum, minora pericula & pauciora mala habeat. Vt cunq; uerò id habeat, Apostoli Christi obtemperare nos iubent magistratui, siue is rex sit, siue senatus præstantissimorum uiroꝝ. Paulus enim 3. cap. in epistola ad Titum, Admoneto illos, inquit, ut principatibus & potestatibus sint subditi, ut magistratibus pareant. Nam ad Romanos dicit, Omnis anima potestatibus supereminentibus subdita sit. Non enim est potestas nisi à Deo: quæ uerò sunt potestates, à deo ordinatæ sunt. Rursus ad Timotheum, Adhortor, ait, ut deprecationes fiant pro regibus, & omnibus in eminentia constitutis. Proinde si quis uiuat sub regno, regi obediatur: si sub republica, consulibus, tribunis & magistris tribuum senatoribusq; pareat. Obediendum est enim magis ordinationi dei, quàm curiosius disputandum de speciebus magistratus, quæ nam ex his sit præstantior.

Et necessarius est per omnia magistratus hominibus, atq; adeo necessarius, ut citra magistratus operam, res mortalium feliciter subsistere nequeant. Nec legis res Israelitarum unquam æque malis fuisse obnoxias, atq; cum ante Heli & post Samsonis gubernationem nullo regerentur magistratu, sed quisq; faceret quod sibi bonum esse uidebatur. Nascuntur enim omnes homines in philautia, ideo suas res quærunt, placent quæ ipsi faciunt, aliorum dicta & facta displicent, imò eò procedit cupiditas nostra praua, & amor nostri pertinax, ut causis nostris licet pessimis ius prætexamus & iustitiam. Hoc qui negare pergat, hominis ingenium nunquam cognouit. Populus Israeliticus ex Ægypto liberatus uiderat prodigia stupenda, alebatur mirabiliter è cælo in deserto, uidebat in diem noua miracula. Sed audite fratres quid de populo sancto, de populo hoc Dei, quem deus appellat suum peculium, pronunciet mitissimus, & patientissimus hominum Moyses. Quo modo feram solus, ait ad populum, molestiam uestram & onus uestrum atq; lites uestras: Quid quod in sodalitiio ueteris ac apostolicæ ecclesiæ cōiunctissimo, inq; renatis ipsis sese carnis ingenium exeruit? Murmur enim Græcorum exortum est aduersus



aduersus Hebræos, quod in ministerio quotidiano uiderentur negligentius curari ipsorum uiduæ. Corinthij etiam coram ethnicis iudicibus litigant, & eam ob rem acriter obiurgantur ab Apostolo, iubente fideles deligere arbitros qui dirimant litigantes. Nemo ergo obijciat ueterem Israelis populum, populum fuisse carnalē, nondum renatum. Videmus enim & in renatis remanere carnis reliquias, quæ se nunquam non, oblatiis occasionibus, exerunt & res pacatas implicant atq; con-  
turbant. Non enim iam dicam maiorem partem hominum carnem magis sectari quàm spiritū. Proinde deus amator hominū, & fautor conseruatorq; humanitatis & tranquillitatis societatisq; humanæ, medelam morbis illis hominum grauib; adhibuit instituitq; ipsum inquam magistratum, qui se medium iure & iustitia interponat inter litigantes, qui iudicet & dirimat litigantes, coërceat uim & affectiones, defendatq; innoxios. Quisquis hanc diuinam ordinationem, priusquam homines angelicum recipiant ingenium, è medio sustulerit, confusionem rerum pariter omnium inducit, uiolentisq; hominibus uires sufficit opprimendi & extir-  
pandi optimos quosq;. Certè ex his quæ hæcenus adduximus, liquidò claret ma-  
gistratū à deo esse institutum ad tuitionem boni, & punitionem mali, id est, ad bonum incolumitatemq; hominum. Quo iam illud pertinet quod ab initio rerum le-  
gitur magistratus fuisse in orbe. Ad ea quoq; pertinent hæc scripturæ testimonia. Moyses in lege ipsos iudices appellat deos; & Iudiciū hoc, inquit, Dei est. Vnde & Iosaphat desumpsit quod iudicibus dicit, Dispícite quid agatis; non enim homini iudicabitis, sed domino, qui uobiscum est in causis quas iudicatis: sit ergo metus domini in uobis, &c. S. Petrus dicit obtemperandum esse magistratui propter do-  
minum à quo ille ordinatus sit ad laudem bonorum, metum uerò malorum. Sic & doctor Gentium Paulus, Non est potestas, inquit, nisi à deo: & quæ potestates  
sunt, à Deo ordinatæ sunt. Et quisquis resisterit potestati, dei ordinationi resistit; & qui resisterit, iudiciū sibi consciscit. Nam principes non sunt terrori bene agen-  
tibus, sed male. Dei enim minister est tibi in bonū, ultor ad iram ei qui quod ma-  
lum est fecerit. Ideoq; magistratus à Deo est, & actio eius bona, sancta, deo bene placens, iusta, utilis & necessaria hominibus, ipsi uerò optimates hoc munere rectè fungentes sunt amici cultoresq; dei & electa organa dei, per quæ deus salutem hominum operatur. Exempla sunt. Adam, Patriarchæ omnes, ipse etiam pater noster Noe, Ioseph, Moyses, Iosue, Gedeon, Samuel, Dauid, Iosaphat, Ezechias, Iosias, Daniel & multi alij post tempora Christi magistratus munere fungentes.

Porro duplicis generis faciunt pleriq; magistratum, bonum uidelicet & ma-  
lum. Bonus est qui legitime ordinatus legitime suum facit officium. Malus est qui  
malis artibus parauit sibi imperium, idq; pro sua libidine administrat. Interrogari  
autem solet, An magistratus malus, hoc est tyrānicus, sit à deo? Respondeo Deum  
esse boni authorem, non mali. Deus enim natura sua bonus est, & omnia Dei in-  
stituta sunt bona, ordinata ad incolumitatem & salutem hominum, non ad perni-  
ciem. Ita magistratus bona & salutaris ordinatio haud dubiè à deo est, qui est au-  
thor omnis boni.

Atqui hic oportet secernere ab officio & instituto Dei optimo, personā bono officio non respondentem. Ergo si in magistratu reperitur malum, non bonum, propter quod institutus est, id alijs oritur causis, culpaq; hæret in personis uel hominibus deum negligentibus, & institutum bonum corruptentibus, non in deo aut in instituto Dei; uel enim princeps malus à diabolo seductus uias dei corrumpit, & suo uitio & malo prauaricatur ut mereatur nomen satanicæ non diuinæ potestatis. Videre hoc licet in magistratu Hierosolymitano. Quāquam enim

1 Corin. 6.

Magistratus à  
Deo ad bonum  
hominum.

1 Pet. 2.

Rom. 13.

Magistratus  
bonus et malus.An magistratus  
malus à Deo.

Luc. 22.

principium suae potestatis ad Moysen usque ascendendo, adeoque ad ipsum deum auctorē referre potuisset, quia tamen saluatorem capit & uinculis in horto innodat, audiunt ministri, Quasi ad latronem existis cum gladijs & fustibus, cum quotidie uobiscum fuerim in templo, nec extēdistis manus uestras in me. Sed haec est hora illa uestra, & potestas tenebrarum. En uocat ordinarium magistratum, sed potestate sua abutentem, potestatem diabolicam. Quid dici poterat clarius? Hæsit autem conuitium in personis, non in officio. Ita Romanum regnum ordinatum fuit à deo, sicuti ex Danielis uisionibus manifestè apparet. Interim cum in hoc regno non sine deo regnaret Nero, non tamen ex deo, sed ex diabolo facit quod rex & imperator, attamen contra boni regis officium facit. Ex diabolo enim erat quod apostolos Christi suspendit ac obtruncauit, & cruentam in Ecclesiam Christi persecutionem mouit. Ita sanè nunquam oportet tyrannicam potestatem defendere pro diuina. Nam tyrannica administratio diabolica est administratio non diuina, & tyranni diaboli propriè non dei serui sunt. Vel certè populus aliquis meretur impijs suis factis habere non regē, sed tyrannum. Sic iterum culpa reuoluitur in hominem peccantem. Interim concepit regem dominus, ac facit regnare hypocritam. Ita magistratus malus à deo est, sicuti & seditiones & bella, pestes, grādo, pruina & aliæ hominum calamitates sunt à domino, uelut poenæ peccatorum scelerumque, irrogatæ à iusto domino, dicente, Dabo pueros principes eorum, & infantes imperitabunt eis. Quoniam lingua & studium eorum contra dominum. Ad eum modum excitauit dominus reges Assyriorum & Babyloniorum crudelissimos, contra urbem & gentem suam parum respondentem profelsioni suæ.

Consilium pro  
oppressis.

Cæterum quali animo oporteat esse affectos subditos erga duos hosce & sauos principes aut tyrannos, discimus partim ex Dauidis, partim ex doctrina Ieremiæ & Apostolorum. Dauid non ignorabat qualis erat Saul, impius & crudelis latro, fugit tamen: & cum semel & iterum oblata esset occasio cædendi ipsum, non occidit, sed pepercit tyranno, imò coluit ut patrem. Ieremias orauit pro Ioakim & Zedechia regibus nequam, & obtemperauit eis usque ad religionem. Cum enim differuimus de Honorandis parentibus, per scripturas ostendimus impijs impiorum mandatis non oportere obedire. Neque uerò licet magistratibus quicquam statuere & facere contra legem naturæ ac diuinam. Iam quomodo Apostoli se gesserint erga magistratum tyrannicum, docent Acta Apostolorum. Qui tyrannide premuntur, sed & opprimuntur à magistratu impio & scelerato contra ius & phas, hoc habeant pro se consilium. Cogitent primò qualia & quanta sint peccata idolatriæ & impuritatis, quæ iram dei punientem iam meruerunt. Deinde cogitent Deum flagella non retracturum, nisi emendatis religionibus moribusque corruptis. In primis est ergo instituenda & perficienda religionis iusta reformatio, & morum sancta emendatio. Præterea orandum est assidue ut oppressos dignetur dominus eripere & extrahere ex cœno malorum. Hoc enim consilij dedit oppressis ipse dominus apud Lucam in cap. 18, promittens etiam certum auxilium & liberationem præsentissimam. Quid autem & quomodo orent oppressi, exempla & formulæ extant Danielis 9. & Act. cap. 4. Inter hæc occurrat animis laborantibus, quod Apostolorum primarij Petrus & Paulus docuerunt. Ille dicit, Nouit dominus suos è tētatione eripere, sicuti & Lotum eripuit. Hic ait, Fidelis est Deus qui non sinet suos tentari supra id quod ferre possunt, imò tētationibus etiam felicem concedet euentum. Subeat in animum captiuitas illa populi Dei, qua in Babylone detenti sunt annis septuaginta: & pulcherrima captiuorum consolatio, quam contexit Isaias à cap. 40. usque ad cap. 49. Cogitemus dominum esse & bonum,

1. Cor. 10.  
2. Pet. 2.

num, clementem, & omnipotentem, unde facile nos liberare queat. Habet is uarias liberandi rationes. Curemus nos modò, ne impœnitens & turpis ac impia uita nostra uires addat tyrannia. Dominus potest principum animos ( sunt enim regum corda in manibus Domini, ueluti riui aquar, quocunq; uoluerit inclinabit illa) derepente mutare, ut qui hæcenus contra nos fuerunt crudelissimi, fiant protinus benigni & clementes: & qui ueram religionem persecuti sunt hæcenus truculentissime, iam eandem amplectantur ardentissime & prouehant diligentissime. Aperta huius rei exempla habemus in historia Regum & Esdræ atq; Nehemiæ libris, item in prophetia Danielis. Nabuchodonosor qui igni fideles & constantes Dei martyres torrere delereq; statuerat propter ueram religionem, idem laudat mox Deum, quòd seruatos uideret martyres, ac ipse Deum & ueram religionem edictis promulgatis prædicat atq; ppagat. Darius Assueri filius finit proijci Daniëlem in lacum leonum: sed protinus extracto hoc, omnes Daniels hostes in eandem leonum caueam discerpends concludit. Cyrus rex Persarum potentissimus iuuat ueram religionem: ita Darius Hystaspis, Artaxerxes cognominatus, modis omnibus populi Dei conatus religiosos in extruenda æde sacra & urbe adiuuat. Ne ergo dubitemus de Dei auxilio. Idem Deus tollit aut castigat aliquando tyrannos horribili & repentino aliquo morbo: quod Antiocho, Herodî magno & nepoti eius Herodî Agrippæ, Maxentio item & alijs hostibus Dei hominumq; euenisse constat. Excitat aliquando heroas ac uiros fortes qui extinguant tyrannos & liberent Dei populum. Id quod frequens est in libris Iudicum & Regû. Porro ne quis ijs abutatur exemplis, obseruanda est in eis uocatio diuina. Eam si quis non habeat aut præuertat, planè nihil efficiet suo tyrannicidio, imò metuendum est ne malum conduplicet. Hæc hæcenus. Redimus iam ad intermissa.

*Prover. 21.*

*Tyrannicide.*

Dicendum hic erit de Magistratus electione: principiò quorum sit eligere & ordinare magistratum: deinde quos uel quales eligere conueniat: postremò quæ electos inaugurandi ratio. De eo autem quorum inter sit eligere magistratum, nulla potest præscribi lex unica & certa. Alibi enim tota plebs eligit optimates. Alibi optimates deligunt optimates. Alibi etiam nascuntur principes. Neq; hic censeo ullam esse turbam commouendam. Cuilibet enim regno & urbi meritò relinquitur suus mos patrius, nisi omnino corruptissimus & intolerabilis sit. Vbi uerò nascuntur principes, orandus est sedulò Dominus, ut det optimos.

*De electione  
magistratus.  
Quorum sit  
deligere.*

Cæterum quos uel quales eligere conueniat, ipse Dominus hisce uerbis exposuit. Ex omni populo prospice, & diligenter considerando delige uiros uirtutis, timorantes Deum, uiros ueraces, odientesq; avaritiam, & hos fac tribunos, centuriones, quinquagenarios & decuriones, qui iudicent populum omni tempore. Quatuor requirit Dominus à senatore bono. Principiò sit uir uirtutis, roboris uel fortitudinis, id est, qui facultates habeat ad efficiendum hoc, cuius rei gratia deligitur. Facultates illæ in animo potius quàm corpore sitæ sunt. Requiritur enim ne sit fatuus, sed sapiens & rerum peritus. Ducis enim ædilis & aurigæ interest scire quomodo instruat aciem, quomodo extruat publica ædificia, aut regat currum. Deinde requiritur etiam animi fortitudo, ut quod nouit ausit. Vbi constantia & tolerantia opus est multa. Secundo loco ponitur quod reuera primum est omnium, Timeat Deum, sit religiosus, non superstitiosus. Nullus idololatra seruat rempublicam: perdit magis, & impij non propagant ueritatem & religionem, sed persequuntur & exterminant. Sit ergo noster ille uir orthodoxus, sanæ fidei, qui credat uerbo Dei, ac sciat Deum semper hominibus præsentem esse atq; adeò cuilibet rependere pro meritis. Ideoq; Imperator Iustinianus in Nouellis Constit. 109. ingenuè fa-

*Exod. 18.  
Quales eligendi  
di: cōforma boni  
magistratus.*

*Magistratus sit  
orthodoxus.*



tetur omne suum praesidium esse à Deo, ideoque conuenire ut legislationes ex eodem pendeant. Deinde subiungit, Omnes nouerunt, quod qui ante nos imperiū rexerunt, & maximè Leo piæ memoriæ & sacratissimus princeps Iustinus pater noster, in Constitutionibus suis in uniuersum omnibus hæreticis interdixerint, ne quam ipsi uel militiam capesserent, uel in publicis curis ullam communionem haberent, quò minus occasione tum militiæ, tum tractatione publicorum negotiorū, sanctæ, catholicæ & Apostolicæ Dei Ecclesiæ partes uiderentur corrumpere. Et nos quoque hoc ipsum fecimus. Hæc Imp. Aug. Certè qui pius est, Deum inuocat ac sapientiam accipit à Domino. Et si amici Dei sint principes & frequenter colloquantur cum Deo, spes est felices fore respub. Ex aduerso metuenda infelicitas, si praesint hostes Dei. Tertiò requiritur à deligendo accensendoque magistratui, ut sit uerax, ne sit hypocrita, mendax, fallax, uersipellis, subdolanus aut qui ex eodem ore frigidum & calidum efflet: sed fidelis sit, expositus, simplex & candidus. Ne sit in promittendo liberalior quàm in praestando. Ne sit irreligiosus erga iuramentum, ne sit perfidus & periurus. Quartò quoniam multi in magistratus functione quarunt opes & rei familiaris incrementum, remouet tales Dominus & auaritiā prohibet bonis magistratibus: imò poscit ut auaritiā oderint. Sicuti alibi non tantum prohibet accipere munus, sed iubet præterea à muneribus excutere manus. Auaritia & munerum cupiditas est ipsissima pestis boni magistratus. Auaris & munerum cupidis uenalia sunt iura, sententiæ, libertas, iustitia adeoque patria ipsa. Ac nominauit quidem in praesenti pestilentissimum scelus, interea uerò nihil dubium est, quin uitia & scelera alia quoque eius generis proscribat ac à bono magistratu iubeat esse aliena. Ea sunt haud dubiè, Superbia, Inuidia, Ira, Alea, Crapula, Ebrietas, Scortatio, Adulterium, & si quid aliud est huius notæ.

Deut. 1.

Hunc locum illustrant alij ex lege Dei huic collati. In Deuteronomio ait Moses ad populum, Date ex uobis uiros sapientes & intelligentes, & spectatæ probitatis secundum tribus uestras. Tria iterum his uerbis requirit ab ordinandis Moses sapientissimus. Primò sapientes sint ait. Cæterum initium sapientiæ est timor Domini. Sint ergo ordinandi amici Dei & ueræ religionis, qui itè sapiant non sint fatui. Secundò sint intelligentes, prudentes nimirum, qui exercitati longo rerum usu, usum rerum sibi parauerint, ac possint res praesentes applicare legibus. Præterea sint spectatæ probitatis uiri, quorum uita & integritas morum ex antea iam olim sit nobis perspecta atque testificata: denique qui sint præditi autoritate, non contemnantur ceu leues & uiles nebulones.

Num. 27.

In libro Numerorum iterum dicit Moses, Vtinam Deus spirituum uniuersæ carnis constituat uirum super synagogam, qui ingrediatur & egrediatur ante eos, & qui introducat & educat eos, ne sit cœtus Domini ueluti oues absque pastore. Discimus ex his etiam uerbis diuini prophetæ, qui & quomodo in magistratum eligendi sint. Orauit Moses ad Dominum pro idoneo uiro: orandus erit itaque & nobis Deus cordium scrutator, ut det uiros omnibus numeris absolutos. Sæpe quidem fallit nos species externa, iudicamusque uirum bonum & pium esse, qui insignis est hypocrita. Deus solus nouit mentes, hic ergo orandus est ne sinat nos in delectu aberrare & impingere. Optimus fuerit, qui instructus erit spiritu Dei sancto. Præterea decet hunc esse primum & ultimum in rebus gerendis & exequendis. Inertes agunt alios, ipsi sibi cauent post principia. Iniqui præscribunt alijs, ipsi nunquam quicquam faciunt æqui & boni. Pastor sit oportet uir delectus in magistratum, qui dies atque noctes curet ne dissipetur aut periclitetur pereatque grex Domini. Tales autem sint qui populo Domini præficiendi sunt.

Postremo

Postremo quod attinet ad rationem inaugurandi magistratum, dissimiles sunt *Ratio inaugu-*  
urbibus & regionibus consuetudines. Liberum autem sit cuique genti suis uti mo-  
ribus. Eum ego ritum maxime probo, qui minimum habet pompæ, rationis ue-  
ro plurimum. Utillimum est autem certa & moderata ceremonia inaugurare de-  
lectos, idque coram uniuerſa plebe, ut quisque non nesciat qui sint patres populi, &  
quibus debeat honorem, denique quibus obediat & pro quorum salute supplicet.  
Certa fuit populo Dei ceremonia, qua usi leguntur in inaugurandis regibus &  
magistratibus: & certum est id a Deo utiliter & certis ex causis esse inuentum atque  
traditum. Reliqua quæ de magistratu dicenda restant differemus in crastinum.  
Iam uero laudate Dominum, &c.

*De officio magistratus, quæ ordinet, an cura religionis ad ipsum pertineat: an de religione  
constituatur, & de legibus eius. S E R M O VII.*

**Q**UOD primum & maximum est in magistratu, perspicitur in explicatio-  
ne officiorum eius. Diximus heri quid magistratus, quæ magistratus spe-  
cies, quo auctore profectus, & quas ob causas institutus sit, quomodo pro-  
ceres eligendi, aut qui ad hanc functionem sint uocandi. Addamus illis quæ nam  
sint propria magistratus officia.

Omne magistratus officium uidetur redigi posse in tria capita. Ordinet enim *Magistratum*  
iudicet & Puniat. De singulis ordine dicetur. Ordinatio magistratus est constitu-  
tio pro conseruatione religionis ac honestatis, iustitiæ & pacis publicæ: uersaturque  
in duobus capitibus, in recte constituenda religione, & in recte constituenda publi-  
ca honestate, iustitia & pace. Priusquam uero dicamus de religionis constitutione  
seu ordinatione, tractabimus paucis quæstionem, An cura religionis ad magistra-  
tum pertineat? Video enim multos in ea esse sententia, quod cura & ordinatio re-  
ligionis ad solos pertineat Episcopos, non etiam ad reges, principes ac senatores.

Veritas autem catholica docet curam religionis maxime pertinere ad magi-  
stratum, & hunc non tantum posse, sed debere etiam disponere & prouehere reli-  
gionem. Nam apud ueteres, reges simul erant sacerdotes, religionis utique magistri.  
Laudatur in sacris ualde piissimus ille, & sapientissimus princeps Chanaanicae  
gentis, qui & Christo Domino typum prætulit, Melchizedek: is uero fuit rex pari-  
ter & sacerdos. Sed & in Numeris traduntur nuper ordinato & inaugurato Io-  
sue leges ad religionem pertinentes. Ac reges Iuda & electi populi Dei, ex ordina-  
tione religionis, uti mox pluribus exemplis monstrabo, maximam indepti sunt lau-  
dem: ignominiam sustinent perpetuam, qui segnes fuerunt in curanda religione.  
Quis uero ignorat magistratus primam esse curam, incolumem & felicem serua-  
re rem publicam? Id uero non potest, nisi uerbum Dei curet annunciari populo suo,  
ac cultum Dei uerum applicet eidem, adeoque fiat ueluti minister ueræ religionis. In  
Leuitico & Deut. multis exponit Dominus bona uerè religiosis parata homini-  
bus, rursus enumerat mala contemptoribus ueræ religionis irroganda. Atqui fe-  
licitatem in populo suo retinere, infelicitatem propellere iubetur bonus magistra-  
tus. Audiamus etiam sapientissimum Solomonem in Prouerbijs dicentem, Pietas  
& ueritas custodiunt regem, & solium eius sustentatur in pietate. Quando multi-  
plicantur iusti, gaudet populus, & quando impius dominatur, ingemiscit populus,  
Rex per iudicium firmat ditionem, uir exactioem euerit eam. Quando multiplican-  
tur impij multiplicatur iniquitas, & ruinam eorum uidebunt iusti. Quando non est uisio  
dissoluitur populus: & qui obseruat legem, est beatus. Ex quibus & illud colligimus

*An cura reli-  
gionis ad magi-  
stratum perti-  
neat.*

*Leuit. 26.  
Deut. 28.*



confusionem omnium rerum, principumq; & populi dissolutionem illos quæ-  
re aut inducere, deniq; pauperum neglectum & oppressionem, quicunq; contem-  
dunt religionis curam nihil pertinere ad principes. Præterea præcipit Deus magi-  
stratui examen habeat doctrinarum, ac pertinaciter contra scripturas docentes &  
abstrahentes à Deo feriat. Locus extat Deut. 13. Vetuit item magistratui ne lucos  
plantet aut statuas erigat. Locus extat Deut. 17. Per species uerò insinuauit genus,  
ne superstitionem aut idololatriam instituat, foueat, propaget, præcepit ergo ut  
ueram religionem prouehat: unde consequens est religionis curam pertinere ad  
magistratum. Quid quod Deo dilectissimi optimiq; in populo Dei principes curæ  
religionis, ut maxime ad se pertinentem, in se susceperunt adeoq; & exercuerunt  
procuraruntq; ueluti sacrorum antistites? Iosue in monte Hebal extrui curauit  
aram, totumq; cultum uti à Deo per Mosen præceptus fuerat expleuit. Dauid in  
deducenda arca & collocanda, inq; ordinando Dei cultu fuit usq; ad miraculū di-  
ligens. Ita filius Dauidis Solomon. Nec obscurum cuiquam esse puto, quid in re-  
formanda religione corrupta & collapsa præstiterint Abia, Iosaphat, Ezechias &  
Iosias. Laudatur in ethnicis regibus & principibus, quòd post cognitam ueritatem  
edicta uulgarunt pro uera religione contra blasphemias. Nabuchodonosor Chal-  
dæus potentissimus orbis monarcha, quo an unquam maior & potentior in mun-  
do regnauerit, dubito, promulgat decretum ut in partes dissecetur, & domus eius  
redigatur in latrinam, quisquis conuitium dixerit contra uerum Deum condito-  
rem coeli & terræ. Locus extat Daniel. 3. Darius Medus Assueri filius, Cyri regis  
auunculus, A me positum est decretum, ait, ut omnes in omni imperio regni mei  
metuant Deum Danielis. Locus extat Daniel. 6. Cyrus rex Persarū soluit Iudæos  
captiuitate, præcipitq; templum reparent & sacra restituant. Darius Persa Hysta-  
spis filius, A me positum est decretum, ait, ut omnis uir qui mutauerit quicquam in  
sententia mea de reparando templo & restituendo Dei cultu, excerpatur lignum  
de domo eius, erigatur, atq; is in eo suspendatur, ac domus eius fiat sterquilinum.  
Idem ille & Artaxerxes appellatus, Quicunq; noluerit, inquit, facere legem Dei  
tui (Esdra) & legem regis, absq; mora fiat iudicium de eo, siue in mortem, siue in  
eradicationem, siue in multationem facultatum, siue in uincula. Leguntur hæc  
omnia in libro Esdræ.

*Responsio ad  
obiecta.*

Obijciunt, quibus animo sedet curam & ordinationem religionis ad Episco-  
pos duntaxat pertinere, ista exempla quæ adduximus nihil ad nos pertinere, qui  
sumus Christiani. Nam illa esse Iudaica exempla. Respondemus. Isti probarent  
Dominum Iesum & Apostolos eius curam religionis à magistratu transulisse ad  
solos Episcopos. Id nunquā potuerunt: nos autem ostendimus paucis priscos illos  
populi Dei principes Iosue, Dauidē & alios reuera fuisse Christianos, idcirco ua-  
lere exempla quæ ab illis ducuntur & aptantur Christianis principibus. Adjiciam  
& Isaia uaticinium, ex quo appareat idem esse adhuc in ecclesia regum officium,  
quod fuit priscorum regum in ecclesia quam appellant illi Iudaicam. Dubitū non  
est quin illi censendi sint ueri Christiani, qui uncti spiritu Christi, in Christum cre-  
dunt & sacramentis participant Christi. Christus enim perinde sonat, ac si tu di-  
cas, unctus. Christiani ergo uncti sunt. Unctio illa, iuxta Apostolicam interpreta-  
tionem, est spiritus Dei uel donum sancti spiritus. Ceterum spiritum Christi fuisse  
in prophetis & regibus, locupletissimus est testis sanctus Petrus. Sanctus Pau-  
lus manifestè ait nos eundem fidei spiritum habere cum ueteribus. Idem commu-  
nicat illis sacramenta nostra, dum dicit illos baptisatos esse sub nube, omnesq; bi-  
bisse de spirituali & consequente eos petra, Christo. Quæ cum ita habeant, ualent  
certè

1. Ioan. 2.



certè exempla quæ pro fide & dilectione à dictis & factis priscorum regum ducuntur. Scio interim non quodlibet consequi ex collectione exemplorum. Sed habemus hic præterea manifestum pro nostra causa uaticinium Isaïæ, uaticinantis reges & principes post tempora Christi & post reuelatum Euangelium diligenter curaturos ecclesiam, adeoq; futuros fidelium alumnos & nutrices. Atqui palàm est quid sit alere & nutrire: perinde enim est ac si dixisset, illos patres & matres ecclesiae futuros. Hoc autem non uerè dicitur, si cura religionis ad principes non pertinet, sed ad solos Episcopos. Verba Isaïæ hæc sunt, Ecce tollam ad gentes manum meam, ait, & ad populos signum meum erigam, & afferent tibi filios in gremio, & filia tuæ in humeris portabuntur. Et erunt reges nutritij uel alumni tui, & reginae eorum nutrices tuæ, uultu ad terram demisso adorabunt te, & puluerem pedum tuorum lingent, &c. An non abundè impleta hæc esse dicemus in quibusdā Christianis principibus? Quorum primus beatus Constantinus Synodo indicta, ueram & synceram Christi in ecclesia doctrinam instituere, falsam & hæreticam uoluit exterminare. Cumq; Episcopi non recto pede incederent ad regulam Euangelij charitatisq; increpauit ipsos, tyrannorum eis crudelitatem rememorans, & quæ iam per ipsum diuinitus pax ecclesijs concessa sit exponens. Indignum esse adiiciens, si Episcopi pergant Deo ingrati, sese mutuis lacerare conuiuijs & dentatis libellis, ac eo modo impijs idololatri delectationem & risum præbere: cum potius ex scripturis diuinis res sacras tractarent. Euangelici enim libri sunt, ait, & Apostolici antiquorumq; prophetarum oracula, quæ nos erudiunt quid de sacra lege sapiamus. Expellentes ergo hostile certamen, ex uerbis diuinitus inspiratis, solutionem quæstionum mente percipiamus.

Huc accedit quòd sacri imperatores Gratianus, Valentinianus & Theodosius sic & in hæc uerba decernunt, Cunctos populos quos clementiæ nostræ regit imperium, in tali uolumus religione uersari, quam diuinum Petrum Apostolum tradidisse Romanis, religio usque ad hunc ab ipso insinuata, declarat. Et reliqua. Cernit charitas uestra, quomodo reges & principes in populo noui Testamenti alumni & nutritij ecclesiæ fuerint, ac arbitrati sint curam religionis ad se in primis pertinere.

Obijciunt rursus lepram Osia regis Iuda, ex eo contractam, quòd sacerdotis munus sibi uendicans usurpare præsumpsisset in adolendo suffitum in ara thymiamatis. Obijciunt præceptum Domini iubentis Iosue stare ante Eleazarum sacerdotem: mandantis deniq; regi librum legis accipiat à Leuitis. Cæterum nostra disputatio non huc tendit, ut munia siue officia magistratus atq; ministrorum ecclesiæ confundantur, ut rex cõcionetur, baptizet, & administret cœnam Domini: sacerdos autem pro tribunali sedens pronunciet sententiam contra homicidam, litigantesue sententia lata dirimat. Habet & retinet Christi ecclesia officia distincta, & Deus est ordinis Deus, non confusionis. Huc tendit nostra demonstratio, ut omnibus probeamus magistratum ex officio curare religionem, uel ut collapsa reparetur, uel ut integra conseruetur, procedatq; iuxta regulam uerbi Domini. Ideò enim lex Dei dabatur in manus regis per sacerdotes, ne ignoraret uoluntatē Dei circa res ecclesiasticas atq; politicas, adeoq; iuxta hanc legem gubernaret uniuersa. Statuitur quidem ante Eleazarum dux populi Dei Iosue, sed hic uicissim præcipit sacerdotibus, coniungiturq; uelut in unum corpus uir politicus & ecclesiasticus. Iubetur uir politicus audire ecclesiasticum, & hic rursus obedire debet politico in omnibus quæ lege præcepta sunt. Idcirco magistratus nō est subiectus sacerdotibus, à Deo, tanquā dominis, sed tanquam Domini Dei ministris, & idcirco

Isaie. 49.

Constantinus  
Magnus.Gratianus, Valentinianus, &  
Theodosius.Osias leprosus.  
2. rafa lip.  
26.

Officia magistratus &amp; ministrorum nō confundenda sunt.

magis ipsi Domino & legi eius, cui & sacerdotes perinde ut principes, subiecti sunt. Si sacerdotis labia non loquantur uerbum Dei, non est quod quisquam ex plebe nedum princeps audiat aut reueretur titulotenus sacerdotem. Labia sacerdotis, inquit Malachias, custodiunt scientiam, & legem requirunt ex ore eius: quia angelus Domini exercituum est. Huiusmodi sacerdotes nolle audire, est ipsum Deum repellere. Et tales sacerdotes adiuuarunt pii principes Israelis, pseudosacerdotes deiecerunt ex gradu, negligentius facientes officium suum increparunt, atque de officij obeundis & rite administrandis decreta tulere.

De religione  
decreuerunt  
principes.

73 Reg. 2.

De Solomone scriptum legimus, Solomon eiecit Abiathar ne esset sacerdos Domini, ut impleret uerbum Domini quod dictum erat super Heli in Silo, & posuit Zadok sacerdotem pro Abiathar. Et in lib. Paralip. 2. legis, Et constituit rex Solomon iuxta ordinationem Davidis patris sui diuisiones sacerdotum super ministerijs suis & Leuitas in custodijs suis, ad laudandum & ministrandum coram sacerdotibus iuxta exigentiam cuiusque diei. In eodem libro inungit quidem Ioiaa sacerdos regem Ioas, sed hic uicissim uocat sacerdotem, & tradit mandatū de colligenda pecunia & reparando templo. Iam & Ezechias princeps religiosissimus & optimus uocat sacerdotes ac Leuitas, & ait, Sanctificamini & sanctificate domum Domini Dei nostri, & efferte immunditiam e sanctuario. Filij mei ne sitis modo socordes, quia uos elegit Dominus ut ministretis ei. Idem rex mox iubet sacerdotes sacrificare Domino. Constituit itē cantores in domo Domini, qui canerent in templo musicis instrumentis. Præterea constituit Ezechias rex diuersas turmas sacerdotū & Leuitarum, iuxta uaria officia eorum, unumquemque secundum ministerium suum. Quid quod ipsas quoque portiones, ipsa stipendia sacerdotibus, per sacerdotū distribuit? Idem rex pascha toti populo celebrandum indixit, adde & sacerdotales planē Epistolas de religione & uera poenitentia agenda, ad omne populum scripsit. Quibus omnibus tandem subiicitur, Et operatus est rex quod bonum & rectum atque uerum erat coram Domino Deo suo. Ergo cum principes ordinant religionem secundum uerbum Dei, rem placitam Deo faciunt. Hoc ipsum recolligitur & de Iosia principe pijsimo. Quis ergo dixerit posthac curā religionis ad solos pertinere Episcopos?

Præfunden  
ordnem.

Christiani prin  
cipes ordina  
runt religionē.

Certè Imperatores Christiani principum priscorum ueluti patrum suorum exempla imitantes, diligentissimè procurarunt res religionis ueræ in ecclesia Christi. Rectè censent Arcadius & Honorius. Quoties de religione agitur, Episcopos conuenit agitare. Atqui ante hos Gratianus, Valentinianus & Theodosius, legē tulere sacratissimam, qua orbi exposuerunt quam religionem & fidem uelint recipi tenerique ab omnibus, nempe doctrinam & fidem S. Petri. Declararunt in eodem edicto omnes eos esse hæreticos qui diuersum sentiunt & docent: catholicos autem quicumque in fide S. Petri perseverant. Colligimus ex his sacerdotum proprium officium esse de religione ex uerbo Dei constituere, principum autem esse iuuare sacerdotes, & prouehere tuerique ueram religionem. Quod si cessent sacerdotes, principum officium proprium est sacerdotes redigere in ordinem, & iuxta uerbum Domini constituere de religione. Certè Iustinianus Imperator in Nouellis Constit. 3. ad Epiphanium regis urbis archiepiscopum, Communi & generali lege, ait, ad beatitudinem tuam, o patriarcha, de ordinatione sanctissimorum Episcoporum & reuerendissimorum clericorum disposuimus quæcunque honesta & decora sacris regulis conformia esse uidebantur. Et Constit. 7. Mandamus, inquit ne quis Episcoporum per omnis ditionis nostræ terras, licentiam habeat alienandi rem immobilem, aut in domibus aut in agris ecclesiarum. Item Constit. 57. prohibet



habet in priuatis domibus sacra celebrare mysteria. Addit poenā, Alioqui domus in quibus peraguntur publicæ fient, & sub ærarium imperatoris deducuntur. Constit. 67. præcipit omnibus Episcopis ne absint à suis Ecclesijs: si uerò absuerint, nihil emolumenti aut stipendij accipiant à prouinciarum æconomis, sed in usus Ecclesiæ pios conferatur. Constit. 123. præcipit prouinciarum præsidibus, ut episcopis cessantibus ipsi cōuocent Synodum, ac leges exerceant tueanturq; Ecclesiasticas. Mox, Interdicimus, ait, Episcopis & presbyteris omnibusq; cuiuscunque gradus clericis, ne ad tabulam ludant, aut tali ludo utentibus se associant, aut spectatores sint, aut ad quodcunque spectaculum spectandi gratia accedant. Hæc non proferimus tanquam scripturas canonicas, sed duntaxat ueluti indicia quæ declarant in Ecclesia quondam fuisse principibus potestatem, officium, consuetudinemq; nimirum à Deo concessam (iuxta Isaia: uaticinium) & ex ueteri desumptam exemplo, præcipiendi Episcopis, constituendiq; de religione in Ecclesia Christi.

Qui uerò hic obijciunt priuilegia Ecclesiastica, sciant nulli principi, imò nulli mortalium permissum esse dare priuilegia pugnancia cum mandatis & cum ueritate uerbi Dei. S. Paulus dixit sibi datā esse potestatem ad ædificationem non ad destructionem. Non enim iam commemoro, priuilegijs æquis indignos esse qui non sunt hoc quod audiunt sacerdotes & ministri Christi, sed milites potius & multis corrupti sceleribus. Leguntur in iure Canonico Distinct. 40. hæc inter alia, Videte fratres quomodo sedetis super cathedram: quia non cathedra facit sacerdotem, sed sacerdos cathedram: non locus sanctificat hominem, sed homo locum sanctificat. Non omnis sacerdos sanctus, sed omnis sanctus est sacerdos. Qui bene sederit super cathedram, honorem accipit cathedræ: qui male sederit, iniuriā facit cathedræ. Itaq; malus sacerdos de sacerdotio suo crimen acquirit non dignitatem. Sed illa hæcenus.

Postquam demonstrauius c. v. ad magistratum quoq; non ad Episcopos tantum pertinere religionis curam, & magistratum etiam leges constituere de religione, inquiramus modò quas constituat de religione leges. Non est autē quòd rex uel magistratus arbitretur sibi potestatem datam esse constituendi nouas leges de Deo, de cultu dei, de mysterijs: de uero & bono. Nam omnis magistratus ut à deo ordinatus, ac dei minister est, ita Deo obedire & legi uel uerbo Dei obtemperare, ac in hoc unice respicere, & ab hoc solo pendere debet. Scriptura, quæ uerbum Dei est, abundè satis exponit quæcunque ueræ religionis sunt: imò uetat Dominus uerbo suo quicquam uel addere uel subtrahere: magistratus ergo nullas condit leges nouas de Deo & cultu Dei, sed ueteres illas religiose suscipit atq; custodit, applicat & propagat in regno sibi diuinitus concesso. Huc enim pertinet quòd regibus Israeliticis dabatur liber Legis diuinæ, ex quo regulam sumerent agendi quæ ex officio agenda erant. Ad Iosue dicit Dominus, Vide ut custodias & agas secundum uniuersam legem, quam præcepit tibi seruus meus Moses. Nō recedes ab ea, uel ad dextram uel ad sinistram. Nec recedet liber legis huius ab ore tuo, sed meditaberis in eo die & nocte, ut custodias & agas iuxta totum illud quod scriptum est in eo. Tunc enim prosperū reddes iter tuum, & tunc ages prudenter. Principes ergo religiosi & sancti summa fide & diligentia contenderunt prædicationem uerbi Dei, leges, ritus & statuta Dei tradere populo, retinere conseruareq; in populo, imò & quàm latissimè per omnes propagare, pro loco item & tempore sanctè accommodare: falsam doctrinam, prophanos cultus & blasphemias proscribere, adde & eradicare. Sic inquam religiosas leges de religione con-

*Priuilegia ecclesiastica.*

*Quas leges constituat de religione magistratus.*

*Iosue 1*



stituerunt aut ordinarunt pij magistratus, Sic curauerunt sanctè & religiosè religionis negotium.

*Schole.*

Scholæ erant quondam urbes Leuitarum in Israele. At has urbes studiorum causa & pietatis ergò diligenter constituit Iosue. Ezechias rex non minus solertus est de stipendijs ministrorum ritè constituendis & reparandis, quàm de officijs restituendis formãdisq̃. Honos enim alit artes; & inopia uarias excogitat excitationes; uenalia fiunt ipsa etiã sacra, nedum uana hominis lingua. Iosaphat unã cum sacerdotibus siue doctoribus senatores & tribunos mittit in totum regnum. Cupiebat enim modis omnibus uerbum dei prædicari cum autoritate & dignitate quadam, prædicatum aut defendi ac in ipsa opera produci sancta. Iosias rex unã cum idololatria & prophanis cultibus tollit e medio pseudosacerdotes: restituit ueros uerbi dei doctores, restituit sacra: sicuti & Ioas rex ædificia sacra collapsa (obiurgatis Leuitis) restaurat. Non possum omnia recensendo proseguere: discat ex his pauculis pius princeps aut magistratus, quid & quo modo de religione constituat.

*Nouorum cultu inuenciores a Deo maledicti.*

Ex aduerso Ieroboam quidem audierat ab Ahia Silonita, Sic dicit Dominus, Regnabis iuxta id quod desiderat anima tua, & eris rex supra Israel. Quod si audieris omnia quæ præcepero tibi, & ambulaueris in uijs meis, fecerisq̃ quod rectum est in oculis meis, ut custodias statuta & præcepta mea, quemadmodum fecit Dauid seruus meus, ero tecum, & ædificabo tibi domum firmam. Sed contempsit miser amplissimas illas promissiones, ac reiecto uerbo dei, tẽplo Dei Hierosolymitano & cultu legitimo, ipsis quoq̃ Leuitis repudiatis, ex facie plebis creauit sibi sacerdotes, templa sibi noua extruxit, idolis ornauit seu deformauit potius, sacrificia non tradita uerbo Dei instituit & obtulit, adeoq̃ nouum quendam Dei cultũ, religionem nouam adinuenit. Et quamuis Deum colere uelle uideri cuperet, tamen diuinitus pro impiõ damnatur. Audite obsecro quid contra ipsum pronũciarit os domini, Tu (inquit Ahia ex sententia domini) malum designasti super omnes qui fuerũt ante te. Iuisti enim ac fecisti Deos alios, ac fusiles quidem illos, ut irritares me, & proiecisti me post tergum tuum. Ob id adducam malum super domum Ieroboam, excindamq̃ ipsi Ieroboam, mingentẽ ad parietem, clausum & derelictum in Israele, & expurgabo posteritatem Ieroboam, ceu stercus expurgatur, donec consumetur. Ac ad uerbum hæc omnia completa esse testatur scriptura hisce uerbis, Cum regnaret Baasa, percussit uniuersam domum Ieroboam, ita ut nihil spirans de Ieroboam faceret reliquum. Ac idem ille rex Baasa nihil melior & prudentior factus alieno & miserabili sui prædecessoris exemplo, pergit religionem exoticam & uerbo Dei contrariam, a Ieroboamo cœptam, continuare, populo tradere, in hoc propagare & defendere, Audit itaq̃ & ipse a domino per prædicationem Hanani propheta, Quando euexi te de cœno, & posui te principem super populum meum Israel, tu autem ambulasti in uia Ieroboam, & fecisti peccare populum meum Israel, ut prouocares me in peccatis eorum, en ego excindam posteros Baasa, & ponam domum tuam sicut domum Ieroboam. Id quod factum exponit scriptura per Simri principem militiæ. Hic enim & Heliam regem filium Baasa probè potum, & omnem eius posteritatem deleuit. Successit in regno Amri pater Achabi perditissimi nebulonis, quem in acie ceciderunt Syri. Regnarunt post ipsum filij Ochosias & Ioram. Verum quando traditam uerbo Dei religionem reliquerant, & Ieroboami regiam sed nouam traditionem sequebantur, adde & Baalis pudendi idoli cultum adiecerant, excinduntur tandem sumditus opera fauissimi sed iustissimi principis Iehu. Regnarat propago Amri plus minus

3 Reg. 17.

minus annis 40. multo cum innoxiorum sanguine, sed perit postquam mensura impietatis esset impleta: & radicatus iusto dei iudicio tandem excinditur. Discant ex his stupendis sanè exemplis omnes principes & magistratus cauere sibi à nouandis religionibus, & mutandis à Deo institutis cultibus legitimis ueteribusq;. Bonus est fidelis Dominus noster, religionē uerā & cultum legitimū plenē, simpliciter & absolute in uerbo suo instituit, hominibusq; unicē & semper custodiendum tradidit: hanc ergo retineant omnes, huic in moriantur qui æternū uiuere uolunt. Puniuntur cœlitus quicunq; religioni & cultui à Deo instituto uel addunt uel adimunt aliquid. Obseruate hæc o uiri principes. Maxima hinc prouenit felicitatis & infelicitatis seges. Ergo qui habet aures ad audiendum audiat. Nemo patiat se seduci bonis, sed uanis reuera impijsq; intentionibus. Multo gravior est Deo obedientia quàm uictimæ. Neq; indigent Dei statuta nostris emblematis.

Sequitur iam alterum caput ordinationis magistratus, id quod uersatur in re. Atq; constituenda honestate, iustitia & pace publica. Id quod iterum absoluitur in quis & bonis legibus. Atqui sunt quibus uideatur tyrannicum esse, liberis hominibus inijcere leges, ceu iugum in colla libera: suo potius quemlibet relinquentum arbitrio. Dixit sanè Apostolus, Lex iusto nō est posita, sed iniustis. Cæterum ideo iusto non est posita lex, quoniam iustus est: iustus autem operatur iustitiam ac facit sponte sua quod exigit lex à quolibet mortalium. Proinde iusto lex minime difficilis est, utpote quæ animo & menti hominis iusti consentit, & hæc illam cupide amplectitur. Iniustus uerò animū explere sitit, & à lege per omnia dissentit, lege interim nē sibi & alijs noceat coercendus. Ita consequens est, cum leges bonis nō sint onerosæ, sed gratæ magis, propter iniustos autem necessariae etiam, adeoq; ipsis iniustis quoq; coercendis datæ, eas omnibus esse bonas & utiles minimeq; reiiciendas. Quid quod ipse deus, qui prænouit quales sint futuri homines atq; ueræ libertati fauet, ipsamq; in populo suo conseruatam cupit, & qui nihil facit instituitq; inutiliter, legem tulit, nec ulla unquam secula sine legibus uiuere permisit. Ac felices fuerunt respublicæ, quæ receperunt leges ac legibus se gubernandas præbuere: infelices seditionibusq; & bellis disceptæ, quæ legibus repulsis, suam illam libertatem, suum arbitrium, suam licentiam, id est, belluinam libidinem & probrosam barbariem retinere contenderunt. Sunt itaq; leges bonæ, salutares, adeoq; necessariae ad pacem incolumitatemq; regni uel reipublicæ. Ac mirum est ita desipere quosdam Christianorum, cum Ethnici de legibus pronuntiarint honestissimè. Agnouerunt legislatores suos pro dijs, ea re testantes, se fieri bonas leges munus esse Dei. Nequit autem Dei munus esse inutile & superuacaneum. Plutarchus appellauit leges urbium uitas. Demosthenes disertè cōfessus est leges esse dona Dei. Cicero nuncupauit illas uincula ciuitatis (utpote quæ sine legibus dissoluta dispergitur) fundamenta libertatis, æquitatis, & honestatis fontes. Leges enim reuera sunt nerui reipub. ualidissimi, & animæ magistratuum: ut nec cōmodè uiuant & gubernent rempub. sine legibus, neq; leges uim suam exerant adeoq; & uiuant sine principibus. Itaq; magistratus est lex uiua, lex autem est magistratus mutus. Exequutione & applicatione redduntur leges uiuæ & uocales. Id non intelligunt principes qui dicunt, wir sind das rächt. Nos sumus ius & lex. Intelligunt enim se pro sua libidine quidlibet præcipere posse, atq; id protinus recipiendum esse ab omnibus pro lege. Cæterum hoc citra controuersiam est tyrannicum. Notissimum est illud ex poëta desumptum, planè tyrannicum,

*Sic volo, sic iubeo, sit pro ratione voluntas.*

Est sanè princeps uiua lex, si animus eius obediat legibus scriptis, & nō dissentiat

*Leges regibus aut reipub. bonas ex necessitate esse.*

*1<sup>o</sup> Tim. 1.*

*Magistratus lex uiua.*



à legibus naturæ. Ergo subiicitur legibus magistratus & dominatus. Nisi enim principis animus consentiat legi, legem habens scriptam in pectore, & legem dictis & factis exprimat, non est appellandus uir bonus nedum princeps. Rursus dominatur legi, & magister est legum princeps aut magistratus bonus: non quod liceat ei illas calcare, abolere, dissoluere, figere & refigere: sed quod illas & exercere in populo, & adhibere applicareque pro rerum exigentia, atque eo modo & hac ratione moderare siue interpretari potest.

*Addere gradum  
mere legibus.*

Errant ergo toto cœlo, qui arbitrantur propter aliquot Imperatorum & regum priuilegia, concedentia magistratui, legibus alicubi adijcere aut adimere aliquid mutareque illas, licere sibi bonas leges abolere in uniuersum, uiuereque contra ius & decorum. Nam sicut nullis permissum est imperatoribus & regibus, priuilegia donare quæ pugnent cum æquo, bono, & honesto: ita si donet tale quidpiam, nec recipiendum nec agnoscendum est ab honestis ciuibus tanquam donum aut beneficium, sed habendum magis pro perniciæ, uti reuera est, & pro maleficio. Semper permanet apud omnes & omnibus seculis immota legum de honestate, iustitia & pace publica, mens & substantia, in circumstantiis fit mutatio, & adhibetur interpretatio pro rei exigentia, pro æquo & bono. Lex est, Nemo cædat alterum: si ceciderit, cædatur & ipse. Illa lex perpetua est, immutabilis, neque licet illam cuiquam abolere ullis temporibus. Interim rigor legis imminui potest, & lex ipsa interpretari commodè: nempe si quis alterum cædat, qui sit ipsi eximie charus, & cædat fortè fortuna, non dedita opera, non odio & malitia, ideoque cædem redimere cupiat, si fieri posset, magno. Hic sanè minimè cædendus est, ac dispensat hac parte cum rigore legis magistratus. Est alius qui diutino & uatiniano quidem odio alterum persecutus est, quem & cædit, sed prætèxtu fortunæ. Occasionem enim quæsiuit, ut speciem pro se habeat casus fortuiti. In huiusmodi causa nihil legis potest mutare magistratus, sed cædat oportet eum, quem legis mens iussit cedere. Huius generis & alia possem proferre exempla, sed caueo, quantum fieri licet, ne sim C. V. nimia copia & prolixitate onerosus. Satis claret ex disputatis, leges esse bonas & sempiternas, ac quatenus admittant principum, quam uocant *moderationem*, id est, moderationem, uel æquitatem, uel interpretationem, limitationem, dispensationemue, ne ipsis illud tritum & uulgare hæreat, Summum ius, summa iniuria.

*Qualibus &  
quibus legibus  
utatur magistra-  
tus.*

Demonstrauit hætenus leges esse bonas, utiles, necessarias, æternas: cõsequens ergo est istis adijcere, qualibus uel quibus maxime legibus utatur magistratus, quibus honestatem, iustitiam & pacem publicam pro suo officio constituat atque conseruet. Visum est quibusdam magistratum nullis oportere uti legibus scriptis, sed pro naturali æquitate, pro temporis, loci, personarum & rerum exigentia, id quod ipsi uideatur optimum, pronunciare. Alij cõtendunt omnibus regnis & rebus publicis leges Mosis iudiciales obtrudere. Sunt qui hac repudiata & proscripta, nihil agnoscant quàm quod petatum est ex legibus principum ethnicorum. Atqui cum illi, qui in magistratu uersantur, uel boni sint uel mali uiri: cumque optimos uiros cadant cupiditates, ira, odium, fauor, dolor, metus & affectiones alia, cui quæso tradiderunt rempublicam gubernandam, quicunque scriptis legibus ac certo iure repudiato, iubent hominem quemlibet in magistratu constitutum pro animi sui sententia pronunciare? An non belluæ subiecerunt rempublicam? Quid hic dicam de malis in magistratu hominibus? Furijs subdidit regnum, qui pessimorum hominum decretis subdidit. Sed uolumus, inquiunt, illos pronunciare ex naturali æquitate, non ex animi corrupti libidine. Pronunciabunt ergo

*Legibus scriptis  
optum.*



ergo isti ex corrupta animi libidine, ac increpiti, dicent se pronunciaſſe ex naturali æquitate. Adijcient ſe non aliter poſſe iudicare, neq; aliter negotium poſſe intelligere. Id iſtis uideri optimum quod decreuerunt; nec hic quicquam actū contra conſcientiam. Te autem in ius uocabunt qui auſus fueris iſſorum uituperare ſententiam. Ita uerò peribit iuſtus, & dominabuntur barbariſſimi affectus, & homines ſceleſtiſſimi. Et ut maxime donemus omnes in magiſtratu conſtitutos eſſe uiros bonos, excitabit tamen inter iſſos ſententiarum diuerſitas iurgia & turbas perpetuas. Proinde expenſis omnibus, longè præſtabilius eſt ſcriptis uti legibus. Hoc iſſum doceat nos exemplū dei noſtri æterni, ſapientis, optimi, maximi, dantiſ populo illi ſuo peculiari leges ſcriptas. Sat relinquitur aliàs negotij magiſtratus, iudicandi ſcilicet, id eſt, applicandi cōferendiq; cauſas legibus, quatenus conueniant aut diſcrepent, qui peccarit contra leges, qui minus. Porro in lege Moſaica, iudiciali in primis, ſunt multa genti Iudaicæ propria peculiariaq; , pro ratione loci, perſonarum & temporis ſic conſtituta: ut ſi ea pergamus omnibus alijs imponere & aptare gentibus, cum ratione inſanire uideamur. Quorſum uerò attinet iam olim eliminatas ethnicorum immunditias poſtliminio reducere in forum populi Dei? Apoſtoli itaq; domini noſtri Ieſu Chriſti, neminē obſtrinxerunt aut grauauerunt legibus Moſaicis, neq; bonas ethnicorum leges damnarunt, neque malas cuiquam commendauerunt, ſed leges iſſarumq; uſum uel delectum permiſere ſanctis liberum. Interim diligentiſſimè inculcarunt omnibus timorem Dei, fidem, charitatem, iuſtitiam & temperantiā, quòd imbuta hiſ uirtutibus peſtora, nullo negotio uel iſſi bonas leges condunt, uel ex aliorum legibus optimas deligunt. Nil enim refert ſiue ex Iudaicis legibus Moſis, ſiue ex Ethnicorum legibus probatis, ſibi magiſtratus leges, quantum ſatis eſt, colligat, uel ueteres illas & hæcenus uſurparas, reſecatis impijs, iniquis & turpiſ duntaxat, ſi quæ in iſſis inueniantur, retineat. Cenſeo enim magiſtratibus æquis diligenter cauendam curioſitatem & nouitatis ſtudiū. Rarò ſine motibus & turbis configuntur, quod Pro uerbio dici conſueuit, cornicum oculi; & quæ ordinantur à curioſulis, ſerè abolitis ſunt deteriora.

*Lex Moſis non obſtrudenda regnis.*

*Curioſitas & nouandi ſtudiū.*

Porro leges omnes uel de religione & cultu Dei externo præcipiunt, uel de externa uitæ conuerſatione ciuilibuſq; moribus. De religionis legibus dictum eſt ſuperius. De ciuilibus uel politicis legibus hæc addimus, optimas uideri illas quæ pro cuiuſlibet loci, perſonarum, rerum, temporisq; ratione, quā proximè accedunt ad Decalogi præcepta & charitatis regulam, nec habent quicquam iniquitatis uel licentiæ & turpitudinis. Sint præterea breues ſuccinctæq;, nō in immenſum extenſæ aut multis implicatæ expoſitionibus; ſint directæ ad iuſtum ſcopum, ad rem facientes, non ſuperuacua. Tribus autem comprehenduntur ſerè capitibus leges politicæ, honeſtate, iuſtitia, & pace. Proinde huc ſpectent leges, ut in re publica plantetur uel retineatur diſciplina & honeſtas: nempe nequid fiat indecore, libidinoſe ac turpiter. Legibus proſcribatur omnis obſcœnitas, petulantia, leuitas, libido & luxuria, in uestibus, ædiſicijs, poculis, cibis. Sanctè colatur conuiuium. Exulent fornices cum ſcortatione. Exulent adulteria, ſupra, raptus, atque inceſtus. Exhibeantur conuiuiā moderata. Colatur frugalitas, ueſtigal omnium maximum. Breuiter quicquid cū honore & decore pugnat, legibus explodatur. Muniatur legibus iuſtitia. Caueatur ne quis uel indigenarum uel peregrinorum lædatur, in fama, in fortunis, in corpore uel uita. Lædens aliū uiolenter uel iniuſtè, puniatur ſecundū leges. Sint leges iuſtæ de adeundis hæreditatibus, de contractibus, ſtipulationibus, fideiuſſionibus, emptionibus, de ponderibus & men-

*Leges ciuiles quales.*

*Leges de honeſtate.*

*Leges de iuſtitia.*

DE PRÆCEPTO DECALOGI VI.

*Leges de pace.* furis, de locationibus, mutuo, deposito, de mercede conductis, de usu fructibus & usura. Sit ordo inter patrem & liberos, inter coniuges, inter dominum & seruum, breuiter suū cuiq; cedat ex integro. Neq; enim statui hic omnes iuris titulos commemorare. Præterea procuranda erit legibus pax, ut quisq; suis tranquille possit frui. Depellenda est omnis uiolentia & iniuria, sopiendæ simultates & insidiæ. Bella quoque sopienda sunt prudentia, uel excipienda finiendaq; fortitudine heroica.

Cæterum ut talis nobis & magistratus & uita obtingat, iussit Apostolus ualde precari dicens, Adhortor ut ante omnia fiant deprecationes & obsecrationes, interpellationes item, & gratiarum actiones, pro omnibus hominibus, pro regibus & omnibus in eminentia constitutis, ut placidam ac quietā uitam degamus cum omni pietate & honestate. Rursus cogor nundum plenè absoluta hac causa uela colligere. Cras adijciam reliqua. Vos iam diligenter animis in cælum sublati orate, &c.

*De iudicio & officio Iudicis. Iudicia non esse Christianis prohibita. De uindicta & pœna. An liceat magistratui cadere fontes. Quare, quando, quomodo, & quid puniat. An propter religionem punire possit.* S E R M O V I I I.

**D** I X I heri de ordinatione magistratus, restant duo reliqua huius officii, Iudicium & Pœna siue ultio, de quibus, pro gratia à deo concessa, breuitate succincta dicam: uos intentis animis attendite, & domino pro gratia supplicate.

*Iudicium quid.*

Iudicium uariè accipitur, sed in præsentī est sententia iudicū interposita inter litigantes, desumpta autem ex legibus secundum æquum & bonum, prout causa proposita à partibus requisit, pronuntiata in hoc, ut dirimat litigantes, & ut suum cuiq; cedat. Prodeunt enim in iudicium confessum partes, litigant de hereditate aut possessione aliqua, quam partium quælibet ad se iure pertinere contendit, propositis in medium argumentis, quibus suum ius probant atq; demonstrant. Ea diligenter audiunt & colligunt iudices, deinde eadem conferunt inter se & cum legibus, postremò ferunt sententiam, qua possessionem alteræ parti decernunt, alteræ adimunt. Similis ratio est & in alijs causis. Hoc uerò iudicium est, ipsa inquam iustitiæ executio. Est autem hæc ratio dirimendi & componendi partes lenior, consequente nimirum pœna atq; uindicta, cum iam non tantum uerbis res agitur & sententijs, sed uerberibus & gladio. Et sunt quidem causæ diuersæ, quarum aliæ non possunt nisi gladio finiri, aliæ sententijs & mitius longè transiguntur. Cæterum in his est salus & incolumitas regni uel reipub. Sunt itaq; iudicium & pœna in officijs magistratus longè præstantissima, etsi uideantur dura ac crudelia. Verum nisi exerceatur hæc (ut uidetur) crudelitas, omnes ætates, ordines & sexus experientur longè crudeliora & reuera crudelissima. Nam crudelitas non est, quæ iubente domino, ad seruandos innoxios, & ad tranquillitatem in regno seruandam, exercetur, iusta magis est seueritas. Finge autem rem publicam esse quæ absolutissimis instructa sit legibus, quod religionem attinet & mores politicos: finge præterea nullum esse in republica illa magistratum qui leges illas exerceat & tueatur, qui omnia dicta & facta hominum ad illas leges redigat atq; reducat: & ideo quemlibet pro sua libidine perrumpere & quidlibet agere, quid oro leges illæ scriptæ profunt ciuibus? Nihil prorsus. Præstantissima ergo officiorum pars in iudicio & ultione consistit. Et requirunt illa uirum siue iudicem præstantem

*Iudiciū et ultio præstantissima in officijs magistratus.*



stantem & heroicum: quem ipse Dominus in lege sua, qualem esse cupit ac officium quod agat graphice describis: quam descriptionem recitabimus atque explicabimus, quando in hac re iudicis persona primas tenet.

Moses præcipientem Domino ad iudices ait, Audite causam fratrum uestrorum, *iudicis officium describitur.* & iudicate iuste inter uirum & fratrem eius & inter peregrinum eius. Non recipietis faciem in iudicio: tam paruum quam magnum audietis: neque timebitis ab ullo uiro, quia iudicium Domini est. Duo agit diuinus propheta in his uerbis. Indicat quodnam sit iudicis officium: & quæ uitia quæ morbi inficiant iudicem, quò minus suo officio satisfaciatur. Et quantum attinet ad officium boni iudicis, primò requiritur ab eo ne quem repellat, sed audiat omnes, paruum, magnum, inquilinum, ciuem & peregrinum, notum & ignotum. Audiat autem partes beneuolè, diligenter, attentè. Excluditur his socordia & animus à dicente alienatus. Excluduntur præiudicia, quæ mentem iudicis alienant. Ipsa res clamat audiendum esse intelligendumque sobriè priusquam iudicandum. Et uulgare est illud, Audiat & altera pars. Prudenter dicebat iudex ille accusatori se alteram præbuisse aurem, alteram reseruassere eo. Comprehendimus in his cognitionem iudicis diligentem, ne acceleret iudex in causis nondum plenè cognitis, quas uidelicet iudex ex re ipsa non ex delatione partium iudicare debet. Deinde iudicet, ait, & iuste quidem iudicet iudex. Iudicare est discernere & pronunciare secundum leges pro æquo & bono, quid bonum, quid malum, quid rectum, quid iniquum. Heluetij utimur uocabulo *urteilen oder erteilen oder richten*, quasi quis dicat rem diligenter expensam discriminare, & incuruam complanare & rectam facere. Partes affectibus cæcatur res rectas incuruas faciunt, iudex ad normam æquitatis & legum adhibens, rursus rectificat: ergo iudicare est rectificare. Præterea iudicare est defendendo & puniendo asserere. Iudex ergo iudicat cum asserit innoxium, coercet nocentem. Cæterum iudicandum est iuste, id est, secundum iustitiam & leges, quæ unicuique suum illud reddunt. Iniuste iudicat iudex, cum contra leges & iustitiam, ex uitata affectibus mente, pronunciat. Inspicienda ergo iam sunt uitia iudicium.

Est plurima quidem sunt iudicium uitia, morbi quoque animorum uarii: sed præcipui duo. Alter morborum corrumpentium animos iudicium, quò minus suum exequantur officium, est receptio facierum seu respectus personarum, nempe cum iudex in iudicio non ipsas res, uel causas quales reuera sunt causarumque circumstantias, sed uel dignitatem excellentiamue, uel humilitatem sortemue afflictam, uel genus, uel clientelam, uel tale quidpiam spectat. Hoc malum excludens Dominus, Iuste, inquit, iudicabitis, non respicietis faciem in iudicio: tam paruum quam magnum audietis. Alter morborum est metus, sanè uehemens affectus, omnia disturbans præclara consilia, omnesque præfocans uirtutes. Sub metu intelligimus & spem, nimirum emolumentum, adeoque & munerum corruptelam. Qui metuit uitæ suæ aut fortunæ suæ, aut ne quem offendat magnatum, neue iudicia & odia uulgi in se excitet: qui munera accipit, aut se accepturum ab altera partium sperat, impingit in iustitiam, & promouet iniquitatem. Dominus itaque, Non timebitis, inquit, ab ullo mortalium: non sperabitis à quocquam quicquam munerum. Ratio, Non uestra res agitur, neque huc uocati estis ut rem uestram conficiatis, sed Dei iudiciū est. Spectanda est ergo uoluntas & lex Dei. Ac Deus tueri potest iudices iustos contra iniqua quorumuis odia, & contra omnem uiolentiam. Præterea cum dicitur iudicium esse Dei, admonent iudices Dei iudicis supremi exemplum ipsis esse imitandum. Quale uero Dei exemplum sit, exponit idem Moses in 1. cap. Deut. *iudex Dei exemplum imitetur.* & ait, Deus non suscipit nec personam nec munus, ipse facit iudicium pupillo & ui-



DE PRAECEPTO DECALOGI VI.

2. Paralip. 19.

duz: & amat peregrinum, ut det illi panem & uestitum, diligetis ergo & uos peregrinū. Ita agere oportet etiam iudices diuinos in iudicio Dei. Certē Iosaphat princeps religiosissimus constitutus à se iudicibus dicit, Videte quid agatis: non enim hominis exercetis iudicium, sed Domini, qui uobiscū est in causis quas iudicatis. Sit ergo timor Domini in uobis, obseruate & diligentes estote. Quoniā non est ulla peruersitas aut corruptio apud Dominum Deum nostrum, ut uel personas suscipiat uel munera recipiat.

Exod. 23.

His adijciam alios quoque scripturae locos qui superiores illustrent partim, partim officii iudicis significantius explicent & ornent. In Deuteronomio legimus, Iudices iudicabunt populum iusto iudicio. Non declinabis iudicium, nec agnosces personam, neque accipies munus. Quoniā munus excaecat oculos sapientis, & peruertit uerba iustorum. Iustitiam iustitia prosequaris, ut uiuas & possideas terram. Rursus in Exodo legimus, Non sequeris multitudinem in malo, neque respondebis in causa, ut declines post multos ad peruerendum. Pauperem non ornabis in causa sua: neque perueres causam pauperis tui in causa sua. A uerbo falso longē aberis: nec innocentem & iustum occides. Quoniā non iustifico impium.

Leuit. 19.

Munus ne acceperis, quia munus excaecat uidentes & peruertit uerba iustorum. Item in Leuitico sic legis, Non facietis peruersum quid in iudicio, nec suscipias faciem pauperis, neque honorabis uultum magnifici, in iustitia iudicium proximi tui decernes. Item, Nolite facere iniquum aliquid in iudicio, in regula, in pondere & in mensura. Bilanx iusta, lapides iusti, epha iustum, & hin iustū sit uobis. Ego Dominus Deus uester, &c. Comprehensum in his Domini Dei nostri uerbis aut preceptis paucissimis, omne illud arbitror, quod philosophi & iurisprudentes uix multis absoluunt libris. Super hac omnia sanctissimus Dei propheta Ieremias clamat, Facite iudicium & iustitiam, & liberate uī oppressum de manu calumniatoris: peregrinum quoque, pupillum & uiduam ne contristetis, neque iniuriam faciatis, & sanguinem innocentem ne effuderitis. Hac de iudicum officio.

Ierem. 22.

Iudicia non esse  
abrogata inter  
Christianos.

Math. 5.

Frustra uerò de his hucusque apud quosdam differuimus, nisi etiam ipsorum objectiones diluamus, quibus contendunt demonstrare forum in uniuersum omne abrogatū esse, in euangelio dicente Domino, Ei qui te uelit in ius trahere ac tunica tuam tollere, permitte illi & palliū. Et iterum, Cū abis cum aduersario tuo ad magistratum, da operam ut in itinere componas cum illo, ne fortē tradaris tori. Addunt lites forenses ab Apostolo Paulo ad Corinth. scribēte in cap 6, damnatas. Ad quā sic respondemus. Sicut oeconomia non abolet & damnat doctrinā Euangelij & Apostolorū, ita neque politia. Obiurgat & repellit Dominus in Euangelio secundū Lucam, adolescentem qui postulabat ut cum fratre suo ageret, quō is partē hereditatis aquam cederet: non quōd damnaret si quis posceret diuisionem aquam, aut partē iure sibi debitam, sed quōd existimaret id nequaquam suū esse officij, sed iudicum. Quis, ait, constituit me iudicem aut diuisorem inter uos? Præterea sicut in Euangelio scriptum legimus Si quis uelit te rapere in ius, & tunicam tuam à te tollere, cede illi & palliū: ita ex aduerso non requiritur aliud in tota euangelica doctrina maiore diligentia quā charitas & beneficentia. Ceterū confertur beneficentia si aliā, per iudicium & iustitiā maxime. Cū autē propter iudicium & iustitiā exercendam & conseruandam inuenta sint iudicia: claret ipsa per Euangelium minime esse abrogata. Clamant insignes prophetae Isaias & Zacharias: Ille, Cessate malefacere, discite benefacere, quarite iudiciū, subuenite oppresso, agite in iudicio causam pupilli & uiduæ: Hic uerò, Iudicare iudicium ueritatis, & facite beneficentiā ac misericordiā unusquisque cum fratre suo. Viduam & pu-

Isaie 1.

Zach. 7.

& pupillum, peregrinum & pauperem nolite calumniari. Peccant ergo qui iudiciam perturbare, & iudices è subfellis deturbare pergunt. Nam ut bonam ueritatem Dei cultus partem auferunt, sic iniurijs, rapinis & oppressioni pauperum ianuam aperiunt. Præcepit Dominus, fateor, quæ recitata sunt ab aduersarijs. Ea ratione uoluit consolare hominum quieti: sed quoniam malitia hominum est insuperabilis, patientiaque innocuorum animos addit iniquis nebulonibus, nequaquam damnauit dominus moderatum iudiciorum usum. Sed & Paulus Apostolus non semel iudicijs legitur usus in Actis Apostolorum, non propter pecuniam sanè aut peculsum, sed propter uitam suam quam cupiebat seruata defensamque à latronibus. Nec consentit in iniquum Festi præsidis iudicium, sed appellat ad Cæsarem: & tamen non ignoramus Paulum actione hac sua nihil peccasse contra doctrinam Christi euangelicam. Idem Paulus ad Corinthios, non damnat absolute quod in foro decertarent Corinthij super rebus ad uictum pertinentibus, sed quod sub infidelibus litigarent iudicibus. Decebat quidem æquo animo iniurias ferre, indecens est ulli ullam inferre iniuriam: quoniam uero Dominus iniuriam sustinentibus mederi subueniri que uoluit in iudicio, nihil peccat qui cupiat iniuriam à se propulsatam, non uindicta priuata, sed æqua iudicum sententia. Ideoque præcipit Corinthijs Apostolus, sibi ex fidelibus deligant iudices, qui litigantes propter res temporales dirimant.

Exposita parte officiorum magistratus secunda, iudicio uidelicet, descendimus ad tertiam & postremam explicandam, ad uindictam & poenam. Nam magistratus pro officio suo gerit gladium: ergo diuinitus iubetur uindicare bonos & exdere malos. Gladius enim diuina est uindicta seu instrumentum, quo Deus suas persequitur iniurias & hostes suos: ac usurpatur generaliter in scripturis pro ultione & uindicta. Apud Ieremiam clamat Dominus, Gladium uoco super omnes habitatores terræ. Item apud Ezechielem, Gladius acutus & politus est ut iugulet uictimam. Rursus, Dabo gladium meum in manus regis Babel. Certè Pharaones Aegyptijs dicti sunt reges ipsorum, quasi tu dicas uindices. Est autem duplex apud magistratum gladij usus. Vel enim fontes puniunt propter iniurias alijs illatas & propter maleficia uaria: Vel bello depellunt hostem grassantem, aut opprimunt rebelles uel seditiosos suos ciues.

Verum obijciatur hic nobis iterum, secundum doctrinam Euangelij neminem posse uel occidi uel occidere, eò quod dictum sit à Domino, *Ne resistatis malo. Et ad Petrum, Conuerte gladium tuum in uaginam suam. Omnis qui gladium sumit, gladio interit.* Respondemus in omni scriptura priuatam prohiberi uindictam, non publicam. Priuata autem erat uindicta & inordinaria, quam exercere parabat Apostolus Petrus, ad prædicationem uerbi Dei, non ad tribunal, ad arma aut militiam uocatus. Atque contra priuatam & inordinatam uindictam rectè pronunciat, Omnis qui sumpserit gladium, interibit gladio. Exterum publicam uindictam & ordinarium gladij usum minime à Deo in ecclesia prohibitum esse, demonstrat hoc diuini Apostoli testimonio. Docuit Paulus in 2. cap. ad Romanos quid à nobis exigit Euangelica perfectio, & inter alia præfert & hæc. Ne uisciscamini uos ipsos dilecti, quin potius date locum iræ. Scriptum est enim, Mihi ultio, & ego rependam. Quoniam uero obijci poterat, Atqui hac ratione Christiana patientia cædibus & parricidijs copiosissimam suppeditabit materiam, subiicit in mox insequente cap. 13. Magistratus Dei minister est, tibi in bonum, ad terrorem male agentibus. Non enim frustra gladium gestat. Nam Dei minister est, ultor ad iram, ei qui quod malum est, fecerit. Colligimus ergo ex hac Apostoli doctrina abs quolibet nostrum Deo permittendam ultionem, nec licitam esse uindictam priuatam. Licita est

*De uindicta  
magistratus.  
Gladius.*

*An liceat occidere uel punire  
fontes.  
Math. 5.*



*Clementia praepostera.*

*Seueritas non est crudelitas.*

*Quare deum iubet punire facinorosos.*

*Luce 23.*

*Quando animaduertat magistratus in noxios.*

autem publica & ordinaria. Nam Deus qui dixit nobis, Mihi uindictam cedito, & ego retribuam, idem uindictam illam sibi permissam aut datam, concedit magistratui. Idcirco magistratus est gladio persequi hominum iniurias, id est diuino nomine & iussu. Ergo quando punit magistratus, Deus ipse, cuius est uniuersa ultio, punit per magistratum, qui hoc nomine appellatur Deus. Præterea scriptum est, Maleficum non patieris uiuere. Item, Dissipat impios rex sapiens, & conuertit super eos rotam. Rursus, Qui iustificat impium, & qui condemnat iustum, uterque est abominatio Domini. Nec desunt exempla approbantia nobis quosdam incurrisse iram Domini grauissimam, quod clementia præpostera pepercerunt illis, quos mandarat Deus gladio percutere. De Saule loquor & Achabo. Ex aduerso sunt innumera optimorum principum exempla, testantia maxima cum laude supplicium sumi de sceleratis. Neque enim ullum peccatum aut ulla culpa hæret in feriente & supplicium sumente principe de noxio & scelerato homine. Ideoque in lege usque ad fastidium repetitur, Sanguis eius super eum. Porro sanguis noxii licet non effusus sit, imputatur magistratus pro culpa, quando sui negligens officij uentam dat nulla uenia dignis, nec uindicat innoxium. Nam particeps efficitur iniuriæ & effusi sanguinis iusti, quem non uindicat, dum illi parcit cui iusserat Dominus in ceruicem deurgere gladium. Profecto non est crudelitas (uti falso iudicatur) iusta magistratus seueritas, in puniendis maleficis hominibus. Præpostera autem clementia parcens facinorosis & indignis uita consortioe hominum, reuera atrox est crudelitas. Nam cum magistratus mortem meritos nephandis flagitijs dimittit impunitos ac incolumes, augetur principio audacia simili scelere obnoxiijs, progredienti uidelicet in sceleribus. Vident enim parsum esse simili facinore diffamatis. Deinde qui nondum in profundum scelerum demersi sunt, tentantur autem à malo in horas, ut se totos demergant in nephanda flagitia, facilius manus dabunt. Vident enim clementer tractari facinorosos. Postremo nihilo meliores ferè redduntur impune dimissi; imò conduplicant iam mala, eoque recidit tandem res ut cogaris illum iam ferire propter parricidia multa, in quo noluisti punire unum homicidium, seruareque innoxios quos interea latro sustulit. Lupos ergo & ursos emittunt in plebem, qui nebulones nepharios dimittunt.

Ostenso iure gladii, & quod magistratus uindicare iniurias hominum, & facinorosos occidere possit, consideremus porro quæ sint causæ, ob quas Deus iubet supplicium sumere de noxijs hominibus, item quando sit sumendum supplicium, denique quæ sint suppliciorum aut poenarum irrogandarum à magistratu genera.

Causæ potissimæ propter quas noxios punire palam præcipit Dominus, illæ ferè sunt. Vim uel repellit, & hominum salutem & incolumitatem operatur Dominus, uindicat iniuriam perpeffos, & restituit quæ restitui possunt. Idem iustitiam suam declarat, quæ cuique reppendit pro suo facto. Probrosa ergo facta, morte eluit probrosa. Admonet reos sui sceleris, & sensum ferè indit poenitentiae & salutis. Nisi facinorosus agnoscat scelus admissum, poeniteatque ipsum delicti, & toto pectore credat in Christum, remittitur ipsi peccatum & saluatur: sicuti apertum habemus in latrone crucifixo testimonium. Cui certè supplicium fuit salutis occasio. Alteri latronum nihil salutis obuenit, quia non credidit in Christum, neque diuexatione illa sua admonitus sapere coepit. Præterea exhibetur iudicijs publicis & uindicta, exemplum omnibus alijs hominibus, quò discant ipsi sibi ab huiusmodi cauere flagitijs, nisi simili malint perire supplicio.

Non animaduertat autem magistratus in quenquam nisi constet prius puniendum, eam quam decernunt iudices poenam commeruisse, ac Deum iussisse in

tale



tale delictum animaduertere, id est, iure Dei damnatum esse quod punitur. Illud uerò constabit ex propria liberaq; puniendi confessione, uel ex testimonijs probatis contra puniendum latis siue collectis, deniq; ex collatione legum cum ipsis puniendorum sceleribus. Ergo non licet magistratui animaduertere in uirtutes, in ueram religionem & in uiros probos, honestos, & religiosos. Magistratus enim ordinatus est à Deo ad terrorem non bonis sed facinorosis.

Ac de modo & ratione poenarum non est curiosius disputandum. Seruet quælibet gens aut ciuitas sua supplicia & modum suppliciorum, nisi forte mores patrij habeant aliquid truculenti & iniqui. Hoc enim ad æqui & boni regulam moderandum esse, nemo sanus negauerit. Species suppliciorum sunt deportatio siue exilium, diminutio capitis, mulctatio in fortunis, carcer ac uincula, uirga, stigmata, amputatio membrorum, ipsa denique mors perfecta gladio, igni, aqua, laqueo, aut modis alijs, cuilibet genti proprijs. Nec caret scriptura tristium huiusmodi titulorum catalogo. Legimus enim in libro Esdræ, Quicumque autem facere noluerit legem Dei tui atq; legem regis, de hoc illico fiat iudicium, siue ad mortem, siue in exilium, siue ut facultatibus mulctetur, siue ut cōficiatur in uincula & carcerē. Hæc non temerè propter eos commemoro, quibus hæc uidentur inter fideles non esse uel nominanda.

Caterum modus in his discretioq; apud iudices sit oportet, certè ut enormia peccata grauer puniantur, minora delicta mediocribus supplicijs coërceantur, in minima uerò seu leuia moderatius animaduertatur. Notissimum est illud è lege diuina, Pro mensura peccati erit & plagarum modus. Vbi etiam locum habet consideratio clementiæ iudicis. Excusat reum non rarò uel sexus uel ætas. Excusantur aliquando facta eius alioqui non bona circumstantijs ritè expensis. Consideratur item à iudice diligenter Rei antea facta uita, quæ cum hæcenus fuit honesta & proba, plus meretur reus clementiæ, nisi facinus ob quod modò tenetur uinctus tam sit enorme, ut nullam admittat clementiam. Verum pietas siue timor Dei, preces quoq; effusæ ad Dominum, & diligens legitimaq; facti aut dicti, id est, facinoris examinatio, optima erunt regula quando iudex uel clementer uel seueriter agat. Alioqui decens clementia maximā habet laudem cum apud Deum, tum apud homines.

Demonstrauit charitati uestræ quòd magistratus punire fontes & possit & debeat, deinde quare uoluerit Deus puniri palam facinorosos, hinc quando, quomodo, & quantum sint puniendi. Restat ut dicamus propter quid, uel ob quæ delicta sint puniendi. Id autem uno uerbo exponi potest, omnia dicta & facta quæ legibus Dei & magistratus contraria sunt, id est, omnia quæ contra leges sceleratè sunt, sunt punienda. Iam uerò leges latæ sunt uel de religione, uel de rebus ciuilibus. Ac hæc quidem uersantur circa honestatem, iustitiam, pacem. Proinde punire aut coërere oportet omnes quotquot honestatem, iustitiam, & pacem publicam, & ciuium priuatam conturbant, affligunt, uexant, perdunt atq; subuertunt. Puniantur fœditas, obscenitas, libido, stuprum, fornicatio, adulterium, incestus, sodomia, luxus, ebrietas, crapula, auaritia, impostura, usura atterens, proditio, cædes, parricidium, seditio, & si quid aliud est huius generis. Catalogum satis prolixum texit Dominus in lege sua apud Moysen Leuit. 18. & 20. Et ne quis hodie illa arbitretur esse abolita, audiat sanctum Paulum dicentem, Iustis non est lex posita, sed iniustis & inobsequentibus, impijs & peccatoribus, irreuerentibus & prophanis, patricidis & matricidis, homicidis, scortatoribus, masculorum concubitoribus, plagiarijs, mendacibus, periuris, & si quid aliud est quod sanæ doctrinæ ad-

*Que suppliciorum genera.*

*Discretio et clementia iudicis.*

*Que nam sint punienda in noxijs.*

*1 Tim. 1.*

uerfetur. Sed contra religionis leges peccant apostatae, idololatrae, blasphemae, haeretici & falsi doctores, religionis denique irrisores.

An magistra-  
tus punire pos-  
sit propter reli-  
gionem uiola-  
tam.

Controuersum est autem & controuertitur hodie adhuc, an liceat magistratui suae potestati subditos punire religionis uel contemptae, uel contumelijs affectae gratia. Manichaei & Donatistae fuerunt in ea sententia, quod nemo sit religionis gratia urgendus, nedum caedendus, sed quislibet suo relinquendus arbitrio. Verum scriptura diuina disertè mandat magistratui, ne pseudoprophetis parcat: imò iubentur rebelles Deo, legibus & iudicibus sanctis, occidi sine misericordia. Loca sunt in scripturis illustrissima, & nemini non notissima. Alter habetur Deut. 13, alter in eodè lib. cap. 17. In exodo hæc ponitur lex, Qui immolat dijs præterquam Domino soli, exterminetur. Occiditur ac lapidibus obruitur blasphemus in Leuitico. In Numeris caeditur qui uolurat religionem sabbati. Et quot quæso illorum cadunt gladio ultore sternente, qui uitulum erexerant & coluerant in deserto. Helias celebri sacrificio macauit aliquot centurias pseudoprophetarum ad montem Carmeli. Eliseus mandante Domino inungit Iehu in regem ad hoc, ut & domum Achabi extirpet, & sacerdotes Baal imolet una omnes. Ioiada sacerdos Athaliae caecidit. Iosias rex Deo dilectissimus, sacerdotes excelsorum sacrilegos & pertinaces ad unum omnes sustulit. S. Augustinus Tractatu in Ioan. 11. contra Donatistas disputans, exemplo Nabuchodonosoris ostendit, Christianos principes iuste animaduertere in Donatistas, Christum & doctrinam eius uilipendentes. Inter alia, Si rex Nabuchodonosor, ait, gloriam Deo dedit, quia liberauit de igne tres pueros, & tantam gloriam dedit, ut decretum mitteret per regnum suum: quomodo isti (nostri) reges non moueantur, qui non tres pueros attendunt liberatos de flamma, sed seipsos liberatos de gehenna, quando uident Christum à quo liberati sunt exufflari in Christianis, quando audiunt dici Christiano, dic te non esse Christianum? Talia facere uolunt, & saltem talia pati nolunt. Nam uidete quæ faciunt, & qualia patiuntur. Occidunt animas: affliguntur in corpore. Sempiternas mortes faciunt, & temporales se perpeti conqueruntur. Hæc ille. In nouo testamento habemus maximorum Christi Apostolorum Petri & Pauli exempla clarissima. Horum alter Ananiam & Sapphyram sternit propter hypocrisin & mendacium siue fictam religionem, Alter Elymam magum, quasi erutis oculis, cæcum reddit. Neque admodum refert caedatur aliquis gladio, poculis, an uerbis. Occidere est occidere, quocunque fiat modo aut instrumento. Et Deus egit per Apostolos: idem ille agit per magistratum. Nam ultio est Dei, qui illam tradit magistratui uirisque primarijs exercendam uel sumendam de facinorosis. Extant leges multae sanctissimorum principum Christianorum, in negotio religionis latae, mandantes punire idololatrias, apostatas, haereticos & impios. Vnam ex multis S. Constantini Imperatoris charitati uestrae recitabo. Scribens enim ad Taurum P. P. Placuit omnibus locis atque urbibus uniuersis, ait, claudi protinus templa, & accessu uetito omnibus licentiam delinquendi perditis abnegari. Volumus etiam cunctos sacrificijs abstinere. Quod si aliquid forte huiusmodi perpetrauerint, gladio ultore sternantur, facultates etiam perempti fisco decernimus uindicari. Et similiter puniri rectores prouinciarum, si facinora uindicare neglexerint. Eadem propè mandant uulgatis edictis Theodosius & Valentinianus in codice Theodosiano tit. 2. item Valentinianus & Martianus in codice Iustiniano tit. 11. lib. 1. His omnibus accedit illud, quod citra controuersiam iure & religiosè puniuntur adulteri, homicidae, seditioniosi, impostores & blasphemae. Inde consequens est optimo iure occidi & pseudoprophetas aut haereticos. Nam sunt impostores, blasphemae, & homicidae.

Cæterum



Ceterum in puniendis his magna est seruanda habendaq; ratio: primò quidem personarum: deinde uerò errorum: postremò ipsarū quoq; poenarum. Nam in persona magna est diuersitas. Sunt enim antesignani & duces peruiaces in erroribus, qui audaces sunt, hypocritæ & loquaces, & idcirco ad seducendum appositissimi, ipsi quidem citra emendationem in propriam ruentes perniciem, & alios secum pertrahentes. Et hi modis omnibus sunt coërcendi ueluti Ecclesiæ pestes, ne contagio ipsorum ceu cancer serpat latius. Sunt deinde seducti quidam ac dementati ab alijs, qui errant, sed non malitia neq; pertinaciter, sed resipiunt in tempore. Hos non oportet damnare protinus, sed sustinere ac orare Dominū, errantesq; spiritu lenitatis & mansuetudinis erudire, donec redeant ad mentem meliorem.

*Que moderatio adhibenda sit in puniendo.*

Porro in erroneis dogmatibus alia alijs sunt grauiora. Sunt quædam adeò impia, blasphema, & indigna, ut ne audiri quidem nedum ferri possint. Sunt quæ rectè & palàm tendant in subuersionem reipub. nisi in tempore sopiantur. Oportet autem scripturis & manifesta ueritate euincere illa quæ in accusationem ueniunt, esse talia, qualia dicuntur. Comperta ueritate, & productis apertis testimonijs scripturæ, licebit in blasphemos & euersores Ecclesiæ reipublicæq; grauissimè animaduerrere. Sed leuior mitiorq; poena decernatur contra errantes in leuibus, non capitalibus erroribus. Nam errant quidam, sed ita ut erroribus horum Deus non blasphemetur, & ecclesia consistat, deniq; ipsa non inturbetur respublica. Vbi rursus occurrat cuilibet illud Apostoli, Alter alterius onera portate. Item, Infirmos in fide suscipite, non ad dijudicationes disceptationum.

Iam & in supplicijs & poenis insigne est discrimen. Pertinaciter errantes & alios secum in errorem abducere, inq; erroribus retinere contententes, blasphemæ & perturbatores, imò subuersores Ecclesiarum iure cædi possunt. Ideo tamen capitis supplicio non protinus afficiendus est omnis qui errat. Et quæ minis & increpationibus curari possunt, non debent acerbioribus elui & puniri. Modus in re qualibet optimus est. Est & multa pecuniaria. Sunt carceres in quos concludi possunt, ne alios inficiant qui ueneno prauæ doctrinæ & fidei corrupti sunt. Sunt & aliæ corporum afflictiones quibus coërcentur errantes, & ut noceant minus alijs sanis, & ut ipsi seruentur, non toti pereant, sed resipiscant. Sed timor Dei, æquitas & prudentia iudicis intelliget ex circumstantijs, quomodo punienda sint in seductoribus & seductis praua dogmata & peruiçax rebellio, aut stolidæ & minimè malitiosæ credulitas.

Admonitio seria & diligens locū non habet in sceleribus nephandis iam perpetratis & gladio eluendis: curret ergo magistratus ut moneat in tempore monendos. Nam admonitio seria & diligens, diligenter commendata est omnibus proceribus exercenda erga subiectos, & iam aliqua in re periclitatæ. Sed & prudentes & pii magistratus non rarò pepercerunt peccantibus ignoranter, resipiscen-  
tibus autem ad seriam admonitionem. Dominus in Euangelio iubet admonere peccantem, & obsequenti parcere, rebellis grauiora iniicere. Et Iosue priusquā ad arma conclamaret, missa legatione iubet Rubenitas cum socijs demoliri arā, quam illi uidebantur extruxisse contra legem Domini. Et Iustinianus Cæsar resipiscen-  
tibus amplectentibusq; meliorem sententiam ueniā concessit, Constit. 109. Nam & Iosias non omnes erroribus implicitos occidit, sed incurabiles maximè. Modè ratio ergo adhibenda magistratui in fontibus puniendis.

*De admonitione præcedente poenam.*

Non possum hic dissimulare & transilire quod his hæcenus de supplicio à me  
allatis obijcitur à quibusdam, nempe Apostolum Paulum non præcepisse, Hæretici  
obieciones.

*Respondetur ad obiectiones.*



*Ad Titum  
cap. 3.*

cum hominem post unam aut alteram admonitionem occide aut mulctato, sed deuita. Fidem item esse donū Dei, quod non possit ulli inseri aut dari gladio. Praeterea neminem esse cogendum. Qui cogit, hypocritam facere, religiosum facere non posse. Iam etiam Apostolos nulla à regibus subsidia uel ad tuendam religionē Christi, uel ad propagandam, aut ad puniendos hostes religionis atq; blasphemos postulasse. Ad quā paucis sic respondeo. Scripsit Paulus ad Apostolum dum scripsit epistolam ad Titum. Apostolum ergo informat, quomodo se gerat in suo officio erga haëreticum deploratum. Si ad Sergium Paulum aut ad praesidem aliquē scripsisset, proculdubio & huic praescripsisset suum officium. Certè idem ille Paulus stans coram Sergio Paulo principe Cypri, suo facto demonstrauit Sergio quid deceat magistratum. Nam Elymam pseudopropheta non tantum obiurgat uerbis acerbissimis, deinde eius se abdicat consortio, ipsumq; deuorat & fugit, sicut Cerinthus Ioannes Apostolus, sed & corporali percutit cecitate.

*Fides est donum Dei.*

Fateor fidem esse donū Dei in corde hominis, cuius scrutator solus est Dominus. Ceterum ex dictis & factis iudicantur homines: ut ergo non sit punienda erroranea animi opinio, neutiquam tamē ferenda est pestilens & impia professio siue doctrina. Nemo sanè punit in hoc seculo prophanas aut impias animi cogitationes: at si hæ in apertas erumpant blasphemias, puniuntur iam à bonis principibus blasphemæ uoces: interim pietas non confertur per magistratum. Iustitia ipsissimum Dei donū est, quod à solo Deo hominibus cōceditur. Sed quis adeo ineptus ut inde colligat, ergo infusti, raptores, parricidæ & uenefici non sunt puniendi? Nam puniendo magistratus non potest iustitiam conferre iniusto. Oportet itaq; discriminare inter fidem uti est donum Dei inhærens animo hominis, & ut est externa professio pronunciata & testificata coram hominibus. Dum enim fides falsa in animo sepulta latet, nec inficit quenquam nisi infidelem, puniri nō potest infidelis: ubi autem fides latens erumpit in blasphemias, ac Deum palam lacerat, & proximos quosq; inficit, protinus coërcendus est blasphemus & seductor, ne malum latius serpat. Hunc nolle coërcere, est gladiū furioso dare in manus, ut conficiat imprudentes & imbelles. Fides est donū Dei, sed confert hoc suū donum Deus per media. Ea nō uult negligi. Scit paterfamilias fidem esse donū Dei, sed nihilominus erudit liberos suos in uerbo fidei, & praecipit ut abeant in cœtum sacrum, pro fide orent, ac fidem ex uerbo docentis discant. Indignissimè ferret, imò non ferret parens bonus, si filius diceret, Noli pater me erudire, noli me mittere in cœtum Ecclesiasticum, ne si negligētem scutica excitare. Fides est donum Dei, quod non per scuticam incutitur. Quis ergo aquis auribus audiat clamantes fidem esse donū Dei, ergo neminem propter fidem, id est, propter fidei corruptionem & propter blasphemiam esse castigandum?

*An liceat quemquam cogere ad fidem.*

Ac Petilianus quidem clamabat dicens, Absit absit à conscientia nostra, ut ad nostram fidem aliquem compellamus. Author August. lib. 2. contra Petilianum literas cap. 83. Ergone pergemus paria proferre cum haëreticis? aut dicere dominum Deum in scripturis hypocrisin plantare, cum minis & castigationibus perpellit ad bonum? Dauid dicit, Bonum est mihi domine quod humiliaueris me. Et Ierem. Castigasti me domine, ait, & castigatus sum, ueluti uitulus indomitus. Quod si nemo cōpellendus est ad bonum, cur quæso toties iubet mortalium sapientissimus Solomō castigare liberos? Qui parcat uirga, odit filium, ait: tu quidem percutis eum, sed uirga liberas animam eius à morte. Quotidiana experientia rerumq; natura euincit uehementissimos in hominibus esse affectus, quibus nisi medeamur & frænum iniiciamus, perdunt & se & alios, qui facile & leui aliqua castigatione poterant

poterant seruari. Dum insaniunt homines, uim & castigationem uituperant, ubi autem redierunt ad mentem, ac cernunt iam palam a quantis per eos qui ipsos coegerunt, sint liberati malis, gaudent se salubriter esse castigatos, & laudant iam uolentiam quam prius uituperarant. Audiamus quid in hac re exercitatus plurimum senserit & docuerit S. Augustinus. De ui coërcendis hæreticis ad Vincentium contra Donatistas epist. 48. scribit in hæc uerba, Mea primitus sententia erat neminem ad unitatem Christi esse cogendum, uerbo esse agendum, disputatione pugnandum, ratione uincendū, ne fictos catholicos haberemus, quos apertos hæreticos noueramus. Sed hæc opinio mea non contradicentium uerbis, sed demonstrantium superabatur exemplis. Nam primum mihi opponebatur ciuitas mea (Hippone) quæ cum tota esset in parte Donati, ad unitatem catholicam timore legum imperialium conuersa est: quam nunc uidemus ita huius uestre animositate perniciem detestari, ut in ea nunquam fuisse credatur. Ita aliæ multæ quæ mihi nominatim commemorabantur, ut ipsis rebus agnoscerem etiam in hac causa recte intelligi posse quod scriptum est, Da sapienti occasionem, & sapientior erit. Rursus, Non omnis qui parit amicus est, nec omnis qui uerberat inimicus. Meliora sunt uulnera amici, quam uoluntaria oscula inimici. Melius est cum seueritate diligere, quam cum lenitate decipere. Et qui phreneticū ligat, & qui lethargicum excitat, ambobus molestus, ambos amat. Quis nos potest amplius amare quam Deus? & tamen nos non solum docere suauiter, uerum etiam salubriter terere non cessat. Putas neminem cogi debere ad iustitiam, cum legas patrem familias dixisse seruis, Quoscunque inueneritis cogite intrare: cum legas ipsum primò Saulum, postea Paulum ad cognoscendam & tenendam ueritatē, magna uolentia Christi cogentis esse compulsū? Nam idem in epist. ad Bonifacium comitem 59. Vbi est, inquit, quod isti clamare consueuerunt, liberum esse credere uel non credere? Cui uim Christus intulit? quem coegit? Ecce habent Paulum Apostolū, agnoscant in eo prius cogentem Christum, & postea docentem: prius ferientem, & postea consolantem. Mirum est autē, quomodo ille qui poena corporis ad euangelium intrauit coactus, plus illis omnibus qui solo uerbo uocati sunt in Euangelio laborauit: & quem maior timor compulit ad charitatem, eius perfecta charitas foras mittit timorem. Cur ergo non cogeret Ecclesia perditos filios ut redirent, si perditī filij coegerunt alios ut perirent?

Rursus in eadem epistola idem August. Quod dicunt, inquit, qui contra suas impietates leges iustas constitui nolunt, non petisse a regibus terræ talia Apostolos, nō considerant aliud tunc fuisse tempus, & omnia suis temporibus agi. Quia enim tunc in Christum crediderat imperator, qui ei pro pietate contra impietate leges ferendo seruiret. Quando adhuc complebatur illud propheticum, Quare fremuerunt gentes, & populi meditati sunt inania? Astiterunt reges terræ, & principes conuenerunt in unum, aduersus Dominū & aduersus Christum eius. Nondum autem agebatur quod paulo post in eodem Psalmo dicitur, Et nunc reges intelligite, erudimini qui iudicatis terram. Seruite ei in timore, & exultate cum tremore. Quomodo ergo reges seruiūt Deo in timore, nisi ea quæ contra iussa domini sūt, religiosa seueritate prohibendo atque plectendo? Aliter enim seruit quia homo est: aliter quia etiam & rex est. Quia homo est, ei seruit uiuendo fideliter: quia uerò etiam rex est, seruit leges iusta præcipientes & contraria prohibentes conuenienti uigore sanciendo. Sicut seruiuit Ezechias lucos & templa idolorum, & illa excelsa quæ contra præceptū Dei fuerant extructa destruendo. Sicut seruiuit Iosias talia & ipse faciendo. Sicut seruiuit rex Niniuitarum uniuersam ciuitatem ad

*Apostoli nulla subsidia a magistratu pro religione contra hostes postularunt.*



placandum dominum compellendo. Sicut seruauit Darius idolum frangendum in potestatem Danieli dando, & inimicos eius leonibus ingerendo. Sicut seruauit Nabuchodonosor omnes in regno suo positos à blasphemando deo lege terribili prohibendo. In hoc ergo seruient domino reges in quantum sunt reges, cum ea faciunt ad seruendum illi, quæ non possunt facere nisi reges. Cum igitur nondum reges domino seruient temporibus Apostolorum, sed adhuc meditarerentur inania aduersus Deum & aduersus Christum eius, ut prophetarum prædicta omnia complerentur, non utique tunc potuerunt impietates legibus prohiberi, sed potius exerceri. Sic enim ordo temporum uolebatur, ut & Iudæi occiderent prædicatores Christi, putantes se officium præstare Deo, sicut prædixerat Christus: & gentes fremarent aduersus Christianos, & omnis potentia martyrum uinceret. Postea uero quam coepit impleri quod scriptum est, Et adorabunt eum omnes reges terræ, omnes gentes seruiant ei, quis mente sobrius regibus dicat, Nolite curare in regno uestro à quo tueatur uel oppugnetur Ecclesia domini uestri: non ad uos pertineat in regno uestro, quis uelit pudicus esse, quis impudicus? Cur enim cum datum sit diuinitus homini liberum arbitrium, adulteria legibus puniantur, & sacrilegia permittantur? An fidem non seruare leuius est animam Deo quam sceminam uiro? Aut si ea quæ non contemptu, sed ignorantia religionis committuntur mitius uindicanda, nunquid ideo negligenda sunt? Melius est quidem, quis dubitauerit ad Deum colendum doctrina homines duci, quam poenæ timore uel dolore compelli. Sed non quia isti meliores sunt, ideo illi qui tales non sunt, negligendi sunt. Multis enim profuit (quod experimentis constat) prius timore uel dolore cogi, ut postea possint doceri, aut quod iam uerbis didicerant opere sectari. Hactenus recensuimus S. Augustini uerba respondentis ad obiectiones eorum qui arbitrantur nullo iure animaduerti religionis causa in inobsequentes & rebelles, seductos & seductores.

Frustratum me spe mea uideo, qui existimaui posse me quæ de Magistratu dicere institui, plenè absoluerè hoc sermone. Nam uideo hic mihi subsistendum, nisi pergam c. v. supra modum esse molestus. Cras ergo adijciam his residua. Vos modo supplices ante Dominum prostrati, orate, deinde abite in pace.

*De bello. An liceat magistratui gerere bellum. Quid tradat de bello scriptura, An magistratum gerere possit homo Christianus. Et de officio subditorum.* SERMO IX.

**A**D ius gladii dati à Deo magistratui pertinet Bellum. Nam sermone proximo docui usum gladii in manibus magistratus esse duplicem. Vel enim fontes punit. Vel hostem grassantem aut grassari uolentem repellit, aut ciues rebelles aut seditiosos obtruncat.

Dubitant autem multi an licitum sit magistratui bellum gerere. Atqui mirum est eos in re alioqui clarissima sic cæcutire. Si enim magistratus iure diuino plectit fontes, latrones seu noxios homines, neque quicquam refert paucine numero an plures sint (quod hesterno in sermone demonstrauimus) eodem profecto iure ciues rebelles & seditiosos, barbarum item militem idem palam prætextu militæ tentantem, quod latrones clam solent perficere, bello persequi, repellere & conterere potest. Dixit sanè diuinus uates de Christianis prophetans inter alia, Confabunt gladios suos in ligones, & lanceas suas in falces. Nam Christiani pacem habent cum omnibus hominibus, & prorsus abstinent ab armis. Quisque enim alteri præstat quod ab altero expectat. Quia uero non omnes sic animati sunt, qui

*An licitum bella gerere magistratui.*

potius

potius turbatores multi sceleratiquē latrones & oppressores inter honestos & humanos ciues ceu feræ beluē inter animantia innoxia uersantur, Deus gladium in defensionem innocuorum ē cœlis magistratui porrexit. Nullibi uerò prohibitum legitur, ne lupos, apros, urfos, huiusq̃ generis feras alias uel in homines uel pecudes grassantes, opprimamus cōficiamusq̃. Quid ergo prohibeat bello iustē suscepto repellere iniustam uim latronum, quando latrones, raptores, barbari milites, seditiosi ciues parum aut nihil discrepent à feris beluis: Certē scriptura eos non alijs quā bestiārum nominibus dignatur. His aspirat & sensus naturę communis. Cōgruit cum his doctrina religionis & fidei. Si fieri potest, ait Apostolus, quātum *Rom. 12.* in uobis est, cum omnibus hominibus in pace uiuite: non uosmetipsos ulciscen-  
tes. En quantum in uobis est, inquit, Et si fieri potest. Alioqui subiungit mox, Magistratus non frustra gestat gladium, nimirum propter eos qui pacem habere cupientibus obstrepunt, omniaq̃ conturbant. Consentunt exempla sanctissimorum in orbe heroum, qui bella susceperūt pro defensione patrię & innoxiorum: sicuti exposui ex S. Paulo ad Hebręos, cum enarrarem in quinto p̃cepto quem honorem debeat quisq̃ suę patrię. Adijciam his disputata quædam S. Augustini contra Faustum Manichæū edita lib. 22. cap. 75. Nec bella, inquit, per Mosen gesta miretur aut horreat, quia & in illis diuina sequutus imperia non sēuiens, sed obediens fuit. Nec Deus cum iuberet ista sēuebat, sed digna dignis retribuebat. dignosq̃ terrebat. Quid enim culpatur in bellorū? An quia moriuntur quandoque morituri, ut dominantur in pace uicturi? Hoc reprehendere timidorū est non religiosorum. Nocendi cupiditas, ulciscendi crudelitas, impacatus atque implacabilis animus, feritas rebellandi, libido dominandi, & si quæ similia, hæc sunt quæ in bellis iure culpantur, ut etiam iure puniantur. Aduersus uiolentiam resistentium, siue Deo siue aliquo legitimo imperio iubente, gerenda ipsa bella suscipiuntur à bonis, cū in eo rerum humanarum ordine inueniuntur, ubi eos uel iubere tale aliquid, uel in talibus obedire iustē ordo ipse cōstringit. Alioqui Ioannes cum ad eum baptisandi milites uenirent, dicētes, Et nos quid faciemus? responderet eis, Arma abijcite, militiam istam deferite, neminē percutite, uulnerate, prosternite. Sed quia sciebat eos cum hac militando facerent non esse homicidas, sed ministros legis, & non ultores iniuriarum suarum, sed salutis publicę defensores, respondit eis, Neminem concusseritis, nulli calumniam feceritis: sufficiat uobis stipendium uestrum. Sed quia Manichæi apertē Ioannem blasphemare consueuerunt, ipsum Dominum Iesum Christum audiant, hoc stipendium iubentem reddi Cæsari, quod Ioannes dicit debere sufficere militi. Reddite, inquit, Cæsari quæ Cæsaris sunt, & Deo quæ Dei sunt. Ad hoc enim tributa p̃stātur, ut propter bella necessariō militi stipendium p̃beatur. Merito & illius Centurionis dicentis, Et ego homo sum; sub potestate constitutus, habens sub me milites: & dico huic, Vade, & uadit: & alij, Veni, & uenit: & seruo meo, Fac hoc, & facit, fidem laudauit, non illius militiæ desertionem imperauit. Huc pertinet & sequens cap. 75. & 76. &c. Sed libenter parco uobis, neq̃ prolixis recitationibus sententiarum obturbo. Hæc hæcenus dixi de eo quod bellum liceat gerere magistratui. Vnde & illud colligimus iure & sine culpa subditos suscipere bella ac belligerari, quando ex p̃cepto magistratus id faciunt. Verū si hic innoxios trucidare p̃geret ostensum est superioribus sermonibus, impijs magistratus iussis non esse parendum. *Populus obediat magistratui bellum im- peranti.*  
Videat ergo magistratus ne suo abutatur iure. Et quanquam ob causas iustas *Bellum res p̃e- riculosa.* & necessaria liceat magistratui bella gerere, est tamē res periculosissima bellum, ac trahit secum agmē quoddam malorum inexplīcabile. Puniantur sanē ad eum



modum iusto Dei iudicio, quos nulla potest paterna commouere admonitio: sed plerumque implicantur & innoxij. Fit ferè ut iure suo abutantur milites, ac iram & ipsi incurrant grauem Domini. Ac reuera locum in bello habent mala orbis ferè omnia. Oboritur ex bello caritas rerum protinus omnium, & fames funestissima, Nam obsidentur itinera, proteruntur segetes, ardent uillae, dissipantur frumenta luxuriosissimè, cessant artificia & negotiationes omnes, perit cum diuite pauper. Fortissimi quique cadunt in acie, fuga sibi consulunt meticulosi, ac seruant seipso maioribus & crudelioribus excarnificandos supplicij: sustolluntur enim in fastigium pessimi, qui hominibus perinde ut pecudibus abutuntur. Gemunt hic uniuersi. Lugent uiduae & pupilli. Diripiuntur in futuram necessitatem congestae opes ac facultates, incendio conflagrant urbes, uirgines & innubiles puellae constuprantur, uiolatur omnis pudor, absque reuerentia tractantur senes, silent iura & leges, sacra simul cum studijs corruunt, regnant sacrilegi & nepharij. Idcirco nominatur in scripturis bellum flagellum Dei. Hoc enim incutit ferè incurabilibus & pertinaciter contemnentibus uerbum Dei. Hanc enim ob causam excisa est Hierosolymorum urbs cum uniuersa Iudaeorum gente. Non enim agnouit diem, ut in Euangelio ait Dominus, suae uisitationis, quin potius effudit sanguinem Apostolorum Domini, quo in se deriuauit omnem effusum sanguinem à primo Abel iusto ad Zachariam usque. Propter caedes, idololatriam, incestus & luxuriam detestandam, dicuntur excindi funditus Chananæi, Moabitæ, Isaiæ teste, pereunt propter crudelitatem, inhumanitatem, & contemptum pauperum. Ninuiæ iniustis bellis altas gentes diuexarunt, & auarè deprædati sunt: proinde eadem mensura ipsis alijs mensurant, sicut legitur in propheta Nahum, qua ipsi alijs mensi fuerant. Micheas in 6. commemorat Deum bella immittere iniustis, propter auaritiâ & dolum admissum. Apud Ieremiam dicitur arrogantia & superbia: apud Isaiam luxus & ebrietas, in causa esse belli. Porro malum belli regnis & rebus publicis. ita adhæret, ut non possit remoueri aut tolli excutitue quando nos uolumus, ulla humana sapientia, ullis foederibus, ullis opibus, ulla munitione, fortitudine aut potentia, ut uidere licet in Abdia. Sola sincera ad Deum conuersio medetur: id quod Ieremias in cap. 5. testatur. Constat hæc agnitione & confessione peccatorum ingenua, uera fide de peccatorum remissione per gratiam Dei ac meritum Iesu Christi: deinde odio & abnegatione iniustitiæ, studio iustitiæ, innocentiae, charitatis & omnium uirtutum: postremo precibus & obsecrationibus perpetuis.

**Bellum utile.** Rursus uideas bella alijs adferre emolumentum, utilitatem, & opes inestimabiles, pauculo aut ferè nullo damno accepto partas. Tale erat Israelitis bellum Chananæis sub duce Iosue illatum. Nolo autem spes lucri quenquam abstrahat à iusto & æquo. Ac arbitrantur non rarò magistratus se habere ius, bellum iustum inferendi alijs & puniendi noxios, cum Deus iustus hac occasione ipsos protrahat in harenam, ut puniantur ipsorum peccata ab illis in quibus ipsi statuerant malum persequi. Exempla eius rei manifesta extant in scripturis. Undecim tribus Israeliticæ bellum inferunt iustissimum Beniamitis, ultura scelus nepharium à nebulonibus quibusdam commissum, quibus adhærebat tota tribus, ac ita se sceleris reddebat participem. Sed funduntur & fugantur ab iniquis & sceleratis secundum Israelitæ uim Palæstinorum idololatrarum sub Heli repellere uolunt à patria, sed cadunt in acie, & capitur arca Domini, deportaturque in urbes idololatrarum. Ita cadit à Chaldaeis casus optimus princeps Iosias, quia dominus statuerat animaduertere in totum populum eius inferre mala, quæ noluit inspicere principem sanctissimum, meliora meritum. Ex quibus & illud discimus, religionis ueritatē non esse

*Bellum dei flagellum.*

*Bellum utile.*

*Vincuntur iustam habentes causam ab iniustis.*

esse æstimandam ex populi alicuius uictoria uel fuga, ut ea religio uera sit & orthodoxa, cuius cultores uincunt, falsa uerò cuius confessores terga dant. Separanda enim religio à personis siue hominibus, qui alijs de causis uisitantur à Domino.

Vniuersa autem illa admonent nos, magnò & multo timore Dei opus esse magistratui, in suscipiendis & deponendis bellis, ne dum uitant carbonariã, incidant in calcariam, aut arbitrentur se deponere ex humeris malum unum, & ea ipsa depositione suscipiant imprudentes maiora uel multò plura mala. Causæ ergo bellorum penitus sunt à principibus inspiciendæ. Sunt hæc uariæ ac multiplices, potissimæ tamen illæ. Vel enim cogitur magistratus præsidij pro defensione collocatis alicubi in urbibus suis, iam autem oblidione cinctis suppetias ferre hostemq; depellere. Nephas enim esset parricidale, & urbes & præsidia in extremo laborantes periculo perfidè deserere. Vel certè cogitur magistratus pro suo officio inferre bellum hominibus incurabilibus, quos ipsa damnat sententia Domini, & cadere iubet absq; misericordia. Qualia fuere bella Madianitis à Mose, & Amalechitis à Saule illata. Eius generis bella sunt quibus opprimuntur, qui inuincibili malitia perire & alios secum in perniciem rapere uolunt, qui omnem iustitiam & æquitatem respuunt, in sceleribus contumaciter perseuerare pergunt. Tales erant Beniamitæ cùm uastarentur ferro & flamma ab undecim tribubus. Tales sunt hodie contumaces & seditiosi defectores & turbatores reipub. uel regnorum, qualis fuit quondam Absolom & Seba filius Bochri: quorum mentio fit in 2. lib. Samuelis. Huc pertinent bella contra idololatrias & oppressores catholicæ & orthodoxæ fidei, pro uera religione suscepta. Errant qui arbitrantur nulla propter religionem bella geri posse. Dominus Petrum gladio ferientem coërcuit, tanquam Apostolum, magistratum non iussit religionis esse negligentem, neq; prohibuit defendere puritatem fidei. Si enim licet magistratui tueri minora, cuiusmodi sunt libertas, facultates, pudor, corpora, &c. cur maiora imò maxima non defenderet aut uindicaret? Nihil autem religione uera & syncera habemus maius. Extat præterea apertum Dei super hac re mandatum in Deuteronomio. Iubet enim Dominus ciuitatē, quæ à Deo, & à Dei cultu (in iurisdictione cuiusq; magistratus) desciiuit, bello adoriri, ac pertinacem funditus eruere. Extat locus Deut. 13. cap. Porro si iubetur magistratus animaduertere in apostatas bello, licet certè bello defendere ecclesiam, quam uolet princeps aliquis barbarus bello à uera religione ad falsam abstrahere. Iosue uoluit Rubenitas cum socijs debellare propter erectā aram contra uerbum Dei. Iudas Machabeus pugnat pro populo Dei cōtra gentes & milites regis Antiochi, cui animo sedebat religionem Iudaicam, quæ tum uera erat, cōculcare, gentilitiam autem superstitionem obtrudere omnibus. Ita à Paulo laudantur duces qui per fidem incursiones auerterunt exterorum. Ac Paulus ipse bellum gessit in Cyp̄o contra Elymam pseudopropheta, quem & cæcitātē percussit. Rationem subiungit ex religionis obseruantia petitam, Non desinis subuertere uias Domini rectas, &c. Act. 13. Eidem Paulo insidiantur uiri quadraginta, qui arbitrabantur Paulo debellato & extincto, bonam Euangelicæ prædicationis partē esse extinctam, & Iudaicam (quæ tamen falsa erat) religionem asserram. Atqui Paulus hic non est segnis, nec obuertit alteram maxillam, sed sollicitè & suppliciter postulat assertionem & defensionem: & postulat quidem illam non à Christiano magistratu, cùm nondum esset, sed à Centurione Romano: neq; uel uerbo reclamabat, dum ille delectis & quasi in aciem dispositis peditibus quadringentis & equitibus septuaginta, deducit ipsum ex urbe Hierosolymorū Antipatrida usq;. Sic autē seruabatur electionis uas Paulus armata Romanorū militū manu. De Armē

*De bellorum causis*

*Bella propter religionem suscepta.*

*Si ab ethnicis postulat, magis postulasset à Christianis si tum fuissent.*



nŕs uim à Maximino Imp. ſuſtinentibus hæc ſcripta reliquit Eusebius Eccleſ. hiſt. lib. 9. cap. 8. Armeniorū gens olim & utiliſſima & amiciffima populo Rom. dum à Cæſare Maximino Chriſtianæ religionis ritum (cui deuotiſſimè uniuerſa dedi- ta eſt) in idolorum cultum mutare cogeretur, & dæmones uenerari pro Deo, ini- mici pro amicis & pro ſocijs aduerſarij effecti, manu ſe aduerſum nepharia eius e- dicta defendere parant ac ſpontè bella inferunt, & eum uehementer & acriter ur- gent. Hæc ille. Proinde licet magiſtratuſ ſuos ſubditos defendere contra idolola- tras, & armis ueram aſſerere religionem. Huic conſinis eſt alia cauſa. Vel enim ir- ruit barbarus hoſtis aliquis in tuæ fidei creditos ciues, lacerat hos & graſſatur ceu in grege lupus crudeliſſimè, cū tamen tu non modò nō prouocaris illos iniurijs prior, ſed & pacis conditiones obruleris æquas. In huiusmodi cauſa iubetur magi- ſtratus leonis inſtar proſilire, & rueri ſuos contra apertam uim, & contra truculen- tos latrones. Exemplum præbet Moſes pugnans contra reges Amorrhæorū Ara- deum, Seonem & Ogem. Exemplū præbet rex Joſaphat pugnans contra Ammo- nitas & incolas montis Seir. Exemplum præbet Dauid quoq; bellum propellens ſibi illatum à Syris. Vel ſupperias fert magiſtratus conſœderatis (ſœdera enim cum uicinis gentibus iungere poteſt magiſtratus, modò nihil in his contra uerbū Dei fiat) iniuſta ui preſſis. Sic enim Joſue Gabaonitas liberat obſidione, & Saul ci- ues urbis Iabes Galaad, pugnans contra Naas principem tyranniciſſimum. Hu- iusmodi uerò ob cauſas rectè ſuſcipiuntur à magiſtratibus & principibus bella, re- ctè obtemperant milites ſiue ciues magiſtratuſ, imò magna cū gloria nec infelici- ter occumbūt, cum in cauſa iuſta pro religione, pro legibus Dei, & pro patria cha- ra, uxoribus liberisq; occumbunt. Ergo militiā ingredientibus, & grauiffimos belli ſuſcipientes labores, non ad quæſtum aut ad uoluptates ſpectabunt, quibus depul- ſo periculo, immergantur: ſed iuſtitia & pax publica, ueritatis & innocentiz aſſer- tio ſit ſcopus omnium: nimirū ut debellatis impijs partaq; uictoria, ac repulſis, ca- ſis uel redactis hoſtibus in ordinem, floreant religio, iudiciū & iuſtitia, floreant ec- cleſia, floreant ſacra, ritus, inſtituta & diſciplina eccleſiæ, floreant ſtudia & bonæ artes, curentur pauperes & beneficia conſerantur uiduis & pupillis, uiuant & tranquillè uiuant, Deoq; ſeruiant, Deum laudent, & Deū colant uenerandi ſenes, caſtæ puellæ, & bonæ matres familiās. Ad hunc ſcopum animi & corporis oculos intenderunt, hæc unicè in cordibus ſuis cogitarūt patres noſtri fortiſſimi, quoties bella ſuſceperunt ac in aciem, pgreſſi ſunt contra nepharios, pro eccleſia & repub. Abrahamum puto, Moſen, Joſue, Dauidem & alios heroes, deniq; beatæ recorda- tionis patres noſtros. Quibus & omnibus alijs ſtrenuis & religioſis militibus de- betur æterna in eccleſia ſanctorum gloria. Ignauis & timidis militibus, impijs, aua- ris, blaſphemis, luxu perditiffimis & leuiſſimis nebulonibus proditoribusq;, quo- rum ignauia, gula, libidine & impietate pereunt hodie regna præclara & ſubuer- tuntur florentes reſpublicæ, debetur ignominia ſempiterna, ac Deus maledixit hu- iusmodi proſtigatis nebulonibus in ſecula ſeculorum.

Militum & mi-  
litie commen-  
datio.

Iniuſta bella.

Ergo non licet bella gerere niſi cōtra hoſtes ac ſcleratiſſimos incurabilesq; ho- mines. Iniuiſtiſſima bella ſunt, quæ ſuſcipiunt contra ſocios, & cōtra innocētes, aut apud quos ſpes eſt reſipiſcentiæ. Iniuiſta bella ſunt etiā ea quæ non ſuſcipiunt iuſto modo, nec ob res grauiffimas. Omnia priu- tētanda ſunt quàm experiendū armis. Nō ſunt petendi termini alieni: nō opprimenda libertas aliarū gentiū uel tibi ſub- ſectarū. Non ſequendus hic eſt affectus ullus abripiens mentē & ſeducens, qualis eſt libido dominādi, auaritia, munerū cupido, inuidia, et ſi quis huius generis alius affectus eſt. Medela quidē eſt bellū, ſed periculosa & funeſta, qualis eſt inciſio aut reſectio

refectio membrorum. Ardet manus, & periculū est ne & brachium inardescat, atq; totus extingatur homo; non refecas tamen manum, nisi prius expertus omnia, intellexeris, nulla alia ratione mederi posse morbo. Ita non nisi desperatis rebus tandē bella cōuenit suscipere, ut meminerint tamē principes, Ne quid serò nimis.

Adeo enim à iustis bellis non abhorret uerbum Dei, ut & leges belli dicet, & *Leges belli dicitur uerbum Dei.* exempla bellorum prudentiumq; & fortium imperatorū suppeditet plurima. Leges contexuntur Deut. 20. cap. utiles & necessariae, sed & clarae, ut mea non indigeant expositione. Vulgares & ex scripturis petuntur hae leges. Locū habeat ante omnia religio in castris, & primum quidem. Nam ipse Dominus bellis adhibuit sacerdotes, religionis uerae ministros. Valeant in castris perinde ut in urbibus aequae leges; uiuant sub disciplina honeste, iuste & sancte milites. Etenim nō ex Deo sed diabolo exortum est quod uulgō iactatur, Sileant inter arma leges. Eligatur imperator & dux belli pius, iustus, sanctus, fortis, prudens & felix, quales apud ueteres fuerunt Iosue, Dauid, Iudas Machabeus, Constantinus, Theodosius, Marselzer & multi alij. Huic addatur manus selecta. Nam militum habendus est delectus, ne exercitus sit turba imbellium & imperitorū hominum, uel perfidorum et blasphemorum cōsceleratorumq; nequam, & ebriosorum, gulonum, porcorū, uel grex. Nō in multitudine hominum consistit uictoria, sed in gratia Dei & in manu delecta. Vulgare est, Vbi multitudo, ibi confusio. Magni & innumerabiles exercitus cōculant semetipsos. Experientia magistra hoc ipsum discimus quotidie, & exempla omniū seculorum id testantur. Porro improbantur modis omnibus milites ignaui. Semper itaq; agat miles Christianus aliquid, sit strenuus, fidelis, laboriosus, centurionibus obsequens, nullam negligat occasionem, exerceatur in disciplina militari: non sit mollis, sed fortis: non sit crudelis & truculentus, sed severus & clemens, suis quibusq; temporibus. Quod seruare potest ne perdat. Prae omnibus autem rebus, non negligat & extra periculū & in ipso periculo preces ad Dominum iuges. Cum Deo auspicietur omnia, sine Deo nihil tentet prorsus: finitram expertus fortunam, ne despondeat animum: fortuna usus felicior, ne effertur, sed agat Deo gratias, clementerq; utatur uictoria: à Deo pendeat prorsus, neq; aliud cupiat magis quam defensam rempub. leges, religionē, iustitiam, innoxios. Mirum scio uidebitur multis hanc me postulare à milite, quae alioqui uidentur, ut uulgō dici consuevit, postulari à religioso aliquo. Quasi uerò irreligiosi & impij soli queant esse milites. Sunt certē pleriq; tales. Sed quales oro fructus metimus hodie ex huiusmodi semine? Vincimur à Turcis, ludibrium sumus omnibus gentibus, pereunt & Mahumetismo subduntur regna, & inexplicabilibus in diem malis inuoluimur. Quales uerò olim fuerint milites qui ex ecclesia aut numero Christianorum sese dediderunt militiae, uel ex unica, sed memorabili, colligere possumus historia, quam hisce uerbis perstringit ad Scapulam Tertullianus: Marcus quoq; Aurelius in Germanica expeditione Christianorum militum orationibus ad Deum factis, imbres in siti illa impetravit. Quando non geniculationibus & *Quales olim milites Christiani.* ieiunationibus nostris etiam siccitates sunt depulsa? Tunc & populus acclamans Deo deorum, & qui solus potens, in Iouis nomine, Deo nostro testimonium reddidit. Hae ille. Copiosius autem & plenius eandem historiam retexit beatus Eusebius libro Eccles. histor. 5. cap. dicens, M. Aurelium fratrem Antonini Cæs. bella inferentem Germanis & Sarmatis, tradunt historiae, cum siti eius periclitaretur exercitus, astuantem & quarentem quid facto opus esset, reperisse in legione quadam milites Christianos, quibus (sicut & nostris mos est) flexis genibus obsecrantibus exaudisse Deum supplicationes eorum, & subito contra omnium



spem largissimis imbribus profusis, exercitus quidem periclitantis, pro quo orauerant Christiani, sitim sedatam: hostes uero qui iam exitialiter imminebant, fulminibus crebris & coelitus delapsis ignibus effugatos. Quod factum refertur quidem & ab historicis gentiliū. Sed quod nostrorum orationibus id impetratum sit non refertur. Quippe apud quos etiam cetera miracula quae à nostris gesta sunt non habent fidem. Nostrorum uero & Tertullianus haec memorat, & apud Gracos Apollinaris, qui etiam ipsam legionem pro insignis facti miraculo, mutato nomine uocitaram dicit ab Imperatore Fulmineam. Tertullianus addit Marci imperatoris Epistolas etiam nunc haberi, quibus de his apertius indicatur. Haec Euseb. Ex quibus colligimus milites Christianos non tantum ad orandum fuisse quondam propensos, sed iustissimos quoque, & uitae sanctimonia claros. Quis enim ignorat Iacobum Apostolum dixisse: Multum ualet deprecatio iusti efficax. Helias homo erat similis obnoxius affectibus ut nos sumus, & precatione precatus est, & coelum dedit pluuiam, & terra dedit fructum suum. Manifestissimum est itaque milites ueteres fuisse uiros religiosissimos. Nostri quia alieni sunt à religione, imò hostes religionis uerae, pro uictorijs reportant clades & subuersiones urbium. Neque immerito haec patiuntur ciues, quia confidunt in huiusmodi milites nepharios. Id enim perinde est, ac si fiduciam suam collocarent in ipsos diabolos, quos milites isti ferè superant foeditate, immunditia, crudelitate & artibus pessimis.

*Exempla militie & imperatorum ex scriptura.*

Exempla uero militiae sanctae & iustae, & optimorum imperatorum siue ductum, exhibet nobis uerbum Dei innumera ferè. Abraham pater noster modico instructus exercitu, insequitur quatuor orbis potentissimos reges siue praedones, fundit & fugat hos, suos autem cum ipsorum facultatibus recuperat & restituit, gratias agens Deo auctori insperatae uictoriae. Moses cum Iosue sternunt reges circiter triginta nouem, puniunt infanda scelera seueriter, & populum sibi creditum collocant in terram promissam à Deo. Iudices populi Israelitici memorabilia gesserunt bella contra ethnicos & infideles, ac his infregere tyrannidem impiorum, impii exercitum in populo Dei, ac hunc suae libertati & religioni restituerunt. Venit hic & Samuel propheta, commemorandus inter illustres populi Dei duces. Praestantissimus dux fuit Ionathas Saulis filius, singulare pietatis specimen. Dauide uero nullus est praetior. Debellaui hic Palaestinos, Idumaeos, Syros, & bonam Orientis partem, bello prosequutus iniurias, bello item uindicans libertatem, & mala innumera à populo Dei propulsans. Et tamen qui haec fecit, dicitur esse uir secundum cor Dei, imò & pater Domini nostri Iesu Christi secundum carnem. In posteritate Davidis plurimos inuenias clarissimos bellatores & duces fortissimos, Abiam, Asam, Iosaphat, Amasiam, Osiā, Ezechiam, & alios multos. Iudas Machabeus inter hos non habet postremum locum, qui tam strenue pro legibus Dei pro cultu Dei, & pro populo Dei pugnaui, tandem & in acie pro religione & re publica cecidit. Non adiciam his exempla Constantini, Gratiani, Theodosij, & aliorum insignium in hac re uirorum. Scripsere de his & alijs S. Augustin. in fine lib. 5. de Ciuitate Dei, & copiose Orosius in historia sua lib. 7. à 28. cap. ad finem usque. Sufficiunt haec prijs magistratibus. Haecenus de Bello à magistratu gerendo, & de Usu gladii disserui, de quo etiam quaedam obiter sparsi in sermone quo quintum praeeptum enarraui.

*Christianus potest gerere magistratum.*

His absolutis, demonstrabimus magistratum geri posse à Christianis hominibus. Eam autem demonstrationem idcirco illis attexam, quod Anabaptistae homines furiosi, & alij quidam Vtopianae reipublicae extructores, haec à nobis allata haecenus oppugnantes, contendunt Christianum non posse fungi magistratus officio;

cio: eo quod Christiani nec contendant in foro, nec occidant quenquam, neque bello res ablatas repetant, aut iniurias illatas vindicent. Et quanquam his suis quibusque locis responsum sit, colligam tamen aliquot argumenta in compendium, ex quibus uir politicus & Christianus contra furores & somnia Anabaptistarum intelligat, si uocetur ad munus magistratus, & posse & debere ipsum in suscipiendo & gerendo magistratu seruire Deo. Quod enim fingunt doctrinam Euangelij è medio tollere defensionem & quæ defensionis sunt confinia, toto errant coelo. Nam ueritas aliud tradit.

Quæcunque enim diuinitus sunt ordinata ad hominum salutem ac incolumitatem, adeo non dedecet Christianum hominem, si ijs utatur & ijs se accommodet, ut si huiusmodi respuat, non sit futurus uerus Christianus. Nam Christiani cuiusque prima & maxima cura est, salutem & incolumitatem hominum summa promouere diligentia. Est autem magistratus non ab ullo homine, sed ipso Deo ordinatus ad salutem & incolumitatem hominum, quemadmodum disertis uerbis testatum est à prophetis & Apostolis, Paulo præsertim ad Romanos 13. Quis autem inde non colligat Christianum cum laude & gloria fungi posse magistratus munere?

Præterea nemo negauerit, scio, Christiani hominis esse fidem, non modò uerbis, sed ipsis operibus, iustitiæ in primis ac misericordiæ attestari, curare item modis omnibus quæ publicæ pacis & tranquillitatis sunt, insuper facere iudicium & iustitiam, tueri uiduas, pupillos, orphanos, ac asserere oppressos. Occasionem quoque, locum & rationem non spernit, non fugit, nec reijcit, per quæ illa opera beneficiæ exercere potest. Ideoque Christianus nequaquam detrectat munus seu officium magistratus. Est enim magistratus officium, facere iudicium & iustitiam, & curare pacem publicam.

Iam uerò indubitatum & superius demonstratum est, Moysen, Samuelem, Iosue & Dauidem non excludi à Christiano nomine, Cum autem isti gesserint magistratum, quid prohibebit obsecro uel hodie hominem uerè Christianum fungi officio magistratus? Quid quod in nouo testamento celebrantur uiri egregij, & ipsi constituti in magistratu, & non depositi propter ueram religionem ab officio? De Iosepho Arimathæo sic legimus apud Lucam, Ecce uir nomine Ioseph, decurio (Marcus habet, honestus senator) erat uir bonus, & iustus, nec consenserat consilio & facto eorum, oriundus ab Arimathæa ciuitate Iudæorum, qui expectabat & ipse regnum Dei. Obseruate obsecro quam illustre sit hoc testimonium. Ioseph est decurio uel senator, & senator quidem honestus. Idem sedit in eo senatu & inter illos iudices, qui condemnarant Christum, sed quia non consensit in ipsorum sententiam, non imputatur innoxio parricidium. Idem prædicatur esse bonus, iustus, & de eorum numero, qui expectant regnum Dei, id est, de numero Christianorum, interim decurio siue senator est & manet in urbe Hierosolymorum. Licet ergo Christiano fungi magistratus officio. Huc pertinent exempla de Æthiopico principe, Actuum 8. cap. de Cornelio Centurione, Act. 10. cap. & de Erasto, quaestore ærario urbis Corinthiæ, Rom. 16. 2. Timoth. 4. Cæterum cupimus Anabaptistas scripturis euincere aut demonstrare, quod obijciunt istos ad fidem conuersos deposuisse trabeam & gladium. Nos enim superius adductis S. Augustini uerbis ex responsione S. Ioannis Baptistæ, qui & ipse prædicauit Euangelium, demonstrauimus milites baptizatos nequaquam depositos esse ex officio, aut præceptum eis per Ioannem ut deferrent militiam.

Obijciunt aliud, Dominum se abduxisse dum populus cogitaret ipsum creare

*Fugit dominus  
dū uoluit ipsum  
creare regem.*



& salutare regem: id quod non fecisset, nisi uellet suo exemplo omnibus Christianis commendare humilitatem, ac ueluti præcipere ne unquam sibi patiantur gubernationem reipub. imponere. Adijciunt his illas Domini sententias, Regnum meum non est ex hoc mundo. Item, Reges gentium dominantur eis, uos autem non sic. Cæterum fugit Dominus populum non rationē sanam sequentem, & uoluntatem Dei facere parantem, sed affectibus cæcatum & quærentem ea perficere quæ uentris erant. Quia enim pauperat eos mirabiliter, ideò arbitrantur hunc sibi futurum regem cōmodum, qui possit suos subditos nullo sumptu facto cibare. Præterea non uenerat Dominus noster in terris regnaturus, more huius seculi, quemadmodum imaginabantur Iudæi, somniantes Messiam instar Solomonis regnaturum, & sicut metuebat Pilatus. Ideò rectè dicit Dominus, Regnum meum non est ex hoc mundo. Ascendit enim in cœlos, cōsedit ad dexteram patris, subiectis sibi regibus & toto mundo, in quo regnat per uerbum & spiritum, quem & iudicaturus ueniet in fine seculi. Et quanquam neget Christus regnum suum esse ex hoc mundo, nullibi tamen negauit e mundo reges & principes in ecclesiam uenturos, qui in ea Domino non tantum ut homines, sed etiam ut reges essent seruituri. Non possunt autem reges ut reges Domino seruire aliter, quam ea exercendo propter quæ uocantur reges. Et nisi reges Christiani facti in officio manerent, gubernarentque regna secundum regulam & leges Christi, quomodo obsecro Christus diceretur Rex regum, & Dominus dominantium? Ergo quando dixit, Reges gentium dominantur eis, uos autem non sic, Apostolis suis de primatu concertantibus est loquutus. Quasi dicat, Principes in orbe dominantes per meam doctrinā non deijciuntur e subsellijs uel ex cathedra & throno: manet enim in mundo hoc adeoque in ipsa ecclesia magistratus. Hic regnabit. Vos autem non sic: non regnabitis, non eritis principes, sed doctores orbis & ministri ecclesiarum. Hæc pauca ad Anabaptistarum obiecta respondimus, quæ aliās sæpe copiosius dissoluimus. Istis autem omnibus demonstratum abunde existimo, Christianum nō posse tantum, sed debere etiam si legitime offeratur, recipere magistratus munus.

*Regnū meum  
non est ex hoc  
mundo.*

*Vos autem non  
sic.*

*De officio sub-  
ditorum.*

Priusquam uerò disputationem huius loci concludamus, subiiciemus iam paucis quod nam sit officium subditorum, quod quique suo debent magistratui. Principio subditorum est, sanctè, reuerenter, & honorificè, non abiectè & uulgariter sentire de principibus uel magistratibus suis. Reuerentur ac uenerentur hos ueluti legatos & ministros æterni Dei. Exhibeant eis etiam foris honorem cuique regno & patriæ cōsuetum. Turpissimum est, si subditi indecenter se gerant erga dominos suos. Cæterum opinio uel falsa uel leuis & protrita de rebus uel personis concepta, contemptum rerum & personarū parit. Colligenda sunt ergo clara aliquot scripturæ testimonia, & omnium cordibus inferenda, ex quibus enascatur et conseruetur iusta existimatio seu autoritas magistratus. Caueant hic principes & optimates, ne impura & indecenti uita contemnendos irridendosque se præbeant, atque ita sua culpa autoritatem amittant omnem in populo. Certè ipse Dominus Deus principes ac magistratus populi suo non dedignatur nomine, appellans ipsos deos. Loci extant Exodi 21. & Psal. 82. Apostoli nominarunt eos Dei legatos & ministros. Loci extant 1. Pet. 2. Rom. 13. Quis uerò non magnificiat deos, Dei legatos & ministros, per quos salutem populi operatur ipse Deus? Qui legatum spernit, spernit illum qui misit legatum. Qui honorat legatum, uidetur ipsum honorem exhibuisse leganti magis quam legato. Præterea dicit Solomon Prouer. 16. Diuinatio in labijs regis, ideò in iudicio non præuaricatur cor eius. Et Eccles. 8. Meum est obseruare præceptum regis, & rationem habere iuramenti Dei. Item Proverb.

**Prouerb. 24.** Time Dominum fili mi & regem, & non immisceas te illis qui defectores sunt. Repente enim cōsurget perditio eorum. Nam & Paulus dixit, Quisquis resistit potestati, Dei ordinationi resistit: qui autem resisterint, iudicium sibi accipient. Huius generis contexui quædam & in 5. præceptum.

Deinde orent subditi pro principibus & magistratibus suis, ut Deus ipsis sapientiam, prudentiam, fortitudinem, temperantiam, iustitiam, iustamq; seueritatem, clementiam & reliquas uirtutes heroicas dare, ducere item in uis suis, & seruire ab omni malo dignetur: quò tranquille & honeste uiuamus in hoc seculo. Id poscit à subditis S. Paulus ad Timotheum 1. cap. 2. & Ieremias in cap. 29. Verba aliàs recitauimus. Valde segnes & incurij sunt hic multorum animi, ideoq; experiantur sæpe quod nolunt, & quod dolet. Sed meritò. Si enim officium suum facerēt sedulo, ardentem orando pro magistratu, meliora experirentur. Quàm uerò feruidum fuerit studium precandi pro magistratu in ueteri ecclesia, colligere licet uel ex his Tertulliani uerbis, quæ in Apologetico eius cap. 30. sic leguntur: Precamur semper pro omnibus imperatoribus, uitam illis prolixam, imperium securum, domum tutam, exercitus fortes, senatum fidelem, populum probum, orbem quietum, & quæcunq; hominis & Cæsaris uota sunt.

Obediat item populus æquis & bonis magistratus legibus: obediat autem sanctè, reuerenter, & ex animo religioso, iam non tantum obediens legibus ipsius ut legibus hominum, sed ueluti legibus ministrorum & legatorum Dei. Nam Petrus iubet nos obedire propter dominum. Et Paulus, Oportet esse subditos non solum propter iram, uerum etiam propter conscientiam. Id est, non modò obediendum est magistratui, ne contemptus & inobedientiæ pœnas demus, sed ne peccemus in ipsum Deum, nos itaq; conscientia nos sceleris admissi accuset. Ostendimus autem in 5. præcepto scripturarum testimonijs & exemplis, non parendum esse impijs magistratibus, impia & pugnantia manifestè cum uerbo Dei mandantibus: Maluerunt Apostoli & primitiuae ecclesiæ fideles homines cōcludi in carceres, relegari in exilium, spoliari facultatibus, proijci bestijs, feriri gladio, & ignibus cremari, ac laqueo præfocari, quàm impijs obedire mandatis. Proconsuli Romano respondens beatus martyr & episcopus Polycarpus, dixit, Docemur principibus & potestatibus his quæ à Deo sunt, honorem deferre, eum scilicet qui religioni nō sit contrarius. Et diuus Ioannes Chrysostomus ad Gainam dixit, Non licet Imperatori pietatem custodienti aliquid contra diuina mandata tentare.

Postremò pendat populus magistratui tributa, impendat cum poscit necessitas, & ipsum corpus & uitam propriam pro incolumitate magistratus & patriæ, quemadmodum in 5. mandato faciendum ostendi. Dominus in Euangelio simpliciter dicit, Date Deo quæ Dei sunt, & Cæsari quæ sunt Cæsaris. Damnantur meritò qui hac parte sunt parci, maligni, & furaces. Debentur tributa magistratui ueluti merces laboris, & ueluti neruus publicæ tranquillitatis & utilitatis. Quis enim suo militat stipendio? Viuit quisque ex eo labore, quem exercet. Laborat magistratus, laborat princeps in gubernanda republica & conseruanda hac in pace. Negligit sua priuata & domestica negotia, quæ alioqui uictum & necessaria uitæ suppeditarent: iniquissimum ergo foret nisi aleretur aut certè iuuaretur publicis sumptibus. Præterea necesse est regna & respublicas iustis instructas esse opibus, quibus in bello, in fame, in incendijs, alijsq; calamitatibus publicis utantur, uel ad reparationem collapsorum, uel ad depulsionem grauiorum calamitatum. Nihil nunc dico de publicis ædificijs conseruandis, utpote mœnibus, turribus, uallo, fossis, portis, pontibus, itineribus, fontibus, aquæductibus, prætorio & foro, alijsq; id

*Orandum pro  
magistratu.*

*Obedientia.*

*Publice opes.*



Exactiones.

genus innumeris. Sunt etiā publicæ personæ, apparitores, uigiles, & similes alia plures, publico alendæ stipendio. Ac nisi in promptu sit pecunia, nullū regnum, nulla respub. stabit incolumis diu. Ergo qui tributa negant, mercedem laboris negant, adde & rempublicam omnino subuersam & conculcatam uolunt. Qui in publicis operibus, sicuti quibusdam mos est, segnes & ignaui sunt, nō peccant in unum aliquem Dominum, sed in totam rempublicam. Ac uideas ferē segnes huiusmodi operarios, nulla aut modica uti diuina benedictione. Admonendi tamen hic sunt magistratus & principes, populum suæ fidei & suo imperio subditum diligant, eiq; benignē parcant, nec immoderatis atterant exactionibus. Id fiet si sint frugales, & ab omni abstineant luxu & superbia. Cogitet princeps bonus quanta sit iniquitas aulam redundare luxu & crapula, ciuitates autem ac uillas cruciari & absumi inedia. Cogitent reipub. præsidēs tributa & uestigalia, publica, nō priuata esse bona. Odit Deus expilatores. Odit Deus exactiones immoderatas. Male dicit Deus exactoribus tyrannis: benedicit commodis & moderatis optimatibus. Plus efficit in pace & bello concordia iusta, quā pecunia iniusta. Et fortius quidem est regnum ualidiorq; respublica, quæ amore & concordia principum & populi, non magno tamen thesauro reposito, commendatur, quā quæ opes habet inæstimabiles, partas & extortas ē uisceribus ciuium, interim simultate & odijs dissidentibus inter se magistratibus & ciuibus. Nihil hic fingo. Experientia omnium seculorum testis est.

Hæc hæcenus de magistratu ex occasione sexti mandati, Non occides, quanta potui breuitate complexus, proposui charitati uestræ, declarans ob quid ille institutus à Deo, quodnam eius erga subditos, & rursus subditorum erga ipsum officium sit. Oremus iam dominum, ut is benignē tam magistratui quā subditis concedat cuiq; dignē sua uocatione ambulare.

*De tertio secunde tabule præcepto, quod in Decalogo septimum est, Non machaberis. De Coniugio, contra adulterium & omnem intemperantiam, de Continentia.*

## S E R M O X.

Præceptum  
Dei 7.Coniugiū quid  
sit.

**P**ROXIMUM uitæ & corporibus nostris coniunx est cuiusque hominis. Coniugio enim coniunguntur duo corpora, ut fiant unum corpus. Dominus enim dixit, Erunt duo in carne una. Tertio itaque mandato, & proximē quidem post prohibitum homicidium, præcipitur de coniugio sanctē colendo, item de sanctificatione uera corporis contra adulteria, contra uagas libidines & incontinentiam omnem. Muniuntur coniugia, ut floreat apud bonos honestas, castitas, sancteq; educantur liberi. Præceptum rursus duobus exprimitur uerbis, NON MOECHABERIS. Explicatur hoc mandatum, Deo spirante, dicam primò de Coniugio sancto; deinde de Adulterio: hinc quæ sub nomine adulteriij sint comprehensa atq; prohibita: postremò de Continentia.

Coniugium, quod & matrimonium appellatur, fœdus & coniunctio est diuina uiri & mulieris, ex cōsensu mutuo sociata & adunata, in hoc ut omnibus utentes cōmuniter, castē uiuant, & educant in timore Dei liberos. Ac Euangelium quod dem appellauit coniugiū Coniunctionem diuinam. Dominus enim Iesus, Quod Deus coniunxit, ait, homo ne separet. Neq; licet matrimoniū ad alium referre auctorem quā Deum ipsissimū. Instituit hic alias bonas & necessarias hominibus ordinationes per angelos suos & delectissimos homines, sed matrimonium absq; ulla

ulla interueniente persona media ipse deus instituit, legibus munxit, primos coniuges ipse copulauit, ipse copulatis uerè summus sacerdos benedixit.

Ex his liquidò possumus colligere præstantiam seu excellentiam matrimonij. *De dignitate et præstantia coniugij.* Deus enim hoc instituit, & in paradiso quidem instituit, tunc quando nullis adhuc miseris obnoxius esset homo. Non uidebatur Adam in paradiso commodè & satis suauiter uicturus, nisi ipsi esset adunata coniunx. Non est bonum, ait Deus, ut homo sit solus, faciam illi adiutorium, quod ei cohabitaret. Adduxerat enim Deus ad Adamum omnia animantia quæ condiderat, ut nomina imponeret singulis: sed in omnibus nihil erat quod concupisceret Adā, abhorrebat animus & genius eius à coniunctione ipsorum. Deus ergo sopore immisso ipsi Adamo, condit ex dormientis latere mulierem, quam ab ipso Deo conditore adductam protinus atque uidisset, exclamat, Hoc scilicet esse quale uelit, quod amare possit, consentiente per omnia genio suo. Hoc nunc os, ait, ex ossibus meis, & caro ex carne mea. Inueni, inquit, inueni adiutorium conueniens mihi, mecum carne & sanguine, ipsa quoque substantia communicans. Vnde adhuc existit naturalis illa uirorum erga mulieres propensio: ac rursus igni aboletur naturæ humanæ repugnans cum bestiis execrabilium hominum cōmixtio & uenus præpostera. Inter alia adijcit dominus, Deseret uir patrem suum & matrem suam, & adhærebit uxori suæ, eruntque in carnem unam. At dudum intelleximus quanti fiat amor & studium liberorum erga parentes apud dominum: quanta diligentia hos præcipiat honorare. Necessè est itaque coniugium longè diuinissimū esse institutum, quod præfertur honori parentum. Interim uerò lege matrimonij non aboletur lex de honorandis parentibus, sed uia & ratio indicatur, si fortè parentes dissidia pergant excitare inter coniuges, quid hi agant, non patiantur se diuellī, interim in alijs & per cetera honorarent parentes. Sancti patres nostri coniugij legem custodierunt, & coniugium ipsum coluerunt sanctissimè. Nec puduit sanctum Dei spiritum multis recensere & describere matrimonia ipsorum. Nam primus & præstantissimus in sacris literis liber, Genesis appellatus, in matrimonijs sanctorum describendis bona parte consumitur. Nec piget ipsum seruum Dei incomparabilē Moſen cōmemorare coniugij negotia & opera, ueluti pura & egregia, quæ hodie iudicantur à multis esse sordida & putida. Honorauit & commendauit ipse Christus (in cōiugio quidem, sed ex purissima uirgine natus naturalis Dei filius) nuptias, dum in nuptijs primis suorū signorū edere dignatur, & tale quidem signum quod ostendit, dominum posse amara coniugij reddere dulcia, & inopiam subleuare diuite copia. Apostoli ut mariti fuerunt ad exemplum patriarcharum, regum, principum, sacerdotum, & prophetarum, ita præcipuus inter eos Paulus clamat, Honorabile est inter omnes coniugium, & cubile impollutum. *Heb 13* Scortatores autem & adulteros iudicabit Deus. Dicit coniugium esse honorabile apud omnes, nimirum gentes. Pauculas enim inuenias quæ non maximè laudarint nuptias. Xenophon arbitratur inter omnia Dei instituta uix aliud inueniri coniugio pulehrius & utilius. Musonius, Hierocles, & alij sapientes præci, coniugium usque adeo necessarium putant ad bonè & commodè uiuendum, ut uita hominis extra matrimonium uideatur manca. Illi ipsi mala & incommoda matrimonij ex coniugibus non cōiugio deriuant. Bonum enim est coniugium, sed multi bono non bonè utuntur, ideoque abusus sui meritas luunt pœnas. Quis enim nesciat ebrietatis mala non referenda esse ad saluberrimam Dei creaturam uinum, sed ad ingurgitationē uerius atque prauam cupiditatem hominis bona Dei creatura abutentis? Quod egreditur ex corde hominis, ait in Euangelio dominus, non quod ingreditur per os, coinquinat hominem.



Huc pertinet quod Apostolus Christi Paulus sanctificationem tribuit connubio. Cubile enim, inquit, impollutum est. Et alibi testatur sanctificari intercedente matrimonio incredulum maritum per fidelem uxorem: asserit præterea liberos e coniugio natos esse sanctos siue mundos. Nam & Christum idem statuit exemplum coniugalitatis amoris: denique mysteria Christi & Ecclesie adumbrat per coniugium, rem utique diuinam per typum sanctissimum & Deo probatissimum. Vnde alio in loco idem Apostolus dicit eorum doctrinam planè demoniorum esse doctrinam, qui prohibent contrahere matrimonium. Inde rursus consequens est, eam doctrinam esse diuinam, quæ liberum permittit coniugium omnibus, ipsumque commendat & colit.

*Causæ coniugij.*

Præstantia & dignitate matrimonij intellecta, inspiciamus tam causas, ob quas diuinitus institutum est matrimonium. Deus pro bona sua natura, omnia sua instituta dirigit ad bonum & utilitatem hominum uberrimam: ergo & matrimonium instituit ad conseruationem generis humani, denique ut commoda, ornata & suauis esset hominis uita. Verum redigi possunt causæ omnes ad numerum ternarium. Principio Deus ipse dicit, Non est bonum ut homo solus sit, faciamus ergo adiutorium quod coram ipso sit, uel ei cohabitaret. Prima ergo causa instituti coniugij est hominis commoditas, nimirum ut uita eius sit suauior & commodior. Non enim uidebatur Adam satis feliciter & suauiter uicturus, nisi adiuncta coniuge. Ea appellatur non impedimentum aut malum necessarium, ut poetæ quidam mulierum ofores & malæ bestię nugati sunt, sed adiutorium uel brachium uiri. Ac ex Gentilibus, quod tamen mirum uideri poterat, Antipater in Sermonem de Nuptijs protulit, quod mirum in modum huc quadrat, & quale nam brachium, aut quale adiutorium coniunx sit, exponit. Quisquis uxorem, inquit, & liberos non expertus est, uerissimam & geminam beneuolentiam ignorat. Vndiqueque commiscetur coniugalitatis amor, cum non solum oves & liberos & animam, sed etiam corpora soli coniuges communia habeant. Ideo Euripides, deposito mulierum odio quo laborabat, hos uersus scripsit,

*Mulier est uiri  
brachium.*

*Coniunx in agnitudinibus & sinistra fortuna, marito*

*Suauissima est, si domum honestè inhabitet,*

*Itam suauiter mitigans & molestias*

*Animi inuidiam leuans ac fraudes amicorum.*

Quemadmodum enim si quis unam habens manum, alicunde & alteram indipiscatur, aut unico pede utens, etiam alium aliunde acquirat, facilius multo aliquid apprehendere, aut quo libuerit ire potest: ita qui uxorem duxit, facilius fruetur salubribus & utilibus uitæ commoditatibus. Nam coniuges pro duobus oculis quaternos habent, & pro duabus manibus totidem alias, quibus unâ iunctis, facilius agent opus manuum. Proinde fessis alteris reliquæ suum officium præstabunt. Coniugium ergo quod unius membri uice ex geminis coalescit, felicius omnia administrare in uita poterit. Hæc omnia Antipatri sunt. Hierocles uero in libro suo de Nuptijs, Vtilis est, inquit, cum muliere conuictus, etiam præter liberorum procreationem. Primum enim externis laboribus attritos suscipit, officiose tractans, & omni cum studio recreans. Deinde animi tristitiæ obliuionem inducit. Tristiores enim uitæ casus & in uniuersum omnis sollicitudinis aut negotij agentibus nobis circa forum, rus, aut inter amicos, non facile feruntur necessarij occupationibus admixti: expeditis autem inde & domum regressis, animoque in otium & libertatem suam restituto, leuiora fiunt omnia, & hac occasione nos agere desinunt. Nec profecto uxor molesta est, imò res molestias ipsa leuat. Nihil enim

enim

enim usque adeo onerosum est, quod maritus & uxor non facillimè ferant concordias, & communi opera quicquid est ferre uolentes. Et reliqua.

Secunda instituti matrimonij causa est procreatio sobolis, ad conseruandum genus humanū, & educatio liberorum in timore Domini. Nam benedixit dominus Adā atq; Euā, ac dixit, Crescite & multiplicamini, & replete terram. Paulus item Apostolus ad Titum, Anus doceto, ait, ut honesta doceāt, quò intelligentes ac modestas reddant adolescentulas, ut maritos suos diligant, ut liberos ament, ut sobriæ sint, domus custodes, bonæ, subditæ suis uiris. Et iterum ad Timotheum, Adam non fuit deceptus, ait, sed mulier seducta fuit, salua tamen fiet per generationem liberorum, si manserint in fide & dilectione, & sanctificatione cum castitate. Ceterum inutilis foret generatio, nisi accederet & educatio liberorum. Præterea quæ uerè liberos diligit, educat ipsos in timore domini. Et hinc profluit maximus in rempub. & ecclesiam fructus. Accedit item per plurimum gloriæ ac cultui Dei, cum prouenit ex sancto coniugio maximus hominum numerus uerè Deum agnoscantium, inuocantium, colentiumq;.

Tertiam causam instituti matrimonij, huiusmodi uerbis commemorat Apostolus, Propter supra uitanda suam quisq; uxorem habeat, & suū quæq; uirum habeat. Bonum quidem esset & cōmodum nullam contingere mulierem, cœlibemq; uiuere hominem, sed quia hoc non omnibus datum est, sicut in Euangelio ait dominus, ac urit quosdam aut plerosq; ferè carnis concupiscentiā, dominus coniugium uelut medelam instituit, testante Apostolo rursus atq; dicente, Qui se non continent, contrahant matrimonium. Nam satius est matrimonium contrahere, quàm uri. Discimus hic concubitus naturalem cum propria coniuge non reputari à Deo pro culpa aut pro immunditiā. Fornicationis opus est immunditiā, quia pugnat cum lege diuina. Coniugium uerò permisit Deus & benedixit ei, ergo sancti cantur coniuges benedictione Dei, fide & obedientiā. Nec desunt hic nobis argumenta & testimonia clarissima Pauli. Is, enim ad Hebræos dixit, Honorabile est inter omnes coniugium, & cubile impollutum: scortatores autem & adulteros iudicabit Deus. Verecundè locutus est Apostolus, ac per cubile intellexit concubitus conjugalem, quem testatur esse impollutum. Quod autē mundauit Deus, quis oro immundum dixerit? Quis negauerit mundis omnia esse munda? Rectè ergo de his iudicans in Nicena Synodo Paphnutius confessor & episcopus dixit, castitatem esse concubitus cum uxore propria. Neq; uerò puduit uerecundissimum Christi Apostolum leges de his ferre. Scribit enim, Vxori uir debitam bene uolentiam reddat: similiter autem & uxor uiro. Vxor proprii corporis ius nō habet, sed maritus. Similiter & maritus proprii corporis ius non habet, sed uxor. Ne fraudetis uos inuicem, nisi quid fiat ex consensu mutuo & pro tempore, ut uacetis ieiunio & precationi: & rursus in unum conueniatis, ne tentet uos satanas propter intemperantiam uestram. Clara sunt hæc Apostoli uerba, nec ulla interpretatione nostra addita indigent. Idem Apostolus ad Corinthios, Si duxeris uxorem, ait, non peccasti. Item, Si uirgo nupserit, non peccauit. Quid autem uirginitate præstantius, purius, sanctius? At non peccat uirgo, si uirginitatē sancto commutet connubio. Bene ergo Chrysostomus in Homilia quadam, Primus, inquit, gradus castitatis est sincera uirginitas, secundus fidele coniugium. Sed & beatus Augustinus nuptias uocat castitatē siue continentiam. Locus extat de Bono conjugali cap. 19. & 20. item Epistola 198. Ex hoc fonte dimanat honestatis publicæ portio maxima. Approbat enim Deus coniugia, improbat fornicationem & omnem immunditiā. Sancto suo instituto uult omnem turpitudinem à suis exclu-

Procreatio & educatio sobolis.

Tit. 2.

1. Timoth. 2.

Cubile in coniugio impollutū.

1. Cor. 7.

Hebr. 13.

Acto. 10. Titum. 1.

1. Cor. 7.

Honestas.



dere fidelibus. Videant ergo sancti, magistratus imprimis, ne hic sint segnes, sed alacres, sancta tueantur coniugia, persequantur seuerissimè obsecnitates, fornicationes, & omnem immunditiam.

Nemini prohibu-  
bitu coniugium.

1 Timoth. 3

Hæc ex scriptura sancta recitavi hucusq; paulò copiosius, ut omnibus manifestum facerem coniugium esse sanctum, & idcirco eius moderato, sancto, legitimoq; usu neminem posse inquinari: ergo omnibus quoq; esse permissum. Apostolus enim, Episcopus, inquit, sit unius uxoris uir, qui suæ domui bene præsit, liberos habens fideles. Nam & Apostolos Christi, apostolicosq; uiros sanctissimos Ecclesiarum pastores, habuisse uxores, diuino & humano testimonio comprobatur. Neq; uerò aliud post prauam doctrinam magis inficit Ecclesiam, omnemq; disciplinam subuertit ecclesiasticam, quàm si ministri ecclesiarum, qui debuerant esse lumina, sint fornicarij & adulteri. Scandalum hoc præ cæteris honestatem omnem fatigat atq; conspurcat. Sed de his in præsentiarum non statui prolixius & plenè disputare. His adijcio uinculum coniugij esse indissolubile & sempiternum, id est, nunquam dissipandum. Fit enim ex duobus una caro, unum corpus. Hoc si disseces, perdis. Quod ergo Deus coniunxit, homo non separet. Ergo huius corporis eadem faciunt, qui adulterium perpetrant. Diuortium enim admittit lex euangelica & lex humana inter maritum & adulteram. Neq; sit minor & leuior causa, quæ inter coniuges uinculum hoc dirimit, quàm fornicatio. Alioquin maiores in Euangelio non prohibuit esse diuortij causas, qui minorem permisit. Ac in ecclesia ueteri non unam fornicatione separationis causam fuisse, testes sunt Christianorum principum epistolæ atq; constitutiones. De quibus alias.

Vinculum coniugij indissolubile.

Quomodo contrahendum sit  
matrimonium.

Vt autem uinculum hoc sanctum coalescat firmitus, multum refert si sanctè, legitimè, cum timore Dei, & cum iudicio, coeant coniugia. Ne sint inuita aut coacta, iungantur prius animorū consentientium genij, quos postea coniungit professio consensus mutui & externa confederatio. Iungantur qui non sunt propinquitate sanguinis aut affinitatis disijuncti. Iungantur qui per leges diuinas atque patrias. parentum consensu consilioq; accedente, coniugij possunt. Adsit in contrahentibus mens sincera, quæ quærat incolumitatem & felicitatem perennem, hoc est, quæ unicè spectet uoluntatem Dei: neq; admittat ulla parte prauos affectus in consilium. Hierocles in lib. de Nuptijs, Imprudentia omnino grauis est, inquit, ut quæ res etiam per se faciles, onerosas efficiat, & inter alias uxore quoq;. Non paucis enim intolerabiles fuerunt nuptiæ: non quòd sua culpa aut suapte natura talis sit cum uxore societas, sed quando ducimus, quas non oportebat, inde usu uenit, ut fiat intolerabilis illa societas. Hoc sanè modo nuptiæ uulgo eueniunt. Nò enim procreationis liberorum, aut uitæ societatis gratia ducunt uxores: sed alij propter magnitudinem dotis, alij excellentia formæ, alij uerò alijs istiusmodi causis ducti, ceumals consiliarijs usi, de ingenio & moribus sponsæ nulla cura habita, in perniciem suam nuptias celebrant. Huc pertinet quod Plutarchus in libello De liberis educandis parètes admonet, ut eiusmodi liberis suis uxores despondeant, quæ non sint multò uel ditiores uel potentiores. Prudenter enim dici Prouerbio, Tux sortis uxore ducito. Breuiter præluceat in his omnibus timor Dei, uerbum Dei, & ardens ad Deum effusa precatio.

Contra Polygamiam.

Cæterum non conuenit in legitimo coniugio plures esse quàm duos, qui constringantur unum sub iugum. Polygamia enim usurpata patribus nostris citra culpam, nullam nobis constituit legem. Illuxerunt correctionis tempora, & uenit in orbem Messias omnia docens atq; reformans. Leges ergo coniugij idem ille re-  
duxit ad primam regulam & legem. Erunt, ait Dominus, duo in carne una. Et Apostolus,

stolus,

solus, Habeat quisque suam uxorem, & quæq; suum maritum. Nihil ergo ad nos *1. corinth. 7.* pertinent greges concubinarum Solomonis. Nihil ad nos pertinet quod Iacob legitur duabus coniugatus sororibus. Interea secundas, tertias aut etiam plures nuptias non damnat uerbum ueritatis. Generale enim est illud Apostolicum, adde & *Secunda nuptie.* perpetuum, Qui se non continent, contrahant matrimonium. Satiùs est enim contrahere matrimonium, quàm uri. Desumpta est ea sententia ex illis Euangelicis uerbis, Non omnes capiunt uerbum hoc: sed ij quibus datum est. Sunt enim eunuchi de utero matris sic nati: sunt qui ita facti sunt ab hominibus: & sunt qui seipso castrauerunt propter regnum cælorum. Qui potest capere capiat. Ergo qui non potest capere, uxorem quoties necesse est, ducat. *math. 19.*

In primis uerò scire refert quomodo colamus matrimonium, quo dirigant omnia sua coniuges, quid agant in coniugio, & quomodo animati esse debeant erga hoc sanctum Dei institutum. Ea de re paucula, sed maxime necessaria capita recensbo, singulis suppedians occasionem plura & maiora cogitandi. Principiò teneant coniuges pro re certissima compertissimaq; se esse in opere Dei cum uiuunt in coniugio, se placere Deo, & rem gratam Deo facere, idq; propter uerbum Dei, quo benedixit huic uiuendi generi, ac sanctificauit omnes coniuges fide in hoc opere & instituto Dei uiuentes. Ergo cum coniugati molestias ex matrimonio consequentes perferunt patienter, dum laborant fideliter, dum ea faciunt decenter quæ opera uel officia sunt coniugum, ueluti dum uxor amat maritum, dum ei inseruit pro officio, dum parit cum dolore liberos, dum genitos fouet & magna diligentia multoq; labore educat: dum maritus uxorem diligit, uxori mutuam præbet operam, ac in domo per omnia fidelem agit patrem familiam: non minus in his placent Deo, quàm cum in sacrum prodeuntes cœtum, uerbum Dei audiunt & Dominum adorant. Nam opera illa coniugij non minus reputantur pro bonis operibus, quàm ipsa elemosyna, iustitia & pax. Opus itaq; fuerit coniugibus ante omnia uera fide in Deum authorem coniugij. Ita enim per fidem placebunt Domino. Hæc non uerserunt monachi, quæ tamē iubentur urgere in uerbo Dei, suam potius fictam sanctimoniam & sua uota supra astra extulerunt.

Deinde requiritur à coniugibus, ut memores datæ & acceptæ fidei, se mutuo *Fideles sine coniuges.* non fallant perfide, sed fœdus initum & fidem datam sanctè seruent, & seruent quidem syncerè animo & corpore. Nemo admittat in animum concupiscentiam alienam aut odium fastidiumue coniugis. Et corpus tuum, quisquis maritus es, *1. corinth. 7.* non tuum, sed uxoris est: sicuti & uxoris corpus, non uxoris tuæ, sed tuum est. Rapinam committis & furtum, si alienum bene nium sustuleris, aut ab hero proprio alienaueris alteriq; communicaueris. Sit mens coniugum integra & corpus illibatum. Pollicetur quisq; dum sacra ceremonia initiat & dedicat coniugium sub obtestatione diuini nominis coram Deo & ecclesia, se fidem coniugi sanctè seruaturum, hæc & non alia ulla usum muliere, huic uni adherere illamq; diligere & fouere uelle. Hanc fidem datam quisquis uiolauerit, perfidus est, diuini uiolator fœderis & sanctæ ueritatis.

Nec satis est si sis fidelis, nisi etiam sis humanus & cohabites uxori cum scientia, ut ait S. Petrus. Sit maritus uxoris caput, mens uidelicet sapientiæq; commo- *Cohabitandum cum scientia.* dus moderator, uia dux, conuictor iucundus, monitor in rebus omnibus opportunus, defensor fidus. Vxor sit obediens, ut uidemus membra parere capiti, præbeat se agendam & regendam uiro, non spernat æqua mariti dogmata aut imperia. Cogitent se esse unum corpus uel membra unius corporis. Discant ergo ex gubernatione corporis humani quomodo sese gerant in connubio. Nobiliora mem-



Ephef. 5.

bra non contemnunt ignobiliora, sed eis deferunt magis ac laborem leniunt & auxilium conferunt. Ignobiliora suspiciunt nobiliora, nec istis inuident, quicquam. Membrum non collidit aut affligit membrum, sed mutuò se fouent omnia, & defendunt se inuicem ab iniurijs. Talis sit inter coniuges mutua connexio, & operatio, & beneuolentia & charitas, tale studium & cōsortium. Ideò enim ex corpore uiri desumpta est mulier, ut suum corpus colere & amare pergeret maritus. Ideò etiam Apost. Sic debent uiri suas diligere uxores, ait, ut sua ipsorum corpora. Qui diligit suam uxorem, seipsum diligit. Nullus enim unquā suam ipsius carnem odio habuit: imò enutrit & fouet eam, sicut & Dominus ecclesiā. Quid quod Apost. eodem in loco ipsum Dei filium & sanctā ecclesiā, coniugatis exemplū statuit, requirens à marito ut diligit uxorem suam sicut Christus dilexit ecclesiā: uxor uero ita obseruet maritum, eundemq; diligit sicut ecclesiā Christū. Eo exemplo non est aliud in toto hoc orbe sanctius & uehemētius. Nullus enim amor Christi amore in ecclesiā maior: nec alia inuenitur obseruatio castior quā ecclesiā erga Christum. Requiritur ergo à coniugatis ut ardentissimè & sanctissimè se ament mutuū. Omnibus utantur communiter, bonis simul & malis: idem trahant iugum, alter alterius onus portet. Breuiter, sint unius corporis mēbra. Alibi descripsimus hāc officia copiosius, dum conscripsimus institutionem Christiani matrimonij.

Gignant &amp; educent liberos.

Postremò educent liberos in sancta disciplina & timore Dei, ad salutē domus propriae & totius reipublicae. Paulus, Volo, inquit, iuniores nubere, liberos gignere, domum administrare. Hoc enim est honestum & acceptum corā Deo. Porro de educatione liberorum dixi Sermone quinto huius Decadis. Vtilissimū est autem hac parte matrimonium cū suae cuiusque domui, tum uniuersae reipublicae: ut iam non commemorem & cultum, & gloriā Dei propagari quā latissimè, si uidelicet liberi non tantū generentur, sed & sanctè instituuntur à parentibus in timore Domini & in omni pietate. Hierocles, Vtiles, inquit, esse nuptias assero. Primum quidem quia diuinū reuera fructum producant liberorum generationē, qui nobis & ualentibus adhuc, utpote consanguinei, in omnibus negotijs opem ferunt, & aetate confectis senioq; pressis boni sunt auxiliarij: familiares quidem in secunda fortuna laetitiae socij, in aduersa uerò condolentes rerum tristitum successores. Et reliqua. Antipater uerò, Hominem, ait, ingenio ciuili praeditum, commune negotium patriae oportet augere. Nam alia ratione ciuitates seruari non possent, nisi optimi quicq; ciues & generosorum filij, prioribus tanquam arboris pulchrae folijs marcescentibus & defluentibus, uxores tempestiuè ducerent, & liberos ceu generosa quaedam germina patriae successores relinquerent, ut ipsam florere semper & in uigore perpetuo durare efficerent, nunquam hostibus oppugnatu facilem fieri pro uirili sua molientes. Hoc igitur sibi scopo proposito ut & uiui & defuncti patriam tueantur & adiuuent, nuptias contrahere maximè necessarium, ac inprimis conueniens aestimant, cū omnia quae requiruntur à natura perficere cupientes, tum illud apprimè quod salutem & augmentum patriae, ac multò magis diuinum cultum attinet, &c.

A religione au  
spicanda con-  
iugia.

Cū autem tanta ad beatè feliciterq; uiuendum momenta habeat iustum matrimonium, non praeter causam auspicantur hoc à religione fideles. Certè primo parentum nostrorum coniugio protinus ab initio benedixit Dominus, qui & eos copulauit. Vnde receptus est in ecclesiā Dei mos, quod qui matrimonium contraxerunt, priusquā cohabitent, in templū Domini ueniant, ubi sub inuocatione diuini nominis & in medio interpellatis ecclesiae, copulantur & benedicuntur à ministro Dei sub nomine Dei. Proinde locum primariū in coniugio habent assi-

duz

dua coniugum preces ad Deum, ut hic dignetur facere maritos sapientes, religiosos, modestos, benignos, probos, laboriosos & patientes amantesq; uxorū: uxores verò obsequentes, placidas, castas, fidas, diligētes maritos & liberos, œconomicas & fecundas. Quanta enim uel ex unico matrimonio prauo & corrupto existant mala, nemo unus explicauerit. Conturbantur hoc familiæ, perit pudor & facultas omnis, corrumpuntur liberi, offenditur imò irritatur Deus, malum ingens datur uniuersæ reipub. Proinde sedulò orandus Deus ut benedicat omnibus coniugibus, quò nomen eius sanctum incolumitasq; reipublicæ incrementa accipiat.

Descendo iam ad adulterium, quod huiusmodi scelus est, quo ad alteram accedit maritus, uel uxor ad alterum diuertit, cui corporis sui imò maritalis corporis copiam facit. Blandiuntur sibi quidam existimantes nulla se teneri culpa adulterij, si consuetudinem habeant cum libera aliqua puella uel non maritata: rursus mulier se prostituat homini nondum coniugato. Fornicationem hoc non adulterium esse contendunt. Sed scriptura diuersum iudicat. Accedis ad alteram, adulter es: fidem fallis, perfidus es; corpus tuum non tuum, sed uxoris corpus est, proinde alienæ corpus hoc impendens, adulterium committis. Si cōiugatus cum maritata concumbis, peccatum adulterij conduplicas. Grauiissimis supplicijs hoc statim à rerum exordio punitum est. Phrao rex Ægypti Saram Abraham uxorem deduci iussit in aulam ut ipsa uteretur uxore, ratus illam Abraham sororem esse. Sed scriptura, Afflixit autem Dominus, ait, Pharaonem & domum eius plagis magnis propter Saram uxorem Abraham. En punitur rex Ægypti plagis grauiissimis propter adulterium: interim ignorauit rex Saram esse uxorem Abraham: quantæ ergo plagæ illis paratæ sunt, qui scientes & uolentes impudenter cōmittunt adulteria. Ad Abimelech regem Palæstinorū dicit Dominus, En morieris propter mulierem quam tulisti à marito suo. Atqui abduxerat & hic rex Saram nesciens esse uxorem Abraham. Ioseph sollicitatus ab uxore herili ad adulterium, simpliciter dicit, Quomodo designarem ingens hoc malum siue flagitiū, quo & in Deum peccarem? Singula uerba suum pondus habent. Nam grande scelus est adulterium. In libro enim Iob, ipse Iob sic pronunciat, Si concupiscentiæ uxoris alienæ obnoxiiū fuit cor meum, & ad ostium sodalis mei sum insidiatus, nimirum ut corrumpere uxorem eius, scortum alterius sit uxor mea, & rem habeant alij cum ea. Hoc enim grande flagitium est & iniquitas capitali actione persequenda. Ignis enim est qui ad interitum usq; deuorat, ac omnem prouentum meum euellit. Dicit Iob se non modò non perpetrasse adulterium, sed ne tentasse quidem unquam alienam corrumpere uxore. Profitetur nephas siue grande scelus esse adulterium, quod mereatur ut adulterio sua quoq; corrumpatur. Addit adulteriū ignem esse funditus absumentē ac deuorantem omnia, deniq; iniquitatē esse capitali actione persequendam. Nam & Solomon mortalium sapientissimus, Num quispiam in sinu suo, inquit, ignem fouet, ut uestimenta sua non adurantur? Aut incedet quis super prunas ut pedes eius non adurantur? Sic qui ingreditur ad coniugē proximi sui, culpa non uacabit quisquis tetigerit eam. Nō reputant probro furari, si esuriens furetur ut uitam sustentet. Sed deprehensus septuplum rependit & uniuersam rem familiarem expendit. Qui autem adulterium committit cum muliere, excors est, & qui hoc facit, animā suam perdit. Verbera insuper & ignominia inuenit, cuius opprobriū nunquam poterit deleri. Maritus enim incēsus zelotypia cū ei offertur uindicandi occasio, non parcat: neq; ullius intercessoris faciē suscipit, nec munera quantumuis magna admittit. Plurima certē in his Solomonis uerbis consideranda ueniunt. Principiò ut fieri nequit quin adurat ignis uestem si in ueste gestetur:

Contra adulterium.

Genes. 12.

Genes. 20.

Genes. 39.

Iob. 31.

Proverb. 6.



ita impunè nemo cõmiserit adulterium. Deinde collatio fit inter furem & adulterum: non quòd furtum defendatur, sed quòd fures licet sint ignominiosi, minus tamen peccare, quàm adulteri uideantur. Potest enim satisfacere fur restitutione ei cui suffuratus est aliquid: adulterium recompensari non potest. Et quis non malit sibi arcam funditus euacuari à furibus, quàm adamatam uitiari uxorem? Præterea appellatur à Solomone adulter excors & insanus. Adulterium iudicatur esse scelus morte dignum, & infamia ineluibilis. Nam Dominus ipse in lege non tantum dicit, Ne committas adulterium: sed alibi quoq; addit, Et uir qui adulterium committit cum uxore alicuius, qui adulterium inquam committit cum uxore proximi sui, omnino moriatur adulter & adultera, Leuit. 20. Ac pœna hæc capitalis, nõ est uel sublata uel mutata à Gentibus. Notissima est enim lex Iulia Romanorum, quæ iubet adulteros plecti capite. Viguit ea lex Hieronymi adhuc seculo, sicut colligere licet ex historia, quam is conscribit de muliere adultera septies ista. Nec certè mirum est adulteriũ apud priscos fuisse, & esse uel hodie iuxta leges capitale. Nam scelus est multifarium. Principiò enim perfidus est adulter. Fidem enim coram Deo & ecclesia palàm datã sub diuinæ & adorandæ Trinitatis obtestatione, & ministro Christi manus uel dextras coniugum conferente, sefellit atq; uiolauit. Deinde furtum & rapinam admisit. Nam cum adultera sui corporis copiam facit alteri, non suum quidem, sed mariti corpus prostituit, inquinat & perdit. Quibus accedit quòd spurij ex adulterio nati, non rarò hæreditates adeunt cum legitimis liberis æquis portionibus. Id quod fieri non potest citra maximam legitimorum liberorum iniuriam. Spoliantur enim iniustissimè debita hæreditate, diuiditurq; ei cui nullo iure debetur. Præterea mala exoriuntur innumera ex adulterijs. Ergo cum hydra sit multorum caput, lex diuina & humana, non præter rationem, adulteros supplicio capitis puniuit.

*David adulter.*

Suaues uerò illi sunt homines, si dijs placet, quibus adulteria lusus esse uidentur. Illi ipsi pro se facere credunt Davidis adulterium, & quod Dominus noster propitius fuisse legitur adulteræ in ipso scelere deprehensæ. Quare non animaduertunt illi ipsi quanta seueritate in Dauidem cœlitus animaduersum sit? Polluitur mox funesta domus Dauidis incestu scædo. Amnon enim uitiat per uim fororem suam Thamarem. Protinus & parricidio infamatur crudelissimo, Absolone Amnonem fratrem iugulante in conuiuio. Idem ille Absolom Davidis filius corumpit aut uitiat patri uxores, idq; in propatulo, omni posito pudore. Expellit patrem ex regno quem & trucidare festinat. Agnoscit hic meritò se tanta propter admissum adulterium & parricidium sustinere. Tandem in pugna occiduntur populi multa millia. Vix restituitur regno David, ac restitutus perpetuam agit penitentiam. Mirum uerò si pergant adulteri porrò pro se Davidis exemplum adducere. Saluator noster non uenit iudex sed saluator in mundum, neq; usurpauit sibi alicubi ius gladij. Quis ergo miretur adulteram non esse ab eo damnatam ad lapides? Dicebat tamen, Nemo te condemnauit: quasi non impugnaturus, si lata fuisset condemnationis sententia. Non enim uenit patrocinium adulteris, neque ut legem solueret, sed ut impleret. Quòd si adulteris adeò placet adulteram illam non esse condemnatam à Domino, placeat clausula qua terminatur historia, dicente Domino, Vade, & posthac ne peccaueris. Desināt ergo & ipsi adulterijs seipso coinquinare & perdere.

*Saluator absoluit adulteram.*

*Quæ amplius prohibeantur sub adulterij titulo.*

Dominus in lege sua Adulterium quidem nominauit, sed omnes libidinis & luxus species, omniaq; ea quæ ad libidinem incitant & fomenta præbent, intellexit, quæ non minore seueritate & iustitia quàm adulterium prohibuit. Dominus

*in Euan.*

in Euangelio prohibet nō modò opus adulteriij externum, sed ipsam affectionem & cupiditatem animi libidinofam. Audistis, inquit, quòd dictum fuerit antiquis, Non committes adulterium. At ego dico uobis, quòd quicuncq; aspexerit uxorem alterius ad concupiscendum eam, iam adulterium cum ea commisit in corde suo. Ibidem docet eruere oculos & amputare manus, nimirum extinguere in herba exurgentes affectiones immundas, ne in ipsum opus erumpant. Prohibetur ergo hoc mandato omnis affectio immunda, omnis immūditia & turpitudine oris & corporis totius. Prohibetur fornicatio seu scortatio, quæ dicitur esse congressus soluti cum soluta. Is putatur à multis uel modicum uel nullum esse peccatū. Sed diabolus huiusmodi homines sic animat, sic fascinat & impellit. Doctrina enim Euangelica & Apostolica longè aliud docet. Nam Apostoli in Synodali illa Epistola sua missa ex urbe Hierosolymorum ad omnes gentes, manifestissimè prohibent fornicationem. S. Petrus scortationem inter scēdissima numerat scelera, à quibus quàm alienissimos uult esse Christianos. S. Paulus, Fugite, inquit scortationē. Item, Ne fornicatione inquinemur, sicuti quidam illorū inquinati sunt, & conciderunt uno die uiginti tria millia. Pugnat fornicatio cum fœdere Dei, quo is nobis, & nos cū Deo coharemus. Sed & Deum gloria sua spoliatur scortatio, templumq; Dei polluit fœdissimè. Audiamus super ea re Apostolum testificantem atq; dicentem, An nescitis quòd corpora uestra membra sunt Christi? Num igitur tollens membra Christi, faciam scorti membra? Absit. An nescitis quòd qui adglutinetur scorto, unum corpus est? Redigentur enim duo, inquit, in carnem unam. At qui adglutinetur Domino, unus spiritus est. Fugite scortationem. Omne peccatum quod fecerit homo, extra corpus est; sed qui scortatur, in propriū corpus peccat. An nescitis quòd corpora uestra sint templa eius qui est in uobis spiritus sancti: quē habetis à Deo, & non estis ipsi uestri iuris? Nam empti estis precio. Ergo fornicatio excludit fornicatores ex regno Dei. Idem enim Apostolus, Neq; scortatores, ait, neque adulteri, regni Dei hereditatem accipient. Ideoq; alibi ne nominari quidem inter Christianos sustinet fornicationē, tantū abest ut fornices lupanariaue tulisset seruus Iesu Christi. Præterea opplet totum corpus uarijs morbis scortatio, exuit cultores suos omni facultate atq; substantia, redigit ad extremam paupertatem & miseriam, adigit demum ad desperationem. Adobruit autem omni ignominia: cuius rei uiuum exemplum statuitur in sacris literis fortissimus Israelitarum Samson. Proinde in loco & tempore omnes homines admonet Solomon sapientissimus, ut fugiant scortorum sua uiloquia. Desinunt enim in uenena, & hominem præcipitem agunt in abyssum malorum.

Fornicatio.

Act. 15.

1. Pet. 4.

1. Cor. 10.

1. Cor. 6.

Ephes. 5.

Stuprum.

Prohibetur hac lege & stuprum siue uiolatio uirginum, item raptus quo liberi parentibus per uiolentiam corrumpuntur & abducuntur. Differunt inter se stuprum ui factum, & stuprum sine uiolentia factum. Dinam Iacobi filiam uitiatur Sichem, & quamuis corruptam sibi matrimonio iungi cuperet mutareq; religionē, confoditur tamen à fratribus Dinæ Leui & Simeone, totaq; ciuitas subuersa & cruore cæsorū oppleta diripitur. Historia legitur Gen. 34. Propter stuprum Iuliani præfecti filia illatum à rege Roderycho Gottho Hispaniam tenente, uniuersa penè Hispania igni & cruore commixta est. Volaterranus enim Geograph. lib. 1. Roderychus tres annos regnauit, inquit, cuius fœda libido finem attulit Gotthorū non tam generi quàm pacifico imperio, Saracenis superuenientibus. Nam cū filiam cuiusdam Iuliani præfecti, qui Tingitanā administrabat prouinciā, uitiasset, dolor domesticus patrem ad ultionem sollicitauit, loci fretum commoditate. Quare Iulianus clam ex Aphrica Saracenos euocat: qui anno salutis 714.



duce Muzza, misso à Mirmomelino eorum tunc rege, per angustias Herculei fratris ingressio, biennij spatio omnem ferè Hispaniā occupant præter Astures. In quo temporis spatio dicuntur ad septies centena hominum millia bello utrinque assumpta. Cecidit in eodem bello cum omni sua nobilitate rex uirginis constuprator. In Israele interierunt propter ui compressam Leuitæ concubinam à Gabonitis ciuibus Beniamitarum 25000. ut iam non commemorem eos qui ceciderunt ex undecim tribubus, quorum numerus peruenit ad 40000. Neq; ullis obscurum est reges urbe electos Roma, & Troiam decennali bello (cui oriens & occidentis inuoluebatur) fatigatam, tandem funditus euersam esse, quod Tarquinius ui oppressisset Lucretiam, & Alexander Paris à Græcia abduxisset alienam coniugem Menelai Helenam. Exempla innumera suppeditant omnia ferè secula. Semper enim iustissimus Deus editis exemplis declarauit quàm irascatur uirginum constupratoribus ac raptoribus mulierum. Ideoq; leges & supplicia grauissima in huiusmodi nebulones sunt constituta. Raptum siue stuprum ui factum capitaliter puniunt leges. Non uiolento constupratori præcipit Deus, Ducas & dotes. Aliud alia leges statuunt. De quibus plura traduntur in iure ciuili.

*Incestum.*

*Leuit. 18.*

In primis autem prohibetur Incestus. Incestum uocant illegitimam coniunctionem contra sanguinis honorē. Cestus enim zona est nuptialis quam gerebant sponsæ, significans iustas nuptias. Germani uocamus hoc scelus *Blutschand*, uitrium scilicet sanguini uel consanguineis illatum. In Leuitico post gradus inhibitos, subiungit Dominus, In his omnibus ne polluamini. Nam in hisce omnibus gentes polluuntur, quas ego eicio ante uos. Et hinc contaminata est terra, & ego uisitauit iniquitatem eius super eam, & terra ipsa euomuit habitatores suos. Vos igitur custodite statuta & iudicia mea, & ex omnibus istis abominandis rebus nullam designabitis. Nam quicumq; sic fecerit, excindetur. Et in 20. cap. Leuit. statuit contra incestus supplicium capitis, quod non mutarunt leges ciuiles seu imperatoriae.

*Sodomia.*

Prohibetur item abominandum nephas Sodomia & commixtio cum brutis. Apertissimas habemus contra hæc in Leuit. cap. 18. & 20. expressasq; leges. Habemus item seuerissimum, sed iustissimum supplicium ab ipso iustissimo Deo sumptum de Sodomitis. Nam igne & sulphure foetente cœlitus demisso foedissimos homines in cineres redegit, ac cineres abluuit maris mortui undis, ne superesset de nepharijs hominibus uel fauilla. Arserunt præterea integræ urbes & agri fertilissimi. Neq; enim oportebat uel tantillum superesse de rebus etiam scelestissimorum hominum. Locus nomen obtinuit Maris mortui. Vnde necessario colligimus Deum iustissimum minimè parsurum gētib; simili scelere implicitis, tamen dissimulet ad tempus. Abolebuntur incendio cum ipsæ tum res ipsarum: ardebunt apud inferos æternū, nec aliud de eis quàm infamis remanebit memoria. In Theologia enim Domini nostri Iesu Christi legimus, Et descendit ignis à Deo à cœlo, & deuorauit eos; & diabolus qui seducebat eos, missus est in stagnum ignis & sulphuris, ubi & bestia & pseudopropheta cruciabuntur die ac nocte in secula seculorum. Apoc. 20.

*Illecebre prohibite.*

*Ezech. 16*

Prohibentur præter illa, etiam omnia quæcunque incitant & illiciunt ad libidinem prohibitam. Huius generis sunt cultus corporis immodicus, consortium prauum & luxuriosum, gula uel crapula & ebrietas. Nam Ezechiel inter alia, Hæc fuit iniquitas Sodomæ, inquit, fastus, copia ciborum, felicitas & otium. Ad libidinem incitant carmina spurca uel audita uel lecta, cantilenæ obscenæ, chori uel choreæ lasciuæ, spectacula impura, exempla & colloquia foeda. Damnantur ergo hæc

hac lege conuidentes & fouentes, aut etiam mediantes atq; copulantes fornicarios homines. Impio dicit Deus in Psalmis, Quare assumis testamentum meum in os tuum, cum odio habeas disciplinam, & uerba mea post te reijcias? Si uidebas furem, currebas cum eo, & cum adulteris portionem tuam ponebas, &c. Punit ergo ista omnia in sceleratis iustus dominus, unumquodq; pro magnitudine sua. Sunt enim alia peccata alijs grauiora. Adulter est qui concupiscit in animo suum uxorem alterius: sed idem peccat grauius si etiam opere pergat complere scelus, grauius rursus si compleat, & adhuc grauius si repetat. Ita peccat quidem adulter, sed peccat is quoq; qui iuuat adulterum, qui defendit. Peccat grauius scortator, sed grauius peccat qui se polluit incestu, grauius omnium qui commiscet cum abominandis Sodomitis. Praecipitur itaq; hoc mandato septimo uerecundia, pudor, sobrietas, temperantia, castitas & honestas publica, deniq; uera animi & corporis sanctimonia. Restat iam ut aliquid dicamus de Continentia.

Abstinencia ab alienis abstinemus ne cui eripiamus suum. Temperantiam uos De continentia  
lunt continentia patere latius. Nam hanc illius partem faciunt. Ego simpliciter Con-  
tinentiam oppono intemperantiae aut incontinentiae. Est enim uirtus & animi uis  
a spiritu Dei accepta, quae comprimit affectus, nec quicquam permittit uoluptati-  
bus illicitis. Haec exercet se & locum habet in sermone hominum, in uoluptate  
etiam concessa, in uestibus, in habitatione seu aedificijs, in cibo & potu, ac in rebus  
quoq; alijs. Nos enumerata duntaxat in praesenti excutiemus.

Principio requiritur a nobis ut linguam nostram contineamus, neq; laxemus  
ipsam in contumeliam gloriae Dei, aut in proximi nostri detrimentum. Sit sermo  
hominis Christiani honestus, utilis & sale conditus, sit prorsus alienus a scurrili-  
tate, leuitate, mendacio, a turpitudine & obscenitate. De lingua multis egit bea-  
tus Iacobus in epistola sua cap. 3. In primo capite, Sit omnis homo, ait, uelox ad au-  
diendum, tardus ad loquendum, tardus ad iram. Et Paulus, Omnis sermo spur-  
cus, inquit, ex ore uestro ne procedat, sed si quis est bonus ad aedificationem, quo-  
ties opus est, ut det gratiam audientibus, & ne contristetis spiritum sanctum Dei,  
per quem obsignati estis in diem redemptionis. Item, Scortatio & omnis immun-  
dicia aut auaritia ne nominetur quidem inter uos, sicut decet sanctos, aut obscenitas,  
aut stultiloquium, aut urbanitas, quae non conueniunt, sed magis gratiarum  
actio. Ne quisquam decipiat uos inanibus sermonibus. Propter haec enim uenire  
solet ira Dei in filios inobedientes. Nam & alibi ex Menandro hanc protulit sen-  
tentiam, Corruptum mores bonos colloquia praua. Sed & uiri animus inspicitur  
in sermone. Ex abundantia enim cordis os loquitur. Ergo si alibi uspiam hic  
inprimis conuenit Christianos esse continentes & sobrios.

Concessit quidem dominus homini uoluptates. Licet enim ad sobrietatem or-  
nare uestibus corpora, & isdem ab eis depellere frigus. Concessit amplexus con-  
iugales sanctos. Concessit contra intemperiem coeli habitationes commodas, nec  
flagitat ut pecudum aut belluarum instar per agros & syluas oberremus. Conces-  
sit ad necessitatem adeoq; ad iucundam satietatem cibos atq; potum. Concessit  
otium, quietem atq; somnum mirabiliter uires etiam deficientes reparantem. Pro-  
inde cum illis fruitur, & illa percipit, illisq; cum honesta uoluptate delectatur uir  
pius, agat Deo gratias, moderatè & cum timore Dei illis utatur. Non enim peccat  
contra dominum. Abusu illarum rerum, ingratitude & intemperantia peccatur.

Nam quid permissum sit coniugibus, superius exposui in hoc eodem sermone,  
ut idem repetere non sit necessarium. Solomon dicit, Latere cum muliere adole-  
scentiae tuae; sit haec amata cerua & caprea gratiosa: amores eius omni tempore



te reficiant, in amore eius delectare iugiter, &c. Interim contineat se quisque ab omni abusu & intemperantia: ac sicubi postularit necessitas secubent coniuges, iuxta Pauli consilium; uel audiant Ioelem prophetam dicentem, Sanctificate ieiunium, congregate cœtum; egrediatur sponsus de cubiculo suo, & sponsa de uelo suo.

Continentia in  
uestitu.  
1. Pet. 3.  
1. Tim. 2.  
Titum. 2.

Vestes sint mundæ & honestæ iuxta morem patrium, nisi is sit corruptissimus, tegant & ornent: nihil in his sit sordidum aut hypocriticum, nihil peregrinū, leue, & indecorum. Non puduit Apostolos Christi primarios Petrum & Paulum bene longas leges ferre de ornatu & uestibus mulierum: quod hoc hominum genus ferre insolentius se hic gerat. Cogitet quisque fidelium quid se deceat, non tam ex conditione & statu, quàm ex religione. Luxus in re qualibet improbat Christiani. Quorsum uerò attinet uestes, quæ ut contegant corpus consuuntur, discindere, nisi quod anatomia ineptissima aperimus & omnium oculis exponimus quales simus apud nos ipsos domi nostræ in pectore, discissi uidelicet, laceri, uani, leues & integri parum? Ac uestis è lino uel lana parata, non minus contegit & ornat hominem, quàm Damascena aut holoserica, imò onerant & deformem te reddunt, quæ te non decent & luxuriosa sunt.

Continentia in  
ædificijs.

In ædificijs non prohibetur mundities & necessitas, sed splendor & excessus. Ac splendida illa ædificia rarò construuntur sine pauperum oppressione aut iniustitia graui. Ieremias adducit dominum loquentem contra regem Iuda atque dicentem, Væ qui ædificat domum suam in iniustitia, & cœnacula sua non in iudicio, qui utitur seruitio proximi sui gratis, & mercedem eius non reddit ei: qui dicit, Aedificabo mihi domum latam & cœnacula spaciofa: qui aperit sibi fenestras & facit laquearia arcuata ex cedro pingitque synopide. Num regnaturum te putas quod cum cedris contendis? An non & pater tuus edit & bibit, & executus est iudicium & iustitiam: & bene illi erat tunc? Nemo ergo nostrum ex rapina & sudore pauperum extruat ædes magnificas. Inhabitet quisque domum sua professione & sua conditione decentem. S. Hieronymus luxum etiã in templis damnat. Nec uideo quid splendida ædificia conferant huiusmodi quàm ingens malum. Aegerit me auellimur ex palatijs, his ergo metum mortis cōduplicamus. Patriarchæ certe inhabitauerunt tentoria, testificantes se hic esse exules, patriam autem inquirere aliam, nempe cœlestem.

Continentia in  
cibo & potu.

Continentia in cibo & potu nõ requirit odium cibi & uini, sed ut illis utamur moderatè ad necessitatem, non ad ingurgitationem. Damnat in scripturis gula, crapula, comessatio atque ebrietas, & hæc in primis. Nam ex ebrietate seruntur mala inexplicabilia, nempe scelera innumera, morbi graues, egestas & miseria. Solomon, Apud quem est uxor, ait, apud quem est dolor: apud quem cōtentiones apud quem nugæ: apud quem uulnera sine causa: apud quem rubedo oculorum. Apud eos nimirum qui uina sectantur, apud eos qui ueniunt inquisitū ubi misceatur. Noli contemplari uinum cum rubet, & cum splenduerit in uitro color eius: ingreditur blandè, & in nouissimo mordet ut coluber, & sicut regulus uenenum diffundet. Non commemorabo omnia quæ uel ex gentibus contra crapulā & ebrietatem proferre possem. Vnus Solomon pleraque comprehendit modò recitata sententia. Præterea qui non audit Christum, quem putas alium in orbe terrarum auditurum? At hic in Euangelio sub parabola diuitis epulonis mirabili euidētia pingit, quem finem fortiantur epulones. Apud eundem Lucam taxans nostri seculi, hoc est, proximè diem iudicii præcedentis, crapulam & ebrietatem, Sicut accidia in diebus Noe (ait) & Lot, edebant & bibebant usque ad diem quo ingrediebatur Noe in arcam, & Lot exiret è Sodomis: tunc uenit diluuium, & pluit igni & sulphure.

Contra ebrietatem  
Christus.

Luc. 11.

phure de cœlo & perdidit omnes. Addit idem, Cauete uobis ne quando grauētur corda uestra crapula & ebrietate, & curis huius uitæ, subitusq; ingruat uobis dies ille. Tanquam laqueus enim superueniet super omnes qui sedent super faciem totius terræ. Vigilate itaque omni tempore, deprecantes, ut liceat uobis effugere ista omnia, & stare ante filium hominis. Atq; utinam plures hanc auream, cœlestē & diuinam admonitionem saluatoris scriberent non tantum in omnibus aulis & hospitij ubi exhibentur conuiuia, sed in cordibus singulorum. Quoniam enim ebrietas regnum nostro seculo apud omnes ferē gradus siue ordines, sexus & ætates obtinet, experimur in diem mala illa quæ ebrijs minatus est dominus apud Isaiam in capite 5. & 28. Ac metendum est ualde, ne ebrios dies illa domini innumerōs sit deprehensura ad suum ipsorum interitum. Ergo qui aures habet ad audiendum audiat.

Non possum hic mihi temperare quin recitem c. v. quæ S. Martinus non Turonensis ille, sed Dumiensis Episcopus, sub Iustiniano Cæsare florens, in libello ad Mironem Galliciæ regem de Continentia scripta reliquit, Continentiam, inquit, si diligis, circuncide superflua, & in arcum desyderia tua constringe. Considera teum quantum natura poscat, & non quantum cupiditas expetat. Impone concupiscentiæ tuæ frenum & modum, omniaq; blandimenta quæ occultam uoluptatem trahunt reſce. Ede citra cruditate, n. bibe citra ebrietatem. Nec præsensibus delicijs inhærebis, nec desiderabis absentes. Victus tibi ex facili sit, nec ad uoluptatem sed ad cibum accede. Palatum tuum fames excitet, non sapor. Desideria tua paruo redime, quia hoc tantum curare debes ut desinant; atq; quasi ad exemplar compositus diuinum, à corpore ad spiritum, quantum potes te festina reducere. Si continentia studes, habita non amœnē sed salubriter, nec dominum esse uelis notum à domo, sed domum à Domino. Non tibi ascribas quod non eris, nec quod es, nec maior quàm es uideri uelis. Hoc magis obserua ne paupertas tibi immunda sit, nec parsimonia sordida, nec simplicitas neglecta, nec lenitas languida: & si tibi res exiguæ sunt, non tamen sint angustæ. Nec tua defleas, nec miseris aliena. Si continentiam diligis, turpia fugito, antequam accidant: nec quenquam alium uereberis plus quàm te. Omnia tolerabilia præter turpitudinem crede. A uerbis quoque turpibus abstinet, quia eorum licentia impudentiam nutrit. Sermones utiles magis quàm facetos & amabiles ama, rectos potius quàm obsecundantes. Miscebis interdum serijs iocos, sed temperatos & sine detrimento dignitatis ac uerècundiæ. Nam reprehensibilis risus est si immodicus, si pueriliter effusus, si muliebriter fractus. Non erit tibi scurrilitas sed urbanitas grata. Sales tui sint sine dente, ioci non sine utilitate, risus sine cachinno, uox sine clamore, incessus sine tumultu. Quies tibi non desidia erit. Et cum ab alijs luditur, tu sancti aliquid honestiq; tractabis. Si continens es, adulationes euita, sitq; tibi tam triste laudari à turpibus, quàm si laudaris ob turpia. Lætior esto quoties displices malis, & malorum de te existimationes malas ueram tui laudationem ascribe. Difficilimum cōtinentiæ opus est assentationes adulatorum repellere, quorum sermones animum uoluptate resoluunt. Non eris audax aut arrogans. Submittes te, non proijcies, grauitate seruata. Admoneberis libenter, & reprehenderis patienter. Si merito obiurgabit aliquis, scito quia profuit. Si immerito, scito quia prodesse uoluit. Non accerba, sed blanda timebis uerba. Esto uitiorum fugax ipse, aliorum uerò neq; curiosus scrutator, neq; acerbus reprehensor, sed sine exprobratione correptor, ita ut admonitionem hilaritate præuenias: & errori facile ueniam das. Nec extollas quenquam nec deijcias. Dicentium esto tacitus auditor, audien-

*S. Martini de  
Arina de Con-  
tinentia.*



tium promptus receptor: requirenti facile responde, contemnti facile cede, nec in iurgia execrationesque discedas. Si continens es, animi tui motus corporisque obserua ne indecori sint: nec illos ideo contemnas quia latent. Nam nihil differt si nemo uideat, cum tu ipse illos uideas. Mobilis esto non leuis, constans non pertinax. Cunctis esto benignus, nemini blandus, paucis familiaris, omnibus aequus. Rumoribus, criminibus, suspitionibus minime credulus uel malignus. Vana gloria contemptor, & bonorum quibus praeditus es ne sis acerbis exactor. Raris sermonis ipse, sed loquentium patiens. Seuerus non saeuus, sed hilarem non aspernans. Sapientiae cupidus & docilis, quae nosti sine arrogantia postulanti imparties: quae nescis sine occultatione ignorantiae tibi postula impartiri. Non conturbabit sapiens mores publicos, nec populum in se uitae nouitate conuertet. Haec de Continentia ex beato Martino episcopo recitauimus haecenus. Orandus interim est dominus ut nobis spiritum suum largiatur, per quem continentiae uirtus apud nos in his omnibus floreat. Nisi enim hic nos animet atque inspiret, frustra tot & tanta audiuimus praecpta, ac nisi temperanter & sobrie uiuamus, Christiano nomine sumus indigni.

*De ieiunio.*

Ad hunc locum pertinet etiam Ieiunij consideratio, quam paucis attingemus. Ieiunium Christianum est disciplina, custodia, ac castigatio corporis, pro necessitate praesenti, sponte suscepta, qua humiliamur coram Deo, fomentaque carnis corpori detrahimus, ut pareat spiritui. Nam quandiu in hoc corpore uiuimus mortales, caro subinde rebellat spiritui, tum uero maxime cum bene curata cute delictis affluimus. Proinde ieiunium detrahit corpori omne id per quod incitatur & roboratur contra bona spiritus diuini dictata.

*Species ieiuniorum duplex.*

Ac necessitas illa propter quam suscipitur ieiunium, duplex est, publica & priuata. Publicam ob necessitatem suscipitur ieiunium, quando aliqua calamitas Ecclesiam uel premit uel Ecclesiae imminet. Eius ieiunij exempla exant in prophetis apud Ioelem in cap. 2. & apud Ionam in cap. 3. Vsurpatum est hoc ipsum adhuc Apostolorum tempore: sicuti declarat lectio Actuum Apostolorum. Ac uidetur huiusmodi ieiunia apud ueteres parum aut nihil abfuisse a luctu publico, adeoque nihil aliud fuisse quam luctum. Exempla ubique in sacris occurrunt plurima, docentia quomodo se sancti humiliarint coram Deo, agentes poenitentiam ueram. Priuatam ob necessitatem suscipit quisque ieiunium, cum sentit se uexari a cupiditate propria, ac huic mox detrahit materiam, quod minus inardescat. Nam in euangelio dixit Dominus, filios sponsi tunc ieiunare cum ab ipsis aufertur sponsus, in tempore uidelicet difficili. Nuptiae significant uinculum quo conuectimur cum Christo fide & spiritu. Hoc integro, perpetuo gaudet pius. Edit & bibit cum gratiarum actione & moderatione, quantum satis est, & laetatur etiam in his externis Dei donis: ubi uero sentit sponsum parare discessum, aut excessisse ferè expectore, id est, cum sentit spiritum insolentia carnis extinguere & fidem frigere, tunc preceptis & ieiunia instituit, ut sponsum uel retineat, uel discedere parantem retrahat.

*Qualia sint ieiunia.*

Non amant autem ieiunia uel priuata uel publica uim. Non enim cogi, sed libera, hilari, & spontanea mente proficisci uolunt. Ab inuitis nihil fit perfectum. Hilarem datorem requirit Deus. Sint praeterea ieiunia moderata pro locorum, personarum, periculorum, aut tentationum ratione aut magnitudine indicta atque suscepta, si non perpetua saltem crebra, donec liberemur. Sint aliena a superstitione & hypocrisi, sicuti docuit Dominus noster in Euangelio Matthaei capite sexto. Huc quadrant mirum in modum sancti Hieronymi uerba de ieiunio ad Nepotianum sic exarata, Tantum tibi ieiuniorum modum impone, quantum ferre po-

tes. Sint tibi pura, casta, simplicia, moderata & non superstitiosa ieiunia. Quid prodest oleo non uesci, & molestias quasdam difficultatesq; ciborum quærere, carycas, piper, nuces, palmarum fructus, simitam, mel, pistacia? Tota hortorum cultura uexatur, ut cibario nō uescamur pane, & dum delicias sectamur, à regno cœlorum retrahimur. Audio præterea quosdam contra rerum hominumq; naturam aquam non bibere, nec uesci pane, sed sorbitiunculas delicatas & contrita olera betarumq; succum non calice sorbere sed concha. Proh pudor, non erubescimus huiusmodi ineptijs, nec tædet superstitionis? Hæc Hieronymus. Constat autem hoc uitium hodie inter diuites & spirituales potissimum esse receptissimū. Porro finem habent ieiunia Christiana hunc, humiliet se ecclesia aut peccator corā domino, obediat & subiiciatur caro spiritui, minus obstrepat caro operanti iustitiam, & sit orantis intentio & affectus ardentior erga Deum. Ieiunium enim de eorum est numero, quæ non per se sunt absoluta opera, sed ad aliud & propter alia instituta; ergo ieiunium est adminiculum quodpiam orationis sanctorum & uirtutum omnium. Proinde legis in prophetis ieiunia Iudæorum displicuisse domino. Nihil enim aliud quàm ieiunabant, id est, certo & stato tempore abstinebant à cibis consuetis, at à sceleribus interim non abstinebant, sed laxabant nihilominus fræna carni, cum reuera carni sua debuissent fomēta detrahare, quò fuisset infirmior, spiritus autem in operandis bonis operibus robustior. Dicit itaq; Dominus, Ego tale ieiunium non elegi: & quæ his subiiciuntur apud Isaiam in cap. 58. & apud Zachariam in cap. 7. & 8.

Finis ieiuniorū

Certe Apostolus Christi Paulus manifestè dicit, Esca nos nō commendat Deo: neq; si comedamus, aliquid nobis superest, neq; si non comedamus, quicquam nobis deest. Non ergo ieiunat uerè qui nihil aliud quàm abstinet certo tempore à cibis certis, sed qui ideo abstinet ab omnibus somentis carnis, ut & carnem spiritui subiiciat, & opera fidei charitatisq; Deo placentia perficiat. Proinde si cupis uere ieiunare, ede, bibe, dormi, corpusq; cura ne insolescat, ieiuna ab omni peccato, nullum cibum sumas malitiæ, nullas capias uoluptatis epulas, nullo uino luxuriæ concalescas. Ieiuna à malis actibus, abstine à malis sermonibus, contine te à cogitationibus pessimis. Nam & Basilii, Verum ieiunium est, inquit, à uitijs immunem esse, continentia linguæ, iræ cohibitio, concupiscentiarum amputatio, obprobriationis, mendacij, periurij, &c. Quemadmodum uerò ipsa bona opera ex fide facta, regnum cœlorum non merentur (debetur hæc gloria unico Christi merito) ita neque ieiunium, ad opera bona adminiculum & subsidium, regnum Dei meretur.

Verū ieiunium  
1 COR. 8

Iam uerò uideo anxie de tempore modoq; ieiuniorum atque ciborum delectu disputari à plerisque theologis nostri seculi. Sunt qui stata ieiunia quadragesimæ, quatuor temporum & alia multa pro diuinitus institutis tueantur ieiunijs. Sunt qui nullo modo te ieiunasse aiunt, si edas carnem. Sunt qui certas designent ieiunio horas. Ego uerò non uideo talia nobis tradi in scripturis diuinis. Nam dominus nō ieiunauit in Euangelio quadraginta diebus, sed in uniuersum ab omni cibo humano abstinuit, sicut & Moses & Helias. Eo itaque facto suo non tradidit nobis leges ieiuniorum. Præterea dominus in Euangelio clarè docet, id quod per os ingreditur non pollueret hominem, sed quod ex corde egreditur. Puris omnia pura sunt. Et Paulus, Noui & persuasum habeo per Dominum Iesum nihil esse commune per se, nisi ei qui existimat aliquid esse commune, illi commune est. Item qui uescitur, non uescentem ne despiciat: & qui non uescitur, uescentem ne iudicet. Deus enim illum (nimirum uescentem) assumpsit. Iam etiam no-

De modo tempo-  
re q; ieiunio-  
rum & delectu  
ciborum.

MAT. 1.



tissimus est eiusdem Pauli locus in 1. ad Timoth. 4. cap. ubi prohibitionem ciborum appellat doctrinam daemoniorum. Nec est quod quisquam nobis hic quicquam dicat de Tacianis & Encratitis. Hi enim in uniuersum bonam Dei creaturam infamabant. Paulus autem de illis loquitur, qui tamen cibum & coniugium in uniuersum non damnant, tamen usum ciborum prohibent.

*Diuerſitas ieiuniorum.*

*Ex diuerſitate ieiuniorum.*

Huc accedit quod seculo mox Apostolorum praedicationem insequuto, non legimus ullas de ieiunio certas leges esse institutas, modum, delectum ciborum & tempus praescribentes. Recitabo charitati uestra, Iranei martyris uerba ex Ecclesiastica historia Eusebii, quae ita habent, Non solum de die paschae agitur controuersia, sed & de ipsa specie ieiuniorum. Quidam enim putant uno tantum die obseruari debere ieiunium, alij duobus, alij uero pluribus, nonnulli etiam quadraginta, ita ut horas diurnas nocturnasque computantes diem statuunt. Quae uarietas obseruantiae, non nunc primum neque nostris temporibus coepit, sed multo ante nos, ex illis (ut opinor) qui non simpliciter quod ab initio traditum est tenentes, in alium morem uel per negligentiam uel per imperitiam postmodum decidere. Et tamen isti omnes licet in obseruationibus uariarent, fuerunt tamen nobiscum pacifici & sunt, nec dissonantia ieiunij fidei consonantiam rupit. Haec ille. Porro illam ipsam diuersitatem fuisse adhuc in ecclesia regnante Theodosio iuniore, circa annum Domini circiter 453. testis est Socrates Constantinopolitanus in Tripartita historia libro nono capite tricesimo octauo sic scribens, Sed etiam ciborum abſtinentiam non similem habent. Nam alij omnino ab animatis abſtinent: alij ex animantibus pisces solummodo comedunt. Quidam cum piscibus uescuntur & uolatilibus, dicentes haec secundum Moſen ex aqua habere substantiam. Alij etiam caulibus & ouis abſtinere noſcuntur. Quidam sicco tantummodo pane uescuntur. Alij neque hoc. Alij usque ad nonam ieiunantes horam, sine discretionem ciborum reficiuntur. Et innumerae consuetudines apud diuersos reperiuntur. Atque idem ille Socrates suam super hac diuersitate sententiam adferens, dicit, Et quia lectio nulla de hoc inuenitur antiqua, puto Apostolos hoc singulorum reliquiſſe ſententiae, ut unusquisque operetur non timore aut necessitate quod bonum est. Haec Socrates. Debent itaque ieiunia Christianorum libera non legibus irretita. Apollonius quidam scriptor uetustus & ecclesiasticus disputans contra Monachum haereticum, Hic est, inquit, qui docuit nuptias solui, & qui ieiuniorum leges primus imposuit. Author Eusebius Ecclesiast. hist. libro quinto capite decimo octauo. Et certe uelle omnibus regionibus & hominibus eandem ieiunij formam in tempore, modo, delectuque ciborum praescribere, est desipere prorsus. Nam pro ratione coeli diuersissime affecta sunt corpora hominum, & idem cibus diuersae complexionis homines non ad eadem incensum studia. Piusissimum ergo utilissimumque fuerit Ecclesiae, si omnes pastores ubique doceant sobrietatem & temperantiam, ipsumque ieiunium uerum: leges autem de ciborum delectu & tempore, praescribant nullas, sed liberum cuilibet regioni & homini permittant, qui laud dubie ab illis maxime sibi temperabit, a quibus ipse sibi periculum suae integritati imminere sentit, ac eo praesertim tempore quo maxime insoleſcit caro aut magnum imminet periculum. Nam tempus ieiunij non prorogatur ad annos uel dies certos, sed ad remissionem aut insolentiam carnis uel tenrationis & affectuum. Ita sane ieiunia, ut sunt exercitia pietatis, maximam habent laudem in Ecclesia.

*Ieiunia sunt libera.*

*Summa huius mandati septimi.*

Hac haecenus de ieiunio. Iam ut praecceptum septimum concludam, prohibet hoc omnem intemperantiam, & praecipit sanctimoniam, denique singulorum membra.

membrorum totius corporis usum purum & legitimum. Vnde comprehenditur in hoc breui mādato bona pars doctrinæ Christianæ & Apostolicæ. Paulus enim ad Thessalonicēses, Rogamus uos, ait, & adhortamur per Dominū Iesum, quem admodum accepistis à nobis, quemadmodū oporteat uos uersari & placere Deo, ut abundetis magis. Nostis enim quæ præcepta dederimus uobis per Dominum nostrum Iesum. Hæc enim est uoluntas Dei, sanctificatio uestra, ut abstineatis à fornicatione, & sciat unusquisq; uestrum suum uas (suum inquam corpus) possidere cum sanctificatione & honore, nō cum affectu concupiscentiæ, quemadmodum gentes quæ non nouerunt Deum. Vltor est Deus de omnibus his, quemadmodum & ante diximus uobis & testati sumus. Non enim uocauit nos Deus immunditiæ causa, sed ad sanctificationem. Et mox, Deus pacis sanctificet uos totos, ut integer sit uester spiritus & anima & corpus, ita ut in nullo possitis culpari in aduentu Domini nostri Iesu Christi. 1 Thess 4.

Iterum constitutas concionis metas transiui, ac solitō longius uos detinui fratres. Condonate mihi hanc culpam. Neq; enim citra utilitatem (spero) uobis molestus fui per horas ferè duas integras. Orate iam & abite felices. Si Dominus iuuerit & uoluerit, paucos post dies residua Decalogi adiiciam. Gratia Domini Iesu Christi saluatoris nostri sit uobiscum.

PRIMI TOMI FINIS.

P





# SERMONVM DECAS

tertia & quarta, ad Serenissimum

Angliæ regem Eduardum

Sextum, authore Hein-

rycho Bullingero.

## TOMVS SECVNDVS.

I R A V S.

**hic est filius meus dilectus, in quo placata est anima  
mea. Ipsum audite. Matth. 17.**

P 2



22  
SERENISSIMO ANGLIAE ET FRANCIAE  
REGI, HYBERNIAE DOMINO, VVALLIAE ET CORNVBIAE

principi, Christianae fidei defensori, Eduardo eius nominis Sexto, Gra-  
tiam & pacem, à Deo patre, per Dominum nostrum  
Iesum Christum.

**A**DMITTEKET ad colloquium Regia tua maiestas, scilicet si quis bonus hospes ad-  
ueniens promitteret ex sapientiss. hominū sententijs ostensurū, se paucis verissimas felici-  
tatis vel infelicitatis causis, regni omniumq. regum causas: ideoq. me nullatenus R. T.  
M. colloquio excludendū spero, qui certā polliceor brevibus ipsissimis causis vel felicitatis vel in-  
felicitatis & regum & regnorum, tam clarē & euidenter demonstraturum, vt auditori nulla opus  
sit laboriosa diligentia, sed duntaxat beneuolā attentione. Etenim, Deo adiuuante, hoc negotium nō  
modo percipiendum ingenio, sed etiam aculis, quasi conspiciendum, et veluti manibus palandum ex-  
hibebo, idq. non ex dubijs hominum placitis, sed ex certissimis veracissimi Dei oraculis. Fallunt non  
rarō consilijs suis etiam sapientissimi homines, ac ingentia dant damna obsequentibus ipsorum con-  
silijs. Deus verō, qui lux est & sapientia aeterna, nunquam errare, nunquam vllas prauas vel inter  
se confligentes sententias concipere, nedum alijs suggerere, neminemq. prorsus seducere potest. Cla-  
mat in sacrosancto Euangelio sapientia patris, & ait, Ego sum lux mundi: qui sequitur me, non am-  
bulabit in tenebris, sed habebit lumen vitae. Hac aeterna Dei sapientia vt res ipsas non inuoluit, sed  
explicat, sic nō modo salutaria sufficit consilia, sed & euentum praestat exoptatū obsequentibus. Sa-  
pissimē quidē non insalubria dantur ab hominibus cōsilia, sed illud interim praeteritur quod maxime  
& inprimis dictum oportuerat. Consenserunt omnes ferē sapientes orbis, reges & regna fore felicissi-  
ma, si rex regno sapiens praesideat, habeatq. multos à consilijs viros prudentes, senes, fidos, rerumq. pe-  
ritos: si habeat duces fortes, exercitatos, & in rebus bellicis fortunatos: si instructus sit copia rerum:  
si probe vndiquaq. munitum sit regnum: deniq. si populus sit concors & obediens. Ac uerē quidē, re-  
ge & prudenter dicuntur hac omnia, uerū est aliud quidpiam singulare & excellentissimū, quod  
in his non cōmemoratur, sine quo nulla uerū felicitas vel cōparatū uel cōseruari potest: quo denique  
vno praesente, enumerata illa omnia sua sponte accidunt. Dominus ergo Deus noster, qui solus & sa-  
pientissima & absolutissima suggerit consilia, succinctius & melius ita pronunciat in Euangelio,  
Quin potius quarite primū regnum Dei, & iustitiam eius, & hac omnia adiicientur vobis. Et iterum,  
Beati oculi qui vident quod vos videtis. Dico enim vobis, quod multi reges & prophetae volu-  
runt videre & audire quae vos videtis & auditis, & non viderunt nec audierunt. Et iterum, Qui  
imō beati sunt qui audiunt verbū Dei, & custodiunt illud. Ac vnū quidem hoc est necessariū. Maria  
bonam illam partem delegit, quae non auferetur ab ea. Diuinis ergo instructus oraculis, ex sententia  
planē diuina pronuncio, Illos reges fore felices, qui semetipsos totos, & regnū suum totum, Iesu Chri-  
sto, vnigenito Dei filio, regi regū, & Domino dominorum, & offerunt & subiiciunt, illū agnoscunt  
summū esse principem & monarcham, se verō illius vasallos, feudatarios, uel seruos: qui deniq. in om-  
nibus nō suum arbitriū, non hominū vel leges cum diuinis pugnantes, uel intentiones hominū bonas,  
sed ipsissimas summi & aeterni regis vel monarchae leges duntaxat & sequuntur & regno sequendas  
tradunt, omniaq. sua ad normā uerbi Dei vnicam reformant. Sic enim & florentissimis, tranquil-  
lissimisq. fruuntur regnis, & in his reges opulenti, victoriosi, longaeui, & felicissimi erunt. Ad hunc  
enim modū loquitur os Domini, quod mentiri nescit. Cum sederit rex in solio regni sui, accipiet librū  
legis Dei, vt legat in eo cunctis diebus vitae suae, et faciat eam, nec recedat ab ea, vel ad dextrā uel ad  
sinistrā, vt proroget dies in regno suo ipse & filij eius. Et iterum, Nō recedat liber legis Dei ab ore tuo  
(ō Iosue, vel quisquis es o rex) sed meditaaberis in eo die & nocte, vt custodias & agas iuxta omne il-  
lud quod scriptū est in eo, nec recedes ab eo vel ad dextrā uel ad sinistram. Tunc enim prosperū re-  
des iter tuū, & felix eris. Certissimū ergo testimonioq. veracissimi Dei confirmatum, & disertissimis  
verbis pronunciatū est, Regū regnorumq. felicitatē versari in fide vera, in auscultatione & obedientia  
fidei Verbi seu legis Dei: infelicitatē autem esse in contrario.

Matth. 6.  
Luc 10.

Luc 11.

Vnde regum &  
regnorum felici-  
tas uel infelici-  
tas;

Deut 17.

Iosue 1.

Hic

Hoc ipsum consequenti demonstratione, etiam oculis conspiciendū, manibusq; veluti palpandū, sicuti pollicitus sum, exhibebo, productis in medium, non ex Hierodoto aut prophana, sed ex sacra veracissimaq; historia regibus maximis. Saul primus Israelitarum rex felicissimus & victoriosissimus fuit, quoad sequeretur in omnibus verbū Dei: vbi autē suis intentionibus bonis locū dedit, repudiatus à Deo, per Samuelem sibi annunciari audit, Tu reprobasti ac reiecasti verbum Domini, ergo abiecit in quoq; Dominus ne sis rex super Israel. Nolo hic multis exponere quantis malis inuolutus sit Saul ab eo tempore. Nam sicut ipse horribiliter exagitabatur à malo spiritu, ita regnum trucidantibus & excarnificare non desijt, donec abduceret omnes suos in summū discrimen, caderetq; cū suis casus crudelissime ab Ethniciis, æterna post se ignominia relicta. Sequitur Saulem in regno David, qui citra controuersiam omnium regum felicissimus fuit. At quanti hic faceret uerbum Domini, ex multis ipsius clarissimis factis claret, in primis verò ex Psalmo illo alphabetico, qui ordine & numero est 119. Hoc enim canit encomium Verbi Dei, cuius vim salutiferā mira copia exponit, dicens quanto studio ardoreq; hoc persequi conueniat. Didiceras enim ex probis domesticis, & infelicissima Absolonis filij sui seditione, quantum malum sis desistere à verbo Domini. Solomon Davidis filius, regū totius orbis & sapientissimus & laudatissimus, eatenus felicitatē laudemq; obrinuit, quatenus verbo Domini religiosè obtemperauit. Quamprimum verò prauaricaretur legē Domini, audit à Domino, Quandoquidē hoc apud te fuit, nec seruasti fœdus meū, & statuta mea quę tibi pręcepi, omnino rescindā à te regnū, & tradam illud seruo tuo. Certe à morte Solomons regnum in duas partes est difissum, & decē tribus si cura sunt Ieroboam seruū Solomonis. Dux tribus adhererunt Roboam filio Solomonis. Hic quoniā & ipse negligit uerbum Dei, deosq; sequitur alienos, multis adobritur calamitatibus. Scriptura enim commemorat, Ægyptios ascendisse contra Hierusalem, ac templum, regiam & urbem diripuisse. Abia filius Roboam cecidit exercitū Israeliticū, et victoriā reportauit magnificā, vulneratis occisisq; ex decē tribubus quingentis millibus. Nec alia cōmemoratur huius victorię causa, quā quod credidisset verbo Dei. Abia patri successit in regno Asa filius rex inclutus & potentissimus, de quo scriptura sancta commemorat, quod superstitiones sustulerit è medio, verā verò religionē iuxta uerbum Dei restituerit: unde & regnū consecutus sit florentissimū & tranquillissimū per annos 40. Rursus de Iosaphat filio Asa legimus, Fuit Dominus cum Iosaphat, quoniam ambulauit in vijs Davidis patris sui primis, nec quesuit Baalim, sed Deū patris sui quesuit, & in pręceptis eius ambulauit. Opibus ergo verē regijs, & victorijs celeberrimis, toti inclatuit orbi. Ceterum filius eius Ioram, quod defecisset à verbo Domini, audit ab Helia propheta, Quandoquidem nō ambulasti in vijs Iosaphat patris tui, & in vijs Asa regis, sed ambulasti in via regum Israelis, ecce Dominus percutiet plaga magna populū tuū, et filios tuos, et uxores tuas, & eandem substantiā tuā. Te autē percutiet doloribus magnis, morbo viscerū tuorū, donec effluant. Quę autē ipsi minatus est Dominus per prophetā, ea ipsa infandis cum tormentis & summa cū ignominia sensu infelix: exemplū factus infelicitatis miseriāq; omnibus ijs obuencura, qui deserunt verbū Domini. Nec meliorē sortē expertus Ochosias, Iorā regis Attaliaq; filius: Iehu iubēte cōfossus miserē interijt: eodē q; maluisset sequi leges et ritus regū Israelis, quā ipsas Domini Dei sui leges. Porro Ioaas adhuc puer, septem annos natus, opera, fide, et industria fidelissimi sacerdotis Ioiada in locum patris cessusfectus, interēpta impia Attalia, felicissime regnauit, donec uiueret Ioiada sacerdos. Huius enim suggestionē & vigilantia ad normā uerbi Domini in omnibus respexit rex. Vbi verò pontifex migrasset ex hoc seculo ad Dominū, rex consiliariorū suorū uasfricie & malitia seductus, uerbū Domini reliquit. Simul autē reliquit ipsum felicitas & gloria. Nā Syri modicis instructi copijs, Iudeorum amplissimas copias fundunt & fugant, omnes regis cōsiliarios conficiunt, totumq; regnum diripiunt. Rex Ioaas hac inestimabili cum merore videre simul & diutina tabe consumi, tandē à seruis suis in lecto suo crudeliter iugulari meruit. Amasias filius Ioaas, clarā consecutus legitur victoriā, quā de Idumais reportauit, non aliā ob causā, nisi quod obtemperauisset verbo Domini. Sed idē illa rebellis factus Deo et prophetis Dei, superatur à Ioaas rege Israelitico, à quo etiā spoliatur, diruta in orbem bona murorum parte urbis Hierosolymorū: ipse quoq; ab insidiatoribus interemptus, miserē

Saul 1. Samuelle  
13. 14. 15. &c.

David.

Solomon 1. Reg.  
4. & 11.

Roboam 2. Paral.  
lip. 12.

Abia 2. Paral. 19.

Asa 2. Paral. 14.

Iosaphat 2. Paral.  
lip. 17.

Ioram 2. Par. 32.

Ochosias 4.  
Reg. 9.  
Ioaas 2. Paral.  
23. 24.

Amasias 2. Paral.  
lip. 25.



# DE FELICITATE ET INFELICITATE.

**Osai 2. Par. 16.** occubuit. Successit ei Osias filius, qui & ipse felicitate usque est singulari, donec ore diuino non cōtraderet: ubi verò eam sibi usurparet functionē, quā Leuitis propriam voluit esse Dominus, & opponeret se verbo Domini, lepra percussus, habitauit in domo separata, exclusus ex consortio hominum ad diem usque mortis sue. Porro diues et victorijs clarus fuisse dicitur Iotham Osia filius; causam huius felicitatis reddit scriptura paucis, dicens, Roboratus est Iotham, quoniā direxit vias suas corā Domino Deo suo. Contra verò Achaz filius Iotham, omnium regum Iudaicorū, ut penē impiissimus, ita infelicitissimus fuit. Quoniā enim dereliquit legē Domini Dei sui, tradidit ipsum ac populū eius in manus regis Syrorum, deinde & in manus Israelitarū, qui vno die occiderunt centena & viginti milia Iudeorum, mulierū autem & liberorum ceperunt millia ducentena. Idem Achaz cum suis omnis generis calauitates expertus, exemplum factus est horrendum omnibus verbi Dei prauaricatoribus. Secutus est in regno patrem impiissimū piissimus filius Ezechias. De hoc legimus in sacra historia, Hic fecit quod rectum erat in oculis Domini, iuxta omnia quae fecerat Dauid pater eius. Is sustulit excelsa, confregit statuas, succidit lucos, contriuit deniq; serpentē aeneum, quē fecerat Moyses, cui adolebant filij Israelis incensum. Fiduciam collocauit in Domino Deo Israelis. Adherebat enim Domino, nec deflexit ab eo, seruans praecepta eius, quae mandauit Dominus Moysi. Audiamus verò iam etiam quid hanc eius obedientiam & fidem sit consecutum. Sequitur in sacra historia, Et fuit Dominus cum eo, ut felix esset in omnibus ad quae egrediebatur. Hoc regnante fracta est veruissimā & potentissimā orbis monarchia Assyriorum. Cum enim rex Assyriorum Senacherib urbem Hierosolymorum obsideret, vna nocte trucidauit angelus Domini in castris Assyriorū milium centena octogintaquing; millia. Sed & princeps Babylonicus honorifica legatione missa ad Ezechiam, amicitiam eius, regijs donis oblati, studiosē ambiuit. Gloria enim principis piissimam in toto innotuerat orbe. Rursus cum patris pietatem non imitaretur exprimeretq; impiissimus filius Manasses, rex factus annos natus duodecim, sed responderet ex aduerso verbis Dei, omnēq; superstitionē a parente abolitam reduceret, captus abducitur in Babylonē: & quamuis restitueretur diuina bonitate & misericordia, moriens tamen afflictum lacerumq; regnum reliquit filio suo Ammoni, qui & ipse infelicitissimus propter rebellionē, duobus duntaxat annis regnauit, tandem a seruis suis confossus misere interijt. Surrogatus est mortuo patri in regno filius Iosias, puer adhuc, annos cum coronaretur natus octo. Hic regum Iudaicorum corona & gloria exiit singularis. Regnauit tranquillissimē, & modis omnibus felicissimē, annis triginta & vno. Caterum predicat scriptura veracissima Iosia fidē & obedientiā, quam verbo Dei religiosissimē praestitit, quā & insignis illa felicitas est consecuta. Nihil cōmouerunt ipsum monita consiliatorum patris sui Ammonis. Cum semel audisset verba libri legis reperti in templo ab Hilkia pontifice, totū sese Deo & verbo eius contredidit. Nec expectata aliorum regnorum vel regum sententia aut reformatione, maturē suis consulens, reformare cepit, maximē anno vite 18. Et in ipsa reformatione solius scripturae sanctae sententiam, non regum vel maiorum facta, vel longi temporis praescriptionē, aut plurium suffragia sibi sequenda existimauit. Conuocatis enim suis, & his proposito in medium libro legis Dei, ad regulam verbi Dei omnia instituit. Inde factum legimus, quod vetustissimis templis à Solomone & Ieroboamo collocatis, contra legē Dei, antiquissimisq; ritibus, minimē sit parsum. Breuiter, subuertit hic rex quicquid contra verbum Dei erectum stabat in ecclesia & regno Iuda vniuerso. Ac ne quis calumniaretur ipsum nimis fuisse vel audacē vel rigidum, scriptura hoc ipsi fert testimoniū, Ante eum non fuit talis rex, qui conuersus fuerit ad Dominum in toto corde suo, tota anima sua, totiq; viribus suis, iuxta vniuersam legem Moysi; nec exortus est post eum talis. Ergo quod hic laudatissimus & felicissimus rex tandem in acie victus occubuisse legitur, sub felicitatē, non miseriam, est referendum. Nam ipsi Dominus ad Iosia dixit, Colligam te ad patres tuos, et sepelietis in pace, ne oculi tui malum videant, quod inducam huic loco. Populum enim, ac ipsos etiam principes regni, sub sanctissimo rege hypocritas fuisse, illud maximē arguit, quod extincto patre, filij & procures regni, protinus verbo Dei repudiato, omnē superstitionē & impietate reuocarunt. Proinde legimus integris viginti duobus annis, quibus post mortē Iosia regnatum est adhuc à regib; Iuda, nullam pacē vel securitatē fuisse, sed

ditiones & cedes perpetuas. Regnavit post Iosiam patrē filius Ioachas: verum post tres regni menses, captus abducitur in Aegyptum. Coronatur post fratrem abductum, Ioachim, sed vndecimo regni anno carceris vincitur & occiditur à Nabuchodonosore, sepeliturq; sepultura, vt Ieremias ait, asini. Surrogatur filius Ioachimi Iechonias, sed post tres menses captus, vnà cum proceribus & facultatibus totius regni, in Babylonem abducitur. Regnat post ipsum Zedechias Iosia filius: sed quia noluit obedire verbis domini per Ieremiam pradicatis, & vitam & regnum amittit, anno regni vndecimo. Simul autem inflammatur templum, & diruitur vrbs sedes regni vetustiss. populus vel trucidatur, vel abducitur in durissimam captiuitatem. Hac hactenus de regibus Iuda. Nam in Zedechia defecit & regnum & regia dignitas vel maiestas.

Ioachas, Ioachim, Iechonias, Zedechias. 4. Regum 23. 24. 25.

Hic si coniungamus fata regum Israelis, rursus confiteamur oportet, omnem felicitatē regum & regnorum existere ex obseruantia verbi domini, infelicitatem miseriamq; ex contemptu & uelut legi Dei. Nam Ieroboā, primus Israelitarū rex, praterito verbo Dei, nouos ritus vel nouū Dei cultum instituit, nouaq; templa fundauit, sed ea re & se & domum suā & totum regnum perfundedit. Sequitur eum in regno & in religione rex Baasa, ipse ergo cum suis periit. Succedit Amri pater Achabi, qui cum augeret impietate, horribiliter trucidatur cum filiis & cum tota sua familia, ita vt ne vnus quidem euaderet gladium Dei ultorē. Et quia Iehu fidelis & strenuus fuit in occidendis hīs tyrannis, in conficiendis item sacerdotibus Baalis, & in euertenda idololatria, audis sibi annuntiari à Domino, Quandoquidē zelo quodam fecisti quod fecisti, iuxta omnia quae fuerunt in corde meo, ecce sedebunt filij tui super solium Israelis in quartam vsq; generationem. Et certe legimus illustres fuisse principes, qui ipsum in regno sequuti sunt filij & nepotes, Ioachas, Ioas, Ieroboā eius nominis secundus, & Zacharias. Reliqui reges, Sellum, Manahem, Pekaiab, Pekē, & Osee, huiusmodi omnino regnum obtinuerunt, quale filij Iosia, id est, seditiosum, turbulenterum, & calamitosissimum. Nam spreuerunt os domini. Ergo funditus excisi, & ab Assyrijs vel celsi vel in captiuitatem subducti sunt. Regum Israeliticorum post Solomonem à diuiso regno numerantur decem & nouem, Iudaicorum decem & octo. Regnarunt illi annos circiter ducentos septuaginta duos: hi uerò circiter trecentos nonaginta tres. Potuerunt autem tot annis & in gente diuissimissima, quae ceu speculum quodpiam omnibus proponebatur populis, verissima felicitatis vel infelicitatis & regum & regnorum omnium in tota orbe terrarum causa, clarissimē plenissimā proponi, vt nihil neceffe sit aliunde declarationem petere illustriorem.

Israelitarū reges.

Interim tamē non destituimur vel externis exemplis. Pharaones enim & seipsos & regnum Aegypti vetustissimum, sola rebellionē cōtra verbum Dei pertinaciter instituta, perdidērunt. Rursus sensit felicitatem maximam Darius Priscus, & Nabuchodonosor magnus, ex eo quod non spreuissent Danielis cōsilia. Balthazar rex Babylonius, cōtempnor Dei & verbi diuini, interit una nocte cum omnibus suis, capta, incensa, direpta & diruta vrbe vetustissima & in toto orbe famosissima Babylone, regnoq; translato ad Medos & Persas. Nec infelices fuerunt reges Persarum, Cyrus & Darius, Artaxerxes dictus, quod fauerent verbo Dei, & verum Dei cultum populūq; prouiderent. Contra verò infeliciissimus fuisse legitur Antiochus, licet Epiphanes cognominatus, qui veluti bello cum Deo impijssimē suscepto, sacros etiam codices exurebat. Praterea non minor est nobis copia exemplorum ex historijs, eorum quoq; temporum quae insequuta sunt ascensionem Christi domini in caelos. Quotquot enim imperatores Romani, Reges & Principes euangelicam domini nostri Iesu Christi predicationem & Ecclesiam Christi persequuti sunt, idololatriam autem & superstitionem prouexerunt ac propugnarunt, ignominiosa morte interierunt. Testes sunt Eusebius & Orosius historici clarissimi. Rursus commemorat beatus Augustinus 5. lib. de Ciuit. Dei, victorias, gloriam & felicitatē absolutissimā cēlitus illis concessam regibus, qui vera fide Christum amplexi, idololatriam & superstitionē subuerterunt. Claret ergo felicitatem parari studio & obedientia verbi Dei, infelices fore omnes reges & regna omnia, quae relicto verbo Dei ad humanas conuertuntur inuentiones. Idq; adeo manifestē me declarasse hucusq; spero, vt auditores rem non tantum intelligere & oculis corā cernere, sed veluti ambabus manibus tenere videantur.

Reges exteri.

Reges Christum persequentes & adorantes.



DE FELICIT. ET INFELICIT. REGVM ET REG.

Quorsum verò hæc omnia tendunt? Vt R. T. M. pro indubitato, imò pro cõpertissimo teneat, veram felicitatẽ & parari & paratam retineri fideli studio verbi Dei, nimirum si & temetipsum totum, & regnum vniuersum Christo summo principi subijcias, omniaq; religionis & iustitiæ negotia in toto regno tuo ad regulam verbi Dei componas, si ab hac unica regula nusquam vel latum pilum discedas, Christi regis regum regnum propages, Antichristi verò (vix feliciter cœpisti) subvertas atq; conculces. Non quòd mea admonitione vel doctrina indigeat R. T. M. Habet in animo haud dubiè doctorem illum cœlestem, suggerentem omnia vera & vera religionis dogmata. Habet librum illum omnium sacerrimum Sacra Biblia, in quibus vt in regula vel canone perfectiss. totum pietatis veraq; salutis nostræ negotium absolutissimè continetur ac traditur. Habet doctos, sapientes, pios, fideles in regno doctores & pastores multos. Habet proceres regni consiliariosq; plurimos, fidos, fortes, iuris diuini & humani consultissimos, prudentissimos & veritatis sincera amantissimos, etiam apud exterarum gentes laudatissimos. Quo nomine inprimis felicem prædicant pij omnes R. T. M. Ceterum non spreuit beatissimus rex Ezechias (licet opera vteretur clarissimorũ virorum Isaia & Michea) monitores fideles, vel ex gregarijs Leuiticis: neque hi existimabant sergem admonendo oleum & operam perdere. Ego itaq; regia tua pietate fretus, spero & hanc meam dissertationem breuem de veris causis felicitatis vel infelicitatis regum regnorumq;, suum & lucum & fructum habituram. Certè qui ante annos XII. felicis memoria parenti tuo Henrico, eius nominis VIII. lib. de Authoritate scripturæ sanctæ, & Episcoporum institutione & functione, contra superstitionis tyrannidẽ Romanæ antistites inscripsi, ac expertus sum eum laborem in Anglia non nullum protulisse fructum salutarem: idem nunc quoq; ausus sum R. T. M. hos meos Sermones dedicare. Tracto in his Christianæ religionis veræ non postremos locos, legem, peccatum, gratiam, euangelium & penitentiam. Nec hos irreligiosè me existimo tractare. Vix enim scripturarum collatione, qua nihil est in tractandis nostræ religionis negotijs cum melius tutius. Et quia Christianæ fidei verus defensor es, proculdubio minimè erit ingratum, quod sub nomine patrociniõq; R. T. M. in publicum prodeunt Sermones Christiani. Volui his quoq; pietati negotium in Anglia iam magna cum omnium bonorum gratulatione renascens, pro mea virili & fide inuare. Copiosos ergo Sermones scripsi, ac res ita tractavi, vt ex vno parari possint plures. Vbi prudentia pastorum nullo negotio quid Ecclesia cuiq; potissimum conducatur, & necessarium sit intelliget. Ac pastorum reuera est rectè secare verbum veritatis, & pabulum vitæ dominico gregi commodè administrare. His non ingratiũ fuerit, spero, quod in his, iisdem sape rebus, iisdem argumentis, adeoq; & iisdem verbis vtor, quibus alij ante me cum veteres tum noui scriptores (quos scripturas sequutos iudicavi) vsi sunt, deniq; quibus ipse quoq; vsus sum in alijs meis libris antea à me editis. Nam vt doctrina sibi semper & per omnia consensiens tutior est, ita semper laudari meruit bonus omnibus. Si dominus vitam, ortum, viresq; concesserit, breui alios quoq; Sermones octo Decadis 4. residuos adijciam. Omnia autem hæc profero saluo semper & illibato orthodoxæ ecclesiæ iudicio. Dominus Iesus, rex regũ, & dominus dominantium, ducat te spiritu suo, & tueatur ad gloriam nominis sui & totius regni incolumitatem. Tiguri, Mense Martio, Anno domini 1550.

R. T. M.

deditiss. H. Bullingerus, Tigurinus  
Ecclesiæ in Heluetia minister.

# SERMONVM DECAS

TERTIA, AVTHORE HEINRY-

CHO BVLLINGERO.

89

*De quarto secunda tabula præcepto, quod in Decalogo octauum est, Non furtum facias.  
De proprietate rerum, iustèq; parandis opibus, contra furti species varias.*

S E R M O I.



**A**D uitam familiamq; sustentandam alendamq; opus est homini facultatibus terrenis. Proximè itaq; post mandata de uita conseruanda; & matrimonio sanctè colendo, quarto mandato præcipitur de facultatibus siue opibus, nimirum rectè parandis, possidendis, usurpandis, administrandisq;, ne eas paremus furto aut artibus malis, ne possideamus iniuste, nèue usurpemus aut dispensemus

illegitimè. Iustitia exigit ut rebus bene utamur, & ut suum cuique tribuamus: & cum leges diuinæ iustitiæ sint leges, necessariò præcipiunt, **NON FURTVM FACIAS.** Habemus rursus uerba oppidò paucula, sed sensus eorum patet latissimè. Prohibetur enim hoc mandato ipsum furtum, prohibentur omnes artes malæ, dolus malus, omnis impostura, adeoq; ipsa auaritia, prohibetur otium, prodigalitas seu profusio, & omnis iniustitia: præcipitur præterea iustitia, maximè in contractibus & commercijs. Certè ex acquisitione, possessione, & dispensatione bonorū temporalium, mirificæ excitantur in mundo apud homines turbæ: oportuit ergo Deum in lege sua, qua hominum salutis, commodo & tranquillitati consulit, modum statuere, & certam rationem bonorum terrenorum indicare: id quod hac lege præstitit: quæ quò rectius intelligatur, dicemus in præsentis, domino inspirante, de proprietate rerum, rebusq; iustè parandis: in qua quidem tractatione aperiet sese uniuersa furti consideratio per species eius uarias.

*Præceptum Dei 8.*

Proprietas enim & possessio rerum non prohibetur mandato hoc, sed ne paremus opes ullas artibus iniustis, ne possideamus iniuste, aut dispensemus iniuste: imò statuitur & confirmatur hoc præcepto rerū proprietas. Prohibet enim furta dominus, ergo statuit & confirmat rerum proprietatem. Quid enim furari possis, si omnia sint communia? Tuum enim non alienum surripuisti, si alteri suam suffuratus fueris substantiam. Sed prohibet Deus furta, ergo rerum proprietatem munit hac lege lata. Quoniam uerò sunt non pauci ex furiosa Anabaptistarum turba, qui negant rerum proprietatem, apertis aliquot scripturæ testimonijs illam demonstrabo. De Abraham, qui in sacris appellatur pater fidei, prædicat Eliezer, & dicit, Locupletauit dominus herum meum insigniter, ut potens seu opulentus sit, deditq; illi greges & armenta, argentum & aurum, seruos & ancillas: ac dedit filio suo omnia quæ habet. En locuples fuit Abraham, & possedit proprietatis iure, quæ ipsi dedit dominus: & ista omnia hæreditatis titulo ut peculium filio reliquit. Ergo opes proprias possedit Isaac & Iacob. Deus quoq; per Moysen induxit Israelitas suum populum in terram promissam, in qua sorte tribubus per Iosue distribuit terram, singulis suis assignatis possessionibus: sed & legibus cauit ne illæ confunderentur. In Solomone & Prophetis sunt præceptiones & sententiæ multæ huc pertinētes. Scio autem quid obijciant turbatores, Hæc testimonia è ueteri testamento petita nō constringere Christianos. Et quanquā demonstrare possem

*De proprietate rerum.*

*Genes. 24.*



illos locos in tali nos causa constringere, malo tamen breuitatis gratia certa alia quot testimonia ex noui testamēti scriptis proferre. Laudat dominus Iesus in suis cultoribus opera misericordiae, quod pascunt esurientes, potant sitientes, induunt uestibus nudos, captos & agrotantes inuisunt, & exules atque uagos inducunt in aedes suas. Concedit ergo suis rerum proprietatem, ex qua praestent alijs beneficentiam, & indigentibus quidem. Sublata autem rerum proprietate, sublata erit & beneficentia eleemosynae. Nam si omnia sunt communia, nihil tu de tuis, sed omnia ex communibus bonis elargiris. Sed Apostolus Paulus ad Corinthios iubet quemlibet apud se eleemosynam reponere, quam ipse accipiat ab eis, ubi Corinthum redierit. Praecipit item tantum quisque conferat, quantum suggerit animi promptitudo, & quantum quisque possidet, non quantum non possidet: neque ita conferat ut accipientibus sit superfluitas, dantibus autem angustia & indigentia. Idem Apostolus, Obsecramus uos fratres, inquit, ut in hoc incumbatis, ut quieti sitis & agatis res proprias, & operemini proprijs manibus uestrijs, sicuti uobis precepimus: & ut uos geratis honeste erga extraneos, & nulla re uobis sit opus. Huius generis alia ex alijs epistolis proferre possem: sed sufficiunt haec abunde demonstrantia proprietatem rerum hominibus Christianis in utroque testamento esse permissam.

*Quomodo apostolorum etate omnia fuerint communia.*

Legimus sane in Actis Apostolorum priscis & Apostolicae Ecclesiae indigentia omnia fuisse communia: sed adijciuntur in eodem libro quae declarant qualis illa fuerit communio. Nemo eorum quae possidebat, ait Lucas, suum esse dicebat. En possidebant primi Christiani domos proprias, proprios agros, & proprias opes alias: sed ita interim possidebant, quasi non propriae, sed aliorum quoque & ueluti communes essent, ut nihilominus proprietatis ius maneret apud possessores: sicuti ubi uero postulare necessitas, uendebant agros aut aedes, & inopiae subueniebant egentium. Si uendebant, certe propria erant quae uendebant. Nullus enim uir bonus uendit aliena, sed propria, aut ea quae tanquam propria accepit procuranda. Praeterea S. Petrus totam hanc componens controuersiam, ad Ananiam dicit, Nonne prorsus tibi manebat ager, & uenundatus adhuc in tua erat potestas? Quorsum ergo attinebat mentiri spiritui sancto, & fraudare de pretio agri, interim nihilominus quasi totum contuleris pretium confiteri? Potuisset Ananias agrum non uendere, & cum uendiderat, nihilo minus retinere integram pecuniam: non fuisset ea de causa ex sanctorum Ecclesia exclusus uel exturbatus. Liberum ergo erat, ut hodie quoque est, uendere uel non uendere possessiones, & in comune conferre sustentandis pauperibus. Proinde locus ille in Actis Apostolicis non tollit ius proprietatis, neque praecipit communionem talem, qualem Anabaptistae uolunt statuere. Et quoniam intelligo quosdam ualde pertinaciter literae inherere & urgere communionem illam, non pigebit & aliorum de hoc iudicium c. v. recitare, eorum inquam qui ex scripturarum collatione hoc negotium illustrissimum plane reddiderunt. Quod Acto. 2. legitur, Omnes autem qui credebant, erant coniuncti, non est intelligendum, quod monachorum more desertis quisque proprijs adibus, in comuni ipsdem adibus conuixerint, sed ut statim eodem loco subditur, In templo erant quotidie perdurantes unanimiter: non quod in adibus suis interea non comederint aut necessitati naturae consuluerint, aut quod uniuersi suas uendiderint aedes, cum mox subiiciatur, Frangentes panes per singulas domos. Si panes per singulas domos fregerunt, respondeant isti per quas domos Christiani Hierosolymis panes fregerint. Per infidelium ne? Non opinor. Ergo per fidelium domos frangebant panem, sumentes cibum. Quomodo igitur uniuersi domos suas

suas uendiderunt aut reliquerunt, quomodo cœnobarum more cohabitarunt? Nihil ergo est aliud quod Lucas dicit, Quotquot crediderant erant coniuncti, quam erant frequētes in templo. Nihil ergo fuit illa communicatio bonorum inter Christianos aliud, quam quod ditiores domos, agros, & prædia uendebant, ut collatis in unum pecunijs succurreretur pauperioribus, ne famis improbitate adacti ad Iudaismum reuerterentur. Quin plerisq; Actorum locis legimus, Christianos domos & propriarum facultatum sibi retinuisse administrationem, ut Acto. 9. legitur de Tabitha quæ plena fuerit operibus bonis, tunicas & uestes faciēs uiduis & pauperibus. 12. cap. legimus Petrum Apostolum eductū ē carcere uenisse ad domum Mariæ matris Ioannis cognomento Marci, ubi multi erant congregati orantes. Non dicit habitantes, sed orantes, ut intelligas in ea domo conuenisse Ecclesiam ad orandum. Rursus cap. 9. manet Petrus apud Simonem coriarium dies multos, utiq; apud hominem Christianum ædes suas retinentem. Et cap. 11. discipuli prout cuiq; suppetebat, subsidiū mittebant fratribus habitantibus in Iudæa. Ecce, Prout cuiq; ait, suppetebat. Quid autem cuiq; suppetere potuisset, si nihil possedissent? 16. cap. Lydia purpuraria cum esset baptizata, dicebat, Si me fidelem domino iudicatis, introite in domum meam, & manete apud me. Cur non dicit, Vendite domum meam; sed, Introite in domum meam; nisi quia ita domum suam possidebat fidelis facta, ut hanc & Apostolis cōmunem faceret? Et cap. 20. gloriatur Paulus se non concupiuisse ullius aurum, argentum, aut uestem pretiosam. Quam haberent autem ista rationem, si nō liceret Christianis retinere rerum suarum possessionem? Et cap. 21. Philippus Cæsariæ domum & quatuor filias habet. Cur domum suam non uendidit? Et Philemon hospes Pauli, non solum domum, sed & seruum habet. Relinquitur ergo pro compertissimo, consilium sancti spiritus minime fuisse, ut tale uitæ genus statuatur quale isti fingunt, sed ut quisq; domum suam bene gubernet, & fratrum necessitatibus pro sua uirili consulat. Huc pertinent loci quoq; alij, 1. Timoth. 5. ad Titum 2. 1. Thess. 4. & 2. Thess. 3. Et cum in omnibus propē epistolis, parentibus & liberis, coniugibus, dominis & seruis præcipit quid agant, quid aliud quam administrationem domesticam bene inuicuit? Hæc hæcenus.

Quid quod diuites fuisse dicuntur multi in Euangelic & in scriptis Apostolorum cultores Dei? Ioseph ab Arimathæa, qui dominum crucifixum sepeliuit, & diues & discipulus Christi fuisse prædicatur. Diuites erant mulieres quæ dominum sequuntur à Galilæa. Domino & discipulis ex suis subministrabant facultatibus. Diues erat Eunuchus reginæ Candaces thesaurarius. Diues fuit Ioppenis Tabitha, quam S. Petrus ē morte reuocauit in uitam, ac diuitias illas suas liberaliter sparserat in pauperes. Diues fuit Lydia purpuraria. Diuites fuere innumeri alij uerē pii & fideles. Ergo quod dominus adolescenti dicit, Si uis perfectus esse, uade uende quæ habes, & da pauperibus, & habebis thesaurum in cœlo, & ueni sequere me: non est generalis lex aut doctrina simplex ad omnes pertinens, sed demonstratio dumtaxat, quod adolescens ille, ad quem hæc dixit, nondum usque adeo perfectē legem absoluisset, sicuti absoluisse se existimabat. Nam arbitrabatur sibi nihil deesse. Pluris faciebat adolescens diuitias suas, quam Deum & uocē Dei mandantis. Abijt enim tristis, nec fecit quod imperauerat dominus: itaq; declarauit se nondū impleuisse legem. Sed & ex alijs locis colligere possumus Dominum cultores suos non deiecit ad mendicitatem. Nec pudit Paulum Apostolum leges ferre diuitibus, præscribereq; quomodo se gerant. Diuitibus, inquit, in presenti seculo, præcipe ne elato sint animo, neq; spem ponant in diuitijs incertis, sed in Deo uiuente,

1. Tim. 6.



qui præbet nobis omnia affatim ad fruendum, ut benefaciant, ut diuites sint operibus bonis, ut faciles sint ad impartendum, libenter communicantes, recondentes sibi ipsis fundamentum bonum in posterum, ut apprehendant uitam æternam. *Math 6* Huc iam pertinet admonitiones saluatoris dicentis, Non potestis Deo seruire & mammonæ. Item, Diuitiæ spinæ sunt, quæ præfocant semet uestri dominici. Item, Amen dico uobis, diues difficile intrabit in regnum cælorum. Facilius est camelum per foramen acus transire, quàm diuitem in regnum Dei ingredi. Et ut animi diuitum non sunt deiciendi aut adigendi ad desperationem, quasi diuites saluari non possint: ita rursus admonendi sunt periculorum, ne securi indormiant diuitijs, & seducantur à satana, abutanturq; diuitijs, quin illis potius rectè utantur iuxta canonem apostolicum iam iam recensitum. Damnauit Gangresis, sanctæ antiqua Synodus, docentes diuites fideles qui non omnibus renunciant quæ possident, spem apud Dominum non habere. S. Augustinus in Catalogo hæreticorum ponit & numerat Apostolicos. Hi arrogantissimè seipsos hoc nomine ornantes, non recipiebant in communionem suam, utentes coniugibus & res proprias possidentes. Addit, Ideo isti sunt hæretici, quoniam se ab Ecclesia separantes, nullam spem putant eos habere, qui utuntur his rebus quibus ipsi carent. Encraticis isti similes sunt. Nam & Apotactitæ appellantur. Et diuitiæ quidem, per se, non sunt malæ, imò sunt dona Dei. Abusus reddit eas prauas. Sed de usu postea dicetur.

*Falsa doctrina  
de Diuitijs.*

*De iustè paran-  
dis facultatibus*

*Math 6*

*Math 6*

Sequitur iam consideratio de parandis facultatibus siue rebus ad uitam familiamq; sustentandam necessarijs. De acquirendis rebus copiosissima est apud Iurisperitos disputatio. Tradunt enim res acquiri Iure gentium & Iure ciuili. Iure gentium, ut Occupatione, Captiuitate, Inventione, Natiuitate, Alluione, Specificatione, Accessione, Confusione, Aedificatione, Plantatione, Satione, Cultura, Traditione. Iure ciuili, ut Vsucapione, Præscriptione, Donatione, Testamento, Legato, Fideicomisso, Successione, Arrogatione, Adiectione. De quibus ordine disserere nimis operosum, & c. v. non admodum utile foret. Attemperabimus ergo hunc nostrum sermonem nostris moribus, proferemusq; nobis maxime necessaria. Ante omnia claudendus est oculus nequam, ne seducamur nimia cupiditate. Lucerna corporis, ait in Euangelio dominus, est oculus. Si igitur oculus tuus simplex fuerit, totum corpus lucidum erit. Quod si oculus tuus malus fuerit, totum corpus tuum tenebrosum erit. Mens hominis fide imbuta & concupiscentijs non infecta & corrupta, lumen præfert omnibus actionibus hominis. Si uerò mens fuerit corrupta, corruptæ erunt actiones hominis omnes. Copesce-  
dæ sunt ergo fide & recta opinione nimia cupiditas auaritiaq; quæ existit ex diffidentia, & omnia consilia, dicta & facta hominis cõtaminant atq; prophanant. Vi autem compescere ualeamus, cœlesti gratia opus est, quam pius quisq; prijs ambit precibus. Necesse est doctrinam de his saluatoris nostri, & doctrinam sanctorum Apostolorum eius, semper habeamus ante oculos, adeoq; pectori nostro teneamus insculptam. Neq; illa immensa est. Tres recitabimus charitati uestre locos, duos quidem ex Euangelio, & tertium ex Paulo: in quibus uelut in compendio absolutissimo habeatis comprehensa quæcūq; requiri possunt à ueris Dei cultoribus, in Euangelio secundum Mattheum dicit dominus, Ne reponatis uobis thesauros in terra, ubi ærugo & tinea corrumpit, & ubi fures perfodiunt ac furantur: sed recondite uobis thesauros in cœlo, ubi neq; ærugo neq; tinea corrumpit, & ubi fures non perfodiunt neq; furantur. Nam ubi fuerit thesaurus uester, ibi erit & cor uestrum. Nemo potest duobus dominis seruire. Aut enim unum odio habebit, & alterum diliget: aut uni adhaerebit, & alterum contemnet. Non potestis Deo seruire & mam-

monæ.

mona. Propterea dico uobis, ne solliciti sitis pro uita uestra quid edatis & quid bibatis, neq; pro corpore uestro quibus induamini. Nónne uita pluris est quàm ci- bus, & corpus pluris quàm indumentum? Intuemini uolucres cœli: quia non se- runt, neque metunt, neque conuehunt in horrea, & pater uester cœlestis alit illas? Nónne uos longius præcellitis illas? Quis autē ex uobis sollicitē cogitando potest addere ad staturam suam cubitū unum? Ac de indumento quid estis solliciti? Con- siderate liliā agri quomodo crescant: non laborant neq; nent: attamen dico uobis ne Solomonem quidem in uniuersa gloria sua sic amictum fuisse ut unum ex his. Quod si gramen agri quod hodie cū sit, cras in clibanum mittitur, Deus sic ue- sit, non multo magis uos, o parum fidentes? Ne sitis igitur solliciti, dicentes, Quid edemus, aut quid bibemus, aut quo operiemur? Nam ista omnia gentes ex- quirunt, Nouit enim pater uester cœlestis uos opus habere his omnibus. Quar- te autem primū regnum Dei & iustitiam eius, & hæc omnia adiicientur uobis. Ne sitis igitur solliciti in crastinum. Nam crastinus dies curabit quæ sua sunt. Suf- ficit sua diei afflictio. Hæc Dominus noster apud Matth. in cap. 6.

Rursus in Euangelio secundum Lucam in cap. 12, dicit idem Dominus noster, Videte & cauete ab avaritia: quia non in eo ut supersit cuiuspiam, uita eius est ex fa- cultatibus ipsius: id est, uita non opus habet superfluis: uel, nullius uita opus ha- bet ut illi supersit aliquid. Dixit autem hanc illis similitudinem, Hominis cuius- dam diuitis uberes fructus ager attulit, & cogitabat apud se, dicens, Quid faci- am, quia non habeo ubi recondam fructus meos. Et dixit, Hoc faciam, destruam horrea mea & maiora extruam, & illuc congregabo omnes proventus meos, & bona mea: & dicam animæ meæ, Anima habes multa bona reposita in multos an- nos, requiesce, comede, bibe, gaude. Dixit autem illi Deus, Stulte, hac nocte ani- mam tuam repetunt abs te: quæ uerò paraasti cui cedent? Sic qui recondit sibi ipsi nec est erga Deum diues.

Præceptorem & magistrum in omnibus sequutus S. Paulus uas electionis cla- mat, Est quæstus magnus pietas cum animo sua sorte contento. Nihil enim intu- limus in mundum, uidelicet nec efferre quicquā possumus: sed habentes alimenta & quibus tegamur, his contenti erimus. Cæterum qui uolunt ditescere, incidunt in tentationem & laqueum & cupiditates multas stultas ac noxias, quæ demer- gunt homines in exitium & interitum. Siquidem radix malorum omnium est aua- ritia siue studium pecuniæ: quam quidam dum appetunt, aberrauerunt a fide, & seipso implicauerūt doloribus multis. Tu uerò homo Dei ista fuge, sectare autem iustitiam, pietatem, fidem charitatē, patientiam, mansuetudinem, &c. Quicumque ergo laboribus aut negotiatione uictum & necessaria uitæ suæ & suorum quære- re instituit, hisce diuinis præceptis ceu theriaca ac pharmaco quodam, animum suum præmuniat contra uenenatas cupiditates & avaritiam pestilentissimam.

Vbi uerò animum antidoto Euangelicæ & Apostolicæ doctrinæ præmunuit, Labor commen- datur, otium  
adiciat mox animum ad laborem & negotiationem. Deligat autem quisq; nego- datur, otium  
tationem utilem & honestam, non curiosam, non ulli damnosam. Otium deniq; damnatur.  
fugiat ut pestem. Audiamus rursus hac in causa uerba planè diuina Apostoli, Præ- 2 Thoms 3.  
cipimus uobis fratres per nomen Domini nostri Iesu Christi, ut subducatis uos ab omni fratre, qui inordinate se gerit, & non iuxta institutionem quam accepit a no- bis. Etenim cū essemus apud uos, hoc præcīebamus uobis, ut si quis nollet o- perari, is nec ederet. Audimus enim quosdam uersantes inter uos inordinatē, ni- hil operis facientes, sed curiosē agentes. Iis autem qui sunt eiusmodi, præcipimus & obsecramus per Dominum nostrum Iesum Christum, ut cum quiete operantes



suum ipsorum panem edant. Damnata sunt omnibus seculis & apud omnes homines cordatos & otia & curiosa negotia. Hesiodus dixit,

*Illi pariter indignantur & dii & homines, quisquis otiosus*

*Vixerit, fucus absq; aculeis similis studio,*

*Qui apum opus sine labore comedunt.*

Sophocles item.

*Nil boni, ait, parit otium inane.*

Curiosa negotia.

Ex hereditatibus diuites.

An contractus & commercia licita?

Lucrum ex negotiatione.

Negotiationes sunt uariae.

Deus enim otiantibus haud assistit. Porro curiosa negotia, artes sunt male factorum & male ingeniosorum hominum, quibus proximis graues sunt & imponunt hominibus, exercentes quidem negotiationem aliquam, sed illegitimam & alijs inutilem, sibi uero utilissimam: cuius quidem generis usurarij, monopolae, & propolae, alijq; negotioso otio se saginantes habent artes plurimas. Qui uero non laboribus suis uel negotiatione aequa, sed per hereditates acceptas diuites sunt, cogitent apud se quo pacto paratae sint opes quae iam ad ipsos per hereditatem deuolutae sunt: & si intelligunt se haeredes esse opum iniustarum, sint benefici, nec duplicent malum, ut quod male partum est, iniquissime possideant & sceleratione multo concoquant. Ne fidant istis opibus, neq; sint otiosi, agant semper aliquid honesti. Ferè tamen fit, ut male partum male dilabatur. Optimum ergo fuerit uel boni, iusti & benefici hominis esse haereditatem, uel laboribus proprijs & negotiatione iusta parare facultates, quibus tuam & familiae uitam sustentent.

Video autem hic haerere multos, addubitareq; primò, an contractus & commercia licita sint, deinde quae nam negotiatio ex omnibus maximè conueniat homini pio. His pauca haec expendenda propono. Principiò constat contractus se re uoluntarios esse commerciaq; spontanea, ut quisq; hic quod uelit, quod condonat & maximè deceat deliberare & eligere possit. Huius enim generis sunt commutatio rerum, fideiussio, locatio, cōductio, depositio, mutuum, pactio, uenditio, emptio, & alia his simillima. Hisce rebus, sicut ipsa experientia euincit, carere non possunt homines etiam sanctissimi, donec in hoc mundo uiuunt. Nec legis Dominus ullibi prohibuit huiusmodi commercia & contractus, imò format illos, instituens rempub. Israelis, ut agnosceat oporteat illas esse ordinationes diuinae: abusus, dolus, impostura & confidentia in istis prohibentur uerbo Dei. Ergo si quis ijs utatur moderate, neq; imitatur & inhareat, non peccat. Audiamus denuo Apostolum clamantem, Qui habent uxores, sint tanquam non habeant: & qui plorant, tanquam non plorent: & qui gaudent, tanquam nō gaudeant: & qui emunt, tanquam non possideant: & qui utuntur mundo hoc, tanquam non utantur. Praeterit enim habitus huius mundi. Pari modo nullibi legimus prohibita esse lucra iusta & aequa. Imò benedixit Dominus laboribus & negotiationibus suorum, ut quemadmodum in uirtutibus ita pariter crescant & in opibus. Exemplum huius praebent Abraham, Isaac & Iacob. Et Apostoli non iubent nos nullum sperare lucrum, sed nolunt nos turpis lucri esse cupidos.

Negotiationes quidem hominum sunt uariae. Ac uarijs quidem multisq; indigent res hominum. Est negotium siue labor crassior, qui manibus roboretur corporis magis quam arte, quamuis non sine ingenio, perficitur. Est & ingenij labor subtilior, qui tametsi extra corpus & uires hominis non fiat, ingenio tamen magis quam robore perficitur. Prioris generis sunt artificia omnia, siue artes, ut uocant, mechanicae, quibus annumeramus mercaturā, agriculturam & pecuariam. Posterioris generis sunt studia literarum, medicinae, iurisprudentiae, praesertim theologiae, philosophiae quoq; denique gubernatio. Ac patriarchae quidem homines innocentissimi & excellentissimi, ferè fuerunt agricolae, aut exercuerunt pecuariam.

tuariam. Exempla sunt plurima, Abelis, Noe, Abraham, Isaac, Iacobi, Iob, & aliorum. Leuitæ & prophete uixerunt ex literarum studio siue ministerio ecclesiastico. Mercatura nullibi damnatur in sacris literis: damnantur autem mercatores Deum non timentes & requirentes, homines uersipelles ac impostores. Nam Iacobus Apostolus Domini, Age nunc qui dicitis, inquit, Hodie & cras eamus in hanc ciuitatem, & transigamus ibi annum unum, & mercemur & lucrum faciamus (qui ignoratis quid futurum sit post ro die. Quæ est enim uita uestra? Vapor enim est qui ad exiguum tempus apparet, & deinde euanescit) pro eo quod dicere debueritis. Si Dominus uoluerit, & si uixerimus, faciamus hoc aut illud. Nec uituperatur in Actis Apostolorum purpuraria illa quod uenderet purpuram. Nam in encomio probæ matris familiæ, laudatur mater familiæ ex mercatura. Ex gubernatione uixerunt optimi quique reges, Ioseph Egypti saluator, & Daniel satrapa Babylonie & Medie. Nam ut multa sunt in corpore hominis membra, & uarius est usus membrorum, omnia tamen in summa cõcordia tendunt ad conseruationem incolumitatis corporis: ita uaria ordinauit Deus negotia & artificia, quæ tamen omnia seruire uult incolumitati reipublicæ.

*Iacob. 4.*

*Prouerb. 31.*

*1. Corinth. 12.*

Iam uerò quæ ex his omnibus negotiationibus homini pio amplectenda aut suscipienda sit, non est meum pronunciare. Expendat quisque apud se quæ attulimus hucusque, deinde exploret seipsum, ad quas res, aut ad quæ negotia animus maximè propendeat, ad quæ sit utilis & idoneus: inspiciat item diligenter quæ artes sint maximè simplices & secundum naturam, quæ item quàm minimum cognitionis habeant cū dolo & impostura, aut quæ minimū abstrahant à Deo & iustitia. His expensis deligat quisque quod putauerit maximè cõuenire et salutare esse, cū animæ tum corpori suo. Non possumus omnes agros colere, nec congruunt omnibus literarum studia, pauci gubernant rempublicam, nec artificijs exercendis omnes ubique idonei sunt. Habet suum quisque genium, habet inspirationem à Domino, habet amicorum consilia & auxilia, habet occasiones uarias, habet regulam uerbi Dei: his acquiescat, ut primas interim tribuat præceptionibus diuinis.

*Que maximè negotiatio amplectenda pio uiro.*

Cæterum laboranti iam & negotianti, post recitatos canones necessarij sunt & sequentes. Principiò enim cauenda erit cuique profusio siue luxus in cibo, potu, uestibus, cultu corporis & ædificijs, fugiendi sumptus inutiles ac uani. Nam Dominus uult unumquemlibet suas retinere: non prodigere res. Odit & execratur Dominus luxum & inanes sumptus siue superbiam. Præterea qui sui profusus est, aliena ferè appetit: unde innumera exoriuntur mala, furta, insidiæ, doli, imposturæ, adde & cædes ac seditiones. Deinde strenuus sit qui laborat aut negotiatur, sit per omnia uigilans & laborum tolerans, non segnis, mollis, iners. Fideliter & diligenrer agat omnia. Displicet Deo ignauia, socordiaue. Displicet supbia rei familiaris negligentia. Laudat scriptura fideles laboratores, & negotiatores probos & industrios. Audiamus quæso auream sapientissimi mortalium Solomonis doctrinam ita dicentis, I piger ad formicam, inspicite uias eius, ut sapiens fias. Ea enim cū neque principem, neque exactorem aut ducem habeat, tamen æstate cibum suum parat, & in messe alimentum suum comportat. Quandiu piger dormies? & quando à somno tuo surges? Paululum dormiendum: paululum dormitandum: paululum complicandæ manus ad dormiendum. Interim uerò ceu uiator ueniet egestas tua, & inopia tua ceu uir scuto munitus. Rursus elamat Dauid in Psalmis, Beati omnes qui timent Dominum, qui ambulant in ujs eius. Labores manuum tuarum manducabis, beatus es, & bene tibi erit. Quid quod Dominus Deus Adamum in paradiso & felicissimo uitæ statu noluit

*Cauenda profusio.*

*Laborandum fideliter.*

*Psal. 131.*



otiosum uiuere: Nam cultum horti ipsi inuinxit. Otiosi ergo homines omnium mortalium infelicissimi sunt: ita & ignaui non aliud sunt, quam telluris inutile pondus. Postremo curet negotiator ne cui damnum det sua negotiatione. Regulam hic sibi praefigat in omnibus negotiis, Quod tibi uelis fieri, feceris alteri: & quod tibi nolis fieri, alteri ne feceris. Porro datur damnum dupliciter, nempe retinendo uel auferendo: uidelicet si retineas quod debes, & tuum non est: uel auferas quod alterius est, & quod tibi non debet. Verum de damno in retinendo aut auferendo dicam iam paulo fufius, ut ex his rectius intelligatur mandatum Domini, Non furtum facias, & quae nam sint furti species.

*Furtum.*

Aiunt furtum esse fraudulofam contrectationem rei alienae, mobilis & corporalis, quae sit inuito domino, lucri faciendi gratia, uel ipsius rei, uel etiam usus eius, possessionisue. Proinde furiosum non dicunt committere furtum: quod in ipso nulla sit euidentis doli machinatio. Neque ullum furti argui posse tradunt, qui per errorem non malitiam, alienam rem abstulit pro sua. Ceterum contrectare dicitur non is solum qui manibus rem apprehendit, sed qui quouis modo eam subtrahit iusti possessoris dominio. Inuito autem domino dici aiunt, non tantum si uolenter ipsi eripiat, sed etiam nescienti: aut si sciat, non possit tamen prohibere: aut cum possit, certas ob causas nolit. Nec temere adiungitur furtum fieri lucri gratia. Nam si quis ludens, aut aliam ob causam honestam aliquid auferat, minimum furtum committit. Furti uero genera duo faciunt, Manifestum, utpote in quo apprehenditur fur: & non manifestum, nempe si post furtum furti conuincatur. De his copiose differitur Digestorum lib. 47. tit. 2. & c. Nos redimus ad propositionem nostram explicandam.

*Damnū datur retinendo uarijs modis.*

Damnum das retinendo, quando in contrahendo non iusta titeris mensura, non pondere iusto. Huc pertinet collybus iniustus & fraudulentus. Collybus autem, ait Pollux, est permutatio pecuniae. De his recitabimus modo praecepta & sententias Domini Dei nostri. In Leuitico legis, Ne feceritis quidpiam iniqui in iudicio, in dimensione, in pondere & mensura. Bilanx iusta, lapides iusti, epha (modium uel quartale, mensura aridorum) & hin iustum (liquidorum mensura sextarium uel cyathus) iustum sit uobis. Ego Dominus Deus uester, qui eduxi uos e terra Aegypti. Et in Deuter. legimus, Ne sint tibi in sacculo tuo diuersi lapides, magnus scilicet & paruus. Ne sint tibi in domo tua diuersa epha, magnum scilicet & paruum (ut uidelicet in recipiendo aut emendo utaris magno, in erogando autem uel uendendo, paruo) sed pondus aequum & iustum sit tibi: & epha aequum & iustum sit tibi, ut prorogentur dies tui super terram, quam Dominus Deus datus est tibi. Nam abominatio Domino Deo tuo est, quicumque ista facit, & quicumque iniquitatem perpetrat. Ad haec pertinet haec Solomonis sententia ex Prouerbis, Diuerso pondere uti, aut diuersa mensura, ambo haec detestatur & abominatur Dominus. Quid autem grauius & horribilius audiri, imò & cogitari poterat, quam hominem esse abominationem Deo? Apud Micheam in 6. cap. minatur praeterea Dominus uarias & graues poenas, quas irrogare uelit iniusto pondere & iniquitatis mensura. Quin ergo fugiamus iniquitatem & iniustitiam, ac eligamus potius felices quam infelices esse, audiamusque ipsum Dominum dicentem, Mensuram bonam & pressam & concussam & superfluentem dabunt in sinu uestro. Eadem quippe mensura qua metimini, alij metientur uobis. Persuasissimum ergo habeamus, fraude & furto partas res neque diu florituras, neque futuras nobis salutares.

*Alienatio et fraus.*

Rursus retinendo dant alijs damnum, quotquot haereditates alijs debitas occupant

cupant: qui frustrantur & fallunt in contractibus, in pactis aut conuentionibus: qui simulant se dare quod dolo malo aut mutant aut apud se retinent, corruptum autem aut uictiosum dant. Ea reuera hæc deceptio & fraus est siue dolus. Constat autem alienarum hæreditatum possessores, & breui uita, & nulla uti fortuna felici. De fraudulentis pronunciat Solomō, fraudulentos nullum inuenturos lucrū. Lucrum enim iniustum utcunque sit grande, detrimentum tamen uerius quàm lucrum uocari meretur.

Huc pertinent res inuentæ, quas tu repetenti negas, quasi non inueneris uel *Inuenta.* tuis sint iuris. Huc pertinet depositum & pignus retentum. Deposuit apud te, qui *Deposita.* peregrè abiit, pocula argentea & auri pondo, quod sperauit ista apud te tutò late-  
re: tu uerò redeunti & reposcenti depositum negas, suffuratus es, præterea fidem amici fefellisti & conduplicasti peccatum. Oppignerauit uir pauper tibi rem sibi *Pignus.* charam & pretiosam, quam cum repetit annumerata tibi pecuniā tuā quam mutuò à te acceperat, negas tu pignus, & confingis calumnias, uterisq; dolo malo ut pignore fraudes pauperem: suffuratus es pignus. Tulit præterea Dominus alias de pignore accipiendo leges populo suo huc quoq; pertinentes. In Deut. enim dicit, Nemo pignoris loco accipiat inferiorem & superiorem molarem. Nam is uitam oppignerauit. Id enim perinde est ac si dixisset, Ne pignoris loco id acceperis à proximo tuo, quo sibi & suis uictum quærit ac parat. Vitam enim seu uictum illi sustulisses. Et mox, Cum mutuò dederis aliquid proximo tuo, ne ingrediaris in domū eius ut pignus inde tollas: sed sta foris, ut uir ille ad te pignus proferat. Prohibet truculentiam, & ne diuites sint crudeles in scrutandis pauperum domibus, neue sint morosi in recipiendo pignore. Iterum uerò addit Dominus, Quod si uir huiusmodi pauper est, non dormies in pignore eius: omnino reddes illi pignus cum Sol occidit, ut is dormiat in uestimento suo, beneq; & fausta tibi imprecetur: & id erit tibi iustitia coram Domino Deo tuo.

Postremo grauissimum proximo damnum retinendo dant, quicunque laboris *Merces detenta laboris.* mercedem detinent. Detinetur ea dupliciter. Vel enim nunquam soluis mercedem: Vel soluis grauatim, differs diu nimis, sed & de mercede aliquid detrahis. Cæterum uocabulum mercenariorum patet & ipsum latissimè, & extendit se ad omnes quoq; artifices. Vulgus diuitum utitur ferè opera artificum, & mercedem consignare iubet in codices rationarios, interim cum istos egere intelligit, nihil tamen numerat, imò postulantes debitum sæuis dictis excipit & uacuos dimittit. Interea superbiunt stulti & impij diuites, & luxu prodigunt res suas (imò non iam suas sed alienas quoq; turpissimè. Sed audiamus iudicia & leges Dei nostri super hac re pronunciatas. In Deut. sic legimus, Ne neges aut uir retineas mercedē mercenario pauperi & inopi, siue sit de fratribus tuis, siue peregrinis tuis qui sunt in *Deut. 24* terra tua atq; intra portas tuas. Die suo dabis ei mercedem suam, neq; Sol occidat *1m. 19* super eum: quoniam pauper est, & ad mercedē tollit animum suum (id est, spem uitæ collocat in eam, utpote uicturus ex ea) ne contra te ad Dominum clamet, & cedat tibi in peccatum. Cum hac diuina lege congruunt hæc Apostoli Iacobi uerba. Ecce merces operariorum, qui messuerunt regiones uestras, quæ fraude non reddita est à uobis, clamat, & clamores eorū in aures Domini Sabaoth introierunt. Quid horribilius audiri poterat? clamat merces detenta laboris, & clamat quidem in cælum: adde, & ingreditur clamor in aures Dei iustissimi, seuerissimi, potentissimiq;. Quid aliud iam expectent fraudatores illi quàm poenam grauissimam? Rectissime ergo breuissimeq; hoc negotiū concludens & omnibus optime consulens Tobias, Ne moretur, inquit, apud te ullius hominis, cuius opera usus fueris, *Tob. 4.*



DE PRAECEPTO DECALOGI VIII.

merces; sed eam protinus illi depende. Etenim tibi quoque Deum colenti gratia re-  
feretur.

*Dammum quod  
auferendo da-  
tur.  
Furtum.*

*aphe. 4.*

*Negare offi-  
cium debitum.*

*tit. 8. 2.*

*Rapina & de-  
ceptio.*

*Alea.*

*Vsura.*

Sequitur membrum alterum, damnum uidelicet quod auferendo datur: id  
quod multiplex est. Primum autem locum habet ipsum furtum, ( de quo & paulo  
ante diximus aliquid, ) quod non in pecunia duntaxat ablata committitur, sed in  
mercibus quibusuis, in agris, in terminis transponendis, & in iure cuiusque quod  
transfertur, negatur, auferitur, aut malitiose, contraque & citra conscientiam & con-  
sensum alterius, hoc est, iusti possessoris, differtur. Nam in lege Leuit. 19. ait Domi-  
nus, Non furabimini, ne mentiamini, nemo dolo malo agat cum proximo suo. Et  
Paulus ad Ephesios ait, Deposito mendacio, loquamini ueritatem quisque cum pro-  
ximo suo: quoniam sumus inuicem membra. Qui furabatur non amplius fur-  
tur, magis autem labore operando manibus quod bonum est, ut possit impartiri  
ei qui opus habuerit. Hac extendere licet ad omnia penè hominis officia. Qui-  
cunque enim debitum negat officium, nec facit quod facere iure deberet, in hoc  
mandatum delinquit: ueluti si pater suae familiae suum neget officium: rursus si fa-  
milia rem familiarem dissipet, & patrem familiam rite inuigilantem rei domesticae  
decipiat, & prodigendo & suffurando perdat. Item si dominus aut herus ( quan-  
quam hac referri possint ad titulum de dato damno retinendo ) nimis sit rigidus  
colonis suis: aut si coloni otiosi deuorent substantiam domini, uel negligent agri-  
culturam, & luxu prodigant res. Ita peccat seruus in hoc praeeptum, si non om-  
nibus modis omnes res heri sui curet & prouehat fidelissimè. Pari modo & in suis  
officijs peccant ancillae contra dominas. Certè Apostolus Paulus ad hoc manda-  
tum respiciens praecipit Tito & ait, Seruos hortare ut suis dominis pareant, in om-  
nibus illis placeant, nec sint responsatores, aut suffurantes, sed fidem omnem praes-  
tent optimam, ut doctrinam seruatoris nostri Dei ornent in omnibus. Paria incul-  
cat idem Apostolus ad Ephes. 6. Colos. 3. 1. Tim. 6. Hic enim locum habet doctrina  
de officijs dominorum & seruorum ( quod uidelicet attinet rem familiarem ) & si  
quid aliud est huius generis.

Huc pertinent Rapina & Fraus, quarum utraque latissimè patet. Fraus immensè  
est: nam iniquitas hominum abyssus est, artes hominum multiplices ac uariae sunt,  
quas nemo facile enumerauerit omnes. Et Rapina uim habet non semper arma-  
tam, sed & ingenio & lingua instructam: nec agunt in syluis duntaxat & campis  
raptores, sed in medijs quoque urbibus. Eripis res suas proximo tuo, titulo aut sub  
specie iuris, nempe dum eloquentia, muneribus, aut alijs artibus extorques a po-  
iudices sententiam pro tua iniquitate, rapuisti. Sunt qui donationis titulo in-  
gras hereditates iustis praeripiunt heredibus. Haec & similes artes uel imposturae,  
partim sub rapinam, partim sub fraudes, omnes autem sub furtum ueniunt.

Alea quamuis habeat consensum mutuum ludentium, quia tamen quisque al-  
teri suas res eripere ardet, diuisoremque fortunarum caecam fortunam, id est, cal-  
aut chartas lusorias constituit, meritò alea damnatur à theologis. Et Iustinianus  
Imperator, uti extat Cod. lib. 3. tit. ultimo, commodis subiectorum prospiciens, de-  
creuit ut nulli liceat in publicis uel priuatis domibus ludere: quamuis enim alea  
rum lusus antiqua res sit, prodixisse tamen in lachrymas: multos enim perdere om-  
nem substantiam propriam, tandem & in blasphemias in Deum prorumpere. Na-  
li loqui nemo ignorat ingenij & corporis exercitia, à ueneno lucri aliena, neque im-  
plicita damno proximi & proprio, non esse illicita.

Vsura est cum alteri concedis usum tui peculij, utpote agri, uel domus, uel  
pecuniae, uel alterius alicuius rei, unde in annum percipis fructum aliquem. Ha-

bes enim uillam, prædium, agros, prata, pascua, uineas, ædes, pecunias, quas elocas alteri, sub certa pactione fœnoris ad te redeuntis. Hic contractus, hæc pactio per se non est illicita aut scripturis sanctis damnata. Et Usuræ uocabulum inhonestum non est, abusus reddidit inhonestum, ut non immeritò hodie omnibus sit abominandum. Damnatur enim usura in scripturis, quatenus coniungitur cum iniquitate & pernitiæ proximi. Quis enim prohibeat elocare usum agri, domus, pecuniæ, & inde æquum aliquem fructum percipere: Emptio enim, locatio, & similes contractus liciti sunt. Et ut dantis est benefacere: ita accipientis est beneficium non gratis usurpare in dantis detrimentum. Beneficij meri alia est consideratio. De ea legis Lucæ sexto capite, Si mutuum dederitis his, à quibus speratis, &c. Et Iuris periti de his ita constituunt, non esse usuram, quando pacto de retro uendendo creditæ pecuniæ apponitur aliqua pensio extra sortem danda à debitore: quia mutuum esse desinit, quod ita alterius usui subijcitur, ut debitore nolente, non liceat creditori illud repetere, donec ipse pensionem, ad quam se debitor astrinxit, soluat. Nam tale creditum transit in contractum emptionis. Dicunt ergo Usuram in solo mutuo (quod debet esse gratuitum) committi, non in reliquis contractibus. Sit in hisce commercijs utriusque præfixa regula, Quod tibi uelis fieri, alteri feceris: & quod tibi nolis fieri, alteri ne feceris. Et illa Apostoli, Nemo circumueniat in negotio fratrem suum. Scio quid adferatur de pecuniâ, hanc non ita ut agros & uineas manere, sed usu consumi, ergo nullo iure posse ullum à pecunijs fructum percipi. Sed si quis alteri det pecuniâ, qui prædium aut uillam, agros aut uineas ea pecuniâ sibi comparet, negotietur denique & lucretur, non uideo cur uir bonus non fructum æquum de pecuniâ elocata ueluti ex fundo accipere possit. Potuisset qui elocauit pecuniâ, emere prædium, ex quo totus ad ipsum ementem redisset fructus: iam uerò alteri concedit pecuniæ usum ad luculentam istius utilitatem. Parat is sibi accepta mutuo aut per contractum data pecuniâ peculium, ex cuius prouentu totam suam alit familiam, portionem interim condictam ei pendit, à quo accepit pecuniâ, quam cum restituit integram, ius proprietatis redemit, ac se à pensione annua liberauit. In hac pactione nemo opinor dixerit usura opprimi pauperem, cum ipsa res potius clamet, pauperem usura tali iuuari. Usura ergo prohibetur in uerbo domini quatenus mordet (ut scripturæ uerbo utar) proximum, quatenus ei nocet & ipsum perdit. Sic enim dicit dominus in Leuitico, Si ad inopiam fuerit redactus frater tuus, nuda ueritque manus eius tecum (id est, si facultas eius apud te deficere incœperit) siue aduena fuerit, siue inquilinus, corrobora eum ut tecum uiuat. Ne acceperis ab eo fœnus, neque plus æquo: sed time dominum ut tecum uiuere possit frater tuus. Ne des illi pecuniâ tuam ad fœnus, neque des illi alimentum tuum ad nimum siue excessum, siue superabundantiam. Ego dominus Deus uester. Improbatur ergo dominus omnes auarorum & impostorum artes, quibus non tantum modum excedunt in fœnore exigendo, sed in hunc maximè finem pecunias & res suas elocant alijs, ut hac ueluti occasione rebus suis omnibus exuant. Artes usurariorum iniquissimas nemo opinor paucis exposuerit, cum in diem exoriantur nouæ. Recitabo ergo hic domini iudicium contra usurariorum aliquot in mutuando, locando, diuendendoque scelestissimas artes atque sordes, ut quisque deinde similiter iudicet de similibus. Ita loquitur propheta Amos capite 8. Audite istud uos qui anhelis absorbetis pauperes, & afflictos è terra exterminatis, dicentes, Post mensum uenum exponemus annonam, & exacta hebdomade aperiemus frumentum, epha diminuemus, siclo autem addemus, & bilancem dolo deprauabimus, ut com-



DE PRAECEPTO DECALOGI VIII.

paremus nobis tenues argento, & inopem pro pari calceamentorum, deinde & quisquilias frumento distrahemus. Iurauit Dominus per excellentiam ipsius Iacob, Non perpetuo obliuioni tradam omnia opera eorum. An non huius rei gratia terra contremiscat, an non omnis inhabitans eam lugeat? Quin uniuersa ea uelut fluius intumescet, &c.

*Contra usurarios.*

Proinde ne ira Dei in regna & respublicas propter iniquas usuras & perditos perditosque usurarios deficiat, sancti magistratus erit coercere usurarios aequis legibus, constituereque pro temporum & locorum, personarum & rerum qualitate, quod aequum, iustum & sanctum fuerit, ne in mutando, elocando, emendo & uendendo usurarii miserum opprimant populum, sed aequitas & iustitia seruetur in omnibus. Habet huius sui officij elegans exemplum magistratus in Nehemia coercente auaritiam, crudelitatem, & summam iniustitiam usurariorum & oppressorum miseræ plebeculae Israeliticæ. Extat fuscè descriptum in historia Nehemiae cap. 5. Iniquis ergo & iniustis negotiatoribus & usurariis eorumque auaritiæ nolo his patrocinari; sed dico illos uictitare sanguine & ex uisceribus ciuium; & certè damnandos fore, nisi poeniteat eos sceleris. Obijcio illis hoc ueluti naturæ decretum, Quod tibi nolis fieri, alteri ne feceris. Veniebant & publicani ad Ioannem ut baptizarentur ab ipso, & dicebant, Magister quid faciemus? At ille dixit eis, Nihil amplius quàm quod constitutum est uobis exigatis. Publicani uictitabant ex publicis illis uectigalibus, quæ redemerant certa & presenti pecunia à Romanis. Publicanos autem hos non iubebat relinquere negotiationem, sed constituto pretio esse contentos. Ita usurariis et negotiatoribus omnibus idem inculco, Nihil amplius quàm quod constitutum est uobis exigatis. Quod si certa constitutione aut ordinatione magistratus caretis, age ualeat apud uos aequitas, humanitas & charitas, ualeat lex communis, Omnia quaecumque uolueritis ut faciant uobis homines, sic & uos facite illis. Si oculus tuus simplex fuerit, ait dominus, totum corpus lucidum erit: quod si lumen quod est in te, tenebrae fuerint, ipsae tenebrae quantae?

*Math. 6.*

*Sacrilegium.*

Sacrilegium direptio est rerum sacrarum, Deo inquam dicatarum. Habet enim Ecclesia Dei opes uel facultates sacras, quibus partim doctrinam synceram seu ministerium Ecclesiae sanctum, partim pauperes Ecclesiae fideles sustinet. Habet item opes ad facta testatur templi ædiumque sacerdotalium, & xenodochiorum aut hospitalium: denique ad subuentionem communem in publicis & grauibz calamitatibus. Sacrilegi ergo sunt, qui facultates Ecclesiasticas à legitimo & sacro usu ad profanum & impium transferunt, illasque prodigunt uenationibus, pompis, perstitutionibus, scortatione, alea, poculis & luxu. Quibus rebus hodie grauius peccatur cum ab episcopis tum magistratibus. Nec est quod abusus illi sceleratissimus, aliud consequatur quàm ingens aliquod infortunium, nec una aliqua aut modica calamitas. Nam ut in pauperibus ipse Dei filius Christus dominus noster spoliatur atque defraudatur: ita interit doctrina pietatis, pereunt studia honesta, ac destituuntur oues Christi bonis & fidelibus pastoribus, fiuntque præda lupis & latronibus. Cæterum inter sacrilegos minime recensendi sunt proceres & antistites sancti religionis, quales fuerunt aliquot reges Iuda, & in primis Ezechias, ac aliquot ueteris Ecclesiae episcopi uel pastores, qui grauibz bellis atterentibus respublicas uel regna, aut fame, uel alia calamitate publica premente, imò & conscientie miseros mortales, thesauris illis sacris minime pepercerunt, sed euacuatis scrinijs subuenerunt sacra pecunia oppressis. Fuissent autem enormes sacrilegi, si inanimatis uasis pepercissent, animata autem ab interitu non uindicassent. Elegans est hac

hac de re locus apud D. Ambrosium Officiorum lib. 2. cap. 28. Sunt & exempla egregia in Ecclesiastica historia. Inter sacrilegos commemorantur à theologis & Simoniaci, Chanangi inquam, id est, mercatores rerum diuinarum & Ecclesiasticarum. Talis enim refertur fuisse horum patriarcha Simon Magus in Actis apostolorum. In iure ciuili qui ambitiose suffragia hominis clancularijs largitionibus emunt, ut ipsis publica munera & dignitates conferantur, incidunt in crimen ambitus, & centum aureis cum infamia puniebantur quondam. Sed quia hæc nihil ad sacrilegium, redimus in uiam. Sacrilegi sunt, quicunque bona Ecclesiæ debita, decimas scilicet & census, uel non soluunt, uel malignè soluunt. Extant minæ atroces prophetarum contra sacrilegos. Haggæus testatur non aliam esse causam quare fruges malè uel parèe proueniant, quàm quòd populus non solueret quæ debebat templo. Apud Malachiam fertilitatè promittit populo, si liberaliter soluat tributa & uestigalia ecclesiastica. Possunt autem ministri Ecclesiarum ipsi uestigalibus uti iure optimo, perinde ut alij utuntur prouentu agri à se culti. Id quod testatur Dominus Numeri 18. cui succinit Apostolus 1. Cor. 9. Sed & ipse dominus Iesus de stipendio suo eleemosynas pauperibus distribuebat, uti uidere est apud Ioannem in cap. 13. Sacrilegium committit & mendici, nomine Christi abutentes, & egestatem prætexentes ignauia. Præcipit Timotheo Apostolus, ne ignauos huiusmodi hypocritas recipiat in curam Ecclesiæ. Sacrilegium uerò omnium maximum est, si quis gloriam Dei transferat ad creaturas.

Simonia.

Ambitus.

Peculatus furti genus est quod committitur in opibus publicis, aut pertinentibus ad principem. Parit hoc nouas subinde exactiões, ut maior sit occasio atque copia expilandi improbis magnatibus. Propter hos fortè dixit Cato Romanus, Priuati fures in neruo & compede uitam agunt, publici uerò in auro & purpura. Peculatores sunt præterea omnes, qui tributa & uestigalia magistratui debita uel non pendunt uel pendunt malignè. Peculatores sunt omnes, quotquot abutuntur opibus publicis.

Peculatus.

Plagiarij sunt, qui quos liberos norunt uendunt, aut seruos alienos furto abducunt: genus furti appellant plagium. In hunc censum ueniunt qui seditione, persuasione, doctrinaque seditiola mancipia siue seruos & ancillas abstrahunt ab obedientia dominorū, liberos à reuerentia & obseruantia parentum. Cumque imperatores mercenariæ militiæ inuitis parentibus cohortes militum, promissionibus dementatos & artibus irretitos, abducant, qui nunquā ad parentes redeunt, sed in bello pereunt, aliquem certè inter plagiarios locum habent. Quondam fuit capitale plagium, sicuti claret ex 21. cap. Exodi, & lege Constantini, quæ habetur Cod. lib. 9. titulo 20.

Plagium.

Abigei sunt qui & abactores dicuntur, ac iumenta aliena abducunt. Quibus annumerantur qui mutuò acceptis abutuntur iumentis: qui item periclitantibus, cum possent, non subueniunt. Nam dominus in lege errantia reducere iussit, & suo restituere Domino.

Abigei.

Hæc hæcenus fratres dixi de uarijs furti speciebus, & iuste acquirendis opibus, adde & de rerum proprietate.

De legitimo usu facultatum terrenarum: hoc est, quomodo rectè possideamus & iuste dispensemus opes iuste acquisitas: ubi & de Restitutione & Beneficentia, differtur.



**E**XPOSITIO C.V. sermone proximo, quomodo iuste parentur opes, & quae sint species furti modique inique consequendi facultates varij: superest iam ut adisciam & doceam quis sit verus usus opum iuste acquisitarum, quomodo legitime & iuste illas & possideamus, & dispensemus, uel usurpamus. Iustitia enim non modo non fraudat neminem, sed quantum in ipsa est, omnibus benefacere satagit. Neque enim satis fuerit homini pio nemini nocere, nisi bene faciat etiam quibus potest. Atque hic peccatur a pluribus, existimantibus se suo functos officio si laedant neminem, si sua quiete possideant, nulla interim cura habita quibus prosint ac benefaciant. At peccat coram domino non minus qui iusti partis opibus non recte utitur, quam qui facultates sibi parat iniquitate & malis artibus. Dicam ergo, quantum dederit gratiae dominus, quomodo prius sancte opes suas possideant & dispensent.

*Ne quid alieni possideat.*

In primis ut salutaris esse possit usus opum terrenarum, diligenter dispiciunt sancti ne quid supersit in facultatibus alieni, hoc est, diligenter separant iusta ab iniustis, ac restituunt fideliter si quid deprehenderint in rebus suis iure ad alios pertinens. Credunt enim hac ratione relictas opes, etsi per restitutionem diminutas, & feliciores magisque diuturnas, & fecundiores futuras.

*Restitutio necessaria.*

Præcepta autem & omnino necessaria est Restitutio. Dominus enim in lege illam varijs modis & diligenter mandat, uti uidere licet Exodi 22. Quoties uero æquum & sanctum Dei mandatum per auaritiam & iniquitatem hominum facit neglectum, excitauit dominus grandia mala contra contemtores, ac iniustas opes dissipauit bello, aut infortunijs calamitatibusue varijs. Clamat enim Isaias, & dicit, Dominus ueniet ad iudicandum senatores & magnates populi sui. Vos enim incendistis uineam meam: & spoliū pauperis est in domibus uestris. Amos in 3. cap. clamans ait, Congerunt thesauros in palatijs suis per uolentiam & uastationē suae rapinam. Propterea sic dicit dominus Deus, Angustiae inuadent te undique in terra: & hostis auferet a te robur seu facultates tuas, & diripientur palatia tua. Legimus ergo in euangelio Zachæum sua sponte quadruplicem, id est, plenariam siue absolutam promississe restitutionem, ac præstitisse haud dubie. Intelligebat enim ex spiritus sancti instinctu restitutionem in primis esse necessariam, neque felicem se futurum, nisi facta restitutione integra. Recte ergo iudicauit S. Aurelius August. epist. 54. ad Macedonium scribens, Si res aliena, cum reddi possit, non redditur, non agitur poenitentia, sed fingitur: si autem ueraciter agitur, non remittetur peccatum, nisi restituatur ablatum, sed ut dixi, cum restitui potest.

*Quando facienda restitutio.*

Quando uero facienda sit restitutio, docet exemplum Zachæi, qui quam primum receptus esset in gratia Christi, ac intellexisset ueritatis & iustitiae negotium, promittit restitutionem, ac præstat eandem euestigio. Proinde restitutio non est procrastinanda. Non est quod quis peccatum conduplicet. Cui enim facultas suas tua eripuisti arte dolosa, aut uolentia praua, ille his quidem suis cum iactura diu nimis caruit hactenus, ut nihil sit necesse procrastinatione tua augere incommoditatem & detrimentum.

*Cui fiat restitutio.*

Si roges, Cui nam fiat restitutio? Respondeo ei cui abstulisti, si quidem scias cui abstuleris, aut quem defraudaueris. At eo modo, ais, me ipsum reddam infamem. Id non timeo. Verum si inuenisti uiam auferendi, cogita de commoda uia restituendi, per quam non incurras infamiam. Ora præterea dominum ut rationes certas & commodas tibi sufficiat. Si serio de restitutione uera cogitas, inuenies haud dubie uiam minime dedecorosa. Si non agis serio coram domino, mille occurrent excusationes, quarum tamen nulla tranquillam efficiet tuam conscientiam.

Neque

Neque uerò Deus irridetur. Nescio, inquis, cui abstulerim, ignoro ergò cui restituā. Si serìo nescis cui abstuleris, habes pauperes uel egenos, quibus largiaris. His iniustæ opes, non superstitioni aut superstitionum ministris, erogandæ sunt.

Tantum uerò restituat quisque quantum surripuit aut quantum restituere potest. Multi enim prodegerunt aliena ut restituere nihil possint. Agnoscāt interim peccatū, & poeniteat eos ex animo. Et si aliquando assequuntur opes, de suis sint tanto liberaliores quanto profusiores fuerunt in alienis. Si uerò omnia tua, quæ iam possides, aliena, & furto aut rapinis parta sunt, ut si iustam facias restitutionē nihil retineas prorsus, ac mendicandum sit protinus, profectò miser es & infelix nimium, infans uerò & furiosus, si pergas superbire in alienis, si libidinem tuam expleueris in uisceribus & sanguine atque sudore pauperum. Cur non potius deisticte ad pauperes, ac iniuste acquisitis ita uteris ut eleemosyna utuntur egenis? Nam uiuis ex his quæ pauperum sunt. Depone ergo fastum, depone luxum. Cogita diligenter quis sis & unde uiuas. Interea conandum est perpetuò ut fiat restitutio, quatenus licet, ac semper dolendum si ad plenū fieri non potest. Si non graue sit tibi pauperiem experiri ad tempus, laborare, aut honestū aliquod negotium fideliter exercere, atque ad eadē instituere ac ueluti manu ducere liberos tuos, non deerit unde uiuas, tametsi restituas aliena omnia. Verum modica adeoque nulla est fides in multis hominibus, inde est, quòd pauculis aut nullis persuadeatur uera restitutio, His & illud (priusquā transeam ad alia) adijciam, illos in primis de restitutione cogitare debere, qui pestilentibus colloquijs corruerunt mentes simpliciū, qui obrectationibus læserunt famam alienā, qui itē peruersis cōsilijs potentiores concitarūt in imbelles. Hæc enim terrenas facultates multis modis superant. Hæc dixi hactenus de Restitutione, de qua prolixas disputationes reliquerūt alij. Ego autem uideo animo pio restitutionis negotium esse breue & expositum. Nam cupit ex animo obedire diuinis legibus, ideoque diuino auxilio inuocato, facile uiam inuenit faciendæ iustitiæ. Qui autem uideri magis iusti, quàm esse, cupiunt, atque hunc mundum, magis quàm decet, diligunt, inexplicabile reddunt suis quæstionibus & casibus negotium restitutionis. Nihil ergo his amplius respondebimus, quàm ut suam ipsorum conscientiam propriam interrogent quid ipsa eos iubeat. Conscientiam autem uolo hac generali lege imbutam, Quod tibi uelis fieri, feceris alteri: & quod nolis tibi fieri, alteri ne feceris.

Post hæc iam liberius differemus de iuste possidendis, usurpandis, uel dispensandis iustis facultatibus terrenis. Principiò nihil omnino fiduciæ in istis cuiquam est collocandum, utpote in rebus fluxis & perituris: non acquiescendum in eis, nec admirandæ sunt, curandumque modis omnibus ne in idololatriam nos impellant, neue cursum impediunt cœptum. Ad cœlos tendimus. Audienda est hic rursum omnibus nobis uox diuina & cœlestis edita per Dauidem dicentem, Collocate spem in Deum omni tempore, effundite ante conspectum eius cor uestrū, Deus refugium nobis. Reuera filij hominum uani sunt, mendaces filij uiri, si simul ponantur in bilance, ipsa uanitate leuiore erunt. Ne collocetis spem in iniuriā & rapina: nolite uos dedere uanitati: opes si affluunt, nolite cor apponere. Eodem spiritu imbutus Apostolus Paulus, iubet nos mundo & rebus mandanis ita uti quasi non utamur. Idem appellat auaritiā idololatriam: & diuitibus mandat ne spem ponant in diuitijs incertis, sed in Deo uiuente, qui suppeditat omnibus uiuentibus quantum necesse est. Ergo & dominus in Euangelio uetat thesauros recondere in terra. Rursus nō iubemur ab apostolis nostra prodigere luxuriose. Nam opibus a domino concessis minime abutendum est ad luxum & superbiam. Multi uerò

Quantū quisque restituat.

Consilium.

Copiose disputationes de Restitutione.

Nō acquiescendum in opibus, non diligendæ opes.

psal. 62.

prohibetur profusio.



DE PRÆCEPTO DECALOGI VIII.

luxuriose res suas profundunt alea, sumptuosis ædificiis, peregrinis aut exoticis uestibus, poculis & exquisitis cibis. Horum finem & interitum uenustè, sed non sine horrore audientium proponit dominus in parabola diuitis illius epulonis, qui post mensam lautissimam & mollissimas uestes in alio seculo apud inferos inedicibili siti torquetur & flammis perpetuis torretur. Rectè itaq; piè & moderatè bona illa temporalia sunt usurpanda.

*Facultates dona sunt dei, pro quibus agenda gratie.*

*Deut. 8.*

Agnosendum quicq; bona illa terrestria, dona esse benigni patris nostri coelestis, non nostro merito aut nostris utribus parata. Nam ex Dei liberalitate habemus quæ ad uitam sustentandam nobis sunt necessaria. Fortunat seu benedicit laboribus nostris dominus. Deniq; bona sunt dona Dei, non mala: ac dat illa mundo ad uitam, non ad interitum; nostra culpa conuertuntur multis sæpe in laqueum. Præterea requirit ipse dominus in uerbo suo ut grati simus Deo pro datis muneribus, ut his utamur cum gratiarum actione, laudantes in omnibus nomen Domini, atq; exulemus in ipso. Sic enim præcipit Moses famulus Dei in Deuteronomio. Dominus Deus tuus dabit tibi terram præstantissimam, in qua nulla re indigebis. Cum ergo comederis & satur factus fueris, age gratias domino Deo tuo in terra illa bona, quam dedit tibi. Caue ne fortè obliuiscaris domini Dei tui, & non custodias præcepta, iudicia & ritus eius, quæ ego præcipio tibi hodie: ne fortè comedas & satur factus, domos pulchras extruas & inhabites: armenta tua & greges tui auget tibi, aurum & argentum multum sit tibi, & quicquid deniq; habes augetur & hinc eleuetur cor tuum, & obliuiscaris Domini Dei tui, qui eduxit te de terra Aegypti, de domo seruitutis. Ne dixeris in corde tuo, Virtus mea & robur manus meæ parauit mihi hanc opulentiam. Memineris domini Dei tui, quia ipse est qui dat tibi uirtutem, ut opes tibi pares, &c. Sed & Paulus Apostolus omnes creaturas Dei bonas esse dicit, ad bonum & conseruationem hominum cõditas, hæc iubet usurpare cum timore Dei & gratiarum actione. Et iterum, Siue, inquit, editis siue bibitis, siue quid facitis, omnia in gloriam Dei facite. Itè, Sint mores uestri alieni ab auaritia, contenti his quæ ad sunt. Siquidem ipse dixit, Non te desero neque derelinquo, ut fidentes dicamus, Dominus mihi auxiliator, non timebo quid faciat mihi homo.

*Facultates seruam necessitati.*

Seruiant autem facultates terrenæ necessitati nostræ. Necessitas postulat habitationem commodam, uictum quantum satis est, uestitumq; decentem, ac ut honestè possimus uersari inter homines nostros & aequales. Id quisq; de sua ipsius persona primùm, deinde & de familia eius intelligat. Nam patrisfamilias prospiciendum est, ne quid, quod ad necessitatem pertinet, desit familiæ. Extant manifestè de hac re scripturæ testimonia, Pauli in primis 1. Tim. 5. cap. Et necessitas comprehendit omnia, quibus indiget corpus aut uita hominis, deniq; quæ honestas aut decorum cuiusq; requirit augmētatur. Et hæcenus quidem & in hunc finem aliquid recondere licet in futurum. Pluribus opus est ei qui numerosam alit familiam, quam qui familiam habet paruam. Et alia decent eum qui publicam gerit personam, alia qui priuatus est. Cogitet autem quisq; hic quid necessitas poscat, quid luxur & libido suggerat. Cogitet quisq; quid se deceat, uel dedeceat.

*Necessitas non excludit uoluptatem concessam.*

Et necessitatem quidem in præsentem non tam arctè constringimus, ut omnem uoluptatē aut moderatam copiam tanquam libidinem & luxuriam damnemus. Scio enim diuinitus concessum esse homini, non modò necessitatis usum, earum inquam rerum usum, quibus homines carere non possumus, sed etiam uoluptatem moderatam, quæ delectat homines. Nemo ergo sibi in suaui sed iusto rerum terrenarum usu faciat conscientiam, quasi ea iucunditate qua fruitur peccet contra Dominum

Dominum. Hic enim hilaritatem, gaudia & iucundum rerum usum, modò nihil contra decorum aut ingrati & iniquè fiat, nusquam prohibuit. Ieremias enim propheta alludens ad promissiones legis diuinæ contentas Leuit. 26. & Deut. 28. sic dicit, Venient & iubilabunt in Zion, & affluent bonitate Domini, in frumento, in musto, in oleo, & in foetibus gregum & armentorum, eritq; anima ipsorum similis horto irriguo, nec ultra dolebunt. Tunc lætabitur uirgo in choro, iuuenes & senes pariter. Conuertam enim luctum eorum in gaudiū: & consolabor eos & exhilarabo ipsos. Inebriabo etiam animam sacerdotū pinguedine, & populus meus bonis saturabitur, dicit Dominus. Ierem. 31. Legimus enim & in historia sacra 3. Regum 4. capite. Sub Solomone crescebant & erant multi in Iuda & Izraele sicut arena maris, comedentes, bibentes & lætantes. Ita legimus 8. cap. eiusdem libri, Et fecit Solomon solennitatem omnisq; Izrael cum eo, coetus magnus qui confluxerat ex omni populo ab Hemath usq; ad torrentem Ægypti coram Domino septenis diebus, id est, quatuordecim diebus. Postea dimisit populum, ipsiq; gratulantes regi abierunt in tentoria sua, lætantes & hilari corde, propter uniuersa beneficia quæ contulerat Dominus Dauidi & uniuerso populo Izraelis. Congruunt cum his quæ apud Nehemiam in cap. 8. sic leguntur: Dixit autem Esdras cum Leuitis ad uniuersum populum qui tristis erat, Dies hodiernus sanctus est Domino Deo uestro: ne ergo luctu uosipsos conficiatis. Ite & comedite pingua, & bibite dulcia, & mittite partes his qui non habent, &c. Et Dominus quidem nõ requirit ab hominibus ne uoluptatibus, quibus nos ex gratia perfundit, permoueantur, tanquã stipites, trunci, & saxa. Nam sensum boni & mali, amari & dulcis indidit nobis omnibus. Idem pro æterna sua bonitate & sapientia rebus quoque conditis indidit natuam quandam elegantiã, & eas ita ornauit delectabilesq; fecit, ut desideremus illas, imò uim ipsis inseuit demulcendi nos. Dauid enim dicit, Et uinum (prouenire facit) quod exhilarat cor hominis, & oleum quod nitidam reddat faciem, & panem qui cordi uires subministrat. Arboresq; succo abundant, in quibus aues nidificant & cantillant, &c. Sed & Iacob patriarcha dicitur bibisse ad ebrietatem: & de Ioseph ac fratribus eius dicit scriptura, Et bibentes cum eo, uino inebriati sunt. Id quod nemo intelliget de ebrietate luxuriosa, quam ubiq; condemnat scriptura sancta, sed de iucunda quadam expletione, quodq; saturi iucundè sint exhilarati. Insana enim illa ebrietas perdit omnem sensum, nec uerè hilares & iucundos reddit, sed morosos, difficiles, turbatos, turpes, apros & porcos. Simili genere dicendi usus beatus Haggæus, dicit, Diligenter perpendite uias uestras, seminatís multum, & metitis atq; infertis in horrea parum: comeditis, sed non ad satietatem: bibitis, sed non ad inebriationem: id est, non ad iucundam expletionem, ut saturi hilaresq; nihil amplius desideretis, atq; idcirco gratias agatis Domino benefactori. Hæc aliquanto copiosius declaro propter Anabaptistas & Stoicos quosdam stupidos nouosq; hypocritas, monachos Carthusianos, qui ut ex hominibus truncos facere conantur, ita etiam concessam uoluptatem damnant clamoribus tragicissimis. Abutuntur ad hoc institutum suum colorandum, & hominibus cõmendandum, pluribus scripturæ locis, Væ uobis qui saturi estis nunc, qui ridetis nunc, esurietis & flebitis aliquando. Hæc aut & similia scripturæ uerba prolata sunt diuinitus contra impios, contra ingratos & beneficijs Dei abutentes. Adijcimus ergo his quæ hactenus protulimus, diligēter pijs inuigilandū esse, ne libidini laxent fræna, & ne quid nimis. Mediocritas hic quoq; ut alibi probat. Deinde seruiant opes seu facultates terrenæ honori & humanitati. Honorem enim & humanitatem debemus cognatis, affinibus, amicis, notis, indigenis & peregrinis.

R

Ebrii san. fit  
quomodo.

Haggæ: 1.

Seruiant opes  
honori & hu-  
manitati.



Hospitalitas  
patrum.

Genes. 18.

nis. Non enim nostris duntaxat, sed & alienis benefacere atq; hospitales erga peregrinos esse debemus, quatenus uidelicet permiserit nostra facultas. Nam si uix suppetant opes alendæ propriæ familiæ, nulla Dei uel æqua lex præcipit te facultates tuas diuidere alienis. Satis fuerit tua cura providere, ne tui aliquando alij fiant onerosi. Ita qui nullis instructus est facultatibus, non cogitur expendere honoris & humanitatis causâ quod non habet. Satis fuerit, si hic forti animo miseram sortem suam ferat, caueatq; necubi propter inopiam peccet in iustitiâ & probitatem. Qui autem mediocres aut amplas diuitias consequuti sunt, humani & hospitales sint. Honorem & liberalitatem, non auaritiâ & sorditiem suis adhibeant consilijs. Inuenias enim facultatibus utcunq; quidem instructos, sed ita congerendis deditos diuitijs, ut ne teruncium quidem honoris & humanitatis gratia uel indigenis uel peregrinis expendant. Hi occultantur semper, saccis indormiunt, nusquam prodeunt, ne hospitalitatem aut humanitatem saltem per occasionem præstare cogantur alijs. Scriptura longè alia prædicat de sanctissimis & clarissimis patribus nostris. Lot sedebat in porta Sodomæ, ut hospites aliquot aucuparetur, quos domum abductos secum, humanissimè exciperet, ac omnigenis beneficij afficeret. Et si quos assequeretur, non officiosè, hoc est, fictè inuitabat, sed urgebat seriò modisq; omnibus. De patre nostro Abrahamo legis in Genesi, quod in ipso feruore diei sedens ad ostium sui tabernaculi, uiderit tres uiros peregrinè uenientes, quos ad primum protinus aspectum, licet ignoraret quinam essent, exceperit humanissimè. Non enim expectauit donec ipsi accedentes supplicesq; facti aliquid postularent, sed occurrit eis ab ostio tabernaculi, priorq; ipsos compellans, & honoris gratia proq; more gentis reuerenter se coram eis inclinans, amicitissimis uerbis ipsos inuitat, & ait, Quæso domine, si hanc à te gratiam impetrare possum, ne quæso prætereas seruum tuum. En dominum appellat uirum peregrinum & ignotum (quemadmodum & nobis Heluetijs in usu est excipere peregrinos, & dicere, Sind mir Gott wol kômen/lieben herren vnd gûten fründ) & quamuis esset in ea gente, in qua habitabat, heros celeberrimus & laudatissimus, sui tamen ueluti oblitus, ait, Ne quæso prætereas seruum tuum. Seruum se dicit esse peregrinorum. Addit & hoc, Afferatur quæso paxillum aquæ, & lauentur pedes uestri, recumbite sub arbore. Ego uerò afferam frustum panis, & reficite cor uestrum, deinde in instituto itinere pergite. Omnia ferè humanitatis officia comprehendit in hisce uerbis pauculis: Neque uerò uerbis his duntaxat magnificus & liberalis fuit Abraham: sed cùm impetrasset à peregrinis quod uerbis postulauit, festinauit Abraham in tabernaculum ad Saram, & dixit, Accelera, commisce tres modios farinæ purgatissimæ, & fac placentas. Addit & aliud scriptura, Abraham uerò accurrens ad armenta, & accepto uitulo pingui & bono, dedit puero: qui festinauit, & parauit eum. Butyrum quoq; tulit & lac, & uitulum quem parauerat, & apposuit eis: & comedentibus illis, ipse sub arbore apud eos stabat, id est, ipsis ministrabat. Admiranda profectò hæc sunt, & expendenda diligentius. Merito erat diues, munificus, liberalis & humanissimus hic Abraham, qui non ut diuitijs uti tam honestè & tanta cum laude. Nec ipse solus in familia sua liberalis erat, sed uxor & famuli eius omnes exercitatissimi, & maximè spontanei & benigni erant in hoc exercitio sancto. Protinus ergo parata sunt omnia. In parandis quoq; rebus summa adhibetur diligentia, habetur item delectus: neq; enim prima quæq; obuenientia recipiuntur, sed delectissima & optima eliguntur. Currat ipse heros in famulorum turba. Ipse delicias rusticas, superantes longè principum & regulorum omnes cupedias, infert hospitibus, butyrum scilicet & lac, quibus com-

iungit

jungit utriusque carnes probe saginatas & paratas. Neque his officiis & hac benevolentia contentus est, nisi edentibus quoque adster, id est, ministrum se mensæ præbeat. Ministrat, inquam, mensæ, qui habuit promissiones Dei eximias, qui est pater omnium credentium, qui est proavus Christi, qui erat confederatus Dei & regum potentissimorum, denique qui erat quasi princeps honoratissimus in illa terra: quique quatuor Orientis reges potentissimos uicerat bello, & reges captos cum captiuis suis reducerat. Hic, inquam, uir inclytus atque clarissimus, omnibus opulenti exemplum prætulit honoris impendendi peregrinis, humanitatis item & hospitalitatis erga omnes exercendæ. Accedit enim illis omnibus, quod conuiuium finito comitem se itineris coniungit peregrinis, & hos aliquouersus deducit. Pudeat ergo & piget tandem diuites iniquos suæ auaritiæ & sorditiei. Quid quæso uoluptatis capiunt ex suis diuitiis? cui quæso profunt? quem honorant? aut quem honorem, quamque laudem sibi parant apud homines? Quin relictis istis turpissimis nebulis, audiant potius, qui sapiunt, diuites, Apostolum dicentem, Hospitalitatis ne sitis immemores. Per hanc enim quidam inscientes exceperunt angelos hospitio. Ac reuera loquitur de Lot & Abrahamo. Neque dubium est, quin ipsos quoque angelos Dei adeoque ipsum Christum excipiamus hospitio, quotiescunque humanitatis hospitalitatisque officia exhibemus hominibus pijs & claris.

Postremo seruiant opes diuitum non tantum honoratis hominibus, sed maxime indigis & pauperibus. Repetenda enim hoc loco uenit saluberrima Pauli doctrina. Diuitibus præcipe, ut benefaciant, ut diuites sint operibus bonis, ut faciles sint ad impartendum, libenter comunicantes, recondentes sibi ipsis bonum fundamentum in posterum, ut accipiant uitam æternam. Cum doctrina Apostolica congrue prophetica per omnia. Isaias enim de Tyro, Negotiatio & merces eius sacro sanctæ erunt Domino: non reponetur negotiatio eius, nec recondetur, sed erit eorum qui habitant ante Dominum ad comedendum ad saturitatem, & ad operimentum senum. En docet & Isaias, quomodo thesaurum semper permanentem recondamus. Eadem leguntur & Matth. cap. 6. quæ superius recitata sunt. Reuocet hic quisque in memoriam & alias salutes Domini Dei sententias in scripturis propositas, quibus excitetur ad beneficentiam. Moses in lege dicit, Vide ne obfirmes cor tuum, neque contrahas manum tuam a fratre tuo paupere: sed liberaliter aperias illi manum tuam. Omnino dabis ei, & non sit peccatum tuum malignum cum das ei. Nam huius rei gratia Dominus Deus tuus locupletabit & fortunabit te in cunctis operibus tuis, & in cunctis ad quæ admoueris manum tuam. Quoniam nunquam ceciderunt pauperes in terra: proinde præcipio tibi, dicens, Liberaliter aperi manum tuam fratri tuo pauperi atque inopi in terra tua. Sic legimus in Psalmis, Vir bonus confert beneficia, & dat mutuum, suasque res obit exactissimo iudicio. Spargit dans pauperibus, iustitia eius manet in seculum seculi, cornu eius exaltabitur in gloria. Solomon quoque dicit, Beneficentia & fidelitas ne te destituant, liga eas ad colum tuum, & tabulis cordis tui inscribito. Assequeris gratiam, & bonam existimationem in oculis Dei & hominum. Item, Honora Dominum de tua substantia, & de primitiis omnium frugum tuarum da pauperibus: & implebuntur horrea tua saturitate, & uino redundabunt torcularia tua. Et iterum, Qui obturat aurem suam ad clamorem pauperis, clamabit & ipse, & non exaudietur. Cum his per omnia congruunt sententiæ Apostolicæ & euangelicæ, Omni poscenti abs te tribue. Item, Amen dico uobis, quatenus fecistis misericordiam cum his fratribus meis minimis, mihi fecistis. Id quod reuera insigne est, & animo cuiusque penitus recondendum. Sibi enim impensum reputat Dominus Iesus, quod impendis cuilibet pauperi:



se neglectum & praeiudicatum putat, si neglexeris praeterierisq; pauperem aliquem. Certa & indubitata sunt haec. Nam ipse Dominus et iudex asserit se ita in fine mundi, & in ultimo illo iudicio pronuntiaturum extremam sententiam, Venite beati patris mei, possidete regnum, &c. Esuriui enim, & dedistis mihi cibum: sitiui, & dedistis mihi potum. Et caetera quae leguntur Matthaei 25. cap. Huc pertinet & illa S. Ioannis Apostoli sententia, Qui habuerit substantiam mundi, & uiderit fratrem suum egentem, & clauerit uiscera sua ab eo, quomodo manet charitas Dei in eo? Vnde haud dubie accepere quod dixerunt ueteres, Si uideas interire pauperem fame, nec iuuisti, cum potueris, occidisti. Sciat itaque & persuadeat animo suo qui facultates habet, ante omnia benefaciendum esse indigis.

Quibus benefaciendum.

Gal. 6.

Benefaciat autem opulentus omnibus quibus benefacere potest. Dicit enim Dominus, Omni petenti da. Et Tobias, Noli faciem tuam auertere ab ullo paupere. Id si per tenuitatem non potes, benefac maxime illis, quos maxime pietati commendare, ac interim egere uideris. Paulus enim, Operemur bonum, ait, cum erga omnes, tum uero maxime erga domesticos fidei. Iuuemus ergo pupillos, orphanos, uiduas, senes, aegros, persecutione propter ueritatem pulsos, & calamitatibus afflictos oppressosq; Iuuemus studia bona & sancta, studiosos item & ueros Dei ministros paupertate laborantes. Iuuemus deniq; peregrinos, & quoscunque iuuare possumus.

Quomodo benefaciendum.

Quantum benefaciendum.

Iuuemus autem consilio, consolatione, auxilio, pecunijs, cibo, potu, hospitio, uestibus, commedatione, & in omnibus in quibus illos uidemus nostra opera indigere. De qua re dixi nonnihil Sermone 10. Decadis primae. Iuuemus ite prompte, animo propenso, hilariq; mente. Hilarem enim datorem requirit Deus. Etenim uemus quidem liberaliter. Tobias dicit, Quomodo potueris ita esto misericors, si multum tibi fuerit, abundanter tribue: si exiguum fuerit, etiam de eo libenter imparte. Ita benedicet Dominus tibi & tuis omnibus.

Dixi haec haecenus fratres, de legitimo usu bonorum terrenorum, ea recondita quisq; in animo, ac producat mox in opus sanctum: oret Dominum ut in uisum nos dirigat, ne propter peritura illa bona amittamus aeterna.

*De calamitatibus miserijsq; uarijs patienter perferendis: item de spe & multisq; agnitione fidelium consolatione.* SERMO III.

**N**ON inepte mihi uideor facturum, fratres honorandi, si dissertatione de cultatibus hominum, earumq; usu & abusu, subiungam modo disputatorem de calamitatibus uarijs, quibus genus humanum, donec in hisce uarijs uiuit, affligitur. Cum enim multi res temporales amittant, uel eas colligere non possunt, ideoq; paupertate & inopia rerum omnium premantur, utile sane, si necessarium fuerit pio cuilibet certam ex uerbo Dei rationem tenere calamitatis, & item consolationis in calamitatibus, ne absorptus nimis doloribus desperatio neq; irretitus, mat. cipium se dedat diabolo. Seruit autem ista tractatio uniuersalitate hominis. Neq; enim de una aliqua duntaxat calamitate, utpote paupertate aut rerum inopia, sed generaliter de omnibus dicam afflictionibus. Certè cum homo ad laborem aërumnasq; perinde ut auis ad uolandum, piscis ad natandum natus sit, nunquā erit uita hominis tranquilla & suauis, nisi certā teneat calamitatis rationem. Si uero hanc ex uerbo Dei decēptā aut petiā religioſe teneat, nō potest non suauis esse uita etiam cū uidetur alioqui esse amarissima. Affligitur quidem & premitur grauiter animus hominis calamitatibus, sed idem rursus cognitione calamitatis

calamitatum uera & consolatione sancta, desumpta ex uerbo Domini, ualidissime subleuatur.

Principio præstat ipsa genera seu species calamitatum potissimas oculis nostris propositas coram intueri. Innumerabilia quidem sunt mala, quæ miseros nos exercent, sed uulgatissima sunt pestis, morbi uarij & innumeri, ipsa denique mors & mortis metus, ipsa morte durior. Accedit his mors atq; sinistrum fatum præstantissimum, uel nobis charissimorum hominum, depredatio, oppressio, infortunia innumera, paupertas, inopia rerum omnium, desertio ab omnibus, infamia, exilium, persecutio, carcer, tormenta & supplicia, eaq; exquisita, horrenda, & uaria, cœlum tempestuosum, sterilitas, fames, gelu, pruina, grando, diluuium, terræ motus, absorptæ urbes, irastati agri, incēdia, ruinae, odia, factiones, simultates, proditiones, seditiones, bella, strages, captiuitates, insolentia & crudelitas hostium, tyrannia: item orbitas, uel afflictiones, curæ & miseria ex incommodis coniugibus, ex liberis uel miseris uel malitiosis, inobedientibus & ingratis, cura deniq; & sollicitudo fugis & uaria de rebus uarijs & misere excruciantibus nos. Verum ne uo quantumuis copioso recensuerit catalogo mala omnia, quibus obnoxium miserandum genus hominum in momenta exarumatur. Enascuntur in diem mala noua, incognita nostris maioribus. Et hæc quidem est fors nostra, qui nouis subinde peccatis noua meremur supplicia, cum alloqui sat imò nimium erat miseria rum atterentium hominem.

Genera seu species calamitatum.

His autem malis exercetur tam boni siue p̃i Dei cultores, quam impij Dei contemptores: imò affliguntur per omnem prope uitam sancti, prophani contra affliguntur delicijs & uoluptatibus: unde graues exoriantur apud pios tentationes & querelæ. Impij ex sua fortuna & uita uoluptuosa colligunt & cultum & mores ipsorum probari Deo, confirmanturq; in suis erroribus. Quid quod p̃i propter miseriam & uita perpeffas a pietate deficiunt ad impios, quod & illis uideatur horum sortem esse præstantiorem. Ac confert ista sigillatim cognoscere ex scripturis.

Affliguntur boni & mali calamitatibus.

Affligit pios æque atq; impios, claret mox ab exordio rerum in exemplo Abele & Caïn. Sicut enim ille ab hoc misere casus est & sublatuſ e terra propter syncretiorem Dei cultum: ita hic propter parricidium profugus, pauidus & trepidus in terra locum non habuit, in quo quiesceret. Calamitatibus multis & uarijs legatur oppressus fuisse Iacob Israel. Idem traditur in scripturis & de Aegyptijs Izraelitis persequentibus. Afflictus est Saul: afflictus est etiam Dauid. Grauiſſimam crucem cum discipulis suis sustinuit Dominus & saluator noster. Rursus horribili sed condigno excidio sublati sunt truculentissimi persequutores Christi & discipulorum. Infanda mala pertulit sancta Christi ecclesia, in decem illis cruentissimis Constantinensi magni imperium præcedentibus persequutionibus: sed commemorat Origenes illustris, diligens & fidelis historicus, meritas protinus poenas sumptis esse de persequutoribus, de quibus aliqua dicam suo loco. Vnde diuino & humano testimonio, adde & multiplici experientia comprobatur cernimus, tam pios quam impios calamitatibus affligi.

Imò affliguntur ferè optimi quicq; immunes a calamitatibus in tranquillitate, uoluptatibus & otio uiuant impij & pessimi. Adde quod persequutionem & infortunia sustinentibus bonis, exultant mali. Dominus enim in Euangelio dicit discipulis suis, Amen amen dico uobis, plorabitis & lamentabimini uos, mundus congaudebit uos autem moerore afficiemini. Cæterum quales in animis sanctorum tentationes ob hæc suas tribulationes exoriantur, & quid colligant ex felicitate impiorum non prorsus aliena Deo & ipsi etiā hostes Dei, passim in scripturis

Affliguntur p̃i, in uoluptatibus uiuunt impij.



Abac. 1.

Malach. 3.

Psal. 73.

Causse calamitatum.

Causse afflictionum in sanctis.  
Ioan. 9.

Ioan. 11.

Liberamur dei bonitate, nō nostro consilio.  
2. Cor. 4.

occurrit, in primis autem in admiranda illa disputatione Iobi & amicorum eius. Cōqueritur propheta celeberrimus Abacuk, & ait, Vsq̃uequod Domine clamabo, & non exaudies: uociferabor ad te uim patiens, & non asseris: Quare cogor uidere iniquitatem, prædā & iniustitiam contra me: Quare respicis contemptores, & taces conculcante in pio iustiorē se: Iustum impius circumuenit, & ideo iudicium puerum exit. Apud Malachiam uerō clamant hypocritæ, Frustra seruitur Deo; quæ enim utilitas, quod mandata eius obseruamus: & quod humilitati uel tristes coram Deo exercituum ambulamus: Nunc ergo beatos & felices iudicamus arrogantes & contumaces. Etenim impietatem patrans felicitē agunt & ædificantur, & qui Deum tentant, pergunt nec intereunt. Significantissime autem plenissimeq̃ ista omnia comprehendens diuinus propheta Asaph doctissime canit, Parum absuit quin nutauerint pedes mei, & ferē effusi fuissent gressus mei. Nam urebat me æmulatio propter stultos, cū prosperitatem impiorū uiderem. Neq̃ enim sunt illis nexus ad mortem: nullis inquam morbis diuexantur, quibus ueluti ad mortem pertrahuntur, quin pingues sunt & præualidi. Nulla eos, ut reliquos mortales, premit molestia: malorum, quibus alij homines afficiuntur, immunes sunt. Hinc fit ut superbia eos totos possideat, & ceu ueste inuoluantur uolentia. Præ pinguedine oculi eis turgent, in imaginationibus cordis sui pergunt, dum eis uidelicet pro uoto omnia succedunt. Protendunt os suum in cœlum, & lingua eorum orbem peruagatur. Quin & dicere audent, Quomodo cognosceret omnia Deus: estne cognitio apud altissimum: Sic inquam impij sunt isti, & tamē felices in hoc seculo, & multas assequuntur diuitias. Profecto frustra purum seruauit cor meum, frustra manus meas ablui in innocentia: plagasq̃ perfero quod die. Et cū ita mecum reputarem, parum absuit quin defecissem à generatione filiorum Dei.

Et cū hæc ita se habeant, cōsequens est ut diligentissime excutiamus causas calamitatum. Sic enim rectius de afflictionibus tum piorum tum impiorum iudicabimus. Causse malorum multe sunt ac uariæ: generalis tamen ipsum reputatur peccatum. Nam ex inobedientia intrauit peccatum in mundum, & per peccatum mors, adeoq̃ morbi & mala orbis omnia. Vanissimi sunt quicunq̃ hæc referunt ad constellationes nescio quas. Cæterum cupiditatibus & affectionibus corrupti cumulamur in diem mala malis. Accedit ad ea suggestor & incentor satanas. Adiuvant præterea homines pessimi & corruptissimi: uariæq̃ oboriuntur quotidie instrumenta tribulationum, quibus Deus sapientissimus & iustissimus omnes fore homines exerceri torqueriq̃ permittit.

Sed non eadem semper inueniuntur afflictionū causse in pijs Dei cultoribus, quæ in impijs Dei contemptoribus. Affliguntur sancti persape, ut per afflictionem suam Dei gloria innotescat. Videntes enim discipuli Domini cæcum illum euangelicum, qui fuerat à natiuitate cæcus, dicunt ad Dominum, Rabbi, quis peccauit, hic an parentes eius, ut cæcus nasceretur: Respondit Iesus, Neq̃ hic peccauit, neq̃ parentes eius, sed ut manifestentur opera Dei in illo. Ita cū Dominus audiret ægrotare Lazarū, Infirmitas hæc, inquit, non est ad mortem, sed pro gloria Dei, ut glorificetur filius Dei per eam. Quanquam si ad uiuū hanc rem reseceamus, nemo inueniatur in mūdo purus, ut si uole: obseruare iniquitates Dominus, semper inueniat in nobis quod puniat. Sicuti copiosissime exponitur in libro Iob.

Præterea affligi sinit sponsam suam ecclesiam sibi longē charissimā Dominus, in hoc, ut declararet diuinā potentia & ope, non cōsilio aut auxilio humano deinde seruari & liberari electos. Paulus enim, Habemus thesaurum hunc, inquit, in cæcitate

testaceis uasculis, ut uirtutis eminentia sit Dei, & non ex nobis, dum in omnibus premimur, & non anxij reddimur: laboramus, at non destituimur: persequutionem patimur, at non in ea deserimur: deijcimus, at non perimus: semper mortificationem domini Iesu in corpore circumferentes, ut & uita Iesu in corpore nostro manifestetur. Semper enim nos qui uiuimus, in mortem tradimur propter Iesum, ut & uita Iesu manifestetur in mortali carne nostra: Idem Apostolus, Vir-  
tus (inquit) in infirmitate perficitur.

Rursus sicut afflictiones sanctorum martyrum & fidelium Christi testimonia sunt doctrinae fidei, dicente in Euangelio saluatore, Tradent uos in concilia, & in conciliabulis suis uirgis caedēt uos: quin ad principes ac reges ducemini propter me, in testimonium ipsis & gentibus: Ita proponuntur nobis sancti attriti malis, exempla, ex quibus discamus uincere & calcare mundum, aspirare aut ad coelestia.

Denique cruce imposta suos probat dominus, atque purgat ceu aurum igni, multas mali occasiones amputat, ut ad maiorem uberioresque nos prouehat frugem.

Imitatur ea in re domini sapientia aurifabros, qui aurum igni imponunt, ut purgent, non ut perdant: item homines agricolas, qui segetem luxuriantem aliquando demetunt, & arbores non in alium finem putant, nisi ut uberiores proferant fructus. Ac caro quidem nostra pacatis & tranquillis rebus ferē segnis, iners, socors, & ad res honestas planē torpida est: acquiescit in rebus terrenis, dedicat se uoluptatibus, obliuiscitur Dei rerumque coelestium: talem uerō afflictionibus & persequutionibus excitari exerceri que non conducibile tantum, sed & pernecessarium est. Euenit hic electis quod ferro: quod si exerceamus, atteritur quidem non nihil uisus, quod si non usurpemus exerceamusue, plus arroditur rubigine. Verissime ergo dixit S. Petrus, Charissimi, ne miremini dum per ignem exploramini, quae

res ad experimentum uestri sit, perinde quasi nouum aliquid uobis obtingat: imō in hoc quod consortes estis afflictionum Christi, gaudete, ut in reuelatione quoque gloriae eiusdem gaudeatis exultantes.

Paulus enim ad Timotheum, Memento inquit, Iesum Christum resurrexisse a mortuis, ex semine Dauid, secundum euangelium meum, propter quod malis affligor quasi facinorosus usque ad uincula: omnia tamen suffero propter electos, ut & ipsi salutē consequantur, quae est in Christo Iesu cum gloria aeterna. Certus sermo, Nam si commortui sumus, & conuiuemus: si sufferimus, & conregnabimus: si negamus, & ille negabit nos. Nam idem

& ad Romanos scripsit, Quos praesciuit, eosdē & praefiniuit conformes imaginis filij sui, ut ipse sit primogenitus inter multos fratres. Et quos praedestinauit, eosdē & uocauit: & quos uocauit, eosdē & iustificauit: & quos iustificauit, eosdē & glorificabit.

Rursus in eadem epistola clamat idem Apostolus, Gloriamur etiam super afflictionibus, scientes quod afflictio patientiam pariat, patientia uerō probationem, probatio autem spem: spes autem non pudefacit, &c. Declarant hoc ipsum priuata sanctorum & publica Ecclesiae totius exempla. Abraham, Isaac & Iacob non ita fidele & praesens Dei auxilium sensissent, neque tam firma spe obfirmati fuissent, patientiaeque speciosissimos edidissent fructus, nisi multis fuissent exercitatio periculis & calamitatibus uelut oppressi.

Vnde & Dauid clamauit, Bonum est mihi domine quod humiliaueris me. Opprimitur Ecclesia Israelitica in Aegypto, sed ut maiore cum gloria liberetur & proficiscatur in terram promissam. Affligitur a Babyloijs & Assyrijs Ecclesia Iudaica, adeoque diruto templo, in captiuitatem abducuntur cum pessimis optimique. Verum pii in ipsa captiuitate misericordiam Dei auxilium sentiunt, adeoque puriores fiunt per afflictiones, ac innotescit nomen Domini per Assyrios, Chaldaeos, Medos & Persas quam latissime, & ma-

Afflictiones  
stimulae  
doctrinae.

Matth. 10.

Afflictionibus  
probamur.

1. Pet. 4.

2. Tim. 2.

Rom. 8.

Rom. 5.

Psal. 119.



xima quidem cum gloria, sicut copiose exponitur in historia Danielis, Hestis & Esdræ.

*Certa supplicia  
certis peccatis  
constituta.*

Huc pertinet, quod certa supplicia certis à domino peccatis constituantur, ut ferè per ea puniatur aliquis, per quæ peccando Dominum offendit. Peccarat contra Dominum parricidio & adulterio Dauid: punitur ergo ipse quoque domesticis probris, stupris, incestu, & parricidijs nequissimis, tandem & in exilium eicitur. Arrogantia & superbia peccauit Nabuchodonosor, ergo sibi ipsi abreptus & conuersus in bestialem furorem, inter bestias destinato tempore agebat. Nam ut suo tempore restituitur Nabuchodonosor regno suo: ita Dauid quoque misericordiam domini experitur. Firmum enim manet hoc uerbum domini, non soli Dauidi, sed cuilibet fidei, quod in sacris literis sic proditum legimus, Si filij eius legem meam deseruerint, & præcepta mea non custodierint, prauaricationes eorum uisitaabo, & iniquitates eorum flagellis: at bonitatem meam non auferam ab eis. Non prophanabo fœdus meum, & quod semel egressum est ex ore meo, nunquam mutabo. Ergo ad utilitatem nostram affligimur à domino, dicente in theologia sancta, edita per Ioannem Apostolum & Euangelistam, Ego quoscunque amo, arguo & castigo. Nam Solomon prior dixit, Castigationem domini caue auerferis, filium, ne fastidias aut molestè feras cum te corripit. Quem enim amat Dominus, oburgat & tanquam pater in filio delectatur.

*Persecutiones  
ecclesie peccata  
quoque causas  
habent.*

Proinde persecutiones & supplicia sæua Ecclesie Dei, uel singulis illata martyribus, ut ferè fuerunt illata propter confessionem & testimonium fidei uerbo- rumque euangelicæ: ita plerumque causas habuerunt delicta & peccata sanctorum, quæ in sanctis iustitia Dei uisitauit utique in bonum & incolumitatem sanctorum. Nam de famosa illa Imp. Diocletiani & Maximiani persecutione, quæ tot nobis martyrum celeberrimorum chiliades, imò & myriades dedit, hæc legimus apud Eusebium Cæsariensem, testem oculatum, non auritum duntaxat. Vbi ex multa libertate multaque indulgentia uitiati sunt mores & disciplina corrupta est, dum alter alteri inuidemus, & alter alteri derogamus, dumque nos inuicem mordemus & contumeliam facimus, & aduersus nos ipsos intestina prælia commouemus, dum simulatio in uultu, dolus in corde, fallacia profertur in uerbis, & malorum per singula cumulus inuicem mescit, aggreditur dominus sensim refranare lapsantes, & congregationibus adhuc manentibus, indulget eos tantum, qui in militia erant gentilium, persecutionem pulsari. Sed cum ne sic quidem populis ullus sensus redderetur, & in malis suis persisteret, atque ipsi etiam duces populi & principes diuini in memores mandati, aduersum se inuicem, contentionibus, zelo, liuore, superbia, inimicitijs atque odij inflammarentur, ita ut tyrannidem potius quam sacerdotium se tenere crederent, Christianæ synceritatis & puritatis oblitæ: tunc demum domus orationis & ecclesiæ Dei uiui ad solum usque deductæ sunt, diuinæ autem scripturæ in medio platearum igni crematæ sunt. Hæc uerbotim leguntur in 8. lib. Ecclesiæ hist. Eusebii.

*Peccata sanctorum  
qualia.*

Distinguo tamen hic inter peccata. Peccant enim sancti, sed abstinere interius à sceleribus, licet in hæc quoque nonnunquam ruant, ut claret in exemplo Dauidis. Fugiunt tamen ferè furta, parricida, stupra, & alia his similia morte expianda piacula. Ac dum supplicijs afficiuntur à tyrannis sancti, non propter iustitiam religionem ueram neglectam supplicijs afficiuntur, sed propter spretam superstitionem & ueræ religionis studium pertinacissimum. Condonat ergo & ablati Christi sanguine peccata sanctorum martyrum dominus, & reputat mortem pro forum, non ex peccatis commissis, sed ob religionis studiū perpeffam. Punit itaque tyrannos ob casus martyres, quod tyrannidem, non iustum Dei iudicium in his peccatis.

plectendis, sunt sequuti. Voluit quidem dominus castigare suos per tyrannos: sed illi non ita reputarunt (ut est apud Isaïam in 10. cap.) quin potius suos affectus sequuti, modum nec seruauerunt in supplicijs sumendis, nec iustitiam quaesierunt: puniuntur ergo à Domino quòd innoxios trucidarunt. Nam quòd Dominus in suis persequutus est, delicta utiq; atq; peccata, tyranni nec persequuntur nec puniunt: quòd autem probat dominus, studium utiq; religionis ueræ, fugam & execrationem idololatriæ, id inquam ferro & igni persequuntur isti. Huc itaq; pertinet illud S. Petri dictum, Ne quis uestrum affligatur ut homicida, aut fur, aut facinorosus, aut curiosus alienarum rerum. Quòd si quis ut Christianus affligitur, ne erubescat, imò glorificet Deum in parte hac. 1 Pet. 4.

Interim non iubeo desperare facinorosos. Habent hi exemplum latronis cum Christo crucifixi, quòd imitentur: agnoscant uidelicet culpam, credant in Christum, huic se commendent, & ferant tormenta patienter. Id si faciunt, dubiū non est quin à Christo recipiantur in paradysum, in æternum apud Christum cum latrone uicturi. Supplicium sceleratorum.

Et quamquam pius inter sceleratissimos trucidetur, non magis supplicij societate contaminatur quàm Christus dominus contaminatus legitur cum suspendetur inter latrones. Licet enim pari implicentur supplicio pii & impij: dispari tamen sine dissociantur, dum impius abripitur à morte corporea in tartarum, æternum arsurus, pius uerò euestigio migrat in cælū, uicturus cum Christo domino, cui sese credidit atq; obtulit. De hac re, & de causis afflictionū sanctorum Dei hominum, non grauabor C. V. recitare elegantem locum ex 1. lib. S. Augustini de Ciuitate Dei, Quicumq; inquit, boni maliq; similiter afflicti sunt, non ideo ipsi distincti non sunt, quia distinctum non est quòd utriq; perpessi sunt. Nam sicut in uno igne aurum rutilat, & palea fumat, & sub eadem tribula stipulæ comminuuntur, frumenta purgantur, nec ideo cum oleo amurca confunditur; quia eodem præli pondere exprimitur: Ita una eademq; uis irruens bonos probat, purificat, eliquat: malos damnat, uastat, & exterminat. Vnde in eadem afflictione mali Deum detestantur atq; blasphemant, boni autem precantur & laudant. Tantum interest non qualia sed qualis quisq; patiat. Nam pari motu exagitatum & exhalat horribiliter coenitum, & suauiter fragrat unguentum. Quid igitur in illa rerum uastitate & Barbarorum irruptione Christiani pasci sunt, quòd eis nō magis fideliter ista considerantibus ad profectum ualeret? Primò quòd ipsa peccata, quibus Deus indignatus impleuit tantis calamitatibus mundum, humiliter cogitantes, quamuis longè absint à facinorosis, flagitiosis atq; impijs, tamen non usque adeo se à delictis deputant alienos, ut nec temporalia pro eis mala perpeti se iudicet dignos. Excepto enim quòd unusquisq; quamlibet laudabiliter uiuēs, cedit in quibusdam carnali concupiscentiæ, etsi non ad facinorum immanitatem & gurgitem flagitiorum atque impietatis abominationem, ad aliqua tamē peccata uel rara uel tanto crebriora quanto minora. Hoc ergo excepto, quis facile reperitur qui eosdem ipsos, propter quorum horrendam superbiam, luxuriam & avaritiam, atq; execrabiles iniquitates & impietates Deus, sicut minando prædixit, conterit terras, sic habeat, ut habendi sunt, sic cum eis uiuat ut cum talibus uiuendum est? Plerumq; enim ab eis docendis, admonendis, aliquando etiā obiurgandis & corripiendis malè dissimulatur: uel cum laboris piget, uel cum os eorum, cum quibus sumus, uerecundamur offendere, uel cum eorum inimicitias deuotamus, ne impediānt & noceant in rebus temporalibus, siue quas adipisci adhuc appetit nostra cupiditas, siue quas amittere reformidat infirmitas: ita ut quamuis bonis uita malorum displiceat, &

*Quare Deus cum malis bonos quoq; puniat.*



ideo cum eis non incidant in illam damnationem, quæ post hanc uitã talibus præparatur: tamen quia propterea peccatis eorum damnabilibus parantur, dum eos in suis licet leuibus & uenialibus metuunt, iure cum eis temporaliter flagellantur, quamuis in æternum minimè puniantur. Iure istam uitam quando diuinitus affliguntur cum eis amaram sentiunt, cuius amando dulcedinẽ, peccantibus eis amari esse noluerunt. Non mihi itaq; uidetur hæc parua esse causa, quare cum malis flagellantur & boni, quando Deo placet perditos mores, etiam temporalium poenarum afflictione punire. Flagellantur enim simul, non quia simul malam agunt uitam, sed quia simul amant temporalem uitam: non quidem æqualiter, sed tamen simul, quam boni contemnere deberent, ut illi correpti atq; correcti consequerentur æternam, ad quam consequendam si nollent esse socij, ferrentur & diligerentur inimici: quia donec uiuunt, semper incertum est, utrum uoluntatẽ sint in melius mutaturi. Quare non utiq; parem, sed longè grauiorem habent causam, quibus per prophetam dicitur, Ille quidem in suo peccato morietur, sanguinem autem eius de manu speculatoris requiram. Ad hoc enim speculatores, id est populorum præpositi, constituti sunt in Ecclesijs, ut non parcant obiurgando peccatores: nec ideo tamen ab huiusmodi culpa penitus alienus est, qui licet præpositus non sit, in eis tamen quibus uitæ huius necessitatẽ coniungitur, multa monenda & arguenda nouit & negligit, deuotans eorum offensionem, propter illa quibus in hac uita, non ut debuit, utitur, sed plus quàm debuit delectatur. Et reliqua. Hæc enim omnia hucusq; recitauimus ex S. Augustino.

*Afflictio piorũ  
argumentũ iu-  
sti iudicij Dei  
in impijs.*

*1 Pet. 4.*

*Luce 23.*

Ad causas calamitatum prementium sanctos Dei homines accedit insuper & illa, quod ipse dominus affligens amicos suos, euidentissimum iusti sui iudicij in impijs & contemptores Dei argumentũ edit. Nam S. Petrus, Tempus est, inquit, ut incipiat iudicium, afflictio inquam & tribulatio, à domo Dei. Quod si primum incipit à nobis, quis erit finis eorum qui non credunt Dei Euangelio? Et si iustus uix saluatur, impius & peccator ubi comparebit? Huc pertinet & illa domini exuentis ad locum supplicij memorabilis sententia, atq; dicentis, Si in humido ligno hæc faciunt, in arido quid fiet? Si sancti arbores frugiferae, speciosissimos bonorum operum fructus proferentes, in hoc seculo, Deo permittente, usque adeo miserè diuexantur & torquentur, quid quæso dicemus de impijs, qui alienissimi sunt ab omni uirtute & opere bono? Cruciabuntur haud dubiè modis, poenis aut supplicijs omnino infandis.

*Causæ afflictio-  
num in impijs.*

Quod enim causas attinet calamitatum, quibus impij diuexantur, non possunt esse ullæ aliæ quàm ipsa quæ quotidie patrant scelera, ideoq; puniuntur iusto Dei iudicio, ut omnibus appareat Deum odisse impietatem cum impijs. Ira afflictus legitur Pharaos. Saul incubuit proprio mucroni, ceciditq; in monte Gelboe cum multis Izraelitarum millibus, eo quod peccasset contra dominum, qui ipsum in augmentum sui iusti iudicij, deniq; reliquis ad terrorem perdere uoluit. Morbo horribili corripuntur & extinguuntur Antiochus Epiphanes, Herodes magnus, Herodes Agrippa, & Galerius Maximianus Cæs. Quia peccauerunt in Deum & fideles Dei, quos hic ulcisci iustiq; sui iudicij argumenta proferre uoluit: adeoq; illos statuere exempla tyrannis, in quibus uideant quæ maneant persecutores piorum supplicia. Et quamuis bonus dominus creaturis suis omnia ad bonum instinat, & ferè calamitates omnes immittat ut à sceleribus retrahat: quia tamen hypocrisis & impij consilia Dei aspernantur, neq; Deum percutientem agnoscere, neq; ad Deum conuerti sustinent, omnia ipsis cedit ad interitum, quemadmodum diligentibus Deum omnia cooperantur ad bonum, ideoq; pereunt in suis calamitatibus, adeoq; in præ-

in presenti hoc seculo iram Dei per supplicia horrenda perferunt incipiunt, & eadem, imò longè maiora & acerbiora multò, simul atq; hinc migrarint, in futuro seculo æternum perferunt.

Quòd si nulla hic sentiunt incommoda uel mala impij, grauius affligentur in futuro seculo. Notissima est parabola illa euangelica de diuite epulone, qui cum in hac uita uixisset in delicijs, in futura siti torquetur, & ignibus infernalibus torretur sæuissimè. Est ergo felicitas impiorum in hac uita aliud nihil, quàm extrema miseria. Nam S. Iacobus Apostolus, In delicijs uixistis super terram, inquit, & lasciuistis, enutristis corda uestra, ut in die macerationis, quod inquam cedet uobis sicuti saginatis pecudibus, quæ ad lanienam saginantur. Significantius enim Ieremias, Iustus es tu ô domine, inquit, ut maximè tecum expostulem: expostulabor tamen. Qui fit ut uia impiorum prosperetur, & feliciter agant omnes qui impudentissimè præuaricantur? Plantaſti eos, radices agunt, proficiunt, quin & fructum edunt. Et mox, Tu autem domine, extrahe eos sicut pecudem e grege ad lanienam, & consecra siue destina eos ad diem occidionis. Cum his faciunt illa quæ quæ post felicitatem impiorum copiose & rotundè enumeratâ, Asaph in hæc uerba subiungit, Certè istos tu constituisti in lubricum, deiciēs eos præcipientes, ut prorsus disſiliant. O quàm subita calamitate oppressi sunt: perierunt, terroribus absorpti sunt. Non aliter quàm somnium quod disparuit quàm primum quis euiſilauit. Domine cōtemptissimas reddes in ciuitate eorum imagines. Nam & Dauid prior cecinit, Paulum adhuc, & nusquam erit impius: cumq; inspexeris locum eius, nusquam apparebit. Vidi impium potentem & uirentem ac sese diffundentem instar frondosæ lauri: & transiui, & ecce nusquam erat, quæsiui eum & non est inuentus. Ad eundem modum testatur & Malachias permultum interesse in die iudicij inter colentem Deum & non colentem, inter iustum & impium. Venturâ enim diem domini in qua feroces & arrogantes omnes, omnes item qui iniquitatem patrant, ceu stipula igni cœlitus immisso sint inflammandi, ut neque radix neq; ramus eis relinquatur. Proinde qui sapiunt, nunquam posthac offenduntur impiorum felicitate, nunquam desiderabunt consortes fieri infelicissimæ felicitatis: neq; admodum horrebunt crucis & calamitatum miseriam, quam audiunt à clementissimo Deo sanctis immitti, ut probentur & excoquantur à scoria carnis, & immundissimi huius mundi. Hæc enim sufficiunt disputata de causis calamitatum.

Videamus iam honorandi fratres, quomodo pius & syncerus Dei cultor se gerat in quibuslibet calamitatibus siue afflictionibus. Non despondet animum, imò omnem desperationem calcat, quia fortiter sibi in fide, mala ferenda intelligit. Spe ergo patientia & precibus se armat. Sunt sanè inter homines, qui simul atq; affliguntur illud uulgare ingeminant, Optimū non nasci, aut quàm citissimè aboleri. Impia hæc uox est & indigna Christiano homine. Longè impientiores isti sunt, qui sibi ipsi uiolentam & armatam manum inferunt, ne diutius mala ferre, aut contumelia affici cogantur. Repudianda est rursus Stoicorum insulsa sententia de indolentia. De qua recitabo c. v. elegantissimam eximij in Ecclesia Christi doctoris disputationem, hisce proditam uerbis.

Nimis ingrati sumus, nisi calamitates libenter atq; hilariter e manu Domini suscipimus. Neq; uerò ea à nobis requiritur hilaritas, quæ omnem acerbitalis dolorisq; sensum tollat. Alioquin nulla esset in cruce sanctorum patientia, nisi & dolore torquerentur, & angerentur molestia. Si nulla esset in egestate asperitas, nullus in morbis cruciatus, nulla in ignominia punctio, nullus in morte horror, cuius

De infelicitate impiorum.

Iacobi 3.

Iere. 12.

Psal. 72.

Psal. 37.

Quomodo se gerant pii in calamitatibus. Malach. 3.

Contr. indolentiam Stoicorū.



foret uel fortitudinis uel moderationis ea usque de qua haberet. At cum unumquodque ipsorum ingenita sibi amaritudine nostros omnium animos naturaliter mordeat, in eo se profert fidelis hominis fortitudo, si eiusmodi amaritudinis sensu tentatus, utcumque grauius laboret, fortiter tamen obfistendo eluctatur. In eo se exerit patientia, si acriter extimulatus, timore tamen Dei refranatur ne in aliquem intemperiem erumpat. In eo elucet alacritas, si tristitia & morore uulneratus, in spirituali Dei consolatione acquiescit. Hunc conflictum quem aduersus naturalem doloris sensum sustinent fideles, dum patientiae ac moderationi student, eleganter descripsit Paulus his uerbis. In omnibus premimur, at non anxij reddimur: laboramus, at non desistimus: persecutionem patimur, at in ea non deserimur: deijcimur, at non perimus. Vides ut patienter ferre crucem, non sit prorsus obstupescere, & omni doloris sensu priuari: quemadmodum Stoici magnanimum hominem stultè olim descriperunt, qui exuta humanitate, rebus aduersis perinde ac prosperis, tristibus perinde ut laetis afficeretur, imò qui instar lapidis nulla re afficeretur. Et quid ista sublimi patientia profecerunt? Nempe simulachrum patientiae depinxerunt, quod neque repertum est unquam inter homines, neque extare potest. Quin potius dum nimis exactam ac praecisam patientiam habere uolunt, eius uim sustulerunt è uita humana. Nunc quoque sunt inter Christianos noui Stoici, quibus non modò gemere ac flere, sed tristari quoque ac sollicitum esse, uitiosum est. Atque haec quidem paradoxa serè ab otiosis hominibus procedunt, qui speculando magis quam agendo se exercentes, nihil quàm talia paradoxa parere nobis queunt. At nihil nobis cum ferrea ista philosophia, quam magister ac Dominus noster, non uerbo tantum, sed exemplo etiam suo damnauit. Nam & suis & aliorum malis ingemuit & illachrymauit, nec aliter discipulos suos instituit. Mundus, inquit, gaudebit, uos autem lugebitis & flebitis. Ac ne quis uitio id uerteret, proposito edicto beatus pronunciauit qui lugent. Nec mirum. Nam si improbantur omnes lachrymae, quid de domino ipso iudicaremus, cuius è corpore sanguineae lachrymae distillarunt. Si quaelibet formido infidelitatis notatur, quò loco habebimus horrorem illum, quo non leuiter consternatum fuisse legimus? Si omnis tristitia displicet, quomodo placebit quod animam suam fatetur esse tristem usque ad mortem? Haec eo dicere uolui, ut pios animos à desperatione reuocarem, ne studio patientiae ideo protinus renuncient, quòd naturalem doloris affectum exuere non possunt. Quod necesse est euenire ijs, qui ex patientia stuporem, ex homine forti & constanti stiptem faciunt. Sanctis enim tolerantiae laudem defert scriptura, dum ita malorum duritia affligantur, ut non frangantur nec concidant: ita amaritudine punguntur, ut simul perfundantur spirituali gaudio: ita premuntur anxietate, ut Dei consolatione exhilarati respirent. Interim uersatur in eorum cordibus illa repugnantia, quòd naturae sensus, quod sibi sentit aduersum, refugit atque horret: pietatis autem affectus ad obedientiam diuinæ uoluntatis etiam per has difficultates contendit. Haec repugnantiam expressit dominus cum ita loqueretur Petro, Cum esses iunior cingebas te, & ambulabas quo libebat: cum autem senueris, praecingat te alius, & ducet quo non uis. Non est sanè uerisimile Petrum cum necesse esset Deum glorificare per mortem, inuitum ac resistentem eò pertractum esse. Alioqui parum haberet laudis eius martyrium. Verum utcumque cordis summa alacritate diuinæ ordinationi pareret, quia tamen humanitatē non exuerat, duplici uoluntate distingebatur. Nam dum cruentam illam mortē, quam erat obiturus per se reputabat, eius horrore percussus, libenter effugisset. Rursus dum succurrebat Dei imperio se ad eam uocari, euictò & proculcato timore, libenter atque adeò hilariter eam subibat.

*Dolent sancti.*

1047. 21.

subibat. Hoc ergo studendū est, si Christi discipuli esse uolumus, ut tanta Dei ob-  
seruantia atq; obedientia imbuantur animi nostri, quæ contrarias omnes affectio-  
nes domare ac subiugare eius ordinationi queat. Ita fiet ut quocunque uexemur  
crucis genere, in summis etiam animi angustiis patientiam cōstanter retineamus.  
Res enim ipsæ aduersæ habebunt suam asperitatem, qua mordeamur: sic morbo af-  
flicti & ingemiscemus, & inquietabimur, & sanitatē expetemus: sic egestate pres-  
si, & solitudinis & tristitiæ aculeis perstringemur: sic ignominia, contemptus,  
iniuriæ dolore feriemur: sic in funeribus nostrorum debitas naturæ lachrymas ex-  
oluemus. Sed hæc semper erit clausula, Atqui Dominus ita uoluit. Ergo eius uo-  
luntatem sequamur. Hactenus ille.

Proinde calamitatibus appetiti & irretiti fideles inprimis medentur sibi patien-  
tia. Ea est, authore Lactantio, malorum quæ aut inferuntur aut accidunt cum æ-  
quanimitate perlatio. Patiens enim fidelis, fixis in uerbum Dei oculis, fide ac spe  
Deo & promissioni eius inhæret, suffert quæ accidunt aduersa, temperans animi  
dolorem & corporis tormenta sapientia cœlesti, ut nuspiam superatus doloris ma-  
gnitudine deficiat à Deo & mandatis eius, faciens ea quæ prohibuit facere Domi-  
nus. Vincit ergo seipsum & affectiones suas patiens, uincit dolores & calamita-  
tes omnes, persistat in æquanimitate & pietate. Et quamuis sufferat omnia fidelis  
patientia, impia tamen nec approbat, nec falsa tolerat. Nam saluator noster unicus  
patientia exemplum, patientissimè præbuit impijs manus suas adeoq; totum cor-  
pus uinciendum: sed idem interim improbat ipsorum iniquitatem, dicens, Quasi  
ad latronem existis cum gladijs & fustibus, cum quotidie uobiscum fuerim in tem-  
plo: sed hæc est hora illa uestra & potestas tenebrarum.

Huc iam pertinet elegans descriptio aut prosopopœia Patientia per Floren-  
tem Tertullianum, his proposita uerbis, Agē iam patientia effigiem habitumq;  
comprehendamus, Vultus illi tranquillus & placidus, frons pura, nulla mœroris  
aut iræ rugositas contracta: remissa æquē in lætum modum supercilia, oculis hu-  
militate non infelicitate deiectis. Os taciturnitatis honore signatum. Color qualis  
securis & innoxijs. Motus frequens capitis in diabolum, & minax risus. Cæterum  
amictus circum pectora candidus & corpori impressus, ut qui nec inflatur, nec  
inquietatur. Sedet enim in throno spiritus eius mitissimi & mansuetissimi, qui nō  
turbine glomeratur, nō nubilo liuet, sed est tenera serenitatis apertus & simplex,  
quem tertio uidit Helias. Nam ubi Deus, ibidem & alumna eius, patientia scilicet.

Iam & uitres Patientia enumeratione quadam colligens beatus martyr Cy-  
prianus in Sermonē de Bono patientia dicit, Patientia est quæ nos Deo commen-  
dat & seruat. Ipsa est quæ iram temperat, quæ linguam frænat, mentem gubernat,  
pacem custodit, disciplinam regit, libidinis impetum frangit, tumoris uiolentiam  
comprimit, incendium simularis extinguit, coërcet potentiam diuitum, inopiam  
pauperum refouet, tuetur in uirginibus beatam integritatem, in uiduis laborio-  
sam castitatem, in coniunctis & maritatis indiuiduam charitatem, facit humiles  
in prosperis, in aduersis fortes, contra iniurias & contumelias mites, docet delin-  
quentibus citò ignoscere, si ipse delinquas, diu & multum rogare: tentationes ex-  
pugnat, persecutiones tolerat, persecutiones & martyria consummat. Ipsa est quæ  
fidei nostræ fundamenta firmiter ponit: ipsa est quæ incrementa spei sublimiter  
prouehit: ipsa actum dirigit, ut tenere possimus uiam Christi, dum per eius tole-  
rantiam gradimur: ipsa efficit ut perseueremus filij Dei, dum patientiā patris imi-  
tamur. Hæc Cyprianus. His si libet, colophonis uice adijcias licet ex Euangelio  
Christi breuem illam, sed euidētem sententiā, Per patientiam uestram possidete

*De patientia  
sanctorum.*

*Patientia finis  
lachrum.*

*Vires et effe-  
tus patientie.*

*Luce 12.  
Hebr. 10.*



*Hebræi 10.* animas uestras: denique hæc Apostoli uerba, Ne abieceritis fiduciam uestram, quæ magnam habet præmij retributionem. Nam patientia uobis est opus, ut ubi uoluntatem Dei peregeritis, reportetis promissionem. Adhuc enim perpusillum temporis & qui uenturus est, ueniet, & non tardabit. Iustus autem ex fide uiuitur; & si se subdixerit, non probabitur animo meo. At nos non sumus, qui subducamus nos in perditionem, sed ad fidem pertinemus in acquisitionem animæ. Ceterum cum patientia non innascatur nobis, sed conferatur cœlitus, orandus est pater cœlestis, ut hanc nobis conferre dignetur, iuxta doctrinam Apostoli Iacobi dicentis, Patientia perficit. Quod si cui uestrum deest sapientia, postulet ab eo qui dat, nempe Deo, qui dat, inquam, omnibus simpliciter, nec exprobrat, ac dabitur ei. Sed postulet cum fiducia nihil hæsitans.

*Iacobi 1.* De Spe fidelium. Patientiam uerò Christianam fulcit spes solida fidelium. Spem aiunt esse opinionem futurorum, communem quidem tam ad bona quàm ad mala: sed reuera,

*Spe quid sit?* Spes est expectatio certissima eorum quæ uerè & disertè à Deo promissa, fides credidit. Est ergo relatio quædam spei ad fidem, & mutuus quidam inter utramque nexus. Fides credit Deum esse ueracem, & intendit oculos in ipsum Deum. Spes autem expectat ea quæ credidit fides. At quomodo expectes, nisi scias id quod expectas à Deo promissum, quod suo tempore accipias? Fides credit remissa esse nobis peccata, & paratam uitam æternam per Christum: spes autem expectat illa ut accipiat ea

*Spe est absentium.* suo tempore quæ promisit Deus, ut cūq; interim iactetur aduersis. Neq; enim meretur spes & euanesceat, licet non cernat quod sperat: imò non euanesceat, tamen contraria prorsus se obijciant, quasi nulla sint quæ expectat. Ideoq; Paulus dixit, Speruari sumus: porro spes si uideatur, non est spes. Quod enim quis cernit, cur idem speret? Si uerò quod non uidemus, speramus, id certè per patientiam expectamus. Sperauit Abraham se accepturum promissam, in qua tamen ne latum quidem pedem obtinebat, & quam uidebat à potentissimis gentibus occupari, terram. Sperauit Moses se liberaturum ex Ægypto, & repositurum Izraelis populum in terram promissam, quanquā non uideret rationes & modum quomodo id perficeret. Sperauit Dauid se regnaturum super Izraelem, & tamen sensit imminente sibi Saulem & Saulinos potentissimos, adeo ut non semel periclitaretur de uita. Sperarunt Apostoli & sancti Dei martyres uitā se accepturos æternam, & Deum nunquā ipsi defuturum: interim tamen sentiebant omnium hominum odia, eiciebantur in exilium, tandem & per uaria supplicia occidebantur. Sic inquam spes absentium &

*Spe est rerum certissimarum.* non comparentium spes est, & expectatio quidem, sed expectatio certa, imò longè certissima: nec quarumlibet rerum, sed quæ comprehendimus uera fide, adeoq; earum rerum quæ ab ipso Deo uiuo, uero & æterno promissa sunt. Nam S. Petrus, Perfectè, inquit, sperate in eam quæ ad uos defertur gratia. Perfectè autem sperant, qui indubiè & totos sese committunt diuinæ gratiæ, ac hæreditatem uitæ expectant sine dubitatione. Sed & Paulus Apostolus spem appellat animæ, uelut ancoram tum tutam tum firmam. Ac quanto firmior est diuina promissio, tanto certior & securior est ipsa spes. Spes enim non est expectatio rei cuiuslibet, sed fidelis id est, quam fides credidit, & quam scimus uerbo Dei nobis promitti. Ideoq; Paulus fidem per spem exponit, dum dicit, Fides est substantia rerum sperandarum argumentum non apparentium. Fides ergo ueluti fundamentum est, cui innititur spes, adeoq; ipse Deus & uerbum Dei infallibile obiectum est spei nostræ. Ideoq; Paulus appellat Deum spem nostram: ita & propheta. Huic pertinet Psal. 91. in quo fidelis clamat, Tu es Domine spes mea, in edito collocasti habitationem tuam. Verum innumera inuenias in Psalmis exempla. Nequit autem firma esse spes, ubi

ubi non est solida fides & diserta Dei promissio. Ea cum sit rerum temporalium & æternarum, spes quoque est temporalium & æternarum.

Et ut fides diuinæ gratiæ donum est, non naturæ nostræ uis, ita spes cœlitus *Spes à Deo est.* nobis donatur, & confirmatur per spiritum Dei. In expectatione enim est gemitus & desiderium. Impetunt tentationes & urgent, quasi prorsus negetur quod differatur, aut ignoret res nostras Deus, qui expectantes subinde, & quasi perpetuo negligere uidetur: multa ergo consolatione & confirmatione spiritus diuini opus habet spes nostra. Quæ si solida sit, sustentat & erigit animum cupidum quidē boni, sed interim tamē infirmitate grauatum. Et cum Dominus differt promissa sua, ac uidetur plus æquò diutius nos negligere, aut afflictos alioqui satis, molestiis onerare, spes accurrit, faciensque officium suum, iubet nos longanimes expectare Dominum, qui ut non potest odisse cultorem suum, ita non fallit, nō mentitur uel in minimo, qui est æterna ueritas & bonitas. Hic iam profunt scripturæ loci de spei certitudine, & quod non sunt confusi qui sperarunt in Deum, tametsi diutissimè auxilium protraxerit. Promittit terram Chanaan Dominus semini Abrahamæ, sed eandem tradidit possidendam demum post 430. annos, imò circūducit prius etiam per desertum uastissimū annis 40. Liberat ex Babylone, sed post annos 70. Exemplum huius rei in scripturis innumera sunt. Quid quod filium unigenitum ab initio mundi promissum, exhibet tandem in fine seculorum? Durandum est ergo sanctis, expectandum hoc potissimum nomine, quod fallere non potest ueritas, quod omnes expectantes ipsum seruati sunt. Clamat Dauid, In te sperauerunt patres nostri, sperauerunt & liberaſti eos. Ad te clamauerunt, & salui facti sunt: in te sperauerunt, & non sunt confusi. Et iterum, Bonus est Dominus, beatus uir qui sperat in eo. Item, Qui confidunt in Domino ut mons Sion, non mouebuntur, sed permanebunt in æternum. Clamat etiam Paulus in suis tentationibus, dicens ad Philip. Noui quod calamitas in ea mihi cedit, ad salutem, secundum expectationē & spem meam, quod nulla in re pudeſiam.

*Non fallit, licet aliquoties diu protrahat promissa dominus.*

*Pſalm. 22.*

Hæc diximus hucusque de eo quomodo se gerant in calamitatibus uarijs fideles. *Generales consolationes.* Non enim despondent animum, sed obfirmant sese firma spe, & mala qualibet patienter sufferunt expectantes in omnibus Dominum, unicam omnium fidelium spem. His sub finem adiiciemus generales aliquot consolationes, quæ spem fidelium confirmant magis, patientiamque in malis perferendis commendent, ac in casibus quibuslibet afflictos & pressos erigant.

Principiò expendat afflictus malis ante omnia, à quo proficiſcatur afflictio. *A quo fit afflictio.* Affligunt sanè homines mali, affligit cæcodaemon & morbus, affligit mundus: sed non sine Deo, imò permittente Deo. Iobum non potuit uexare satanas, uel in fortunis, uel in ipso corpore, nisi permittente Deo. Clamat item propheta Dauid, Tu es qui extraxisti me ex utero matris meæ, in te cōſiſus ſum cum adhuc penderem ab uberibus matris meæ: in te coniectus ſum à partu. Deus meus es tu: in manu tua ſunt tempora mea. Et in Euangelio dicit Dominus, Nōne duo passeruli minuto alle ueneunt, & unus ex illis non cadet in terram sine patre uestro? Vestri uerò etiam pili capitis omnes numerati ſunt. Deus autem cuius imperio reguntur omnia, pater est, non modò Deus & Dominus mortalium. Et uoluntas eius optima & salutaris est hominibus, ut iam non dicam ipsum omnia ordine & iustissimè agere, quæ agit. Quod si bona est uoluntas Dei erga nos, non potest non optimum esse nobis, quod euenit, illo permittente aut uolente qui nos amat. Atque hic permultū discrepant à filiis Dei, filij huius seculi. Hi enim in calamitatibus suis sese consolantes dicunt, Feras non culpes, quod mutare non potes. Deus ita uult,



cui nemo potest resistere: feras ergo imperium Domini, nisi malis malum necessarium conduplicare. Hi rogati quomodo ferant manū Domini, & an Deo sese subiciant, respondent, Cogor quidem, *Ich muß wol*, cum resistere non possim. Si ergo possis, audio quid factururus sis. Illi autem patienter ferunt manū Dei, non quod resistere nequeant & omnia in necessitatem reiiciant, sed quia credunt Deum esse iustum & patrem benignissimum: ideo enim agnoscunt Deum iusto iudicio persequi mala, in maiora atrocioraq; meritis: agnoscunt praeterea Deum benignū patrem castigare ad emendationem & sanitatem: unde & pro castigatione magnas agunt gratias, penitusq; sibi ipsis & suo arbitrio renunciātes, totos sese Deo uiuos & mortuos permittunt. Hoc ipsum impetrare uolens Apostolus à fidelibus dicit, Deus uobis tanquam filiis loquitur. Fili mi, ne neglexeris correptionem Domini, neq; deficias cum ab eo argueris. Quem enim diligit Dominus, corripit: flagellat autem omnem filium quem recipit. Si castigationem sustinetis, ueluti filijs offert se Deus. Quis enim est filius, quem non castigat pater? Quod si alieni estis à castigatione, cuius participes sunt omnes, igitur spurij estis, non filij. Itaq; cum carnis nostrae patres habuerimus castigatores, & reueriti simus illos, an non multo magis subijciemur patri spirituum, & uiuemus?

Heb. 12.

Propter quid affligamur.

Act. 5.

Matth. 5.

Daniel. 9.

2. Reg. 15.

1. Corinth. 11.

Promissiones factae afflictis.

Deinde inspiciat calamitosus fidelis ipsas causas propter quas affligitur. Vel enim propter studium iustitiae & religionis diuexatur & persecutionem sustinet ab hominibus: Vel propter peccata commissa commeritas luit poenas. Qui persecutionem patiuntur propter iustitiam, gaudeant & gratias agant Deo cum Apostolis, quod digni habiti fiant, ut pro nomine Christi patiantur. Dixit enim in Euangelio Dominus, Beati qui persecutionem patiuntur propter iustitiam: quoniam illorum est regnum coelorum. Beati estis cum probra elegerint in uos homines, & insectati fuerint, & dixerint omne malum uerbum aduersus uos, mentientes, propter me. Gaudete & exultate, quoniam merces uestra multa est in coelis. Sic enim persequuti fuerunt prophetae, qui fuerunt ante uos. Si uero quis sustinet mala propter commissa peccata, agnoscat iustum Dei in se iudiciū, humiliet se sub potenti manu Domini, confiteatur Deo, ueniam supplicibus postulet precibus, patienterq; ferat quod merito suo maximo fert. Exempla sequatur Danielis & Davidis. Daniel confitetur peccata sua Domino, & ait, Peccauimus, iniqui fuimus, impii egimus, neq; obediuius seruis tuis prophetis, qui loquuti sunt nobiscum in nomine tuo. Tibi quidem Domine iustitia, nobis autem pudor. Visitasti nos et afflixisti, sicut praedixisti per Moysen seruum tuum. Dauid autem in exilium abiens, sacerdotibus arcam post regem portantibus, dicit, Reportate arcam Dei in urbem. Si gratiam inuenero coram Domino, me restituet, ostendetq; mihi & se & habitaculum suum. Quod si dixerit, Non te delector, neq; mihi gratus es: praestitum sum, faciat mecum quod sibi bonum uisum fuerit. Et sanè satius multo, melius & conducibilis est in praesenti seculo puniri, & postquam hinc migrauerimus aeternum uiuere, quam hic malorum esse exortes, & in alio mundo in sempiternum aeternis subijci supplicijs. Certè Paulus disertè dixit, Cum iudicamur, à Domino corripimur, ne cum mundo condemnemur. Et finis quidem castigationum & calamitatum omnium, quibus exercentur sancti, alius non est, quam ut calcato & spreto mundo, emendatiq; conuertantur ad Dominum & salui fiant. Verum de fine afflictionum superius diximus.

Praeterea praefigunt sibi calamitatibus subiecti, disertas & copiosas Dei promissiones, à quibus oculos non auertunt, ut neq; à sanctorum exemplis. Infinita sunt exempla diuini auxilij & liberationis praesentissima. Promittit autem bonus Do-

minus

minus auxilium & liberationem, nō illis modò qui affliguntur propter iustitiam, sed illis etiam qui propter peccata uisitantur à Domino. Dauid enim canit, Dominus sanat contritos corde, & obligat contritiones eorum. Dominus soluit compeditos: Dominus illuminat cæcos: Dominus erigit inclinatos. Non in perpetuum irascitur, neq; in æternum litigabit. Non secundum peccata nostra facit nobis, neq; secundum iniquitates nostras retribuit nobis. Et quàm longè distat ortus Solis ab Occasu, tam longè remouit à nobis scelera nostra. Huc pertinet integrū caput 30. Ieremiæ prophetæ. Et Apostolus testatur, & ait, Sicut abundant afflictiones Christi in nobis, ita per Christum abundat & consolatio nostra. Neq; desunt nobis exempla quæ de his testantur, & præsentissimam liberationem sanctorum, adde & peccatorum poenitentiam in maximis ærumnis positorum, oculis proponunt. Liberantur forti manu Dei ex diluuiō omnem carnem sub cœlo præfocante, & ex incendio Sodomitico sæuo & horrendo, patres nostri Noe & Lot cum suis familijs. Varijs impliciti tribulationibus Iacob & Ioseph, explicantur à benigno Domino. Sicuti & filij Izraelis educuntur & liberantur ex seruitute Ægyptiaca planē ferrea. Peccat contra Dominum populus Izraeliticus in deserto, sub iudicibus & regibus creberrimè & enormiter, puniturq; grauiter à Domino, sed celeriter rursus liberatur à Domino, quoties peccata agnouit & se conuertit ad Dominum. Peculiaria sed egregia liberationis exempla sunt in Dauide, Iosaphat, Ezechia, Manasse, & multis alijs. Innumeræ extant in Euangelio liberationes per Christum à peccatis, à morib; à malis, à periculis, & ab ipso cacodæmone. In Actis Apostolorum præclarissima leguntur liberationis exempla. Concluduntur Apostoli in carcerem, sed educuntur ab angelo Dei, & statuuntur in templum, in quo prædicent Euangelium. Ita ex carcere liberatur Petrus Apostolus, cū postridie Agrippa ipsum iugulare constituisset. Paulus Apostolus innumeris oppressus malis, semper præsentissimum expertus est Dominum. Hoc autem suæ tribulationis liberationisq; exemplum omnibus proponens fidelibus, ad Timotheum dicit, Tu nosti patientiam afflictionesq; quæ mihi acciderunt Antiochiæ, Iconij, Lystris, quas persecutiones sustinuerim. At ex his omnibus eripuit me Dominus: sed & omnes qui uolunt piè uiuere in Christo Iesu, persecutionem patientur. Multò plura exempla idem Apostolus congerit in 11. cap. ad Hebr. Hæc inquam omnia colligunt sancti, ac in tempore tentationis afflictionisq; hisce sese consolantur & erigunt. Ita enim docet nos Paulus, cū dicit, Quæcunq; scripta sunt, in nostrā doctrinam scripta sunt, ut per patientiam & consolationem scripturarum spem habeamus.

2 Cor. 1.

Liberationis exempla.

Neq; hoc solum faciunt fideles, sed recordantur etiam mandatorū Christi Domini, quibus ille nobis patientiam præcipiens, crucem nobis imposuit omnibus. Dicit enim in Euangelio, Si quis uult post me uenire, abneget semetipsum, & tollet crucem suam, & sequatur me. Qui enim uoluerit animam suam seruare, perdet eam: rursus qui perdiderit animam suam mea causa, inueniet eam. Quid enim prodest homini si totum mundum lucratus fuerit, animæ uerò suæ iacturam fecerit? Aut quid dabit homo cuius permutatione redimat animam suam? Futurum est enim ut filius hominis ueniat in gloria patris sui, cum angelis suis: & tunc reddet unicuiq; iuxta facta sua. Et rursus alio in loco, Si quis uenit ad me, inquit, nec odit patrem suum & matrem suam, & uxorem, & filios, & fratres, & sorores, præterea autem & animā suam, non potest meus esse discipulus. Et quisquis non baiulat crucem suam, & uenit post me, non potest meus esse discipulus. Post quæ uerba Dominus parabolas profert, quibus docet explorare uires priusquam recipiamus professionem Euangelicam. Ad præcepta certè præceptoris, Christi respicien-

Mandata Domini de ferenda cruce.



1. Pet. 2.

tes fideles Apostoli, Petrus & Paulus, omnes nos ad crucem patienter ferendam adhortantur. Ille enim, Christus afflictus est pro nobis, inquit, relinquens nobis exemplum, ut insequeremini uestigia ipsius. Hic uero dicebat, Per multas tribulationes oportet nos intrare in regnum Dei.

*Tempus afflictio-  
nis breue, prae-  
mium amplissi-  
mum & aeternum.*

Isaia. 26.

Rom. 8.

1 Cor. 10.

Consolatur fideles uarijs calamitatibus oppressos, quod tempus afflictionis breue est, quod praemium & gaudium ineffabilibus modis est praestantius quam sit tribulatio, adeo ut nulla sit inter ipsa collatio: denique quod bonus Dominus non imponat grauiora onera, quam simus ferendo. Sed libet iam de singulis scripturarum audire testimonia. S. Petrus appellat afflictionis tempus breue tempus. Nam & Isaias uel ipse apud Isaiam Dominus, prior dixit, I popule mi intra penetralia tua, & claude post te ostia tua, lateas paululum uel ad momentum, donec praetereat indignatio mea. Paulus uero, Patres carnis uestrae, inquit, ad paucos dies pro arbitratu suo uos erudierunt, pater autem spirituum (breue tempus) ad commodum uestrum erudit, in hoc ut impartiat uobis suam sanctimoniam. Omnis autem castigatio in praesens quidem non uidetur esse gaudij, sed molestiae. Ac postea fructum tranquillum iustitiae reddit ijs, qui per illam fuerint exercitati. Et idem Apostolus, Cum Christo patimur, ait, ut & una cum illo glorificemur. Nam reputo non esse pares afflictiones praesentis temporis ad gloriam quae reuelabitur erga nos. Nam momentanea leuitas afflictionis nostrae mire supra modum aeternum pondus gloriae parit nobis, dum non spectamus ea quae uidentur, sed ea quae non uidentur. Nam quae uidentur temporaria sunt, ea quae non uidentur aeterna. Rursus in Epistola ad Corinthios dicit idem ille, Fidelis est Deus, qui non sinet uos tentari supra id quod potestis, imò faciet una cum tentatione euentum, quod possitis sufferre. Quod si diutius aequo uideatur nobis Dominus protendere tribulationem, cogitabimus nullos terminos esse diuinae uoluntati praescribendos, sed permittendum ipsi, ut liberè quantum, & quandiu, & quibus modis uelit, affligat suae manui subditos. Nouit ille qui est aeterna sapientia, & qui amat homines impensissimè, quando finem imponat malis, & liberet nos à malo. Nec desunt exempla quae diutius afflictos consolantur. Laborabat profluuio sanguinis mulier illa Euangelica ad desperationem usque annos duodecim. Alia quaedam decubuit contracta ad annos decem & octo. Ad probaticam piscinam iacebat miser quidam, qui morbo fuerat graui obnoxius annos triginta & octo. Spatium hoc erat sane quam molestissimum. Sed in tempore tamen illis omnibus succurrit, qui optime nouit quando maximè opportunum & utile homini sit auxilium. Illius ergo bonae, iustae, & sapientissimae uoluntati permittamus, quando & quomodo nos liberet.

*Pios nulla afflictiones à Deo distungunt.*

Joan. 10.

Rom. 8.

In primis uero illud consolatione & fiducia in tribulationibus refertissimum est, quod fideles & electos Dei à Deo non facile ulla uis aut malum ullum distungere potest. Clamat enim in Euangelio Dominus, Oues meae uocem meam audiunt, & ego cognosco eas, & sequuntur me, & ego uitam aeternam do eis, nec peribunt in aeternum, neque rapiet eas quisquam de manu mea. Pater meus qui dedit mihi, maior omnibus est; & nemo potest rapere de manu patris mei. Ego & pater unum sumus. Huc pertinet illud S. Pauli tripudium ac celeusma, Quis nos separabit à dilectione Dei: num afflictio: num angustia: num persecutio: num fames: num nuditas: num periculum: num gladius: Quemadmodum scriptum est, Propter te morti tradimur tota die: habiti sumus uelut oves destinatae mactationi. Verum in his omnibus superamus per eum qui dilexit nos. Nam mihi persuasum habeo quod nec mors, nec uita, nec angeli, nec principatus, nec potestates, neque instantiae

neq; futura, neq; altitudo, neq; profunditas, neq; ulla creatura alia, poterit nos separare à dilectione Dei, quæ est in Christo Iesu Domino nostro.

Sentiunt sanè in tribulationibus suis sancti dolores & incommoda multa, sed in ipsis incommodis interim habent multò plura commoda: ergo imminuuntur in uno quidem, at augentur in altero, ut ipsa crux non sit perditio, sed exercitatio & salubris medicina. Vbi reuocandam iterum existimo in animum uerè auream S. Pauli sententiã. In omnibus premimur, at non anxij reddimur: laboramus, at non destituimur: persecutionem patimur, at non in ea deserimur: deijcimus, at nò perimus. Amittunt ergo fideles in hoc seculo facultates istas suas terrenas, sed nunquid ideo amittunt fidem? nunquid pietatem? nunquid interioris hominis bona, quæ ueræ sunt apud Deū diuitiæ? Clamat Apostolus, Est quæstus magnus pietas cum animo sua sorte contento. Nihil enim intulimus in mundum, uidelicet nec efferre quicquam possumus: sed habētes alimenta, & quibus tegamur, his cōtenti erimus. Et certè bonus dominus, qui cœlū & terrā, & omnia quæ in eis sunt condidit propter hominē, qui pullos coruorum pascit, nequaquam animam enecabit iustitiedia aut fame. Præterea non amittit thesaurum suum in hoc seculo, qui eo modo thesaurizat quo præcepit Dominus, apud quem sciunt sibi repositū esse diuersissimum thesaurū, quicunq; spoliatur facultatibus suis terrenis propter dominū. Sed & Iob insignis ille dei seruus clamat, & dicit, Nudus exij de utero matris meę, nudus in terrā reuertar. Dñs dedit, dominus abstulit, sicut domino placuit ita factū est. Sit nomen domini benedictū. Adijciendum his, abnegatione ueritatis & fuga afflictionū, minimè retineri opes & tranquillitatem, sed amitti magis, imò infames nos rectè apud omnes omnium seculorum bonos homines. Videmus enim eos qui noluerunt fortunas suas periclitari propter Christū & ueritatē eius, sed elegerunt magis dissimulatione uel abnegationē uerī res suas uel retinere uel augere, retinuisse infamiam scēdissimā, auxisseq; tormenta horribiliter excruciantia cōscientiam, ac amisisse nihilominus opes, nō iam in nomine Christi, sed in nomine diaboli. Qui uerò unquā coniecerūt & se & omnes fortunas suas in discrimē, & contempserunt fortiter omnia pericula, semper suauē & iucundā in animis suis consolationem senserunt. Cum Apostolo enim clamant, Didicimus in ijs in quibus sumus esse contenti: nouimus & humiles esse: nouimus & excellere: ubiq; & in omnibus instituti sumus, & saturari, & esurire, & abundare, & penuriā pati. Omnia possumus per Christū, qui nos corroborat. Sciunt eundem Apostolū dixisse, Directionem facultatū uestrarū cum gaudio accepistis, sciētes uos habere potiorē substantiā in cœlis, ac permanentē. Nam & in euāgelio dixit dominus, Amen dico uobis, nullus est qui reliquit domū, aut fratres, aut sorores, aut patrē, aut matrem, aut uxorem, aut liberos, aut agros mea causa & Euangelij, quin recipiet centupla nūc in tempore hoc cum persecutionibus, ac in seculo uenturo uitā æternam, Mar. 10. cap. Ita quidem opprimuntur seruitute sancti, pīj & fideles in hoc seculo: sed norunt ipsum quoq; dominū prius factum esse seruū propter homines, adeoq; seruos in mundo, per Christum factos esse liberos, adeoq; per seruitutem terrenam adiutum sterni ad libertatem cœlestem. Eijciuntur fideles in exiliū. Cæterū dicebat prophanus ille, Omne solum fortī patria. Certè ubicunq; sumus in hoc seculo, in exilio sumus. Pater noster in cœlis est, patria ergo cœlum est. Cum ergo morimur, ex exilio liberamur, & imponimur patriæ cœlesti & uerè felici. Eodem modo quos necat fame & inedia tyrannus, eos ceu morbus aliquis innumeris liberat malis. Quos autem non necat fames, sed excruciat, docet parcius uiuere, & productius ieiunare. Reuocant hic ueterum sanctorum exempla fideles esurientes,

*Incommoda per  
opposita com-  
da sentiuntur.*

*Negatione uerī  
nō retineri res.*



de quibus Apostolus loquens, Oberrarunt, inquit, in ouillis & caprinis pellibus, destituti, pressi, afflicti, quibus indignus erat mundus: in desertis errantes & montibus, in speluncis & cauernis terrae. Considerant item Christiani longè meliorem fuisse sortem famelicientis Lazari, inter linguas canum ulcera lambentium excrescentis, quàm crapula distenti epulonis sepulti & demersi in inferos. Horrendum quidem & abominandum illud est, quòd uis infertur à barbaris militibus nò matronis tantum, sed uirginibus etià nondum uiri potentibus. Verum consolatur nos illud maxime in scelere maximo, & contumelia intolerabili, quòd pudicitia animi uirtus est. Si enim bonum animi est, planè non amittitur etià corpore oppresso: quemadmodum & fides hominis non expugnata creditur, licet totum corpus hominis comburatur. Et sanè castitas propter corpus uiolatum non perditur, quia ea sanctè utendi perseverat uoluntas, & quantum in ipso est etià facultas. Neque enim eò corpus sanctum est, quòd eius membra sunt integra, uel eò quòd nullo cõrectantur tactu: cum possint diuersis casibus etià uulnerata uim perpeti: ac medici aliquando salutem opitulantes hæc ibi faciant, quæ horret aspectus. Quocirca proposito animi permanente, per quod etià corpus sanctificari meruit, nec ipsi corpori aufert sanctitatē uiolentia libidinis alienæ, quam seruat perseverantia continentiae suæ. Interea dubium non est, iustissimum dominum grauius in belluas istas & naturæ monstra, qui tã nephanda audent, animaduersiurum.

*In cruce nihil  
euenit pijs noui*

*Afflictionis  
exempla pa-  
triarcharum.*

Confirmantur sancti tribulationibus diuexati exemplis sanctorum innumeris, ex quibus colligunt sibi noui obuenire nihil, cum Deus ab initio seruos suos & Ecclesiam sibi charissimam multis exercuerit tentationibus & afflictionibus. Ac plurimum hic referre, & ad consolandum afflictos animos conducere potest, in numerato tenere optima & delectissima quidem exempla. Sunt ea priuata & publica plurima. Priuata sunt, ut multa ueterum transeam, patriarcharum posteriorum casus & peregrinationes. Euocatur enim diuina uoce pater noster Abraham ex Vra Chaldaeorum in terram Palaestinarum, ex qua rursus fame eiicitur in Aegyptum, ubi iterum difficillimam experitur fortunam. Reuersus autem in Palaestinam, nunquam non habet ad ultimum usque diem uitæ suæ, quod animum conturbet atque affligat. Isaacum quoque fames excruciat, quemadmodum & domestica infortunia eundem perpetuò excruciarunt. Iacobum à domino Israel cognominatum, si quis ærumnosissimum hominem appellet, nihil peccauerit. Nam in ipso matris utero, necdum editus in lucem, certamen init cum fratre suo Esau, cuius manus parricidales uix euasit adolescens, dum in Syriam usque exul profugit. Vbi iterum tanquam in exquisitissima afflictionum palastra seu officina exercitatur. Dum redit in patriam, malis & periculis maximis inuoluitur. Liberorum scelera infanda, optimum senem tantum non enecant. In senectute, fame pressus, descendit in Aegyptum, ubi in uera fide & patientia sanctum Deo tradit spiritum. De Mose maximo & fidelissimo Dei seruo testatur scriptura, quòd in aula regis educatus quidem, sed grandior factus renuit uocari filius filiae Pharaonis, potius eligens simul affici malis cum populo Dei, quàm temporarijs peccati commodis frui, maiores arbitratus diuitias probrum Christi, quàm Aegyptiorum thesauros. Idem grauissimam sustinuit persecutionem, primum quidem à Pharaone & principibus eius, deinde à domesticis suis & suo populo, quem eduxerat ex Aegypto. David quoque unctus domini, diu Sauls furorem fugit, regnum adeptus difficillimis bellis grauissimè oppressus laborauit, tandem post multos labores exaltatus à filio exutus regno, multis simul malis immergitur, rursus tamen restituitur.

*Exempla Christi  
et Pauli.*

In nouo testamento excellentissima exempla sunt ipse Dominus & saluator noster

noſter Chriſtus, & ſingularis Apoſtolus eſus Paulus Dominus ab iſſis incunabulis coactus eſt tyrannorum fugere inſidias & parricidales manus, innumera quoque mala in uita ſua paſſus, poſtremo crucifigitur inter latrones. Et Paulus de ſeipſo loquens, Si qui alij ſunt miniſtri Chriſti, inquit, excellentius ſum ego, in laboribus copioſius, in uerberibus ſupra modum, in carceribus abundantius, in moribus frequenter. A Iudæis quinquies quadragenas plagas una minus accepi, ter uirgis caſus fui, ſemel fui lapidatus, ter naufragium feci, noctem ac diem in profundo egi, in itineribus ſæpe, in periculis fluminum, periculis latronum, periculis ex genere, periculis ex gentibus, periculis in ciuitate, periculis in deſerto, periculis in mari, periculis inter falſos fratres, in labore & moleſtia, in uigiſijs ſæpe, in fame & ſit, in ieiunijs ſæpe, in frigore & nuditate, præter ea quæ extrinſecus accidunt, incumbens mihi cura quotidiana omnium Eccleſiarum. Hæc inquam priuata ſunt exempla.

Publicum autem exemplum eſt Eccleſia Iſraelitica afflicta in Ægypto, diuexata multis malis ſub iudicibus & regibus, adde & abducta in captiuitatem ab Aſſyrijs & Babylonijs. Eadem reſtituta per Dei gratiam, uariam & difficilem experitur fortunam, idè ſub regno Perſarum, Græcorum & Romanorum. Quid uerò dicam de Eccleſia Apoſtolica Chriſti, quæ ab iſſis incunabilis crucem experta, in iſſis afflictionibus floruit quàm ſeliciffimè, & laborat in iſſdem grauiter, uel hodie adhuc. Commemorant hiftoriæ perſecutiones decem, quibus Eccleſia Chriſti ad imperium Conſtantini magni uſq; ab 8. Neronis anno, concuſſa, per 318. annos grauiffimè laborauit, conceſſis tamen nonnunquã interuallis quibusdam, ſatis quidem acciſis, quibus reſpiraret Eccleſia. Primus primam in Chriſtianos mouit perſecutionem fera illa bellua & monſtrum libidinis, Nero, in qua etiam clariffimos Chriſti Apoſtolos Petrum & Paulum cecidiſſe ſerunt. Secundam excitauit Fl. Domitianus, qui & Ioannem Apoſtolum relegauit in Pathmon. Tertius à Nerone grauia edidit in Chriſtianos edicta Traianus, ſub quo inſignis Chriſti martyr & doctor Ignatius, una cum alijs multis præclaris Chriſti ſeruis, dilaniandus beſtiji obijcitur crudeliſſimè. Quartam in Eccleſiam perſecutionem commouit per totam Galliam & Aſiam Verus Imperator, in qua beatus Polycarpus igni uiuus comburit, ſanctus autem Irenæus Lugdunenſis Epiſcopus gladio obrutur. In quinta Eccleſiæ perſecutione Septimius Seuerus per diuerſas prouincias quàm plurimos laurea martyrij coronat: inter quos numeratur & pater Origenis Leonidas. Iulius Maximinus ſextus à Nerone tyrannidem exereuit in Eccleſiam: in ea perſecutione præ alijs petiti ſunt Eccleſiarum doctores atq; miniſtri. Interierunt in ea ſtrage inter innumeros excellentiſſimos uiros Pamphilus & Maximus, par clariffimorum luminum. Porro ſeptimus à Nerone feralia diſperſit edicta Decius Imperator: ſub quo & S. Laurentius Eccleſiæ diaconus ferrea in crate poſtus eſt, & Apollonia uirgo laudatiſſima in extructum inſiliit rogam. Nihilominus omnibus illis erat Licinius Valerianus octauam inferens Eccleſiæ perſecutionem. Suſtulit ea multas Chriſtianorum myriades, & præſertim famoſiſſimos in toto orbe doctores, S. Cornelium & Cyprianum. Cæterum Val. Aurelianus nonam in Eccleſiâ perſecutionem decreuit magis quàm ſit exequutus. Fulmen enim ante ipſum magno pauore circumſtantium ruit, ac non multo poſt in itinere caſus, ſæuire deſijt. At horribili hoc exemplo nihil commotus C. Aur. Val. Diocletianus, item Maximianus, Maxentius, & M. Iulius Licinſus decimam commouerunt in Eccleſiam Chriſti perſecutionem, quæ cum decem duraffet annos continuos, innumerabilem Chriſtianorum hominum turbam in toto orbe ſuſtulit. Pingit illam

Exempla affli-  
ctionū ueteris  
Eccleſiæ.

Decem Eccleſiæ  
Chriſti perſe-  
cutiones.



Anno domini  
306.

graphice Eusebius Casariensis, utpote multorum agonum certaminumque quae narrat spectator, & pingit quidem in 8. lib. Historiae Ecclesiasticae. Caeſi sunt in illa Ianiena primi Ecclesiae nostrae Tigurinae Apostoli laudatissimi, martyres Christi praeconesque Euangelici, beatus Felix, & soror eius germana S. Regula. Post illas persecutiones decem, insequuta sunt multo plures & atrociores excitatae a regibus, insuper & a barbaris hominibus in diuersis partibus mundi, insequuta sunt sanguinolenta flagra Saracenorum, Tartarorum, Turcarum denique: praeterea infestauerunt Ecclesiam Dei horribiliter pseudopontifices, qui exterorum domesticorumque armis plus hauserunt Christiani sanguinis, quam ulla uox humana explicare possit. Nihil ergo noui nobis hodie obuenit, qui in Ecclesia Christi uarias sustinemus persecutiones & afflictiones, confirmamur exemplis ueteribus & nouis iisque efficacissimis.

Predicte affli-  
ctiones.

Huc accedit, quod propheta apostolicus & horum rex & dominus Iesus Christus ista pericula, illas calamitates & persecutiones praedixit omnes, nimirum ut animos nostros in singulas horas contra mala ista obfirmaremus, ne inopinato casu aut infortunio concussi a fide excideremus. Quia uos de mundo selegi, ait dominus ad discipulos, ideo odit uos mundus. Mementote sermonis mei quem dixi uobis. Non est seruus maior domino suo. Si me persequuti sunt, & uos persequentur. Si sermonem meum seruauerunt & uestrum seruabunt: sed haec omnia facient uobis propter nomen meum: quia non nouerunt eum qui me misit. Haec loquutus sum uobis ne quid offendamini. Alienos a synagogis facient uos: imò ueniet tempus, ut quisquis interficiat uos, uideatur cultum praestare Deo. Reliqua his similia ex Prophetis & Apostolis non recitabo, quod paucis recitari non possint. Deligat sibi quisque maximè euidentia & perspicua testimonia quae ubique occurrunt.

Psal. 22. 69.  
Iſa. 49. 51.  
Dan. 7. 8. 11.  
Zach. 13.

Repeditur per  
secutoribus  
persecutio.

Et quamuis sancti non gaudent de interitu persecutorum, quos mallent conuertere & seruari, quam puniri in praesenti seculo, & in futuro aeternum damnari gaudent tamen cum uident dominum supplicium sumere de persecutoribus, hoc potissimum nomine, quod uident pios curae esse Deo, Colligunt item ex praesenti Dei uindicta contra impios parata, afflictiones sanctis ut salutare, ita impijs esse perniciosas. Nam in direptione sua lacerantur, & dum Ecclesiam uiuentis Dei persequuntur, ignem excitant in se inextinguibilem. Sic enim legis Apud Zachariam de Ecclesia sua loquentem dominum, Ecce ego pono Hierusalem ut sit calix super omnes gentes. Quin & in Iuda erunt qui obsideant Hierusalem. Eruntque illo die ut ponam Hierusalem ceu lapidem grauem omnibus populis: quicumque eum sustollere conantur, omnino lacerabuntur, congregabunturque contra eum omnes gentes terrarum. Ad eundem modum dicit apud Ieremiam dominus, loquens contra persecutores Ecclesiae, Sume calicem uini furoris huius de manu tua, & fac ex eo bibant omnes gentes ad quas ego te mitto: & bibent commoti in insanient metu gladii quem in eos mittam. Ego enim incipio affligere in urbe quae nomine meo appellatur, & uos impune abiretis? Non impune iteris. Hoc nimirum illud est, ad quod alludens beatus Petrus dixit, Tempus est ut iudicium Dei a domo Dei incipiat: quod si primum a nobis incipit, quis erit finis eorum qui non credunt euangelio? Recensui paulo ante haec decem ordine persecutiones quas Romanorum Imperatores Ecclesiae Christi intulerunt: sed testatur historiae nullam non insigni aliqua calamitate esse repensam. Cui accedit quod iustissimus dominus post annos 342. (totidem enim anni numerantur ab ultimo Noronis anno ad secundum usque annum Honorij & Theodosij Caesarum) longe abundantius coepit Romae sanguinarie rependere. Nam inter annos 139. sexies capta,

Zach. 12.

Ier. 25.

Vindicta sum-  
pta de sangui-  
ne Romae.

in m

in manus devenit Barbarorum. Nam anno 412. qui erat 2. Impp. Honorij & Theo. Visigothi duce Alarycho ceperunt quidem urbē & diripuerunt, sed clementer interim usi sunt uictoria. Deinde uerò Vuandali duce Genserycho urbē irruerunt crudelissimē, auarissimēq; diripuerunt. Post quos aduolantes Heruli, Athilani exercitus reliquiae, duce Odaere, urbē occuparunt, regnumq; sibi usurparunt, imperio Romano in Occidente prorsus extincto atq; sublato. Inde uerò exactis annis circiter 14. adest cum Ostrogothis Theodorychus Veronensis, qui cecis Herulis, urbe potitur. Restituitur uerò hæc demum, Bellisarij inclyti ducis opera & fide, Iustiniano principiorientali, sed eandē mox capit Totilas princeps Gothicus, direptamq; ferro & igni uastat, publicis ædificijs dirutis, & mœnijs bona parte subuersis, adeoq; tota Roma sic uastata, ut aliquot diebus nullum haberet inhabitatorem hominem. Incidit ea uastatio urbis in annū domini 548. Atque ad hunc modū meritas pœnas dependit uindicti suæ Ecclesiæ Christo Roma sanguinaria. Necdum retuli quæ hæc præterea sustinuerit ab Hunis & Longobardis. Nam satis est indicasse quā miserē cesserint Romæ afflictiones illatæ Ecclesiæ, quæ interim salua, incolumis & uictrix mansit, regnabitq; cum Christo principe in secula seculorum. Ad eundem modum deleti sunt etiam maximis prius cladibus acceptis, uarijs difficilibusq; casibus per totam ferē terram exagitati Sarraceni. Sed & Turcæ suas quoq; sentiunt calamitates quotidie, & sentient olim longē atrocissimas. Iam & pseudopontifices poculis ueneno temperatis sese mutuo confecerunt, ijdem mirificis exagitantur terroribus. Nuspiam ferē tuti in uita sua, sed & in corona amicorum suorum malis septi, semper & æternū miseri sunt. Quibus accedit, quod felicissimi illorū scedis computrescunt uoluptatibus, quo non est aliud mortis genus uel probrosius uel difficilius. Qui his adhærent & horum instinctu persequuntur Ecclesiam Christi, uel in scedis & ipsi uoluptatibus computrescunt, uel morbis Antiochicis & Herodianis, lentaq; sed graui morte consumuntur, sed & bellis sese atterunt & conficiunt intestinis. Iustus ergo est dominus, & æqua atq; iusta sunt iudicia eius, qui amicorum suorum nunquam obliuiscitur, rursus hostes suos & suorum semper inuenit ac pro merito conficit.

Hæc cum ita habeant fratres, sustineamus quæso patienter manum domini *Peroratio.* Dei nostri, quoties calamitatibus premimur tentamurq; à domino Deo nostro, scientes benignum dominum percutere ut sanet, conturbareq; ut consoletur & in gaudia recipiat sempiterna. Hoc ut præstare possimus, qui alioqui sumus infirmi & imbecilles, oremus patrem nostrum qui in cœlis est per Iesum Christum dominum nostrum, ne in tentationibus nostris desit nobis, sed dirigat nos in uia constantiæ, pacis & iustitiæ. Proponat hic sibi quisq; saluatoris & magistri dominiq; nostri exemplum, qui passionē suam auspicatur à precibus. Ascendēs enim montem oliuarum, patri supplicat, & intentissima quidem mente supplicat. Idem preces suas iterat, precandoq; patrem urget: ita tamen, ut omnia eius uoluntati subiiciat. Hoc ipsum faciamus & nos, quò præsens auxilium patris nostri & consolationem animorum experiamur efficacissimam, laudemusq; bonitatem illius in secula seculorum, Amen.

*De quinto & sexto secunda tabula præcepti, quæ in Decalogo sunt nonum & decimum, nempe, Ne loquaris contra proximum tuum falsum testimonium.*

*Et, Ne concupiscas domum proximi tui, &c.*



Præceptum  
Dei 9.

Lingua.

**V**ENIMVS iam ad expositionem duorū ultimorum in Decalogo præceptorum. Nonum huiusmodi est, NE LOQVARIS CONTRA PROXIMUM TVVM FALSVM TESTIMONIUM. Sancitur hoc fides in pactis & contractibus, hoc præterea moderatur linguam, commendat item uirtutum pulcherrimam ueritatem, modestiam quoque & synceritatem in dictis & factis. Hactenus de lingua in præceptis Dei nihil audiuius, nisi paucula quædam in præcepto tertio. Cæterum ex lingua exoriuntur commoda & incommoda uitæ maxima. Lingua enim pusillum membrum est, dicit Iacobus Apostolus, & magna iactat. Ecce exiguus ignis quantam materiam incendit. Et lingua ignis est, mundus iniustitiæ. Sic lingua constituitur in membris nostris, quæ maculat totum corpus, & inflammat rotam natiuitatis, & inflammatur à gehenna. Omnis enim natura & ferarum & uolucrum, serpentiumq; & marinarum domatur, & domita est à natura humana: linguam autem nullus hominum domare potest, incoercibile malum, plena ueneno mortifero. Per ipsam benedicimus deo & patri, & per ipsam maledicimus hominibus, qui ad similitudinem Dei conditi sunt. Ex eodem ore procedit benedictio & maledictio. Proinde rectè necessariò & utilissimè informatur hoc nono præcepto lingua hominum. Summatim uerò comprehendit & præcipit hoc mandatum, ut bene utamur lingua, neue uel priuatim uel publicè noceamus fratris nostri uitæ, famæ aut fortune, sermone uel scriptis, uel picturis, uel dissimulatione aut etiam simulatione, adeoque ne nutibus quidem. Prohibentur omnia ueritati & synceritati aduersa. Requiritur abs quolibet nostrum simplicitas, ingenuitas, candor & integritas. Breuiter mandatur nobis, ut omnes ueritatem inter nos mutuò colamus. Nam Exodi 23. legimus præcepisse dominum, A uerbo mendaci longissimè absis. Et Leuit. 19. cap. Non furabimini, ait dominus, ne mentiamini; nemo dolo malo agat cum proximo suo. Et beatus Iacobus Apostolus, postquam linguæ mala attigisset, maxime quòd ex eodem ore proficiscatur bonum & malum, subiungit, Non oportet fratres mei hæc ita fieri. Nunquid fons ex eodem foramine emittit dulcem & amarā aquam? Nunquid potest, fratres mei, ficus oleas gignere, aut uitis ficus? Sic nullus fons falsam & dulcem potest edere aquam. Certè cum dominus homini linguam dederit, ut hac internuncia homo hominis mentem & animū cognoscat, ut deum benedicat, & omnibus prosit hominibus etiam sibi ipsi, decet omnino ut imago respondeat archetypo, atque ex bono corde proferat homo sermonem bonum, alienum à furo & perniciē, à blasphemia & contumelia, denique ab omni petulantia.

De testimonio  
dicendo.

Sed præstat per partes potissima huius generis & argumenti cognoscere punitus. Principiò prohibetur hoc mandato, ne quis in foro aut iudicio requiritur falsum dicat testimoniū. Ergo nō prohibetur simpliciter testificatio, sed falsa duntaxat, Ne dicas, ait, falsum testimonium. Verum ergo testimonium dicere licet, maxime si hoc à te requirat magistratus. Vnde significanter ex ueritate Hebræa legimus, Ne respondeas contra proximum tuum falso testimonio. Responder autem rogatus. Et in testimonijs dicendis solus Deus & ipsa ueritas est dicenti spectanda, ponendusq; affectus prauus, odium, metus uel studium partium: interim nihil uel celandum uel dissimulandum: nihil affingendum de tuo; neq; corrumpe sensus: sicut fecerunt falsi illi testes in Euangelio, illud apud iudices proferentes. Destruam templum hoc, & in triduo ipsum excitabo. Nam corruerunt sensum. Et in lege dicit Dominus, Non assumes rumorem falsum, neq; pones manum tuā cum impio, ut sis testis iniquus. Nec eris post multos in malo in causa,

ut de

ut declines post multos ad peruertendum. Ergo qui falsum dicit testimonium, peccat contra Deum & contra proximum. Nam primum quidem sacrilegio & periu-  
rio se commaculat, adeoque sub nomine Dei mentiendo Deum contumelia afficit:  
proximo deinde tantum nocet, quantum is damni à iudice accipit, in corpore, for-  
tunis & uita. Constat enim iudicem falso commotum testimonio, reum mulctare  
in corpore, in fortunis, aut in ipsa uita: quod non faceret, nisi tuo huc pertrahere-  
tur testimonio. Proinde minime iniqua lex est, quam Moses hisce prodidit uerbis:  
Si mendax testis fuerit deprehensus, facietis ei quemadmodum ipse sceleratè co-  
gitauerat facere fratri suo: & auferes malum è medio tui: ut reliqui id audiant & ti-  
meant, neque audeant amplius designare rem usque adeò sceleratam in te. Neque hic  
ulla afficeris misericordia: animam pro anima, oculum pro oculo, dentè pro den-  
te, manum pro manu, pedem pro pede. Huc pertinet quod in Prouerbijs clamat  
Solomon, Testem fallacè odit Deus. Et, Testis mendax non erit impunitus. Exem-  
plum nobis suppeditant iniqui testes contra pudicissimam fœminarum Susannã.

Deinde damnantur hac lege omnes sycophanticae aut calumniosae accusatio-  
nes in foro, denique emptæ falsæque iudicij sententiæ. Proinde damnantur etiam  
illi quibus uenalis est lingua, hoc est, qui uel frusto panis conducì possunt, ut uel  
benedicant uel maledicant innoxij. Cuius quidem generis maledicas & petulan-  
tes adde & assentatrices linguas plurimas inuenire licet in infimo & supremo, sa-  
cro & prophano hominum ordine.

Præterea commendantur nobis contractus, pactioes & fœdera religiosè cu-  
stodienda seruandaque: ex aduerso damnantur artes, doli mali, imposturæ & cir-  
cumscriptiones. De quibus dictum est cum ageretur de Furto.

In primis uerò prohibetur fidelibus Mendacium, quo uidelicet nocendi uolun-  
tate, aut ex leuitate uana, aut alioqui praua affectione, falsum profertur. Numerant  
enim mendaciorum species uarias. S. Augustinus ad Consensum de Mendacio, ca-  
pite 14. recenset genera 8. Ego pauca duntaxat ex multis commemorabo. Est men-  
daciū iocosum, ueluti cum dico me mentiri, & alij me mentiri sciunt, indeque ali-  
quid percipiunt utilitatis, aut uoluptatis potius. Id quanquam non sit grande pec-  
catum, habet tamen leuitatis plurimū: quam Apostolus improbat in fidelibus, si-  
cut extat in 5. cap. Epistolæ ad Ephes. Non arbitror autem huc referendos esse apo-  
logos, parabolas, & fictas narrationes: quas ut scripturâ ubique adhibet rebus etiã  
grauissimis, ita plurimum habent gratiæ, necessitatis, & utilitatis. S. Augustinus, iocos  
collocat extra mendacia. Est præterea mendaciū officiosum, quo uidelicet fal-  
sum uel fingo, uel refero, officij causa, ut uidelicet ingens aliquod malum à proxi-  
mi depellam ceruicibus. Huius generis plurima sunt in sacris literis exempla. Æ-  
gyptiæ obstetrices seruabant uiuos Hebræorum recens natos filios, quos Pharaò  
trucidare præceperat: ac accusatæ coram rege legis uiolatæ, prætexuerunt officio-  
so certe & ingenioso mendacio mirâ quandam pariendi celeritatem, qua Hebræo-  
rum mulieres Ægyptiæ antecellant. Rahab mirifico figmento illudit ciuibus suis  
Ierichonitinis, & mentiendo seruat populi Dei exploratores. Sed & Michol uxor  
Dauidis, mendacio seruauit maritum, seruos autem patris sui Saulis frustratos &  
hiantes dimisit. Fingit & Ionatham plurima in mensa patris sui, dum Dauid patro-  
cinaretur, quæ mox artibus & pijs doli eripit ex cruentis manibus patris sui Sau-  
lis. Iudith quoque uidua sanctissima, mentiendo & dissimulando penetrat in tentò-  
ria Holophernis, quem fortiter obtruncat, populumque Dei afflictissimum liberat.

Porro disputatum est à primarijs theologis, peccarint ne illi mentiendo, quo-  
rum modò exempla adduximus. Ac Origenes & qui ipsum sunt secuti, permittit-

*Lex de di-  
cendis testi-  
monio*

*Calumnies.*

*Mendacium et  
cuius genera.*

*Mendaciū  
iocosum*

*Mendaciū  
officiosum*



bat sapienti bonoq; uiro mendacium, modò ijs salutare foret quòrum gratia fieret. Nec caruit suspicione Origenici dogmatis S. Hieronymus. Scripsit enim in Epistolam Pauli ad Galat. & Petrum & Paulum pro tempore ufos esse simulatione. Verùm S. Augustinus ea de re D. Hieronymum admonuit, negans in literis diuinis ullam mendacij suspensionem esse recipiendā. S. uerò Hierony. suæ sententiæ admonet fuisse optimos quosq; ueteris ecclesiæ interpretes. Scriptæ sunt utroq; Epistolæ doctæ & prolixæ ab utroq; : quæ cùm extent hodie, non est quid his inhæream diutius. Idem August. lib. contra Mendacium ad Consensum cap. 15. Nihil, inquit, iudicandus est dicere qui dicit aliqua iusta esse mendacia, nisi aliqua iusta esse peccata, ac per hoc aliqua iusta esse quæ iniusta sunt. Quo quid absurdius dici potest? Vnde enim est peccatum, nisi quia iustitiæ contrarium est? Iam uerò quæ contra legem Dei fiunt, iusta esse non possunt. Dictum est autem Deo, Lex tua ueritas: ac per hoc, quod est contra ueritatem, iustum esse non potest. Quis autem dubitet omne mendacium esse contra ueritatem? Nullum ergo iustum potest esse mendacium. Et quæ sequuntur. Rursum uisum est alijs uiris eruditiss. August. mendacio obstinacius fuisse insensum. Ergo non desunt qui ueluti media ingredientiæ uia, istos (quorum adduximus exempla) non omni quidem peccato liberent, sed leue interim fuisse existiment. Certè si qui hîc sibi aliquid permiserint, caueant tamen diligentissimè ne affectibus suis nimium permittentes, officiosum putent mendacium, quod reuera perniciosum est. Vltimum enim mēdacij genus est perniciosum, quod uidelicet proficiscitur ex praua uoluntate, & tendit in detrimentum proximi tui, nihil malè meriti. Hoc in scripturis passim damnatur: & crescit quidem eius culpa iuxta detrimenti quantitatem. Nam perniciosissimè mentiuntur theologi ac doctores ecclesiastici, utpote mendacijs suis siue doctrina corrupta perimentes animas hominum, sed & corpora & facultates seductorum exponentes maledictioni Dei & mille periculis. Huc pertinet & hypocrisis, quam miris modis persequitur & exagitat Dominus Iesus in Euangelio. Exerit autem se hypocrisis non tantum in uerbis dolosis, sed etiam & amplius in conuersatione uitæ tota, ut cùm simulamus uel dissimulamus quæ non sunt, atque ita mentimur Deo, & fucum facimus proximo nostro.

*Delationes & petulans ad maledicendum lim-  
gua.*

*Iusta increpatio.*

*Detrahitio perniciofa.*

Porro proscribuntur hac lege delationes, calumniæ, obreftationes, susurri, & ex his enatæ suspensiones. Damnantur itaq; petulantia & ad maledicendum apposita instructæ ingenia. Inuenias enim qui non reuereantur detrahere infimis & supremis, priuatis & publico munere insignibus personis: in quem usum spargit famosos libellos, conscribunt Pasquillos, adduntq; picturas infamatrices. Ac dicitur quidē sibi esse uidentur cum amarioris lædoris omnes taxant, imò effrenis lingue petulantia garriendiq; temulentia, libertas quædam siue parrhesia appellatur. Ad qui peccant grauissimè, qui ex maledicentia uoluptatē capiunt, hoc est, qui circumferunt os plenum amaritudine, maledictione & dolo: sicut & illi à peccato alieni non sunt, quibus uolupte est uenenatā audire maledicentiam. Extra calumnia uerò & extra peccatum ponimus accusationes iustas, siue scripto siue oratione uia prolatis in medium, item obiurgationes & castigationes quæ fiunt sacris in coactionibus. Nam qui uitia & errores sic castigant ac persequuntur, non alium finem habent propositum, quàm gloriā Dei & animarum salutem, quæ omnibus modis cupiunt promota, non autem releuatam bilem & satisfactum prauis affectibus. Cæterū maximum esse scelus calumniari & detrahere proximis, multis colligipotest argumentis. Vix enim aliud est uitiū, quod ita nos deformet atq; obreftatio. Conditī sanè sumus ad imaginem & similitudinē Dei, ut simus filij Dei: ac ex filijs

Dei efficiunt nos calumniæ filios diaboli. Ac omnes quidem abhorremus à diabolo nomine, si autem sis calumniator, certè hoc ipsum es quod execraris. Nam à calumniando nomen habet diabolus, quod nihil aliud est, quàm si dicas calūniator. Iam etiam Deus in Prouerbis dicitur odisse calumniatores, siue detractores. Item Prouerb. 19. cap. legimus, Cogitatio stulti peccatum est, & abominatio hominum detractor. Est enim nomen bonum, eodem Solomone teste, thesaurus pretiosus. Ergo cum per calumnias & delationes hominis bona fama periclitatur, præstantissimum illud hominis periclitatur: ut reuera grauius uideatur peccare detractor quàm fur: nisi quis præferat putidas opes nomini glorioso. Proinde mirum est qui fiat hodie, quòd furibus non parcitur in furto deprehensis, delatoribus autem calumniatoribusq; nihil aut minimū mali irrogatur. Vtinam res aliquando rectius perpendant principes, ac mala quidem puniant omnia æquis pœnis, inprimis autem supplicia digna sumant de sceleribus grandioribus. Deus certè ab uno quouis nostrum requirit, ut proximis nostris fidelem operam, quoad licet, in asserenda ueritate commodemus, ad tuendam & nominis & rerum proximi integritatem.

Videtur item hac lege proscripta esse Adulatio, quæ ex stulto, ut uerè dicitur, *Adulatio.* reddit insanum, ex infano insanabilem. Itaq; Solomon pronunciat adulatorem publica dignum execratione. Qui dicunt, inquit, impio iustus es, maledicent eis populi, & detestabuntur eos tribus. Et alibi, Verba susurrionis quasi simplicia, & ipsa perueniunt ad intima cordis. Cum submiserit uocem, ne credideris ei: quoniam septem nequitiae sunt in corde illius. Rectissime ergo pronunciat in Ecclesiasta, Melius est audire increpationem sapientis, quàm carmen uiri stulti, adulatoris nimirum. Ac cum tantum malum sit adulatio, amatur tamen ab omnibus ferè, adeò ut pestis illa inuasit, adde & occuparit sacram in templo cathedram, aulas regum, curias senatorias & priuatorum quoq; aedes. Habet enim illa Syren cantionem carni nostræ suauissimam. Impense enim amamus nos ipsos, stulti, non animaduertentes istas blanditias pellicere in amarum exitum. Doctores adulantes Ezechiel grauius increpat, & ait, Væ illis qui dicunt populo pax pax, cum non sit pax: qui liniunt maceriam absq; temperamento, qui consuunt blandos puluillos sub omni axilla aut eubito, & ceruicalia blanda sub omni capite, ad capiendas animas. De huiusmodi doctoribus & hominibus, adulatione magis mendacijsq; quàm ueritate syncera gaudentibus, loquens Apostolus quoq; Paulus dicit, Erit tempus cum sanam doctrinam non sustinebunt: sed iuxta concupiscentias suas coaceruabunt sibi doctores, ij quibus pruriunt aures, & à ueritate quidem aures auertent, ad fabulas uerò eouertentur. Iam Dauid quoq; hanc deprecans pestem, utpote omnibus regibus & principibus, uel in eminentia constitutis perniciosissimam, Corripiet me iustus, inquit, in misericordia, & increpabit me: oleum autem peccatoris non impinguabit caput meum. Et iterum, Domine libera animam à labijs iniquis, & à lingua dolosa. Hæc hætenus expositionis gratia in nonum præceptum Domini prætilimus.

Sequitur præceptum decimum, quod ad uerbum sic habet, NON CON- *Præceptum*  
CUPISCES DOMVM PROXIMI TVI, NON CONCUPISCES *Dei 10.*  
UXOREM PROXIMI TVI, NEC SERVVM EIVS, NEC  
ANCILLAM EIVS, NEC BOVEM EIVS, NEC ASINVM E-  
IVS, NEC QVICQVAM QVOD EST PROXIMI TVI. Quæ  
quidem uerba Deut. 5. cap. hoc ordine & modo exponuntur, Non concupisces  
uxorem proximi tui, non concupisces domum proximi tui, nec agrum eius, nec  
seruum eius, non ancillam eius, nec bouem eius, non asinum eius, nec quicquam



quod est proximi tui. Nec est ulla diuersitas, aut contrarietas in re ipsa, tametsi in Exodo domus proximi, in Deuteronomio autem uxor proximi, primo ponatur loco. Facit autem hoc nonnihil contra illos, qui ultimum hoc praeceptum in duo diffecant, cum sit inseparabile: id quod ordo hic inuersus utique indicat.

*Concupiscentia.*

Prohibetur autem ante omnia concupiscentia, nimirum mala, siue praua cupiditas. Concupiscentia enim medium est uocabulum. Nam refertur ad bona & ad mala. Dauid enim testatur se affici concupiscentia Dei & legis eius. Concupiui, inquit, salutare tuum Domine. Et, Concupiui mandata tua, Psal. 119. Sanè discernere oportet inter affectionem à Deo bene creatam, & inter illam quae innata est nobis radix malorum ex propagine primorum parentum. Erat in Adamo ante lapsum appetitus cum delectatione non malus. Non esuriebat cum dolore (id quod peccati supplicium est) sed edebat cum appetitu delectabili. Delectabatur amoenitate paradisi. Amabat & concupiscebatur sancta quadam concupiscentia foeminam, quam ei adduxerat Deus. Atque hic appetitus non malus ab ipso Deo creatore bono proficiscitur. Ac sunt etiam hodie in hominibus naturales affectiones uel cupiditates, edendi uideelicet, bibendi, dormiendi, & aliae his similes, ad conseruationem ac propagationem hominis pertinentes, quae per se quidem sub censum peccati non ueniunt, nisi quatenus originali uitio deprauata legibus transiliunt terminos. In praesenti uero negotio usurpatur pro mala, siue pro malorum concupiscentia. Ea in omnes ex Adamo transfusa, fructus est corrupta naturae nostrae, uel foetus peccati originalis. Haec sedem habet in ipso corde hominis, & est fons & origo omnium quae in homine sunt uel existunt, malorum scelerum. Dominus enim disertè in Euangelio dicit, Quicquid ingreditur in os, in aluum abit, & in secessum eicitur: at ea quae proficiscuntur ex ore, ex ipso corde egrediuntur, & illa impurum reddunt hominem. Nam ex corde exeunt cogitationes malae, caedes, adulteria, stupra, furta, falsa testimonia, conuitia: haec sunt quae impurum reddunt hominem. Nec obscurius beatus Iacobus Apostolus dicit, Ne quis cum tentatur, dicat se tentari à Deo. Nam unusquisque tentatur dum à propria concupiscentia abstrahitur & inescatur: deinde concupiscentia posteaquam concepit, parit peccatum, peccatum uero perfectum progignit mortem.

*Iacobi*

*Concupiscentia quid sit:*

*In peccato quod sit consideranda.*

Concupiscentia ergo est animi motus siue affectio, quae ex ingenita corruptione in nobis inardescit contra Deum & legem eius, nosq; sollicitat ad malum, etiam si consensus aut opus ipsum non accedat subsequaturue. Nam si haec accedant cupiditati, increfcit gradibus & auctibus peccatum. In peccato enim primo consideranda uenit ipsa imaginis uel ingenij Dei in nobis oblitteratio aut corruptio, uitium agnatum, & morbus ille latens in membris nostris, siue affectio praua. Deinde considerandum, quod haec increfcit delectatione. Inde sequitur consensus consiliūque perficiendi sceleris: quod & non raro in opus erumpit quod & ipsum grandescit per circumstantias accedentes. Veniunt autem singula illa sub peccati censum, quanquam interim alia alijs fiant grauiora. De qua copiosius dicitur, ubi, Deo uolente, uentum fuerit ad tractationem Peccati. Proinde affectio illa praua & illegitima, quae est ex ingenita corruptione, sed in natura nostra latitat, exerit aut se in cordibus nostris contra puritatem diuinam maiestatem & legis, illud ipsum est peccatum, quod hac lege damnatur. Tametsi enim non desint quibus uideantur huiusmodi animi motus, morbi, uitia, & affectiones non esse peccata, Deus tamen illas lege hac prohibens, manifestè cōdemnat. Quod si quis de nostra expo-

fra expositione ambigit, Paulum audiat Apostolum dicentem, Peccatum non cognoui nisi per legem. Nam & concupiscentiam non nouissem, nisi lex dixisset, Nō concupisces. Absq̃ lege peccatum erat mortuum: ac ipse quondam sine lege uiuebam: ueniente autem mandato, peccatū reuixit, ego uerò mortuus sum. Et iterum, Affectus carnis mors est: affectus uerò spiritus, uita & pax. Propterea quòd affectus carnis inimicitia est aduersus Deum. Nam legi Dei non subijcitur: siquidem ne potest quidem. Qui uerò in carne sunt, Deo placere non possunt. Damnat itaq̃ nos concupiscentiæ affectus, siue nos iusto Dei iudicio cōdemnamur meritò, propter concupiscentiam in nobis latentem atq̃ sese exerentem in horas, ac ueluti in momenta singula. Existunt sanè phantasie uariæ & plurimæ cogitationes in animis hominum: dum tamen non tendunt uel in offensionem Dei, aut proximi, nec impuritatis aut phylautiæ quicquā habent, non ueniunt sub censum peccati: quod mox ab initio diximus.

Ethactenus quidem Deus lege sua prohibuit crassiora quidem peccata, quæ ab hominibus committuntur contra Deum, sub finem uerò peruenitur ad ipsam concupiscentiam & corruptam hominis naturam, omnium malorum fontem, quem modò etiam sopit & obstruit: aut, ut rectius loquamur, infirmitatem generis humani omnium oculis exponit. Quis enim non concupiuit aliquando? imò quis non in singula propè momenta sentit concupiscentiæ stimulos? Quis obsecro non laborat ingenito omnibus morbo, siue labe illa geniali? Deprehensi ergo in peccatis coram Domino, non habemus quo extenuemus nostram culpam, aut elabamur ex sententia iudicis omnem carnem condemnantis. Damnat enim disertè iustus Deus corruptionem natiuam prauamq̃ inclinationem, quæ est perpetua auersio à Deo & rebellio cōtra integritatem, quam à nobis exigit Deus. Beati enim pronunciantur qui sunt mundo corde præditi, quoniam ipsi Deum uidebunt. Ergo quibus cor est cupiditatibus implicatum, morbidum, imbutum ueneno & pollutum, non uidebunt Deum. Huiusmodi autem sumus omnes quotquot censes mur filij Adæ. Proinde ultima hæc lex omnes reuincit peccati & infirmitatis siue corruptionis humanæ, & quæ hanc sequitur, condemnationis.

Deinde requirit Deus lege sua non tantum corporis siue externam puritatem uel mundiciam, sed animi quoq̃, spiritus & omnium affectuum: & præcipit ut in salutem & profectum proximi tendat quicquid cogitamus, consultamus, molimur & agimus. Referri ergo poterit hæc lex ad omnes ferè alias præcedentes. Nam ipse quoque Dominus Iesus exponens hanc legem, Non occides, addit, Quisquis irascitur fratri suo, obnoxius erit iudicio: & reliqua Matth. 5. Rursus ibi dem explicans hoc præceptum, Non cōmittes adulterium, adiecit, Quicumq̃ asperit uxorem alterius, ad concupiscendum eam, iam adulterium commisit cum ea in corde suo.

Ac diligentissime quidem recenset enumeratione quadam res, quas concupiscendo desideramus, & peccare solemus: rebus cōiungit personas. Res partim immobiles, partim mobiles sunt: id quod Helueticè eloquimur, Ser gūteren sind etliche ligende/etliche farende. Immobiles sunt domus, uillæ, agri, uineta, syluæ, prata, pascua, piscinæ, & alia huius generis. Mobiles sunt pecuniæ, iumenta, siue pecora, honores, officia, dignitates. Ad personas referuntur, uxor, liberi, serui, ancillæ. Hæc & similia quæ sunt in possessione proximi, nemo nostrum in detrimentum proximi concupiscat: aut si concupierit, ne consentiat concupiscentiæ, aut delectationem capiat ex ipsa: ne consilium capiat quomodo assequatur cupita, ne conceptum cōsiliū protinus producat in opus, eripiatq̃ proximo uel

Roma.  
-1-

Cōuincitur ho  
mo peccati.

Quæ requiritur  
ab homine  
puritas.

Non concupiscenda quæ?



res uel personas. Huiusmodi uerò iustitiam requirit à suis cultoribus Deū, quæ ex ipso animo & propensa uoluntate nostra, nō tantum opere externo, integra & absoluta sit. Vnde in Euangelio dicit Dominus, Nisi abundauerit uestra iustitia plus quàm scribarum & pharisæorum, non introibitis in regnum Dei. Cæterum quomodo compleantur mandata Dei, & quòd fides sit absoluta iustitia, explicabo sermone alio, & dixi quædam in Sermone quem habui de Vera fide.

Hucusque per Sermones duodecim enarraui decem capita legis moralis, quæ diximus tradi nobis uirtutum formas, adeoquæ mores nostros informari, quomodo hos componamus ad uoluntatem Dei. Distinxit ipse omnium Dominus Deus hoc negotium in duas tabulas. Prima ostendit quid homines Deo debeamus, & quomodo uerè colamus Deum. Secunda autem per sex præcepta exposuit, quid quæque proximo suo debeat, & quomodo omnes commodè, tranquillè & humaniter uiuamus. Iubet ergo honorare parentes, & omnes eos qui sunt à Deo parentum loco constituti. Prohibet homicidium, & omnem iniuriam quæ inferitur uitæ hominis corporisquæ. Prohibet stupra, adulteria & libidines nepharias, cōmendat coniugium & mundiciam uitæ temperantiāquæ. Prohibet furta, dolos, impostura. Prohibet mendacia, falsa testimonia, cupiditates prauas & noxias. Iubet nos ex animo amare proximos, & his benefacere semper. Domino & legislatori nostro pietissimò, sit laus & gratiarum actio in sempiternum.

*De Legibus Dei Ceremonialibus, præcipuè autem de Sacerdotio, Loro & Tempore sacro. SERMO V.*

**I**N partitione legum diuinarum, proximè post legem moralem posuimus legem Ceremonialem: unde morali lege per partes explicata, dicendum erit porro, Deo iuuante, de lege Ceremoniarum. Ac ne quid dissimulem, scribunt alij Ceremoniæ, alij Cerimonix: & de uocabulo nō idem sentiunt omnes. Est enim qui ex Seruij Sulpitij sententia ceremonias à carendo dictas esse arbitrat. Festus autem, Ceremoniarum causam, inquit, alij ab oppido Cære dictam estimant. Nam Lilius in 5. commemorat à Cæretibus sacra Romanorum in bello Gallico, Gallis inquam occupantibus Romam, esse asseruata. Vnde uidetur eius beneficij memoriam, omnem cultum Dei, & omnes ritus sacros, ceremonias esse appellatos. Vndecunquæ uerò derivatum sit uocabulum, nos illud in præsentibus usurpamus pro actione sacra sacrorumquæ ritu ecclesiastico.

*Ceremonia in genere quid.*

Sunt autem Ceremoniæ ritus sacri circa personas sacras, locum item & tempus cultumquæ sacrum uersantes, qui quomodo legitime fiant, leges quæ uocantur ceremoniales exactè tradunt atquæ describunt. Ceremoniæ ergo actiones uel ritus sunt, quos formant leges siue præscriptiones, appellatæ leges Ceremoniales. Porro instituit ceremonias uel Deus uel Homo. Et Deus quidem instituit alias in testamento uel populo ueteri, alias sub Christi primum aduentum in populo noui testamenti. De noui testamenti Ceremonijs dicetur, ubi uentum fuerit ad Ecclesiæ & Sacramentorum ecclesiæ tractationem. In præsentibus differemus de Veteris populi uel testamenti Ceremonijs. Eæ sunt instituta uel actiones seu ritus sacrorum, populo Israelis, ab ipso Deo traditi, ad tempus quidè correctionis, sed & ad representanda uelandaquæ Dei mysteria, deniquæ ad cultum Deo præstandum, & ut his populus Dei retineretur in religione legitima, & societate unius corporis ecclesiastici.

*Ceremonia: Indica quid.*

*Ceremonia: huiusmodi.*

Porro homines instituerunt Ceremonias uarias & multiplices: quod fecerunt

apud Ethnicos archiflamines sacerdotes & ministri idolorum, aliquando reges & principes. Apud Hebræos diuinas ceremonias Ieroboam rex Israeliticus in suum & suæ domus exitium, suis, id est, humanis & impijs, permutauit. Ceremoniarum ab hominibus institutarum, in hoc postremo seculo nostro nullus est neque modus neque finis. Id quod multi uiri docti deplorarunt, & deplorant adhuc. Conqueritur Augustinus suo seculo admodum auctas esse ceremonias in Ecclesia: quid putas hodie dicturum si reuiuisceret? Verum de his dicemus alias. Quoniam uero uocabulum Ceremoniæ quibuslibet etiam ethnicis ritibus attribuitur, nos in descriptione nostra iam proposita disertè significamus, nos loqui non de quibuslibet ceremonijs, sed à deo traditis, nimirum populo Izraelis à Mose: non utique ex Mosis, sed Dei, arbitrio, per illius autem ministerium: iuxta illud quod Mosi dictum legimus, Vide ut facias omnia secundum exemplar quod ostensum est tibi in monte. Nostræ ergo Ceremoniæ prima origine referuntur ad Deum ipsum autorem uerissimum, ac ea de causa Deo placuerunt, quia diuinæ fuerunt & fide exhiberi potuerunt. Damnantur contra Ceremoniæ in cultu diuino inuentæ & institutæ ab hominibus. Locus illustris est Deut. 12. Sed & 4. Regum 17. dicitur, Ambulauerunt in institutis siue ceremonijs Izrael, quas illi fecerunt. Notissimum est quid euenerit domui Ieroboam, & ipsi Ieroboam, denique omnibus regibus Izrael ambulanti in uia Ieroboam. Ita Ceremoniæ hæ nostræ, id est, de quibus loquimur in præsentī, actiones sunt siue ritus, non prophani, sed rerum sacrarum: quas uidelicet instituit ipse Deus, & exercet Dei populus. Et fuerunt quidem traditæ non omnibus gentibus, sed populo Izraelis, & ad tempus quidem, ut Apostolus dicit, correctionis, utpote quæ humeris Iudæorum ad Messiam usque exhibiti ten. 30ra insiderent, inde autem deciderent aut deponerentur atque disparent. Certè hoc nomine appellata est lex Apostolo Paulo pædagogia ad Christum. Iam & finis in quem institutæ sunt Ceremoniæ inspicendus est. Pertinent ceremoniæ ad doctrinam pietatis & fidei maxime. Nam adiectæ sunt primæ tabulæ, ueluti subsidium quoddam & fulcrum. Tradunt enim cultum Dei ueri externum, quem uero Deo pijs exhibeant, ac per eas abstrahantur, non tam ab alienis dijs, quam cultibus peregrinis, quibus plus nimium in Aegypto assueuerant: non habentes utique modò ullam occasionem peregrinos cultus recipiendi, quando tam exquisitis instructi & quasi inuoluti erant sacris. Hanc causam concessarum ceremoniarum commemorat ipse Moses Deuter. 12. Ergo ceremoniæ & ceremoniarum exercitium disertè appellatur in diuinis legibus cultus Dei. His enim colluoluit Deus: ac retinebāt populū Dei in uero cultu Dei, & in uera religione & soliditate unius corporis Ecclesiastici. Dispergitur enim Ecclesia nouis aut peregrinis ceremonijs receptis: sicuti claret in rebus Solomonis & Ieroboami. Sed & Paulus Apostolus dixit, Nonne qui edunt uictimas, participes sunt sacrarum, adeoque totius religionis: Ad hæc, uelata abscondebantur potissima Christi & Ecclesiæ mysteria in ceremonijs, fueruntque sacramenta Iudaici populi, quibus dominus sibi hunc obstringere firmiter uoluit, adde & refricare sua beneficia, denique exerceri pietatem & obedientiam, adeoque fidem sui populi. Cumque in eis fidem & fidelem obedientiam exigeret ante omnia, non placuerunt ceremoniæ hæ domino, quoniam populus sensu mysteriorum destitueretur, fide careret, atque externum modò cultum exerceret. Nam apud Ieremiam clamat dominus, Holocausta uestra aduite uictimis uestris, & comedite carnem: quoniam nihil locutus sum cum patribus uestris, neque præcepi eis cum educerem eos ex Aegypto de holocausto & sacrificio: sed hoc uerbum præcepi eis, dicens, Audite uocem meam, & ero uester

*Ceremoniæ diuinæ.*

*Ceremoniæ Iudaicæ.*

*Finis ceremoniarum.*

*Cultus Dei.*

*1. Cor. 10.*

*Quomodo probemur et imo probemur ceremoniæ.*



Deus, uos autem eritis populus meus. Alibi uerò legimus sacrificia oblata, & cultum illum exhibitum à populo, fuisse Deo gratissimum, odoriscq; suauissimū. Vnde uerò illa diuersitas, nisi ex animis colentium Deum cultumq; exhibentium? Placuerunt enim sacrificia, placuit cultus qui fiebat ex simplici obedientia ac fide: displicebat qui sine fide & sincera obedientia animi, forinsecus non intrinsecus, persoluebatur Deo: quo nomine & Cain peccasse legitur: atq; eo modo sacrificare non praeceperat. Rursus legitime & in fide Christi uenturi Messiae sacrificare & colere Deum, instituto externo cultu, iusserat: non ut ex ipso opere patratō sperarent iustitiam, sed ex eo qui in omnibus praefigurabatur ceremoniis. Hic erat Christus, qui mens & uita est omnium quae in lege tradita sunt ceremonialium.

Non inutilis cognitio ceremonialium.

Sed praestat per partes, non omnes quidem aut singulas, sed potissimas tantum inspicere expendereq; ceremonias. Nemini autem hic labor noster curiosus aut inutilis esse uideatur. Nam mirè conferet ad sanam intelligentiam legis abrogatae. Praeterea quae à Deo tradita sunt in scripturis sanctis, utilitatem habent luculentissimam, & auctoritatem diuinam: adeo ut stulti simul ac impij sint, aut ut minus loquar, ignari rerum bonarum & temerarij, qui fastidiunt & ceremonias diuinitus traditas & ipsarum tractationem sobriam atq; piam. Inuenias non paucos quibus utilissimum excellentissimūq; uideatur. Homerum & Maronem allegorice interpretari: in solis ceremoniis diuinis nulla stultis uidetur recondita uel utilitas uel sapientia: cum reuera nihil habeat orbis hic totus, utilius, iucundius, elegantius, excellentius, & eruditius in hoc argumento, quàm ceremonias sacras. Describuntur enim his mysteria Christi & Ecclesiae catholicae, idq; perspicue, doctanter & excellenter.

Ceremoniarum summa.

Atq; in his recensendis perstringendisq; sequar maximè ordinem naturalem. Ceremoniarum pertinent ad cultum Dei ecclesiasticum. Atqui necesse est ut sint personae destinatae in Ecclesia, quae magistri uel ministri potius publici sint ceremonialium, & eas exerceant in Ecclesia secundum instituta domini. Necesse est ut sit locus quoq; certus & tempus certum, quo maximè exerceatur cultus: sed & ritus sacros, hoc est, ipsas ceremonias circumscriptas, numeratas aut designatas certatim esse oportet, ut norint cultores Dei, qualem Deo cultū exhibeant. De personis, id est, Sacerdotibus siue Leuitis, primo loco dicemus pauca, ubique auditorum relegantes ad lectionem sacri codicis, in quo descriptiones singulae plenius & copiosius continentur.

Origo sacerdotij.

Origo sacerdotij in ueteri populo ad ipsa se extendit rerum exordia. Tradunt enim primogenitos in qualibet familia fuisse sacerdotes. Certè caeteris Aegyptiorum primogenitis, Israelitarum primogenitos lege sibi cōsecrat dominus. Ac semper fuit magna primogenitorum dignitas & excellentia uel in legibus ciuilibus. Tenuit primogenitus in domo paterna dominatum, adeoq; regnum inter fratres primogenito cedebat hereditas, reliquis dabantur munera: primogenitus sacerdotij praefulgebat dignitate. Ergo cum Cain atq; Abel concertarent de primogenitura, non concertarunt de re leuicula, sed omnium praestantissima. Vnde cum uirgo mater dicitur à Luca primogenitum suum genuisse filium, nemo cogitauerit cundò genitum aut ipsam plurium liberorum fuisse matrem. Dignitas enim excellentiaq; notatur. Ad Christum enim Dominum pertinet regnum, sacerdotium & hereditas. Huius liberalitate & munificentia adoptamur & nos in participatum, ut simus & nos reges, sacerdotes & haeredes uitae aeternae & omnium bonorum coelestium. Verum ut redeamus ad id quod institutum, sacerdotij dignitatem iure primogeniturae Rubenis erat in populo Israelis. Caeterum is nephando

Christi primogenitus.

ginitio, incestu uidelicet admissio, ius suum amisit. Successit ergo Levi: sed & is dignitatem eam scelere perdidit, quod Sichimitis perfide cladem intulisset, atque prophanasset sacramentum circumcisionis. Quoniam uero eadem tribus praeclare se gessit, non modo in educendis filiis Israel ex Aegypto, sed in puniendis idololatris, uiculi inquam cultoribus, sacerdotij functionem seu dignitatem ceu uirtutis praemium recepit, in quo locum primogenitorum uniuersi seminis Israel Leuitae sunt repositi. Sic enim legimus, Et ait Moses ad Leuitas, Consecrate hodie manus uestras domino, quisque in filio suo & in fratre suo, ut detur uobis hodie benedictio. Et iterum, Et loquutus est dominus ad Moysen dicens, Ecce ego selegi Leuitas ex medio filiorum Israel pro omni primogenito quod primum nascitur in filiis Israel: & Leuitas erunt mei. Meum est enim omne primogenitum a die quo percussi omne primogenitum in terra Aegypti, consecraui mihi omne primogenitum in Israele, &c. Ex his constat Leuiticam tribum consecratam fuisse sacerdotio in Ecclesia Israelis. Porro haec dignitas seu hoc ministerium huic tribui singulariter confirmatum est mox a seditione Choristea, Dathanica, Abyramicaque, signum edente domino in uirga Aaronis, quae floruit inter undecim surculos sola, in testimonium, quod Deus sacerdotio Leuiticam tribum & solam quidem illam destinasset. Ideo uero eadem illa uirga & in arcam reposita seu asseruata est in tabernaculo, ne post hac unquam aliae tribus sacerdotium affectarent. Haec fusius exponuntur Numeri 16. & 17. cap.

*Leuitae facti  
dotes.*

*Exod. 31.*

*Numer. 3.*

Erat autem inter Leuitas ordo certus, erant gradus, erat distributio quadam in partes certas. Diducebantur enim Leuitae in tres familias, nempe Cahatitas, Gersonitas & Meraritas: ac haec rursus distribuebantur in ordines quatuor. Principio enim deligebantur ex familia Cahat principes, qui praesidebant: deinde qui reliqui erant inter Cahatitas, & duo alij ordines Gersonitarum & Meraritarum, uelut subditi praesidibus parebant. Omnibus enim praefulgebat Aaron summus pontifex cum Ithamar & Eleazar filiis. Ita enim legimus Numeri 3. Et dabis Leuitas Aaroni & filiis eius. Dedititij enim sunt ex filiis Israel. Aaronem uero & filios eius praeficias, ut custodiant sacerdotium suum. Alienus si accesserit, interficiatur. Ea re praeferebat summus sacerdos Aaron typum Christo regi & pontifici uero optimo maximo, cui subiecti sunt Christiani omnes, quorum ipse summus pontifex & caput in coelis est.

*Ordo inter sacerdotes certus*

Sciendum autem est non omnes Leuitas inseruisse tabernaculo, neque omnes ubique per uniuersam Israelis terram docuisse. Certae erant leges quinam uocandi ad ministerium sacrum ex Leuitis, qui repellendi. Leges non uacat hic recensere omnes. Praecipue extant Leuit. 21. & 22. cap. Numeri 8. cap. designatur & aetas idonea ministerio, nempe a 25. anno ad 50. usque annum. Praeterea consecrabantur uocati & delecti ad ministerium sacerdotes. Ritus consecrandi copiosior operosiorque est, quam per compendium referre liceat. Significabatur consecratione, donis uarijs instructos, & conuersatione sanctissima praeditos esse oportere eos qui seruiunt Ecclesiae in munere sacerdotali. Huc enim in primis pertinebat unctio sacerdotalis, typus sancti spiritus, quo nisi imbutus sit minister ecclesiasticus, munere sibi ipsi ad interitum fungitur. Porro sacerdotalis consecratio describitur a Mose Exodi 29. Leuit. 8. & Numeri octauo capite. Hoc loco commemorari oportet etiam cultum, siue uestitum sacerdotalem. Vtebantur sacerdotes extra ministerium uestitu politico, ut colligere ex Ezechiele possumus: sed in ministerio, sacro ceremonialique. Eius descriptionem copiosam exhibet nobis Moses Exodi uicesimo octauo & 39. cap.

*Ex Leuitis ad ministerium deligebantur idonei.*

*1. Ioan. 2.*

Numerantur nouem uestium genera, alij octo duntaxat recensent. Iosephus

*Vestis sacerdotalis.*



*Foeminalia.**Tunica stricta.**Zona.**Thiara.**Ephod.**1. Regum 22**Megil.**Humrale.**Rationale.*

decem. Ante omnia abluebantur aqua munda sacram rem facturi sacerdotes, deinde uestibus sacris induebantur. Fuerunt in his communes uestes sacerdotum atque Pontificis. Principio lineis foeminalibus, quae usque ad genua & poplites ueniunt, uerenda celantur, & superior pars supra coxendicem astringebatur, simile quippiam habens cum superiore caligarum nostrarum parte, ut si quando expediti mactarent uictimas, trahunt & portant onera, etiam si lapsi fuerint, non patet quod opertum est. Deinde lineis foeminalibus inducebatur tunica stricta, duplici sindone, quam & ipse Iosephus byssinam uocat. Adhaeret corpori plana & sinerum ga uel plica, descenditque ad crura usque. Solebant quondam militantes habere lineas, quas camisias uocant, sic aptas membris & astrictas corporibus, ut expediti essent uel ad cursum uel ad praelia. Ergo & sacerdotes parati ad ministerium Dei induuntur hac tunica, ut pulchre tecti, interim & expediti suum perficiant ministerium. Tertium genus uestimenti zona, cingulum uel balteus, astringebat tunicam illam. Contexta erat purpura, cocco, bysso, hiacynthoque in similitudinem pellis colubri, dependebatque ad crura usque, sed in ministerio sacro retorquebatur in lauum humerum. Quartum genus uestimenti numeratur thiara, uel rotundum pileolum, quod caput obtexit ferme ad aures usque, ea forma, quasi media sphaera sit diuisa, superiorque pars imponatur capiti. Hinc fuit Ephod (cuius quidem in scripturis alibi, non in Exodo, ubi ex professo uestimenta sacerdotum describuntur, sit mentio) communis uestis omnibus sacerdotibus. Pallium fuisse putatur ex lino, quod & David indutus erat cum saltaret ante arcam. De Sacerdotibus à Saule caesis per Doeg Aedomæum legimus, Et interfecit eo die 85, uiros ferentes Ephod lineum: non quod tum ferrent cum interficerentur, sed quod essent in ea aetate eorum ordine ut ferre possent, hoc est, ut ministrarent in sacerdotio domini. Ergo in Osee legimus, Eris sine Ephod & Teraphim, nimirum sine sacerdotio & cultu. Nam Ephod coepit usurpari pro ipso sacerdotio, uestis siue signum pro re signata. Quid si quis hæc Osee de nobiliore Ephod, de quo mox dicemus, intellexerit, non refragabor. Nec multum uidetur distare Ephod lineum à ueste quam Papistæ hodie pallium, camisiam uel uestem chori uocant. His autem quinque uestibus communiter utebantur pontifex ac sacerdotes. Reliquæ quatuor propriæ pontificum sunt, quarum primam uocant Megil, ea fuit tunica talaris, uestis inquam sinuosa, tota hiacynthina, à collo demissa in solū, ad pedes, conclusa omni ex parte, nisi ubi exertum caput et brachia: inferne ex limbis eius dependebant septuaginta duo tintinnabula seu nolæ, & totidem mala granata uel punica, ita collocata, ut semper fuerit inter duo tintinnabula unum malum punicum, & inter duo mala punica unū tintinnabulum: caussaque redditur, ut cum ingreditur pontifex in sancta sanctorum, totus uocalis incedat, statim moriturus nisi sic fecerit. Sequitur Ephod pontificis, longè diuersum ab illo, de quo prius diximus. Hoc enim non erat lineum, sed contextum opere textorio polymito, ex auro, purpura, byssoque: cuius forma diuersum à priore. Pontificium enim hoc erat humerale uel pectorale, à collo ad coxendicem usque per cubitum: extensum: contextit enim ueluti thorax pectus scapulas & infra axillas utrumque latus: ea forma qua uidemus hodie thoraces mulierum, quos appellant Helueticè Lybli, præditos. Hoc supra talem induebantur. In utroque humero singuli hærebant Onychini, schoham dicti, gemmae pretiosæ, nomina filiorum Izrael habentes insculpta: contra pectus nihil contextum erat, sed locus Rationali apparatus. Nam Rationale, quod Hofen appellatur, octauum erat uestimenti genus, pectorale iudicii quoque nuncupatum id erat ex auro, purpura, & bysso textus pannus, palmi habens magnitudinem per

per quadrum, & duplex, & limbis ex quatuor partibus munitum, ne facile rum-  
patur. Intexti erant ei lapides siue gemmæ, miræ magnitudinis (in hoc genere) &  
pretij, per quatuor ordines, ita ut in singulis uersibus terni lapides collocarentur:  
quibus etiam ut onychinis inscripta erant nomina filiorum Israel. Radiabant ue-  
rò miro quodam fulgore: neq; enim alij lapides nisi splendentes pectorali infere-  
bantur. Vnde *Vrim & Thümmim* non uidetur fuisse aliud quàm hic lapidum or-  
do. Significat enim *Vrim & Thümmim* splendores & integritates. Nam ut gem-  
mæ hæc fulgurabant, ita erant integerrimæ, nullumq; in eis uitium apparebat. Ac  
arbitrantur sacerdotem summum nunquam in re graui dixisse ius, aut responsa  
oraculorum rogatum edidisse, nisi cum pectorale hoc iudicij in pectore haberet po-  
situm. Conneſcebatur enim aureis annulis ipsi Ephod uel humerali seu thoraci,  
insuper & catenulis aureis suspendebatur ex humeris, sub onychinis lapidibus  
demissis. Præstantissimum hoc in ornatu ac uestitu pontificis habebatur. Erat e-  
nim scrinium pectoris & thesaurus omnis iuris & scientiæ, omnis denique æqui-  
tatis & iudicij, unde ueluti responsa petebantur, quomodo se gererent in causis  
difficilibus Israelitæ. Proinde alij uertentes *Vrim & Thümmim* *δύναμις καὶ ἀλη-  
θεια*, id est, manifestatio, uel doctrina, inquit, Et ueritas in pectore sacerdotis est.  
Vltimo loco ponitur Lamina aurea. Fuit enim in capite sacerdotis summi uitta  
hiacynthina, in qua erat lamina aurea, acuminata quidem illa, ea propemodum for-  
ma, quam uidemus hodie in insulis Episcoporum. Inscriptum in ea continebatur,  
Sanctum domino, uel sanctitates domini. Solus enim sanctissimus & sanctificans  
est ipse Christus dominus: Antichristus est qui hoc nominis sibi usurpat. Sunt qui  
putent laminæ inscriptum nomen domini ineffabile. Constringebatur equidem  
hæc lamina apud pileolum illud lineum, commune omnium sacerdotum, in fronte  
per uittam hiacynthinam, adeoque pontificem ueluti coronabat. Hic inquam, fuit  
uestitus sacerdotum sacer & Pontificis summi in primis.

*Vrim &  
Thümmim.*

*Lamina aurea.*

Significationem illa habent pulcherrimam & multiplicem. Vsum & finem  
ipse Dominus per Moſen indicauit, instituta hæc esse ad gloriam & decorem: non  
tantum ad conciliandam ministris sacra peragentibus auctoritatem, sed etiam ad  
commendationem sacrorum. Videntur enim hæc augustiora quæ tanto cum ap-  
paratu celebrantur. Ac utile & propemodum necessarium erat populum istum  
ad gentiliū ritus recipiendos promptissimum, his in officio retinere. Præterea  
exhibent hæc quoque Christum uerum & summum sacerdotem nobis specian-  
dum. Vestitus is erat ueste iustitiæ, temperantiæ & uirtutis, hancq; uestem nobi-  
scum habet communem. Oportet enim omnes Christianos ipsum induere Chri-  
stum. Excellit interim Christus tanquam Pontifex summus, non modò quòd  
ipse nos consecrat, & uirtutibus instruit: sed quòd peculiararia habet, utpote Deus  
uerus & saluator mundi. Gestat nos in humeris suis & in pectore suo, ueluti  
gemmas pretiosas. Non enim uiles, sed pretiosi sumus in conspectu eius. E pecto-  
re pontificis nostri Christi resplendet & emicat lux sapientiæ æternæ. Nam in ip-  
so ut in scrinio æternæ Dei sapientiæ, sunt reconditi omnes thesauri sapientiæ &  
scientiæ. Ipse est lux mundi, ueritas & integritas, ut totus mundus ab uno Chri-  
sto iure poscat leges, iura, responsa, & quicquid ei opus est ad perfectionem &  
ueram beatitudinem. Ipse est sanctus sanctorum, diuina maiestas & sanctitas:  
cuius capiti rectè & iure optimo insidet corona gloriæ, utpote qui solus san-  
ctificat, regnat gloriosus, & uiuit in secula. Iam etiam instituebantur hisce cere-  
moniis sacerdotes, ut uel ex uestitu intelligerent quid ab ipsis requiratur, & qua-  
les ipsos esse oporteat. Sint sacerdotes semper accincti ad officium, ambulent ho-

*Significatio no-  
stitus sacerdos  
talis.*



neſſe coram Deo & hominibus: ſint temperati & alieni à luxu & libidine: ſint humiliorum aſtricti balteo iuſtitie & ueritatis: pectus, latera & dorſum ſint munita uerbo Dei: ſit caput ipſum tectum galea ſalutis: ſuper imponatur capiti ipſe Chriſtus ſaluator: ſit hic caput miniſtrorū & miniſterij: in primis uerò ſit ſacerdos uocalis in Eccleſia. Nam ſi mutus ſit, morietur: ſi autem ſtrenuè prædicarit nomē domini & legem eius, odorem excitat in Eccleſia puniceorum malorum fragrantia gratiorem. Ergo ſub uestium inuolucro teguntur mores, uirtutes & uitia. Poſt ſermonem nil magis commendat hominē quam uestis. Qualis animus, talis ſerō ſermo & uestis: ergo uestis conuerſationem ſignificat. Vnde iubemur in ſacris aliam induere uestem, cum poſtuletur conuerſationis immutatio: adeò ut bona paſſio doctrinæ ſacerdotalis quid ipſos deceat in uestitu contineatur.

*Officium ſacerdotum.  
Docent.*

Verū tempus & res ipſa poſtulat ut diſcretè iam loquamur de officio ſacerdotum. Id erat uarium & multiplex, obtinebat tamen primas in omnibus inſtitutio ſiue doctrina. Nam præcipuè ordinati ſunt à Deo ſacerdotes, ut Eccleſiā inſtituant in uera pietate, doceantq; legem & inſtituta domini. Nam in hæc uerba legimus dominum dixiſſe ad Aaronem, Vinum & ſiceram non bibes, tu & filij tui qui ſunt tecum, cum ingreſſi fueritis tabernaculum teſtificationis, ne moriamini. Statutum ſempiternum ſit in generationes ueſtras: & ut diſcrimen faciatis inter ſanctum & inter prophanum, inter immundum & mundum: utq; doceatis filios Izrael omnia ſtatuta quæ locutus eſt dominus ad eos per miniſterium Moſis. Leuit. 10. Eandem legem repetit Ezechiel totidem propè uerbis in cap. 44. Ac illuſtrat eandem Malachias etiam in cap. 2. Errāt ergo quibus perſuaſum eſt, ſacerdotes Leuiticos duntaxat ad lanienam eſſe conductos. Materiā quoq; quid doceant Leuitici ſacerdotes hic & ubiq; in legibus ſuppeditat dominus, non utiq; philoſophiam ethnicam, edicta & placita regum aut decreta ſeniorum, ſed ipſum uerbi Dei traditum à Deo. Iam uerò ut doctrina commodè proponi poſſet populo, ſacerdotes populo quoq; indicebant Faſtos.

*Benedicant.*

*Num. 6.*

Post doctrinam non minimum officiorum erat Benedictio. Ea non permittitur eorum arbitrio, ſed aſtricta erat ad certam formam, eamq; ſolemni, huiusmodi uidelicet, Et locutus eſt dominus ad Moſen, dicens, Loquere ad Aaronem & ad filios eius, dicēs, Sic benedicetis filiis Izrael, & dicetis eis, Benedicat tibi dominus, & cuſtodiat te: oſtendat tibi dominus faciem ſuam, & miſereatur tui: ambulat dominus faciem ſuam ſuper te, & det tibi pacem. Hæc formula erat, qua utebantur haud dubiè in cœtibus ſacris, maxime cum dimitteretur populus. Alibi uerò dicitur benedicere Deus, hic Aaron & filij eius: cæterum quod externis ſociis ingerunt ſacerdotes, id interne operatur atq; præſtat dominus fidelibus, ut benedictio proprium Dei opus maneat. Nam ſignificanter ſolemni formæ ſubiungitur, Inuocabuntq; nomen meum ſuper filios Izrael, & ego benedicam eis. Proponunt ergo ſacerdotes nomen domini: commendant diuinam naturam: oſtendunt omne bonum profluere à Deo, & quomodo id poſſimus conſequi per Chriſtum, qui eſt ſemen benedictum, benedicens inuocantibus nomen eius. Comprehenduntur ſex capita in benedictione ſolemni. Primò dicitur, Benedicat te Deus, id eſt, conſerat tibi quæcunq; pertinent ad incolumitatem corporis & animæ. Secundò dicitur, Cuſtodiat te. Non enim ſatis eſt accipere bona corporis & animæ à Deo, niſi etiam conſeruentur integra, nec eripiantur nobis iterum per iram Dei, aut nos noſtra amittamus negligentia. Tertiò dicitur, Oſtendat tibi dominus faciem ſuam. Vel, Illuminet Dominus uultum ſuum ſuper te. Oſtendit nobis Deus benignam faciem, cum redijt nobiſcum in gratiam, ac nobis beneuolus eſt. Idem

quarto loco sequitur expositio planior, Et misereatur tui: semper tibi sit clemens & propitius Dominus in omnibus tuis institutis, dictis & factis. Quinto sequitur loco, Attollat Dominus faciem suam super te. Attollit uultum suum Dominus, quando respicit nos, uigilat super nos, & dirigit uias nostras. Ultimo loco ponitur Pax, quæ est salus & summum bonum, quanquam & bello opponatur: est & conscientiarum pax, iuge conuiuium. Hæc tanta bona imprecabantur populo sacerdotes, qui haud dubie & orare Dominum docebant, & ad sedulas preces hortabantur. Extant uel hodie Psalmi compositi à sacerdotibus in gratiam populi. Postquam enim Dauid in templum induxisset musicam, cantus quoque musicorum instrumentorum, suavis tractatio siue modulatio, ipsa inquam Psalmodia cœpit numerari inter officia sacerdotum. De Musica sacra multis agit prior liber Paralipomenon in rebus Davidis, ubi etiam traditur, quod Cantores ipse Dauid distribuerit in classes 24. id est per sortes.

Præterea iussi sunt sacerdotes rem facere diuinam, administrare inquam sacramenta, ac sacrificare. Circuncidebant enim infantulos, pascha procurabant, & sacrificia uarij generis offerebant Domino: de quibus mox dicemus suo loco. Vt autem commodius sacrificaretur à sacerdotibus, Dauid instinctu sancti spiritus, diuisit duas Eleasaris & Ithamaris familias in uices 24. Per uices enim obibant ministeriū sacrum, sicuti copiose exponitur 1. Paral. 24. Toto autem ministerij tempore in ipso templo perseverabant, nuspiā egredientes templū. Erant enim habitationes in ipso templo extructæ, pro ministrantibus in uice sua. Reuertebantur domum ubi expleuissent ministeriū suum. Huc pertinet, quod sacerdotes asseruabant uasa sacra, quod ea purgabant: aiebant lumina, ignemque fouebant perpetuum: breuiter curabant illa omnia quæ ad rem sacram pertinere uidebantur, oleum, thus & similia.

Priusquam uerò extrueretur Templum, & sedes in terra promissa fixas Israelitæ consecuti essent, sacerdotes tabernaculum curabant in portando, erigendo, ac deponendo. Numeri enim 3. cap. sic legimus, Leuitæ custodient omnia instrumenta tentoriij constitutionis, & obseruationem filiorum Israel, ut obeant ministerium tabernaculi. Nam Tabernaculum ita constitutum erat, ut posset ad profectionem in multas dissolui partes. Ergo cum Israelitæ iā uellent mouere castra, accessit Aaron cum filiis, & uelis ad hoc dispositis inuoluebat uasa sacra. Cahatitæ portabant arcam, mensam, aras & instrumenta ad ista pertinentia. Gersonitæ curarunt ligamenta, integumenta, aulæa, tapetia, uela & funes. Meraritæ portabant duriora ex ligno & ære, columnas, uectes, palos, asseres. Quæ qui exactius intelligere cupit, legat 3. & 4. cap. libri Numerorum. Extructo templo, ianitores ex Leuitis templique custodes ordinati sunt. Sed & Tubæ quibus convocabatur cœtus, erant in manibus sacerdotum. De qua re legitur Num. cap. 10. Adhibebantur etiam Bello sacerdotes: sicut uidere est Deut. 20. cap. Dominus enim noluit silere leges inter arma, imò uictorias maximè refert ad pietatem studiumque religionis.

His accessit & aliud officium sacerdotale, nempe iudicare inter causam & causam, inter mundum & immundum. Vtrunque fusiùs describitur Deut. 17. & Leuit. 13. & 14. Nam exorta causa aliqua difficiliore, referebatur ea ad metropolim: & si quis de lepra fuisset suspectus, iudicabant de morbo, iuxta leges præscriptas, Leuitici sacerdotes. Et hæcenus quidem in arctum constrinxi sacerdotale ueteris populi officium, potissimas tantum partes commemorans. Iam ut sacerdotes ecclesiæ Israeliticæ inseruiebant, ita uiuebant ex ecclesiæ redditibus. Certas enim habitationes & uectigalia certa his destinauit in terra promissa Dominus. Nam designauit urbes per totam terræ Israeliticæ orbem, quadraginta octo, ex quibus sex sacerdotes.

Orare.

1. Par. 25.

Rem sacram faciant.

Portent tabernaculum & uasa domini.

Ianitores.  
Tubæ.  
Bello interfine sacerdotes.

Indicent.

Josue. 21.  
Habitationes et uectigalia sacerdotum.



*Joſue. 14.*  
*Schole.*

refugij habebantur oppida. Sed & suburbana ſiue prædia pro iumentis & famillis ſacerdotum proximè ante ciuitatum mœnia, per mille cubita circunquaq; extendere ac designare iuſſit Dominus. In his oppidis erant ſcholæ, pulchrè per totam terram ſic diſtributæ, ut omnes ex uicinis locis non iniquo itinere ad ſynagogas hæc peruenire poſſent. In his non ſacrificabatur. Nam in uno duntaxat loco ſacrificabatur ex præcepto: ac ter in anno aſcendebant ad templum ſacrificaturi: in omnibus autem ſynagogis, ſingulis ſabbatis docebatur lex Domini. Porro ueſtigalia fuerunt ampla. Deſcribuntur enim Numeri 18. & Leuit. ultimo. Ampla ſanctæ opes erant ſacerdotibus, ad alendas ipſorum familias, honeſteq; uiuendum. Rurus non uacabant otio, neq; diſſuebant luxu, ſed temperanter uiuentes, literis inuigilabant & docebant fideliter. Hæc de Perſonis ſacris hucusq;.

*De loco ſacro.*

Et quoniam iuxta legem non licebat niſi in uno loco ſacrificare, certus utique fuit locus populo designatus, in quo ceu in officina ſacra, ſacerdotes ſacra facerent, ut iam ordo ſeriesq; rerum requiratur aliquid dicere etiam de loco ſacro. Is erat initio quidem Tabernaculū Moſis, poſtea uerò Templum Solomōnis. Lex de ſacrificijs non ubiq; niſi per diſpenſationem, ſed in uno eoq; certo loco offerendis, extat apud Moſen Deutero. 12. Leuit. 17. cap. ac myſterium continet Chriſti, qui non niſi ſemel, uno in loco, oblatus eſt, ad expiationem peccatorum totius mundi. De quo paulò poſt plura. Tabernaculum autem ſiue Tentorium ( conſtitutionis tentorium appellatum, eò quòd diuinitus conſtitutum eſſet, & ad reſponſa ibi danda & ad cultum Dei legitimum perficiendum ) populo fuit in deſerto erranti templi loco. Quia enim per annos 40. per deſertum oberrabant, non conueniebat eiſ ſixum aliquod templum, ſed portatile. Id in hunc modum erigebatur, & erat ſerui huiusmodi.

*Tabernaculum quale fuerit.*

Principiò inſigebantur terræ foramina habentes argenteæ baſes, pro aſſeribus in parietem compingendis erigendisq; ſingulis uidelicet aſſeribus aut tabulis baſes binæ. Nam ſingulæ tabulæ habebant inferius duos dentes, quibus inſerebantur baſibus. Tabulæ in utroque tabernaculi latere uicena & ad occidentem in capite decem erant, omnes obductæ auro, altæ cubitos decem. Hæc quam erectæ imponebantur aut inſigebantur baſibus: à tergo habebant circuli aut annulos aureos, per quos ueſtes ex ligno ſittim (putatur ea eſſe ſpina alba) inſerebantur, ut aſſeres inter ſeſe aſtrictæ, ſibi conſtarent, nec hiaret ſtructura ſue paries, tabulæ uero aut antrorſum uel retrorſum inclinarent. Ab Oriente claudebatur uelo ſanctum, Porro contextæ erant cortinæ ſeu aulaa decem opere phrygiæ, quæ anſulis ſeu fibulis inter ſeſe conferebantur. Hæc autem ceu contignatio aut laquearium quoddam ſummitati tabularum erectarum imponebantur: quibus rurus inducebatur teſtum triplicatum, quorum ſupremum erat taxinum imbutum arcendis idoneum. Habebat autem tabernaculum in longitudine cubitos uiginti, in latitudine decem. Id quod colligi poteſt ex meſura aſſerum. Diuidebaturq; in partes tres. Prima appellabatur Sanctum ſanctorum, & Adytum adis, uel oraculum templi. Secunda ſanctum, longum cubitos uiginti, ut illud decem. Tertia uocabatur Atrium, cuius longitudo erat centum, latitudo quinquaginta cubitorum. Incluſum hoc erat columnis quinquaginta tribus defixis in æneæ baſes, & altis quinque cubitis, ex quibus dependebant tapetia reticulata ac perſpicua: in ingreſſu ſuſpenſum erat ad columnas quatuor uelum uiginti cubitorum. Sanctum ſanctorum dirimebatur à Sancto per uelum pretioſiſſimum in quatuor columnis argenteis ſuſpenſum: ſed & Sanctum ab Atrio claudebatur uelo ſecundo, & ipſo pretioſo, quod quinque auro obductis columnis ſuſtentabatur. In medio atrij ſtabat erecta domus interior, ipſum inquam tabernaculum, diſtincti ut mo-

ut modò diximus in Sanctum sanctorum & sanctum. In Sanctum sanctorum non ingrediebatur, nisi semel in anno summus Pontifex. In ipso reposita erat Arca fœderis Domini nostri inter Cherubim: cui alij ex autoritate Apostolica cōiungunt thuribulum aureum. Sunt alij tamen qui per θυμιατήριον nō thuribulum sed altare suffitus intelligunt. Hi si non falluntur, apparet altare aureum eo tempore, quo illa scribebat Apostolus, intra uelum stetisse in adyto. Cæterum constat ex cap. Exodi 40. ab initio altare aureum (sicuti mox subiiciam) collocatum stetisse in Sancto ante uelum. Nec diuersum uidetur colligi posse ex 1. cap. Euangelij secundum Lucam. Porro Arca fœderis non apparebat ulli mortalium, nisi soli sacerdoti semel in anno incensum inferenti oraculo. Nam recondebatur Velo primo, uestibus, quibus ferebatur, nonnihil prominentibus in Sancto, obscurius tamen, fortè impulsu ueli, in quo uestium extrema quasi ubera uel tubera exprimebant, quæ quidem in ipso Sancto propius stanti cernebantur, remotius non item. Nam 3. Reg. 8. cap. ita legis, Fecerunt quoq; ut prominerent uestes, ita ut uiderentur capita uestium de Sancto ante adytum, foris autem non uidebantur. Sanctum patebat quotidie sacerdotibus per uices sacra facientibus, seu ministrantibus. In ipso posita erat ante uelum Mensa aurea panibus propositionis instructa, in parte inquam, australi: ex opposito autem in latere meridionali, conspiciebatur Candelabrum aureum. Cæterum in medio, intra utraq; illa, ante uelum & arcam stabat Altare aureum thymiamatis appellatum, quod sacris consecratū esset suffimentis adolendis. In Atrio autem non ita procul à uelo secundo Sancti apparebat Ara holocaustorum, ac inter aram & uelum collocatum erat solium siue labrum, è quo se abluebant sacerdotes, rem facturi sacram. Ad aram omni ex parte prospectare poterat populus, qui contemplandorum sacrorum gratia aduenerat. Huiusmodi uerò fuit locus sacrorum, ipsum populi Izraelitici templum. De quo, capiosiora & pleniora leget, qui uolet, Exodi 26. 27. 36. 38. 40. &c.

Que fuerint  
in Tabernacu-  
lo reposita  
Hebræ. 9.

Quæ autem hæcenus protulimus de Tabernaculi structura, usum splendidum & significationem minimè obscuram habent. Vtile fuit in primis ad unitatem fidei catholicæ tum alendam tum retinendam. Vno enim hoc tabernaculo ceu uinculo firmissimo, primùm Deo & eius cultui, deinde ipsi inter sese, ueluti in unum corpus Israelitæ constringebantur. Nam ad hoc tabernaculum totus populus colligebatur tanquam ad unam parochiam, sub unius Dei cultum. Cumq; degerent in tabernaculis filij Izraelis, uoluit etiam sibi Dominus extrui tabernaculū, & hoc in medio ipsorum collocari, ut uel ita testaretur se in medio ipsorū habiturum. Tabernaculum ergo ueluti palatiū Dei ac regis supremi in medio populi stabat, præsentia diuinæ testimoniū, & ut omnibus timorem reuerentiamq; incuteret præsentia numinis. Homines in tabernacula seu domos nostras recondimus res nostras, ac domi nostræ quærere uolumus. Reposuit ergo Dominus in tabernaculo res sacras ueluti thesaurum suum, ac se in tabernaculo requiri uoluit, promittens ibi se exauditorum preces & uota fidelium supplicum. Præterea reconduntur in his mysteria Ecclesiæ & Christi. Paulus enim appellat nos templum Dei & corpora nostra tabernacula. In nobis enim uult habitare Dominus. Tabulæ tabernaculi sunt ueluti tigna, trabes & columnæ ædis sacre. Habet & ecclesia colūnas, doctores & uiros alios heroico uel principali spiritu præditos: ac singuli quidem fideles tabulæ sunt deauratæ, si custodiant fidei synceritatem, maneatq; in fidei unitate. Vestibus coniungebantur tabulæ: doctrina enim solida in officio & concordia retinere oportet fideles. Corinæ quamuis multæ essent, coniungebantur tamen aureis sibilis ceu in unam texturam: ergo & diuersa ecclesiæ membra per

Significatio  
Tabernaculi.



Hebr. 9.

charitatem colligi ac connecti oportet, ut sint unum inter se ac operimentum quoddam iustitiæ in ecclesia. Tectum, ecclesiæ fides est, poenitentiaque uel studium innocentiae. Basis est ipse Christus. Nam fundamentum aliud poni non potest, quam quod positum est, Christus Iesus. Porro uelum expansum ante Sanctum sanctorum, significabat nodum manifestatam esse, ut inquit sacer Apostolus Paulus, sanctorum uiam, adhuc priore tabernaculo consistente. Ergo dum aduenisset Christus & morte sua impleisset omnia, uelum quod tunc in templo pendeat, à summo imum usque scissum est, ut hinc omnes intelligerent uiam apertam esse in Sancta sanctorum, in ipsum inquam coelum, & omnibus in lege satisfactum. Dependebant & alia in tabernaculo uela, nimirum purissimæ carnis Christi umbracula. Dependebant illa in ingressu Sancti & Atrij. At uia & ostium est Christus Dominus per cuius incarnationem & mortem aditus nobis patet in regnum Dei. Quod quod Christus ipse nostrum est tabernaculum, in quo habitamus & uiuimus, Deumque colimus ac Deo placemus: ipse cortina & integumentum, contignatio & ornamentum ecclesiæ: ipse tectum firmissimum & tutissimum protegit nos contra omnes iniurias hominum & diaboli, ipse est uectis ecclesiæ, membra connectens & in unitate fidei ac omnis boni conseruans, ipse est columna & basis ecclesiæ, caput & uirtus, breuiter omnia uitæ & salutis ueræ solus. In his ergo habuerunt ueteres potissima Christi & ecclesiæ mysteria abscondita, quibus quidem Christus nunc non aliter proponitur contemplandus, quam olim ab ipso mundi exordio patribus est expositus, nempe uerus Deus & homo, Rex & Pontifex summus & unicus, uerus mundi saluator, in quo solo fideles habent omni salutis.

Historia arce domini.

Porro Tabernaculum hoc iubente Domino erectum est in Silo, quamprimum ingressi essent terram promissam, & floruit ad tempora usque Heli, sicuti clare legitur Iosue 18. & 1. Samuelis 1. & 3. cap. Sub Heli autem capta est Arca Domini à Palæstinis & abducta in urbes Palæstinorum, mox tamen restituta, collocabatur in Bethsemes, inde in Kiriathiearim, in domo Abinadab in Gibeā, in excelso inquit, siue in colle. Nam domus eius erat extructa in edito loco. Legimus enim 1. Samuelis 6. capite, Dauid abiit unā cum populo, ut transferret ex Baale Iuda (dicitur autem Iosue 15. Baalam, alio nomine appellata Kiriathiearim) arcam Domini. Et mox, Et tulerunt eam de domo Abinadab, quæ erat in Gibeā, id est, in colle. Locus enim in urbe eminentior erat, in quo habitabat Abinadab. Alii Gabaa putantes proprium esse urbis nomen, dixerunt arcam translata à Palæstinis in Gabaa. Cæterum arca ex domo Abinadab, translata est in domum Obededom, inde in ciuitatem Dauidis, hoc est, in Sion. Ita enim exponitur ciuitas Dauidis 3. Regum octauo capite. In Sion extruxit tetenditque Dauid arcam Domini Tabernaculum nouum, in quod arcam collocauit, constitutis ibi sacerdotibus qui ministrarent Domino. Id quod clare describitur 1. Paralipom. decimo sexto capite.

Historia Tabernaculi domini.

Interea Tabernaculum constitutionis non neglexit Dauid. Hoc enim post tempora Heli & captam arcam à Palæstinis uariè translatus uidetur. Silo certe, in qua primò collocatū fuit, desolata est, quod Psalmo 78. & Ieremiæ 7. capite indicatur. Proinde regnante Saule erectum apparet in Gilgal, ubi is gratulatoria obtulisse sacrificia coram Domino dicitur 1. Samuelis undecimo. In eodem libro vigesimo primo capite apparet Tabernaculum aliquandiu stetisse in Nobe (urbe non ita procul dissita à Hierosolyma, Isaia decimo capite) ubi ab Achimelech sacerdote Dauid donatur panibus propositionis recentibus ex aurea mensa defumptis. Dauidis tempore ac regno erectum stetit in Gabaa Beniamitarum oppida

Sic enim legimus 1. Paralip. 21. Tabernaculum Domini quod fecerat Moyses in deserto, & altare holocausti, erant tunc (cū angelus stricto gladio Dauidi apparet) in colle uel excelsu Gabaon. Eo loci erat & Solomonis regno, & hoc excelsus petiit Solomon cū ante extructum templum supplicaret Domino. In hæc enim uerba legimus scriptum 2. Paralip. 1. cap. Abierunt Solomon & omnis cœtus cum eo in excelsus quod erat in Gabaon. Nam illic erat tentoriū constitutionis Dei, quod fecerat Moyses seruus Domini in deserto. Cæterū arcam Dei adduxerat Dauid de Kiriathiearim, ad locum quem ei parauerat Dauid. Nam ei tetenderat tabernaculum Hierosolymis. Porro altare æneū, quod fecerat Bezaleel filius Uri, erat ibi ante tabernaculum Domini, quod quasiuit Solomon & cœtus. Ergo cū legimus 3. Regum 3. cap. Solomon dilexit Dominum, ambulans in institutis Dauid patris sui, duntaxat in excelsis sacrificabat & adolebat: non in uituperium quidem, sed in laudem Solomonis profertur, nempe quod non promiscue in locis omnibus sacrificaret, sed in excelsis, nimirum in unica illa ara consecrata & destinata à Domino, cuius iam iam mentionē fecimus. Alijs uisum est Solomonem istis uerbis non simpliciter taxatum, quod sacrificasset in ara holocausti (id enim maxime licebat) sed quod haftenus distulisset templi ædificium. Verū consequentia & præcedentia sensum priorem admodum adiuuant. Idem ille Solomon extructo templo, & arcam illam ueterem & tabernaculi omnia, tanquam thesaurum aliquē, ex Gabaon in ipsum templum ab ipso extructum, per sacerdotes inferri & reponi curauit. Sic attestante scriptura sacra, & dicente, Et adduxerunt arcam Domini & tentorium constitutionis, & omnia uasa sacra quæ erant in tentorio: adduxerunt, inquam, illa in templum sacerdotes & Leuitæ. Hæc leguntur 3. Regum 8. & 2. Paralip. 5. cap. Ita uerò tabernaculum Domini, quod stetit annis 478. abrogatū quidem, templum uerò in eius locum est repositum.

Templum porro Domini paratum quidem à Dauidē, sed extructum à Solomone, non est quod pluribus describam, quod id in 3. libro Regum, & in 2. lib. Paralip. operose & graphicē depictum exhibeatur. Locus templi indicatus refertur Dauidi ab ipso Dei angelo 1. Paralip. 21. ac ipsum Dauidē primū ibi sacrificasse, his insuper uerbis additis, Hæc est domus Domini Dei, & hæc ara ad holocaustū Israelis. Quasi dixerit, Hæc area templo designata est, in hac ædificabitur domus Dei, imò in hac immolabitur unica illa, & æternū efficax hostia, ipse incarnatus Dei filius. Consentiant enim omnes sacrorum interpretes, hunc locum Hierosolymis fuisse in monte Moria, ubi quondam Abraham filium suum Isaac immolare uoluit: & in hunc quidem locum fatalem impositum esse templum: nec procul hinc adeoq; in eodem montis iugo esse montem Golgotha, siue Caluariæ: illum inquam locum & montem saterrimum, in quo sacra Euangelia commemorant Christum esse immolatum pro peccatis totius mundi, quem sacrificia & templi & ueterum omnia præfigurarunt. Vfus & finis templi non fuit aliū quā Tabernaculi.

Grauiſſimē ergo peccarunt cū Ieroboam reges Izraelis, qui deserto templo sacrificarunt Deo in excelsis, in suis cathedralibus ecclesijs, nempe in Bethel, & in Dan, deniq; in alijs locis editis & amœnis. Grauiſſimē peccauit cum regibus suis populus Iuda, qui uel in excelsis immolauit Deo, uel non in uniuersum excelsa excidit. Dominus enim uno in loco, quē ipse designarat, colū uoluit. Extat aperta lex Deut. 12. & textitur significantissimē Leuit. 17. cap. in hæc uerba, Quicumque ē domo Izrael mactauerit bouem, aut ouem, aut capram in castris aut extra castra (uidelicet in sacrificium Domini. Alioqui enim licebat mactare extra sacrificium

De templo Solomonis.

Peccatum sacrificium in excelsis.



Isaia 66.

quouis in loco) & ad ostium tentorij constitutionis non adduxerit, ut sacrificet sacrificium Domino ante tabernaculum Domini, sanguis imputabitur illi uiro ac si sudisset sanguinem. Proinde quando filij Israel uolunt sacrificare, adducant sacrificia ad Dominum ante ostium tentorij constitutionis ad sacerdotem ut is offerat. Nec ultra sacrificent sacrificia sua Satyris uel dæmonibus, post quos scortati sunt. Ritus hic erit perpetuus eis & posteris. Qui autem hoc non fecerit, is excidetur de populis suis. Tria in his ueniunt obseruanda. Primum, quod non licebat sacrificare nisi ante aram holocaustorum uno in loco. Secundum, quod ideò hoc præcipiebatur, ut omnes intelligerent sacrificium Deo fieri, cuius erat tabernaculum. Tertium, quod extra hunc locum offerre, contra præceptum Dei, erat diabolo immolare: quod iudicandus ut homicida: & quod excommunicatus erat ab ipso Domino Deo, exclusus utiq; ex cõsortio Dei & sanctorum. Quod uerò Samuel, Helias & nonnulli alij alibi sacrificarunt Deo concedente, ob certas causas, dispensationis erat. Proinde qui in excelsis, etiam Deo ipsi, non tantum alienis dijs immolarunt, peccauerunt primò inobedientia. Improbatur Deus, imò execratur cultum quem ipsi nobis extra uerbum eius consingentes instituimus: placet ei fidelis obedientia. Deinde quod unitatem corporis ecclesiastici dilacerauerunt: hinc quod mysterium Christi olim in monte Golgotha offerendi ueluti aspernantes, conculcarunt, & non omnia sua ad Christum tanquam ad unicum scopum sacrorum retulerunt: præterea quod suis sacrificijs tanquam operibus operatis confisi sunt, & quod neglecto Dei cultu ipsi sibi cultum peculiarem confinxerunt. Stetit Templum à prima sui fundatione Solomonis ad excidium primum, sub Zedechiarege annis 440. Reparatum uerò ad secundum excidium sub Vespasiano stetit annis 582. Alij aliam supputationem ineunt. Hæc paucis ex multis de Templo hæcenua.

Significatio  
mysterij arce.

Restat ut nonnihil porro attingamus instrumenta Tabernaculi aut Templi sacra, ipsaq; uelut per transennam inspiciamus. Primas in his tenet Arca fœderis, & Tabulis fœderis in ea collocatis sic dicta. Appellabatur etiam Arca Domini Dei exercituum, habitantis super ipsam, inter cherubim, adeoq; ipse Dominus exercituum nuncupabatur sedens inter cherubim, eò quod inde ederet responsa, & illam reposuisset in medio populi signum suæ præsentiae inter ipsos. De materia & forma Arcæ hic nihil dicam. Hæc enim suis coloribus uisidè exhibentur depicta Exodi 25. cap. De significatione, mysterio & usu arcæ dicam pauca. Homines in artas aut cistas nostras reponimus nostros thesauros. Proinde intelligimus in Arca repositum esse thesaurum ecclesiæ, adeoq; uniuersa fidelium bona. Nō ergo quærenda hæc erunt in hominibus, in Noe, Abraham, Isaac, Iacob, Mose, Davide, S. Maria, Ioanne, Petro aut Paulo, multò minus in cista Chananaica ac Romanensi indulgentiaria, sed in eo, in quo habitat omnis plenitudo, & in quo sunt omnes thesauri sapientiæ & scientiæ Dei reconditi, qui non in terris spectatur, sed in ipso sancto sanctorum, in ipso inquam cœlo uersatur. Is est Iesus Christus: cuius diuinitas significatur per aurum purissimum, humanitas autem per lignū Sitim, id est, cedri, uel potius spinæ albæ. Assumpsit enim carnem peccatrici similem, ueram quidem illam nostram, sed non peccatricem; nulla in eo peccati spina existeret. Ex hac Arca depromunt pij quæcunq; ipsis bona sunt necessaria. In Arca enim reposita leguntur hæc, Tabulæ testimoniij, Vrna manna, & Virga Aaronis florens. Nam in Christo repositos audiuius thesauros ecclesiæ. Christus est sapientia nostra, lex & uerbum patris, legis consummatio, impletio, iustus, & iustitia nostra. In Christo est alimentum cœleste. Ipse enim panis de cœlo descendit uiuus, ut quicunq; de ipso edat, uiuat æternum. In Christo refluuit sacerdotium. Vñ quidem

Que recondi-  
ta in Arca fœ-  
deris.

quidem illud mortuo Christo in cruce excisum esse, sed resurgens accepit sacerdotium æternum. Nunc enim consistens ad dextram patris in cœlo, intercedit pro nobis. Sed & corona circumdabatur arcæ, quia Christus dominus rex est, qui nos fideles suos liberat ab omni malo, & filios Dei efficit. Ad arcam legitur applicitum uel impositum Propitiatorium, siue illud operculum arcæ, siue sedes quædam fuerit arcæ superimposita. Significabatur illo interpretibus apostolis Ioanne <sup>1. Ioan. 4.</sup> & Paulo, Christus, qui est thronus gratiæ, & propitiatio pro peccatis nostris, non <sup>Rom. 3.</sup> pro nostris autem tantum, sed pro peccatis totius mundi. Ex propitiatorio item edebantur oracula. Vfus enim propitiatorii ostenditur in historia sacra. Nam Moyses tabernaculum ingressus, accepit responsa eaq; retulit ad populum. Et Christus is est, per quem loquitur nobis pater cœlestis, & quem nobis unice audiendum proposuit, dicens, Hic est filius meus dilectus, in quo placata est anima mea: ipsum audite. In propitiatorium duo Cherubim aspiciunt, & se mutuò quoq; contemplantur. Vnde nimirum S. Petrus dixit, etiam angelos desiderare in ipsum saluatorem mundi, qui per euangelium nunciatur, prospicere. Idem angeli, ipsi domino nostro seruiunt, semperq; ei, ut domino uniuersorum, assistunt. Porro Arcam domini nulli portant nisi sacerdotes domini. Nam soli inuncti per spiritum sanctum & uera fide præditi Christum recipiunt, & donorum eius participes fiunt. Nec dissimulandum quod 1. Sam. 4. & 5. cap. traditur Izraelitas dum Arca abute <sup>Abusus et usus</sup> rentur, iamq; in alium usum, quàm data erat, raperent, & plus ei tribuerent quàm <sup>arca uetus.</sup> tribuere docuit scriptura, cecidisse uictos à Palestinis, sed & arcam esse in captiuitatem abductam: nimirum ut discerent omnes Sacramentis aut mysterijs Dei non plus tribuere, quàm conuenit, neque in alium finem usurpare aut applicare quàm instituit dominus. Non enim in hoc erat instituta, ut haberetur pro Deo, licet nomen Dei gereret, non ut gratiam & auxilium ab ipsa peterent, sicuti fecisse leguntur, sed ut esset testimonium, Deum utpote confederatum adesse medium in populo, si modò hic seruaret tabulas fœderis arcæ inclusas, soli q; Deo adhæret, à quo omne bonum expectaret per Christum, qui per arcam præfigurabatur.

Egredientibus ex adyto uel sancto sanctorum in sanctum, primum occurrit <sup>Mensa aurea.</sup> Mensa aurea, quæ quali fuerit forma & materia, exponitur Exodi 25. cap. Mensæ imponitur cibus & alimentum hominis, ex mensa reficiuntur homines, in mensa curas deponunt & fiunt hilares. Ergo non alia esse potest mensa, quàm Christus dominus & doctrina Christiana. Christus enim est alimentum uitale, gaudium & exultatio hominum fidelium, Aurea est foris, lignea intus tota, quia cibus noster Deus est & homo. Proponitur mensa in Ecclesia: non ergo quærenda est Athenis aut apud Sophistas, aut apud Gymnosophistas, aut in synagoga. Mensæ imponuntur panes recentes duodecim, diuisi in partes duas. Nam panis uitæ alit utrunque <sup>panes propositionis.</sup> populum Iudæorum & Gentium, & recens quidem suauis & exaturans. Iam etiã panis hic sanctus est, non prophanus, quo soli uestuntur sacerdotes. Quia soli fideles eo digni sunt, soli q; eo participant. Panes autem appellantur propositionis siue facierum, eo quòd hunc uitalem cibum oporteat nobis uersari ob oculos. Et ut perpetuò oportet panes hos expositos esse coram domino in conspectu hominum: ita non decet abditam & reclusam esse doctrinam Christianam. Vasculum churis imponebatur panibus. Quoniam isti qui uestuntur pane cœlesti, preces & gratiarum actiones sine intermissione Deo offerunt. Leuit. 24. multis describitur, quomodo panes facierum parentur.

Candelabrum aureum in Sancto ex latere seu opposito mensæ ante uelum ap- <sup>Candelabrum</sup>aret. Descriptionem eius habemus Exod 25. cap. Lucernæ in domibus nostris <sup>aureum.</sup>



ponuntur ut luceant omnibus in domo uersantibus. Et Christus Dominus datus est mundo lux, ut qui eum sequutus fuerit, indispiscatur lumē uitæ. Illuminat Ecclesiam Christus. Ex Christo cannæ & luminaria prodeunt, quæ ex ipso lumē habent. Dominus ad Apostolos dixit, Vos estis lux mundi. Stipes ergo candelabri Christus est: ex stipite prodeunt cannæ in suprema parte habentes lumina. Quicquid enim luminis est in ministris Ecclesiæ, id totum est ex fonte luminis Christo. Porro aurea sunt candelabri omnia. Christus enim Deus lux & sapientia patris est: ministros quoque Christi decet esse synceros & repurgatos ab affectibus carnis; quo & mysterium pertinet emunctoriorum.

*Ara thymiamatis.*

*Luc. 11.*

In medio inter mensam & candelabrum stabat ante uelum in sancto aurea ara, quæ thymiamatis appellatur, uel incensi, ac diligenter describitur Exod. 30. cap. Vfus aræ huius erat duplex. Principio enim quotidie offerebatur in ipsa incensum siue suffimentum; quod nephas erat ulli creaturæ aut Deo apparare uel offerre. Id fiebat bis in die, mane & uesper. In hoc ministerio dum esset Zacharias pater diui Baptistæ, uiso angelo, propter incredulitatem obmutuit ad certum tempus. Deinde semel in anno offerebatur singulari quodam modo incensum, nempe in festo Expiationis, sicuti describitur Leuit. 16. cap. Per incensum uero, thymiana uel suffimentum intelligendæ sunt sanctorum preces, teste Dauide, dicente, Dirigatur oratio mea tanquam incensum, in conspectu tuo, eleuatio manuum mearum sacrificium uespertinum. Erat autem altare illud unicum planè. Si quis plura construxisset, extremæ fuisset damnatus impietatis. Per aram illam unicam figuratur Christus dominus Deus & homo, mediator & intercessor inter deum & hominem, per quem sancti omnes uniuersas suas preces domino Deo patri offerunt. Proinde plures sibi extruunt aras qui sibi deligunt creaturas pro intercessoribus, per quorum interuentum aliquid à Deo patre impetrent. Disertè profectò dicitur in fine 30. cap. Quicumque tale sibi fecerit incensum ut id olfaciat, peribit anima eius. Per Christum ergo solæ omnes preces suas Deo patri offert fidelis dei Ecclesia. Ara illa nostra aurea corona est redimpta. Nā Christus Dominus noster uerus est rex & pontifex. Orandū autē est mane & uesper, id est, perpetuò & iugiter. Orandum semper per Christum. Quid quod unus est Christus, per quem Deo placuerunt preces & eorum qui mane, ab initio inquam mundi, & qui uesper, id est, in fine mundi Deo supplicant? Grauiusimè ergo peccarunt contra Dominum, qui incensa obtulerunt passim in excelsis. Nam ut Deo inobedientes imò rebelles apparuerunt, denique suas inuentiones Dei legibus prætulerunt, adeoque Dei leges neglexerunt: ita mysterium unici intercessoris Christi spreuerunt, dum ab unica illa ara recesserunt.

*In excelsis adolere.*

*Ara holocaustorum.*

In Atrio altera stabat Ara, quæ dicebatur ænea & holocaustorum: quæ depingitur graphice Exodi 27. cap. quæ ipsa unica & sola erat. Non enim licebat alibi, nisi per singularem quandam dispensationem, quam in loco sancto ad hanc aram sacrificare cuiquam religioso. Proinde cum Rubenitæ unā cum suis socijs extruxissent aram in ripa Iordanis, idēq; delatum esset fama ad alias tribus Israelis, decernunt hæ publico bello id sceleris esse persequendum. Vnde rursus asseritur licet peccatum eorum qui offerebant, hac præterita ara, in excelsis. De quo supra quoque dictum est. Altare uero nostrum unicum illud & catholicum Christus est: qui seipsum obtulit hostiam uiuentem Deo. Nec est ullum in toto mundo sacrificiū, quod peccata expiet nisi hoc unicum. Nec placent Deo patri fidelium sacrificia, nisi in ara Christo oblata per fidem. Sanctificat enim nos Christus, sanctificati per ipsum offerimus Deo gratam hostiam. Hæc sumpta sunt ex Apostoli doctrina

doctrina ad Hebræos decimotertio, & ad Romanos duodecimo capite.

Vltimum uerò inter uasa sacra solum siue labrum æneum erat, collocatum inter uelum sancti & aram holocaustorū in atrio. Describitur Exodi cap. 30. Continebat aquam qua se abluebant sacerdotes ministraturi coram Domino. Significabatur & hoc Christus, qui est ablutio fidelium. Significabatur item non illotis manibus & pedibus sacra esse tractanda. Abluunt sese qui per spiritum sanctum purificantur, & per gratiam Dei idonei efficiuntur ad obeunda sacra munia. Morti autem obnoxius est, qui non fuerit particeps gratiæ uitalis. Cōmemorantur præter illa & alia instrumenta Tabernaculi sacra: sed illa ferè potissima sunt. Nolui uel singula operosius excutere, uel minutias persequi, ne molestiam adferrē charitati uestræ nimis proluxa tractatione. Porro eadem in templo fuerunt uasa siue instrumenta sacra quæ reperiiebantur in Tabernaculo, nisi quod in templo Solomonis maior apparatus & splendor in omnibus conspicitur: non alia de causa haud dubiè, quam quòd mysteria Christi & Ecclesiæ subinde magis ac magis, illustrius inquam, sese proferrent. Christus uerus Solomō rex pacis & felicitatis, ipsa inquam æterna felicitas, ecclesiā in hoc mundo excitauit, quæ finibus mundi terminatur. De quo multis agunt prophetae, Zacharias in primis, & clarissimus prophetarum Nathan, 2. Sam. cap. 7. Hæc de Loco sancto.

Post Locum sacrum in sacris ceremoniis, sacrum Tempus occurrit tractandum. Vt enim religioni externæ locus certus est datus, ita eidem tempus fixum est designatum. Et feriæ quidem sacræ referuntur ad actiones sacras. Actiones autem aliæ sunt manuariæ & quasi prophanae, pro uictu & amictu necessarijsq; uitæ parandis inuentæ. Aliæ sunt sacræ adeoq; religiosæ, pro exercitio religionis externæ susceptæ. Non insumendum est omne tempus labori manuum: nec rursus omne tempus externæ religioni potest impendi. At actiones illæ nō sunt sine tempore. Omnis enim actio tempore continetur. Proinde distinxit Deus ipsum tempus ad actiones, ita ut uoluerit alios quidem dies prophanos manuarijs artibus, alios autem sacros exercitio religionis externæ inseruire. Nō quòd prophani dies, in quibus laboratur manibus, nō sint sancti & dicati Deo. Hic enim omne tempus & singulos sibi uendicat dies, quippe qui omni tempore coli postulat: sed quòd feriæ singulariter & magis quam dies prophani externo Dei cultui sunt destinatæ.

Est ergo festus seu sanctus dies, qui ex institutione Dei sacer est domino, susceptus ad cultum Dei externum religiosè exercendum. Ideo sancti dies & legitimæ feriæ non sunt, quæ non uni & soli Deo Iehouah celebrantur: neq; legitimæ sunt, in quibus non exercetur legitimus Dei cultus. Eas ob causas non raro in prophetis reijciuntur sabbata seu feriæ populi Izraelitici: nimirum quòd sine fide ac illegitimè celebrarentur.

Omnes autem dies festi commune habuerunt uocabulum, appellati sabbata, item festa, feriæ, dies stati & sancti, panegyres & cœtus. Omnibus commune erat festum, quòd deo soli erant instituta, non creaturis, non uentri, aut Veneri. Commune erat omnibus, quòd in salutem, utilitatem & recreationem hominum erant inuenta. Feriæ enim non sunt onus, sed oneris leuamen. Sunt quidem utilia opera prophana, sed otium quoque necessarium est: sine quo labor non est durabilis. Vult ergo dominus cōcedere homini recreationem, adeoq; iubet in diebus festis suos latari, latari autem in sanctitate & modestia, ut sit honesta recreatio, non profusa libido. Rursus otium per se bonum non est, sed respectu alterius bonum est. Iubet Deus cessare à laboribus, sed in hoc, ut interim aliud agant homines, ut desinant laborare corpore, animo laborare incipiant, totiq; sacris inuigilare. Opus

*Labrū æneum.*

*Tempus sacrum.*

*Quid festus dies.*

*Ad quid instituti dies festi.*



Luc. 10.

Sabbatum.

Modus et  
numerus certus in  
Ferijs.

Ieiunia.

Sabbatum.

Neomenia.

Conueniunt et  
celebritates an-  
nuæ tres.

itaque hic erit cœtu sacro, lectione sacra, precibus publicis, sacrificijs, (etenim quod singulis ferijs offerre oporteat, præscriptum legitur Num. 28. & 29. cap.) sacramentorum celebratione, & si quid aliud est quod in ferijs facere iussit dominus. Vnum enim illud hic requiritur in primis, id uidelicet, quod Maria inuenit desidens ad pedes Iesu, & audiens uerbum ipsius. Habent & illud commune festa omnia, quod maximarum rerum continent & refricant memorias: quanquā singula singulas suppeditent. Sabbatum suggerebat beneficium cōditi orbis à Deo, in gratiam & utilitatem hominum. Præterea signum erat, Mose teste Exodi 31. sanctificationis ueræ, quam suis cultoribus confert solus Deus sanctus. Alia festa alia Dei beneficia reuocabant in memoriam, suasque peculiare (ut suo loco dicitur) habebant significationes.

Porro modus erat & numerus feriarum certus, ac distinctæ quidem habebantur: primū in septimanas, quarum singulæ habebant sabbatum, diem inquam septimam: deinde in menses. Nam prima cuiusque mensis consecrata erat Domino. Eas ferias appellarunt Neomenias siue Nouilunia, uel Calendas: & postremò in annuas ferias, eæ erant anniuersaria & stata festa: quorum tria commemorantur, Pascha, Pentecoste & Septimi mensis. Præter hæc fuerunt & Conceptiuæ ferie: nimirum non præceptæ à Deo, sed receptæ ab Ecclesia ad gloriā Dei, & ad retinendam maximorum beneficiorum Dei memoriam. Festum enim sortium quod appellarunt Purim, à tota receptum fuit Ecclesia, ex relatione Mardochæi: sicut uidere est Esther 9. cap. Festum Enceniorū instituit Iudas Machabæus cum totius Ecclesiæ consensu, in memoriam reparati templi liberationisque ex tyrannide Antiochi regis, sicuti legitur 1. Machab. 4. cap. Et Christus dominus honestat Encenia illa sermonibus sacris. Fuerunt in populo Dei etiam instituta Ieiunia, ut quinto mense, quo inflammata est urbs: & septimo mense, quo cæsus est Godolias: & decimo mense, quo cincta fuit obsidione urbs. De quibus Zacharias disseruit capite 7. & 8. Iam institutum fuit tempore Esther ieiuniū in mense Adar, in memoriam calamitatis Iudæorum, illatæ aut intentatæ ab Amano.

De Sabbato & eius significatione dixi modò ac quondam dum exponere Decalogum. Id obseruatum est quasi naturali & diuina lege à condito orbe. Est autem caput feriarum omnium. Neque enim institutum est primū per Moysen, exhibito cœlitus Decalogo. Nam religio sabbati fuit recepta à sanctis mox à mundo condito. Ideoque in Decalogo legimus dixisse dominum, Memēto ut diem sabbati sanctifices. Sed & ante legem latam manifestè fit sabbati mentio. Exodi decimo sexto & Genesis secundo capite.

Secundum genus sabbati siue feriarū sunt Calendæ uel Neomeniæ, id est, nouilunia, ea celebrabantur in capite singulorum mensium. Eius mentio fit Numeri 10. & 28. 1. Samuelis 20. Psal. 81. Ezech. 46. & 2. Paralip. 2. Dicitur ea celebrata in memoriam creatæ lucis esse instituta, admonuisse cultores, ne menses uel lano uel Marti, aut alijs alicui diuo uel planetæ, sed uni soli Deo cōditori omniū & temporum gubernatori seu moderatori subijcerent. Præterea significationem habuit reparationis uel renouationis animi fidelis, per illuminationem cœlestem: ut Nouilunium Christiani uerè celebremus, cum ex tenebris in lucem à filio Dei producti ambulamus ut decet filios lucis, omnibus tenebrarum operibus reiectis.

Tertium feriarum genus comprehendit festa anniuersaria, quorum tria numerantur Pascha, Pentecoste, & Festum mensis septimi. Ceterum uoluit dominus in hisce tribus festis in loco sancto, nempe ad Tabernaculum, & hoc translatò ad Templum generales celebrari syndos ac panegyres. Sic enim ait Moses in Deute

Deuteronomio, Ter in anno apparebit omnis mas coram Domino Deo tuo, in loco, quem elegerit, nempe in festo azymorum, in festo hebdomadum, & in festo tabernaculorum; nec apparebit in conspectu domini uacuus. Quisq; iuxta donum manus suae, & iuxta benedictionem domini Dei tui, quam dedit tibi: id est, Quisq; quod potest & pro modo facultatum suarum quas concesserit Dominus, Domino offeret. Distribuit autem serias illas statas siue solennes in tres menses, peregrinationi seu profectioni conuenientes. Verno tempore celebrabatur pascha, cum iam aristae seu spicae erupissent. Circa messem, festum peragebant Pentecostes, ruris laboribus operibusue primis confectis. Porro collectis fructibus omnibus, proficiscebantur ad Festum tabernaculorum. Et proficiscebantur quidem qui uenire poterant. Putant quidam cum ijs dispensatum esse, qui semel in anno apparuissent coram domino, ita ut duobus alijs festis domi manere licuerit. Ego uero arbitrator homines religiosos raro huiusmodi usos esse dispensationibus. Pollicetur alicubi Dominus se interca limites & facultates peregre euntium defensurum atque custoditurum. Certè ex historijs constat hisce diebus festis conciones fuisse longe frequentissimas.

Pascha multas habuit appellationes, præcipuè tamen dictum est festum azymorum. Totis enim diebus septem, in fermentatis uesciebantur panibus. Ceremonia eius festi cum sacrificijs offerendis fusè describitur Exodi 12. & Leuit. 23. Exhibebatur in eo Epulum agni, nec alibi quàm uel apud tabernaculum uel templum. Lex extat Deut. 16. Memoriam memorabilis illius ex Ægypto liberationis populi Israelitici Izraelitis & omnibus pijs refrebat. Voluit sibi in eo festo primas offerri fruges, ut ita beneficium mannae exhibitae repararet. Habuit præterea festum illud significationem transitus & liberationis, quæ effuso sanguine, perfecta est per Christum. Vnde Apostolus dixit, Pascha nostrum immolatus est Christus 1. Cor. 5. Verùm de Pascha dicam plura consequenti mox sermone.

Pentecoste dicebatur etiam festum hebdomadum, siue septimanarum, & nouarum frugum. Proponebantur enim eo festo panes propositionum ex nouis confecti frugibus. Numerabant autem à proxima post pascha die septimanas septem, dies inquam quinquaginta, ac celebrabant die quinquagesima memoriam reuelatae ac promulgatae coelitus ab ipso deo diuinæ legis. Nam quinquagesima die exitus ex Ægypto legimus Deum ipsum in monte Sinai fuisse cõcionatum, tulisseq; ac promulgasse legem. Erat itaque Pentecoste memoraculum illustratae Ecclesiæ. Erat item typus eius diei, quo Christus dominus finis legis spiritum sanctum misit in discipulos, uniuersamq; illuminauit Ecclesiam. Ceremonias huius festi describit Moses Leuit. 23.

Festum tabernaculorum peragebant mense septimo, ita præcipiente in Deuteronomio Mose, Cum collegeris de area tua, & de torculari tuo, celebrabis 7. diebus festum tabernaculorum: lætaberisq; in die festo tuo: tu & filius tuus & filia tua, seruus tuus atq; ancilla tua, Leuita, peregrinus, pupillus, atq; uidua, qui sunt intra portas tuas. Septem diebus ages festum domino Deo tuo, in loco quem elegerit dominus: quoniã felicem rerum successum dedit tibi Dominus Deus tuus in cunctis prouentibus tuis, & in omni opere manuum tuarum. Omnino igitur sis lætus. Adhuc extat formula celebrati huius festi legitime in Nehemia capite 8. unde plura peti possunt. Fuit autem festum hoc Tabernaculorum siue mensis septimi quadripartitum. Nam primo die mensis fuit festum Tubarum siue clangoribus: id quod graui illa bella reuocabat in memoriã, quæ populus Deo auspice ac duce gesserat felicissimè, primò quidem contra Amalechitas, deinde uerò contra

Pascha.

Pentecoste.

Festum mensis  
7. seu Tabernaculorum.

Festum tubarum.



*Festum expiationis.*

omnes hostes ethnicos. Significabatur item uitam hominis super terram esse infortuniam perpetuam. Decima die eiusdem mensis peragebatur festum expiationis. Præibat formula solenni sacerdos, peccata Deo confitens, confitentemque publice quisque à plebe sequebatur, & priuatim apud se recitabat: mente colloquens cum domino. Addebatur hircus emissarius, & sacrificium illud, quod fuisse describitur Leuit. 16. cap. Ita uero peccatorum fiebat expiatio: quæ typus erat futura per Christum expiationis, qui semel oblatus, unica hostia sui corporis, omnia abstulit peccata totius mundi. Continebat præterea doctrinam de poenitentia uera. Die decima quinta incipiebat festum Tabernaculorum. Septem enim integris diebus, nempe à 15. ad 22. degebat populus in tabernaculis. Finis huius ceremoniæ indicatur ab ipsa scriptura, ut posterius scirent dominum maiores ipsorum collocasse in tabernaculis. Repetebatur ergo memoria beneficii in deserto exhibitæ. Seruati enim sunt in deserto per annos 40. integros, ut nec uictus nec amictus defuerit. Significabatur & illud, hanc huius seculi uitam esse scenam, neque nos hic habere manentem locum, sed futurum inquirere: sicuti & Apostolus docuit 2. Cor. 5. & ad Hebræos 13. cap. Quartum huius septimi mensis festum celebrabatur in octaua, nempe 22. appellaturque Concio siue Cætus. In eo congregabatur census, oblatio & uectigal sacrum, ad facta tectæ templi, ad sumptus sacrificiorum sustinendos, denique ad conseruationem ministerij. In hoc festo arbitrantur cantatum Psalmum 84. Quam dilecta tabernacula tua, &c. & alios nonnullos Torculares appellatos. Hæc hæcenus de festis anniuersarijs.

*Festum tabernaculorum.*

*Concio ex celebrata magna.*

Hic commemorare necesse est & Iubilei institutionem. Erat autem annus iubilæus quinquagesimus quisque, qui multis describitur cum suis ceremonijs, Leuitici 25. Indicebatur toti populo in terra promissa per cornu arietinum, proclamabaturque libertas omnibus seruituti implicitis. In eo non obscure continebatur mysterium Christi domini, qui ipse nobis huius ceremoniæ significationem aperuit ex Isaia 61. cap. apud Lucam in cap. 4. ubi dicit se esse illum qui reuera iubileum aperiat, & ueram denunciet libertatem, ipsum inquam annum domini acceptum. Annuntiavit autem remissionem & libertatem omnibus fidelibus, non tuba quidem arietina, sed euangelica. Nam per misericordiam Dei in merito Iesu Christi filij Dei, remittuntur credentibus per uniuersam terram agentibus, omnia debita siue peccata: ea tamen conditione, ut nos quibus iam dimissa sunt debita, illis uicissim debita remittamus qui nobis debent, id est, contra nos peccauerunt. Ac in Christo quidem habemus uacationem & requiem ueram & sempiternam. Per Christum conceditur nobis reditus ad possessionem, uel patriam, unde excideramus, ueterem nimirum, ad terram uiuentium.

*Annus iubilæus.*

Hæc de tempore sacro & ferijs quanta potuimus breuitate differuimus. Copiosiora inuenire licet de his Exod. 23. Leuit. 23. Num. 28. & 29. & Deut. 16. cap. Reliqua huius argumenti, nempe de Ceremonijs Iudaicis, absoluemus, Deo uolente, mox sequenti concione: iam uero supplices Deo facti, oremus, &c.

*De Sacramentis Iudeorum, de Sacrificiorum generibus varijs, & alijs quibusdam pertinentibus sub legem Ceremoniarum. SERMO VI.*



**D**I XI sermone proximo de Personis sacris, ministris inquam diuini cultus, sacerdotibus Leuiticis, item de loco & tempore sacro: restat iam ipsa res consideranda, quam personæ illæ sacræ, in loco & tempore sacro, exercebant, ipse inquam cultus & ritus sacer, ab ipso domino sic institutus

cultus traditus & præscriptus, ut omnes intellexerint quid cultus Deo, id est, qualem cultum ei exhibeant. Veniunt autem hic consideranda in primis sacramenta, deinde sacrificia.

Sacramenta ueteri ecclesiæ sanctorum, fuerunt duo præcipua, Circuncisio & Pascha. De singulis sigillatim dicemus, quod loqui dederit ex suo uerbo Dominus.

Erat autem Circuncisio actio sacra, qua resecebatur præputium in obsignationem diuini cum hominibus fœderis. Vel ut copiosius describamus, Circuncisio erat signum æterni fœderis Dei, quod dabatur in membro genitali, in hoc instituta diuinitus, ut testaretur bonam Dei erga circuncisos uoluntatem, moneretque regenerationis & puritatis, adeoque & confœderatos Dei separaret ab alijs populis seu gentibus.

Author ergo Circuncisionis Deus est: origo uetustissima. Etenim ipse in Euangelio Dominus, Non ex Mose, inquit, est Circuncisio, sed ex patribus. Repetit quidem & reparauit Circuncisionis legem seu morem Moses, sed primus circuncisus est eximius ille Dei amicus Abraham cum annum uitæ ageret nonagesimum nonum, ac eo ipso die est circuncisus, quo Dominus fœdere cum Abraham inito circuncisionem instituisse. Nam hanc adiecit ceu sigillum fœderis, quod pepigerat cum Abraham & semine eius in seculum. Locus extat Genes. 17. Annus is erat ab origine rerum 2046, à diluuiò autem 390. cum Sem filius Noe natus esset annos 487. Ergo Moses post institutam circuncisionem, nimirum post annos 320. demum natus deprehenditur: unde apparet patres usurpasse Circuncisionem ante legem latam annis circiter 400.

Quoniam uerò Circuncisio addita est fœderi isto inter Deum & Abrahamum signum uel sigillum, paucis & in transcurso perstringenda est nobis eius fœderis ratio. Imitatur Deus in pangendis fœderibus, ut & in alijs rebus, morem seu ritum hominum. Hi fœderibus ceu uinculis arctissimis firmissimisque sese constringunt in unius corporis aut populi societatem atque compagem, qua ut ipsis bene sit tutique contra omnium iniurias agant, mutuo sibi communicant uitam ipsam simul & fortunas omnes. Atque in his disertè exprimitur qui coaluerint fœdere, quibus conditionibus coierint, & quousque. Proinde cum Deus humano generi gratiam suam declarare uellet, & se totum & omnia sua bona ei communicare adeoque in nos effundere, ut nobis bene sit, fœdus inuit cum homine. Id autem non primò inijt cum Abrahamo, sed cum hoc renouauit uetus. Pepigit autem primò cum patre omnium nostro Adamo, tum cum ipsum iam profugum in gratiam reciperet, filiumque unigenitum promitteret, in quo orbi placari & per quem se totum nobis impendere uellet, omnia bona sua nobis communicando: & uicissim nos sibi fide & obedientia obstringendo. Hoc fœdus primò & uetustissimum reparauit deinde cum Noe, postea ferè clarius cum beato Abrahamo. Sed & post annos 400. sub Mose ad montem Sinai idem rursus est reparatum, conditionibus fœderis copiosius in Tabulas geminas relatis, adiectis simul ceremonijs multis. Excellentissime uerò omnium, purissime & clarissime idem hoc illustrauit tandem ipse Dominus noster & saluator Iesus Christus, qui ceremonias, typos, figuras & umbras omnes expunxit rursus, ueritatem substituit, omniaque perfectissime impleuit, reductis omnibus salutis nostræ & pietatis ueræ capitibus in breue compendium, quod etiam nouum fœdus seu nouum Testamentum, nimirum propter inuolutionem & impletionem omnium ueterumque ceremoniarum abrogationem, nuncupauit. In eo solus prædicatur Christus perfectio & plenitudo omnium: in eodem nihil post fidem & charitatē exigitur, libertasque pijs conceditur sancta & admiranda.

Duo sacramenta synagoga. De Circuncisione quid sit.

Origo circuncisionis.

De fœdere Dei & hominum.



De qua re aliàs. Sed redimus iam ad fœdus cum Abrahamo reparatum.

*Qui coierint  
fœdere.*

Diserte in hoc indicatur nobis qui coierint fœdere, Deus inquam uiuus, æternus, omnipotens, ac summus rerum conditor, conseruator & moderator: ac Abrahamus cum uniuerso suo semine: id est, cum omnibus cuiuscunque gentis & nationis sint fidelibus. Ita enim exponit Apostolus semen Abrahamæ, præsertim cum Galatis dicit, Si Christi estis, igitur semen Abrahamæ estis, & iuxta promissionem hæredes.

*Quousq; ini-  
tum fœdus.*

Iam etiam tempus constituitur quo duret hoc fœdus, adeoque nullum tempus definitur. Est enim æternum. Quanquam enim multa accesserint in renouationibus declarationibusq; fœderis, ceu accessoria, quæ postea euanuerunt, præsertim Christo ueniente in carnem, in substantialibus tamen nihil inuenias mutatum. Deus enim semper est Deus sui populi: semper ab eo flagitat ac requirit fidelẽ obedientiam. Id quod in nouo Testamento omnium significantissime perspicitur.

*Conditiones  
fœderis.*

Capita enim siue conditiones huius fœderis duæ duntaxat ex præcipuis ponuntur. Prima exponit quid Deus polliceatur, & quid nobis confœderatis uelit præstare, quid inquam expectemus à Domino. Secunda cõtinet officium hominis, quod Deo debet cõfœderato & principi suo. Ergo quod Deũ attinet, Ego, inquit, ero Deus tuus, & Saddai, id est, omnisufficiẽtia, quidẽ: tuus inquam Deus & seminis tui post te. Sibi sufficiens est Deus ad absolutissimam perfectionem & beatitudinẽ, neq; indiget alieno subsidio, cum quod uspiam est, ex ipso sit & per ipsum subsistat. Solus sufficit homini Deus, solus præstat quæcunq; sunt in uotis hominũ, & ad perfectam felicitatem pertinent. Vnde & quondam ab Ethnicis Saturnus (fortassis ex occasione uocabuli Saddai) est nuncupatus, à saturando haud dubie. Solus enim saturare potest, qui est satietas & perfectio. Quod autem seminis Abrahamæ futurus sit omnisufficiẽtia Deus, demonstrat duplici argumẽto. Principio, Dabo semini tuo terram Chanaan. Qua promissione comprehendit omnia beneficia terrena & corporalia, nempe facultates amplas, felicitatem, tranquillitatem, rerum abundantiam, sanitatem, gloriam, splendidas uictorias, & quæcunq; ad conseruationem beatitudinemq; hominis temporalem pertinent. At quomodo hæc præstiterit semini Abrahamæ, multis illustrat historia sacra: eo modo declarans, Deum uerum seminis Abrahamæ fuisse ita ut promiserat Deum. Deinde promittit semen in quo benedicendæ sint omnes gentes terræ: nimirum promittit saluatorem Christum, quem & antea Adamo promiserat. Benedicere uerò, est omni benedictione spiritali ditare: quo comprehendit omnia dona Dei spiritalia, remissionem peccatorum, innouationem uitæ, & gloriam æternam. Benedicere est & maledictionem tollere: ita ut hoc idem polleat cum illo, quod dicebatur Adamo, Semen mulieris calcabit caput serpentis. Veteris enim draconis caput nil aliud est, quàm uis & regnum satanæ. Vis eius est maledictio, peccatum, & mors. Calcato ergo capite, maledictio est sublata, & succedit benedictio. His inquam declarat se fore Deum Abrahamæ & seminis eius.

*Quid exigatur  
ab homine.*

Secunda fœderis inter Deum & hominem initi conditio, homini præscribit quid agat, & quomodo se gerat erga principem & confœderatum suum, nempe Deum. Ambula, inquit, coram me, & esto integer. Ambulant autem coram Deo, qui omnem uitam suam, dicta & facta sua omnia instituunt ad uoluntatem Dei. Ea est, ut simus integri. Paratur illa integritas fide, spe & charitate: in quibus comprehenduntur omnia officia sanctorum Dei confœderatorum. Docet ergo posterior illa conditio fœderis, quid agant fœderati, quomodo se gerant coram Domino, nimirum habeant illum pro Deo suo, adhæreant ei soli qui est omnisufficiẽtia, inuocent

inuocent solum, colant unum, & ex Messia expectent sanctificationem uitamq̃ perennem. Hæ fœderis conditiones erant: quibus nondum coniuncta erat ceremoniarum turba, quæ postea sub ducatu Moſis acceſſit.

Huic confœderationi addidit ſignum, adeoq̃ ſigillum Dominus ipſam Circuncifionem, Sigilla appenduntur tabulis fidei faciendæ aut confirmandæ gratia. Tabulæ continent & exhibent omnem totius fœderis rationem. Circuncifio ergo & tabularum loco & ſigni uice adiecta eſt fœderi, eoq̃ nomine fœdus ipſum appellatur: ſicuti literæ uel tabulæ fœderis apud nos quoque uulgariter uocantur. Sic p̃inde, ipſum inquam fœdus, cū nihil aliud ſint quàm literæ fœderis, omnem rationē fœderis ſcripto comprehendentes, & ſigillo confirmantes. Verū uulgare hoc eſt, quod ſigna rerū ſignatarum nomina accipiunt, ut nihil mirum ſit circuncifionem appellari fœdus, cū reuera fœdus ſit communio & ſocietas quam cum Deo habemus. Genef. 17. ita loquitur de ſigno hoc Dominus. Hoc eſt fœdus meum quod obſeruaſitis inter me & inter uos, atq̃ inter ſemen tuum poſt te. Circuncidetur in uobis omnis maſculus. Circuncidetis autem carnem præputij ueſtri: & erit in ſignum fœderis inter me & uos, &c. En Circuncifio in hiſce uerbis Domini primum fœdus, deinde ſignum fœderis explicandi gratia nuncupatur. Non alia ratione appellat eandem S. Stephanus in Actis cap. 7. teſtamentum.

Sed & modus Circuncifionis indicatur, Circuncidetis, inquit, carnem præputij ueſtri. Nam glandem, quæ ſummitas eſt penis, membri inquam uirilis, cutis uel pellis obtegit aut ambit, prominens nonnihil, ea uocatur præputiū, eod quod præemineat. Hanc pelliculam reſecabant cultro petrino, nudabantq̃ glandis ſummitatem. Reſectio inquam illa, putatio & inciſio, dicta eſt Circuncifio. Quis uerò amputarit pelliculam, non exprimitur. Apparet autem honoratiſſimum quēque in domo aut gente, ipſum inquam primogenitum aut patrem familiās, autem legem, in lege ſacerdotes circuncidiſſe. Singulare eſt quod Zipora uxor Moſis circuncidit, Exod. 4. cap. Iam & tempus indicatur circuncifionis, dies octaua, cū puer recens natus ualidior paulo eſſet factus. Cæterum circuncidiſſe illos non ferreis, ſed petrinis cultris, colligimus ex 5. capite Iôſue: ubi Dominus aperte iubet filios Izraelis circuncidere cultris petrinis. At Deum nihil mutare in ceremoniâ ſacramentorum, claret ex ipſis ſacramentorum ritibus: unde conſicimus etiam Abrahamum non alijs quàm petrinis uſum eſſe cultris, præſertim cū & Zipora uxor Moſis petra filium circuncidiſſe legatur. Alias Iudæorum nugas, quas hîc ſpargunt, data opera tranſimus intactas. Indignæ enim ſunt quæ audiantur, nec quicquam habent myſterij. Petrinus autem culter conſert ad myſterium circuncifionis explicandum.

Myſterium enim & ſignificationem certiffimam habuit circuncifio. Principio enim ſignificabatur Circuncifione, impuram & corruptam eſſe totam ſiue uniuerſam hominis naturam, atq̃ idcirco omnes homines opus habere putatione re-generatione q̃. Hoc nomine dabatur in membro genitali. Nam omnes concipimur & naſcimur filij iræ in peccato originali. Nec quiſquam à damnatione illa liberat, niſi qui exors eſt peccati, nimirum benedictum ſemen, Dominus noſter Ieſus Chriſtus, conceptus eſt ſpiritu ſancto, & natus ex Maria uirgine: qui ſanguine uſo (id quod in cruore circuncifionis præfigurabatur) emundat nos à peccato, & facit hæredes uitæ æternæ. Ac Circuncifio hæc ualde oppugnat negantes originale peccatum: ualde impugnat tribuentes noſtris uiribus iuſtitiam & ſalutem. Si enim puri eramus, ſi noſtris uiribus ſaluari potuiſſemus, quid quaſo opus erat patres noſtros putari? Quæ putantur impura ſunt uel ſuperuacua. At nihil impuri

*Signum fœderis Circuncifio.*

*Ritus & modus circuncifionis.*

*Myſterium & ſignificatio Circuncifionis. In qua eſt noſtra natura.*



aut superuacui condidit Deus. Condidit autem præputium. Si malum esset præputium, non condidisset Deus hominem præputiatum. Per se ergo malum non est, nec superuacuum præputium; sed significationi potius seruit præputij incisio, mirum ut intelligeremus ex natiuitate & natura nostra nos esse corruptos, nec purgari posse nisi gladio petrino. Certè hac de causa data est circumcisio in hoc membro & non in alio. Subijciemus mox & aliam ex Lactantio causam, cur in membro genitali data sit, & non in alio membro. Deinde significabat, imò & attestabat circumcisio, Deum omnipotentē ex mera gratia & bonitate coherere indissolubili fœderis nexu cum hominibus, quos uelit sanctificatos iustificare, omnibusq; celestibus donis locupletare per Christum. Ideo enim adhibebatur culter saxeus sive petrinus. Christus enim semen illud benedictum est petra, ex qua undæ profluunt purificantes, ac ipse nobis spiritu suo resecat quæcūq; amicitia inter nos & Deum mutuam impediunt: idem confert & auget spem & charitatem in fide, ut Deo coniungi & coherere possimus in æternum, quæ est uerè beata & felix uita. Huc pertinent iam testimonia legis & Apostolorum. In Deut. cap. 30. dicit Moyses, Circumcidet Dominus Deus tuus cor tuum & cor seminis tui, ut diligas Dominum Deum tuum. Huius autem internæ circumcisionis externa et uisibilis signum erat. Deniq; Paulus de Abrahamo loquens, dicit, Et accepit signum circumcisionis, signaculum iustitiæ fidei quæ fuerat in præputio, ut esset pater omnium credentiū per præputium, ut imputaret & illis iustitia. Et cætera. En circumcisio Abrahamæ erat signaculum quod Deus gratia sua iustificarat Abraham; quam iustificationē fide receperat, & receperat quidē antequā circumcideretur, in argumentum quod qui præputiati erant, iustificantur cum fidei Abraham; & rursus qui circumciduntur Iudæi, sciunt se per fidem iustificari à Deo. Ideoq; dabatur circumcisio in ipsum hominis corpus, ut in corpore gereret fœdus Dei, admonereturq; gratia per fidē se iustificari. Vnde illud quoq; colligimus gratiam Dei & iustificationē hominis p̄ij, non fuisse alligatam signo. Alioqui enim Abraham non fuisset iustificatus ante circumcisionem, sed in ipsa demum circumcisione. Præterea non præcepisset Dominus, qui uult homines saluos facere, octaua demum die circumcidere. Multi enim pueri ante diem octauam excedebant ē uiuēs, neq; perueniebant ad circumcisionem, qui tamen non condemnabantur. Quibus accedit quod Sara, Rebecca, Rahel, Iochabeth, & Maria soror Moysis, unā cum innumeris alijs matronis & uirginibus sanctis nō poterant circumcidi, & tamen saluata sunt per gratiam Dei in fide uenturi Messie. Ergo sacramento Circumcisionis gratia Dei non fuit alligata; sed idcirco à sanctis ueteris ecclesiæ non spreta nec neglecta, sed usurpata in illum finem ad quem instituta erat, ut esset testimonium & sigillum gratuitæ iustificationis in Christo uenturo, qui circumcidit spiritualiter sine manibus per spiritum sanctum.

Gratia Dei nō  
alligata Circun-  
cisioni.

Coloss. 2.

Circumcisione  
colliguntur cir-  
cuncisi in unū  
corpus.

1. Sam. 17.  
Acto. 11.

Circumcisio ad-  
monet hominē  
sui officij.

Præterea colligebat foris uisibiliter Deus in unam ecclesiam qui circumcidebantur, ex quibus electos prius spiritus sui uinculo sibi copulauerat. Nam S. Paulus hac de causa appellauit populum unius religionis circumcisionem, ut claret in 15. cap. ad Romanos, & ad Philippenses 3. Ergo per circumcisionem separauit suum populum ab infideli populo. Vnde incircuncisi uel præputiati uocabulum abiit in probrum maximum & cōuitium intolerandum, perinde ut apud nos probrum Canis. Incircuncisus enim uel præputiatus reputabatur pro impuro & prophano homine, alieno prorsus à Deo & à testamentis Dei.

Deniq; Circumcisio admonerat circumcisos per omnem uitam sui officij, nempe ut cogitaret quisque apud se, quod nomen suum dedisset Deo, ac sacramentum Dei portet in corpore suo. Hac enim de causa & in circumcissione debebantur nomina

nomina Israelitis. Clare enim apud Lucam ostenditur nomen & Ioanni Baptiste & saluatori nostro Iesu in circuncisione, sicuti & Abraham hoc nominis Abraham, qui prius nuncupabatur Abram, fuisse datum. Admonebat hoc circuncisum sui officij, quippe qui dedisset nomen confederato sibi Deo, adeoque se iam inscriptum esse in registrum siue catalogum Dei, cuius nomine iam censeatur: unde ex pacto & officio uitam suam non pro sua libidine aut aliorum uoluntate, sed secundum uoluntatem Dei instituere debeat. Requirebat enim fœderis conditio, ne idololatria & peregrinis cultibus seipsos prophanarent circuncisi, ne impuritate uitæ corpora & animas Deo consecratas polluerent, sed in uera fide perseverantes, sanctitati studerent, poenitentiam agerent, Deoque obedirent per omnia. Sic enim dicit Moses Deut. 10. Circūcidite præputium cordis uestri, & ceruicem uestram ne induretis amplius. Ad quæ uerba alludens Ieremias in cap. 4. Circūcidimini Domino, inquit, & auferte præputia cordis uestri. Et Stephanus martyr infideles Iudeos obiurgans, Durī, inquit, ceruice, & incircuncisi corde & auribus. Vos semper resistitis spiritui sancto. Rectissime ergo S. Paulus Apostolus ad Romanos 2. ostendit duplicem esse circuncisionem: alteram literę, carnis, & externam, quæ hominum fit manibus: alteram uerò cordis, spiritus, & internam, quæ fit opera spiritus sancti. Hanc approbavit Deus in suis, illam hac non præsentē reprobauit. Vtraque ex præcedentibus satis iam clara est, ut pluribus non sit opus.

Actonum 7.

Duplex circuncisio, spiritus & literę.

Operæpretium uerò facturum me existimaui, si in præsentī recitarem Charitati uestre, priusquam hunc locum de Circuncisione concludā, uerba uetusti scriptoris Lactantij, quæ de Circuncisione in hunc modum protulit lib. Instit. 4. cap. 17. Significabat Circuncisio, inquit, nudandū esse pectus, id est, aperto & simplici corde oportere nos uiuere. Quoniam pars illa corporis, quæ circunciditur, habet quandam similitudinem cordis, & est pudenda: & ob hanc causam Deus nudari eam iussit, ut hoc argumento nos admoneret ne inuolutum pectus haberemus, id est, ne quod pudendum facinus intra conscientię secreta uelemus. Hæc est cordis circuncisio, de qua propheta loquuntur, quam Deus à carne mortali ad animam transtulit, quæ sola mansura est. Volens enim uitæ ac salutē nostræ pro æterna sua pietate consulere, poenitentiam in illa Circuncisione proposuit: ut si cor nudaauerimus, id est, si peccata confessi satis Deo fecerimus, ueniam consequamur: quæ contumacibus & admissa sua celantibus denegatur ab eo, qui non faciem sicut homo, sed intima & arcana pectoris intuetur. Hæc hætenus uetustus ille ecclesię scriptor Lactan. Firmianus de mysterio Circuncisionis nobis retulit.

Lactantius de Circuncisione.

Hæc omnia quæ diximus hucusque de significatione & mysterio Circuncisionis, omnium oculis ceu in tabula proponebantur contemplanda, quoties in ecclesia quondā frequentabatur Circuncisio. Renouabatur quasi ipsum Dei fœdus ictum cum hominibus. Prædicabatur Dei gratia & eius sanctificatio, nostra item corruptio: elucebat in his Petra Christus, qui spiritu suo omnes maculas ecclesię resecat & abluit. Præterea discebant ex signo adeoque ex tota cerimonia sacra cultores Dei, quod uno in corpore existentes ecclesiastico, uitæ puritate cōfœderato Deo sese debebant approbare. Quandoquidē circuncisione uisibili quodammodo fiebat religionis ueræ, & consensionis in ueram religionem confessio, & in eandem obligatio. Ergo qui contempsisset aut temerē neglexisset hanc sacram ceremoniā, puniebatur grauissimē: sicuti colligere licet ex Gen. 17. & Exodi 4. cap. Hæc de Circuncisione hætenus.

Summa Circuncisionis.

Sequitur secundum ecclesię ueteris Sacramentum Pascha. Ea uox Hebraica De agno Pasce, non significans passionem, ut ex etymo Græco uideri poterat, sed saltum, schali.



DE LEGIBVS DEI CEREMONIALIB.

transcensum, seu transitum. Nam <sup>trans</sup> significat transilire aut transcendere. Rationem huius uocabuli reddit ipse in lege Moses, dicens, Transibit Dominus ut percutiat Aegyptios, & ubi uiderit sanguinem in superliminari atq; in duobus postibus. <sup>trans</sup> id est, transiliet Dominus ultra ianuam istam, & non permittet interemptorem uenire in domos uestras. Insignitur hoc sacramentum etiam alijs uocabulis. Appellatur enim Signum, appellatur Memoria, item Celebritas ac <sup>memoria</sup>, Coetus siue conuocatio sancta, Festum Domini, Cultus & Observatio, item Oblatio & Sacrificium. Quod autem nuncupatur ceremonia illa transitus, non fit citra tropum. Nam Transitus illud ipsum est beneficium, quo angelus Domini aedes Iudaeorum transiit intactas, eorumq; uitae pepercit: sed quoniam eius beneficij memoria & reparatio fuit, beneficij nomen induit. Sicuti prius admonui uulgare esse in negotio sacramentario, ut signa rerum signatarum nomina propter similitudinem & analogiam mutuam accipiant.

Quid pascha.

Videamus modò quid sit Pascha, & qualis fuerit eius ceremonia. Erat Pascha actio sacra diuinitus instituta in mactatione & epulo agni, ad hoc ut retineretur in ecclesia memoria beneficij semel in Aegypto praestiti, deinde ut esset testimonium diuinae erga fideles beneuolentiae, typum quoq; Christo praeferret, denique participantes in unius corporis societatem colligeret, gratitudinisq; & innocentiae admoneret.

Author & tempus pasche.

Author huius sacramenti ipse Deus est, non homo ullus. Moses enim quae acceperat à Domino tradidit filiis Israelis: sicut copiose exponitur Exodi 12. cap. Ac eo quidem tempore Ceremoniam instituit, quo populum Israelis ex Aegypto eduxit. Cumq; autore Deo profecta sit, consequens est omnia paschata insequuta, ad illud usq; quod cum suis discipulis proximè ante mortem suam Dominus celebrauit, diuinas fuisse actiones. Carni & sapientiae humanae multa imò omnia ferè huius sacramenti uidentur absurda & superuacanea, ceterum fides quae in authorē Deū intendit oculos, omnia suspiciat & reueretur. Sicut enim Deus summa & perfectissima est sapientia, ita omnia & singula eius instituta absolutissima & inestimabilis utilitatis sunt.

Iam etiam tempus indicatur quo primùm hoc sacrum sit traditum ecclesiae Israeliticae, annus uidelicet 430. (à promissione nimirum Abrahæ facta, siue ab eius peregrinatione supputata) qui erat annus ab origine rerum 2447. à diluuiio 791. Definitur praeterea tempus quando celebrandum sit pascha, nempe annis singulis, mense Nisan, qui respondet partim nostro Martio, partim Aprili. Sed & dies mensis indicatur, 14. mensis, supputatione nimirum inita ab æquinoctio uerno. Nam 10. die deligebant pecus ad festum, 14. die mactabant. Quid quod & partem diei denotat, qua sit mactandum: nempe inter uesperas, nimirum à tertia nostra pomeridiana ad 5. usque, iuxta nostra horologia, iuxta Iudaeorum supputationem à 9. ad 11. usq;. Ita uerò expressum est Christum in fine mudi fore mactandum, imò ipse temporis articulus mortis seu immolationis eius ita praedictus est. Nam expirauit circa horam 9. Vnde S. Petrus dixit, prophetas scrutatos esse ad quem aut cuiusmodi temporis articulum significaret spiritus Christi, qui in eis erat, Christus uenturum atq; passurum.

S. Pet. 1.

Locus pasche.

Sed & Locus certus erat huic sacro designatus. In Aegypto quidem sparsim per sodalitia in domibus epulabantur. Vbi uerò peruenissent in terram promissam, non licebat alibi quam apud tabernaculum, & postea apud templum Hierosolymis celebrare pascha. Dispersi ergo Hierosolymis per aedes, sed per sodalitia, ut & Lucae 22. uidere licet, epulabantur. Illa praefigurabant Christum non nisi

sepel

semel immolandum in monte Caluariæ, semper efficacem fore ad expianda populi peccata.

Designantur item qui celebrent pascha, uniuersus nimirum Izraelis coetus *Qui conuincit* circumcisi, per domos & familias tanto collectus numero, quantus sufficebat agno absumendo. Nam ut Christus omnium est saluator, sic omnes sunt in causa peccatores (sumus autem omnes peccatores) quod Christus dominus in ara crucis est oblatus.

Præterea multa fide & diligentia describitur ritus epulandi macrandiq; agni. *Ritus pasche* Principio deligebant sibi agnum hunc, eumq; ex agnis & hœdis: deinde iugulabant eundem quinto post die: in pateram cruorem eius excipiebant, quem mox aspergillo hyfopi postibus ianux atq; superliminari aspergebant. Agnum ipsum, non elixatum quidem aquis, sed assatum igni, & integrum, hoc est, caput cum pedibus, nec non cum intestinis, publico edebant in epulo: additis lactucis siue amaribus herbis, & pane azymo siue infermentato. Ipsi interim epulantes stabant, lumbos succincti, calceati, & baculos tenentes in manibus. Cæterum edebant agnum hunc festinantissime: ossa nec confringebant, nec proijciebant canibus, sed exurebant igni. Ex ipsis domibus à uespera usq; mane nemo egrediebatur.

Hæc fines suos, magna mysteria, & euidentem habuerunt significationem rerum præteritarum, præsentium & futurarum. *Scopus ceremonie.* Compungebāt item totum coetum Ecclesiasticum in unum corpus & in unam religionis professionem: sed & gratitudinis & studij pietatis admonebant epulantes. Id quod per partes quanta possumus breuitate perstringemus.

Principio enim uoluit Dominus retinere hoc epulo in memoria, & quasi æternitati consecrare maximum illud beneficium, quod semel populo Izraelis in Ægypto contulit, illud inquam, quod seruatō suo populo mirabiliter, omnia Ægyptiorū primogenita una nocte peremit, postera uerò die suos ex Ægypto, ex dura inquam seruitute, eduxit. Hoc beneficium non tantum uoluit prædicari uerbo (certum enim est eo festo conciones habitas ardentissimas de beneficijs Dei) sed etiam per actionē sacram siue ceremoniam, ceu per spectaculum & pſcturam uisum, omnium oculis proponere ac renouare. Nam uisibilis actio prædicationem quodammodo subiiciebat oculis sensibusq; alijs. Vnde Moses interpretans ceremoniam & actionem illam sacram, Cum filij uestri ad uos dixerint, ait, Quis hic cultus uester? Respondebitis, Victima hæc transitus domini est, qui præterijt domos filiorum Izrael in Ægypto, cum caderet Ægyptios, & domos nostras liberauit. *Beneficium retinetur in memoria.*

Cæterum significatio hæc fuit rei præteritæ, proinde non fuisset admodum utilis insequentibus hominibus, quippe qui beneficium nihil ad se pertinehs celebrassent, nisi id ipsum & singulis adaptasset seculis. Voluit ergo Deus hoc ueluti testimonium extare apud posteros suæ gratiæ, bonitatis & liberationis perpetuæ: nempe quod non tantum patrum uel maiorum fuerit Deus, sed & omnium quoque posterorū Izraelitarum Deus esse, & his quoque propter Christi sanguinem parcere, deniq; omnia ab eis depellere mala, & omnia conferre bona & uelit & possit. Nam Psal. 136. in hæc uerba legimus, Confitemini domino quoniam bonus est: quoniam in æternum misericordia eius. Qui percussit Ægyptiorum primogenita: quoniam in æternum misericordia eius. Et Israelelem eduxit e medio eorū: quoniam in æternum misericordia eius. Manu ualida & brachio extento: quoniam in æternum misericordia eius. Ergo præterito Dei beneficio patribus collato, excitabant fidem suam posteri, fore ut & ipsis misereretur & beneficeret ex solita in-

*Testimonium beneuolentiæ Dei erga suum populum.*



genitaq; misericordia sicuti & patribus benefecerat. Eratq; hæc ceremonia non uulgare fidel exercitium.

*Agnus erat fi-  
gura Christi,  
passionis &  
redemptionis  
eius.*

*1 Corin. 5.*

Præterea exhibebantur in his quoq; futura Christi saluatoris mysteria. Nam præfigurabatur quis futurus Christus, quid mundo collaturus, quomodo eius fi-  
ant participes pñ, & quomodo hi se gerant coram ipso. Etenim inter alia animalia multa, non aliud eligebatur huic sacramento magis idoneum quam agnus, non tam propter significationē simplicitatis & patientiæ in Christo, quam quod uicti-  
ma est. Paulus enim, Pascha nostrum, inquit, immolatus est Christus. Agnus quo-  
que iuxta legem mane & uesperī immolabatur. Christus enim est agnus occisus ab origine mundi. De quo & Baptista testificans dixit, Ecce agnus Dei, qui tollit peccatum mundi. Et quoniam nos omnes sicuti oues errauimus, quisque in uiam suam, descendit ad nos filius Dei, & factus est ouis, nostræ scilicet substantiæ atq; naturæ. Sed hic noster integer est & purus, sine peccato & uitio: conceptus est spi-  
ritu sancto, natus ex Maria uirgine. Masculus erat & anniculus: fortis nimirum, idem hodie & heri, & idem usq; in secula, nimirum saluator uniuersi orbis. Sum-  
batur ex agnis & hœdis. Christus enim prognatus est ex peccatoribus & iustis; sicuti commemorat Matthæus in capite primo. Ac propter fufum sanguinē agni, parci-  
tur toti Ecclesiæ Israelitarum. Nam sanguinem Christi oportuit fundi, ut pur-  
garentur eius sanguine omnes fideles, iratusq; pater propter effusum cruorē par-  
ceret toti ecclesiæ. Idem aspergitur aspergillo hyssopino, postibus & superliminari domus. Contempta quidem & humilis est herba hyssopi: & stulta uidetur humi-  
lisq; & abiecta prædicatio euāgelij: at per ipsam oportet nobis, qui sumus domus Dei, aspergi siue prædicari sanguinē Christi in remissionem peccatorum. Recipi-  
mus autem agnum ad uitam, cum edimus, id est, credimus Christū pro nobis esse passum. Nam fide editur Christus: id quod ipse fufē exponit Ioan. cap. 6. Agnus igni paratur non aqua: nec crudus, sed tostus comeditur. Non enim homo duntaxat, sed Deus simul est uerus, uerum holocaustum. Potest is nos absolvere plenē ut nostra additione nihil opus sit. Aquæ & planē frigida sunt nostra additamen-  
ta. Iam & totus est edendus agnus, caput cum pedibus & intestinis. Nisi enim cre-  
damus Christum & Deum esse uerum, & hominem uerum, sapientiam quoque & iustitiā nostram, non totum edimus. Caput non edunt, qui Christum negant esse Deum. Pedes non edunt, qui negant esse hominem. Intestina non edunt, qui non agnoscunt, quæ intra Christum sunt & fidelibus communicantur dona, iustitiā uidelicet, sapientia, sanctificatio redemptio & uita. Ossa in agno nec confringe-  
bantur nec proijciebantur canibus, sed cremabantur igni. Nam in Christo non est confractum os ullum. Id quod commemorat beatus Ioannes Euangelicæ historiæ cap. 19. Latet in hoc præterea mysteriū. Licet enim pateretur filius dei, in eo quod pati potuit, in humanitate, in diuinitate tamen mansit impassibilis. Quæ uerō in Christo propter diuinitatis excellentiam non assequimur, meritō ardenti profe-  
quimur desiderio. Sed & Christus cibus est animæ rationalis fidelisq;, nō canibus & impijs proijciendus. Idem edendus est præcipitanter, nec cunctandū. Nam pro-  
tinus & citra procrastinationem & maximo cum desiderio manducandus est si-  
de Christus. Simul autem præcipiuntur comedendæ acidæ herbæ, cum panibus infermentatis. Nam fidelibus agenda est pœnitentia uitæ præteritæ malæ, & stu-  
dendum porro puritati uitæ. Sequitur enim copiosius quomodo nos geramus erga redemptorem nostrum. Stantes edebant agnum, renibus uel lumbis accincti, calceati quoq;, & baculos tenentes in manibus. Erat is habitus peregrinantium. Ita ergo nos in præsentī seculo geramus oportet, ut decet peregrinos, qui hunc mundum

mundum contemnunt, aliam inquirunt patriam. In itinere itaq; temperantiæ studeant; muniti sint pedes eorum euangelio pacis, ac innitantur interim baculo diuini auxilij, egredianturq; qua possunt festinantia ex seruitute & corruptione huius seculi.

Hæc eadem ceremoniæ erat quasi confessio religionis ueræ, & tessera quæ ab alijs populis & gentibus Dei populum separabat. Ergo colligebantur omnes Israelitæ in unam Ecclesiam & societatem; in qua pascha celebrantes, profitebantur se esse Dei redemptos, Dei liberos & populū. Huc enim pertinet quod præcipitur ne ex illo ullus edat extraneus: sed ut circumcisi duntaxat de eo participant: ne diuidatur in partes, neue alibi quàm uno in loco edatur, & edatur quidem per sodalitiæ ab uniuerso Israele: rursus ne quis exeat ex ædibus usq; mane. Qua re significabatur extra Ecclesiam in sectis & schismatis hæreticorū nec Christum inueniri, nec salutem. Christus agnus ille Dei colligit omnes in unam Ecclesiam, & resinet in ipsa, saluatq; credentes.

*Tessera ex confesio fidei.*

Postremò admonerat hic ritus populum Dei sui officij, gratitudinis præsertim & studij pietatis, siue innocentia. Agebant ergo Deo gratias pro hoc & pro alijs eius beneficijs, laudabant nomen eius: ac abstinebant in uniuersum ab omni fermento. Nec legas quicquam prohibitū esse tam seueriter in hac ceremoniæ, quàm ut abstineant à fermento. Qui comederit fermentatum, inquit, peribit anima eius de cœtu Israelis, tam de aduenis quàm de indigenis terræ. Idem postea sæperepetitur & inculcatur. Cæterum peritissimus & doctissimus in lege Moysi Apostolus Paulus, quid per fermentum sit significatum exponens, Itaq; festum celebremus inquit, non in fermento ueteri, nec in fermento malitiæ & uersutia, sed in panibus fermento carentibus, hoc est, synceritate & ueritate. Hæc hæctenus de epulo agni paschalis.

*Pascha particula patet admonet sui officij.*

*1. Cor. 5.*

Sacramentis his accedunt porrò sacrificia, eaq; uaria & multiplicia. Hæc non primū ab ipso Mose sunt inuenta & tradita, sed usurpata iam inde à rerum origine. Nam Cain ex frugibus terræ, Abel uerò è grege suo pecus obtulit in holocaustum domino conditori omnium. Ita & Seth, Noe, Sem, Abraham, Isaac & Iacob, omnes deniq; patres domino sacrificasse creduntur. Ceterū cum Gentilitia siue Ethnica sacrificia, cum sacrificijs Iudæorum, uel ipsis ethnicis scriptoribus testificantibus, plurimum affinitatis & similitudinis habere deprehendantur, non dissimile uero est, gentium genarchas à primis suis patribus Semo, Iapheto & Chamo, deniq; à sanctissimo patre Noe, sacrificandi ritum quemq; ad suam detulisse gentem. Atqui indubitatum est sanctos patres ex seipsis hic confinxisse nihil, sed omnia accepisse ab auctore omnis boni Deo. Porrò Moyses sacrificiorum discrimina, species & genera exactius distinxit, redegitq; in ordinem certum. Quod autē fecit, Deo auctore fecit. Deus omnia tradidit Moysi. Nam liber Leuitici, in quo maxime describuntur omnes sacrificiorum species, mox ab initio testatur Mosen à Deo uocatū, à Deo didicisse quæcunq; tradidit de ritu sacrificandi. Sed & Num. 7. legimus, Cumq; ueniret Moyses in tentorium constitutionis, audiuit uocem colloquentis ad eum è propitiatorio.

*De sacrificijs eorum origine.*

Sicut autem modò dicere cœperam, sacrificia fuerunt uaria & inter se distincta, & tamen habuerunt quædam inter se communia & generalia. Generale id erat omnibus, quòd non nisi uno in loco offerebantur. Generale erat, quòd ex fide & legitime, utiq; secundum uerbum Dei offerri debuerunt. Generale erat, quòd sacrificari præcipiebatur igne sacro, non alieno. Interierant filij Aaronis, Nadab & Abihu, non alia de causa, quàm quòd prophanum siue alienum ignem usur-

*Sacrificia quædam habent cōmunia, quædam particularia.*



*Ignis perpetuus non alienus.*

*Malach. i.*

*Holocaustum.*

passent in sacris. Deus enim cum Israelitæ uel Leuitæ primùm sacrificarent iuxta ipsius mandatum in tabernaculo, demisso cœlitus igne, sacrificandi ritum sic approbavit. Vnde Leuit 6. cap. præcipitur ut sacerdotes perpetuum ignem foueant in tabernaculo siue templo. Id quod & Ethnicos inepta imitatione exprimere uoluisse constat, dum Virgines Vestales Romæ perpetuum iuberent fouere ignem. Sed significabatur igne perpetuo perpetua in Ecclesia spiritus sancti operatio. Hic fouendus & excitandus est in Ecclesia: id quod fit pñs precibus & sincera doctrina domini, legitimoq; sacramentorum usu. Generale erat & illud, quod nec feræ syluestres nec immunda animalia offerebantur. Præterea legitur generalis canon traditus de sacrificijs à Mose in Leuit. cap. 22. hisce uerbis, Nullum uictum sit in eo quod obtuleris. Si cæcum fuerit, si fractum, si saucium, si papulas habuerit aut scabiem impetiginemq; non offeretis ea domino, nec dabitis ex eis super altare domini. Certè si quis obtulisset uitiosam oblationem domino, magnum de se argumentum præbuerat contemptus numinis ingratitudeisq; eximie erga dominum. Ideo clamat apud Malachiam dominus, & ait, Cum hostiam cæcam sacrificatis, an non peccatum committitis? & quando adducitis claudum & ægrotum, an non peccatum committitis? Adduc quæso tale duci aut principi tuo: num id probabit? num suscipiet faciem tuam? dicit dominus exercituum. Ita inquam uile fit & sordescit uobis nomen meum. Requirit ergo omnibus temporibus iustus & uerax Deus ueritatem, liberalitatem, sinceritatem, & integritatē à suis cultoribus, odit sordiciem, hypocrisim & mendacium. Sunt & alia quæ dā quæ oblationes diuinæ habent communia: sed nolumus prosequi minutatim omnia. Quæ uerò quæq; aut singula habent peculiaria, inclarescit ex diuersis ipsarum speciebus: quas modò attingemus.

Primo loco explicabimus sacrificij genus, quod uocant Holocaustum. Id totum igne absumebatur, ita ut nihil præter pellem aut tergus cederet sacerdoti. Origo uocis est Græcica. Dicitur enim holocaustum quasi ὅλον καυσίον, hoc est, totum combustum aut igne consumptum. Constabat autem tribus speciebus, maioribus, inquam, animantibus, minoribus & minimis: boue nimirum, iuueneco uel uitulo; aut si cui non esset facultas tanta, offerebat agnum uel caprum; quod si id quod negatum esset propter paupertatem, licebat sacrificare auiculas: non quidem gallos uel anseres, uel alias aues immundas, sed mundas, turtures uidelicet uel columbas. Ritus autem holocaustorum erat talis. Sistebatur animal offerendum ad latus altaris, imponebantur ei manus, iugulabaturq; protinus à sacerdote. Sanguis uerò excipiebatur, ut spargeretur per aræ circuitum; iugulato mox detrahebatur pellis, quæ sola cedebat sacerdoti. Crura truncabātur, deinde abuebantur cum intestinis, mox excitato in ara igni, imponebatur tota hostia cum capite & trunco corporis, cum cruribus item & intestinis, ac concremabantur uersa in altari coram domino. Si uerò offerretur turtur aut columba, & obtorto sacerdotisq; digito disrupto collo, iugulabatur: sanguis exprimebatur ad latera altaris. Struma & pennæ proijciebantur item ad latus altaris, in locum utique cinerum, alæ quoq; sindebantur, postremò tota comburebatur in ara. Hic ritus erat sacrificij uel oblationis, quam holocaustum appellarunt: cuius significatio ipsa erat augustissima & iucundissima, quibus persuasum erat holocausto præfigurari ipsam Dei filium incarnandum ex illibata uirgine, & offerendū pro expiatione omnium peccatorum totius mundi. Hi enim in sacrificij spectaculo cōtemplati sunt ipsam crucem & passionem domini, qui nostra in se peccata suscepit (huc enim pertinet maxime manuum impositio, quæ cōmunionis erat symbolum) ac cœlus sanguis

sanguinem suum effudit in remissionem peccatorum, totum se Deo patri in igne charitatis diuiniq; ardoris offerens. Hic idem turtur est ac columba. Cæterum requirebatur præter hæc in ritu holocausti, ne unquã de animantibus offeratur holocaustum sine oblatione, quam uocant Minha: quæ erat huiusmodi, Ex farre pugillus granorum, aut farinæ, aut crustularum panis cocti in cacabo, aut torta panis cocti in clibano aut frixorio, cum oleo & thure comburebatur in ara holocaustorum. Certè Christus est panis uitæ, qui per spiritum æternum, ut ait Apostolus, se Deo patri obtulit pro nobis in cibum uel conseruationem uitæ.

Holocaustis connumerantur Iuge sacrificium, & sacrificia initiationis. De Iuge sacrificio copiosa fit expositio Exodi 29. & Leuit. 6. Quotidianum id erat, <sup>Iuge sacrificium.</sup> Nam offerebantur singulis diebus mane & uesperis agni duo, unus nempe uesperis, alter mane. In his manifestè prænunciabatur Christus, qui est agnus ille Dei qui tollit peccatum mundi, cuius uirtus semper efficax est ad tollenda omnia omnium fidelium peccata. Est enim agnus ille occisus ab origine mundi: semel quidem cæsus & occisus in cruce, sed cuius meritum & efficacia semper durat, & omnes absoluit quotquot liberantur à peccatis. Porro sacrificia initiationis, sacerdotum uidelicet, tabernaculi & omnium uasorum seu instrumentorum ministerij sancti, <sup>Sacrificia initiationis.</sup> plerq; habent communia cum holocaustis, quædam peculiaria. De quibus copiosè disseritur Exodi 29. & Leuit. 8. cap. Christus autem dominus noster initiat<sup>us</sup> est per passionem, ac sibi consecrauit in sacerdotes omnes fideles.

Secundum genus sacrificiorum erat Oblatio, quam uocant Minha, munus <sup>Sacrificium cibarium.</sup> inquam uel donum, farreum seu adorem sacrificium, quod & cibarium cognominatur. Constat hoc frugibus terræ, quæ non uno modo adhibebantur. Nam commemorantur tres species. Offerebatur enim far tostum in spicis, aut farina <sup>2</sup> siue similia munda nondum cocta, aut certè paratus ex farina panis: qui sanè triplici modo aut forma siue ratione parabatur. Vel enim coquebatur in furno aut <sup>3</sup> clibano: uel in cacabo aut sartagine: uel in frixorio crustularum pleno. Accedebat his uelut auctarium & condimentum sacrificiorum sal, oleum, thus. Remouentur autem generali canone ab omnibus sacrificijs mel & fermentum. Non enim admittebantur libæ melleæ. In epulo tamen eucharistico admittebatur panis fermentatus ad esum. Proinde si quis offerret farinam, ungebatur ea prius à sacerdote oleo, & condiebatur sale, mox ei imponebatur thus: inde uolam plenam accipiebat sacerdos (in sacrificio pro sacerdote comburebatur totum) & adolebat in ara, reliquum sibi conseruabat. Et in omnibus quidem cibarijs oblationibus ponebatur thus, præterquam in sacrificio pro peccato, & in sacrificio zelotypiæ: id quod uidere licet Leuit. 5. & Num. 5. At Leuit. 2. cap. reliqua qui cupit inuenire, quæ pertinent ad ritum oblationis cibarij plenum. Non enim singula minutatim hic prosequimur. Porro sicuti antea Christus in animantibus, hoc est, pecudibus, armentis & auibus præfiguratus est, ita nunc significatur in panibus. Est enim panis uitæ: & habet formas uarias infirmitatis & gloriæ. In Christo non reperias ullum fermentum, peccatum aut acerbitem, hypocrisim aut superbiam. Nulla est in Christo dulcedo uoluptatis, mellea, inquã, affectio. Sed sal in ipso inuenias, temperamentum planè diuinum, & sapientiam absolutissimam. Propter Christum omnia hominum grata sunt Deo: propter Christum exaudimur à patre: est ergo thus super Christo. Quanquam simul in his adumbretur qualia & nostra esse debeant sacrificia, utiq; sine hypocrisi, amarulètia, odio, inuidia, & citra uoluptatem carnalem, mixta autem pijs precibus.

Sacrificio cibario connumerari possunt libamina. His enim uinum domino <sup>Libamina.</sup>



fundebatur in sacrificijs, sicuti claret Exodi 29. Leuit. 6. & Numeri 28. Est autem Christus uinum, potus & gaudium nostrum ad uitam æternam. Is effundit se in animos piorum, ut ipsos gaudio perfundat, uiuatq; in eis & ipsi in eo. Ideo autem memoriam sanguinis effusi pro nobis in remissionem peccatorum uino consecrauit. Cibarijs oblationibus annumerari possunt sacrificia primitiarum, primogenitorum, & Decimarum. De quibus passim in lege multa commemorantur, ut Exodi 13. & 23. Deut. 18. Numeri 18. Est autem Christus primogenitus & primitia omnium, propter cuius dignitatem & meritum nobis parcitur, & per quem sanctificati, efficimur filij adeoq; & hæredes Dei. Eidem ut auctori & redemptori nostro debemus & animas nostras, & omnia quæ in nobis sunt præstantissima. Sed & illud gratitudinis est, quod de terrenis facultatibus nostris, quæ ab ipso habemus, Deo liberaliter impartimur, ad sustentationem cultus Dei legitimi atq; egenorum omnium.

*Sacrificiū piaculare pro peccato.*

Tertium sacrificiorum genus est quod offertur pro peccato, ac ideo appellatur Hattah piaculare, & Ascham sacrificium pro delicto. Nos uno uocabulo appellare possumus sacrificium expiatorium. Immolabatur enim pro peccato commissio, uel per imprudentiam: quod gradibus hominum peccantium quadrifariam distribuitur, nempe, si pontifex peccarit, aut tota Ecclesia, aut princeps, aut uulgaris quispiam. Vel offerunt pro peccato dedita opera uel à scientibus commissio, attamen mediocri: uel pro grãdi & capitali scelere, quod nulla excusat imprudentia. Ritus huius sacrificij latissimè se extendit, & est copiosus ac multiplex, adeo ut in præsentem per compendium commemorare non placeat. Describitur diligentissimè per partes Leuit. cap. 4. 5. 6. 7. Nec dubium est quin eo sacrificio Christus sit propositus, sicuti & in omnibus alijs oblationibus. Finis enim legis Christus est. Et Isaias in cap. 53. Cum nihil iniquum fecerit, ait, & dolus non fuit in ore eius, complacuit tamen domino ipsum infirmo atterere, ut ubi posuerit animam suam hostiam delicti uel uictimam pro culpa (hic enim ponitur אֲשָׁם ascham) uideat semen, & proroget dies, ac uoluntas Domini prosperè cedat in manu eius. Huc pertinet tota illa disputatio Apostoli Pauli in epistola ad Hebræos, in qua ostendit Christum esse ueram illam expiatricem pro peccatis uictimam, quæ purget uniuersam Ecclesiam & peccata omnia. Ritu partim peccatorum ingenia, partim passionem Christi & mortis uirtus adumbrata sunt.

*Annũersarium & uniuersale sacrificium piaculare.*

Hæc uerò pro peccatis instituta sacrificia multa & uaria, conceptiua erant, quippe quæ offerri solebant ab iis qui peccassent, & eo quidem tempore quo peccassent: statum porro annũersarium & uniuersale sacrificium illud erat, quod multis describitur Leuit. 16. cap. & huc sub piacularia referri debet. In festo enim propitiationis 10. die 7. mensis peragebatur annua solennitate pro omnibus omnium peccatis uniuersale expiatorium seu propitiatorium sacrificium. Eius ritum nolo in præsentiarum copiosius prosequi, cum luce clarius proponatur omnibus in eo loco Leuitici, quem modò citauimus, & nos iam illum in explicando mysterio, quantum satis est, adumbrare cogitemus. De significatione enim & mysterio eius dicam pauca.

Figurabatur illo spectaculo, certè iucundissimo, tota passio & effectus passionis domini nostri Iesu Christi: quæ quotannis semel exhibebatur & renouabatur uniuersæ Ecclesiæ Dei. Placuit enim deo hic modus repræsentandi mysteria redemptionis & salutis per sacramenta, & non per picturas aut colores, aut denique per scenicos ludos: quæ non pauci hodie parum religiosè in delicijs habent. Solus autem pontifex summus in hac cerimonia obibat omnia: nisi quod duo ei adiungebantur

bantur ministri, quorum alter educebat hircum emissarium piacularemque, alter portabat extra castra iuuenicum & hircum expiatorium. Imò diligentissime præcipitur, ne quis hominum se coniungat summo pontifici tabernaculum ingrediti, & propitiationem pro peccatis facienti. Nullus homo, ait Dominus, sit in tentorio constitutionis, cum ille ingreditur ad expiandum in sanctuario, donec egrediatur. Nam Christo in peragendo salutis redemptionisque nostræ negotio, nemo coniungendus est. Solus enim saluator est, calcauit solus torcular, nemo alius pro nobis crucifixus est. Excluduntur ergo Patriarchæ, Prophetæ, Apostoli & Martyres, omnes denique creaturæ, ne his unquam quicquam salutis acceptæ tribuamus. Solus Christus manet saluator & redemptor mundi. Creaturis aut operibus aut meritis nostris salutem tribuere, est cum summo Pontifice creaturas in tabernaculum admittere, & incurrere indignationem omnipotentis, id est, anathema horrendum veri & in æternum uiuentis Dei. Nam per summum sacerdotem præfiguratur nobis saluator Christus, qui Apostolo teste sacerdotium habet, quod successione ad neminem transire potest. Aaron porro de suis accipiebat iuuenicum expiatorium & arietem pro holocausto, à populo autem duos hircos. Proinde Christus Dominus noster uerus & unicus ecclesiæ suæ sacerdos, quod pro nobis obtulit, à nobis accepit, substantiā carnis nostræ. Additur interim Aaron (sub quo nomine quemlibet intelligimus summum populi Dei sacerdotem) sacrificaturum induisse uulgares siue communes sacerdotum uestes, sed tamen sanctas & candidas. Licet enim nostram assumpserit naturam Dei filius, & nobis similis factus, quasiq; uulgari nobiscum ueste indutus sit, immunis tamen est ab omni corruptione & macula peccati. Principiò autem pro se & pro domo sua mactabat Aaron iuuenicum. Quare declarabat se non esse uerum illum pontificem summum, sed eius modò typum. Paulus enim, Nostro Pontifici, inquit, non est necesse, quemadmodum illis pontificibus, prius pro proprijs peccatis uictimas offerre, deinde pro peccatis populi. Nam id fecit semel cum semetipsum obtulit. Postea sortiebatur Aaron ad ostium tentorii inter duos hircos, uter mactaretur uel dimitteretur in desertum. Hirci duo significant Christum Dominum, uerum Deum & hominem in diuersis, sed non separatis consistentem naturis. Mactatur & moritur secundum id quod mori potuit: non mactatur nec moritur, secundum diuinitatem. Vnus tamen & idem indiuisus Christus redemptor est mundi, & perficit redemptionem. Sic & uterq; hircus mysterio adhibebatur. Et quoniam Dominus temperat sortes, teste Solomone, non sine uoluntate patris sacrificatus est filius. Iam uerò Pontifex primum quidem iuuenici sanguinem, deinde & hirci mactati cruorem, & cum his thuribulum accipiebat & intra uelum ingrediebatur, ubi thymiama coram propitiatorio excitabat nubis instar, sed & sanguinem aduersus propitiatorium digito aspergebat septies. Quæ Apostolus Paulus exponens in 9. cap. ad Heb. dicit Christum non cum iuuenici aut hirci, sed proprio cum sanguine, non in tabernaculum manu factū, sed in ipsum cælum esse ingressum, reperta expiatione & remissione peccatorum perpetua. Ipse enim est propitiatio nostra, non pro peccatis nostris tantum, sed etiam pro peccatis totius mundi. Huc spectarunt scilicet Apostoli, quoties appellarunt Christum propitiationem, sicuti S. Paulus ad Romanos 3. & S. Ioannes, 1. Ioan. cap. 2. & 4. Significat autem septenarius aspersiois numerus, purgationis plenitudinem & perfectionem. At necesse est interim ut aspergatur nobis digito, non hominis, sed Christi summi nostri pontificis, Cuius digitus est spiritus sanctus, per quem applicatur & confertur nobis purgatio. Accedit præterea thymiama uel incensum aromaticum contusum. Cum lachrymis



Heb. 9.

enim, teste Apostolo, preces pro nobis obtulit Pontifex Christus, & exauditor et pro reuerentia. Vnde fumi nubes, id est, ingens sumi uis, significauit maximam precum efficaciam.

Illis peractis egrediebatur rursus in sanctum Pontifex, collocans sanguinem super altare thymiamatis aureum. Nam oportet in redemptione nostra constituta sint cruor innoxius & oratio ardentissima pro nobis. Inde porro egrediebatur ad altare holocaustorum, quod stabat in atrio, ac alterum hircorum tradebat in tempestiuo abducendum in desertum, non sine singulari ritu aut ceremonia. Pontifex enim hirco imponebat manum utranque, confitebaturque peccata populi, quod nimirum & ipse confitebatur iniquitates, præeunte formula certa pontifice: simul autem omnibus peccatis in caput hirci coniectis, ablegabatur hic, ut eo modo peccata totius ecclesie deferret in desertum. Hinc mutuati sunt sine dubio Genitiua sua illa, quæ uocarunt, *ἀσθμα* sive piamina. Fuit enim mos ethnicis ut in maximis discriminibus, unus aliquis sese deuoueret pro omnibus, quem acceptum uel mactabant cremabantque in ara, uel proiciebant in aquam, precantes ut simul omnia secum auferret mala, ac dii unius capite placati, rursus beneficerent. Sed aberrarunt toto cælo miseri. Christus enim Dei filius factus est pro nobis peccati, id est, sacrificium pro peccato, factus est pro nobis execratio, ut benedictionem ab ipso acciperemus. Huc scilicet spectauit Isaias, cum dixit, Nos omnes tanquam ouis errauimus, quisque in uiam suam respexit, Dominus autem effecit in illum currere omnium nostrum iniquitatem. Item, Ipse uulneratus est propter iniquitates nostras, attritus est propter scelera nostra. Et iterum, Verè languores nostros ipse tulit, & dolores nostros ipse portauit. Portat autem hircus peccatum in desertum, non ut non sit, sed ne imputetur. Nam in ecclesia est quidem in sanctis peccatum, sed non imputatur eis. Extra ecclesiam, in deserto, omnibus imputatur. Et Vir ille tempestiuus alius esse non potest, quàm ipse Christus, qui ubique in diebus carnis suæ tempus & occasionem iustam obseruauit, subinde repetens horam suam nondum uenisse, & cum tempestiuum esset mori, aiebat modò adesse horam suam. Moriendo autem abduxit hircum adeoque peccatum totius mundi.

His ad eum modum absolutis, abluitur iterum Pontifex, & exutis uestibus uel garibus, pontificijs induitur. Cæterum ablutio illa uaria & multiplex in hoc sacro ritu adumbrat plenissimam peccatorum remissionem: sicut & mutatio uestis glorificationem: id quod clarius uidere licet apud Zachariam in cap. 3. Glorificatus autem Christus cælos ingressus est, ut ibi semper appareat pro nobis in conspectu Dei, unica & in æternum efficax hostia. Ergo sacrificat Aarō arietem in holocaustum. Christus enim est uictima æternum durans & purgans. Misit præterea Aaron iuuenem & hircum alterum in locum sacrum extra castra, ut ibi prorsus comburerentur. Id quod Paulus exponens, Animalium, inquit, quorum sanguis deferretur pro peccato in sancta per Pontificem, horum corpora cremantur extra castra: quapropter & Iesus ut sanctificaret per proprium sanguinem populum, extra portam passus est, Hebr. 13.

Et quamuis in his quæ adduximus hucusque, sparsim finem & fructum huius ceremonie indicauimus, non pigebit tamen hic eundem singulariter commemorare: quando uideo spiritum sanctum in scriptura illum inculcare tanta fide & diligentia. Finis omnium est, quod peccata omnia, omnia inquam, totius ecclesie Dei unica hostia, semel duntaxat oblata, è medio, perfectissimè, sunt sublata & purgata. Audiamus ergo ipsa spiritus sancti in scriptura loquentis uerba, eaque euidentissima & apertissima. 1. Et confitebitur Pontifex super hircum cunctas iniquitates

filiorum

filiorum Israel, & omnes transgressiones eorum, omniaq; peccata eorum. 2. Et 2  
feret hircus ille super se omnes iniquitates illorum in terram desertam. 3. Eodē 3  
die expiabitur pro uobis, ut mundi fiat, & mundi sitis ab omnibus peccatis ue-  
stris coram Domino. 4. Sitq; uobis hoc statutum perpetuum, ut expiet filios Is- 4  
rael ab omni peccato eorū semel in anno. At quis adeo stupidus & plumbeus est,  
ut credat animantium sanguine abluta esse omnia populi peccata? Si, inquit, Apo-  
stolus, semel expiassent peccata plenē, desissent utiq; offerri. His ergo Christi uen-  
turi mysterium omnibus inculcatum, & omnium oculis semel in anno est propo-  
situm. Ex hac enim ceremonia mutuatus est Zacharias suum de Christo uaticiniū  
in cap. 3. sic propositum, En ego adduco seruum meum germen. En lapis quem po-  
suit ante Iosiam, super lapidem unum sunt septem oculi: en ego sculpam sculpturā  
eius, ait Dominus exercituum: & auferam iniquitatem terræ huius uno die. Pro-  
mittit Dominus Messiam, quem præfigurauit sacerdotes, in primis autem sum-  
mus sacerdos Iosue. Christus est lapis, in quem omnium oculi ut in unicum salua-  
torem sunt intenti. Foditur & scalpitur is in passione, & patiendo atque morien-  
do, semel, omnia peccata expiat totius terræ. Ex hac ceremonia & hoc scripturæ lo-  
co, mutuauit S. Christi Apostolus Paulus in Epist. ad Hebr. totam ferē disputatio-  
nem suam de sacrificio Christi semel duntaxat pro peccatis totius mundi oblato:  
in qua toties ex lege, suum illud Semel inculcat.

Porro alios constituit sacerdotes, aliud tempus, & aliam rationem sacrifican-  
di pro peccatis, est calcare diuinam & clarissimā hanc ueritatē. Est autem hæc do-  
ctrina de unica Christi hostia, uera, & antiqua, & orthodoxa, et irrefragabilis per-  
petuaq; doctrina: per quam saluantur quotquot saluantur, & saluati sunt per ean-  
dem quotquot saluati sunt ab ipso mundi exordio. Huius doctrinæ hostes appella-  
uit legis peritissimus Christi & gentiū Apostolus Paulus, stultos, imperitos, amen-  
tes, insanos, instabiles, leues & cuius expositos uento, impios, apostatas, qui dese-  
cerunt à Christo, pseudologos, pseudopphetas, pseudapostolos, seductores, con-  
scissores, canes, incantatores, ueneficos, & anathematiz, implicitos, execrabiles &  
maledictos. Proinde si angelus ē cœlis aliud nos docuerit, sit nobis anathema.

Id tamen minime prætereundum, ab hominibus in anniuersaria illa expiatio-  
ne requiri primū quidem peccatorum confessionem: deinde afflictionem ani-  
marum, dolorem inquam serium, ex agnitione peccati conceptum: & postremo  
sabbatum, non utique otium ignauum à studijs honestis, sed quietem in fide Chri-  
sti, & cessationem à sceleribus. Qui ita sese parat in festo propitiationis, nimirum  
in tempore prædicationis gratiæ Dei, per Christum, proculdubio purgatur plenē  
per hanc uictimam unicam Christi. De qua paulo fusius non sine ratione disserui  
hucusq;. Nam unus hic locus & multos alios scripturæ locos mirifice illustrat, &  
mysterium redemptionis Christi & redemptoris, ita clarē, ut uix alius, exponit, ex-  
ornat atq; cōmendat: præterea docet nos intelligere Christi Domini in Euangelio  
Ioannis uerba, dicentis. Est qui accusat uos Moyses, in quo uos speratis. Si enim cre-  
didissetis Moysi, credidissetis utiq; mihi. De me enim ille scripsit.

Porro propitiatorio sacrificio & alijs piacularibus meritō annumeramus & Sacrificium  
sacrificium Vaccæ rufæ, adeoq; ipsam lustrationem siue aquam lustralem, institu-  
tam contra omnis generis pollutiones. Erant enim pollutionis uariæ species. De  
quibus in lege disseritur copiose, isdemq; exhibetur nobis typus impuræ nostræ  
naturæ, & peccatorum nostrorum. Describitur autem in lege Numeri 9. primū  
ceremonia ipsa siue ritus sacer, ostenditurq; quomodo paranda sit aqua lustralis  
contra omnes pollutiones. Deinde eiusdem usus atq; effectus subiicitur. Adduce-

*Unica Christi  
hostia sufficit  
uniuerso mun-  
do.*

*Sacrificium  
Vaccæ rufæ.*



batur ad sacerdotem Eleazarum uacca rufa, eaq; sine macula, & quæ iugum tantum quam subierat, ea protinus educebatur extra castra & mactabatur. Partem sanguinis excipiebat sacerdos, ac digito suo septies aspergebat contra tentorium constitutionis. Sed uaccam ipsam totam, ita ut nihil fieret ex ea reliqui, combussit igne, in quem etiam iniecit lignum cedrinum, hyfopum & coccum. Hic se eluebat sacerdos aqua, succedebat uir mundus, qui cinerem colligens, deposuit in locum sanctum. Ergo quoties usus postularet, ponebantur cineres in uas testaceum, affundebatur aqua uiua, & ita parabatur aqua lustralis, quam pollutis aspergebant aspergillo hyfopino. Hæc erat lustrationis ceremonia, & hic finis & usus ceremoniæ.

*Lustrationis  
mysterium.*

Porro euentissimum hæc Christi typum nobis exhibere, testis est Apostolus, qui ad Hebr. 9. cap. dixit, Si cinis iuuentæ aspersus eos qui communicant, sanctificat ad carnis puritatem, quanto magis sanguis Christi? Ergo & sacerdos & uacca typum prætulere Christi. Sexus, infirmitatem denotat naturæ humanæ: rufus color admonet sanguinis Domini, per quem abluti sumus. Nulla uerò maculæ perta est in Christo: quippe qui erat sanctus sanctorum, immunis prorsus ab omni peccato. Nec ulla fuit adactus necessitate ad mortem. Nam sua sponte sese obtulit. Et obtulit quidem extra castra siue mœnia in monte Caluarie. Id quod & Paulus attigit ad Hebr. cap. 13. Totus autem Christus Deus & homo, corpore & anima oblati sunt. Cuius sanguis fit nobis salutaris, si spiritu sancto aspergatur animis nostris. Simul autem & fideles cum Christo mori oportet, humiliari, ardere amore diuino & extolli: ergo in eundem ignem iniciebantur cedrinum lignum, hyfopum, & coccum. Iam & Cineres ex sacrificio confecti colliguntur ad purificationem seu emundationem. Cineres autem aliud non sunt quam effectus mortis & sacrificij Christi, ipsa inquam purificatio siue peccatorum remissio. Ideo enim ex morientis & iam extincti Christi latere aperto, ebulliens effundebatur larga aqua & sanguinis copia, ut disceremus ex morte Christi emanare nobis purgationem & uitam. Nam in sanguine uita est, in aqua expurgatio. Cæterum cineres colligebat homo mundus, qui tamen immundus manebat ad uesperam usq;. Aqua deniq; polluta ad sanctificationem aspergebatur aspergillo hyfopino. Quid quod in loco sancti hæc erat collocata? Nam canibus & porcis margaritæ & sanctum minime est obiciendum. Requirit item Dominus prædicatores, qui effectum passionis Christi doceant, & Euangelij (coram mundo) contempta humiliq; prædicatione redemptionem & sanctificationem in morte & sanguine Christi annuncient: requirit, inquam, doctores sanctos & fideles sanguineq; Christi mundatos. Illi interim cum tota ecclesia ad finem usq; uitæ orant, Remitte nobis debita nostra. Nam & Dominus dixit, Qui lotus est, mundus est, nec opus habet, nisi ut pedes lauet. Huc pertinet & frequens in hac ceremonia ablutio, significans & gratia Dei omnia peccata purgari, & sanctos perpetuò inuigilare sancta cura contra peccata, ea quæ non alia quam gratia Christi aqua abluere. Diligentissimè autem in lege inculcatur, impuros manere omnes quotquot coinquinati hac aqua lustrali non repurgantur. Dixit enim Dominus Petro, Nisi ego te lauero, non habebis partem mecum. Non omnia & singula huius ceremoniæ, sed potissima sic uolui perstringere. Pergo ergo iam ad alia.

*Sacrificia pro  
corporeis contaminationibus.*

His placularibus adiungi possunt Sacrificia, quibus corporeæ contaminationes, peccatorum uarias coinquinationes præfigurantes, purificabantur uel expiabantur, quales erant pollutiones seminis, esus & tactus immundorum, item lepra, & puerperæ. De quibus fusè agitur à Mose à 12. cap. Leuit. usque ad cap. 16. Neque aliud istis omnibus ecclesiæ Dei propositum est, quam nostra corruptio

& pau

& perditissima, gratuitaq; per gratiam Dei in sanguine Christi purgatio. Hic commemorare & recensere possumus etiam zelotypiæ sacrificium. De quo qui copiosius uidere cupit, legat 5. cap. lib. Numerorū. Quamuis is ritus magis uideatur pertinere ad iudicialia.

*Sacrificium zelotypiæ.*

Quantum sacrificiorum genus erat sacrificium Eucharistiæ, gratiarum actionis, uel gratulatorium, quod appellant Schelamim uel Schlomim, sacrificium, inquam, pacificorum uel salutis. Offerebatur enim gratitudinis ergo, nimirum pro salute indepta, & propter felicitatem & integritatem, accepto, inquam, beneficio, uel malo aut infortunio depulso. In hoc adhibebatur uel armentale uel gregale pecus: aues non offerebantur. Peragebatur enim iuuenco & bucula, agna & agnō, capro & capra. Macrabatur ante atrium. Tergus aut pellis obueniebat sacerdoti. Sanguis spargebatur iuxta altare. Renes, reticulum epatis, agni cauda & omnis adeps comburebantur in ara holocaustorum. Armus dexter sursum eleuabatur, pectus agitabatur in cardines mundi. (Nam Thruma & Thnupha, hoc est, leuatio & motio siue agitatio, non fuerunt genera aut species sacrificiorum, sed tantum ritus quibus utebantur sacerdotes in oblationibus seu sacrificijs peragendis. Eleuatione significabatur Christus exaltandus, & quod exaltatus omnes ad se trahe- ret. Motione in omnes mundi cardines adumbrabatur prædicatio Christi spargenda in totum orbem terrarum) utrunq; cedebat sacerdoti, similiter maxilla & uenter. Reliquæ carnes redibant ad offerentem, qui eas epulo sacro absumebat. Reliqua huius generis quæ pertinent ad ritum huius sacrificij require ex 3. cap. Leuitici. Si enim Thoda, confessio, laus & protestatio esset, addebatur & mola simlaginis imbuta oleo, uel coctæ crustæ, uel lagana. E quibus pars sursum eleuabatur & cedebat sacerdoti: reliquum redibat ad offerentem, sicut & panis fermentatus concedebatur in epulo manducandus.

*Sacrificium Eucharisticū.*

*Thruma & Thnupha.*

Cæterum prædicabatur & in hoc sacrificij genere Christus cum effectu & uirtute mortis suæ: ostendebatur item tota ratio agendi gratias Deo pro beneficijs. Varia sunt beneficiorum genera. Si aliquid beneficij esset collatum: si ablatum malum, si quis reualuisset ex morbo, aut aliquod effugisset infortuniū, offerebat Domino. Sunt beneficia uetera Dei, uidelicet quod mundum condidit, & omnia quæ sunt in mundo: quodq; per Christum fideles redemit. Sunt quotidiana: denique omnia plena sunt Dei beneficijs. Pro his omnibus Deo tantum, non creaturis, est offerendum: offerendum autem ex toto corde: omnes affectus Deo consecrandi sunt. Deo enim separabantur partes animalium, in quibus maximè perspiciuntur uires animæ. In renibus uis est generandi, in sanguine spiritus uitalis, in epate fons sanguinis, &c. Porro agendæ gratiæ per sacrificium, id est, per Christum. Seruamur enim propter Christum: & omnia bona conferuntur nobis à Deo, non propter nos, non propter ulla creaturas, sed propter Christum. Concedebatur offerentibus epulum sobrium ac lætum: quia non ingratis conduplicatur serè felicitas. Est & Christi cognitio epulum splendidissimum & conuiuium iuge.

Cum Eucharisticis congruunt maxima ex parte Spontanea & Votiuæ. Spontanea oblatio ea erat, quæ nulla necessitate cogente aut lege requirente, sed ex mera proficiscebatur beneuolentia & animi deuotione. Veluti cum seruus non debet quod debet Domino præstat, sed munus quod non debet donat, ad declarandam animi sui erga Dominum beneuolentiam. In hoc autem differunt ab Eucharisticis spontanea, quod in illis mandatur ne quid postera die, quod prima quaq; non absumptum sit epulo, edatur, sed igni cumentur reliquiæ: in spontaneis licet bat reliquias & postea edere. Tertia demum die iuebantur exurere. Votiuæ uerò

*Spontanea sacrificia.*

*Sacrificia votiuæ.*



sacrificia erant quæ ex pacto offerebantur: ueluti si quis fuisset in periculo, uouisset autem Deo sacrificium si liberetur: quod ergo liberatus offerebat Deo, uotiuum erat sacrificium. Congruebant hæc ritu cum Eucharisticis. Plura de illis traduntur Leuitici cap. 7. Significabatur & his sacrificijs propter Christum omnia nobis cœlitus concedi ac præstari beneficia, atque adeo ipsam quoque beneuolentiam seruandi Deo. Hæc hætenus de sacrificijs populi Dei attuli, non singula tradens, sed potissima ferè. Proponebatur istis ceu in actione uiua Christus Dominus, & passio eius, passionisq; meritum efficacissimum: ita ut possimus sacrificiorum sacras actiones appellare conciones de passione Christi, & catecheses redemptionis nostræ de Christo.

De uotis.

Quoniam uerò dictum est de sacrificijs uotiuis, consequenter aliquid subiungendum erit in transcurso & de Votis. Pertinent enim & hæc ad ceremonias Iudaicas. De Votis autem nuncupandis, persoluendis ac redimendis multus est in lege Dei sermo, præsertim Leuit. 27. cap. Est autem uouere, aliquid sancte Deo pro salute uel propria uel alterius promittere. Erat itaque uotum actio quæ tantum referebatur ad Deum, nec in alia quam re sancta atque legitima. Fuit autem in Votis diuersitas. Nam res uotiuæ fuerunt distinctæ quatuor generibus. Vouebant enim aliquando ipsos homines, aliquando animantia, aliquando domos, aliquando autem agros & alias res inanimes. Homines rursus distinguebantur per ætates, ac iuxta has permittebatur redemptio. In mundis animantibus nulla admitteretur redemptio. Porro liberum erat Jomos uel relinquere usibus sacris, uel pro æstimatione sacerdotis æqua redimere. In agris permittebatur aliquando redemptio, aliquando non permittebatur. Iam etiam in Num. cap. 30. diligenter præcipitur de personis uouentibus, & quando rata, quando irrita æstimari conueniat uota. Vbi diligenter inculcatur, Deo facta uota legitime minimè rescindenda, sed maxime seruanda esse uel præstanda. Temeraria uel illegitima uota nunquam approbavit aut recepit Dominus. De legitimis & uni Deo nuncupatis loquens uates diuinus dixit, Vouete & reddite. Non legimus quenquam sanctorum ulla diuina uel ulli creaturæ uota nuncupasse, nec illud uouisse quod non erat in potestate uouentis, aut pugnabat cum uoluntate Dei, cui nuncupabatur uotum, aut coniunctum esset cum iniuria proximi, aut non haberet luculentam aliquam utilitatem. Et certe non alia de causa populo Israelis permissa sunt uota huiusmodi ad tempus usque correctionis, quam ut in cultu unius ueri Dei persisterent, & ne unquam ulli Deo uota sua nuncuparent.

Disciplina Nazaræorum.

Ad Votorum considerationem pertinet institutio uel disciplina Nazaræorum. De qua dicuntur multa Num. cap. 6. Nazaræi erant, qui ut liberius uacarent rebus diuinis, uel quod hætenus uixissent paulò indulgentius, iam ut cæteris essent exemplum uirtutis, sua sponte suoque arbitrio seuerius uiuendi genus, discipline loco, in se suscipiebant. Vnde sunt qui existiment Nazaræos dictos à separatione, quod Nazir Hebræis significet separationem, & Nazaræi à cōmuni aliorum hominum uiuendi ratione se subducentes, peculiari cuidam uiuendi generi propter Deum se dediderunt. Durauit ea disciplina in Nazaræis aliquando per totam uitam, ut in Samson & Samuele. Sed & studiosi diuinarum literarum à prophetis Amoz & Ieremia propter temperantissimam (quæ à studiosis requiritur) uitam, & quod diuino mancipati essent ministerio, Nazaræi appellati sunt. Aliquando per certum tempus durauit disciplina illa, ad menses uel dies aliquot. Abstinebat autem iuxta legem à quibusdam, à quibus nulla lege alioqui arcebantur, nec in alijs hominibus uoto solutis aut liberis erant illicita aut damnata. Principio abstinabant

nebant à uino & ab omnibus quæ proferebat uitis, & quæ inebriabant. Atqui clarum est, ut uinum bonam esse Dei creaturam, sic nullum potum prohiberi lege. Quia tamen Nazaræi domino erant consecrati, uel sanctificati peculiari quodam uiuendi genere, & uinum gradum præstruit ad ebrietatem, quæ omnium flagitiorum colluuius est, meritò Nazaræi à uino sibi temperabant. Simul autem & otium, matrem uitiorum cauerunt, & omnem uoluptatem calcarunt. Deinde toto uoti tempore nutrierunt comam. Ex qua re quidam deriuarunt uocabuli originem. Quia enim Nazer significat comam, Nazareum appellatum existimant, quasi tu dicas comatum. Cæterum Apostolus Paulus non aliam ob causam iubet mulierem tecto uel obuelato capite orare, aut concionem sacram audire in cœtu Ecclesiastico, quàm quòd non sit sui iuris, sed alienæ subdita potestati, nempe uiri. Poinde comam nutriebant Nazaræi, quòd iam propter uotum Deo nuncupatū, non amplius suæ essent potestatis, sed toti concessissent in ius Dei. Et caput quidē corporis humani arx & præstantissima corporis pars, cæsarie ueluti obuelata significabat totum hominem Deo esse deuotum siue consecratum, ad quē unicē spectare, & à quo uno pēdere debeat. Requiebat præterea ne se coinquinaret consortio & contagio sceleratorum impiorumq; hominum. Quo & illud pertinet quòd Nazaræus prohibetur interesse funeri parentum, liberorum, uxoris & fratrum, atq; sororum. Vnicē enim oculos animi in deum cōijcere debet, & præ hoc fastidire uel charissima & pretiosissima. Si uerò uel de improviso contaminatus fuisset super mortuo, non reputabatur ei amplius ista uita ad uoti exolutionem. Nam 7. die iuebatur se sanctificare, deinde uerò uotum repetere. Ex istis omnibus colliquescit quale ac quantum fuerit peccatum Samsonis, qui erat Nazaræus domini. Quia enim non tantum in ganea apud scortum delitescibat, sed in super scorto prodebat secretū Dei, pactumq; cum Deo initum & coma nutrita testificatum proculcabat, deseruit ipsum dominus, ac recessit ab eo miraculosum illud robur cœlitus concessum. Fortitudo enim Samsonis nō fuit in cæsarie, ut hæc abrafa, simul rafa ceciderit, sed in spiritu diuino, qui ei à Deo dabatur. Ideo enim toties repetitur in historia, Et factus est spiritus domini super Samsonem. Proinde recedente spiritu Dei, recessit robur: recessit autem, cum scorto prorsus agglutinus unus cum eo spiritus esset factus, & scorto iam Deum & institutū Dei post haberet, adeò ut sineret sibi detonderi sacram comam, ac prorsus recederet ab institutis Dei. Ita enim & spiritus Dei recessit ab eo. Vnde mox redactus est in potestatem Palæstinorum: in qua cum diuexaretur miserè, & propter ipsum, nomē Dei malè audiret blasphemareturq; pœnitentiā egit, nomen domini inuocauit, unde fruticantibus capillis, redijt robur, id est, redijt spiritus domini, non adductus capillorum fruticatione, sed pœnitētia & inuocatione diuini nominis. Nec Samson tantopere cupiebat priuatam ulcisci iniuriā, quàm blasphemos coërcere, populumq; dei (ad quos uocatus fuerat) liberare asserereq;. Redijt ergo diuina uirtus, ex qua collisis theatri columnis, ruina palatij oppressus, moriendo plures interfecit, quàm confecerat uiuus. Sed redimus iam ad institutum nostrum, ut subiungamus & alia quæ pertinent ad plenam expositionem uoti Nazaræorum. Finito ergo tempore quod in se suscepserat Nazaræus, ueniebat ad tabernaculū domini, offerens quæ in lege præscribuntur sacrificia: quibus se peccatorem esse testabatur, cunctq; bonum, id est, si quid uirtutis in ipso repertum esset, id inquam omne sibi cœlitus collatum fatebatur. Ergo & cæsariem detondebat, quam & proutinuis iniiciebat in craticulam, in qua cremabantur gratulatoria. Post quæ ad eum modum perfecta, liberum erat Nazaræo iam uelut exauthorato redire ad uitam

1 Cor. 11.

Samson Nazaræus domini  
peccat graui-  
ter.



pristinam. Hæc hæcenus de instituto Nazaræorum.

*De mundis &  
immundis.*

*Quare Deus  
prohibuerit  
esum quorundam  
animalium.*

*Constantia san-  
ctorum ab immun-  
dis.*

Porro de mundis & immundis multus est in lege sermo: nos in superiore tra-  
ctatione quædam perfunctorie attigimus: sub calcem tamen (his enim finem im-  
ponam dissertationi de legibus Ceremonialibus) de delectu ciborum, de cibis in-  
quam mundis & immundis nonnihil adijciemus. Ab initio quidem condidit om-  
nia Deus, & ita condidit, ut quemadmodum conditor bonus est, ita res conditæ om-  
nes uel hodie sint ualde bonæ: neque sibi ipsi nunc contradicit cum cibos quosdam  
prohibet, quasi per se aliquid immundum sit. Alia sub hac doctrina recondita la-  
tent mysteria. Minutæ & leues uidentur leges, latæ de cibo siue uictu, sed uoluit  
re minuta in speciem admonere dominus & in minimis respiciendam esse diui-  
nam autoritatē. Legis enim auctoritas ex Deo penderet: ipse est legislator, lex ipsi  
Dei inuentū est. Coercet hæc audaciam humanam, quæ subinde leges figit &  
refigit nouasque in diem comminiscitur. Proinde commendauit huiusmodi legibus  
Deus obedientiam fidelem suo populo: sicuti ab initio quoque Adamo præcipiente  
ne gustaret de arbore scientiæ boni & mali, fidelem ab eo requirebat obedientiam.  
Certè obedientia & fides quæ erat in Machabæis, in Eleazaro & in pijs aliquot  
uiris Antiocho regi resistentibus, usque ad sanguinem & mortem acerbissimam,  
Deo placuit. Plures alij à porcilla carne abstinerunt, unde tamen nihil laudis uel  
gloriæ sunt consequuti. Cum uerbum Dei dicit rem aliquam esse sanctam, sancta  
est, idque propter iubentem qui sanctus est. Cum Deus dicit aliquid esse impurum,  
impurum est, adeo ut edere aliquid contra uerbum Dei sit seipsum pollueri. Vos  
iam mundi estis, ait dominus in euangelio, propter sermonem quem dixi uobis.  
Necesse est ergo ut uerbo Dei credamus, & præcedat obedientia fidei, inde uero  
opus aut factum quod ex fide existit, quale fuit Eleazari porcillam carnem gusta-  
re nolentis, non potest non probari Deo, apud quem quicquid non est ex fide per-  
catum est. Præterea habuit dominus in quibusdam hisce suis legibus, de non eden-  
dis animalium quorundam carnibus, sanitatis humani corporis rationem. Qua-  
dam enim quæ hic è cibo hominum remouentur, & à medicis ueluti parum salu-  
taria condemnantur. Vnde & illud syllogismo quodam colligunt sancti, Si cor-  
poris sanitas Deo curæ est, certè animarum salus ab eodem longè diligentius pro-  
curatur. Quid quod gentes multæ à quorundam animalium & esu & contactu  
sibi temperarunt? Ergo ne populus Israelis, satis alioqui superstitiosus & curio-  
sus, hic aliquid sibi permetteret, proprioque tentaret arbitrio, leges de his mystica  
dedit, quibus & ab humanis retraxit inuentis, & ab alijs secreuit gentibus: dicen-  
te Mose in Deut. 14. cap. Populus es sanctus domino deo tuo, & te elegit dominus  
Deus tuus, ut sis tu ei populus peculiaris de cunctis gentibus super faciem terræ.  
Certè S. Petro obijcitur in Actis uisum quo per immunda animalia gentes repræ-  
sentantur. Deinde uoluit Deus respici naturam & ingenium animalium quorum  
esum prohibet. In mensa enim per symbola descripsit philosophiam cœlestem, sup-  
peditans in ipsa mensa occasionem cogitandi & loquendi de sanctimonia uera &  
nisi, ne simus obscœni, impudētes, fœdi & impuri. Ideoque subinde repetitur hæc  
clausula, Ego dominus Deus uester sanctus sum. Quasi dicat, Huc pertinent illa  
omnia, ut studeatis sanctimoniæ. Docuit ergo in illis symbolis quid sequantur per  
quidue fugiant.

Ponit autem primò in lege de immundis & mundis animalibus generalia quæ-  
dam, deinde per species & per catalogum quendam prosequitur singula ordine  
maximè naturali. Locus est copiosè expositus Leuit. 11. cap. & Deut. 14. cap. Con-  
ceduntur in usum quæ ungulam findunt & ruminant. Vbi protinus duo ponuntur, in

tur, in quibus boni uiri officium comprehenditur. Si enim uolumus munda esse animalia, & diuidere ungulā, & ruminare oportet. Pes animi affectus est, qui minime sequendus est, discretio habenda in rebus, & quemadmodum in fissura sunt partes duæ dextra & sinistra, ita uir bonus bonum eligit, fugit contrarium. Ruminatio iudicium est. Nō enim quælibet admittenda sunt quæ uidemus & audimus, sed ea duntaxat quæ diligenti examine expendimus, deprehendimusq; Deo & legi eius non aduersari. Subiunguntur deinde animalia multa catalogo certo per species, quibus illicitum erat uesci populo domini. Hæc erant uel quadrupedia terrestria, uel aquatilia, uel uolucra, uel reptilia. Quadrupedia animantia quatuor nominatim prohibentur, Camelus qui est elata ceruice, docens superbiam ac arrogantiam modis omnibus fugiendā: Cuniculus item uel mus montanus. Nam improbantur Deo homines terrenis prorsus immersi. Lepus animal timidum, ignatum pauorem depellendum monet: sicut & Porcus immunditiem omnem. Nam typus & symbolum impuritatis est porcus, qui & Prouerbijs locum dedit. Et de Circe dicitur, quod suis incantationibus Vlysis socios cōuerterit in porcos. Porro aquatilia conceduntur in cibum, quæ squamas & pinnas habent: si altero careant, uetita erant, ut anguilla, quæ etsi pinnas habeat, squamis tamen caret. Ut enim corpora piscium reguntur pinnis: sic spe firma oportet regi totum hominem. Squamæ duræ sunt, ac contegunt corpora: nisi uerò constantes ac patientes simus in opere domini, merito abominatur nos dominus. Ex uolucris prohibentur maxime rapaces aues, uoraces, rebus impuris uictitantes & gaudentes, crepusculares, nocturnæ, lucifugæ, & subdolæ, instabiles, & parū alacres. Commendatur ergo nobis beneficentia, abstinencia, temperantia, deniq; simplicitas, lux, constantia, alacritas, integritas & puritas uitæ. Iam ex reptilibus quoq; non pauca notantur. Nam displicent Deo homines in lutum immersi prorsus. Noli singula uetitorum animantium uocabula recensere, cum quod id fuisset molestum satis, tum quod mirè in his interpretandis laborant ac uariant expositores sacri codicis: ut hic non satis admirari possim extremè cæcam Iudaici populi pertinaciam in delictu ciborum mordicus conseruando, cum ipsorum Rabbinī hic se non satis explicent, nec disertè & certò dicere possint quam sint illa animalia quæ prohibuit dominus.

Huc pertinet, quod ante legē, temporibus Noe, Deus sanguinis, & carnis cum sanguine siue morticini lacerati à feris, aut suffocati esum prohibuit. Ante diluuium oleribus fructibusq; terræ uescebantur patres, à diluuiō concessit eis & animalium esum, sed iugulare illa, sanguinemq; elicere uel fundere iussit. Extat locus Gen. cap. 9. Porro in lege magna cum seueritate dicit dominus, Quicumq; de domo Israel aut ex incolis qui inter uos habitant ullum sanguinem comederit, ponam faciem meam contra animam talem, & excindā eam de medio populi sui. Leuit. 17. Ac repetitur eadē lex Leuit. 19. & Deut. 12. & 15. Iteratur subinde Leuit. 9. & 7. cap. Nec caret iustis & maximis causis, quod sanguinis esum tanta seueritate prohibuit. Principiō enim post recitata uerba, mox subiungit, Nam anima carnis est in sanguine: & ego dedi illum uobis super altare, ad expiandum animas uestras. Sanguis enim animam expiabit. Et ob id dixi filijs Israel, Nulla anima ex uobis sanguinem edat, &c. En ratio in his redditur luculentissima cur non liceat uesci sanguine, quia præstantissima res sanguis, utpote sanctificationi hominum destinatus. Dedit enim sanguinem Deus uelut pretium quo expient peccata, pretium inquam redemptionis, quo absoluantur à peccato. Præterea sanguis est anima, id est, alimentum uitæ. Sanguis ergo sanguinem Christi in cruce fundendum

*Prohibetur esus sanguinis et suffocati.*



significauit, per quem ut propitiationem plenissimam expiati ac sanctificati sunt credentes: & in quo est alimentum animæ ad uitam æternam, & quemadmodum non licebat uesci de carne sacrificiorum, quorum sanguis pro peccato inferebatur in sancta, sed extra castra cremabantur: ita nephas erat uesci sanguine, utpote expiatione pro peccato. Edebat ergo sanguinem, qui expiationem sanguine Christi perfectam suis attribuebat uiribus aut operibus, uel tanquam prophanti æstimabat, non plenam ei tribuens satisfactionem omnium peccatorum. Non edebat sanguinem, sed effundebat ad aram, qui beneficium redemptionis unico Christi ascribebat merito, & tanti æstimabat quanti meritò æstimari debet. Deinde uoluit Deus animis hominum altissimè impressum, ne quis hominis effunderet sanguinem, aut ex hominis sanguine & uisceribus uiueret: quod faciunt milites mercenarij & impij, auari, usurarij, & impostores, artibus malis, ui atq; iniuria effundentes uel deglutientes miserorum cruorem. Horrorem autem minis & rationibus grauissimis, cum Noe colloquens, omnibus incussit, ac dixit, Ego, si cessent homines, sanguinis effusionem ultione persequar. Cõditus est enim homo ad imaginem & similitudinem Dei: unde non potest nõ Deus in se recipere contumeliã, quæ illata est eius imagini. Qui enim regis deijcit imaginem, in ipsum peccat regem, & accusatur criminis læsæ maiestatis. Porro de suffocato hæc lata est lex, Ne ederis cum sanguine. Item, Ne ederis de cadauere uel morticino, aut disceps uideris, &c. Caterum suffocato & morticinis significata sunt opera mortuaria, à quibus se expurgare iubetur per diuinam gratiam quicunq; cupit placere Deo. Suffocatis ergo uescebatur, quicunq; uiuebat in sceleribus sine poenitentia, neq; Christi sanguinem magnopere curabat.

*Tactus immundorum.*

Iam & Tactus tribus circumscribitur notis in lege, nempe si attingas rem immundam, aut gestes, aut ea tibi cadat in uas aliquod aut in uestimentũ. Casu contaminatur, quisquis peccat per imprudentiam. Grauius peccat, quisquis scit & uolens aut dedita opera præuaricatur. Grauiissimè uerò delinquit, quid defraudat scelera, & alios in ipsa impellit. Quod autem in actu & in alijs locis dicitur immunditia duratura ad uesperam, apertissima textitur de Christo prophetia, nempe uenturum sub uesperam, id est, in fine seculi Messiam, qui expiet peccata totius mundi. Satis superq; satis uideor hactenus per duos Sermones, utinam malo cum fructu C. V. immoratus esse legibus Ceremonialibus, ergo ut his tandè omnibus finem imponam, in summam summa redigam capita de quibus dixi. Partus sum uniuersam disputationem in tria capita. Dixi enim de Personis sacris, de loco temporeq; sacro, & de ipsa re sacra, quam exercuerunt personæ in loco sacro de ipsis inquam sacramentis, sacrificijs, & alijs nonnullis huius generis. Personæ sacræ sacerdotes sunt. Ostendimus horum originem primam, ordinationem, constitutum mysticum, & officium uarium. De loco & tempore sacro differentes descripsimus Tabernaculum, ubi etiam annotauimus quid fuerit in tabernaculo, nimirum Arca fœderis, Mensa aurea, Candelabrum aureum, Ara thymiæmatis & holocaustorum, & Labrum æneum: quorum mysteria quoq; perstrinximus. In institutione temporis sacri attigimus omnis generis ferias uel festa solennia, statim & conceptiua. Postremò autem cum exponeremus res sacras & cultum sacrum, descriptauimus de sacramentis ueteris Ecclesiæ duobus, Circūcisione & Pascha: item de Sacrificijs, quorum alia fuerunt holocausta, alia cibaria, alia peculiaria, alia solum gratulatoria seu eucharistica, ubi dictum est nonnihil de Spontaneis & uotiui denique de Votis, de disciplina uel instituto Nazaræorũ, de mundis & immundis, de delectu ciborum, de sanguine & suffocato, & de tactu immundorum. De

minu

minus Iesus illuminet corda uestra, ut hæc omnia cedant ad gloriam nominis sui, & ad salutem animarum uestrarum, Amen.

## De Legibus Dei Iudicialibus.

## SERMO VII.

**S**EQVUNTUR iam loco postremo in tractatione legum diuinarum leges iudiciales: de quibus dicam quanta possum breuitate, & quantum C. V. ad ædificationem fore existimauero. Non inutilis & iniucunda *Viles leges iudiciales.* erit hæc tractatio licet sit forensis. Nam leges iudiciales ab optimo & sapientissimo Deo traditæ sunt per Moysen, mira fide & diligentia. Deus autem nihil temere aut citra eximiam aliquam utilitatem, tanta diligentia hominibus reuelat. Licet autem leges hæc iudiciales pauculæ sint, si conferas cum libris legum decretorumq; Imperatorum, Regum & hominum sapientissimorum vastissimis, in compendiosa tamen illa sua breuitate complectuntur præcipua capita iudicij & iustitiæ, adeoq; tantum ferè quantum comprehenditur in libris legum & constitutionum Imp. & iurisperitorum. Noluit bonus dominus populo suo prolixitate & copia siue onere legum molestus aut onerosus esse: neq; uerò necesse erat curiosius prosequi singula male feriatorum hominum cogitata: sufficit omnibus sapientibus, nationibus & populis, si tantum quibusq; sit legum, quantum satis est ad conseruationem pacis, honestatis, tranquillitatisq; publicæ. Tantum uerò fuisse populo Israelis testatur uniuersa historia sacra. Sunt autem antiquissimæ hæc leges, & *Vetustissima leges.* fontes quidam omnium ferè aliarum in mundo bonarum legum. Præcessit Moyses omnes alios legislatores celebriores. Vetustissimi ex his Mercurius ille trismegistus & Rhadamanthus Licius. Ægyptij legislatorem suum Mercurium appellarunt Thoth, qui & authore Lactantio, Argum multioculum illum occidit, & in Ægyptum profugit. Vixit autem Argus & Atlas circa Cecropis Diphys tempora. Cecrops autem coætaneus fuisse dicitur Moysi. Rhadamanthus uerò putatur uixisse post tempora Iosue. At longissimo interuallo post Moysen succedunt legislatores famosissimi maximarum & antiquissimarum gentium, Draco & Solon Atheniensium, Minos Cretensium, Charondas Tyriorum. Phoronæus Argiuorum, Lycurgus Lacedæmoniorum, Pythagoras Itolorum, Romulus & Numa Romanorum. Plato de Legibus cōmentatur paulò ante regnum Philippi Macedonum regis, Alexandri illius magni patris. Cicero quoq; 2. lib. de Legibus. Hanc igitur, inquit, uideo sapientissimorum fuisse sententiam, legem neq; hominum ingenijs excogitam, nec scitum aliquod esse populorum, sed æternum quiddam, quod uniuersum mundum regeret imperandi prohibendiq; sapientia. Ita principem legem illam & ultimam mentem esse dicebant, omnia ratione aut cogentis aut uentis Dei. Ex quo illa lex, quam dñi humano generi dederunt, rectè est laudata: est enim ratio mensq; sapientis ad iubendum & ad detrahendum idonea. Et reliqua. Commendantur ergo nobis Dei leges iudiciales, non tam antiquitate, quam

Cæterum Iudicare, ut clarè & distinctè de hac re differamus, actio est: & in *Iudicare, iudex, iudicium & leges iudiciales, quid.* presenti forensis quidem actio: significans uidelicet discernere inter litigantes, uel ius dicere, audita inquam caussa pronunciare ferretq; sententiam. Iudicare denique, est periclitantes asserere, oppressos releuare, afflictos tueri, & noxios scelerosq; punire ac coercere. Proinde Iudicium non est confessus duntaxat iudicium, qui ad iudicandum conuenerunt: sed ipsa magis discussio diligens caussarū, pronuntiatio secundum æquum & iustum ex Dei legibus, item assertio & defensio



qua asseruntur boni, atq; supplicium quod sumitur de noxijs atq; malefactis. Iam uerò Iudices sunt præsidēs iudicij & iustitiæ, illi uidelicet qui iuste secundum leges inter litigantes pronunciant, qui asserunt atq; tuentur bonos, malos autē coercerent atq; puniunt. Itaq; leges Iudiciales istæ sunt, quæ iudices informant quid decernant in controuersijs & quæstionibus, quomodo iudicent iuste, quomodo puniant malos, & defendant bonos, ut apud omnes constet pax, honestas, iustitia & tranquillitas publica: qui sanè iudicis & omnium legum iudicialium unicuique scopus est. Nam Deus legislator bonus dominus uult omnino bene esse hominibus, ipsumq; beatè, honestè, & tranquillè uiuere. Vnde hîc ne curam quidem & defensionem puræ religionis excludimus, sed inter prima collocamus.

*Iudiciales leges  
pertinent ad  
Decalogum.*

Quemadmodum uerò Ceremoniales leges, sic & Iudiciales à Deo adiectæ sunt Decalogo, ad explicandum & muniendum decalogum. Decalogi enim præcepta primaria sunt præcepta, ad quæ omnes oportet referre leges, ceu ad mentem Dei æternam. Non puto autem necessarium esse, ut multis ostendam. C. V. ad quas Decalogi leges singulæ iudicialium referantur. Clarum enim est id negotij, & cui libet conferre uolenti perspicuum. Nam quæ pronunciantur contra cades & iniurias, pertinent ad mandatum, Non occides. Quæcunq; proferuntur cōtra adulteria, contra fornicationem & nephandas libidines, subiunguntur illi præcepto, Non mœchaberis. Quæcunq; dicuntur in legibus contra dolum malum, contra artes, imposturas usurasq; pertinent sub legem, Non facies furtum. Quæ uerò differuntur de coercendis ui hæreticis & apostatis opprimēdis, illustrāt primum & secundum, adde & tertium & quartum mandatum tabulæ primæ. Quædam enim leges ad plura possunt aptari præcepta Decalogi. Verum hæc obuia & protrita sunt quibuslibet; unde nolo ijs inhærere diutius.

*Leges de Iudiciis.*

Quoniam autem leges iudiciales ante omnia requirunt Iudices, legum inquam conseruatores & exequutores (leges enim mortuæ uidentur sine exequutoribus, uiuæ sub iusto magistratu, qui eam ob rem appellatur lex uiua) præcēdit sanè omnes alias leges, iudiciales illæ quæ latæ sunt diuinitus de magistratu sine iudicibus eorumq; electione & officio. De Electione hæc legimus, Date ex uobis, ait Moses ad populum, sapientes, prudentes, & spectatæ probitatis uiros de tribubus uestris, & cōstituam illos uobis in præsidēs. Item, Iudices & præfectos constitues tibi secundum tribus tuas in omnibus ciuitatibus tuis, quas Dominus Deus tuus dat tibi, qui iudicent populum. Et adhuc clarius, Ex omni populo (ait ad Moysen Iethro diuinitus inspiratus) prospice uiros uirtutis seu fortes & strenuos, amantes Deum, uiros ueraces ac fideles, odientes auaritiā, nimirum qui odent accipere pecuniā & munera, & præfice illos tribunos, centuriones, quinquagenarios & decuriones; illi iudicent populum omni tempore. Id si feceris, seruabitur instituta Dei, tum populi incolumitatem. Huc pertinet quod legimus in Numeris precatum dixisse Moysen, Præficiat dominus Deus spirituum uniuersarum caetis, uirum super hunc cœtum, qui egrediatur & ingrediatur ante eos: ut non sit cœtus domini ueluti oues quæ pastorem non habent. Reliquit autem nobis exemplum Moses orandi Deum in electionibus. Sæpe enim fallunt nos nostra iudicia de hominibus: Deus autē spiritus, animos & corda intuetur, & nouit qualis quisque sit intus & in cute. Is ergo orandus est ut nobis det uel ostendat non hypocritas, sed uiros uirtutis & ueritatis. In eodem loco relinquit nobis Moses descriptionem ritus inaugurandi electos iudices. Nam statuebantur ante dominum, & imponebantur eis manus cum precationibus. Porro officium iudicum paucis quiddem uerbis, sed sententijs efficacissimis & absolutissimis in hæc uerba dominus

per  
rum  
tis p  
lem  
ne fl  
nus  
quar  
Et ite  
reuer  
rumo  
cio d  
xium  
damm  
suffra  
peris  
Non  
stis er  
A  
non it  
remp  
men o  
tatis p  
tionib  
etiam  
regis  
tibi, &  
circum  
de me  
ficere  
equos  
fortem  
uiam i  
tiplice  
exempl  
eum, u  
surum,  
lat cor  
nistran  
magist  
compr  
tione p  
uerbo  
ficiunt  
debent  
Iam  
& sing  
spicere  
compe

per Moſen deſcribit, Audite cauſſas fratrum ueſtrorum, & iudicate iuſtè inter ui-  
rum & fratrem eius, & inter peregrinum eius. Non agnoſcetis facies, non recipie-  
tis perſonas in iudicio; ut paruum ita & magnum audiat; nec quenquam morta-  
lem formidetis. Iudicium enim hoc Dei eſt. Item, Iudicate populum iuſto iudicio;  
ne ſectas iudicium, neq; agnoſcas perſonam, neq; accipias munus: quoniam mu-  
nus excæcat oculos ſapientum, & peruertit cauſſas iuſtas. Iuſtitiam iuſtitia perſe-  
quaris, ut uiuas & poſſideas terram quam Dominus Deus tuus daturus eſt tibi.  
Et iterum, Ne feceris iniquum quid in iudicio, ne ſuſcipias faciem pauperis, nec  
reuereris faciem potentis, ſed iuſtè iudicabis proximo tuo. Rurſus, Ne receperis  
rumorem falſum, ne ſequaris multos ad malefaciendum, neq; respondeas in iudi-  
cio declinando poſt multos ut peruerſum quid committas. Id eſt, ſi uideris inno-  
xium damnari à multis, noli ideò & tu ipſum damnare, quia maior numerus illum  
damnat, ſed iuſtè iudica, neq; quicquam iniqui committas propter multitudinem  
ſuffragiorum. Ne ornaueris pauperem in cauſſa ſua: neq; inflexeris cauſſam pau-  
peris tui. A uerbo mendaci longiſſimè abſis. Innocentem & iuſtum ne occideris.  
Non enim iuſtificabo impium. Aduenæ ne uim inferas, neq; opprimas eum. Fui-  
ſtis enim & uos aduenæ in Ægypto.

Ac Deus quidem populo ſuo quem ex Ægypto à regum tyrannide liberauit, *Inſtitutio regis  
et principum.*  
non iterum regibus ipſum ſubſtrauit, neque regalibus tributis impoſitis onerauit:  
republicam ſiue ariſtocratiam, optimatum inquam ex plebe delectorum regi-  
men optimum inſtituit: ſed quia non ignorauit populi ſui ſtultitiam, & quòd liber-  
tatis pertæſus regem erat poſtulaturus, quam rem tum quoq; multis & ualidis ra-  
tionibus per Samuelem diſſuadebat, regi quoque dictauit leges, ut is intelligeret *1. Sam. 8.*  
etiam ipſi uiuendum eſſe ſub legibus, & iudicandum ſecundum leges. Inſtitutio  
regis eſt huiusmodi, Cùm ueneris in terrā quam Dominus Deus tuus daturus eſt  
tibi, & dixeris, Conſtituam ſuper me regem, quemadmodum omnes gentes quæ  
circum me ſunt. Omnino regē ſuper te pones quem elegerit Dominus Deus tuus:  
de medio fratrum tuorum conſtitues ſuper te regem: non autem poteris tibi præ-  
ficere hominem alienum, qui non eſt frater tuus. Veruntamen hic non parabit ſibi  
equos multos: neq; populum in Ægyptum reducat, quò equos multiplicet, id eſt,  
fortem ſibi comparet equitatū. Nam Dominus dixit uobis, Ne ultra redeatis per  
uiam iſtam. Deinde ne ſibi multas mulieres paret, ne deficiat cor eius: neque mul-  
tiplicet ſibi multum auri & argenti. Cùm ſederit in ſolio regni ſui, deſcribet ſibi  
exemplar huius legis ad exemplar libri ſacerdotum Leuitarum: eritq; illud penes  
eum, ut legat in eo cunctis diebus uitæ ſuæ, ut ſcilicet diſcat timere Dominū Deum  
ſuum, & ſeruare omnia uerba legis huius, atq; ſtatuta iſta, ut faciat ea. Et ne extol-  
lat cor ſuum ſupra fratres ſuos, neq; recedat à præcepto uel ad dextram, uel ad ſi-  
niſtram, ut proroget dies in regno ſuo, ipſe & filij eius in medio Iſraelis. Hæc de  
magiſtratu, iudiciis, & regibus haſtenus. Puto autem in hac regia inſtitutione  
comprehendi quæcunque ab alijs authoribus de principis educatione & inſtitu-  
tione profuſiſſimè proferuntur. In primis autem illud obſeruari decet, quòd reges  
uerbo & legibus Dei non præficiuntur tanquam Domini & moderatores, ſed ſub-  
ijciuntur ueluti à Deo per uerbum iudicandi, & qui omnia ad normam uerbi Dei  
debent moderari.

Iam uerò recitandæ nobis ueniunt aliquot leges iudiciales, nō omnes quidem  
& ſingulæ, ſed aliquot & potiores: ex quibus alias liceat æſtimare, & palam per-  
ſpicere Iſraeliticum populum nulla lege neceſſaria & utili fuiſſe deſtitutum. Per  
compendium autem illas enumerabo & ordine maximè naturali ac perſpicuo.



Res sacre.

De ædificijs sacris, & non alienandis rebus Deo consecratis, deniq; de uenda & propaganda uera religione multus est sparsim in lege sermo. Nec puto operæ pretium uerbotim omnes recitare leges aut proferre ea quæ de his præcipiuntur. Certè de Paganis eorumq; templis & sacris subuertendis, breuibus hæc præcipiuntur à Domino, Cùm eiecerit ante te Dominus Deus Gentes multas, exterminabis eas, nec serias cum eis pactum, nec miserearis eorum, nec iungas cum eis in finitatem: quoniam filium tuum seducent, ut seruiat dijs alienis, & irascatur furor meus contra te, & deleam te. Sic autem facies eis, Aras eorum diruetis, statuas eorum confringetis, lucos eorum succidetis, & simulachra eorum comburentis. Nam populus sanctus es tu Domino Deo tuo, & te elegit Dominus Deus tuus, ut sis populus peculiaris. Eadem lex ponitur Exod. 23. & repetitur Deut. 12. Huc pertinent leges promulgatæ cōtra statuas & imagines. Leuit. 19. dicit Dominus, Ne respiciatis ad idola, neq; deos fusiles uobis faciatis: Ego Dominus Deus uester. Item 26. cap. Ne feceritis uobis idolum aut sculptile, neque statuam erexeritis uobis, sed nec lapidem figuratum ponatis in terra uestra, ut adoretis ad eum: quia ego Dominus Deus uester. Item Deut. 16. Non plantabis tibi lucum ex ullis arboribus iuxta aram Domini Dei tui: neq; eriges ibi statuam quā odit Dominus Deus tuus. Sunt autem huius generis leges plurimæ passim in scripturis expositæ.

Idolatria.

Pauperes.

De pauperibus, uiduis, pupillis, orphanis & peregrinis bene tractandis ita præcipit Dominus, Nullam uiduam nec pupillum affligetis. Si uerò omnino illos affligere perrexeritis, indubiè ad me clamabunt, & ego certissimè exaudia eos, & irascar uobis, ac interficiam uos gladio, & erūt uxores uestre uiduæ, & filij uestri orbi. Huc pertinet bona pars cap. 15. in Deut. In 24. cap. Ne declines iudicium peregrini & pupilli atq; uiduæ. Memineris qd & tu fueris peregrinus in terra Ægypti.

Testes &amp; testimonia.

De testibus & testimonijs in iudicio recipiendis & repudiandis, pauca hæc traduntur in lege. Non stabit testis unus contra aliquem, quicquid illud peccati & facinoris fuerit: sed in ore duorum aut trium stabit omne uerbum. Quod si fuerit testis mendax cōtra hominem accusans eum præuaricationis, iudices diligenter inquirent ac scrutabuntur, cūq; deprehenderint testem dixisse mendacium, reddent ei sicuti fratri suo. facere cogi. auit, & auferes malum de medio tui. Ceteri iuramentum quod exigant iudices & præstent litigantes, uel testimonia dicentes, iubet fieri Dominus sub obtestatione et inuocatione diuini nominis, & solius quidem, Deut. 10. &c.

Appellatio.

Porro appellationis speciem habet, quod toties iubet Moses in causa dubia & difficili recurrere iudices ad summum sacerdotem, adeoq; ad ipsum Deum uel diuinum oraculum: sicuti uidere licet Exodi 18. & Deut. 1. & 16. cap.

Nuptie.

De Nuptijs legitimis contra incestas & inutiles nuptias, item de gradibus consanguinitatis & affinitatis, diligentissimè præcipitur Leuit. 18. cap. tum & alio in locis librorum Moysi. Certè ubi non sunt legitimæ nuptiæ, ibi nullum matrimonium quod ergo nascuntur liberi, spurij censentur: nec ulla ibi hæreditas, nullæ dotes.

Parentes &amp; liberi.

Præcipit Dominus parentibus multis in locis legis suæ, ut liberos suos honeste educent, & sanctè instituunt. Inter alia, Ineulca, inquit, uerba ista quæ ego tibi præcipio hodie filijs tuis, & loqueris de eis cū domi tuæ resides, & cū ambulas in itinere, cū abis cubitum, & cū surgis. Ligabis deniq; ea in signū ad manū tuam, eruntq; monimenta inter oculos tuos, scribes quoque ea super postes domus tuæ, & in portis tuis, &c.

Rursus de honorandis, colendis, alendisq; parentibus, non modò in moralibus, sed etiam in iudicialibus legibus quædam proponuntur, quibus diligentissimè

commem

commendantur. De quibus dicitur ubi uentum fuerit ad parricidium, sub quo & malam parentum tractationem comp. rehendimus.

Porro quanta fuerit potestas patria, ex illis potissimum possumus colligere, quod Exodi 21. permittitur patri oppresso paupertate uendere filiam: item quod alibi conceditur patri potestas constupratam filiam, ei qui compressit uel locandi in matrimonio, uel negandi: rursus quod pater potuit uotum Deo nuncupatum, si inscio & non consentiente ipso fuisset nuncupatum, rescindere. Numeri 30. Ceterum exheredationem liberorum non fuisse in arbitrio parentum, si liberi ex heredationem non meruissent, sed parentes corruptus aliquis affectus transuersum raperet, ostendit lex promulgata Deut. 21. prohibens ne pro primogenito secundogenitum substituat pater.

De adeundis hereditatibus & successione bonorum, siue de legitima cognatorum successione, diligentissime praecepitur Numeri 27. Ponitur casus filiarum Zelphad postulantium ne nomen deleatur paternum, sed ipsis concedatur cum nomine paterna hereditas. Ex ea occasione fertur lex, decedentibus filiis ad filias hereditatem transferri, aut certe ad proximis quosque sanguine iunctos. Eo pertinet etiam lex de suscitando semine fratris, ac totum ferme caput Numeri 36. Locum hic habet Adoptio.

Porro de Stupris, adulterijs, & raptu uirginum multae sunt leges utiles, honestae & salutare. Deut. 22. dicitur, Non erit meretrix de filiabus Israel, nec scortator de filiis Israel. Ibidem repellit oblationes collectas ex prostibuli mercede. In Leuitico praecepitur, Ne prostituas filiam tuam ut scortari eam facias, ne contamine tur terra & impleatur piaculo. Ergo Deut. 22. iubet uirgo quae corrupta ad sponsum, mentita uirginitatem uenisset, lapidari proximè ante parentum fores: ut parentes tam diro facinore excitarentur ad accuratam custodiam liberorum. Exodi 22. ita praecepitur, Si quis seduxerit uirginem, dormieritque cum ea, dotabit eam, habebitque uxorem. Grauius leges latae sunt contra supra & adulteria. Deuter. 22. cap. Supplicio enim capitis affecti sunt adulteri. Eodem fuit affectus supplicio si quis uirginem rapuisset. Suspicionibus & Zelotypiae consulitur in Numeris cap. 5. Contra libidines nephandas illicitas & planè diabolicas, seuerissimae sed iustissimae leges sunt promulgatae, uidelicet contra foedissimos incestus, contra Sodomiam abominabilem, contra horribilem & cum natura pugnantem bestialitatem, contra muta inquam & à Deo maledicta scelera, Leuitici cap. 18. & 20. cap.

Diortia & repudia permittit lex Deut. 24. & permittit quidem propter duriciem cordis Iudaici populi, & ne quid grauius eueniret, nimirum ne quis eam quam odisset ueneno è medio tolleret, aut aliam strangularet uel confoderet. Repudio autem separatis mittebantur alia & noua quidem coniugia.

Porro ut iustitia colatur inter homines & suum cuique cedat, diligenter in lege praecepitur de rerum diuisione, de partienda terra promissa æquis spatijs, de diuidentis agris, de peculio, ut cuiuslibet tribui sorte distribuuntur possessiones, & ne quis datas quouis modo alienet. Huc enim pertinent quae dicuntur à Mose Numeri 32. 33. 34. & alias saepe in alijs locis.

Interea non prohibebatur commutatio. Nam leges quoque promulgatae sunt Emptio, uenditio, Mutuo, accomodato, Vsuris & deposito. Loca si quis in lege requirat inueniet Leuit. 25. Exod. 22. Deut. 15. & 23. cap. Eo referendum puto, quod de Hypothecis seu pignoribus praecepitur, Si in pignus acceperis uestimentum proximi tui, sub Occalum Solis ei restitues. Hoc enim est tegumentum eius unicum: hoc est, uesti-

De patria potestate.

Exheredare.

Hereditas.

Stupra &amp; adulteria.

Diortium.

Rerum diuio.

Emptio, uenditio.

Pignus.



- mentum eius quo carnem suam cōtegit, in quo dormit. Fiet autem, ut si ad me clamauerit, audiam eum; quia misericors sum. Item, Ne acceperis loco pignoris inferiorem & superiorem molarem: quia ille id unde uiuit tibi oppigneraui.
- Depositum.** De deposito siue rebus creditis & iureiurando mandans lex, iubet quemlibet bona fide depositum alteri reddere. Si uerò ei apud quem fuerat depositum sit furto sublatum, purget se depositarius, interposito iureiurando, apud magistratum. Eadem ratio iubetur seruari in alijs rebus mutuò acceptis, amissis item, aut con-  
fractis Legatur cap. 22. Exodi.
- Seruitus.** Et quoniam non minimam facultatum portionem ueteribus positam constat in seruorum gregibus, lex diuina multis agit de Seruitute & seruis, de Mancipatione & manumissione. Diligentissimè interim iubet seruos humaniter & clementer tractare, sexennioq; finito dimittere liberos. Quòd si seruo alicui sexennio ex-  
acto placuisset manere in domo herili, concedebatur id quidem: sed ut confirmaretur per mancipationis ceremoniam uoluntaria illa seruitus, nempe ut ductus seruulus ad iudices, testaretur se seruiturum uoluntariè, deinde & auricula eius inferior foderetur affigereturq; ostio. Quod quidem obedientiæ & fidei erat symbolum. Nam Dauid huc respiciens, dixit Dominum perfodisse ei aurem, id est, per fidem obstrinxisse ad obedientiam. Iam uerò & manumissionem istis circumscriptis legibus, nimirum ne quid permetteretur auaritiæ aut crudelitati dominorum. Quæ quidem omnia multis describuntur Exodi 21. Ad clementiam illud quoq; referre oportet, quod Deut. 23. dicitur. Non trades seruū domino suo, si ad te confugerit: sed habitet in loco aliquo ad quem confugerit. Simul tamen grauissimè prohibetur Plagium. Plagium committunt qui alienos sollicitant seruos, ut uel dominis suis aufugiant, uel qui abducunt seruos furto aut rapina, & hos sibi uel seruant uel alijs diuendunt. Contrahos hæc lata legitur lex Qui furatus fuerit hominem, & uendiderit eum, & conuictus fuerit noxæ, morte moriatur. Ac repetitur ea lex Deut. 24.
- Infames natales.** De Ingeniis paucula traduntur in lege: remouentur autem à publica administratione aut functione scorto nati & habentes obscuros natales. Excluduntur et administratione reipub. peregrini homines, Ammonitæ & Moabitæ, Deut. 23.
- Furtum et fraus.** Omnis fraus, impostura, rapina, dolus malus & uersutia prohibetur in lege sub furti uocabulo. Nam Leuit. 19. legitur, Non facietis furtum, non mentiemini, nec decipiet quisq; proximum suum. Et Deut. 19. Non transferes terminos proximi tui.
- Restitutio.** Furtum punit Dominus Exodi 22. quadruplici uel quintuplici restitutione: quam nisi quis præstaret aut fecisset, uendebatur, in seruitutemq; conijcebatur extrinsecam. Quòd si apud furem res furtiua fuisset deprehensa & recuperata, rependebat duplum. Sub hanc legem pertinent quæcunq; dicuntur contra sacrilegium, abigeatum & peculatum, item contra plagium, de quo iam pauca diximus.
- Sacrilegium.** Huc pertinet æquissima & præstantissima hæc lex, Ne neges aut ui retineas mercenario pauperi & inopi, siue sit de fratribus tuis, siue de peregrinis qui sunt in terra tua, mercedem. Die suo dabis ei mercedem suam, & ante Solis Occasum quidem, quia pauper est & sustentat ex eo uisum suam: ne clamet contra te ad Dominum, & cedat tibi in peccatum.
- Merces laboris.** De damno dato aut accepto, & de restitutione in integrum multa sunt in lege Domini constitutiones. Si quis foderit cisternam, inquit lex, nec operuerit diligenter, cecideritq; in eam iumentum aut pecus alterius, reseruet sibi dominus cisternæ animal quod periit, animalis aut domino pretium annumeret animalia. Similis est lex de boue cornupeta Exod. 21. In 22. cap. conceditur actio talionis, si præsenti fuerit depauperatus.

depaſtum, ſi ſeges aut uinea fuerit uaſtata. Iubet enim lex aliud pratum, aliam ſege-  
tem uel uineam, nec uilem quidem illam, ſed optimam reſtituere ei qui damnum  
accepit. Ita ſi quis immiſiſſet ignem in ſpinas, & ignis per incuriam immittentis  
inuafiſſet fruges uel ſtantes uel congeſtas, abſumpſiſſetq; , cogeſtatur hic qui per  
incuriam ſuam alteri dederat damnum ſarcire illatum. Repetitur hæc lex Leuitici  
24. In Deut. 22. plurima ponuntur quæ ſub hunc titulum referre oportet: cuius  
quidem generis eſt, quòd iubemur bouem errantem reducere, inuentas res reſti-  
tuere ei qui perdiderat: probè munire ædificia tua, ne quid damni inde fortè for-  
tuna accipiat frater tuus. Ab his non eſt aliena lex illa quoq; , Locus ſit tibi extra  
caſtra ad quem ſoras egrediaris, lignumq; præacutum in balteo, quo ſedens fo-  
dias, conuerſusq; operias excrementū tuum. Etenim in iure ciuili tractatur etiam  
huiusmodi res: ſed & ipſa neceſſitas requirit in repub. certæ ſint leges de cloacis,  
de ædificijs, ne alter alteri excrementis egerendis, aut ædificijs nouis collocandis,  
moleſtus & onerū ſit. Hoc loco licet & leges commemorare de leproſis ſeparan-  
dis, nimirum ne contagium ſerpens damnum det uicinis. Multis tractantur leges  
de Lepra & leproſis in Leuit. 13. & 14. cap.

Pondera æqua & menſuras iuſtas hac lege conſtituit Dominus, Ne ſint tibi in *Pondus ex  
menſura.*  
ſacculo tuo diuerſi lapides, magnus ſcilicet & paruus: ne ſint tibi in domo tua di-  
uerſa epha, magnum ſcilicet & paruum. Quin pondus æquum & iuſtum ſit tibi,  
& epha æquum & iuſtum ſit tibi, ut prorogentur dies tui in terra quam Dominus  
Deus daturus eſt tibi. Nam abominatio eſt Deo tuo quiſquis iſta facit, & iniquita-  
tem perpetrat. Hæc habentur Deut. 25. & repetuntur eadem Leuitici decimo no-  
no capite.

De publicis iudicijs, de maleficijs & pœna fontiu, habentur leges in libro Do- *Pœne fontium.*  
mini multiplices. Maleficos, ait Dominus, non patieris uiuere. Item, Non interfi-  
cientur patres pro filijs, nec filij occidẽtur pro patribus; ſed quiſq; pro peccato ſuo  
interficietur. Nec tacet lex modum ſuppliciorum, gladium, lapides & ignẽ dans  
in manus iudicis. Alicubi relinquitur iudici decernenda pœna fontis ex circum-  
ſtantia commiſſi ſcleris, quomodo uidelicet puniatur, in corpore ne an in fortu-  
nis, in membris an in uita, uirgis ne cædatur an proſcribatur. Leuitici 20. cap. om-  
nia ferè ſclera morte expianda commemorantur. Ita cap. 18. & 21.

De Maleficis & Mathematicis copioſè diſſeritur Deut. 18. Per comper dium in *Malefici et ma-  
thematici.*  
Leuit. 19. cap. dicitur, Non augurabimini, neq; obſeruabitis ſomnia. Non declina-  
bitis ad magos, nec ab hariolis aliquid ſciicabitimini, ut polluamini per eos. In hos  
mortis & extremi ſupplicij ſententia proſertur Leuit. 20. Exodi 22. pronunciat  
diſtricta ſententia, Malefica mulier ne uiuat.

Contra Hæreticos, ſchiſmaticos, & apoſtatas, ſiue pseudoprophetas, pronũciat *Hæretici &  
Apoſtata.*  
lex Deut. 13. & 18. cap. docens ſignificantiffimè quomodo ſint tractandi. Cognata  
hiſ eſt lex de lapidandis blaſphemis hominibus, quæ continetur Leuit. 24. cap. Itẽ  
lex de ſabbati contemptoribus & uiolatoribus ex Num. 15. cap.

Contra Seditioſos & calumniatores multa in lege paſſim tradunt. Seditioſi erāt *Seditioſi & ca-  
lumniatores.*  
Chore, Dathan, & Abyrom. De quibus dicitur Num. 16. Si quis uxoris ſuæ pudici-  
tiam aut famam bonam malitioſè læſiſſet, uel in pecunia, uel uerberibus incuſſis  
mulſtabatur, ſicut uidere licet Deut. 22. Leuit. 19. præcipitur, Non eris criminato-  
r aut ſuſurro in populis: ne oderis fratrem tuum, ſed palàm argue eum. Item Exodi  
23. dicitur, Dijs non detrahes, & principi populi tui non maledices.

Cæterum homicidij multa ſunt genera, quorum alia alijs leuiora ſunt, aut gra- *Homicidia.*  
uiora. Excellit in hiſ dirum parricidium, ſub quo comprehendimus & malam tra-



stationem parentum. Qui percusserit patrem aut matrem, aut eis maledixerit, ait lex, morte moriatur. Iubetur item cædi rebellis, qui ausus fuerit se opponere æquis Seniorum sententijs & iudicio sancto. Deuteron. 17. cap. Rursus Deut. 21. Si quispiam filium habuerit defectorem, contumacem, proteritum & rebellem, qui uocem patris sui & matris suæ audire noluerit, cumq; castigauerint eum, & noluerit obtemperare, apprehendent eum parentes eius, educentq; eum ad Seniores utriusq; illius, & ad portam eius loci, dicentq; ad Seniores ciuitatis illius, Filius hic noster defector est & rebellis, nec uult audire uocem nostram, comestator est & potator; & mox lapidibus eum obruent omnes ciues illius ciuitatis donec moriatur; & expurgabis malum de medio tui, ut omnes Israelitæ audientes timeant. Est præterea Homicidium aliud quidem inuoluntarium, aliud uoluntarium. Inuoluntarium quale sit, illustratur exemplo Deut. 19. cap. ubi talis proponitur casus, Eunt concordēs amici duo cæsum ligna in syluam, inter cædendum autem excutitur ferrum è manubrio illius, & impetu fertur in hunc, quem & ad necem uulnerat. Huiusmodi factum non imputat Deus actori, sed sibi, nec uult illi imputari. Concedit ergo refugium in asylum. Huiusmodi enim homicidijs, non latronibus aut sicarijs, non ueneficis aut parricidis uoluit patere asyla. De quibus copiose agitur Numeri 35. cap. & Deut. 4. & 19. cap. Ad inuoluntarium homicidiũ, nempe quod non destinata mente patratur, pertinet etiam illud, Pugnant inter se uiri, & inter pugnandum foeminam grauidam impellunt, ut uel ante tempus pariat, uel moriatur protinus. In eo casu quid fieri debeat exponitur Exodi 21. Vbi & lex Talionis proponitur, Oculum pro oculo, dentem pro dente, manum pro manu, &c. Ibidem ponitur & aliud homicidij genus quod fit per iumentum tuum, utpote taurũ conuictam, uel lupum, aut canem quem domi tuæ alis, uel per instrumentum quodpiam, aut ædificium quod est in tua potestate. Nesciuiſti autem, uel sciuiſti animalis ferociam, aut instrumenti, uel ædificij uitium. Si nesciuiſti, excusatus es. Si sciuiſti, nec prohibuiſti malum, occidaris iubet Dominus. Si uerò ex clementia concedatur redemptio uitæ, nullam quantumuis magnã recusabis annumerare summam pecuniæ. Porro cædes uoluntaria, quæ fit uoluntate destinata per insidias aut maleuolentiam, nulla necessitate impellente, nullam in lege Dei ueniam meretur. Talem, inquit lex, auelles ab ara mea ut occidatur. Nulla hîc admittitur redemptio, sed districtè deposcitur sanguis homicidæ. Causæ huius seueritatis ostenduntur multæ: sicuti & alia quædam huc pertinentia non pauca leguntur Numeri cap. 35. & Exodi 2. cap. In 21. cap. Deut. describitur actio partim ceremonialis, partim iudicialis, de incerto authore cædis patrata in agro aliquo. Vbi etiam modus præscribitur cædis expiandæ: unde colligere licet, quàm horrendum peccatum sit cædes in oculis Dei & ecclesiæ catholicæ.

*Res militaris.*

Postremò non transit intactam lex rem militarem. Nam præcepta dat de bello suscipiendo, gerendo, & deponendo. Leguntur ea Deut. 20. cap. Sed & exempla bellorum non leuium proponuntur in lege, in primis Amalechiticum Exodi 17. & Madianiticum Numeri 31. cap. ubi & de spolijs uel manubijs diuidendis sermo habetur.

*Epilogus.*

Scio fratres me hac Legum commemoratione C. V. satis molestum fuisse: quoniam uerò Deus summus & sapientissimus nihil agit sine causis grauibus, & sine luculenta utilitate hominum, nõ potui intactam hanc legis partem transire, quam uideo tanta diligentia traditam esse ab ipso Deo, & quæ facit permultum ad morum legum & illustrationem & conseruationem. Nouit bonus & omniscius Dominus ingenij humani tarditatem, inertiam & malitiam, quod ad bonum perueniendum

ciendum fugiendumque malum non raro uim requirit. Adhibuit ergo hominibus sanctam uim sanctus dominus: per leges hanc iudiciales. Moralibus format mores, & docet quid faciamus, quid fugiamus. Ceremonialibus iuuat moralia, & mysteria regni Dei sub typis & imaginibus proponit oculis animi & corporis cōtemplanda. Iudicialibus uerò & perpellit nos ad legum custodiam, & integritatem legum conseruat. Omnia uerò & singula hæc huc unice spectant, ut seruetur homo, ut Deum rectè colat, & uiuat secundum uoluntatem Dei. Hæc hæcenus disserui, Deo iuuante de Lege Dei. Laudemus iam Dei bonitatem, qui nulla re necessaria populum suum destituit, sed & nos hodie istis omnibus erudit ad gloriam nominis sui, & animarum nostrarum salutem.

*De Vsu uel effectu legis diuinæ, de impletione & abrogatione eiusdem: de similitudine & differentia utriusque, cum Veteris tum Noui testamenti & populi.*

S E R M O V I I I.

**Q**UANTUM uerò Legem Dei cum suis partibus qua potui diligitia, & copiosis Sermonibus hucusque enarrauerim, nondum tamen omnia necessaria dixisse & colophonem addidisse uideor, nisi iam adiiciam disputationem de Vsu, effectu, impletione, & abrogatione Legis diuinæ, licet alicubi in hisce nostris Sermonibus idem argumenti attigerim. Ex ea uerò dissertatione uel expositione intelliget C. V. unicum esse testamentum ueteris & nouæ Ecclesiæ Dei, & unicam esse rationem salutis ueræ, omnium quicumque saluati sunt, & saluantur in hoc seculo: intelliget quid nouum testamentum differat à ueteri. Ac necessaria quidem & ualde utilis erit hæc tractatio, cum ad intelligenda multa in scripturis sanctis loca, tum ad perspicuitatem quoque & saluberrimum usum eorum quæ hucusque disputata sunt à nobis de Lege. Dominus author & mens perfectioque Legis concedat nobis ea loqui, quæ illustrent gloriam nominis eius, & iuant animarum nostrarum salutem.

Est autem uarius & multiplex Vsus diuinæ legis, sed patitur interim se astringi ad numerum ternarium: dicimus ergo usum legis diuinæ esse triplicem. Principio enim præcipuum & proprium legis officium est: convincere omnes homines peccato obnoxios ac sua culpa propria filios esse mortis. Exponit enim nobis lex Dei uoluntatem Dei sanctissimam, exponendoque requirit à nobis iustitiā perfectissimam. Nam lex ea de causa appellari solet testimonium diuinæ uoluntatis, & perfectissimum exemplar diuinæ puritatis. Et huc quidem pertinet quod in euangelio recolligens dominus summam mandatorum Dei dicit, Primum omnium præceptorū est, Audi Israel, Dominus Deus uester, Deus unus est: & diliges Dominum Deum tuū ex toto corde tuo, ex tota anima tua, & ex tota mente tua, & ex totis uiribus tuis. Hoc est primum præceptum. Et secundum simile hoc est, Diliges proximum tuum ut teipsum. Maius his aliud præceptum non est. Ergo huc quoque pertinet illud Apostoli Pauli, Finis præcepti est charitas, ex puro corde & conscientia bona, & fide non simulata. Cum autem perfectissimam iustitiam ac dilectionē, adeoque cor purum requirit à nobis lex, certè omnes homines condemnat peccati, iniustitiæ & mortis. Nam lege Dei etiam hoc disertè pronuntiatur, Maledictus omnis qui non manserit in omnibus quæ scripta sunt in libro legis ut faciat ea. At quotusquisque nostrum facit omnia legis? Quis oro hominum habuit uel habet etiam hodie cor mundum? Quis hominum ex toto corde, ex tota anima & mente semper dilexit aut diligit etiam nunc Deum? Quis hominum nihil

*De usu & effectu legis Dei.*

*Summa perfectio lege requiritur à nobis.*

*Quis mortuus perfectus.*



unquam mali concupiuit: aut quis non concupiscit quotidie? Imperfectio ergo & peccatum lege uel indicio legis deprehenditur in homine, ut non dicam hic aliud grauius. Quid hic dicemus? Vbi oro apparet in homine diuina & perfectissima illa, quam lex requirit, iustitia? Iob clamat; Verè scio quòd non iustificabitur homo compositus Deo. Vel, Quomodo iustus inuenietur homo si cõferatur cum Deo? Si uoluerit contendere cum eo, non poterit ei respondere unum pro mille. Item, Si quid piàm iustum habuero, non respondebo, sed meum iudicem deprecabor, &c. Succinit huic Ioannes Apostolus, & ait, Si dixerimus, Peccatum non habemus, nosipso fallimus, & ueritas in nobis non est. Item, Si dixerimus, Non peccauimus, mendacem facimus eum, & sermo eius non est in nobis. Proinde hac ratione lex speculum quoddam est, in quo contemplamur nostram corruptionem, imbecillitatem, impotentiam, imperfectionem, iudicium nostrum, id est, iustā nostram condemnationem. Nam Apostolus disertè dicit, legem esse latam, ut palàm faceret transgressiones, atq; eo modo cogeret homines ad agnitionem suæ imperfectionis suiq; reatus. Nemo enim nostrum sibi ipsi in sinum & in proprii pectoris sui latebras inspicit, sed indulgemus nobis omnes, nec arbitramur res nostras ita corruptas esse, ut reuera sunt: lex ergo subit & excutit animi & pectoris nostri omnes latebras, & profert peccatum & omnem nostram corruptionem. Ante legem, inquit Apostolus, etsi peccatū esset in mundo, non tamen imputabatur uel reputabatur. Idem quoq; Lex iram operatur, ait, Nam ubi non est lex. ibi nec prauaricatio. Et iterum, Per legem est agnitio peccati. Nam ad Rom. 7. idem Apostolus plenius dicit, Peccatum non cognoui nisi per legem. Nam & concupiscentiā non nouissem, nisi lex dixisset, Non concupisces. Sed occasione accepta peccatum per præceptum genuit in me omnem cõcupiscentiam. Siquidem absq; lege peccatum erat mortuum: ego autem uiuebam sine lege quondam: ueniente autem mandato, peccatum reuixit: ego uerò mortuus sum. Et repertum est mādatum quod institutum erat ad uitam, mihi cedere ad mortem. Et reliqua. Nam bona pars huius capitis huc pertinet. Est itaq; hoc proprium Mosis officiū, legisq; usus & effectus primarius, ostendere homini morbum siue peccatum.

Lex palàm facit peccatū, & nostram miseriam profert. Gala. 3.

Rom. 4.

Moses non tantum iugulat, neque lex duntaxat occidit.

Qui autem hic subsistunt, nec ullum præterea legis usum & effectum ostendunt, & non progrediuntur ulterius, quasi Moses nihil aliud quàm iugulet, & lex duntaxat occidat, non uno modo nec leuiter hallucinantur. Repetimus quidem & dicimus propriissimum legis opus esse peccatū proferre, item Mosis officium præcipuū esse docere quid agas, & minis execrationibusq; urgere, præsertim uerò in collatione, cum uidelicet lex confertur cum euangelio. Nam in 2. ad Corinth. cap. 3. Paulus legem appellat literam, mox & ministeriū mortis, deinde doctrinam literis & atramento exaratam, rursus in sculptam tabulis lapideis, & nō perpetuam, sed caducam. Idem protinus & ex opposito euangelium uocat ministerium & doctrinam spiritus, quæ maneat, non intercidat, quæ inscribatur cordibus & uiuificet. Vnde sanè libenter agnoscimus, legem propriè proferre morbum, sed euangelium adhibere medelam, desperatisq; remedium. Cæterum cogitandum est interim, sanctos patres nostros non tantum habuisse legem quæ peccati reuicerit, aut Mosen qui nihil aliud quàm iugularit laniaritq;, neq; hunc illò spectasse ut uulneraret, sed ut mederetur etiam: non sua quidem uirtute, sed per manuuctionem ad eum qui alligat contritos corde, & sanat omnes contritiones eorum. Is est Christus, qui etiam operatus est per ministerium Mosis. Neq; enim putandum est ab initio mundi aut à Mose ad Christum usq;, literam duntaxat fuisse prædicatam, gratiam uerò spiritumq; Dei otiosum in sanctorum animis nihil effecisse.

efficit. Etenim cum lex nobis ostendit, imò & irrefragabiliter euincit, in nobis seu in carne nostra non esse illam perfectionem, quam à nobis requirit in lege sua sanctissimus dominus & perfectissimus, perfectio reuocat & retrahit hominem (non sua quidem, sed spiritus Christi uiuificantis uirtute) ab omni carne, utpote in qua non est ulla salus, ulla perfectio: atq; ita per consequens occasionem nobis præbet diuertendi ad mediatorē Christum, qui solus est sanctificatio & perfectio nostra. Et iuxta hanc concomitantiam uel occasionem, lex quoq; uia & compendium est adeoq; & pædagogus quidam hominibus à Deo adhibitus, qui abducat nos ab omni uirium nostrarum fiducia, ab omni operum nostrorum respectu, deniq; ab omnibus creaturis, rectā per fidem ad Christum, qui factus est nobis, ut modò diximus, à Deo iustitia, sanctificatio & redemptio, extra quem non est ulla sub Sole salus. Proinde Moses non tantum legem urfit, sed & Christum annunciauit, & in ipso uitam. Nam dominus in Euangelio ad iudæos dicit, Nolite putare quod ego accusaturus sim uos apud patrem. Est qui accusat uos Moses, in quo speratis. Si enim credidissetis Moysi, credidissetis utiq; mihi. De me enim ille scripsit. Et Paulus ad Galatas, Si data fuisset lex, inquit, quæ possit uiuificare, uerè ex lege esset iustitia: sed conclusit scriptura omnia sub peccatum, ut promissio ex fide Iesu Christi daretur credentibus. Cæterum, antequam uenisset fides, sub lege custodiebamur, conclusi in eam fidem quæ erat reuelanda. Itaq; lex pædagogus noster fuit ad Christum, ut ex fide iustificaremur. En quid poterat dici planius, quam legem omnes cōclusisse sub peccatum? Sed in quem finem? Ut promissio ex fide Iesu daretur credentibus. Et iterum, Antequam uenisset fides, id est, ille in quem fides nostra dirigitur & incumbit, sub lege custodiebamur. Quomodo? Conclusi utiq; in eam fidem quæ erat reuelanda. Conclusi ergo erant patres lege necubi erumperent, & alibi quā in Christo salutē & uitam quærerent. Proinde ad Christum rectā per fidem adduxit lex. Et adhuc planius, Lex fuit, inquit, pædagogus noster ad Christum. En ducit lex ad Christum etiam. Et iterum subiungitur, Ut ex fide iustificaremur. Proinde lex promouet ueram doctrinam iustificationis, manifestē docens, fide in Christum nos, non operibus nostris iustificari. Quæ parte miscetur apertissimè euangelio, euangelijq; officium sibi sumit: nec mirum, cum multis ipsum Euangelij ipsorum culpa fiat litera. Præterea idem Apostolus alibi dicit, in sacrificijs peccatorum factas esse commemorationes, in quibus & expiationem præfigurata esse scimus. Manuduxerunt ergo ad Christum & ceremoniales leges, demonstrantes testificantesq; illum solū nos repurgare ab omnibus peccatis. Iam ergo concludimus, Moysi legisq; officium fuisse & esse, aperire nobis peccatum & iudicium nostrum, sed interim quoq; & per occasionē adducere ad Christum, non tantum damnare.

Ex quibus illud quoq; discitur, legem nos docere non tyrocinia tantum iustitiæ, sed ipsam ueram & absolutam iustitiam. Nam Moses disertè dicit se tradidisse perfectissimū doctrinæ genus, utpote in qua sit uita & mors. Dicit præterea Apostolus quod lex nos manuducat ad Christum, ut ex fide iustificemur. At fidei iustitia, perfectissima est iustitia. Ergo quod legalia alicubi appellantur elementa mundi, duas potissimum sit ob causas. Prior, quod legalia sint tanquam primariæ institutiones & elementa, quæ succedente Euangelij doctrina perficiuntur & absolutiori cedunt. Posterior, quod ceremoniæ traditæ sint sub rebus uel signis externis, cum interim sub externis figurent atque proponant interna, ipsum Christum & mysteria eius.

Illud quoque discimus ex prædisputatis, ueteres sanctos qui sub ueteri testa-

Moses etiā ad  
ducit ad Chris-  
tum.

Gal. 3.  
Rom.  
3.

Lex docet petro  
sectam iustitiæ

Elementa  
mundi.  
Colos. 2.



Que & qua-  
lis iustitia uete-  
ri populi.

Populus car-  
nalis.

Lex uitam ho-  
minum institu-  
it & format.

ut quod hunc  
dicitur in libro

omnibus  
libris

mento uisum homines; salutem & iustitiam quaesivisse non in operibus legis, sed in eo qui est perfectio & finis legis, nempe in Christo, ergo lege & ceremonijs usos esse tanquam manu ductione & paedagogia ad Christum. Nam quoties audierunt perfectam à se legis iustitiā requiri, fide donata ex gratia intellexerunt, Christum perfectissimam iustitiā proponi, ad quem pro iustitia consequenda omnes confugere debeant homines. Quoties in loco sacro conuenerunt ad contemplanda sacra illa diuinitus instituta, non nudas inspexerunt figuras, neque putauerunt se propter cultum illum placere Deo purgari à peccatis, sed oculos animi & fidei intenderunt in ipsum futurum Messiam, qui in omnibus ceremonijs & legalibus praefigurabatur. Proinde lege abutebatur, quicunque putabant se Deo gratos esse ac Deo cultum exhibere, quod opus illud facerent. Id quod & prophetae in suis sermonibus grauissimè accusantes persecuti sunt. Atque eo nomine dictus est non raro populus Israelis, populus carnalis: non quod omnes ante natum Christum patriarchae & patres fuerint carnales: sed quod adhuc uiuerent sub illis externis elementis & figuris, & forte essent in populo qui non perspicerent ipsas res spirituales externis illis adumbratas, & forte putarēt gratos & acceptos se esse propter opus externum operatum aut perfectum.

Secundus usus & alterum officium legis est docere, quid sequantur uel quid fugiant iustificati in fide per Christum, & quomodo p̄ritē colant deum. Lex enim Dei cōtinet doctrinam perfectissimam & fidei in Deum & omnium bonorū operum. In primo enim usu legis demonstrauimus, quomodo lex & moralis & ceremonialis fidem doceat in Deum & Christum eius, & quomodo hominem in sui cognitionem ducat, ut intelligat in seipso, id est, in natura hominis, non esse bonū ullum aut uitam ullam, sed omnia dona uitae, uirtutum & salutis esse ex unico omnium bonorum fonte Deo patre per Christum siue Messiam. In praesenti, id est, in consideratione secundi finis, usus, uel officij legis Dei, agnoscere debemus omnes formas uirtutum & omnium bonorū operum thesaurum lege Dei nobis proponi: & quod diuus Apostolus legis praecepta accommodat ad exhortationem & consolationem. Prima tabula in moralibus docet nos quid debeamus Deo, & quomodo colamus eundem. Secunda tabula informat officia uitae, docens, quid debeamus proximo nostro. Et ceremoniae quoque ad cultum pertinent. Iudicialia instruit & oeconomiam & politiam, ut uiuere possimus honestè & sanctè. Docet ergo lex omnem iustitiā, temperantiam, fortitudinem, prudentiam, instruitque pium in omni opere, in quo instructum esse oportet sanctum Dei cultorem. Unde quoties sancti prophetae Dei, cultum Dei & religionē collapsam rursus erigere & restaurare, quoties uitia hominum erroresque accusare & corrigere, denique bona opera adeoque uerè bona opera docere uoluerunt, semper ac unicè respicerunt ad legem, & omnia sua ex lege protulerunt. Huius rei specimen exhibet nobis luculentissimus beatus Dauid in Psalmo decimoquinto, sanctus Isaias in capite 1. & 33. Diuus quoque Ezechiel in capite 18. Paulus ad Romanos 13. omnia officia uitae refert ad legem charitatis. Nam & dominus ipse prior hoc fecit in euangelio. Præterea clamat diuus uates Psalmo 94. Beatus uir ille quē tu in lege tua erudieris domine. Et in Psalmo 78. Ipse suscitauit testimonium in Iacob, & legem posuit in Israel, ut cognoscat ætas postera, & ponat in Deo fiduciam suam, & non obliuiscatur operū Dei, sed mandata eius obseruet. Item Psal. 19. dicit Dauid, Lex domini immaculata conuertens animas: testimonium domini fidele sapientiam præstans paruulis. Iustitiæ domini rectæ, latificantes corda: præceptum domini lucidum, illuminans oculos; Timor domini sanctus, permanens in seculum

seculi

seculi: iudicia domini uera, iustificata in semetipsa. Desiderabilia super aurum & lapidem preciosum, & dulciora super mel & fauū. Huc facit plurimum totus ille alphabetaris Psalmus numero 119.

Tertius usus diuinæ legis est coercere petulantes, & quos nulla commouet *Lex coeret,* ratio eos iubet supplicijs constringere, ut conseruetur honestas & pax atq; tranquillitas publica. Sunt enim in populo non pauci, qui non amore uirtutis, sed formidine pœnæ se continent & uiuunt tolerabiliter. Hac uerò ratione cautū & prouisum uoluit diuina bonitas tranquillitati hominum. Huc uidetur spectasse Apostolus cum dixit, Scimus legem non positam iustis, sed iniustis & inobsequentibus, impijs & peccatoribus, irreuerentibus & prophanis, patricidis & matricidis, homicidis, scortatoribus, pæderastibus, plagiarijs, mendacibus, periuris, & si quid aliud est quod sanæ doctrinæ aduerferet, &c. *1 Tim. 1*

Post Vsum, finem & officium legis declaratum, restat iam explicandum quomodo impleatur lex Dei. Est autem impossibile hominem suis uiribus adimplere legem, diuinæq; uoluntati satisfacere per omnia. Constat enim lege non tantum opus externum, sed intimorum affectuum puritatem, adeoq; diuinam quandam, sicut iam ostendimus, requiri perfectionem. Clamat enim aliàs quoq; dominus, *Math. 5* Perfecti estote uos, quemadmodū pater uester, qui est in cœlis, perfectus est. Huiusmodi autem perfectio donec in hac carne uiuimus, non inuenitur in nobis. Caro enim ad finem usq; uitæ nostræ retinet corruptum suum ingenium, & per spiritum antagonistam licet sapius repulsa, usq; tamen recurrit, ut nunquā in nobis inueniatur & ex nostris uiribus diuina illa deriuetur perfectio. Verum audiamus de hac re diuini Apostoli Pauli testimonium, clamantis, Scimus quod lex spiritualis est: ego carnalis sum, uenditus sub peccatum. Quod enim ago, non probo. Non enim quod uolo hoc facio, sed quod odi, hoc ago. Et iterum, Noui quod non habitet in me, hoc est in carne mea, bonum. Nam uelle adest mihi, at ut faciam bonum, non reperiō, Rursus, Delectat me lex Dei secundū internum hominem: sed uideo aliam legem in membris meis, rebellantem legi mentis meæ, & captiuum me reddentem legi peccati, quæ est in membris meis. Tandē uerò concludit & ait, Itaq; idem ego mente quidem seruio legi Dei, carne uerò legi peccati. Cæterū putant nonnulli hæc Paulum non de sua, sed de aliorum, nempe carnalium & nondum regeneritorum hominum persona esse loquutū. At ipsa Apostoli uerba uolentem nolentē lectorem adigunt cōfiteri, uerba recitata maxime spiritualibus competere. Ac Augustinus in 1. lib. Retractat. cap. 23. recitat se quoq; fuisse aliquando in ea sententiā, quod Apostoli uerba exponi debeant de homine sub lege non sub gratia constituto: sed fatetur se compulsus aliorum scriptorum & tractatorū auctoritate, sentire iam Paulum loqui de hominibus maxime spiritualibus, & de sua ipsius persona. Id quod copiosius ostendit in libris contra Pelagianos. Certē beatus Hieronymus, qui dicitur horribile anathema contorsisse in docentes legem mandare impossibilia, disertē scribit ad Rusticum, Paulum hic de sua ipsius loqui persona. Si uerò remanet caro & carnis ingenium, secundum quod indesinenter reluctatur spiritui, profectō nunquam perficitur in nobis, quoad uiuimus, diuina illa perfectio: ergo donec uiuimus nemo nostrum implet legem. *Paulus loquitur in 7. cap. ad Romanos in propria persona.*

Hic quoq; locum habet Paulina disputatio, de eo instituta, quod nemo mortaliū iustificatur per opera legis: non legis quidem, sed corruptæ naturæ nostræ uitio, quæ nō præstat quod exigit lex Dei. Nam nō potest, ut idem ait Apostolus, *Nemo iustificatur per opera legis.* Ac disertē quidem, Scimus non iustificari hominem, inquit, ex operibus legis, nisi per fidem Iesu Christi: & nos in Iesum Christum credimus, ut iustificaremur *Gala: 2.*



Opera legis  
quid?

Gala: 3.  
Deut: 27

ex fide Christi, & non ex operibus legis: propterea quod non iustificabitur ex operibus legis omnis caro. Nec est quod per opera legis intelligamus duntaxat ceremonialia. Hæc enim ut non iustificent, ita neque moralia iustificent. De moralibus loquitur Apostolus, cum loquitur de operibus legis. Nam ad Rom. 3. cap. idem Apostolus. Ex operibus, inquit, non iustificabitur omnis caro in conspectu eius. Erationem mox subiungit, Per legem enim agnitio peccati. At in 7. cap. ostendit atque declarat per quam legem, utique moralē. Moralē enim lex est, Non concupisces. Dicit autem Apostolus. Peccatum non cognoui, nisi per legem. Nam concupiscentiam non nouissem, nisi lex dixisset, Non concupisces. In epistola ad Ephesios cum Gentibus loquens, opera simpliciter dicit non iustificare. Atqui cum Gentibus loquens non potuit ceremonialia opera intelligere, sed uirtutes ipsas morales, id est, omnis generis opera quæ uidebantur esse bona. Ad Galatas, Quotquot ex operibus legis sunt, execrationi sunt obnoxij. Id autem probans subiungit, Scriptum est enim, Execrabilis omnis qui non manserit in omnibus quæ scripta sunt in libro legis, ut faciat ea. Nisi autem per opera legis etiam moralia, non ceremonialia duntaxat, intelligamus, non uideo quomodo constet probatio. Ac diserte quoque dicit, In omnibus quæ scripta sunt in libro legis huius, ut faciat ea. Cæterum quis nesciat non ceremonialia duntaxat esse scripta? Et S. Augustinus multis probat in libro de Spiritu & littera, præsertim cap. 8. Paulum per opera legis etiam moralia intelligere.

Iam ut locum hunc absoluamus, recitabimus Apostoli uerba ex 8. cap. epistolæ ad Romanos dicentis, Quod lex præstare non poterat, ea parte qua imbecillis erat per carnem, hoc Deus proprio filio misso, sub specie carnis peccato obnoxia, præstitit, ac de peccato cōdemnauit peccatum, per carnem. ut iustificatio legis impleteretur in nobis: qui non secundum carnem uersamur, sed secundum spiritum. Duo autē docet hisce uerbis Apostolus. Principiō, legem non posse hodie nec potuisse unquam iustificare homines. Culpā huius impotentia non reijcit in ipsam legem, quæ per se bona & efficax est, perfectissimæque iustitiæ doctrina: sed in corruptam carnem nostram. Caro nostra non potuit nec potest præstare, quod bona Dei lege requiritur à nobis. Vnde & S. Petrus in Cōcilio Hierosolymitano dixisse legitur, Nunc ergo quid tentatis Deum, ut imponatur iugum super ceruices discipulorum, quod neque patres nostri, neque nos portare potuimus? Posterius autem sequitur ex priore, nempe cum lex nos nec uiuificare potuit, neque nos præstare potuimus, quod lex requirebat à nobis, Deus qui diues est misericordia & bonitate, filium suum misit in mundum, ut hic incarnatus moreretur pro nobis, atque ita peccatum imperfectionis nostræ tolleretur, & perfectionem suam nobis conferret in fide, quæ est perfectio & plenitudo legis. Constat ergo ex his Christum impleuisse legem, & hunc esse perfectionem fidelium in orbe omnium.

Christus impleuit legē, & est fidelium perfectio.

Requirat autem hic locus pleniorē expositionem eius, quod Christus legem impleuit ac factus est perfectio nostra. Principiō quæcunque promissa & præfigurata sunt in lege & prophetis impleuit dominus noster. Nam promissiones illas, Semen mulieris conculcabit caput serpentis; Benedicentur in te omnes cognationes terræ: & quæ his similes aliæ & innumeræ sunt, impleuit dominus noster, et natus in hunc mundum, perlitauit pro nobis, & uitam reduxit. Pari modo impleuit ceremonialia omnia, dum ipse sacerdos & sacrificiū se obtulit, at nunc & semper efficax & æternū duratura est hostia, pontifex quoque æternus, semper in dextra patris interpellans pro fidelibus. Ipse etiam spiritualiter circumcidit credentes, & iisdem in locum circumcisionis substituit baptismum. Ipse est pascha nostra, qui

qui pro agno paschali subrogauit coenam Domini siue Eucharistiam. Ipse denique est legis & prophetarum cōplementum, mens & perfectio. Deinde impleuit legē Dominus, quia uoluntati Dei absolutissimē per omnia satisfecit, cū sit ipse sanctus sanctorum, in quo nulla est macula, cōcupiscentia praua nulla, peccatum nullum: in eo est dilectio Dei perfectissima, & iustitia per omnia absolutissima. Et hāc nobis imperfectissimis, communicat gratis, si credamus. Condonat enim nobis peccata, factus pro nobis expiatio, & communicat nobis suam iustitiam: quæ imputatiua uocatur. Quo iam pertinet testimonia Apostolica, Deus erat in Christo, ait Paulus, mundum reconcilians sibi, non imputans eis peccata sua. Eum enim qui non nouit peccatum, pro nobis peccatum fecit, ut nos efficeremur iustitia Dei per illum. Item, Abraham credidit Deo, & imputatū est ei ad iustitiam, certē absq̃ operibus. Ita si nos quoq̃ credimus in Deū, per Christū, imputabitur nobis quæque fides nostrā pro iustitia. Fide enim comprehendimus Christum, quem credimus absolutissimē pro nobis Deo satisfecisse, adeoq̃ Deum nobis placatum esse propter Christum, & nobis Christi iustitiā gratis imputari tanquam nostram (& reuera ex donatione nostram) quia nos sumus iam filij Dei.

Expensis his diligenter, facile erit illis respondere qui interrogāt. Quando nullus mortalium exactē satisfacit legi per se, quomodo itaq̃ promittitur iustitia, uita & salus seruantibus legem? Nimirum respicit ea promissio ipsam Christi perfectam iustitiā quæ imputatur nobis. Alioquin certum est diuinas scripturas inter se minime uel tantillum conflare uel discrepare. Clarē autem dicit Apostolus, Si data esset lex quæ posset uiuificare, uerē ex lege esset iustitia: nunc uerō conclusa scriptura omnia sub peccatum, ut promissio daretur ex fide credentibus. Proinde seruat siue implet legem etiam Decalogi, qui id facit propter quod lex potissimum est instituta. Sed lex potissimum est instituta (sicuti superius demonstrauimus) ut peccati & condemnationis nos conuincat, & ita à nobis ipsis releget, & ad Christum manuducat, qui est perfectio legis ad iustificationem omni credenti. Ideoq̃ implet & seruat legem, qui non sibi ipsi & suis fidit operibus, sed ueræ Dei gratiæ se commendans, in Christi fide omnem iustitiā quærit. Vnde iam clarum est, istas Christi Domini sententias æquipollere: Qui credit in me, habet uitam æternam. Et si uis ingredi in uitam, serua mandata. Nam & Paulus in Actis cap. 13. Notum sit uobis fratres, ait, quod per Christum uobis remissio peccatorum annuntiatur: & ab omnibus à quibus non potuistis per legem Moysi iustificari, per hunc omnis qui credit iustificatur. Et huc iam pertinet totum iustificationis negotium. De quo alias differuimus copiosius.

Cæterum fides illa qua credimus Christum satisfecisse legi, & ipsum esse iustitiam & perfectionē nostrā, neq̃ ex natura neque ex nostris existit meritis, sed ex gratia Dei infunditur per spiritum sanctum, qui datur in corda nostra. Hic spiritus manens in cordibus nostris, incendit pectora nostra amore & studio diuinæ legis, ut conemur eam legitimē factis exprimere præstareq̃. Quod studium, qui conatus, etsi ad plenum nunquam soluatur, propter carnis ingenium uel imbecillitatem humanam manentem in nobis ad extrema usq̃ fata, Deo tamen ex gratia approbatur, sed duntaxat propter Christum: nec quisquam piorum confidit in hanc alteram impletionem, sed in priorem tantum, utpote solam perfectam. Exclama enim Apostolus ad Rom. Miser ego homo, inquit, quis me eripiet ex hoc corpore mortis obnoxio? Mox tamen respondet, Gratias ago Deo, nimirum quod à morte me redemit, per Iesum Christum Dominum nostrum. Itaq̃ idem ego mentem quidem seruo legi Dei, carne uerō legi peccati. Nulla igitur nunc est condemo-

2. Cor. 5.

Seruantibus legem promittitur uita.

Galat. 3. Rom. 3.

Quomodo seruamus legem 1.

Quomodo seruamus legem 2.

Rom. 1.

Rom. 8.



DE VSV, IMPLET. ET ABROG. LEGIS.

natio his qui insiti sunt in Christo Iesu, qui non secundum carnem uersantur, sed secundum spiritum, &c. Ergo quia in Christo sumus, in gratia sumus, ideoque placeant Deo nostra opera, quae ex fide & ex liberali spiritu donata nobis, denique ex pectore amante Deum proficiunt. Ioannes enim dixit, Hae est charitas Dei, ut praecepta eius seruemus. Et praecepta eius graui non sunt. Rationem quoque huius subiungit, Quoniam omne quod natum est ex Deo, uincit mundum. Nam est autem ex Deo quicumque credit: sicuti declaratur Ioan. cap. 1.

Præcepta Dei  
non sunt graui.

Ex quibus facile erit conciliare locos inter se in speciem discrepantes. Præcepta Dei graui sunt, quae neque nos neque patres nostri portare potuimus. Et, Præcepta Dei graui non sunt. Nam graui non sunt fidelibus insitis in Christo, & donatis spiritu Dei, hoc est, reconciliatis Deo per Christum. Sine Christo & fide in Christum quibusuis grauissima sunt. Ita fidelis sua sponte per spiritum Dei incitatus bene facit omnibus hominibus, quantum ipsius quidem permittit facultas, nocere minimi: non quia meruit poenas destinatas in lege inobedientibus, iniustis & uolentibus, sed quia amat Deum. Sic implet etiam legem iudicalem.

De Abrogatione  
legis Dei.

Hic scio obijcis mihi, Si impletur lex, & locum habet apud sanctos & fideles, quid obsecro opus fuit legis abrogatione? quid necesse erat tam multis disputare Paulum & optimos quosque theologos de Abrogatione legis? Dicam ergo paulula & de Abrogatione legis, ac primum quidem in genere, deinde uero per partes siue in specie. Ante omnia autem inculpenda erunt animo pio hæc Domini uerba ex Euangelio, Ne existimetis, inquit, quod uenerim ad destruendam legem aut prophetas: imò non ueni ut destruam, sed ut cōpleam. Amen quippe dico uobis, donec prætereat cælum & terra, iota unum aut apex non præterierit ex lege, quod ad omnia facta fuerint. Quisquis ergo soluerit unum ex mandatis hisce minimis, & docuerit sic homines, minimus uocabitur in regno cælorum. Quisquis autem fecerit & docuerit, hic magnus uocabitur in regno cælorum. Teneat ergo quisque firmissimo animo, legem Dei, quæ est optima & perfectissima Dei uoluntas, æternam, neque dissolui posse ullis unquam temporibus, ab ullis uel angelis uel hominibus. Teneat quisque legem quatenus est regula recte & bene uiuendi, quatenus est frenum quo in timore Dei retinemur, quatenus est stimulus datus ignauis carnis nostræ, item quatenus data est ad instituendum, corrigendum & redarguendum homines, eatenus uidelicet manere intactam, suamque utilitatem habere uel hodie in ecclesia Dei: & proinde negotium abrogationis legis ita habet.

Matth. 6.

Diximus præcepta Dei totum requirere hominem & perfectionem plane diuinam, quam nisi quis præstiterit, eum maledici & condemnari à lege. Nemo autem hominum eam præstat iustitiam. Omnes ergo maledicti sumus per legem. Captum hæc maledictio sublata est, & confertur nobis perfectissima iustitia gratis per Christum. Nam Christus redemit nos ab execratione legis, dum factus est pro nobis maledictio, iustitia & sanctificatio. Hac uero ratione lex abrogata est, id est, execratio legis fidelibus per Christum sublata & iustitia nobis uera collata est. Ipse enim est benedictum illud semen, in quo benedicuntur omnes cognationes terræ. Ipse est iustitia nostra. Nam Paulus, Ab omnibus, inquit, à quibus non possitis per legem Moysi iustificari: per hunc omnis qui credit iustificatur. Ponitur ergo lex pro maledictione legis. Vel lex Dei id appellatur quod lege prodit & manifestatur, quod est peccatum. Per legem enim agnoscitur peccatum. Idcirco abrogatur lex, id est, peccatum tollitur, non ut non sit, aut non exerat suas uires in nobis, sed ne imputetur nobis & nos condemnet. Nulla enim condemnatio inest illis, qui insiti sunt in Christo Iesu. Præterea usurpatur lex pro ultione & poena, quæ

Acto. 13.

Rom. 8.

quæ secundum legem irrogatur transgressoribus. Abrogata est ergo lex, quia pœna sublata est credentibus. Nam lex iusto non est posita: Nam liberauit Christus fideles à supplicijs æternis, dum innoxius afflictus est pro sceleratis. Deinde Apostolus, Affectus carnis, inquit, inimicitia est aduersus Deū. Nam legi Dei non subditur, imò ne potest quidē. Hoc autem odium diuinæ legis eximitur per fidem ex animis plorum, inscribitur autem amor diuinæ uoluntatis: ut etiam iuxta hanc rationem dicatur abrogata lex, quia legis odium est sublatum. Ideoq; Apostolus cōfert eos qui sub lege sunt seruis, liberatos à lege liberis siue filijs: quibus etiam tribuit spiritum, non seruitutis, sed adoptionis. Quoniam enim estis filij, ait, emisit Deus spiritum filij sui in corda uestra clamantem, Abba, pater, &c. His accedit quòd lex Dei typos habet & umbras, & quòd ceremoniarum satis alioqui onerosæ sunt, sicuti & tota lex iugum nominatur. Venit autē in hunc mundum Dei filius, & implens figuras, ipsam nobis ueritatem præstitit, umbras illas pepulit: ut iam nemo possit nos iudicare propter neglectas aut omissas ceremonias uel figuras: & ea quidem ratione abrogata est rursus lex Dei, hoc est, genus illud regiminis, quod à Mose institutum est, ueniente Christo & docentibus Apostolis disparuit. Hi enim citra Moysi cœconomiam ecclesiasticam, collegerunt ecclesias, nec genus illud regiminis ecclesiæ tradiderunt. Constanter enim neglexerunt cum sacerdotio Aaronico, sacramenta, sacrificia, delectus insuper dierum, uestium & ciborum à Mose institutos. Pro his omnibus unum prædicarunt Christum, & paucula sacramenta, &c.

Hæc in genere & breuiter quidem dixi hætenus de abrogata lege, iam idem negotij paulò fufius per partes atque species explicabo. Lex Dei tota diuiditur in *Moralem, Ceremonialem & Iudicalem.* Moralē autem continetur decalogo, cuius præceptum primum docet nos unum & solum Deum uenerari & colere, nullos et alienos coniungere. Hoc autem Dominus Iesus in Euangelio ita inculcauit, ut uideamus nihil in hoc esse mutatum. Secundum prohibet idololatriam, id est, cultum & uenerationem imaginum, uel Dei ipsius uel creaturarū. Atqui Apostoli idololatriam modis omnibus in doctrina Euangelica infectati sunt. Clamat cum *Paulo Ioannes, Fugite idololatriā.* Cumq; Christus & Apostoli diligentissimè docent diuini nominis sanctificationem & glorificationem, profectò ratum uolunt mandatum prohibens prophanationem diuini nominis. Solum mandatum quartum de sanctificando sabbato appellat S. Augustinus ceremoniale in uniuerso decalogo. Verum id non intelligendum est simpliciter. Quatenus enim tempus certum requirit exterior Dei cultus & sacrificia legis externa habet, ceremoniale est præceptum: quatenus uerò cultum Dei, cœtum sacrum, preces, prædicationē & usum sacramentorum, deniq; spiritualia sacrificia tradit, perpetuum est. Id quod in expositione sabbati ostendimus. Quintum mandatum de honorandis parentibus ipse Dominus Matth. 15. cap. reparat. Sicuti & sextum contra cades & septimum contra adulteria diligenter explicat Matth. cap. 5. Octauum cōtra furta promulgatum, renouatur ab Apostolo iubente ne quis fraudet in negotio fratrem, ne quis furetur amplius, sed quisque labore manibus, ut & ipse habeat necessaria, & alijs possit necessaria suppeditare. Nonum præceptum de cohibenda lingua & non mentiando, dicendoue falso testimonio, Christus & Apostoli cōfirmant, quoties linguam coërcent & ueritatem præcipiunt. Iidem malas affectiones & cupiditates damnant, ergo etiam legem prohibentem concupiscentiam reparant, non abrogant. Tota ergo decalogi abrogatio in illis, de quibus iam ante diximus, consistit, quòd scilicet Christus in fide est perfecta iustitia nostra, &c. Rursus Apostolo testante dicenteq; quod lex præstare non poterat, eò quòd imbecillis esset per car.

*Moralia non  
abrogata sunt.*

*1. Joan. 5.*

*Rom. 8.*



nem, hoc Deus pprio filio misso sub specie carnis peccatricis, præstitit, ac per peccatum condemnauit peccatum per carnem, ut iustificatio legis impleteretur in nobis, qui non secundum carnem uersamur, sed secundum spiritum. Id quod extat ad Rom. 8. Et breuius quidem de his differimus, quod in tractatione Decalogi. omnia ista plenius simus prosequuti.

*Ceremonialia  
quatenus abro-  
gata.*

Venio iam ad Ceremonialia. Hæc data sunt ad tempus usq; correctionis, uidelicet donec ueniret Messias. Venit autem, ergo omnes ceremoniæ ad aduentum, ad mortem, & resurrectionem, adde & ascensionem in coelos Christi Domini nostri, disparuerunt, neq; ullum porro locum habent in ecclesia Christianorum. Hic tamen necessariò distinguimus inter scripta, & res ipsas ceremoniarum. Nam scripta de ceremoniis, à spiritu Dei edita, non sunt sublata & abrogata, ne legantur, retineantur aut usurpentur in ecclesia. Id quod & Sermo. 2. Decad. 1. indicauimus. Possunt enim nos erudire in Christo Iesu, dum uidemus quibus modis Christus prædicatus & præfiguratus sit ueteri ecclesiæ. Certè Paulus significantissimè Christum ex ceremoniis prædicauit, quod nemo negabit qui Epistolam eius ad Hebræos diligenter legerit. Mirificè enim in ipsa Christum cum omnibus suis donis proponit ecclesiæ. Ergo possunt & debent in ecclesia legi ceremonialia, ita tamen ut in eis quæraturne & inuentus aptè prædicetur Christus. Ideoq; dum Sermone 5. & 6. huius Decad. tractarem Ceremonialia, significationum notas ipsis apposui, ut uiam aperirem studiosis scripturarum & diligentibus Christum, ulterius in hæc materia progrediendi. Res autem ceremoniales, cuiusmodi est sacerdotium, locus, tempus, sacrificium, & si quid aliud est huius generis, abrogatæ sunt, ut porro nec fiant nec locum habeant in ecclesia Christi. Prædixit hoc Ieremias in cap. 3. & dixit, In diebus illis, dicit Dominus, non dicent amplius Arca fœderis Domini, neq; in cor ueniet, neq; eius recordabuntur, neq; inuisent, neq; fiet ultra. Per Arcam uero intellexit propheta etiam alia legalia, quæ per aduentum Christi sunt abolita.

*Hebra 8.  
Jere. 31.  
aphe. 2.*

*Ceremonie me-  
diæ paries.*

S. Paulus in Epistola ad Hebræos ex promissione Domini apud Ieremiã promittentis se nouum testamentum conditurum, colligit, Per hoc quod dixit nouum, antiquauit prius. Porro quod antiquatur & senescit, in propinquo est ut euasceat. Idẽ Apostolus ad Ephesios, Christus est pax nostra, inquit, qui fecit ex utroq; unum, & interstitium maceriæ diruit, simultatem per carnem suam, legem mandatorum in decretis sitam abrogans, ut duos conderet in semetipso, in unum nouum hominem, faciens pacem. Ephes. 2. Diremit quidem Deus à Iudæis gentes, dum illos ceu peculiarem populum sibi delegit & consecrauit, non uocatione duntaxat uerbi, sed & sacramentis. Nam præscriptæ sunt, datæq; ceremoniæ, quæ tanquam intermedius paries inter Iudæos & gentes, hæreditatem Dei includerent: adeo ut in Ceremoniis esset discriminis professio, ac Iudæis ceu iustis hæreditibus adderetur hæreditas repulsis Gentilibus. At Christus uenit in mundum, hoc consilio, ut ex utroq; populo unam constitueret ecclesiam, diruit ergo interpositum parietem, hoc est, decreta ceremonialia sustulit è medio. Fecit enim hoc loco Christus, quod solet princeps aliquis, qui ut dissidentes populos in suam redigat ditionem seu potestatem, diuersas tesseras, pristinæ simultatis insignia, tollit, ut animis sint concordēs. Sic enim & Christus sustulit Circumcisionem cum sacrificijs & omnibus legalibus, ut fieret una ex Iudæis & Gentibus ecclesia. Ad Coloss. cõparat Paulus ceremonias chirographum, quo Deus nos uelut obstrictos tenet, ne possimus reatum inficiari. Dicit autem per Christum à reatu sic liberatos, ut chirographum fuerit disruptum. At chirographi scissione liberatur & absoluitur debitor. Ideoq; legimus in morte Domini Velum templi ab imo sursum usque fuisse disruptum, nimirum

*Ceremonie chi-  
rographum.  
Coloss. 2.*

nimirum ut toti populo pateret & peccata iam esse dimissa, & liberatum esse Dei populum ab omni onere legalium. Certè cum pergeret impius, pertinax & perfidus Iudæorum populus, in templo, post mortem Christi, ceremonias completas & abrogatas exercere, prorogare, & omnibus pietatis ergò obtrudere, Christus sedens ad dexteram patris, Romanorum principum opera dissipauit urbem pernitens, & templum excidit funditus. Id quod ante Danielem, Balaam prædixerat. Neque hucusque per annos 1500. & amplius, ullus eis locus restaurandi templi uel urbis concessus est. Legimus apud Theodoretum & Ruffinum, Iudæos sub Imperatore Iuliano, maxima spe & præsumptione nouum templum molitos, fundamenta quæsiisse in loco templi olim à Vespasiani filio Tito combusti: uerùm conatus impios Dominum nostrum, qui in Euangelio ex Daniele desolationem prædicarat & inter alia dixerat, Et Hierusalem calcabitur à Gentibus, donec impleantur tempora Gentium, potenter repressisse. Comportatis enim gypsi & calcis multis modiorum millibus, derepente irruens uenti impetus, ac turbo cum fragore & procellis dispersit uniuersam materiam. Obortus est præterea ingens terræmotus, per quem totius penè ædificia loci complanabantur. Denique cum magna turba, quæ operi uidebatur insistere, ea nocte sub porticu uicina somnum caperet aut commaneret, delapsum repente ædificium unà cum tecto totum, oppressit qui sub illa manebant uniuersos. Luce uerò orta, concurrunt ad inquirendum eos, qui ruina fuerant oppressi: & cum ne illis quidem plagis à proposito suo auerterentur, emicans exiit è fossis fundamentis & è uicinis ædibus ubi seruabantur ferramenta & alia operi necessaria, formidabilis ignis, plurimosque opus urgentes inflammauit, alios uerò ad fugam compulit. Nam sæpius ea die recurrit, tandemque pertinacia populi temeritatē coërcuit. Et ne hæc casu fieri crederentur, illa ipsa nocte præcedente similiter & sequente, conspectum fuit in cælo signum fulgidum crucis & ipsorum uestes Iudæorum crucibus replebantur, non ips tamen fulgidis, sed nigris, quæ nulla uel arte poterant dilui atque deleri. Inuiti ergo & coacti magnis terroribus & iudicijs flagrisque Christi Domini, re infecta & deserta domum fugiunt, confitentes illum quem maiores ipsorum crucifixissent Iesum Christum, Deum esse potentissimum, licet cum Pharaone, & Iuliano & potior Iudæorum turba, in perfidia & blasphemia contra Christum perseverarent. Vtunque uerò isti in sua pergant pertinacia uel hodie, apertè tamē satis declarauit è cælo Dominus, se non amplius delectari legalibus, uel ceremonialibus, quandoquidē omnia illa instrumenta cultus sacri, denique ipsam sacri cultus officinam, templum uidelicet & Hierosolymorum urbem, solo æquauit. De Templo dixit in Euangelio discipulis cum admiratione templum cōmonstrantibus, Nōne uidetis hæc omnia? Amen dico uobis, non relinquetur hic lapis super lapidem. Idem plorans super malè gratam urbem, Non relinquent, ait, in te lapidem super lapidem, eò quòd non cognoueris tempus uisitationis tuæ. Et hæc quidem omnia ad uerbum completa esse, locupletissimus & oculatus quidē testis est Iosephus libro de Bello Iudaico 7. cap. 18. Diximus autem modò nullum Iudæis locum iam inde à mille quingentis annis restaurandi templi concessum esse: unde nisi insanirent, colligerent missum esse in mundum Messiam, & hunc abrogasse ceremonialia omnia.

Nihil his patrocínatur quod per frequenter in lege Dei post descriptos ritus sic adiectum legimus, Ritu sempiterno custodietis illud. Nam sempiternum in hac causa significat diuturnum & quantum attinet homines immutabile. Grauibuscum enim pœnis interminatis prohibuit Dominus, ne sacros ritus temeritas humana uel mutaret uel abrogaret. Interim quia ritus illos ad tempus correctionis insti-

*Urbs & Temp-  
plum excin-  
duntur.*

*Daniel 9.  
Num. 24.*

*Luc. 19.  
Math. 24.*

*Ritus quomodo  
sint perpe-  
tui.*



tuit, non peccat Deus neq; inconstantia crimen incurrit, quando sic mutat quem admodum mutare decreuerat ab initio. Præterea cum nihil perit rei quæ per ritum est significata, umbra tantum & quod temporarium est cadit & disparet, certissimum est ritum illum in substantia sua manere sempiternum. Viuit totus homo in sempiternum: sed quæ tamen in ipso sunt temporalia seu corruptibilia, intereunt in morte, & abolentur in clarificatione.

Sacerdotium  
abrogatum.

Psalm 109

Cæterum ut omnia sint luce clariora, perstringemus speciatim per partes ceremonias illustriores. Abrogatum esse sacerdotium Aaronicum in uniuersum, id maxime arguit quod Apostolus ex Dauide profert, Iurauit Dominus, & non poenitebit eum, tu es sacerdos in æternum, secundum ordinem Melchizedek. Christus ergo unus & solus summus est sacerdos, & perpetuus quidem, immutabile, & quod successionem ad alium transire non potest, sacerdotium habens. Iam enim stans ad dexteram patris in cælo, in templo uero, cuius adumbratio fuit Tabernaculum & templum Hierosolymitanum, intercedit pro nobis, omniaq; sacerdotis munia obit. De quo fusissime agit S. Christi Apostolus Paulus, in Epistola ad Hebræos. Hic Pontifex noster Christus cōsecrauit sibi in reges & sacerdotes omnes Christi fideles. Interim ministros ecclesiæ quoque ordinat, qui doctrina & exemplo erudiant ecclesiam, qui sacramenta administrent, non uetera illa, sed quæ in ueterum locum Dominus substituit. Quid uerò doceant, disertè ostendit. Vestes illas mysticas & sacerdotales, nec Apostolis commendauit, nec suæ reliquit ecclesiæ, sed sustulit e medio cum alijs decretis interstitium maceræ appellatis. Iustitia & honestate uestiri uult pastores populi, cū Apostolo Paulo ipse Dominus qui disertè ecclesiarum ministros remouit à dominio, & à negotijs secularibus. Idem eis uestigalia constituit, sed non legalia illa, uerum maxime conuenientia statui & conditioni cuiusq; ecclesiæ.

1. Corinth. 9.  
Matth. 10.  
Locus liber.  
Joan. 4.

1. Timothy 2

Locus cultus & religionis liberum fecit Dominus, cū in Euangelio Ioannis dixit, Veniet hora & nunc est, quando ueri adoratores, non in monte hoc, nec Hierosolymis, adorabunt patrem, sed spiritu & ueritate. Nam & pater tales querit qui adorent ipsum. Spiritus est Deus, & eos qui adorant ipsum, spiritu & ueritate oportet adorare. Dominum sequutus est in hoc dogmate Apostolus, qui dixit, Volo uiros orare in omni loco, sustollentes puras manus absq; ira. Nec frustra, sicut modò commemorauimus, excindi funditus templum passus est Dominus, qui moriens disciderat uelum templi. Interim tamen non damnantur Cordus ecclesiastici. De quibus dictum est cū exponerem mandatum, Sabbatum sanctifices. Tabernaculum certè & Templum typum prætulere ecclesiæ Dei catholicæ, extra quam nullæ preces nullæq; oblationes Deo gratæ sunt. At extenditur ecclesia ad fines usq; orbis. Sed non ideò omnes sunt in ecclesia qui sunt in orbe terrarum: in ecclesia sunt, qui in societate sunt Christi per fidem catholicam, & in comunione sanctorum per doctrinæ consensionem, per charitatem & sacramentorum (nisi magna prohibeat necessitas) participationem. In excelsis autem adolent & sacrificant, quicumq; aliud sacrificium quàm Christi, per alium preces suas Deo quàm per Christum, & alium in orando & sacrificando modum tenent, quàm uerbo pastoris in ecclesia est traditum. Iam uerò ecclesiæ Dei nulla porro opus est Arca, nulla Mensa, nullis propositionum panibus, nullo candelabro aureo, nulla aut uel thymiamatis uel holocaustorum, nullo labro æneo: unus enim Christus hæc omnia solus est catholicæ ecclesiæ, quæ in Christo spiritualiter & efficaciter hæc omnia habet, nec quicquam in alijs querere potest, adeò ut si quem uideat hæc eadem aut alia huius generis reducere in ecclesiam, eum redarguat & excreetur. Quid

Sacrificare in  
excelsis.

Quid enim uel umbris uel signis opus habet Ecclesia, quæ ipsa re, Christo uidelicet domino, fruitur per fidem? Præterea satis signorum habet Ecclesia, quæ à Christo accepit duo signa sacramentalia, omnia complectentia, quæ uetus Ecclesia habuit in uarijs & multis signis.

Porro tempus sacrum liberum quoque fecit qui in Euangelio dixit, Sabbatum propter hominem factum est, non homo propter sabbatum: itaque dominus est filius hominis etiam sabbati. Et Paulus Apostolus, Ne quis igitur uos iudicet, inquit, in cibo aut potu, aut in parte diei festi, aut nouilunii, aut sabbatorum, quæ sunt umbrarum futurarum, corpus autem Christi. De sabbato Christianorum dictum est in expositione præcepti quarti. Neomenias uero non celebrat Ecclesia Christi, quæ per Christum docta, non tantum principia mensium, sed totum annum totiusque anni prouentum, Solis, lunæ & stellarum splendorem, Deo tribuit creatori. Christiani præterea pascha suam celebrant, & spiritualiter magis quam corporaliter: ita & Pentecosten. Ut enim spiritum misit discipulis, ita eundem donat quotidie fidelibus. Semper autem hic classicum canunt ad pugnam. Concupiscit enim caro aduersus spiritum, & impetitur homo pius à mundo & principe huius seculi diabolo. Iam uero Expiationis festum semel in cruce peractum durat perpetuo: nec amplius hircu peccati amandant sancti. Semel enim uenit, & oblatus est dominus noster, qui sustulit omnia peccata totius mundi. Denique cum per totam diem meditatur se hic nullum habere locum manentem, sed futurum inquirere, non est quod semel in anno celebrent festum tabernaculorum. Ita non agnoscunt fideles ullum porro annum iubileum. Semel enim uenit Christus, & annum acceptum nobis annuntiavit, Euangelium, quo prædicatur remissa esse nobis omnia peccata. Hæc enim ad hunc modum ipse declarat Christus dominus Lucæ cap. 4. ex 61. cap. Isaia. Ita uero tempus sacrum & dies festi abrogati sunt per Christum in Ecclesia: quæ interim non destituitur ulla re sancta & necessaria.

Sed quoniam hic annus, quo hæc primò excuduntur typis, quinquagesimus est supra millesimum & quingentesimum, & secundum traditionem Romanam nuncupatur iubileus ipsa me quasi necessitas adigit aliquid saltem per digressiunculam dicere de Romano iubileo. Romanum non Christianum ea de causa uoco, quod modò ostendi, Christi Ecclesiam post redemptionem Christi per Euangelium annunciatam, nullum alium annum iubileum agnoscere. In ueteri anno iubileo consideratur litera & spiritus. Iuxta literam concedebatur seruis libertas, reddebaturque patria, quæ uel mutata uel adempta fuerat iustis hæredibus, possessio. Is ritus ut citra rerum omnium conturbationem omnibus regnis hodie obtrudi non posset, ita oppressos non admodum curant beatissimi patres, qui iubileum ut opibus suis plurimum accedat inuenerunt, & stulto mundo prædicant. Spiritus uero iubilei ueteris, Christum & gratiam eius remissionem omnium peccatorum, fide percipiendam commendat. Hæc autem gratia non potest citra contumeliam Christi aliter prædicari quam annuntiata est per Euangelium. Idcirco caruit Ecclesia anno iubileo annis à Christo mille trecentis. Postea demum emerfit Bonifacius eius nominis 8. Roman. Pont. cuius nomine & Sextus Decret. prodijt, qui primus impiissimum hoc institutum inuenit. Nam Platina in uita eius, Iubileum hic retulit, inquit anno 1300. quo plenam delictorum omnium remissionem his præstabat, qui limina Apostolorum uisitassent. Idem etiam centesimo quoque anno obseruari mandauit. Caruit ergo iubileo hoc Ecclesia citra salutis iacturam annis 1300. Possumus ergo & nos illocitra detrimentum, imò magno cum emolumento nostro carere. Nam si isti perrexerint hunc obtrudere tanquam necessariū ad salutem, damnabunt uniuers-



salem Ecclesiam quæ primum præcessit iubileum. Cæterum non tantum illo care re possumus, sed modis omnibus execrari debemus, ueluti impium & blasphemum institutum, qui credimus iubileum omnino abrogatum esse per Christum, præ terea credentibus, ubicunq; in mundo uersentur, propter Christum condonari gratis omnia peccata. Hic Bonifacius & suæ mendacissimæ promissioni & loco impurissimo affigit peccatorum remissionem. Dubito autem si quid potuerit per hunc fieri aliud horrendum & execrandum magis. Polluitur enim hic gloria uni geniti filij Dei, unici saluatoris mundi. Polluitur hic salus multarum animarum, pro quibus mortuus est Christus. Polluitur gloria fidei Christianæ, per quam so lam efficimur salutis æternæ consortes. Sceleratissimus alioqui fuit Pontifex, de quo tritum illud fertur, Intrauit ut uulpes, regnauit ut leo, moritur sicut canis. Equidem merebatur institutio blasphema talem habere authorem. Merebatur & populus stultus talem habere pastorem. Scribit enim Platina, eo anno tantam ue nisse hominum multitudinem Romam, ut uix incedere per urbem, quamuis am plissimam licuerit. Mundus enim uult decipi. Alioqui audiret dominum claman tem, O uos omnes qui sititis, uenite ad aquas, & quibus non est pecunia adeste. Cur expenditis pecunias pro re nihili? &c. Isaia 55. & Ioan. 4. 7. Nec interim infa niente sic mundo dormiuit iustus Deus, dissimulans quantopere sibi hoc displi ceat factum. Nam hoc eodem anno excitauit Othomanum Turcici imperij pa triarcham & caput, quo egregie flagellat & Romanam Ecclesiam, & corruptos Christianorum mores. Secuti sunt post annos aliquot Clemens 6. Paulus 2. & Si xtus 4. homines pessimi, sicut ipsorum historia testantur, qui mutarunt annum centesimum in 50. & postremo in 25. quò uidelicet plus lucri caperent ex homi num stultitia. Sed redimus.

*Sacramenta et  
sacrificia abro  
gata.*

*L. iii. 22.*

Sacramenta quoq; ueterum planè sunt abrogata, & in eorum locum substitu ta populo noui testamenti noua. In Circumcisionis locum subiit Baptismus. Apo stoli in Concilio Hierosolymitano contendentibus, Circumcisionem necessariam esse ad salutem, sese opposuerunt, & Pauli dogma diuersum statuentis approba runt. Hic alibi, Ecce ego Paulus dico uobis ait, Quòd si circumcidamini, Christus nihil uobis proderit. Contestor autem omnem hominem qui circumciditur, quòd debitor est totius legis seruandæ. Christus uobis factus est otiosus: quicunq; per legem iustificamini, à gratia excidistis. Neq; uerò æquum ac conueniens est ma nere in Ecclesia Christi signum sanguinolentum, qualis erat circūcisio, postquam effusus erat in cruce sanguis ille, qui omnem sanguinem ueteris testamenti sinit & tollit. In locum agni paschalis subiit Cœna domini, quæ & eucharistia appella tur. Sic enim Dominus apud Lucam exponit edere se iam pascha ultimum cum discipulis, ubi etiam protinus instituit Sacramentum corporis & sanguinis sui, quod celebrare iubet usq; dum redeat in iudicium. Cœnam ergo reliquit Ecclesiæ dominus, sacramentum immutabile ad finem usq; mundi. Porro sacrificia omni generis legalia, esse antiquata, nemo negauerit qui saltem cogitarit & templum & aram utranq; funditus esse cum instrumentis sacris excisa atq; dissipata. Diximus illa fuisse commemorationes peccatorum, & expiationis futuræ typos siue figu ras. Vbi ergo uenit Christus & oblatus est pro peccatis totius mundi, certè finem assecuta sunt suum omnia ueterum sacrificia. Nam ubi est plenaria omnium pec catorum remissio, ibi nullum est amplius sacrificium pro peccato. In nouo testa mento est omnium peccatorum plenaria remissio: ergo in nouo testamento nulla est amplius oblatio pro peccato. Christus enim unus & solus est uice omnium sa crificiorum. Nam ipse semel oblatus est, & amplius non offertur. Vnica autem oblatio

oblatione sui inuenit æternam redemptionem: ut quotquot sanctificentur non alia quàm semel facta in cruce Christi oblatione sanctificentur. Proinde Christus in cruce semel oblatus pro peccatis totius mundi, est holocaustum Ecclesiæ catholicæ: idem est oblatio cibaria, cibans nos carne in cruce oblata, si fide percipiatur à nobis, ad uitam æternam. Idem est libamen Ecclesiæ, qui sanguine suo potat fideles ad uitam æternam. Idem est piaculare & iuge sacrificium Ecclesiæ: quia ipse est agnus Dei qui tollit peccatum mundi. Ipsius passio & mors omnia expurgat uitia mortalium, omnes errores, omnia scelera. Idem est gratulatorium Ecclesiæ sacrificium: quia per Christum offerimus laudes Deo, & gratias agimus per Christum Deo patri. Breuiter, Vnica domini Cœna, quam appellamus eucharistiam, omnia in se continet sacrificiorum genera, quorum in summa duo sunt, nempe expiatorium, quod uidelicet offertur pro peccato, & Eucharisticū, quod gratias agit Deo & laudes offert. Cœna uerò est testimonium & sacramentum adeoq̃ memoria corporis Christi traditi, & sanguinis eius effusi pro nobis in remissionem peccatorum. Neq̃ enim corpus & sanguis domini, quæ non nisi semel in cruce oblata sunt pro peccatis, & amplius offerri nec possunt nec debent ab hominibus, iterum sacrificantur in celebratione Cœnæ: sed eius rei, oblationis inquam, quæ semel facta est & sufficit, peragitur frequens memoria. Rursus in Cœna agimus gratias pro redẽptione nostra, & laudes offert Deo uniuersa Ecclesia. Proinde Cœna domini iam totum hoc comprehendit, quod figurarunt omnia ueterum sacrificia: ut Ecclesia hac parte non destituatur ulla re necessaria & bona, licet non habeat amplius ueterum sacrificia. Imò non debent illa porrò celebrari in Ecclesia, quippe cum fuerint uentura, i Christi figuræ, notæ & sacramenta, Ecclesia autem hodie credat, & rectè quidem credat uenisse Christum, & impleuisse absoluisseq̃ omnia, sicut ipse testatus legitur clamando in cruce, Consummatum est.

*Cœna domini  
uice omnium sa-  
crificiorum.*

Iam etiam uota disparuerunt omnia, quia sacrificia sublata sunt. Ita Nazaræorum disciplina abrogata est, quia templum cecidit unà cum suis ceremonijs. Disciplina quidem Christiana & moderata, manet in Ecclesia, sed non legalis illa. Ac sancti uota Deo præstant, quæ nõ contra fidem & pietatem in Ecclesia uouerunt. Sunt autem in uouendo parci, cauti & ualde religiosi. Quid enim habemus quod reddamus Deo, quod non prius ab eodem acceperimus, & ad quod præstandum non prius in baptismo sumus obligati?

*Vota abrogata.*

Mundum & immundum non eo modo distinguit Christus quo lex, Quicquid ingreditur in os, inquit, non contaminat hominem, sed quod egreditur ex ore. Et Apostolus dicit aperte, mundis munda esse omnia. Cuius generis plurima cõmemorat ad Rom. 14. & aliàs. In epistola ad Coloss. dicit idem, Si mortui estis cum Christo ab elementis mundi, quid quasi uiuentes in mûdo decretis tenemini? Ne tetigeris, ne gustaris, neq̃ contrectaris, quæ omnia ipso pereunt abusu. Et cætera. Audit etiam S. Petrus, Quod Deus sanctificauit, tu ne dixeris immundum. Ergo quod sanguis & suffocatum prohibetur & remouetur è cibo hominum in synodali epistola, edita ab Apostolis Actorum 15. cap. nõ perpetuum fuit mandatum, sed temporarium. Voluerunt enim Apostoli id dari Iudaicæ genti aliàs pertinaci, ex charitate. Audiebant quotidie lectionẽ legis, quæ cum tanta obtestatione prohibeat esum sanguinis & suffocati, ac non ita pridem cœpisset Euangelij prædicatio seri inter Iudæos, non potuerunt non grauiter offendi, cum uiderunt Gentes tam procaciter uti prohibitis illis. Ad tempus ergo abstinere uoluerunt gentes à re maxime licita, si uel ea ratione lucrari liceret Iudæos. Nam epistolæ Pauli scriptæ post annos aliquot à concilio illo Hierosolymitano, satis arguunt decretum

*Titum 1  
Delectus cibo-  
rũ abrogatus.  
Marc. 7.  
Coloss. 2.*

*Acto. 10.  
Sanguis & suf-  
focatum prohi-  
bita ab Apo-  
stolis.*



illud contra sanguinem & suffocatum non fuisse perpetuum. Decreta uero contra idolothyta & fornicationem (quibus se gentes non admodum peccare arbitrabantur) pronuntiata, perpetua sunt, quia moralia sunt, siue e numero legum primarum atq; decalogi. Sed ea de re disputauimus alia.

Acto. 15.

Decretum concilij Hierosolymitani.

Et quoniam incidimus in mentionem decreti Synodalis constituti ab Apostolis & senioribus Concilij Hierosolymitani, placet hic auctarij & coronidis loco citare C. V. totam synodalem Epistolam, quod ea apertum, plenum, & summatim seruat testimonium legis, ad eum quem diximus modum abrogatae. Sic habet epistola siue Decretum, Apostoli & presbyteri & fratres, his qui sunt Antiochia & in Syria, & in Cilicia fratribus, qui sunt ex Gentibus, Salutem. Quoniam audimus, quod quidam e nobis egressi, turbauerunt uos uerbis, labefactantes animas uestras, iubentes uos circumcidi & seruare legem, quibus non mandaueramus: uisum est nobis unanimiter congregatis, dilectos uiros mittere ad uos, cum dilectis nostris Barnaba & Paulo, hominibus qui exposuerunt animas suas pro nomine domini Iesu Christi. Misimus ergo Iudam & Silam, qui & ipsi uerbis uobis referant eadem. Visum est enim spiritui sancto ac nobis, ne quid amplius imponeremus uobis oneris, quam haec necessaria, uidelicet ut abstineatis ab his quae sunt immolata simulachris, & sanguine, & suffocato, & seortatione: a quibus si conseruaueritis uosipso, bene facietis, Valete. Haec est ad uerbum catholica, synodica, Apostolica, & Ecclesiastica Hierosolymitani Concilij epistola, breuis quidem illa & didicida: quia ut ueritatis oratio simplex est, sic uera religio & fides Christiana pauci & clarissimis uerbis exponi potest.

Pseudoapostolorum doctrina.

Principio post solitam subscriptionem & inscriptionem epistolarem, protinus perstringunt pseudoapostolorum, quibus cum Paulo & Barnabae intercesserat disceptatio, ac attingunt quale nam fuerit pseudoapostolorum doctrinae genus, quod hactenus proposuerant Ecclesijs, seu catholicum, orthodoxum, & Apostolicum, oportere uidelicet eos qui salui esse uelint, circumcidi & seruare legem Moysi. Neque enim existimauerunt fidem in Christum sine legis adminiculo ad iustificationem plenam sufficere. Illi ipsi iactabant se missos ex urbe sancta ab Apostolis & discipulis domini, qui omnes concorditer sic doceant, solum Paulum cum suo Barnaba peculiare quoddam dogma ferere in Ecclesijs de fide iustificante absque operibus legis. Proinde mox ab initio quid de huiusmodi doctoribus & doctrina eorum sentiant proferunt, Fatemur sane istos ex urbe Hierosolymorum prodixisse, inquit, sed addimus, per nos non fuisse missos aut instructos. Nihil enim talibus mandaueramus. Ita falsum esse attestantur, quod isti docuerant, Apostoli & discipulos domini docere, legem requiri ad plenam iustificationem. Imo clarius exponunt qualis fuerit ac sit eorum doctrina, Turbauerunt uos uerbis, aiunt, labefactantes animas uestras, iubentes uos circumcidi & seruare legem. Doctrina ergo summa erat, nisi quis circumcideretur & seruaret legem, saluum fieri non posse. Attribuebant ergo salutem legis obseruationi, siue merito operum. Ceterum huic doctrinae tribuunt apostoli effectum duplicem. Prior est, Turbant uos uerbis, Verba sunt inquit, quae profundunt, quae animum non componunt, sedant, consolantur aut pacificant, sed perturbant, ut quid tandem credendum sit, aut in quo acquiescendum, ignoretis: sed & inter uos lites, dissidia, & rixae exoriantur. Ad haec Apostolorum uerba alluisse uidetur Paulus cum Galatis scripsit, Memor quod a Christo, qui uocauit uos per gratiam, adeo cito transferamini in aliud euangelium, quod non est aliud, nisi quod quidam sunt qui turbant uos & uolunt inuerrere Euangelium Christi. Posterior est, Labefactant animas uestras. Nam

Galat. 1.

qui legi & operibus innituntur, nihil stabile & firmum in mentibus habent. Nam cum lex perfectissimam exigat iustitiam, & per illud occidat, quia talis in nobis non reperitur, labefactantur certè & subuertuntur mentes, quæ docentur inniti operibus legis, quam nemo sic præstat ut decebat. Paulus ergo ad Romanos, Si ij qui ad legem pertinent, inquit, hæredes sunt, inanis facta est fides, & irrita facta est promissio. Nam lex iram operatur. Et mox, Idcirco ex fide datur hæreditas, ut secundum gratiam, ut firma sit promissio uniuerso semini, &c. Subuertebat ergo pseudoapostoli animas, docentes lege parari salutem. Quod certè graue iudicium est aduersus docentes cum illis similia.

Deinde pari libertate ex opposito pronunciant, quid sentiant de Paulo & Barnaba, imò legatos illos suos ornant sanctissimo testimonio & elogio, quò plus auctoritatis habeant apud omnes, & ut omnes intelligant pulcherrimum esse inter ipsos doctrinæ consensum, Vnanimiter congregati, inquit, mittimus ad uos legatos. En de pseudoapostolis testati sunt, quòd ipsos non miserint, quòd ipsis nihil mandarint: hos autem mittunt, & unanimes cum mandatis mittunt. Sed quis nam sunt illi? Dilecti nostri Barnabas & Paulus, qui animas suas exposuerunt pro nomine Iesu Christi. Hi inquam sunt Apostoli selectissimi & martyres cõstantissimi, gloriosissimiq; dilecti & fratres nostri, eiusdem nobiscum religionis & doctrinæ, qui quales sint uita & doctrina, non semel uirtutibus editis, & periculis susceptis intrepidè, declarauerunt. Quoniam uerò Barnabas & Paulus non exigua erant portio istius cõtrouersie & disceptationis, coniuncti sunt eis duo alij selecti uiri, Iudas & Silas, in hoc ut uerbis referrent eadem, nimirum quæ hætenus recensita sunt de partibus utrisq; & copiosius exponerent uerbis, quæ iam subiiciuntur in decreto generali.

*Pauli doctrina  
probat &  
commendatur  
ecclesijs.*

Iam enim paucis uerbis ipsum decretum uniuersalis synodi comprehendunt, in quo exponendo primo loco authorem nominant decreti, dicentes, Visum est spiritui sancto ac nobis. Spiritum sanctum præponunt, se subiiciunt, illum designantes authorem ueri, se uerò instrumenta per quæ ille operetur. Nam ille per homines operatur in Ecclesia. Hominum uerò autoritas sine instinctu spiritus sancti nulla est. Significantisimè ergo dicunt, Visum est spiritui sancto & nobis. Id est, Posteaquam conuenimus nos in concilium, de negotio iustificationis & legis (in quo Paulus cum suis pugnavit aduersarijs) tractaturi, non nostrum sequuti sumus arbitrium, non nostras sententias protulimus, sed spiritus sancti doctrinam inquirentes audientesq; hæc ex ipso iam proferimus. Secundo loco ipsius decreti summam collocant, dicentes, Ne quid amplius imposeremus uobis oneris, quam hæc necessaria, uidelicet ut abstinere ab his quæ sunt immolata simulacris, & sanguine & suffocato, & scortatione. Proinde sufficit, inquit, ad salutem consequendam doctrina euangelij, quam nobiscum hucusq; prædicauit Paulus. Nolumus post doctrinam Euangelij, & post illa paucula tria capita, quicquam uobis oneris amplius imponere. Qua sententia nimirum respexerunt ad sententiam S. Petri quam exprimere uoluerunt. Sic autem pronunciat in Concilio S. Petrus, Vos scitis me uocatum cœlitus, profectum esse ad Gentes, & his annunciasse salutem per Euangelium. Scitis Gentibus, nec circumcisis nec legem seruantibus, dum fidem eis in Christum prædicarem, datum esse cœlitus spiritum sanctum, adeoq; Gentium corda, fide, non lege, fuisse ab ipso Deo purificata, hæredesq; factos uitæ aternæ. His iam infert, Nunc ergo quid tentatis Deum, ut imponatur iugum super ceruices discipulorum, quod neq; patres nostri, neq; nos portare potuimus: Sed per gratiam domini Iesu Christi credimus nos saluos futuros,

*Decretum syno-  
dale exponi-  
tur.*

*Acto. 16.*



*Inique ab homi-  
nibus ceremo-  
nia multa im-  
posita sunt Ec-  
clesie Dei.*

*S. Iacobus ap-  
probat senten-  
tiam S. Petri.*

*Amo 9<sup>o</sup>*

*Abstinentiis san-  
ctis à quibusdā.*

quemadmodum & illi. En iugum & onus appellauit S. Petrus legem: unde apo-  
stoli dicentes se nolle quid amplius oneris imponere Ecclesie, significant legē pla-  
nē esse abrogatam. Liberant ergo Ecclesiam à legis onere: liberāt præterea ab om-  
nibus oneribus legi similibus. Colligimus nos ex illis apostolorum uerbis, Cere-  
monias illas onerosas multiplices & innumeras, quas accepit à Concilijs Ecclesia  
post Apostolorum tempora, iniuste & contra spiritum Apostolicū & tunc im-  
positas esse & hodie retineri atq; defendi. Dixerunt enim disertis uerbis, Visum est  
spiritui sancto, & nobis, ne quid amplius imponeremus uobis oneris. Quod si ali-  
quis obijciat propter ruditatē populī, ceremonias illas esse iniectas, ceu pædago-  
giam, respondeo, Pædagogiam illam ē medio esse sublatam, quam qui uult redu-  
ctam, nihil aliud cupit reductum quā Iudaismum. Non ignorauit Deus qualis fu-  
tura erat Ecclesia collecta ex Iudæis & Gentibus, & tamē is ē medio sustulit cere-  
monias. Quis uerō melius nouit quid expediat, uel non expediat Ecclesie, quā  
Deus? Proinde nō expedit, quod iste sustulit, rectissimeq; pronunciarūt Apostoli  
dicētes, Visum est spiritui sancto & nobis, ne quid amplius imponeremus uobis  
oneris. Pudeat ergo istos tantum imponere oneris Ecclesie humeris liberrimia.

Verū iam subiungitur quod absoluat sententiam, Quā hęc necessaria, ui-  
delicet ut abstineatis ab idolothytis, &c. Respexerunt autem hīce uerbis ad sen-  
tentiam S. Iacobi Apostoli & fratris domini: hic enim cōfirmaturus & approbatu-  
rus sententiam prolatā à S. Petro de iustificante fide, & nō imponenda lege Gen-  
tilibus, profert testimoniū scripturæ ex Amos, qui prædixit Iudæos excindendos  
fore propter peccata, & in locū eorum surrogandas gentes, quæ uidelicet futuræ  
sint uera Dei Ecclesia, quæ per Tabernaculū Dauidis collapsum & reparatū signi-  
ficabatur. Idem propheta prædixit rationē certam, & modū propter quē recipien-  
dæ sint Gentes in Ecclesiā, non utiq; propter circumcisionem & per adminiculum  
legis, sed ex gratia per fidem. Dicit enim propheta, Requīrent qui reliqui sunt ho-  
mines dominum, & omnes gentes super quas inuocatum est nomen meum, dicit  
dominus qui facit hęc omnia. Nota sunt à seculo Deo omnia hęc opera sua. En re-  
quīrent dominum, & in eius consortium recipientur, super quos inuocātū est no-  
men domini. Locutionis genus est, significās filios Dei futuros qui sunt electi. Nā  
super eos inuocatur nomē Domini, qui nominātur filij Dei, & sunt electi Dei. Ac  
uniuersa scriptura id fidei tribuit. Per fidē ergo efficimur membra Ecclesie & filij  
adeoq; & hæredes Dei. Si uerō aliquis obmurmurare Dei cōsilio pergat, & dicat,  
Quare ita agit Deus? is cogitet hoc opus, Dei esse opus, cui nō liceat cōtradicare,  
& cuius opera nota sunt ab exordio mundi, quod omnia facta sunt in iudicio &  
iustitia; unde cōsequens est, iustū & bonum esse etiam hoc concilium, quo gentes  
sibi per fidem in Christum citra legis obseruationē coniungit & beatificat. Ex his  
autem prophetæ uerbis (subscribens S. Iacobus sententiæ S. Petri) colligit atq; in-  
fert, Propter quod ego censeo non obturbandum esse illis, qui ex gentibus cōuer-  
tuntur ad deum: id est, censeo non addendā esse illis ex lege molestiā, neq; ipsi ex-  
hibendum negotium. Porro ne Gentes audientes sublatam esse legem, protinus  
putarent sibi licere quiduis, & sua illa libertate abuterētur, præterea & Iudæos fra-  
tres contra charitatem & contemnerent & scandalizarent, addit Iacobus, Sed scri-  
bendum ad eos censeo ut abstineant ab inquinamentis simulachrorū. Erant enim  
illis temporibus cōuersi ex gentibus, qui arbitrabantur licere ingredi templa ido-  
lorum, & participare de sacrificijs idolo oblati: eō quod idolū nihil sit, cum dum-  
taxat unus sit deus uerus: unde & sacrificia illa nihil esse, nihil prodesse aut obesse,  
ideoq; & licita esse Christianis colligebant. At beatus Iacobus, sicut & S. Paulus

1. Cor. 8. 9. & 10. prorsus uult abstinere conuersos gentiles à cultura idolorum, hoc est, ab ipsis idolis, & ab ijs quæ immolata fuerunt in templis idolorum dijs falsis & fictis. Adiungit etiam aliud, Caueant sibi à scortatione. Adulteria, supra uirginum & matronarum prohibuerunt quidem bonis legibus gentes, & supplicijs coercuerunt uiolentos illos constupratores, sed leue & quasi nullum existimabant delictum, si quis sua sponte prostituisset pudicitiam: aut si solutus cum soluta mutuum haberet commercium. Iacobus ergo Apostolus sicut & Paulus 1. Cor. 6. & 1. Theff. 4. seueriter requirit sanctum & purum corporis usum, alienum ab omni pollutione. Ac idem in tertio loco prohiberi uult suffocatum & sanguinem. Causam subiungit. Moses enim ab ætatibus antiquis in singulis ciuitatibus habet, qui ipsum prædicent in synagogis, ubi per omne sabbatum legitur. De qua constitutione iam dixi priusquam digrederer. Quæ cum ita habeant, apparet omnino illos iniquiores esse Iacobo Apostolo, qui putant illum hæc præter rationem & iniquius decreuisse aut proposuisse, esseque perniciosum fructum Concilij, & minime sanum, sed cum libertate Christiana pugnans consilium. Certum enim est illum aliud non uoluisse, quam Apostolum Paulum, qui tamè optimè & cum laude omnium dixit, Quæ pacis sunt sectemur, & quæ edificationis, aliis erga alium. Ne tibi causa destruas opus Dei. Omnia quidem pura, sed malum est homini qui per offendiculum uescitur. Bonum est non edere carnes, neque bibere uinum, neque quicquam per quod frater tuus impingit aut offenditur aut infirmatur, &c. Rom. 14. Certum est & illud, 6. Paulum acerrimum libertatis Euangelicæ propugnatorem, qui quondam Peratro Antiochiæ palam & in faciem restitit, planè non fuisse in S. Iacobo dissimulaturum, si putasset hanc constitutionem libertati Christianæ esse aut fore aduersam. Certè idem illè nec prædicasset neque comendasset hanc Apostolorum traditionem ecclesijs, nisi credidisset eam omnibus esse salutarem. Prædicauit autem & comendauit ecclesijs, ut extat Act. 16. cap. Ideo præter rationem propter suffocatum & sanguinem prohibitum, malè audit à nonnullis S. Iacobus.

S. Iacobum de sensu.

Gal. 2.

Postremò concludunt Epistolam, & scribunt, A quibus si conseruaueritis uos ipsos, bene facietis. Valete. Laudant abstinentiam illam & prædicant tanquam opus bonum, quia eadem illa commendatur nobis in tota scriptura. Illa uero per digressionem, non alienam opinor ab instituto nostro, attulimus hætenus super decreto Apostolorum. Et hæc quidem hucusque de Abrogatione legum ceremonialium.

Restat ut nonnihil dicamus etiam de iudicialium legum abrogatione. Hæc uero hac ratione uidentur abrogatæ, quòd nulla respublica Christiana, nulla ciuitas, regnum nullum, cogitur alligatum esse & recipere illas leges, quæ à Mose pro illa gente, pro loco & tempore, & rerum qualitate tunc quidè promulgatæ sunt. Proinde conceditur libertas utendi legibus, pro cuiuslibet loci, temporis & personarum exigentia adaptatis. Ita tamen ut substantia legum diuinarum non calcetur, abiciatur, aut negligatur. Quæ enim congruunt cum lege naturæ & decalogo, & quæ Deus semper & apud omnes gentes punire iussit, ea minime sunt negligenda. Omnia autem ad illum uidentur destinanda esse finem, ut constet honestas, pax & tranquillitas publica, ut ualeat iudicium & iustitia. De qua re cum copiosius dissererim in explanatione præcepti, Non occides, paucissimis hic ero contentus.

De abrogatione legum iudicialium.

D. Apostolus Paulus præcipit parere magistratui: approbat ius gladij, quod fatur principes non frustra accepisse à Deo. Ergo nec electionem magistratus, neque administrationem gladij, aut executionem iudicij & iustitiæ, imò ne leges quidem ciuiles quas improbauit.

Rom. 13.

Quòd si quis conferat leges uel constitutiones principum, regum uel impera-



torum uel magistratuuum Christianorum ex ipso Codice, ex lib. Digestorum sed Pandectarum, atque ex Nouellarum constitutionum opere, aut ex alijs uariarum Gentium legum bonarum libris, cum hisce iudicialibus Dei legibus, fateatur oportet magnam esse omnium istarum similitudinem atq; convenientiam. Iustinianus Imp. prohibet, ne res Deo consecratę alienentur ab ecclesia. De Fide catholica syn cere confitenda, & purę conseruanda, elegantissimam & sanctissimam legem tulit re Imp. Gratia. Valent. & Theod. Constantinus magnus Tauro P. P. pręcipit ut gentium templa claudat, reserantes autem & sacrificantes gladio sternat. Pauperibus prospectum fuisse legibus etiam cura regum & principum, non unus tantummodo locus in legibus Cæs. ostendit. Certe Cod. lib. 1. Tit. 2. plura eius rei argumenta inueneris. Iam uerò de honestę educandis liberis, & benignę alendis parentibus extant ethnicorum non damnabiles leges. De patria potestate multa sunt conscripta: ita de Coniugio, nempe de Incestis & inutilibus nuptijs non intolerandas leges promulgauerunt cum Arcadio & Honorio principes etiam multi alij: qui & de repudijs diuortioq; scięte pręceperunt. Quòd si perrexero ex legibus principum Christianorum singulis capitibus in Sermonе de iudicialibus legibus annotatis, singulas leges opponere uel coniungere, molestissimus fuero C. V. Nam extendet se Sermo hic in immensum. Ergo satis nobis fuerit, his quasi notis & uestigijs indicatis, diligentioribus uiam aperuisse aut ostendisse, qua perueniant ad alia quoq; quę nos hic non adduximus, teneręq; in pręsentiarum substantiam legum iudicialium Dei, non esse sublatam aut antiquatam, modum autem limitatio nemq; in libertate & arbitrio optimorum principum esse constituta, ut hi quod æquum & iustum est ordinent pro loci, temporis, & personarum exigentijs, ita ut honestas & pax publica conseruetur in gente quauis, honoreturq; Deus pater per unigenitum filium benedictum in secula. Videmus enim Apostolos Christi nobili negotium fecisse, aut postulasse ut in rebus politicis Mosis leges recipiant. Hoc ipsum decet omnibus conseruare temporibus. Beatus Petrus simpliciter pręcipiens dicit, Subditi estote cuius humanę creaturę propter Dominum, siue regi, tanquam pręcellenti, siue pręsidibus ut qui per eum mittantur, ad uindictam quidem nocentium, laudem uerò rectę agentium. Idem tamen Apostolus censet, Deo magis obediendum esse quàm hominibus, cum uidelicet homines, leges contra religionem ueram, æquum & iustum promulgant. De qua re dictum est cum exponeremus locum de Magistratu. Tantum uerò dixi de Abrogatione legum Dei iudicialium.

1 Pet. 2

Act. 4

De similitudine & differentia ueteris & noui testamenti & populi.

Si uerò ea quę hucusque protuli in medium de lege Dei, de partibus legis de usu seu effectū, de impletione & abrogatione eiusdem, diligenter quisque apud se expendit, haud operiosi fuerit operis constituere, quid sentiat de ultimo illo capite, quo de ultimū me in principio huius Sermonis dicturum pollicitus sum, ostensurum uidelicet unicum esse testamentum ueteris & nouę ecclesię Dei, & unicam esse rationem salutis uerę omnium quicunque saluati sunt & saluantur in hoc seculo, & quid differat nouum testamentum à ueteri. Cum enim apertissime ostenderim, omnia legis in Christum respicere & hunc patribus propositum esse saluatorem, in quo solo saluati sint, quis non uideat eandem fuisse illis salutis rationem quę hodie nobis est? Quò tamen omnia sint euidentiora, non grauaborrem illam, licet abundę satis hucusque declaratam, nihilominus maxime uulgant demonstratione omnium subijcere oculis.

Eandem ecclesiam, idem testamentum, esse, ueteri et nostram.

Idem certę populus, idem testamentum, eadem ecclesia, eademq; salutis ratio illis est, apud quos eadem inuenitur doctrina, eadem fides, idem spiritus, eadem

spes, hereditas, & expectatio, eadem inuocatio, & eadem sacramēta. Si ergo ostendero ueteres commemorata illa omnia nobiscum communia habuisse, euici haud dubie unicum modò, quod substantiam attinet, fuisse & esse testamentum, eundem ueteres nobiscum esse populum, in eadem ecclesia & societate agentem, neque in alio quàm solo Christo Dei filio seruatum.

Eandem illis & nobis doctrinam fuisse & esse sic ostendo. Nostra quidem doctrina, Euangelij doctrina est. Atqui illa non caruisse ueteres, testis est Apostolus, dicens, Euangelium Dei, ante quidē promisit Deus per prophetas suos in scripturis sanctis, de filio suo, qui genitus fuit ex semine Dauid secundum carnē, qui declaratus fuit filius Dei cum potentia, &c. Quid poterat dici clarius? Euangelium quod prädicatur ecclesiae, quondam per prophetas in scripturis sanctis promissum fuit, nempe uenturum in mundum filiū Dei, qui saluos faciat credentes. Præterea docet hoc Euangelium, non per opera legis, sed gratis per fidē iustificari credentes. Verum S. Paulus, Ex operibus legis, inquit non iustificabitur omnis caro in conspectu eius. Per legem enim agnitio peccati. Nunc uerò absque lege iustitia Dei manifestata est, dum comprobatur testimonio legis & prophetarū: iustitia uerò Dei per fidem Iesu Christi, in omnes, & super omnes, qui credunt. Succinit S. *Acto. 15.* Paulo D. Petrus, dicens in Concilio Hierosolymitano, neque nos, neque patres nostros iugum legis portare potuisse, credere autem nos perinde ut illos, per gratiam Domini Iesu, saluos futuros. In reliquis substantialibus nihil discrepat doctrina.

Quorum uerò eadem est doctrina, eorum nequit esse fides diuersa. Fides enim ex auditu, auditus autem per uerbum Dei. Quid quòd patres nostri Abraham & reliqui statuuntur nobis exempla fidei? Videre id licet in sacrosancto Domini Euangelio, & in Apostolorum literis. Quis uerò statuatur aliena exempla quæ imitemur? Paulus pluribus in locis, præsertim ad Rom. 4. cap. ostendit fidem nobis imputandam ad iustitiam, sicut ea legitur Abraham imputata fuisse: & fides quidem, non diuersa, sed ea quæ cum nostra innititur in promissionem Dei, ac in semen benedictum. Appellat enim illum patrem, non eorum duntaxat, qui genus ducunt ex circumciso, sed eorum quoque qui ingrederentur uestigijs fidei, quæ fuit in præputio Abraham. His accedit quòd confirmatio regulæ Christianæ, quam aliàs appellamus Symbolum Apostolorum, aut Fidei articulos, ex scripturis patrum ueteris testamenti petitur. Quod sanè eiusdem nobiscum fidei clarissimum est testimonium. Crediderunt isti in uenturum Messiam, quem nos uenisse credimus: qui etiam singula plenius & exactius perspicimus: sicuti mox dicemus, ubi uidelicet uentum fuerit ad declarationem discriminis utriusque testamenti.

De spiritu uerò uno atque eodem gubernante patres nostros & noui testamenti populum, quis dubitet, postquam unus duntaxat Dei spiritus est, ac disertis uerbis S. Petrus testatur in prophetis fuisse spiritum Christi? Sed & S. Paulus, Cum habeamus, inquit, eundem spiritum fidei, iuxta illud quod scriptum est, Credidi & ideo loquutus sum, & nos credimus, quapropter & loquimur. Ergo quamuis idem ille Apostolus alibi dicat, fideles non acceperunt spiritum seruitutis iterum ad timorem, sed spiritum adoptionis, per quem clamant Abba pater: non negat tamen ueteres fideles habuisse eundem spiritum. Clamarunt enim & illi ad Deum tanquam patrem, quanquam id non ex lege (quæ terret) sint consequuti, sed ex gratia Messiae. Rursus idem Apostolus, Quicumque spiritu Dei ducuntur, ait, hi sunt filij Dei. Conuertitur autē hoc ipsum, ut filij Dei ducantur à spiritu Dei. Cæterum filios dei fuisse ueteres, ac ab ipso Deo & Mose sic appellatos, nemo negauerit, nisi qui scripturas nunquam legit. Quid quòd patres nostri appellati sunt reges & sa-

Eadem doctrina ueteribus & nobis.  
*Rom. 1.*

*Acto. 15.*

Eadem fides ueteribus & nobis.

Idem spiritus ueteribus & nobis.

*2 Corin. 4.*

*Rom. 8.*

*ibidem*

*Exodi 4.  
Deut. 14.*



Joan. 1.

cerdotes, adeoq; regale sacerdotium, & sacerdotale regnum: Quod S. Petrus ad commodauit & Christi fidelibus. Nequit autem regnum & sacerdotium tale sine unctione spiritus constare. Dixit quidem in Euangelio suo beatus Ioannes Apostolus, Nondum erat spiritus sanctus, quia Iesus nondum erat glorificatus. Sed quemadmodum non loquutus est de substantia spiritus sancti, quæ est essentia patris & filij coæterna, ita non negauit in uniuersum ueteres accepisse spiritum sanctum. Loquitur enim de excellenti dono, quod post ascensionem Domini effusus est in omnes gentes credulas. Sic enim ipse Ioannes sese interpretans, præmittit, Hoc dixit (Qui credit in me, flumina de uentre eius fluent aquæ uiuæ) de spiritu quem accepturi erant credentes in ipsum. Donum ergo spiritus eo tempore, cum hæc diceret Dominus, non ita erat uulgare, & tanta in omnes effusus copia, quanta effundebatur post clarificationem Christi in credentes. Ac reuera non potuissent patres nostri & sancti prophetæ tam disertè omnia Christi & ecclesiæ mysteria prædicere, quæ Euangelistæ & Apostoli completa esse testantur ad uerbum, nisi eodem illo spiritu fuissent gubernati prophetæ, quo postea instructi sunt Apostoli. Neque enim cogitare phas est, prophetas & patres nostros uerba non intellecta profudisse insipientium furientiumq; instar. Vidit Abraham diem Christi, & gauisus est, capiens uidelicet & sentiens ex spirituali illa sua uisione spirituales uoluptates. Toties uerò testatur Dauid sibi sacra & cœtus ecclesiasticos longè gratissimos fuisse: quod haud dubiè non propter externas ceremonias, sed propter Christum maximè, quem spiritu & fide contemplabatur in ceremonijs siue ritibus sacris, pronunciauit. Cumq; constet patres nostros gratia Dei esse iustificatos, claret iustificationem illam non perfectam esse sine spiritu Dei nostri: per quem & nostra hodie iustificatio perficitur. Gubernati sunt ergo eodem nobiscum spiritu. De his non aliter iudicauit S. Augustinus, cuius uerba C. V. ex secundo libro de Peccato orig. contra Pelag. & Celest. ex capite 25. uerbotim recitabo, Eodem spiritu fidei, inquit, à prophetis illa futura uidebantur, quæ à nobis facta creduntur. Neque enim qui nobis ista fidei dilectione prophetare potuerunt, eorum ipsi participes non fuerunt. Et unde est, quod dicit Apostolus Petrus, Quid tentatis Dei imponere iugum supra collum discipulorum, quod neque patres nostri, neq; nos potuimus portare: sed per gratiam Domini Iesu credimus salui fieri quemadmodum & illi: nisi quia & illi per gratiam Domini Iesu Christi salui facti sunt, non per legem Moysi, per quam non sanatio, sed cognitio est facta peccati? Nunc autem si ne lege iustitia Dei manifestata est, testificata per legem & prophetas. Si ergo ne manifestata est, etiam tunc erat, sed occulta. Cuius occultationem significabat templi uelum, quod est ad eius significandam reuelationem Christo moriente conscriptum. Et tunc ergo ista gratia unius mediatoris Dei & hominum hominis Christi Iesu erat in populo Dei, sed tanquam in uellere pluuiæ, quam non debitam sed uoluntariam segregat Deus hereditati suæ, inerat latens: nunc autem uelut siccatu uellere, hoc est, Iudaico populo reprobato, in omnibus gentibus, tanquam in rea cernitur patens. Hæc ille.

Eadem ueteribus spes et hæreditas quæ nobis.

Iam uerò proposita est Israeli felicitas carnalis siue temporaria, sed non sola. Nam in peritura & externa illa felicitate, adumbrata est ei cœlestis illa ac æterna. Ostendit enim Apostolus in quarto & 11. cap. ad Hebræos, patres ex uisibili & temporaria hæreditate sperasse inuisibilem ac æternam. Nec alium in finem tam diligenter ipsis Christus promissus est, & in ipso benedictio & uita proposita, omnibus quoque & singulis propè ceremonijs præfiguratus, quàm ut spem haberent uitæ, non alienæ aut diuersæ utique ab ea uita, in quam & nos per Christum recipimus.

recipimur. Dominus enim in Euangelio dicit nos cum Abraham, Isaac & Iacobo in regno coelorum congregandos, utique in eandem gloriam. At obijcitur mihi promissam illis duntaxat non praestitam esse uitam & salutem, sed reclusos in carcerem expectasse aduentum Christi. Ego uero non lego in sacris literis quicquam de Carcere, in quem fuerint sancti patres reclusi. Petrus quidem Carceris meminit, sed in ipsum collocat spiritus inobedientes, non obediētes. Quod si quis obijciat Christum descendisse ad inferos: non id quidem negamus, dicimus autem ipsum descendisse ad demortuos sanctos, id est, collectum esse ad coetum beatorum spirituum, qui sanè coetus non fuit in loco supplicij, id est, in tormentis, sed in coelesti gaudio, confirmante hoc ipsum ipso ad inferos descendente Domino, ac discente ad latronem, Hodie mecum eris in paradiso. Potest & multis alijs scripturae locis demonstrari, ueteres ab Adamo ad mortem usque Christi sanctos patres, ex hac uita migrantes, propter Christum, in uitam non in carcerem concessisse. Nam Dominus noster in Euangelio secundum Marcum, Deus, inquit, non est Deus mortuorum, sed uiuentium. Est autem Deus Abraham, Isaac & Iacobi: ergo Abraham Isaac & Iacob uiuunt: non corporaliter quidem. Corpora enim sepulta iam olim computruerant: ergo animae ipsorum uiuunt in gaudio: corpora uero & ipsa in iudicio resurgent. In Euangelio secundum Lucam meminit Dominus sinus Abraham, in quem colligantur beati spiritus, & de eo pronuntiat quod sit constitutus in edito, ac locus sit non cruciatu & supplicij, sed gaudij ac refrigerij. Ideoque frequenter legis in sacra historia de sanctis patribus, quod collecti sint ad suum quicumque populum, id est, recepti sint in consortium illud patrum, cum quibus in hoc seculo in eadem religione & fide perstiterunt. Nam de sepultura corporali id non posse exponi, manifestè reuincunt sequentia locorum istorum, & circumstantiae. Rursus dicit in Euangelio secundum Mattheum Dominus, Dico uobis, quod multi ab Oriente & Occidente uenturi sunt, & accumbent cum Abraham, Isaac & Iacob in regno coelorum, filij uero regni eicientur in tenebras extremas, illic erit ploratus & stridor dentium. Quod si gentes colligi debent in regnum coelorum, si aggregandae sunt patrum consortio, certè necesse est patres prius in coelum receptos, tum quoque sensisse gaudia, cum hac loqueretur Dominus. Qui in Euangelio secundum Ioannem clare dicit, Abraham exultauit, ut uideret diem meum, & uidit, atque gauisus est. Quod etsi de iustificatione & gaudio conscientiae intelligamus, non tamen disiungimus gaudium uitae aeternae, quod certò hoc ex illo sequatur. Præterea expendenda uidetur occasio, ex qua illud Domini uerbum petitorium ac pronuntiatum uidetur. Dixerat Dominus, Amen amen dico uobis, si quis sermonem meum seruauerit, mortem non uidebit in aeternum. Eam uero sententiam hisce uerbis exceperunt Iudaei, Abraham mortuus est, & propheta, & tu dicis, Si quis sermonem meum seruauerit, non gustabit mortem in aeternum? Nunquid tu maior es patre nostro Abraham, qui mortuus est: & propheta mortui sunt? Quem teipsum tu facis? Ad hæc ergo respondens Dominus, ostendit Abrahamum per fidem in sermone Christi uiuificatum esse, aut in uita & gaudio conseruatum: hic utique corpore mortuus sit, uiuat tamen & gaudio perfruatur anima iam apud Deum. His accedit quod Dauid spem, expectationem & hereditatem suam exponens in Psal. 16. inter alia dicit, Dominus mihi semper à dextris est. Propter hoc letatum est cor meum, exultauit gloria mea, insuper & caro mea requiescet in spe. Quoniam non derelinques animam meam in inferno, neque dabis ut sanctus tuus uideat corruptionem. Notam mihi facies semitam uitae, satietas gaudiorum in conspectu tuo est, & inuodit. es in dextera tua in perpetuum. Et quamquam S. Petrus

*Praestitam non  
tamen promissam  
fuisse pa-  
tribus salutem.*

*Luc. 18.*

*Joan. 8.*



& S. Paulus hoc Dauidis testimonium aptauerint Christo in Actis Apostolorum, nemo tamen negare potest idem & suo modo congruere Dauidi, qui in illo Psalmo profitetur fidem suam, spem exponit, ac Michtam suam, id est, delicias suas, in signia, aureolum, aut cleynodium suum prædicat. Competunt ergo illa in primis Christo, deinde etiam Dauidi, & omnibus fidelibus. Nam uita & resurrectio Christi, fidelium est uita & resurrectio. Idem alibi, Credo inquit, uidere bona Domini, in terra uiuentium. Porro in terra uiuentium non est mors aut dolor, sed satietas gaudiorum, & perpetua iucunditas. Hæc à Deo per Christum in fide expectauit, eadem migrans ex hoc seculo protinus recepit, licet post multos demum annos nasceretur ac adueniret Christus, qui & nos hodie saluat, licet uenerit ante annos mille quingentos quadraginta nouem. Quod uerò ad Hebræos 11. cap. Apostolus dicit, Atque omnes hi patres sancti testimonium promeriti per fidem, non acceperant promissionem, quòd Deus de nobis melius quiddam prouiderat, ne sine nobis consummarentur, simpliciter intelligendum putamus de consummata, ut ipse Paulus dicit, beatitudine seu felicitate, in qua patres sancti sine nobis non consummantur. Quia restat adhuc generalis resurrectio omnis carnis, quæ simul atque facta fuerit, consummata erit & omnium sanctorum perfecta beatitudo, quæ non animæ duntaxat, sed etiam corpori obuentura est. Certè S. Petrus quoque asseuerat salutem per Christum partam principiò animabus, sanctorum nimirum, mox à morte corporea communicari, deinde uerò in fine seculi sanctorum sepultares suscitari corpora, quemadmodum omnium hominum, ac iudicari. Iudicabit, inquit, Dominus uiuos & mortuos. Nam in hoc innouit Euāgelium mortuis, ut dicentur quidem secundum homines carne, uiuant autem iuxta Deum spiritu. Id est, efficax fuit mors Christi, fide mortuis patribus: sic ut iam nunc uiuant animabus apud Deum, atque illi ipsi sicuti & reliqui homines omnes iudicandi sint carne siue in corporibus suis, tum uidelicet cum uenturus est Dominus iudicare uiuos & mortuos. Nondum itaque salus nostra perfecta siue consummata est, consummabitur in fine seculi.

*Eadem ueteribus inuocatio que nobis.*

*Joan. 16.*

Præterea non inuocarunt patres nostri alium quàm unicum Deum creatorem, credideruntq; illum hominibus propitium esse propter semen benedictum. Et quamuis non adeò uulgaris fuerit illis sicuti nobis inuocatio nominis Dei per mediatorem & intercessorem Christum, quemadmodum & Dominus in Euangelio testatur, dicens, Hactenus non petistis quicquam sub nomine meo: petite, & accipietis: non tamen fuerunt prorsus ignari mediatoris propter quem exauditi sunt. Daniel in 9. cap. supplicans Deo postulat exaudiri à Deo, propter Dominum, nimirum propter Christum promissum. Quoties denique sancti orantes, dixerunt, Memento Abraham, Isaac & Iacobi, non utique respexerunt ad personas aut animas sanctorum patrum, sed ad promissionem patribus factam: quæ cum illa sit, Benedicentur in semine tuo omnes tribus terræ: & Paulus testetur semen illud, Christum esse: consequens est patres respexisse ad semen benedictum, orasseq; Deum, ut exaudiat propter Christum. Nam & alibi promittit Ezechia liberationem Deum, dicens, Protegam urbem istam propter me, & propter seruum meum Dauid. At Isaia 7. & 28. claret parum esse urbi propter Christum uirginis filium, qui est fundamentum in Zion collocatum, quem & Ezechiel 34. cap. Dauidem, & Euāgelium appellat Dauidis filium.

*Eadem ueteribus sacramenta que nobis.*

Postremò eadem fuisse sacramenta ueteribus quæ nobis, ostendit Apostolus Paulus, qui aliàs quoq; Circumcisionem & Pascha illorum sacramenta nobis communicat, ut Coloss. 2. & 1. Corinth. 5. In 10. cap. minatur Corinthiis graue supplicium

eum a domino, nisi abstineat ab idolothytis & gentili lasciuiâ. Profert ergo exemplum Israelitarum, & suo instituto ad hunc modum accommodat, Nolo uos ignorare, patres nostros fuisse Dei Ecclesiam, & habuisse eadem nobiscum sacramenta. Nam omnes in Mose, id est, per Moysen, siue per ministerium Moysi, baptizati sunt in nube & mari. Nubes enim & mare fuerunt symbola baptismi. Deinde omnes eandem escam spiritualem ederunt, & omnes eundem potum spirituale biberunt. Et mox per interpretationem subiungit, Bibebant enim de spirituali, quæ illos comitabatur petra. Petra uero fuit Christus. Certè Manna & Petra typum præferrebant spiritualis epuli, quo nos & illos reficit Christus, qui est panis & potus uitæ. Quamquam uero illi corporaliter, externè siue uisibiliter participassent sacramentis, quia tamen fide & spiritu destituebantur, quia cultu idolorum, crapula & fornicatione polluti sunt, displicuerunt Deo, & prostrati sunt in deserto. Nisi ergo uos quoque abstineritis a fœdis illis flagitijs, nihil proderit baptismus aut spirituale epulum, sed perdet uos Dominus.

Cum itaque clarissimis his scripturarum testimonijs demonstratum sit, eadem fuisse ueteribus sacramenta quæ nobis, eandem inuocationem Dei, eandem spem, expectationem & hæreditatem, eundem spiritum, eandem fidem & doctrinam, confectum esse spero id quod ostendere uolui, patres testamenti ueteris fideles & nos noui testamenti credentes, unam esse Ecclesiam, unum populum, qui omnes una sub congregatione, sub unico testamento, unica duntaxat ratione salui fiant, per fidem Iesu Christi.

Dixi ista hæcenus de similitudine & congruentia siue unitate ueteris & noui testamenti ac populi Dei, dicam iam paucula & de utriusque discrimine & differentia. In substantia quidem nullum reperias discrimen, in modo administrandi & accidentibus quibusdam circumstantijsque existit differentia. Promissioni enim siue doctrinæ fidei & primarijs legibus accesserunt externa quædã, addita ad tempus correctionis, ita ut regimen totum Ecclesiasticum, modus tradendi doctrinam pietatis, & cultus Dei exterior apud ueteres alius cernatur, alius apud nos. Verum poterunt discrimina utriusque potissima hisce pauculis numerari & exponi capitib.

*De discrimine  
seu differentia  
ueteris & noui  
testamenti &  
populi.*

Principio clariora seu illustriora sunt omnia noui testamenti. Reuelatio uetus habuit semper ferè suboscuro aliquid, instar nubis, testaque fuerunt pleraque & inuoluta umbris seu inuolucris. Porro prædicatio noui testamenti clara est, adeoque lux dicitur quæ nihil obscuritatis habet. Moyses imposuerat uelamen uultui suo, nec poterant filij Israel intendere oculos in faciem eius, nos autem non modò in faciem Moysi reiectam, sed in ipsius faciem Christi clarissimam & amoenissimam insipientes, gaudemus nos ipsam salutem reuelatam coram cernere. Hoc nomine dominus discipulos suos prædicauit beatos, dicens, Beati oculi, qui uident quæ uos uidetis. Dico enim uobis quod multi prophetae & reges uoluerunt uidere quæ uos uidetis, & non uiderunt, & audire quæ auditis, & non audierunt. Certè beatus Simon iustus, se felicissimum hoc nomine prædicat, quocirca & sponte moriturum se promittit, dicens, Nunc dimittis seruum tuum domine, secundum uerbum tuum in pace. Quia uiderunt oculi mei salutare tuum: quod paraisti ante faciem omnium populorum, lumen ad reuelationem gentium, & gloriam plebis tuæ Israel. Quamuis autem ueteribus non tanta fuerit lux quanta nobis in Christo exhibito radiat, satis tamen fuit illis ea quam habuerunt ad salutem in Christo consequendam. Videmus & nos ipsi hodie in enigmate, licet patribus nostris longè splendidius. Nam aliquando, nempe in gloria, uidebimus de facie ad faciem, sufficit tamen hæc nostra uisio ad salutem. Perplacet ergo similitudo istorum, qui dicunt,

*Clariora omnia  
in nouo testa-  
mento & po-  
pulo.*

*Luc. 10.*

*Luc. 2.*



Et si sub auroram non tantus sit fulgor quantus diffunditur circa meridiem, non tamen expectant uiatores plenum solis exortum, sed accinguntur ad iter, ac sufficit eis uidere uiam qua eant. Ita enim existimant & patribus nostris eam lucis portionē quæ fuit in aurora, satis fuisse, quippe quæ fidē ducet, per omnia impedimenta ad æternam beatitudinem perduxerit. Interim est quod nobis gratulemur, & propter quod æternas Deo nostro agamus gratias, quia exortus est nobis in nouo testamento post luciferum istum & stellas lucidissimas, ipse clarissimus sol iustitiæ Christus.

*Novum testamentum nullas habet figuras, sed omnium est complementum.*

*Luc. 16.*

*Tolluntur per Christum omnia onera.*

*Seruitus legalis in ueteri testamento.*

*Populus testamenti noui nouum & amplius.*

Deinde habuerunt ueteres in testamento ueteri typos, umbras, atque figuras, nos rem ipsam accepimus figuratam siue adumbratam. Ergo quod illis promissum Deus, id præstitit exhibuitque nobis. Illi quidem uenturum Christum, & liberari credentes crediderunt: nos credimus illum uenisse, redemisse nos, & impleuisse omnia. Ergo in Euangelio dixit dominus noster, Lex & prophetæ usque ad Ioannem, ab eo tempore regnum Dei annuntiatur, & qui uis in illud uim facit. Ex quibus tam illud quoque deriuatur, ueniente aut præsentē re figurata, cadere & disparere ultrò omnes figuras & umbras prænunciantes res futuras. Proinde tollitur hic ab humeris nostris iugum & onus, quod sustinuerunt patres nostri. Cultus illi erat operosus & onerosus, quo loco numeramus sacerdotium Aaronicum, tabernaculum uel templum instructissimum rebus & instrumentis exquisitissimis, item sacrificia multifaria, & huius generis multa alia. Ab his autem sumptibus & oneribus sumus liberati qui sumus noui testamenti populus. Liberauit autem Christus, in quo uno & solo omnia uitæ & salutis habemus. Placuit enim Deo patri in hoc uno recapitulare, ut Paulus ait, ac uelut in summam redigere, omnia uitæ & salutis, ut quæ hæcenus uelut dispersa uidebantur, iam nobis exhiberentur uniuersa plenissime in Christo. Est enim Christus complementum omnium figurarum & ceremoniarum: per cuius spiritum cum rem ipsam possideamus, nihil porro opus fuerit figuris uel umbris. Christus paucula instituit externa, eaque sine apparatu & sumptu. Magna ergo libertate gaudet noui testamenti populus. Hæc pertinere arbitror elegantissimum S. Pauli locum, qui extat 4. cap. ad Galatas, ubi diligenter hoc negotium tractans fingit duas matres, alteram quidem generantem in seruitutem, alteram uero in libertatem, idque sub typis Agar & Saræ. Quare significat doctrinam duplicem, legalem & euangelicam. Legalis in seruitutem generat. Euangelica in libertatem. Idcirco generabat lex sanctos patres & prophetas in seruitutem, non ut manerent serui, sed ut ipsos retineret sub disciplina, imò & ad Christum adduceret legis perfectionem. Libertas patrum ceremoniarum mole opprimebatur, aut abscondebatur, ut quanquam liberi essent animis coram Deo, externa tamen specie nihil differrent à seruis, hærentibus adhuc in humeris ipsorum oneribus legis. Quia enim lex nondum erat abrogata, cogebantur eam diligenter præstare. At cum aduenit Christus & omnibus satisfecit, ceciderunt umbræ, cecidit & iugum illud graue ex humeris Christianorum. Sic gignit nos mater Sara in libertatem. Hæc est mater omnium nostrum. Ex illa matre (quæ & mater sancta Ecclesiæ nuncupatur) habemus semen uitæ, eadem formauit & edidit nos in lucem, fouet nos in sinu suo, habens lac & cibum, ipsum inquam uerbum Dei, quo nos educat, alit & seruat.

Dirupta autem macerie & ruptis uinculis, Deus Ecclesiam suam regit liberius, nec tenet amplius sub tam arcta custodia. Neque enim continetur Dei populus intra terminos terræ promissæ. Nam expāditur ad fines terræ: neque iam sunt illi populus circumcisi & seruantes legem, (quanquam tunc quoque non dubium est

quin

quin suos habuerit inter gentes, ut Iob & alios quos ipse nouit sed qui Christum agnoscunt, licet nec circumcisi sint, nec lege occupentur. Nouus hic est populus, ex toto terrarum orbe collectus spiritu & fide. Idem nomen dedit testamento nouo: in quo Iudæi nullam hereditatem habent, nisi legalibus desertis & Christo legis sine fide apprehenso. Sunt autem omnium prophetarum libri referti testimonijs de Vocatione Gentium in consortium populi Dei, item de repudio Iudæorum qui propter pertinax legis studium abdicantur.

Præterea ponit aliud discrimen Apostolus Paulus, ex uaticinio Ieremiæ in 8. cap. epistolæ ad Hebræos. Tribuit enim noui testamenti populo eximia aliquot dona, nempe plenariam peccatorum remissionem. Dicit enim, Quoniam propitius ero iniustitijs eorum, & peccatorum eorum & iniquitatum non recordabor amplius. Tribuit ei & exactissimam mentium reformationem & illuminationem absolutissimam. Dicit enim, Ponam leges meas in mētes ipsorum, & in cordibus eorum inscribam eas: & non docebit unusquisque proximum suum, & unusquisque fratrem suum, dicendo, Cognosce dominum: quia omnes me scient à paruo usque ad magnum. De lege uerò scribitur quod exarata sit in tabulas lapideas. Nemo tamen putauerit patres nostros nullam peccatorum ueniam consequutos fuisse. Vtenim & ipsi gratuitam peccatorum condonationem acceperunt per fidē, ita Deus eorum cordibus olim quoque legem inscripsit, & spiritum suum infudit. Quis enim hodie nostrum dicat, se superare scientia, fide, illuminatione ipsum Abrahamum, Moysen, Samuelem, Dauidem, Isaiam, Danielelem, Zachariā? Discrimen ergo in hoc non est, quod patres testamenti ueteris & remissione peccatorum & spiritus illuminatione caruerint, nos qui sumus noui testamenti populus illa soli cōsequuti simus, sed in doni magnitudine, amplitudine, copia & ubertate discrimen agnoscitur, nempe quod liberalissimè profunduntur illa iam in plures. Vocatæ enim omnes gentes, plenis uolīs hauriunt aquam uitæ. Effundit Deus super omnem carnem spiritum suū. Olim notus in Iudæa Deus, iam uerò cum Christus orbi exhibitus est, egrediūtur discipuli in orbem terrarum, & cognitione Dei imbuunt omnia regna terræ. Olim potuerunt numerari heroes, uiri excellentes & propheta: quia sola terra promissa tales ferè profundeabat. Quis uerò iam numeret reges, principes, heroes, prophetas, episcopos, doctores, martyres, & omnis generis sexus & ætatis insignes personas, quas nobis dedit & dat hodie quoque, non Iudæa sola, sed Arabia, Idumea, Phœnicia, Mesopotamia, Persia, Asia, Ægyptus, Africa, Græcia, Italia, Oriens, Meridies, Occidens & Septentrio? Omnibus regnis prædicata est gratuita peccatorū remissio. Omnes fideles ex omnibus regnis totius mundi in gratiam Dei per Christum sunt recepti. Omnes acceperunt spiritus donum amplissimum. Omnes prophetarunt. Omnes cognouerunt dominum. Et lex quidem perficiebat neminem, sed ducebat ad spem potiorem. Euangelium simpliciter perficit, rectè, sine ullo interuentu, ad Christum ducit, & in ipso acquiescere facit.

Postremo loco non dissimulabo & hoc discrimen, licet leuiculum sit, & alia eiusdem generis obseruari possint nō pauca, quod lex ex parte intenta in terram certis metis distinctam, populo ueteri possessionem eius seruati legem, electionē ex ea præuaricanti legem, & promissit & minata est. Nobis uerò nulla certis terminis distincta terra promittitur. Domini enim est terra, & plenitudo eius, orbis terrarum, & quæcunque sunt in ea. Quanquam uerò hic nihil certi, ut quondam, nobis designet, nuspiam tamen nos negligit: alit enim, benedicit & seruat in quauis terra. Proinde finem suum consequutæ sunt, & disparuerunt omnes promissio-

*Noui testi-  
ti dona. im-  
fima ex uberi-  
tate.*

*Nouum testam-  
mentū non habet  
conditionē  
certæ ex con-  
dictæ terre.*



nes factæ quondam de terra illa sancta patrum. Vt ante seculum unum & alterum insaniſſe uideantur, qui multas gentes commouerunt ad capienda arma pro recuperanda terra sancta. Christus aduentu suo in mundum tot terram sancti. ficauit. Nam sunt in omnibus terræ plagis aliquot filij Dei.

Paucioribus hæc de similitudine & congruentia, item de discrimine & differentia utriusq; tam ueteris quam noui populi & testamenti, perstrinxi, quod hoc negotij attigerim Sermone 1. Decad. 1. itē Sermone 6. Decad. 3. deniq; in negotio de abrogatione legis, & quod olim quoq; de Antiqua fide & de unico æternōq; Dei testamento tractatus ediderim, quos scio uobis esse familiarissimos.

Nolo per epilogū colligere potissima huius Sermonis capita, cū quod alia plus æquo prolixior fui, tum quod perspicuo maximē usum me ordine existimē, cōfidamq; singula cuiusq; memoriz insculpra sic satis hæere. Absolui autem hic, per gratiā Dei, totum Legis diuinæ negotiū, quo de multis diebus sermonibus differui. Deus & pater noster cœlestis sit benedictus in secula, & benedicat nobis per Iesum Christum dominum nostrum, Amen.

*De libertate Christiana & Scandalo: de Bonis operibus & mercede sine premio bonorum operum.* S E R M O I X.

**D**ISSERTVI diu Sermonibus multis de Lege diuina, quoniam uerō ex Legis consideratione tractationeq; quædam non contemnenda prætereundæue capita existunt, & cum illa ceu conferta & concomitantia cohererent, cuius generis est Libertas Christiana, Bonum opus & merces, sive præmium boni operis, deniq; Peccatum, & peccati præmium, uel supplicium, dicam & de his ordine, quæ dominus loqui dederit; quem modō orabimus ne quid de his, & de alijs dogmatibus sanctis, nos loqui contra eius sanctam uoluntatem patiat. Ex abrogatione legis dependet Libertas Christiana, ueluti effectus legis abrogatæ, quæ libertas mox suppeditat occasione dicendi de Scandalo. Ac de libertate Christiana diligēter & copiose disputauit sanctissimus Christi Apostolus Paulus, unde colligere possumus cōsiderationem libertatis Christianæ, nec parui momenti, nec exigui esse fructus. Præcipuē uerō necessaria est eius tractatio nostro seculo, in quo non pauci libertatem Christianam, uel nō intelligunt, uel maliciose ea abutuntur ad explenda desideria carnis. Dicam ergo quis sit liberator, qui in libertatem asserit, Quos liberet, A qua re uel quatenus liberet. Quibus perspectis facile erit uidere, quid sit libertas Christiana, quod ingenium libertorum, & quæ topere hi caueant ne uspiam quenquam offendant, aut sua abutantur libertate.

*De Libertate Christiana.*

Ex abrogatione legis dependet Libertas Christiana, ueluti effectus legis abrogatæ, quæ libertas mox suppeditat occasione dicendi de Scandalo. Ac de libertate Christiana diligēter & copiose disputauit sanctissimus Christi Apostolus Paulus, unde colligere possumus cōsiderationem libertatis Christianæ, nec parui momenti, nec exigui esse fructus. Præcipuē uerō necessaria est eius tractatio nostro seculo, in quo non pauci libertatem Christianam, uel nō intelligunt, uel maliciose ea abutuntur ad explenda desideria carnis. Dicam ergo quis sit liberator, qui in libertatem asserit, Quos liberet, A qua re uel quatenus liberet. Quibus perspectis facile erit uidere, quid sit libertas Christiana, quod ingenium libertorum, & quæ topere hi caueant ne uspiam quenquam offendant, aut sua abutantur libertate.

*Liberator quis.*

Liberator non alius nobis promittitur, exhibetur & annunciat. Quam Christus Iesus Dei filius. Qui enim alios liberat, eum oportet liberū esse, nec ipsa obnoxium, quibus constricti tenentur, qui expetunt & expectant liberationem. Nullus autem talis inuenitur in toto terrarum orbe, & in omnibus ætatibus, adde & in ipso cœlo, nisi unus Dei filius, qui eo nomine in Euangelio dixit, Si filius uos liberauerit, uerē liberi eritis.

*1041. 8.*

*Quos liberet.*

Liberat autem seruos dominus, ergo liberat à seruitute asseritq; in libertatem filiorum Dei. Et omnes quidem seruos liberat, nullum excludit nisi eum qui seipsum sua culpa, sua incredulitate & inobedientia excludit. Venit enim Dei filius liberandis omnibus seruitute implicitis. Eatenus ergo liberat, quatenus serui sumus. Opponitur enim Libertati Seruitus, ut illa non possit nisi hac consideran

plac

plene intelligi. Proinde dicendum erit hic quoque, quantum nostro seruiti proposito, de seruitute: quæ nihil aliud est, quam seruorum conditio. Serui autem uel nascuntur, uel fiunt. Nascuntur ex ancillis siue uernis. Fiunt, uel ex captiuitate, unde & nomē sortiti sunt. Pomponius enim, Serui ex eo appellati sunt, ait, quod captiuos uendi imperatores iuberent, ac per hoc seruare nec occidere: qui & Mancipia dicuntur, eo quod ab hostibus manu caperentur. Vel fiunt serui iure ciuili, cum homo liber, maior uiginti annis, ad precium participandum, sese uenundari passus est. Amiserunt ergo serui omnem libertatem, pendent toti ab imperio dominorum suorum, qui in ipsos habent potestatem necis & uitæ. Est autem seruitus duplex, politica siue ciuilis, & spiritalis. Ciuilem gratia & prædicatione sua non sustulit dominus ex Ecclesia fidelium, ne uidelicet sint serui, uel ne faciant suum officium, neque debita sua persoluant. Nam Apostolus Christi Paulus, Vnusquisque, inquit, ut uocauit eum dominus, ita ambulet. Et sic in Ecclesijs omnibus ordinato. Seruus uocatus es: Ne sit tibi curæ. Attamen si potes liber fieri, magis utere. Et iterum, Serui obedite ijs qui domini sunt iuxta carnem, cum timore & tremore, cum simplicitate cordis uestri, tanquam Christi: non ad oculum seruientes, uelut hominibus placere studentes, sed tanquam serui Christi, facientes quæ uult Deus, ex animo, cum beneuolentia, seruientes domino, & non hominibus: illud scientes quod unusquisque quod fecerit boni, hoc reportabit à Deo, siue seruus fuerit, siue liber. Et ad Timotheum idem, Quicumque subiugo sunt serui, inquit, suos dominos omni honore dignos ducant, ne nomē Dei & doctrina malè audiat. Qui uerò fideles habent dominos, ne contemnant, quod fratres sint, sed magis inseruiant quod fideles sint ac delecti, & qui beneficia rependere possunt. Habent tamen in hac seruitute fideles ex Euangelica prædicatione quod consoletur, nempe quod liberi sunt animis, licet seruiant corpore. Rursus enim dicit Apostolus, Qui in domino uocatus est seruus, libertus domini est. Similiter qui liber uocatus est, seruus est Christi. Extenditur hæc consolatio ad omnes fidelium hominum afflictiones, qui sciunt saluum & liberum esse spiritum suum, utcumque atrociter uel uinciantur uel excrucietur corpus. Liberrimi ergo sunt sancti, quanquam in arctissima constricti teneantur custodia: uictores & superiores sunt, licet uinciantur & opprimantur: denique fruuntur uoluptatibus selectissimis etiam tunc, cum torquentur infinitis malis acerbissimè. Scio à filiis huius seculi hanc libertatem & has uoluptates fidelium rideri, tanquam somnia stultorum. Verum dignas irrisio nis suæ poenas iusto iudici Deo persolunt, non tantum in futuro, sed etiam in hoc presenti seculo: quippe cum illi sint maxime captiui & ter miseri, etiam tunc, cum se arbitrantur liberrimos & omnium felicissimos esse. Seruiunt enim seruitium scedum, & modis omnibus probrosum, addicti scortis foetidis, ebrietati insanæ, mammonæ iniquitatis, & alijs uoluptatibus turpissimis, in quibus cum ignominia conficiuntur & computrescunt. De sanctorum uerò seruitio & afflictionibus, libertate nihilominus fruuntium & exultantium in domino, loquens Apostolus, In omnibus premimur, inquit, at non anxij reddimur: laboramus, at non destitumur: persecutionem patimur, at non in ea deserimur: deiecimur, at non perimus: semper mortificationem domini Iesu in corpore circumferentes, ut & uita Iesu in nostra mortali carne manifestetur. Et iterum, In omnibus nitimur nos exhibere, ut decet ministros Christi, in tolerantia multa, in afflictionibus, in necessitatibus, in anxietatibus, in plagis, in carceribus, in seditionibus, in laboribus, in uigijs, in ieiunijs: per gloriam & ignominiam, per conuitia & laudes: quasi impossiores, & tamen ueraces: quasi ignoti, & tamen noti: quasi morientes, & ecce uiuimus.

Seruitus quid.

Duplex seruitus.

1 Cor. 7  
Corporalis seruitus.ephe. 6.  
Colos. 3.

Timoth. 6.

Paradoxon de libertate.



quali correpti, & non occisi: quali dolentes, semper tamen gaudentes: quasi pauperes, multos tamen ditantes: ut nihil habentes, omnia tamen possidentes. Habetis quomodo in extrema seruitute sancti consolationem suam habent, & sine liberrimi. Exempla infinita suppeditat Acta Apostolorum, & historia ecclesiastica. Descendimus iam ad alteram seruitutis partem.

*Spiritualis seruitus.*

Spiritualis seruitus similitudinem habet cum corporali seruitute. Nam factus est Adam seruus, & sua quidem culpa: nos nascimur ex seruo serui. Fuerat ille liber & habuerat dominum optimum & clementissimum, sed ab eo defecit pende, asciumque sibi dominum alium, crudelissimum inquam tyrannum satanam, qui propter peccatum ius in ipsum affecutus, miserum grauissimè precepit. Nascimur autem ex corrupto patre corrupti & peccatores, ac propter peccatum subiicimur & nos dominio diaboli: subiicimur legi & legis execrationi. Sumus enim serui peccati. Subiicimur uarijs calamitatibus propter peccatum. Spiritualis ergo dicitur hæc seruitus, non quod in animo hominis duntaxat locum habeat, sed propter oppositionem, quatenus uidelicet opponitur ciuili uel corporali seruituti. Alioqui enim peccatum subdidit & corpus nostrum maledictioni. Neque autem duntaxat, sed & corpore peccamus. Nam peccato omnes partes, & omnia membra corporis seruiunt, denique & peccato afficiuntur. Proinde seruimus seruitutem miserrimam, dum sub diaboli dominio uiuentes facimus quæ carni libent, & quæ suggerit affectus prauus, fructificantes aut abortientes potius domino illi tunc nostro, diabolo. Hæc uidelicet est grauissima seruitus nostra.

*Spiritualis libertas, & quatenus liberari nos Christus.*

Videamus iam ex opposito quæ sit libertas Christiana, hoc est, à qua re, uel quatenus liberauerit nos Dominus noster. Et uno uerbo rem totam comprehendamus, liberauit nos Christus dominus à graui illa seruitute, quatenus uidelicet eramus serui, eatenus nos liberauit. Id copiosius modò ita exponimus. Venit  
1 filius Dei in hunc mundum, ac principio quidem oppresso per mortem tyranno satana, contritoque capite eius, in suum nos regnum transtulit, dominus & rex noster factus. Deinde adoptauit nos in filios Dei, legisque maledictionem sua benedictione sustulit. Nam omnia peccata sustulit, & fideles suos purgauit. Hinc contulit donum spiritus liberrimum, ut filij Dei sua sponte & ultro subiicant se diuine uoluntati, & faciant quod uult Deus. Non enim remanet legis odium, licet remaneat infirmitas carnis. Postremo tulit idem dominus & rex noster ex humeris suorum onera legis, typos seu figuras, cum omnibus sumptibus, liberatosque uenit  
2 rursus se subiugare legibus quibuslibet hominum. Ex quibus omnibus sic constitutum, Liberare est à seruitute in libertatem asserere. Liber uel liberatus est, qui liberatus à seruitute, iam libertate gaudet. Libertas ergo aliud nihil est quam liberatio  
3 conditio, fructus inquam quem liber ex liberatione percepit, & quo iam fruimur, nempe quod liberatus à dominio diaboli, à peccato, ab execratione legis, & à morte, filius Dei factus, hæres est uitæ æternæ: item quod spiritum accepit libertatis, per quem totum se seruum statuit Deo, cui tota uita seruit: denique quod à lege Moysaica & ab omnibus hominum legibus assertus, ab unico iam pendet Euangelio, liberum habens usum rerum externarum, uelut cibi, potus, uestimenti, aliarumque similiarum indifferentium. Atque in his tribus iam secundum recensitis capitibus, potissimum continetur libertas Christiana.

*Libertas Christiana.*

*Testimonia de libertate Christiana.*

Illis porro subiicimus hæc scripturarum testimonia, quæ expositionem nostram & confirmant melius, & illustrent splendidius. Collocabimus autem primo loco testimonia euangelica, secundo Apostolica. Zacharias sacerdos pater Ioannis baptiste in hymno suo gratulatorio apud Lucam in 1. cap. prædicat ueritatem & bonitatem

nitatem Dei, quod ea quæ patribus promissit, nobis præstidit, nimirum ut sine timore de manu inimicorum nostrorum liberati ipsi seruamus, in sanctitate & iustitia coram ipso, omnibus diebus uitæ nostræ. Habemus in hoc testimonio ueram libertatem, illam uidelicet, qua liberati per Dominum ab omnibus hostibus nostris, tū inuisibilibus tum uisibilibus, his non seruamus amplius in timore, sed citra timorem, cum gaudio, seruamus iam ipsi Deo. Apponitur præterea seruiendi modus & ratio, In sanctitate & iustitia. Sanctitas refecat omnem impuritatem & intemperantiam. Iustitia tribuit unicuique suum illud, quod uidelicet debemus singulis, comprehenditque libertatem & beneficentiam. Hoc autem seruiendi genere seruimus Deo liberati, non paucis diebus aut annis aliquot, sed omnibus diebus uitæ. Vera ergo libertas Christiana est perpetua seruitus, qua seruimus Deo.

Ioann. 8. cap. iactantibus Iudæis uanam & ampullosam suam libertatem acceptam à suis patribus, hæc obiicit Dominus, Amen amen dico uobis, quod omnis qui facit peccatum, seruus est peccati. Seruus autem non manet in domo in æternum: filius manet in æternum. Si ergo filius liberos reddiderit uos, uerè liberi estis. Meminit hisce uerbis Dominus seruitutis, meminit & libertatis. Seruit peccato tanquam crudeli Domino seu tyranno, qui facit peccatum. Obedit enim peccato. Tales serui sunt omnes filij hominum: id supplicij coniunctum, imò irrogatum habentes, quod in domo paterna, in cœlesti utique patria, nulla participant hæreditate. Quos uerò filius Dei liberauerit, illi participant & consortes fiunt cohæredesque filij Dei. Liberat autem credentes, filij ergo Dei & cohæredes Christi propter Christum liberatorem fiunt liberi. Neque est in cœlo aut in terra alius, qui præter solum Christum, in libertatem asserere possit.

Paulus ad Roma. 6. cap. Ne regnet, inquit, peccatum in mortali uestro corpore, ut obediat ei per cupiditates eius. Neque accommodetis membra uestra arma iniustitiæ peccato, sed accommodetis uos ipsos Deo, uelut ex mortuis uiuentes, & membra uestra arma iustitiæ Deo. Peccatum enim uobis non dominabitur. Non enim estis sub lege, sed sub gratia. Hortatur autem purgatos & liberatos per Christum, ut uiuant in sua seruitute spiritali sanctæ. Non autem dicit, Ne sit peccatum in uobis, aut in mortali uestro corpore: sed ne regnet peccatum in uobis, aut in mortali uestro corpore. Quando autem regnat? Quando obedimus peccato per cupiditates eius, id est, eum non repugnamus, sed explemus cupiditates carnis. Non regnat ergo in mortali nostro corpore, quando sentitur quidem in corpore, sed non obeditur aut permittitur ei imperium, quin calcantur magis cupiditates. Hanc ipsam sententiam per aliam magis illustrem declarat, Nolo uos membra uestra peccato ceu tyranno permittere, quibus ceu instrumentis utatur ad perficiendam omnem iniustitiam. Hoc potius flagito, ut uos ipsos Deo gubernandos regendosque offeratis. Quia enim is ex morte liberauit, & reuocauit in uitam, æquum est ut membra uestra ceu uitalia instrumenta detis Deo per quæ omnem perficiat iustitiam. Atque id quidem faciliè poteritis, quia sub gratia estis, non sub lege. Huc iam pertinent reliqua omnia, quæ in eo capite ad finem usque subiiciuntur. Quid igitur, inquit, peccabimus, quod non sumus sub lege, sed sub gratia? Absit. An nescitis quod cui accommodatis uos ipsos seruos ad obediendum, eius serui estis cui obeditis, siue peccati ad mortem, siue obedientiæ ad iustitiam? Gratia autem Deo quod fuistis quidem serui peccati: sed obedistis ex animo, in eam in quam traducti estis formam doctrinæ. Caterum liberati à peccato, serui facti estis iustitiæ. Demonstrat autem liberos Christi non abuti sua libertate, & sese regendos præbere Domino ueteri. Fingit enim duos dominos, Peccatum & Iustitiam. Apponit cuique



suum præmium aut stipendium, mortem & uitam. Sed & generalem ponit sententiam, eius nos esse seruos, cui nosmetipsos ad obediendum tradimus. Inde sic colligit, Gratia Dei cum simus redempti à seruitute peccati & stipendio eius, morte certe, translati sumus in seruitutem iustitiæ ut uiuamus. Significantius enim subiungit, Humanum quiddam dico, propter infirmitatem carnis uestre, Quemadmodum enim præbuiſtis membra uestra serua immunditiæ & iniquitati, ad iniquitatem: sic & nunc præbete membra uestra serua iustitiæ, ad sanctificationem. Cum enim serui essetis peccati, liberi eratis iustitiæ. Quem igitur fructum habebatis tunc in his, de quibus nunc erubescitis? Nam finis illorum mors. Nunc uero munimissi à peccato, serui autem facti Deo, habetis fructum uestrum in sanctificationem, finem autem uitam æternam. Etenim stipendia peccati mors, donum autem Dei uita æterna, per Iesum Christum Dominum nostrum. Hæc autem omnia tam sunt clara & simplicia, ut nostra non indigeant explicatione fusiore.

Illam uero omnia adhuc plenius exponit per collationem parabolicam in capite 7. Mulier, inquit, uiro subiecta & obnoxia est, quandiu uiuit uir. Si diuerſat à uiro, ipso adhuc uiuente, iudicatur adultera. Si uero moriatur uir licet alteri cui libet nubere. Sic inquam nos legi sumus mortui. Christus enim mortuus est pro nobis, oblatuſ in expiationem peccatorum nostrorum corpore suo, ut porro ipsi copularemur, imprægnatiq; spiritu eius, pariamus pulcherrimam bonorum operum prolem uel sanctissimum fructum: qui dum peccato seruebamus, ei q; ceu Domino subiecti essemus, pariebamus tetram mortis sobolem, iniquitatem uidelicet & flagitia, quibus puniendis mors destinata est. Sed libet ipsa audire apostoli uerba. Itaq; fratres mei, uos quoq; mortificati estis legi per corpus Christi, ut iungeremur alteri, nimirum ei, qui ex mortuis surrexit, ut fructificemus Deo. Cum enim essemus in carne, effectus peccatorum, qui sunt per legem, uigebant in membris nostris, ad fructificandum morti: nunc autem liberati sumus à lege, mortui (ei) in qua detinebamur, ut seruiamus per nouitatem spiritus, & non per uetustatem literæ.

Notus est locus in 8. cap. Lex spiritus uitæ per Christum Iesum liberum nos reddidit à lege peccati & mortis. Modum autem liberationis huius mox supplegit, Etenim quod lex præstare non poterat, hoc Deus proprio filio misſo præstauit. Et quæ sequuntur. Nam uerba illa notissima sunt omnibus.

In 1. ad Corinth. 7. Pretio empti fuistis, nolite fieri serui hominum. Hortatur autem Apostolus ne seruitutis mundanæ uel ciuilibis prætextu, serui aliquid designent in gratiam dominorum, quod pugnet cum sinceritate & integritate religioni: ne uidelicet legibus hominum iniquis, quia serui uocati sunt, pareant. Ratio autem quæ hinc retrahat est, Quod pretio sanguinis Christi redempti & asserti sumus in libertatem. Indignissimum ergo foret, si contra libertatis ingenium, præiis legibus hominum obtemperemus. Hoc extenditur etiam ad leges humanas in negotio religionis conditas. Nam Matth. 15. dicit saluator, Frustra me colunt docentes doctrinas præcepta hominum. Et, Omittite illos, duces sunt cæci cæcorum. Et Paulus, Si mortui estis cum Christo ab elementis mundi, ait, quid quasi uiuentes in mundo decretis tenemini? Ne tetigeris, ne gustaris, ne contrectaueris: quæ sunt omnia in corruptionem ipso abusu, secundum præcepta & doctrinas hominum, quæ speciem quidem habent sapientiæ, in superstitione, & humilitate animi, & neglectu corporis, non in honore aliquo ad expletionem carnis. Principio ostendit Christi fidelibus nihil negotij esse cum decretis hominum, neq; eos ipsi teneri: quoniam decretis sint mortui cum Christo, id est, per mortem Christi redempti à decretis, quæ in morte Christi interierint, dum ipse nos suos fecit, & liberum quidem.

*Liberi ab humanis constitutionibus.  
2. colof.*

quidem. Deinde qualia sint illa decreta commemorat per Mimesim, Ne tetigeris, ne gustaueris, neque prorsus contrectaueris. Latissimè se hæc extendunt ad multas constitutiones. Quas & protinus refutat argumentis. Principiò quia in rebus, quæ usu corrumpuntur, constituunt cultum Dei. At regnum Dei non est esca uel potus, sed uersatur in rebus spiritualibus. Et quæ ingrediuntur os, non coinquinant hominem. Deinde quia conditæ sunt non à Deo omnis boni auctore, sed ab hominibus. At frustra me colunt, ait in Euangelio Dominus, docentes doctrinas præcepta hominum. Nec dissimulat aut præterit illa Apostolus, quæ decreta illa hominum maximè commendant. Commendantur primùm specie sapientiæ. Videntur enim à sapientibus non insipienter constituta esse, quæ personis, tempori & loco inseruiant appositissimè. Clamant propugnatores legum humanarum, Sanè non fuerunt stulti patres nostri, sed leges eorum sunt sapientissimæ. Verùm clamat Ieremias, Verbum Domini proiecerunt, quæ ergo illis sapientia reliqua esse poterit? Commendantur deinde *ἰδωλοθυσιάζ.* Est is cultus electitius, quem nostro uidere & arbitrio ex nobis ipsis confinximus. Atqui hominibus ualde probantur humana commenta, quòd consentanea sint ingenio humano. Sed & Christus dixit, Si de mundo fuissetis, mundus quod suum est diligeret: iam quoniam selegi uos de mundo, odit uos mundus. Atqui idem ille rursus in Euangelio dicit, Quod hominibus excelsum est, abominandum est coram Deo. Commendantur præterea humilitate: id autem duplici nomine, Principiò enim humilitas esse dicitur, si quis promptè obediatur, nec difficulter recipiat quod à potentibus obtruditur. Deinde uidentur leges hominum exercere humilitatem, & retinere homines in humilitate. Caterum sacrilega uerius dicitur illa esse obedientia & humilitas, quæ uerbo Dei non gubernatur, nec uerbum Dei unice obseruat, sed præterea auctoritatem Dei transfert ad homines. Postremò commendantur traditiones hominum ex neglectu carnis. Videtur enim illis traditæ egregia corporis disciplina & castigatio, qua opprimatur carnis insolentia. Adhæc autem Apostolus, Non per honorem aliquem, inquit, ad expletionem carnis. Id est, quæ tametsi speciem habeant religionis & pietatis, reuera tamen nihil honoris habent, cùm externa illa à Deo ordinata sint ad subleuandam hominis necessitatem. Imò uituperat Paulus decreta illa, quòd honorem corpori nullum habent, pro corporis expletione, id est, pro modo necessitatis. Corporis enim cura moderata non tantùm est permessa, sed etiam mandata, ne uidelicet corrumpamus corpus inedia, aut inutile reddamus ad opera bona. Nec damnatur ullibi carnis sollicitudo simpliciter, nisi quatenus seruit cupiditatibus. Proinde Apostolus dicit, Ne habeatis carnis curam ad concupiscentias. Ad necessitatè ergo cõceditur homini à Deo cibus, potus, somnus, uestis, quies, licita uoluptas, & aliarum necessariarum rerum usus.

**Quibus rebus  
commendatur  
humana traditio-  
tionet.**

Joan. 15.

Luc. 15.

**Corporis cura.**

Ad Galat. cap. 4. Vbi uenit, inquit Paulus, plenitudo temporis, emisit Deus filium suum, natum ex muliere, legi obnoxium, ut eos qui legi erant obnoxij, redimeret, ut adoptione ius filiorum acciperemus. Quoniam autem estis filij, emisit Deus spiritum filij sui in corda uestra, clamantem abba pater. Itaq; iam non es seruus, sed filius: quod si filius, ergo hæres per Christum. Et mox, In libertate igitur qua Christus nos liberauit, stete, & ne rursus iugo seruitutis implicemini.

Ad Hebr. cap. 2. Christus, inquit, carnis & sanguinis nobiscum participes factus est, ut per mortem aboleret eum, qui mortis habebat imperium, hoc est, diabolum: & liberos redderet eos, quicunque metu mortis per omnem uitam obnoxii erant seruituti. Illa scripturarum testimonia instituto nostro sufficiunt.

Eadem probè expensâ, docebunt clarè quare sit libertorum ingenium, nempe

**Libertorum in  
genitum.**



1 Pet. 2.

Gala. 5.

Abusus libertatis Christiane.

Rom. 13.

2. Pet. 2.

Licentia.

1. Corin. 10. et 6.

De scandalo.

Quibus modis prebeatur scandalum.

religiosissimum sanctissimisque deditissimū rebus, hoc est, per omnia addictum spiritui, sine quo nulla est libertas, & per quem reguntur omnes filij Dei. Cauent libertati diligentissimē, ne quenquam sua libertate offendant temerē, nec ubi abutantur ipsa. Semper enim mentibus & oculis ipsorum obuersantur grauissimæ sanctissimorum Christi Apostolorum sententiæ. Petrus scriptum reliquit, Tanquam liberi, & non ueluti prætextum uel uelamen habentes malitiæ, libertatem, sed tanquam serui Dei. Paulus uerò dixit, Vos in libertatem uocati estis fratres, tantum ne libertatem in occasionem detis carni, sed per charitatem seruite inuicem. Etenim cum liber sim ab omnibus, omnibus me ipsum seruum feci, quò plures lucrificiam.

Abutantur ergo Christiana libertate illi primū, qui carnalia sub prætextu spiritus & libertatis quærentes, iactitant se Euangelicæ prædicatione liberatos esse ab omnibus corporalibus debitis & officijs: ideoque dominis suis, creditoribus, magistratibus & principibus debita negant officia, adeoque & deficientes ab eis rebelant. Seditiosi hi sunt turbatores, non Euangelicæ prædicationis cultores. Paulus clamat, Reddite omnibus quod debetur, cui tributum tributum, cui uescigal uescigal, cui timorem timorem, cui honorem honorem. Nemini quicquam debetis, nisi hoc ut inuicem diligatis. Deinde abutantur illi quoque libertate Christiana, qui cum nondum acceperunt spiritum libertatis & filiorum Dei, cum nondum à satana liberati, nec dum iustificati sunt, omnibus tamen libertatem promittunt, quiduis sibi propter libertatis opinionem licere putant, ac bonis legibus & disciplina se ueriori contradicunt, clamantes, legibus irretiri, prodi & pessundari libertatem. Contra hos & imprimis contra doctores uanæ & perniciosæ libertatis destomachans S. Petrus, Isti sunt fontes, inquit, aqua carentes, nebulae quæ à procella feruntur, quibus caligo tenebrarum in æternum seruata est. Siquidem ubi uerba hementem fastuosa uerba sonuerint, incessant homines per concupiscentias carnis uoluptatibus, eos qui uerè aufugerant, ab his qui in errore conuersantur, dum illis libertatem pollicentur, cum ipsi serui sint corruptionis. Siquidem à quo quis liberatus est, huic etiam in seruitutem est addictus. Et quæ sequuntur. Cum autem ad eum modum libertate homines abutantur, ea quidem licentia seu libidine est, indigna libertatis sancto uocabulo. Postremo abutantur Christiana libertate, quicumque indifferentibus abutantur, nec ullam infirmorum rationem habent, sed hos offendunt temerē. Obseruanda est itaque in præsentī negotio hæc nobilis S. Pauli sententia, Omnia mihi licent, sed non omnia conducunt: omnia mihi licent, sed non omnia ædificant. Plura ea de re petas licebit ex 14. capite Pauli ad Romanos.

Atque hic per occasionem, imò necessitate adactus, dicam pauca & quantum pijs nosse satis fuerit de Scandalo. Scandalum uox petita à Græcis, significat ruinationem & impactionem, item offendiculum, remoram, & impedimentum: cuiusmodi sunt in itinere eminentia saxa, uel pedicæ collocatæ aut absconditæ ex insidijs, ad interceptiendum prodeambulantes. Qui enim in has incidunt aut impingunt, conuident uel detorquentur ab itineris rectitudine. Transfertur hoc ad res religionis & mores hominum. Scandalum enim dat, quisquis dictis uel factis prauis, inopijs aut intempestiuis, obijcit alteri unde peccandi occasionem accipit. Proinde scandalum est oblata ad peccandum præuaricandumque occasio, sed & ipsa ad ruinam uel in malum impulsio & impactio. Alij, Scandalum, inquit, est offensio conuicta cum contemptu. Solet enim offensio post se trahere contemptum, aut exortum ex contemptu. Offendimus autem alios, uel dictis nostris, uel factis. Scandalum quod dictis

datur

datur, partim est in doctrina praua, inepta & intempestiua, partim uerò in colloquijs quotidianis. Grauiſſimum scandalum est prauæ doctrinæ pugnantis cum uera Euangelij doctrina. Proximum est scandalum ineptæ & intempestiue doctrinæ: quæ quamuis deriuetur ex fontibus uerbi Dei, non applicatur tamen aut profertur commodè & prudenter: Velenim peccatur nimia licentia & lenitate: uel nimia mordacitate & morositate, ut audientes offensi, resiliant in uniuersum ab omni doctrina Euangelica. Interim lucerna Euangelica non est abscondenda, aut dissimulanda ueritas, propter offendicula hominum, aduigilandum tamen ut uerbum Dei prudenter annuncietur, siue ut rectè secetur. Quæcunque pugnant cum legibus Dei, constanter sunt accusanda & refutanda intrepidè ac diligentissimè, utcunque insaniant mundus. Colloquijs uerò quotidianis scandalizant fratres, qui linguæ fræna laxant, nec quid dicant expendunt, sed pro libidine sua quiduis effundunt: cuiusmodi sunt dicta obscæna & spurca, inprimis uerò blasphemæ uoces elaculatæ contra Deum, contra scripturas sanctas, & contra fidei articulos. Corruptum enim mores bonos colloquia praua. Hic non excludimus literas uel scripta temerè offendentiæ fratres.

Iam obijciuntur etiam scandala hominibus per promissiones & minas: quoties uidelicet per promissionum illecebras, & minas terrificas horrendasq̃, homines à recto itinere auertuntur in auia & errores. Sic enim posuit Pharaon scandalum regi Zedechiæ, quem pellexit in fœdus, cui plus fidebat, quàm potentiæ & liberationi diuinæ. Tyranni per frequenter ponunt infirmis Christianis scandala, quando per tormenta ipsos adigunt ad abnegationem nominis Christi.

Ceterum facta quibus offenduntur homines, uel licita sunt ac libera, uel illicita & prohibita. Licita autem abusu sunt illicita. Nam licitum est pijs uesci quibuslibet. Omnia enim mundis munda. Fit tamen manducatio tua illicita, si edas cum offendiculo fratris. Non enim intelligit hic licere quibuslibet uesci: nec tu ignoras illum iri offensum si edas, nihilominus tamen edis, & illum aspernaris, ponis ergo offendiculum facti, & peccas non leuiter in fratrem tuum. Hic collocamus omnem intempestiuum usum rerum liberarum aut indifferentium.

Attamen rectè hic monent doctores ecclesiastici, distinguendum esse diligenter inter Infirmos & Contumaces. Infirmi sunt rerum imperiti, sed tamen timentes Deum & tractabiles, non malitia pertinaciter errantes, sed imbecillitate quadam fidei & religione attracti, erudiri interim sustinentes. De his scriptum reliquit Apostolus, Eum qui infirmatur fide assume, non ad diuinationes disceptationum. Porro Contumaces sunt, qui nec ueritatem nec libertatem sanctorum ignorant, interim animi sui pertinacia obstinati, sese ueritati & libertati opponunt, cupientes sibi concedi multa, non ut aliquando locum cedant ueritati, sed ut hac sibi data occasione, aliquando & ueritatem & libertatem subuertant, suam autem superstitutionem stabiliant. De huiusmodi hominibus pronunciauit Dominus, Omittite eos, duces sunt cæci cæcorum. Et Paulus ad Galatas 2. cap. Titus cum Græcus esset, non tamen circumcissus fuit, propter obiter ingressos falsos fratres, qui subintroierant ad explorandum libertatem nostram, quam habemus in Christo Iesu, quò nos in seruitutem adigerent. Quibus ne ad tempus quidem cessimus, per subiectionem, ut ueritas Euangelij permaneret apud uos.

Præterea huc pertinet quod alij distinguunt prudenter inter scandalum datum & acceptum. Scandalum datum est, quando tuâ culpa, tuâ inquam importunitate aut leuitate facis uel dicis, unde frater tuus merito offenditur. Aliud uerò non est datum, sed acceptum uel ascitum, non tuâ quidem, sed alterius malitia &

*Infirmi & Contumaces.*

*Rom 14*

*Scandalum datum & acceptum.*



culpa: uidelicet cum tu nec dicto nec facto peccas, neque quicquam insolenter aut intempestiue dicis uel facis, sed id dicis uel agis quod dicere uel agere licitum & liberum est, alius tamen hac tua libertate offenditur. Perinde ac si quis in plano itinere, in quo nulla posita est offensus, impingat, existimans sibi obiectum esse scopulum.

Iam illicita & prohibita hominis facta, quibus offenduntur homines, tendunt contra Deum & leges eius, & sunt contra decorum, contra aequum, contra phas & ius, alios quoque incitantia ad paria studia & scelera. Hic enim commemoro idololatriam, cades, stupra, auaritia, luxum & superbiam. Ita collocat uitulos aureos in scandalum toti genti Izraeliticae impius Ieroboam. Sic multi suis perpotationibus & luxu uestium non tantum offendunt alios, sed & deteriores reddunt, cum eos exemplo suo in similia secum abripiunt scelera.

Grande est peccatum scandalum.

Math. 18.

Porro peccatum scandalum atrocissimum esse, uel unica Domini in Euangelio sententia confirmat. In Matthæo enim dicit, Ve mundo ab offendiculis. Necesse est ut ueniant offendicula: ueruntamen uia homini, per quem ueniunt. Qui offendit unum de pusillis illis, qui credunt in me, expedit ei ut suspendatur mola asinaria in collum eius, ac demergatur in profundum maris. Paulus quoque Apostolus ad scandalizantes fratres dicit, Per tuam offensionem perit frater tuus, pro quo Christus fuit mortuus. Et iterum, Sic autem peccantes in fratres, & uulnerantes eorum conscientias infirmas, in ipsum Christum peccatis. At hoc quid poterat uel cogitari atrocius? Caueamus ergo omnes, ne scandalum ullum, abutentes Christiana libertate, obijciamus infirmis: sed ea quæ charitatis sunt faciamus semper.

Non ex Euangelio, sed hostibus Euangelij scandala.

1. ue. 12.

Ante omnia tamen obfirmandus est hic animus contra hostes Euangelij, congerentes in Euangelicæ doctrinæ & concionatores & studiosos, ingentes aceruos scandalorum seu offensionum. Vobis debemus, inquiunt, omnes turbas, omnia dissidia, bella & mala, quibus hodie conturbatur orbis. Obfirmandus est, inquam, animus celeberrimo dicto Christi in Euangelio dicentis. Non ueni ad mittendum pacem, sed gladium. Nam ueni, ut dissidere faciam hominem aduersus patrem suum, & filiam aduersus matrem suam, & sponfam aduersus socrum suam: & inimici hominis erunt domestici eius. Reducenda hic sunt ponendaque ob oculos prophetarum & Apostolorum illustria exempla. Audit à rege Achab propheta Dei Helias, se esse conturbatorem ac pestem regni. Sed regerit in ipsum regem propheta malum. Obijciunt Iudæi rebelles Ieremiæ, ab eo die quo relicto cultu deorum, uerbum Dei prædicari coeperit, nullum ulli felicitati fuisse locum, sed agminationem omnia in ipsos irruisse mala. Sed audiunt id esse ex peccatis, & præcipue ex ingratitudine ac rebellionem ipsorum. Contra Paulum & Silam clamant increduli Thessalonicae Iudæi, Hi qui terrarum orbem conturbarunt homines, huc quoque uenerunt. Cæterum Paulus contra calumniatores & persecutores suos Iudæos loquens, Hi, inquit, ut Dominum Iesum occiderunt, & proprios prophetas, ita & nos persecuti sunt, & Deo non placent, & omnibus hominibus aduersantur, qui obsistunt nobis ne prædicemus gentibus Euangelium, ut saluæ fiant, ut expleant peccata sua semper, & tandem perueniat ira Dei super eos in finem. Hæc & similia cogitent & uersent secum pii, perseuerentque patientes & constantes in propagaanda doctrina Euangelica, ut ut fremit hic mundus & offendicula obijciat. Hæc autem hætenus de Scandalo.

De bonis operibus.

Restat modò, ut postremo huius Sermonis loco, sicuti initio promissimus, dicamus & de Bonis operibus. Didicimus enim libertatem Christianam non esse licentiam, sed adoptionem in numerum filiorum Dei, qui omnem uitam suam studio

uirtutum

virtutum impendunt. Didicimus legem Dei regulam & doctrinam esse bonorum operum. Ordine itaq; differendum est de bonis operibus.

De significatione certa operum, cōstituamus ante omnia, quòd uariis sit usus uocabuli & pateat latissimè. Opera enim sunt labores & exercitia hominum, quibus uictum sibi parant. Præcipit enim Apostolus proprijs operari manibus. Vnde lex ne ullum opus faciamus in sabbato. Et Israelitæ opprimebantur in Ægypto operibus duris. Sunt & operarij quibus in Euangelio dominus iubet numerare mercedem. Opus est illud quoq; quod fit uel exprimitur ab artifice uel operante. De figulo enim loquens Ieremias, Faciebat opus, inquit, super rota. Significat opus officium. Nam Paulus, Opus perfice, inquit, euangelistæ. Et spiritus sanctus loquens in ecclesia Antiochena, Segregate mihi, inquit, Paulum & Barnabam in opus ad quod delegi eos. Vocantur autem opera domini magnifica Dei facta, quibus suam potentiam & bonitatem declarat hominibus: adeoq; cælum, terra, & ipse homo dicitur esse opus manuum Dei. Opera sunt etiam beneficia Dei. In euangelio enim dicit, Opera bona multa ostendi uobis. Iam sunt opera mala, opera inquam, iniquitatis. Vnde appellantur operarij iniquitatis. Illis respondent opera carnis & tenebrarum. Rursus sunt opera bona, uirtutes, inquam, uariæ, fidei fructus, cuiusmodi est iustitia, charitas, temperantia, patientia, spes, &c. Dixit enim in Euangelio dominus, Sic luceat lux uestra coram hominibus, ut uideant uestra opera bona, & glorificent patrem in cælis. Apostolus ait cōditos esse nos ad opera bona, ut in eis ambulemus. Eadem appellantur fructus pœnitentiæ, & opera pœnitentiæ digna. Appellantur opera lucis & fructus spiritus. Eadem sunt humanitatis beneficentiæ et charitatis opera, qualia commendantur in Tabitha illa, quæ legitur fuisse plena bonorum operum. Paulus, Operemur bonum, ait, dum habemus tempus, cū erga omnes, tum maxime erga fidei domesticos. Huiusmodi opus humanitatis & charitatis impendit Maria seruatori nostro, qui dixit, Bonum opus operata est in me. His ad hunc modum explicatis, describemus iam bona opera suis coloribus & attributis.

Bona opera actiones sunt, quæ fiunt à renatis ex spiritu Dei bono, per fidem, & secundum uerbum Dei, ad gloriam Dei, uitæq; ornamentum & honestatē, de-  
niq; ad utilitatem proximi. Hæc breuem descriptionem, per partes prosequentes,  
quantum gratiæ concefferit dominus, explicabimus.

Principio fontem bonorum operum nō alium indicamus, quā ipſum Deum omnium bonorum authorem. Propheta enim, Omnis homo mendax, ait, ſolus Deus uerax. Et dominus in Euangelio, Nemo, inquit, eſt bonus, niſi ſolus Deus. Oportet itaq; bona opera non oriri ab homine, qui mendax & corruptus eſt, ſed ab ipſo Deo omnium bonorū fonte. Regenerat autem hic omnes per ſpiritum ſuum, & per fidem in dominum Ieſum, ut renati iam non ſua propria, id eſt, carnis, ſed ſpiritus, gratiæ, adeoq; Dei ipſius opera faciant. Opera enim renatorum enaſcuntur ex inhabitante Dei ſpiritu bono, qui ut ſuccus uitalis plantas uegetat ad proferendos fructus, ita ille uarias ex homine progerminat uirtutes, atteſtante Domino & dicente in Euangelio, Ego ſum uitis: uos palmites eſtis. Sicut palmes *Joan. 15.* non poteſt ferre fructum à ſemetipſo, niſi manſerit in uite; ſic nec uos niſi in me manſeritis. Qui manet in me, & ego in eo, hic fert fructum multum; quia ſine me nihil poteſtis facere. Ad eandem refertur cauſam, cum dicimus bonum opus fieri per fidem. Nam fides donum Dei eſt, qua Chriſtum apprehendimus, per quam & iuſtificamur, & uiuificamur, dicente ſcriptura, Iuſtus ex fide ſua uiuet. Et alibi Paulus, Per fidem inhabitat Chriſtus in cordibus ueſtris. Et iterū idem ille, Viuo *ephe. 3. Gal. 2.*

*Operum in scripturis significatio.*

14p4ef. 4.

Acto. 13.

Jan. 10.

math. 5.

ερθε. 2.

Gala-S.

Mar: 14

**Bona opera  
quid.**

**Causa bonorum operum.**

1947-15.

ερ4η. 3.  
ααα. 2.



iam non ego, sed uiuit in me Christus. Et uitam quam nunc uiuo in carne, per se-  
dem uiuo filij Dei, qui dilexit me & tradidit semetipsum pro me. Cæterum uiu-  
uia facit opera, per eum haud dubie, per quē uiuificatus est: & iustificatus ope-  
ratur opera iustitiæ, nimirum per eum, per quem iustificatus est: id est, iustus per  
Christum facit iustitiā: ac iustitia totum comprehendit chorum uirtutum. Ita so-  
lus Deus manet fons & origo bonorum operū. Sed uideamus testimonia, ex qui-  
bus liquide discamus, ipsi Deo in renatis per spiritū & fidem operanti, renatorum  
opera tribui. Moses testatur & ait, Benedicet tibi dominus, & circumcidet domi-  
nus Deus tuus cor tuum, & cor seminis tui, ut diligas dominum Deum tuum ex  
toto corde tuo, & in tota anima tua, ac uiuas. En quod pī legitime Deum diligit,  
ex circumcisione profluit. Circumcidit autem dominus. Isaías propheta clarius di-  
cit, Domine tu ordinabis pacem: quoniam tu etiam operatus es in nobis omnia o-  
pera nostra. In Euangelio secundum Ioannē dicit ipse saluator, Qui operatur uo-  
ritatem, uenit ad lucem, ut conspicua fiant opera eius, quod per Deum facta sunt.  
Et iterum, Qui manet in me, & ego in eo, hic fert fructum multum. Quia sine me  
nihil potestis facere. Apostolus quoque ad Philippen. Vobis, inquit, donatum est  
pro Christo, non solum ut in eum credatis, uerum etiam ut pro illo patiamini. Et  
adhuc illustrius, Deus est qui agit in uobis, & ut uelitis, & ut efficiatis pro bono  
animi proposito. Sic & S. Iacobus Apostolus, Omnīs, ait, donatio bona & omne  
donum perfectū, ē supernis est, descendens à patre luminū. Sed & S. Petrus Apo-  
stolus omnes boni operis partes Deo transcribens, ait, Deus omnis gratiæ, qui uo-  
cauit uos ad æternam suam gloriam per Iesum Christum, instauret uos, fulciat, ro-  
boret atque stabiliat. Nam nos non sumus idonei, ut iterum dicit S. Paulus, ex no-  
bis ipsis, cogitare quicquam, tanquam ex nobis ipsis, sed omnis idoneitas nostra ex  
Deo est. Proinde solus Deus manet unicus bonorum operū fons, profundens per  
sanctos opera uerè bona.

Dei opera im-  
putantur ho-  
mī. Hoc tamen hic oportet additum, ipsa opera bona, tametsi reuera Dei & pro-  
prie loquendo spiritus & fidei fructus sint, dici nihilominus & esse etiam nostra,  
id est, hominum fidelium opera, partim quod per nos operatur Deus, nostrisq; mi-  
nisterio in his conficiendis utitur, partim quod per fidem filij Dei facti, atque idcirco  
fratres & cohæredes Christi, effecti sumus. Ex hoc enim hæreditatis iure, om-  
nia Dei opera donaq; nostra, nō uelut aliena, sed maxime propria esse incipiunt.  
Sed & scriptura illa nobis tribuit, tanquam filijs & ingenuis. Nam dominus in Eu-  
angelio, Seruus non manet, inquit, in domo in æternum, filius manet in æternū.  
Quemadmodū ergo omnia quæ sunt in domo paterna, iure hæreditatis proprie-  
tatisq; filio obueniunt, tametsi ipsa non sua pararit industria, sed acceperit liber-  
tate parentum: ita & opera Dei, quæ ille in nobis & per nos operatur, dona quæ  
ab ipso habemus, nostra dicuntur & sunt, quia sumus filij familiās, seu adoptati,  
& idcirco iusti hæredes. Inter n̄ ingratissimi animi foret indicium, si filius adopti-  
tus, paternæ munificentiæ & liberalitatis immemor, omnes illas facultates hære-  
ditate acceptas, suo studio suaq; uigilia partas gloriaretur. Vnde religiosissime  
dixit Apostolus, Quid habes quod nō accepisti? Quod si accepisti, quid gloriaris  
quasi nō acceperis? Religiosè sentiebat S. Dei martyr Cyprianus, qui dicere sole-  
bat, In nullo glorandum, quando nostrum nihil sit. Huc pertinere uidetur quod  
apud Isaïam legitur: Nunquid gloriabitur securis contra eum qui secat cum eat  
nunquid gloriabitur serra contra eum qui ipsam agit? Certè nos sumus organa  
Dei per quæ operatur. Nā Apostolus, Dei inquit, sumus cooperarij, Dei agricola-  
tio, Dei ædificatio estis, iuxta gratiam Dei, quæ data est mihi. Ergo secundum scri-  
pturā

Deu. 30.

Philip. 1. et  
2.

Iacob. 1.

1 Pet. 5.

2. Corin. 4.  
3.

Joan. 8.

1 Corin. 4.

1. Corin. 3.

pturæ Apostolicæ sensum pronunciauit S. Augustinus, cum lib. de Gratia & libero arb. in 6. cap. ita scribit, Cum data fuerit gratia, incipiunt esse etiam merita nostra bona, per gratiam tamen. Nam si illa sese subtraxerit, cadit homo, non erectus, sed præcipitatus libero arbitrio. Quapropter quando coeperit homo habere merita bona, non debet sibi tribuere illa, sed Deo, cui dicitur in Psalmo. Adiutor meus esto, ne derelinquas me. Dicendo, Ne derelinquas me, ostendis, quia si derelictus fuerit, nihil boni ualet ipse per se. Proinde hisce uerbis euidenter satis ostendit S. Augustinus, opera bona ita esse nostra, ut interim Dei esse non desinant, imò debeantur nihilominus gratiæ operantis Dei.

Ex his uerò quæ iam de uera bonorum operum causâ protulimus ex scripturis, facile erit intelligere quomodo tribuat scriptura operibus nostris iustitiam. Alibi enim euidenter satis demonstrauius (& adijciemus quædam ubi uentum fuerit ad tractationem Euangelij) fidem, non opera nostra, iustificare. Id quod caput & fundamentum est euangelicæ & apostolicæ doctrinæ. Opera nostra in uniuersum omnia, uel naturæ aut carnis, uel legis aut legalia, uel fidei aut gratiæ opera sunt. Naturæ autem uel carnis opera damnant, non iustificant: Quia quod natum est ex carne, caro est. At affectus carnis mors est, & inimicitia contra Deum. De operibus legis quid pronunciarit Apostolus, copiose exposui proximo sermone. Ex operibus legis non iustificabitur, ait, ulla caro. Caterum si opera gratiæ uel fidei excutiamus, inueniemus, ea fieri uel facta esse à fidelibus & iustis. Vnde manifestum est quòd iustificatio præcessit opera iustitiæ. Iustus enim operatur iustitiam, ut iustitia iusti sit fructus. Gratis quidem homo iustificatur, non per opera, quæ iustificationem sequuntur. Quid quod scriptura aperte testatur, ne ipsum quidem Abrahamum, omnium credentium patrem, ex operibus gratiæ uel fidei fuisse iustificatum? Vixit is ante legem annis 430. credidit Deo, & ex fide uera excellentissima opera fecit: uerum ex his suis fidei operibus minimè est iustificatus. Paulus enim manifestè sic argumentatur, Si Abrahā ex operibus iustificatus est, habet quod gloriatur: at non apud Deum. Quid enim scriptura dicit? Credidit Abraham Deo, & imputatum est ei ad iustitiam. Ei uerò qui operatur, merces non imputatur secundum gratiam, sed secundum debitum. Porro ei qui non operatur, sed credit in eum qui iustificat impium, imputatur fides sua ad iustitiā. Quòd autem concludimus & nos ad Abrahæ exemplum fore iustificandos, ex fide, non operibus, non ex nobis ipsis, sed apostolica doctrina cōcludimus. Dicit enim Paulus, Non scriptum est autem propter Abraham tantum imputatam illi fidem ad iustitiam, sed etiam propter nos, quibus imputabitur, si credamus in Christū. De hac re disputatum est etiam 6. Ser. Decad. 1. Certè imò pectore recondendum censeo fidelibus hoc dogma apostolicum & euangelicum, Gratia Dei, non meritis nostris, per fidem in Christum, non per opera nos iustificari.

Cum autē hoc dogma urgemus & inculcamus, dicimur à multis patroni esse omnis nequitie, & hostes omnium uirtutum aut bonorum operum. Nos uerò doctrina & assertionem illam nostram de sola fide iustificante, non uituperamus bona opera, non putamus illa esse superuacua, non dicimus illa non esse bona: oppugnamus potius abusum bonorum operum, & doctrinam de operibus bonis corruptā uel uisatam fermento pharisaico. Docemus enim facere bona opera, sed nolumus illa uenum exponi, & emi nescio quibus contractibus, nolumus illis fidere quenquam, nolumus de donis dei gloriari quenquam, nolumus illis simpliciter tribui uel uim iustificandi, uel promerendi uitam æternam. Ita enim uilesceret & oppugnaretur Christus, qui solus morte sua promeruit nobis regnum cœlorum. Neq̃

*Nulla opera  
iustificant.*

*operum iustiti-  
um diuisio*

*Gal. 3.*

*Rom. 4.*

*Bona opera nō  
reijciuntur: sed  
damnantur con-  
trahunt abusus.*



hoc modo, sicut multis uidetur, separamus opera à fide. Docemus illa ab hac minime auelli, sed coherere arctissime: ita tamen ut proprie tribuatur fidei iustificatio, non operibus. Hæc enim in nostram dignitatē incumbunt, fides innititur promissioni Dei, quæ nobis iustitiā & uitam in solo Dei filio proponit. Ac satis quidem per seipsum & suapte uirtute efficax est Christus ad iustificandum credentes, neque ullo nostro indiget operum supplemento.

Quomodo scriptura tribuat nostris operibus bonis iustitiam.

Rom 2

Rom 4

Rom 6.

Joan. 15.

Ephes. 2.

Paralogismi eorum qui operibus tribuunt iustificationem.

Distinctio quæ habet Dei secundum operationes

Simul autem agnoscimus scripturam falsim bonis operibus in speciem tribuere uitam & iustitiam. Atqui scriptura secum non pugnat: inquirendum est ergo qua ratione aut quomodo & uita & iustitia nostris tribuatur operibus. S. Augustinus ita soluit, ut bona opera ad gratiam Dei referat. Nam in libro De Gratia & libero arbitrio cap. 8. hæc scribit, Si uita æterna bonis operibus redditur, sicut apertissime scriptura dicit, Quoniam Deus reddet unicuique secundum opera sua, quomodo gratia est uita æterna, cum gratia non operibus reddatur, sed gratis datur? ipso apostolo dicente Ei qui operatur merces non imputatur secundum gratiam, sed secundum meritum. Et iterum, Reliquiæ, inquit, per electionem gratis salutæ factæ sunt. Et mox addit, Si autem gratia, iam non ex operibus: alioqui gratia iam non est gratia. Quomodo ergo gratia est uita æterna, quæ ex operibus sumitur? An forte uitam æternam non dixit Apostolus gratiam? Imò uerò sic dixit, ut negari omnino non possit: nec intellectorem acutum, sed tantummodo intantum desiderat auditorē. Cum enim dixisset, Stipendium peccati mors, continuo subdit, Gratia autē Dei uita æterna, in Christo Iesu domino nostro. Ista ergo questio nullo modo uidetur mihi posse dissolui, nisi intelligamus & ipsa bona opera nostra, quibus æterna redditur uita, ad Dei gratiam pertinere: propter illud quod ait dominus Iesus, Sine me nihil potestis facere. Et ipse Apostolus, cum dixisset, Gratia salutis facti estis, per fidem addit, Et hoc non ex uobis: Dei donum est: non ex operibus, ne quis gloriatur. Hæc Augustinus hætenus. Et quamvis satis sit pia & clara hæc beati Augustini responsio, ueritatem simpliciter indaganti, non dubito tamen pluribus ea non fieri satis. Illi ipsi conabuntur, sat scio, ex Augustini uerbis colligere, etiā opera, non fidem duntaxat iustificare. Sic enim colligunt, Per gratiam iustificamur, & æternam uitam consequimur: at opera bona pertinent ad Dei gratiam: illa ergo iustificant. Libet autem cum his paululum conferre manus, ut hisce pauculis colliquescat sophismata esse quæ isti uenditant pro solidis argumentis. Et principio norunt omnes non stupidi Paulinæ doctrinæ studiosi, non posse hæc propositiones simul consistere, Gratia iustificamur: & Operibus iustificamur. Sole enim clarior est illa Pauli sententia, Si ex gratia, iam non ex operibus: alioqui gratia non est gratia. Vtranque propositionem fatemur innuere, uidelicet & gratiam iustificare, & Opera pertinere ad gratiam Dei. Ceterum consequentiam esse falsam deprehendimus. Similiter enim uerè diceretur, Homo quidem uidet: & manus pertinet ad hominem. Quis uerò inde colligat: ergo manus uidet? Omnes enim intelligunt hominem constare membris, & singula habere suas uires & sua officia. Rursus Gratiam Dei, indiuisam alioqui, distinguimus secundum operationes, quis est qui ignoret? Est enim gratia in Deo ueluti generalis, qua cunctos condidit mortales, qua pluit super iustos & iniustos. Sed hæc non iustificat. Alioqui iustificarentur omnes impij. Deinde est gratia singularis illa, qua gratis nos propter filium unigenitum adoptat pro filiis: non omnes quidem, sed credentes duntaxat, quibus uidelicet peccata non reputat, iustitiam uerò filij sui unigeniti imputat. Et hæc uerè & sola iustificat. Rursus est gratia, quæ diffusa in animos nostros, opera bona per iustificatos profert. Hæc non iustificat, sed ex iustifica-

iustificatis iustitiæ fructus progignit. Concedimus ergo ad gratiam pertinere bona opera, sed sua ratione, suo modo & ordine.

Obijciunt iterum, Verum gratia uel fides & opera, item iustificatio & sanctificatio inseparabiliter coniuncta sunt: ergo quod uni congruit, competit alteri. Ac nullo quidem modo inficias eo fidem & opera inter se coherere: nego autem modis omnibus utraq; illa unum esse, ut quod uni attributum est, alteri quoq; congruere possit. Fides enim quanquam sit imbecillis & imperfecta in nobis, nititur tamen perfectione Christi, huiusq; solius, & eatenus iustificat. Opera uero nostra semper aliquid uitij, ut ne quid dicā acerbius aliud, habent aspersum, propter morbum nobis omnibus agnatum: sed inde non sequitur gratiam Dei ullo nostro pollui uitio. At hoc consequi oporteret, si propter coniunctionem arctissimā unius esset quod est alterius. Solis lumen quanquam nunquam separetur à calore, attamen calor non est. Nec sequitur, Sol orbem illuminat, ergo calor omnia illuminat. Quia in sole sunt calor & lumen indissociata. Quinimò Sol secundum lumen orbem illuminat, interim minimè illuminat secundum calorem. Et tamen Sol calefaciens illuminat etiam. Sic iustificamur gratuita Dei misericordia propter Christum dominum gratis, non secundum gratiæ opera: licet hæc progignantur & prouehantur per illam. Ita uero oportet omnem gloriam in solidū gratiæ Dei tribuere, nec phas est ut inde nobis partiamur quicquam.

Rursus uero sophisticantur illi, Etiam si doceamus non solum propter fidem in Christum, sed etiam propter opera fidei, fidelibus reddi à Deo uitam æternam, Deo nihilominus omnis cedit gloria: præsertim cum fateamur opera illa per gratiam Dei fieri in nobis. Respondemus, Deo gloriam ita tribuendā prout ipse uult sibi tribui. Si Dei uoluntas aut cōsiliū esset, nos in suam amicitiam recipere propter opera quæ in nobis facit Dei spiritus & gratia, temerè unigenitū filium suum misisset in mundum, temerè destinasset illum morti acerbissimæ. Deus autem nihil in uniuersa creatura sua, nec in cœlo nec in terra, multò minus hac in causa omnium maxima, frustra fecit. Quare certissimum est, consiliū Dei nunquam fuisse, nos propter uirtutes & opera fidei redimere à diabolo & acceptare pro filijs, sed propter unicam Christi filij sui unigeniti domini nostri hostiam uel satisfactionem. Firmum enim & inuictum perstat hic Pauli iudiciū dicentis, Si ex operibus legis est iustitia, ergo Christus frustra fuit mortuus. Inuicta triumphat hæc S. Petri diuina sententia, Non est in alio quoquam salus.

Iam uero & scripturæ aliquot locos inter se committentes colligunt, Quamquam Paulus alicubi dicat, Gratia salui facti estis, per fidem, idem tamen alibi scribit, Spe seruati sumus. Quis autem nesciat spem patientia quasi uegetari? Christo etiam in Euangelio astipulante & dicente, In patientia uestra possidebitis animas uestras. Proinde non sola fides seruat, sed & spes ac patientia. Dicimus diuū Apostolum satis se explicare, si quis omnia eius legat ex integro, expendatq; quod quaq; dicat consilio. Gratia, inquit, estis seruati, per fidem: idq; non ex uobis, Dei donum est: non ex operibus, ne quis gloriatur, &c. An non pauculis hisce uerbis quid de gratia uel fide & operibus sentiat exposuit clarissime? Quis planiora postulauerit? Nemo tam bardus, qui non intelligat gratiæ in solidum & merè tribui totum salutis beneficium. Neq; enim partitur salutem uel iustitiam, operibus partim, partim fidei uel gratiæ, neq; potiores fidei, inferiores operibus tribuit. Excludit omnem gloriationem. Gratia per fidem, inquit, seruati estis: & addit mox, Idq; non ex uobis. Causam subiungit, Dei donum est. Et iterum, Non ex operibus. Causam subnequit, Ne quis gloriatur. Qui hæc non intelligit, nihil profectò intelli-

obiectis

Gal. 2.  
Acto. 4.ephe. 2.  
Rom. 8. 24



lignit. Qui hæc torquet & calumniatur, expulit in solem, & dicit lucem esse tenebras. Quod uerò idem Apostolus alibi dicit, Spe seruati sumus, ex totius loci contextu colligitur ipsum tale quid enunciasse, Dixi eos qui credunt Christo, esse filios atq; hæredes Dei, eoq; uerè saluos atq; beatos: uerum hoc uelim quemlibet intelligere spe & expectatione, nondum reipsa aut præsentis perfruitione. Quis uerò hinc colligat, Ergo spes iustificat? Quinimò nos sic colligimus, Patientia processus nulla est, nisi patiens uera fide prius iustificatus sit: idcirco patientiæ laus & uirtus tota pendet ex fide: non autem fidei ex patientia, etsi declaratur & exercet se per patientiam.

Nam omnibus modis homine Christiano indigna est sententia, quæ assertio peribis nostris perfici fidem, id est, per opera sarciri quod fidei diminutum uidetur. Cum enim fidem dicimus, non qualitatem in animis nostris hærentem dicimus, sed ipsum cum iustitia & donis suis Christum dominum: cui ut unico fundamento inniditur fides nostra. At uelle imperfectionem Christi supplere, quid aliud est, quam filium Dei satanica defecare blasphemia? Operibus quidem exercet & declarat se fides sanctorum: sed opera nequaquam perficiunt quod perfectioni Christi uidetur deesse. Nihil enim desideratur in liberatione, redemptione & iustificatione Christi. Dixit sanè Apostolus Iacobus, Vides quòd fides ex factis perfecta fuerit: uerum non uoluit aliud dicere, quam, Vides fidem insequentibus operibus declarasse, quòd uera & iusta sit, non hypocritica? Nam ante hæc uerba dixit, Vides quòd fides eius efficax fuerit per opera? Rursus dixit Apostolus Paulus, Suppleo uel adimpleo ea quæ defunt afflictionibus Christi, in carne mea, pro corpore eius. Cæterum *τὴν ὑπερβύτην* rectius uerteris quæ supersunt, quam quæ defunt afflictionibus Christi. Nam Græci *τὴν ὑπερβύτην* appellant nō modò ea quæ defunt, sed ipsas quoq; reliquias (quo uerbo usus est S. Ambrosius) quæ in quâ supersunt, & posterius relicta sunt. At beatus Petrus, Christus, inquit, passus est pro nobis, relinquens nobis exemplum, ut insequeremur eius uestigia. Hæc ergo reliquias expleisse patiēdo asseuerat Apostolus.

1. Pet. 2.

1. Cor. 13.

Posthæc proferunt Apostoli Pauli uerba, Si habeam omnem fidem, adeo montes loco dimoueam, charitatem autem non habeam, nihil sum. Hinc enim colligunt, Ergo non tantum fides, sed & charitas: imò magis charitas quam fides iustificat. Nos uerò dicimus Paulum in præsentis nec negare fidem solam iustificare, nec charitati sanctorum iustificationem tribuere. Nam cum fide nos iustificari aliorum, uel fidem iustitiæ causam constituimus (id quod sæpius repetendum adhibere, & inculcandum uidetur) non intelligimus fidem tanquam uirtutem in nobis exercere, & qualitate sua nobis adhærente mereri iustitiam apud deum: sed quoniam fidem nominamus, intelligimus gratiam Dei in Christo exhibitam, quæ per fidem gratuito nobis applicatur, uelutiq; gratuitum donum Dei apprehenditur recipiturq;. Et eo modo usurpat & Paulus fidei nomen, cum fidem iustificare conuadit. At in loco ad Corinthios 13. cap. fidei uocabulum non ita usurpat, sed pro uirtute miracula designandi. Id quod ex his patet, quæ protinus sequuntur, Ita ut montes transferam. Ea non apprehendit totum Christum, sed tantum potentiam in edendis miraculis. Ideoq; interdum esse potest in homine iniusto uel hypocrita qualiter erat in Iuda Iscariota, cui nihil profuit fides signorum, cum careret fide iustificante, quæ protinus progignit ex se charitatem.

Rursus cum obijciunt illud ex euangelio Ioannis, Qui habet præcepta mea & seruat ea, ille est qui diligit me: & pater meus diliget eum, & ad eum ueniamus, & mansionem apud eum faciemus: ergo propter obseruationem præceptorum, id est, propter

Joan. 14.

propter opera coniungitur nobis Deus. Nos uicissim illud eiusdem Ioannis Apostoli & Euangelistæ obtendimus, Ex hoc cognoscimus quod in eo manemus, & ipse in nobis, quoniam de spiritu suo dedit nobis. Est autem is Dei spiritus, munus gratuitum, ergo obigit nobis coniunctio illa cum Deo gratis. Sequitur in Ioanne, Et nos uidimus & testamur, quod pater misit filium seruatorem mundi. Audis opinor per quid seruetur mundus, & quis sit saluator mundi, Christus. Quis uero nescit hunc à patre nobis missum esse mera Dei gratia? Sequitur quomodo illa gratia recipiatur, Quisquis confessus fuerit quod Iesus est filius Dei, Deus in eo manet, & ipse in Deo. Cæterum Ioan. 6. pro confiteri reponitur credere. Nec mirum, cum ex uera fide exoriatur confessio uera. Fide ergo recipimus salutem, fide coniungimur cum Deo. Sed præteritis rixatoribus, quibus nunquam de erunt sophismata, reuertimur ad institutum nostrum, ut ostendamus qua ratione operibus tribuatur uita & iustificatio.

Exercitati in literis diuinis ad reconciliandas in speciem dissidentes scripturæ sententias, docent fidem & opera non disiungi re ipsa. Nam idem spiritus sanctus, qui fidem largitur, simul regenerat intellectum & uoluntatem, ut fidelis ardentius cupiat & conetur Deo per omnia inseruire. Dicimus ergo propter inseparabilem illam coniunctionem fidei atque uirtutum, quæ comitantur & sequuntur fidem, illis aliquando minus propriè tribui, quod magis est proprium fidei, propriissimum autem Christi per fidem apprehensi, fidei quoque fundamenti. Hoc ipsum conabimur adhuc clarius exprimere. In fide uera spectantur duo, Reconciliatio & Obedientia. Reconciliatio quidem, quia fide intelligimus & firmiter tenemus Deum nobis reconciliatum esse, propter Christum, per quem adoptati sumus in numerum filiorum Dei. Obedientia autem, quia reconciliati sese totos ei dedicant, cui reconciliati sunt, cupientes facere uoluntatem eius. Iam ergo dicimus duplicem esse iustitiam, nempe iustificantem & obedientem. Iustificantis meminit Apostolus, cum dixit, Iustificati ex fide pacem habemus erga Deum, per Dominum Iesum Christum, per quem reconciliati sumus. Obedientis idem meminit cum dixit, An nescitis quod cui accommodatis uos ipsos seruos ad obediendum, eius seruistis, cui obeditis: siue peccati ad mortem, siue obedientiæ ad iustitiam? id est, quæ obedientia efficit ut faciatis ea quæ iusta sunt, sitis quoque serui iustitiæ, quod cedit uobis ad uitam: & non serui peccati, quod cedit ad mortem. Iam ergo iustitiæ reconciliatrici per Christum propriè tribuitur iustificatio, impropriè iustitiæ obedienti. Nam hæc ex illa existit, & sine illa non appellaretur iustitia. Quibus & hoc accedit, quod iustificati in hanc obedientiam prorsus nihil confidunt, utpote semper propter carnem nostram in hoc mundo contaminatam.

Hæc non dissimilis est & hæc, quam addimus, explicatio, Fidei propriissimum opus est purificatio & sanctificatio. Nam S. Petrus disertè dicit, fide purificari corda. Cæterum in sanctificatione duo præcipua ostendunt sacræ literæ. Prius Iesu Christi sanguine purificari gratis omnes credentes. Iterum enim S. Petrus, Sci. 1. Petri. 1. th uos redemptos esse, inquit, non caducis rebus uelut auro & argento, sed pretioso sanguine uelut agni immaculati. S. Paulus, Per uoluntatem, ait, Dei sanctificati sumus, per oblationem corporis Iesu Christi semel peractam. Vnica enim oblatio ne perfectos effecit in perpetuum eos, qui sanctificantur. S. Ioannes quoque, Sanguis, inquit, Iesu Christi filij Dei emundat nos ab omni peccato. Proinde propriissimè loquendo sanctificat nos per fidem sanguis Christi, qui dixit, Ego sanctifico me pro ipsis, ut sint & ipsi sancti per ueritatem. Posterius est, sanctificatos Christi sanguine per fidem, indies se sanctificare & studere sanctimoniam. Ut autem hoc

1. Ioan. 4.

Conciliaturis  
speciè pugnan-  
tes loci de fide  
& operibus.

In fide uera  
duo spectantur

Rom. 5.

1. Thim.  
Rom. 6.

1. Petri. 1.

Hebræ. 10.

Joan. 11.



1 Pet. 1. faciant sancti, sedulo adhortantur Apostoli. Petrus enim, Quoniam is, inquit, qui uocauit uos sanctus est, ita ipsi quoque sancti in omni conuersatione reddantur, propterea quod scriptum est, Sancti estote: nam & ego sanctus sum. S. Paulus. Hæc, inquit, est uoluntas Dei, sanctificatio uestra, &c. 1. Thessal. 4. S. Ioannes. Nunc filij Dei sumus, nondum tamen quid futuri simus apparuit. Certo autem nouimus quod cum ille apparuerit, similes ei erimus: quoniam uidebimus eum sicuti est. Et omnis qui habet hanc spem in eo, purificat se, sicuti & ille purus est. Hæc autem purificatio, quæ uidelicet nostra cura sit & industria, dicitur sanctificatio, non quia facta sit à nobis, sed quia à sanctificatis Christi sanguine sit facta. Nihil enim ea sanctificatio, quæ sola est uera, præcedat, nostra certè nulla est: sin uero præcedat illa, hæc nostra imputatur pro sanctificatione, licet interim sordes peccatorum manentes in nobis hanc coinquinent, nec quicquam fiduciæ in ipsam collocemus. Quoties ergo operibus nostris bonis iustitiâ in sacris literis ascribi legimus, eas ob causas, quas hactenus exposui, factum putabis. Nequit enim spiritus Apostolicus sibi ipsi aduersari.

Apostoli contra  
iustitiam operum.

Apostoli contra  
abutentes gratia & fide.

His permultum lucis accesserit, si cogitauerimus & hoc, Apostolis Christi tamen fuisse cum duobus hominum generibus, quorum alij contendebant se suis uiribus legi posse satisfacere, suisque meritis uel bonis operibus promereri uitam æternam: imò meritum Christi per se non esse sufficiens parandæ salutis, nisi & hominum accedat iustitia. Contra hos constanter & acriter pugnauit Paulus in omnibus epistolis. Nam isti & Christum & gratiam Dei euacuabant. Alij uero doctrinæ gratiæ & fidei abutentes, uoluebant se in sceleribus, putantes satis esse ad salutem, si dicerent se credere. Fidem autem suam nullis declarabant, etiam cum daretur occasio, bonis operibus. Contra hos constanter & acriter certauit S. Petrus 2. Epistola cap. 1. & S. Iacobus cap. 2. Contendit enim hic Abrahamum iustificationem esse non tantum fide, sed per opera: id est, non inani opinione esse iustificationem, sed per fidem bonorum operum feracem. Aliter enim uocabula Fidei & iustificationis usurpat Iacobus, aliter Paulus. Huic fides est certa fiducia meriti Christi: iustificatio, absolutio à peccatis, & adoptio in numerum filiorum Dei, adeoque & imputatio iustitiæ Christi. Illi autem fides significat inanem opinionem: iustificatio non imputationem iustitiæ, sed declarationem iustitiæ ac adoptionis. Nam in dubitatum est, fidelissimos Christi Apostolos S. Petrum & S. Iacobum nobis scriptis illis suis, gratiam & meritum Christi euacuare, & merita hominum attolere: sed illorum potius impuritati obstare, qui fidem Christi magno cum offendiculo bonorum omnium iactabant, uiuentes interim in sceleribus, sine penitentia, impurissimè. Requirentes ergo opera bona à fidelibus Apostoli Christi, ueram fidem imprimis requirunt, & omnia ad gratiam Dei referunt.

Fides absq; operibus iustificat.

Retineamus ergo firmissimè, Apostolos improprie operibus bonis: fides autem uera proprie: sed propriissime ipsi Christo quo fides fundatur, tribuere iustitiam, uitam, & salutem hominis. Quanquam enim communi lege fides non sit absq; operibus bonis, iustificat tamen absque operibus bonis, & sola quidem. Certissimum enim est ita nobis uitam & salutem communicari, quemadmodum concedebatur filiis Izrael in deserto dipsadum ueneno infectis, sanitas & uita. At non per opera ulla, sed sola inspectione aut contemplatione ænei serpentis restituebatur sanitas: ergo & nobis per solam fidem, quæ Christi uera inspectio & contemplatio est, participatur uita. Sicut Moses exaltauit serpentem in deserto, ait Saluator, ita exaltabitur filium hominis, ut omnis qui credit in eum, non pereat, sed habeat uitam æternam. Et Apostolus Paulus, Gratia estis seruati per fidem, id est, non ex uobis.

Joan. 3.  
ephe. 2.

Dei donum est: non ex operibus, ne quis gloriatur, &c. Congruunt cum Evangelica & Apostolica doctrina & doctorum quorundam ecclesiæ testimonia. Quæ C. V. recitabo, non quòd diuina nobis non sufficiant, sed ne uideamur esse noui dogmatis authores. Quanquam nouum esse non possit, quod petitur ex doctrina Evangelica & Apostolica, tamen omnes ecclesiæ doctores contradicerent: iam uerò eximij quidam & ipsi disertè ostendunt, non tantum loquuntur aut scribunt, solam fidem iustificare.

Origenes in 3. cap. Epistolæ Pauli ad Roma. scriptor peruetustus, scriptum reliquit, Dicit Paulus sufficere solius fidei iustificationem, ita ut credens quis tantummodò iustificetur, etiamsi nihil ab eo operis fuerit expletum. Quòd si exemplum requiramus, quis sine operibus, sola fide, iustificatus sit, sufficere arbitror illum latronem, qui cum Christo crucifixus, clamauit de cruce, Domine Iesu, memento mei, cum ueneris in regnum tuum. Nec aliud quicquam describitur boni operis eius in Euangelij, sed pro hac sola fide, ait ei Iesus, Amen dico tibi, hodie mecum eris in paradiso. Per fidem ergo iustificatus est hic latro, sine operibus legis. Quia super hoc Dominus non requisit quid prius operatus esset, nec expectauit quid operis cum credidisset expletum, sed sola confessione iustificatum comitemque sibi, paradysum ingressurus assumpsit. Sed & ad mulierem quæ in Euangelio secundum Lucam refertur, ex nullo legis opere, sed pro sola fide, ad eam ait, Remittuntur tibi peccata tua. Et iterum, Fides tua te saluam fecit, uade in pace. Sed & in multis Euangelij locis hoc sermone usum legimus seruatore, ut credentis causam dicat esse salutis eius. Et paulò post idem Apostolus dicit, Mihi autem absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo. Vides Apostolum non gloriantem super iustitia sua, neque super castitate, neque super sapientia, neque super cæteris uirtutibus aut actibus suis, sed apertissime pronuntiantem & dicentem, Qui gloriatur, in Domino gloriatur: & sic exclusa est gloriatio. Et quæ sequuntur alia plurima in hanc sententiam.

Beatus Ambrosius in Enarratione Epistolæ Pauli ad Romanos in cap 3. & 4. sic scripsit, Iustificati sunt, inquit Paulus, gratis, quia nihil operantes, neque uicem reddentes, sola fide, iustificati sunt dono Dei.

Secundum propositum gratiæ Dei, sic decretum dicit Paulus à Deo, ut cessante lege, solam fidem gratiæ Dei posceret ad salutem.

Hoc ipsum munit exemplo prophetæ beatitudinem hominis, cui Deus accepto fert iustitiam sine operibus, beatos dicit de quibus hoc sanxit Deus, ut sine labore, & aliqua obseruatione, sola fide iustificentur apud Deum.

S. Ioannes Chrysostomus de fide & lege naturæ ac spiritu sancto disertis uerbis, Eum, inquit, qui operatur opera iustitiæ sine fide, non possum probare uiuum fuisse. Fidelem autem absque operibus possum monstrare & uixisse, & regnum coelorum consequutum. Nullus sine fide uitam habuit. Latro autem credidit duntaxat, & iustificatus est à misericordissimo Deo. Atque hic ne mihi dixeris, defuisse ei tempus, quo iuste uiueret & honesta faceret opera. Neque enim de hoc contenderim ego: sed illud unum asseuerauerim, quòd sola fides per se saluum fecerit. Nam si superuixisset, fidei & operum fuisset negligens à salute excidisset. Hoc autem nunc queritur & agitur, quòd fides per se ipsam saluum fecerit, opera autem per se nullo unquam operarios iustificauerunt. Id quod Chrysostomus pluribus ostendit exemplo Cornelij Centurionis. Sufficiunt hæc testimonia minimè rixosis ingenijs. Alioqui plura possem proferre. Verum nolo C. V. onerosus esse, ac uideri spinosus in negotio planissimo.



De meritis uel  
præmio bono-  
rum operum.

Merita bona  
hominū nulla.

Psal. 142.

Luc. 17.

Gala. 2.

Luc. 18.

Premium uel  
merces datur  
bono operi.

Mar. 10.

1 Tim. 4.

Math. 5.

Quibus sine  
proposita præ-  
mia.

Quoniam uerò huic tractationi de iustitia operum, confinis est questio de bonorum operum meritis, adijciam istis paucula de Merito, imò potius de mercede & præmio bonorum operum. In hoc potissimum, ne quis perperam & irreligiose de meritis bonorum operum sentiens, non iam bona, sed mala potius opera habere mereatur.

Vocabulum meriti extraneum seu alienum est à scripturis. In ea enim significatione, qua uerè usurpatur, nempe pro opere nostro meritorio, cui uidelicet meritis rependitur uita æterna aut gratia Dei, obscurat Dei gratiam, & reddit hominem superbum. Quid oro mereantur opera nostra, quæ nemo sanctorum protulerit in conspectum Dei? Clamat Iob, Si iustificare me uoluero, os meum condemnabit me: si innocentem ostendero, prauum me comprobabit. Si lotus fuerim quasi aquis niuis, & fulserint uelut mundissime manus meæ, tamen sordibus iminges me, & abominabuntur me uestimenta mea. Clamat David, Ne introieris in iudicium cum seruo tuo, quia non iustificabitur in conspectu tuo ullus uiuentium. Clamat in Euangelio Christus Dominus. Cum feceritis omnia quæ præcepta sunt uobis, dicite, Serui inutiles sumus: quod debuimus facere fecimus. At paulo superius dixerat, Num Dominus gratiam habet seruo illi, qui fecit quæ imperata sunt? Clamat item Paulus, Non aspernor gratiam Dei. Nam si per legem est iustitia, igitur Christus frustra mortuus fuit. Rursus apud Lucam uituperatur grauer Phariseus, quòd nedum fideret suæ iustitiæ, sed & de suis gloria retur meritis. Et Nabuchodonozor grauissimum sentit supplicium, quòd dixisset sua arte, industria, uirtute, & potentia paratum esse regnum Babylonicum. Quanto uerò grauiori supplicio dignos arbitramur illos, qui arbitrantur, adde & iactitant suis meritis, meruisse regnum cælorum?

Hæc autem non eò tendunt, ut præmium uel mercedem boni operis euacuent, aut negemus præmium esse uirtutibus paratum. Nam Deus uerax est qui promittit, & quod promissit præstat. Promissit autem præmia operantibus iustitiam: sicut pro iustitia & ueritate sua supplicia interminatus est sceleratis & impoenitentibus. Ceterum promissiones Dei duplices sunt, proponentes uidelicet præmia uel mercedem præsentis uitæ & futuræ. Nam Dominus in Euangelio secundum Marcum Amen dico uobis, inquit, nullus est qui reliquit domum, aut fratres, aut agros, pro causa aut Euangelij, quin recipiet centupla nunc in tempore hoc, cum perfectionibus, ac in seculo uenturo uitam æternam. Sed & Paulus, Pietas, inquit, ad omnia utilis est, ut quæ promissiones habeat uitæ præsentis & futuræ. Indubitatus sermo dignusque qui modis omnibus approbetur. Nam in hoc & laboramus & probamur, quòd spem fixam habemus in Deo uiuente, &c. Ac profuerit quidem promptu aut numerato habere testimonia scripturarum de mercede uel præmio boni operis. Paucula, sed euidentia hic recitabo. Dominus apud Isaiam clamat, Dicit iusto quòd bene habebit, quia fructum studiorum suorum comedit. Vixit in simpio malo, quoniā retributio manuum suarum fiet ei. Apud Ieremiā legimus, Prohibe uocem tuam à fletu, quia merces est operi tuo. Et in Euangelio dicit Dominus, Beati estis cum dixerint homines omne malum uerbum aduersus uos, mentientes propter me. Gaudete & exultate, quoniā merces uestra multa est in cælis. Apollolus quoque Paulus, Gloria, inquit, honor & pax omni operanti bonum, Iudeo simul & Græco. Item, Omnes nos manifestari oportet coram tribunali Christi, ut respondeat unusquisque ea quæ fecit per corpus, iuxta id quod fecit, siue bonum, siue malum. Et iterum, Unusquisque suam mercedem accipiet, iuxta suum laborem.

Meminerimus autem strenuè laborantibus mercedem promitti, magnamque ipsi parati

parari præmia. Inertibus & segnibus incumbunt mala præsentis & futuræ uitæ. Certantibus & legitime, debetur corona. Quòd si præmium diu differatur, nec promissiones accipiant certantes, cogitent afflicti ad utilitatem ipsorum afflictiones tendere, sed & ab ipso patre cœlesti imponi. Non ergo despondeant animum, sed fortes sint in pugna, inuocent auxilium Dei. Nam qui perseverauerit in finem usque hic saluus erit. Reuocet quisque exempla sanctorum patrum, quibus complures factæ sunt promissiones, quarum tamen fructum serò tandem multoq; cum certamine perceperunt. Clamat Apostolus Paulus. Certamen bonum decertavi, cursum consummaui, fidem seruauit: quod superest, reposita est mihi iustitiæ corona, quam reddet mihi Dominus in illo die, qui est iustus iudex: non solum autem mihi, sed & omnibus qui diligunt aduentum ipsius. Reuocanda est ob oculos ueritas Dei, dicentis, Cœlum & terra transibit: uerbum meum non transibit. Diu quidem in Ægypto captiui detinebantur Israelitæ: sed non obliuiscébatur uerbi sui Dominus. Commodo enim & maxime opportuno tempore, & maxima quidem cum gloria illos in libertatem asseruit. Amalechitæ diu quidem exultabant in suis sceleribus, sicut & Chananæi. Verum ubi impleta esset mensura iniquitatis, meritis iusto iudici poenas persoluerunt. Hortatur ergo scriptura ad spem firmam, patientiam longanimum & constantiam perseverantissimam. De qua re dixi Sermone 3. Decad. 3. Huc pertinere maxime puto præclara illa S. Pauli uerba. Certus sermo; Nam si commortui sumus, & conuiuemus: si sufferimus, & conregnabimus: si negamus, & ille negabit nos: si increduli sumus, ille fidelis manet: negare se ipsum non potest. Et iterum, Ne abieceritis fiduciam uestram, quæ magnam habet præmij retributionem. Nam patientia uobis opus est, ut ubi uoluntatem Dei peregeritis, reportetis promissionem. Adhuc enim perpussillum temporis, & qui uenturus est ueniet, & non tardabit. Iustus autem ex fide uicturus est, & si se subdixerit, non probabitur animo meo. At nos non sumus qui subducamus nos in perditionem, sed ad fidem pertinemus in acquisitionem animæ.

His tamen & similibus de mercede & præmio operum testimonijs, aut ipso etiam meriti uocabulo, quo utuntur S. Patres, non abutendum est contra prædicationem meriti Christi & meræ gratiæ. Cogitabimus regnum cœlorum & præcipua alia Dei dona non esse mercedem seruorum, sed hæreditatem filiorum Dei. Quāquam enim multa opera iudex in extremo iudicio enumeraturus sit, propter quæ uitam quasi rependere uidetur electis, præmittet tamen omnibus operibus hæc, Venite benedicti patris mei, possidete regnum paratum uobis ab exordio mundi. Quòd si rogas, Quare in iudicio Dei ultimo non fidem potius quam opera commemoret iudex? Respondeo ad legitimum iudicium pertinere non tantum ut sit iustum, sed ut intelligatur etiam ab hominibus esse iustum. Adde, Deum nobiscum agere humano more. Ideò non solum iudicat iuste, sed uult agnosci ab omnibus hominibus iudex æquus & iustus. Ceterum nos non possumus aliorum hominum fidem, quæ mentis est, intueri: sed ex dictis & factis iudicamus. Honesta dicta & facta testimonium ferunt fidei cordi, inhonesta produnt infidelitatem. Opera charitatis & humanitatis declarant nos credidisse uerè: contraria contrarium euincunt. Igitur scriptura monet, iudicium fore secundum opera. In hanc sententiam Matth. 12. dicitur, Ex dictis tuis iustificaberis, & ex iisdem condemnaaberis. Sic audit sanè Abraham postquā Isaacum filium immolare statuisset, Quandoquidem fecisti hanc rem, nec pepercisti filio tuo unigenito, benedicam tibi, & multiplicabo te uehementer, &c. Verum constat Deum Abrahamo illam fecisse promissionem antequam nasceretur Isaac, imò simul atq; ipse Abraham educere-

2 Tim. 7.

Hebræ. 10.

Mercede uel merito non abutendum.



Quomodo dica-  
tur deus repen-  
dere operibus  
nostris bonis  
mercedem.

tur ex patria sua: ergo non nunc primum operi tanquam merces rependitur, &c.  
Deus itaque pro sua indulgentia, non iure summo opera nostra examinat, sed quia ex fide in Christum proficiscuntur, licet sint propter inhabitans in nobis peccatum impura & immerita, infinitis beneficijs remunerat. Sic autem testatur se nostri & nostrorum operum habere rationem. Quia ad testandam dilectionis suae erga nos magnitudinem, non modò nos, sed & illa quæ nobis largitus est dona, sic honorare dignatur. Imitatur hic Deus benignus, patres secundum carnem, uel in hoc seculo benignos. Donant enim hi quoque liberis suis munera ueluti laboris mercedē, & his ad ampliores uirtutes ipsos prouocant, cum tamen iure hereditatis ad filios omnia pertineant, & uera propriæque causæ mercedis uel recompensationis non sit obedientia filij, sed magis mera parentis gratia. Insuper ueniunt in hac re duo obseruanda. Prius, Quamquam Deus humano more præmia nos alliciat, mercede trahat & in opere bono retineat, præmium tamen & merces non debet in operante bona opera esse præcipuum, ut magis nostram spectemus utilitatem & gloriam, quam amorem & honorem diuinum. Gratis uult Deus coli, gratis amari. Nam ut hilarem datorem requirit: sic filialem amorem & spiritum spontaneum atque liberalem probat. Posterius, Opera nostra, quæ alij merita dicunt, aliud nihil esse quam mera Dei dona. Effet autem longè ingratiſſimus, si qui ex aliena liberalitate frueretur usufructu agri alicuius, interim & proprietatē sibi in integrum usurparet. Verum ne prolixius hanc disputationem protraham, recitabo C. V. egregiam scripturarum collationem à S. Augustino factam, ex qua clarè intelligatis præmia bonorum operum, uel merita sanctorum, ipsissimam esse Dei gratiam.

Sententia S. Augustini de Meritis sanctorum.

2. Thimo. 4.  
Gratias enim  
habemus Aug.  
in hominibus  
2. Thimo. 4.

Ergo lib. de Gratia & lib. arbitrio cap. 7. sic dicit, Ioannes præcursor Domini nostri ait, Non potest homo accipere quicquam, nisi ei datum fuerit de celo. Si ergo Dei dona sunt bona merita tua, non Deus coronat merita tua, tanquam merita tua, sed tanquam dona sua. Consideremus itaque ipsa merita Apostoli Pauli, id est, ex ipso ei comparata, an dona sint Dei. Bonum, inquit, certamen certauimus, cursum consummaui, fidem seruaui. Primò ista bona opera, si non præcessissent cogitationes bonæ, nulla essent. Attende itaque quid de ipsis cogitationibus dicat, Non quia idonei sumus cogitare aliquid ex nobis, tanquam à nobismetipsis, sed sufficientia nostra ex Deo est. Deinde singula inspiciamus, Bonum, ait, certamen certauimus. Quæro qua uirtute certauerit: Vtrum quæ illi ex semetipso fuerit, an quæ desuper data sit? Sed absit ut tantus doctor gentium ignorarit legem Dei: cuius uox est in Deuteronomio, Ne dicas in corde tuo, Fortitudo mea, & potentia manus meæ fecit uirtutem magnam hanc, sed memoraberis Domini Dei tui: quia ipse tibi dat fortitudinem & facere uirtutem. Quid autem prodest bonum certamen, nisi sequatur uictoria? Et quis dat uictoriam, nisi ille de quo dicit ipse, Gratia Deo qui dat nobis uictoriam per Dominum nostrum Iesum Christum. Et alio loco cum commemorasset testimonium de Psalmo, Quoniam propter te mortificamur tota die, deputati sumus ut oues occisionis, subiecit atque dixit, Sed in his omnibus superamus per eum qui dilexit nos. Non ergo per nos, sed per eum qui dilexit nos uincimus. Deinde dixit, Cursum consummaui. Sed ille hoc dixit, qui alio loco dicit, Non uolentis neque currentis, sed misipientis est Dei. Quæ sententia nullo modo conuertere potest, ut dicatur, Non misipientis Dei, sed uolentis atque currentis est hominis. Quisquis enim hoc ausus fuerit dicere, aperte ostendit se Apostolo contradicere. Postremò dixit, Fidem seruaui: sed idem hoc dixit qui alibi ait, Misericordiam consequutus sum, ut essem fidelis. Non autem dixit, Misericordiam consequutus sum,

sum, quia fidelis eram, sed ut essem: hinc ostendens ipsam etiam fidem haberi, nisi deo miserante non posse, & esse donum Dei: quod apertissimè docet dicens. Gratia salui facti estis per fidem: & hoc non ex uobis, sed dei donum est. Possent enim dicere, Ideo accepimus gratiam, quia credidimus: tanquam sibi fidem tribuentes, gratiam deo: propter hoc Apostolus cum dixisset, Per fidem, Et hoc, inquit, nō ex uobis, sed dei donum est. Rursus ne dicerent se suis operibus donū tale meruisse, continuò subiicit, Non ex operibus, ne quis fortè extollatur. Non quia negauit aut euacuauit bona opera, cum dicat deum unicuique reddere secundum opera sua: sed quia opera sunt ex fide, non ex operibus fides: ac per hoc ab illo sunt nobis opera iustitiæ, à quo est ipsa fides, de qua dictum est, Iustus ex fide uiuit. Hæc omnia uerbotim ex Augustino hactenus recensui. Quæ quidem omnia, ea quæ de merito bonorum operum dici possunt, satis probè complectuntur, & adeo solidè scripturis munita proponunt, ut ijs nihil adijcere uelim, & satis clarum esse existimè, quomodo ueteres scripserint de hominum meritis. Quid enim breuius & synce- rius, adde & plenius dici potest, quàm esse mercedem operibus paratam bonis: sed illam aliud non esse quàm gratiam: sed & sanctorum merita gratiam esse Dei: quæ merita cum coronat, sua ipsius munera coronat. In his omnibus firmū perpetuò manet dogma ecclesiasticum & Apostolicum, sola nos gratia dei per fidē, non per opera uel merita nostra iustificari & seruari.

Redimus iam ad opera bona & ad explicandam bonorum operum descriptio-  
nem siue consignationem, quam ab initio huius tractationis posuimus. Nisi uerò  
opera nostra ex Deo per fidē nascantur, nequaquam bona dici possunt. Si uerò à  
deo per fidem progignuntur, etiam secundū regulam uerbi Dei formantur. Ideo  
significanter expressi in descriptione, fieri ipsa à renatis ex spiritu dei bono, per fi-  
dem, & secundum uerbum Dei. Deo enim non placent opera, quæ ex nobis ipsis  
constringimus propria nostra autoritate & intentione bona. Nam probat in no-  
bis fidem & obedientiam: quod uel in exemplo patris nostri Adæ inclarescit ma-  
ximè: electitia nostra opera & bonas nostras intentiones, in & ex nobis enatas im-  
probat. Id quod hisce scripturarum testimonijs demonstramus. Deut 12. sic scri-  
ptum legimus, Non faciet unusquisque quod rectum est in oculis suis. Quicquid  
ego præcipio uobis, id obseruabitis ut faciatis: nec addes quicquam super ipsum:  
neq; minues ab eo. Porro in historia Samuelis huius rei memorabile ponitur ex-  
emplum. Accipit enim præceptum Saul rex Israelitarum, iubeturq; cedere om-  
nes Amalechitas & res ipsorum: ipse uerò per bonam intentionem & electitiā reli-  
gionem boues pinguiore sacrficio reseruauit: uerum à propheta audit, An tam  
uolupte & gratum sacrificium domino, quàm est obedientia? Ecce melius est au-  
dire, quàm sacrificare: & melior est auscultatio, quàm adeps arietum. Quoniā pec-  
catum magiæ est, apostasia siue rebellio, & uanitas idololatriæ, indurare animum,  
uel nolle obsequi. Habes in his pauculis uerbis egregium encomium electitiæ res-  
ligionis ac bonorum nostrorum operum ex bona nostra intentione natorum. Qui  
præceptis dei neglectis suas intentiones sequuntur bonas, magi, apostata & idola-  
træ à ueritate diuina appellantur. Sibi ipsis quidem uidentur egregij esse cul-  
tores dei, & obseruationum sanctorum patrum, episcoporum, regū & principum  
zelosi sectatores: sed qui mentiri nescit deus, disertè pronunciat, opera istorum ni-  
hil distare à magia, apostasia, & idololatriā, quibus nihil potest uel fingi atrocius.  
Dominus ergo in euangelio ex uaticinio Isaïæ propheta semel damnat, abiicit &  
conculcat omnia illa electitia opera nata ex bonis nostris intentionibus, cum di-  
cit, Frustra me colunt, docentes doctrinas præcepta hominum. Omnis plantatio,

*Bona opera  
fiunt secundum  
regulam uerbi  
Dei.*

*Sam. 15.*



*Luc. 15.* quam non plantauit pater meus, eradicabitur. Omittite illos, cæci sunt, & duces cæcorum. Inde nimirum est quod S. Paulus tanta confidentia pronunciauit præcepta hominum ueritatem auersari esseq; mendacia. Alibi uerò idem ille, *Quicquid, inquit, non est ex fide, peccatum est.* Et iterum, Fides ex auditu est, auditus autem per uerbum Dei. Ex quibus colligere licet, opera quæ non sunt ex uerbo dei expresso formata, aut per certam consequentiam inde deducta, adeo non esse bona, ut etiam dicantur peccata. Ingere tu quæso alicui uel ingens beneficiū contra uoluntatem eius, & uide quam apud ipsum gratiam in eas. Requirit ergo bona opera ante omnia disertā & expressam dei uoluntatem. Ad Coloss. idem Apostolus manifestè damnat *ἡθελήσας κείας*, uoluntariā inquam, electitiā & sua sponte susceptam religionem. Et quæ obsecro necessitas est, alias nobis bonorum operum formas comminisci, cum nondum ea fecimus opera, quæ ipse deus iure a nobis requirit & disertis uerbis præscribit? Ex his colliquescit non damnare nos bona opera simpliciter, sed illa quæ relicto Dei uerbo, nostro nobis arbitrio confingimus: cuius generis multa sunt monachorum & sacrificorum. Quæ uerò modi omnibus cum uerbo Dei pugnant opera, nullo dignamur honore & loco.

*Verè bona opera.* Et ut rectius bonorum operum ingenium perspiciamus, obseruanda nobis censeo hæc Apostoli uerba, Conditi sumus in Christo Iesu ad opera bona, quæ præparauit Deus ut in eis ambulemus. Duas autem notas uerè bonorum operum ponit. Prior conditi sumus, inquit, in Christo Iesu ad opera bona. Necessè ergo est bonum opus ab eo fieri, qui est insitus uera fide in Christum. Nisi enim palmes in uite manserit, fructum proferre nequit. Omnia ergo fidelium opera utcumque splendeant iustitiæ titulo, reuera non sunt bona opera. Posterior, Quæ præparauit Deus, inquit, ut in eis ambulemus. Non ergo sunt hic commemoranda quæuis opera, quæ possunt facere homines; sed illa quæ ab antiquo præparauit Deus, ut ambulemus in eis. Quæ uerò illa sint, deus lege sua, quæ æterna est dei uoluntas, expressit. Inde est quod dominus in Euangelio rogatus de uita æterna, & ueris uirtutibus, ad legem remittit, & ait, In lege quid scriptum est? Et iterum, Si uis ad uitam ingredi, serua mandata. Proinde Decalogus certissima & absolutissima est formula bonorum operum. Quod ut plenius intelligatur, breui id enumeratione ceu in tabula spectandum oculis uestris proponam.

*Decalogus plena bonorum operum forma.* Ad primum præceptum referes timorem Dei, fiduciam & dilectionem, spem deniq; in aduersis certissimam, patientiam, & constantiam infractam. Ad secundum pertinet uerus synceriorq; Deo placens cultus, omnis item superstitionis & cultus peruersi abnegatio. Ad tertium colliges reuerentiam numinis, confessionem ingenuam, inuocationem nominis Dei sanctam & perseverantem, & sanctificationem eiusdem. In quarto locum habebit moderata Ecclesiasticarū ceremoniarum conseruatio, prædicatio uerbi Dei, preces publicæ, & quæcunq; sunt exterioris cultus. Ad quintum referes pietatem in parentes, in patriam & affines, obedientiam iustam, quam debemus magistratui, & omnibus superioribus, item officia uitæ ciuilis. Annumerabis sexto iustitiam & iudicium, defensionē uiduarum, pupillorum, afflictorumq; & oppressorum assertionem, beneficentiam, & innocentiam. Septimo adijcies fidem coniugalem & matrimonij officia, educationem liberorum liberalem & piā, studium item castitatis, temperantiæ & sobrietatis. Ad octauum referes iustitiam in contractibus, liberalitatem, munificentiam, hospitalitatem. Ad nonum adijcies ueritatis studium per omnem uitam, fidem in dictis & factis, sermonem compositum, honestum & utilem. Decimo loco recensabis bonos affectus & uota sancta, deniq; omnes cogitationes sanctas & honestas. Hæc

Hæc scilicet est compendiosa bonorum operum formula. Quod si his aliquid breuius cupis, audi dominum omnia hæc in duo capita colligentem atque dicentem, *Deu. 6. Mash. 22.*  
*Diliges dominum deum tuum ex toto corde tuo, & in tota anima tua, & in tota mente tua: & proximum sicut teipsum. Omnia itaq; quacūq; uolueritis ut faciant uobis homines, sic & uos facite illis.*

In hæc domini præcepta intendant oculos & mentem cuncti fideles bene operari cupientes, & hoc diligentius cōstantiusq; quo certius & perspicacius uident & intelligunt, deum & in lege & in prophetis nihil aliud & nulla alia opera à suis requirere electis seruis. Agite uerò audiamus aliquot quæ cum lege consentiant sanctorum prophetarum de bonis operibus diserta testimonia. Moses in Deuter. suo, Et nunc Israel, inquit, quid dominus deus tuus petit à te? nisi ut timeas dominum deum tuum, & ambules in cunctis uisus eius, diligas eum, & seruias domino Deo tuo, in toto corde tuo, & in tota anima tua, ut scilicet cūstodias præcepta domini & statuta eius, quæ ego præcipio tibi hodie. Dauid quoq; rex & uates inter rogat Psalm. 15. Domine quis habitabit in tabernaculo tuo? Et mox respondet, Qui ambulat in integritate, & operatur iustitiam. Et reliqua quæ continentur in Decalogo. Iam & Isaias in 33. cap. mouet eandem quæstionem. Nec aliam eius adfert solutionē quàm Dauid, Ieremias in cap. 22. hæc ingerit & urget, Sic dicit dominus, Facite iudicium & iustitiam, & liberate uis oppressum de manu calumniatoris: peregrinum quoq; pupillum & uiduam ne contristetis, neq; iniuriam faciat, & sanguinem innocentem ne fuderitis in hoc loco. Neq; alium catalogum, licet bene longum, bonorum operum contexat Ezechiel in cap. 18. Apud Oseam dicit dominus, Beneficentiam, pietatem seu misericordiam desidero, non sacrificium: & cognoscere deum magis quàm holocausta. Micheas quoq; interrogat diligenter quid agat Dei cultor, ut deo placeat, placitaq; opera faciat: & protinus ex inspiratione diuina respondet, Indicabo tibi homo quid sit bonum, & quid petat à te dominus: nimirum facere iudicium, diligere beneficentiam, & reuenter ambulare cum deo tuo. Ad eundem modum Zacharia p. propheta interrogantibus de uirtutibus & operibus bonis deo placētib; dicit, Sic ait dominus exercituum, Iudicate iudicium ueritatis, & facite pietatem atq; misericordias unusquisq; cum fratre suo. Viduam & pupillum, peregrinum & pauperem nolite calumniari: neque cogitet unusquisq; uestrum in corde suo malum contra fratrem suum: & iuramentum falsum ne diligatis: quoniā omnia ista sunt quæ odiui, dicit dominus.

A prophetica doctrina nihil discrepat doctrina euangelica & Apostolica, quæ ubiq; charitatem, iustitiam & innocentiam docet, scopum uidelicet & summam omnium bonorum operum. S. Iacobus Apostolus, Religio, inquit, pura & immaculata apud deum & patrem hæc est, inuisere orphanos & uiduas in afflictione sua, & immaculatum seipsum seruare à mundo. *Jacob. 1.*

Restat ut quod ad finem descriptionis bonorum operum adpendimus, scripturarum collatione robaremus atq; explicemus. Diximus autem uerè bona opera fieri à renatis ad gloriam Dei, ad ornamentum uitæ, & ad utilitatem proximi. Dominus enim in euangelio hunc finem præscribens bonis operibus dicit, Sic luceat lux uestra coram hominibus, ut uideant uestra bona opera, & glorificet patrem uestrum qui in cœlis est. Apostolus quoq; Paulus non semel adhortans ad bona opera, id tanquam ualidissimum, quod permoueat adiungit, ut suis illis operibus doctrinam seruatoris nostri Dei ornent. Iam uerò ut decens & honesta uestis hominem ornat, ita uerè bona opera uitam commendant hominum. Hinc enim Apostoli Christi toties suaserunt exuere ueterem hominem, & induere nouū, qui *In quem finem fieri debeant bona opera. Math. 5.*



*Math. 25.* secundum deum est conditus. Inde enim accedit nobis gloria & honor. Dicimur & sumus serui, imò filij Dei nostri, cuius ingenium & uirtus relucet in nobis ad gloriam & laudem nominis eius. Ac ut requirit ille à nobis opera bona, ita si faciamus ea, placent ipsi & honoramur ab ipso uicissim: id quod multis scripturæ testimonijs demonstrari posset. Verùm hoc est extra omnem controuersiam. Certe in subinde magis ac magis auget nobis bene operantibus dona sua. Dicit enim in euangelio, Omni habenti dabitur, & abundabit. Qui uerò nihil habet, etiam id quod non habet, auferetur ab eo, & dabitur ei qui habet. Accedit huc quòd operantibus deus recta, propitius est, eosq; multis etiam temporalibus donis locupletat, tandem & perpetua uita donat. Disertè enim Apostolus Paulus, Deus, inquit, reddet unicuiq; iuxta facta sua, his inquam qui perseuerantes in benefaciendo gloriam & honorem & immortalitatem quærunt, uitam æternam. Et iterum, Gloria & honor & pax omni operanti bonum. Quamquam in omnibus bonis suis operibus pij sibi non præcipuum quidem scopum (quemadmodum & superius quoq; monui) recompensationem & priuatum compendium, sed dei gloriam & uoluntatem, deniq; proximi utilitatem sibi proposuerunt. Paulus enim, Omnia, ait, in gloriam Dei facite. Et iterum, Nemo quod suum est quærat, sed quisq; quod alterius: quemadmodum ego per omnia omnibus placeo: non quærens meam ipsius utilitatem, sed multorum ut salui fiant. Pij ergo omnes omnia sua studia & opera in hoc dirigunt, ut deo placeant, ut Deum glorificent, ut prosint multis. In eo enim dei naturam, cuius filij sunt exprimunt. Nam is beneficia sua in omnes creaturas suas effundit: sunt itaq; & filij eius benefici.

Hæc habui in præsentia de natura uel ingenio, de causa, sine & effectu, hoc est, de uera & iusta ratione bonorum operum: ex quibus etiam illud perspicue intelligi posse spero, quomodo operibus sanctorum bonis iustitiæ nomen & iustificationem tribuat, mercedemq; reddere dicatur dominus in scripturis sanctis, & quòd immotum nihilo minus ac firmum consistit orthodoxum & primum religionis nostræ dogma, Gratia Dei nos propter Christum per fidem, non per opera iustificari. Nunc ergo nihil aliud superest, quàm ut pro uera in dominum Iesum fide supplicemus domino, ac per eiusdem gratiam, disputationem hucusq; habita de bonis operibus, in opus deducamus, id est, ut fidem quam uerbis profiteamur nos habere in dominum nostrum Iesum Christum, operibus uerè bonis exprimamus.

*De peccato & eius speciebus, nempe de peccato originali, actuali, & de peccato in spiritum sanctum, certissimaq; & iustissima peccatorum pena.* S E R M O X.

**R**ESTAT ultimum, quod cum lege coherere diximus, Peccatum. De quo ut legitime, religiose, orthodoxè, & multo cum fructu omnium uestrum disserere queam, oremus supplices dominum.

*Peccati uocabulum.*

Peccatum plerique pro errore accipiunt, quo uidelicet aberramus, non tantum à uero, & quo, iusto & bono, sed etiam sequimur deteriora. Latini uocabulum hoc suum deriuant à pellicatu, quod uitium est corruptorum fornicationis spiritu maritorum, præferentium pellices legitimis uxoribus. Ac mirè hoc quidem nostro negotio seruit. Nam fideles fide copulati sumus deo nostro tanquam sponse, cui si præferamus alios deos, aut his seruiamus etiã, aut si ueris bonis præteritis sequamur umbratilia bona, uanas spes, & mundi perniciosas uoluptates, peccamus reuera. Peccatum autem ferè à delicto discriminant. Delictum enim appellant,

pellant, cum nō sit, quod fieri debebat; peccatum, cum sit, quod fieri nō debebat. S. Hieronymus uidetur delictum accepisse pro primo lapsu ad peccandum. S. Augustinus, Peccatum, inquit, à sciente, Delictum ab ignorante fit. Ego uideo uocabula illa alicubi confundi, alterumq; usurpari pro altero, alicubi errorem ac delictum minus esse uocabulum, peccatum uerò grauius, crimen uerò, scelus, defectionem & impietatem multò grauius. Etenim & S. Augustinus, Neq; quia peccatum est omne crimen, inquit, ideo crimen est etiam omne peccatum. Itaque sanctorum hominū uitam quandiu in hac morte uiuitur, inueniri posse dicimus sine crimine: peccatum autem si dixerimus quia nō habemus, ut ait S. Apostolus, nosmetipsos seducimus, & ueritas in nobis non est. Apud Hebræos uarijs uocibus effertur peccatum, significantibus prauitatem & peruersitatem, delictū, errorem, defectum, infirmitatem, uitium, ignorantiam & prauaricationem, siue transgressionem. Nam prauaricari, est discedere à recto, & ab officio, nō ingredi rectā uel transgredi regulam præscriptam à Deo. Regula uerò illa, lex est, ab Hebræis ideo nuncupata Thora, deductio inquam uel directorium. Nam dirigit hominem in uis quæ Deo placent. Idcirco Græcè appellatur peccatum *ἀνομία* & *παρανομία*. Rursus significat Hebræis peccatum auersionem, nimirum à bono ad malū: item defectionem, ueluti cum te eius subtrahis imperio cui obnoxius es ac seruis: denique & reatum siue crimen, quo nosipos pœnæ subdimus.

Certè S. Augustinus multum operæ impēdit, ut propriè definiret Peccatum. *Peccati definitio*  
De Consensu euangelistarum lib. 2. Peccatum, inquit, est legis transgressio. Ad  
Simplicianum lib. 1. Peccatum est inordinatio & hominis peruersitas, id est, à præstantiore conditore auersio, & ad condita inferiora conuersio. De Fide cōtra Manichæos cap. 8. Peccare quid aliud est, inquit, nisi in ueritatis præceptis, uel in ipsa ueritate errare? Et contra Faustum Manichæum lib. 22. cap. 27. Peccatum est factum, uel dictum, uel concupitum aliquid contra legem dei. Idem de duabus animabus contra Manichæos cap. 11. dicit, Peccatum est uoluntas retinendi uel consequendi quod iustitia uetat, & non liberum est abstinere. Et Retract. lib. 1. cap. 15. Voluntas illa est, ait, animi motus, cogente nullo, ad aliquid uel nō amittendū uel adipiscendum. Quas finitiones omnes ut non prorsus repudio, ita hanc expendendam propono, Peccatum est corruptio natua hominis, & quæ ex ea existit actio legi Dei repugnans, huius iram, mortem inquam, & supplicia uaria nobis concilians. Audis hanc peccati descriptionem suis constare partibus. Audis corruptionem natuam: iuxta quam non competit hæc definitio peccato primorum parentum, in quibus nulla fuit natua corruptio. De quo suo loco, Audis actionem quæ ex illa existit, pugnantem cum lege Dei. Audis peccatum nobis dei iram conciliare, hoc est, mortem & supplicia uaria ore dei peccato intentata. De quibus consequenter & ordine quantum dederit dominus, dicemus.

Videtur autem hæc dissertatio commodissimè sumere initium à peccati origine, causa & authore. Mali uel peccati originē, deriuant alij ex fato stellarū, dicen- *De causa sua origine peccati.*  
tes. Peccaui, quia infausto sum sydere natus. Alij dum peccāt, & propter peccatū  
obiurgantur, respondent, Non ego sed diabolus in culpa est quod hoc admisi facinus. Aliquando dimissis omnibus excusationibus, directè in deum homines culpam conijcientes, aiunt, Deus ita uoluit. Nam si noluisse, non peccassem. Alius, Cum deus, inquit, prohibere potuisset, nec tamen prohibuit, ipse peccati mei author est. Cæterum nouum non est hominibus blasphemā acuire linguam contra omnium dominū. Primi enim parentes nostri dū peccassent, & peccati cōmissi accitarentur à deo, à seipulis cōmissum scelus transferūt in alios, nec ingenuè ueritatem



confitentur. Ea est hominum malitia abominabilis. Adam enim ueluti ex aduerso responsaris Deo, criminis sui culpam non tam in uxorem sibi copulatam à Deo quam in ipsum Deum regerit, Mulier, inquit, illa quam tu dedisti mihi sociam, dedit mihi pomum, & comedi. Quasi dixisset, Nisi illam mihi coniunxisses, non peccassem. At non coniunxerat ei coniugē dominus ut esset occasio mali, sed ut uiro melius esset. Porro mulier simpliciter malū imputat diabolo, dicens, Serpens seduxit me, & comedi. En hæc sunt corruptissima nec non falsissima de origine peccati iudicia, impia & detestanda, quibus grauius offenditur Dei iustitia & ueritas. Nam ne ipsa quidem natura hominis causa est peccati. Deus enim qui omnia, ipsam etiam naturam hominis creauit, bonam omnino creauit, ac erant omnia quæ condiderat ualde bona. Idcirco erat & hominis natura bona. Aduentitia qualitas est, quæ accidit homini in lapsu aut post lapsum, non substantialis proprietas, mox ab initio talis qualis nunc est indita. Nunc quidem cum in peccato à peccatoribus nascimur, peccatum naturalis est hominum proprietas. Scribit enim S. Augustinus de Fide contra Manichæos cap. 9. Sed etsi quos naturaliter dicimus malos, propter originem ueteris peccati dicimus, in quo tota iam nostra mortalitas nascitur. Atqui requirunt hæc diligentiorē & copiosiorē declarationem.

*Natura hominis non est causa peccati.*

*Diabolus solus non est causa mali.*

Diabolus non unum esse peccati authorem, qui nobis quidem peccantibus, ipse peccati culpam sustineat solus, nos immunes simus à crimine, id maxime declarat, quod ille homini suadere & malum ingerere potest, cogere autem non potest. Deus enim suo diabolus imperio premit, ut non possit quod uelit. Sed hoc tantum, quod & quantum Deus permittit: imò ne in fœdissimos quosque potius imperium habet, nedum in nobilissimas hominum animas. Habet sanè suadendi astutiam & maximas uires: at fortior est Deus, qui & ipse nunquam cessat homini suggerere bonum. Nec plus permittit satanæ, quam profit homini. Id uidere licet in exemplo sanctissimi uiri Iob: denique in exemplo Pauli 2. Cor. 12. & in uerbis eiusdē dicentis, Fidelis est Deus, qui non sinet uos tentari supra id quod potestis. Ergo uani sunt qui culpam scelerum in humeros exonerant diaboli.

*1 Cor. 10.*

*Fatum non esse causam mali.*

Porro si roges illos qui fatum peccatis obtendunt, quid sit fatum? responderunt, uel seriem connexam per æternitatem se inuicem tenentem, ac catenā quandam & necessitatem perpetuam consiliorum operumque secundum consilia Dei uel ipsas stellas malas. Si roges iterum quis fecerit stellas: nō habent quod respondeant, nisi Deus: restat ergo ut Deo rursum malum suum impingant. At fati tale non asseruerunt uel seniores philosophi omnes, nedum Christiani. Præterea qui ex nostris, id est, ex ijs, qui Christiani uideri uolebant, fatum seu constellationem asseruerunt, huiusmodi fuerūt, ut pigeat authorum. Bardesanes fato ascripsit conuersationes hominum. Priscillianistæ uerò, in Tolerano concilio primo damnati, docuerunt hominem stellis fatalibus alligatum, ipsum corpus habere secundum duodecim signa coeli compositum, constituentes arietem in capite, taurum in cervice: & sic consequenter. S. Augustinus in opusculo Octoginta trium questionum, quæst. 45. grauius confutans fatum stellarum, inter alia, Conceptus, inquit, geminorum, quoniam uno concubitu efficitur, attestantibus Medicis, quorum disciplina multo est certior atque manifestior disciplina astrologorum, tam paruo puncto temporis contingit, ut in duas minutas minutarum non tendatur. Vnde ergo in geminis tanta diuersitas actionum & euentuum & uoluntatum, quos necesse est eandem constellationem conceptionalem habere, & amborum unam constellationem dare mathematicos tanquam unius hominis? His S. Augustini uerbis lux quædam affulgebit si adhibueris exemplum Esau & Iacobi. Idem Augustinus contra

*Contra fatum.*

cont  
qui a  
tur, q  
stras  
omni  
& bo  
eorum  
cordi  
dum.  
ergo  
in ha  
discer  
uanæ  
benig  
ullam  
nequ

R  
mali.  
eius p  
que a  
scamu  
dicta,  
ne De  
uult i  
Agit  
plicia  
tiam s  
sperna  
Deo, l  
re non  
est aut  
testim  
nem &

Te  
sed in  
didit  
delect  
fera su  
quipp  
ac con  
cum p  
Pfi  
tabit t  
operan  
& dolo  
malum  
Ecc  
suerun

contra duas Pelagianorum Epistolas ad Bonifac. lib. 2. capite 6. Fatum, inquit, qui affirmant, de syderum positione, ad tempus quo concipitur quisque uel nascitur, quas constellationes uocant, non solum actus & euentus, uerum etiam ipsas nostras uoluntates pendere contendunt. Deī uerò gratia non solum omnia sydera, & omnes cœlos, uerum etiam omnes angelos supergreditur. Deinde fati assertores & bona & mala hominum fato tribuunt. Deus autem in malis hominum merita eorum debita retributione persequitur: bona uerò per indebitam gratiam misericordii uoluntate largitur: utrumque faciens non per stellarum temporale consortium, sed per suæ seueritatis & bonitatis æternum altumque consilium. Neutrum ergo pertinere uidemus ad fatum. Concluduntur hæc uerbo Domini per Ieremiā in hanc sententiam pronunciato, Hæc dicit Dominus, iuxta uias gentium nolite discere, & à signis cœli nolite metuere, quæ timent gentes: quia leges populorum uana sunt. Ergo quod sydus Saturni inclemens & asperum, uel crudele, Veneris benignum & mite ab astrologis appellatur, uanitas est uanitatum. Non enim astra ullam habent uim, uel benefaciendi, uel malefaciendi. Proinde culpa peccatorum nequaquam illis imputari debet.

Resistat demonstrandum, ne Deum quidem esse causam peccati, uel authorem mali. Deus, inquiunt isti, ita uoluit. Si enim noluisset, non peccassem. Quis enim eius potentia resistat? Item cum prohibere potuisset, nec tamen prohibuit, ipse utique author est peccati. Quasi uerò hominum calumnias & sophismata non agnoscamus. Quis oro ignorat Deum non absoluta potentia, sed ex pacto & lege condita, nobiscum agere, per media inquam commoda & ordine legitimo? Posset sane Deus per absolutam suam potentiam prohibere malum; cæterum nō potest nec uult interim, uel creaturam suam & ordinem iustum corrumpere, atque turbare. Agit ergo cum homine humano mori: proponit ei leges, proponit præmia & supplicia: iubet amplecti bonū, refugere malum; ad quam rem conficiendam nec gratiam suam negat, sine qua nihil possumus; nec diligentiam & laborem nostrum aspernatur. Hic si cesset homo, negligentia & peccatum ipsi homini ascribitur, non Deo, licet hic prohibere potentia sua potuisset, nec tamen prohibuit: quia prohibere non debuit, ne turbaret ordinem, & suum opus destrueret. Proinde Deus non est author mali, uel peccati. De qua re subiungemus modò clara aliquot scripturæ testimonia: deinde uerò respondebimus ad obiectiones uarias: simul autem originem & fontem peccati aperiemus.

Testimonia docentia Deum non esse authorem mali siue peccati, plurima sunt, sed in ipso insigne est illud, quod Deus natura bonus esse dicitur: & omnia quæ condidit ualde bona dicuntur. Vnde Sapiens ille dixit, Deus mortem non fecit, nec delectatur uiuorum interitu, Creauit enim ut essent omnia: & initia mundi salutifera sunt, nec inest in eis medicamentum perniciosum: nec orci regnum in terra. quippe iustitia immortalis est. Impij uerò manibus ac uerbis accersuerunt illam ac contabuerunt. Et reliqua quæ extant Sapientie 1. cap. pulcherrimeque congruunt cum primis capitibus excellentissimi prophetarum Moysis.

Psal. 5. dicit Dauid, Quoniam non Deus uolens iniquitatem tu es: non habet tecum malitia: neque permanebunt iniusti ante oculos tuos. Odisti omnes qui operantur iniquitatem: perdes eos qui loquuntur mendacium: uirum sanguinum & dolosum abominatur Dominus. En nihil fingas alienius ab ingenio Dei, quam malum atque peccatum. Cuius generis plura legas & Iob cap. 34.

Ecclesiastici 7. dicit Sapiens, Deus hominem probum condidit, ipsi autem quaesierunt adinventiones multas. Ideoque Apostolus Paulus ad Roma. 5. cap. deriuat

Iere. 10.

Deum non est  
author mali,  
siue peccati.Deum bonum, omnia  
quæ condidit, bona  
condidit.



peccatum, damnationem & mortem non à Deo, sed ab Adamo, à Deo autem per Christum gratiam, condonationem & uitam. Illustrior est is Pauli locus quam copiosioribus declarari debeat: inspiciatur modò & expendatur diligentius à lectoribus & auditoribus. **RECITA**, Quemadmodum per unum hominē peccatum in mundum intrōiit, & per peccatum mors. Et reliqua.

Idem ad Romanos 7. clarè ostendit legem esse sanctam, præceptum bonum & iustum, adeoq; in Deo & eius uoluntate nullam hære, aut ex lege, quæ Dei uoluntas est, existere uel exoriri, peccati labem. In nostra carne, inquit, malum latet, ex nobis erumpit enasciturq; malum, Noui, inquit, quòd non habitat in me, id est, in carne mea, bonum. Reperiuntur in eo capite plurima, quæ causam hanc nostram pulchrè illustrent.

Idem Apostolus ad Rom. 3. cap. Quòd si iniustitia nostra, inquit, commendat iustitiam Dei, quid dicemus, Num iniustus est Deus, qui inducit iram? (Humano more loquor, id est, hominum impiorum uerbis utor.) Absit. Nam quomodo iudicabit Deus mundum? Etenim si ueritas Dei per meum mendacium excelluit in gloriam ipsius, quid posthac & ego ueluti peccator iudicor? &c. Certè si Deus peccati & omnium malorum author esset, ac uellet tales esse sceleratos, quales sunt: quid oro iudicaret siue puniret illos tanquam transgressores, cum peccando fecerint uoluntatem eius?

*130 an. 2.* Huc pertinet illud quoq; beati Ioannis Euangelistæ & Apostoli testimonium, in Canonica sua dicentis, Si quis diligit mundum, nō est charitas patris in eo. Quoniam omne quod est in mundo, ueluti concupiscentia carnis, & concupiscentia oculorum, & fastus uitæ, non ex patre, sed ex mundo est. Et mundus transit, & concupiscentia eius: qui autem facit uoluntatem Dei, manet in æternum. Et liberatur Deus penitus à malo: malum, inquit, non est ex patre, sed ex mundo. Et. Qui facit uoluntatem Dei, non facit quod uult mundus, sed quod uult Deus. Pugnant ergo inter se ex diametro, bonum & malum, peccatum & uoluntas Dei. Hæc scripturarum testimonia, licet paucula, non impio sufficere putamus auditori.

*Origo mali  
uera.*

Ex his uerò concludimus, primū quidem catholicum illud dogma, quod ab Apostolorum temporibus semper multa cum diligentia contra impuram philosophiam (non totam interim damnamus: scimus aliquot eius partes oppidò utiles esse pijs & pietatis studijs) defensum est, Deum non esse mali authorem uel causam peccati. Deinde ex ipsdē colligimus, originem mali siue peccati, ex ipso deriuari homine, & impulsore seu incentore satana: ita tamen ut dicamus, hunc initio quidem corruptum, corrupisse hominem, nihil tamen potuisse per se efficere, nisi sua sponte in malum consensisset homo. Atq; hic reuocandus est primus patris nostri Adæ lapsus ob oculos, ut rectius de origine mali iudicemus. Condidit Deus patrem omnium nostrum Adamū ad imaginem & similitudinem suam, hoc est, condidit ipsum optimum, integerrimum, sanctissimum, iustissimum & immortalem, instruxitq; ipsum donis & facultatibus præstantissimis quibusq; ut ad beatitudinem ipsi in Deo nō deesset quicquam. De hac imagine paulò post plura dicemus ex Paulo. Polluit ergo intellectu planè diuino, puro & acutissimo. Voluntas ipsi erat liberrima & sanctissima. Facultates habebat faciendi bonum & malum. Præterea data est ipsi à Deo lex, quæ quid ageret aut quid fugeret ostenderet. Dicens enim Dominus, Ne comederis ex fructu scientiæ ligni boni & mali, postulauit Deus simpliciter obedientiam ac fidem, & ut totus penderet à Deo, idēq; totum, nō necessitate adactus, sed liberè faceret. Nam & Sapiens ille Ecclesiastici 15. cap. sanctè & uerè scripsit, Deus ab initio creauit hominem, & permisit eum in manus con-

filij sui. Adiecit mandata & præcepta sua, Si uolueris, mandata seruabis, ipsaque te uicissim conseruabunt. Ergo dum serpens animum hominis tentaret, suaderetq; gustare de arbore prohibita, homo quid ei obijceretur intellexit, nec ignorauit consilium serpentis pugnare cum mandato Domini. Non cogebat interim ipsum Dominus, non cogebat repugnantem satanas in serpente. Dixerat enim Deus, Ne comederitis ex illa arbore, neq; attigeritis, alioqui moriemini: ergo liberum & in manu consilij sui erat edere, uel non edere. Imò declarauit ei Dominus suam sententiam disertè præcipiens ne edat: & periculo adiuncto retraxit ipsum ab esu dicens, Ne fortè moriaris. Satanas quoque ut non potuit, ita non adhibuit uim ullam, probabiliter autem suasisit, tandem & persuasit. Nam declinante uoluntate mulieris in uerbum diaboli, recessit mens eius à uerbo Dei, reiectaq; bona lege, malum opus ex peruersa uoluntate patrauit, denique maritum sponte sequentem traxit in mali consortium. Id quod scriptura hisce uerbis inculcat significantissime, Exiit mulier quòd bonum esset lignum ad uescendum, & oculis desiderabile & concupiscibile ad contemplandum, tulit de fructu eius, & comedit, dedit denique & uiro suo secum, qui & ipse comedit. En habes mali initium, diabolus, habes quid commouerit mentem seu uoluntatem hominis, falsum uidelicet diaboli eloquium, seu fructus arboris præconium, adeoq; merum mendacium, & species delictabilis arboris. Sponte autem faciunt homines quod faciunt, spe ducti excellentioris uitæ sapientiæq; consequendæ, quam promiserat mendaciter seductor. Concludimus ergo peccatum oriri non ex Deo odiente & prohibente malum, sed ex diabolo primorumq; hominum libera electione, & deprauata per mendacium diaboli & falsam boni speciem, uoluntate. Ideò diabolus & obsequens deprauataq; hominis uoluntas, causa sunt peccati seu mali uerissima.

Porro malum hoc dimanauit ex primis nostris parentibus in omnem posteritatem, ut peccatum uel hodie non aliunde quàm ex nobisipsis, id est, ex corrupto iudicio & praua nostra uoluntate, deniq; diaboli suggestione exoriatur. Nam mali radix ex prima illa corruptione in nobis est, & progignit ex seipsa germen suæ conueniens naturæ, putridum: quod satanas nunc quoque sicuti ab initio rerum, suis artibus, dolis & mendacijs, ueluti plantans prolicit, prouehit & excolit: qui frustra alioqui laborat, nisi formandos nos ei præbeamus. Quò uerò in his minus sit dubij, & plus lucis, subiungemus confirmandi & declarandi gratia duo testimonia euidentissima, alterum quidem ex doctrina Euangelica, alterum ex doctrina Apostolica. Dominus in Euangelio dicit, Diabolus homicida erat ab initio, & in ueritate non stetit; quia nō est ueritas in eo. Cùm loquitur mendaciū ex proprijs loquitur, quia mēdax est, atq; eius rei (mendacij inquā) pater. Ex hisce Domini uerbis disertissimis intelligimus malū referendū esse ad ipsum diabolum, qui in ueritate & bonitate conditus, in ueritate & bonitate non perstitit, sed defecit à sua natura, in qua bonus erat conditus, & desciiuit sua culpa in naturā aliam, nempe malā, ac ex se sparsit omne malū (sicut modò patuit ex historia primorū parentum) in mundum, nempe cades & mendacia (cōprehenduntur aut sub his omnia mala) quorū dicitur disertè pater, id est, causa, author, fons & origo: non quia cōditus sit talis à Deo, sed quia in ueritate nō stetit. Proinde obijcientibus hic nobis, A qua sit origine profectus satanas, an non & ipse cōditus à Deo? Respondemus, Deū cōdidisse omnes angelos, eos etiā qui postmodū facti sunt refugæ seu cacodæmones: ceterū ea de causa malū non reflectitur in Deum. Nam scimus Deum ab initio omnes angelos creasse bonos. Omnia enim quæ condidit erant bona. Præterea dicitur dæmon in uero non stetisse, id est, defecisse à uero: à quo utiq; deficere non poruisset,

*Peccatum ex diaboli suggestione & praua nostra uoluntate existit.*

*Ioan. 8.*



nisi aliquando in ipso stetit. Stabiluit ergo omnes angelos Deus in uero ab initio. Requisiuit ab eis ueritatem, fidem seu fidelitatem & officium debitum: quod præstare si uoluissent, potuissent. Exciderunt autem perfidè à fide & peccarunt, ut Petrus Apostolus testatur, contra Dominum, ideoq; culpa perfidiæ & omnis mali hæret non in Deo, sed in angelo refuga. Ex eo enim quo cecidit, nulla est in ipso ueritas, nulla fides, nulla integritas, nullus Dei timor, nulla lux aut bonitas. Veri itaque dixit beatus Ioannes in Canonica sua, Qui committit peccatum, ex diabolus est, quoniam ab initio diabolus peccat. Est enim primus peccator & peccatorum origo. Est in his omnibus illud quoque obseruabile, quod à Petro & Ioanne dicitur dæmon peccasse. Peccatum enim pugnat cum uoluntate Dei; ergo Deus noluit illum perire, unde cum perijt, sua non Dei culpa perijt.

1 Ioan. 3.

Iacob. 1.

Audiamus iam alterum testimoniū de praua hominis uoluntate, uera utiq; causa peccati. S. Iacobus Apostolus dicit, Nemo cum tentatur dicat se tentari à Deo. Nam Deus ut malis tentari non potest, ita nec ipse quenquam tentat: imò unusquisque tentatur, dum à propria concupiscētia abstrahitur & inescatur: deinde concupiscētia, posteaquā concepit, parit peccatū, peccatū uerò perfectū progignit mortem. Clare satis opinor Deum S. Iacobus omni culpa peccati liberat, totū illud ex nobis deriuat, ostēdens interim genesim & progressum peccati. Nec cōtradicit Iacobus mox ab initio Moysi dicēti, Tentauit Deus Abrahamū. Tentare enim in Moysi significat periculum facere & experimentum capere. In præsentī uerò tentare significat sollicitare aut pertrahere ad malū adeoq; & corrumpere. Deus ergo ut malis, inquit, tentari non potest, id est, sicut Deus natura bonus est & incorruptus, ita corrumpit, deprauat, & malo immergit neminem. Alienum enim hoc est à natura Dei. Vnde ergo exoritur malum? Respondet beatus Apostolus, & ait, Imò unusquisque tentatur siue corrumpitur, & in malum conijcitur, dum abstrahitur & inescatur à propria concupiscētia. En exoritur peccatū ex nostra concupiscētia, præterea nostro opere proprio absoluitur perficiturq;. Ac singula quidem hæc sancti Apostoli uerba sunt emphatica. Primum enim, Concupiscētia nobis propriam facit, quemadmodum & de satana dixit Dominus, Cum mendacium loquitur diabolus, ex proprijs loquitur. Et quia concupiscētia nobis propria est, certè peccatum nobis quoq; proprium est. Concupiscētia enim abstrahit, abstrahit autem uero, iusto ac bono, nimirum ad falsum, iniustum & malum. Eadem inescat, id est, falsa spe facta aut proposita, decipit: ut solent aucupes esca allicere auem in retia, & deceptas capere & iugulare. Quid oro poterat dici clarius? Concupiscētia propria conijcitur in malum. Hæc abstrahit à Deo, & hæc inescat ac decipit. Deinde collocato peccati fundamēto apertoq; fonte, indicat peccati genesim, id est, ortum & progressum, idq; allusione festiua per allegoriam. Concupiscētia, inquit, illa nobis propria ceu matrix concipit in nobisipsis peccatum, ac idem mox progignit, cum uidelicet exit in opus, & id quod concupiuius cupidè prosequimur, & consecuto contra legem fruimur: quod protinus ipsa sequitur mors. Stipēdium enim peccati mors est. Demonstrauimus, opinor, his lucidissimis scripturarum testimonijs clarè satis, causam peccati esse non Deum ipsum, sed corruptam nostram uoluntatem siue concupiscētia ac diabolus, quippe qui illam agitat, excitat atq; inflamat, utpote tentator & hostis omnis boni totiusq; generis humani.

Rom. 6.

Respondetur  
ad obiecta.

Operæpretium fuerit aut post illa audire quorundam contra hæc obiectiones, & quid secundum ueritatem ad ea responderi possit. Cum ex praua hominis uoluntate & suggestionē satanica non ex ipsa Dei natura peccatum deriuamus, obijciunt quidā, Deum cōdidisse Adamum, ergo & peccatū. Respondemus peccatum esse

esse  
aut c  
silio  
prau  
tra le  
tas &  
lium  
tem &  
hibu  
uit, m  
luxur  
iste p  
accep  
Deo  
dium  
Abul  
si iust  
abute  
qui u  
num  
ni pe  
mo p  
to, c  
ipsa e  
rem a  
cto p  
nem  
Hi  
quoc  
non p  
aduer  
Quid  
Deus  
quod  
inger  
Deus  
sed id  
Innu  
daret  
obtul  
deret  
quod  
felix  
& ma  
ligno  
omni  
tes fo  
hibeb

esse corruptionem bonæ naturæ à Deo conditæ, non creaturam à Deo in homine aut cum homine conditam. Bonum condidit Deus hominem, qui relictus suo consilio, suatore satana, bonitatem à Deo conditam in se suo actu & uoluntate sua praua corripit: ut iam peccatum proprium sit hominis, actio inquam praua contra legem Dei, non creatura creata in homine Dei. Regerunt, An uerò uoluntas & facultas quæ erant in Adamo aliunde quàm ab ipso Deo erant? Sanè non aliunde. Aiunt, Ergo & peccatum est ex Deo. Nego. Deus enim non dedit uoluntatem & facultatem operandi Adamo, ut malum faceret. Nam lege lata malum prohibuit. Ipse ergo Adam uoluntatem & facultatem acceptam à Deo, malè collocauit, malè ipsis utens. Accepit pecuniam filius prodigus à patre, non ut prodigeret luxuriosè uiuendo, uerùm ut haberet quantum satis esset necessitati. Proinde cum iste pecuniam malè collocat ac perit, sua, non patris culpa perit, tametsi pecuniam acceperit à patre. Præterea habere facultatem faciendi bonum & malum, quam à Deo Adam habebat, omni culpa & uitio caret: perinde ut uenenum habere, gladium aut sicam gerere. Achabent hæc uim & commodandi & incommodandi. Abusus uitio uertitur. Et qui tibi illa suppeditat, usum earum tibi relinquit. Quod si iustus est, ad uerum ea tibi usum, non ad abusum concedit. Quapropter cum illis abuteris, culpa tibi abutenti non autem concedenti imputatur. Iam cum Deus, qui uoluntatem & facultatem Adamo dedit, iustissimus sit, nimirum illas ad bonum non ad malum patrandum dedit: cur ergo iustissimo impingitur quod homini peccatori non impingitur? Concludimus ergo, quandoquidem affectus in Adamo per sensum commotus, & à serpente instigatus suasit edere de pomo prohibito, cum interim intellectus adhuc teneret uerbum Dei prohibentis edere, cumq; ipsa eius uoluntas libera esset, ut in hanc uel illam inclinare posset partem, in peiorem autem inclinauit, & illud ipsum elegit ac uoluit quod prohibuit Deus, profecto peccatum est hominis propriè præuaricantis, & nō legislatoris præuaricationem prohibentis.

Hic rogant, Cur autem ita condidit Deus hominem, ut uoluntate sua in malum quoq; inclinare posset: quare non potius bonitatem naturæ in eo confirmauit, ut non posset cadere uel peccare? Respondet adhæc scriptura, & dicit, Quis tu, ut ex aduerso respondeas Deo? Væ ei qui contēdit cum factore suo. Væ qui dicit patri, Quid generas? & matri, Quid parturis? Nisi uerò labilem condidisset hominem Deus, nulla fuisset laus operis siue uirtutis. Nam necessitate fuisset bonus. Quid quod labilem omnino oportebat condi hominem? Ita enim poscebat ipsum Dei ingenium. Deus gloriam suam non dat ulli rei conditæ. Adam homo erat, non Deus. Et ut Deus benignus & liberalis, sic etiam iustus est. Benefacit hominibus: sed idem uult, ut homines agnoscant Deum eiusq; beneficia, obediāt & grati sint. Innumera autem beneficia contulerat in Adamū, restabat ergo ut occasionem ipsi daret declarandæ gratitudinis & obedientiæ seu subiectionis. Eam uerò lege lata obtulit. Videmus ergo hīc Deum non fanciuisse legem, ut impingeret homo & caderet: sed magis ne impingeret. Lege enim quid fieri uelit, indicat. Indicat autem quod nolit mortem & interitum Adami: indicat quid agat, quo effugiat mortem, felix & beatus sit. Vnde etiam facilis & exposita erat lex, De arbore scientiæ boni & mali, inquit Dominus, nequaquam comedes, alioqui morieris: de omni autem ligno horti comedes aliās. Hoc quid erat aliud quàm si dixisset? Me respicies in omnibus, mihi adhærebis, mihi obadies, mihi te subijcies ac seruiēs: neq; aliunde petes formulas boni & mali quàm ex me: atq; ita te mihi gratum & obsequentem exhibebis. An in his iniqui aliquid postulauit ab Adamo Deus? Arborem uerò ei

Cur Deus condidit hominem labilem.

Isa. 45.  
Rom. 9.  
Sap. 15.

Lex data Adamo cur.



ostendit tanquam symbolum eius, quod lege lata iniunxerat, nempe obediendum esse Domino soli, utpote sapiēti & benefico, optimo, maximo, Deo & creatori suo. Ac quid oro in his erat difficultatis aut obscuritatis? Nobiscum sentit S. Augustinus qui libro de natura boni aduersus Manichæos cap. 35. Ad hoc, inquit, prohibuerat, ut ostenderet naturam animę rationalis, non in sua potestate, sed Deo subditam esse debere, & ordinem suę salutis per obedientiam custodire, per inobedientiam corrumpere. Hinc & arborem quam tangi uetuit, sic appellauit dignoscen-  
tiam boni & mali; qui cum eam contra uetitū tetigisset, experiretur pœnam peccati, & eo modo dignosceret, quid interesset inter obedientiæ bonum, & inter inobedientiæ malum. Iam uerò cum subrepsit serpens, & homini alias formas boni & mali suggessit, legi Dei ex diametro contrarias, homo autem eas recepit, perfidē Deo defecit, sua certē culpa inobediens interijt. Vnde iuste egit Deus ubique semper, iniustissimus apparet homo & ingratiſsimus utcunq; rem æstimes.

*Nihil infirmitatis aut corruptionis in primo homine fuit.*

*Imago Dei.*

*Præsciuit lapsum hominis.*

Cæterum cum labilem dicimus conditum hominem, id non ita intelligi uolumus, quasi uel tantillum infirmitatis in primo illo homine ante lapsum fuisse existimemus. Nam ut modis omnibus absolutissimus, sic nullo modo ut peccaret aut interiret creatus fuit. Nam Deus qui unus est substantia, trinus personis, dixit: Faciemus hominem in imagine nostra, secundum similitudinem nostram. Est autem Zaelam effigies & imitamentum alterius, Demuth uerò est ipsum exemplar à quo effigies deformatur. Proinde est in ipso Deo exemplar, ad cuius imitationem formatur effigies uel similitudo. Porro nequit hæc esse ipsum corpus. Nam Deus spiritus est, alienissimus à natura luti: necesse est ergo imaginem Dei referre ad spiritualia, nimirum ad immortalitatem, ueritatem, iustitiam, & sanctimoniam. Ita enim scriptum reliquit beatissimus Apostolus Paulus Renouamini spiritu mentis, & induite nouum hominem, qui iuxta Deum conditus est in iustitia & sanctitate ueritatis. Proinde nihil ad absolutissimam perfectionem primo defuit homini: ut sic uel cæco appareat, hominem non ad mortem & interitum esse creatum, sed ad uitam & beatitudinem seu felicitatem plenam.

Verum, inquiunt, præsciuit Deus lapsum hominis, quem si uoluisset, impedire potuisset: iam cum non impediuit, Dei culpa Adam peccauit. Egregia uerò censebitur disputatio, si Dei timore posito, qualibet in buccam uenientia, contra maiestatem Dei expuere licet. Responsum est mox ab initio huius disputationis ad hanc obiectionem. Præterea non sequitur ex præscientia Dei ulla necessitas, ut necessitate peccarit Adam, quod ipsum peccaturum præsciuit Deus. Præscit prudens aliquis pater ex signis aliquot funestis, aliquando filium suum perimendum gladio. Nec fallit præscientia. Confoditur enim propter fornicationem. Atqui non ideò confossus creditur, quia pater ipsum prænouit perimendum: sed quia adulter fuit. Ideoq; S. Ambrosius, siue quisquis tandem is author fuerit, lib. de Gentium uocatione cap. 4. de parricidio Caini loquens, Vtique præsciebat Deus, inquit, ad quem finem progressurus esset furor insanientis. Neque ex eo quod falli scientia diuina non poterat, necessitate peccandi urgebatur facinus uoluntatis, &c. Et Augustinus libro de Libero arbitrio, lib. 3. cap. 4. Sicut tu memoria tua non cogis facta esse, ait, quæ præterierunt, sic Deus præscientia sua non cogit facienda quæ futura sunt. Et sicut tu quædam quæ fecisti, meministi: nec tamen quæ meministi omnia fecisti: ita Deus omnia quorum ipse author est præscit, nec tamen omnium quæ præscit ipse author est. Quorum autem non est malus author, iustus est ultor. Et reliqua.

Proximæ obiectioni cognata est sequens, Deus ab æterno, inquiunt, decreuit

geni

genus humanum liberare ex seruitute: ergo fieri non potuit quin prius seruituti implicaremur: oportuit ergo nos immergi peccato, ut per hoc elucesceret Dei gloria iuxta illud Apostoli, Vbi exuberavit delictū, ibi exuberavit & gratia. Mirum uerò istos non illud magis apud se perpendere, deum sibi ex seipso etiam sine nobis ad beatitudinem felicitatemque esse satis, ac gloriam eius, etsi nulla unquam creatura prodisset in lucem, pertingere supra omnes cœlos. An non ab æterno Deus? At non ab æterno creatura est. Est autem gloriosus Deus ab æterno: ergo sine nobis gloriosus est. Quis uerò ita ineptiat, ut existimet lucem illam æternam aliquid gloriæ accipere à nostris tenebris, à putore illo nostro atque peccatis? An sine nostris sceleribus nulla erat futura Dei gloria? Sapiens in Ecclesiastico, Ne dicas, Defeci, inquit, impulsu domini. Non enim debes quæ odit facere. Ne dicas, ipse me in errorem impulit. Non enim ei uiro peccante opus est. Vel, Non enim necessarii sunt ei homines impij. Omne nephas odit dominus, nec probatur eiisdem cultoribus. Quare ergo non inuertimus ratiocinationem nostram, & ita, ut res habet, colligimus? Deus ex bonitate & liberalitate sua, qua distrahi quasi cupit ac se omnibus ad felicitatem impartiri, ab æterno decreuit creare hominem ad suam imaginem & similitudinem: sed quoniam prauidit illum ruiturum in foedam seruitutem, liberatorem ex eadem gratia & bonitate sua præordinauit, ut se ita nobis impartiretur & nos laudaremus gratiam eius, ac gratias ageremus bonitati eius. Ita uerò quod peccauimus homines, & in nostram conuertimus perniciem, Dominus rursus conuertit in bonum & ad salutem nostram. Sicuti quondam etiam in rebus Iosephi & fratrum eius, quæ harum rerum typus quidam sunt, fecisse legitur dominus. Et nos omnino hoc negotium disputando totū huc conuertere debemus, ut soli Deo omnis cedat gloria, nobis aliud nihil quam confusio faciei.

Restant ultimò adhuc aliquot scripturarum loci perstringendo explicandi. Dixit sanè Apostolus Paulus, Tradidit eos in reprobum sensum. Sed illud tradere, quod & Augustinus dicit, iudicij & iustitiæ opus est. Digni enim erant qui traderentur in sensum reprobum. Causa præcessit in uerbis Apostoli. Nam Deus se illis manifestauit: illi uerò non tantum ingrati fuerunt Deo, sed suæ potius sapientiæ innitentes, cultum nescio quem, deo uoluerunt obtrudere: ergo ut experirentur se stultos & impios esse, tradidit eos Deus in cupiditates foedas. Ita noluit audire dominum Amazias rex, quia dominus statuerat eius punire flagitia: sicut legitur 4. Reg. cap. 14. & 2. Paralip. 25. cap. Ita miscuit dominus pseudoprophetis spiritum erroris, & seduxerunt Ægyptum. Isaia 19. Ita exiuit spiritus seductor, uel cacodæmon à domino iudicij, & fuit spiritus mendax in ore omnium prophetarum, 3. Reg. ultimo. Facit autem ista omnia dominus æquo & sancto iudicio. Idem Occidere dicitur quoties lucem ueritatis contemptam reuocat uel aufert, & tenebris gaudentes, in tenebris perplexos hæere sinit. Tunc enim ingratis & prophanis uerbum suum ad iudiciū annunciare permittit. Sic sanè docet nos sentire euangelica & apostolica doctrina. Hæc, ait dominus, est cōdemnatio, uel hoc est iudiciū, quod filius Dei ipsa lux uera uenit in mundum, & mundus plus dilexit tenebras quam lucem. Et Apostolus Christi Paulus, Si adhuc uelatum est euangelium nostrum, ait, in his qui pereunt uelatum est: in quibus Deus huius seculi excæcauit sensus incredulorum, &c. Iuxta eandem rationem indurare dicitur Deus. Cum enim uocat hominem dominus, & is reluctatur & indignum se facit regno cœlorum, permittit ipsum sibi ipsi: id quod aliud non est quam suæ naturæ corruptæ hominem relinquere, iuxta quam homini est cor saxeum, quod sola Dei gratia molle uel tractabile redditur: ergo subtractio gratiæ, induratio est: & cum

Quomodo deus tradit in sensum reprobum.

Iob 1. cap.

Excæcare.

Joan. 3.

2 corin. 4.

Indurare.



*Indurauit Deus  
cor Pharaonis.*

*Exod 4*

*Malum quomo  
do faciat Deus.*

*Omnia ex ipso  
& per ipsum  
& in ipso.*

nobis ipsis relinquimur, induramur. Pharaon rex Ægypti infanticidio nephando, tyrannide & alijs peccatis multis, contra legem naturæ commissis, offenderat oculos diuinæ & iustissimæ maiestatis: nihil ergo mirum quod indurauit cor eius. Porro si quis hanc interpretationem non recipit, negare tamen non potest Deum in scripturis nostris uti loquutionibus. Nobis autem in usu est dicere, Hic paterfamilium indulgentia sua corrumpit & indurat (*macht in halbsfarck.*) Pater autem non ideo indulget ut perdat, sed ut seruet: filius reuera abusu indulgentiæ paternæ se perdit & indurat. Idcirco propria sua non patris culpa induratur filius, quia men dicitur indurari à patre. Et reuera si diligenter inspicias historiam Pharaonis in Exodo, inuenies non semel repeti hanc sententiam. Et indurauit Deus cor Pharaonis, cum præcessit beneficium aliquod & liberatio à malo. Quasi dicat scriptura, Hoc beneficio liberationis à malo indurauit Deus cor Pharaonis, dū hic abuteretur Dei bonitate, arbitrareturque iam omnia fore extra periculū tuta, quod Deum præsens supplicium sustulisset, ac iam beneficeret. Interim fateor & ante beneficia, ante poenas illatas, imò mox ab initio uocationis Moysi, dixisse dominū, Ego scio quod rex Ægypti non sinet uos abire. Item, Vide tu ut coram Pharaone facias omnia signa & prodigia quæ posui in manu tua: ego uero indurabo cor Pharaonis, ut non dimittat populum. Cæterum hæc non dicuntur in hunc finem, ut faciamus Deum authorē omnis pertinaciæ, perfidiæ & rebellionis Pharaonicæ: sed magis ad cōsolationem & confirmationē Moysi, qui sic præmonetur, ut cum sedulo agit cum rege, nec tamen quicquam impetrat, nihilominus sciat se agere Dei negotium, deumque sua longanimitate in causa esse pertinaciæ illius, interim tamen omnia recte ad gloriam suam temperaturum. Perinde ac si paterfamilias ablegat seruum suum ad debitores suos, dicens, Abi tu & repete debita: scio autem te nihil ab illis accepturum. Ego enim mea lenitate benignitateque difficiles reddā. Tu uero fac tuum officium: ego interim uidebo quid facto opus sit. His accedit quod in illis ipsis capitibus, in quibus toties repetitur, Indurauit Deus cor Pharaonis, subinde & hoc repetitur, quod indurationis culpam regerit in ipsum Pharaonem, Indurauit cor Pharaonis & non audiuit eos. In cap. 9. probè castigatus Pharaon dicit, Peccaui etiam nunc, Dominus iustus est, ego uero & populus meus iniusti uel impij. Et mox, Videns autem Pharaon quod pluuia cessasset, perrexit peccare & aggrauauit cor suum, & induratum est nimis. Hæc autem & similia conferenda sunt cum hisce uerbis, Ego indurauit cor Pharaonis, colligendusque pius sensus, qui deum iustissimum non authorem mali faciat. Iam uero clarè satis dicit Amos cap. 3. Non est malum in ciuitate quod dominus non faciat. Verum Augustinus contra Adimantum cap. 26. orthodoxè scriptum reliquit, Malum hoc loco, non peccatum, sed poena intelligenda est. Dupliciter enim appellatur malum, Vnum quod homo facit: alterum quod patitur, poena. De poena autem loquitur propheta. Diuina enim prouidentia cuncta moderante & gubernante, ita homo malum facit, quod uult, ut malè patiatur quod non uult. Ita ergo Deus malum facit, quod non ipsi Deo malum est, sed eis in quos uindicta. Itaque ipse quantum ad se pertinet, bonum facit: quia omne iustum bonū est: & iusta est illa uindicta. Non aliter intelligendum est malū & in his Isaia uerbis cap. 45. Ego dominus, & natus ultra, formans lucem, & creans tenebras: faciens pacem & creans malum: ego dominus faciens omnia ista. Nam malum, id est, bellum opponit paci. Rursus & Augustinus de Natura boni contra Manichæos cap. 28. Cum audimus, inquit, omnia ex ipso & per ipsum & in ipso, omnes utique naturas intelligere debemus, quæ naturaliter sunt. Neque enim ex ipso sunt peccata, quæ naturam non seruant, sed

sed uitiant: quæ peccata ex uoluntate esse peccantium, multis modis sancta scriptura testatur. Hæc ille. Nec difficile est respondere ad illam Solomonis sententiam, Omnia propter se condidit dominus, impium quoque ad diem malum. Prou. 16. Credimus enim Deum iustissimum, certum diem afflictionis iudicii uel supplicii designasse impijs, in quem suo tempore impingent. Quod uero Apostolus dicit, Miseretur cuius uult, & quem uult indurat, non huc detorquebimus, quod quenquam necessitate adigat ad peccandum Deus, & ita fiat peccati causa. Voluntas enim dei bona est & iusta, nec uult aliud quam quod conueniens est, minimeque pugnat cum natura & uerbo Dei. Ideo enim propheta clamauit, Iustus dominus in omnibus uis suis, & sanctus in omnibus operibus suis. Psal. 145. Ista uero pauca ex multis de causa peccati hætenus C. V. expēdenda proposuimus.

Descendimus iam ad illustrandas primas in descriptione peccati, mox ab huius Sermonis initio propositas partes. Sunt autē duæ. Prior, Peccatum est corruptio natua hominis. Posterior, Et quæ ex ipsa existit actio repugnās legi Dei. Certe alij non inconsulti genera, uel species uel discrimina peccati ponentes dicunt, *Discrimina peccati.* Peccatum aliud est Originale, aliud uero Actuale. De singulis quod dederit dominus, ordine dicemus, & primū de natua illa hominis corruptione, hoc est, de Peccato originali. Appellatur autem originale uel originis peccatum, quod à prima uenit origine, nempe à primo parente in omnes deriuatum propagine uel *De Originali peccato.* traduce. Hoc etenim ex utero materno in nostra natura nobiscum adferimus in hanc uitam.

Huius peccati uariæ ponuntur definitiones, quæ tamen ut inter se non dissentiant, sic alia clarior & plenior est altera. Alij, Peccatum originale, est corruptio, *Quid peccati originale.* inquit, naturæ à prima perfectione. Alij, Est naturæ hominis corruptio, quæ efficit ne uerè obediamus legi Dei, nec simus sine peccato. Alij defectum uocant: alij concupiscentiam: quæ tamen uideri poterat fructus esse originalis peccati, id est, corruptionis nostræ. Alij appellant appetituum inordinationem, quæ reliqua est in natura. Anselmus scriptor neotericus, Originale peccatum est carentia, inquit, originalis iustitiæ. Verū hoc satis accisè dixisse putatur. Vis enim peccati non uidetur satis exprimi. Nam natura nostra non tantū inops & uacua est boni, sed omnium malorum fertilissima. Melior ergo habetur Hugonis illa, Originale peccatum est ignorantia in mente, & concupiscentia in carne. At multo melior pleniorque hæc esse uidetur, Originale peccatum est uitiū & deprauatio totius hominis, qua Deum & eius placita, nec nosse, nec animo persequi potest, sed ex peruerso de rebus iudicio, perperam agit peruertitque omnia. Cum his autē finitionibus omnibus etiam hanc C. V. considerandā proponimus, Originale peccatum est hæreditaria naturæ nostræ prauitas atque corruptio, quæ primū nos facit reos iræ diuinæ, deinde opera in nobis profert, quæ scriptura carnis appellat. Peccatum ergo hoc originis nec dictum nec factum nec cogitatum quidem est, sed morbus siue uitiū, deprauatio, inquam, iudicii & concupiscentiæ, uel corruptio totius humanæ naturæ, id est, intellectus & uoluntatis omniumque uirium humanarum, unde demum cuncta prauè cogitata dicta & facta proueniunt.

Originem trahit ex protoplasto, ideo enim dicitur hæreditaria naturæ nostræ prauitas atque corruptio. De protoplasti corruptione & peccato, ex quo nascimur *Origo peccati originalis.* omnes peccatores, abundè satis dictum est in causa peccati, sed & paulò post sequentur pauca quædam, ut non sit hic necesse quicquam repetere: ad alia ergo conuertimur.

Pelagiani negarunt hoc malum esse hæreditarium. Nam ipsius Pelagij uerba *Pelagiani.*



hæc sunt, Vt sine uirtute, ita sine uitio procreamur. Atq; ante actionem propria uoluntatis, id solum in homine est, quod Deus condidit. Tectius hic quidem, at Celestius Pelagij confors, apertius uirus hoc etuomuit, ac dixit, In remissionem autem peccatorum baptisandos infantes non ideo diximus, ut peccatum ex traduce firmare uideamur, quod longe à catholico sensu alienum est. Quia peccatum non cum homine nascitur, quod postmodum exercetur ab homine: quia non naturæ delictum, sed uoluntatis esse demonstratur. Rursus Pelagius dixit, non tantum primo homini, sed etiam humano generi primum illud obfuisse peccatum: uerum mox adijcit, Non propagine, sed exemplo, id est, non quod ex illo aliquid traxerint uultum, qui ex illo propagati sunt, sed quod eum primum peccantem imitati sunt omnes qui postmodum peccauerunt. Hæc extant apud Aurel. August. de Peccato originali contra Pelagium & Celestium lib. 2. cap. 6. 13. & 15.

*Esse in homine  
& nasci cum  
ipso malum hæ  
reditarium.*

*Hebræ: 13.*

*1 Ioan. 1.*

*Voluntariū esse  
peccatum.*

Demonstrandum ergo nobis ex sanctarum scripturarum testimonijs, esse in homine hæreditarium malum, & nasci nobiscum originis peccatū, id est, omnes homines peccatores in mundum nasci. Clamat ergo disertis uerbis Dauid Psalm. 51. Ecce in iniquitatibus conceptus sum, & in peccatis concepit me mater mea. Siue ut habet alia ex Hebræo uersio, Ecce in iniquitate formatus sum, & in peccato fouit uel calefecit me mater mea. Id est, tum protinus adhærescebat mihi peccatum & iniquitas, cum conciperer & alerem in utero materno. Id quod proculdubio non erat ex uitio matrimonij: sanctum enim & impollutum est cubile coniugum: sed ex traduce & propagine. Nam Iob in cap. 14. clarè dicit, Quis dabit aut proferet purum uel mundum ex immunda (nimirum massa) ne unus quidē, haud dubiè, proferri poterit. Eius generis sequuntur & alia quædam in Iobi cap. 15. & 25. Clarissimè uerò sanctus Christi Apostolos Paulus ad Romanos 5. Quemadmodum, ait, per unum hominem peccatum in mūdum introiit, ac per peccatū mors, & sic in omnes homines mors peruasit, quatenus omnes peccauerunt. Usque ad legem enim peccatum erat in mundo: porro peccatum non imputatur cum non est lex. Imò regnauit mors ab Adam usq; ad Moysen in eos quoq; qui non peccauerant ad similitudinem transgressionis Adam, &c. An non hisce uerbis propagationem peccati clarissimè ostēdit Apostolus, dicens, Per unum hominem intrauit peccatum in mundum. In omnes homines mors peruasit, quatenus scilicet omnes peccauerunt, nimirum quatenus omnes obnoxij sunt corruptioni. Imò ne illi uel ante Moysen, uel post Moysen exciperentur homines, subiungit, Regnauit mors ad Adam usque ad Moysen, in eos quoq; qui non peccauerant ad similitudinem transgressionis Adam, id est, qui nondum sua & propria quidem uoluntate, sicut ille, peccauerant, sed ab ipso originis peccatum traxerant. S. Augustinus hæc plenius excutit & tractat libro de Peccatorum meritis & remissione primo, cap. 9. 11. & sequentibus. Rursus uerò Paulus in 7. ad Rom. cap. hoc malum, inhabitans appellat peccatum, nimirum congenitum. Addit enim, Ego carnalis sum, uentus sub peccatum. Et, Noui quod non habitem in me, id est, in carne mea, bonum. Ideoq; & beatus Apostolus & euāgelista Ioannes, Si dixerimus, inquit, peccatum non habemus, nos ipsos fallimus, & ueritas in nobis non est. Significanter autem dixit habemus, non habuimus aut habebimus. Nam id ex natura corrupta primum habemus. Proinde constat iam falsum esse quod Pelagiani finxerunt, pot procreari sine uitio: falsum est, uoluntariam duntaxat actionem non etiam corruptionem & deprauationem quæ nondum prorupit in opus prauum, esse peccatum. Et Augustinus alicubi originale uocat & ipsum uoluntarium peccatum, idq; ratione duplici, Principiò non per se quidē, sed respectu Adæ, quia ex primo homine

minis mala uoluntate factum, à nobis hæreditarium contrahitur. Deinde quòd cupiditas praua nuncupari possit uoluntas. Nam libro Retract. i. cap. 15. Si quisquam dicat, inquit, etiam ipsam cupiditatem nihil esse aliud, quàm uoluntatē, sed uitiosam tamen peccatoq; seruientem, non resistendum est; nec de uerbis, cum res constet, controuersia facienda. Sic enim ostenditur sine uoluntate nullum esse peccatum, siue in opere, siue in origine. Hæc ille, qui nonnulla huius generis affert etiam in 3. lib. contra Iulianum Pelagianum cap. 5. Nobis satis fuerit etiā sine illis, ex scripturarum testimonijs didicisse, peccatum esse non tantum actionem uoluntariam, sed etiam corruptionem hæreditariam.

His omnibus nihil repugnat quod in Ezechiele dominus dicit, Filius non portabit iniquitatem patris, sed quisq; in suo peccato morietur. Non enim noceret nobis lapsus Adæ, si non ex ipso omnibus nobis ea innasceretur peruersitas, quæ digna est dei iudicio. At uerò cum omnis propensio, omne ingenium & studium naturæ nostræ etiam in puero unius diei, pugnet cum diuina puritate & uoluntate, quæ sola bona est, profectò nemo propter patris, sed quisq; propter suum proprium punitur peccatū, inuaduntq; pueros omnes calamitates: quos his corripimus uidemus sancto & iusto dei iudicio.

Nihil firmitus est quod obijcitur, liberos à sanctis parentibus nō posse ullam contrahere corruptionem. Nam descendunt ex generatione carnali, non ex re generatione spirituali. Et quod Apostolus dixit, Sanctificatus est uir infidelis in uxore, & sanctificata est uxor in uiro: alioqui liberi uestri immundi essent, nunc autem sancti sunt, his nostris non repugnat. Sancti enim appellantur non generis aut natiuitatis prærogatiua, quasi sic sine uitio nascantur pueri: sed quòd natura quidem corrupti geniti, fœderis & gratiæ uirtute puri sint, & impuritas eis non imputetur, propter Christum uel remissionem, quæ sic pronunciata est, Ero Deus tuus & seminis tui post te. Quondam enim & isti liberi qui ex semine Abraham erant, sancti & benedicti erant, qui tamē nihilominus circumcidebantur. At quid oro opus erat circumcisione seu purgatione, si nihil erat ex natiuitate impuritatis?

Falsissimum itaque est illud quoq; quod Celestium Pelagianum dixisse audiuimus. In remissionem peccatorū baptisandos infantes non ideo diximus, ut peccatum ex traduce firmare uideamur: quod longe à catholico sensu alienum est. Nam catholicum illud est, quod circumcisi sunt liberi Iudæorū, non tam quòd fœderis erant consortes, quàm quòd omnis uetustas sanctorum patrum sic confitebatur in infantibus esse aliquid quod putatione opus haberet, hoc est, quod gratia Dei remitteret, nec imputaret ad mortem. Catholicum illud est, quod baptisantur infantes Christianorum, non tam quòd Dei sunt, gratuitò in fœdus Dei recepti, quàm quòd in eis est ex natiuitate quod gratia sua abluat dominus, ne inferat mortem. Imò non potest esse catholicum, quod pugnat tam apertè cum tot illustribus scripturæ testimonijs, approbantibus in infantibus ex propagatione esse peccatum. His accedit quod beatus Augustinus libro contra Iulianum Pelagianum primo, cap. 2. præstantissimorum in Ecclesia episcoporum doctorumq; testimonia congerit, quibus ostendit omnes Ecclesiarum ministros, ab Apostolorum temporibus, agnouisse & palam docuisse peccatum originale. Profert autem testimonia Irenæi, Cypriani, Retitij, Olympij, Hilarij, Ambrosij patris & præceptoris sui in Christo, Innocentij, Gregorij, Basilij, Ioannis Chrysostomi. Tandem, An tantam consensionem, inquit, sacerdotum catholicorum, conspiracyonem dicturus es perditorum? Nec sanctum Hieronymum, quia presbyter fuit, contemnens

Ezechiel. 18.

Filius non portabit iniquitatem patris.

A sanctis nasci parentibus.

1. Cor. 7.

Catholicum dogma de peccato originali.

Omnes antiqui doctores consentiunt peccato originali.



dum arbitreris, qui Græco & Latino, insuper & Hebræo eruditus eloquio, ex occidentali in orientalem transiens ecclesiam, in locis sanctis atq; in literis sacris, usq; ad decrepitam uixit ætatem. Hic omnes uel penè omnes, qui ante illum ex utraq; parte orbis de doctrina Ecclesiastica scripserant, legit: nec aliam de hac re tenuit promptiq; sententiam. Et iterum idem libro de Peccatorum meritis & remissione tertio, cap. 7. sic scriptum reliquit, Hieronymus cum Ionam exponens ad eum uenisset locum, ubi cōmemorantur etiam paruuli ieiunio castigati, Maior inquit, ætas incipit & usq; ad minorem peruenit. Nullus enim absq; peccato, nec si unius quidem diei fuerit uita eius, & innumerabiles anni uitæ eius. Si enim stellæ mundæ non sunt in conspectu Dei, quanto magis uermis & putredo, & hi qui peccato offendenti Adam tenentur obnoxij? His addit Augustinus, Hunc doctissimum uirum si facile interrogare possemus, quàm multos utriusq; linguæ diuinarum literarum tractatores, & Christianarum disputationum scriptores cōmemoraret, qui non aliud ex quo Christi ecclesia est constituta, senserunt, nō aliud à maioribus acceperunt, non aliud posteris tradiderunt. Ego quidem quamuis longè pauciora legerim, non memini me aliud audiisse à Christianis, qui utrunq; accipiunt testamentum, non solum in catholica Ecclesia, uerum etiam in qualibet hæresi uel schismate constitutis, non memini me aliud legisse apud eos, quos de his rebus aliquid scribentes legere potui, qui scripturas canonicas sequerentur, uel sequi se crederent, crediue uoluissent. Hæc Augst. docens mox ab initio concordie doctrinæ genere omnes sanctos originale peccatum in infantibus disertissime confessos esse. Mihi uidetur S. Hieronymus non in Ionam duntaxat, sed in Ezechielem longè apertius asseuerasse originale peccatum. Verba eius habentur in Comment. lib. 14. in cap. 47. ad Ezechielem, ac sunt huiusmodi, Quis hominum gloriari potest castum se habere cor: uel ad cuius mētem per oculorum fenestras, mors concupiscentiæ non introibit, & (ut parum dicam) animi titillatio? Mundus enim in maligno positus est: & à pueritia appositum est cor hominis ad malum: ut ne unius quidem diei à natiuitatis suæ exordio sine peccato sit humana conditio. Vnde & Dauid confitetur in Psalmo, Ecce enim in iniquitatibus conceptus sum, & in peccatis concepit me mater mea. Non in iniquitatibus matris meæ, uel certè meis, sed in iniquitatibus humanæ cōditionis. Vnde & Apostolus dicit, Regnauit mors ab Adam usq; ad Moysen, etiam super eos qui non peccauerunt, in similitudinem præuicationis Adæ. Tantum ille: & nos hæc omnia hæcenus protulimus ut astrueremus peccatum originale esse corruptionem naturæ humanæ natiuam uel hæreditariam.

*Psalm. 51.*

*Qualis et quanta deprauatio naturæ.*

Videamus porro qualis & quanta sit ista naturæ nostræ hæreditaria prauitas atq; corruptio, & quid efficiat in homine. Natura quidē nostra, sicuti prius ostendimus, optima & præstantissima fuit in patre nostro ante lapsum, sed post lapsum facta est iusto dei iudicio pessima & corruptissima, quæ & talis in nos omnes propagata est. Id quod res ipsa & experiētia cum in infantibus seu paruulis, tum etiam in adultis liquidò claret. Nam specimina edunt paruuli luculentæ deprauationis, mox atq; aliquid agere etiam antequam loqui perfectè cœperint. Intellectus est nobis omnibus hebes, obtusus, crassus, adeoq; cæcus planè in rebus diuinis. Iudicium in rebus cœlestibus habemus peruersissimum. Horribiles enim & absurdissimæ cogitationes & opiniones exoriuntur in nobis ipsis de deo & iudicijs omnibusq; operibus Dei. Quid quod totus animus noster propendet & procliuus est ad errores, ad fabulas & ad nostram perniciem: cumq; iudicamus ineptissime, nostra tamen iudicia longè anteferimus diuinis, quæ nobis præ humanis illis nostris

*stulta*

stulta admodum uidentur. Neque enim mentitus est, qui dixit, Animalis homo non accipit ea quæ sunt spiritus Dei: stultitia siquidem illi sunt, nec potest cognoscere. *1 Corin. 2.* quod spiritualiter diiudicantur. Appellauit autem Paulus animale hominem, uitali anima uiuentem naturaliter, nondum renatū. Tales uerò cū adhuc sumus, toti certē regimur à philautia. Est ea amor & studiū sui nimium, quo nobis omnia nostra eximie placent, nostrisq; commodis impensè studemus, omnibus alijs interrim uel neglectis, uel etiam afflictis. Nec temerè Plato id uitij malorum omnium fontem existimauit. Præterea uoluntas tota nostra captiua ducitur à concupiscencia, quæ ueluti radix imbuta ueneno, omnia hominis inficit, hominemq; inclinât, trahit & impellit ad carnalia & uetita Deoq; contraria, ut ipsa persequatur cupidē, in eis omnem quærat delectationem ac conquiescat. Iam & facultates ad bonum sunt nobis nullæ. Segnes enim ignaui & torpidi sumus ad omne bonum, prompti uerò & alacres ad res pessimas quasq;. Et ut semel finiam, breuibusq; totam uim prauitatis corruptionisq; nostræ hæreditariæ exprimam, deprauatio illa naturæ nostræ aliud non est quàm imaginis Dei in nobis expunctio. Imago Dei erat ante lapsum in patre nostro Adamo, quæ fuit, iuxta interpretationem Apostolicam, conformatas & participatio diuinæ sapientiæ, iustitiæ, sanctitatis, ueritatis, integritatis & innocentia, adde & immortalitatis felicitatisq; æternæ. Ergo quid aliud obliteratio aut expunctio huius imaginis esse potest, quàm peccatum originis, uidelicet odium Dei, ignorantia Dei, stultitia, diffidentia, desperatio, *philautia*, iniustitia, immunditia, mendacium, hypocrisis, uanitas, corruptio, iniuria, & consceleratio, adde & mortalitas infelicitasq; æterna. Hæc imago & similitudo propagata est in nos omnes, iuxta quod legimus 5. cap. Gen. Adam genuit in similitudine & imagine sua filium. Proinde qualis erat corruptus, deprauatus & calamitosissimus Adam pater noster, tales nos genuit filios: sic ut omnes nos qui ab impuro semine descendimus, peccati contagione nascamur infecti. A radice enim putrefacta, rami putri diprodeunt, qui suam putredinem transmittunt in alios ex se nascentes surculos.

Deprauatio nostra, est imaginis Dei obliteratio.

Et hoc quidem malum, hæc corruptio, hoc peccatum, quamuis in infantibus lateat, nondum per ætatem teneram erumpat in opus, propriè tamen peccatum, & huiusmodi quidem peccatum est, quod eos agit reos iræ diuinæ, separatq; à consortio Dei. Cū Deo enim sanctissimo & igne consumente nemo nisi immaculatus & purissimus habitare potest. Et Paulus, Omnes, inquit, peccauerunt, & destituntur, siue egent gloria Dei. Gloria hæc Dei, ipsa est imago Dei: hac quia destituntur originali peccato deprauati, repelluntur meritò à consortio Dei. Huc pertinet præterea tota illa disputatio quam habuimus Sermonē 4. Decadis 3. de Concupiscencia: ubi docui ipsam concupiscenciā nondum in opus productam, peccatum & huiusmodi peccatum esse, quod omnes homines maledictioni subdat diuinæ. Scriptum est enim, Maledictus omnis qui non manserit in omnibus quæ scripta sunt in libro legis huius. Proinde hic est primarius effectus peccati originalis, quod iram, mortem atque condemnationem inducit infantibus adeoq; & omnibus hominibus. Id quod, ne quid dubij in cuiusquam animo resideat, copiosioribus scripturarum testimonijs demonstrabo, ijs non repetitis iterum quæ superius in hoc Sermonē, & in quarto Sermonē Decadis tertiæ adduximus.

Originale peccatum damnat.

Rom. 3.

Dominus in Euangelio dicit ad Nicodemum, Amen dico tibi, nisi quis natus fuerit è supernis non potest uidere regnū Dei. Et iterum, Amen dico tibi, nisi quis natus fuerit ex aqua & spiritu, non potest introire in regnum Dei. Quod natum est ex carne, caro est, & quod natum est ex spiritu, spiritus est. Duo in his uerbis proponuntur memoranda & instituto nostro ualde congruentia. Prius, Non in-

Deut. 17.

1. Ioh. 3.



Rom.

grediuntur in regnum cœlorum, nisi renati è cœlo, per spiritum sanctum: ergo prima natiuitas ad mortem, nihil ad uitam facit. Prima enim natiuitate nascimur ad mortem. Posterius, Caro est quod ex carne gignitur: ergo prima natiuitate nostra omnes caro nascimur. De carnis uerò ingenio & uiribus eius Apostolus, Affectus carnis, inquit, inimicitia est aduersus Deum, Nam legi Dei non subditur: imò ne potest quidem. Proinde carnalis illa natiuitas generat nos non amicos & filios, sed hostes Dei: itaq; & reos iræ Dei.

Paulus ad Ephes. 2. cap. Erasmus, inquit, natura filij iræ, sicut & cæteri. Quibus uerbis pronūciat uniuersos esse perditos. Nam perditos siue morte eterna dignos, & omnino tales quibus meritò irascatur Deus, appellat filios iræ idiotismo Hebræo. Significat enim ira Dei iudicium & supplicium quod infertur hominibus iusto Dei iudicio. Et filius mortis dicitur, qui morti adiudicatus seu destinatus est. Sic filius perditionis, &c. Obserua autem quòd nos omnes nuncupat filios iræ, id est, pœnæ aut damnationi obnoxios, natura nimirum, ab ipsa natiuitate, ex utero matris. Quod autem naturaliter inest omnibus, id certè originale est: ergo originale peccatum efficit nos reos iræ diuinæ, id est, propter originalem deprauationem omnes sumus damnationi obnoxij. Hic locus Pauli in hac caussa ualde est insignis.

Idem Apostolus ad Colos. 1. cap. Deus, inquit, eripuit nos à potestate tenebrarum, & transtulit in regnum filij sibi dilecti. Quòd si translati sumus in regnum filij Dei, fuimus ergo in regno diaboli. Huc iam pertinent multiplicia eiusdem Apostoli testimonia in 5. cap. ad Romanos, Vnius, inquit, delicto multi mortui sunt. Item, Per unum qui peccauerat, uenit mors. Venit enim iudicium ex uno ad condemnationem. Rursus, Per unius delictum mors regnauit per unum. Et iterum, per unius delictum propagatum est n. alium in omnes homines ad condemnationem. Breuiter, Originale peccatum à Dauide & Paulo appellatur disertè peccatū, ergo debetur originali peccato mors. Quia stipendium peccati mors est.

Originale peccatū proprium

Concludimus ergo infantes damnationem in hanc lucem secum ex utero adferre materno: quia corruptam secum afferunt naturā: ideoq; nō alieno sed suo pe reunt uitio. Tamen enim Augustinus alicubi hoc peccatum uideatur appellare alienum (quo clarius ostendat propagine in nos deriuari) confitetur tamen idem unicuiq; nostrum uerè & maximè esse proprium. Et quamuis hic morbus suæ iniquitatis fructus nondum protulerit, est tamen tota ipsa natura corruptio foeda, & semen quoddam peccatorum siue scelerum, quæ non potest non Deo esse odibilis. Odit enim omnem impuritatem Dominus.

Vbi nō est lex, ibi nulla prauaricatio.

His nihil repugnat quod Paulus ait, Vbi non est lex, ibi nec transgressio. Enim non absolutè negat Apostolus prauaricationem aut peccatum, quod reuera coram oculis Dei peccatum est, peccatum non esse: sed spectat hominum reputationem. Homines enim priusquam per legem ipsis appareat aut aperiatur peccatum, non reputant uel æstimant peccatum, ut reuera æstimandum erat. Paulus idem ille alibi dicit, Peccatum quondam sine lege erat mortuum. Et ego quondam sine lege uiuebam. Vbi uerò uenit lex, peccatum reuixit. Quòd si iam reuixit, ergo & ante legem, priusquam per legem excitaretur, uixit, licet tunc non ita ut nunc uires suas exereret. Huc pertinet illud Apostoli, Vsq; ad legē peccatū erat in mundo: porrò peccatum non imputatur cū non est lex. Ecce peccatum erat in mundo ante legem, sed non imputabatur: non quòd Deus non imputaret, sed homines sibi non imputant. Latet in cinere ignis, qui reuera ignis est, quoniam uerò nullas de se flammās spargit, non putatur esse ignis. Ea de caussa uir doctissimus p̄ssimusq; H. Zuinglius beatæ memoriæ, diligenter distinxit inter morbum & peccatum.

H. Zuinglius de Originali peccato.

tum, cum aliquando differeret de peccato originali, quod quidem morbum maluit quam peccatū appellare: nimirum quod per peccatum omnes intelligūt actiōnem prauam nostra propria admissam uoluntate cōtra legem latam: per morbum uerō naturæ bene conditæ corruptionem quandam & deprauationem, sed & conditionem seruitutis miserrimam. Sicut & Augustinum modò audiuius, hoc peccatum appellare alienum, ut ita innueret esse hæreditarium; & tamen non negabat esse proprium. Ita Zuinglius non negauit peccatum originale: sicut quidam falsò de eo sparserunt: non sensit illud per se infantibus esse innocuum: nisi quatenus gratia Dei per sanguinem Iesu Christi redditur uirtute promissionis & fœderis Dei innoxium. Inter actuale & originale exactè uoluit discernere. Nam in ratione fidei suæ reddita in comitijs Augustanis anno Domini 1530. celebratis, Originale peccatum, inquit, per conditionem & contagionem agnasci omnibus, qui ex effectum maris & foeminæ gignuntur, agnosco; & nos esse natura filios iræ scio: Nec quicquam moror hunc morbum, & conditionem, iuxta Pauli morem, appellari peccatum: imò tale esse peccatum, ut quicumq; in eo nascuntur, hostes & aduersarij Dei sint. Huc enim trahit illos natiuitatis conditio, non sceleris perpetratio, nisi quantum hoc semel perpetravit primus parens. Vera igitur perduellionis & mortis causa est perpetratum ab Adam crimen ac nephas: atq; hoc uerè est peccatum: a peccatum istud, quod nobis adhærescit, & uerè morbus & conditio, imò necessitas est moriendi. Et quæ sequuntur. Hactenus enim illius uerba recensui.

Restat alter peccati originalis effectus breuiter explicandus. Profert in nobis egeritq; opera quæ scriptura carnis appellat: non secus atq; incensa fornax flāmas & scintillas efflat, aut scaturigo aquam perenniter profundit. Nulla hic quies, Auaritia enim exurgit cum libidine, adhærescit ambitio, subit ira, inflat superbia, uinolentia inuitat, uexat & temetipsum & alios inuidia. Dominus ergo in Euangelio, Ex corde, inquit, exeunt cogitationes malæ, cædes, adulteria, stupra, furta, falsa testimonio, conuitia. Rursus Paulus ad Galatas cap. 5. opera carnis non breui catalogo enumerat: quemadmodum & ad Rom. 1. & 3. cap. In 4. cap. Epistolæ ad Ephes. graphicè describit opera illa carnis, quæ enascuntur ex corruptione natiua in omnibus nondum regeneratis per spiritum sanctum, Hoc dico & testor per Dominū, ait, ne posthac ambuletis quemadmodum & reliquæ gentes ambulant in uanitate mentis suæ, dum mentem habent obtenebratam, abalienati à uita Dei, propter ignorantiam quæ est in illis, & excæcationem cordis eorum, qui posteaquam dolere desierint, semetipsos dediderunt lasciuiæ ad patranda immundiciem omnem et auaritate. Sufficiunt hæc, licet breuiuscula sint. Copiosiora enim sequētur in traditione peccati Actualis: ad quod explicandū trāsibimus, si illud prius admonuerimus, non sine causa graui me hactenus uerbosè satis causam originalis peccati, hoc est, humanæ deprauationis humanarumq; uirium corruptionis tractauisse.

Sicut enim in his aperiuntur uenæ purioris doctrinæ, ita in ijs & fundamenta fidei nostræ collocantur. Si enim nō est originale peccatum, nec gratia est: & si sit, nihil tamen habebit quod operetur in nobis. Si integræ sunt uires nostræ, nullo certè medico nobis opus erit. Frustra ergo missus Dei filius, uenit. Suis ergo uiribus saluabuntur homines. Sic autē dirutum dissoluetur fidei nostræ fundamentum. Idcirco uehementissimus est in hac causa beatus Aug. cuius aurea certè uerba non grauabor C. V. recitare ex 2. lib. de Originali peccato contra Pelagium & Celestium. Ex cap. 23. & 24. sic scriptū reliquit, Longe aliter se habent quæstiones istæ, quas esse præter fidē arbitrat, quam sunt illæ in quibus salua fide, qua Christiani sumus, aut ignoratur quid uerum sit, & sententia definitiua suspenditur, aut aliter

Originale peccatum profert opera carnis.

Mar. 1.

In his collocantur fundamenta fidei nostræ.



In caussa duorum hominum fides Christiana consistit.

1 Ioan. 2.  
Acto. 4.

Extra Israel em aliqui saluati, sed non sine Christo.

Psalm. 51.

Actuale peccatum quid sit

quàm est, humana & infirma suspitione coniicitur: ueluti cùm quæritur qualis uel ubi sit paradysus, ubi constituit Deus hominē, quem formauit ex puluere, cùm tamen esse illum paradysum, fides Christiana non dubitet: Et post aliquot similes recitatas quæstiones, Quis, inquit, non sentiat in his & huiusmodi uarijs & innumerabilibus quæstionibus, siue ad obscurissima opera Dei, siue ad scripturarum abditissimas latebras pertinentibus, quas certo aliquo genere cōplecti ac definire difficile est, & multa ignorari salua Christiana fide, & alicubi errari sine aliquo hæretici dogmatis crimine? Sed in caussa duorum hominum: quorum per unū uenundati sumus sub peccato, per alterum redimimur à peccatis: per unū præcipitati sumus in mortem, per alterum liberamur ad uitam: quoniā ille nos in se perdidit faciendo uoluntatem suam, non eius à quo factus est, iste nos in se saluos fecit, non faciendo uoluntatem suā, sed eius à quo missus est. In horū ergo duorum hominū caussa propriè fides Christiana cōsistit. Vnus est enim Deus & unus mediator Dei & hominum homo Christus Iesus. Quoniā non est aliud nomen sub cœlo datum hominibus, in quo oporteat nos saluos fieri: & in illo definiuit Deus fidem omnibus, suscitans illum à mortuis. Itaq; sine ista fide, hoc est, sine fide unius mediatoris Dei & hominum hominis Christi Iesu, sine fide inquam resurrectionis eius, quam Deus hominibus definiuit, quæ utiq; sine incarnatione eius & morte nō potest ueraciter credi: sine fide ergo incarnationis & mortis, & resurrectionis Christi nec antiquos iustos, ut iusti essent à peccatis, potuisse mundari, & Dei gratia iustificari, ueritas Christiana non dubitat: siue in eis iustis, quos sancta scriptura commemorat: siue in eis iustis, quos quidem illa non cōmemorat, sed tamen fuisse credendi sunt, uel ante diluuium, uel inde usq; ad datam legem, uel ipsius legis tempore: nō solum in filijs Israel, sicut fuerunt prophetæ: sed etiam extra eundem populum, sicut fuit Iob. Et ipsorum enim corda eadem mundabantur fide mediatoris, & diffundebatur in eis charitas per spiritum sanctum, qui ubi uult spirat, non merita sequens, sed etiam ipsa merita faciens. Non enim Dei gratia erit ullo modo, nisi gratuita fuerit omni modo. Quamuis ergo mors regnauerit ab Adam usq; ad Moysen, quia non potuit eam uincere nec lex data per Moysen: non enim data est quæ posset uiuificare, sed quæ mortuos quibus uiuificandis esset gratia necessaria, non solum peccati propagatione & dominatione prostratos, uerum etiam ipsius legis addita prauaricatione conuictos, deberet ostendere, non ut periret quisquis hoc in Dei misericordia etiam tunc intelligeret, sed ut per regnum mortis ad supplicium destinatus, etiam sibi ipsi per prauaricationem legis manifestatus, Dei quæreret adiutorium, ut ubi abundauit peccatum, superabundaret gratia, quæ sola liberat à corpore mortis huius. Quamuis ergo nec lex per Moysen data potuerit à quoquam homine regnum mortis auferre, erant tamen & legis tempore homines Dei, non sub lege terrente, conuincente, puniente, sed sub gratia delectante, sanante, liberante: erant qui dicerent, Ego in iniquitatibus conceptus sum, & in peccatis mater mea in utero aluit. Et reliqua. Haftenus enim S. August. uerba recensui.

Dixi de Originali peccato, de natua inquam & hæreditaria corruptione naturæ nostræ, quæ prior est pars finitionis peccati, sequitur iam pars posterior, ipsa scilicet actio quæ ex illa existit, Actuale inquam peccatum, quod ab actu nomen habet. Quoniā enim deprauatio illa agnata & inhærens nobis, non semper latet, sed agit & exerit se euidenter, ac tandem sui generis & suæ naturæ foetum prodignit, hic sanè actuale est peccatum: quod proinde sic definimus, Actuale peccatum est actio uel opus uel foetus uitiosæ & corruptæ nostræ naturæ, exprimens se in cogitationibus, dictis & factis contra legem Dei, ideoq; iram Dei promerens.

la

Ita uerò minimè obscura est caussa huius peccati, nempe ipsa hominis deprauatio, quæ exerit se per concupiscentiam aut affectiones, affectiones inescant uoluntatem, uoluntas autem alijs adiuta cooperantibusq; hominis facultatibus, perficit actuale peccatum. Et ut clarius, quod dixi, intelligatur, anima nostra duas potissimum partes habet, Intellectum siue mentem, siue iudicium: & uoluntatem seu appetitum. In mente sunt naturales leges, ad quas prædicatio uel lectio aut cognitio uerbi Dei accedat oportet. Sicut autem operis boni duæ sunt in homine potissimum causæ, uidelicet integrum iudicium bene informatum uerbo Dei, & uoluntas consentiens atque obediens (requiritur autem in primis spiritus sanctus extrinsecus aut coelitus accedens qui mentem illuminet & uoluntatem moueat) ita propriissimè peccatum actuale perficitur, quando & iudicio seu consulto & nostra uoluntate aliquid fit cōtra legem Dei. Interim accedunt sæpissimè extrinsecus aliæ quoq; causæ uisibiles & inuisibiles. Mouent enim spiritus mali, mouēt homines, & quæ sunt in mundo exempla corruptionis infinita. Spes deniq; metus & imbecillitas. August. quæst. in Exodum 29. In uoluntate, inquit, hominis est origo uitiorum; mouentur autem caussis corda hominum, alia sic, alia uerò sic: etiam non diuersis caussis, sæpe diuerso modo, secundum proprias qualitates, quæ ex uoluntatibus ueniunt. Idem in Psal. 79. Omnia, ait, peccata duæ res faciunt in homine, Cupiditas & Timor. Cogitate, discutite, interrogate corda uestra, perscrutamini conscientias, uidete utrum possint esse peccata, nisi aut cupiendo, aut timendo. Proponitur tibi præmiū ut pecces, id est, quod te delectet, facis propter quod cupis. Et forte non duceres donis, terroris minis, facis propter quod times. Corrumperet te uult aliquis ut dicas (uerbi gratia) falsum testimonium. Attendisti tu Deū, & dixisti in animo tuo, Quid prodest homini si totum mundum lucretur, animæ autem suæ detrimentum patiat? Non adducor præmio ut perdam animā meam pro lucro pecuniæ: conuertit ille se ad incutiendum metum, qui præmio corrumpere non ualuit, incipit minari damnum, expulsionem, cedes, fortassis & mortem. Ibi iam si cupiditas non ualuit, forte timor ualebit, ut pecces. Idem rursus in libro de Sermonie Domini in monte, Tria sunt, inquit, quibus impletur peccatum, Suggestio, Delectatio & Consensus. Suggestio, siue per memoriā fit, siue per corporis sensus: cū aliquid uideamus aut audimus, uel olfacimus, uel gustamus, uel tangimus. Quod si frui delectauerit, delectatio illicita refrænanda est: ueluti cū ieiunamus & uisus cibis, palati appetitus assurgit, non fit, nisi delectatione: sed huic tamen non consentimus, & eam dominantis rationis iure cohibemus. Si autem consensus facta fuerit, plenum peccatum erit. Tria hæc similia sunt gestæ rei, quæ in Genesi scribitur: ut quasi à serpente fiat suggestio & quædam suasio: in appetitu autem carnali, tanquam in Eua delectatio, in ratione uerò tanquam in uiro consensus. Quibus peractis tanquam de paradiso, hoc est de beatissima luce iustitiæ, in mortem homo expellitur. Hæc ille de caussa peccati.

*Causa huius peccati.*

*Mens.*

*Augustinus de causa peccati.*

Obseruanda uerò in primis in descriptione, peccati Actualis ipsa proprietas, siue differentia, qua hæc actio ab alijs actionibus discernitur, propriissimaq; nota peccati ostenditur. Hæc ergo actio sicut & omnia alia peccata rectā tendit contra legem Dei. Porro lex Dei quæ sit, superioribus concionibus multis est expositum. Certe non est hæc aliud, quàm ipsa Dei uoluntas. Vult autem Deus ut homo suæ id est, diuinæ respondeat imagini, sanctus sit & innocens, & saluus fiat. Hanc suam uoluntatem expressit Deus, principio per legem naturæ, deinde per legem scriptā in tabulas lapideas, postremo per prædicationem Euangelij. Habent illa omnia unum & eundem finem, ut scilicet homo sit sanctus, innocens, & saluus fiat. Quæ

*Peccatum cum lege Dei pugnat.*



cumque uero cogitationibus, dictis aut factis, contra sanctam illam Dei legem sunt ab hominibus, peccata sunt actualia. Proinde in iudicandis peccatis hominum, unice spectanda est lex Dei. Nam quæ cum lege Dei non pugnant, peccata non sunt. Nec potestatem habet homo ullus leges condendi, quarum præuicatione peccatores constituamur. Hæc gloria solius Dei est, ad quem Dauid, Tibi soli peccaui, inquit, & malum contra te feci. Nec nostrum est, nostro decernere iudicio, quæ leuia, quæue grauiæ sint peccata. Quis enim nostrum putaret peccatum esse dicere fratri suo, Fatue? At Dominus in Euangelio peccatum esse pronunciat: qui in eodem Euangelio asserit, nos de uerbo quolibet otioso rationem reddituros in die iudicii. Recte ergo S. Augustinus libro de Bapt. contra Donatistas 2, capite 6. In æstimandis peccatis, inquit, non afferamus stateras dolosas, ubi appendamus quod uolumus, & quomodo uolumus, pro arbitrio nostro, dicentes, Hoc graue, hoc leue est: sed afferamus stateram diuinam, de scripturis sanctis, tanquam de thesauris Dominicis, & in illa quid sit grauius appendamus, imò non appendamus, sed à Domino appensa recognoscamus.

Matth. 5.

Matth. 12.

Genera uel species peccatorum.

Peccata non esse paria.

Peccata gradibus assurgunt.

Et quamuis hæc sufficere poterant, quippe quæ sic satis exposuerunt naturam peccati actualis, paulò copiosius tamen considerabimus peccatorum species, uel genera atque discrimina. Stoici existimarunt omnia peccata esse paria: quos fortassis Iouinianus (ut hæreticorum patriarchæ dicuntur à Tertulliano esse philosophi) sequutus, idem asseruisse scribitur, id quod extat apud S. Augustinum in catalogo hæreticorum. Scriptura docet Deum esse iustum: unde nos protinus colligimus, ergo peccata non sunt paria. Nam uidemus Deum, qui utique iudex est iustus, alia peccata alijs punire grauius. In Euangelio enim dicit Dominus, Vobis scribæ & pharisæi hypocritæ, qui comeditis domos uiduarum, dum sub prætextu precibus prolaxis precamini, propter hoc plus accipietis damnationis. Et iterum, Tolerabilius erit, ait Dominus, terræ Sodomorum, in die iudicii, quam ciuitati quæ repulerit prædicationem Euangelij. Similiter Matth. 11, dicit Dominus, Tyro & Sidoni tolerabilius erit in die iudicii, quam uobis. Idem Dominus Pilato dicit, Qui me tibi tradidit, maius peccatum habet. Item, Seruus qui cognouit uoluntatem Domini sui, & non se parauit, nec fecit secundum uoluntatem eius, plagis uapulabit multis: qui autem non cognouit & fecit digna plagis, uapulabit paucis. Cæterum peccata assurgunt gradibus, & crescunt per circumstantias. Est enim latens adhuc peccatum aliquod, comprehensum in ipsius hominis affectione seu cupiditate. Diximus autem superius affectiones uel cupiditates esse duplices, naturales uidelicet diuinæ legi non repugnantes: quales sunt amare liberos, parentes & uxorem, item cupiditas cibi, potus & quietis: quamuis nec negem, nec nesciam, eas aliquoties contaminari originali labe. Sunt rursus carnales affectiones uel cupiditates in hominibus, quæ cum uoluntate Dei pugnant. Illæ nutriuntur & crescunt uanis cogitationibus & carnalibus delectationibus accumulatis in sinu tuo. Illæ deinde prorumpunt in peccatum oris, deinceps etiam in peccatum operis. Verbi gratia, Concupiscis uxorem alterius, idque in animi tui penetralibus retines, interim oblectas te cogitationibus uanis, dum uidelicet sub animi tui obtutum reuocas illius formam præstantem, & imaginatione crebra ac uehementi & delectaria & inaccessibilis. Nec his contentus sollicitas præterea adamatæ pudicitiam, scriptis aut dictis: quam & mox opere, si datus, corrumpis: sed & scelus, semel quidem patratum, repetis, & iam quasi pudore & timore posito, frequentas. Vides in hoc exemplo, quomodo unum atque idem peccatum suis actibus crescat, & atrociorum subinde pro magnitudine uel enormitate sua poenâ deponat? Certè Dominus in Euangelio

gelio secundum Matthæum hæc cōfirmans, Audistis inquit, quod dictum sit antiquis, Non occides, Quisquis autem occiderit obnoxius erit iudicio. At ego dico vobis, quod quisquis irascitur fratri suo, obnoxius erit iudicio. Quisquis uerò dixerit fratri suo Raha, obnoxius erit consilio. Quisquis autem dixerit Fatue, obnoxius erit gehennæ incendio. Audis in his domini nostri uerbis primum discrimina peccatorum, ueluti iram, significationem item animi iras uel concitati, item conuitia, quæ serè exeunt in uerba. Deinde audis incrementi peccato subinde grauiorem atrociorēq; cōstitutū pœnam. Proinde non ineptum planè discrimen posuerunt in peccato actuali, qui dixerunt aliud quidem peccatum cogitationis, aliud oris, aliud uerò operis esse peccatū, quod & ipsum in aliquot seuerunt partes siue species: ac eas rursus retulerunt ad scelera partim, partim ad delicta. Scelera sunt haud dubiè quæ destinata mente ac malitia concepta fiunt: cuius quidem generis sunt illa in primis, quæ appellantur peccata clamantia, cædes uidelicet, usura, oppressio pupillorum & uiduarum, sodomia, & merces detenta laboris. De cæde enim pronunciat uox domini in Genesi, Vox sanguinis fratris tui clamat ad me. Exodi uerò 22. dicit dominus, Si affixeritis uiduas & pupillos, & illi ad me clamauerint, ego exaudiam eos & cōficiam uos. Usuram uerbū Dei insectatur diuis conuitijs, & modis omnibus condemnat. Et peccatum Sodomorum ascendit in celum expetens uindictam. Iacobus quoq; Apostolus, Ecce merces operariorum, inquit, qui messuerunt regiones uestras, quæ fraude non reddita est a uobis, clamat, & clamores eorum qui messuerant, in aures domini sabaoth introierunt. His alij annumerant septem uitia capitalia, superbiam uel inanem gloriam, iram inuidiam, accidiam uel tristitiam, avaritiam, gulam, & luxuriam. Imò hæc constitunt ueluti seminarium & originem omnium malorū siue peccatorum, unde & capitalia uocant. Id quod uidere est in sententijs Lombardi. Porro delicta intelligunt ea quæ committuntur ex infirmitate & incogitantia, cum uidelicet deseritur bonum, ac officium negligitur socordia quadam. Vbi fortè locum habet peccatum ignorantia, peccatum alienum, & peccatum inuoluntarium: quāquam & ipsa non rarò fiant scelera nephandaq; flagitia.

Ignorantia traditur esse duplex, naturalis ac uera, enascens ex peccato originali: & affectata uel simulata, oriens ex destinata malitia. Naturalis ignorantia, moribus, delictum atq; peccatum est: quia existit ex origine uenenata & est opus tenebrarū: sicuti supra patuit ex testimonio Apostoli Pauli. Certè S. Augustinus libro de Libero arbitrio 3. cap. 19. Quod ignorans quisq; non rectè facit, inquit, & quod rectè uolens facere non potest, ideo dicuntur peccata, quia de peccato illo libera uoluntatis originem ducunt. Illud enim præcedens meruit illa sequentia. Nam sicut linguam dicimus nō solum membrum, quod mouemus in ore, dum loquimur: sed etiam illud quod huius membri motum sequitur, id est, formā tenoremq; uerborum: secundum quem morem dicitur illa lingua Græca, alia Latina: Sic nō solum peccatum illud dicimus, quod propriè uocatur peccatum (libera enim uoluntate a sciente committitur) sed etiam illud quod de huius supplicio cōsequitur. De qua re & superius dictū est. Prætexunt quidem alij ignorantia suæ illud ex euangelio domini, Si nō uenissē & locutus fuissē eis, haberent quod prætexerent peccato suo, siue peccatum nō haberent. Hinc enim colligunt, Ergo quibus nihil annunciatum est, alieni sunt a culpa omni & crimine. Cæterum hoc non dixit dominus. Principiō enim de prætextu illorum, non innocentia loquitur. Nec omnis prætextus iustus est. Dixit sanè, Peccatum non haberent: sed mox subiungit, Nunc non habent quod prætexant peccato suo. Deinde non uniuersaliter liberat

Matth. 5.

in actuali peccato

scelera & delicta.

clamentia peccata.

Jacob. 5.

Septem capita liamnia.

Peccatum ignorantia. Naturalis ignorantia.

Joan. 15.



# DE PECCATO.

ignorantes ab omni peccato, sed à peccato rebellionis duntaxat. Nam & S. Augustinus in Ioannem, Habent excusationem, inquit, nō de omni peccato suo, sed de hoc quod in Christum non crediderunt, quod ad eos non uenit. Omnes enim qui non audierunt nec audiunt, possunt habere hanc excusationem, sed non possunt effugere condemnationem, Qui enim sine lege peccauerunt, sine lege peribunt. Sed & Paulus in 1. ad Timoth. 1. cap. Gratiam habeo, inquit, ei, quia fidelem me iudicauit, ponendo in ministerium, qui prius eram blasphemus & persecutor & uiolentus; sed & misericordiam adeptus sum, quod ignorans fecerim per incredulitatem. En dicit Apostolus misericordiam se consecutum quod per ignorantiam peccarit: interim uerò deriuat hanc ex incredulitate, & scetus ei tribuit planctus. Porro ignorantia falsa & ficta est, quæ à pertinacibus ex malitia fingitur. Veluti si dicas te non intelligere id quod displicet, nec uis intelligere, cum possis. Huiusmodi ignorantia erat in Iudæis hostibus gratiæ Dei. Dicit enim Paulus, Testimonium illis perhibeo quod zelum dei habent, sed nō secundum scientiam. Nam ignorantes Dei iustitiam, & propriam querentes constituere, iustitiæ Dei nō fuerunt subditi. Nam in Euangelio dixit dominus ad Phariseos, interrogantes eum & ipsi sint cæci: Si cæci essetis, non haberetis peccatū: nunc uerò dicitis, uidemus: ideo peccatum uestrum manet.

Ignorantia  
falsa & ficta  
ta quid sit

Joan: 9.

Peccata aliena.

Peccata aliena non sunt ea quæ nos ipsi designamus, sed quæ alij faciunt, non tamē sine nobis, nimirum probantibus, iuuantibus, suadentibus, iubentibus, conuiuentibus, aut occasionem præbentibus, uel non repugnantibus aut contradicentibus cum possemus. Vetat Apostolus Paulus Timotheo ne cui citò manū imponat, nec communicet peccatis alienis. Proinde ordinare hominem parum idoneum præficereq; ministerio Ecclesiastico, est peccatū alienum. Tibi enim imputatur meritò quicquid inepti istius hominis, per te ordinati, inficitia, contra Deum & Ecclesiam committitur. Peccatum alienum peccant, qui uiolentiā inferunt, & tormentis uel minis homines adigunt ad abnegationem ueri, uel ad res nephandas perpetrandas. Equidem abnegatio ueritatis, est peccatum alienum ei, qui cogit abnegantem abnegare, interim proprium eiusdem hominis peccatum est impietas, tyrannis, ac sacrilegium parricidiumq;.

Voluntarium  
& inuoluntarium.

Vbi rectē quidem admonemur aliud esse peccatum uoluntarium, aliud uerò inuoluntarium, siue uiolentum. Inuoluntarium esse dicunt, quod fit uel per uim uel per ignorantiam. Ergo quod neq; ui fit, neq; ignoranter, uoluntariū esse concludunt. Violenti autem rursus species duas ponunt. Vnum quidem absolutum, alterum conditionale. Violentum absolutum fieri putant, quando in nobis nō est utrum agamus uel non agamus, sed extrinsecus prouenit, nihil, inquam, cōferente illo cui fit uis. Vt si uentus nos aliquo deferat, aut si ministri regij manus tuas, te reluctantē & reclamante, adhibeant thurificationi idōlolatricæ. Quo casu liberant ab omni culpa, pœna, laude, & uituperatione coactum. Secundam uiolenti speciem arbitrantur mixtam habere causam. Verūm ne nimis diu his inharreamus, Nos simpliciter dicimus, Inuoluntarium aut uiolentum uel habet eius consensum qui cogitur, uel non habet. Si accedat consensus, uerbi gratia, in abnegatione ueritatis euangelicæ hactenus confessæ, aut in alijs nephandis facinoribus perpetrandis, culpa non uacat coactus. Neque enim hic errore mortis aut mentis tormentorum excusatur. Elige mortem magis, quā abnegare ueritatem, aut pati trare res nephandas, aut patiens uim, consentire in rem sceleratam ac turpem. Si mori elegeris potius quā facere res turpes, non coget te inuoluntarium tyrannus. Occidere quidem potest, inuoluntarium ad res impias patrandas cogere nō potest.

Vide Augustinum de Mendacio ad Consentium cap. 9. & 30. & 6.

potest. Moriendo enim confiteris veritatem, moriendo declaras te facere nolle quod à uiuente postulant. Ita uerò illi te nec uincunt, nec cogunt: sed uincuntur ipsi potius & coguntur uidere & experiri quod doleat. Annitebatur Antiochus Epiphanes prohibiti cibi usu pollueri sancta Machabæorum corpora. Hi uerò mori magis quam in prophanatione uiuere eligentes, moriendo uicerunt tyrannum, nec cogi potuerunt. Et re uera apud omnes probata religionis uiros receptum & comprobatum est, mortem & extrema omnia subeunda priusquam quicquam eorum quæ religioni aduersa & natura foeda sunt facere. Porro si non accedat consensus, sed pio homini mera irrefragabilisq; infertur uis (discernimus hic inter eum qui coactus malum facit, & qui patitur) non commaculat ea uis animi sanctum & incorruptum. Veluti si manibus & pedibus uinctis, pius aliquis deportetur in templum prophanum, ubi cogatur interesse sacris prophanis: aut si uirgo sancta aut matrona honesta in bello irruptioneq; barbarica corumpatur, nec interim in scelus consentiat, nec pie mori potius concedatur, incorrupta certe manet coram Dei iudicio. Nō enim temere dixit beatus Augustinus, Non iniuste aliquid pati, sed iniuste aliquid facere, peccatum est, libro de Libero arbitrio 3. cap. 16. Idem de Mendacio ad Consentium cap. 7. Quod uiolenter, inquit, non præcedente libidine patitur corpus, uexatio potius, quam corruptio nominanda est. Aut si omnis uexatio corruptio est, non omnis corruptio turpis est, sed quam libido procurauit, aut cui libido consenserit. Idem rursus de Ciuit. Dei lib. 1. cap. 18. Propositio animi permanente, inquit, per quod etiam corpus sanctificari meruit, nec ipsi corpori aufert sanctitatem uiolentia libidinis alienæ, quam seruat perseverantia continentia suæ. Plura huius generis eo loci disputat, item in cap. 16. 19. & 28. &c. Sic clementius quidem iudicandum est de nece inuoluntaria furiosoru semetipsos iugulantium. Alioqui in sanctis & canonicis libris nusquam nobis diuinitus præceptum permissumue reperiri potest, ut uel ipsius adipiscenda immortalitatis, uel ullius carendi cauendiq; mali causa, nobismetipsis necem inferamus. Nam & prohibitos nos esse intelligendum est, cum lex dicit, Non occides: præsertim cum non addatur, proximum tuum: sicut in lege qua prohibetur falsum testimonium. Idcirco damnable, est modis omnibus Senecæ doctrina, suadentis calamitate oppressis, sibiipsis, quod finiatur malum, inferre manum. Et Augustinus disputans contra eos qui necem sibi inferunt, ne alienæ subiciantur libidini & peccent, Si detestabile, inquit, facinus & damnable scelus est, etiam seipsum hominem occidere, sicut ueritas manifestè proclamat: quis ita desipiat, ut dicat, iam nunc peccemus, ne forte postea peccemus: iam nunc perpetremus homicidium, ne forte postea incidamus in adulterium. Nōne si tantum dominatur iniquitas, ut non innocentia, sed potius peccata eligantur, satius est incertum de futuro adulterium, quam certum de presenti homicidium. Nōne satius est flagitium committere (quando calamitosa tempora id ferunt) quod poenitendo sanetur, quam tale facinus ubi locus salubris poenitentia non relinquitur. Hoc dixi propter eos uel eas, quæ non alieni, sed proprii peccati deuitandi causa, ne sub alterius libidine etiam excitata suæ forte consentiant, uim sibi qua moriantur inferendam putant. Cæterum absit à mente Christiana, quæ Deo suo fidit, in eo spe posita, eius adiutorio nititur: absit, inquam, ut mentalis quibuslibet carnis uoluptatibus ad consensum turpitudinis cedat. Quod si illa concupiscentialis inobedientia, quæ adhuc in membris moribundis habitat, præter nostræ uoluntatis legem, quasi lege sua mouetur, quanto magis absq; culpa est in corpore non consentientis, si absq; culpa est in corpore dormientis: Hæc ille. Sed redimus,

Nemo sibi ipsi  
manum inferat  
ut peccati deo  
nitet.

Augustinus  
de q. 1. lib.  
1. mouit q.  
1. r. 1. s.  
1. 1. 1.



*Peccata occultata et manifesta.*

Rursus diuidunt peccata actualia in occulta siue priuata, & in manifesta siue publica. Illa quidem non sunt quæ latent homines, soli Deo cognita, qualis est hypocrisis & deprauatio humani ingenij, sed quæ testibus quidem minimè carent, nondum tamen innotuerunt omnibus quasi publicata. Hæc enim designantur cum notitia & offensione totius Ecclesiæ. Et hæc quidem sunt grauiora, illa autem leuiora, quod uidelicet attinet homines & multorum offensionem. De his Apostolus 1. Timoth. 5.

*Peccatum Mortale et Veniale.*

Porro maximè uulgaris & idonea actualis peccati distinctio, quæ ferè omnes alias species seu partes comprehendit, illa est, quòd aliud quidem Mortale, aliud autem Veniale peccatum dicitur. Mortale putant omne esse peccatum, quod ab infideli designatur homine: Veniale uerò omne quod fiat à fidei. Ego simpliciter & secundum scripturas arbitror omnia hominum peccata esse mortalia. Nam fiunt contra legem seu uoluntatem Dei. At peccatis ipsa debetur mors. Propheta enim clamat, Anima quæ peccauerit, ipsa morietur. Et Apostolus dixit, Stipendium peccati mors. Certè à morte, hæc mortalia esse dieuntur. Huc iam pertinent hæc apostolica testimonia, Hoc scitis quòd omnis scortator, aut immundus, aut auarus, qui est idololatra, non habet hæreditatem in regno Christi & Dei. Eadem sententia edita ad Ephesios 5. repetitur ad Galatas 5. & 1. Corinth. 5. & 6. capit. Caterum quæ sua natura sunt mortalia, per gratiam Dei in fide Iesu Christi fiunt uenialia: quia ueniam à misericordia Deo consequuntur. Ideoq; Apostolus ad Romanos 6. non dixit, Ne sit igitur peccatum in mortali corpore uestro: sed, Ne regnet peccatum in mortali corpore uestro, ut obediatis ei per cupiditates eius. Et iterum, Nulla est igitur condemnatio his, qui insiti sunt Christo Iesu, qui non iuxta carnem uersantur, sed iuxta spiritum. Item, Fratres debitores sumus, non carni, ut secundum carnem uiuamus. Nam si secundum carnem uixeritis, moriemini. Quòd si spiritu facta corporis mortificetis, uiuetis. Proinde semper est in corpore nostro peccatum, quoad uixerimus: uerum ex gratia non imputatur ad mortem, & ij quibus non imputatur, conantur modis omnibus secundum spiritum non secundum carnem ambulare: interim labuntur & impingunt frequentissime, qui tamen lapsus & offensiones unà cum morbo illo fontico uenialia iam peccata reputantur, uenia utiq; digna, non in æternum punienda.

*Rom. 6.*

*Rom. 6.*

*Rom. 8.*

*Peccatum à baptismo remanens in paruulis, an sit peccatum.*

Porro ad peccatum mortale refertur in primis peccatum in spiritum sanctum, quod quidam non sine causa arbitrantur propriissime appellari peccatum mortale. De quo dicemus, si prius ad quæstiones nonnullas huic causæ adnexas responderimus breuissime. Principio quaritur hic, An peccatum uel morbus post baptismum remanens in infantibus, reuera sit peccatum? Constat autem concupiscentiam remanere in baptisatis, & concupiscentiam esse peccatum: ideo in baptisatis remanere peccatum. Quod tamè per gratiam Dei in merito Iesu Christi, non imputatur. Sic dissecuit hunc nodum & beatus Augustinus libro de Peccatorum meritis & remissione 1. cap. 39. dicens, In paruulis certè gratia Dei per baptismum eius, qui uenit in similitudine carnis peccati, id agitur, ut euacuetur caro peccati. Euacuatur autem, non ut in ipsa uiuente carne concupiscentia conspersa & infusa repente absorbeat, & non sit, sed ne obsit mortuo, quæ inerat nato. Nam nec grandibus hoc præstatur in baptismo, ut lex peccati quæ inest in membris, repugnans legi mentis, penitus extinguatur & non sit, sed ut quicquid mali abominabile factum, dictum, cogitatum est, cum eidem concupiscentiæ subiecta mentis seruiret, totum aboleatur, ac uelut factum non fuerit habeatur. Hæc ille.

*An opera Gentium uirtuosa, sine peccata.*

Deinde interrogatur, An opera quæ faciunt Gentiles, ac speciem habent probatæ

bitatis uel uirtutis, peccata sint an bona opera? Certū est deum & inter Gentes habuisse suos electos. Si qui tales fuerunt, non caruerunt spiritu sancto & fide. Idcirco opera ipsorum, facta ex fide, bona fuerunt, non peccata. Nam in Actis commemoratur, orationes & Eleemosynas Cornelij Centurionis ascendisse in memoriam coram Deo. Dicitur autē idem ille Cornelius uir religiosus & timens Dei, ergo & fidelis; cuius quidem fides postea ad plenum absoluitur, & cui donum spiritus uerius confertur.

Porro praeclara facta ethnicorum non sunt interim aspernanda & uituperanda. Etenim ut non prorsus sine deo facta fuerunt, ita plurimum contulerunt ad seruandam & reparandam tranquillitatem regnorum uel reipublicae. Idcirco excellentes aliquot uiros ac respublicas locupletauit iustus dominus praemijs temporalibus. Graecis enim & multis principibus Romanis contulit opes, uictorias, & gloriam maximam. Et certē fuit apud multos in magno pretio ciuili iustitia, & publica tranquillitas. Alij ingentia acceperunt praemia, quod iudicia domini constanter & strenuē exequerentur cōtra nebulones & hostes Dei. Nec dubium est dominum maximas uires concessisse Romano imperio sub Oct. Augusto & alijs principibus, ut per eorum potentiam frangeret inuictam Iudaicā gentis malitiam, uindicaretq; per Romanos filij sui & omnium sanctorum prophetarum & Apostolorum sanguinē, à furiosis & blasphemis illis belluis effusum. Certē post subuersas Hierosolymas inclinare incipiebat Romanum imperium. Sed redimus.

Postremò quæri solet, An opera sanctorum uel fidelium bona, sint peccata? Certē si deprauationem & infirmitatem nostram spectes, omnia opera nostra peccata sunt, quia à nobis fiunt qui labe non caremus, ideoq; nec ipsa opera quæ à nobis fiunt tam sunt perfecta quā esse in conspectu Dei oportuerat alioqui. Eadem tamen propter fidem in nobis, & quia sumus recepti in gratiam Dei, ideoq; à nobis fiunt qui iam sumus filij Dei, bona sunt. Huc enim pertinet illud Apostoli, Idem ego mente quidem serui legi Dei, carne uerò legi peccati. En unus & idem Apostolus, duplex retinet etiam renatus ingenium, ut operans ipsum eius opus secundum respectus diuersos, & peccatum sit & opus bonum. Quatenus enim mente legi Dei seruit, eatenus bonum opus facit: quatenus uerò idem ille legi carnis seruit, eatenus opus eius labe non caret. Nam idem & superius in eodem loco ad Romanos septimo capite dixit, Volenti mihi facere bonum, reperio quod mihi malum *παράσταται*, id est insideat, uel adiaceat, aut inhæreat ac insitum sit: quod malum haud dubiè exerens se semper in omnibus cogitationibus, dictis & factis, efficit, ne opus quod sit à nobis renatis, tam sit purum, quā diuina exigit iustitia: gratia ergo & misericordia Dei pro puro reputatur. Huc facit iam illa quoque ex sacrosancto euangelio Ioannis sententiā domini, qui dixit, Qui lotus est, non opus habet, nisi ut pedes lauet, sed est mundus totus. Si enim totus mundus est, quid opus mundo lauare pedes? Si uerò lauandi sunt pedes, quomodo totus mundus est? Hæc tamen inter se non pugnant, sicuti ne illa quidem, cum dicimus opera fidelium bona, esse peccata. Nam iuxta gratiæ & misericordiæ diuinæ ubertatem & reputationem toti sumus mundi, purgati ab omnibus peccatis ne illa nos condemnent: Quia tamen in nobis semper inhæret lex illa peccati, exerens sese in membris nostris quoad uixerimus, pedes certē, id est, affectio illa praua & cupiditates noxiæ, & oppugnandæ & opprimendæ sunt: agnoscendum denique, nos ex nobis ipsis, ipsa quoque opera nostra, nunquam carere imperfectione: ergo semper & omnia nostra indigere Dei

Acto: 10

An opera sanctorū bona, sint peccata?

Roma: 1.

Ioan: 13.



gratia. His ad hunc modum explicatis, descendimus nunc ad explicandum peccatum in spiritum sanctum.

*De peccato in spiritum sanctum.*

Peccatum in spiritum sanctum, est blasphemia perpetua reuelata & agnita ueritatis, nempe cum contra conscientiam nostram, perfide deficientes à ueritate agnita, ipsi indefinenter & contradicimus & maledicimus. Nam blasphemia est maledictum uel conuitium, quo proscindimus aliquem, execranda & detestanda in ipsum conijcientes, unde existimatio eius uel laeditur, uel proteritur. Blasphemamus ergo magistratum, parentes & uiros bonos, quando illis non tantum non paremus debitumue honorem deferimus, sed insuper conuijs proscindimus, nuncupantes illos tyrannos, sanguinarios, sceleratos atque execrandos: in primis uero blasphemamus Deum, cum eius gloriæ detrahimus, gratiæ contradicimus, & ueritatem eius nobis reuelatam, operaque eius luculentissima, destinata malitia, criminantes pertinaciter uituperamus.

*Quid propriè sit blasphemia.*

Non omne quidem peccatum blasphemia est, omnis autem blasphemia peccatum est. Quia enim hæc tendit contra Deum & uoluntatem eius, peccatum est: sed interim hoc proprium & singulare habet, quod præterea Deum uituperat & conuitia iacit in opera domini. Multi peccant in doctrinam ueritatis, eo quod ueritatem negligentes non recipiunt, aut receptam nec colunt, nec ornant: uerum hi etsi peccatores sint, nondum tamen blasphemi dici merentur: quod si præterea insectentur uituperijs & conuijs doctrinam, quam negligunt, appellantes hanc hæreticam, schismaticam, seditiosam, & dæmoniacam, iam etiam blasphemi iure cognominantur. Vnde proprium peccati in spiritum sanctum est, non tantum apostatare à uero, sed & contra conscientiam contradicere uero, ipsumque Dei opus, ipsam reuelationem Dei illustrissimam, conuijs incessanter adobruere. Conscientia enim euidentia reuelationis aut operis spiritus sancti conuicta, suggerit non tantum à conuijs esse temperandum, sed aliud interim agendum, cedendum inquam ueritati, & Deo concedendam gloriam: iam uero hanc inspirationem excludere, ejcere, & obruere contumaci perfidia aut apostasia impiaque contradictione & perpetua uituperatione, hoc inquam est peccare in spiritum sanctum. Id quod originem quidem trahit ex originali peccato, fouetur autem & prouehitur suggestionibus satanicis & peruersis nostris affectionibus, indignatione item, inuidia, spe aut metu, imò destinata pertinacique malitia, contumacia, rebellionemque.

*Origo huius peccati.*

Verum exigit iam ipsa res ut audiamus quid dominus noster in euangelio de hoc peccato pronunciarit. Apud Matth. in 12. cap. dicit dominus, Omne peccatum & conuitium uel blasphemia remittetur hominibus: at blasphemia uel conuitium in spiritum non remittetur hominibus. Et quicumque dixerit uerbum aduersus filium hominis, remittetur illi: qui autem dixerit aduersus spiritum sanctum, non remittetur ei, neque in presenti seculo, neque in futuro. Apud Marcum in 3. cap. illa seruatoris sententia, his uerbis reddita legitur, Amen dico uobis, Omnia remittentur filiis hominum peccata atque blasphemiae uel conuitia, quibuscumque conuicti fuerint. At qui blasphemiam uel conuitium dixerit in spiritum sanctum, non habet remissionem in aeternum, sed obnoxius est aeterno iudicio. Apud Lucam in 12. cap. eadem ferè uerba ita ponuntur, Quisquis loquitur dictum in filium hominis, remittetur illi: ei uero qui in spiritum sanctum blasphemiam dixerit, non remittetur. Habemus in his domini uerbis blasphemiam in filium hominis, habemus item blasphemiam in spiritum sanctum: hæc dicitur esse irremissibilis, illa omnino remissibilis. Blasphemiam in filium hominis committitur ab ignorantibus necdum illuminatis, tenditque in ipsum Christum, quem blasphemans arbitratu esse seductorem:

*Blasphemiam in filium hominis.*

rem: quoniam non nouit eum. Huiusmodi blasphemus fuisse ipsum Paulum, ante conuersionem, & bonam Iudæorum partem, testatur manifestè uerbum Domini. Dominus enim à cruce orans clamauit, Pater ignosce illis: quia nesciunt quid agant. Et Apostolus Paulus, Si Dominum gloriæ, ait, cognouissent, non crucifixi-  
 1011-2  
 sent. Vnde & beatus Petrus in Actis loquens Iudæis, ait, Scio quòd per ignorantiam fecistis: pœniteat uos igitur, & conuertimini, ut deleantur peccata uestra. Act. 3. At blasphemia in spiritum sanctum, dicitur criminatio perdurans, quæ fit contra ipsum spiritum Dei sanctum, id est, contra ipsius inspirationem aut illuminationem aut opera. Nam cum hic tam euidenter operatur in animis hominum, ut nec tergiversari nec ignorantiam obtendere possint, interim uerò hi reuelationem aut operationem illam spiritus, quam agnouerunt optimam esse saluberrimamq; nedum uerissimam, contra conscientiam propriam oppugnant, irrident, aspernantur & perpetuò criminantur, certè ipsum spiritum Dei sanctum blasphemant. Verbi gratia, Pharisei apertissimis rationibus miraculisq; irrefragabilibus conuicti in suis ipsorum animis, non poterant negare doctrinam & opera Domini Iesu diuina esse: at nihilominus, & nequicquam reclamante ipsorum conscientia, urgente uerò inuidia rebellioneq; pertinaci ac perfida defectione conuitiabantur, Christum omnia agere præsidio & instinctu diaboli. Phariseis nihilò meliores sunt, qui cum hodie intellexerūt Euangelica doctrina in Christo certissimam salutem ipsissimamq; ueritatem quam simplicissimè purissimèq; proponi, hac tamen deserta, contra historiam approbant doctrinam, & orthodoxam illam indubitatamq; contra animi sui sententiam damnant insectanturq;, imò & exhibant constanter pro hæretica. Hoc peccatum sicut est longè fœdissimum, ita nulla dignum uenia & irremissibile. Nam Dominus in Euangelio disertè dixit, Non remittetur ei neque in præsentī seculo neque in futuro. Quod apud S. Marcum in hæc uerba proferatur, Non habet remissionem in æternum, sed obnoxius est æterno iudicio. Causa in promptu est, Sine fide enim impossibile est placere Deo. Sine fide non conceditur peccatorum remissio, Sine fide non patet ingressus in regnum Dei. At peccatum in spiritum sanctum, est apostasia & rebellio perstans contra fidem ueram, quam illuminatione spiritus sanctus infundit in corda nostra. Cæterum hanc illuminationem isti auersi indefinenter appellant tenebras, seductionemq; esse criminantur aut blasphemant. Proinde nunquam ipsis remittitur peccatum, Nam gratiam Dei calcant, & uiam qua peruenitur ad gratiam contemnunt ostentuiq; habent. Ergo S. Paulus ad Hebræos cap. 10. Voluntariè, inquit, peccantibus nobis, post acceptam ueritatis notitiam, non amplius relinquitur pro peccatis hostia: sed terribilis expectatio iudicij, & zelus ignis, qui deuorabit aduersarios. Quid oro est uoluntariè peccare? Non utique per infirmitatem peccare, aut peccatum sæpissimè repetere, sed per pertinacissimum contemptum peccare: quod faciunt qui scientes & uolentes abijciunt & conculcant gratiam Dei, neque irridere cessant crucem & mortem Christi, quasi stultam & non efficacem satis ad expiationem omnium peccatorum nostrorum. His enim nulla alia parata est expiatoria hostia. Et tales uocat aduersarios, id est, hostes & contemptores Dei. Idcirco idem Apostolus in sexto capite scriptum reliquit, Impossibile est eos qui semel fuerunt illuminati, gustaueruntque donum cœlestē, & participes facti fuerunt spiritus sancti, ac gustauerunt bonum Dei uerbum, uirtutesq; futuri seculi, & prolapsi sunt, iterum renouari ad pœnitentiam rursus crucifigentes sibiipsis filium Dei, & ostentui habentes. Non loquitur de lapsu fidelium quolibet: sed de pertinaci Apostasia. Lapsus enim Petrus restituitur per pœnitentiam: nec solus. Nam repa-

Blasphemia in  
spiritu sanctum

Non remittitur  
peccatum in spi-  
ritum sanctum.

Causa qua-  
re non remit-  
tatur?



rantur per pœnitentiam quotidie omnes peccatores. Iudas autem non reparatur quia fuit pertinax apostata: non renouantur per pœnitentiam irrisores & blasphemii, quia præfacte agunt contra agnitam ueritatem, uiamq̃ qua sola ad uitam deduci possent blasphemare non desinunt. Nihil ergo faciunt illi loci Pauli pro No-  
 150m. 5. uatianis, sed explicant nobis naturam & uenenatas uires peccati in spiritum sanctum. De eodem differens beatus Ioannes Apostolus & Euangelista in Canonica sua, dicit, Si quis uiderit fratrem suum peccare peccatum non ad mortem, pœnitet & dabit ei uitam, peccantibus non ad mortem. Est peccatum ad mortem, non pro illo dico ut roges. Omnis iniquitas peccatum est. Et est peccatum non ad mortem. Scimus quod omnis qui natus est ex Deo, non peccat, sed qui genitus est ex Deo seruat seipsum, & malus ille non tangit eum. Recenset beatus Ioannes duo genera peccatorum. Alterum quidem ad mortem uel mortale irremissibile, pro quo non orandum sit, id est, quod ueniam non consequatur. Ea est contumelia spiritui sancto illata, apostasia perfida & indefinens irrisio criminationeq̃ Euangelij. Nam & in Euangelio secundum Ioannem legimus, Amen amen dico uobis, si quis sermonem meum seruauerit, mortem non uidebit in æternum. Et iterum, Si non credideritis quod ego sum, moriemini in peccatis uestris. Et reuera iniquitas est, apostasia, scelus meditatum ac perpetuum. Nam quid est iniquius quam cognite ueritati indefinenter reluctari mediumq̃ ostendere digitum? Alterum est peccatum ueniale, non ad mortem. Quod quidem quale sit exponit Ioannes cum subiungit, dicens, Scimus quod omnis qui natus est Deo, non peccat. Verum id non absolute intelligendum. Non peccat ad mortem. Alioqui enim & sancti peccatores sunt, sicut claret ex 1. cap. huius Epistolæ. Præterea sequitur in Ioanne protinus, quod præcedentia clarius exponat. Qui genitus est Deo, seruat seipsum: nimirum persistat in agnita ueritate, cauereq̃ ne malus ille ipsum tangat, id est, irretiat, contra Deum excitet & in rebellionem retineat. Hæc de peccato in spiritum sanctum hæcenus dixi, quod appellauit S. Augustinus alicubi finalem impœnitentiam, quæ sanè consequitur ex apostasia criminationeq̃ & contemptu spiritus sancti, uel uerbi ueritatis reuelati per spiritum sanctum.

De pœna peccatorum certa & iusta.

Et quanquam in tractatione peccati originalis & peccati in spiritum sanctum attigerim effectus peccati, postremo tamen hoc loco breuibus indicabo nonnulla de pœna peccatorum certa & iusta. Nam in finitione peccati dixi, hoc conciliare nobis iram Dei, mortem & supplicia uaria. De quibus modo est dicendi locus. Deum punire peccata, imò peccatores propter peccata, tam est clarum ex scripturis diuinis, quam quod clarissimum. Nam Deum irasci & offendi peccatis grauisimè, multæ in scripturis declarant sententiæ. Clamat Dauid, Dominus probatum est: impium autem & uiolentum odit anima eius. Pluet super impios laqueos, ignem & sulphur, uentum tempestuosum, ardentem: hæc fors calicis eorum. Quoniam iustus Dominus iustitias diligit, rectum uultu suo intuetur. Ita etiam Paulus, Reuelatur, inquit, ira Dei de cœlo aduersus omnem impietatem & iniustitiam hominum, qui ueritatem in iniustitia detinent. Quid quod peccata mortalium non potuerunt expiari, nisi per mortem filij Dei? Vbi sanè præstantia pretij redemptionis luculentissime demonstrat peccati grauitatem atq̃ foeditatem. Cui & illud accedit, quod bonus ille Dominus amator hominum, non tot pœnis calamitatibusq̃ adoperuisset genus humanum, nisi horribile in oculis Domini esset peccatum.

Pœne peccatorum.

Quis enim paucis & in transcurso omnes peccatorum pœnas enumerando explicet? Alienatur à nobis Dominus propter peccata. At absente à terris sole, quantæ obsecro sunt caligines & tenebræ? Deo alienato à nobis, quanti in animis ho-

minum

minum horrores? Hic ergo locum habet tyrannis satanica, tormenta conscientiarum mille, mors animæ, terrores, desperationes, & infandi dolores, innumera denique calamitates corporis, & facultatum nostrarum, quas multis commemorat Moses seruus Dei, Leuit. 26. & Deutero. 28. cap. Iam cum nouis sceleribus in diem noua infligantur supplicia, quis oro poenarum finis, aut quis genera omnia commemoret?

Dubium uerò non est, quin iuste puniat Dominus peccatores. Est enim iustus *iuste punit dominus.* iudex. Et quia de iustitia & omnipotentia sapientiaque Dei addubitare prorsus demeritis est, consequens est omnes homines religiosos pro certo, imò compertissimo habere, Dei poenas hominibus illatas. iustissimo iudicio esse illatas. Qualis uerò & quanta poena cuique præuaricationi aut culpæ debeat, diuini iudicii est, non humani. Vnde & Augustinus Tractatu in Ioan. 89. dixit, Tanta est Suppliciorum, quanta peccatorum diuersitas, quæ quomodo se habeat, altius indicat diuina sapientia, quam scrutetur & effari possit coniectura humana. Certè qui in lege sua hominibus data præcepit, Pro mensura peccati, erit & plagarum modus, cum sit æquissimus, modum ipse minimè excedit. Abraham in celebri illo colloquio cum Deo, quod describitur Genes. 18. cap. inter alia, Nunquid perdes iustum cum impio? ait, Absit à te, ut rem istam facias, & occidas iustum cum impio, fiatque iustus sicut impius. Non est hoc tuum, qui iudicas omnem terram: nequaquam facies iudicium hoc. Huc pertinet & insignis demonstratio qua utitur Dominus erga Ionam prophetam irascentem Domino propter eius iudicia: ostendit enim se iuste rationem habere infantium, adde & iumentorum. Notus est locus Ionæ capite 4. Teneamus ergo firmiter, nulli creaturæ Dei ullam unquam, poena à Domino inflicta, iniuriam fieri. Proinde cadunt hinc disputationes & quæstiones, quare infantes maximis nonnunquam tormentis afficiat Dominus? aut cur temporarijs delictis æterna rependat supplicia? Iustus est enim Dominus in omnibus uis suis, & sanctus in omnibus operibus suis. Id quod Dauid uerissimè testatus est, quia alibi quoque clamat, Iustus es Domine, & rectum est iudicium tuum. Beatus qui hinc non impingit, nec Domino obmurmurat.

Quòd si aliquando diutius differat iudicium atque poenam, non putabimus Deum esse iniustum qui parcat sceleratis, suos interim amicos & eorum uitia insectetur acrius. Reuocemus potius ob oculos parabolam Euangelicam Diuitis epulonis & pauperis Lazari. Hic enim cum esset amicus Dei, nihilominus fame interit. Ille licet esset hostis Dei, in delicijs & uoluptatibus uersatur, neque quicquam sentit mali. Verùm audi quale post hanc uitam illorum iudicium sit, Dicit Abraham ad diuitem, Fili recordare, quòd receperis bona tua in uita tua: & Lazarus si militer mala: nunc autem hic solatio fruitur, tu uerò cruciaris. Proinde si quando in hac uita affliguntur pii, abundè rependitur eis in futura uita: si uerò parcitur hic impijs, grauius puniuntur in uenturo seculo. Deus enim iustus est, ergo cuique reppendit pro suo merito. Ideò si posthac uideris feliciter uiuere sceleratos, noli existimare Deum esse iniustum, noli putare Deum esse ficulneum, noli dicere Deum dormire & illos non uidere. Certissima est enim uox illa prophetæ ab Apostolo Petro etiam usurpata, Oculi Domini super iustos, & aures eius ad deprecationem illorum, rursum, Oculi Domini super eos, qui faciunt mala. Comuniendus est animus exemplis iudiciorum Dei iustis, è scriptura sancta collectis. Cogitemus diluuium u- *Exempla Dei iuste punientis.* niuersali deletum esse mundum, cuius poenitentiam diu nequicquam expectarat Dominus. Cogitemus coelitus demisso igne urbes arsisse Sodomam, Gomorram, ac socias. Cogitemus Ægyptum uarijs primùm plagis percussam, deinde Ægy-



Longanimitas  
Dei.

Rom. 2.

Quare punian-  
tur peccata tē-  
poralibus pœ-  
nis, quæ tamen  
remissa sunt  
per gratiā dei.  
2. Reg. 12.

ptos in mari rubro esse submersos. Cogitemus quæ euenerint sancto & iusto Dei iudicio Amorrhæis & Chananæis, Amalechitis & ipsis Israelitis sub iudiciis primū, deinde sub regibus. Impleta est tandē illorum mensura. Sed & hi nunquā impunē contempserūt Deum & uerbum eius. Nunquam peccarunt impunē diu. Innumera alia iusti iudicij Dei exēpla suppeditat nobis historia Pauli Orosij, imō uniuersalis totius mundi historia. Cogitemus præterea Deum non idē approbare peccata, quōd tardius punit, sed longanimum pro immensa sua bonitate expectare peccatorum pœnitentiam siue conuersionem. Nam in Euāgelio sicum herilem non iubet excindere Dominus, quōd ex ipsa fructum aliquem in annum futurum expectaret. Paulus Apostolus, An diuitias, inquit, bonitatis illius ac tolerantia lenitatisq; contemnīs, ignorans quōd bonitas Dei ad pœnitentiam te inuitat. Sed iuxta duritiā tuam & cor pœnitere nescium colligis tibi ipsi iram in die ira, quo patefiet iustum iudiciū Dei: qui redditurus est unicuiq; iuxta facta sua: his quidem qui perseverantes in benefaciendo gloriam & honorem & immortalitatem quærunt, uitam æternam: his uerō qui sunt contentiosi, & qui ueritati quidem non obtemperant, sed obtemperant iniustitiæ, uentura est indignatio, & ira, afflictio & anxietas, aduersus omnem animam hominis perpetrantis malum. Hæc inquam teneamus firmiter, in his acquiescamus, ut cunq; diu felices sint impij, & non puniantur. Nouit sanctus, iustus, sapiens, & opt. max. Deus quid agat, quomodo agat, quare, & quando quælibet agat. Ipsi gloria in secula seculorum. Amen.

Huc pertinet quōd bonus Dominus bonos affligit, non tantū peccatores uel sceleratos. De qua re dixi copiosius huius Decadis Sermone 3. Venit autem hic in quæstionem, Cur Deus peccata quæ remisit hominibus, uarijs persequatur pœnis. Adamo enim remisit peccatum suum: sed eidem & mortem imponit & innumeras huius uitæ ærumnas. Dauidi dictum legitur à Nathan, Dominus transulit peccatum tuum: sed idem propheta mox subiungit, Gladius non recedet è domo tua, &c. Respondemus autem simpliciter pœnas ante peccatorum remissionem illatas supplicia esse, sed post remissionem peccatorum certamina siue exercitationes, quibus fideles non satisfaciunt pro peccatis, ex gratia pridem in morte filij Dei remissis, sed humiliantur & retinentur in officio, obijciuntq; occasio maioris gloriæ. Vbi non pigebit recitare C. V. S. Augustini iudiciū, libro de Peccatorum meritis & remissione 2. cap. 33. & 34. dicentis, Res quarum reatum, ne post hanc uitam obsint, Deus soluit, & tamen eas ad certamen fidei sinit manere, ut per illas erudiantur & exerceantur, proficientes in agone iustitiæ. Et mox, Anteremissionē illa supplicia sunt peccatorū: post remissionem autem certamina exercitationesq; iustorū. Et iterum post aliquot uerba, Caro, inquit, quæ primò facta est, non erat caro peccati, in qua noluit homo inter delicias paradisi seruare iustitiam. Vnde statuit Deus, ut post eius peccatum propagata caro peccati ad recipiendam iustitiam laboribus & molestijs niteretur. Propter hoc etiam de paradiso eiectione Adam, contra Eden habitauit, id est, contra sedem deliciarum, ut significaret quod in laboribus, qui sunt delictijs contrarij, erudienda esset caro peccati, quæ in delictijs obedientiam non seruauit antequam esset caro peccati. Sicuti ergo illi primi homines postea iuste uiuendo, unde meritò creduntur per Domini sanguinem ab extremo supplicio liberati, non tamen in illa uita meruerunt ad paradysum reuocari: sic & peccati caro etiam si remissis peccatis homo in ea iuste uiixerit, non continuo meretur eam mortem non perpeti, quam traxit de propagine peccati. Tale aliquid nobis insinuatum est de patriarcha Dauid in lib. Regnorum, ad quem propheta cū missus esset, eiq; propter peccatum quod commiserat euentura mala et

iracun-

iracundia Dei comminaretur, confessione peccati ueniam meruit, respondente propheta, quod illud ei flagitium facinusque remissum sit: & tamen consequuta sunt quæ Deus fuerat comminatus, ut sic humiliaretur à filio. Quare & hic non dicitur, Si Deus propter peccatum illud fuerat comminatus, cur dimisso peccato, quod erat minatus, impleuit: nisi quia rectissime (si sic dictum fuerit) respondebitur remissionem illam peccati factam, ne homo à percipienda uita impediretur æterna: subsequutum uerò illius comminationis effectum, ut pietas hominis in illa humilitate exerceretur atque probaretur. Sic & mortem corporis propter peccatum Deus homini inflixit, & post peccatorum remissionem propter exercendam iustitiam non ademit. Hæc ille.

Iam quod attinet pœnas impij, si quas eis iustissimus Deus in hoc seculo infligit, sciamus illas esse argumentum iusti iudicij Dei, qui in hoc seculo punire incipit, & in alio æternum punire pergit. Pereunt quidem culpa propria impij. Deus enim hic affligere incipit, ut castigati sapere incipiant ac conuertantur: uerum non conuertuntur ad se percutientem: sed indurantur magis, obmurmurantque Dei iudicij, conuertentes id sibi ad interitum, quod institutum fuerat ad salutem. Nam ut diligentibus Deum omnia cooperantur in bonum, ita odientibus Deum omnia operantur ad perniciem. Hæc uerò patent adhuc latius, sed quoniam nos huius generis non pauca protulimus Sermone 3. Decadis huius tertiæ, quod reliquum est ex eo peti posse confido, & idcirco ad ipsum remitto. Et tantum usque huc de Peccato.

Prolixo quidem nimium sermone detinui hætenus plus quam per duas horas C. V. Ut ergo semel hæc finiam, humiles agnoscamus peccata nostra, supplicesque clamemus ad Dominum sedentem in throno gratiæ, dicentes, Misere nostri Domine, quia tibi peccauimus, & peccata nostra agnoscimus. Debitores tui sumus. Remitte tu nobis debita nostra, sicut & nos remittimus debitoribus nostris. Et ne inducas nos in tentationem: sed libera nos à malo

Amen.



# SERMONVM DECAS

QVARTA. AVTHORE HEINRY.

CHO BVLLINGERO.

*De Euangelio gratia Dei, qui filium mundo dedit, & in hoc uera salutis omnia, ut credentes in ipsum, uitam consequamur eternam.*

SERMO I.



OST expositionem legis, eorumq; capitum quæ cum lege cognata sunt, aut legi utcunq; adhærent, transeundum modò uidetur ad tractationem Euangelij, cuius in expositione legis & aliàs crebra incidit mentio. Quemadmodum autem hactenus charitatis uestre precibus ad Deum adiutus sum, ita preces uestras iterum, & ardentissimas quidem illas, in præsentì caussa, postulo.

*Euangelij uox.*

EVANGELIUM uox est Græca, sed à Latinis & Germanis recepta, hodieq; ueluti propria usurpata Componitur ab *eu*, quod bonum est, & *angelos* nuncio. Significat enim Euangelium bonum nuncium seu felicem prædicationem: qualis sit cum suis hostibus, uel urbem obsidione graui liberauimus, uel claram ab hostibus reportauimus uictoriam. Attribuitur cuilibet fausto nuncio de re quouis feliciter perfecta. Libenter ea uoce usi sunt Apostoli: non tam quòd prophete eam prius quoq; usurparunt, quàm quòd salutis nostræ negotium per Christum perfectum, cui accommodarunt, mirifice & comprehendit, & oculis uelut spectandum proponit. Inducit Isaias Christum Dominum ita loquentem, beato Luca interprete, Spiritus Domini super me, propterea quod unxit me, *εὐαγγελίσασθαι*, id est, ad euangelizandum uel ad prædicandum Euangelium misit me, ut sanem contritos corde, ut prædicem captiuis remissionem, & cæcis uisum, ut emittam confractos per remissionem, ut prædicem annum Domini acceptum. En ipse Saluator apud prophetam & Euangelistam exponit nobis uocabulum Euangelij, quale sit, aut quid possit. Misit me pater, inquit, ut annunciem Euangelium pauperibus. Mox autem quinam illi pauperes sint, subiungit, Qui sunt contrito corde, uel animo confracto, nimirum qui nihil integritatis aut sanitatis in seipsis reperiunt, totiq; de suis desperantes uiribus, à medico Christo pendent. Euangelium porro quod afflictis his annunciat, tale est, uenisse cœlitus Dei filium sanandis morbidis. Quibus insuper & alia coniungit illustrandi gratia, uenisse Dei filium, ut prædicet captiuis remissionem, & cæcis uisum, &c. Etenim tenentur captiui omnes mortales in uinculis damnationis: omnes seruiunt seruitutem grauissimam sub tyranno crudelissimo satana: omnes cæci detinentur in tenebris errorum. Atque his annunciat redemptio uel liberatio, uerus utique annus iubileus. Hæc uerò annunciatio lætissima, appellatur Euangelium.

*Euangelium quid sit.*

Euangelium ergo ab omnibus ferè definitur ad hunc modum. Euangelium est uerbum bonum & suaue, testimoniumq; certissimum diuinæ erga nos gratiæ in Christo credentibus exhibitæ. Vel, Euangelium est clarissima æterni Dei cœlitus delata sententiâ, absoluentis omnes credentes ab omnibus peccatis, & id quidem gratis, propter Christum, promittentisq; uitam æternam. Colliguntur hæc ex testimonijs Euangelistarum & Apostolorum. Nam S. Lucas inducit angelum Domini loquentem ad pauidos attonitosq; pastores, ac dicentem, Ne timeatis: ecce enim euangelizo uobis gaudium magnum, quod futurum est toti populo: quia natus

*Luc: 1.*

natus est uobis hodie seruator, qui est Christus dominus in ciuitate Dauid. Exi-  
mit pastoribus omnē pauorem euangelio, id est, annunciatione salutifera, quæ ple-  
na est gaudij. Ea est, quod natus est saluator mundi Christus dominus: & nobis  
quidem, id est, in salutē hominum natus. S. Paulus dicit Euangelium esse à deo pro-  
missum antè, per prophetas, in scripturis sanctis, de filio suo, qui genitus sit ex se-  
mine Dauid, secundū carnem, qui declaratus sit filius Dei cum potētia, secundum  
spiritum sanctificationis, ex eo quod resurrexit ex mortuis. Et iterum, Euangelium  
est præconium Iesu Christi, iuxta reuelationē mysterij, temporibus æternis taciti,  
manifestati uerò nunc, & per scripturas propheticas, iuxta delegationem æterni  
Dei, in obedientiā fidei, in omnes gētes patefacti. Idem adhuc breuius, Euangelium  
est potentia Dei, ait, ad salutē omni credenti. Id est, Euangelium est prædicatio diui-  
næ potentiae, per quam saluantur credentes. Potentia autem Dei Christus est. Hic  
enim brachium dicitur patris, gloria eiusdem, uirtus & splendor. Cæterū credenti  
salutaris est Christus, & omni quidem credenti. Omnium enim saluator est.

Ex his omnibus talem colligimus sancti euangelij descriptionem, Euange-  
lium est cœlestis diuinæ erga nos gratiæ prædicatio, qua toti mundo in indigna-  
tione Dei constituto, annuntiatur Deus & pater ille cœlestis placatus in filio suo  
unigenito, domino nostro Iesu Christo, quem sicut patribus sanctis olim promise-  
rat, nobis exhibuerit, & in ipso plenē omnia uitæ beatæ & salutis æternæ, utpote  
qui pro nobis incarnatus, mortuus, ex mortuis iterum excitatus, & in cœlū subla-  
tus, dominus & saluator solus cōstitutus sit noster, modò peccata nostra agnoscenti-  
tes, credamus in eum.

Longa est descriptio, fateor: sed illud quoque apud te cogites uelim, negotium  
quod hic describitur, & ipsum esse amplissimū copiosissimumque: quod idcirco &  
definitione & descriptione, omnium oculis, qua potui luce, clarissimum exposui.  
Pauerioribus ergo uti, nec potui nec debui. Habet descriptio illa suas partes, qui-  
bus sigillatim explicatis illustratisque, quisque spero perspiciet totam euangelij natu-  
ram, causas, effectus, & quæcunque de ipso cognoscere conuenit.

Principiō Euangelium cœleste esse nuncium, non terrenum, illud maximè ar-  
guit, quod ipse pater cœlestis primū annunciauit euangelium afflictis parentibus  
nostris in paradiso, promittens filium suum, qui incarnandus caput serpentis sit  
conculcaturus. Deinde Apostolus Paulus disertis uerbis, Deus, inquit, multifariā  
multisque modis locutus est patribus, per prophetas, extremis uerò diebus hisce lo-  
cutus est nobis per filium. Nam & Ioannes prior testificans dixisse legitur, Deum  
nemo uidit unquam: unigenitus filius qui est in sinu patris, ipse enarrauit. Item,  
Qui ē supernis uenit, supra omnes est. Qui ē terra profectus est, terrenus est, & ē  
terra loquitur. Qui ē cœlo uenit, supra omnes est. & quod uidit & audiuit, hoc te-  
statur. Huc pertinet quod prophetæ creduntur inspirati à sancto spiritu, prophetasse.  
Achi prænunciarunt in scripturis sanctis euangelium: Cuius quidem potissima ca-  
pita cœlitus descendentes angeli, hominibus annunciauerūt. Nam incarnatio fi-  
lij Dei, ab archangelo Gabriele primū diuæ uirginis, deinde Iosepho putatio pa-  
renti adeoque castissimæ uirginis tutori, annūciatur. Idē angelus pastoribus prædi-  
cat natiuitatē filij Dei. Mulieribus uerò ad sepulchrum uenientibus, uolentibusque  
pro more gentis, corpus domini inungere, angeli nunciāt dominum resurrexisse  
ex mortuis. Idē apostolis, ascendente domino, cōuertentibus defixisque suis in nu-  
bes oculis, attestantur ipsum esse sublatum in cœlum, indeque uenturum iudicare  
uiuos & mortuos. His omnibus accedit patris æterni ē cœlo super dominū nostrū  
delata uox, Hic est filius meus dilectus, in quo placatus sum, ipsum audite. Et

Rom 1

Rom 1

Descriptio  
Euangelij.Euangelium esse  
nuncium cœleste.

Hebræ: 1.

Joan: 1.

2. Petri: 1.

Luc: 1.

Act: 1.

Mat: 9.



Math: 10.

Verbum euangelij nihilominus dei est, licet annuncietur per homines.

Math: 18.  
Joan: 20

hoc patris testimonium maximo spiritu prosequens repetit beatus Apostolus Petrus in 2. epist. cap. 1. Proinde sermo Euangelij diuinus est sermo, cœlo delatus, inrefragabilisq; cui qui credunt, uerbo æterni Dei credunt: qui non credunt, uerbū Dei uiui contemnūt atq; abijciunt. Non enim desinit esse uerbū Dei, licet annuncietur per homines. Nam de Apostolis legimus dixisse dominū, Non uos estis loquentes, sed spiritus patris mei qui in uobis est. Ideoq; non leguntur discessisse Hierosolyma, nisi prius instructi ex alto, & accepto spiritu sancto. Nec est quod uerbū Dei ad Apostolos duntaxat alligemus, quasi post Apostolos nemo prædicet uerbum Dei. Nam dominus noster disertè dicit apud Ioannē, Amen dico uobis, qui recipit quencunq; misero, me recipit: qui autem me recipit, recipit eum qui me misit. Mittit autē Dominus noster, summus ille pontifex Ecclesiæ suæ catholicæ, nō Apostolos tantū, sed omnes legitimè uocatos, afferentesq; uerbū Christi. Ergo de omnibus ministris Ecclesiæ legitimis intelligimus, quæ ore diuino in hæc uerba pronunciata legimus, Quorumcunq; remiseritis peccata, remittuntur eis: quorumcunq; retinueritis, retenta sunt eis. Et iterū, Quicquid solueris in terra, erit solutum in cœlis: & quicquid alligaueris in terra, erit alligatum & in cœlo. Nam alibi quoq; dicit dominus, Amen dico uobis, Tolerabilius erit terræ Sodomorum & Gomorrhœorum in die iudicij, quàm ciuitati illi quæ uos non excipit, neq; sermones uestros audit. Quis uerò ignorat quàm nephario scelere se polluerint defœdarintq; ciues Sodoma: & quod dominus igni sulphure & pice cœlitus demissis, sceleratissimos concremauerit? Quis ergo non colligat inde multo peccare grauius rebelles & blasphemos contra Christi Euangelij, eosdemq; iusto uindici Deo multo grauiores pœnas uel hic uel in futuro seculo, uel utrobique daturos? Credamus ergo euangelio filij Dei, mundo à patre primū, deinde à patriarchis, mox à prophetis, tandē & ab unigenito Dei filio & Apostolis eius annunciatō: quorum uox cœlestis uel hodie nobis personat in ore ministrorum euangelij nobis syncerè prædicantium.

Euangelij annunciat gratia.

Gratia.

Deinde considerandum nobis quid annunciet mundo cœlestis illa prædicatio euangelij, Gratiam utique patris nostri cœlestis. Nam Apostolus Paulus in Actis cap. 20. dicit se accepisse ministerium à domino Iesu, ad testificandum euāgelium gratiæ Dei. Dicendum ergo in præsentī de gratia Dei, quantum huic loco satis sit. Varius est autem uocabuli Gratiæ usus in literis sacris, quemadmodum & in prophetis literis. Significat in sacris gratiarum actionem: item beneficium & elemosynam, ut 2. Corinth. 8. Significat & laudem & recompensationem, ueluti cum Apostolus dicit, Si cum benefacitis, affligimini, suffertis: ea est gratia apud deum. Significat & facultatem, ut cum dicimus aliquem habere gratiam docendi, & functionem gerendi officij. Apostolus enim dicit se accepisse gratiam: ac mox per interpretationē subiungit, muneris apostolici functionem. Præterea dona Dei gratia appellantur: quia gratis conferuntur. Apostolus tamen ad Rom. 5. cap. distinguit donum à gratia. Etenim Gratia ferè significat fauorem & beneuolentiam numinis erga nos. Donū uerò, ipsum munus quod datur à Deo ex beneuolentia, ut est fides, constantia, integritas. Gratiā apud Deum inuenisse dicuntur, quibus impendio fauet Deus, & quos complectitur ex animo. Sic Noe inuenit gratiam in oculis domini: Ioseph inuenit gratiam in oculis principis carceris. Et diua uirgo legitur inuenisse gratiam apud dominum: nimirum quod esset Deo dilecta, in maximo apud Deum pretio, utpote quam singulariter delegerat.

Gratia Dei quid sit.

Ceterū hoc loco Gratia est Dei fauor beneuolentiæq; numinis æterni, quæ pro immensa sua bonitate homines gratis propter Christum complectitur, uocat, iustificat,

ificat, & saluat. Videtur autem ante omnia indaganda esse causa diuini erga nos amoris. Videmus enim quandam esse correlationē inter fauorem Dei, & nos quos fauore suo prosequitur. Nec difficile nec prolixi operis erit inuenire. Nam in nobis nihil est quod miretur deus, uel quo possit moueri uel excitari ad nos cōplectendos: imò quoniam omnes sumus peccatores impurissimi, & ille interim sanctus & iustus, scelerūq; uindex est, in nobis certē inuenit, propter quod irascatur iustaq; prosequatur uindictā. Causam ergo diuini erga nos amoris, non in nobis, non extra Deum in re ulla alia, quando homine nihil sit præstantius, sed in ipso deo eiusq; natura esse oportet. Porro scriptura ueracissima proponit nobis deū natura sua bonum, clementem, & ut Paulus dicit, philanthropon, amatorem inquam hominum, qui suæ naturæ filium unicum pro redemptione nostra miserit: unde iam consequens est, Deum gratis ex semetipso & propter filium, nō propter ullam aliam causam amare hominem. Vbi protinus omnia præparamenta, incitamenta, aut merita hominum igne diuini amoris dissoluta abeunt in fumū. Nam gratia Dei prorsus est gratuita, ac nisi sit talis, non uideo quomodo appellari possit gratia. Sed præstat in re maximi momenti aperta scripturæ sanctæ testimonia proferre, quibus animi nostri confirmantur contra omnes nugas sophisticas & satanicas tentationes. Dominus noster in euangelio, Sic Deus, inquit, dilexit mundum, ut filium suum unigenitum daret pro mundo: ut omnis qui credit in eum, non pereat, sed habeat uitam æternam. En dilectio dei, quæ est fauor ille amorq; numinis nos cōplectentis, causa est salutis nostræ. Nam Christus passus pro nobis salus nostra est. At hunc ex dilectione dedit nobis pater Deus. Neque cogitare possumus deum nostra dilectione commotum esse ad amorem mutuum, & ut pro nobis daret filium. Nam ante conditum mundum statuit nos redimere per filium. Sed & ipse Ioannes euangelista in Canonica sua, In hoc est charitas, inquit, non quod nos dilexerimus Deum: sed quod ipse dilexerit nos, & misit filiū suum pro peccationem pro peccatis nostris.

His testimonijs licet clarissimis & firmissimis, subiungemus tamen aliquot S. Pauli testimonia, ut sic plus lucis causæ nostræ affulgeat, & inclarescat maximus totius doctrinæ euangelicæ & apostolicæ consensus. Paulus ergo ad Romanos, Omnes, ait, peccauerunt & destituuntur gloria Dei. Iustificantur autem gratis, per illius gratiam, per redemptionē quæ est in Christo Iesu. Idem ad Ephesios scribit, Gratia estis seruati per fidem, idq; non ex uobis: dei donum est, non ex operibus, ne quis gloriatur. Item ad Titum, Bonitas & erga homines amor apparuit seruatoris nostri Dei: nō ex operibus iustitiæ nostræ, quæ faciebamus nos: sed secundum suam misericordiam saluos nos fecit. Ita in 2. ad Timoth. 1. cap. dicit, Deus saluos fecit nos & uocauit uocatione sancta, non secundum opera nostra, sed secundum suum propositum & gratiam, quæ data est nobis per Christum. Non arbitror his pro causâ nostra uel fingi potuisse aliud & appositum magis & euidentius. Claret iam omnino Dei gratiam prorsus esse gratuitam, utpote omnia nostra opera & merita excludentem. Et hic gratuitus Dei amor est unica euangelij causa origoq; uerissima. Vnde nimirum à Paulo euangelium appellatur gratiæ præconium.

Porro etsi gratia Dei à nobis non pendeat, attamen nō manet uel hæret in Deo otiosa, quasi extra nos alienaq; à nobis, ut quæ nec sentiat nec operetur in nobis. Intelleximus enim ex citatis testimonijs, gratiam fauorē esse in Deo quo nos homines prosequatur. Intelleximus gratia saluari homines: Quia enim diligit homines Deus, perire noluit, idcirco ex gratia filiū misit, qui liberet ab interitū, & in

Causa gratiæ diuinæ.

1. Ioan. 3.

1. Ioan. 7.

Rom. 3.

Ephes. 2.

Titum 3.

Causa euangelij.

Operatio gratiæ diuinæ.



quo inclarescat toti mūdo & iustitia Dei & misericordia. Atqui liberantur soli credentes, rursus ergo quod gratia operetur in homine habet. Effuso enim spiritu sancto in corda nostra, intellectus & uoluntas in fide instruuntur. Breuiter, gratia (quod & in finitione diximus) uocat, iustificat & saluat, siue glorificat credentes: ut totum salutis nostræ negotium omnesq; uirtutes piorum unicæ Dei gratiæ (cuius operationem ubiq; agnoscimus) feramus acceptum. Id rursus diuino adde & humano ostenditur testimonio. Paulus ad Romanos. Quos, inquit, præsciuit, eosdem & præfinit: & quos præfinit, eosdem & uocauit: & quos uocauit, eosdem & iustificauit: quos autem iustificauit, hos & glorificauit. Quid igitur dicemus adhuc? Si Deus pro nobis, quis contra nos? Qui proprio filio nō peperit, sed pro nobis omnibus tradidit illum, qui fieri potest, ut non & cum eodem omnia nobis donet? Idem ad Ephesios primo capite, totum electionis & salutis negotium cum omnibus suis partibus ad gratiā Dei retulit. Porro sancti patres in Concilio Mileuentano, inter quos sedit & beatus Augustinus, de Gratia Dei sequens cōdiderunt decretum, Si quis sine gratia Dei, credentibus, uolentibus, desiderantibus, conantibus, studentibus, petentibus, quærentibus, pulsantibus nobis, misericordiam dicit conferri diuinitus, non autem ut credamus, uelimus, uel hæc omnia, sicuti oportet omnia agere ualeamus, per infusionem & inspirationem sancti spiritus in nobis fieri cōfiteatur: & aut humilitati aut obedientiæ humanæ, subiungit gratiæ adiutorium: nec ut obediētes & humiles simus ipsius gratiæ donum esse consentit, resistit Apostolo dicenti, Quid enim habes quod non accepisti? Et gratia Dei sum id quod sum. Hæc illi. Expensis autem his cum diuinis tum humanis testimonijs, neminem porro futurum arbitror, qui nō intelligat id esse Dei gratiam quod diximus, nempe fauorem beneuolentiæq; numinis æterni, qua pro immensa sua bonitate homines gratis propter Christum complectatur, uocet, iustificet & saluet.

Rom. 8.

Gratia quid sit

Pugna S. Augustini & Pelagii de Gratia Dei.

D. Aurel. Augustino grauis fuit pugna cum Pelagio Brittone super negotio gratiæ Dei. Hic enim per gratiam aliud nihil intelligebat quàm beneficium creationis: quod ut ille non negabat esse gratiam, ita urgebat Apostolos maximè loqui de gratia illa gratuita quæ gratis nullo nostro merito propter Christum seruamur. Hoc eo constantius urgebat, quod uideret Pelagium hæreticum asserere humanam naturam sibi sufficere, non solum ad faciēda, uerum etiam ad perficiēda mandata domini per libetum arbitrium. Sed de his religiosissimè & copiosissimè disputat S. August. epist. 95. ad Innocentium. Ex neotericis pleriq; gratiam parui sunt, docendi causa, in gratiam gratum facientem, & gratis datam. Item in gratiam operantem, & cooperantem. Deniq; in gratiam præeuntem uel præuenientem, & subsequenter. Illi ipsi operationes seu effectus gratiæ hoc fermè modo annumerant, Gratia sanat animam, efficitq; eadem ut uelit bonum, deinde quod uoluit, efficaciter operetur: sed & in bono perseueret, & tandem ad gloriam perueniat sempiternam.

Cæterum nos non tam solliciti sumus in recensendis aliorum sententijs quid quisq; senserit: quod præterea immensi laboris, nec meæ esset facultatis: quàm in proferenda sententia scripturæ sanctæ (quæ una & sola est rectè iudicandi sententiæq; regula) quid illa inquam nos sentire iubeat. Id quod in superiore nostra dissertatione de Gratia Dei, & breuiter & luculenter satis ostendisse spero. Sed & consequens disputatio de Christo, in quo excellentissimam in nos gratiam cœlestem transfudit pater, sarciet si quid illis deesse uideatur.

Gratia iustificamur.

Priusquam autem hinc discedamus, admonendum existimaui, non inter se

oracula

oracula uerbi Dei configere, cum legimus uel audimus saluari homines gratia Dei uel gratis: saluari dilectione Dei: saluari per misericordiam Dei: saluari per Christum: saluari per sanguinem uel mortem, uel incarnationem Christi: saluari per fidem in Christum, uel in misericordiam aut gratiam Dei. Hæc enim omnia in idem recidunt, & omnem gloriam causamque salutis humanæ, ueræ Dei misericordiae, uel gratiae transcribunt. Gratia pignus imò saluator est unigenitus Dei filius dominus noster in mortem traditus. Meram gratiam in Christo apprehendit sincera fides.

Ideo expositis ijs quæ in genere de gratia Dei dicere, pro mea exilitate potui, descendo iam ad singulare illud gratiae Dei opus tractandum, quod non est aliud, quam quod misericors pater nobis exhibuit filium, ad eum omnino modum, ad quem nobis in prophetis promisit, & in ipso omnia plenè beatæ uitæ æternæque salutis: cum ipse sit dominus & Messias, siue saluator unicus & uerus, qui pro nobis incarnatus, mortuus, exuscitatus & in coelos receptus est. Nam Christus rex & pontifex, id est, saluator noster, scopus imò stella, ipseque sol est prædicationis euangelicæ. In istis autem sigillatim explicandis hoc utemur ordine. Principiò recitabimus eximias aliquot e lege & prophetis promissiones de Christo Ecclesiae à Deo propositas, & eas maxime quas & ipsi attigerunt apostoli Christi. Deinde demonstrabimus deum præstitisse quod promisit, id est, ostendemus quod filium suum unigenitum nobis exhibuit: & quod is sit uerus & expectatus ille dominus & Messias siue saluator. Postremo indicabimus in filio hoc, patrem mundo esse placatum, uel reconciliatum: in quo etiam dederit nobis plenè omnia uitæ beatæ & salutis æternæ. Ipse enim incarnatus est pro nobis, mortuus & ex mortuis excitatus, postremo & in coelum receptus. Atque in his latent uiuæ euangelij uenæ, profundentes salutare aquas ad uitam æternam. In his enim est solida consolatio fidelium, & tranquillitas placidissima. Sine his non est ulla uita uel quies.

Promissiones de Christo à Deo in scriptura sancta editæ, triplices sunt. Ita uero perspicuitatis gratia unius & eiusdem generis promissiones iuxta tempora partior. Priores sunt factæ Patriarchis, uel primis illis patribus ante legem latam: & hæc rursus sunt duplicis generis. Aliæ enim planæ sunt, simplicibus sententijs, absque ulla figura uel typo enuntiatae. Aliæ uero typicæ & figuratae sunt. Prima clarissima promissionum fit ex ipso Dei ore ad patres nostros Adam & Euam, morte & calamitatibus diroque pauore oppressos: quæ ueluti columna & fundamentum est totius religionis Christianæ & prædicationis euangelicæ: ex qua omnes ferè aliæ promissiones dependent. Sic autem dicit dominus. Inimicitias ponam inter te (serpentem intelligit ipsum satanam) & inter illam mulierem: inter seminum tuum & semen illius: ipsum conteret tibi caput: & tu conteres eius calcaneum. Semen promittit his uerbis Deus, & semen quidē non uiri, sed mulieris: & excellentissimæ quidem mulieris, nimirum beatissimæ uirginis Mariæ, benedictæ illius inter mulieres. Ea enim non ex semine uiri, sed ex spiritu sancto concepit, & uirgo peperit Christum dominum: qui moriendo & resurgendo caput, id est, regnum satanæ, ipsum inquam peccatum, mortem & condemnationem non tantum uexauit uel uulnerauit, sed contriuit, omni satanica potestate seu tyrannide e medio sublata. Interim satanas calcaneum Christi contriuit: id est, id quod in Christo quasi infimum erat, carnem, exquisitissime per membra sua, Caiapham, Pontium Pilatum, per Iudæos & Gentes tormentis & morte attriuit atque confecit. Dicite enim in Psalmis dominus, Vermis sum & non homo. In puluerem redegerunt uitam meam. Verum resurrexit iterum ex mortuis. Alioqui enim caput serpentis

In Christo exhibit suam nobis gratiam Deus.

Promissiones de Christo seruatore nostro.

Primum euangelium. Gen. 3.



non contriuiſſet, factusq; eſt ſaluator omnium credentium in ipſum. Ex hac promiſſione deriuatur ſingularis & celebris illa, quam patri noſtro Abraham hiſce uerbis angelus domini recitat, Benedicentur in ſemine tuo omnes gentes orbis. At Paulus ad Galatas diſertis uerbis declarat, noſtrum illud eſſe ſemen benedictum Abraham promiſſum. Semen autem appellatur dominus noſter propter primam illam promiſſionem Adamo & Euz factam, & quoniam propter nos incarnatus & uerus homo factus eſt. Nec pugnat hæc promiſſio cum prima. Licet enim ſemel uel filius Abraham nunc nominetur Chriſtus dominus, non tamen alia ratione ad Abrahamum refertur, quàm per uirginem, quæ erat filia Abraham & mater Chriſti domini. Quid autem confert nobis ſua incarnatione filius Abraham? Benedictio autem opponitur maledictioni. Ergo quicquid contraximus ex Adam peccato maledictionis, id ſanat in nobis Chriſtus, & benedicit nos omni benedictione ſpirituali. Nec beneficium hoc paucis confert, ſed omnibus totius orbis gentibus, in ipſum credentibus.

*Genes. 49.*

Iacob patriarcha inſpiratus ſpiritu Dei, fata filiorum & res futuras prædicens, ubi ad Iudam filium ueniſſet, inter alia ait. Non recedet ſceptrum de Iuda, & legislator (uel ſcriba) de pedibus eius, donec ueniat Schilo, & ad illū gentes confluant. En his non tantum promittitur Meſſias, ſed inſuper oſtenditur tempus, quando incarnandus ſit, oſtenditur item quis & quatenus ille futurus ſit. Regnum, inquit, permanebit ſub Iuda uſq; ad Chriſti aduentum. Et quamuis tribus Iuda reges non ſit ſemper habitura, nõ deerunt tamen proceres, duces, legiſlatores, docti ac præſides populi. Ideoq; fides euāgelicæ hiſtoriæ teſtatur Chriſtum ueniſſe tunc, cum omnis poteſtas imperitandi translata eſſet ad Romanos, quorum Imperatori Auguſto cenſum Iudæi appenderunt. Schilo autem ſignificat felicitatem ſiue authorem felicitatis, copię cornu & abundantiam omnium rerum optimarum Theſaurus enim omnium bonorum Chriſtus eſt. Et Chaldaus interpres pro Schilo reſpoſuit Chriſtus. Caterum confluent ad ipſum, ut ſaluatorem ſuum, omnes gentes: quod & prophetæ poſtea clariſſimè declarauerunt, Iſaias in capite ſecundo & Michæas in 4.

*Schilo*

Porrò typi & figuræ Chriſti ſunt, Noe in arca ſeruatus. Nam ſeruantur fideles in Chriſto: ſicuti S. Petrus teſtatur, 1. Pet. 3. Immolatur ab Abrahamo filius uni-genitus Iſaac, & in iugo quodam eius montis, in quo poſt multos annos immolatur Dei filius. Venditur ethnicis à fratribus ſuis Ioseph. Conſicitur idem in carcerem: ſed liberatus ſaluator ſit, & ab omni populo conſeruator ſalutatur regni Aegyptiaci. Hæc omnia præfigurant Chriſtum dominum.

Posteriores promiſſiones & ipſæ ſunt duplices, reſectæ & uelatæ ſiue figuratæ. Continentur autem in lege & in prophetis ad tempora uſq; captiuitatis Babylonice. Prophetiam, de uenturo propheta omnium maximo, Moſis, citat beatus Apoſtolus Petrus in Act. cap. 3. Figuratæ promiſſiones Chriſti ſunt ſacrificia, quæ Paulus in epiſtola ad Hebræos enarrat miro cõpendio. Agnū paſchalem idem in 5. prioris ad Corinthios unā cum beato Petro in 1. capite prioris epiſtolæ accomodat Chriſto. Idem petram percuffam & aqua manantem, appellat Chriſtum. Ipſe Chriſtus dicit in euangelio Ioannis, ſe præfiguratum eſſe æneo ſerpente exaltato in deſerto: cuius myſterium alicubi plenius enarraui. Sunt alia huius generis plurima: quorum non minimam partem attingi cum diſſererem de Ceremoniis & earum ſignificatione. Vnde qui uolet reperat. Non figuratæ promiſſiones ſerui ſunt innumera in Pſalmis & prophetis. Sed & ipſe dominus in euangelio ſecundum Lucam, teſtatur totum ſuum negotium deſcriptum contineri in lege, in prophetis,

*1 Corin. 4. 10.*

*Joan. 3.*

prophetis, & in Psalmis. Cumq; S. Petrus Euangelium prædicasset, & in hoc Christum ac remissionem peccatorum promississet omnibus credentibus, subiungit protinus, Quin & omnes prophetae à Samuele ac deinceps quotquot locuti sunt, annunciauerunt dies istos. Certè Dauid Psalmo 2. 22. & 110. geminam Christi indolem, diuinam & humanam, clarè designauit. Idem prædicationem eius salutarem, sacerdotium æternum, redemptionem æternam, per mortem acerbissimam, tantum non inspectanda oculis omnium proposuit. Quid dicam de Isaia propheta, qui optimo iure non à postremo ecclesiæ Christianæ doctore appellatus est Euangelista, quasi historiam scripserit rerum gestarum non gerendarum per Christum. Hunc proponit ille nobis uerum Deum, & hominem uerum, natum secundum carnem de uirgine intemerata: qui prædicet uerbum uitæ, pascatq; tanquam bonus pastor trepidas ouiculas, qui sit lumen gentium usque ad extrema terræ, qui cæcos illuminet, claudos & uarijs morbis confectos sanet, qui à suis proditus conspuatur, alapis cædatur, & inter latrones suspensus, hostia pro delicto offeratur, denique & qui intercedat pro transgressoribus, ut ipse iustus omnes credentes iustificet. Legatur Isaïas in capite 7. 8. 9. 11. 28. 40. 49. 50. 53. & in postremis prophetiæ suæ capitibus omnibus, in quibus & ecclesiam Christianam plenissimè describit. Ionas manifestissimum mortis & resurrectionis Dominicæ typum prætulit. Michæas etiã locum Bethlehem designat, in quo Messias nascatur, cuius originem, diuinæ utique naturæ, mox refert ad æternitatem. Idem prædicat Euangelicam prædicationem ex urbe Hierosolymorum in totum terrarum orbem fore disseminandam. Ieremias dicit Deum Dauidi excitaturum uerum semen siue germen, id est, expectatum Messiam. Allusit autem ad legem de excitando semine fratris latam. Virgo enim spiritu sancto fecunda genuit: & eum quidem genuit, cuius nomen est Iehouah, Deus utique uerus & essentialis: quem Isaïas nominauit Emanuele, & qui uera est iustitia credentium. Nam per Christum iustificantur credentes. Etenim idem propheta in capite 31. promittit in Christo & plenariam peccatorum remissionem, & spiritus sancti gratiam uberrimam: quam & Ioel propheta non obtulit. Hæc autem paucula ex multis delibauimus duntaxat. Toti enim prophetarum libri in negotio Christi exponendo uersantur.

Postremæ de Christo promissiones sub ipsa captiuitate Babylonica, & mox post captiuitatem, à Deo, prophetis reuelatæ; & ecclesiæ Dei sunt propositæ. Prophetat Ezechiel de pastore Dauide, & ouibus pastorem illum suscipientibus: quæ ipse Dominus in Euangelio secundum Ioannem de seipso exponit. Idem multa differit de gratia & plenaria gratuitaq; peccatorum remissione per Christum conferenda, in primis 34. 36. & 37. cap. Daniel habet quidem uisiones & somnia multa: sed in his ita nobis exhibet Christum, ut non posset melius, illustrius, elegantius. In 2. cap. commonstrat nobis regnum eius æternum, indicatq; Christum sub monarchia Romanorum uenturum, tum cum principes Romani affinitatibus sibi mutuo connexi, mutuis sint interituri armis. Quod quidem impletum est imperitantibus Pompeio & Iulio, Antonio itè & Octauio Augusto. Iam cognitissimæ sunt septimanæ Danielis in 9. cap. ubi Christum & tempora Christi repudiūq; gentis Iudaicæ propter incredulam perfidiam toti mundo tantum non digito monstrat. Haggeus templum extruit, sed uerum templum, Christianā utiq; ecclesiam. Zacharias multa Christi mysteria eleganter tradit. Proponit nobis Christum regem & pontificem. Commendat nobis unicum illud sacrificium, æternum, efficax satis expiandis omnibus totius mundi peccatis. Legatur cap. 3. 9. 14. imò totum Christum & regnum Christi nos docet. Malachias præmittit præcursores Do-

*Mich. 5.*

*Isaïas 41. 1.  
capite.*

*Joan. 10.*



Rom. 1.

Euangelium par-  
tes nescit.Deum pater per  
Christum præ-  
stitit nobis  
quod patribus  
promisit.

math. 2.

Luc. 2.

Luc. 1.

Iesus est Chris-  
tus, id est, ex-  
pectatus ille  
et cetera.

Joan. 1.

tagm.

mino Christo, & non pauca Christi mysteria tractat. Vnde cernimus uerissime scripsisse Paulum, Deum ante promississe Euangelium per prophetas suos, in scri-  
pturis sanctis.

Ex his uero sanctis promissionibus colligimus & illud, non plura aut diuersa esse Euangelia (quanquam non negemus eandem historiam Euangelicam diuer-  
sis scriptam esse authoribus) sed unum duntaxat esse & quasi æternum. Nam illud ipsum Euangelium quod nobis hodie annuntiatur, ab exordio mundi patribus annuntiatum est. Certissimum enim est Euangelio seruatos esse ipsum Adamum, Euam, Abelem, omnes patriarchas & prophetas, sed & ueteris testamenti omnes fideles. Id quod alibi quoque satis copiose sumus prosequuti.

Descendimus nunc ad alterum caput, ostensuri Deum patrem fideliter quod promisit patribus, præstitisse nobis, exhibito unigenito suo filio: qui sit uerus & ex-  
pectatus ille Messias benedictus in secula. In ea causa illustranda diligenter labo-  
rarunt Euangelistæ & apostoli Domini, ut nemo fidelius & melius. Genus Christi ostendunt Dauidicum & ex Abrahæ prosapia descendens: matrem uirginem, que conceperit ex spiritu sancto, & uirgo pepererit. Tempus quoque consignat quo reuelatus est Christus, id quod omnibus punctis respondet uaticinijs propheta-  
rum. Addunt & locum natiuitatis Christi congruere prophetiæ Micheæ. Iam ap-  
paret in Oriente stella, quæ magos, uiros primarios & sapientissimos, inuitat ad sa-  
lutandum nuper natum regem. Adsunt ergo, & in urbe Hierosolymorum regia, palam, & natum Messiam, & se adorandi eius gratia ex Oriente aduenisse pro-  
tentur. Verbis facta respondent. Nam indicio stellæ repertum adorant, & muni-  
bus ipsi oblati quanti Christum faciant, minimè obscure declarant. In ipsa urbe Hierosolymorum regia, uirorum iustissimus Simeon cum iubilo cordis maximo, & gratulatione piissima, in templo palam testatur Deum pro æterna sua ueritate & constantia exhibuisse mundo filium unigenitum, quem patribus promiserat: si-  
mul profitens tranquillissimo iam se animo moriturum. Causam subiungit, Quia uiderunt oculi mei salutare tuum, nimirum illum Schilo, id est, felicitatorem salua-  
toremque quem o Deus, statuisti proponere omnibus populis, lumen ad reuelatio-  
nem gentium, & gloriam plebis tuæ Izrael: id est, ut tenebras discutiens, gentibus lumen præferat ueritatis & uitæ, easque illuminet, & gloria uitæque sit populi Izraeli-  
tici. Huc pertinet etiam testimonium clarissimi uiri Zachariæ sacratissimi sacerdo-  
tis Dei, testificantis atque dicentis, Benedictus Dominus Deus Izrael, quia uisitauit & redemit populum suum. Et erexit cornu salutis nobis in domo Dauid pueri sui. Si-  
cut loquutus est per os sanctorum qui à seculo fuerunt prophetarum suorum. Ete-  
rnum quæ leguntur Luc. cap. 1. Porro Zachariæ huius filius beatissimus Ioannes, Baptista cognominatus, quo ex mulieribus non legitur natus sanctior alter, digi-  
to in Christum Iesum extento, demonstrat hunc illum esse expectatum Messiam, quæ promiserint omnes prophete, Deumque hoc exhibito liberaffe fidem suam, & se to-  
tum cum omnibus bonis suis effudisse in credentes. Quinimò expectante populo, ut Lucas habet, & cogitantibus omnibus in cordibus suis de Ioanne num ipse esset ille Christus, respondit Ioannes, dicens uniuersis, Ego quidem aqua baptizo uos, sed ueniet fortior me, cuius non sum dignus soluere corrigiam calciamentorum: ipse uos baptizabit spiritu sancto & igni. Et apud Ioannem legimus, Poste-  
ro die uidit Ioannes Iesum uenientem ad se, & ait, Ecce angelus ille Dei, qui tollit pec-  
catum mundi: Hic est de quo dicebam, Post me ueniet uir, qui me antecessit, quia prior me erat, & ego nesciebam eum: sed ut manifestus fiat Izraeli, propterea ueni ego aqua baptizans. Et mox, Vidi spiritum descendentem specie columbæ de celo: & man-

& mansit super eum. Et ego non noueram eum: sed qui misit me, ut baptizarem aqua, is dixit mihi, Super quem uideris spiritum descendentem & manentem super eum, hic est qui baptizat spiritu sancto. Et ego uidi & testatus sum hunc esse filium Dei. Rursum cum discipuli Ioannis inuiderent Christo Domino felicem successum, dolerentque Ioannem præ Christo ueluti negligi, dixit discipulis suis Ioannes, Ipse uos testes estis quod dixerim, non sum ego Christus, sed missus sum ante illum. Qui habet sponsam sponsus est: amicus autem sponsi qui stat & audit eum, gaudio gaudet propter uocem sponsi. Hoc ergo gaudium meum impletum est. Illum oportet crescere, me uero minui. Pater diligit filium, & omnia dedit illi in manu. Qui credit in filium, habet uitam æternam: qui non credit in filium, non uidebit uitam: sed ira Dei manet super eum. Firma, euidentia & clara sunt hæc testimonia, solaque præ hac poterant sufficere causa. Verum adijciamus adhuc pauca ex multis, de laratiâ Christum nobis esse exhibitum. Ipse ergo Dominus noster, quem Messiam esse credimus, prodit, diu multumque Ioannis commendatus testimonio, & ipse uerbum uitæ annunciat. Nullis autem unquam seculis alius fuisse legitur, qui tanta docuerit cum gratia. Simul autem opera edidit stupenda, quæ facile quis sit coarguunt, & uel renitentem auditorem attrahunt. Facilis & benignus erat peccatoribus, subinde repetens his se seruandis & ad poenitentiam uocandis aduenisse. Ergo cum aliquando ad ipsum discipuli Ioannis uenirent rogarentque, Tu ne ille es qui uenturus est, an alterum expectabimus? respondit, Ite & renunciate ea Ioanni, quæ uidetis & auditis: Cæci uisum recipiunt, & claudi ambulat, leprosi mundantur, & surdi audiunt, mortui excitantur, & pauperes lætium accipiunt Euangelij nuncium. His autem, doctrina inquam & operibus, uel uirtutibus suis, demonstrare uoluit se mundo exhibitum esse Messiam uerum nec alium expectandum. Nam & in schola Nazarethana lecto Isaia testimonio de uenituro Messia expositoque, ostendit scripturam eam esse impletam. Vbi protinus hoc subiungitur in historia, Et omnes testimonium illi dabant, & mirabantur super gratia sermonum qui procedebant ex ore ipsius. Rursus apud Ioannem in 10. cap. Circumdede runt Dominum Iudæi, & dixerunt, Quousque animam nostram suspendis? Si tu es Christus, dic nobis ingenuè. Respondit eis Iesus, Dixi uobis: uos autem non creditis. Opera quæ ego facio nomine patris mei, hæc testimonium reddunt de me. Sed uos non creditis, quia non estis de ouibus meis. Et mox, Vos dicitis me blasphemare quia dixerim, Filius Dei sum. Si non facio opera patris mei, nolite credere mihi: si facio, & si mihi non credatis, operibus credite: ut cognoscatis & credatis quod pater in me est, & ego in eo. Certe Ioan. 7. legimus, Qui crediderunt in eum, dixerunt, Christus cum uenerit, num signa plura edet ijs quæ hic edidit? Id est, ut maxime donemus alium esse Christum expectandum, hoc tamen certissimum est alium illum non posse plura & maiora designare miracula. Credamus ergo hunc uerum esse Messiam. Coram Caiapha summo pontifice & Concilio uniuersali Israeliticorum procerum: item coram Pontio Pilato in foro Romani imperij, disertis & minimè obscuris uerbis confessus est Dominus noster Christus, se esse uerum illum & expectatum Messiam. Equidem, sicuti de eo prædixerunt prophetae, mortuus est sponte pro peccatoribus, resurrexit deinde tertia die à mortuis, ascendit in cælum, sedetque ad dexteram Dei patris. Et Euangelistæ dicta & facta Christi fideliter recitantes, diligenter præcipuis subiungunt. Hoc totum factum aut dictum est, ut impleretur quod dictum erat à propheta. Proinde non uidetur operæpretium uaticinia prophetarum colligere & his antithesi committere dicta & facta Christi, atque ex consensione manifestissima concludere, Deum

Ioan: 3.

Ioan: 10.  
& Luc: 1.

Luc: 4.



præstitisse nobis, quod patribus promisit exhibito filio unigenito, qui sit uerus & expectatus Messias. Hoc enim fecerunt Euangelistæ, & id quidē tanta cum fide & diligentia ut nemo possit euidentius & melius. Huc referre licet omnia quæ dicta Sermonibus superioribus de significatione, uel mysterijs, impletione & abrogatione legis. Et ut nobis non tantū sit testimoniorum copia, an non unicum hoc quod apud Ioannem in 4. cap. legimus uice multorum millium esse poterat? Dicit mulier illa Samaritana ad Dominum, Scio quod Messias uenturus sit, qui dicitur Christus: cum ergo uenerit ille, nobis nuntiabit omnia. Respondit ei Iesus: Ego sum qui loquor tibi. En quid poterat dici clarius? Ego inquit sum Messias, ego inquam qui tibi loquor modò, qui ab initio dixi, Si scires donum Dei, & quis sit qui tibi dicit, Da mihi quod bibam, tu petisses ab eo, & dedisset tibi aquam uiuam. Quisquis enim biberit ex aqua quam ego dabo ei, non sitierit in æternum: sed aqua quam dabo ei, fiet in eo fons aquæ salientis in uitam æternam. Infelicissimi ergo omnium mortalium & aridissimi sunt, qui alium post Dominum nostrum Messiam expectant. Petrus bene longa oratione scripturis & firmis rationibus instructa, in Actis Apostolorum cap. 2. demonstrat, Iesum Dominum nostrum illum esse uerum Messiam. Hac enim sententia Sermonem suum concludit, Certo sciet ergo tota domus Israel, quod Dominum & Christum fecerit Deus hunc Iesum quem uos crucifixistis. Ad eundem scopum tendit & doctissima copiosissimaque oratio protomartyris Stephani, quæ exhibetur nobis Actor. 7. cap. In 8. cap. Philippus Æthiopi ostendit ex uaticinio Isaïæ, Iesum esse Christum. S. Paulus in omnibus synagogis non aliam proponit propositionem, quàm hanc demonstrandam, Iesus est Christus, id est, Iesus est rex, pontifex atq; saluator fidelium. In capite aut 13. copiosa oratione eandem illustrat atq; declarat. Hæc autem euidentissima & clarissima diuinæ scripturæ testimonia proculdubio satisfaciunt minimè rixosis neque pertinacibus. Nolo operosius & curiosius in præsentī disputare contra tergiversatores Iudæos, alium expectantes Messiam, nostrum autem illum Dominum, filium Dei & Mariæ uirginis, negantes esse uerum Messiam. Sentiant miseri uerissimum esse, quod in Euangelio prædixit ipsis Dominus, dicens, Cum uideritis abominationem desolationis, quæ dicta est à Daniele propheta, stantem in loco sancto, qui legit, intelligat. Tunc qui in Iudæa sunt fugiant ad montes. Væ autem pregnantibus & lactantibus in illis diebus. Erit enim afflictio magna. Et iterum de urbe loquens Hierosolymorum, Dies, inquit, uenient in te, & circumdabunt te inimici tui uallo, & cingent & coangustabunt te undique, & solo æquabunt te, & filios tuos qui in te sunt. Et non relinquent in te lapidem super lapidem: eò quod non cognoueris tempus uisitationis tuæ. Et iterum, Erit ira in populo hoc: & cadent acie gladij, & captiui ducentur in omnes gentes. Et Hierusalem calcabitur à gentibus, donec impleantur tempora gentium. Hæc quia sentiunt ad uerbum ita esse impleta, sicut à Christo in Euangelio fuerunt prædicta, quare miseri non dant gloriam Deo, & in reliquis etiam credunt Euangelio agnoscentes Iesum Christum Dei & Mariæ uirginis filium, Dominum nostrum, uerum & expectatum uenisse Messiam? Quid habent quod pertinaci suæ incredulitati obtendant? Caruerunt hæcenus à mille quingentis annis & amplius patria sua, terra inquam illa patribus promissa, melle & lacte manante: caruerunt prophetis: caruerunt cultu celebri, & legitimo. Vbi enim est templum? Vbi est summus pontifex? Vbi est ara? Vbi sunt instrumenta sacra? Vbi sacrificia quæ offerantur secundum legem? Omnis gloria populi Dei translata est ad Christianos. Hi gaudent uocari filij Abrahæ: hi exultant in promissionibus patribus factis; hi celebrant & prædicant patres:

*Iudei negantes  
Iesum esse Christi-  
sum.*

*Math. 24.*

hi rectè iudicant de lege, & de fœdere Domini: hi habent scripturas sanctas, & in his explicandis sunt felicissimi: hi habent templum uerum, summum pontificem, uerum altare thymiamatis & holocaustorum, Christum: hi habent uerum cultum olim in externis præfiguratum ceremonijs. Sicuti demonstraui cùm tractarem Ceremonias Iudaicas. Vocatæ sunt gentes ex omnibus mundi plagis ad Christum. Omnes & singulæ promissiones de uocatione gentium abundantissimè sunt impletæ, & implentur etiam hodie. Nos iam sumus genus electum, iuxta S. Petri doctrinam, regale sacerdotium, gens sancta, populus peculiaris, in hoc uocati, ut prædicemus uires illius, qui è tenebris nos uocauit in admirabilem lucem suam. Nisi ergo malint: felices Iudæi in diem crassioribus implicari erroribus, & calamitatibus torqueri innumeris, tandem uerò perire in æternum. iuxta Christi Domini comminationem, conuertantur ad Christum fide, & adorent illum nobiscum, in quo sperauerunt patres ipsorum, & in quo solo est salus & uita. Nam ut uerbis Apostoli hunc locum concludam, Deus manifestatus est in carne, iustificatus est in spiritu, uisus est angelis, prædicatus est gentibus, fides illi habita est in mundo, receptus est in gloria. Qui autem illi crediderit, in æternum uiuet, neque confundetur unquam.

Restat exponenda pars postrema, comprehendens patrem cœlestem in filio suo unigenito Domino nostro Iesu Christo esse placatum, qui prius mundo fuerat iratus. Ostendendum ergo in primis Deum uniuerso mûdo iratum fuisse. Id quod non erit difficile. Nam peccatis irascitur Deus. Totus autem mundus peccato tenetur obnoxius, idcirco necesse est iustissimum Deum uniuerso mundo ualde irasci. Et Paulus, Palàm fit ira Dei, inquit, de cœlo, aduersus omnem impietatem & in iustitiam hominũ. Idem dicit omnes homines peccato esse obnoxios: ad quod confirmandum has copias ex scripturis producit, dicens, Non est iustus, ne unus quidem: non est qui intelligat, non est qui requirat Deum. Omnes deflexerunt simul, inutiles facti sunt: non est qui exerceat bonitatem, non est usque ad unum. Sepulchrum apertum guttur eorum: linguis suis ad dolum usi sunt, uenenum aspidum sub labijs eorum. Quorum os execratione & amarulentia plenum est: ueloces pedes eorum ad effundendum sanguinem. Contritio & calamitas in uisjs eorum, & uiam pacis non cognouerunt. Non est timor Dei coram oculis eorum. Iam ne Israelitæ responderent, hæc nihil pertinere ad populum Dei, sed ad impios & ethnios, subiungit, Scimus autem quòd quæcunq; lex dicit, his qui sub lege sunt dicat, ut omne os obturetur, & obnoxius fiat totus mundus Deo. Nemo hic excipitur. Nam ad Galatas quoq; idem Apostolus dixit, Conclusit omnes sub peccatum, ut omnium misereatur. Proinde consequitur, totum mundum fuisse indignationi Dei iustissimi subiectum. De quo dicitur & ad Ephes. 2. cap. & 4. & 5.

Huic autem impio mundo placatus uel reconciliatus est pater cœlestis, per filium unigenitum Dominum nostrũ Iesum Christum. Quod unico ipsius patris testimonio abundè satis demonstraturum me confido. Principiò enim pater uoce cœlitus in terram, & super Christum iam à baptismo ascendentem, deinde etiam transfigurantem se in conspectu dilectorum discipulorum suorum, delata, disertè testificans, dicit, Hic est filius meus dilectus, in quo placata, reconciliata uel propitiata est anima mea. Ipsum audite. Legitur hoc testimonium & ab Isaia in 42. capite, prænunciatum esse. Repetijt hoc beatus Apostolus Petrus in 2. Episto. cap. 1. Paulus uerò hoc ipsum quasi illustrauit, & dixit, In filio complacitum est patri uniuersam plenitudinem inhabitare, & per eum cuncta reconciliare erga se, pacificationis per sanguinem crucis eius per eundem, siue quæ in terra sunt, siue quæ in cœ-

*Pater Deus mûdo iratus, placatus est in filio.*

*ROM: 1.*

*ROM 3*

*Galat: 3.*

*MAT 3  
MARC: 9*



*aphe. 1.* lis. In cœlis autem pater est, in terra homines sumus. Mediator Christus est, qui magis intercedit, ac nos patri suo reconciliat, ut iam simus dilecti patris, in dilecto suo filio. Nam in Epistola ad Ephesios dicit idem Apostolus. Charos nos reddidit per dilectum: per quem habemus redemptionem, per sanguinem ipsius, remissionem peccatorum, iuxta diuinitas gratiæ suæ. Omnia hæc plenius intelligentur ex sequentibus.

*Omnia uite & salutis plenè in Christo nobis data esse.*

*Vita vera*

*salus æternæ*

*Matth. 23.*

*Joan. 8.*

*Joan. 5.*

*2 Timoth. 3.*

*Psal. 118.*

*1 Joan. 3.*

*Matth. 5.*

*Solus Christus est uita & salus nostra.*

Nunc enim demonstro Deum patrem in filio suo dedisse nobis plenè omnia uitæ beatæ & salutis æternæ. Duo commemoro, uitam beatam & salutem æternam. Beatam uitam intelligo uitam sanctam & piam, quam uiuimus tranquille & honestè in hoc seculo. Salus æterna, est felicitas illa seculi futuri, quam expectamus firma spe. Habemus autem in Christo plenissimam beatæ uitæ doctrinam traditam nobis per Euangelium, in quo & exemplum uitæ Christi comprehendimus. Certe pater cœlestis hunc nobis doctorem proposuit, & dixit, Hunc audite. Et ipse in Euangelio secundum Matthæum, Ne uocemini magistri, inquit: unus enim noster est magister, nempe Christus, qui in Euangelio Ioannis appellatur Lux mundi. Hic alibi quoque testatur doctrinam suam contineri in scriptura sancta: unde & discipulos suos relegat ad scripturas sanctas diligenter legendas. At de his Gentium adeoq̃ uniuersæ ecclesiæ doctor Paulus, Omnis scriptura, inquit, diuinitus inspirata, est utilis ad doctrinam, ad redargutionem, ad correctionem, ad institutionem, quæ est in iustitia, ut integer sis Dei homo ad omne opus bonum apparatus. Proinde licet totus mundus insanat, traditionumq̃ uiuarum non scripturarum assertores dentibus frendant, firmum tamen stat stabitq̃ uerbum Apostolice stitificantis doctrinam scripturarum siue Christianam, esse per omnia absolutissimam. De qua re cùm in Decad. 1. primis Sermonibus disputauerim, hic certè sum succinctior. Quod autem attinet ad salutem æternam per Christum nobis plenè paratam siue partam, ita habet res. Salus æterna, est æterni Dei uisio uel perfructio, ergo & cum eodem indissociata coniunctio. Nam Dauid dicit, Satietas gaudiorum in conspectu tuo est, & iucunditates in dextera tua in perpetuum. Et beatus Ioannes, Nunc quidem filij Dei sumus, ait, & nondū apparuit quod futuri sumus. Scimus autem quoniam si apparuerit, similes ei erimus: quoniam uidebimus eum sicuti est. Ceterum in Euangelio dicit Dominus Beati mundo corde: quoniam ipsi Deum uidebunt. Omnes autem homines cordibus præditi sunt impuris: nullus ergo Deum uidebit. Quia nulla impuritas permanet apud ignem consumentem. Salus ergo nobis nisi purgatis communicari non potuit. Atqui sine sanguinis effusione non fit purgatio uel peccatorum remissio: non arietum quidem uel hircorum, sed filij Dei sanguinem puto. Assumpsit itaq̃ carnem & sanguinem nostrum Dei filius, uenit in mundum, mortem uolens propter nos subiire, & sanguinem suum in remissionem peccatorum nostrorum effudit: atq̃ eo modo credentes purgauit, ut iam mundi queant habitare cum Deo sanctissimo, qui est ignis consumens. Hic uerò locum habent incarnatio Domini nostri Iesu Christi, mors, resurrectio ex mortuis, & ascensio in cœlos, quorum meminimus superius in descriptione Euangelij. His enim constat totum reconciliationis mysterium. De his in præsentia ea de causa fusius non differimus, quòd symbolum Apostolorum exponentes, ea quantum satis esse uidebatur, tractauimus: unde iam repeti & huic negotio applicari possunt.

Quòd autem unus uel solus Christus uita & salus nostra sit, & absolutissima quidem salus & uita, potest colligi ex superioribus, nihilo minus adferam testimonia aliquot, quò & firmior & perspicacior fiat Euangelicæ ueritatis sinceritas & ueritas.

ueritas. In solo Christo esse uitam & salutem nostram, ita ut extra Christū nullibi prorsus uel uita uel salus sit, testatur ipse dominus in euangelio dicens, Amen amen dico uobis, qui non intrat per ostium in stabulum ouium, sed ascendit aliunde, ille fur est & latro. Amen amen dico uobis, ego sum ostiū ouium: omnes quot quot ante me uenerunt, fures sunt & latrones. Ecce unicum modò ostium est, quo patet ad uitam aditus. Christus autem hoc ostium est. Qui ergo per alia media quam per Christum eluctantur ad uitam & salutem æternam, fures sunt & latrones. Christo enim suam suffuratur gloriam, qui solus est & manet saluator: & suas ipsorum animas trucidant. Idem saluator in euangelio dicit, Ego sum uia, ueritas & uita. Nemo uenit ad patrem, nisi per me. An non pauculis his uerbis omnia salutaris media exclusit ac repulit, se solum uitam & salutem constituens? Certè locutionis genus, Nemo uenit ad patrem nisi per me, id omnino pollet quod hoc, Per solum Christum peruenitur ad patrem. Iam & Apostoli Christi, Christum solum ita nobis proposuerunt, ut nemo non possit intelligere, extra Christum nullibi inueniri uitam. S. Petrus Apostolus in Actis, Nec est in alio quoquam salus (inquit.) Nec enim aliud nomen est sub cœlo datū inter homines, in quo oporteat nos saluos fieri. Paulus quoque ad Romanos 5. cap. subinde repetit, per unius hominis Iesu Christi iustitiam iustificatos esse omnes credentes. Idem, Per hunc, inquit, annuntiatur uobis peccatorum remissio: & ab omnibus à quibus non potuistis per legem Moysi iustificari, per hunc omnis qui credit iustificatur. Cuius quidem generis & alia profert in 2. cap. ad Galatas. Cōstat ergo per solum Christum credentibus conferri peccatorum remissionem & uitam æternam: quæ sicut extra Christum non sunt, ita per nulla media conferuntur extra Christum. Et nos de Remissione peccatorum, qui præcipuus est Euangelij locus, disseruimus copiosius Ser-mone 9. Decad. i. sed & alibi quoq̃.

Iam quòd dominus noster plenè absoluat à peccatis, plenè peccata remittat, plenè saluet, ita ut nihil desiderari possit amplius, adeoq̃ quòd ipse dominus sit plenitudo absolutissima credentium, extra quem credentes nihil uel cupiunt amplius ad uitam & salutem, uel desiderare possunt, ipse rursus in euangelio tradit cum dicit, Omnis qui bibit ex aqua hac, sitiet iterum: quisquis autem biberit ex aqua quam ego dederò ei, uiuet æternū. Et iterum, Ego sum panis uitæ. Qui uenit ad me non esuriat: & qui credit in me non sitiet unquam. Apostoli ergo cum edissent hunc panem cœlestem, id est, cum credidissent in Christū dei filium, multis discendentibus relinquentibusq̃ Christum, rogati num & ipsi abire statuant, respondent, Domine ad quem ibimus? Verba uitæ æternæ habes, & nos credimus & cognouimus quòd tu es Christus filius dei uiui. En nec uolunt nec possunt deserere dominum. Quia nullus alius est cui se coniungere queant. Solus enim hic uita est & salus credentium, & adeò plenè absoluta, ut in solo acquiescant. Cum doctrina euangelica cōgruit doctrina Apostolica. Paulus enim ad Coloss. In filio, inquit, complacitum est patri uniuersam plenitudinē inhabitare. Et iterum, In filio inhabitat omnis plenitudo deitatis corporaliter, & estis in illo completi. Et in epistola ad Hebr. asserit credentes plenariam habere peccatorum remissionem: quia cessent sacrificia offerri pro peccatis, deumq̃ promittere per Ieremiam prophetam tam perfectam remissionem peccatorum, ut nolit horum uel meminisse unquam. Proinde quicunq̃ Christum fide possident, plenissimè omnia uitæ & salutis possident. Huc pertinet tota ad Hebræos epistola. Huc pertinet epilogus 8. Sermonis Decad. i. quo recensemus quos nobis in Christo thesauros dederit pater cœlestis.

Joan: 10.

Joan: 14.

Acto: 4.

Acto: 13.

Joan: 4.

Joan: 6.

Coloss: 1.

Coloss: 2.



*In sincera eu-  
gelij predica-  
tio.*

Ex his ultro consequitur, illos nondū intellexisse uerum Christi euangelium, neq; synce ē prędicare euangelium, quicunq; uel non solī uel non plene omnia salutis & uitę unī tribuūt Christo domino uero Messia. Impium & blasphemum est, hominibus & rebus homine inferioribus deterioribusq; gloriam attribuere Christi. Pręcipua Christianę religionis exercitia huius nihil sibi uendicant. Nam doctrina sincera rectā ad Christum ducit. Oratio in nomine Christi inuocat, lau- dat & agit gratias. Sacramenta obsignant & figurant Christi mysteria. Opera uero fidei, ex debito, licet interim sponte, fiunt: quia sumus conditi ad opera bona. Imō tantummodo propter Christum Deo placent. Ipse enim uitis est, nos sumus palmites. Ita omnis gloria Christo illibata seruat: quę certissima ueri euange- lij nota est.

*Summa euā-  
gelij.*

Hactenus uerō audiuius, Deum patrem misericordiarum gratuita sua mis- ricordia humani generis misertum, cum luto tartareo infixum, imō immersum prorsus inhæreret, filium suum unigenitum, ita ut in prophetis promiserat, mis- sisse in mundum, qui ē luto extraheret nos, nobisq; omnia uitę & salutis plenę ex- hiberet. In eo enim reconciliatus est, qui pro nobis incarnatus, mortuus, ex mor- tuis iterum excitatus, & in cœlum receptus est.

*Omniū esse  
salutem euā-  
gelicam.*

Et quamuis ex his omnibus utcūq; colligi possit, quorū sit illa salus, & quibus annuncianda uideatur gratia, res tamen ipsa postulat ut expressē & disertē osten- damus, Christum & Christi gratiam euangelio allatam uel annunciatam pertine- re ad omnes. Minimē enim fingere oportet, duos esse in cœlis positos libros, in quorum altero inscripti legantur saluandi, ac necessitate quadā irrefragabili quid- dem saluandi, utcunq; reluctentur uerbo Christi & atrocīa designent flagitia: in altero autem consignatos contineri damnandos, qui non possint non, quantum- uis religiosē uiuant, damnari. Teneamus potius sanctum Christi euangelium ge- neraliter uniuerso mundo prędicare gratiam Dei, remissionem peccatorū, & ui- tam æternam. In hac uerō sententia oportet confirmare mentes uerbo dei, colle- ctis aliquot scripturę sanctę locis claris, & minimē dubijs aut obscuris. Cuius quid- dem generis sunt illę sententię. Benedicentur in semine tuo omnes gentes orbis. Gene. 22. Omnis qui inuocarit nomen domini, saluus erit. Ioelis 2. Omnes nos quasi oues errauimus: & posuit deus in eo iniquitatem omniū nostrum. Isaia 53. Omnes sitientes uenite ad aquas. Isaia 55. Innumera sunt huius generis in ueteri testamento testimonia. In euāgelio dicit dominus, Omnis qui petit accipit, & qui- cunq; querit inuenit, &c. Matthæi 7. Venite ad me omnes, qui laboratis & on- erati estis, & ego refocillabo uos. Matth. 11. Docete omnes gentes, baptisantes eos in nomen patris, &c. Matthæi 28. Ite in mundum uniuersum & prędicare euā- gelium omni creaturę. Qui crediderit & baptisatus fuerit, saluus erit. Marci 16. Sic Deus dilexit mundum, ut filium suum unigenitum daret, ut omnis qui credit in eum non pereat, sed habeat uitam æternam. Ioan. 3. In Actis Apostolorum dicit beatus Petrus, Reipsa comperio, quod non sit respectus personarum apud deum, sed in quauis gente, qui timet ipsum, & operatur iustitiam, is acceptus est illi. Acto. 10. Paulus quoq; ad Romanos 3. Iustitia, inquit, dei per fidem Iesu Christi in omnes, & super omnes qui credunt. Et 10. cap. Idem dominus omnium est, ait, diues in omnes inuocantes se. In epistola ad Titum dicit, Apparuit gratia Dei salu- tiferā omnibus hominibus. Et in prima ad Timoth. 2. cap. Deus cunctos homines uult saluos fieri, & ad agnitionem ueritatis uenire. Hęc & alia his similia certē cla- ra sunt testimonia, quibus tutō nituntur omnes p̃j.

*Tit. 2.*

*Quare nō sal-  
uentur omnes  
homines.*

Si uerō rogas qui fiat quod non omnes salui fiant, cum dominus uelit omnes homines

homines saluos fieri, & ad agnitionem ueritatis uenire? Respondet dominus in euangelio & ait, Multi quidem sunt uocati, pauci uerò electi. Id quod adhuc clarius & plenius exponit Luc. 14. ubi reddit causas in parabola quare bona hominum pars salutem æternam non consequatur, quia terrena perituraque præfert celestibus. Alius enim aliud suæ prætexebat inobedientiæ, Hic uillam emerat: ille iuga bouum: erat qui uxorem duxisset. Ita in euangelio secundum Ioannem dicit dominus, Hæc est condemnatio, quòd lux uenit in mundum, & homines magis dilexerunt tenebras quàm lucem. Congruunt cum doctrina euangelica sermo apostolicus 2. Cor. 4. cap. Et in 1. ad Tim. 4. cap. dicit, Apostolus, Deus est seruator omnium hominum, maxime fidelium. Vnde colligimus deum in prædicatione euangelij sui abs quolibet nostrum requirere fidem: cum alias constet fide participes nos fieri omnium bonorum Christi. Et certè correlatio est inter fidem & euangelium. Dominus enim in euangelio secundum Marcum prædicationi euangelij fidem coniungit. Et Paulus dicit sibi ministerium euangelij commissum in obedientiam fidei. Idem, Euangelium, inquit, est uirtus dei ad salutem omni credenti. Idem ad Rom. 10. gradatione quadam ostendit euangelium fide percipi. Vt autem fides possit in animis hominum legitime plantari, necesse est præire prædicationem poenitentiae. Vnde in descriptione euangelij sub finem dixi, modò peccata nostra agnoscere credamus in Christum: id est, dominus erit saluator noster conferens nobis uitam, si agnouerimus peccata, crediderimusque in eum. Ideoque hic locum habent poenitentia & fides. De Fide disputaui Sermone 4. 5. & 6. Decad. 1. De Poenitentia postea differam Sermone peculiari: hic summam duntaxat rerum, & quantum illustrando euangelio satis esse putauero, perstringam.

Ipse dominus noster requirit in prædicatione euangelica, poenitentiam & fidem: nec alia uia, cum ipse euangelium prædicaret, processit. Marcus enim. Venit Iesus in Galilæam, inquit, prædicans euangelium regni dei, & dicens, Impletum est tempus, instatque regnum Dei, resipiscite & credite euangelio: nec aliter discipulos suos instruxit, cum eos ad prædicandum euangelium nationibus amandaret. Lucas enim habet, Christus discipulis suis dixit, Sic scriptum est, & sic oportebat Christum pati & resurgere à mortuis tertio die, & prædicari in nomine eius poenitentiam & remissionem peccatorum in omnes gentes. Magistrum sequutus discipulus Paulus in Actis, Scitis, inquit, ut nihil suffugerim eorum, quæ essent in rem uestram, quin annunciarer uobis & docerem uos publice & domesticè, testificans Iudæis simul & Græcis, eam quæ erga deum est poenitentia, ac fidem quæ est erga dominum nostrum Iesum. Certè in epistola sua ad Romanos, qua methodicè tractat euangelium, auspiciatur euangelij prædicationem à peccato, Iudæos & Gentes peccati conuincens. Hoc autem facit hoc consilio & in hunc finem, ut quisque in semetipsum descendens agnoscat se nihil habere iustitiæ, sed ex sua natura filium esse iræ, mortis uel condemnationis, non quòd talis peccatorum agnitio per se nos efficiat deo gratos, aut mereatur remissionem peccatorum ac uitam æternam, sed quòd hominis animum suo modo præparet ad percipiendam fidem in Christum, adeoque ad ipsum Christum amplectendum, qui est iustitia nostra. Nam ualidi non opus habent medico, sed languidi. Ergo qui arbitrantur se sine peccatis mundos, uel iustos esse, Christum aspernantur: contra qui animi morbos sentiunt, & ex animo fatentur se esse peccatores & iniustos, diffidentes suis meritis & uiribus, anhelant festinant ad Christum. Quod cum fit, offert se Christus in euangelio, promittens eis peccatorum remissionem & uitam æternam: quippe cum uenerit saluandis ægris saluandisque peccatoribus. Cæterum promissio fide non operibus

Math. 20.

Ioan. 3.

saluamur fideles.

Rom. 1.

Euangelium docet poenitentiam &amp; fidem.

Marc. 1.

Luc. 24.

Quomodo recipiatur Christus.



recipitur, id est euangelium & in euangelio Christus fide recipitur. Etenim distinguendum erit diligenter inter præcepta & promissiones. Nam hæ recipiuntur fide, illa perficiuntur operibus. Vnde Paulus dixisse legitur, Si ex lege est hereditas, non iam est ex promissione. Atqui Abraham per promissionem donauit Deus. Idem Apostolus ad Romanos cõserens inter se legem & euangelium, iustitia, inquit, quæ est ex lege sic habet, Qui fecerit ea, uiuet in eis. Fidei autem iustitia sic habet, Si credideris, saluus eris. Lex itaque nititur operibus, quibus iustitiam tribuere uidetur. Sed quia nemo factis præstat legem, nemo certe per facta uel legem iustificatur. Euangelium non innititur operibus. Nam peccatores nihil in seipsis agnoscunt quam peccatum. Totos enim corruptos se esse sentiunt: idcirco confugiunt ad misericordiam Dei, cuius promissis fidunt, sperantes se gratis consequuturos ueniam, & propter Christum receptos esse in numerum filiorum Dei. Plura hæc dicere de fide in dominum Iesum, de remissione peccatorum hereditatem uitæ æternæ, nisi in i. Decad. id fuisse proposuissem. Hinc obiter colligimus, Euangelium non syncere prædicari, quando docetur propter opera uel merita nostra Christi uitam nobis communicari. Nam gratis sine omni respectu operum nostrorum, sunt præcedentium, siue sequentium, per fidem saluamur.

Fide non operibus recipi Christum.

Et quamuis hoc argumentum tractauerim semel & iterum in hisce nostris sermonibus, quia tamen in eo uoluitur cardo doctrinæ euangelicæ, & hoc dogma (nempe fide non operibus recipi Christum) à multis acerrimè oppugnatur, duos tantum locos, sed maximè illustres, pro eius declaratione & confirmatione adducam, alterum quidem ex euangelio Christi domini, alterum ex epistolis sancti Pauli.

Euangelium quo modo prædicauit Christus.

Joan: 3.

De regeneratione copiosius dicitur in Sermone de Penitentia.

Joan: 3.

Nume: 21.

Dominus noster Iesus Christus compendium ueræ salutis traditurus, id est, euangelium uitæ prædicaturus Nicodemo, in euangelio Ioannis, auspicatur à penitentia, totumque sibi ipsum eripit Nicodemum, nullis relictis ei meritis quibus fidere possit. Dum enim primam hominis natiuitatem prorsus damnat, ut quæ ad uitam æternam nihil conferat consequendam, quid quæso reliquit Nicodemo, in quo gloriari queat? Diserte enim dicit, Amen amen dico tibi, nisi quis natus fuerit ex supernis, non potest uidere regnum Dei. Si prima natiuitas & eius facultates ad regnum Dei possent prouehere, quid quæso opus erat natiuitate secunda? Secunda natiuitas sit opera spiritus sancti, qui coelitus in corda nostra transfusus, inducit nos in cognitionem nostri, ut facile perspiciamus firmiterque teneamus, adde & sentiamus in carne nostra non esse uitam aut iustitiam ullam: & proinde neminem suis uiribus aut meritis seruari. Quid ergo? Pergit spiritus & docet, sicuti & uox euangelij foris personat, fide nos per meritum filij dei seruari. Nam in euangelio ait dominus, Nemo ascendit in cælum, nisi qui descendit de cælo, filius hominis qui est in cælo. Clarius enim alibi dicit, Nemo uenit ad patrem nisi per me. Et iterum ad Nicodemum, Sicut moyses exaltauit serpentem in deserto, ita exaltari oportet filium hominis, ut omnis qui credit in eum non pereat, sed habeat uitam æternam. Moyses autem suspendit serpentem in deserto ad salutem morientium, & ueneno uel ex morfu serpentium. Moriebantur enim euestigio quos pupugissent dipsades. Quod si quis ueneno infectus æneum aspexisset serpentem, innoxia reddebatur ueneni uis, neque moriebatur afflictus. Nec erat in castris Israelitarum ullum remedium aliud, quam hoc unicum: hoc qui spreuit, interiit. Non depellebatur enim uis ueneni, non seruabatur uita morientis, uel precibus ullis, uel sacrificijs multis, uel herbis salutaribus, uel ullo alio medicamine, uel ulla alia ratione. Si quis uoluisset euadere mortis periculum, serpentem æneum suspensum inspicere

inspicere oportebat. Porro serpens ille æneus Christum dominum nostrum præfigurauit: qui sublati in crucem salus unica constituitur à Deo. Sed quibus obtingit illa salus? Aspicientibus exaltatum. Aspicere interpretatur dominus, & ponitur pro eo credere. Proinde nulla opera, nulla media alia, nulla merita seruant nos à morte æterna, à uici peccati seu ueneni ab antiquo serpente nobis omnibus afflati: Sola fides, quæ Christum credit propter peccata nostra exaltatum, in quo una uita sit ac salus certissima, uiuificat. Audi quid his præterea subiungat dominus, Nicodemum in uera fide adhuc plenius erudiens, & causam salutis nostræ meræ Dei gratiam constituens, quæ fide percipiatur. Sic enim Deus dilexit mundum, inquit, ut filium suum unigenitum daret: ut omnis qui credit in eum non pereat, sed habeat uitam æternam. Non enim misit Deus filium suum in mundum, ut condemnaret mundum, sed ut seruetur mundus per eum. Qui credit in eum, non condemnatur: qui uerò non credit, iam condemnatus est: quia non credit in nomen unigeniti filij Dei. En quid poterat dici clarius? Fide Christi participes efficimur. Fidem toties repetendo inculcauit, ne quis de tam illustri doctrina uel tantillum ad dubitaret. Si uerò hic parum apud te ualet Christi autoritas, cuius quæso ualebit: Sed ualet, sat scio. Audi tamen adhuc dilectum domino discipulum in epistola sua hæc domini uerba ueluti declarantem declarandoque repetentem & toti mundo ualidissime inculcantem atque clamantem, Si testimonium hominū accipimus, testimonium Dei maius est: quoniam hoc est testimonium dei, quod testificatus est de filio suo, Qui credit in filium, habet testimonium in seipso. Qui non credit deo, mendacem facit eum: quia non credidit in testimonium quod Deus testatus est de filio. Et hoc est testimonium, quod uitam æternam dedit nobis deus, & hæc uita in filio eius est. Qui habet filium, habet uitam: qui non habet filium dei, uitam non habet. Habere autem filium dei quid aliud est quam credere? Nam hic sensus colligitur ex præcedentibus, quæ tam sunt clara, ut his aliquid addere, non sit agere aliud, quam exorientem solem iuuare aut illustrare uelle candela aliqua sebacea.

Iam ad locum Pauli descendimus. Extat is in 3. & 4. cap. ad Romanos, Absque lege, ait, iustitia dei manifestata est, dum comprobatur testimonio legis & prophetarum. Prædicat hoc loco Paulus euangelium luculentissime. Non enim scio si ullibi hoc fecerit clarius. Docet autem quomodo iustificemur apud deum, quæ sit uera iustitia & salus hominum, & per quid obueniat nobis. Dicit iustitiam dei, id est, quam confert deus, uel quæ consistit & ualet contra deo, reuelari absque lege, id est, obtingere nobis nullo legis adminiculo, nimirum nullo præsidio, uel merito operum legis. Quod enim attinet testimonium legis, adde & prophetarum, testificantur concorditer, dei iustitia iustificari credentes. Porro quæ nam sit dei iustitia mox sequitur, Iustitia uerò dei per fidem Iesu Christi in omnes & super omnes qui credunt. Iustitia, inquit, qua de loquimur, quæ iustificat & saluat, non est hominis uel humana, sed dei uel diuina iustitia. Ut enim solus deus iustus est, ita iustitia dei uera & sola est iustitia saluans. Communicat is eam per fidem Iesu Christi, nempe si credamus in Christum. Nec hic excluditur à iustitia uel salute ullus. Diserte enim dicit Paulus, In omnes & super omnes, qui credunt. Proinde omnes credentes in Christum Dei filium pro iustis reputat deus. Causam autem cur dei non hominis iustitiæ salutem tribuat, uel cur euangelium dei nobis iustitiam commendat, subiungit, & ait, Non enim est distinctio: omnes peccauerunt ac destituuntur gloria Dei. Quia enim omnes homines natura sua gloria dei destituuntur, carentes utique uera imagine dei ad quam erant conditi ab initio, certè omnes iniusti sunt ac peccatores: proinde nulla est in eis iustitia, nihil habent quo apud

JOAN: 3.

1. IOAN: 9.

Euangelium quo  
modo prædicauit  
uerit Paulus.

Rom: 3.



*Modus et ratio  
iustificandi uel  
purgandi.*

Deum glorientur. Peccatores enim à tribunali Dei quid obsecro reportant aliud, quam confusionem & ignominiam? Et quia omnes homines tales sunt, non temere subdit Apostolus, Iustificantur gratis per illius gratiam, per redemptionem in Christo Iesu: quem proposuit Deus propitiationem uel reconciliationem per fidem in eius sanguine. Quod perinde est ac si dixisset, Mera dei gratia uel misericordia, & nullo merito planè, propter Christum iustificantur homines: si uidelicet credant quòd deus filium dederit mundo, ut sanguinem suum funderet, & peccatores purgatos reconciliaret Deo. Quibus uerbis significantissimè modus & ratio tota sanctificandi, purificandi, uel iustificandi plenissimè est exposita. Sed præstat Apostoli uerba repetere, & penitius considerare. Iustificantur gratis, ait. Quare uerò gratis? Quia per meram dei gratiã, nullo se nostro merito aut opere admiscere. Omnes enim homines peccatores sunt: unde nihil quod adferat habent: ideoq; gratuito iustificatur. Nam idem Apostolus in 11. ad Romanos cap. Si per gratiam, ait, saluamur, non iam ex operibus: quandoquidem gratia, iam non est gratia: si ex operibus, iam non est gratia. Verum sequitur mox in Paulo, quod clarissimè alioqui negotium adhuc illustret magis, Per redemptionem, quæ est in Christo, Gratia meræ opus est salus & iustitia nostra: quia redempti sumus. Quod enim nos nostrasq; uires & opera nostra attinet, serui eramus diaboli & mortis, quia peccatores. Deus autem misso filio redemit nos, cum adhuc dei hostes uincti teneremur. Ergo gratis redemit: quod & Isaias propheta in 52. cap. non obscuris uerbis futurum prædixit. Cæterum, non est in alio quoquam, quàm in Christo domino nostro, salus uera. Proposuit enim æterno suo consilio cœlestis pater filium suum dominum nostrum Iesum Christum propitiationem, nimirum ut is esset reconciliatio nostra, propter quem placatus nos adoptat in filios dei. Verum non alia ratione, quàm per fidem in eius sanguinem, id est, si credamus missum à patre filium effudisse sanguinem, quo purgatos nos iustos & sanctos statuat deo patri. Vbi iterum uidemus, fide in Christum gratis constare salutem nostram.

*Quos redemit  
Christus.*

His adhuc modum expositis, protinus quàm latè pateat redemptionis, iustificationisue beneficium indicans, subdit, Ad ostensionem iustitiæ suæ propter remissionem præteritorum peccatorum quæ deus tolerauit: ad ostendendam iustitiam suam in præsentis tempore. Proposuit deus Christum, inquit, unicam propitiationem, ut ostenderet unicam esse omnium seculorum iustitiam, ipsum inquit, Christum, & eorum quidem iustitiam qui credunt. Duo autem tempora commemorat, Vetus illud patrum, & nostrum quo hodie uiuimus. Vetus prædicat aduentum Christi, nostrum sequitur extenditurq; usque in finem seculi. Et ueteris quidem seculi peccata tolerauit deus sua illa longanimitate propter Christum, per quem condonauit. Nec nobis hodie aliam proponit iustitiã quàm Christum hodie percipiendum. Nam minimè obscuris uerbis ab Apostolo subiungitur, In hoc ut ipse sit iustus, & iustificans eum qui est ex fide Iesu. Quasi dicat, Hæc autem huc tendunt, ut intelligamus omnes homines esse iniustos & peccatores, solum autem deum esse iustum, extra quem nulla sit iustitia: iustitiam uerò suam omnibus communicare quotquot credunt in Christum, nimirum quòd propter ipsum nobis placatus sit pater, & quòd propter ipsum reputemur iusti & sancti.

*Errores refutantur.*

His Apostoli uerbis refutantur duo ualde impij & blasphemij errores quorundam. Alter eorum est qui aiunt patres nostros non fide in Christum, sed per legem & merita propria esse iustificatos. Christum enim passum esse non pro illis, sed duntaxat pro sui seculi hominibus & insequentibus. Alter est dicentiu Christum pro ueteribus, pro originali duntaxat peccato, non pro nobis aut pro nostris omnibus

nibus peccatis perlitasse, ideoq; nos pro nostris oportere satisfacere. Apostolus autem Paulus hoc loco conlemnat utranque sententiam. Nam & beatus Ioannes Euangelista S. Paulo accinens, Sanguis, inquit, filij Dei emundat nos ab omni peccato. Ipse enim est propitiatio pro peccatis nostris: non pro nostris autem tantum, sed etiam pro totius mundi. Itaque meritum redemptionis Christi extendit se ad omnes utriusque testamenti fideles. Ioan. 1.

Pergit Apostolus Paulus & ijs quæ proposuit infert, Vbi igitur gloriatio? Exclusa est. Per quam legem? Operum? Non, imò per legem fidei. Colligit doctrina Euangelica hæcenus proposita de fide iustificante, omnem propriæ iustitiæ gloriationem, omnem de meritis iactationem sublatam euanuisse. Non per legem operum, id est, per doctrinam de operibus, quæ nos ferè inflare solet: sed per legem fidei, id est, per doctrinam fidei, quæ euacuatis nobis nihil nisi humilem inopiæ confessionem relinquit, gratiaq; in Christo omnia tribuit. Tandem uerò principalem propositionem colligens infert, Constituimus ergo, fide iustificari hominem absque operibus legis. Hæc summa est & breuissima totius Euangelij, iustificari nos, id est, absolui à peccatis, à lata mortis uel condemnationis sententia, sanctificari autem & adoptari in numerum filiorum Dei, fide, id est, fiducia in nomen Christi, qui datus est nobis saluator à patre unicus. Et hîc nominatim excluduntur opera, ne ulla nobis suppeditetur occasio implicandi fidem operibus, aut operibus eam tribuendi gloriam, quæ uni fidei uel potius Christo Domino, cui fides innitur, debetur.

Propositionem autem propositam confirmat mox argumentis, simul indicans, hanc salutem communem esse Iudæis & Gentibus, dicens, An Iudæorum Deus tantum? An non & Gentium? Certè & Gentium. Quandoquidem unus Deus qui iustificabit circumcisionem ex fide: & præputium per fidem. A natura Dei quod dixit confirmat. Vnus est duntaxat Deus natura sua, uita & iustitia. Et hîc est Iudæorum & Gentium Deus: ergo utriusque gentis uita est & iustitia: quam fide confert: fides ergo iustificat. Hoc declaratur Cornelij Centurionis exemplo. Iustificatur enim, imò iustificatus uisibiliter demisso spiritu sancto comprobatur, cum nec circuncisus esset, nec seruasset legem, sed audisset modò Euangelij prædicationem ac credidisset in Christum. Cæterum non solum Cornelium Deus sic iustificauit, sed omnes alias gentes iustificabit fide: neque aliter quàm per fidem Iudæos quoque purgabit. Sequitur in Paulo, Legem igitur irritam facimus per fidem? Absit. Imò legem stabilimus. Solent enim operum uel potius iustificationis operum assertores obijcere, Si fides in Christum iustificat sola, inutilis est ergo lex uel legis doctrina. Quorsum enim præcipitur ut bona faciamus opera, si non iustificant? Respondet Apostolus, Fide non aboleri legem, imò stabiliri magis. Cum enim fides in Christum rectà tendit, in quo omnem plenitudinem querit & inuenit: ac lex ipsa pædagogus est ad Christum, omniaq; sub peccatum concludit, ut iustificatio ex fide detur credentibus, clarum est fidei doctrina legem minime destrui aut obscurari, sed confirmari, illustrariq;.

Pergit Apostolus in cōfirmatione sua, & dicit, Quid igitur dicemus Abraham patrem nostrum inuenisse secundum carnem? Nam si Abraham ex operibus iustificatus fuit, habet quod gloriatur: at non apud Deum. Quid enim scriptura dicit? Credidit Abraham Deo, & imputatum est ei ad iustitiam. Multa quidem sunt sanctorum patrum exempla: uerùm Apostolus sibi ex omnibus Abrahæ solius proposuit tractandum. Nam in scripturis appellatur pater credentium. Vnde certum est, liberos ad eum modum fore iustificandos, ad quem modum pater iustificatus.

Acto: 10.

obiectio pa-  
pistarum

Quomodo Abraham pater  
fidelium sit in-  
iustificatus.

Genes. 11.  
Rom. 4.



docetur. Id quod Apostolus disertis uerbis expressit in fine capituli 4. Deinde Abraham multis clarus fuit operibus bonis, præ cæteris sanctis patribus: ergo si quis alius potuisset iustificari suis operibus uel meritis, potuisset præ cæteris Abraham. Sed quia fide non operibus iustificatus est, constat omnes sanctos fide non operibus & iustificatos esse, & iustificari. Præterea uixit ante legem per Moysen reuelatam annis 430. unde opera eius nequaquam possunt à contentiosis oppugnatoribus iustificationis fidei, appellari opera legis. Ergo quæ fecit opera, ex fide fecit, & opera eius fuerunt opera fidei, nec tamen ijs est iustificatus, sed fide. Manet ergo omnis iustificationis gloria fidei, & illibata quidem ac impermixta. Quid, inquit, dicemus Abrahamum patrem nostrum inuenisse secundum carnem, quæ uidelicet homo est & nos ex ipsos? Quid inquam dicemus illum meruisse? Ad hanc interrogationem reponenda est responsio, Nihil inuenit, nihil operibus suis meruit. Sequitur enim probatio, Si operibus meruit aliquid uel iustificatus est Abraham, habet quod gloriatur. Atqui non habet quod gloriatur: ergo operibus non est iustificatus. Deus enim solus iustus est, & hanc suam gloriam sibi incommunicatam alijs soli retinet, iustificans gratis eos qui sunt ex fide Iesu Christi, ut laudetur gratia eius. Cæterum ipse Paulus adducto scripturæ loco, ostendit Abrahamum non habuisse unde gloriaretur. Quid enim, inquit, scriptura dicit: Credit Abraham Deo, & imputatum est ei ad iustitiam. En clarissime dicit scriptura Abrahamum fide esse iustificatum, imò fidem imputatam esse pro iustitia, adeoque Abrahamum propter fidem iustum fuisse reputatum à iustissimo Deo. Sed audiamus ipsum Paulum instituto suo locum scripturæ applicantem. Sequitur ergo, Ei uerò qui operatur, merces non imputatur secundum gratiam, sed secundum debitum. Porro ei qui non operatur, sed credit in eum qui iustificat impium, imputatur fides sua ad iustitiam. Quæ sanè uerba in huiusmodi ratiocinationes breues concludi possunt, Quisquis opere suo aliquid promeretur, ei certè merces ut debita redditur, non gratis imputatur. Imputatur autem Abraham fides ad iustitiam: ergo iustitiam non ut mercedem debitam, sed gratuito accepit. Et iterum, Ei qui non operatur, sed credit in eum qui iustificat impium, imputatur fides ad iustitiam. Abraham autem imputata est fides ad iustitiam: ergo fide consequutus est iustitiam, non operibus. Habet autem emphasim quod dicit, Sed credit in eum qui iustificat impium. Significatur enim iustificandum nihil asferre, nisi miseriam, imò impietatis propriæ agnitionem, quæ misericordiam quærat. Intelligit enim se destitui operibus perfectis, & coram iudicio Dei subsistere potentibus. Confugit ergo ad misericordiam Dei, pro certo præsumens, fidei iustitiam esse præsidium peccatoris gratuito saluandi. Obseruandum hinc iustitiam Christianam dici & esse imputatiuam. Quod sanè omnem nostram gloriationem confringit. Opponitur enim debito imputatio. Nullo nobis debito obstringitur Deus propter nos aut propter nostra opera, nisi quatenus ipse se nobis obstrinxit ex misericordia. Et multa sunt in nobis quæ iustitiæ perfectionem impediunt. Vnde David clamauit, Nemines in iudicium cum seruo tuo: quia non iustificabitur in conspectu tuo ullus uiuens. Deus ergo gratuito nobis imputat iustitiam fidei, id est, reputat nos pro iustis, quia credimus ipsi per filium. Sic in Euangelica parabola legimus Dominum dixisse, Cum autem debitores non essent soluendo, condonauit utrisque debitum. Condonat enim & nobis debita siue peccata Deus: non reputans illa nobis: sed nos pro iustis habens propter Christum.

Clarissime etenim testificans in Epistola ad Corinthios secunda idem hic Apostolus, dicit, Erat Deus in Christo mundum sibi reconcilians, non imputando hominibus.

*Syllabus  
- suo concludit  
- res Abraham  
- in fide iu  
- stificatum*

*Christianorum  
iustitia impu  
tatiua.*

*Psal. 142.*

hominibus peccata. Deinde continuo post adiecit, Eum qui peccatum non nouerat, pro nobis peccatum fecit, ut essemus iustitia Dei in illo. Quid apertius requiras, quam nos coram Deo iustos censerī, quia Christi sacrificio expiata sint peccata nostra, ne amplius sub reatu nos teneant?

Pergimus & alia S. Pauli argumenta, non minus firma quam hæc hæctenus fuerunt, recensere. Sequitur, Quemadmodum & David explicat beatificationem hominis, cui Deus imputat iustitiam absque operibus. Beati quorum remissæ sunt iniquitates: & quorum obiecta sunt peccata. Beatus uir, cui non imputauerit Dominus peccatum. Principio claris & disertis uerbis quid intendat adserere uel confirmare, exprimēs constituit, nempe sanctis Deum imputare iustitiam absque operibus. Quid poterat dici clarius? Id ut commonstret testimonium Davidis profert, quod membra ferè tria habet. Principio, Beati, inquit, quorum remissæ sunt iniquitates. Deinde, Beati quorum obiecta sunt peccata. Postremo, Beatus uir cui non imputauerit Deus peccatum. Vis autem argumentationis seu demonstrationis est in uerbis Remittere, Obtegere & Non imputare. Remittit creditor debitori quod non numerauit, siue uerò numerare possit siue non possit. Nos Deo hic an numerare nihil possumus. Remissio ergo meræ liberalitatis & gratiæ munus est. Non enim potest creditor remittere quod annumeratum est. Cum hoc facit uocabulum Donare, & donum in scripturis, in hac eadem causa eodem modo usurpatum. Vnde Paulus, Deus Abraham donauit, ait, hæreditatem: ergo non meruit operibus. Obtegitur autem res aliqua fœda oculos offendens hominum, interim uerò res fœda latet adhuc sub tectorio, licet oculis hominum non appareat. Et peccata nostra contegit misericors Dominus, non ut non sint, sed ne appareant aut iudicentur. Id quod gratiæ est munus, nō meriti. Tectoriū enim aliud nō est quam sanguis filij Dei: propter hūc enim non dānamur peccatores. Iam uerò iure posset nobis dominus imputare peccatū: sed ex gratia nō imputat. Omnia hæc euidenter confirmant atq; demonstrant iustitiā gratuitō per fidē absq; operibus imputari nobis.

Idem hic Pauli ex Dauide sumptus locus & alia nobis controuersa dogmata discutit & illustrat. Discimus enim quod iustificatio aliud nihil sit, quam beatificatio, peccatorū remissio, & adoptio in numerum filiorum Dei. Discimus Paulum loqui non tantum de operibus legis ceremonialibus, sed de omnis generis sanctorum bonis operibus. Discimus item remitti & condonari & peccata & iniquitates, id est, omnia omnis generis peccata fidelium. Discimus præterea plenè remitti peccata, non culpam duntaxat sed etiam pœnam: quam quidam aiunt retineri: non enim imputat peccata. Alibi dicit se peccatorum nullam prorsus memoriā habiturum. Postremo discimus satisfactiones pro peccatis ab hominibus inuentas, uanissimum esse commentum, ex diametro pugnans cum doctrina Apostolica.

Adduxi hucusq; locos maximè illustres, alterum quidem ex Euangelio Christi, alterum ex Epist. ad Roma. Pauli, quibus demonstrare uolui, Christum per Euangelium nobis annunciatum, non operibus sed fide recipi: ac spero me diuinis testimonijs rem maximi momenti sic declarasse, ut nemo sit porro qui anceps & dubius hæreat. His illud maximè certè necessarium adiicio, omnibus in ecclesia Christi sanctis & bonis uiris modis omnibus annitendum, ut impolluta & sincera hæc Euangelij doctrina maneat. Nullo enim modo admittendum est, ut iustificationis portio fidei & misericordiæ Dei, portio operibus fidei & meritis nostris transcribatur. Id enim si fiat, actum est de Euangelio. Vrgendum ergo unicè & incessanter omnibus nobis censeo, fide absque operibus, gratia, inquam, & misericordia Dei per solum Christum iustificari, saluari uel beari credentes. Ac multas

2. Corinth.  
5. m fine.

Quid David  
sensit de iu-  
stificatione.  
Psalm. 31.  
Rom. 4.

Remittere

Obtegere

Imputare.



quidem ob causas hoc dogma Euangelij syncerum & incommixtum seruari oportere in ecclesia arbitror, maximè uerò propter has sequentes.

*Quare dogma  
de fide absque  
operibus iusti-  
ficante, synce-  
rum in ecclesia  
retinendum.*

Principiò constat iam sæpe repetitam doctrinam de gratia Dei in filio suo ui-  
co per solam fidem iustificante, tot inde à mundi exordio diuinis testimonijs, de-  
monstrationibus, determinationibusq̃, etiam irrefragabilium conciliorum, &  
propositam & inculcatam esse, ut ipse omnium seculorum in ueritate cœlitus reue-  
lata consensus, sanctissimorumque in toto mundo hominum authoritas nos inui-  
tet ad retinendum dogma illud impollutum. Habemus beati patris nostri Abrahe  
iustificationem non ab obscuro aliquo authore, sed à doctore gentium organoq̃  
Dei selectissimo Paulo, paucis ante expositam. Habemus gloriosissimi regis Da-  
uidis, uiri parati secundum cor Dei, proauī Christi Domini nostri, doctrinam de  
iustificatione ab eodem enarratam Apostolo Paulo. Fuerunt autem in ecclesia  
Dei semper primæ authoritatis Abraham atque Dauid. Quibus accedit totum o-  
mnium prophetarum collegium. Petrus enim Apostolus, Christo omnes prophe-  
ta, ait, testimonium ferunt, quòd remissionem peccatorum accepturus sit per no-  
men eius quisquis crediderit in eum. Sed & modò ex ore Pauli audiuius, iustiti-  
Dei gratis per fidem absq̃ lege collatam, comprobari testimonio legis & prophe-  
tarum. Habemus ipsum quoque Dei filium Iesum Christum Dominum nostrum,  
authoritate omnes in mundo præstantissimos longè excellentem. Is ueluti Conci-  
lijis quibusdam celebratis definit, quod modis omnibus retinendum suademus.  
Collectis enim discipulis suis apud Cæsaream Philippicam, interrogauit quid de  
ipso sentiant. Respondentibus autem uariè, ex diuersis uulgi opinionibus, certam  
ex ipsis confessionem requirit. Hic Petrus omnium nomine, Tu es, inquit, Chri-  
stus ille filius Dei uiuentis. Ad quem Dominus dixit, Beatus es Simon Bar Iona,  
quia caro & sanguis non reuelauit tibi, sed pater meus qui est in cœlis. Duo his de  
terminat. Prius, Veram fidem beatificare. Nec dubiū quin beatificandi uerbo uti-  
tur sicuti modò in Paulo usurpatū ex Dauide audiuius. Posterius, Fidem beati-  
ficantem nō esse opus nostræ naturæ, sed donum Dei cœleste. Deinde uerò Simo-  
ni Petro ex memorabili illa ueræ fidei confessione nomen imponit, ad æternam  
rei memoriam, & ad mysterij huius significationem in omnium animis retinen-  
dam. Petrus Christum petram erat confessus. A petra ergo Petrum denominat,  
quasi tu dicas uiuo lapidi uiuum impositum, & à Christo Christianum. Imò ne  
quis uniuersale negotium ad catholicam ecclesiam pertinens, ad unum Petrum  
astringeret, ipse Dominus uniuersali ecclesiæ ista adaptat, & dicit, Et super hanc  
petram ædificabo ecclesiam meam: & portæ inferorum non præualebunt aduer-  
sus eam. Quasi dicat, Quod modò in te factum est Petre, posthac fiet in omnibus fi-  
delibus. Tu per fidem mihi petrae impositus & membrum ecclesiæ factus es. Con-  
stituo ergo, ut quisquis me petram confitetur, sit membrum ecclesiæ, beatus, iu-  
stus, à diabolo & uitæ mortis liberatus. Erit confessio tua, id est, ego Christus Dei fi-  
lius, quem confessus es, fundamentum ecclesiæ: cui qui fide imponuntur, salui &  
beati futuri sunt. Nam & Paulus dixit, Fundamentum aliud nō potest poni, quàm  
quod positum est, quod est Iesus Christus. Et Ioannes Apostolus, Hec est uictoria,  
ait, quæ uicit mundum, fides uestra. Iam ne Petrus cum alijs condiscipulis nesci-  
ret qua uia alij homines in consortium ecclesiæ & communionem cum Christo ad-  
mitterentur, subiungit protinus, Et dabo tibi clauēs regni cœlorum: & quicquid  
solueris in terra, erit solutum in cœlis, &c. Clauēs autem dedit cum Apostolo  
ad prædicandum Euangelium amandauit. Prædicatione ergo Euangelij (quæ cla-  
uis est regni cœlorum) aperitur cœlum, & indicatur uia quomodo Christo & ec-  
clesia

*Act. 10.*

*1. Marc. 8.*

*2. Luc. 9.*

*3. Math. 16.*

*1. Cor. 14.*

*3. Ioan. 5.*

clēsiā inserti hāeredes siamus uitā æternā, nimirum per fidem in Christum, quam docet nos Christi Euangelium. Hæc de Casarien. Concilio hætenus. Extat apud Ioannem aliud, Capernaïticum, frequens & celebre. In magna enim discipulorum & hominum frequentia determinat, fide in Christum uitam parari æternam; nec aliam esse uiam ad uitam perueniendi, nisi edamus eius carnem, & bibamus eius sanguinem: id est, nisi in ipsum credamus. Cumq̃ inter auditores schisma fieret multis à Christo deficientibus, rogat discipulos suos intimos, num & ipsi uelint apostatare, respondit Petrus omnium nomine, Cum in te Christe salus sit & uita, non possumus uita participare cupientes à te diuertere, ideoq̃ per fidem tibi firmiter & æternum adhærebimus. Porro Concilia hic commemoranda ueniunt Apostolica duo. Alterum quidem nemo negauerit fuisse uerè œcumenicum. Erant in eo uiri religiosi ex omni natione earum quæ sub cœlo sunt. In eo disertissimis uerbis docuit Petrus, Christum esse saluatorem mundi, cui qui credit habeat uitam æternam. Notus est locus Actorum cap. 2. Apud principes Iudæorum idem Apostolus demonstrat non in alio quàm in Christo esse salutem. Extat locus in Actis Apostolorum capite 3. Idem facit apud Gentium primitias, apud Cornelium & suos cap. 10. Alterum Concilium & ipsum fuit celeberrimum, & omnibus dotibus maximis instructissimum, & describitur Actor. 15. in eo obtinuit hæc propositio, fidem absque operibus gratis iustificare. De qua re aliàs copiosè disserui. His uerò omnibus ostensum uolo, ideo dogma de iustificante absq̃ operibus fide, in ecclesia impermixtum & syncerum retineri oportere, quia, ut sic dicam, catholicissimum & irrefragabile est: cui hic quoque ab Apostolo Paulo anathematismus accessit, Etiam si nos aut angelus e cœlo prædicarit uobis Euangelium, præter id quod prædicauimus uobis, anathema sit.

Secunda caussa cur præstet hoc dogma syncerum retinere in ecclesia, illa est, quòd hoc uel luxato, periclitabitur gloria Christi. Hæc enim & obscuratur & corrumpitur in animis hominum (in seipsa manet alioqui integerrima & illustrissima semper) si iustitiam qua coram Deo consistimus, cœperimus etiam partiri nostris operibus ac meritis. Hæc enim est gloria filij Dei, quòd aliud nomen sub cœlo non est datum hominibus in quo oporteat saluos fieri. Hinc dixit Paulus, Christus uobis factus est otiosus, quicumque per legem iustificamini à gratia excidistis. Et iterum, Non aspernor gratiam Dei. Nam si per legem est iustitia: igitur Christus frustra mortuus est. Si frustra mortuus est, perijt gloria crucis Christi.

Tertia caussa est, nostræ salutis certa & constantissima ratio. Incertissima esset salus nostra, si à nostris penderet meritis atque operibus, qui propter agnatam nobis corruptionem, nisi insaniamus prorsus, cum Iobo dicimus, Si habuero quipiam iustum non respondebo, sed meum iudicem deprecabor. Paulus ergo rectè pronunciauit, Si ex lege hæreditas est, inanis facta est fides, irrita facta est promissio. Propterea ex fide, ut secundum gratiam, quò firma sit promissio uniuerso semini.

Quarta caussa est, quòd hac doctrina maximè reparatur in nobis imago Dei, ad quam initio sumus conditi. Fide enim in nobis habitat & uiuit Christus, qui humilitate nostra delectatur. Excitatur autem in nobis imago diaboli, cum in nobis superbiere & gloriam Dei usurpare incipimus. Hoc fit proculdubio cum nobis ipsis iustitiam & salutem attribuimus: quasi nostris operibus & meritis regnum Dei promereamur. Diabolus superbit conaturq̃ ad se gloriam Dei rapere. Sancti agnoscunt se uera Dei gratia misericordiaq̃ saluari: unde omnem Deo gloriam tribuunt, sibi confusionem & ignominiam. Quo haud dubie pertinet para-

Ioan: 6.

Vide Seriem in Acta Apost. Et Sermonem tertie Decadis octauum.

Gala: 1.

Acto: 4.

Gala: 3.

Job: 9.



Luc. 18.

bola Evangelica de Phariseo gloriante in suis bonis operibus, & de Publicano clamante, Deus propitius esto mihi peccatori: quorum hic magis quam ille iustificatus in domum suam descendisse legitur.

Quinta causa est, peccati aestimatio. Certè non grandis uidetur culpa, quam coram Deo diluere possunt humana opera. Verùm scriptura sancta demonstrat peccata non potuisse expiari, nisi ipsius filij Dei morte & sanguine innoxio. Inde uerò cordatus quisque colligit, peccatum in oculis Dei rem esse longè deterrimam atque prorsus horribilem. Vnde mox exoritur in sanctis diligens contra peccatum uigilia, & perpetua sortis nostræ, profectò miserrimæ, deploratio & humilitas modestiæ exquisitissima. Possem his adhuc plures attexere causas, cur modis omnibus omnes adniti & laborare deceat, ut dogma hoc, Gratia Dei, in unigenito Dei filio, per fidem, non per opera iustificari ecclesiam catholicam, syncerum & impermixtum retineatur in ecclesia: sed has minimè contentiosis sufficere spero. Nul- lum hinc periculum est ne uilescant opera bona. De quibus dixi suo loco. Si qui uerò contra manifestam ueritatem Evangelicam rixari perrexerint, ipsi illud Pauli obij- cio, neque nos neque ecclesias Dei in huiusmodi aperta luce altercari.

Summa.

Summa uerò omnium eorum quæ hæcenus de Euangelio disserui, hæc est, Omnes quotquot in mundo sunt homines, sua natura seruos esse peccati, diaboli mortisque æternæ, nec solui, nec liberari posse ulla re alia quam gratuita Dei gratia & redemptione quæ est in unigenito Dei filio Domino nostro Iesu Christo. Cuius quidem redemptionis fiant participes soli credentes. Nam qui per ueram fidem filium Dei Euangelio annunciatum recipiunt, simul iustificantur, id est, absoluntur à peccatis suis, sanctificantur, fiuntque hæredes uitæ æternæ. Qui uerò per iniquitatem cordis & duritiem, Christum non recipiunt, æternis poenis & uinculis sunt addicti. Nam ira Dei manet super eos. Agamus ergo gratias redemptori nostro Deo, obsecrantes ut nos in uera fide retineat, prouehat, & in uitam æternam perducatur. Amen.

*De penitentia & causis eius, de Confessione & remissione peccatorum, de Satisfactione & Indulgentijs, de Vetere & Novo homine, hominisque uiribus, & reliquis ad penitentiam pertinentibus.* SERMO II.

**P**ROMISI proximo Sermone habito de Euangelio Iesu Christi, dissertationem de Poenitentia, quam hodierno Sermone, Deo & uestris precibus adiuuantibus, proferam in medium.

Poenitere.

Poenitere dicuntur Latini, quos tædet atque pudet rei commissæ. Beneficium contulisti, arbitraris te contulisse indigno, ideòque doles: is dolor est poenitentia. Germani appellamus den rüwen. Græci nominant Metanoiam. Tradunt autem eius linguæ peritiores Metanoia à posterius intelligendo dici: ut metanoia ubi propriè locum habeat, ubi homo lapsus, re perperam peracta, demum in se redit, & de errore sarciendo cogitat. Refertur ergo non ad mentem tantum, sed & ad opus. Qui enim intelligit se deliquisse, de emendatione consultat. Ita iam displicere incipit, quod olim placuit: ita fugis modò, quod sectabaris aliquando cupidissime. Porro Hebræi uocant poenitentiam Theschuah, nimirum conuersionem, uel reditio- nem, aut reversionem in uiam & ad mentem. Videtur metaphora sumpta ab illis qui aberrarunt ab itinere, sed redeunt in uiam tandem. Id quod ad mentem & ad mores factæ uel hominum transfertur.

Vnus uocabuli.

Est autem uarius huius uocabuli usus. Significat enim mutationem consilij concepti

concepti aut rei alicuius. Nam per Ieremiam dicit dominus, Si conuersi fuerint à malo, poenitebit & me mali quod eis irrogaturus eram. Poenitet ergo deum, cum institutum mutat: non poenitet, cum non mutat. Paulus, Sine poenitentia, ait, sunt dona & uocatio Dei. Et Dauid, Iurauit dominus, & non poenitebit eum. Alicubi poenitentia deo tropicè tribuitur secundum affectum humanum: ut cum dicit, Poenitet me fecisse hominem. Alioqui sua natura deum non poenitet, more humano, ut uidelicet dolore tangatur, & ei displiceat modò quod placuerat prius, sed mutat factum. Apud scriptores ecclesiasticos poenitere dicuntur, qui peccata commissa, præscripta per formulam poenitendi poena, luunt. Scriptura alicubi usurpat pro toto euangelij negotio. Sic in Actis legimus Gentibus deum concessisse poenitentiam ad uitam. Sed in hac disputatione nostra usurpabimus pro conuersione ad dominum, pro agnitione peccatorum, pro dolore propter peccata commissa concepto, pro mortificatione & innouatione uitæ, breuiter pro mutatione, emendatione uel correctione uitæ in meliustid quod Germanicè uocamus *Be-  
kerung/Endrung oder Besserung.*

Nec minus uariè definita est à scriptoribus Poenitentia: cõsentiunt tamen omnes esse conuersionē ad deum, pristinaeque uitæ & sententiæ immutationem. Dicimus itaque poenitentia esse ueram ad deū conuersionē, qua ex timore dei sincero humiliati, peccata nostra agnoscimus, ueteremque hominem mortificantes, spiritua-  
liter innouamur. Habet hæc definitio capita, quæ paulò fufius sparsa explicataque diligentiùs, totam nobis naturam poenitentia exponunt oculisque subiiciunt.

Principiò dicimus poenitentiam ueram esse ad Deum conuersionē. Nam paulò post ostendemus duplicem esse poenitentiam, uerā & falsam. Et Petrus Aposto-  
lus, Poenitemini, inquit, & conuertimini, ut deleantur peccata uestra, cõsequenti ueluti interpretans, quid intellexerit per præcedens, per poenitentiam utique con-  
uersionem, certè ad eum à quo erant auersi. Nam aliquis est respectus inter con-  
uersionem & auersionem. Si nunquā auersus fuisset, nulla certè opus esset cõuer-  
sione. Auersi autē sumus omnes à deo uero, iusto & bono, & à sancta eius uolun-  
tate, ad diabolum & ad prauam uoluntatem nostram. Oportet itaque rursus con-  
uerti nos à diabolo, & à uita menteque pristina praua, ad deum uiuentem, & ad san-  
ctam eius uoluntatem. Significanter uerò dicimus ad deum, non ad creaturas, nō  
ad ulla præsidia humana. Dicit enim apud Ieremiam dominus, Si reuerti uolueris  
Israel, ad me reuertere. Proinde qui non conuertuntur ad deum, nec eius uo-  
luntati sanctæ se cõformant, utcumque ad creaturas, & ad alia ab hominibus inuen-  
ta mediâ conuertantur, reuera inter poenitentes habendi non sunt.

Porrò nemo est qui hic non uideat ad poenitentiam in nobis excitandam, opus  
esse prædicatione uel doctrina ueritatis, quæ nos doceat quis sit deus ad quem  
conuertamur: quid bonum & sanctum, ad quod conuertamur: quis diabolus, &  
quid malum & falsum, à quo auertamur: denique quid in mente & uita nostra emen-  
dandum sit, & quomodo. Certè propheta & Apostoli domini ad poenitentia ad-  
hortantes homines, multum & diu hærent atque laborant in describenda dei natu-  
ra, bonitate, iustitia, ueritate & misericordia, in describendis uita legibus officiisque  
hominum: item in accusandis & exaggerandis peccatis hominum, quibus mi-  
nas graues & horrendas diuini iudicii hypotyposes coniungunt: id quod in pro-  
phetis ubique obuim legitur. Ideoque non desunt qui in præsentia iubeant homini-  
bus, quos ad poenitentia pertrahere uolumus, legē prædicare: quod ut non oppu-  
gno, sed maxime approbo, ita simul admono prædicationem quoque euangelicam  
obicere hominibus peccata, & accusare grauiter. Dñs enim in euangelio dicit,



*Joan: 16.* Cum uenerit spiritus sanctus, arguet mundum de peccato, quia non crediderunt in me. Vnde S. Petrus in Actis Apostolorum, Peccata Iudæis commissa exprobrans simul & Christum fidemq; in Christum prædicans, adhortatur Iudæos ad poenitentiam. Notissimi sunt loci in cap. Acto. 2. & 3. S. Paulus Athenienses pertracturus ad poenitentiam, dicit, Tempora huius ignorantia, cum Deus hucusq; dissimulauerit, nunc annunciat hominibus, ut omnes ubiq; resipiscant, eo quod statuit diem, in quo iudicaturus est orbem terrarum, cum iustitia per Christum. Discant hic quibus commissum est homines doctrina pertrahere ad poenitentiam, multa libertate & prudentia uti ut omnes peccatum suum & peccati gravitatem agnoscant. Præterea excitat deus homines ad poenitentiam, non tantum uerbo suo, sed etiam uariis afflictionibus & poenis. Imò omnes mundi calamitates sunt conclones quædam inuitantes ad poenitentiam. Vt enim nihil ex prophetarum scriptis adducam, an non dominus noster in euangelio, audita strage, quam ediderat Pontius Pilatus, cæsis Galilæis, calamitateq; decem & octo hominum, quæ ruina turris in Siloe oppresserat, protinus ita pronūciat, An arbitramini illos præcæteris fuisse peccatores? Non certè: imò nisi resipueritis, omnes simul peribitis. Certum est itaq; bella, famem & pestes semper omnes nos inuitare ad poenitentiam, hortari inquam ut sceleribus calcatis ad Deum conuertamur studeamusq; integritati.

*Deus excitat homines  
ad poenitentiam non  
tanta uerbo suo sed etiam  
afflictionibus & poenis.*

*Luc. 13.*

*Timor Dei in  
poenitentibus.*

Porro frustra prædicatur nobis poenitentia, nisi timore in animis nostris concepto, iudicium uel iram dei propter commissæ peccata, reuereamur. Excitat hunc quidem foris doctrina & disciplina exterior, sicuti modò commemorauimus, uerum nihil efficit sola, nisi intus, id est, in animis nostris commoueamur à spiritu dei sancto. Ideoq; in Threnis clamat propheta Ieremias, Cōuerte nos domine, & conuertemur. Et 31. cap. Conuerte me domine, & conuertar: quoniam tu es dominus Deus meus. Et postquam conuersus sum, poenituit me mali. S. Petrum legimus ostiarie & militum uocibus impulsus, turpiter abnegasse Christum: galli uerò cantu reuocatum rediisse ad poenitentiam. Sed cantus galli commouit, non per se quidem, sed coniunctus cum uerbo Christi, dicentis, Amen dico tibi, non canet gallus, donec ter me negaueris. Vnde Matthæus dicit, Et recordatus est Petrus uerbi Iesu, qui dixerat ei, Priusquā gallus cantet ter me negabis, &c. Cum his concurrat occultior animi tractus. Tetigit enim cor Petri bonus dominus, testante euangelista, & dicente, Et conuersus dominus, intuitus est Petrum. Respectus ille domini emolliuit & retraxit in perniciem ruentis cor Petri. Proinde si aures nostra perstringantur uerbo domini, & corda nostra eiusdem spiritu imbuantur uel tangantur, Deum poenitentes seriò reuerebimur.

*Humiliatio &  
agnitio peccatorum.*

Simul autem humiliati coram iustissimo & sanctissimo deo, quem tantopere & offendimus & irritauimus peccatis nostris, iudicium eius iustum esse contra nos fateamur, imò & omnia peccata quæ uerbo dei nobis obijciuntur ingenuè agnoscimus confitemur, dicentes cum prophetis, Tu quidem domine iustus es, uerax es, & iusta sunt iudicia tua: nos uerò sumus iniustissimi, mendacissimi, sceleratissimiq; & nephandis flagitijs adoperati. Nihil est sani uel integri in nobis. Omnia nostra sunt corruptissima, deploratissimaq;. Peccauimus, iniqui fuimus, impiè egimus, desciuius à te. Seruis tuis prophetis cōtradiximus, uerbis ueracissimi oria tui non obediuius. Tibi ergo ô Deus iustitia debetur, nobis autem pudor. Hanc humiliationem liberamq; confessionem peccatorum requirit Deus à poenitentibus. De qua paulò post plura dicemus, iam enim redimus ad copiosorem Timoris Dei explanationem.

*Loqui-*

Loquimur autem in presenti de sincero Dei timore. Fatemur enim duplicem *Duplex Dei timor.* esse Dei timorem, Syncerum & Insyncerum. Syncerus dei timor conspicitur in fidelibus, estque pia reuerentia, constans amore & honore numinis. Propheta enim deum loquentem inducens, Filius honorat patrem, inquit, & seruus dominum. Si ergo pater, ubi honor? Si dominus, ubi timor? Et Paulus, Non accepistis, ait, spiritum *Rom. 8.* seruitutis iterum ad timorem, sed accepistis spiritum adoptionis per quem clamamus abba pater. Timor ergo Dei syncerus in poenitentibus non est metus seruilis poenae, sed sollicitum studium amore & honore dei mixtum. Honeſta matrona metuit maritum: timet filia ingenua parentem, sed amat interim parentem uel maritum quare suum, studioque sancto nititur eius retinere gratiam, amittere metuit. Ideoque poenitentes deum non tantum metuunt, quia sciunt, spiritu dei donati, se designasse ea ob quae abdicari meruerant: sed etiam ipsum diligunt ut patrem, ideoque dolent ex animo propter commissa peccata, & reconciliari deo patri benignissimo ante omnia cupiunt.

Nam cum timore hoc dei sincero coniunctus est dolor, ex spiritu dei propter peccata commissa conceptus. S. Paulus duplicis meminit Doloris. Qui secundum *Dolor secundum Deum.* deum est dolor, inquit, is poenitentiam ad salutem haud poenitendam parit, contra mundi dolor mortem affert. Secundum deum doluit rex & propheta David, *2. Cor. 7. Psalm: 38.* clamans, Sagittae tuae in me defixae sunt, & depressa est super me manus tua. Nihil integrum est in carne mea, propter indignationem tuam: non est pax ossibus meis, propter peccatum meum. Et quae sequuntur Psalm. 38. Qui tametsi de morbo graui sit conscriptus, adumbrat interim quantus sit dolor in sanctis propter offensum peccatis patrem benignissimum. Secundum deum doluit peccatrix illa, apud *Luc. 7.* Lucam, quae a tergo domini pedibus prouoluta, hos lachrymis rigauit & terſit rursum capillis. Secundum deum doluit beatus Petrus Apostolus, qui & ipse amarissime fleuisse legitur. Dolet pijs quod tam benignum patrem usque adeo offenderint turpiter. Neque arbitror ulla uerba doloris acerbiter affequi. Contrarium in im-poenitentibus studium Ieremias describens, dicit, Nunquid sic cadunt homines, ut non resurgant? Num sic aliquis defleſcit, ut non reſſeſcat? Qui sit igitur, ut populus iste Hierosolymitanus auertatur auersione tam pertinaci? Attendi & auscultauit, non loquebantur rectum: nemo erat quem poeniteret mali sui, ut diceret, Quid feci? Quisque illorum ad suum cursum tendit, perinde ut equus in praellium effusus.

Mundi dolor hominum est ignorantium Deum, carentiumque fide & dilectione *Dolor mundanum.* dei uera, imò succumbentium sub onere moeroris, uel aduersitatum adeoque & peccatorum. Eadem ferè ratio est & Insynceri timoris Dei. Nam impij cum suo capite diabolo deum timent, non ut patrem, quem offendisse doleat, cui reconciliari cupiant tanquam patri, sed tanquam tortorem, quia iudicem esse iustum intelligunt. Cum Iuda itaque Iscariotha recurrunt tandem ad laqueum. Nullus in his amor dei, nullus honor, nullum studium, nulla reuerentia, sed odium dei, horror, & desperatio. Talem uerò timorē negauit beatus Ioannes Apostolus & euangelista *Joan. 4.* esse in charitate, sed dicit perfectam charitatem eicere timorem: non illū utique qui est initium sapientiae domini, sed illum de quo haec haec tenus.

Hinc uerò colligimus poenitentibus in primis necessariam esse fidem in deum *Poenitentibus necessaria fides.* & in meritum Christi. Quo nomine arbitror multos fidem constituisse partem poenitentiae. Quod ut non ualde oppugno, sic uideo S. Paulū, ueluti distincta collocasse poenitentiam & fidem, cum in Actis 20. cap. dicit, se Iudaeis & Gentibus testificatum in deum poenitentiam & fidem in Iesum Christum. Videntur itaque di-



uerfa esse poenitentia & fides: non quod uera poenitentia sine fide esse possit, sed quod illa distingui, non confundi debeant. Fidem ueram scimus omnes non esse sine operibus (lege utiq; communi) sed distinguimus tamen inter fidem & opera, ut interim illa non separemus aut laceremus: ita agnoscimus coherere poenitentia uerae fidem ueram. Contendere nolo pars ne sit an alias adhaereat. Stultissimi mihi esse uidetur, res diuinas ubiq; ad praeccepta dialectica astringere uelle. Neq; hoc ab Apostolis domini didicimus. Monuimus in Sermonem de Euangelio (quod modò repetimus) agnitionem peccatorum per se non impetrare gratiam uel peccatorum remissionem: sicut nec morbi agnitio remedium est morbi. Et damnata peccata sua agnoscunt, sed non ideo sanantur. Agnitio peccati quaedam est preparatio ad fidem. Agnitio morbi, occasionem suppeditat cogitandi de medicina. Addimus his in praesenti, ne ipsum quidem dei timorem quantumuis syrum, non ipsum dolorem propter peccata conceptum, licet maximum, non humiliationem quamuis subiectissimam, per se ipsam, poenitentes deo acceptos facere, sed magis ingressum ad cognitionem Christi praestruere, adeoq; ad ipsum Christum incarnatum & crucifixum pro nobis, adducere, & huic uni nos uiuificandos & purgandos imponere. Qui enim uerè cōuertitur ad deum, certè à semetipso & ab omnibus praesidijs auertitur. Qui uerè timet deum, & ex animo dolet, propter peccata commissa, timet & dolet, nec hoc tantum, sed quia deprehendit se totum corruptum, nihil habere sani uel integri: imò quia reueretur deum ut patrem, detegit ei ut medico uulnera, & eidem ut amantissimo reconciliari cupit. Et cum hic uera pietas clamet, neminem posse reconciliari deo patri, nisi per unigenitum filium, hunc fide apprehendit poenitens. Fides in solam Dei gratiam uel misericordiam, in Christo nobis exhibitam, fundatur, creditq; poenitens se deo gratum esse propter Christum. Deo ergo supplicat, & totum se deo committit, sicut Dauid secisse legitur, & filius ille prodigus Lucae 15. capite. Habet hic locum doctrina de Euangelio, & de Fide in Iesum Christum, item de Remissione peccatorum, de quibus dixi superius.

*Certò & plenè  
remittuntur  
poenitentibus  
peccata.*

Interim modis omnibus mentes poenitentium confirmandas esse censeo multis & disertis scripturae testimonijs editis de remissione peccatorum plenaria, ne quid ambigamus in tentationibus nostris. Vbi tamen perpetuò pro assertionem gloriae unigeniti filij dei repetens ineuileo, remitti poenitentibus peccata, nò propter poenitentiam, quatenus ea nostrum opus est, sed quatenus poenitentia complectitur renouationem hominis per spiritum sanctum & fidem ueram, quae medico nos tradit Christo, qui sanat omnes morbos nostros, & colligat omnes contritiones nostras. Et quamuis haec tractatio propriè ad fidei & euangelij locum pertineat, de quibus quantum per compendium fieri potuit antè differui, recitabo tamen hic claras aliquot de gratia Dei & remissione peccatorum sententias.

Dauid Psal. 103. canit, Benedic anima mea dominum, & noli obliuisci eorum quae in te contulit. Qui condonat omnes iniquitates tuas: qui sanat omnes morbos tuos. Qui uindicat ab interitu uitam tuam, & undiq; te cumulat benignitate & misericordia. Non rependit nobis pro peccatis nostris, neq; retribuit nobis secundum iniquitates nostras. Nam quanto interuallo coelum altius est terra, tantum praeualet benignitas eius erga timentes ipsum. Et quàm longè distat ortus solis ab occasu, tam longè remouit à nobis scelera nostra. Utq; pater miseretur liberorum, ita dominus miseretur timentium eum. Ipse enim nouit nos fragiles esse (ad peccandum propensos) recordans quod sumus puluis.

Isaias in 1. cap. dicit, Sic dicit dominus, Si peccata uestra fuerint ut coccus,

nive

nive reddentur albiora: si rubuerint instar purpuræ, sicut nativa lana fient. Idem in quadagesimo tertio capite inducit loquentē deum, ac dicentem, Ego ego ille ipse sum, qui deleo transgressiones tuas, idq̃ propter me, & peccatorum tuorum non recordabor.

Apud Ieremiam in 31. cap. quod & Paulus repetit in 8. & 10. cap. ad Hebr. dicit dominus, Hoc est fœdus meum quod feriam cum eis post dies istos. Propitius ero iniquitatibus eorum, & peccatis eorum non recordabor amplius.

Ezechielis 36. ait dominus, Spargam super uos aquas mundas, & mundabimini ab omnibus inquinamentis uestris. Et dabo uobis cor nouū & spiritum nouum: auferam cor lapideum de carne uestra, & dabo uobis carneum. Ego uos liberabo ab omnibus immunditijs uestris. Nō propter uos ego facio, dicit dominus deus: hoc notum sit uobis, &c.

Daniel in 9. cap. manifestum confessionis peccatorum exemplum relinquit nobis, præterea disertis uerbis dicit, per Messiam condonata esse peccata, expiata iniquitatem, & adductam iustitiam sempiternam. Sic Zacharias propheta in cap. 3. asserit, iniquitatem terræ unico Christi sacrificio esse expiatam.

Dominus in euangelio secundum Matthæum dicit, Non opus habent qui ualidi sunt medico, sed qui male habent. Nec ueni ad uocandum iustos, sed peccatores ad poenitentiam. Ideoq̃ Iesus est appellatus. Angelus enim, is saluum facier, *Math. 1* inquit, populum suum à peccatis suis. Et S. Paulus ad Timoth. dixit, Certus sermo & dignus quem modis omnibus amplectamur, quod Christus Iesus uenit in mundum, ut peccatores saluos faceret. *1 Timoth. 1*

In eodem euangelio dicit dominus, Omne peccatum & conuictum remittetur hominibus: at conuictum in spiritum sanctum non remittetur hominibus. Et qui cumq̃ dixerit uerbum aduersus filium hominis, remittetur: qui autem dixerit aduersus spiritum sanctum, non remittetur ei, neq̃ in presenti seculo, neq̃ in futuro. De peccato in spiritum sanctum dixi alias. Huc pertinent omnia exempla liberalissimæ condonationis peccatorum quæ commemorantur in historia euangelica, uelut mulieris peccatricis, Luc. 7. item Ioan. 4. & 8. Matthæi, Zachari, S. Petri, Latronis in cruce. Quis uerò commemoret paucis omnia? Huc pertinent parabolas ex 15. cap. Euangelij secundum Lucam.

In euangelio Ioannis clamat præcursor domini, & ait, Ecce agnus Dei qui tollit peccatum mundi. Item ad discipulos suos ait dominus, Quorumcumq̃ remiseritis peccata, remittuntur eis, &c.

Petrus Apostolus in Actis clamat, Christo omnes propheta testimoniū ferunt, quod remissionem peccatorū accepturus sit per nomē eius quisquis crediderit in eum. Idem in sua epist. Christus peccata nostra ipse pertulit in corpore suo super lignū, quo peccatis mortui, iustitiae uiuimus, eiusdem uibice sanati fuistis.

Paulus Apost. in 2. ad Cor. 5. cap. ait, Deus erat in Christo mundū reconcilians sibi, nō impurans eis peccata sua. Eum enim qui non nouit peccatū, pro nobis peccatum fecit, ut nos efficeremur iustitia dei per illū. Et in 10. cap. ad Heb. dicit idem, Christus una pro peccatis oblata uictima, perpetuò sedet ad dextrā Dei, id quod superest expectans, donec reddantur inimici ipsius scabellum pedum eius. Vniuersa enim oblatione perfectos efficit in perpetuum eos qui sanctificantur.

Porro beatus Ioannes Apostolus & euangelista nō minus clare quàm euidenter testatur, dicens, Sanguis Iesu Christi filij dei emundat nos ab omni peccato. Et iterum, Et ipse est propitiatio pro peccatis nostris: non pro nostris autem tantum, sed etiam pro totius mundi.



*Contra Noua-  
tianos et Ana-  
baptistas.*

Cæterum uanissimi & ipsius satanæ nuncj sunt, Nouatiani & Anabapti-  
stæ, fingentes baptismo purgari nos in uitam angelicam, quæ nullis porro sordibus  
polluatur: si autem polluatur, nullam polluto expectandam esse ueniam. Nam  
ut multa alia transeam scripturæ loca, nonne S. Petrus baptismo consecratus fuit  
deo: an non bonam dei gratiam gustauerat? Certe cum præclarā fecisset confessionem  
audit à domino, Beatus es Simon Bar Iona. Caro & sanguis non reuelauit tibi, sed  
pater meus qui est in cælis. Idem roganti dominus, Num & uos uultis abire? om-  
nium nomine respondens, dixit, Domine ad quem ibimus? Verba uitæ æternæ  
habes: & nos credimus & cognouimus quod tu es Christus filius dei uiui. At idē  
hic Petrus, post baptismum & gustatam dei gratiam, peccat, nec leuiter quidem  
peccat, sed grauissimè, ipsum abnegans & abiurans dominum. An uerò propter  
peccatū eius omni uenia excidit? an præclusus est ipsi ad deum reditus? Minime  
gentium. Audito enim galli gallinæ cantu, uerborum domini recordatur, in se  
descendit, & quid egerit expendit, flet amarè, & in grauem se luctum tradit. Non  
tamen diu in ipso conficiebatur sine cōsolatione. Tertia enim mox insequenti die,  
angeli mulierculis ad sepulchrum domini uenientibus dicunt, Dicite discipulis  
eius & Petro, quod resurrexerit, & præcedat uos in Galilæā. En singulariter uult  
dominus innotescere Petro quod resurrexerit. Cur autē singulariter Petrus? Quia  
reliquis peccarat grauius: non quod peccatum Petri probaret dominus, sed quod  
nobis declarare uellet ueniam cōsequi poenitentes, quoties conuertuntur ad gra-  
tiam dei cœlestem. Nec uerò multos post dies restituit Petrum ministerio, com-  
mendatis ipsi ouibus suis. Præterea dicit dominus apud Ieremiam ad populum  
Israelis, Si quisquam uxorem suam dimittat, & illa ab ipso diuertens alteri nupse-  
rit, nunquid ille ad ipsam reuertetur? An uerò non est polluta terra illa? An non  
cum multis fornicata es? Sed reuerrere ad me, dicit dominus. Et Galatæ rectè inhi-  
turi ab Apostolo Paulo, per pseudoapostolos seducti, defecerant à ueritate euange-  
lica: & tamen ueniam consequuntur. Corinthj quoque in multis scientes & uolentes  
post acceptam gratiam peccauerunt: sed respicientibus promittit nihilominus  
S. Apostolus condonationem delictorum à domino. Quid uerò manifestius  
est, quàm quod omnes sancti quotidie & serio uerèq; non hypocritice uel menda-  
citer, orant, Dimitte nobis debita nostra? Hoc qui orant, fatentur se esse peccato-  
res. Interim promittit dominus se exauditurum orantes fide, remittuntur ergo  
etiam illa peccata orantibus, quæ homines post cognitam uel indeptam pararam  
gratiam. Loca uerò ex epistola ad Hebræos, quæ pro suo dogmate confirman-  
do produciunt Nouatiani, alias excussimus, ut hic nihil sit necesse sibi inhaerere  
operosius.

*Summe uere do-  
ctrine de Po-  
nitentia.*

Iam uerò, ut summam colligamus eorum quæ hactenus disputauimus de Po-  
nitentia, teneamus poenitentiam esse cōuersionem ad Deum, quam etsi uerbo suo  
ad alijs rationibus exciret, præcipue tamen spiritu suo efficit ut reueremur ip-  
sum Deum, inquam, iustum, à quo auersi fueramus, dolentes ex animo patre op-  
tatum peccatis nostris esse offensum. Nam humiliati coram æterna sanctissimaq;  
maiestate eius, agnoscimus quæ nobis obijciuntur per uerbum dei peccata: agno-  
scimus nihil esse in nobis integrum. Cupimus autem reconciliari cum Deo: quod cum  
non possit fieri, nisi per solum mediatorē Christum dominum, hunc fide appre-  
hendimus, per quē ab omnibus peccatis absolui, sancti & iusti à deo reputamur.  
Hoc beneficium quicumq; sinceriter agnoscent, non possunt non odisse pecca-  
tum, ueteremq; mortificare hominem. Subiunget enim ergo nunc alia membra ad  
poenitentiam pertinentia, uidelicet mortificationem ueteris hominis & inno-  
uationem

tionem spiritus, nisi res ipsa postularer aliquid dicere de Confessione peccatorum & de Satisfactione pro peccatis. De his enim nonnulli aliena à ueritate docent, qui de Pœnitentia differunt. Ne ergo nesciat C. V. quid de his sentiat secundum ueritatem, non grauabor his explicandis immorari nonnihil. Spero autem ex his fructum ad C. V. non pœnitendum rediturum.

Confiteri uel Confessio uariè usurpatur in scripturis sanctis. Significat enim laudare Dominum & gratias agere pro acceptis beneficijs. Vnde confessio ponitur pro laude & gratiarum actione. Propheta enim canit, Confitemini Domino, quoniam bonus, quoniam in æternum misericordia eius. Paulus ad Titum, loquens de hypocritis, ait, Confitentur se nosse Deum, factis autem negant: ubi Confiteri significat dicere, profiteri uel iactare. Alicubi est confidere & niti diuinæ bonitati, sed & hanc fiduciam cum dictis tum factis testari. Sic usurpauit S. Ioannes.

*De confessione peccatorum.*

1. Ioannis 4. & Paulus ad Roma. 10. Est præterea confiteri, Deo dare gloriam & agnoscere ingenuè peccatum & iudicium quod tibi obijcitur. Solomon in Prou. cap. 28. dicit, Qui celat iniquitates suas (imò & has ueluti defendit) nihil prosperum habebit: qui autem confitetur & deserit, huic fit misericordia. Vsurpat Hebraeus sermo in hac sententia uerbum Iadah, pro quo nostri reponunt confiteri. Est autè Iadah proijcere uel dimittere, ueluti cum arcus intentus remittit. Et Modah perinde est ac si tu dicas, confitens, uel cedens, uelutiq; herbam præbens. Deus enim accusat nos, & criminis pœnæq; reos agit. Id non protinus agnoscit caro, sed ueluti intentus arcus manet, tandem uerò remissa pertinacia agnoscit, quod Deus obijcit: hæc agnitio Modah, id est, confessio est. Sed & Germanicè dicimus, *Es hat gelassen* / *Er hat geschneilt* / cum significamus uel rem aliquam cessisse loco, uel hominem confessum esse quod aliquandiu uel negauit, uel dissimulauit.

*Psal. 136.*

*Pmuerb. 28.*

Cæterum non est unius generis Confessio peccatorum. Est enim diuina, est & Humana. Primùm dicemus de Diuina, deinde de Humana. Diuinam appellamus, quæ clara in scripturis sanctis testimonia uel exempla habet, & ab ipso Deo instituta est. Ea est peccati, quod obijcitur nobis, ingenua agnitio professioque, qua omnem Deo gloriam, nobis autem confusionem tribuimus, Deumq; & proximum, contra quem peccauimus, deprecamur. Obijcitur autem nobis peccatum ab ipso Deo, qui foris per uerbum uel per ministerium hominum, aliquando & per signa atq; portenta, intus autem spiritus sui arcano afflatu, & peccati & pœnæ reos agit, liberam & ingenuam à nobis deposcens peccatorum confessionem. Spontaneam enim & ingenuam, non simulatam aut extortam approbat. Certè ciues Hierosolymitani & populus Iudaicæ religionis sua sponte ad Ioannis baptismum ueniunt, confitentes peccata sua, quæ ipsis beatus Ioannes prædicatione sua obiecerat. Et post ascensionem Christi in cœlos, accusat peccatū populi Iudaici beatus Petrus: accusationem uerò mox sequitur in historia, His auditis compuncti sunt corde, & dixerunt ad Petrum, & reliquos Apostolos, Quid faciemus uiri fratres? Et quæ sequuntur Actor. cap. 2. Magister quoque carceris Philippici, postquam terram tum sensisset, exiliijt, & uerbis Apostolicis instructus peccata sua cōfiteatur. Sic etiā uiri Ephesij, artibus dediti magicis, audita calamitate, quam dæmon intulerat filijs Sceuæ eiusdem artis consortibus timent, uenientesq; confitentur peccata sua. His causis potissimum ferè exoritur peccatorum confessio.

*Diuinitus instituta confessio.*

Porrò diuinitus institutæ confessionis alia quidem Deo fit, alia proximo. Quæ Deo fit, uel priuata est, uel publica. Priuatim confitemur Deo, quando excutimus corda nostra coram Deo, soli q; abscondita pectoris nostri recludimus, agnoscen-  
tes quæ in nobis sunt peccata, precamurq; ut nostri misereatur. Hæc confessio ad

*Confessio quæ priuatim fit Deo.*



remissionem peccatorum consequendam necessaria est. Nisi enim corruptionem & iniustitiam nostram agnoscamus, nunquam fide uera apprehendemus Christum, per quem solum iustificamur. Non autem arbitramur poenitentibus proponendum esse ad ullum alium confessorem, cui peccata confiteantur quam ad Deum. Hic enim solus peccata remittit & delet. Hic medicus est, cui uni oportet reterege uel aperire uulnera. Hic offensus est a nobis, ab eo ergo petenda pax & reconciliatio. Hic solus inspicit corda & scrutatur renes, soli ergo aperienda sunt pectora. Hic peccatores ad se uocat: ad ipsum ergo festinemus, procidamus, confiteamur & ueniam petamus. Hæc confessio, si animo in Deum intento fiat, licet ore fieri nequeat, recipitur a Deo cordium inspectore. Rursus si confiteamur ore, corde uero in Deum intenti non simus, licet ipsi Deo uel pontifici confiteamur, non curat confessionem uanam Dominus. De uera illa quæ Deo fit confessione loquutus sum, cum in definitione Poenitentiae dixi poenitentes peccata sua agnoscere. De hac loquitur multis in locis scriptura. Dauid in Psalmis orat & confitetur, dicens, Misere mei Deus, secundum magnam misericordiam tuam, Quoniam peccata mea agnosco, & peccatum meum coram me semper. Tibi soli peccaui, & malum coram te feci. Et reliqua. Et in alio Psalmo, Delictum cognitum tibi feci, & iniustitiam meam non abscondi. Dixi, Confitebor aduersus me iniustitiam meam Domino, & tu remisisti impietatem peccati mei. In Euangelio docet Dominus noster orare, & inter orandum confiteri & dicere, Remitte nobis debita nostra, sicut & nos remittimus debitoribus nostris. Sic autem orantes confitentesque iussit secedere in cubiculum, ut patri celesti soli cor nostrum cordisque nostri pateat deuotio. Filius prodigus priuatim in campo apud porcos confessionem sui peccati componit & soli patri offert. Et publicanus ille in Euangelio, qui confertur cum pharisæo, tundit pectus & querula uoce apud semetipsum confitens, dicit. Deus propitius esto mihi peccatori. Audiamus iam & Ioannem Apostolum & Euangelistam, totum hoc quod dici uerè potest de hac confessione comprehendentem & dicentem, Si diximus peccatum non habemus, nos ipsos fallimus, & ueritas in nobis non est. Si confiteamur peccata nostra, fidelis est & iustus, ut remittat nobis peccata nostra, & emundet nos ab omni iniquitate. Hanc priuatam confessionem quæ fit Deo, loquitur confessio uoluntaria apud homines. Humiliantur enim poenitentes, quoties ipsa res, gloria Dei & incolumitas proximi poscit, & coram hominibus etiam instantur se peccasse Deo. Sic enim Dauid Nathano obijcienti peccatum, clamauit, Peccaui Domino. Sic Zachæus intelligens calumnijs peti Dominum, confitetur palam peccatum suum, & emendationem promittit.

Confessio  
publica.

Leuit. 10.

Publicè quidem ita Deo confitemur, sicut modò diximus, sed magis tamen cum audito uerbo ueritatis, publica illa forma solenniç, uel in templo uel alio in cœtu aliquo coram hominibus, recitantes peccata admissa, imploramus a misericorde Deo ueniam. Quondã certè in ueteri populo instituit Dominus, ut præeunte sacerdote, uerbis conceptis, totus populus sequens, peccata sua palam confiteretur in templo. Vnde haud dubiè etiam hodie receptum est in ecclesia Christianorum, præeunte conceptis uerbis pastore uel doctore ecclesiastico, post finitam scripturarum expositionem & paulò antequam dimittatur cōcio, confiteri palam in templo omnia contra Deum commissa delicta, & implorare diuinam misericordiam. Notæ sunt confessiones peccatorum publicæ ab Esdra, Daniele, & Nehemia factæ. Publicam confessionem peccatorum illam fuisse interpretor, quam fecisse Iudæos author est S. Matthæus in cap. 3. Tota enim Iudæa egressa est ad Ioannem præcursorem Domini, ac baptizabantur ab eo in Iordane, confitentes peccata sua.

Nam

Nam cum baptismum publice reciperent, ea ipsa re confitebantur palam peccata sua. Baptismus enim est signaculum expurgationis peccatorum: ergo qui baptizantur, confitentur se esse peccatores. Qui non baptizabantur, arbitrabantur se aliis purgatos esse, neque ulla indigere sanctificatione. Publice peccata sua confitebantur Ephesij, qui magicos libros comportatos igne concremarunt, concremando enim confitebantur se scelus igne piandum admisisse.

Iam quæ proximo si confessio talis est, Offendisti proximum tuum, uel is te iniuria affecit, idcirco dissidetis odiâque exercetis mutua: hic certe cogitandum est de reconcillatione, alter ergo alterum accedens, culpam uel errorem admissum, & fateatur & deprecetur, alter consentienti benigne peccatum condonet & cum se ipso in gratiam redeat. De hac confessione loquutus beatus Iacobus Apostolus, dixit, Confitemini alterutrum peccata uestra, & orate pro uobis inuicem, ut saluemini. Quia Dominus & saluator noster prior in hæc uerba nos docuit, Si obtuleris munus tuum ad altare (loquitur autem illis quibus adhuc in usu erant sacrificia legalia) & ibi recordatus fueris, quod frater tuus aliquid habet contra te, relinque illud munus tuum coram altari, & abi, prius reconcileris fratri tuo: & tunc uenies & offeres tuum munus. Huc pertinet & Parabola Domini exposita Matthæo 18. capite, de coniecto in perpetuos carceres, qui gratiam expertus Domini, seuebat in conseruum suum, cui nihil condonare uolebat. Nam in Matthæo 6. capite, dicit Dominus, Si remiseritis hominibus errata sua, remittet uobis & pater celestis. Si uero non remiseritis, non remittet uobis pater celestis. Non quod propter remissionem nostram condonentur nobis peccata. Sic enim remissio non esset gratuita, sed ex merito & recompensatione. Iam uero cum gratis condonantur per fidem, certe animus ille irreconciliabilis ac durus, certum est argumentum, nullum esse fidem in homine duro, pertinace, implacabiliq. At ubi non est fides, ibi nulla remissio. Spontanea ergo remissio, signum est euident, & natius fructus fidei ueræ & gratiæ diuinæ in nobis.

His duobus generibus confessionis adijciunt quidam illam, quæ pressis scelere aliquo graui consilium petunt, uel a pastore gregis Domini, uel ab alio legis Dei perito. Ceterum illa potius est Consultatio quam Confessio. Hæc autem nullibi uel præcepta est uel prohibita, ideoque libera. Proinde nemo cogi debet ad istam consultationem. Si uero frater aliquis, uel a ministro ecclesiæ, uel a priuato aliquo fratre consilium petat, charitas iubet, si possis, inseruire fratri. Imò si non petat, uideat autem periclitari fratrem, charitas iterum iubet te periclitantem admonere, & tractare ut fratrem. Nam Paulus ad Galatas, Fratres, inquit, etiam si præoccupatus fuerit homo in aliquo lapsu, uos qui spirituales estis instaurate eiusmodi hominem spiritu lenitatis, considerans te ipsum, ne tu quoque tenearis. Alij aliorum onera portant, & sic adimplere legem Christi. Sed hæc nihil ad Confessionem peccatorum, redimus ergo ad institutum.

Meditamus hactenus de diuinitus instituta confessione peccatorum, subiungemus tam quædam de Confessione peccatorum instituta ab hominibus. Ea est duplicis generis, uidelicet Publica & ritualis uel ceremonialis, quam ferè appellant Exhomologesim: & Priuata uel arcana, dicta Auricularis. Publicam uocamus ritalem, quia non tam cognitio & confessio est peccati, quam actus poenitentia. Idcirco enim Hispan. episcopus libro Eymol. 6. cap. 18. Exhomologesis, inquit, prosterrendi & humiliandi homines disciplina est, habitu atque uictu, sacco & cinere incubare, corpus sordibus obscurare, animum mororibus deijcere, illaque peccata tristitia tractatione mutare. Hæc illorum Episcopi uerba non recitarem



C. V. utpote authoris non admodum illustris, nisi eadem ferè legerentur in libro Tertulliani scripto de Poenitentia: nisi & exemplum suppeditaret Eusebius, qui Eccles. hist. lib. 5. cap. ultimo, Natalis, inquit, martyr deceptus ab hereticis, tandem errorem intelligens, mane consurgit, cilicio se induit, & cinere conspergit, ac multis lachrymis errorem suum deflens, ante pedes se Zephyrini Episcopi prosternit, & uestigijs omnium, non modò clericorum, sed etiam laicorum, multa cum lamentatione prouolutus in lachrymas omnem prouocauit ecclesiam, ut indulgentiam sibi à Christo continuis & iugibus pro ipso precibus implorarent. De ritibus poenitentiae paulò post dicemus. Non autem uidetur hæc ritualis poenitentia, sicut ueteribus in usu fuit, diuinitus esse præcepta, ut uel hodie quicumq; scelus aliquod pertrahit, cogatur mox palàm poenitere, ad eum què isti usurparunt modù. Vbi enim

**Luc. 7.** legitur peccatrici uel adulteræ mulieri talis in Euangelio iniuncta esse poenitentia?

**Ioan. 8.** Recipiuntur alijs multi peccatores per Christum in gratiâ Dei sine huiusmodi poenitentia. Notissimum est enim quid egerit Christus dominus cum Mattheo, cum Zachæo, cum Petro negatore & alijs multis. Proinde non temerè credimus Episcopos ac sacerdotes ueteres, disciplinæ gratia, & quò minor esset peccandilicentia, inuenisse publicam illam poenitendi rationem. Certè Hermius Sozomenus Salaminus historiæ Ecclesiasticæ scriptor egregius, lib. hist. 7. cap. 16. Ab initio, inquit sacerdotibus placuit, ut uelut in theatro; teste multitudine Ecclesiæ peccata manifestarentur. En sacerdotibus placuit, ait. Addit institutum fuisse presbyterum ad quem qui deliquissent accedentes peccata confiterentur, deinde etiam audire mulctam, quid uidelicet faciendum esset luendumue. Idem mox describit & Romanæ ecclesiæ morem poenitendi. Deinde subdit, in Constantinopolitana ecclesiâ presbyter poenitentibus deputatus, hoc munere functus est, donec mulier quædam nobilis propter peccata quæ confessa fuerat, ab huiusmodi presbytero ieiunare Deoq; supplicare iussa, & eam ob causam ecclesiæ immorata, à diacono lectionis scelere polluta fuisse proderetur. Ob quâ causam sacerdotibus plurimū detrahebatur. Nectarius uero Episcopus perplexus quid commisso facinori cõpeteret, diaconum illum qui scelus hoc ausus fuerat, diaconatu priuauit. Et quoniam non nulli suadebant ut unicuiq; liberum permitteret, secundum quod sibi ipsi bene conscius esset & bona fiducia esse posset, ad communionem mysteriorum accedere, munus illud presbyterij poenitentiarj sustulit: & ex eo inualuit cõsiliū illud Nectario datum, & iam quoq; permanet. Et cetera. Idè in capitis initio, Primus Nectarius Constantinopolitanus Episcopus, inquit, presbyterum qui poenitentibus deputatus erat sustulit ex ecclesiâ: quem ferè omnes Episcopi sunt secuti. Hæc ille. Non abrogasset autem. Exhomologesim sanctus alioqui Episcopus Nectarius, si intellexisset diuinitus esse institutam: nec licuisset etiam abrogare. Sciuit ergo, sicuti & Sozomenus confitetur, Episcoporum cõsilio formam illam usurpantem esse in ecclesiâ. Nec legimus Ioannem Chrysost. qui proximè Nectario successit, & diligentissimus seuerissimusp Episcopus fuit, ritualementem illam abrogatam restituisse poenitentiam. Scribit enim Homilia 31. in Epist. Pauli ad Hebr. Non dico ut te prodas in publicum, neq; ut te apud alios accuses: sed obedire te uolo prophete dicenti, Reuela Domino uitam tuam. Ante Deum ergo confitere peccata tua apud uerum iudicem, cum oratione, delicta pro iniuria: non lingua, sed conscientie tuæ memoria. Et tunc demum crede te misericordiâ posse consequi, si habueris in mente tua continere, &c. Rursum in Psal. 56. Si cõfunderis alicui dicere quia peccasti, dicito ea quotidie in anima tua. Nō dico ut cõfitearis ea cõseruo tuo ut exprimeret, dic deo tuo qui curat ea. Si nō dixeris, nō ignorat ea deus, qui pressio erat cum ea fac

*Ioan. Chrysost.  
doctrina de  
Confessione.*

ea faceres. Et idem iterum alicubi, Non te in conseruatorum tuorum theatrum deduco: non hominibus peccata tua detegere cogo. Repete corā Deo conscientiam tuam, & explica. Ostende Domino præstantissimo medico tua uulnera, & pete ab eo medicinam. Item, Caue homini dixeris, ne tibi opprobret. Neq; enim conseruo est confitendum, qui in publicum proferat, sed Domino, qui tui curam gerit, qui & humanus est medicus: ei ergo ostendes uulnera. Sed & Dominum idem ille loquentem inducit, Non cogo te in medium prodire theatrum, ac multos adhibere testes: mihi soli dic peccatum tuum priuatim, ut sanem ulcus. Hæc Chrysoſt. Omnia arguunt clarè satis ritualement illam pœnitentiam (sicuti aliquando usurpata est in ecclesia) non à Deo institutam, denique nulla iniuria ex ecclesia submotam, neque mox à sanctis Episcopis restitutam fuisse. In Romana ecclesia multas remansisse reliquias illius non omnino uanè perhibent. Sed quid ad nos quid ecclesia quælibet sibi sumpserit uel seruandum uel deponendum? Hoc magis inquiramus, quid tradiderit nobis Christus, quidue docuerint Apostoli. De quorum doctrina iam satis dictum arbitror.

Priuata uel arcana confessio peccatorum fieri consueuit remotis arbitris, solis *De Auriculari confessione.* sacerdotibus. Infusurrat enim aliquis clanculum peccata sua in aurem sacerdotis, confessionibus clancularijs deputati, absolutusq; ab hoc, conceptis uerbis, existimat se purgatum esse ab omnibus peccatis. Ideoq; Auricularem appellauit. Hanc ignorauerunt tempora Apostolica, & quanquam olim radices agere cœperit, libera tamen ab initio fuit. Præcepta demum & rigidè extorta legitur à Roman. Pont. in longè corruptissimo ecclesiæ statu, nempe cùm numeraretur annus Domini millesimus ducentessimus decimus quintus, aut circiter. Disputatum est tamen per 80. annos aut plures, priusquam lege certa imponeretur omnibus, Deo ne confiteri satis sit, an sacerdoti quoq; confiteri oporteat ad repurganda peccata? Hugo in libro de Ecclesiastica potestate ligandi & soluendi sic reliquit scriptum, Audacter dico, si ante sacerdotis absolutionem ad communionem corporis & sanguinis Domini quis acceſſerit, pro certo sibi manducat & bibit iudiciū, etiamsi eum multum pœniteat, & uehementer doleat & ingemiscat. Hæc Hugo certè audacter dixit, nisi falsum nos doceat uerbum Dei. Floruit hic author circa annum Domini 1130. Secutus est hunc non ita longo interuallo Petrus Lombardus, uulgò Magister sententiarum appellatus, nimirum quòd sententias patrum collegerit, & Doctrinam patrum ueluti per compendium mundo proposuerit: de cuius opere quale sit nunc non pronuncio. Floruisse putatur circa annum Domini 1150. Is Sententiarum lib. 4. distinct. 17. & 18. ex patrum autoritate primùm indicat sufficere confessionem peccatorum soli Deo factam. Deinde alias subiicit sententias contrariū docentes. Postremò sua etiam interposita sententia concludit. Ex his iudubitanter ostenditur, oportere Deo primùm, & deinde sacerdoti offerre confessionem, nec aliter posse perueniri ad ingressum paradisi, si adsit facultas. Item, Certificatum est, quòd non sufficit confiteri Deo sine sacerdote: nec est uerè humilis & pœnitens, si non desiderat & requirit sacerdotis iudiciū. Petro Lombardo fuit magis ingenuus Gratianus Decretorum confarcinator, qui eodem cum Lombardo claruit tempore. Nihil is certi definit, sed propositis in utranq; partem sententijs, & quòd peccata oporteat confiteri sacerdoti, & quòd non oporteat iudiciū lectori liberum permittit. Sic enim concludit, Quibus autoritatibus uel rationibus utraque sententia confessionis & satisfactionis innitatur, in medium breuiter exposuimus. Cui autem horum potius adhærendum sit, lectoris iudicio reseruetur. Vtraque enim fautores habet sapientes & religiosos uiros. Hæc Gratianus



nus propè finem Distinct. primæ de Pœnitentia.

*Legelata præcipitur Confessio auricularis.*

*Tamē*

Post quinquaginta annos secutus est Lotharius Leuita doctor Parisiē. diligens Lombardi sectator. Hic creatus Pontifex Romanus, & Innocentius tertius uocatus, Romæ Concilium coegit generale, quod appellatur Lateranē. in quo legem tulit, quam recitat Gregor. IX. in Decretali sua de Pœnitentijs & Remissionibus lib. 5. cap. 12. in hæc propè uerba, Omnis utriusq; sexus fidelis, postquam ad annos discretionis peruenerit, omnia sua, solus, peccata, saltem semel in anno fideliter confiteatur proprio sacerdoti: & iniunctam sibi pœnitentiam proprijs uiribus studeat adimplere: suscipiens reuerenter ad minus in pascha Eucharistiæ sacramentum. Nisi fortè de proprii sacerdotis consilio, ob aliquam rationabilem causam, ad tempus ab huiusmodi perceptione duxerit abstinendum. Alioquin & uiuens ab ingressu ecclesiæ arceatur, & moriens Christiana careat sepultura. Hæc illa est lex noua, quæ plurima habet absurda & impia. Et ut pleraq; non commemorem, sed unum duntaxat & alterum. An non impium est ad proprium nescio quæ sacerdotem relegare peccatorem, cum Dominus Christus ecclesiæ ministros tantum & præcones dederit, ipse solus maneat sacerdos uniuersalis & cuiusque proprius in ecclesia ad finem usque seculi: ad quem unum fideles ministri à semetipsis omnes confitendum relegant peccatores? Ioannes enim dixit, Non sum ego Christus, sed missus ante illum, ut testimonium ei feram. Quid quod impijssimum est confessioni nostræ & absolutioni sacerdotis, ueluti operi humano, attribuere peccatorum remissionem? Et quis obsecro omnia sua peccata homini sacerdoti confiteri possit? An non Ieremias clamat, Prauum est cor hominis & inscrutabile? An non Dauid canit, Delicta quis intelligit? Ab occultis meis munda me. Impossibile est homini omnia sua confiteri peccata. Ergo dum huic, lege adactus, animum rationationi applicat, non poterit non altissimè in desperationis immergi barathrum. Est tantum onus, ueluti ad salutem consequendam necessarium, imponitur liberis Christi fidelium collis: idq; contra decretum Apostolicum scriptum Actorum 15. Quid autem proprijs suis uiribus perficiat peccator? Quæ obsecro nobis ad bonum sunt uires?

*Nullis scripturis suffulta auricularis Confessio.*

Pudet autem & piget me impudentiæ istorum hominum, cum confessionem illam suam auricularem, ueluti à Domino institutam, iam quoque ex scripturis ornare & confirmare uolentes, illud Domini dictum Leproso proferunt, Vade ostende te sacerdoti. Non autem hunc locum solum torquent impudentissimè contrarium sensum, sed omnia alia scripturæ, quæ citare solent, testimonia corrumpunt. Vnum ex multis proferam. Bonauentura in Commentarijs suis ad sententias Magistri lib. 4. distinct. 17. quæst. 3. fingit duo esse in confessione: Vnum formale, nempe absolutionem, uel medicandi potestatem: & hanc ait subministrati clauibus institutam esse à Domino. Alterum uerò materiale, nimirum detectionem peccati: & hanc dicit Dominum non instituisse per se sed tantum insinuasse. Mox enim hæc subiicit uerba, Et ideo confessio fuit à Domino insinuata, ab Apostolis instituta, ab Episcopo Hierosolymitano Iacobo uidelicet promulgata. Sicut enim sententiam de non seruandis legalibus promulgauit, Actor. 15. sic & confessionem omnibus peccantibus imposuit dicens, Confitemini alterutrum peccata uestra. Hæc ille. Quis uerò non miretur cæcitatem illius seculi? Agnoscit scriptor non institutam esse à Domino confessionem auricularem, nisi implicite & ueluti ex quadam consequentia: Apostolos autem explicasse mentem Christi & instituisse illam porro S. Iacobum omnium Apostolorum nomine, lata sententia, promulgasse. Promulgationis uerba subiicit hæc, Confitemini alterutrum peccata uestra. Quid est autem

autem torquere scripturas, si hoc non est? Cernit uel cæcissimus inermes esse istos pugiles in hac palæstra, qui telum huiusmodi proferunt, non utiq; fraxineum, sed prorsus betaceum, quod interim ipsi ueluti Hectoream aut Achilleam hastam uibrant. Planissimum est, apostolum non loqui de confessione arcana auriculari, sed de ea quæ reciprocatione quadam ab illis fit, qui se mutuū offenderunt: modò autem liberè & alternis peccata sua inuicem confitentes, mutuū rursus reconciliantur & orant pro inuicem. De qua nonnihil dixi paulò superius. Non uident duo esse in uerbis Apostoli, quæ diligentius perpensa, ipsos planè ridiculos reddunt. Principiò enim utitur apostolus dictione ἀλλήλοις, quod significat mutuò, inuicem, uicissim, alterutrum & quasi reciprocè. Inde sic colligimus, Si iuxta præceptum Apostoli inuicem confiteri oportet, & ἀλλήλοις significat alterutrū, uel uicissim, id est, confiteatur peccata alius alij, uel per uices, ut reuera significat: necesse est ut postquam laici sacerdotibus confessi sunt, sacerdotes uicissim confiteantur laicis. Id enim est alterutrū confiteri. Dicimus enim φιλοῦν ἀλλήλους, id est, amant se inuicem, hoc est, alter alterum, uel reciprocè. Quòd si hoc graue est presbyteris, agnoscant hunc locum Apostoli nihil facere pro arcana & auriculari illa confessione quam ipsi ad commodum suum sinxerunt. Deinde subdit Iacobus, Et orate pro uobis inuicem, ut salui sitis. Sociat ergo, & ueluti sub unum iugum connectit, confessionem & orationem. Inde rursus ita colligimus, Si solis sacerdotibus confitendum est, pro solis orandum est sacerdotibus. Sed non orandum est pro solis sacerdotibus, ergo non confitendū solis sacerdotibus, sed alterutrū. Idem locus Iacobi non intelligi debet de confessione auriculari occulta; sed de publica illa, qua in concordiam per mutuam delicti confessionem redeunt illi, qui mutuis sese offenderant iniurijs, & iam reconciliati orant pro se inuicem, ut saluentur. Relinquimus ergo indubitatum, auricularis confessionis defensores non probasse, neq; probare posse, illam à Deo esse institutam.

Ruentem uerò quibusdam fulcris sustentare firmareq; cupientes, subiiciunt confessionem illam suam in Ecclesia retinendam saltem propter disciplinam uel erubesceniam, ob quam pleriq; peccent minus. Deinde etiam propter priuatam absolutionem consolationemq; euangelij peculiarem uel singularem. Si uerò confessio auricularis tam est utilis Ecclesiæ, quàm isti uolunt uideri, quā factum est quòd ea caruerit ecclesia annis à temporibus Apostolorū amplius mille? Mirum est ipsam nullibi ab Apostolis uel usurpatam uel præceptam. At cōstat interim uetera tempora Christi aduentum præcedentia, nihil de hac confessione uel somniasse: & apostolos nulla re necessaria destituisse Dei ecclesiam. Iam qualem disciplinam plantarit in ecclesia Dei, probant impura flagitia & actus nepharij. Didicerunt cum confitens tum confessor horrenda ex circumstantiarum discussione scelera. Causæ uel occasiones suppeditatæ sunt stupris & adulterijs. Tentata est in Confessionibus, imò & corrupta sæpius quàm prosit, aut referre conueniat, uirginum matronarumq; pudicitia. Omnia hominum secreta expiscati sunt confessores illi. Id quod non parum profuit ad stabiliendam ipsorum tyrannidem. Profectò potuerunt confessores illi singulos, quos uocant confessionis filios, commodius depradari & deglubere: quia non ignorauerunt quas quisque haberet, aut quomodo parasset facultates. Et cum primores reipub. scirent sacerdotes probe scelerum suorum esse conscios, non potuerunt non metuere sacerdotes. Ita fiebat ut minus strenuè se opposerēt sacerdotum extremæ corruptioni & libidini, alioqui minime in populo dei ferendæ. Audiat sunt uoces, Ego ad unguem ex Confessionibus quales in hac urbe sint uiri, mulieres, & uirgines, didici & teneo co-

An confessio auricularis retinenda sit propter disciplinā.



gnitissimum. Ego quenque pro suo ingenio tractare noui. Omnes me metuunt & reuerentur: quia intelligunt me ipsis perspexisse in animi ipsorum penitissima penetralia. Effutita sunt nonnunquam confessionis secreta cum periculo capitis confitentium. Proditiones concinnatae sunt ex confessionibus, nec paucae nec exiguae. Egregie uero profectum est, si unius hominis, confessoris inquam, pudore uerecundiaque carnali, non timore Dei sincero desinimus peccare, cum Deum non ueremur habere testem conscientiae nostrae, neque ad iudicium eius expauescimus. Quid quod confessione hac auriculari stabilita in Ecclesia, nihil efficitur aliud, quam ut praeceptum Dei uilescat propter traditionem nostram, rariusque ipsi Deo confiteamur? Quoties enim in memoriam ueniunt peccata, securi illa expectoramus, donec confitendi tempus adueniat. At cum aduenit, quis oro ad confessionem alacri mente accedit? Iudicent ergo prudentes auditores, qualis haec disciplina sit, & quam Deo placere possit.

*An propter priuatam absolutionem retinenda auricularis confessio.*

Quod de absolutione priuata affertur, commentum est humanum plane, quod nullum in sacris literis uel praeceptum uel exemplum habet. Reuera a peccatis, a poena & culpa nemo absoluit, nisi solus Deus, cuius solius est haec gloria. Minister euangelica praedicatione uel consolatione annunciat, & testificatur credenti peccata esse remissa. Haec ergo condonationis praedicatio ex ore uel uerbo Dei petita, absolutio est, qua minister absoluit. Nec redditur haec efficacior, si eam priuatim insusurret minister peccatori in aurem. Publica euangelij praedicatio, ab ipso Christo domino sic instituta, satisfacit animo fidei, qui non tam respicit ad ministerii gestum, quam ad ueritatem eius cuius nomine minister agit. Verum, si peccator, inquietum, priuatim ad se dici audiat, Ego te absoluo a peccatis tuis, idque clauis uirtute, rectius intelligit sibi remissa esse peccata, quam cum in genere praedicatur remissio. Nos uero Apostolorum exemplum opponimus, quos cum audissent Hierosolymitani, compuncti corde dixerunt, Quid faciemus uiri fratres? Respondit Petrus, Resipiscite, & baptizetur unusquisque uestrum sub nomine Iesu Christi in remissionem peccatorum, &c. Et accesserunt illo die animae circiter ter millae. At quis non intelligit tantam multitudinem simul & baptismum esse collatum & uniuersaliter praedicatam remissionem peccatorum, non autem singulis in aurem insusurratum, Remittuntur tibi frater peccata tua? Ac reuera potest uir religiosus uera in Christum fidem, per quam remissio peccatorum confertur, non minus solide discere ex publica praedicatione euangelij, quam ex huiusmodi susurris. Praesertim cum praedicatio publica praeceptum Dei habeat: susurri contra non item: denique cum euangelium dei uel publice praedicatum gratiam singulis applicet, sed & sacramenta testificantur remissionem peccatorum & dona coelestia esse singulorum credentium in Christum. Haec non dico, quod iniquum putem, si ita casus ferat, priuatim uni aut alteri praedicare euangelium, aut uerbis Christi promittere remissionem peccatorum credenti: sed contra illos disputo, qui arbitrantur publicam & generalem (ita ut ab Apostolis usurpata est) praedicationem, omnibus singulisque annunciantem fidelibus peccatorum remissionem, minime sufficere, nisi peccator accedens ad sacerdotem, peccata sua confiteatur, & ab eodem priuatim & petat & accipiat singularem absolutionem. Nam propter illam priuatam absolutionem, censent retinendam confessionem priuatam uel auricularem.

Sed nolumus aiunt, ut omnia uel singula recitentur peccata cum suis circumstantiis. Quid tum postea? Quis obsecro iussit uel aliqua in aurem sacerdotis peccata insusurrare? Primitiua ecclesia, nec pauca, nec plura delicta confiteri solebat sacerdotibus. Bonauentura testatur ante Innocentium eius nominis tertium, non

non habitos pro hæreticis, qui affirmarunt confessionem soli Deo, sacerdotibus præteritis, factam, sufficere fidelibus: cæterum post decretum ab illo editum de confessione, etiã proprio sacerdoti facienda, hæreticos iudicari, docentes soli Deo confiteri. Quasi uerò Innocentius potuerit nouum condere fidei dogma, quo caruit Ecclesia annis à Christo 1200. & amplius. Si itaq; isti qui ante Innocentium uixerunt omnes subterfugerunt hæreseos iudiciũ: si Nectarius cum Constanti-  
nopolitana ecclesia non damnatus legitur, propter Exhomologesim abrogatã eie-  
ctamq; ex ecclesia, quæ tamen auriculari confessione uidetur fuisse præstantior  
multo: nemo pius haud dubie condemnabit nos, qui fatemur diuinitus institutam  
confessionem, quæ fieri solet Deo & proximo: duntaxat autem explodimus arca-  
nam illam auricularemq; confessionem, utpote plus incommodorum ecclesiæ dei  
afferentem quàm honestæ commoditatis.

Et quia hætenus de Confessione auriculari arcana hæc diximus, cui tractatio *De satisfactione*  
de Satisfactione adhæret, dicerem nonnihil & de hac uel ex necessitate, nisi de ea, *ne operam.*  
quantum satis est, disseruissem in alijs Sermonibus huius operis, uelut Decad. 1.  
Ser. 6. & 9. item in Decad. 3. ubi dispuo de afflictionibus sanctorũ, item eiusdem  
Decad. Ser. 10. & Decad. 4. ubi tracto euangelium. Docent Sacerdotes & Mona-  
chi, non satis esse ad expiationẽ peccati poenitentiam & fidem in Christũ, nisi ac-  
cedat & satisfactio nostrorũ operum: quæ cõmemorant, saccum, ieiunia, lachry-  
mas, preces, eleemosynas, oblationes, corporis afflictiones uarias, passagia, & his  
similia permulta. Nam his, poenã peccatis (quorũ culpam duntaxat condonatam  
atunt) debitã, ceu nimbo effuso deleri affirmãt. At nos docuimus ex scripturis ca-  
nonicis, deum nõ tantũ culpam peccatorum, sed & poenam condonare gratis. Do-  
cuius homines nõ per opera, & merita sua iustificari, sed mera dei gratia per fidẽ  
Iesu Christi. Alioqui enim frustra carnẽ induisset, & in mortẽ crucis acerbissimã  
sefe tradidisset Christus. Iam addimus, Si nõ per opera iustificamur: ergo nec ope-  
ribus nostris satisfacimus pro peccatis. Nam quod summam attinet (discrimẽ in-  
terim aliquod agnosco, non utranq; confundo) in idem recidunt iustificatio & sa-  
tisfactio. Iustificatione Christi absoluihur. Satisfactione Christi absoluihur, uel  
potius propter ipsam absoluihur. Christus est iustitia nostra: ergo & satisfactio.  
In Christo est redemptionis pretium, non in nobis. Si pro nobis ipsis satisfacimus,  
pretiũ redemptionis est in nobis ipsis. Sumus ergo ipsi nobis ipsis Christi & salua-  
tores. Id quod Christum abolet, & idcirco extremẽ blasphemum est. Moses in sua  
lege nullo negotio omnia de satisfactione operum nostrorũ argumenta dissoluit.  
Describens enim formam expiandi peccata, nihil in hominum operibus consti-  
tuit, sed totum in sacrificijs. Atqui his unicum Christi sacrificium præfiguratum  
esse, concordēs fatemur omnes. Huic accedit quòd unica noui testamenti prædi-  
catio & promissio illa est, Placatus ero super iniustitijs eorum & peccatis, ac ini-  
quitatum eorum non recordabor amplius. Vbi autem talis est remissio, ibi nulla  
est oblatio uel satisfactio pro peccato. His adde, quòd credimus remissionem pec-  
catorum. Si uerò debitor creditori satisfacit, quid hic oro remittit? Articulus ergo  
hic fidei & primaria promissio & prædicatio testamenti noui, subruitur doctrina  
de Satisfactionibus nostrorum pro peccatis operum.

Agnoscamus lachrymas, ieiunia, saccum, eleemosynas, & alia pietatis, humilia-  
tionis, charitatisq; opera suũ locũ habere in poenitentia. De qua re dicetur suo lo-  
co: sed his satisfieri pro peccatis negamus modis omnibus, ne pretiũ redemptio-  
nis Christi euacuemus. Agnoscamus alicubi dñm de ijs sumpsisse suppliciũ uel poe-  
nam quibus peccatum condonarat, ut de Adamo & Eua parentibus nostris, ac de  
*Deus affligit eos quibus pec-  
cata remissa.*



Dauid rege adultero & parricida. Sed demonstrauimus afflictiones illas non fuisse satisfactiones pro peccatis, quae condonaret deus, sed exercitia disciplinae & humiliationis dei, retinentis se suos in officio, declarantisque omnibus quam odiat scelera, licet ipsa condonet gratis. Ergo ne propter gratuitam remissionem ad peccandum faciles simus, supplicia irrogat eis quos & obis statuit exempla. Neque legimus sanctos afflictionibus suis simpliciter tribuisse iustificationis aut satisfactionis beneficium. Consilium quidem dat propheta Daniel potentissimo regi Nabuchodonosor, & ait, Peccata tua in iustitia redimantur, & iniquitates tuae in misericordia pauperum. Sed ita futurae regis uitae, & administrationi regni, praeceptum datur. Oppresserat haecenus multas gentes rex, & peccarat immiserordia: suadet ergo ut uitae genus pristinum mutet, & iustitiam colat, beneficentiamque praestet omnibus. Proinde non loquitur de satisfactione pro peccatis apud deum, sed apud homines. Non enim est in alio quoquam salus quam in Christo. Quod si quis pertinaciter inhaereat literae, dicimus iustitiam Christianorum esse fidem, qua proprie expiantur peccata: fidem autem non esse sine beneficentia uel charitate, cui improprie tribuitur iustificatio. De qua re dixi cum disputarem de Bonis operibus.

Ergo cum S. Petrus ex Solomone pronunciat, Charitas operit multitudinem peccatorum, Operiendi uerbum, non pro expiandi usurpatur: solo enim Christiano sanguine expiantur & purgantur peccata, sed pro auertendi. Vt enim sui amor omni ferè scelerum origo est: ita charitas omnium penè scelerum propulsatrix creditur. Dilectio enim proximo malum non operatur. Iam quod sententiam euangelicam, ipsa, inquam saluatoris uerba obijciunt, Remittantur peccata eius multa, quoniam dilexit multum: non intelligunt quod ferè redditur per quia, uel quoniam, hic illationis esse notam, nec alium colligi sensum, quam hunc ipsum, Remittantur peccata eius multa, idcirco dilexit multum: uel unde factum est quod diligat multum. Nec torquemus hic uerba euangelica ad sententiam repugnantem. Praecedit enim in historia euangelica, Principio, Cum non essent soluendo, donauit utrique. Si donauit, Si non erant soluendo: ergo non remisit propter dilectionem. Alioqui solutissent, nec donasset quisquam. Deinde praecedit, Vter horum plus diligit? Ait Simon, Is cui plus condonauit. Respondere ergo dominus aliud nihil potuit, quam hoc, Plurimum huic mulieri condonauit, ideo dilexit plurimum. Sic, inquam, dilectio est ex remissione, & remissio nequaquam ex dilectione. Imò sequitur protinus, Dixit autem ad mulierem, Fides tua saluam te fecit, uade cum pace. Concludimus ergo, unicam modò esse satisfactionem pro peccatis totius mundi, Christumque oblatum pro nobis, qui fide eius efficimur participes.

Quemadmodum uero Satisfactiones sacerdotum & monachorum doctrina nobis obtrusas non agnoscimus, ita Indulgentias pontificias modis omnibus detestamur. Appellarunt isti Indulgentias beneficam criminum condonationem & remissionem uel culpae, uel poenae, uel utriusque: nimirum ex potestate clauum collata à domino: & propter meritum sanguinis martyrum (ita enim loquuntur) concedenda ritè contritis & confessis. Solent enim indulgentes patres rigorem & seueritatem satisfactionis suae impositam arbitrio, suis illis indulgentijs rursus remittere. Reuera sicut ille dixit, Blanda patrum segnes reddit indulgentia natos: ita indulgentiae ueram poenitentiam corruerunt. Nullibi uero legas pontificibus talem clauum potestatem esse collatam, qualem isti fingunt. Legimus quidem Apostolis clauas datas esse à domino: sed haec aliud nihil sunt quam ministerium praedicandi euangelij. Quod suo loco demonstrabimus. Euangelium autem promittit nobis remissionem poenae & culpae propter Christum fidemque in ipsum. Hoc ipsum ad-

Remittantur  
peccata eius  
multa, quoniam  
dilexit multum.

De Indulgentijs.

De Indulgentijs.

monet

monet, venturos in fine seculi homines qui dicturi sint, Nos sumus Christi, id est, qui ea sibi ipsis tribuant quæ solius sunt Christi, qualis præcipue est peccatorum remissio. At ab his fugere, eosque ueluti seductores modis omnibus cauere præcipit. Eadem ueritas euangelica docet fideles solo sanguine filij Dei mundari. Indulgentiæ illorum promittunt hominibus emundationem per sanguinem S. Petri & Pauli beatorumque martyrum. Sunt ergo prophanatio sanguinis filij Dei. Sancti lauant stolas suas in sanguine agni, non in bulla uel arca indulgentiarum, non in sanguine martyrum. Imò negat ipse Paulus, nec se, nec Petrum, nec ullum alium sanctorum pro ecclesia dei crucifixum. Indulgentiæ uero ita proponuntur nobis, ut uideatur Deus nobis propter sanguinem martyrum placatus esse. Pugnant ergo indulgentiæ cum scriptura apostolica. Monui autem in sermone de Bonis operibus, in his Pauli uerbis, *Colos. 1.* Suppleo in corpore meo, ea quæ supersunt passionibus Christi, pro corpore eius, quod est ecclesia, supplementum illud non referri ad opus expiationis Christi, quod consummatum est, nisi falsum testificatus sit ultimum exhalans spiritum, dicens, Consummatum est, sed ad eas afflictiones quibus Christi membra, id est, fideles, exercentur cruce, quoad uiuunt in hac carne. Certè dominus afflictiones illatas fidelibus habet pro suis. Dixit enim Paulo, Saule Saule, quid me persequeris? Præterea cum dicit, Pro ecclesia non intelligit pro expiatione ecclesiæ, sed pro ædificatione atque profectu. Et graues à Iudæis persecutiones sustinuit Paulus, quod Gentibus prædicaret euangelium. Sed & exemplum rarissimæ patientiæ in ipso ecclesiæ exhiberi oportuit. Quid quod iam dudum ab alijs obiecta est Indulgentiarum assertoribus pia hæc beati Leonis Papæ sententia ex Epist. 81. Quamuis multorum sanctorum in conspectu domini mors pretiosa fuerit, nullius tamen fontis occisio propitiatio fuit mundi. Item, Accepere iusti, non dederunt coronas; & de fortitudine fidelium nata sunt exempla patientiæ, non dona iustitiæ. Singulares quippe eorum mortes fuere: nec alterius quispiam debitum suo fine persoluit, cum unus extiterit Dominus Christus, in quo omnes crucifixi, omnes mortui, sepulti, suscitati. Hæc ille. Diuino ergo & humano testimonio euicimus euidentissimè, indulgentias collatas peccatoribus ex merito uel thesauro sanguinis martyrum, meras esse in Deum blasphemias & apertas in beatos martyres iniurias.

Dixi hæc de Indulgentijs gratis quondam collatis à pontificibus, quamuis hæc sint hodie raræ & prætenues: dicam modò paucula de Indulgentijs quas longè maiore parte diuendunt. Vendere indulgentias nephariū est in ecclesia dei facinus, quo non multa inuenias atrociora. Atqui hoc uulgare est, & fuit iam annis multis Romanis Pontificibus & ipsorum nuncijs, quos appellarunt Apostolicos. Nec habent ex scripturis sanctis uerbum quod prætexant facinori nephandissimo. Et ut iam non commemorem quod Indulgentiæ nihil sunt nisi nomen sine re, quodque eo nomine foedè imponitur miseris mortalibus: certè Christus summus & unicus ecclesiæ suæ catholicæ sanctæque pontifex, in diebus carnis suæ, uendentes & ementes flagello, ceu impudentes è templo dei canes, exturbauit. Idque fecit bis. Semel in principio concionis uel prædicationis suæ: iterum autem sub finem ferè. Principio hæc addidit uerba, Auferte ista hinc, nec facite domum patris mei, domum mercatus. Posterius adiecit hæc, Scriptum est, Domus mea domus orationis uocabitur: at uos fecistis illam speluncam latronum. Iam uero Simon magus in Actis apost. uidens quod per impositionem manuum Apostolorum daretur spiritus sanctus, obtulit eis pecunias, dicens, Date & mihi potestatem istam, ut cuiuscunque impo-  
suerero manus, accipiat spiritum sanctum. Audi uero quomodo hanc petitionem ab ipso exceperit Petrus, Pecunia tua, inquit, tecum sit in perditionem: quoniam

*Sanctorum martyrum passio non est nostra res, demptio.*

*Nundinatio foeda.*



donum Dei existimasti pecunijs parari. Non est tibi pars neq; fors in ratione hac. Cor enim tuum non est rectum coram deo. En dona Dei non parantur pecunijs. En cor eorum non est rectum, qui negotiationē exercent in rebus religionis. En non habent sortem ullam in regni cœlorum hereditate, uel in euangelica ratione. Quid ergo iam dicemus de Indulgentijs, quas redemptū uenales exponunt nuncijs apostolicis? Quid dicemus de ipsis nuncijs, & nuncios mittente Papa? Socii uidelicet esse Simonis, non Petri, sed magi. Petrus enim, ex iusta dei sententia, talibus maledixit. Pecunia, inquit, uestra uobiscum sit in perditionem. Grauius & horrendum, sed iustissimum est hoc Dei iudicium. Idem Apostolus Petrus prauidens tales in Ecclesia aliquādo futuros mercatores, in epist. sua posteriore. Fecerunt, inquit, & pseudoprophetae in populo, quemadmodum & inter uos erunt falsi doctores, qui clam inducent sectas perniciosas, etiam dominum qui illos meratus est, abnegantes, accersentes sibi celerem interitum, & plerique sequentur illorum exitia, per quos uia ueritatis blasphemabitur: & per auaritiam factitijs sermonibus de uobis negotiabuntur. Quid enim est factitijs sermonibus per auaritiam negotiari, lucrumq; facere ex misera plebecula, si hoc non est, quod aiunt illi se plenariam peccatorum remissionē conferre confelsis & contritis? Si enim quis agnoscat peccata sua & uera fide conuertatur ad deum per Christum, etiam sine illorum indulgentijs consequitur plenariam peccatorum condonationē. Fucum ergo faciunt simplicibus uersutissimi, & pro pecunia diuendunt quod nunquam habuerunt, neq; ulla pecunia unquam comparari potest. Et hæc de Indulgentijs illis hucusque. De quibus alij disputarunt copiosius. Ego ex paucis illis arbitror quemuis nullo negotio intellecturum quid de eis iudicet.

Enauigauimus tandem ex cautibus illis scopulisq; quos eam ob causam accessimus, ut omnia perlustrantes loca periculosiora, admoneremus imperitiores ne impingant alicubi, faciantq; naufragium, existimantes in illis esse neruos poenitentiae ueros, in quibus plurimum est diuinæ offensionis. Relictis ergo illis, redimus ad illustrandum postremum poenitentiae membrum, quo cōmemorauimus poenitentes ueterem hominem mortificare, spiritualiter autē innouari. Ante omnia ergo dicendum esse uidetur, quis sit uetus homo, quis homo nouus uel regeneratus, quæ sint hominis uires. Deinceps enim rectius intelligemus quid sit mortificare ueterem hominem, quid renouari spiritu. Veterem hominem totum hoc esse dicimus, quod habemus ex natura, uel ab ipso primo parente nostro, non corpus duntaxat intelligentes, uel carnem corporis crassiores partē, sed ipsam animam, cum suis uiribus, potentijs uel facultatibus. Ergo dum alicubi in sacris litteris Caro ponitur pro homine, non intelligere licet tantum corporis partem crassiores, sed iunctam simul cum anima, eiusq; facultatibus, hoc est, totum nondum regeneratum hominem. Dominus enim in euangelio, Quod natum est, inquit, ex carne caro est: & quod nascitur ex spiritu spiritus est. Atq; hæc quidem profert de hominis renascentia, quæ non fit secundum carnem (uti falsò imaginabatur Nicodemus) sed secundum spiritum. Caro ergo comprehendit naturales animæ uires siue potentias, adeoq; totum illud quod ab Adamo parente omnium nostrum habemus. Nouus homo dicitur regeneratus per spiritum dei in Christo, uel reformatus ad imaginē Christi, cum omnibus spiritus diuini donis & uirtutibus. Alicubi & ferè in antithesi significatur idem per uocabulum Spiritus. Atq; hic locus requirit dissertationem de Viribus hominis. De quibus etiamsi disputarim non nihil in Sermone de Libertate & Seruitute, item de Peccato, proferam tamen hic quæ præsentī causæ putauero sufficere.

Vetus & nouus homo.

Caro.

Joan 3

Sunt duæ animæ nostræ partes, uel facultates, Intellectus & Voluntas. Intellectus discernit inter obiecta, quid recipiendum, quidue repellendum sit; & est quasi animæ lumen & dux. Voluntas eligit. Habet enim uelle & nolle: quæ rursus ab alijs impelluntur facultatibus uel uiribus. Porro intellectus duplex est. Vel enim intelligimus terrena uel cœlestia. Terrena uoco quæ non ad futuram, sed præsentem uitam pertinent: quo referimus artes liberales & mechanicas, politiam & œconomiam. Per res cœlestes intelligo ipsum Deum, felicitatem & uitam æternā, Dei cognitionem & omnis generis uirtutes, fidem, spem, dilectionem, iustitiam, sanctimoniam, innocentiam. Iam uideamus quid possit intellectus hominis. Rerum terrenarum iudicium uel intelligentia non omnino nulla est in homine, sed ea tamen ualde imbecillis ac infirmata. Quæ ergo est in homine, à Deo est: quod imbecillis est, ex hominum uitio & corruptione est. Auget autem dona sua hominibus beneficus Dominus, quo sit ut admiranda efficiat hominis ingenium. Ob quam rem legimus in sacris literis & artes & ingenia hominum subijci Deo. In rebus autem cœlestibus cognoscendis prorsus caligat per se humanum ingenium, acutissimum quidem à Deo conditum ab initio, sed parentis nostri culpa prorsus uitiatum. Ideo enim dixit in Euangelio Christus, Nemo uenit ad me, nisi pater meus traxerit eum. Est scriptum in prophetis, Erūt omnes docti à Deo. Et Paulus, Animalis homo, ait, nō accipit ea quæ sunt spiritus Dei: stultitia siquidem illi sunt: nec potest cognoscere, quod spiritualiter dijudicantur, Animalis, id est, uetus ille homo nondum spiritu Dei regegitus, non est truncus carens omni sensu. Nam si omni careret rationis discursu, quomodo stultitia uideretur doctrina Euangelica? Audit ergo & intelligit ex dono Dei uerba & sensum scripturæ diuinæ: sed propter corruptionem non afficitur ijs, non rectè iudicat de ijs, stultitia ipsi uidentur: nec dum percipit illa spiritualiter dijudicari oportere, quia nondum regegitus est, spiritusq; Dei uero lumine adhuc destituitur. Alibi idem Apostolus, Non idonei sumus, ait, ex nobis ipsis cogitare quicquam, tanquam ex nobis ipsis, sed omnis idoneitas nostra ex Deo est. Ideoq; tam frequens est in scripturis mentio illuminationis: id quod sine causa fieret, si per se lucidus & non tenebris obscuratus esset hominis intellectus. Proinde congenita est omnibus hominibus cæcitas cordis, uel mentis, dubitatio in promissis Dei, incredulitas & peruersissimum in omnibus cœlestibus rebus iudicium. Licet enim intellectū acceperit homo à Deo, propter corruptionem tamen ignorantia hominis peculiare ac proprium est. In suo enim regno uersatur cū cæcutit, errat, dubitat, nec credit, nec donis à Deo concessis bene, hoc est, ad salutem suam & gloriā Dei utitur.

Videamus iam quid possit Veteris hominis uoluntas. Ea cū sequatur ducem cæcum, hoc est, intellectum corruptissimum, nemini obscurum est quid eligat, aut quo perueniat. Et ut maxime uerum & bonum intelligat, attamen uoluntas nauiculæ instar, uel procellarum, id est affectuum, agitur. Raptatur enim sursum & deorsum, spe, metu, libidine, dolore, indignatione, ut non nisi pessima quæque & deligat & sectetur. De se enim ipso S. Apostolus loquēs, Noui, inquit, quod non habitem in me, hoc est, in carne mea, bonum. Nam uelle adest mihi, at ut faciam bonum non reperio. Non enim quod uolo, facio bonum, sed quod nolo malum, hoc ago. Si uero hæc de seipso iam utiq; regegitus prædicat Apostolus Paulus, quid obsecro dicemus de Volūtate ueteris hominis? Vult is omnia quæ Deus nō uult, perq; omnia scelerum genera grassans, scēdam suam explet libidinem: hoc est, præbet membra sua serua immunditiæ & iniquitati, ad aliam atq; aliam iniquitatē. Exempla plurima exhibent nobis cū sacræ literæ, tum experientia quotidiana.

De uiribus hominis.

Intellectum.

1 Cor. 2.

2 Cor. 3.

Voluntatem.

Rom. 7.



De nouo homi-  
ne & regenera-  
tione.

Rom. 8.

1 Cor. 1.

1 Ioan. 2.

Philip. 1.

Philip. 2.

Luc. 1.

Joan. 8.

Que & qua-  
lis sit in homi-  
ne libertas.

Augustinus de  
libro arbitrii  
sententia

Opponamus his modò nouum hominem. Hic est spiritus Dei per fidem Iesu Christi regeneratus. Est autem regeneratio, innouatio hominis, qua per spiritum sanctum in fide Iesu Christi, qui fueramus filij Adæ & iræ, renascimur filij Dei, & proinde deponimus in diem ueterem hominem, nouumq; induimus, qui intellectu & uoluntate Deo liberè seruit. Regeneratio hæc animi non corporis renouatio est: quemadmodum alibi audiuius ex 3. cap. Ioannis. Author regenerationis est spiritus sanctus cœlitus homini donatus: Homini autem fideli. Datur enim donum spiritus sancti propter Christum, & credentibus in Christum. Hic Dei spiritus testatur unà cum spiritu nostro, quòd simus filij Dei, & idcirco heredes. Sumus ergo noua creatura, reparati iam ad imaginem Dei, præditi nouo ingenio: quo fit ut in diem ueterem illum hominem deponamus, nouum uerò induamus: quod fit dum ambulamus, non pro ingenio carnali in concupiscentijs carnis, sed in nouitate sensus pro ingenio sancti spiritus, per quem sumus regeniti. Manet eadem quidem in nobis corporis substantia & forma, animus mutatur, innouatur intellectus & uoluntas. Nam per spiritum Dei illuminatur intellectus, confertur fides simul & cognitio uera Dei, omniumq; rerum cœlestium, pelluntur autem incredulitas, ignorantia, hoc est, tenebræ ueteris hominis, iuxta illud Apostoli, Per Christum estis in omnibus ditati, in omni sermone & cognitione. Item, Nos non spiritum mundi accepimus, sed spiritum qui est ex Deo, ut sciamus quæ à Christo donata sunt nobis. Et iterum, Nos mentem Christi tenemus. Rursus, Non necesse habetis ut quisquam doceat uos: sed sicut ipsa unctio docet uos de omnibus & uerax est, manete in ea. In hac hominis regeneratione accipit & uoluntas uirtutem cœlestem efficiendi bonum quod intellexit per spiritum sanctum, ut uelit & eligat opereturq; bonum quod Deus ostendit: nolit, odiat & repellat malum, quod Deus prohibuit. Paulus enim, Noui humiliari, ait, noui & excellere, Omnia possum per Christum, qui me corroborat. Et iterum ad Phil. Vobis donatum est, ait, pro Christo non solum ut in eum credatis, uerum etiam ut pro illo patiamini. Rursus & multò clarius, Deus est is qui agit in uobis, & ut uelitis. & ut efficiatis, pro bono animi proposito. Caterum quod faciunt spiritu Dei renati, liberè non coactè, non inuitè faciunt. Nam sicut hilarem datorem requirit Deus: ita ubi spiritus Domini est, ibi libertas est. Et Zacharias pater diui Baptistæ, Vt sine timore, inquit, de manu inimicorum liberati seruiremus ipsi, in sanctitate & iustitia coram ipso, cunctis diebus uitæ nostræ. Quin ipse in Euangelio Dominus noster dicit, Si manseritis in sermone meo, uerè discipuli mei estis, & cognoscetis ueritatem, & ueritas liberos reddet uos. Item, Si uos filius liberauerit, uel liberos reddiderit, uerè liberi eritis. De hac filiorum Dei libertate disserui Sermo. 9. Decad. 3.

Hanc libertatem filiorum Dei libenter agnoscimus: superbas quorundam disputationes de libero arbitrio, quasi rerum cœlestium aliquid ex nobis ipsis possumus, non agnoscimus. Interim hominem non subiicimus fatali necessitati, neque culpam mali retorquemus in Deum. Sicuti alicubi declarauimus copiosius. Et S. Augustinus in certamine contra Pelagianos disputationem suam sic temperauit, ut gratiæ diuinæ bonum tribuerit, malum uerò nostræ naturæ: adeo ut liberum arbitrium, quod nobis (sensu non abrupto, sed expenso & sano) concedit, gratiæ in nobis operanti, imò regenerationi spiritus magis, quàm nobis ipsis tribuerit. Proferam ac recitabo hic C. V. unicum modò ex libris eius testimonium. Id est tale, De Correetione & gratia cap. 1. dicit, Liberum arbitrium & ad malum & ad bonum faciendum, constendum est nos habere: sed in malo faciendo liber est quisq; iustitiæ seruusq; peccati: in bono autem liber esse nullus potest, nisi fuerit liberatus ab eo

eo qui dixit, Si uos filius liberauerit, tunc uerè liberi eritis. Nec ita ut cùm quisque fuerit à peccati damnatione liberatus, iam non indigeat sui liberatoris auxilio: sed ita potius ut ab illo audiens, Sine me nihil potestis facere, dicat ei & ipse, Adiutor meus esto: ne derelinquas me. Hanc FIDEM quæ sine dubio VERA & prophetica & Apostolica fides est, etiã in fratre nostro Floro inuenisse me gaudeo. Intellegenda est enim gratia Dei per Iesum Christum Dominum nostrum: qua sola homines liberantur à malo, & sine qua nullum prorsus siue cogitando, siue uolendo & amando, siue agendo faciunt bonum. Non solum ut monstrante ipsa quid faciendum sit sciant: uerum etiam ut præstante ipsa, faciant cum dilectione quod sciunt. Et quæ sequuntur. Hactenus enim recitauimus S. Augustini sententiam de Libero hominis arbitrio, de quo hæc obiter dixisse satis est: redeo iam ad institutū nostrū.

Audiuius quis sit uetus homo, quis nouus, & quomodo renouamur per spiritum: iam ergo cùm dicimus pœnitentes ueterem hominem mortificare, & spiritum uel spiritualiter innouari, nihil aliud dicimus quàm pœnitentes omnes, affectus, sensus uel cupiditates carnis, ipsum, inquam intellectum quem habemus ex ueteri Adamo, unã cum uoluntate, non tantum suspectum habere impietatis, sed conuictum quoque, ideoque in gerendis rebus, in omnibus cogitationibus, dictis & factis, nusquam admittere in consilium, sed oppugnare & iugulare studio perpetuo: è diuerso omnibus consilijs, dictis & factis nostris adhibere uel admittere, precibusque uocare magistrum illum coelestem Christi spiritum, cuius magisterio & ductu, sentiamus, iudicemus, loquamur, operemur, id est, uel omittamus uel faciamus, quod in archetypo nostro, ad cuius imaginem reformari oportet, didicimus, ut porro studeamus sanctimonie, iustitie, beneficentieque. Sed hoc totum intelligemus adhuc rectius & clarius ex uerbis Apostoli dicentis, Hoc dico & testor per Dominum, ne posthac ambuletis, quemadmodum & reliquæ gentes ambulant in uanitate mentis sue, dum mentem habent obtenebratam, ab alienati à uita Dei, propter ignorantiam quæ est in illis, & excæcationem cordis eorum, qui posteaquam peruenerunt eo ut dolere desierint, semetipsos dediderunt lasciuiæ, ad patrandum immundiciam omnem cum auiditate. Vos autem non sic didicistis Christum, siquidem illud audistis, & in eo docti fuistis, quemadmodum est ueritas in Iesu, deponere iuxta priorem conuersationem ueterem hominem, qui corrumpitur iuxta concupiscentias erroris: renouari uerò spiritu mentis uestræ, & induere nouum hominem, qui iuxta Deum conditus est per iustitiam & sanctitatem ueritatis. Et reliqua quæ leguntur ad Ephes. 4. cap. Idem Apostolus ad Colos. 3. cap. Mortificate, inquit, membra uestra terrestria, stuprum, immunditiam, mollitiem, concupiscentiam malam & auaritiã, quæ est idololatria, ob quæ uenire solet ira Dei in filios intractabiles: inter quos ambulabatis quondam cùm uiueretis in his. Nunc autem deponite & uos omnia, iram, indignationem, malitiam, maledicentiam, turpiloquentiam ab ore uestro: ne mentiamini alijs aduersus alios, posteaquam exuistis ueterem hominem cum factis suis, & induistis nouum, qui renouatur ad agnitionem & imaginem eius qui condidit illum. Sitis igitur induti tanquam electi Dei, sancti ac dilecti uiscera miserationum, comitatem, modestiam, mansuetudinem, lenitatem, susferentes uos inuicem, & condonantes uobis mutuò, si quis aduersus aliquem habuerit querelam. Et reliqua. Quibus si adijcias eiusdem Apostoli disputata de eadem causa in 6. cap. ad Romanos, uiuidiora erunt singula.

Hæc uerò Apostoli uerba erudiunt nos non tantum quis sit homo uetus, quis nouus, quid sit mortificare ueterem hominem, & quomodo pœnitentes reparentur nouitate spiritus seu mentis: sed etiam qui nam sint digni pœnitentia fructus,

Quomodo mortificetur homo uetus, repareturque spiritus.

De dignis pœnitentie fructibus.



Mat 4.3.

nimirum recitatae uirtutes illae, uel officia illa uitae erga Deum & erga proximum. Debemus Deo timorem siue reuerentiam, humiliationem, agnitionem nostri, fidem, spem, odium peccati & iustitiae studium, proximo charitatem seu beneficentiam innocentiamque. Huiusmodi fructus à gente Iudaica postulauit beatus Ioannes Baptista, cum dixit, Facite fructus qui poenitentiam deceant. Nam apud Lucam rogatus à plebe, à publicanis, & à satellitibus uel stipendiariis, praesidiariisue militibus, quid ipsi poenitentia dignum faciant, non aliud quam quod modò diximus praescribit. Nam Dominus ipse per Isaiam in 5. capite, non alios commemorauit fructus. Et in reuelatione sua S. Ioanni facta, Memor esto (loquitur autem ministro ecclesiae Ephesinae) unde excideris, & age poenitentiam, & prima opera fac. Cum quibus congruunt haec Pauli Apostoli uerba coram Agrippa dicentis, Praedicaui Iudaeis & gentibus, adhortans ut poenitentiam agerent & conuerterentur ad Deum, opera facientes digna ijs qui resipuissent. Ac idem in 2. ad Corinth. 7. cap. Tristitia, inquit, quae secundum Deum est poenitentiam ad salutem non poenitendam efficit. Ecce enim hoc ipsum quod secundum Deum contristati estis, quantum produxit uobis studium: Imò defensionem, imò indignationem, imò timorem, imò desiderium, imò zelum, imò uindictam: Est autem studium diligentia accuratissima corrigendi quod peccatum est. Certè ex incuria & socordia exoritur peccandi assuetudo & securitas. Defendunt poenitentes non sua peccata, sed Apologia utuntur erga Deum deprecatoria. Hypocritae se excusant & tergi uersantur, neque peccata ingenuè agnoscentes, neque culpam deprecantes. Quem uerè poenitet, excandescit in semetipsum propter consceleratos mores uitamque turpiter transactam. Vindicta quam in se exercet affligendo semetipsum, praeuertit imminentem Dei iram. Porro timore cauet sibi ne peccet in posterum. Nam contemptus numinis, est origo omnium scelerum, & uinculum uitae impoenitentis. Dei quoque coelestiumque rerum desiderio rapitur qui uerè poenitet: inardescit zelo, quo fit ut nec cunctetur, nec frigide aut segniter agat, quod agendum sibi ex uerbo Dei didicit. Breuiter quod agit, ex animo intimisque uisceribus agit. Sic enim dicit magnus Dei propheta Moyses, Si conuersus fueris ad Dominum Deum tuum, & uoci eius obedieris toto corde tuo & tota anima tua: conuertet quoque Dominus Deus tuus captiuitatem tuam, & intimis uisceribus miserationis afficietur erga te. Haec de poenitentiae fructibus.

Poenitentia totius uitae & omnium temporum opus est.

Rom 7

Gal. 5.

Ex illis omnibus hoc quoque colligimus, poenitentiam (cuius unicus scopus est, imaginis Dei, olim per Adamum defoedatae, noua per spiritum Christi reparatio in nobis) non paucorum dierum, aut certi temporis opus esse, sed totius uitae nostrae custodiam perpetuam, adeoque in nouationem quotidianam. Nam regenerati sancto Dei spiritu, nunquam sic purgantur, ut nihil carnis uel peccati affectuumque sentiant. Semper obuersatur oculis sanctorum haec nunquam expectanda beatissimi Pauli sententia, Noui quòd non habitat in me, hoc est, in carne mea bonum. Nam uelle adest mihi, at ut faciam bonum non reperio. Non enim quod uolo facio bonum, sed quod nolo malum, hoc ago. Circumferimus enim reliquias carnis per omnem uitam. Vnde est in sanctis bellum perpetuum, insensissimumque. Partim enim obtemperant spiritui, partim labefactantur à carne. Spiritu eriguntur sumum in contemplationem & desiderium rerum coelestium. Carne uerò deprimuntur in terrena, sollicitanturque illecebris huius seculi. Ideò enim Apostolus dixit, Caro concupiscit aduersus spiritum, & spiritus aduersus carnem. Haec autem inter se mutuò aduersantur, ut non quaecumque uolueritis faciatis. Nam & alibi, Idem ego mente quidem, inquit, seruo legi Dei, carne uerò legi peccati. Equidem accedunt his

his artes, doli, & incessabiles mille artificis satanae tentationes. Labor itaque & periculum uere poenitentis, hoc est, Christiani hominis, sic increfcit, ut oratio nostra uix consequatur.

Quis autem non uideat hic quanta opus sit poenitentibus uigilantia, abstinencia, assiduitate, fortitudine & patientia? Quantis sit opus precibus, & his quidem ardentissimis & perpetuis? Proponamus nobis in hac difficili pugna strenuissimi pugilis institutionem S. Pauli Apostoli. Nam haec esse poterit uice prolixissimi commentarii. Etenim abunde quomodo nos geramus in pugna, & quomodo uincamus, imò & triumphemus, docebit. Sic dicit ad Ephesios, Sitis fortes per Dominum fratres, perque potentiam roboris illius. Induite totam armaturam Dei, ut possitis stare aduersus assaultus diaboli. Quoniam non est nobis lucta (duntaxat) aduersus carnem & sanguinem, sed aduersus principatus, aduersus potestates, aduersus mundi dominos, rectores tenebrarum seculi huius, aduersus spirituales astutias in coelestibus. Quapropter assumite uniuersam armaturam Dei, ut possitis resistere in die malo, & omnibus peractis stare. State igitur succincti lumbos ueritate, induti thoracem iustitiae, calceati pedes praeparatione Euangelij pacis, in omnibus, assumpto scuto fidei: quo possitis omnia tela maligni ignita extinguere: & gleam salutis accipite, & gladium spiritus, qui est uerbum Dei. Per omnem precationem & orationem omni tempore precantes in spiritu, & in hoc ipsum uigilantes cum omni assiduitate. Et reliqua Ephes. 6.

Quae necessaria poenitentibus.

ep. 6.

Veniunt ergo hic quoque commemoranda externa poenitentiae exercitia si ueritus poenitentialia, quibus sese exercent sancti in domanda uel humilianda carne, deinde ad testificandum ecclesiae poenitentiam. Hi sunt squalor, lachrymae, gemitus, saccus, ieiunium, clamor, deploratio, neglectus & odium splendoris, apparatus, & etiam concessae uoluptatis: quae etsi fiant, non tamen ex animo & ex uera fide fiant, prorsus nihil profunt. Verum praestat haec discere & quasi in tabula depicta contueri in uerbo Dei syncero. Sic dicit Joel propheta, Conuertimini ad me, inquit Dominus, in toto corde uestro, ieiunio, fletu & lamento: & scindite cor uestrum, & non uestimenta uestra. Conuertimini autem ad Dominum Deum uestrum: quia beneficus est, propensus ad misericordiam, longanimis & multae bonitatis, & qui poenitentia ducitur super malo. Quis scit si conuertatur ac poeniteat, & relinquit post se benedictionem? Clangite tuba in Zion, sanctificate ieiunium, indicite coetum, congregate populum, sanctificate coetum, congregate senes, colligite pueros & lactentes ubera. Egrediatur sponsus de cubiculo suo, & sponsa de uolubulo suo. Inter uestibulum & altare plorent sacerdotes ministri Domini, dicentque: Parce Domine populo tuo, & ne permittas ut haereditas tua probrum fiat, aut ut eis imperitent gentes. Cur diceret in populis, Vbi est Deus eorum? Hisce diuinis, & clarissimis praecceptionibus adiiciemus modò egregium ex iisdem scripturis Niniuitarum uere poenitentium exemplum. De iis sic reliquit scriptum beatus propheta Ionas, Crediderunt Niniuitae Deo, & ieiunio indicto à magno ad paruum usque saccos induerunt. Peruenit ea res ad regem Niniuiticum, qui de solio suo con surgens paludamento suo à se posito, saccum induit & in puluere sedit. Ad haec in tota urbe ex mandato regis publico edicto proclamatum est, Neque homo neque iumenta neque greges quicquam gustent, neque pascantur neque bibant: quin saccis operiantur & homines & iumenta strenueque clament ad Deum. Conuertatur denique quisque à uia sua mala, & à uiolentia & iniuria quae est in manibus eorum. Quis scit an conuertatur Deus & poeniteat auersus à furore irae suae, ut non pereamus? Ceterum praestat audire quam efficax sit uera poenitentia. Sequitur ergo in

Externa poenitentium exercitia, & ritum.

Joel. 2.

Jon. 3.



Iona. Vidit itaq; Deus opera eorū, quod à uirīs suis malis auersi essent, & ipse quoq; ductus est poenitentia super malo quod eis inferre decreuerat. Non enim intulit.

*Priuatā & publica poenitentia.*

*Publica*

*Spontanea non extorta sit poenitentia.*

*Poenitentia uera & falsa.*

*Falsa poenitentia.*

*Felices sunt poenitentes.*

*Infelices sunt impoenitentes.*

Obseruandum est hic quoq; C. V. duplicem esse poenitentiam, nempe Priuatam uel occultam, & Publicam uel solennem. Priuatam quisq; apud semetipsum in occulto agit, quoties contra Deum peccauit, sed in se interim descendit, lumineq; uerbi Dei omnes pectoris sui recessus perlustrat, ac Deo confitetur peccata, hunc offensum esse dolet, ad hunc conuertitur, hunc sibi in Christo placatum credit, propter hunc odit peccatum, & studet iustitiæ & innocentiae. Publica uel solennis locū habet in magnis calamitatibus, in fame, lue, uel bello: ac de hac in primis intelligenda sunt uerba Ioelis prophetae. Habet tamen priuata poenitentia multa cōmunia cum solenni. Petrus enim amarē flet: ieiunant priuatim poenitentes, & abstinentes seueriter ab omnibus concessis uoluptatibus nedum ab illecebris carnis ac mundi. Ceterum oderunt in primis fucum, hypocrisim & ostentationē uanam, quoscunq; uel priuatim, uel publicē poenitet. Est prāterea libera utraq; & sponte quidem suscepta, non extorta uel uiolenta, sed alacri ultroneoq; profecta spiritu. Urget quidem seueriter doctor ueritatis pastorq; ecclesiasticus omnes peccatores ut incunctanter ueram agant super peccatis suis poenitentiam, sed nemini tamē lege lata imponit certam formulam praescribentem tempus, modum, locum, numerum, sed cuiq; libera hac relinquit, modō secundū praescriptū scripturae quisq; quod decer faciat. Publica uerō poenitentia ferē indici solet & recipi ab ecclesia, cum pietas poscitiuaque cogit necessitas, ac quid & quomodo agenda sint omnia unā cum uerbo Dei ostendit. Rursus constat duplicem esse poenitentiam. Est enim poenitentia uera, est & poenitentia falsa. Veram exercet homo regeneratus per spiritum S. in fide Iesu Christi, eaq; fucō caret, & habet omnia de quibus haecenus differui. Exempla uerē poenitentiae plurima suppeditant literae sanctae cum noui tum ueteris Testamenti, quae & pulcherrimē superiora omnia declarant. Praeclara sunt patris nostri Adami & Euae, Populi Israelitici Exodi 33. item in libris Iudicū, & in libris Reg. Excel lunt tamen in his Dauidis 2. Sam. 12. & 1. Par. 21. Manassis item & Iosiae 2. Reg. 23. & 34. In Euangelio offerunt se exempla Matthaei, Zachaei, Peccatricis, & Petri, ut multa alia taceam. Porro falsa poenitentia ficto proficiscitur pectore: & quamuis in speciem uideatur habere uera poenitentiae attributa, quia tamen caret conuersione ad Deum & bona in eundem fiducia, insyncera imō falsa est. Iudae enim Iſchariotis poenitentiam falsam fuisse longē est certissimum: attamen confitebatur peccatum, testimonium praebat ueritati, deniq; pretium sanguinis acceptum à sacerdotibus, iisdem multa cum indignatione doloreq; restituit: ceterum quando ad Christum se nō conuertit, omni fiducia in eius coniecta misericordiam, nullo cum fructu poenitentiam egit. Et nullo quidem cum fructu sese excruciant & poenitentiam agunt omnes hypocritae & fide carentes Et angelica.

Felicissimi autem sunt, qui uerē ex animo & ex fide uera agunt poenitentiam. Infinita enim bona accipiunt à Deo munificentissimo: qui reedit in gratiā cum poenitentibus, amans iam quos prius propter uitam conscleratā oderat infensissimē sed iustissimē. Supplicia quoq; quae inferre statuerat, conuertit in munera. Poenitentes enim bonis omnigenis temporalibus & eternis implet. Intellexit autē ex alijs Sermonibus C. V. tanta à Deo beneficia nobis conferri, non propter nostra opera poenitentiae, sed propter Christum, cui soli fidunt sancti, non operibus poenitentiae, licet sanctissimis. Hunc enim quia diligit pater, nosq; fide Christo sumus fidei, & nos amat & opera nostra Deo placent, quae cum remunerat, gratiam suam in nobis coronat. Rursus infelicissimos esse necesse est impoenitentes. Audiunt quibus deum

bus Deum delictis & facinoribus offenderunt adq̃ uindictam prouocarunt, sed interim non cogitant quomodo iam iam ad supplicium de fontibus sumendum prae-  
deunt deo occurrant, gratiamq̃ eius impetrant. Quid ergo his restat aliud quam  
certissimum & atrocissimum excidium, cum animae tum corporis, adde & fortun-  
narum, deniq̃ rerum omnium quas in hoc amarunt seculo. Recordari hic conuenit  
grauissimae sententiae domini Iesu, in haec uerba in euangelio pronuntiatae, Vae  
tibi Chorazin, uae tibi Bethsaida: quonia si in urbe Tyri aut Sidonis factae fuissent *Math. 11*  
uirtutes, quae factae sunt in uobis, olim in sacco & in cinere poenituissent. Attamen  
dico uobis, Tyro, Sidoni & Sodomae tolerabilius erit in die iudicii quam uobis.  
Notissima est omnibus arbor ficus infrugifera, cuius mentio fit in euangelio, quae *L. 13*  
iudicio Dei exaruit, nimirum in exemplum & terrorem omnium impoenitentium.  
Quid futurum putamus nostri seculi hominibus, tanta cum audacia poenitentiam  
tot annis praedicatam contemnentibus? Sunt alij quidem euangelicae ueritatis, ut  
uideri uolunt, studiosi: sunt alij hostes contemptores & persecutores euangelij:  
inuenias item ingentem turbam Lucianicorum, Epicureorum & Atheorum: cumq̃  
omnes ex aequo sepe poenitentiam suauiter, imò petulanter irrideant, non possumus  
aliud quam horrendum dei iudicium contra huiusmodi impoenitentes expectare.  
Qui sibi consultum uolunt, maturè conuertantur ad dñm, reputentq̃ secum non se-  
mel, nec leuiter, quanta sit iactura retinere haec fluxa huius mundi gaudia, & inte-  
rim amittere aeterna. Maturè faciat quisq̃ quod uidet fieri eo melius, quo fit citius.

Nolo tamen quenquam desperare in suis peccatis, modò poenitentiae medela *Non differatur poenitentia.*  
non aspernetur pertinaciter, neq̃ propter facilitatem benignitatemq̃ patris coele-  
stis, malitiosè & per contemptum poenitentiam differat in finem usq̃. Si uerò car-  
ne mundo & satana praepeditus aliquis, serius mentem poenitentiae applicarit,  
nolo & hunc desperare. Et quoniam dissertatione de poenitentia prolixius, quam  
putaram, produxi, ut finem sermoni imponam, recitabo iam epilogi uice aurea  
plane uerba sancti martyris Christi & episcopi Carthaginensis beati Cypriani, sic *Cyprianus*  
contra Demetrianum scribentis, Credite & uiuite, & qui nos ad tempus persequi  
mini, in aeternum gaudete nobiscum. Quando isthinc excessum fuerit, nullus iam  
locus poenitentiae est, nullus satisfactionis effectus. Hic uita aut amittitur, aut te-  
netur. Hic saluti aeternae cultui dei & fructu fidei prouidetur. Nec quisquā aut pec-  
catis retardetur aut annis, quo minus ueniat ad consequendam salutem. In isto  
adhuc mundo manenti poenitentia nulla sera est. Pater ad indulgentiam aditus: *Nulla poenitētia sera.*  
& querentibus atq̃ intelligentibus ueritatem facilis accessus est. Tu sub ipso licet  
exitu & uitae temporalis occasu pro delictis roges deum, qui unus & uerus est, cō-  
fessionem & fidem eius agnitionis implores: uenia cōsistenti datur, & credenti in-  
dulgētia salutaris de diuina pietate conceditur, & ad immortalitatem sub ipsa  
morte transitur. Hanc gratiam Christus impartit: hoc munus misericordiae suae tri-  
buit subigendo mortem tropheo crucis, redimendo credentem pretio sanguinis  
sui, reconciliando hominē deo patri, uiuificando mortalem regeneratione coele-  
sti. Hunc si fieri potest sequamur omnes, huius sacramento & signo censeamur.  
Hic nobis uiam uitae aperit. Hic ad paradysum reduces facit. Hic ad cœlorum re-  
gna perducit. Cum ipso semper uiuemus, & facti per ipsum filij dei, cum ipso sem-  
per exultabimus, ipsius cruore reparati. Erimus Christiani cum Christo simul glo-  
riosi, de deo patre beati, de perpetua uoluptate laetantes semper in conspectu dei,  
& agentes deo gratias semper. Neq̃ enim poterit nisi & laetus semper esse & gra-  
tus, qui cum mortui fuisset obnoxius, factus est immortalitate securus.



# SERENISSIMO ANGLIAE ET FRANCIAE REGGI, HYBERNIAE DOMI-

NO, VVALLIAE ET CORNVBIAE PPINCIPI, CHRI.

stianæ fidei defensori, Eduardo eius nominis Sexto, Gratiam  
& pacem à Deo patre, per dominum nostrum  
Iesum Christum.



**Q**UOD non ita pridem R. T. M. pollicitus sum, in presentiarum præsto, offerre Sermones Decadis quartæ reliquos octo, quos R. T. M. dedico, ut habeat ex me Decades Sermonum integras duas. Misi mense Martio Sermones XII. Eos per benignè acceptos esse à R. T. M. scribit spectatiss. pietatis & eruditiois vir D. Ioan. Hopperus, vigilantiss. Glocestria episcopus, frater & cōpater meus in Christo colendissimus. Qui & cōmendatione R. T. M. erga me beneuolētia effecit, ut modò maiora fiducia & libertate quàm ante, reliquam hanc operis partē, de rebus lōgè maximis & sanctissimis scriptam, submittam. Dedicatio hac mea nihil aliud specto, quàm quod exposui epistola priore, viuem, pro meo mihi dono à domino cōcesso, pietatis Christianæ negotiū, feliciter iam in inclito Angliæ regno, R. T. M. auspicijs optimorumq. principū consilijs renascens. Gratulantur ob renascentiam illam & R. T. M. & florētissimo regno tuo omnes omnium in toto orbe Christiano nationū verè Christo credētes, orantq. Christū dominū, ut ipse feliciter in eius timore cæpta, ad felicissimū perducatur finem.

An reformare ecclesias uolentibus expectanda sit de terminationis Concilij.  
Matth. 23.

Ierem. 9.

Luce 9.

Qualia aliquot seculis celebrata Concilia.

Aggressa est sane R. T. M. opus & ingens & laboribus molestijsq. refertissimum: sed non detritum interim pijs conatibus, qui dixit: Ecce ego uobiscū sum omnibus diebus usq. ad consummationem seculi. Obijciūt se nunc quoq. ut ab ecclesiæ initio semper, sanctissimis & saluberrimis institutis remota permulta & impedimēta grauiā, cæptā interturbare sat agentes religionis repurgationē, & ipsa in primis, quod & prudentioribus non paucis in ore est, non ita ac celerandū auctoritate prima, sed omnino expectandā esse generalis Concilij in controuersa religione determinationē, absq. cuius indicio non liceat ne regno quidē, nedū reipublica alicui uel tantillū in semel recepta & hactenus usurpata religione immutare. Caterum propheta & apostoli, nō ad Concilia seniorū aut sacerdotum, sed ad uerbū dei nos remittunt, imò legimus apud Ieremiā: Quomodo dicitis, Sapientes sumus, & lex dñi apud nos est? Verè mendaciū operatus est stilus mēdax scribarū. Pudefacti sunt sapientes, expauerūt & capti sunt. Ecce uerbū dñi proiecerūt, quæ ergo in illis potest esse sapientia? Rursus legimus in euāgelio: Nemo qui manu sua admotā aratro respexit à tergo, aptus est regno dei. Proinde suadet prophetica & euāgelica auctoritas, semel cæptā cū timore dei ex uerbo dei reformationē religionis, iustis absolue incrementis, nec respectare ad Cōcilia, quæ affectibus hominū nō uerbo dei diriguntur.

Nam quid expectemus ex generalium Conciliorum determinationibus, docent nos proxima aliquot seculorū exēpla iam inde ab annis quadringentis aut amplius. Causæ Conciliorū fuerunt quidam morbi uel doctrinæ uel docentium, aut collapsa disciplina ecclesiastica. Et clamatū est quidem acriter ab optimis religiosissimis quibusq. annis iam quingentis & amplius, irrepsisse in ecclesiam superstitiones, errores, atq. abusus, sal terræ esse infatuatū, hoc est, ministros ecclesiarū ignauia, inscitia, & sceleribus cōpuruisse, omnemq. in ecclesia disciplinā cecidisse. Vnus inter multos Bernardus Clarenuallensis, huius rei locupletissimus est testis. Ideoq. celebrata sunt non rarò Concilia sacerdotum, conuocante eos pontifice Rom. operamq. suam mutuam collocantibus nō paucis principibus. Verū quid effectū, & quæ emendatio doctrinæ, docentium & disciplina obtenta sit, ipsa loquitur, prob dolor, res. Quod enim crebriora coiere Concilia, tātò magis inualuit superstitio & error in doctrina, abusus in ritibus, superbia, luxus, auaritia, omniūq. corruptio in docentibus uel sacerdotibus, deniq. fuditur ma omnis disciplina oblitteratio. Præfuerūt enim Cōcilijs isti, quos aut primū in ordinē redigi, aut protinus à sanctorū cætu proscribi oportuerat, sed & causas in Concilijs nō legitimas neq. legitimè tractauerunt.

transauerunt. Nam verbum dei nec auctoritatē nec dignitatem suam apud eos habuit, neq. admissum ad causarum discussionem quos in primis admittere decebat, sed quos ipsi voluerunt, neq. his dei gloriam & ecclesie incolumitatem, sed semetipsos, id est, gloriam & voluptates mundi quæsiuerunt. Itaq. tot celebratis Concilijs nihil adhuc obventum videmus emendationis aut reformationis in ecclesia, quin potius errores, abusus, & sacerdotū regnū imò tyrannidē esse confirmatā & auctam.

Et hodie quid nobis ex Concilio polliceamur, etsi cæcis esse libeat, non tamen palpare manib. non poterimus. Non habebit hodie vllā auctoritatem Conciliū vllum, quod non erit legitime (ut istis videtur) cōuocatum. Nō videtur legitime cōuocatum, nisi quod pontifex Romanus cōuocarit, quodq. more hucusq. cōsuetō & legibus receptis fuerit celebratū, nempe in quo sedeant, vocesq. decisuas, ut aiunt, habeant soli illi, quibus residendi & sententias in eo dicēdi permissa potestas est, qui busq. reputabitur infame & cum exhibito pugnare sacramēto, aliquid vel cogitasse nedum dixisse contra pont. & sedem Romanam, contra decreta patrū & cōstitutiones Conciliorum. Quid ergo expectes ab huiusmodi Concilio? Id nimirum, quod iā ab annis quadringentis & amplius maximo cum pietatis detrimento miserā dei ecclesiā sensisse diximus, nempe quod calcata sinceriore Christi doctrina, & oppressa disciplina sancta, magis magisq. in diem increfcere & cōfirmari cernimus cū grāuissima imò intoleranda tyrānide sedis seu ecclesie Rom. falsam putidamq. doctrinā, abusus fœdissimos, plus quā nimīā licentiam & sceleratissimā vitam sacerdotum. Enimvero clamāt isti hæreticum esse erroris accusare pontificē, qui in scrinio pectoris sui omnē cælestē doctrinā habeat reconditā. Clamant isti oēs sanctiones apostolica sedis accipiendas tanq. ipsius diuina voce Petri firmatas. Clamant isti, iniquissimum esse de dogmatis & ritibus receptis à Rom. ecclesia, præsertim autē de sacramentis, quæ in nundinationē fœdissimā conuerterunt, litē mouere, aut illa vocare in dubiū. Clamant isti, Rom. ecclesiā ius habere iudicādi de omnibus, nulli autē hominū licere de eius iudicare iudicio. Extant in decretis Canones apertissimi, hæc ad hunc modum proponētes & urgētes. Quā verò putabimus admissuros reformationē talia mordicus retinētes? Mallent profectō totū interire Cbristum cum suo euangelio & ecclesia vera Christi sponsa, quā vel tantillum suis decedere decretis, ritibus, potestatibus, dignitatibus, opib. & voluptatib. Hi profectō nō venient in Cōciliū ut iudicentur ab alijs, ut emendent ea quæ ipsorum & conscientia adeoq. totus mundus emendāda esse clamat, sed oī. alios iudicare & subiugare, suā illam potentiā retinere, & quicquid ipsorum obstat libidini conculare, è medio tollere, conabuntur. Nā præcesserunt tonitrua multo cum fragore edita cōtra accusatores seu aduersarios sedis apostolica, id est, corruptionis papistica, insequuta sunt & fulmina excommunicationis lætæ sententiæ: inuocātū est iā per annos triginta & amplius brachiū seculare, & senitum est passim in homines innoxios, non scelera quidē patrantes & nequitia defendentes, sed inuehentes in scelera ac sceleratos, reformationemq. ecclesie postulantes: necdum hodie silent edita crudelissima, seuitur in diem magis magisq. in nominis Christi cōfessores: præterea, quæ sunt impudentia & audacia, nō dissimulant Conciliū, si quod institui debeat, ad extirpandas hæreses fore congregandū, imò quod semel Tridēti instituerūt, in hunc finē institutū esse nō obscurē proficitur. Quæ cū Sole clarius verissima esse cernātur, prudētissimè imò & religio. sime feceris o rex pijsime, si non expectata Concilij generalis determinatione perrexeris ecclesias in regno tuo reformare ad regulā librorū veriusq. Testamenti, quos rectē credimus inspiratos à spiritu sancto, ipsissimū esse verbū dei.

Porrò licere cuilibet ecclesie Christianæ, nedum Christiano regno inclito, incōsulta Romana ecclesia eiusq. membris, religionis negotium per illos deprauatum ex integro ad normam verbi diuini reformare, inde claret, quod Christiani, regis sui Christi cætus, ecclesia, vel subditi sunt, cui & obedientiam debent modis omnib. perfectissimam. Præcepit autē dominus ecclesie suæ reformationem: sanam & euangelicam doctrinam commendauit vnā cum legitimo sacramentorum vsu; idem condemnauit doctrinā falsam, id est, pugnantem cum euangelio, damnavit abusum & prophanationem sacramentorum: præterea verum cultum tradidit, falsum proscripsit: idcirco Christiani legib. & imperijs principis sui obtemperantes omnem superstitionem tollunt, & uerq. religionem, ad eū modum quem Christus princeps ordinauit, instaurant atq. conseruant. Stultus profectō & amens est,

Quid hodie expectent Christiani ex Concilio.

Licere cuilibet ecclesie Christianæ reformare.



quisquis negat Christiana ecclesia ius nō esse errores, vitia, & abusus corrigere. Interim plerique, vel suos ita fascinauit Romana tyrannis, ut putarent nihil hic sibi nisi Roma cōcedente licere. Historia ecclesiast. cōmemorant diuersis in prouincijs synodos esse celebratas, in quibus tractatum sit de fide & ecclesiarum reformatione, nulla interim mentione habita pontificis Romani. Quid quod in quibusdam synodis, non hereticis sed orthodoxis catholicisq., illos inuenias esse excommunicatos, qui appellassent à suis Ecclesijs Romam? Certè S. Cyprianus scribens Romano episcopo beato Cornelio: Cum statutū sit, ait, ab omnibus nobis, & equū sit pariter & iustum, ut uniuscuiusq. causa illi audiat ubi crimen est admissum, & singulis pastoribus portio gregis sit ascripta, quam unusquisq. & gubernet, rationē sui actus domino redditurus, oportet utiq. eos quibus praesumus, non circumcumsare, neq. episcoporum concordia coherentē sua subdola & fallaci temeritate collidere, sed agere illi causam suā ubi & accusatores habere & testes sui criminis possint. Sed omisiss humanis testimonijs ad diuina descendimus. Sanctissimus rex Iosias te in hac causa, rex pijsime, quid agas & tunc quid diuino agas, vnus, docere potest. Intellexit hic ex lectione diligenti libri sacri, & ex cōtemplatione rerum praesentiu cultusq. diuini qui tunc in vsu erat, grauius & longissimē à suis maioribus à simplici veritate aberratū esse, protinus ergo conuocat principes & oēs ordines regni sui, vna cū omnib. sacerdotib. comitia celebraturus sacra. In his nō diu disputat maiorū ne exēpla potius sint sequenda q̄ praeceptio diuina simpliciter recipienda: an scriptura sacra magis credendū an ecclesiae? an summū pontifici omne sit de religione iudiciū deferendū? Nā proposito in mediū libro legis, scriptura sacra sese & oēs suos subijcit, ex libro legis ipse discit & alios suos omnes discere iubet quid Deo placeat, id nimirū quod precipiebatur & discebatur lectione diuina legis. Extemplo autē id ipsum oēs facere sine exequi iussit, nulla ratioe habita vetustae cōsuetudinis, aut ipsius etiā ecclesiae qua tūc erat: vniuersū verbo dei subiecit. Quod factū eius ita laudatur, ut post Dauidē oib. p̄feratur regib. Iuda et Israel.

Iosias rex.

Non possit fidem  
nisi ex uerbo Dei  
reformari.

Rom. 10.

1. Cor. 2.

Scripturae plenā  
sufficiunt refor-  
mandae ecclesiae  
formam.

Non potest autem R. T. M. aliud sequi consilium melius & tutius, cum hoc sit à deo profectum, & causae qua de agitur accommodatissimum. Agitur de religionis reformatione & fide Christi vera. Eam scis oriri caelo, nempe doceri verbo Dei & infundi cordibus nostris per spiritum sanctum. Paulus enim: Fides, inquit, ex auditu est, auditus autem per verbum Christi. Proinde vera fides, ut non innititur verbo hominum, ita eodē non docetur aut plantatur. Alibi enim rursus dicit Apostolus: Pradicatio mea non erat in persuasorijs humanae sapientiae verbis, sed in ostentatione spiritus & potentiae, ut fides vestra non sit in sapientia hominum, sed in potentia dei. Proinde meriti repudiamus omnes humanas traditiones, & conuertimur duntaxat ad doctrinam verbi domini, extra quam certissimē iam constat nullam esse verae fidei doctrinā, nullum verae fidei fundamentū.

Neq. verò illo modo audiendi sunt, quib. videtur scripturas canonicas nec satis claras nec satis plenas, sufficere aut instructas esse, quae iustā possint suppeditare reformationis formā. Blasphemant spiritum dei, impingentes ei obscuritatē & imperfectionem, quae vitia nullus scriptor prophetae aquo fert animo. S. Paulus veritatem vindicans: Omnis scriptura inquit, diuinitus inspirata, utilis est ad doctrinā, ad redargutionē, ad correctionē, ad institutionē, quae est in iustitia, ut integer sit dei homo ad omne opus bonū apparatus. Quid in his oro verbis omittitur, quod modò ad perfectissimā reformationem pertinere videatur? Quid habent obsecro impudentes illi, quod his opponant? Perge, ergo, perge, rex pijsime, imitari reges sanctissimos, & infallibilē scriptura sanctae regulā, hoc est, perge, nulla hominū auctoritate expectata, ex veracissimo & absolutissimo veritatis diuini nobis organo reformare ecclesias Christi Anglicanas. Dñs Iesus, ecclesia sua caput et princeps, optimus, maximus, seruet & deducat te cultorē eius fidelissimū in veritate sua, in finē vsq., ad gloriā nominis eius, & totius ecclesiae Christianae incolumitatē. Tiguri, Mense Augusto, Anno domini 1550.

R. T. M.

deditissimus Henrychus Bullingerus, Tigurina Ecclesiae in Heluetia minister.

# DECADIS IIII. SER-

## MONES RELIQVI OCTO: AV

THORE HEINRYCHO BULLINGERO.

*De Deo & eius cognitione vera, modisq; cognoscendi ipsum varijs: Quod unus sit Deus  
substantia, personis trinus.* SERMO III.

**D**ISPVTAVI haftenus per Sermones XXXII. de Verbo Dei, eiusq; expositione legitima, de Fide Christiana, de Dilectione Dei ac proximi, itē de Lege naturæ, humana & diuina, deq; diuinæ legis partibus, nempe de Lege morali, ceremoniali & iudiciali: de Vsu legis, eius impletionē & abrogatione, de Similitudine & differentia testamenti, populiq; cū veteris tum noui, de Libertate Christiana, de Scandalo, de Bonorum operum ratione ac meritis: de Peccato & peccati speciebus varijs: item de Gratia Dei, siue euangelio Iesu Christi, in quo nobis pater cœlestis omnia cū uitæ tum salutis æternæ dedit: deniq; de Pœnitentia & ijs quæ uidentur pertinere ad pœnitentiam. Et quoniam instituimus de potissimis religionis nostræ capitibus sobriè disputare, præterea in prædisputatis frequentissima incidit mentio Dei, cognitionis eius ac cultus, item Christi Iesu, & Spiritus sancti, rursus spirituum & bonorum & malorum, Ecclesiæ quoq; Orationis, Sacramentorum & similium rerum sacrarum, absolutis illis, poscit ipsa necessitas ut iam etiam dicamus de his omnibus & singulis ex scripturis sanctis, quod loqui dederit Dominus.

De Deo multæ fuerunt quondam opiniones erroneæ, non in uulgo duntaxat, *varie opinio- nes de Deo.* sed & in philosophorum grege & pseudochristianorum cōuenticulis. De illis dicere solebat uetustissimus & eruditissimus scriptor Tertullianus, philosophos hæreticorum esse patriarchas: de his dixit beatus Ioannes Apostolus: Exierūt ex nobis, sed non erant ex nobis. Nam si fuissent ex nobis, permansissent utiq; nobiscum. Nec uideo quem fructum inde consequamini, si pergam singulorum recensere sententias. Præstat fortè audire qua in re errarint alij, ne in eundem scopulum & ipsi impingamus. Proinde si qui exercitiores exterorum & hæreticorum sententias de Deo cognoscere uelint, uel ex Plutarchi Placitis phil lib. 1. cap. 7. uel ex alijs gentilibus, aut etiam 1. lib. Cyrilli cōtra Iulianum, deniq; ex 4. cap. dogmatum uel definitionum ecclesiast. colligant. Nolo in præsentias aures & mentes hac molestia onerare. Diuersitas illa opinionum non alio fonte deriuatur, quàm *unde uarietas opinionum, & unde petenda uera dei cognitio.* ex audacia & inscitia hominum, quos non pudet suo arbitrio, & ex suo cerebro ea affingere Deo, à quibus omīno liberrimus & alienissimus est. Vt iam non commorem humani ingenij angustiam ac tenebras. Quis uerò essentiam Dei intellectu suo capiat, cum nemo adhuc plenè perspexerit qualis sit anima hominis, qualia multa in corpore hominis, qualis substantia solis & lunæ? Adferuntur quidem multæ rationes physicæ: sed maius & mirabilius perpetuò manet opus Dei, quàm assequatur cerebrum & eloquutio hominis. Nullus ergo hominum certum aliquid de deo habere cupiens, in semetipsum descendat, aut humano innitatur iudicio. Alioqui semper colet figmentū cordis sui, stultitiam, nugas & deliria. Contra uerò non potest non rectissimè de Deo sentire, iudicare & loqui, qui nihil sibi tribuit, nihil ex suo fingit cerebro, aut confictum ex capite alterius, sibi sequendū



deligit, sed in omnibus os Dei observat, reuelationemq; Dei sequitur. Proinde ueluti lege certa constitutum sit, non posse deum rectè cognosci nisi ex uerbo Dei & Deum talem esse credendum uel recipiendum, qualè se ipse nobis in uerbo suo reuelat. Nemo certè melius quid & qualis sit Deus dixerit, quàm ipse Deus.

*Esse Deum.*

*Psalm. 14.*

Hic deus cum in uerbo suo, & per ipsam mundi machinam, per scripturas sacras, & per oracula ex ore patriarcharum, prophetarum & Apostolorum pronuntiata, in animis denique seu conscientijs hominum testetur se esse, merito regius propheta David cecinit, Dixit insipiens in corde suo nō est Deus. Amentē enim esse necesse est eum, qui negat quod omnibus in mundo non destitutis sana ratione est perspicuum, esse uidelicet deum: cum & Cicero author ethnicus lib. de Natura deorum, inter alia dicat, Omnibus innatum & in animis quasi insculptum esse Deum. Certè qui negant Deum esse, quem negant nihilominus metuunt, metuendo ergo confitentur, ac seipsos ueluti redarguunt mendacij & perfidiae.

*Modum seruandum esse in perquisitione, quid sit Deus.*  
*Proverb. 25.*

*Exodi 19.*

Rursus sciendum est, in quaestione, Quid uel quis sit Deus, licet hæc instituta ex scripturarum discussione, modum omnino esse seruandum. Etenim curiosus uelle inquirere, scrutari aut inspicere ipsam Dei æternam essentiam, non modò periculosum, sed & modis omnibus est prohibitum. Solomon clamat, Quam admodum multum mellis edere nō est bonum: sic qui scrutator est maiestatis, operimetur à gloria. Ante colloquium illud singulare & excellentissimū, quo Deus noster in monte Sina cōgreditur cum uniuerso populo Israelis, audit Moses, Circumscribe terminum populo circum montem dicens, Cauete uobis ne ascendatis in montem, neq; extremitatē eius attingatis. Quicumq; montem attigerit, morte moriatur, &c. En capitale erat præscriptos transcendere limites uel terminos. Sunt ergo definita studia nostra. Certè legimus passim in sacris literis excellentissimos dei amicos trepidasse planè consternatos, quoties ipse deus spectro aliquo se ipsorum oculis sua sponte ingessit. Exempla non est quòd copiosius tractē. Notis quomodo se gesserit Abraham in colloquio suo cum Deo habito Gene. 18. Quid dixerint parētes Gedeonis, in libro Iudicum. Quid Helias 3. Reg. 19. Petrus post quā ex miraculosa piscium captura intellexisset Christum amplius quiddam esse quàm hominē, exclamauit, Exi à me domine, quia homo peccator sum. Proinde sancti sicubi alias in Dei negotijs, hic maxime sunt humiles, modesti & religiosi, intelligentes æternam & immensam potentiam maiestatemq; ineffabilem, nulla posse definitione circumscribi, nullo comprehendi nomine.

*Luce 1.*

*Nomen Dei ineffabile.*  
*Tertullianus*

Eleganter, piè & uerè Tertullianus in libro suo de Trinitate, Nomen Dei proprium, inquit, edici non potest, quia concipi non potest. Id enim nomine continetur quicquid etiam ex naturæ suæ conditione comprehenditur. Nomen enim significantiā est eius rei, quæ comprehendi potuit ex nomine. At quādo id de quo agitur tale est, ut condignè nec ipsis intellectibus colligatur, quomodo appellationis dignè uocabulo pronuntiabitur? Quod dum extra intellectum est, etiam supra appellationis significantiam sit necesse est: ut merito quando nomen summi deus ex quibusdam rationibus aut occasionibus aut adiicit & præfert, non tam legitimam proprietatem appellationis sciamus esse depromptam, quàm significantiam quandam constitutam, ad quam dum homines decurrunt, Dei misericordiam per ipsam impetrare posse uideantur. Et idem iterum, De Deo & ijs quæ sunt ipsius & in eo sunt, nec mens hominis quæ sint, quanta sint, & qualia sint, dignè concipere potest: nec eloquentia sermonis humani æquabilem maiestati eius uirtutem sermonis expromit. Ad cogitandam enim & ad eloquēdam eius maiestatem, & eloquentia omnis, meritò muta est, & mens omnis exigua est. Maior est enim

mente ipsa: nec cogitari possit quantus sit: quia si cogitari poterit, mente humana minor sit oportet, qua concipi possit. Maior est quoque omni sermone, nec dici possit. Quia si potuerit edici, humano sermone minor sit oportet, quo cum dicitur circumferri & colligi posset. Quicquid autem de illo cogitatum fuerit, minus ipso erit: & quicquid enunciatum fuerit, minus illi comparatum circum ipsum erit. Sentire enim illum taciti aliquatenus possumus: ut autem ipse est, sermone explicare non possumus. Siue enim illum dixeris lucem, creaturam ipsius magis, quam ipsum dixeris, ipsum non exprefferis. Siue illum dixeris uirtutem, potentiam ipsius magis, quam ipsum dixeris & deprompseris. Siue dixeris maiestatem, honorem ipsius magis quam illum ipsum descripseris. Et quid per singula quæque percurrere longum facio? Semel totum explicabo. Quicquid omnino de illo retuleris, rem aliquam illius magis, quam ipsum explicaueris. Quid enim de eo condigne dicas aut sentias, qui omnibus & sermonibus & sensibus maior est? nisi quod uno modo & hoc ipsum, quomodo possumus, quomodo capimus, quomodo intelligere licet, quid sit Deus mente capiemus, si cogitauerimus id illum esse, quod quale & quantum sit non possit intelligi, nec in ipsam quidem cogitationem possit uenire. Nam si ad solis aspectum oculorum nostrorum acies hebescit, ne orbem ipsum obtutus inspiciat, obuiorum sibi superatus fulgore radiorum: hoc idem mentis acies patitur in cogitatione omni de Deo: & quanto ad considerandum Deum plus intenditur, tanto magis ipsa cogitationis suæ luce cæcatur. Quid enim de eo (ut iterum repetam) condigne dicas, qui est sublimitate omni sublimior, & altitudine omni altior, & profundo omni profundior, & omni luce lucidior, & omni claritate clarior, omni splendore splendidior, omni robore robustior, omni uirtute uirtutior, omni pulchritudine pulchrior, ueritate omni uerior, & fortitudine omni fortior, & maiestate omni maior, & omni potentia potentior, & omnibus diuitijs ditior, omni prudentia prudentior, & omni benignitate benignior, omni bonitate melior, cuncti iustitia iustior, omni clementia clementior. Munera enim sunt necesse est omnium genera uirtutum eo ipso qui uirtutum omnium & Deus & parens est: ut uerè dici possit id Deus esse quoddam eiusmodi esse cui comparari nihil potest. Super omne est enim quod dici potest. Hactenus Tertulliani uerba recensui.

Quamuis autem hæc se omnino sic habeant, nec ulla uel angelorum uel hominum lingua plenè explicauerit quid, quis, uel qualis sit Deus, cum eius maiestas sit immanis & ineffabilis, scriptura tamen, quæ uerbum Dei est, attemperans se nostræ imbecillitati, modos, formas uel rationes aliquot nobis suppeditat, per quas saltem in aliquam Dei cognitionem, quæ interim nobis sufficiat donec hic in terra uiuimus, inducamur: ita tamen ut cogitemus perpetuò immensum definiri non posse, sed occasionem duntaxat aliquam præberi, qua ad maiora per spiritus illuminationem efferamur: semperque in hac disputatione ob oculos nobis præfixum teneamus hoc uerissimum æterni Dei dictum, ad Moysen prolatum, Non poteris *Exodi 33.* uidere faciem meam. Non enim uidebit me homo & uiuet. Vbi enim hinc mi-grauerimus exuti mortalitate & infirmitate humana, diuinam uidebimus maiestatem. Nam Ioannes Apostolus dixit, Scimus quoniam si apparuerit, similes ei *1. Ioan. 3.* erimus: quoniam uidebimus eum sicuti est. Cum his meminerimus & uerborum Pauli Apostoli dicentis, Cernimus nunc per speculum in ænigmate, tunc autem facie ad faciem. Proinde nemo præscriptos terminos transire, aut tempus destinatum præuertere, & Dei faciem, ipsam inquam Dei essentiam, intueri in hac carne & in hoc seculo uiuens, impia curiositate audaciæque præsumat. Sufficiat cuique illa Dei reuelatio, quam ipse nobis in uerbo suo dignatur aperire, nimirum pro bona



sua uoluntate quantum nobis & necessarium & utile est scire. Ac ueram utiq; sapientiam esse dicemus meritò quæ in hac re non uolet plus scire aut sapere, quam æterna sapientia sapere docet.

*Nomina Dei.*

Prima ratio cognoscendi Dei petitur ex ipsis Dei nominibus in scriptura ipsi attributis. Ea sunt multa & uaria, quia uirtus, sapientia inquã, bonitas & iustitia, ac que potestas eius infinita est. Recensebo & explicabo pro mea uirili duntaxat excellentiora maximeq; uulgaria.

*Iehouah.*

Inter nomina Dei excellit illud maxime quod uocant tetragrammaton, id est (si quidem sic loqui licet) quadrilaterum: componitur enim ex quatuor spiritalibus literis, ac dicitur Iehouah. Deriuatur hoc ab Houah uerbo substantiuo, cui præponitur Iod, ac fit Iehouah, id est, ens siue existo, qui uidelicet est æternæ existentia ex semetipso, uitam & esse, non ab alio, sed ex seipso habens, nullius indigens ut sit, sed omnibus esse conferens, Deus utiq; æternus, sine principio & fine, in quo uiuimus, mouemur & sumus. Huc maxime pertinet quod in hac uerba legimus Exodi 3. cap. Et dixit Moses ad Deum: Si ueniens ad filios Israel (ad quos nunc me mittis) & dixero eis, Deus patrum uestrorum misit me ad uos, ipsiq; interrogauerint me, Quod est nomen eius: Quid respondebo eis: Et respondit Deus Mosi, Sum qui sum. Vel, Ero qui ero. Et ait, Sic dices filijs Israel, Sum, uel, Existo, aut Ens, uel, Ero, misit me ad uos. Id est, Deus sum qui ero, & is misit me, qui utiq; est ens siue essentia & Deus æternus. Futurum enim tria comprehendit tempora, Qui est, qui fuit, qui erit, misit me. Certè beatus Ioannes Apostolus & Euangelista uidetur respexisse ad hoc uerbū Domini, quod & interpretari uoluit, dicens, in persona Dei, Ego sum A & Ω, principium & finis: dicit Dominus, qui est, & qui erat, & qui erit siue uenturus est, omnipotens. Obseruarunt alij in omnibus ferè linguis, etiam barbaris, nomen Dei esse tetragrammaton. Certè de Hebraica non est dubium. De Græca, Latina & Germanica non minus certum est. Græcè enim Deus dicitur θεός, Latine Deus, Germanicè Gott. Addunt ex Persarum lingua *دئو*, ex Ægyptiaca *دئو* uel *دئو*, & per contractionem *دئو*. Porro ex quatuor literis mysteria planè mirifica proferunt Cabalisticæ. De quibus ut alij diligentius scripserunt,

*Apocal. 1.*

ita ego malo his subtilitatibus C. V. non implicari. Huic finitima sunt & hæc Dei nomina, Iah & Hu. Illud in Psalmis non semel occurrit. Dicit enim David Halleluiah, id est, laudate Dominum. Huius meminit idem David, dicens Hu, ipse inquam Deus omnia essentia & creator, dixit & factum est: Hu, ipse præcepit & extitit. Apud Isaiam dicit, Ego Dominus, Hu est nomen meum, & gloriam meam alteri non dabo. Deriuantur autem & illa uocabula ab essentia, & docent Deum semper sui esse similem, essentiam ex seipso ab æterno existentem, omnibusq; existentibus esse conferentem: utpote per quem, in quo, ad quem, sunt omnia, cum sit ipse perpetua & perfectissima *αὐτοτελής* seu perfecti habia.

*Iah & Hu.*

*Adonai.*

Nomen uerò Dei tetragrammaton Iehouah, non ita legunt uel exprimunt Hebræi, sed pro ipso reponunt Adonai. Illud enim dicunt esse ineffabile. Pro hoc reposerunt omnes interpretes uocabulum Domini. Est enim Deus Dominus omnium rerum, tam uisibilium quàm inuisibilium. Nec est alius in toto mundo Dominus, nisi hic unus uel solus, cui omnia in mundo subiecta seruiunt. Nam ipse merum obtinet imperium, & monarchiam absolutissimam. Hinc Dei uocabulo ad euidenciam aliquando coniungitur uox Sabaoth. Dicitur enim Dominus Sabaoth. Id quod alij exponunt Dominus uirtutum, alij Dominus exercituum. Deus enim cum sit omnipotens, uirtute seu robore præstat, imò & in exercitu suo, quid possit & quanta sit eius uirtus declarat. Cum enim Deus sit uniuersæ creaturæ, & his ut

*Dominus Sabaoth uel exercituum.*

imperator

Imperator aliquis suis militibus utatur, maximaq; & stupenda efficiat, uel per minima, quantus & quanta eius uirtus sit declarat. In exercitu Dei sunt omnes angeli, de quibus dixit Daniel, Millena millia & centena millia ministrabant ei. Ex his unus angelus cecidit una nocte militum, in castris Assyriorum, sub signis regis potentissimi Senacheribi, centena & octoginta quinque millia. In exercitu Dei sunt omnes stellæ, omnes uenti, omnes impressiones igneæ, aereæ & aqueæ. In exercitu Dei sunt omnes cacodæmones, omnes homines, reges & principes, tota omnium regnorum militia, omnes denique creaturæ, uisibiles & inuisibiles. His omnibus ipse pro suo arbitrio, imò pro bona & iusta sua uoluntate utitur, quando, quantum, & quandiu uult, ad efficiendum eius iudicium & uoluntatem. In puniendo primo seculo usus est aquis, in excindenda Sodoma & uicinis urbibus igni, in perdendis Chananæis & Iudæis hominum uel militum opera. Aliquando additur uocabulo Domini Æleon, & dicitur Dominus æleon, id est, excelsus. Nam Psalmo 113. legimus, Excelsus super omnes gentes Dominus, & super cœlos gloria eius. Quis sicut Dominus Deus noster, qui ita se sublimat in habitatione? Et Psalmo 97. Excelsior es Domine omnibus quæ sunt in terra, nimis exaltatus es supra omnes Deos.

Daniel. 7.

Dominus excelsus.

Rursus nuncupatur Deus El, nimirum à robore. Nam quod uult potest efficere, ideòque dicitur Deus fortis, heros uel gigas. Ieremias enim, Dominus est mecum, inquit, ceu gigas robustus. Isaias dicit, Dominus gigantis instar prodibit, & sicut miles excitabit zelum, clamabit & super hostes suos roborabitur. Huic consine est uocabulum Eloah, cuius plurale est Elohim. Illa appellatio innuit Dei præsentiam, qui nusquam deest suo opificio, & suis cultoribus. Ieremias clamat, Deum inducens loquentem, An non Deus de propinquo ego, & non Deus de longinquo? Num abscondet se quisquam in latebras, ut eum uidere nequeam, ait Dominus? An nò cœlum & terram ego impleo? Nam prior dixit Dauid, Quò ibo à spiritu tuo, & quò à facie tua fugiam? Si ascendero in cœlum, tu illic es: si descendero in infernum, ades. Si sumam pennas auroræ & habitem in extrema parte maris, etiam ibi manus tua reget me, & tenebit me dextera tua. Ergo Paulus Apostolus, Non procul abest, inquit ab unoquoque nostrum Deus. Per ipsum enim uisum, mouemur & sumus. Ea de causa Deus fortassis à Græcis appellatus est *θεός*, nimirum à *θεω* à promptitudine & accurrendo, quòd ipse nunquam desit mortalibus, sed semper & ubique opem ferat. Similiter Plato in Cratylo & eius interpretes Proclus, *θεός*, à *θεω*, hoc est à currendo deduci arbitrantur: cæterum cursum illum non refert ad præsentiam & auxilium Dei: sed ad aliud. Nam cùm homines uiderent Solem, Lunam, Astra, cœlum ipsum currendo semper circumuolui, deos esse arbitrati sunt. Sunt qui *θεός* à *θεω*, hoc est, à metu & timore inflexum uelint. Timor enim uel religio credit & suadet esse Deum. Fortè à Græco uocabulo *θεός* formarunt Latini suum uocabulum Deus. Sed sunt qui putent uocabulum Deus deductum esse à dando, quòd scilicet omnia omnibus det. Ita enim Hebræis Dai (quod mox dicemus) uel schaddai nuncupatur, qui uidelicet sibi sufficit, nulla re indiget, sed omnibus omnia sufficit bona & necessaria. Alij Deum Latinis dictum uolunt, quòd ipsi nihil desit prorsus.

El. Ierem. 20. Isaiæ 42.

Eloah. Ierem. 23.

Psal. 138.

Apost. 17. *θεός*.

Deum.

Porro pluratiuam uocem Elohim scriptura non tantum Deo tribuit, sed & angelis & iudicibus, seu primarijs uiris: utpote quibus in officio ab ipso instituto laborantibus præsens adsit, & per ipsos operetur quæ uult, hominibusque salutaria sunt. Hæc uox coniungitur uerbis singularibus, ut Genes. cap. 1. In principio creauit *dij* (bara enim creauit singulare est) cœlum & terram. Ea re proponitur nobis

Elohim.



adorandæ Trinitatis mysterium. Tale enim quiddam dixisse uidetur Moses, in principio creauit Deus ille trinus cœlum & terram. 2. Samuelis 7. capite, coniungitur plurale cum uerbis pluralis numeri, rursus ad demonstrandam suprabenedictæ trinitatis perspicuam distinctionem.

*Schaddai.* Porro in fœdere quod pangit Deus cum Abraham patre nostro, iterum aliud *Genes. 17.* sibi nomen indit. Nam dicit, Ego Deus Schaddai, id est, sufficiens uel sufficientia, Deus ergo Schaddai appellatur. Id alijs uertunt uastatorem: quasi se iustum appellauerit uindicem & ultorem. Verum Moses ille Ægyptius, Nomen Schaddai compositum est, ait, ex uerbo Daij, quod est sufficit, & ex litera W, quæ idem pollet quod ascher, id est, qui, ut Schaddai sit idem, qui sufficit sibi omniumque suffi-

*Saturnus.* cientia est. Fortassis Ethnici uocabulum Saturni hinc illis attribuerunt, quos impiè putauerunt esse deos. Nam ut à die deducitur diurnus, sic à saturando nomen trahitur Saturnus. Deus ergo est cui nihil deest, qui sibi in omnibus & ad omnia satis est, qui nullius ope indiget, imò qui solus omnia habet, quæ pertinent ad perfectam huius & futuri seculi felicitatem, solusq; exaturare potest. Hac de causa

*Gott.* appellant Deum Germani Gott, quasi tu dicas bonum siue optimum maximum, das hōchste oberist gut. Quia ut plenitudo est omnis boni, ita hominibus omnia bona liberalissime impartitur. Germanica uox non multum abludivit ab antiquissima Ægyptiorum Dei nuncupatione. Vocant enim Deum *Deus* uel *Deus*. Si enim reponas pro *Deus* ipsum *γ*, leges *γδ*. Dominus ipse Exodi 6. capite hæc duo uocabula sua Schaddai & Iehouah, ceu excellentissima, coniungit ac dicit, Ego Iehouah. Et apparui Abraham, Isaac & Iacob in Deo Schaddai: & in nomine meo Iehouah non sum eis notus factus. Non quod patriarchæ non audierint aut sciuerint

*Genes. 4.* nomen Dei Iehouah. Hoc enim temporibus Seth mox ab exordio mundi coepit inuocari. Tale ergo quidpiam uidetur dicere Dominus: Ego me patribus aperui, ueluti Deum Schaddai, qui in omnibus possim ipsos exaturare bonis, ideoque terram lacte & melle manantem promisi. Caterum in nomine meo Iehouah eis nondum factus sum notus, id est, nondum præstisi quod promisi. Audiuimus enim Iehouah dictum esse ab eo, quod ipse esse facit, ideoq; & promissionem in opus producit: iam ergo opere complebo, inquit, declaraboq; me non modò Deum esse Schaddai, sed & Iehouah, essentiam æternam, constantem, ueracem & mei per omnia similem.

*Deus Abraham, Isaac & Iacob.* Postremò legimus Exodi 3. Deum dixisse ad Moysen, Sic dices ad filios Israel, Dominus Deus patrum uestrorum Deus Abraham, Deus Isaac, & Deus Iacob mihi sit me ad uos. Hoc est nomen meum in perpetuum, & hoc memoriale meum in generationem & generationem. Proinde aliud iam nomen Dei habemus. Vult enim appellari Deus Abraham, Isaac & Iacob. Hoc, inquit, memoriale meum erit in generationem & generationem, in quo uidelicet refricabo mea beneficia patribus illis exhibita, ut ex illis posteri me norint, mei q; meminerint. Quando enim audimus nomina patriarcharum, simul ingerunt se omnia à Deo ipsis collata beneficia cum præstantissima tum innumera: quæ non frustra tanta diligentia & sigillatim exponuntur à Mose per primum librum, quem dicimus Genesim. Vult enim nos scire Deum esse perinde ut illorum Deus fuit: nisi non illi credamus, sicut ipsi crediderunt. Erit enim & nobis credentibus Iehouah & Schaddai, constans & æterna ueritas, esse & uita, confertissimusq; omnium bonorum cumulus. Interim non caret mysterio, quod cum patrum quoque aliorum Deus fuerit, utpote Adami,

*Trinitas.* Seth, Enos, in primis autem Enoch & Noe, ex omnibus tamen delegerit triadem illam Abraham, Isaac & Iacob, singulisq; nominibus suum, id est, Dei nomen singula-

singulariter præfixit, dicens, Ego sum Deus Abraham, Deus Isaac, & Deus Iacob. Ita enim manifestè mysterium trinitatis in unitate diuinæ essentia docuit, & quod personarum qualibet eiusdem est diuinitatis, gloria, & maiestatis, id est, quòd uerus Deus est pater, uerus Deus filius, & uerus Deus spiritus sanctus: & quòd hi tres sunt unus Deus. Dicit enim, Ego sum Deus, &c. De qua re suo dicitur loco. Hæc de nominibus Dei hætenus, ex quibus qualiscunq; dei cognitio decerpi potest. Scio Dionysium quendam operosum de diuinis nominibus scripsisse commentarium: uerùm intelligunt, opinor, ppi & Apostolica doctrina studiosi omnes, Apostolorum discipulos res diuinas longè simplicius tractauisse. Scio alios recensere LXXII. Dei nomina ex scripturis & ex Cabalisticis libris, quæ ut alibi commemorauim, sic paulò post ex Exodi 34. cap. potiora ex illis recensere.

*Dionysius de diuinis nominibus.*

Secundo proponitur nobis in uerbo Dei spectandus, contemplandus, siue cognoscendus Deus per uisiones spectraq; diuina, uelut in quadam parabola, dum per prosopographias & prosopopœias aut Icones nobis quasi ob oculos statuitur. Admonemur interim, ne hæreamus in uisibilibus illis, sed eleuemus mentem à uisibilibus ad inuisibilia & spiritualia. Neq; enim Deus corporeus est in sua substantia, quòd specie humana nobis exhibetur in uisionibus. Neq; quisquam sanctorum apud ueteres ante natum Christum humana imagine expressit Deum quòd se humana specie uisendum exhibuisset patribus & prophetis. Anthropomorphitarum delirium est, Deum esse corporeum & instar hominum humana habere membra.

*Spectra & prosopographia Dei uel icones.*

Ac ne quis sibi imponat hac in causa, affingens & ipse Deo rem aliquam indignam, antidoti uice recitabo C. V. S. Augustini uerba, quæ is ex scripturarum pura intelligentia aliorumq; orthodoxorum doctorum testimonijs ad Fortunatum de Videndo deo contra Anthropomorphitas scripsit. De membris Dei, ait, quæ assidue scriptura commemorat, ne quisquam secundum carnis huius formam & figuram nos esse crederet similes Deo, propterea & eadem scriptura & alas habere Deum dixit, quas nos utiq; non habemus. Sicut ergo cum alas audimus, protectio nem intelligimus: sic & cum audimus manus, operationem intelligere debemus.

*Anthropomorphite.*

Et cum audimus pedes, præsentationem. Et cum audimus oculos, uisionem qua cognoscit. Et cum audimus faciem, iustitiam qua innotescit. Et si quid aliud eadem scriptura tale commemorat, puto spiritualiter intelligendum. Neq; ego hoc tantum, aut ego prior sic sentio: sed omnes qui qualicunque spiritali intelligentia obfistunt illis qui ob hoc Anthropomorphitæ nominantur. Ex quorum literis ne multa commemorando maiores moras faciam, unum S. Hieronymi testimonium interpono. Cum enim ille uir in scripturis doctissimus, Psalmum exponeret ubi dictum est,

*Deo incorporato membra attribuuntur quomodo?*

Intelligite igitur qui insipientes estis in populo, & stulti aliquando sapite, Qui plantauit aurem non audiet: aut qui finxit oculum non considerat. Inter cætera iste locus, inquit, aduersus eos maxime facit, qui Anthropomorphitæ sunt, qui dicunt Deum habere membra quæ etiam nos habemus. Verbi causa, dicitur habere oculos. Oculi domini aspiciunt omnia: manus Domini facit omnia. Et audiuit, inquit, Adam sonum pedum domini dambulantis in paradiso. Hæc simpliciter audiunt, & humanas imbecillitates ad dei magnificentiam referunt. Ego autem dico quòd deus totus oculus est, totus manus est, totus pes est. Totus oculus est, quia omnia uidet. Totus manus est, quia omnia operatur. Totus pes est, quia ubique est. Ergo uidete quid dicat, Qui plantauit aurem non audiet: aut qui finxit oculos non considerat. Et non dixit, Qui plantauit aurem, ergo ipse aurem non habet: Non dixit, Ergo ipse oculos non habet: Sed quid dixit? Qui plantauit aurem non audiet? Qui finxit oculos non considerat? Membra tulit, efficientias dedit. Et paulò post

*Sumpta sunt hæc Hieronymi ex Tertulliano.*



idem D. Augustinus, In his omnibus quæ de opusculis sanctorum atq; doctorum commemoravi, Ambrosij, Hieronymi, Athanasij, Gregorij (Nazianzeni) & si quæ aliorum talia legere potui, quæ commemorare longum putavi, deum non esse corpus, nec formæ humanæ habere membra, nec eum esse per locorum spatia diuisibilem, & esse natura incommutabiliter inuisibilem. Nec per eandem naturam atq; substantiam, sed assumpta uisibili specie, sicut uoluit apparuisse quibus apparuit, quando per corporis oculos in scripturis sanctis uisus esse narratur, in adiutorio Dei in concussis credo, & quantum ipse donat intelligo. Hæc Augustinus. Subijciam his & Tertulliani uetustissimi scriptoris ecclesiastici uerba ex libro eius elegantissimo de Trinitate, Efficaciæ, inquit, diuinæ per membra monstrantur, non habitus Dei, nec corporalia lineamenta ponuntur. Nam & cum Oculi describuntur, quod omnia uideat exprimitur. Et quando Auris, quod omnes audiat proponitur. Et cum Digitus, significantia quædam uoluntatis aperitur. Et cum Nares, precum quasi odorum perceptio ostenditur. Et cum Manus, quod creaturæ sit omnis author probatur. Et quædo Brachium, quod nulla natura contra robur ipsius repugnare possit edicitur. Et quando Pedes, quod impleat omnia, nec sit quicquam ubi non sit Deus explicatur. Neque enim sunt ei aut membra aut membrorum officia necessaria, ad cuius solum etiam tacitum arbitrium & seruiunt & ad sunt omnia. Cur enim requirat oculos qui lux est? aut cur quærat pedes qui ubique est? aut cur ingredi uelit cum non sit quod extra se progredi possit? aut cur manus expetat cuius ad omnia instituenda artifex est & silens uoluntas? Nec auribus eget qui etiam tacitas nouit uoluntates. Aut propter quam caussam linguam quærat, cui cogitare iussisse est? Necessaria enim hæc membra hominibus fuerunt, non Deo. Quia inefficax hominis consilium fuisset, nisi cogitamen corpus impleffet, deo autem non necessaria, cuius uoluntatem non tantum sine aliqua molitione opera subsequuntur, sed ipsa statim opera cum uoluntate procedunt. Cæterum ipse totus oculus, quia totus uidet: & totus auris, quia totus audit: & totus manus, quia totus operatur: & totus pes, quia totus ubique est. Non enim habet in se diuersitatem sui quicquid est simplex. Ea enim demum in diuersitatem membrorum recidunt, quæ ueniunt ex natiuitate in dissolutionem: sed hæc quæ concreta non sunt, sentire non possunt. Et quæ sequuntur. Illa enim omnia Tertulliani sunt.

Quomodo uide  
runt patres deū

Theodoretus

Ioan. 1.  
1. Tim. 6.  
Exodi 33.

Deus per filium  
egit omnia cum  
patribus.

Ergo cum Moses legitur uidisse deum de facie ad faciem, cum leguntur Iacob Israel & propheta uidisse deum clarè, non in ænigmate, significatur exhibitam esse eius uisionem omnium manifestissimam, efficacem & maximè familiarem. Verè enim dixit Theodoretus Cyri Episcopus, Dicimus patres non uidisse diuinam naturam aut substantiam, quæ nec circumscribi, nec comprehendere, nec mente percipi potest, & quæ uniuersa comprehendit, sed quandam gloriam & quasdam uisiones, quæ eorum facultatibus responderent, nec eius modum excederent. Verissimæ enim semper permanent illæ certissimæ sanctarum scripturarum sententiæ, Deum nemo uidit unquam, Deus habitat lucem inaccessam, quem nemo hominū uidit nec uidere potest. Item, Nemo uidebit faciem meam & uiuet, id est, dum hic in terris in hac carnis nostræ corruptione & imperfectione uiuitur, nemo Dei essentiam, quæ est æterna & inuisibilis lux, intuebitur. Etenim hac corruptione liberati & clarificati uidebimus eum sicuti est. Proinde uisus legitur Deus a patribus non secundum plenitudinem diuinitatis, sed secundum capacitatem hominum. Tertullianus arbitratur omnia Testamenti ueteris à Deo patre acta esse per filium, qui assumpta specie competenti hominibus apparuerit & patribus loquutus sit. Paulus in principio Epistolæ ad Hebræos significanter loquitur de filio dei incarnato,

incarnato, non absolutè negans nunquam quicquam per filium egisse patrem. Tertullianus, Filio data est, inquit, omnis potestas in cœlo & in terra. Omnia autem non erunt nisi omnis temporis fuerint. Filius itaq; est qui ad humana semper colloquia descendit ab Adam usq; ad patriarchas & prophetas, in uisione, in somno, in speculo, in ænigmate. Sic semper ediscebat deus in terris cum hominibus conuersari, non alius quàm sermo qui caro erat futurus. Ediscebat autem ut nobis fidem strueret, ut facilius crederemus filium Dei descendisse in seculum, & retro tale quid gestum cognosceremus. Et cætera. Hæc enim omnia Tertulliani sunt. Post hanc præmonitionem, subiiciemus iam uisiones diuinæ maiestatis exhibitæ hominibus sanctis.

Visiones Deus seruis suis uarias & multas exhibuit, quibus maiestatem suam utcunq; adumbravit: quas omnes sigillatim quoq; referre ac exponere immensi esset operis. Celebriores inuenias, Exodi 19. Isaia 6. Ezech. 1. Daniel. 7. & in Apocalypsi beati Ioannis euangelistæ & Apostoli. Eas indicasse sufficit. Porro celeberrimam & absolutissimam omnium tractabo iam paulò fufius. Ea extat Exodi 33. & 34. cap. Experiebatur Moses facilitatem bonitatemq; dei, & quod ab ipso nihil non impetraret, audet ergo illud à deo postulare, quod omnibus seculis omnes uerè sapientes unicè in uotis habuere, deum in sua substantia gloria & maiestate inspicere. Dicit enim Moses, Quandoquidem intelligo te mihi uelle peroptimè, neq; quicquam denegare posse, agè obsecro ostende mihi gloriam tuam, id est, si ne oro ut te talem inspiciam, qualis es reuera in tua gloriosa essentia & maiestate. Ad hanc postulationem omnium maximam deus respondens, Ego, inquit, efficiam ut coram te transeat omne bonum meum; & clamabo nomen domini, uel in nomine domini, coram te. Quibus uerbis duo pollicetur Mosi, Alterum, Omne bonum meum transibit coram te. Cæterum supremum hoc dei bonum aliud esse nequit, quàm ipse deus optimus maximus, uel potius sermo dei, ipse inquam dilectissimus dei filius, in quo reconditos credimus omnes thesauros sapientiæ, diuinitatis, bonitatis & perfectionis. Huius enim spectrum uel speciem, quandam humanam uisibilem (quando incarnandus erat in fine seculorum) obiecit oculis Mo-  
sis. Alterum est, Clamabo nomen domini uel in nomine domini coram te, id est, proclamabo nomenclaturam meæ gloriæ, ex qua quis sim intelligas, uideasq; animo. Porro ne quis merito Mo-  
sis attribueret uisionem tam excellentem, interponitur hæc à domino sententia, Visio illa tibi non obtingit propter tuum meritum. Nam citra meritum humanum reuelo me cuicunq; uolo, citraq; respectu personæ in quemlibet sum beneficus. Quæ consideratio gratiæ gratiæ & bonitatis liberalissimæ dei, admodum pertinet ad ueram dei cognitionem. Deinde redit dominus & significantius declarat Mo-  
si quomodo se sit ei exhibiturus. Non conceditur tibi, inquit, in hac adhuc uita agentis uidere faciem meam, id est, ad plenum uidere meipsum in mea substantia. Hoc enim reseruatur beatis spiritibus & clarificatis corporibus in futuro seculo. Sic ergo me tibi ostendam, Tu ascendes in montem: ibi commonstrabo tibi in saxo cauernam, in eam te statues: ego uerò ponam super te manum meam, nubem inquam uel tale quippiam, ne in accedentis uultum rectà intuearis. Loquutione enim hac imitatur deus homines, quibus receptum est manus in uultum eius expansas ingerere, quem nolunt propius contueri uel inspicere res. Addit dominus, Interim uerò transibo, id est, spectrum assumptum, nimirum species humana in qua me uisendum exhibebo, transibit. Vbi autem transiero tuq; recta in uultum meum aspicere amplius nequiu-  
eris, remouebo manum, qua uultum tuum contexeram, tum uerò licebit inspicere tergum

*visionibus ad-  
umbratur.*

*Moses deside-  
rat uidere glo-  
riam Dei.*

*Deus gratuito  
bona confert.*



spectri, uel posteriora mea. Cæterum posteriora Dei sunt dicta & facta Dei, quæ post se relinquit, ut ex ipsis eum æstimemus. Rursus contemplatio faciei sumitur pro exactissima cognitione. Qui autem in tergum duntaxat aspiciunt, minus exacte cognoscunt. Præterea posterioribus temporibus misit deus filiū suum in mundum, natum ex muliere. Quem qui fide contemplantur, diuinitatem quidē in humanitate non uident, ex dictis tamen & factis cognoscunt quis sit deus, adeoque patrem cernunt in filio. Discunt enim quod Deus summum bonum est, & quod filius Dei Deus est, patri coæqualis & consubstantialis.

*Quomodo deus  
se Moysi uiden-  
dū exhibuerit.*

Videamus iam quomodo se exhibuerit Deus Moysi (iuxta promissionem auditam hætenus) uisendum. Diluculo surgens Moses ascendit in montem alacriter ad petram, quam indicauerat dominus, & recipit se in cauernam, cupideque uisionem siue reuelationem dei expectat. Dominus uerò descendit in nube, uenitque in montem ad cauernam petrae, in qua expectabat Moyses. Mox uerò oblecta facie Moysi, transijt spectrum dei, id est, species illa humana à deo assumpta; cumque iam tergum Moysi obuerneret spectrum, nec in uultum aspicere amplius posset Moses, remouit dominus manum, ac Moses aspiciebat in posteriora domini. Vnde colligebat deum aliquando, hoc est, posterioribus seculis, fore incarnandam atque ita reuelandam orbi. De qua reuelatione dicemus paulò post plura. Simul etiam clamauit dominus, & catalogo quodam uti promiserat, nomina sua recensuit, quibus naturam suam ueluti adumbrauit. Dixit enim, Iehouah Iehouah, deus misericors, & beneficus, longanimis, immensæ bonitatis & ueritatis, custodiens beneficentiam in mille, auferens uel condonans iniquitatem, transgressionem & peccatum: attamen sceleratum non dimittens impunitum, uisitans iniquitatem patrum in filiis & nepotibus in tertiam & quartam generationem. Hoc quid aliud est quam

*Quid sit Deus.*

si dixisset: Ego sum essentia illa increata, ex me ipso ab æterno existens, quæ omnibus esse confert, quæ omnia in esse conseruat. Ego sum deus fortis & omnipotens. Non abutor mea potentia. Sum enim clemens & misericors, qui meas amo creaturas, hominem in primis, in quem totis incalesco uisceribus. Sum diues & beneficus creaturisque meis iuuandis promptissimus. Gratis omnia confero. Sum longanimis minimeque hominum more irritabilis, præcepsque ad uindictam. Neque uerò parcus aut malignus sum, ut solet uulgus diuitum in hoc seculo. Sum liberalissimus & beneficentissimus, gaudens distrahi & beneficijs adoperire fideles. Sum præterea fidelis & uerax. Nec fallo quenquam, nec mētor quicquam: quod promitto, fideliter præsto. Neque uerò opes meas prodigo, aut has spargens in homines, deficio tandem exhaustus. Custodio enim beneficentiam in mille generationes: ut quanquam prius seculum ex meis opibus splendide uixerit, posteri tamen ad finem usque seculi nihilominus in me inueniant quod ad iucundam satietatem exaturet. Sum enim fons bonorum inexhaustus. Si quis uerò in me peccarit, ipsumque sceleris pigeat, non sum implacabilis. Sponte enim condono errores peccata ac scelera. Ideo tamen nemo existimet me peccatis oblectari aut patronum esse sceleratorum. Idem enim sceleratos & impœnitentes punio: meos item, ut retineam in officio, castigo. Nemo autem putet se impunè peccaturum, quod uidet maiores suos impunè peccasse, hoc est, non protinus esse deletos. Reseruo enim uindictam in tempus iustum, modisque omnibus ita me gero, ut omnes fateri cogantur me esse deum iudicii. Hæc cum audisset ac uidisset seruus dei Moyses, festinauit prociditque in terram ac adorauit. Idem faciamus & nos, certi quod dominus non dignabitur se & gloriam suam, quoad in hisce terris uixerimus, plenius nisi in exhibitio Christo reuelare. Quæ itaque sufficiebant Moysi, sufficiant & nobis, sufficiat cognitio Christi.

Omnium

Omnium enim clarissima & præstantissima cognoscendi Dei ratio uel forma, *per Christum*  
 in Iesu Christo Dei filio incarnato nobis proponitur. Ideo enim modò audiuius *aperit se deus*  
 & Moï obiectam esse Christi umbram, cum deus semetipsum ei uoluisset reuela- *euidensissime.*  
 re quàm familiarissimè. Et Apostolus Paulus illuminationem cognitionis gloriæ *2. Cor. 4.*  
 dei in facie Iesu Christi reponit. Idem alibi eundem appellat paternæ gloriæ splen- *Hebr. 1.*  
 dorem & expressam ipsius substantiæ imaginem. Certè ipse in euangelio clarissi- *Ioan. 6.*  
 mè dicit, Nemo nouit patrem nisi filius, & cui uoluerit filius reuelare. Nam ipse *Matth. 11.*  
 est uia ad patrem: in ipso uidetur pater. Rursus enim in euangelio legimus, Deum *Ioan. 14.*  
 nemo uidit unquam, unigenitus qui est in sinu patris, ipse reuelauit nobis. Iterum *Ioan. 1.*  
 uerò Apostolus, Postquam, inquit, in sapientia Dei nõ cognouit mundus per sa- *1. Cor. 1.*  
 pientiam deum, uisum est Deo per stultitiam prædicationis saluos facere creden- *Rom. 1.*  
 tes. Sapientiam Dei appellat ipsam creationem seu opificium mundi, & admiran-  
 da dei opera, quibus deus mundo innotescere uoluit: & in quibus excutiendis &  
 considerandis uniuersa omnium sapientũ sapientia hætenus incubuit. Sed quo-  
 niam hac in parte nihil profecit, mundana sapientia, rerum ferè omnium causas  
 aliò referente quàm ad unicum & uerum scopum, deum, dumq; se arbitrentur  
 sapientes esse, ut idem doctor gentium ait, in sua ipsorum ratiocinatione stulti fa-  
 cti sunt, placuitq; Deo per aliam rationem mundo innotescere, haud dubiè per stul-  
 tam prædicationem euangelij: nimirum quæ reuera absolutissima est sapientia, ue-  
 rum humanæ sapientiæ uidetur esse stultitia. Stultum enim apparet hominibus hu-  
 ius seculi, deum uerum incarnatum, conuersari nobiscum in terris, egere, esuri-  
 re, pati ac mori. At hac ipsa ratione quàm illustrissimè innotescit mundo deus, e-  
 iusq; sapientia, bonitas, ueritas, iustitia & potentia. Ineffabilis enim dei sapientia  
 in toto Christi negotio & dispensatione mirifica singulariter elucet, maximè si  
 causas (de quibus alias) excutiamus, si item doctrinam Christi expēdamus. In in-  
 carnatione filij dei inclarescit quàm bene uelit peccatis immerso mundo, utpote  
 cui connectitur scødere indissolubili, mortisq; & satanæ filios adoptat per Chri-  
 stum in filios hæredesq; uitæ æternæ. Quod uerò Christus singula quæ de ipso ex  
 reuelatione dei prædixerat prophetæ, tam exactè implet, quod ea quæ in ipso deus  
 pater promiserat tam liberaliter præstat, declarat quàm sit immotus & uerax deus  
 æternus. In factis seu miraculis Christi domini, in resurrectione eius, in gloriosa  
 eius ascensione ad cœlos, uberrimaq; effusione in discipulos sancti spiritus, in pri-  
 mis uerò in conuersione totius orbis ad ueritatem euangelicam ex paganismo &  
 iudaismo, aperit se potentia Dei, longanimitas, maiestas & beneficentia ineffabi-  
 lis. In morte filij relucet maxima dei iustitia, utpote quæ peccatis nostris offensa  
 placari non potuit, nisi uictima tanta. Interim in eo quod non pepercit filio unige-  
 nito, sed hunc pro nobis hostibus suis & impijs tradidit, elucescit misericordia illa  
 quæ meritò supra omnia dei opera commendatur. In filio itaq; & per filium ma-  
 nifestat se deus orbī manifestissimè, adeo ut quicquid de deo & eius uoluntate sci-  
 re opus est, quicquid cœlestis & salutaris sapientiæ est, id totum aperitur & perui-  
 detur in filio. Idcirco roganti Philippo, Domine ostende nobis patrem, & sufficit *Ioan. 14.*  
 nobis, respondisse legimus dominum, Tanto tempore uobiscum sum, & non co-  
 gnouistis me: Philippe, qui uidit me, uidit patrem. Et quomodo dicis tu, ostēde no-  
 bis patrem? Non credis quod ego in patre sum, & pater in me? Reuocat autem  
 omnes fideles à perquisitione dei curiosiore, proponens mysterium dispensatio-  
 nis, in quo nos uult acquiescere, in eo nempe quod deus homo factus est. Ergo  
 quicunque cupiunt deum uerè uidere & cognoscere, oculos animi in Christum  
 conuertant, & huius mysterio uerbis ac factis credant: ex his discantes quid &



Ioh. 17.

quis sit deus. Talis enim est deus, qualem se nobis in Christo exhibet cognoscendum: atque in hoc ipso alibi constituit uitam æternam, dicens, Hæc est autem uita æterna, ut cognoscant te solum deum uerum, & quem misisti Iesum Christum. Cauterum qui sibi consultum cupit, ne quid amplius scire uelit, quam in Christo ab ipso deo nobis traditum est. Quisquis autem Christo neglecto, dictamē & subtilitates ingenij humani sequitur, euanescit certē & perit in suis cogitationibus.

Cognoscitur  
Deus ex suis  
operibus.  
Psal. 19.  
Rom. 1.

Opera Dei bis  
fariam consi-  
derantur.

Psal. 104.

Isaie 40.

Ierem. 10.

Quarta cognoscendi dei ratio petitur ex contemplatione operum eius. Nam David canit, Cœli enarrant gloriam Dei, & opera manuum eius annuntiat firmiter. Sed & Paulus Apostolus, Quæ sunt inuisibilia dei, inquit, ex creatione mundi dum per opera intelliguntur, peruidetur, ipsa nempe æterna eius potentia ac diuinitas. En æterna Dei potentia & diuinitas, inuisibilia illa dei sunt, sed ea intelliguntur ex consideratione operum dei: ex operibus ergo Dei deus ipse cognoscitur. Considerantur autem opera dei bifariam. Vel enim proponuntur nobis contemplanda in rebus propter hominem conditis, ut in cœlo & in terra, & in his quæ sunt in cœlo & in terra, prouidentiaque dei & gubernantur & conseruantur, cuius generis sunt astra astrorumque motus siue curus, influentia cœlestes, temporis uicissitudo, animantia omnis generis, arbores, plantæ, fructus terræ, mare & quæ in mari sunt, lapides, & quæ in terris latitant effodiunturque ad hominū usum. De his scripserunt doctissime & piissime S. Basilus & S. Ambrosius in opere sex dierum, quod appellarunt Hexæmeron. Hic habet locū historia illa naturalis, quæ gloria excellentissimus rex David in Psalmis, maxime post centesimum, appositissime accommodat instituto nostro. Verum ne inuolamus res, dicemus quædam paulo post de Creatione mundi, diuinaque gubernatione & prouidentia. In presenti satis fuerit agnoscere cœlum ac terram, & ea quæ in his sunt, nobis enarrare & quasi ob oculos statuere deum ut sapientissimum ita potentissimū esse, admirandum, infinitæ maiestatis, gloriæ immensæ, iustissimum, beneficentissimum, optimum, maximum. Optime ergo rebus humanis consulens Isaias fidelissimus ecclesiæ doctor, Attollite, inquit, in sublime oculos uestros, & cōtemplamini quis creauerit ista, producens in numero exercitum eorū, singula suis nominibus uocans, cuius tanta est uirtus, ut nullum quidem illorum desit. Quanquam enim ab exordio astra mundo illuxerint, & suo cursu ad quod creata sunt perfecerint, usu tamen neque contrita, neque uetustate cōsumpta aut obscurata sunt. Nam uirtute creatoris conseruantur integra. Ieremias quoque clamat, Domine nemo est sicut tu. Magnus es tu, & magnum est nomen tuum cum potentia. Quis te non metuat, o rex gentium? Quia tibi est decor: quia inter omnes gentium sapientes, & in omni regno eorum nemo est tibi similis. Et mox, Dominus deus uerus deus & uiuus est, deus & rex sempiternus: ab ira eius contremiscit terra, nec possunt gentes sustinere indignationem illius. Qui terram condit sua uirtute, sapientia sua orbem disponit, prudentia sua cœlos extendit. Cum ille uocem dat, ingens aquarum uis in aere coit, & eleuat nubes ab extremitate terræ, fulgura in pluuiam uertit, atque educit uentos de receptaculis suis. Vel proponuntur nobis opera Dei contemplanda in ipso omnium creaturarum domino, homine: non tam in opificio eius quod spectandum pulcherrimè depinxit Lactantius & Andreas Vuesalius, quam in operibus, quæ erga hominem uel in homine aut per hominem fiunt ab ipso domino. Alios enim iuste punit deus homines, puniendoque declarat se nouissere mortalium, & odisse omnem iniuriā & iniustitiam. Alios cumulat beneficijs maximis, benefaciendoque demonstrat se esse diuitem, imò fontem bonorū inexhaustum, beneficū, bonum & misericordem, clementem & longanimum. Huius generis

neris innumera sunt in historia diuina. Cain propter patratum parricidium uitam uiuit in terra longè miserrimam. Vindicat enim innoxium sanguinem iustus dominus. Primum illud seculum diluuiò immisso cœlitus, contempti numinis pœnas dat. Noe uerò cum suis seruatur in arca per dei misericordiam. Abrahamum educit deus ex Vra Chaldæorum, & reponit in terrâ Chanaā, benedicensq; ei omnibus bonis adobruit. Iacobum quoque in uaria coniectum discrimina, misericordie seruat. Iosephum per afflictiones graues ad thronum euehit Ægypti. Ægyptios grauitè affligit propter tyrannidem exercitam in miserum Israelis populū, & propter cōtemptum uerbi Dei. Sed longum & laboriosum esset commemorare singula. Discimus autem ex his & similibus dei operibus, quis & quantus sit deus noster, quàm sit sapiens, bonus, potens, munificus, iustus & æquus, & quòd huic oporteat nos credere & obedire. Asaph enim canit, Quæ audiuiimus & cognouimus, & patres nostri narrauerunt nobis, ea non celabimus filios nostros, ætatibus posteris narrabimus laudes domini, robur eius, & stupenda opera quæ fecit: ut filij qui nati sunt cum adoleuerint, narrent filijs suis, & ponant in deo fiduciam, nec obliuiscantur operū dei, mandataq; eius obseruent. Et quæ sequuntur Psalmo 78.

Psal. 78.

Huic rationi contermina est quæ colligitur ex comparatione quadam. Scriptura enim omnes in mundo præstantissimas res confert cum deo, quem mox omnibus præfert, ut inde colligamus deum summum esse bonum, & maiestatem eius esse immensam. Vnus Isaia locus esse poterit pro multis, qui in hæc uerba legitur cap. 40 Quis mensus est uola sua aquas, & cœlos palmo quis æstimauit? Quis apprehendit tribus digitis puluerem terræ, & appendit montes in statera & colles in balance? Quis direxit spiritum domini? Quis à consilijs ei fuit? Quis eum docuit? Cum quo iniit consilium, qui eum erudiret? Ecce gentes deo collatæ tanquā gutta situlæ, & reputantur tanquam momentum quod bilancem mouet, uel propendet. Ecce insulas quasi minutissimum puluerem proijciat. Libanus non satis esset ad incendendum ei ignem, neq; fera eius sufficerent holocausto. Omnes gentes coram eo tanquam nihil sunt, & ipsi comparatæ tanquam res friuolæ reputantur. An hæc non intelligitis? an non à rerum primordio hoc nunciatum est uobis? an nō docti estis à iactis terræ fundamentis? Qui sedet supra globum terræ, & qui habitant in ea sunt ueluti locustæ. Qui extendit cœlos ut cortinam, & expandit eos instar tentoriij. Qui redigit potentes ad nihilum, & reddit iudices terræ ut sint inanes. Et reliqua. Huc pertinent dei prosopopœiæ, quarum inuenias aliquot præter uisiones quas posuimus in ratione secunda, excellentiores autem Psal. 18. & Cant. cap. 5. Eas inexplicatas transeo, ne nimis diu his uidear immoratus. Est enim & ad alia transeundum.

Deus adumbratur nobis per collationem.

Postremò cognoscitur deus ex sententijs ore prophetarum & Apostolorum pronunciatis. Cuius generis est illa eximīa beati Ieremiæ, dicentis. Ne gloriatur sapiens in sapientia sua, neq; gloriatur robustus in robore suo, neq; gloriatur diues in diuitijs suis: sed in hoc gloriatur qui gloriatur, quòd intelligat & cognoscat me, quoniam ego sum dominus, qui misericordiam, iudicium & iustitiam facio in terra: quapropter ijs unicè delector, dicit dominus. Seruamur autem misericordia dei, uarijsq; ornatur muneribus. Iudicio impijs & inobsequentibus pœnas irrogat commeritas, & seruat æquitatem. Sicuti & iustitia quæ promissit, præstat ueraciter. Dicimus ergo deum esse saluatorem & liberalem omnium bonorum datorum, æquisimum iudicem, & in promissis præstandis ueritatem ueracissimam. Huc referenda est doctrina prophetarū & Apostolorū, quæ tradit eam esse ueram

Deus discitur ex sententijs uel pronunciatis. Ierem. 9.

Vnus est essentia Dei.



Dei cognitionem, quæ agnoscit deum in essentia unum, in personis autem esse trinum. De unitate diuinæ essentiae (qua asserta reijcitur & condemnatur pluralitas deorum gentilium) hæc subiicimus ex diuinis literis testimonia, & excellentiora quidem illa: quis enim singula enumeret? Clarissimum illud est quod prophetica & euangelica autoritate subnixum, ex Deut. 6. cap. petiit, apud Marcum in 12. cap. totidem uerbis explanatur, Dixit Iesus, Primum omnium præceptum est, Audi Israel, dominus deus noster, dominus unus est. Et diliges dominum deum tuum ex toto corde tuo, & ex tota anima tua, & ex tota mente tua, & ex totis uiribus tuis: Hoc est primum præceptum. Et secundum simile hoc est, Diliges proximum tuum ut teipsum, Maius his aliud præceptum non est. Sequitur in euangelio, Et dixit Scriba, Bene præceptor cum ueritate dixisti, quod unus sit deus, & non sit alius præter illum, quodque diligere eum ex toto corde, & ex tota intelligentia, & ex tota anima, & ex totis uiribus, ac diligere proximum ut seipsum, plus sit quam uniuersa holocaustomata & uictimæ. Cum hoc testimonio faciunt & alia in lege insigniora. Legimus enim Exodi 20. ipsum dominum in monte Sina ore proprio enunciaisse, Ego dominus Deus tuus, qui eduxi te ex terra Ægypti, de domo seruitutis: non sint tibi dii alij coram me. Rursus canit Moses in Carmine suo extremo, deum inducens loquentem, Videte quod ego, ego inquam, ipse sum dominus, & non est deus præter me. Ego occido, & rursus uiuifico: ego uulnus infingo, & ego medeor, nec est qui è manibus meis eripere possit. Cum testimonijs legis consentiunt prophetarum testimonia. Nam David Psalm. 18. Via dei integra est, ait, eloquium dei repurgatum, scutum est omnium in se sperantium. Quis enim deus præter dominum? aut quis est petra præter deum nostrum? Plurima huius generis alia passim occurrunt in Psalmis. Dominus apud Isaiam & per Isaiam clamat & dicit, Ego dominus, Hu est nomen meum, & gloriam meam alteri non dabo, nec laudem meam sculptilibus. Ego sum primus, & ego sum nouissimus, & præter me non est deus. Et quis mei similis? Vocet & annunciet illud atque hoc disponat mihi ab eo quo posui populū seculi, & imminetia ac futura annuncient ei. Ego dominus faciens omnia, coelos extendo solus, & mea uirtute terram expando. Irrita facio signa mendacium, & stultos & insanos reddo diuinos, auerto sapientes retrorsum, & scientiam eorum stultam reddo. Excito uerbum serui mei, & consilium nunciorum meorum perficio. Ego dominus, & nullus ultra: præter me non est deus. Ego dominus & nullus ultra, formans lucem & creans tenebras, faciens pacem & creans malum: ego dominus facio omnia ista. His prophetica subiungemus iam unum & alterum S. Pauli doctoris gentium testimonium. Is ad Timotheum scribit: Unus est deus, unus etiam mediator dei & hominum, homo Christus Iesus. Et iterum, Unus dominus, inquit, una fides, unum baptisma, unus Deus & pater omnium, qui est super omnia, & per omnia, & in omnibus uobis. Rursus ad Corinthios dicit idem apostolus, Nullus est deus alius nisi unus. Nam etsi sint qui dicantur dii, siue in coelo siue in terra (quemadmodum sunt dii multi & domini multi) nobis tamen unus est deus, Pater ille, ex quo omnia, & nos in illum: & unus dominus Iesus Christus, per quem omnia & nos per illum. Arbitror autem hæc testimonia diuina satis esse clara & sufficere ad demonstrandum, quod Deus substantia unus sit, essentiae inquam immensæ, æternæ, spiritualis.

Cæterum sub una diuinitatis essentia, demonstrat nobis scriptura sancta distinctionem patris, & filij, & spiritus sancti. Distinctionem autem dico, non diuisionem aut separationem. Neque enim plures adoramus & colimus deos, sed unita tamen ut nec confundamus, nec negantes auferamus essentiae diuinæ substantia.

Isaie 43.  
Isaie 44.

Isaie 45.

1. Tim. 3.  
Ephes. 4.

1. Cor. 8.

Sub una Dei  
essentia est  
distinctio.

stentias siue personas tres, harumq; proprietates. Noëtus reuera *avōnto*, & Liby-  
 cus ille Sabellius, homo impius, audax ac stupidus (à quibus nata est crassa Pa- *Error crassus*  
 trispasianorum hæresis) docuere patrem & filium & spiritum sanctum nihil in *Patris passus*  
 deo distinctum sonare, sed diuersa esse dei attributa. Deum enim non aliter appel- *norum.*  
 lari patrem aut filium aut spiritum sanctum, quàm bonum, iustum, clementem,  
 omnipotentem, sapientem, &c. Illi ipsi, Pater, inquit, mundum condidit, idem  
 filij nomine carnem assumpsit & passus est, idem ipse commutato nomine iam e-  
 tiam spiritus sanctus uenit in discipulos. Veritas autem orthodoxa prophetica &  
 Apostolica disertè tradit nomina patris & filij & spiritus sancti, indicare nobis qua-  
 lis sit deus in sua natura. Nam deus naturaliter & ab æterno pater est, quia ab æter-  
 no filium ineffabiliter genuit. Idem Deus naturaliter filius est, quia ab æterno à pa-  
 tre genitus est. Idem deus naturaliter est spiritus sanctus, quia æternus amborum  
 spiritus est. ex utroq; procedens, unus cum ipsis Deus: qui cum in scripturis appel-  
 latur deus clemens, bonus, sapiens, misericors, iustus, non tam quid in seipso sit si-  
 gnificatur, quàm qualem se nobis exhibeat. Eadem scriptura apertè dicit patrem  
 per filium condidisse omnia: neq; uerò patrem in terram descendisse, nec carnem  
 nostram assumpsisse, nec pro nobis esse passum. Filius enim, Exiui à patre, inquit, *Ioan. 16.*  
 & ueni in mundum: iterum relinquo mundum & uado ad patrem. In monte oliua-  
 rum idem filius prostratus orat, Pater, si possibile est, transeat à me calix iste. Idem *Matth. 27.*  
 iterum in Euangelio ait, Ego rogabo patrem, & alium paracletum uel consolato- *Ioan. 14.*  
 rem dabit uobis. En alium, inquit, consolatorem dabit pater. Iterum tamen ne pro-  
 pter personas illas, personarumq; proprietates, disiungeremus diuinam naturam,  
 rursus in Euangelio dicit, Ego & pater unum sumus. Cùm enim dicit Vnum, eli- *Ioan. 10.*  
 dit substantiam uel naturam diuinam separantes aut lacerantes: cùm uerò dicit  
 Sumus, & non sum, eos confutat qui subsistentias uel personas confundunt. Pro-  
 inde Apostolica & catholica doctrina tradit, & confitetur tres esse distinctos pro-  
 prietatibus, sed trium eandem esse essentiam siue naturam, eandem omnipoten-  
 tiam, maiestatem, bonitatem, sapientiam. Quamuis enim ordo sit in Trinitate, inæ-  
 qualitas tamen in ipsa nulla est prorsus: nullus est alio tempore prior uel dignita-  
 te potior: sed trium est una deitas, & hi tres sunt unus & æternus deus. Ac primi- *Disputatio ex-*  
 tia quidem ecclesia, temporibus Apostolorum & proximè insequentibus simpli *oria de Deo.*  
 citer sic credidit, spretis & repudiatis quæstionibus curiosis, superuacaneisq; di-  
 sputationibus. Simul autem exorti sunt in ecclesia Dei uiri pestilentes, loquentes  
 peruersa, quos Apostolus meritò appellauit lupos graues, gregi non parcentes. Hi *Actor. 20.*  
 noxias & peregrinas contexuerunt quæstiones, blasphemias linguas in ipsum cœ-  
 lum exacuentes. Contenderunt enim tres personas non posse unam esse naturam  
 uel essentiam, ideoq; asserta Trinitate plures à Christianis cum ethnicis deos ado-  
 rari. Rursus cùm non possit esse nisi unus deus, consequens esse eundem sibi esse  
 patrem, filium & spiritum sanctum. Ita enim eos ineptire oportebat, quos non di-  
 rigebat uerbum dei, sed crassa carnis humanæ imaginatio. Ac puniebat Deus hoc  
 modò giganteam istorum hominum audaciam, quorum animi omni reuerentia  
 & timore dei uacui, contendebant impiè in ipsam dei faciem aciem oculorum car-  
 nis defigere. Caterum cogeantur fideles & uigilantes ecclesiarum antistites atq;  
 pastores, à caulis ouium Christi huiusmodi lupos abigere, & pro ueritate ortho-  
 xa, hoc est, pro Vnitate & Trinitate, pro monarchia & mysterio dispensationis stre-  
 nue certare. Certamen uaria peperit uocabula, quibus oportuit lubricos homi-  
 nes tenere uel circumscribere. Nata sunt itaque mox ab initio uocabula Vnitatis,  
 Triadis uel Trinitatis, Essentia, substantia, Personæ. A Græcis ferè usurpata sunt *Voces in hac di-*  
*sputatione usur-*  
*pate quales.*



Essentia ex sub-  
stantia, uel sub-  
sistentia.

*οὐσία, ὑπόστασις, πρόσωπον*: nos dicimus essentiam, substantiam, & personam. Ex his rursus exortæ sunt posterioribus annis in ecclesia nouæ & recentes altercationes. Disputarunt acutè de Essentia & substantia, eadem ne an diuersa sint. Rufinus enim Aquileien. Eccles. histor. lib. 1. cap. 29. De differentia, inquit substantiarum & substantiarum, quas Græci *οὐσίας* & *ὑποστάσεις* uocant, mota est quæstio. Quidam enim dicebant substantiam & substantiam unum uideri: & quia tres substantias non dicimus in deo, nec tres substantias dicere debeamus. Alij uerò, quibus longè aliud substantia quàm substantia significare uidebatur, dicebant, quia substantia ipsa rei alicuius naturam rationemque qua constat, designet: substantia autem unicuiusque personæ, hoc ipsum quod extat & subsistit, ostendat. Scripsit & Basilii magnus doctam Epistolam de Discrimine essentiæ & substantiæ ad Gregorium fratrem. Porro Hermius Sozomenus Historiarum lib. 5. cap. 12. Multarum, inquit, ciuitatum Episcopi Alexandriam conuenientes, Nicæna dogmata cum Athanasio & Eusebio (Vuercellen.) confirmant, & spiritum sanctum & patri & filio coessentialem esse consentiunt, ac triadem nominant, & hominem quem Deus uerbum assumpsit, non corpore tantum sed & anima perfectum censendum esse docent: sicut & priscis ecclesiæ doctoribus uisum est. Quoniam uerò quæstio de *οὐσία* & *ὑπόστασις* ecclesias turbabat, de quibus illis crebræ contentiones ac disputationes motæ fuerant, admodum sapienter mihi determinasse uidentur, haud esse nomini bus illis statim initio de Deo utendum: nisi quis Sabellij opinionem retundere conetur, ne penuria nominum eundem tribus appellationibus uocare uideatur, sed singulos peculiariter trifaria distinctione intelligat. Addit Socrates in Histo. lib. 3. cap. 7. Non autem nouam quandam religionem à se excogitatam in ecclesiam induxerunt, sed quæ inde ab initio & ecclesiastica traditio habuit, & Christianorum sapientes euidenter demonstrarunt. Et reliqua.

Omnia que de  
Deo credenda  
sunt, plenè con-  
tineri in scri-  
pturis cano-  
nicis.

Abeant ergo quò digni sunt Papæ propugnatores, qui docentibus nobis omnia ueræ pietatis & salutis plenè comprehendere & tradi scripturis canonicis, obijciunt quo scripturæ loco contineantur uocabula trinitatis, personæ, essentiæ, substantiæ, denique Christum habere animam rationalem: Tametsi enim illa uocabula totidem literis scripta non legantur in canonicis libris, (utpote alia quàm Latina lingua ab ipsis prophetis & Apostolis scriptis) res tamen, quas uocabula illa significant, manifestissimè in his comprehenduntur atque docentur, quas deinceps omnes & singulæ gentes sua lingua enunciare, proque sua utilitate & necessitate pronunciare possunt. Abeant cum his & Sophistæ omnes, quibus doctum uidetur, adorandum Trinitatis mysterium peregrinis, curiosis, imò & perniciosis inuoluerè quæstionibus. Pius satis est simpliciter & secundum scripturas, symbolumque Apostolorum, credere & confiteri unam esse diuinam naturam siue essentiam, in qua sunt pater, filius, & spiritus sanctus. Neque hîc admodum solliciti sumus, siue substantias aut substantias aut personas nomines, modò distinctionem & cuiusque proprietates distinctè exprimas, unitatemque sic confitearis, ut interim Trinitatem non confundas, nec suis personas spolijs proprietatibus.

Testimonia a-  
dordæ trinita-  
tis euangelica.  
Matth. 28.

Verum præstat iam ex scripturis clara proferre testimonia, quibus Trinitatis mysterium & personarum distinctionem proprietatemque euidenter demonstramus. Dicit in Euangelio secundum Mattheum Dominus, Data est mihi omnis potestas in cælo & in terra: euntes ergo docete omnes gentes, baptizantes eos in nomine patris, & filij, & spiritus sancti; docentes eos seruare omnia quæ præcepta uobis. Ea uerba allegans, Tertullianus cōtra Praxeam, Nouissimè mandauit, inquit, discipulis, ut tingerent in patrem, & filium, & spiritum sanctum. Non in unum: nam

nam nec semel, sed ter ad singula nomina, in personas singulas, tingimur. Hæc ille. Vt autem singulæ personæ singulariter exprimuntur, ita diuinitas omnium eadem & communis singulariter in eo docetur, quod iubet baptizare non tantum in nomen patris, sed & filij & spiritus sancti. Negat enim & pernegat Apostolus Paulus electionis uas, quenquam in ullius hominis, qui nihil aliud quam homo est, nomē esse baptizandum, aut ab Apostolis baptizatum. An, ait, in nomine Pauli baptizati fuistis? Deus est itaque pater, filius, & spiritus sanctus, in quorum nomen baptizamur. 2. Corinth. 1.

Idem Dominus in Euangelio secundum Ioannem dicit: Cum uenerit paraclatus, quem ego mittam uobis à patre, spiritus ueritatis, is inducet uos in omnem ueritatem. Non à semetipso loquetur, sed quæcunque audierit loquetur. Ille me glorificabit, quia de meo accipiet, & annuntiabit uobis. Omnia quæcunque habet pater, mea sunt, propterea dixi quod de meo accipiet, & annuntiabit uobis. Habes in his Domini uerbis personam patris à quo mittitur spiritus, personam filij qui mittit, & personam spiritus sancti qui uenit: habes item communionem diuinitatis & omnium bonorum inter se mutuam & æqualem. Spiritus enim non à semetipso loquitur, sed quod audierit. De meo, inquit filius, accipiet. Et iterum, Omnia quæcunque habet pater, mea sunt: ergo & quæ filius habet, patris sunt: estque coequalis omnium diuinitas, gloria, & maiestas. Ioan. 14. & 16.

Congruit cum his apertissimis elogijs, testimonium euidentissimum beatissimi Ioannis Baptistæ, & hoc quidem duplex. Principio, Quem misit Deus, inquit, is uerba Dei loquitur. Non enim ad mensuram huic dat Deus spiritum. Pater diligit filium, & omnia dedit ei in manum. Qui credit in filium, habet uitam æternam, &c. Iterum habes in una diuinitate tres personas distinctas proprietatibus. Pater enim diligit, mittitque filium, & omnia dat ei in manum: Filius mittitur, accipit omnia, sed spiritus sanctus datur à patre, & accipitur à filio iuxta plenitudinem. Deinde clamat idem ille Baptista, & ait, Vidi spiritum descendentem specie columbæ de coelo, & mansit super eum. Et ego non noueram eum, sed qui misit me, ut baptizarem aqua, is mihi dixit: Super quem uideris spiritum descendentem & manentem super eum, hic est qui baptizat spiritu sancto. Et ego uidi, & testatus sum hunc esse filium Dei. Rursus demonstratur nobis luce clarius tres personæ distinctæ, non confusæ. Est enim qui Ioannem mittit pater. Spiritus sanctus non est pater uel filius, sed apparet super capite Christi, sub specie columbæ. Filius autem, filius, non pater, & patris quidem filius est, cuius capiti insidet spiritus sanctus. Huc iam pertinet ipsum patris coelitus super Christum delatum testimonium. Dicit enim, Hic est filius meus dilectus, in quo placata est anima mea. Non potest autem idem sibi esse pater & filius: sed alius est pater, alius est filius: uerum non aliud, sed idem Deus, eiusdem naturæ. Filius enim alibi clarissime dicit, Ego & pater unum sumus. Ioan. 3. & 17.

Porro quid clarius dici poterat pro personarum in adoranda Trinitate expressa distinctione proprietateque, quam quod archangelus Gabriel apud S. Lucam Dominicæ incarnationis sacramentum explanans, manifestè uirgini Deiparæ dicit, Spiritus sanctus superueniet in te, & uirtus altissimi obumbrabit tibi: Quapropter & quod nascetur sanctum, uocabitur filius Dei: His quid obsecro poterat uel fingi manifestius & euidentius? Habes altissimi personam, nimirum patris. Nam præcessit in uerbis angeli, Is erit magnus, & filius altissimi uocabitur. Est autem filius patris filius. Habemus & filij & sancti spiritus expressas personas, cum suis proprietatibus, nec immixtas nec confusas. Pater non incarnatur nec spiritus sanctus, Luce 1.



sed filius. Patri nascitur è uirgine filius, is qui erat æterna & ineffabili generatione filius. Spiritus sanctus autem, qui est uirtus altissimi, obumbrat uirginem, redditq; fecundam. Ita uerò distinctas non diuisas uidere licet personas, proprietatibus, non essentia diuinitatis uel natura distantes.

*Apostolica de  
Trinitate te-  
stimonia.  
Actor. 2.*

Subijciam alia quoque (quamuis hæc abundè satis facere poterant) sanctorum Apostolorum testimonia, & trium quidem in toto choro præclarissimorum. Beatus Petrus coram ecclesia Israelis prædicans uerbum Euangelij, sicuti testatur Lucas in Actis, inter alia dicit, Iesum hunc excitauit Deus, exaltauitq; ad dexteram, ac promissione spiritus sancti accepta à patre, effudit hoc quod uos iam cernitis & auditis. En Deus pater excitat filium & exaltat. Filius excitatur & exaltatur: sedet ad dexteram patris. Ab hoc filius accepto spiritu sancto donat hunc Aposto-

*Actor. 10.*

lis. Spiritus ergo procedit à patre & filio, in propria subsistens persona, sed unus amborum spiritus. Porro in sermone habito Cæsareæ in ecclesia gentium, hoc est, in domo familiarq; Cornelij Centurionis, idem Apostolus non minus obscure patris, filij, & spiritus sancti personam exprimit, ac trinitatem in unam diuinæ naturæ essentiam connectit.

*Rom. 1.*

Sanctus Paulus Apostolus in principio Epistolæ ad Romanos dicit se ordinatum ad prædicandum Euangelium Dei, quod promiserit per prophetas suos in scripturis sanctis de filio suo, qui sit genitus ex semine David, secundum carnem, de-

*Galat. 4.*

claratus autem Dei filius per potentiam & spiritum sanctificantem. Idem in Epistola ad Galatas, Deus, inquit, misit filium suum, factum ex muliere: ut adoptione ius

*Tit. 3.*

filiorum acciperemus. Quoniam autem filij estis, emisit Deus spiritum filij sui in corda uestra clamantem, Abba pater. Et iterum ad Titum, Deus secundum suam misericordiam, inquit, saluos nos fecit per lauacrū regenerationis ac renouationis spiritus sancti, quem effudit in nos opulenter per Iesum Christum seruatores nostrum. Verissime ergo de S. Paulo loquens beatus Cyrillus libro in Ioan. 9, cap. 45. scribit, Cognouit rectissime diuinus ille uir sanctæ Trinitatis enumerationem: ac ideò singulas personas propriè atq; distinctè subsistere docet: & tamen incommutabilem identitatem Trinitatis aperte prædicat. Testimonia eius rei si quis omnia colligere enumerareq; uellet, omnes Pauli Epistolas haud dubiè recitaret.

*s. Ioan. 2.*

Beatus Ioannes Apostolus & Euangelista mysterium Trinitatis & distinctionem personarum præ cæteris fortissime & euidentissime asserens proponit: cum in Euangelica historia, tum in sua Epistola. Vnum ex multis proferam testimonium. In canonica sua dicit: Quis est mendax, nisi is qui negat Iesum esse Christum? Hic est Antichristus, qui negat patrem & filium. Quisquis negat filium, is ne patrem quidem habet. Vos igitur quod audistis ab initio, in uobis permaneat. Et mox, Non necesse habetis ut quisquam doceat uos: sed sicut ipsa unctio docet uos de omnibus, & uerax est, & non mendacium: Audis in his patrem, audis filium, audis unctionem, id est, spiritum sanctum. Pater non est filius, nec hic pater, nec spiritus sanctus pater uel filius: sed pater filij pater est, & filius patris filius, unctio autem proficiscitur ab utroque. Sunt autem illæ personæ sic coniunctæ & unitæ, ut qui unam ex eis neget, nullas habeat. Imò quisquis negat hanc Trinitatem, Antichristus esse pronuntiatur. Deum enim, qui unus est in Trinitate, & trinus in unitate, negat, adeoq; proprietates Dei confundens aut auferens, ipsum Deum talem qualis est negat.

*Similitudinibus  
adumbratur tri-  
nitatis myste-  
riam.*

Hæc autem testimonia & multiplicia & clarissima arbitror satisfacere pijs. Credunt enim scripturis, nec curiosius in diuinam inquirunt maiestatem, his solis contenti quibus bonitati Dei uisum est illucescere hominibus. Sunt qui hanc rem, quomodo

quomodo uidelicet tres personæ distinctæ dicantur, & sint tamen unus Deus, parabolis uel similibus quibusdam adumbrare contendant. Verum nihil est in rebus creatis (quod & ab initio huius negotij admonui) quod propriè dici possit simile diuinæ naturæ: nec ullæ sunt hominum uoces, quibus propriè loquamur de ea: nec ullæ sunt humanæ mentis imagines, quæ adamussim diuinæ congruant essentia. Et S. Basilius differens de Vlia & hypostasi dicit, Fieri nequit ut exemplorum collationes per omnia ad ea quadrent, quorum usui exempla seruiunt. Inuitiam ferè adorandæ maiestati dicas fieri, si conferatur cum rebus humanis. Sed quoniam infirmitati nostræ scriptura sancta non parum condescendit, dabo simile, quamuis multum dissimile, quod uulgò profertur. Contemplare solem, & ab hoc manantes radios, tum ex utroque profectum calorem. Vt sol est fons luminis & caloris: ita pater fons est filij, qui est lumen de lumine. Et ut à sole simul & radijs manet calor, ita à patre & filio procedit spiritus sanctus. Iam uerò imaginare solem, qui nunquam cœperit esse, nec esse desiturus sit, nōne ab hoc sempiterno sempiterni nascentur radij, & utrinque proficiscetur calor æquè sempiternus, denique an non unus essentia uel substantia sol cernatur, trinus autem idem ille propter tres subsistentias uel personas? Vt est parabola hac Solis Tertullianus, cuius uerba quæ & alia continent similia non pigebit recitare. Non dubitauerim, ait, filium dicere & radicis fruticem, & fontis fluuium, & Solis radium: quia omnis origo parens est, & omne quod ex origine profertur, progenies est: multò magis sermo Dei, qui etiam propriè nomen filij accepit, nec frutex tamen à radice, nec fluuius à fonte, nec radius à sole discernitur (separatur) sicut nec à Deo sermo. Igitur secundum horum exemplorum formam, profiteor me duos dicere, Deum & sermonem eius, patrem & filium ipsius. Nam & radix & frutex duæ res sunt, sed coniunctæ. Et fons & flumen duæ species sunt, sed indiuisæ. Et sol & radius duæ formæ sunt, sed coherentes. Omne quod prodit ex aliquo, secundum sit eius necesse est de quo prodit, non ideo tamen est separatum. Secundus autem ubi est duos sunt, & tertius ubi est tres sunt. Tertius enim est spiritus à Deo & filio, sicut tertius ex radice fructus ex frutice: & tertius à fonte riuus ex flumine: & tertius à sole apex (uel calor) ex radio: nihil tamen à matrice alienatur, à qua proprietates suas ducit. Ita trinitas per confortes & connexos gradus à patre decurrens, & monarchiæ nihil obstrepit, & *οικονομίας* statum (id est, dispensationis mysterium) protegit. Hanc me regulam professum, qua inseparatos ab alterutro patrem & filium & spiritum testor, tene ubique, & ita quid quomodo dicatur agnosces. Et reliqua. Hæc enim omnia Tertulli ni sunt: qui non ita multò ab Apostolorum seculo floruit in Africâ.

Verum omiſſis idolis humanis siue parabolis aut similitudinibus, credamus *Certitudo deo* firmiter claro Dei uerbo. Quod non assequitur humana ratio, teneat fides. Quod *sermo de Trinitate.* tradunt sacræ literæ, quod in carne docuit Christus, quod tot miraculis confirmatum est, quod per orthodoxam ecclesiam docet spiritus Dei, id multò certius habendum quàm quod mille demonstrationibus probatum sit, aut quod omnibus sensibus percipere possis. Paulus negat se angelum auditurum, si quid diuersum ab *Gal. 1.* Euangelio Christi adferret. Quin potius arrogantis stultitiæ est, dubitare de his quæ nobis in scripturis & tanta quidem cum autoritate tradita sunt. Maior insania est, nolle diuinis credere oraculis, nō alia causa, nisi quod noster intellectus nō omnia assequatur, quem tamen scimus ex ingenio & obtenebratum esse & odisse Deum. Apud philosophos impudens habetur, si quis reſiciat autoritatem scriptoris alicuius præclari atq; probati. Pythagoricis certè ad persuasionem satis erat,



αὐτὸς εἶπε, Ipse dixit. Et Christianus tergiuersari & quæstiones curiosas necesse & implicare audet, cum audit, Deus hoc dixit & ita credere docuit: De regis diplomate nemo dubitat, si modò sigillum agnoscatur: quanta ergo temeritas est de diuinis addubitare testimonijs, quæ tam clara & spiritu Dei firmissimè obli gnata sunt?

*Summa creden-  
dorum de Tri-  
nitate.*

Proinde ut in breuem summam colligamus id quod huius nostræ expositionis præcipuum est, beati patris Cyrilli uerba C. V. commemorabo, quæ leguntur L. 1. in Ioan. 9. capite 30. in hæc uerba, Recta fides in Deum patrem est, & in fili-  
um, non simpliciter, sed incarnatum, & in spiritum sanctum. Sancta enim con-  
substantialisq; trinitas nominum differentijs, id est, personarum proprietatibus,  
distinguitur. Pater enim pater est, & non filius: filius quoque filius est, & non pa-  
ter: & spiritus sanctus, spiritus sanctus est patris atque filij proprius. Eadem enim  
substantia deitatis est: quare non tres, sed unum Deum prædicamus. Oportet igitur  
in Deum nos credere: sed distinctè latiusq; fidem exponentes, ut unicuique  
personæ eandem glorificationem referamus. Nulla enim fidei differentia est. Non  
enim maior debet esse in patrem, quàm in filium aut in spiritum sanctum, sed una  
& eadem ratio eius & modus est, in tribus æquali mensura personis consistens: ut  
etiam hoc pacto unitatem naturæ in trinitate fateamur. Hæc firmiter in animis no-  
stris splendere fides debet, quæ in patrem & in filium est, & in filium dico etiam  
posteaquam factus homo, & in spiritum sanctum. Tantum ille. Hæc omnia plenio-  
ribus firmabuntur testimonijs, ubi uentum fuerit ad assertionem diuinitatis filij  
Dei & spiritus sancti. Id quod suo loco referuamus.

*Trinitatis my-  
steriū patriar-  
chis & prophe-  
tis cognitissi-  
mum.*

Nemo autem existimabit hanc unitatis & Trinitatis Dei fidem uel à patribus  
ecclesiarumq; Episcopis esse inuentam, uel Christi demum seculo ab Apostolis pri-  
mum prædicatam. Ad eum enim modum, ad quem exposuimus hucusq; ab exor-  
dio mundi crediderunt sancti patriarchæ, prophætæ & omnes electi Dei. Quam-  
uis non negem trinitatis mysterium per Christum mundo clarius esse expositum,  
certè patriarchis & prophetis cognitissimum fuisse trinitatis mysterium inclar-  
scet ex testimonijs aliquot minimè dubijs, quæ mox subiiciemus: ubi illud prius  
admonuerimus, sanctos Dei patriarchas & prophetas simplici reuelatione & uer-  
bo Dei acquieuisse, & ideo nullas de Unitate & Trinitate Dei quæstiones curio-  
sas contexuisse. Clarè intellexerunt unum esse Deum patrem omnium, saluatorem  
unicum, & omnium bonorum authorem, nec alium esse extra uel præter hunc  
Deum. Illi ipsi clarissimè perspexerunt Dei filium, semen illud promissum, omnia  
cum patre communia habere: manifestissimè enim saluatorem dici, & redempto-  
rem esse, à quo proficiscantur & conferantur omnia bona credentibus, audierunt:  
unde iam nullo negotio potuerunt colligere patrem & filium unum esse Deum,  
licet distent proprietatibus. Quia enim satis certi erant doctrinam de pluralitate  
deorum damnatissimam ex diabolo pullulasse, coluerūt illi non plures, sed unum

Genes. 1. Deum, quem tamē crediderunt esse trinum. Moses enim eximius Dei seruus mox  
ab initio libri sui primi dicit: In principio creauit dii cælum & terram. Coniungit  
autem uerbo singularis numeri Creauit, nomen plurale Di, non ut solœcismum  
committat, sed ut mysterium trinitatis denotet. Sensus enim est, Deus ille trinus,  
creauit cælum & terram. Nam paulò post secum consultans Deus de producen-  
do uel condendo homine, dicit, Faciamus hominē in imagine nostra. Et faciamus,  
ait, non faciam. Et, In imagine nostra, non mea. Verū ne quis arbitretur consul-  
tationem cum angelis esse factam, audiat ipsum Deum apud Isaïam dicentē: Ego  
Dominus faciens omnia, extendens cælum solus à me (id est, ex mea uirtute abq;  
admini-

admiraculo aut socio) firmans terram. Ergo cum filio consultauit pater, per quem & secula condidit. Rursus ne quis existimet, quod Iudæi obtendūt, numero pluratio ista de deo honoris gratia ad morem humanum dici, audias licet quod mox in fine cap. 3. sequitur, Ecce Adam ille factus est sicut unus ex nobis, ut sciat bonum & malum. Posuit autem, Factus est, per enallagen, pro fiet aut eueniet: ut sit sententia, Ecce hoc ipsum eueniet Adamo, quod uni ex nobis, nempe filio: nimium ut experiat bonum & malum, id est, fortunam uariam, morbos uidelicet, calamitates & mortem, suauia (ut dici solet) & amara. Hæc est enim fors hominis. At filius incarnatus pro nobis, non pater, non spiritus sanctus, in similitudine ut homo repertus, & uariam fortunam etiam mortis expertus est. Id quod Adamo consolationis (non illusionis) gratia dictum claret. Sicut enim corpus protoplasti rum uestimento contra iniuriam cœli munierat bonus dominus, qui peccatorẽ in exilium eijcere statuerat: ita animum mœstum solatur consolationis plenissimo incarnandĩ passionisq; exemplo. Sic autem corpore & anima instructos demum eijcit ex horto felicitatis in calamitosissimum exilium. Huius generis testimonia ubiq; plurima occurrunt. Nam Abraham tres uidit, sed cum tribus uelut cum uno colloquitur, & unum adorat. Et, Pluit dominus super Sodomam & Gomorram sulphure & igni à domino de cœlis, & subuertit ciuitates illas. Caterum ne quis interpretaretur, Pluit dominus à domino, id est à cœlo, ipse subiūgit mox, De cœlis. Ut enim pater per filium omnia condidit; ita per eundem conseruat omnia: per eundem operatur adhuc. Post Moysen uerò prophetarum celeberrimus Dauid in Psalmis, Verbo domini, ait, cœli facti sunt, & spiritu oris eius omnis exercitus eorum. Audis autem unum esse dominum, in quo interim uerbum est & spiritus, utraq; distincta, licet non separata. Dominus enim cœlos facit, sed per uerbum: exterum omnis cœlorum ornatus constat spiritu oris domini. Idem Dauid canit: Dixit dominus domino meo sede à dextris meis: donec ponam inimicos tuos scabellum pedum tuorum. Alibi uerò idem hic Dauid fatetur disertè præter dominũ non esse alium. Hic interim non minus clarè canit, Dixit dominus domino meo, patrem utiq; intelligens, qui filium Dauidis dominum collocarit ad dextram in cœlestibus. Ex Isaia colligi possunt plurima testimonia. Excellens uerò illud est, quod citauit Matthæus Apostolus hisce uerbis: Ecce filius meus quem elegi, dilectus meus, in quo placata est anima mea: ponam spiritum meum super illum, &c. Cum hoc congruit quod & Lucas citauit: Spiritus domini super me, eo quod unxit me, ad euangelisandum pauperibus misit me, &c. Habes in his testimonijs patrem, filium, & spiritum sanctum. Hæc pauca ex multis. Nec enim affectamus uniuersas scripturas ueteris Testamenti euoluere.

Hanc ergo fidem qua credimus in deum patrem, filium, & spiritum sanctum, accepimus ab ipso deo, traditam nobis per patriarchas & prophetas, omnium clarissime uerò declaratam per ipsum dei filium, dominum nostrum Iesum Christum, & sanctos eius apostolos: unde iam nullo negotio colligimus, cur omnes ecclesiarum synceriores antistites, uel ministri totaq; Christi ecclesia hanc fidem tanto conluerint defenderintq; consensu, inde ab Apostolorum morte. Impiissimum certè fuisset, hac catholica & orthodoxa fidei forma relicta, eligere & sequi nouam. Extant etiam hodie multorum ecclesiasticorum scriptorum pijsimi & doctissimi libri, quibus orthodoxam hanc catholicamq; fidem ex scripturis sanctis, & declararunt & defenderunt contra impios hæreticos. Extant uaria, sed omnia eiusdẽ generis, Symbola fidei, in multis edita episcoporum synodis. Extat, discitur, & recitatur hodie ab uniuersali ecclesia, & singulis eius membris doctis & idiotis, om-

Gene. 18.

Gene. 19.

Psalm. 34.

Psalm. 110.

Isaie 42.

Matth. 12.

Isaie 61.

Luce 4.

Mysteriũ trinitatis non esse uentilandum dē spūtionibus curiosis.

Symbolum.



DE CREATIONE MVNDI.

Exod. 19.

niscꝫ sexus & ætatis hominibus symbolum, quod Apostolorum dicitur: quo nihil aliud quàm quod hætenus declarauimus, profiteamur, nos uidelicet credere in unum deum, nempe in patrem, filium, & spiritum sanctum. Cumqꝫ tanta semper fuerit ab ipso mundi exordio omnium sanctorum in fide ista uera consensio, pꝫsimè ab antiquis principibus regibusqꝫ cautum est, ne quis porro audeat fidem hanc de sancta dei unitate & trinitate, uel in dubium uertere, uel curiosis quæstionibus disputationibusqꝫ inuoluere. Configebatur olim in populo Israelitico, quis limitẽ præfixum fuisset prætergressus. Sunt & nobis præscripti circa cognitionẽ dei termini, quos præterisse nocet, imò quod præsentissima morte puniuntur.

Faxit dominus, ut ipsum, qualis est, deum summum, optimum, maximum, cognoscamus uerè, & colamus religiosè. Hætenus enim de modis & formis cognoscendi deum, qui substantia unus, personis trinus est, differuimus qua potuimus simplicitate, synceritate, ac breuitate. Agnoscimus interim & fatemur liberè, nihil hætenus & istis quidem omnibus tanta dignum maiestate esse prolatum. Maior est enim deus æternus, optimus, maximus, omni maiestate, omni eloquentia omnium hominum, tantum abest, ut existimem me mea infantia hic præstitisse tantulum. Quinimò supplex dominum clementissimum oro, quò nobis omnibus, pro sua misericordia & liberalitate, intellectum mentis nostræ illuminet se digna cognitione, per Christum dominum nostrum.

*Deum esse creatorem omnium, omniaqꝫ sua gubernare providentia: ubi & de bona Dei erga nos voluntate, ac prædestinatione differitur.* S E R M O I I I I.

**R**ESTAT, fratres, ut his quæ de deo protulimus, iam coronidis uice quædam non admodum proluxa de ea Dei Creatione subiiciamus hodierno sermone, qua ipse conditor omnium, omnia ad utilitatem hominum, saluberrimè condidit, cum uisibilia tum inuisibilia, eademqꝫ nunc ut semper gubernat uel moderatur sapientissimè. Inde enim non mediocris dei cognitio nobis obtinget, & illustrabuntur multa, quæ in superiore tractatione parcius delibauimus. In indaganda, consideranda, excolendaqꝫ creatione uniuersi partiumqꝫ eius, laborauit omnis externorum domesticorumqꝫ sapientum diligentia, & laborat adhuc laborabitqꝫ donec hic mundus durauerit. Quis enim hucusqꝫ uel sapientissimus peritissimusqꝫ, uel diligentissimus scriptor naturalis historiz, non plurima posteris elaboranda reliquit? Quis uel hodie, licet utatur doctissimorum scriptorum opera industriaqꝫ, non cogitur adhuc plura & maiora mirari, quàm uelut sint assequuti, uel ipse assequatur? Vult sapientissimus dominus perpetuò homines ingeniosos donisqꝫ cœlestibus locupletatos occupari, exerceriqꝫ in indagandis proferendisqꝫ creationis & naturæ arcanis. Cæterum nos simpliciter comprehendimus fide condita esse secula ex nihilo nullaqꝫ præiacente materia, per uerbum dei à Deo, subsistereqꝫ in uirtute spiritus diuini. Sic enim crediderunt & docuerunt Dauid rex, & Paulus doctor gentium.

Psal. 54.  
Heb. 11.

Tertullianus  
Historia crea-  
tionis breuibus  
comprehensa.

Tamet si uerò uniuersi ratio, & creationis modus paucis nec comprehendere, nec proponi queat, conabor tamen quædam proferre in mediũ, ex quibus utcumque rerum summa diligenter contemplanti elucescat. Ac malo hic alienis uti uerbis, quàm meis, maximè cum existimem hoc negotium uix posse uiuidius exponi, quàm enarrari Tertullianus in libro de Trinitate huiusmodi uerbis, Deum cœlum alta sublimitate suspendit, terram deiecta mole solidauit, maria soluto liquore diffudit, & hæc omnia proprijs & condignis instrumentis & ornata & plena digestit.

digessit. Nam & in solidamento (firmamento) cœli luciferos solis ortus excitauit, *Cœlum & sy-*  
 lunæ candentis globum ad solatium noctis menstruis incrementis orbis impleuit, *dera.*  
 astrorum etiam radios varijs fulgoribus micantis lucis (noctem) accendit: & hæc  
 omnia legitimis meatibus circumire totum mundi ambitum uoluit: humano ge-  
 neri dies, menses, annos, signa, tempora, utilitatesq; factura. In terris quoq; altis- *Terra.*  
 simos montes in uerticem sustulit, ualles in ima deiecit, campos æqualiter strauit,  
 animalium greges ad varias hominum seruitutes utiliter instituit. Sylvarū quoq;  
 robora humanis usibus profutura solidauit, fruges in cibum elicuit, fontium ora  
 referauit, & lapsuris fluminibus infudit. Post quæ ne non etiam ipsis quoq; deli-  
 cijs procurasset oculorum, varijs florum coloribus ad uoluptatem spectantium  
 cuncta uestiuit. In ipso quoq; mari, quamuis esset & magnitudine & utilitate mi-  
 rabile, multimoda animalia, nunc mediocris, nunc uasti corporis finxit, ingeniu  
 artificis de institutionis uarietate testantia. Quibus non contentus, ne fortè fremi- *Mare.*  
 tus & cursus aquarum cum dispendio possessoris humani, alienum occuparet ele-  
 mentum, fines littoribus inclusit, quo cum fremens fluctus, & ex alto sinu spu-  
 mans unda uenisset, rursus in se rediret, nec terminos concessos excederet, ser-  
 uans iura præscripta, ut diuinas leges tanto magis homo custodiret, quanto illas  
 etiam elementa seruassent. Post quæ hominem quoq; mundo præposuit, & qui *Homo.*  
 dem ad imaginem dei factum: cui mentem & rationem indidit & prudentiam, ut  
 deum posset imitari: cuius etsi corporis terrena primordia, cœlestis tamen & di-  
 uini halitus inspirata substantia. Quæ cum omnia illi in seruitutem dedisset, solum  
 liberum esse uoluit. Et ne in periculum caderet rursus soluta libertas, mandatum  
 posuit, quo tamen non inesse malum in fructu arboris diceretur, sed futurum, si  
 fortè in uoluntate hominis de contemptu datæ legis admoneretur. Nam & liber  
 esse debuerat, ne incogruenter dei imago seruiret: & lex addenda, ne usq; ad con-  
 temptum dantis libertas effrenata prorumperet: ut & præmia condigna & meri-  
 ta poenarum consequenter exciperet, suum iam habens illud, quod motu mentis  
 in alterutram partem agitare uoluisset: ex quo mortalitatis inuidia utiq; in ipsum  
 redit, qui cum illam de obedientia posset euadere, in eandem incurrit, cum ex con-  
 silio peruerso deus esse festinat, &c. Idem addit super solidamentum partibus, *Angel.*  
 quæ hodie non sunt nostris contemplabiles oculis, angelos prius institutos, spiri-  
 tuales uirtutes digestas, thronos potestatesq; præfectas, & alia multa cœlorū spa-  
 cia immensa, & sacramentorum infinita opera esse condita, &c. Hæc ille. Quorū  
 quidem omnium summa hæc est, Deus ex nihilo, potentia sua, cœlū condidit, ma-  
 re, & terram, quæ mox ornauit, ditauitq; omnium bonorum genere. In mundum  
 autem hunc qui meritò appellationem accepit ab ornatu, ceu in magnificentissi-  
 mum palatium, omni suppellectile splendidissima instructum, induxit hominem,  
 cui & omnia subiecit. Id quod David multa cū admiratione celebrans canit: Do- *David celebrat*  
 mine dominus noster, quam admirabile est nomen tuum in uniuersa terra: Quo- *creationis bene-*  
 niam eleuata est magnificentia tua super cœlos. Ex ore infantium & lactentium *ficum.*  
 perfecisti laudem, propter inimicos tuos ut destruas inimicum & ultorem. Equi-  
 dem suspiciam cœlos tuos, opus digitorum tuorum, lunam & stellas quæ tu præ-  
 parasti. Quid est homo, quod memor es eius, aut filius hominis, ut rationem eius  
 habeas? Minuisti eum paulò minus ab angelis (uel à deo) gloria & honore coro-  
 nasti eum, & cōstituisti eum super opera manuum tuarum. Omnia subiecisti sub  
 pedibus eius, oues & boues, insuper & pecora campi, uolucres cœli, & pisces ma-  
 ris, qui perambulāt semitas maris. Domine dominus noster, quam admirabile est  
 nomen tuum in uniuersa terra. Psalm. 8. Idem alibi canit: Tui sunt cœli, ô deus, &



tua est terra, orbem & plenitudinem eius tu fundasti ea. Tibi dies, tibi etiam nox, tu ordinasti luminaria & solem: tu statuisti omnes terminos terræ, æstatem & hyemem tu formasti ea. Quis autem tam stupidus, qui non ex his nullo negotio colligat, quantus sit deus noster, quanta uirtus dei, quam bonus, diues, & munificus in hominem nihil tale meritum, deus, qui tantas opes, exquisitissimasque delicias, & ornatum nunquam satis laudandum, propter hominem condidit, & ea omnia quæ condidit homini subdidit, seruireque uoluit?

*Deus cuncta gubernat.*

*Ioan. 5.*

*Hebr. 1.*

*Acto. 17.*

*Acto. 14.*

*Providentia Dei.*

Porro in creatione mundi considerata uenit & uniuersi per eundem deum conseruatio & gubernatio. Neque enim mundus sua uirtute subsistit aut permanet, neque suo arbitrio uel temere mouentur & agunt, quæcunque mouentur & agunt. Dominus enim in euangelio dicit: Pater meus ad hoc usque temporis operatur, & ego operor. Nam & Paulus: Deus per filium, inquit, etiam secula condidit, moderaturque & portat omnia uerbo potentie sue. Item, Per Deum uiuimus, mouemur & sumus. Et rursus, Deus non expertem testimonij se hactenus sinebat dum beneficia conferret, de cælo nobis dans pluuias & tempora fructifera, implens cibo & lætitia corda nostra. Et Theodoretus de Prouidentia: Longe absurdissimum, inquit, est dicere, deum creasse omnia, eorum autem quæ fecit nullam habere curam, & creaturam ueluti cymbam aliquam & clauo gubernatore destitutam à contrarijs uentis huc & illuc impelli, scopulisque & rupibus allisam confringi. Proinde hoc loco commemoranda uenit diuina gubernatio & prouidentia: quam ceteri Epicureis negant etiam hodie omnes impij, dicentes in animis suis, An curaret res terrestres qui cælos inhabitat? An obseruaret dicta & facta nostra minutissima omnipotens? Contulit ille omnibus creaturis suum ingenium & suam naturam, relinquens modò in manu consilij sui, ut pro suo ingenio moueantur, crescant, pereant, breuiter agant quod libet. Nescit hæc deus, neque admodum de his est sollicitus. Sic impij quidem impie ratiocinantur: scriptura autem diserte & multis pronunciat imò demonstrat, deum prouidentia sua curare res mortalium, omniumque propter hominem conditarum rerum. Ac utilissimum imò necessarium fuerit aliquot proferre super his ex uerbo Dei testimonia.

*Psal. 45.*

Dauid in sacris carminibus, Regnabit, ait, dominus in æternum: & regnum eius, regnum omnium seculorum est, & dominatio eius in generatione & generatione. En regnum Dei, inquit, regnum est omnium seculorum, & dominatio eius in sempiternas generationes. Proinde mundum & omnia quæ in mundo sunt, non tantum creauit Deus, sed moderatur & conseruat adhuc, gubernabitque ac conseruabit in finem usque. Nam idem rex & uates Dauid prouidentiam Dei circa hominem celebrans canit: Tu domine cognouisti siue sedeam siue surgam: omnes uias meas exploratas habes. Quia non est uerbum in lingua mea, quod non uniuersum noueris domine. A tergo & à fronte formasti me, & posuisti super me manum tuam. Et quæ sequuntur in Psalmo 138, qui totus huc pertinet, Congruit cum doctrina Dauidis testimonium Solomonis dicentis: Cor regis in manu dei est sicut fluctus aquarum, quorsum uolet inclinabit. Sua cuique uia placet, dominus uero

*Psal. 139.*

*Prouerb. 21.*

*Matth. 10.*

corda impellit. Nam & in euangelio dixit dominus: Nonne duo passeruli minuto asse uæneunt: & unus ex illis non cadet super terram sine patre uestro? Veli uero etiam pili capitis omnes numerati sunt.

*Daniel. 1.*

Sunt præterea alia in scripturis de diuina prouidentia testimonia euidentia. Daniel sapientissimus Orientis, & propheta Dei excellentissimus: Domini est sapientia, inquit, & fortitudo: ipse est qui mutat tempora, & quæ sunt in tempore: abijcit reges & instituit reges: dat sapientiam sapientibus, & scientiam ijs qui pol-

lent in-

leat intelligentia : ipse reuelat profunda & abscondita : nouit quid sit in tenebris, & habitat lux cum eo. Potrò Ethan Ezrahita canit : Tu domine, dominaris mari procelloso: cum attollit fluctus suos, tu compescis eos. Tu brachium habes omnipotentia præditum, roboras manum tuam, attollis dexteram tuam. Iustitia & æquitate stabilitum est regale solium tuum, bonitas & fides antecedunt faciem tuam. Dauid uerò, De fructu operum tuorum, ait, ô deus, saturabitur terra. Et producit fœnum pecori, & herbam ad usum hominis, & panem qui confirmet cor hominis, uinum autem ut exhilaret. Et mox in eodem Psalmo: Vniuersa ex te pendunt, ut des eis cibum suum suo tempore : teq; dante colligunt, & te manum aperiente satiantur bonis. Si autem abscondas faciem tuam, turbantur : siq; spiritum eis eripias, expirant & redeunt in suum puluerem. Item, Sustentat dominus omnes cadentes: & erigit omnes collapsos. Dominus soluit compeditos: dominus illuminat cæcos. Dominus custodit aduenas, orphanum & uiduam subleuabit, & uiam impiorum exterminabit. Magnus dominus noster, & magna uirtus eius, & intelligentia eius non est numerus. Hic enumerat stellas, & omnes suis uocat nominibus. Ipse operit cœlum nubibus, & parat terræ pluuiam. Dat iumento pabulum suum & pullis coruorum crocitantibus. Dat niuem sicut lanam, pruina sicut cinerem spargit. Proijcit glaciem suam sicut buccellas, ante faciem frigoris eius quis sustinebit? Mittet uerbum suum & liquefaciet ea, flabit spiritu suo & stillabunt aquæ. Et iterum: Scio quod magnus est dominus, & antecellit omnes deos. Qui fecit quæcunq; uoluit in cœlo & in terra, in mari & omnibus abyssis. Qui eleuat nubes ab extremitate terræ, & fulgura cœuertit in pluuiam. Qui producit uentos de thesauris suis. Recitantur huius generis plurima in libro Iob cap. 38. & 39. ac passim in Psalmis librisq; sanctorum prophetarum: uerum sufficiunt hæc quæ habemus recitauimus testimonia, abunde satis testificantia, deum prouidentia sua gubernare hunc mundum, & omnia quæ sunt in mundo, hominem inprimis ipsum mundi possessorem, propter quem condita sunt omnia.

Nihil hic tribuimus fato, uel Stoico, uel astrologico, neq; quicquam nobis negari est cum ethnica illa bona uel mala fortuna. Abhorremus in uniuersum à philosophicis in hac causâ disputationibus, à scripturarum propheticarum Apostolicarumq; ueritate alienis. In solo uerbo dei acquiescimus, ideoq; simpliciter & credimus & docemus, deum omnia sua prouidentia gubernare, idq; pro bona sua uoluntate, iudicio iusto, ordineq; pulcherrimo, per media iustissima æquissimaq; quæ si quis aspernetur & solum iactitet prouidentia uocabulum, fieri non potest ut recte intelligat prouidentia negotium. Obstrepunt, Quandoquidem dei prouidentia geruntur in mundo omnia, non est quod nos interponamus nostram industriam: licet otiosis stertere: satis fuerit tantum dei expectare impulsus. Si enim indigerit nostra opera, uel nolentes adiget ad opus quod per nos fieri uolet. Cæterum sancti in scripturis proponuntur nobis, longè syncerius & sentire & loqui iudicareq; de prouidentia. Angelus dicit disertis ad Lotum uerbis: Festina in Zoar, & illic seruire: neq; enim facere possum quicquam, donec tu illuc uenias. En prouidentia Dei seruatur cum suis Lot, perduntur ciues Sodomæ, & uicinorum urbium. In ipso tamen opere conseruationis requiritur Labor Loti, & spontaneus quidem ille. Imò, Non possum facere quicquam, ait dominus, donec tu uenias Zoar. Dauid propheta & rex clarè dicit: Ego in te speraui domine, dixi deus meus es tu: in manu tua sunt tempora mea. Idem tamē ille qui se totum in diuinam consecerat prouidentiam, sedulo deliberauit quomodo sua diligentia & industria eludat subterfugiatq; Saulis soceri sui insidias. Neq; aspernatur auxilium & ar-

*psalm. 88.*

*psalm. 104.*

*psalm. 143.*

*psalm. 145.*

*psalm. 147.*

*psalm. 133.*

*Contra gentium  
lisum.*

*obicitio*

*Sancti media  
non negligunt.  
Gene. 19.*

*psalm. 31.*

*1. Sam. 19.*



tes Michol dilectæ coniugis. Nō regerit dicens, Omnia aguntur dei providentia, artibus ergo nullis opus erit. Poterit me eripere ex militū patris nostri manibus, qui omnipotēs est, aut alio modo servare miraculoso: quiescamus nos, & sinamus deum operari in nobis. Intellexit autem providentiam, ut per media certōq; ordine procedere, ita sui esse officij, in timore dei se medijs applicare, omnemq; movere lapidē. Audīt S. Paulus sibi manifestē dici à domino: Sicut Hierosolymis de me testificatus es, ita oportebit te & Romæ testificari. Et quanquam nihil de veritate promissionum dei addubitaret, nec ignoraret diuinæ providentiæ uirtutem, nihilominus nepotem ex sorore sua nunciantem Iudæos conspirasse in Pauli necem, clanculum dimittit ad Tribunum, petitem, ne producat ad postulationem Iudæorum. Nec difficilem se præbet militibus Romanis deducētib; ipsum Antipatrida, inde uerò comitantibus ipsum equitibus. Casaream usque. Idem rursus nauigans in mari Adriatico, & uicinus periculosissimo naufragio, percussus in nauī alijs cōmilitonibus, dicit: Hortor uos ut bono animo sitis: lactura enim animæ nulla erit ex uobis, sed tantum nauis: Astitit enim mihi hac nocte angelus dei, cuius sum ego, quem & colo, dicens: Ne timeas Paule, Casari te oportet sisti. Et ecce donauit tibi Deus omnes qui nauigant tecum. Propter quod bono animo esto uiri. Credo enim Deo, quod sic erit quemadmodum dictum est mihi. Cæterū paulo post nautis ē nauī fugere quærentibus, dixit idem Paulus Centurioni & militibus: Nisi hi in nauī manserint, uos salui fieri non potestis. Pertinent itaq; & media per quæ operatur Deus ad providentiam: unde minimè sunt negligenda. Sunt sane ex diuina gubernatione uel providentia diuina omnis generis impressiones, igneæ, aereæ, & aqueæ. Dei enim uirtute, nō sua ipsius, neq; temerè fecundat terram æther, fluunt aquæ & refluunt, terra fructus suos profert. Et quanquam sancti nihil hic fieri existiment propter sua merita, dicente apud Matthæum saluatore: Pluit pater super iustos & iniustos: nunquam tamen obliuiscuntur uerborum prophetæ dicentis: Si uolueritis & audieritis, bona terræ comedetis. Si uerò contumaces fueritis, gladio deuorabimini. Quoniam os domini loquutum est. Propheta enim ille magnus Moses prior dixit: Si diligenter audieris uocem domini Dei tui, ut facias & custodias mandata eius, uenient super te omnes benedictiones. Benedictus eris in ciuitate: benedictus eris in agro. Benedictus erit fructus uentris tui, benedictus erit & fructus terræ. Aperiet tibi dominus ipsum cælum, ut det pluuiam terræ tuæ tempore suo. Quod si uocem domini dei tui non audieris, ut custodias atq; facias, uenient super te omnes maledictiones. Maledictus eris in urbe, maledictus eris in agro: & cæli super caput tuum erunt ærei: ac plagis multis percutiet te dominus, &c. Ac historiæ testantur illa dei populo cur: ita sic euenisse, certè non sine dei providentia. Successus omnis dei benedictio est: calamitas & aduersitas eius maledictio. Hinc ergo colligunt sancti, providentia Dei moderari res hominum, sed ideo sibi minimè esse stertendum & media aspernanda, quinimò sedulò ambulandum per gratiam dei in uijs & medijs siue in præceptis ac institutis diuinis. Nam providentia dei ordinem rerum non turbat, officia uitæ, laborem & industriam non abrogat, nec tollit ē medio iustam œconomiam & obedientiam, sed per hæc operatur salutem hominum accommodantiū se religionē se per auxilium diuinū decretis seu instituto & operationi diuinæ: cui merito acceptum ferunt quicquid bene fit, contra corruptioni humanæ & nostræ inscitie ac peccatis quicquid male fit. Bella ergo, pestes, & uarias calamitates, etsi per dei providentiam mortales affligere norunt sancti, illa tamen omnium hominum peccatis ferunt accepta. Nam Deus bonus est, qui mallet nobis bene quàm male esse.

Imò ipse non raro pro bonitate sua, pessima consilia nostra in bonum nostrum conuertit; ut uidere est in historia Iosephi in Genesi.

Certe ex accurata diuinæ prouidentie consideratione colligunt omnes pii, *Bona Dei uoluntas discitur ex Dei prouidentia.* Deum optimum optimè uelle hominibus. Nam maxima illi de nobis cura est, non in magnis duntaxat rebus, sed etiam in minimis. Tenet ille numeratos dies uitæ nostræ. In conspectu eius sunt omnia & singula membra nostra, tam interiora, quam exteriora. Nam clare dicit in Euangelio Dominus, omnes capitis nostri pilos esse numeratos. Tuetur nos sua prouidentia contra omnes morbos & omnia pericula. Alit nos, reparat, conseruat. Omnes enim creaturas ut ad salutem hominum condidit, ita conseruat & bono hominis applicat easdem.

Non minus consolatur pios Dei cultores, doctrina de Præscientia & Prædestinatione Dei, quæ cum Prouidentia cognationem quandam habent. Præscientiam uocant illam in Deo cognitionem, qua cuncta priusquam fiât, nouit, omniaque quæ sunt, fuerunt, & erunt, tenet ob oculos præsentia. Cognitioni enim Dei omnia sunt præsentia, nihil præteritum, nihil futurum. Prædestinatio autem decretum Dei æternum est, quo destinauit homines uel saluare uel perdere, certissimo uitæ & mortis termino præfixo. Vnde & præfinitio alicubi eadem appellatur. De his disputatur uariè, & à multis quidem satis curiosè & spinosè, ac ita quidem, ut non solum animarum salus, sed & gloria Dei apud simpliciore ueniat in periculum. Religio si scripturarum scrutatores uel interpretes agnoscunt hic nihil permittendum esse humano ingenio, sed à pronuntiatis scripturæ simpliciter pendendum: agnoscunt modum, ut in rebus omnibus, ita in his imprimis seruandum. Perpetuoque ita quæ hæc S. Pauli uerba, oculis & mentibus ipsorum obuersantur: O altitudo diuinarum sapientiæ & scientiæ Dei, quam incomprehensibilia sunt iudicia eius, & inuestigabiles uia eius. Quis enim cognouit sensum Domini? aut quis consiliarius eius fuit? aut quis prior dedit ei, & reddetur? Illi ipsi nunquam obliuiscuntur admonitionis sapientissimi uiri Iesu Syrah, dicentis: Altiora te ne quæsieris, & fortiora te ne scrutatus fueris: sed quæ præcepit tibi Deus, illa cogita semper, & in pluribus operibus eius ne fueris curiosus. Non est enim tibi necessarium, ea quæ abscondita sunt uidere oculis tuis. Interim uerò nec contemnunt, nec negligunt ea quæ de hoc negotio Deus seruis suis per apertas scripturas reuelare dignatus est. Præscientiæ dei multa extant, præsertim in prophetia Isaia cap. 41: & sequentibus, testimonia, quibus etiam Dominus demonstrat se uerum esse Deum. Cæterum ab æterno immutabili consilio præfinit uel destinauit Deus, qui saluari, quiue damnari debeant. Finis autem, siue decretum uitæ & mortis breue est & omnibus pijs perspicuum. Finis prædestinationis uel præfinitionis, Christus est Dei patris filius. Deceuit enim Deus seruare omnes quotquot communionem habent cum Christo unigenito filio suo, perdere autem omnes quotquot à Christi filij sui unici communionem alieni sunt. Communionem uerò cum Christo habent fideles, alieni à Christo sunt infideles. Nam Paulus in Epistola ad Ephesios: Elegit nos Deus, inquit, in Christo, *Ephes. 1.* antequam facerentur fundamenta mundi, ut essemus sancti & irreprehensibiles coram illo, per charitatem: qui prædestinauit nos, ut adoptaret in filios, per Iesum Christum in sese, iuxta beneplacitum uoluntatis suæ, ut laudetur gloria gratiæ suæ, qua placatus est nobis in dilecto. En elegit nos deus, & elegit ante iacta mundi fundamenta, elegit autem ut essemus irreprehensibiles, hoc est, æternæ uitæ hæredes. Cæterum in Christo, per uel propter Christum nos elegit. Et adhuc clarius: Prædestinauit nos, inquit, ut adoptaret in filios, sed per Christum, idque gratis fecit, ut gloria detur gratiæ diuinæ. Proinde quicumque in Christo sunt, electi sunt,



1. Ioan. 5.

Nam & Ioannes Apostolus dixit: Qui habet filium, uitam habet: qui non habet filium Dei, uitam non habet. Cum Apostolica doctrina congruit Evangelica.

Ioan. 6.

Nam in Euangelio dicit Dominus: Hæc est uoluntas eius qui misit me patris, ut omnis qui uidet filium & credit in eum, habeat uitam: & ego suscitabo eum in nouissimo die. En hæc est uoluntas siue decretum Dei æternum, ait, ut in filio per fidem salui fiamus. Rursus & ex contrario de prædestinatis ad mortem, dicit Domi-

Ioan. 3.

nus: Qui non credit, iam condemnatus est, quia non credidit in nomen unigeniti filij Dei. Hæc est autem condemnatio, quod lux uenit in mundum, & dilexerunt

Quis electus,  
& prædestina-  
tus sit ad uitã.

homines magis tenebras quam lucem. Proinde si me roges, an electus sis ad uitam, an prædestinatus ad mortem, hoc est, an sis de damnandorum, an saluandorum numero, simpliciter ex scriptura Evangelica & Apostolica respondeo: Si communionem cum Christo habes, prædestinatus es ad uitam, & es de numero electorum: si uero alienus es à Christo, utcunque uidearis pollere uirtutibus, prædestinatus es ad mortem, ac præscitus, ut aiunt, ad damnationem. Altius & penitius in confessum diuini consilij subrepere nolo. Arque hinc repeto superiora scripturæ testimonia: Deus prædestinauit nos, ut adoptaret in filios per Iesum Christum. Hæc est uoluntas Dei, ut qui credit in filium, uiuat: qui uero non credit, moriatur. Fides ergo certissimum signum est quod electus sis, dumque uocaris ad communionem Christi, & fidem doceris, electionem & beneuolentiam suam erga te declarat benignus Deus.

Tentatio gra-  
uis in hac causa

Sanè per quam grauitèr tentantur & exagitantur quæstione Electionis simplices. Conatur enim diabolus congerere ipsorum mentibus odium Dei, quasi inuideat nobis salutem, destinarique morti. Hoc ut facilius persuadeat nobis, improbe fidem nostram labefactare contendit, quasi dubia sit nostra salus, quæ incertæ Dei, electioni innitatur. Contra ignita hæc tela muniant serui Dei pectora, huiusmodi ex scriptura petitis cogitationibus, adeoque consolationibus. Prædestinatio Dei nulla innittitur aut mouetur uel dignitate uel indignitate nostra: sed ex mera gratia & misericordia Dei patris, in solum respicit Christum. Et quoniam in hunc innittitur salus nostra tantum, non potest non esse certissima. Nam hallucinantur qui existimant prædestinari à Deo ad uitam saluandos, propter merita uel bona opera quæ in ipsis præuidet Deus. Nam Apostolus Paulus disertè dicit: Elegit nos in Christo, in sese, iuxta beneplacitum uoluntatis suæ, ut laudetur gloria gratiæ suæ. Et iterum: Non est uolentis neque currentis, sed misereantis Dei. Rursus, Deus saluos nos fecit, & uocauit uocatione sancta, non secundum opera nostra, sed secundum suum propositum & gratiam, quæ data est nobis per Christum Iesum, ante tempora æterna, sed reuelata est modò per apparitionem Domini nostri Iesu Christi. Gratis ergo nos ex mera sua misericordia, non propter merita nostra, sed propter Christum, & non nisi in Christo elegit, & propter Christum complectitur. Quia pater est, & hominū amator. De quo & propheta Dauid cecinit:

Roma. 9.  
2. Tim. 1.

Psalm. 103.

Misericors & clemens est Dominus, longanimis & multæ pietatis. Et quemadmodum miseretur pater filiorum, ita misertus est Dominus timentibus se. Ipse enim nouit figmentum nostrum, recordaturque quod puluis sumus. Quinimò apud Ise-

Isaia 51.

iam legimus: Nunquid obliuiscetur mulier infantis sui, ut non misereatur filij uteri sui? Vtuncque uero illa obliuiscatur, ego tamen tui non obliuiscar. Certè in Christo filio Dei unigenito nobis exhibito, declarauit Deus pater quanti nos faciat. In

Roma. 8.

de colligit Apostolus. Qui proprio filio suo non pepercit, sed pro nobis omnibus dedit illum, qui fieri potest, ut non & cum eodem omnia donet? Quid ergo non polliceamur nobis de tam benefico patre? Neque enim conqueri poteris ubi non esse

esse daturum filium, uel tuum non esse, quem dicit Apostolus datum pro nobis omnibus. Quinimò ipse Dominus in Euangelio clamans, dicit: Venite ad me omnes qui laboratis & onerati estis, & ego reficiam uos. Et iterum ad discipulos: Ite in mundum uniuersum, & prædicate Euangelium omni creaturæ, qui crediderit & baptizatus fuerit, saluus erit. Vnde & Paulus dixit: Seruator noster Deus uult omnes homines saluos fieri, & ad agnitionem ueritatis uenire. Veruissimis enim retro temporibus dictum est Abraham: Benedicentur in semine tuo omnes tribus terræ. Et Ioel dixit: Et erit, ut quicumque inuocauerit nomen Domini, saluus fiat. Id quod & Petrus repetijt Actor. capite 2. & Paulus Roman. capite 10. Isaias quoque dixit: Omnes nos quasi ouis errauimus, unusquisque ad usam suam respexit: & Dominus fecit incurrere in ipsum omnium nostrum iniquitates. Idcirco & S. Paulus dicere audebat: Sicut per unius delictum propagatum est malum in omnes homines ad condemnationem: ita & per unius iustificationem propagatur bonum in omnes homines ad iustificationem uitæ. Proinde Dominus obuijs uicinis peccatores & publicanos in Euangelio recepisse legitur, his insuper uerbis adiectis: Veni quærere quod perierat. Nec ueni uocatū iustos, sed peccatores ad poenitentiam. Quæ quidem omnia huc pertinent, ut propius expensa, confirment nos de bona ergo nos uoluntate Dei, qui in Christo nos elegit ad salutem: quæ qui dem salus non potest non esse certissima, modisq; omnibus indubitata: præsertim cum ipse quoque in Euangelio dicat Dominus: Oues meæ uocem meam audiunt, & ego cognosco eas, & sequuntur me: & uitam æternam do eis, nec peribunt in æternum, neque rapiet eas quisquam de manu mea, &c.

Scio quid hic denuò angat multorum mentes, Oues, inquit, Christi electæ agnoscunt uocem Christi, firmaq; fide præditi indiuisse inhaerent Christo, utpote qui tractum illum senserunt diuinum, de quo Dominus in Euangelio ait: Nemo uenit ad me, nisi pater meus traxerit eum: ego uerò ut huiusmodi tractum nō sentio, sic plena fide filio Dei non inhaereo. Sanè requiritur in primis uera fides ab electis. Electi enim uocantur, uocati uerò fide uocationem recipiunt, ac se accommodant uocanti. Qui non eredit condemnatus iam est. Vnde & Paulus, Deus, inquit, est seruator omnium hominum, maximè fidelium. Porro nisi trahamur à patre celesti, credere non possumus. Curandum autem etiam atque etiam, ne uanas opiniones de tractu illo diuino concipientes, ipsum negligamus tractum. Equidem uiolenter traxit Paulum, sed non omnes crinibus ad se trahit. Sunt & alij modi, quibus hominem ad se ducit, non autem ut truncum attrahit. Apostolus Paulus: Fides, ait, ex auditu est, auditus autem per uerbum Dei. Trahit ergo Deus, cum annunciat tibi per seruos suos Euangelium, cum tangit cor, cum ad preces te excitat, quibus illius gratiam & auxilium, illuminationem & tractum implores. Hæc cum in animo sentis, noli alium expectare tractum, noli contemnere oblatam gratiam, sed utere præsentī, & ora pro gratiæ augmento. Piè etenim ad maiora & perfectiora subinde aspiras, interim tamen minora non est quòd asperneris. In Euangelio secundum Matthæum ampliores opes recipiunt, qui pauculis talentis accēpta, fideliter negotiati fuerant. Qui uerò spreuerat talentum creditum, & ignauitæ suæ nescio quid curæ prætexebat, grauiter accusatur, imò pecunia semel data iterum spoliatur, & conijcitur in æterna tormenta, uinculis constrictus condemnationis. Quinimò in genere pronunciat Dominus: Omni habenti dabitur & abundabit. Qui uerò non habet, etiam id quod habet auferetur ab eo. Habet autem qui gratiam Dei agnoscit, magnificat & excolit. Bi additur ad cumulum gratiarū, ac redditur abundantior. Non habet, qui dēna Dei non agnoscit, & subinde

Matth. 11.

Marci 16.

1. Tim. 2.

Genes. 22.

Ioel. 2.

Isaie 53.

Rom. 5.

Matth. 9.

Luce 19.

Ioan. 10.

De tractu prædestinatorum ad uitam. Ioan. 6.

1. Tim. 4.

Actor. 9.

Rom. 10.

Matth. 25.

Matth. 13.



DE PRAEDESTINATIONE DEI.

alia nescio qualia imaginatur, interim gratiam acceptam & praesentem non exhibet. Et hi ferè praetextere solent, tractum sibi nondum obtigisse; ac periculosissimum esse cum donis Dei negotiari. Multò autem aliter S. Paulus iudicans, dicit: *Quia & adiuuantes obsecramus, ne in uacuum gratiam Dei receperitis.* Et ad *Timotheum*: *Commonefacio te, ut suscites donum Dei quod est in te. Non quòd sine Deo aliquid ex nobis ipsis possimus: sed quòd nostram operam requirit Dominus, quæ tamen non est extra & sine eius auxilio & gratia.* Verè enim idem Apostolus dixit: *Deus operatur in nobis uelle & perficere, pro bona animi sui uoluntate.* Item: *Non quòd idonei simus ex nobis ipsis, tanquam ex nobis ipsis cogitare quicquam, sed omnis idoneitas nostra ex Deo est.*

Porro nolo desperare quenquam, si non perfectissimam protinus experiat in animo fidem. Scriptura Evangelica ait: *Utrò terra fructificat, primum herbam, deinde spicam, deinde plenum frumentum in spica.* Sic enim & augmenta habet fides. Ideoq; orarunt ipsi Apostoli Domini: *Adauge nobis fidem Domine.* Præterea apud Marcum acclamat miser quidem saluatori: *Agè si quid potes Domine, subueni misertus nobis: sed audit protinus Dominum dicentem: Illud si potes credere. Omnia possibilia credenti.* Hic uerò exclamauit miser: *Credo Domine, succurre incredulitati meæ.* En credit hic miser, sentiens utiq; fidem in animo à Deo donatam; quam tamen intelligit usque adeò infirmam esse, ut Dei praesidio indigeat. Orat ergo: *Succurre incredulitati, id est fidei meæ: quæ si conferatur cum absoluta fide, incredulitas uideri poterat.* Verùm audite, quæso, quid hæc quantumuis exigua effecerit fides, quid potuerit animus humilis, & à sola Dei misericordia dependens. Protinus enim sanat miserum puerum, & incolumitati restitutum uelut ex mortuis excitatum, patri fideli reddit. Si quis ergo fidem in animo sentit, ne desperet, licet intelligat hanc satis esse tenuem & exilem; coniiciat se totum in dei misericordiam, minimum aut nihil prorsus de suis præsumat uiribus, pro augmento fidei indefinenter oret. In quo instituto certè saluberrimè confirmare possunt quemlibet hæc consolatione plenissima Saluatoris ex sancto Euangelio uerba: *Petite & dabitur uobis: quærite & inuenietis: pulsate & aperietur uobis.* Quisquis enim petit, accipit; & quicumq; quærit, inuenit; & pulsanti aperietur. An quisquam est uestrum homo, qui si filius eius petierit panem, lapidem daturus sit illi? Aut si piscem petierit, num serpentem addet illi? Si uos igitur, cum sitis mali, nostis bona dare filiis uestris, quantò magis pater uester qui est in cœlis, dabit bona, ipsum spiritum sanctum, si postulaueritis ab eo. Hæc & similia in sacrosancto Euangelio nobis proposita ad consolationem, plus mouere & confirmare debent animos nostros de bona imò optima erga nos Dei uoluntate, quàm diaboli suggestiones, quibus non tantum spem electionis nostræ subuerrere, sed & Deum suspectum nobis reddere conatur, quasi odio habeat creaturam suam, quam perditam male, quàm seruata. Atqui probè notus est sanctis ex suis artibus. Sic enim & primis nostris parentibus imposuit. Teneamus nos firmiter pectoribus nostris impressum, Deum nos elegisse in Christo, & propter Christum prædestinasse ad uitam, ideòque fidem in Christum & donare & augere petentibus, eundemque ut potamus inspirare. Omnia enim salutis nostræ, gratiæ sunt diuinæ, nihil nostrum est præter opprobrium. Hæc hætenus in medium attuli fratres, de mirifico admirandoque opere creationis ab æterno, uero & uiuo Deo, nulla profecto molestia nullòque negotio. Dixit enim, & facta sunt: ipse mandauit, & creata sunt. Adsecimus paucula de gubernatione rerum omnium sapientissima & optima, per diuinam eius prouidentiam semper iustam æquissimamque: Item de bona Dei erga nos

nos uoluntate, de Prædestinatione & alijs quibusdam his agnatis. Omnia uerò hæc recitauimus ad ornandam gloriam cognitionemque Dei creatoris nostri. Cui testimonium reddit tam inuisibilem quam etiam uisibilem, & semper & tota natura. Quem angeli adorant, astra mirantur, maria benedicunt, terræ uerentur, inferna quæque suspiciunt. Quem mens omnis humana sentit, etiamsi non exprimit. Cuius imperio omnia commouentur, fontes scaturiunt, amnes labuntur, fluctus assurgunt, foetus suos cuncta parturiunt, uenti spirare coguntur, imbres ueniunt, maria commouentur, fecunditates suas cuncta ubiq; diffundunt. Qui peculiarem protoplastis nostris felicitatis hortum plantauit, mandatum dedit, sententiâque contra delictum statuit. Noe iustissimum de diluuij periculis liberauit, Enoch transtulit in amicitiz societatem, Abrahamum adlegit, Isaac protexit, Iacobum auxit, Moſen populo ducem præfecit, ingemiscientes filios Israelis e iugo seruitutis eripuit, legem scripsit, patrum sobolem in terram promissionis induxit, prophetas spiritu instruxit, & per hos omnes filium suum unigenitum repromisit, & eo puncto quo sese daturum sponderat misit, per quem etiam nobis in noticiam uenire uoluit, & in nos omnia bona sua cœlestia effudit. Et quia ultrò largus & bonus est, ne totus hic orbis auersus gratiæ eius fluminibus areſceret, Apostolos doctores in totum orbem per filium suum mitti uoluit, ut conditio generis humani agnosceret institutorem, & siquidem sequeretur, haberet quem pro Deo in suis iam postulationibus, patrem diceret. Cuius modò prouidentia non tantum sigillatim per homines cucurrit aut currit, sed etiam per ipsas urbes & ciuitates, quarum exitus prophetarum uocibus cecinit, imò etiam per totum orbem. Cuius propter incredulitatem exitus, plagas, diminutiones poenasq; descripsit. Et ne quis non etiam ad minima quæque, Dei putaret istam insatigabilem prouidentiam peruenire, Ex duobus, ait Dominus, passeribus unus non cadit sine patris uoluntate: sed & capilli capitis uestri omnes numerati sunt. Cuius etiam cura & prouidentia, Israelitarum non sinit nec uestes consumi, nec uisissima in pedibus calceamenta deteri. Nec immerito. Nam si hic omnia complexus est continens, omnia autem & totum ex singulis constant, pertingeret consequenter eius ad usque singula quæque cura, cuius ad totum quicquid est peruenit prouidentia. Huic soli gloria.

*De solo Deo uiuo, uero & æterno adorando, inuocando & colendo, deq; uera & falsa religione.* S E R M O V.

**D**IXI de Deo, quis, qualis & quantus sit, non equidem quod debui, sed quod potui: adumbraui item quam bona propensa sit eius erga hominem uoluntas, quem in filio unigenito æternæ destinauit salutem, quem & in præſenti ſeculo uniuersorum constituit Dominum, subiectis ei omnibus: iam uerò ne ignoret homo quid debeat Deo tam potenti, & patri tam benigno ac munifico, subiungam modò dissertationem de Deo hoc uiuo, uero & æterno, ab homine adorando, inuocando & colendo. Homo enim nec conditus nec natus est, ut astra, sicuti philosophus ille desipiebat, contempletur, sed ut sit imago & templum Dei in quo inhabitet regnetq; Deus, ideoq; Deum agnoscat, reueretur, adoret, inuocet ac colat, adeoq; & Deo coniungatur, & uiuat cum cum ipso æternum. Dicam uerò de adorando Deo primùm, deinde de inuocando, postremò de colendo. Vnde nullo negotio intelligemus, quæ uera, quæue falsa sit religio. Vberissimi quidem sunt loci propositi, sed comprehendam breuibus quæ scriptura sancta de illis nos docet, non singula quidem, sed potissima, & quantum salutem nostram



sobrietas cognitioni sufficere uidetur.

Adorare quid.

Adorare in scripturis diuinis, significat honoris causa caput aperire, *liberare* se, inclinare uel flectere genua, aut toto etiam corpore procumbere in terram, procidere in faciem ad pedes alicuius, more supplicum, in signum humiliationis, subiectionis deditioisq; ac refertur maxime ad corporis habitum. Hebraei sub uno utuntur uocabulo Schahah, quod omnes interpretes uerterunt per uocabulum adorare, inclinare, incuruare & procumbere. Greci reddiderunt per uerbum *proskunein*, id est, genua flecto, caput detego, supplico uel adoro. Est autem adoratio, uel ab osculando sic dicta, uel à moro galero. Nam *osculum* significat osculor. Ac osculum quondam cultus, uenerationis aut adorationis fuisse symbolum colligitur ex 31. cap. Iob. Quid quod uel hodie receptissimum est honoris uenerationisq; gratia manum osculari? Rursus *mor* significat galerum, biretum uel pileum: ut adorare sit nudare uel aperire caput uenerationis ergò. Respexerunt fortassis & Latini ad corporis habitum. Nam orare utrumque significat & *orare* aliquid & dicere. Adorat itaq; qui coniecto in aliquem uultu suppliciter aliquid petit. Verisimile est & Germanos huc respexisse. Nam adorare reddunt per *anbeten*. Quod præterea uerti poterit *zu füssen fallen*. Matth. 9. legis: Ecce primas quidam uenit ad Iesum, & adorauit eum. At Marcus eandem contexens historiam, Et ecce uenit quidam, inquit, principum synagogæ, nomine Iairus, & cum uidisset eum, procidit ad pedes eius, & deprecabatur eum multum: utiq; exponens nobis quid sit adorare, nimirum procidere ad pedes alicuius, & supplicem se substernere deprecariq;. Ita enim legimus & in ueteri scriptura de Iacobo Israele patre nostro: Et ipse progrediens, adorauit pronus in terram septies. donec appropinquaret frater eius Esau. De Dauide & Abigaele sic legimus in Samuele: Cum uisisset Abigail Dauide, festinauit, & descendit de asino, & procidit coram Dauide super faciem suam, & adorauit super terram, & cecidit ad pedes eius, dicens: Mihi Domine illa imputetur iniquitas, &c. Similiter scriptum legitur de Nathan propheta: Et cum ad Dauidem ingrederetur, adorauit pronus in terram. Hoc etenim honoris communicans concedit Dominus hominibus, uel senio uel autoritate dignitateq; conspicuis. Homo enim imago Dei uiua est. Et Deus ipse homines autoritate præcellentes deos appellare dignatur. Vnde Apostoli Christi Petrus & Paulus populum Dei instruentes docuerunt, ille quidem, Deum timeate, regem honorate: hic autem, Magistratus Dei minister est: reddite ergo omnibus, cui honorem, honorem: cui timorem, timorem. In lege dicit Dominus, Coram cano capite assurge, & Honora parentea. Propter hoc Dei præceptum reuerentur pateres, parentes, & magistratus, obedientiaq; fideli Deo placent. Cæterum adorare uel honorare simulachra, cuiuscumq; tandem speciei aut formæ sint, nusquam congedit Dominus. In lege enim dicit: Non adorabis, non coles. Et per prophetam Isaiam: Nullusne, inquit, apud se expendit hoc negotium, & ait: Ligni partem combussi igni, coxi panem, assaui carnem & comedi, & ex residuo abominationis facerem, & ante truncum ligneum adorarem? Apud eundem prophetam multum cum indignatione pronunciatum legis, Repleta est terra eius idolis, opus manus suarum adorauerunt, quod fecerunt digiti eorum. Et incuruauit se homo, & humiliatus est uir: ne ergo remittas eis. Proinde spiritu prophetico inspiratus uetus scriptor Lactantius contra Gentes disputans, sic scriptum reliquit, Simulachra ipsa quæ coluntur, effigies sunt hominum mortuorum. Est autem peruersum & incongruens, ut simulachrum hominis, à simulachro Dei (homine) colatur. Colit enim quod est deterius & imbecillius. Deinde ipsæ imagines sacræ, quibus uandissimè

Genes. 33.

2. Sam. 25.

3. Reg. 2.

Adorare homines.

Psal. 82.

Ioan. 20.

1. Pet. 2.

Roma. 13.

Exodi 20.

Isaie 44.

Esaiæ 2.

Lib. 2. cap. 18.

transmissi homines seruiunt, omni sensu carent, quoniam terra sunt. Quis autem non intelligat nefas esse rectum animal curuari, ut adoret terram? Quæ ideo pedibus nostris subiecta est, ut calcanda nobis non adoranda sit, qui sumus ideo excitati, ut non reuoluamur deorsum, ne hunc cœlestem uultum proficiamus ad terram, sed oculos eò dirigamus, quò illos naturæ suæ conditio direxit. Quicunque ergo sacramentum hominis tueri, rationemq; naturæ suæ nititur obtinere, ipse se ab humo suscitaret, & erecta mente oculos suos tendat in cœlum: non sub pedibus, quærat deum; nec à uestigijs suis eruat, quod adoret. Quia quicquid homini subiacet, infra hominem sit necesse est: sed quærat in sublimi, quærat in summo: quia nihil potest homine maius esse, nisi quod fuerit supra hominem. Deus autem maior est hominibus: supra ergo non infra est: nec infima potius, sed in summa regione querendus est. Quare non est dubium, quin religio nulla sit ubique simulachrum est. Nam si religio ex diuinis rebus est, diuini autem nihil est, nisi in cœlestibus rebus: carent ergo religione simulachra. Quia nihil potest esse cœleste in ea re, quæ sit ex terra. Quod quidem de nomine ipsò sapienti apparere potest. Quicquid enim simulatur id falsum sit necesse est: nec potest unquam uerè nomen accipere, quod ueritatem fucò & imitatione mentitur. Si autem non omnis imitatio nõ res seria, sed quasi ludus ac iocus est, non religio in simulachris, sed minus religionis est. Præferendum est igitur uerum omnibus falsis. Calcanda terrena, ut cœlestia consequamur. Hæc non temere recitauimus hætenus ex Lactantio: redimus modo ad institutum nostrum.

Quoniam uerò exterior corporis habitus formatur serè secundum interiorem animi qualitatem, & exterior corporis adorantis habitus, adorantem subiicit, dedicatq; addiecit ei qui adoratur, transfertur adoratio ad interiorem quoq; hominem, ut adorare sit deum reuereri & respicere, huic se deuouere, & ipsi indiuisè adhærere, ab hoc uno pendere in omnibus, & ad hunc recurrere in quibuslibet nostris necessitatibus. Porro animum uerè fide & sancto timore dei sic rectè imbutum, sequitur mox, cum necesse est & facultas conceditur, exterior adoratio. Est enim adoratio duplex, alia animi uel spiritus, interior, sincera ac uera: alia corporis, exterior, insincera, fucata, ac falsa; si quis nulla sit religione imbutus. Vera adoratio est ueræ fidei & sancti timoris dei fructus, nempe addictio supplex & humilis consecratio, qua nos dedicamus, addicimus subijcimusq; deo nostro, quem intelligimus ut optimum clementissimumq; patrem, ita summum & omnipotentem esse deum: toti ergo ab ipso solo pendemus, & in ipsum solum respiciamus: quod & externa adoratione, protinus atque occasio nobis datur, exprimimus atq; testificamur. Totum hoc rectius intelligemus ex subiectis his scripturæ sanctæ testimonijs. Canit David: Venite exultemus domino, iubilemus deo salutari nostro. Præoccupemus faciem eius in confessione, & in Psalmis iubilemus ei. Quoniam deus magnus dominus, & rex magnus super omnes deos: quia in manu eius sunt fines terræ, & altitudines montium ipsius sunt. Quoniam ipse est mare, & ipse fecit illud, & aridam manus eius firmauerunt. Venite adoremus & procidamus & ploremus ante dominum, qui fecit nos: quia ipse est dominus Deus noster, & nos populus pascuæ eius & oues manus eius. Intelligis ideo nobis adorandum esse deum, & ipsi adhærendum laudesq; canendas, quia deus est potentissimus creator omnium, etiam noster creator, pater & pastor noster. Similiter in euangelio secundum Matthæum fidem sequitur adoratio, & quasi ex illa nascitur atque fouetur. Postquam enim edocti miraculo discipuli credidissent Iesum esse Christum, Accesserunt, ait Matthæus, & adorauerunt eum, dicentes: Verè Dei

Cap. 19.

Adoratio spiritalis.

Adoratio duplex.

Psalm. 94.

Matth. 14.



*Ioan. 9.* filius es. Rursus in Ioanne legis dominum interrogasse eiectum ē synagoga cecū illuminatum ac dixisse: Credis ne in filium Dei? Cæcum autem respondisse. Quis est domine ut credam in eum? Respondisse autem Iesum & dixisse: Et uidisti eum, & qui loquitur tecum, ipse est. Ad hæc protinus sequitur in historia, At ille ait: Credo domine & adorauit eum. Huc iam pertinet quod dominus in euangelio ad Samaritanam dicit: Veri adoratores adorabunt patrem spiritu & ueritate. Approbatur enim dominus spiritualementem & internam adorationem, non externam & fucatam uel hypocriticam, sed quæ proficiscitur ex animo regenerato fide per spiritum sanctum, & sincere in unum Deum tendentem. Nam legimus in ueteri historia, in ueritate adorasse eos principes, qui toto corde uni deo se consecrarunt, & solo pependunt: rursus non integro corde adorasse dominum, qui synœcra fide destituti, simul à creaturis pependunt. Rationem autem huius adorationis subiicit in euangelio dominus. Adoratio, inquit, adorato per omnia respondere debet. Deus autem qui adoratur spiritus est & ueritas, delectaturq; spirituali cultu & uera fide: spiritu ergo & ueritate adorari debet.

*Vere adorare Deum quid sit.*

*Isaie 29.*

*Matth. 15.*

Proinde sanctis maxima cura est, ut interior mentis adoratio integra sit, adtentq; in primis animo & uerè, sincera fide & numinis reuerentia: interim foris supplices quoq; procidunt & adorant coram domino. Sequitur enim interiorum adorationem exterior. Adorant & hypocritæ deum corpore satis suppliciter, sed quia animus peregrinatur nec adhæret fide & reuerentia domino, audiunt à domino per prophetam: Populus hic labijs suis me honorat, cor autem eorum longe abest à me: sed frustra me colunt docentes doctrinas, præcepta hominum. Est hæc quidem est fucata & falsa adoratio. Falsa est & illa imò scelerata & abominanda, qua adorantur uel cum deo, uel pro aut sine deo creaturæ. Quinimò in uniuersum non adorant deum, qui deum nec metuunt, nec in deum credunt, nec pendent à solo Deo.

*Soli deum adorandum esse.*

*Matth. 4.*

*3. Reg. 18.*

*Matth. 6.*

*Deut. 6.*

*Hebr. 1.*

Equidem fatentur omnes deum adorari oportere, sed non omnes sincere agnoscunt & confitentur solum deum esse adorandum, restat ergo demonstrandū, quod solus deus sit adorandus ab hominibus. Adoratio coniuncta est cum uera fide, & sincera numinis obseruantia: quæ cum soli deo debeatur, solus certe deus adorandus est. Toties itaq; in lege & prophetis repetitur & incutatur, Dominum deum tuum adorabis, & deum alienum non adorabis. Est autē deus alienus, quicquid tibi extra & præter deum unicum, uiuum, uerum & æternum deligis adorandum: solus itaq; uerus uiuus & æternus deus est adorandus. In euangelica historia legimus diabolū tentasse dominum nostrū Christum, subductoq; in montem excelsum, inde illi commonstrasse omnia regna mundi eorumq; gloriam, & dixisse: Hæc omnia tibi dabo, si prostratus adoraueris me: dominum uerò respondisse: Abi satana, scriptum est: Dominum deum tuum adorabis, & illum solum coles. Cohærent autem inter se mutuū, ut disiungi non possint, adoratio & cultus: unde cum solus coli postulet, certè solus uult adorari. Et magnus dei propheta Helias docens deum consortis in cultu impatientissimum esse, ad populi cum deo simul & deum Baal adorantem, clamat: Quousq; tandem uos claudicatis in duas partes? Si dominus est deus, sequimini eum: si Baal, ite post ipsum. Quasi dixerit, non potestis simul deum adorare & Baal. Nemo potest duobus dominis seruire. Dominus enim deus noster totum requirit cor nostrum, totam mentē & animam: nihil ergo relinquit nobis quod ulli alijs impendamus. In epist. ad Hebræos ostendit Paulus Christum angelis excellentiorem esse, quia Christum adorant angeli, nec uicissim adorantur. Si autem angeli non adorantur, quæ dabimus præter Deum

deum uerum & æternum, qui mereatur adorari: Solus ergo deus adorandus est. Nam in reuelatione Iesu Christi facta beato Ioanni apostolo & euangelista, sic legimus scriptum: Et uidi alterum angelum uolantem per mediū cœli, habentem euangelium æternum: ut euangelisaret habitantibus super terrā, & omni genti & tribui & lingvæ & populo, dicentem magna uoce: Timete deum, & date illi honorem: quia uenit hora iudicii eius, & adorare eum, qui fecit cœlum & terram, mare & fontes aquarum. Et iterū in eodem libro legimus: Et cecidi ante pedes angeli, ut adorarem eum. Et dicit mihi: Vide ne feceris, Conseruus tuus suum & fratrum tuorū habendum testimonium Iesu, deum adora. Rursus in fine libri eiusdem legis: Et postquam audissem & uidissem, cecidi ut adorarem ante pedes angeli, qui mihi hæc ostēdebat. Et dicit mihi: Vide ne feceris: cōseruus enim tuus sum, & fratrum tuorum prophetarum, & eorum qui seruant uerba libri huius. Nec multum ab hac re abludit S. Petri factum dictumq̃, cuius ad pedes cum prostrasset Cornelius Centurio, & adorasset, dixit Petrus: Surge, & ego ipse homo sum, simul autem iniecta manu procumbentem erigebat. Religiosissime ergo scripsit de Vera religione Augustinus, dicens: Non sit nobis religio humanorū operum cultus. Meliores enim sunt ipsi artifices, qui talia fabricantur, quos tamen colere nō debemus. Non sit nobis religio cultus hominum mortalium. Quia si piæ uixerint, non sic habentur, ut tales quærant honores: sed illum à nobis coli uolūt, quo illuminante lærantur meriti sui nos esse cōseruos. Honorandī ergo sunt propter imitationem: non adorandī propter religionem. Si autem male uixerint, ubi cuncti sint, non sunt colendi. Idem Augustinus libro de Consensu euangelistarum primo, cap. 18. disputat: Quare Romani nunquam receperint & deum, & dei cultum Hebræorum, cum tamen omnium ferme Gentium deos receperint colendos? & respondet nulla id alia factum causa, quam quod Hebræorum deus solus uoluerit coli absq̃ consorte. Verba eius si quis requirat, hæc sunt: Nihil restat ut dicant cur huius dei sacra non receperint: nisi quia se solum coli uoluerit: illos autē deos gentium, quos isti iam colebant, coli prohibuerit. Socratis enim (quem sapientissimum omnium hominum etiam oraculo fuisse firmarunt) sententia est, unumquēq̃ deum sic coli oportere, quomodo se ipse colendū præceperit. Proinde Romanis summa necessitas facta est, non colendi deum Hebræorum. Quia si alio modo eum colere uellent, quam se colendū ipse dixisset, non utiq̃ illū colerent, sed quod ipsi finxissent. Si autem illo modo uellent, quo ipse diceret, alios sibi colendos non esse cernebant quos ille coli prohibebat: ac per hoc respuerunt unius uerī dei cultum, ne multos falsos offenderent: magis arbitantes sibi obfuturam fuisse istorum iracundiam, quam illius beneuolentiam profuturam. Hæc Augustinus. Et quanquam hæc de cultu dei scripta sunt, nos autē disputemus de adoratione numinis, non tamen aliena sunt à proposito. Nam cohærent inter se indimulæ adoratio & cultus dei. De hoc paulo post plura. Ex illis autem colligimus, solum adorandum esse deum uerum, uiuum & æternum, iuxta illam legis decantatissimam sententiam: Dominum Deum tuum adorabis, timebis, eiq̃ soli seruias: ipsi adharebis, iurabisq̃ in nomine eius.

Ceterum magna præmia ueris suis adoratoribus promisit & præstitit deus ab initio, præstabitq̃ quoad hic mundus steterit. Contra uerò ingentia credimus malis illis parata esse, qui uel deū non adorant, uel pro deo uero alienos adorant deos. Dominus in reuelatione sua Ioanni apostolo facta: Timidis, inquit, & incredulis, & execratis & homicidis, & scortatoribus & ueneficis, & idololatriis & omnibus mendacibus, pars illorum erit in stagno ardenti igne & sulphure, quod est mora secunda.

Apoc. 14.

Apoc. 19.

Apoc. 22.

Act. 10.

De uera religione cap. 59.

Augustinus

Quare Romani nunquam receperunt Deum Iudeorum colendum.

Deut. 10.

Bona &amp; mala adorantium &amp; non adorantium Apoc. 21.



*Inuocare quid.*  
*Deut. 32.*

*Gen. 48.*

*Isa. 4.*

*2. Reg. 12.*

*Daniel. 9.*

*Acto. 9.*

*2. Tim. 2.*

*Inuocatio Dei*  
*quid.*

*Deum esse inuo-*  
*candum.*

*3. Reg. 8.*

Hæc diximus hactenus de adorando Deo, dicemus porrò de inuocando Deo, secundo utique loco de quo me dicturum promisi. Inuocare & inuocatio in scripturis uariè usurpatur. Significat enim in testem uel testimonium dicendum producere. Sic inuocat Moyses in testimonium contra filios Israelis cælum & terram, per prosopopœiam. Rursus inuocari nomen alicuius super aliquo, est eius nomine appellari. Inuocetur nomen meum, inquit Iacob, super eos, id est, super Ephraim & Manasse, hoc est, appellentur meo nomine, perinde ac si mei filij sint, dicanturque non filij quidem Iosephi, sed filij Iacobi Israelis. Sic mulieres dicunt ad maritum: Inuocetur nomen tuum super nos, id est, sine ut appellamur tuo nomine, tuamque fiamus uxores. Hæc enim per coniugij copulam maritorum indisplicunt nomina. Ad eundem modum sæpe legimus in prophetis & sacra historia: Domus super quam inuocatum est nomen tuum, id est, domus quæ tuo nomine appellatur diciturque domus domini. Ioab quoque militiæ princeps Dauidi dicit: Turpe urbem (Rabbam, Ammonitarum regiam) ne ego capiam, & inuocetur nomen meum super eam: id est, ne ego dicar Rabbæ domitor. Scripturarum itaque & hominum quotionum scripturæ imperitissimi sunt, qui illam Iacobi sententiam, quam iam produximus, citant pro asserendo patrocinio & inuocatione sanctorum, quasi Iacob uoluerit nomen suum inuocari à nepotibus. In Daniele legis: Populus super quem inuocatum est nomen Dei: sed nihil aliud significat quam populus qui dicitur dei populus. Nulla hic mentio inuocationis petitoriz. Præterea usurpatur inuocatio pro religione. Lucas enim in Actis dixit: Habuit Saulus potestatem uinciendi omnes qui inuocant nomen domini. Et Paulus: Discedat ab iniquitate omnis qui inuocat nomen domini. Item, Sectare pacem cum omnibus qui inuocant nomen domini, id est, qui sunt ueræ religionis Christianæ. Postremo inuocare significat in auxilium euocare, clamoribusque perpetuis aliquid postulare. Est ergo inuocatio Dei, de qua in præsentem differimus, humani animi in summa necessitate aut in desiderio aliquo ad deum eleuatio, & auxilij consilijque ardentissima per fidem postulatio, adeoque in fidem dei deditio, ac ueluti receptus quidam tanquam ad asylum & unicum præsidium. In inuocatione ergo uera requiritur in primis animus fidelis, qui agnoscat deum esse omnium bonorum auctorem ac datorem unicum, qui uelit inuocantes audire, & possit omnia nobis uota desideriaque largiri. Requiritur indefinens & ardens petitio. Verum de his plura dicentur, cum dominus dederit loqui de Oratione fidelium. Nam inuocatio est orationis species.

Iam uerò ostendam deum in omnibus nostris uotis inuocandum, adeoque solum inuocandum esse. Certè sunt diserta dei mandata præcipientia inuocare nomen domini promittentis se uota nostra pro sua in nos bona uoluntate exaudietur, largiturumque nobis salutaria. Ex multis unum & alterum profero testimonium. Solomon omnium mortalium sapientissimus, docet deum inuocare in omnibus singulisque necessitatibus, commemoratis speciatim potissimis hominum uotis. Idem argumentum tractat pater Solomonis sanctissimus rex Dauid, per integrum Psalmum 107. Commemorat ergo uarios hominum casus & labores, afflictionem siue oppressionem, errores periculæ itineris, carceres seu uicula, morbos mortisque metum morte nonnunquam atrocior, discrimina in mari ac fluminibus, sterilitates, inopiam, calamitates atque contemptum ignominiamque. Illa, inquit, si cui obueniant, non accepta ferat uel deo tutelari, uel fortune, uel stellationi, sed deo omniscio & omnipotenti, eumque fide sedulo inuocet. Nam sapius repetit hæc uerba uates: Et cum elamassent ad dominum in tribulationibus, eripuit

tribulationis ex angustis suis. Ea uero de causa repetit toties, ut fiducia concepta  
 dicamus in omnibus casibus inuocare nomen domini. Solomon enim in prouer-  
 bio iterum dicit: Turris fortissima est nomen domini, ad ipsam currit iustus, & ex-  
 stabitur sive extra periculum erit. Alaph quoque in sanctis carminibus canit: Sa-  
 crifica deo sacrificium laudis, & persolue altissimo uota tua, & inuoca me in die  
 tribulationis, & eruat te, & honorificabis me. Inducit autem ipsum deum loquen-  
 tem & postulantem sacrificia, non pecunia, aurea uel argentea, sed laudem & in-  
 uocationem. Simul pollicetur auxilium, & testificatur quod inuocando & lau-  
 dando honoretur. Vnde Dauid dicit: In tribulatione mea inuocabo dominum,  
 & ad deum meum clamabo, & exaudiet de templo suo uocem meam, & clamor  
 meus perueniet in aures eius. Ioseph quoque dixit: Omnis qui inuocauit nomen domini  
 saluus erit. Et dominus apud Ieremiam: Inuocabitis me, & uiuetis: orabitis me,  
 & exaudiam uos: quæretis me & inuenietis: siquidem ex toto corde uestro qua-  
 eritis. Præterea non legimus beatos patres nostros, quenquam in omnibus suis  
 uotis sive paruis sive magnis inuocasse alium quam Deum uiuentem in secula.  
 Nemo se dominus apud Alaph dicit: In angustis inuocabas me (Israel) & eripe-  
 ram te. Dauid quoque, In te sperauerunt, ait, patres nostri, sperauerunt & liberaasti  
 eos. Ad te clamauerunt, & salui facti sunt: in te sperauerunt, & non sunt confusi.  
 His omnibus subiunge iam præceptum Christi domini, Cum oratis dicite: Pater  
 noster, &c. Subiunge quæ sequuntur Lucæ 11. & Matth. 7. Petite & dabitur uobis,  
 & reliqua. Concludimus ergo deum uerum uilium & æternum, ab omnibus ho-  
 minibus in omnibus necessitatibus inuocari oportere.

Proverb. 18.  
 Psalm. 50.

Psalm. 17.

Iosue 24.  
 Ierem. 29.

Psalm. 80.  
 Psalm. 23.

Sed frustra fortassis laboro in his, cum pauci aut nulli negent deum inuocari  
 dum esse, hoc diligenter demonstrandum uideretur, quod solus sit inuocandus.  
 Nam multi deum quidem inuocant, sed simul cum deo aut pro deo delectos etiam  
 patronos, unde non solum deum inuocant. Solum autem inuocari oportere sic  
 ostendimus, Inuocatione postulamus auxilium, uel ut bona nobis dentur, uel ut  
 auertantur à nobis mala. Id quod nulla copiosiore indiget probatione, cum non  
 possit negari à quoquam ratione sana uerente. Iam uero solus deus auxiliator est,  
 qui unus bona confert, & mala auferit. Nam in euangelio dicit dominus: Nemo  
 bonus nisi unus, nempe Deus. Vsurpauit autem unus pro solus. Rursus in lege per  
 Moysen dicit dominus: Videte quod ego sum solus, & non sit alius deus præter  
 me. Et iterum per Isaiam: Nunquid non ego dominus & non est amplius Deus  
 præter me: Deus iustus & saluator non est præter me. Et Dauid: Quis inquit, est  
 deus præter dominum, & quis petra præter deum nostrum? Indignissime itaque  
 iusserunt cultores dei, quoties ab ipsis postularunt homines ea quæ dominus con-  
 fert. Dicebat Rachel ad Iacob: Da mihi filios, alioqui mortuor. Sed scriptura pro-  
 prius addit: Extratus Iacob, dixit: Num pro deo ego sum, qui tibi denegauit fru-  
 ctum uentris? Quis uero dum rex Syriæ à rege Israelis Ioram, non admodum pio-  
 postulari ut Naamanum curaret lepra in se, tum, ait Ioram: Nunquid ego sum  
 Deus, ut possim uiuificare & mortificare? Nam si mittit ad me, ut curem hominem  
 lepra. Proinde certissimum est, solium esse Dei dare bona, & mala auertere. Vnde  
 iam consequens est solum deum inuocari oportere. Nam si patroni, quos inuo-  
 cant tanquam auxiliares, qui non solum deum inuocant, bona dare aut mala auer-  
 tere possent, profecto non unus tantum deus esset. Nam & hi dii essent. Non au-  
 tem sunt dii, quia unus est deus, qui solus confert bona, mala auferit: solus ergo  
 deus inuocandus est, patroni non sunt inuocandi, ut qui nec bene nec maleface-  
 re possunt. Nam quod quidam hic ex suis capitibus opponunt, patronos quidem

Solum deum esse  
 inuocandum.

Matth. 18.  
 Deut. 32.  
 Iosue 45.  
 Psalm. 80.

Genes. 30.  
 4. Reg. 5.



Isa 42.

non ex seipſis, ſed ex deo bene uel male facere dubium imò falſiſſimum eſt. Dicit enim per prophetam ipſe dominus, Ego dominus. Hu (ſole uel eſſentia) eſt nomen meum, & gloriam meam alteri non dabo. & laudem meam ſculptilibus. Ceterum gloria Dei eſt, quòd ſolus & unus omnium bonorum nò modo ſons inexhauſtus, ſed & diſtributor æquiſſimus eſt, eoq; nomine inuocatur & colitur ab hominibus. Pſalm. 50.

Exodi 20.

Acto. 14.

Præterea cum nemini, niſi uni deo ſit ſacrificandum, certe ſolus deus adorandus. Clamat in lege dominus: Qui immolat dñs, præterquam domino ſol, terminetur. Ideoq; Paulus & Barnabas Lyſtreanſib. ſacrificia parantibus, qui ſiſ offerrent apoſtoliſ, tanquam ad intolerandam blaſphemiam ueſtes ſuas ſoluerunt. Rurſus enim in lege domini legimus: Quicunq; ſuſumentum incenſiſ fecerit, ut id olfactat, excindetur e populo ſuo. Atqui ſacrificia piorum ſunt precor, gratiarum actiones, & inuocationes diuini nominis. Dauid enim, Tibi inquit, ſacrificabo ſacrificium laudis, & nomen domini inuocabo. Et iterum: Depoſita oratio mea incenſum in conſpectu tuo, & eleuatio manuum mearum, ſacrificium ueſperinum. Paulus quoq; Per Chriſtum, inquit, offerimus hoſtiam laudis, per deo, hoc eſt, fructum laborum conſtituentium nomini eius. Nam & prophetæ

Exodi 30.

Pſalm. 115.

Pſalm. 104.

Oſeas iuſſit nos immolare uitulos laborum. Quoniam itaq; ſoli deo eſt ſacrificandum, utiq; ſolus deus eſt inuocandus. Nec poſſibile eſt patronos illos coelites, qui uocant, non ſolum deum inuocantes, ſi beati ſunt, huiusmodi inuocationes poſſe ſare ab hominibus: imò hi & in deum & in diuos petcant, tribuentes hiſ, quod nulli agnoſcunt beati ſpiritus. Dixit beatus Auguſtinus, nò boni dei angelos, ſed cacodæmones eſſe, qui non unum ſolum ac ſummum Deum, ſed ſeipſos ſacrificioli uolunt. Ceterum beati ſpiritus dum adhuc corporibus fuerunt conueni, orauerunt: Fiat uoluntas tua, ſicut in celo & in terra, idcirco liberati modò ab omni corruptione, multò plenius imò perfectiſſime conſentiunt in uoluntatem dei, qui iubet omnes ſolum adorare & inuocare deum.

Hebr. 13.

Oſe 14.

Rurſus inuocatur is demum legitime & cum fructu, qui corda inſpicit, & canentium uota audit, & deſideria explere poteſt omnium uiuentium. Eum uero omniſcium & omnipotentem cordiumq; ſcrutatorem eſſe neceſſe eſt. Porro cum ſolus deus is ſit, procul dubio ſolus inuocari debet. Nam Deum ſolum cordium ſcrutatorem, nulli concludi ſum loco, ſed ubiq; præſentem ac omnipotentem, ſolus non hiſce uerbis reſtat: Ecce coeli & coeli coelorum non capiunt te, & quomodo domus iſta quam ædificauit. Tu itaq; exaudies in celo, in habitaculo manſionis tue, & propitiuſ eris. Facies & dabis unicuiq; ſuxta omnes uias ſuas, qui agnoſcis cor eius. Tu enim ſolus nouiſti corda filiorum hominum. Patroni uero coelites, quos illi uocant, nec hominum cogitationes norunt, neq; per coelum, per terras & per maria diſſuſi, omniſci, præſentes ubiq; & omnipotentes ſunt. Alii qui enim in diuinam tranſmutati eſſent naturam, deſinerentq; eſſe creatura: rum, licet per Chriſtum fruantur æterna beatitudine, creatura: tamen manent, nec omniſci nec omnipotentes ſunt, ergo minime inuocandi ſunt. Certe in eodem puncto atq; momento innumera mortalium myriades uota ſua offerunt; ubi non oportet eum qui exaudiat, in puncto & in momento, & non per intervallo uiſſe & poſſe omnia, adeoq; & in momento manum auxiliarem præbere omnibus. Quod ut nulla, quantumuis excellens creatura poteſt, ita ſolus deus omniſcius & omnipotens omnia poteſt. Ideoq; ſolus inuocandus eſt. Scio quid hi opinantur patronorum coelituſ patroni, illos ex ſua natura nec uidere nec audire quæ nobis ſunt in terris, ſed in uultu dei ceu lucidiſſimo ſpeculo cernere omnia quæ Deus

3. Reg. 21.

Deus dignatur reuelare, atque ita rescire res nostras & opitulari. Sed hoc figmentum per omnia dubium, nullis potest scripturis sanctis comprobari. Quin potius contrarium asserit scriptura de diuis coelibus. Nam in Isaia clamat Dei populus: *Isaia 63.* Tu es pater noster o Deus: siquidem Abraham non cognouit nos, neque Israel agnouit nos, Tu uero Domine & pater noster & redemptor noster. Si uero patriarche populi sui tam studiosi ignorauerunt quid ageret, quem obsecro beatorum dabimus, quicquid faciamus nori uiuentiumq; rebus misceatur? Profecto, quod facit Plautus personat, uerum est, Quoniam pater meus & mater mea dereliquerunt me, Dominus autem suscepit me. Si derelinquunt nos parentes nostri, quomodo obsecro res nostras uel norunt uel curant? Sufficiat nobis quod Dauid abunde satis fuit, dicenti: Dominus mei curam suscepit. Iosiam legimus ex hac uita translatum in altam, ne mala uideret, quae Dominus inferre statuerat populo Israel propter consceleratissimam uitam. Beata ergo animae Dei conspectu fruuntur, ex hoc participant luce & gaudio sempiterno, nullas res nostras norunt, neque nosse necesse est, Domino solo gubernante omnia. *psal. 16.*

Iam & illud ecce stat, inuocationem ex fide uelut fructum ex radice oriri. Paulus enim illud prophetae adducens: Quisquis inuocarit nomen Domini, saluus erit; mox adijcit: Quomodo aut inuocabunt eum, in quem non crediderunt? En ut alterum duxerit ex altero Apostolus: Non inuocatur in quem non creditur. Proinde in quem credimus, eundem & inuocamus. In solum autem Deum credimus, ideo eundem solum inuocamus. Nam ubicumque fides uera est, ibi est etiam donum sancti spiritus. Nam Apostolus ait, Quod si quis spiritum Christi non habet, hic non est eius. Et iterum, Non accepistis iterum spiritum seruitutis ad timorem, sed accepistis spiritum adoptionis, per quem clamamus, Abba pater. Vera ergo fiducia in Deum praediti, Deum quem solum patrem omnium agnoscunt, inuocant. Nec poterit uel minima particula in illa solenni inuocationis formula, tradita nobis a filio Dei, ullo pacto attribui patronis. Proinde solus Deus inuocandus est. *Rom. 10.*

Horret sane animus hominis peccatoris tantam accedere maiestatem. Quis enim sibi dignus uideatur, qui in conspectum prodeat sanctissimi, iustissimi & tremendi Dei? Hic ergo suggerunt quidam patrociniū uel intercessionem coelitarum diuorum, per quorum interuentum aditus nobis pateat ad Deum. Sed hoc extra testimonium scripturae praeserunt. Scriptura sicut legem nobis proposuit de inuocando Deo, promissionesq; adiecit amplissimas: sic praeceptum proponit per quem inuocemus Deum, addita promissione praestantissima, per unicum Christum Iesum aperiens nobis aditum ad patrem. In Euangelio enim dicit Dominus: Amen amen dico uobis, quaecumque petieritis patrem sub nomine meo, dabit uobis. Hactenus non petistis quicquam sub nomine meo, Petite & accipietis, ut gaudium uestrum sit perfectum. Et quicquid petieritis nomine meo, hoc faciam, ut glorificetur pater per filium. Si quid petieritis per nomen meum, ego faciam. His quid poterat dici plenius & clarius? Iubet Christus per nomen suum inuocare Deum patrem, & promittit se confectum fidelibus daturum, quicquid postulent in nomine Christi. Quis autem dubitet uel tantillum de ueritate & constantia promittentis? Quid ergo opus posthac fuerit intercessione diuorum? De his inuocandis, aut per interuentum ipsorum perueniendi ad Deum, nullum habemus testimonium scripturae, nullam promissionem. Quibus addo, continere mandatum & praeceptum Dei, quicumque contendit per alios, quam per Christum & eius intercessionem perueniri ad patrem. Qui obtemperat Christi mandato, & per nomen Christi inuocat, ei nihil opus est diuorum interuentu. An non omnia plene



Solus Christus  
intercessor et  
aduocatus apud  
patrem.  
Mediator redemptionis et  
intercessionis.

in Christo habet. Dicimus itaque & asserimus solum Christum esse mediator intercessorem, & aduocatum apud patrem in coelis omnium qui sunt in terris. Et ita solum, ut post ipsum non sit opus aduocatis alijs. Facimus plura que Christum esse nobis datum intercessorem apud Deum, sed quia multos alios coniungunt, certe non ad solum relegant omnes, nec unicum mediatorem prædicant. Comminiscuntur Christum esse mediatorem redemptionis & intercessionis quidem, cæterum non unicum intercessionis, sed plures simul cum ipso. Scriptura autem ut nobis Christum proponit unicum mediatorem redemptionis, ita & intercessionis. Vnum atque idem est officium mediatoris, redemptionis, & intercessionis. Mediator medium sese interponit inter dissidentes, & utriusque coniungitur ingenio & natura. Et intercessor ingerit se mediū inter discordes, ac utriusque communis sit, intercessor esse non potest. Vtrobique spectatur reconciliatio dissidentium. Necessè est ergo certam esse discordiæ causam, quæ subleuare debeat & dissidium. Causa dissidij peccatum est. Intercessoris ergo uel mediatoris est expungere peccatum, ut e medio tollatur dissidium. Hoc non expiatur uerbis siue precibus, sed morte & sanguine. Hebr. 9. Inde necessariò colligimus, solum Christum esse mediatorem uel intercessorem apud patrem. Principio enim solus Christus medium sese ingerere potest inter Deum & homines: quia solus uel usque naturæ particeps est. Diu altera tantum participant. Nam homines sunt, Christus uerò Deus & homo est. Deinde qui intercessor est, idem reconciliator se oportet. Est enim finis intercedentis reconciliatio. Solus autem Christus hominum est reconciliator, ergo & unicus intercessor. Nam intercessoris est, causam dissidij dissoluere, id est peccatum tollere. Solus autem Christus, nulla creatura tollit peccatum. Relinquitur ergo Christum solum esse intercessorem. Huc iam pertinent scripturæ testimonia. Paulus. Unus, inquit, est Deus, unus etiam conciliator Dei & hominum, homo Christus Iesus, qui dedit semetipsum pretium redemptionis pro omnibus. Et quamuis loquatur disertè Apostolus de redemptione, mediator tamen hæc uerba collocantur inter dissertationem de inuocatione Dei, utique per Christum, qui unus est mediator redemptionis & intercessionis. Ut enim unus nos redemit, ita redemptos iam unus commendat patri. De hoc audiamus iterum Apostolus dicens ad Romanos: Christus cum adhuc peccatores essemus pro nobis mortuus fuit: multò igitur magis nunc iustificati sanguine eius seruabimur per eum ab ira. Et adhuc planius, Nam si cum inimici essemus, reconciliati fuimus Deo per mortem filij eius, multò magis reconciliati, seruabimur per uitam ipsius. Alibi enim idem ait: Semper uiuit Christus, ad hoc ut interpellet pro nobis. Etenim: Deus est qui iustificat, quis ille qui condemnet: Christus est qui mortuus est, imò qui & suscitatus est, qui etiam est ad dexteram Dei, qui & intercedit pro nobis. Idem rursus aditum nobis ad patrem aperit per Christum in Epistola ad Hebr. 4. & ad Ephes. 2. cap. Quia ipse Dominus Iesus in Euangelio non plura ostendit ostia, sed unum ostium tantum: Ego uerò, inquit, sum ostium. Et iterum: Ego sum uia & ueritas & uita. Nemo uenit ad patrem, nisi per me. An non omnia ista media, omnes alias uias & patronos alios omnes exclusit qui dicit, Ego sum uia, ueritas & uia, & talis uia, ut non pateat alia aggressus ad patrem, nisi per me. Id est, per me unum & solum? Alibi uerò in Euangelio, ne quis retardaretur pudore indignitatis suæ peccatorumque conscientia, aut Christi filij Dei gloria, quò minus per nomen Christi inuocet & eius se credat patrocinio, ipse idem clare & benigne omnes ad se suumque patrocinium inuitans clamat: Venite ad me omnes qui laboratis & onerati estis, & ego requiem præstabo uobis.

Matth. 11.

His non minus euidentia eaq; plurima poterunt ex Epistola ad Hebræos col- Hebr. 7.  
 ligi testimonia. Inter alia excellit hoc: Christus cum maneat in æternum, ait Apo-  
 stolus, perpetuum habet sacerdotium. Vnde & saluos facere ad plenum potest,  
 qui per ipsum adeunt Deum: semper uiuens ad hoc ut interpellet pro illis. Talis  
 enim decebat ut esset nobis pontifex, sanctus, innocens, impollutus, segregatus à  
 peccatoribus, & sublimior cœlis factus, &c. Vide obsecro quot in hoc Pauli testi-  
 monio habeamus argumenta probantia Christum, solum in cœlis apud patrem  
 esse fidelium intercessorem. Sacerdotis proprium officium est intercedere. Solus  
 Christus autem sacerdos est coram Deo: solus ergo intercessor est. Iam & sacerdo-  
 tium Christi perpetuum uel immutabile est: non itaque nos semel immolando re-  
 demit tantum unus effectus mediator redemptionis, sed perpetuus etiam media-  
 tor intercessionis interpellat pro nobis in finem usque. Licet enim & iudex sit Do-  
 minus noster, infidelium tamen iudex est patronus fidelium, uniuersorum autem  
 iudex tandem in fine seculi. Et si perpetuum habet sacerdotium (*ἀναγκαστον*) im-  
 migrabile inquam, quod ad alium successionem uel communicationem transire non  
 potest, solus utique manet Christus intercessor fidelium. Præterea non est ulla  
 causa, ob quam alios post Christum, uel cum Christo intercessores nobis ascisca-  
 mus. Christus enim ad plenum nos saluos facere potest: nihil alijs quod ipsi agant  
 relinquens. Obseruemus autem illud in primis, quod disertè addit: Qui per ipsum  
 adeunt Deum. Per ipsum inquam, mediatorem, sacerdotem, & intercessorem Chri-  
 stum. Per hunc enim solum patet accessus ad patrem. Quibus accedit, quod hic ui-  
 uit, & in hoc uiuit, ut interpellet pro nobis. Viuunt & diui cœlites in regno Dei  
 cum Christo: sed sibi non nobis uiuunt. Christus nobis uiuit, & intercedit pro no-  
 bis: solus ergo intercedit, non diui intercedunt. Manifestissimè hæc euincunt, opi-  
 nor, quod de intercessionis mediatione non redemptionis loquitur Apostolus. Po-  
 stremo tales requirit in intercessore notas, quales non reperias, nisi in uno & solo  
 Christo Domino. Licet enim angeli innocentes sint, tamen non sunt sublimiores  
 cœlis. Diui cœlites tamen iam purgati sint à peccatis, natura tamen à peccatoribus  
 non sunt segregati, nec cœlis sublimiores facti, Domini uidelicet angelorum  
 & uniuersæ creaturæ. Solus filius talis est, & huic hæc reseruatur gloria: solus er-  
 go apud patrem est intercessor fidelium.

Istis Paulinis testimonijs adijciemus adhuc unum S. Petri, & alterum beatissi-  
 mi Apostoli & Euangelistæ Ioannis. Sanctus Petrus docet sanctos, id est, nos 1. Petri 2.  
 fideles, in hoc seculo, Christo uiuo lapidi uiuos lapides esse impositos per fidem, fa-  
 ciens domum spiritualem & sacerdotium sanctum, ad offerendum spirituales ho-  
 stias acceptabiles Deo per Iesum Christum. En sumus impositi non diuis, sed Chri-  
 sti lapidi uiuo: ex quo & uiuificamur, & in ædificio conseruamur. Constituti su-  
 mus domus spiritualis & sacerdotium sanctum, in hoc ut spirituales non pecunias  
 offeramus hostias, nimirum nosmetipsos & preces nostras Deo, per Iesum Chri-  
 stum, non per diuos. Sunt enim & hi nobiscum domus spiritualis, uiui lapides,  
 Christo impositi, & propter Christum uiuentes. Porro beatus Ioannes scribit: 1. Ioan. 2.  
 Fili mei, hæc scribo uobis ne peccetis: si quis autem peccauerit, aduocatum habet  
 apud patrem Iesum Christum iustum. Et ipse est propitiatio pro peccatis no-  
 stris non pro nostris autem tantum, sed etiam pro totius mundi. Non arbitror quic-  
 quam nostro proposito congruentius, euidentius & firmitus meius uel cōfingi  
 posse. Audimus Christum Iesum constitutum nobis à Deo, non tantum redemptio-  
 nis mediatorem, qui semel redimat, sed qui sit sempiternus mediator etiam inter-  
 cessionis, qui toties astat apud Deum patrem aduocatus, quoties homo peccator



1 Joan 2.

delinquit & patrocínio opus habet: quem & rei confidenter accedant, etque causas coram Deo peragendas commendent. Si quis, inquit Ioannes, peccauerit, habemus aduocatum apud patrem. En aduocatum appellat Ioannes, quem defensores patrocínij diuorum nuncupant mediatorem intercessionis. Nam aduocatus, *παροικητής*, significat tutorem, fautorem, consolatorem, patronum, uel procuratorem, qui causam nostram agit. Ac obserua quem nobis definiat atque proponat aduocatum, non diuam uirginem, non Petrum uel Paulum, non se ipsum uel Stephanum, sed Iesum Christum. Si credidisset hominibus necessarium & salutare esse præterea diuorum cœlitum patrocínium, coniunxisset & hos Christo Domino, nunc Christum solum nobis proponit. Addit: Iustum, quod perinde est, ac si dixisset: Non est quod quis eius diffidat patrocínio, aut patronum parum existimet esse gratum. Filius est, Christus est, iustus est, ergo patri gratissimus est: qui in conspectu iustissimi Dei pro nobis iniustis comparere potest. Talis iustitia non inuenitur in ullo Adæ filio. Atrequiritur in intercessore. Communicat quidem sanctis iustitiam suam, per fidem, sed ea sanctis imputatur & imputatiua est: in Christo naturalis ac uelut innata est propriæque iustitia. Nam Christus Iesus unus ille in cœlo & in terra iustus est, cui non necesse est prius uel præparari uel offerre pro proprijs peccatis, deinde pro populi sceleribus. Solus enim peccatum non habet, & iustitia est uniuersorum: solus itaque apud patrem intercedit, quia nemo naturaliter & propriè iustus est, nisi Christus solus. Ac præstat hic imprimis obseruare, quod Christus appellatur propitiatio uel expiatio, non quidem peccatorum aut hominum unius aut alterius seculi, sed omnium peccatorum hominumque totius mundi fidelium. Vnus ergo omnibus sufficit Christus, unus omnibus proponitur intercessor apud patrem. Quoties enim peccas, toties paratum habes apud patrem iustum intercessorem. Non quod imaginemur in cœlo tanquam in foro, patrem in throno, ueluti iudicem considerare, filium uero patronum nostrum toties procidere in genua, & patrocinari nobis, quoties peccamus: sed cum Apostolo intelligimus Christum aduocatum & sacerdotem ecclesie uniuersalem & unicum semper apparere in conspectu patris: quoniam ut uis mortis eius, (tametsi nō moriatur quotidie) sic uirtus intercessionis semper efficax est. Accedamus ergo ad Deum per Christum, redemptionis & intercessionis unicum mediatorem, intercessorem & aduocatum. Non poterimus non placere Deo patri, si commendemur ipsi per filium unigenitum.

Intercessio  
Christi qualis.Responsio ad  
quedam aduer-  
sarium argu-  
menta.  
Rom. 8.

Porro infirma sunt argumenta, quibus patroni patronorum cœlitum ipsorum conantur confirmare patrocínium uel intercessionem. *Spiritus*, inquit, intercedit pro nobis, iuxta doctrinam Apostolicam, ergo solus Christus non intercedit. Respondeo, Paulum non loqui de alio intercessore in cœlis, sed de spiritu hominis precantis in hoc seculo, qui incensus & illustratus Dei spiritu ingens scit & intercedit pro sanctis. Aperta sunt Apostoli uerba. Addunt isti, Legimus de angelorum precibus in scriptura, & quod preces fidelium conspectui Dei offerri ergo non solus Christus in cœlis orat uel intercedit pro nobis, sed & sancti. Non uerò negamus hoc consequi: quia scriptura docet angelos esse ministratos spiritibus: ac pro ipsorum officio offerre preces tantum uelut ministros in conspectum Dei, sed non intercedere, aut homines exaudiri propter angelos, sed propter Christum, qui intercedit, & propter quem oratio allata ad Deum, ipsi grata est. Quod si isti tale quiddam & de animabus sanctorum beatis proferre & à simili argumentari uolunt, doceant primum animas constitutas esse spiritus administratos. Sed non poterunt, & si possint, nondum tamen approbauissent diuos cœlitos esse

Angellorum  
oratio.  
Hebr. 1.

esse intercessores. Nam ne angeli quidem propterea intercessores sunt, quod preces hominum Deo offerunt. Eadem nobiscum, inquit, charitate coherant, & quia spiritus beatorum in coelis agentes, nos in terris amant, pro charitatis huius ingenio & pro nobis orant. Respondemus illos citra scripturas sic colligere. Ut enim libenter concedamus diuos in coelis non esse sine proximi charitate: addimus tamen hanc in sanctis coelitis minimè habere nunc hoc ingenium & hæc officia, quæ olim habuit in terra. Alioqui plurima alia absurda diuis tribueremus, quæ ea faciant aut patiantur, quæ tamen nec faciunt nec patiuntur. Dum in terris uixerunt, pro charitatis ingenio indoluerunt & exultauerunt oraruntque nobiscum, imò & interpellauerunt pro nobis: nunc cum exuerunt hanc corruptionem, & peruerunt nos, in coelis agentes cum Domino, neque norunt res nostras neque mouentur ullis affectibus terrenis. Sentiant nobis abundè consultum esse absque ipsorum pera. Sentiant item constitutum esse salutis negotium, ut ipsi quiescant à laboribus suis, letenturque in Christo, hic uerò intercessor sit unicus apud patrem omnium in miseria uiuentium hominum, quia omniscius & omnipotens est, neque commouetur, neque delassatur aut ignorat quicquam: sed omnia intercessoris perfectissime obit & perficit. Sciunt hanc gloriam solo Dei filio competere: ideoque hanc ambiunt minimè, ut ipsi se intercessores statuunt pro Christo. Ante cellit enim hic charitas Dei charitatem proximi. Obijciunt isti, diuos non intercessores illius unici ritus orare in coelis, sed eo modo quo in terris orarunt pro confratribus. Diximus autem modò non consequi, Hoc fecerunt in terris, idem ergo faciunt in coelis. Nec probari potest scripturis disertis, quod diui in coelis pro nobis orant. Cur ergo subinde dubia uelut certa nobis dogmata proponunt? Et ut donec illos orare in coelis, id quod patrum non pauci scripserunt, ideo tamen non sequitur diuos esse inuocandos. Notissima est enim illa S. Augustini sententia quæ legitur exarata libro de Ciuitate Dei 22. cap. 10. Gentes dñs suis & templa ædificauerunt, & statuerunt aras, & sacerdotes instituerunt, & sacrificia fecerunt. Nos item martyribus nostris non templa sicut dñs, sed memorias, sicut hominibus mortuis, quorum apud Deum uiuunt spiritus, fabricamus. Nec ibi erigimus altaria, in quibus sacrificemus martyribus, sed uni Deo & martyrum & nostro sacrificio immolamus: ad quod sacrificium, sicut homines Dei, qui mundum in eius confessione uicerunt, suo loco & ordine nominantur. Non tamen à sacerdote qui sacrificium inuocantur. Quia Dei sacerdos est, non illorum. Ipsum uerò sacrificium est corpus Christi, quod non offertur ipsis: quia hoc sunt & ipsi. Hæc ille. Satis clare testificans sanctos non inuocari uel inuocandos esse, quod Deo competat sacrificium, non sanctis. Proinde cum adijciunt aduersarij, Ecclesiam à multis annis inuocasse sanctos, ecclesiam non errare, idcirco inuocantes sanctos non errare. Respondemus ecclesiam non errare quando audit uocem sponsi & pastoris sui: errare autem quando neglecta uoce pastoris, sua sequitur decreta. Errauit tota Israelitica ecclesia uia cum summo pontifice Aaron senioribusque populi, cum præterita imagine Dei, imagine Deum representatum choris & concentibus coluit, secus quam instituerat. Nec absoluuntur ab errore & peccato Israelitæ, quod multis annis uia non sustulerunt. Regerunt, inuenerunt inuocati, ergo inuocandi sunt diui. Non raro feliciter cedit quod contra uerbum dei instituitur. Quis autem inde colere bonum esse quod instituitur contra uerbum Dei? ueluti bello deprauidandos gentes, quia bellis uidemus milites truculentos discescere. Videbantur & gentes dij exaudire uota supplicum, sed nunquid ideo inuocandi sunt dij gentium? Verum non instituiimus ad singula istorum argumenta respondere, quod alias

3

4

5

Ecclesia inuocans sanctos.

6



pro nostro dono fecimus. Concludimus ergo uerbum ueritatis ex ore Dei pronuntiatum, docere nos inuocationem nominis Dei, per interuentum Iesu Christi neque legimus ullum ueteris uel noui Testamenti sanctum (cuius meminerit quidem scriptura) ullum inuocasse, quantumuis excellentem patriarcham aut prophetam demortuum, neque ullum Apostolum Apostolorumque discipulum inuocasse aliter quam per nomen Iesu Christi: teneamus ergo firmiter, perfectissimam & tutissimam esse doctrinam, quæ iubet nos omnes Deum solum per unicum filium inuocare, atque ipsum Deum hoc à singulis nobis postulare: & cum obedi-  
mus, Deo placere.

Colere quid.

Restat locus ultimus de Colendo Deo. Vocabulum colere Latinis late patet. Colimus enim amicitiam, literarum studia, arua & senes. Nos in præfenti usurpamus colere pro seruire, hoc est, in omnibus se seruuli instar morigerum & obsequentem præbere, reuereri uel uenerari cultumque exhibere. Hebraei utuntur suo Abad, quod Latinus interpret seruiuit, coluit, uel sacrificauit. In libro Regum legis: Et Achab seruiuit ipsi Baal ipsumque adorauit. Græcis cultus hic uel λατρεία uel δουλεία appellatur. Sumitur alterum pro altero. Quanquam reuera seruire maius sit quam colere. Sustineas enim nulla difficultate colere aliquem, sed eidem non item seruire. Dicimus ergo cultum Dei esse seruitutem, qua se homines Deo reuerenter subiiciunt & obediunt, ipsumque iuxta uoluntatem eius uenerantur. Colunt itaque Deum qui ipsum serio timent, ei se morigeros obediendo præbent, colentes ipsum interne & externe, sicut constituit.

3. Reg. 16.

Cultus Dei.

Duplex est  
Dei cultus.

Cultus enim Dei duplex est, Verus & Falsus. Verus appellatur uera religio, uera fides, & pietas. Falsus nuncupatur superstitio, idololatria & impletas. Nā uerus cultus is est, qui oritur ex uero timore Dei, ex fide sincera, soli se Deo subdit, & ad uoluntatem Dei in omnibus se accommodat. Falsus cultus constat rebus contrariis. De quo plura dicemus ubi uentum fuerit ad superstitionem. Verus Dei cultus rursus diuiditur perspicuitatis gratia in cultum Dei internum & externum. Internus cultus soli Deo cordi scrutatori cognitus est. Versatur enim in timore dei & iusta obedientia, in fide, spe & charitate: unde oriuntur adoratio Dei, inuocatio, gratiarum actio, patientia, perseuerantia, pudicitia, innocentia, beneficentia, ac reliqui fructus spiritus. His enim donis Dei & rebus spiritualibus, Deus, qui spiritus est, colitur uere. Sine his nullus Deo cultus probatur, utcumque in conspectu hominum splendidus & sumptuosus purusque esse uideatur. Hic cultus Dei testimonia habet diuina & humana, in primis uero legis, prophetarum, & Apostolorum. In le-

Internus Dei  
cultus.

Deut. 10.

Mich. 6.

Rom. 12.

1. Thes. 1.

ge enim dicit Moyses: Et nunc Israel quid Dominus Deus tuus petit à te, nisi ut timeas Dominum Deum tuum, & incedas in cunctis uisibus eius, diligas eum, & seruis domino Deo tuo, toto corde tuo, & tota anima tua, ut scilicet custodias præcepta & statuta eius, quæ ego præcipio tibi hodie in bonum. Micheas propheta inducit de uero Dei cultu interrogantes, quibus hic in rebus consistat, & respondet: Indicabo tibi o homo, quid sit bonum, & quid à te requirat Dominus, nempe facere iudicium, diligere misericordiam, & sollicitum uel submissum ambulare cum Deo tuo, S. Apostolus Paulus: Obsecro, inquit, uos fratres per miserationes Dei, ut præbeatis corpora uestra hostiam uiuentem, sanctam, acceptam Deo, rationalem cultum uestrum. Et ne accommodetis uos ad figuram huius seculi, sed transformemini per renouationem mentis uestre, ut probetis quæ sit uoluntas Dei, quod bonum, atque acceptum & perfectum. Idem Apostolus paucis uerbis uerum cultum Dei in conuersionem ab idolis ad deum fidemque Iesu Christi concludens ait, Macedones & aliæ gentes de uobis annunciant, quomodo conuersi fueritis ad Deum à similitudinibus,  
lachryis

lactis, ut ferueretis Deo uiuenti & ueraci, & expectaretis filium eius de coelis, quem excitauit a mortuis Iesum, qui liberat nos ab ira uentura. Porro S. Iacobus Apostolus: Religio pura & immaculata, inquit, apud deum & patrem, hæc est, in uisere orphanos & uiduas in afflictione sua, & immaculatum seipsum seruare a mundo. Hæc diuina & perspicacia sanctæ scripturæ testimonia abunde satis declarant c. v. quinam sit uerus dei internus cultus. Humana testimonia nihil tamen a diuinis discrepantia, plurima ubiq; occurrunt in scriptoribus ecclesiasticis. Lactantius lib. Instit. 6. cap. 9. In dei agnitione, ait, & cultu summa uersatur: in hoc est spes omnis & salus hominis, hic est sapientiæ gradus primus, ut sciamus quis sit nobis uerus pater, eumq; solū pietate debitū prosequamur, huic pareamus, huic deuotissime seruiamus; in eo promerendū actus omnis & cura & opera collocetur. Huius generis alia quocq; idem ille copiose recitat eiusdem libri cap. 10. & luculentissima de Vero dei cultu cap. 1. Placet autem pro multis unum Romanū martyris, ad tribunal Rom. apud Iudicem Asclepiadem liberè pronunciatum, recitare de Vero Dei cultu testimonium. Postquam enim de deo animosè & religiosè dixisset quis & quantus sit, subiungit.

Iacobi 1.

De uero dei cultu, testimonium  
Romani martyris.

*Cognoscis ipsum, nunc colendi agnoscis*

*Ritum modumq; quale sit Templi genus,*

*Quæ dedicari sanxerit Donaria,*

*Quæ Vota poscat, quos sacerdotes velit,*

*Quod mandet illis Nessat immolari.*

*Edem sibi ipse mente in hominis condidit:*

*Vitam, serenam, sensualem, stabilem,*

*Solui incapacem posse, nec destructilem,*

*Pulchram, venustam, præminentem culminis,*

*Discriminatis illicam coloribus.*

*Illic sacerdos stat sacras in limine,*

*Foresq; primas virgo custodit fides,*

*Innexa crines vinculis regalibus,*

*Poscis literi victimas Christo & patri,*

*Quas scit placere candidatas simplices.*

*Frontis pudorem, cordis innocentiam,*

*Pacis quietem, castitatem corporis,*

*Dei timorem, regulam scientiæ,*

*Iuueniorum puritatem sobriam,*

*Spem non iacentem, semper & largam manum.*

*Ex his amœnus hostijs surgit vapor,*

*Vincens odorem balsami, thuris, croci,*

*Auras madentes Persicorum aromaticum,*

*Sublatus inde cælum ad usq; collitur.*

*Ex prosperatum dulce delectat Deum.*

Templum:

Sacerdos:

Sacrificia

Et quæ in hanc sententiam sibi sequuntur. Sufficere hæc puto de intatno Dei cultu: interim agnosco quædam in illis referri posse & ad externum Dei cultum.

Externus Dei cultus ex interno nascitur, nec Deo soli, ut hic cognitus est, sed etiam uenit sub sensum hominis, estq; observatio uel exercitatio rituum ab ipso Deo institutorum, quibus internum cultum & testificamur apud homines, & exitemus, ad gloriam Dei nostramq; utilitatem. Huius generis erant in ueteri populo Templum, sacerdotumq; cum omnibus ceremonijs a Deo institutis, quæ

Externus dei cultus.



frequentissimè appellatur cultus Dei. Ac erat hic certis limitibus circumscriptus. Non enim licebat cuilibet pro suo arbitrio cultum dei fingere: quemadmodum fuscè ostenditur in lege & in historia sacra. Seruiebat autè externus ille cultus gloriæ dei fideliumq; utilitati. Id quod plenius exposui cum differerem de Ceremoniis Israeliticis. Porro sicut Christus ueteres illos ritus abrogauit, ita pro eis oppido pauculos reposuit. Coetum enim sacrum instituit: in quo uult ad gloriam suam nostramq; utilitatem prædicari uel enarrari uerbum dei ex scriptura sancta, orari in commune, & percipi dispensariue sacramenta. Ad quæ necessarius est locus accommodus, idoneum tempus, ratio iusta, cum instrumētis sanctis. Vbi pii rursus nihil permittunt suo arbitrio. Nam ex uerbo Dei, quem colunt, colendi modum totamq; rationem petunt. De quo nonnihil dictum est in quarto primæ tabulæ præcepto, diciturq; copiosius loco & ordine suo. Breuiter, Colunt deum externo cultu, qui ex fide & obedientia statis temporibus in sacrum coetum coeunt, qui disciplinam seruant ecclesiasticam ex uerbo domini depromptam, qui audiunt uerbum Dei, uel diuinarum scripturarum sanctam enarrationem, qui publicè orant cum Ecclesia, qui sacramentis religiosè participant, aliosq; legitimos & salutares ritus obseruant. Hoc autem cultu suo Deum glorificant apud homines, & utilitatem non exiguam à deo percipiunt, nempe benedictionem augmentumq; donorum cœlestium. Nullis, opinor, hic opus esse testimonijs scripturarum, approbantibus hæc quæ hætenus diximus de externo Dei cultu. Vbiq; enim in euangelica historia, in Actis & epistolis Apostolorum obuia sunt plurima. Nam dominus Iesus ubiq; sacros coetus colligit in quibus prædicat euangelium precesq; commendat. De Maria sedente ad pedes eius audienteq; prædicationem eius, pronunciat: *Luce 11.* Vnum hoc necessarium, Maria bonam partem delegit; quæ non auferetur ab ea. Et alibi: Beati, inquit, qui audiunt uerbum dei & custodiunt illud. Certè sacramenta ipse dominus instituit & usurpauit. Refraganti enim Ioanni, à quo postulabat baptismum dicentiq;: Mihi opus est ut abs te baptizer, & tu uenis ad me? respondit: Omitte nunc. Sic enim decet nos ut compleamus omnem iustitiam. Vnde & Apostolus Paulus disciplinam ecclesiasticam diligenter cōmendans ecclesijs, coetus sacros instituit pulcherrimè. Loci omnibus sunt cognitissimi 1. Cor. 11, 14 & 16. item 1. Timoth. 2. & alibi.

*Solum deum  
esse colendum.*

*Deut. 10.*

*Matth. 4.*

Priusquam uerò hunc locum concludam, demonstrabo solum deum esse colendum. Et certè cultus ipse, quo de hætenus differuimus, nō potest impendi ulli creaturæ, neq; angelis neq; diuīs cœlitibus, soli deo competit: unde nemo tam cæcus est, qui non uideat deum his solum coli oportere. Et cum dominus cultum suum uel seruitutem à nobis requirit, totum cor nostrum requirit, nihil ergo relinquitur quod impendamus aīis. In lege sua dicit spiritu Dei plenus Moses: Post dominum deum uestrum incedetis, atq; eum timebitis, præcepta eius custodietis, & uocem eius audietis, ipsi seruietis atq; adhærebitis. Nec refert quòd hic uocabulum Solus nō apponitur, cum emphasi insinuetur. Cum enim dicit: Ipsi seruietis, & ei adhærebitis, quid aliud intelligemus, quàm ipsi & non alij, ergo soli? Præterea in 6. cap. Deut. non legis: Dominum Deum tuum timebis, & illum solum coles, iurabisq; in nomine eius; sed, Dominū Deum tuum timebis, & illum (emphaticè) coles, iurabisq; in nomine eius. Cæterum dominus in euangelio hæc Legis uerba adducens contra tentatorem, & emphasim explicans: Scriptum est, inquit, Dominum deum tuum adorabis, & illum solum coles. Quod quidē testimonium sanè luculentissimum, solum sufficit demonstrationi nostræ, quòd solus Deus sit colendus. Adiciam his humanum præterea testimonium, sed diuino suffultum, quod

quod & alibi in libris nostris posuimus. S. August. de Quantitate animæ sic ostendit solum Deum esse colendum. Quicquid anima colit ut Deum, necesse est ut melius esse, quam seipsam putet. Animæ autem natura, nec terra, nec maria, nec sydera, nec luna, nec sol, nec quicquam omnino quod tangi aut his oculis uideri potest, non denique ipsum, quod uideri à nobis non potest, cœlum, melius esse credendum. Imò hæc omnia longè deteriora esse, quam est quælibet anima, ratio certa conuincit. Et mox: Si quid ergo aliud est eorum quæ Deus creauit, quiddam est deterius, quiddam par: deterius, ut anima pecoris: par, ut angeli; melius autem nihil. Et si quando est aliquid horum melius, hoc peccato eius fit, non natura: quo tamen non usque adeo fit deterior, ut ei pecoris anima uel præferenda aut conferenda sit. Deus igitur solus ei colendus est, qui solus eius est author. Homo autem quilibet alius, quanquam sapientissimus & perfectissimus, uel prorsus quælibet anima rationis compos & beatissima, amanda tantummodo & imitanda est, eique pro merito atque ordine, quod ei congruit, deferendum. Nam scriptum est: Dominum deum tuum adorabis, & illi soli seruias. Hæc Augustini sunt. Et illa hætenus de uno solo uiuo uero & æterno Deo colendo disputauimus.

Quomodo eos  
colendi sunt satis  
ait.

Cæterum quicumque sincera fide Deo adhærent, & unum adorant, inuocant & colunt legitime, religiosi rectè nuncupantur: studium & actio ipsorum uera est religio. Hanc alij dictam uolunt à relinquendo, propterea quod per ipsam relinquamus falsos deos, errores omnes, & cupiditates terrenas, sectemur autem uerum deum, ueritatē & cœlestia. Massurius Sabinus, Religiosum est, inquit, quod propter sanctitatem aliquam remotum ac sepositum à nobis est. Dictum est uerbum à relinquendo, tanquam ceremoniæ à carendo. At M. Cicero religionem dictā arbitrat à relegendo, quod qui religiosi sunt, cuncta sollicitè relegant, quæ ad deorum cultum pertinere uidentur. Cæterum confutatur hic multis à Lactantio Firmiano, antiquo ecclesiæ scriptore, lib. Instit. 4. cap. 28. ubi inter alia, Hac conditio ne gignimur, inquit, ut generati nos Deo iusta & debita obsequia præbeamus, hunc solum nouerimus, hunc sequamur. Hoc uinculo pietatis obstricti deo & religati sumus, unde ipsa religio nomen accepit. Et mox, Diximus nomen religionis à uinculo pietatis esse deductum, quod hominem sibi deus religarit, & pietate constrinxerit: quia nos seruire ei ut domino, & obsequi ut patri, necesse est. Hunc sequuti & alij scriptores ecclesiastici, Hieronymus & Augustinus, & ipsi religionem deduxerunt à religando. Ille enim in Comment. ad 9. cap. Amos, iste, inquit, fasciculus una domini religione constrictus est. Religio ergo à religando, & in fascem domini uinciendo, nomen accepit. Hic autem de Quant. animæ cap. 36. Vera religio est, ait, qua se uni deo anima, unde se uelut peccato abruperat, reconciliatione religat. Idem de Vera religione cap. ult. dicit: Religet nos religio uni deo omnipotenti, unde dicta creditur religio. Dicimus ergo religionem ueram aliud non esse, quam amicitiam, connexionem & confederationem cum Deo uero uiuo & æterno, cui uera fide connexi, solū adoramus, inuocamus, & colimus, à quo toti pendemus, uiuentes in omnibus ad uoluntatem uel secundum præscriptum legemque uerbi eius. Proinde rectissimè totum salutis fideique negotiū comprehenditur uno religionis uocabulo: quod alibi fœdus & pactum, alibi uerò coniugium in scripturis appellatur. Sicut enim fœdere uniuntur confederati: sic deus & homo connectuntur religione: & ut coniugio in unum corpus rediguntur maritus & uxor, ita religione in corpus spirituale connectimur cum deo ueluti marito, & cum ipso dei filio, ueluti sponso & capite nostro. Huc ergo pertinent quæcunque in scripturis proferuntur de seruando fœdere & fide coniugij. Fœdis fragi, perfidi,

De uera religione.

Cicero

Lactantius

Religio inde dicitur.

Hieronymus

Augustinus

Vera religio quid?



& adulterio infames sunt, quicunque non uni Deo per fidem connexi, solum adorant, inuocant per Christum, & colunt prout ipse in uerbo suo coli uoluit. Illi ipsi nuncupantur etiam superstitiosi.

De superstitio-  
ne.

Superstitio  
si qui

Superstitio enim falsa est religio, quæ Deum non colit, sed aliud pro Deo, uel non solum, uel non ritè aut legitimè colit. Extendit se superstitionis uocabulum ad aniles usque fabulas & deliros errores. Germanicè enim nuncupamus superstitionem aberglouben/mißglouben/vnd mißbräuch. Exactissimè uerò de uocabulo hoc disputans Lactantius lib. instit. 4. cap. 28. sic scribit: Religio ueri Dei cultus est: superstitio falsi. Superstitiosi uocantur, non qui filios suos superstites optant: omnes enim optamus: sed aut ii qui superstitem memoriam defunctorum colunt: aut qui parentibus suis superstitibus, colebant imagines eorum domi, tanquam deos penates. Nam qui nouos sibi ritus assumebant, ut in deorum uicem mortuos honorarent, quos ex hominibus in cælum receptos putabāt, hos superstitiosos uocabant: eos uerò qui publicos & antiquos deos colerent, religiosos nominabant. Vnde Vergilius: *Vana superstitio veterumq; ignara deorum.* Sed cum ueteres quoque deos inueniamus, eodem modo cōsecratos esse post obitum, superstitiosi ergo qui multos & falsos deos colunt: nos autem religiosi, qui uni & uero Deo supplicamus, &c.

Deos alienos  
deo uero reli-  
gio colere.

Jerem. 2.

Verfatür superstitio in his maxime capitibus. Vel cum non colitur dominus, sed alij dii pro ipso, relicto uno uero & uiuo Deo: uel cum colitur quidem dominus, sed non solus, uerum alij simul cum ipso: uel cum ipse quidem colitur, sed non legitimo cultu. Primo superstitionis genere peccauerunt ferè gentes, quæ deū uerum ignorauerunt, adeoque & pro deo uero falsos & confictos siue alienos coluerunt deos. Eadem insania laborasse & Israelitas Dei populum testis est sanctissimus propheta Ieremias, expositulans cum populo ac dicens: Audite uerbum domini omnes tribus & familie Israelis sic dicit dominus: Quidnam iniquitatis deprehenderunt patres uestri in me, ut tam longè à me recederet, & sectarentur uanitatem, fierentque uanissimi: neque dixerunt: Vbi dominus, qui eduxit nos de terra Aegypti, qui traduxit nos per desertum, per terram uastam & inuiam, per terram siculosam & umbram mortis, per terram per quam nemo transibat, in qua nec homines habitabant: Et induxi uos in terram cultam & fertilem, ut comederetis bona & fructum eius. Ingressi autem contraminastis terram meam, & hæreditatem meam reddidistis abominandam. Sacerdotes non dixerunt: Vbi est dominus? & qui tenere debebant legem non cognouerunt me, & pastores præuariatæ sunt in me, propheta prophetauerunt in Baal, & idola sequuti sunt. Propterea ultra iudicio contendam uobiscum, ait dominus, & disceptabo cum filiis uestris. Transire enim ad insulas Chittim & uidete, & in Kedar mittite, & considerate diligenter, ac inspicite num simile quid factum sit, num ulla gens mutarit deos qui tamen dii non sunt: populus autem meus murauit gloriam suam in idolum. Obstupefcite cæli super hoc, exhorrescite uehementer, ait dominus. Quoniam duo mala fecit populus meus: me dereliquerunt fontem aquæ uiuæ, & foderunt sibi cisternas, cisternas, inquam, pertusas, quæ continere non ualent aquas. Audis populum Israelis inexprabili scelere deseruisse deum uenam uiuam, ac puteos sibi effodisse pertusos. Aquæ significant bonum absolutum, quo desiderium & animæ & corporis satiari potest. Scaturigo talis solus deus est, supremum & consummatissimum bonum. Hoc deserto foderunt, id est, maximis laboribus & impensis pararunt sibi lacunas, nimirum conuerterunt se ad creaturas, ad eos qui non sunt dii, neque desideria eorum exaturare potuerunt. Hoc malum & hodie uulgare est, dum relicto Deo

deo multi conuertuntur ad diuos cœlites, à quibus postulant, quod petendū erat à Deo, neq; dari potest nisi à solo Deo. Hic locum habet idololatria, id est, cultus simulachrorum: superstitioni enim sunt non tantum qui fingunt sibi deos falsos, relicto deo uero, aut fiduciam figunt in res nihili, sed etiam qui uenerantur simulachra uel Dei uel deorum. Nam imagines uel simulachra statuuntur uel ipsi deo uero, uel dijs falsis, ipsis inquam creaturis. Non licet autem ulla imagine repræsentare deum immensum, æternum & uiuentem in secula: nec licet imagine expressum uel adorare uel colere: ergo multo minus licet creaturis statuas uel simulachra consecrare ad cultum. Plurima extant scripturæ testimonia contra idololatriam, ut Exodi 20. Isaia 40.44. Psal. 113. 1. Cor. 5. 10. Rom. 1. Galat. 5. 1. Thess. 1. Petri 4. 1. Ioan. 5. Ieremias 10. cap. Porro diligenter hic admoneo simplices ne sibi patiantur imponi. Nam idololatræ nomen subterfugere non potest qui simulachra ueneratur, metuit, illis non nihil confidit, ante ipsa procumbit, dona eis offert, in loco celebri & honorato retinet, careos & incensa eis affigit, amat, ornat, tuctur, excolit, & sacris qualibuscunq; colit. Verum de idololatria diximus alias copiosissime.

Porro coluerunt quidem deum Israelis, sed non solum, uerum alios quoque deos cum uero deo illi de quibus in historia Regum legimus, Et nihilominus colebant dominum. fecerunt autem sibi de nouissimis sacerdotes excelsum, & ponebant eos in phanis sublimibus: & cum dominum colerent, dijs quoq; suis seruebant iuxta ritum gentium, de quibus translati fuerant Samariam. Et iterum, Gentes itaq; illæ timuerunt dominum, & simul seruiuerunt sculptilibus suis: nec aliter fecerunt filij & nepotes eorum, quam patres ipsorum, usque in præsentem diem. Hoc autem malum hodie uulgare est prorsus. Inuenias enim cultores Dei, quibus minimè persuadeas solum deum esse colendum, imò asseuerantes hæresim esse execrabilem, negare cum Deo diuos & inuocandos & colendos. Contra quos satis disputatum est alias, & in hoc nostro Sermone.

Hic quoq; obseruandus uenit modus & ratio uaria superstitionis colendi Deū. Neq; enim ille duntaxat superstitionis colit deum, qui in animo fingit primum quidem deum, deinde eundem simulachro exprimit, cui mox sacrificia & incensa offert prostratusq; coram illo adorat, & suppliciter ueneratur: sed ille in primis, qui incommunicabiles dei proprietates creaturis comunicat, licet nullo exprimat simulachro: uel qui munera diuinitus accepta arbitratur à diuis cœlitibus esse collata. Porro incommunicabiles dei proprietates sunt, omnia posse, omnia scire, ubiq; præsentem esse, omnia audire, auxilium ferre, benignum, iustum, & misericordem esse. Certè Isaia prophetarum eruditissimus & autoritatis maximæ, hisce ueluti firmissimis argumētis euincit deos Babyloniorū & Gentium non esse deos: quia non possunt prædicere aut scire uentura: nec possunt bene uel male facere. Proinde posse omnigenis bonis locupletare, & iustis pœnis coercere, ita omniscium & omnipotentem esse, proprietates dei sunt, nulli creaturæ communicabiles: supersticiosus ergo est, qui has diuis cœlitibus tribuit, & ideo eos colit & inuocat. Oseas propheta grauitè inuehitur in Iudæos, attribuentes dijs alienis munera dei, adeoq; synagogam talium nuncupat scortum uel meretricem. Filiorum, inquit, eius non miserebor, quoniam filij sunt ex scorracione suscepti. Siquidem mater eorum scortata est, quia dixit, Ibo, sequar amatores meos, qui dāt mihi aquam meam, panem meum, lanam meam, & linum meum, oleum meum & pocula mea. Et mox: Nec agnouit quod ego dedi ei frumentum uinum & oleum, quodq; ei multum argenti & auri contuli, quæ fecerunt ipsi Baal. Nec hodie infrequens est

idololatria.

Non solum deum uerum, sed alios simul cum deo colere.

4. Reg. 17.

Proprietates dei non tribuenda sunt alienis. Isaia 41. 42. &amp;c.

Dona dei non tribuenda sunt dijs alienis.

Oseas 2.



diuis cœlitibus, non Deo soli, prouentum terræ & tempestates uel temperatas uel  
sæuas ferre acceptas. Verum ea superstitio est non pietas.

*Colere deū sed  
non legitime.*

*Deut. 12.*

*Leuit. 10.*

*2. Reg. 6.*

*Iudic. 17.*

*3. Reg. 12. 13.*

*1. Reg. 15.*

*Isaie 66.*

*Isaie 29.*

*Matth. 15.*

Præterea superstitiosè colitur deus, quando solus quidem, sed tamen non mo-  
do legitimo colitur. Illegitimus cultus proficiscitur ex arbitrio hominū, alienusq;  
est à uerbo & institutis Dei. Legitimè enim Deus colitur, quādo secundum ipsius  
uoluntatem & uerbum colitur. In lege sic præcepit dominus: Caue tibi ne requi-  
ras deos gentium, dicens: Quomodo coluerunt gētes illæ deos suos: sic ego facia.  
Non facies sic domino deo tuo, &c. Quicquid ego præcipio uobis, id obseruabi-  
tis ut faciatis: non addes quicquam super ipsum, nec minues ab eo. Nadab & Abi-  
hu offerunt domino ignem alienum: ergo concremantur coram domino flamma  
cœlesti. Perit etiam Oza, quod aliter contrectauisset arcam dei, quā mandata  
in lege sua dominus. Micha in libris ludicum uero Deo, qui appellatur Iehouah,  
imaginem, aram, sacellum & cultum instituit. Sed reprobatur à scriptura sancta,  
quia is non tantum ex scriptura diuina non erat petitus, sed modis omnibus legi  
diuinæ aduersabatur. Sed & Ieroboam deo Israelis cultum magnificū, cathedra-  
lia templa, & statuas aureas posuit: uerum cum non congruerent cum uerbo do-  
mini, damnantur in uniuersum omnia pro execrandis sacrilegijs. Imò quid in uni-  
uersum sentiamus de omnibus cultibus à deo nec institutis nec cum uerbo dei cō-  
gruentibus, sed ex nostra bona intentione confictis, declarat nobis unicum præ-  
stantissimi prophetæ Samuelis testimonium, contra Saulem & eius sacrificia his  
pronunciatum uerbis: Nunquid uult dominus holocausta & uictimas, & non po-  
tius ut obediat uoci domini? Melior est enim obedientia quā uictima, & au-  
scultare præstat arietum pinguedini. Quoniam quasi peccatum ariolandi est, res  
pugnare: & quasi scelus idololatriæ, nolle acquiescere. Huc facit quod apud Isaiā  
legimus: Qui bouem immolat, quasi qui interficiat uirum: qui pecudem caedit, est  
uelut is qui iugulat canem: qui offert oblationem, quasi qui sanguinem suillum of-  
ferat: qui recordatur thuris, benedicit iniquitatem. Hæc omnia elegerunt in uis  
suis, & in abominationibus suis anima eorum oblectata est. Vani itaq; & abomi-  
nabiles cultus sunt, qui non reducuntur ad purum dei uerbum. Nam idem pro-  
pheta, Frustra, inquit, colunt me docentes doctrinas hominum.

Deus uiuus, uerus & æternus, qui solus uult ac debet adorari, inuocari & co-  
li, uera omnes homines religione donet, & ab omni superstitione uana liberet: per  
Iesum Christum dominum nostrum.

*Filium Dei ex patre ineffabiliter genitum, consubstantialē esse patri, ideoq; Deum uerum:  
eundem esse hominem uerum, nobis consubstantialē, ideoq; uerum Deum & hominem ma-  
nentem in duabus inconfusis naturis, & in una persona indiuisa. SERMO VI.*

**R**E S ipsæ rerumq; ordo flagitant, ut postquam in genere dixi de Deo,  
eiusq; unitate & trinitate, porrò differam sigillatim de personis adoran-  
dæ trinitatis, in primis autem de domino nostro Iesu Christo uero Deo  
& homine, deinde de spiritu sancto: quo si imbuti fuerint animi nostri, cedent om-  
nia quæcunq; dixerimus audierimusq; ad gloriam nominis Dei animarumq; no-  
strarum salutem. Oremus itaq; &c.

*Filium ex patre  
ab æterno geni-  
tum ineffabili-  
ter.*

Pater ille æternus origo & author rerum omnium, æterna & ineffabili genera-  
tione filium genuit. Vniuersa enim scriptura concorditer deum appellat patrem,  
& patrem quidem æternum. Nullus autē pater sui ipsius, sed filij pater est: & quia  
pater hic æternus est, necessariò filium æternum habeat oportet, æqualem sibi per  
omnia,

omnia, coæternum & consubstantiallem. Certè S. Paulus ad confirmationem huius ueritatis catholicæ profert ex ueteri scriptura duo testimonia. Cui, inquit, angelorum dixit unquam Deus, Filius meus es tu, ego hodie genui te? Et iterum, Ego ero ei pater, & ille erit mihi filius: quæ omnia Christo Iesu filio Dei accomodat: de quo & Micheas testatus est, Et tu Bethlehem Ephrata, paruula quidem es in millibus Iudæ: ex te prodibit mihi dominator in Israele: & exitus eius (siue emanationes eius) à seculo, à diebus æternitatis. Vnde ipse in Euangelio secundum Ioannem dicit filius Dei: Amen dico uobis, antequam Abraham fieret ego sum. Et Ioannes, In principio, inquit, erat uerbum, & uerbum erat apud Deum, & Deus erat uerbum. Intelligit autem per uerbum non uocale illud transiens, non consiliū Dei, sed filij personam. Mox enim subiungit: Et uerbum caro factum est. Scimus autem filium Dei non cogitationem aut propositum Dei (sicut nugantur hæretici) esse incarnatum. Atqui is qui in tempore incarnatus, ante æterna tempora erat apud patrem, adeoq; Deus uerus cum Deo uero. Nam uerbum erat apud Deum inquit, & Deus erat uerbum. Quia in principio, nimirum ab æterno, erat apud Deum. Hæc simplicia scripturis tradita, ideoq; uerissima, de generatione filij ex patre sempiterna, minimè curiosis sufficere arbitror. Scriptura enim non explet hic curiosorum uana desideria, neque subtiliter de his differit, imò pauca quæ credamus tradit. Quod autem illa uel non tradit uel pauculis adumbrat, salubriter uel ignoramus, uel traditis inhærentes plura non inquirimus. Sanctus pater Cyrillus illud Ioannis Euangelistæ exponens: In principio erat uerbum, Ne infinita, inquit, quærentes, inexplicabilis nobis fiat consideratio, quæ nunquam possit in exitum peruenire, nec principium principij dabimus, nec filium in tempore à patre genitum concedemus, sed æternaliter cum patre ipsum esse confitebimur. Si enim in principio erat, quæ mens poterit unquam ultra illud Erat conuolare? aut quando illud Erat mente ita tenebimus ut cogitationes nostras non antecedit: Merito igitur stupore perculsus clamat Isaïas: Generationem autem eius quis enarrabit: Omnem enim mentem excedens, omnemq; rationem humanam superans, ineffabilis est. Et mox: Quoniam, inquit, ante secula filius est, in tempore genitus esse non potest: sed est semper in patre quasi in fonte: sicuti ab ipso dictum est: Ego ex patre exiui & ueni. Quasi enim fontem patrem intelligimus: in quo uerbum est sapientia, uirtus, character, splendor, & imago eius existens. Quare si nullum unquam erat tempus quando absq; sapientia, uirtute, character, splendore ac deniq; imagine sua erat pater, fateri necesse est coæternum & esse filium, qui sapientia, uirtus, &c. patris æterni est. Quomodo enim character, aut quomodo imago exquisitissima patris est, nisi pulchritudinem illius perfectè consequutus sit cuius imago est? Non est autem absurdum quod diximus in patre filium tanquam in fonte intelligendum esse. Nihil enim aliud nobis nomen fontis significat quam ut ex quo: filius uerò in patre & ex patre est, non profluens foras, sed aut quasi à sole splendor, aut quasi ab igne insita sibi caliditas. In his enim exemplis unum ab uno produci & ambo consempiterna sic esse conspiciamus, ut aliud absque alio nec esse possit nec naturæ suæ rationem retinere. Quomodo enim erit Sol splendore priuatus? uel quomodo erit splendor, nisi sol sit à quo defluat? ignis uerò quomodo erit calore carens? uel calor unde prodeat, nisi ex igne, aut ab alio forsitan non procul à substantiali qualitate ignis disiecto? Sicut igitur quæ ab istis profluunt simul cum illis sunt unde profluunt, ac semper unde fluant ostendunt: sic in unigenito intelligendum est. Ex patre enim esse intelligitur, sed in patre etiā esse creditur: non alienus à natura, neq; post patrem natura secundus: sed in ipso

Hebr. 1.  
Psalm. 2.  
1. Reg. 7.

Mich. 5.

Ioan. 8.  
Ioan. 1.

Cyrillus.

Isaie 55.



patre semper & cum ipso, & ex ipso, secundum ineffabilis generationis modum. Haecenus Cyrillus. Et illa quidem de patre & de inenarrabili generatione filij dei firmiter secundum scripturas sunt credenda.

Confessio de fili-  
lio Dei Iesu  
Christo Domi-  
no nostro.

Porrò de filio Dei teneamus & indubitanter credamus, quòd patri consub-  
stantialis atque ideo Deus uerus sit, quòd idem ille incarnatus pro nobis & homo  
factus, in utraque tam diuina quàm humana subsistat natura, ita tamen ut natura  
hæ neque confundantur inter se neque diuidantur. Credimus enim unum atque  
eundem Dominum nostrum Iesum Christum uerum esse Deum & hominem ue-  
rum, Quæ quidem singula per suas partes dilucidè, & quantum Dominus gratiæ  
dederit, demonstrabimus.

Filium patri  
esse consubs-  
tantialem.

De uocabulo Homoousij, quod concorditer Latini uerterunt Consubstantiale,  
diu & multum apud ueteres altercatum esse testatur Ecclesiastica historia. Quid si-  
gnificet & quomodo usurpatum fuerit à celeberrima Synodo Nicæna, breuibus &  
significatissimè sic exposuit doctissimus & pñssimus Eusebius Pamphili Cæsariën-  
antistes. Quòd patri filius consubstantialis dicitur, expressam habet significatio-  
nem, quòd nihil similitudinis cum factis creaturis filius Dei habet, sed soli patri, qui  
ipsum genuit assimilatur, nec ex alia est substantia aut essentia, nisi patris. Et mox  
idem, Cui sententiæ ad hunc modum exposire, rectè subscribi posse uisum est; quan-  
do ex ueteribus doctos ac illustres Episcopos ac commentatores de patris & filij  
diuinitate differentes, Homoousij dictione usos esse cognouimus. Hæc Socrates  
Historiarum lib. 1. cap. 8. Certè sancti ecclesiarum præsides hæreticorum hypocrisis,  
lubricitate & malitia adacti, uocabula maximè significantia & minimè ancipitia,  
& ipsi usurparunt & alijs usurpanda imposuerunt, quibus partim ueritatem ortho-  
doxam disertè exprimerent, partim dolos & artes malitiosas hæreticorum redar-  
guerent atq; retererent, imò & excluderent. Confitebatur Arius, filium Dei Deum  
esse, sed consubstantialem interim patri negabat, quare declarabat se non sincere  
confiteri ueram filij diuinitatem. Nec refert admodum si uocabulum aliquod com-  
modum & rei explicandæ idoneum in scriptura sacra tot literis quot in aliena lin-  
gua scribitur non extet, modò illud disertè scripturis expressum legatur, quod uo-  
cabulo significatur. Proinde si ostenderimus filium eiusdem esse substantiæ aut na-  
turæ cum patre, adeoq; æqualem Deo & similem, unumq; cum ipso, abundè de-  
monstrauimus filium patri esse Homoousion siue consubstantialem. Zacharias  
propheta Deum inducens loquentem, dicit: Excitare, ô gladiè, super pastorem  
meum, & super uirum coæqualem mihi, percutere pastorem, & dispergentur oues  
gregis. En pastorem percussus appellat Deus coæqualem suum. Quis autem sit  
pastor ille percussus, declarat historia Euangelica, ipsum nobis Dei filium Domi-  
num Iesum Christum exhibens. Nec obest sed prodest causæ nostræ quod Hiero-  
nymus non legit Virum coæqualem mihi, sed Virum coherentem mihi. Nam ut ille non  
negat amith significare coæqualem, ita aliud reponit æquè efficax. Cum enim uer-  
tit uirum coherentem mihi, intimam ipsamq; substantialem, ut sic dicam, inheren-  
tiam siue coæqualitatem patris & filij, exprimere uoluit. Nam in Commentarijs  
addit: Et uir coherens Deo quis est nisi qui ait: Ego in patre & pater in me.

Zach. 13.

Matth 26.  
Ioan. 10.

עמית

Ioan. 9.

Rursus legimus in Euangelio Ioannis: Propterea quærebant Iudæi Iesum in-  
terficere, quia non solum soluisset sabbatum, (ἀλλὰ καὶ πατέρα ἰδίου ἔλεγε τὸν θεόν) sed  
& patrem suum (proprium utiq;) dixisset Deum: æqualem (ἴσον) se faciens Deo. Ce-  
terum Græci ἴσος exponunt per ὁμοιος. Nec potest illa æqualitas ullibi consistere,  
nisi in substantia. Intelligunt enim Iudæi, quod Ariani uidere nolunt, Dominum  
singulari quodam modo deum appellasse patrē suum, utiq; ἰδίου proprium, natū  
seu

seu genuinum, ex quo naturaliter naturalis & consubstantialis filius genitus sit. Sequitur enim: Æqualem se faciens Deo, nimirum uirtute siue potentia, æternitate & essentia. Nam idem Dominus apud eundem Euangelistam dicit: Ego ex Deo processi & ueni. Non tantum Veni dixit: sed Processi. Processit talis ex patre qualis est pater substantia, certè lumen de lumine, Deus uerus ex Deo uero, Ioan. 8. Nam iterum Iudæis dicit: Amen dico uobis, antequam Abraham fieret, ego sum. Non dicit Fui uel ero, sed Sum, alludens ad nomen Domini Iehouah, & explicans suam substantiam diuinitatis eandem esse cum substantia patris, & idcirco se esse patri consubstantialem. Adhuc enim clarius: Ego, inquit, & pater unum sumus. Ioan. 8. Vnum, inquam, non concordia, sed identitate & essentia. Agitur enim eo loci de potentia & maiestate Dei. Cumq; protinus Iudæi lapidibus Dominum ista loquutum adobruere uellent, clarè satis declarauerunt quomodo intellexerint uerbacius. Lapidabant enim blasphemos, gloriam Dei uel conuictijs impetētes, uel sibi ipsis arrogantes. Ioan. 10.

Huc pertinet quod Paulus de filio Dei loquens, ait, Qui est imago Dei inconspicui, primogenitus uniuersæ creaturæ, quod per illum creata sint omnia. Si enim imago est Dei inconspicui, cōqualis sit Deo oportet. Nam alibi appellat eundem characterem Dei, expressam (& per omnia probissimè respondentem archetypo) imaginem. Certè imago & similitudo est rerum non disparium, sed æqualium. Primogenitus autem dicitur, quia princeps & dominus est, non quod & ipse accenseatur creaturis. Omnia enim quæ condita sunt, per ipsum condita sunt: ergo ipse non est creatura, sed Deus uerus, naturæ utiq; & substantiæ diuinæ, unus cum patre. Ad Philippenses idem Apostolus dicit filium esse in forma Dei. At in forma Dei esse, nihil aliud est, quàm Deo per omnia æqualem, consubstantialem adeoq; Deum ipsum esse. Nam quid sit esse in forma Dei, clarissimè per oppositum membrum illustratur. Sequitur enim: Formam serui assumpsit. Id quod rursus exponitur per consequens: In similitudine hominum constitutus, id est, uerus homo factus, cæteris hominibus nulla dissimilis in re, excepto peccato: quod alibi dilucidè exprimitur. Et hic rursus addit: Et figura repertus ut homo. Ideoq; in forma Dei esse, est Deo cōqualem & consubstantialem esse. Adijcit enim: Non rapinam arbitratus est, ut esset æqualis Deo. Rapina enim est res aliena: nam possidetur per iniuriam. Natura ergo & propriissimo modo cōqualis est patri filius, Deus uerus. Et sensus uerborum Pauli hic est: Tametsi esset filius eiusdem gloriæ & maiestatis cum patre, potuissetq; extra humiliationem manere in gloria, maluit se tamen exinanire, id est, hominis naturam assumere, & sese in pericula & ipsam mortem conijcere. Alioquin enim iuxta diuinitatem nihil sensit mutationis. Deus etenim est immutabilis, & uicissitudinis expers. Coloss. 1.

Ista cum ita habeant, piè S. Ambrosius libro de Fide contra Arianos capite 5. Ambrosius. Cum ergo hanc unitatem substantiæ, inquit, in patre & filio non solum prophetica, sed & Euangelica autoritate cognoscas, quomodo dicis in scripturis diuinis homoousion non inueniri? quasi aliud sit homoousion, quàm quod dicit: Ego de Deo patre exiui, Et, Ego & pater unum sumus, &c. Præceptorem Ambrosium sequutus discipulus beatus Augustinus in Altercatione cum Pascenio, homoousiō Augustinus. scripturæ locis confirmans, demonstrat hoc sanctè in fide & religione nostra usurpari. Id ipsum facit libro contra Maximinum Arianorum Episcopum tertio, capite 14. Sed quid necesse est plura coaceruare? Spero enim dilucidis scripturæ sanctæ locis clarè satis demonstratum esse, filium patri esse consubstantialem, atq; ita credi oportere. Hoc ipsum consequenti tractatione iterum per scripturarum testis



monia non parum illustrandum fore speramus.

*Filium Dei uerum esse Deum*

Deum uerum esse Dei filium Dominum nostrum Iesum Christum negauit Arius cum suis complicibus. Scriptura uero ueracissima tam manifeste approbat, ut nihil possit addubitare cui ueritas cordi est. Recitabimus in presenti testimonia & argumenta aliquot maxime perspicua, quibus interueniente spiritu sancto confirmetur fides nostra, ipsa quoque ueritas catholica & orthodoxa illustretur.

*Ioan. 1.*

Apud Mattheum in 3. ca. baptizato Domino nostro per Ioannem Baptistam, aperti sunt caeli, descenditque spiritus sanctus specie columbae super caput Domini nostri Iesu Christi, protinus etiam audita est uox e nubibus a diuina gloria sic pronuntiata: Hic est filius meus dilectus, in quo placata est anima mea. Et Ioannes Baptista apud Ioannem Euangelistam: Vidi spiritum, inquit, descendentem specie columbae de caelo, & mansit super eum: & ego non noueram eum, sed qui misit me ut baptizarem aqua, is mihi dixit: Super quem uideris spiritum descendentem ac manentem super eum, hic est qui baptizat spiritu sancto. Et ego uidi & testatus

*Math. 16.*

sum hunc esse filium Dei. Huc pertinet quod beatus Petrus rogatus a Domino:

*Ioan. 6.*

At uos quem me esse dicitis? omnium nomine respondit: Tu es Christus ille filius Dei uiuentis. Et iterum obijciente Domino: Num & uos uultis abire? Respondit

*Christus naturalis est Dei filius.*

rursus omnium nomine S. Petrus: Domine ad quem ibimus? Verba uitae aeternae habes, & nos credimus & cognouimus quod tu es Christus filius Dei uiui. Dicimur quidem & nos filij Dei, sed per adoptionem, Christus autem non per adoptionem neque per imputationem, sed per naturam. Nam Marci 14. cap. dicit summus sacerdos Domino nostro. Tu es Christus ille filius benedicti? Apud Matthaeum idem ait: Adiuro te per Deum uiuum, ut dicas nobis, an tu sis Christus filius Dei uiui? Respondit Iesus: Ego sum. Nam uidebitis filium hominis sedentem a dextris uirtutis, & uenientem in nubibus caeli. Id quod repetitum apparet ex 7. Danielis cap.

*Ioan. 19.*

*Leuit. 24.*

*Ioan. 8.*

Ceterum hanc confessionem Domini coram Pilato ueluti blasphemiam mortemque expiandam adducunt, clamantes: Nos habemus legem, & secundum legem nostram debet mori: quia filium Dei se fecit. At illi ipsi in Euangelica historia contra Dominum intonant: Nos est stupro non sumus nati: unum patrem habemus Deum. Certum ergo est, Iudaeos non aliam ob causam accusasse saluatorem nostrum crimine maiestatis diuinae laesae, quam quod dixisset se naturalem non adoptiuum esse Dei filium. Hoc enim non erat capitale, illud erat capitale. Nam & Ioan. 5. legimus, Propterea quaerebant Iudaei magis interficere Iesum, quia non solum soluisset sabbatum, sed & patrem suum dixisset Deum, aequalem se Deo faciens. En habes modum quomodo appellarit se Dei filium, non per adoptionem aut reputationem, sed per naturam atque substantiam. Nam iterum uolentibus lapidare Dominum, ipse opponit, Multa bona opera ostendi uobis ex patre meo, propter quod eorum bonorum operum me lapidatis? Responderunt iterum Iudaei, dicentes: Ob bonum opus non lapidamus te, sed ob blasphemiam, nimirum quia tu homo cum sis, facis te ipsum Deum. En quid poterat dici clarius? Facis te ipsum Deum. Et quid oro dixerat? unde haec colligebant? Ego ouibus meis do uitam aeternam, nec peribunt in aeternum, neque rapiet eas quisquam de manu mea. Pater meus, qui dedit mihi, maior omnibus est: & nemo potest rapere de manu patris mei. Ego & pater unum sumus. Dare uitam aeternam, est uirtutis diuinae: seruare & ita seruare ut nemo de manibus possit rapere, eiusdem est uirtutis. Probat autem suam assertionem Dominus tali argumentatione. Nemo potest oues rapere ex manibus patris mei: ergo nemo potest rapere ex manibus meis. Probatio antecedentis: quia pater maior omnibus est: id est, maximus omnium est: cuius uirtus diuina superat omnia.

Probatio

Probatio consequentiæ, quia ego & pater unum sumus, nimirum non uoluntate duntaxat concordi, sed potentia & maiestate, de qua agitur in præsentî, non de concordia, sed pari potestate uiuificandi & conseruandi. De qua copiosissimè ipse Dominus disputat per integrum cap. 5. Euangelij Ioannis, demonstrans se remittere peccata, uiuificare atq; excitare ex mortuis sua uirtute, perinde atque patrem, ergo ipsum esse eiusdem potestatis & maiestatis diuinæ cum Deo patre. Hæc sunt tam euidentia & illustra, ut si nulla alia haberemus testimonia, sola hæc abundè sufficerent pro assertione ueræ filij Dei diuinitatis, quod scilicet filius est Deus uerus.

Rursus idem Dominus & saluator noster magna libertate, & uerborum luce, absque omni ænigmate & uerborum obscuritate, palam & disertè ad discipulos dicit: Ne turbetur cor uestrum, Creditis in Deum, & in me credite. Ego sum uia, Ioan. 14. ueritas & uita, qui uidit me, uidit patrem. Non creditis quod ego in patre sum, & pater in me? Certum est autem Christum Dominum doctorem esse cœlestem, ueritatis constantissimum assertorem, qui neminem nec seduxit nec potuit seducere. Sed iubet nos credere in ipsum ut Deum uerum. Est itaq; Dominus noster Deus uerus. Nam & alibi clarissimè dicit: Ego sum panis uiuus, qui de cœlo descendi, Ioan. 6. qui confidit mihi, habet uitam æternam.

Idem iterum in Euangelio perspicuè pronunciat, & ait. Pater uenit hora, gloria Ioan. 17. filium tuum, ut & filius tuus glorificet te. Sicut dedisti ei potestatem omnis carnis, ut quotquot dedisti ei, det eis uitam æternam. Hæc est autem uita æterna, ut cognoscant te solum uerum Deum, & quem misisti Iesum Christum. Quibus uerbis & unitatem Dei contra ethnicos, plures deos colentes, asseruit, & personarum distinctionem pulchrè insinuauit, interim etiam se uerum Deum esse cum patre prædicauit. Mox enim subiungit: Glorifica me tu pater apud te ipsum gloria quam habui priusquam hic mundus esset apud te. Non puto hic mihi prætereundam Tertulliani argumentationem, quo minus C. V. recitem ex libro de Trinitate, in quo plurima colligit diuinitatis Christi solidissima argumenta: Si homo tantummodo Christus, inquit, quare credendi nobis regulam talem posuit, qua diceret: Hæc est autem uita æterna, ut sciant te unum & uerum Deum, & quem misisti Iesum Christum? Si nolisset se etiam Deum intelligi, cur addidit: Et quem misisti Iesum Christum, nisi quoniam & Deum accipi uoluit? quoniam si Deum nollet intelligi, addidisset: Et quem misisti hominem Iesum Christum: nunc autem neque addidit, nec se hominem nobis tantummodo Christus tradidit, sed Deo iunxit: ut & Deum per hanc coniunctionem sicut est intelligi uellet. Est ergo credendum secundum præscriptam regulam in Dominum unum uerum Deum, & in eum quem misit Iesum Christum consequenter: qui se nequaquam patri, ut diximus, iunxisset, nisi Deum quoq; intelligi uellet. Separasset enim ab eo, si Deum intelligi se nolisset. Inter homines enim tantummodo se collocasset, si hominem se esse tantummodo sciret: nec cum Deo iunxisset, si se non & Deum nosset. nunc & de homine tacet, quoniam hominem illum esse nemo dubitat, & Deo se iungit meritò, ut credituris diuinitatis suæ formulam poneret. Si homo tantummodo Christus, quomodo dicit: Et nunc honorifica me gloria quam habebam apud te priusquam mundus erat? Si antequam mundus esset gloriam habuit apud Deum, & claritatem tenuit apud patrem, ante mundum fuit. Neq; enim habuisset gloriam, nisi prius fuisset qui gloriam posset tenere. Nemo enim habere aliquid poterit, nisi ipse ante fuerit qui aliquid tenet. Sed enim Christus habet gloriam ante mundi institutionem: ergo ante mundi institutionem fuit. Nisi enim ante mundi institutionem esset, ante mundi institutionem gloriam habere non posset, cum ipse non esset. Sed



enim homo gloriam ante mundi institutionem habere non potuit, qui post mundum fuit. Christus autem habuit; ante mundum igitur fuit; non igitur homo tantummodo fuit, qui ante mundum fuit. Deus est igitur, quoniam ante mundum fuit, & gloriam ante mundum tenuit. Post hæc ostendit Tertul. hæc non interpretanda esse de prædestinatione, sed de substantia Christi. Sed hæc hæcenus.

Sanctus Apostolus Paulus in Epistola ad Romanos semel & iterum ostendit uerbis minimè obscuris, Dominum nostrum Iesum Christum uerum esse Deum. Nam in 9. cap. de Christo loquens, dicit: Qui est in omnibus Deus laudandus in secula. Notissima sunt quæ idem ille scribit in 1. ad Corint. 8. cap. Diuus Apostolus & Eangelista Ioannes in sua canonica diuinitatem filij tam manifestè demonstrat, ut qui non uideat, corpore & animo cæcus sit. In fine Epistolæ; Scimus, inquit, quod filius Dei uenit, & dedit nobis mentem, ut cognoscamus illum, qui uerus est: & sumus in uero, in filio eius Iesu Christo. Hic est uerus Deus & uita æterna.

1. Ioan. 5.

Actor. 17.

Iam Deus est per quem uiuimus, mouemur & sumus, teste Paulo: per Christum autem Dominum nostrum uiuimus, mouemur & sumus; sicut ipse clarè docuit in Euangelio secundum Ioannem: Christus ergo Deus est uerus.

Isaie 49.

Apud Isaïam in cap. 43. & 45. dicit Dominus. Ego sum, ego sum Dominus, & non est absque me Saluator. Deus iustus & saluans non est præter me. At Ieremias in 23. capite, Christum Dauidis filium appellat Iehouah & iustitiam nostram. Item apud Isaïam de filio loquens pater: Dedi te in lucem gentium, inquit, ut sis salus mea usque ad extremum terræ. Cæterum cum non sit ullus Deus alius, præter uerum, nulla alia uera salus & iustitia, nisi unica illa diuina: consequens profectò est, Christum uerum esse Deum patri coæqualem per omnia.

Isaie 45.

Philip. 2.

Apud eundem Isaïam dicit Dominus: Per me ipsum iuraui, exhibit de ore meo iustitiæ uerbum, & non retractabitur: quia mihi flectetur omne genu, & iurabit omnis lingua. Atqui Paulus dixit: Donatum est Christo nomen quod est supra omne nomen, ut in nomine Iesu se flectat omne genu cœlestium ac terrestrium, & infernorum, omnisq; lingua confiteatur quod Dominus sit Iesus Christus, ad gloriam Dei patris. Proinde necesse est Christum uerum esse Deum. Nam cum adoratur coliturq; cum confitemur ipsum esse Dominum, id quidem non cedit ad ignominiam, sed ad gloriam Dei patris. Siquidem in Euangelio secundum Ioannem sic dicit Dominus: Pater omne iudicium (nimirum omnia iura & omnem administrationem, gloriam ac potestatem) dedit filio, ut omnes honorēt filium sicut honorant patrem. Qui non honorat filium, non honorat patrem, qui misit illum. Huc ergo iam pertinet quod apud Isaïam prophetam iterum legimus: Ego Dominus, Hu-

Ioan. 5.

Isaie 42.

Ioan. 17.

(uel ipse) est nomen meum, & gloriam meam alteri uel alieno non dabo, &c. Dat autem gloriam suam filio: hic ergo substantia sua, secundum diuinitatem, non est alienus à patre, licet in propria persona agnoscatur. Quid quod in Euangelio secundum Ioannem Dominus non dicit: Et nunc glorifica tu me pater apud te ipsum gloria, quam dedisti priusquam hic mundus esset apud te: sed quam habui priusquam hic mundus esset apud te. Habui, inquā, dicit, non accepi. Quanquam scriptura & hoc uocabulo utitur non raro propter dispensationis mysterium.

Mich. 4.

Ioan. 10. 14. 8.

Ezech. 34.

Apud Michæam dicunt Christiani, Omnes gentes ambulant unaquæq; in nomine Dei sui, nos autem ambulabimus in nomine Dei nostri. Cæterum ambulant in nomine & uia Iesu Christi, dicentis in Euangelio: Ego sum uia & ostium, Ego sum lux mundi, qui sequitur me, non ambulat in tenebris. Deum ergo esse Christum quis est qui ignoret? Nam apud Ezechielē dicit Dominus: Solus ego pascam gregem meum. Et mox subiungit: Pascet eum seruus meus. Dauid, nimirum Christi

stus, Davidis filius, pastor ille uniuersalis ecclesie unicus, atq; idcirco Deus uerus. Oportet enim uniuersalem pastorem, regem & sacerdotem, æternum, omniscium & omnipotentem esse, omnibus hominibus in omnibus locis præsentem. Proinde uerus Deus est filius Dei, quia Messias est.

Præterea quid oro clarius & minus controuersum est, quàm quòd solus Deus peccata remittit? Necesse est ergo nihil esse clarius & minus dubium, quàm quod credimus Christum esse uerum Deum. Quia est agnus Dei, qui tollit peccata mundi.

Marci 1:  
Ioan. 1.

Rursus cum Christum rectè appellet Paulus spem nostram: nam Isaias prædixit: In illo gentes sperabunt, Ieremias uerò clamer: Maledictus omnis qui spem suam collocat in homine, beatus uerò qui deo fidit: necessariò Christum deū confiteri oportet. Nam sæpe apud Ioannem ingeminat: Amen dico uobis, qui fidit mihi, habet uitam æternam. Possem huius generis innumera ex scripturis proferre argumenta, attestantia filium Dei dominū nostrum Iesum Christum unius & eiusdem esse cum patre naturæ, ideoq; Deum uerum ex Deo uero: uerū spero sanctis & minimè contentiosis auditoribus illa quæ produximus, satisfacere.

1. Tim. 2.  
Isaiæ 11.  
Ierem. 17.

Restat ut demonstremus dei filium incarnatum pro nobis, & ex Maria uirgine, uerum hominē, nobis per omnia, peccato excepto, consubstantialē, esse natum. Lex, prophetæ & apostoli manifestissima nobis exhibent ueræ carnis uel humanitatis filij dei argumenta. In Lege enim dicit dominus: Semen mulieris conculcabit caput serpentis. Cæterum caput serpentis, quis nesciat esse diaboli regnum, uim uel potentiam? Hanc autem fregisse Iesum Christū, tota attestatur scriptura. Atqui hic nuncupatur semen mulieris. Et semen quidem propter ueritatem humanæ naturæ: seme. autem mulieris, non uiri, propter conceptionem ex spiritu sancto & natiuitatem ex Maria uirgine factam. Et quoniam hæc fuit filia Davidis, Abrahamæ & Adam, consequens est filium Mariæ uerum esse hominem. Quemadmodum enim Adamo dictum audiuius: Semen mulieris conculcabit caput serpentis: ita eandem promissionem Abrahamæ renouatam & inculcatam legimus hisce uerbis: In semine tuo benedicentur omnes gentes orbis. Paulus uerò ad Galat. manifestè dicit, semen hoc Abrahamæ, in quo benedictionem cōsequimur, Christum esse Iesum. Idem Apostolus: Nuspiam, inquit, angelos assumit, sed semē Abrahamæ assumit: per angelos utiq; excludens quasuis substantias spirituales, per semen Abrahamæ ipsissimam intelligens humanæ carnis substantiam. Nam subiungit: Vnde debuit per omnia similis fratribus esse. Et quoniam hi communicant carne & sanguine, & ipse similiter particeps factus est eorundem. Certè scriptura lineam profapiæ Christi diligentissimè deducit ex lumbis Abrahamæ in Iacobum, & ex hoc rursus in Iudam, inde rursus in Dauidem. Huic renouantur iterum promissiones de incarnando dei filio. Nathan enim Dauidi dicit: Sic dicit dominus: Cum completi fuerint dies tui, dormierisq; cum patribus tuis, excitabo semen tuum post te, quod egredietur de utero tuo, regnumq; eius firmabo. Is extruet domum nomini meo: & ego confirmabo regni eius solium in æternū. Neq; est quod hæc quisquam interpretetur de Solomone. Hic enim uiuente patre Dauide natus, regnumq; eius citò dilapsus est. Cæterū Nathan loquitur de filio qui sit Dauidi nascendus post mortem. Cum dormieris, inquit, cum patribus tuis, excitabo semen tuum post te. Et quale hoc futurū sit, manifestissimè declarat, & ait, Quod egredietur de utero tuo. Nam & Psalm. 132. legimus, De fructu uentris tui ponam super sedem tuam. Porro uirgo Maria Dauidici fuit seminis propago, ex qua genitus est Christus dominus, de quo loquens angelus, & uetusta illa exponens uer-

de uera humanitas  
naq; Christi  
carne.  
Gene. 3.

Gene. 22.  
Galat. 3.  
Hebr. 2.

2. Reg. 7.



Lucæ 1.

Matth. 1.

Lucæ 3.

Matth. 1.

Ioan. 2.

Isaia 7.

Lucæ 1.

Matth. 1.

Galat. 4.

1. Ioan. 4.

Philip. 2.

Resuscitatus ue-  
ritatem corpo-  
ris nõ deposuit  
dominus.

ticinia, ad uirginem dicit: Et dabit illi dominus deus sedem Dauid patris ipsius, regnabitque super domum Iacob in æternum: & regni eius nõ erit finis. Huc quoque pertinet quod Elisabeta dicit ad uirginem ex Galilæa in montana Iudæa uenientem: Et unde hoc mihi ut ueniat mater domini mei ad me? Benedicta tu inter mulieres, & benedictus fructus uentris tui. Certè Matthæus & Lucas ex profapia & ueluti lumbis Dauidis lineam Christi deducunt in ipsam usque uirginem Mariam, quæ concipit ex spiritu sancto, id est, sæcundante ipsam spiritu sancto. Eadem mensibus completis, quibus absoluitur foetus, peperit: qui uerò natus est, modis omnibus apparet homo uerus: collocatur in præsepio fascijs inuolutus, crescit & adolescit pro ratione corporis humani, fatigatur, recreatur, gaudet, dolet, esurit, sitit, edit, bibit, metuit, denique moritur. Id quod multis approbat ueritas euangelicæ historiæ. Nec ipsa erubescit scriptura Mariam appellare matrem domini, non utique putatiuam, sed ueram & naturalem, utpote quæ de proprii corporis substantia ueram carnem & humanam substantiam dedit filio Dei, attestante cum Isaia angelo dei, ac dicente: In utero cõcipiet uirgo & pariet filium. En in utero dicit. Et rursus apud Matthæum dicit angelus idem: Quod in illa conceptum est, à spiritu sancto profectum est. Vnde Apostolus ad Galatas dicit filium dei factum esse ex muliere, nimirum secundum naturam humanam. Est enim Christus fructus uentris Dauidis, & uirginis Mariæ, genitæ ex lumbis Dauidis, sed & Ioannes Apostolus & euangelista, Verbum, inquit, caro factum est, & habitauit in nobis. Carnem nuncupans deum, uerum utique hominem appellat. Nam idem apostolus alibi: Omnis spiritus, ait, qui confitetur Iesum Christum in carne uenisse, ex deo est: & omnis spiritus qui non confitetur Iesum Christum in carne uenisse, ex deo non est. Liberè ergo pronunciamus, Valentinum, Marcionem, Appellem & Manicheum, negantes ueram Christi carnem, esse ex diabolo, & ideo modis omnibus unà cum omnibus ipsorum sectatoribus fugiendos. Locum autè de uera Christi carne hisce dilucidissimis Pauli uerbis concludimus: Cum Christus esset in forma dei, semetipsum exinaniuit, formã serui accipiens, in similitudine hominum constitutus, & figura repertus ut homo: humiliauit semetipsum, factus obediens usque ad mortem, mortem autem crucis. Proinde indubitatum est, dei filium ueram & humanam assumpsisse carnem, & in ea nobis per omnia, peccato excepto, esse consubstantialem.

Neque uerò resuscitatus ex mortuis dominus noster, tametsi clarificatus, ueritatem corporis sui semel assumpti deposuit. Et clarificatio ueritatem naturæ non abolet. Dicit enim discipulis: Spiritus carnem & ossa non habet, sicut uidetis me habere. Proinde ueram illam suam carnem secum uexit in cœlum, in uera carne apparet pro nobis semper in conspectu Dei patris, in uera carne uenturus est iudicare uiuos & mortuos, in uera carne uidebunt eum qui confixerunt ipsum. Secundum hanc naturam Christus (qui iuxta diuinitatem non creatura, sed creator est) creatura est. Habet enim caro Christi initium, descenditque ex Adamo, qui est creatura dei uiuentis. Et quamuis hæc satis communita sint robore scripturarum, non pigebit tamen c. v. recitare sententiam beati patris Cyrilli, quam eadem de re hisce uerbis in epistola ad Successum episcopum Isauriæ Diocæsariensem. scriptam reliquit, Quia in tuo Commonitorio tale quippiam reperi, quasi post resurrectionem, sancta caro Christi saluatoris omnium nostrum, in deitatis sit conuersa naturam, ita ut iam tota diuinitas sola esse uideatur oportere, credidimus etiam ad hoc dare responsum. Et post aliquot uerba, Post resurrectionem erat quidem corpus ipsum, quod passum fuerat, ueruntamen iam non habens in se infirmitates huma-

nas. Nō enim illam patientem famis laboris uel similis alicuius asserimus, sed iam incorruptibile confitemur: nec hoc solum, sed & uiuificum. Vite enim corpus est, id est, unigeniti filij Dei, glorificatū est claritate deo dignissima, & intelligitur Dei corpus. Idcirco si quis illud diuinum dicat, sicut & hominis humanum, à decentissima ratione non deuiat. Vnde puto beatissimum quoque Paulum dicere: Etsi co- 2. Cor. 9. gnouimus secundum carnem Christum, nunc tamen non nouimus. Dei enim, ut dixi, proprium corpus existens, omnia humana transcendit. Conuersionem autē in deitatis naturam, corpus ē terra nō potuit sustinere. Hoc enim impossibile est: alioqui deitati derogamus tanquā factę, & uelut assumpto aliquid in se, quod eius iuxta naturam proprium non sit. Dehinc æqualis probatur ineptiæ dicere conuersum esse corpus in deitatis naturam, & illud quod uerbum sit in carnis substantiā commutatum. Sicut enim hoc impossibile est: quia inconuertibile & incommutabile comprobatur: ita etiam illud non est possibile in deitatis essentiam uel naturam aliquid creaturarum posse conuerti. Est autem creata etiam caro. Ideoque diuinum quidem dicimus corpus Christi, quia corpus est dei & ineffabili gloria illustratum, incorruptibile & iam sanctum atque uiuificum confiteamur: quod autem in naturam deitatis sit immutatum, neque sanctorum patrum quisquam sensit aut docuit, neque nos ita sentimus. Hæc Cyrillus. Theodoretus uero Cyriepiscopus, dialogo 2. Eranist. Ostendam, inquit, corpus domini etiam post ascensionem corpus uocari. Audi ergo Paulum dicentem: Nostra conuersatio in cœlis est, ex quo philip. 2. expectamus Seruatorem dominum Iesum, qui transformabit corpus humilitatis nostræ, ut sit conforme corpori gloriæ ipsius. Non est ergo mutatum in aliam naturam, sed mansit quidem corpus uerum diuina gloria impletum, & lucis emittens radios. Sin autem illud in aliam naturam mutatum est, eorum quoque corpora similiter mutabuntur. Fient enim illi conformia. Sin autem corpora sanctorum seruant suæ naturæ characterem, corpus quoque domini similiter habet suam substantiam immutabilem. Tantum Theodoretus ille.

Porro quando profitemur Christum ueram habere carnem, non intelligimus inanimatam carnem. Constat enim Christum habere animam rationalem siue humanam, non expertem mentis. Arius docebat dei filium solam assumpsisse carnem absque anima, uerbum autem fuisse animæ loco. Et Apollinarius animam Christo tribuebat, sed adimebat mentem, rationalem esse negans. Scriptura & animā Christo tribuit, & animā non adimit mentem. Ipse dominus dicit in euangelio: Filius hominis uenit, non ut sibi ministretur, sed ut ipse ministret, utque det animam suam redemptionem pro multis. Idem Matthæus de ipso scriptum reliquit: Cœpit affici dolore & mœstitudine. Et dixit Iesus: Tristis est anima mea usque ad mortem. Et alibi ipse dominus: Nunc anima mea turbata est, ait. Matth. 26. Quod si hæc anima Christi mente destituta fuit, quæ potissima animæ portio est, quomodo animā habuit: quomodo tristiari & intelligere, desiderare & meminisse potuit? Desiderio, inquit dñs, desiderauī hoc pascha manducare uobiscum antequam patiar. Desiderium uero ex deitate non existit, neque ex sola carne, neque ex anima mentis exorte, sed ex perfecta humanitate corporis & mentis. Præterea legimus in euangelio dixisse dominum: Filius hominis non uenit ad perdendum animas hominum, sed ad seruandum. Idcirco non solam carnem, sed & rationalem assumpsit animam. Homo enim & anima & corpore perierat: ut ergo anima & corpore seruaretur, uerè humanum corpus & rationalem animam assumpsit seruator Christus, hoc est perfectissimum hominem. Secundum scripturas itaque confiteri ueram fidem docens beatus Athanasius, dixit, Christus deus est, ex substan-



DE VTRAQUE IN CHRISTO NATURA.

tia patris, ante secula genitus; & homo ex substantia matris in seculo natus. Perfectus Deus, perfectus homo, ex anima rationali & humana carne subsistens.

*Hereticum error & ueritas orthodoxa circa mysterium incarnationis.*

His usque huc demonstrauimus Christum Iesum dominum nostrum esse Deum uerum & hominem uerum, consubstantialem patri secundum diuinitatem, nobis autem consubstantialem secundum humanitatem: nam animam rationalem & carnem habet uere humanam. Dicemus porro de coniunctione uel unione harum naturarum in unam personam: qua in re turpiter à quibusdam ueteribus quondam aberratum esse tradunt historiae. Eutyches enim constituebat in Christo unam tantum naturam, eamque ex diuina & humana compositam, id est, confusam: à quo non longe recesserunt Monothelitae, unam duntaxat in Christo uoluntatem agnoscentes. Illam carbonariam uitare uolens Nestorius, incidit in calcariam. Confitens enim duas naturas, totidem personas asseruisse uidetur, docens uerbum caro unitum esse in eandem personam, sed inhabitasse duntaxat: unde & diuam uirginem deiparam appellari uetabat. Contra quos communis totius ecclesiae secundum scripturas sententia assertio tradidit, duas in Christo naturas, naturarumque proprietates esse confitendas, quae ita coierint in unam personam indiuisam, ut nec diuina natura mutata sit in humanam, neque haec in illam, sed utraque suum retineat ingenium, subsistant autem utraque in unitate personae. Vnus enim atque idem Christus secundum ingenium diuinæ naturæ, immortalis, secundum ingenium humanæ naturæ mortalis, atque idem ille deus immortalis & homo mortalis, unicus est saluator mundi. De qua re dicemus modò, Deo aspirante, paulò plura & explicatiora.

*De unione diuinitatis & humanitatis.*  
Ioan. 1.  
2. Tim. 3.  
Hebr. 3.

De ipsa coniunctione diuinitatis & humanitatis ueræ in Christo, non spinosè neque subtiliter disputarunt prophetae & Apostoli. Simpliciter enim loquentes dixerunt: Deus homo factus est. Vel, Deus hominem assumpsit. Nam Ioannes apostolus & euangelista, Verbum, inquit, caro factum est. Id est, deus homo factus est: uel dei uerbum incarnatum est. S. Paulus, Deus, ait, manifestatus est in carne. Et iterum, Filius Dei nuppiam angelos assumit, sed semen Abraham assumit. Secundum apostolorum ergo doctrinam explicantes coniunctionis diuinæ & humanæ naturæ in Christo mysterium, dicimus, Deus incarnatus uel homo factus est. Deus hominem assumpsit. Deus in carne humana apparuit uel manifestatus est. Subtiliora his rimari uelle, est se in ingentia conijcere pericula. Sunt qui in his plenius exponendis utuntur uocabulis societatis, participationis & communionis, nec citra auctoritatem scripturarum, Paulo dicente, Quia pueri communionem habent cum carne & sanguine, & ipse similiter particeps factus est eorundem.

Hebr. 3.

*Christum utraque naturas retinere impermixtas.*

Cauendum hic tamen in primis, ne coniunctas naturas in una persona confundamus, aut proprietatibus suis spoliemus. Nam Deus natura sua est aternus & immutabilis, deus itaque idem semper manens, non commutatur in humanam uel in ullam aliam naturam, sed humanam sibi coniungit, sociat, assumit, adeoque unit. Rursus nisi humana natura creatura maneat, & hoc ipsum sit, quod dicitur, humana non est, manens ergo haec in sua substantia assumitur à diuina. Proinde manent in una Christi persona duæ naturæ, diuina & humana, & utraque retinet suum ingenium suamque proprietatem. Id quod aliquot scripturae locis iam ostendimus. Isaias in cap. 7. Virgo, inquit, concipiet & pariet filium, & uocabitur nomen eius Immanuel. Vtranque in Christo agnoscit naturam, nam secundum diuinam appellatur Immanuel, id est, nobiscum deus: secundum humanam naturam concipitur & nascitur. Idem propheta, Puer natus est nobis, inquit, & filius datus est nobis, &c. Datur enim qui ab aeterno est: nascitur autem qui in seculo esse incipit.

Isais 9.

tēpit. Proinde unus atq; idem & diuinam & humanam retinet naturam. Nam & Michas dicit: Et tu Bethlehem Ephrata, paruula quidem es in millibus Iuda, ex te mihi egredietur qui dominator sit in Israele: & exitus eius à seculo, à diebus æternitatis. En quid poterat dici clarius? Vnus atq; idem duplices habet natales, quatenus enim Deus est, generatio eius est à diebus æternitatis: quatenus uero homo est, nascitur in Bethlehem. Proinde unus atq; idem Christus deus uerus atque homo uerus est. Rursus interrogat in euāgelio secundum Matthæū dominus phariseos, & ait, Quid uobis uidetur de Christo, cuius filius est? Dicunt ei: Davidis. Ait illis: Quomodo ergo David in spiritu uocat eum dominum, dicens: Dixit dominus domino meo: sede à dextris meis, donec ponam inimicos tuos scabellū pedum tuorū? Si ergo David uocat eum dominum, quomodo filius eius est? Quasi dicat: Cum Christus extra controuersiam sit filius Davidis, & hic eundem, non ex affectu humano, sed ex spiritu sancto appellet dominum, nimirum Deum uerum eiusdem potestatis cum patre, consequens est Christū & hominē uerum & deum esse uerum. Angelus Gabriel utranq; hanc naturam non minus clarè designans, uirgini Mariæ dicit: Quod nascetur sanctum, uocabitur filius Dei. Nascitur enim ex uirgine homo uerus, ex homine uero: atqui hic est filius Dei. Nam & Elisabetha appellat uirginem matrem domini, nimirum Dei. Præterea in euangelio Ioannis legas plurima huius generis, quæ utranq; in eodem Christo naturam, ueluti digito demonstrent. Creditis, inquit dominus, in deum, & in me credite. Et iterū, Pater maior me est. Item, Exiui à patre, & ueni in mundum: iterum relinquo mundum, & uado ad patrem. Rursus alibi, Pauperes semper habebitis uobiscum, me non semper habebitis. Et iterum, Ecce ego uobiscum sum omnibus diebus usque ad consummationem seculi. Quæ quidem sententiæ ueluti contrariæ nō possunt simul esse ueræ, nisi agnoscamus Christum retinere naturarum proprietates inconfusas uel impermixtas. Paulus ad Romanos manifestè dicit se uocatum apostolum ad annunciandū euangelium Dei, quod antea promiserit per prophetas suos, in scripturis sanctis, de filio suo, qui genitus sit ex semine Davidis, secundū carnem, declaratus autem sit filius Dei, per potentiam, spiritum sanctificationis & resurrectionem ex mortuis. Agnoscit ergo utranque naturam in Christo apostolus. Nam secundum carnem, inquit, Christus est Davidis filius: si uerò spectemus potentiam miraculorum, uiuificam ex mortuis resurrectionem, & quod Christus spiritum sanctum mittit, & omnes fideles sanctificat, apparet eum qui Davidis filius est, secundum carnem, Dei quoq; esse filium, secundum diuinam potentiam. Idem Apostolus pari euidētia & luce in secundo capite ad Philipenses utranq; in Christo naturam asserit. Quoniam uerò is locus iam sapius adductus est, ad alia transeo citanda.

Sanctus Augustinus non suam duntaxat, sed totius ecclesiæ in toto orbe suo seculo florentis, confessionem fidei exponens, epistola ad Dardanum 57. sic scriptum reliquit: Noli dubitare ibi nunc esse hominem Christum Iesum unde uenturus est, memoriterq; recale, & fideliter tene Christianam confessionem: quoniam resurrexit à mortuis, ascendit in cælum, sedet ad dextram patris, nec aliunde quàm inde uenturus est iudicare uiuos & mortuos: & sic uenturus est illa angelica uoce testante, quemadmodum ire uisus est in cælum, id est, in eadem carnis forma atq; substantia, cui profectō immortalitatem dedit, naturam non abstulit. Secundum hanc formam non est putandus ubiq; diffusus. Cauendum est enim ne ita diuinitatem astruamus hominis, ut ueritatem corporis auferamus. Non est autem consequens ut quod in deo est, ita sit ubiq; ut Deus. Nam & de nobis ueræ

Mich. 5.

Matth. 22.

Psalm. 110.

Lucæ 1.

Ioan. 14.

Marci 14.

Matth. 28.

Rom. 1.

Non miscentur  
uel confunduntur  
naturæ in  
Christo.



cliffima scriptura dicit, quod in illo uiuimus, mouemur & sumus: nec tamen sicut ille ubiq; sumus: sed aliter homo ille in deo, quoniam aliter & deus ille in homine proprio quodā & singulari modo. Vna enim persona deus & homo est, & utrumque est unus Iesus Christus, ubiq; per id quod deus est, in cœlo autem per id quod homo. Idem enim author paulo post: Spatia, inquit, locorū tolle corporibus, nusquam erunt, & quia nusquam erunt, nec erunt. Tolle ipsa corpora qualitatibus corporum, non erit ubi sint, & ideo necesse est ut non sint. Et in fine epistolæ idem ille dicit: Christum dominum nostrum unigenitum dei filium, patri coæqualem, eundemq; hominis filium, quo maior est pater, & ubiq; totum præsentem esse non dubites tanquā Deum, & in eodem templo Dei esse tanquam inhabitantem Deū, & in loco aliquo cœli propter ueri corporis modum. Hoc ipsum adhuc fufius idē ille exponit Tractatu in Ioan. 50. & contra Felicianum Arianum cap. 9. 10. & 11. item de Agone Christi, cap. 24. usq; ad 27. Quibus coniungemus & S. martyris Vigilij episcopi Tridentini testimonium. Is enim contra Eutychē pro assertionē utriusq; in Christo naturæ disputans, dicit: Si uerbi & carnis una natura est, quomodo cum uerbum ubiq; sit, non ubiq; inueniatur & caro? Nam quando in terra fuit, non erat utiq; in cœlo: & nunc quia in cœlo est, non est utiq; in terra: & in tantum non est, ut secundum ipsam Christum spectemus uenturum de cœlo, quem secundum uerbum nobiscum esse credimus in terra. Igitur secundum uos aut uerbum cum carne sua loco continetur, aut caro cum uerbo ubiq; est. Quando una natura contrarium quid & diuersum non recipit in seipsa. Diuersum est autem & longē dissimile circumscribi loco & ubiq; esse: & quia uerbum ubique est, caro autem eius ubiq; non est, apparet unum eundemq; Christum utriusq; esse naturæ: & esse quidem ubiq; secundum naturam diuinitatis suæ, & loco contineri secundum naturam humanitatis suæ: creatum esse & initium non habere: morti subiacere & mori non posse: quod unum illi ex natura uerbi, qua deus est: aliud ex natura carnis, qua idem deus homo est. Igitur unus dei filius idemq; hominis factus filius, habet initium ex natura carnis suæ, & non habet initium ex natura diuinitatis suæ: creatus est per naturam carnis suæ, & non est creatus per naturam diuinitatis suæ: circumscribitur loco per naturam carnis suæ, & loco non capitur per naturam diuinitatis suæ: minor est etiam angelis per naturam carnis suæ, & æqualis est patri secundum naturam diuinitatis suæ: mortuus est natura carnis suæ, & non est mortuus natura diuinitatis suæ. Hæc est fides & confessio catholica, quam apostoli tradiderunt, martyres roborauerunt, & fideles nunc usq; custodiunt. Hactenus Vigilij martyris & episcopi uerba recitauimus, in hoc ut pulcherrimus intelligatur consensus scripturæ sanctæ, ecclesiæ uniuersalis & pijsimorum patrum atq; doctorum in hoc dogmate, quo confitemur in Christo utriusq; naturæ proprietates inconfusas manere.

*Christū in una  
persona manere  
indiuifum.*

Rursus modis omnibus cauendum est, ne propter naturarū proprietates alferendas retinendasq;, discernamus unitatem personæ: quasi duo sint Christi, quorum alter passibilis & mortalis, alter sit impassibilis & immortalis. Nam unus & idem est Christus, qui secundum diuinitatem immortalis, secundum humanitatem mortalis agnoscitur. Nestorius negabat diuam uirginem Mariam esse dei genitricem. Dicebat enim deum immutabilem, & idcirco innascibilem esse matremq; parere. Vnde orta suspicio quod dominum nudum esse hominem diceret, & dogma Pauli Samosatēni & Photini tueretur. De qua re multis agit Socrates Historiarū lib. 7. cap. 32. Peccauit autē contra scripturam & ueram fidem Nestorius. Elisabeth enim Zachariæ uxor, & mater beati Ioānis Baptiste, spiritu sancto plena, disertis uerbis

uerbis diuam uirginem salutat & prædicat matrem Domini, id est, matrem Dei. Et quamuis diuina natura generationis & corruptionis exors sit, certissimum est tamen eum quem Maria peperit, reuera deum esse. Nam quod ex ipsa natum est (ait angelus) filius Dei est: peperit ergo Deum: ac meritò appellatur Dei genitrix. Si enim Deum non genuit, nudum hominē peperit, nec Dei filius hominē inseparabiliter sibi sociauit. Ad eundem modum cum Deus natura sua sit immortalis, mori certè non potest: si uerò quis ea de causa absolutè negaret Deum pro nobis crucifixum & oblatum, adeoq̃ mortuum esse, contradiceret Paulo dicenti: Si ipsum cognouissent, haudquaquam Dominum gloriæ crucifixissent. Quis uerò nesciat Deum gloriæ uel Deum gloriosum non posse crucifigi: interim cum ille qui secundum carnem patiebatur & cruci affigebatur, Deus erat, non nudus duntaxat homo, rectè dicimus Deum pro nobis passum & cruci esse affixum: licet is qui passus sit, secundum id solum passus sit, quod pati potuit. Nam Petrus Apostolus, Christus, inquit, passus est pro nobis carne, Eundem sequuta synodus Toletana prima, in hæc uerba decreuit, Si quis dixerit aut crediderit deitatem nascibilem esse, anathema sit. Si quis dixerit uel crediderit deitatem Christi conuertibilem fuisse uel passibilem, anathema sit. Si quis dixerit uel crediderit deitatis & carnis unam in Christo esse naturam, anathema sit. Et Damasus Episcopus Roman. Si quis dixerit, inquit, quod in passione crucis dolorem sustinuerit filius Dei & Deus, & non caro cum anima, quā induit forma serui, quam sumpsit, sicut dixit scriptura, anathema sit. Ergo cum Paulus dicit Deum sibi acquisiuisse ecclesiam suo sanguine, quis tam infans ut credat diuinam naturam habere, uel unquam habuisse sanguinem: interim quis tam stupidus ut non uideat carnem quam Deus assumpsit habere sanguinem, cumq̃ Deus id quod assumpsit non reputet uelut alienum, sed proprium, rectissime dicimus Deum proprio suo sanguine redemisse mundum. Unde & Theodoretus Cyri Episcopus dialog. Eran. 3. sub finem dixit: Si Christus est & Deus & homo, ut & sacra docet scriptura & beatissimi patres perpetuò prædicarunt, ut homo ergo passus est, ut Deus autem mansit impassibilis. Quando uerò corpus uel carnem uel humanitatem passam esse dicimus, diuinam naturam nō separamus. Sicut enim unita erat & esuriētū & sitienti & defatigatæ, quinetiam dormienti & de passione subdūda, tristitia & mœrore confectæ, nihil horū quidem suscipiens, sed ei permittens ut naturæ affectiones & passiones susceperet: ita etiam ei coniuncta erat dum crucifigeretur, & concessit ut perageretur passio, ut passione mortem solueret, dolorem quidem ex passione nō suscipiens, passionem autem sibi adaptans & accommodans, utpotè templi sui & carnis coniunctæ, per quam etiam membra Christi appellantur qui crediderunt: & eorum qui crediderunt ipse caput appellatus est. Hæc ille.

Hæc figura loquendi appellatur ab alijs *ἀλλοιούσις* alteratio uel mutatio, à Ioan. De communione idiomatum. Damasceno *ἀντιδιόσις* mutua largitio uel alternata attributio. Vulgò nominari solet idiomatum cōmunicatio, nempe cum alteri naturæ ea proprietas communicatur, quæ propria est alterius. Verbi gratia, Nemo ascendit in cœlum, ait Dominus, nisi qui descendit de cœlo, filius hominis qui est in cœlo. Certè non erat tunc humana natura in cœlo, cum hæc loqueretur Dominus, sed in terra: quia tamen assumpta est caro in societatem diuinitatis, huius proprium, humanitati communicatur. Et Fulgentius Episcopus hanc interpretationem agnoscens libro ad Thrasimundum regem secundo, sic reliquit scriptum. Non (hoc dixit) quia humana Christi substantia fuerit ubiq̃ diffusa, sed quoniā unus idemq̃ filius dei atq̃ hominis filius, uerus Deus ex patre, sicut homo uerus ex homine, licet secundum ueram

1. Corinb. 2.

1. Pet. 4.

Act. 20.

De communione idiomatum.

Ioan. 3.



humanitatem suam, localiter tunc esset in terra, secundum diuinitatem tamen (quod loco nullatenus continetur) cœlum totus impletet & terram. Hæc ille. Proinde diligenter obseruandæ sunt sententiæ de Christo in Euangelicis & Apostolicis scriptis testantes. Quædam enim peculiariter referuntur ad diuinam eius naturam, quales illæ sunt, Ego & pater unum sumus: Antequam Abraham fieret ego sum, In principio erat uerbum, & uerbum erat apud Deum, & Deus erat uerbum: Ipse est ante omnia, imago Dei inconspicui, per quem condita sunt omnia. Quædam uerò referuntur singulariter ad humanam eius naturam; siue ad missionem dispensationisq; mysterium: cuius generis illæ sunt: Pater maior me est: Minuisti eum paulò minus ab angelis: Tristis est anima mea usque ad mortem. Sunt rursus testimonia quæ ad utranque respiciunt naturam, neutri uerò seorsim satis congruunt. Talia sunt hæc: Caro mea uerus est cibus, & sanguis meus uerus est potus: Potestatem habeo remittendi peccata, excitandi in uitam quos uolo, iustitiam & sanctitatem conferendi: Ego sum pastor, ostium, lux, uita, ueritas & uita: Nemo uenit ad patrem, nisi per me. Hæc enim ueram Christi substantiam nobis proponunt atque commendant, ueri, inquam, saluatoris & mediatoris Dei & hominis personam. Nam nemo remittit peccata, nisi solus Deus. Rursus non remittuntur hæc sine morte & sanguinis effusione: sicut testatur Apostolus in 9. cap. ad Hebræos. Rursus sunt testimonia quæ non possunt expediri commodè nisi per communicationem idiomatum. De qua hæc sufficere spero.

Hebr. 3.

Ioan. 6.

Ioan. 20.

Non discernitur persona Christi.

Matth. 8.

Marci 16.

Actor. 1.

Rursus personam mediatoris Dei & hominis minimè lacerat, quisquis propter unionem naturarum non tam latè extendit humanitatem, quàm latè diffunditur (ut sic dicam) diuinitas. Nam in Euangelio secundum Matthæum non ingreditur corpore suo domum Centurionis dominus, cum tamen dubium non sit, diuinitate præsentem non absente, curatum esse morbum famuli centurionis. Quis autem dixerit idèò dissolutam esse personam à beato Matthæo, quòd humanitatem Christi non extenderit ad diuinitatem usque? Angeli de corpore Christi resuscitato ex mortuis & iam glorificato, mulieribus loquentes, dicunt: Non est hic, Surrexit, Ac non ignoramus ubique esse diuinitatem. Et tamen non dissuerunt indissolubilem personam angeli, quòd humanum Christi corpus diuinitati non æquarunt per omnia. Illi ipsi angeli non lacerant personam Christi, cum sublato ex monte oliuarum eius corpore in cœlos, ipsi astantes in terris testificantur, ad eum modum rediturum ad quem modum recedentem uiderunt. At quis Dominum tunc quoque eis præsentem fuisse negare audeat? In cœlis ergo est non in terris, secundum uel corporis modum, ubiq; autem in cœlis & in terris Dominus noster secundum infinitam ipsius diuinitatem. Homo constat anima & corpore, & hæc naturis inter se diuersissima, unam personam non duas constituunt. Quisquis autem cuique suum proprium attribuit & defendit, personam minimè discindit. Dormit corpus, anima non dormit: hæc propria partium, non efficiunt duas personas. Huc pertinere uidetur quod Theodoretus in 3. Dialogo scriptum reliquit, dicens: Naturalem animæ & corporis unionem non soluimus, sed nec à proprijs corporibus animas separamus: sed ea quæ sunt naturarum propria consideramus. Quando ergo dicit scriptura. Extulerunt autem Stephanum uiri p̃j, & fecerunt planctum magnum super ipsum, dicēsne animam cum corpore esse sepultam? Non opinor. Et quando audieris Iacob patriarcham dicentem: Sepelite me cum patribus meis, intelligis id de corpore non anima esse dictum: interim legis: Illic sepelierunt Abraham & Saram uxorem eius, &c. In quibus corporis non meminit scriptura, sed per omnia animam simul & corpus significauit. Nos autem rectè diuidimus & dicimus

& dicimus animas esse immortales, sola autem corpora patriarcharum sepulta esse in spelunca duplici. Ita nos quoque dicere consueuimus, in hoc uel illo loco, hic uel ille sepultus est: & non dicimus corpus huius uel illius, sed hic uel ille. Quicumque autem sanæ mentis est, scit nos loqui de corpore. Ita cum Euangelistæ toties meminissent corporis Christi sepulti, tandem personæ nomen posuerunt, & dixerunt Iesum positum esse in monumento, &c. Hæc Theodoretus.

Cum uerò extra cortrouersiam sit, hanc fidē & doctrinam à temporibus Christi ad nostram usque ætatem, in sancta Dei ecclesia floruisse, & contra innumeros satanæ & hæreticorum assultus firmissimam perstitisse, atque illa ipsa scripturarum testimonijs & sanctarum synodorum symbolis tradita & confirmata sit, hortor C. V. ut inuocato Christi nomine, in ea perseueretis, & Christo uero Deo & homini uera agglutinati fide & obedientia, perpetuas agatis gratias, adorantes regnantem in secula seculorum.

*De Christo rege & sacerdote, de Regno & sacerdotio eius unico & æterno, & de Nomine Christiano. SERMO VII.*

**D**EMONSTRAVI C. V. Christum Iesum Dominum nostrum uerum esse Deum & hominem, id quod luculentiorē habebit utilitatem, si intelligamus quis eius rei fructus sit. Is uerò potissimum cognoscitur ex officijs Christi Domini. Hic rex est & sacerdos populi Dei, regnum ergo habet & sacerdotium: quæ si paulò diligentius expendimus, aperient nobis maximum diuinitatis & humanitatis Christi fructum.

Rex est Christus Iesus, ergo & Dominus est uniuersorum, rector & gubernator omnium quæ in cælo sunt & in terra, in primis ipsius ecclesiæ catholicæ, quæ est communio sanctorum: & quia rex est ac Dominus, certè pro regali munere liberator siue assertor, uindex ac defensor, denique & legislator est electorum. Hic enim contriuit caput serpentis, fortem illum, populi Dei sæuissimum hostem, alligauit superatum, & diripuit spolia. Eripuit electos è potestate tenebrarum, & reposit in libertatem filiorum dei, ut simus eius peculium, sanguine regis nostri sanctificati, populus acquisitionis, qui seruamus ei in iustitia & sanctitate. Ipse humilis benignus & clemens est, quod de eo etiam Euangelica historia ex Zacharia re petit Matth. 21. cap. Ipse pro nobis uigilat, ipse defendit & tuetur nos, ipse omnium bonorum genere nos dicit, instruitq; contra hostes armis spiritualibus, & uires resistendi & uincendi liberaliter confert. Ipse templū Dei eiectis Chananæis repurgauit, iniquas leges scidit, ab illis nos liberauit, nunc uerò sceptro oris sui nos moderatur & regit, legibus æquissimis & optimis promulgatis. Nam Deus est & homo, ideoq; solus est monarcha, rex regum, & dominus dominantium. Nam subditos sibi habet reges & dominos in orbe uniuersos. Hos quidem sua sponte per fidem obedientes: illos autem uel reluctantes potentia sua subiectos. Ideoq; propheta David, Sapite, inquit, o reges, erudimini iudices terræ, seruite Domino in timore, & exultate cum timore, Osculamini filium ne irascatur, & pereatis in uia. Alibi enim idem propheta, Dixit Dominus Domino meo, ait, sede à dextris meis, donec ponam inimicos tuos, scabellum pedum tuorum. Dominus emittet uirgam suæ potentie à Zion, dominare in medio inimicorum tuorum. Isaïas quoque Dominum loquentem inducens: Leuabo manum meam super gentes, & inter populos exaltabo signum meum, & apportabunt filios suos in humeris, eruntque reges alumni tui, & reginæ nutrices eorum. Id quod copiosius exponunt histo-

*Christus est rex uniuersorum.*

*Genes. 3.  
Lucæ 11.  
Coloss. 1.  
2. Pet. 2.  
Lucæ 1.*

*Zach. 9.*

*Christus est monarcha.*

*Psal. 2.*

*Psal. 110.*

*Isaïa 49.*



*isaie 16.* rix Ecclesiastica. De hoc rege Christo uaticinantes prophete, dixerunt: Et praeparabitur in misericordia solium, sedebitque super eo in ueritate, in tentorio Dauidis, iudicans & uelociter reddens quod iustum est. Et iterum, Ecce dies uenient, dicit dominus, & suscitabo Dauid germen iustum, & regnabit rex & sapiens erit, & faciet iudicium & iustitiam in terra. In diebus eius saluabitur Iuda, & Israel habitabit tuto: & hoc nomen eius quo uocabunt eum, Deus iustitia nostra.

*De regno Dei.* Quoniam uero Rex est dominus noster, ideo regnum habeat oportet. Regnum appellatur tam ipsa regio ditioque regi subiecta, quam ipse dominatus, imperium, potestas & administrandi ratio. Proinde ecclesia sanctorum, communio, obediens subiectaque regi Christo, appellatur regnum Dei. Dicit enim Micheas: Et regnabit dominus super eos in monte Zion: ergo Zion (quae significat ecclesiam) est regnum Dei. Ac regnare dicitur Deus, cum suos illos in ecclesia regit, gubernat, seruat & asserit, denique uarijs charismatibus donat atque foecundat. Paulus enim dicit: Regnum Dei non est cibus & potus, sed iustitia & pax & gaudium in spiritu sancto. Preterea regnum Dei est eterna illa gloria & felicitas, quam Deus electis suis communicat. Dicit enim in Euangelio Dominus: Venite benedicti patris mei, possidete regnum, quod paratum est uobis ab exordio mundi. Et Latro moriturus mox morienti Domino in cruce supplicans, & consors huius regni fieri cupiens: Domine memento mei, ait, cum ueneris in regnum tuum. Rursus cum Euangelium nos doceat quomodo regnet in nobis Deus in hoc seculo, in aliud uero illud nos aliquando ad se transferat, hoc est, cum Euangelium illud sit per quod dominium suum erigit Dominus, non temere appellauit regnum dei apud Matth. in 13. cap. Alibi uocatur ea de causa sermo regni. In summa, nos in praesenti per regnum Dei intelligimus ipsum coetum sanctorum, ecclesiam, inquam, catholicam, uirtutemque seu administrationem regnantis in ipsa Dei, hoc est, conseruantis, gubernantis & glorificantis eam.

*Vnum Dei regnum consideratur dupliciter.* Et hoc quidem regnum Dei unicum est. Nam unus modo Deus, unus duntaxat rex Christus, una ecclesia & uita aeterna est. Caterum unum hoc Dei regnum secundum dispensationem consideratur dupliciter. Principio iuxta omnipotentiam dei. Hic enim cum sit summus & omnipotens, regnum & potestatem iustam aequissimamque habet & exercet in omnes creaturas uisibiles & inuisibiles, siue haec uelint siue nolint subesse. Deinde iuxta suum spiritum, quo regnat in suis electis. Ita uero dupliciter rursus consideratur regnum Dei, uel enim terrenum est, & dicitur regnum gratiae: uel coeleste est, & appellatur regnum gloriae.

*Regnum dei in terris gratiae.* Regnum gratiae terrenum, non ideo appellatur terrenum, quod carnale terrenumque sit, instar regni Babylonici, Persici, Alexandrini uel Romani: sed quod in terris sit. Sancta enim ecclesia Dei bona ex parte uersatur in hisce terris, carne & sanguine participans, donec uiuit in terris: licet non secundum carnem uitam utatur terrenam. Nam secundum spiritum, per quem regitur, uiuit uitam coelestem. Non quod non peccent consortes regni dei. Septies enim cadit iustus, & resurgit. Vnde & gratiae regnum nuncupatur. Donec enim uiuimus in hoc seculo, gratiam & misericordiam suam nunquam negat rex & dominus noster, ueniam nobis postulantibus. Ac pendent toti a gratia regis sui fideles, perpetuam agunt poenitentiam, & ad perfectiora subnituntur. Nam omnia sua componunt ad leges sui regis & principis. Etenim regnat hic in electis suis per uerbum ueritatis & per spiritum sanctum. Verbo ueritatis quid faciant aut fugiant sancti docet. Spiritu suo sancto commouet corda, & uires sufficit fugiendi prauum & persequendi bonum. Siquidem non tam sibi regnat rex noster quam nobis. Facit enim & nos reges, ut liberati

*Prouerb. 24.*  
*2. Sam. 7.*  
Quomodo regnet Christus in terris in regno suo.

*Apocal. 1.*  
Regnum Dei spirituale.

liberati à diabolo, damnatione, peccato & maledictione, diaboli, damnationis, peccati & maledictionis, adeoq̃ rerum omnium simus Domini, & ipsius filij Dei coheredes. His de causis regnum Dei, spirituale regnum dicitur. Nam consortes regni Dei, spiritu Dei imbuti, fructus proferunt spiritus, non opera carnis, deniq̃ gubernantur spiritu Dei. Neq̃ uerò more regum huius seculi regnat Dominus <sup>Ioan. 18.</sup> noster, dicens Pilato: Regnum meum non est ex hoc mundo. Qua sententia abutuntur nonnulli, colligentes nihil externi fore in ecclesia dei, quo nomine & magistratum remouent, & tam subtiliter de regno Dei loquuntur, ut nescias ubi sit, aut qui huius regni sint consortes. Non uident ex materia dicti colligendum esse sensum. Iudæi accusantes Dominum apud Pilatum, impingunt ei crimen affectati regni. Hoc diluens dominus, Pilato ostendit regnum suum non tale futurum, quod electo Tiberio Cæsare parandum sit & retinendum armis, morèque huius seculi administrandum. Id demonstrans subiungit: Si ex hoc mundo esset regnum meum, ministri mei utique pugnarent ne traderer Iudæis. Infert ergo: Nunc autem regnum meum non est hinc: ideoq̃ non pugnant pro me, ut electo Tiberio me collocent in solium regni. Et mox: Ego in hoc natus sum, inquit, & ad hoc ueni in mundum, ut testimonium feram ueritati. Omnis qui est ex ueritate, audit uocem meam. Quemadmodum ergo ueritate (non mendacio, dolis & artibus instar principum huius seculi) parat sibi regnum, ita ueritate & retinet & administrat regnum suum Christus: & quicumque amplectuntur ueritatem, consortes sunt regni Christi, siue principes sint siue populares: omnes hi obtemperant uoci regis seruiuntq̃ principi summo. Hic tamen disertè addimus, non posse reges aliter seruire Domino & regi suo, quàm reges, id est, faciendo ea quæ debent facere reges, exercere uidelicet iudiciũ & iustitiam. Licet enim hi in mundo sint, non regnant tamen iuxta mundum: quia gubernantur iam à spiritu regis sui Christi, omniàque dirigunt ad præscriptum uerbi Dei, & in omnibus ducendos sese præbent spiritui Dei: & eatenus ne horum quidem regnum est ex hoc mundo. De his alibi multa secundum scripturas ex beato Augustino citauimus. Ac tuetur aliquando rex noster Christus opera principum ecclesiam ac ministros. Aliquando expositam persecutionibus per infirmitatem eandem seruat & propagat. Premitur enim, sed non opprimitur, regnante semper & uincente in suis Christo principe maximo. Iam termini huius terreni regni Christi porriguntur ad extremos terræ fines. Pertinent enim ad regnum Christi omnia regna mundi & omnes gentes. Pertinent huc omnia prophetarum testimonia de Vocatione omnium gentium, quorum plurima inuenias in Isaia & Zacharia, qui regnum Christi in terris magnificè describunt. Vnde occasionem acceperunt Iudæi fingendi nescio quàm amplifica de maiestate & uictoria Messia: quæ tamen abundè in Christo iamdudum completa sunt, sed spiritualiter magis quàm carnaliter. Illi uerò dum carnalia somniant & expectant, spiritualia fastidiunt, destituuntur utrisque. Fideles autem munificentia & liberalitate Christi regis abundantissimè consequuntur quæ promiserunt prophetæ bona, nempe pacem cum Deo & hominibus amplissimam, omnigenamq̃ felicitatem, ut semper sint beati, semper sint tuti (licet pugnent perpetuò) ab omnibus hostibus cum uisibilibus tum inuisibilibus, gaudeantq̃ incolumitate sempiterna. Quæ quidem amplissimo dicendi genere proposuerunt in scriptis suis prophetæ, nihil tamen intelligentes aliud, quàm quod modò diximus, fideles felicissimos futuros ac in Christo possessuros omnia bona cum animæ tum corporis, quantum uidelicet sanctis est necessarium & salutare. Et hoc est illud regnum (utrunq̃ iam intelligimus tam gratiæ quàm gloriæ) quod expectauerunt Ioseph ille Ramathæus,

Joan 18.

Termini regni Christi in terris.

Propheta de regno Dei.



*Sedes uel solium  
regis Christi.*

Simeon iustus, & Anna prophetissa cum alijs sanctis. Hoc ipsum regnum annuntiavit Samaritis Philippus diaconus, & Romanis beatus Apostolus Paulus, quod testatur Lucas in Actis Apostolicis cap. 8. & 28. Sedes uero uel solium adeoque palatium regis nostri cœlum est. Ascendit enim uictor in cœlos, & confedit ad dexteram Dei patris omnipotentis. Inde ueluti sol iustitiæ illucescit omnibus in ecclesia uel in regno eius agentibus; imò fidelium quoque corda sibi delegit in quibus habitet. Alioqui nullam in terris sedem uel palatium regni habet. Quinimò ut intelligamus regem etsi corporaliter non præsentem in terris, sed cœlo illatum esse, propterea non abesse regno suo, se quidem in uerbo suo capiti, nos autem corpori uel membris comparat. Iam ergo sicut corpori suo nunquam deest caput, ita regnum Dei non est sine principe Christo. Et sicut uitalis spiritus ex corde, ex capite autem uirtus sentiendi mouendique corpori infunditur: Sic ex principe Christo uiuificamur: illo nos iustificante, conseruante, consolante, confirmante, & ab omnibus malis defendente. Sicut omnia membra reguntur à capite, sic omnes fideles in regno Christi à rege Christo gubernantur. Paulus ergo, Deus, inquit, suscitauit Christum ex mortuis, & sedere fecit ad dexteram suam in cœlestibus, supra omnem principatum ac potestatem, & uirtutem, & dominium, & omne nomen quod nominatur, non solum in seculo hoc, sed & in futuro, & omnia subiecit sub pedes illius, & eum dedit caput super omnia ipsi ecclesiæ, quæ est corpus illius, complementum eius, qui omnia in omnibus adimplet. Cuius quidem generis alia complurima inuenire licet in literis Apostolicis: in primis illud: Christus est caput ecclesiæ, & idem est qui salutem dat corpori. Nam exposuit semetipsum pro ecclesiâ, ut illam sanctificaret mundatam lauacro aque per uerbum, ut adhiberet eam sibi gloriosam, &c. Et hæc hætenus de regno Christi in terris, quod & gratiæ regni & militans ecclesiâ appellatur.

*Ephes. 1.*

*Ephes. 5.*

*Regnum dei in  
cœlis gloriæ.*

Porro regnum Dei, cœleste & gloriæ regnum nuncupatur, ea de causa, quod dominus & rex noster eos quos in terris sanctificauit & direxit spiritu suo adeoque & iustificauit, liberatos carne & ereptos ex hoc seculo, in cœlis glorificat, in quibus & omnium sanctorum cōsortium gaudiumque recipit. Animæ enim fidelium simul atque migrant ex corporibus, protinus recipiuntur in cœlum, ut regnent cum Christo rege æterno, & latentur sine fine cum omnibus sanctis. In iudicio uero ultimo, quo credimus per Christum regem uiuos & mortuos iudicandos, excitabuntur sanctorum corpora, clarificabuntur, animabus suis rursus coniungentur, & uniuersi, quotquot ab exordio mundi adhæserunt regi Christo, unâ cum Christo rege & principe æternum uiuent & regnabunt in gloria. De hoc regno sanctorum multa prædicauerunt propheta & Apostoli, in primis autem beatus Ioannes Apostolus in sua Apocalypsi. Hoc appellarunt alij triumphantem ecclesiam.

*Apoc. 21. & 22.  
Regnum Christi  
est regnum  
æternum.  
Matth. 16.  
Matth. 24.*

Regnum hoc Dei uel Christi, æternum est regnum. Sicut enim in finem usque mundi futura est ecclesiâ in terris, utcunque insaniat hic mundus & mundi princeps: sic post iudicium corporibus & animabus felices & æternum cum Christo regnabunt siue uiuent fideles. Nam in Euangelio dixit dominus: Porta inferi non præualebunt aduersus ecclesiam. Erunt item nouissima tempora sicuti fuit seculum Noe, in quo licet multis partibus superarent fidelium ecclesiam impij, seruatus est tamen Noe cum suis in arca, impij uero extincti sunt diluuiio. Sic præualebit quidem modis omnibus iniquitas in fine seculi, sed seruabuntur interim electi in regno Christi, per Christum, quem illi iudicem expectabunt, uidebuntque redemptorem uenientem in nubibus cœli. Sed & Daniel in prophetia sua omnium regnorum ortum & interitum etiam Antichristi describit, regno autem populi sanctorum

*Daniel. 7.*

etorum nullum finem tribuit, sed æternū fore testatur. Idem facit Zacharias propheta in capite duodecimo. Nam sancti in terris regnant per Christum, & e terris in cœlum translati conregnabunt cum rege Christo in secula seculorum. Et scriptura frequenter de altero tantum loqui solet. De utroq; regno intelligimus multos scripturæ locos, in primis illud quod dictum est à Salvatore, Cum oraueritis dicite: Pater noster qui es in cœlis; Sanctificetur nomen tuum: Adueniat regnum tuum. Oramus enim, ut ipse dum in terris uiuimus in nobis regnet, quò ipsi quoq; regnemus super mundum & principem mundi, adeoq; ne regamur à satana, neue regnet in nobis peccatum, quin potius ut hic ab ipso gubernati regnemus aliquando cum Christo in cœlis.

Matth. 6.

Ex aduerso regnum mundi quale sit, claret ex consideratione capitis seu regis & principis eius, qui est diabolus, author peccati, impuritatis ac mortis. Regnat hic in mundo, princeps utiq; regni tenebrarum. Non quòd Deus & Christus eius non sit rex uniuersorum: sed quòd perfidii apostatae sua propria malitia, à Deo ad diabolū deficientes, hunc sibi constituent principē, cui & sponte sese subiiciunt & regendos præbent, uiuentes in omni impietate, iniustitia & immunditia, cōformantes se suo capiti diabolo: cum quo æternū in futuro seculo punientur, quemadmodum in præsentī seculo passi sunt sese gubernari ab ipso, facientes uoluntatem eius. Hunc principem huius seculi, alibi etiā deum huius seculi cognominatū, superauit Christus uerus rex & monarcha orbis, regnumq; eius destruxit: non ut non sit, donec hoc seculum manet: sed ne electis noceat. Viuit & æternū uiuet (licet in miseria, quæ uita reuera mors est) satanas: sed nulla ei uirtus est contra redemptos Christi principis. Regnum habet & habebit ad finem usq; mundi, sed in filiis dissidentia: sed & periturum in hoc seculo & quasi momentaneū est hoc regnum. Nam mundus transit, & omnia pereunt mundana: uerū alienissimi ab hoc regno, imò hostes quasi iurati huius regni sunt electi dei omnes. Nec potest sua uirtute princeps tenebrarum consortes regni Christi abripere in regnum iniquitatis. Conatur hoc quidem sedulo, & uarijs tentationibus uexat electos: sed hi uincunt per eum qui olim pseudo regem illum latronumq; principem superauit, docuitq; ut spreto principe hoc sædo, & mundo mundanisq; concupiscentijs, innocentia studentes, spiritui bono nos regendos permittamus. Hæc de rege Christo & regno eius unico & æterno, qua potui breuitate exposui hactenus.

Regnum mundi quale.

1. Ioan. 12.

2. Cor. 4.

1. Ioan. 3.

Iam uerò Christus dominus noster sacerdos est, adeoq; pontifex ille maximus unicus & æternus, quem summi pontifices populi ueteris præfigurarunt. Dauid enim in carmine suo planè diuino cecinit: Iurauit dominus, & non poenitebit eū, tu es sacerdos in æternum secundum ordinem Melchizedek. Quæ uerba beatus Apostolus adducens & illustrās in epistola ad Hebræos hæc reliquit scripta: In cœlum præcursor pro nobis ingressus est, iuxta ordinem Melchizedek, pontifex factus in æternū. Nam hic erat Melchizedek rex Salem, pontifex Dei altissimi, qui occurrit Abraham reuertenti à cæde regum, & benedixit illi; cui & decimas ex omnibus impertitus est Abraham. Qui primū quidem ex interpretatione dicitur rex iustitiae, deinde uerò etiam rex Salem, quod est pacis, ignoti patris, ignora matris, ignoti generis, nec initium dierum neq; uitæ finem habens, sed assimilatus filio Dei, manet sacerdos in perpetuum. Equidem dominus noster Iesus Christus & rex iustus pacificusq; iustitia atq; pax fidelium, & sacerdos ille est perpetuus, qui iuxta humanitatē ex uirgine absq; uiri semine editus creditur, & idcirco ignoti patris, iuxta diuinitatē autem ex patre genitus, & ideo ignora matris, & genitus quidem ineffabiliter ab æterno, ac propterea generis ignoti, neq; principium neq; finem

Christus Iesus pontifex maximus. Psalm. 110. Hebr. 7.

Gene. 14.



uita habens. Licet enim iuxta humanitatem mortuus sit & sepultus, iuxta diuinitatem tamen manet immortalis & sempiternus Deus. Idem ille qui rex est, etiam sacerdos agnoscitur, non secundum ordinem Aaronis, sed secundum ordinem Melchizedek. Sicut enim scriptura hunc unum commemorat sacerdotem; ita unus Christus sacerdos manet in perpetuum, sacerdotium habens sempiternum. Vocantur autem & inungebantur quondam summi sacerdotes, non ingerebant se ui aut artibus tanto muneri. Vnde Apostolus dixit: Nemo sibi ipsi usurpat honorem, sed qui uocatur etiam a Deo, quemadmodum & Aaron. Ita & Christus non sibi ipsi usurpauit gloriam, ut fieret pontifex: sed ab eo constitutus est, qui dixit illi: Filius meus es tu, ego hodie genui te. Sicut & alibi dicit: Tu es sacerdos in aeternum secundum ordinem Melchizedek. Nullibi uero legis nostrum illum oleo delibutum esse uisibili: nam unctus est chrismate inuisibili, spiritus sancti uidelicet plenitudine, propheta testante: Unxit te Deus, Deus tuus oleo lætitiæ præ cōsortibus tuis: Et iterum, Spiritus domini super me, propterea quod unxit me, ad euangelizandum pauperibus misit me. Cæterum quando officium sacerdotum quondam fuisse legimus seruire tabernaculo, docere populum, intercedere inter deū & homines, orare pro populo & huic benedicere, item sacrificare, & cōsecrare uel sanctificare, & iam constet Iesum Christum legitimum esse sacerdotem, certum est eundem illis ipsis obstrictum esse officijs, sed his quidem tanto præstantioribus, quanto sacerdotium consequutus est excellentius. Seruiebant Aaronici isti tabernaculo corruptibili & significatiuo: at dominus noster sublatus in uerum tabernaculum, ipsum cælum, ministrat sanctis dei omnibus. Nam cælum & Ecclesia sanctorum est uerum summi nostri sacerdotis & tabernaculum & templum. Christus sacerdos noster doctor est & magister unicus & æternus uniuersalis ecclesiæ suæ. Etenim docuit non illud duntaxat seculum, quod uixit in diebus carnis suæ, sed spiritus Christi fuit in prophetis, per quem & nunc regit omnes catholicæ ecclesiæ cathedras. Ipse Christus loquitur nobis adhuc, & loquetur in finem usque seculi, per os siue scripta sanctorum apostolorum omniumq; doctorum annunciantium doctrinam Apostolorum. Ac sufficit doctrina hæc Catholicæ Ecclesiæ. Nam omnia ea plenè comprehendit, quæ pertinent ad uitam sanctam & felicem.

*Christus intercedit.* Christus pōtifex noster intercedit pro omnibus sanctis in templo suo. Orat enim pro nobis apud patrem in dextra dei unicus omnium fidelium aduocatus & patronus. Nam ascendit ad dexteram dei patris, ut ibi semper appareret in conspectu dei, & omnia nostra negotia fideliter exequatur. Qua de re dixi copiosius Sermo ne proximo, ubi disserui de inuocatione & intercessione. Idē dominus noster benedicit nobis solus. Ipse enim factus est execratio & maledictio pro nobis, ut nobis benediceretur in ipso: iuxta singulare & antiquum illud uaticinium: In semine tuo benedicentur omnes nationes terræ. Præterea sacrificat pro nobis Christus dñs noster. Nam thymiana adolet, cum pro nobis supplicat & apparet in dextera Dei. Hostiam uero pro peccatis non pecuinam, sed semetipsum obtulit deo uiuenti, hostiam semper efficacē ad expianda omnia populi peccata. De qua cum copiosè disseruerim in tractatione Ceremoniarum, hic data opera breuior sum.

*Christus benedicit.*

*Christus sacrificat.*

*Christus sanctificat.*

Rursus cum dominus noster Iesus Christus sit sanctus sanctorum, sanctificat utique catholicam ecclesiam & consecrat, inungens ipsam oleo sancti spiritus, ut efficiamur & sancti & sacerdotes qui offeramus Deo spirituales hostias. Legimus enim unguentum illud sacrum in caput effusum Aaronis, descendisse in barbam, & extremas uestimenti eius simbrias. Nam Christus summus pontifex uniuersalis Ecclesiæ suæ, spiritum suū effundit tam in remotissimos quam in propinquos.

Clamat

Clamat enim in euangelio: Si quis sitit, ueniat ad me & bibat. Qui credit in me, sicut dicit scriptura, flumina de uentre eius fluent aquæ uiuæ: Et iterum: Ego me pro eis sanctifico, ut sint & ipsi sanctificati in ueritate. In summa, cum dicimus & confitemur Iesum Christum esse sacerdotem siue summum pontificem populi fidelis, hoc dicimus, Christum esse electum & propositum nobis doctorem & magistrum, qui uniuersalem ecclesiā regat & doceat, qui intercedat & omnia nostra negotia fideliter agat apud patrem in cœlis, qui sit patronus, intercessor & aduocatus fidelium solus apud deum, qui hostia corporis sui, sit perpetua omnium peccatorum totius mundi unica expiatio, absolutio, iustificatioq̃, qui credentes consecret in sacerdotes, ut & ipsi Deo patri per Iesum Christum acceptas offerant oblationes ac sint domus & tabernaculum Dei.

Ex his facile erit estimare quale sit sacerdotium Christi sacerdotis & pontificis nostri. Sacerdotium est ipsum officiū uel ipsa functio & operatio sacerdotis, quæ ipse sacerdos Christus in cœlis ac in catholica Ecclesia omnia agit quæ sunt muneris sacerdotalis. Proinde necesse est sacerdotium hoc Christi pontificis nostri non uisibile & corporale, sed omnino esse spirituale. Recte enim Paulus, Si esset in terra Christus, inquit, non posset esse sacerdos: ubi ministrant tabernaculo uel templo qui sunt de tribu Leuitica: ubi est templum uel tabernaculum cum uestibus & uasis multiplicibus sanctis. Cæterum Christus dominus noster est de tribu Iuda, regia inquam tribu natus: quamuis interim non ignoremus tribum regiam & pontificiam fuisse commixtas. Nam legimus Elisabetham, quæ erat ex filiabus Aaron, fuisse cognatam uirginis deiparæ Daudicæ. Nec templo aut uasis sacris unquam legitur usus dominus noster in ministerio suo. Tametsi enim aliquoties docuerit in templo, tamen non in eo solo docuit. Nunquam in eo ad aras sacras, uel thymiamatis uel holocaustorum sacrificauit: nullis unquam usus est uestibus sacerdotalibus significatiuis. De quibus dixi dū exposui ceremoniales leges. Ergo cum pro expiatione peccatorum uniuersi huius mundi sacrificare uellet, extraportam passus est, & semetipsum uiuam & sanctissimā obtulit hostiam: iuxta quod typi & uaticinia atq̃ figuræ præcesserant in lege Moysi, de quibus rursus disserui in tractatione Legum ceremonialiū. Oblata uerò corporis sui hostia ascendit in cœlum, & consedit ad dextram patris, ut inde illucescat suæ ecclesiæ, & ibi semper pro nobis appareat in conspectu Dei patris. Ideoq̃ corporaliter tam non fungitur officio sacerdotali in terris, ita nos nunc erudiens sicut in diebus carnis suæ sui seculi homines docuit. Nunc enim spiritu mentes suorum illustrat, doctrinamq̃ apostolorum euāgelicam reparat quotidie, adeoq̃ ipse nihilominus loquitur per ora docentium & prædicantium euangelium. Benedicit nobis cœlitus, hoc est, omni benedictione cœlesti nos locupletat. De illo loquens Apostolus: Et unctio, ait, quam accepistis ab eo, manet in uobis. Et non necesse habetis, ut quisquā doceat uos, sed sicut ipsa unctio docet uos de omnibus, & uerax est & non mendacium. Et sicut docuit uos, manete in ea. De hoc loquens diuinus uates dixit: Effundam aquas super sitientem, & fluenta super aridam: effundam spiritum meum super semen tuum, & benedictionem meam super stirpem tuam. Et germinabunt inter herbas quasi salices iuxta præterfluentes aquas. Ex quibus discimus, Pontifici nostro Christo nullo opus esse suffraganeo episcopo aut uicario in ecclesia. Ipse enim adest ecclesiæ, & regit eam per spiritum suum. Idem ille in cœlis ad dextram patris, non toties supplex pro nobis procumbens in genua intercedit quoties peccamus. Semel exauditus est à patre pro reuerentia, cum in diebus carnis suæ pro nobis preces obtulisset cum clamore ualido & lachrymis. Nunc enim

1o th. 7.  
1o th. 17.

De sacerdotio  
Christi.

Hebr. 8.

Hebr. 13.

1. 1o th. 3.

Isaie 44.

Hebr. 9.



*Gen. 16.* semper apparet pro nobis in conspectu Dei. Omnia nostra relucet in conspectu eius, ac pater respicit in faciem Christi sui, propter quem omnibus eius membris est placatus, audiens eos & tribuens eis quaecumque postulant salutaria: iuxta illud saluatoris dictum: Amen amen dico uobis, quaecumque petieritis patrem in nomine meo dabit uobis. Nulla ergo hic nobis turbæ, nulla molestia, nullus labor imaginandus est, quo defatigetur qui omnium est in cœlis apud deum patrem intercessor, aduocatus & sacerdos. Id quod & proximo Sermone ubi disserui de inuocatione & intercessionem, monui. Proinde Sacerdoti nostro fungenti munere suo in cœlis coram Deo, nulla opus est ara thymiamatis, nullo thuribulo, nullis uasis aut uestibus sacris: multo minus opus habet ara holocaustorum. Nam in cruce, quæ ipsius ara fuit, ipse semetipsum semel tantum obtulit. Neque enim quisquam mortaliū dignus erat offerre deo uiuo dei uiuentem filium. Vnica autem hostia illa semper efficax est ad expianda omnia omnium hominum totius mundi peccata.

Et quamuis in tractatione legum Ceremonialium de his testimonia plura adduxerim, non possum tamen hic mihi temperare quin singularia aliquot repetā. Nequit enim hoc negotium dignè & diligenter satis hominum imprimi pectoribus, in quo est fructus diuinitatis & humanitatis Christi, denique uniuersa salus nostra. Paulus ad Hebræos de ueteris Testamenti sacerdotibus uel pontificibus loquens, & cum his Christum summum pontificem conferens, imò omnibus modis præferens, dicit: Et illi quidem plures facti sunt sacerdotes, propterea quod per mortem non sinerentur permanere. At Christus quod maneat in æternum, perpetuum uel immigrabile (quod successionem ad alium non transit) habet sacerdotium. Vnde & saluos facere ad plenum potest qui per ipsum adeunt Deum, semper uiuens ad hoc ut interpellet pro illis. Talis enim decebat ut esset nobis pontifex plus, innocens, impollutus, segregatus à peccatoribus & sublimior cœlis factus: cui non sit quotidie necesse quemadmodum illis pontificibus, prius propriis peccatis uictimas offerre, deinde pro peccatis populi. Nam id fecit semel cum seipsum obtulit. Et idem iterum, Non in manu facta sancta, inquit, ingressus est Christus exemplaria uerorum: sed in ipsum cœlum, ut appareat nunc in conspectu dei pro nobis. Nō ut sæpius offerat semetipsum, quemadmodum pontifex ingreditur in sancta singulis annis per sanguinem alienum. Alioqui oportuisset illū sæpius passum fuisse à condito mundo. Nunc autem semel sub consummationem seculorum, ad profligationem peccati per immolationem sui ipsius apparuit. Et quatenus illud manet omnes homines, ut semel moriantur, post hoc autem iudicium: ita & Christus semel oblatus est, ut multorum peccata tolleret, rursus absque peccato conspicietur his qui illum expectant in salutē. Rursus idem Paulus: Omnis quidem sacerdos assidet quotidie, inquit, sacra peragens & easdem sæpius offerens hostias, quæ nunquam possint auferre peccata. Hic uerò una pro peccatis oblata uictima perpetuò sedet ad dexteram dei, id quod superest expectans: donec reddantur inimici ipsius scabellum pedum eius. Vnica enim oblatione perfectos effecit in perpetuum eos qui sanctificantur. Hæc hæcenus omnia Pauli sunt apostoli. Non existimo autem ista testimonia copiosiore illustranda esse interpretatione & proposito nostro aptanda. Omnia enim sine ulla nostra expositione sunt illustrissima, causæque quam agimus quam appetissimè congruunt. Nam totum sacerdotium Christi, præsertim quod intercessionē ac hostiam uel ex expiationem unicam & æternā attinet, planè sistunt atque exponunt oculis contemplandum. Eiusdem sacerdotij est etiam fideles omnes deo sacerdotes cōsecrare: non ut offeramus pro expiatione peccatorum, sed ut singulis quasi momētis preces nostras, gratia-

gratiarū actiones, & nosmetipsos pietatisq; officia offeramus. Ioannes enim apostolus & euangelista, Iesus Christus princeps regum terrarū, inquit, dilexit nos, & lauit nos à peccatis nostris per sanguinem ipsius: & fecit nos reges & sacerdotes Deo & patri suo. Eandem sententiā inuenire est & in epistola beati Petri. In omnibus uerò his cernere licet, quis fructus nobis existat defluatq; ex diuinitate & humanitate Christi regis & pontificis nostri. Neq; enim posset is esse regum princeps & pontifex summus, nisi Deus esset & homo.

Atq; hic locus postulat modò ut dicamus aliquid de nomine Christiano & officij hominis Christiani. Christiani nomen habemus à Christo, cui indiuisè con-nexi membra sumus corporis eius, cuius ipse caput est. Christus autem non proprium (Iesus enim appellatur) sed officij nomen est à chrismate deductū, ut Christus idem sit ut unctus. Ideoq; Tertullianus appellationem esse ait non nomen. Ac addit, Vnctus non magis nomen est quàm uestitus, accidens nomini res. Cæterum ungebantur chrismate reges & summi pontifices, idcirco Christus significat nobis eum qui est rex & sacerdos uel pontifex summus. Quoniam uerò Christiani nuncupamur à Christo qui unxit nos spiritu sancto, certè sumus & nos reges & sacerdotes. Vbi cernere licet quantum beneficium ex Christo deo & homine acceperimus, fecit enim nos reges & sacerdotes. Cernimus quodnam sit officium Christianorum, hanc dignitatem ad extremum usq; tueri spiritum, ne rursus à satana nobis eripiat. Cæterum si reges sumus, certè rerum domini & liberi sumus, regentes utiq; non recti non subiecti. Liberi, inquam, à peccato & à morte æterna, & ab omni impuritate: domini autem satanæ, principis mundi, & ipsius mundi. Regimus enim mundum & carnem: non ab his regimur. Huc pertinent illa Apostoli uerba, Ne regnet peccatū in mortali uestro corpore, ut obediatis illi per cupiditates eius: neq; accommodetis membra uestra arma iniustitiæ peccato, sed accommodetis uosmetipsos deo uelut ex mortuis uiuentes, & membra uestra arma iustitiæ deo: Peccatū enim uobis non dominabitur. Ideoq; quando princeps mundi adeoq; ipse mundus & caro, eiusq; affectio praua peccatum, in seruitutem ex libertate retrahere satagit, nos quia reges sumus strenuè omnino repugnemus oportet, ac perseverantes in pugna uincamus per uirtutē Christi regnantis in nobis. Etenim S. Ioannes Apostolus, Omne, inquit, quod natum est ex deo, uincit mundum, Et hæc est uictoria quæ uicit mundum fides nostra. Huc pertinet doctrina de Libertate & seruitute, de qua Decade proxima disserui. Colligimus ex istis omnibus primarium Christianorū officium esse semper stare in acie, locum suum tueri, uigilare & adniti uiribus & modis omnibus, necubi ab hoste satana superati, regia dignitate spoliemur, detrahaturq; in seruitutem infernalem. Certè si in Christo & cum eodem superauerimus, conregnabimus, id est, uiuemus cum ipso & omnibus sanctis in gloria in secula seculorum. Sic autem reges in Christo, sic Christiani sumus.

Rursus quia Christiani, hoc est, uncti sumus, sacerdotes certè sumus, & proinde pro officio sacerdotali docemus, admonemus, adhortamur, & consolamur omnes fratres nostros & nostræ fidei commissos homines. Vbi tamen necessariò distinguimus inter sacerdotium Christianum & ministerium ecclesiasticū. Omnes quidem Christiani tam mares quàm foeminae sacerdotes, sed non omnes ministri ecclesiæ sumus. Neq; enim omnes promiscuè concionari publicè, sacramenta administrare, aliaq; pastorum officia facere, nisi legitime ad hoc uocati ordinatq; possumus. Sacerdotium hoc nostrum commune, est spirituale, uersaturq; in communibus officijs pietatis, non in publicis & legitimis Ecclesiæ ministerijs. Vnde



priuatim alius alium erudire & admonere potest & debet, dumq[ue] hoc facit, sacer-  
 dotali fungitur munere: ueluti cum paterfamiliās liberos suos instituit domi suae  
 in pietate, cum materfamiliās castigat & erudit filias: deniq[ue] cum quisq[ue] nostrum  
 Hebr. 4. proximum quenc[um]q[ue] hortatur ad studium pietatis. Nam Apostolus Paulus, Exhor-  
 temini uos inuicem, inquit, quotidie, quoad appellatur dies hodiernus, ne quis  
 ex uobis induretur seductione peccati. Præterea cum simus sacerdotes, Deo no-  
 stro dignas hostias offeramus oportet. Satis autem testati sumus, post Christum  
 summum & unicum sacerdotem seu pontificem nostrum omnibus seculis & toto  
 in orbe, neminē offerre sacrificium expiatorium. Is enim semel, sed semper & om-  
 nibus efficacem purgandis peccatis omnium hostiam obtulit, cum semetipsum  
 obtulit. Nos ergo offerimus illi gratiarum actiones laudesq[ue], memoriā sacrificij  
 illius unici celebrantes: offerimus preces, offerimus nosmetipsos, hoc est, corpora  
 nostra, hostiam deo uiuentem ac rationalem, unā cum pietate omnisfaria ac bene-  
 Hebr. 13. ficentia. Paulus enim, Per Christum, inquit, offerimus hostiā laudis semper Deo,  
 hoc est, fructum labij primum consentientium nomini eius. Ac beneficentiæ & commu-  
 nionis ne obliuiscamini. Talibus enim hostijs delectatur deus. Verū plurade  
 his sacrificijs dixi Sermone proximo, in quo tractaui quis sit uerus Dei cultus.  
 Quando uerō omnis sanctificatio est & existit ex uno pontifice summo Iesu Chri-  
 sto, non possumus nos aliter sanctificare, nisi honesta & pura conuersatione uitæ:  
 quæ à nobis requiritur, nimirum ut simus sancti, & innocenti uita sanctificemus  
 nomen dei nostri, ne propter nos malè audiat inter homines, quin potius uideant  
 fidelium bona opera, & glorificent patrem in cœlis. In his autem nemo est qui non  
 uideat comprehendi omnia Christiani hominis officia, in quibus nisi nos exercea-  
 mus strenue, non uideo nos tanto nomine dignos.

Nomen Chri-  
 stianum uetu-  
 stissimum.

Acto. 11.

Nomen autem hoc sacratissimum Lucas author est fidelibus primū esse in-  
 ditum Antiochiæ in Syria: id quod tamen nemo sic intelligat quasi antea fuerit  
 omnibus omnino incognitum. Nunc enim factum est uulgatissimum, quondam  
 fuit tantum excellentissimorum sanctissimorumq[ue] hominum, & re magis quā  
 nomine, quamuis & nomine utcunq[ue] cognitum. Nam Eusebius in Ecclesiast. hist.  
 commemorat antiquos patres Adamum, Seth, Noe, Abrahamum & his alios si-  
 milis, omnes fuisse Christianos, ideoq[ue] religionem Christianam longē integerrimam  
 esse uetustissimamq[ue]. Verba Eusebij si quis requirat hæc sunt, Non noua sed  
 coram omnibus hominibus uetustate celebris ac cunctis nota gens Hebræorum  
 est. Huius libri ac literæ uetustos uiros continent, raros quidem & paucos nume-  
 ro, pietate uerō & iustitia omniq[ue] uirtutum genere præstantes, ante diluuiū dif-  
 ferentes, postea alios ex filijs ac nepotibus Noe, utpote Tharam & Abrahamum,  
 de quo tanquam duce & progenitore ipsi Hebræorum posterij gloriantur. Quod  
 si quis hos omnes iustitiæ testimonio decoratos, ab ipso Abrahamo ad primum  
 usq[ue] hominem, ipsis operibus, etsi non nomine, Christianos fuisse dixerit, à uerita-  
 te certè non aberrauerit. Christianum quippe nomen uirum significat, qui per  
 Christi cognitionem & doctrinam, animi moderatione & iustitia, continentiaq[ue]  
 uitæ & uirtutis fortitudine ac pietatis confessione erga unum ac solum omnium  
 deum excellit. Hoc autem priscis illis non minus curæ fuit quā nobis. Nec cor-  
 poralis itaq[ue] circumcisionis rationem habuerunt, sicuti nec nos: nec sabbatorum  
 obseruantia, quemadmodum neq[ue] nos, neq[ue] abstinentiæ ciborum, neq[ue] discrimi-  
 num aliorum: quæ postea Moses primus omnium instituit, ac symbolice perficien-  
 da tradidit: sicuti talia & nunc quoq[ue] Christianorum non sunt. Sed ipsum etiam  
 Christum Dei perspicue uiderunt. Siquidem illum & Abrahæ apparuisse, & re-  
 sponsa

sponsa dedisse Isaac & Israeli, Moysi & prophetis post ipsum loquutum esse, iam antea declaratum est. Vnde & ipsos istos Christi nomen fortitos esse inuenies: iuxta uocem de illis dictam, nempe, Ne attingatis Christos meos, & contra prophetas meos ne malitiose agatis. Manifestum itaque est hanc pietatis inuentionem uirorum illorum qui temporibus Abraham pie uixerunt, quæ nuper per Christi doctrinam cunctis est gentibus annunciata, primam esse omniumque antiquissimam & uetustissimam. Hæc Eusebius.

Porro si in hoc speculo nominis Christiani contemplemur nos, uidebimus paucissimos esse hodie hoc sacro nomine dignos. Omnes quidem uulgo sic appellamur, & omnes Christiani uolumus appellari, sed pauci uitam professione nostra dignam uiuimus. A chrismate sacro nuncupamur Christiani. Chrisma sacrum est ipse spiritus sanctus. Super quo autem requiescet spiritus meus, ait Dominus, nisi super humili & quieto & tremante ad sermones meos? Nos uero uerbum Dei floccifacimus, turbulentissimis sumus mentibus, affectibus prauis corrupti, tumemus superbia, ideoque chrismate caremus sancto. Quis ergo Christianos nos esse dicat? Regimur plerique affectibus prauis, carne, mundo, & à principe huius seculi, pauci regimus mundum ac carnem & quæ in eis sunt. Imperium ergo in nobis, non spiritus Dei, sed spiritus mundi ac carnis obtinet. Dominatur nobis satan, caro & mundus, uiuimus enim in illis & obedimus eis, unde liberi ab omni iustitia & sanctitate, serui sumus, seruitutem seruientes turpissimam. Neque enim liberari cupientes, uel redemptorem quarimus, uel impatientes tyrannidis rebelamus, sed ignaui & molles, subigendos & sub tyrannide retinendos nos substerimus: imò piget & tædet nos laborum, pigiliarum, precum, omniumque officiorum pietatis, securique delitescimus ueluti in ganea. Quis autem tales porcos sacro sancto nomine Christiano dignaretur, nisi ineptissimus & foedissimus quisque? Nihil ergo mirum si tales æternum arfuri detrudantur ad tartara, ut ibi æternum ei coniungantur, quem hic sibi sequendum iniquissime elegerunt. Iam uero quotusquisque nostrum docet, monet, & hortatur eodem Christiano nomine gloriantes? Nihil hic dico de doctoribus ecclesiasticis, sed de officio Christiani hominis mihi sermo est. At segnes sumus plerique in erudiendis nostris & confratribus. Vel enim piget laboris, uel timemus periculum. Reijcimus ergo monendi instituendique officium ad publicos ecclesie ministros: quasi huius à nobis planè nihil requiratur. Audiuntur idcirco uoces ab hominibus ferè indignissimæ, Non habeo sacerdotium, non sum Pfaff/cur ergo docerem, cur monerem? Atque his non est curæ, ut cunque blasphemæ & spurcæ dicantur uel domi uel foris. Sibi enim uiuunt, & gloriam dei ac proximi salutem nihil ad se pertinere putant. Quas uero hostias deo nominemque nostro dignas offerimus? Vbi sunt preces & gratiarum actiones? Vbi est mortificatio carnis nostræ ac abnegatio huius seculi? Vbi est misericordia seu beneficentia? Vbi est uita innocens & sancta? Contraria possem, siquidem necesse esset, longo recensere catalogo, sed quorsum attinet manifesta omnibus hominibus copiosa expositione repetere? Nam quis oro negat uitam præsentis seculi, hominum, inquam, qui Christiano gloriatur nomine, foedam, foetentem, ac pestiferam esse? Quæ cum compertissima sint, nihil peccaui qui paulò ante dixi paucos hodie esse Christianos. Qui sapiunt & suo nomine cupiunt respondere, audiant saluatorem nostrum dicentem in Euangelio Matthæi, Contendite intrare per arctam portam: quoniã lata est porta & spaciofa uia quæ abducit in exitium, multi sunt qui ingrediuntur per illam. Quoniam angusta est porta & stricta uia quæ abducit ad uitam: & pauci sunt qui inueniunt eam. Ceterum quod in primis dictum oportuerat, *Matth. 7.* *In pseudochristianos.*

*Pauci sunt Christiani.*

*Isaie 66.*

*Matth. 7.*

*In pseudochristianos.*



peccant in religionem professionemque Christianam grauissimè, qui ut sacerdotium & regnum Christi non syncerè agnoscunt, ita se in primis commendabiles & catholicos esse gloriantur, quòd ea designant quæ modis omnibus regnum & sacerdotium Christi obscurant. Christiani solo hoc titulo & nomine contenti, nullam aliam ambiunt uel admittunt appellationem. Isti uerò quasi leuis sit Christiani appellatio, non quiescunt donec alijs quoque uocentur nominibus, quasi in nomen Brunonis, Benedicti, Roberti aut Francisci sint baptizati. Christiani solile iglatori magistro & doctori Christo adhærentes, alienorum uocem non agnoscunt, diuinisq; à scripturis non recedunt uel latum culmum. Isti autem hæreticum esse criminantur, nisi quia suis Romanæ ecclesiæ constitutiones, licet ex diametro cum uerbis doctrinaq; Christi pugnantes, recipias & pro diuinis adores, Christiani agnoscunt se habere unum regem, liberatorem, saluatorem & caput in cœlis. Isti uicarium in terris adorant, & salutem tribuunt rebus nedum leuiculis, sed putidissimis. Christiani omnē fiduciam in Deum figunt, cui uota & omnes preces offerunt per Iesum Christum, quem solum credunt pontificem summum & patronum uel aduocatum fidelissimum esse omnium credentium. Isti creaturis figmentisq; hominum supplicant, ac tot sibi deligunt patronos & intercessores, quot in cœlis uiuunt sancti. Christiani sciunt hostiam Christi semel immolatā, semper esse efficacem ad expianda omnia omnium in toto orbe terrarum omniumq; seculorum hominum peccata. Isti uerò ter & quater hæreticum esse clamitant, non agnoscere Christum quotidie immolari à sacrificiis ad hoc consecratis. Itaque omnibus commune est nomen Christianum, sed res nomine designata, duntaxat fidelium uni Christo adhærentium.

*Conclusio.*

Concludimus iam totam de Rege & sacerdote Christo dissertationem hisce S. Augustini uerbis, Filius Dei qui fecit nos, factus est inter nos, & rex noster regit nos: & ideo sumus Christiani, quia ille Christus. Christus à chrismate dictus est, id est, ab unctione. Reges autem ungebantur & sacerdotes, ille uerò unctus est rex & sacerdos. Rex pugnauit pro nobis. Sacerdos obtulit sese pro nobis. Quando pugnauit pro nobis, quasi uictus est, iure autem uerè uicit. Crucifixus est enim, & de cruce sua in qua erat fixus diabolus occidit, & deinde rex noster. Vnde autem sacerdos: quia se pro nobis obtulit. Date sacerdoti quod offerat. Quid inueniret homo quod daret: Mundam uictimam: Quam uictimam: Quid mundum potest offerre peccator: O inique, ô impie, quicquid attuleris immundum est. Quære apud te quid offeras, non inuenies. Quære ex te quid offeras, non delectatur uel arietibus, uel hircis, uel tauris. Omnia ipsius sunt etsi non offeras. Nihil mundum inuenit in hominibus quod offerret pro hominibus: seipsum ergo obtulit mundam uictimam, hostiam immaculatam. Non ergo obtulit quod nos illi dedimus, sed quod accepit à nobis, & id mundum obtulit. Carnem ex utero uirginis accepit, ut mundam offerret pro immundis. Ipse rex, ipse sacerdos: in eo lætemur. Ipsi gloria in secula seculorum.

*De Spiritu sancto tertia in adoranda Trinitate persona, eiusq; diuina virtute.* SERMO VIII.

**E**STAT ut post exposita mysteria filij Dei Domini nostri Iesu Christi, consequenter dicamus de Spiritu sancto, eiusq; potentia & operatione diuina. Nisi autem is inspiret mentes & regat linguam, nunquam poterimus quicquam de ipso uel dicere uel audire ulla cum dignitate aut utilitate. Sicut enim

cut enim ea quæ dei sunt nemo nouit nisi spiritus dei, ita homines scientiam rerum diuinarum & cognitionem sancti spiritus non aliunde hauriunt, quàm ex eo dem hoc Dei spiritu. Oremus ergo Deum patrem, ut per filium Dominum nostrum Iesum Christum, misso in corda nostra hoc spiritu suo sancto, dignetur illustrare tenebrosas mentes nostras, & dirigere nos secundum scripturas sanctas in uia ueritatis sincera.

Initio autem uidetur nobis non inutiliter explicandum Spiritus uocabulum, quòd id in scripturis uariè & frequentissimè usurpetur: unde non rarò impinget grauitèr quisquis uim eius uocis ignorauerit. Spiritus propriè nota est elementì, significans aerem, uentum, halitum. Ea significatione dictum legimus à saluatore, Spiritus ubi uult spirat, & uocem eius audis, sed nescis unde ueniat, aut quò uadat. Et Paulus, Si orem lingua, inquit, spiritus meus orat, at mens mea fructu uacat. En spiritum usurpat Apostolus pro flatu uel uoce. Nam linguæ subiungit & menti opponit. Per metaphoram transfertur ad omnem incorpoream substantiam, opponiturq; corpori. Spiritus ergo significat angelum siue bonum siue malum, Propheta enim, quod & Paulus repetijt, dixit: Qui facit angelos suos spiritus, & ministros suos flammam ignis. Item, Nónne sunt omnes administratores spiritus? Hæc testimonia de bonis intelliguntur: quando de malis loquitur scriptura, serè addit aliquid, ut spiritus malus, uel spiritus immundus. Appellamus & spectra, uel species, assumpta aliqua forma obscuriore, spiritus. Sic Apostoli non credentes resurrexisse uerò suo corpore Dominum, ipsum quidem uidentes, existimarunt se uidere spiritum. Quibus ille pedes & manus ostendens, addit, Spiritus carnem & ossa non habet, sicut uidetis me habere. Rursus usurpatur Spiritus pro animali uita, sicut & Latinis spirare uiuere, expirare mori est. Dauid, Cum dederis colligunt, inquit: & cum aperis manum tuam, satiantur bonis: cum uerò abscondis faciem tuam conturbantur, cum colligis spiritum eorum deficiunt, & in puluerem suum reuertuntur. Et Dominus apud Mosen, Perdam, inquit, uniuersam carnem, in qua est spiritus uitæ. Peculiariter item rationalis anima hominis nuncupatur spiritus, adeoque spiritus sapissimè ponitur in sacris literis pro anima rationali hominis. In Euangelio enim legis: Iesus inclinato capite tradidit spiritum. Et de sancto martyre Stephano legis: Et lapidabant Stephanum inuocantem & dicentem: Domine Iesu suscipe spiritum meum. Solomon enim prior dixit: Reuertetur puluis in terram sicut fuit, & spiritus redibit ad Deum, qui dedit illum. Iam uerò significat Spiritus affectum, agitationem animi, propensionem atque impulsus. Solomon enim, Vrbi dissipata similis est, inquit, cuius spiritus caret retinaculo. Sæpe repetas poni in scripturis spiritum superbiæ, iræ, libidinis aut inuidiæ, pro affectione superba, iracunda, libidinosa aut inuida. Dicitur & spiritus infirmitatis Lucæ 13. cap. ipsa, inquam, affectio ægra & morbi uis. Significat spiritus & spirituales motus, quos excitat in cordibus sanctorum sanctus spiritus, adeoque ipsa dona per spiritum in corda hominum transfusa, Id quod in Paulo ubiq; obuium est. Alicubi op ponitur spiritus literæ, corpori, figuræ, typo uel umbræ, usurpaturq; pro altiore seu mystico sensu ipsoq; rei nucleo: ut cum Paulus dicit: Circuncisio cordis, circuncisio est quæ spiritu constat non litera. Et iterum: Dominus fecit nos idoneos ministros noui Testamenti, non literæ, sed spiritus. Nam litera occidit, spiritus uiuificat. Ergo intuenias spiritum poni pro inspiratione, reuelatione atque doctrina. Ioannes enim, Ne credatis, inquit, cuius spiritui, sed probate spiritus an ex Deo sint. Item, Spiritum ne extinguatis, prophetias ne aspernemini. Postremò appellatur Deus, immensa & ineffabilis illa uirtus spiritus. Deus, inquit, Dominus noster, est

Exponitur spiritus uocabulum.  
Spiritus aer uel uentus.  
Ioan. 3.

1. Corinth. 14.

Spiritus angelus.  
Psal. 104.  
Hebr. 1.  
Spiritus speculum.  
Lucæ 24.

Spiritus uita.  
Psal. 145.  
Psal. 104.

Genes. 6.  
Spiritus anima hominis.  
Lucæ 22.  
Act. 7.  
Eccles. ultimo.  
Spiritus animi affectio.  
Prouer. 25.

Spiritus motus spirituales.  
Spiritus mysticus sensus.  
Rom. 2.

2. Cor. 3.  
Spiritus reuelatio.

1. Ioan. 4.  
1. Thess. 5.  
Spiritus deus.  
Ioan. 4.



spiritus, & eos qui adorant eum, spiritu & ueritate oportet adorare. Hac ratione uocabulum spiritus commune est omnibus personis adorandæ trinitatis: peculiariter tamen tertiæ personæ trinitatis accommodatur, de qua Sermonem hunc institui.

*Spiritus sanctus quid.*

Et quamuis spiritus sanctus, eò quòd Deus sit, nullis possit circumscribi limitibus: est enim natura sua ineffabilis, immensus, incomprehensibilis, æternus: ut tamen certo ordine de eo aliquid dicam, adumbrabo saltem id quod de ipso fuisse me tradit scriptura, ipsius sancti spiritus inspiratio. Spiritus sanctus est tertia in adoranda trinitate persona, Deus uerus, ex patre & filio procedens, qui fideles illuminat, regenerat, sanctificat, & omnibus bonis adimplet. Cæterum spiritum sanctum tertiam esse in adoranda trinitate personam, demonstratum opinor abunde satis in Sermone huius Decadis 3. Equidem unica hæc Saluatoris nostri sententia, Baptizate eos in nomen patris, & filij, & spiritus sancti, abunde confirmat præsentibus, quòd spiritus sanctus est tertia in trinitate persona.

*Spiritus sanctum esse uerum deum.*

Porro Deum esse uerum, eiusdem potestatis, gloriæ, maiestatis & essentia: cum patre & filio, illud inprimis arguit quòd tertia est in sancta trinitate persona. Neque cogitandum est hunc illis minorem esse quòd tertio loco numeratur. Nam licet ordine commemoretur à nobis trinitas beata, nullus tamen gradus, nullum tempus, nullus locus aut numerus est in benedicta trinitate. Nam secundum scripturam confessus est beatus Athanasius, & dixit. Fides catholica hæc est, ut unum Deum in trinitate, & trinitatem in unitate, ueneremur: neque confundentes personas, neque substantiam separantes. Alia est enim persona patris, alia filij, alia spiritus sancti: sed patris & filij & spiritus sancti una est diuinitas, æqualis gloria, cœterna maiestas. Qualis pater, talis filius, talis spiritus sanctus. Increatus pater, increatus filius, increatus spiritus sanctus. Immensus pater, immensus filius, immensus spiritus sanctus. Æternus pater, æternus filius, æternus spiritus sanctus: & tamen non tres æterni, sed unus æternus, &c. Sed & S. Augustinus libro de Trinitate 15. cap. 26. In illa summa trinitate, ait, quæ est Deus, interualla temporum nulla sunt: per quæ possit ostendi aut saltem requiri, Vtrum prius de patre natus sit filius, & postea de ambobus processerit spiritus sanctus. Et reliqua. Certe confitemur unum esse Deum patrem, filium & spiritum sanctum, & hunc esse æternum. Neminem ergo conturbet quòd ultimo loco ponitur spiritus. Nam cum Apostolus in Epistola ad Corinthios benedictionem contexat: Gratia Domini nostri Iesu Christi inquit, & dilectio Dei & communicatio sancti spiritus sit cum omnibus uobis, Ultimo quidem loco commemorat spiritum: uerum idem Paulus, Diuisiones donorum sunt, ait, sed idem spiritus: & diuisiones ministeriorum sunt, sed idem Dominus: & diuisiones operationum sunt, sed idem est Deus, efficiens omnia in omnibus: primo utique loco constituens spiritum, docens ordinem nominum non facere dignitatum differentiam. Hac ratione etiam in priore testimonio patri filium præposuit, non euertens ordinem, quem posuit apud Matthæum Dominus: sed trinitatis in honore æqualitatem ostendens. Quid enim clarius dicas, quàm quòd scriptura dicit spiritum sanctum sanctificare, renouare, regenerare, uiuificare & saluare? Hæ autem sunt operationes soli deo congruentes. Ex operationibus itaque manifestè agnoscimus spiritum sanctum esse Deum, eiusdem essentia: & potentia: cum patre & filio. Est enim spiritus sanctus ab æterno ante omnes creaturas uisibilis & inuisibilis, creator non creatura, testificante Iob, Spiritus eius ornauit coelos. Item Spiritus Dei condidit me, & afflatus omnipotentis indidit mihi uitam. Zacharias sacerdos pater Ioan. Baptistæ, Benedictus, inquit, Dominus Deus Israel, quia

2. Cor. 13.

1. Corinth. 12.

Matth. 28.

Iob. 26.  
Lucæ 1.

quia fecit redemptionem populo suo: sicut loquutus est per os sanctorum, qui à se-  
culo sunt, prophetarum suorum. At S. Petrus, Non uoluntate hominis, inquit al-  
lata est prophetia, sed à spiritu sancto impulsus, loquuti sunt sancti Dei homines. Ex  
his obsecro quis non colligat spiritum sanctum esse Deum? Deus enim loquutus  
est per os prophetarum; & spiritus sanctus loquutus est per os prophetarum. Spi-  
ritus sanctus ergo Deus est. Idem Petrus spiritum sanctum disertis uerbis appel-  
lauit Deum, Ananiam accusans furti imò & sacrilegij. Cum enim dixisset: Cur se-  
duxit Satanas cor tuum, ut tu mentireris spiritui sancto? subiunxit protinus: Non  
es mentitus hominibus, sed Deo. Doctrinæ S. Petri per omnia conueniunt quæ  
docuit doctor gentium S. Paulus. Credentes enim nuncupauit templa Dei. Ne-  
scitis, inquit, quòd templum Dei estis, & spiritus Dei habitat in uobis? Et iterum,  
Nescitis quòd corpora uestra sunt templum sancti spiritus quem habetis à Deo, &  
non estis ipsi uestri iuris? Pro eodem usurpat Paulus, templum esse Dei, & tem-  
plum esse sancti spiritus: consequitur ergo quòd spiritus sanctus sit Deus. Nam in  
Epistola ad Corinthios disertè spiritum sanctum nominat Deum. Posteaquam e-  
nim dixisset, Diuisiones gratiarum sunt, idem autem spiritus. generatq; gratiarum  
recensuisset, mox subiungit: Omnia autem hæc operatur unus & idem spiritus,  
diuidens peculiariter unicuique sicut uult. At idem paulò ante dixerat, Diuisio-  
nes operationum sunt, sed idem est Deus, omnia efficiens in omnibus. Euidenti-  
simum uerò diuinitatis spiritus sancti argumentum construit insignis eruditionis  
uir, Didymus Alexandrinus ille, ostendens item naturam eius alienam prorsus es-  
se ab angelica. Nam i. lib. de Spiritu sancto sic interprete beato Hieronymo scri-  
ptum reliquit, Si spiritus sanctus unus de creaturis esset, saltem circumscriptam ha-  
beret substantiam, sicut uniuersa quæ facta sunt. Nam etsi non circumscribantur  
loco & finibus inuisibiles creaturæ, tamen proprietate substantiæ finiuntur: spiri-  
tus autem sanctus cum in pluribus sit, non habet substantiam circumscriptam. Mit-  
tens quippe Iesus prædicatores doctrinæ suæ, repleuit eos spiritu. Neque uerò o-  
mnes Apostoli ad omnes gentes pariter sunt profecti, sed quidam in Asiam, qui-  
dam in Scythiam, & alij in alias dispersi nationes, secundum dispensationem illius  
quem secum habebant spiritus sancti, quomodo & Dominus dicentem: Vobiscum  
sum omnibus diebus usque ad consummationem seculi. His & illud congruit, E-  
ritis mihi testes usque ad extremum terræ. Si ergo hi in extremis finibus terræ, ob  
testimonium Domini constituti, distabant inter se longissimis spatijs, aderat au-  
tem eis inhabitator spiritus sanctus, incircumscriptam habēs substantiam, demon-  
strant angelica uirtus ab hoc prorsus aliena. Angelus quippe qui aderat, uerbi  
gratia, Apostolo in Asia oranti, non poterat simul eodem tempore adesse alijs in  
cæteris mundi partibus constitutis. Spiritus autem sanctus non solum seiunctis à  
se hominibus præsto est, sed & singulis quibusque angelis, principatibus, thronis,  
dominationibus inhabitator assistit, &c. Quis autem hic non colligat spiritum san-  
ctum uerum esse Deum? Plurima alia diuinitatis ueræ spiritus sancti argumenta  
collegit idem ille author, deinde S. pater Cyrillus, & absolutè disputauit de ea S.  
Athanasius ad Theophilum lib. de Trinitate II. nos pauca hæc hæcenus recita-  
ta, obsequentibus ueritatēq; amantibus satis fore credimus.

Hæc qui firmiter credunt non mouentur ullis opinionibus & quæstionibus  
peregrinis, circa hoc negotium curiose imò impiè à malè feriatis quibusdam indu-  
ctis. Nam negasse quidam feruntur spiritum sanctum esse Dominum. Ministrum  
enim ac ueluti instrumentum quoddam patris & filij esse tradiderunt. Cæterum  
Christus Dominus spiritum sanctum sibi & patri coniunxit, tradens baptismi for-

2. Pet. 1.

Aclor. 5.

1. Corimb. 3.

1. Corimb. 6.

1. Corimb. 12.

Spiritus san-  
ctus non est mi-  
nister nec in-  
strumentum.



nam. Dicit enim, Baptizantes eos in nomen patris, & filij, & spiritus sancti. Atque manifestum est creatori non coniungi in Baptismo creaturam, neque subseruiens esse quicquam in diuinitate. Itaque Synodus Constantinopolitana in Symbolo suo uoces aliquot spiritui sancto addidit, quibus errores aliquot elideret, Domini & uiuificantem ipsum appellans. Nam cum Dominum uocat, filio æquas & excludit seruillem uel ministerialem conditionem, præterea negat illum istorum esse instrumentum. Unus est enim Dominus; non sunt plures domini. Et filius non est spiritus sancti Dominus; sed dominium est commune trium personarum, quæ sunt unus tantum Dominus. Cum autem Dominus sit spiritus sanctus, certe non est ministerio serui addictus, sed dominica authoritate præditus: nec ad opus exequendum subseruit, sed cooperatur patri & filio, adeoque ipse ut Dominus operatur.

*Spiritus sanctus substantia est, non accidens.*

*Rom. 8.  
Galat. 5.*

Feruntur rursus alij quidam docuisse spiritum sanctum non esse substantiam uel personam, sed ueluti accidens, hoc est, concitationem uel agitationem aut motum piæ ac renouatæ mentis. Ac reuera appellatur non raro mens nostra spiritui sancto illuminata spiritus: sed probè nobis distinguenda est creatura à creatore, & à substantia accidens. Distinxit beatus Apostolus nostrum spiritum à spiritu Dei sancto, cum dixit: Qui spiritu Dei ducuntur, hi sunt filij Dei. Idem spiritus testimonium reddit spiritui nostro, quod simus filij Dei. Ac idem Apostolus: Caro concupiscit aduersus spiritum, spiritus autem aduersus carnem. Quis autem non intelligat hominis mentem à spiritu sancto instructam hic appellari spiritum, non ipsam tertiam in adoranda triade personam? Et mens illa, quod illuminationem atinet, non ex semetipsa existit, sed proficiscitur à spiritu sancto illuminante, nec ab alio, quam qui est tertia persona in trinitate, sed non est ipsa persona spiritus sancti: sicut imaginatio proficiscitur ab anima, nec tamen est ipsa anima. Concitatio illa spiritus in nobis est accidens: Deus autem non est accidens neque accidenti permiscetur. Confitendum est itaque secundum scripturas, spiritum sanctum esse personam subsistentem, natura aut essentia patri & filio coæqualem, & idcirco adorandum nobis & glorificandum uti Deum uerum & creatorem: rursus pium uel sanctum motum in animis sanctorum per eundem spiritum sanctum excitatum, esse effectum & creaturam huius spiritus sancti, dicique spiritum sanctum, sed suo modo. Alioqui non negamus ipsum nobis sanctum spiritum promissum communicari: uerum pro modulo nostro & sicut ille uult. Quis enim hominum comprehendat plenitudinem æterni & immensi Dei?

*De processione spiritus sancti.*

Porro de processione sancti spiritus ex patre & filio subtiliter & grauiter disputatum est à theologis. Quæritur enim an à patre solo, an & à filio procedat: In qua quæstione Latini à Græcis plurimum dissentire uidentur. Quæritur item qualis sit illa processio? Nos omissis pluribus curiosis quæstionibus, ea breuiter proferemus in medium, quæ salutaria & scripturis sanctis sunt conuenientia. Quis enim curiosorum hominum quæstiones omnes, ociosorumque cogitationes & audaces & immundas, citra offensionem optimorum uirorum, & maxime simplicium auditorum excusserit? Spiritum sanctum à patre & à filio procedere, scriptura manifestè docet, quæ apertissime ostendit illum utriusque uel amborum esse spiritum. Ille enim est de quo dicit Apostolus: Quoniam autem estis filij, misit Deus spiritum filij sui in corda uestra. At de eodem spiritu loquens filius, ait, Non enim uos estis qui loquimini, sed spiritus patris uestri loquitur in uobis. Rursus idem filius de spiritu sancto dicit: Quem ego mittam uobis à patre. Et iterum alibi, Quem mittet pater in nomine meo. Procedit ergo de utroque tam de patre quam de filio. Tamen enim alicubi legatur dictum esse de spiritu sancto, Qui à patre procedit, non negatur

*Spiritus sanctus procedit à patre & filio.  
Galat. 4.  
Lucæ 21.*

*Ioan. 15.  
Ioan. 14.  
Ioan. 15.*

gatur tamen & ex filij substantia procedere. Quinimò Cyrillus scriptor Græcus S. Ioan. Euangelium interpretans, & hunc ipsum locum enarrans lib. 10. cap. 33. Cum spiritum ueritatis, inquit, id est, suum (ipse enim ueritas est) paracletum appellauerit, ex patre ipsum procedere ait. Nam sicut filij spiritus est naturaliter, in ipso manens & per ipsum procedens, sic certè patris quoque spiritus est. Quibus autem spiritus communis est, ij profectò substantialiter disseparari non possunt. Rursus S. Augustinus in 15. de Trinitate lib. cap. 26. Qui potest intelligere, inquit, in eo quod filius dicit, Sicut habet pater uitam in semetipso, non sine uita existenti- Ioan. 3. am filio, uitam dedisse, sed ita eum sine tempore genuisse, ut uita quam pater filio gignendo dedit, coæterna sit uitæ patris, qui dedit, intelligat, sicut habet pater in semetipso, ut de illo procedat spiritus sanctus, sic dedisse filio, ut de illo procedat idē spiritus sanctus: & utrumque sine tempore, atque ita dictum spiritū sanctum de patre procedere, ut intelligatur quod etiam procedit de filio, de patre esse & filio. Si enim quicquid habet, de patre habet filius, de patre habet utique ut de illo procedat spiritus sanctus. Hæc ille. Ex istis omnibus colligimus, spiritum sanctum procedere tam à patre quam filio.

Iam quod modum processionsis attinet, duplicem uidemus esse spiritus sancti processione[m]tem, porariam & æternā. Temporaria processio ea est, qua sanctus spiritus procedit ad sanctificandos homines. Æterna uerò processio ea est, qua ab æterno ex deo emanat. Vtrobique ab utroque, tam patre quam filio procedit spiritus. Nec diuisim à patre in filium, & ex filio in creaturas procedit. Nam una eademque, indiuisa, inquam, est natura & substantia patris & filij, adde & coæterna. Temporaria processio ferè appellatur missio ac donum. Mittitur autem spiritus sanctus hominibus dupliciter, uisibiliter, uidelicet sub specie aliqua uisibili utpote columbæ, & linguarum ignearum: sicuti datus legitur in euangelio & Actis Apostolorum Christo & Apostolis: inuisibiliter quotidie & singulis quasi momentis donatur fidelibus, irrigante gratia sua nos spiritu Christi & conferente nobis fidem, spem, & charitatem. Porro æterna processio spiritus sancti qua est substantia patris & filij procedit, perinde ut filij generatio ex patre, ineffabilis est. Vnde in euangelio non dicitur processit aut procedet, sed procedit. Ita enim ostendit dominus procedendi æternitatem ac coæternam & insectilem minimeque differentem esse substantiam patris, & filij, & spiritus sancti. S. Augustinus libro de Trinitate 15. cap. 26. Qui potest intelligere sine tempore generationem filij de patre, intelligat sine tempore processione[m] spiritus sancti de utroque. Si uerò quis roget, Cum spiritus sanctus ex substantia patris & filij procedat, qui fiat quod non dicatur filius? Respondeo, scripturam secundam personam appellare filium, ac testificari hunc unigenitum esse patris: eandem nuspiam memorare spiritum sanctum generari uel filium dici. Nec aliud ad hanc quæstionem responderunt ueteres. Placet autē similitudo quæ hic profertur, si è duobus fontibus emanaret unus fluuius, rectè diceretur ab utroque profluere, neutrius tamen filius diceretur. His non sine fructu nec extra propositum coniungere uidebor Didymi disputata de Missione, ne quis perperam & secundum carnem intelligat quod interpretandum est ex fide spiritualiter. Spiritus sanctus consolator à filio mittitur, inquit, non secundum angelorum, aut prophetarū, aut apostolorum ministerium, sed ut mitti decet à sapientia & ueritate spiritum dei, indiuisam habentem cum eadem sapientia & ueritate naturam. Etenim filius missus à patre, non separatur nec disiungitur ab eo manens in eo, & habens illum in semetipso. Quin spiritus ueritatis supradicto modo missus à filio de patre egreditur, non aliunde ad alia transmigrans. Imo Vide Sermo. 3. huius Decadis circa initium.



possibile quippe hoc pariter & blasphemum est. Si enim hic spiritus ueritatis iuxta naturas corporum certo spatio circumscriptus est, alium deferens locum ad alium commigrauit; sed quomodo pater non consistens in loco ultra omnem corporum est naturam: ita & spiritus ueritatis nequaquam locorum sine clauditur, cum sit incorporealis, & ut uerius dicam excellens uniuersam rationalem creaturam. Quia ergo impossibile est & impium, ista quæ diximus in corporalibus credere, exire de patre spiritum sanctum sic intelligendum, ut se saluator de eo exisse testatur, dicens: Ego ex deo exiui & ueni. Et sicut loca & commutationes locorum ab incorporalibus separamus, sic & prolationes intus dico & foris ab intellectualium natura discernimus: quia istæ corporum sunt recipientium tactum & habentium uastitates. Ineffabili itaq; & sola fide noto sermone credendum est, saluatorem dictum esse exisse à deo, & spiritum ueritatis à patre egredi, &c. Alias quæstiones & intricatas & plurimas transeo intactas: religiosam & minimè curiosam, fidelem & non argutulam mentem in his requiro.

*Vnus est spiritus sanctus.*

1. Pet. 1.  
2. Cor. 4.

Vnus est autem spiritus, quia unus atque idem est perpetuò Deus. Idem ergo spiritus est qui loquutus est patriarchis, prophetis, apostolis, & qui hodie loquitur nobis in ecclesia. Ideo enim Synodus Constantinopolitana sic confessa fidem legitur. Credo in spiritum sanctum dominum. Et mox, Qui loquutus est per prophetas in unam catholicam & apostolicam ecclesiam. Sumpta sunt hæc ex sancta scriptura. Nam S. Petrus disertis uerbis testificatur in prophetis fuisse spiritum Christi. Non autem alius fuit in Apostolis, quàm spiritus Christi. Et Paulus Apostolus, Habentes, inquit, eundem spiritum, sicut scriptum est, Credidi, propter quod loquutus sum: & nos credimus, ideo loquimur. Ex quo testimonio Tertullianus, & orthodoxè quidem, Vnus ergo & idem spiritus est qui fuit in prophetis & apostolis. Eundem promittit in ecclesia semper futurum. Errauerunt ergo, & turpissimè quidem, quicumq; apud ueteres finxerunt alium deum & spiritum ueteris, alium uerò esse noui Testamenti. Didymus ille Alexandrinus, illustre ecclesiarum Græciæ suo seculo lumen, libro de Spiritu sancto primo: Nec existimare, inquit, debemus spiritum sanctum secundum substantias esse diuisum, quia multitudo bonorum dicitur. Impassibilis enim & indiuisibilis atque immutabilis est, sed iuxta differentes efficientias & intellectus, multis bonorum uocabulis nuncupatur: quia participes suos non iuxta unam eandemq; uirtutem communionem sui donat, &c.

*Incrementa spiritus.*

4. Reg. 2.  
Ioan. 3.  
Matth. 13.  
1. Sam. 16.

Cæterum incrementum uel augmentum, adde & diminutionem atque defectum habet in homine spiritus sanctus: non quòd in Deum (qui, sicut uulgò & rectè dicitur, nec malus nec minus recipit) cadat ulla mutatio, sed quòd homo pro modulo suo, prout spiritui sancto uisum est, spiritum copiosè & liberaliter, uel modicè aut parcè accipiat. Dabatur cœlitus duplex portio spiritus Hellæ Helisæo. Et de Salvatore nostro dicitur, quòd pater ei spiritum dederit, non ad mensuram. Nam alibi dicit ipse dominus, Quisquis habet, dabitur illi, & reddetur abundantior. Quisquis autem nō habet, etiam illud quod habet tollitur ab eo. Saul egregia acceperat charismata, quoniam uerò ea non excolebat, recessit ab eo spiritus dei bonus, & successit ipsum affligens spiritus malus. Recedit autem spiritus dei sicut & accedit, non per interualla. Cum enim deferimur à domino, recedit à nobis spiritus Dei. Vnde orasse Dauidem legimus: Ne proijcias me à facie tua, & spiritum sanctum tuum ne auferas à me. Et iterum, Spiritu principali confirma me.

*De effectu & uirtute sancti spiritus.*

Post ista inuestigandum uidetur, quis sit effectus, quæ uirtus sancti spiritus. Ineffabilis est autem uirtus omnipotentis & æterni dei, nemo ergo ad plenum exposuerit quæ sit uirtus sancti spiritus. Dicam tamen aliquid, ea proferens in medium.

dium, quæ in hominibus maximè operatur. Alioqui enim per spiritum pater operatur omnia, per ipsum creat, sustinet, mouet, uiuificat, uegetat & conseruat omnia: per eundem fideles suos regenerat, sanctificat & varijs charismatibus donat. Vnde in descriptione eius superius posita, quatuor membrjs præcipuas eius uirtutes in hominibus sese exerentes cõplexus, dixi illum fideles illuminare, regenerare, sanctificare & adimplere bonis omnibus. Quæ ut intelligantur rectius, proderit in primis spiritus sancti nomina uel appellationes, quas ipsi sancta tribuit scriptura, utcunque exponere: deinde unum & alterum ueteris & noui Testamenti locum de uirtute sancti spiritus editum recitare. Principiò nuncupatur spiritus dei sanctus, quia sanctificantur omnes per hunc quotquot sanctificantur creaturæ. Sanctificat gratia sua pater cõlestis, sed per sanguinem dilecti filij sui, sanctificatio autem per spiritum in nos deriuatur & obsignatur. Sanctificat ergo nos sancta trinitas unus Deus. Impium est ergo sanctificationem rebus tribuere alienis aut peregrinis. Impium est purificationem & iustificationem à creatore ad creaturas transferre. Dicitur præterea sanctus ad discretionem aliorum spirituum. Legimus enim in scripturis fuisse & esse spiritum mundi, spiritum uertiginis, spiritum fornicationis & immunditiæ, spiritum superbiam. Ab his omnibus secernitur spiritus sanctus, qui inspirat huius mundi contemptum, qui aperit scripturas & confirmat in ueritate, qui purificat corda, & castas reddit conseruatq; mentes, qui denique humiles & mites efficit, & omnem à nobis malitiam dispellit. Idem spiritus sanctus appellatur Dei & filij spiritus. Dei quidem, ad differentiam spiritus satanæ. Filij autem, quia filij proprius & naturalis est: quem nobis quoque communicat, ut simus etiam nos filij Dei. Paulus enim, Templum Dei uos estis, inquit, & spiritus Dei habitat in uobis. Item, Si quis spiritum Christi non habet, hic non est eius. Et iterum: Quoniam estis filij, emisit Deus spiritum filij sui in corda uestra, clamantem, Abba pater.

Porro Paracletum nuncupauit ipse dominus noster spiritum sanctum in historia uangelica, dicens: Ego rogabo patrem & alium paracletum dabit uobis, ut maneat uobiscum in æternum, spiritum ueritatis, quem mundus non potest accipere: quia non uidet eum, nec nouit eum. Vos autem cognoscitis eum, quia apud uos manet, & in uobis erit. Significat autem *παράκλητος* & consolatorem, impulsorem, exhortatorem, aduocatum siue patronum, qui clientis causam agit. Est enim spiritus sanctus omnium fidelium os, oculus, cor, consilium, manus & pes. Didimus in opere suo de Spiritu sancto, Ab operatione spiritui sancto, inquit, nomen imponens, Consolatorem uocat. Quia non solum consolatur eos quos se dignos repperit, & ab omni tristitia & perturbatione reddit alienos, uerum incredibile quoddam gaudium & hilaritatem eis tribuit, in tantum ut possit quis Deo gratias referens quod tali hospite dignus habeatur, dicere: Dedisti lætitiā in corde meo. Sempiterna quippe lætitia in eorum corde uersatur, quorum spiritus sanctus habitator est. Certè solus spiritus sanctus securas & tranquillitas reddit hominum cõscientias contra deo in iustificationis negotio, & in omnibus mundi tentationibus. Paulus, Hoc solum cupio discere à uobis, ait, an ex operibus legis accepistis spiritum, an ex prædicatione fidei? Apostoli uirgis cæsi, cum donati essent spiritu sancto, & consolatorem illum præsentem haberent in animis, ibant gaudentes à conspectu concilij, quod digni habiti essent, ut pro nomine Christi afficerentur contumelia. Ita legimus in historia ecclesiastica, martyres Christi spiritu sancto plenos in ipsis tormentis & mortibus acerbissimis, patientissimos fuisse ac deo cecinisse hymnos & egisse gratias. Præterea audiuius spiritum sanctum à domino nuncupari spiritum

*spiritus sanctus*

*spiritus sanctus Dei & filij spiritus*  
1. Cor. 3.  
Rom. 8.

*spiritus sanctus paracletus*  
Ioan. 14.

*consolator & gaudium spiritus sanctus*

*Acto. 5.*



*Spiritus sanctus spiritus ueritatis.*  
*Ioan. 16.*

*Ioan. 14.*

tum ueritatis. Nam & alibi eundem eodem ornat nomine, dicit enim: Cum uenerit paracletus, quem mittam ego uobis à patre, spiritus ueritatis, qui à patre procedit, ille testimonium perhibebit de me. Veritatis autem spiritus dicitur, quia est alius spiritus hypocriticus, spiritus impostor, erroneus & mendax in ore omnium pseudoprophetarum. Hic spiritus noster synceritatem, candorem & integritatem operatur in suis cultoribus. Hos docet omnem ueritatem: nam dominus noster a libi in euangelio, Paracletus ille, dicit, qui est spiritus sanctus, quem mittet pater nomine meo, ille uos docebit omnia, & suggeret uobis omnia quaecumque dixi uobis. Omnem itaque ueritatem credendam, omnemque pietatem Apostolos docuit spiritus ueritatis: & illi eandem plenè tradiderunt ecclesiae. Nam spiritus sanctus omnes discutit errores, omnes extinguit haerese, omnem idololatriam & impietatem profligat, & ueram fidem cordibus infundit, & ueram religionem in ecclesia confirmat. Exempla plurima suppeditant Acta apostolorum. Ex hoc Dei spiritu futura praedixerunt Apostoli, inter alia Antichristum & corruptionem postremi seculi nostri adumbrantes, admonentesque ecclesiam, ne electi erroribus & impietatibus blasphemis implicentur.

*Spiritus promissionis.*

*Galat. 3.*

Spiritus autem promissionis ideo uocatur, quia patribus à deo per prophetas apostolis, omnibusque doctrinae apostolorum credentibus per Christum promissus, tandem & plenissime per eundem est exhibitus. Admonet hoc uocabulum pios, ne suis meritis ingens ac salutare hoc donum acceptum sed meræ dei gratiae ferant. Et promissione diuina conceditur imò donatur nobis spiritus sanctus: unde consequens est omnia dona esse gratuita: id quod Apostolus Paulus unice in suis epistolis urget & inculcat, ad Romanos maxime & Galatas.

*Spiritus sanctus digitus dei.*  
*Luce 11.*  
*Matth. 12.*

*Exod. 8.*

Apud Lucam dicit dominus: Si digito Dei eicio daemonia, profectò peruenit ad uos regnum Dei. Eadem uerba reddens beatus Matthaeus: Quod si spiritu dei, inquit, eicio daemonia, ergo peruenit ad uos regnū Dei. Proinde spiritus sanctus appellatur digitus Dei, nimirum uirtus & potentia Dei. Digitis operantur opifices, diuina uirtute per spiritum, inquam, suum operatur opera sua Deus: cuius potentia tanta est, ut uel minimus (liceat sic loqui) eius digitus omnem in mundo excelsat uirtutem. Id apparuit in magis illis Aegyptiacis. Didymus parabolam refert ad unitatem substantiae diuinæ, & diligenter ac in loco admonet, ne propter corporalia corporalem rerum spiritualium sensum nobis confingamus. Dicit enim, Verum caue ne ad humilia deiectus, depingas in animo tuo corporalium actuum diuersitates, & incipias tibi magnitudines & inaequalitates & cætera corporum maiora & minora membra confingere, dicens digitum à manu, & manum ab eo cuius est manus, multis inaequalitatibus discrepare, quia de incorporalibus nunc scriptura loquitur, unitatem tantum uolens non etiam mensuram substantiae demonstrare. Sicut enim manus non diuiditur à corpore, per quam cuncta perficit & operatur, & in eo est cuius est manus: sic & digitus non separatur à manu cuius est digitus. Itaque reiſce inaequalitates & mensuras cum de deo cogitas, & intellige digiti & manus & totius substantiae unitatem: quo digito lex in tabulis lapideis scripta est. Hæc ille.

*Spiritus aqua & fons uiuæ.*  
*Isaie 44.*

*Ioan. 7.*

Iam per aquam & fontem uiuum siue perennem spiritus sanctus adumbratus legitur, cum in prophetis, tum in apostolicis literis. Effundā, inquit apud Isaiam dominus, aquas super sitientem, & flumina super aridam. Et per interpretationem mox addit: Effundam spiritum meum super semen tuum, & benedictionem meam super stirpem tuam. Et in euangelio dicit dñs: Si quis sitit, ueniat ad me, & bibat. Qui credit in me, sicut dicit scriptura, flumina de uentre eius fluēt aqua uiuæ. Quibus

Quibus per expositionem subiungit historicus sacer: Hoc aut dixit de spiritu, quæ accepturi erant credentes in eum. Aqua certe fecundat steriles agros, purificat coinquinata, sitientes potat, & æstuantem refrigerat. Fecundat & gratia sancti spiritus steriles mentes ad fructificandum deo uiuenti. Purificantur corda nostra ab omni immunditia per eandem gratiam, eadem sitim extinguit animæ, afflictamque refocillat, & omne eius explet desiderium.

Ignis simplex est & purus, & alia quidem corpora consumit, alia uero purgatio ra mundioraque reddit, calefacit item, & multas in homine operationes habet utiles & necessarias. Recte ergo per ignem adumbratur nobis spiritus sanctus. Nam purus est & simplex, impios consumit, fideles à sordibus peccatorum expurgat, redditque amore Dei & proximi flagrantem, sui nimirum amoris igne accendens.

Cum hic apostolis dabatur in die Pentecostes, audiebatur sonitus, tanquam impetu uenientis flatus uehementis: qua re significabatur pietatis doctrinam diuina uirtute & mirabili successu per totum orbem fore propagandam, nequicquam renitente toto mundo. Ventus enim nemine obsistente totum perflat orbem, omnia penetrat, à nemine excludi potest: miros item habet in corporibus effectus mutandi. Et spiritus sanctus penetrat omnia, corda emollit, & ex intractabilibus ferocibusque facit obsequentissimos modestissimosque.

Apparent supra capita apostolorum discipulorumque donatorum spiritu sancto, igne lingue, significantes utique operationem eius, cuius erant symbola sancti spiritus. Nam erudit hic, exhortatur & consolatur fideles: neque frigidis sed igneis linguis instruit fideles. Fulminare enim & tonare uisi sunt apostoli, non loqui cum prædicarunt euangelium: quo nomine & quidam illorum nuncupati sunt ab ipso saluatore Filij tonitruj.

Præterea apparet sanctus spiritus super dei filio, iam à Baptista Ioanne tincto, sub specie columbæ. Nam hæc uis ac mansueta est, felle carens. Quæ locum dedit prouerbio, Columbini mores: item Columba simplicitas, & Māsuetior columba. Est enim columba in auibus, quod ouis in quadrupedibus, quæ nulli animantium meditatur noxam: unde & Christus appellatus est Ovis uel Agnus. De spiritu itaque dei, Sapiens ille rectissime, Spiritus sapientiæ, inquit, sanctus est, unicus, multiplex, subtilis, disertus, illustris, incontaminatus, certus, suauis, boni studiosus, acutus, prohiberi nescius, beneficus, benignus, stabilis, securus, omnipotens, perspicuus omnia, omnesque spiritus rationales & mundos, etiam subtilissimos penetrans.

Rursus appellantur spiritu sancto donati, uncti à domino. Nam spiritus sanctus dicitur & oleum & unctio. Nisi enim à spiritu sancto irrigati fuerimus, steriles contabescimus. Destituimur enim humore uitali cœlestique, & natura nostra semper arescimus. Vnctionis autem huius celebris typus præcessit in unctione ceremoniali regum & sacerdotum. Beatus Ioannes, Et unctio, inquit, quam uos accepistis ab eo, manet in uobis: & non necesse habetis ut quisquam doceat uos, sed sicut ipsa unctio docet uos de omnibus, & uerax est, & non mendacium. Et sicut docuit uos, manete in ea. Nam & apud Ieremiam dicit dominus: Hoc est testamentum quod disponam domui Israel post dies istos, dabo leges meas in mentem illorum, & in corde illorum inscribam eas, & ero illis Deus, & ipsi erunt mihi populus. Et non docebit quisque proximum suum, & unusquisque fratrem suum, dicens: Cognosce dominum. Nam omnes cognoscent me à minimo ad maximum. Quoniam placatus ero super iniustitijs eorum & peccatis eorum, & iniquitatum illorum non recordabor amplius. Verum ostendimus paulò ante, spiritum sanctum esse uniuersalem omnis ueritatis doctorem. Huc pertinere uidetur quod S.

Spiritus sanctus ignis.

Spiritus sanctus flatus uehementis. Actor. 2.

Spiritus sanctus lingua ignea.

Spiritus sanctus columba. Matth. 3. Isaiæ 51. Ioan. 1. Actor. 8. Sapient. 7.

Spiritus sanctus oleum & unctio.

1. Ioan. 2.

Ierem. 31. Hebr. 8.



2. Cor. 1.  
Spiritus sanctus  
arrhabe hereditatis  
nostræ.

Paulus, Deus est, inquit, qui unxit nos, qui etiam obsignauit nos, deditque arrham spiritus in cordibus nostris. Nunc enim non tantum unctio nuncupatur spiritus sanctus, sed & obsignatio uel arrhabe salutis nostræ. Arrha enim siue ἀρραβὼν pars est solutionis, quæ fidem facit totius summæ persoluendæ, pignus scilicet. Et spiritus quidem sanctus testificatur nunc, imò & obsignat certificatus quod simus filij dei, aliquando autem recipiendi in æternam hæreditatem. Paulus enim rursus, Obsignati estis, inquit, spiritu promissionis sancto, qui est arrhabe hereditatis nostræ, in redemptionem acquisitæ possessionis, in laudem gloriæ ipsius. Ephes. 1. cap. Ea certificatio mirum in modum confirmat mētes fidelium in tentationibus consolaturque, animat præterea ad patientiam in aduersis, & ad sanctimoniam uitæ. Hinc enim dixit beatus Ioannes, Vos ex deo estis filij, & uicistis eos, quoniam maior est qui in uobis est, quam qui in mundo. Et iterum, Nunc filij dei sumus, & nondum apparuit quod futuri sumus: scimus autem, quoniam si apparuerit, similes ei erimus: quoniam uidebimus eum sicuti est. Et omnis qui habet hanc spem in eo, purificat se, sicut & ille purus est.

1. Ioan. 4.  
1. Ioan. 3.

Spiritus sanctus  
charitas.

Quemadmodum uero spiritus sanctus nexus est ineffabilis, quo æterna concordia inseparabiliter sibi iunctæ sunt tres personæ: Ita idem indissolubili uinculo sponsam Christi coniungit sponso suo, omniaque mystici corporis membra semperterno fœdere inter sese copulat. Nam sicut membra corporis nostri coherent integra, beneficio spiritus, ita corpus Christi mysticum conglutinetur per spiritum sanctum. Nihil itaque mirum est, quod hic charitatis nomine insignitur, qui & cordibus nostris charitatem infundit.

Rom. 5.

Operationes S.  
spiritus.  
Isaia 11.

Vt cumque uero ex his nominibus sancti spiritus intelligi possit operatio eius, subiiciam tamen testimonia scripturæ aliquot, ex quibus plenius intelligatur uirtus siue effectus eius, in nobis maxime. Isaia in principio ferè libri sui describens personam regis Messia, inter alia dicit: Super quo spiritus domini requiescet, spiritus sapientiæ & intelligentiæ, spiritus consilij & fortitudinis, spiritus scientiæ & timoris domini, & faciet eum spirare timorem domini. Multis quidem membris expositis, nondum omnes spiritus uires enarrauit. Proinde non est quod in archæ septenarijque angustias cum uulgo concludamus uires uel dona spiritus. Audiuius enim hæcenus esse spiritum promissionis, doctrinæ, humilitatis & mansuetudinis, &c. Quibus insuper hæc quoque plurima connumerantur. Est enim spiritus sapientiæ. Hæc uero quanta sit & quam latè pateat, claret uel in rebus Solomonis. Sapientiæ coniungitur intelligentia, quæ dicitur esse praxis & applicatio sapientiæ, rebus, locis, temporibus & personis attemperata. Consilium autem requiritur & datur in rebus dubijs, & quid commodissime agamus ostendit. Fortitudo uires ac constantiam sufficit exequendi perficiendique, adde & patienter perferendi, quæ consilio uel facienda uel patienda esse didicimus. Iam uero Scientia experientia est, longo usu & tempore conquisita. Accedit his Timor, id est, pietas & uera religio, ad quam nisi referamus omnia nostra dicta & facta, nihil proderit sapientia, intelligentia, consilium, fortitudo & scientia. Breuiter, quisquis spiritu dei fuerit donatus, spirabit timorē Dei quicquid uel dicet uel faciet, denique omnia dicet & faciet ad gloriam Dei: & omnia quidem hæc ex unico spiritus sancti fonte gratis & plenè hauriuntur.

Sapientia.  
Intelligentia.  
Consilium.  
Fortitudo.

Scientia.  
Timor.

Rom. 8.  
Spiritus mortificat & uiuificat.

Paulus Apostolus in epistola ad Romanos mirificam sancti spiritus uim in nobis operantē renatis describens, dicit: Qui in carne sunt, deo placere non possunt. Vos autem non estis in carne, sed in spiritu, siquidem spiritus dei habitat in uobis. Quod si quis spiritum Christi non habet, hic non est eius. Porro si Christus in uobis

uobis est, corpus quidem mortuum est propter peccatum, spiritus autem uita est propter iustificationem. Quod si spiritus eius qui excitauit Iesum à mortuis, habitabat in uobis, is qui excitauit Christum ex mortuis, uiuificabit & mortalia corpora uestra propter ipsius spiritum inhabitantem in uobis.

Idem Apostolus in Epistola ad Corinthios docet per reuelationem sancti spiritus, mysterium regni Dei nobis quam manifestissime esse reclusum. Nobis Deus reuelauit, inquit, per spiritum suum. Spiritus enim omnia scrutatur, etiam profunditates Dei. Quis enim hominum nouit ea quæ sunt hominis, nisi spiritus hominis qui est in eo? Sic & ea quæ sunt Dei, nemo nouit, nisi spiritus Dei. Nos uerò non spiritum mundi accepimus, sed spiritum qui est ex Deo, ut sciamus quæ à Christo donata sunt nobis. Huc pertinent hæc Domini saluatoris ex sacrosancto Euangelio uerba: Veritatem dico uobis, expedit uobis ut ego uadam. Nisi enim abiero, consolator ille non ueniet ad uos: sin autem abiero, mittam illum ad uos. Et cum uenerit ille, arguet mundum de peccato, & de iustitia, & de iudicio. De peccato quidem, quia non credunt in me. De iustitia uerò, quia ad patrem uado, & post hæc non uidetis me. De iudicio autem, quia princeps huius mundi iam iudicatus est. Manifestum est autem omnibus hisce capitibus comprehendere totam ueræ religionis summam, quam plenissime tradidit ecclesiæ sanctus spiritus. Quod & in expositione nominum sancti spiritus attigimus. Sequitur in Euangelio: Ad hæc, multa habeo quæ uobis dicam, sed non potestis portare nunc. Cum autem uenerit ille qui est spiritus ueritatis, ducet uos in omnem ueritatem. Non enim loquetur à se metipso, sed quæcunque audierit loquetur, & quæ futura sunt annuntiabit uobis. Ille me glorificabit: quia de meo accipiet & annuntiabit uobis. Cum autem constet uenisse spiritum sanctum, claret eundem Apostolos in omnem induxisse ueritatem: adeo ut quod cum horum scriptis non congruit, merito suspectum sit de mendacio. Alioquin non dubito quin hodie loquatur per suos in ecclesia: cæterum absque controuersia est, spiritum sanctum sibi ipsi minimè contradicere. Ac futura per spiritum reuelata esse Apostolis, in explicatione nominum sancti spiritus attigimus. Nec dubium est quin adhuc multa sanctis in ecclesia reuelet, quæ uidelicet pertinent ad conseruationem ueritatis Christianæ & sanctorum.

Rursus legimus in Epistola Pauli ad Corinthios: Vnicuique datur manifestatio spiritus ad id quod expedit. Huic quidem per spiritum datur sermo sapientiæ, alij uerò sermo scientiæ secundum eundem spiritum, alij fides in eodem spiritu, alij dona sanationum per eundem spiritum, alij facultates potentiarum, alij autem prophetia, alij uerò discretionum spirituum, alij genera linguarum, alij uerò interpretatio linguarum. Sed omnia hæc efficit unus & idem spiritus, distribuens singula cuique pro ut uult. Clara sunt hæc omnia, nec ulla prolixiore indigent expositione. Magna uerò & euidentia sunt hæc dona sancti spiritus, quibus si ea quoque subiiciamus quæ idem Apostolus de eodem Dei spiritu contexit, uela colligemus. Fructus spiritus est, ait, charitas, gaudium, pax, tolerantia, comitas, benignitas, fides, mansuetudo, temperantia. Hæc, inquam, & omnes alias uirtutes inserit animis piorum, plantat, conseruat, tueturque, & ad iustam frugem producit spiritus sanctus, qui operatur omnia bona in omnibus.

His omnibus epilogi uice subiiciemus modò elegantissimam Tertulliani de Spiritu sancto disputationem. Ea talis est, Quoniam Dominus in cælum esset abiturus, paraclētū discipulis necessariò dabat, ne illos quodammodo pupillos, quod minimè decebat, relinqueret, & sine aduocato & quodam tutore desereret. Hic est enim qui ipsorum animos mētesque firmauit, qui Euangelica sacramenta distin-

1. Cor. 2.

Spiritus plenè  
reuelat mysteria  
regni Dei.

Ioan. 16.

Spiritus ex  
futura predicat.

Act. 11.

1. Cor. 12.

Variis dona  
munera spiri-  
tus sancti.

Galat. 5.

Elegans disputa-  
tio Tertul. de  
spiritu sancto.



xit, qui in ipsis illuminator rerum diuinarum fuit, quo confirmati, pro nomine Domini nec carceres nec uincula timuerunt, quinimò ipsas seculi potestates & tormenta calcauerunt, armati iam scilicet per ipsum atque firmati, habentes in se dona quæ hic idem spiritus ecclesiæ Christi sponsæ quasi quædam ornamenta distribuit & dirigit. Hic est enim qui prophetas in ecclesia constituit, magistros erudit, linguas dirigit, uirtutes & sanitates facit, opera mirabilia gerit, discretionem spirituum porrigit, gubernationes contribuit, consilia suggerit, quæque alia sunt charismatum dona componit & digerit: & ideo ecclesiam Domini undique & in omnibus perfectam & consummatam facit. Hic est qui in modum columbæ, posteaquam Dominus baptizatus est, super eum uenit & mansit, habitans in solo Christo plenus & totus, nec in aliqua mensura aut portione mutilatus, sed cum tota sua redundantia cumulatè admissus, ut ex illo delibationem quandam gratiarum cæteri consequi possint, totius sancti spiritus in Christo fonte remanente, ut ex illo donorum atque operum uenæ ducerentur, spiritu sancto in Christo eterniter habitante. Hoc etenim prophetans Isaias aiebat: Et requiescit, inquit, super eum spiritus sapientiæ & intellectus, spiritus consilij & uirtutis, spiritus scientiæ & pietatis, & impleuit eum spiritus timoris Dei. Hoc idem atque ipsum & alio in loco ex persona ipsius Domini: Spiritus Domini super me, propter quod unxit me, euangelizare pauperibus misit me. Similiter Dauid: Propterea unxit te Deus uis oleo lætitiæ à consortibus tuis, De hoc Apostolus Paulus: Qui enim spiritum Christi non habet, hic non est eius. Et, Vbi spiritus Domini, ibi libertas. Hic est qui operatur ex aquis secundam natiuitatem, semen quoddam diuini generis, & consecrator cœlestis natiuitatis, pignus promissæ hereditatis, & quasi chirographum quoddam æternæ salutis, qui nos Deifaciat templum, & nos eius efficiat domum: qui interpellat diuinas aures gemitibus ineloquacibus, aduocationis implens officia, & defensionis exhibens munera, inhabitator corporibus nostris datus, & sanctitatis effector, qui id agens in nobis ad æternitatem & ad resurrectionem immortalitatis corpora nostra producat, dum illa in se assuefacit cum cœlesti uirtute misceri, & cum spiritus sancti diuina æternitate sociari. Erudiuntur enim in illo & per ipsum corpora nostra ad immortalitatem proficere, dum ad decreta ipsius discunt se moderanter temperare. Hic est enim qui contra carnem desiderat, quia caro contra eum repugnat. Hic est qui inexpleriles cupiditates coercet, immoderatas libidines frangit, illicitos ardores extinguit, flagrantem impetum uincit, ebrietates reipicit, auaritias repellit, luxuriosas comestationes fugit, charitates necit, affectiones constringit, sectas repellit, regulam ueritatis expedit, hæreticos reuincit, improbos foras expuit, Euangelia custodit. De hoc item Apostolus: Non enim spiritum mundi accepimus, sed spiritum qui ex Deo est. De hoc exultat, & dicit: Puto autem quia & ego spiritum Dei habeo. De hoc dicit: Et spiritus prophetarum prophetis subiectus est. De hoc refert, Spiritus autem manifestè dicit quia in nouissimis temporibus recedent quidam à fide, attendentes spiritibus seductoribus, doctrinis damno-riorum in hypocrisi loquentium mendacia, cauteriatam habentium cōscientiam suam. In hoc spiritu positus nemo unquam dicit anathema Iesum, nemo negauit Christum Dei filium, aut repudiavit creatorem Deum, nemo contra scripturas uerba sua depromit, nemo alia & sacrilega decreta constituit, nemo diuersa iura conscribit. In hunc quisquis blasphemauerit, remissionem non habet non tantum in isto seculo, uerumetiam nec in futuro. Hic in Apostolis Christo testimonium reddit, in martyribus constantem fidem religionis ostendit, in uirginibus admirabilem continentiam signatæ charitatis includit, in cæteris incorrupta & inconta-

Isaie 11.

Isaie 61.

Psalm. 45.

Rom. 8.

2. Cor. 3.

Rom. 8.

1. Cor. 7.

1. Cor. 14.

1. Tim. 4.

1. Cor. 12.

Marci 3.

incontaminata doctrinæ Dominicæ iura custodit, hæreticos destruit, peruersos corrigit, infideles arguit, simulatores ostendit, improbos quoque corrigit, ecclesiam incorruptam, & inuiolatam perpetuæ uirginitatis & ueritatis sanctitate custodit. Hactenus Tertullianus.

Vsq̃ue huc uerò non sine tremore differuimus de adorandæ trinitatis sacro-  
sancto mysterio, de patre, filio, & spiritu sancto, quod ex scripturis didicimus: ac  
substitimus hic tandem, unitatem hanc in trinitate & trinitatem in unitate suppli-  
ces adorantes. Retineamus autem in animis, & confiteamur distinctionem scri-  
pturis manifestissimè notatam, & unitatem summa nobis commendatam diligen-  
tia. Nam in scriptura patri principium agendi rerumq̃ omnium fons & scaturi-  
go tribuitur: filio sapientia, consilium, ipsaq̃ in rebus agendis dispensatio: spiritui  
autem assignatur uirtus & efficacia actionis. Caueamus tamen ne propter distin-  
ctionem dissociemus unitatem substantiæ diuinæ. Vnus eim Deus est, in quo sunt  
illæ proprietates. Vnus est ignis, licet in eo tria cernantur, lumen, splendor & ca-  
lor. Simul enim hæc exurgunt, simul consistunt: non præit lumen splendorem,  
neque hic calorem. Et quanquam aliud tribuatur lumini, aliud splendori, aliud ca-  
lori, inseparabiliter tamen operantur. Itaq̃ cum legimus Deum creasse mundum,  
intelligimus patrem ex quo omnia, per filium, per quem omnia, in spiritu sancto,  
in quo omnia, condidisse mundum. Et cum legimus filium pro salute nostra in-  
carnatum, passum, mortuum & resuscitatum esse, credimus patrem, & spiritum  
sanctum (etsi exortes fuerint incarnationis & passionis) salutem tamen illam no-  
stram operatos per filium, quem credimus ab illis nunquam fuisse separatum.  
Cumq̃ peccata remitti dicuntur in spiritu sancto, credimus hoc beneficium & o-  
mnia alia beatitudinis nostræ beneficia inseparabiliter conferri ab uno, solo, uero,  
uiuo & æterno Deo, qui est pater, filius, & spiritus sanctus. Cui laus & gratiaruma-  
ctio in secula seculorum, Amen.

*Summa de unitate & trinitate Dei.*

*De bonis & malis spiritibus, hoc est, de Angelis Dei sanctis, & Diabolis siue cacodæmonibus eorumq̃ operationibus.* SERMO IX.

**V**BI VNGAM Sermoni de Spiritu sancto, disputationem de Bonis & malis spiritibus, hoc est, de Angelis Dei sanctis, & diabolis siue cacodæmonibus, eorumq̃ operationibus. De quibus cum scriptura sancta certam uilemq̃ modis omnibus doctrinā nobis tradat, minimè uidetur ea nobis negligenda, sed qua possumus fide & diligentia proferenda in lucem. Turpe foret pietatis studioso, angelorum bonorum & malorum ingenia ignorare, quorum tam frequens fit mentio in sacris literis: imò perniciosum esset nescire quales sint diaboli, qui eo nomine nos depredarentur, nobisq̃ imponerent facilius. Dicemus autem primum de beatis angelis, deinde de cacodæmonibus.

Angeli uocabulum dicunt officij non naturæ, ac commune esse Latinis & Angelus. Græcis à quibus mutuatum est, significare autem nuncium, missum uel legatum: ideoq̃ latius patere. Dicuntur enim angeli prædicatores ueritatis, ut apud Mala-  
chiam & Apostolum Paulum. Sunt enim legati Domini exercituum. Sanctus  
Petrus cacodæmones quoque uocauit angelos: sicut & Paulus, dicens fideles iu-  
dicaturos aliquando angelos, & sibi immissum esse angelum satanæ: peculiari-  
ter tamen appellat scriptura beatos Dei spiritus, ministros, cursores & satellites,  
angelos.

Et esse quidem angelos negarūt Sadducæi, Lucas enim in Actis Apostolorum, Angelos esse.



Sadducæi, inquit, dicunt non esse resurrectionem, neque angelum, neque spiritum: Pharisei utraque confitentur. Ac reuera angelos esse testatur uniuersa scriptura, quæ pluribus in locis commemorat ipsos apparuisse hominibus, eisq; annunciasse uoluntatem Dei, uel perfecisse alias opus eiusdem. Certè Dominus Iesus contra Sadducæos disputans in Euangelio: Erratis, inquit, nescientes scripturas, neque uirtutem Dei. In resurrectione enim neque matrimonium contrahunt, neque elocantur, sed sunt sicut angeli Dei in cœlo. Credamus ergo angelos esse. Merito enim plus fidei apud nos inuenire debet filij Dei autoritas, & scripturarum sanctarum ueritas irrefragabilis, quàm omnium Sadducæorum impiorumque hominum nugæ. Quid quod gentiliū poetæ & philosophi angelos, quos ipsi deos appellant, confessi sunt? Fingentes enim deos à iustis hominibus in specie hominum hospitio exceptos esse, nihil aliud doctissimis quibusque sensisse uidentur, quàm quod sacræ literæ commemorant, Abrahamum & Loth angelos referentes homines peregrinos excepisse hospitio. Vtuncque uerò hoc habeat, certissimum est ex scriptura sancta & ex uaria experientia esse beatos Dei spiritus, hoc est, angelos bonos.

Matth. 12.

A. Steuch. de  
perenni philo-  
sophia lib. 8.  
cap. 6. & 8.

Quid sint an-  
geli.

Qualis autem sit natura angelorum, exactè non potest ab ullo mortalium explicari. Plurima enim sunt in ordine creaturarum, quarum natura non potest ad amussim & perfectissimè exponi: possunt tamen utcunque ad captum nostrum ad umbrari. Sunt ergo qui dicunt angelos esse spiritus bonos, ministros, ignitæ naturæ, in ministerium Dei & bonorum conditos. Alij, Angeli sunt, inquit, cœlestes spiritus, quorum ministerio & obsequio utitur Deus ad exequenda omnia quæ decreuit. Proinde non uidebimur toto aberrare cœlo, si dicamus: Angelos esse spiritus bonos, cœlestes, substantias inquam incorruptibiles, in ministerium Dei & hominum conditos.

Creatos esse  
angelos.  
Hebr. 1.  
Colof. 1.

Creatos esse angelos à Deo, testatur scripturæ prophetica & Apostolica. Nam Paulus illud citat Davidis: Qui creat angelos suos spiritus, & ministros suos flam-  
mam ignis. Idem Apostolus, per Christum, inquit, creata sunt omnia, quæ in cœlis sunt & in terra, uisibilia & inuisibilia, siue throni, siue dominationes, siue principatus, siue potestates. Proinde nugæ protulerunt hæretici, dicentes angelos creationis effectores & coæternos esse Deo uniuersorum. Deus enim in tempore & angelos & omnes alias creaturas condidit per filium.

Quando crea-  
ti angeli.

De tempore autem quando creati sunt, cum luce ne ante hominem, an post hominem uniuersaque Dei opera, dicat qui potest tacente scriptura certum aliquid pronunciare. Veteres scripturarum interpretes Epiphanius & Augustinus, disertè & uerè fatètur de illo nihil in scripturis esse traditum. Quod autem scripturis non est traditum, non sine periculo quidem inquiritur, at sine periculo ignoratur. Satis est agnoscere angelos esse conditos, quandocunque demum constet conditos. Agamus Deo potius gratias, quòd humano generi tam præstantes creauit ministros. Viuamus in conspectu sanctorum Dei angelorum uitam sanctam & angelicam. Vigilemus ne sub bona specie nobis imponat, qui se transfigurat in angelum lucis.

Angelos esse  
substantias.

Iam quales creaturæ sint angeli porrò uidendum erit: Sunt cœlestes spiritus substantiæq; incorruptibiles expeditissimæq;. Significanter dicimus angelos esse substantias, hoc est, creaturas essentia præditas. Quidam enim negant eos esse substantias, in propria essentia subsistentes: fingunt enim angelos nihil aliud esse quàm qualitates, motus seu inspirationes bonarum mentium. Sed scriptura canonica appellat eos ministros. Saluator noster dicit resuscitados similes futuros angelis

Hebr. 1.  
Matth. 22.

angelis Dei. S. Paulus demonstrat filium Dei angelis esse excellentiorem, ut qui adorent ipsum ueluti Deum creatorem. Idem Apostolus, Nuspiam, inquit, legas si *Hebr. 2.*  
 Hum angelos assumere, sed semen Abraham assumpsit. Quæ testimonia manifestissimi  
 me docent angelos esse substantias, non qualitates aut motus in mentibus hominū.  
 Ut iam non commemorem quod toties sub specie uel imagine hominum hominibus  
 apparuerunt. Teneamus ergo & confiteamur angelos esse substantias.

Porro quales sint substantiæ alij fortè melius explicarint: quod nemini inui- *Quales sint*  
 deo. Ego fateor spiritus esse bonos, ad differentiam malorum. De quibus postea di *substantiæ*  
 cetur. Bonos autem fateor, non tam bonitate naturæ in qua perstiterunt, quam o *angeli.*  
 peratione, semper enim ad bona instigant. Fateor item angelos esse spiritus, id est,  
 substantias spirituales, cœlestes, incorruptibiles & expeditissimas. Scriptura enim  
 testatur, & ait: Qui creat angelos suos spiritus, & ministros suos flammam ignis. *Psalm. 104.*  
 Spiritus, inquam, nominat scriptura angelos, & flammam ignis: non quod angeli  
 natura & substantia sua sint ignis corporalis: sed quod ignis eos utcunque referat  
 qui diaphania, pulchritudine, incorruptibilitateque, agilitate item, celeritate, puri-  
 tateque sunt ornatissimæ & præstantissimæ creaturæ. Definitiones ecclesiasticæ sa- *Substantiæ*  
 tis crasse tradunt angelos esse substantias corporeas, sed sui generis. Nam solus *corporeæ.*

Deus est incorporeus. Istæ ergo in hæc uerba statuerunt, Creatura omnis corpo-  
 rea est: angeli & omnes cœlestes uirtutes, corporeæ: licet non carne substantiant. Ex  
 eo autem credimus corporeas, quod localiter (hodie fortè commodius dicuntur an-  
 geli non circumscriptiue sed definitiue esse in loco) circumscribuntur, sicut & ani-  
 ma quæ carne clauditur. Nihil incorporeum & inuisibile naturæ credendum, nisi  
 solum Deum, id est, patrem & filium & spiritum sanctum. Qui ideo rectè incorpo-  
 reus creditur, quia ubique est, & omnia implet atque constringit: ideo & inuisibi-  
 lis omnibus creaturis, quia incorporeus est. Hæc ibi. Cæterum corpora illa uel *Qualia corpo-*  
 iuuenum uel senum, in quibus apparuerunt non rarò angeli patribus, non fue- *ra assumpta ab*  
 runt his propria uel naturalia, sed assumpta & aliunde ueluti mutuo accepta, ad *angelis.*  
 tempus, & ad captum imbecillitatis nostræ. Qualia aut illa ipsa assumpta corpora  
 fuerint, aut unde assumpta, aut quo post dispensationem deposita sint, difficilli-  
 mum est explicatu. S. Augustinus in Enchiridio suo ad Laurent. cap. 59. Quis ex-  
 plicet, inquit, cum qualibus corporibus apparuerint hominibus, ut non solum cer-  
 nerentur uerum etiam tangerentur, & rursus non solida corpulentia, sed spiritali  
 potentia quasdam uisiones non oculis corporeis, sed spiritalibus uel mentibus in-  
 gerant, uel dicant aliquid non ad aurem forinsecus, sed intus in animo hominis,  
 etiam ibidem ipsi constituti: sicut scriptum est in prophetarum libro: Et dixit mihi  
 angelus, qui loquebatur in me. Non enim ait: Qui loquebatur ad me: sed, In me.  
 Vel appareant & in somnis, & colloquantur more somniorum. Habemus quippe  
 in Euangelio: Ecce angelus Domini apparuit illi in somnis, dicens, &c. His enim  
 modis uelut indicant se angeli contrectabilia corpora non habere: faciuntque diffi-  
 cillimam quæstionem, quomodo patres eis pedes lauerint: quomodo Iacob cum  
 angelo tam solida contrectatione luctatus sit? Cum ista quaruntur, & ea sicut po-  
 test quisque coniectat, non inutiliter exercentur ingenia, si adhibeatur disceptatio  
 moderata, & absit error opinantium se scire quod nesciunt. Quid enim opus est ut  
 hæc atque huiusmodi affirmantur, uel negentur, uel definiantur cum discrimine,  
 quando sine crimine nesciuntur? Hæc Augustinus. Agnoscamus in his & simi-  
 libus causis omnipotentiam & admirandam dispensationem eius, qui quæ uult  
 facit, cui sanè non difficile est substantias creare suo instituto idoneas congruasque:  
 cum ex nihilo condiderit omnes uisibiles & inuisibiles creaturas.



Angeli incorruptibiles

Matth. 22.  
1. Cor. 15.

Expeditiſſimi ſunt angeli. Act. 5.

Act. 12.

Porro ex gratia uirtuteq; diuina aſſerimus angelos eſſe ſubſtantias incorruptibiles, adeoq; & immutabiles in ſua felicitate, ſine onere & impedimentis. Nam & beatus Auguſtinus dixit de Fide ad Pet. diaco. cap. 23. angelis non à natura inſitam eſſe immutabilitatem, ſed de gratia Dei collatam. Idem de uera Religione capite 13. Fatendum eſt, inquit, angelos natura eſſe mutabiles (ſi ſolus Deus eſt immutabilis) ſed ea uoluntate qua magis Deum quam ſe diligunt, firmi & ſtabiles manent in eo, & fruuntur maiestate eius, ei uni libentiſſimè ſubditi. Congruunt cum hiſ que in hæc uerba leguntur in Definition. eccleſiaſt. cap. 61. Virtutes angelicæ, quæ in diuino amore fixæ perſiſterunt, lapſis ſuperbientibus angelis, hoc munere retributionis acceperunt, ut nulla iam rubigine ſurripientis culpæ mordeantur, ut & in contemplatione conditoris ſine felicitatis ſine permaneant. & in hoc ſic conditæ æterna ſtabilitate ſubſiſtant. Hæc ille. Certè ſcriptura incorruptibilitatē angelorum oſtendens, aſſerit nos in reſurrectione futuros angelis ſimiles. Reſurgemus autem incorruptibiles: ſunt itaq; angeli incorruptibiles. Sic enim dicit Saluator: Filij huius ſeculi ducunt uxores, & nuptum dant: Illi uerò qui digni habebuntur ſeculo illo & reſurrectione ex mortuis, neq; ducunt uxores, neque nuptum dant: neq; enim ultra mori poſſunt. Equales enim angelis ſunt, & filij Dei ſunt, cum ſint filij reſurrectionis. Ex quibus intulit in diuinis decretis beatus Theodoretus: Angelos ergo nec, ut Græcorum poetæ & philoſophi, in deos referimus, nec in maſculinum & foemininum ſexum incorpoream naturam diſtinguimus. Immortali enim naturæ ſuperuacanea eſt generis diuiſio: neq; enim incremento opus habent cum non diminuantur, &c. At expediſſimos ſine impedimento & onere eſſe angelos, multis in locis ſignificat ſcriptura. In Actis Apoſt. ita legimus, Sacerdotes poſuerunt Apoſtolos in cuſtodia publica. Sed angelus Domini per noctem aperuit ianuas carceris, eductisq; illis dixit: Ite & ſtantes loquamini in templo populo omnia uerba uitæ huius. Cum autem ueniſſent miniſtri, nec reperiſſent illos in carcere, reuerſi nunciauerunt, dicentes: Carcerem quidem inuenimus clauſum cum omni diligentia, & cuſtodes foris ſtantes ante ianuas. In eodem libro ſic ſcriptum iterum legimus: Herodes Petrum poſuerat in carcerem, ac dormiebat Petrus inter duos milites, uinctus catenis duabus, & cuſtodes ante oſtium cuſtodiebant carcerem. Et ecce angelus Domini aſtitit, & lumen refulſit in habitaculo, percuſſoq; latere Petri, excitauit eum, dicens: Surge uelociter. Et exciderunt catenæ de manibus eius. Et mox, Cum autem præteriſſent primam ac ſecundam cuſtodiam, uenerunt ad portam ferream, quæ ducit ad ciuitatē, quæ ultro aperta eſt eis. En nulla quantumuis magna, & fortia impedimenta angelū Domini impediunt, quò minus exequatur expediſſimè commiſſum ſibi à Domino. Cedunt omnia & legato Domini aditum præbent. Decidit ſua ſponte ferrum ex manibus Petri. Hic tutus ambulat, præeunte angelo, per confertas militum turmas. Sera portæ nullo homine aperire reſeratur, & ſeruis Dei egreſſis rursus clauditur. Angeli, hoc eſt, legati iſti celeſtes, natura ſua ſpiritus expediſſimi celerrimiq; diuina uolente & operante uirtute iam quidem uerſantur in cœlis, ſimul autem atque uniuerſorum Domini oſium eſt, ueſtigio ad ſunt hominibus in terris, ad quos cœlitus à Deo mittuntur. Ac in terris modò apud hos, modò apud illos conſiſtunt. Non quò loco ſuo modò non contineantur. Etenim cum angelus mulieribus annunciaret Chriſti reſurrectionem, ac uerſaretur apud ſepulchrum, non erat ſimul eodem momento in cœlis Solus enim Deus loco non concluditur. Nam eſt præſens ubique: ſed more corporum corruptibilium angeli lentè nec procedunt neque cum labore aut moleſtia mouentur. Interim diſerte in ſcripturis in cœlos ascendere & inde ad nos deſcendere

dere commemorantur. Rectè omnino credimus, animas nostras simul atq; excedunt è corporibus, protinus ingredi regiam cœlorum. Dominus enim in euangelio dixit: A morte transiit in uitam. Et, Hodie mecum eris in paradiso. Atqui de mendico Lazaro legis: Accidit autem ut moreretur mendicus, & deportaretur ab angelis in sinum Abraham. Huc iam & illud Danielis pertinere uidetur, dicentis: Adhuc autem me loquente & supplicante & confitente peccatum meum & peccatum mei populi Israël, & fundente meas preces ante dominū deum meum, pro monte sancto dei mei, n. e. inquam, adhuc deprecante, uir ille Gabriel quem uideram in uisione à principio, citò uolans ad me peruenit. En animæ nostræ ab angelis subuehuntur in cœlos, quæ tamen alibi dicuntur euestigio rapi in cœlum. Deinde simul atq; orat dominum Daniel, nulla mora diuturniore interposita, celerimè aduolans (ita enim pro capto nostro scriptura loquitur) angelus oranti adest, exauditumq; à deo esse annunciat. Sunt itaq; angeli celeres & expeditissimi, nullo onere depressi, neq; ullo impedimento exclusi aut impediti ab his, ad quæ mittuntur cœlitus, tametsi ut creaturæ loco contineantur (licet non circumscribantur) & moueantur ratione certa & modo ei naturæ spiritali congruo. Exigit hæc fortassis tractatio, ut nonnihil dicatur & de robore potentia seu fortitudine angelorum. Sed quorsum attinet in re manifesta multa fundere uerba? Cum enim dominus angelos mittens sit omnipotens, nihil est quod angeli in suis illis legationibus & ministerijs non possint, nihil est in uniuersa rerum natura, quod se obijciat ministris dei omnipotentis. Neque enim frustra appellantur angeli Potentiæ & Virtutes. Vnum ex multis, neque hoc quidem maximum referam. Vnus angelus una nocte, nullo apparatu aut negotio, in castris Assyriorum ad mœnia Hierusalem, cæcidit centena & octoginta quinque millia militum strenuissimorum. In Daniele talem habemus Angeli descriptionem, ex qua & robur & præstantia angelorum colligi potest. Corpus eius sicut tharsis uel chrysolitus, & facies eius sicut fulgur, & oculi eius uelut lampades ignis, & brachia eius & pedes eius ceu species æris candentis, & uox uerborum eius ut uox multitudinis. Ita non est quod pluribus disputemus de cognitione & sapientia angelorum. Nam hæc non est im-

Ioan. 5.

Luce 23. 18.

Fortitudo an-  
gelorum.

Angelorum co-  
gnitio.

mensa, cum sint creaturæ. Quantum uerò attinet legationes & ministeria ipsorum, sapientissimi certè, instructissimi, & nulla parte diminuti sunt. Qui enim ipsos mittit, ipsa est æterna sapientia, legatosq; suos instruit perfectissimè. Cæterum de multitudine ordineq; angelorum disputatum est à theologis quibusdā acriter & subtiliter satis. Scriptura simpliciter tradit innumerabiles esse angelos. Daniel enim: Mille millia ministrabant ei, & decies mille myriades stabant ante illum. Christus quoq; ad Petrum dixisse legitur, An non putas quod possum nunc rogare patrem meum, & mittet mihi plus quàm duodecim legiones angelorum? Sed & Paulus, Accessistis, inquit, ad ciuitatem dei uiuentis, Hierusalem cœlestem, & ad innumerabilium angelorum cœtum. Pleriq; innumeram illam multitudinem distinguunt in nouē choros, & hos rursus redigunt in tres hierarchias, quarum singulas tres ordines habere affirmant, nempe primam Seraphim, Cherubim, Thronos: secundam Dominationes, Virtutes, Potestates: tertiam Principatus, Archangelos, Angelos. Addunt quid inter se distent, & quodnā cuiq; proprium sit. Cæterum beatus Augustinus in Enchir. cap. 58. Quid inter se distent, inquit, dominationes, principatus, potestatesq;, dicāt qui possunt: si tamē possunt probare quod dicunt. Ego me ista ignorare confiteor. Et contra Luscillianistas ad Orosium idē ille: Certè dicit Apostolus, inquit, siue sedes (throni) siue dominationes, siue principatus, siue potestates. Et esse itaq; sedes, dominationes, principa-

De multitudine  
et ordine an-  
gelorum:  
Daniel. 7.  
Matth. 26.  
Hebr. 12.

Nouem chorū  
angelorum.

Colos. 1.



tus & potestates in cœlestibus apparatus firmisimè credo, & differre inter se aliquid indubitata fide teneo: sed quæ nam ista sint & quid inter se differant nescio. Nec ea sane ignorantia periclitari me puto, sicuti inobedientia si domini præcepta neglexero. Et mox idem ibidem indicat, in hæc operosius & curiosius minime esse inquirendum. Cuius quidē consilio libenter obsequimur, cernentes scripturas omnia nobis necessaria & salutaria suppeditantes de illis nihil tradere.

*Expositio uocabulorum angelorum angelis attributorum. Angeli. Archangeli. 1. Thess. 4.*

*Throni uel sedes. Psalm. 18.*

*Dominationes. Principatus. Potestates. Virtutes. Exercitus.*

*Cherubim. Seraphim.*

*Deum utitur operis angelorum.*

*Hebræi.*

Hoc tamen negare non possumus uocabula illa (siue ordines appellare malis angelorum) sacris exprimi literis: unde pro nostra tenuitate utcumq; explicare conuenit. Beati illi spiritus cœlestes, angeli in genere & simpliciter nuncupari uidentur, quod sint dei summi cursores & legati. Quos dici Archangelos apparet, quando in rebus Dei maximis ablegantur, nunciaturi aut facturi res omnino arduas & diuinas. Ita enim legimus in Paulo, dominum cum hortatu & uoce archangelice tuba dei descensurum de cœlo. Nam ut magnis liceat componere parua, uidemus reges ac principes negotijs grauib; non nisi principes uiros destinare legatos, Thronos dici apparet, uel quod throno dei semper assistunt, uel quod deus in angelis suam ueluti sedem collocasse legitur in prophetis, & ab his ceu in lectica regia uehi, Dauide canente, Inclinauit cœlos & descendit, & caligo sub pedibus eius. Et ascendit super cherubim. Vel, Vehabatur super cherubim, & uolabat: uolabat super pennas uentorū. Nota est præterea descriptio currus & solij Dei apud Ezechielem. Dominationes, Principatus & Potestates nuncupari uidentur, quod deus imperium suum per angelorum ministerium in mundo administrat, suamq; potentiam exercet. Sic enim & uirtutes & Exercitus siue Cœlestis militia dicuntur. Dominum enim ceu stipatores cingunt, & his ille utitur ceu militibus suis, dictus deus Zabaoth, uel exercituum, dominus inquam, omnium angelorum, spirituum & creaturarum, quarum ministerio quando, ubi, quomodo & quantum uult, utitur. Cherubim dictos arbitratur à multitudine scientiæ beatus Hierony. Alij celeres exponunt. Seraphim ab ardore nomen habent. Vel quod igni purissimo & clarissimo comparantur: uel quod amore flagrant.

Istis interim uocabulis adumbrantur multiplicia angelorum officia, operationes sue uariæ, quas nos paucis comprehendere uolentes, diximus creatos esse angelos à deo in ipsius Dei & hominum ministerium. Nam Dauid cecinit, Qui creat angelos suos spiritus, & ministros suos flammam ignis. Et iterum alibi, Benedicite domino omnes angeli eius, potentes uirtute, facientes uerbum illius, ad audiendam uocem sermonū eius. Benedicite domino omnes uirtutes eius, ministri eius qui facitis uoluntatem eius. Dixit & S. Paulus de angelis: Nōne omnes sunt administratores spiritus, qui in ministerium emittuntur propter eos qui hæredes erunt salutis? Caterum utitur deus angelorum ministerio nulla necessitate, sed bona sua uoluntate. Nam illis carere posset: cum nutu suo perficiat quod uult. Dixit enim & facta sunt, ipse mandauit & creata sunt, nullo sibi angelorum cooperante: ita hodie quoq; quod uult etiam absq; angelis perficere posset. Quoniam uerò ex optima sua uoluntate illos condidit ad participatum uitæ & salutis æternæ, ipsorum erga nos sicuti & aliarum creaturarum opera utitur: quibus ipsi suam declarant fidem erga deum obedientiamq;, ac deus ineffabilem suam exercet beneuolentiam cum erga ipsos quos æterni gaudiij participes fecit ex gratia, tum erga nos, quos dignatus est honorare tam præclaro famulitio. Inter alia enim innumera & maxima dei beneficia, ad quæ non immeritò obstupescimus, non postremo loco numerandum uenit, quod angelos nobis famulos dedit. Equidem maximum hoc est paternæ erga nos sollicitudinis & curæ argumentum, in primis quod tam pulchrè

pulchrè se nobis nostro attemperat captui & ingenio. Loquebatur quondam ipse dominus ore proprio in monte Sina cum ecclesia Israelitarum, sed cum intellexisset malle illam ipsum loqui per interpretem Moysen, accepit cōditionem, & postea loquebatur per Moysen huius erga illam ministeriū usurpās. Posset sanè deus perfectissimam fidem animis nostris infundere per spiritum sanctum, absq̃ ulla cooperatione hominum: uerū quia sic nobis utile fore nouit, ministerium uerbi instituit, & per prædicationem euangelij apostolicam plantat fidem. Ac illam ordinationem semel institutam tam arctè custodit, ut cum per angelos idem facere potuisset, per ipsos tamen angelos releget fide instruendos ad Apostolos. Manifestū est enim quid angelus domini in Actis apostolorū egerit cum Cornelio, quem ad Petri prædicationem relegat. Ergo cum deus angelorum ministerium nobis congruum esse uidit, bona iam uoluntate, nulla necessitate eorum erga homines opera utitur. Et angeli quidem homines impensè amant, & spontè non coactè nec iniurè faciunt quod faciunt. Etenim eos non possunt nō amare impensissimè, quos uident creatori suo tam esse charos, ut ipsorum caussa unigenito suo non pepercerit, sed pro omnibus tradiderit in mortem acerbissimam. Vt hic non cōmemorem paratissimam obedientiam, quam deo suo præstant, qui uult & iubet eos inseruire sibi & hominibus. Dominus in euangelio testatur angelos in cœlis gaudere de conuersione peccatorum hominum. Apud Zachariam inducitur angelus domini ualde sollicitus de miseria captiuorum in Babylone & liberatione ex captiuitate. Quæ omnia commendant nobis angelorum studia & amorem erga genus mortalium. Alioqui enim non commouentur beati illi spiritus affectionibus, solitudine, tristitia, perinde ut nos in carne afficimur. Gaudent autē & exultant uti possunt gaudere beati spiritus, in quibus nihil est humanæ affectionis: quæ tamen non ipsis modò sed ipsi deo attribuitur per tropum, & sicut dicunt *αὐτοὶ ὡς ἡμεῖς*: quò animi nostri res spirituales & diuinas ueluti per parabolas rectius & facilius intelligant: cogitemus tamen perpetuò parabolas nō omnia assequi, ideoq̃ mentes ad altiora esse exaltandas, spiritualiaq̃ iudicanda spiritualiter.

Patet autem angelorum ministerium latissimè, id quod recensitis aliquot speciebus quàm possum breuibus & perspicuis explicabo. Principiò seruiunt ipsi deo, quod iam satis declaratum arbitror præcedentibus, in omnibus. Eundē celebrant laudibus sempiternis, adorātes, glorificātes & exultantes in ipso. Theodoretus enim super hac re scripturarum aliquot recitans testimonia, Angelorum ministerium, inquit, est dei laudatio, & hymnorū decantatio. De Seraphim enim dicit beatus Isaias quòd clamabant & dicebant: Sanctus, sanctus, sanctus dominus deus Sabaoth: pleni sunt cœli & terra gloria eius. De Cherubim autem dixit diuinus Ezechiel, quòd audiuit dicentes: Beata est gloria domini ex loco eius. Canit item tota militia cœlestis Christo nato principi Carmen natalitium apud sanctum Lucam, dicendo: Gloria in excelsis deo, & in terra pax, hominibus bona uoluntas. Simul autem mortalibus exemplo præeunt, docentes quid & ipsi faciant, laudes & hymnos deo excelso offerant, quem & angeli nobiscum colunt & uenerantur.

Deinde amant ueritatem angeli, eamq̃ propagatam, & gloriam dei modis omnibus promotam cupiunt, ideoq̃ & pseudoprophetas cum execrabili doctrina ac antichristo odientes, impediunt. Nam S. Petrus commemorat euangelij filij Dei admodum iucundum gratumq̃ spectaculum esse angelis. In Reuelatione Iesu Christi facta Apostolo Ioanni, alligat satanam angelus domini: & angeli ubique sese antichristianis & pseudodoctoribus opponunt, promouētes ueritatem Chri-

Exodi 19.  
Dent. 5.

Actor. 10.

Luce 13.  
Zach. 3.

Quæ sint angelorum ministeria.

Isaie 6.

Ezech. 1.

Luce 2.

1. Pet. 1.



Matth. 13.

stianam. Nam & in fine seculi mittet filius hominis angelos suos, & colligent e regno illius omnia offendicula & eos qui patrant iniquitatem, ac mittent illos in calaminum ignis.

Lucæ 1.

Illi ipsi astant in conspectu Dei omnipotentis, expectantes mandatum eius, qui simul atq; iusserit prodire & mandata ipsius exequi, euestigio expediuerunt. Veniunt ergo ad homines nunciatum uoluntatē ac iussa Dei. Sic uenit Gabriel angelus primū quidem ad Zachariam patrem Baptistæ, deinde ad diuam uirginem, annunciatum incarnationē filij Dei. Innumera huius generis exempla ubiq; in scripturis sanctis occurrunt.

Matth. 2.

Excubant pro salute nostra, solliciti pro nobis, sine conturbatione tamen, quod & prius admonuimus, admonent fideles maturē satis, futura prædicentes pericula, & consolantur afflictos. Nam Magi admoniti per angelum Hierosolymam ad Herodem non redeunt, ingens discrimen declinant. Ioseph quoq; iussus ab angelo, fugit in Ægyptum, liberans Christum domini ex cruentis manibus Herodis. Sed & Christus ad montem oliuarum sanguineum profundens sudorem, confortatur ab angelo. Et Hagar ancilla Saræ in summo constituta discrimine, angelica cōsolatione refocillatur: sicut & Paulus apostolus naufragio proximus audit ab angelo domini: Ne timeas Paule, Cæsari te oportet sisti. Et ecce donauit tibi Deus omnes qui nauigant tecum.

Lucæ 22.

Gen. 16.

Act. 27.

Exod. 12.

Act. 12.

4. Reg. 19.

2. Reg. ult.

2. Thess. 1.

Apoc. 16.

Rursus mittuntur angeli ad uindictam nocentium, ad sumendum, inquam, supplicium de sceleratis & impœnitētib. Nam primogeniti Ægyptiorū percutiuntur ab angelo. Herodem Agrippam percutit angelus domini in Actis apostolorum. Castra Assyriorum referuntur cæsa cecidisse ab uno angelo. Et Dauid uidit angelum euaginato gladio inter cœlum & terram hærentem, grauissima peste affligere populum. Ita credimus cum filio hominis in iudicium uenturos sanctos dei angelos, attestante Paulo, & dicente: Reuelabitur dominus Iesus de cœlo cum angelis potentia suæ, cum incendio flammæ, qui infligit ultionem ijs quī nō nouerunt deum & qui non obediunt euangelio domini nostri Iesu Christi. Nam & in Reuelatione Iesu Christi effundūt angeli plenas ira dei phialas in capita antichristianorum.

Psalm. 34.

Psalm. 91.

Matth. 18.

Gen. 31.

4. Reg. 6.

Præterea iubente Deo defensionem nostri suscipiunt, ad sunt custodes nostri, aduigilantes ne quid nobis accidat aduersi, ac uias nostras dirigunt. Huc enim pertinent Psalmorum testimonia, complurima scripturæ exempla. Dauid, Afflictus iste, inquit, inuocauit, & dominus exaudiuit eum, & ex omnibus angustijs eius seruauit eum. Castra figit angelus domini circum eos qui ipsum timēt, & eripit eos. Et in alio Psalmo idem, Non accedet ad te malum, inquit, & flagellū non appropinquabit tabernaculo tuo. Quoniam angelis suis mandauit de te, ut custodiant te in omnibus uijs tuis. In manibus portabunt te, ne fortē offendas ad lapidem pedem tuum. Super aspidem & basiliscum ambulabis, & conculcabis leonem & draconem. Et in euāgelio clarē dicit dominus, puellis additos esse dei angelos, haud dubiē custodes. Iacob patriarcha ualde metuens fratrem Esau, angelos sibi obuiam uenientes cernit, & intelligit angelos sibi additos esse uia duces & custodes, contra ferociam fratris. In rebus Helisæi legimus regem Syriæ grauē exercitu obsedisse urbem Dothan, in qua tum agebat Helisæus, quē ille instituerat capere: id cum sensisset minister Helisæi, & angeretur deploraretq; magistri sortem, dixisse hunc: Ne timueris, eorum enim qui nobiscum sunt, plures sunt, quā qui cum illis sunt: orasse item prophetam, ac dixisse: Aperi quæso domine oculos pueri ut uidear: aperuisseq; dominum oculos ministri, qui uiderit montem plenum

plenum currubus igneis, uidelicet Helifzum instructum esse, & munitum custodia angelici exercitus. Abraham quoque dicit seruo suo: Dominus Deus cœli qui dicit: Semini tuo dabo terram istam, ipse mittet angelum suum ante te, nimirum qui dirigat uiam tuam, tueatur te, faciatque uoti compotem. Nam ipse dominus in Exodo Moysi dixit: Ecce ego mitto angelum meum ante faciem tuam, ut custodiat te in uia, & introducat te in locum quem præparauim. In Actis Apostolorum sæpe legimus angelos inseruisse Apostolis, ac institutum ipsorum promouisse defendisseque contra aduersarios.

Apud Danielem inducuntur angeli regnorum principes aut præfides, ut Michael cum Gabriele, regni Israelitici, alius autem quidam regni Persici, & alius quidam regni Græcorum, & horum quilibet sui regni causam agere, ac pro ipso decertare. Non quod in cœlo ullum sit dissidium, ubi sanè summa pax & æterna est concordia ac quies, nec quod bella gerantur inter angelos, ceu Deos Homericos: sed propter imbecillitatem captus humani confertur cœlum per parabolam allusionemque, aulæ principis alicuius potentissimi, in qua ex diuersis regionibus legati diuersas agunt causas. Sic enim animo concipere debemus, deum uniuersorum regnorum unicuique dominum, omnium audire causas, omnium res agere angelos autem pro nutu & uoluntate dei deo ministrare, quando his utatur dispensatoribus. Sic enim & Vigilem Nabuchodonosor in uisione cernit descendere cœlitus: & fata arboris excindendæ prædicere.

Cauendum hic tamen modis omnibus, ne nimium angelis contra ueræ religionis ingenium tribuamus, ne adoremus, inuocemus, aut colamus eos. Certè cum homines audiunt angelos sibi datos esse à deo ministros, & per hos nobis deum benefacere, protinus arbitrantur nihil non honoris ipsis esse deferendum. Cæterum sincera pietas docet nos agnoscere deum esse omnium bonorum authorem, angelos esse Dei ministros, & ceu instrumenta per quæ is operatur, sicuti uidemus esse solem, lunam, astra, patriarchas, prophetas, apostolos. Quis uerò mentis sanæ solem aut astra quantumuis sint illustra & utilia hominibus, adorauit, inuocauit, aut coluit? Et quis obsecro ueræ fidei particeps, patriarchas, prophetas & apostolos, licet maximis instructos donis, & miraculis admirandos, adorauit aut coluit? Deum adoramus & colimus omnes, agnoscimusque deum operari per sanctos: qui unà cum sanctis dei angelis nihil minus postulant quam adorari & coli à nobis. Verè enim Lactantius libro Institut. 2. cap. 17. Angeli cum sint immortales, inquit, haud dici se deos aut patiuntur aut uolunt: quorum unum solumque officium est seruire nutibus dei, nec omnino quicquam nisi iussu eius facere. Sic enim munda à deo regi dicimus, ut à rectore prouinciæ, cuius apparitores nemo socios esse in regenda prouinciâ dixerit, quamuis illorum ministeriores geratur. Ideoque legimus & sanctum Augustinum dixisse, Cum exaudiunt angeli dei, ipse in eis exaudit, tanquam in uero nec manufacto templo suo. Certè si scripturam sanctam propius inspiciamus & expendamus, deprehendemus non uno loco dei & angelorum nomina indiscriminatim poni. Angeli enim causæ sunt remotiores & instrumentales, ut uocant, deus autem causa est propriissima & principalissima. Nam in Actis apostolorum legimus dixisse Stephanum: Expletis annis quadraginta apparuit angelus domini in deserto, in monte Sina. Et mox idem subiungit. Et facta est uox domini ad eum, Ego sum Deus patris tui, &c. Eundem appellat dominum, quem paulò ante dixerat angelum: nimirum quod crederet angelum omnia iussu diuino dicere & facere: ut sermo & opus sit dei proprium, angeli uerò ceu instrumenta. Similiter dominus appellatur libro Iudicum cap. 6, qui iam dictus fuerat

Gene. 22.

Exod. 34.

Daniel. 10.

Daniel. 4.

Angelis non est  
nimium tribuen-  
dum.Sancti nolunt  
à nobis coli.Exaudit deus  
in angelis.

Act. 7.



*Gen. 16.* angelus. Hagar ancilla Saræ accepit ab angelo domini beneficium ingens in deserto, sed eadem huic non fert acceptum, sed domino. Eadem angelo non agit gratias, neque angelo consecrat memoraculum, multo minus angelum adorat & inuocat, imò colloquium quoque ad deum refert. Sic enim testatur scriptura sancta: Vocauit autem Hagar nomen domini loquentis ad eam: Tu Deus qui uides me, &c. Filij Israelis, quos præcessit angelus domini in deserto, nunquam duci suo immolarunt, nuquam illum adorarunt uel coluerunt. Ita nec seruus Abraham lo commendatus, eidem supplicat, petens ut institutum suum bene fortunet: sed deum adorat, & ab hoc postulat ut misericordiam suam exerceat erga heru suum Abrahamum. In Daniele apparet angelus domini, ambulans inter coniectos Danielis sodales in fornacem ardentem: sed liberati à flammaram uolentia, non laudant angelum, nec huic liberationis beneficium ferunt acceptum, sed soli deo. Carrant etenim: Benedictus es domine Deus patrum nostroru, & laudabilis & gloriosus & superexaltatus in secula, &c. Ita & Paulus disertis uerbis Deum fatetur esse, cuius sit ipse, & quem colat, licet interim & angeli mentionem fecisset. Sic enim dicit in Actis: Astitit mihi hac nocte angelus dei, cuius sum ego, quem & colo, Deum nimirum. Nam alibi Ioanne uolente adorare ante pedes angeli, clamant angelus: Vide ne feceris. Conseruus enim tuus sum & fratrum tuorum prophetarum, & eorum qui seruant uerba libri huius. Hæc clara sanctæ scripturæ testimonia euidenter nos docent, tametsi deus opera utatur angelorum erga nos, hos tamen agnoscendos esse à nobis pro ministris & cōseruis dei, ideoque nec adorandos nec inuocandos, sed deum solum adorari, inuocari, & coli oportere.

Ab hac sancta scripturæ doctrina nihil discesserunt quidam Ecclesiæ ueteris ministri & scriptores ecclesiastici. Lactantius enim in eo libro quem paulò ante citauimus: Angeli nullum honorem sibi tribui uolunt, ait, quoru honor in Deo est, Illi autem qui descuerunt à Dei ministerio, quia sunt ueritatis inimici & prauaricatores, Dei nomen sibi & cultum deorum uendicare conantur. Iam uerò non aliter de hoc negotio iudicās beatus Augustinus, sic scriptum reliquit, Quem inuenirem qui me tibi (alloquitur autem deum) reconciliaret? An eundem mihi fuit ad angelos? qua prece, quibus sacramentis? Multi conantes ad te redire, neque per seipso ualentes, sic, ut audio, tentauerunt hæc, & inciderunt in desiderium curiosarum uisionum, & digni habiti sunt illusionibus. Hæc extant Confess. lib. 11. cap. 42. Post quæ multis ostendit Iesum Christum esse mediatorem & intercessorem unicum omnium fidelium. Idem libro de Ciuitate dei 10. cap. 16. declarat multis optimos dei angelos deo non sibiipsis expetere sacrificia. De uera religione libro, ultimo cap. Optimos angelos, inquit, & excellentissima dei ministeria uelle credamus, ut unum cum ipsis colamus Deum, cuius contemplatione beati sunt. Neque enim & nos uidendo angelos beati sumus, sed uidendo ueritatem, qua etiam ipsos diligimus angelos, & his congratulamur. Quare honoramus eos charitate nō seruitute. Nec eis templa construimus. Nolunt enim sic se honorari à nobis. Quia nos ipsos cum boni sumus, templa summi Dei esse nouerunt. Rectè ergo scribitur hominem ab angelo prohibitum ne se adoraret, sed unum Deum, sub quo ei esset & ille conseruus. Ergo idem ille in Catalogo hæreticorum inter hæreticos numerat angelorum cultores, nuncupans Angelieos. Nam in disputatione sua contra Maximinum Arianorum episcopum lib. 1. probans spiritum sanctum esse deum, cultores angelorum manifestè appellat sacrilegos, & anathemate à Christo eiu ecclesia percussos. Verba authoris si quis requirat, hæc sunt: Nōne si templum

*Cultus angelorum grauitè damnatus.*

*Vide quid sentias de tēplo exstructo S. Michaeli in monte Gargano.*

sancto angelo excellentissimo de lignis & lapidibus faceremus, anathematizemur

in ueritate Christi, & ab ecclesia Dei? Quoniam creaturæ exhiberemus eam seruitutem quæ uni tantum debetur Deo. Si ergo sacrilegi essemus faciendo templum cuiunque creaturæ: quomodo non est Deus uerus, cui non templum facimus, sed nos ipsi templum sumus? Hæc ille.

Ista de sanctis uel bonis Dei angelis dixi hætenus per compendium, transeo iam ad disertationem de spiritibus malis, de angelis, inquam, nequam & refugis, id est, de cæcodemonibus uel diabolis, dicturus de his breuibus & perspicue quod scripturæ nobis sanctæ suppeditant. Esse diabolos negarunt quondam Sædducæi, & negant etiam hodie parum religiosi imò Epicurei quidam. Qui nisi resipiscant, sentient aliquando maximo suo malo & dæmones esse, & omnium impiorum, & Epicureorum esse tortores atque carnifices. Nam tota scriptura & omnes uiri pii & sapientes, quotquot uixerunt ab exordio mundi in hanc usque diem, confessi sunt esse cæcodæmones siue diabolos.

Quid uerò sint diaboli, nō minus difficile est exactissima ratione definire, quam dixi angelorum naturam plenè describi posse: adumbrabo tamen illos descriptione nequalicunque, quò & ordine certo de eis possim differere. Angeli mali, sunt spiritus deprauati, & ob defectionem æternum condemnati, subiecti quidem Deo, sed nihilominus Deo & hominibus aduersi, utpote qui omnia sua studia ad despectum Dei hominumque deceptionem ac perniciem conuertunt.

Principio diabolus esse creaturam inde claret, quòd unus duntaxat est creator, Deus uidelicet ille trinus & unus. Hic omnes condidit spiritus: at sub censum spirituum uenit & diabolus. Tempus creationis prius diximus in scriptura non definiri, quando ostendimus nullibi exprimi quo tempore ante hominem uel post hominem angeli sint creati. Istis iam subiicimus, angelos malos, non ex creatione factos esse malos, sed ex defectione propria. Omnia enim quæ condidit Deus, erant & sunt ualde bona: omnes ergo angeli, sicuti & homines, natura boni sunt creati. Caterum ipsi in bonitate hac libi diuinitus insita concessaque non perstiterunt, sed propria deprauati malitia, sicut & homines, prolapsi & cælo seu felicitate donata deturbati sunt à iustissimo Deo. Quando autem hoc factum sit, rursus non exprimit scriptura: apparet tamen id factum esse ante hominis lapsum. Etenim dæmones parentes nostros per serpentem sollicitauit ad peccandum, pertraxitque in miseriam & mortem. Eadem scriptura nec peccatum diaboli quale fuerit peculiariter definit, nec modum defectionis e cælo disertè & singulariter refert: in genere dicit repperam esse in angelis prauitatem, ideoque præcipitatos in tartara. Nam in libro Iob legimus: Ecce qui seruiunt ei non sunt stabiles, & in angelis suis reperit prauitatem. Ab his nihil abludens sanctus Petrus, dixit Deum angelis qui peccauerunt non pepercisse, sed catenis caliginis septos aut uinctos, præcipitasse in tartarum, seruandos in iudicium. Sed & Iudas frater Iacobi, apostolus Domini, Thaddæus cognominatus, eandem ferè repetens sententiam, dixit: Dominus angelos qui nō seruauerant suam originem (suam nimirum naturam in qua erant conditi) sed reliquerant suum domicilium (suam nimirum stationem & suum officium suamque fidem) ad iudicium magni illius diei uinculis æternis sub caligine seruauit. Quid quod Dominus & seruator noster Christus de diabolo loquens: Ille homicida erat ab initio, inquit, & in ueritate nō stetit. Hinc enim colligere possumus, diabolus aliquando stetisse uel fuisse in uero, sed desciiuisse per defectionem perfidam. Ea testimonia, testificantia uidelicet peccasse angelum refugam, & præcipitem esse datum in tartara, satisfaciunt pijs & minime curiosis mentibus. Citantur præterea alij ex Isaia & Ezechiele testimonia eadem approbantia: quæ ut nō reijcimus,

De cæcodæmonibus.

Esse diabolos.

Quid sit diabolus.

Diabolus esse creaturam.

Diabolus non esse creatum malum.

De lapsu angelorum e cælo.

Iob 4.

2. Pet. 2.

Ioan. 8.

Isaie 14.

Ezech. 28.



Luce 10.

ita his nostris per allegoriam applicari non dubitamus. Quod ex Luca produci-  
tur: Videbam satanam sicut fulgur de cœlo cadentem, minus propriè de primo  
angelorum lapsu exponitur. Est enim alijs diaboli lapsus, nimirum quo excidit  
ex sua tyrannide (qua animos hominum occuparat implicarâtque erroribus & ui-  
tijs) per aduentum Christi in mundum & per prædicationem Euangelij synceram.  
Dubium autem non est, angelos omnes, bonos esse conditos, descivisse autem ma-  
los sua non Dei culpa. De quo dixi nonnihil & Decad. 3. Serm. 10. ubi de Origine  
peccati disputavi. Quibus iam adiicio elegantissimam evidentissimamq; & ex a-  
dytis scripturarum petitam Theodoretî Cyri Episcopi demonstrationem, quâ in  
Epit. diuin. decret. Consideremus, inquit, an diaboli iuste patiantur, cum talem na-  
turam ab eo qui illos fecit acceperint: Quomodo autem bonus uocari posset crea-  
tor uitij: Quomodo autem iustus, qui punit naturam, quæ nihil potest boni facere,  
sed uitij uinculis constricta est & alligata: Atqui iustum esse scimus Deum uniuersa-  
rum & fontem iustitiæ. Non ergo iniuste punitet dæmones. Et illorum ducem  
& bonorum opificem esse scimus Deum, qui ab omnibus rectè sentientibus bonus  
uocatur. Non ergo fabricatus est naturam quæ nihil quidem posset boni facere,  
solum autem uitium, præter suam sententiam, inuita pariat. Si autem nec malam  
naturam Deus est fabricatus: bonorum enim est, sicut & bonus est, effector: neque  
iniuste punire in animam inducit: iustus enim est & iustitiæ legislator, punit aut  
diabolum & qui ei subsunt: suapte ergo sententia & sponte malus est dæmon, &  
qui sunt ab eius partibus. Sicut enim hominem bonum ab initio Deus fabricatus  
est: libero autem mentis arbitrio, hi quidem (angeli boni) seruauerunt incorruptam  
& integram quam acceperunt naturam, illi uerò (homines) in peius declinarunt, &  
diuinos characteres corruerunt, & qui erant Deo similes, ferinos reddiderunt:  
& ita diabolus & dæmonum caterva, qui erant cum alijs incorporeis, illorum qui-  
dem in Dominum Deum beneuolentiam non sunt imitati: insolentiæ autem & ar-  
rogantiæ morbo suscepto, ad id quod est deterius, conuersi sunt, & à priore sorte  
exciderunt. Hæc, ille. Cum Theodoro consentit & beatus Augustinus, qui li-  
bro de Vera religio. cap. 13. Diabolus in quantum angelus est, inquit, non est ma-  
lus, sed in quantum peruersus propria uoluntate. Magis enim seipsum quam Dei  
diligendo, subditus ei esse noluit, & intumuit per superbiam, & à summa essentia  
defecit. Et iterum Tractat. in Ioan. 42. Quæris, unde diabolus: Inde utique unde  
& cæteri angeli. Sed cæteri angeli in sua obedientia perstiterunt: ille inobediendo  
& superbiendo lapsus est angelus, & factus est diabolus.

Diabolus æter-  
num est con-  
demnatus.

Matth. 25.

Marc. 9.  
Ioan. 5.

Daniel. 12.

Iam quod asserui spiritus illos deprauatos ob defectionem æternæ addic-  
tionis esse condemnationi, uideo à nonnullis negari, pollicentibus damnatis spiritibus  
sub diem iudicij, redemptionem à pœnis. Sed contra hos disputarunt plerique do-  
ctores ecclesiastici, damnantes uno ore omnes dogma scripturis iam olim condem-  
natum. Nam iudex in fine seculi, finalem contra satanam & omnes impios sen-  
tentiam pronunciaturus, dicet: Discedite à me maledicti in ignem æternum, qui  
paratus est diabolo & angelis eius. Et mox subiungit testis ueritatis Apostolus &  
sacer historicus: Et ibunt hi in supplicium æternum: iusti uerò in uitam æternam.  
Nam apud Marcum quoq; dixit Dominus: In gehenna uermis eorum non mori-  
tur, & ignis non extinguitur. Et apud Ioannem longè significantius: Qui bona fe-  
cerunt, prodibunt, ait, in resurrectionem uitæ, qui uerò mala egerunt, in resurre-  
ctionem condemnationis. Non dicit: Ibunt uel in uitam uel in condemnationem:  
sed in resurrectionem uel uitæ uel condemnationis, id est, in sempiternam perma-  
nentiam uitæ uel mortis. Daniel enim, ex quo dominus hæc uerba mutuò sumpsit,  
dixit

*dixit:* Multitudo dormientium in puluere terræ resurgent, hi in uitam æternam, illi uero ad probra & contemptum æternum. Nam Ioannes Apostolus dixit su- Apoc. 20.  
 mum ex condemnatis & præcipitatis in tartara ascensurum in secula seculorum. Certum est itaque damnationem impiorum omnino sine carituram futuramque sempiternam.

Porro angelos desertores appellantes spiritus, non utique intelligimus per spi- Diaboli sunt spiritus ac sub- stantie.  
 ritum affectionem animi prauam, qualitatem seu mentis perturbationem aut cor-  
 ruptionem atque peccatum. Non enim desunt quibus uisum est diabolus non a-  
 liud esse quam hominem sceleratum, uel commotionem animi sceleratam & pec-  
 catricem. Intelligimus itaque per spiritus substantias spirituales, præditas sensu  
 & intelligentia. Comparat enim satanas inter ministros Dei, colloquens cum Do- Iob 1.  
 mino, apud Iob in cap. 1. Euangelium quoque refert nobis dæmonas eiectiones ex ho- Matth. 8.  
 mine, inuasisse gregem porcorum, ac demersisse in profundum plaudis uel lacus  
 Gadarenæ. Refert præterea Euangelium diabolus peccasse ab initio, non persti- Ioan. 8.  
 tisse in ueritate, mendacem esse ac homicidam. Iudas commemorat angelum pu-  
 gnare cum diabolo. Apud Marcum clamant & dicunt: Quid rei nobis tecum Iesu Marci 1.  
 Nazarene: Venisti ad perdendum nos: Quinimò dicet ad diabolos Saluator iam Matth. 25.  
 iudex constitutus: Ite in ignem æternum. Quæ omnia congruunt substantiis per se  
 subsistentibus, non qualitibus. Sunt ergo diaboli substantiæ spirituales. Qualia Qualia diaboli-  
lorum assum-  
pta corpora.  
 uero sint corpora quæ sæpe assumunt, & in quibus apparent hominibus, nemo opi-  
 nor exacte dixit: quod & paulò superius admonuimus cum disputauimus de as-  
 sumptis à bonis angelis corporibus. Etenim corpora & alienam quidem speciem  
 à propria diabolos induere, euincit historia excitati per ueneficam Samuelis. Non  
 excitabatur ex mortuis Samuel, sed Samuelem mentiens mendaciorum archite- 1. Sam. 28.  
 ctus, regi Saul imponebat. Et Paulus testatur satanam sese transfigurare in ange- 2. Cor. 11.  
 lum lucis. Sed & historiæ testantur mirificum esse præstigiatores diabolus in as-  
 sumendis uariis formis atque speciebus.

Sicut autem dixi de bonis angelis expeditissimos esse in ministerio suo, sine Diabolus expe-  
ditus, uas fer-  
uens.  
 onere & impedimentis, ita dubium non est in suo genere & opere dæmonas esse  
 instructissimos. Tradunt enim scripturæ artes his esse mille, calliditatem & astu-  
 tiam mirificam, cognitionem acutissimam latissimamque, ad omnia denique subeun-  
 da & perficienda promptissimos esse & infatigabiles. Pererrant totum orbem ter-  
 rarum celerrimè, omnia sua instituunt uersutissimè, ideoque sortiuntur appellatio-  
 nes miras, ipsorum uires adumbrantes. Appellatur enim dæmon uel dæmonium,  
 serpens uetus, impostor, princeps huius seculi, princeps tenebrarum, cui potestas  
 est aeris, leo rugiens. De quibus & alijs non dissimilibus, mox dicam copiosius,  
 ubi hoc prius admonuero, infinitam esse dæmonum turbam. Nam à Magdalena Dæmonum in-  
finita turba.  
 eijciuntur dæmonia septem. Septem alios se nequiores spiritus assumit diabolus Marci 16.  
 ille, qui apud Matthæum semel eiectiones cogitat atque consultat de restitutione in Matth. 12.  
 integrum. Fit præterea in Euangelio secundum Marcum legionis mentio. Nam Marci 5.  
 spiritus immundus rogatus à Domino, quodnam sibi nomen esset? Respondit:  
 Legio mihi nomen est, quia multi sumus. Ergo cum alicubi mentio fit in sacris li-  
 teris satanæ, non ita accipiendum est, quasi non sit nisi una uel substantia uel perso-  
 na diaboli. Nam sub capite membra & ueluti species sub genere comprehendun-  
 tur. Meminit quidem alicubi scriptura principis dæmoniorum. Hostes enim Chri Marci 3.  
 sti clamitant: In principe dæmoniorum eijcit dæmonia: sed eadem tamen non ex-  
 primit qualis sit principatus ille, & an ordine à se inuicem distincti sint maligni il-  
 li spiritus. Constat autem omnes impios esse sub uno capite, sicut omnes pij sunt



sub uno Christo Domino. Constat dæmonas omnes esse eiusdem uoluntatis deprauatæ, in hoc unice omnia sua intendentes, ut Deo aduersentur, & hominibus incommode. Sed de operationibus, actis seu effectis dæmonum dicam, ubi nomina seu epitheta eorum obiter explanauero.

**Diabolus.**

Diaboli generaliter appellantur deprauati spiritus, quod perinde est ac si tu dicas, Calumniatores. Nam *diabolus* Græcis significat calumniam; at uocabulum diabolus petitum est à Græcis. Struit autem calumnias, deferendo homines Deo, & homines inter se committendo, ut iam non commemorem quòd Deum & opera eius suspecta reddere conatur hominibus.. Ideoq; mendax alicubi appellatur, & mendacii author, omniumq; hypocritarum pater, proinde & omnium errorum, hæresum, & impietatum scaturigo. Quoniam uerò Iudas hypocrita erat, mendax & calumniator atq; proditor, rectè nomen diaboli accepit à Domino.

**Mendax.**

**Ioan. 6.**

**Satan uel aduersarius.**  
1. Pet. 5.  
Matth. 13.  
Matth. 4.

Aduersarium nuncupauit Petrus Apostolus diabolum. Nam & Dominus ipse appellauit inimicum hominem, seminantem zizania in agrum Dominicum. Est enim hostis Dei & hominum, opponens se uoluntati Dei, cui & gloriam suam præripere studet, impediensq; salutem hominum, ac serens infinita in ecclesia Dei scandala. Et satanam quidem Hebræi nominant, quem nos aduersarium dicimus. Transfertur uocabulum ad homines. Quia enim Petrus diuino se obiecit consilio, audit à Domino: Vade retro satana. Sed & Dauid ad nepotem ex sorore Zerua Abisau: Quid mihi, inquit, & uobis filij Zerua, cur efficiamini mihi hodie in satanam? Contradicebat enim Abisau consilio & decreto Davidis.

**Matth. 16.**  
**1. Sam. 19.**

**Demon.**

Demon appellatur, nimirum sciens, callidus, & multarum rerum peritus, & *diabolus* scio. Etenim Plato in Cratylo arbitratur ex Hesiodi sententia dæmones quasi *ἀνέμους* dici, hoc est, prudentes & scientes. Huc referre oportet uocabulum serpentis: Serpens, inquit, scriptura, callidior erat cunctis terræ animantibus. Serpentem ergo demon delegit sibi domicilium, ex quo artes suas exerceret & primis parentibus nostris imponeret. Hic enim est impostor, deceptor & seductor orbis, uetus serpens & draco dictus. Quicquid enim in mundo est seductionis, artium malarum & fallaciarum, ex hoc uno omnium malorum fonte deriuatur. In prophanis literis uocabulum hoc longè diuersissima usurpatur ratione. Socrates enim apud Platonem: Ipse assero, inquit, dæmona, id est, sapientem omnem esse hominem quicumque sit bonus, eumq; dæmonicum esse, id est, sapientem & felicem uiuentem atque defunctum. Proinde apud Homerum frequentissimum est heroes hoc insigniri uocabulo. In Euangelica autem historia dæmoniaci dicuntur obsessi à dæmonio. Paulus in prima ad Timotheum, ad hoc ueluti caput redigit omne corpus imposturarum falsaq; sapientia fucatarum doctrinarum.

**Serpens & Draco.**

**1. Thm. 4.**

**Leo rugiens.**  
**1. Pet. 5.**

Sanctus Petrus, Sobrii estote & uigilate, inquit, quoniam aduersarius uester diabolus tanquam leo rugiens obambulat, quærens quem deuoret; cui resistite solidi fide. Per leonem adumbrat nobis diaboli ingenium. Est enim dæmoni robur maximum, improbitas peruiacissima, truculentissima ferocia: unde & à quibusdam nominatur truculenta bestia. Dominus nuncupauit homicidam. Hic enim & Caino & omnibus parricidis infandas cædes inspirauit, & hodie quoque classicum ad omnia bella & ad omnes cædes ac seditiones canit, iram denique incendit, odia ferit, inuidiamq; nutrit. Tentator cognominatur. Nunquā enim nō ad malum sollicitat, obijciens omnia quæcunq; putat alligere aut trahere posse ad res pessimas.

**Homicida.**

**Tentator.**

**Spiritus malus & immundus.**

In Euangelica historia & in scriptis Apostolorum, diabolus obtinet ferè nomen spiritus immundi, mali uel maligni, impuri & nequam. Etenim non tantum decidit sua culpa à puritate, in qua primum à Deo purissimo conditus fuit.

fuit, sed nunc quoque impuritate delectatur & ad immundiciam pellicit omnes. Ex hoc autore proficiscuntur omnes libidines scdæ, omnia stupra, adulteria, omnis luxus, ebrietas & crapula, omnis obscenitas & uanitas, superbia & arrogantia, &c.

Iam & Beelzebub uocatur diabolus in Euangelio, eò quòd aliquando Accaronitæ in Palæstina putantes se uenerari Deum, diabolum reuera coluerunt. S. Paulus: Quis consensus, inquit, Christi & Belial? Belialem opposuit Christo. Deo utique diabolum. At Moses posuit cogitationem Belial pro nepharia & impia. Diabolus ergo nepharius est & impius, rebellis Deo & contumax. Belial enim omnino aiunt idem pollere, quasi tu dicas irregularis, sine iugo & sine disciplina. Nec desunt quibus uisum est diabolum figurari seu significari apud Iob per Behemoth & Leuiathan, Iob 40. & 41. cap.

Sanctus Paulus dæmonas uarijs donat nominibus, dicens bellum pñs esse aduersus principatus & potestates, aduersus principes mundi & tenebrarum seculi huius, aduersus spirituales nequitias in cœlestibus, aduersus principem cui potestas aeris, contra spiritum qui operatur in filijs inobedientiæ: quem alibi & Deum huius seculi appellat. Quemadmodum uerò Deus potentiam suam exercet in mundo, & in bonis ferè per angelos bonos, quos ea de causa dixi nuncupari principatus & dominationes: Ita quia idem ille iusto suo iudicio imperium permittit diabolo in impios, principatus & potestates rectè dicuntur. Non quòd merum & summum imperium Deus illi tradat: Omnis enim potestas est solius Dei: sed quòd ei permittit tyrannidem. Significanter enim dicit principem esse mundi, nimirum impiorum. Nam per interpretationem sequitur: Princeps est tenebrarum seculi huius. Quis autem ignorat tenebras in scripturis significare ignorantiam, cæcitatem, incredulitatem, impletatem & scelera, deniq; his immeritos impios homines? Et rursum subiungitur quod ueram explicet sententiam, Qui operatur in filijs inobedientiæ. Eximuntur ergo eius imperio fideles & obedientes, qui in regno Christi non in regno diaboli sunt. Nec alia ratione satanas nuncupatur Deus. Nam adiungitur Huius seculi. Reuera enim Deus nō est diabolus, sed quia insani quidam in mundo inueniuntur qui hunc pro Deo habent, Dei nomen accepit. Non aliter exposuit hæc beatus pater Augustinus. Nam Tractatu in Ioan. 25. dicit: Absit ut diabolum mundi principem ita dictum existimemus, ut eum cœlo & terræ dominari posse credamus: sed mundus (dicitur enim princeps mundi huius) appellatur in malis hominibus qui toto terrarum orbe diffusi sunt. Et idem iterum de Agone Christiano cap. 1. Princeps huius mundi, ait, missus est foras: non quia extra mundum missus est: sed foras ab animis eorum qui coherent uerbo Dei, & non diligunt mundum cuius ille princeps est: quia dominatur eis qui diligunt temporalia bona, quæ hoc uisibili mundo continentur. Non quia ipse Dominus est huius mundi, sed princeps cupiditatum earum, quibus concupiscitur omne quod transit. Per hanc cupiditatem regnat in homine diabolus & cor eius tenet. Interrogat idem ille doctor Tractatu in Ioan. 52. an ex animis prophetarum & patriarcharum non sit eiectus satanas, quando referatur in Euangelio per Christum esse foras pulsus: ac responderet: Eiectus est planè. Quomodo ergo dictum est: Nunc eiicietur foras? Quomodo putamus, nisi quia tunc quod in hominibus paucissimis factum est, nunc in multis magnisq; populis iam mox futurum esse prædictum est: Sicut illud quod dictum est: Spiritus autem nondum erat datus, quia Iesus nondum fuerat glorificatus, potest similem habere quæstionem, & similem solutionē. Nondum enim erat illa abundantia gratiæ spiritualis data quæ dabatur postea. Hæc ille. Porro

Beelzebub.

1. Cor. 6.

Belial.

Principatus

potestates.

Ephes. 2. &amp; 6.

Deus huius

seculi.

Princeps mundi

eiectus foras

Principes

aeris.



cum Apostolus dicit: Pugnam esse nobis aduersus spirituales nequitas in coelestibus, per coelestia non intelligit gaudia coelestia, collocans iterum daemones in coelos, sed aerem, id est, inferiorem mundi partem adeoque ipsum mundum. Nam alibi dicit: Secundum spiritum, cui potestas est aeris. Et uersantur quidem principes huius mundi in aere, circa, infra, supra nos, undique nos impetentes. Alioquin nec coelum siue inferior regio aeris diabolorum subiaceret imperio, ut quod in eo uelint possint, aut illis abutantur pro sua libidine, nisi quantum Deus permiserit iudicio suo iusto. Nam in hac disputatione semper pro confessa & indubitata ueritate tenendum est, Dominum Deum nostrum regem & gubernatorem esse omnium creaturarum, dominiumque suum in omnes retinere creaturas, exercereque ratione exquisita.

*Operationes  
diaboli.*

Quamquam uero ex his omnibus colligi possit, quanta & qualis sit operatio diabolica, pluscula tamen illis adijciam ne quid hac in re desideretur. Contraxi in descriptione diaboli omnes illius effectus, actus uel operationes in duo capita. Sunt enim daemones Deo & hominibus aduersi, ut qui omnia sua studia ad despectum Dei hominumque deceptionem & perniciem conuertunt. Summa igitur est, omnia sua dirigunt ad contemptum Dei hominisque perniciem. Ac potentiam eis esse non exiguam nocendi, perspicacem item intelligentiam producendi omnia in effectum, iam semel & iterum audiuius. De uoluntate nocendi non est quod quisquam dubitet. Dixit enim ad suos in Euangelio Dominus: Ecce satanas expetiuit uos ut cribraret sicuti triticum. Et iterum, Vigilate & orate ne intretis in tentationem. Sed & S. Petrus: Obambulat, inquit, aduersarius uester tanquam leo rugiens, quarens quem deuoret. Refragari autem illum Deo & perpetuo studio contradicere, omnesque creaturas in eius odium & despectum excitare, ubique testatur scriptura. Primorum certe parentum nostrorum animis improbe inspirabat opinionem de Deo longe indignissimam, quasi eis felicitatem maligne inuideret. Dicebat enim per Serpentem: Dixit ne Deus non manducandum esse de arbore illa? Et mox, Haudquaquam moriemini, uerum Dominus nouit quod eo die quo ederitis ex ipsa, aperientur oculi uestri, eritisque sicut dii, scientes bonum & malum. Quibus fallacissimis uerbis cum crederent, perierunt ipsi, & totum mundum secum pertraxerunt in ruinam & interitum. Nec hodie quidem desinit calumniari cum Deum ipsum tum eius opera, ut pariter secum nos abripiat in odium Dei, in diffidentiam ac desperationem & ad interitum sempiternum. Inuidet enim nobis salutem, ad quam destinati sumus per Christum. Verum praestat paulo distinctius hac de re loqui. Nocet satanas hominum animis, corporibus & facultatibus. Animos enim perpellit aut sollicitat ad peccandum. Praeterea perturbat mentes hominum inque furorem adigit, mox etiam furore tumultuantes misere diuexat atque conficit. Inde legas medicos aliquot maniam seu furorem appellare daemonium malum. Corpora uero uarie affligit morbis potissimum. Exemplum habemus sanctissimum Iob. In Euangelio secundum Lucam dicitur mulierem illam contractam, a satana alligatam fuisse annis decem & octo. Rursus in Euangelio secundum Marcum legimus de puero habente spiritum mutum. Quandocumque corripuerit, lacerat eum, ac spumans hic stridet dentibus suis & arescit, inque terram prolapsus prouoluitur. Idem spiritus ille malus opes & facultates terrenas homini eripit, uastat ac minuit, id quod iterum claret in historia Iobi & Euangelij. Iob enim omni sua substantia exuitur, sic disponente res per milites & praedones satana. Grex quoque porcorum immersus paludi & suffocatus, ingens dedit Gergesenis damnum. Atqui raptus a daemonibus per praecipem in paludem deuolvebatur. Ceterum

*Luce 22.  
Matth. 26.  
1. Pet. 5.*

*Genes. 3.*

*Luce 13.*

*Marc. 9.*

terum in his perficiendis sceleratus, quædam per se agit sociosque suos angelos nequam, quædam autem per alias creaturas. Per se agit exterius & interius hominē tentando commouendoque. Obicit enim species fallaces, transformans se in angelum lucis, insinuat se animis hominum. Alloquitur splendida proponens promissiones & minas grauissimas, omnia tamen hæc adulterata dolis & mendacijs. Adducit enim non raro rationes apparentes quidem, adeoque & scripturæ loca in speciem ualde congrua, sed tamen ad institutum suum malitiosè detorta. Hac autem ratione fidem ueram in animis hominum uel impedit luxatque, uel eripit & subuertit prorsus, mox occupat totos & in certissimam propellit perniciem. Ita refertur ingressus cor Iudæ, totum præcipitem dedisse in exitium sempiternum. Soli quidem Deo patet cor hominis. Is enim solus est cordis & renum scrutator. Sed diabolus artibus hominem circumueniendo & immittendo cordibus prauas persuasiones, corda hominum intrare dicitur. Per alias uerò creaturas contra hominem idem ille agit, ueluti per elementa, cum contra nos excitat ignes, uentos, maria, grandines similesque calamitates. Excitat præterea homines contra nos, amicos, qui nos diuexent ac prodant, & inimicos qui cadibus bellis & persecutionibus nos atterant atque conficiant. Testimonium his iterum perhibet historia Iob, cui annumeres persecutiones cultoribus dei illatas. Iam & pseudoprophetas & incantatores idem ille contra nos incitat: quo pertinent præstigia & magiæ species omnes, quas efficaces esse testantur magorum Ægyptiacorum & Simonis opera, & locus Moïsis Deut. 13. Pertinent huc in primis miracula falsa, & responsa uel oracula deprauata. Olim quidem his permultum nocuit ecclesiæ Dei, sicut testantur historia, neque hodie nocere desinit, id quod nos docet ipsa experientia.

Ioh. 13.

Quamuis enim certum sit satanæ non ejci uirtute satanæ, cedit tamen alteri ad tempus, in hoc ut facilius hominibus imponant, regnumque obtineant. Christus certè cum Apostolo Paulo prædixit postrema quoque secula fallacibus signis & uirtutibus mirum in modum fore dementanda. Extant ea de re loci clarissimi apud Matth. in cap. 24. & in 2. Thess. 2. cap. Plura de operationibus diaboli, & fusius quidem c. v. recitari poterant, sed speramus hæc in compendium re collecta sufficere, ut quæ occasionem suppeditant cogitandi ampliora.

Matth. 12.

Ista autem nemo sic intelligat quasi diabolus omnium sit potens & quæ uelit mox etiam possit. Nam determinata uel definita contractaque est eius potentia, ut non tantum possit, quantum uelit. Alioqui dudum subuersa perissent omnia. Proinde non præter rationem adieci in descriptione diabolum esse deo subiectum. Nam nihil hic nisi permittente deo potest facere. Permittit autem deus, uel ut suorum exerceat patientiam, acceleretque salutem: sicuti claret in historia Iob & uerbis Pauli ad Corinthios, dicentis: Ne excellentia reuelationum supra modum efferrer, datus mihi fuit stimulus in carne, nuncius satanæ, ut me colaphis caderet. Nec dubium est quin grauissimis persecutionum tormentis multos martyres egregios prouehat, uel hodie & olim promoueret ad gloriam & requiem sempiternam. Vel certè permittit diabolo potestatem sæuendi aut irruendi in homines, ut eo pacto ipsorum castiget improbitatem, uel incredulitatē puniat. Etenim diaboli sunt instrumenta iræ diuinæ, quæ ipsius exequuntur uindictā. Paulus enim: Antichristi aduentus, inquit, est secundum operationem satanæ, cum omni potentia ac signis & prodigijs mendacibus, & cum omni deceptione iniustitiæ, in ijs qui pereunt: pro eo quod dilectionem ueritatis non receperunt ut salui fierent. Et propterea mittet illis deus efficacem illusionem, ut credant mendacio, ut iudicentur omnes qui non crediderunt ueritati, sed approbauerunt iniustitiam. Atque

Definita potestas diaboli.

2. Cor. 12.

2. Thess. 2.



*Pugnandū for-  
titer cōtra dia-  
bolum, non me-  
tuendum.*

*Matth. 4.*

*1. Ioan. 5.*

*1. Pet. 5.*

*Ephes. 6.*

*1. Cor. 10.*

hic ferè est neruus & uirtus magiæ uel incantationis, quæ in fidelibus elumbis est. Proinde non est quod quis sibi miserè metuat à diabolo. Quin potius dominū exercituum ipsum, ait Isaïas, sanctificate, is sit timor uester & pavor uester. Aiuunt gentes aliquot orientales uenerari cacodæmonem, nimirum ne ipsis noceat. Sed hi cum ratione insaniunt prorsus. Deo enim nolente, quod modò dicere cœperā, aut non annuente, non potest tibi satan uel pilum attingere. Non enim potuit grēgem porcorum prope paludem Gadarenam apud Gadaram pascentem corripere & perdere, nisi permissu domini. Sed & S. Augustinus enarrans Psalm. 32. his uerbis historiam Iob adducit: Quid ipse diabolus? Nunquid ausus est uel unicam ouiculam tollere uiro sancto Iob, nisi prius diceret: Mitte manum tuam, id est, da potestatem: Ille uolebat, sed deus non sinebat. Quando hic permisit, ille potuit: non ergo ille potuit, sed qui permisit. Ideo bene eruditus ipse Iob, non ait sicut modò commemorare solemus, Dominus dedit & diabolus abstulit: sed Dominus dedit, & dominus abstulit. Hæc autem in tentationibus non mediocriter consolantur pios, qui intelligunt sibi extra dei permissionem nihil euenire posse: nec illum quicquam nisi quod ad emendationem & salutē conferat permittere, ideoq; se semper in diuina conseruari prouidentia beneuolentiāq;. Nam omnia quæ hæctenus de potestate & operationibus dæmonum dicta sunt, non huc pertinent ut nos deiciant, sed ut uigilantiores reddāt. Vigilare iussit nos dominus, qui dæmonem uicit, & uincendi rationem tradidit. Ideo enim cum satana congressus est semel, iterum, & tertio, ut nos instrueret quomodo pugnaremus contra hostem humani generis. Vicit hunc nobis, ne diffideremus iam fractum à nobis superari posse facilius. Vincemus proculdubio per fidem. Fide enim Christo cōnectimur, & fide spiritum Christi haurimus, cuius uirtute triumphabimus. Certè Petrus ea de causa iussit nos fide resistere. Sanctus Paulus ad hanc pugnam nos adhortans, ac panoplia præstantissima nos muniens, dicit: Assumite uniuersam armaturam Dei, ut possitis resistere in die malo, & omnibus peractis stare. State igitur lumbis circuncinctis per ueritatem, & induti thoracem iustitiæ, & calceati pedibus ut parati sitis ad euangelium pacis. Super omnia assumpto scuto fidei, quo possitis omnia iacula mali illius ignita extinguere, galeamq; salutaris accipite, & gladium spiritus qui est uerbum Dei, in omni deprecatione & obsecratione orantes in omni tempore, in spiritu, &c. Quibus & illud accedit, quod eodem Apostolo teste, deus non sinit nos tentari supra id quod ferre possumus, simulq; tentationibus felicem concedit exitum. Hunc igitur deum reueremur, hunc oremus, ut ipsius uirtute uincamus. Amen.

*De anima hominis rationali, & certissima eius post mortem corpoream salute.*

## S E R M O X.



**C**OGNATIONEM cum spiritibus habere animam hominis rationalem fatentur omnes, neque est, opinor, sapientum ullus qui neget saluberrimam & omnibus pijs necessariam esse cognitionem rationalis animæ hominis, de qua tam multa & diligenter præcipit scriptura sancta. Proinde ordo rerum, utilitas, atque ipsa necessitas requirit, ut etiam de anima hominis rationali dicam. Sequar autem scripturæ eiusq; interpretum simplicitatem, physica illis explicanda reliquens, quorum officium & professio est, nisi quatenus physicis in nostra disputatione carere non possumus. Scriptura sancta & eius interpretes de anima hominis nec curiosas quæstiones mouent, nec curiosis hominibus

nibus satisfaciunt, cum ea desiderant scire quæ exponi non possunt, aut si possint, his tamen nihil dum aptè dictum esse perpetuò uideatur. Semper enim hærent, semper discendo dubitant, nunquam ad cognitionem ueritatis tranquillo animo perueniunt, nunquam in simplici ueritate reperta consistunt, alia & multò plura & acutiora quàm intellexerunt, indagant. Nos uerò scripturis sanctis nouimus omnia simpliciter & clarè tradi, quæ sunt necessaria & salutaria, atque his simpliciter, piè uel religiosè acquiescendum esse: ergo quæ his tradita non sunt (in negotio salutis nostræ) scimus neq; inquirenda esse nobis, neq; salutem interrumpere si nesciamus.

Vocabulum Animæ, uariè usurpatur in sancta scriptura. Principiò accipitur anima pro uiuente quolibet. Moyses enim inducit deum loquentem: Producat terra animam uiuentem secundum speciem suam, iumentum reptile, & bestiam terræ. Quis enim ignorat animæ tres species uel partes (liceat interim sic loqui docendi gratia) aut facultates principales recenseri? Est enim anima uegetatiua, quæ in plantis agit. Est anima sensitua, quæ non est sine uegetatiua, animatq; animantia bruta. Est item anima rationalis potentis pluribus instructa, & utramq; illam comprehendens, qua donati sunt homines. Hinc anima in scripturis ponitur pro statu quo spirant & respirant homines, adeoq; pro uita hominis aut animantis. Ita legimus: Anima eius in ipso est. Et iterum, Non persequar te ultra (inquit ad Dauidem Saul) eo quod anima mea pretiosa hodie fuerit in oculis tuis. Græci animam appellant *ψυχή* quasi *ἀναψυχή*, quòd respirando refrigeret. Hebræi *Nephæsch* appellant à refocillando. Rursus ponitur anima in scripturis pro ipso animato adeoq; quouis uel potius toto homine. In lege enim dicitur: Anima quæ declinauerit ad magos & ariolos, ipsa morietur. Item in Paulo legimus: Omnis anima potestati supereminenti sit subdita. Et iterum in Genesi dicit rex Sodomæ ad Abram: Da mihi animas, & substantiam ipsam uel facultates accipe tu. Solet enim scriptura à parte totum denominare. Sicut enim per animam totum significat hominem, nobilissorem recensens partem, ita & per carnem inferiorem totum denotat. Præterea est homini sicut & reliquis animantibus sit anima appetitiua, usurpatur anima in scripturis pro affectu, uoluntate & desiderio, uel cupiditate. Ezechiel enim dicit: Animam suam non saturabunt (Germanicè, Sy werdend iren glust nit büssen) uentres eorum non implebuntur. Postremò significat anima spiritum hominis rationalem. De qua differemus, deo inspirante, in præsentì. Dissimulare tamē hic non possum, apud scriptores præclaros controuerti de anima & animo, idem ne an diuersa sint, & esse quidem rationes in utraq; partem. Qui distinguunt, aiunt nos anima uiuere, animo autem sapere: id quod Lactantius dicit de Opificio dei cap. 18. Ego uideo probatissimos quosq; scriptores permixtìm uti utroq; & alterum ponere pro altero.

Neque enim putandum est in homine duas esse animas. Rectissimè enim definitur Definitiones ecclesiasticæ, pronūciantes capite decimoquinto: Non dicimus duas esse animas in uno homine: sicut Iacobus & quidam Syrorum scribunt, unam animalem, qua animetur corpus & immixta sit sanguini, & alteram spirituales quæ rationem ministret: sed dicimus unam eandemq; esse animam in homine, quæ & corpus sua societate uiuificet, & semetipsam sua ratione disponat. Itaq; non putamus ullam eorum rationem esse habendam, qui in uniuersum negant esse animam. Hi enim perinde insaniunt, ut qui solem lucere negant. Omnes enim solem & uidemus & sentimus: sicut & animæ beneficio uiuimus.

Porro quid sit rationalis anima hominis, nondum potuere concorditer defini-

Anima uocabulum uariè usurpatum.  
Gen. 1.

Anima status & uita.  
Act. 10.  
1 Sam. 16.

Anima pro homine.  
Leuit. 20.  
Rom. 13.  
Gen. 14.

Anima desiderium.  
Ezech. 7.  
Anima spiritus hominis.

Anima & animus.

Unam esse animam.

Esse animam.

Anima quid sit.



nire sapientes huius seculi, quippe adeo dissentientes, ut uix duos inuenias qui idem dicant. Sunt autem sententiæ inter se discordes non paucae. Quid quod ueteres scripturarum interpretes in definienda anima cunctantius progressi sunt? Lactantius de Opificio Dei, negat animæ rationem & naturam assequi posse homines. Idcirco nihil prorsus aberrarunt à uero, quibus uisum est animam nulla definitione absoluta concludi posse, qua uidelicet eius natura exactissime exprimeretur: interim posse eius ingenium utcumque adumbrari, idque ex operibus seu actibus eius attributisque scripturæ. Sunt ergo qui dixerunt animam esse spiritum uitæ, ad imaginem Dei creatum, & corpori humano inspiratum. Est qui sic describat: Anima est spiritus, per quæ corpus, cui est connexus, uiuit, aptus cognitioni dei propter amorem, atque hinc coniunctioni cum eo ad beatitudinem æternam. Alius sic definit: Anima rationalis, est spiritus intelligens: altera pars substantiæ hominis: nec extinguitur cum à corpore discessit, sed immortalis est. Cassiodorus sic definit: Anima hominis est à Deo creata, spiritalis propriamque substantiam, sui corporis uiuificatrix, rationalis quidem & immortalis. Nos descriptionem petitam ex scripturis expendendam pijs, & quæ totam hanc dissertationem nostram dirigat, proponimus: Anima est substantia spiritalis, corpori humano à deo infusa, ut ei coniuncta ipsum animet & dirigat, separata autem à corpore non intereat, sed immortalis æternum uiuat.

*Anima esse  
substantiam.  
Matth. 10.*

*Luce 16.  
Luce 23.*

*Aper. 6.*

*Corporeæ an  
incorporeæ sub  
stantiæ animæ?*

Negant nonnulli animam esse substantiam. Nam contendunt nihil aliud esse quam uim uitalem in homine adeoque qualitatem quandam. Scriptura uero sancta agnoscit animam subsistentem esse essentiam. Dominus enim in euangelio restatur animam in gehenna torqueri posse. Id quod protinus eadem euangelica auctoritate in anima diuitis epulonis quasi oculis contemplandum demonstratur. Latroni dixit idem dominus, qui mentiri non potest: Hodie mecum eris in paradiso. Id quod non potest de ulla latronis parte quam anima exponi. Corpore enim affixus cruci hærebat. Vnde & Ioannes Apostolus & euangelista uidit subter altare animas interfectorum propter uerbum Dei. Audiuit easdem clamantes uoce magna, ac dicentes: Usquequo domine, qui es sanctus & uerax, non iudicas & uindicas sanguinem nostrum de his qui habitant in terra? Idem uidit animabus singulis singulas dari stolas, his insuper additis uerbis, à domino: Requiescite adhuc tempus modicum, donec compleantur cõserui uestri & fratres uestri, qui interficiendi sunt, sicuti & uos. Quæ quidem omnia non qualitibus, sed essentia subsistentibus competunt. Sunt ergo animæ hominum substantiæ. Quod ut exprimerent significantissime, arbitror nonnullos scriptores ecclesiasticos quondam tradidisse, rationales animas hominum esse corporeas, hoc est, sui generis substantias propriè existentes. Nec puto me c. v. molestum futurum, si recitauero ad uerbum quæ de hac causa in utranque partem disputauit D. Augustinus episcopus ad S. Hieronymum. quæ ordine est 28. Incorpoream esse animam, inquit, etsi difficile tardioribus persuaderi potest, mihi tamen fateor esse persuasum. Sed ne uerbi controuersiam uel superfluo faciam, uel merito patiar: quoniam cum de re constat, non est opus certare de nomine: si corpus est omnis substantia uel essentia, uel si quid aptius nuncupatur id quod aliquo modo est in seipso, corpus est anima. Item si eam solam incorpoream placet appellare naturam quæ summè incommutabilis & ubique tota est, corpus est anima, quoniam tale aliquid ipsa non est. Porro si corpus non est nisi quod per loci spacium aliqua longitudine, latitudine, altitudine ita sistitur uel mouetur, ut maiore sui parte maiorem locum occupet, & breuiore breuiorem, minusque sit in parte quam in toto, non est corpus anima. Per

totum

totum quippe corpus quod animat non locali diffusione, sed quadam uitali intentione porrigitur. Nam per omnes eius particulas tota simul adest, nec minor in minoribus, & in maioribus maior, sed alicubi intensius, alicubi remissius, & in omnibus tota, & in singulis tota est. Neque enim aliter quod in corpore etiam non toto sentit, tamen tota sentit. Nam cum exiguo puncto in carne uiua aliquid tangitur, quamuis locus ille non solum totius corporis non sit, sed uix in corpore uideatur, animam tantum totam non latet: neque id quod sentitur per corporis cuncta discursat, sed id tamen sentitur ubi fit. Vnde ergo ad totam mox peruenit, quod non in toto fit, nisi quia & ibi tota est ubi fit, nec ut tota ibi sit cetera deserit. Viunt enim & illa ea praesente ubi nihil tale factum est. Quod si fieret, & utrunque simul fieret, simul utrunque totam pariter non lateret. Proinde & in omnibus simul & in singulis particulis corporis sui tota simul esse non posset, si per illas ita diffunderetur, ut uidemus corpora diffusa per spacia locorum minoribus suis partibus minora occupare, & amplioribus ampliora. Quapropter si anima corpus esse dicenda est, non est certe corpus, quale terrenum est, nec quale humidum aut aereum aut aethereum. Omnia quippe talia maiora sunt in maioribus locis, & minora in minoribus, & nihil eorum in aliqua sui parte totum adest, sed ut sunt partes locorum ita occupantur partibus corporum. Vnde intelligitur anima, siue corpus siue incorporea dicenda sit, propriam quandam habere naturam, omnibus his mundanae molis elementis excellentiore substantia creatam: quae ueraciter non possit in aliqua phantasia corporalium imaginum quas per carnis sensus percipimus cogitari, sed mente intelligi uitaque sentiri. Haecenus Augustini uerba recensui. Scriptura quoque huc maxime inclinatur ut incorpoream esse animam doceat. Diligenter enim & discrete spiritum appellat. Nam dominus in euangelio secundum Ioannem: Ego ponam animam meam, inquit, & iterum sumam eam. Nemo tollit eam a me, sed ego ponam eam a meipso. At apud eundem euangelistam legis, Dixit autem Iesus: Consummatum est, & inclinato capite tradidit spiritum. Nam apud alium euangelistam exclamat: Pater in manus tuas trado spiritum meum. Et Matthaeus: Iesus autem cum iterum clamasset, inquit, uoce magna, emisit spiritum. Quo refertur potest proculdubio quod in Actis de Stephano protomartyre legimus: Et lapidabant Stephanum inuocantem & dicentem: Domine Iesu suscipe spiritum meum. His uero significantius exprimere non possum qualis sit substantia animae hominis, quam spiritum esse credo, propriam utique ac singularem suam habentem substantiam a Deo creatam. Nam Augustinus, cuius uerba paulo ante adduxi, de nouo in i. cap. de Quantitate animae dicit: Substantiam animae nominare non possum: non enim eam puto esse ex his uisitatibus notisque naturis quas istis corporis sensibus tangimus. Nam neque ex terra, neque ex aqua, neque ex aere, neque ex igni, neque ex his omnibus aut aliquibus horum coniunctis animam constare puto. Simplex animae natura dici potest, quia ex alijs naturis non est. Quae Augustini uerba imitans referre exprimereque uolens Cassiodorus dixit: Anima hominis a deo creata spiritalis propriaque substantia est. Ergo simpliciter assero, singularem, imò excellentem quandam & ab alijs spiritibus differentem substantiam habere animam, uerè quidem existentem & a creatione sua semper agentem, sed quam nos nostro eloquio circumscribere & eloqui non possumus.

Interim non probamus eos, qui exprimere uolentes qualis nam sit animae substantia, ac dixerunt animam esse deum, uel certè partem portionemue dei. Nam Deus nec pars utrumque reprobatur scriptura. Etenim anima creatura & uicissitudinē atque peccata immersa est, creator autē & munda ex semetipsa non est. Et quoniam creator

Anima est incorporea siue spiritus.  
Ioan. 10.  
Ioan. 19.

Luce 23.  
Matth. 27.  
Acto. 7.

Qualis substantia animae hominis.

Anima nec Deus nec pars Dei est.



incommutabilis & indiuisibilis est, anima dei portio esse nō potest. Eleganter ergo & uerē Aurelius Prudentius in sua Apotheosi, cū multis fœdos hos errores confutasset, recolligens tandem ueritatis sententiam, canit:

*Absurdè fertur Deus aut pars esse Dei, quæ  
Diuinum summumq; bonum de fonte perenni  
Nunc bibit, obsequio nunc culpa aut crimine perdit,  
Et modò supplicium recipit, modò libera calcat, &c.*

Hunc errorem ut elideremus & animam discerneremus ab alijs spiritibus substantijsue spiritualibus, adiecimus in nostra descriptione, animam humanam à deo corpori humano infusam: unde creatam esse quilibet iam nullo intelligit negotio, sed & spiritum esse, non angelicum, sed humanum, id est à Deo humano corpori infusum, suæ essentia atq; naturæ.

De origine  
anime.

Vbi rursus noua se nobis offert explicanda quæstio de Animarum origine. Quærit enim solet, unde ueniant animæ, quando aut quomodo ingrediantur corpora sua: S. Hieronymus author est, plurimas easq; inter se diuersissimas fuisse quondam de origine animarum sententias. Scribens enim Marcellino & Anaphychia: Super animæ statu, inquit, memini uestra quæstiunculæ imò maxime ecclesiasticæ quæstionis: Vtrum lapsa de cœlo sit, ut Pythagoras philosophus omnesq; Platonici & Origenes putant. An à propria Dei substantia, ut Stoici, Manichæi, & Hispaniæ Priscilliani hæreses suspicantur. An in thesauro habeantur dei, olim condita, ut quidam ecclesiastici stulta persuasione confidunt. An quotidie à Deo fiant & mittantur in corpora: secundum illud quod in euangelio scriptum est: Pater meus usque modo operatur & ego operor. An certè ex traduce, ut Tertullianus, Apollinarius & maxima pars Occidentaliū autumant, ut quomodo corpus ex corpore, sic anima nascatur ex anima, & simili cum brutis animantibus conditione subsistat. Cæterum refutatae sunt omnes illæ opinionēs solidis argumentis à scriptoribus ecclesiasticis, pro uerissima autem recepta & asserta est, quæ tradit animam ex nihilo creari & corpori infundi à deo, quando fœtus in utero materno sua forma suisq; partibus perfectus est. Definitiones enim ecclesiasticæ sic pronunciant: Dicimus creationē animæ solum creatorem omnium nosse, & corpus tantum per coniugij copulam seminari, Dei uero iudicio coagulari in matrice & compingi atq; formari, ac formato iam corpore animam creari & infundi. Vnde & beatus Hieronymus aduersus errores Ioan. Hierosolymitani episcopi disputans ad Pammachiū, post recitatas uarias de origine animæ sententias, ait, An certè (quod ecclesiasticum est secundum eloquia saluatoris: Pater usq; modo operatur, & ego operor, Et illud Isaia: Qui format spiritum hominis in ipso, Et in Psalmis: Qui fingit per singulos corda eorum) quotidie fabricatur deus animas, cuius uelle fecisse est, & conditor esse non cessat: Hæc ille. Certè scriptura disertis uerbis docet animam non oriri ex terra, neq; esse ante corpus conditam, sed proficisci ex creatoris ore, nimirum ex uirtute Dei secreta, infundiq; formato corpori. Formationem enim patris nostri describens Moses, prius cōmemorat Adam formatum esse corpus, deinde in formatum & absolutum corpus inspiratam animam uitæ: Formauit, inquit, dominus deus hominem de limo terræ, & inspirauit in faciem uel nares eius spiritum uitæ, factusq; est homo in animam uiuentem. Significat enim spiritus uitæ animalem rationalemq; id est, humanam animam, quam uides corpori formato inspiratam siue infusam esse. Cumq; mulierem ex costa idem crearet dominus, animam certè nō ex Adamo eiusq; anima traduxit in Euam, sed creatam formato corpori sua infudit bonitate & potentia. Neq; hodie aliter nos  
creari

Gen. 2.

creari à Domino quàm ut corpori formato infundatur anima, locupletissimus testis est Iob, dicens: Manus tuæ (ô Deus) fecerunt me & plasmaverunt totum. Non ne sicut lac mulisti me, & sicut caseum me coagulasti: Cute & carne uestiuiisti me, ossibus etiam & nervis compegisti me. En habes his elegantissimè descriptam, & conceptionem & formationem in utero materno corporis humani. Sequitur iam deinceps in Iob de anima: Vitam & misericordiam tribuisti mihi, & uisitatio tua custodiuit spiritum meum. En uita, id est, anima corpori iam formato est à Deo infusa. Vitam, ait, & misericordiam tribuisti mihi. Adiecit uitæ misericordiam. Est enim mirum, in utero materno foetum uiuere, tot uidelicet membranis inuolutum, exierit ergo se in eo misericordiæ diuinæ beneficium ingens. Sequitur autem per interpretationem: Et uisitatio tua, id est, prouidentia & conseruatio tua, custodiuit seu conseruauit spiritum meum. Nunc enim spiritum uocat id quod appellarat prius uitam, id est, animam. Proinde rectè & secundum scripturas tenemus, animas hominum creari à Deo & infundi absolutis iam in utero corporibus, utcunque non attingamus acu, quod dici solet, singula huius causæ puncta atque momenta.

Inspiciendum modò quid operetur in corpore hominis anima: breuibus id in descriptione complexi sumus, dicentes coniunctam corpori hominem animare & dirigere. Etenim complectitur anima rationalis uim uegetariuam & sensitiuam, & eatenus corpus animat: præterea partes habet duas, officijs, non essentia distinctas, Intellectum & Voluntatem, & eatenus hominem dirigit. Intellectu enim qui & mens & ratio dicitur, percipit, diiudicat, & cognoscit intelligibilia, cernitque quid persequatur aut quid fugiat. Voluntate autem seu appetitu cognitum eligit, hoc amplectens, illud uerò repellens. Quæ rursus patent latissimè. Proinde singula persequar paulò copiosius. Principiò anima corpus hoc mortale & terrenum præsentia sua uiuificat, colligit in unum atque complexu miro retinet, nec diffuset neque contabescere sinit; alimenta per membra æqualiter, suis quibusque redditis distribuit, congruentiam eius modumque conseruat, non tantum in pulchritudine, sed etiam in crescendo atque gignendo. Sed hæc omnia homini etiam cum arbutis communia uideri queunt. Hæc enim etiam uiuere, in suo item quidque illorum genere custodiri, ali, crescere, gignere uidemus atque fatemur. Videamus itaque quid anima possit & operetur in sensibus, ubi euidētior uita intelligitur. Intendit se anima in tactum, & eo calida, frigida, aspera, lenia, dura, mollia, leuia, graui, sentit atque discernit. Deinde innumerabiles differentias saporum, odorum, sonorum, formarum, gustando, olfaciendo, audiendo, uidendoque diiudicat. Atque in his omnibus ea quæ secundum naturam sibi corporis sunt, asciscit atque appetit, reijcit fugitque contraria: foetibus quoque non iam gignendis tantummodo, sed etiam fouendis, tuendis, alendis atque conseruandis conspirat. Sed hæc rursus omnia animam etiam in bestijs posse nemo negat. Consideremus ergo quæ sit uis animæ hominis propria: & hic expende mihi mirabile in intelligendi & rationandi facultatem, nec uulgarem, qualis est in brutis memoriam, sed reminiscen-  
tiam animaduersione atque signis commendatarum ac retentorum rerum innumera-  
bilium: considera mihi tot artes opificum, agrorum cultus, extructiones urbium,  
uariarum ædificiorum ac moliminum multimoda miracula: inuentiones tot signo-  
rum in literis, in uerbis, in gestu, in sono, in picturis atque figmentis: tot gentium lin-  
guas, tot instituta, tot noua, tot instaurata, tantum librorum numerum, & huiusmo-  
di monumentorum ad custodiendā memoriā, tanquam curā posteritatis: officio-  
rum, potestatum, honorum, dignitatumque ordines, siue in familijs, siue domi militiæque

Operationes  
et uires anime.

Ex 33. cap. Aue  
gusti. de Quæ-  
ritate animæ.



in republica, siue in prophanis, siue in sacris apparatusibus: considera mihi uim uerè admirabilem excogitandi fluuios eloquentiæ, carminum uarietates, ludendi ac iocandi caussa milleformes simulationes, modulandi peritiã, dimetiendi subtilitatem, numerandi disciplinam, præteritorum ac futurorum ex præsentibus coniecturam. Magnæ quidem hæ in hominis anima uirtutes seu operationes sunt, sed bonis & malis communes. Sequuntur ergo ex quibus uera bonitas atque laus homini ex uiribus animæ existit, & quæ in solis inueniuntur pijs. Audet se anima uerso corpori præponere, bonæque eius bona sua non putare, imò & contemnere: & inde quò magis se delectat, eò magis sese abstrahere à sordibus, totamque se purgare per fidem & spiritum sanctum, roborare item se aduersus omnia quæ de bono proposito dimouere moliantur: societatem præterea magni pendere, homines charitate prosequi, nihilq; uelle alteri, quod sibi nolit accidere. Nam sequitur doctrinam diuinam, & credit per hanc sibi Deum loqui; coniungitur per spiritum & fidem cum ipso Deo, in quo delectatur uereq; feliciter uiuit, omnis generis uirtutes proferens. In hoc tam præclaro animæ studio magnus adhuc labor est. Acerime enim cum carne & mundo confligit: neque uspiam tuta ab infestationibus incursionibusq; satanæ conquiescit. Verùm hic quoque à Domino confirmata pulcherrimas reportat uictorias ac triumphos. Operatur ergo sanctissima quæque opera anima, sed sanctorum: animæ enim impiorum omnis generis scelera perpetrant. Sunt aliæ operationes animarum multæ, quas ne sim æquo prolixior, recitare desino. Hactenus uerò de anima hominis corpori adhuc coniuncta disserui: in qua dissertatione mira relucet Dei bonitas, animæ imò totius hominis munificentissimi creatoris, cuius gratiæ meritò acceptum ferimus, quicquid laudis animæ tribuitur. Dicam porrò de anima à corpore dissociata.

*De anima à corpore separata.*

Separata à corpore non desinit esse quod fuit, sed extincto iam corpore ipsa in sua permanet essentia superstes, immortalis omnino, & omnis corruptionis ex pers. Mors enim hominis non est animæ extinctio aut pernicies, sed disunctio duntaxat aut discessus à corpore. Tollis ex laterna lucernam, lumen abstulisti: laternæ, lucernam uerò non extinxisti: laterna propter ablatam lucernam tenebris squalet quidem, sed lucerna adeò nihil damni sensit ex translatione, ut exempta ex laterna iam clarius luceat & latius spargat radios sui luminis. Ita certè anima se parata à corpore suo terreo luteoq; adeò non sentit ullum incommodum, ut molesta corporis liberata, liberius iam & efficacius uiuat & agat. Cæterum uulgus hoc non uidet, corpus duntaxat in extinctis anima spoliatum uidet, & quia hoc omni sensu & motu caret imò & computrescit, putat totum interiisse hominem. Nec desunt audaces & impij nequam, quibus in ore est neminem unquam à morte siue ex inferis rediisse, qui reditu suo approbarit extincto corpore superstites remanere animas. Sed malitiosè mentiuntur, simulantes se nescire quod certò nouerunt. Quis enim nesciat Christum Dei filium mortuum & sepultum quidem, sed tertia die à mortuis esse exuscitatum, rediente in corpus illa ipsa anima, quæ ante mortem animarat & rexerat corpus? Quis nesciat Christum uero corpore & sua ipsius rationali & genuina anima ascendisse in cælos, ac consedisse in dextera patris, ut illuc quasi deposito pignore certissimo, toti orbi attestaretur, & animas nostras proprias & corpora nostra propria aliquando illuc fore transferenda? Quis nesciat tot mortuos ex mortuis in uitam reuocatos recepisse non nouas, sed ueteres illas suas animas? quod minimè factum esset, si morte corporea extinguerentur animæ hominum.

*De morte animarum.*

Obijciunt scripturam ipsam meminisse mortis animæ. Fateor id quidem. Anima enim

ma enim hominis & mortalis & immortalis est, secundum quendam modum suū. Non enim omnimodo immortalis est, sicut Deus, de quo dictum est, quia solus habet immortalitatem. Et quidem memorabilis est mors animæ in scriptura sancta, sed ea refertur ad conditionem non ad substantiam animæ. Nam si uita animæ Deus est, certè mors animæ est Deo destitui & sibi ipsi relinqui. Siquidem uiuit nihilominus in essentia sua rationalis anima, sed cum misere uiuit, misera uita mors uerè appellatur. Sed & desperatio ipsissima animæ mors est. Nam spe uiuimus. Et Paulus: Viuo non iam ego, ait, sed uiuit in me Christus: ac uitam quam nunc uiuo in carne, per fidem uiuo filij Dei: ergo fide destituti mortui sunt, fide donati uiuentes. S. Augustinus de Fide & Symbolo cap. 10. Potest & anima, ait, sicut corruptibilis propter morum uitia, ita etiam mortalis dici. Mors quippe animæ est apostatare à Deo, quod primum eius peccatum in paradiso sacris literis continetur. Et idem iterum lib. De Trinit. 14. cap. 4. Habet & anima suam mortem, inquit, cum uita beata caret, quæ uera animæ uita dicenda est. Sed immortalis ideò nuncupatur, quoniam qualicunque uita etiam si miserrima uiuit, nunquam desinit uiuere. Profitemur ergo ore libero animas hominum à corporibus separatas seu exemptas non interire, sed immortales æternum uiuere, fideles quidem in æterna felicitate, infideles autem in æterna condemnatione.

1. Tim. 1. 6.

Galat. 2.

Id quod solidis aliquot scripturæ testimonijs comprobare pergam, si illud mouero prius, testimonia scripturarum in hac caussa longè esse uiuidiora, quam rationes humanas è philosophia contextas. Petuntur enim testimonia ex ore ipsius uiui, & in uita conseruantis Dei, qui cum uerax sit, mentiri nescit, qui cum uitā largiatur & uita sit, de uita omnium certissimè testari potest. Neq; dubium est cooperari uerbo Dei spiritum Dei, à quo nisi tangerentur corda hominum, nihil efficient in mortis periculo maximè & in alijs tentationibus, quantumuis euidentes philosophicæ rationes. Carnei ergo & animales sunt prorsus, qui nō erubescunt dicere, scripturis duntaxat sibi non posse persuaderi animarum immortalitatem. Imò firmum ac stabile in tentationibus nunquam erit, quod ex carne & sanguine profectum fuerit. Subijciemus itaq; aliquot certa testimonia & ea maximè clara.

Testimonia in mortalitatis animarum.

Dauid rex in orbe potentissimus & felicissimus, unico uersu & animarum immortalitatem & corporum resurrectionem complexus dixit: Non derelinques, Domine, in inferno animam meam, neq; dabis sanctum tuum uidere corruptionem. Constat homo corpore & anima. Corpus corrumpitur morte, & redigitur in puluerem: sed ideò non peribit. Sicut enim corpus Christi sepultum non computruit, sed tertia die resurrexit, ita in die iudicij excitabuntur & corpora nostra & uindicabuntur per Christum à corruptione. Anima uerò nostra non demergitur ad inferos. Sed sicut anima Christi ad corpus ex inferis redijt, & in resumpto corpore in coelos ascendit: ita & animæ nostræ uiuent per Christum, non morientur.

Psal. 16.

Solomon filius Dauidis, regum & omnium mortalium sapientissimus, uno & ipse uersu fata & corporis & animæ exponens, dicit: Reuertetur puluis in terram sicut fuit, & spiritus redibit ad Deum, qui dedit illum. Puluis appellatur à Solomone corpus humanum, quia à Deo factum refertur in Mose, ex puluere terræ. Corpus ergo redit in puluerem, computrescit enim & resoluitur in id quod ante fuerat in diem usq; iudicij, pronunciante Domino: Puluis es & in puluerem reuertetur. Verum spiritus, id est, anima rationalis non interit cum corpore, non resoluitur in puluerem, quia non est sumpta de puluere, nec dissipatur in aerem, quia aere non constat, sed redit ad Deum superstes à morte. Ideò autem ad Deum redit, quia Deus dedit animam, & singulari modo hominem condidit ad similitudinem

Eccles. 12.



DE ANIMA HOMINIS RATIONALI.

& imaginem suam, inspirans in faciem eius spiritum uitæ, uitæ inquam, id est, talis potentia, non spiritum mortis. Non potest ergo interire, quia immortalitatem accepit à Deo, qui cum uita sit, uitalem spiritum quem condidit conseruare potest.

**Math. 10.** Dominus Iesus, uerus Dei filius, uita & resurrectio fidelium, in Euangelio clare dicit: Ne metuatis uobis ab his qui occidunt corpus, animam autem non possunt occidere: sed metuite magis illum, qui potest & animam & corpus perdere in gehenna. Si caso corpore à tyrannis, anima non ceditur, manet ergo superstes ab extincto corpore, atque ita certo manet, ut ex uita corpore, propter perfidiam æternum arsurus à iustissimo Deo coniiciatur in gehennam. Nam in eodem Euangelio **Math. 16.** iterum dicit Dominus: Qui uoluerit animam suam seruire, perdet eam, & qui eam mea causa perdiderit, inueniet eam. Perdit autem animam suam, non is duntaxat, qui uoluptatibus mundi ipsam defraudat & temperantissime uiuit, sed is quoque, qui se propter confessionem fidei trucidandum offert tyrannorum truculentissimis manibus. Hic autem inuenit perditam animam, manent ergo superstes & immortales animæ hominum etiam post mortem corpoream.

**Ioan. 5.** In Euangelio secundum Ioannem dicit Dominus: Amen amen dico uobis, qui sermonem meum audit & credit ei qui misit me, habet uitam æternam, & in iudicium non ueniet, sed transiit à morte in uitam. Habes in hisce Domini uerbis mortem corpoream. At protinus ab hac testatur nos transire in uitam: superstes ergo manent à morte hominum animæ. Nunc enim nihil loquitur de corporis resurrectione & salute, sed de animæ uita post mortem.

**Ioan. 8.** In eodem Euangelio rursus dicit Dominus: Amen amen dico uobis, si quis sermonem meum seruauerit, mortem non uidebit in æternum. Cæterum constat omnibus hominibus constitutum esse semel mori, nimirum morte corporali: uiuit ergo anima à morte corporali. Necessè est enim hominem fidelem non uidere uel non experiri mortem: nisi is falsum dixerit qui sacramento quod dixit, affirmauit. Vtrobique enim iusiurandum adhibuit, dicens: Amen dico uobis, quò minus dubitemus de animarum immortalitate. Plurima extant eaque euidentissima in eodẽ Euangelio testimonia Christi filij Dei, ut cap. 6. & 11. quibus coniungemus modò unum & alterum ex scriptis beatissimorum Christi Apostolorum.

**1. Pet. 4.** Sanctus Petrus loquens de animabus patrum iam olim defunctorum, dicit mortuis prædicatum esse Euangelium, ut iudicentur quidem sicuti alij homines carne, uiuant autem iuxta Deum spiritu. Spiritus sunt animæ beatorum patrum, quorum corpora iamdudum sepulta expectant uniuersalem generalis illius finalis iudicij sententiam, id est, ut caro eorum resuscitetur, & simul cum alijs hominibus iudicetur in ultima illa die: interea uerò animæ uiuunt apud Deum. Superstes ergo sunt animæ hominum, etiam iamdudum putrefactis corporibus ipsorum.

**1. Tim. 1.** S. Paulus in Epistola ad Timotheum, dicit manifestè uitam & immortalitatem per Christum esse reparatam. Idem ubique animarum immortalitatem tam clare asseuerat, ut cæcus sit qui non uideat.

**Apoc. 9.** S. Ioannes Apostolus & Euangelista uidet in coelis sub ara, id est, sub patrocinio Christi, qui est hostia & propitiatio pro peccatis mundi, latitantes animas uiuentes atque clamantes: Usquequo Domine non uindicas sanguinem nostrum? Videt easdem indui uestibus candidis, donarique requie sempiterna. At erant istæ animæ martyrum Christi animæ, quorum corpora cæsa interierant in terra sub tyrannis & persecutoribus fidei Christianæ: immortales sunt itaque animæ hominum. Ideoque uerissima adeoque indubitata sunt quæ leguntur in libro Sapientia huius prodita

prodita uerbis: Iustorum animæ in manu Dei sunt, & non tanget illos tormentum <sup>Sap. 3.</sup> mortis. Insipientium iudicio mori uidentur: calamitosus existimatur exitus eorum & discessus à nobis exitialis, cum illi fruuntur felicitate. Etenim dum cruciantur in conspectu hominum, spem alunt plenam immortalitatis, & leuiter uexati ampla beneficia consequuntur. Quoniam Deus tentauit eos & se dignos comperit. Tanquam aurum in fornace probauit eos, & ut solidum sacrificium excepit. Ita que tempore uisitationis suæ effulgebunt, & ut in stipulis scintillæ discurrent. Iudicabunt gentes, dominabunturque populis, & regnabit in eis Dominus in perpetuum. Verissime ergo & secundum scripturam canonicam pronunciant Definitiones ecclesiasticæ 16. cap. Solum hominem credimus habere animam substantiuam, quæ exuta corpore uiuit, & sensus suos atque ingenium uiuaciter tenet. Non cum corpore moritur, sicut Aratus asserit; neque post modicum interuallum, sicut Zenon dicit: quia substantialiter uiuit. Animalium uero animæ non sunt substantiæ, sed cum carne ipsa carnis uiuacitate nascuntur, & cum carnis morte finiuntur moriunturque.

Veritas porro illa de animarum immortalitate, ueluti lege naturæ inscripta est <sup>Omnes sapientes docuerunt animas esse immortales.</sup> mentibus omnium hominum. Vnde nihil mirum, quod sapientissimi quique inter gentes nunquam sustinuerunt animam appellari mortalem. Consensus enim omnium, qui naturæ uox putatur, præcipue maiorum, declarat animas immortales. Idque etiam asserit M. Tullius: Ut, inquit, deos esse natura opinamur, qualesque sint ratione cognoscimus, sic permanere animos arbitramur, consensu nationum omnium. Omnes itaque præci, & omnes qui eos insequuti sunt, animos æternos dixerunt, Trismegistus, Musæus, Orpheus, Homerus, Pindarus, Pherecydesque Syrus Pythagoræ præceptor, & huius discipulus Socrates. Ipse Plato, qui ut Pythagorea disceret, in Italiam nauigauit, de animarum immortalitate non sensit idem modò quod Pythagoras, sed rationes etiam attulit. Hæ rationes, teste Tullio, plures sunt, ut qui legat librum eius, non uideatur aliquid desiderare amplius. Seneca tam clare animorum immortalitatem asserit, ut nihil clarius. Nam idem fecit Epictetus insignis philosophus, Senecæ synchronos. Si qui ergo supersunt homines leues, quibus dubia esse uidetur animarum immortalitas, aut qui hanc prorsus negant, hi certè hominum nomine indigni sunt. Nam pestes sunt reipublicæ & bestię, digni qui hominum explodantur abdicanturque consortio. Freno enim caret, pudoremque omnem abstersit, & ad omne ne nephas patrandum instructissimus est, quisquis credit animam hominis esse mortalem.

Demonstrauī separatas per mortem à corporibus animas hominum non interire sed uiuere superstitēs, restat ut porro doceam ubinam destitutæ corporis domicilio agant aut uersentur. Dum coniunctæ essent corporibus, his ceu domicilijs suis utebantur, ita ut quamuis dicantur loco non circumscribi, non errarint tamen extra corpora sua, uerum in ipsis ceu ergastulis ad dissolutionem usque fuerint uelut conclusæ. Illæ ipsæ ergo à corporibus iam dissociatæ, cum sensus suos, ingenium suum, totamque substantiam suam uiuaciter retineant, etsi ne nunc quidem loco circumscribi dicantur, non diffiunt tamen aut dissoluuntur, nusquam existentes, sed compactæ in sua essentia alicubi sunt iterum, habentes non noua quidem corpora (liberæ enim sunt ad iudiciū usque, quæ denuo corporibus coniunguntur) sed tamen certa sibi à Deo parata in quibus degant domicilia. Per me sane licet alij perquam acutè & subtiliter disputent, quomodo spiritus loco contineantur, uel non contineantur: ego simpliciter cum scriptura assero, animas à corporibus separatas colligi uel in ipsum cælum, uel demergi in tartara, atque eas sibi sic

*Vbinam agant animæ separate à corporibus.*



- Luce 16.** uersari, ut cum hic sint alibi non sint. Nam Dominus in Euangelio dicit significatissimè Lazari mendici animam delatam esse in sinum Abraham, diuitis autem epulonis deiectam in tartara. Quinimò sequitur protinus in historia, Inter nos & uos (colloquuntur autem animæ beatæ & infelices) hiatus ingens firmatus est, ut hi qui uolunt hinc transire ad uos, non possint, neque inde huc transcendere. Iam &
- Phil. 1.** S. Paulus dissolui cupit & esse cum Christo. Dissoluimur morte: migrante enim anima dissoluitur & concidit corpus, anima ad Christum euolat. Christum uerò
- Ioan. 14.** indicat nobis scriptura in cœlis ad dexteram patris. Cœlum autem ubi sit, nemo nescit. Et nos aliàs ea de re copiosius disputauimus. In Euangelio secundum Ioan-
- Apor. 6.** nem ipse Dominus animarum contubernium animabus à corporibus separatis paratum, & locum appellat & mansionem seu habitationem; his insuper adiectis uerbis: Assumam uos ad me ipsum, ut ubi sum ego, & uos sitis. Ideo quæ uidet beatus Ioannes in cœlo animas sub ara uel patrociniò Christi degentes atque conquiescentes, Illuc enim excedentes ex corporibus ad semetipsum collegerat. Huc rinet elegans & mirè huic negotio accommodus beati Pauli Apostoli locus, his uerbis
- 1. Cor. 5.** in 2. ad Corinth. conscriptus: Scimus quod si terrenum nostrum domicilium tabernaculi destruat, ædificationem ex Deo habemus, domum non manufactam æternam in cœlis. Et reliqua. En dum corporibus nostris fuerunt coniunctæ animæ nostræ, hæc ceu domos suas inhabitauerunt, deiecta autem domo corruptibili, aliam animæ meliorem & diuturniorem extruxit Deus, ipsum, inquam, cœlum, in quod excedentes ex corporibus benignè recipit. Nā corpus ipsum quale nunc habemus, appellat domicilium tabernaculi. Sicut enim tabernacula leui materia nec solido fundamento ad breue tempus extruuntur, deinde paulò post diruuntur aut sponte cadunt; ita corpus mortale datum est hominibus ueluti caducum tugurium, quod paucis diebus incolant, mox autem migrent. Simili allegoria usus est & S. Petrus 2. Petri 1. Huic opponit ædificium durationis perpetuæ, ipsum, inquam, cœlum. Cùm enim dixisset nos habere ædificationem ex Deo, per interpretationem subiungit: Domum non manufactam. Et adhuc clarius: Æternam in cœlis. Nec impedit aut alium sensum suppetit quod mox sequitur: Desideramus domicilium nostrum quod è cœlis est superinduere. Nam è cœlis perinde sonat ac si tu dicas coeleste: domicilium ergo animæ coeleste uel ipsum cœlum est, locus, inquam deputatus beatissimis spiritibus. Enimvero habitabit in cœlis anima fidelis ad eum usque diem, quo iudicabit Dominus totum orbem iudicio illo suo uniuersali; tunc demum redibit ad corpus resuscitatum, ut post iudicium totus homo corpore & anima apud Deum æternum uiuat. Sic enim testatur Paulus, Ipse Dominus cum hortatu ac uoce archangelì ac tuba Dei descendet de cœlo, & mortui in Christo resurgent primùm: deinde nos qui uiuimus, qui reliqui erimus, simul cum illis rapiemur in nubibus in occursum Domini in aera, & sic semper cum Domino erimus, in cœlis nimirum quæ supra nos sunt, ubi nubes conspiciuntur. Proinde omiſſis uanis speculationibus disputationibusque curiosis, credamus domicilium paratum à Domino separatis à corporibus animis in cœlo, in quod recipiantur fideles, rursus paratum esse ignem æternum, in quem conſiciantur omnium infidelium animæ.
- 1 Theſ. 4**
- Quomodo anime transferantur ad locum sibi destinatum.** Docuimus cœlum esse sedem uel habitationem separatis à corporibus animabus recipiendis à Deo paratam, reliquum est ut ostendamus quomodo & quando illuc à morte transferantur. De modo non possum aliud dicere quàm ipsum esse Deo plenè cognitum, nobis uerò quantum satis uidebatur in scripturis adumbratum, nempe quod per angelos animas subducentes motu fiat celerrimo. In euangelio

gelio enim dixit Dominus animam Lazari ab angelis deportatam in sinum Abra-  
hæ. De quare & superius diximus, cum concionaremur de Angelis bonis. Qua-  
lis uerò motus ille sit, naturalis an supernaturalis, scrutari nolo. Credo Deum per  
ficere ac præstare quod promissit. Promittens autem, dixit: De morte transiit ad <sup>Ioan. 5.</sup>  
uitam. Rursus Latroni dixit: Hodie eris mecum in paradiso: ueluti momento to- <sup>Luce 23.</sup>  
tam illam delationem comprehendens. Hic illud quoque necessario adiicimus, bene-  
ficio Christi deferendum esse quòd in cœlos rapimur. Ipse enim est ostium & uia.

Quando autem transferantur animæ in cœlos uel deiciantur in inferos, quæ- <sup>Quando trans-  
ferantur ani-  
mæ in cœlum:</sup>  
stio uidetur hodie non tantum utilis, sed etiam modis omnibus necessaria quæ ex-  
cutiatur. Etenim sunt nostro seculo male feriatii homines, qui puram huius causæ  
simplicitatem corruerunt. Inuenias enim dicentes animas e corpore migrantes  
non rectè tendere in cœlum, sed ueluti lethargo correptas, in ultimum usque diem  
iudicii dormire. Inuenias alios contententes animas non nisi exactissime purga-  
tas igne lustratorio, quem ipsi appellant purgatorium, euolare in sedes beatas.  
Quasi intercipientur à piratis & prædonibus medio in itinere, conijcianturque in  
tormenta, donec uel ipsæ satisfaciant, uel alij pro eis uelut æs alienum contractum  
exoluant. Ego utrunque nego & pernego: assero autem animas non dormire, nec  
à morte corporea tormentis lustrari ullis, sed uigilantes, uiuentes, & à supplicijs  
quibusuis liberatas, à morte corporea protinus & in puncto quidem, uel in cœlos  
deportari, uel demergi in tartara.

Dormitantij uerò nihil quod pro lethargo suo afferant, habent, nisi quòd scri- <sup>Anime separa-  
te à corpori-  
bus non dor-  
munt.</sup>  
ptura non rarò fata describens sanctorum meminit somni & obdormitionis. Ob-  
dormiuit & additus est ad patres suos. Et Paulus dixit: Nolo uos ignorare de dor-  
mientibus, cum loqueretur de morientibus. Cæterum sicut animæ coniunctæ ad-  
huc caduco huic corpori nunquam dormierunt neque dormire potuerunt: ita libe-  
ratæ ab onere corporis multò minus dormire credendæ sunt. Ad corpus itaque refer-  
tur obdormitio. Nam obdormit in Domino quicumque in uera fide moritur. Sicut  
autem dormientes recreatis somno artubus mox euigilant, surgunt & operantur:  
ita morte non extinguitur corpus prorsus ne aliquando reuiuiscat, sed recipitur  
nunc quidem in quietem, ad iudicii uerò diem rursus resurgit, & uiuit: ac propte-  
rea obdormire non mori dicuntur in scripturis sancti, ut mysterium resurrectionis  
carnis nostræ significetur. Id quod non uident crassi isti homines, unde animæ  
tribuant quod corporis proprium est. Alia argumenta quæ ad stabiliendam uerita-  
tem suam proferunt, indigna sunt quæ recenseantur. Vel enim scripturas uiolen-  
ter à nativo sensu detorquent, uel corrupta ratiocinatione falsa ex falsis colligunt.

Qui uerò opinantur animas à corpore migrantes non rectè & euestigio ten- <sup>Anime separa-  
te à corpori-  
bus non defe-  
runtur in pur-  
gatorium.</sup>  
dere in cœlum, sed abripi itinere medio in ignem illum purgatorium, in quo lu-  
strentur à sordibus peccatorum in carne contractis, deinde purificatas in conspe-  
ctum sanctissimi Dei ab angelis deferri, dormitantij nihil tolerabilius hallucinan-  
tur. Vel enim purgantur animæ igne illo purgatorio à peccatorum sordibus, uel  
abluuntur aut lustrantur dolore aut cruciatu tormentorum quæ ibi perferunt. Si  
uirtute illius ignis purgantur peccata, consequens est, non solo filij Dei sanguine  
peccatores sanctificari. Quibus uerò scripturis approbaunt nobis uim illam pur-  
gandi datam esse igni? An uerò mutauit Deus consilium suum & ignem hunc pro  
Christo sanctificatorem instituit? Proh pudor. Si uerò propter nostra tormenta re-  
mittuntur peccata, ergo non propter crucem & passionem Christi duntaxat pu-  
rificamur. Doceant illi nos ex scriptura id meriti concessum esse à Deo nostræ pas-  
sioni. Cæterum solo Christi sanguine & passione sanctificantur omnes quotquot



*Purgatoriu  
vini qui*

*Solo Christi san  
guine purgan-  
tur anime.  
Ioan. 3.*

*Act. 4.*

*2. Pet. 1.*

*1. Ioan. 1.*

*Apoc. 1.*

*Ephes. 5.*

*Tit. 3.*

*Hebr. 1.*

*Galat. 2.*

sanctificantur, ergo purgatorium est commentum diaboli impium, quod Christi crucem ac meritum obscurat, imò & euacuat. Quid enim illis est purgatorium, nisi satisfactio pro peccatis, facta ab animabus separatis à corporibus? Mouetur in Euangelio Ioannis quæstio à discipulis beati Baptistæ de purificatione animarum. Ac Baptista demonstrat fideles fide per Christum purificari: id quod & sancto baptismo attestatus creditur. Præstantissimi denique Apostoli disertè testificantur solo Christi sanguine & passione unica, & merito eius absolutissimo omnes fideles mundari. Nam Petrus qui in Actis dixit: Non est in alio quoquam salus; Nec enim aliud nomen est datum inter homines in quo oporteat nos saluos fieri: idem, inquam, scripsit in canonica sua priore: Scitis uos redemptos esse non caducis rebus, uelut argento & auro, sed pretioso sanguine agni immaculati. Ioannes quoque Apostolus, Et sanguis, inquit, Iesu Christi filij Dei emundat nos ab omni peccato. Et idem iterum: Christus dilexit nos, & lauit nos à peccatis nostris per sanguinem eius. Paulus uerò ad Ephesios & ad Titum demonstrat nos solo filij Dei sanguine purificari. Ad Hebræos: Per semetipsum, ait, purgauit peccata nostra, & confedit in dextra Dei in excelsis. Per semetipsum significanter dixit, ut alia omnia excluderet. Nam alibi sic pronunciauit: Si ex lege est iustitia, ergo Christus frustra mortuus est. Ad eundem enim modum argumentamur & nos: Si igne purgatorio mundamur, ergo Christus frustra fudit sanguinem purificandis nobis. Quid enim opus erat ipsum supplicio affici grauissimo, si igne potuimus lustrari purgatorio? Præterea uniuersa scriptura docet nos, Christum esse satisfactionem & propitiationem nostram unicam. Id quod alijs in locis copiose ostendimus. Idcirco animæ non satisfaciunt in purgatorio, nisi Christum superuacaneum hominibus esse fateri uelimus.

Suppingunt isti uim purgandi purgatorio igni datam esse ex gratia uel sanguine & merito Christi, purgareque hunc non sua uirtute, sed filij Dei potentia. Ceterum confinxerunt hoc quoque nequissimè. Nam scriptura ubique remittit (quod & modò diximus) ad filium Dei & pretium sanguinis & emundationis eius, cuius participes nos fieri docet in hoc seculo uiuentes per fidem & spiritum sanctum: purgatorij autem ne uerbo quidem uspiam meminit: nuspiam dicit in alio seculo nos purgari gratia Dei. Suffurantur ergo isti gloriam filio Dei propriam, & communicant igni prorsus fictitio & blasphemio, denique aliud tempus gratiæ constituit extra hoc seculum, quod à scripturis alienum est prorsus. Clamauit enim in Euangelio Dominus noster: Me oportet operari opera eius qui me misit, donec dies est. Venit nox quando nemo potest operari. Et Paulus: Operemur bonum, inquit, id est, benefici & liberales simus in pauperes, dum tempus habemus. Id quod sumptisse uidetur ex Ecclesiasta Solomonis, dicentis: Cum nubes impleta fuerint, pluuiam effundunt in terram: & cum arbor ceciderit uel ad Austrum, uel ad Aquilonem, in quemcunque locum ceciderit, in eo permanebit. Allegorijs enim utitur duabus, quibus diuites liberalitatem docet. Prima sumitur à nubibus. Nubes ex terra colligunt uapores, qui condensati mox ceu è spongia exprimuntur effundunturque in terram, ipsam rigantes. Id ipsum faciant diuites, conquisitas ex hominibus opes in homines iterum spargentes. Secunda sumitur ab arboribus, quæ excisæ in ijs locis manent in quos cadunt. Monet ergo sapiens, opportune faciamus quod faciuri sumus, ubi enim hinc excefferimus nullum esse locum poenitentiae. Et in Euangelio arbor non rarò ponitur pro homine, ubi & dextrum ponitur pro loco beato, sinistrum pro loco damnationis. Dicit ergo: Vbi mortuus fueris, in damnatione uel beatitudine semper manebis. Diuinis consonant humana. S. Cypria-  
nua

*Cyprianus*

nus enim contra Demetrianum dixit: Quando isthinc excessum fuerit, nullus iam locus poenitentiae est, nullus satisfactionis effectus. Hic uita aut amittitur aut tenetur. Hic saluti aeternae, cultu dei, & fructu fidei prouidetur.

Obijciunt rursus purgari quidem animas à corpore decedentes sanguine filij Dei, sed non plenè, remanere enim aliquid sordium in purgatorio eluendarum. Discedere enim illas non plena fide ex hoc seculo, & idcirco non prorsus bonas: rursus cum aliquid eis sit fidei, non esse prorsus malas: & quoniam non sint bonae prorsus, in cœlum ingredi non posse: rursus cum non omnino pessimae sint, non posse ipsas damnari, itaq; relinqui locum medium in quo ad plenum excoquantur, & demum purificatae sistantur conspectui dei. Caterum fingunt isti pro more suo quod uolunt. Nos uerò scripturis sanctis demonstrauius, solo sanguine filij dei per fidem non per purgatoriū purgari animas fidelium: ostendam porrò consequentibus etiam, ad p̄. nium, id est, absolutissimè unica Christi hostia purificata esse omnium hominum peccata, præterea gratia dei in sanguine Christi condonari in articulo mortis, quicquid infirmitatis & reliquiarū peccati remanet in decedentibus à corpore fidelium animabus. Dominus enim in euangelio dicit: Qui lotus est non opus habet nisi ut pedes lauet, sed est mundus totus. En totus, inquit, mundus est, qui lotus est gratia Christi, sic ut coinquinatio pedum, infirmitas, inquam, & imperfectio remanens post regenerationem, non possit eum redigere in numerum impurorum. Nam dominus iterum in euangelio dicit: Ego sanctifico meipsum pro eis, ut sint & ipsi sanctificati per ueritatē. Tradidit semetipsum dominus in hostiam pro peccatis nostris, ut nos sanctificaremur, id est, purgaremur à peccatis uerè, id est, plenè & perfectissimè. Paulus enim dixit: Vnica oblatione perfectos effecit in perpetuum eos qui sanctificantur. Obseruate quæso apostolica uerba: Christus unica, en unica dicit oblatione, perfectè sanctificauit omnes quotquot sanctificantur, hæredesq; fiunt uitæ aeternae. Hinc nos colligimus: Si unica Christi hostia semel pro nobis oblata, purificantur omnes animæ, & perfectè quidē purificantur, ita ut nihil desit purificationi, quid obsecro inuenit purgatorium quod purificet? Figmentum est ergo impudens diraq; blasphemia contra meritum purificationis Christi Iesu filij dei. Resarcit hic in hoc adhuc seculo sua gratia, si quid iam decedenti animæ diminutum aut deesse uidetur. Impia uox est & indigna quæ audiatur inter Christianos populos, nostra passione in purgatorio expleri quod nondum plenè expiatum est sanguine & passione Christi. Quasi uerò passio nostra, filij dei passione præstantior sit efficaciorq;. Obijciunt isti nobis fidei imbecillitatē in morientibus: nos uicissim illis opponimus dei misericordiam suos fideles plenissimè absoluentem. Pater lunatici euangelicus auxilium postulans à domino, audit: Si potes credere (me uidelicet filium tuum sanare posse) omnia possibilia sunt credenti. Et quamuis sentiret hic fidem suam non esse omnino absolutissimam, sed plurimum superesse imbecillitatis, diuinum tamen auxilium infirmitate eius non impediebatur. Quia enim supplex se totum conijciebat in misericordiam domini, obsecrans & dicens, Credo domine, succurre incredulitati meæ, succurrit dominus illico, & citra dilationem sanauit puerum eius. Ita dubium non est, dominum clementissimum fidelibus suis quibus ueniam promisit plenissimam, in hora mortis agnoscentibus infirmitatem, ideoq; & implorantibus misericordiam & ueniam, non deesse, sed egredientem iam animam mox perfectè sp̄ritu suo propter Christum sanctificare, & omni genere charismatum ornare, ut uerè purgata ab omnibus peccatorum sordibus euolet, mereaturq; in conspectu dei apparere. Hoc uerò morientibus inculcandū fuerat.

*Plene purgari animas sanguine Christi.*

*Ioan. 13.*

*Ioan. 17.*

*Hebr. 10.*

*Marci 9.*



DE ANIMA HOMINIS RATIONALI.

Extant enim amplissimæ dei promissiones. Extant multorum sanctorum morientium & inuocantium exempla. Constat præterea ex his quæ iam attulimus, per Christi mortem plenè expiata esse peccata: ut iam nihil amplius relinquatur purgatorio igni expurgandum. Euolant animæ rectæ à morte corporea in cœlum, nihil secum auferentes expurgatione dignū. Ergo ignis ille purgatorius nihil aliud est reuera, quàm auarissimorum hominum negotiatio, qua loculos, non animas, pauperum & diuitum artificiosè expurgant.

*De orationibus  
pro defunctis.*

Hi ipsi ruenti structuræ purgatorianæ protinus subiiciunt fulcra duo. Prius, Veteres, inquit, orarunt pro salute animarum à corpore separatarum, est ergo purgatorium. Nam cum in cœlis non opus habeant precibus, in inferno preces nihil prosint, cum ex inferis nulla sit redemptio: relinquitur certè locus medius, in quo retineantur animæ, quibus prosunt orationes uiuentium, is est purgatorium. Sic illi quidem argumentantur, sed ex seipsis sine autoritate scripturarum confingentes omnia. Verū sanè illud est quod aiunt ueteres orasse pro defunctis. Scio quid doctor ecclesiæ insignis Augustinus, quid eloquentissimus Chrysostomus aliq̃ uiri uetusti ac clari hac de re scriptū reliquerint. Sed quæro num hi rectè fecerint quod fecerunt? Non enim omnia quæ dixerunt & fecerunt sancti patres, qui non rarò nonnihil humani pasci sunt, absolutè sunt probanda uel imitanda.

*August. epist.  
ad Fortu. m. et  
epist. 112.*

Probanda & imitanda non sunt quæ proferuntur ab eis (id quod ipsi etiam fatentur ingenuè) contra scripturarum decreta, sed illa duntaxat quæ sunt scripturarum sanctarum autoritate confirmata atq; prodita. Illæ copiosè & apertè quicquid in doctrina pietatis cognitu est necessarium, complectuntur. Verū nihil inuenias in eis de oratione pro defunctis. Quod enim quidam adferunt ex secundo Machabæorum libro, nihil probat. Liber enim ille non est canonicus. Id quod uel ex Hieronymo dudum didicisse oportuerat. Adijciunt orationem pro defunctis traditionem esse Apostolorum non scriptam. Audio. Verū sat scio traditiones non scriptas non pugnare cum scriptis Apostolorū. Sat scio scripta Apostolorum nullibi præcipere orationes pro mortuis, nullibi his suffragari. Cum Apostolus Paulus Thessaloniceñ. hortaretur ut mortem suorum æquanimitè tolerarèt, ac tum maximè opportunum fuisset præcipere de orationibus pro mortuorū spiritibus offerendis, si modò illas utiles & necessarias putauisset, nullam tamen earum facit mentionem, imò simpliciter docet quid credant de separatis à corporibus fidelium animabus, nempe quòd agant in beatitudine æterna apud Christū, expectantes corporum suorum resurrectionem. Quis autem non uideat hanc firmitatem simplicitatemq; doctrinæ apostolicæ, traditione illa apostolica ficta conculci & implicari periculosissimè? Si enim in Christum credimus, fidem uerbis ac promissis eius habeamus. Dixit hic se esse fidelium resurrectionem & uitam, animasq; credentium iam inde à morte corporea transiisse in uitam. His, inquam, ueracissimis domini uerbis si credimus, quid adhuc solliciti pro mortuorum spirituum salute, quasi nondum salutem consequuti sint, deprecamur? Apertum sanè precibus his nostris argumentū edimus, de nostra nos fide addubitare, & de animarum salute non id sperare quod & uerbis profitemur & sperare iubent uerba Christi & Apostolorum. Fides certè & spes firma credentium & innitentiū Christi promissionibus, prohibent hic atras in oblationibus pro defunctis uestes sumere, quorum animas indumenta alba iam sumpsisse credimus: prohibent occasionem dare uel incredulis uel imbecillibus in fide, meritò nos reprehendendi, quòd eos quos apud deum uiuere dicimus, ut in ignem coniectos lugeamus, deoq; supplicantes miseros ex tormentis liberare satagamus, id est, fidem quam sermone &

*2 Machab.  
12.*

*1. Thess. 4.*

uoce

uocē depromimus, cordis & pectoris imò & externorum operum testimonio reprobemus. Si ita pergamus, spei profectò fideiç nostræ præuaricatores sumus. Simulata, ficta, fucata uidetur esse quæ dicimus. Nihil autem prodest uerbis proferre uirtutem, & factis destruere ueritatem. Recipiat ergo traditionē illam apostolicam, ut uocant, de orationibus offerendis pro fidelibus defunctis, qui uelit, ego nihil pugnan. cum uera fide & doctrina apostolorum recipio, nec id cuiquā recipiendum suadeo. Illud quoq; dissimulare non possum, id quod isti Traditionem Apostolorum appellant, S. Augustinum nuncupare traditionem patrum ab ecclesia receptam. Nam sermone de Verbis Apostoli 31. Hoc à patribus inquit, traditum uniuersa obseruat ecclesia, ut pro eis qui in corporis & sanguinis Christi communione defuncti sunt, cum ad ipsum sacrificium loco suo commemoratur, oretur, ac pro illis quoq; id offerri commemoretur. Et iterum de Cura pro mortuis gerenda, cap. 4. Non sunt præmittendæ, ait, supplicationes pro spiritibus mortuorum, quas faciendas pro omnibus in Christiana societate defunctis, etiam tacitis nominibus quorumq; sub generali commemoratione, suscepit ecclesia. Hæc ille. Qui tamen alicubi Traditiones Apostolorum latius extendat, his tamē significantius innuere uidetur hunc ritum orandi pro defunctis ecclesiæ à patribus traditum, & haud dubiè post longa interualla à temporibus Apostolorum ab ecclesia esse receptum. Idem ille Augustinus contendit non uno loco eucharistiæ perceptionem, perinde ut baptismum, infantibus iam iam ex utero materno effusis ad salutem consequendam esse necessariam. Loci insigniores quibus id agit sunt lib. 1. contra Iulianum Pelagianum, & c. 1. lib. de Peccatorum meritis & remissione contra Pelagianos. Nec segniore studio id dogmatis quàm traditionem urget, quòd id eo seculo in ecclesia esset reuertiſſimum. Quis uerò eum ritum hodie recipit ut apostolicū? Quis non uidet optimos illos patres & fidelissimos alioqui pastores ea in re humani aliquid passos esse? Pluris meritò sit hodie scriptum Apostoli Pauli, quàm antiqua illa ecclesiæ traditio. Scribit Paulus: Probet seipsum homo, & sic de pane edat & de calice bibat. Inde intelligunt omnes, adultorum, non infantum esse eucharistiā. Ea de causa licuit maioribus nostris traditionem illam deferere, & propius accedere ad scripturam. Permittant itaq; nobis quoque hac in causa discedere à patrum traditione incerta, & inherere fidei certissimæ, scripturæq; apostolicæ.

Verum damnatus est, inquiunt, hoc nomine Acrius, quòd inutiles crederet orationes pro defunctis. Scio equidem damnatum esse Aerium, nec illū mihi defendendum sumpsi, quem Arianū fuisse Phylastrius, Epiphanius & Augustinus commemorant, alijsq; foedis pollutum erroribus. Quod autem preces pro defunctis attinet, utiles ne an inutiles sint, dubium non est catholicos non hereticos esse qui credunt quod traditum est symbolo apostolorum. Credimus autem iuxta huius traditionem, Remissionem peccatorum, Huius carnis resurrectionem, Et uitam æternam. Hæc qui credunt, assequuntur ea proculdubio quæ credunt. Dixit enim Centurioni dominus: Abi, & quemadmodum credis, ita fiat tibi. Ergo quis quis crediderit remissionem peccatorum & uitam æternam, remissionem peccatorum consequutus est, ac uiuet certò uita æterna. Id si uerum est, ut falsum esse non potest, quod symbolo apostolorum nobis traditum est, quis oro locus erit orationibus pro defunctis? Nam defunctis remissa sunt peccata, ergo remoræ ad uitā sublatae sunt omnes, itaq; uiuunt apud deum. Qui uerò non crediderunt, sua retinuerunt peccata, & demersi ad tartara hærent in luto inferni. Quæ cum indubitanter ita habeant, certè non habent ullum usum neq; apud deum neq; apud fideles,

Augustinus

1. Cor. 11.

Matth. 9.



orationes pro defunctis. His accedunt tot sanctorum utriusque testamenti exempla, præferenda & traditionibus & condemnationibus hominum. Quis oro sanctorum patrum unquam orauit pro suis defunctis? nunquid Adam pro Abele suo? nunquid filij pro patre suo Adamo? Quas preces obtulit deo pro anima defuncti patris Thare, pro anima uxoris suæ chariss. Saræ Abraham? Quas preces fuderunt pro patre mortuo Isaac Esau & Iacob? pro Iacobo duodecim filij Israelis? pro Davide Solomon? In nouo Testamento decollatur ab Herode Ioannes Baptista, lapidatur à Iudæis Stephanus, truncatur ab Agrippa capite Iacobus, sepeliunt eorum corpora discipuli ipsorum, iustaque peragunt religiose, sed in tot funeribus nulla fit mentio orationis pro animabus defunctis. Crediderunt enim eas à morte protinus delatas esse in uitam æternam. Quis ergo imponat nobis post tot celebria sanctorum exempla, & post tam claram catholicæ & orthodoxæ fidei professionem, necessitatem orandi pro animabus defunctorum? Quis uero hæreticos esse post hac dixerit, qui opere complemus quod professione fidei uel oris confessione profitemur, imò qui nihil aliud facimus, quam quod ante nos fecerunt celeberrimi utriusque Testamenti cultores Dei?

*Apparitio spirituum.*

*Deut. 18.  
Isaie 8.*

*Luce 16.*

Posterius fulcrum, quod substituunt ruinæ purgatorii sui, est apparitio spirituum. Rabanus enim episcopus ex Gregorij Papæ & uenerabilis Bedæ testimonijs ostendit, per frequenter apparuisse mortuorum animas, ac edocuisse, oblationes & preces permultum ipsis prodesse. Caterum miror uiros nonnullæ eruditionis, negotium suum tam ruinosis imposuisse fundamentis. Prohibet enim dominus in lege sua ueritatem sciscitari, ex mortuorum spiritibus. In prophetis ab huiusmodi oraculis relegamur ad legem & testimoniū. Apud Lucam clamat in tormentis diues epulo, & ait: Rogo te pater Abraham, ut mittas Lazarum in domū patris mei. Habeo enim quinque fratres, ut testetur illis, ne & ipsi ueniant in locum hunc cruciatus. Sed audit: Habent Moysen & prophetas, audiant illos. Cumque diues respondisset: Non pater Abraham, sed si quis ex mortuis ierit ad eos, respiciant. Iterum audit: Si Moysen & prophetas non audiunt, neque si quis ex mortuis resurrexerit credent. Certissimum est ergo & euangelica autoritate confirmatum, ne beatas quidem animas nobis mitti à deo quæ nos aliquid doceant. Impias & condemnatas quis oro audiat? Relegat nos omnes ad scripturam canonicam Christi euangelium. Vnde iam consequens est, nullius momenti imò fallacissima & mendacissima esse testimonia, quæ petuntur ex oraculis aut apparitionibus spirituum mortuorum.

*Animas à corporibus separatas non oberrare in his regionibus.*

Diuinis testimonijs accedunt etiam humana, quæ interim nos erudiunt, non posse animas à corpore separatas in hisce oberrare regionibus. Nimis longa sunt quæ hac de re doctè disputat Tertullianus in fine propemodum libri sui de Anima, huc tamen tendunt omnia, ut ostendat animas à corporibus suis separatas, & suis locis destinatas, non redire iterum in hoc seculum. Obiectioni quorundam instantium artem magicam, sed & uirtute diuina multos ex mortuis in hanc uitam rediisse, respondet: Sed etsi quasdam reuocauit in corpora dei uirtus, in documenta iuris sui, non idcirco communicabitur fidei & audaciæ magorum, & fallaciæ scæmiorum, & licentiæ poetarum: atquin in resurrectionis exemplis, cum dei uirtus siue per prophetas, siue per Christum, siue per apostolos in corpora animas representat, solida & contrectabili & satata ueritate præindicatum est hanc esse formam ueritatis, ut omnem mortuorum exhibitionem incorporalem præstigas iudices. Chrysostomus ergo Homeliā in Matth. 29. interrogans: Quid ergo respondimus ad illas uoces. Anima talis ego sum? excipit, Non anima defuncti est quæ ista di-

ista dicit, sed dæmon qui hæc ut audientes decipiat effingit. Et mox: Quare uetularum hæc uerba imò desipientium ducenda sunt & puerorum ludibria. Et iterū: Non potest anima à corpore separata in his regionibus errare. Iustorum animæ e-  
nim in manu dei sunt, infantium quoque similiter: non enim peccarunt. Peccatorū  
uero post hunc exitum CONTINVO abducuntur: quod à Lazaro & diuitem pla-  
num efficitur. Sed alibi quoque dominus ait: Hodie animam tuam abs te repetent. *Sapient. 3.*  
Non igitur potest anima cum à corpore abscefferit apud nos hic errare: nec id  
iniuria. Nam si qui iter faciunt cum in ignotas regiones inciderint, nesciunt quo  
ituri sint nisi ducem habeant: quanto magis anima relicto corpore cum nouā sibi  
omnino uitam & uiam ingrediatur, quo itura sit ignorabit nisi ducem consequa-  
tur. Multis ē locis scripturæ comprobari potest, non errare hic post mortem iusto-  
rum hominum animas. Nam Stephanus ait: Suscipe spiritum meum. Et Paulus *Actor. 7.*  
resolui ac cum Christo esse desiderabat. De Patriarcha quoque scriptura dicit: Et ap-  
positus est ad patres suos, mortuus in senectute bona. Quod uero nec peccatorū *Philip. 1.*  
animæ hic commorari possunt, diuitem audias quid dicat, perpendasque quid pe-  
tat & non impetret. Quod si possent animæ hominum hic cōuersari, uenisset ipse *Gene. 25.*  
ut cupiebat, & suos de tormentis inferni fecisset certiores. Quo ex loco scripturæ *Luce 16.*  
illud etiam patet aperte, quod post exitum à corpore in locum quendam certum  
animæ deducuntur, unde redire sponte sua non possunt, sed terribilem illum iudi-  
cij diem ibi expectant. Hæc hæcenus ex Chrysostomo.

His opponunt Samuelis apparitionem petitam ex scripturis sanctis, qua pro-  
bare contendunt animas post fata redire, & homines erudire de interrogatis. Re-  
spondemus paucis: Samuelem per tropum appellari personatum illum qui uide-  
batur quidem esse, reuera autem non erat Samuel. Reuera enim erat spectrum  
præstigiū ac illusio satanica. Nam magia districtè prohibetur in lege domi-  
ni: non ergo obtemperant prohibitis nephandisque artibus beati spiritus: qui carni  
adhuc coniuncti illas modis omnibus oppugnantes exhorruerunt: damnati autē  
spiritus in illis sese exercent. At quis credat horum oraculis? Sed prædixit Samuel  
ille, inquit, quod postridie euenit: Quid tum postea? Non difficile hoc erat dæ-  
moni, quippe cum dudum pleræque prædixisset uiuens & uerus Samuel, sed & ex  
re præsentis castrorumque trepidatione solers ille iudicium dei futurum prænosce-  
ret. Tertullianus in libro de Anima: Absit, inquit, ut animam cuiuslibet sancti,  
nedum prophetae, à dæmonio credamus extractā, edocti quod ipse satanas trans-  
figuretur in angelum lucis, nedum in hominem lucis, etiam deum se asseueratu-  
rus signaque portentosiora editurus ad evertendos si fieri posset electos, &c. Idem  
de eadem apparitione iudicat & beatus Augustinus libro ad Simplicianum 2.  
quæst. 3. & ad Dulcitij quæst. &c.

Istis uero abundè demonstratum sūero, animas hominum separatas à corpori-  
bus non errare aut apparere post mortem in hisce regionibus. Nam ad iudicium  
usque manent in destinatis sibi dei sententia locis. Proinde à domino nec mittuntur,  
nec ipse possunt ingredi ad homines erudiendi aut monendi gratia, uel de præsen-  
tibus uel de futuris rebus. Vnde iam consequens est, animarum apparitiones, re-  
uelationes oraculaque, meras esse illusiones satanæ, institutas contra synceritatem  
& puritatem religionis ueræ. Et quoniam horum præsidio utuntur qui purgato-  
rium nobis approbare contendunt, indubitatum est illos falsum probare per fal-  
laciā, & incertum per longè incertius: indubitatum præterea relinquitur, scri-  
pturis non posse ostendi esse purgatorium, in quo animæ corpore suo exuta pur-  
gentur ad uitam sempiternam.



DE ANIMA HOMINIS RATIONALI.

*Animas certò  
& mox à morte  
te corporea  
bñari.*

*Ioan. 3.*

*Nouissima dies  
hominis.*

*Ioan. 5.*

*Rom 8*

*Apoc. 14.*

Et quoniã remoras expeditissimo iniectas itineri amouimus, redimus ad institutum nostrum, quo proposuimus demonstrare animas fidelium per mortem separatas à corpore, rectà & euestigio à morte corporea transire in cœlum, atque ita certissimè & derepente saluari. Similiter intelligimus animas infidelium rectà demergi ad inferos, & protinus à morte corporea, certissima & repentina damnatione perire. Dominus enim in euangelio disertè dicit: Qui credit in filium dei, non iudicatur: qui uerò non credit, iam iudicatus est, quia non credit in nomen unigeniti filij Dei. Item, Qui credit in filium Dei, habet uitam æternam: qui autem incredulus est filio, non uidebit uitam, sed ira dei manet super eum. Et iterum, Hæc est uoluntas eius qui misit me, ut omnis qui uidet filium & credit in eum, habeat uitam æternam: & ego suscitabo eum in nouissima die. Hominis autem nouissima dies, est articulus mortis: in eo seruat nos uirtute sua Christus, ne anima nostra uel pereat uel tormenta ulla sentiat, sed uiuat & beatitudine fruatur. Est præterea dies nouissima, ultima illa iudicij dies, qua Christus resuscitabit & iudicabit omnem carnem, corpora fidelium suorum glorificans ad uitam sempiternam.

Rursus dicit in euangelio dominus: Amen amen dico uobis, qui sermonem meum audit, & credit ei qui me misit, habet uitam æternam, & in iudiciũ non ueniet, sed transiit à morte in uitam. Sola hæc domini uerba irrefragabiliter sententiam nostram de certissima & repentina animarum salute, abunde satis & proponere, & declarare, & probare confirmareque possunt. Principiò enim, ne quis addubitaret de rei proponendæ certissima ueritate, ab initio protinus sanctissimè iurat, id est, ueritatem interposito iurisiurandi sacramento attestando confirmat. Deinde subiungit totam salutis nostræ rationem: quæ uersatur in auscultatione uerbi diuini, & in uera fide recipiente diuini uerbi ueritatem. Neque enim satis est audiuisse uerbum euangelij, nisi eidem uera fide inhererimus. Iam uerò obserua mihi quanta certitudine Christo credentibus uitam & salutem promittat: Habet, inquit, uitam æternam. Habet dixit, non Habebit. Non ergo relinquit uel dubitationi uel interuallo locum ullum. Imo adhuc clarius per interpretationem, quando & quomodo fideles habeant aut consequantur uitam explicans, dicit: In iudiciũ non ueniet, sed transiit à morte in uitam. In iudiciũ ueniunt, qui causam apud iudicem discutendam habent. In iudiciũ item ueniunt, qui ex sententia iudicis propter causam suam malam puniuntur. Sed fideles nullam habent causam discutendam apud iudicem. Nam remissa sunt eis peccata plenissimè. Deus est qui iustificat & absoluit, quis ille qui condemnet? Ergo non subiiciuntur ullis supplicijs. Christus enim subiit crucis supplicium, ut fideles ipsius ab omnibus tormentis liberati essent indemnes. Quin potius ne quis remoram aut interuallum inter mortem corpoream & uitam uenturi seculi interponeret, dixit: Sed transiit à morte in uitam. Rursus Transiit dixit, non Transibit, ut per uerbum præteriti temporis certitudinem significaret, ostenderetque protinus à corporea morte animas credentium rapi in uitam æternam. Actat scio aduersarios nihil hic habere solidi, quod opponant tam claræ & inuictæ ueritati. Verbis quidem & sophismatibus pugnare possunt, ueritatem subuertere non possunt. Anima enim fidelis ab ipso ore (quod dici solet: von mund vff zu himmel faren) derepente ingreditur sedes beatas, fruaturque per fidem felicitate æterna.

Rursus legimus in Reuelatione domini nostri Iesu Christi facta Ioanni apostolo, dictum esse: Eraudiui uocem de cœlo dicentem mihi: Scribe, Beati mortui qui in domino moriuntur, a modo. Etiam dicit spiritus ut requiescant à laboribus suis. Sed opera illorum sequuntur illos. Contextitur his oraculum cœlestis, & indubi-

Indubitatum de beatitudine hominum in fide morientium : ac iubetur beatus Iohannes cœlitus oraculum scribere, quod extet omnibus temporibus, & legatur ab omnibus hominibus. Eius oraculi summa hæc est: Beati mortui qui in domino moriuntur, a modo. Moriuntur autem in domino, quicumque in fide Iesu Christi excedunt ex hac uita. Ita enim hoc loquutionis genus usurpat Apostolus 1. Corinth. 15. & 1. Thess. 4. Cæterum qui in fide Iesu Christi excedunt ex hac uita, simpliciter & uerè pronunciantur beati, nimirum felices & alieni ab omni miseria. Imò adijcitur temporis notatio, quando beatitudinem illam consequantur. A modo (*ἄρτι*) id est, ab instanti, confestim, nimirum, ut in euangelio dixit dominus, protinus à morte corporea. Subiungitur & aliud quo rursus exprimitur felicitatis certitudo, adde & non procrastinata perfectio. Etiam dicit spiritus: Ut requiescant à laboribus suis. Spiritus, inquam, ueritatis, qui mentiri nescit, dicit *uæ*, id est, amen, etiam, certè uerè beati, & ab instanti quidem beati sunt fideles, & ita beati, ut à laboribus suis requiescant. Labores fidelium sunt ærumnæ, calamitates, afflictiones, dolores, terrores, & alia huius generis mala, quibus in hoc seculo sunt diuexati, imò exercitati potius in fide. Ab his liberantur animæ fideiū decedentes à corpore; ergo non purgantur per tormenta & molestias, non torrentur in medio itinere, sed felices & beatæ protinus omni liberantur molestia. Quòd si quid passi sunt uiuèntes adhuc in corpore, si quæ ex fide bona fecerunt opera, ea sequuntur ipsos. Nemo existimet ea, quia nunc cessant, fuisse & esse uana. Rependitur enim eis in beata illa uita. Id enim est, opera ipsorum sequi eos. Obseruemus autè quod non dicit: Opera aliorum sequuntur illos, ut liberent uidelicet eos ex purgatorio: sed, Opera illorum sequuntur illos. Etenim in euangelio quoque ingrediuntur cum sponso ad nuptias uirgines prudentes, quibus oleum in lampadibus erat paratum; Math. 25. excluduntur à gaudio uirgines fatuæ, quæ nullum sibi in uita paraauerant oleum, sed aliunde id sibi sufficiens sperabant.

D E O autem omnipotenti, patri nostro clementissimo, omniumque bonorum fonti perenni & inexhausto, qui corpus nostrum in utero materno formauit, eidemque animam rationalem inspirauit uel infudit, quæ nos, dum corpori coniuncta est, animaret dirigeretque, separata autem à corpore, protinus à morte corporea transferretur in cœlum, ibique feliciter uiueret, donec in iudicio extremo ad corpus excitatum à mortuis rursus rediret, cum quo æternum & sine fine latetur & exultet: ei, inquam, per Iesum Christum, propter quem tantum nobis obtulit beneficium, sit gloria, laus & gratiarum actio in secula seculorum. Amen.

T O N I S E C V N D I F I N I S.





SERMONVM DECAS  
 quinta, ad Illustrissimum princi-  
 pem Henrychum Grayum mar-  
 chionem Dorcestriæ, &c.  
 authore Henrycho  
 Bullingero.

TOMVS TERTIVS.

I E S V S.

**H I C** est filius meus dilectus, in quo placata est anima  
 mea. Ipsum audite. Matth. 17.

**Y**



ILLVSTRISSIMO PRINCIPI  
AC DOMINO. D. HEINRYCHO GRAYO,  
MARCHIONI DORCESTRIAE, DOMINO FERRERS, DE  
Grouby, Herington, Bonuuyll & Aschle, Serenissimæ R. M. & incly-  
ti regni Angliæ à consilijs, Heinrichus Bullingerus Gra-  
tiam & pacem optat à Deo patre, per Domi-  
num nostrum Iesum Christum.



**N**ON EXISTIMO me posse vlllo de negotio conuenientiore, apud te, illustris-  
sime Princeps, differere, quam de salute ecclesia Anglicana, adeoque de incolumita-  
te regni inclyti totius conseruanda: cum Deo opt. max. sic disponente factum sit, vt  
in serenissima maiestatis regia & inclyti regni Angliæ sanctissimum consilium sis  
allectus: atq; ea de causa maximè ad te pertineat & nosse & procurare salutem re-  
gni publicam. Optimam verò incolumitatis partè haud dubiè tener, qui vnde sit regnorum pernici-  
intelligit. Non existit autè perniciosior regnorum pestis, quam ex corruptione religionis uera. Nam  
splendidius bonum non consequitur regna, quam ex religione sincera, aut si corrupta fuerat, rursus  
repurgata. Hoc bono fruitur iam ex parte inclytum Angliæ regnū, dum ecclesiam reformans, & ve-  
terem religionis puritatē reuocat reparatq; & novos illos abusos, errores ac superstitiones, quas iam  
seculis aliquot inoleuisse vidimus, excutit tollitq; è medio. Vnde dubiū non est tanta felicitati per-  
turbatorem futurū, & inastimabile dam in vniuerso regno daturū, quisquis remoram sanctissimo fi-  
licissimoq; illi instituto vestro inijceret. At prodij nuper Bulla indictionis Concilij æcumenici, vt vo-  
cant, Tridenti ad Calendas Maij celebrandi: ex quo cum à multis seriò expectetur ecclesiæ refor-  
matio, erunt fortassis apud vos, sicuti reperitur vbiq; quibus videbitur ea esse expectanda, & ha-  
Penus à cæpta reformatione cessandum. Hæc indictio Concilij & expectatio reformationis, vestram  
poterat turbare felicitatem, ac rem bene cæptam remorari aut impedire. Tuum ergo, illustrissimo  
princeps, & omnium aliorū regni sanctissimorū procerum, eris diligenter inspicere & inuigilare, ut  
quid hinc damni accipiat cum sancta Christi ecclesia regnum amplissimum. Ego solidis argumentis  
etiam ad oculum, quod dici solet, demonstrabo vanissimam esse illam reformationis expectationem.  
Concilium enim non in alium finem à pontifice esse institutum, quam ad confirmationem veteris er-  
roris superstitionisq; & ad euerisionem cæptarum per Germaniam, Angliam, Daniam, aliasq; natio-  
nes Christiani orbis, reformationum, imò ad puræ vel sincera veritatis Euangelica oppressiōem.  
Ea re deprehensa, intelligent omnes pij in ecclesia Christi sibi progrediundum esse, & in cæptis refor-  
mationibus, & in omnibus alijs pietatis officijs, non expectata reformatione illa, quā omnes pij bre-  
ui experientur nullam, aut si aliquam, certè non legitimam futuram. Equidem indicitur Concilium  
ab ijs hominibus non generale & liberū, sed olim quidem cæptū Tridenti, nunc autè ibidem conti-  
nuandum, & in eo statu quo viuente adhuc Paulo III. eius nominis pontifice erat, reassumendum: cu-  
ius etiam placita decretaue omnia in huius Concilij negotio edita confirmantur. Caterum in publicis  
sub Paulo illo editis scriptis non semel disertis exprimitur verbis, Conciliū ad extirpandas hæreses  
esse institutū. Idem Paulus omnes nos proficētes Euangelii & postulantes ex verbo dei reformatio-  
nem, docentesq; Christum Iesum, non Papā, & quidē Christum Iesum solum esse caput, pastorem &  
pontificē summū ecclesiæ catholice, accusauit dānauitq; hæreseos. Ergo cum Conciliū institutū sit ad  
excindendas hæreses, ac hæretici habeantur qui reformationē ex verbo dei postulant vel auspicantur,  
quis non videat Concilium indictum esse non pro reformandis ecclesijs, sed pro excindendis cæptis re-  
formationibus? Quibus accedit quòd ad Conciliū illud non vocantur docti & pij, prudentes & san-  
cti ex omni natione quæ sub cælo est, sed duntaxat iuramento obstricti pontifici. Ita enim habent  
indictionis verba, Conuocamus omnes omnibus ex locis, tam venerabiles fratres nostros patriar-

Concilium institu-  
tum ad extirpan-  
das hæreses.

chas, archiepiscopos, episcopos & dilectos filios abbates, quàm alios quoscūq, quibus iure aut privilegio in Concilijs generalibus residendi & sententias in eis dicendi permissa potestas est, mandantes in vi iurisdictionis, quod nobis & huic sanctæ sedi præstiterūt, ac in virtute sanctæ obedientiæ, ut ipsimet adfuerint. Claret ergo quinā vocati in conciliū, atq, huius veluti patres assessores & iudices sint. Quid verò expectes ab illis qui iureiurando & Papæ & Romanæ ecclesiæ sic obstricti sunt, ut nō possint aliud, nisi quod ille vult, & quod ad huius incolumitatē pertinet? In hac enim verba iurāt Episcopi & Romana ecclesiæ proceres, Papæ sese obstringētes, Papatū Romanū & regalia S. Petri adiutor eis ero ad retinendū & defendendū contra omnē hominē. Iura, honores, privilegia & auctoritatē Romanæ ecclesiæ, domini nostri Papæ & successorum eius conservare, defendere, augere & promovere curabo: nec ero in cōsilio, aut facto, aut tractatu, in quibus contra dominū nostrū vel Rom. ecclesiā aliqua sinistra vel præiudicialia personarū, iuris, honoris, status & potestatis eorū machinentur. Et si talia à quibusdā tractari cognouero, impediri pro posse. Regulas sanctorū patrū, decreta, ordinationes, sententias, dispositiones, reservationes, provisiones & mandata Apostolica totis viribus observabo, & faciam ab alijs observari. Hæreticos, schismaticos & rebelles domino nostro, pro posse persequar & impugnabo. Sic in quā iuraverunt illi. At qui huiusmodi iuramento obstricti veniunt ad Conciliū, quid obsecro de negotio religionis cōtrouerso pronuntiāturos speramus? Stulti nedum impij fuerimus, profecto, si horū determinationi ecclesias sanguine Christi redēptas subdiderimus. Itā enim quid pronuntiaturi sint scimus, & veluti in manibus retinemus, id videlicet quod faciat pro propagatione, assertionē conservationēq, papatus, & pro subuersione religionis nostræ innitens verbo Christi filij dei.

Procerum eccle-  
siæ iuramentum  
Papæ præstium;

Porro si rata esse debent omnia Pauli papæ decreta & quæ hætenus ille definiuit in negotijs Concilij, rata vtiq, erunt & sessiones ille septem sessionūque decreta iam dudum vulgata: quæ quidē plurima nobis suggerunt argumēta, testantia Conciliū illud nō esse institutū ad inquirendā illustrandāq, ex scripturis veritatē, aut ad legitimā ecclesiæ reformationē faciendā, sed ad confirmationē erroris, abusuum superstitionisq, Romana ecclesiæ, imō ad impediēdas reformationes iustas & sanctas. Nam ut ex multis pauca modo commemorē, Sessione 4. Decreto primo sic pronūciant, Sacrosancta æcumenica & generalis Tridentina Synodus in spiritu sancto legitime congregata, orthodoxorū patrū exempla sequuta, omnes libros tam veteris quàm noui Testamenti, nec non traditiones (non scriptas) cum ad fidem tum ad mores pertinentes, tanquā vel ore tenus à Christo, vel à spiritu sancto dictatas, & cōtinua successione in ecclesiā catholica cōseruatas, pari pietatis affectu ac reuerentia suscipi & veneratur. His mox attexerunt catalogum librorū Canonicorum, quibus tamen cōmiserunt ecclesiasticos nō canonicos. Deinde anathemate percutiūt omnes traditiones aspernātes, & nō omnes illos libros pro canonicis recipientes; ac testantur Conciliū illis potissimum testimonijs ac præfidijs in confirmandis dogmatibus, & instaurandis in ecclesiā moribus vsurum. In eadē sessione obtrudunt ecclesiæ, reiectis omnibus alijs versionibus, pro libro authentico versionem receptam Bibliorum Latinam. Et quantum attinet ad sensum sanctæ scripturæ, palam condemnant omnem expositionem non congruentem sensui, quem tenuit & tenet sancta mater ecclesiā, unanimiq, consensui patrum. Ad ecclesiā enim pertinere asseuerant, iudicare de vero sensu & interpretatione scripturarum.

Qualia decreta  
Concilij Triden-  
tini.

In his quatuor præcipuē obseruanda moneo, & diligenter excutienda. Primum, quod non solas scripturas canonicas recipiunt, ex quibus statuant de religionis veritate vel falsitate, sed his præterea adiungunt ᾠγχαφα, siue traditiones continua in ecclesiā successionē seruatas & non scriptas. Secundum, quod canonicis libris miscet non canonicos libros, imō hos non recipientes pro canonicis anathemate percutiunt. Tertium, quod editionem Bibliorum vulgarem Latinam pro libro illo authentico ecclesiæ obtrudunt. Quartum, quod nullum alium scripturæ sensum, quàm sancta mater ecclesiæ admittunt. Ex his enim liquido quid indicto Concilio querant, apparet.

Si solis scripturis negotium religionis cōtrouersum legitime decidi vellent patres isti, quid opus erat adiungere traditiones non scriptas? Quasi verò scripturæ diuinæ sine nō scriptis traditionibus ad plenam reformationē parandā non sufficiant. Verum nō ignorāt pleraq, papismi nullis scripturis desertis, vel rationibus à scriptura deductis, demonstrari posse: consingunt ergo ᾠγχαφα, vel tradi-

De Traditionibus non scriptis;



tiones non scriptas, quibus sarciant commodè quod scripturis deesse, vel scripturis demonstrare non posse vident. His enim traditionibus salvis incolumia erunt vel absurdissima illorum. Quoriet enim scripturarum autoritate destituentur, recurrent ad figmentum traditionis. Traditio erit Oratio pro defunctis. Traditio erit Cœlibatus ministrorum ecclesiæ. Traditio erit Missa. Traditio erit Vfus imaginum in templis. Breuiter traditio erit quicquid hætenus tota obseruauit concorditer ecclesiæ Romana, tametsi nullibi nec pictum nec scriptum inueniatur in libris canonicis, imò cum his pugnet ex diametro. Hoc est, traditio erit quicquid voluerint.

Traditiones  
Iudæorum.

Laetantur quondam & Iudæi suas Traditiones quas appellantur patrum: verum audierunt à saluatore nostro, Quare transgredimini præceptum Dei propter traditionem vestram? Deinde exemplo à traditionibus prolato & per antithesim composito cum verbo Dei, ostendit illas cum hoc pugnare, deinde subiungit, Irritum fecistis præceptum Dei propter traditionem vestram. Hypocrite, rectè de vobis prædixit Isaias, dicens, Appropinquat mihi populus hic, ore & labijs suis me honorat: cæterum cor eorum procul abest à me: sed frustra me colunt, docentes doctrinas hominum. Cùm ergo etiam nos ostendere possumus traditiones illorum, quas viuas vocant, pugnare cum scripto verbo Dei, quis obsecro negabit etiam ipsas cum Iudæorum traditionibus à Christo esse reiectas atque condemnatas? Edant ergo suas illas traditiones, quas equali cum scripturis reuerentia suscipiunt. Facile enim ex similitudine vel contrarietate apparebit quid sit Apostolicum, quid suppositum. Certissimum est enim Apostolos Dei non diuersa voce viua & scriptis suis ad posteros transmissis tradidisse. Vnde Apostolicum omnino esse non potest, quod pugnat cum scriptis Apostolicis.

Traditiones  
Apostolicæ.

Obiiciunt defensores traditionum non scriptarum, ipsos etiam Apostolos meminisse in scriptis suis traditionum non scriptarum. Cæterum nos negamus Apostolos de illis loquutos esse traditionibus, de quibus illi sentiunt. Testatur S. Lucas ea se scripta historia Euangelica comprehendisse, quæ tradiderunt (en quæ tradiderunt) hi qui suis viderant oculis. Proinde quæ olim fuerat viua Apostolorum traditio, iam in literas & scripturam relata est per S. Lucam. Sed & Paulus summam doctrinam Christianam comprehendens, Tradidi vobis imprimis, ait, quod & acceperam, quod Christus dominus mortuus fuerit pro peccatis nostris, secundum scripturam, &c. En coniungit Apostolus traditionem viuam cum scriptura. præterea nunc quoque scriptura comprehendit qualis fuerat eius traditio. Idem rursus traditionis de Cæna domini mentionem faciens in Epistola ad Corinthios, protinus qualis ea traditio fuerit, scripto colligit & explicat. Et quamuis idem mox subiungat, Cætera cùm venero disponam, id tamen dixit de disciplina & decore in cæteris ecclesiasticis formando atque cõseruando. Neque enim alia potuisset de Cæna domini tradere, quam ea quæ iam tradiderat: nisi sibi ipsi cõtradicere voluisset. Ad Thessal. idem Apostolus, Itaque fratres stete, inquit, & tenete traditiones quas didicistis. Sed idem mox addit per interpretationem, Siue per sermonem, siue per epistolam nostram. Ergo traditio Apostolica comprehenditur in sermone & in Epistolis Pauli. Sermo Pauli est viua Euangelij prædicatio: quæ epistolis repetijt & reparaui. Præterea ab alijs quoque apostolis copiosissime descriptus legitur sermo Pauli euangelicus. Non enim aliud prædicauit euangelium Paulus, quam cæteri apostoli Christi. Quibus accedit quod ipse Paulus testatur se Euangelium Christi prædicasse, prædicandoque nihil extra illud quod lex & propheta docet tradidisse. Quis autem negat Moysi & prophetarum scripta absoluta esse? Sufficiunt ergo nobis scriptura canonica, quæ ut viuas traditiones comprehendunt pietati necessarias, ita satis instructa sunt ad docendum, ad redarguendum, ad corrigendum vel ad reformandum, denique ad instituendum quo cultor Dei integer sit, ad omne opus bonum apparatus. Id quod ipse in hæc verba quæ modo recitauimus, pronuntiat Paulus. Ergo cùm patres Tridentinæ synodi non patiantur ad solas se canonicas scripturas reijci, ut inde omnia probent vel improbent, sed insuper comminiscuntur traditiones quas summa iniquitate imò impietate scripturis, diuinis inquam humana æquiparant, manifestè quid indicto Concilio querant, produnt, non ut ex canonicis scripturis sincera eruatur & asseratur veritas, sed ut inoliti errores defendantur confirmenturque: ad quæ rem conscienda mirè adiuvant fictæ illæ Traditiones. Sufficiunt hæc quidè de Traditionibus veritatè agnoscantibus: verum ut & illis consulatur qui traditionibus plus nimium tribuunt, & iniquissimè esse clamitant omnes in vniuersum despicere patrum traditiones

Mat. 26.

De traditionibus  
patrum.

traditiones, distinguimus inter traditiones patrū antiquas. Principiō enim video Irenaeum et Ter-  
tullianū contra hereticos disputantes, cōpendiū siue regulā doctrinā apostolica adeoq̃ ipsum symbo-  
lum quod hodie apostolorū vocamus, licet non iisdem verbis, iisdē tamen sententijs redditū, appellare  
traditionē apostolicā. Quis verō nesciat illā traditionem ex medicullio scripturarū petītā, & infini-  
tis scripturarū testimonijs comprobari posse? Talem ergo traditionē nemo nostrū rejicit: quia nemo  
scripturarū auctoritatē cōtemnit, manifestissimē & copiosissimē docentē nos credere sicuti traditio il-  
la vniuersalis cōtra omnes haereses & hereticos asseruit. Deinde habent veteres alicubi traditiones  
historicas, qualis alicubi textitur de Ioāne apostolo fugiēte ē balneo quod Cerinthus subintrarat. At  
cum haec & aliae eius generis nec pugnet cū pietate, nec superstitionis quicquā serāt, p̃ij ab eis nō abhor-  
rent, interim parē hīs cū euangelica historia auctoritatē minimē tribuūt. Præterea sunt traditiones  
non de regula illa fidei vniuersali, alijsue ad ipsam pertinentibus capitib. editae, nec merē historicae, sed  
prolatae de dogmatib. quibusdā & ritibus, cuius generis sunt quas inter alias cōmemorat. Orādū esse  
pro defunctis, & virgines esse velandas, vel consecrādas virginitati perpetua, includēdasq̃ monaste-  
rijs, &c. Ceterum q̃ illae non congruant cum scriptura apostolica, alibi abunde est demonstratum.

Proferam & alias quasdā traditiones, vt ex ipsarū discussione omnibus appareat, quā non sit en-  
tum traditiones etiā illas quas vetustissimi scriptores magni faciūt & ecclesia seriō cōmendat recipi-  
re. Irenaeus cōtra Valentinianos lib. 2. cap. 40. de dño nostro loquēs, Nō ergo multū aberat, inquit,  
ā quinquaginta annis. Et ideo dicebāt ei, Quinquaginta annorū nondū es, & Abraham vidisti? Et  
hanc suā opinionē astruit per traditionē apostolicā præcedente cap. dicens, A quadragesimo aut quin-  
quagesimo anno declinat iam in aetate seniore, quā habens dñs noster docebat. Sicut Euangelium &  
omnes seniores testatur, qui in Asia apud Ioannē discipulū domini conuenerūt, id ipsum tradidisse eis  
Ioannē. Permansit autē cum eis vsq̃ ad Traiani tēpora. Quidā autē eorum nō solū Ioannē, sed & alios  
apostolos viderunt, & haec eadē ab ipsis audierunt, & testantur de huiusmodi relatione. Haec ad ver-  
bum reliquit scriptor ille, qui inter vetustissimos numeratur. Verū si eam traditionē recipiamus,  
consequetur mira confusio, vt nihil aliud dicam, temporū. Si enim dominus ferē artigit annum aet-  
atis 50. (ponamus nos 48.) consequetur Christum prædicasse annos 18. quando satis cōstat prædicatio  
nem cepisse circa 15. Tyberij Cæs. annum, qui ipsi domino erat annus vitæ 30. Neq̃ aliam supputa-  
tionem sequuntur quotquot tempora Christi reuocarunt ad calculum. Proinde iuxta traditionē vi-  
uam apostolorum, quam mordicus retinet & sequitur Irenaeus, mortuus esset Christus, resurrexisset  
ex mortuis, ascendissetq̃ in celos, misso in discipulos spiritu sancto, imperij Claudij Caesaris anno 7.  
vel 8. Verū huic supputationi reclamant series historiae euangelicae & Acta Apostolorum, quae me-  
minimus Claudij in rebus Apostoli Pauli, consiciente totū orbem fama admodum dirā. Vnde indu-  
bitatum est traditionē illam beati Irenaei quā tamen pleno ore refert ad apostolos Christi domini, tur-  
piter fallere. Quis autē post tam fædum errorē deprehensum, credat posthac traditionibus illis viuīs  
etiā apud antiquissimos scriptores testimoniū habentibus? Ex Papiā Hieropolitano apostolorum  
discipulo fortē huiusmodi traditionē hausit. Nam vt Papias permultū tribuit viuīs traditionibus,  
quibus & mirū in modum delectatū aiunt: Ita Irenaeum, Appollinariū, Lactantiū, propter vetusta-  
tis reuerentiam, etiā in errore Chilistico, cui prima fundamenta iecit, habuit sequaces. Interim  
non multum eius iudicio tribuit doctissimus vir & ecclesiae Casariē. Episcopus Euseb. Ecclesiasti-  
ca hist. lib. 3. cap. 39. qui & disertis verbis scribit illum fabulosa nonnulla tradidisse. Cur ergo vi-  
tio nobis verteteretur, si difficulter aut prorsus non recipiamus viuas illas traditiones?

His accedit quōd ex viuīs illis traditionibus memorabilis illa de paschate celebrādo inter Orien-  
tis & Occidentis ecclesias concertatio efferbuit: vt nō frustra nobis suspecta esse possint. Etenim cum  
sacerdotes Occidentales haud negligendā putarent Petri & Pauli Apostolorum traditionē in cele-  
brando Paschate, Asiani verō se traditionem S. Ioannis sequi affirmarent, exarsit acris admodum  
inter Orientem & Occidentē cōtentio: ita vt Victor, Romanae ecclesiae minister, non merueret Asia  
nos anathemate percutere. Qua in re vicissim à beato martyre Irenaeo grauiser correptus est. Quid  
quod Socrates nobilis historicus inuentus est, qui veriq̃ traditioni tam Orientali quam Occidentali,

Sozomenus lib.  
7. cap. 19.



palam ausus fuit contradicere. Nam post adductos aliquot scripturae sanctae locos, subiungit tandem nihil tradidisse Apostolos de paschate celebrando. Verba eius si quis requirat haec sunt, Nusquam Apostolus, nec ipsa Evangelia iugum seruitutis illis imponunt, qui ad praedicationem accedunt: sed paschatis festum & alios dies festos ipsi homines suis quique locis propter remissionem laborum & memoriam salutiferæ passionis, sicuti voluerunt, ex consuetudine quadam celebrarunt. Neque seruator hoc aut apostoli nobis lege aliqua obseruandum esse mandarunt, neque penam nobis aut supplicium euangelium vel apostoli, sicut Iudæis lex Mosi, comminantur. Et mox, Mibi videtur quod quemadmodum alia multa singulis locis in consuetudinem abierunt, ad eum modum & paschatis festum: propterea quod nemo apostolorum, sicut dixi, quicquam de illo sanciuit. Et reliqua quæ extant Historia- rum lib. 5. cap. 22. Palam ergo hic traditionibus contradixit, & citra crimen quidem sacrilegij aut hæreseos. Quid ergo vetaret hodie quoque contradicere traditionibus cum scriptura discrepantibus? Hac cum ita habeant, & ita manifesta sint, ut non possint negari à nostris aduersarijs, non patiemur ullo modo nos abstrahi à certissimis scripturis ad incertas illas nescio quas traditiones. Certè si patres illi synodi Tridentine sinceri essent arderentque veritatis illustranda & ecclesiam iuuandi studio, sustinerent haud dubiè se & omnia sua iudicari ab ipso optimo maximo Deo & veracissimo eius verbo. Hoc quoniam subterfugiunt, & fabulosas quasdam traditiones obtinent, quid cause sua ex scripturis sperent roboris accessurum, liquidò toti orbi declarant.

De libris canonici-  
cis & ecclesia-  
sticis.

De auctoritate  
3. libri Machab.

Iam quòd miscent canonicis libris non canonicos, uti libros Machabæorum, Thobie, & alios, ab alijs ecclesiasticis vel etiam non canonicis appellatos, eodem faciunt consilio, quo traditiones diuini æquant scripturis. Sperant enim ex illis se posse sarcire, quod verè canonicis videtur diminutū. Ut enim de alijs nihil dicam, ex secundo Machabæorū libro sperant se ostensuros salubre esse orare & offerre pro mortuis, ut à peccatis soluantur. Sperant se diuorū in cælis agentium preces deo pro viuentibus in terris oblatas, comonstraturos. Cum interim in veteri ecclesia apud fidelissimos & sanctissimos ecclesiæ ministros nunquam fuerint 2. Machab. & alij eius similes libri recensiti inter canonicos. Non ignoro hic ipsos ad beati Augustini patrociniū confugere, qui lib. de Doct. Christ. 2. cap. 8. inter canonicos numerat non solū ecclesiasticos illos, sed & Machabæorū secundū librū. Caterum si historias aliæque veterū monumenta cōsulamus, apparebit Augustini demū seculo in Carthagen. Concilio III. quod celebratum aiunt Coss. Casario & Attico, imperantibus Honorio & Arcadio, circa annū dñi 400. aut 399. in numerum canonicorū, imò ecclesiasticorū magis esse receptum. Nec dissimulat hoc beatus Augustinus. Nā lib. de Ciuit. dei 18. cap. 36. & lib. 2. contra Gaudentij epistolā cap. 23. admonet libros Machabæorū non fuisse apud veteres numeratos in canone: addit tamē ipsos non iniuriter esse receptos, si modò sobriè legantur. En si sobriè legantur, ait. Qui & alibi dicit, Pro canonici habet propter quorundā martyrum passionē vehementes & mirabiles. Quæ omnia superiore meam sententiā confirmant: illud imprimis quod idem addit, non quiduis esse recipiendum quod in eo libro proponitur, nisi probè examinatum & cum alijs collatum sit scripturis. Nam alibi quoque, admonet, eos libros qui ab omnibus accipiuntur ecclesijs, præponendos esse eis qui ab aliquibus non recipiuntur. At comonstrare possumus à vetustissimis clarissimisque Orientis ecclesijs nunquam receptos esse Machabæorum libros pro canonicis. Meliton Sarden. episcopus, qui floruit non multis annis ab apostolorum morte, circa annum domini 173. sub Imperatore Antonino Vero, cui & Apologeticū obtulit pro fide nostra, non nisi eos quos in Galeato recenset Hieronymus libros veteris testamenti recitat canonicos, omisso omnibus ecclesiasticis appellatis. Dicit autem se vsq; in Orientem profectum, ubi prædicationis nostræ initium cepit, & ubi omnia sunt gesta quæ scripta leguntur, ut ibi diligenter exploraret omnia quæ ad veritatem & certitudinem librorum canonicorum pertinent, ac ibi certum illum inuenisse numerum. Post Melitonem Origenes & ipse non plures recitat veteris testamenti libros, quàm XXII. Sic & beatus Hieronymus non tamen in Galeato prologo, quàm in epistola sua de omnibus scripturæ libris ad Paulinū, pro canonicis agnoscit XXII. illos libros, reliquos extra canonem ait esse ponendos. Idem in prologo ad Prouerbia Solomonis, postquā dixisset de Sapientia quæ Solomonis dicitur, & de Ecclesiastico, subdit, Sicut ergo Iudith & Thobie & Machabæorū libros

legit quidem Ecclesia, sed eos inter canonicas scripturas non recipit: sic & hac duo volumina legit ad aedificationem plebis, non ad auctoritatem ecclesiasticorum dogmatum confirmandam. Eadem ratione existimamus beatum August. 2. lib. Machab. inter canonicos numerasse quidem, sed intellexisse ecclesiasticum esse librum, non tanta pollentem auctoritate, quanta valent qui reuera & ab antiquo canonici sunt. Nec potuit ignorare beatus Hieron. Carthaginen. synodi decretum, quippe qui multis scribatur excessisse è viuis circa annu dñi 422. Huc pertinet quod Ruffinus Aquilegien. in enarratione symboli apostolici, nō plures nec alios recitat veteris testamenti libros, quam nos supra commemorauimus. Ac inter alia, Hæc sunt, inquit, veteris instrumenti volumina, quæ secundum maiorum traditionem per ipsum spiritum sanctum inspirata creduntur, & Ecclesijs Christi tradita sunt. Ex mox idem ille, Sciendum tamen est, quod & alij libri sunt, qui non canonici, sed ecclesiastici à maiorib. sunt appellati, vt est Sapiencia Solomonis, Ecclesiasticus, Thobia, & Iudith, & Machabæorum libri. Quæ oīa quidem in ecclesijs legi voluerunt, non tamen proferri ad auctoritatē ex his fidei confirmandam. Hæc ille. Proinde habemus à partib. nostris primitiuam ecclesiam omnemq. vetustatem, quam anathemate feriunt Tridentinæ synodi patres, siquidē nos anathemate percussimus. Nā vt ecclesiasticos libros non reijcimus, ita ex solis canonicis religionis nostræ vel veritatē vel falsitatē cū veteri ecclesia probari vel improbari cōtendimus, atq. ad solas canonicas scripturas pronocamus. Quib. cū aduersarij oīa sua subijcere detrectāt, & subinde ad alia vmbatilia prasidia respectant, clarū est qualis sit ipsorum causa, & quid indicto huiusmodi cōditionib. cōcilio querant.

Porro vulgarem illā Bibliorum Latinam editionem nemo sanus damnat & reijcit in vniuersum: sed clamamus omnes, in dubijs locis, aut controuersis, aut obscurè redditis, corruptisue, recurrentē esse ad fontes Hebraicos & Græcos. Authenticum enim librū esse, qui Hebraicē & Græcē scriptus est. Neq. enim propheta aut Apostoli scripserunt Latine, sed hi Græcē, illi verò Hebraicē. Nihil hic iniqui postulamus, & quod non prius ipsi nobis pontificij dederint. Legitur enim huiusmodi Canon in Decretis Distinct. 9. Veterum librorū fides de Hebræis voluminib. examinanda est: ita novorum veritas Græci sermonis normā desiderat. Ceterum mutuata sunt hæc verba ex epistola beati Augustini, scripta ad S. Hieronymum. Idem ille Augustinus lib. 11. contra Faustum Manichæum cap. 2. Si de fide exemplariū, inquit, questio verteretur, sicut in nonnullis quæ & pauca sunt & sacrarū literarum studiosis notissima sententiarum varietates, vel ex aliarū regionū codicibus, vnde ipsa doctrina cōmeauit, nostra dubitatio dijudicaretur. Vel si ipsi quoq. codices variarent, plures paucioribus, aut vetustiores recentiorib. preferrentur. Et si adhuc incerta esset varietas, præcedens lingua, vnde illud interpretatū est, cōsuleretur, &c. Idē rursus lib. de Doct. Christ. 2. ca. 11. Latini homines, inquit, & duab. alijs linguis ad scripturarū diuinarum cognitionē opus habent, Hebræa scilicet & Græca: vt ad exemplaria præcedentia recurrant, si quā dubitationē attulerit Latinorum infinita varietas. Item, qui scripturas ex Hebræa lingua in Græcam verterunt linguam numerari possunt, Latini autē interpretes nullo modo. Vt enim cuiq. primis fidei temporib. in manus venit Græcus codex, & aliquantulum facultatis sibi met vtriusq. lingue habere videbatur, ausus est interpretari. Et in cap. 12. eiusdē libri, loquēs de interpretationū varietate, addit, Quæ quidē res plus adiuvit intelligentiā quā impediuit, si modò legentes nō sint negligentes. Nam nonnullas obscuriores sententias pluriū codicū sæpe manifestauit inspectio. Hæc omnia cum vno decreto patres Tridentinæ synodi abrogent, & contra omnē vetustatē & rationem sanā, Latinā versionem pro libro autentico nobis obijciant, rursus quid ab eis expectemus, nisi cecitate percussi simus, cernimus palam. Quartus autem canō de Expositione scripturarum ab istis editus, vt ex superiorib. nihil colligerimus, vnus tamen abundē testari poterit, istos summa iniquitate ante congressum sibi certissimā voluisse præoccupare victoriam, addere & securitatem summā, ne quid vnquā rerum suarū mutare vel tantillum à scopo aberrasse videri possint. Damnant enim omnes expositiones, quæ non congruunt cum sententia quā tenuit & tenet sancta mater ecclesia, item quæ pugnat cū cōcordi patrum explicatione. Nam hoc decreto saluo, nihil ex scripturis contra papistica dogmata & ritus superstitiosos tam euidenter proferretur, quod ipsi non eluserint vno verbo, dicentes, Ecclesiam non sic

De Libro Bibli-  
rum Authentico,

De interpretatō-  
scripturis,



intelligere. Rursus nullum scriptura locum ipsi tam fœdè detorquebunt & corrumpent, cui non queant protinus hoc mederi malagmate, dicentes, & ecclesiam sic intelligere, & patres aliquos ad hunc modū enarrauisse. Proferent ergo pro monarchia pontifici, Tu es Petrus, & super hanc petram edificabo ecclesiam meam, Tu vocaberis Cephas, Pasce agnos meos. Quæ loca si quis cupiat legitimè per scripturarum sobriam collationem excutere & genuinum eorum sensum inuestigare, audiet protinus Ecclesiam & patres exponere de Papa; ergo de Papa & eius principalitate (ut vocant) intelligere oportere. Plurima huius rei exempla proferrem si necessarium putarem.

Ex his verò quæ hætenus adduximus ex Decretis Conc. Trident. luce clarius apparere confido, in quem maximè finē inductum sit à pontifice Concilium, non ut ex scripturis eruatur & illustretur veritas, sed ut ipsa scriptura redigatur in ordinem, seruiatq; istorum hominū dignitati, honoribus, opibus, & superstitioni conseruanda & confirmanda: nō ut reformentur ecclesia, sed ut retrahantur in deformationem veterem, quæ ex hac emergere cæperunt.

Proinde cum per eximiam dei gratiam lux Christi inclyto Angliæ regno illuxerit, ne dimoueatis oculos ab illa luce, quam qui sequitur non ambulat in tenebris, sed habet lumen vite. Pergite pergitte duce Christo reformare quæ reformanda sunt. Nihil peccabitis, etsi nunquam redeatis cum nupera illa Romana ecclesia in gratiam. Nihil hic indulgeo prauo affectui. Nam in quinta huius meæ Decadis initio solidis argumentis commonstravi necessarium esse prorsus recedere ab ista, & uni se Christo ecclesiæq; Christi veræ consecrare.

Hanc autē Decadem tuæ pietati inscribo & dedico, Princeps illustriss. utpote strenuo veræ pietatis assertori: nil dubius, quin fidele sis suscepturus huius meæ lucubrationis patrocinium, præsertim ubi diligenter legeris intellexerisq; nihil sine scripturis contra verā pietatē, sed omnia ex scripturis diuinis pro tuenda verâ religione esse prolata. Neq; enim cupio mihi & meis scriptis vel tantillum tribui, nisi omnia mea disertis scripturis & solidis rationibus ex scriptura deductis approbauro. Et quamuis tua pietas mea instructione nō indigeat, ut quæ satis est instituta in religione verâ, habeatq; vndequaq; doctissimos & piissimos viros, inter quos non postremi sunt D. Robertus Scinnerus, & D. Andreas Vullokus, viri præstantiss. speravi tamen hos meos labores tibi acceptos futuros, meamq; dedicationē bono profectam animo, te boni consulturū, utpote quæ nihil ambio, nisi salutem publicam: videlicet ut regnum filij dei, quod nostro tempore (imminente, & ante fores nostras iam pulsante illo tremendo filij dei iudicio) resflorere cæpit, cum apud vos in inclyto Angliæ regno, tum alibi terrarum, longè lateq; propageretur. Et alij quidem in dedicatorijs suis epistolis eius laudes celebrant, cui libros inscribunt: ego verò cum sciam te huiusmodi applausus nihil morari, neq; indigere huiusmodi præconijs, quòd virtus tua alioqui satis sit celebris, quā tu quoq; in diem modestia & humilitate augere cōtendis, magis huc meā defleto epistola, ut tuam pietatem quān possum diligenter inhorter, quòd pergas te metipsum pulcherrimo virtutū studio & incremento superare. Domini Dei nostri dona sunt, quacunaq; sunt in hominib. laude digna. Dominus mentē tibi dedit, ut intelligas magnum quidem meritū videri beneficium regia satum esse prosapia, sed longè maius præstantiusq; esse, appellari ac reuera esse dei filium, & Christi Iesu filij dei coheredem. Hanc nobilitatē summam cum per gratiam dei sis consecutus, vide ut eam sedulo pietatis studio retineas in finem usq;: vide ut constanter Christo redemptori adhareas, & eius gloriam promoueas: vide ut ex fide, quā regi æternæ gloriæ seruas, etiam serenissimæ regie maiestati, totiq; inclyto regno Angliæ dulcissima patriæ tuæ fidelis esse pergas. Hætenus peregrinorum (quos nobis imprimis cōmendauit dominus) præsidium & refugium fuisti, deniq; studioforum, & doctorum hominum arx atq; mecænas, talis esse perge. Sic autem non perituram, sed perennem gloriam in præsentī & futuro seculo consequeris. Commendare me digneris obsecro magnanimo heroi D. Ioanni Dudlæo Vuaruicē. Comiti, magnati modis omnibus præstantiss, cui omnia felicia imprecor, omniaq; mea offero officia. Dñs Iesus monarcha orbis summus & vnicus, rex regum, & dominus dominorum, seruet incolumem Sereniss. regem, totumq; Angliæ regnum inclytum, fidelissimos item prudentissimosq; regni consiliarios, & te quoq; princeps clementissime. Tiguri in Heluetijs Mense Martio, Anno M. D. LI.

SERMO.

# SERMONVM DECAS

QVINTA. AVTHORE HEINRY-

CHO BVLLINGERO.

*De sancta catholica Ecclesia, quid sit, quàm latè pateat, quibus agnoscatnr notis, unde oriatur, quomodo conferuetur, An errare possit? Item de potestate & studijs Ecclesie.*

S E R M O I.



**R**DINE rerumq; cohærentium filo ducente, consequenter ab artifice & authore omnium Deo, progredimur ad ipsius opus excellentissimū, Ecclesiam. Tanta est enim Dei optimi patrisq; benignissimi bonitas, ut non sibi soli feliciter & beatè uiuere, sed & omnem felicitatem, & bona sua omnia in nos homines adamas creaturas suas effundere, bonisq; suis nos frui modis omnibus cupiat. Ideoq; homines in hoc mundo uiuentes sibi deligit, quos aliquando ad se transferat, in quibus interim, dū hic uiuunt, habitet, quos omnibus bonis suis locupletet, in quibus regnet, ipsiq; eius appellentur nomine, populus inquam, domus, regnum, hæreditas, peculium, coetus uel Ecclesia Dei uiuentis. De qua dicam, uestris adiutus precibus, quod ipse dominus Ecclesie loqui dederit.

Ecclesia est uox Græca, sed usurpata & recepta à Latinis, significans coetum, *Ecclesia*, communionem uel concionem ( Germanicè ein Gemeind ) populum inquam conuocatum ad audiendum de reipub. negotijs. Sic enim & Lucas hoc uocabulo usus legitur in Actis cap. 19. Translatum est autem ad usum sacrum, dicitur ecclesia coepit coetus uel communio fidelium inuocantium nomen domini. Paulus enim dicit se persecutum ecclesiam Dei: qui alibi, Potestatem, inquit, accepi à prin- *1. Cor. 12.* cipibus sacerdotū uinciendi omnes qui inuocant nomen Christi. Iam enim Chri- *Acto 12.* sti nomen inuocantes uel Christianos appellat, quos ante nuncuparat ecclesiam. Vel ecclesia dicitur ab euocando. Græcè enim *ἐκκαλέω* euoco est. Nam deus ex toto terrarum orbe uniuersaliq; hominum congregatione omnes credentes unā cū ipsorum semine euocat ex hoc mundo, ut sint eius peculiaris populus, cuius ipse sit uicissim deus: id est, ut sint ecclesia dei uiuentis. Olim coetus uel ecclesia populi Iudaici peculium dei, dicebatur Synagoga. Idem enim significat Synagoga quod *Synagoga.* Ecclesia: sed propter Iudæorum pertinaciam implacabileq; in Christianam religionem odium, uoluit uox Synagogæ ac fermè in usu esse desijt. Non dissereamus autem iusta methodo de Iudæorum, uel Turcarum, uel aliarum exterarum Gentium Ecclesijs, quarum plures esse nouimus. De Ecclesia Christiana fideliumue dicemus: quam Germani appellant die kirch: alludentes fortassis ad Græcorum *κυρίκη*. Vocant enim hi *κυρίκη* dominicam, nimirum domum uel plebem: sicut & Germani die kirchen nuncupant & ipsum dei populum & locum, in quo hic congregatur ad cultum Dei. Ante omnia autem describemus Ecclesiam paulò rudius.

**ECCLESIA** est uniuersalis fidelium coetus uel multitudo, partim in ipso coe- *Ecclesia quid,* lo iam agens, partim adhuc in terris uersans: ubi palàm in unitate fidei uel doctrinæ ueræ sacramentorumq; legitima comunione consentit, non discinditur, sed in una ueluti domo societateq; continetur.

Hæc solet appellari Catholica, id est, uniuersalis. Profert enim palmites suos *Catholica Ecclesia.*



Galat. 3.

in omnia uniuersi mundi loca, & in omnia omnium ætatum tempora, comprehendit in uniuersum omnes totius mundi fideles. Etenim ecclesia Dei nō est affixa regioni, genti, aut familiæ, conditioni, ætati, aut sexui: omnes fideles & singuli ubi ubi sint, huius ecclesiæ ciues & membra sunt. S. Paulus Apostolus, Nō est Iudæus neq; Græcus, inquit, non est seruus neq; liber, non est masculus aut fœmina. Omnes enim uos unus estis in Christo Iesu.

Ecclesiæ distinctio.  
Ecclesiæ triumphantis.

Apocal. 7.

Vide unde sit perfectiss. sancta.

Hebr. 12.

Distinctur Ecclesia in triumphantē & militantem. Triumphans est magna illa concio sanctorum in cœlo spirituum, triumphantium modò de uictō mundo, peccato & diabolo, fruuentium Dei conspectu, in quo est iucunditas gaudiorumq; satietas omnium. Vnde & in æternum gloriam Dei celebrant, & bonitatem eius laudāt. Hanc describit graphicè beatus Ioannes Apostolus in Apocalypsi dicens, Post hæc uidi, & ecce turba multa, quam dinumerare nemo poterat, ex omnibus gentibus, populis & linguis, stantes ante thronum & in cōspectu agni amicti stolis albis, & palmæ in manibus eorum: & clamabant uoce magna, dicentes, Salus ei qui sedet super thronum Dei nostri & agno. Et paulò post, Respondit unus de senioribus, & dixit mihi, Hi qui sunt amicti stolis albis, qui sunt & unde uenerunt? Et dixi illi, Domine tu scis. Et dixit mihi, Hi sunt qui uenerunt ex afflictione magna, & dilatauerunt stolas suas, & dealbauerunt eas in sanguine agni: ideo sunt ante thronū Dei, & seruiunt ei die & nocte in tēplo eius. Et qui sedet in throno habitabit super eos, Nō esurient, neq; sitient amplius: neq; cadet super eos sol, neque ullus æstus: quoniam agnus qui in medio throni est reget eos, & deducet eos ad uiuos fontes aquarum. Et abstersurus est deus omnem lachrymam ab oculis eorum. Habetis fratres descriptionem elegantissimam triumphantis in cœlo ecclesiæ, & triumphantis quidem per sanguinem Iesu Christi, per quem uicerunt, & iam regnant. Christus enim est agnus ille Dei qui tollit peccatum mundi: per quem omnes qui sanctificati sunt sanctificātur & sanctificabuntur, uiuunt, à principio mundi ad finem usque seculi. S. Paulus alicubi egregiam nobis huius quoque ecclesiæ descriptionē exhibens, docet interim nos qui uersamur adhuc in militanti ecclesia, aliquādo ad illam transferendos, associandosq; sanctis dei angelis, cooptandos item in ordinem patriarcharū, collocandosq; inter ipsos beatos spiritus, apud ipsum deum summum mediatoremq; dominum nostrum Iesum Christum. Prædicans enim magnitudinem diuinę gratiæ per euangelium delatæ ad nos, adhortansq; ut eam uera fide recipiamus, Non accessistis, inquit, ad montem Sina, ad ignem, ad turbinem, procellam & caliginem, sed ad montem Zion, ad ciuitatem dei uiuentis, ad Hierusalem cœlestem, & ad cœtum innumerabilium angelorum, & ad Ecclesiam primogenitorum, qui scripti sunt in cœlis, & ad iudicem omnium Deum, & spiritus iustorum perfectorum, & mediatorem noui testamenti Iesum Christum, meliora loquentem quàm loquebatur sanguis Abel. Proinde omnes sancti in cœlis pertinent ad nostrum consortium, imò nos pertinemus ad ipsorum societatem. Sumus enim socij & cohæredes sanctorum ab Adamo ad finem usq; seculi omnium, ac domestici Dei. Id quod maximam habet in omni uita hominum consolationem aculeosq; ad studium uirtutis acutiss. Quid enim est præstantius quàm domesticum esse Dei? Quid obsecro iucundius uel cogitari potest, quàm nos esse socios patriarcharum, prophetarum, apostolorum, martyrum, omnium angelorum, beatorumq; spirituum? Hoc beneficium Christus contulit. Huic sit laus, gloria, & gratiarum actio in secula seculorum, Amen.

Ecclesiæ militantis.

Militans ecclesia cœtus est hominum in terris, nomen & religionem Christi profitem.

profitentium, & adhuc militantium in mundo, contra diabolum, peccatum, carnem, & mundum, in castris & sub signis Christi domini. Ea rursus consideratur dupliciter. Velenim strictius considerata eos duntaxat comprehendit, qui non tantum dicuntur, sed etiam reuera sunt Ecclesia, fideles & electi Dei, uiua membra, Christo connexa, non modo uinculis aut notis externis, sed spiritu & fide, & aliquando his duntaxat, sine illis. De qua re dicemus postea. Ista interna & inuisibilis Dei Ecclesia, electa Christi sponsa dici poterat, soli Deo cognita, ut qui solus nouit qui sint eius. Hanc in primis consentientes symbolo edocet apostolico dicimus, Credo sanctam Ecclesiam Catholicam, sanctorum communionem. Ac paucis quidem his uerbis comprehendimus quod sit Ecclesia, quid item & qualis sit. Principio enim confitemur fuisse, esse, & manere semper Ecclesiam Dei. Deinde quid sit profitentes subiicimus, Sanctorum communionem: id est, credimus Ecclesiam aliud non esse quam coetum omnium qui sunt, fuerunt, eruntque tam in presenti quam futuro seculo, sanctorum, qui communia inter se habeant omnia a deo sibi concessa bona. Simul etiam exprimimus qualis sit ecclesia, nimirum sancta, sponsa inquam Christi purgata & beata. Nam Apostolus Paulus sanctos appellauit mundatos spiritu & sanguine dei nostri: quorum bona pars coronas accepit: reliqua eandem in terris certans sibi in coelis imponendas expectat. Et praeipuum quidem in consideratione ecclesiae caput illud est, quod per gratiam Dei membra corporis Christi effecti, omniumque cum sanctis omnibus bonorum coelestium participes facti sumus. Etenim non alios magis quam nos ipsos confitemur esse sanctos.

*Sancta Ecclesia*

*Credo sanctam Ecclesiam Catholicam.*

*1. Cor. 6.*

Vel certe latius considerata ecclesia, non modo uere fideles & sanctos, sed illos quoque complectitur, qui tametsi nec uere credant, nec mundi uel sancti sint conuersatione uitae, ueram tamen religionem cum uere credentibus & sanctis Dei agnoscunt & profitentur, uirtutes denique palam approbant, scelera reprobant, neque adhuc se separant ab unitate huius sanctae militantis Ecclesiae. Qua quidem consideratione ne mali quidem uel hypocritae (quales Christi & Apostolorum temporibus in Ecclesia fuisse dicuntur Iudas, Ananias & Saphira, Simon Magus, Demas item, Hymenaeus, Alexander, & alij multi) excluduntur ex Ecclesia, quae uisibilis & externa dici potest. Aestimatur autem haec rursus uel ex aliqua sui parte, uel ex seipsa tota. Consideratur enim Particulariter, & Vniuersaliter. Et particularis quidem Ecclesia certo est definita numero, certoque ex loco cognosci potest. Ex loco enim indispiscitur nomen, dicta ciuitatum nominibus, ut Ecclesiae Tigurinorum uel Bernatium, &c. Graeci particulares illas appellauerunt *παροικίας*. Vulgus dicit parochias, alij & rectius dixere parœcias. Parœciam uocant incolatum aut habitaculum adeoque uiciniam, domibus contiguas comprehensam. At solet in ciuitatibus & in agro designatae aedium portioni & templum & parochus dari, totaque illa area appellari parochia, Germanice *ein Barchi / oder pfarrkirch / oder ein kirchhört*. Ac ueteribus parochus erat praebitor. Hospitibus enim suppeditabat necessaria, sal in primis & ligna. Alij nuncuparunt exhibitorem conuiuij: alij paranympum. Quia ergo Ecclesiarum pastores sunt ueluti paranymphe redemptoris capitisque Ecclesiae Christi, adducetes ei uirginem castam: quia denique illi ipsi maxime necessaria populo Dei procurant coelestesque dapes uel epulas instruunt, rectissime pastores gregis dominici parochi uel curatores animarum appellantur. De particulari Ecclesia loquutus dominus in euangelio dixit, Si scandalizans Ecclesiam monitores non audierit, dic Ecclesiae. Non potest autem uniuersalis Ecclesia conue-

*Ecclesia & malos complexa.*

*Ecclesia particularis.*

*Parochia parochi.*

*Matth. 18.*



nire unquam ex toto terrarum orbe, ut ei deferantur rebelles: particularibus ergo defertur iudicium de contumacibus. Porro Vniuersalis ecclesia ex omnibus colligitur particularibus in uniuerso mundo ecclesijs, omnibusq; membris suis uisibilibus. Hæc illa ipsa est quam modò adumbrauimus, cum latius consideratam attingeremus.

*Ecclesia Dei  
semper fuit  
eritq;.*

Cæterum Ecclesia Dei Catholica continuo seculorum ordine (quod & paulò ante dicere cœperam (ad nos usq; decurrit, & hodie diffusa est per totum terrarum orbem, uisibiliter quidem & inuisibiliter, eritq; populus domini & domus Dei in terris in finem usq; seculi. Etenim nullum unquam seculum fuit, neque ulla unquam ætas erit, in qua sibi non aliquos saltem sanctificari sanctificatq; deus, in quibus habitet, qui sint eius peculium & domus sancta. Nam perpetuam esse ecclesiam testantur etiam ueterum uatum testimonia. Etenim sic legimus scriptum Psalmo 132. Dominus elegit Zion, elegit eam in habitationem sibi. Hæc requies mea in seculum seculi: hic habitabo, quoniam elegi eam. Et iterum, Iuravi Daudi in sancto meo, semen eius in æternum manebit, & solium eius coram me perstabit ut sol. Quis autem ignorat ista omnia intelligenda esse de Christo Daudis filio & throno eius spiritualiq; Zione, quæ est ecclesia? Ipse quoq; perpetuitatem ecclesiæ significans in euangelio dicit, Ero uobiscum omnibus diebus usque ad consummationem seculi. Et iterum, Ego rogabo patrem, & alium consolatorem dabit uobis, spiritum ueritatis, ut maneat uobiscum in æternum. Huc nimirum & illud ex euangelio pertinet, Et portæ inferorum non præualebunt contra Ecclesiam. Quæ sanè maxima est consolatio fidelium in tot & tam grauib; persecutionibus ad oppressionem excidiūq; ecclesiæ institutis.

*Matth. 28.  
Ioan. 14.*

*Matth. 16.*

*Ecclesia diaboli  
& antichristi.*

Sicut autem Christus suam in terris semper habuit, habet, habebitq; ecclesiam, ita diabolo quoque, donec hic mundus finiatur, nunquam deerit suus populus, in quo regnet. Hæc diaboli Ecclesia initium accepit à Caino, progrediturq; ad ultimum usque impium, medios comprehendens omnes totius mundi impios. Communionem autem in terris uiuentes, cum his qui apud inferos torquentur habent. Sicut enim omnes p̃ij unum sub capite Christo corpus constituunt: sic omnes impij sub uno capite satana unum corpus sunt. Hæc merito appellatur Ecclesia malignantium, Sodoma & Gomorra, Babylon, Congregatio Chore, Dathan & Abyrom, synagoga & schola & prostibulum diaboli, Antichristi regnum, & si quid aliud his est simile. In hac Ecclesia recensentur omnes impij & infideles, segregantes se à consortio sanctæ matris Ecclesiæ, aut respuentes eius communionē, quales imprimis sunt illusores Dei & uerbi eius, blasphemj & persecutores Christi & Ecclesiæ. Tales sunt hodie gentiles, Turcæ, Iudæi, hæretici, scismatici & omnes in uniuersum professi hostes religionis Christianæ. Adde his & hypocritas. Neq; enim leue crimen est, quod ipse dominus noster ubique in sancto euangelio tam ardentè accusat & persequitur. Inter alia dicit, Veniet dominus serui illius, in die quo non expectat, & hora qua ignorat, & dissecabit eum, partemq; eius ponet cum hypocritis, illic erit ploratus & stridor dentium. Enormitatem sceleris atrocitate supplicij significauit haud dubiè. Hæc Ecclesia sequitur diaboli instinctum & proprij cordis figmenta, exerceturq; in omnipharia blasphemia & impietate, in quibus semetipsam superat, tandem & ad tartara demergitur, ne uspiam separetur ab eo capite, cui se semper tam studiosè, imò pertinaciter conglutinauit.

*Matth. 5. 6. 23.  
Matth. 24.*

*Quomodo hy-  
pocrita sine  
aut recensentur  
in Ecclesia  
Dei.*

Obijcis, sat scio, hypocritas me numerasse in externa militantis Ecclesiæ communionē, iam eosdem recensere in consortio diabolicæ Ecclesiæ. Addis, Impos-

sibile

sibile esse eundem communicare posse diuersissimis inter se ecclesijs: Domino dicente, Aut facite arborem bonam & fructum eius bonum: aut facite arborem uitiosam & fructum eius uitiosum: Paulo item docente nullum esse consortium inter Christum & Belial, inter lucem & tenebras, inter ueritatem & mendacium: hypocrisim uerò esse mendacium & tenebras. Video ergo hic mihi commodum offerri locum declarandi, qua ratione uel quatenus numerauerim in ecclesiæ consortio hypocritas. Principio distinguimus inter hypocritas. Sunt enim hypocritæ confidentes humanæ suæ iustitiæ, omniâque sua opera facientes ut uideantur ab hominibus, innitentes pertinaciter humanis traditionibus. His proprium est non modò ecclesiam, iustitiam Christi docentem fugere, sed execrari item & persequi sæuissimè. Huiusmodi fuerunt Iudæi & Iudaici pharisæi, quibus cum certamen fuit Domino nostro Iesu Christo, & quibus cum hodie belligeratur ecclesia. Hi palàm sunt membra diabolicæ ecclesiæ, nec ueniunt in censum uel exterioris ecclesiæ, imò non sustinerent in ecclesia Christi nominari. Sunt rursus hypocritæ quidam simulatores, nec suæ fidentes iustitiæ, nec admodum curantes traditiones humanas. Hi nec ecclesiam Deo diunt uel fugiunt, nec persequuntur, sed foris quidem consentiunt cum ipsa, eandem profitentes fidem, ipsamque sacramentis participantes: intus uerò & in animo nec syncerè credunt, nec sanctè uiuunt. Ex his alij quidem ad tempus in ecclesiæ consortio hærent, oblata autem occasione ab ipsa recedunt: ut solent hæretici & schismatici, & qui ex amicis fiunt inimici. Alij uerò ex ipsa nunquam recedunt, sed quoad uiuunt continent se in ecclesiæ contubernio, foris quidem simulantes religionem, intus autem suis erroribus & uitijs atque sceleribus indulgentes: quibus proculdubio externum illud consortium nihil prodest. Oportet enim æternum uiuere omnibusque bonis celestibus participare desiderantibus, communicare cum ecclesia Dei, non externa tantum uisibiliq; societate, sed communionem internam, ex qua existit uita salusque. De qua suo dicetur loco. Huiusmodi uerò hypocritæ uel simulatores inhærentes adhuc ecclesiastico corpori, membra appellantur corporis, dicunturq; esse in ecclesia. Quod ut plenius intelligatur ab omnibus uobis, parabolis aliquot adumbrabimus rem.

Dicimus malos uel hypocritas perinde in ecclesia esse, sicut sunt in frumento paleæ, quæ reuera alterius naturæ sunt, & frumentum non sunt. Sicut ergo humano corpori nonnunquam adhærent membra aut arida, aut putrida, aut languentia, quæ tametsi uiuis membris spiritu uitali non communicent, connectione tamen & uinculis quibusdam, uiuis membris adhærent, unde & corporis membra partēsque appellantur ab hominibus, qui illa ipsa aliquando, ne cætera contagione inficiant, refecant, nonnunquam tolerant, ne dum hæc refecant, totum corpus adducatur in discrimen uitæ: Ita ratione certa & s. to quodam modo dicimus hypocritas esse in ecclesia Christi, licet uinculo spiritus, uel dei & charitatis non sint copulati ecclesiæ, neque uiua censeantur membra: tolerantur tamen ne quid corpori ecclesiastico deterius obtingat: ac refecantur nonnunquam quò melius habeat ecclesiastici corporis sanitas. Sed audiamus Euangelica & Apostolica testimonia. Dominus in Euangelio disertè dicit, in agro Dominico seminata ab homine malo succrescere zizania: quæ & eradicari prohibet, ne simul eradicetur & frumentum. En zizania ab homine malo, ab ipso inquam dæmone seminata, quæ non sunt frumentum, proueniunt tamen & sunt in agro dominico. Rursus dicit in Euangelio Dominus, Simile est regnum cælorum uerriculo iacto in mare, & ex omni genere contrahenti: quod cum impletum fuisset, sub-



duxerunt in littus, & sedentes, quæ bona erant in uasa, quæ uerò mala, foras eiecerunt. En rursus cernis in eadem sagma trahi bonos & malos, ideòque in eodem regno numerari bonos & malos. In alia quoque parabola comparat inter conuiuas quidam non tectus ueste nuptiali, qui ad tempus fertur, tandem à Domino conuiuij eiicitur. Idem alibi dicitur habere uanum aut uentilabrum in manu sua, arcamque purgare & paleam comburere igni inextinguibili. Proinde S. Paulus in epistola ad Corinthios discrimen aliquod constituit inter professos ecclesiæ Christi hostes, & inter impuros quidem homines, sed nondum tamen ecclesiæ ac Christi nomen auersantes. Si quis, inquit, cum frater appellatur fur sit, aut scortator, aut auarus, &c. cum eo ne cibum quidem capiat. Quid enim ad me atinet de his qui foris sunt iudicare? Eos qui foris sunt Deus iudicat. Foris, id est, extra ecclesiæ septa collocat non appellatos fratres, id est, non agnoscentes nomen Christi uel ecclesiæ. Intus, id est, in societate ecclesiæ (nimirum exterioris) recenset agnoscentes adhuc nomen Christianum, neque opposcentes se ecclesiasticæ disciplinæ, quamuis interim contaminati sint sceleribus. Omnium autem significantissimè beatus Ioannes Apostolus dixit, Exierunt ex nobis, sed non erant ex nobis. Nam si fuissent ex nobis, permansissent utique nobiscum. Nouum uidetur hoc loquutionis genus. Si enim exeuntes de ecclesia, in societate ecclesiæ non fuerunt, quomodo exire ex ecclesia potuerunt? Potest ne aliquis prodire ex loco, in quem nunquam peruenit, aut in quo nunquam fuit? Proinde si hypocritæ & mali exierunt ex ecclesia, fuerunt certè aliquando in ecclesia, tunc uidelicet, quando ex ipsa nondum exiuerunt & quales reuera fuerant declarauerunt. Rursus quandoquidem exierunt ex ecclesia, apertissimè ostenderunt nunquam se reuera fuisse uiua & uera Christi & ecclesiæ membra, tametsi ad tempus ecclesiæ membris connumerati sint. Rationem subiungit Apostolus, Verorum Christi membrorum ingenium est, nusquam Christum & ecclesiam deferere, sed perseverare, adeòque de die in diem magis magisque proficere. Labuntur quidem sancti, sed non deferunt Christum prorsus. Clamat Dauid prolapsus in adulterium & parricidium, Cor mundum crea in me Deus, & spiritum rectum renoua in uisceribus meis. Ne proijcias me à facie tua, & spiritum sanctum tuum ne auferas à me. Redde mihi lætitiā salutaris tui, & spiritu principali confirma me.

**Matth. 22.** S. Petrus negauit Dominum, uicitque spiritum bonum caro infirma, sed continuo (Domino commouente cor eius) resipuit, & exiens de consortio prauo coniunxit se sodalitiū bono Domini, qui & hunc lapsum grauem ei prædixerat, & hæc insuper uerba adiunxerat, Oraui pro te, ne deficiat fides tua: Et tu aliquando conuersus confirma fratres tuos.

**Matth. 3.** Idem Petrus alicubi, pluribus à Christo deficientibus, rogatus num & ipse discessionem paret? Respondit, Domine ad quem ibimus? Verba uitæ æternæ habes. Et nos credimus & cognouimus quod tu es Christus filius Dei uiui. Rectè ergo dixit beatus Ioannes, Exierunt ex nobis, sed non erant ex nobis. Rationem suppingit, Si fuissent ex nobis, permansissent utique nobiscum. Quoniam ergo non permanserunt nobiscum in societate Christi & ecclesiæ, defectione sua à nobis declarauerunt quales hæcenus fuerint: nos pro membris ecclesiæ numerauimus, ipsi uerò defectione illa sua ostendunt se fuisse paleas in frumento dominico. Sicut enim palea nondum commota & uentilata uidetur grano tritici grauis, uentilata autem uacua & leuis apparet separaturq; à frumento: ita hypocritæ leui sua defectione approbant se nunquam fuisse semine uerbi Dei graues & uerum Christi frumentum.

Ex his colligitur doctrina generalis & orthodoxa, non omnes qui dicuntur ecclesia & ornant se titulo ecclesiæ, protinus esse ecclesiam. Disertè enim subiungit Ioannes, Sed ut manifesti fiant, quòd non omnes sint ex nobis. Vnde & Paulus ad Romanos dixisse legitur, Non omnes qui sunt ex Israel, neque quia sunt semen Abraham, mox omnes filij sunt; sed in Isaac uocabitur tibi semen. Proinde fideles uera & uiua sunt Christi & sanctorum membra. Interim uerò quandiu hypocritæ uel mali, necdum deterfo fuco, quales sint dictis uel factis produnt, ut iure excindi queant ex ecclesia, necdum ipsi sua sponte erumpentes Christi castra deserunt, & in Antichristi uel diaboli tabernacula refugiant, agnoscuntur utique pro iniquis ecclesiæ, appellanturque ecclesia & ecclesiæ membra, aliud interim de ipsis iudicante omnium corda inspiciente Deo. Exemplo rursus hæc illustrabo. Quandiu Iudas Christi proditor & parricida subdolum, imò conceleratissimum suum ingenium nullo facto aut dicto publico prodebat, nec congregationem Christi & Apostolorum desebat, sed concionabatur & rem Christi familiarem curabat, habebatur utique pro Apostolo & œconomo Christi, pro membro ecclesiæ Apostolicæ. Eundem tamen Dominus & diabolus appellabat, & excluderat manifestissimè cum loqueretur de electis & de ueris ac uiuis suis membris: ut iam nihil addubitare possimus Iudam non fuisse membrum internæ & sanctæ Dei ecclesiæ, licet esset membrum exterioris ecclesiæ in numero recensitus sanctorum. Ideoque non sine causa graui dixerunt alij, Ecclesiam Dei aliam quidem esse uisibilem & externam, aliam uerò inuisibilem & internam. Visibilis & externa ecclesia illa est, quæ foris ab hominibus ex auscultatione uerbi Domini, & sacramentorum eiusdem participatione, publicæque fidei confessione, pro ecclesia agnoscitur. Inuisibilis & interna dicitur, non quòd homines sint inuisibiles, sed quòd hominum oculis non appareat, soliusque Dei oculis pateat qui uerè & fide credant. Verè enim credentes, membra uera & uiua sunt huius interioris ecclesiæ: quam superius appellauimus ecclesiam militantem strictius consideratam, aliam uerò uisibilem illam bonos & malos comprehendentem latius consideratam.

Non omnes qui sunt in ecclesia sunt ecclesia. Rom. 9.

Ioan. 13.

Ioan. 6.

Ioan. 13.

Visibilis & inuisibilis, Externa & interna ecclesia.

De externis ecclesiæ Dei notis.

Ephes. 5.

Act. 2.

Nunc quoniam dixi Ecclesiam in terris militantem, à Deo notis insigniri, ex quibus agnosci possit in hoc seculo, consequenter de his ecclesiæ Dei externis notis dicam. Sunt autem primariæ ac potissimæ duæ. Prædicatio sincera uerbi Dei, & legitima sacramentorum Christi participatio. Quòd alij adiungunt studium pietatis & unitatis, patientiam in cruce, & inuocationem nominis Dei per Christum, ea in his duobus nostris comprehendimus. Paulus ad Ephesios, Christus semetipsum exposuit, inquit, pro ecclesia, ut illam sanctificaret mundatam lauacro aquæ, per uerbum. Habetis in hoc Apostoli testimonio notas ecclesiæ Verbum & Sacramentum, per quæ sibi Christus parat ecclesiam. Nam gratia sua uocat, sanguine Christi purificat: id quod uerbo annunciat ut fide recipiatur, sacramentisque obsignat, ne quid ambigant fideles de salute per Christum parta. Et fidelibus quidem sanctisque membris hæc propriè conueniunt. Quòd hypocritæ non purgantur, culpa in ipsis, non in Deo aut in ministerio sacro hæret: uisibiliter certè sanctificantur, unde & pro sanctis habentur ab hominibus, istaque eis impropriè competunt. Non dissidet à Paulo Petrus, qui cum prædicasset Hierosolymitanis uerbum Dei, atque hi quid facerent rogarent, respondit Petrus, Resipiscite, & baptizetur unusquisque uestrum in nomine Iesu Christi, in remissionem peccatorum. Baptismum ergo coniunxit doctrinæ Petrus, Sacramentum uerbo. Id quod didicerat ab ipso saluatore in Euangelio, secun-



Matth. 28. dum Matthæum, dicente, Docete omnes gentes, baptizantes eos in nomen patris & filij & spiritus sancti. Vnde non alia quàm hæc ipsa uerbi & sacramentorum symbola Ecclesiæ, recensita legis in Actis hisce uerbis, Erant persecutores in doctrina Apostolorum, & beneficentia, & fractione panis, ac precationibus. Vbi cœnam Domini alterum sacramentum, baptismi sacramento adiectum uidetis, unitatis quoque & charitatis studium, item inuocationem nominis diuini. His apertis alioqui & firmis satis, adijciam nihilominus & alia ex scripturis sanctis testimonia. De symbolo uerbi Dei uel prædicationis Euangelij, ipse apud Isaïam Dominus dicit, Fœdus meum pangam cum eis. Spiritus meus qui super te est (Ecclesia) & uerba mea quæ inseruiori tuo, nunquam excident de ore tuo, neque de ore seminis tui, neque de ore nepotum & pronepotum tuorum, dicit Dominus à modo & usque in sempiternum. Nam in Euangelio quoque dicit Dominus Iesus, Qui ex Deo est, uerba Dei audit. Item, Omnes meæ uocem meam audiunt, & ego cognosco eas, & sequuntur me, & ego uitam æternam do eis: nec peribunt in æternum. Et iterum, Qui diligit me, sermonem meum seruabit. Qui non diligit me, sermones meos non seruat. Rursus, Omnis qui est ex ueritate audit uocem meam. Iam quod attinet sacramentorum notas, S. Paulus loquens de baptismo sancto, dicit, Per unum spiritum nos omnes in unum corpus baptizati sumus. Ac idem ille de Cœna Domini, Vnus panis, inquit, unū corpus multi sumus. Nam omnes de eodem pane participamus. Sed & poculum quo benedicimus, annon est communio sanguinis Christi? Certissimum est itaque, quia diuinis traditum testimonijs, externas ecclesiæ notas esse Verbum & Sacramentum. Hæc enim colligunt nos in societatem unius corporis Ecclesiastici, & in eadem nos retinent.

*Quomodo nota he ecclesiæ insigniant.*

Hæc testimonia omnia propriè quidem (quod & paulò ante monui) electis Dei membris fide & iusta obedientia donatis, hypocritis fide & iusta obedientia destitutis, impropriè congruunt: quia tamen & hi uocem pastoris externè audiunt, uirtuti operam dant, & palàm uel foris conglutinantur sacramentorum participatione electis & uerè credentibus, corpori inquam Christi uero, propter externa illa signa numerantur in Ecclesia, quandiu ex ipsa non recedunt. Vbi & hoc declarandi gratia disputatis de Ecclesiæ notis adijcere oportet, lege communi has membra Ecclesiæ insignire. Sunt enim singularia quædam membra, quæ licet his careant notis, communionem tamen ueræ Christi ecclesiæ non excluduntur. Certissimum est enim plurimos in orbe terrarum non audire prædicationem uerbi Dei ordinariam, nec ingredi cœtum inuocantium Deum, aut participare sacramentis: non quòd ea contemnant, aut à concione abesse uolupte sit, sed quòd necessitate aliqua, ueluti uinculorum, morborum, aut aliorum malorum ui impliciti, quod alioqui desiderant, consequi non possunt, & tamen illos ipsos nihilominus uera & uiua esse Christi & catholicæ Ecclesiæ membra. Olim instituerat Dominus in populo Israelis uisibilem Ecclesiam, quam lege certa colligarat, signisq; uisibilibus insigniuerat. Eam si quis spreuisset, aut cum potuisset audire doctrinam Ecclesiasticam, & ingredi sacrum cœtum sacrificareque, subterfugisset, aut etiam conuijs proscidisset, aut pro diuinitus tradito cultu, alienum fuisset amplexus, profectò minimè fuisset recensitus in ordine & numero populi Dei. At erant interim apud gentes per orbem terræ dispersi homines innumeri, qui non communicabant, neque communicare poterant cum hoc uisibili cœtu populi Dei, ac nihilo minus tamen erant & huius cœtus sancti membra & amici Dei omnipotentis. Erant cum rege Ioachim, Iechonia plures filij Dei in Babylo-

nem

nem captiuū per Nabuchodonosorem abducti, quibus tamen nihil nocuit separatio à populo Dei, Hierosolymis sub Sedechia templum & cultum uisibilem retinente: sicut multis non profuit uisibilis congregatio cum populo Dei in templo Domini, quando ipsorum mentes non essent integræ. Reperias hodie quoque innumeros per maria dispersos fideles, ad triremes propter confessionem ueræ fidei damnatos: reperias multos Antichristiana captiuitate impeditos, de quibus dicemus Sermone sequente: reperias item innumeros in Græcia, Nætolia, Persia, Arabia, uel in Africa Iesu Christi seruos, præstantissima catholicæ Ecclesiæ Christi membra, exclusos quidem Machometana impietate & crudelitate à Christianorum sacris, nihilominus tamen coniunctissimos eodem spiritu & eadem fide cum omnibus ecclesiæ membris, uisibilibus etiam signis insignitis. Proinde Verbum & Sacramentum notæ sunt Ecclesiæ ex lege communi, non submouentes à communione fidelium fideles, necessitate aliqua exclusos uisibili cœtu fidelium.

Porrò ad plenam signorum Ecclesiæ cognitionem pertinet & illud, & quidem inprimis, non satis esse Verbum Dei uel scripturam iactare, nisi sensum quoque natium & fidei articulis congruum simul amplectamur, retineamus & tueamur. Etenim si corrumpas sensum scripturæ, & hunc urgeas in Ecclesia, iam non ipsam profers scripturam synceram, sed tuam opinionem, & tua signenta, quæ tuo ipsius arbitrio excogitasti. Non repudiabat uerbum Domini Ariæ Ecclesia, imò blasphemus errores suos scripturarum testimonijs & ornare & tueri contendebat. Negabat Dominum nostrum Iesum Christum consubstantialem esse Deo patri, quod cum scripturæ & orthodoxæ fidei sensus inter prima fidei capita & asserat & urgeat, profectò non uerbum Dei syncerum, utcunque id iactaret, sed adulteratum, adeoque hæreticam suam opinionem pro orthodoxa scripturæ diuinæ sententia subiiciebat & tuebatur: ideoque non habebat uerum Ecclesiæ signum, nec erat uera Dei Ecclesia. Ex unico hoc exemplo infelici æstimare licet omnium aliorum hæreticorum ecclesias: quæ tametsi uerbi Dei testimonio non uideantur destitui, reuera tamen uerbi Dei puri nihil habent reliquum.

Quod de uerbo Dei diximus, etiam de Sacramentorum usu intelligere necesse est: nisi enim usurpentur legitime, eo inquam modo, quo instituit ipse Dominus, non sunt Ecclesiæ Dei signa. Sacrificabat quidem Ieroboam & Deo quidem sacrificabat, sed quia non legitime sacrificabat, alienus & defector à uera Dei Ecclesia appellatur. Quid quod ipse Dauid arcam Domini exercituum summa cum deuotione & maximo cum iubilo deducebat: quoniam uerò non legitime portabatur in humeris sacerdotum, protinus pro latitia magna ingens luctus obortus, coarguit non satis esse usurpare sacramenta & instituta Domini, nisi usurpes legitime. Hoc enim si fiat, agnoscit te Deus pro suo. Porrò baptizatos quondam ab hæreticis, ea de causa non rebaptizarunt ueteres catholici, quod hæretici non in nomen hominis alicuius, aut in consortium suæ ignorantia uel hæreseos, sed in nomen patris & filij & spiritus sancti tinxerunt, nec suum uel hæresiarcharum, sed nomen Christi Iesu inuocarunt. Ergo baptismum non hæreticorum quidem, sed Ecclesiæ baptismum, collatum autem ab hæreticis, non reprobantes, Ecclesias hæreticorum non approbauerunt, ueluti ex uero signo ueras declaratas: sed agnouerunt hæreticos rebus peculiariter ad ecclesiam ueram pertinentibus uti: neque rei bonæ derogari tantillum, si ipsam malus aliquis administret. Non agnoscimus hodie Ecclesiam Papæ Romanensem

4. Reg. 24.  
Daniel. 1.

Quale oportet esse uerbum Dei quod nota sit ecclesiæ.

Qualis esse debeat sacramentorum usus, &c.  
3. Reg. 12.  
2. Reg. 6.

Baptizati ab hæreticis, non rebaptizati.



DE S. CATHOLICA ECCLESIA.

neotericam (de ueteri illa Apostolica nihil iam dicimus) ueram esse Christi Ecclesiam, attamen non retinimus baptizatos à sacerdotibus Romana imbutis corruptione. Scimus enim illos baptismo Ecclesie Christi, non Papæ, in nomen sanctæ Trinitatis, ad articulos fidei catholicæ, non ad errores, non ad superstitiones & impietates Papisticas esse tinctos. Denique fatemur ne hodie quidem rei diuinæ derogare quicquam indignitatem ministri. Ita non repudiamus Orationem Dominicam, aut Symbolum Apostolorum, aut ipsam denique scripturam Canonicam, quod his quoque utatur Romana Ecclesia. Habet enim illa non ex semetipsa, sed accepit à uera Dei Ecclesia. Vnde cum illis in commune utimur cum ipsa, non propter ipsam Romanam Ecclesiam, sed quia profecta sunt ab ipsa uera Christi Ecclesia, utimur.

De notis ecclesie Dei interioribus.

Præter illas exteriores Ecclesie notas, quas uerè credentes communes habent cum hypocritis, sunt interiores quædam singularesque pijs duntaxat: siue illas uincula & dona peculiararia appellare malis. Hæc exteriores notas frugiferas reddunt, & sine externis notis, necessitate aliqua absentibus, acceptos uel gratos Deo efficiunt. Nam sine his nemo placet Deo: in his ergo est uerus typus filiorum Dei. Sunt autem communio spiritus Domini, fides sincera, & charitas gemina. His enim fideles uera & uiua Christi membra, primùm quidem capiti Christo, deinde omnibus membris corporis Ecclesiastici coniunguntur. Ac pertinet hæc consideratio inprimis ad cognitionem ueræ Dei Ecclesie, quæ licet putrida toleret membra, ab his tamen per coniunctionem externam non polluitur. Perpetuo enim studio se incontaminatam Deo seruare contendit. Ac principiò Christum nobis coniungi spiritu suo, nos illi connecti animo uel spiritu per fidem, ut ipse uiuat in nobis, nos in ipso, docet nos Euangelica & Apostolica doctrina. In Euangelio enim clamat Dominus, Si quis sitit, ueniat ad me & bibat. Qui credit in me, sicut dicit scriptura, flumina de uentre eius fluent aquæ uiuæ. Quibus mox subiungit Euangelista, Hoc autem dixit de spiritu, quem accepturi erant credentes in ipsum. Rursus in Euangelio spiritum suum promittens discipulis, imò omnibus fidelibus suis, qui semper cum ipsis maneat, In illo die cognoscetis, inquit, quod ego sum in patre, & uos in me, & ego in uobis, nimirum per spiritum sanctum: Ioanne Apostolo interpretante & dicente, Per hoc scimus quod manet in nobis, per spiritum quem dedit nobis. Et iterum, Ex hoc cognoscimus quod in eo manemus & ipse in nobis: quoniam de spiritu suo dedit nobis. Non discrepat à beato Ioanne uas electionis Paulus, Romanis scribens & dicens, Si quis spiritum Christi non habet, hic non est eius. Et quicumque spiritu Dei ducuntur, hi sunt filij Dei. Iam quod attinet ad fidem ueram connectentem nos Domino, Paulus, Viuo iam non ego, inquit, sed uiuit in me Christus. Vitam autem quam nunc uiuo in carne, per fidem uiuo filij Dei: qui dilexit me, & tradidit semetipsum pro me. Et iterum idem, Christus, inquit, inhabitat per fidem in cordibus nostris. Cum quibus sententijs consentiens rursus Apostolus Ioannes, Quisquis, inquit, confessus fuerit quod Iesus est filius Dei, Deus in eo manet & ipse in Deo. Nam ipse Dominus prior in Euangelio dixit, Qui edit meam carnem & bibit meum sanguinem, in me manet & ego in illo. Edit autem & bibit sanguinem Christi qui credit. Proinde spiritu coniungitur nobis Christus Dominus, nos animo & fide ei connectimur, ueluti corpus capiti: quo nexu & uinculo carentes, id est, non habentes spiritum Christi neque ueram in Christum fidem, uera & uiua Christi membra non sunt: ipso rursus domino

domino in euangelio testante & dicente, Si quis in me non manserit, electus est <sup>ioan. 14.</sup> foras sicut palmes, & exaruit, & colligunt eos, & in ignem conijciunt, & ardent. Quæ uerba saluatoris imitatus Apostolus (quod & modò adduximus) dixit, Qui spiritum Christi non habet, hic non est eius. Cæterum non destituti Christi spiritu, dilectione Dei ardent. Neque enim à fide separamus dilectionem, ipso nos iterum Ioâne docente & dicente, Deus charitas est, & qui manet in charitate, in Deo ma- <sup>1. ioan. 4.</sup> net, & Deus in eo. Etenim in euangelio dixit dominus, Si quis diligit me, sermo- nem meum seruabit, & pater meus diliget eum, & ad eum ueniemus, & mansio- nem apud eum faciemus.

Tametsi uerò fides propriè Christo capiti nos coniungat, eadem tamen con- nectit nos omnibus etiam membris Christi in terris. Cum enim omnium eadem sit fides, & idcirco spiritus idem, non potest non idem os, eadem mens atq; sen- tentia esse omnibus: quamuis fides nunc non usurpetur pro fiducia tantum in misericordiam Dei per Iesum Christum, sed & pro confessione fidei externa. Ean- dem enim fidem, & unum atque idem caput, uno spiritu & ore confitentes uni- uersi, simul etiam profiteamur nos omnes unius atq; eiusdem corporis esse mem- bra. Nec est in mundo ulla res alia, quæ animos hominum dissociet implacabi- lius, quàm fidei uel religionis diuersitas: idcirco nihil est quod nos compingat arctius, quàm fidei unitas. Descendimus modò ad charitatem, quam dixi mem- <sup>Charitas. 3</sup> bra corporis ecclesiastici mutuò inter se connectere. Dicit in euangelio domi- nus, Præceptum nouum do uobis, ut diligatis inuicem, sicut dilexi uos, ut & <sup>ioan. 13.</sup> uos diligatis inuicem. In hoc cognoscent omnes, quòd discipuli mei sitis, si cha- ritatem habueritis inter uos mutuam. Indubitatum ergo est, unicam post fidem Ecclesiæ tesseram esse charitatem, uinculum omnia membra quam arctissimè connectens. Nascitur ipsa ex communionem Christi unitatēq; spiritus. Quia enim Christus rex caput & pontifex Ecclesiæ catholicæ, omnes nos uno & eodem spi- ritu donans, omnes sibi adaptauit in membra, filios Dei, fratres & cohæredes, quos haud dubiè diligit impensissimè, non potest non fidelis quilibet summo amore complecti regis, capitis & pontificis summi membra & cohæredes. Ioan- nes enim Apostolus, Omnis, inquit, qui diligit eum qui genuit, diligit & eum <sup>1. ioan. 4.</sup> qui natus est ex eo. Si quis dixerit, diligo eum, & fratrem suum oderit, men- dax est. Qui enim non diligit fratrem suum, quem uidet, Deum quem non ui- det quomodo potest diligere? Paulus ut hanc unitatem & consensionem mem- brorum quàm propriissimè exprimeret & oculis nostris ceu contemplandam proponeret, parabola utitur, sumpta à membris humani corporis, & dicit, Quem- <sup>Rom. 12.</sup> admodum in uno corpore membra multa habemus, membra uerò omnia non eundem actum habent: sic multi unum corpus in Christo sumus, sigillatim au- tem aliq; aliorum membra. Idem in 12. prioris ad Corinthios capite, copiosius si- gnificantiusq; eandem capitis ac membrorum & horum præcipuè parabolam exponens elegantissimèq; expoliens, testificatur inter ima & summa Ecclesiæ membra summum & congruentissimum esse consensum, præterea sedulam soli- citudinem & auxilium tum perpetuum tum fidelissimum. Ex quibus quidem omnibus confit, notas ueræ & uiuæ Christi ecclesiæ esse communionem spiri- tus Christi, synceram fidem & charitatem Christianam: sine quibus nemo com- municat hoc spiritali corpore. Ex his quoq; facillimum erit iudicare, sis ne in consortio Ecclesiæ an non sis.

Præterea colligimus ex illis quæ differuimus hucusq; de signis ecclesiæ Christi <sup>De origine</sup> <sup>Ecclesiæ.</sup> sit, unde sit origo eius, quomodo item plantetur, propagetur & conseruetur



*Galat. 4.* Ecclesia. Origo eius cœlestis est. Paulus enim, Quæ sursum est Hierusalem (inquit loquens de Ecclesia) libera est, quæ est mater omnium nostrum. Ergo cœlestem uocat ecclesiam, non quod uniuersa habitet in cœlis, sed quod agens adhuc in terris originem habeat cœlestem. Etenim filij Dei non nascuntur ex carne & sanguine, sed ex cœlo, per renouationem sancti spiritus, qui per prædicationem uerbi diuini plantat fidem in cordibus nostris, per quam fidem efficiuntur uera Christi & ecclesiæ membra. Petrus enim dicit, Renati estis non ex semine mortali, sed immortalis, per sermonem uiuentis Dei & manentis in æternum. Et Paulus, In Christo Iesu per euangelium, inquit, ego uos genui. Idem enim Apostolus alibi dicit, Fides ex auditu est, auditus autem per uerbum Dei.

*1. Pet. 1.*

*1. Cor. 4.*

*Rom. 10.*

*Doctrinis hominum ecclesia non edificatur.*

*Matth. 16.*

*Galat. 1.*

*1. Cor. 2.*

*Ioan. 8.*

*Ioan. 18.*

*Ioan. 10.*

*Coloss. 2.*

*Titum. 1.*

*Matth. 15.*

*Verbo dei conseruari ecclesiam. Ephes. 4.*

Cum autem fides ex auditu sit, auditus autem per uerbum Dei, & significanter quidem per uerbum Dei, nequit profectò ecclesia oriri aut ædificari decretis & doctrinis hominum. Ergo solum Dei uerbum ad ædificationem ecclesiæ congruere asseueramus. Doctrinæ humanæ humanam excitant ecclesiam: uerbum Christi Christianam extruit. Nam ex carne & sanguine sunt doctrinæ humanæ. Petrus autem uera fide Christum confitens, ideoq; impositus fundamento Ecclesiæ Christo, ab ipso audit Christo, Caro & sanguis non reuelauit tibi, sed pater meus qui in cœlis est. Ergo & Paulus, Vbi Deo uisum est, inquit, ut prædicarem filium eius inter gentes, non contuli cum carne & sanguine. Et reliqua. Idem ab ædificatione fidei ac Ecclesiæ quàm manifestissime remouens humanas doctrinas, & solum Dei uerbum commendans, dicit ad Corinthios, Prædicatio mea non erat in persuasorijs humanæ sapientiæ uerbis, ut fides uestra non sit in sapientia hominum, sed in potentia Dei. Huc iam pertinent hæc Christi testimonia, Qui ex Deo est, uerbum Dei audit. Item, Omnis qui ex ueritate est, audit uocem meam. Et adhuc clarius, Oues pastorem sequuntur, quia nouerunt uocem eius. Alienum autem non sequuntur, sed effugient ab eo: quia non nouerunt uocem alienorum. Atqui sub uocem alienorum referimus omnia decreta hominum aliena à doctrina Christi: quibus Apostolus Paulus tribuit quidem sapientiæ speciem, sed adimit ueritatem, superstitiosaq; appellat. Nam ipse dominus noster in euangelio ex propheta Isaia irrefragabile illud profert in medium, Frustra me colunt, docentes doctrinas, præcepta hominum. Teneamus ergo ueram Dei ecclesiam non extrui humanis decretis, sed eam solo Christi uerbo fundari, plantari, colligi & extrui.

Addimus indubitatum esse, eodem Dei uerbo ecclesiam Dei, ne uel seducatur uel dilabatur & pereat, conseruari, nec aliter unquam ullo pacto conseruari posse, Paulo iterum testante, & dicente, Christus dedit alios quidem Apostolos alios uerò prophetas, alios autem euangelistas, alios autem pastores & doctores, ad administrationem sanctorum in opus dispensationis (id est ad docendum & dispensandum uerbum) in ædificationem corporis Christi, donec perueniamus omnes in unitatem fidei & agnitionis filij Dei, in uirum perfectum, in mensuram ætatis plenè adultæ Christi, ut non amplius simus pueri, qui fluctuamus & circumferamur quouis uento doctrinæ, per uersutiam hominum (en dampnatur iterum graui & irrefragabili autoritate hominum doctrinæ) per astutiam qua adoriuntur nos ut seducant nos: sed ueritatem sectantes in charitate, adulescamus in illum per omnia, qui est caput, nempe Christus: ex quo totum corpus si coagmentetur & compingatur per omnem commissuram administrationis, iuxta actum in mensura uniuscuiusque partis, incrementum corporis facit, in ædificationem suipsius per charitatem. Hæc Apostoli uerba clariora sunt quàm

quàm ulla indigeant interpretatione copiosiore. Locum autem hic haberet Ordo gubernandi Ecclesiam per prædicationem uerbi Dei, quam plerique appellant ministerium uerbi uel Ecclesiam. De quo dicemus, Deo uolente, Sermonem III. Satis fuerit hic tenere, Dominum Deum nostrum, datis ecclesiam doctoribus, ecclesiam suam per Verbum, & quidem per solum uerbum suum, fundare, extruere & conseruare propagareque.

Veniunt autem in præsentem consideranda duo. Prius, Ecclesiam Dei propter perpetuum ac constans uerbi Dei studium appellari Prophetica & Apostolica, denique & orthodoxa. Prophetica enim & Apostolica dicitur, quod opera prophetarum & Apostolorum primum sit extructa, ac per eorundem doctrinam conseruetur uel hodie, propageturque in finem usque seculi. Orthodoxa dicitur, quod rectæ sententiæ opinionis ac fidei sit. Extra Ecclesiam enim non est uera fides, neque ulla de uera uirtute & felicitate doctrina absoluta. Ecclesiæ fides & doctrina cœlitus ab ipso Deo reuelata est per Adamum & patriarchas, per Moysen & prophetas, per Christum & Apostolos. Vnde & mater alibi dicitur. De quo dicemus Sermonem proximo.

*Ecclesia prophetica & apostolica.  
Orthodoxa.*

Posteriorius, successionem doctorum uel pastorum Ecclesiæ sine uerbo Dei per se nihil probare. Iactant Papistica Ecclesiæ propugnatores, se certissimum habere signum Apostolicæ Ecclesiæ, nimirum in perpetua illa Episcoporum successionem, à sancto Petro per Clementem primum ad Clementem usque VII. ad Paulum item III. nuper mortuum, & ad Iulium usque III. non ita pridem creatum, decurrente. Adijciunt resecta esse membra quotquot ab illa se separent Ecclesia, in qua sola reperiatur successio illa apostolica. Nos uerò non negamus successionem pastorum certam in primitiua Ecclesia magni fuisse momenti. Qui enim tunc appellabantur, erant pastores, & munia pastorum obibant. Quales autem fuerint pastores à seculis multis, quos Romanæ ecclesiæ pastores appellauit Cardinalium, episcoporum mitratorum & sophistarum uulgus, nemo nescit nisi sensu communi carens. Audit Zacharias propheta sibi suggeri à domino, Adhuc sume tibi uasa pastoris stulti. Quia ecce ego suscitabo pastorem in terra, qui derelicta non uisitat, dispersum non quaeret, & contritum non sanabit, & id quod stat non enutriet, & carnes pinguium comedet, & ungulas eorum dissoluet. Væ pastori idolo, qui deserit gregem. Et cætera. Proinde nihil plus probant isti continua serie episcoporum, uerbum Dei non docentium syncerè, neque fungentium pastorum munere, quàm si mundo ab oculis statuunt magnam idolorum copiam. Quis enim negare audeat bonam, imò maximam partem Romanorum pontificum, post Gregorium magnum, huiusmodi fuisse idola, huiusmodi lupos & depastores, quales descripsit propheta Zacharias? Quid ergo talium pseudopastorum probaret continua successio? Quid quod postremi uniuersam propè ecclesiam traditionibus hominum oppleuerunt, & uerbum Dei partim oppresserunt, partim persecuti sunt? In ueteri Israelis ecclesia erat continuus ordo pontificum, non interrupta serie, ab ipso Aarone ad Uriam usque sub Ahas uiuentem, & ad alios usque impios pontifices, à uerbo Dei ad traditiones hominum, imò & ad idololatriam deficientes. At successio illa non probabat idololatrias pontifices, cum ecclesia ipsis adhærente, ueros dei pontifices, ueramque dei esse ecclesiam. Certè prophetæ dei ueri, orthodoxi & catholici uiri, solumque dei uerbum sine traditionibus, imò contra traditiones prædicantes, non potuerunt ullam recensere antecessorum sacerdotum non interruptam seriem, in qua succederent ipsi, & tamen erant illustrissima ecclesiæ

*De successione episcoporum continua.*

*Zach. II.*



luminaria, & præclarissima Ecclesiæ Dei membra, credentesq; prædicationi ipsorum, nec schismatici, nec hæretici, sed uera Christi ecclesia uel hodie agnoscitur. Cum Christus dominus noster, benedictus Dei filius, doceret in terris, colligeretq; Ecclesiam, successio pontificum erat apud aduersarios. At illi ea de causa non præsidebant ueræ Dei Ecclesiæ, Christus hæreticæ. Sed & Apostoli Domini nostri non potuerunt pro se & sua doctrina pontificum non interruptam seriem proferre. Nam ordinati erant à Domino, qui & ipse extra successionem ordinis Leuitici, iuxta nouum ordinem Melchizedechicum, à Deo creatus erat pontifex in æternum, & tamen Ecclesia ab ipsis collecta, agnoscitur ab omnibus uera & sancta esse Ecclesia. Illi ipsi Apostoli pro ueris suis imitatoribus & successoribus non alios, quàm rectè ambulantes in doctrina ac uia Christi, agnoscere uoluerunt. Notissima est enim illa uulgaris Paulina sententia, Imitatores mei estote, sicut & ego Christi. Et quamuis hæc ad omnes fideles dicat, non ad ministros uerbi Dei duntaxat, hos tamen in primis tales uult esse imitatores suos, quales reliquum Christianorum uulgus, quemlibet utiq; in sua uocatione. Idem Apostolus loquens Mileti cum episcopis Asianis, inter alia, Ego noui hoc, inquit, quòd ingressuri sint post discessum meum lupi graues in uos, non parcentes gregi. Et ex uobis ipsis exorientur uiri, loquentes peruersa, ut abducant discipulos post se. Paulus Apostolus non aliunde quàm ex ipsa Apostolica Ecclesia, imò ex cœtu uel choro episcoporum & pastorum Apostolicorum, deriuat lupos & depastores Ecclesiæ. An uerò hi non potuissent pro se & pro causa sua corruptissima adducere seriem Apostolicam, se uidelicet ex Apostolis descendere pastoribus? Caterum quoniam perfidi defecerunt à fide & à doctrina Apostolica, nihil pro ipsis faciebat origo & successio apostolica. Concludimus ergo, successionem continuam episcoporum per se nihil probare, imò non esse successionem iustam, puritatem doctrinæ euangelicæ & apostolicæ carentem.

*Tertull. de successione pastorum continua.*

Ideoq; Tertullianus magni faciens, & meritò quidem, successionem pastorum in Ecclesia continuam, flagitat tamen ipsam doctrinæ Apostolicæ sinceritate approbari: imò Ecclesias doctrina pura instructas, nec interim episcoporum successionem recensere ualentes, pro apostolicis agnoscit. Verba authoris si quis requirat, hæc sunt. Caterum si quæ audent interficere se ætati Apostolicæ, ut ideo uideantur ab Apostolis traditæ, quia sub Apostolis fuerunt, possumus dicere, Edant igitur origines Ecclesiarum suarum, euoluant ordinem episcoporum suorum, ita per successiones ab initio decurrentem, ut primus ille episcopus aliquem ex Apostolis uel Apostolicis uiris, qui tamen cum Apostolis perseverarit, habuerit authorem & antecessorem. Hoc enim modo Apostolicæ Ecclesiæ census suos deferunt. Sicut Smyrneorum Ecclesia habens Polycarpum, ab Ioanne collocatum refert. Sicut Romanorū Clementem à Petro ordinatum edit: proinde utique & cæteræ exhibent, quos ab Apostolis in episcopatum constitutos Apostolici seminis traduces habeant. Constringant tale aliquid hæretici (quid enim illis post blasphemiam illicitum est?) sed etsi confinxerint, nihil promouebunt. Ipsa enim doctrina eorum cum Apostolica comparata, ex diuersitate & contrarietate sua pronuntiabit, neque Apostoli alicuius authoris esse, neque apostolici. Quia sicut Apostoli non diuersa inter se docuissent: ita & Apostolici non contraria Apostolis edidissent: nisi illi qui ab Apostolis descenderunt, & aliter prædicauerunt. Ad hanc itaque formam prouocabitur ab illis Ecclesijs, quæ licet nullum ex Apostolis aut apostolicis authorem suum proferant, ut multò posteriores, quæ denique quotidie instituuntur, tamen in eadem fide

fide conspirantes, non minus apostolicæ deputantur pro consanguinitate doctrinæ.

Idem author loquens de antiqua Romana Ecclesia, summamq; contexens *Veteris Rom. ecclesie doctrina.* quid docuerit aut dixerit, dicit, Felix ecclesia, cui totam doctrinam apostoli cum sanguine suo profuderunt: ubi Petrus passioni dominicæ adæquatur: ubi Paulus Ioannis exitu coronatur: ubi Apostolus Ioannes, posteaquam in oleum igneum demersus, nihil passus est, in insulam relegatur. Videamus quid didicerit, quid docuerit, cum Africanis quoq; ecclesijs contesserat, Vnum deum nouit creatorem universitatis: & Christum Iesum ex uirgine Maria filium Dei creatoris: & carnis resurrectionem: legem & prophetas cum euangelicis & apostolicis literis miscet: & inde potat fidem eam: aqua signat: sancto spiritu uestit: eucharistia pascit: martyrio exhortatur: & ita aduersus hanc institutionem neminem recipit. Hæc est institutio. Tantum Tertull. in libro quem inscripsit De præscriptionibus hæreticorum.

Postremum quod obseruemus illud est, Dominum non tantum olim & usque huc dedisse, sed hodie quoque dare doctores & pastores Ecclesiæ: & doctores quidem non ductores uel imperatores exercituum, non principes, non milites, non homines uafros, dolosis utentes artibus, quas hodie dicunt practicas. Nulla enim ratione alia, nullo modo, nulloue instrumento alio, quam doctrina ueritatis & pietatis sincera & simplici extruitur, munitur, & conseruatur catholica & sancta Dei ecclesia, quam ab initio homines simplices & Apostoli Christi prædicatione euangelij fundauerunt. Remouet ergo omnem secularem sapientiam Paulus, & ait, Ego per infirmitatem & cum timore ac in tremore multo apud uos (Corinthei) uersatus sum, & sermo meus & prædicationis mea non erat in persuasorijs humanæ sapientiæ uerbis, sed in ostentatione spiritus & potentiæ, ut fides uestra non sit in sapientia hominum, sed in potentia Dei. Remouet idem Apostolus omnia consilia dolosa cum omnis generis imposturis, cum ad Thessalonicen. scribens dicit, Exhortatio nostra non fuit ex impostura, neque ex imunditia, neque cum dolo: sed quemadmodum probati fueramus à Deo, ut nobis committeretur euangelium, ita loquimur: non hominibus placentes, sed Deo, qui probat corda nostra. Neque enim unquam per sermonem adulationis uersati sumus: quemadmodum nostis: nec per occasionem auaritiæ: Deus est testis: neque quærentes ex hominibus gloriam. Et reliqua. Quapropter desipit insaniq; existimans practiceis, id est, uafrosis hominum consilijs insidijsq; uel colligi uel collectam conseruari posse Ecclesiam. Verè dicitur à uulgo, humana prudentia subuerti iterum, quod extructum sit humana prudentia. Præterea remouet uim & arma ab ædificatione ecclesiæ ipse dominus, cum usum gladii discipulis suis prohibet, ac Petro pugnantiam, dicit, Conuerte gladium in locum suum. Neque uerò ullos unquam missos legimus milites à domino, qui armata uim mundum subigant. Quinimò scriptura testatur ipsum hostem Dei magnum, anti-christum, spiritu oris dominici conficiendum. Vnde dubium non est, figuratè exponi oportere omnia ea quæ passim in prophetis & apud Zachariam potissimum 12. capite leguntur de bello omnibus gentibus ab Apostolis apostolicisq; uiris inferendo. Etenim Apostoli suo more pugnant ut Apostoli, non hasta, gladio & arcu militiæ carnalis, sed spiritualis. Gladius Apostolicus est uerbum Dei. Interim uerò nemo negat, profuisse aliquando arma corporalis militiæ Apostolicis uiris & Ecclesiæ, & prodesse uel hodie: nemo negat Deum usurpare opera militum & magistratus frequentissimè ad defendendam Ecclesiam

*Ecclesia bellis  
& malis artibus  
non edificatur.*

1. Corin. 2.

1. Thess. 2.

Matth. 26.

Luce 22.

2. Thess. 2.



Isaie 49.  
Astor. 21.

Astor. 23.

contra impios & tyrannos. Imò fatentur omnes, bonū & pium magistratum operam suam debere Dei Ecclesiæ. Neque enim sine causa clarissimus Dei propheta Isaïas, reges appellat Ecclesiæ nutritos & reginas nutrices. Paulus certe oppressus à Iudæis in templo Hierosolymitano, propter prædicationē euangelij ingentes, armata Cl. Lyfiæ tribuni Rom. manu eripitur & asseritur; mox additis eidem Apostolo per eundem tribunum militibus non paucis, nempe equitum turma & cohortibus aliquot peditum, incolumis Antipatrida & Cæsaream usq; ad Iudææ Procos. Felicem deducitur. Id quod nō temere tanta diligentia & copia in Actis Apostolorum à Luca commemoratur. Ecclesiastica historia nō pauca nobis exempla sanctissimorum principum asserentium & iuuantium Ecclesiam Dei recitat. Sed hæc alibi à nobis utcunq; sunt tractata, Decadis, ni fallor, secundæ, Serm. 7. & 8. Hæc autem hætenus de Origine Ecclesiæ Dei, deq; propagatione & conseruatione eiusdem diximus.

An ecclesia dei  
errare possit.

Hoc loco uideor mihi non admodum incommodè quæstionem illam celebrem tractare uel paucis explicare posse, Num ecclesia Dei errare possit? Quod ut intelligatur perspicacius, excutiam breuibus ipsius quæstionis terminos. Ecclesiam Dei Catholicam docui comprehendere primū quidem beatos in cœlo spiritus, deinde in terris omnes fideles Christi, quibus adherere dixi malos uel hypocritas ad tempus fidem simulantes. Iam ergo si intelligamus Ecclesiam beatorum spirituum, non errat ea unquam. Si uerò intelligamus admixtos bonis malos uel hypocritas, & hos quidem solos, per se quidem nihil aliud quàm errant: quatenus uerò bonis aut fidelibus coniuncti sunt ac eos sequuntur, uel errant uel non errant. Bonorum enim fidelium Ecclesia in terris errat & non errat. Id quod errorum diuersitate expensa, integroq; in censum numero collecto explicabimus. Errorum alij sunt doctrinæ & fidei; alij uerò uitæ & morum. Quales utrique sint, nemo ignorat opinor. Videamus ergo, erretne fidelis Ecclesia in terris, & si errat qua in re uel quatenus erret. Quod ad mores & uitam Ecclesiæ attinet, non potest se in uniuersum liberare ab erroribus, id est à peccatis. Semper enim dum in terris uiuit seriò orat, Et remitte nobis debita nostra, sicut & nos remittimus debitoribus nostris. Et deus pro sua misericordia semper expurgat in sanctis reliquias & infirmitates, quandiu in hoc seculo uiuunt, subinde recurrentes & polluentes electos. Non ignoro quid te hic impediatur auditor fidelis. Si non est sancta & pura Ecclesia, ais, quomodo appellatur ab Apostolo sancta sine macula & ruga? Respondeo, si nolis in terris agnoscere Ecclesiam, nisi quæ in uniuersum omninæuo careat, nullam omnino cogaris agnoscere. Nulla enim talis superstes erit in terris ecclesia, ubi iustissimus deus, scriptura testificante, omnia conclusit sub peccatum, ut omnium misereatur. Paulus ergo appellat ecclesiam puram, macula & ruga carentem, propter Christi beneficium & sanctificationem; non quòd per se, dum in carne agit, nullas habeat maculas, sed quòd illæ maculæ reuera alioqui adherentes, propter Christi innocentiam, fide Christum amplexantibus, non imputentur: denique quòd illa eadem in futuro seculo nullas sit habitura maculas uel rugas. Nam exuta carne, omnibus abiectis miserijs, tandem perficietur, ut ei desit nihil. Præterea dicitur Ecclesiam esse sine macula, propter assiduum studium ecclesiæ, quo contendit & annititur modis omnibus, ut quantum possibile est, quàm minimum habeat macularum. Et ea quidem ratione, & maxime imputationis beneficio, non errat & uelut impeccabilis & purgatissima est ecclesia. Porro quod ad doctrinam & fidem attinet, non errat Ecclesia Christi. Nam solius pastoris uocem audit, alienorum autem

Ioan. 13. 15.  
Rom. 7.

Quomodo ecclesia sancta  
sine macula &  
ruga.

autem non agnoscit: Christum enim unicum pastorem suum sequitur dicentem, Ego sum lux mundi: qui sequitur me, non ambulabit in tenebris, sed habebit lumen uitæ. Paulus quoque ad Timotheum, Hæc ad te hæcenus dedi, inquit, ut no-  
Ioan. 8.  
1. Tim. 3.  
Ecclesia colum-  
na et basis ue-  
ritatis.  
Exod. 32.  
Ierem. 8.  
 ris quomodo oporteat te in domo Dei uersari, quæ est Ecclesia Dei uiuentis, co-  
 lumna & basis ueritatis. Est autem Ecclesia columna & basis ueritatis, quod im-  
 posita fundamento prophetarum & Apostolorum, ipsi Christo, qui est æterna Dei  
 ueritas & robur Ecclesiæ unicum, ab ipsius communione accipiat, ut & ipsa sit co-  
 lumna & basis ueritatis. Est enim ueritas Dei in Ecclesia, eadēque per minis-  
 terium Ecclesiæ propagatur, impetitāque ab hostibus & oppugnata, firma ma-  
 nens, non expugnatur: quatenus scilicet cum Christo concorporata in commu-  
 nione Christi perseverat, sine quo nihil potest. Rursus autem errat eadem illa Ec-  
 clesia in doctrina & fide, quoties uidelicet à Christo & à uerbo eius auersa, homi-  
 nes carnisq; consilia & decreta sectatur. Illud enim deserit, quod obstitit hæcenus  
 ne aberraret, uerbum Dei & Christum. Nemo negat, opinor, eximiam Dei fuisse  
 Ecclesiam, cœtum illum magnum populi Israelitici in deserto, cum quo fœdus  
 pepigerat sacramentisque & institutis ipsum sibi deuinxerat Dominus. At quā  
 turpiter illa errauerit, dum uerbo Dei præterito, nec constanter & seriò religio-  
 nis antistite resistente Aarone, uitulum & fudit & diuinis prosequutus est hono-  
 ribus, nemo ignorat. Vbi certè opportunum erit totum quoque Ecclesiæ nu-  
 merum diligentius inspicere atque recensere. Pluribus enim in Ecclesia erranti-  
 bus, non consequens est neminem ab errore excipi prorsus. Nam ut in Israelis Ec-  
 clesia reliquias sibi reseruauit Dominus, ipsum inquā Moyses, Iosue, & haud dubiè  
 nonnullos alios, & in hoc ipso cœtu, & extra hunc cœtum alicubi, uitulum  
 non adorantes: ita dubium non est, errantibus pluribus in Ecclesia, Deum sibi  
 misericordia sua certum præseruare numerum, qui & rectè sapiat, & quorum fide  
 & diligentia errores destruantur, & errans Domini grex reducatur in ouile san-  
 ctum. Errare ergo dicitur Ecclesia, quando pars eius, relicto uerbo Dei, errat: ea-  
 dem non errat in uniuersum tota, quatenus gratia Dei reseruantur reliquæ, ex qui-  
 bus ueritas refloreat & iterum quā latissimè propagetur. S. Paulus appellauit  
 Ecclesias Corinthiorum & Galatarum sanctas Dei Ecclesias. Cæterum aberrau-  
 erunt hæc grauiter in doctrina, in fide, & in moribus. Quis autem dubitet pluri-  
 mos in ijs fuisse syncerissimos puræ doctrinæ à Paulo traditæ cultores? Errauit er-  
 go sancta illa Ecclesia, quatenus non perstitit in uera doctrina: non errauit, qua-  
 tenus non recessit à ueritate per Apostolum tradita. Hinc toti mundo inclare-  
 scit, uanissimos mendacissimosq; esse homines, laudantes nobis ecclesias non pro-  
 phetarum & Apostolorum fundamento impositas, sed super hominum decreta  
 collocatas, quas non uerentur commendare nobis pro uerissimis, quæ errare non  
 possint. Clamat Dauid, Solus Deus uerax: omnis homo mendax. Clamat Ieremias,  
 Verbum Domini reprobarunt, quæ ergo sapientia illis reliqua esse poterit? Pro-  
 inde errant illæ Ecclesiæ, nec sunt ueræ Dei ecclesiæ. Vera ecclesia innititur Chri-  
 sto Iesu, & huius solius uerbo regitur.

Huic tractationi de uerbo Dei, unica omnium in ecclesia gerendarum rerum  
 regula, affinis est disputatio de potestate Ecclesiæ Dei in terris, & de studiis eius  
 quæ & ipsa diriguntur ad præscriptum uerbi Dei. Priusquam tamen nostram,  
 id est, scripturis traditam sententiam proferam, recitabo pau- is summam eorum  
 quæ pontificij de hac ipsa re scripta reliquerunt, ac tuentur haud dubiè pro or-  
 thodoxa doctrina. Ioan. Gerson (non admodum ineptè, nisi accedat malignus  
 interpret) finiuit potestatem ecclesiasticam, facultatem esse supernaturaliter &

De potestate  
ecclesiæ.



spiritualiter collatam à Domino discipulis, eorumque successoribus legitimis, usque in finem seculi, ad ædificationem ecclesiæ militantis, secundum leges Euangelicas, pro consecutione felicitatis æternæ. Petrus autem De Aliaco Card. hanc potestatem dixit esse sextuplicem, nempe potestatem consecrationis: sacramentorum administrationis: dispositionis ministrorum ecclesiæ: prædicationis: iudiciariæ correctionis, accipiendique uitæ necessaria.

*Potestas consecrationis.*

Potestatem consecrationis illam dicunt, qua sacerdos ritè ordinatus conficere potest corpus & sanguinem Christi in ara. Eam collatam aiunt discipulis à Domino hisce uerbis, Hoc facite in mei memoriam. Cæterum sacerdotibus hodie conferri arbitrantur ab Episcopo offerente cum pane calicem, & dicente, Accipite potestatem offerendi & conficiendi corpus Christi pro uiuis & mortuis. Hanc præterea appellant potestatem ordinis & characterem indelebilem. Potestatem administrationis sacramentorum, & maxime sacramentū poenitentiae, nuncupant Potestatem clauium. Claves faciunt duplices, claves scientiæ, auctoritatem scilicet cognoscendi, in causa peccatoris confitentis, & claves sententionandi, siue aperiendi & claudendi cælum, remittendi uel retinendi peccata. Hanc promissam dicunt Petro potestatem, in Matthæo, dicente Domino, Tibi dabo claves regni cælorum: collatam autem discipulis omnibus, apud Ioannem Christo dicente: Quorumcunque remiseritis peccata, remittuntur eis. Sacerdotibus porro hodie, conferti ab Episcopo in consecratione impositis manibus in sacerdotum ordinandorum capita, dicente, Accipite spiritum sanctum: quorumcunque remiseritis peccata, remittuntur eis. Potestatem dispositionis ministrorum ecclesiæ uocant Iurisdictionem Ecclesiasticam, & consistere in quadam prælatione, adeoque in sua plenitudine residere in summo pontifice, quo ad totam ecclesiam uniuersalem. Solius enim pontificis esse instituere rectores & prælatos in Ecclesiastica hierarchia: eò quòd ipsi dictum sit, Pasce oues meas. Addunt à pontifice omnem iurisdictionem Ecclesiasticam descendere, uel mediata uel immediata, in inferiores prædantes: in quibus limitata sit potestas, pro arbitrio eius qui plenitudinem habeat potestatis. Nam Episcopum duntaxat potestatem habere in sua diocesi, curatum autem in sua parochia, &c. Potestatem apostolatus uel prædicationis uerbi Dei dicunt esse auctoritatem prædicandi, quam tradiderit Dominus discipulis suis, dicendo, Exeuntes in orbem uniuersum, prædicate Euangelium omni creaturæ. Asseuerant autem doctores hodie mitti oportere ad prædicandum, non aliunde quàm ab ipso Petro, id est, eius successore, uel mediata uel immediata, &c. Potestatem iudiciariæ correctionis collatam aiunt à Domino ipsi Petro, cui ille dixerit, Si peccarit in te frater tuus. Et cætera. Nam notissima sunt uerba Domini apud Matth. in cap. 18. Aiunt ergo Dominum sacerdotibus contulisse potestatem, non tantum excommunicandi, sed etiam definiendi, discernendi, & statuendi præcepta, leges & canones: eò quòd ibidem dictum sit. Quæcunque ligaueritis super terram, ligata erunt & in cælo. Porro potestatem accipiendi uitæ necessaria pro laboribus spiritualibus, exhibitā aiunt hisce Domini uerbis, Edentes & bibentes quæ apud illos sunt.

*Potestas clauium.*

*Potestas iurisdictionis.*

*Potestas prædicationis.*

*Potestas iudiciaria.*

*Potestas accipiendi.*  
Luc. 10.

Hæc isti docent de potestate Ecclesiastica, non modò ineptè, sed & falsè. De potestate consecrationis & sacrificandi quàm uana & inanis sit, diximus alias sæpe, & dicemus fortè amplius, si uitam prorogarit Dominus, suo loco & tempore. De potestate clauium disputabimus, Deo uolente, sub finem consequentis Sermonis. Attulimus quædam denique cum differeremus de Poenitentia & Confessione auriculari. Nugæ autem sunt putidæ & impudentes, quæ garriunt de Iurisdictione Ecclesiastica, de plenitudine potestatis summi, id est, Romani pontificis.

*Id quod*

Id quod dudum toti mūdo innotuisse arbitror: ac sequentur nonnulla in hisce nostris Sermonibus confutationis argumenta. Quod sibi usurpant docendi munus, nec ullos legitime prædicare posse, nisi ab ipsis ordinatos clamitant, oppressionem uerbi Dei suorumque errorum patrociniū & assertionem quærunt. Id quod etiam suo loco tractabitur. Potestate excommunicandi tam fœdè & impudenter abusi sunt, ut non modò ueram disciplinam per eorum negligentiam & impiam audaciam amiserit ecclesia uerum etiam ipsa excōmunicatio seculis aliquot nihil aliud fuerit in manibus pontificum, quàm ignis & gladius, quibus contra ueros Christi confessores ferè sauiuerunt, ac innoxios Christi cultores persecuti sunt. Porrò nullam potestatem ministris ecclesiæ datam esse à Domino nouas condendi leges, demonstrabimus suo loco. Potestatem accipiendi necessaria uitæ exercuerunt quidam strenuè, sed spiritualia interim (in recompensationem temporalis messis) non seminarunt, imò dormitantes permiserunt inimico homini zizania serere in agrum dominicum, idque non aliena, sed sua ipsorum opera. Quid quod uitæ necessarijs non contenti, regna quoque sobdolè inuaserunt, & impudenter ac truculenter obtinuerunt? Qui ergo non uidet ecclesiasticam potestatem, ita ut apud istos homines de ea differitur, & ab ipsis usurpatur, meram esse in miseras animas tyrannidem, nihil planè uidet.

Subiungemus iam ueram, puram, simplicem & perspicuam de Potestate ecclesiastica doctrinam. Potestas definitur esse ius aliquid faciendi. Græcè appellatur & *ἐξουσία*, & *δύναμις*, quorum prius ius & potestatem, posterius iuris uel potestatis exequendi facultatem significat. Sape enim fit, ut aliquis habeat potestatem faciendi rem aliquam, destituatur autem perficiendi facultate. Deus utrunque potest, & utrunque concessit Apostolis contra dæmonia, Luca testante & dicente, *ἐδωκεν αὐτοῖς δύναμιν καὶ ἐξουσίαν*, dedit eis facultatem & potestatem super omnia dæmonia, &c. Est autem potestas alia quidem libera & absoluta, alia uerò limitata, quam & ministerialem uocant. Absoluta est, quæ libera prorsus nullius alterius arbitrio uel lege regitur aut constringitur. Qualis est potestas Christi dicentis in Euangelio, Data est mihi omnis potestas in cœlo & in terra. Euntes ergo docete omnes gentes, baptizantes eos, &c. De hac potestate loquens iterū in Reuelatione sua beato Ioanni Apostolo facta, Noli timere, inquit, ego sum primus & nouissimus, ego uiuus, & fui mortuus, & ecce sum uiuens in secula seculorum: & habeo clauēs inferorū & mortis. Et iterum, Hæc dicit sanctus & uerax, qui habet clauem David, qui aperit, & nemo claudit, claudit & nemo aperit. Limitata potestas non est libera, sed absolutæ uel alterius maiori potestati subiecta, quæ non quiduis, sed illud dūtaxat potest, quod potestas absoluta uel maiore præditus potestate permittit, & certa quidem cum conditione permittit. Qualis certè est ecclesiastica potestas, rectè appellata ministerialis. Exercet enim ecclesia Dei potestatem suam sibi ab hoc traditam, per ministros suos. Augustinus distinctionem hanc agnoscens, & de baptismo loquens, Tractatu in Ioan. 5. Baptizauit Paulus, tanquam minister, inquit, non tanquam ipsa potestas: baptizauit autem dominus tanquam potestas. Intendite, & otuisset hanc potestatem seruis dare, sed noluit. Si enim daret hanc potestatem seruis, id est, ut & ipsorum esset quod Domini erat, tot essent baptismata quot serui, &c. In ecclesia absolutam potestatem ipse sibi Christus retinet. Nam manet caput, rex & pontifex ecclesiæ in æternum, nec separatur à corpore suo unquā caput illud uiuificum. Potestatem autem limitatam ecclesiæ dedit. Id quod agnoscere oportet: potestatem, inquam, ecclesiasticā certis legibus circūscriptam proficisci à Deo, ac ea de causa efficacè esse, ideoque Deū in omnibus in primis respici

Potestas quidē

Luce 9.

Duplex potestas.

libera

Apocal. 1.

Apocal. 3.

Limitata 2



oportet: item in hoc esse datam ecclesiæ potestatem, ut exerceatur in ecclesiæ salutem. Etenim S. Paulus, Dedit nobis Dominus potestatem, inquit, in ædificationem, & non in destructionem ecclesiæ. Ergo quæ in detrimentum & perditionem uergit, tyrannis est satanica, non potestas à Deo proficiscens ecclesiastica. Ac præstat hunc finem potestatis ecclesiasticæ diligenter tenere.

In quibus constat potestas ecclesiastica.

Ordinare ministros ecclesiæ. Act. 1.

Cæterum potestas illa limitata ecclesiæ ferè in hisce uersatur capitibus, in ordinandis ecclesiarum ministris, in doctrina, & in diiudicatione doctrinarum, denique in dispositione rerum ecclesiasticarum. De singulis ordine pauca dicemus, explicantes qualis sit ecclesiæ potestas, & quomodo limitetur in singulis capitibus. Dominus ipse quidem primos ecclesiæ doctores Apostolos ordinauit, ut omnes homines intelligerent ministerium ecclesiasticum ipsius Dei diuinam esse institutionem, & non ab hominibus inuentam traditionem. Ergo postquam assumptus esset in cælos Dominus, S. Petrus conuocata ecclesia loquitur ex scripturis de alio surrogando Apostolo in locum proditoris Iudæ, eo ipso facto declarans ecclesiæ à Deo datam esse eligendi ministros uel doctores potestatem. Eadem ecclesia mox & diaconos septem, ita suadente Petro & Apostolis, nimirum spiritu sancto inspiratis, elegit. Antiochena ecclesia manifestè instructa à spiritu sancto, Paulum & Barnabam, licet iam olim ad ministerium designatos, ordinat & mittit. Leguntur præterea in Actis Apostolorum ecclesiæ, Apostolis ita iubentibus, doctores ad ministerium sacrum quoties res postulabat ordinasse. At non ordinabant interim quolibet, sed idoneos, id est, tales, quales legibus expressis postea descripserunt. Si quis esset inculpabilis, unius uxoris maritus, uigilans, sobrius, &c. Notus est enim Canon apostolicus editus 1. Tim. 3. cap. Sed dicemus, Deo uolente, de Ordinatione ministrorum Sermone huius Decad. 3. Si uerò accepit ecclesia potestatem ponendi ministros ecclesiarum idoneos, certè nemo negabit ecclesiam facultate destitutam esse deponendi indignos & impios seductores: corrigendi denique ea quæ huic uidentur deesse ordini necessaria.

Docere.

Matth. 28.

Marci 16.

Rom. 1.

Potestas clauium.

Matth. 10.

Luce 9.

Quoniam uerò ministri præcipuè ad docendum deliguntur, ecclesia potestatem habet docendi, adhortandi, consolandi, &c. per ministros suos legitimos: docendi autem non quilibet, sed quod traditum accepit à Domino, per doctrinam prophetarum & Apostolorum. Docete eos, ait Dominus, quæ ego præcepi uobis. Ite, prædicate Euangelium omni creaturæ. Et Paulus, Segregatus sum ad prædicandum Euangelium, quod ante promisit per prophetas suos in scripturis sanctis. Est autem hoc docendi ministerium aliud nihil quam potestas clauium, quas accepit ecclesia: officium, inquam, ligandi & soluendi, aperiendi atque claudendi cælum. Acceperunt alibi quoque à Domino Apostoli potestatem super omnia: super omnia, inquam, non absolutè, sed super omnia dæmonia, & non super omnes angelos & homines: & quam in dæmones potestatem acceperunt, ne ipsam quidem absolutam acceperunt. Additur enim, Vt expellerent eos. Proinde non potuerunt pro suo arbitrio cum dæmonibus agere quod uoluerunt, sed quod & quantum ille uoluit cui absoluta est in dæmonas potestas. Et ut dæmonas expellere ex hominibus non immittere, etsi uoluissent maximè, potuerunt: ita de morbis non potuerunt agere quod uoluerunt. Alioqui enim non reliquisset S. Paulus Trophimum Mileti languentem, tantopere ipsi in ministerio sacro utilem. Euocassent, si quiduis potuissent, duo in Samaria discipuli, ignem cælitus, atque ita supplicium sumpsisent de Samaritanis inhumanis & barbaris hominibus, Christo Domino negantibus hospitium. Pari modo illi ipsi 7. apostoli clauas, id est, potestatem acceperunt ligandi & soluendi, aperiendi & claudendi cælum, remittendi & retinendi

di pecc

di peccata, sed limitatam planè. Non enim potuerunt soluere quæ erant ligata apud inferos, neque ligare eos qui uiuebant in cœlis. Neque enim dixit, Quæ ligaueritis in cœlo, sed quæcunque ligaueritis super terram. Nec dixit, Quæcunque solueritis in inferno, sed quæcunque solueritis super terram. Rursus super ipsam quoque terram non potuerunt quos ipsi uoluerunt uel ligare uel soluere. Nam si de destitutum hominem non potuerunt soluere, id est, à peccatis liberatum denunciare. Rursus illuminatum fide & seriò pœnitentem, nequaquam ligare, id est, damnationi adiudicare potuerunt. Decipiunt totum terræ orbem qui aliter docent homines de potestate clauium. Id quod copiosius suo loco tractabimus. Similiter accepit ecclesia à Christo potestatem administrandi sacramenta per ministros, sed non pro suo arbitrio, sed secundum uoluntatem Dei & ritum ac rationem ab ipso Domino traditam. Non potest ecclesia sacramenta instituire, neque immutare fines & usum sacramentorum.

*Sacramenta ad ministrare.*

Porro ecclesiam diiudicare posse doctrinas, uel ex una hac Pauli Apostoli sententia claret, Prophetæ duo aut tres loquantur in ecclesia, & cæteri diiudicent. Alibi idem, Omnia probate, inquit, quod bonum est tenete. Nam & beatus Ioannes dixit, Charissimi, ne cuius spiritui credatis, sed probate spiritus an ex Deo sint. Cæterum est certa huius quoque diiudicationis ratio. Non enim pro suo arbitrio iudicat ecclesia, sed ex spiritus sancti sententia ad normam regulamque sacri canonis. Seruatur hic quoque ordo, moderatio, & charitas. Ergo si quando ecclesia Dei pro potestate accepta à Domino Synodum conuocat, sicuti Apostolos Domini conuocasse legimus in Actis Apostolorum, grauissimam ob causam, non indulget hic rursus carnali ingento, spiritui sese regendam exhibet, omniaque sua ad regulam uerbi Dei & charitatis gemine probat. Ergo nouas leges non condit: sicuti & Hierosolymitana imò Apostolica ecclesia dicit, & spiritui sancto & ecclesie placere ne quid oneris imponatur Christi fidelibus, nisi paucula quædam ea que necessaria, nec citra nec contra scripturas sanctas. Iam sunt res ecclesiasticæ multiplicæ, quas bene ordinandi disponendique pro hominum utilitate facultatem habet ecclesia: cuius generis ea sunt quæ uersantur circa externum cultum in loco & in tempore: qualis est prophetia uel linguarum interpretatio, & scholæ. Habet item ecclesia quod iudicet in causis matrimonij: inprimis uero censuram habet morum, admonitiones, supplicia, denique & excommunicationem uel excidium ex corpore ecclesiastico. Nam & hanc sibi datam, ait Apostolus, in extructionem tamen, non in destructionem. Omnia enim hæc quæ commemorauimus & similia, limitata sunt regula uerbi & charitatis, exemplis item sacris & rationibus deductis ex scriptura sacra. De quibus omnibus fortè dicam suo loco copiosius.

*Dijudicare doctrinas.*

*1. Cor. 14.*

*1. Thess. 3.*

*1. Ioan. 4.*

*Synodum conuocare.*

*Act. 15.*

*Res ecclesie disponere.*

*1. Cor. 13.*

Hæc dixi hætenus de Ecclesiastica potestate, de qua ostendi aduersarios contra ria his largo quidè ore prædicare, sed tam crassè proponere, ut uel pueris appareat quid quærant quidue tueantur, non ecclesiasticam potestatem, sed suam auaritiam, libidinem, & tyrannidè. Veritas canonica docet Christum in ecclesia absolutam uel plenariam obtinere & exercere potestatem, ministerialem dedisse ecclesie, quæ ipsam ferè per ministros exercet, & religiose quidem hanc ad normam uerbi Dei exercet.

His ad hunc modum expensis, minimè laboriosum erit studia sanctæ Dei ecclesie agnoscere. Exercet enim sicut iamiam commemorauimus potestatem à Domino acceptam religiosissimè & fidelissimè, in hoc ut Deo seruiat, sancta sit, & ipsi placeat. Et ut per enumerationem saltem aliquid studiorum eius singulariter commemorem, Ante omnia Deum unum & trinum adorat, inuocat, amat & colit: inconsulto huius Dei ueri uerbo nihil agit. Etenim ad normam uerbi Dei omnia sua com-

*De studiis ecclesie.*



ponit, ex uerbo Dei iudicat, eodem omnia sua ædificia extruit, extructa conseruat, collapsaque reparat siue restaurat. Coetus & congregationes sanctorum in terris ardentem prouehit & diligit. In his diligenter auscultat prædicationi uerbi Dei, sacramentis religiose & cum gaudio quidem magnoque rerum cœlestium desiderio participat. Orat Deum per intercessorem unicum Christum, firma cum fide, ardentem, assidue & intentissime. Laudat Dei bonitatem & maiestatem perpetuo, summoque cum iubilo diuinis beneficijs gratias agit. Instituta Christi omnia & singula plurimi facit, neque negligit ulla. Agnoscit autem in primis omnia uitæ, salutis, iustitiæ & felicitatis suæ ab unico se habere Dei filio. Domino nostro Iesu Christo: utpote qui unus ipsam elegerit, deinde per spiritum & sanguinem suum sanctificauerit, feceritque ecclesiam, id est populum dilectum, cuius ipse sit unicus rex, redemptor, pontifex & conseruator, extra quem nulla sit salus. Ergo in solo Deo per Dominum nostrum Iesum Christum tota acquiescit, hunc unice desiderat & diligit, propter hunc omnia huius mundi amittere adeoque & uitam cum sanguine profundere gaudet. Indiuulso ergo per fidem Christo inhæret, neque aliud odit acerbius, quam defectionem à Christo ac desperationem. Nam sine Christo nihil in uniuersa uita iucundum uidetur. Cum satana ueluti cum hoste capitali inimicitias exercet implacabiles. Hæresibus & erroribus constanter & prudenter repugnat. Simpliciter fidei Christianæ, & doctrinæ apostolicæ synceritatem diligentissime custodit. Illibatam se, quantum fieri potest, à mundo & carne omniq; carnali & spiritali contagione seruat. Ergo coetus illegitimos & prophana sacra cum nepharijs hominibus fugit & modis omnibus execratur, Christum sponte & discrete etiam in uitæ periculo dictis & factis confitetur. Afflictionibus quidem exercetur, sed non frangitur. Vnitatem & concordiam sedulo custodit. Omnia & singula corporis sui membra, charitate summa prosequitur. Benefacit omnibus, quantum permittunt uires & facultates. Nemini nocet. Condonat libenter. Tolerat infirmos fraternè, donec prouehantur ad perfectiora. Per superbiam non effertur, sed humilitate retinetur in obedientia, in moderatione & in omnibus officijs pietatis. Sed quis obsecro uel copiosissima alioqui ne dum breui hac enumeratione, omnia & singula sanctæ ecclesiæ studia recitet? Quis uerò non cupiat membrum esse congregationis tam diuinæ & planè cœlestis?

Subiungerè his protinus quæ residua sunt de Vnitate ecclesiæ catholicæ, de diuisione eiusdem, alijsq; ad hanc considerationem pertinentibus, nisi cernerem uos audiendo fessos, finem sermonis cupide expectare. Differemus ergo reliqua in crastinum. Iam uerò sublati in cœlum mentibus nostris, Domino Deo nostro gratias agamus, qui per dilectum filium suum purificauit & aggregauit nos in populum sibi selectissimum, & omnium cœlestium bonorum hæredem. Ipsi sit laus & gloria in secula seculorum, Amen.

*Vnam esse ecclesiam catholicam. Extra ecclesiam non esse lucem vel salutem. Contra schismaticos. Quare discessum sit à nupera Romana ecclesia. Dei ecclesiam esse domum, vineam, & regnum Dei: item corpus, ouile, & sponsam Christi, matrem & virginem.*

## S E R M O II.

Vna est sancta  
Dei ecclesia.

Can. 4.  
Ephes. 4.

**V** I D E O adesse uos fratres animis intentis ad expositionem eorum quæ restant dicenda de Ecclesia Dei catholica, quam unam & indiuisam esse asserimus, iuxta sancta sanctæ scripturæ oracula. Solomon enim in Canticis suis dicit, Vna est columba mea & perfecta mea. Quò haud dubiè respexit doctor gentium, cum dixit, Vnum corpus & unus spiritus: quemadmodum & uo-

cati

cati estis in una spe uocationis uestre. Vnus Dominus, una fides, unum baptisma, unus Deus & pater omnium: qui est super omnia, & per omnia, & in omnibus uobis. Diuinis testimonijs consentiunt humana. Cyprianus enim Episcopus & martyr de Simplicitate clericorum, Ecclesia una est, inquit, quæ in latitudinem latius incremento fecunditatis extenditur. Quomodo Solis multi radij, sed unum lumen: & rami arboris multi, sed robur unum tenaci radice fundatum: & cum de fonte uno riuus plurimi defluunt, numerositas licet diffusa uideatur exundantis copiae largitate, unitas tamen seruetur in origine. Auelle radium Solis à corpore, diuisionem lucis unitas non capit. Ab arbore frange ramum, fractus germinare non poterit. A fonte præscinde riuum, præscisus arescet. Sic & Ecclesia Domini luce perfusa, per orbem totum radios suos porrigit, unum tamen lumen est, quod ubique diffunditur, nec unitas corporis separatur: ramos suos in uniuersam terram copia ubertatis extendit, profluentes largiter riuos latius expandit: unum tamen caput est & origo una, & una mater fecunditatis successibus copiosa. Et reliqua.

Proinde cum uaria Ecclesiae nomina leguntur indita, minimè imaginandum est plures in orbe esse Ecclesias, neque discerpendum corpus, quod non recipit aut patitur ullam diuisionem. Scriptores Ecclesiam Catholicam dicunt, uniuersalem haud dubiè, quòd una sit, nec plures esse possint. Tametsi enim hæc distinguatur in triumphantem & militantem, in ueterum patrum Ecclesiam, & noui populi coetum, manent tamen perpetuo omnia hæc membra in uno corpore unita sub uno capite Christo. Et quemadmodum seruorum & liberorum discretæ conditiones, regnum uel rempublicam non dissecant in partes: ita neque sabatismus uel felicitas beatorum spirituum in cœlis triumphantium, & labores ac ærumnæ quibus militantes adhuc in hoc seculo sub signis Christi exercemur, duas efficiunt Ecclesias. Dicit beatus angelus ad sanctum Ioannem in Apoc. 22. Conseruus tuus sum, & fratrum tuorum prophetarum. Agnoscit ergo & prophetas & Apostolos unius Dei filios & domesticos esse. Vnde legimus in Matih. 23. Euangelio unam tantum uineam, non duas aut diuersas collocari colonis, licet alijs atq; alijs. Sic enim una duntaxat est ecclesia ueterum Christi aduentum præcedentium, & nostra siue noui post Christi aduentum populi assumpti ex gentibus. Dictum est autem quid illi à nobis, uel nos ab illis discrepemus Decad. 3. Serm. 8. Rursus admixti sunt ecclesiae sanctæ mali & hypocritæ, uerùm non discinditur propter malos Ecclesia. Sicuti enim proditores ciuibus permixti, nee dum reuelati, non constituunt duas respub. ita tametsi bonis mali cohæreant, in una tamen Ecclesia aggregantur. Cumq; hypocritæ ab Ecclesiae unitate deficiunt, non scinditur in partes Ecclesia, sed redditur purgatio. Eleganter enim dicit beatus Augustinus, malos uel hypocritas id esse in Ecclesia, quod sunt paleæ in tritico, zizania in segete, proditores in ciuitate, & profugi inter milites. Manifestum est autem frumentum reddi purius, segetem letiorem, ciues tutiores, fortioresq; milites cum ab eis recedunt profugi, proditores, zizania & paleæ. Imò nisi refecentur nonnunquam putrida Ecclesiae membra à corpore Ecclesiastico, non potest incolumis esse Ecclesia. Porro particulares uel singulares Ecclesiae sunt uelut oppida uel urbes in regno aliquo. Copia urbium non scindit regnum. Ex particularibus per totum orbem dispersis Ecclesijs, ceu ex pluribus membris corpus, catholica uel uniuersalis colligitur ac compingitur ecclesia, quæ est omnium sanctorum communio. Proinde certissimum est, unam esse duntaxat Ecclesiam Dei, nō plures, cui unicus monarcha præsidet Iesus Christus. Cui gloria.



*Extra ecclesiā  
non est ulla lux  
uel salus.*

*De simplicitate  
prelatorum.*

*Instit. lib. 5.  
cap. 30.*

*In schismaticos  
quosdam.*

*Propter doctri-  
ne diuersitatē  
non faciendum  
schisma.*

Huius Ecclesiæ Dei unitas, unitatē societas tanta est, ut extra eius consortium non inueniatur ullus Deo gratus populus, ulla uera salus & incolumitas, ulla lux & ueritas. Nam extra Ecclesiæ Dei septa, nulla inueniuntur salubria pascua, omnia ueneno sunt infecta. Nullus extra Dei ecclesiam cultus Deo placet. Si quis olim sacrificasset ipsi etiam Deo, extra tabernaculum uel templum, in excelsis, in omnino diabolis sacrificasse, & innoxium sanguinem effudisse uidebatur. Recte ergo scriptum reliquit beatus martyr & episcopus Carthaginensis Cyprianus, Quisquis ab ecclesia segregatus, iungitur adulteræ, à promissis ecclesiæ separatur: nec pertinet ad Christi præmia qui reliquerit ecclesiam Christi. Alienus est, prophanus est, hostis est. Habere iam non potest deum patrem, qui ecclesiam non habet matrem. Si potuit euadere qui extra arcam Noe fuit, & qui extra Ecclesiam foris fuerit, euadit. Sceleratissimus sit oportet, quisquis patriam suam optimorumque uirorum consortium deserit, ac ad hostes deficit. Lactantius ergo uerissimè dixit, Sola catholica ecclesia est, quæ uerum cultum retinet. Hic est fons ueritatis: hoc domicilium fidei; hoc templum Dei: quo si quis non intrauerit, uel à quo si quis exiuerit, à spe uitæ ac salutis æternæ alienus est. Saluator enim noster prior dixit extra ouile non inueniri uitam.

Quo circa satis mirari non possum corruptos & schismaticos quorundam mores, separantiū se qualibet leui de causa à saluberrima iucundissimāque illa sanctæ Ecclesiæ congregatione uel societate. Inuenias enim hodie capitefos & phanaticos homines non paucos, qui annis multis cum nulla communicant ecclesia, necdum cum ulla communicant. In omnibus enim desiderant aliquid, in semet ipsis solis nihil prorsus quod accusent inueniunt. Ergo mirificam ecclesiæ formam apud se concipiunt, quam nisi alicubi ad eum modum, quæ ipsi conceperunt, constitutā cernunt, nullam adhuc in orbe ueram Christi ecclesiam (proh pudor) esse contendunt. Digni profectō qui architectonicam illam suam exercent in Vtopia aut Cyribiria, ubi se dignum collocent ædificium. Sed uidentur sibi iustas habere causas schismatis. Nolunt enim cum nostra communicare ecclesia, quod doctrina ministrorum in ecclesia nondum uideatur satis esse extensa, polita, sublimis (ut ipsi aiunt, hoc gnuß gericht) subtilis & spiritualis. Alicubi queruntur in ecclesijs nostris diuersissimos usurpari ritus. Præterea desiderant disciplinæ rigorem & seueritatem, denique uitæ puritatē exactissimā. Etenim impuro se quorundam consortio polluendos metuunt. Multi propter ministrorum quorundam delicta & uitia, congregationem ecclesiæ uel deserunt uel fugiunt: quales hodie sunt Anabaptistæ. Cæterum nulla adhuc causa idonea ab istis est recensita, propter quam iure uel nobis coniungi non debeant, uel à nobis disiungi possint. Agnoscimus iustas esse causas, ob quas pñ se possint & debeant seiungere ab impijs cœtibus: in quibus non tantum corruptus est sacramentorum usus legitimus & conuersus in idololatriam, sed & sincera doctrina prorsus est adulterata, doctoresque uel pastores iam non sunt prophetae, sed pseudoprophetae, qui uidelicet ueritatem Dei persequuntur, denique pro cibo uitæ administrant sedentibus uenenum. Nihil autem huius isti (Deo gratia) nobis obijcere possunt.

Quod enim attinet ad doctrinam, uersatur hæc partim in dogmatis certis, & quasi numeratis, fixis, immutabilibusque: cuius quidem generis sunt articuli fidei, & hi quidem citra additionem & corruptionem legitime & sincere intellecti: eiusdem generis sunt & illa, Homines omnes esse peccatores, in peccato conceptos & natos. Homines nō nisi regenitos ingredi regnū Dei. Homines non suis meritis, sed gratia Dei per Christi solius meritum in fide iustificari. Christum  
semel

semel immolatum pro peccatis, amplius non immolari, & esse sacerdotē unicū & perpetuum. Opera bona fieri à iustificatis: & ea quidem uerè bona esse, quæ præparauit dominus ut in eis ambulemus. Sacramenta domini & ecclesiæ recipienda, non aspernanda esse. Orandum esse iugiter, & ad eum modum quem tradidit nobis Dominus. Et si quæ alia sunt huius generis. Cæterum satis est, si hæc & alia similia capitā concorditer, purè & simpliciter doceantur in ecclesia, secundum scripturas, licet nulla accedant emblemata, nullāue audiatur leptologia. Eleganter enim beatus martyr Irenæus, post expositam fidei regulam, libro Contra hæreses. Cum una & eadem fides sit, inquit, neq; is qui multum de ipsa dicere potest, plus quàm oportet dicit: neq; qui parum, ipsam imminuit. Proinde cum ministrorū doctrina in ecclesia ea exponit, quæ ueræ & synceræ sunt fidei, quam & minimè corrumpit, quid habent isti capitosuli rhetorculi & erudituli quod requirant, etsi eloquentia & uaria desideretur in docentibus eruditio? An non fuit simplicissima, & ab omni subtilitate alienissima apostolorum & prophetarum doctrina? ut rectè hoc tutior quo simplicior esse uideatur? Interim uerò iustam eloquentiam (utpote eximīū Dei donū) non aspernor: id quod aliàs sæpè testatus sum. Partim uerò uersatur doctrina in expositione scripturarum quotidiana, & in accommodatione eius ad nostra tempora, loca & negotia. In ea semper fuit mira uarietas diuersitasq; ob quam tamen nemo cordatus se abdicauit consortio ecclesiæ. Fit enim frequentissimè, ut eundem locum duo uel tres, aut etiā plures non eadem ratione, sed longè diuersissimis modis exponant. Est qui reddit obscurius, alius apertius uertit. Attingit hic quidem scopum: ille non attingit. Et hic quidem accommodat locū quem tractat appositissimè: alius aliquis nō eadem utitur applicandi simplicitate: interim tamen nihil dicit ueritati fidei & dilectioni Dei & proximi contrariū, omnia autem profert ad ædificationē. Ex hac, inquam, diuersitate nemo sumit occasionem diuertēdi ab ecclesia. Omnes enim pij omnia probant, quod bonum est retinent: & in omnibus concionibus aut auscultationibus sacris, omne studiū suum unicè ad ædificationem referunt. Quinimò doctores ipsi pulchrè inter se consentiunt, & huc quoq; omnia dirigunt, ut meliores reddantur, cū ipsi tum auditores: non ut ipsi uideantur doctiores, aut protulisse, quod nemo uidit hactenus. Doctiores non fastidiunt indoctorum conciones. Quanquam enim hi scopum non omnino attigisse uideantur, quia tamen salutaria dixerunt, laudantur, non condemnantur: etsi alicubi in loco & tempore amicè admoneantur. Imperitiores rursus non inuident eruditioribus sua dona, nec perfectiora discere recusant, nec fastidiunt & damnant eruditæ peritiorum conciones: sed Deum laudant, & admoniti, imitari contendunt perfectiora. Prudenter enim S. Aurel. August. lib. de Doct. Christ. i. cap. 26. Quisquis, inquit, scripturas diuinas uel quamlibet earum partem intellexisse sibi uidetur, ita ut eo intellectu nō ædificet geminam charitatem, Dei & proximi, nondū intellexit. Quisquis uerò talem inde sententiam duxerit, ut huic ædificandæ charitati sit utilis, nec tamen hoc dixerit, quod ille quem legit eo loco sensisse probabitur, non perniciose fallitur, nec omnino mentitur. Idem mox, Corrigendus est tamen, & quàm sit utilius uiam non deserere, demonstrandum est, ne consuetudine deuiandi, etiā in transuersum aut peruersum ire cogatur. Hæc ille. Ergo sicubi crassius fuerit ab ecclesiastico interprete aberratum, errantē peritiori fraternè admonere licet, schisma autem facere minimè licet. Schismatū authores ferè superbi & arrogantes sunt, tabescūtq; inuidia, ideoq; omni charitate & moderatione destituti, nihil nisi ex seipsis natum approbāt, nec quicquā cū alijs cōmune sustinent



2. Cor. 8.

habere, perpetuò sublime aliquid & nihil uulgare aut simplex meditantés. In hos ipsos quadrat illud Apostoli Pauli dictum, Scientia inflat, charitas ædificat. Religiosi ergo in ecclesia doctores & discipuli propter doctrinam non ineptam, licet crassio rem, piā tamen & ædificantē, neq; ecclesiæ consortium deserunt aut fugiunt, neq; altercantur aut contendunt, charitatem potius colunt in omnibus.

Propter uitia  
ministorū non  
faciendū schis-  
ma.  
Matth. 22.

Porro si ministri uitijis aut morbis laborant fœdis, interim uerò in docendo, admonendo, adhortando, accusando & consolando fideles sunt, si legitima sacramenta dispensant legitimè, nemo habet iustam deserendæ Ecclesiæ occasionem. Dominus in euangelio disertè dicit, In cathedra Moſis sedent scribæ & pharisæi. Omnia ergo quæcunq; iusserint uos seruire, seruate & facite: secundum opera uerò eorum nolite facere. Dicunt enim & non faciunt. En dicunt & non faciunt, dicit dominus: ergo doctrinæ non respondebat docentium uita: quia tamen stabant in cathedra Moſis, id est, quoniam legitimè & syncerè uerbum Dei prædicabant, doctrinam synceram recipere, uitam uerò doctrinæ non respondentem respuere iubet: ideoq; schisma facere propter doctoris uitia prohibet dominus. Certè pseudoprophetas fugere præcepit. At pseudopropheta non facit mala uita, sed praua doctrina. Magnum hac in re certamen fuit beato patri Augustino cum Donatistis, contendentibus ministerium propter ministro- rum imperfectionem minus esse efficax. Id quod alterius est considerationis.

Propter ritū  
diuersitatē non  
faciendū schis-  
ma.

Iam uerò quid attinet nostras ecclesias propter rituum dissimilitudinē uel uarietatem auersari & relinquere? In Baptismo, inquit, paruulorū non eadem utimini forma: ita & in celebratione eucharistiæ. Quidā sedentes panem dominicum sumunt in manus: quidā accedentes de manibus sumunt præſidentium, qui & in ora inserūt percipientiū. Quidā celebrant Cœnā domini frequentius: quidam uerò rarius, nec nisi diebus statis. Sed & precibus iisdem non utimini. Cœtus quoq; uestri nec eandem omnes formam habent, nec eodem tempore coeunt. Quomodo uerò credemus in uobis esse spiritum unionis & pacis, in quibus tanta inuenitur diuersitas? Iustis ergo de causis uobiscum nō communicamus. Cæterum de ritibus istis suo loco dicetur opportunius. Mirum est autem uiros non prorsus rudes & imperitos rerum ecclesiasticarum, nulla alia pro nephando suo schismate tuendo argumenta proferre. An ignorant miseri, quanta semper fuerit in ritibus diuersitas, nihilo minus tamen semper permanente indiuisa unitate in Ecclesia Christi catholica? Socrates histori Ecclesiasticæ scriptor illustris lib. historiarum 5. cap. 22. multis exponit rituum in ecclesia Dei diuersitatem. Inter alia, Nulla religio, inquit, eosdem ritus custodit: etiam si eandem de illis doctrinam amplectatur. Etenim qui eiusdem sunt fidei, de ritibus inter se dissentiunt. Et iterum, Operosum & molestum fuerit, imò impossibile, omnium ecclesiarū quæ per ciuitates & regiones sunt, ritus omnes conscribere. Beatus martyr Irenæus ad Victorem Romanæ urbis episcopum scribens, cōmemorat magnam ecclesiarum in Ieiunio, deniq; in celebrando paschate diuersitatem: deinde subiungit, Et tamen nihilo minus omnes isti, etiam cum in obseruantia uariarent, inter semetipsos & pacifici fuerunt semper nobiscū, & sunt, nec dissonantia Ieiunij, fidei consonantiā rupit. Et iterum, Beatus, inquit, Polycarpus cum ad urbem Romam uenisset sub Aniceto, cumq; de alijs nonnullis parum quid habuissent inter se controuersia, mox reconciliati sunt: de hoc uerò capite nihil inter se contenderunt. Neq; enim Anicetus Polycarpo persuadere poterat ne seruaret quæ cum Ioāne discipulo domini nostri ac reliquis Apostolis, quibus cum fuerat conuersatus, semper seruaret: nec Polycarpus Aniceto suadet ut seruaret, qui sibi presbyterorum, quibus succed-

ferat, consuetudinem seruandā esse dicebat. Et cum ista sic haberēt, cōmunionem inter se habuerunt. Hæc ille. Proinde uetus illa ecclesia usa est libertate magna in ritibus usurpandis, ut tamen non dissolueret uinculū unitatis. Sed & S. Augustinus, Ianuario quid in hac rituum diuersitate sequeretur aut faceret præscribēs, nō iubet schisma facere, sed moderatē & prudenter iudicans, Nulla disciplina est in his melior, inquit, graui prudentiꝫ Christiano, qui eo modo agat quo agere uiderit ecclesiam ad quamcunq; forte deuenit. Quod enim neq; contra fidem, neq; contra bonos mores iniungitur, indifferenter est habendum, & pro eorum inter quos uiuitur societate seruandum. Rursus ne huius canonis & consilij prætextu aliquis quosuis ritus quibuslibet obtruderet, subiungit, Ecclesia Dei inter multam paleam multaꝫ zizania constituta, multa tolerat: & tamen quæ sunt contra fidem & bonam uitam, non approbat, nec tacet, nec facit. Hæc hæcenus.

Postremò cum isti arbitrantur nullam ibi esse ecclesiam ueram, ubi adhuc morum uitia in hominibus in ecclesia conuersantibus apparent, quorum se consortio pollui, nisi uel non accedant ad eam, uel protinus ab ea recedant, in Catharorum incidūt insaniam, qui & ipsi falsa exactissimæ sanctimonix imaginatione decepti, seueramq; exercentes rigiditatem fugiebant ecclesias, in quibus fructus euangelicæ doctrinæ liquidè non apparebat. His opponimus & propheticas & apostolicas, nimirum sanctissimas Ecclesias. Etenim Isaias & Ieremias sui seculi mores accusantes, grauiter inuehuntur in corruptionem doctrinæ & morum. Nec leuia aut uulgaria illis impingunt scelera, sed capitalia. Clamat Isaias, à uertice capitis ad calcaneum usq; pedis, non esse sani quidpiam: & tamen non deficiebat ab Ecclesia & nouam sibi constituēbat, licet ab omni impietate & corruptione sibi caueret quàm diligentissimè. Quot obsecro erant in ipsorum Christi apostolorum choro uitia, quot errores? Nunquid uerò ab eis deficiebat dominus? Ecclesiam Corinthiacam occupat corruptio non morum tantum, sed & doctrinæ. Erant in ea contentiones, factiones & iurgia. Scortatio, & coniugij profanatio nimirum erat uulgaris. Quid quod multi sacris communicabant prophanis? Baptismum certè non uulgari errore referebant ad homines. Cœnam Domini priuatis adeoꝫ luxuriosis suis conuiuijs polluerant: sed & de mortuorum resurrectione nō bene sentiebant. An uerò ea de causa uel ipse ab illa recessit Apostolus, uel alios ab ea recedere iubet? Imò talem Ecclesiam sanctam esse prædicat, dissidiāq; grauiter obiurgans, omnes hortatur ad unitatem Ecclesiæ in syncerā ueritate colendam. Indubitatum est ergo, grauiter peccare abstinentes à consortio nostræ imò catholicæ ecclesiæ, in qua etsi sint non uulgares corruptæ uitæ errores, doctrina tamen synœra & sacramentorum celebratio pura est.

At obijciunt isti, Omnes promiscuè ad dominicæ cœnæ communionē admittitis, impuros, ebrios, auaros, milites, & alios huius notæ homines, cum quibus diuinus Apostolus uel communem uetat edere panem, tantum abest ut concedat cum talibus dominicū frangere panē. Nisi ergo pollui libeat prauorum cōmercio, necesse est uel non accedere ad hanc societatem, uel protinus ab ipsa refugere. Atqui de Cœna domini & participatione eius, si uiuerimus, alio ac suo quidem loco dicemus. In præsentī hoc tantum contra illos proferimus, Paulum seruum Iesu Christi fidelissimum domino suo nō fuisse rigidiorē. Hunc autē constat ad mensam sacram admisisse Iudam, quem cognoscebat intus, quod dici solet, & in cute, nec tamen repellebat. Repulisset autem si scuisset discipulos reliquos eius consortio polluentes. Ipse quidē Iudas pollutus erat. Corrupta enim fuit mens eius ac conscientia: at non potuerant per alienam perfidiam contaminari

Propter impuriorem uitam hominū in Ecclesia conuersantium, non faciendū schisma.

Propter indignos cœnæ domini participantes, non faciendū schisma.



DE VNITATE ECCLESIAE.

2. Cor. 11.

Apostoli cæteri, quorum animi erant per fidem ueram synceri. Proinde Paulus Apostolus, Probet seipsum homo, ait, & sic de pane edat & de poculo bibat. Semetipsum iubet probare quemlibet, non alienum iudicare famulum, qui suo stat uel cadit Domino. Si fide instructus sis, & legitime participes mensæ domini, non commacularis aliena malitia. Proinde non est quod pollutionis uitandæ gratia, seiungaris ab ecclesia, in qua cernis malos bonis commixtos de Cœna domini participare. Si autem seiungeris, liquidò declaras te arrogantia fractum participare cum illis, quos S. Augustinus libro contra Parmenianum 3. cap. 1. hisce pingit certè uis proprijsq; coloribus. Illi filij mali, qui non odio iniquitatum alienarum, sed studio contentionum suarum, infirmas plebes iactantia sui nominis irretitas, uel totas trahere uel certè diuidere affectant, superbia tumidi, peruicacia uasani, calumnijs insidiosi, seditionibus turbulenti: ne luce ueritatis carere ostendantur, umbram rigidæ seueritatis obtinent: & quæ in scripturis sanctis salua dilectionis sinceritate, & custodita pacis unitate, ad corrigenda fraterna uitia moderatiori curatione fieri præcepta sunt, ad sacrilegium schismatis & occasionem præcisionis usurpant. Idem author inter alia pie & prudenter disputata, consequentibus 2. cap. hoc consilij placidis dat ingenijs, ut moderatè quod possunt corrigant, quod non possunt patienter ferant, & cum dilectione ingemiscant, donec ipse Deus uel corrigat uel in die iudicij paleas uentilet.

Vnitas seruanda, fugiendum esse schisma.

Proinde concludentes hunc locum, uerba beati martyris Cypriani uobis recitabimus. Is lib. 3. epist. 3. sic reliquit scriptum, Si uidentur in Ecclesia esse zizania, non tamen impediri debet aut fides aut charitas nostra, ut quoniam zizania in ecclesia esse cernimus, ipsi de ecclesia recedamus: nobis potius laborandum est, ut frumentum esse possimus, ut cum cœperit frumentum dominicis horreis condi, fructum pro opere nostro & labore capiamus. Apostolus in epistola sua dicit, In domo autem magna non solum sunt uasa aurea & argentea, sed & lignea & fictilia: & quædam quidem honorata, quædam autem inhonorata, nos operam demus, & quantum possumus laboremus, ut uas aureum uel argenteum simus. Cæterum fictilia uasa confringere domino soli concessum est, cui & uirga ferrea data est. Esse non potest maior Domino suo seruus. Nec quisquam sibi quod soli filio pater tribuit uendicare se putet, ut aream uentilandam & purgandam paleam iam ferre se posse, aut à frumento uniuersa zizania humano iudicio segregare. Superba est ista obstinatio & sacrilega præsumptio, quam sibi furor prauus assumit. Et dum dominium sibi semper quidam plus quam mitis iustitia deposcit assumunt, de ecclesia pereunt: & dum se extollunt insolenter, ipso suo tumore excæcati ueritatis lumen amittunt. Dominus Iesus errantes oues in unitatem catholicæ reducat ecclesiæ, & uiuētes in unitate seruet & prouehat. Amen.

2 Tim. 2.

Psal. 2.

De secessione à Romana ecclesia.

His autem aduersarijs nostris repressis, exurgunt hostes noui & acres, Romanæ uidelicet monarchiæ sedisq; ut uocant Apostolicæ, Ecclesiæ uetustissimæ propugnatores. Ad rauim enim usq; clamitant eodem nos crimine conuictos teneri, quo Anabaptistas & phanaticos quosdam condemnauimus. Nos enim sacrilego quodam schismate, & nulla adactos necessitate, ueterem deseruisse Romanam Ecclesiam, & nouas atq; hæreticas nobis extruxisse synagogas. Etenim in Romana ecclesia habere adhuc suam authoritatem diuinam scripturam, recitari illam adhuc in omnibus templis, disputari deniq; ex ea in omnibus scholis, sed & suum locum habere atq; ualere sacramentorum usum: ideoq; schismaticos esse nepharios, qui defectione non necessaria desciuerimus ab ecclesia catholica, maxime propter uitia quædam cleri & episcoporum. Video ergo mihi digrediendum paululum,

paululum, & certandum esse cum papistica ecclesiæ defensoribus, demonstrandumque nunquam nos recessisse ab ecclesiâ Christi catholica. Ac quoniam inprimis in hac causâ scire refert, quis hæreticus, quisue schismaticus uerè dicatur, de his paucula hæc prælibo. S. Augustinus hoc interesse putat inter hæreticum & schismaticum, quòd ille prauis doctrinis synceritatem fidei & Apostolicæ doctrinæ adulterat: hic uerò tametsi in doctrinam puram & fidem synceram nihil peccet, ab ecclesiâ tamen temerè se separat, uinculum unitatis dissocians. Et certè hæreticus est propriè, quisquis contra scripturam, quæ uerbum Dei est, contra fidei articulos, uel contra ecclesiæ uerbo Dei natæ dogmata sana, spe temporalis aliquis commodi, ex suo arbitrio humanæque electione, aliena deligit, recipit, tradit, sectatur, pertinaciterque retinens, tuetur & propagat. Edicto imperatorio August. Cæs. Gratiani, Valentiniani, & Theodosij definiuntur Catholici uel Christiani esse, in ea uersantes religione, quam beatus Petrus Romanæ ecclesiæ tradidit, quàmque doceant beatus Damasus, & S. Petrus Alexandrinus Episcopus, consentientes uidelicet secundum Apostolicam disciplinam, & Euangelicam doctrinam, patris, & filij, & spiritus sancti, unam deitatem sub parâ maiestate, & sub pia trinitate. Rursus, Hæretici declarantur ab iisdem, contraria sequentes, quos & dementes, & infames, supplicijsq; dignos iudicant. Porro Schismaticus est, quisquis ab unitate ecclesiæ Dei ueræ se separat, nouosque cœtus uel ipse instituit, uel ab alijs institutis adhæret, licet in doctrinâ parum aberret. Non arbitror autem quenquam quicquam in his desiderare aut oppugnare descriptionibus. Proinde grauiter in nos peccant monarchiæ Romanæ propugnatores, nunquam non in ore contra nos habentes hæreseos & schismatis crimina atrocissima. Etenim nihil docemus contra sanctarum scripturarum synceritatem & ueritatem, uel contra fidei articulos, aut contra sana & scripturis canonicis stabilita dogmata ecclesiæ catholicæ. Si commoda terrena quærere libuisset, mansissemus utique in Papistica doctrinâ, in qua omnia sunt lucrosa. At propter Christi doctrinam receptam direptioni patemur omnium. Id quod non ignorauimus, cum à Papæ doctrinâ recederemus. Nulla ergo spe temporalis commodi doctrinam Christi sectamur. Præterea nihil asserimus pertinaciter. Si quis enim ex uerbo Dei meliora docuerit, non refragabimur meliora amplecti. Quinimò libera uoce & sincero corde damnamus omnes hæreses & hæreticos, quoscunq; tandem uetus illa ecclesiâ, uel synodis, uel extra synodos, gladio uerbi Dei iugulauit. Oppugnamus autem falsam Papæ doctrinam, noua eius decreta cum uerbo Dei pugnantia, abusus & corruptionem in ecclesiâ longè foedissimam. Sumpserunt sibi Romani Episcopi, cum coniuratis suis, tyrannidem in ecclesiâ, exercentes uerum in templo Dei Antichristianismum: tyrannidem ergo & Antichristianismum fugimus & recusamus, Christum & iugum eius nō recusamus, societatem sanctorum non fugimus: imò ut in hac manere, ueraq; Christi & sanctorum membra esse possimus, ex Papistica ecclesiâ refugientes, in unam sanctam catholicam & Apostolicam Ecclesiâ recolligimur. Hanc enim agnoscimus ueram esse dei domum, & ipsissimum seruatoris Christi Domini ouile, cuius ipse pastor est.

Liberè enim fatemur, & magno cum gaudio gratias Deo liberatori agentes, prædicamus nos recessisse à Romana ecclesiâ, eandemq; etiam hodie abominari. *Libera defectionis confessio.* Caterum distinguimus ante omnia inter Romanam ecclesiâ ueterem & nuperam. Fuit enim quondam Romæ sancta & fidelis ecclesiâ, quam uiri Apostolici, & ipsi Apostoli Christi uerbo Dei fundarunt atq; conseruarunt. Ea non modò caruit ritibus hodie receptis & usitatis, sed si uidisset eos, anathemate percussisset.



# DE VNITATE ECCLESIAE.

Caruit decretis, quibus innititur hodie Romana ecclesia. Ignorauit monarchiam & totam illam curiam. Igitur ab antiqua illa Romana & Apostolica ecclesia nec recessimus, nec recedemus unquam. Agnoscimus præterea omnes Romæ hodie Christum adorantes, & seruantes se ab omni Papistica pollutione, quales non paucos Romam habere non dubitamus, pro dilectis fratribus. Porro ecclesiam nuperam Romanam illam, Papam Christi uicarium in terris agnoscentem, & adorantem, obediens legibus eius, ecclesiam Christi ueram esse non agnoscimus. Vnde schismatici esse non possumus, qui Romanam ecclesiam relinquentes, à uera Dei ecclesia non recessimus.

*Nupera Rom.  
Ecclesiam non  
esse ecclesiam.*

*Internas eccle-  
siae Dei notas  
Romana eccle-  
sia non habet.*

*2. Pet. 2. & in  
Iude Epistola.*

*Externas eccle-  
siae Dei notas  
Romana eccle-  
sia non habet.*

Ecclesia enim sancta catholica Christo unico pastori adhæret, illius uerbo credit, & sanctè uiuit. Contraria omnia inuenias in Romana ecclesia, ut uenire non possit, neque in externæ & uisibilis, neque in internæ & inuisibilis ecclesiae Dei censum. Tolerant multa pija in ecclesia, in membris, inquam, & ministris eius (quod modò cum contra schismaticos agerem, ostendi) uerum in nupera illa Romana ecclesia, non inuenias leuia & tolerabilia uel doctrinæ uel uitæ uel errorum uitia: enormia, desperata & abominabilia in ipsa sunt oia. Quæ ergo dilectio de pertinacissimis deploratissimisque rebus meliora speret? Adnumerantur ecclesiae Dei externæ & tolerantur hypocritæ & mali. Romanenses autem illi nec mali sunt, nec hypocritæ, sed pessimi prorsus & atrocissimi ueritatis Christi hostes, palam blasphemantes Euangelium, & persequentes credentes in Christum. Ideoque ecclesiae Dei notas non habent, neque internas, neque externas. Spiritus Domini requiescit super eos qui contremiscunt ad sermonem Dei; isti incandescunt, si quis seriò reueatur uerbum Dei. Vera fides omnia uitæ uni tribuit Christo: isti fideles persequuntur, quod uni Christo omnia tribuunt uitæ, nec figmentis Papisticis salutem partiuntur. Pro charitate exercent truculentiam contra fratres & proximos. Quid quod publicis ecclesiae bonis ipsi abutuntur ad priuatas suas libidines? Quod enim fideles olim ex charitate contulerunt ad usum ecclesiasticum, & ad subuentionem pauperum, isti prodigunt uiuendo luxuriosissime ac sceleratissime. Id quod de eis ante annūciauerunt ecclesiae Dei electi Apostoli Domini, Petrus atque Thaddæus.

Ac de externis ecclesiae notis quid dicam? Aiunt isti scripturam canonicam suam habere auctoritatem in Romana ecclesia, illam & in templis & in scholis recitari, ac sacramenta suum locū habere, & efficacia esse. Ego uerò diuersum ostendere possum. Principiò subiiciunt scripturarum interpretationem sedi suæ, & ius iudicandi de omnibus attribuunt suo idolo Pontifici Romano. Notissimus est enim canon ille, Ab omnibus quicquid statuit, quicquid ordinat, perpetuò quidem & irrefragabiliter obseruandum est. Item, Cuncta per mundū nouit ecclesia, quod sacrosancta Romana ecclesia phas de omnibus habeat iudicandi, neque cuiquam de eius liceat iudicare iudicio. Ergo & scripturas iudicat, exponit, ac pro suo arbitrio flectit & reflectit. Iam non cōmemorabo, quod disertis uerbis sedis illius promachi scribunt, scripturam canonicam auctoritatem suam accipere ab ecclesia, hac Augustini abutentes sententia, Euangelio non crederem, nisi me commoueret sanctæ ecclesiae auctoritas. Hoc dicam quod nemini non perspicuum esse potest, Romanam ecclesiam aut huius præsides ecclesiae, natium scripturæ sensum tollere è medio, substituere autem alienum, quem, ut sit plausibilior, sensum appellant sanctæ matris ecclesiae, quem & tanta urgent improbitate, ut si opponas sensum natium, auditurus sis hæretici probum. Breuiter, nisi totam scripturam ad ipsorum sententiam & commodum detortam, hoc est, ipsorum decretis seu ueneno temperatam proferas, non ipsas scripturas protulisse, sed hæresim docuisse dicar

cēris. Exemplis res fiet illustrior. Scriptura docet Iesum Christum esse unicum caput ecclesiæ: uerum nisi adiungas etiam Papam in terris esse caput militantis ecclesiæ, hæreticus appellaberis. Scriptura docet Iesum Christum unicum esse intercessorem uel mediatorem, sacerdotem, & unicam hostiam expiatoriam fidelium: uerum nisi adiungas Christum mediatorem quidem esse redemptionis, diuos autem cum Christo mediatores esse intercessionis, sacrificos item quotidie incruentam offerre hostiam, ita ut cum Christo simul etiam sancti agnoscantur esse in cœlis intercessores, & sacerdotes in terris quotidie offerre in Missa pro uiuis & mortuis, hæreticus appellaberis. Scriptura docet, Iesum Christum esse iustitiam fidelium, quæ fide recipiatur à nobis: uerum nisi iustitiam operibus & meritis hominum partiaris, appellaberis hæreticus. Scriptura docet, Christum ascendisse in cœlos, misisse uicariam uirtutem spiritum sanctum, neque uenturum porro in mundum corporaliter, nisi ad diem iudicii: uerum nisi agnoscas eundem Christum corporaliter quoque presentem esse in pane Eucharistiæ, ac eundem ibidem adores, hæreticus appellaberis. Christus Dominus dixit in ultima cœna, poculum exhibens discipulis, Bibite ex hoc omnes: cæterum si tu contendas utramque sacramenti speciem dari oportere fidelibus omnibus, appellaberis hæreticus. Dixit in lege sua Dominus, Non facies idolum, non adorabis, non coles: uerum nisi tu intelligas per idolum gentilitium idolum, Saturni aut Mercurij, non Dei ueri, aut diui alius, hæreticus appellaberis. Plura huius generis alia proferre possem, si loquerer ignorantibus. Quam itaque auctoritatem, quem locum dicemus uerbum Dei obtinuisse in sede illa? Quis non uideat foedissimos istos homines captiuum conculcare sanctissimum Dei uerbum, figere atque refigere leges Dei pro sua gigantea audacia? Destitui ergo Romanam ecclesiam uerbo Dei sancto, tam clarum est, quam quod clarissimum. Demonstravi huius Decadis Sermonem I. satis non esse uerba iactare scripturæ sanctæ, nisi eadem sensum natuum retineant incorruptum. Ecclesia Romana corripit sensum, & dogmata scripturis contraria simplicioribus obtrudit. Proinde non est uera Christi ecclesia.

Baptismi sacramentum à Papisticis ministris collatum, tametsi non iteremus: baptizarunt enim in nomen patris, & filij, & spiritus sancti: sicuti Sermonem I. huius Decadis exposui: fractionem tamen panis seu Cœnam Dominicam, ita contaminarunt, fideique orthodoxæ contrarijs doctrinis corruperunt, & in tam foedam conuerterunt nundinationem, ut nemo sanæ mentis religione salua & sana conscientia cum eis communicare possit. De longè corruptissima ministrorum Romanæ ecclesiæ uita moribusque scelestissimis, nihil nunc dico. Iam enim uel cæcis apparere puto Romanam illam sedem non habere externas ueræ Dei ecclesiæ notas, cum uerbo Dei syncero, sanaque Euangelij prædicatione, ministerio inquam diuino, & ministris ecclesiæ legitimis, nec non salubri usu Cœnæ Domini careat: ideoque non esse ueram Dei ecclesiam, à qua nemo citra schismatis crimen deficere possit.

Hac ratione, inquis, nulla relinquetur in terris Christo ecclesia. Ecclesiæ enim gubernatoribus aberrantibus & uerbum Dei corruptentibus deferentibusque, quæ obsecro spes reliqua est de ecclesia? Aut signis non comparentibus ecclesiæ, ubi quæso est ecclesia? Respondemus Deum optimum maximum in calamitatibus ecclesiæ, in quibus gubernatores à uerbo & uero cultu Dei deficiunt, ac nouas leges & nouos ritus amplectuntur & in ecclesiā inducunt, ueris ecclesiæ notis externis ad tempus obscuratis aut obsoletis, nihilominus sibi in terris reseruare ecclesiam, quam & ueris doctoribus submissis fulcit & reparat, licet hi ab illis qui ueri & ordinarij Ecclesiæ gubernatores uideri uolunt, non agnoscantur

*Deus reseruat  
sibi ecclesiam,  
etiam aberran-  
tibus gubernato-  
ribus.*



4. Reg. 16.  
2. Paral. 28.

4. Reg. 21.  
2. Paral. 33.  
2. Paral. 24.

3. Reg. 12.  
2. Paral. 11.

Amos 2.  
7. cap.

3. Reg. 19.

Rom. 11.

pro ueris Dei ecclesiae ministris aut doctoribus, sed condemnentur pro seditionis ecclesiae turbatoribus & haëreticis execrabilibus. Exemplis è scriptura petitis res fiet illustrior. Temporibus Achaz regis Iuda, Vria Pontifice summo conuiiente, nec resistantibus regni principibus & sacerdotibus, rex templum Domini clausit, & cathedram sacram sustulit: id quod scriptura disertè testatur, ideoq; cessauerat & ministerium uerbi & sacrificiorum legitimum seu ordinarium; sed nihilominus erat sancta in regno Iudae ecclesia: in qua Isaiam docuisse cum alijs quibusda ueluti extraordinarie (ut sic dicam) nulli est dubium. Sub Manasse Achaz regis nepote exulabat sincera doctrina & sacramentorum celebratio (circuncisione dempta: ) ac durauit ea defectio donec reformaretur à Iosia pijsissimo rege ecclesia: interea uerò missi sunt prophetae & fuit in Iuda Dei ecclesia, licet maior pars populi cum gubernatoribus sequeretur & tueretur impietatem & defectionem Manasseam. In regno Israelis Ieroboam rex Leuitas doctores legis Domini & praedicatores ueritatis syncerae officio suo deturbauit, & prophanos & indoctos populo sacerdotes uel gubernatores dedit, noua insuper templa, eaq; cathedralia, fundauit, idola uel uitulos, nouum cultum, nouas aras & festa noua instituit, atque hoc modo uerum Dei cultum abrogauit, ita ut in Israele porro nulla apparerent ecclesiae Dei externa symbola, & tamen dubium non est insignem in Israele Dei ecclesiam fuisse, ad quam conseruandam & reparandam subinde à Domino mittebantur prophetae, licet à pseudoecclesia & pseudoprophetis pro ueris Dei prophetis minimè agnoscerentur. Docuit sub Ieroboamo, eius nominis 11. Amos propheta, pastor uel armentarius de Tecoa, ueramq; Dei doctrinam tradidit: sed audit ab Amasia summo pontifice regni, Vade protinus, & recipe te in terram Iuda, illicq; propheta uel praedica. In Bethel autem ne posthac praedicaueris: quoniam fundatio & templum regium est. Quinimò cum Achab impietate omnes ante se reges uicisset, insuper & abominandum Baalis cultum impietati defectionisq; Ieroboamicæ superaddidisset, omniaq; in regno Israelis opleuisset superstitionibus, idololatria, augurijs & sacrilegijs, praeterea & Dei synceram doctrinam persequeretur in prophetis atrocissimè, inuenta est tamen in Israele praeclarissima Dei ecclesia. Helias quidem ille magnus & excellentissimus Dei propheta, ob se dam illam defectionem à Deo, fastidioq; populi longè miserrimi, in quo nulla apparebant uerae Dei ecclesiae signa, fugiens in desertum abstruxit se in latebras, ac rogatus à Domino quid ibi ageret, respondit, Zelo quodam zelatus sum pro Domino Deo exercituum, quod filij Israel foedus tuum dereliquerunt, aras tuas diruerunt, & prophetas tuos gladio occiderunt, & ego solus relictus sum, quzeruntq; animam meam, ut tollant eam. Verum protinus remittitur in terram Israelis unde profugerat, his insuper uerbis additis: Dereliqui mihi in Israele septem millia uirorum, quorum omnium neq; genua curuata sunt ante Baal, neq; os osculatum est eum. En propheta tantus putauit se solum in Israele è fidelium numero esse relictum: sed audit septem millia à Deo reseruata hominum sanctorum, qui genua sua non flexerint, id est, ne externo quidem cultu unquam inseruierint Baal. Quis autem nesciat prophetam per septenarium numerum intellexisse uerorum Dei cultorum turbam numerosissimam: qui haud dubiè circuncisi fuerunt, non in Baalis, sed in æterni Dei foedus. Illi ipsi non caruerunt fide, ergo neq; doctrina, licet hæc non ita uulgaris esset, neq; ordinaria & catholica uideretur apud Baalitas. Caruerunt autem sacrificijs procul dubiò: quia cum legitima non exhiberentur, illegitimis participare nolebant: rebus interim per symbola uel sacramenta significatis, minimè destituebantur, fide communicantes omnibus Dei donis.

Ad

Ad eundem omnino modum postquam pontifex Romanus instar Ieroboami regis, deserta Euangelij pura prædicatione, corrupta item prima & simplici institutione Cœnæ Dominicæ alijsq; Dei institutis deprauatis & ad suum commodum detortis, sese collocavit in solium, imò in ipsum Dei templum uel ecclesiam, ostentans seipsum Deum terrestrem, graui sanè tyrannide oppressa Dei ecclesia, notis externis haud facile hucusq; interstingui potuit. Pro sincera enim prædicatione Euangelij, mixtum & corruptum humanis decretis doctrinæ genus propositum, ac pro Cœna Domini, Missa Papalis celebrata est: in locum aliorum institutorum Dei, subiit immensa ineptissimarum & supersticiosarum ceremoniarum turba, quibus bona pars hominum obnoxia, sedi sese subdidit Romanæ. Interea uerò non fuit in toto terrarum orbe extincta Dei ecclesia, neque cecidit apud omnes sanctum uerbi Dei ministerium, & cultus Dei uerus. Vbiq; enim terrarum dispersi, reperti sunt non pauci homines, qui nec Papam & coniuratos eius, nec corruptionem eius in rebus ecclesiæ approbauerunt. Adorauerunt autem Christum Dominum, quem agnouerunt unicum esse salutis authorem, atq; ideo mundos se seruauerunt à Papisticis contaminationibus. Ac misit Deus singulis propè seculis iam inde à Papismi exordio uiros graues, pios & doctos, qui Papæ regnum tyrannidemq; (sicut olim propheta Ieroboami corruptelam idololatricam) grauius accusarunt, postulantes constanter ecclesiæ repurgationem à corruptelis Papisticis, docentes etiam ueram salutis doctrinam, uerumq; usum sacramentorum. Vbi uerò repurgatio pura pura impetrari non potuit per Antichristi tyrannidem, ibi tamen repertum est indefessum puritatis studium, piumq; legitimi sacramentorum usus desiderium: quale diximus fuisse in electis ueræ Dei ecclesiæ membris, temporibus Ieroboami, Achabi, Ahas, Manassis & Captiuitatis Babylonice. Sicut autem his quoq; temporibus ueri prophetae Dei pro ueris à Baalitis sacerdotibus minime agnoscebantur, sed damnabantur pro schismaticis & hæreticis: ita seculis aliquot Romani Pont. cum suis coniuratis, uiros pios & doctos, uerbum Dei prædicantes & reformationem ecclesiæ postulantes, excommunicarunt, persecuti sunt, plurimosq; eorum ferro & igne exciderunt. Id quod ipse Dominus noster cum prophetis & Apostolis futurum prædixit.

Præterea potuit sibi haud dubie copiosam retinere ecclesiam Dominus sub Papismo: sicuti non dubitamus sub Machometismo seruare eam esse maximam. Quis enim existimet nulla superesse Ecclesiæ Dei membra per totam Asiam & Aphricam? An non potuit sibi Deus misericors potenti manu sua, in illa postrema ecclesiæ Dei calamitate & ruina, rursus retinere septem (ut quondam) uirorum millia, quorum nullus adorauerit bestiam aut bestiae characterem acceperit? Quid factum sit in Turcia, aut quid hodie fiat, dicant qui rectius & melius possunt. Quid apud nos factum sit in seculis iam ultimis, negare nemo potest. Insigni bonitate Dei uidemus accidisse, ut quemadmodum Circuncisio signum fœderis Dei quondam in media defectione dabatur populo Dei, ita hodie quoque in profundissimis Antichristi tenebris, sacrosanctum baptisma datum sit Christianis in oblationem remissionis peccatorum hæreditatisq; filiorum Dei. Sanè doctrinæ puritas infinitis & crassissimis traditionibus à cõiuratis Papæ est prophanata, interim tamen nõ fuit nulla prorsus. Vt enim nihil eorum repetam quæ modò dixi de missis à Deo uiris pijs & doctis reformationē Ecclesiæ postulantibus, & plurimum proficientibus apud omnes Dei filios, an non consensu quodam uniuersali pro certissimo indubitatoq; receptum fuit, Decalogo omnium præceptorum Dei absolutissimum compendium suppeditari; Oratione Dominica plenissimā tradi precandi Deum

Romana ecclesia nõ existente ecclesia, Deus nihilominus ecclesiam in terris habet. Daniel. 9. 2. Thess. 2.



formulam? Symbolo autem Apostolico contineri perfectissimā credendorum uel fidei regulam? Certè excedentibus ex hoc seculo fermè omnibus, ac in ipso agone iam laborantibus, recitari consuevit symbolum uelut perfectissima saluantis fidei regula. Nec dubitamus misericordem Deum & patrem misericordiarum (qui & Latronem illum in cruce sub extremo uitæ exitu seruauit) oppressorum tyrannide Antichristi misertum, immensa sua gratia tetigisse & uiuentium & morientium corda, ac per spiritum sanctum docuisse, confitentesq; unum Deum patrem conditorem omnium, & unum Iesum Christum Dei filium mundi redemptorem passum & resuscitatum, & unum spiritum sanctum, deniq; sanctam ecclesiam catholicam, sanctificasse cōdonatis peccatis omnibus, animasq; fidelium in uitam æternam (sicuti crediderunt) transtulisse, quo & in fine seculi resuscitandam carnem nostram credimus transferendam. Habent hic quoq; responsionem interrogantes, An ne omnes maiores nostri ante hæc ultima reuelati Euangelij tempora mortui, sint damnati? Dispiciant uiuentes potius, ne propter uerbi Dei contemptum, aut propter contentiones contra uerbum Dei susceptas, disparem à maioribus suis finem sortiantur. Quanquam ergo Papisticam ecclesiam non agnoscamus ueram esse ecclesiam, inde tamen non sequitur nullā omnino esse aut fuisse in terris Dei ecclesiam. Illam enim ueram Dei ecclesiam esse dicimus, quæ in Christum credit & uerbum eius non deseruit, quam & fusè satis descripsimus. Scimus præterea, nos ipsos qui hodie Christo credimus, ueram esse Christi Domini ecclesiam. Nam in fide unico capiti Christo omnibusq; catholicæ ecclesiæ membris coharemus, ita ueris ueræ Dei ecclesiæ signis non destituimur.

Cæterum non legimus, inquit, sub Iudaicæ ecclesiæ pontificibus, sacerdotibus & principibus, uel prophetas, id est, fidelium ductores, uel ipsos fideles descendiisse à Pontifice, à rege, uel ab uniuersali ecclesia, ac noua sibi separatæq; sacrificia instituisse, sicuti uos hodie facitis. Deficientes enim à Romano pontifice, à regibus, principibus, & ab uniuersali ecclesia, ecclesiam uobis ipsis congregatis, & prædicatione & sacramentorum celebratione ab illa diuersissimam. Respondeo, uete- res ante Christi Domini aduentum præscripta de causa, templo idololatria occupato & prophanato, non noua sacrificijs quæsiuisse loca. Nephas enim erat extra tēpli sepra immolare. Id quod uidere est Leuit. 17. & Deut. 12. cap. Nec alia de causa populus Babylonica captiuitate per annos 70. detentus, nulla obtulit sacrificia. Certissimū est tamen & prophetas Dei, & sanctos & ueros Dei cultores separasse se à cultu & sacrificijs contra uerbum Dei usurpatis. Certè sermonibus prophetarum omnibus, & sacrificia illa & ecclesiam legimus esse damnatam. Quo nomine & ipsi uicissim damnabantur à Pontificibus & sacerdotibus Baal, tanquam hæretici & schismatici execrabiles: quemadmodum hodie quoq; anathematis telo confodimur, quòd cum Papistica ecclesia & sacris eius communicare nolumus, sacraq; ipsa reijcimus. His accedit quòd impletis per Dominum & iam abrogatis legalibus, Apostoli manifesta defectione descuerunt non modò à Pontificibus et Hierosolymitana ecclesia, sed insuper nouam Christo per prædicationem Euangelij, & sacramentorum contestationem collegerunt ecclesiam: quam in Actis Apostolorum habemus descriptam: & ad cuius formam meritò reformari debent omnes ecclesiæ, quotquot Apostolicæ uolunt appellari. Quid ergo hodie peccauimus reformantes ecclesias ad Apostolicæ imaginem ecclesiæ, prophanatas iam olim à sede illa Romana ac membris eius? Sæpe legimus ecclesiā Dei ante aduentum Christi in carnem, deturpatam fœdis pollutionibus à corruptis hominibus, eandemq; repurgatam renouatamq; esse ad ueteris ecclesiæ imaginem, secundum

*Apostolica  
ecclesia.*

uerbum

uerbum Dei. Cur autem illud ipsum eadē in causa nostro seculo nō imitaremur?

Extant præterea uaticinia Christi seruatoris, sanctorum apostolorum & prophetarum, graphicè depingentia grauem hanc ecclesiæ Christi sub antichristi tyrannide, extremo hoc nostro seculo, sæuiantis oppressionē: extant præcepta grauissima, iubentia fugere antichristum, idololatriam, & pseudopphetas. Dominus enim dixit in euangelio secundum Matthæum, Surgent pseudochristi & pseudopphetæ, & dabunt signa magna & prodigia, ita ut in errorem inducantur, si fieri possit, etiam electi. Ecce prædixi uobis. Si ergo dixerint uobis, Ecce in deserto est, nolite exire, Ecce in penetralibus, nolite credere. Et iterum, Cauete uobis à pseudopphetis, qui ueniunt ad uos in uestitu ouium, sed intrinsecus sunt lupi rapaces. Item, Nunquid potest cæcus cæcum ducere? Nōne ambo in foueam cadūt? S. Petrus magna cum grauitate, Seruemini, ait, à generatione ista praua. Copiosissima idem hac de re tradit in secunda sua epistola, capite 2. & 3. Sed & S. Paulus per omnia cum sancto euangelio, & beato Petro congruens, & antichristum & postrema illa antichristi tempora, hominesq; corruptissimos, non lumina, sed faces ecclesiæ depingens, iubet sanctos ab his recedere, & ad Christū ac ueritatem eius synceram aggregari. Loca si quis requirat, inueniet 1. Thes. 2. 1. Timoth. 4. 2. Timoth. 3. & 4. cap. Idem alibi, quemadmodum & beatus apostolus Ioannes dixit, Fugite idololatriam. Et in 2. ad Corinth. 6. cap. disertis uerbis, & luculentissima oppositione demonstrat, non posse constare ullum consensum inter Christum & Belial, inter tenebras & lucem, inter idola & templum Dei. Ac subiungit mox, Quapropter exite de medio illorum, & separemini ab illis, dicit dominus, & immundum ne tetigeritis: & ego suscipiam uos. Huc pertinet quod beatus Ioannes apostolus reuelatione sibi à domino Christo facta, uidens fata Babylonis, simul etiam uocem cœlo delatam audit in hanc sententiam præcipientem, Exite de illa populus meus, ne participes sitis delictorum eius, & de plagis eius ne accipiatis. Idem non semel minatur æternum exitium bestiam adorantibus: uitam autem & gloriam, aspernantibus fugientibusq; bestiam, adhærentibus autem unicè unico mundi seruatori Iesu Christo. Proinde discessus ille noster à sede uel ab ecclesia Romana non modò licitus, sed & necessarius est, quippe mādatus nobis ab ipso domino per sanctos Apostolos, quibus nisi obediamus, saluari nequaquam poterimus.

Alioquin non ignoramus abominandas ac culpabiles prorsus esse defectiones, inter quas tamen nisi distinguamus, non apparebit luculenter quid uel probe-mus uel improbemus, quidue sequamur aut fugiamus. Est defectio apostasiæ, qua fidei uel religionis odio, ex mera impietate & contemptu numinis athei cum Luciano suo impio, ac Iuliano apostata, à fide orthodoxa & catholica, denique à communione fidelitum deficiunt, & ueritatem præterea Christianam conuictis blasphemisq; impetūt, ac ipsam Dei ecclesiam uel irrident uel persequuntur. Est rursus defectio hæretica, qua uidelicet cum Valentino, Marcione, Ario, Manichæo, Artemone, similibusq; monstribus superbi & confidētes pertinacesq; nequā, uel ipsam scripturam repudiantes uel interpolantes contemnunt & calcant, uel certos fidei articulos, sanæ ecclesiæ Dei dogmata negant, subuertunt ac oppugnant, contraria astruunt, atq; ita ecclesias sibi hæreticas construunt, à uera autem orthodoxa & catholica recedunt. Est præterea discessus schismaticus, qualis erat Donatistarum separantium se ab ecclesia Dei uera, prætextu absolutioris consequendæ sanctificationis. De quo abūde satis diximus paulò ante hæc. Et superiores quidem defectiones duæ prorsus sunt abominabiles & nephariæ: quem-



admodum & tertia nullo modo defendi potest. At nulla quidem istarum nobis hodie à Romana ecclesia deficientibus imputari potest. Vacat enim omni crimine illa secessio, quæ fit non à uera, sed falsa ecclesia: non à populo Dei, sed à persecutoribus populi Dei: non ab articulis fidei & sanis dogmatibus ecclesiæ, sed ab erroribus fidei articulos obscurantibus, & à prauis hominū traditionibus & corruptelis: quæ denique fit non leuitate aliqua, sed necessitate: non nouandi, sed ueræ religionis studio, propter ueram fidem recuperandam, secundū testimonia æternæ ueritatis, ut relicto tenebrarum consortio, recolligamur cum Christo uera luce, & omnibus membris eius. Ita uerò hodie deseruimus Romanam illam sedem, falsa doctrina, idololatria, & innoxio martyrum sanguine redundantem: amplexi sumus autem doctrinam euangelicam & apostolicam, ideoque Christum ipsum caput Ecclesiæ, quæ est communio omnium sanctorum Christo credentium. Et hæc quidem per digressionem hætenus dixi, redeo ad tractationem Ecclesiæ catholicæ, ut absoluaui quæ dicenda supersunt.

*Ecclesia est domus Dei.*

Etenim quò plus lucis roborisque his accedat, quæ diximus hucusque de Ecclesia, proferam nunc parabolas aliquot ex scripturis sanctis, quibus illa uelut depicta ob oculos statuitur. Ac facile erit cuiuslibet interstinguere inter internam & externam ecclesiam, agnoscereque quæ cuique sint uel propria, uel minus propria. Primū depingitur nobis ecclesia sub specie & imagine domus. Domus constructur in hunc finem, ut inhabitetur ab hominibus: & construitur quidem ab architectis, ex omnigena materia, ex lignis, lapidibus, cœmento, fundamento primū collocato: cui deinde imponuntur muri uel parietes, qui angulari compinguntur lapide: postremò additur uel superinducitur tectū, sine quo totum ædificium paulatim corruptum collaberetur atque periret. Domum Dei diximus esse Ecclesiam, cuius architectus summus ipse Deus est, qui in typo nempe in Tabernaculo Moysi, & templo Solomonis, & Moysi & Dauidi formam templi exhibuit, ad quam ipsum extruant. Deus enim ab initio angelos ne laberentur, retinuit, hominē uerò in peccatum & mortem prolapsū, reparauit, ab ipso rerum exordio protinus Ecclesiam sibi sanctificans, quam & uerbo suo circumscribens, designauit. Hanc autem formam Ecclesiæ omnino oportet tenere, non recipere aliam, uel ab Imperatore, uel à Papa, aut ab alio quouis homine traditam. Verus hic ueri domus Dei

*Matth. 16.*

architectus in euangelio dicit, Super hanc petram ædificabo Ecclesiam meam. Ipse enim dei filius facit nos regno suo dignos, ipse fidē inspirat, per quam fiamus ecclesiæ dei uera membra. Quamuis autem ipse dominus sit unicus & summus Ecclesiæ suæ architectus, operam tamen hominū in extruendo non aspernatur, imò adiungit sibi in extruenda ecclesia homines, quos & architectos appellare dignatur.

*1. Cor. 3.*

Paulus enim, Ut sapiens architectus, inquit, fundamentum posui. Et iterum, Quis est Paulus, quis Apollos, nisi ministri, per quos credidistis: & ut cuique dominus dedit: Ego plantaui, Apollos rigauit, sed Deus dedit incrementum. Itaque non qui plantat est aliquid, neque qui rigat, sed qui dat incrementum Deus. Rursus, Dei sumus cooperarii, dei agricolatio, dei ædificatio estis. Exemplo rem proponemus,

*Acto. 10.*

Cum Deus inter gentes sibi domum excitare uellet, primū gratia sua perfudit Cornelium legionis Italicæ apud Cæsaream præsidem, uel ducem ac centurionem; mox misso apostolo Petro, domum illam sibi præparat & adoptat. Petrus enim docet & baptizat, Cornelius cum suis auscultat, credit, baptizatur, & fit domus Dei, ecclesia uera, quam & dominus per spiritum suum inhabitat. Sicut enim domus inhabitatur ab hominibus, ita ecclesiam inhabitat Deus, Paulo testante & dicente, Templum Dei sanctum est, quod estis uos. Item, An nescitis quòd corpora uestra

sint

sint templum eius qui est in uobis spiritus sanctus &c. Huius domus fundamentum est Christus. Dominus enim apud Isaiam dicit, Ecce ego fundo, seu mitto in Zion (nimirum in Ecclesia) lapidem, lapidem probatum, angularem, pretiosum, solidissimum fundamentum. Qui crediderit non festinabit. Id uaticinii exponens in euangelio secundum Matthaeum dominus, & sibi ipsi ceu ecclesiae fundamento applicans, ad Petrum consistentem Iesum esse uerum ueri Dei filium, Messiam expectatum, dicit, Et super hanc petram aedificabo Ecclesiam meam. Et portae inferorum non praeualebunt aduersus eam. Accedit his & beati Petri Apostoli expositio, qui citans haec ipsa Isaiae prophetae uerba, & alludens ad illa Dauidis, Lapidem quem reprobauerunt aedificantes, hic factus est in caput anguli, diserte dicit, Christum Iesum esse lapidem illum, uiuum, ab hominibus quidem reprobatum, a Deo uero electum, fundamentum firmum, cui qui innitantur, minime confundantur. Consentit Petro etiam Paulus Apostolus. Dicit enim, Petra autem erat Christus. Et iterum, Fundamentum aliud poni non potest, quam quod positum est, quod est Iesus Christus. Ergo cum idem ille alibi hoc ipsum fundamentum nominat fundamentum apostolorum & prophetarum, non ita accipiendum est, quasi apostoli & prophetae sint fundamentum ecclesiae, sed quod hi Iesum Christum pro fundamento ecclesiae collocarunt, & totam structuram huic fundamento imposuerunt, etiam semetipsos. Nequeunt enim homines mortales obiectum esse fidei, & fundamentum ecclesiae, cui innitantur fideles. Clamat Dauid, Dei uia immaculata est, & eloquium domini est examinatum, protector est ipse omnium in se sperantium. Quis enim est Deus praeter dominum, aut quis PETRA praeter Deum nostrum? Nam & Ieremias, Sic dicit dominus, inquit, Maledictus uir, qui confidit in homine, & ponit carnem brachium suum, & cuius cor recedit a domino. Benedictus uir qui confidit in domino, & cuius fiducia est Dominus. Ita scriptura prophetica & Apostolica concorditer ostendit nobis petram, id est, fundamentum Ecclesiae Christum & hunc quidem solum.

Turpiter ergo errant, quicumque diuinae hoc laudis, uirtutis, ac praerogativae, quod soli dei filio competit, tribuunt Romano pontifici. Quod si obiecerint, complures ex Graecis & Latinis interpretibus per Petram ipsum Petrum intellexisse, repudiamus humanam auctoritatem, praefereamus & asserimus diuinam. Christus non dixit, Aedificabo ecclesiam meam super te, sed super Petram, & hanc quidem petram, quam confessus es. Sed & Petrus nomen habet a petra: sicut Christianus a Christo. Quid quod ipse Petrus per petram intellexit Christum? Accedit his Pauli auctoritas dicentis, Petra erat Christus. Et, Fundamentum aliud nemo potest ponere, praeter hoc quod positum est, quod est Iesus Christus. Nam Dauid prior dixit, Quis est Deus praeter dominum, aut quis est petra praeter Deum nostrum? Haec testimonia non temere repeto: his enim longe clarissimis solum Christum petram & fundamentum ecclesiae attestantibus & collocantibus, magis credendum fatebuntur omnes non omnino insani, quam docentibus cum Christo & Petro & Romano pontificem petras & fundamina esse ecclesiae. Nihil nunc contra hos dicam atrocius, quod omnibus notissimum sit, quales sint, indignissimi qui Petro accenseantur, dignissimi autem qui Simoniacis annumerentur. Prauidit Petrus quales isti erant futuri, ergo ne cui imponerent depinxit eos suis coloribus 2. Pet. 2. Nos illis relictis, redimus ad expositionem assumptae parabolae.

Materia domus, parietes & reliquae partes sunt ipsi fideles homines, extructi super fundamento Christo. Id quod admirandi & praecipui huius structurae artifices Petrus & Paulus hisce testantur & illustrent uerbis. Petrus, Ad Christum ac-

Matth. 16.

Psalm. 117.

1. Pet. 2.

Acto. 4.

1. Cor. 10.

1. Cor. 3.

Ephes. 2.

Psalm. 18.

Ierem. 17.

Petrus uel Roman. Pont. non est fundamentum ecclesiae. Matth. 16.

1. Cor. 10.

Domus dei qui

sint.

1. Pet. 2.



Ephes. 2.

Angularis lapis Christus.

Tabernaculum  
& templū ty-  
pus Ecclesie.

Apoc. 3.

Ecclesia est vi-  
nea domini.

Ioan. 15.

cedentes, inquit, qui lapis est uiuus, ab hominibus quidem reprobatus, apud Deū uerò electus ac preciosus, ipsi quoque ueluti uiui lapides ædificemini, domus spiri-  
tualis, sacerdotium sanctum ad offerendum spirituales hostias, acceptabiles Deo, per Iesum Christum. Paulus uerò, iam non estis hospites & incolæ, ait, sed conci-  
ues sanctorum & domestici Dei, superstructi super fundamentū apostolorum & prophetarum, summo angulari lapide ipso Iesu Christo, in quo totum ædificium coagmentatum crescit in templum sanctum domino, in quo & uos superædifica-  
mini in habitaculum Dei in spiritu. Autoritate ergo apostolica discim⁹ Chri-  
stum esse angularem in domo dei lapidem, qui ne dilabantur parietes, eos cōpin-  
git & retinet totam structuram. Idem est tectum ecclesiæ, defensor utique & prin-  
ceps, sub cuius præsidio tuta, felix & beata uiuit ecclesia. Huc pertinet considera-  
tio Tabernaculi Moysi & Templi Solomonis. Nam utrunque appellatur Domus Dei. Distinguebatur hæc in Sanctum sanctorum, in Sanctum, & in Atrium: & quamuis distinctæ hæc partes commemorentur, una tamen domus domini nun-  
cupatur, quia est una duntaxat ecclesia uniuersalis, quæ interim suas ueluti par-  
tes habet. Sanctum sanctorum figurat Ecclesiam triumphantē in cœlis, ubi sunt conserui Dei & fratres nostri patriarchæ, prophetae, apostoli, martyres & omnes spiritus beati. Ibi apparet semper in conspectu Dei Christus dominus noster, arca nostra, in quo thesauri ecclesiæ, qui est perfectio legis, fœderis firmitudo, & propitiatio nostra. Inde redduntur nobis oracula. In hac parte templi omnia sunt magna, aurea & gemmea. Absolutum enim in cœlis gaudiū percipitur. Sunt in templo formæ angelicæ, palmæ & flores. Quia in futura uita electi erunt sicuti angeli Dei. Hic uictores perpetuò uiuent. Vincenti, inquit dominus, dabo edere de ligno uitæ, quod est in medio paradisi Dei. Hic omnia splendida sunt: quia in Christo & in futura uita clarificabimur. Sanctum representat nobis militantem ecclesiam, & interiorē quidem, sanctificatam sanguine Christi, quæ non habet speciem pietatis, sed ipsam pietatem. Fide enim adhærent Deo, charitate connectuntur inter se mutuò, seruiunt Deo spiritu, auscultantes uerbo Dei & participantes sacramentis. In sancto ergo collocauit Solomon decem candelabra, decem mensas, & luteris decem. In ecclesia enim sanctorum est illuminatio, alimentū & purgatio quotidiana per pœnitentiam. Porro Atrium recipiebat totum cœtum populi. Ecclesia enim cœtus est omnium fidem profitentium, admixtos habens hypocritas. Inter sanctum & atrium siue uestibulum occurrunt duæ columnæ in templo Solomonis, inscriptæ Dauidico generi. Christus enim est qui sustinet ecclesiam, per quem patet ingressus in ecclesiam. Ex Christi beneficio & uirtute habet ecclesia, si in Christo maneat, ut & ipsa sit columna & basis ueritatis. Non est autem ullus extra tabernaculum & templum domini locus, in quo Deus cultum sibi exhibiturum, quàm in ecclesia, recipiat. In sola ecclesia sanctorum propitiū est dominus. Faciant ergo Iudæi, Turcæ & Sarraceni præstantissima in speciem licet opera, extra Christum eiusque consortium nemo Deo placet.

Rursus confertur ecclesia Dei Vineæ præstantissimæ apud Isaiam, qui disertis uerbis dicit, Vineæ domini exercituum est domus Israel, & palmes eius delectabilis uir Iuda. Nam & in euāgelio dominus noster in parabola uineæ clarè exponit homines esse huius uineæ palmites. Imò apud Ioannē idem, Ego sum uitis illa uera, inquit, & pater meus agricola est. Omnem palmitem in me non ferentem fructum, tollit: & omnem qui fert fructum, purgat, ut fructum copiosorem proferat. Sicut palmes non potest ferre fructum à semetipso, nisi manserit in uite: sic nec uos nisi in me manseritis. Ego sum uitis, uos palmites. Qui manserit in me, & ego

ego in eo, hic fert fructum multum: quia sine me nihil potestis facere. Si quis in me non manserit, eiectus est foras, sicut palmes, & exaruit, & colligunt eos, & in ignem conijciunt & ardent. Vna itaq; est ecclesia, quia uitis una est. Ex illa existunt propaggines frugiferae partim, partim infrugiferae. Etenim boni siue pii ueri Dei cultores, & mali siue hypocritae recensentur in ecclesia. Hypocritae tamē suo tempore refecantur & in aeternum conijciuntur incendium. Quod boni manent in uite, nec refecantur, sed fructum proferunt, id quidē Christo ecclesiae fundamento, capiti & conseruatori debent, qui succo suo spiritali & uitali eos reddit bonorum operum feraces. Apparet hic illustrissimē capitis & membrorum, Christi & fidelium connexio: de qua prius diximus, de qua item in euangelio Dominus subiicit, Si manseritis in me, & uerba mea in uobis manserint, quicquid uoueritis petetis & fiet uobis.

Præterea appellatur ecclesia fidelium Regnum Dei. Rex enim ecclesiae, id est, *Ecclesia regnū Dei.* omnium fidelium, est ipse Dei filius Christus Iesus, qui spiritu & uerbo suo gubernat ecclesiam, & hæc se ipsi gubernandam sponte subiicit. Nec plura inueniuntur regna in orbe: quia unus duntaxat est rex gloriæ Christus. De hoc rege & regno differui Decad. 4. Ser. 7.

Iam & Corpori humano assimilari ecclesiam sæpe diximus. In corpore pri- *Ecclesia adum-*  
mas tenet caput, quod nusquam abest à corpore. Decussum, relinquit exanime *bratur per cor-*  
& sine sensu corpus. Huic licet sint membra plurima, omnium tamen est inter ipsa *pus humanum.*  
consensio pulcherrima. Congruunt & conspirant inter se omnia, condolent sibi inuicem, iuuant se mutuo. Hoc uidelicet sibi inuicē præstant omnes fideles, quod membris membra. Vniuntur capiti Christo per fidem, ipsum caput coniungitur membris per gratiam & spiritum. Nunquam separatur ab Ecclesia Christus: neq; hæc aliunde uiuit quàm ex Christo. Qui tametsi corpore absens sit ecclesiae militanti, præsentissimus adest tamē ei spiritu & operatione, atq; gubernatione: ita ut nullo indigeat in terris uicario, cum solus præsideat, & unicum caput, unicus rex, unicus pontifex & saluator ecclesiae suæ maneat in aeternū. Dominus enim apud Ezechielē dicit, Suscitabo super oues meas pastorem unū, qui pascet eas, scilicet *Ezech. 34.*  
seruum meum Dauid: ipse pascet eas, atq; ipse erit eis in pastorem. Ego autem dominus ero eis in deū, & seruus meus Dauid princeps in medio eorum. Ego dominus loquutus sum. Hoc postremum adiecit ne quis dubitaret de fide & certitudine eorū, quæ dicta sunt. Deus est aeterna ueritas: & is loquutus est: quod ergo loquutus est, non potest non esse uerissimū. Quid autem loquutus est? Vnū fore & esse ecclesiae pastorem & principem. En Vnum dixit significanter. Quis uerò ille unus? Id exponit & ait, Seruus meus Dauid, nimirum Christus Iesus (germē illud Dauidicum) (quem euangelica autoritas ubiq; appellat: filium Dauidis. Hic non erit pastor nomine duntaxat seu titulo, sed re ipsa. Pascet enim oues, adeoq; erit in medio eorum. Nam in euangelio disertè dixit, Vbicunq; duo uel tres fuerint congregati in nomine meo, ibi sum in medio eorū. Et iterum, Ecce ego uobiscū sum *Matth. 18.*  
omnibus diebus, usq; ad consummationem seculi. Iam si præsens adest suæ ecclesiae, nullo hæc indiget Vicario. Vicarius enim absentis uicem gerit. Vbicunq; ergo uicarius Christi agnoscitur, ibi nullus est Christus, ibidē ergo regnat antichristus. *Matth. 18.*  
Id fiet multo adhuc clarius & firmitus, si expenderimus quid illud sit quod Christus dicitur esse caput ecclesiae. Caput est, uita, salus, & lux, siue illuminatio ecclesiae, princeps supremus fidelium, qui toti sanctorum cœtui, omnium temporum, & per totum orbē disperso, possit, & uelit semper adesse, preces & uota eius audire, auxilium deniq; ferre in rebus quibuslibet: breuiter, qui uniuersam eccle-

*Ecclesia dei nullum habet uicarium.  
Caput ecclesiae.*



siam perfectissimè gubernare, & omnia eius sarcire, & in omnibus perficere possit. Hanc autem prerogatiuam non tribues ulli, opinor, creaturæ citra blasphemiam & sacrilegium: solus ergo Christus Deus & homo uerus, est & manet caput Ecclesiæ unicum. Qui Papam Romanum agnoscunt caput esse militantis Ecclesiæ, uel quid agant & dicant nesciunt, uel scientes & uolentes filium Dei blasphemant, quem nolunt solum regnare super Ecclesiam suam. Sed audiamus modò diui Apostoli Pauli de hac re testimonia. Deus, inquit, excitauit Christum ex mortuis, & sedere fecit ad dexteram suam in cœlestibus, super omnem principatum & potestatem, & uirtutem, & dominium, & omne nomen quod nominatur, tam in præsenti quàm in futuro seculo: & omnia subiecit sub pedes eius, & eum dedit caput super omnia ipsi Ecclesiæ, quæ est corpus illius, complementum eius, qui omnia in omnibus adimplet. En caput est Christus, quia omnibus in cœlo & in terra præsidet, omnia gubernat, omnia sibi subiecta habet, ipsamq; perficit ecclesiam corpus suum, complens ea quæ ipsi desunt, omniaq; adimplens desideria eius. Rursus idem Apostolus, Christus caput est ecclesiæ, inquit & idem dat corpori salutem. Capitis est incolumitatem dare corpori, & præsidere. Id nemo præstat nisi solus Christus, solus ergo Ecclesiæ suæ caput manet: præsertim cū Ecclesia corpus sit Christi spirituale, & ea de causa non possit habere caput carnale, nisi libeat ex Ecclesia monstrum facere poëticum. Etenim Christus ecclesiæ caput est, non quia homo est, sed quia Deus & homo est. Caterum si Romani idoli defensores, propugnatoresq; Romanæ monarchiæ, per caput intelligunt principem in terris, sicut Saul nuncupatur in scriptura caput Israelis, adeoq; intelligunt primum episcopum in prima sede præsentem, audiant rursus ipsam scripturam, foedissimum ipsorum errorem confutantem atq; dicentem, Facta est autem contentio inter Apostolos, quis eorum uideretur esse maior. Dixit autem eis Iesus, Reges gentium dominantur eis: & qui potestatem habent super eas, benefici uocantur: uos autem non sic: Sed qui maior est in uobis, fiat sicut iunior: & qui princeps est, sicut qui ministrat. Nam uter maior est, qui accumbit an qui ministrat? Nonne qui accumbit? At ego in medio uestrum sum, ut qui ministrat.

Papa non est caput Ecclesiæ.

Ephes. i.

Ephes. s.

Luce 22.

Hierony. in Cōment. ad Titū, & in epist. ad Euagriū.

Primatus ergo ille Romanæ Ecclesiæ ex hominibus est, non ex doctrina aut ex traditione Christi, imò pugnat ex diametro cum institutione, cum doctrina, & cum exemplo Christi: qui non uult apostolos & apostolicos uiros regnare instar principum huius seculi. Ministros instituit ecclesiæ, qui seruiant ecclesiæ. Hæc accumbit ad mensam, ministri cibum à domino acceptum apponunt, & rectè secant uerbum domini. Quid quod ipse Christus coronam in terris fugit, ipseq; qui dominus omnium est, ministravit? Quid quod non uult ministros uel propter senit prærogatiuam sibi sumere? Qui maior est in uobis, inquit, fiat sicut iunior. Iubet ergo omnes esse æquales. Proinde rectè iudicat beatus Hieronymus, dicens, humana consuetudine, non authoritate diuina, unum aliquem presbyteris esse prælatum, qui dicatur episcopus, cum ab antiquo presbyter & episcopus eiusdē fuerint honoris, dignitatis & potestatis. Obseruandum est autē Leatum Hieronymū non loqui de Romana monarchia, sed de episcopis singulis, in urbibus singulis super presbyteros constitutis. Id quod non ideo proferimus, ut humanæ auctoritati innitamur, sed ut ostendamus uel humano testimonio euinci posse maioritatem illam, ut uocant, non ab ipso Dei filio & ex uerbo Dei oriri, sed ex arbitrio hominum: ideoq; & Christum manere unicum Ecclesiæ suæ caput, & Romanum episcopum nihil minus esse quàm caput militantis Ecclesiæ. Simul autem firmissimè inhæremus sacrosancto Euangelio & indubitatæ Apostolorum doctrinæ, quæ

quæ tollit omnem primatus superbiam, fideleq; nobis ministerium & ministerij æqualitatem humilitatemq; commendat: Apostolo rursus attestante, ac dicente, <sup>1. Cor. 4.</sup> Sic nos æstimet homo, ut ministros Christi, & dispensatores mysteriorum Dei.

Huc pertinet totum ferè caput Ioan. 10. in quo Dominus se statuit uerum uniuersalis ecclesiæ pastorem, & unicum quidem. Ouille huius pastoris unicum est, <sup>Ecclesia ouile est Christi.</sup> ipsa ecclesia catholica, collecta per uerbum ex Iudæis & Gentibus. Proinde oues huius caulæ sunt omnes in toto orbe fideles, audientes & sese totos regendos præbentes summo pastori Christo: qui tametsi ministris ad ministerium ecclesiæ deputatis, nomen quoq; pastoris communicet, ipse tamen soli sibi curam pastorem summam, potestatemq; & dignitatem primam retinet. Pastores Ecclesiarum homines, omnes sunt æquales & ministri: Christus Dominus uniuersalis pastor, pastorumq; princeps ac Dominus est. Pastores diligentia & fides præstantior excellentiores facit. Ergo cum Petro dixit Dominus, Pasce oues meas: nõ commisit Petro imperium, uel in orbem, uel in ecclesiam, sed ministerium in eius redemptos. Doce, inquit, & gubernare uerbo meo meas oues, meas inquã, quas sanguine meo redemi. Paulus enim, Attendite uobis, inquit, & cuncto gregi, in quo uos spiritus sanctus posuit Episcopos, ad regendum ecclesiam Dei, quam acquisiuit sanguine suo. Fallitur itaq; Rom. pontifex, qui uerbis Domini ad Petrum dictis, arbitratur sibi plenam omnium in ecclesia potestatem esse traditam. Audiat ipse Apostolus Petrus cum presbyteris colloquens, & ueluti enarrans illa Domini ad se dicta uerba, Presbyteros qui inter uos sunt obsecro, ait, qui sum & ipse presbyter ac testis afflictionum Christi, atq; idem consors gloriæ quæ reuelabitur, pascite quantum in uobis est gregem Christi, curam illius agentes, non coactè, sed uolentes, non turpiter affectantes lucrum, sed propenso animo, neque ceu dominium exercentes aduersus cleros, sed sic ut sitis exemplaria gregis. Non meminit Petrus ullius imperij & domini, imò disertis uerbis prohibet dominium. Sicut enim ipse à Domino constitutus est minister ac presbyter, non princeps & summus pontifex: ita ipse nullos principes constituit in ecclesia, sed ministros & presbyteros, qui uerbo Christi pascant gregem Christi, idq; sponte & legitime, artibus prauis semel sepositis omnibus. Huc pertinet integrum caput Ezech. 34. quod paulò ante citauimus. Nisi autem incrustatum esset cor, oculiq; obriguissent Rom. Pont. & suis, uidissent iam dudum se nulla in parte, aut modo ullo inter pastores ecclesiæ Petriq; discipulos numerari posse: obseruassent saltè illam sui illius Gregorij sententiam, quam hisce propemodum uerbis recitat apud Imp. Mauricium, Ego fidenter dico, quia quisquis se uniuersalem sacerdotem uocat, Antichristum præcurrit. Et mox, Sed quoniam ueritas dicit, Omnis qui se exaltat, humiliabitur, scio quia quælibet elatio tantò citius rumpitur quò inflatur amplius. Hæc ille.

Postremo adumbratur negotium Christi & ecclesiæ per parabolam Coniugij mariti & uxoris. Christus enim ecclesiæ sponsus: ecclesia Christi sponsa appellatur. Beatus Ioannes ad discipulos suos dicit, Ipsi uos testes estis quòd dixerim, non sum ego Christus, sed missus sum ante illum. Qui habet sponsam sponsus est: amicus autem sponsi, qui stat & audit eum, gaudio gaudet propter uocem sponsi. Hoc ergo gaudium meum impletum est: illum oportet crescere, me uerò minui. Et in prophetis frequentissima est hæc allegoria. Alicubi fingitur puella neglecta & fœda iacere in sordibus: appropere autem principem uirum, qui è coeno extractam purgatamq; à sordibus, nec non splendide ornatam, sibi in uxorem delegit. Quanquam uerò hæc allegoria explicet diuinum illud beneficium, quod Deus populo suo in Ægypto capto, per mirabilem liberationem & adoptionem

*Pastorale munus non est dominium.*

*Ecclesia est sponsa Christi. Ioan. 3.*

*Ezech. 16.*



in populum peculiarem, exhibuit: quis interim non uideat totum genus humanum ex prima sua origine peccatis sceleribusque esse defœdaturum, cœnoque infixum inferni? Quis ignoret filium Dei cœlo descendisse, totumque genus humanum lauisse sanguine suo, purgatumque sibi adiunxisse ecclesiā gloriosā, nec maculam, nec rugam, nec tale quippiam habentem? Certè per connubium fit mutua inter contrahentes omnium bonorum communicatio, & quædam ueluti concorporatio indissolubilis. Ergo cum Christus nostram assumpsit carnem, & noster factus est per omnia, & nos quoque sumus membra corporis eiusdem, ex carne eius, & ex ossibus eius. In nobis est infirmitas, peccatum & mors: ea in se quoque recepit sponsus noster, ut ipsa nobis redderet innoxia. In Christo sponso nostro est iustificatio, sanctificatio & uita, eadem nobis sponsæ suæ communicat, ut in ipso simus iusti & sancti, uiuamusque per ipsum.

*Ephes. 5.*

*Ecclesia mater  
generat filios.  
Galat. 4.*

*2. Corin. 13.  
Ephes. 4.*

*Ecclesia uirgo.  
2. Corin. 11.*

*Adulterium &  
fornicatio.*

Ex coniunctione illa Domini & ecclesiæ legitima, nascuntur legitimi filij Deo. Vnde ecclesia mater & libera, id est, matrona & domina appellatur. Nam beatus Paulus, Quæ sursum est Hierusalem, inquit, libera est, quæ est mater omnium nostrum. Etenim sicuti ex coniunctione uiri & mulieris, per seminis propagationem, nascuntur liberi: ita adiunxit sibi Christus ecclesiam, in quam deposuit semen uerbi sui. Per uerbum generat mater ecclesia liberos (quod & supra monui, cum de origine dicerem ecclesiæ) dum uidelicet ipsa semen uerbi retinens, per uerbi prædicationem nos format & fouet in utero, deinde & in lucem edit quos postea lacte nutrit, & cibo solidiore alit, donec crescamus in uirum perfectum. Quemadmodum uerò sine sponso, sine fide & semine, nulla mater est: ita ecclesia sine Christo, sine sincera fide & semine uerbi Dei, non est mater libera & domina illa nostra. Didicimus autem ex his obiter, cur ecclesia Dei, mater dicatur. Eadem nihilominus & Virgo appellatur. Ab hac enim sancta matre ecclesia requirit Dominus ante omnia fidem & integritatem. Nam Apostolus Paulus, Adiunxi uos uni uiro, inquit, ad exhibendum uirginem castam Christo. Ergo sponsæ est uirginitatem in dotem afferre sponso eandemque seruare illibatam. Qualis uerò illa uirginitas? sincera in Christum fides, quæ uni integra uel tota mente æternum adhæreat: quod fit cum solum sponsum audimus, neque alium quam ipsum solum amamus, breuiter cum in simplicitate Euangelij perseueramus. Sequitur enim in uerbis Apostoli, Sed metuo ne qua fiat, ut quemadmodum serpens Euam decepit uersutia sua, ita corrumpantur sensus uestri à simplicitate quæ est in Christo. Simplicitas illa Christum agnoscit compendium salutis, recapitulationem uitæ, omniumque bonorum cœlestium: extra quem nulla sit salus, nullum bonum. Quis uerò castam dicat matronam, quæ lenonibus aures præbeat, & cor suum alijs quoque adamandis dispertiatur, nec in unico marito suo acquiescat? An non omnes scortum & adulteram esse clamabunt, concumbentem cum alieno, parientemque ex alieno semine liberos? Et multus quidem usus est in scripturis sanctis adulterij & fornicationis spiritualis. Omnes prophetarum sermones huiusmodi scatent allegorijs. Adulteros, scorta, & fornicarios appellant isti ecclesias, uel homines alienum semen, id est, alienam à Dei uerbo doctrinam suscipientes. Tales enim fornicantes à Deo, non soli Deo adhærent, non solum ex toto corde amant, non solum adorant, colunt & inuocant, imò alios sibi deligunt, quos uel pro Deo, uel cum Deo uenerentur & inuocant. Huc pertinet bona pars cap. 5. Ieremiæ, & integrum cap. 2. Osee. Inter alia dicit Dominus, Filiorum eius non miserebor, quoniam filij sunt ex scortatione suscepti. Siquidem mater eorum scortata est: quia dixit, Ibo, sequar amatores meos. Et reliqua.

Hæc

Hæc cum ita habeant, fratres, non est quod hodie quisquam Romanam ecclesiam, sanctæ matris ecclesiæ titulo & decore ornantis se, reuereatur. Etenim hæc sancta mater ecclesia non est, hæc matrona & incorrupta uirgo non est. Vbi enim est sponsus, qui sit huic matronæ castæ omnia solus? Vbi est fides seruata sponso & integritas? An non alieno se commaculauit semine? An non nouam & alienam à uerbo Dei doctrinam recepit & tradit: atq; eo modo nō Christo, sed Antichristo generat liberos plurimos? Beatus Ioannes iusto titulo hanc ornans ecclesiam, appellauit Babylonem magnam, matrem scortationum & abominationum terræ: item mulierem ebriam de sanguine sanctorū, & de sanguine martyrum Iesu Christi. Sancta mater ecclesia incorrupta uirgo est, solius unice adamatæ sponsi sui uocem uel doctrinam audiens, in ipso solo omnia uitæ & salutis collocans, & ab hoc uno duntaxat dependens in omnibus. Multis quidem allegorijs alijs depingit scriptura mysterium Christi & ecclesiæ: sed de ea hæc hactenus dixisse sufficiat. Dominus Iesus uerus & unicus ecclesiæ suæ pastor, errantes ouiculas placide in causam suam reducat, & in ecclesia congregatas æternū conseruet. Amen.

Rom. ecclesia non est sancta mater ecclesia.

Apocal. 17.

*De Ministerio & ministris uerbi Dei: quare & in quem finē à Deo sint instituti. Ordines à Christo ecclesiæ traditos, olim fuisse æquales. Vnde & quomodo exorta sit ministrorum prerogatiua, ac de Rom. Pont. primatu.* SERMO III.

**E**XPOSITIO de Ecclesia Dei rectius intelligetur, fratres, ex his quæ de Ministerio & ministris Ecclesiæ, ex uerbo Domini, dicenda restant. Dixi enim Ecclesiam Dei uerbo Dei extrui atque conseruari, idq; per ministros ad hoc per Dominum deputatos: unde consequens est ut nunc dicamus de Ministris ecclesiæ eorumq; ministerio, id est, de Ordine quo suam ecclesiam Deus gubernat.

Et ministerium quidem ecclesiasticum extenditur ad preces publicas & excitandas & fouendas, & ad sacramentorū administrationem, præcipue autem uersatur in prædicatione uerbi Dei. De prioribus dicetur suo loco & tempore: de ministerio uerbi differemus in præsentī. In eius consideratione in primis inspicere conuenit, quare Deus in erudiendis hominibus opera uel ministerio hominū utatur, & quid in ipso ministerio homines præstent & efficiant, quid Deus. Hic certe pro immensa sua in nos bonitate & misericordia cupit se totū effundere in nos (id quod sæpe repetendum censeo, quò altius nostris infigatur animis, & nos quoq; quid Deo debeamus cogitemus) ut & ipso firmemur beatiq; simus, & uoluntatem eius erga nos, deniq; officium nostrū, quo ipsi sumus obstricti, plenissime intelligamus. Sicut ergo in omnibus diligentissime salutem nostram promouet, ita ne quid doctrinæ ueræ desit, ipse ad erudiendum homines prodit. Cæterum quæ nostra est imbecillitas & corruptio ex peccato, non sustinemus congressum æternæ & immensæ illius maiestatis. Id quod ex multis quidem colloquijs Dei cum patribus nostris habitis, tum maxime ex congressu eius cum uniuersa Israelis ecclesia in Sina monte apparet. Cum enim non sine gloria & maiestate diuina descendisset in montem, & ore proprio recitasset totius religionis omniumq; legum compendium (quod Decalogum appellamus) territus diuina maiestate populus, dixit ad Moysen, Loquere tu nobiscum, & audiemus: & ne loquatur nobiscū Deus, ne forte moriamur. Deus autem conditionem hanc recipiens, dixit, Audiui uocem uerborum populi huius, quæ sunt ad te loquuti, recte & probe loquuti sunt, quæ dixerunt, Vtinam sit tale cor in eis, quod me timeat, &c. Porro hunc modum

Quare Deus ministerio hominum utatur in extruenda ecclesia.

Exod. 19. 20. Deut. 5.



docendi per homines, quem sibi ipsimet homines elegerunt, Deus quoque perpetuum & inuiolabilem esse uoluit: adeo, ut cum filium in orbem mitteret, carne indueret, & sic loqueretur nobis per ipsum.

*Per ministeriū  
uerbi agit Do-  
minus in eccle-  
sia salutem.*

*Acto. 8.*

*Galat. 1.  
Acto. 10.  
Acto. 9.*

*Acto. 16.*

*Luce 1.*

*1. Theff. 3.*

*1. Theff. 4.*

*Luce 10.  
Matth. 16.  
Ioan. 20.*

*Suum cuique  
Deo inquam  
et ministro,  
tribuitur.*

Possent sanè Deus per spiritus sui arcanam illuminationem absq; hominum opera (sicuti eius potestas nulli creaturæ alligata est) totum mundum regenerare, & ipsam gubernare ecclesiam: sed sicut creaturas suas non reijcit, nec opus suum destruit, atq; ordine omnia agit, ita à rerum initio protinus loquutus est mundo per patriarchas, deinde per prophetas, hinc per Apostolos, nec hodie cessat dare mundo doctores & pastores. Ita uerò decet nos non tentare Deū, id est, non expectare occultam inspirationem cum Enthusiasticis, sed agnoscere iustum ordinē, ipsumq; nobis Dominum loqui per homines, à quibus nos uult discere religionem. Scripturas sacras legebat Candaces reginæ Æthiopum eunuchus, ac potuisset ipsum occulta inspiratione docere Dominus fidei negotium, sed datur ei doctor & interpretes Philippus. Similiter Paulus doctor gentium, raptus in cælum tertium, & ab ipso Christo, non ab hominibus institutus de omnibus religionis nostræ capitibus, nihilominus reijcitur ad Ananiam hominem. Mittitur ad Cornelium legionis Italicæ centurionem & Cæsareæ agentem angelus Domini, qui potuisset de omnibus religionis ueræ negotiis ipsum erudire, sed iubet accersere Petrū Apostolum. Is, inquit, dicet tibi quid te oporteat facere. Ea de causa appellantur ministri saluatores: dicuntur conuertere homines: uerbum ipsorum non hominum, sed Dei uerbum nuncupatur: qui hos contempsit, Deum ipsum contempsisse uideatur: illi ipsi ligare & soluere, peccata item tenere & remittere prædicantur. Abdias enim propheta commemorat seruatores ascensuros in montem Zion: id quod de Apostolis nemo non interpretatur. Paulus apud regē Agrippam uerba faciens, uerbaq; Dei ad ipsum delata recitans, dicit, Mitto te ad gentes, ut aperias oculos eorum, ut conuertantur à tenebris ad lucē, &c. Etenim archangelus Gabriel prior dixit, loquens de Ioanne. Præcedet Dominum in spiritu Helix, ut conuertat corda patrum in filios, & inobedientes ad prudentiam iustorum. Præterea Apostolus ad Theffal. Gratias agimus Deo, inquit, quod cum acciperetis sermonem à nobis, quo Deum disceratis, accepistis non sermonem hominum, sed sicut erat uerè, sermonem Dei, qui & agit in uobis credentibus. Item, Qui reijcit nos, non hominem reijcit, sed Deum qui dedit spiritum suum sanctum in nos. Nam & in Euangelio dixit Dominus, Qui uos audit, me audit. Qui uos spernit, me spernit. Et iterum, Quicquid solueritis in terra, erit solutum in cœlis: & quicquid alligaueritis in terra, erit alligatum & in cœlis. Item, Quorumcunq; remiseritis peccata, remittuntur eis: quorumcunq; retinueritis, retenta sunt.

Detorquentes autem hæc scripturæ sanctæ loca contra natium sensum, ministris propemodum æquam cum Christo potestatem partiuntur, ac quod huius solius est, etiam illis cōmunicant. Addunt autem, Ita ornari oportere ministerium, ne inter prophanos uilescat homines. Alij rursus sic loquuntur de occulto spiritus tractu, ut externum illud ministerium ueluti euacuare aut abolere ac ei prorsus nihil tribuere uideantur. Circūscribi itaq; suis oportet terminis ministerium, ne hominum affectibus cupiditatibusue huc aut illuc rapiatur, eiq; nimium uel minimum tribuatur. Ornetur sanè ministerium & retineatur in autoritate, sed citra Dei ignominiam. Neq; enim decet ministerij prætextu operi humano tribuere quod solius Dei est, à quo solo dependere, & in quem solum respicere eum unicuique boni fontem & datorem, omnes debent homines. Fideles ergo ministri Domini Iesu id unice curāt, ut Christo suam gloriam & autoritatē illibatam, suam

sum sacerdotium omni parte integrum cōseruent. Ipse enim Dominus Iesus sedens ad dexteram patris, in tabernaculo uero, quod Deus fixit & non homo, manet sacerdos, imò summus Pontifex ecclesiæ suæ unicus in æternum, obiens adhuc in ecclesia omnia sacerdotis munia. Docet enim unicus in ecclesia doctor & magister discipulos suos, hoc est, fidelium ecclesiam; donans ipsam spiritu sancto, regenerans & trahens, sanctificans & absoluens. Id quod scriptura disertè ubique docet. Hanc gloriam, hanc potestatem nemini contulit, nec quisquam ministro-  
rum, nisi diabolica cæcatus superbia, illam sibi arrogat, quasi ipse pro Christo, aut Christi loco, aut simul cum Christo, Christi propria operetur opera. Apostoli Christi fideiissimi ministri & organa Dei selectissima, non contulerunt spiritum sanctum, non attraxerunt corda, non inunxerunt mentes, non regenerarunt animas, non ipsi à peccato, morte, diabolo & inferis liberauerunt. Hæc enim omnia Dei sunt opera incommunicabilia. Vnde sanctissimus Baptista disertis uerbis negauit se Christum esse, negauit se spiritu baptizare, Ego, inquit, baptizo aqua, ille baptizat spiritu sancto, Ego sum uox clamans in deserto, parate uiam Domino. Et Paulus coram Agrippa causam suam agens, optat à Deo, ut talis sit Agrippa rex, qualis erat ipse Paulus uinculis exceptis. At huiusmodi uoto nihil fuisset opus, si ipse potuisset trahere, sanctificare & absoluere. Infinita sunt alia huius generis in scripturis obuia.

Ad ministeriū  
pertinet locus,  
2. Corinth. 5.

Ioan. 1.

Asto. 26.

Interim tamen non est inane ministerium ecclesiæ. Senatores & ministri regis non habent æquam cum rege potestatem, neque cum rege aut pro rege reges sunt, sed ea de causa non est inane ipsorum ministerium. Ergo quod Christus Dei filius summus, optimus & maximus ecclesiæ suæ Pontifex, in ecclesia catholica intus ac in animis, utpote unicus cordium scrutator, operatur, id foris annunciat ac testificatur per suos ministros, quos scriptura ideò testes, præcones, siue nuncios appellat. Vos, inquit Dominus ad Apostolos, eritis testes, quia ab initio mecum estis. Et Paulus, Positus sum ego præco Euangelij, ait, & Apostolus & doctor gentium. Ergo idem alibi ipsum Euangelium, & testimonium & præconium appellat Domini nostri Iesu Christi. Et Ioānes Apostolus asseuerat se relegatum esse in Pathmos insulam propter uerbum Dei & testimoniū Iesu Christi. Ideoq; cum ministri testimonium reddunt Dei filio, & ex ipsius uerbo promittunt uitam æternam, sermo eorum non hominū, sed Dei sermo appellatur, ipsiq; seruare, & à peccatis soluere dicuntur. Sunt enim nuncij & præcones regis liberatoris ueri, qui ipsos misit nunciatum remissionem: unde etiam omnia uitæ salutis & liberationis unico attribuunt liberatori Christo. Paulus alibi ministros dicit esse cooperarios Dei: & mox, dispensatores mysteriorū Dei. Nam salutem quam operatus est Dei filius, quam & largitur solus, ministri prædicant siue dispensant, atq; ita cooperarij sunt. Idem Apostolus ex doctrina Euangelica, quæ doctorem Ecclesiasticum assimilat seminanti, ministros confert hortulanis & arborum plantatoribus, quibus cultum tribuit externum, Christo Domino reseruans operationem interiorem. Quis, inquit, est Paulus? Quis autē Apollos, nisi ministri per quos credidistis, & ut cuiq; Dominus dedit: Ego plantaui, Apollos rigauit, sed Deus dedit incrementum. Itaq; non qui plantat est aliquid, neq; qui rigat, sed qui dat incrementū, Deus. Quo scripturæ testimonio instructus Augustinus de ministerio ecclesiæ sic loqui & scribere didicit, ut nihil decederet gloriæ intus cōmonentis & docentis Dei, interim & ministerium non tolleretur aut contemni posset tanquam inutile. Ad CIRCENSES enim Epistola, quæ ordine numeratur 130. loquens de tractu numinis occulto ac externo hominum ministerio, Nō sunt hæc opera nostra, sed Dei (inquit)

Non inane mi-  
nisterium.

Ioan. 15. 27

Asto. 1.

1. Tim. 1.

Apocal. 1.

1. Cor. 4.

Ministri qua

re cooperarij di

canit. 1. 2.

Matth. 13.



non hæc humanis operibus omnino tribuerem, nec si cum apud uos essemus, tanta conuersio multitudinis nobis loquentibus & hortantibus proueniret. Hoc agit ille & efficit, qui per ministros suos rerum signis extrinsecus admonet, rebus autem ipsis per seipsum intrinsecus docet. Hæc ille. Porro ne cui uideretur nimis accise & parce, nec satis dignè loquutus esse de ministerio Ecclesiæ, subiicit mox idem ille, & ait, Nec ideo pigrius nos moueri oportet ad uisendos uos, quoniam quicquid in uobis laudabile est factum, non à nobis, sed ab illo factum est, qui facit mirabilia solus. Multò enim alacrius debemus accurrere ad spectanda opera diuina quàm nostra. Quia & nos, si quid boni sumus, opus illius non hominum sumus, Vnde Apostolus dixit, Neq; qui plantat est aliquid, neq; qui rigat, sed qui incrementum dat Deus. Idem scriptor de eadem re loquens Tractatu in Ioan. 26. Omnes regni illius homines, inquit, docibiles Dei erunt, non ab hominibus audient: etsi ab hominibus audiunt, tamen quod intelligunt intus datur, intus coruscet, intus reuelatur. Quid faciunt homines forinsecus annunciantes? Quid facio ego modò cum loquor? Strepitum uerborum ingero auribus uestris: nisi ergo reuelet ille qui intus est, quid dico, aut quid loquor? Exterior cultor arboris, interior est creator. Qui plantat & qui rigat, exterius operatur: hoc facimus nos. Sed neq; qui plantat est aliquid, neq; qui rigat, sed qui incrementum dat Deus. Hoc est, Erunt omnes docti à Deo. Hæc Augustinus.

1. Corinth. 3.

Proinde cum alibi S. Paulus dicit, Estis epistola Christi, subministrata à nobis, inscripta non atramento, sed spiritu Dei uiuentis, non in tabulis lapideis, sed in tabulis cordis carneis, &c. diligenter discriminare oportet inter opus spiritus & opus hominis uel ministri. Hic non arrogat sibi honorem Dei & opus spiritus, sed opus suum, id est, ministerium. Prædicat Paulus, scribit atramento, sed spiritus Dei commouet cor, & scribit in ipsum cor gratia uel unctione sua: ita cooperatur Deo, Paulo suum, spiritu quoq; suum opus agente. Ministri sunt Apostoli, & prædicatores Euangelij, non literæ, sed spiritus: non quòd ipsi dent spiritum sanctum, sed quòd prædicatores sint Euangelij, id est, Christi spiritum conferentis, imò effundentis in credentes: non autem prædicatores literæ legis, non conferentis gratiam & peccatorum remissionem, sed operantis iram & proferentis peccata. De clauibus & potestate clauium alibi erit opportunior dicendi locus. Præterea uidentur hic quoque locum habere congruum ea, quæ disputata sunt primo huius Decadis Sermone De potestate & ministerio ecclesiæ.

1. Corinth. 4.

Rursus cum hominum utitur opéra Dominus in docenda ecclesia, nobisq; cooperarijs in perficienda salute, luculentissimè ostendit quàm amet & quanti nos faciat, qui tantum thesaurum in argillacea deponit uascula, ac in nobis ipsis præstantissima quæq; operatur, ac uincit omnem mundi potentem excellentiam. Vnde iterum discimus omnem Christo tribuere gloriam, Paulo rursus docente nos, & dicente, Non nos ipsos prædicamus, sed Christum Iesum Dominum, nos autem seruos uestros propter Iesum. Quoniam Deus est qui iussit è tenebris lucem illucescere, qui luxit in cordibus nostris ad illuminationem cognitionis gloriæ Dei, in facie Iesu Christi. Habemus autem thesaurum hunc in testaceis uasculis, ut uirtutis eminentia sit Dei, & non ex nobis, dum in omnibus premimur, at non anxij redimur, &c.

Præterea conglutinantur mirificè omnia corporis ecclesiastici membra ministerio ecclesiastico. Nam ad concordiam faciendam unitatemq; retinendam, hoc imprimis conducit, quòd mutua egemus institutione, & ecclesiæ cuiq; peculiaris & unus præsidet pastor, ueluti fidus aliquis paterfamiliæ, uniuersam regens & conser-

conseruans familiam. Certè negari non potest, quondam totum illum tabernacu-  
 li & templi instructissimum cultum, & tribum Leui consecratam sacerdotio, in  
 hunc finem esse à Deo instituta: quæ simul atq; deseruisset per nephariam audaciã  
 Ieroboam rex impius, regnum in partes discerpit, ac domum suam atq; uniuer-  
 sum regnum funditus demum euertit. Sed & S. Paulus de finibus sacri ministe- *Finis minist.*  
 rij à Deo instituti loquens, non tacet unitatē corporis ecclesiastici, cui & alia præ- *serij.*  
 clara coniungit bona. Verba eius si quis requirat, hæc sunt. Instituit ministros ad *Ephes. 4.*  
 instaurationem sanctorum, in opus dispensationis, in ædificationē corporis Chri-  
 sti, donec perueniamus omnes in unitatem fidei & agnitionis filij Dei, in uirum  
 perfectum, in mensuram ætatis plenē adultæ Christi, ut non amplius simus pueri,  
 qui fluctuamus & circumferamur quouis uento doctrinæ, per uersutiam homi-  
 num, per astutiam, qua nos adoriuntur ut imponant nobis, sed ueritatem sectan-  
 tes in charitate adulescamus in illum per omnia, qui est caput, nempe Christus.  
 Et reliqua. Perspicui sunt hi fines ministerij ecclesiastici in uerbi Dei prædicatio-  
 ne. Instituit deus ministerium in ecclesia, ut omnia membra reducantur ad unita-  
 tem corporis, & subiiciantur adhæreantq; capiti Christo, ut in hoc adulescamus,  
 euadamusq; in uiros perfectos, ne semper simus pueri, ne pateamus omnium im-  
 posturis & hæreticorum fascinationibus, sed in uera fide & charitate conglutina-  
 ti ueritatem retineamus Christianam, puram & simplicem, Christoq; seruientes  
 syncerè in hoc seculo, mortui regnemus cum ipso in cœlis.

Ex his illud quoq; deriuamus, ministerium ecclesiasticum, licet administretur *Origo ministe-*  
 ad hominibus, humanum tamen, id est, ab hominibus inuentum non esse. Origo *rij, & dignitas.*  
 enim eius è cœlo est, ac authorem seu institutorem habet ipsum deum: ideoq; di-  
 gnitas eius maximè excellit. Primus concionator in paradiso fuit ipse Deus, imò  
 ipse Dei filius, qui intercedente spiritu sancto semper locutus est patribus, sicuti  
 & incarnatus postea toti mundo à patre magister & doctor datus est. Hic Adæ &  
 Euzæ parentibus nostris prædicauit peccatorum remissionem & poenitentiam, in-  
 stituit & reuelauit sacrificium sacramenti uice, in quo repræsentaretur ac obse-  
 naretur ipsis pretium redemptionis per semen promissum, aliquando exoluen-  
 dum, &c. Successit in ministerio Adæ cum filiis & nepotibus Seth, Enos, Enoch,  
 Noe, Sem, Abraham cum suis filiis & nepotibus, usq; ad Moysen: quo gubernante  
 Ecclesiam & post ipsum dati sunt prophætæ & sacerdotes ad tempora usq; Ioan.  
 Baptistæ & Iesu seminis promissi, Christi inquam, regis & pontificis nostri. Hic  
 rursus misit in mundum discipulos suos, apostolos uidelicet, qui successores ordi-  
 narunt episcopos & doctores. De qua re aliàs dictū est prolixius. Deus ergo ipse  
 auditur in uoce uel doctrina ministrorum suorum. Vnde & tubemur ministros  
 euangelium prædicantes tanquam ipsos dei angelos, adeoq; ueluti ipsum domi-  
 num audire. Laudantur enim Galatæ hoc nomine, Paulo dicēte, Non respuistis *Galat. 4.*  
 infirmitatem meam in carne, sed me ueluti angelū suscepistis, uelut Christum Ie-  
 sum. Vnde & S. August. Tract. in Ioan. 3. Nos audiamus, inquit, euangelium tan- *Quomodo au-*  
 quam præsentem dominum, nec dicamus, O felices qui illum audire potuerunt. *diendi ministri.*  
 Quia multi in eis qui uiderunt & etiam occiderunt, multi etiam in nobis qui non  
 uiderunt, & tamen crediderunt. Quod etiam pretiosum sonabat de ore domini,  
 & propter nos scriptum est, & nobis seruatum est, & propter nos recitatur, & pro-  
 pter posteros recitabitur, donec seculum finiatur. Sursum est dominus, sed etiam  
 hic est ueritas dominus. Corpus enim domini in quo resurrexit, uno loco esse po-  
 test, ueritas eius ubiq; diffusa est. Dominum ergo audiamus & quod ipse donaue-  
 rit de uerbis eius. Hæc August. Loquitur ergo nobis etiam hodie dominus no-



ster pontifex summus per ministros uerbum ipsius prædicantes. Imò habemus omnia quæcunq; locutus est Deus per patriarchas, prophetas & Apostolos in sacris literis exposita, quæ nobis prælegunt & enarrant ecclesiarum ministri. Quis ergo spernat posthac ministerium ac ministros Christi fideles, in primis cum ipse dominus & seruator noster ministerium subierit, ac factus sit apostolus & minister ecclesiæ Iudaicæ? Quid quod primi illi ministri tales fuerunt, ut nulla secula, nulla religionis doctrina, sanctimonia & excellentia, habuerint pares, necdum superiores? Hodie quia sunt extrema tempora, in quibus illusores & Epicurei late imperitant, uile est uerbi Dei ministerium. Verum si omnia secula ad exordium usq; mundi percurras & excutias, inuenies sapientissimos, iustissimos & optimos in toto orbe homines nihil antiquius habuisse uerbo Dei & prophetis ac apostolis Dei sanctis.

Rom. 15.  
Hebr. 3.

Ministeriū uerbi Dei manere in ecclesia.  
Ierem. 31.

Priusquam uerò ad alia huius negotij progrediamur, respondebimus nonnullis etiam sanctarum scripturarum prætextu ministerium uerbi subuertere annitentibus. Nam citant illud Ieremiæ, Non docebit quisq; proximum suum; omnes enim cognoscent me. Nos autem non negamus Ieremiam sic scriptum reliquisse; sed addimus eo loquutionis genere & dicendi figura aliud nihil insinuisse, quàm maximè uulgarem fore in uniuerso mundo Dei & rerum diuinarum cognitionem. Id quod & Ioel futurum prædixit, quod & Petrus adduxit in Actis cap. 2. Interim duo illi prophetae, sicuti & alij omnes per frequenter mentionem faciunt doctorum ecclesiæ, quos dominus missurus sit populo suo: quod non fecissent, si intellexissent omnes è medio prædicatores fore tollendos. Quod alij obijciunt omnibus ex æquo docendi officium esse impositum, uidelicet ut parètes liberos suos erudiant & quisq; proximum suum admoneat: ergo nihil opus esse uerbi dei ministerio in ecclesia, sophisticum est. Priuatim enim omnes docere & admonere possumus ac debemus liberos & proximos nostros: sed ideo superuacaneum nō est publicum uerbi Dei ministerium. Idem enim Deus qui præcepit parentibus & nobis omnibus, ut illi liberos in pietate instituant, nos autem omnes proximos nostros doceamus & admoneamus, ministros publicos ecclesiæ dedit. Horum est palàm seu publicè docere in ecclesia, nec hoc permissum est quibuscumque, sed tantum legitimè ordinatis: nisi fortè docentes, non rectè ingrediantur. Tunc enim cuilibet spiritu Dei instructo, licet suo loco, tempore, & sobriè contradicere, ueritatemq; asserere. Manet ergo nihilominus & quidem perpetuò in Ecclesia publicum uerbi ministerium.

Quomodo omnes possint docere.

Deut. 6.

Quos ordines in ecclesia instituerit dominus

Hæc in genere diximus de ministerio & ministris uerbi Dei, porro per species atq; partes, quod reliquum huius est negotij, excutiemus, ac principio indicabimus quos ordines, aut quæ munia ipse dominus ab initio instituerit, uel quosnam ministerio ecclesiæ sacro præfecerit: deinde quales & quomodo nobis ministros conueniat ordinare: postremo quale nam sit ordinatorum ecclesiæ officium. Et ne longè repetito exordio iam inde à patriarchis deducto, uobis molesti simus, ab ipso domino nostro Christo exordiemur: de quo loquens Paulus Apostolus. Qui descendit, inquit, idem ille est qui ascendit supra omnes cœlos, ut impleret omnia. Et idem dedit, alios quidem Apostolos, alios uerò prophetas, alios autem euangelistas, alios autem pastores & doctores, ad instaurationem sanctorum, in opus dispensationis, in ædificationem corporis Christi. Et reliqua, quæ leguntur ad Ephes. cap. 4. Ergo dominus noster ordinauit Apostolos, prophetas, euangelistas, pastores & doctores, quorum opera ecclesiam & ædificare & conseruare atq; gubernare instituit.

Videamus

Videamus iam quid scriptura de illis nos doceat. Apostolus nouum est uocabulum, ab ipso domino duodecim illis inditum, quos ipse peculiariter elegerat, destinatus nationibus doctores ac magistros. Nam Lucæ 6. sic legimus, Dominus uocauit discipulos suos, & elegit duodecim ex ipsis, quos & apostolos nominauit. Significat autem Apostolus missum, nuncium, legatum uel oratorem. Nam in euangelio secundum Ioannem legimus, Non est apostolus maior eo qui misit ipsum. Et missionis quidem per frequens est mentio in prophetis, & in antiqua historia: unde uidetur dominus id uocabuli mutuassee. Apostolis nulli certi fines dati leguntur. Dicit enim dominus in euangelio, Ite in orbem uniuersum, & prædicare euangelium omni creaturæ. Hi sunt primæ dei ecclesiæ architecti, à quibus apud ueteres nomen acceperunt Apostolicæ ecclesiæ, illæ inquam, quas primum fundarunt Apostoli: qualis Antiochia fuit, Ephesus, Corinthus, & aliæ multæ, quarum mentio fit in Actis Apostolorum.

Apostoll.

Ioan. 13.

Marci 16.

Prophetæ uocabulum patet latissimè. De qua re dictum est aliàs. Prophetæ in præsentem sunt qui singulari excellunt reuelatione, ac per quos futura ecclesiæ prædicat dominus: qualis fuisse legitur Agabus ille, qui & futuram famem, & uincula S. Paulo prædixit. Dicebantur quondam prophetæ uiri sapientes & diuini, singulari dono scripturæ interpretandæ præditi: sicut claret ex uerbis Apostoli 1. Corinth. 14. cap.

Prophete.

Acto. 11. & 21.

Euangelista, est euangelij Iesu Christi prædicator cum apostolica missus auctoritate. Talem fuisse legimus Philippum & Timotheum, &c. Pastores gregi dominico inuigilant, curam gerentes populi Dei, pascentes ecclesiam uerbo ueritatis, luposque ab ouilibus depellentes. Horum princeps est bonus ille pastor Christus ad Petrum dicens, Pascue oues meas. Vnde is se quoque aggregat pastoribus. Doctores nomen habent à docendo. Nec uideo quid differant à pastoribus, nisi illi docuerint duntaxat, & cura interim pastoralis non fuerint onerati: quales fere sunt interpretes scripturarum, & moderatores scholarum Christianarum.

Euangelistæ.

Pastores.

Ioan. 10. & 21.

Doctores.

Occurrunt & alia in scripturis gubernatorum ecclesiæ uocabula. Ad Pastores in concilio Milevano collectos dicit apostolus Paulus, Attendite uobis & cuncto gregi, in quo uos spiritus sanctus posuit episcopos ad pascendum ecclesiam dei. Appellatur autem episcopi superintendentes, speculatores, custodes, uigiles & præfecti. Athenienses quos ad stipendiarias subditasque urbes mitterent, ut quid in qua ageretur diligenter inspicerent obseruarentque, episcopos dixere ac *ἐπίσκοποι*. Apostoli episcopos appellarunt uigiles & custodes gregis dominici, ac œconomos Christi, uel dispensatores mysteriorum dei in Ecclesia. Porro Presbyter ab ætate uel senio nomen habet. Olim senioribus, utpote multijuga experientia diutinoque rerum usu exercitatis, committebatur cura reipublice. Gubernatores enim urbium, & ieniores & senatores nuncupati sunt. Sicut autem respublicæ habent suos senatores, ita ecclesia habet suos presbyteros: quemadmodum claret in Actis cap. 14. 15. 20. & 21. Videtur autem constitutio presbyterorum ex synagoga defluxisse in ecclesiam. Etenim ita legimus in libro Numerorum, Congrega mihi septuaginta uiros de senioribus Israel, quos tu nosti quod senes populi & præfecti eius sint: & segregabo de spiritu tuo, & ponam super eos, & portabunt tecum onus populi, ne tu solus ferre cogaris. Proinde Presbyteri in Ecclesia Christi uel episcopi sunt, uel alioqui prudentes & docti homines, episcopis additi, quod onus impositum episcopi portent facilius, & melius commodiusque regatur ecclesia Dei. Nam Paulus, Qui bene præsunt presbyteri, inquit, duplici honore digni habeantur: maxime illi qui laborant sermone & doctrina. Erant ergo alij quidam in munere eccle-

Episcopi.

Acto. 20.

Presbyteri.

Numer. 11.



1. Cor. 12.

fiastico, qui tametsi non docerent continuè sicut episcopi, docentibus tamen aderant in omnibus negotiis. Fortassis appellantur alicubi ab eodem Apostolo Gubernatores, præfecti uidelicet disciplinæ & alijs ecclesiæ negotiis.

Diaconi.

Et quoniam huc præsentī differtatione sumus delati, explicabimus & alia functionis ecclesiasticæ uocabula. Multus fit in sacris Diaconorum sermo, & apud scriptores ecclesiasticos Sacerdotum. Diaconis commendata erat in primitiua ecclesia pauperum cura. Sicuti clarè colligitur ex 6. cap. Actuum Apostolorum. Extant præterea leges his præscriptæ ab Apostolo in priore ad Timoth. epistola capite 3. Diaconorum functio segregata erat à munere pastorum, idcirco non recensemus eos in ordine pastorum. Veteres ad ministerium non sacerdotium res tulerunt. Iam & mulieres, non maritatae, sed uiduæ leguntur primitiua ministrasse Ecclesiæ. Inter alias famigerata extitit Phœbe illa Cenchreen. Apostoli celebrata encomio. At hic uetat mulieres docere in ecclesia & publica obire munia. Quomodo ergo aut qua in re ministrarunt mulieres ecclesiæ? Haud dubiè pauperibus officiis inservierunt muliebribus. Ministrarunt ægrotantibus, & cū Martha Christi hospita, Christi membra summa fide & diligentia fouerunt. Quæ enim alioqui officia obire potuerunt?

Diaconisse.

Rom. 16.

1. Cor. 14.

1. Tim. 2.

Sacerdotes.

Porro Sacerdotis uocabulum uidetur ex synagoga deriuatum esse in ecclesiam. Alioqui enim non reperiesset in nouo testamento uerbi dei ecclesiarumque ministros appellari sacerdotes, nisi ea ratione qua omnes Christiani sacerdotes esse dicuntur ab Apostolo Petro. Apparet autem noui testamenti ministros ob similitudinem quandam, quam cum ueteris testamenti ministris habent, dictos esse sacerdotes ab ecclesiasticis scriptoribus. Sicuti enim isti suo cultu tabernaculo inservierunt: ita hi quoque suo modo & sua ratione Dei ecclesiæ ministrant. Alioqui ipsa uox Latina est deriuata à sacris: & significat ministrum sacrorum, hominem inquam deo dicatum & consecratum ad facienda sacra. Sacra autem sunt non tantum sacrificia, sed quæcunque ueniunt sub religionis censum, unde non excludimus ipsas leges & doctrinam sanctam. In historia ueteri legimus filios Dauid dictos esse sacerdotes, non quod ministri essent sacrorum: (non enim licebat de tribu Iuda descendentibus inservire tabernaculo, sed Leuitis duntaxat:) uerum quod sub magisterio & disciplina sacerdotum uiuentes, bonas artes & sanctam theologiam discerent.

2. Pet. 2.

2. Sam. 8.

Communicatio  
fit inter illas uoces.

Hic minimè dissimulandum uidetur, quod inter uocabula illa enumerata frequens sit in scripturis communicatio. Petrus enim Christi domini apostolus semetipsum appellat presbyterum. Idem in Actis Apostolorum, apostolatum uocat episcopatum. Nam & S. Paulus Miletum conuocans presbyteros, & cum his ipsis colloquens, episcopos esse dicit. Et in epistola ad Titum mandat oppidatim constituere presbyteros, quos protinus nuncupat episcopos. Eosdem & doctores & pastores appellari, nemo tam crassus est ut neget.

Qualls ordo  
manserit in ecclesia.

Ex his autem omnibus constare puto, quos ab initio ordines ipse dominus instituerit, & quos ecclesiæ ministerio sacro ad gubernandam ecclesiam suam consecrauerit. Fundauit ecclesiam ab initio per Apostolos, euangelistas & prophetas, eandem prouexit & cōseruauit per pastores doctoresque. His adminiculo fuere presbyteri atque diaconi. Hi quidem in curandis pauperibus: illi uero in doctrina, in disciplina & in alijs grauioribus ecclesiæ negotiis sustinendis administrādisque. Apparet tamen ordinem apostolicum, adde & euangelisticum & propheticum ab initio Ecclesiæ à domino ad tempus, pro ratione rei, personarum & locorum, fuisse institutum. Nam seculis iam multis, & mox à fundato Christi regno in terris desierunt

runt apostoli, euangelistæ & prophetæ, subierunt autem in locum eorum episcopi, pastores, doctores atq; presbyteri: quorum ordo in ecclesia constantissimè perdurauit: ut iam nihil dubitare possimus plenum ecclesiæ ordinem, & absolutam fore gubernationem, si hodie quoq; maneant in ecclesia Dei episcopi siue pastores, doctores item siue presbyteri. Interim uerò non diffitemur ab apostolorum morte sæpius excitatos esse à deo apostolos, qui gentibus barbaris & impijs euangelium prædicarent: fatemur Deum etiã hodie excitare posse apostolos, euangelistas, & prophetas, quorum opera utatur ad salutem hominum. Agnoscimus enim apostolos & euangelistas appellari posse uiros sanctos & fideles, qui primū ueritatem euangelicam prædicant infideli alicui populo. Agnoscimus uiros singulari afflatos gratia spiritus, futura præuidentes atq; prædicentes, excellentesq; scripturarum interpretes uel theologos illuminatos, appellari posse prophetas. Sicuti & aliàs copiosius ostendi.

Cæterum in ordine episcoporum atq; presbyterorum ab initio summa fuit humilitas, charitas atq; concordia, nulla lis aut concertatio de prærogatiua aut titulari dignitatibusue. Omnes enim agnoscebant se esse unius domini ministros, coequales per omnia in munere. Inæquales faciebat, non in munere, sed in donis donorum excellentia. Interim tamen excellentiora consecuti non aspernabantur mediocres, neq; hi illis sua inuidebant dona. S. Paulus, Sic nos homo æstimet, inquit, ut ministros Christi, & dispensatores mysteriorum dei. Idem prædicationem euangelicam non uno loco appellat ministerium. Altissimis nimirum fixum radicibus inhærebat antiquis illis episcopis, quod dominus contenditibus discipulis de excellentia, & ut aiunt de maiori, producto in medium ipsorum puero dixit, Amen dico uobis, nisi conuersi fueritis, & efficiamini sicut pueri, non ingrediemini in regnum cælorum. Certè S. Dei martyr Cyprianus in Synodo episcoporum Carthaginensi stans, disertis uerbis dixit, Neq; quisquā nostrum episcopū se esse episcoporum constituit, aut tyrannico terrore ad obsequendi necessitatē collegas suos adigit: quando habeat omnis episcopus pro licentia libertatis & potestatis suæ, arbitrium proprium, tanquā iudicari ab alio non possit, cum nec ipse possit alterum iudicare: sed expectemus uniuersi iudiciū domini nostri Iesu Christi, qui unus & solus habet potestatem, & præponendi nos in ecclesiæ suæ gubernatione, & de actu nostro iudicandi. Tantum ille. Illo ergo tempore contenderunt episcopi non de primatu aut patrimonio Petri, nescio quò, sed ut doctrinæ puritate & sanctimonia uitæ alter alteri præluceret, adde & mutuam sibi inuicem operam conferrent. At tunc quidem feliciter procedebant res ecclesiæ, ita ut quamuis potentissimi orbis principes, Christi ecclesiam ferro & igni persequerentur, hæc tamen nihilo minus aduersus omnes satanæ & mundi assultus immota subsisteret uictrix, sed & in diem redderetur & auctior & illustrior. O felices nos, si ordo pastoralis non fuisset immutatus, sed auita illa ministrorum simplicitas, fides, humilitas & diligentia permanisset incorrupta.

At processu temporis omnia synceritatis, humilitatis, & simplicitatis antiquæ euanuerunt, dum alia quidem inuertuntur, alia uel sponte obsolescunt uel arte abrogantur, alia adijciuntur. Certè non ita multis post mortem apostolorum seculis uisa est in ecclesia longe alia hierarchia, quàm fuerat ab initio. Quamuis principia illa uideantur tolerabiliora fuisse, quàm sint hodie istius ordinis omnia. Sanctus Hieronymus, Quondam, inquit, communi presbyterorum consilio ecclesiæ gubernabantur, postea decretum est, ut unus de presbyteris electus, super poneretur cæteris, ad quem omnis ecclesiæ cura pertineret, & schismatum semina

*Æqualitas inter episcopos, et presbyteros.*

*1. Cor. 4.*

*Matth. 18.*

*Prærogatiua episcoporum quando cæperit & quomodo.*



tollerentur. Hæc ille. In qualibet itaq; urbe & regione præstantissimus quisq; cæteris præponebatur. Eius functio erat superintendere presbyteris & uniuerso gregi. Non habebat (quod modò ex S. Cypriani uerbis intelleximus) in collegas uel presbyteros dominium: sed sicut consul in senatu partes habet interrogandi colligendiq; suffragia, leges item & iura tuendi, ac curandi ne subnascentur inter senatores factiones: ita non aliud in ecclesia episcopo officiũ fuit: per cætera, communia omnia habuit cum sacerdotibus. Nisi uerò longius processisset cõsequentijs temporibus sacerdotum audacia, & episcoporum ambitio, ue uerbo quidem reclamaremus. Commemorat autem beatus Hieronymus illam prælaturam episcoporum, non diuinã, sed humana esse exortam ordinatione. Hæc commemorauimus, inquit, ut ostenderemus apud ueteres eosdem esse episcopos, quos & presbyteros: paulatim uerò, ut dissensionum plantaria euellerentur, ad unum omnem sollicitudinem esse delatam. Sicut ergo presbyteri sciunt se ex ecclesiæ consuetudine ei qui sibi præpositus fuerit esse subiectos: ita episcopi se nouerint magis consuetudine quàm dispositionis dominicæ ueritate presbyteris esse maiores, & in commune debere Ecclesias regere, imitantes Moysen, qui cum haberet in potestate solus præesse populo Israel, septuaginta elegit, cum quibus populum iudicaret. Hæc ille in comment. ad epistolam Pauli ad Titum. 3.

Episcoporum dignitas ex prærogatiua creauit.

At ne in his quidem substiterunt ueteres. Designati sunt etiã Patriarchæ Antiochiæ, Alexandriæ, Constantinopoli & Romæ. Designati sunt archiepiscopi, uel metropolitani, præsides uidelicet episcoporum per prouincias. Ac episcopi urbanis uel inferioribus additi sunt Chorepiscopi, quando uidelicet latior erat ager aut regio, quàm sufficeret urbani episcopi cura ac inspectio. Addebantur enim ceu uicarij ac suffraganei, qui munia episcopi per regionem obirent. At longè aliam functionem seculis aliquot hisce postremis, suffraganeorum uel uicariorum in episcoporum curijs & diocesisbus fuisse nouimus. Sed & Diaconis subditi sunt Hypodiaconi: & cum opes augerentur, creati sunt etiã Archidiaconi, omnium uidelicet bonorum ecclesiasticorum curatores. Hi nondum miscebantur sacerdotum aut episcoporum docentiumq; ordini, sed œconomi uel procuratores manebant opum ecclesiasticarum. Sicut ne monachi quidem ab initio sacerdotio ecclesiæ uel ministerio fungebantur. Pro laicis enim non clericis habiti, pastorum curæ erant subiecti. At non quieuerunt inauspicatæ illæ aues, donec postremis illis seculis in summum euolarunt templi fastigium, capitibusq; episcoporum ac pastorum infederunt. Monachi enim fuerunt ac sunt & pontifices, & archiepiscopi, & episcopi, & quid non? Citatur ex Registro Gregorij, quòd is qui tamen monachis admodum propitius fuit, eum se uoluerit clericatu abdicare, qui suscepisset officium abbatis, quòd alterum impediat alterum.

Monachi.

Clerici.

Iam uerò Clerici (qui sunt de sorte & hæreditas domini, uel quorum fors est dominus) appellabantur quondam studiosi & candidati theologiæ, seminarium uidelicet pastorum ecclesiæ, & successioni in ministerio ecclesiastico ueluti consecrati: qui uidelicet in disciplina uiuebant, & sub doctorum atq; presbyterorũ magisterio bonas artes & sanctas literas discebant. Vetus est illa non noua nec hominum institutio. Quondã enim in populo ueteri Nazarei uocabantur. Sed & scholas illustres semper habuisse præstantiores ecclesias, iam inde ab apostolorum tempore locuples testis est Eusebius. Studiosis autem illis, rebus ecclesiæ iam aliquo usq; progressis, uidetur mandata cura aperiendi & claudendi templũ, parandi omnia in templo, prælegendi deniq; loca sanctæ scripturæ in populo, quæ indicasset episcopus. Vnde fortassis exorta sunt uocabula. Ostiariorum & Lectorum, quæ

Horum mentio fit in Carthagin. Concilio IIII.

comme

commemorantur hodie inter ordines ecclesiasticos. Qui uerò Episcopis aderant familiaribus, eosque comitabantur, ac habebantur pro ijs qui Episcopis decedentibus succedere possent, appellabantur Acoluthi, quasi tu dicas Consequentes. Est enim uocabulum Græcum. Vt autem tempore omnia ferè deteriora fiunt, ita & hæc longius à prima institutione turpiter deflexa sunt. In quibusdam nihil uideas relictum præter inane nomen: quædam penitus amissa, quædam conuersa sunt in usum prorsus alium. Testes hic cito Isidorum, Rabanum, Innocentium, Durandum, & huius generis scriptores alios. Faciunt ecclesiasticarum personarum duo genera: aliud quidem dignitatis, aliud ordinis. Dignitatis, ut Papa, Patriarcha, Primas, Archiepiscopus, Archipresbyter, Archidiaconus, Præpositus. Ordinis, ut presbyter uel sacerdos, diaconus, &c. Ordines uerò numerant alij sex, alij octo. Omnes concorditer recensent Ostiarios uel Ianitores, Lectores uel Psalmistas, Exorcistas, Acolytos, Subdiaconos, Diaconos, Presbyteros uel Sacerdotes. Hos deinde distinguunt in maiores & minores ordines. Inter maiores sunt Sacerdos siue presbyter, diaconus & subdiaconus. Reliqui appellantur minores. Ex quibus ferè nihil superest præter inane nomen. Ianitorum officium deuolutum est ad ædituos, quos uocant Sacristas. Lectores nulli sunt. Lectio enim antiqua illa obsoleuit. Psalmistæ nihil minus quàm quod recitant aut canunt intelligunt. De exorcistis hæc commemorant. Refert Iosephus regem Solomonem multos exorcismi, id est, consurationis, inuenisse, quibus immundi spiritus ab homine oblesso, per Eleazarum exorcistam pellebantur, ita ut reuerti ulterius non auderent. Huic officio nuncupati Exorcistæ uocati sunt. De quibus in Euangelio legitur, Si ego in Beelzebub eicio dæmonia, filij uestri, exorcistæ uidelicet, in quo eijciunt. Hæc illi: quæ in hoc commemoro, ut omnibus appareat istos homines, illos ipsos esse de quibus Apostolus prædixit, fore ut sanam doctrinam non sustineant, sed conuertantur ad fabulas. Quis enim nesciat fabulosissimum esse quod de Solomone refertur: Quis nesciat Apostolos Domini non fuisse exorcistas, nec ullis unquam usos excantationum aut consurationum modis? Nam spiritus immundos eiecerunt uerbis, id est, inuocatione & uirtute nominis Christi. Ea gratia cessauit iam dudum in ecclesia Dei. Exorcistæ fuisse dicuntur in Actis Apostolorum filij illi Sceuæ sacerdotis, quos dæmon malus etiam Iesu & Pauli nomina uolente Deo, omnibus patefacit quàm placeant æterno numini exorcistæ. Et hos tamen isti nobis obtrudunt adhuc. De Acolytis uerò (sic illi scribunt) audite obsecro, quàm eleganter differant. Acolyti cerosferarij sunt, inquit, à deportandis cereis. Quando enim legendum est Euangelium aut sacrificandum, accenduntur cerei ad significandam animi lætitiā. Quis hæc audiens dicat istos parum eruditè nulla tractare mysteria? Subdiaconi & Diaconi non iam amplius sunt pauperum curatores, sed facti ministri superstitionis, Missæ seruiunt Papisticæ. Huius partes sunt Euangelium, illius uerò Epistolam accinere. Paucis non possum comprehendere, quæ de his ineptissimè ineptissimi homines cornicantur. His imposuere Archidiaconum, quod dignitatis & eminentiæ uocabulum est.

Sacerdotes qui & presbyteri uocantur, distinguuntur uariè. Sunt enim sacerdotes Religiosi & Seculares. Per Religiosos monachos intelligunt: cùm hi nihil minus sint, quàm quod esse dicuntur. Certè ueteres monachos nulla sui parte referunt. Bona pars istorum sibijpsis regula sunt & lex. Ex his alij doctores sunt, destinati quidè prædicationis muneri, sed magis tamen horis dicendis, aut canendis, & Missis celebrandis. Atque hi superstitionem serunt & tuentur pertinacissimè,

Corruptio omnis uirtutis

Ordines minores et maiores

Exorcista

Matth. 12.

2. Tim. 4.

Acto. 19.

Sacerdotes Papistici religiosi



Sacerdotes Pa-  
pistici secula-  
res.

& ueram religionem persequuntur acerrimè. Alij & potior quidem monastico-  
rum sacerdotum turba nihil aliud quàm canit in templis & missat, idq; uilissimo  
pretio Libycas enim harenas citius numeraueris, quàm istos. Sed & Deo, & ec-  
clesiæ, deniq; sibijs suis sunt inutiles, homines planè indocti, ac uentres pigri, impla-  
cabiles interim Euangelicæ ueritatis hostes.

Archipresby-  
teri.

Inter seculares sacerdotes primas tenent Canonici, qui serè sunt homines ocio-  
si, uoluptuarij, epulones, ac reuera seculares. Hi existimant se suo functos esse offi-  
cio, si Horas quas Canonicas uocant, absoluant, & spectatores missæ assistant, cul-  
tumq; diuinum (ut uocant) sua honorent ornentq; præsentia. Seueriores & mini-  
mè seculares esse uidentur, qui etiam Missas pro uiuis & defunctis celebrant. Nu-  
merantur in secularium sacerdotum turba & Parochi, quos Plebanos nuncupant,  
nimirum plebi destinatos sacerdotes, qui soli umbrâ aliquam ueteris instituti re-  
ferunt, in hoc, quòd prædicant & sacramenta administrant: quæ tamen ipsa pro-  
bare non queas, quòd hæc iuxta traditiones Papisticas, non secundum doctrinam  
Apostolicam administrent. Plurima & alia ex suo faciunt officio, quæ pietas mo-  
dis omnibus improbat. Adduntur istis Mercenarij, Adiutores uel Vicarij, Acco-  
dunt his & Sacellani, quos Capellanos uocant, quorum immensus est numerus.  
Hi sicut & monastici sacerdotes potissimas officij sui partes collocant in recitan-  
dis horis, præcipuè autem in missando, doctrinæ nihil tribuunt. Ex hoc enim gre-  
ge inuenias, qui omni sua uita nunquam sint concionati. Nam concionandi mu-  
nus ad solos parochos & uicarios eorum reijciunt, ipsi Dñs, quibus ara uel sacel-  
lum eorum consecratum est, seruiunt, &c. Ex quibus omnibus uel cæcis apparet  
luculentissimè, quàm sordè corrupta & inuersa sit presbyterorum uel pastorum  
prima institutio. Presbyteris archipresbyteros præficiunt. Eo uocabulo usus sum  
in præliminari Epistola Decadis primæ: ac audio fratres aliquos eo esse offensus,  
quasi Papistici fermenti aliquid adhuc apud nos hæreat, quasi dignitatis indignæ  
aliquid in ecclesiam reducere cogitemus. Verùm securos iubeo esse fratres illos.  
Nulli sunt apud nos archipresbyteri Papistici: nec dignitatem ullam Papæ eo uo-  
cabulo intellexi, sed munus inspectionis, quod uisitationis alijs nuncupant. Curam  
enim hi gerunt omnium in agro nostro classium, in admonendo & corrigendo;  
nullam gerunt prælaturam, nulla inde consequuntur præmia, &c.

Episcoporum  
genera.

Sed redimus ad nostrum institutum. Presbyteros uel Sacerdotes deriuant à  
LXX. discipulis, quos Dominus in Euangelio elegisse legitur. Episcopalem ordi-  
nem ab ipso Petro & reliquis Apostolis. Et ordinem Episcoporum mox distin-  
guunt in tres partes. Numerant enim Patriarchas, Archiepiscopos & Episcopos.  
Patriarchas intelligunt patres principum seu summos patres. Eisdem & Prima-  
tes nuncupant. Ac primates, inquit, tribus archiepiscopis præsumt, sicut & rex  
tribus præsidet ducibus. Hic locum habent opinor Cardinales, in quibus ecclesia  
Romana ceu in cardinibus ianua uoluitur. Nam in Decretal. Greg. de officio ar-  
chip. sic legitur, Cardinales dicuntur à cardine: quia sicut in cardine regitur or-  
stium, ita per Cardinales regitur uniuersalis ecclesia. Archiepiscopi sunt ueluti prin-  
cipes Episcoporum: Metropolitani quoq; cognominati, quòd præsideant in urbi-  
bus primarijs. Reuera metropolis ueluti matrix quædam urbs dicitur Græcis, ex  
qua coloniæ deductæ. Vnde metropolitani Episcopus nominatur, qui prouin-  
ciæ alicui præest, aliosq; sibi subiectos habet Episcopos. Hi uerò & Pontifices &  
antistites & præfules appellantur. Si uerò hæc omnia conferas cum ijs quæ an-  
tea dixi de primitiua ecclesiæ Episcopis & gubernatoribus, diuersissima inter se  
esse dices.

Illud uero quod de Papa seu summo pontifice tradunt, à scriptura Euangelica Apostolicaq. & à prima ministrorum ordinatione ab ipso saluatore nostro facta, quàm alienissimum est. Illos omnes, inquit, dignitate & potestate antecellit sanctissimus Dominus noster Papa: qui Papa, id est, pater patrum, uocatur: & Uniuersalis, quia uniuersae ecclesiae princeps est: & Apostolicus, quia principis Apostolorum uice fungitur, & summus Pontifex. Hic est enim Melchizedek, cuius sacerdotium non est cæteris comparatum: quia ipse est caput omnium pontificum, à quo illi tanquam à capite membra descendunt: & de cuius potestate omnes accipiunt, quos ipse uocat in partem sollicitudinis, non in plenitudinē potestatis. Designant ergo Papam, esse summum in terris ecclesiae caput, & uniuersalem totius orbis pastorem unicum, qui errare non possit, neque ab ullo homine iudicari debeat. Ipsum enim iudicem esse omnium cum potestate plenaria. Nam Innocentius Papa 9. quæst. 3. Neq. ab Augusto, inquit, neq. ab omni clero, neq. à regibus, neq. à populo iudex iudicabitur. In quem locum Glossarius sic scribit, Concilium non potest Papam iudicare: ut Extrau. de Elect. Significasti. Vnde si totus mundus sententiaret in aliquo negotio contra Papam, uideretur quod sententiae Papæ standum sit. Huc pertinent uulgata illa iurisperitorum parasitastorum Papæ axiomata in Curia, admodum plausibilia & authentica, Omnes leges pontificis perinde ut ipsius Petri ore profectas, esse recipiendas ab omnibus. Maiorem esse auctoritatem Papæ quàm sanctorum, Papam esse omnia & super omnia, Dei & Papæ esse unum consistorium. Id quod Hostien. affirmat in C. Quanto de Transl. præl. A nemine cogi Papam, etiamsi dicatur hæreticus. Apud ipsum esse supremam potestatem, nec habere parem. Ibi uniuersalem esse Synodum, ubi sit Papa. Habere illum omnia iura in pectore. Habere utrumq. gladium: unde rectè dici Imperatorem, imò imperatore esse maiorem. Solum deponere imperatorem: & sententiam imperatoris declarare nullam. Solius esse parcere cui uelit, ius item unius auferre & alteri conferre, denique priuilegia auferre. Breuiter Dominus est, inquit, dominantium, & habet ius regis regum in subditos, & plenitudinem potestatis etiam in temporalibus in terris. Sed & totus mundus est Papæ diocesis, in qua ipse est ordinarius cunctorum: estq. de necessitate salutis omnem hominem subesse Romano pontifici. His corollarij uice adiunctam Glossatoris uerba, qui in Ca. Quanto de Transl. episcopi Tit. 7. Papa, ait, dicitur habere cœleste arbitrium: & ideo etiam naturam rerum immutat, substantialia unius rei applicando alteri. Et de nihilo potest aliquid facere: & sententiam quæ nulla est aliquam facere. Quia in his ei quæ uult est pro ratione uoluntas. Nec est qui ei dicat, Cur ita facis? Ipse enim potest supra ius dispensare, & de iniustitia facere iustitiam corrigendo iura & mutando. Nam plenitudinem obtinet potestatis. Hæc ille.

Quis autem ista absq. totius & corporis & animi horrore audiat? Quis non intelligat illud Danielis impletum esse, Putabit se tempora & leges mutare posse? Quis non intelligat illud quoq. Pauli impletum esse, dicentis, Ego noui hoc, quod ingressuri sint post discessum meum lupi graues in uos, nō parcentes gregi: Et ex uobis ipsis exorientur uiri loquentes peruersa, ut abducant discipulos post se? Ex Episcopis enim & promouentibus Episcopos prodijt hic homo peccatij, qui se collocat in sedem agni, eaq. sibi usurpat quæ unicè agni propria sunt, quale est summum in ecclesia magisterium, sacerdotium, dominiū, ac potestas plenaria. De quibus satis dixi in superioribus. Quis iam nō tangat illud Pauli esse impletū, Reuelabitur aduersarius uel Christi æmulus, & efferetur aduersus omnem qui dicitur Deus aut numen: adeo ut ipse in tēplo Dei ceu Deus sedeat, ostentans seipsum esse Deū?

Papa uel summus pontifex.

Lege Anton. de Rosellis in Tractat. de pot. Papæ & imp.

Daniel. 7. 8. Acto. 20.



An utile sit &  
necessarium u-  
num aliquem  
præminere  
Episcopis?

Luce 22.

2. Corinth. 1.

1. Pet. 5.

Petrus Aposto-  
lorum princeps.

De Donatione  
Constantini.

Porro disputant Papæ satellites, è re & ex salute imò necessarium esse ecclesiæ, ut unus aliquis Episcoporum & dignitate & potestate præmineat. Disputent autem & ornent hoc suum idolum ut libet: qui ueritatem simpliciter fateri uolent, ingenuè confitebuntur Papam esse Antichristum. Quod enim isti garrunt de primatu Papæ, doctrinæ euangelicæ & Apostolicæ ex diametro repugnat. Quid enim euidentius cōtra illorū disputationes proferri potest, quàm quod Dominus dixit ad discipulos de primatu contendentes, Reges gentiū dominantur eis, & qui potestatem habent super eas, benefici uocantur. Vos autem non sic; sed qui maior est in uobis, fiat sicut minor: & qui dux est, sicut qui ministrat. Nā uter maior est, qui accumbit, an qui ministrat? Nōne qui accumbit? At ego in medio uestrum sum ut qui ministrat. Hunc locum adduxi & excussi obiter etiam proximo Sermone. Hæc ueritas simplex & perspicua perstabit inuicta aduersus omnes istarum harpyiarum disputationes. Sanctissimi Apostoli Domini nostri Iesu Christi nolunt cuiquam dominari prætextu fidei, imò S. Petrus disertis uerbis prohibet dominari in hæreditatem Christi, iubet autem Episcopos exemplaria esse gregis.

Quod obijciunt Christum sancto Petro dixisse, Tu es Petrus: & super hanc Petram ædificabo ecclesiam meam: & tibi dabo clauces regni cœlorum. Et reliqua. Item pasce oues meas: ideoq; sanctum Petrum designatum fuisse omnium Apostolorum, & in his omnium sacerdotum, presbyterorum, Episcoporumq; apicem seu principem, adeoq; totius orbis monarcham, nihil prorsus facit ad dominationem eorum stabilendam. Libenter concedimus S. Petrum esse Apostolorum principem, libenter ipsi quoq; appellamus beatum Petrum Apostolorum principem, sed eo sensu quo appellamus Moysen, Dauidem, Heliam uel Isaiam prophetarum principes, nimirum præstantiora cæteris dona consecutos. At principem fuisse Petrum ea ratione qua isti uolunt, negamus & pernegamus constantissime. Simul autem tuemur S. Petrum, & repurgamus ab asperginibus, quibus isti uel mortuum contaminare contendunt. Non permansisset Domino suo fidelis, si imperium aut dominium ad se rapuisset. Par autem ubiq; Petrus alijs discipulis, nullibi in sacris eorum Dominus fuisse legitur. Et S. Paulus in principio Epistolæ ad Galatas multis ostendit in Apostolatu se nihilo inferiorem esse Petro. Neq; dum Hierosolymam uenit, ea de causa uenit, ut pedes oscularetur, aut subiectionem profiteretur, sed ut ex congressu & collatione amica omnes in omnibus ecclesijs intelligerent inter Petrum & Paulum in dogmatibus summum esse consensum & parum Apostolatum. Ibidem Iacobum, Petrum, & Ioannem, columnas appellat Paulus, non uni Petro id prærogatiuæ tribuit: quod tamen fecisset merito, si primatum, ut isti asseuerant, accepisset à Domino. Quid quòd ipse Petrus nihil suo agit arbitrio, sed negotia ecclesiastica ad reliquos discipulos, ueluti collegas refert: id quod in Actis Apostolorum uidere licet. Alibi se appellat compresbyterum, non principem sacerdotum. Missus ab Apostolis cum Ioanne in Samariam, non postulat alium mitti, ne primatus eius uideatur diminutus, sed sponte obedit. Ut uerò donemus Petrum ita fuisse Apostolorum principem, sicuti cōtendunt isti: an ideo consequeretur Papam esse principem totius ecclesiæ, imò uniuersi orbis? Nam ut Papa non est Petrus: ita duodecim aut undecim Apostoli non sunt totus orbis. Præterea non potuit dare Petrus quod non habuit. Non habuit imperium in totum orbem, ergo non dedit.

Sed Constantinus Syluestro dedit, inquit. Ut maxime donemus ueram esse, non fictam & ementitam (quod tamen doctissimi quique contendunt) Constantini donationem, attamen Syluester ille oblatum imperium non accepisset. Plus ualuisse

ualuisset apud eum Christi principis summi & cœlestis uox, Reges gentium dominantur eis, Vos autem non sic, quàm terreni imperatoris stolidi affectio. An credimus Petrum Apostolum accepturum fuisse cum imperio secularem potestatem, si eam obtulisset Nero Cæsar? Minime gentium. Imis enim uisceribus infixum hæsit Domini uerbum, Vos autem non sic. Priusquàm accepisset spiritum sanctum, cum reliqua Iudæorum turba cæcutiens, imaginabatur regnum Christi in terris terrestre futurum: postquàm spiritum sanctum accepit, intellexit Christi regis & summi imperatoris sedem non esse in terris, sed in cœlo collocatam, ac regnum eius non esse ex hoc mundo. Sciebat Christum Dominum aufugisse in desertum, cum populus cogitaret ipsum creare regem. Sciebat Helisæum saluberrimo consilio donationem Naamani principis repulisse. Giesi autem ministrum in æternum probrum ac subuersionem incolumitatis propriæ, repetisse. Noluit beatus Petrus curam in se pauperum recipere, ne minus expediret & oraret & prædicationi uerbi inuigilaret, id quod Acta Apostolorum testantur: cui ergo uerisimile uideatur eundem abiecto Apostolatu etiam orbis imperium suscepisse? Negat eundem & uerbi ministerio feliciter præesse, & mensis ministrare posse. Quem uerò illi nobis Papam dabunt, qui Petro ampliorem habeat spiritum: qui id possit præstare quod non potuit Petrus: qui nō iam mensis, sed toti orbi præesse possit? Nugæ ergo sunt, quas isti nobis recitant de Donatione Constantini. Integrior fuit Constantinus quàm qui talem donationem instituerit, quam non nesciebat cum Christi doctrina pugnare. Integrior fuit Syluester quàm qui receperit quod citra ministerij uerbi subuersionem recipi non posse intellexit. Quòd si Constantinus donauit omnino quod donasse dicitur, & Syluester donationem non repulit, peccauit uterque. Quia contra uerbum Dei egit uterque.

Vidi quæ superioribus annis pro donatione Constantini contra Laurentium Vallam scripsit doctus alioqui & multæ lectionis uir, August. Steuchus: uerum nulla profert argumenta solida, tametsi mirifice ringatur, & omnes uires eloquentiæ exerat, denique undiquaque omnia quæ aliquo modo hanc causam iuuare uidebantur operose congerat. Ac dignior quidem uidetur is liber qui proculcetur pedibus, quàm qui bonorum hominum manibus teratur. Vt enim non commemorem, quòd regnum illud ecclesiasticum Romanense æternum subinde uocat: cum regnum Christi & sanctorum solum sit æternum: an non manifestissimè Papam collocat in sedem Christi Domini? Postquàm enim cuiusdam Nicolai pontificis testimonium recitasset, subiungit protinus, Audis summum pontificem à Constantino Deum appellatum, habitum pro Deo? Hoc uidelicet factum est, cum illū præclaro illo edicto decorauit, adorauit uti Deum, uti Christi & Petri successorem. Diuinos honores ei, quoad eius potuit, contulit, uelut uiuam Christi imaginem ueneratus est. Hæc ille sectione libri 67. Nec his disparia scripsit Sectione 28. Commemorans enim imaginationem quandam suam de Papa conceptam, fingit nescio quem fructum inde exoriturum, si apud extremos Indos referatur, omnia regna mundi nutibus Papæ regi, illum adorare reges, ut quibus perspectissimum sit hunc esse successorem Christi, ideoque hos illum suspicere non tam mortalem hominem, quàm in eo Deum ipsum, qui eum sibi suffecerit in terris, ideoque & à maledictis abstinere, si quid is ut homo peccet, propterea quòd in eo uenerentur filii Dei. Hos applausus impios, & has uoces adulatrices, imò sacrilegas tulisset Petrus, scilicet, qui Cornelium procumbentem, & adorare uolentem, erexit, & dixit, Surge, & ego ipse homo sum. Nam & ad Ioannem ad pedes angeli adorantem, legimus ipsum dixisse angelum, Vide nefeceris: conseruus enim tuus sum, & fra-

Augustinus  
Steuchus pro  
Donatione  
Constant.

Acto. 10.  
Apocal. 22.



*Act. 12.* trum tuorum prophetarum. De Herode autem Agrippa scriptum est, quod adu-  
latrices populi uoces acclamantis cōcionanti, Vox Dei & non hominis, non com-  
pescuerit, ideoq; percussus sit ab angelo Dei, ac computruerit, erosus à uermibus.  
Nos ergo cū sciamus ipsum Christum Dei filium adhuc regnare in ecclesia, ut  
pote cui soli data sit omnis gloria & potestas, neq; hic sibi quenquam suffecerit in  
terris, in quo colatur & adoretur, Christum Iesum Dei filium solū colimus & ado-  
ramus, Papam ut Antichristum & deum Stercutium, siue malis Cloacinum, unā  
cum sacrilegis suis encomiastis & assentatoribus blasphemis execramur.

*Tu es Petrus,  
&c.*

Dixit sanē Dominus ad beatum Petrum, Tu es Petrus: & super hanc petram  
ædificabo ecclesiam meam: & tibi dabo clauēs regnī cōclorū. Et cætera. Sed quid  
hæc faciunt ad stabiliendam Papæ monarchiam, prærogatiuam, & sublimitatem?  
Petrus à Domino laudatur à fidei constantia; unde & nomen accipit, Petrus à pe-  
tra dictus, in quam se uera fide collocauerat. Christus petra est, cui innitebatur Pe-  
trus. Audit is hoc perpetuum ecclesiæ fundamentum futurum, omnes inquam in  
ecclesiæ cōsortium recipiendos, qui uera fide cum Petro confitentur Iesum Chri-  
stum esse uerum Dei filium, ipsiq; ut unicæ petræ & saluti innituntur. Promittun-  
tur præterea Petro clauēs regnī Dei: sed cū præstantur, non uni Petro, sed omni-  
bus Apostolis dantur. Sunt autem Clauēs non dominatio & iurisdictio quædam  
(sicuti isti nugantur) sed ministerium aperiendi & claudendi regnū cōclorum, in-  
tromittendi in ecclesiam & excludendi, quod fit prædicatione Euangelij: utimox  
copiosius dicetur. Ad eundem modum cum Petro Dominus dixit, Pasce oues  
meas, non monarchiam orbis & dominium in omnes creaturas tradidit Petro, sed  
curam commisit pastorem. Qua de re dixi Sermone proximo: ut & alias sæpe  
& fusius contra primatum Rom. pont. Ad ueteres ecclesiæ scriptores quos illi no-  
bis obijciunt, nescio quid de primatu Petri testificātes, uno uerbo respondemus,  
non perinde nos curare quid hic senserint ueteres, quā quid instituerit Christus  
Dei filius, quid item Apostoli (quorum authoritas ueterum illorum scriptorum au-  
thoritatem multo excellit) usurparint, & scriptis atq; exemplis suis sentiendum,  
imitandumq; nobis reliquerint. De qua re dixi etiam Sermone huius Decadis 2.  
Lōgius ferē sumus progressi quā institueramus: ut ergo receptui canamus, dixi-  
mus de ordine siue munere quod in ecclesia sua instituit Dominus, & quos huic  
præfecerit, quorum opera ecclesiam fundare, gubernare, prouehere & conserua-  
re uoluerit. Quæ supersunt dicenda, differemus in crastinū. Prolixiora enim sunt  
quā quæ hac hora absolui queant, digniora autem & præstantiora quā quæ  
paucis perstringi debeant, &c.

*Veteres de pri-  
matu Petri &  
Rom. Pont.*

*De Vocatione ad ministerium uerbi Dei. Quales & quomodo oporteat in ecclesia uerbi  
ministros ordinare. De Clauibus ecclesiæ: quodnam sit ordinatorum officium. Deter-  
minatio docendi ecclesiam, & uita pastorum sancta. S E R M O I I I I.*

**S** E R M O N E præsentī, Deo iuuante, qua possumus breuitate & perspi-  
cuitate exponemus c. v. quales & quomodo hodie ministros nobis con-  
ueniat ordinare, non iterum loquentes de munere, sed de personis mune-  
ri idoneis. Neque enim arbitror aut necesse aut operæpretium esse multis demon-  
strare, ordinem seu functionem in ecclesia à Christo institutam, etiam sine ordini-  
bus illis quos posterioribus sæculis instituit noua adinuentio, sufficere uel hodie  
ad excitandam, gubernandam, conseruandamq; Dei ecclesiam in terris. Nam  
id res ipsa clamat, euincitq; primitiua ecclesiæ absoluta perfectio. Vt autem per-  
spicue

spicue intelligatur ab omnibus, quos ecclesiæ ministros hodie ordinare conueniat, dicemus paulò copiosius de Vocatione ministrorum ecclesiæ. Vocatio aliud non est, quàm idonei ministri legitima constitutio. Eadem & ordinatio & electio dici poterat: quanquam alia uox alia latius pateat. Electio præit natura. Nam quos eligimus, eos uocamus. Ordinatio comprehendit utrumque. Numerantur autem ab omnibus ferè quatuor uocationis genera. Priora duo sunt legitima, posteriora illegitima. Et primum quidem est, quo ministri neque ab hominibus, neque per hominem, sed per Deum uocantur. Sicuti uocati leguntur Isaias propheta, & apostolus Paulus. Hæc ferè signis aut miraculis confirmatur, & diuina arcanaq; appellatur. Secundum uocationis genus fit à deo quidem, sed per hominum ordinationem. Quo genere creati leguntur ministri ecclesiæ beatus Matthias, Lucas, atq; Timotheus. Hoc ordinarium, publicum, humanum & hodie uulgare est: in quo deus quidem uocat, dona ministris necessaria conferens, & leges suppeditans ijs qui eligunt: hi uerò leges illas sequentes, ordinariè cum deligunt, quem ex signis à Deo prius uocatum esse coniiciunt. Per signa intelligo dona ministris necessaria.

*De Vocatione  
ad ministeriū,  
& uocationis  
generibus.*

Tertium uerò uocationis genus quod inter illegitima primum est, proficiscitur quidem ad hominibus, sed non à Deo: quando uidelicet ex fauore & propter munera indignus aliquis ordinatur. Peccatur hic tam ab ordinandis, quàm ab ipsis ordinationi præfectis. Ab ordinandis, cū se ministerio præfici cupiunt, cui se parum idoneos, quippe donis necessarijs destitutos, uel non intelligunt uel intelligere nolunt. Vel cum satis quidem instructi sunt scripturarum rerumq; peritia, sed non recto pede ad hanc functionem accedunt, quando uidelicet nō spectant Dei gloriam, sed lucrum. Requiritur enim ab ordinandis conscientia propriae testimonium, & uocatio arcana, nimirum qua nobis probè simus conscij excitatos nos esse ad hoc muneris capessendum non ambitione, non avaritia, non pascendi uentris gratia, non alio aliquo affectu prauo, sed sincero dei timore atq; amore, & ædificandæ ecclesiæ Dei studio. De qua re elegantissimè & sanctissimè scripsit beatus Paulus in 1. ad Thessal. cap. 2. Requiritur præterea testimonium aliorum eruditionis iustæ peritiæq; rerum. Omnes enim nobis ipsis placemus & iudicamus nos dignos esse, quibus committatur gubernanda ecclesia, cum nosmetipsos decipiamus foedissimè. Peccant autem præfecti ordinationi, cum in ordinandis ministris non spectant quid deus legibus editis hic fieri uoluerit, & quid ratio incolumitasq; ecclesiæ postulet, sed quid è re sit ordinandi. Frequenter ergo ordinantur indigni. Vel qui sunt indocti & parum sinceri. Vel qui satis quidem docti sunt, sed non admodum integri. Vel qui simplices & boni Christiani sunt, sed mali & parum prudentes pastores. Huc autem perpelluntur fauore, uel muneribus. Quare grauissimam in se omnipotentis Dei iram prouocant, omniumq; peccatorum sese reddunt participes, quorum authores sunt parum dextrè administrantes de mandatam sibi prouinciā. Vetustas hoc scelus appellauit Simoniam, nunquam delendo probro & morte sempiterna piandum. Anthemius imperator Armasio scribens inter alia, Nemo gradum sacerdotij uenalitate pretij mercetur. Quantum quisq; meretur: non quantum dare sufficit, æstimetur. Cesset altaribus imminere prophanus ardor avaritiæ, & à sacris adytis repellatur piaculare flagitium. Ita castus & humilis nostris temporibus eligatur episcopus, ut quocunq; locorum per uenerit, omnia uitæ propriæ integritate purificet: non pretio, sed precibus ordinetur antistes. Tantum ab ambitu debet esse sepositus, ut quærat cogendus, rogatus recedat, inuitatus effugiat, sola illi suffragetur necessitas excusandi. Profectio

*Vocatio ex fa-  
uore & largi-  
tione.*

*Simoniam.*



enim indignus est sacerdotio, nisi fuerit ordinatus inuitus. Hæc ille, qui si hodie Romam ueniret, putaret se haud dubiè in alienum uenisse mundum, imò in emporium Simonis, non Petri, sed Magi & Samaritæ & Giesi Israelitæ.

Quartum uocationis genus illud est, quo quisq; priuato suo arbitrio se implicat ministerio, non à Deo ordinatus, neq; per hominem. De his dixit apud Ierem. 23. *Ierem. 23.* Cyprianus ad Antonianum, tales, episcopatū uidelicet sibi usurpantes, nemine dante, nominat schismaticos. Et hoc uocationis genus improprie dicitur uocatio. Proinde uocatione eaq; publica & legitima in ecclesia opus esse constat, cum propter multas alias causas, tum propter has potissimum, ut institutum dei non negligatur, utq; retineatur disciplina ecclesiastica & omnes in ecclesia norint, qui sint ministerio præfecti ecclesiastico. Tamen ergo apostolus & doctor gentiū Paulus ab initio non ab hominibus, neq; per homines, sed à solo Deo missus esset, idem tamen iubente spiritu sancto ab Antiochena ecclesia in ministerium gentium segregatur una cū Barnaba. Ad eundem modum missi uel uocati à Deo fuerunt multi alij, quos tamen etiam per homines ordinari oportuit. Nam Paulus alibi, Nemo hoc sibi ipsi honoris usurpat, inquit, sed qui uocatur à Deo, sicuti Aaron. Et iterum, Quomodo audient absq; prædicante? Quomodo autem prædicabunt, nisi missi fuerint? Et reliqua.

*Opus uocatione in ecclesia.*

*Actor. 13.*

*Hebr. 5.  
Rom. 10.*

Circa secundam illam uulgarem & in ecclesia hodie receptam, à domino autem traditam uocationem, tria consideranda uidentur, Quinam uocent, id est, qui nam habeant uocandi uel ordinandi ministros ius & potestatem. Deinde qui uel quales sint ordinandi. Postremo quomodo uocati sint initiandi.

*Qui eligant in ecclesia ministros.*

*Actor. 14.*

Ac principio dominum dedisse potestatem ecclesiæ suæ ius & potestatem eligendi & ordinandi idoneos ministros, superius in secundo huius Decadis Sermone ostendimus, exemplo uetustissimarum in mundo ecclesiarum Hierosolymitanæ & Antiochenæ: quarum illa non modò diaconos septem, sed apostolum Matthiam ordinauit: hæc autem apostolos Christi insignes, Paulum & Barnabam in ministerium segregauit. Quibus accedit, quòd ecclesiæ gentiū instructæ à Paulo & Barnaba collatis suffragijs presbyteros, seu gubernatores ecclesiarum delegerunt. Primas in hac partes habuerunt pastores ipsi. Præeunte enim Petro creatur ab ecclesia Matthias apostolus. Hunc ritum annis multis diligenter custodiuit uetus ecclesia. Nam Cyprianus Epist. lib. 1. epist. 4. Ipsa plebs maxime potestatem habet, inquit, uel eligendi dignos sacerdotes, uel indignos recusandi. Quod & ipsum uidemus de diuina authoritate descendere, ut sacerdos plebe præsentē sub omnium oculis deligatur, & dignus atq; idoneus publico iudicio ac testimonio comprobetur. Sicut in Numeris præcepit dominus Moysi & dixit, Prehende Aaron fratrem tuum, & Eleazarum filium eius, & impones eos in montem coram omni synagoga. Corā omni synagoga iubet deus constitui sacerdotem. Id est, instruit & ostendit ordinationes sacerdotales non nisi sub populi assistentis conscientia fieri oportere, ut plebe præsentē uel detegantur malorum crimina, uel bonorum prædicentur merita, & sit ordinatio iusta & legitima, quæ omnium suffragio & iudicio fuerit examinata. Hæc ille. Hic mos durauit adhuc S. Augustini seculo. Extat enim epistola quæ ordine numeratur 110, quæ attestatur acclamante populo, Augustinum sibi Eradium ordinasse successorem. Posterioribus seculis, cum populus tumultuaretur frequentius in electionibus pastorum, ordinatio relata est ad delectos ex pastoribus magistratu & plebe. Hi tres uiros egregios proponebant uel nominabant, ex quibus qui uidebatur optimus deligebatur. Extat huius aliquid

quid in Iustiniani Imperat. Nouell. Constitut. 123.

Quibus autem uidetur omnem ordinandi ministros potestatem esse penes episcopos dioecesanos, uel archiepiscopos, his utuntur locis scripturæ, Ideo reliquit in Creta, ait ad Titum Paulus, ut constituas oppidatim presbyteros. Et iterum, Vide ne cui citò manum imposueris. Nos uerò dicimus apostolus in ecclesijs non exercuisse tyrannidē, & electionis uel ordinationis omnia solos peregrisse, exclusis alijs in ecclesia hominibus. Crearunt enim apostoli Christi episcopos uel presbyteros in ecclesia, sed communicato cum ecclesijs cōsilio, adeoque ex populi consensu & approbatione. Id quod claret ex electione seu ordinatione Matthiæ, quam iam semel & iterum citauimus. Dixit sanè in lege Mosi dominus, Iudices cōstitues tibi. Verum alibi idem, Prouidebis ex omni populo, ait, quos præficias. Et rursus Moses ad ipsum populum, Date ex uobis, inquit, sapientes, qui præficientur, &c. Quemadmodum ergo Moses proprio arbitrio nihil egit in electione magistratus, licet audisset, Iudices cōstitues tibi: sed omnia communicato cum plebe consilio: Ita haud dubiè beatus Titus, quamuis audisset, Constitues oppidatim presbyteros, intellexit tamen sibi hic nihil permissum inconsultis ecclesijs, quod ipsi priuatim uisum esset agere. Proinde nihil peccant, qui excusso iugo & tyrannide Romanensium episcoporum, ius illud pristinum à Christo concessum, ecclesijs, rationibus iustis & æquis recuperant. Neque admodum refert, ordinent idoneos ministros, uel delecti uiri graues ab ecclesia, uel ipsa ecclesia tota, idque uel per suffragia, uel per sortes, uel alia aliqua ratione commoda & sancta. In his enim non rixatur pietas, modò omnia sanctè & secundum ordinem fiant. Nolo autem hic commemorare artes, insidias, & grauius bella propter hoc ordinandi ius gesta multo cum sanguine, & regionū direptione, ac incendijs funestissimis. Historiæ de rebus Heinrichi 4. & 5. item de rebus Friderychorū satis apertè testantur, quàm impudenter & nephariè se cum coniuratis suis episcopis gesserint Romanipræsules. Fortassis dabitur occasio hac de re alibi copiosius dicendi.

Nunc commemorabimus quales oporteat ordinare, utique non quoslibet, sed selectissimos, uiros religiosos, facultatibus omnigenis instructos, exercitatos in scripturis, tenentes mysterium fidei, fortes & constantes, sedulos, laboriosos, diligentes, fideles, uigiles, moderatos, uitæque sanctæ & probatæ. ne propter corruptelam uitæ & famam parum integram totum uilescat ministerium, & quod sana doctrina extruxerunt, praua uita rursus subruant. Canonem apostolicum recitabimus, omnia huius negotij plenissimè complectentem. Constitues presbyteros siue episcopos, inquit, si quis est inculpatus, unius uxoris uir, liberos habens fideles, non obnoxios crimini luxus, aut qui non sint intractabiles. Quòd si quis propriæ domui præesse non nouit, quomodo ecclesiam dei curabit? Oportet enim episcopum inculpatum esse, tanquam Dei dispensatorem (illud autem requiritur in dispensatoribus, ut fidus aliquis reperiatur) non præfractum, non iracundum, non percussorem, sed æquum, alienum à pugnis non uinosum, alienum ab auaritia, non turpi lucro deditum, sed hospitalem, bonarum rerum studiosum, uigilantem, sobrium, iustum, pium, temperantem, modestum, aptum ad docendum, & tenacem eius qui secundum doctrinam est, fidelis sermonis, ut potens sit etiam exhortari per doctrinam sanam & contradicentes conuincere, ac ijs obturare os. Non nouitium, ne inflatus in condemnationem incidat calumniatoris. Oportet autem illum & bonum habere testimonium ab extraneis, ne in probum incidat & laqueum calumniatoris. Hæc omnia sunt Apostoli uerba ex epist. priorē ad Timoth. & ea quæ ad Titum scripta est, recitata.

Episcopos solos non habere potestatem ordinandi.

Titum 1. 1. Tim. 5.

Deut. 16. Exod. 18. Deut. 1.

Quales sint ordinandi ministri.

Titum 1. 1. Tim. 3.

1. Cor. 4.



*Censura & exam.  
men.*

*Quale fuerit  
examen veterū  
episcoporum.*

Proinde iudicio hic erit opus exacto, & diligentia magna, quæ omnes doctrinæ & uitæ partes excutiat. Opus, inquam, erit seuera uitæ censura & examine eruditionis accurato. Neque enim hæc res parui est momenti. Omnis ecclesiæ incolumitas hinc dependet. Si ordinetur indignus & indoctus aliquis, tota ferè negligitur, imò peruertitur, subuertiturque ecclesia. Examē autem intelligimus nō puerile & scholasticum, sed graue & exactū, de scriptura & eius interpretatione uera, de cura pastoralī, de fidei sanæ mysterijs, de quibus alijs id genus capitibus. Ac ueneres quondā in his diligentissimos fuisse, uel inde claret, quod Aelius Lampridius in uita Alexandri Seueri cōmemorat, Christianis moris fuisse suorum episcoporum nomina toti proponere ecclesiæ priusquam fuerint recepti, si fortè aliquis e plebe indicare uoluisset indignum hunc esse qui tali præesset officio. Vnde & Iustinianus Imp. Constit. 123. Si tempore ordinationis, inquit, accusator aliquis exortus fuerit, qui dicat indignum esse ordinatione, differantur omnia, & præcedat examinatio ac censura. Nec grauabor in præsentī recitare Decretum super hac re Carthaginensis Concilij IIII. quod ita habet, Cum episcopus ordinandus est, antea examinetur, si natura sit prudens, si docibilis, si moribus temperatus, si uita castus, si sobrius, si semper sui negotij cauens, si humilis, si affabilis, si misericors, si literatus, si in lege domini iustructus, si in scripturarum sensibus cautus, si in dogmatibus ecclesiasticis exercitatus: & ante omnia si fidei documēta uerbis duplicibus (simplicibus fortè) asserat, id est patrem & filium, & spiritum sanctum unum deum esse confirmans, totamque trinitatis deitatem coessentialē & consubstantialē, & coeternalem, & coomnipotentem prædicans, si singulas quasque in trinitate personas plenum Deum, & totas tres personas unum Deum, si incarnationem diuinam non in patre, neque in spiritu sancto factam, sed in filio tantum credat: ut qui erat in diuinitate Dei patris filius, ipse fieret in homine hominis matris filius, Deus uerus ex patre, homo uerus ex matre, carnem ex matris uisceribus habens, & animam humanam rationalem simul in eo utriusque naturæ, id est deus & homo una persona, unus filius, unus Christus, unus dominus creator omnium quæ sunt, & author, dominus & rector cum patre & spiritu sancto omnium creaturarum: qui passus sit uera carnis passione, mortuus uera corporis sui morte: resurrexit uera carnis suæ receptione, & uera animæ resurrectione, in qua ueniet iudicare uiuos & mortuos. Quærendum etiam ab eo si noui & ueteris testamenti, id est, legis & prophetarum & apostolorum unum eundemque credat authorem & dominum, si diabolus non per conditionem, sed per arbitrium factus sit malus. Quærendum etiam ab eo si credat huius quam gestamus, & non alterius carnis resurrectionem, si credat iudicium futurum, & recepturos singulos pro his quæ in carne gesserūt, uel pœnas, uel præmia, si nuptias non prohibeat, si secunda matrimonia non damnet, si carniū perceptionem non culpet, si pœnitentibus reconciliatis communicet, si in baptismo omnia peccata, id est, tam illud originale contractum, quam illa quæ uoluntariè admissa sunt dimittantur: si extra ecclesiam catholicam nullus saluetur. Cum in his omnibus examinatus fuerit, & inuentus plenè instructus, tunc cum consensu clericorum & laicorum & conuentu totius prouinciæ episcoporum, maximeque metropolitani, ordinetur episcopus. Concilium hoc celebratum dicitur anno domini 400. Ista autem non ideo cōmemoro, quasi Conciliorū hominumque decretis innitar, aut existimem non omnia quæ ueræ salutis & perfectionis sunt, tradita esse sacris literis; sed ut admoneam aduersarios nostros, mores & facta ipsorum hodie non modò cū apostolicis doctrinis & exemplis, sed nec cum ueterum quidem decretis congruere, si fortè in semetipsos descendant, ac re-

uictis

hīs hominum uarijs doctrinis, recipiant omnium uetustissimam traditionem & doctrinam certissimam sanctorum Apostolorum.

Venio iam ad postremum caput explicandū, quomodo uidelicet uocati sint initiandi. Apostoli in ordinationibus suis adhortabantur ecclesiam ad ieiunia ac preces: uocatos autem ipsos statuerunt in conspectum ecclesiae, impositisq; manibus in capita ordinatorum committebant ipsis ecclesias. De Impositione manuū dictum est aliās. Symbolum erat delegati muneris. Nec legitur ulla aliā apud ueteres fuisse pastorum consecratio. Sicut & omnia alia simplicia & minime sumptuosa fuerunt in primitiua apostolicaq; ecclesia. Sequentibus temporibus creuerunt ritus, sed ita tamen ut per initia quibusdam modum non omnino excessisse uiderentur. Mihi autem nimium esse uidetur, quod diuinæ institutioni humano adijcitur arbitrio. Et quid obsecro necesse est institutis apostolicis assuere sentimenta & consuetudines humanas? Cur non sufficit tibi manuum impositio, quæ sufficiebat beatis apostolis te longè sanctioribus & rerum diuinarū peritioribus? Accessit postea oleum, accessit liber euāgelicus. Sic enim decernit Carthaginē. Synodus IIII. Episcopus cum ordinatur, duo episcopi ponant & teneant euāgeliorum codicem super caput & ceruicem eius, & uno super eum fundente benedictionem, reliqui omnes episcopi qui adsunt manibus suis caput eius tangant. Posterius his & pallium addiderunt. Cæterum hodie nullus est ceremoniarum, imò ineptiarum finis. Si quis horum ritus conferat diligenter cum Aaronis & Iudaeorum sacerdotum cultu, iurabit totum Aaronismum esse ab illis reductum in ecclesiam, imò hunc illo multò esse instructiorē & onerosiorem, idq; contra doctrinam euāgelicam. Vt iam non commemorem consecrationem illorum luxu, superbia & offensione planè esse & infamem & refertissimam, ideoq; intolerabilem. Accedit his aliud, quod apud ueteres consecratio licet creuisset ritibus adiectis, gratis tamen conferebatur, neq; erat aliquid in ipsa uel in toto Christi templo uenale. Quanti uerò hodie à Rom. Chananæo diuendantur pallia, & quantis sumptibus fiant consecrationes, turpe est uel dicere. Gregorius in Synodo Romana sub Mauritio & Theodosio celebrata, inter alia sic decernit, Antiquam patrū regulam sequens, nihil unquam de ordinationibus accipiendum esse constituo, neq; ex datione pallij, neq; ex traditione chartarum. Quia enim ordinādo episcopo pontifex manum imponit, euāgelicam uerò lectionem minister legit, confirmationis uerò huius epistolam notarius scribit: sicut pontificem manum quā imponit, non decet uendere: ita minister uel notarius non debet in ordinatione uocem suam aut calamum suum uenundare. Quod si quis aliquid commodi inde petere præsumperit, in districto omnipotentis Dei examine reatui subiaceat. Addit tamen protinus. Cæterum si ordinatus, non exactus, sed sua sponte, gratiæ tantummodo causa, aliquid offerre uoluerit, concedimus.

Exposui hactenus quales & quomodo oporteat in ecclesia Dei ordinare episcopos siue pastores: & quamuis ex ijs nullo possit colligi negotio, cur hodie non sustineamus ordinari ab illis qui uocantur & soli uidentur sibi esse legitimi ordinarij, utpote in Romana ecclesia, successionē perpetua descendentes ab apostolis, dicā tamē aliquando, si possum, significantius. De successionē episcoporū siue pastorum continua, & de ecclesia dictum est aliās, ut superuacuum sit hic repetere & inculcare eadem. Euicimus etiam nostras ecclesias ueras esse Dei ecclesias, tametsi cum Romana nupera non consentiant. Ac ecclesias ueras constat ius habere ordinandi pastores, siue hoc fiat totius ecclesiæ suffragijs, siue delectorum ab ecclesia iudicio legitimo. Vnde consequens est, legitime esse ordinatos, quos no-

Quomodo uocati sint initiandi.

Actor. 13.

Actor. 1.

1. Tim. 4.

2. Tim. 1.

Pallium.

Gratis olim collatum pallium.

Cur ordines nō recipiantur ab episcopis Papisticis.



stræ imò Christi ordinarunt ecclesiæ. Ac graues sunt causæ cur ab ordinarijs papisticis suos ministros ordinari detrectent sanctæ Dei ecclesiæ. Etenim S. Paulus, Etiam si nōs, ait, aut angelus ē cœlo prædicauerit uobis euangelium, præter id quod prædicauimus uobis, anathema sit. Prædicant autem isti euangelium præter id quod à Paulo prædicatum est: id quod de sensu (in quo plus est periculi) non de uerbis intellectum uolumus. Proinde cœlitus percussi sunt isti anathemate. Quis uerò sustineat ordinari ab anathemate percussis? Præterea præcipuum in ordinatione est doctrina euangelica. Cum in hoc maxime ordinentur ministri ecclesiæ, ut purum Christi euangelium sincere & citra admixtionem traditionum humanarum populo annuncient. Hoc autem ipsum isti ordinandis non modo prohibent seuerissime, sed & iuramenti formula exhibita abiurare compellunt. Sunt enim ipsi non Christo, sed Papæ contra Christum iuramento impiissime obstricti. Inter alia enim sic iurant episcopi electi, Ego N. electus N. episcopus ab hac hora in antea fidelis ero & obediens beato Petro sanctæq; apostolicæ Rom. ecclesiæ & domino nostro N. Papæ suisq; successoribus canonicè intransibibus. Consilium quod mihi credituri sunt, per se, aut nuncios, seu literas, ad eorum damnum, me sciante, nemini pandam. Papati Romanum & regalia S. Petri adiutor eis ero ad retinendum & defendendum contra omnem hominem. Iura, honores, priuilegia & auctoritatem Romanæ ecclesiæ domini nostri Papæ & successorum prædictorum conseruare, defendere, augere & promouere curabo. Nec ero in consilio, in facto seu in tractatu, in quibus contra ipsum dominum nostrum uel eandem Romanam ecclesiam aliqua sinistra uel præiudicialia personarum, iuris, honoris, status & potestatis eorum machinentur. Et si talia à quibusdam machinari cognouero uel procurari, impediam hoc pro posse, & quantocyus potero commodè significabo eidem domino nostro, uel alteri per quem ad ipsius notitiā possit peruenire. Regulas sanctorum patrum, decreta, ordinationes, sententias, dispositiones, reservationes, prouisiones & mandata apostolica totis uiribus obseruabo, & faciā ab alijs obseruari. Hæreticos & schismaticos & rebelles domino nostro, pro posse persequar & impugnabo. Hæc illi cum ad hunc modum iurent, quis obsecro Iesu Christi, ecclesiæ eius, ueræq; fidei, adde & reipub. fidelis amans, à talibus ordinari sustineat? Euangelij & ipsius domini nostri Iesu Christi in iuramento nullus fit sermo. Scripturarum sanctarum nulla, sed regularum & ordinationum paternarum diligentissima fit mentio. Nominatur Petrus, sed non apostolus ille Christi dicens, Aurum & argentum non habeo, uerum alius nescio quis regalia habēs. Nominatur quidem apostolica ecclesia, uerum mox per interpretationem qualem intelligi uelint subiiciunt, & papatum appellant. Papatum hunc, non ecclesiam Dei, papatum inquam & papatus honores, priuilegia & iura contra omnem hominem, en contra omnem hominem promittunt se defensuros. Papam enim agnoscūt esse dominum suum, contra quem nolint unquam machinari quicquam, imò si intelligant alios aliquid contra Papam & papatum moliri, indicium & auxilium fidum stipulantur. Non arbitror autem quenquam se ulli arctius obstringere posse. Nec obscurum est quos isti appellent hæreticos, non hostes fidei Christianæ, non doctores alienorum à scripturis dogmatum, sed rebelles Papæ: eos inquam, qui ut iura & decreta Papæ negligunt, solas scripturas prædicant, ita Christo omnem gloriam tribuunt, tanquam unico capiti & summo Sacerdoti ecclesiæ, atq; idcirco Papam docent nec caput, nec summum esse ecclesiæ sacerdotem. Quis autem ueræ pietatis amans tali se obstringat iuramento? Quis amicitia renunciet Christo, mancipium autem & suppedaneum sese subternat Pontifici Romano?

*Iuramentum  
episcoporum.*

Romano? Quis denique ab illis qui hoc fecerunt, Christi atque Christianæ ecclesiæ minister ordinari postulet?

Hic accedit, quod in consistorio Romano, omnia ordinis sacri sint corruptissima, adeo ut uix aliqua institutionis Christi indicia appareant. Non commemorabo in præsentem quod constitutiones hominum nouæ acceperunt plures, quod nulum ferè restat ecclesiæ in ordinandis pastoribus suffragium, nullus deputatorum ecclesiæ delectus. Ius enim præsentationis, collationis & confirmationis ad plurimos dispersum, apud quosdam factum est etiam hæreditarium, ut et fatui aut semimoriones fieri possint Episcopi: illud autem præterire nō possum, perisse apud illos iustum examen & pastorem seuerioresq; disciplinam. Equidem restat examen, sed puerile prorsus, in quo ferè ordinandi rogantur quod in ludo triviali solent scholastici, an quis possit bene legere, construere, canere atq; computare? Negare hoc non possunt, ut ne illud quoq; quod sacerdotes magis ordinantur ad legendum, psallendum & missandum, quàm ad gubernandā uerbo Dei ecclesiam. Vnde potior ferè uocis ad canendum idonea ratio habetur, quàm peritiæ seu experientiæ in sacris literis. Egregie uerò rem existimant confectam, si muneri pastoralis præficiatur non ineptus aliquis iurisperitus. Nam feliciter litigare in foro pro augendis & conseruandis opibus, utilius propemodum esse uidetur, quàm bene concionari in templo pro lucrandis animabus. Quid quod ex curia, ex regum & principum aulis uidemus ad occupandas ecclesias missos homines, ad quiduis potius quàm ad regendas Dei ecclesias aptiores? Munia enim ecclesiastica coeperunt haberi ceu principū donatiua: unde & beneficia sunt appellata. Ipsi Rom. pontifices coquis suis, cupediarijs, militibus, tonsoribus & mulionibus contulerunt sacerdotia, & honestius quidem hoc quàm cū contulerunt lenonibus. Bona pars sacerdotum ad ministerium sanctum uiolentia & per Simoniam pene trauit, in quo tamen bene ministrare nec potuit, nec uoluit. Qui uerò honestiore titulo recipiuntur, per commendationem & fauorem recipiuntur. Valet hic plurimum uel affinitas, uel agnatio & consanguinitas. In his omnibus maior habetur uentris quàm ministerij ratio, magis prospicitur ipsis sacerdotibus non sacerdotibus, quàm ecclesiæ Dei & saluti animarum. Hoc autem modo corruunt omnia in ecclesia, & opprimitur grex Dei pondere & ruina pastorum.

Huc pertinet pluralitas, ut uocant, beneficiorum. Vnus aliquis uel miles uel *Pluralitas beneficiorum.* curtisanus, sex aut plura non rarò beneficia ad se, Papa ipsi obijciente, rapit, quorum curam non habet ullam, nisi in recipiendo. Nunquam enim docet, imò rarissimè adest gregi, nisi dum tondet. Interea grex Domini negligitur & perit. Nam qui præficiuntur uicarij ab illis, indocti ferè & mercenarij sunt. Qui minimum accipit, præficitur gregi qualis qualis sit. Et satis quidem doctus esse uidetur, si possit legere, canere, missare, confessiones audire, inungere, & Euangelium ex codice die Dominico recitare. Quæ restant præterea, illis leuicula esse uidentur.

Pudet autem ac piget commemorare, qualis in ecclesia morum remanserit censura. Res clamat, & experientia testatur, indignos non esse exclusos ab hoc ministerio sancto. Admissi enim sunt promiscuè omnes, & tolerantur adhuc fornicarij, ebrij, aleatores, & uarijs flagitijs coinquinati, imò cooperti homines. Sed ne hic nihil facere uiderentur, rogauit in ordinatione Episcopus, Qui digni sint honore? Ac respondit protinus is Episcopo qui antea non uidit aut non nouit quales sint de quibus testificatur, Digni sunt. Præterea tot & tales in consecratione ceremonias usurpant, ut Euangelicæ ueritatis studiosus illas recipere incolumi conscientia non possit. Hæc & aliæ his non dissimiles causæ faciunt,



Quodnam sit  
officium ordi-  
natorum in ec-  
clesia.

Acto 20.

1. Tim. 4.

De Clauibus  
ecclesie.  
Luce 11.

Matth. 23.

Matth. 16.

Ioan. 20.

Luce 24.

quò minus sustineamus ordinari à Romanæ ecclesiæ ordinarijs uel Episcopis.

Restat ultimum quod initio huius tractationis explicandum proposuimus, quodnam sit ordinatorum in ecclesia ministrorum officium. Id uno uerbo efferre possumus, Gubernare Dei ecclesiam, uel pascere gregem Christi. Paulus enim Apostolus sermonem habens ad pastores Asianos, Attendite uobis, inquit, & cuncto gregi, in quo uos spiritus sanctus posuit Episcopos, ad regendum seu pascendum ecclesiam Dei, quam acquisiuit sanguine suo. Regunt autem ecclesiam Dei pastores uerbo Dei, uel doctrina sana, & sancto uitæ exēplo. Rursus enim S. I. Iulius ad Timotheum, Esto forma fidelium in sermone, in conuersatione, in dilectione, in spiritu, in fide, in puritate. Eadem scribit & ad Titum cap. 2. Quoniam uerò Pontificij de officio uel munere Episcoporum longè alia comminiscuntur, ea quæ sicut & alias nugas suas confirmant clauium autoritate seu potestate, sicut commemorauimus cum differerem de potestate ecclesiastica, dicam ante omnia nonnihil, & quantum huic negotio satis esse putauero, de Clauibus.

Clauis instrumentum est omnibus cognitissimum, quo portæ, ostia & arce uel clauduntur uel recluduntur. Transfertur à rebus corporeis ad spirituales, diciturque Clauis scientiæ & regni cœlorum. Dominus enim in Euangelio Lucæ, Væ uobis legisperitis, inquit, qui tulistis clauem scientiæ: ipsi non introistis, & eos qui introibant uetulistis. Eandem sententiam beatus Matthæus sic effert, Væ uobis scribæ & pharisæi, quia clauditis regnum cœlorum ante homines. Vos enim non intratis, nec aduenientes sinitis intrare. En quod Lucas dixit auferre clauem scientiæ, id Matthæus exponit per Cœlum claudere. Est ergo clauis scientiæ, ipsa institutio de uita beata, quomodo eius participes fiamus. Aufert clauem, qui populum non instituit de uera beatitudine, uel obstat quò minus alij rectè instituant. Proinde Clauis regni cœlorum, aliud nihil sunt quàm ministerium prædicationis Euangelij seu uerbi Dei, à Deo ministris suis commissum, ut omnes erudiantur qua uia tendatur in cœlum, qua descendatur in tartara. Has Clauis promisit Petro & in ipso omnibus alijs Apostolis Dominus, cum dixit, Tibi dabo clauis regni cœlorum. Et quicquid alligaueris in terra, erit alligatum in cœlis: & quicquid solueris in terra, erit solutum & in cœlis. Inquiramus ergo ubi Petro & alijs traditæ sint clauis. Et concors quidem omnium consensus est datas esse in die resurrectionis. Constat autē eodē commissum esse Apostolis ministerium seu functionem prædicandi Euangelij: unde cōsequens est, Clauis nihil aliud esse quàm ministerium prædicandi in omnes gentes Euangelij. Hoc enim mundo annunciat, partem per Christum salutem communicari credentibus, incredulis patere tartara. Sed audiamus iam sanctorum Euangelistarum testimonia. Ioānes Apostolus & Euangelista, Venit, ait, ad discipulos suos Dominus, & dicit illis, Pax uobis. Sicut me misit pater, ita ego mitto uos. Hæc cum dixisset, flauit in eos, & dixit, Accipite spiritum sanctum. Quorumcunque remiseritis peccata, remittuntur eis: quorumcunque retinueritis, retenta sunt. Congruunt hæc cum uerbis quibus clauis promisit. Ibi enim dixit, Quicquid alligaueris in terra, erit alligatum in cœlis. Hic dicit, Quorumcunque retinueritis peccata, retenta sunt. Ibi dixit, Et quicquid solueris in terra, erit solutum in cœlis. Hic dicit, Quorumcunque remiseritis peccata, remittuntur eis. Proinde ligare est peccata retinere, soluere est peccata remittere. Dicis, Quomodo remittunt homines peccata, cum scriptum sit solum Deum remittere peccata? Adhibeantur ergo alia aliorum Euangelistarum testimonia, eandem historiam in die resurrectionis factam contextentia. Lucas, Tunc aperuit mentem illorum Dominus, inquit, ut intelligerēt scripturas, & dixit eis, Sic scriptum est, & sic oportebat

tebat Christum pati & resurgere à mortuis tertio die: & prædicari in nomine eius poenitentiam & remissionem peccatorum in omnes gentes. Marcus uero, Discumbentibus apparuit, ait, & exprobrauit incredulitatem eorum, & dicebat illis, Ite in mundum uniuersum, & prædicate Euangelium omni creaturæ. Qui crediderit & baptizatus fuerit, saluus erit: qui non crediderit, condemnabitur. Solus ergo Deus condonat peccata credentibus in nomine Christi, id est, propter meritum & propitiationem Christi: sed peccata remissa esse certò annunciant ministri prædicatione Euangelij, ac ea prædicatione ligant & soluunt, remittunt & retinent peccata. Exemplo uno aut altero res fiet illustrior. S. Petrus ad Hierosolymitanos ciues uerba faciens, Resipiscite, inquit, & baptizetur unusquisque uestrum sub nomine Iesu Christi in remissionem peccatorum, & accipietis donum spiritus sancti. Sic autem Petrus Apostolus clauibus sibi creditis usus est: sic soluit in terris, hominibusque peccata remisit, promittens uidelicet certam peccatorum remissionem per Christum credentibus. Quod nuncium ratum habuit Deus, conferens fidelibus peccatorum remissionem, sicuti crediderunt. Præterea custos carceris Philippici, Silæ & Paulo perculsus dicit, Domini, quid me oportet facere ut saluus fiam? Responderunt Apostoli, Crede in Dominum Iesum: & saluus eris tu & tota domus tua. Absoluerunt ligatum Apostoli, & remiserunt ei peccata, per claues, id est, per prædicationem Euangelij, cui cum credidisset in terris, absolutum iudicauit Dominus in coelis. Hæc petita sunt ex Actis Apostolorum. In ipsidem legimus exempla contraria huiusmodi, Iudæi repleti zelo, contradicebant his quæ dicebantur à Paulo, ac conuiciabantur. Paulus autem & Barnabas sumpta fiducia, dixerunt, Vobis oportebat primum loqui sermonem Dei, sed quoniam repelitis illum, & indignos uos iudicatis uita æterna, ecce conuertimur ad gentes. Rursum cum idem Paulus Corinthijs Iudæis Christum prædicasset, & hi reclamantes conuiciarentur, Apostolus uestibus excussis, Sanguis, inquit, uester super caput uestrum. Mundus ego posthac ad gentes uadam. Sic autem ligauit incredulos. Et Deus prædicationem Pauli ratam habuit: quia ab ipso Deo erat profecta. Ac nisi propriam ueramque seræ clauem inferas, neutiquam aperies. Vera & genuina clauis est purum uerbum Dei: adulterina & furtiua clauis est doctrina à uerbo Dei aliena traditioque humana. Satis claris opinor scripturæ testimonijs euici, claues Apostolis & pastoribus ecclesiæ adeoque ipsi ecclesiæ datas, aliud nihil esse quam ministerium docendi ecclesiam. Doctrina enim Euangelica ueluti clauibus quibusdam aperitur regni coelorum ianua, cum certa & expedita ostenditur ratio & uia per fidem ueram perueniendi in participatum Christi & gaudia uitæ æternæ. Diuino testimonio humanum accedit. Nam beatus Ioannes Chrysostomus in Matth. cap. 23. Clauis, inquit, est uerbum scientiæ scripturarum, per quam aperitur hominibus ianua ueritatis. Clauicularij autem sunt sacerdotes, quibus creditur est uerbum docendi & interpretandi scripturas. Alia ueterum scripturæ interpretum testimonia, ab his nostris nihil discrepantia, studio & breuitatis causa non adduco.

Hæc cum ita habeant fratres, & disertis tradita sint nobis scripturis, non magnopere curabimus porro quid garriant Pontificij de potestate clauium, & quæ inde deriuent officia, dignitates, prælaturas, & nescio quid aliud & quam potestatem sacerdotum. Nos didicimus, non ex hominum sermonibus aut opinionibus, sed ex ipso uerbo Dei aperto, Claues esse ministerium uerbi Dei prædicandi, & Claues datas esse Apostolis & eorum successoribus, id est, prædicandi functionem de remissione peccatorum, de poenitentia ac uita beata commissam.

Quomodo apostoli soluerint & ligarint. Acto. 2.

Acto. 16.

Acto. 13.

Acto. 18.



Vnde petenda  
sit doctrina.

Malach. 2.

Ezech. 3.  
Ierem. 23.

Matth. 28.  
Marc. 16.  
Rom. 1.

1. Pet.

Nō permissum  
est episcopis no-  
uas condere leges.

Vnde illud iam concludimus, præcipuum pastoris ecclesiastici officium esse, illas ipsas claves, quas Dominus Apostolis tradidit, & non alienas usurpare: hoc est, solum & purum uerbum Dei prædicare, neque aliunde quam ex ipso uerbo Dei doctrinam petere. Est enim perpetua inuiolabilisque lex hodie nostris quoque imposita pastoribus, quæ legitur imposita fuisse etiam uetustissimis ecclesiæ gubernatoribus, ipso Domino attestante apud Malachiam, ac dicente, Fœdus meum fuit cum Leui uitæ & pacis, & dedi ei timorem, & timuit me, & à facie nominis mei expauit. Lex ueritatis fuit in ore eius, & iniquitas non est inuenta in labijs eius. In pace & rectitudine ambulauit mecum, multosque ab iniquitate auertit. Labia enim sacerdotis custodient scientiam, & legem requirent ex ore eius: quia angelus Domini exercituum est. Rursus Ezechieli dicit Dominus, Audies ex ore meo uerbum, & annuncabis eis. Apud Ieremiam dicit Dominus, Propheta apud quem est somnium, narret somnium: & qui habet uerbum meum, loquatur uerbum meum. Distinguit disertè inter diuina & humana, inter ea quæ ex Dei uerbo sunt, & ea quæ hominum electione finguntur, quæ uti incerta & somnia omittere iubet, Mox enim subiungit, An non uerbum meum est sicut ignis, dicit Dominus, & sicut malleus conterens petram? Et iterum, Ne audieritis uerba prophetarum qui uobis prophetant: decipiunt uos, uisionem cordis sui loquuntur, non ex ore Domini. Omnes itaque ueri Dei prophetae id continuò in ore habent, Hæc dicit Dominus. Os Domini locutum est. Proinde nihil alienum à uerbo Dei tradiderunt populo. Erat scriptura quoque populo ueteri. Et prophetae nihil aliud erant quam interpretes legis, applicantes hanc loco, tempori, rebus & personis. Sed & Dominus noster Iesus Christus non semel dicit doctrinam suam non esse suam, sed patris. Id si ad uerbum intelligas, haud scio an aliquid magis absurdum dici possit. Intelligit ergo Dominus doctrinam suam non esse humanam, sed diuinam. Quid quòd ipse ubique ad scripturam legis & prophetarum relegat, & sua ex illis confirmat? Est autem Christus unicus religionis doctor, & uitæ magister uniuersæ à Deo patre propositus ecclesiæ. Huic & ipse doctores mittens, & quid ipsi ecclesiæ tradant, ostendens, dicit, Docete eos seruire ea quæ ego præcepi uobis. Item, Ite in orbem uniuersum, & prædicate Euangelium omni creaturæ. At Paulus Apostolus testatur Euangelium promissum esse per prophetas Dei in scripturis sanctis. Hanc autem doctrinam à Christo acceptam, nationibus tradiderunt Apostoli, nihil ei adijcientes, nihil detrahentes: simul autem exposuerunt scripturas prophetarum ueteres: sed ne hic quidē suo aliquid indulgentes ingenio, aut suo permittentes arbitrio. Nam Apostolus Petrus, Vt quisque accepit donum, inquit, alius in altum illud ministrantes, ut boni dispensatores uariæ gratiæ Dei. Si quis loquitur, loquatur ut sermones Dei. Sed & Tertullianus in Præscript. hæret. (quod alibi quoque citauimus) disertè dicit, Nobis nihil ex nostro arbitrio indulgere licet, sed nec negligere quod aliquis de arbitrio suo induxerit. Apostolos Domini habemus auctores, qui nec ipsi quicquam ex suo arbitrio quod inducerent elegerunt, sed acceptam à Christo disciplinam fideliter nationibus assignauerunt. Itaque si etiam angelus de cœlis aliter euangelizaret, anathema diceretur à nobis. Hæc ille. Præterea demonstrauimus in Sermonibus de Fide & de Ecclesia, à solo Dei uerbo pendere fidem, & unico Dei uerbo unice inniti fidem: uerbo item Dei non doctrinis hominum construi & conseruari ecclesias Dei: quæ omnia huc pertinere uidentur.

Nec enim permissum est Episcopis ecclesiæ Christi, sicuti falsò gloriantur Pastores, nouas statuere leges, ac noua proferre dogmata. Doctrina enim Christi Apostolis tradita, simpliciter est recipiēda ab ecclesia, & simpliciter ac pure tradenda

tradenda à pastoribus ecclesiæ, quæ est cœtus Christi uerbo credentium. Quis autem nesciat pronunciatum esse à propheta, Omnis homo mendax, solus Deus uerax: Et ecclesia est columna & basis ueritatis, quia ut ueritati scripturarum innititur, ita non aliam quàm scripturis traditam profert, aut prolatam recipit doctrinam. Quis uerò gloriam soli Deo debitam, sibi etiam usurpet? Solus Deus totius generis humani, in ijs maximè quæ attinent ad religionem & uitam beatam, legislator est. Isaias enim, Dominus, inquit, est iudex noster: Dominus legislator noster: Dominus rex noster, ipse seruat nos. S. Iacobus item, Unus, inquit, est legislator qui potest seruare & perdere. Deus hoc sibi uelut proprium asserit, ut legibus uerbi sui regat suos, in quos solus habet ius uitæ & necis. Quinimò non possunt piæ leges esse, quæ suo arbitrio fidem docere & cultum Dei præscribere præsumunt. Doctrina fidei & cultus Dei, nisi diuina sit, nihil minus est quàm quod esse dicitur. Solus Deus docet nos quæ sit uera fides, quis ei placeat cultus. Ideoq; apud Matthæum ex Isaiâ filius Dei pronunciauit, Frustra me colunt, docentes doctrinas præcepta hominum. His accedit & illud, quòd ex nouis hominum constitutionibus semper enascitur mirus uerbi Dei legumq; diuinarum neglectus, adde & contemptus. Nam propter traditiones nostras, quod & in Euangelio dixit Dominus, præuaricamur & paruipendimus præcepta Dei.

Isaie 33.

Iacobi 4.

Matth. 15.

Postquàm autem constat unde sit pastori seu doctori petenda doctrina, non aliunde quàm ex scriptura noui & ueteris testamenti, quæ est certissimum & ueracissimum uerbum Dei, ideoq; hanc doctrinam esse certam & definitam, dicendum porro erit nonnihil et de ratione docendi, quam sequatur doctor siue pastor ecclesiasticus. Atq; hic summas duntaxat rerum perstringam. Ante omnia autè requiritur à pastoribus, ut perpetuò id sibi dictum existiment, quod Archippo inculcare iussit Apostolus, Vide ministerium quod accepisti à Domino, ut illud impleas: deniq; ne unquam oculos detrahāt à uiua illa boni & mali pastoris pictura, quam Ezechiel illustris propheta ad hunc modum proposuit, Sic dicit Dominus Deus, Vx pastoribus Israel qui pauerunt seipsos. Nōne pastorum est pascere gregem ipsum? Pinguedinem comeditis, & lana induimini, & quod crassum est mactatis, oues autem ipsas non pascitis. Doloze correptam non consolidastis, ægrotam nō sanastis, confractam non ligastis, propulsatam non reduxistis, & perditam non quaesiuistis: quin & cum durtia & sæuitia dominati estis eis. Et iterum, Ego pascam oues meas, dicit Dominus Deus. Perditam requiram, propulsatam reducam, confractam sanabo, infirmam roborabo, pinguem uerò & firmam coërcēbo, & pascam in iudicio. Hinc colligimus boni pastoris esse pascere non deuorare gregem, ministrare non dominari, salutem ouium non priuatam rem querere. Perditam item ouem requirere, id est, eos qui abhorrent à ueritate & uersantur in tenebris errorum in ecclesiam & lucem ueritatis pertrahere: propulsatam, nimirum separatam à consortio sanctorum, priuati alicuius affectus gratia, restituere & reducere: confractam sanare siue obligare: uulnera enim peccatorum notat, quæ & Ieremias curre præcipit: deniq; infirmam & languentem roborare non prorsus conterere: ac firmam, id est, homines in uirtutibus florentes coërcere, ne superbiant in donis Dei, ac excidant. Cogitet autem hæc non posse perfici nisi sana & perpetua doctrina deriuata ex uerbo Dei.

Scopus pastori ecclesiæ.

Coloss. 4.

Ezech. 34.

Iere. 9. &amp; 30.

Isaie 42.

Matth. 12.

De ratione docendi ecclesiæ.

Docendi ratio extendit se ad publicas doctrinas & priuatas. Publica doctrina instituit pastor publicè uel Catechumenos uel Perfectiores. Catechumenis quidem tradit elementa ueræ religionis. Comprehendit enim Catechesis rudimenta fidei doctrinæ Christianæ, nempe capita fœderis, decalogum, symbolum Apo-



*Interpretatio  
Scripturæ.*

*2. Pet. 1.*

*Applicatio.*

*2. Timoth. 2.*

*Matth. 5.*

*Titum 1.*

stolorum, Orationem Dominicam, & breuem sacramentorum explicationē. Vete-  
res ecclesiæ Catechistas habuere peculiariter huic muneri consecratos. Cōmen-  
dauit autem nobis Dominus in utroq; testamento miris obtestationibus pubem,  
præcipiens ut ipsam tempestiuē & diligenter in uera religione instituamus. Ma-  
gna insuper præmia & grauissimas pœnas proponit. Nullus certè fructus ab au-  
ditoribus catechesi non probè instructis expectari potest in ecclesia. Nesciunt e-  
nim qua de re loquatur doctor ecclesiæ, cū audiunt nominari Fœdus, Præce-  
ptum, Legem, Gratiam, Fidem, Orationem, Sacramenta. Proinde maximam hic,  
sicubi aliās, adhibere decet diligentiam. Perfectiorum doctrina uersatur præcipuē  
in expositione scripturæ sanctæ. Ex ueterum Episcoporum scriptis constat in pri-  
mitiua illa felici & sanctissima ecclesia moris fuisse, non partes aliquot librorum  
canonicorum, neque locos aliquot delectos ex his, sed libros integros tam noui  
quàm ueteris testamēti enarrare ecclesijs. Neq; hinc modicus ad ecclesias redibat  
fructus. Sicuti hodie quoque experimur ecclesias non posse erudiri melius, & has  
non posse affici uehementius, quàm ipsis Dei uerbis, fidelicq; interpretatione libro-  
rum Euangelij, legis, prophetarum & Apostolorum. Vbi obiter monemus inter-  
pretationem scripturarum non esse quiduis confingendi & quolibet detorquen-  
di scripturas libidinem, sed scripturarum religiosam collationem & donum sin-  
gulare sancti spiritus. Nam S. Petrus, Scriptura prophetica non est, ait, priuatæ in-  
terpretationis. Proinde nemo habet potestatem scripturas exponendi pro suo ar-  
bitrio. Neq; alligatur maiori parti melior expositio, quasi melior sit interpretatio  
quæ plures habet consentientes. Ita enim Christianismum multis parasangis præ-  
cederet Arianismus et Turcismus. Melior expositio est, quæ non pugnat cum fide  
& dilectione, nec detorquetur ad defendendam ac propagandam hominum glo-  
riam & auaritiam. Verū dixi de Interpretandis scripturis Sermonē 2. Decad. 1.  
Nisi uerò commodè applicetur scriptura pro ratione locorum, temporum, rerum  
& personarum cuiuslibet ecclesiæ, & in hunc finem (quod & 3. Sermonē huius  
Decadis inculcaui) ut ædificetur ecclesia, nō ut doctior aut eloquentior uideatur  
doctor ecclesiasticus, nullo sanè cum fructu enarrauerit plebi libros scripturæ ca-  
nonicos. Cōmendat nobis Dominus prudentem dispensatorem, & ait, Quis nam  
est fidelis dispensator & prudens, quem constituet Dominus super famulitium  
suum, ut det illis in tempore demensum cibum? Et quæ sequuntur Lucæ 12. Pau-  
lus quoq; scribens Timotheo Episcopo dicit, Stude teipsum probatum exhibere  
Deo, operarium non erubescens, rectè seruans sermonē ueritatis. Cibus inu-  
tilis est, nisi dissecetur in partes. At hic nouit paterfamiliās quas partes ministrat  
singulis in sua familia, non illud spectans quid quemuis delectet, sed quid cuique  
maximè prosit. Idem Apostolus omnia doctoris ecclesiastici ad ædificationē diri-  
genda esse docens, dicit, Qui prophetat hominibus, loquitur ædificationē & ex-  
hortationem & consolationē. Ergo ad perfectiorum doctrinam pertinet non tan-  
tū scripturæ sanctæ expositio, sed & dilucida uel maximè perspicua dogmatum  
uel rerum Christianarum demonstratio, inprimis autem clara de Pœnitentia &  
Remissione peccatorum in nomine Christi doctrina: item obiurgatio opportuna  
& acris, uel grauis sed prudens scelerum accusatio. Nam Dominus Apostolis lo-  
quens, Vos estis sal terræ, ait, si sal infatuatus fuerit, quo salietur: Huc pertinet cō-  
futatio quoq; errorū & hæresum oppressio, assertioq; doctrinæ orthodoxæ. Pau-  
lus enim ait, Oportet uaniloquis & mentium seductoribus obturare os, & redar-  
guere seueriter. Neq; enim satis est simpliciter docere religionem ueram, nisi ean-  
dem quoq; constanter inculcando urgeat, defendat atq; conseruet doctor eccle-  
siasticus

fiasticus. Huc maxime pertinent hæc Pauli uerba, Obtestor te coram Deo & domino Iesu Christo, qui iudicaturus est uiuos & mortuos in apparitione sua & in regno suo. Prædica sermonem, in sta tempestiue, intempestiue: argue, increpa, exhortare cum omni lenitate & doctrina. Nam erit tempus cum sanam doctrinam non sustinebunt, sed iuxta concupiscentias suas coaceruabunt sibi doctores ij quibus pruriunt aures, & à ueritate quidem aures auerrent, ad fabulas uerò conuertentur. At tu uigila in omnibus, obdura in afflictionibus, opus perage euangelistæ, ministerium tuum ad plenum probatum reddito. Opus est itaq; adhortationibus creberrimis, ut quod ecclesia per doctrinam frequentem & perspicuam intellexit uel prosequendum esse, uel fugiendum, adhortatione feruenti accensa & impulsâ constanter prosequatur uel refugiat. Ac longanimitate hic opus erit episcopo, ne statim omnem abiiciat spem si uideat res non protinus ad uota succedere, & fortes aliquot aut impudētes etiam aduersarios pertinaciter reluctari. Paulus enim, Seruum domini, inquit, non oportet pugnare, sed placidum esse erga omnes, propensum ad docendum, tolerantem malos cū mansuetudine, erudientem eos qui obfistunt, si quando det illis deus pœnitentiam ad agnoscendum ueritatem, ut resipiscant è diaboli laqueo, capti ab eo ad ipsius uoluntatem. Opus est præterea consolatione blanda ac uiuida. Sunt enim afflictī multi, uarijs exercitiis tentationibus, quos nisi fideliter consoleris, superantur à satana. Hæc & his similia alia pertinent ad doctrinam perfectiorum.

Hic commemorare licet etiam Curam pauperum. Pertinet enim hæc maxime ad episcopum, & ad publicam episcopi doctrinam, qua ditiores perpetuò urgeat ad misericordiam, ut faciles sint ad impartendum. Egregia huius rei exempla reliquit nobis Apostolus Paulus in omnibus suis ferè epistolis, præsertim autē in 16. cap. ad Rom. & prioris ad Corinth. deniq; in 8. & 9. cap. posterioris epistolæ. S. Petrus, Iacobus & Ioannes curam pauperum S. Paulo diligentissimè commendarunt, quemadmodum ipse Paulus cōmemorat in 2. cap. ad Galat. Et quantū Petrus dispensationem alicubi recusat, in hoc tamen est totus ut pauperibus dentur dispensatores pii & fideles. Idcirco pertinet ad pastores maxime cura pauperum ne negligantur, sed ueluti Christi membra foueantur humanissimè.

Priuatam doctrinæ genus nihil differt re ipsa à publico illo, sed priuatam appellatur propter discētes. Accedit enim aliquis pastorem Nicodemi instar. & cupit ab ipso maxime familiariter de rebus ipsum peculiariter urgentibus erudiri. Deniq; iste pastor priuatim addit & instruit eos quos certis indicijis didicit priuatis colloquijs facilius posse lucrari Christo, quàm publicis concionibus. Præterea admonet priuatim: & in tempore cauet, ne imprudentiores profundius malis immergantur. Huc pertinet uisitatio ægrotorum & captiuorum, quos omnes fidelis pastor non negligit, sed inuisit hoc diligentius, quo grauius ipsos tentari intelligit. Vigilat enim pastor bonus super uniuersum Christi gregem, cui insidias struit satanas circumcursitando, quærens quos deuoret. Huic obfistit orando, admonendo, docendo & adhortando. Quod si quælibet ecclesia pastorem talem habeat, qui gregem non deserat facile, quantum obsecro sperabimus fructum? Proinde non immeritò subemur indefinenter & ardentem orare dominum, ut is ecclesiæ suæ det pastores fideles, prudentes, pios & sedulos.

Hæc hæcenus dixi de doctrina episcoporum in ecclesia dei. Nisi uerò doceat ad hunc modum episcopus, & ea faciat quæ doctrinæ coniuncta sunt, episcopi aut pastoris aut doctoris nomine indignus est, utcunq; prætexat apostolici titulum. Adhærent autem doctrinæ ecclesiasticæ quædam, quæ & ipsa requiruntur à pa-



store euangelico ac sunt officij eius, cuiusmodi sunt congregare cœtum sacrum in quo prædicetur & oretur, & administrare sacramēta. Sed de his suo loco dicitur.

*De uita sancta  
& inculcata  
episcoporum.  
Matth. 5.*

Porro inspiciendum uidetur quomodo episcopi sancto uitæ exemplo regant ecclesiam Christi. Dominus in euangelio ad apostolos suos dicit, Vos estis lux mundi. Non potest oppidum abscondi supra montem situm, neq; accendunt lucernam & ponunt illam subter modium, sed super candelabrum, & lucet omnibus qui sunt in domo. Sic luceat lux uestra coram hominibus, ut uideant uestra bona opera, glorificentq; patrem uestrum, qui est in cœlis. Proinde pastores non tantum doctrina, sed & uita sancta prælucent ecclesiæ: quæ uidens uitam congrue doctrinæ, commouetur & ipsa ad innocentiam uitæ colendam. Plurimum enim potest exemplum uiri boni sanctum ad propaganda studia uirtutū. In contrarium testatur scriptura plurimum potuisse corruptum filiorum Heli antistitem religionis exemplum, ad corrumpendum uidelicet populum. Scriptura enim dicit, Erat autem peccatum filiorum Heli grande nimis coram domino, quod homines ab-

*1. Sam. 3.*

horre inciperent à sacrificijs domini. Videntes enim homines corruptam ministrorum ecclesiæ uitam, subdubitare incipiūt de tota doctrina, clamantes, Si uera esse crederet pastor quæ nos docet, nō ipse ita dissolutè uiueret. Huiusmodi ergo doctores uita praua subuertere dicuntur quod sana doctrina ædificarunt. Proinde Paulus requirit episcopum uel populi pastorem, qui sit irreprehensibilis, id est qui iure & meritò à fidelibus reprehendi non possit. Alioquin enim quo quisq; syncerior & integrior fuerit episcopus, hoc magis erit impiorum calumnijs & contumelijs obiectus, domino hoc ipsum prædicente in euangelio, Si ipsum patrem familiam uocauerunt Beelzebub, quanto magis domesticos illius? Item, Si me persequuti sunt, & uos persequentur. Et iterum, Beati estis cum probra in uos iecerint homines, & insectati fuerint, & dixerint omne malum uerbū aduersus uos, mentientes propter me. Gaudete & exultate: quoniam merces uestra multa est in cœlis. Curabit ergo pastor summo studio, & quantum in ipso est, ut domi & foris uitam se & sua uocatione dignam uiuat. Castè uiuat tam extra quàm in ipso coniugio. Floreat in episcopo temperantia, sobrietas, parsimonia uel frugalitas, hospitalitas, & reliquæ uirtutes quas superius ex Apostolo commemorauimus. Familiam suam prudenter gubernet, & sanctè instituat, ac ita coërceat, ne crimine luxus aut alijs sceleribus offensionē ecclesiæ obijciat. Sic enim & apostolus Paulus præcepit (qui rursus formans studia episcopi) Donec uenero, inquit, attende lectioni, exhortationi, doctrinæ. Requirit diligentem à Timotheo lectionem, id est, studiū assiduum, quò possit euidentius exhortari & docere. At studiū assiduum ab eo requirit Paulus, de quo alibi scribit, ipsum à puero sacras nouisse literas. Quam ergo diligentiam requirit Apostolus ab illis, qui ut tantam spiritus gratiam affecuti non sunt, quantam affecutus fuerat Timotheus, ita non à pueris in sacris sunt exercitati literis? Pudeat ergo multos suæ inertiae, pudeat illiterati otij, & negotiosi otij. Vt enim multi nunquam quicquam legunt, sed otiantur perpetuò, otioq; ueluti computrescunt; ita innumeri alij in ijs occupantur quæ episcopos minime decent. Rursus itaq; Apostolus, Nemo qui militat implicatur uitæ negotijs, ut ei qui se in militiam delegit, placeat. Effet hic locus dicendi de stipendio pastoribus debito: sed differemus in locum alium. Foris autem apud populum, si quando ob negotia prodeant episcopi, cœtibusq; hominum honestis intersint, non segniori opera anniti debent, ne dicto aut facto ullo, ne amictu, ne sodalizio, aut uniuersa deniq; conuersatione uitæ iustum ecclesiæ præbeant offendiculum. Conspiciatur in pastoribus ubiq; & semper sancta integritas, maturitas iusta, honestas decens,

*Matth. 10.  
Ioan. 15.  
Matth. 5.*

*1. Tim. 4.*

pruden-

prudencia, modestia, humanitas, humilitas & auctoritas Dei ministris digna. Absint autem his contraria uita siue flagitia. His pauculis comprehensa puto, quæ alij fuscè tractarunt differentes de disciplina & honestate clericorum. Omnia enim secula intellexerunt, in omni gradu & hominum genere malam esse uitam dissolutam, in ministris autem ecclesiarum pessimam & intolerabilem. Quid enim efficiat in ecclesia ecclesiæ minister, cuius omnis intercudit auctoritas? Requiritur ergo in pastoribus auctoritas.

Hanc concidisse queruntur multi, & collapsam fulcris nescio quibus, titulis *Auctoritas pastorum.* inquam, ceremonijsq; subleuare contendunt. Verum non paratur auctoritas rebus huiusmodi leuiculis & uulgaribus. Paratur potius Dei gratia, ueritatis & integritatis studio: si uidelicet deus corda tangat hominū, si hi intelligant deum per ministros tanquam per organa sua operari opera sua in medio ecclesiæ: si sentiant spiritus feruore nō frigide ministros negotia domini agere, nihil metuere in causa bona, nihil timere impios & potentes huius seculi, sed his obistere: nihil tamen hic indulgere odio, sed animo paterno, forti, constanti & prudenti agere omnia. Quibus si iam accedat non hypocritica, sed uerè sancta & integra uita, mores integri, suauis, & iucundi, satis auctoritatis paratum sentient fideli ministro omnes uiri prudentiores.

Nollem tamen his uel tantillum Donatistis & Anabaptistis patrocinarum. Contendunt uerbi & sacramentorum ministerium, à ministro impuriore uitæ administratum, esse inefficax. Tametsi enim uita à ministro sancta requiritur, non inefficax tamen redditur ministerium, ministri uita existente impura, modò doctrina sit integra atq; sincera. Dominus enim in euangelio iubet audire docentes in cathedra Moysi, uetat autem imitari ipsorum opera. Docere enim bona, sed non facere. Dixi hac de re Sermonem huius Decad. 2. Nazianzenus pulchrè ait eundē esse sigilli typum, siue ferro insculpatur siue auro. Vnum atq; idem est euangelium, unus atq; idem est celestis à patre missus thesaurus, siue hic à bono siue à malo asferatur nuncio. Interim uerò impura ministrorum ecclesiæ uita non dissimulari, sed coerceri, incurabilesq; è gradu suo deijci debent, ne perpetuo offendiculo infame reddant sanctum ministerium. *Propter uitam non bonam doctoris, non reijcienda doctrina bona. Matth. 23.*

Cæterum cur hæc tractas, aiunt multi, pro concione publica: priuatim hæc dicenda fuerant sacerdotibus. Respondeo ipsas leges ad sacerdotes præcipuè pertinentes, quondam principibus populi esse communicatas & prælectas ipsi populo. Præterea constat Christum dominum nostrū ea quæ peculiariter pertinebant ad doctores pastoresq; populi, in publicis tractasse concionibus. His accedit quòd S. Paulus loquens de presbyteris, Peccantes coram omnibus, arguè, inquit, ut & cæteri timorem habeant. *1. Tim. 5.*

Scriptura sancta, quæ summa diligencia bonos & fidos pastores doctoresq; describit, non minore fide & sedulitate etiam pseudoctores & depastores depingit, in hoc ut agnoscantur ab omnibus sanctis, & caueantur. Obuia ueniunt hæc ubiq; in scriptis prophetarum & apostolorum. Singulares tamen locos si qui uelint cognoscere, extant Deut. 13. & 18. Isaia 56. Iere. 23. Ezech. 34. Dan. 11. Matth. 7. & 23. Paulinæ epistolæ in his describendis & confutandis sunt densissimæ. Et S. Petrus in his conuellendis bonam partem epistolæ posterioris insumit.

Eorundem prophetarum & apostolorum testimonia atque exempla, tradunt ministros sanctos & fidos pastores omnigenis diuexandos fore afflictionibus persecutionibusq;. Illa ipsa interim manifestè testantur, ministeriū nunquam opprimendū fore, sed ministros perpetuò triūphaturos uel morientes. Semper enim



## D E O R A T I O N E .

dat dominus ecclesiae suae ministros, qui etsi ut aurum igni probantur, vincunt tamen per illum qui mundum & principem mundi superauit. Postrema secula corruptissima erunt, sicuti fuisse leguntur tempora Noe & Loth: uerum sicuti tunc quoque in extrema illa deprauatione, hi duo uiri excellentissimi cum nonnullis praestantissimis in omni pietate uiris uerisque Dei cultoribus floruisse, & suum officium fecisse leguntur, ita in finem usque seculi durabit & ministerium uerbi, & florebut doctores pastoresque egregii, oppugnantes & persequentes omnem impietatem & luxuriam. Cessent hostes ueritatis sperare excidium & ministerij & ministrorum uerbi Dei. Ero, inquit dominus in euangelio, uobiscum omnibus diebus, usque ad consummationem seculi. Mentiri nescit qui haec dixit. Idem spiritu oris sui antichristum conficiet, inquit Apostolus, quem mox abolebit glorioso suo aduentu in iudicium. Erunt itaque, uel ipsis portis inferorum inuitis & insipientibus, ministri ecclesiae, & praedicatores ad finem usque seculi.

Ista autem de ministerio uerbi & ministris ecclesiarum Christi, qua potui breuitate complexus sum hactenus. Nostrum uero non est tales formare uel dare pastores. Dei gratia & beneficio dantur boni pastores, & auferuntur e medio mali. Deum ergo inuocemus omnes, orantes ut ipse nobis fideles & sanctos det episcopos, quo nomen eius sanctificetur semper, & ecclesia Dei feliciter gubernetur ad salutem omnium credentium.

*De modo & ratione orandi Deum, hoc est, de inuocatione nominis domini, ubi & Oratio dominica exponitur, & de cantu, de gratiarum actione ac uirtute orationis dicitur.*

S E R M O V.

**P**OST tractationem ministerij uerbi Dei in Ecclesia Christi, commodissime dicturus uideor de Oratione fidelium, ad quam ministri fideles Ecclesiam nunquam adhortari desinunt.

*Oratio quid sit.*

*Orationis partes.*

*Coloss. 4.  
Philip. 4.*

Vocabulum Oratio patet latissime apud scriptores, & in usu quotidiano: in praesenti usurpamus ad eum modum, ad quem usurpauit propheta Dauid, dicens, Exaudi Deus orationem meam, & clamor meus ad te ueniat. Est enim oratio simplex & ardens fidelis animi expositio, qua a Deo uel bona petimus, uel pro acceptis gratias agimus. Etenim duae sunt potissimum partes Orationis, Inuocatio uel Petitio, & Gratiarum actio. Petitione cordis nostri uota & desideria Deo exponimus, postulantes ut det nobis bona, & auertat a nobis mala, pro gloria & bona uoluntate sua, & pro necessitate nostra. Comprehendimus in inuocatione uel petitione Obsecrationem, quae uehementior est oratio, & Interpellationem, qua aliorum negotia commendamus domino. Preces enim offerimus domino Deo nostro, non pro nobis ipsis duntaxat, sed & pro fratribus nostris, & pro fratrum uariis necessitatibus, pro laborantibus in periculis, pro aegrotantibus, pro persecutionem sustinentibus, aut alijs calamitatibus ac tentationibus fere oppressis. Ergo nec Deprecationem excludimus, qua mala a nobis uel ab alijs auerti postulamus. Sunt etiam querelae quibus cum Deo sancti in precibus suis sancte exposcunt. Gratiarum actio & laudes diuinas continet, & uirtutes Dei eximias, beneficiaque a Deo accepta alacri spiritu celebrat. Huc refertur bona pars Psalmorum, quorum alia ad inuocationem pertinet. Et sunt quidam didactici, quidam exegetici. De quibus iam non est dicendi locus. Has uero orationis partes agnoscens beatus Christi Apostolus Paulus, scribens Colossensibus, Orationi instate, inquit, uigilantes in ea, cum gratiarum actione, Et ad Philip. In omni prece & obsecratione

oratione cum gratiarum actione petitiones uestre innotescant apud deū. Et rursum ad Timotheum, Adhortor ut ante omnia fiant deprecationes, obsecrationes, interpellationes, & gratiarum actiones pro omnibus hominibus. 1. Tim. 2.

Species orationis hæ sunt. Est oratio priuata cuiuscunque fidelis, est & publica totius ecclesie. Priuata oratio fit ad deum à quouis fidei homine, quouis in loco, siue domi siue foris, in conclaui cordis & proprii corporis templo. Nam S. Petrus ascendens ad superiores domus partes orat. S. Paulus, Volo, inquit, in omni loco orare uiros, sustollentes puras manus. Ipse quoque Christus dominus frequentius ex ipso templo in montem orandi causa secessit, & in euangelio dixit, Tu cum oras, introito in conclaue tuum, & occluso ostio tuo, ora patrem tuum qui est in occulto, &c. Publica oratio est ecclesiastica, quæ fit ad deum in cœtu sacro, iuxta receptum cuiusque ecclesie ritum. Porro pastorum est, quod & Paulus monuit 1. Timoth. 2. ac nos in Sermone præterito proximè diximus, conuocare, instruere & cōseruare cœtus, in quibus supplicationes uel preces publicæ fiant. Et culpandi sunt ualde, qui hac parte negligentiores sunt, nec ferēdi planè qui rarò aut nunquam seriò docent, & precandi studium frigidius urgent. Homines natura ignaui & ad studium religionis segnes sunt: unde stimulo acuto indigemus. Datū est autem officium excitandi & urgendi pastoribus ecclesiarum. Clamant alicubi prophete, Clangite tuba in Zion, indicite cœtum. Etenim in cœtu sacro tria potissimum exercentur, doctrina euangelij, oratio fidelis, & religiosa sacramentorum celebratio uel administratio. Fit nonnunquam & collatio in sustentationem pauperum & ecclesie. Hæc non hominum beneplacito, sed diuina autoritate, & ab ipsa mox origine rerū instituta & à sanctissimis Dei cultoribus usurpata esse testatur scriptura sacra. De Patriarchis illis longè uetustissimis & primis diluuium præcedentibus & mox consequentibus nihil restat dubij: cum de ipso Iacobo nepote Abrahami scriptura manifestè commemoret quòd aram erexerit in Bethel ad quam collegerit uniuersam domum suam, copiosissimā alioqui, ibidemque cultum exhibuerit deo. Sub Mose per legem significantissimis præceptis cœtus sacros instituit. Imò in decalogo diligentissime præcipit sanctificare sabbatum: id quod & cœtus sacros comprehendit. Sancti Dei prophete, ubique ornarunt & commendarunt cœtus populi Dei ecclesiasticos. Nec hos improbavit in carnem ueniens Christus dominus. Sicut enim in cœtibus frequentissimis festisque singulari docuit diligentia, ita ipse in cœtum recollegit & populum & discipulos suos: quibus singulariter mādauit ne discederent Hierosolyma, sed ut expectarent promissum patris: id quod in cœtu collectis & precantibus præstitum legimus in Actis cap. 2. Ibidem & cœtus populi fidelis commendatur nobis, sicut & in 11. & 14. cap. prioris epistolæ Pauli ad Corinthios. Supplicationes quas idem fieri mandat pro omnibus in eminentia constitutis, in cœtibus maxime sacris fiunt. Certè Plinius, author ethnicus, non obscuram facit sacrorum cœtuum mentionem Traiano imperatori scribens. Olim habuerunt Cœtus sacri promissiones præstantissimas, sicut uidere licet in oratione Solomonis, quam descriptam tibi exhibet prior liber Regū cap. 8. Hodie uerò nihilo minores promissiones habet Christi ecclesia, dicente Christo domino, Dico uobis, quòd si duo ex uobis consenserint super terram, de omni re quamcunque petierint, fiet illis à patre meo qui in cœlis est. Vbi enim sunt duo uel tres congregati in nomine meo, ibi sum in medio eorū. En ipse dominus est in medio cœtus sanctorum. Vbi autem dominus est, ibi & plenitudo & thesaurus bonorum omnium est. Ideoque ipsa rerum experientia docet efficaces esse supplicationes ecclesie. Exaudit enim preces ecclesie dominus, & liberat à

Species orationis.

Añor. 1. 1. Tim. 2.

Matth. 6.

De Cœtibus sacris.

Gene. 35.

Exod. 10.

Luce 24. Añor. 2.

Matth. 18.



malis illos quorum salutem ecclesia domino commendat. Sæpe experti sumus ea ipsa hora præsentissimum sensisse auxilium in discrimine positos, qua preces suas domino obtulit cœtus. Præterea permouet exemplum plurimos, alioqui du-  
 1. Cor. 14. ros & barbaros. Cernunt enim Cœtus sacri religiosam pietatem fideliumq; in cœ-  
 tibus ardorem, & commouentur, ut in seipsos descendentes agnoscant se miseros  
 esse, cupiantq; huius cœtus esse consortes. S. Paulus, Si conuenerit tota ecclesia  
 in idem, & omnes linguis loquantur, ingrediantur autem indocti aut increduli,  
 nōne dicent uos insanire? Quod si omnes prophetetis, ingrediat autem incre-  
 dulus, aut indoctus, eoarguitur ab omnibus, dijudicatur ab omnibus: & sic occul-  
 ta cordis eius manifesta fiunt, ac procidens in faciem adorabit, renuncians quod  
 Deus reuera in uobis sit. Qua ergo confidentia quoue pudore audent nonnulli  
 Cœtus sacros negligere & neglectos suggillare, quasi sine fructu colligantur? Da-  
 uid actus in exilium, de nulla re perinde dolet, quàm quod cœtibus sacris exclu-  
 sus, per deserta oberrare cogeretur. Promittit autem domino se in cœtum sacrum  
 ingressurum, siquidem restituatur. Certè cum dominus in euangelio dicat, Qui  
 ex Deo est, uerbum Dei audit, consequens est diligentes cœtum in quo annuncia-  
 tur uerbum Dei, genuinam habere filiorum Dei notam.

*Orandum esse.*

Quoniam uerò multi non tantū sacros cœtus fastidiunt, sed & preces in uni-  
 uersum aiunt esse superuacuas, inanes & inefficaces, priusquam progrediamur,  
 demonstrabimus orandum esse sanctis, orationesq; sanctorum & efficaces esse &  
 utiles, adeoq; necessarias. Prouidentia Dei omnia fiunt, inquit, ergo preces sunt  
 inutiles. Quod enim præsciuit Deus, id omnino eo modo in effectū deducit, sicut  
 præsciuit, nec impediri potest precibus. Cæterum isti abutuntur Dei prouidentia,  
 utpote ex qua colligunt quod non docent colligere eloquia sacra. Nam in Deut.  
 Deut. 9. disertis uerbis Moses scriptum reliquit, Decreuerat uos dominus delere, Oraui  
 10ne 3. 4. igitur ad dominum, & inueni gratiam. Ionas Niniuitis denunciavit excidium  
 adeo certum à domino, ut etiam dierum numerū ediceret. Sed cum uiri Niniui-  
 tæ crederent domino, & poenitentiam agerent, rediit cum ipsis in gratiam domi-  
 nus, nec poenitentes excidit. Dixerat præterea Isaias Ezechia ex ore domini, Mo-  
 rieris tu, & nō uiues. Cum uerò ex imis præcordijs domino preces funderet rex,  
 Ierem. 18. mutauit Deus latam sententiam. Nam dominus ipse apud Ieremiam, Repente lo-  
 quar aduersus gentem & regnum, inquit, ut excindam illud: Si poenitentiam ege-  
 rit gens illa, contra quam loquutus eram, à malitia sua, iam & me mali poenitebit  
 quod ei facere constitueram. Et cætera. Proinde efficaces sunt fidelium preces,  
 irata Dei iudicia retardantes, adde & è medio sustollentes. Nam quod rursus obij-  
 ciunt, orationem esse expositionem rerum, quas postulamus à domino, Dominum  
 autem omnia præscire, eidem ergo inutiliter & superuacue ea quæ nouit exponi,  
 ideoq; inutilem esse orationem, ab ipso diluitur Christo domino, qui cum diser-  
 te dixisset, Nouit pater uester cœlestis, quibus rebus opus sit uobis, priusquā pe-  
 tatis ab eo, nihilominus tamen formulā precandī subiiciens docet nos orare. Alibi  
 præcipit & urget ut frequenter oremus. Vigilate & orate, ait, ne intretis in tenta-  
 tionē. Et Paulus, Semper gaudete, inquit, incessanter orate. Huius generis ubi-  
 que multa occurrunt præcepta. Neq; uerò res nostras ut nescienti exponimus,  
 sed uota cordis nostri scienti proponimus, & nos ad pedes maiestatis eius humi-  
 liamus. Petimus ab illo, quod scimus nobis d. esse, sed ab ipso, utpote omnium bo-  
 norum authore, certò dandum. Credimus enim certis & ineffabilibus eius pro-  
 missis; interim preces non sunt superuacaneæ, quia dominus certò daturus erat  
 Ierem. 39. quod petebamus. Promisit deus liberationē populi sui, de qua sancti nihil dubi-  
 tarunt

tarunt prorsus, attamen indefessis precibus supplicarunt Domino, clamantes, Libera nos Domine Deus noster: nec existimarunt se inutilem nauare operam. Anabaptistis prætexitur purificationem plenam, & ideo puros non posse nec debere orare. Remitte nobis debita nostra, cum nulla restent debita: respondet sanctissimus Euangelista & Apostolus Ioannes, ac dicit, Si dixerimus peccatum non habemus, nos ipsos fallimus, & ueritas in nobis non est. Si confiteamur peccata nostra, fidelis est & iustus, ut remittat nobis peccata nostra, & emundet nos ab omni iniquitate. Si dixerimus non peccauimus, mendacem facimus eum, & sermo eius non est in nobis. Donec enim in hoc seculo uixerimus, remanent reliquæ peccati, omnibus & singulis momentis eluendæ per gratiam Christi. Porro obijciunt, Scriptum est, Scimus quod peccatores Deus non audit: Sumus autem omnes peccatores: neminem ergo nostrum audit Deus, atque ita inutiles inueniuntur hominum preces: respondemus peccatores quidem alios esse prorsus impios & contemptores numinis, hos non audit Deus: Sunt rursus poenitentes & timentes Dei homines, qui tamen peccatores sunt & rectè sic uocantur, propter peccati reliquias: hos audit Deus. Id quod ostendi poterat exemplis Dauidis, Manassis, Petri, Latronis cum Christo crucifixi, & multorum aliorum, qui simul & peccatores fuerunt, & orantes exauditi sunt.

Ideoq; dicimus preces fidelium non modò utiles & efficaces esse, sed etiam necessarias hominibus. Homines enim peccato corrupti, omnis boni egeni & inanes sumus. Omnis donatio bona & omne donum perfectum, è supernis est descendens à patre luminum. Is iussit orare, & promissiones amplissimas orantibus proposuit. Vnde & patres nostri frequentissimi & ardentissimi fuerunt in precibus, suo nos exemplo docentes necessarias esse preces. Scriptura item diligenter & copiose commemorat, quanta suis precibus in rebus & discriminibus maximis, in rebus utiq; maximè necessarijs, impetrauerint à ueracissimo & benignissimo Domino & Deo nostro. Postulant spiritum sanctum, fidem & fidei augmentum Apostoli, & accipiunt postulata non parcè sed liberaliter, participant omni-gena Christi gratia. Clamat in templo apud Euangelistam publicanus, & ait, Deus propitius esto mihi peccatori: ac sentit protinus clementem Dominum. Quid & quanta precibus suis impetrarit à Domino Helias, commemorat historia sacra. Porro exemplum eius nobis quoq; accommodauit beatus Iacobus Apostolus, ut & nos fide inuocemus Dominum. Id quod commemoro ne quis illud nihil ad nos pertinere existimet. Rursus quantum potuerint fideles preces Moysi, Dauidis, Iosaphat, Ezechiae & aliorum heroum in bellis, in fame, in morbis, & in alijs discriminibus summis, longum esset recitare. Probant autem hæc exempla orationem & necessariam esse semper hominibus, et maximè efficacem. Nam palam cernimus moueri Deum precibus suorū fidelium. Etenim bonus est & misericors: diligit nos: incarnatus est, ut posset sensu infirmitatū nostrarum affici: ne abhorreremus ab ipso: uerax & fidelis est, fideliter quæ promisit seruans. Quid quod ubique liberaliter & bonignè omnes homines ad se uocat, totum se offerens in fide inuocantibus?

Cæterum quod orantes non semper accipiunt petita, non euincit orationem prorsus esse inanem. Prodest enim non rarò oranti postulata non accipere. Sunt præterea causæ plures cur Deus petita uel differat, uel non concedat. Est genus hominum precantium, de quibus scriptum legitur, Qui obturat aurem suam ad clamorem pauperum, clamabit & ipse, & non exaudietur. Item, Cum multiplicaueritis orationes uestras, non exaudiam. Quia manus uestre plenæ sunt sanguine. Ita in Solomone rursus clamat Sapientia, testificans se inuocantes non auditurum, eò



Iacob. 4.

Matth. 20.

Prouerb. 3.

Hebr. 12.

Psalm 38.

quod & ipsi prius audire noluerint in tempore admonentem. Hac ferè ex persona orantiū petita sunt. Ex re illud deriuatur quod sequitur, Dicit beatus Iacobus, Petitis & non accipitis, eo quod male petatis, ut in concupiscentias uestras insu-  
 matis. Nam & Dominus duobus alioqui selectis discipulis postulanti-  
 bus primatum in regno Christi, respondens dicit, Nescitis quid petatis. Præterea cum sancti res petunt sanctas & necessarias, aut certè non iniquas, aut malas, quas tamen ni-  
 hilo minus non accipiunt à Domino, cogitant protinus Deum iudicij & iustitiæ esse Deum, ideoque non protinus liberare posse ex afflictionibus, liberationem con-  
 tinuis petentes precibus. Quos diligit corripit: & quos corripit non ideo ut per-  
 dat, sed ne cum impio mundo condemnet, corripit. Licet autem in talibus difficul-  
 tatibus orare cū Dauide, Domine, ne in furore tuo arguas me, neque in ira tua cor-  
 ripias me: & cum Ieremia, Domine, corripe me in iudicio, non in furore: & cum Abakuk, Cum irasceris recordare misericordiæ tuæ. Nihil dubitant sancti de po-  
 tentia & bonitate Dei erga homines. Quod uult Deus, & prodest filijs Dei, Deus potest facere. Exempla huius rei innumera suppeditat nobis historia uetus & Eu-  
 angelica. Proinde cum non liberamur, cum non accipimus uota nostra, certissi-  
 mum est hoc sic uelle Deum, & sic conuenire nobis. Hac ratione exaudit uota no-  
 stra cum nos exaudit. Vota enim nostra huc unice redunt, ut bene sit nobis. Deus autem cum solus sapiens norit quid prodesse, quid obesse queat, & non largitur nobis quod petimus, non largiendo reuera concedit, ut bene sit nobis. Semper itaque efficax est legitima fidelium oratio, ac semper finem suum assequitur, Domi-  
 no suis concedente quod bonum esse nouit.

Quare deum dis-  
 ferat dare que  
 daturus est.  
 Isaie 51.

Porro differt præstare Dominus quod rogatur, adeoque et preces nostras aliquo-  
 ties prorsus negligere uidetur: sed id facit ut differendo suos probet: ut fidem fla-  
 grantiorem reddat, dona quoque sua iucundiora faciat, quæ tanto maiore suauitate  
 percipiuntur, quanto ardentiori desiderio expectata sunt. In hac tentatione cōso-  
 letur illi propheta, Nunquid obliuiscetur mulier infantis sui, ut non misereatur  
 filij uteri sui? Et si illa poterit ipsius obliuisci, ego tamen tui nunquam obliuiscar.  
 Dixerat enim ecclesia, Dereliquit me Dominus, & Deus oblitus est mei.

Quis inuocan-  
 dus sit orantia-  
 bus.

Consideremus iam qualis esse debeat oratio inuocantis Dominum. Non po-  
 terit ea quaestio explicari commodius, quam circumstantiarum præcipuarū pen-  
 satione. Videamus ergo primū quis inuocandus sit orantibus: nemo utique nisi  
 1 si unus & solus Deus. Nam tria requiruntur ab eo qui inuocatur. Primum, Ut au-  
 diat omnium hominum in toto terrarum orbe preces, ut eorum corda penetret &  
 exactè teneat, adde & rectius & melius omnia hominis uota norit quàm ipsi ho-  
 2 mines explicare possint. Secundum, ut sit ubique præsens, & omnium in cælo, in  
 3 terra, & in inferis potens, qui teneat omnes uias & omnes modos iuuandi. Ter-  
 tium, ut eximie bona, prompta, & parata sit eius uoluntas, ut quod potest uelit e-  
 tiam. Cæterum in solo Deo inueniuntur hæ conditiones. Solus enim scrutatur re-  
 nes & corda Deus: solus omnia audit & uidet: solus plenius nouit ea quæ intra &  
 extra hominem sunt, quàm ipse homo: solus ubique præsens est: solus omnipotens  
 est: solus sapiens: solius Dei uoluntas perfectissima bonitate hominem complecti  
 tur, & semper parata est, & sola quod homini utile est fidelissimè procurat: solus  
 ergo Deus inuocari debet. Quis autem illas conditiones etiam selectissimis in cæ-  
 lo animabus citra blasphemiam & sacrilegium tribuerit? Proinde animæ in cælis  
 cum Deo uiuentes non sunt inuocandæ. Præsertim cum scriptura uerbis disertis  
 14. 63. testetur Abraham & Iacobum ignorare nos, & præcipiat Deum inuocare, probi-  
 beat autem ea quæ Dei sunt communicare creaturis. Et ut nihil præterea commo-  
 moremus.

moremus, cui obsecro sanctorum & diuorum in cœlo agentium, dicere poterimus absq; pudore, Pater noster qui es in cœlis, & ea quæ se quuntur in oratione Dominica: Inuocemus ergo Deum solum patrem illum cœlestem, quem solū inuocarunt omnes quotquot fuerunt in ecclesia sancti.

Quando uerò nemo mortalium, quantumuis bonus & sanctus esse uideatur, dignus est prodire in conspectum æterni & sanctissimi Dei: id quod omnes homines uno ore consentitur, multi quidem & uarij patroni, intercessores & aduocati, delecti & recepti sunt ab orantibus, per quorum interuentum uel ipsi ad Deum perducerentur, uel ipsorum preces Deo offerrentur. Proinde alij delegerunt sibi angelos, alij Apostolos, alij sanctissimam & inter omnes mulieres benedictā illam uirginem matrem, alij alios, prout spem bonam in hos uel illos defixerant. Atqui confinxerunt hæc sibi ex proprij cordis arbitrio, non didicerunt ex ore Domini. Scriptura unica ueritatis regula, unicum nobis proponit mediatorem, intercessorem, patronum & aduocatum, per quem accedamus Deum, & per quem offeramus preces nostras Domino. Ingratæ & abominabiles sunt omnes omnium hominum orationes, quæ non fiunt per Iesum Christum. Nec patitur uera fides ut alium aduocatum pro Christo, uel aliquem alium cum Christo in conspectu Dei fingamus, aut ut ipsi soli sine aduocato Christo in conspectu Dei patris prorupamus. Secernuntur hic ueri Christiani à Iudæis, à Mahumeticis, adde & à Papistis. Isti enim filium Dei contemnentes, patrem solum inuocant sine interuentu Iesu Christi. Sed pronunciat contra ipsos uox Dei per Euangelium, & per Apostolos. In Euangelio legimus dixisse Dominum, Pater omne iudicium dedit filio, ut omnes honorent filium sicut honorant patrem. Qui non honorat filium, non honorat patrem qui misit illum. Et iterum, Ego sum uia, & ueritas, & uita. Nemo uenit ad patrem nisi per me. Porro Ioannes Apostolus & Euangelista dicit, Quisquis negat filium, is ne patrem quidem habet. Hi uerò non solum agnoscunt Christum esse intercessorem, sed pro ipso uel cum ipso diuos, uti patronos, apud Deum inuocandos docent. Cæterum idem ille Ioannes Apostolus aduocatum ostendens Christianis hominibus, non se statuit, non diuos pro Christo, aut illos cum Christo proponit, sed, Aduocatum, inquit, habemus apud patrem Iesum Christum iustum. Nec alium ostendit Paulus in 1. ad Timoth. 2. & ad Hebr. 7. cap. Ad Ephes. Per Christum, ait, audemus accedere cum fiducia per fidem in ipsum, &c. Sufficit Christus credentibus, utpote in quo uno reposuit pater omnia bona, iubens illa in ipso & per ipsum precibus postulare. Sufficiunt hæc minime rixosis mentibus. Plura qui uelint, requirant ex 5. Sermonem Decad. 4.

*Per quem inuocetur Deus pater.*

*1. Ioan. 5.*

*1. Ioan. 14.*

*1. Ioan. 3.*

*Que commoueant hominē ad inuocandū Deum.*

*Rom. 8.*

Dixi quis orandus uel inuocandus sit pijs Dei cultoribus, & per quem, solus Deus per unicum Dei filium Dominum nostrum Iesum Christū: inspiciamus modo quæ commoueant hominem ad inuocandum Deum: præcipue quidem spiritus Dei nostri. Oratio enim recte inter gratiæ munera deputatur. Neq; enim possemus serio & ex animo Deum nostrū inuocare, nisi spiritu Dei excitati atq; impulsī. Tamen si enim præceptum Dei orare iubeat, & præsens necessitas periculumq; impellat, & exemplum aliorum inuitet ad orandum, nihil tamen illa omnia efficerent, nisi spiritus animos nostros ad suum raperet arbitrium, & in oratione moderaretur ac retineret. Licet itaq; plures sint concurrentes causæ ad orandum commouentes hominem, præcipua tamen est origo orationis spiritus sanctus. Cuius impulsus & moderationem ante omnes preces præfatione sancta postulant, quicunq; cum aliquo fructu orant. Huc pertinent hæc S. Apostoli uerba, Spiritus etiā opitulatur infirmitatibus nostris. Non enim quid oraturi sumus quemadmodum



oportet, nouimus. Verum spiritus ipse intercedit pro nobis gemitibus inenarrabilibus. Qui uero scrutatur corda, nouit cogitationem spiritus, quod secundum Deum intercedit pro sanctis. Equidem interpellare dicitur spiritus Dei, non quod ipse reuera precetur & ingemiscat, sed quod animos nostros excitet ad precandum & ingemiscendum, efficiatque ut secundum mentem Dei pro sanctis, id est, pro nobismetipsis intercedamus uel oremus.

Quibus oportet instructum esse facultatibus orantem.  
Daniel. 9.

Consideremus porro quibus debeat instructus esse facultatibus qui orator ad Deum accedit. Inprimis exuat necesse est omnem propriæ dignitatis & iustitiæ opinionem: agnoscat se peccatorem esse & omnium bonorum indigum, atque ita conijciat se in meram Dei misericordiam, ab hac cupiens omnibus impleri bonis. Magnus enim propheta Dei Daniel, Non in iustitijs nostris, inquit, effundimus deprecationes nostras in conspectu tuo, sed in miserationibus tuis multis. Sed & pares preces Deo oblatas legis Psalm. 79. Clamat enim populus Domini, Adiuua nos Deus salutaris noster: propter gloriam nominis tui libera nos: & propitius esto peccatis nostris propter nomen tuum. Ne recorderis iniquitatum nostrarum antiquarum, festina & præueniant nos misericordiæ tuæ. In nouo testamento apud Lucam pharisæus confidens suæ iustitiæ, repellitur & abiicitur à Domino: publicanus uero ingenuè confitens peccata, & misericordiam implorans Dei, auditur & iustificatur. Nisi uero agnoscamus nuditatem, infirmitatem, & paupertatem nostram, quis oro orabit ad Dominum? Non ualidi, sed infirmi opus habent medico. Et Dominus in Euangelio, Petite ait & accipietis: pulsate, & aperietur uobis: querite, & inuenietis. Qui uero petere iubetur ut accipiat, non habet utique quod petit. Qui pulsat, pulsando se foris stare significat. Qui uero querit, amisit utique quod querit. Exclusi ergo gaudijs paradisi, quod amisimus & non habemus, querimus & petimus orando. Ergo cum Dauid & Ezechias & alij sancti Dei suam al legant orantes iustitiam, ob quam uidentur iure exauditionem postulare, non propriam quidem dignitatem, sed magis Dei ueritatē respiciunt. Promisit hic se exauditurum suos cultores. Dicunt ergo sancti, En tui sumus cultores, æquum est itaque ne nos negligas, sed asseras. Interim alijs locis de sua iustitia ita loquuntur, ut dubitare non possimus in suis precibus cum moderatione quadam & limitatione mentionem suæ fecisse iustitiæ. Non intres in iudicium cum seruo tuo, ait Dauid, non enim iustificabitur in conspectu tuo ullus uiuens, &c.

Fide inprimis opus est orantibus.  
Iacobi 1.

Deinde & quod primum omnium est, fide uera & ardenti opus est orantibus. Doctrina ergo fidei in negotio orationis ueluti matutina stella præluceat, & certa obtinendi spe à Deo petat orator quod petit. Postulet cum fiducia, ait beatus Iacobus Apostolus, nihil hæsitans. Qui enim hæsitat, is similis est fluctui maris, qui uentis agitur & impetu rapitur. Neque enim existimet homo ille se quicquam accepturum à Domino. Nam & Paulus dixit, Quomodo iuuocabunt eum, in quem non crediderunt? Dixi de Fide Sermonem 4. Decad. 1. Vt autē fides iustis grandescat artibus & floreat firmaque persistat, promissionibus & exemplis undique collectis elaborandum est. Nos pauca recitabimus. In libro Psalmorum legimus, Sacrifica Deo laudē, & redde altissimo uota tua: & inuoca me in die tribulationis, erua me & glorificabis me. Item, Prope adest Dominus omnibus inuocantibus eum, omnibus inquam inuocantibus eum in ueritate. Voluntatem timentium se faciet, & clamorem eorum exaudiet, atque saluabit eos. Rursus apud Isaiā dicit Dominus, Erit ut antequam clament ego exaudiam: & adhuc illis loquentibus audiam eos. Apud Matthæum dicit Dominus, Petite & dabitur uobis, Querite & inuenietis, Pulsate & aperietur uobis. Quisquis enim petit accipit, & quicumque querit inuenit, & pulsanti

Psalm. 50.

Psalm. 154.

Isa. 65.

& pulsanti aperietur, &c. In eodem Euangelio dicit Dominus, Omnia quæ petieritis in deprecatione credentes, accipietis. Matth. cap. 21. Apud Marcum in 11. cap. eadem sententia sic effertur, Quæcunque orantes petitis, credite, & erunt uobis. Rursus in Euangelio secundum Ioannem ait Dominus, Si quid petieritis per nomen meum, ego faciam. Item, Amen amen dico uobis, quæcunque petieritis patrē in nomine meo, dabit uobis. Petite & accipietis. Ab exemplo patrum argumentatur Dauid, & ait, In te sperauerunt patres nostri, sperauerunt & tu liberaſti eos. Ad te clamauerunt, & liberati sunt: in te sperauerunt, & non sunt confusi. Inde enim colligit & se non deferendum à Domino. In Euāgelica historia extant exempla plurima quæ mirum in modum fidem suffulciunt & confirmant fidelium.

Cū uerò fides non sit opinio inanis, sed uirtus efficax, operans per spiritum sanctum omnis generis bona, opera (quamuis his nec fidant neq; propter ipsa se exaudiri putent) non impudenter & sine poenitentia tamen ingenio indulgent fideles precatores, uerbis tantum agentes cum Domino, sed uitam sanctam coniungunt cum precibus. Solomon enim dicit, Qui subducit aurem suam ne audiat legem, etiam oratio eius erit abominabilis. Et Dominus apud Isaiam, Cū multiplaucaueritis, inquit, orationes uestras, non exaudiam uos: quia manus uestræ plenæ sunt sanguinæ. De huiusmodi impoentibus hominibus illud in Euangelio intelligimus, Deus peccatores non audit. Quinimò nihil impetrabunt sancti, si pro talibus intercedere pergant. Nam Ieremias diligēter orans pro populo suo, alioqui pertinaciter impius, audit. Tu ne oraueris pro populo isto, neq; attollas pro illis clamorem & deprecationem, neq; interuenias apud me: quoniam nequaquam te exaudiam. An tu non uides quid isti faciant in ciuitatibus Iuda? Filij colligunt ligna, & patres incendunt ignem, uxores autem farinam aqua conspersam subigunt, ut placentas faciant reginæ cœli, & ut dijs alijs libent libamina, me uerò ad iram prouocent. Ad eundem modum apud Ezechielem dicit Dominus, Si malū immiserō in populum hunc, & steterint tres uiri in medio eius, Noe, Daniel & Iob: uiuo ego dicit Dominus Deus, non liberabunt filium aut filiam, sed ipsi in iustitia sua liberabunt animam suam. Idcirco consequens est, supplicationes impoentium hominum, impudenterq; in sceleribus perseverantium, tamen sine intermissione clament, Adiuua nos Deus salutaris noster, Libera nos Domine. Te rogamus audi nos, planè inanes esse. Seruari enim cupiūt ad uoluptates, & ad scelera patranda. Et quamuis gratis quæ petimus donet Deus, necesse est tamen affectum bene uiuendi tanta Dei beneficia concomitari. Diligentissimè enim hic est cauendum, ne existimemus nos exaudiri propter nostras uirtutes, sed propter meram Dei misericordiam in Christo Iesu.

Præterea eleuet è terrenis ad cœlestia mentem, quisquis cupit preces suas Deo esse gratas. Ea de re eleganter et sanctè differens beatus Christi martyr Cyprianus, Quando stamus, inquit, ad orationem, uigilare & incumbere ad preces toto corde debemus. Cogitatio omnis secularis & carnalis abscedat, nec quicquam tunc animus, quàm id solum cogitet quod precatur. Claudatur contra aduersarium peccati, & soli Deo pateat, nec ad se hostē Dei tempore orationis adire patiatur. Obrepat enim frequenter & penetrat, et subtiliter fallens preces nostras à Deo auocat, ut aliud habeamus in corde, aliud in uoce: cum intentione sincera Dominum debeat, non uocis sonus, sed animus & sensus orare. Hæc ille. Cæterum ut ex terrenis in cœlestia eleuetur mens orantis, efficit maximè spiritus ueræ fidei, spei firmitas, & Dei ardens charitas: si item cogitemus tremendam Dei maiestatem coram cuius oculis orantes stamus. Adorant hunc & reuerentur omnes creaturæ in cœ-

*Vita orantium  
respondeat fidei.*

*Proverb. 18.  
Isaia 1.*

*Ioan. 9.  
Iere. 7. 11.*

*Ezech. 14.*

*Elevanda est  
mens ad cœlestia.*



lo & in terra; seruiunt ei millena angelorū millia. Cogitemus quā utiles & necessarias res à Deo petamus; sine quibus felices esse nō possumus. Remoueamus præterea omnia ea quæ uel retinent in hoc seculo, uel detrahunt ad terrena, cuiusmodi sunt accidia, auaritia & erapula, deniq; his alia similia crimina. Contra uerò studeamus uigiliæ, sobrietati, benignitati, liberalitatiq;. Certè scriptura ubiq; ferè coniungit orationi ieiunium & misericordiam. Hæ enim uirtutes alacriores & expeditiores ad orandum efficiunt per fidem. Daniel, Posui faciem meam, inquit, ad Dominum Deum, ut rogarem eum oratione & obsecrationibus, in ieiunio, & sacco, & cinere. Nec his dissimilia tradunt Ionas & Ioel. Imò in Euāgelio & Apostolorum literis ubiq; obuium habemus, Vigilate, orationi instate, sobrii este. Nam pleno uentre, uel nullæ, uel pingues funduntur orationes. Vnde Augustinus dixisse legitur, Vis orationem tuam uolare ad Deum? Fac illi duas alas, ieiunium & eleemosynam. Nam in Actis Apostolorū dicit Cornelio Centurioni angelus Domini, Orationes tuæ & eleemosynæ tuæ ascenderunt in memoriam coram Deo.

Acto. 10.

Oratio profiscatur ex  
charitate.  
Marci 11.  
Matth. 6.

Et sanè requirit à nobis orationem ardentem: at non frigere non potest quæ charitate non inflammatur. Crudeles ergo, & fratribus sua delicta condonare nolentes, odijq; fraterni retinentes, non possunt orare coram Domino, dicente, Et cum steteritis orantes, remittite si quid habetis aduersus aliquem, ut & pater uester qui in cœlis est remittat uobis delicta uestra. Et iterum, Si remisistis hominibus errata sua, remittet & uobis pater uester cœlestis. Quod si non remisistis hominibus errata sua, nec pater remittet uobis errata uestra. Nam & alibi, Itaq; si obtuleris munus tuum ad altare, inquit, & illic recordatus fueris quod frater tuus habet aliquid aduersum te, relinque illic munus tuum coram altari, & abi prius & reconcilieris fratri tuo, & tunc ueniens offer munus tuum. Alioqui enim ingrata erunt omnia tua munera Deo. Condonemus ergo libenter, amemus & beneficijs prosequamur proximos nostros, sic oratio nostra penetrabit cœlos.

Matth. 5.

Non orantū  
sed ex corde  
orandū est.

His confine est, ne ore duntaxat aut uoce, sed mente & cordis intimo affectu, spiritu ac desiderio oremus. Nulla exaudiebatur Moïsis & Annæ matris Samuelis uox orantium, sed fortissimè uociferabantur spiritu ad Deum, qui & exaudiuit: & illum incolumem cum uniuerso populo Israelis per mare rubrum ex cruentissimis Ægyptiorum manibus deduxit, & hanc sterilem quidem, fecundam fecit. Contra uerò legimus Dominū in Euāgelio ex Isaia hæc contra pharisæos protulisse uerba, Appropinquat mihi populus hic ore suo, & labijs suis me honorat, ceterum cor eorum procul abest à me: sed frustra me colunt docentes doctrinas, præcepta hominū. Rectè ergo Paulus, Orabo spiritu, inquit, sed orabo & mente: spiritum uocans flatum animale & uocem illam humanam. Condemnantur his diuinis testimonijs eorū preces, qui mirabili linguæ uolubilitate & celeritate, breui momēto multa uerba eaq; fracta & detruncata deblaterant, uoces profundentes sine sensu. Animus enim eorum interea peregrinatur. Nullum præterea ab his sentitur desiderium, nisi hoc fortè desiderium uideatur, quod accelerando finem orationi imponere cupidè anhelant. In quo genere primas obtinent monachi & sacerdotes, pretio & mercede precantes, id est, rem nihili magno uenditantes insano populo: non quod preces inanes sint per se, sed quod ad eum modum usurpata, inanes sint. De his pronunciauit Dominus in Euāgelio, Væ uobis scribæ & pharisæi hypocritæ, quia comeditis domos uiduarum, dum sub prætextu precibus prolixis precamini: propter hoc plus accipietis cōdemnationis. Scio quæ hic logodædalisti pro mercede conductis precationibus asserant, atq; obtendant: sed paucis hunc illis nodum explicandum propono. Precatores isti fidem & charita-

Matth. 15.

1. Corinth. 14.

Matth. 23.

tem

tem habent, uel non habent: si habent, gratis ex charitate orant; si non habent, inanes sunt ipsorum preces, ideoque falsa specie decipiunt stolidam plebem, pecuniam expendentem pro orationibus iustis, cum isti persoluāt iniustas. Et si iustæ erant, minime tamen uel uendendæ, uel emendæ fuerant.

Requiritur & illud ab orante, ne indigna Deo postulet, aut legibus Dei contra-<sup>Ne quid deo in-  
dignum & le-  
gibus aduersum  
petamus.</sup> ria petat. Nam beatus Ioannes apostolus, Si quid petierimus, inquit, secundū uoluntatem eius, audit nos: ergo cum indigna Deo petimus, non audit nos. Præterea semper & in omnibus orationibus nostris nostra uolūtas & uota nostra, Deo & uoluntati eius subiicienda sunt. Itaque nemo conetur certis circumstantiis impie alligare Deum: nemo præscribat Deo, quo quid tempore, quo loco, aut qua ratione faciat quod est factururus. Deus solus sapiens opportunitatem iuuandi nouit. Sed & fidelis & omnipotens est, ampliora utique facere potens, quam uel ipsi petamus, aut intelligamus. Id quod & Paulus dixisse legitur. Ergo non præter rationem grauius irascitur uidua honestissima Iudith Osias sacerdoti, certum statuentium <sup>Iudith 9.</sup> dierum numerum domino, quo absoluto liberet, alioqui facturos deditiōem. Dicit autem Iudith, Quod est hoc uerbum in quo consensit Osias ut tradat ciuitatem Assyriæ, si intra quinque dies non uenerit adiutorium uobis? Et qui estis qui tentatis dominum? Non est iste sermo qui misericordiam impetret, sed magis qui iram prouocet, & furorem accendat. Posuistis uos tempus miserationis domini, & pro arbitrio uestro diem constituistis ei: sed quia patiens dominus est, in hoc ipso poeniteamus, & indulgentiam eius fuis lachrimis postulemus. Religiosissime ergo Dauid dixisse legitur in summo discrimine, Si inuenero gratiam in oculis domini, reducet me: sin autem dixerit mihi, Non places, præstō sum. <sup>2. Sam. 15.</sup> Faciat quod bonum est in oculis ipsius.

Iam etiam perseverantia multa opus est in precibus. Petite, ait dominus in euangelio, & dabitur: querite, & inuenietis: pulsate, & aperietur uobis. Hac autem uerborum congerie inculcauit orandi perseverantiam. Petite, inquit, serio & constanter, quemadmodum faciunt qui necessaria petunt: querite, ut solent qui abstrusa & pretiosa scrutantur: pulsate, ut solent qui summo desiderio ad amicum ingredi cupiunt. Hæ enim omnia non modò desiderium, sed & pertinax studium consequendi petita significant. In euangelio secundum Lucam proposuit dominus <sup>Luc 18.</sup> parabolam huc pertinentem, quod oporteat semper orare, neque defatigari unquam. Nam & Paulus dixit, Semper gaudete, indefinenter orate, in omnibus gratias agite. Nemo autem arbitretur his uerbis domini & Apostoli Psallinorum uel <sup>1. Thess. 5.</sup> Euchitarum errorē confirmari. Illi nihil aliud quam precabantur. Semper orare iussit dominus, id est, quanta fieri potest assiduitate, omni tempore & loco, omnibus in rebus erecto esse ad Deum corde, quod semper expectet à Deo bona & pro acceptis beneficiis agat gratias: quod item postulet assidue gratiam. Tale studium commendatur nobis in Anna illa Phanuelis filia, de qua commemorat Lucas, <sup>Luc 1.</sup> quod à templo non discesserit, sed die & nocte ieiunijs & precationibus seruerit domino: non quod nihil aliud fecerit, nunquam curauerit corpus, nunquam edoret, biberit aut dormierit, sed quod illud assidue & potissimum fecerit. Hodie enim sic loquentes dicimus rusticum sine intermissione laborare, & studiosum dies & noctes legere: cum interim omnes intelligant hoc locutionis genere significari assiduitatem & diligentiam excellentissimam operis & lectionis. Egregium indefessæ precationis aut inuocationis exemplum exhibet nobis Syrophœnissa apud Matthæum in cap. 15. Quod si diutius æquo negligere nos uel postulata differre uidetur Deus, cogitemus perpetuo prophetam dixisse, Adhuc pusillum temporis,



# DE ORATIONE.

& qui uenturus est ueniet, & non tardabit. Iustus autē ex fide uiuet, &c. Hebr. 10.

*Quando oran-*  
*dum sit.*

Ex his facillimum erit explicare tempus orationis, de quo etiam inquitur, quando oporteat orare. Priuatim enim semper orare oportet. Semper enim dum uiuimus, uaria & multiplex offertur orandi materia. Ora ergo quoties impellit spiritus, & quoties ipsa necessitas aut res te orare compellit. Nihil tamen hic coartū sit: omnia hilari & libero prodeant spiritu. Publicæ uerò preces tempori sunt astrictæ. Sunt enim horæ precandi statæ, sunt conceptiue. Statæ sunt certæ illæ ab ecclesia receptæ, quibus mane uel uespere tota coit ecclesia ad audiendum uerbum Dei, ad orandum, & ad participationem sacramentorum. Non eodem tempore, & iisdem horis in sacrum cœtum quondam coisse ueteres ecclesias, testis est Socrates in historia. Et in hac quidem diuersitate nullum est periculum. Conueniant ad cultum sacrum ecclesiæ, cum maximè ipsis opportunum, honestum, dignum & utile uidetur. Porro conceptiue precandi horæ sunt, quæ pro præsentī necessitate ad certum tempus suscipiuntur aut indicuntur ab ecclesia. Temporibus difficilibus, & in rebus grauioribus indixerunt sancti apostoli preces & ieiunia. Quod hodie quoque sine superstitione & cum iusta moderatione licet. Et antiquissimum quidem hoc esse institutū liquet ex his Ioelis prophetæ uerbis, Clangite tuba in Zion, sanctificate ieiunium, indicite cœtum, congregate populum, 1. Cor. 7. Quid quod priuatim Apostolus iubet secubare coniuges ad tempus, & à licitis sibi temperare uoluptatibus, ut oratio in necessitate sit ardentior?

*Ioelis 2.*

*1. Cor. 7.*

*De loco orationis.*

Iam & de loco orationis nō difficile erit iudicare. Nam ut priuatim omni tempore, ita ubique orare posse sanctos dixi in principio huius Sermonis. Nulli enim loco alligatur uera sanctorum oratio, neque in hoc loco quā illo melior esse iudicatur. Bonitas enim siue præstantia orationis non ex loco, sed ex mente orantis æstimatur. Nam dominus in euangelio ait, Veniet hora, & nunc est, quando uerū adoratores adorabunt patrem spiritu & ueritate, &c. Ioan. 4. cap. Minimè autem hic prætereundi uidetur, quibus persuasum est pios nullibi orare posse nisi domi in cubiculo. Quò detorquent illa saluatoris nostri uerba, Tu cum oras, introito in conclaue tuum, & ocluso ostio tuo ora patrem tuū qui est in occulto, & is qui est in occulto, persoluet tibi in propatulo. Cæterum habent hæc antithesin ad superiora. Nam præcessit, Cum oraueritis non eritis sicuti hypocritæ: solent enim in conciliabulis & in angulis platearum stantes orare, quò cōspicui sint hominibus. His enim modò opponit, Tu uerò cum oraueris introito in conclaue tuum. Quoniam autem in taxando orationis uitio non locum propriè damnauit, sed figuratè hoc potius dixit, Pharisei precibus suis in plateis factis uenantur laudem & assentationem populi: ita ex contrario cubiculi mentionem faciens, non locum propriè orationem uel meliorem, uel peiorem facere sensit, sed figurato sermone docuit syncero animo & alienissimo à captandis hominum laudibus esse orandum. Nam qui mente ab affectibus tranquilla solum Deum respiciens orat, in cubiculo suo orat, siue in templo siue in platea oret. Alioqui enim dominus cum discipulis in templo, in urbe, in agro, & ubicunque res postulabat, orauit. Sequitur item, Pater qui uidet in occulto, reddet tibi in propatulo. Id est, pater cui probatur animus non superbus, sed humilis & ab ambitione alienus, rependet tibi palam. Publicæ autem preces fiunt in templo aut in cœtu sanctorum: quem si quis consemnat, clauitans orationē nulli loco alligari oportere, nescio an Christiano nomine dignus sit, cum libertate Christiana foedè abutatur. Porro de Cœtibus dixi paulò superius. Dicemus plura fortassis ultimo huius Decadis Sermone.

*Habitus orationis.*

Attingendus hic quoque uenit orantium habitus. Absit autem omnis luxus, omnis

omnis superbia, omnis immoderatus corporis cultus ab ijs qui oraturi in templū Christi ueniunt. Turpiter uideretur sancto magistratui illuisse, quisquis ueniam delicti postulaturus, positis pullis uestibus, candidis aurem sumptis, in confessum sancti senatus prodiret superbus. Dignus hic iudicaretur qui non modò repulsam pateretur, sed & concluderetur in carcerē. Quis uerò neget Deo illudere turpius uenientes in templum oratū ueniam, cum sint peccatorū pondere oppressi, hic tamen adeò non humiliari, sed huiusmodi corporis cultu in conspectū Dei & sanctorū prodire, ut & iram Dei in se de nouo prouocet, & optimos quosq; in Ecclesia offendat grauissimè: Proinde Paulus multis docet modestiam, honestatē & humilitatem in templo esse seruandā. Locus extat 1. Cor. 11. cap. Quod reliquū est huius negotij, beatus Christi martyr Cyprianus, cōprehensens sic scribit, Sit orantibus sermo & precatio cum disciplina, quietem continens & pudorē. Cogitemus nos sub cōspectu Dei stare. Placendū est diuinis oculis & habitu corporis & modo uocis. Nam ut impudentis est clamoribus strepere, ita cōtra cōgruit uerecundō modestis precibus orare. Quidam ineptē ex corporis constitutione orationem uel meliorem uel peiorem iudicant. Audiant ergo beatum August. lib. 2. ad Simplicianum. Quæst. 4. dicentē, Non refert quomodo corpus constituatur, dummodo animus Deo præsens peragat intentionē suā. Nā & stantes oramus, sicut scriptum est, Publicanus de longinquo stabat: & fixis gentibus, sicut in Actis Apost. legimus: & sedentes, sicut Dauid & Helias. Nisi autem & iacentes oraremus, non scriptū esset in Psalmis, Lauabo per singulas noctes lectum meū. Cum enim quisq; orationem quærit, collocat membra sicut ei occurrerit accommodata pro tempore positi corporis ad mouendum affectum. Cum autem nō quæritur, sed infertur appetitus orandi, cum aliquid repente uenit in mentē, quo supplicandi moueatur affectus gemitibus inenarrabilibus, quocunq; modo inuenerit hominem, non est utiq; differenda oratio, ut quæramus quo sedeamus, aut ubi stemus, aut proster-namur. Tertullianus commemorans habitum suæ ætatis Christianorum orantiū in Apologetico contra Gentes, Ad cœlum suspicientes Christiani, inquit, manibus expanſis, quia innocuis: capite nudo, quia non erubescimus: deniq; sine monitore, quia de pectore oramus, precantes sumus omnes semper pro omnibus. Vbi tamen in primis recentī memoriā tenere oportet doctrinā saluatoris in euangelio dicentis, Cum oraueris, non eris quemadmodum hypocritæ. Nam illi solent in conciliabulis & in angulis platearum stantes orare, quò conspicui sint hominibus. Amen dico uobis, habent mercedem suam. Cauendum enim nobis ante omnia, ne in hunc finem uel priuatim uel publicè oremus, habitumq; corporis componamus, ut auram hauriamus popularem, ut magni & sancti uideamur esse apud homines. Sat est placere Deo, ac eius iudicio approbari.

In consideratione orationis nemo dixerit esse postremū scire quid ores, quam rem à Deo petas, uel pro quibus preceris. Considerandæ hic ueniunt personæ & res. Personæ uel publicæ sunt, uel priuatæ. Publicæ sunt, episcopi, doctores, magistratus, & omnes in eminentia constituti. Pro his orare iubet prophetica, euangelica & apostolica scriptura. Paulus non semel postulat intercessionem ab ecclesia ad dominum, ut liberetur ab absurdis & proteruis hominibus, & ut liberè loqui possit euangelium, sicut loqui deceat. Pro omnibus in eminentia constitutis intercedere idem ille mandat, ut placidam ac quietam uitam degamus, cum omni pietate & honestate. Priuatæ personæ sunt, parentes, uxor, liberi, consanguinei, affines, uicini, ciues, amici, inimici, ægroti, captiui, afflictī, deniq; proximi quicq;: quorum salutem & incolumitatem Deo precibus cōmendare iubet natura & charitas

Cyprianus

Augustinus.  
Corporis cōsti-  
tutio nec peio-  
rem nec melio-  
rem reddit ora-  
tionem.

Tertullianus

Quid orandum  
uel petendum à  
Deo.Rom. 15.  
Ephes. 6.  
2. Theff. 3.  
1. Tim. 2.



*Res* Christiana, quibus accedunt & testimonia ac exempla scripturæ. Cæterum res sunt ipsa bona expetibilia, quorum alia cœlestia, spiritalia, siue æterna: alia uerò terrena, corporalia, siue temporalia: præterea alia quidem communia, alia rursus priuata sunt. Communia ad communem ecclesiam & rempublicam pertinent, nec paucorum sunt sicuti priuata. Spiritalia autem numerantur hæc maxime, fides, spes, charitas, perseuerantia, & chorus ille uirtutum omnium, ecclesiæ profectus & incolumitas, peccatorum remissio, & uita æterna. Inter quæ non ineptè recensentur dona ingenij, artes ingenuæ, scholæ bene institutæ, fidi doctores, magistratus sanctus, leges æquæ. Corporalia sunt, respub. tranquilla, robusti in bello exercitus, bona ualetudo, robur & forma corporis, amplæ uel sufficientes facultates, incolumitas & felicitas uxoris, liberorum, amicorum & ciuium defensio, pax, integra fama, & quæ huius generis sunt alia. Nemo autem nescit potiorē haberi oportere rationem spiritalium, quàm corporalium: & ante omnia petenda esse cœlestia. Ac in corporalibus quoque habendus est delectus, ut priuatis bonis communia anteponantur. Salua enim republika, salui esse possunt ciues. Scholis integris, spes est nunquā defore prudentes & æquos gubernatores reipublicæ. Sunt præterea in bonis temporalibus alia alijs præstantiora. Hæc ergo sancti ante alia postulant à domino, sed minus præstantia tamen & ipsa à domino dari intelligunt, ideoque & à domino petunt. Parum exercitati in scripturis contendunt, non licere à Deo precibus postulare bona corporalia. Verum confutantur multis scripturæ exemplis. Non enim patriarchæ prophetæque, sed & Apostoli Christi à Deo postularunt bona temporalia, defensionem ab hostibus, integram famam, & alia corpori necessaria. Id quod mox discemus ex forma orandi, quam nobis tradidit ipse dominus, diligenter quid peramus exponens.

*Licet petere à Deo bona corporalia.*

*Qua lingua orandum sit.*

Venit & hoc in quæstionem, qua lingua sit orandum. Qui contendunt Latina priuatim & publicè esse orandū, mihi insanire uidentur, nisi loquantur de Latine lingue doctis. Quando enim non ore tantū ac uoce sed corde & mēte orandum est, quomodo obsecro corde, & mente orabit, qui lingua utitur non intellecta? Sancta quidem uerba pronūciat, uerū quid dicat ignorat. Nihil aut nunquam orare, & uerba non intellecta profundere orādo, in idem omnino recidunt. Oret itaque gens quælibet ea lingua, quam maxime & familiarissimè intelligit. Non minor insania est, in publicis cœtibus uti lingua peregrina: atque hæc quidem res maximorum in ecclesia malorum seges fuit. Quæcunque egerunt & recitarunt ueteri populo in ecclesia à Deo ordinati sacerdotes, & diuinitus missi prophetæ, nō Chaldaica, non Indiana, aut Persica, sed Hebraica, id est uulgari & materna egerunt & recitarunt. Sed & libros uulgari lingua scripserūt. Christus dominus unā cum suis apostolis usus est uulgari lingua. Apostolos dono linguarū instruxit, ut cuique genti loqui possent. Et quoniam eo seculo lingua Græca omnium fuit copiosissima uulgatissimaque, apostoli non Hebraica, sed populari Græca lingua scripserūt. Sanè decet ea quæ in communi templo pro cœtu sacro fiunt, intelligi ab omnibus. Alioquin enim frustra coirent tot homines in cœtum. Vnde luce meridiana clarius est, eos qui peregrinas linguas in templum dei induxerunt, omnia conturbasse, ipsum ardorem mentium extinxisse, adeoque orationem ipsam & usum orationis, adde & omnem fructum actionum ecclesiasticarū sustulisse ex ecclesia. Et Latinus quidem princeps Latinam hanc abominationē in templum Dei induxit. Clamat hic impiissimè factum, si Germania, Anglia, Gallia, Polonia, Pannonia, & oret, & omnia ecclesiastica officia peragat lingua nō Romana uel Latina, sed Germanica, Anglicana, Gallica, Polonica, Pannonica. S. Paulus semel hanc contro-

*uersam*

uerbā dirimens, disertis uerbis, Si orem lingua, inquit, spiritus (flatus) meus orat, at mens mea fructu uacat. Quid ergo est? Orabo spiritu, sed orabo & mente. Canam spiritu, sed canam & mente. Alioqui si benedixeris spiritu, is qui implet locum indocti, quomodo dicturus est Amen ad tuam gratiarum actionem? Quandoquidem quid dicas nescit. Tu quidem gratias agis, uerum alius non edificatur. Ego quidē, deo gratia, magis quā uos omnes linguis loquor: malo tamen quinque uerba mente loqui in ecclesia, ut & alios instituam, potius quā decem millia uerborum lingua. Et hunc quidem locum citauit Iustinianus Imperator in Nouell. Const. 123. ubi districtē episcopis & presbyteris praecepit, nō tacito modo, sed clara uoce, quā a populo exaudiat, sacram oblationem & preces in sancto baptis-  
mate adhibitas, recitare, quō maiore exinde deuotione in depromendis Dei laudibus audientium animi efferantur. Constat praeterea ipsum Gregorium magnum lingua patria, suis in urbe Romanis ciuibus esse loquutum: id quod ipse testatur in Praefatione Comment. Ezech. ad Marianum episcopum. De Graecis episcopis nemo nescit, omnia in ecclesijs suis sacra, patria peregrisse lingua, ac in eadem nobis sua reliquisse scripta. Insani ergo & amentes meritō iudicabimur, nisi nostra quoque in templo sacra peragentes utamur lingua, cum tot & tanta praecedant & ecclesiarum praestantissimarum & clarissimorum ecclesiae antistitum exempla, ut iam non repetam disertissimam S. Pauli apostoli doctrinam.

Postulat hic locus ut non nihil dicam de cantu ecclesiastico, & Horis canonicis. Nemo autē existimet preces uoce humana decantatas deo gratiores esse, quā simpliciter recitatas. Deus enim nec uocis humanae suauitate flectitur, nec rauca recitatione precum offenditur. Fide & pietate mentis, non ulla specie externa, commendatur oratio. Externa illa propter nos ipsos excitandos magis adhibentur: quanquam & ipsa parum efficiant, nisi spiritus domini corda nostra inflamment. Et Canendi quidem ritum longē uetustissimum esse nemo potest negare. Leuitas enim in ueteri ecclesia diu ante Christi tempora cecinisse, & iubete quidem Deo cecinisse, testantur sacrae historiae. Rursus neminem negare opinor operosam illā per Dauidem in templum dei illatam musicam, & ceremonijs accenseri, & eandem unā cum templo & ceremonijs disparuisse. De domino nostro Iesu Christo, qui est Messias uerus & consummata legis perfectio, non legimus quod uspiam cantarit, uel in templo, uel extra templum, aut quod uspiā discipulos suos docuerit cantare, uel praeceperit cantum ecclesijs tradere. Quod enim apud Matthaeum & Marcum legitur, καὶ ὑμνήσαντες ἔψαλλον εἰς τὸ ὄρθρον καὶ ἑσπέρην, huiusmodi est, ut non cogat necessariō intelligere dominū cum discipulis suis cantauisse. Potest enim hymnus, qui est laus Deo debita, sine modulatione uocis suppliciter recitari. Certe uetus interpres utrobique tum apud Matthaeum, tum apud Marcum constanter uertit, Et hymno dicto, exierunt in montem oliuarum. Erasmus in Matth. reddidit, Et cum hymnum cecinissent: at Marcum uertens dixit, Et cum hymnum dixissent, &c. Utrobique uerō legitur ὑμνήσαντες. Significat autē ὑμνῶν laudo, aut laudes celebros, quod cantu quidem, sed & citra cantum fieri solet.

Quanquam uerō nec ipse dominus cantum praecepisse discipulis, nec hos ecclesiae tantum tradidisse, aut ipsos in Actis Apostolorū in coetibus sacris cecinisse legimus, Corinthiorum tamen ecclesiam uel sua sponte, uel imitatione quadam ecclesiae ueteris psallere incipientē non coërcuit Paulus, quod hunc a ueteri plurimū differre uideret. Permisit ergo psalmodiam, sed prae tulit interim prophetiam seu concionandī munus: requisitū itē modum & mentem a psallentibus, sine quibus proculdubio & oratio & cantus non modō inutilis, sed & noxiū est. Ora-

1. Cor. 14.

De Cantu ecclesiastico.

1. Par. 19.

Matth. 26.  
Marc. 14.

Paulus canētes non coërcet.

1. Cor. 14.



bo spiritu, inquit Apostolus, orabo & mente: psallam spiritu, psallā & mente. Nec scio si uspiam aliās cantus in cœtibus sacris meminerit Apostolus, nisi huc referre libeat quod Paulus scriptum reliquit in 3. cap. ad Coloss. quanquā & priuata poterat uideri institutio. Nam quod in epist. ad Ephesios his uerbis scriptū reliquit, *Ephes. s.* Ne inebriemini uino, in quo luxuriosus est, sed impleamini spiritu, loquentes uobis ipsis per psalmos & hymnos, & cantiones spirituales, canētes & psallentes in corde uestro domino, gratias agentes semper de omnibus, in nomine domini nostri Iesu Christi, Deo & patri, quale sit ex occasione & contextu uerborū facile iudicatur. Nihil enim dicit de cantu publico in templis fieri solito, sed de priuata ratione cantandi. Respexit enim ad cōiuiua luxuriosa, in quibus ferē solent à bene potis cantillari carmina parum uerecunda. Vos ergo ne inebriemini uino, inquit Apostolus, ne cantaueritis parum pudicas cantilenas, quin potius si cantare libet, psalmos spiritualesq; cantiones cantate. Quibus & illud accedit, quod in his quoq; magis cordis iubilum quā uocis modulationem requirit, tantum abest ut unquā inconcinnos uel publicos uel priuatos clamores probauerit. Quanquam simplicior sensus fuerit, si intellexerimus, In corde, dictū esse pro Ex animo. Proinde nemo potest uel debet moderatam & religiosam psalmodiam siue publicē in cœtib. sacris, siue priuatim domi usurpetur, improbare. Ac plurima quidem testimonia inuenias in historia Ecclesiastica, per Eusebium & Sozomenum edita, perhibentia, orientales Ecclesias, iam inde ab Apostolorum ætate psalmos & hymnos cantauisse Christo domino. Inuenias & illud, decretis aliquot in Concilijs constitutū esse, ne quid in cœtibus sacris aliud uel legatur, uel canatur præter scripturam canonicam. Mature enim in ecclesia nec modus seruabatur, nec sola legebatur scriptura canonica, nonnullis uidelicet sua subiicientibus carmina.

*Ecclesiasticus  
canus uetus.*

*Qualis fuerit  
ueterū cantus.*

*Cantus liber  
fuit, nunquam  
uniuersalis.  
Sozomenus  
lib. 7. cap. 19.*

Hic tamen duarum in hoc negotio excellentium rerum admonendam duxi c. v. Prioris, Cantum ueteris ecclesiæ longē aliū fuisse, quā is sit qui hodie est in usu. Rectē enim Erasmus Roterod. iudicat ueterum cantum aliud non fuisse, quā distinctam & modulatam pronunciationem, cuiusmodi hodie quoq; super sit modulatio Psalmorum, Euangelij, & Orationis dominicæ. Certē Plinius Asiæ Procos. didicerat ex diligenti rerum peruestigatione, uel examine, Christianos statō die ante lucem conuenire, carmenq; Christo quasi Deo dicere secum inuicē. Locus Plinij extat in epistola eius ad Traianū epist. lib. 10. Sed & Rabanus Maurus lib. Instit. cler. 2. cap. 48. Primitiua ecclesia, inquit, ita psallebat, ut modico flexu uocis faceret resonare psallentem, ita ut pronuncianti uicinior esset quā canenti. Hæc mutuauit ille ex 33. cap. lib. 10. Confess. S. Augustini, qui ibidem diserte fatetur se peccare si magis capiatur uocū dulcedine quā sensu uerborum, ideoq; desiderare ut omne melos cantilenarum suauium, quibus Dauidicum frequentatur psalterium, ab auribus suis ipsiusq; ecclesiæ remoueat. Tutius enim uideri quod recordetur sibi sæpe dictum de Alexandrino episcopo Athanasio, qui tam modico flexu uocis fecerit sonare lectorem psalmi, ut pronuncianti uicinior esset quā canenti. Posterioris, cantum, ut cūq; uetus sit institutum, nunquam tamen fuisse uniuersalem & necessitate impositum ecclesijs, sed liberum, nec in omnib. ecclesijs semper usurpatum. Quibus accedit, quod & Sozomenus testatur eos qui cantarunt, non iisdem precibus, uel psalmodijs, aut lectionibus, aut eodē tempore esse usos. Socrates historiarum lib. 5. cap. 22. In summa, in omnibus ubiq; regionibus, inquit, non poteris inuenire duas quæ omnino consensiant orando. Et occidentales quidem ecclesias serō recepisse Psalmodiam aut canendū ritum, liquet uel ex ipso Augustini testimonio, qui libro Confess. 9. capite 7. commemorat

rat Ambrosium pressum Iustinæ imperatricis Arianæ insidijs & persecutione, secundum morem Orientalium partium, instituisse, ut hymni & Psalmi canerentur, ex quo retenta sit psallendi consuetudo, & recepta ab alijs quoque orbis partibus. Priusquam tamen canendi ritum Occidentales ecclesiæ recepissent, habebantur ab omnibus Orientalibus pro ueris ecclesijs, nec cuiquam ueniebat in mentē, idē hæreticas & schismaticas, aut non rectē institutas esse, quod cantu uel psalmodia destituerentur. Nemo colligebat, Orientis ecclesiæ cantant, Occidentis nō item; ergo non sunt ecclesiæ.

Hæc integritas & libertas si mansisset incolumis & intemerata, hoc est, si ueteri illa modulatione nihil extra canonicas scripturas esset cantatū, si libertas mansisset ecclesijs canendi uel non canendi, profectō nullū hodie in ecclesia esset certamen de cantu ecclesiastico. Quæ enim cantarent ecclesiæ, ueteri modulatione uerbum Dei & solius quidem Dei laudes cantarent, nec hac parte se alias excellere existimarent, neque nihil canentes condemnarent: cū hæ quoque non despicerent sobriē & piē cantantes. Si enim pij in studio pietatis, inque assidujs precationibus perseuerent, licet non canant, filij Dei nihilominus manent. Neque uerō omnis & ubique cantus ædificat; neque omnes ecclesiæ ad canendum sunt idoneæ. Quid quod Rabanus eodem loco, quem modō citauimus, Propter carnales, inquit, non propter spirituales, in ecclesia consuetudo cantandi instituta est, ut qui uerbis non compunguntur, suauitate modulaminis moueantur, &c.

Cæterum cantus de quo hodie contenditur, non est uetus ille cantus, quinimō ueteri, & materia ferē & modulatione per omnia contrarius. Vulgus Gregorianū uocat, non utique à magno illo Gregorio, qui cantui non admodum propitius fuisse uidetur, uti claret ex eius cōstitutione, quæ legitur in Regist. eius parte 5. cap. 44. Rectius ergo sentire uidebimur, si referamus ad Gregorium v. qui sedisse dicitur circa annū Domini 995. & opera præterea usus, nescio cuius Roberti Carnotensis. Sunt tamen qui Vitaliano, sunt qui Gelasio ascribāt. Piget cōmemorare quæ hic contexit Durandus in Rat. diuin. lib. 5. Nam hæc parum moror.

Plurima in hoc ueniunt uituperanda. Principiō enim multa, imō pleraque cantantur contra ueram pietatem, nec cantantur ex scripturis sanctis omnia, sed ex legendis, nescio qualibus, & ex hominum traditionibus. Et quæ cantantur ex scripturis, ita ferē detorquentur & corrumpuntur, ut nihil genij diuini maneat reliquum. Inuocantur creaturæ ac homines mortui. Deinde præcipitur hic cantus, cantaturque non sponte & liberali spiritu, sed coactē: imō cantatur pro pretio, & ut beneficium ecclesiasticum, quod uocant, recipiatur. Cantatur duntaxat à clericis ad hoc conductis, non à tota, ut quondam, ecclesia Christi. Nec ullus est cantandi finis aut modus. Cantatur dies atque noctes. Huic inepto & etiā impio cantui tanquam operi diuino meritorioque, tribuitur plus quam uera fides admittat. Multiloquium esse dicas, quod Dñs apud Matth. prohibuit atque condemnauit ceu ethnicam superstitionē. Cantatur præterea lingua peregrina, & paucis nota, ideoque sine omni fructu ecclesiæ. Auditur diu sonus sine uerbis significantibus, suspensus, & sursum deorsumque deflexus. Certant non rarō inter se cantores uocibus, ita fit ut totum templū rauco detonent boatu, ac per uocum cōtentiones auditores quid canatur parum intelligant. Nihil nunc dico de musica, quam figuratiuam uocant, & de musicis instrumentis, quæ omnia penē Organo ut uocant cōtinentur. Nihil nunc dico de natijs, siue orationibus pro defunctis. De quibus etiā alibi disputauimus. Hæc autem & his similia ita occuparunt totum ecclesiastici cultus tempus, ut minimū aut nihil cedere possit ueris precibus & sanctæ diuinæque prædicationi



uerbi Dei. Idcirco iustissimis de causis Euāgelio credentes, huiusmodi cantū neq̃ usurpant, nec in templo Dei ferunt: religiosissimē autem, simul & prudentissimē agere uidentur, qui optimam temporis partem, aut ipsum etiam tempus totum cœtuum ecclesiasticorum ardentibus tranquillisque precibus & sanæ annunciationi uerbi Dei, intermisso illo cantu, impendunt: præsertim cū difficile sit cantum tolerabilē alioqui sic circūscribere ac cohibere, ne aliquādo iustas excedat metas.

De Horis cano-  
nicis.

Daniel. 6.

Leuit. 26.

Prouerb. 24.

Lucas 17.

Acto. 3.

Acto. 2.

Acto. 10.

Trip. lib. 9.

cap. 39.

Porro fuisse ueteribus certas & constitutas horas, quibus priuatim & publicē orarunt domi & in cœtibus, testatur multis locis tota scriptura sancta. David non semel in Psalmis suis dicit, se accessurum Dominum mane & uespere. Daniel tribus in die horis adorabat Dominum. Rursus David, Septies in die laudem dixit tibi. At per septies intellexit multoties. Sic enim alibi quoq̃ legimus scriptum, Percutiam uos septies, propter peccata. Et iterū, Septies cadit iustus, & resurgit. Item, Si septies in die peccarit frater tuus, & conuersus fuerit, &c. Septies ergo certis locis etiam in hoc Davidis ponitur pro multoties. Christus autem Dominus priuatas fidelium preces, quod superius quoq̃ diximus, neq̃ loco neq̃ tempori alligauit: publicas non sustulit. Non enim confusionis, sed ordinis est Dominus. Sed & discipuli eius cū agerent in gente Iudaica, obseruabāt & ipsi, libertate nō necessitate, & propter cœtus maximē, consuetas gentis horas precandi. Nam Petrus & Ioannes ascendunt in templum ad horam precatōnis nonam. In die Pentecostes erant omnes sancti unanimiter congregati, ac spiritum sanctum acceperunt ad horam diei tertiam. Legitur & Petrus priuatim in superiorem domus partem circa horam sextam ascendisse. Sublato templo & dispersis Iudæis, ecclesiæ ex Gentibus collectæ horas collectarum uel cœtuum non obseruarunt pares, sed pro libertate prout cuiq̃ ecclesiæ uidebatur maximē opportunū. Cuius quidē diuersitatis meminit & Ecclesiast. historia. Ferē tamē usurpatæ sunt ad cœtus horæ matutinæ & uespertinæ. S. Hierony. exponens nō ritū uniuersalis ecclesiæ quid faciat in cœtibus sacris, sed quid sua spōte chori solitariarū uirginū soleant, in Epitaphio Paulæ, Mane, inquit, hora tertia, sexta, nona, uespere, noctis medio per ordinem Psalterium cantabant. Die tantū Dominico ad ecclesiam procedebant, ex cuius habitabant latere, &c. Ita ad priuatam institutionem pertinet, quod eiusdem generis legitur ad Latam de Instit. filiarū, & ad Demetriadem de Custodienda uirginitate. Ac maiores uel celebriores quidem ecclesiæ (quas hodie appellant Cathedrales, nimirum à cathedra, uel ab ordine prophetarum ibi docentium aut profitentium, qualis quondam fuisse uidetur ecclesia Antiochena, Corinthiaca, Alexandrina & similes) certis horis, nimirum matutinis ac diurnis uel etiam uespertinis, ad tractationem seu excussionem sanctarum canonicarum scripturarū conuenerunt. Fundamenta eius obseruationis collocata uidentur in ecclesia Corinthiorum. De qua Apost. 1. Cor. 14. cap. abundē testatur. Euseb. Ecclesia. hist. lib. 5. cap. 9. scholæ ecclesiasticæ Alexandrinæ mentionē faciens, Ab antiquo, inquit, sacrarū literarum doctrina & exercitium apud eos uigebat: quæ consuetudo etiā ad nos usq̃ perdurat, quam & à uiris eloquentia diuinarumq̃ literarum studio potentibus institutā esse accepimus, &c. nimirum ad exemplum Corinthiacæ ecclesiæ. Vestigia huius saluberrimi ritus nonnulla apparebant aliquando in Occidentali ecclesia, sicut colligere est ex S. Ambrosij & August. scriptis. At his quidem ipsis & mox insequentibus temporibus, cū perpetuis bellis omnes prope gentes colliderentur, ac in uisionem sanguinis Christi, sanctorū Apostolorū & martyrū, iuxta uaticiniū Danielis & beati Ioan. Apostoli & Euang. Romanū imperiū discerperetur, & præda fieret omnibus populis: hinc irruentibus Gothis uel Germanis, illinc in ceruicem Ro-

ma in-

max inuolantibus Hunnis alijsq; barbaris militibus, dissipatae sunt optimae scholae, arserunt nobiles bibliothecae, perierunt honesta & bona studia, unde & ecclesijs dati sunt doctores, ueteribus illis maxime dissimiles, qui ea non erant instructi facultate ut possent sacras tractare literas, felicitate tanta quanta tractauerant priores. In hac dissipatione, ne nihil remaneret tractationis canonicarum scripturarum, apparet emeruisse uiros doctrinae canonicae non omnino negligentes, qui totam scripturam canonicam ita in partes & per totum anni spatium distribuerunt, ut liceret semel in anno Biblia uniuersa, Psalterium autem crebrius, imo singulis septimanis absolueret. Psalmi orationis locum obtinebant: quibus succedentibus temporibus & aliae multae preces coniunctae, ac ne lectio ipsa scripturarum uideretur omni expositione carere, patrum lectiones & homiliae postremo adiectae sunt: non ut soli sacerdotes haec sibi secreto legerent (sicut hodie ferè fieri solet) aut ut haec precum loco festinantissima lectione immurmurarent: sed ut palam in templo apud populum, & ad aedificationem ecclesiae exercendo peragerent. Vt iam non comemorem hunc ritum non fuisse receptum ab omnibus, tantum abest ut fuerit districtè praecipitum. Cuius quidem rei nonnulla insunt uestigia Distinct. 15. Sancta Rom. Caterum à lectione Canonicarum scripturarum, horae, quibus legebatur illae, canonicae uidentur appellatae: sicuti & canonici à studio & lectione canonicarum scripturarum. Quo autem tempore hoc, & à quibus primum authoribus factum sit, liquidò non constat. Tribuunt huius quiddam alij Hierony. alij Damaso, alij uerò Pelagio eius nominis secundo, alij Gelasio & Gregorio. Quoniam uerò Homiliae & lectiones non paucae Bedae, & alijs posterioris seculi doctoribus ascribuntur, denique multa alia in his precibus horarijs leguntur quae nullam planè uetustatem resipiunt: certè longè, ut uariè diuersisq; contextum temporibus, ita recentius est institutum quam Papias existiment. Nec desunt qui tradant rogante Carolo magno Paulum diaconum, uel monachum Cassinensem. & Isuardum monachum, Lectiones, illas maxime quae de diuis sunt, in horis istis legi consuetas, selectas tradidisse. Vt cumq; uerò haec habeant, certissimum est horas illas hodie praecipuas & canonicas appellatas, non diuinum, sed humanum esse inuentum, & laceras corruptasq; ueteris prophetiae reliquias uel umbras: quibus praeterea multas fabulas & ineptias esse attexas negari non potest. Certè talis hodie mixtura apparet, ut uideatur indignissima planè quae in ecclesia Christi porro uel usurpetur uel toleretur, nisi magis uelimus uentibus quibusdam quam toti ecclesiae consultum. De quibus haec haecenus.

Postremo loco excutiendum restat quomodo orandum sit, quibus uerbis, aut *Quomodo sit orandum.* qua sit utendum orandi formula. Formae quidem orandi plures sunt, sed nulla melior ea quam tradidit Dominus noster unice charus Deo patri filius. Nec ulla certior est quae omnia breuibus comprehendit. Hac summa praescripsit quid se dignum, quid sibi acceptum, quid necessarium nobis sit, quid denique concedere ipse uelit. Vnde beatus Cyprianus orationem Dominicam explicans inter alia, Qui se *Cyprianus* cit uiuere, inquit, idem docuit & orare, benignitate scilicet qua & cetera dare & conferre dignatus est, ut cum prece & oratione quam filius docuit apud patrem loquimur, facilius exaudiamur, uereq; & spiritualiter adoremus. Quae enim potest magis spiritalis esse oratio, quam quae à Christo nobis data est, à quo nobis & spiritus sanctus missus est? Quae uera magis apud patrem precatio, quam quae à filio, qui est ueritas, de eius ore prolata est? Vt aliter orare quam docuit, non ignorantia sola sit, sed & culpa: quando ipse posuerit & dixerit, Reijcitis mandatum Dei ut traditionem uestram statuatis. Oremus itaq; fratres dilectissimi, sicut magister Deus docuit. Amica et familiaris oratio est, Deum de suo rogare, ad aures eius ascendere.



## DE ORATIONE

dere Christi orationem. Agnoscat pater filij sui uerba cū precem facimus. Qui habitat intus in pectore, ipse sit & in uoce. Et cū ipsum habeamus aduocatum apud patrem pro peccatis nostris, quādo peccatores pro delictis nostris petimus, aduocati nostri uerba promamus. Nam cū dicat, Quaecunque petieritis patrem in nomine meo, dabit uobis: quanto efficacius impetramus, quod petimus in Christi nomine, si petamus ipsius oratione? Hæc ille.

*An ad uerba  
orationis Do-  
minice simus  
alligati.*

Ex his contextitur quæstio, An ita uerbis orationis Dominicæ alligati simus ut alijs omnino uerbis orare non possimus? Respondeo noluisse Dominum ita nos conceptis astringere uerbis, quasi alijs uerbis aut forma alia uti nō liceat: sed proposuit uniuersalia quædam, ad quæ omnes nostras preces referamus. Nam & Augustinus ad Probam de Orando Deo, ostendit nihil uspiā in sacris literis esse orationem, quod non cōprehendatur oratione Dominica. Nam si per omnia precationū sacrarū uerba discurras, inquit, nihil inuenies, quod non ista Dominica concludat & contineat oratio. Quibus mox subiicit, Vnde liberū est alijs atq; alijs uerbis eadem tamen in orando dicere, sed nō debet esse liberum alia dicere. Consultissime ergo faciunt, qui omnes suas orationes ad orationē referunt Dominicā, cui & primas tribuunt, & hanc perpetuō in animo retinentes meditantur atq; exerceant.

*Quid necesse  
sit Deo uota  
nostra uerbis  
exponere.*

Quæri solet & aliud, Quid necesse sit Deo uerbis exponere uota nostra cū omnia prius norit? Diximus mox ab initio huius Sermonis, orationem nostram esse humiliationem coram maiestate diuina, quibus insuper hæc adiicimus. Non exponimus Deo uota nostra uelut nescienti, aut ut ignorantem doceamus, aut ut operosa & elegantiori oratione Deū flectamus, sed propter nos ipsos uerbis utimur quibus nos excitemus. Et in hunc finē sanctissimi quicq; uiri Dei prolixè uota sua Domino exposuisse leguntur in Psalmis & in historijs. S. Hieronymus, Nos non sumus narratores, inquit, sed oratores. Aliud est enim narrare ignorantī, aliud scientem petere. In illo indicium est, in hoc obsequium. Ibi fideliter indicamus, hic miserabiliter obsecramus. Et beatus Augustinus, Nobis uerba necessaria sunt, inquit, quibus cōmoueamur, & inspiciamus quid petamus: non quibus Dominum seu docendum, seu flectendum esse credamus.

*Quomodo pro-  
hibitum multi-  
loquium.*

*Augustinus*

Proinde cū Dominus multiloquium uel battologiam in oratione prohibuit, non ad modica & succincta uerba orationē fidelium simpliciter astrinxit, sed prohibuit ne ethnicorum more multa uerba sine sensu & mente profundamus, & deinde existimemus nos exaudiri propter multiloquium precumq; frequentem iterationem: quod hodie arbitrantur falsò ad numerum orantes, & rosaria contexentes. Subiungit enim Dominus, Putant fore ut ob multiloquium exaudiantur. S. Augustinus distinguit inter multum loqui & multum precari. Multum loqui, inquit, est in orando rem necessariam superfluis agere uerbis. Multum precari autem est, ad eum quem precamur diuturna & pia cordis excitatione pulsare. Nam plerunq; hoc negotium, plus gemitibus quàm sermonibus peragitur. Et mox, Nō est improbum uel inutile cū uacat orare prolixius. Nam de ipso Domino nostro scriptum est, quod pernoctarit in orando, quod prolixius orauerit. Vbi quid aliud quàm nobis præbuit exemplū? Hæc ille. Quod si cui difficile est prolixius & continuè orare, interrumpat orationem licet, sed eandem crebrius reparandam recurrat. Talis enim breuiloquentia in orando laudem meretur. Et ut hunc locum finiamus, nemo existimet se orando nescienti Deo narrare res nostras: nemo existimet se exaudiri propter expositionem & propter operosam quidem & exactam expositionē sapiusq; repetitam, & intensissimis clamoribus auribus diuinis inculcatam: nemo existimet ad numerum certum esse orandum, hoc est, orationes Do-  
minicas

minicas Deo nostro tanquam nō bene memori & male fidei Domino baccis globulisq̃ collectis, & quasi ad calculum reuocatis, esse annumerandas. Etenim talia non citra foedissimam superstitionem fiunt.

Quoniam uerò dixi, quod & omnes p̃ij per totum terrarum orbem confitentur, absolutissimam orandi formulam nobis esse traditam Oratione Dominica ab ipso Domino nostro Iesu Christo, restat ut sanctissimam illam diuinissimisq̃ uerbis compositam uerbotim ex ore Domini, sicut eam nobis Matthaeus Apostolus retulit, recitemus, deinde eandem, qua fieri potest breuitate & perspicuitate, exponamus, quò rectius quisq̃ quod orat intelligat, afficiaturq̃ penitus. Orationis diuinissimæ formula hæc est:

*Orationis Dominicae expositio.*

Pater noster, qui es in coelis, Sanctificetur nomen tuum. Adueniat regnum tuum, Fiat uoluntas tua, sicut in coelo, ita & in terra. Panem nostrum quotidianum da nobis hodie, Et remitte nobis debita nostra; sicut & nos remittimus debitoribus nostris. Et ne inducas nos in tentationem; sed libera nos à malo, Amen.

Sacrosancta hæc Domini Iesu Christi seruatoris, doctoris & summi Pontificis nostri oratio catholicæ ecclesiæ tradita, ut sit catholica orandi Deū formula, distinguitur in Præfatiunculam & petitiones sex. Alij septem numerant. Tradunt quidam priores tres petitiones seruire præcipue gloriæ Dei, ppagandæ, posteriores nostri curam gerere, & ea quæ nobis necessaria sunt postulare. Videntur autem pleræque utrumque continere. Præfatiuncula hæc est, Pater noster qui es in coelis. Hæc inuocamus & consecrantes nos Deo totos conijcimus in eius curam & misericordiam. Ac singula uerba ingentia habet mysteria. Voluit enim Dominus orare nos sensu magis quam uerbis. Hæc ergo admonent & cogitanda sufficiunt, mens uerò instructa spiritu sancto, quem ante omnia orantibus necessarium diximus, eleuataq̃ in contemplationem Dei rerumq̃ diuinarum, hæc deuotè & ardentè meditatur. Et Patris, quidem uocabulum multarum simul rerum nos admonet. Principiò enim docet nos, omnes preces nostras, non alij offerendas esse, quam ei qui pater sit, hoc est, solum Deum esse inuocandum, nec alium pro hoc, aut alium cum hoc. Vnus est enim Deus & pater noster, plenitudo & sufficientia bonorum omnium, in quo solo fideles acquiescunt, & extra quem nihil uerorum bonorum quærunt. Et certè non potest hæc oratio ulli creaturæ offerri. Cui enim angelorum, aut sanctorum, uel diuorum dixeris absque sacrilegio, Pater noster qui es in coelis? &c. Deinde docet nos Patris uocabulum, per quem, patrem hunc inuocemus, non per interuentum & ora diuorum, sed per Iesum Christum Dominum nostrum, per quem solum facti sumus filij Dei, qui alioqui nascimur & eramus natura filij iræ. Quis obsecro auderet prodire in conspectum Dei summi & æterni, & hunc appellare patrem, se filium, nisi in dilecto & naturali suo filio nos adoptasset in filios gratiæ pater? Dicentes ergo Pater, loquimur ex ore filij, qui ita nos orare docuit, & per quem euecti sumus in hanc dignitatem: ut nihil sit necesse adijcere nomen Christi, ac dicere: Oramus te pater coelestis per Christum; cum in prima uoce Pater, totum mysterium filij Dei redemptionisq̃ cōprehendamus. Quia enim pater est, nos filij sumus, idq̃ per meritum Christi: patrem ergo inuocamus & appellamus per Christum: ut iam non repetam quòd sic oramus ex ore Christi. Præterea eximit nobis blandum patris uocabulum omnem cordis diffidentiam. Patrem enim appellamus non tam creationis uniuersi ratione, quam erga nos singularis paternæq̃ beneuolentiæ. Vnde licet Dominus sit

*Orationis Dominicae distinctio.*

*Pater.*

*Oratio Dominica patri per Christum offertur.*



in ipso, ut regnum Christi propagetur & inualeat in orbe terrarum, ut doctores & magistratus ecclesiastici, denique principes, adde & scholæ, & quicumque promovere possunt regnum Christi, charismatibus inuncti & irrigati floreat, superent, triumphent; præterea petimus ut diaboli & antichristi regnum frangatur & dissipetur, ne noceat sanctis, ut cum regno diaboli superetur & calcetur omnis impietas, atterantur denique & perdantur omnia instrumenta seu arma antichristianismi. Postremo oramus ut postquam ex procelloso huius seculi euripo enauigauerimus, recipiamur ac congregemur ad Christum & ad omnes sanctos in regnum gloriæ æternum. Sicut enim regnum Dei uenire ad nos, & deum in nobis regnare cupimus, ita nos in regnum eius uenire uel recipi, & æternum cum ipso uiuere sanctissime postulamus.

*Fiat uoluntas tua.*

*Psal. 113.*

Tertia petitio est, Fiat uoluntas tua, sicut in cælo, ita in terra. Non regnat in nobis deus, nisi ipsi obediamus: petimus ergo post regnum, obedientiæ ab ipsa gratiam. Etenim non postulamus ut faciat deus quod uult. Semper enim fit Dei uoluntas etiam si id nunquam petamus, & omnibus uiribus nostris reluctemur. Nam propheta dicit, Deus noster in cælo est, omnia quæcunque uoluit fecit in cælo & in terra. Petimus ergo ut quod ipse uult, idem nos semper & uelle & facere efficiat. Semper enim illius uoluntas bona est, nostra uero propter corruptionem peccati mala est, Oramus ergo gratia sua nobis adsit, quò nostra uoluntas regeneretur, & conformis fiat diuinæ bonæ uoluntati, ut se formandam sponte præbeat spiritui sancto: ut uelit eius gratia quod ipse inspirat: ut quod bene in nobis coepit, perficiat, uires ad hoc & patientiam conferat: ut in omnibus cum prosperis tum aduersis bonam Dei uoluntatem agnoscamus, ne quid hic ex nobis ipsis uelimus, ac prosperis effieramur, aduersis demergamur, sed ut accommodemus nos eius uoluntati gubernandos in omnibus & per omnia, ad hunc modum. scilicet subijcientes nostram uoluntatem eius uoluntati. Præterea si quid petimus uoluntati eius contrarium, ne concedat, sed stultitiam potius nostram nobis condonet, nostramque uoluntatem non bonam nobis infringat, in uoluntate sua bona nos erudiat, quò nihil dubitemus hanc semper esse sequendam, & semper esse bonam, omniaque in nostrum fieri ab illa profectum.

*Sicut in cælo & in terra.*

*Velle quod uult deus bona felicitatis pars.*

Maximum hac in parte certamen sentiunt in semetipsis fideles, Paulo testante & dicente, Caro concupiscit aduersus spiritum, & spiritus aduersus carnem. Hæc autem inter se mutuò aduersantur, ut non quæcunque uolueritis, eadem & faciatis. Idcirco non qualemque conformitatem uoluntatis nostræ cum uoluntate diuina postulamus, sed subiungimus, Sicut in cælo ita etiam in terra. Id est, concede pater, ut in nobis terrenis hominibus ita fiat tua uoluntas, uti fit in cœlitibus tuis beatis spiritibus. Hi non reluctantur in cælo sanctissimæ tuæ uoluntati, sed unanimes hoc duntaxat uolunt quod tu uis, imò in hoc uno beati sunt ac felices, quòd in tua uoluntate consentiunt atque acquiescunt. Certè in terris non minima felicitatis pars est, uelle quod uult Deus: extrema infelicitas est, nolle quod uult Deus. Atque hoc quidem infinitis exemplis poterat demonstrari, uulgare duntaxat & unicuique proferam. Ægrotat aliquis grauiter, & dolores tormentaque sentit uix tolerabilia homini, at hic interim agnoscit se hæc pati sic iubente & uolente Deo patre optimo, benignissimo, & iustissimo, qui ipsi bene uelit, & hanc calamitatem grauiorem immiserit in salutem & gloriam ipsius: an non hic in medijs tormentis subiuciendo se uoluntati diuinæ refrigerium sentit? & quod homini uidebatur acerbissimum amarissimumque, deditone hac uoluntaria, & spontanea reddit suauem & dulcissimum? Rursus ægrotat alius non admodum graui morbo oppressus, sed hic

non

non agnoscis morbum bona dei uoluntate sibi immissum esse, imò arbitratur Deum ignorare morbum, Deum non curare morbum, hunc ergo in alias atq; alias rejicit causas, modosq; comminiscitur & querit medendi uarios, ac in his mirificè exercetur & affligitur, nec tamen sic reluctando diuinæ uoluntati, quicquam inde sentit refrigerij aut consolationis: quid ergo hic aliud facit nolens quod uult Deus, quàm quod solent malum male uitando conduplicare: Proinde fundamentum omnis felicitatis est fidelis obedientia, qua nos & nostra omnia plenè subiicimus bonæ Dei uoluntati: ideoq; maxima hac petitione nobis concedi à patre oramus, regenerationem uel innouationem mentis, obedientiam ueram, patientiam perseuerantem, mentemq; Deo in omnibus & semper consentientem atque subiectam.

Quarta petitio talis est, Panem nostrum quotidianum da nobis hodie. Nam diuina uoluntas non potest in nobis fieri, nisi alimur & cōfortemur pane Dei. Panis significat Hebræis omne ciborum genus & conseruationem seu sustentamentum humanæ substantiæ. Vnde in prophetis dictum legimus, Frangam baculum panis. Constat autem homo substantia duplici, anima & corpore. Anima spiritus est; corpus ex terra & elementis alijs confectum est. Duplici ergo conseruatur pane, spiritali & corporali. Spiritualis animæ cibus, quo in uita conseruatur, est ipsum Dei uerbum, ex ore diuino prolatum: in euangelio ex lege repetente domino, & dicente, Nō solo pane uiuit homo, sed omni uerbo quod egreditur ex ore Dei. Et quoniam hoc unice proponit fidelibus uerbum Dei æternum & incarnatum, ipsum inquam Dei filium, rectè hunc agnoscimus cibum esse animæ, imò totius hominis fidelis. Ipse enim testatur se esse panem qui è cœlo descenderit, ex quo manducantes non moriantur, sed habeant uitam æternam. Corporalis panis constat elementis & terrenus est, ac comprehendit cibum, potum, uestitum, sanitatē corporis prosperam, defensionem, breuiter incolumitatem & saluum uitæ humanæ statum. Et hunc quidem panem appellamus nostrum: non quod non sit munus & beneficium Dei, sed quod nobis destinatus, ad conseruationem nostri pertineat, nobisq; necessarius sit. Interim tamen & quotidianum siue *ἡμετεριον* appellantes, omnium præstantissimum significamus, qui solus possit substantiam nostram, quantum satis, & quàm diu oportet, & eo prorsus modo & ea ratione qua necesse est, sustentare uel conseruare. Diximus enim superius, nostrum non esse Deo modum agendi uel dandi præscribere. Huc pertinet & illa cōsequentia uerba, Da nobis hodie: Solius enim Dei est dare: nec cōgruit ulli creature hæc petitio. Da, Dauid canit. Omnia à te expectant, ut des illis escam in tempore. Dante te illis colligent, aperiente te manum tuam omnia implebuntur bonitate. Item, Oculi omniū in te sperant domine, & tu das illis escam in tempore opportuno. Aperis tu manum tuam, & imples omne animal benedictione. Iam Nobis da, non Mihi da, oramus, id quod iterum admonet & charitatis & coniunctionis fraternæ. Non enim nostra duntaxat querere, sed & omnium aliorum hominum incolumitatem & conseruationem petere debemus. Vocabulum Hodie modum nobis statuit. Hoc enim dicimus, Suffice tu nobis quotidie & momētis singulis, quantum satis nobisue necessarium est: id quod tu solus optimè nouisti. Admonemur enim obiter ne immodica fluxarum rerum cupiditate ardeamus, & consequutas prodigamus luxu. perdentes & opes & nostras animas. Ideo uerò Sapiens ille legitur dixisse, Duo à te postulauī, ne deneges antequā moriar. Procul à me remoue uanitatem & mendacium. Inopiam & diuitias ne dederis mihi: sed fac ut habeam panem dimēsi mei, ne satiatus te negem dicens, Quis est Deus: aut per inopiam sua-

Panem.

Matth. 4.  
Deut. 8.

Nostrum.

Quotidianum.

Da.

Nobis.

Hodie.

Proverb. 30.



# DE ORATIONE.

rer & abiurem nomen Dei mei. Hac itaq; petitione quarta nos totos tradimus in curam Dei patris, ac prouidentiae eius nos commitimus, ut nos pascat, defendat, seruet, qui solus seruare potest. Nisi enim ille benedictionem suam in nos effundat, nisi uires conferat rebus illis medijs pertinentibus ad sustentationem & defensionem nostri, nihil omnia efficiunt. Oramus pro felici cursu uerbi Dei, pro ipsius pastoribus ecclesiarum, pro defensoribus reipublicae, pro ecclesia & reipublicae incolumitate. Petimus ut omnia sufficiat benignus pater quaecunque necessaria sunt ad animae & corporis sustentationem & necessitatem.

Et remitte nobis.

Caterum ne quis se indignum crederet pane quotidiano, quod filijs non canibus debetur, & ideo segnius aut fiducia tenuiore oraret, praecipue hanc sollicitudinem piorum dominus, quintam subiicit petitionem, hanc, Et remitte nobis debita nostra: sicut & nos remittimus debitoribus nostris. Petimus his peccatorum nostrorum ueniam. Vt autem concedatur nobis delictorum uenia, agnoscamus oportet nos esse peccatores. Nisi enim hoc faciamus, quomodo delicta nobis remitti postulabimus? Certè omnes sancti hac orandi utuntur formula. Omnes itaq; agnoscunt se esse peccatores. Reliquiae enim remanent etiam in renatis & sanctissimis hominibus, quae quotidie erumpunt in cogitationes, in dicta & facta praua, non raro etiam in scelera. Qualiacunq; uero sint delicta uel peccata nostra, ea primùm quidem deo patri humiliter confitemur, deinde oramus ut remittat. Peccata nostra ipso Deo doctore debita appellamus, quod eorum poenā Deo ceu pretium debemus. Ille uero remittit nobis debita, cum poenam non exigit à nobis commeritam, perinde de nobis iudicans ac si ipsi nihil debeamus. Allusio enim fit ad debita corporalia: quae si creditor debitori remiserit, ius non habet amplius, eum qui debitor fuerat, consueiendi in carcerem aut exigendi poenam. Ergo remittitur nobis non tantum culpa, sed & poena. Neque uero merita nostra patri obtendimus: sed, Remitte, uel dimitte nobis dicimus, debita nostra. Remissionis uocabulum gratuitam delictorum condonationem innuit. Etenim nobis remittit quod non sumus soluendo. Vnde in euangelio legimus, Cum debitores non essent soluendo, donauit utrique debita. Similia traduntur apud Matth. in cap. 18.

Debita nostra.

Luce 7.

Nullo ergo merito nostro, nulla satisfactione nostra, sed diuina benignitate propter Christum petimus nobis condonari omnia delicta. Nec dubitant hic sancti de remissionis certitudine. Dixit enim in euangelio dominus, Quicquid petieritis credentes in nomine meo, accipietis: propter Christum ergo nihil dubitant orantes fide omnia peccata sibi esse remissa. Sic enim & in symbolo profiteamur, Credo remissionem peccatorum.

Sicut et nos remittimus debitoribus nostris.

Adiicimus his protinus, Sicut & nos remittimus debitoribus nostris: non quod putemus propter remissionem nostram mereri uel impetrare nos condonationem delictorum nostrorum: alioqui enim non constaret ratio remissionis. Qui enim aliquid uel affert uel facit, cuius gratia peccatum tollitur, aut qui pro peccato satisfacit, ei nihil remittitur, sed rependitur potius. Alijs ergo de causis haec adiecta uidetur. Principiò, quia solliciti sumus de remissione, de qua multi ambigunt, uoluit dñs solari nostram infirmitatem, hoc ueluti signo adiecto, quo intelligeremus tã certò nobis à Deo dimissa esse peccata, quàm certò alijs sua remisimus aut condonauimus delicta, quibus nos offenderant. Deinde uoluit nobis excutere ueternum, ac charitatis inculcare studium, admonereq; nostri officij, ut si quid animis nostris adhærescat adhuc ueternum inimicitiarum, id sciamus omnino depouendum seu expectorandum, imò iam nunc inuocandum esse dominum, ut corda nostra commoueat, qui possimus. Grauius quidem ueteres iniurias & offensas ponimus.

ponimus. Sed æquum est ut minora remittamus fratribus, qui maximorum peccatorum ueniam accepimus à benignissimo patre: nisi forte illius fortunam experiri libeat, qui in parabola euangelica & ipse magnam domini benignitatem & liberalitatem in donando expertus, interim atrox & crudelis erat erga fratrem in exigendo debito modico & leuiculo. Notissima est parabola apud Matthæum in capite decimo octauo.

Sexta & ultima petitio est, Et ne inducas nos in tentationem: sed libera nos à malo. Nunquam enim ita remittitur peccatum, ut non remaneat in carne concupiscentia, quam excitant & in uaria peccatorum genera produciunt tentationes. Hæ sunt uariæ. Principio enim tentat nos Deus, cū aliquid obijcit, quo nos probat: ut cum iubet Abrahamum immolare filium: uel cum aduersa immittit, ut & fidem nostram exerceat, & igne tentationis scoriā excoquat scelerum. Hæ tentationes diuinæ tendunt ad salutem fidelium. Proinde simpliciter non oramus, ne tentemur. Tentatio enim diuina utilis est. Beatus enim prædicatur uir ille qui suffert tentationem. Cum enim probatus fuerit, accipiet coronam uitæ. Petimus autem ne inducamur in tentationem. Tentat enim & diabolus, tentamur à mundo, & à carne nostra. Sunt tentationes à dextris & sinistris, huc tendentes, ut subuertamur, ut demergamur in peccatorum barathrum, ac pereamus: id cum sit, nō tentamur tantum, sed & in tentationem inducimur & capimur. Tale ergo est quod petimus, Si tuis salubribus tentationibus o pater cœlestis exercere nos uolueris, præsta quæsumus ut probati reperiāmur: ne autem patiāre abduci nos per satanicam & prauam tentationem, ut te relicto, hostiū nostro mancipati & scelerum uoragini immersi, retineamur & capiamur ab illo in malo & perditione nostra. Iam enim subiicimus membrum oppositum, quod & præcedens exponit, id quod alij septimam esse dicunt petitionem, Sed libera nos à malo: ἀπο τοῦ πονηροῦ, ab illo inquam malo, nimirum à satana, qui alibi tentator cognominatur. Libera nos à satana & ab omnibus malis quæ ille immittit: libera ab insidijs, artibus, deceptionibus, à bello, fame, captiuitate, peste, ab omnibus ijs quæ mala, calamitosa & noxia sunt. Ea quæ sint optimè nouit pater cœlestis, ad quæ hic dicimus, Da nobis salutaria & bona: aufer à nobis quæ tu nosti esse pernicioſa & mala: recollecta breuitate orationem diuinissimā concludimus, adiicientes insuper Amen. Vulgaris illa quondā confirmatio & acclamatio fuisse legitur, ut uidere est Deut. 27. Nehem. 8. 1. Cor. 14. Exprimit ea principio nostrum desiderium. Proſitemur enim illa quæ orauimus ex animo nos desiderare. Deinde fidei nostræ certitudinem exprimit. Quasi dicamus, Hæc autē certò mihi concedenda à Deo credo. Perinde enim est Amen. ac si quis dicat, Fiat. Et dominus in euangelio sæpe clamat, Amen amen dico uobis, id est, pro certo certam ueritatem dico uobis. Vel indubitatam uobis ueritatem profero. Sic autem fideles post oblatas Deo preces, pacatis sunt mentibus, alacres iam munera domini expectantes.

Porrò inserunt quidam ante dictionē Amen, mox post illa uerba recitata, Sed libera nos à malo. Quia tuum est regnū, & potestas, & gloria in secula, Amen. Ceterum Erasmus Roterod. in suis ad Nouum testamentum Annotationibus, testatur illa uerba non reperiri in ullo antiquo exemplari Latino: in Græcis quidem inueniri adiecta omnibus, sed à nemine exposita interpretum, nisi ab uno Chrysostomo & eius imitatore Theophylacto. Sibi ergo addita uideri orationi dominicæ, sicuti Psalmis quidā adpenderunt, Gloria patri & filio, &c. Idem mox subiungit, Proinde nō est quod Laurentius Valla stomachetur bonā precatōis dominicæ partem fuisse decurratā. Magis taxanda fuerat illorum temeritas, qui non

Et ne inducas  
nos in tentatio-  
nem.

Iacobi 1.

Sed libera nos  
à malo.

Amen.

Quia tuū est re-  
gnū & pote-  
stas & gloria  
in secula.



ueriti sint tam diuinæ precationi suas nugæ assuere. Nugæ enim dixerim ad diuinam doctrinam, quicquid ab hominibus profectum fuerit. Presertim si quod ab hominibus annexum sit, ad Christum authorem conferatur. Nec solus Erasmus de hac appendice addubitauit. Codex enim Hispaniæ, quem uocant Complutensem, habet magis credibile uideri ista uerba non esse de integritate orationis dominicæ, uisloq̃ inserta esse scriptorum quorundam uel librariorum. In eodem codice mox subiungitur, Licet uero beatus Chrysostomus in suis super Matth. Comment. Homilia 20. exponat ista uerba, tanquā essent de textu, uerisimilius tamen præsumitur iam suis temporibus originalia in isto passu fuisse corrupta: ex quo nullus Latinorum etiam ex antiquissimis interpretibus siue tractatoribus, legatur de his uerbis aliquam fecisse mentionem. Et uerè quidem hoc dicitur. Diligentissimi enim interpretes qui singulariter orationem dominicam uerbotim explicandam sumpserunt, quales fuere S. Cyprianus, Hieronymus & Augustinus, huius appendicis ne uerbo quidem meminerunt.

*Proverb. 18.*

*De gratiarum actione.*

Hæc dixi hætenus de Oratione dominica & inuocatione nominis diuini, de quo sapientissimus hominum Solomon uerissimè pronunciauit, Turris fortissima nomen domini, ad ipsam currit iustus, & exaltatur, id est, in tuto uel in alto loco extra teli iactum consistit & conseruatur. Subijciemus his quædam & de altera orationis specie, Gratiarum actione. Quanquam uerò & ipsa comprehendatur in oratione dominica (omnia enim orationis ueræ, ergo & gratiarum actionem complectitur) singulariter tamē & post illā expositā uolui de ipsa differere, ne ex commixtione rerum nascatur in animis confusio. Et requirit quidem à nobis gratiarum actionem dominus: cuius quidem rei euidētia in scripturis sanctis argumenta nec pauca extant. Quot enim in Psalmis laudes, gratulationes & gratiarum actiones, & à Dauide, & ab alijs prophetis cōscriptæ & relicte leguntur? Quia in lege quoque dominus peculiare oblationis uel sacrificij genus instituit, quod Eucharisticum diximus appellari. Quid quod Cœna illa paschalis nihil aliud fuit quàm gratiarum actio pro redemptione ex seruitute Ægyptiaca? Certè dominus noster Iesus Christus & memoriam instituens omnium beneficiorum, in primis autem redemptionis morte sua partæ, & omnia sacrificia recolligens in compendium, Eucharistiam ecclesiæ tradit. Quemadmodum suo loco dicemus, & partim in superioribus Sermonibus diximus. Ingenium humanum rebus secundis luxuriat, & rarò unde res secundæ orantur secum cogitat: ita mysteria & beneficia illa spiritalia non æstimat tanti quanti aliàs debebat. Porci uerò non homines esse uidentur, qui non tantum non æstimant Dei beneficia uti debebant, sed insuper & contemnunt & pedibus conculcant. Grande hos Dei manet iudicium.

*Soli Deo debemus gratiarum actionem.*

*Agæ deo gratie per Christum. Ephes. 5. Hebr. 13.*

Porro soli Deo debetur sacrificium laudis. Solus enim omnium bonorum dator & author est: licet interim opera utatur intermedia hominum & aliarum creaturarum. Mittit tibi princeps aliquis munus sanè eximium, & id quidem per aulicum non infimæ sortis, sed selectissimum uirum: huic tamen licet nobili, non agis gratias, sed principi, à quo munus est profectum: etsi interim agnoscas ingenuè aulicum quoque suam hic tibi contulisse operam. Non contulisset autem, nisi iussisset princeps. Ita uerò summa beneficii reddit tandem ad ipsum & solum quidem principem. Quemadmodum autem omnis nostra inuocatio grata est deo patri per Iesum Christum dñm nostrum: ita nulla gratiarum actio nostra deo grata est, nisi oblata sit per Iesum Christum. Huc enim pertinet mysteriū altaris thymiamatis. De quo dictum est in Ceremonijs legis. Sed & Apostolus, Gratias, inquit, agite semper de omnibus, in nōmine dñi nostri Iesu Christi, Deo & patri. Et iterum, Per ipsum, ait, offerimus

offerimus hostiam laudis semper Deo, hoc est, fructū labiorum consentium nomini eius.

Vt autem pro omnibus Dei beneficijs grati esse, & continuas gratiarum actiones Deo offerre possimus, necesse est ut prius agnoscamus & probe nobiscum expendamus Dei beneficia. His enim nondum cognitis aut recte expensis, mens nostra non inardescit ad agendas gratias pro beneficijs. Hæc planè uaria, imò immensa sunt. Sunt enim priuata & publica, generalia & specialia, spiritualia & corporalia, temporalia & æterna, ecclesiastica & politica, singularia & eximia. Quis uerò omnes species & partes commemoret? Creauit Deus, ornauit, illustrauit & fecundum reddidit nunc mundum propter hominem. Ad huius ministerium ablegat angelicos spiritus, quos sibi creauerat ministros. Dat nobis corpora & animas: quæ infinitis instruit & cumulat donis ac facultatibus: & quod reliqua beneficia excellit omnia, hominem peccato implicitum explicat, diabolo mancipatum liberat. Afferit enim nos filius Dei in libertatem filiorum Dei: moriendo nos uiuificat: sanguinem profundendo purgat ac expiat: spiritu suo nos donat, quo in hoc exilio regamur & conseruemur, donec recipiamur in æternam & ueram illam patriam nostram. Hæc qui uera fide expendunt, non possunt non rapi in laudem & celebrationem diuinæ bonitatis, & in admirationem rei profecto stupendæ, quod Deus optimus maximus tam exactam habet rationem hominum, quibus hæc tellus nihil habet uel miserabilius uel ærumnosius aliàs. Destituuntur hic uerbis sancti Dei. Neque enim uerba satis huic negotio tanto idonea suppetunt. Clamat David, Domine Dominus noster, quàm admirabile est nomen tuum in uniuersa terra. Quoniam eleuata est magnificentia tua super cælos. Et quæ sequuntur Psalmo 8. Et iterum idem, Quis sum ego Domine Deus? & quæ domus patris mei, quod me tantum euehis? Quid uerò ultra potest addere David, ut ad te loquatur, cum tu noueris seruū tuum Domine Deus? Et cætera quæ leguntur 2. Samuelis lib. cap. 7. Extat eiusdem Davidis elegantissima benedicendi uel laudandi, aut gratias agendi Deo formula in Psal. 103. cuius initium est, Benedic anima mea Domino, & omnia quæ intra me sunt nomini sancto eius. Benedic anima mea Domino, & noli obliuisci omnium beneficiorum eius. Qui propiciatur omnibus iniquitatibus tuis. Et reliqua. Quid uerò pluribus opus? Vnica oratio Dominica poterit esse perfectissima laudandi Deū, & gratias agendi Deo pro omnibus beneficijs uice multarum formula. Vt enim præfatiuncula & petitiones omnes, in memoriam reducant & absolute proponunt maxima Dei beneficia, & nobis ipsis & omnibus alijs largissime exhibita: ita si cogitemus nostri officij esse pro his singulis Deo gratias agere, incipiamusque mox ab ipso dominicæ orationis principio nobiscum expendere illud maxime, quod Deus pater pro ineffabili sua erga nos misericordia, miseros peccatores in numerum filiorum adoptauit, per quos sanctificari, & in quibus regnare, tandem & in regnū suum æternum transferre uelit: ut nihil de alijs petitionibus dicam, quàm copiosa quæso subnascetur laudandi Deū, & gratias ipsi agendi materia? Sed intelliguntur hæc rectius ex pia religiosaque exercitatione, quàm ex diligentissimis etiam præceptis.

Hanc autem gratiarum actionem oblatam ex uera animi humilitate & fide Deo, tanti facit Dominus, ut recipiat & habeat pro sacrificio gratissimo. Huius rei frequentissima fit mentio in testamento ueteri, ut cum dicitur, Sacrificium laudis honorificabit me. Non in sacrificijs tuis arguam te, nec accipiam de domo tua uultus: Immola Deo sacrificium laudis, & redde altissimo uota tua. Inuoca-

H h

*Agnosceda Dei beneficia.*

*Quomodo agatur Deo à pijs gratias.*

*Gratiarum actio est sacrificium. Psalm. 50.*



*Psalm. 113.  
Osee 14.*

*Malach. 1.*

*De uirtute  
orationis.*

me in die tribulationis, eruam te, & glorificabis me. Item, Tibi sacrificabo hostiam laudis, & nomen Domini inuocabo. Osee quoque, Tollite uobiscum uerba, inquit, & conuertimini ad Dominum, & dicite ei, Omnem aufer iniquitatem, & accipe bonum (näm recht für gut) & reddemus uitulos labiorum nostrorum. Ad quem modum & Malachias scriptum reliquit, Non est mihi uoluntas in uobis, dicit Dominus exercituum, & non accipiam munus de manu uestra. Ab ortu enim Solis usque ad occasum magnum est nomen meum in gentibus; & in omni loco sacrificatur & offertur nomini meo oblatio munda: quia magnum est nomen meum in gentibus, dicit Dominus exercituum. Ceterum oblationem hanc mundam interpretantur magno consensu omnes ueteres interpretes, inprimis Irenaeus & Tertullianus, Eucharistiam, id est, laudes & gratiarum actiones, & orationem profectam ex corde puro, & conscientia bona, & fide non ficta. Certè non alia de causa appellarunt ueteres ipsam Eucharistiam siue Coenam Christi mysticam sacrificium, quam quod in ea offeratur Deo laus & gratiarum actio. Nam Apostolus Paulus ostendit Christum semel immolatum, saepius aut amplius immolari non posse.

Est enim non laudis aut gratiarum actionis tantum, sed & totius orationis, ipsius inquam inuocationis etiam, magna dignitas & uirtus. De qua etsi non nihil dixerim, ubi ostendi efficaces esse preces nostras, paucula tamen haec adijcio. Fuit sanè omnibus sanctis ardentissimum orandi studium, propter orationis uirtutem mirificam. Nam ut nihil dicam de uetustissimis illis patribus diluuium praecedentibus, & mox consequentibus, an non Abraham acceptis promissionibus orat, & quoties sedes suas mutat, Deum inuocat? Idem cum orat, liberatur à morte Abimelech rex, & quod domui eius immiserat iratus Dominus, curatur à uitio sterilitatis, Iacob ardentissimas fundit Deo preces, & beneficia à Deo accipit inestimabilia. In Exodo non semel orat Moses, & auferit mala ab Aegyptiis, quae iusto eis iudicio intulerat Dominus. Orante Mose, terga uertunt Amalechitae: cessante eodem aut remittente, fugiunt Israelitae. Rursus cum ignis Domini deuoraret extrema castrorum Israelis, clamauit hic ad Mosen, & is rursus ad Dominum, & subito absorptus est ultor ignis. Iterum murmurat populus aduersus Dominum, & paratur ultio: sed Moses blanda & iugi deprecatione extinguit iram Dei. Dicitur enim ipsi, Dimissi iuxta uerbum tuum. Mox ubi recrudisset populi murmur aduersus Mosen & Aaronem, ac Dei uindicta iam absumpisset hominum millia quatuordecim septingentos, iubente Mose incendit thymiana Aaron, stansque inter mortuos & uiuos morti iam uicinos destinatosque, ueniam exorat precibus. Innumera huius generis alia de Mose leguntur. Successor Mosis Iosue precibus tantisper Solis & Lunae cursum remoratus est, donec ulcisceretur se de hostibus suis. Tacite deprecatur Anna sterilitatis probum, & protinus fit plurima sobole foecunda. Samuel Annae pia piissimus filius oratione Palaestinos atterit, & subito messis tempore excitat ingentem tempestatem tonitruum & hybrium. Non dissimilia legimus & de Helia. Jonas quoque orauit in uentre ceti, & proiectus est incolumis in aridam. Iosaphat & Ezechias reges religiosissimi, precibus ex fide ad Deum fuis, triumphant de hostibus potentissimis. Nihil à rege suo postulauit Nehemias nisi prius cōprecatus cœli Dominum, itaque nihil non obtinuit. Fortissima uirago Iudith insolentissimum populi Dei hostem & omnium gentium terrorem Holophernem precibus deiecit. Et ut Daniel omnia sua precibus apud Dominum conficit: ita Hesther necessarium populo Dei facinus aggreditur & feliciter perficit triduanis ieiunijs & assiduis precationibus. In

In auspiciatissima & desideratissima natiuitate Domini Iesu audiuntur chori angelorum laudes concinentium Domino. Quid quod ipse Dominus in summo uitæ discrimine ad preces confugit, ac mox audit uoces confortantis angeli? Orant unanimis Apostolicum reliqua ecclesia ad horam diei tertiam, & accipiunt mox spiritum sanctū. Cum uerò in periculis uersarentur Apostoli, suppliciter Dei auxilium implorat ecclesia, & sentit euestigio. Accipiunt illi multam dicendi libertatem, & edunt signa & prodigia in populo maxima. Petrus per angelū Dei educitur ex carcere munitissimo. Quid quod orantibus & laudantibus in carcere Dominum Paulo & Sila, terramotu carceris fundamenta leguntur concussa, & per eam occasionem custos carceris conuersus ad Deum? Cuius quidem generis innumera proferre possem, nisi hæc pñs sufficere crederem, Et pñs uires has non orationi ut nostro operi, sed tanquam ex fide profectæ, adeoq̃ ipsi Deo promittenti & fidelibus hæc exhibenti tribuunt. Notum est enim iudicium de his Pauli ad Hebræos 11. cap. & quòd uni Deo omnis debetur gloria. Is dignetur omnium mentes sic illustrare, ut oratio nostra ipsi semper placeat, Amen.

*De signis & signorum ratione, de signis sacramentalibus, quid sit sacramentum, à quo, ob quas causas, & quot sacramenta ecclesiæ Christianæ à Christo instituta sint: quibus rebus consistant: quomodo consecrentur, quomodo uel coniuncta uel discreta sint signum & signatū in sacramentis: & de loquutionibus sacramentalibus. SERMO VI.*

**S**UPEREST tractatio de Sacramentis, quam uerbo Dei & orationibus adiunctam esse audiuius. De Sacramentis autem à Christo Rege & Pontifice maximo traditis, & à sancta eius catholicaq̃ ecclesia receptis, & legitimè usurpatis, ipso Domino inspirante, dicturus, hunc seruabo ordinem, ut primùm de his generatim, deinde speciatim uel sigillatim disseram. Atq̃ hic primùm de certa signi uel sacramenti significatione constituam. In ea re si fuero paululum prolixior, condonabit id mihi c. v. Nam spero hoc non omni fructu cariturum.

**S**IGNVM appellant Latini scriptores notam, repræsentationem, uestigium & indicium rei significantis. Sic Tull. & Fab. Hic, Signum, ait, uocant *σημεῖον*, quanquam id quidam indicium, quidam uestigium nominarunt, per quod res intelligitur, ut per sanguinem cædes. D. Aurel. Augu. scriptor Ecclesiasticus nobilis, de Magistro cap. 4. Dicimus ea, inquit, signa uniuersaliter omnia, quæ significant aliquid: ubi etiam uerba esse inuenimus. Idem de Doct. Christ. lib. 2. cap. 1. dicit, Signum est res præter speciem quam ingerit sensibus, aliud aliquid ex se faciens in cogitationem uenire: sicut fumo uiso, ignem subesse credimus.

Distinguit idem ille signa, in signa naturalia & data. Naturalia uocat, quæ sine uoluntate atq̃ ullo appetitu significandi, præter se aliquid aliud ex se cognosci faciunt: sicuti est fumus, significans ignem. Non enim uolens significare id facit. Data sunt, inquit, quæ sibi quæq̃ uiuentia inuicem dant, ad demonstrandos quantū possunt motus animi sui, uel sensa aut intellecta qualibet. Et Data quidem signa rursus distinguit per sensus. Alia enim ad oculos pertinent, ut sunt uexilla & signa ducum, motus manuum & omnium membrorum. Alia ad aures, ut sunt tuba & tibia, & ipsa deniq̃ uerba, quæ inter homines obtinuerunt principatū significanti. Ad odorem refert illum odorem unguenti Euangelicū, quo Dominus aliquid significare uoluerit. Ad gustum retulit Cœnam Domini. Sacramento enim sanguinis & corporis sui, inquit, prægustato, significauit quo d uoluit. Addit & exem

*Diuisio signorum ex Augu-  
stino.*

*Ioan. 12.  
Marc. 14.*



Matth. 9.

plum ad tactum, Et cum mulier tangendo fimbriam uestimenti eius salua facta esset, non nihil significat. Sic August. de Signorum generibus & differentia differuit.

Signa secundum  
tempora distin-  
cta.

Alij uero nihil diuersi quidem ab illo afferentes, Signa iuxta temporum rationem distinguunt. Dicunt enim Signa alia quidem esse rerum presentium, alia rerum preteritarum, alia uero rerum futurarum. Presentium signa putant, quae significant res esse praesentes: ueluti haec dera suspensa indicat uinum ibi uendi ubi suspensa haeret. Signa quae patrabat Dominus noster, significabant adesse Messiam & regnum Dei a prophetis promissum. Sub praeterita signa referunt omnia defunctorum monumenta, & lapides illos in Iordane erectos a Iosue, posteritati significantes quid praeteritis actum sit temporibus. Futurarum rerum signum datur Vellus Gedeonis, futurae scilicet uictoriae signum.

Matth. 12.

Iosue 4.

Iudic. 7.

Signorum alia  
data ab homini-  
bus, alia institu-  
ta a Deo.  
Signa data ab  
hominibus.

Ceterum expensis nec reiectis illis quidem, poterunt signa plenius & dilucidius diuidi in signa, quorum alia quidem ab hominibus data, alia uero ab ipso Deo instituta sunt. Ab hominibus dantur Signa ceu notae, quibus aliquid significant aut designant, quibus denique aliquid apud homines in memoria retinent: aut quod certum & firmum esse uolunt, obsignant. Hac ratione omnis descriptio & pictura demonstratiua dicitur Signum. Nam Ezechielis 4. picta Hierusalem dicitur Signum: uetustas quoque imagines mortuorum signa appellauit, quod si uellet memoriam eorum, quorum signa dicebantur, refricare & superstitem quasi retinere: quin ipsa etiam scriptura sancta idola appellat signa, sicuti uidere licet Isaiae 45. & 2. Paral. 33. Ita lapides quoque ad significandum aliquid positi, cuiusmodi sunt limites agrorum & omnia monimenta, signa sunt. Rahab illa Hierichuntina ad exploratores Israelitas dicit, Date mihi signum ueritatis, quod facturi sitis mecum misericordiam. Et dederunt illi funem suspensum e fenestra. En fidei & ueritatis signum erat funis, quo illi uelut obsignabant serio & uere, se diligenter curaturos ne perderetur Rahab. Germani huiusmodi signa fidei & ueritatis gratia uel data uel accepta, nuncupamus & wortzeychen, quia uerbis adduntur, ac ea uelut obsignant, & warzeychen, quia his uelut attestamur bona fide, & absque dolo malo exequuturos, quod uerbis promissimus.

Signorum ab ho-  
mine datorum  
uarietas.

Sunt autem huiusmodi signa uarij generis. Alia enim muta sunt, & pertinent ad sensum oculorum: cuiusmodi sunt militaria signa, cruces, fasciae, uexilla, accensignes: quorum mentio fit Numeri 2. Psal. 73. &c. Neque enim quisquam huius generis enumerauerit omnia. Nascuntur enim noua subinde pro hominum arbitrio. Iudas suis dabat signum, Quemcumque osculatus fuero, ipse est, tenete eum. Consecratio datae dextrae quae ad sensum tactus pertinet, fidei, auxilij & communionis signum, est & ipsum signum mutum: quod Paulus appellauit signum societatis. Huc pertinent uarij motus & gestus. Alia uero ex his Vocalia sunt, quae auditu percipiuntur, edunturque uel per humanas, uel per inanimatorum uoces. Humana uoce eduntur uerba, sibilus, & quae alia sunt huius generis. Quod pertinent uocales terrae, qualis illa Iudicum 12. cap. Schiboleth. Porro inanimes uoces sunt, quae fiunt per tubas, tibias, cornua, tympana, bombardas, per pulsum campanarum, & per instrumenta sonora, quae & ipsa longissime latissimeque patent.

Matth. 26.

Galat. 2.

Iudic. 12.

Signa a Deo  
data.

Iam uero dantur signa a Deo in hoc, ut instruant admoneantque rerum futurarum, aut etiam praeteritarum: uel ut res ipsas quarum signa sunt, quodam modo spectatorum oculis subiiciant, & similitudine quadam repraesentent, uel ut promissiones & uerba Dei obsignent, uisibili aliqua ceremonia, ab hominibus diuina institutione celebrata, ut denique fidem nostram exerceant, & dispersos colligant in unum aliquem coetum. Sunt autem & haec non eiusdem generis, ac manifesta

manifesta inter se habent discrimina. Quædam enim oriuntur causis naturalibus, Varietas signorum datorum à Deo. & dantur tamen à Deo signa, quæ præteritas res, aut etiam promissiones renouent, hominesque rerum gestarum admoneant, cuius quidem generis est Iris apud Moysen. Genes. 9. Nam peracto diluuiio, dum Deus cum Noe repararet fœdus, ac fœderis signum institueret Iridem, hanc non condidit de nouo. sed iam olim conditam, & causis orientem naturalibus, noua institutione consecrat, ut diluuium in memoriam reducat, promissionemque Dei ueluti reparet, nunquam uidelicet futurum porro, ut terra absorbeatur aquarum inundatione. Interim non habet hoc signum ullam ceremoniam, qua celebretur inter homines, institutam, nec colligit nos in ullius corporis cœtusue societatem. Imò refertur signum hoc ad Deum maximè, dicentem, Erit arcus in nube, quem cum uidero recordabor fœderis æterni inter me & uos in ita. Huic non dissimilia prorsus sunt portenta & ostenta, signa inquam in Sole & Luna & stellis, quibus homines cœlitus præmonentur futurarum calamitatum, nisi emendentur per poenitentiam: sed ne hæc quidem ullam uel ceremoniam habent institutam ad celebrandum aut colligendum. Sunt rursus signa planè miraculosa non naturalia, licet in ipsis & naturalia quædam concurrant: cuius generis esse uidetur Gedeonis uellus, & Umbra horologii recedens in Solario Ezechie regis. Hæc uerò ut semel facta leguntur, ita nullam habent institutionem, quæ iubeat imitatione & in certum aliquem finem celebrare. Adhibebantur tunc ad futuram uictoriam & sanitatem significandam & attestandam. Ex integro & merè miraculosa sunt, quæ Marci ultimo ab ipso Domino Iesu appellantur signa, beneficia, inquam, sanitatis & linguarum, hominibus nulla humana uirtute aut medicatione, sed solius Christi potentia, collata. Declarabatur ipsæ ueram & indubitam esse prædicationem Euangelij, qua annuntiatur Christus Dominus esse uniuersorum, Dominus uitæ & mortis, satanæ & ipsius etiam inferni. Iam enim cum in nomine Christi resurgunt mortui, & cedunt depulsi morbi, his ipsis signis approbatur uerum esse quod dicitur, Christum esse Dominum uniuersorum. Sic Moyses & Aaronis prodigia in Ægypto patrata, Exod. 4. à scriptura appellantur signa. Erant enim testimonia & missionis legitimæ à Deo, & potentie contra Ægyptum exercendæ ingentis argumenta. Verum non habebant & illa ullam ceremoniam, non colligebant in ullam societatem. Iam uerò legimus & signa quædam paradigmatica esse, exhibita quidem ab hominibus, sed non sine præcepto Dei, ut possint hæc quoque signa à Deo data dici. Sunt illa à miraculis prorsus aliena, ac petita quidem non modò à rebus naturalibus, sed etiam uulgaribus planè: qualia fuisse leguntur Ieremie sancti prophete iugum, hydria atque catena, quibus, Domino iubente, res sermone copiosè expositas, nunc etiam hypotyposi ac suffiguratione aliqua, signo, inquam, uisibili hominum oculis quasi inspiciendas uoluit subijcere. Paria uidere licet & apud Ezechielem in cap. 17. & 24. Habent autem hæc signa paradigmatica similitudinem quandam cum Christi actiuis, imò sunt Christi quædam mixtæ. Christiam actiuam finit Aphthonius, quæ actione aliquid declarat aut demonstrat: ueluti cum Pythagoras interrogaretur, quanta nam esset uita mortalium: is autem breui momento se conspiciendum præberet, mox autem subsidens se subduceret à conspectu hominum: eo modo eaque actione significans, uitam hominum esse breuem & momentaneam. Caterum in sacris proponuntur ferè Christi mixtæ, sermone & actione constantes: ueluti cum Dominus productus in medium puello, hæc insuper uerba adiicit, Amen dico uobis, nisi conuersi fueritis, & efficiamini sicut puelli, non ingrediemini in regnum cœlorum. Huiusmodi autem

Portenta & ostenta. Lucæ 21.

Miraculosa signa. Isaie 38.

Signa paradigmatica.

Iere. 19. 27. 28.

Christi.

Matth. 18.



*Signa sacramentalia secernuntur ab alijs signis, cum quibus multa communia habent.*

Christi autem signa non habent institutionem & praeceptum Dei iubentis hanc ipsam actionem solenni celebratione repetere. Habent tamen cum his cognitionem aliquam sacramentalia signa, Baptismus uidelicet & Coena Dominica. Nam diuinitus qui sem nobis data, & a rebus petita naturalibus, citra ullum miraculum, imò in rebus naturalibus sensibilibusque, & maxime uulgaribus instituta sunt, aqua, pane & uino. Habent haec cum alijs à Deo datis signis communia, quòd renouant res praeteritas, adumbrant etiam futuras, & similitudine repraesentant res significatas. Habent peculiare quo differunt ab alijs, quòd adiunctas habent cum praecepto ceremonias, quas ipse Dominus ecclesiam suam celebrare iussit: & habent hoc peculiare, quòd ob signando promissa Dei, nos Deo & cum omnibus sanctis uisibiliter coniungunt, & sacrosanctis mysterijs Dei in Christum dedicata sunt. De his porro differemus paulò fufius & diligentius.

*Sacramentum.*

**SIGNA** sacramentalia Christi & ecclesiae Christianae, quae uidelicet Christus Dominus Ecclesiae suae tradidit, Ecclesia autem Christiana ab ipso accepit, & religiosissime custodit, à scriptoribus Latinis appellantur Sacramenta. At uocabulum hoc nullibi extat in tota scriptura sancta, nisi quòd eo usi leguntur interpretes: uocabulum autem signi frequens est, ac quòd nostrum attinet institutò, significatissime ponitur Genes. 17. & Rom. 4. Interim uocem Latinam Sacramentum nec abhorrentes reijcimus, neque reijcientes nouam còminiscimur. Placet uox Sacramentum, modò quis ea utatur legitime. S. Augustinus Epist. ad Marcellinũ 5. Longum esset disputare, inquit, de uarietate signorũ, quae cum ad res diuinas pertinent, Sacramenta appellantur. Hinc petita est haud dubie uulgaris illa descriptio aut consignatio, Sacramentum est sacrae rei signum: quae quidem ut reijci non potest, ita nemini obscurum est ea rei naturam plenè non comprehendere exprimit, aut ab ijs quae & ipsa sacra sunt signa, distingui. Profertur ergo alia, certe exactior definitio, Sacramentum est inuisibilis gratiae uisibilis forma. Quoniam uerò & haec non usquequaque rei naturam exponit, melior multis uisa est, quae sic habet. Sacramenta sunt ceremoniae, quibus exercet populum suum Dominus, ad fidem primum excitandam fouendamque, deinde & ad testificandam apud homines religionem. Rectè quidem hoc dicitur. Quid uerò si paulò copiosius liberiusque sic describas? Sacramenta sunt actiones sacrae, uerbis siue promissionibus Euangelicis & ritibus praescriptis constantes, ecclesiae diuinitus in hoc traditae, ut Euangelicam praedicationem attestentur atque obsequant, fidem exerceant, rebusque terrenis & uisibilibus magna Dei mysteria repraesentent & ob oculos statuunt, denique ut ecclesiam uisibiliter colligant, suisque moneant officijs. Est sane longè petita, diffusa, & multiplex, multis inquam ex partibus collecta definitio: uerum libet aperte agere, & rem totam semel oculis conspiciendam proponere: singula deinceps per partes illustrabimus, & scripturarum testimonijs confirmabimus.

*Quid sit sacramentum.*

*Sacramentum pro iureiurando.*

Iam ut de Vocabulis huic rei inditis plenius disseram, uideo Latinos scriptores Sacramentum dixisse iusiurandum, aut religiosam obligationem: quòd haec quibusdam, opinor, ceremonijs perageretur. M. Varro linguae Latinae libro secundo, explicans quid sit Sacramento contendere, Qui petebat, inquit, quicque inficiabatur de rebus alijs, utrique quingentos aëris ad pontem deponebant, de alijs item rebus certum numerum assium: qui uerò iudicio uicerat, suum sacramentum à sacro auferebat, uicti ad ararium redibat. Quia itaque sacris interpositis, Deo & omnibus sanctis per participationem sacramentorum obligamur, adeoque & ipse Deus sacramentorum testimonio se nobis ueluti iureiurando obstringit.

obstringit, Sacramenti uocabulum appositissimè signis nostris inditum apparet. Legitur apud Latinos scriptores & de Militari quodam sacramento. Non enim pugnare phas erat, nisi sacramento adactis. Conceptis autem uerbis iurabant se omnia strenuè facturos (ut ait de re militari Vegetius) quæ præcepisset imperator, nunquam deserturos militiam pro republica Romana. Dabatur donatium ueluti pignus & authoramentum: dabant nomina: signabantur notis. Iam quia nos nostris sacramentis, baptismo maxime, recipimur & inscribimur in militiam Christi, & sacramentis sumptis nos profitemur attestamurque esse Christi milites, inde nec absurdè nec præter rationem signa Christi & Ecclesiæ sacramenta appellantur. Interim nolo pertinaciter contendere uocem, Sacramentum, illa causa potissimum sacris illis signis nostris à ueteribus esse attributam. Nam Erasmus ille Roterodamus linguarum peritissimus & in sacris uetustisque scriptoribus, si quis alius, sedulò uersatus, in Catechesi sua symbolis. Qui exactius loquuti sunt, inquit, sacramentum appellant iusiurandum aut obligationem numinis ac religionis interuentu confirmatam. At maiores nostri uocem eam accommodarunt ad significandum id quod Græci dicunt Mysterium, quod religiosum arcanum possis dicere. Quia ab his tractandis secludebatur uulgus. Hæc Erasmus. Fuerunt ergo ueteribus scriptoribus ecclesiasticis sacramenta dicta quasi mysteria.

Sacramentum militare.

Eadem enim signa appellantur à scriptoribus ecclesiasticis Græcis *μυστήρια*, *Mysteriū quid.* quæ Latini ferè interpretantur sacra & religiosa arcana, arcana inquam sacra, à quorum celebratione (ut modò dictum) excludebatur prophanum uulgus. Nam Coelius in Lectionibus antiquis dicta arbitratur mysteria *ὅτι δὲ μυστήρια τῶν ἐν ἡμῖν*, quòd oportet occludentes, siue qui cōclusi ea peragunt, custodire intus ac nulli proferre prophano: unde rectè uocauerimus Mysteria, seclusa & arcana sacra, solis initiatis cognita, solisque celebranda sanctis. Videri tamen poterat *μυστήρια* deriuatum à *μύσος* & *μύω*, sicut *ἀποκρύφειν*, ex *ἀπὸ* & *κρύω*, ut etymon apud Græcos non magis ualeat quàm testamenti apud Latinos, quòd sit mentis contestatio. Quanquam non nesciam quid hic quoque nonnulli disputent. Certè Mysteria dicuntur Sacramenta, quòd in uolucro tegant res alias magis sacras. Libenter autem hac uoce in epistolis suis utitur Paulus. Ac ratio patet cur attributa sit hæc uox sacris Christianæ ecclesiæ signis. Hæc enim solis nota sunt fidelibus, excluduntque prophanos. Certè prædicatio euangelica dicitur & ipsa mysterium regni Dei, *Matth. 13.* mirum quòd exclusis impuris, perspecta sit solis Dei filiis. Dixit enim mystago *Ephes. 3.* ille noster, Ne proiecero margaritas ante porcos, neque dederitis quod sanctum est canibus. Et Paulus, Quòd si adhuc uelatum est, ait, euāgelium nostrum, *Matth. 7.* in his qui pereunt uelatum est, in quibus Deus huius seculi excaecauit sensus incredulorum, *2. Corinth. 4.*

Porro ex Græcis Ecclesiæ doctoribus plerique sacramenta nostra appellarunt *σύμβολα*, quæ uox & à latinis recepta est, & usurpatur frequentissimè. Deductur ea à *συνβάλλω*, id est confero. Collatione enim illustrantur & rectè perspiciuntur symbola. Significat ergo symbolum signum quod relationem habet ad aliud: quemadmodum diximus signum militare. Ac uariis quidem fuit olim symbolorum apud Græcos usus. Habebant enim in sacris sua symbola, signa, inquam, allegoricè aliquid insinuantia: ut in sacris Bacchi symbolum erat, quod circumferebant bacchantes cribrum, significantes utique ebrios esse futiles. Quid quod sententiæ reconditoris aliquid sensus comprehendentes, per allegoriam aut ænigma, symbola dici cœperunt? Nam nota sunt symbola Pytha-

Symbolū quid.



goræ. Ita mystica theologia nuncupari cœpit symbolica, nimirum mysterijs implicita secretioribus. Inde symbolicum est, quod ænigmaticum & allegoricum est, longè aliud habens in recessu, quàm fronte promittat. Rursus symbolum dicitur, quod inter sponsum & sponsam ex mutuo consensu interponitur, fidei munus, ne liceat à pacto recedere. Deniq; dabantur militibus sub iisdem signis merentibus, symbola. Dabantur item in quibusdam urbibus amicis, ad uicinas & socias urbes concedere uolentibus, symbola, hoc est, tesseræ, quibus uisus intelligebant offerentem humaniter esse tractandum, ueluti socium & amicum singularem. Veteres itaq; Symboli uocem sacramentis nostris accommodarunt, quòd hæc nobis maxima Dei mysteria repræsentant, allegorica & ænigmatica sunt, quòd deniq; ipse dominus sacramentorum institutione se nobis, nos illorum communionem, ipsi & omnibus sanctis obstringimus, testificantes & palàm profitentes nos strenuè sub signis domini militaturos. Præterea admonent nos sacra symbola dilectionis fraternæ, ut meminerimus eos qui nobiscum de eadem mensa participant, & eodem abluuntur baptismo, impensissimè ut filios Dei & fratres nostros esse diligendos. Hæc de sacramentis quid sint, quibus uocentur nominibus, & quare sic nuncupentur, consignasse sufficiat.

*Solus Deus sacramentorum auctor.*

EXPONENDVM autem ante omnia uidetur, à quo auctore profecta sint sacramenta, & quas ob causas instituta. Confessum est apud omnes ferè, solum deum instituere posse sacramenta, non homines, non ipsam quoq; Ecclesiam. Est enim inter Scholasticos, qui submonet Ecclesiam, ut meminerit se non esse dominam sacramentorum, sed ministram, nec posse hanc magis instituere formam sacramentalem, quàm legem aliquam diuinam abrogare. Sed & Aquinas parte 3. quæst. 46. articulo 2. Ille instituit, inquit, aliquid, qui dat ei robur & uirtutem: sed uirtus sacramenti est à solo Deo: solus itaq; Deus potest instituere sacramenta. Et reuera solus Deus cultum legitimum instituere potest. Pertinent autem sacramenta ad cultum, unde solus Deus sacramenta instituit. Si quis in ueteri testamento obtulisset sacrificium non præceptum à domino, nec obtulisset eo modo quo iusserat immolare Dominus, non modò nihil utilitatis inde percepisset, sed insuper commisisset piaculum pœna expiandum longè funestissima. Quis enim ignorat filios Aaronis ignem alienum offerentes, cœlitus delapsa flamma horribiliter esse concrematos? Displicent ergo domino ceu prophana: neq; legitima sacramenta dici merentur, quæ non habent ipsum dominum auctorem. His accedit, quòd sacramenta diuinæ erga nos uoluntatis & beneuolentiæ testimonia & quasi sigilla sunt. At quis oro melius, rectius & certius de diuina uoluntate testabitur, quàm ipse Deus? Sigillum Dei neutiquam appellari & haberi meretur, quod ab ipso Deo non est appensum aut impressum, imò adulterinum est sigillum quòd à Deo non est profectum, interim tamen Dei nomine uenditur. Iam & S. Augustinus, quod omnium in ore uersatur, dixisse legitur, Accedit uerbum ad elementum & fit sacramentum: unde colligimus in sacramentis potissimas partes habere ipsum Dei uerbum: uerbum inquam Dei, non uerbum hominum, non Ecclesiæ: unde denuo sequitur signum proficisci oportere ab ipso Deo, non ullis hominibus, licet numero multis, eruditione doctis, & uitæ innocentia sanctis: ut iam alius auctor sacramentorum esse nequeat, quàm Deus solus.

*Sacramenta uerbi ex manibus Christi accipienda.*  
1. Thess. 2.

Quemadmodum uerò recipimus uerbum salutis & gratiæ, ita necesse est nos accipere & signa gratiæ. Licet autem uerbum Dei nobis annuncietur ab hominibus, non tamen illud amplectimur tanquam uerbum hominis, sed uerbum Dei, iuxta illud Apostoli, Cum acciperetis à nobis sermonem quo Deum

Deum discebatis, accepistis non sermonem hominum, sed sicut erat uerè sermonem Dei. Spectare enim nos conuenit primum authorem, qui ablegatis discipulis suis dixit, Ite in orbem uniuersum, & prædicate euangelium omni creaturæ, *Marci 16. Matth. 28. Lucæ 10.* docentes eos seruire omnia quæcunq; præcepi uobis: & baptizantes eos in nomine patris, & filij, & spiritus sancti. Qui autè uos audierit, me audiuit: qui autem uos repulerit, me repulit. Ideoq; tametsi hominum manibus administrentur sacramenta, à religiosis tamen illa non percipiuntur tanquam ab hominibus, sed uelut è manu ipsius domini, primi sacramentorum authoris. Huc enim pertinet quod in euangelio legimus quæsiuisse dominum, Baptismus Ioannis è cælo, ne an ex hominibus erat: *Matth. 21.* Certè Ioannes qui baptizabat, homo erat: sed quod baptizabat, ex institutione Dei baptizabat: erat itaq; baptismus Ioannis è cælo, licet aqua flueret ex abyssu in alueo Iordanis, ipseq; Ioannes uersaretur in terris. Huc præterea pertinet, quod Paulus disertè pronunciauit, Ego enim accepi à domino, quod & tradidi uobis. *1. Cor. 11.* Quanquam ergo homo esset Paulus, & homo quidem peccator, quod tamen tradebat Ecclesiæ, non ex seipso, aut ullo inuento humano tradebat, sed ex traditione Christi, ut iam traditio, Christi sit traditio, diuina & cœlestis. Præterea operatur uel hodie in Ecclesia sua summus ille & æternus pontifex noster, cuius ministerio funguntur, id est, cuius iussu baptizant, & cuius institutione sacrum exhibent conuiuium, qui sunt dispensatores mysteriorum Dei. Opus ergo illius ingenuè agnoscendum est à nobis omnibus. Hæc autem de Sacramentorum authore hætenus.

Causas institutionis sacramentorum, cur uidelicet res spirituales & cœlestes nobis traditæ, aut commendatæ sint sub signis aut speciebus ritibusq; uisibilibus, Lombardus in sententijs tres numerat: quarum prima ita friget, ut eam pigeat commemorare. Meritum enim in eo constituit, quod Dei imperio, ut ait, salutem homo quærît in inferioribus se. Quibus tamen mox addit, Et si non ab illis, sed per illa à Deo: satis quidem & illud ipsum effutens in expensum. Reliquæ duæ, nempe quod propter eruditionem, & propter exercitationem, inuenta sint, non prorsus absurdæ esse uidentur. Verissima & maximè propria causa, cur sacramenta sint instituta sub signis uisibilibus, uidetur esse diuina partim bonitas, partim humana imbecillitas. Difficulus enim intelligimus res diuinas atq; cœlestes, si absque inuolucro aliquo, ita ut natura sua sunt, puræ & illustres proponantur: rectius autem faciliusq; intelliguntur, si suffigantur nobis per terrena, hoc est, per signa nobis familiariter cognita. Proinde sicuti parabolis benignus dominus negotium regni Dei obtexit, imò illustrauit ornauitq;: ita symbolis quoq; idem ipsum negotiū ob oculos quodāmodo statuere, & quasi in picta tabella demonstrare, refricare, renouare & repræsentare uoluit. Hanc ut maximè propriam causam agnouit & Ioannes Chrysostomus, qui Homilia in Matth. 83. Nil sensibile, inquit, tradidit nobis dominus. Res quidem sensibiles sunt, omnia tamen intelligibilia. Sic in Baptismo per rem sensibilem datur aqua: quod autem perficitur, nempe regeneratio & renouatio, mente percipitur. Nam si tu incorporeus esses, nuda tibi hæc tradidisset omnia dona: quia autem corpori coniuncta est anima tua, in rebus sensibilibus ea quæ mente percipiuntur, tradidit. Id quod non ideo adduco, quod humano innitar testimonio: sed quod uideam D. Ioannem Chrysostomum obseruato scripturarum more ita esse loquutum. Quis enim nesciat sacras literas parabolis, similibus, allegorijs symbolicisq; scaturere loquutionibus? Quibus sanè Dei spiritus utitur, non propter semetipsum, sed propter nos. Notissimum est enim illud domini in euangelio cum Nicodemo de *Chrysostomus de causa sacramentorum. Ioan. 3.*



regeneratione cœlesti, per inuolucra aëris & aquæ disputantis atque dicentis, & terrena dixi uobis & non creditis, quomodo si dixero uobis cœlestia, credetis? Atqui appellauit Terrena, doctrinam illam suam de regeneratione cœlesti per terrena symbola aquæ & spiritus siue aëris ac flatus suffiguratam: per Cœlestia uerò illam eandem intellexit doctrinam de regeneratione cœlesti, sed extra imaginationem, similitudinem, aut symbola nudè traditam. Significauit ergo Dominus facilius capi ab hominibus doctrinam rerum cœlestium inuolucro aliquo tectam, quàm nudè & spiritaliter planè traditam: ut facillimè ex collatione rerum non admodum disparium colligi possit, non alia causa & sacramenta diuinitus esse inuenta, quàm perspicuè demonstrationis & illustrationis rerum cœlestium gratia. In qua re obseruanda uenit Analogia, quæ est aptitudo quadam, proportio, seu, ut Cicero uocauit, conuenientia rerum, inquam, signis sic agnatarum, ut sine ea leuiter transmissa, ratio sacramenti plenè non intelligatur, excussa autem & ad plenum obseruata, ἀναλογίῃ, hoc est, intelligentiam reconditiorem sine labore offerat contemplanti. Exemplis id fortè in rerum tractatu illustrabitur diligentius.

*Analogia.*

*Laudandus dominus propter instituta sacramenta.*

*Sapientia Dei relucet in sacramentorum institutione.*

Quisquis ergo exactè hanc sacramentorum inuentionem expendit, non poterit non laudibus insignem domini uehere bonitatem, quæ mysteria regni Dei non tantùm miseris recludit mortalibus, sed rationem quoq; habet infirmitatis humanæ singularem, qua nobis condescendens, nobiscum quodammodo balbutit, dum uidelicet mysteria cœlestia terrenis adoperta symbolis, pro captu nostro formans, & declarat significantissimè, & quasi oculis contemplanda subiicit. In eadem hac sacramentorum institutione laudare etiam licet diuinam sapientiam: si modò paruis licet componere magna. Nam hic mos in mundo quasi pro lege receptus est, quòd sapientissimi quicq; maxima sapientiæ mysteria, non uerbis modò, sed & symbolis adiunctis, suis commendarunt auditoribus, nimirum ut duo sensus nobilissimi in homine, auditus & uisus, simul percellerentur & permouerentur grauius efficaciusq;. Plena sunt exemplis philosophorum gentilium uolumina. Quid quod ueteri quoque Dei populo huius generis cesserunt, & ab ipso Deo data sunt plurima?

*Mos sanciendo rum foederum.*

*Hebr. 6.*

*Gene. 15.*

Rursus quando in foederibus sanciendo aut in serijs magniq; momenti pollicitationibus confirmandis, homines signa ueritatis, gratia fidei conciliandæ promissis interponunt: idcirco dominus hac quoq; in re humanum morem imitans, foederi suo æterno, & promissionibus uitæ, signa adiecit fidei & ueritatis, ipsa inquam sacramenta, quibus promissiones suas ipsamq; euangelij sui doctrinam obsignat. Nec hoc ipsi rarum aut nouum est. Iurant homines per ipsum dominum, dum alios de ueritate promissionum suarum uolunt reddere certos atq; securos: iurasse ergo legitur & dominus ipse in sacris literis, & iurasse quidem per semetipsum, cum uidelicet promissionū hæredibus eximiè uellet ostendere, ut ait Apostolus, consilij sui firmitatem. Præterea mos fuit priscis hominibus foedera ferientibus, hostiam dissecare in partes, atq; per partium dissectarum medium transire, eaq; testari ceremoniâ, subijcere se dissectionis poenæ aut supplicio, nisi stent pactis firmissimè. Ad eum uerò modum Dominus cum Abrahamo foedus initurus aut reparaturus, quod Moses copiose describit Gene. 15. cap. iubet Abrahamum buculam, capram & arietem triennes, dissecare, & partes ex opposito collocare: quod cum fecisset Abraham, ipse dominus, sub specie lampadis aut facis ardentis, per partes illas medius transiuit, ut inde intelligeret Abraham terram Chanaan semini ipsius certò fore tradendam, neq; quicquam

quam eorum quæ ea pactione promiserat dominus, irritum futurum. Quando ergo bonus & uerax dominus semper sui similis est, & nunc quidem eo quo diximus modo se suæ attemperauit ecclesiæ, quid mirum aut nouum obsecro, si nobis hodie quoque sub rebus uisibilibus signacula uel sigilla suæ gratiæ & mysteriorum regni Dei reliquit? Atque hæc hæcenus de sacramentorum causis præcipuis, ob quas instituta sunt, disseruimus.

I A M uerò de specie & numero sacramentorum, qui locus præcedenti proximus est, uaria disputata sunt à scriptoribus, postremi temporis maxime, Priscis enim res illa, utpote planissima perfectissimaque paucis absoluebatur. Atque scripturas peruestiganti, uidentur alia quidem ueteris, alia uerò noui testamenti ac populi esse sacramenta. Ex ueteris quidem populi sacramenta fuere Circumcisio & Pascha, quibus accedere sacrificia. De quibus copiose diximus Decadis 3. Ser-mone 6. Similiter autem noui, id est, Christiani populi sacramenta numerant literæ apostolicæ duo. Baptismum & Cœnam dominicam. At Petrus Lombardus septem numerat, Baptismum, Pœnitentiam, Eucharistiam, Confirmationem, Extremam unctionem, Ordinem & Matrimonium. Hunc sequitur totus grex interpretum & turba theologorum scholasticorum. Cæterum præci doctrinæ ecclesiæ ferè omnes, duo præcipua commemorant sacramenta: inter quos Tertull. primo & quarto libro contra Marcionem, & in libro de Corona militis significanter duo tantum recenset, Baptismum uidelicet, & Eucharistiam. August. quoque lib. de Doctr. Christi. 3. cap. 9. Dominus signis nos non onerauit, inquit, sed quædam pauca pro multis, eademque factu facillima, & intellectu augustissima, & obseruatione castissima, ipse Dominus & Apostolica tradidit disciplina: sicuti est baptismi sacramentum, & celebratio corporis & sanguinis domini. Idem rursus ad Ianuarium epist. 118. Sacramentis numero paucissimis, ait, obseruatione facillimis, significatione præstantissimis, societatem noui populi colligauit, sicuti est baptismus trinitatis nomine consecratus, communicatio corporis & sanguinis ipsius, & si quid aliud in scripturis canonicis commendatur, exceptis his, quæ seruitutem populi ueteris, pro congruentia cordis illorum & prophetici temporis onerabant, quæ in 5. libris Moysi leguntur. Obseruandum autem uideatur quod non dicit, Et si quæ alia in scripturis canonicis commendantur: sed, Et si quid aliud, &c. Id quod palam arguit ipsum non de sacramentis loqui, sed de obseruationibus quibusdam, & usurpatis & receptis ab Ecclesia: sicuti & consequentia in Augustino uerba declarant. Fateor tamen ingenuè eundem alibi & sacramenti Ordinis mentionem facere: ubi tamen illud quoque mihi expendendum uidetur, quod idem ille & Chrisma, & Prophetiam, & Orationem, & alia quædam huius notæ, non minus quam Ordinem, sacramenta appellat, & quod scripturarum sacramenta idem subinde in ore habet: unde claret sacramenti uocabulum in illius scriptis aliter ac aliter usurpari. Hæc enim sacramenta uocauit, quod sacrosancta sint è spiritu Dei sancto profecta, quod sancta sint Dei instituta ab omnibus obseruata sanctis: ut hæc iam differant ab illis sacramentis, quæ actiones sacræ sunt, uerbis & ceremoniis constantes, consortesque in unam colligunt societatem. Sed & Rabanus Maurus diligens Augustini lucubrationum lector, & episcopus Moguntinus, lib. de Institut. clericorum 1. cap. 24. Sunt autem sacramenta, ait, Baptismus & Chrisma, Corpus & sanguis: quæ ob id sacramenta dicuntur, quia sub tegumento corporalium rerum, uirtus diuina secretius salutem eorundem sacramentorum operatur: unde & à secretis uirtutibus uel sacris, sacramenta dicuntur. Floruit hic circa annum domini 830. ut uel hinc colligere liceat

*Species sacra-  
mentorum.*

*Numerus sacra-  
mentorum.*

*Rabanus Mau-  
rus.*



priscae apostolicæ ecclesiæ non fuisse plura, quàm duo sacramenta. Ambrosij hic nullam mentionem facio, licet & ipse in libris suis de Sacramentis, non tot enumeret sicuti numeravit scholasticorum grex: quòd libri eius non recipiantur ab omnibus doctis pro genuinis Ambrosij libris. Ita nihil moueor Dionysij librorum autoritate, quibus quid doctissimus optimusq; quisq; tribuat, in aperto est. Vt cunq; uerò illa habeant, scriptura sacra, unica uitæ & omnium in ecclesia rerum gerendarum certissima regula, Baptismum & Cœnam nobis tanquam solennia Christi instituta & sacramenta commendat. Ea ergo sufficiunt nobis, ut nihil nos moueat, quicquid tandem contra aut præter hæc afferat ingenij humani acumen, quod nullam unquam potestatem accepit instituendi sacramenta.

Salubres ritus  
ecclesiæ nō con-  
temnuntur.

Interea salubres ritus, & salutaria Dei instituta, obseruationesq; religiosas ecclesiæ Christi non contemnimus. Diximus alias quid sentiamus & doceamus de Pœnitentiâ, & de ordine ecclesiastico: dicemus suo loco de reliquis illis, quæ neoterici uenditant pro sacramentis. Ita etiâ alibi, quantû satis esse putauimus, disseruimus de similitudine & differentia sacramentorum ueteris & noui populi.

Lib. contra he-  
refes 4. & 5.

VIDEAMVS modò quibus rebus sacramenta consistant. Scripturarum & omnium sanctorum testimonio constant duobus, è signo & re signata, è uerbo & ritu, è promissione euangelica & ceremonia, è re externa & interna, è re, inquam, terrena & cœlesti (ut habet martyr Christi Irenæus) ex re uisibili & inuisibili, è sensibili & intelligibili. Huc enim pertinet quod D. Ioan. Chrysostomus in Matth. οὐδεὶς γάρ, inquit, αὐδὲν ὁρᾷ τὸ πνεῦμα ὁμοῦν ὁ θεὸς, ἀλλ' αὐδὲν τὸ μὲν τὰ πνεύματα, τὸ πνεῦμα δὲ νοῦν. Cæterum appellauit αὐδὲν τὸν sensibilia, quæ uidelicet externis sensibus, utpote uisu, auditu, gustu, & tactu percipiuntur, νοῦν uerò intelligibilia aut mentalia, quæ mente uidelicet, intellectu, consideratione & animi discursu aut ratiocinatione, non carnis quidem, sed fidei, percipiuntur. Scripturarum demonstratione res fiet illustrior. Dominus dicit in euangelio discipulis suis, Ite in orbem uniuersum, & prædicate euangelium omni creaturæ: qui crediderit & baptizatus fuerit, saluus erit. Baptizabitur autem in nomen patris & filij & spiritus sancti. Eadem scriptura euangelica de Ioanne Baptista dicit, Baptizabat Ioannes in deserto, prædicans baptismum pœnitentiæ in remissionem peccatorum. Ita & S. Lucas testatur D. Petrum ad Israelitas dixisse, Resipiscite, & baptizetur unusquisque vestrum in nomine Iesu Christi in remissionem peccatorum, & accipietis donum spiritus sancti. In baptismo itaque aqua uel aquæ aspersio in nomen patris & filij & spiritus sancti, & totum illud quod fit ab Ecclesia, est signum, ritus, ceremonia, ac res externa, terrena atque sensibilis, sensibus, inquam, patens & exposita: at remissio peccatorum, participatio uitæ, consortium cum Christo & membris eius, dona item sancti spiritus, quæ conceduntur nobis per gratiam Dei, in fide Iesu Christi, res est significata, interna, cœlestis, ac intelligibile illud, quod mente fidei percipitur. Ad eundem modum testificans scriptura & de Cœna Domini, altero Ecclesiæ sacramento, Dominus, inquit, Iesus accepto pane, gratias egit, fregit, distribuit discipulis suis, & ait, Accipite, edite, Hoc est corpus meum, quod pro uobis traditur. Similiter & poculo accepto dixit porrigens, Bibite ex hoc omnes, Hic est sanguis meus, qui est noui testamenti, qui pro multitudine effunditur in remissionem peccatorum. Hoc facite in mei commemorationem. Iam itaque in Cœna Domini tota illa actio quæ fit ab Ecclesia ad exemplum summi pontificis Christi, fractio inquam panis, distributio, adeoq; conuiuium ipsum aut perceptio panis & uini, signum est, ritus, ceremonia, ac res externa siue terrena, ipsum illud sensibile quod patet sensibus.

Signo & re signata  
constant  
sacramenta.

Marci 1.

Actorum 2.

Matth. 26.  
Luc. 22.

bus. Cæterum intelligibile & res significata, interna & cœlestis, est ipsum corpus traditum pro nobis, & sanguis effusus in remissionem peccatorum, adeoque redemptio nostra & cōmunio quam habemus cum Christo & omnibus sanctis, & quam habet ille inprimis nobiscum.

Ex his facillè licebit certum constituere de uocabulis iam iam huic inditis negotio. Externa enim appellantur signa, quòd sint corporea, foris incurrentia sensibus, quibus hauriuntur. E diuerso appellamus ipsas res significatas internas, non quòd res ipsis inclusæ signis lateant, sed quòd internis animi facultatibus per spiritum Dei concessis percipiuntur. Ita quoque eadem signa nuncupantur & terrena & uisibilia, quòd rebus consistent terra sumptis, aqua uidelicet, pane & uino: & quòd in his speciebus coram uideantur. Porro cœlestes & inuisibiles dicuntur res significata, quòd fructus ipsarum sit cœlestis, quodque oculis animi seu fidei, non corporis, cernantur. Alioqui enim ipsum Domini nostri Iesu Christi corpus & sanguis, quæ in cœna specie panis & uini repræsentantur fidelibus, suapte natura non sunt cœlestia aut inuisibilia. Corpus enim Domini nostri sua substantia & natura nostro corpori consubstantialis est: cœleste quidem & ipsum propter liberationem à corruptione & infirmitate, aut propter clarificationem, non naturæ euacuationem aut depositionem, appellatum. Id ipsum uisibile est non inuisibile sua natura, residens in cœlis: uidetur tamen à sanctis cœnam celebrantibus, non corporis quidem, sed animi oculis, ideò propter nos inuisibile dicitur, quod in seipso non est inuisibile. Iam Verbum in sacramentis dicitur, & est diuinæ uoluntatis testificatio, beneficiorum & promissionum Dei commemoratio & renouatio, institutio item & præceptum Dei, quod sacramenti authorem, modum & finem ostendit. Verbum enim in baptismo illud est, quod modò recitauimus, Ite in mundum uniuersum, &c. In Cœna Domini, uerbum Dei illud est, Accipit Iesus panem, &c. Ritus autem consuetudo & mos est, petitus ab exemplo Domini præeuntis actione sacra, in qua & preces & ea quæ recitantur è uerbo Christi, comprehendimus. Nam ut ille panem fregit & distribuit, similiter & poculum diuisit: ita sancta imitatione & ritu sacramentali idem imitamur in actione sacra: ut ille gratias egit, ita & nos agimus gratias. Inuocamus super baptisandos certis precibus auxilium & gratiam Domini: recitamus locos quos ad negotium baptismi pertinere credimus certos ex Euangelio. Idem solemus & in celebratione Cœnæ Dominicæ exequi. Verum nõ est instituti nostri fuscè & exactè nunc de Ritibus sacramentorum differere: quos tamen optimos esse arbitramur, si sint petiti ex sacris, & modum non excedant. De quibus suo loco.

Alij pro uerbo reponunt promissionem, pro ritu ceremoniam. Ac in uocabulo quidem Ceremoniæ non uideo ullum periculum: siquidem per Ceremoniam intelligat externus ille cultus & ritus, quem ipse Dominus suo nobis exemplo cōmendauit, & celebrandum reliquit. Et reuera signa sacramentalia non sunt simplicia signa, sed ceremoniæ seu actiones religiosæ. Ita nullum periculum esse uidetur & in uoce Promissionis, modò per Promissionem intelligamus prædicationem Euangelij, & cōmemorationem promissionum diuinarum, quas in prædicatione Euangelij & celebratione sacramentorum recitantes usurpamus, Deum uidelicet nos propter Christum in fide recipere in suum consortium, abluere à peccatis, donare uarijs charismatibus: Christum pro peccatis nostris traditum, effudisse sanguinem ad explenda omnium peccata fidelium. Nam in celebratione baptismi usurpamus illa Domini uerba, Sinite paruulos uenire ad me, talium enim est regnum Dei, &c. In celebratione conuiuij sanctorum recitamus

*Signa externa  
et res interna.  
Signa terrena  
& uisibilia, res  
cœlestes & in-  
uisibiles.*

*Verbum &  
ritus.*

*Promissio &  
Ceremonia.*



## DE SACRAMENTIS.

hæc sacra Domini uerba, Cœnantibus eis accepit Iesus panem, & postquam egisset gratias, fregit & dedit eis, dicens, Accipite, edite, Hoc est meum corpus quod pro uobis traditur, Hic est sanguis meus qui pro uobis effunditur, in remissionem peccatorum. Hoc facite in mei commemorationem. Et reliqua. Sunt enim illæ commemorationes, & recitationes, promissiones Euangelicæ pollicentes peccatorum remissionem credentibus, annunciantes pro ipsis Domini corpus traditum, & pro ipsis effusum esse sanguinem: quæ sanè fides unica & certissima est uitæ & salutis apprehendendæ ratio. Christus est uis & substantia sacramentorum, per quem solum efficacia sunt, extra quem nihil possunt aut efficiunt.

Cæterum si quis per promissionem intelligat pactionem, qua se Dominus singulariter obstrinxerit, ac uelut affixerit signis, in quibus aut cum quibus uelit corporaliter, essentialiter & realiter esse præsens, iam plus dicit, quam scripturis demonstrare euincereque possit. Nullibi enim promisit se Christus in signis aut cum signis corporaliter, hoc est, uero suo corpore affuturum. Alioqui non nescio Deū alicubi patribus nostris apparuisse sub figura corporali, id est, specie aliqua uisibili: ueluti dum Iacobo Izraeli scalæ incumbens & Moysi in foramine petrae ceu in specula constituto se exhibet uidendum. Verum ea huc propriè non pertinent, qui de corporali Christi præsentia, & de signis sacramentalibus differimus. Quia uerò non pauci uerba Domini, Hoc est corpus meum, Hic est sanguis meus, huc torquent, ut corporalem corporis Domini præsentiam in Cœna statuunt: respondemus uerba illa Domini non rigidè ad litteram exponenda esse, quasi panis & uinum essentialiter aut corporaliter sint corpus & sanguis Christi: sed symbolicè & sacramentaliter, ita ut corpus & sanguis Christi in sua substantia & natura, & in loco suo, in certo inquam aliquo cœli loco maneant, panis autem & uinum signū uel sacramentum sint, testimonium aut obsignatio, memoriaque celebris traditi pro nobis corporis ac effusi sanguinis. Verum hac de re suo loco copiosius disseremus. Ex ijs quæ diximus satis claret quomodo sacramenta consistant duobus, signo & re signata, uerbo Dei & ritu uel ceremonia sacra.

SUNT tamen qui arbitrantur uerbis eam esse uim à Deo inditam, ut pronuntiata super signa, ipsa sanctificent, immutent, adeoque res significatas aduehant uel præsentem faciant, & signis ipsis inserant, uel includant, aut certè coniungant. Hinc enim exaudiuntur uoces huiusmodi, Aquam baptismi uirtute uerborum regenerare: & uirtute uerborum ipsum panem & uinum in Cœna fieri carnem & sanguinem Domini naturalem. Ac uerbo quidem & signo constant sacramenta Christi & ecclesiæ. At diligenter dispiciendum uidetur quid intelligi oporteat per uerbum. Modò dixi Verbum in sacramentis esse diuinæ uoluntatis testificationem, ipsumque Dei præceptum aut institutionem Dei, quæ sacramentum auctorem, modum & finem ostendit. Hoc inquam uerbo & præcepto Dei, hac uoluntate & institutione Dei, sanctificantur sacramenta, non quòd uerba à ministris sic pronunciantur, sicuti leguntur prius ab ipso Domino recitata, aut ab ipsis tradita Apostolis: sed quòd Deus sic uoluit, fecit, & facere iussit. Quod enim Deus facit, aut facere iubet, ipso Dei præcepto aut facto est sanctificatum. Nam omnia quæ fecit, ualde bona sunt: ergo quæ facere iubet, non possunt non esse sancta: quia ipse sanctus est & sanctificator unicus. Proinde ex natura, uoluntate, facto, aut iussu Dei, non ex pronuntiatione ullorum uerborum est sanctificatio sacramentorum. Cui iam, ut homini quoque applicetur ac profit, fidelis hominum obedientia accedat necesse est: quæ uidelicet omnem fiduciam defigat in misericordiam

Epod. 33-34

Quid in negotio sacramentum intelligatur per uerbum.

diam & potentiam Dei, quæ deniq; non contemnat aut respuat institutionē Dei, licet in speciem uilis & contempta uideatur. Apparebit hoc clarius in exemplo Naamani magistri militum regis Syriæ. Is audit à propheta, haud dubiè ex præcepto Domini, septies lauet in Iordane: sic enim futurum, ut mundetur à lepra. Audis hic uerbum, uoluntatem inquam & præceptum Dei: non audis autem ulla uerba recitari uel super Iordane, uel super Naamano, uel ulla uerba Naamano à propheta præscribi, quæ ipse recitet, quibus uidelicet aquæ indatur purificandi uis. Obtemperat per fidem præcepto Dei Naaman, & mundatur à lepra, non suo quidem merito, aut aquæ Iordanis beneficio, sed uirtute Dei & fidei obedientia. Mundantur & in Euangelio leprosi non pauci uirtute inquam & uoluntate Christi Domini fidei gratia, non ulla pronuntiatione uel recitatione uerborum. Dixit sanè Dominus, Volo, mundus esto: cæterum si quis hodie eadem recitarit etiam centes super leproso aliquo, nihil effecerit. Vnde perspicuum est, uerbis nullam esse uim inditam sanitati. effectricem, si pronuncientur.

4. Reg. 5.

Matth. 8.

Dixerunt sanè Apostoli ad ægrotos languentes & claudos, In nomine Domini Iesu surgite & ambulate: ac surrexerunt quidem sanati: sed non uerborum beneficio seruati, uerum nomine, potentia inquam & uirtute Christi. Petrus enim qui ad claudum Hierosolymis dixerat, In nomine Iesu Christi Nazareni surge & ambula, coram senatu Hierosolymitano, Examinamur hodie de eo, inquit, quod benefecerimus infirmo, qua ratione iste saluus factus sit: notum sit ergo omnibus uobis, quod per nomen Iesu Christi Nazareni, iste astat coram uobis sanus. Et ad populum idem, Per fiduciam nominis eius, inquit, hunc quem uidetis ac nostis, confirmauit nomen ipsius, & fides, quæ per eum est, dedit ei integritatem istam. Præterea legimus in Actis Apostolorum, filios cuiusdam Sceuæ sacerdotis exorcistas inuocare nomen Domini Iesu super eos qui habebant dæmonia, hæc uerò adeo non cessasse exorcismis, ut magis in exorcistas insurgentia illos ferè ad mortem usque mu'tarint. Vbi apertissimum est exorcistas eadem ferè usos esse formula, qua utebantur Apostoli (nam per nomen Domini Iesu tentabant eijcere dæmonem) hoc autem cum non potuerunt, quis non uideat uerba pronuntiata nihil posse? Nec obstat hic quicquam, quod exorcistæ illi fuerunt increduli. Nam apud omnes receptissimum est, sacramenta non minus efficacia esse per malos administrata ministros quam per optimos.

In nomine Domini  
sanati lan-  
guentes.  
Acto. 3.

Acto. 19.

At obijcitur hic nobis illud Apostoli, Christus exposuit semetipsum pro ecclesia, ut illam sanctificaret mundatam lauacro aquæ per uerbum, uel in uerbo. Si quidem, En, inquiunt, mundantur homines aqua baptismi quæ ex uerbo uim habet sanctificandi inditam: uerbis itaque uim sanctificandi inesse necesse est. Cæterum euincemus perspicua demonstratione, non hoc sensisse Apostolum, quod illi putant. Præscribit Apostolus Christianis coniugibus officia sua: ad quam rem illustrandam utitur exemplo Christi & ecclesiæ, Christi erga ecclesiam commendans insignem illam dilectionem, qua inflammatus exposuerit sese pro ipsa, in hoc ut purgatam & gloriosam sibi sponsam adiungeret: ubi obiter mundandi modum indicat. Nam ipse Dominus Iesus, inquit, illam mundauit. Solius enim Christi est purgare. Iam sequitur modus, Lauacro aquæ per uerbum: quod quia breuiter dictum est, non nihil obscuritatis habet. Duo autem commemorat, quæ Dominus suis adhibet mundandis, Lauacrum aquæ & Verbum. Lauacrum aquæ baptismus est, externa uidelicet actio, internæ purificationis, gratia & spiritu Dei facta, testificatio: iuxta illud, Secundum suam misericordiam saluos nos fecit per lauacrum regenerationis ac renouationis spiritus sancti, quem effudit in

Explicatur lo-  
cus Pauli Ro-  
mæ 5. cap.

Titum 3.



nos opulentē, per Iesum Christum seruatorem nostrum. Per interpretationem enim subiicit, Ac renouationis spiritus sancti, cuius quidem symbolum est lauacrum aquæ. Porro Verbum est ipsa Euangelij prædicatio, testificans gratia & misericordia patris datum nobis esse filium unigenitum, qui traditus pro peccatis nostris, credentes effecerit hæredes uitæ æternæ: ut iam hæc Pauli uerba ad Ephes. 5. congruant cum hoc præcepto Domini apud S. Marcum, Ite in orbem uniuersum, & prædicate Euangelium omni creaturæ: qui crediderit & baptizatus fuerit, saluus erit, &c. Nam his quoque adumbrat Dominus salutis modum & rationem, quod ipse solus sit, qui purget per fidem: uelit interim, ut credentes baptismo consignentur, & palam prædicetur in orbe, quod ipse sit qui condonet peccata, & donet etiam gratis uitam æternam. Hæc autem omnia quid faciunt ad illorum institutum, qui Paulinis uerbis euincere uolunt, uerbis inesse uim sanctificantem baptismum? Elucidant nostra adhuc clarius hæc Domini uerba ad Apostolos suos dicta, iam mundi estis propter sermonem, quem dixi uobis. An enim hic dicemus propter uerba Christi recitata purgatos esse Christi Apostolos? Quid itaq; opus erat ipsum postridie crucifigi & mori? An ut uerbis illam potestatem impetraret? Omnis itaque gloria uerbis porro uindicabitur. An uerò non magis dicat fides & pietas per Sermonem Domini illud intelligendum esse, quod prædicatione Domini explicatur, mors & redemptio Christi, cui quoniam crediderunt, purificati sunt? Alibi enim dicit, Fide purificans corda ipsorum. Proinde error in eo uersatur, quod non recte iudicant de uerbo aut sermone. Dominus enim loquitur de prædicato & credito: illi intelligunt de pronunciato, quasi sic uim habeat ex Domino sanctificandi. Nobiscum facit & S. Augustinus, qui Tractat. in Ioan. 80. Vnde ista, inquit, tanta uirtus aquæ, ut corpus tangat, & cor abluat, nisi faciente uerbo? Non quia dicitur, sed quia creditur. Nam & in ipso uerbo aliud est sonus transiens, aliud uirtus manens. Hoc est uerbum fidei quod prædicamus, ait Apostolus, quia si confessus fueris ore tuo, quod Dominus est Iesus, & credideris in corde tuo, quia illum excitauit à mortuis, saluus eris. Corde enim creditur ad iustitiam, ore autem fit confessio ad salutem. Vnde in Actibus Apostolorum legimus, Fide mundans corda eorum. Et in Epistola sua beatus Petrus, Sic & nos, inquit, baptisma saluos facit, non carnis depositio sordium, sed conscientie bonæ interrogatio. Hoc est uerbum fidei quod prædicamus, quo sine dubio ut mundare possit consecratur & baptismus. Christus quippe nobiscum uitis, cum patre agricola, dilexit ecclesiam, & semetipsum tradidit pro ea. Lege Apostolum, & uide quid adiungat, Vt eam sanctificaret, ait, mundans eam lauacro aquæ in uerbo. Mundatio itaque nequaquam tribueretur fluxo & labili elemento nisi adderetur, In uerbo. Et reliqua. Hucusque enim S. Augustini uerba recensui, non quod humano innitar testimonio, aut hoc quenquam urgere uelim, aut ipse humano premi sustineam testimonio, sed quod his testimonia aliquot scripturæ de uerbo testificantia collegit, ex quibus intelligere possumus uerbum fidei prædicatum, & non recitatum aut pronunciatum, accipi oportere. Hoc, inquam, uerbum uerè purgat, id est, gratia Christi, in quam unice & uerbum & fides intendit, purificat. Ideò enim ille disertè dixit, Non quia dicitur, sed quia creditur. Deinde Verbum fidei est, inquit, quod prædicamus. Præterea, Verbo fidei, inquit, consecratur baptismus, ut mundare possit. Quod quid aliud est, quàm si dixisset, Ipsum fidei negotium efficit ut baptismus sit efficax? Sequitur enim, Mundatio itaque nequaquam fluxo elemento tribueretur, nisi adderetur, In uerbo.

Iam

Ioan. 15.

Acto. 15.

Rom. 10.

Acto. 15.

1. Pet. 3.

Iam si prisca quoque inspicias sanctorum mysteria, non legas in celebratione Circumcisionis, Pasce & Sacrificiorum ulla esse recitata uerba, quibus ea formarentur, ac ueluti crearentur Sacramenta, redderenturque efficacia. Quo accedit, quod Baptista non tantum uulgus promiscuum, sed ipsum etiam Dominum Iesum, aqua Iordanis baptizauit, nullis interim uerbis recitatis, quibus gratiam coelestem euocaret super aquam baptismi. Rursus dum in Euangelio Cœnam instituit Pontifex noster Christus, nihil iubet recitare aut pronunciare, cuius pronuntiationis uirtute, uel elementa mutantur, uel significatæ res cœlitus detractæ adferantur aut coniungantur symbolis; sed simpliciter quid fecerit Dominus, & quid a nobis fieri uelit, hoc est, quomodo & in quem finem cœnam instituerit, exposuerunt Euangelistæ. Nullibi legimus dixisse Dominum, Quoties hæc uerba mea recitaueritis, Hoc est corpus meum, Hic est sanguis meus, fiet uirtute uerborum meorum, ut substantia signi euacuetur & incipiat in puncto recitationis sub speciebus panis & uini esse uerum Domini corpus, & uerus sanguis: aut manentibus speciebus & signi ueritate, incipiat simul etiam esse cum pane & uino uerum corpus & uerus sanguis. Proinde nulla est uirtus in recitatione uerborum Domini in Cœna uel deuocandi uel transmutandi. Superstitionem hæc magis quam pietatem alere uidentur. Quasi uerò uerba, concepta formula recitata, uim habeant euocandi, deducendi, sanandi, attrahendi, depellendi aut transformandi. Diuus Aurelius Augustinus inter superstitiones numerat ligaturas & remedia, quæ medicorum quoque, ut ait, disciplina condemnat, siue in præcantationibus, siue in quibusdam notis, quas uocant characteres, siue in quibusdam rebus suspendendis, &c. Locus extat cap. 20. lib. de Doct. Christ. 2. Et Chrysost. grauiter succensens ijs, qui Euangelium scriptum suspendunt è collo, Vbi (inquit in Matth. 23. cap.) uirtus est Euangelij, in figuris literarum, an in intellectu sensuum? Si in figuris, bene circum collum suspendis. Si in intellectu, ergo melius in corde posita sunt. Hæc ille. Atqui eadem est ratio figurarum & pronuntiationis literarum aut uocum Euangelij. Sicut ergo nihil potest figura literarum: ita nulla uirtus est & in pronuntiatione uerborum, uel in sono. Quid quod Plinius scriptor gentilis multa quidem gentilitia profert exempla, quibus ostendit uerba esse efficacia: idem tamen inter alia, Quæsitum est, inquit, ualeant ne uerba & incantamenta carminum? Sed uirritim sapientissimi cuiusque respuit fides. Locus extat libro 28. cap. 2. Merito autem his omnibus ipsum Dei uerbum præfertur, quod apud Moysen Deut. 18. omnis generis superstitiones & incantamenta magna cum grauitate condemnat atque prohibet.

*Verba recitata non formare et efficacia reddere sacramenta.*

Scio quid mihi hic obijciant aduersarij, Benedictionem seu consecrationem, non superstitionem esse quam perficiant. Afferunt præterea plurima è sacris, posita in Decret. canonicis exempla, quibus ineptissime profectò demonstrare conantur benedictione, ut aiunt, rerum naturas mutari: unde colligunt & panem uerbis benedictionis uel consecrationis conuerti in carnem. Huius autem generis sunt, aqua manans è percussa petra, Nilus conuersus in sanguinem, aqua in nuptijs Canæ Galilææ mutata in uinum, aqua marath cōuersa in aquam dulcem, uirga Moysi in colubrum. Cæterum quid hæc oro faciunt ad Cœnam Domini, cum qua nihil similitudinis habent: ut ineptissima iam sit collectio, Nilus conuersus est in sanguinem, ergo panis conuertitur in carnem: aqua in nuptijs Cananaicis mutata est in uinum, ergo uinum in cœna Domini conuertitur in sanguinem Christi. Dum enim aqua proflueret è petra percussa, dum conuerteretur Nilus in sanguinem, dum aqua in nuptijs uino commutaretur, dum dulcesce-

*An benedictione, rerum naturæ mutantur.*  
Num. 20.  
Exod. 7.  
Ioan. 2.  
Exod. 15.  
Exod. 7.



rent aquæ marath, dum denique uirga Moſis uerteretur in ſerpentem, certè conuerſa nempe aqua, ſanguis, uinum, aqua dulcis, & ſerpens, non erant ſub ſpecie earum rerum quæ fuerant, neq; ſimul erant quod fuerant & quod facta erant: ſed aqua Nili erat uerus cruor, non aqua & cruor ſimul, neq; ſub uifiſibili ſpecie aquæ erat ſanguis inuiſibilis. Ita habetres & in reliquis exemplis. Nihil igitur cõgruunt cum ſignis ſacramentalibus, ac diſſimilia ſunt non ſimilia. Præterea quis facile dixerit qua prolatione uerborum Moſes aquam eliquerit è ſaxo, Nilum conuerterit in ſanguinem, amaras aquas reddiderit dulces: qua item uerborum forma uſus ſit Dominus dum aquam conuertit in uinum: Ineptiſſimè itaq; accommodantur illa exempla benedictioni conuertenti rerum naturas, cum non poſſit oſtendi qua benedictione uſi ſint ſancti. Similiter nõ legimus Moſen aut Ioſue ulla pronunſiaſſe uerba benedictionis, quibus diſſecuerint aquas aluei maris Erithæi & fluminis Iordanis. Nıl legitur benedictionis recitaſſe Helifeus dum natans ferrum manu-  
 4. Reg. 6. *Omnipotencia Dei.*  
 Genef. 1. *De uocabulo benedictionis.*  
 1. Corinth. 10. *Euchariftia & Eulogia.*  
 Porro benedictionis uocabulum nullibi in ſcripturis ita uſurpatur, ut iſti in-

ducunt. Benedicere in ſcripturis eſt conſiteri, laudare, ſalutare, ualedicere, bene loqui & bene precari, gratulari, magnificè celebrare, gratias agere pro beneficijs, augere, ditare, multiplicare, aut foecundare. Poſſem de ſingulis proferre exempla ſi neceſſe foret: nullibi uerò legas benedicere perinde eſſe atque Dei, uel alioqui bonis uerbis precationibusq; certa formula pronunſiat, rerum conuertere natu-  
 ras. Legimus, inquit, in Euangelio Dominũ accepiſſe panem, & benedixiſſe: ſed & Paulum eo nomine panem & poculum appellaiſſe panem & poculum benedictionis, conſecrationis haud dubiè, qua conſecratione ſubſtantia ſignorum commutatur mirabiliter. Ego autem reſpondeo, uerba & Euangelica & Apoſto-  
 lica torqueri uiolenter ad ſenſum qui in mentem non uenit unquam uel Domino uel Apoſtoliſ. Nam quantum attinet ad locum Euangelij, Benedicere non eſt pin-  
 gere geſtu manus ſignum crucis, & adhibito ore ad panem aut poculum anhelare diſtinctas etiam ſyllabas uerborum conſecrationis: ſed laudes Deo canere, ſiue pro beneficijs agere gratias. Quod dixi probabo uerbis Euangelicis & Apoſtoli-  
 cis. Nam Apoſtoli & Euangeliftæ utuntur indifcriminatim uerbo benedicens & gratias agendi. Vbi enim Marcus habet *εὐχαις*, Matthæus, Lucas & Paulus habent *ὕμναις*: qua uoce & Marcus paulo poſt utens, ſcribit, Et accepto po-  
 culo *ὕμναις*, cum ſcilicet gratias egiſſet, dedit eis. Eſt itaque uel iſtis Apoſtoliſ interpretibus benedicere, gratias agere, cum alterũ pro altero ponant. Idipſum nõ oſcitanti lectori palam cernere licet & in loco Pauli qui eſt 1. Corinth. 10. cap. quẽ nos in ſequentibus tractabimus ex integro. Nondum itaque probarunt ex ſcri-  
 pturis aduerſarij benedicere perinde eſſe atq; res mutare, uel res iſpas ſignificatas uerbis, pronunſiatione, recitatione uel uerborum adducere. Myſtica benedictio-  
 nis quidem meminerunt ueteres, ſed longè alio ſenſu quàm iſti conſecratores. Et de Conſecratione uera mox dicemus: conſutabimus & alio loco quæ adferuntur de benedictione aut conſecratione baptiſmi: nunc quod cõpimus, abſoluemus.  
 Verba

Verba per se in hoc instituta sunt à Deo, ut significant, & significando testentur atq; admoneant: nec habent præterea ullam uim latentem conuertendi rerum naturas, aut res ipsas ut corporaliter adsint adducendi: neq; illis sancti unquam sic usi leguntur: peccant ergo & imponunt hominibus, qui ipsis aliter quàm instituta sunt utuntur. Agnouit hoc ipsum & Aurel. August. qui in Enchiridio suo ad Laurent. cap. 22. Et utiq; uerba, inquit, propterea sunt instituta, non per quæ se homines inuicem fallant, sed per quæ in alterius quisq; notitiam cogitationes suas perferat. Verbis itaq; uti ad fallaciam, non ad id quod instituta sunt, peccatum est. Idem summam colligens totius libri de Magistro inscripti, interrogat, Sed iam mihi dicas uelim, quid de hoc toto sermone meo sentias. Ad quod mox respondet, Ego uero didici admonitione uerborum tuorum, nihil aliud uerbis, quàm admoneri hominem ut discat, & perparum esse quod per locutionem aliquanta cogitatio loquentis apparet: utrum autem uera dicantur, eum docere solum qui se intus habitare cum foris loqueretur admonuit. Hæc ille de Magistro cap. ult. Huc iam pertinent uerba sapientissimi Solomonis in Ecclesiasta dicentis, Sapientum sermones sunt uelut stimuli, & uelut clauis plantati inter folia collectitia, tradita ab uno pastore. Vbi libenter agnoscimus magnam inesse uim eloquentiæ & orationi iustæ: sicuti Græci per Herculem illum Gallicum significarunt, Cicero item multis in lib. de Oratore exposuit. At quod illi comminiscuntur de Pitho siue Suada aut Suadela, id reuera nos tribuimus spiritui sancto, qui & gratiam dat dicenti, & auditorum animos præparat atq; commouet. Ex his autem omnibus perspicuum esse arbitror, nouum esse commentum hominum, non doctrinam oracularem, asserere uerbis recitatis in sacramentorum celebratione eam esse uim inditam, ut res conuertant, aut res significatas faciant præsentis, signisq; ipsis uel indant, uel coniungant. Docebimus præterea paulo post, signa non mutari uel commisceri cum rebus significatis, sed utrumq; in sua natura & proprietate permanere. Satis autem fuerit si uerbis id tribuamus, quod attribuit scriptura, significandi & admonendi, excitandi, commouendiq; ex Deo officium. Polluunt enim non decorant uerba Dei, qui alienis & ementis ornant laudibus.

Agnoscimus quidem Verbo Dei attribui omnē Dei omnipotentis uirtutem, sed quis non intelligat id dici & intelligi de æterno Dei filio, qui in scripturis appellatur Verbum Dei? Quis tam hebes ut non ualeat ritè distinguere inter æternum Dei uerbum, quod est filij Dei persona secunda in trinitate adoranda: & inter uerbum recitatum, aut pronunciatum ab homine? Verbum Dei æternum in sua manet substantia atq; natura, creator non creatura: non miscetur: non inditur aut incorporatur uocibus humanis: Verbum ab homine prolatum creatura est non creator, & creatura manet. Nam est sonus transiens. Fit tamen uirtus manens, si syncerum non adulteratum sit, recipiaturq; fide. Sic enim seruat, non sua quidem uirtute, aut quia ab homine est recitatum: sed, propter uirtutem eius qui reuelauit uerbum, qui uerax est, ideoq; ea seruat quæ per uerbum promittit: ut iam reuera ipse Deus seruet, qui per uerbum se seruaturum dixit credentes. Ergo uerbū quod reuelauit nobis Deus per seruos suos prophetas & electos apostolos, non ideo uerbum Dei est ac dicitur, quod syllabæ sonus, uerba & uoces sint natura sua uerbum Dei, hoc ipsum scilicet, quod sua substantia est filius Dei: sed quia reuelatio uerbi facta est à Deo in spiritu sancto per uerbum uel sapientiam Dei: unde licet origo diuina sit non humana, uerba tamen quibus usi sint prophetae & Apostoli humana sunt, nec aliud quàm significare possunt. Quibus interim

*Ad quid uerba instituta sint, et quid ualeant.*

*Ecclesi. ult.*

*Eloquentia uis.*

*Quomodo uerbo dei attributa omnipotentia.*



nolo externi uerbi Dei uim iustam eleuatam. Agnosco omnia ea quæ uerbo Dei sano intellectu tribuuntur. Verum ea de re aliàs fufius difputauī.

*De uera ſancti-  
ficatione, ſeu  
conſecratione.*

At dicat iam aliquis, Si ex uerborum Dei recitatione non ſanctificantur ſacramenta, unde ergo habent quòd ſunt & dicuntur ſacramenta ſiue ſacra ſigna? Vana ne & nullius uirtutis eſt conſecratio? Vana certè & nullius uirtutis eſt conſecratio illa quam finxerunt Papiftæ. De Conſecratione autem ſiue ſanctificatione uera, dixi in principio huius capituli, id quod nunc paulò luculentius copioſiusq; ediſſeram. Sacra literæ utuntur frequentiffimè in commemoratione ſacrorum uocabulo  $\epsilon\chi\theta\epsilon\iota\varsigma$ , id quod Græci interpretes ferè reddiderunt  $\epsilon\chi\theta\epsilon\iota\varsigma$ , Latini per ſanctifico, conſecro atq; initio. Latiffimè autem patet eius uocabuli uſus. Significat enim ſanctificare, offerre Deo, purgare & iuſtificare, item ſeligere & ſeparare, ſeparare inquam à prophano uſu & rebus ſacris dedicare, nuncupare, applicare, deſtinare. Dicimus itaq; Conſecrare in præſenti aliud non eſſe, quàm ſanctificare, Deo utiq; dedicare, adeoq; & ſegregare, aut è prophana facere ſacram. Quis autem hoc facit? aut qui facit, quo obſecro medio & inſtrumento hoc facit? quis oro conſecrat, Deus ne an homo? Deus utique non homo. Deus enim inſtituens rem aliquam, & uerbo ſuo, quid & in quem finem inſtituerit, teſtificans atque exponens, ſua ac ſancta uoluntate iuſta & bona, ſola inſtitutione inquam ſua, citra ullum aliud medium, rem iam à ſe inſtitutam conſecrauit. Sicut enim ipſe ſanctus, iuſtus & bonus eſt: ita quicquid ipſe iuſſerit, ſanctum, iuſtum & bonum eſt. Et homo ex uerbo dei intelligens Deum ſic in ſanctum, bonum & iuſtum uſum aliquid inſtituiſſe, ipſum inſtitutum pro ſancto, bono & iuſto habet, recipit, uſurpat: non ipſe demum uerbis recitatis ſanctum efficit atq; conſecrat. Et quia inſtituta Dei omnia ſancta & bona eſſe credit, ideo & hoc Dei inſtitutū, ita ut Deus ordinauit, celebrat, gratias Deo agit, & totus à Deo & regula uerbi eius dependet. De ſanctificatione huiusmodi loquens Apoſtolus in alio quodam argumento, Spiritus, inquit, certò loquitur quòd in poſterioribus temporibus exorientur ſeductores, qui prohibebunt contrahere matrimonium, iubebuntq; abſtinere à cibis, quos Deus creauit ad ſumendum cum gratiarum actione fidelibus & his qui cognouerunt ueritatem, quòd quicquid creauit Deus, bonum ſit, & nihil reiſciendum, ſi cum gratiarum actione ſumatur. Sanctificatur enim per ſermonem Dei & precationem. En ſanctificatur, inquit, cibus per ſermonem Dei & precationem. Eſt autem ſermo uel uerbum Dei in præſenti, ſicut ipſe exponit Apoſtolus Paulus, teſtimonium ſcripturæ & uoluntatis diuinæ, quo erudimur quòd omnia quæ Deus condidit ualde bona ſunt, & quòd ea munda: non immunda ſunt quæ Deus ad ueſcendum & ad noſtros uſus condidit. Audit in Actis Apoſtolorum beatus Petrus, Surge Petre, maſta & ueſcere. Vidit autem in uiſione ante ſe omnia terræ cœliq; animantia. Reſpondit uerò Petrus, Nequaquam domine, quia nunquam edi quicquam commune & immundum. Rurſus ergo audit, Quæ Deus purificauit, tu ne dixeris eſſe communia. Sed ubi quæſo purificauit? Dum condidit & uſibus hominis conceſſit. Accedit uerbo uel ſermoni precatio, non imprecatio quidem aut præcantatio, ſed fidelis gratiarum actio. Semel enim & iterum ipſe Apoſtolus gratiarum actionis meminit, ut per genus, id eſt, precationem aut orationem, aliud intelligere non liceat, quàm ſpeciem, ipſam inquam gratia, uactionem. Eſt enim oratio uel precatio uelutigenus ad has ſpecies, Inuocationem & Gratiarum actionem. Ideo ergo cibus ſanctus eſt, ait, quia à Deo qui bonus eſt, conditus, & uſibus hominis deſtinatus eſt: deinde quia cum fide & gratiarum actione ab homine recipitur.

1. Tim. 4.

Act. 10.

recipitur. Cibus enim multis non est sanctus & bonus, non suo quidem uitio, qui semper est bona Dei creatura, sed non agnoscentium fide Dei beneficia, aut abutentium & ingurgitantium sese contra uerbum domini, culpa. Sic inquam habet illa in causa negotium sanctificationis, quod & sacramētis applicare oportet. Deus ex bona sua uoluntate & ad hominum utilitatem sacramenta ordinatur, deligit sibi ex bonis suis creaturis, aquam, panem & uinum, & hæc in certum aliquem finem instituens, præscripto aliquo ritu usurpare uel celebrare iubet: iam itaq; iussu delectuq; diuino aqua, panis & uinum consecrata sunt, mox eadem uerbo suo signat, & quod ea pro sacramentis haberi, & quomodo celebrari uelit, exponit. Confit itaque consecratio sacramentorum, uoluntate, institutione, delectu, seu præcepto Dei, uerbiq; consignatione. Proinde aqua, panis & uinum usurpata uulgarī more, aut non ita ut à Deo delecta & instituta sunt, insculpta quodammodo nota uerbi, communia utiq; siue prophana sunt: delectu seu iussu demum diuino, usu sancto, & uerbo ceu nota accedente, incipiunt iam esse quod prius non fuerunt, sacramenta. Substantia quidem ipsis eadem manet, quæ fuerat antea, accedit autem nunc alius usus & finis, habent nunc notam uerbi Dei impressam & præceptum Dei, sunt itaq; consecrata. Quibus omnibus accedit etiam usus sanctus, fide uera celebrantium redemptionis beneficium, & gratias agentium benefico redemptori precibus fidelibus. Possumus hic ex politis quædam proferre exempla, in quibus etiam res quædam, propter nouas accedentes causas, manente substantia sua, iam fiunt, quod antea non fuerant. Argentum enim uel aurum nondum cūsum & notatum magistratus signo, nihil aliud est quàm argentum & aurum, accedit autem, iubente magistratu, noua forma per typum, & fit numisma, quod prius non fuerat, licet substantia sua idem maneat quod fuerat prius. Cera priusquam notetur sigillo, communis & prophana est cera: ubi uero, rege sic uolente & iubente, character sigilli regij ceræ imprimitur appenditurq; tabulis & instrumento publico, mox eo haberi loco incipit, ut læsæ maiestatis reus habeatur, quisquis signatam tabulam aut ceram uoluerit. Ex quibus patere iam arbitror, ueram sanctificationem uel consecrationem sacramentorum constare uoluntate & institutione Dei, sine certo & usu sancto, quæ nobis explicantur uerbo. De quibus hucusque uerbosius fortassis, quàm quidam faciundum putent, disputauī. Sed condonabunt hanc mihi prolixitatem pī lectores, cum omnino omnia fideliter, diligenter & fusè explicare cupiam.

VINDICATO iam legitimo usu uerbi, & exposita huius uirtute, declarataq; per occasionem uera sacramentorum sanctificatione seu consecratione, redimus ad propositam & cœptam disputationem: & quoniam docuimus sacramenta constare duobus, signis & rebus significatis, reliquum est, ut demonstramus partes illas, naturas suas discretas proprietate incommunicata retinere: ex qua demonstratione, & præcedentibus & consequentibus, adeoq; toti sacramentario negotio, mira, haud dubiè, lux affulgebit. De communicatione uerò nominum dicam suo loco.

Quod autem discretas naturas quælibet partium incommunicata proprietate retineat, hinc manifestum est, quod multi signo participant, qui tamen cum re significata nihil commune habent. At si naturæ partium unirentur aut coiscent naturaliter, necesse esset eos re quoq; significata communicare, qui signo participant. Exempla scripturæ ut in promptu, ita perspicua sunt. Nam Simon ille magus in Actis apostolorum accipit quidem signū & baptizatur: rei uerò ne tantil-

Quomodo con-  
secremur sacra-  
menta nostra.

Signum ex si-  
gnatu in sacra-  
mentis discre-  
tas retinere na-  
turas.  
Acto, 8.



lum quidem uel habet uel accipit. Iudas quoque Iscariotes, domini proditor perfidus & crudelis, edit quidem panem domini, at panem dominum non edit. Alioqui enim uiuisset felix, iustus & beatus in æternum. Qui enim edit me, ait ipse dominus, non morietur in æternum. Perijt autem Iudas morte æterna, ergo cibum uisificum non edit.

*Impios in comunione sacramentorum non participare.*

His claris scripturæ testimonijs adiiciam modò & quædam ad idem institutum pertinentia S. Augustini, qui tractatu in Ioan. 26. Accipimus hodie, inquit, uisibilem cibum: sed aliud est sacramentum, aliud est uirtus sacramenti. Quàm multi de altari accipiunt & moriuntur accipiendo? Vnde dicit, Apostolus, Iudicium sibi manducat & bibit. Nõne buccella dominica uenenum fuit Iudæ? & tamen accepit, & cum accepit, in eum intrauit inimicus: non quia malum accepit, sed quia bonum malè malus accepit. Et mox, Huius rei sacramentum, id est unitatis corporis & sanguinis Christi, de mensa dominica sumitur, quibusdam ad uitam, quibusdam ad exitium: res uero ipsa cuius & sacramentum est, omni homini ad uitam, nulli ad exitium, quicumque eius participes fuerint. Et iterum, Qui non manet in Christo, & in quo non manet Christus, proculdubio nec manducat spiritualiter carnem eius, nec bibit sanguinem eius, licet carnaliter & uisibiliter premat dentibus sacramentum corporis & sanguinis Christi, sed magis tantæ rei sacramentum ad iudicium sibi manducat & bibit. Et reliqua. Similia tradit & lib. de Ciuit. Dei 21. cap. 25. Libro quoque de Doct. Christ. 3. cap. 9. ostendit in coniunctione opus esse distinctione, ne externo signo nimium inhæreamus.

Redimus ad testimonia scripturæ. Apostolus testatur in 1. ad Corinth. 10. cap. omnes patres nostros baptizatos esse, & omnes eundem cibum & potum spiritualem edisse & bibisse: sed dominum plures ex ijs non approbasse. Quòd si spiritualem cibum & potum edissent & bibissent spiritualiter per fidem, proculdubio approbasset illos dominus. Nam sine fide, ut idem ille ait, impossibile est placere Deo: fidem ergo habentes probantur Deo. Proinde participarunt patres nostri sacramentis quidem uisibilibus, gratia autem inuisibili caruerunt. Vnde consequens est signum atque signatum non confusas aut commixtas, sed discretas re-

*Cognatio uerbi Dei & sacramentorum.*

*1. Cor. 1.*

*Hebr. 4.*

tinere naturas. Præterea habent uerba euangelicæ prædicationis cum signis sacramentalibus cognationem & similitudinem saltem aliquam. Alioqui uerba signis longè præferuntur, Apostolo dicente, se prædicatum nõ baptizatum esse missum. Atqui audiunt permulti foris uerbum domini qui tamen cum fide destituantur, carent interno uerbi fructu, Paulo rursus dicente, Nobis annunciatum est quemadmodum & illis: at non profuit illis audisse sermonem, quòd is non esset cum fide coniunctus. Ita enim fit, ut plures percipiant sacramenta uisibilia, careant interim inuisibili gratia, quæ fide sola percipitur. Vnde denuo consequitur signum non confundi cum signato, sed utrumque substantiam & naturam suam retinere discretam. Quid quod scriptura disertè & luculenter distinguit inter externum hominis ministerium, & internum operatorem & largitorem spirituum donorum, Deum? Nam Ioan. Baptista, Ego quidem baptizo uos, inquit, aqua, ille uerò (Christus) baptizabit uos spiritu sancto. Cum quo congruit illud Petri, Baptismus uos saluos reddit: non quo carnis sordes abluuntur, sed conscientia bonæ interrogatio in Deum.

*Matth. 3.*

*1. Pet. 3.*

*Distinguit scriptura in ministerio hominis & operatione spiritum.*

Huc iam pertinet euidentissimum illud S. Augustini testimonium, quod Quæst. lib. in Leuit. 3. Quæst. 83. in hæc uerba legitur, Animaduertendum est quoties dicit, Ego dominus qui sanctifico eum, loqui de sacerdote, cum hoc etiam Moysi dixerit, Et sanctificabis eum. Quomodo ergo & Moyses sanctificat & Dominus? Non

Non enim Moses pro domino: sed Moses uisibilibus sacramentis per ministerium suum: Dominus autem inuisibili gratia per spiritum sanctum: ubi est totus fructus etiam uisibilium sacramentorum. Nam sine ista sanctificatione inuisibilis gratia, uisibilia sacramenta quid prosunt? Hæc August. Quemadmodum uerò inter suum ministerium baptisandi & potestatem Christi distinxit Ioannes Baptista, ita idem ille discernens inter ministerium concionandi & interni doctoris tractum, Ego uox, inquit, clamans in deserto: parate uiam domini. Et iterum, Qui <sup>Ioan. 1. et 3.</sup> è supernis uenit, supra omnes est, & quod uidit & audiuit, hoc testatur, &c. Consentiens uerò his S. Paulus, Quis, inquit, est Paulus, quis autem <sup>1. Cor. 3.</sup> Apollos: nisi ministri per quos credidistis, & ut cuique dominus dedit. Ego plantauit, Apollos rigauit: sed Deus dedit incrementum. Itaque non qui plantat est aliquid, neque qui rigat, sed qui dat incrementum Deus. Quanquam uerò prorsus & per omnia non congruat (quod & supra significabamus) ministrorum cum signis collatio: quod ministri sint cooperarii Christi, secundum suam functionem: signa autem inanimata non item, nisi in ipsa *κατ' ἐξουίαν* transferamus, quod ministrorum est: attramen ex alijs satis liquidum fieri arbitror, signum & signatum discretas in sacramentis naturas retinere.

Impugnant hæc maximè, quibus persuasa est Papistica illa panis in corpore Christi uiniq; in substantiam sanguinis transubstantiatio. Hi enim negant <sup>Confutatur dogma Papisticum de Transubstantiatione.</sup> modis omnibus, panem & uinum in mysterijs consecrata, in suis manere substantijs. Has enim annihilari conuertiq; contendunt in ipsum Domini corpus & sanguinem, ut à consecratione, post accidentia panis & uini, nihil substantiæ supersit prorsus. Nam aiunt dominum disertis uerbis super pane & uino pronunciasse, Hoc est corpus meum, Hic est sanguis meus. Posse autem dominum nullo quidem negotio efficere sua illa omnipotentia, ut quod dixit, ita fiat sicut dixit. Ad hoc illustrandum proferunt similia non pauca, dominum uidelicet hominem formasse ex limo terræ: mox & ex costa hominis mulierem: ex uxore item Loth statuam salis: eundem itaque eadem sua potentia efficere posse ex pane corpus, ex uino autem sanguinem. Et hæc quidem illorum firmamenta sunt. Nos uerò alias abunde satis disputauimus de sensu uerborum Domini, Hoc est corpus meum: ut supernacaneum sit eadem hic multis repetere. Ostendimus item ex omnipotentia Dei, non quidlibet colligendum atque statuendum esse: sed & potentiam Dei nihil facere contra ueritatem, adeoque contra se ipsam: neque fidei quicquam suscipiendum esse prætextu potentiæ diuinæ quod pugnat cum apertis scripturis & catholicæ fidei articulis.

Iam uerò clarissimum est post consecrationem manere in sacramento panis <sup>Panem et uinum</sup> uiniq; substantiam. Nec alijs hic opus habemus testibus, quam ipsis sensibus: <sup>manere in suis substantijs post consecrationem.</sup> qui aliud nihil sentiunt, uident, gustant & palpant quam panem & uinum. Atqui dum terra conuerteretur in corpus hominis, costa in mulierem, uxor item Loth in statuam salis, non erant sicuti sacramentum altaris quod fuerant prius, neque quicquam apparebat sensibus, terræ, costæ, uxoris Loth. Ineptissimè ergo applicantur illa exempla negotio cœnæ dominicæ, cum qua nihil congruunt. Quam rem & superius attigimus. Scriptura euangelica sacrosanctam Cœnæ institutionem & modum diligentissimè describens, nullius meminit conuersionis miraculosæ: quin panem & uinum à domino acceptum & distributum discipulis, adeoque & ab his receptum, ac post recitata uerba cōsecrationis, ut uocant, panem & uinum, sicuti ante consecrationē, appellat. Quid quod Matth. 26. cap. dominus



# DE SACRAMENTIS.

*Marci. 14.*

*Acto. 2. & 10.*

*An panis & uinum propter priorem substantiam, post consecrationem sic nominentur.*

*Coloss. 2. & Tim. 6.*

*Ioan. Scotus doctor subtilis.*

uinum consecratum, iam non uinum tantum, sed etiam genimen uitae emphatico quodam loquendi genere nuncupat, ne quis uinum uerè uinum esse & manere ignoraret. Apud Marcum de poculo hæc legimus: Et accepto poculo, cum gratias egisset, dedit illis. Et biberunt ex eo omnes. Et dixit illis, Hic est sanguis meus noui testamenti, &c. En biberunt, inquit, ex poculo omnes, priusquam essent recitata uerba, quæ uocant, consecrationis, uinum itaq; biberunt. Quod si illi responderint locum euangelistæ explicandum esse per hysteronproteron figuram, admiserunt tropos in negotium cœnæ: quod tamen simpliciter & absque troporum auxilio contenderunt esse intelligendum. Sed & Paulus Apostolus in 1. ad Corinth. 10. cap. panem dominicum in sacro usu iam existentem, & ut sic dicam consecratum, panem nominat. Et in 1. ad Cor. 11. cap. tertium panem nuncupat. His accedit, quod Acta apostolica testantur totam actionem mysticam ab Apostolica ecclesia denominatam esse Fractionem panis, non fractionem corporis aut distributionem sanguinis. Claret itaq; panis & uini substantiam in sacramento Cœnæ dominicæ manere in sua natura, & transubstantiationem figmentum esse sophisticum.

Est & illud sophisticum & egregiè Papisticum, quod dicunt panem & uinum consecrata in Cœna, ideo in literis Apostolicis appellari panem & uinum, quod antea fuerint panis & uinum. Hoc enim in præsentī fieri quod quondam legitur factum in Exodo, ubi uirga Aaronis dicitur deuorasse uirgas incantorū, quæ tamen tunc non fuerint uirgæ, sed serpentes, uirgæ autem nunc nominentur, quod ante conuersionem fuerant uirgæ, quæ nunc erant serpentes, non uirgæ. Quis autem rursus non uideat exemplum illud nihil similitudinis habere cum pane & uino dominico? Virga enim dicebatur quidem uirga, sed erat interim & uidebatur clarè iam non uirga, sed serpens: panis uerò dicitur panis, nec aliud esse apparet quàm panis, nulla hic cernitur species carnis, sicuti ibi uidebatur forma serpentis. Dicitur præterea uirga conuersa esse in serpentem, & pro miro aut prodigio ostentatur: nullibi autem legas panem conuersum in carnem, miraculo quodam: sed sacramentum instituitur, quod sane sacramenti nomen & naturam amittit, cum subuersa aut adnihilata signi substantia, nihil hic nisi res ipsa remanet significata. Nam quod de accidentibus sine subiecto miraculose subsistentibus signiq; loco manentibus nugantur, nebulae sunt. Quod si perrexerimus quælibet nostra somnia uenditare pro miraculis, nihil porro tam absurdum & ineptum fuerit, quod nostris figmentis mendacijsq; non colorauerimus. Quid quod uocabulum ipsum transubstantiationis manifestè euitat, totum hoc nugamentum, non è simplici apostolorum doctrina, sed è spinosa sophistarum schola esse petitur: At apostolus Paulus præcepit, ut caueremus nobis cum à philosophia ipsa tum à uerborum nouitatibus. Quanquam in præsentī non tantum de uocabulo nouo, sed noua item re & noua doctrina apostolicæ per omnia aduersa agatur. Pugnat enim hæc doctrina de transubstantiatione, cum doctrina Apostolica & euangelica de uera incarnatione domini, & uera humani corporis eius natura & proprietate, deq; uera corporum nostrorum resurrectione. Coguntur enim hic plurima commentari planè prodigiosa de inuisibili corpore Christi, & de subtili corpore Christi, sua subtilitate per corpus ianuz & lapidis, operculi inquam, sepulchri, penetrante, de corpore dñi uero, & tamen simul & semel in pluribus locis existente, omniaq; implente: & quæ huius notæ absurda sunt & impia innumera. Iam & Ioan. Scotus doctor subtilis scripto suo in Sentent. Distinct. 11. lib. 4. Quæst. 3. author est articulum Transubstantiationis nec

nec in symbolo Apostolorum, nec in priscis illis symbolis esse expressum: sed declaratum demum definitumque ab ecclesia (sic ille loquitur, Romanam intelligens) sub Innocentio tertio in Concilio Lateranensi. Vnde colligimus doctrinam de Transubstantiatione planè neotericam seu nouam esse: cuius historiam alicubi copiosius conteximus. Istis autem demonstratum arbitror apertè & efficaciter factis, signa non commisceri significatis rebus, uel in ipsa commutari, sed discretis manere naturis.

QUANQVAM uerò utraque partium suam retineat impermixta naturam, coeunt tamen illa duo in unum sacramentum, & coniuncta non diuisa, faciunt unum plenum ac legitimum sacramentum. Aqua enim sola & priuatim quidem uulgariterque aspersa non est sacramentum, nisi accommodetur & usurpetur secundum institutum Christi. Purgatio item siue ablutio peccatorum & insertio aut receptio in sordis & consortium Dei omniumque sanctorum, per se non est sacramentum, nisi accedat & aquæ in nomine benedictæ Trinitatis aspersio. Pari ratione sacramentum non est si edatur in publico coetu panis, & bibatur de eodem poculo minum, more uulgari: nec sacramentum est si fidei cōmemoratione contempletur traditum pro te corpus Domini solumque sanguinem, pro quibus & gratias agatur: nisi quatenus omnia Dei & salutis nostræ mysteria, sacramenta generaliter id est arcana & spiritualia Dei & salutis nostræ mysteria dicuntur. Nam in pleno legitimumque sacramento concurrant necesse est & actio sacra corporalis siue sensibilis, & spiritualis celebratio eius cuius gratia inuenta est peragiturque actio sacramentalis. Atque hic nonnulli multa & uaria disputant de Veritate sacramentali, De Vnione sacramentali, personæ ne, realis, an rationalis sit. Ego quoniam nihil huius uideo anxie traditum ab Apostolis, adeoque rem planam per se huiusmodi sophisticationibus reddi contortam, implicatam, obscuram & difficultatibus plenam, simpliciter & clarè dico signum & signatum: um in sacramentis coniungi institutione diuina, contemplatione & usu fidei significatione denique rerumque similitudine: nego autem modis omnibus duo illa uniri naturaliter, ita ut signum in sacramento id esse incipiat, quod signatum est sua substantia atque natura: nego rem signatam corporaliter cum signo coniungi, ita ut signum in sua quidem maneat substantia atque natura, interim tamen nihilominus rem signatam corporaliter secum habeat coniunctam, ut quisquis signo participet, pariter & rei ipsius, per signum aut cum signo fiat particeps. Id cur tam constanter negem, apparet, opinor, ex ijs quæ hæcenus disputauimus, & quæ mox subiungentur.

Porro institutione coniuncta dico signum & signatum: quia qui sacramentum Baptismi & Cœnæ instituit non in hoc instituit, ut aqua corporis sordes abluere-  
mus, uti consuetum est fieri quotidiano balneorum usu: neque ut pane & uino nos satiaret: sed ut redemptionis & gratiæ suæ, denique salutis nostræ mysteria nobis commendaret signis uisibilibus, eaque representando renouaret, obsignandoque confirmaret. Contemplatione fidei coniuncta dico, quia religiosè participantes sacramentis, oculos suos non in sensibilia tantum, sed magis in res insensibiles in significatas & cœlestes defigunt: ut in seipsis quidem duo illa coniuncta habeant, quæ in signo aut cum signo alioqui nullo connectuntur uinculo. Corporaliter enim & sensibilibus signa percipiunt: spiritualiter uerò res possident, uersant, renouant atque exercent significatas. Significatione uerò rerumque similitudine coniuncta dico, quia signum signati signum est: ac nisi signa similitudinem haberent cum ijs rebus, quarum signa sunt, signa utique non essent. Habent ergo appositissimam coniunctissimamque inter se cognationem. Sicut enim Aqua abluuit sordes

Explicatur  
quomodo in sa-  
cramentis coe-  
ant signum &  
signatum.



corporis, sicut Panis & Vinum exaltant exhilarantq; cor hominis: ita gratia Dei purgatur populus Dei: ita corpus & sanguis Domini pro nobis tradita, fide hausta, & satiant & exhilarant totum hominem, ut totum sese in gratularum actionem & obedientiam Dei effundat. Dicerem hic copiosius de Analogia signi & signati, nisi commodiore loco me id postea facere posse uiderem. At pluribus scripturae locis ut hæc euidentius demonstrentur opus esse nō arbitror: cum sponte sua consequantur ex ijs, quæ hactenus scripturarum testimonijs cōfirmauimus, & porro copiosius confirmaturi sumus.

*Signa mutare  
rerum signata  
rum nomina.*

*Circuncisio.*

*Agnus pascha-  
lic.*

*Sacrificia.*

*Galat. 3.  
Rom. 8.  
Hebr. 10.*

Ceterum propter similitudinem signi & rei signatae communicantur uocabula, aut nomina rerum ipsis signis. Id quod euidentissimis scripturae testimonijs demonstrabimus. Gen. 17. sic dicit ad Abrahamum Dominus, Et tu custodies fœdus meum, tu inquam & semen tuum post te in generationibus suis. Hoc autē est fœdus meum quod obseruabitis inter me & uos, circuncidatur uobis omnis mas. Circuncidetis uerò carnem præputij uestri, quod erit signum fœderis inter me & uos. Hæc dixit os Domini: quis uerbum Dei suggillabit? Verbum Dei appellat Circuncisionem fœdus: ergo signo datur nomen rei. Nam Circuncisio reuera non est ipsum fœdus. Fœdus enim est ipsum pactum & conuentio inter Deum & homines, certas habens conditiones, certaq; capita. Proinde per interpretationem mox Circuncisio eadem appellatur signum fœderis. At quis hanc interpretationem Dei reprehendet? Accipiunt ergo uel Deo interprete signa rerum nomina. Ita legis Exodi 12. Comedetis agnum cum festinatione, Pascha siue transitus hic Domini. Et mox, Et sanguis ille erit uobis in signum in domibus uestris, &c. Item, Erit autem uobis dies illa monumentum, &c. Quid denuo clarius, quam quod agnus appellatur Pascha, siue transitus? Quid autem est proprie Pascha? Audiamus hic rursus Dominum sese exponentem atq; dicentem, Trāsibo per terram nocte illa, & percutiam omne primogenitum in terra Ægypti, tam in hominibus quam in iumentis: ubi autem uidero sanguinem agni, præteribo seu trāsibo uos, nec erit in uobis plaga internecionis. En Pascha, ipso Deo interprete, est illa transilitio uel præteritio, qua angelus Domini præteriens ædes Izraelitarū sanguine agni notatas, ipsorum pepercit primogenitis, cæsis interim Ægyptiorū primogenitis. Agnus uerò si ignoras quis aut qualis fuerit, audi rursus dicentem Dominū, Decima huius mensis tollant singuli sibi pecudem pro familia. Pecus seu agnus sit integer, masculus, anniculus, quem ex ouibus aut capris accipietis. At hic agnus aperte appellatur Pascha uel transitus. Quis autem non uideat agnum non esse transitum: attamen quia signum uel monumentum est transitus, ut ait os Domini, certē nomen accepit transitus aut præteritionis. Rursus legis Numeri 19. Sic dicit Dominus ad Moysen, Loquere ad filios Israel, ut ducant ad te buculam ruffam sine uitio, tradetisq; eam Eleazaro sacerdoti, qui educat ipsam extra castra, ubi sacrificet, atque totam comburat. Colligat autem uir mundus cineres illius buculæ, & reponat extra castra in locum mundum, ut reseruetur ab ecclesia Izraelitica ad aquas sparsorias siue lustrales. Peccatum enim est. Vide iterum morem loquendi scripturarum. Iuuenca uel bucula est peccatum, hoc est, sacrificium pro peccato: sicut & Christus dicitur factus pro nobis peccatum, ut de peccato condemnaret peccatum, nimirum ut unica corporis sui hostia oblata, expiaret peccatum. Huc pertinet, quod Apostolus quoque ad Hebræos de sacrificijs loquens, Atqui in istis, inquit, cōmemoratio fit peccatorum quotannis. Non enim potest sanguis taurorum aut hircorum peccata auferre. Quoties ergo sacrificia, uelut iuuenæ, hirci, tauri & ouiculæ, sanctificationes aut peccata appellantur, signa rerum nomina

mina accipiunt. Fuerunt enim hæc typi quidam uenturi sacerdotis & hostiæ Christi, cui imponuntur peccata nostra. Hic enim est agnus ille Dei qui tollit peccatū mundi. Venimus iam & ad noui testamenti sacramenta, quorum signa & ipsa rerum participant nominibus. Petrus enim in Actis cap. 2. Baptizetur unusquisque uestrum, inquit, in nomine Iesu Christi, in remissionem peccatorum, Et Paulus in illis ipsis Actis Apostolicis, audit, Exurge & baptizare, & ablue peccata tua, inuocato nomine Iesu. Ideo uerò appellatur baptismus purgatio & ablutio peccatorum. At Petrus alibi dicit, Baptismus uos saluos reddit, quo non carnis sordes abijciuntur, sed quo fit, ut bona conscientia bene respondeat Deo. Et Paulus quoque, Abluti estis, ait, sanctificati estis, iustificati estis per nomen Domini Iesu, & per spiritum Dei nostri. Euincit ergo iusta horum inter se locorum collatio, quod signo baptismi, aquæ uidelicet, imponitur nomen rei significatæ. Ad eundem modum habet & negotium Cœnæ Dominicæ uel Eucharistiæ. Panis appellatur corpus Christi, uinum sanguis Christi. Verum cum fides uera credat uerum corpus Christi ex hoc elatum mundo, agere nunc in cœlis, neque redire Dominum in hunc mundum amplius, donec ueniat in nubibus cœli iudicaturus uiuos & mortuos, nemo non intelligit, signo, puta pani & uino attribui per communicationem nominum, rerum ipsarum, corporis uidelicet & sanguinis, nomina.

Sacramentalibus loquutionibus non sunt admodum dissimiles & multæ aliæ in sacris literis & usu quotidiano. Legimus enim Christum esse & dici leonem, agnū, pastorem, uitē, ostium, uiam, scalam, diem, lumen, solem, aquam, fontem, panem, petram: quæ si quis rigidè urgeat hodie, contendens Christum esse agnum realem, ostium substantiale, uitē naturalem aut similia, quis oro disputantem ferat? Exploderemus talem tanquam insanum & peruersorem oraculorum Dei. Legimus sane, Petra autem erat Christus: considerandum interim, quid consequatur. Si enim petra realiter fuisset Christus, nemo eorum, qui de petra biberunt, fuisset reprobatus. Placent enim Deo, qui sunt participes Christi. Plures autem illorum qui de petra biberunt, non approbauit Dominus. Prostrati sunt enim in deserto: ergo bibentes de petra, quæ erat Christus, Christi participes facti non sunt: proinde petra non erat realiter Christus. Videntes quoque insignia regum, principum atque urbium, signa appellamus regum, principum atque urbium nominibus, dicentes, Hic est rex Galliarum, Hic est princeps Germaniarum, Hoc est Tigurum, Hæc Berna. Ita cernentes anulum conjugalem, uel imaginem aliquam principis, nuncupamus fidem conjugalem, aut coniugem, denique ipsum principem. Proferentes enim matronæ anulum dicunt, Hic est meus ille coniunx. Demonstrantes statuam uel imaginem principis Saxoniarum dicimus, Hic est princeps Saxoniarum. Quod si quis pergeret pertinacius contendere, signum re ipsa esse rem signatam, quod huius nomen gerit, an non omnes clamarent, talem destitui sensu communi, & pertinacem rixatorem omnibus modis esse contemnendum?

Intelligunt itaque periti rerum, catholicum, receptum ab omnibus & orthodoxum fuisse semper, quod multis modis ostendimus, signa rerum mutuare nomina, non autem transire in illa. Ideo uerò priscis nullæ fuerunt de sacramentis rixæ & altercationes, quales inter nos hodiæ uigent. Vt enim signa rerum ornabant nominibus, ita genus loquendi agnoscebant, nec rigidè urgebāt uerba, quasi ipsa signa realiter & corporaliter illud ipsum essent, quod significabant. Ideo uerò & apud Aurelium Augustinum hæc regula uel hic canon, Signa usurpare uel mutare rerum nomina toties repetitur & inculcatur. Eodem canone obscura quædam loca illustrat: cuius rei iam aliquot subiiciemus testimonia, De Baptismate

Zach. 3.

Isaie 35.

Ioan. 1.

1. Pet. 1.

Baptismus.

Acto. 22.

1. Corinth. 6.

Cœnæ Domini.

Sacramentales  
& figuratæ lo-  
quutiones.Vsu quotidia-  
narum loquun-  
tionum.De sacramētis  
nulle rixæ ue-  
teribus.



paruulorum ad Bonifacium Epist. 23. Si sacramenta, inquit, quandam similitudinem earum rerum, quarum sacramenta sunt, non haberent, omnino sacramenta non essent. Ex hac autem similitudine plerumque etiam ipsarum rerum nomina accipiunt. Sicut de ipso Baptismo Apostolus, Consepulsi, ait, sumus Christo per baptismum in mortem. Non ait sepulturam significamus, sed prorsus, ait, consepulsi sumus. Sacramentum ergo tantæ rei non nisi eiusdem rei uocabulo nuncupauit. Et in Tractat. super Ioan. 63. Exeunte immundo omnes mundi remanserunt. Tale aliquid erit, cum uictus à Christo transierit hic mundus, & nemo in populo Christi remanebit immundus, cum zizanijs à tritico separatis iusti fulgebunt sicut Sol in regno patris eorum. Hoc futurum præuidens Dominus, & nunc significatum esse contestans, discedente Iuda tanquam zizanijs separatis, remanentibus tanquam tritico Apostolis sanctis, Nunc, inquit, clarificatus est filius hominis: tanquam diceret, Ecce in illa clarificatione mea quid erit, ubi malorum nullus erit, ubi bonorum nullus perit. Sic autem non est dictum, Nunc significata est clarificatio filij hominis: sed dictum est, Nunc clarificatus est filius hominis: Quemadmodum non est dictum, Petra significabat Christum, sed Petra erat Christus: nec dictum est, Semen bonum significabat filios regni: sed dictum est, Bonum semen, hi sunt filij regni, zizania autem filij maligni. Sicut ergo solet loqui scriptura, res significantes tanquam illas quæ significantur appellans: ita locutus est Dominus, dicens, Nunc clarificatus est filius hominis postquam separato inde nequissimo, & secum remanentibus sanctis significata est glorificatio eius, quando separatis iniquis manebit in æternitate cum sanctis.

Idem in Epist. ad Euodium 102. Sonitus ille uocis & columbæ species corporalis, & linguæ diuise uelut ignis, qui insedit super unumquemque eorum, sicut illa in monte Sina, quæ terribili specie facta sunt: & sicut columna illa nubis per diem, & flammæ per noctem significatiua operatione acta atque transacta sunt. Illud in his maxime cauendum est, ne cuiquam Dei natura uel patris, uel filij, uel spiritus sancti commutabilis & conuertibilis esse credatur. Nec moueat quod aliquando res quæ significat, nomen eius rei, quam significat, accipit. Spiritus sanctus dictus est corporali specie tanquam columba descendisse & mansisse super eum. Sic enim & Petra Christus, quia significat Christum.

Ex his autem recensitis scripturarum exemplis perspicuum est signa rerum mutuare nomina, non naturas atque substantias, unde indubitarum est, eos toto errore cælo, quibus persuasissimum est sacramentales locutiones, non ut translatitias & figuratas, sed maxime proprias esse exponendas: ideoque aqua, panem & uinum non iam signa aut symbola duntaxat esse regenerationis & corporis Christi sanguinisque pro nobis traditi atque effusi: sed ipsammet regenerationem, ipsissimum Dominum nostri Iesu corpus & sanguinem. Sic enim sentientes peccant contra omnium seculorum communem & loquendi & interpretandi rationem, pugnant & cum uera fide adeoque & cum sensu communi. Quibus accedit, quod sua illa signi signatiq. confusione seruilem infirmitatem, carnalemque, ut Augustini uerbis utar, seruitutem inducunt. Hic enim lib. de Doctr. Christi. 3. cap. 9. de Sacramentis disserens Christianorum, Pauca, inquit, pro multis, eaque factu facillima & intellectu augustissima, & obseruatione castissima, ipse Dominus & Apostolica tradidit disciplina: sicut est Eaptismi sacramentum, & Celebratio corporis & sanguinis Domini. Quæ unusquisque cum percipit, quo referantur imburus agnoscit, ut ea non carnali seruitute, sed spirituali potius libertate ueneretur. Vt autem literam sequi, & signa pro rebus quæ his significantur accipere, seruilis infirmitatis est, ita inutiliter signa

Non dicitur, Petra significat Christum, sed Petra est Christus.

Error eorum qui nolunt sacramentales locutiones exponi sacramentaliter.

Carnaliu seruitus, & seruilis infirmitas.

signa

signa interpretari male uagantis erroris est. Et adhuc significantius cap. 5. Principio cauendum est, ne figuratam locutionē ad literam accipias. Ad hoc enim pertinet, quod ait Apostolus, Litera occidit, spiritus autem uiuificat. Cū enim figuratē dictum sic accipitur, quasi propriē dictū sit, carnaliter sapitur. Neq̃ ulla mors animæ congruentius appellatur, quā cū id etiam, quod in ea bestias antecellit, hoc est, intelligentia, carni subijcitur sequendo literam. Qui enim sequitur literā, translata uerba sicut propria tenet: neq̃ id quod proprio uerbo significatur, refert ad aliam significationem: sed si sabbatum audierit (uerbi gratia) non intelligit nisi unum diem de septem, qui cōtinuo uolumine repetuntur: & cū audierit sacrificium, non excedit cogitatione illud quod fieri de uictimis pecorum terrenisq̃ fructibus solet. Ea demum est miserabilis animæ seruitus, signa pro rebus accipere, & supra creaturam corpoream oculum mentis ad hauriendum æternum lumen leuare non posse. Hæc Augustinus. Colligimus autem ex his S. Augustini uerbis, eos sacramenta libertate spiritali uenerari, qui neq̃ literæ inhærent, neq̃ res uisibiles & elementares, aquam puta, panem & uinum, ueluti ipsas res significatas colunt & uenerantur: sed per ipsa potius admoniti & excitati, animis in illarum contemplationem efferuntur.

Idem ille in eodem lib. cap. 15. docens, quando & quomodo recipiendus aut agnoscendus sit tropus, Seruabitur, inquit, in locutionibus figuratis regula huiusmodi, ut tam diu uersetur diligenti consideratione quod legitur, donec ad regnū charitatis interpretatio deducatur. Si autem hoc iam propriē sonat, nulla putetur figurata locutio. Et adhuc planius in sequenti 16. cap. subiungit, Si præceptiua locutio est, aut flagitiū aut facinus uetans, aut utilitatem aut beneficentiā iubens, non est figurata. Si autem flagitium aut facinus uidetur iubere, aut utilitatē beneficentiæ uetare, figurata est. Nisi manducaueritis carnem filiī hominis, & sanguinem eius biberitis, non habebitis uitam in uobis, facinus uel flagitiū uidetur iubere: figura ergo est præcipiens passioni Domini esse communicandum, & suauiter atque utiliter recondendum in memoria, quod pro nobis caro eius crucifixa & uulnerata sit. Ait scriptura, Si esurierit inimicus tuus, ciba illum. Hic nullq̃ dubitante beneficentiā præcipit. Sed quod sequitur, Hoc enim faciens carbones ignis congeres super caput eius, maleuolentiæ facinus putes iuberi: ne igitur dubitaueris figuratē dictum. Et reliqua. Hæc uidelicet omnia illorum redarguunt errorem, qui sacramentales locutiones ceu proprias interpretantur, & à figuris aut tropo, in negotio Cœnæ potissimum, abhorrent.

Non nescio tamen, quid huic postremo S. Augustini testimonio opponant, Verba saluatoris Ioan. 6. nihil facere ad interpretationem negotij sacramentarij, ergo & locum S. Augustini non congruere nostro instituto. Caterum clarum est S. August. eo libro disputare de Signis & de locutionibus sacramentalibus. Clarū est & illud ex multis alijs Augustini locis, hunc frequenter ad illustrandum Cœnæ negotium adducere uerba saluatoris ex cap. 6. Ioan. Quare uerò illa ad negotium Cœnæ nihil faciunt? An de alio corpore loquitur in Cœna, de alio uerò apud Ioan. in cap. 6? Ergo ne credemus Dominū fuisse & esse bicorporem? Vnum modū est corpus Domini Iesu, quod ut corporaliter comestum nihil prodest apud Ioan. in cap. 6. ita illud ipsum corporaliter comestum nihil prodest apud Matth. in cap. 26. Verū hanc rem attrigimus aliās. Nihilo plus salis habet & ista eorundem obiectio, Vitiosam uidelicet consequentiam esse cū colligimus, Circumcisio est fœdus, Agnus est transitus, Sacrificia sunt peccata & sanctificationes, &c. locutiones sunt sacramentales, symbolice ac figuratæ: ergo illa quoq̃, Hoc est cor-

Quomodo recipienda & agnoscenda oratio figurata.

Verba Domini Ioan. 6. faciunt ad explicanda uerba Cœnæ.

Argumentari à sacramētis ueterum ad nostra.



pus meum, est locutio symbolica & figurata. Cum enim par sit ratio sacramentorum, cur non liceret ab uno argumentari ad alterum? Quod autem par sit ratio sacramentorum, receptum est ab omnibus ueritatem recte agnoscentibus, & probabitur postea quoque plenius. Quod si non licet à sacramentis ueterum argumentari, & per illa collatione quadam nostra interpretari, nostrisque illa illustrare, peccauit certe Apostolus, qui uisiosa consequentia per collationem, ab illorum sacramentis ad nostra argumentatus legitur in 1. ad Corinth. 10. & ad Coloss. secundo cap. Sed redimus.

*Sacramentalibus locutionibus uti licet.*

Ergo ut finiamus tandem hunc locum, locutiones sunt sacramentales & symbolicae, cum legimus & audimus, Panem esse corpus Christi, Vinum esse sanguinem Christi: ac corpus & sanguinem Christi manducare & bibere, qui edunt & bibunt sacramentum corporis & sanguinis Domini: purgari item à peccatis, & regenerari in nouam uitam, qui baptizantur in nomine Christi: & baptismum esse ablutionem omnium peccatorum. Atque hoc modo loquuntur scripturae. Hunc loquendi modum seruauerunt & ueteres ecclesiae doctores: quos hoc nomine nemo prudens uituperat, neque nunc quisquam quenquam uituperare potest qui sic loquitur; modo hic quoque in ea maneat sinceritate, qua sanctos illos Dei uersatos constat. Nam ut libenter & simpliciter locutionibus illis utebantur, ita rigide litteram & locutiones non urgebant, interpretabant easdem, ut nemo tam rudis esset, quin intelligeret signa non esse id ipsum, quod significabant, sed signa usurpare rerum nomina. Utebantur ergo uocabulis significatiue, mystice symbolice, sacramentaliter. Ergo quod nonnulli nolunt sacramentales exponi, quasi plus auctoritatis, maiestatis, grauitatisque inexplicatae habeant, ingens trahit secum periculum noxiumque scandalum ponit. pugnat item cum canone Apostolico, cum sana ratione & cum ueterum consuetudine. Cum enim huiusmodi locutiones, Panis est corpus Christi, Cum uinum bibis. Dominicum ipsum bibis Domini cruorem, Baptismus nos saluos facit, &c. inexplicatae simplicibus proponuntur, quid oro aliud quam laqueus carnalis seruitutis, sed & scandalum idololatriae periculosissimum proponitur? Verbis hic pluribus opus non est, cum experientia quid factum sit, & quid fiat in diem, abunde satis hunc locum illustret. Canon uero Apostolicus iubet oracula diuina interpretari in ecclesia, & ad sanum intellectum omnia scripturae mysteria proferre, sicut uidere licet in 1. ad Corinth. 14. cap. Ratio quoque ipsa dicat, rebus non intellectis, parum aut nihil moueri mentem hominis. Quis ergo fructus erit sacramentorum apud simplices, ad quos nulla explicatio sacramentorum peruenit? Rectius ergo ueteres omnia regni Dei mysteria, sacramentorum imprimis, non explicarunt modo, sed & exponenda esse docuerunt. Quod quamquam ex praecedentibus clare colliguescat, adiciam tamen duo S. Augustini hoc de re testimonia. De catechizandis rudibus cap. 26. De sacramento quod accepit, inquit, cum ei bene commendatum fuerit, signacula quidem rerum diuinarum esse uisibilia sed res inuisibiles in eis honorari; nec sic habendam esse illam speciem benedictione sanctificatam, quemadmodum habetur in usu quolibet. Dicendum etiam quid significet & sermo ille quem audiuit: quid in illo condonatur, cuius res illa similitudinem gerit. Deinde monendus est ex hac occasione, ut si quid etiam in scripturis audiat, quod carnaliter sonet, etiam si non intelligit, credat tamen spiritale aliquid significari, quod ad sanctos mores futuramque uitam pertineat. Et quae sequuntur. Idem lib. de Doct. Christ. 4. cap. 8. prohibet omnino doctoribus ecclesiasticis, ne ideo se purent obscure loqui oportere de mysteriis scripturarum, quia uidentur haec paulo intricatius tradita esse in scripturis: lucem magis perspicuitatemque

*Sacramentaliter.*

*Sacramentales locutiones exponenda sunt.*

semper postulat. Verba eius si quis requirat, hæc sunt, Si nos de literis canonicorum nostrorum authorum, doctorumque, quæ sine difficultate intelliguntur, nonnulla sumimus eloquutionis exempla, nequaquam tamē putare debemus, imitandos eos nobis esse in his quæ ad exercendas & eliminandas quodammodo mentes legentium, & ad rumpenda fastidia atque acuenda studia discere uolentium, zelandos quoque, siue ut ad pietatem conuertantur, siue ut à mysterijs secludantur, animos impiorum, utili & salubri obscuritate dixerunt. Sic quippe illi loquuti sunt, ut posteriores, qui eos recte intelligerent & exponerent, alteram gratiam, disparem quidem, ueruntamen subsequenter in Dei Ecclesia reperirent. Non ergo expositores eorum ita loqui debent, tanquam se ipsi exponendos simili authoritate proponant: sed in omnibus sermonibus suis primitus ac maximè ut intelligantur elaborent, ea quantum possunt perspicuitate dicendi, ut aut multum tardus sit qui non intelligit: aut in rerum quas explicare atque ostendere uolumus, difficultate ac subtilitate, non in nostra loquutione sit causa, quo minus tardiùsue quod dicimus possit intelligi. Hæc August. Et hæc hactenus de loquutionibus sacramentalibus dixisse sufficiat. Laudemus Dominum.

*Religiose differendum esse de sacramentis. Ea per se non conferre gratiam, neq. hanc in se ipsis inclusam continere. Rursus quæ sit uirtus, quis finis & usus sacramentorum legitimus. Hæc sine fide non prodesse, eadem fidem habentibus non esse superuacanea; neq. ipsa pendere à dignitate, vel indignitate ministrantium.*

SERMO VII.

**H**ERIC. V. exposui quid sit sacramentum, quo authore sint profecta, & quas ob causas instituta sacramenta, quibus rebus consent, signo nimirum & re signata: quid item signum sit, quid res significata, & quibus insigniantur nominibus, quomodo consecrentur: quod signum cum re signata non commisceatur, sed utrumque in sua natura naturæque proprietate maneat: quod signum non annihiletur, aut miraculose convertatur, nec ita cum hoc signatum coniungatur, ut quicumque illius sit particeps & huius habeat communionem: exposui denique quomodo aut qua ratione coniuncta sint signum & signatum, ut plenum & legitimum sacramentum constituent, ubi & de sacramentalibus locutionibus differui: iam ergo restat ut etiam de natura, uirtute & efficacia sacramentorum, & de ijs quæ cum eis coniuncta & cognata sunt, consequenter dicam: ita enim ratio ordinis in finitione proposita requirit.

De uirtute & natura sacramentorum, quid uidelicet in homine efficiant, uariè & copiose disputatur à scriptoribus: mihi uidetur in hac disputatione uersandum religiose, cauendumque ne in dextram uel sinistram inclinem, hoc est, ne illis tribuam nimium in euangelicæ & apostolicæ doctrinæ derogationē: neue ijs detrahā aut adimā, quod ipsis tribuit scriptura, uerbum dei, in meam ipsius condemnationem. Abundè uerò satis magnam laudem & gloriā institutis Dei tribuerimus, si id de eis prædicauerimus, quod tradidit in sacris spiritus Dei: plura uelle ijs tribuere, non modò error est humanus, sed peccatum grande, afferens exitium atque interitum horribilem. Exemplis memorandis id nobis in sacris est expositum. Arca testificationis, populo Israelitico per Moysen data, testimoniū erat diuinæ in populo præsentia, fœderis item & amicitia inter deum & hominem. Nam in hæc uerba pepigerat cū populo Deus, Inhabitabo in illis, & inambulabo, & ero illorum Deus, & ipsi erunt mihi populus. Ex ea institutione ac pactione appellabatur arca ipsa, Dominus Deus exercituum, sedens inter cherubim, ut uidere licet

Epilogus particulari.

Religiose uersandi in conspectu sacramentorum.

Arca fœderis.

Leuit. 16.



*Nimum tribue  
re sacramentis.*

*Grande pecca-  
tum non tribue-  
re tantum sacra-  
mentis, quam  
tribuit scriptus  
ra.*

*Numeri 4.*

2. Samuelis 6. & in libro Paralipomenon: appellabatur & arca foederis domini. Hæc autem cum ipsi sacramento Dei propheta dei tribuerent, abunde satis & magnifice de sacramento Dei senserunt & loquuti sunt: ubi uerò indocti & malitiosi sacerdotes, & per hos corruptus populus, longè maiora arcæ seu sacramento Dei tribuerent, quid oro factum est? Audi prius quid arcæ tribuerint. Clamant seniores Izraelis, Quare strauit nos hodie dominus coram Palæstinis? Adducemus ad nos de Silo arcam foederis domini, ut illa ueniens inter nos, seruet nos de manu hostis nostri. Audisti quid arcæ tribuerint, audi iam quid fecerint. Misit itaq; populus in Silo, & attulerunt illinc arcam foederis domini exercituum, sedentis inter cherubim. Et factum est cum uenisset arca foederis domini in castra, uociferatus est cunctus Izrael iubilo magno, ut terra tremere. Quod cum audissent Palæstini, dixerunt, Quid sibi uult clamor iste? Et audientes arcam castris illarum Hebræorum, clamant & ipsi, Væ nobis. Venit Deus in castra, quis eruet nos de manu deorum istorum fortium, qui percusserunt Ægyptum? Sed audi modò quid factum sit, & quomodo declararit Deus arcam illam non esse Deum, sicut dicebatur, & ab imperitis rerum sacrarum habebatur, quomodo item puniuerit peccata populi sui, id quoq; quòd nimium tribuerunt sacramento. Sequitur ergo, Pugnaverunt itaq; Palæstini, & Izraelitæ cæsi sunt, fugerunt singuli in tentoria sua, & cades facta est uehementer magna, ut caderent ex Izraele triginta millia peditum: sed & arca Dei capta fuit, ac cæsi sunt duo filij Heli. Hæc omnia leguntur 1. Sam. 4. Rursus cum irreligiosis tractaretur sacramentum Dei à porcis Palæstinis, percutiuntur & hi plaga foeda & exitiali. Gloriabantur quòd dii sui & religio Palæstina uicisset deum Izraelitarum & religionem Izraeliticam, sed cadunt & confringuntur dii Palæstini, confunditurq; religio ethnica. Quid quòd Izraelitæ iam leuius contrectantes sacramentum à Palæstinis reductum in Bethsames, curiosiusq; illud contra legem Dei Numeri 4. scrutantes, grauiori plaga nunc quam prius concidunt? Percussit enim dominus septuaginta uiros, & quinquaginta millia hominum 1. Samuelis 6. Cum Moses negligentius distulisset circumcisionem in liberis suis, in graue incurrit periculum. Sichimitæ ob temere receptam Circumcisionem delentur. Et Simeon ac Leui propter prophanatum sacramentum graues accipiunt à patre suo sententias, Gene. 49. Quibus congruit quod Apostolus de indignè celebrantibus coenam dicit, Propter hoc multi inter uos imbecilles & inualidi, & dormiunt multi. Huc pertinet etiam exemplum Oza uiri non omnino mali, sed non legitime hoc ipsum sacramentum tractantis, unde & subitanea morte conficitur à domino, idq; non priuatim in tabernaculo, sed in celebri pompa. De quo facto Dei postea in synodo & Ecclesia Izraelitica pronuncians Dauid dicit ad Leuitas, Dominus constituit ut portetur arca à Leuitis (non uebatur nouo plaustro à bubus) sanctificate ergo uos & transferte arcam domini Dei Izraelis ad locum, quem paraui ei. Quandoquidem enim hoc ab initio non fecistis, rupturam in nobis fecit dominus Deus noster, quia non requisimus eum, sicuti oportuit. Et sequitur mox, Sanctificati sunt igitur sacerdotes & Leuitæ ut adducerent arcam domini Dei Izraelis: portaruntq; filij Leuitarum arcam Dei, sicut præceperat Moses iuxta uerbum domini, humeris suis impositis uectibus. Extant hæc omnia 1. Paral. 15. cap. Ex quibus colligimus nolle dominum nostras bonas intentiones & celebrationes magnificas in celebratione sacramentorum: sed illud requirere unice, ut ita iudicemus & loquamur de sacramentis, sicuti ipse per uerbum iudicat & loquitur, & ut ipse instituit & celebrauit, ita nos usurpemus atq; celebremus. Proinde abunde satis tribuit sacramentis, quisquis id eis tribuit, quod ipse Deus in scripturis sanctis tribuit.

Excutia

Excusamus ergo ante omnia quid nostro ferè seculo tributum sit sacramen-  
tis, ut inde rectius quid tribuendum uel non tribuendum sit intelligatur. Docuit  
uulgus sacerdotum & monachorum sacramenta nouæ legis non tantum esse si-  
gna gratiæ, sed simul etiam gratiæ causas, hoc est, quæ habeant uirtutem con-  
ferendi gratiam. Esse enim illa ceu instrumenta, organa & infundibula quædam pas-  
sionis Christi, per quæ in nos gratia Christi transfundatur: at signa ueteris testa-  
menti patribus data, signa tantum, non causas quoque gratiæ fuisse, utpote quæ  
uim duntaxat significandi non conferendi gratiam habuerint.

*Docetur sacra-  
menta conferre  
gratiam.*

Videntur autem id dogmatis hausisse ex uerbis Augustini perperam intel-  
le-  
ctis. Scribit enim is in Psal. 73. Sacramenta nouæ legis salubriora & feliciora ijs,  
quæ in ueteri lege: eò quod illa promittant, hæc dent. Atqui non uoluit his uer-  
bis aliud dicere S. August. quàm quod alibi sic protulit, Sacramenta ueteris le-  
gis Christum prænunciarunt, nostra annunciant. Nam & contra Faustum lib. 19.  
cap. 14. sacramenta ueterum uocat promissiones rerum cõplendarum, nostra no-  
minat indicia rerum completarum. Proinde in Psal. 73. Dant dixit pro eo quod est  
datum testantur, aut exhibitum significant. Fateor quidem illum non semel dixis-  
se, nostra esse feliciora & uirtute præstantiora: atqui id dixit non alia ratione quàm  
quod præstito nobis Messia in nouo testamento omnia nostra pleniora, illu-  
striora, siue luculentiora sunt. Christus enim plenissimè omnia absoluit: unde re-  
uera nostra plenius significant, & quodammodo uiuidiora sunt. Cæterum si Au-  
gustinus omnino in ea fuisset sententia, quam sequuntur isti, an non suaderet ipsa  
pietas, ut deserta hominum authoritate, uerbo ueritatis adhæreremus?

*August. nō do-  
cuit sacramēta  
conferre gra-  
tiam.*

Videamus ergo quid colligatur ex uerbo ueritatis, id est, ex scripturis cano-  
nicis, de sacramentorum ueteris & noui testamenti similitudine & differentia. E  
scripturis habemus hoc certissimū, unum esse utriusque ecclesiæ æternū & immu-  
tabilem Deum ac dominum, unam per Christum in illum utriusque ecclesiæ fidem,  
unam in utraq; Ecclesia propositam promissionibus salutis rationem, denique unā  
unius perpetuo Dei ex utroque populo collectam Ecclesiam. Non arbitror autem  
copiosa ex scripturis confirmatione horum opus esse, quòd Decadis 3. Serm. 8.  
illa fusius tractaui. Illis uerò ita præstructis, & scriptura apostolica confirmatis, ita  
demum, non ex nostris capitibus, sed ex authoritate diuina colligimus. Quorum  
unus est perpetuo æternus & immutabilis Deus, una omnium salutis ab æterno in  
Christo proposita ratio, una fides, una Ecclesia, unus baptismus, idem spiritualis  
cibus & potus, eorum non possunt esse nisi eadem quod substantiam attinet sacra-  
menta. Atqui Iudæorum & Christianorum est unus Deus, una fides, & una salu-  
tis per Christum ratio, una denique ecclesia: sunt itaque eadem quoque sacramenta, nisi  
quòd nostra, sub alijs data sunt signis, & quòd propter exhibitum solem iustitiæ  
Christum multo sunt illustriora & euidentiora. His addo scripturam testari sacra-  
menta ueterum & nostra idem usque adeo ualere, ut Paulus dicat circuncisos qui  
sunt baptisati, baptisatos qui sunt circuncisi: Docet idem ille patres nostros ean-  
dem nobiscum escam spiritualem edisse, & de eodem potu spirituali bibisse, nimi-  
rum de petra. Sed addit mox, Petra uerò erat Christus. Verba apostoli notissima  
sunt, & leguntur 1. Cor. 10. Idem ad Coloss. cap. 2. In Christo inquit, estis comple-  
ti, per quem & circuncisi estis circuncisione quæ fit sine manibus, dum exuistis  
corpus peccatorum carnis per circuncisionem Christi, consепulti simul cum illo  
per baptismum, &c. Quid his oro clarius dici potuit? circuncisio quæ fit sine ma-  
nibus, est circuncisio Christiana, baptismus uidelicet. Cæterum in superiore loco  
Pauli ad Corinth. obseruandum est (quod alibi monuimus) In Mosen Bapti-

*De similitudine  
& differenti-  
sacramentorū ue-  
teris et noui te-  
stamenti.*



zari, non idem esse quod est in Christum baptizari. Nam in Mosen baptizari, per inde est ac si dixisset per Mosen baptizari, aut ministerio Mosia. Constat enim Mosen iuxta fidei creditum populum unice Deo adduxisse.

*August. quoque  
docuit eadem  
esse sacramenta  
veterum et no-  
stra.*

Non diuersa his legas & apud Aurel. August. non uno loco, utcumque aduersarij differentiam illam suam inter veterum & nostra sacramenta inducta ad Augustinum referre cupiant. Nam contra literas Petiliani lib. 2. cap. 27. Fuerunt, inquit, in signis diuersa, in re quæ significatur, paria. Item in Tract. in Ioan. 26. in hunc locum, Hic est panis qui de cælo descendit. Hunc panem significauit manna: hunc panem significauit altare Dei. Sacramenta illa fuerunt. In signis diuersa sunt, sed in re quæ significatur paria. Non dissimilia legas contra Faustum Manichæum lib. 19. cap. 13. 16. 17. Rursus Tract. in Ioan. 45. Ante aduentum domini nostri Iesu Christi, quo humilis uenit in carne, præcesserunt iusti, sic in eum credentes uenturum quomodo nos credimus in eum qui uenit. Tempora uariata sunt, non fides. Et reliqua. Et mox, In signis diuersis eadem fides, sic in signis diuersis quomodo in uerbis diuersis: quia uerba sonos mutant per tempora, & utiq; non aliud sunt uerba quam signa. Significando enim uerba sunt: tolle significationem uerbo, strepitus inanis est. Significata sunt ergo omnia. Nunquid non eadem credebant per quos hæc signa ministrabantur, per quos eadem quæ credimus prophetata prænunciabantur? Vtiq; credebant, sed illi uentura esse, nos autem uenisse. Item in Psal. 77. Idem in mysterio, inquit, cibus & potus illorum qui noster, sed significatione idem non specie. Quia idem ipse Christus illis in Petra figuratus, nobis in carne manifestatus. Sed non in omnibus illis beneplacitum est Deo. Omnes quidem eundem cibum spiritalem manducauerunt, & eundem potum spiritalem biberunt, id est, spiritale aliquid significantem: sed non in omnibus illis beneplacitum est deo, & cum essent omnia communia sacramenta, non communis erat omnibus gratia, quæ sacramentorum uirtus est. Sicut & nunciam reuelata fides, quæ tunc uelabatur, omnibus in nomine patris & filij & spiritus sancti baptisatis commune est lauacrum regenerationis, sed ipsa gratia cuius ipsa sunt sacramenta, qua membra corporis Christi cum suo capite regenerata sunt, non communis est omnibus. Hæc August. docens eorum signa, temporis diuersitate excepta, non imparia aut dissimilia esse, quorum eadem est fides & religio.

*Gratia quid sit.* PER STRICTA autem similitudine & differentia sacramentorum ueteris & noui testamenti, idq; ex occasione dogmatis recepti, Sacramenta nouæ legis conferre ex se gratiam, expendamus & ipsum quale sit. Ac de uocabulo quidem gratiæ primò pauca hæc admonemus. Gratia fauor est numinis & beneuolentia, qua Deus pater nos propter Christum complectitur, purgat, iustificat, donis instruit & saluat. Nam apostolica scripta gratiam aperte uocant, qua saluamur & iustificamur ex fide Iesu Christi. De hac scriptum est, Non irritam facio gratiam dei. Nam si per legem est iustitia, ergo Christus gratis mortuus est. De hac scriptum est, Christus uobis factus est otiosus, quicumque per legem iustificamini, à gratia excidistis. De hac scriptum est, Si autem gratia, iam non ex operibus: alioqui gratia iam non est gratia. Quid quod ipse dei filius gratia & donum dei appellatur? Ioan. 4. Tit. 2. capite. Iam uerò Conferre quid aliud est quam dare, uel rem aliquam, quam prius non habebas, donare? Si ergo sacramenta conferunt gratiam sumen-  
tibus, profectò eas res non habentibus dant, quas significant, ipsum inquam Christum cum omnibus eius donis: id est, gratos & acceptos Deo faciunt, iustificat & saluant, idq; ex seipsis, utpote quæ uirtutem ex passione Christi accepisse dicuntur sanctificandi, & non tantum significandi aut iuuandi, commendandi aut  
proue-

prouehendi gratiam. Sed & perceptionem gratiæ attribuunt nostro operi quo ipsa sumimus sacramenta. Verum quantum hæc doctrina pugnet cum ueritate prophetica & apostolica, nunc demonstrabo. Vetus fuit error Iudaici populi sacramenta iustificare. Hinc est quod sancti Dei prophetae cum populo suæ fidei crediti, falsis tamen imbuti opinionibus, concertantes, clamarunt, Frustra illum niti suis ritibus & sacrificijs: Deum autem delectari obedientia fidei, fide, inquam, charitate, innocentia, uera utiq; pietate. Inter quos Ieremias dicit, Sic ait dominus exercituum Deus Israelis, Holocausta uestra addite uictimis uestris, & comedite carnem: quoniam nihil locutus sum cum patribus uestris, neq; præcepi eis, eo tempore quo educebam eos e terra Ægypti, de ratione holocausti & sacrificij: sed & uerbum præcepi eis dicendo, Audite uocē meā, & ero Deus uester, uos autem eritis populus meus: & ambulate in omni uia quam præcepi uobis, ut bene sit uobis. Similis locus est & apud Isaiam in cap. primo. Non reiecit dominus, neq; damnarunt diuini uates in uniuersum omnia sacrificia, cum ea ipse dominus per Moysen instituisset: sed falsam opinionem uanamq; in ipsa fiduciam oppugnabant. Vana fiducia & falsa opinio est, sacrificia per se ac propter opus nostrum reddere nos gratos domino. Nam fides acceptos efficit nos Deo per Messiam. Et dominus sacramenta uel sacrificia non instituerat, ut gratiam oblata conferrent aut iustificarent, sed ut testimonia essent gratiæ Dei, & ut in ordine retinerent populum, ut ipsum retraherent ab idolis & cultibus ethnicorum, ad Christum autem summum pontificem, & unicam totius orbis hostiam deducerent. Pædagogia enim siue exercitia fuerunt, Paulo hoc approbante atq; dicente, Lex pædagogus noster fuit ad Christum, ut ex fide iustificaremur. At postquam uenit fides, non amplius sub pædagogo sumus. Idcirco sacrificia ueterum sacrificantibus non conferebant gratiam, neq; iustificabant, sed symbola & testimonia erant Deum sanctificare, & iustificare quidem per hostiam omnibus seculis destinatam, per Messiam, ad cuius fidem ueluti pædagogus quidam deducentia dirigebant.

*Sacramenta nō conferunt gratiam.*  
Ierem. 7.

*Galat. 3.*

Ac prædicantibus quidem apostolis puram doctrinam euangelij, sola Dei gratia per Christum seruari credentes, auitus ille error tam altè Iudaicis insedit animis, ut illi quoq; qui Christum receperant, contenderent tamen, Christum non posse plenè, nisi sacramentis Iudaicis accedentibus, sanctificare aut iustificare. Contra quos apostoli magna grauitate & ualidissimo spiritus impetu disputantes, eiecerunt hominem Christianum nullis legalibus interuenientibus, nullis denique operibus adiuuantibus, sed sola & mera siue gratuita Dei gratia misericordiae per Christum sanctificari, purificari, iustificari, atque saluari. Quæ sanè prorsus, quod dici solet, & puppis est doctrinæ euangelicæ & apostolicæ, quam qui negat, nullam haud dubiè sortem habet in hæreditate Christi & euangelij ipsius. Nec obscurum aut dubium est quod modò paucis his proposui. Quis enim nesciat memorabilem illam concertationem maximorum apostolorum Christi Pauli ac Barnabæ, institutam contra eos qui docebant, nisi circumciderentur Christiani iuxta legem Moysi, nullo pacto saluari posse? Contra quos & Petrus concludit, Fide purificari corda, & gratia domini Iesu Christi saluari credentes.

*Error in ecclesia apostolica.*

*Actor. 15.*

Verum quidem est, abrogata apostolorum aduersarios reducere uoluisse, interim uerò indubitatum est & illud, Apostolos non alio ariete incusso aduersariorum sententiis de sacramentis purificantibus debilitasse ualidius, adeoq; & subuersisse felicius quàm hoc, Gratia Dei per Christum iustificari credentes: cumq; ubiq; ferè adiungunt non lege, nō ceremonijs aut ullis ritibus, an putamus illos in partem admittendos sacramenta, quæ sub censum ueniunt ceremoniarū aut rituum?

*Gratis cōferri gratiam, recipi per fidem.*



Fides Christiana gratiam Dei, remissionem peccatorum, sanctificationem & iustificationem tribuit in solidum gratuita misericordiae Dei, adeoque & merito passionis Christi, & ita tribuit, ut praeterea admittat nihil prorsus in participatum. Quod ergo Lombardus dixit, Sacramenta uirtutem conferendi gratiam accepisse ex merito passionis Christi, ex se finxit. Nam ut Christus gloriam suam non dat ulli uel sanctis siue homini, nedum inanimatorum creaturae: ita qui credit se iustificatum plenè per mortem & resurrectionem domini, is in alia nulla re amplius quàm in solo Christo quaerit gratiam aut iustitiam, in quo acquiescit, quomodo & in fide per spiritum sanctum iam sentit in corde uel mente uires suas exercere. Huc enim pertinent illa ex euangelio, Vade in pace, fides tua te saluam fecit. Item, Omnis qui bibit ex aqua hac, sitiet iterum. Quisquis autem biberit ex aqua, quam ego dabo ei, non sitiet in aeternum, &c. Huc pertinet & illud Pauli, iustificati ex fide, pacem habemus erga deum per dominum nostrum Iesum Christum, per quem & contigit nobis, ut fide perduceremur in gratiam hanc, in qua stamus & gloriamur sub spe gloriae Dei.

Luce 7.  
Ioan. 4.  
Rom. 5.

*Confutatur commentum eorum qui fingunt fidem generalem & specialem.*

Non nescio quorundam sutelas commentantium esse generalem quandam deinde & specialem fidem. Generalem uocant, qua credimus nos morte & resurrectione Christi uerè iustificari. Specialem uerò, qua credimus per symbola & opus nostrum peculiariter & cuilibet nostrum singulariter applicari dona Dei. Verum quorsum attinebat e terra, in qua licebat uesci manna, respicere ad ollas & allia Aegypti? Quid Christianis, oro, negotij cum distinctionibus sophisticis? Aut unde probabunt nobis hanc suam distinctionem? Vna modò fides est, eaque non alia in usu sacramentorum, quàm extra usum. Extra usum credimus nos morte & resurrectione Christi sanctificari. In baptismo & Coena dominica non aliam exercemus fidem, quàm qua credimus domini gratia & misericordia purgari nos à peccatis, eiusdemque tradito corpore & effuso sanguine nos redimi à morte & haereditatem fieri uitae aeternae. Applicant haec nobis non sacramenta, sed fides per spiritum sanctum. Id quod uniuersa testatur scriptura apostolica, quam huiusmodi commenta obscurant. Breuiter, Vnus est omnium Deus & saluator, una salus, una rescriptio & purgatio, una fides, qua recipimus quidem oblatam nobis salutem à Deo in Christo per spiritum sanctum. Eadem annuntiatur aut praedicatur nobis in uerbo per ministrum, & representatur obsignaturque per sacramenta.

Iam uerò quis nesciat Paulum Apostolum in omnibus suis scriptis unice contendere fide in dominum Iesum, non per ulla opera iustificari credentes? Rursus quis ignoret, sub censum operum nostrorum uenire & perceptionem aut celebrationem sacramentorum? Quibus & illud adijciam, Illud sacramenta non dare quod non habent: gratiam & iustitiam donante coelestia non habent, ergo non conferunt.

*An gratia Dei in sacramentis contineatur.*

Hinc uerò exoritur nobis noua quaedam disputatio, An gratia Dei & uirtus quaedam diuina symbolis sit indita inclusae & uelut in ipsis contenta, ut ex eis insumentes deriuetur? Vulgus sacrificiorum & monachorum tam uerbis quàm factis suis prodit se sentire, ipsis symbolis diuinam esse inclusam uirtutem, adeoque deum ipsum in eis contineri. Non enim alia origine emergunt anxiae illorum disputationes de eo quid arrodat mus, cum sacramentum corporis Christi arrodat. Innocentius Papa libro de Sacramento altaris 4. cap. 11. Miraculose reuertitur substantia panis, inquit, non illa quae transiuit in carnem, sed quod eius loco alius panis miraculose creatur, qui corroditur, &c. Vide acumen & miraculosam quandam theologiam. Omitto hic studio alia huius generis permulta. Adde his, quod characteribus impressis, & mirificis quibusdam uerbis, gestibus & exufflationibus, quae

quæ omnia benedictionis titulo ornant, aquam baptismi consecrant. Ac inter alia canunt, Deus aquam hanc regenerandis hominibus præparatam, arcana sua luminis admixtione fecundet, ut sanctificatione concepta, ab immaculato diuini fontis utero in nouam renata creaturam, emergat. Sit hæc sancta & innocens creatura, libera ab omni impugnatoris incurso, non insidiando circumuolet. Sit fons uiuus, aqua regenerans, unda purificans, ut omnes hoc lauacro salutifero diluendi, operante in eis spiritu sancto, perfectæ purgationis indulgentiam consequantur. Vnde benedico te creatura aquæ, per Deum uiuū, per Deum uerū, per Deum sanctum, per Deum qui te in principio per uerbum separauit ab arida, &c. Rursus sufflando in aquam ter, hæc protinus subiungit uerba, Tu has, Domine, supplex aquas tuo ore benedicto, ut præter naturalem emundationem, quam lauandis possunt adhibere corporibus, sint etiam purificandis mentibus efficaces. Deinde accipit minister sacrorum cereum ardentem, & impositum aquæ baptismi ter dicit, Descendat in hanc plenitudinem fontis uirtus spiritus sancti. Addit, Et totam huius aquæ substantiam regenerandi fecundet effectus. Et reliqua. Hæc omnia sine tropis simpliciter dicta intelligunt & exponunt. Id quod satis euidenter euincit, quid homines isti aquæ consecratae tribuant, & quod signis res sacras contineri sentiunt. Torsit se hac in re mirum in modum Bonauentura, qui scripto suo in 4. Magistris, Distinctio. 1. quæst. 3. inter alia, tandem, Non est aliquo modo dicendum, inquit, quod gratia contineatur in sacramentis essentialiter, tanquam aqua in uase, uel medicina in pyxide, imò hoc intelligere est erroneum. Sed dicuntur continere gratiam, quia ipsam significant, & quia nisi ibi sit defectus ex parte suscipientis, in ipsis gratia semper confertur, ita intelligendo quod gratia sit in anima, non in signis uisibilibus. Pro tanto dicuntur etiam uasa gratiæ. Possunt etiam dici uasa alia ratione. Quia sicut quod est in uase, non est de ipso nec ex ipso sed tamen ab ipso hauritur: sic gratia non est à sacramentis, nec de sacramentis, sed oritur à fonte æterno, & ab illo hauritur ab ipsa anima in ipsis sacramentis. Et sicut quis recurrit ad uas cum requirit liquorē, sic quærenti liquorē gratiæ & nō habenti recurrendum est ad ipsa sacramenta. Hæc Bonauentura, qui recte gratiam retulit ad fontem omnium bonorum Deum: utinā purius & simplicius reliqua etiā subieciisset. Recte is quoque sedem seu receptaculum gratiæ & donorum Dei animā hominis, non signa insensibilia esse sensit. Scriptura enim sancta ubique docet, mentem hominis, non elementum ullum, aut quicquid humana est conditum arte, domicilium esse gratiæ Dei, & hanc non peti aut coli ceu inclusam in ulla re insensibili. Si cœli cœlorum, inquit Solomon, te non continent, quanto minus domus hæc? Ad quæ alludens constantissimus Christi martyr Stephanus, Non is est excelsissimus ait, qui in manufactis templis habitet, sicut propheta dicit, Cœlum mihi sedes est, terra autem scabellum pedum meorum: quam domum ædificabitis mihi, dicit Dominus, aut quis locus requietionis meæ est? Nōne manus mea hæc omnia fecit? Quæ sequutus magnus ille Christi Apostolus Paulus dixit, Deus qui fecit mundum & omnia quæ in eo sunt, hic cœli & terræ cum sit Dominus, non in manufactis templis habitat, nec manibus humanis colitur, indigens aliquo, cum ipse det omnibus uitam, &c. Vnde ipse Dominus in Euangelio significantissime pronunciauit, Venit hora quando neque in monte hoc, neque Hierosolymis adorabitis patrem: sed uenit hora, & nunc est, quando ueri adoratores adorabunt patrem spiritu & ueritate. Fideles itaque animi oculos à terrenis rebusque uisibilibus attollunt in cœlestia. Vnde & sancti maiores nostri Cœnam celebraturi illud sacris mysterijs congruentissimum audierunt sibi occini, Sursum corda, respon-

*Canuntur illa  
in benedictione  
baptismi in  
ferijs Pasche.*

*Bonauentura  
dicit gratiam  
non contineri  
in sacramentis.*

*Sedes gratiæ  
Dei.*

*3. Reg. 8.  
Acto. 7.*

*Acto. 17.*

*Ioan. 4.*



dente toto populo, Habemus ad Dominum. Quid quod ipsa rei absurditas plane euincit gratiam symbolis non contineri? Si enim per gratiam intelligis fauorem & beneuolentiam Dei: si indulgentiam peccatorumque ueniam, purgationem inquam & iustificationem credentium: si dona denique & charismata spiritus: quid absurdius quāso fingi poterat, quā res tantas inclusas contineri aqua, pane & uino? Signis profectō nulla opus est gratia, nulla indulgentia & uenia peccatorum. Ad quid ergo contineretur gratia in sacramentis? Quis oro fructus ad homines redibit? Aut quis ignorat omnia Dei instituta ad utilitatem hominis esse ordinata? An uerō dicemus gratiā ideō inclusam teneri sacramentis, ut inde in nos transfundatur tanquam per canales? At non ita loquitur scriptura. Gratia enim, quod sæpe iam repetitur, est fauor & beneuolentia Dei: qua ille in nos non per sensibilia, sed suapte propensione, potentia & uirtute fertur. Spiritualia hæc sunt: ergo spiritus munere & interuentione perficiuntur. Spiritu suo coniungitur nobis Deus, nos illi fide, spiritus dono copulamur: id quod in Euangelicis Apostolicisque literis nuspiam non obuium est.

*Canon Nicenus  
de Baptismo.*

Proinde uerba Canonis Conc. Niceni, Baptisma nostrum non sensibilibus oculis, sed mentalibus considerandum est. Aquam uides, considera diuinam uim, quæ in aquis latet, &c. non ita crasse & ruditer intelligenda sunt. Nam oratio symbolica est, quam nemo non eo quidem tempore intelligebat: sicuti & nobis hodie nouum & difficile non est, si quis dicat in sigillo esse fidem & ueritatem: in anulo coniugali fidem & amorem coniugalem: in sceptro & corona regiam potestatem. Nam nemo tam ineptus est, ut propter huiusmodi loquutionem contendat res ipsas in signis contineri inclusas: loquutionis genus & consuetudinem quisque agnoscit.

*Apostoli bapti-  
zarunt in aqua  
nō consecrata.*

Huc iam pertinet quod Ioannes Baptista in Iordane flumine, quod Apostoli denique ipsi baptizarunt aqua non consecrata paratæ uel ullis excantationibus, insufflationibus & characteribus, ad recipiendam & transfundendam Dei gratiam in baptizandos. Vidit Æthiops in Actis Apostolorum fontem, nullo delibutum oleo, nec ullis consecratum carminibus sacris, nullis denique exufflationibus, ceremoniarum immixtione, & crucium picturis formatum, nihilominus Philippo Apostolo dicit, Ecce aqua, quid uetat quod minus baptizer? At Philippus fidem requisit in Dominum Iesum, & confitentem protinus baptizauit, nulla fontis consecratione præmissa, qua uidelicet gratiam spiritus sancti & uim regenerantem in aquam deuocaret, protinusque Æthiopi ad purificationem affunderet.

*Elementis gratiā  
indere, idololatriā  
gignit.*

Quod si perrexerimus elementis indere ipsam Dei gratiam, & res ipsas signis representatas, quis non uideat, quanto cum periculo, apud simplices maxime, id facturi simus: His enim suppeditabitur occasio idololatriæ, in hærendisque sensibilibus: à quibus etiam requirent & postulabunt, quæ eleuatis in cælum mentibus ab autore omnis boni Deo fuerant petenda. Quod enim obijcitur diuina quædam pactio sic constitutum esse diuinitus, ut in se habeant sacramenta gratiam, & ex se ipsis ueluti canales aquam gratiæ transfundant in sitientes. sine scripturarum autoritate & contra ueram religionem dicitur. Id quod ex disputatis hucusque satis patere arbitramur. Quibus & illa subiicimus,

*Sancti prius in  
iustificati rece-  
ptique in gratiā  
quā initiati  
sacramentis.  
Rom. 4.*

Sancti & electi Dei non tum primum gratia Dei donisque cælestibus participat, cum sacramenta percipiunt. Etenim rebus prius quā signis participant. Nam apertè traditur nobis, quod Abraham pater noster prius fuerit iustificatus, quā circumcisus. Inde uerō quis non colligat, circumcisionis sacramento ipsi non collatam & exhibitam esse iustificationem, sed eam quā fide prius possidebat obse-

gnatam

gnatam potius? Quis præterea inde nõ colligat nos, qui filij Abrahæ sumus, non  
 alia ratione iustificari, quàm patrem iustificatum constet, ac sacramenta nostra in  
 nobis non aliud efficere quàm quod in illo effecerunt: præsertim cum eadem sit  
 ratio sacramentorum ueterum & nostrorum. De quo paulò post dicemus copio- *Acto. 8.*  
 sius, exposituri locum Apostoli ad Rom. 4. Eunuchus ille, cuius modò memini-  
 mus ex Actis, uisa ex itinere aqua, dicit Philippo, Ecce aqua, quid uerat quò mi-  
 nus baptizer? Dixit autè Philippus, Si credis ex toto corde, licet. Et respondens,  
 ait, Credo filium Dei esse Iesum Christum. Post ea demum sequitur, Et descende-  
 runt ambo in aqua, & baptizauit eum. Credidit, inquit Euangelista, eunuchus ex  
 toto corde, id est, uerè & non hypocriticè. Videamus iam quid scriptura de huius-  
 modi fide prædicet. S. Ioannes Apostolus & Euangelista, Omnis, inquit, qui cre- *1. Ioan. 9.*  
 dit Iesum esse Christum, ex Deo natus est. Idem, Quisquis cõfessus fuerit quòd Iesus *1. Ioan. 4.*  
 est filius Dei, Deus in eo manet, & ipse in Deo. Sed & Paulus electum illud orga-  
 num & doctor gentium, Si confessus fueris ore tuo, inquit, Domini Iesum, & cre- *Rom. 10.*  
 dideris in corde tuo quòd Deus illum excitauit à mortuis, saluus eris. Rursus au- *1. Ioan. 5.*  
 tem beatus Ioannes in Epistola sua dicit, Qui credit in filiū Dei, habet testimoniū  
 in seipso. Et hoc est testimonium, quòd uitam æternam dedit nobis Deus: & hæc  
 uita in filio eius est. Qui habet filium, habet uitam: qui non habet filium Dei, uitam  
 non habet. Ex his porrò omnibus ita colligimus, Eunuchus credidit priusquàm  
 accepisset baptismum: ergo ante acceptum baptismum natus erat ex Deo, in quo  
 manebat ipse, & Deus in ipso, iustus ac Deo acceptus erat, adde quòd uitam ha-  
 bebat in semetipso: ideoq; subsequens baptismus Eunuchus non conferebat quod  
 habebat prius: sed cessit ipsi in testimonium ueritatis, & in ob signationem iustitiæ  
 fidei, adeoq; in donorum continuationem & incrementum. Ad eundem modum  
 legitur de Cornelio centurione in iisdem Apostolorum Actis, quòd prædicationi *Acto. 10.*  
 Petri Apostoli credens acceperit spiritum sanctum etiam specie uisibili, sicuti Apo-  
 stoli acceperant Hierosolymis in die Pentecostes, Petrum uerò ea re comperta, di-  
 xisse, Num quis prohibere potest, quò minus aqua baptizentur hi, qui spiritum  
 sanctum perinde acceperunt uti nos? Quoniam ergo Cornelius cum suis ante ba-  
 ptismum accepit spiritum sanctum, manifestissimū est quòd eundem non primū  
 per baptismum aut cum baptismo exhibitum consecutus sit. Rursus legimus in  
 Actis Apostolorum, Qui libenter acceperunt sermonem Petri, baptizati sunt: *Acto. 1.*  
 priusquàm ergo tingerentur à Petro, erant consecuti gratiam Dei per fidem. Aut  
 cur obsecro baptizamus infantes nostros? an quia corde credunt & ore confiten-  
 tur? Non arbitror. An non ideo baptizamus, quia illos Deus sibi adducere iussit?  
 quia promissit se & nostrum & seminis nostri Deum futurum? deniq; quia nos cre-  
 dimus Deū ex mera sua gratia & misericordia in sanguine Iesu Christi illos mun-  
 dasse ac adoptasse, & hæredes uitæ æternæ cõscripsisse? Ex his ergo causis bapti-  
 zantes infantes, abundè testamur baptismum eis non primū cõferri, sed ob signari  
 quod habuerūt prius. Coniungamus his quoq; testimoniū de Cœna Domini. Apo-  
 stolus docens quomodo sancti se præparent conuiuio Dominico, Probat autem *1. Corinth. 11.*  
 homo seipsum, inquit, & sic de pane hoc edat, & de poculo bibat. Cæterum proba-  
 re significat scrutari, quantum ab homine fieri potest, cor uel mentem, diligentiq;  
 examine excutere conscientiam. Dicitur & Deus probare corda nostra. Et idem *Rom. 12.*  
 Apostolus iubet nos probare quæ sit bona seu bene placens Dei uoluntas. Discuf-  
 sio autem illa fieri non potest citra scientiam & iudiciū. At scientia & iudiciū  
 Christianorū fides est: ergo quisquis se probat antequam ad cœnā ueniat, fidem  
 habet. Si fidem habet: ergo illis non caret quæ cum fide cõiuncta sunt. Proinde in



cœna illa non primum accipiuntur diuina beneficia, sed pro acceptis aguntur gratiæ. Effeci his, opinor, euicere sacramenta non conferre gratiam.

*Sacramenta euacuare, & deum arguere mendacij.*

Opponunt his, sat scio, (quibus persuasum est sacramenta conferre gratiam, ac in seipsis inclusas continere res significatas) euacuare uel exinanire nos sacramenta, & docere, fideles in his aut per hæc nihil nisi nudam aquam, nudumque panem & uinum accipere: atque ea ratione Deum per nos redargui falsitatis & mendacij. Respondemus paucis, Si uacua plenis (ut sic dicam) opponunt, ut uacua sint quæ res ipsas in se non habent inclusas, sanè uacua quàm plena ingenuè confiteri malo. Si uerò uacua dicunt & prophana intelligunt, quæ uidelicet à prophanis signis nihil differunt: si per nuda intelligunt inefficacia: palàm profiteamur nos sacra non prophana, efficacia non inefficacia, diuinitus exornata non nuda, & idcirco plena non uacua aut inania habere sacramenta. Sacra enim sunt non prophana, quia à Deo, & pro sanctis non pro prophanis instituta sunt hominibus. Efficacia non inefficacia sunt. Nam in ecclesia apud pios seu fideles eum consequuntur effectum & finem, ad quem instituta sunt diuinitus. De quo mox plura. Diuinitus item exornata non nuda iure dicuntur, quæ ipsum Dei uerbum habent quo exornantur pulcherrimè. Itaque & plena non inania sunt sacramenta, quia ea habent quæ plenum constituunt sacramentum. Repetimus hic parabolas, quas superius quoque de consecratione differentes ferè adduximus, quò plus lucis huic tractationi affulgeat. Cera cum fidei testimonijs gratia literis uel tabulis non appenditur, uulgaris, uacua & nuda est cera, hoc est, nihil aliud quàm cera. Vbi uerò signatur & apponitur instrumentis, nec uacua nec nuda est iam cera: nam fides & ueritas appellatur. Signum principis uel reipublicæ alicuius dum pingitur in fenestris aut parietibus, nudum est signum: at si id ipsum appendatur tabulis, aut imprimatur literis, magnum hoc ab illo habet discrimen. Nunc enim principis aut reipublicæ uoluntatem declarat & obsignat, idcirco eam apud omnes existimationem habet, ut hoc uiolasse aut præter principis aut reipublicæ uoluntatem alteri alicui diplomati applicasse, crimen reputetur falsationis & læsæ maiestatis. Lapis cum nondum est terminus & limes agrorum constitutus, nudus & uacuus, id est, uulgaris est lapis, quem pedibus proculcasse aut loco mouisse nihil habet piaculi: at dirimendis agrorum finibus adhibitus, amplius non est uacuus aut nudus lapis, sed testimonium legitimæ diuisionis & iustæ possessionis, quem mouisse loco iudicatur crimen capitale. Itaque aqua, panis & uinum extra institutionem & usum sacramentalem, nihil aliud sunt quàm aqua, panis & uinum, cæterum in usu sacramentali ab illis longe lateque discrepant, & sacramenta sunt à Christo signata uerbo, & ad salutem fidelium instituta.

*Sacra non prophana res sacramenta.*

*Non nihil percipimus in sacramentis.*

Ideoque qui sacramentis participant, non nihil, ut isti dicunt, percipiunt, nisi pro nihilo uideatur habenda Dei institutio. Instituit hic sacramenta ut sint gratiæ eius testimonia, & ueritatis promissionum eius sigilla. Id quod mox copiose demonstrabimus. Ut ergo Deus uerax est, nec mentiri potest: ita uerissima sunt promissionum eius sigilla. Promisit ille se nostrum futurum, & in Christo se nobis cum omnibus donis suis communicaturum. Talem ergo se nobis certò præstat & communicat: licet id faciat non nunc primum cum sacramentis participamus, ueluti se nobis per illa ut canales & in his ut uasis inclusum effundat. Statim enim à mundi exordio suam nobis gratiam promisit: statim atque credere coepimus, talem ille se nobis præstare coepit, & præstat magis magisque per omnem uitam nostram: nos fide ac spiritualiter ipsum recipimus atque haurimus. Ergo cum participamus sacramentis, pergit is se nobis singulari modo, id est, sacramentis proprio communi-

care,

nicare, adeoque nos, qui dudum participes facti sumus Christi, communionem illam in sacramentorum celebratione fide ac spiritualiter continuamus atque reparamus, eandem nobis obsignantibus signis sensibilibus. Quis autem posthac dixerit, sic sentientes de sacramentis, & hac fide his participantes, inania habere spectacula, & in his nihil percipere: licet nec signis includamus gratiam, neque ex illis hanc deriuemus. Si quis uero aliam de Deo & eius institutis opinionem concepit, id non magis Deo fraudi fuerit, aut ipsum mendacii arguerit, quam si quis uiro iusto mendacium impingat, quod id non praestet quod ille expectauerat: cum interim id quod expectauit, hic non promiserit, sed ille pro corrupta & erronea sua opinione sibi promissum somniauerit.

Et haecenus per occasionem ostendimus, quae sit similitudo & differentia sacramentorum ueteris & noui testamenti, & quod nostra sacramenta neque conferunt, neque continent gratiam, redimus modò ad id quod coeperamus, ad caput, inquam, huius disputationis primum: ut quandoquidem quid illa non efficiant diximus, tandem quid reuera efficiant adiciamus, explicantes uidelicet quae sit uirtus, quis finis & usus sacramentorum legitimus, ad quem à Deo instituta sunt. Attigi quidem caussarum locum ferè in principio Serm. 6. ceterum modò & alia adiungam, quae huc pertinent, & singula tradam fusius & plenius.

Præcipuus sacramentorum finis ille est, quod ueritatis testimonia sunt, per quae Dominus in ecclesia sua etiam uisibiliter testificatur res Euangelica prædicatione annunciatas promissionibusque ab exordio mundi promissas fidelibus, ita omnino gestas esse & certò sic habere, quemadmodum annunciantur & promissa sunt uerbo ueritatis. Ita Baptismus diuinum & publicum in ecclesia Christi testimonium extat, quo testificatur Dominus, se eum esse qui recipiat homines in gratiam gratuitò, & qui purget ab omnibus maculis, denique participes hæredesque nos faciat omnium bonorum suorum. Ad eum enim modum Circūcisio quondam publicum & diuinum fuit testimonium, Deum esse qui purget & adoptet. Ideò enim Moses Deut. 30. Circūcidet, inquit, Dominus Deus tuus, cor tuum & cor seminis tui, ut diligas Dominum Deum tuum ex toto corde tuo, &c. Eadem ratione ipse Dominus instituta in ecclesia Coena sacra, palam attestatur signis exhibitis, corpus suum certò pro nobis traditum, & sanguinem suum uerè in remissionem peccatorum nostrorum effusum esse: se item uiuificum esse cibum, qui reficiat ad uitam æternam. Idcirco legimus apud Chrysost. Homelia 83. in Matth. in hæc uerba, Sicut in ueteri eodem hic modo in beneficio reliquit, memoriam mysteriorum colligendo & hinc hæreticorum ora frænando. Nam quando dicunt, Vnde patet Christum immolatum fuisse, & alia multa mysteria. Hæc enim afferentes ora eorum consuimus. Si enim mortuus Iesus non est, cuius symbolum ac signum hoc sacrificium est: Hæc ille. Intelligis, opinor, ut hic scriptor symbolum Coenæ pro testimonio ueritatis, uerè inquam mortis Dominicæ, contra hæreticos proferat. Quemadmodum itaque Euangelium appellatur testimonium, & prædicatores Euangelij testes: sic sacramenta nuncupamus ueritatis eiusdem testimonia, muta quidem illa, sed uisibilia tamen: quo nomine S. Augustinus eadē appellauit uerba uisibilia. Euangelij enim prædicatione, quæ constat uerbis quæ hauriuntur auribus, testimonium est loquens: sacramenta uero quæ signis constant, & percipiuntur uisu, testimonia sunt muta & quasi appendices & monimenta Euangelicæ prædicationis.

Imò inuenta sunt diuinitus sacramenta, ut bonam & propensam erga nos Dei uoluntatem, adeoque prædicationem Euangelicam atque omnes promissiones uitæ & salutis uisibiliter obsignent, sintque Euangelio & promissionibus diuinis uelut ap-

*Sacramenta sunt  
testimonia ue-  
ritatis.*

*Euangelium  
testimonium.*

*Sacramenta be-  
neuolentiæ Dei  
erga nos obfig-  
nat uisibiliter.*



penſa ſigilla, quæ teſtificentur atq; confirment fidem in Chriſtum ueram effectu- ſtitiam. Quod dixi ſcriptura approbabo Apoſtolica. Docui autem ſuperius ean- dem eſſe rationem ſacramentorum ueteris & noui teſtamenti, pauculis modò ex- ceptis, ut iam iure optimo poſſimus ex collatione utrorumq; noſtrorum uim, ſi- nem & uſum æſtimare. Paulus ergo ad Rom. 4. cap. Dicimus, inquit, quòd im- putata fuerit Abrahæ fides ad iuſtitia. Quomodo ergo imputata eſt: cum eſſet in circuncifione, an cum eſſet in præputio? Non in circuncifione, ſed in præputio. Et ſignum accepit circuncifionis, ſignaculum iuſtitie fidei, quæ fuerat in præpu- tio: ut eſſet pater omnium credentium per præputium, uidelicet ut etiam iſtis im- putaretur iuſtitia, ſimul & pater circuncifionis eſſet, non eorum modò, qui ex circuncifis ſunt, ſed & eorum, qui ingrederentur uestigia fidei, quæ erat in præ- putio patris noſtri Abrahæ. Hæc omnia Pauli ſunt. In quibus primùm quidem uo- ces aliquot explicandæ uidentur: deinde indagandus ſenſus uerborum Apoſtoli: poſtremo adaptanda illa noſtro negotio ſacramentario.

*Sacramenta ſi-  
gilla ſunt, &  
quis ſit uſus  
ſigillorum.*

Vtitur in præſenti Apoſtolus duabus uocibus, Signi uidelicet & Signaculi. Signum *σημεῖον* generalius eſt, & patet latiffimè. Signaculum uerò *σφραγίς*, ſingula- re eſt ſacramentis obſignantibus. Neq; enim omnia ſigna obſignant. Nam quæ- dam ſignificando duntaxat abſoluunt ſuum officium. Eſt autem *σφραγίς* propriè obſignare fidei faciendæ confirmandæq; gratia, unde *σφραγίς* ſigillum erit, quod ſi dei ſeruandæ cõfirmandæue cauendisq; fraudibus adhibetur. Imitatur hic quoq; ut aliàs ſæpe, morem humanum Dominus. Solemus enim homines ſcripta fœde- ra, ſeu uerbis datam fidẽ, appenſis roborare ſigillis. Et ſigillorum institutionem & uſum huiusmodi ſemper fuiſſe, colliqueſcit ex his ſcripturæ teſtimonijs. Cum filij Iſrael ſub Ezra fœdus inirent cum Domino, mox fœdus in literas referunt, & ſcri- pturam in ueritatis teſtimonium obſignant: ſicut uidere licet Nehem. 9. cap. Hag. 2. cap. legis, Aſſumam te Zorobabel fili Salathiel, ſerue mi, dicit Dominus, & po- nam te quaſi annulum ſignatorium, quia te elegi. Quaſi dicat, In Salathielis filio omnes certò diſcent, ſuper eſſe, per quem ſit propaganda Meſſie poſteritas. Ita ſcri- bit Ieremias in 22. cap. Viuo ego dicit Dominus, quia ſi eſſet Chonenias filius Ie- hoiakim regis Iuda, ſigillum in manu mea dextra, tamen inde auellam te. Id quod perinde eſt, ac ſi dixiſſet, Quamuis ille ſis, in quo promiſſiones meas ſeruabo, attamen in Babylonem abducẽris. Huc pertinet illud ex Matthæo de Iudæis ſcriptũ, Illi autem abeuntes munierunt ſepulchrũ obſignato lapide, nimirum contra frau- des, adhibitis cuſtodibus. Liqueat ergo ex his, quis ſit uſus ſigillorum.

*Matth. 17.*

*Exponitur lo-  
cus Pauli Rom.  
4. Et accepit  
ſignum circun-  
ciſ. &c.*

His ſic expoſitis, perquiramus iam conſilium & ſenſum uerborum Apoſtoli. Demonſtrat Paulus iuſtificationem hominibus obtingere nullorum operum, nul- larũue ceremoniarum uel ſacramentorum uirtute, ſed ſolius Chriſti beneficio per fidem. Ad hoc confirmandum adducit exemplum Abrahæ, de quo ſcriptura pronunciauit, Credidit Abraham Deo, & reputatum eſt ei ad iuſtitiam. Inde col- ligit Abrahamum eſſe iuſtificatum fide, imò hanc illi imputatam eſſe pro iuſtitia. Vbi & ex uocabulo aut uĩ imputationis, & ex tota Moſis ſententia, præualidè ar- gumentatur, demonſtrans gratiæ per fidem eſſe iuſtitiam. Quibus coniungit & ex Dauide teſti- monium, de imputatiua iuſtitia. Traſtaui eum locum Decadis 4. Sermone 1. Deinde redit iterum ad Abrahæ exemplum, & locum adductum ex Genefi applicat ſuo iſtituto, excuſſis circumſtantijs modi temporisq; ac dicit, Quomodo ergo imputata eſt, cum eſſet in circuncifione, an cum eſſet in præputio? Non in circuncifione, ſed in præputio. Quæ quidem apertiora ſunt, quam ulla ex- poſitione indigeant. Quia uerò Iudæus obijcere poterat, Inanis ergo & uacua, inutilis

inutilis & uana fuit circumcisionis institutio & usus. Si enim prius iustificatus quim circumcissus fuit Abraham, quid potuit illi amplius conferre circumcisio? & si nihil contulit, certe superuacanea & inutilis fuit. Paulus per antipophoram respondens, Et signum accepit, inquit, circumcisionis, signaculum iustitiæ fidei, &c. Circumcisio, ait, nec inutilis fuit, neq; uacua est. Licet enim non iustificet, purget, dona Dei applicet, ideo tamen non sequitur, nullum eius usum esse amplius. Alium enim finem habet. Nam signum circumcisionis accepit in signaculū quoddam iustitiæ fidei. Hoc est, Deus instituit circumcisionē, ut esset sigillum ratificans atq; confirmans, adeoq; uisibiliter etiam testificans, fidem esse iustitiā, hominesq; fide iustificari, ita inquam, ut his quoq; fides imputetur ad iustitiam, sicuti Abraham impunita fuit. Nam sequitur, Vt esset pater omnium credentium per praputium, ut imputaretur & illis iustitia. Et reliqua. Et quamuis hæc luce clariora sunt, conabor tamen eadem illa magis illustrare parabola. Finge enim principem aliquem ex gratia & mera munificentia sua, seruum aliquem in aulā adeoq; in participatum omnium bonorum recipere, insuper beneficium hoc ad liberos quoq; posteritatemq; adoptati extendere; mox uerò iubere ut transactio, priuilegium & gratia illa confecta uerbis uiuis, referatur in literas, quas & appenso suo sigillo roboraret, quò istæ posteris certum sint testimoniū contra omnes tergiversatores, gratiam illam ad ipsos quoq; pertinere, principemq; in bona & propensa sua uoluntate perseveraturū erga posteros adoptati, si & ipsi fideles principi esse perrexerint. Ad hunc enim modum Deus optimus maximus, rex regū & principum munificentissimus, gratis & nullo præcedente nostro bono merito, euocat Abrahamum, in quem cumulatim innumera congerit beneficia, cui & fœdus communionemq; offert bonorum omnium, nec ipsi modò, sed & omnibus posteris eius, dicens, Ego deus omnisufficiencia, ero deus tuus & seminis tui post te. Benedicam tibi & semini tuo. Imò in semine tuo benedicentur omnes cognationes terræ. Priuilegium hoc etiam iuramento interposito firmans sacrauit, mox & patres liberis ceu per manus, uice scripturæ tradere, deinde uerò seruos suos prophetas in literas referre iussit, ipse deniq; circumcisione instituta, ueluti iam literis aut traditioni appenso sigillo aut diplomate obsignato, toti posteritati obsignare & roborare uoluit, quò certo ad se quoq; illud pertinere scirent. Vbi tamen illud non uideatur nobis dissimulandum, sacramenta diplomatis signatis aliquid maius & uiuidius habere. Inscribuntur enim priuilegia principū membranīs, sigillaq; scriptis appenduntur membranīs: Deus uerò ipsis suorum corporibus suum imprimi sigillum. Membro enim genitālī, unde posteritas propagatur, circumcisionem indit, ut ueluti nota impressa ipsis corporibus, plus iam quàm obsignaret testareturq; benedictionem & communionem bonorum omnium pertinere ad circumcisos, si pergant fideles esse domino Deo hominibus confœderato. Ideo enim significanter circumcisio à Paulo non signaculum iustitiæ dicitur, sed signaculum iustitiæ fidei: id est ratificatio, quòd fides sit iustitia, quòd fide uidelicet iustificati iam sumus, quòd credentibus debeatur iustitia, quòd Deus fidelibus certò benedicere uelit, hisq; fidem imputare ad iustitiam: sicuti & Abraham imputauit. Iam cum par sit ratio sacramentorum, licet hæc quoq; nostris applicare sacramentis. Christus ergo dominus, redempto per mortē innoxiam mundo à potestate satanæ, & iam ascensurus ad patrem in cœlos, uocatis ad se discipulis suis dicit, Ite in orbem uniuersum & prædicate euangelium omni creaturæ: qui crediderit & baptisatus fuerit, &c. Euangelica prædicatio explicat ingens pretiosum, salutare, uiuificum & munificum, regium atq; diuinū priuilegium, quòd filij dei ex filijs

Parabola res  
illustratur.

Sacramenta aut  
quid uiuidius  
habere tabulis  
obsignatis.

Quomodo ob  
signet baptisatus  
Marci 16.



Marci 10.  
Matth. 18.

Baptizantur in  
fames non cre-  
dentes.

Galat. 3.

Quomodo coe-  
na domini sit si  
gillum iustitiae  
fidei.

Ioan. 6.

diaboli facti sumus, hæredes inquam Dei, cohæredes autem Christi, qui sanguine fuso tantam nobis salutem parauit. Hac gratia Dei nemo exclusus est, nisi qui se suo uitio & culpa per inobedientiam excludit. Nam de liberis siue infantibus credentium idem dominus in euangelio pronuncians ait, Sinite pueros uenire ad me, & ne prohibueritis illos: talium enim est regnum Dei. Et iterum, Amen dico uobis, nisi conuersi fueritis & efficiamini sicut pueri, non ingrediemini in regnum celorum. Et qui receperit unum puellum talem, me recipit. Videte ne contemnatis unum ex his pusillis. Dico enim uobis, quod angeli eorum in celis semper uident faciem patris mei, qui in celis est, &c. Neque uerisimile est, exhibito nobis Christo, Deum inclementiorem factum, quam erat dum nondum esset exhibitus. At tunc dixit, Ero Deus tuus & seminis tui post te. Valet ergo id ipsum nunc magis, cum dominus uenerit quærere & seruare quod perierat, gratiam denique & dona sua liberalissimè in omnem effundere carnem. Ergo priuilegium illud regium, amplissimum & diuinum, primū quidem ipsius Christi domini prædicatione, mox & apostolorum eius annunciatione mundo expositum est: deinde uerò Deo sic uolente idem ab apostolis & euangelistis relatum est in literas: sacramentum uerò ipse dominus ceu appendicem & sigillum adiecit prædicationi aut scripturæ, baptismum substituens circumcisioni: quam, quia cruenta, denique signum uenturi seminis benedicti erat, quod tum exhibitum fuerat, abrogari oportebat. Baptismus autem succedens circumcisioni & ipse est signaculum iustitiæ fidei, testimonium & diploma obsignans, deum certò nos mundare & hæredes constituere uitæ æternæ, totamque euangelij gratiam ad baptisatos pertinere, si in fide uera consistant. At non credunt, ais, infantes Christianorum baptizandi. Fateor. Cæterum non credebant Iudæorum infantes, qui nihilominus circumcidebantur, erantque in fœdere Dei & communionem omnium bonorum: ut idem nostris tribuere infantibus uera iubeat pietas. Vbi adoleuisset semen Iudaicum, & præuariicaretur impiè, exciderat fœdere Dei: unde & Christianorum infantes euangelica gratia exciderunt, quando adulti impiè agunt, recipiuntur tamē rursus in eandem per fidelem poenitentiam. Sed redimus. Baptismus sigillum iustitiæ fidei, non apponitur membranæ aut scripto euangelico, sed accommodatur ipsis filiorum Dei corporibus, ipsique ueluti infigitur imprimiturque. Toti enim corporibus nostris immergimur, aut toti aspergimur aqua baptismi: quæ sanè uisibilis obsignatio est, confirmans Deum uerum, esse Deum nostrum, sanctificantem ac purificantem, purificationemque & omne bonum Dei nobis tanquam hæcibus Dei deberi. Atque huc iam pertinet euidentis ille Pauli locus, qui in epistola ad Galatas sic legitur, Omnes filij Dei estis, eò quod credidistis Christo Iesu. Nam quicumque baptizati estis, Christum induistis. Et reliqua. Similis est ratio Cœnæ dominicæ, quæ & ipsa est sigillum iustitiæ fidei. Moritur enim filius Dei, morte sua redimit credentes, corpore item sanguineque suo cibatur & potatur nos ad uitam æternam. Ac singulare quidem excellensque hoc priuilegium fidelibus datum, annuntiatur & scribitur ab apostolis, sed ab ipso domino consecratur & obsignatur sacramento corporis & sanguinis sui, quo obsignat fide nos in traditum dominum iustificari, communicari nobiscum omnia Christi bona, pasci & uegetari nos Christo. Porro ut obsignatio uel uidior esset, sigillum non apponit membranæ scriptæ, sed infertur atque adeo manducandum præbetur corporibus nostris, ut testimonium intra nos ipsos habeamus, totum uidelicet Christum cum omnibus donis suis ad nos propriè pertinere, si in fide perseueremus. Nam ipse dominus in euangelio, Qui edit me, inquit, uiuet & ipse propter me. At edit qui credit. Ibidem enim dicit dominus, Ego sum panis uitæ,

ultæ, quæ uenit ad me non esuriet, & qui credit in me, non sitiet unquam.

Ex his iam summam rei colligimus, sacramenta obsignare diuinas euangelicasq; promissiones: ac proinde toties in ecclesia tabulas seu literas aut diplomata atq; sigilla prædicationis euangelicæ diuinarumq; promissionum proferri, atq; adeo & totum salutis nostræ negotium renouari & continuari, quoties actiones illæ diuinitus institutæ, sacramenta uidelicet, in ecclesia celebrantur.

Huc pertinere arbitror, quæ fidelis Christi minister Zuinglius de Sacramentis in hæc uerba tradidit, Sacramenta testimonium rei gestæ præbent. Vniuersæ enim leges, mores ac instituta, authores suos initiaq; prædicant. Baptismus ergo cum Christi mortem ac resurrectionem significando prædicat, eas uerè gestas esse oportet. Extant hæc in Expositione fidei ad Regem Christianū. Idem ad Principes Germaniæ contra Eggium, Cum homo ille nobilis, inquit, abiturus in regionem longinquam, panem ac uinum præbens, longè uiuidius & peculiarius sese nobis dabat, cum diceret, Hoc est corpus meum, quam si dixisset, Hoc est symbolum corporis mei: etiam si naturale corpus suum ablaturus ac cælo illaturus esset. Nihilominus tamen minus sese totum, quod ad fidem & gratiam pertinet, his uerbis donat. Quasi diceret, Nunc in mortem pro uobis eo, paulò post ex integro hinc migraturus. At nolo de amore & cura in uos mea ambigatis. Totus uester sum, quantus quantus sum. In cuius rei testimonium, huius meæ traditionis & testamenti symbolum uobis commendo, quo memoriam mei, meorumq; beneficiorum excitetis: ut cum uobis hunc panem & hunc calicem exhiberi uideatis in memoriali Coena, non aliter sitis mei memores, quòd scilicet me pro uobis tradiderim, quàm si uideretis me coram: quemadmodum nunc uidetis & uobiscum conuiuari, & mox ad supplicium pro uobis à uobis rapi. Hactenus Zuinglij uerba recensui, recensebo autem rursus alia paulò post: non quòd illis aut ullis humanis testimonijs innitar, sed ut perspicuum fiat, uirum illum non contempsisse, uti à quibusdam falsò putatur, sacramenta.

*Zuinglius de sacramentis testimonium rei gestæ præbent. Vniuersæ enim leges, mores ac instituta, authores suos initiaq; prædicant.*

Interim agnoscimus hæc sancta sacra scripturæ testimonia, Qui confirmat nos unà uobiscum in Christo, & qui unxit nos Deus est: qui etiam obsignauit nos, deditq; arrham spiritus in cordibus nostris. 2. Corinth. 1. Item, Postquam credidistis, obsignati estis spiritu promissionis sancto, qui est arrhabo hereditatis nostræ in redemptionem acquisitæ possessionis in laudem gloriæ ipsius. Ephes. 1. Et iterum, Ne contristetis spiritum sanctum Dei, per què obsignati estis in diem redemptionis. Ephes. 4. Agnoscimus Dei ueritatem per se satis solidam, ueram & certam esse, nec aliunde quàm ex seipsa meliorem accipere cōfirmationem: nisi uerò undiq; animus noster cōfirmetur, fluctuat. Deus ergo se attemperat nostræ imbecillitati, & per sacramenta quoq; quantum fieri potest, nos fulcit, ita tamen ut omne cōfirmationis beneficium referamus ad ipsum spiritum & eius operationē magis quàm ad elementum. Quemadmodum ergo doctrinæ atq; doctoribus cōfirmationem tribuimus, ita obsignationem sacramentis. Legimus autem in Actis cap. 14. & 18. Reuertebantur apostoli, & denuo confirmabant animos discipulorum, exhortantes, ut perseuerarent in fide. Rursum 1. Thess. 3. cap. Misimus, ait Paulus, Timotheū fratrem nostrum, & ministrum Dei, ut confirmaret uos & consolaretur. Cæterū nisi interior spiritus uis rapiat, & commoueat auditorum corda, nihil efficiet exterior doctoris quantumuis bene instructa oratio: si uerò exerat uim ac cooperetur, firmissimè corroborantur animi. Sic habet & negotium sacramentarium. Si enim desit interior unctio & cōsignatio spiritus sancti, actio exterior pro ludo ab incredulis habebitur, nec efficit tantillum sacramentorum

*Spiritus sanctus proprie obsignat.*



obsignatio: cum uerò præcessit fides spiritus sancti donum, firmissima est sacramentorum obsignatio. Rectè alij quoq; Si desit mentibus, inquit, spiritus sanctus, nihilo plus ipsa præstant quàm cæcis oculis iubar solis illustrissimum licet. Si uerò isti per spiritus illuminationē pateant, ualde afficiuntur diuino sacramentorū spectaculo. Et Zuinglius in libello ad principes Germaniæ, Nos non offendit, inquit, etiam si uniuersa quæ spiritus operatur, ad externū sacramentū referantur: dummodo symbolicè dicta, quomodo patres locuti sunt, intelligamus. Hæc ille.

*Incredulis nihil obsignans sacramenta.*

Et quamuis sacramenta incredulis nō obsignent promissiones, quibus diffidit, nihilo minus tamen sacramenta ut obsignent diuinitus instituta sunt. Non recipi doctrinam euāgelicā impius, ideo tamen nemo colligit, doctrinā à Deo non esse ad docendum institutā. Est qui obsignato diplomati nō credat: ideo tamen nō sequitur, diploma signatū fidei faciendæ aut confirmandæ non seruire. Ergo cū doctrina apud rebellem nihil efficit, cum sacramenta prophanum nihil mouent, neque quicquam prosunt impio, id sanè non instituentis, aut uerbi sacramentorum uel culpa fit, sed uitio incredulī. Per se interim instituta sunt, ut profint & obsignent, suūq; in sanctis sanctum usum & finem habeant. Hæc autē hactenus de prima sacramentorum uirtute attulimus, quod diuinæ ueritatis, adde & beneuolentiæ erga nos diuinæ testimonia, & sigilla sunt euangelicarum promissionum omnium, obsignantia, fidem esse iustitiam, & omnia Christi bona pertinere ad credentes.

*Sacramenta re præsentant res.*

EST & alius signorum sacramentalium finis & usus, quod uidelicet significant & significando repræsentant. Id quod superuacaneum esset pluribus approbare testimonijs, cum hoc omnibus sit manifestissimum, saltem ex præcedentibus. Est autem significare, indicare, notisq; & signis rem declarare aut demonstrare. Repræsentare uerò non significat rem ablatam quondam nunc rursus corporaliter, ut quidam nugantur, præsentem sistere, dare aut facere, sed similitudine & imitatione quadam referre, eamq; rursus reuocare in animum, & oculis uelut obijcere. Dicimus enim filium repræsentare uel referre patrem, cum uidelicet forma & morum similitudine patrem exprimit: ita ut qui hunc uidet, putet se ipsum patrem ueluti præsentem cernere.

*Sacramenta excitant & iuuant fidem.*

Et hac quidē ratione excitant & adiuuant sacramenta fidem nostram, dum uidelicet foris obijcitur nobis, quod animum impellit, excitat & cōmonefacit: imò illud ipsum quod animo iam dudum cōprehensum est, nunc etiam modo quodam sensibus, in similitudine, parabola, aut typo seu inuolucro, contemplandum uoluntandūq; mente, uisibiliter offertur, ut iam mutua inter se opera iuuētur. Similitudo ergo seu analogia signi ad signatum obiter & in transcurso hic consideranda est.

*De analogia in baptismo.*

Dixi superius Analogiam esse aptitudinem, proportionem & conuenientiam quandam signi ad rem significatam: ita ut hæc in illo quasi in speculo perspicitur. Exemplis res fiet illustrissima. Recipit ex mera gratia benignus dominus genus mortalium in omnium bonorum suorum cōmunionem, & adoptat fideles, ut iam non modò sint fœderati dei, sed etiā filij Dei. Id quod sancta baptismi actio, quæ uice signi aut ipsum signum est, euidentissimè omnium oculis repræsentando obijcitur. Adstat enim ad fontem sacrū dei minister, cui offertur baptisandus, qui ab ipso recipitur & baptizatur in nomen uel in nomine patris & filij & spiritus sancti. Nam utrunq; est inuenire, in nomen & in nomine. Porro baptizari in nomen domini, est in uirtutem & potentiam (significat enim nomen Dei potentiam) in gratiā, misericordiam, & auxilium Dei consignari, imò inseri, & Deo uelut agglutinari, dedicari, & incorporari. Baptizari in nomine dñi, est iussione aut imperio dei baptizari, ex cōmissione, inquā, dei patris & filij & spiritus sancti, recipi in-

confor

confortiū filiorum Dei, adeoq; & accenseri familiæ Dei, ut baptisati sint & dicantur Christiani, nominentur nomine Dei, appellati filij Dei patris, &c. Refert ergo locutio illius nonnihil, quod alibi legimus nomē dei inuocari super aliquo, quod perinde est, ac si dicamus, aliquem nomine Dei uocari, id est, seruum & filium Dei appellari. Ergo qui antea per gratiam inuisibiliter à Deo recepti sunt in confortiū Dei, illi idem uisibiliter iam per baptismum eidem Dei familiæ inscribuntur à ministro Dei: atq; ideo & nomen simul accipiunt, ut semper meminerint se Christo nomen in baptismo dedisse, uicissim & accepisse. Ad hunc modum refert per analogiam accommodatissimam ipsum signum rem significatam. Fit deniq; Baptismus per aquam. Aqua uerò in rebus humanis duplicem habet usum. Purgat enim sordes, hominemq; ueluti renouat: sed & potat ac refrigerat astuantem. Sic autē representat gratiam Dei, quum fideles suos emundat à peccatis, regenerat & refrigerat spiritu suo. Porro aspergit aut affundit potius aquam minister Christi, aut immeros extrahit ex aquis: qua re significatur Deum liberaliter dona sua effundere in fideles suos; significatur deniq; nos cum Christo sepeliri in mortem eius, & cum eodem resurgere in nouitate uitæ. Suffocat sinus Erythrei maris Pharaonem, transmittit autem populum Dei. Nam uetus Adam submergi ac extinguī, nouus de die in diem reuiuiscere & emergere debet. Pulchrè ergo baptismo representatur mortificatio & uiuificatio Christianorum.

*Nomina dare  
& accipere in  
baptismo.*

Iam in Cœna domini Panis & Vinum representant ipsum corpus & sanguinem Christi. Ratio huius hæc est. Vt panis alit & roborat hominem, uiresq; sufficit ad laborandū: Sic Christi corpus per fidem manducatū cibatur & satiat animam hominis, totumq; hominem ad omnia pietatis officia instruit. Vt uinum potat liantes & lætificat corda hominū: Sic sanguis domini Iesu haustus fide restinguit sitim astuantis conscientiæ, & gaudio ineffabili perfundit corda fidelium. Frangitur uerò in Actione Cœnæ panis domini: funditur uinum. Confractum enim, id est, modis omnibus afflictū est corpus saluatoris nostri, cruorq; largissimus per hiantia erupit & manauit uulnera. Ac nos ipsi quidem panem domini proprijs frangimus manibus. Nos enim ipsi in culpa sumus, quod ille atritus est. Peccata nostra uulnerauerunt illum, & nos ipsi crucifiximus eum; id est, ille propter nos, ut morte sua nos à morte liberaret, crucifixus est. Præterea accipimus in manus nostras panem, accipimus in manus nostras similiter & poculum: eo quod ille dixit, Accipite, edite, Accipite, & diuidite inter uos; nec reponimus, aut recondimus illa: neq; alijs modò porrigimus: sed accepta edimus & bibimus in nostra traicientes corpora, deinde uerò & alijs cōmunicantes offerimus. Qui enim legitime cœnam domini celebrant, non tantum credunt Christum passum esse, aut pro alijs non pro se passum esse: sed credunt illum pro ipsis esse passum, credunt Christum omnia bona sua ipsis liberalissimè communicare, adeoq; & communicasse. Ergo sicut alimentum panis & uini traiectum in viscera mutatur in humani corporis substantiam: ita Christus fide haustus à sanctis, ijs spiritu suo unitur, ut unum sint cum Christo, & hic unum cum illis. Et ut cibus splendide apparatus & conspectus duntaxat in mensa, non satiat: ita si audias magnificè tibi prædicari Christum, non autem credas tuum esse Christum cum omnibus bonis, nihil prodest quantumuis pulchrè instructa sit oratio aut mensa. Facit & ad amicitiam conciliandam, reparandam & conseruandam, quod de uno pane participamus, quod panem offerimus fratribus, quodq; de manu fratrum poculum accipientes bibimus. Non enim aliam ob causam uidentur ueteres Cœnam appellasse Synaxim. Verū ea de re dicemus nonnihil aliàs. Ista uerò exempli gratia de Analogia

*De analogia in  
negotio Cœnæ.*

*Synaxis.*



signi & signati attuli, plura dicturus, nisi hæc diligentibus satis esse considerem. Occasionem enim plura atq; maiora cogitandi inueniendiq; suppeditaui.

*Quomodo sacramenta fidem excitent.*

Ex hac autem perfunctoria analogiæ tractatione perspicuū esse arbitror, quomodo sacramenta excitent, & adiuuent fidem sanctorum. Nam dum animus Dei beneficia, Christi benedictionem, redemptionem, & dona alia comprehendit & uoluit, dum ijs magna cum uoluptate spiritus fruitur, dum in his gestit & exultat, accedunt foris iam & sacramenta, quæ oculis adeoq; omnibus incurrentia sensibus, uisibiliter ea repræsentant, quæ animus internè comprehendit, agit & uoluit. Quoniam enim tota actio, quæ uerbis & ritu constat, signo accensetur, uidens oculi symbola & omnia quæ in tractatione symbolorum geruntur, quæ quasi loquuntur omnia. Audiunt aures uerba & instituta Christi. Tactus & Gustus sentiunt & ipsi, quàm suauis & bonus sit dominus: ut iam totus homo uelut corpus & anima in cælum raptus, fidem excitari iuuariq; fructū deniq; ex fide in Christum suauissimū sentiat atq; percipiat. Hæc omnia in credentibus locum habent, apud incredulos inanimata manent signa: ergo fidei & spiritus in legitimo usu sacramentorum operantis uirtute illa fiunt, sine fide & spiritu sancto non sentiuntur. Non dissimilis energia est & in prædicatione uerbi dominici. Cum enim hoc

*Energia in prædicatione uerbi Dei.*

adhibitis parabolis, paradigmatis ac per hypotyposim proponitur auditoribus, si in animo reluceat spiritus fidesq; his res expositas non audire modò, sed & coram cernere sibi uidentur. Qua ratione arbitror Paulum dixisse, O stulti Galatæ quis uos fascinauit, ut nō crederetis ueritati? quibus præ oculis Iesus Christus ante fuit depictus, inter uos crucifixus. Nullibi enim uel pictum uel crucifixum constat Christum apud Galatas: loquitur ergo de euidencia sermonis, qua res dicuntur quidem, sed energia oculis etiam quodammodo subiiciuntur. Eadem est ratio & in sacramentis, quæ eò nomine à priscis appellata fuere uerba uisibilia.

*Zuinglius de sacramentis fidei fulcimentibus.*

De his ad hunc modum disseruit Zuinglius in libello ad Principes Germaniæ contra Eggium, Nōne cupit fidelis, ubi fidem labi senserit, fulciri & in locū restitui? Id autem ubi gentium commodius, quàm in ipsa sacramentorum actione inuenturum sperare poterit, quantum ad omnia sensibilia attinet? Esto enim, omnes creaturæ inuitent nos ad contemplationem numinis: at omnis ea inuitatio muta est: in sacramentis uerò uiua & loquens inuitatio est. Loquitur enim dominus, loquuntur & elementa: atq; idem loquuntur & suadent sensibus, quod mentis sermo & spiritus. Adhuc tamen hæc uisibilia omnia nihil sunt, nisi spiritus sanctificatio præcedat. Hæc copiosius tradit primū quidem in Annotationibus suis ad 27. cap. Ieremiæ; deinde in Expositione fidei ad regem Christianum.

PRAETEREA legimus sanctum Augustinum contra Manichæos disputantem libro contra Faustum 19. capite undecimo dixisse. In nullum nomen religionis seu uerum seu falsum coagulari homines possunt, nisi aliquo signaculo uel sacramentorum uisibilium consortio colligantur, &c. Hanc Augustini sententiam ex scripturis petita agnoscetes, de sacramentis docemus, his nos colligi ac colligari in unitatem corporis Christi, segregariq; ab omnibus alijs religionibus consortijs & societatibus: adde iisdem nos ceu iureiurando obstringi in unius dei cultum uerum, inq; unam religionem synceram, in quam nos consentire cum omnibus qui communicant sacramentis, palam profiteamur. Vbi illud maxime obseruandum uenit, collectionem aut colligationem in unitatē corporis Christi, duplicem habere respectum. Vel enim cum Christo coniungimur, utis in nobis sit, nos in ipso uiuamus. Vel copulamur cum omnibus Christi membris, nempe cum fidelibus Christi, cum ipsa inquam ecclesia catholica. Porro Christo connectimur

*Cōiunctio cum Christo & cū Ecclesia.*

spiritu

spiritu & fide. Ecclesie uero aut membris Christi coniungimur per fidei spiritusque unitatem & uinculum charitatis. Quae quidem omnia interna spiritus dona sunt, quae gratuito nobis per solum conferuntur Dominum, non per ulla creaturas, non per ulla elementa. Sacramenta itaque inserunt nos uisibiliter consortio Christi & sanctorum eius, qui inuisibiliter quidem per ipsius gratiam inserti fueramus, priusquam sacramentis participaremus: participatione autem nunc aperimus & manifestamus, cuius corporis membra simus atque esse uelimus, Domino signis aut notis suis per ministerium nos uisibiliter quoque pro sua familia proque suo populo signante. Id quod scripturis iam plenius illustrabimus.

Qui olim ex uisfœderis, ex gratia, misericordia, & promissione Dei, populus Dei erat, circumcisione uisibiliter colligebatur in unam ecclesiam & unius corporis compagem. Apostolus enim Paulus ad Ephesios, Mementote, inquit, quod uos quondam gentes in carne uocabamini praeputium, ab ea quae uocatur Circumcisio, quae circumcisio manibus fit: quod inquam eratis in tempore illo sine Christo, ab alienati à republica Israelis, & extranei à testamenti promissionis, &c. Ex quibus facile quoque intelligitur, & uomodo circumcisione segregati sint ab alijs religionibus & societatibus Iudaei: quodque circumcisio alibi hanc ob causam ponitur pro ipsis circumcisis: & cur Incircumcisi uocabulum probro datum sit. Habebantur enim incircumcisi pro impijs impurisque hominibus, quibus nullum erat consortium, nulla pars aut hereditas cum Deo & sanctis eius. De Baptismo qui in locum Circumcisionis substitutus est, dicta sunt quaedam in praecedentibus. Sed & Apostolus significantissime, Quemadmodum, inquit, corpus unum est, & membra habet multa: omnia uero membra corporis unius multa cum sint, unum sunt corpus: sic & Christus. Etenim per unum spiritum nos omnes in unum corpus baptizati sumus, siue Iudaei, siue Graeci, siue serui, siue liberi: & omnes unum spiritum hausimus. Obstringimur ergo baptismi sacramento in unitatem corporis Christi, ita ut hoc rupisse uinculum & in aliud concessisse consortium religionis & societatis, sacrilegium atque proditio rite uocetur. Huc respexisse uidetur Apostolus, cum interrogaret Corinthios, An non in Christi nomen baptizati estis? Innuens utique baptizatos in nomen Christi palam iurasse, fidemque suam coram Christi ecclesia obstrinxisse, ut iam nec possint, nec debeant de ullo alio quam Christi nomine gloriari, in cuius familiam recepti sint per baptismum. Sic inquam baptismo separamur ab omnibus alijs religionibus, & Christianae duntaxat consecramur.

Similis per omnia locus est de Coena Domini apud eundem in 1. ad Corinth. cap. 10. Cum enim Apostolus Corinthiis demonstrare uellet, ab omni pietate alienum, indignum & sacrilegum esse, Christianos in idolorum templis ad idolothyta accumbere sacrisque gentilitijs communicare, à ratione & natura sacramenti Coenae Dominae argumentans, Fugite, inquit, à simulachrorum cultu. Ut prudentibus loquor: iudicate uos quod dico. Poculum benedictionis quo benedicimus, nonne communio sanguinis Christi est? Panis quem frangimus, nonne communio corporis Christi est? Quoniam unus panis, unum corpus, multi sumus. Nam omnes ex eodem pane participamus. Videte Israelem iuxta carnem. Nonne qui edunt uictimas consortes altaris sunt? Quid ergo dico, quod simulachrum aliquid sit? Aut quod immolatum simulachris aliquid sit? Illud potius dico, quod quae immolant gentes, demonijs immolant & non Deo. Nolim autem uos consortes demoniorum esse. Non potestis poculum Domini bibere, & poculum demoniorum. Non potestis mensae Domini participes esse, & mensae demoniorum,

Mm

*Sacramentis uisibiliter colligimur in unam religionem, separamur ab alijs.*  
Eph. 2.

Philip. 3.  
Rom. 15.

1. Corinth. 12.

1. Corinth. 1.

*Exponitur locus Pauli 1. Corinth. 10. Panis quem frangimus.*



# DE SACRAMENTIS.

Mos sacrificandi  
Corinthiorum.

communio pro  
cœtu.

Et cætera. Hæc enim omnia Pauli sunt : quæ cum instituto nostro mirificè conueniant, & clarissima sint, perstringam obiter. Principiò statum & scopum respondit, ad quem mox omnia sua dirigit. Fugite, inquit, simulachrorum cultum. Intelligit autem idololatriæ uocabulo, quicquid pertinet ad idololatriam, idolothytorum esum maximè. Si autem nescis quid sit idolothytum, scias uocem esse Græcam, qua Paulus in hac caussa utitur, ac significare idolo sacrificatum, aut sacrificio publicè idolo consecratum. Fuit autem in usu Corinthiis sacrificare ad aras deorum suorum in idoleis, id est, idolorum templis, ac ad sacrificia illa sua uocare Christianos : hi uerò accedentes accumbebant ad idolothyta, promiscuè edentes cum idololatriis, existimantes id extra omnem culpam fieri posse, quòd Euangelica lucè coruscante clareret, neq; idolum, neq; ipsum Deum, quem representabat idolum, & idcirco ne idolothyta quicquam esse aliud, quàm nomina inania, res uanas & nihili. At contra hos Paulus ab 8. cap. usque ad 11. disputans, docet à Christianis esse alienissimum sacris communicare prophanis : ac dicit, Loquar uobiscum ut cum prudentibus, qui uestigijs aliquot commonstratis, ipsi uestri ingenij perspicacia, quid uerum, quid falsum, quò deniq; uobis inclinandum sit, intelligitis. Deinde semina quædam argumentorum spargit, quæ illi mox sua excutientes industria, excolant. Qui, inquit, cœna Domini (in qua panis Domini frangitur, poculumq; Domini hauritur) participant, eiusdem sunt communionis, cœtus, aut corporis cum Domino. Nam *κοινωνία*, quo uerbo hîc utitur Paulus, & quod uerterunt interpretes Communio uel communicatio (quanquam melius sit communio quàm communicatio : sicuti & in Germanica uersione melius est *gemeind* quàm *gemeinschaft*) non actiuè, ut sic dicam, pro distributione, exhibitione aut porrectione corporis Christi per ministrum : sed passiuè pro consortio & societate, pro corpore, inquam, ecclesiastico accipitur : uelut cùm ecclesia appellatur communio, id est, cœtus, collectio & societas sanctorum. Porro hæc appellatur *κοινωνία* siue communio corporis & sanguinis Christi, quia Christi corpore & sanguine redempta est, ac particeps Christi, uiuit per eundem. Nam ipse uiuit in sanctis, omnia sua uitæ dona ipsis communicans. Quòd autem participantibus cœna Domini sint corpus aut communio Christi, per subiectam rationem declarans dicit, Quia unus panis, unum corpus multi sumus. Cui mox & aliam rationem expositionis caussa illustriorem suppingit, Nam omnes ex eodem pane participamus. De uno, inquit, pane participant, palàm testamur nos eiusdem corporis esse consortes cum Christo & omnibus sanctis. Quibus pulchrè ad analogiam respexit. Vt enim ex multorum granorum adunatione, sicut Cyprianus ait, unus fit panis : ut de botris siue acinis plurimis uinum confluit : ita ex multis membris coalescit corpus ecclesiæ, quod est corpus Christi. Veniunt autem in his Pauli uerbis hæc obseruanda. Principiò, quòd nunc multitudinem signantiore uocabulo nuncupat, quod prius communionem appellauit. Est ergo communio nihil aliud, quàm multitudo siue cœtus. Dixit enim, Panis est communio corporis Christi : iam uerò dicit, Nos multi sumus unus panis, unum corpus. Multi, inquam, id est, nos omnes, qui sumus multitudo & ecclesia, Christi corpore tradito & fuso sanguine redempta. Deinde, Multi, inquit, unum corpus sumus : non dicit, Vnum corpus efficimur. Nam non primùm per sacramentorum participationem (quod iam sæpius inculcamus) inserimur corpori Christi : sed qui inserti eramus per gratiam inuisibiliter, nunc etiam uisibiliter consecramur. Rursus ex simili sacramentorum ratione, siue per exemplum scripturæ à sacramentis populi ueteris petitur, demonstrat sacris participantibus unum esse corpus,

corpus, & cum eo cui offerunt, & cum ijs quibus cum offerunt, aut cum quibus de idolothytis edunt. Contemplamini mihi, ait, Israelitas, carnales adhuc uictimas offerentes. Nonne qui edunt uictimas *κοινωνοι*, id est, communicatores, socij siue consortes sunt sacrarij aut aræ? Complexus est autem uoce sacrarij aut aræ (*θυνοσίου* habet) quicquid ad cultum & religionem Dei Iudæorum pertinet: ut sit sensus, An non omnes illi unum corpus sunt, una communio, unus populus, & cum Deo Israelis, & cum populo eius, qui edunt de uictimis Deo Israelis, à populo Israelitico immolatis? Quasi dicat, Nemo est qui id nesciat, aut neget, cum confellum & manifestum sit apud omnes. Ex his sua sponte colligendum relinquit Corinthijs, Proinde qui sacramentis communicant ethnicorum, unum corpus & una sunt communio cum dijs ethnicorum & ethnicis sacrificantibus. Iam per occupationem interponit, Propterea autem non dico, quòd idolum aliquid ualeat, aut idolothytum aliquid diuinæ maiestatis habeat. Quibus mox addit, Hoc autem sentio, quòd quæ gentiles sacrificant, non Deo sed diabolo sacrificant. His intulisset legitime, Ergo si uos perrexeritis participare de idolothytis, eritis certè unum corpus & una cõmunio, & cum ipso diabolo, & cum omnibus membris eius. Sed quia hoc acerbius à multis fuisset exceptum, reponit aliud paulò lenius & ciuilius, ac dicit, Nolui autem uos *κοινωνους*, id est, communicatores seu socios & consortes esse dæmoniorum. Post quæ mox collatis partibus contrarijs summam rei infert, ad quam omnia dīrexit, & ait, Non potestis poculum Domini bibere, & poculum dæmoniorum. Non potestis mensæ Domini participes esse, & mensæ dæmoniorum. Sacramenta itaque separant nos ab omnibus alijs cultibus & religionibus, & obstringunt, atque consecrant, adeoq; & incorporant nos uni Deo uero & synceræ religioni Christianæ. Quoniam ijs participantes palam profiteamur nos esse membra Christi, quæ nemo sanus tollit & facit fornicationis & idolorum membra.

*Membra diaboli sunt participantes sacris illegitimis.*

Huc pertinet, quod Zuinglius in Expositione fidei Christianæ ad regem Christianum, Sacramenta, inquit, uice iurisiurandi sunt. Nam & Sacramentum Latine pro iureiurando usurpatur. Qui enim unus eisdemq; sacramentis utuntur, una quædam gens & sancta coniunctio sunt: in unum corpus, inq; unum populum coeunt: quem qui prodit, periturus est. Populus ergo Christi cum eius corpus sacramentaliter edendo in unum corpus coniungitur: iam qui perfidus est, attamen sese huic societati audet insinuare, corpus Christi prodit, tam in capite quàm in membris, &c. Hæc ille.

*Zuinglium de sacramentis obstringentibus, &c.*

Ex his uerò omnibus nullo negotio intelligere licet, quomodo sacramenta nos nostri admoneant officij: maxime si obseruemus in Apostolorum literis, quomodo ex ratione sacramentorum suas exhortationes instituerint Apostoli. Vbi denuo analogia considerata, plurimum habet & lucis & uirium. Nos in transcurso quædam huius generis attingemus. Putantur arbores, resecanturq; ex ipsis arida, sterilia & superuacanea: itaq; circuncisione admonebantur circuncisi omnia ea cultro spiritus resecare, quæ ex carne contra legem Dei enascuntur. Huc respexit Moses, cum in Deut. dixit, Circumcidite præputium cordis uestri, & ceruicem uestram amplius ne induretis. Quem imitatus Ieremias in cap. 4. Circumcidimini Domino, & auferte præputia cordis uestri, &c. Quæ uerò de paschate celebrando tradidit Apostolus, planiora sunt quàm hic referri debeant. Et nos de illis omnibus copiose disseruimus Decadis 3. Sermonem 6. Idem Apostolus in epistola ad Romanos, An ignoratis, inquit, quòd quicumq; baptizati sumus in Christum Iesum, in mortem eius baptizati sumus? Sepulti ergo sumus unà cum

*Sacramenta fideles sui admoneant officij.*

*Deut. 10.*

*1. Corinth. 5.*

*Rom. 6.*



illo per baptismum in mortem: ut quemadmodum excitatus est Christus ex mortuis per gloriam patris, & ita nos in nouitate uitæ ambulemus. Et cætera. Admonemur ergo baptismi mysterio, ut renunciemus satanæ & mundo, ut mortificemus carnem nostram, sepeliamusque ueterem Adamum, quò nouus in nobis homo per Christum resurgat. Porro Cœna Domini admonet nos charitatis fraternæ, & unitatis cum omnibus membris Christi: admonet nos puritatis & synceritatis in fide: ut quoniam palam professi sumus nos cum Christo, & omnibus membris eius adunatos esse, diligentissimè etiam curemus, ne perfidi simus in Dominum Christum & ecclesiam eius, ne nos peregrinis contaminemus sacris: admonemur etiam gratitudinis, ut laudemus gratiam eius, qui nos redemit, iuxta illud, Quotiescunq; de pane illo ederitis, & de poculo hoc biberitis, mortem Domini annuntiabitis donec uenerit.

1. Corinth. 11.

Atque hæcenus differui de uirtute, sine, & effectu sacramentorum: quia tantum, opinor, tribui, quantum debui, id est, quantum ex scripturis demonstrari potest. Instituta sunt Christi, non ergo amant laudes fucatas & alienas: satis laudum habent, si eas habent, quas ipsis institutor eorum Deus & summus ecclesiæ catholice Pontifex Iesus Christus tribuit.

QVONIAM uerò fidei toto hoc libro creberrima facta est mentio, paucis ostendam porro sine fide non prodesse sacramenta, rursus fide illa percipientibus non esse superuacanea. Hoc enim uidetur adhuc ad plenam sacramentorum explicationem considerationemque pertinere. Sine fide non prodesse sacramenta, facile est ostendere. Dictum est enim sacramenta esse appendices & sigilla Euangelicæ prædicationis. Cæterum si prædicatione Euangelica audiatu citra fidem, non modò nihil prodest ad uitam, sed cedit magis ad iudicium, ipso Domino attestante atque dicente, Si quis audierit uerba mea, & non crediderit, ego non iudico eum. Veni enim ut seruem, non ut iudicem mūdum. Sermo quem locutus sum, ille iudicabit eum in extremo die. Sermoni Dominico quadrat hic Apostolicus, Annunciatum est nobis Euangelium, quemadmodum & patribus. At non profuit illis audisse sermonem, quòd is non esset fide cōiunctus ijs qui audierant. Quis iam usque adeò stupidus sit, ut non colligat sacramenta sine fide inutilia esse, præsertim cū idem Apostolus dicat, Quisquis edierit panem hunc, aut biberit poculum Domini indigne, reus erit corporis & sanguinis Domini: Omnis autem dignitas nostra coram Deo fide constat, eodem Apostolo rursus ex propheta dicente, Iustus fide sua uiuet. Item patres fide meruerunt testimonium. Quò & illud pertinet, quod in Euangelio legitur, Qui inuitati fuerant, non erant digni: unde consequens est dignitatem fideli constare obediētia. Huc referenda puto exempla, quorum etiam superius non semel mentio facta est, Patres nostri omnes baptizati sunt, & omnes eandem ederunt escam spiritualem, sed quidam ipsorum displicuerunt Deo. At Paulus iterum, Sine fide, inquit, impossibile est placere Deo: unde sine fide nihil proficiunt sacramenta. Notissima sunt Simonis magi & Iudæ proditoris exempla, quorum ille tinctus, hic Cœnæ adhibitus, fructu caruerunt omni: quoniam fidem ueram non habuerunt.

sine fide non  
prodesse sacra-  
menta.  
1. Cor. 11.

Hebr. 4.

Rom. 1.

Hebr. 11.

Matth. 22.

Hebr. 11.

Augustinus docet sacramenta sine fide esse inutilia sumentibus.

His diuinis & luculentis testimonijs adiungemus iam aliquot S. Augustini locos. Is contra Faustum lib. 19. cap. 12. Petrus ait, Baptismus nos saluos facit: & ne sufficere putarent uisibile sacramentum, per quod habebant formam pietatis, & per malos mores perditæ uiuendo uirtutem esus abnegarent, continuo subiicit, Non carnis depositio sordium, sed conscientia bonæ interrogatio. Item contra literas Petilianæ lib. 2. cap. 7. Non ideo, ait, putandi sunt esse in Christi corpore, quòd

re, quod est ecclesia, quia sacramentorum eius corporaliter participes sunt. Illa enim & in talibus sancta sunt, & eis indignè tractantibus & sumentibus ad maius iudicium ualebunt. Ipsi autem non sunt in illa ecclesiæ Christi compage, quæ in membris Christi per connexum & contactum crescit in incrementum Dei. Illa quippe ecclesia in petra est: sicut Dominus dicit, Super hanc petram ædificabo ecclesiam meam: illi autem in arena ædificant: sicut idem Dominus dicit, Qui audit uerba mea, & non facit ea, similabo eum uiro stulto. Et rursus Tractat. in Ioan. 13. Non aliquid prosunt syllabæ nominis Christi & sacramenta Christi, ubi resistitur fidei Christi. Fides autem Christi & sacramenta, est credere in eum, qui iustificat impium, credere in mediatorem, sine quo interposito non reconciliamur Deo. Hactenus August.

Obijcitur, si sacramenta sine fide nostra non prosunt, pendent ergo à nostra dignitate uel indignitate, ut integra non sint inter malos & infideles. Respon- *Sacramenta non pendent à nostra dignitate uel indignitate.* deo, Per se quidem sacramenta ex institutione diuina satis rata & firma sunt, nec pendent ipsorum integritas ex conditione communicantium, ut uel meliora sint inter bonos, deteriora inter malos. Manet enim firmum & integrum, quod instituit Dominus, retinetque institutionem suam bonam semper, utcunque uariant & perduelles sint homines. Nam Apostolus, Num incredulitas illorum, inquit, fidei Dei faciet irritam? Absit. Imò sit Deus uerax: omnis autem homo mendax. Verum attigimus hoc negotij non nihil & in superioribus. Quia tamen aliud est offerre, aliud accipere, offert quidem Deus ex bonitate sua bona dona sua hominibus in hoc, ut prosit ipsis & seruet eos: quemadmodum & medicus ægroto offert medicinam, ut sanet: quoniam uerò ineptus ac uas sanus beneficium non agno scit, & ægrotus medicinam oblatam respuit, nihil prodest oblatum beneficium inepto, neque ualet quicquam medicina repellenti: non culpa offerentis, beneficii, aut medicinæ, sed repellentis uitio. Ad hunc modum disputauit hac de re & sanctus Augustinus. Nam de Baptismo contra Donatistas lib. 3. cap. 14. Nec interest cum de sacramenti integritate & sanctitate tractatur, quid credat, & quali fide imbutus sit ille, qui accipit sacramentum: interest quidem plurimum ad salutis uiam, sed ad sacramenti quæstionem nihil interest. Item contra literas Petiliani lib. 2. cap. 47. Memento, inquit, sacramentis Dei nihil obesse mores hominum malorum, quò illa uel omnino non sint, uel minus sancta sint: sed ipsis malis hominibus, ut hæc habeant ad testimonium damnationis non ad adiutorium sanitatis. Idem Tractat. in Ioan. 26. Si carnaliter accipis, ait, spirituale esse non desinit, sed tibi non est.

Eadem facilitate diluitur, quod obijcitur, infantibus non profuturum baptismum, si perrexerimus asserere sine fide non prodesse sacramenta: infantulos enim non habere fidem. Sic illi loquuntur. Respondemus enim principiò, baptismum infantum gratuita misericordiæ & gratiæ Dei inniti, dicentis: Ero Deus tuus & seminis tui. Item, Sinite paruulos uenire ad me, talium enim est regnum Dei, &c. Numerantur ergo censenturque infantes ab ipso Domino inter fideles, ut his iam baptismus debeatur, quatenus debetur fidelibus. Imputatione enim Dei fideles sunt infantes, Quo nimirum pertinet hoc saluatoris dictum, Qui offenderit unum de pusillis qui in me credunt, &c. Manifestè enim appellat pusillos credentes: certe propter imputationem, non propter confessionem, quæ nulla adhuc est in pusillis. His accedit & illud, quòd pater infantuli ideò cupit signo populi Dei, baptismo, foetum suum insigniri, quia credit promissionibus Dei, infantulum uidelicet suum esse de familia Dei: est itaque in infantium baptismo fides.



Atqui non credit pater. Esto. Neque uero id fraudi est infantulo. Nam in fide ecclesie affertur ad baptismum. Credit autem ecclesia infantes adducendos esse ad Dominum; credit istos esse de familia & populo Dei, ergo initiari mysterijs iubet: ut rursus in baptismo paruulorum inuenias fidem. His addit sanctus Augustinus de Peccatorum meritis & remissione lib. 1. cap. 19. dicens, Propterea fideles recte dicuntur pueri, quoniam fidem per uerba gestantium quodam modo profitentur. Plura is eadem de re disputat in Epistola ad Bonifacium, quae ordine est 23. à quo qui plura cupit, petat.

Cæterum hæc omnia, inquiunt, non euincunt, infantes habere fidem propriam. Nam aliena fides est fides parentum, gestantium, aut fides ecclesie. Esto. Certissimum tamen illud est, quod Dominus infantulos inter suos, hoc est, inter fideles numerat: ut iam non tantum in aliena fide baptizentur, sed in propria, quam uidelicet ipsis imputat Dominus. Præterea alienum non est, quod eidem corpori commune est. At sunt in eodem corpore ecclesiastico infantes, unde ipsis proprium non alienum est, quod ecclesie est. Neque uero quisquam hominum facile dixerit, quos præterea habeant motus spiritus sancti infantes, &c. Quia enim Dei sunt, spiritum Dei habent: quem qui non habent, Dei non sunt, Rom. 8.

*Sacramenta sine fide habentibus non esse superuacanea.*

Vt autem in sinistram nimium declinant, quibus uisum est, sacramenta etiam sine fide prodesse sumentibus: ita in dextram nimium recedunt, qui putant, eadem fidem habentibus esse superuacanea. Fides, inquiunt, plenè absoluit nos, ut post illam nihil possint addere sacramenta, idcirco necesse est ipsa esse inutilia. Tales quondam fuisse leguntur Messaliani, qui & Euchistæ & *quædam* appellantur, diuini, si dijs placet, & afflati numine. Contendebant enim fidelibus post spiritum sanctum acceptum, nullis opus esse sacramentis. Cæterum sunt isti in Deum ipsum iniurij, qui uidelicet sacramenta instituit fidelibus, non sine magna causa, nec inutiliter. Et Abraham quidem credidit Deo, id quod ipsi imputatum est pro iustitia, amicusq; Dei iustus & sanctus, non utique sine spiritu sancto, habitus est: at idem ille circumcisionem accepit, signaculum iustitiæ fidei quæ fuerat in præputio. Eidem Abraham dicitur, Masculus cuius præputij caro circumcisa non fuerit, delebitur anima illa de populo suo: quia pactum meum irritum fecit. Certè angelus Domini eadem intentans imminet Moysi, quod circumcisionem iustus æquo, uel sua negligentia, uel Madianiticæ uxoris culpa, in liberis suis distulisset. An uero quisquam iustior & sanctior inuenietur Dei filio, utpote qui plenitudine spiritus accepta, ut caput, de illa in sua membra diffudit liberalissimè: attamen hic uenit ad Baptistam, & postulat ab eo baptizari in Iordane; cumq; is tergiversaretur ac diceret, Mihi opus est abs te baptizari, & ego te baptizarem: audit, Sine modò, sic oportet nos omnem implere iustitiam. Iustitia certè cuique suum tribuit. Fides ergo quæ Christianorum iustitia est, tribuit gloriam Deo, creditq; hunc summè sapientem bene uelle hominibus, atque ideo nihil inutiliter instituisse, sed omnia in salutem suorum fidelium: utitur ergo omnibus Dei institutis homo fidelis absque disputatione ac contradictione. Nec quisquam hinc, opinor, dixerit nihil ad se pertinere factum Christi, quo utique nobis exemplum prætulit, quod imitemur. Imò quod ipse fecit, alios quoque facere iussit, dum discipulos amandaret & diceret, Ite in orbem uniuersum, & prædicare Euangelium omni creaturæ, baptizantes eos in nomine patris, &c. Qui enim crediderit, & baptizatus fuerit, saluus erit: coniungens utiq; & fidem & baptismum, quod haud dubiè non fecisset, si sacramenta superuacanea essent, ubi fides est. Vbi manifestè claret & illos errare toto cælo, qui arbitrantur sacramenta esse in-

*Exod. 4.*

*Matth. 3.*

*Sacramenta non sunt indifferentia.*

*disse-*

differentia, hoc est, in nostro constitutum arbitrio, siue illis utamur, siue non utamur. Nam ut de baptismo iam apertum præceptum audiuius: ita Coenam insituiens & celebrans dominus ait, Hoc facite in mei commemorationem. Qui ergo hæc Dei præcepta contemnit, non uideo quomodo fidem habeat, qua inuisibiliter sanctificari possit. Huc iam pertinet, quod fidelis ille princeps Æthiopicus confitetur, se toto corde credere in dominum Iesum, nihilominus tamen uisa aqua dicit, Ecce aqua, quid uetat quo minus baptizer? Non dicit, Credo toto corde, & sentio me iustificatum esse atque purgatum, quorsum ergo aqua abluerer, qui nihil sordium habeo reliquum? Proinde ubicunque uera fides est, ibi non contemnantur aut repelluntur, sed petuntur magis sacramenta. Nam & Cornelius Centurio accepto spiritu sancto non contradicit Petro dicenti, Quis iam prohibere potest, quo minus baptizentur aqua hi, qui perinde ut nos spiritum acceperunt? Fidelis erat euangelij præco Petrus, peritus ueritatis doctor, neminem ergo fallit, & suo nos facto docet, fidem tum maximè ad communionem sacramentorum incitare, cum uera est in fidelibus. Cui consentiens collega Paulus, Probet seipsum homo, inquit, & deinde edat de pane, & bibat de poculo hoc. At probatio illa fide fit: fides ergo sacramenta non respuit, sed perfidia.

Scio sanè plurimos citra usum uisibilium sacramentorum sanctificatos esse, & hodie quoque sanctificari: sed nullus illorum spreuit aut contempsit illa: necessitate adacti his non communicarunt, ut hodie sunt, qui sub tyrannide antichristi & Turcæ captiui tenentur, interea uerò toto corde credunt in dominum Iesum. Ergo horum aut similium exempla ijs nihil patrocinantur, quibus liceret communicare sacramentis, si instituta Dei curarent, tantique æstimarent, quanti facerent meritò. Ascribam hic in lectorum gratiam elegantem sancti Augustini de hac re disputationem, quod institutum nostrum pulchrè illustret. Quæstio. lib. in Leuit. 3. cap. 24. Meritò, ait, quæritur, utrum etiam inuisibilis sanctificatio, sine uisibilibus sacramentis, quibus uisibiliter homo sanctificatur, nihil prosit? Quod utique absurdum est. Tolerabilius enim quisque dixerit, sine illis istam non esse, quam si fuerit non prodesse: cum in ista sit omnis utilitas illorum. Sed etiam hoc, quod sine illis ista esse non possit, quomodo rectè dicatur intuemum est. Nihil quippe profuit Simoni mago uisibilis baptismus, cui sanctificatio inuisibilis defuit: sed quibus ista inuisibilis quoniam affuit, profuit, etiam uisibilia sacramenta perceperunt similiter baptisati. Nec tamen Moses qui uisibiliter sacerdos sanctificabat, ubi fuerit ipse uisibilibus sacrificijs uel oleo sanctificatus ostenditur: inuisibiliter uerò sanctificatum negare quis audeat, cuius tanta gratia præminebat? Hoc & de Ioanne Baptista dici potest. Prius enim baptifator quam baptisatus apparuit: unde eum sanctificatum nequaquam negare possumus: id tamen in eo factum uisibiliter non inuenimus antequam ad ministerium baptisandi ueniret. Hoc & de Latrone illo, cui secum crucifixo dominus ait, Hodie mecum eris in paradiso. Neque enim sine sanctificatione inuisibili tanta felicitate donatus est. Proinde colligitur, inuisibilem sanctificationem quibusdam adfuisse atque profuisse sine uisibilibus sacramentis: uisibilem uerò sanctificationem, quæ fieret per uisibilia sacramenta, sine ista inuisibili posse adesse, non posse prodesse. Nec tamen ideo sacramentum uisibile contemnendum est. Nam contemptor eius inuisibiliter sanctificari nullo modo potest. Hinc est, quod Cornelius & qui cum eo erant, cum iam inuisibiliter infuso sancto spiritu sanctificati apparerent, baptisati sunt tamen, nec superflua iudicata est uisibilis sanctificatio, quam inuisibilis iam præcesserat. Hæc ille.

*Sine uisibilibus sacramentis sanctificantur multi.*



*Cypriani error  
de sacramento  
baptismi.*

*Ioan. 6.*

**H** V I C disputationi affinis est & alia quaestio, An uidelicet sacramenta pen-  
deant à dignitate ministrorum, an eorundem indignitate impendantur? Cypria-  
nus non uno loco contendit, eos baptizare non posse, qui carent spiritu sancto.  
Qui error inde est, quòd baptisandi ministerio tribuit nimium. Arbitratur hoc  
homines purgari: colligit itaq; hominem impurum purgare non posse, ergo nec  
baptizare, baptismumq; hominis impuri non esse baptismum: unde tam deri-  
uat anabaptismum. Cæterum si uir sanctus ritè & religiosè distinxisset inter po-  
testatem & ministerium, deniq; inter signum & signatum, externam & internam  
sanctificationem, uidisset haud dubiè mera nos Dei gratia sanctificari inuisibil-  
ter, & internam illam sanctificationem extra per ministerium representari &  
obsignari: ibi intellexisset obsignatas literas non minus à malo quàm bono mini-  
stro proferri posse. Dei sunt sacramenta, ad Deum referenda auctorem, qui ue-  
rax & fidelis est in omnibus institutis suis, utcunq; fallaces sint homines. Quan-  
quam fur esset Iudas, docuit tamen & baptizauit, cuius doctrina & baptismus  
non minus Christi doctrina & baptismus erat, quàm Petri & Andreae, Iacobi &  
Ioannis. Ac de integritate quidem cùm doctrinae tum baptismi Iudae ministerio  
administrati, nemo dubitauit unquam, quasi nec docti nec baptisati fuerint, quos  
ille docuit & baptizauit, qui interim ab ipso domino non homo diabolicus, sed  
ipse diabolus appellatur. Nam non suo, sed Christi nomine baptizauit: non suam  
sed Christi doctrinam attulit. Deniq; dominus ex bonitate sua propter ueritatem  
suam, non propter Iudam, operatus est in fidelibus, quam operationem aliena in-  
felicitas & malitia impedire non potuit, sicut ne hodie quidem impedit. Conan-  
dum quidem nobis modis omnibus, ut sancti & innocentes sint ministri, quantum  
uidelicet nostra fide & industria indagare & efficere possumus: imò gradibus suis  
deiciamus, quos deprehenderimus se sua functione indignos gerere: interim ue-  
rò nihil dubitemus de sacramenti integritate, quod illi nobis dum in officio fue-  
runt, administrarunt, ea ratione uidelicet modoq; quo dominus instituit. Ac fide-  
les quidem ut animos suos non defigunt in elementa, ita neq; in ministros. Deum  
auctorem omnis boni & finem institutorum domini spectant unicè in omnibus.

Tractauit hoc negotium diligenter S. Augustinus, non inefficacia argumenta  
pulchrè his accommodans, cuius uerba ascribam. Libro contra Donatistas de Bap-  
tismo 3. cap. 10. Non est aqua prophana, inquit, aut adultera, super quam nomen  
Dei inuocatur, etiamsi à prophanis & adulteris inuocetur: quia nec ipsa creatura,  
nec ipsum nomen adulterum est. Baptismus uerò Christi uerbis euangelicis con-  
secratus, & per adulteros & in adulteris sanctus est, quamuis illi impudici sint &  
immundi: quia ipsa eius sanctitas pollui non potest, & in sacramento suo diuina  
uirtus asistit, siue ad salutem bene utentium, siue ad perniciem male utentium.  
An uerò Solis uel etiam lucernae lux cum per coenosa diffunditur nihil inde for-  
dium contrahit, & baptismus Christi potest cuiusquam sceleribus inquinari? Si  
enim ad ipsas res uisibiles quibus sacramenta tractantur animum conferamus,  
quis nesciat eas esse corruptibiles? Si autem ad id quod per illas agitur, quis non  
uideat non posse corrumpi: quamuis homines per quos agitur pro suis moribus  
uel pramìa percipiant uel poenas luant? Et cætera. Possem huius generis multa  
proferre, si putarem necessaria. Arbitror enim illis copiose & dilucidè satis decla-  
ratum esse, integritatem sacramentorum non æstimari dignitate uel indignitate  
ministrorum, sed Dei instituentis ueritate. Ei sit gloria & imperium in secula  
seculorum, Amen.

De sancto baptismo, quid, à quo, quando institutus, & quod aqua unus duntaxat sit. De baptismo ignis. De ritu baptismi, quomodo, à quo, & quibus conferendus sit. De baptismo obstericum, & infantibus sine baptismo decedentibus. De paruulorum baptismo, contra anabaptismum: & de virtute vel efficacia baptismi. SERMO VIII.

**R**ESTAT ut sigillatim differamus de sancto Baptismo, & de sacra Cœna domini. Id quod tanto succinctius fieri potest, quanto fufius iam diximus in genere de Sacramentis. Christus dominus aperiat vobis mentes, & dirigat linguam meam in gloriam & laudem nominis eius benedicti in secula.

Baptismus vox est à Græcis petita, qui utrunq; sicuti & Latini Baptismus & baptisma dicunt. Est autem baptismus tinctio, qua uoce libenter utitur Tertullianus. Significat enim *βαπτίζω* tingo uel intingo, & *βανίζω* immergo: unde & Baptizare usurpatur pro immergere, abluere uel lauare: & baptismata in scripturis ponuntur pro lauacris & purificationibus, sicuti claret apud S. Marcum in cap. 7. & apud Paulum Hebr. 9. cap. Eodem baptismate baptizari prouerbialiter dictum est, pro eo quod est eiusdem periculi uel mali consortem esse. Et baptizari sanguine, est perfundi sanguine.

Baptismum finiunt ferè symbolum esse purgationis nostræ, imò initiationis quo recipimur in Ecclesiam, ut inter filios Dei recenseamur. Copiosius uerò naturam eius describentes, dicimus baptismum esse actionem sacram, diuinitus institutam, ac uerbo Dei rituq; sacro constantem, quo Dei populus in nomine domini aqua tingitur, quo denique ipse dominus suam nobis purgationem representat & obsignat, in unum corpus congregat, & baptisatos sui admonet officij.

Circa hanc Baptismi descriptionē uidentur hæc potissimū esse considerata, Quis instituerit baptismum. Quibus rebus cōstet. Simplex ne sit, an in partes distrahatur. Quis sit ritus baptisandi traditus. Quis finis, quæue uirtus baptismi.

Instituit Baptismi sacramentum non homo aliquis, sed ipse Deus, licet per hominem, nempe Ioannem, qui ex eo Baptistæ nomen inuenit. Hoc ut intelligeremus, euangelistæ multis approbarunt nobis uocationem Ioannis fuisse celestem. Inde enim colligere possumus, ministerium eius esse diuinum. Quid quod ipse disertis uerbis, Qui misit me ut baptizarem aqua, inquit, is dixit mihi, Super quem uideris spiritum sanctum? &c. Ioan. 1. Sed & dominus noster in Euangelio innuens baptismum Ioannis non ex hominibus, sed ex Deo profectum esse, interrogat Phariseos, Baptismus Ioannis ex hominibus ne an ex cœlo erat? Proinde baptismum sancti etiam hodie accipiunt perinde ut ab ipsius Dei manibus, licet hominum ministerio baptizentur. Dominus enim spiritu suo suis assistens institutis, operatur in electis salutem. Vnde consequens est, per malum ministrum non impediri uirtutem aut effectum baptismi. De quo alias dictum est atq; dicetur.

Eo tempore uerò institutus est à Deo, & inceptus à beato Ioanne baptismus, quo hic palam prædicare coepit tempus impletum, & Christum orbi præstitum esse. Atqui re exhibita, signa rerum futurarum uel exhibendarum non manere, sed mutari in alia oportuit. Circuncisio autem fuit symbolum uenturi seminis benedicti, ipsius, inquam, Messiae, qui effuso sanguine benedictionem suam totimundo collaturus erat. Ergo cum hic uenerat, & iam iam effusus erat sanguinem, circuncisionem mutari oportuit in baptismum. De quo postea.

Constat autem Baptismus signo & re signata, uerbo uel promissione Dei, & quibus cōstet baptismum.



# DE BAPTISMO.

ritu sacro uel ceremonia. Signum est actio externa, ipsa, inquam, asperasio aquae in nomen patris, & filij, & spiritus sancti, cum inuocatione nominis diuini. Promissio uel uerbum Dei est, Baptisantes eos. Qui crediderit, & baptisatus fuerit, saluus erit. Et reliqua. De quibus Sermone v. i. abundè satis diximus.

*Vnum duntaxat  
baptismum.*

Pleriq; ueterum distinxerunt inter baptismum Ioannis Baptistæ, & baptismum Christi ac Apostolorum. Etenim negant aliqui remissionem peccatorum comprehensam fuisse baptismo Ioannis. Cæterum si diligenter inspiciamus, & expendamus scripturæ sanctæ doctrinam, deprehendemus Ioannis baptismum, & Christi, apostolorumq; unum atq; eundem esse. Certè doctrina Ioannis, Christi, & apostolorum, una & eadem est ubiq;. Omnes enim uno ore prædicant euangelium, & per hoc poenitentiam & remissionem peccatorum in nomine Christi. Conferat qui uelit ea quæ Ioannes euangelista tradidit de doctrina Ioannis Baptistæ primo & tertio capite: & ea quæ Lucas tradit in 24. cap. euangelicæ historiæ, & in Actis Apostolorum, de doctrina Christiana & apostolica, & dicet unam atq; eandem esse omnium doctrinam. Cæterum doctrinæ apponitur baptismus, ueluti sigillum tabulæ. Quis ergo credat eiusdem doctrinæ diuersa esse sigilla uel baptismata? S. Ioannes aqua baptizauit: non aliam materiam quàm aquam commendauit discipulis dominus, neq; hialiter quàm aqua baptizauerunt. Illi ipsi baptizauerunt in Christum, in poenitentiam & remissionem peccatorum. At de Ioanne baptista scribit S. Marcus, Baptizabat Ioannes in deserto prædicans baptismum poenitentiae in remissionem peccatorum. Et S. Paulus loquens de doctrina & baptismo Ioannis, Ioannes, inquit, baptizauit baptismum poenitentiae, populo loquens de eo qui uenturus esset post ipsum ut crederent, hoc est de Christo Iesu. Ex his uerò quis non colligat eundem omnino baptismum esse Ioannis & Christi: nisi fortè hoc uideatur alicui aliquid discriminis inducere, quod Ioannes in uenturum uel reuelandum baptizauit, apostoli in reuelatum. Sed non uideo tantillum temporis spacium quidpiam posse adferre discriminis: præsertim cum tantum ab initio prædicationis suæ Ioannes loqueretur de reuelando. Mox enim & præsentem digito demonstrauit, testimoniumq; exhibuit præsentis & reuelato, non uenturo amplius aut reuelando. Huic accedit quod Christus non alio quàm S. Ioannis baptismum tinctus est. Si autem baptismus Ioannis alienus esset à Christianæ ecclesiæ baptismum, consequeretur neque Christum in nostro, neq; nos in Christi baptismum baptizari. Atqui Christus baptismum Ioannis sanctificauit corpore suo, & in eandem societatem tingi nobiscum dignatus est, qui & ipsi tingimur hodie in baptismum, non Ioannis quidem, sed Christi, qui per Ioannem baptismum instituit, & ipse eundem consecrauit. Proinde dominus apud Matth. in 23. cap. & apud Marcum in 16. cap. non abrogat baptismum à Ioanne cœptum, non instituit nouum, sed eundem iubet continuare & conferre credentibus in nomen patris & filij & spiritus sancti.

*De baptismo  
Christi, qui est  
ignis.*

Quod autem ipse Ioannes dicit, Ego baptizo aqua, ille baptizabit spiritu sancto, non discreuit inter aquæ baptismum suum & Christi: sed Christo amplius quiddam tribuit, quod nullus hominum uel ministrorum (errarunt enim qui quondam baptizarunt igni) cum ipso commune habet, sed solus confert, nempe baptismum ignis, id est, singularia dona spiritus sancti, in primis autem usum linguarum sub specie ignis. Sic enim hoc negotium exponitur in Actis ab ipso primùm domino Christo, deinde per experientiam in Ecclesia. Dominus enim dicit, Ne discesseritis Hierosolyma, sed exspectate promissum patris: de quo audistis ex me, Quoniam Ioannes baptizauit quidem aqua: uos autem baptizabimini

*Acto. 1.*

zabimini spiritu sancto post dies hosce non multos. Et consequenter die ipso pentecostes baptismo Christi baptizati sunt, non aqua rursus, sed donati sunt spiritu sancto, insidentibus singulorum ipsorum capitibus dissectis linguis uelut igneis: & coeperunt loqui linguis diuersis. In Actis baptizati sunt baptismo Christi in aqua legitime & plene Samaritani ciues à Philippo: sed illi ipsi postmodum baptizantur peculiari baptismo Christi, dum per impositionem manuum Petri & Ioannis accipiunt spiritum sanctum. Non quòd hactenus prorsus caruerint dono spiritus sancti, (Quomodo enim sine spiritu sancto credere potuissent?) sed quòd præterea uisibili ignis baptismo sint baptizati, & linguarum donum acceperint, aliâq; dona excellentia. Sicut & de Cornelio legitur, qui primum quidem igne, Christi inquam baptismo peculiari baptizatus, linguis loquebatur, deinde uerò aqua tinctus est. Contra uiri illi Ephesij duodecim, primo Ioannis, adeoq; Christianæ ecclesiæ aquæ baptismo plene tincti, deinde uerò imponente eis manus Apostolo Paulo, non rursus aqua sed igne baptizati sunt, Luca testante & dicente, Venit spiritus sanctus super eos, & loquebantur linguis & prophetabant. Acto. 8.

Cæterum hic baptismus ignis & uisibilis exhibitio donorum disparuit una cum miraculis, nec hodie usitatus aut uulgaris est in Ecclesia: manet autem baptismus aquæ, qui unus atq; idem est, siue administretur Ioannis, siue Apostolorum, siue ministrorum Ecclesiæ diuersis manibus. Nam diuersæ manus non faciunt diuersa baptismata. Rectissime ergo credimus unum modò & simplex esse baptismum omnium temporum fidelium. Nam & Paulus disertis uerbis, Vnus, inquit, Dominus est, una fides, unum baptismum, unus Deus & pater omnium. Ephes. 4. Quo nimirum & hoc apostoli eiusdem pertinet, Gratias ago Deo quòd neminem uestrum baptizari, nisi Crispum & Caium, ne quis dicat quòd sub nomine meo baptizari. 1. Cor. 1. Huc ueritati Apostolicæ innixi patres Constantinopol. Synod. in symbolo suo confessi leguntur, Credo unum baptismum in remissionem peccatorum. Etenim una duntaxat est Ecclesia, unum corpus, unicum caput, & unus rex, princeps & pontifex catholica Ecclesiæ.

Venimus iam ad ritum baptismi explicandum. Simplex hic fuit ab initio, & nullis ceremonijs immoderatis ecclesiæ uel sumptuosus uel onerosus. Baptizauit Ioannes in Aenon iuxta Salim, quia aquæ multæ erant illuc: & baptizauit in nomen Christi. Sic fecerunt etiam Apostoli. Vnde indubitatum relinquitur optimam esse formam baptisandi, quæ sit aqua in nomen patris, & filij, & spiritus sancti. Sic enim præcepit dominus Matth. 28. Rogas qui factum sit quòd Lucas in Actis commemoret Petrum & Paulum baptizasse in nomen domini, & non exprimat eos baptizasse in nomen patris & filij & spiritus sancti? Respondeo sub nomine domini comprehendí trinitatis mysterium. Cum enim dominus dixerit, Ego & pater unum sumus, qui in dominum baptizatur, etiam in patrem baptizatur, ita & in spiritum sanctum, qui ab illis non diuiditur. Est enim amborum unus atq; idem spiritus. Vel certè in domini nomine baptizatos dixit Lucas ab Apostolis, quos apostoli baptizauerunt iuxta institutionem domini. Alij, Christus complementum est, inquiunt, & proprium obiectum baptismi: unde mirum non esse, quòd in nomen domini baptizarunt Apostoli, qui tamen iussu fuerant baptizare in nomen patris & filij & spiritus sancti. Omnia enim mysteria baptismi in unico nobis Dei filio proponi. Dicitur autem utrumq; Baptizare in nomen domini, & Baptizare in nomine dñi. Priore forma loquendi usus legitur Matth. cap. 28. & Lucas Acto. 19. Vterque enim habet eis ὄνομα in nomen. Et ita Derin baptis-  
mi.  
Ioan. 3.



Quid Baptizare  
rem nomine  
domini.

interpretatur etiam Tertullianus contra Praxeam dicens, Iussit tingi in patrem & filium, &c. Posteriore forma  $\eta\tau\omega\ \delta\iota\omega\mu\alpha\tau\iota$  &  $\epsilon\pi\iota\ \tau\omega\ \delta\iota\omega\mu\alpha\tau\iota$ , In nomine, utitur idem ille Lucas Acto. cap. 10. & 2. Porro quid sit Baptizare in nomen uel in nomine domini, dixi proximè præcedenti sermone, nimirum inscribi in familiam Dei, ut baptizatus recipiat iam nomen Dei, dicaturq; filius Dei, adeoq; inscribatur quasi in catalogum filiorum Dei, ciuium regni cælorum. Vnde & nomina nobis imponuntur uel dantur in baptismo, ut quoties nominari nos audimus, baptismi meminerimus & mysteriorum eius. Neq; nouum & alienum est à scripturis quòd nomina dantur nobis in baptismo. Ita enim usurpatum est & in Circuncisione, quod uidere licet Luca 2.

1. Cor. 14.

Quæritur præterea, An nudis hisce uerbis, Baptizo te in nomen patris & filij & spiritus sancti, baptizare oporteat, an aliquid addere uel coniungere liceat? Respondendum cenſeo, seruum domini nihil addere institutioni domini sui, sed diligenter retinere quod ille tradidit, diligenter item obseruare quid inter baptizandum ipse dominus cum apostolis suis fecerit, ac illa sanctè imitari, ut in Ecclesia omnia decenter & secundum ordinem, ita ut Paulus iussit, fiant. Cæterum post traditam illam baptizandi formam sanctissimam, cernimus duo apud sanctum baptisma & in eius usu esse obseruata. Principiò enim differuerunt apostoli & uiri apostolici significanter de promissionibus Dei, & fide in Christum. Id quod claret in Actis Apostolorum. Licet ergo in actione baptismi recitare diuinas promissiones, recitare symbolum, & requirere fidem, uel à baptizandis adultis, uel ab illis qui infantes afferunt ad baptismum. Deinde cum baptizaretur dominus in Iordane à Baptista, orabat. Id quod de eo tradit Lucas in historia euangelica. Licet ergo in usu baptismi orare & solenniter inuocare dominum. Ab initio moderatissimæ hæc & breues fuerunt, non in immensum extensæ preces: temporibus succedentibus nullus seruatus est modus, non modò in prolixis benedictionibus, sed & in uarijs ritibus, quos adiecit posteritas. De quibus aliquid ex ueteribus recitare non inutile prorsus fore uidetur.

Lucas 3.

Ceremonie o.  
Um baptismo  
adiecte.

Tertullianus in libello de Corona militis, Aquam adituri, ibidem, inquit, sed & aliquanto prius in Ecclesia sub antistitis manu contestamur nos renunciare diabolo & pompæ & angelis eius. Dein ter mergitamur, non (quidam omittunt non) amplius aliquid respondentes, quàm dominus in euangelico determinauit. Inde suscepti lactis & mellis concordiam prægustamus: exq; ea die lauacro quotidiano per totam hebdomadam abstinemus. Audimus in his abnegationem, uel abrenunciationem, ternam mersionem, lactis & mellis degustationem, & abstentionem balnearum à baptismo per integram septimanam. Libro primo contra Mart. meminit & olei. Certè Lac conuenit infantibus, quibus etiam adulti baptizati assimulantur. Præterea in ueteri testamento frequentissima est mentio promissæ terræ lacte & melle fluentis. Ea iam prægustanda baptizatis offerebantur, ut intelligerent se duce Iesu & transmissio Iordane in terram promissionis per spem infallibilem esse repositos. S. Hierony. lacti uinum additum testatur, & ait, Comment. lib. 15. ad Isaiam, Dominus prouocat, ut non solum emamus uinum, sed & lac: quod significat innocentiam paruulorum: qui mos ac typus in Occidentis ecclesijs hodie usq; seruatur, ut renatis in Christo uinum & lac tribuatur. Hodie neutrum tribuitur infantibus, etiam ab illis qui ueterum rituum seueri uindices uideri uolunt. Interim credunt suam illam omissionem carere piaculo. Iam etiam colligere licet ex 6. lib. Augustini de Bapt. contra Donat. cap. 24. uarias & liberas fuisse circa baptismum usurpatas preces. Idem contra

contra Pelagium & Celest. lib. 2. cap. 40. In pueris baptizandis, ait, prius exorcizatur & exufflatur potestas contraria. Cui etiam uerbis eorum à quibus portantur sese renunciare respondent. Eiusdem ritus meminit & in lib. 1. de Nupt. & concup. ad Valer. cap. 20. & lib. 2. cap. 18. In Ecclesiasticis dogmatibus dicitur illum ritum in uniuerso mundo sanctam obseruare ecclesiam. Rursus August. Epistola ad Bonifacium 23. dicit susceptores fidei iubere pro paruulis & confiteri fidem. Interrogamus, ait, eos à quibus offeruntur, & dicimus, Credit in Deum? (de illa ætate quæ utrum sit Deus, ignorat) respondent Credit: & ad cætera sic respondetur singula quæ geruntur. Idem lib. de Trinitate 15. cap. 26. etiam olei meminit quo inungebantur baptizati. Sequutus deinde multa post tempora Augustinum Rabanus Maurus Moguntinus Episcopus, multò plures baptismi ceremonias commemorat. Nam lib. de Instit. cler. 1. cap. 27. In fronte & corde signantur, inquit, baptizandi cruce, ut diabolus hoc signum uidens, uas illud à se alienatum sciat. Datur puero item benedictum sal in os: ut sale sapientiæ conditus, foetore careat iniquitatis, nec à uermibus peccatorum ultra putrescat. Tanguntur illius aures & nares salua, addita saluatoris uoce Ephatha, ut uirtute summi sacerdotis Christi aperiantur aures eius ad percipiendam Dei notitiam, & ad audienda mandata Dei. Hinc benedicitur puero & inungitur pectus eius oleo sancto: ut nullæ in eo inimici latentes reliquæ resideant. Post hæc in nomine sanctæ Trinitatis ter na mersione baptizatur. Et cap. 28. Baptizatus statim signatur in cerebro chrismate, sequente simul oratione, ut regni Christi particeps fiat, & à Christiano Christianus possit uocari. Et cap. 29. Post baptismum traditur Christiano uestis candida designans puritatem & innocentiam. Sed & hanc ob causam albis uestibus induebantur baptizati, quò meminissent se iam manumissos, & à seruis ac mancipijs diaboli liberos factos Iesu Christi. Erat præterea candidus color quondam uictoriæ consecratus & triumpho. Vnde uideri poterat uestem candidam ideò baptizatis datam, ut cogitarent sibi perpetuò dum hic uiuunt in terris esse pugnandum & uincendum in Christo. Nam militiæ est uita hominis super terram. Certè quòd donatiua baptizatis quoque dari coepere à susceptoribus uel patrinis, & ipsum petiuit uidetur à militiæ. Nam donatiuo seu authoramento (quod Heluetij nomenamus die ynbindeten) admonetur baptizatus datæ fidei in baptismo, ut semper sit memor quem deseruerit imperatorem, & in quæ castra transierit, in quibus fidem datam nouo imperatori Christo seruet. Multa alia huius generis apud postremi seculi scriptores consignata uolens transeo, ne uidear abuti uestra beneuolentia. Quis autem non intelligat & alia huius generis innumera quotidie posse affingi baptismis? Tutissimum ergo fuerit primis insistere beatorum Apostolorum fundamentis. Si enim uetustas uidetur his posterius inuentis patrocinari ritibus, quis negare audeat auctoritatem Apostolicam multis modis excellere? Nam Apostoli præcesserunt illos omnes, qui posterius adinuenerunt ac tradiderunt uarios illos in baptismo usurpandos ritus.

Venit & hoc in quæstionem. An aqua pura, an consecrata oporteat baptizare: & quare aqua iusserit Dominus baptizare? S. Cyprianus Epist. lib. 1. Epist. 12. Oportet mundari & sanctificari, inquit, aquam prius à sacerdote, ut possit baptismis suo peccata hominis, qui baptizatur, abluere. Cæterum plus apud me ualent scripturæ sanctæ exempla & testimonia, quàm S. Cypriani aut alterius hominis qualis qualis sit auctoritas. Errauit aliàs quoque optimus hic uir Dei in negotio baptismi, ut scripta eius cum iudicio legere oporteat. Scriptura tradit nobis Ioannem Baptistam, & Apostolos discipulosq; Christi fideles aqua non

An aqua non consecrata baptizandum.



consecrata baptizauisse. Quid enim clarius dici aut legi poterat, quam quòd Ioannes in Iordane baptizauit? Adde quòd ipsum Christum in Iordane, & Apostolos quoque baptizauit. Vbi, aut quomodo consecrauerunt Apostoli aqua baptismi in Actis Apostolorum? Philippus Eunuchum aquam ex itinere ostendentem baptizat ex fonte puro ac limido. Præterea subindicaui Sermone proximè præterito, quàm parum sit pura forma illa uulgaris qua consecratur fons baptismi. Si quis uerò sentiat aqua consecrata baptizari oportere: ac per consecratam intellexerit nec unctam, nec characteribus precaminibusque paratam uel sanctificatam, sed sacris delectam usibus, nihil cum eo contenderim. Aqua enim baptismi reuera est sancta, non propter uerba recitata, & additos characteres, sed ex instituyente Deo, & propter usum sanctum, orationesque sanctorum. De qua re differui cum loquerer non ita pridem de sanctificatione uel consecratione sacramentorum.

*Quare aqua  
baptizare ius-  
serit Dominus.  
1. Pet. 3.  
1. Corinth. 10.*

Aqua autem iussit suos baptizare propter causas uarias. Præcesserunt enim typi baptismum in aqua, ut diluuium, ut mare rubrum, per quod transiit populus Israeliticus, ut ablutiones uariæ uel baptismata certa in lege tradita. Nec dissimulant illa Apostoli Christi. Petrus enim commemorat Noe seruatum esse aquæ diluuiio, impios autem aquis præfocatos. Paulus asserit omnes patres nostros per Moysen baptizatos esse in nube & in mari. Mortificatio ergo & uiuificatio præfigurata est. Et primarium quidem noui testamenti symbolum est baptismus, testificans plenariam ad nos peccatorum remissionem delatam esse per Christum. Hanc autem prænunciantes ac promittentes ex ore Domini sancti prophetæ, libenter summum hoc beneficium adumbrarunt per aquam; ideo oportuit baptismum dari in aqua. Hæc item seruiebat mysterio pulchrè representando. Qua de re dixi proximo Sermone cum differerem de Analogia. Hæc uerò ob causas potissimum oportuit baptismum in hoc, & non in alio dari elemento.

*Semel an ter  
mergendus in-  
fans.*

Disceptatum est & de hoc, semel ne an ter mergendus aut aspergendus sit baptizandus? Equidem nihil de his præceperunt Apostoli curiosius. Proinde liberum est uel aspergere uel immergere. Aspergio uidetur usurpata ueteribus. Honestas enim ac pudor uetabat nudare corpora. Sed & infantium conditio prohibere ferè immersionem, cum & aspergio tantum efficiat quantum immersio. Stat autem in arbitrio dantis baptismum, ut pro consuetudine ecclesiæ, cuius minister est, semel uel ter aspergat. Tertullianus aduersus Praxeam, Dominus mandauit, inquit, ut tingerent in patrem, & filium, & spiritum sanctum. Non in unum: nam nec semel, sed ter, ad singula nomina in personas singulas tingimur. Gregorius uerò Leandro respondens Episcopo, In una fide, inquit, nihil officit sanctæ ecclesiæ consuetudo diuersa. Nos quòd tertio mergimus, triduanæ sepulturæ sacramenta significamus. Rursus patres Synodi Toletanæ IIII. approbarunt simplam baptismi immersionem; & addunt mox causam hanc, Et ne cuiquam sit dubium huius simpli mysterium sacramenti, uideat in eo mortem & resurrectionem. Nam in aquas immersio, quasi ad infernum descensio est, & rursus ab aquis emersio, resurrectio est. Item uideat in eo unitatem diuinitatis & trinitatem personarum ostendi. Unitatem, dum semel mergimus; trinitatem, dum in nomine patris, & filij, & spiritus sancti baptizamus. Hæc non proferimus quòd humanis testimonijs innitamur, sed ut humano quoque testimonio ostendamus liberum esse sequi, quod maxime ædificationi ecclesiarum seruit.

*De loco ba-  
ptismi.*

De loco item baptismi assertur quæstio, An non liceat alicubi quàm in templo baptizare? Dicimus templum ministerijs & cultui Dei consecratum esse, ideoque ipsum decorum flagitare, ut baptizemus publice in templo. Si autem  
necessitas

necessitas hoc non permiserit, nulli loco alligatus est Christi baptismus. Nam audiuius Philippum baptizasse ex fonte in patenti campo. Cauendum tamen ne necessitatem prætexamus prauis affectibus. Munda autem sint omnia in templo ad baptismum pertinentia: absit omnis luxur, absint sordes & impuritas, omnia decenter, ut inquit Apostolus, & secundum ordinem fiant.

De Tempore nulla præscribitur à Domino lex, iudicio piorum id relinquitur *Tempus baptismi.* liberum. Qui crediderunt prædicationi S. Petri Hierosolymis in die Pentecostes, Eunuchus item quem Philippus tinxit, Cornelius quoque Centurio, Paulus denique Apostolus Damasci, sed & Lydia purpuraria mulier religiosa, custos item carceris Philippici & alij uiri ac mulieres fideles, simul atque gustarunt dona Christi & crediderunt uerbo eius, protinus baptizari desiderarunt: non distulerunt in ullum tempus proximum. Vnde rectissime faciunt, qui neque in semetipsis, neque in suis baptismum suscipere cunctantur. Male cessit Mosi dilatio circumcisionis in liberis suis. Vt ergo tempus baptismi libenter concedimus esse liberum, ita nostrum fuerit cauere ne abutamur nostra libertate: memores semper diuinæ sententiæ, *Genes. 17:* Anima cuius caro præputij non fuerit circumcisa, delebitur de populo suo: quia pactum meum irritum fecit. At non ignoramus in locum circumcisionis subijisse baptismum. Itaque non est libera baptismi ommissio. Cypriani seculo fuerunt qui contenderent baptismum ad similitudinem circumcisionis octaua demum die recipi oportere. At Cyprianus & qui cum ipso fuerunt in Synodo Episcopi & presbyteri LXXVI. diuersum statuerunt, nempe ut quisque nulla interiecta mora baptismum accipiat, ac in suis precuret mature. Locus extat Epist. lib. 3. Epist. 8. Porro Socrates historicus lib. 5. cap. 22. Noui & aliam, ait, Thessaliæ consuetudinem, qua solis paschatis diebus baptizant. Vnde fit, ut præter admodum paucos non baptizati moriantur. Post tempora uero aliquot lata est lex de non baptizandis fidelibus, nisi in festiuitatibus Paschæ & Pentecostes. Exceperunt tempus necessitatis. Id legere licet in Decretis Syricij Pont. apud Isidorum: item in Epistolis Leonis Papæ ad Episcopos Campaniæ & Siciliæ, quæ ordine numerantur 57. & 62. Quæ autem istos huc permouerunt, huiusmodi sunt ut facile dilui possint. Certè ab initio tempus baptismi non fuit ita circumscriptum. Reparata est: amen illa lex de baptizandis fidelibus in festo Paschæ & Pentecostes, à Pipino, Carolo, Lodeuico & Lothario Francorum regibus, ac latè propagata, cum latè imperitarent. Plurima canuntur in sacris Papistarum tempore Paschæ & Pentecostes, quæ non intelliguntur nisi per hanc legem & consuetudinem. Tandem exoleuit illa, ac baptizati sunt fideles prima quaque occasione & commoditate.

Sed & hoc controuersum est, quis baptizare debeat, & quid efficiat Baptista. *Quid efficiat Baptista.* De posteriore priore loco dicam. Baptista confert uisibiliter sacramentum regenerationis, & testimonium remissionis peccatorum, Dominus autem per spiritum suum inuisibiliter regenerat, peccataque remittit, & regenerationem obsignat. Ioannes & Apostoli aqua baptizant, Christus baptizat spiritu sancto: non tantum uisibili signo ignis & linguarum dono, sed idem ille confert solus omnia spiritualia dona. Id ut disertè exprimerent ueteres, diligenter secreuerunt inter potestatem & ministerium. Nam August. Tract. in Ioan. 5. Aliud est baptizare, ait, per ministerium: aliud baptizare per potestatem. Potuisset Dominus noster Iesus Christus si uoluisset dare potestatem alicui seruo ut daret baptismum suum tanquam uice sua, & transferret à se baptizandi potestatem, & constitueret in aliquo seruo suo, & tantam uim daret baptismi translato in seruum, quantam uim haberet baptismus datus à Domino. Hoc noluit ideo, ut in illo spes esset baptizatorum, à quo se bapti-



Ioan. 1.

Vera simplici-  
tas.Qui debeat ba-  
ptizare.An obstetrices  
baptizare pos-  
sint.

1. Timoth. 2.

zatos agnoscerent. Noluit ergo seruum spem ponere in seruo. Ideoq; clamabat Apostolus cum uideret homines uolentes ponere spem in seipso, Nunquid Paulus pro uobis crucifixus est? aut in nomine Pauli baptizati estis? Baptizauit ergo Paulus tanquam minister, non tanquam ipsa potestas: baptizauit autem Dominus tanquam potestas. Et iterum, Ioannes Baptista à columba didicit, Super quem uideris spiritum descendentem, sicut columbam, & manentem super eum, hic est qui baptizat spiritu sancto. Non ergo te decipiant o columba seductores qui dicunt, Nos baptizamur. Columba agnosce quod columba docuit, Hic est qui baptizat spiritu sancto. Per columbam discitur, quia hic est: & tu eius potestate putas te baptizari cuius ministerio baptizaris? Si tu hoc putas, nondum es in corpore columbæ: & si non es in corpore columbæ, non mirandum, quia simplicitatem non habes. Simplicitas enim maximè per columbam demonstratur. Per simplicitatem columbæ didicit Ioannes, Quia hic est qui baptizat spiritu sancto. Hæc ille.

Porro baptizare debet legitimè constitutus ecclesiæ minister. Donatistæ contenderunt neminem nisi purum & sanctum baptizare posse: inutilem & inefficacem prædicabant esse illum baptismum quem administrasset minister malus, uel sceleribus inquinatus. Contra istos grauiter disputauit Augustinus, & scripturarum ueritate oppressit. Is Epist. 166. Videte, inquit, quàm peruersè & impie dicatur quod dicere soletis. Quia si bonus sit homo, ipse sanctificat eum quem baptizat: si autem malus sit & nesciat ille qui baptizatur, tunc Deus sanctificat. Hoc si uerum est, optare ergo debent homines ut à malis ignoratis baptizentur potius, quàm à notis bonis, ut magis à Deo quàm ab homine possint sanctificari. Sed absit à nobis ista dementia. Quare ergo non uerum dicimus & rectè sapimus, quia semper est Dei illa gratia & Dei sacramentum, hominis autem solum ministerii: qui si bonus est, adhæret Deo & operatur cum Deo: si autem malus est, operatur per illum Deus uisibilem sacramenti formam, ipse autem donat inuisibilem gratiam. Hoc sapiamus omnes & non sint in nobis schismata. Idem contra literas Petiliani lib. 3. cap. 49. eandem rem luculenter proponit. Quoniam uerò nos quoque eandem rem tractauimus in fine superioris & proximè præcedentis Sermonis, non est quod idem bis dicamus.

Obijcitur hic nobis quæstio de Baptismo obstetricum, An obstetrices formæ in articulo necessitatis, id est, cum periculum est ne infans moribundus in manus ministræ ecclesiasticæ peruenire possit, baptizare debeant & possint? Respondemus baptismum esse ecclesiæ sacramentum: à ministerio autem ecclesiæ arceri mulieres, has ergo non posse nec debere baptizare, quemadmodum & docere nullo modo permittuntur. Notæ sunt leges Apostolicæ. Mulieri, inquit Paulus, docere non permitto, neque authoritatem usurpare in uiros, sed esse in silentio. Eadem lex repetitur ab eodè Apostolo 1. Corinth. 14. & confirmatur lege diuina. Diuinis congruunt humana. Tertullianus enim de Virginitatibus uelandis, Non permittitur mulieri, inquit, in ecclesia loqui, sed nec docere, nec tingere, nec offerre, nec ullius uiriliter muneris, nedum sacerdotalis officij sortem sibi uendicare. Hoc ipsum repetitum legitur in Concilio Carthagine. I I I I. cui interfuisse dicitur etiam Aurelius Augustinus. Epiphanius Salaminæ Cypri Episcopus contra varias hæreses disputans, & Martionem confutans, Dat etiam, inquit, permissionem mulieribus ut baptismum dent. Idem dicit de Quintilianis & Peputianis. Contra Collyridianos differens, Si mulieribus, inquit, præceptum esset sacrificare Deo, aut regulare quicquam operari in ecclesia, oportebat magis ipsam Ma-

riam

riam sacrificium perficere in nouo testamento, quæ digna facta est in proprijs sinibus suscipere uniuersorū regem Deum cœlestem Dei filium, cuius uterus templum factum est ac domiciliū, ad Domini in carne dispensationem, per Dei benignitatem & admirandum mysteriū præparatus est. At non complacuit. Sed neq; baptisma dare conceditum est. Alioqui potuisset filius ab ipsa potius, quàm à Ioanne baptizari. Addit idem, Et ministrarum quidē diaconissarum appellatarum ordo est in ecclesia: Sed non ad sacrificandum, neque ut quicquam aggredi permittantur: uerū reuerentiæ gratia muliebris generis, aut propter horam balnei, aut uisitationis, affectionis, aut laboris. Quod Sēphoræ uxoris Moysi Madianiticæ filium circuncidentis in tempore necessitatis obijcitur exemplum: id quidē nullam legem communem constituit, perinde ut singulare Delboræ exemplum, non efficit omnes mulieres iudices. Sunt enim singularia multa in scripturis facta, ex quibus si quis colligere pergat generalia & leges communes, infinita inducet absurda. Quid quod Moses eo loco indignabundæ uxoris, & non religiosæ, ministerium Deo præstare uolentis facinus describit? Impotenter enim marito adeoq; & Deo obstrepens, præputium filij resectum ad pedes patris atque mariti abiciens, non sine conuictio ait, Sponsus sanguinum tu mihi es. Quasi dicas, Ich hab wole in blutigmann an dir. Et quamuis deserit Moysi imminere angelus, quod muliebre facinus uelut Deo bene placens opus approbare uidetur, misericordiæ tamen diuinæ id magis quàm humanæ iustitiæ imputandum est. Valde displicuit Deo quod Dauid Uriam occidisset, & Bersabeam sibi insuper uxorem duxisset, attamen ex bonitate & singulari clementia Solomonem natum ex Bersabea appellare dignatur Iedidia, eo quod Dominus diligeret eum. Ita bonus Dominus & Moysi, siue propria negligentia, siue culpa Madianiticæ uxoris, circuncisionē in corpore filij contra legem plus æquo differenti, reconciliatur, & circuncisionem indignatione magis quàm religione à fœmina perfectam recipit ac boni consulit: interim non uult ut ad hanc, tanquam ad perfectum exemplar, aliorum hominum circuncisiones fiant.

*Sēphora a circumcidit.*

*Iudicum: 4.*

*2. Sam. 12.*

Cæterum baptismo, ais, à muliere administrato, præueniendum erat periculum mortis seu condemnationis æternæ, in quod incurrit infans, sine baptismo ex hoc seculo decedens. Respondeo, cū infantulus iam iam ex utero materno effusus præpropera morte excedit, ut non liceat parentibus, quantumuis desiderantibus, illum ministro ecclesiæ baptizandum offerre, certè articulus hic necessitatis huic non cedit ad mortem, quippe qui gratia Dei receptus in fœdus, propter sanguinem filij Dei, à morte liberatur. Non destituimur iustis scripturæ testimonijs. In lege phas non erat ante octauam diem circuncidere infantulum. At certum est plurimos ante octauam migrasse ex hoc seculo: interim uerò si quis puelus triduo aut quadriduo à natali excessisset, nulla ei imputabatur condemnatio. Alioqui enim Dauid uir, in religione integerrimus, & liberorum amantiſſimus, salutisq; suæ familiæ cupidiſſimus, mortuo infantulo suo ex Bersabea genito, non potuisset se adeo hilarem exhibere aulicis suis, quibus inter alia prædicabat se abiturum ad puerum mortuum, nimirū in regionem uiuentium. Quod si fœmelis non erat fraudi incircuncisis mori: nam incircuncisæ saluabantur: certè nec masculis damnable erit non baptizatis, in articulo necessitatis, decedere. Sæpe enim diximus in locum circuncisionis subijſſe sanctum baptisma. Huc per tinent illa ex lege atque prophetis testimonia. In lege enim non semel protestatus est se infantium habere rationem certissimam. Apud Ionam disertè profitetur se habere rationem eorum qui nondum ad annos discretionis peruenerunt. Pro-

*De salute infantium excedentium sine baptismo.*



pter hos enim ex parte Niniue urbi famosissimæ pepercit Dominus.

Ais hæc ueteris testamenti testimonia nihil pertinere ad nos, qui uiuimus sub nouo testamento. Respondeo, Deum nobis post aduentum Christi in carnem, non seueriorem esse factum, quam fuit ante Christi aduentum. Alioqui enim quid dicemus aliud quam Christum uenisse non ad implendas, sed abolendas aut infirmandas Dei promissiones: quando apud ueteres quondam gratia & promissio sine signo in necessitate efficaces erant, nunc autem apud nos sine signo irritæ & inefficaces esse cœperunt. Diuinæ ergo confusus misericordiæ ac ueraci & indubitæ promissioni, credo paruulos præpropere morte priusquam baptizari possint decedentes, mera Dei gratia, in uirtute ueritatis aut promissionis diuinæ saluari per Christum dicentem in Euangelio, Sinite paruulos uenire ad me: horum enim est regnum Dei. Item, Non est uoluntas patris mei, qui in cœlis est, ut pereat unus de pusillis istis. Dixit enim qui mentiri nescit Deus, Ego sum Deus tuus & seminis tui post te. Vnde & S. Paulus eos nasci sanctos, qui ex fidelibus nascuntur, asserit: non quod ex carne & sanguine sanctum quid nascatur: Quod enim ex carne est, caro est: sed quod sanctitas illa & segregatio à cōmuni hominum semine, ex promissione & iure fœderis sit. Omnes quidem nascimur filij iræ & mortis natura & propagatione naturali: sed speciale priuilegium tribuit Paulus fidelium liberia, quo gratia Dei purificantur qui natura fuerant immundi. Ita idem alibi ex radice sancta sanctos colligit ramos. Idē alibi, Si unius delicto, inquit, multi mortui sunt, multo magis gratia Dei & donum per gratiam quæ fuit unius hominis Iesu Christi, in multos exuberauit. Ideoque non dubitauit Augustinus pronūciare, Sicut omnes qui moriuntur non nisi in Adamo moriuntur, ita omnes qui uiuificantur non nisi in Christo uiuificantur. Ac per hoc quisquis nobis dixerit quenquam in resurrectione mortuorum uiuificari posse nisi in Christo, tanquam pestis communis fidelum detestandus est. Ad Hierony. Epist. 28.

Obijciunt, Hac ratione euacuatur & è medio tollitur usus Baptismi: reuixit autem Pelagianismus, quem tanto cum labore S. Aurelius Augustinus cum multis alijs uiris doctis & sanctis oppressit: falsum pronunciauit, qui dixit, Anima cuius caro præputij non fuerit circūcisa, delebitur de populo suo, quia pactum meum irritum fecit: falsum pronunciauit, qui dixit, Amen amen dico tibi, nisi quis natus fuerit ex aqua & spiritu, non potest ingredi in regnum Dei. Si autem uera ista sunt & pueri non baptizantur, certe consequens est eos sine baptismo decedentes non seruari. Respondeo, me nullo modo sanctum baptisma extenuare, multo minus tollere è medio, cum contendo necessitate interueniente, nec ullo accedente aut contemptu aut neglectu prauo, infantes sine baptismo decedentes non damnari. Sic enim alligaretur salus signo, & euacuaretur Dei promissio, quasi sola sine signo, in articulo necessitatis, inanis nihil efficeret, manusque Dei abbreviata, & ueluti signo uincta esset. Alioqui enim modis omnibus doceo infantes esse baptizandos, nec neglectum aut malitiosè differendum baptisma: interim uerò si præpropere morte expirent non baptizati, bene sperare iubeo de ueritate & misericordia Domini in lege & in Euangelio promittentis se Deum esse infantium, nolletque ut quisquam paruulorum pereat.

Cum Pelagio & Pelagianis nihil nobis est commertij: nec ignoramus quid de hac causa scripserit S. August. ad Hierony. Epistola 28. Quisquis dixerit, inquit, quod in Christo uiuificantur etiam paruuli qui sine sacramenti eius participatione de uita exeunt, hic profecto & contra Apostolicam prædicationē uenit, & totam condemnat ecclesiam, ubi propterea cum baptizandis paruulis festinatur & curritur,

Marc. 10.  
Matth. 18.  
Gene. 17.  
1. Cor. 7.

Rom. 11.  
Rom. 5.

Gene. 17.

Ioan. 3.

Pelagiani negant paedobaptismum, & quare?

ritur, quia sine dubio creditur aliter eos in Christo uiuificari omnino non posse. Et contra Pelagianos Epist. 106. Apostolica sedes contra Pelagium agens, anathematizauit eos qui dicerent infantes non baptizatos habere uitam æternam. Idem de Anima & eius origine lib. 1. cap. 9. ad Renatum, disputat contra Vincendum Victorem concedentem quidem paruulos originali peccato esse obstrictos, sed nihilo minus tamen saluari si non baptizentur. Contra hunc producit hoc saluatoris, Nisi quis natus fuerit ex aqua & spiritu, non potest ingredi in regnum Dei. Nos uerò qui & ipsi Pelagium & Pelagianos condemnamus, utrunq; quod isti negabant asserimus, nempe nasci infantes in originali peccato, & ideo sanctificationem Christi eis esse necessariam, sine qua non saluantur. Rursus baptizandos, si possibile sit, eosdem illos contendimus, tamen si iure fœderis ad corpus Christi pertineant, & sanguine Christi sanctificati sint. Pelagius non baptizandos esse paruulos docebat, quòd noxa, culpa uel peccato omni carere existimaret: ergo non agnoscebat impius uel corruptionem nostram, uel beneficium, quod Deus præstitit per Christum. Neutrum uerò in nostra assertione & doctrina inuenias, proinde nihil nobis commercij cum Pelagianis. S. Augustinus disertè in eadem illa ad S. Hieronymum epistola dicit, Non es ex illis qui dicunt nullum reatū esse ex Adam tractum, qui per baptismum in infante soluitur. Et contra Iulianum lib. 1. cap. 2. patrum quoque sanctorum sententijs astruit originale peccatum, deinde colligit, ideo baptizandos esse paruulos, quia peccatum habent. Nam Pelagiani ex contrario colligebant, Peccatum non habent, ergo non sunt baptizandi. Concilium enim Carthaginens. ad Innocent. sic scribit, Pelagiani paruulos negant baptizandos. Quia isti, inquiunt, non perierunt, nec est quod in eis saluetur: quia nihil est in eis uitiatum, &c. Nos uerò quia credimus paruulos in peccato nasci, adeoq; & filios iræ nasci & uitiatos esse, præterea quia credimus filium Dei purè ex illibata uirgine natum ad implendas cōfirmandasq; Dei promissiones, quæ infantes ex salute non excludunt, sed in fœdere includunt, ideo eos baptizandos esse contendimus. Idcirco & collectionem hanc Augustini, Extra Christi consortium ad uitam nemo peruenit: baptismo autem incorporamur Christo: ergo infantes non baptizati, sunt extra consortium Christi, ac condemnati, simpliciter probare non possumus. Sicut enim non negamus nos inseri corpori Christi per sacramentorum participationem, sicuti declarauimus proximè præcedenti Ser-mone de Sacramentis: ita ostendimus alibi, & iam sæpe luculentissimè, nō à sacramentis primum fieri initium nostræ cum Christo unionis, sed eam ipsam quæ in promissione si adata est, & gratia Dei per spiritū sanctum nobis & nostris etiam ante sacramentorum usum comunicata, per sacramentorū perceptionē cōtinuari & obsignari. Tametsi ergo infans sine baptismo discedat, nec uisibili fœderis signo, necessitate exclusus participet aut obsignetur, tamen in uniuersum non est alienus à Christo, cui adhæret spiritali fœderis nexu, cuius uirtute saluatur.

De Peccat. me-  
ritis & remiss.  
lib. 3. cap. 4.

Locus Gen. 17. productus de excindendis ē populo Dei incircuncisis, pro ratione temporis, adultis nō infantibus cōpetit. Id quod in Mose cernitur, quem ob neglectam aut diutius iusto dilatam circuncisionē inuadit angelus domini, sicut ipse de seipso testatur. Nec ignoro ueteres aliquot interpretes id non ad Mosen, sed ad Eleazarum Mosis filiolum, referre. Verum ipse historię contextus, ipsæ circumstantiæ, satis euincunt periculū in patrē non in filium incubuisse. Quid quod in uerbis legis ratio subiicitur, quæ infantibus nullo modo congruit? Ideo peribit incircuncisus, ait, quia pactum meum irritum fecit. Quod si consideremus circuncisionem eo ipso loco non tantum infantibus, sed adultis, ut Abrahæ Is-

Expositio loci,  
Anima incircū-  
cisa excindetur.



maeli alijsq; iam consortio Dei uisibiliter coniungi cupientibus præceptam esse, non mirabimur interitum inobsequenti esse interminatum. Nam si quis hodie intelligat domini institutionem his eius comprehensam uerbis, Qui crediderit & baptisatus fuerit, saluus erit, nihilo minus baptizari nolit, sed iactet sibi fidem sufficere ad salutem, baptismum esse superuacuum, ordinationem Dei contempnit, & pro rebelle & hoste non amico Dei condemnatur.

*Expositio loci,  
Nisi quis natus  
fuerit ex aqua,  
&c.*

Porro locus Ioan. 3. non est intelligendus de externo sancti baptismi symbolo, sed simpliciter de regeneratione sancti spiritus interna & maxime spiritali, quam cum Nicodemus non liquide intelligeret, parabolis aquæ & spiritus, id est, uenti uel aeris, per elementa inquam, maxime tenuia, suffigurauit illustrauitq; Mox enim subiicit, Quod natum est ex carne, caro est, &c. Item, Spiritus ubi uult spirat, &c. Id quod de aëre exponi necesse est. Sequitur enim altera pars collationis, Sic omnis qui natus est ex spiritu. Præterea subdit, Si terrena dixi uobis, & non creditis, quomodo si dixerò uobis cœlestia credetis? Cæterum argumentum quod proposuit planè non fuit terrenum. Hoc enim est totius disputationis argumentum, Nisi quis natus fuerit è supernis, non potest uidere regnum Dei; id est, nisi quis per spiritum Dei, qui è supernis datur, id est, diuinitus infunditur, fuerit innouatus, & ueluti regenitus, non potest saluus fieri. Hæc doctrina planè cœlestis est: Sed modus quo hanc doctrinam cœlestem tradidit, illustrauit, ac proposuit: terrenus est. Rebus enim è terra sumptis, crasso homini terrenoq; rem spiritualem & cœlestem adumbrauit, & ueluti oculis conspiciendam proposuit. Sicuti aqua & aëre non raro corporum qualitates mutantur, & mirus est effectus in corporibus aëris & aquæ: ita etiam spiritus sancti in anima hominis, quam immutat, purgat, uiuificat, &c. Sic enim ipse dominus postea (quod & modò dixi) parabolam spiritus alteram illustrat. Quoniam uero ueteres pleriq; omnes per aquam intellexerunt symbolicam, id est sanctum baptismum, recipimus & hanc interpretationem. Libenter enim concedimus baptismum tam in adultis, quam in infantibus ad salutem esse necessarium, modò non interueniat necessitas. Alioqui enim si pergamus cum S. Augustino præfractè condemnare per hunc locum infantes, cogemur profecto etiam baptisatos, sed sine communionem corporis & sanguinis Christi decedentes, condemnare. Pari enim errore circumuentus S. Augustinus, contendit & infantibus ingerendum esse sacramentum eucharistiæ, alioqui de uita periclitaturis: eo quod scriptum sit, Nisi manducaueritis carnem filij hominis, & biberitis eius sanguinem, non habebitis uitam in uobis. Eodem ergo ordine collocat has duas sententias, Nisi quis natus fuerit ex aqua & spiritu, non potest uidere regnum Dei; &, Nisi manducaueritis carnem filij hominis, &c. Si ergo Augustinianæ sententiæ mordicus inhaerere libeat, damnabis certè totam Ecclesiam hodie, quæ infantibus eucharistiam negat. At si hac in re admissa est commoda interpretatio, cur in altero, & simili loco, & causa non dispari, tam rigidi & pertinaces estis?

*De pecc. meritis  
& remiss.  
lib. 1. cap. 20.  
Ioan. 6.*

Quid quod in hoc dogmate ne sibipsi quidem per omnia satisfacit Augustinus? Putat ueniale peccatum esse laico, si in tempore necessitatis baptizet. Nescit an quisquam piè dixerit laici baptismum esse repetendum. Quanto uero satius & tutius fuerat, præterita baptisandi necessitate, quæ nullas legitimas causas habet, sentire infantulos, si à morte non præoccupati fuerint, à ministro Ecclesiæ in Ecclesia procurantibus parentibus prima quaque opportunitate baptisandos esse: præproperam mortem autè (quam nos necessitatis articulum appellamus) non esse fraudi aut salutis impedimentum ad baptismum nondum delatis. Idem de pœna

na paruulorum damnatorum propter baptismum non susceptum, definire trepidat, nec quid certò dicat, habet. De Anima & eius origine lib. 1. capite 9. Non baptisatis paruulis, inquit, nemo promittat inter damnationem regnumq; coelorum quietis uel felicitatis cuiuslibet atque ubilibet quasi medium locum. At ea sententia hodie est recepta ferè ab omnibus: unde & medio quodam loco inter prophanum & sacrum sepeliuntur in cœmisterio innocentum. Rursus autem idem ille August. contra Iulianum Pelagianum lib. 5. capite 8. scribit infantulos illos in damnatione omnium leuissima futuros. Ac mox subiungit, Quæ, qualis & quanta erit, quamuis definire non possim, non tamen audeo dicere, quòd eis ut nulli essent, quàm ut ibi essent potius expediret. Et iterum in epistola ad S. Hieronymum 28. Cum ad pœnas uentum est paruulorum, inquit, magnis mihi crede coartor angustijs, nec quid respondeam prorsus inuenio. Hic accedit, quod lib. cont. Donatistas 4. cap. 22. & 23. de latrone cum Christo crucifixo disputans, inter alia dicit, tunc impleri baptismum inuisibiliter, cum non contemptus religionis, sed articulus necessitatis, à uisibili baptismo excludit: Cur ergo non credamus & in infantibus præpropere morte decedentibus baptismum inuisibiliter perfici, quando non contemptus religionis, sed articulus necessitatis eos à uisibili baptismo excludit? Et cum pleriq; hodie concedant, quemuis adultæ ætatis hominem citra baptismum in articulo necessitatis saluum fieri posse, modò adsit baptismi desiderium: cur ergo infantes iam recens natos pia parentum uota à reatu non eximerent? Sed hæc hæcenus.

Deo quoque & olim & nostra ætate rixatum est acriter, qui nam baptisandi sint. Negauit olim Pelagius paruulos esse baptisandos. Id quod modò audiui- *Qui nam bapti-  
sandi sint* mus. Negauit eos baptisandos esse ante Pelagium Auxentius Arianus cum suis. Negarunt quidam tempore beati Bernardi, ut ex eius scriptis colligere licet. Negant hodie Anabaptistæ, genus hominum in perniciem euangelij à satana excitatum. At ueritas catholica in scripturis sanctis nobis tradita simpliciter pronunciat, omnes eos esse baptisandos quos Deus agnoscit pro suo populo, participesq; purgationis uel sanctificationis remissionisue peccatorum iudicat. Nam tota hac tractatione de Sacramentis ostendi & demonstro, baptismum esse signum populi Dei & symbolum purgationis nostræ per Christum. Ergo cum infantes fidelium sint in numero uel censu populi Dei participesq; promissionis de purificatione per Christum: necessariò sequitur eos esse perinde baptizandos sicut adultos fidem profitentes.

Instituitur quidem disputatio acuta de eo qui nam sint populus Dei & parti- *De eo qui nam  
sint populus dei* cipes remissionis peccatorum per Christum. Differitur ergo de arcana illa Dei electione, & de alijs huic rei coniunctis difficillimis quæstionibus. Verùm breuius & simplicius hic nos expedire possumus. Dicimus populum Dei agnosci, uel ex confessione fidei hominum, uel ex liberali promissione Dei. Ex cōfessione quidem hominum. Nam eos pro filijs Dei agnoscimus, qui iam adulti palàm confitentur Deum uerum, Deum esse suum, & Iesum Christum saluatorem esse suum, Ceterum ea confessio uel uerè, uel fictè fit. Verè, ut cum S. Petrus ait, Tu es Christus filius Dei uiui: cum Eunuchus dicit, Credo filiū Dei esse Iesum Christū: Fictè uerò, ut cum Simon Magus in Actis apostolorum dicit se credere in Iesum Christum. Siue uerò uerè, siue fictè quis credat, quando fidem in Christum palàm confitetur (animi penetralia solus inspicit Deus: hic enim solus rectè creditur cordium esse scrutator) nostrum non est rectè consistentem separare uel abijcere à populo Dei. Nam Philippus Simonem magum non repulit, sed



pro fidelis confitentem recepit & pro fidei baptizauit: licet is reuera & coram Deo esset hypocrita. Sermone huius Decad. 1. ostendimus in Ecclesia hypocritas quoque numerari donec reuelantur. Quod autem ad remissionem peccatorum attinet, soli inter adultos illi eam obtinent, qui uerè credunt. Id quod alias saepe ostensum est. S. Petrus Simoni licet baptizato, dicit, Non est tibi pars, neque sortis in ratione hac. Cor enim tuum non est rectum coram Deo.

Porro ex promissione Dei gratuita & liberali, non tantum ex confessione hominum æstimamus uel agnoscimus Dei populum. Nam quibuscunque promittit Deus se ipsorum fore Deum, & quoscunque recipit ipse & agnoscit pro suis, eos nemo hominum citra grande scelus numero excludit fidelium. Promittit autem Deus se non tantum confitentium, sed & infantium fore Deum: promittit his gratiam suam & remissionem peccatorum: Quis ergo domino uniuersorum contradicens, porro negauerit infantes Dei esse, ac purgationis per Christum fieri participes? Quod autem Deus infantes pro suis agnoscat, & eosdem sanctificet, uel ex fœderis summa claret. Statuam pactum meum inter me & te, ait ad Abrahamum dominus, & inter semen tuum post te, in generationibus suis fœdere sempiterno, ut sis Deus tuus & seminis tui post te. Addita est Circumcisio symbolum sanctificationis. De quo abunde satis dixi cum ex ordine differerem de Circumcisione. Nec est quod quis metuat cum circumcissione legalibusque abrogatam esse promissionem, & per Christi aduentum fœdus esse dissipatum. Modò enim diximus Christum uenisse adimplendis Dei promissionibus, non dissoluendis. In Euangelio ergo de infantibus, id est, nondum confitentibus fidem pronunciauit & dixit, Sinite paruulos uenire ad me, nec prohibueritis eos. Talium enim est regnum Dei. Et quamuis Talium, non Illorum dicatur, nemo tamen usque adeo rudis est, ut non intelligat inter ea quæ inter se conferuntur esse similitudinem. Proinde si adultorum est regnum Dei, eo quod similes efficiuntur paruulis, certè consequitur necessariò regni cœlorum hæreditatem & infantium uel puellorum esse. Sequitur enim in Euangelio, Quicunque non acceperit regnum Dei tanquam puellus, haudquaquam ingreditur in illud. Idcirco oportet prius esse regni Dei hæredes infantes uel paruulos. Quis autem nesciat, neminem nisi sanctificatum purgatumue ingredi in regnum cœlorum? Pueri ingrediuntur regnum Dei: ergo purgati sunt, nimirum gratia Dei: natura enim & origine sua immundi & peccatores, sed propter Christum purgati sunt: qui dixit se uenisse quæsitum seruatumque quod perierat. Paulus quoque disertè testatur per unius Adam delictum, malum propagatum esse in omnes homines ad condemnationem: ergo & per unius Christi iustificationem propagari bonum in omnes homines ad iustificationem uitæ. Certum est itaque infantulos purificationis uel remissionis peccatorum per Christum esse participes, licet nõ confiteantur remissionem peccatorum. Quid quod in euangelio rursus ait dominus? Non est uoluntas coram patre uestro, qui in cœlis est, ut pereat unus de pusillis istis. Item, Qui receperit unum puellum talem, in nomine meo, me recipit. Qui autem offenderit unum de pusillis istis, qui in me credunt, expedit ei ut suspendatur mola asinaria, &c. Videte ergo ne contemnatis unum ex pusillis istis. Dico enim uobis, quod angeli eorum in cœlis semper uident faciem patris mei qui in cœlis est. En quid dici poterat clarius? Non est uoluntas patris cœlestis ut intereat infantuli. Recepit ergo eos in gratiam gratuito, licet nondum confiteantur. Deinde, Qui talem, qualem nimirum ipse produxerat in mediis, recipit puellum, propter Christum, is ipsum dicitur recipere Christum. En tribuit infantium recep-

receptoribus quod prophetarum. Addit, Qui autem offenderit unum de pusillis istis, qui in me credunt. Manifeste paruulos nondum confiteri potentes, credentes uocat, eo quod ex gratia eos pro credentibus reputet. Nec mirum aut nouum hoc est, cum Deus ipsis etiam adultis fidem imputet pro iustitia. Vtrobique iustitia, acceptatio, aut sanctificatio, est gratuita & imputatiua, ut laudetur gloria gratiae suae. Praeterea non uult contemni, multo minus reijci e numero sanctorum paruulos. Quinimo angelos his additos asseuerat custodes, qui tametsi sint diuinæ maiestatis ministri, eosdem tamē illos suos stipatores paruulis esse datos, siue concessos: ut uel inde aestimemus quanti faciat dominus infantulos, & ut discamus illos non expungere ex albo populi Dei, cui debetur uitæ hæreditas. Nihil hic tribuimus carnali natiuitati, sed omnia diuinæ gratiae & promissioni. Claret iam ex his omnibus, & infantes fidelium, & adultos fidē confitētes esse baptizandos.

*infantes confitentes uel credentes.*

Ex aduerso autem Anabaptistæ contendunt, neminem esse baptizandum, nisi eum solum qui & doceri & credere, adde & fidem profiteri possit. Atque in huius rei confirmationem adducunt illas saluatoris sententias. Ex Matth. Euntes ergo docete omnes gentes, baptizantes eos in nomine patris, &c. Ex Marco, Ite in orbem uniuersum & prædicate euangelium omni creaturæ: qui crediderit & baptizatus fuerit, saluus erit, &c. En doctrina præcedit, inquiunt, baptismum. Ergo qui doceri non possunt, baptizari non debent. Praeterea præit credere, subiungitur baptizare. Infantes non credunt: ergo baptizandi non sunt. Ad hæc omnia, coaceruant ex Actis apostolorum exempla quæ probant fideles, hoc est, fidem confitentes, esse baptizatos ab Apostolis. Commemorant & Catechumenos ueterum: quibus nullus sane fuisset locus datus, inquiunt, si baptizassent infantes. Respondeo, Si uerborum ordo aliquid facit in hac causa, habemus & nos quod oro causa nostra faciat. Nam in Marco sic legimus, Baptizabat Ioannes in deserto, prædicans baptismum poenitentiae. Quo loco cernimus baptizare præcedere, subsequi prædicare. Sed & illum ipsum locum quem illi pro se adducunt ex Matthæo demonstrabimus facere pro nobis. Mattheus enim sic habet, Data est mihi omnis potestas, ait dominus, in coelo & in terra: euntes ergo *predicabunt*, id est, discipulate (ut sic dicam) id est, discipulos mihi facite uel colligite omnes gentes. Sed & modum indicat, quomodo colligant ei ex omnibus gentibus, uel omnes gentes, discipulos, Baptizantes eos atque docentes. Baptizando & docendo comparabitis mihi Ecclesiam. Ac utrumque pulchrè & breuiter sigillatim illustrat, dicens, Baptizantes eos in nomen patris, & filij, & spiritus sancti. Docentes eos seruare omnia quaecumque præcepi uobis. Iam ergo baptismus præit doctrinam. Verum nos inde non colligimus gentes, quæ nunquam quicquam prius de Deo & filio Dei ac spiritu sancto audierunt, baptizandas esse, neque uerò id sustinerent: sed hæc proferimus ut ostendamus quàm non solido fundamento innitantur Anabaptistæ. Dicimus autem simpliciter uerum non esse quod isti fingunt, dominum iussisse eos duntaxat tingere, quos docuerint Apostoli. Neque uerò hic designat qui baptizandi sint in uniuersum, sed loquitur de adultis primisque fundamentis fidei & Ecclesiae collocandis inter gentes, rudes adhuc & ignaras religionis. Adulti, non infantes prædicationem uel doctrinam audire, credere & confiteri possunt, infantes non item. Nihil ergo hic loquitur de infantibus. Verum ideo non excluduntur à baptismo. Generalis lex est, Qui non laborat, non manducet: uerum quis adeo barbarus ut ideo putet infantes fame esse necandos? Dominus misit Apostolos suos ab initio propagationis ueræ religionis in omnes gentes, ad eos qui & Deum ignorabāt & alieni

*Quibus argumentis Anabaptistæ doceant infantes non esse baptizandos.*



erant à testamentis Dei, hos certè non primùm tingere, deinde docere oportuit, sed primùm docere deinde tingere. Si hodie proficisceremur ad Turcas conuertendos ad fidem Christi, primùm certè doceremus, deinde baptizaremus seruos Christi dedititiosq̃. Ita ipse quoq̃ dominus quondam cum ipso Abrahamo primùm reparauit fœdus, ac instituit circuncisionem ob signationem fœderis, deinde uerò Abraham circuncisus est. At idem ille cum intellexisset infantes quoque pertinere ad fœdus, & circuncisionem esse fœderis ob signationem, non Ismaelem duntaxat tredecim annos natum & uernaculos domus suæ, sed & infantes, inter quos & Isaacum numeramus, postea circuncidit. Ita fideles qui ex gentilibus conuertebantur per prædicationem euangelij, & baptizabantur confitentes, ubi intellexissent infantes suos reputari in populo Dei, & baptismum esse symbolum populi Dei, etiam infantes suos baptizari curauerunt. Quemadmodum ergo scriptum est de Abraham, Omnes mares domus suæ circuncidit: Ita non rarò legimus in Actis & scriptis Apostolorum, patrefamilias conuerso totam eius domum esse baptizatam. Quod uerò ad Catechumenos attinet, accedebant apud ueteres ex gentibus quotidie ad Ecclesiam, quos isti in fide rudes instituebant in elementis fidei, deinde uerò baptizabant. Sed illi ipsi ueteres nihilo minus & fidelium infantes baptizabant. Id quod mox demonstrabimus.

*Catechumeni.*

Nec legitime colligunt cum ita concludunt, Qui crediderit & baptizatus fuerit, saluus erit. Pueri non credunt, ergo non sunt baptisandi. Rursus enim de adultis, sicut & apud Matthæum, constat esse locutum. Quoniam uerò ab adultis fidem fideiq̃ confessionem requirit, inde non est consequens quòd idem requiratur ab infantibus. Hos enim pro suis reputat etiam sine confessione, ex mera sua gratia & libera promissione. Vnde nos ex aduerso sic argumentamur: Credentes sunt baptisandi. Id quod ipsi quoque aduersarij concedunt. Infantes sunt credentes. Nam Deus reputat eos in numero fidelium. Id quod superius manifestè probauimus. Proinde infantes sunt baptisandi.

*Infantes baptisati mysteria non intelligentes.*

Obijciunt infantes mysterium baptismi non intelligere, ac proinde cum ratione ac sensu communi non modò cum religione pugnare, baptizare infantes. Perinde enim esse truncum & infantem baptizare, cum neutrum utatur ratione. Cæterum laxant impuras suas linguas impuri nebulones in ipsam Dei maiestatem. Deus iussit circuncidere infantulos: & circuncisio grandia continuit mysteria, quæ infantuli non intellexerunt. An uerò Deus quicquam instituit contra rationem & sensum communem? Abite quòd digni estis tenebriones cum uestris blasphemijs. Impurissimum uerò & plus quàm barbarum est, quòd infantes cum truncis confertis. Quanti enim faciat Deus infantes, iam ante ex euangelio docuimus. Cæterum diligentissimè & sedulò docendi & commorificandi sunt homines ratione sana iam uti incipientes, ut meminerint se esse baptisatos, & ut conentur Dei inuocato nomine per omnia respondere suo uoto & suæ professioni. Ita uerò Abraham Isaacum suum instituit, & liberos suos sancti patres omnes.

*Baptismum paruulorum esse ex Deo & apostolos baptizasse infantes.*

Sed præteritis furiosis, rabiosis, maledicisq̃ illis rixatoribus, quibus nulla unquam uerba deesse audiuius, quantumlibet sæpe & seriò cum eis contulerimus, pergamus paucis, sed euidentibus argumentis demonstrare paruulos esse baptisandos, adeoq̃ Christi domini apostolos baptizauisse infantes. Dominus iussit baptizare omnes gentes: ergo & infantes. Hi enim comprehenduntur sub omnium gentium uocabulo. Item, Quoscunq̃ Deus inter fideles accen-

set,

set, fideles sunt. Petrus enim audiuit, Quod Deus purificauit, tu ne commune aut immundum dixeris. Paruulos reputat Deus inter fideles; sunt ergo fideles; nisi malimus Deo repugnare, & ipso uideri fortiores. Iam uerò extra controuersiam ponimus, Apostolos Christi eos baptizasse, quos Christus baptizare iussit. Iussit autem fideles baptizare: itaq; Apostoli baptizarunt infantes. Acto. 10.

Euangelium maius est baptismo. Paulus enim dixit, Dominus misit me Euangelizare, non baptizare: non quòd hoc negaret absolute se ad baptizandū nō esse missum, sed quòd doctrinā praeferret. Vtrumq; enim cōmendauit Apostolis Dominus. Porro in doctrina Euangelica recipiuntur pueri à Deo, non repudiantur: quis ergo nisi cum ratione infaniens excludat ex minori? In sacramentis considerantur res signata & signum. Illa potior est. Ab illa nō excluduntur infantes. Quis ergo signum neget? Etenim sancta Dei sacramenta magis ex uerbo quàm signo aestimant. Ex uerbo colligimus, & mulieres non excludi cœna Dominica. Quamquam ergo nō legamus eas in prima institutione fuisse, & ad primā Domini mensam assedisse, neque ulla lex expressa extet quæ iubeat illas admittere ad cœnam, nihilominus ad cœnam intrepidè & sine dubitatione ex syllogismo admittimus. 1. Corinth. 1.

S. Petrus illis baptismum aquæ negare non potuit, quibus uiderat datum esse sanctum spiritum, certissimum populi Dei signum. Dicit enim in Actis Apostolorum, Num quis prohibere potest quò minus aqua baptizentur hi qui spiritum sanctum acceperunt sicut & nos? Proinde non negauit sanctus Petrus baptismum infantibus. Certò enim agnouit uel ex doctrina Domini & magistri sui, ut nihil nunc dicam de fœdere Dei æterno, infantium esse regnum cœlorum. Nemo autem recipitur in regnum cœlorum, nisi sit amicus Dei. Et hi non destituuntur spiritu Dei. Qui enim spiritum Christi non habet, hic non est eius. Pueri sunt Dei, ergo non destituuntur spiritu Dei. Ideoq; si perinde spiritum Dei acceperūt ut nos, si numerantur perinde in populo Dei ut nos adulti: quis obsecro prohibebit hos aqua tingi in nomine Domini? Olīm obstrepebant Apostoli nondum satis instituti, infantes ad Dominū apportantibus. Sed increpabat eos Dominus, ac dicebat, Sinite paruulos uenire ad me. Cur ergo non obediunt præcepto Domini rebelles Anabaptistæ? Quid enim aliud faciunt hodie, qui pueros ad baptismum adferūt, quàm quod fecerunt olīm qui ad Dominum infantes attulerūt? Et Dominus quidem recepit illos, benedixit eis impositis manibus: deniq; uerbis & gestibus significauit luculentissimè pueros esse populum Dei, & Deo commendatissimos. Sed quare non eadem opera, inquit, baptizauit eos? Quia scriptum est, Iesus ipse non baptizabat, sed discipuli eius. Præterea cū de re usque adeò liquidè constat, quid contendimus adhuc de signo? Hactenus uiris bonis satisfactum est, rixatores pergunt quæstiones necesse. Præterea data est in ueteri populo Dei circumcisio infantibus: ergo baptismus debet dari infantibus in nouo populo. Nam baptismus successit in locum circumcisionis. Nam S. Paulus, Per Christum estis circumcisi, ait, circumcisione quæ fit sine manibus, dum exuistis corpus peccatorum carnis per circumcisionem Christi, consepulti simul cum illo per baptismum. En appellat Paulus baptismum circumcisionem Christianam, quæ fiat sine manibus: nō quòd aqua non administraretur manibus, sed quòd manibus nemo amplius circumcidatur, mysterio circumcisionis manente nihilominus in fidelibus. Nec legas quenquam ueterum ecclesiæ interpretum non confessum, in locum circumcisionis baptismum subijisse. Sed & paritas uel similitudo utriusq; manifestam successionem ostendit. Acto. 10. Ro. 8. Ioan. 4. Coloss. 2.

His autem hæc atteximus, Serui Dei semper fuerunt solliciti his signa dare, qui-



Iosue 5.

bus sunt instituta. Vt enim omnes alios prætereā, an non Iosue diligentissime curabat circumcidi populum priusquam ingrederetur terram promissam? Cum autē fidelissimi fuerint serui Iesu Christi prædicatores orbis Apostoli, cui posthac dubiū erit ipsos baptizasse infantulos, cum baptizatus subierit in locū circūcisionis?

Certē Apostoli Christi omnia sua attemperarunt ad typos & figuras testamenti ueteris, ergo & baptismum attemperasse certum est, ideoq; & infantulos baptizasse. Quoniam hi fuerunt in typo baptismi. Nam populus Israelis, & mare rubrum, & alueum Iordanis transiit cum liberis. Et quamuis hi non semper exprimentur, sicuti nec mulieres in scripturis sanctis, comprehenduntur tamen & subintelliguntur in his.

His accedit quod clarissime in scripturis traditur, Apostolos totas domos sue familias baptizasse. Comprehenduntur autem in domibus imprimis liberi: utpote præstantissima & clarissima domus pars. Baptizarunt ergo Apostoli liberos siue paruulos, non tantum adultos. Quod autem domus imprimis comprehendat infantes uel paruulos, nullo negotio demonstrari potest. Primum quidem ex loco Genes. 17. quem iam iam adduximus. Deinde quod Ioseph Iacobum patrem cum uniuerſa domo euocat ex terra Chanaan in terram Ægypti, ne fame uidelicet domus eius intereat. Plurima sunt huius generis loca in lege & prophetis, & in uniuerſa scriptura. Verum esto, non fuerint infantes (quod rixatores isti obijciunt) in domibus, quas baptizarunt Apostoli, nihilominus tamē ad domū pertinent, & in eam censentur, ut si fuissent in domibus baptizassent eos utique. Quod ergo non baptizatos in familijs illis contendunt, eam quidem culpam nos dicimus nec in pueris hæere, quasi indigni fuerint baptismō, nec in Apostolis, ut qui non soliti fuerint pueros baptizare, sed in eo, quod non adfuerunt. Nam si adfuissent, baptizati fuissent: eò quod Apostoli totas baptizarunt domos, ad quas liberi pertinent.

Infantium baptismus durauit à temporibus Apostolorum.

Iam uerò ex ueterum scriptis demonstrare possumus, infantium baptismum durauisse ab Apostolorum temporibus ad nos usque, neq; ullis concilijs aut Papæ aliorumue hominum decretis institutum esse, sed ab ipsis Apostolis ex scriptura traditum. Origenes lib. Enarrat. in Epist. Pauli ad Rom. 5. exponens 6. cap. dicit ecclesiam Christi paruulorū baptismum ab ipsis accepisse Apostolis. S. Hieronymus meminit baptismi infantium lib. 3. contra Pelagianos, & in Epist. ad Latam. S. Augustinus citat locum Chrysostemi, imò à Iuliano citatum illustrat lib. contra Iulian. 1. cap. 2. Idem ad S. Hieronymum Epist. 28. Beatus Cyprianus non aliquod decretum nouum condens, ait, sed ecclesiæ fidem firmissimè seruans, mox natum ritē baptizari posse cum suis quibusdam coepiscopis censuit. Locus Cypriani extat in Epist. ad Fidum, sicuti supra etiam cum de tempore baptismi loqueremur ostendimus. Idem August. contra Donatistas lib. 4. cap. 23. & 24. asserit paedobaptismum non ex autoritate hominum aut conciliorum esse petatum, sed ex traditione uel doctrina Apostolorum. Cyrillus libro in Leuit. 8. & puerorum baptismum approbat, & iterationem baptismi condemnat. Id quod non in hunc finem profero, ut humanis imponam testimonijs paedobaptismum, sed ut doceam diuinis testimonijs congruere humana, & uetustatis ueritatem stare à partibus nostris, mendacia & noua figmenta à partibus effrontium Anabaptistarum, fingentium paedobaptismum à Papa esse præceptum.

Historia Anabaptismi.

Videtur autē operæpretiū esse, ut non nihil dicamus & de Anabaptismo. Decij & Galli Cæs. Imperio exorta est in Africæ partibus quæstio de Rebaptizandis hæreticis. Placuit autem S. Cypriano & reliquis Episcopis in Concilio Carthaginensi congregatis Anabaptismus. Idem Cornelio Rom. episcopo, reuera sancto & docto,

cto, adde & martyri, unâ cum multis Italiæ Episcopis displicuit. Hæreticos autem placuit post abiectiōem prauī, & confessionem recti dogmatis sola eos manuum impositione purgandos. Legere hæc licet apud Euseb. Eccles. hist. lib. 7. Extat eiusdem rei tractatio, & in Dogmat. ecclesiast. cap. 52. Sciendum est autem S. Cyprianum in hac causa nihil asseruisse præfractius. In fine enim Epistolæ ad Iubaianum scribit. Hæc tibi breuiter pro nostra mediocritate rescripsimus frater chariss. nemini præscribentes aut præiudicantes, quò minus unusquisq; Episcoporū, quod putauerit faciat, habens arbitrij sui liberam facultatem.

Post illa tempora rebaptizarunt & Ariani & Donatistæ. De Arianis scribunt historici, & imprimis Sozomenus lib. 6. Attingunt eandem rem alicubi & scriptores ecclesiastici. Contra Donatistas cum alijs uiris doctis disputauit beatus Augustinus. Lata est & lex imperatoria ab Honorio & Theodosio, ne sanctum baptismum iteretur. Retulit eam in Cod. libro 1. tit. 6. Iustinianus Cæs. hisce uerbis, Si quis rebaptizare quempiam de ministris catholicæ sectæ fuerit detectus, unâ cum eo qui piacularè crimen commisit (si tamen criminis per ætatem capax sit) & hic cui persuasum sit, ultimo supplicio percellatur. Porro Valentin. Valens & Gratianus ad Florianum Asiæ uicarium in hæc uerba præcipiunt: Antistitem qui sanctitatem baptismatis illicita usurpatione geminauerit, sacerdotio indignum esse censemus. Eorum enim condemnamus errorem, qui Apostolorum præcepta calcantes, Christiani nominis sacramenta sortitos, alio rursus baptismo non purificant, sed inestant lauacri nomine polluentes. Hactenus illi.

*Lex imperatoria contra Anabaptistas.*

Et reuera qui rebaptizant & rebaptizantur, prophanant & nomen Domini, quod super baptizatos in priore baptismo inuocatum est, & reprobant Dei institutum uelut inane & uitiosum. Nō legitur Christus nisi semel esse baptizatus. Semel & non iterum baptizati sunt Apostoli. Semel duntaxat tincti sunt omnes sancti Dei. Imò quos tinxerat semel Iudas, non leguntur à digniore ministro rebaptizati. Proximo enim sermone demonstraui integritatem sacramentorum non dependere à dignitate & indignitate ministri. Neque uerò legas ullos apud ueteres esse secundo circuncisos, ne illos quidem quos constat ante Ezechiae & Iosiae regnum ab idololatriis circuncisos ministris, sed non in idololatriam, sed in foedus Domini Dei. Id quod & aliàs monuimus. Nephās ergo est repetere ceremoniam baptismi, & caret exemplo; neq; ulla hic interuenit necessitas. Quorsum enim atinet iterum baptizare, cū baptismus semel datus ad totum pateat uitæ decursus? Præterea cū Anabaptismus nihil aliud sit quàm compactio, confuratio & contesseratio quædam in nouum & seditiosum, uel saltem superstitiosum conformatum, in nouam schismaticamq; ecclesiam, & in nouum doctrinæ genus, Christiano & Apostolico ex diametro aduersum, certè mirum non est Anabaptistas pertinaces publicis coerceri & puniri legibus. Nam sunt ista alioqui damnabilia, & à Christiano magistratu minime dissimulanda aut ferenda.

*Piaculum rebaptismi.*

Cæterum duo in præsentī loca opponunt nobis Anabaptistæ. Priorem ex 5. cap. Iosue, ubi in hæc uerba legimus, Fac tibi cultros lapideos & circuncide secundo filios Israel. En secundo circuncidi non potuerunt, inquiunt, nisi prius quoque fuerint circuncisi. Respondeo, Secundo circuncidere, uel iteratò facere, non significat id quod prius factum fuerat facere. Semel enim sublato præputio, quomodo semel ablatum iterum auferri potuisset? Quod ergo aliquandiu intermissum est, id nunc iterum repetitur, & secundo factum dicitur. Refertur itaq; secundo, non ad circuncidendos, sed ad ipsum tempus quo incircuncisi circuncidebantur. Primò enim circuncisi fuerant in Ægypto solenniter, antequàm ede-

*Dissoluntur loci pro Anabaptismo adducti.*



rent pascha, iam ingressuri terram Chanaan secundò solenniter circuncidantur, qui hactenus in deserto & profectioibus circuncisi non fuerant. Atq; ita sequitur mox in eodẽ capite, mares Ægypto egressos, in deserto mortuos esse omnes, filios autem horum fuisse incircuncisos, unde eos iam oportuerit ut quondam patres eorum circuncidi. Nullum ergo in hoc legis testimonio præsidium habent Anabaptistæ.

*Duodecim uiri  
Ephesij nõ re-  
baptizati.*

*Acto. 8.*

Posterius pro Anabaptismo testimonium proferunt ex 19. cap. Actuum Apostolorum: ubi aiunt duodecim illos uiros Ephesios aquæ & Ioannis quidem baptismo semel tinctos ab Apollo: sed eosdem mox rebaptizatos esse à Paulo in nomine Christi. Respondemus duodecim illos non iterum aqua baptizatos esse à Paulo. Semel fuerunt aqua baptizati, id quod eis sufficiebat. Neque uerò alium baptismum aquæ potuisset affundere Paulus, quam Ioannis. Docuimus enim & euicimus ab initio huius Sermonis, Ioannis, Christi & Apostolorum aquæ baptismum unum esse atq; eundem. Ibidem exposuimus baptismum ignis uel spiritus Christo esse peculiarem. Viri ergo illi Ephesij baptizati quidẽ fuerunt baptismum aquæ, sicut & Samaritani à Philippo: sed nondum instituti erant plenè de baptismum ignis, nec baptizati erant igne, imò fatentur se nescire an talis sit baptismus, hoc est, an sit spiritus sanctus, qui uisibili specie ignis illabatur hominibus. Absolutè enim ignorare non potuerunt esse spiritum sanctum, sine quo utiq; non crediderant, imò in quem crediderant, siquidem rectè crediderant: proinde baptismum illum ignis duntaxat ignorauerunt. Quemadmodum ergo Petrus & Ioannes Samaritanis imposuerunt manus, atq; hi protinus acceperunt spiritum sanctum. Ita Paulus Ephesijs imponit manus, & accipiunt spiritum sanctum. Lucas enim, His auditis, ait, baptizati sunt in nomine Domini Iesu. Et ne quis hoc intelligeret de aquæ baptismum, mox subiicit modum & expositionem illustrem, Cum imposuisset illis manus Paulus, uenit spiritus sanctus super eos. Hoc inquam appellarat baptizari in nomine Dñi Iesu. Sequitur enim, Et loquebantur linguis: & prophetabant. Hic autem semper fuit fructus & effectus baptismi ignis in primitiua ecclesia, sicut ab initio huius Sermonis ostendimus. Proinde non habent Anabaptistæ ullum ex scripturis pro suo Anabaptismo testimonium. Deferendos ergo & fugiendos esse bonis omnibus uident palam omnes sana ratione uti uolentes. Satis autem uidetur cum his certatum: pergitur modò illa quæ in Baptismo restat explicanda, neq; postrema sunt, exponere.

*De uirtute ba-  
ptismi.*

De uirtute enim & effectum baptismi differentes illi sequimur ordinem, quem adumbrauimus in descriptione baptismi, perstringentes saltem singula, quod copiosius de his diximus in generali consideratione sacramentorum. Præstat tamen ante omnia nouisse quid hostes ecclesiæ aliquando senserint de uirtute baptismi. Manichæi neminem suorum baptizauerunt. Nam docuerunt baptismum nihil salutis conferre percipientibus. Seleuciani, qui & Hermiani, baptismum similiter respuerunt. Messaliani, qui & Euchetæ siue precatores (sicut & in fine præcedentis Sermonis monuimus) & Enthusiastæ, numine inquam imò furore afflati nuncupantur, senserunt baptismum neque prodesse, neque obesse cuiquam. Sic enim omnia salutis spiritus operationi internæ, imò precatationi humanæ tribuebant, ut externa omnia, etiam doctrinam tanquam inutilem & inefficacem fastidirent. Id quod de eis commemorat Theodoretus nist. Eccles. lib. 4. cap. 11. Verum scriptura docet ablui nos baptismum à peccatis. Etenim baptismus est symbolum, testimonium, ac obsignatio purgationis nostræ. Deus enim promisit ecclesiæ suæ sanctificationem, idemq; pro ueritate sua, gratia sua per sanguinem filij sui purgare ecclesiam suam ab omnibus peccatis, & spiritu suo regenerat ac mundat, quæ  
quidem

quidem purificatio ob signatur in nobis baptismo collato: atque ideo appellatur in scripturis ablutio & remissio peccatorum, purificatio, renouatio, regeneratio & lauacrum regenerationis: quemadmodum circumcisio, foedus: & sacrificia, peccata atq; sanctificationes nuncupantur. Legimus enim in Euangelio secundū Marcum, Baptizabat Ioannes in deserto prædicans baptismum poenitentiae in remissionem peccatorum. Idem & apud Lucam traditur. In Euangelio Ioan. 3. cap. baptismus purificatio appellatur. In Actis Apostolorum dicit Petrus ad populum quærentem quid faciat: Resipiscite, & baptizetur unusquisq; uestrum in nomine Iesu Christi, in remissionem peccatorum. Ananias quoq; Paulo dicit, Surge & baptizare, & ablue peccata tua, inuocato nomine Iesu. Iam uerò ipse Paulus, Christus, inquit, dilexit ecclesiam, & semetipsum exposuit pro ea, ut illam sanctificaret mundatam lauacro aquæ, per uerbum. Proinde promissio, imò ueritas sanctificationis & remissionis peccatorum gratuita, inscribitur corporibus nostris cum baptizamus. Deus enim spiritu suo propter sanguinem filij sui animas regenuit ac repurgauit, regenerat atq; repurgat. Valetq; & efficax est baptismus in omni uita hominum, patet item & refertur ad omnia omnium baptizatorum peccata. Verax est enim promissio Dei. Verax non fallax est sigillum promissionis. Semper efficax est Christi uirtus ad expurganda & delenda omnia suorum peccata. Quoties itaq; peccauimus in uita nostra, in memoriam reuocemus sancti baptismi mysterium, quo semel in uniuersæ uitæ nostræ decursum tincti sumus, ut agnoscamus neq; dubitemus peccata nobis nostra remitti ab eo Deo & Domino nostro, & per sanguinem quidem Christi, cui semel per baptismum sumus insiti, ut hic semper operetur in nobis salutē, usq; dum recipiamur ex miseria in gloriam. Nec dubiū est quin tota uita sua Abraham circumcisionis mysterium exercuerit, ac in Deo ipso & promisso sibi semine acquieuerit. Obseruandum tamen hic censeo id diligentissimè, quod significanter inculcauit & S. Augustinus, peccata nobis in baptismo dimitti aut purgari, non ut non sint, (superstes enim concupiscentia uiget & parturit semper) sed ne imputentur: nec ut peccare liceat, sed ut peccasse non noceat, ut sit factis remissio non permissio faciendi. De fide & operibus cap. 20. Ac huius generis per plura citat & Gratianus Distinct. 4. de Consecrat.

Deinde colligimur baptismo in coetum populi Dei. Vnde à nonnullis appellatus est initiale uel initiationis signum, per quod uidelicet pateat ingressus in ecclesiam. Non quod ad ecclesiam non pertinuerimus prius. Nam ad ecclesiam pertinet, quisquis Christi est, foederis illius æterni & promissionum Dei particeps. Baptismus ergo est signum uisibile & testimoniū nostræ insertionis in corpus Christi: & rectè dicitur insitio, incorporatio uel insertio in corpus Christi. Diximus enim in communi consideratione Sacramentorum, primum nos baptismo coniungimus Christo, deinde cum omnibus Christi membris, fratribus nostris. Paulus enim, Quicumq; ait, baptizati estis, Christum induistis. At Christum induere, est idem cum eo fieri, adeoq; ipsi compingi & incorporari, ut ipse in nobis uiuat, & nos in ipso. Solus enim ille per spiritum suum regenerat ac renouat nos, & omnibus donis largissimè perfundit, quod & idē Apostolus alibi hisce uerbis pronunciauit, Deus saluos nos fecit per lauacrum regenerationis ac renouationis spiritus sancti, quem effudit in nos opulenter per Iesum Christum seruatorē nostrum. Ideo uerò & Christus Dominus in baptismo nostro baptizatus est, ut declararet se esse fratrem nostrum, nos eius cohæredes. Rectè ergo dixit beatus Augustinus, ad hoc ualere baptismum, ut baptizati Christo incorporentur, & membra eius habeantur. Idem baptismum appellauit sacramentum Christianæ societatis. Recol-

Baptizatur in remissionem peccatorum. Marci 1. Luce 3. Ioan. 2. Acto. 2. Acto. 22. Ephes. 5.

Valet baptismus in omni uita hominis.

Colligimur baptismum in populum Dei.

Galat. 3.

Titum 3.

Luce 3.



1. Corinth. 12.  
Baptismus ser-  
uit confessio-  
ni nostræ.

ligimur enim uisibiliter per baptismum in unitatem corporis cum omnibus fide-  
libus quotquot fuerunt, sunt, atque erunt. Nam & Paulus dixit, Per unum spiritum  
nos omnes in unum corpus baptizati sumus. Sequitur autem hinc baptismum ser-  
uire confessioni nostræ, ac tesseram recte dici Christianæ religionis. Nam nota uel  
symbolum est, quo testamur & profitemur in Christianam religionem nos consenti-  
re: confitemur nos natura impuros & peccatores esse, sed gratia Dei per Christum  
sanctificatos. Si enim puri fuimus natura, quid erat nobis ablutione opus? Iam ue-  
rò cum abluti sumus, quis dubitet de ueritate Dei? Verè ergo & libere cōfitemur  
baptismum recipientes, & peccatum quo cum nascimur, sed & gratuitam pecca-  
torum remissionem.

Postremò admonet nos recordatio & consideratio mysterij baptismatis officio-  
rum pietatis: nempe ut tota uita nostra expendamus apud nosmetipsos diligen-  
tissime, cuius corporis membra facti simus, ut abnegemus nosmetipsos & mun-  
dum hunc, ut mortificemus carnem nostram cum concupiscentijs eius, sepelia-  
murque cum Christo in mortem eius, ut resurgamus in nouitate uitæ, & uiuamus  
innocenter, ut amemus fratres nostros, tanquam membra nostra, cum quibus in  
unum corpus per baptismum sumus compacti: ut maneamus in uinculo concor-  
diæ & in unitate ecclesiæ, ne alienas sectemur religiones, memores nos in Christum  
baptizatos esse, cui uni consecrati sumus, & longe separati atque diuisi ab omnibus  
alijs dijs, cultibus, siue religionibus, denique ab omnibus hæresibus. Cogitemus præ-  
terea constanter & fortiter pugnandum esse contra satanam, & uniuersum satanæ  
regnum. Quoties ergo recordamur nos esse tinctos Christiano baptismo, toties  
animis nostris hæc suggeruntur, & officij nostri admonemur. Copiosius autem tra-  
ctat hæc Apostolus in 6. cap. Epistolæ suæ ad Romanos, ubi disertè commemorat  
nos per baptismum in Christum esse factos, nimirum ut ex ipso ceu palmites  
ex uite succrescamus, sentiamusque in animis & corporibus nostris & mortem &  
resurrectionem Christi. Quia enim spiritu Christi perfundimur, & hic in nobis  
agit, corpus quidem in diem moritur, spiritus autem uiuit, & in Christo exultat.  
Cui gloria in secula seculorum, Amen.

*De sancta Domini cæna, quid sit, à quo, quādo, & quibus instituta, quo ritu, quando et quo-  
ties celebranda sit, de finibus eius. De genuino sensu uerborū Cænae, Hoc est corpus meum.  
De præsentia Christi in cæna. De uera manducatione corporis Christi. De dignè & indignè  
manducantibus: & quomodo se quisque præparet ad cænam Domini.* S E R M O IX.

**S**ANCTO Christi Domini Baptismo coniunctum est sacramentum cor-  
poris & sanguinis Domini, quod appellamus Cœnam Domini. Quos  
enim Dominus regenerauit lauacro regenerationis, eos etiam epulo spi-  
rituali cibabit, alit, sustinetque ad uitam æternam: consequenter ergo dicendum est de  
Cœna Domini sancta.

Vocabula cœ-  
næ Domini.

Varias hæc appellationes consecuta est, sicuti & epulum paschatis, in cuius  
locum subiit, dicebatur quondam Transitio, uel transitus Domini, quod reuera  
erat transitus memoraculū, Memoria, Signum, Solennitas, Festum uel feria, Con-  
uentus, Celebritas uel cœtus sacer, Cultus obseruatio, Ceremonia & Victima tran-  
sitionis, Sacrificium uel oblatio. De qua re suo loco diximus. Cœna Domini sic di-  
cta est ab Apostolo Paulo, ex eo nimirum quod hæc ceremonia à Domino in ul-  
tima illa cœna est instituta, & quod ipsa spirituale nobis epulū instruitur. Idē Pau-  
lus eandem appellauit Mensam Domini, haud dubie non diuersas ob causas. Ab  
eodem

Mensa Domini.

eodem rursus nuncupatur *nouria*, communio, non tam quod communionem habemus cum Christo, & hanc ille nobiscum habet, quam quod unus panis & unum corpus multi sumus, qui de eodem pane participamus. Lucas appellauit Fractionem panis, à parte totum. Ac constat ueteres non exhibuisse cœnantibus buccellas, sed mutuum fregisse panem. Quondam arctissima fœdera fractione panis cōsecrabantur. Dicitur præterea Memoria & celebratio passionis dominicæ. Dominus enim dixit, Hoc facite in mei memoriam. Dicitur Eucharistia, quoniam Cœnam domini celebrantes, gratias agimus domino pro omnibus beneficijs, pro morte in primis, per quam redempti sumus. Dicitur & Symbolum, & mysterium, & sacramentum corporis & sanguinis dominici. Veteres nominarunt ferè Synaxim. Est autem *synaxis* conjunctio, coactio, coagmentatio, siue cōciliatio. Ecclesia enim Christo in sacra Cœna perquam arctissimo fœdere coniungitur ac adunitur, denique ipsa inter se membra tenacissimè cōglutinantur. Dicta est præterea Conuentus sanctorum, cœtus sacer, & collecta. Non enim celebrari antiquitus consuevit, nisi in cœtu publico ecclesiæ. Quod ex Apostolo claret 1. Corinth. ii. Porro nihil peccauerimus si Cœnam domini Testamentum Dei & domini nostri appellauerimus. Inuenias enim hic quæ ad testamentum plenum pertineant omnia. Testator enim Christus est. Hæredes instituuntur omnes Christi fideles. Legatū est ipsa peccatorum remissio, & uita sempiterna, parta per traditū corpus & effusum Christi sanguinem. Verū literæ seu tabulæ testamenti huius sunt uerba Cœnæ dominicæ, testificantes ceu publico scripto Christum fidelium esse cibum ac uitam. Ipsa uero actio seu ritus instar sigilli est. Quemadmodum itaque literas obsignatas testamentum scripto comprehendentes & obsignantes, nuncupamus testamentū; ita ipsæ dñs Cœnam suam dixit testamentū. Hoc enim poculum, inquit, nouū testamentum est in meo sanguine. Alioquin enim testamentū nouum est peccatorū remissio. Id quod Ieremias disertè testatur cap 31. & Paulus Hebr. 8. Habet hoc sacrum & alia uocabula, sed hæc maximè memorabilia & uulgaria. De alijs alijs.

Cœnam domini definiunt ferè epulum esse spirituale, quo dominus & mortem suam in memoria retinet, & suos ad uitam pascit. Liceat autem & mihi eius descriptionem paulò copiosiore proponere in medium. Cœna domini, est actio sacra, diuinitus ecclesiæ instituta, qua dominus pane & uino in epulum apposito, suam nobis promissionem & cōmunionem attestatur, donaque sua nobis repræsentat, & sensibus subiicit, uisibiliter in unum corpus colligit, mortem denique suam in memoria fidelium retineri uult, & officij nos nostri monet, laudis & gratiarum actionis maximè.

Principiò dicimus Cœnam domini esse actionem. Dominus enim ipsam instituens gratias egit Deo, panem fregit & poculum distribuit, ac dixit, Hoc facite in mei cōmemorationem. Deinde non quæuis actio est. (Ad cibariam enim mensam benedicimus etiam Deo, panem frangimus, & poculū distribuimus) sed actio sacra, quia diuinitus & ecclesiæ quidē est instituta. Plurimum ergo differt à cibarijs & uulgaribus illis cœnis, cum quod singulariter à filio Dei & ecclesiæ instituta est, tum quod uerbum Dei & peculiare Christi exemplum habet. S. Paulus ergo hanc ab epulis discernens prophanis, Si quis, inquit, esurit, domi edat, ne ad condemnationem conueniatis. Et iterum, An nō habetis domus ad edendū & bibendum? Qasi dicat, Hæc utique cœna mystica est. Rursus, qualis sit actio, mox declaratur cū subiungitur, Qua dominus pane & uino in epulū apposito, suam nobis promissionem & communionē attestatur, &c. Habet itaque peculiare suos fines Cœna: de quibus etsi dixerim cū dissecerem generaliter de Virtute sacramentorū,

Communio.

Fractio panis.

Memoria passionis domini.

Eucharistia.

Sacramentum.

Synaxis.

Conuentus.

Testamentum.

Quid sit Cœna Domini.

Cœna actio sacra.



repetam tamen quædam huc maximè pertinentia, cum ad finem prope huius sermonis peruenero.

*Quis author  
cœnæ.*

Circa hanc descriptionem autem Cœnæ, hæc potissimum ueniunt consideranda & explicanda. Primum quis instituerit & sit uerus cœnæ dominicæ author & hospes: nō homo aliquis, sed ipse Dei filius, patris sapientia, uerus Deus & homo. Vnde non ad hominum mensam, licet huc homo minister præsideat, neq; de manibus ministri tantum, sed de manibus ipsius domini sacra percipimus symbola, accumbentes ad mensam Christi domini nostri, cuius sumus hospites, si fuerimus fideles. Hic consecrauit nobis Cœnam, & cōsecrat adhuc uerbo, uoluntate & uirtute sua sancta. De qua re superius diximus. Hæc quia intelligunt fideles, ad sacras cœlestesq; epulas cum Christo accumbunt, mente & animo conuocantes in cœlestibus.

*Quando instituta cœna.*

Ea autem nocte qua tradebatur & postera sanguine fuso moriendoq; nouum testamentum confirmabat, cœnam instituit. Mox enim atq; agnum typicum cum discipulis edisset, ac clarè dixisset eius ceremoniæ nullum porro usum futurum, in locum abrogatæ cœnam hanc reposuit. Vt quemadmodum agnus sanguinolentus Christum passurum significauerat: ita panis incruentus testatur Christum cibum uitæ, iam in cruce tostum ac passum, factum esse cibum omnium credentium. Obseruabilis ergo fuit nox illa, & cœna hæc ultima mysterijs est referta. Solent alioqui dicta & facta, quæ proximè mortem præcedunt, charissimorū hominū nobis esse maximè cōmendata. Ergo ut omnia Christi nobis chara sunt & pretiosa, ita meritò extrema hæc cœna debet nobis esse charissima & pretiosissima.

*Quibus rebus  
constet cœna.*

Constat autem Cœna uerbo & ritu, promissione & ceremonia. Verbum est, quod annunciat Christus in mortem traditus propter peccata nostra, & fuisse sanguinem in remissionem peccatorum nostrorum. Promittitur ergo credentibus remissio peccatorum. Hæc eadem res & ritu repræsentatur. Ritu illum nobis diligenter tradiderunt literis consecratum S. Matthæus, Marcus atque Lucas, quos secutus Paulus ne tantillum quidē ab his uariauit. Ego ex quatuor illis omnia in unum recollecta contextum iam c. v. recitabo, Vespere facto ea nocte qua tradebatur, uenit dominus cum duodecim, & cum esset tempestiuum, accubuit, & duodecim cum eo. Vescentibus autem eis, accepit Iesus panem, & cum egisset gratias, fregit, deditq; discipulis, & ait, Accipite, comedite, hoc est corpus meū quod pro uobis traditur (uel) frangitur. Hoc facite in mei recordationem. Similiter & poculo (postquam cœnauit) accepto, gratias egit, & dedit eis, dicens, Accipite hoc, & diuidite inter uos, Bibite ex eo omnes. Et biberunt ex eo omnes. Et dicebat illis, Hic enim est sanguis meus, qui est noui testamenti: qui pro multis effunditur in remissionem peccatorum. (Hoc est poculum nouum testamentum in sanguine meo, qui pro uobis effunditur) Hoc facite quotiescunq; biberitis in mei commemorationem. Amen dico uobis, quod non bibam posthac ex fructu uitæ usq; in diem illum, cum illud bibam uobiscum nouum in regno patris mei. Hæc sunt ad uerbum solennia & sacrosancta Cœnæ domini uerba.

*Quo ritu celebrata & instituta sit Cœna.*

Summus Pontifex ecclesiæ catholicæ Christus dominus Cœnam celebravit cum discipulis suis, sicut iam uidimus & audiuius citra omnem pompam, simpliciter planè & frugaliter. Abrogauit enim legis paulò operosiores ceremonias, nouā substituit maximè parabilem & minimè sumptuosam. Legis enim pleraq; fuerunt operosiora, euangelij omnia sunt parabilia & sumptuosa minus. Discumbit ergo dominus cum duodecim suis discipulis. Vnde discimus ante omnia cœtum esse colligendum, qui Cœnam celebret. In cœtu suo hæc facit dominus.

Princi-

Principio diligentissime cōcionatur suis, & de ijs maximè, quæ attinebant ad mysterium passionis & redemptionis nostræ. Cæterum ubicunq; est doctrina & auscultatio uerbi domini, uel euangelij Christi, ibi sunt gemitus & uota siue preces fidelium. Proinde celebraturi Cœnam dominicam ante omnia, ad exemplum & institutionem summi pontificis Christi domini, prædicationem euangelij audiunt diligentissime, & precantur attentissime. Deinde uerò accepit panem, benedixit & fregit dominus, dedit præterea discipulis suis & comedere iussit. Distribuit mox etiam poculum, & ex hoc omnes bibere mandauit. Sed & disertum & perspicuum mandatum subiecit, dicens, Hoc facite: nimirum quod me facere uidistis. Discipuli ergo & panem comederunt & de poculo biberunt omnes. Idcirco legitime Cœnam domini celebrantes, mutuò inter se panem domini de manibus ministrorum Christi acceptum, frangunt, distribuunt & manducant, poculum insuper domini de manibus ministrorum Christi acceptum inter se distributum omnes potant. Et sicut pontifex summus Christus id facere iussit in sui memoriam, ita cœnam celebrantes memoriam mortis & omnium beneficiorum Christi peragunt. Præterea sicut dominus præiit exemplo suo gratias agens Deo patri, ita fideles gratiarum actione sacrum hoc concludunt, laudantes bonitatem & misericordiam eius, quoniam bonus, quoniam in æternum misericordia eius. Hic ritus Cœnæ domini & simplicissimus & optimus est, quem apostoli à domino Christo acceptum, omnibus nationibus custodiendum tradiderunt.

Ergo cum interrogatur, an liceat alio ritu cœnare, an liceat tradito ritui addere aliquid an adimere, aut aliquid in ipso mutare, an hac ipsa iam tradita & non alia forma oporteat celebrare cœnam domini? stultitia & temeritas non modica, quinimò impietas maxima proditur. Quorsum enim attinet simplicissima, optima, perfectissimaq; cœnandi formula ab ipso domino tradita, & ab apostolis eius accepta, comminisci aliam? Quis quæso meliorem tradet ipso Dei filio, pontifice ecclesiæ catholicæ summo? Quis oro sanæ mentis addet, aut adimet aliquid institutis Dei? Quis immutare audeat tradita ab æterna Dei sapientia? Omnia Christi cum dicta tum facta sunt perfectissima: ergo & forma cœnæ dominicæ, instituti singularis & celeberrimi, perfectissima est. Perfectissimi fuerunt ritus sacramentorum ueteris testamenti, sic à prima eorum institutione traditi, ut his nihil à religiosis uel adijceretur uel adimeretur etiam post multa secula. Celebrauit enim pascha Ezechias rex, celebrauit & Iosias, sed non alio ritu, quàm tradito à Mose. Circunciderunt infantulos suos patres, sed non alia ratione, non alio ritu, quàm primitus tradito. Homicidij perpetrati accusabatur in lege quondam, si quis non sacrificasset eo loco & ritu, quem præscripserat deus per Moysen. Fulmine cœlitus demisso feriuntur Nadab & Abihu, quòd alienum ignem intulissent in tabernaculum: Oza percutitur repentina morte, quòd non eo modo tractaretur arca Dei exercituum, quo in lege iussa fuerat tractari. Proinde nobis quoq; ritus à domino institutus Cœnæ, & traditus ecclesiæ ab apostolis, maxima religione custodiendus erit: nisi credere libeat sacramentorum nostrorum instituta & ritus imperfectiores esse ueterum institutis, deumq; patrem hodie minus curare prophanationem, aut religiosam obseruationem institutorum filij sui, quàm olim patrum ac Moysis. Cæterum uas electionis Paulus, intelligens institutionem Christi & perfectissimam esse & eandem simpliciter absq; additamenti retinendam in Ecclesia, Corinthiis dicit, Ego accepi à domino quod et tradidi uobis. Nā nephas putauit aliud tradere ecclesiæ, quàm quod acceperat à domino. Teneamus ergo magna religione quod traditum à domino accepimus & apostolis. Nihil autè aliud Corinthiis

An liceat ritui  
aliquid addere,  
&c.

Leuit. 17.  
Leuit. 10.  
1. Sam. 9.  
Num. 4.

1. Cor. 11.



tradidit Apostolus, etiam post multos ab ascensione domini in cœlū annos, quàm quod scripto fideli tradiderunt nobis sancti Apostoli & euangelistæ, beatus Matthæus, Marcus & Lucas.

*Quomodo Cœna quondam celebrata in ecclesia.*

Certè seculis aliquot ab obitu Apostolorum, simplicem illam rationem celebrandi Cœnam domini obseruatam esse ab Ecclesia constat. Nam prodibat in cœtum sacrum postquam prædicasset euangelium, & præuia oratione publicas Deo preces obtulisset, pastor uel minister ecclesiæ. At in prospectu populi stabat instructa pane & uino mensa, ponè hanc astans benedicebat populo, dicens, Dominus uobiscum. Excipiebat populus, Et cum spiritu tuo. Subdebat pastor, Sursum corda, admonens ecclesiam mystica sacra fore tam celebranda, ideoq; mentes à uisibilibus eleuandas ad inuisibilia. Respondebat populus, Habemus ad dominum. Inde uerò ad gratiarum actionem inuitans totam Ecclesiam, clamabat, Gratias agamus domino deo nostro. Respondebat ecclesia, Dignum & iustum est. Pastor iterum subiungebat, Verè dignum & iustum est, æquum & salutare (& conuersus ad dominum) nos tibi semper & ubiq; gratias agere domine sancte pater omnipotens æterne Deus, per Christum dominum nostrum: qui pridie quàm pateretur accepit panem gratias egit, fregit, deditq; discipulis suis. Et reliqua quæ commemorantur in Euangelio. His ex euangelio recitatis subdebat pastor, Oremus præceptis salutaribus moniti, & diuina institutione formati, audemus dicere, Pater noster quies in cœlis, &c. Post recitatam orationē dominicā populus sacra percipiebat mysteria, communicabatq; & post laudes Deo oblatas dimittebatur. Atq; huius quidem ritus quædam uestigia cernere licet apud scriptores ueteres, S. Cyprianum, S. Augustinum & alios.

*Immutata forma Cœne dominicæ.*

Porro sequentibus exinde temporibus creuerunt preces & benedictiones, creuerunt in immensum usq; ritus. Immutata est præterea institutio Christi, & conuersa in alienum usum, consarcinata est deniq; Missa, in qua parum uideas uetustatis. Sed de his aliàs disserui copiosissimè, intelligitq; totum hoc negotium c. v. peroptimè. Nihil curamus qui Christi domini institutionem perfectissimam & purissimam ab apostolis traditam tenemus, quid quicq; hominum, & quando quisq; pontificum hoc uel illud ritui sacro addiderit, detraxerit uel immutauerit: sed quid, qui ante & super omnes est, prior & fecerit & facere iusserit. Si instituentis autoritas, doctrina & sanctitas, si uetustas ualere debet, uicimus nos qui Christum pro nobis habemus cum electissimo Apostolorum choro. Ab his enim habemus quod celebramus, & omnibus celebrandum contendimus p̃js.

*Quare sub specie panis & uini instituta cœna.*

*An panis azymus an fermentatus usurpandus.*

Cur autem mysterium hoc instituerit dominus sub specie panis & uini, perspicuum est. Panis enim confortat, & uinum exhilarat cor hominis. Id quod monui cum dissererem de Analogia sacramentorum. Præterea ederunt patres nostri in typo manna, panem cœlo deplutum. Vñ sunt & in gratulatorijs suis oblationibus & libaminibus pane & uino. Cæterum odiosa excitata est cōtentio super materia Cœnæ dominicæ: contenduntibus his pane azymo, alijs uerò fermentato esse cœnandum. Atqui apud ueteres quondam de his nullæ mouebatur rixæ. Nam ecclesiæ pro sua libertate utebantur utroque. Videtur quidem dominus in prima illa Cœna usus esse pane azymo in mensa, ex ueteri more celebrandi paschatis relicto. Vnde non pauca ecclesiæ infermentato pane usæ sunt: quæ tamen fermentato utentes non damnabant hæreseos. Papa autem cum suis non leui scandalo Græcos leuiculam hanc ob rem anathemate percussit. Damnati sunt interim à priscis nonnulla de caussa Artotyritæ, quorum mentio fit ab Epiphanio inter Pepuzianos & Priscillianos, in mysterijs contra institutionem Christi apponentes cum pane caseum.

Dispu.

Disputatur præterea, uinum ne merum an aqua dilutum in cœna sit fidelibus propinandum. Cyprianus martyr propter mysterium contendit non merum sed aqua dilutum esse offerendum, id est propinandum fidelibus. Sic enim scriptum reliquit, Quia nos omnes portabat Christus, qui & peccata nostra portabat, uideamus in aqua populum intelligi, in uino ostendi sanguinem Christi. Quando autem in calice uino aqua miscetur, Christo populus adunatur & credentium plebs ei in quem credidit copulatur & iungitur. Sic autem in sanctificando calice domini offerri aqua sola non potest, quomodo nec uinum solum potest. Nam si uinum tantum quis offerat, sanguis Christi esse incipit sine nobis: si uero aqua sit sola, plebs incipit esse sine Christo. Quando autem utrunque miscetur & adunatione confusa sibi inuicem copulatur, tunc sacramentum spiritale & cœleste perficitur. His pulchrum sanè mysterium aperit S. Cyprianus: uerum quare pergitur Christo esse prudentiores & plura cōminisci mysteria quàm ab ipso acceperimus? Scriptura nō meminit ullius aquæ, imò cōmemorat dominum mero usum esse uino. Nam dominus dicit, Amen dico uobis, quod posthac non bibam ex hoc fructu uitis. Significanter enim non uinum, sed uitis fructum dixit, ne ullam hic comminisceremur mixturam. Quid quod ipse sanctus dei martyr Cyprianus modis omnibus contendit in celebranda Cœna domini id duntaxat esse sequendum fidelibus, quod traditum acceperunt à Christo domino? Quoniam uerò illud testimonium facit pro tota hac traditione nostra, de Cœna Christi secundum uerbum euangelij celebranda, recitabo hoc ex 2. Epist. lib. epist. 3. de uerbo ad uerbum.

*Uino ne miscēda aqua.*

Ab euangelicis præceptis omnino recedendum non esse, inquit, & eadē quæ magister docuit & fecit, discipulos quoque obseruare & facere debere, constantius & fortius alio in loco beatus Apostolus docet, dicens, Miror quod sic tam citò demutamini ab eo qui uos uocauit in gratiam ad aliud euangelium: quod non est aliud, nisi sunt aliqui qui uos perturbant & uolunt conuertere euangelium Christi. Sed licet nos aut angelus de cœlo aliter annunciet præterquam quod annunciauimus uobis, anathema sit. Sicut prædiximus & nunc iterum dico, Si quis uobis annunciauerit præterquam quod accepistis, anathema sit. Cum ergo neque ipse apostolus neque angelus de cœlo annunciare posset aliter aut docere, præterquam quod semel Christus docuit, & Apostoli eius annunciauerunt, miror satis unde hoc usurpatum sit, ut contra euangelicam & apostolicam disciplinam quibusdam in locis aqua offeratur in dominico calice, quæ sola Christi sanguinem non possit exprimere. Et iterum, Nō est frater charissime, quod aliquis existimet sequendam esse quorundam consuetudinem, si qui in præteritum in calice dominico aquam solam offerendam putauerunt. Quærendum est enim ipsi quem sint secuti. Nam si in sacrificio, quod Christus est, non nisi Christus sequendus est, utique id nos audire & facere oportet, quod Christus fecit & faciendum esse mandauit: cum ipse in euangelio suo dicat, Si feceritis quod mando uobis, iam non dico uos seruos sed amicos. Et quod Christus debeat solus audiri, pater etiā de cœlo contestatur, dicens, Hic est filius dilectissimus, in quo bene sensi: ipsum audite. Quare si solus Christus audiendus est, non debemus attendere quid aliquis ante nos faciendum putauerit: sed quid qui ante omnes est Christus prior fecerit. Neque enim hominis consuetudinem sequi oportet, sed Dei ueritatem. Cum apud Isaiam prophetā Deus loquatur & dicat, Sine causa autem colunt me, mandata & doctrinas hominum docentes. Et iterum dominus in euangelio hoc idem repetat, dicens, Reijcitis mandatum Dei ut traditionem uestram statuatis. Sed & alio loco ponit, & dicit, Qui soluerit unum ex mandatis istis minimis, & sic docuerit homines, minimus

*In cœna celebranda nihil aliud sequendum quam quod à Christo accepimus.*



vocabitur in regno cœlorum. Quod si nec minima de mādatis dominicis licet solvere, quanto magis tam magna, tam grandia, tam ad ipsum dominicæ passionis & nostræ redemptionis sacramentum pertinentia phas non est infringere, aut in aliud quàm quod diuinitus institutum est, humana traditione mutare? Et reliqua. Ea autem contra authorem ipsum ualere nemo negare potest. Nam scripturis & exemplo Christi demonstrari non potest, uino aquam esse mixtam in cœna. Quæ idem author profert testimonia, nemo non uidet ad propositū negotiū nihil facere, adde & à natiuo sensu deflexa esse. Euangelium simpliciter pronunciat, dominum suis fructum uitis propinasse. Et cum S. Paulus toties meminit poculi, nupiam tamen aquam uino infusam aut infundendā esse docet. Proinde rectè damnantur aquarij, id est, aqua pura utentes in cœna: quales fuisse cōmemorant Martionitas & Tatianos. Porro indifferens est, uino utaris in cœna rubro an albo.

*De utraq; specie in cœna danda & accipienda.*

Rursus cur non sub una uel panis uel uini specie, sed sub utraq; sacramentum cœnæ nobis tradiderit dominus? illud unanimiter in causa omnes doctores ecclesiæ arbitrantur, quod ita significare, imò attestari uoluit, & animam & carnem se suscepisse, eademq; impendisse pro nobis, sed & animam & carnem nostram liberasse ab interitu sempiterno. Quamuis uerò duæ sint species, unū tamen duntaxat constituunt sacramentum. Neq; enim separandæ sunt. Neq; probanda est eorum sententiā qui priuata, imò sacrilega quadam potestate institutū Christi corruerunt, offerentes communicantibus laicis unam duntaxat speciem panis, sacerdotibus autem utraq; concedentes, adeoq; & solis his uendicantes. Etenim S. apostolus Paulus ab ipso dño accepit ius, omnes Christi fideles admittendi ad poculum dominicū: uideant ergo audaculi illi à quo acceperint præceptum arcendi laicos, & prohibendi his concessum à dño Deo poculum. Nam Christus disertis uerbis, & ueluti prophetico spiritu prænosceus quid futurum esset in ecclesia, non ad panem adiecit, Edite ex hoc omnes: sed ad poculum addidit, Bibite ex hoc omnes. Marcus quoq; non sine graui causa subiungit, Et biberunt ex eo omnes. Quibus accedit quod apud Lucam dominus dicit, Accipite hoc, & diuidite inter uos. Hoc luculentum & disertum Christi institutum spectans apostolus Paulus ter aut quater panē connectit poculum, dicens, Quotiescunq; comederitis panem hunc, & de poculo hoc biberitis, mortem domini annunciate. Item, Quisquis edierit panem hunc, aut biberit de poculo domini indignè, reus erit corporis & sanguinis domini. Et iterum, Probet semetipsum homo, & sic de pane edat, & de poculo bibat. Rursus, Qui edit & bibit indignè, &c. Multiplex est hoc testimonium, dignum planè cui credatur, & cui cedant omnes omnium hominum traditiones. Omnibus fidelibus instituit dominus poculum cœnæ: ergo Apostoli eius omnibus fidelibus exhibuerunt. Etenim si sacramentū sanguinis Christi solis datum est apostolis, certè res ipsa, nempe peccatorum remissio per sanguinē Christi parta, ad solos pertinet Apostolos. Cæterum dominus disertè dicit, Hic est sanguis noui testamenti, qui effunditur pro multis in remissionē peccatorū. In alijs quoq; scripturæ locis traditur disertè, sanguinē Christi effusum esse pro remissione peccatorum omnium fidelium. Proinde cum laici rei capaces sint, quāto magis signi? Si uero aduersarij perrexerint dicere, solos ad cœnam accubuisse apostolos, (qui typum prætulerint sacerdotū) & his solis usum calicis esse concessum, nec alijs nisi in prima cœna præsentibus concedendum: interrogamus eos quo iure panē domini offerant laicis, aut quo iure ad cœnam admittant mulierculas: cum satis constet nec has nec illos (uti isti hac de re loquuntur) affedis se mensæ domini. Atq; hic deprehenſi hærent. Sed obijciunt periculū calicis, qui si offeratur promiscuè omnibus,

nibus, futurum ut hominum ineptia imperitiâq; magno cum scandalo effundatur in pavementum. Quasi uerò æterna Dei prouidentia non prauiderit tantum scandalum, quod sapientes isti demum in fine seculi perspiciunt, & quod Dei filio defuit, sarciant. Sufficere autem clamitant laicis unam speciem, cum per concomitantiam ibi d.prehendatur esse sanguis Christi, ubi est corpus Christi. Ita uerò sequeretur alteram speciem frustra esse institutam. Sed separatim quidem primum obtulit Dominus panem, deinde uerò poculum: neq; quicquam eorum quæ Dominus instituit redundat: pinde utraq; species omnibus debet, sic iubente Domino, fidelibus distribui. Id quod fecisse omnem uetustatem ad tempora ferme usque Concilij Constantiensis testabuntur, quotquot ueterum scripta perlegerunt. Ex quibus nonnulli nihil ueriti sunt dicere, non sine sacrilegio diuisionem fieri huius sacramenti.

Post materiam cœnæ explicatam, solet quæstio texti de forma uel de consecratione panis & uini. Sed quoniam de hac dixi in generali sacramentorum consideratione, non est quòd cum fastidio auditorum eandem rem repetam. Non agnoscimus ullam transubstantiationem uerborum & characterum factam, sed panem & uinum in suis substantijs, id quod sunt, manere asserimus, accedere autem institutionem, uoluntatem, ac uerbum Christi, & fieri sacramentum, atq; sic plurimum differre à pane & uino prophano, ut suo loco diximus.

Sequitur iam quæstio de eo, Quis administret cœnā: id est, An aliquis ex ecclesia actioni cœnæ debeat præesse, & quis? Certè res ipsa flagitat, & iubet natura, ut omnia fiant decenter ac iusto ordine: flagitat religio, ut omnia cœnæ fiant ad exemplū Christi. At hic præfuit cœnæ. Idem ministros ecclesiæ instituit, per quos uoluit administrari sacramenta. Quemadmodum ergo non quiuis baptizat, sed legitimus ecclesiæ minister: ita non est cuiusuis instruere sacram cœnam, & administrare, sed à Deo ordinati ministri. Improbamus autem in præsentī doctrinā Papisticam approbantem Missas priuatas, tradentemq; sacerdotem offerre corpus & sanguinem Domini pro astantibus, & applicare per Missam meritum redemptionis, sacrum hoc deuotè contemplantibus. Vt enim nullum extat uerbum Domini quod sacerdotes sacrificare uel priuatim applicare iubeat cœnam pro alijs, aut quod contemplantibus cœnam quicquam promittat, Hoc facite, inquit, edite & bibite omnes in mei memoriam, non autem dicit edentes aut bibentes solos sacerdotes pro uobis, contemplamini: ita corporaliter non adest panis & uino Christus: animis nostris spiritu suo coniunctus est: nullo cum fructu resideret in pane. Et ut adsit maxime, sacrificari tamen non posset, cum quòd ipse semetipsum semel in cruce obtulit, nec ab ullo homine peccatore Deo patri unigenitus & dignissimus Dei filius amplius offerri possit: tum quòd nihil necesse sit eum offerre denuo, Paulo dicente, Christus una pro peccatis oblata uictima perpetuò sedet ad dexteram Dei, id quod superest expectans donec reddantur inimici eius scabellum pedum eius. Vnica enim oblatione perfectos effecit in perpetuū eos qui sanctificantur. Et iterum idem, Vbi est plenaria peccatorum remissio, ibi non est amplius oblatio pro peccato. Atqui plenaria nobis collata est remissio peccatorum per mortem Christi semel factam. Proinde nullum est amplius sacrificium ecclesiæ pro peccato. Celebrat itaq; ecclesia commemorationem sacrificij semel in cruce peracti: non sacrificat amplius uel cruentè uel incruentè. Est quidem laus & gratiarum actio sacrificium Domino gratissimum: uerum hoc non offert minister pro alijs, sed cum alijs. Nihil ergo hic ministro aliud tribuimus quàm ministerium, ut in celebratione cœnæ præeat precibus recitandis, ac post prælectionem

De Consecratione panis & uini.

An aliquis præesse debeat actioni cœnæ.

Hebr. 10.



## DE COENA DOMINI.

sacram uerborumque solennium pronunciationem, ipse, Christi ad exemplum, panem Domini frangere, & poculum eius distribuere incipiat, ipse quoque sicut alij fideles, & ut consors fidei pro se sacramenta percipiat, & communione peracta, sacram actionem gratiarum actione & sancta exhortatione concludat.

*De loco cœnæ  
Domini.  
Acto. 20.*

De loco in quo celebretur cœna, nihil uideo rixarum apud uetustissimos ecclesiarum ministros. Dominus Iesus usus legitur aula priuata cuiusdam domus. Sed & Paulus Apostolus Troade & prædicat, & panem frangit in quodam cœnaculo. Ac uetus quidē ecclesia, proximē sequens Apostolorum mortem, ad magni Constantini ferē tempora usque, uel rarissima uel nulla habuit templa augusta & publica. Vix enim Christianis in tam atroci tempestate licebat in publicum prorepere. Interim utebantur locis honestissimis, in quibus in cœtum coibāt sacrum, habentes oratoria. Hodie non uidetur ullus locus & dignior & commodior esse Cœnæ sacræ, quàm idem ille qui destinatus est doctrinæ & precibus. Sic enim à Paulo didicimus 1. Corinth. 11. cap. Cæterum si uis tyrannica non concedat templum, in ædibus priuatis, sed honestis, honestē cœnare quid uetaret? De instrumentis quoque

*De ara uel mensa  
Dei.*

Cœnæ sacris nonnihil in medium proferre ipsa poscit res. Apostolica secula mensis positis cœnabant: ignorabant aras fixas & extructas lapide, quæ magis idoneæ sunt fouendis ignibus pecudibusque cremandis. Et portatilis quidem mensa magis congruit exemplo Christi. Altaria interim stata minimē damnamus, modò legitimo usui Cœnæ duntaxat seruiant. S. Paulus in 1. ad Corinthios aras ethnico- rum, mensas appellauit, ut mirari non debeamus cur ueteres mensas nostras nuncupauerint altaria. Facilis est enim transitus de altero ad alterum; uideturque ab illis allusum ad aram illam tabernaculi Dei unicam. Insternebantur mensæ quondam mundo aliquo panno, linteo, uel mappa. Vnde fortassis mutuata sunt quæ appellantur Corporalia. Splendorem autem & ornatum illum mundanum tum quidem ignorauerunt aræ Christianorum. In lege enim cautum legimus, ne qua extrueretur ara lapidibus politis; qua lege omnis sumptus & splendor in religionibus prohibitus est.

*De uasis cœnæ  
Domini.*

Vnde nec uasa quidem Cœnæ quondam pretiosa fuisse constat. Vt enim Christus & Apostoli ubique frugalitatē docuerunt, & luxum damnarunt, cōtemptumque auri & argenti inculcauerunt: ita sacris mysticis doctrinam illam suam non subuerterunt, aut occasionem præbuerunt luxui. Cùm pax post diutinam persequutionem reddita esset ecclesiæ, cœptum est aureis & argenteis uasis libari in templis. Sed tum quoque non defuerunt qui istud reuocarent ad antiquam frugalitatē & simplicitatem. Chrysostomus enim clamabat (quod & aliàs monui) in Cœna Domini peragenda nō aureis uasis, sed animis esse opus. Et Ambrosius, Aurum, inquit, sacramenta non quærunt, neque auro placent quæ auro non emuntur. Ornatus sacramentorum redemptio captiuorum est. Laudat S. Hieronymus S. Euxuperium Tolosanum Episcopum, qui corpus Domini canistro uimineo, sanguinem portabat in uitro, & qui auaritiā eiecerat ex templo. Et quidem quasdam ecclesias post octingentos annos & amplius à passione Domini, usas esse ligneis uasculis in propinando sanguine Christi, ille canon Concilij Triburiens. cōuincit, qui adhuc extat in Decretis Pontificijs, uetans ne quis sacerdos sacrū mysterium in ligneis uasculis conficiat. Antiquissima sunt itaque pocula in cœna Domini lignea. Rogatus olim Bonifacius archiepiscopus (quod et si alibi adduxerim, cogor tamen hic propter argumenti conuenientiam repetere) an liceret in uasculis ligneis sacramenta cōficere? Respondit, Quondam sacerdotes aurei ligneis calicibus utebantur; nunc è contrario, lignei sacerdotes aureis utuntur calicibus. Quod si quis

si quis ex alia materia parata, citra luxum & superstitionem proferat, non contemnimus odiosus, modo agnoscat nihil peccare ligneis usurpantes calicibus. Nam quantum ad formam & materiam poculorum attinet, libera sunt omnia fidei ecclesiae.

Porro constat ipsum Dominum nostrum in prima Cœna, adde & Apostolos in celebratione Cœnæ usos esse ueste uulgari & honesta. A primogenia ergo institutione non discrepat, si minister ad mensam Domini prodeat tectus suo, cæterum decoro & honesto uestimento. Certè qui percipiunt, non alia quàm uulgari ueste induuntur. Cauendum ergo ne hic subrepat superstitio. Veteres unico tecti uidentur pallio superinducto uulgari uestimento: idè non exemplo Christi, uel Apostolorum, sed ex traditione humana. Tandem suppellex illa quæ hodie uisitur, ex imitatione uestitus sacerdotalis ueteris legis collecta est & iniecta ministris Cœnam celebrare uolentibus. Nec dissimulat hoc Innocentius eius nominis I I I. in lib. de Sac. alt. myst. 4. cap. 4. At nos dudum didicimus Leuitica omnia non tantum esse abrogata, sed à nemine rursus reducenda in ecclesiam. Ergo cum in luce Evangelica, non in umbra legis uersetur, meritò reijcimus uestitum illum missalem Leuiticum.

Lingua uerò patria & omnibus intelligibili, uel uulgari in celebrandis sacramentis quamlibet gentem ab antiquo esse usam dixi aliàs. De Gesticulationibus, quibus in Cœna celebranda utantur ministri, ex Euangelio aliud nihil dicere possumus, quàm quod didicimus. Accipit Dominus panem, benedixit, fregit, distribuit, &c. Hæc si imitetur minister, non est quòd de alijs sit sollicitus gesticulationibus. Quæ hodie in Missarum celebratione sunt recepta hominum arbitrio, adeò nihil maiestatis addunt mysterijs, ut plus contemptus concilient, ne quid dicam aliud quod uideatur atrocius.

Indifferens est autem accumbendo uel adeundo Cœnam peragat ecclesia, ac sacra symbola in manus proprias accipiat, uel in ipsum os de manu præsentium excipiat. Primogeniæ simplicitati & institutioni magis congruit, & sedere, & sacramenta in manus proprias accipere de manibus præsentium, deinde uerò frangere, percipere, ac alijs impartiri. Vt enim Dominus ad mensam cū discipulis accubuit, ita dixit post rectis symbolis, Accipite, Diuidite inter uos. Præterea sicut tranquillius & minore turba cœnatur sedendo, circumferentibus per ecclesiam mysteria sacra ministris: ita satis constat ex ueterum historijs eucharistiam quondam datam esse in manus sumentium. Superstitio est pugnans cum doctrina Apostolorum, qua raduntur manus laicorum, attingentium sacram Eucharistiā. Quare non radunt eodem iure labia, linguam & fauces communicantium.

Retexitur ex his & alia quæstio, quid iudicare oporteat de reliquijs cœnæ Dominicæ, an aliquid recondendum de Cœna, an reconditum uel reclusum sit adorandum: Sed uidetur hæc quæstio nihil habere pietatis, superstitiosa autè & perniciose esse prorsus. Quis enim nesciat panem & uinum extra usum sacrum legitimumque non esse sacramentum? An pergemus unà cum sophistis inquirere, quid arrodat mus, cum arrodat panem Dominicum? Indignissimæ sunt hæc quæstiones & obruendæ obliuione sancta. De recludenda uerò Eucharistiā ne uerbum quidem docet nos in Euangelio Dominus, multò minus de adoranda. Accipite, inquit, edite, diuidite inter uos: non autè dicit, Recondite, adorate. Nam ueri adoratores adorant patrem in spiritu & ueritate. Præterea legimus disertis uerbis dixisse Dominum in Euangelio, Si dixerint uobis, Ecce in deserto est, nolite exire: ecce in penetralibus est, nolite credere. Rationem huius sui præcepti subiungit,



Coloss. 3.

Sicut enim fulgur exit ab oriente & apparet usque in occidentem, ita erit aduentus filij hominis. Gloriosus non obscurus erit relictus, ait, in mundum filij hominis: nec ueniet amplius, nisi iudicaturus uiuos & mortuos. Paulus ergo Apostolus docens nos ueram religionem, non in terris, sed mentibus exaltatis iubet nos adorare Christum in cœlis ad dexteram patris. Et quis obsecro tam uasanus sit, qui adoret signum sacrum pro re ipsa sacrosancta? Ex decretis recentior conditi palam constat humano arbitrio illa esse inuenta. Certum est, Festum, quod corporis Christi uocant, sero sub Urbano Papa demum esse institutum, anno Domini 1264. Id uidere licet in Clement. lib. 3. tit. 16. cap. Si Dominum.

Quando celebra-  
branda Cœna.

Restat iam excutienda quaestio temporis Cœnae Dominicae, Quando celebranda sit Cœna Christi, mane ne an uespere? An simul oporteat cœnare? An accipienda ieiunis an pransis? Quoties item celebranda sit cœna, semel an multis rariiusue? Constat quidem aperte satis, Christum uespere cum suis discubuisse, sed inde non sequitur alio tempore cœnam non posse peragi legitime nisi uespertino. Dominus enim ex occasione epuli paschalis, & quoniam ea ipsa nocte tradendus erat, uespere cum suis & cœnabat, & cœnam nobis instituebat. Liberum interim reliquit sacrum hoc transferre ad horas matutinas: quod sobrijs ad res gerendas omnes, religionis maxime, longè aptiores sumus, quam repleti dapibus. Ipsa itaque res flagitat conuiuia ieiunos: non ita tamen ieiunos, ne liceat ualitudinis gratia prægustare aliquid. Paulus enim dixit, Quod si quis esurit, domi edat. Idem Apostolus non uult simul instrui conuiuia cum cœna Domini mystica. Vnde nos dicimus, non oportere simul cœnare. Docet quidem Tertullianus Christianos frequenter simul cœnare consueisse: quod Cœnae genus *ἀγαν* uocatum tradit, a dilectione mutuato uocabulo: quod ibi ditiorum epulis pauperes reficerentur. Verum his cibo, potu alijsque necessarijs etiam extra templum poterat prospici. Paulus non uult eodem in loco & conuiuia publica agitari, & Cœnam mysticam celebrari.

Agape.

Quoties celebra-  
branda Cœna.

Porro quoties sumenda sit Eucharistia à fidelibus in anno, nihil lege lata definitum est Apostoli, sed liberum reliquerunt in cuiusque ecclesiae arbitrio. Quid enim clarius est, quam quod Paulus dixit? Quotiescunque comederitis panem hunc, & de poculo hoc biberitis, mortem Domini annunciabitis donec uenerit. Nam Dominus (eodem Apostolo authore) prior præcipiens dixerat, Hoc facite, quotiescunque biberitis, in meam commemorationem. Nemo interim ita sibi liberam facultatem existimet cœnae celebrationem, ut nunquam illam peragat. Non ea esset libertas iusta, sed licentia iniquissima. Qui certis uel statis in anno diebus cœnam celebrant Dominicam, frequentia quotidiana nolunt eam abduci in contemptum aut fastidium. Habent enim rationem sui populi & cœnam digne adeoque cum desiderio cupiunt peragi. Qui uerò eam creberrimè repetunt, existimant iniquum esse si res bonae frequentia abeant in despectum. Quanto enim meliores sunt res, tanto aiunt usurpandas frequentius. Vtrique cupiunt inservire Domino, & multo cum fructu peragi quod liberum fecit Dominus. Inter hos si arbiter siue sequenter institueretur hodie beatus Augustinus, nihil aliud pronuntiaret proculdubio, quam quod pronunciauit de ipsa causa scribens Ianuario, & dicens, Rectius inter istos quispiam dirimit litem, qui monet præcipue in Christi pace permanere, faciat autem unusquisque quod secundum fidem suam pie credit esse faciendum. Neuter enim exhonorat corpus & sanguinem Domini, Contemptum solum non uult cibus ille.

Iam

Iam quibus instituta & exhibenda sit sacra hæc Cœna etiam considerandum est. Videtur autem instituta & exhibenda omnibus Christi fidelibus, cuiuscunque sexus, uiris & mulieribus, summis & infimis. Ergo non est spargendum tantum mysterium porcis & canibus ad contemptum & conculcationem. Priusquam enim celebretur, sermone & significanter admonendi sunt omnes homines, quorum sit hic cibus, peccata agnoscendum, dolentium de commissis, & credentium in Christum: admonendi sunt omnes, ut quisque in semetipsum descendens sese probet, deinde uero de pane hoc sacro edat, & de poculo bibat, ne indignè ad iudicium sibi manducet & bibat. Cæterum si qui post seueram admonitionem accedentes accumbant, accumbendoque quasi profiteantur palam se & esse & cupere manere Christi cultores, à quo sperent peccatorum remissionem, sanè non sunt arcendi à ministris neque eis sacra deneganda mysteria. Nam ipse Dominus cordium scrutator, seuerè diligenter, perspicuè & multis in cœna ultima, etiam ante mysteriorum exhibitionem, admonuerat Iudam hypocritam, furem, proditorem, latronem, imò parricidam, blasphemum & desertorem, sed cum admonitus nihilominus non discederet à tabula, sed maneret inter sanctos, non repulit eum uiolenter Dominus, nec palam recedere iussit, nec panem Dominicum eidem detraxit, sed perinde ut alijs obtulit, utcumque certò sciret qualis esset: id quod ministri ecclesiarum non ita certò de accumbentibus semper nouerunt. Nec peccauit hic quicquam Dominus, nec sanctum canibus proiecisse uidetur. Nam diligenter admonuit eum Dominus de omnibus, de quibus erat admonendus, ipse uero illa omnia audiens & intelligens, nihilominus inter sanctos hæret, & se pro fidelis, non porco uenditat, & tanquam fidelis de pane & poculo participat. Qua hypocrisis tamen graue in se Dei iudicium prouocauit. Quemadmodum hodie quoque omnibus hypocritis hic cibus & potus sacer cedit ad perniciem corporis & animæ. Neque uero contaminauit hypocritæ in cœna Domini præsentia alios accumbentes fideles Christi discipulos: quemadmodum ne hodie quidem fideles polluantur, tametsi cernant plurimos secum accumbere hypocritas. Non enim cœnant cum eis ut cum hypocritis, sed tanquam cum fidelibus. Sibi interim non alijs nocet, sibi cadit & perit, sibi iudicium manducat & bibit hypocrita, fidelis autem fide sua uiuit. Qua de re diximus in alijs Sermonibus.

*Quibus instituta sit Cœna.*

Et quamuis infantes reputentur in numero & ecclesia fidelium, cœnæ tamen non sunt capaces. Ea in re turpiter aberrarunt ueteres: id quod in Sermone de Baptismo admonui. Non excidunt uita æterna infantes, etiam si decedant ex hoc seculo sine hoc cibo mystico. Hic institutus est adultis, non infantibus. Probet semetipsum homo, inquit Apostolus, & sic edat de pane, & bibat de calice. Et Dominus, Hoc facite, inquit, in mei memoriã. Et iterum, Mortem Domini annunciate donec uenerit. Quæ sanè omnia in adultis, non infantibus, locum habent. Diligenter autem mox à pueris instituendi sunt liberi nostri, ut mysteria maturè intelligant & frequentent. Hoc ipsum filijs Israel præcepit Dominus, dicens, Si filij uestri direrint ad uos, Quis hic cultus uester? respondebitis, Victimam transitus Domini est, qui transiuit uel præterijt domus filiorum Israel cum caderet Ægyptios, & domus nostras liberauit. Certè minimè nobis committendum, ut in liberis nostris instituendis simus segniores, cum beneficium acceperimus præclarius quàm isti.

*Infantibus non instituta cœna.*

Huc quæstioni affines sunt aliæ, An cœna quamuis ob causam uel necessitatem priuatim sit instituenda? An deferenda ægris uel decumbentibus? An applicanda mortuis, id est, an offerenda pro defunctis ad impetrandum eis refrigeriū? Scio quid hic dicatur & fiat uulgo. Incidit pestis, fames, bellum, aut cœli intem-

*An contra imminetia mala sit cœna celebranda.*



peries, mox celebrari iubetur cœna, ut hac uelut expiatione calamitas auferatur. Rursus, ægrotat aliquis, alius tabescit fame, & affligitur omnium rerum inopia, petit & hic à sacerdote ut cœnet, quò morbus hac ceu probatissima medicina curetur, ac fames & egestas tollatur. Cæterum hæc non est legitima cœnæ celebratio, sed prophanatio fœda. Nam Dominus non instituit piacularem hostiam contra omnes calamitates, qua placari uoluit, sed memoriam mortis suæ, & debitam gratiarum actionem. Neque uerò ei quicquam offerimus cœnantes, propter quod sit nobis propitijs, ac hoc à nobis malum auertat, bonum uerò desideratū nobis largiatur, uerū pro acceptis beneficijs agimus gratias. Licet alioqui calamitatibus oppressis uota, id est preces, offerre Domino, sed non licet mystica eius sacra in alium conuertere finem, quā ille instituit. Nec habemus ulla exempla, quæ doceant uel uiros sanctos sic usurpasse unquam Domini cœnam, sicuti illi faciunt. Acceperant filij Israel epulum agni paschalis in cōmemorationem liberationis ex Ægypto, & ut grati esse pergerent benefico Domino: quantum uerò admississent piaculum si toties epulari instituissem, quoties calamitatibus pressi, liberationem ambiuissem, & hoc quidem opere perfecto ambiuissem? Illi ipsi Arcam fœderis à Domino acceperant in symbolū diuinæ præsentiæ & certi auxilij, sed cū illam contra finem institutū in castra detulissent, in hoc ut per ipsam cōsequerentur uictoriam, ipsi quidem fugati & cæsi sunt, & arca ipsa abducta est à Palæstinis in captiuitatē.

*Privatim nec  
domi ægris, nec  
in templo sanis  
cœna instituen-  
da.*

Rursus, si cœna Domini est publicum totius ecclesiæ in unū collectæ epulæ sacrum, in quo debet fractio, distributio, comestio & potatio fieri, illoque declarari & obsignari cōmunio corporis & sanguinis Christi: consequens est, cœnam Domini nulli neque sano neque ægro, decumbentiue aut moribundo priuatim uel domi uel in templo instruendam esse, neque pios cœnam ad tales priuatos usus exposcere posse. Nam institutionē Christi Domini non oportet humana autoritate aut consuetudine mutare. Certè Paulus requirit publicum conuentū ecclesiæ, & uniuersalem quidem cœnam ad cœnam rectè obeundam. Conuenientibus uobis, inquit, in unum, uel ad eundem locum, aut ad idem, non est cœnam Domini sumere, id est, non editis cœnam Domini. Ratio, Nam quisque priuatam uel suam aut propriam præoccupat in comedendo. Proinde non uult hic priuati quicquam fieri. Idem enim in eodem loco in condemnationem eos conuenire & edere cœnam Domini, ait, qui cœnando festinant, non expectata ecclesia, donec omnes conuenerint, & tum demum simul ederint & biberint. Dicit enim, Itaque fratres mei, cū conuenitis ad comedendum, alius alium expectate, (quòd si quis esurit, domi edat, nimirum ne propter famem præoccupare cogatur) ne ad condemnationem conueniatis. Ergo cœna Domini non est priuata, sed publica cœna nulli priuatim danda. Et quoniam non est publicus uel generalis cœtus, quando quatuor uel qui quicquid ægro communicant, nihil dicunt qui aiunt apud ægros cœnā instrui posse, si alij quoque simul cœnent. Præterea quis neget exemplum Christi & Apostolorū hic perpetuò esse sequendum? Atqui satis constat Christū in publico cœnaculo, in collecta ad se (ut tunc temporis colligi potuit) ecclesia cœnasse. Sed & Paulus dicit ea in re secutum se exemplum Dñi, ecclesijs nihil tradidisse aliud, quā quod acceperit à Domino. Neque legimus uspiā in sacris literis alios Christi Apostolos Eucharistiā detulisse ad infirmos, & priuatim cuique pro sua tentatione sedanda cœnā instruxisse sacrā. Vbiq; uerò Apostoli omnes, ægros & conscientia perturbatos, uerbo Domini cōfirmare & erigere mandat: sed & orationibus sedulis docent afflictis succurrere. S. Iacobus diligenter scripsit, quemodo gerant se fideles apud ægros & moribundos, sed de relatione ad ipsos aut celebrationis Eucharistiæ

*Iacobi 5.*

ristia nō meminit uel uerbo. Nec uerisimile est, fidelissimos ecclesiæ doctores apostolos, dissimulatu-  
 rōs, si credidissent id maxime ad salutē nostram pertinere. Monuerunt nos saepe de rebus longē minutioribus. Ac certum est, oīa illos ecclesiā do-  
 cuisse, quæ ueræ pietatis & salutis sunt: nunc huius ne uerbo quidē meminerunt.

Obijciunt illud ex Actis apost. Et frangentes per singulas domos panem, inui-  
 cem sumebant cibum cum exultatione & simplicitate cordis laudātes Deum. Ca-  
 terum is locus pertinet ad corporalem & nutritium, non mysticum cibum. Se-  
 quitur enim, *μεταλαμβάνοντες*, sumebant inuicem cibum uel alimentum. Proinde  
 ut apud Isaiam in 58. cap. panem frangere pro cibare ponitur, ita hic quoque.  
 Ditiores enim suppeditabant tenuioribus uictum, idē faciebant ditiores animo  
 hilari, non subtristi: & qui percipiebant beneficia, laudabant Deum. Quod si quis  
 pertinaciter contendat apostolos in priuatis ædibus cœnasse, respōdemus id nihil  
 facere ad causam præsentem ægrorum, ac ad priuatam communionem. Priuatas  
 enim ædes tunc illis templorum uice fuisse dixi superius. Ergo non cœnarunt in  
 priuatis ædibus propter ægros cibandos pane Eucharistiæ, sed quod in eas conflu-  
 xisset uniuersalis eius loci ecclesia: sicuti & Actor. 20. cap. apparet. Sicuti & in per-  
 secutionibus fieri consuevit. Rursus obijciunt, ueteres Eucharistiā uinctis ad car-  
 ceres, & decessuris uaticini loco misisse. Verum alibi diximus qua de causa id fece-  
 rint antiqui. His iam addimus humanā consuetudinē non præiudicare uerbo dei.  
 Commemorat beatus martyr Irenæus, Romanos episcopos solitos fuisse Eucharis-  
 tiam transmittere episcopis aliunde Romam uenientibus in signum cōsensionis  
 seu concordia. Atqui is ritus non fuit omnibus episcopis uulgaris, nec usurpatur  
 hodie in ecclesijs. Vnde consequens est multa ueteribus fuisse in usu (quale illud  
 quoq; fuisse iam ante diximus, quod Eucharistiā dederunt infantibus) quæ no-  
 bis nullam interim legem cōstituunt. Possent uel hodie uiri boni priuatam admit-  
 tere cœnam, ad tempus, his qui nondum plenum cœnæ usum intellexerunt. Ve-  
 rum quis hinc collegerit iure ab omnibus fieri debere, quod indulgentia sit à qui-  
 busdam? Quod si omnino & contentiose perrexerimus asserere uaticum illud,  
 renascetur ex eo (quod iam seculis aliquot receptum uidimus) fiducia in ipsam  
 perceptionem sacramenti, quasi propter eam grati simus domino, discedentesq;  
 ex hoc seculo, rectā euolemus ad coelos, sine Eucharistiā autem percepta defera-  
 mur rectā ad inferos. Subnascuntur & alij errores plurimi. Neq; uerō ulla neces-  
 sitas cogit ægris deferre Eucharistiā. Vt enim captiui citra salutis periculum  
 absint a celebratione cœnæ, sic etiam ægri ac moribundi. Caterum cum sint in-  
 terim per fidem ueram colligati corpori Christi, ecclesiæ, licet corpore absint cœ-  
 tu sacro, mente tamen presentes, omnium bonorum spiritualium participes sunt.  
 His enim satis est quod, dum per ualeitudinem potuerunt, semper sacris adfuerunt  
 mysticijs. Epulum paschale nō ubilibet exhibebatur, sed Hierosolymis duntaxat,  
 uno in loco. At quot putamus per ualeitudinem corporis male affectā, & propter  
 sensū, ex regno tam amplo Hierosolymas attingere non potuisse? Et quamuis ne-  
 mo his in sacculo quicquam deferret ex carnibus agni, nihilominus tamen cōmu-  
 nicabant cum tota Israelis ecclesia. Quis autem dubitet per aduentum Christi, cō-  
 ditionem Christianorum minime factam esse deteriore?

Pro mortuis non est instituta Cœna mystica à Christo domino, sed pro uiuen-  
 tibus duntaxat: ergo pro mortuis non est celebranda eorūue applicanda redem-  
 ptionē. Qui sine fide moriuntur, subeunt rectā iudicium condemnationis. Qui ue-  
 ro mortui sunt in Christo, iam nunc choro seniorum inserti ante agnum stantes  
 concinunt æternum Halleluia. Nam certissimam esse salutem animarum fide-

Act. 2.

Dent. 16.

Pro mortuis  
non offerenda  
est eucharistia.



lium à mortē corporea, demonstraui in sermone de Anima. Quod uerò nonnulli obijciunt, ueteres meminisse oblationis pro mortuis, nihil ad nos pertinere putamus. Scripturæ enim Canonica citra contradictionem credimus: patribus non credimus, nisi quatenus sua nobis approbāt scripturis canonicis. Nec ipsi sibi aliter credi uoluerunt. Proinde si ueteres sentiunt Cœnam esse sacrificium, & hanc pro refrigerio animarum defunctorum offerendam, non recipimus eorum sententiam, utpote non congruam scripturis canonicis, docentibus Cœnam à domino non in hunc finem esse institutam, ergo abusu Cœnæ deū exasperari magis quàm placari: imò nullum esse opus hominis quātumuis bonum, nedum uerbo Dei aduersum, quod sanctificare possit, cum ea prærogatiua sit solius meriti filij dei: præterea animas defunctorum non esse in huiusmodi statu in alio illo seculo, ut iuari possint aut debeant ullis huius seculi operibus. Porro si ueteres per oblationem intelligunt sacrificium laudis, nō repugnamus, quò minus fiant pro mortuis oblationes, hoc est ut gratiæ agantur Deo, laudeturq; bonitas eius qui uera fide donatos euocarit ex hoc misero seculo, coniunxeritq; angelorum & omnium beatorum agminibus in æterna illa omnium gaudiorum patria. At cœnam propter defunctos celebrare, nulla iubet ueritas uel pietas.

*Sacrificium duplex, expiatoris & confessionis.*

Ac in sacrificio uel oblatione distinguimus. Est enim sacrificium expiatorium, est & sacrificium confessionis uel laudis. Expiatorium offertur pro expiandis uel purgandis peccatis, adeoq; & pro satisfactione pro peccatis. Id nequit esse sine morte & sanguine: quod Apostolus disertè ostendit in 9. cap. ad Hebræ. Tale uerò Christi sacrificium est (cui typum prætulere omnia omnium sanctorum ueteris testamenti sacrificia) qui & sacerdos & hostia semel semetipsum Deo patri obtulit, dum in cruce passus & profuso sanguine innoxio expirauit. Tale sacrificiū hodie Cœna non est, sed commemoratio mortis, uel sacrificij semel peracti in cruce. Neq; enim Christus iterum sacrificari uel debet uel potest, qui semel oblatus sufficit expiandis omnibus omnium seculorum delictis. Quorsum ergo iterum sacrificaretur? Neq; à quoquam hominum filius Dei sacrificari potest, quia ea de causa semetipsum semel Deo obtulit, quippe sacerdos in æternum secundum ordinem Melchizedek.

Proinde minister ecclesiæ, Christi corpus & sanguinem Christi in cœna prouidentibus in ecclesia non sacrificat: sed cum tota ecclesia commemorationē peragat sacrificij in cruce semel peracti. A quo alibi dixi & Cœnam denominari posse sacrificium, eo quod sacrificij semel peracti à Christo sacramentum sit, sicuti & S. Augustinus scriptum reliquit. Confessionis uerò sacrificium, laudis est & gratiarum actionis, quod nos deo offerimus pro redemptione & beneficijs Dei gratis ecclesiæ collatis. Hanc cū semper offeramus deo orantes, maxime uerò peragentes eucharistiam, uel celebrantes Cœnam, Cœna à ueteribus appellata est sacrificium, eo quod in ipsa gratias deo agamus pro liberatione à morte & pro hereditate donata uitæ æternæ. Offerri autē hoc sacrificium deo promiscuè ab uniuersali ecclesia cœnante, non à solo ministro ecclesiæ, pro uiuentibus in ecclesia, supra diximus.

*De finibus Cœnæ dominicæ.*

Cum autem hæcenus, quantum necessitati huius causæ seruire uidebatur, & quantum nostra potuit præstare exilitas ac inopia, pleraq; Cœnæ circumstantias, uel quæstiones de ipsa proponi solitas excusserimus, superest ut & ad finem propter quem Cœna domini à domino instituta est (qui locus sanè inter præcipuos non temere numeratur) explicandum descendamus. Eum uerò in descriptione Cœnæ ab initio protinus huius sermonis enumerauimus. Dominus enim pane & uino

& uino in sacrum nobis epulum apposito, suam nobis promissionem & communionem uoluit attestari, donāq; sua nobis repræsentare & sensibus subijcere, uisibiliter quoq; in unum corpus colligere, mortem denique suam in memoria fidelium retinere, & officij nos nostri admonere, laudis & gratiarum actionis maxime. Atq; hæc quidem omnia sigillatim exponentes prosequuti sumus in generali consideratione uel tractatione Sacramentorum: eadem ergo in præsentiduntaxatrefrictantes perstringemus, ea paulò copiosius tractaturi, quæ ex illis disputanda proueniunt.

Cæterum per communionem intelligo societatem, coniunctionem uel participationem Christi domini, qua ipse per spiritum suum se totū nobis insinuat atq; coniungit, nosq; eius per fidem participes efficimur, ac ipsi connectimur: ita ut per ipsum liberati à peccato & morte, in ipso uiuamus hæredes uitæ æternæ, ac ipse uiuat in nobis, ac totus noster sit quemadmodū ipsi sumus eius toti. Neq; aliud esse dicimus communionē corporis & sanguinis domini. Nam corpore in mortem pro nobis tradito, & sanguine in remissionem peccatorum nostrorum effuso effectum est, ut purgati à peccatis, ipsius membra facti simus, ac ipse iam uiuificet, & ueluti alimentum uiuificum sustentet nos: unde etiam ipsum, utpote cibū & potū uitæ, edere & bibere dicimur. Itaq; promissio, cuius modò meminimus, & ipsa aliud non est, quàm ipsum dei uerbum, quod nobis annunciat in solo Christo esse uitam: Christum enim corpus suum tradidisse in mortem, & effudisse sanguinem in remissionem peccatorum nostrorum, ut credentes ipsi habeamus uitam æternam. Cæterum hæc promissio & communio Christi nō nunc primum ad nos in Cœna aut per Cœnam deferretur. Dominus enim Deus noster mox à mundi initio uitam & remissionem peccatorum Adæ & semini eius per Christū promissit: deinde eandem promissionem cum Noe, Abraham, Mose & Dauide, alijsq; patribus renouauit. Et patres communicasse cum Christo, bonorumq; eius participes factos esse, testis est Apostolus cum uniuersa scriptura. At non solis patribus tantum obuenit bonum. Facta est & nobis promissio, & delata ad nos communio Christi, ac deferretur singulariter in sancto baptismo, adde & in clarissima euangelij prædicatione: præterea nos illam recipimus fide, per quam Christo coniungimur, membraq; eius efficimur. Ergo ut ante Cœnam, Christi nō sumus expertes aut uacui, sed uiuificati ab eo ac membra eius siue cōsortes: ita in ipsa actione, seu celebratione Cœnæ, reparatur nobis promissio, & nos cōmunionem illam Christi in qua sumus, renouamus & continuamus, corpore & sanguine Christi spiritaliter, uita & donis eius omnibus uerè per fidē participantes. Atq; hoc modo corpus domini edimus, & sanguinem eius bibimus. Porro cōmunionem illam spiritalē, & promissionem uitæ per Christum, ipse dominus symbolis uisibilibus, epulo inquam panis & uini, uerbo uel promissioni suæ adiunctis, uisibiliter attestatur & obsignat, se uidelicet esse panem & potum uiuificum: nos autem (symbolis, fide & obedientia susceptis) obsignari in nobis promissionem illam & communionem Christi sustinemus, impresso uel traiecto in corpus nostrum corporis & sanguinis domini sigillo, uel sacramento. De qua re Apostolus quoq; disseruit in 1. ad Corinth. 10. cap. & ad Romanos 4. & nos ex ipso plura diximus in generali consideratione sacramentorum.

Priusquam de alijs Cœnæ finibus positis in descriptione eius dicam, commemorabo quæ alij de promissione & communionem Christi proferunt. Damnant nostram doctrinam tanquam hæreticam. Contendunt enim dominum promississe corpus & sanguinem suum uerum, sub specie panis & uini daturum in cibum

*Dominus promissionem & communionem suam nobis attestatur.*

*Confutatur sententia de corporali præsentia Christi in cœna.*



& potum fidelibus, ergo modis omnibus & sine ulla contradictione credendum, ipsum panem naturale domini corpus, uinum sanguinem esse, & hæc ipsa manducari & potari oportere non tantum spiritualiter, sed & corporaliter, ad uitam æternam. Quod autem Christus corporaliter præsens sit in cœna, adeoque panis eius corpus, uinum sanguis sit, sic probant, Quod dominus dicit, falsum esse non potest, quia ipse ueritas est, Dicit autem panem esse corpus suum, uinum esse sanguinem suum: itaque panis & uinum eucharistiæ sunt uerè, realiter & essentialiter corpus & sanguis Christi. Cui quidem ueritati simpliciter credendum aiunt, licet ipsa ratio, totus mundus, omnes sensus, & ipsa natura rerum reclamet. Respondemus uera esse omnino quæ dixit dominus qui ueritas est: sed eo sensu quo ipse dixit ac intellexit, non autem eo sensu quem nos uerbis eius obtrudimus. Indagandum est ergo ante omnia quis sit uerus uerborum domini in Cœna, Hoc est corpus meum, Hic est sanguis meus, &c. sensus.

*De genuino sensu uerborum domini, Hoc est corpus meum.*

Isti quidem clamitant uerba domini simpliciter ad literam esse exponenda. Et se enim uerba testamenti; hoc autem non admittere ut uerba eius exponantur per tropum. Nos uerò dicimus omnes libros euangelicos & Apostolicos recenseri sub titulo testamenti, ergo in omnibus & singulis scripturæ locis nihil corrumpendum, nihil adijciendum, nihil detrahendum, nisi maledictioni dei subiacere libeat. Interim tamen fateri cogimur, infinitas esse in diuinis scripturis sententias, quas si pergamus simpliciter ad literam exponere, subuerteremus cum fide uera scripturam uniuersam, aut mendacij & contradictionis arguere uidebimur. Proferam huius generis unum & alterum exemplum. Scribit beatus Apostolus & euangelista Ioannes, Verbum caro factum est. At si pergamus inhærere uerbis, dicemus deum mutatum esse in hominem. Sed quia hic sensus fidei & scripturæ cōtrarius est, Deus enim immutabilis est: & Christus Deus & homo uerus est, naturis non immixtis aut conuersis, sed in suis proprietatibus permanētibus, admittimus expositionē, quæ tradit Verbum assumpsisse carnem, deum factum esse hominem. Et hic quidem sensus non est alienus à scriptura: Paulus enim dicit filiū Dei nusquam assumpsisse angelos, sed semen Abraham. Proinde uocabulum Est, exponunt orthodoxi cum Apostolo per assumpsit. Qua de re pluribus egit beatus Theodoretus in Polymorpho suo, Dialoگو ١. Rursus apud eundem Ioannem dicit dominus. Pater maior me est: inæqualitatē adorandæ trinitati obtrudemus, si contenderimus uerba domini absq; interpretatione simpliciter esse accipienda. Adhibitis autem locis alijs, & in consilium aduocata fide, dicimus filium iuxta diuinitatem patri æqualem esse, secundum humanitatem minorem, iuxta illud prophetæ apud Apostolum quoque usurpatum in hoc argumento, Minuisti eum paulò minus ab angelis. Legimus in euangelio Christum dominum habuisse fratres, & Ioannē apostolum appellari filium Mariæ, Mariam matrem Ioannis, Quis autem, nisi Heluidiana labe infectus, contendit illa exponenda esse ad literam? præsertim cum alijs loci scripturæ manifestè testentur, fratres appellatos, qui reuera erant patrueli & consobrini, affines uel consanguinei: sed & circumstantia loci apud Ioan. in 19. cap. euincat Mariam Ioanni ut matrem filio esse cōmendatam. Si uerò ita tumultuari libet, ut illis hæcenus licere experti sumus, clamantibus & clamando repetentibus, Hoc est corpus meum, Hic est sanguis meus, Hoc est, Hic est, Hoc est, Hic est, Est, Est, Est, Est, repetemus & nos, Verbum caro factum est, factum est, factum est. Pater maior me est, est, est. Christus fratres habet, fratres inquam, fratres habet. Scriptura hoc habet. Veritas sic dicit. Verū quis ex his molestis & odiosis clamoribus, & pertinacissimis rixis fructus redibit ad ecclesiā? Quomodo ædificabuntur audito-

auditores? Quomodo propagabitur gloria Dei? Quomodo illustrabitur ueritas? Necessitas ergo cogit nos fateri alicubi recedendum esse à litera, sed non à sensu, sensum autem adferendum quem ipsa fides, quem alij scripturæ loci cum hoc collati, quem deniq; loci eius circumstantiæ, præcedentia cum consequentibus sponte sua suppeditant. Interim à simplicitate uerborum non facile discedendum esse, clamamus etiam ipsi & inculcamus. Verum ubi cogit absurditas, nō rationis, sed pietatis, & scripturarum repugnantia, & cum articulis fidei pugnantia, dicimus, asserimus & contendimus, pium, imò necessarium esse recedere à litera & simplicitate uerborum. Iam uerò cogere nos illa ipsa quæ modò commemorauimus, recedere à litera in his domini uerbis, Hoc est corpus meum, Hic est sanguis meus, solidis scripturæ argumentis demonstrabimus, si prius genuinum & ueterem sensum uerborum solennium paucis explicauerimus.

Quando recedendum à litera.

Dominus panē discipulis suis in eadem mensa accumbens, manu propria porrexit. Et cū unum modò corpus uerum, humanū & naturale haberet, hoc ipso utique uero corpore suo panē, non corpus uel alienū uel hoc ipsum suum discipulis porrexit. Neq; obturbat quod S. Augustinus enarrans Psal. 33. illud de Dauide citat, Et ferebatur in manibus suis; quibus mox subiungit, Quis uerò portatur in manibus suis? Manibus aliorū potest portari homo, manibus suis nemo portatur. De Dauide ergo id nō intelligitur, sed de Christo. Ferebatur enim Christus in manibus suis, quando cōmendans ipsum corpus suū, ait, Hoc est corpus meum. Ferebat enim illud corpus in manibus suis. His enim uerbis S. Augustinus non affinxit duo corpora Christo humana, sed sensit corpus humanum tulisse in suis manibus corpus sacramentale, id est ipsum panē qui est corporis ueri sacramētum. Significanter enim dicit, Commendans corpus suum, ferebat illud corpus in manibus. Nam Concione secunda ipsdem prope uerbis, pauculis modò mutatis, Quomodo, inquit, ferebatur in manibus suis? Quia cum commendaret ipsum corpus suum & sanguinem suum, accepit in manus suas quod norunt fideles: & ipse se portabat quodammodo cum diceret, Hoc est corpus meū. Quibus uerbis manifestè declarauit se nō sentire ipsum corpus Christi naturale, Christū corpore suo naturali porrexisse discipulis: sed hoc quod norunt fideles, nimirum sacramētū uel mysteriū. Sequitur enim, Et ipse se portabat quodammodo (obseruate quæso illud quodammodo) cum dicere, Hoc est corpus meum. Proinde uerba illa solennia, Hoc est corpus meū, quod pro uobis frangitur: &, Hic est sanguis meus, qui pro uobis effunditur, non aliū sensum habere possunt, quàm hunc, Hoc est memoraculum, memoriale uel memoria, symbolū uel sacramētū corporis mei pro uobis traditū. Hic calix, uel ipsum uinū potius in calice, significat aut repræsentat uobis sanguinem meum semel effusum pro uobis. Sequitur enim in uerbis domini solennibus, quod mirè hunc sensum confirmat, Hoc facite in mei cōmemorationem. Quasi dixerit, Nunc quidem præsens ante oculos omniū uestrum obuersor: moriar autem & ascendam in cœlum, tum uerò panis & calix hic sacer memoracula seu symbola erunt traditi mei corporis & effusi cruoris pro uobis. Tunc frangite panem & māducate, poculum distribuite & bibite, & hæc in mei memoriam facite, laudantes mea in uos collata redemptionis & uitæ beneficia.

Vetus expositio uerborū cœne, Hoc est corpus meum.

Augustinus

Quanquam uerò hæc interpretatio calumnijs & conuictijs tantum nō oppressa, abominabilis cœperit esse plerisq; ueram tamen, genuinam, & omnium uetustissimam esse constat. Tertullianus lib. contra Mart. 4. Christus acceptū, inquit, panem & distributum discipulis, corpus suum illum fecit, Hoc est corpus meum dicendo, id est, figura corporis mei. S. Hierony, in euang. Matth. Quomodo in

Tertullianus

Hieronymus



Chrylſto =

Ambroſius

Auguſtinus

præfiguratione Chriſti, inquit, Melchizedek ſummi Dei ſacerdos uinum & panem proferens fecerat, ipſe quoq; ueritatē corporis repræſentaret. Chryſoſt. Homil. in Matth. 83. Si mortuus Ieſus non eſt, inquit, cuius ſymbolum ac ſignum hoc ſacrificium eſt? S. Ambroſius in 1. ad Corinth. 11. cap. Quia morte domini liberati ſumus, ait, huius rei memores in edendo & potando, carnem & ſanguinem quæ pro nobis oblata ſunt, ſignificamus. S. Aurel. Auguſtinus non uno loco in eandem locutionū claſſem conijcit has locutiones, Sanguis eſt anima, Petra erat Chriſtus, & Hoc eſt corpus meū. Videamus ergo quid dicat de illis locutionibus, ut intel- ligamus quid de uera huius, Hoc eſt corpus meum, interpretatione iudicemus. Lib. Quæſt. 3. in Leuit. quæſt. 57. Reſtat, inquit, ut illud appelletur anima, quod ſignificat animam. Solet autē res quæ ſignificat, eius rei nomine, quam ſignificat, nuncupari. Sicut ſcriptum eſt, Septem ſpicæ ſeptem anni ſunt. Non enim dixit, Septem annos ſignificant. Et ſeptem boues, ſeptē anni ſunt, & multa huiusmodi. Hinc eſt quod dictū eſt, Petra erat Chriſtus. Non enim dixit, Petra ſignificat Chriſtum, ſed tanquam hoc eſſet, quod utiq; per ſubſtantiam hoc non erat, ſed per ſignificationem. Sic & ſanguis, quoniam propter uitalem quandam corpulentia, animam ſignificat, in ſacramentis anima dictus eſt. Tantum ille. Idem Auguſt. contra Adimantum cap. 12. Sic eſt ſanguis anima, quomodo petra erat Chriſtus. Et iterum ibidem, Poſſum etiam præceptum illud (de ſanguine & anima pecoris, &c.) interpretari in ſigno eſſe poſitum. Non enim dominus dubitauit dicere, Hoc eſt corpus meum, cum ſignum daret corporis ſui. Hæc ille. Obſcura aut dubia eſſe hæc Auguſtini, ne Choroebus quidem dixerit. Coniungat his qui uult quæ idem hic author clarè tradit de figurata locutione lib. 2. contra Aduerſ. legis cap. 9.

Demonſtratio  
tropice locutio-  
nis in uerbis  
cœnæ, Hoc eſt  
corpus meum.

Sed deſinamus humana proferre teſtimonia de genuina & uetuiſſima uerborum Chriſti, Hoc eſt corpus meū, expoſitione, pergamus potius ſolida ex ſcripturis, quæ & promiſimus cōmemorare argumenta, quibus euincamus recedendum à litera neceſſariò, & uerba Chriſti ad eum quem diximus modum explicanda eſſe per tropum.

Principiò conſtat dominum in præſenti inſtituiſſe ſacramentum: unde manifeſtum eſt eo modo locutum eſſe, quo ſolet ſcriptura aliàs in negotio ſacramentario, ut cum dicit circuncisionem eſſe ſœdus domini, Agnum eſſe tranſitum domini, Sacrificia eſſe & peccata, & ſanctificationes, Baptiſmum eſſe lauacrum regenerationis. At demonſtrauiſus huius Decad. Sermone 6. has locutiones omnes admittere expoſitionem. Admittit ergo & hæc locutio, Hoc eſt corpus meū, Hic eſt ſanguis meus, expoſitionem, quia ſacramentalis eſt. Admittit autem uulgarem illam, quam certiſſimum eſt receptam & uſurpatam eſſe à catholica eccleſia ab Apoſtolorum temporibus, imò & à patriarcharum ſeculo ad nos uſq; ſigna accipere rerum ſignatarum uocabula uel nomina, ut interim de ſubſtantia earum nihil participant, ſed in ſua natura propria permaneant.

Huc accedit quod dominus in euangelio ſecundum Lucam epulum paſchale coniunxit cum cœna hac dominica noſtra, adeoq; & hanc in illius locum ſubſtituit; ut nihil mirum ſi in cœna noſtra dixerit, Hoc eſt corpus meum. Nam in epulo paſchali dicitur, Agnus eſt tranſitus domini. Quod quidē locutionis genus non erat obſcurum Apoſtoliſ intelligentibus agnum hunc memoraculū eſſe tranſitus ſemel peracti. Ex illa itaq; intelligebant panē domini à domino illis oblatū, corporis eſſe memoraculum. Alioqui enim in rebus multo minoris momenti diligenter percontabantur de genuino uerborū ſenſu dominū. At in præſenti nihil inter- rogarunt. Erant enim omnibus ſanctis locutiones ſacramentales perſpectiſſimæ.

Præterea

Præterea si pergamus simpliciter ad literam uerba cœnæ intelligere, consequens erit Dominum nobis corpus & sanguinem suum corporaliter haurienda obtulisse. At in quem finem oro obtulisset, nisi ut ea corporaliter haurientes uiuamus? Cæterum uniuersa scriptura canonica docet uitam uel salutem & iustitiam nostram sola fide (quæ & spiritalis manducatio est) in traditum corpus & effusum sanguinem, nullo autem opere nostro, nedum corporali manducatione corporis Christi, quam ipse alibi docet nihil prodesse, constare. Cum autem non sis nisi una eaq; simplicissima uitæ & iustitiæ parandæ ratio, per solam fidem, non per opus manducationis nostræ, neque sibi ipsi contradicat scriptura, certè huiusmodi opus manducationis non instituit Dominus: & idcirco expositionem recipiunt uerba solennia cœnæ.

Si panis esset uerum & naturale corpus Domini, omnino sequeretur etiam impios hoc pane participantes, percipere corpus Christi, adeoq; carnem eius fieri cibum uentris: cum careant illi mente fideq;. Verum ab ea cogitatione ut absurda & indignissima omnes sancti abhorrent. De qua re paulò post dicā pluscula. Recipit ergo interpretationem sententia Christi, Hoc est corpus meum.

Vniuersa scriptura canonica testatur Dominū Iesum Christum assumpsisse de intemerata uirgine corpus corpori nostro, id est humano, per omnia consubstantialitæ, imò factum esse illum nobis per omnia similem, excepto peccato. Iam uerò constat ipsum de uero corpore suo sensibili loquutum, cum ait, Hoc est corpus meum. Nam addit, Quod pro uobis frangitur, uel traditur. Verum enim, naturale, sensibile, uel humanum pro nobis traditum & mortuum est. At hoc nusquam apparet in pane, uel sub pane. Recipiunt ergo uerba Domini interpretationem.

Certè si Domini sententia fuisset ex pane facere corpus, ex uino sanguinem, iuxta potentiam qua uerbo condidit omnia, simul atq; dixisset, Hoc est corpus meum, panis fuisset corpus Christi, & illud ipsum corpus quo de loquebatur, mortale, passibile & palpabile, uisibileq;. Dixit enim & facta sunt: ipse mandauit & creata sunt. Dixit, Fiat lux: & facta est lux, & huiusmodi quidem lux, quæ & sentiretur & luceret. Cæterum in Cœna nihil uidemus in manibus Christi, quam panem, nulum corpus. Proinde mens saluatoris non fuit hisce uerbis, Hoc est corpus meum, condere aut facere ex pane corpus. Alioqui enim factum fuisset.

Nec est quòd hic nobis nebulas suas spargentes offundant, & fucos suos alligant putridæ structuræ, utentes uocabulis ineffabiliter, supernaturaliter, inuisibiliter, non qualitatiuè, non quantitatiuè, non ut in loco. His enim omnia sua, aliud interim effecturi, miro Dei iudicio, subuertunt. Si enim mysterium hoc ipsorum ineffabile est; quare utuntur hisce uocibus essentialiter, substantialiter, realiter, corporaliter? Effantur certè modum præsentia, qui sic loquuntur. Si supernaturaliter est panis corpus Christi, quare ipsi adiungunt naturaliter? Si uerò panis est corpus Christi inuisibiliter, nequit esse corporaliter, nequit esse uerum corpus, cuius proprietas est uisibile esse. Quis non rideat, si audiat ignem alicubi ardere & splendere lumen, sed frigidè & sine luce? Si non adest qualitatiuè, quantitatiuè, & ut in loco, ergo corporaliter non adest. An non corporum sunt quantitates, qualitates & locus? Audite enim quid Augustinus dicat ad Dardanum de præsentia Dei, Spacia locorum tolle corporibus, inquit, nusquam erunt, & quia nusquam erunt, nec erunt. Tolle ipsa corpora qualitatibus corporum, non erit ubi sint, & ideò necesse est ut non sint. Nos ergo ne spoliemus corpus Domini suis proprietatibus & sic negemus ueritatem corporis eius; rursus ne in eadem sententia adducamus tot contraria & absurda, exponimus uerba Domini.



Hoc est corpus meum, hoc est memoraculum corporis mei: uel, Hoc significat corpus meum.

Item si uocula EST, substantiuè accipienda est in uerbis Domini, Hoc est corpus meum, consequitur panem conuerti in carnem Christi. Sed hoc non fieri omnes sensus arguunt, manente substantia non tantum accidentibus panis. Necessè est itaq; ut aduersarij intelligant in hoc, cum hoc, uel sub hoc esse corpus Christi. Verum ita discesserunt & ipsi à simplicitate uerborum Domini, dicentis, Hoc est corpus meum: & non, Sub hoc est corpus meum.

Rursus si uerbis præscriptis affixi ne latum quidem pilum ab ijs citra sacrilegium deflexerimus; cur obsecro ausi sunt uerba quæ calicis uocant alio prorsus modo recitare S. Lucas & Paulus, quàm S. Matthæus & Marcus? Hi enim uerba sacri calicis sic reddunt, Hic est sanguis meus, qui est noui testamenti, qui pro multis effunditur in remissionem peccatorum. Illi uerò sic commemorant, Hoc poculum nouum testamentum per sanguinem meum, qui pro uobis effunditur; & Hoc poculum nouum testamentum est in meo sanguine. An uerò existimamus nihil differentiz esse inter sanguinem Christi & inter nouum testamentum? Nouum testamentum finit post Ieremiam Paulus esse plenariam omnium peccatorum remissionem. Ac idem ille dicit sanguine Christi hanc peccatorum remissionem esse partam. Quis uerò fuerit tam impudenter contentiosus ut audeat asserere ipsum poculum, aut uinum in poculo realiter & substantialiter esse remissionem peccatorum? Quid quod poculum uel calicem, non uinum, non potum, cogemur fateri uel sanguinem Christi, uel nouum testamentum, aut remissionem peccatorum esse, si pergamus literæ inhærere mordicus? Non enim dicit Dominus, Hoc uinum, sed hoc poculum. Libenter autem hic propter absurditatem uitandam admittimus tropum: Quare ergo in æquali causa sumus iniquiores? Ergo sicut poculum uel uinum est testamentum uel remissio peccatorum, ita poculum uel uinum est sanguis Christi, eademq; ratione panis est corpus Christi. Poculum autem substantialiter non est peccatorum remissio aut sanguis, sed sacramentum sanguinis Christi quo dedicatum est testamentum nouum, & nobis obuenta plena remissio peccatorum; ergo panis est corpus Christi, quia sacramentum est corporis Christi.

Firmum quidem est argumentum quod produximus, sed non minus firmum futurum speramus, quod modò producturi sumus. Dominus coenam sacram peragens, Hoc facite, inquit, in mei memoriam. Ac ea uerba non permittunt, ut eorum præsentiam realem statuamus, quorum meminisse debemus. Quis enim eorum meminisse dicitur, quæ coram præsentia contemplatur? Non debemus autem recedere à simplici significatione reminiscentiæ, aut memoriæ, præsertim cum Paulus dicat, Mortem Domini annunciate donec uenerit. Inde enim sic colligimus, Cuius memoria peragitur donec ueniat uel redeat, is certè non præsens habetur sed uenturus expectatur: ergo corpus Domini traditum pro nobis, cuius memoria peragitur in coena mystica, nō habetur præsens. Venturum enim expectatur.

Iam & loci illi qui de relinquendo per Christum mundo, de abeundo hinc loquuntur, non admittunt simpliciter uerborum coenæ interpretationem. Expedit uobis, inquit, ut ego uadam. Si enim non abiero, consolator ille non ueniet ad uos. Sin autem abiero, mittam illum ad uos. Item, Exiui à patre, & ueni in mundum: iterum relinquo mundum, & uado ad patrem. Et iterum, Et posthac non sum in mundo: & hi in mundo sunt, & ego ad te uenio. Pugnant sanè hæc Abisse hinc,

1 Cor. 11.

Ioan. 16.

hinc, Amplius non esse in mundo. Reliquisse mundum: & corpus suum naturale esse in mundo, adeoque in cœna realiter & substantialiter exhiberi & recipi. Neque uerò licet testimonia ex Euangelio Ioannis de abitione Christi adducta tropicè interpretari. Apostoli enim fatentur Dominum clarè uel disertè citra parabolam esse loquutum. Quia ergo Apostoli testantur hunc Domini sermonem simplicem esse, uel simpliciter pronunciatum, necesse est alia illa opposita his uerba, Hoc est corpus meum, interpretari per tropum, ne secum pugnet scriptura. Præterea loci qui testantur post ipsam resurrectionem Christi corpus loco circumscribi, uideri & tangi, quæ & ipsa discrimen constituunt inter corpus Christi clarificatum, & angelicos spiritus, (ubi obiter cernis commentum modi definitiui nullum hîc habere locum) minimè admittunt nudam uerborum Domini solennium interpretationem. Angeli dicunt, Surrexit, Non est hîc. Ecce locus, ubi posuerunt eum *Marc. 16.* Item, Præcedet uos in Galilæam. Ibi eum uidebitis. Et iterum ipse ad discipulos, Contrectate me & uidete. Spiritus carnem & ossa non habet sicut uidetis me habere. *Lucæ 24.* Hæc de corpore clarificato (quale est quod ascendit, sedetq; ad dexteram patris) pugnant prorsus cum Ubiquitate, cum insensibilitate corporis Christi; quâ tamen omnino statui necesse est, si pergamus realem corporis Christi præsentiam ex uerbis Cœnæ simpliciter intellectis urgere. Quibus accedit quòd Apostolus *1. Corinth. 15.* de resurrectione disputans, Si mortui non resurgunt, inquit, ne Christus quidem resurrexit. Resurrexit autem Christus primitiæ dormientium: ergo nos quoque resurgemus. Ex nostris ergo corporibus resuscitatis apparet etiam quale fuerit, aut sit corpus Christi gloriosum, cui corpora nostra fiunt conformia. Nostra autem futura sunt uera, neruis, uenis, carne, cute & ossibus constantia, uisibilia non inuisibilia, & in loco aliquo cœli certo, non ubiq; unde consequens est, ne Domini quidem corpus inuisibile & ubiq; esse. Quòd si quis arbitratur uitiosum esse argumentum quòd à corpore nostro resuscitato ducitur ad corpus Domini resuscitatum, aut contra, Paulum accuset qui hoc nos docuit suo exemplo. Fides ergo catholica & orthodoxa cogit nos per tropum exponere uerba cœnæ.

Cum denique Capernaïtæ differentem Dominum de manducatione corporis sui & potando eius cruore audissent, & modum cogitarent imaginarenturq; edendi bibendiq; carnalem, ille dixit se ascensurum in cœlum: uidelicet illis non esse cogitandum de naturalis sui corporis esu, quando in eo ipso corpore in cœlos ascensurus esset. Neque hîc locum habet quorundam nouum & elumbe commentum, conflagentium, Ascendere in cœlum, aliud non esse quàm conditionem infirmam deponere, recipere supernaturalem. Nam Lucas, cui omnino plus credendum est, quàm huiusmodi argutijs imò ineptijs, dicit Dominum in altum esse sublatum, & in cœlos à discipulorum conspectu subductum, adde & nubem suscepisse eius corpus: discipulos item defixis in cœlum oculis euntem persequutos, donec audirent ab angelis, ad eum omnino modum rediturum, quo abeuntem uiderant. Quis autem ignorat ipsum rediturum in nubibus cœli? Proinde cœlum in quod ascendit Dominus, loci nomen est, non conditionis. Locum nobis quoque promittit apud semetipsum in Euangelio, dicens, Si abiero ad parandum uobis locum, iterum ueniam & assumam uos ad meipsum, ut ubi sum ego & uos sitis. Quid quod omnes mortalis corporis condiciones uel infirmitates in ipsa resurrectione deposuerat, ut eas nihil necesse habuerit in ascensione sua deponere?

Non negabit, opinor, quisquam fidelium, nihil instituisse nobis Dominum inutiliter aut sine luculento aliquo fructu nostro. Cum autem in Euangelio dixerit



Domínus carnem suam corporaliter manducatam non prodesse: ubi non de alio corpore locutus est, quàm de eo ipso de quo in uerbis cœnæ, quod uidelicet tradidit pro nobis: irrefragabiliter sequitur, Dominum in cœna nobis non tradidisse quod non prodest. Tradidisset autē quod nō prodesset, si corpus suū corporaliter manducandū tradidisset. Claret ergo uerba cœnæ omnino interpretari oportere.

Matth. 24.

His omnibus accedit illustris prophetia ac mandatum disertum & minime obscurum Domini nostri Iesu Christi, dicentis in Euangelio, Tunc si quis uobis dixerit, Ecce hic Christus, aut illic, nolite credere. Surgent enim pseudochristi & pseudoprophetae, & dabunt signa magna & prodigia, ita ut in errorē inducantur si fieri possit etiam electi. Ecce prædixi uobis. Si ergo dixerint uobis, Ecce in deserto est, nolite exire. Ecce in penetralibus (*ὅτι τοῖς ταμείοις* in claustris inquam, *ταμεία* enim loca sunt abstrusiora penitioraq; in ædibus, in quæ reponimus quæ uolumus esse tutissima, quæ Germanicè appellamus *schryn*/ *schloss* *und* *ghalt*) nolite credere. Sicut enim fulgur exit ab oriente & apparet usq; in occidentem, ita erit aduentus filij hominis. Quamuis uerò hic locus à multis soleat exponi de Iudaicis calamitatibus, negari tamen non potest, quod & ipse fatetur beatus Hieronymus, eadem opera totius mundi ad finem usque seculi fata contexi. Concluditur certè hic locus quem adduximus, sententia de ultimo Christi in mundum sub diem iudicij aduentu prolata: præterea negari non potest, simpliciter hic damnari à Domino doctrinam, quæ Christum in terrarū diuersis locis, in scrinijs aut munitis locis commorantem uel præsentem, ostendit. Id quod transsubstantiationis doctores facere non libri modò ipsorum, sed & erecta corpori Christi, quæ ubique locorum cernuntur, tabernacula (quæ uocant Ciboria) sacella item, atq; adeo etiam augusta templa & monasteria testantur. In his locis omnibus & singulis, in his, inquam, locis cōmonstrant nobis Christum, dicentes, Ecce hic, ecce illic Christus, Ecce panis angelorum. In his hostijs omnibus totus est Christus, & in qualibet partium earum totus & plenus, talis qualis natus est de uirgine & pendit à cruce. Id quod protinus astruunt miraculis & prodigijs, ornant item uerborum inuolucris, mysteria tanta non inquirenda esse, sed credenda simpliciter. Ista enim fieri ineffabiliter & inuisibiliter per omnipotentiam Dei. Nec dissimulauit Dominus quantum hic error profecturus sit. Tantus erit prouentus, tanta frequentia errorem recipientium, & post Christum in deserta & ad penetralia concurrentium, ut etiam electi periculo inuoluantur. Sed quid interim in tanto periculo rerumq; discrimine suos docet facere Christus? Secundum repetit, Nolite credere. Quid nolite credere? Christum hic aut illic in terris, in deserto aut in penetralibus, uel etiam in medijs urbibus, uel in agro esse. Addit, Nolite exire. Ne sequamini turbam per distantiam locorum inquirentem Christum quasi in terris adhuc conuersantem. Proinde si iam uniuersus mundus, & omnia in mundo concilia, omnes reges & principes, adde & omnes angeli & diui iubeant nos credere Christum corporaliter hic & illic esse, solius tamen redemptoris Christi filij Dei sapientiæ patris, per quem omnia condita sunt, præceptum, illud ipsum credere prohibentis, eam apud omnes pios habebit auctoritatem, ut sciant non ita credendum esse sicut præcipiunt creaturæ, sed sicut mandauit creator. Quinimò dignatur Dominus in hoc ipso Euangelij loco rationē nobis reddere suæ doctrinæ. Quare enim non credendum est Christum in hisce terris conuersari uel præsentem esse corporaliter, sed interim inuisibiliter? Quia sicut fulgur exit ex oriente, & apparet usq; in occidentem, ita erit aduentus filij hominis. Id quod perinde est ac si dixisset, Semel uenit humilis in terras filius Dei ad liberandos nos per humilitatem

litatem & mortem crucis, ea re peracta relictis terris ascendit in cœlum, & sedet ad dexteram patris: inde non redibit in has nostras regiones nisi ad iudicium. Tum uerò apparebit gloriosus, illustris, omnibus conspicuus ueluti clarissimus sol, imò ueluti terrificum omnibus impijs fulgur. Proinde non est quòd illum ab ascensione usque ad reditum in iudicium expectemus inuisibiliter aduenturum, & nobiscum tamē corporaliter præsentem futurum. S. Hieronymus hunc ipsum locum enarrans, Hoc quoq; dicendū est, ait, quòd secundus saluatoris aduentus, non in humilitate ut prius, sed in gloria demonstrandus sit. Stultum est itaq; eum in paruo loco uel in abscondito quærere, qui totius mundi lumen sit. Hæc ille. Verum ne uidear humano inniti testimonio, commemorabo quæ Paulus nos docuit in Epistola ad Hebræos. Christus semel, inquit, sub consummationem seculorum ad profligationem peccati per immolationē suipsius apparuit. Et quatenus constitutum est hominibus semel mori, post hoc autem iudicium: ita & Christus semel oblatus, ut multorum peccata tolleret, secundò absq; peccato conspicietur ijs qui eum expectant in salutem. Quoniam ergo Dominus noster semel uenit in mundum, semel oblatus est, iterum autem uel secundò uenturus est in fine seculi, certè non uenit quotidie iterum in hunc mundum. Et quoniam prohibuit credere, si quis illum nobis in mundo hic & illic præsentem commonstret: necessariò autem sequeretur ipsum hic & illic, imò in omnibus locis ubi eucharistia celebratur commonstrari posse præsentem, si uerba cœnæ ad literam intelligamus: ergo irrefragabiliter per collationem locorum consequitur, uerba cœnæ Dominicæ non iuxta literam interpretari oportere.

His puto satis factum minimè contentiosis ingenijs. Intelligunt haud dubiè de sacramentis loquendum esse sacramentaliter, & locutiones sacramentales sacramentaliter esse exponendas. Præterea contra credendi regulam nihil oportere credi. Miracula uerò & omnipotentia Dei, quæ hic ad ornandam & persuadendam causam malam producuntur, nihil probant post tot & tam euidentia argumenta ueritatis. Miracula adiunguntur uerbo ueluti sigilla. Id quod apud Marcū attestatur ipse Dominus. Si ergo illa pugnent cum uerbo, & illud asseuerent quod uerbum omnibus modis negat: quis non intelligat de eorum esse miraculorum genere, quo de loquitur Apostolus in 2. ad Thessalonicen. 2. cap. & de quo iam au diuimus admonuisse in Euangelio Dominum, ne eis credamus: Omnia quidem potest Dominus, sed ideo non facit omnia. Omnia quæcunq; uoluit fecit Dominus, ait propheta, in cœlo & in terra. Porro non uult uerbo suo & fidei suæ contraria facere: ergo ea non potest quæ non uult. Theodoretus in Polymorphi dialogo 3. Dominus Deus, inquit, nihil uult eorum, quæ non sibi suapte natura insunt. Potest autem quæcunq; uult. Vult autem quæ sunt suæ naturæ apta & conuenientia. Natura autem cū uerax sit Deus, non potest quæ uerbo eius contrahent. Addunt alij orthodoxi, Non quòd omnia non possit, sed quòd id nolit quod contra naturam eius est, neq; deceat, ut contra semetipsum agat.

Interim disertè profiteor, me non omnem Christi præsentiam in ecclesia, & in ipsa quoque actione cœnæ damnare aut oppugnare simpliciter. Oppugno enim significanter corporalem illam præsentiam Christi in pane, quam tuentur & obtrudunt ecclesiæ Dei Papistæ. Fateor autem ingenuè, pleno ore, & corde synce-  
ro, spirituales illam diuinam & uiuificam Christi & in cœna & extra cœnam Domini præsentiam, qua ille se non symbolis quidem inanibus, sed nobis per spiritum suum insinuare, nos omnium bonorum suorum participes facere, iustificare, uiuificare, alere, sustentare & satiare pergit: quam & nos per fidem in



DE COENA DOMINI.

nobis ipsis sentimus, per quam & sustentamur, alimur atque satiamur. Est enim Christus ecclesiae suae caput; & nos cum ipso communionem habemus. At quomodo esset sine capite suo corpus uiuum? Quomodo nos Christo participaremus, si ipsum in nobis non sentiremus praesentem, imò uiuentem atque operantem? Verum de his suo quoque loco dictum est copiosius.

Matth. 28.

His obstrepunt, sat scio, alij quidam ueritati aliàs non iniqui, clamantes hac ratione modum praesentiae Christi in coena non plenè satis exprimi, praesertim cum ipse dixerit aliàs quoque, Ecce ego uobiscum sum omnibus diebus usque ad consummationem saeculi. Ego, inquit, totus, non mea uirtus aut diuinitas, non meus spiritus, aut mea uis. Praeterea periculum esse ne Christum uideamur discernere, cum is totus nobiscum esse non possit, nisi corpore perinde ut diuinitate nobiscum sit. Nos uerò miramur illorum cogitationes. An non intellexerunt Dominum in diuino illo sermone suo, & in ipsa coena & protinus à coena habito, nihil perinde inculcasse atque illud ipsum quod ipsi impugnant, nempe Christum abiturum corpore, praesentem autem futurum spiritu: & hanc quidem praesentiam ecclesiae utiliore futuram, quam corpoream? An non intellexerunt quare incarnatus & cruci affixus sit, hoc est, quis sit effectus & usus corporis Christi, nimirum ut semel pro nobis litata in terris hostia corporis sui, hoc efferret in caelum, in argumentum quòd & corpora & animae nostrae per eius meritum illuc post mortem sint euehendae? Postquam ergo in terris expleuit corpus Domini ad quod explendum uenerat, nihil est quod amplius agat in terris. Sed etiam, & sedere debet ad dexteram patris, ut illuc nos omnes ad se trahat. Legat autem doctrinam Apostoli Pauli in 9. & 10. cap. Epist. ad Hebraeos, si quis huiusce nostris nondum plenè credit. Legat 14. & 16. cap. Euangelij Ioannis. Si autem istis uolupte est contentionis funem trahere, & his uerbis Domini, Ego uobiscum sum usque ad consummationem saeculi, perinde ut illis, Hoc est corpus meum, Hic est sanguis meus, mordicus inhaerere, age explicent hac mihi sancta sanctae scripturae testimonia. Paulus dicit habitare Christum in cordibus nostris, Vivere in ipso Christum, & se in Christo uiuere, Dominus dicit ad latronem, Hodie mecum eris in paradiso. Et Euangelista dicit de mortuo Domino, Posuerunt eum in monumento. Non dicit scriptura, Posuerunt carnem & ossa in monumento: sed posuerunt eum in monumento. Non dixit Dominus latroni, Anima tua erit cum spiritu uel anima mea in paradiso: sed, Amen dico tibi, hodie mecum eris in paradiso. Nec dicit Paulus Christi spiritum & uitam uiuere in ipso, aut habitare in cordibus nostris: sed Christum simpliciter dicit habitare in cordibus nostris. Quis autem tam absurdus & rixis impexus, ut propter ista loca & uerba scripturae, contendat diuinitatem simul cum corpore Christi esse sepultam, corpus Christi simul cum anima fuisse eo die in paradiso, quo uterque excessit. Christi corpus simul cum spiritu habitare in cordibus fidelium & uiuere in Paulo, & Paulum uiuere in carne Christi? Libenter admittunt omnes catholicum catholicae ecclesiae ex uerbo Dei sensum, nempe Christum spiritu suo ecclesiae suae in finem usque saeculi praesentem esse, corpore absentem, latronis animam in paradiso cum anima Christi non cum corpore fuisse collectam. Sic iudicat & de reliquis. Quòd si quis meae interpretationi diffidit, audiat S. Augustinum Tract. in Ioannem 50. sic dicentem, Loquitur de praesentia corporis, cum dicit, Pauperes semper habebitis uoliscum, me non semper habebitis. Nam secundum maiestatem suam, secundum prouidentiam, secundum ineffabilem gratiam impletur quod ab eo dictum est, Ecce ego uobiscum sum omnibus diebus usque ad consum-

ephes. 3.

summationem seculi. Secundum carnem autem quam uerbum assumpsit, secundum id quod de uirgine natus est, secundum id quod à Iudæis comprehensus est, quod ligno affixus, quod de cruce depositus, quod linteo inuolutus, quod in sepulchro conditus, quod in resurrectione manifestatus, non semper habebitis me uobiscum. Quare? Quoniam conuersatus est secundum corporis præsentiam quadraginta diebus cum discipulis suis, & eis deducantibus uidendo, non sequendo, ascendit in cælum: ET NON EST HIC. Ibi enim sedet ad dexteram patris. ET HIC EST. Non enim recessit præsentia maiestatis. Tantum Augustinus. Porro si his omnibus spretis pergunt urgere & inculcare illud domini ex Matthæo, Ecce ego, ego inquam (ἐγὼ ἔμωυ) uobiscum sum: opponimus eis hoc domini & ipsum ex euangelio, Expedit uobis ut ego (ἐν habent hic quoq; ego) abeam: opponimus item hoc angelorum testimonium ex Luca, Hic Iesus qui assumptus est (ἀφ' ὑμῶν) à uobis in cælum, &c. Cogentur tandem uelint nolint in speciem pugnantia conciliare loca, & uniuersalem admittere sensum quem hæcenus defendentes protulimus.

Neque ullum est hic diuisionis Christi periculum: neque diuidimus personam Christi cum Nestorio, cum proprietatem utriusq; naturæ in Christo contra Eutychianos asserimus. Cum in terris corpore adhuc uersaretur Christus dominus, in cælis se nihilo minus etiam fuisse aut esse ipsemet in euangelio testatur. Et reuera Christus, qui & Deus & homo pariter erat, tunc in cælis erat, quando crucifigebatur & uersabatur in terris, tametsi in cælis minimè crucifigeretur corpus eius. Quemadmodum autem ipse Christus semetipsum non diuidebat, licet in cælo existens, in terris tamen non in cælo & uersabatur & crucifigebatur in corpore: ita neque nos diuidimus Christum Deum & hominem, etiamsi ipsum cœnantibus præsentem adesse & nos ei communicare dicamus, nihilo minus tamen corpore suo in cælo ad dexteram patris manere affirmamus: atque ita intra fines scripturæ consistamus. Ea de re pluribus disputauimus, cum differerem de una persona, & de duabus in Christo impermixtis naturis.

Hæcenus de sententiâ genuinâ uerborum Cœnæ domini, qua potui breuitate & euidentiâ, dixi. De loco Pauli 1. Corinth. 10. Calix benedictionis cui benedicimus, &c. quem illi quoq; pro corporali præsentia asserenda proferunt, non est quod pluribus agamus: semel enim & iterum is à nobis locus est tractatus.

Restat ergo ut expendamus quid illi de manducatione corporis Christi tradant, & quid de ipsa sentiendum doceant scripturæ canonicæ. Illi, Quod promissit dominus, inquit, id præstat certissimè & plenissimè. Sullungunt, Promissit autē se daturum sub specie panis & uini, uerum suum corpus, & uerum suum sanguinem, ad cibum & potum in uitam æternam. Colligunt, Verum ergo corpus & sanguinem suum dedit fidelibus sub specie panis & uini ad cibum & potum uitæ æternæ. Vnde & talem omnino manducari oportet qualis est, corporalis, corporaliter. Ad quam rem confirmandam adducunt sermonem domini, qui contextur in euangelica historia apud Ioannem in cap. 6. Respondemus Deum plenissimè & perfectissimè quod promissit præstare, sed addimus ipsum non ad eum quem ipsi nobis sensum confingimus, sed quem uerbum eius uerè habet, præstare. Videndum ergo ante omnia quo sensu promiserit dominus se carnem suam in panem, & sanguinem suum in potum fidelibus exhibiturum: deinde quomodo edamus eius carnem & bibamus eius sanguinem. Allegorica sunt planè, uel parabolica quæ proferuntur hic à domino propè omnia. Promittit domi-

Non diuiditur  
Christus.

Sup ubi disse-  
ruit de sacra-  
mentis fo. 345

De uera man-  
dicatione cor-  
poris Christi.

Quomodo  
Christus dede-  
rit Carnē suam  
nobis in panē,  
id est ad cibum  
uitæ.



nus se carnem daturum in panem, uel ad cibum, sanguinem ad potum. Quoniam uerò cibus & potus instituta sunt & dantur hominibus ad uitam corporalem conseruandam, dominus autem Ioannis 6. cap. non de corporis, sed animæ uita loquitur, transitus certè fit à rebus corporalibus ad spiritualia. Iam ergo cum promissit dominus daturum se carnem suam ad panem, uel in cibum, sanguinem suum ad potum, quid aliud promissit quàm traditurum se corpus suum in mortem, sanguinem suum effusurum in remissionem peccatorum? Nam morte Christi conseruamur, ceu cibo in uita, & liberamur à morte. Sanguine Christi abluimur à peccatis, & ueluti potu inebriantur animæ nostræ. Nihil ergo loquitur hic dominus de pane eucharistiae, nec promittit se ex pane in coena effecturum carnem suam, aut sub specie panis daturum suum corpus. Commentitia autem & falsa sit hæc mea expositio uerborum Christi de corpore uel carne dando in panem, &c. nisi uerbis Christi expositionem meam confirmauero. Dixerat in euangelio dominus, Operemini cibum qui non perit, sed qui permanet in uitam æternam, quem filius hominis dabit uobis. Idem paulò post per interpretationem subdit, Et panis quem ego dabo, caro mea est, quam ego dabo pro mundi uita. Dixi me panem uel cibum uobis daturum (Panis enim domino more Hebraico cibum & sustentamentum significat) hic autem panis, uel hic cibus est caro mea inquit, carnem ergo meam me uobis daturum promitto, cum panem uitæ promitto. Habes expressè dominum per panem non intelligere corporalem panem, uel eucharistiae panem. Sed quomodo carnem promittit ad panem, id est ad cibum uel ad uiuificandum? Repetit iterum dominus uerbum Dabo, & ait, Quam ego dabo pro mundi uita. Impendam nimirum eam in mortem, ut morte mea uos uiuificem. Moriendo itaque cibabit, id est uiuificabit caro mea. Hæc de promissione carnis in panem sequitur de manducatione.

*Quomodo edatur corpus Christi & bibatur eius sanguis.*

Sicut autem scriptura sancta ubique citra tropum & extra allegoriam tradit nos mortis Christi, aut traditi eius corporis pro mundo participes fieri ad uitam per fidem: ita & in præsentem per tropum uel allegoriam iubet nos edere & bibere carnem & sanguinem Christi ad uitam æternam. Proinde edere carnem Christi, ac bibere eius sanguinem, nihil est aliud, quàm credere corpus Christi pro nobis traditum, sanguinem autem effusum esse pro nobis in remissionem peccatorum, ac per consequens manere in Christo, & manentem in nobis Christum habere. Fides enim de qua loquimur, non est imaginatio aut cogitatio duntaxat rerum præteritarum & extra nos positarum, sed certissimus assensus adeoq; sensus quidam rerum diuinarum, intra nos magno cum fructu perceptarum. Ideo enim & per allegoriam edendi & bibendi, non modò fides, sed & fidei uirtus à domino per Ioan. significatur. Cibus non sine uoluptate transit in corporis nostri substantiam: fide ergo magno spiritus desiderio coniungimur cum Christo, ut is uiuat in nobis, nos in Christo uiuamus, communicantes omnibus bonis eius. Spiritualis est hæc Christi manducatio: qui ne hilum quidem hic de crassa uel corporali manducatione, inutili planè, uel somniauit. Verùm cum in uocibus edere & bibere carnem & sanguinem domini cardo controuersiae uoluatur, illis corporaliter ipsas interpretantibus, nobis spiritualiter, demonstrandum uidetur, dominum per edere & bibere nil aliud intelligere uoluisse, quàm credere, & per consequens manere in Christo & manentem in nobis Christum habere: proferemus itaq; nostræ assertionis per collationem locorum scripturæ testimonia diserta sex.

1. Dominus, Ego sum panis illæ uitæ, inquit, qui uenit ad me, non esuriet: & qui credit

credit in me, non sitiet unquam. Quis autem negabit relationem inuicem habere Edere & non esurire, bibere & non sitire? Quoniam ergo dixit dominus, Non esuriet, præmisisset, Qui edit me: sed maluit uti uerbo ueniendi, & dicere, Qui uenit ad me non esuriet. Edere ergo est uenire, & uenire edere. Quid autem sit uenire ad ipsum, ipse mox explicat & ait, Omnis qui audiuit à patre & didicit, uenit ad me: id est recipit me, & credit in me. Nam & Paulus dixit, Oportet accedentem ad Deum credere. Hæc autem irrefragabiliter euincunt Edere aliud non esse quàm credere. Sequitur enim adhuc clarius, Et qui credit in me, non sitiet unquam. Qui bibit non sitit: pro bibere ergo reposuit credere: ergo bibere est credere. Nam fides mentes nostras satiat & pacificat. Habent hic responsionem qui obijciunt, An non dominus ipse uerba habuisset, quibus explicare potuisset mentem suam, siquidem intellexisset per edere & bibere credere? Habent inquam apertum testimonium quo alterum usurpat pro altero.

Rursus dicit in eodem sermone dominus, Qui edit carnem meam & bibit meum sanguinem, habet uitam æternam, & ego suscitabo eum in nouissimo die. Idem in eodem sermone, Hæc est uoluntas eius qui misit me, ut omnis qui uiderit filium & credit in eum, habeat uitam æternam, & ego suscitabo eum in nouissimo die. En habes iterum æquipollere, edere carnem Christi bibereque eius sanguinem, & credere in Christum.

Item, Ego sum panis uiuus, ait dominus, qui de cœlo descendi, si quis ederit, ex hoc pane, uiuet in æternum. Rursus autem, Amen dico uobis, inquit, qui confidit mihi, habet uitam æternam. In idem ergo recidunt edere Christum & credere Christo.

Et iterum, Qui edit meam carnem & bibit meum sanguinem, in me manet & ego in illo. Porro Ioannes Apostolus in sua canonica dicit, Quisquis confessus fuerit, id est crediderit, quod Iesus est filius Dei, Deus in eo manet & ipse in Deo.

Item, Amen amen dico uobis, nisi ederitis carnem filij hominis, & biberitis eius sanguinem, non habebitis uitam in uobis. Et Ioan. 8. dicit idem dominus, Si nō credideritis quod ego sum, moriemini in peccatis uestris. Et iterum, Amen amen dico uobis, si quis sermonem meum seruauerit, mortem non uidebit in æternum.

Rursus dicit dominus, Sicut me misit uiuens pater, & ego uiuo propter patrem: ita & qui ederit me, uiuet ipse quoque propter me. Et Ioan. 5. cap. Sicut pater habet uitam in semetipso, sic dedit & filio uitam habere in semetipso. Et in epistola canonica, Qui credit in filium Dei, habet testimonium in seipso. Et, Qui habet filium, habet uitam.

Diuinis hæc & euidentissimis testimonijs subiungimus modo humana, perbibentia & ipsa Christum edere aliud nihil esse quàm credere & in Christo manere. August. Tract. in Ioan. 25. hæc uerba domini exponens, Hoc est opus Dei, ut credatis in eum quem misit ille, sicut scriptum reliquit, Hoc est ergo manducare cibum qui non perit, sed qui permanet in uitam æternam. Vt quid paras dentem & uentrem? Crede & manducaſti. Idem iterum Tract. 26. Credere in eum, inquit, hoc est manducare panem uiuum. Qui credit in eum, manducat inuisibiliter, saginatur, quia inuisibiliter renascitur. Et iterum in eodem Tractatu, Hoc est manducare illā escā, ait, & illum bibere potum, in Christo manere, & illum manentem in se habere: ac per hoc qui non manet in Christo, & in quo non manet Christus, proculdubio nec manducat spiritualiter carnem eius, &c. Idem iterum lib. de Doctr. Christ. cap. 16. docens quando admittenda sit figurata locutio, quando non



admittenda, dicit, Si præceptiua locutio est, aut flagitium aut facinus uetans, aut utilitatem aut beneficentiam iubens, non est figurata. Si autem flagitium aut facinus uidetur iubere, aut utilitatem aut beneficentiam uetare, figurata est. Nisi manducaueritis carnem filij hominis, & sanguinem eius biberitis, non habebitis uitam in uobis, facinus uel flagitium uidetur iubere: figurata est ergo, præcipiens passioni domini esse cōmunicandum, & suauiter atq; utiliter recōndendum in memoria, quod pro nobis caro eius crucifixa & uulnerata sit, Hæc Augustinus, qui proculdubio non tantum suum sensum protulit, sed totius catholicæ quæ tunc erat ecclesiæ. Videant ergo quid agant aduersarij, qui omnes sanctos uolunt ad hoc scelus uel facinus adigere, ut uidelicet corpus Christi corporaliter manducemus.

*Caro non prodest quicquam.*

His omnibus præterea illud etiam accedit, euidentia & perspicacia sua omnia propè præcedentia excellens, quod ipse dominus Iesus admirantibus, imò obmurmurantibus atq; dicentibus, Quomodo potest hic carnem illam suam dare ad edendum, post explicatam ueræ fidei summam, respondet, Hoc ne uos offendit, quod dixi me panem cœlo delatum, carnem meam in cibum uitæ daturum credentibus? Non arbitror offensionem illam iustum habituram locum, ubi uideritis me in cœlos ascensurū, unde ad uos descendi, & in quo cum patre ab æterno eram. Tunc enim ex ascensione diuina intelligetis me panem esse cœlestem, naturalem Dei filium, & uitam mundi: intelligetis præterea carnem meam non morsibus corporaliter dilaniandam & absumendam fore, ut quæ sublata est in cœlos in arrhabonem salutis humanæ. Quibus protinus subiungit, Spiritus est qui uiuificat: caro non prodest quicquam. Et adhuc clarius, Verba quæ ego loquor uobis, spiritus & uita sunt. Constat autem carnem Christi permultum prodesse, & multo plus prodesse mundo, quam ulla possit quantumuis eloquens lingua effari. Quinimò prædixit dominus, nos non habituros uitam, nisi manducata carne eius. Sic ergo negauit dñs carnem suam prodesse quicquam, ut Capernaïtæ intellexerunt manducandam, corporaliter. Corporaliter manducata non prodest quicquam, spiritualiter autem manducata uiuificat: ac de spiritali manducatione, ex qua uita existit, locutum se dominus disertè dixit.

Istis ad hunc modum expositis & confirmatis, in breuem summam recolligimus quod ad aduersariorum obiectionem responderi posse existimamus. Vera est propositio, quæ asserit dominum certò quæ promissit præstare. Sed falsa est secunda propositio, quæ enunciat dominum in sermone suo Ioan. 6. cap. per panem intellexisse materialem eucharistiæ panem, atq; hunc se in carnem suam conuersurum promississe. Nam per panem non intellexit materialem Eucharistiæ panem, sed ad idioma Hebraicum cibum uitalem, adeoq; carnem suam ueram, quam in mortem tradidit, in cibum inquam, ut nos per Christi mortem uiueremus. Sic ergo texenda fuerat argumentatio, Quod Deus promittit præstat: promittit se autem carnem suam in panem, id est, in cibum & uitam daturum. Dedit ergo carnem suam in cibum: id est, impendit se in mortem, ut per mortem eius uiueremus. Quæ cum ita habeant, cibus certè quo de loquitur dominus, non est corporalis cibus, licet ipse dominus uerum, humanum, & naturale corpus nostro consubstantiale habeat, sed spiritalis: non quod caro conuertatur in spiritum: sed quod spiritaliter non corporaliter hauriendus traditur. Fide autem non ore corporeo spiritaliter manducatur. Nam ut esus uel manducatio cibi nos facit participes: ita corporis & sanguinis Christi per fidem effici-mur consortes.

Sed quia factum est, ais, cum panis cuius mentio sit Ioan. cap. 6. non significet panem cœnæ, quod omnes ferè ecclesiarum doctores, interpretes, & ministri hunc sermonem adaptarunt cœnæ domini: Respondeo adaptari posse hunc domini sermonem negotio cœnæ domini propter alias causas, tametsi panis non significet Eucharistiæ panem. Imò confiteor hunc domini sermonem de manducanda carne, & bibendo sanguine eius, plurimum lucis inferre negotio cœnæ domini. Augustinus certè lib. de Cons. euangelistarum 3. cap. 1. Ioannes de corpore & sanguine domini, inquit, hoc loco (Ioan. 13.) nihil dixit, sed planè alibi multò uberius hinc dominum locutum esse testatur. Hæc ille de capite nimirum loquens Ioan. 6. Quia enim una atq; eadem caro & idem corpus est domini nostri, de quo ipse utrobique loquitur & Ioan. 6. & Matth. 26. & utrobique id ipsum pro nobis uel pro ulla nostra in mortem tradi dicitur: quia item non est nisi unica participandi Christi ratio per fidem in traditum corpus & in fustum sanguinem, quia deniq; catholica uel uniuersalis ac indubitata doctrina est, carnē Christi corporaliter manducatam non prodesse, congruunt ac illustrant planè negotium cœnæ dominicæ quæ præmissa sunt in cap. Ioan. 6.

*Rectè adaptari negotio cœnæ domini uerba Ioan. 6.*

Et ut hoc rectius adhuc intelligatur, commemorabo quæ semper in Ecclesia ex scripturis de duobus modis manducandi Christi prolata sunt. Manducatur corpus Christi, & bibitur eius sanguis spiritualiter, manducatur idem bibiturq; sacramentaliter. Spiritualis modus perficitur fide, qua Christo connexi omnibus eius bonis communicamus. Sacramentalis modus perficitur duntaxat in celebratione cœnæ dominicæ. Pij spiritualis manducatio perpetua est, quia fides eis perpetua est. Extra cœnam, & in Cœna Christo communicant, & in hac quidem magis reparant & continuant dudum cœptam: quod prius diximus: & nunc quidem adiuncta actione sacra multò celebrius & euidentius omnia fiunt. Increduli uerò ac hypocritæ cum coryphæo suo Iuda, nunquam ipso Christo communicant, neq; ante cœnam, neq; in cœna, neq; post cœnam, quatenus scilicet in incredulitate sua perseverant, sacramentis autem dominicis participant sibi in iudicium & condemnationem.

*De duobus modis manducandi corpus domini.*

Scio quid hic nonnulli doceant, & quomodo tertium quendam modum manducandi Christi comminiscantur, qui nec spiritualis sit, nec merè sacramentalis, sed mixtus ex sacramentali & corporali. Contendunt enim ipsum domini corpus uerum ac naturale sub speciebus sacramenti ab infidelibus percipi corporaliter. Cæterum commentum esse humanum, nullo apparebit negotio ex solidis aliquot scripturæ argumentis: quæ Iudæ adaptabimus proditori, ut in hoc uno exemplo omnes impij discant quid in cœna domini manducant & bibant. Iudicio enim capituli reuelato, facile erit & de membris iudicare.

*Tertium manducandi modum.*

Adfuisse quidem in cœna Iudam, dum distribueret mysteria dominus, in dubium uocant nonnulli, inter quos est & S. Hilarius. Cæterum historia euangelica disertè commemorat, dominum accubuisse cum duodecim. Sed & Lucas narrationē suam sic contexi, ut dubitare non possimus Iudam mysterijs communicasse etiam cum cæteris apostolis. Id quod & Augustinus contendit lib. 3. de Cons. euang. cap. 1. Tractatu item in Ioan. 62. & in Psal. 10. ac epist. 163. Quibus accedit quod ipse quoq; Aquinas Hilario respondens idem approbat nobiscum Parte 3. quæst. 81. art. 2. Cum autem constet Iudam adfuisse in cœna inter apostolos, cognoscendum iam uidetur quid acceperit à domino. Accepit quidem sacramentū corporis Christi, perinde ut alij discipuli, sed quoniā fidem, ut reliqui, non habuit, Christo non comunicauit, corpus & sanguinē domini nec edit nec bibit,

*Iudam fuisse in cœna domini.*

*Quid acceperit Iudas à domino in cœna.*



2. Cor. 6.

Nam quotquot edunt corpus domini, & bibunt eius sanguinem, non esuriunt aut sitiunt: manent enim in Christo, & Christus in eis: sunt membra Christi, nec moriuntur in æternum. Contraria omnia apparent in Iuda & omnibus eius socijs: ergo increduli non edunt corpus domini, nec bibunt eius sanguinem. Præterea indubitatum est nullam esse conventionem inter Christum & Belial. Hoc enim pronunciauit Apostolus ex scripturarum unanimi consensu. Iudas autem ab ipso Christo satanas appellatur: ergo Iudas non cōmunicauit Christo. Quod si omnino contenderimus Iudam ipsum domini corpus manducasse, profectò adfirmabimus impiè Christi corpus, non modò inutilem, sed & noxium esse cibum. Cæterum pietas tradit, Christum semper omnibus ipsum uerè manducantibus salutarem esse cibum. Negauit ipse quoq; Augustinus Iudam ipsum edisse corpus domini, & bibisse eius sanguinem. Tractatu in Ioan. 59. Apostoli inquit, manducabant panem dominum, Iudas panem domini contra dominum. Illi uitam: hic pœnam. Item Tractatu 26. Qui non manet in Christo, & in quo non manet Christus, proculdubiò nec manducat spiritualiter carnem eius, nec bibit eius sanguinem: licet carnaliter & uisibiliter premat dentibus sacramentum corporis & sanguinis Christi: sed magis tantæ rei sacramentum ad iudiciũ sibi manducat & bibit, &c. Similia & propemodum clariora tradit lib. de Ciuit. Dei 21. cap. 25.

Quomodo in-  
creduli rei fiãt  
corporis &  
sanguinis do-  
mini.  
Ioan. 13.  
Matth. 25.

Hebr. 6.

Opponunt his S. Pauli auctoritatem dicentis, indignè manducantes non panis manducati aut eptor calicis, sed corporis & sanguinis domini fieri reos: hos item manducare & bibere sibi iudiciũ, eo quòd non dijudicent corpus domini: unde necessariò consequi indignos ipsum domini corpus & sanguinem manducare & bibere, non tantũ sacramenta corporis & sanguinis Christi. Respondemus Paulum disertis uerbis ita loqui, Quisquis ederit panem hunc, & biberit de poculo domini, &c. En qui ederit panem hunc, inquit, & de poculo biberit indignè: non autem dicit, Qui ederit carnem & biberit sanguinem indignè. Nam qui ipsum dominum edunt, non carent fide, ac manet Christus in ipsis, & ipsi in illo. Si autem miraris adhuc quomodo increduli possint rei fieri corporis & sanguinis domini, non nisi sacramentaliter manducati, ex alijs hoc scripturæ locis discito. Apud Ioannem dicit dominus, Amen amen dico uobis, qui recipit quemcunq; misero, me recipit: qui autem me recipit, recipit eum qui me misit. Ergo qui apostolum non recipit, non in apostolum peccat, sed in ipsum Deum, licet interim ipsum Deum nec uiderit, nec repulisse uideri uelit. Iudex dicturus legitur ad constitutos in sinistra, Discedite à me maledicti in ignem æternum. Esuriui enim & non dedistis mihi cibum. Sitiui & non dedistis mihi potum, &c. Verũ audi quomodo excepturi sint impij hanc iudicis sententiam. Domine quando uidimus te esurientem, aut sitientem, & non ministrauimus tibi? Sed audi uicissim quid responsurus sit iudex, Amen dico uobis, quatenus non fecistis uni de minimis his, nec mihi fecistis. Sicut ergo in ipsum Christum peccauit, qui peccauit in ministrum, aut mendicum, etsi interim Christi personam nihil læserit: ita corporis & sanguinis Christi reus fit, quisquis sacramentum corporis & sanguinis Christi indignè sumpserit, tametsi interim ipsum corpus & sanguinem domini non hauserit. S. Paulus alibi dicit apostatas ab integro rursus sibi metipsis crucifigere filium Dei. Atq; idem alibi negat modis omnibus, Christum uel crucifigi, uel mori posse. Proinde non potest iterum crucifigi Christus ab apostatis, interim tamen foeda ipsorum defectio sic æstimatur, quasi crucifixissent filium Dei. Vtuncq; ergo impij non edant ipsum domini corpus, &

biban

bibant eius sanguinem, rei tamen nihilominus fiunt corporis & sanguinis proditi uidelicet quantum in ipsis est. Calcat rebellis aliquis principis aut magistratus sui sigillum & literas discerpit; hic etsi ipsum magistratum non attigerit, aut conculcarit, dicitur tamen magistratum conculcasse, & accusatur non lassi sigilli aut uiolatarum literarum, sed impingitur ei crimen læsæ maiestatis & conculcati principis. Quid ergo mirum si audiamus indignè manducantes panem Domini, reos agi corporis & sanguinis Christi? Huius enim sacramentum & sigillum atq; obsignatio sunt panis & poculum mysticum.

Hæc hætenus de manducatione corporis Christi & potu sanguinis eius disputauimus, singula huius qua potuimus breuitate tractantes, transimus iam ad res duos Coenæ Dominicæ fines (in descriptione Coenæ positos) perstringendos. Institutam diximus à Domino Coenam, ut dona Dei uisibiliter ecclesiæ repræsentet, oculisq; omnium subiiciat. Didicimus autem ex tota huius negotij disputatione, ipsum Christum omnium donorum Dei aceruum esse plenissimum, utpote ex quo pro nobis in mortem tradito habemus omnia uitæ, remissionem peccatorum, & uitam æternam. Hæc cum sint inuisibilia haurianturq; fide, uisibiliter etiam, id est per sacramenta sensibus repræsentantur prope omnibus, uisui, auditui, gustui & tactui, ut totus homo corpore & anima commotus magno cordis iubilo sacrum hoc iucundissimum celebret. Huc iam pertinet analogia. De qua dixi Sermonem huius Decadis 7. unde hæc plenius disci uolo.

*De reliquis Coenæ Dominicæ finibus.*

Institutam præterea diximus à Domino Coenam, ut uisibiliter in unum corpus colligat omnia in terris alioqui dispersa membra. Vnde & fœdus & confœderationem alibi diximus Coenam à sanctis cognominari. Fidei unitate & spiritus unius participatione inuisibiliter cum Christo & membris eius omnibus sumus connexi; In coena autem coimus etiam uisibili coniunctione. Non enim iam uerbis, sed factis quoq; sed confœderatione, sed sacramento coalescimus & connectimur archissime, ipsa Coenæ actione aperientes demonstrantesq; omnibus & nos esse de eorum numero, qui credunt se per Christum redemptos, Christi membra & populum esse. Pariter autem obligamus nos Christo & ecclesiæ, & fidem synceram nos seruaturos, & beneficentiam ac charitatem erga omnes exercitaturos stipulantes. Plura de his require ex Sermonem huius Decadis 7. Certè hinc probauit Paulus, consortibus mensæ Dominicæ non licere uesci idolothytis, & sacris communicare prophanis. Quod si rectè expenderent hodie multi, minus frequentes conspicerentur in sacris alienis seu peregrinis.

Institutam item diximus à Domino Coenam, ut ea mortem suam retineret in memoria, ne unquam obliuione obliteraretur. Est autem mors Christi compendium omnium beneficiorum Dei. Ergo uult in memoria retineri beneficium incarnationis, passionis, redemptionis, amoris seu dilectionis. Licet autem memoria peragatur rei præteritæ, nempe mortis, ea tamen ad nos maximè pertinet, & uiuificat. Neque putabimus hunc esse postremum finem. Nullus enim tam diligenter atq; hic est expressus. Semel enim & iterum dicit Dominus, Hoc facite in mei memoriam. Atritus sacer & actio illa sacra, uerbis uel prædicationi de morte Christi & redemptione humani generis coniuncta, mirum est quàm renouet subinde beneficium, neq; in obliuionem uenire atq; intercidere patiatur.

Institutam postremò diximus à Domino Coenam, ut per ipsam admoneremur nostri officij, laudis & gratiarum actionis. Nostrium officium est, synceros esse in fide Christi, & omnes complecti fratres Christiana charitate propter Dominum, ac cauere ne corpora nostra coinquinemus mundis sordibus, quando



# DE COENA DOMINI.

1. Pet. 2. sanguine Christi abluti sumus. Paulus Apostolus, Quotiescunque de pane hoc ederitis, inquit, & de poculo Domini biberitis, mortem Domini annunciate donec uenerit. Annunciare autem mortem Domini, est laudare bonitatem Dei, & gratias agere pro redemptione per mortem parta. Nam & Petrus Apostolus dixit, Vos genus electum, regale sacerdotium, gens sancta, populus acquisitionis, ut uires annuncietis illius qui è tenebris uos uocauit in admirabilem lucem. Sed de his aliàs quoque diximus.

Hæc paucis de finibus cœnæ uolui repetere, quæ pñ spiritu sancto instructi singuli expendunt diligentius. Dmitterem modò c. v. nisi ex utilitate publica futurum uiderem, erudire paucis, quomodo se quisque ad Cœnam Domini præparet, ne ad ipsam indignè accedat. Operæpretium autem fuerit ante omnia inuestigare qui dignè uel indignè edant & bibant de pane & poculo Domini. Et gradus quidem esse in dignitate & indignitate nostra, nemo est, qui iudicijs Dei ritè expensis & religionis natura penitus inspecta iudicat, negare possit. Præcipuus quidem indignitatis gradus est, sine fide accedere ad mysteria fidei. Dignè accedit qui cum fide accedit; indignè qui sine fide. Digni pœnitentia fructus in Euangelio appellantur, opera pœnitentes uel pœnitentiam professam decentia. Quid autem decentius, æquius & iustius est, quàm ut celebraturus Cœnam Domini, credat se morte Christi in pretium pro mundo oblata redemptum, quo nomine & Christo redemptori gratias agere cupiat? Quid contra indecentius & iniquius est, quàm ob signationem corporis Christi percipere, ac nullam interim cum Christo communionem habere? ad gratiarum actionem accedere, & nullas interim ex animo gratias effundere? Quid autem unit nos Christo, aut quid efficit omnium beneficiorum eius participes & proinde etiam gratos, nisi fides? Quid disiungit à Christo & spoliât nos omnibus eius donis, redditque ingratissimos, nisi incredulitas? Proinde fides uel incredulitas dignè uel indignè facit nos participare de mensa Domini. Apostolus Paulus in Actis ad Iudæos per incredulitatem Euangelij prædicationem reiicientes dicit, Vobis quidem primùm oportebat loqui sermonem Dei: sed quoniam repellitis illum & indignos uos iudicatis uita æterna, ecce conuertimur ad gentes. Quomodo autem Iudæi contra semetipsos se uita æterna indignos esse pñunciabāt, ac ueluti iudices in semetipsos deferebant sententiam? Incredulitate se opposcentes uerbo Dei, nec fide apprehendentes Christum uitam & iustitiam mundi. Proinde dignitatis & indignitatis nostræ primaria & maxima portio, uersatur & consistit in fide uel incredulitate. Fide testatur S. Petrus purificari corda nostra: fides ergo uera est Christianorum munditia. Vnde & S. Augustinus, Incredulus non manducat carnem Christi spiritualiter, sed magis tantæ rei sacramentum ad iudicium sibi manducat & bibit. Quia immundus præsumpsit ad Christi accedere sacramenta, quæ aliquis non dignè sumit, nisi qui mundus est. De quibus dicitur, Beati mundo corde, quoniam ipsi Deum uidebunt, &c.

Deinde indignè edunt & bibunt de Cœna Domini, qui etsi fide non destituantur, abusu tamen suo peruertunt rectum Domini institutum: qualis uidetur fuisse Corinthiacæ ecclesiæ error, miscentis priuatam & prophanum conuiuium cum ecclesiastico & mystico, nec discernentis panem Domini, qui dicitur Corpus Christi, à cibo uulgarî. Nam Paulus, Qui indignè, inquit, edit & bibit, iudicium sibi manducat & bibit, non diiudicans corpus Domini. Ergo non diiudicare corpus Domini, est indignè edere panem, & bibere poculum Domini. Diiudicare autem (διακρίναι) est cum iudicio animi facultate exactè rem pensitare, æstimare, ac ita

Dignè & indignè manducare & bibere, &c.

Acto. 13.

Acto. 15.

Diiudicare corpus Domini.

ita ut decet discernere à rebus alijs. Porro corpus Domini est non modò spirituale illud Domini corpus ecclesia fidelium, sed ipsum corpus quod Dominus assumpsit de uirgine, ac pro nobis in redemptionem obtulit, quodq; modò confidet ad dexteram patris. Denique panis Eucharistiæ in cœna est ipsum Domini corpus, ueri inquam corporis pro nobis traditi sacramentum. Hunc ergo panem Domini mysticum quisquis non discernit à cibo prophano, sed ad mensam Christi ueluti cibariam accedit, nec agnoscit hunc cibum diuinum multum ab illo humano differre, nec eo modo quo instituit Dominus accedit, sed suas rationes sequitur, is certè non diiudicat corpus Domini, & iudicium sibi manducat & bibit, Paulo iterum se explicante & dicente, Itaque fratres mei, cùm conuenitis ad comedendum alijs alium expectate, ne ad iudicium conueniatis. Proinde qui præoccupat cœnam publicam suâ priuata, hoc est, qui non ita cœnat ut instituit Dominus, indignè manducat & bibit. Superius enim iudicium manducare & bibere dicuntur indignè manducantes & bibentes; & hic in iudicium conuenire perhibentur, qui non expectatis fratribus festinant: ac idem illi non diiudicant corpus Domini. S. August. Tract. in Ioan. 62. De his sermo est Apostolo, inquit, qui Domini corpus uelut alium cibum quemlibet indiscretè negligentèr sumebant. Hic ergo si corripitur qui non diiudicat, id est, non discernit à cæteris cibis Dominicum corpus, quomodo non damnaretur (Iudas) qui ad eius mensam fingens amicum accessit inimicus: &c. Quanto uerò grauius hodie uidentur peccare, qui subuerso Domini legitimo & primario usu, abusum suum magna cum cõtentione stabiliunt, adde & nolentibus reclamantibusq; grauem persecutionem obtrudunt.

Præterea cum reipsa experiamur in diem, fidei nostræ multa deesse, unde uaria inter nos exoriuntur uitia, ex quibus deinde et indignitas nostra, leuissima quidem omnium existit: utpote quam Dominus gratia sua facilè diluit, ac ferè cruce immissa extergit, infirmitates huiusmodi non imputans ad condemnationem. Alibi enim Apostolus pronunciat nihil cõdemnationis esse ijs qui insiti sunt Christo Iesu, nec ambulant iuxta carnem, sed secundum spiritum. Rom. 8.

Nec parietiam supplicio diuersos hos indignitatis gradus punit iustissimus Dominus. Inspiciamus ergo quid nos doceat beatus Apostolus de pœna & supplicio indignè manducantium. Itaque quisquis ederit panem hunc, inquit, aut biberit de poculo Domini indignè, reus erit corporis & sanguinis Domini. Quæ sanè intelligit de præcipua illa et omnium fœdissima incredulitatis indignitate. Etenim reus fit corporis & sanguinis Domini, cui culpa imputatur mortis Christi, hoc est, cui mors Christi ad mortem non ad uitam cedit: sicut & illis cessit qui ipsum corporaliter ex incredulitate impietateq; crucifixerunt. His enim sanguis Christi prophanus tanquam pecoris aut latronis sceleratq; hominis uisus est, quasi meritò propter delicta effusus sit. Et quid obsecro sentit aliud quàm! prophanum esse sanguinem Christi, qui non credit ipsum pro peccatis mundi esse effusum? Audet tamen hic participare de cœna Domini, ut meritò iam dicatur reus fieri corporis & sanguinis Domini. Prægrande peccatum est per incredulitatem indignè panem Domini edere, & calicem eius potare. Id quod uel Iudæ exemplo nobis ob oculos statuitur. Non credidit hic in Dominum Iesum, imò cogitabat ipsum tradere in manus latronum, nihilominus accumbebat & participabat de mensa Domini, meritò ergo ipsum sibi totum tandem uendicabat diabolus. Testatur enim Ioannes diabolum sub finem cœnæ ingressum esse in Iudam: Ioan. 13. non quòd priusquam ad cœnam uenisset non fuisset in ipsum ingressus: dudum enim ipsum inhabitare ac exagitare cœperat: sed quòd post tot Christi Domini Luce 22.



admonitiones, & post prophanata mysteria Christi, adeoque & conculcata, totum illum sibi usurpasset, ac plenissime possedisset.

Idem Apostolus Paulus corpus Domini non diiudicantibus, ueluti in alio gradu indignitatis constitutis interminatur iudicium, dicens, Nam qui edit & bibit indigne, iudicium sibi edit & bibit. Rationem autem hac sententia reddit, cur non temere, nec nisi excussis animis ad mensam Domini accedere oporteat: quòd uidelicet ad iudicium accedatur. Est autem iudicium, pœna uel supplicium, quod Dominus suis irrogat fidelibus peccantibus, non in alio quidem mundo, sicut incredulis, sed in hoc seculo. Sequitur enim in uerbis Apostoli, quod eum nobis suppeditat sensum. Propter hoc inter uos multi imbecilles & inualidi, & dormiunt multi. Etenim si nos ipsos diiudicassemus, haudquaquam iudicati fuisset. At cum iudicamur, à Domino corripimur, ne cū mundo condemnemur. Distinguit aperte Apostolus inter indigne manducantes ferulæ diuinæ subditos, & inter mundanos, id est incredulos homines, quibus uidelicet pœnam Dominus differt in aliud istud seculum; fidelibus suis, sed tamen ex incuria peccantibus, & non omni parte instructis, ad cœnam accedentibus, uarias inijcit calamitates, ut pestes, famem, morbos, & huius generis alia, ad excutiendum ueternum. Sequitur enim, Si nos ipsos diiudicassemus, hoc est, si uitia nostra ipsi coërcuissemus, & nosmet à malis separauissemus, haudquaquam iudicati, id est, supplicij affecti & correpti fuisset. Protinus enim subiicit, At cum iudicamur, à Domino corripimur. Iudicari ergo est corripi. Discimus autem ex his unde in ecclesiam exundent uaria mala, nimirum ex indigno cœnæ Dominicæ usu.

*Quomodo præparemus nos ad cœnā Domini.*

Respondeat autem hic aliquis, Si sic res habeat, tutius fore, ut in uniuersum abstinenceur à cœna Domini. Cæterū si in uniuersum quis abstineat, peccat etiam sic contra Dominum, & grauiter quidem. Contemnit enim mandatum Dei dicentis, Hoc facite: imò contemnit & mortem Domini & omnia dona Dei. Proinde periculum non euasit, qui cœnæ celebrationem omisit: id quod & superius diximus. Alia uia ingrediendum erit, si cupias & periculum & peccatum uitare. Audi consilium Apostoli Pauli miro compendio dicentis, Probet autem homo semetipsum, & sic de pane illo edat, & de poculo bibat. Obseruandum autē quòd in hac probatione neminem relegat ad alium, sed quemlibet ad semetipsum. Pastores iubent te confessorem auricularium accedere, confiteri, absolutionem suscipere, & ad indictam formam pro peccatis satisfacere. Sic enim abunde purgatum iubent te ad mensam Domini accedere. Cæterum Paulus doctor gentium & uas electionis, horum ne uerbo quidem meminit, sed simpliciter, Probet homo semetipsum, ait, & sic de pane illo edat, & de poculo bibat. Sicut enim Deus cordium est scrutator, & animi affectum requirit, hypocrisis odit: ita nemo nouit quid sit in corde hominis, aut quales sint erga Deū affectus nostri, quàm nos ipsi: nos ergo metipsos iubet omnia explorare in nobis ipsis: hoc est, iubet quemlibet in semetipsum descendere, & sese examinare. Examen hoc sine fide & face uerbi Dei fieri non potest. Prælucente autem luce uerbi Dei, & fide uires suas exerente, inquirat apud seipsum fidelis, an peccata sua omnia multipliciter contra Deum commissa agnoscat: an propter commissa doleat: an sincera cordis fiducia credat Christum abluisse ac condonasse peccata omnia: an ingenuè confiteatur ore, sicut corde credit, non in alio quàm in solo Christo esse salutem & uitam: & an apud semetipsum constituerit huic confessioni immori: an ad innocentiam & sanctitatem sedulo & serio aspiret: an omnia membra corporis Christi, cuius & ipse membrum est, diligere, iuuare, & pro eis ad exemplum Christi se im-

se impendere paratus sit; an iras & inimicitias omnes remiserit; an passionem Christi, redemptionisq; mysteriū uniuersum recolere, & pro redemptione omnibusq; Dei beneficijs acceptis & accipiendis gratias Deo agere anhelet. Hęc est iusta probatio, & cœnæ mysticæ congrua: hac facta, licet in humilitate & timore Domini cum gaudio ad cœnam Christi Domini accedere.

Verūm trepidant hic fideles, utpote conscij sibi suæ imperfectionis & infirmitatis. Neque enim ista inueniunt in animis suis sic esse absoluta, ut alioqui intelligunt perfectionem iustam requirere. Accedit satanas, & multas & magnas remoras inijcit, quo à cœnæ celebratione retrahat. Ad ea dicimus, si quis putet neminem ad cœnam admittendum, quā eum qui sit ab omni repurgatus peccato & infirmitate, is profectò à cœna arcebit & excludet omnes quotquot in hoc seculo uiuunt homines, imò abrogabit in uniuersum cœnam Domini, iam non amplius hominibus peccatoribus, sed angelis institutam. Meminerimus probationem illam etiam intra metas suas consistere, & Deum hic quoque ut ubique sua erga nos uti clementia seu misericordia. Nouit ille infirmitatem & corruptionem nostram, ac potest compati infirmitatibus nostris. Israelitæ sub Ezechia rege non ad plenum purgati participabant de agno paschali. Orauit autem rex, & dixit, Dominus qui bonus est propitiabitur cunctis, qui in toto corde requirunt Deum patrum suorum: & non imputabit eis, quòd minus sanctificati sunt. Ac subiungitur his in sacra historia 2. Paralip. 30. Et Dominus exaudiuit Ezechiā, & placatus est populo. Dignitas quæ per exactam probationem inquiritur, non est perfectio absoluta, sed uoluntas & mens à Deo instructa, quæ humiliter suam agnoscit indignitatem, ideoq; augmentum fidei & charitatis poscit suppliciter, omnemq; perfectionem in solo Christo requirit. In prima illa cœna conuiuæ Domini fuerunt Apostoli, & inter hos Iudas: sed quoniam hic fide caruit, & proditor, imò parricida erat, reus factus est corporis & sanguinis Domini. Cateri Apostoli fuerunt & ipsi peccatores, sed non impij, habuerunt fidem in Christum, amarunt Christum, & se mutuò ut fratres: ergo non indignè sicut Iudas, manducarunt de mensa Domini. Licet interim ad illam ipsam mensam specimina ederent magnæ imperfectionis. Nam Petrus non sine contemptu & contumelia fratrum præfert se omnibus. Præterea contendunt ambitioso certamine de eo quis inter ipsos uideatur maior futurus. Non enim nunc commemorabo, quòd mox à mensa deserto Domino turpiter fugiunt, & multis modis se indignè gerunt: sed hæc omnia facillè diluuntur, quòd in ipsis fides esset altissimis defixa radicibus.

*Consolatio afflictarum conscientiarum.*

*Matth. 18.  
Luce 21.*

Non pigebit hic recitare uerbotim consolationem D. Ioannis Caluini, uiri pij & docti, magna cum laude etiamnum in ecclesia docentis, symmystæ mei, & fratris longe colendissimi charissimiq;, quam pro afflictis in hac causa sic protulit, Meminerimus has sacras epulas ægrotis esse pharmacum, peccatoribus solatium, pauperibus largitionem, quæ sanis, iustis, & diuitibus, si qui reperiri possent, nullum afferrent operæpretium. Nam cum in illis Christus nobis in cibum detur, intelligimus nos sine ipso tabescere, linqui, deficere. Deinde cum in uitam detur, intelligimus nos sine ipso in nobis planè mortuos esse. Quare ea est dignitas quam unam & optimam afferre Deo possumus, si nostram ei uilitatem, & ut ita loquar, indignitatem afferamus, ut sua misericordia nos se dignos faciat: si animos in nobis despondeamus, ut nos in ipso consolemur: si nos humiliemus, ut ab ipso erigamur: si nos accusemus, ut ab ipso iustificemur. Præterea si ad eam quam in sua cœna nobis commendat unitatem aspiremus: & quemadmodum



nos omnes unum in seipso esse facit, ita unam omnium animam, cor unum, linguam unam nobis omnibus optemus. Hæc si perpensa & meditata habuerimus, nunquam nos illæ cogitationes perturbabunt. Nos bonorum omnium egeni & nudi, nos peccatorum sordibus inquinati, nos semimortui quomodo corpus Domini digne manducaremus? Magis cogitabimus nos pauperes uenire ad benignum largitorem, ægros ad medicum, peccatores ad saluatorem. Dignitatem illam, quæ a Deo mandatur, fide præcipue constare, quæ omnia in Deo, nihil in nobis reponit: deinde charitate, & ea quidem ipsa, quæ Deo imperfectam offerre satis sit, ut ipsam in melius augeat, quando præstari solida non potest. Tantum ille.

Illa uerò dixi hæctenus de sanctissima Domini nostri Iesu Christi Cœna, sacramento Christianorum præstantissimo & saluberrimo, cui mox ab initio, & uiuentibus adhuc Apostolis, satan salutis nostræ infensissimus hostis, insidiatus, ipsam multis conatus est adobruere contaminationibus: à quibus cum tempore iam aliquo fideliter sit repurgata, non desinit ille eam, quæ ecclesiæ cessit in symbolum fœderis nunquam rumpendi, ceu glomum aliquem litium obijcere & insinuare. Vnde ipsa res & salus nostra requirit, ut uigiles locum tentatori nullum cedamus, sed omnes in Christo concordēs & in unum (per cœnæ celebrationem fidelem) corpus compacti, amemus nos mutuò, & æternas agamus gratias redemptori nostro Christo Domino: cui sit laus & gloria nunc & usque in seculum, Amen, amen.

*De quibusdam ecclesiæ Dei institutis. De scholis. De bonis ecclesiasticis, & horum usu & abusu. De templis & instrumentis Christianorum sacris. De admonitione & correctione ministrorum ecclesiæ, adeoque totius ecclesiæ. De matrimonio. De Viduis. De Virginitate. De Monachis. Quid agat cum ægrotis ecclesiæ Christi, & de funeribus & sepultura.*

## S E R M O X.

**R**ESTANT adhuc quædam & paucula quidem illa explicanda c. v. quæ partim pertinent ad ministerij ecclesiastici institutionem & conseruationem, partim uerò sunt peculiaria quædam ecclesiæ instituta, quibus hæc carere non potest. De quibus hoc Sermon Decadis huius ultimo, quæ loqui dedit Dominus, quanta potero breuitate, explicabo.

*Dominus non oneravit infinitis legibus suam ecclesiam.*

Ante omnia sciendum est, Dominum Deum nostrum non onerasse in immensum extensis legibus & institutis ecclesiam suam, sed paucula seu numerata quædam dedisse, eaque non sumptuosa, nec intricata aut prolixa, sed frugaliter, simpliciter, exposita & succincta. Olim cum lege lata, populo suo cultum alioqui sumptuosius institueret Dominus, certa tamen, numerata & moderata erant omnia: nec uolebat his addi uel adimi pro arbitrio hominum aliquid, uel aliter quam ipse instituisset usurpari. Quis ergo crederet Dominum ecclesiæ noui sui populi, post abrogatam legem, sumptuosam & in immensum extensam tradidisse disciplinam? Sumptuosa ergo & immensa omnia in ecclesia fecit partim pastorum & procerum ecclesiæ auaritia, partim prodigiosa superstitio plebis. Teneamus nos, Dominum Deum nostrum admodum pauca, nec nisi necessaria suæ instituisse ecclesiæ: ideoque omnibus nobis annitendum esse, ne a dobruatur ecclesia traditionibus & institutis non ab ipso Deo profectis. Satis magnifice ornata & instructa est ecclesia Dei, si teneat Dei & Domini sui instituta.

*Potissima uere pietatis capita in ecclesia.*

Præcipua autem & primaria ecclesiæ Dei capita pietatis sunt, Doctrina sincera legis & prophetarum, Christi & Apostolorum, Oratio fidelis uni Deo per solum Christum oblata, Religiosa item legitimaque sacramentorum Christi administratio &

& perceptio. De quibus hactenus per quinque Decades differui. Accedit illis & Charitas, communicatio opum seu beneficentia. De qua nonnihil dictum est Decade prima, & dicentur in hoc Sermonem quoque nonnulla. Nec alia commemorat beatus Lucas in Actis, describens qualis fuerit primitiua Christi per Apostolos *Acto. 2.* fundata fidelis Ecclesia, & quæ potissima eius capita. Erant autem perseverantes, inquit, in doctrina Apostolorum, & communicatione, & fractione panis, & precationibus. In his paucis capitibus uniuersa pietas comprehensa consistit.

Cum ministerio ecclesiastico sunt coniuncta quæ sequuntur. Primum autem *De Scholis.* locum habent scholæ Christianæ, uberem prophetarum uel ministrorum Ecclesiæ segetem proferentes. Intellexerunt omnes gentes non omnino barbaræ, sine scholis nulla regna, nullas respublicas feliciter conseruari posse. Igitur Ægyptios amplissima instituisse facere: totum uel philosophantium collegia non modò Moses in Genesi, sed & Strabo Geographiæ lib. 17. author est. Historiæ quoque commemorant celeberrimos quosque orbis uiros percipiendæ sapientiæ gratia descendisse in Ægyptum: in quorum numero & Plato ille philosophorum Alpha numeratur. Nec temerè scribitur in libro Regum Solomonem sapientia excelluisse sapientes Ægyptiorum. Quid quod non soli Ægyptij, sed etiam Palestini, gens alioqui bellis quam literis illustrior, suos habuisse dicuntur sacerdotes, quos in rebus dubijs consuluisse author est Samuel in historia sacra: Sed & Daniel testatur scholas celeberrimas fuisse Babylonij, Medis ac Persis, unde prodierint magi, sapientes inquam in omni parte philosophiæ illustres. De Græcis & Romanis non est quod quicquam commemorem, cum nemo ignoret istorum decantatiss. ab omnibus doctis Athenas, & horum amplissima pontificum & augurum collegia. Sed omisis ex teris, proferamus nostratia uel Ecclesiastica. Deus qui absolutissimam dedit populo suo, & reipublicæ & regni felicitis formam, distribuit scholas per XLVIII. oppida regni. Oppida ea à Leuitis philosophantibus, Leuitica dicebantur. Totam enim Leuiticam tribum consecratur sacerdotio & studiis: non quod non liceret & ex alijs tribubus ingenuis hominibus philosophari: sed quod Leuitæ studiis sacris peculiariter destinati essent. Ex tribu enim Iuda constat fuisse Isaiam & Daniele clarissima prophetantium lumina. Dederunt aliæ quoque tribus præstantissimos in omni sapientia uiros. Ac dicebantur oppida illa & Leuitica & sacerdotalia, non quod in his soli sacerdotes agerent, sed quod in eis synagogas haberent. Cæterum apud tabernaculum in Silo & maxime in Hierosolymorum urbe erat schola omnium præclarissima & ueluti uniuersalis, ut hodie nuncupant. Clarissimos autem uiros scholis præfuisse eadem testatur sacra *Rectores scho-* historia. Nam in Rama legimus Samuelem, apicem omnis sapientiæ, pietatis & *larum.* eruditionis, præfuisse Naioth, id est burse (ut uocant) uel collegio prophetarum. *1. Sam. 10.* Scholæ Hierichuntinæ & Gilgal rectores fuerunt Helias & Heliseus clarissima *4. Reg. 2.* Israeliticæ Ecclesiæ lumina. Subuerterat impurus Ieroboam scholas, & conculcarat sacerdotalem ordinem, in sacerdotium admissis ex fece populi citra delectum quibuslibet. Intellexerunt autem uiri Dei Helias & Heliseus sine scholis doctrinam sanam non posse uel florere uel conseruari: toti ergo erant in instaurandis scholis. Cumque iusta his negarentur uectigalia, impijs regibus ea transferentibus ad adulatores, uentres, id est, ad sacerdotes idolorum, uitulorum & Baalis, factum est tamen bonitate domini, ut uiri aliquot boni aliquid conferrent studiosis, & hi modico contenti uictu, fortiter se gererent in deprauatissimo seculo. Qui uero Scholis sic præerant probatissimi uiri, sapientes ac prophetae, appellabantur patres. Vnde & discipuli uel scholares nuncupabantur filij prophetarum. Amos & *Amos 7.*



Amos 2.

Ieremias appellarunt & Nazareos. Ille enim, Non sum ego propheta, inquit, nec filius prophetae, nimirum liberalibus eruditus artibus. Et idem iterum, Suscitaui de filiis uestris prophetas, & de iuuenibus uestris Nazareos. Hic uerò commendat etiam formam studiosorum in Threnis quam in captiuitate prorsus corruptam lamentatur. Præterea filij prophetarum appellabantur, propter affectum in præceptores tanquam in parentes, & propter obedientiam & studium assiduum. Quò autem clariores sapientioresq; erant principes, tanto maiorem operam impendebant reparandis scholis & restituendis ordinibus Ecclesiasticis. Id quod uidere licet non in Dauide & Solomone duntaxat, sed & in Iosaphat, Ezechia & Iosia regibus optimis & felicissimis. In captiuitate & post captiuitatem Babylonicam dispergebatur domini populus per uaria regna longè & latè. Quocunque autem deferrentur, scholas seu synagogas instituebant, & restituta urbe Hierosolymorum ad hanc subinde aspirabant. Ideo enim commemorant Acta Apostolorum Paulum apud gentes prædicantem uerbum Dei, ingressum synagogas docuisse. Et Iacobus Apostolus, Moses, inquit, ab ætatibus antiquis in singulis ciuitatibus habet, qui ipsum prædicent in synagogis. Vbi non loquitur de ciuitatibus Iudææ aut Galilææ, sed de ciuitatibus Gentium in Syria, Cilicia & Asia. Cæterum dispersos subinde aspirasse ad sacram Hierosolymorum urbem, illud arguit, quod in Actis legimus. Erant autem Hierosolymis habitantes Iudæi uiri religiosi ex omni natione earum quæ sub cœlo sunt. Et quòd commemoratur Paulus cum esset natus ciuis Tarsensis, Hierosolymas concessisse ad pedes Gamalielis, id est, ut se subderet disciplinæ auditorq; fieret Gamalielis. Sic legimus Hierosolymis fuisse collegia siue synagogas Libertinorum, Cyrenensium, Alexandrinorum, Cilicum & Asianorum. Durauit ergo scholarum usus ad tempora usq; Christi, imò & post ascensionem eius ad cœlos, ad usque ferè urbis excidium, licet interim non semel uideatur deprauatus.

Actorum 15.

Actorum 2.

Actorum 22.

Actorum 6.

Christus et apostoli instituerunt scholas.

Christus quoq; Dei filius, rex & pontifex noster, & ipse omnium nobilissimam instituit scholam, uocatis duodecim Apostolis & discipulis septuaginta, uiris, in quam, delectissimis octoginta duobus. Sed & Apostoli permultos sibi compararunt discipulos, in primis autem Paulus organum Dei ad conuertendas gentes electiss. qui in comitatu suo habuisse legitur Sopatrem Berrhœensem, Lucam Antiochenum, Marcum Hierosolymitanum, Barnabam, Syluam uel Syluanum, Caium & Timotheum, Aristarchum & Secundum, Tychicum & Trophimum, Titum & Linum, Crescentem & Epaphram, Archippum & Philemonem, Epaphroditum & Artemam, & multos alios. Idem diligentissimè uiris bonis commendauit studiosos & ministros Ecclesiarum, adhortans omnes ad liberalitatem, ne quid his deesset. Ad Titum scribens, Zenam legisperitum, inquit, & Apollo studiose deducito, ne quid illis desit. Iam & Antiochiæ percelebrem fuisse in Syria scholam, & apostolicam quidem illam, non obscuris quidem argumentis, uel ex 13. cap. Actorum colligere licet. Sed & Eusebius Casarien. abundè testatur quàm illustres scholæ fuerint Alexandriæ in Ægypto, & in alijs illustribus Ecclesijs. Et nos hoc ipsum exposuimus aliquando paulò copiosius in libro quem scripsimus de Institutione episcoporum. Tandem uerò omnibus Ecclesiæ rebus in peius declinantibus, degenerarunt & ecclesiasticæ scholæ in monasteria siue collegia canonicorum & monachorum.

Ad conseruationem ministerij pertinet schola.

Cæterum ex his quæ diximus nulli obscurum esse puto, ad incolumitatem Ecclesiæ ministerijq; sacri conseruationem in primis pertinere scholas, in quibus tradantur bonæ artes ad sacra studia promouenda utiles: cuius generis sunt

sunt linguarum sacrarum præcipue, sermocinatricis philosophiæ, physices & matheseos studia: & hæc quidem moderata, & ad certum pietatis scopum delineata. Inuenias enim ingenia quæ in artibus & disciplinis consenescent, sacra uerò attingant nunquam. Atque utinam ex prophanis nimium ingurgitatis non etiam ipsa sacra, ueluti barbara, contemnere discerent impij. Inuenias ingenia alia quæ studijs matheseos ita inhærescunt, ut meliores agere possint ædificiorum magistros, quàm rectores uel pastores ecclesiarum, imò quæ cœlo astronomico sic implicentur, ut uerum cœlum sedem beatorum nihil ad se pertinere arbitrentur, satis beati futuri, si modò motus illos cœli uisibilis & astrorum cursum uel puncto attingere possint. Qui autem philosophiæ studijs & dialecticorum tricus rhetorumque præceptis plus nimium immorantur, nec finem ullum attingunt, aut seriò cogitant studia sua ad ædificationem Ecclesiæ conferre, ferè disputatores rixosi, & censores superbissimi fiunt, quibus nihil propriè, terse & expensè satis dictum aut factum uidetur ab alijs, nisi quod ipsorum capitibus grauidis admodulatum, regulisque præscriptis pilo tenus etiam congruit. Hi ferè disputationibus impexissimis omnia inuoluunt, nihil aliud quàm disputationes & rixas spirant, omnia omnium aliorum etiam bene aut tolerabiliter dicta & facta arrogantisimè censent, arroduct, & malignè cauillantur, philosophastri uerius quàm philosophi, imò scholarum & Ecclesiarum pestes: ex quibus uenenum altercationum, simultatum, dissidiorum, & scissionum effunditur in Ecclesiam. Contra hos uidetur locutus Apostolus Paulus ad Timotheum. Nam post compen-  
dium sanæ doctrinæ redditum, subiungit, Hæc doce & exhortare. Si quis aliter docet, nec acquiescit sanis sermonibus domini nostri Iesu Christi, & ei quæ secundum pietatem est doctrinæ, inflatus est, nihil sciens sed languens circa quæstiones & pugnas uerborum: ex quibus oritur inuidia, contentio, maledicentiæ, suspiciones malæ, superuacuas conflictationes, hominum mente corruptorum, & qui ueritate priuati sunt, existimantium quæstum esse pietatem. Seiuungere à talibus.

1. Tim. 6.

Equidem feliciter nunquam celsit Ecclesiæ, quando homines docti & studiosi deserta simplicitate & puritate uerbi Dei, aliò conuerterunt oculos, neque hos unice in solum uerbum Dei collimarunt. Ex ueteribus quidam non contempserunt uerbum Dei, sed interim plus quàm decebat tribuerunt traditionibus. At ea re & erroribus occasionem præbuerunt, & inductos abusus confirmarunt. Ante secula aliquot Gratianus & Lombardus & alij quidam ex scriptoribus Ecclesiasticis, conciliationem dogmatum facere, & certam plenamque theologiam conati sunt colligere. Verùm ea re non modò à scripturis abduxerunt scholas, sed & doctrinas peregrinas Ecclesiæ obtruserunt. Secuti istos Alexander, Albertus, & Thomas, qui non modò ipsi à sententijs illis pependerunt, & ea alijs etiam commendarunt, uerùm ipsam quoque philosophiam miscere cum theologia, & in unum ueluti corpus redigere contenderunt. Sed inde nobis tot uia ac sectæ, tot inquam paludes ranis scatentes, tot scholæ, tot monasteria, ac sophistæ. Proinde si hodie quoque pergamus scripturis sanctis male copulare philosophiam, & illas superstitiose ad disputationes reuocare, ac sub regulas cogere humanas uel artium, corrumpemus & ipsi in scholis, grandî cum Ecclesiæ detrimento, synceritatem doctrinæ Apostolicæ. Interim certum est bonas artes uel literas plurimum facere ad perspicuitatem ac euidentiam, sed moderatè cum iudicio religiosè adhibitas, ut imperium relinquantur sacris literis, seruiant autem omnes artes exoticæ.

Corruptio scholarum.



DE INSTITVTIS ECCLESIAE.

Scholarum cer-  
tus scopus.

Disciplina scho-  
larum.

De bonis eccle-  
siasticis.

Ecclesia noui  
testamēti habet  
facultates.

Luce 8.  
Matth. 10.

Acto. 4.

Doceatur ergo in scholis ecclesiasticis pura pietas, imò sit PIETAS scopus studiorum omnium: inculcetur studiosis mox ab initio studiorum Catechesis, nec ulla eis permittatur requies, donec eam plenè & imbibierint, & familiarem sibi fecerint: augeatur deinde concepta pietas quotidianis lectionibus & concionibus sacris: prælegantur perpetuò scripta euangelica & apostolica, ut & hæc illis maturè fiant familiaria: simul autem commodè imbuantur linguis & artibus, exerceanturq; & scribendo & dicendo. In primis autem exulet ex scholis piè institutis & Christianis, luxus & libido. Floreat disciplina etiam seuerior. Si enim corrumpatur iuuentus in scholis, atq; in corruptione adoleuerit, quid obsecro ab his expectemus quando præfecti fuerint muneribus ecclesiasticis? Illos ne credamus futuros Ecclesiæ sal, qui ut dissolutissimi insulsissimiq; sunt, ita acrimoniam in alijs ferre non possunt? Illos ne putabimus fore ecclesiæ lumina, qui ipsi odere lucem, & delectantur tenebris, & tenebrarum operibus? Quod ergo in Ecclesia Israelis fuerunt filij Heli, id ipsum erunt & sunt in Ecclesia Christi corrupti prophetarum filij. Peribunt itaq; simul cum plebe sibi credita. Proinde indulgentia nimia peccatur hodie in scholis scelere nunquam eluibili. Venias enim in scholas non paucas, in quibus milites & scurras, non scholares aut studiosos credas, quos uulgus clericos appellat. Neque uictus, neque uestitus, neque mores, neq; dicta, neque facta referunt homines ingenuos, honestos, aut studiosos. Scio interim multa deberi infelici & dissolutissimo nostro seculo, in quo à contumacibus & rebellibus non audiuntur seniorum consilia: sed rursus noui plurimum non rarò delinqui præsidentium incuriæ & indulgentia. Quoniam uerò in scholis rectè institutis incolumitas consistit ecclesiarum, annitendum erit summa opem nobis omnibus, ne quid hac parte per nostram peccetur incuriam ac oscitantiam. Hæc de scholis ecclesiasticis, qua potui breuitate recensui: de quibus plura dixi in libro de Institutione episcoporum.

Porrò ut conseruari possint scholæ cum ministerio uniuerso, & omnibus ædificijs sacris, sumptibusq; ecclesiasticis, opus est omnino iustis facultatibus. Locus ergo hic admonet aliquid proferre de Bonis Ecclesiasticis. Deus in ea re pub. quam alijs præluere, ut optimè in omnibus rebus necessarijs institutam, uoluit, ex publico uestigalia sacro ministerio deputauit, decimas uidelicet, primitias & uarij generis oblationes. Extant hæc multis ab ipso uiro Dei Mose in lege exposita: qui nihil ueritus est, ne eam ob tractationem accusaretur iniquæ cupiditatis aut auaritiæ. Disertè enim quæ Deus loqui iubebat, fideliter reddidit. Quid quod ipsa lex naturæ iubet laboranti dare mercedem, & publicos sumptus ex collatione publica suppeditare? Et uestigalia uel tributa illa quæ ex publico colligebantur, non erogabantur nisi in usus publicos. Partim enim cedebant ministris pro ipsorum ministerio, partim impendebantur publicis ædificijs & sumptibus sacris. Seruiebat item portio subleuandis pauperibus.

Tamet si uerò abrogata sit nouo testamento lex Leuitica cum sacerdotio uniuerso, certum est tamen uniuersalem illam legem, pub'cos sumptus ex publicis collationibus facere iubentem, non esse abolitam. Nam legimus dominum Iesum Christum, licet non ex decimis & sacerdotum uestigalibus, ex collationibus tamen nihilo minus piorum uixisse. Nam publicoungebatur munere. Idem discipulos suos ad prædicandum ablegans, disertè dicit, Nolo uos de uictu & amictu esse sollicitos. Dignus est enim operarius mercede sua. Ergo conseruet primitiua ecclesia, ab apostolis Christo collecta domos, prædia & pecunias suas ad conseruationem ministerij rerumq; Ecclesiæ necessariarum. Sacerdotes & Le-  
uitæ

uitæ tunc occupabant sacra uestigalia, neque culmum impendebant apostolicæ Ecclesiæ, utpote quæ fame extinctam cupiebant. At intelligebant interim præ & fideles homines ad ecclesiæ conseruationem omnino pertinere terrenas facultates. Homines enim dedit ministros Ecclesiæ, non angelos: pauperes item loco sui Ecclesiæ commendauit. At hi utpote homines uarijs rebus indigent. Conserunt ergo sancti, spiritu sancto exagitati, ædes, pecunias, fundos, aliasque suas facultates, ut ex his & pauperes, & ministerium sacrum conseruetur. Certissimum est itaque ecclesiam populi noui testamenti ab ipsis Christi & Apostolorum temporibus facultates habuisse collatas è publico, & erogatas esse rursus in usus publicos.

Gregorius eius nominis primus, episcopus Romanus, commemorat suo tempore, & ante sua tempora moris fuisse, ut ex bonis ecclesiasticis fierent portiones quatuor. Vna episcopo & familiæ eius: alia clero: tertia pauperibus: quarta Ecclesijs reparandis. Negant autem non pauci iuste episcopos stipendium accipere ab Ecclesia. Videamus ergo quid ea in re nos doceant cum Christo domino Apostoli. Christus dominus, qui nihil unquam admisit iniqui, à mulieribus legitur accepisse, quæ ipsi ministrarunt docenti de facultatibus suis. Idem amandans discipulos & iubens ne solliciti sint de uictu & amictu, subiungit, Dignus est enim operarius mercede sua. Dignum æquum & iustum iudicat dominus prædicatoribus suppeditare necessaria. Ergo indignè se non gerunt qui accipiunt stipendium, unde parent sibi suisque necessaria: imò comparat prædicores non ociosis uentribus, non gratis manducantibus panem alienum, neque mendicis, sed operarijs. Vt autem in lege testatur dominus ingens esse flagitium negare mercedem operarijs: ita non peccant uulgariter, qui fidos pastores fame contabescere & inedia perire sinunt. Alibi quidem, Gratis accepistis, ait ad discipulos dominus, gratis date. Sed loquitur de dono miraculorum, sanitatisque beneficio infirmis aut morbo laborantibus & oppressis conferendo. Ita enim scriptum est, Infirmos sanate, leprosos mundate, mortuos suscite, dæmonia eijcite. His demum subiicit, Gratis accepistis, gratis date. Proinde licet Apostoli stipendium acceperint ab eis quibus prædicarunt: pro dono tamen sanitatis, in nomine domini collato, nihil unquam accepisse à quoquam leguntur. Sicut ne Heliseus qui dem à Naamano Syriæ imperatore, ultrò magna offerente dona, uel tantillum accipere sustinuit, quòd eius consilio à lepra fuisset mundatus. At idem ille donum uiri à Baal salisa uenientis non respuit. Ex eodem Christi domini euangelio discunt ministri ecclesiarum ad quos usus conuertant stipendium ab Ecclesia acceptum. Cum enim dominus secedere iussisset Iudam loculos gerentem, existimarunt cæteri discipuli illum accepisse mandatum emendi necessaria diei festo, aut egenis aliquid erogandi. Proinde dominus stipendio accepto usus est ad res sibi suisque necessarias parandas, & ad eleemosynam largiendam. En omnia uitæ & muneri suo necessaria possunt ministri ex stipendio ecclesiastico sibi & familiæ suæ parare. Deinde ex eodem possunt & eleemosynam elargiri pauperibus, uelut de proprijs & iuste partis opibus. Etenim in Lege quoque Dominus disertè dicit, sacrificia Leuitarum facta ex decimis & alijs oblationibus uel uestigalibus sacris, tam sibi grata futura, quàm eorum est oblatio, qui offerunt aliquid ex propria arca aut ex proprio torculari prædij sue proprijs. Certè si operarius aliqui de mercede sua offerat Deo, hoc est, largiatur pauperi, an non gratissima Deo uidetur esse oblatio: Gratissima ergo Deo fuerit eleemosyna collata à ministro Ecclesiæ ex stipendio accepto ex sacro ministerio.

Quomodo erogate sint quondam opes ecclesiæ.

Ministris ecclesiarum deberi mercedem.

Matth. 10.

4 Reg. 5.

1047. 13.



Laborat operarius aliquis in extruendo templo, ac mercedem operis percipit ex bonis ecclesiasticis. Quis uerò eam ob rem dixerit operarium eleemosynam accepisse, nec eleemosynam ex eleemosyna conferre posse? Mercedem operis accepit. Nam laborauit. Ex mercede ergo & iustis proprijs suis opibus eleemosynam dat. Quare itaq; uideatur minister ecclesiae eleemosyna uiuere & ex eleemosyna eleemosynam non posse conferre, qui tamen & ipse pro suo stipendio laborauit, unde & mercedem operis accepit, sicuti operarius, cui ministrum ipse dominus comparauit? An uerò dicet aliquis, ministrum ecclesiae suo fungentem munere fideliter, nihil laborare? Si quis ea est impudentia adobrutus, non me, sed Paulum audiat apostolum dicentem, Si nos spiritualia uobis seminauimus, magnum est si nos uestra carnalia messuerimus? Et iterum, Qui bene praesunt presbyteri, duplici honore digni habeantur, maxime ij qui laborant in sermone & doctrina. Dicit enim scriptura, Boui trituranti non obligabis os. Et, Dignus est operarius mercede sua. En non arbitratur apostolus bonum ministerij inastimabile, re uilissima, stipendio inquā terreno, compensari ullo modo posse. Deinde, Qui laborant, inquit: qui laborant inquam, non qui ociantur inquit, in doctrina. Hos & boui laborioso animanti & trituranti qui lem confert, deniq; & operario. Id quod tam diligenter admoneo, quod in maligno & ingratisimo hoc seculo nostro homines, imò monstra potius ingratitudinis inueniuntur, quibus persuasum est ministros nihil agere, etiam eos qui fideliter suum obeunt munus. Nam clamitant hos gratis suum panem, ueluti mendicos, edere. Quo nomine multa egregia ingenia absterrentur à studijs bonis & sacris, ut planè abhorreant à ministerio, ceu à mendicitate & re inhonestissima. Ita enim nouit satan res suas conficere pro regno suo augendo, abutens imò bene sibi utens nostra ingratitudine & malitia. Quare non potius sustinent illi cum Christo & Apostolis, qui & ipsi stipendio alti sunt ecclesiastico numerari, quàm inter ingratos & superbos illos recenseri, qui ferè usuris & malis artibus suas sibi opes parauerunt? aut si non malis artibus parauerunt, certè ex liberalitate & mero Dei dono, pro quo nihil laborauerunt, acceperunt?

1. Cor. 9.

Paulus grauib; & multis argumentis approbat ius accipiendi stipendij ex ministerio sacro. An non, inquit, habemus potestatem edendi & bibendi? an non habemus potestatem sororem mulierem circunducendi? Intelligit autem potestatem accipiendi & pro sua, & pro uxoris, totiusq; familiae necessitate. Ac per interrogationem quod uult enunciat, ut sic significet æquitatem confessam apud omnes, imò & exempla adiungit, nec quorumlibet, sed omnium, adde & maximorum Christi apostolorum, Christo etiam sanguine coniunctorum, dicens, Quemadmodum & ceteri apostoli & fratres domini, & Cephas? Quis ille Cephas nisi Petrus? Ad hunc enim Ioan. 1. cap. dicit dominus, Tu uocaberis Cephas, quod sonat, si interpreteris, lapis. Sed & Petrus à petra cognominatus est: ut in idem semper recidat etymon nominis. Qui uerò sunt fratres domini, nisi Ioannes & Iacobus, Iacobus item Iudæ, Iudas Iacobi & Simon? Hos autem omnes dicit Paulus stipendio accepto uixisse ex publicis Ecclesiae collationibus. Exemplis his coniungit aliquot similia petita è uulgo, Quis, inquit, militat unquam suis stipendijs? Quis plantat uineam, & de fructu eius non edit? Aut quis pascit gregem, & de lacte gregis non edit? Eleganter autem his, & proprijsimè quidem his, non alijs utitur similibus. Nam ministri ecclesiarum alibi milites, uinitores uel agricolæ & pastores apellantur. Quis uerò tam iniquus ut neget militibus, agricolis & pastoribus uictum & amictum ex militia, agricultura &

Apostoli accipiunt stipendium.

Marc. 6.

re pecuaria? Agnoscunt ergo cordati & æquissimi iudicii omnes homines, ministrum ecclesiæ uiuere posse ex ministerio ecclesiastico. Cæterum ne quis obijceret, parabolas illas humanas & à uulgo petitas, in causâ ecclesiastica nihil probare, subiungit protinus, Num secundum hominem hæc dico? An non & lex eadem dicit? Etenim scriptum est in lege Moïsi, Non obligabis os boui trituranti. Quasi dixerit, Sunt mihi in promptu pro iure nostro asserendo, non tantum humanæ similitudines, sed & diuinæ scripturæ testimonia. Profert autem locum ex Deut. 25. cap. de alendis bobus laborantibus. Rursus ne quis eum locum non de prædicatoribus, sed simpliciter de bobus interpretandum contenderet, subdit, Nunquid boves curæ sunt Deo? An hoc propter nos omnino dicit? Propter nos enim hoc scriptum est, quod sub spe debeat is qui arat, arare, & qui triturat sub spe, spei suæ participes esse. Nobis, inquit, uoluit in lege sua Dominus consulere. Voluit enim æquitatem syllogismo quodam colligi, ad hunc uel similem modum, Si Deus prospexit armento & pecudibus, eorumque rationem haberi uoluit, quanto magis hominum? Iniquissimum certe foret, si agricola cum boue sine spe, id est, frustra & sine fructu laboraret: iniquissimum ergo foret & ministerium in ecclesia sine spe ac debito stipendio agriculturam exercere ecclesiasticam. Porro cum his iterum opponi soleat, spirituali ministerio præmium deberi, non corporale, sed spirituale, responderet Apostolus, Si nos uobis spiritualia seminauimus, magnum est si nos uestra carnalia messuerimus? Nihil ergo Corinthios conferre sentit, cum dant temporalia, si uidelicet hæc cum æternis conferantur bonis, quæ ministri docendo afferunt. Nam quanto antecellit anima corpus, tanto præstantiora sunt spiritualia corporalibus. Et occulit interim Apostolus in his argumentum euidens, dum admonet æquum esse ut qui seminat, etiam idem ille & metat. In eo autem inæqualitas magna est, quod ministri seminant meliora, metunt autem deteriora. Homines quia & Deum & diuinum ministerium floccifaciunt, ideo ministros nihil agere iudicant. Paulus uero rursus ab aliorum exemplo ius suum confirmat dicens, Si cæteri erga uos potestatis participes sunt, cur non potius nos? Cum enim apud Corinthios nemo plus laborasset, quam Paulus, nemo erat mercede dignior. Idem rursus ab exemplo & præcepto ac ordinatione Domini ius suum approbans, An nescitis, inquit, quod hi qui in sacris operantur, ex sacrario edunt? & qui altari ministrant, altaris sunt participes? Sic & Dominus ordinauit, ut qui Euangelium annunciant, ex Euangelio uiuant. Vbi uero hoc ordinauit Dominus? Cum in Euangelio dixit operarium sua mercede esse dignum. Obseruandum autem puto in primis quod Apostolus disertè dicit, Dominum suam ordinationem de alendis ministris ecclesiæ, ad imitationem antiquarum populi Iudaici legum instituisse. Hinc enim colligimus non aberrare nos à scopo, si in hac & similibus causis uetera quæque instituta non omnino reiiciamus.

His omnibus nihil derogat, quod ipse Apostolus Paulus suo iure non est usus. *Paulus non accepit stipendium.* Alia enim est quæstio facti, alia iuris. A Corinthiis quidem certas ob causas nihil accepit, sed nihilominus accepit ab alijs ecclesijs. Sed & à Thessaloniceñ. nihil accepit: cæterum hoc factum suum non uult præiudicare æquo iuri. Nam ad Corinthios, Alias, inquit, deprædatus sum ecclesias, accepto ab illis stipendio, quod uobis inferuirem. Et cum apud uos essem & egerem, non onerosus fui cuiquam. Nam quod mihi deerat, suppleuerunt fratres qui uenerant à Macedonia. Et ad Thessaloniceñ. Non inordinate gessimus nos inter uos, inquit, neque gratis panem accepimus à quoquam, sed cum labore & sudore nocte dieque facientes opus, ad hoc ne cui uestrum essemus oneri. Non quod id nobis non liceat, sed ut nosmet-



1. Theff. 5.

ipſos formam exhiberemus vobis ad imitandum nos. Ac idem ad eoſdem Theſſa-  
loniceſ. Rogo vobis, inquit, ut agnoſcatis eos qui laborant inter vobis, & qui prae-  
ſunt vobis in Domino, & admonent vobis, ut habeatis illos in ſummo pretio, per  
charitatem: propter opus illorum pacem habete cum eis. Cedat ergo ex facultati-  
bus eccleſiae paſtoribus quantum ſatis eſt, & quantum honeſta requirit neceſſitas.  
Hæc autem hæcenus de portione paſtoribus debita.

ſtudioſi alantur  
ſtipendio eccle-  
ſiae.

Clericis olim cedebat ſecunda pars opum eccleſiaſticarum. Sunt autem cleri-  
ci paſtorum ſeges, ſtudioſi theologiae, & miniſterio ſacro dediti. Quoniam enim  
& hi ſeſe & omnia ſua in uniuerſum eccleſiae & miniſterio eius conſecrauerunt,  
æquiſſimum eſt ut eccleſiae ſumptibus alantur. Alantur autem frugaliter, qui alijs  
debent præferre frugalitatis exemplum. In delicijs educati, miniſterijs eccleſiae  
minimè congruunt. Ideò enim & Amos querebatur vinum propinari nazareis,  
quòd intelligeret ebrios eccleſiam non ſeruare, ſed perdere funditus. De qua re  
aliàs dictum eſt. Præterea æquum eſt, ut preſbyteris, ſcholarum rectoribus,  
profefſoribus, & omnibus, ſinguliſq; perſonis eccleſiaſticis ſua perſoluatur por-  
tio iuſta.

Pauperibus  
proſpiciatur  
ex bonis eccle-  
ſiae.

Porro pauperibus in eccleſia deſtinata eſt tertia bonorum eccleſiaſticorū por-  
tio. Sunt autem varia pauperum genera. Sunt uiduæ, pupilli, orphani, infantesq;  
expoſiti. Sunt ſenio & morbis attriti atq; conſecti. Morborum autem genera infi-  
nita ſunt. Grauiora numerantur lepra, furor & mania, poſca Gallica, vel ſcabies  
Indica vel Neapolitana, paralyſis, podagra, & multa alia. Sunt & peregrini non  
tantum indigenæ pauperes: ſunt exules ſuis eiecti ſedibus propter iuſtitiam & ver-  
bum Dei. Sunt alijs qui nondum ad imam peruenerunt inopiam, ſed in procliu ta-  
men ſtant, ita ut ſi non pecunijs numeratis iuuentur, mox toti ueniant publicis  
eccleſiae bonis alendi. Sunt ruruſ quos captiuitates, bella, aquarum inundatio-  
nes, incendia, atq; alia calamitates, grandinis, pruinæ, ac intemperies coeli attriue-  
re. Quorum omnium ſalutem & incolumitatem commendauit nobis Dominus  
Deus noſter, qui apertè teſtatur ſibi ipſi impenſum eſſe quod impenderimus pau-  
peribus. Proinde ſi contempſerimus aut neglexerimus pauperes, ipſum Deum no-  
ſtrum proculdubio in ipſis ſpreuimus & negleximus pauperibus. Iuuare autem  
oportet pauperes beneuolentia ſpontanea, conſilio, conſolatione, medicina, cura,  
pecunia, cibo, potu, uestimentis, hoſpitio, patrocinio, & quocunq; poſſumus mo-  
do, ac in omnibus ijs rebus in quibus illi noſtro auxilio indigent. Si his non plene  
ſufficere poſſunt opes eccleſiaſticae, ſarciaſt horum inopiam omnium fidelium co-  
pia. Si autem opes alioqui ſufficientes olim piorum liberalitate collatae in prom-  
ptu ſunt, quæ tamen procerum negligentia uel iniquitate, pauperum neceſſitati  
ſubducuntur, inde proſectò ſauiffimæ infelicitatum tempeſtates effunduntur &  
in reſpub. & in regna. Etenim puniuntur grauiffimè qui priuatim de ſuo, cum  
poſſunt, nihil conferunt pauperibus: quanto ergo atrocioribus ſupplicijs afficien-  
dos exiſtimamus, qui dudum ab alijs ad publicos pauperum uſus collatas opes,  
ad priuatos uſus impiè & ſacrilegè rapiunt. Qui habet huius mundi ſubſtantiam,  
& uidet fratrem ſuum egentem, clauſeritq; uiſcera ſua ab eo, crudelis eſt: ergo qui  
munus pauperi datum ipſe ſibi rapit, crudelior adeoq; ſacrilegus eſt. Sodomitæ  
cum ſocijs urbibus ſubuerſi leguntur, quòd manum pauperum non confortau-  
runt, ſed diſſoluerunt potius. Moabitæ & Chananæi excinduntur, quòd aſperna-  
ti fuiſſent peregrinos, & nullam prorfus habuiſſent pauperum rationem. Sed  
cur tam longe petita adducimus exempla? cur non reuocamus in animos ultimam  
illam ſupremi iudicis & tribunali coeleſti, in ipſis firmato nubibus, ſententiam, ad  
hunc

Fraudare pau-  
peres ſua por-  
tione.

Ezech. 16.

Iſaie 16.

1. Ioan. 3.

Ezech. 16.

Iſaie 16.

hunc modum pronunciatam, Venite benedicti patris mei, possidete regnum pa- Matth. 25.  
 ratum uobis ab exordio mundi. Esuriui enim, & dedistis mihi edere. Sitiui, & de-  
 distis mihi bibere. Hospes eram, & collegistis me. Nudus, & operuistis me. Infirmus,  
 & uisitastis me: in carcere eram, & uenistis ad me. Subdit autem Euāgelista,  
 quæ mirè nostrò congruunt instituto, Tunc respondebunt ei iusti, dicentes, Do-  
 mine, quando te uidimus esurientem, & pauimus: & sitientem, & dedimus ti-  
 bi potum? Quando autem uidimus te hospitem, & collegimus te: aut nudum, &  
 cooperuimus te? Aut quando uidimus te infirmum, aut in carcere, & uenimus  
 ad te? Et respondens rex, dicit illis, Amen dico uobis, quatenus fecistis uni ex his  
 fratribus meis minimis, mihi fecistis. Tunc dicit & his qui à sinistris erunt, Disce-  
 dite à me maledicti in ignem æternum, qui paratus est diabolo & angelis eius.  
 Esuriui enim & non dedistis mihi cibum. Sitiui, & non dedistis mihi potum. Ho-  
 spes eram, & non collegistis me. Nudus, & non operuistis me. Infirmus, & in car-  
 cere eram, & non uisitastis me. Tunc respondebunt ei & ipsi dicentes, Domine,  
 quando te uidimus esurientem, aut sitientem, aut hospitem, aut nudum, aut infir-  
 mum, aut in carcere, & non ministrauimus tibi? Tunc respondebit illis, dicens,  
 Amen dico uobis, quatenus non fecistis uni de minimis his, nec mihi fecistis. Se-  
 quitur ergo. Et ibunt hi in supplicium æternum, iusti uerò in uitam æternam. Ali-  
 bi enim in Euangelio Dominus pauperes sui loco, qui ascēsurus erat in cœlos, ne-  
 bis substituens, Semper, inquit, pauperes habetis uobiscū: & quodcumq; uolue- Matth. 14.  
 ritis, potestis illis benefacere: me uerò non semper habetis. Proinde legimus pri-  
 mitiuam ecclesiam in pauperibus curandis ad miraculū usq; fuisse sollicitam. Pau-  
 lus ecclesiæ Dei ubiq; commendat pauperes: pauperibus collegit in omnibus ferè  
 ecclesijs, & collectam benedictionem mira procurauit maturitate, fide & diligen-  
 tia. Id quod uidere licet in omnibus ferè eius Epistolis, præcipue uerò in 15. ad  
 Rom. in 1. ad Corinth. 16. in 2. ad Corinth. 8. & 9. cap. Ad Galatas, Dum tempus  
 habemus operemur bonum, inquit, cū erga omnes, tum uerò maxime erga do- Galat. 6.  
 mesticos fidei. In Epistola priore ad Timoth. monet etiam rationem habendā esse 1. Timoth. 5.  
 eorum quibus subueniatur, & quibus non subueniatur. In eadem Epistola præce-  
 ptum dat Timotheo, & omnibus episcopis, quid agant cum ditioribus in ecclesia,  
 dicens, His qui diuites sunt in hoc seculo præcipe, ne elato sint animo, neq; spem 1. Timoth. 6.  
 ponant in diuitijs incertis, sed in Deo uiuente, qui præbet nobis omnia affatim ad  
 fruendum, ut bene faciant, ut diuites sint operibus bonis, ut faciles sint ad imper-  
 tiendum, libenter communicantes, recōdentes sibi ipsi fundamentum bonum in  
 posterum, ut apprehendant uitam æternam. Idem ad Hebr. Beneficentiæ, inquit, Hebr. 13.  
 & communionis ne obliuiscamini. Talibus enim uictimis placetur Deo. Paratæ  
 sunt ergo opes mox inde ab Apostolorum temporibus pro necessitate pauperum  
 subleuanda. Dati sunt ab ecclesia diaconi curatores seu œconomi, Inter quos illu- Acto. 6.  
 striores fuere primi illi diaconi, quorum meminerunt Acta Apostolorum, & præ-  
 clarus Christi martyr Laurentius. Ac ueterum scripta testantur, ex bonis illis eccle-  
 siasticis liberatos fuisse per frequenter captiuos, nubiles pauperes uirgines dota-  
 tas, deniq; extructa esse Xenodochia, Ptochotrophia, Nosocomia, Gerontoco-  
 mia, Brephotrophia, & Orphanotrophia, nimirum pro excipiendis pauperibus  
 peregrinis, pro alendis pauperibus indigenis, pro ægrotantium & languentium  
 cura, pro senum necessitate, proq; infantium pupillorum & orphanorum educa-  
 tione honesta. De his extant adhuc imperatoriarum leges.

In reformandis ergo ecclesijs aduigilandum est diligentissime, ne quid hic pec- Reformatio.  
 cetur negligentia aut malitia, ne fraudentur pauperes, neue abusum unum tollen-



tes, plures inducamus. Si suppetunt opes, conseruentur: si non suppetunt, colligantur ex ditioribus. Deinde inspiciatur pauperum conditio, & cuius rei quisque maximè sit indigus, aut quomodo cuiq; commodissimè prospici possit. Ea re deprehensa, maturè, benignè & diligenter fiat quod fieri conuenit ac necesse est. Si quid de opibus superfuerit publicis, seruetur futuris calamitatibus. Nihil prodigatur inutiliter & impiè. Rursus non coaceruetur fraude & inopia pauperum thesaurus infelix. Vtrobique enim ex æquo peccatur. Vtrobique enim fraudantur suis opibus pauperes. De beneficentia diximus alibi in hisce nostris Decadibus: de curandis item pauperibus, in alijs nostris lucubrationibus. Optimè uerò de subuentione pauperum scripsit Lodouicus Viues.

*Aedificia sacra.*

*De Templis Christianorū.*

Quarta & ultima portio bonorum ecclesiae debetur aedificijs sacris, ut templis, scholis, & domibus ad templum scholasq; pertinentibus. Tempora quæ & ecclesiae à cœtu appellantur, sunt domus Domini Dei nostri. Non quòd in domibus huiusmodi Deus, quem cœli cœlorum non capiunt, habitet, sed quòd ecclesia uel populus Dei coit in huiusmodi domibus ad cultum Deo præstandū, ad audiendū uerbum Dei, ad percipienda sacramenta Domini, & ad precandum faciem Dei. Tempora ergo ecclesiae Dei omnino necessaria sunt. De cœtibus sacris dixi in disputatione de Oratione. Quamuis uerò iubente Deo Moyses portatile templum, deinde uerò sapientissimus Solomon fixum templum, non sine sumptu magno, parauerint, non ideo tamen existimandum est maximos sumptus probari Deo post exhibitū Christum adimplerasq; figuras. Nam ut ante legem latā Patriarchæ nullas leguntur Domino extruxisse basilicas, ita post abrogatam legē in ecclesia Christi placet Deo frugalis mundicia. Displicet autem infania illa aedificandi non admodum dispar furori Babylonico, conanti summum turris fastigium ipsis imponere nubibus. Non placet Deo luxus templorum, qui sine luxu ex toto terrarum orbe collegit ecclesiam, quam & frugalitatem & omnis luxus contemptum docuit. Satis amplum & magnificum fuerit templum, si sufficiat recipiendis omnibus ad ecclesiam istam pertinentibus. Hominibus enim non Deo paratur locus. Sit autem locus ille mundus & sanctus. Sanctificatur consecraturue templum, non (ut superstitione à quibusdam creditur) ullis uerborum recitationibus, aut impressis characteribus, non oleo, & ignibus piacularibus, sed Dei uoluntate & præcepto, iubentis conuenire, & promittentis suam præsentiam, consecratur item usu sacro. Congregatur enim in templo sancta Dei ecclesia: annunciat in templo ipsum Dei uerbū sanctissimum: percipiuntur in templo sacrosancta Dei sacramenta: funduntur item ad Deum preces Deo gratissimæ. Locus quidem per se sanctus non est: sed quoniam hæc sancta in loco sunt, quatenus sunt & ipse locus appellatur sanctus. Merito ergo abest à Dei templo sancto omnis prophanatio & res turpis atq; fœda. Curia senatoria ab omnibus habetur sacra, adeò ut maiestatis reus ageretur quisquis illam dicto uel facto indecoro uiolaret. At in hac colliguntur duntaxat senatores, audituri causas litigantium de rebus fluxis & perituris. Quanto uerò maior debetur reuerentia templis, in quibus ad cultum Dei filij Dei conueniunt, ipsa Dei uerba audituri, & sacramenta eius percepturi? Vt ergo in templis superstitionem odimus, ita prophanationem ipsorum non amamus, imò minimè ferimus. Neq; uacat modò omnes circa templorum considerationem superstitiones manifestas recitare & excutere. Id quod feci aliàs.

*Ad quam mundi plagam aduertendum.*

Disputatum uideo apud ueteres ad quam orbis plagā adorantes oporteat conuerti. De uetustissima orbis Apostolica ecclesia Antiochiæ, Socrates historiarum lib. 5. cap. 22. Antiochiæ, inquit, Syriæ inuersum habet ecclesia sitū. Altare siquidē non

non ad orientem, sed ad occidentem spectat. Fortassis imitati sunt ueteris populi in extructione ac situ tabernaculi & templi morem. Ad occidentem enim conuersi adorarunt, haud dubie propter Christum in fine & occasu seculorum uenturum. Alioqui uulgo receptum est adorare uersis ad orientem uultibus. Sed in his, si absit superstitio, altercatio, licentia & offensio, ualet libertas.

Porro diuis non debent ulla extrui templa. Soli enim Deo, cui debetur cultus, ponendum est templum. Id quod exemplis ueterum docemur, & consensu totius scripturæ. Ethnici idololatæ creaturis posuerunt templa, atroci præuaricatione peccantes contra Deum uerum & æternum. S. Augustinus libro de Ciuit. Dei, sine uerborum inuolucro dixit, Martyribus nostris templa non ponimus, uel extruimus. Idem lib. i. contra Maximinum Arianorum Episcopum, Nõne si templum, inquit, alicui sancto angelo excellentissimo, de lignis & lapidibus faceremus, anathematizaremur à ueritate Christi & ecclesia Dei? Quoniã creaturæ exhiberemus eam seruitutem, quæ uni tantum debetur Deo. Si ergo sacrilegi essemus faciendo templum cuicunq; creaturæ, quomodo non est Deus uerus cui non templum facimus, sed nos ipsi templum sumus? Hæc ille. Proinde mendaces sunt qui audent asserere uiuentibus Apostolis posita à religiosis hominibus templa. De qua re diximus olim, ut & contra templorum luxum & sumptus inutiles, primo libro de Origine erroris, capite uigesimo primo.

Instrumenta templi sacra sunt, & ipsa munda, & ab omni luxu aliena, à superstitione uerò alienissima. Instrumenta sunt cathedra sacra, è qua doceat minister: sedilia commoda auditoribus ecclesiasticis: baptisteriũ baptizandis fidelibus paratum, & Mensa Dominica, denique quæ ad hæc ipsa uelut necessaria uidentur, aqua, panis, uinum, libri, lucernæ, calathi uel catini & pocula. Fuerunt sanè hæc aliquando aurea: sed conflauerunt optimi & sanctissimi quicq; Episcopi hæc non raro, ac liberarunt captiuos, cibarentq; fame tabescentes. Plurima horum collegi exempla, lib. de Instit. episcoporum capite 9. Et Lucernas quidem, quarum iam iam meminimus, adhibuisse ueteres in templis ad discussionē nocturnæ caliginis certum est, uel ex Actorum cap. 20. Stultum est autem & minimè religiosum, lumina ad cultum Dei adhibere. Clamat Lactantius, Num mentis suæ compos putandus est, qui authori aut datori luminis candelarum aut cereorum lumen offert pro munere? Aliud uerò ille exigit à nobis lumen, & quidem non fumidum, sed liquidum atq; clarum, mentis scilicet. At contra tam liquidam ueritatem uideas hodie bonam cultus Dei partem in oblatione luminum collocari. Inter instrumenta ecclesiastica recensentur & Campanæ, quæ hodie id nobis sunt quod olim erant populo Dei Tubæ. Seruiunt enim cœtui conuocando, & referuntur ad signa. Circa illas mira exercetur superstitio. Baptizantur ab Episcopis: creduntur uim habere dispellendæ tempestatis atræ. Olim pulsus prouocabantur homines ad preces ingruente tempestate sæua, nunc ipse campanarum sonus ex consecratione uidetur peculiarem habere uirtutem. Quis non obstupescat ad extremam hanc cæcitatē? Vsurpant præterea campanas ad plangendum mortuos. Quæ quidem omnia superstitiosa & modis omnibus contemnenda sunt.

Cum autem in illis quæ commemorauimus uerus sit usus bonorum ecclesiasticorum, consequens est in contrarijs uersari abusum: siue peccetur in una specie, siue in pluribus. Iustitia in his, ut in omnibus, colenda est. Non eripiendum uni & dandum est alteri: sed suum cuique dandum est. Ergo non eripiendum aliquid pauperibus & dandum est ecclesiæ ministris: neque his sua portio & necessitas rapienda, ut habeant unde uiuant pauperes. Scriptura concedit bonorum



ecclesiasticorū portionem ministris ecclesiae: eadem iubet & pauperibus suum tribuere demensum. Ergo si Episcopi uel ministri ecclesiastici omnia sibi bona ecclesiastica uendicent, nec suas partes pauperibus distribuunt, sacrilegio se polliunt. Si ministri non omnia sibi bona uendicent, interim plus quam decet & necessitas poscit, ac ordinatio Domini & Apostolica admittit, sibi usurpant: aut si portionem sibi debitam turpiter concoquunt, grauiter delinquent: grauius imò grauissime peccant, si uenationibus, alea, poculis & luxu, scortis, adde & militia, bona etiam pauperum prodigunt: interim & aedificia sacra nec curant, nec ullam rationem habent eorum quae sunt in templo, aut quomodo fiant. Quod si portio iusta cedat pauperibus, erretur autem hic fauore uel odio ab oeconomicis uel dispensatoribus, ut maxime indigis & miseris cedat nihil, indignis autem supersit multum, peccatur etiam hac ratione turpi abusu. Omnium autem foedissimus abusus is esse uidetur, qui hodie ferè uulgatissimus est. Fit sumptus ingens in saxa et truncos, hoc est, in idola omni sensu carentia, pauperibus ueris Dei imaginibus nullus sit honor. Qui quidem furor est gentilis & extrema dementia. Sed cum alij de abusu bonorum ecclesiae dixerint copiosissime, & nos quoque de hoc alibi quaedam proposuerimus, de his iam dicendi finem faciam.

*Tempus sacrum*

Dicerem iam & de Tempore sacro, quae tractatio omnino affinis est Loco sacro, de quo iam disputauimus, nisi de illo quoque Decalogum exponentes differuissemus. Hoc duntaxat adiiciam in praesenti, non oportere propter hoc contendere diosius in ecclesia, sed disciplinam cum charitate esse in hac causa & similibus constanter seruandam. Memores enim nos esse decet concertationis perniciosissimae de Paschate celebrando, quae multo cum periculo & detrimento multum diuque exercuit & orientis & occidentis ecclesias, cauereque modis omnibus ne per contentiones satanae aperiat fenestra. Vtile fuerit mea sententia in hac causa & non dissimilibus illius beati Augustini meminisse consilij. Quod neque contra fidem, neque contra bonos mores iniungitur, indifferenter est habendum, & pro eorum inter quos uiuitur societate seruandum est. Ad Ianuarium Epistola 118.

*Disciplina et correctio ministrorum.*

Ad ministerium sacrum pertinet & disciplina correctioque ministrorum. Quam uero haec sit necessaria, colligi potest uel ex his Christi Domini uerbis, Vos estis sal terrae. Quod si sal infatuatus fuerit, quo salietur? Ad nihil ualet ultra, nisi ut projiciatur foras, & conculcetur ab hominibus. Scio iactare quosdam priuilegia nescio quae, eximent ipsos ab omni disciplina. Sed errant isti. Omnes enim ecclesiae suae ministros subiecit Dominus disciplinæ. Qui itaque à disciplina exempti esse uolunt, non sunt ministri Christi. Aut quis obsecro eum liberum à disciplina pronunciet, quem Dominus omnino uoluit esse subiectum atque obstrictum? Contra mandatum Domini non ualet ulla lex Pontificia, aut ullum priuilegium regum uel imperatorum. Nemo enim potest abrogare summi Dei decretum. Et Dominus quidem iubet monere & corripere quemlibet fratrem peccantem: uult ergo idem ut caecutientes & impingentes ministros ecclesiarum acrius admoneamus. Ipse certè totum sacerdotum ordinem ecclesiae Hierosolymitanæ increpauit, & creberrimè & acerbissimè. Heli sacerdos Domini pessimè audit in sacra historia, quod seueriore disciplina filios suos sacerdotes non coërceret. Prophetae Domini acerrimè leguntur accusasse & tota sacerdotum collegia & summos sacerdotes. Exempla ubique occurrunt in historia diuina, & in prophetarum sermonibus. Quid quod S. Paulus sanctissimū Apostolum Petrum Antiochia Syriae in conspectu totius ecclesiae increpuit, quod non recto pede ad regulam Euangelij incederet? Christus denique ipse in reuelatione sua facta Ioanni Apostolo, angelos, id est ministros

*Edat. 2.*

ministros ecclesiarum, grauissimè & admonet & increpat. Rursus uerò Aposto-<sup>1. Timoth. 5.</sup> lus Paulus, Aduersus presbyterum, inquit., accusationem ne admiseris, nisi sub duobus aut tribus testibus. Eos uerò qui peccant, coram omnibus argue, ut ceteri timorem habeant. Ergo nō pauca extant in scripturis clarissima exempla sanctis-  
simorum principum, qui primarios etiam ministros ecclesiarum legibus coercue-  
runt, & non bene suo munere fungentes è gradu & cathedris deturbarunt. Sed &  
ipsa deposcit necessitas, & salus populi Dei, ut deprauati ecclesiarum ministri de-  
ponantur. Et satius quidem est conturbare aliquot ministros prauos, quàm in di-  
scrimen animæ & corporis tot ecclesias conijcere. Perduntur enim funditus eccle-  
siæ incuria & impietate deprauatorum pastorum. Deponantur itaq; maturè.

Cæterum quò facilius & rectius in officio retinerentur ecclesiarum ministri, <sup>De Synodis.</sup> celebrant quondam ueteres semel & iterum in anno Synodos sacerdotales, & has ueluti medicinam adhibuerunt ministrorum morbis. Et ne quid hic longè pe-  
titum afferam, recitabo c. v. quæ leguntur in Constitut. imperatoria Iustin. Cæs.,  
sic mandantis, Veteres definierunt ut bis per singulos annos sacerdotum seu Epi-  
scoporum in quacunq; prouincia celebrentur Synodi, & quæ suppullarent, ibi  
examinarentur, & cōpetenti correctione sanarentur. Id cū hucusq; non sit obser-  
uatum, necessarium uidetur id denuo ad rectam uiam reducere. Nos ergo cū  
inuenerimus multos ob hanc negligentiam uarijs implicitos esse erroribus atque  
peccatis, iubemus ut omnibus in quacunque prouincia per singulos annos, uel in  
mense Iulio, uel Septembri una Synodus celebretur, coeantq; in unum uel apud  
Patriarchas uel Episcopos presbyteri, & agitentur causæ fidei, quæstionum item  
canonicarum, & de administratione rerum ecclesiasticarum, uel de reprehensibili  
uita, aut alijs quæ correctionem desiderant. His enim ita obseruatis laici quoque  
magnum circa rectam fidem & honestam uitam profectum atque in melius emen-  
dationem promerebuntur. His protinus subiungit & hæc, Iubemus autem & pro-  
uinciarum præsides, si ita negligenter curari uiderint, Episcopos urgeant ad cele-  
brandas Synodos. Quòd si eos moram nectere & segnius eas senserint peragere,  
nosea de re certiores reddant, ut contra cunctatores conueniens à nobis proce-  
dat correctio. Hactenus Cæs. decretum recensui. Videant ergo Episcopi, ne quid  
hic eorum negligentia peccetur: & his quidem negligentibus, uideat magistratus  
ne ad socordiam horum conuieat in perniciem totius ecclesiæ & omnium mini-  
strorum Christi. Sicubi uerò exoleuit salubre celebrandi Synodos institutum, re-  
uocetur, & iusta cum grauitate reparetur ad ministerij conseruationem incolumi-  
tatemq; ecclesiarum. Subrepunt in horas uaria & multa uitia, quòd carnis inge-  
nium admodum sit deprauatum: nisi ergo in ecclesia ualeat admonitio, & in quo-  
tidiano usu sit correctio, citius quàm ipsi putemus collabuntur & intereunt ea  
quoq; quæ firmissima credebantur.

Sicut autem Dominus priuatim uoluit admoneri & corripi præuaricantes ec-<sup>Admonitio & correctio ecclesiastica.</sup> clesiæ ministros, ita eiusdem admonitionis & correptionis bonū extendit ad uni-  
uersam ecclesiam. Ergo habuit uetus ecclesia sanctum presbyterorum senatū, qui  
delinquentes in ecclesia diligenter admonebat, corripiebat grauiter, adde & con-  
sortio excludebat ecclesiastico, si uidelicet nihil emendationis expectari posse ui-  
deretur. Posterioribus uerò seculis Pontifices & Episcopi hoc uindictæ genus ad-  
serapientes per tyrānidem, & sacrilegè contra primā institutionē exercentes, con-  
uerterunt salutarem medicinā in letale uenenū, reddideruntq; tam probis quàm  
improbis abominabilem. S. Paulus docens non paucorū libidini hanc permissam  
esse diuinitus uindictam, Decreui, ait, ut is qui hoc scelus patrauit, in nomine Do-<sup>1. Corinth. 5.</sup> mini nostri Iesu Christi congregatis uobis & meo spiritu, unā cum potestate Do-



2. Thess. 3.

mini nostri Iesu Christi, tradatur satanae ad interitum carnis, quò spiritus saluus sit in die Domini Iesu. En ecclesiae seniorum uel in ecclesia est ista potestas uel uindicta. Modus autem est, interitus carnis. Finis uerò, salus spiritus, siue conseruatio fidelis hominis. Nam & ad Thessal. idem Apostolus, Si quis, inquit, non obedit sermoni nostro, hunc per Epistolam indicate, & ne commertium habeatis cum illo, ut pudore suffundatur: neque uelut inimicum habeatis, sed admonete ut fratrem. Idem Apostolus alibi quoque satis disertè indicans, qui nam ecclesiastico ferendi sint gladio, non peccatores quidem infirmi, aut uiri boni, à solis episcopis & conuicatis ipsorum haeretici iudicati, aut pauperes propter pecuniam nondum numeratam officiali aut uicario in spiritualibus, sed scelerati & nepharii, manifesteque flagitiosi homines. Si quis cum frater appelletur, inquit, fuerit scortator, aut auarus, aut idololatra, aut conuitiator, aut ebriosus, aut rapax, cum eiusmodi ne cibum quibnem capiat. S. Augustinus in uindicta exercenda admittit moderationem, tum maximè cum ex uindicta non aedificatio, sed destructio ecclesiae metuitur. Qui metus fortè inanis, aut nimius uideri potuisset, si non idem Apostolus, qui incestuosum moechum satanae tradi iusserat, in posteriori dixisset Epistola ad Corinthios, Timeo autem ne fortè cum uenero, non quales uolo, inueniam uos, & higeam multos ex his qui ante peccauerunt, & non egerunt poenitentiam super imunditia & scortatione & impudicitia quam gesserunt, &c. Minatur his quidem grauiter, se eis non parsurum; sed quoniam uidebat ad dissipationem ecclesiae non collectionem spectare, si omnes, moechi instar, satanae tradidisset, moderationem adhibuit, iuxta praeceptum Domini, Sinite crescere utraq, ne dum euellitis zizania, simul eradicetis & triticum. Opus est ergo sancto iudicio, ne hic nimia peccetur uel indulgentia uel seueritate. Preterea ualeat in resipiscentibus matura reconciliatio. S. Paulus, Sufficit, inquit, homini istiusmodi increpatio haec. S. Petrus qui turpiter abnegarat Dominum, audit sibi in ipsa resurrectionis die à mulieribus per angelos nunciari Euangelium.

2. Corinth. 12.

Matth. 13.

1. Corinth. 2.

Porro esse in ecclesia etiam magistratum, & ius gladii ferientis maleficos, & magistratum iudicantem ferientemque gladio, nihilominus numerari inter uera ecclesiae membra, imò magistratum officio suo ecclesiae omnino utilem esse, docui Ser-mone 7. & 8. Decadis 2.

De matrimo-  
nio Christia-  
no.

Hebr. 13.

1. Tim. 4.

1. Tim. 5.  
Titum 1.

Singularia uerò Dei instituta in ecclesia sunt ea quae sequuntur. Et coniugium quidem inter ecclesiae instituta non postremas obtinet partes; quod si rectè colatur, fructus egregios & innumeros in ecclesia profert: si non rectè colatur, scandala & mala pestifera & infinita ex se profundit in ecclesiam. Rectè enim iudicant qui aiunt ex plurimis bene institutis domibus, optimè & sanctissimè institutam colligi ecclesiam: rursus ex multis impijs domibus, impiam constitui ecclesiam. Deus ergo uerbo suo diligenter instituit coniuges, & coniugium ornat pulcherrimè. Non est autè praesentis instituti matrimonij encomiū canere, sufficit nosse ipsum Deum matrimonij esse authorē: instituisse autè hoc in ipsa paradiso, & in hunc finē, ut bene uel cōmodè apud sodalem homo uiuat: denique illum ipsum primos copulasse coniuges, & copulatis benedixisse. Vixisse autè in hoc uiuendi genere sanctissimos quosque Dei amicos, patriarchas, principes, prophetas, reges, pontifices, sapientes & sacerdotes. Vnde fortassis Paulus dixisse legitur, Honorabile est coniugiū apud omnes, & cubile impollutum. Idem alibi doctrinam prohibentē contrahere matrimonium appellat daemioniorū doctrinā. Cōstat enim ipsos quoque Christi discipulos & Apostolos fuisse cōiugatos, neque dimisisse (quod tamen quidam impudenter cōsingunt) cōiuges, cum obirent munus praedicandi. Clarissimū enim illud est quod Apostolus ab Episcopo uel presbytero requirit, ut sit unus  
uxoris

uxoris maritus: & quòd alibi potestatem uxorem Christianam circumducendi in munere apostolico, disertè asserit, & sibi quoq; ac Barnabæ uendicat. <sup>1. Cor. 9.</sup> Quid quod in Concilio Niceno pronunciatum est, concubitum cum uxore propria esse castitatem? Nam Paulus prior dixerat, Ad fornicationem uitandam habeat <sup>1. Cor. 7.</sup> se castitatem. Et, Coniugij cubile est immaculatum: item, Virgo si <sup>Hebr. 13.</sup> quisq; uxorem propriam. Talem ergo omnino esse iudicamus Papisticam doctrinam, prohibentem coniugia ministris, qualem esse pronunciauit Paulus, damoniacam. Coguntur hoc nobiscum fateri uel ipsi Papistæ, qui nondum omnem absterferunt pudorem. Dum enim ex fructibus iudicamus arborem, quos obscuro cœlibatus illius fructus recensere possumus, quam spurcitiâ, obscœnitatem, fornicationes, stupra, adulteria, incestus & nepharios concubitus? Quis uiuit hodie impurius & impudentius, quàm ordo ille sacerdotum & monachorum? Ut enim non curant Dei uerbo & legibus obsequi, deumq; sancta uita casto in coniugio glorificare: ita tradidit eos Deus per cupiditates cordium suorum in immunditiam, ut ignominia afficiant corpora sua.

Principio autem docet scriptura sancta diligenter omnes inuigilare homines, <sup>Sanctè contrahendum.</sup> ut sanctè, sobriè, prudenter & legitime in timore domini contrahant matrimonium, ne affectus deprauatus, auaritiæ, ambitionis, aut libidinis prædominetur & exagitet, ne contra leges uel scriptas uel charitatis coëat connubium. Locum hic habent gradus consanguinitatis & affinitatis, honestas publica, reuerentia sanguinis, scandalum, & ne quis uxorem prophanae & contrariae religionis ducat. Vetamur enim iugum ducere cum incredulis. Deinde docemur contractum <sup>2. Cor. 6.</sup> legitime, piè, & sanctè auspiciari cum precibus & perceptione benedictionis Dei in templo domini, & in conspectu & inter preces totius Ecclesiæ, cauereq; ne hic cum impuro mundo omni prôphanatione polluamur. Neque enim ignoramus quid hic soleant homines huius seculi, diabolo uidelicet, non Deo celebrare nuptias, in luxu, superbia, crapula, ebrietate, & omni lasciuiâ. Præterea docemur <sup>1. Pet. 3.</sup> coniugibus cohabitare cum scientiâ, moderatione, patientiâ, fide & dilectione: sanctè item & honestè educare sobolem, eandemq; suo tempore etiam sancto consecrare coniugio.

Quòd si propter adulteria, aut adulterio grauiora scelera, ipsa ineuitabilis necessitas diffuere coniugia cogat, ecclesia tamen hic nihil agit temerè. Habet suos iudices, qui in causis & litibus matrimonialibus iuxta æquum & bonum, imò iuxta leges diuinas & secundum honestatis regulam iudicant. Noluit Apostolus <sup>1. Cor. 6.</sup> fideles litigare in foro infidelium, ergo sequestres constituerent hortabatur, qui litigantes amicè componerent. At in causis matrimoniorum longè grauiora sunt quæ uerant litigantes ad incredulos concedere iudices. Rectè ergo Ecclesia Dei forum habet matrimoniale. Quoniam uerò de coniugio differui Decadis 2. Ser-mone 10. & peculiarem de eodem librum quondam edidi, perstrinxî saltem hæc hæctenus de connubio Christiano.

Viduas habet ecclesia Dei, sed tales quales Christi Apostolus describit, dicens, <sup>De uiduis.</sup> Quæ uerè uidua est ac desolata, sperat in Deo, & perseverat in obsecrationibus ac precationibus, noctu dieq;. Porro quæ in delitijs uersatur, ea uiuens mortua est. Idem iubet iuniores nubere, liberos gignere, & domum administrare, nec ullam occasionem dare aduersario maledicendi. Notus est locus Pauli 1. Timoth. 5. Habet item uirgines Ecclesia. Hæ curant ea duntaxat quæ domini <sup>De uirginibus.</sup> sunt, & uerè sunt uirgines sine fūco & hypocrisi. Paulus, Virgo, inquit, curat ea quæ sunt Domini, ut sit sancta cum corpore tum spiritu. Multæ quidem corpore sibi temperant, non animo: Deus utrunque requirit, & animum



maximè. Possumus quidem hominibus facere fucum; Deus autem non fallitur. S. Paulus in 1. ad Corinth. 7. cap. encomium Virginitatis canit, & per comparationem uirginis cum nupta ostendit, quantum sit uirginitatis bonum. Cæterum possunt, si uelint, uirgines nubere. Id quod clarè docet eodem illo loco Apostolus. Diuino testimonio congruit etiam humanum. Cyprianus enim cum socijs episcopis & presbyteris respondens Pomponio, dicit, Desideras ut tibi rescriberemus quid nobis de ijs uirginibus uideatur, quæ cum semel statum suum continenter & firmiter tenere decreuerint, detectæ sint postea in eodem lecto pariter mansisse cum masculis? Circa quam rem quoniam consilium nostrum desiderasti, scias nos ab euangelicis & apostolicis traditionibus non recedere, quo minus fratribus & sororibus nostris constanter & fortiter consulatur, & per omnes utilitatis & salutis uias ecclesiastica disciplina seruetur. Et mox, Quod si se ex fide Christo dicauerunt, pudicè & castè sine ulla fabula perseuerent, ita fortes & stabiles præmium uirginitatis expectent. Si autem perseuerare nolunt, uel non possunt, melius est ut nubant, quàm in ignem delitijs suis cadant. Et reliqua. S. August. disputans de uerbis Apostoli, Damnationem habentes quod primam fidem irritam fecerunt, damnationem non in consequens reijcit coniugium, se in præcedentem inconstantiam. Damnantur, inquit, tales, non quia coniugalem fidem posterius inierunt, sed quia continentia primam fidem irritam fecerunt. Et his paulò post addit, Proinde qui dicunt, talium nuptias non esse nuptias, sed potius adulteria, non mihi uidentur satis acutè & diligenter considerare quid dicant. Hæc ille. Ego per *νεῖμα*, id est, condemnationem uel iudicium, intelligo in apostolo reprehensionem, quàm Helueticj uocamus *ein außsichten oder nachred*. Nam apud multos male audiunt, quod primam fidem, id est, continentia pactum dissuerunt. Satiùs ergo putat Apostolus, iuuenulas se applicare coniugio, quàm ei instituto uitæ, à quo postmodum resilire per necessitatem non sine reprehensione hominum compelluntur. Loquitur autem eo loci non de Virginitibus, sed de Viduis. Cyprianus simpliciter de Virginitibus.

1. Tim. 5.

De bono uiduitatis cap. 9.

De monasterijs & monachis.

Monachos & monachas nesciuit primitiua Christi & Apostolorum Ecclesia: posteriora secula monachos habuerunt, sed non tales quales hodie cernuntur, qui sibi ipsis regula sunt & lex, quorum monasteria omni obscenitate & impuritate scatent. Id quod omnibus nobis tacentibus, ipsa res adeoq; experientia loquitur. Et quæ uidentur coërceri paulo seueriore disciplina, hypocrisis sunt conspurcata, ut ne quid addam aliud. Et primi quidem monachi non inhabitauerunt urbes, non inseruerunt semetipsos secularibus negotijs. Monuimus alia, quendam ex mediæ ætatis scriptoribus postulasse ut clericatu se abdicet qui factus sit abbas, eò quod monachus simul esse & clericus ritè nemo queat, cum alterum alteri sit impedimento. Ergo non uixerunt ex publicis Ecclesiæ uectigalibus, sed propriarum manuum laboribus sicut laici. S. Hieronymus disputans de origine monachorum in uita Pauli, sic reliquit scriptum, Inter multos sæpe dubitatum est à quo potissimum monachorum eremus habitari cœpta sit. Quidam enim altius repetentes à beato Helia & Ioanne sumpsere principium: quorum & Helias plus nobis uidetur fuisse, quàm monachus: & Ioannes ante prophetare cœpisse quàm natus est. Alij autem (in quam opinionem uulgus omne consentit) asserunt Antonium huius propositi fuisse caput: quod ex parte uerum est. Non enim tam ipse ante omnes fuit, quàm ab eo omnium incitata sunt studia. Amathas uero & Macarius discipuli Antonij, quorum superior magistri corpus sepeliuit, etiam nunc affirmant Paulum quendam Thebeum principem istius rei fuisse: quod non tam nomine quàm opinione nos quoq; cōprobamus. Idem mox addit Paulum

lum sub Decio & Valeriano persecutoribus, metu tormentorum adactum, reli-  
cta urbe, commigrasse in desertum, in quo specum repperit atq; in eo latitauerit,  
donec ab ipso repertus sit Antonio. Tenuerunt imperium Decius & Valerius  
circa annum domini 260. mortuus autem dicitur beatus Antonius anno ætatis  
suz centesimo quinto, anno autem domini 360. Beatus Augustinus qui epistola  
80. ad Hefychium se uixisse testatur anno domini 420. ab Eutropio autem ac Be-  
da mortuus refertur anno domini 430. de Moribus ecclesiæ catholicæ cap. 31. mo-  
nachorum sui seculi mores & instituta referens, ea commemorat, quæ alienissima  
sunt ab institutis nostrorum monachorum. Tempore imperatoris Iustiniani, qui  
aliquot leges de monasterijs & monachis tulit, uixit quidam Benedictus, quem  
multi monachorum patrem nuncupant, cuius uitam modò ex Tritthenheimio  
(qui ante annos propè 50. excelsit) c. v. recitabo, ut ex ea intelligat quantas uires  
& dignitates imbelles & contempti illi ab initio, successu temporis acceperint. Be-  
nedictus abbas Casinensis, inquit, primus fundator institutorq; & princeps mo-  
nachorum occidentalium, scripsit luculento sermone & præcipua discretionem re-  
gulam monachorum libro uno, cuius initium est, Ausculta o fili præcepta. Et ca-  
pita habet 73. Mortuus est anno 542. Sed Marianus Scotus mortuum autumat  
anno 601. ultimo anno Mauritij imperatoris. Idem ille commemorat sub Benedic-  
ti regula militare ordines uiginti. Ex Benedictinis Romanam sedem habuisse  
Pontifices xviii. Cardinales plus quàm cc. Archiepiscopos in diuersis Ecclesijs  
m. dc. Episcopos quatuor ferme millia. Abbates insignes, qui uita doctrina & scri-  
ptis claruerunt quindecim millia septingentos. Canonizatos autem quindecim mil-  
lia sexcentos. Vt autem multos alios monachorum ordines non recenseam, con-  
stat mendicantes monachos, fideles, sedulos & fortes Papæ & monarchiæ spiri-  
tualis, ut uocant, Romanæ satellites, ab Honorio fuisse confirmatos, circa annum  
domini m. cc. xxii. His autem omnibus nihil aliud effectum uolo, quàm ut in-  
telligant omnes monachismum humana inuentione conditum, non ab apostolis  
Christi ecclesiæ traditum: & ab initio quidem utcunq; uisum tolerabilem, postre-  
mò redditum esse omnino intolerabilem.

Quantum enim incommodet reipub. experientia loquitur. Cum religio-  
ne uera illum ex integro pugnare qui nescit, omnia nescit. Fingunt illum esse  
meritorium coram Deo & perfectionis statum. At quis non uideat quam hoc  
pugnet cum merito Christi, & cum doctrina euangelij sincera? Quæ uerò ple-  
tas aut necessitas suadet post nomina nostra uni Deo in baptismo data, eadem  
etiam dare diuis, & his uouere, eorumq; regulis nos per iuramenti religionem  
interpositam obstringere? Vetat uera religio nomina dare diuis, his nos qua-  
licunque modo initiare. Vetat uera religio alios nobis patres & magistros de-  
ligere. Vetat uera religio novos nobis cultus, nouasq; religiones confingere,  
aut ab alijs confectas recipere. Territat Ieroboami & sociorum eius exemplum.  
Vetat uera religio iurare per nomina aliorum Deorum. Religio uni Deo nos  
per fidem & obedientiam religat. Superstitio dissoluto hoc uinculo, creaturas  
admittit. S. Paulus ad Corinthios, Vnusquisque uestrum dicit (ait) ego quidem  
sum Pauli, ego uero Apollos, ego uero Cephæ, ego uero Christi. Num diuisus 1. Cor. 3.  
est Christus? Num Paulus crucifixus est pro uobis? aut in nomine Pauli  
baptizati estis? En Christus est redemptor & magister noster. Christi fides in  
unum nos compegit corpus. Baptismo in unum corpus baptizati sumus, ut uo-  
cemur Christiani, non Petri aut Paulini. Noluit Paulus denominari Christia-  
nos ab Apostolis, quanto minus hodie ferret alios dici Benedictinos, alios Fran-  
ciscanos, alios Dominicanos? Sumus domini peculium: non licet nos addicere in



hominum seruitutem. Qui autem se addicunt, unitatem corporis Christi lacerant, crucem & baptismū Christi prophanant. Diserte enim dicit Apostolus, Num diuisus est Christus: num Paulus crucifixus est pro uobis, aut in nomine Pauli baptizati estis? Licet ergo spirituales uulgò appellentur, nihil minus tamen sunt quam spirituales. Nā idem ille Apostolus, Cum dicat unus, Ego sum Pauli, ait, aliter uerò ego Apollo, nōne carnales estis? Quorsum uerò attinebat post euangelium Iesu Christi, & doctrinam apostolorum omnem pietatem complectentem & tradentem, nouas comminisci regulas? Certè cum semel priuatas uiuendi leges adinuenerunt, toto etiam externo uitæ habitu, & moribus omnibus adeoq; & uestibus à uulgo Christianorum sese separauerunt, ut uel ita omnibus notum facerent, se uelle separatim à uulgari illa & ueluti laica & imperfecta Ecclesia, sanctius, perfectius & spiritualiter magis uiuere. Sed quomodo id eis cesserit & cedat, uel hodie totus loquitur mundus.

De uotis monasticis.

Vota quæ uouent ineptissima sunt. Castitatem quam non habent, uouent. Donum Dei est castitas, nec omnium est. Et Paulus dicit, Qui se non continent, contrahant matrimonium. Satiū est matrimonium contrahere, quam uri. Et Vri quidem dixit simpliciter, siue sub uoto, siue extra uotum. Neq; uerò decet diuinæ legi præiudicare humanum & stultè susceptum uotum. Paupertas uerò in monasterijs qualis sit, res ipsa docet. Paupertatem ueram exuunt isti cum deponunt uestem uulgarem, & cum cuculla maximas induunt opes. Nam & monachi, quod ueteribus prodigij & monstri loco fuisset, principes fiunt. Vulgares autem omnes uiuunt in otio, & panem suum gratis edunt, contra canonem apostolicum 2. Thessal. 3. Vbi & anathemate percutiuntur. Illi ipsi parentes & cognatos deferunt, quibus iure diuino tenebantur obsequi atq; inseruire, atque se addicunt alienis hominibus, à quibus ad infinitas adiguntur superstitiones. Et qui spontè à parentibus manu mittuntur, uel ex superstitione manu mittuntur, uel ut habeant unde tota sua uita in otio computrescant. Vt manifestum sit tales uentris non religionis gratia induere cucullam. Qualis uerò illa obedientia quæ uerbo dei reuelatæ obedientiæ repugnat ex integro? Dum magistratus iubet istos publica uia cum alijs fidelibus subire ac ferre onera, exempti & immunes sunt perpetuò. Habuerunt quondam ministri peregrinarum religionum sub regibus Iuda priuilegia regalia & consuetudines præscriptione longi temporis confirmatas: sed quoniam ministerium ipsorum destituebatur diuina comprobatione, imò uerbo Dei aduersabatur, non impiè, neq; iniuste aut sacrilegè à pijs regibus dissipata sunt.

Quis uerò audiat istorum excusationem, cum admoniti, ut de commissis peccatis agant pœnitentiam, excipiunt se fide iuramenti religari ad ordinem monasticum, ut inde salua conscientia emergere non possint. Etenim constat iuramentum illud quod prætexunt, planè esse temerarium: quod minimè præstandum esse ostendi Decad. 2. Serm. 3. Quid obsecro uinculū ab homine sine Deo, imò contra uerbum Dei connexum, uel imprudenter uel scienter, obstringeret? Si tantam habet uirtutem crux Christi, ut nos à maledictione, qua obstricti tenebamur omnes, absoluat, quanto magis liberabit ab extraneis uinculis, non ab ipso Deo, sed aliunde, uel hominū stultitia & impietate, uel diabolica arte iniecta? Clamat apostolus Paulus, Precio empti fuistis, nolite fieri hominum serui. Quòd si hominum malitia aut propria inertia facti sumus serui, conandum est pijs ut restituantur rursus per ueram fidem & obedientiam in libertatem filiorum Dei. Euangelium certe annuntiatur nobis, ut liberemur ab omni iniqua captiuitate, & seruiamus Deo in spiritu & ueritate.

1. Cor. 7.

Porro obijciētibz, Monasteria omnia per orbem reformari oportere ad primam

primam illam simplicitatem: respondemus, hoc nostro illo infelici seculo frustra, imò stultè sperari. Nec poterunt illa reduci ad antiquā simplicitatem, nec patientur principes & monachi talem fieri reformationem: quia intelligunt suis compendijs, honoribus, & uoluptatibus, multa nedum omnia decedere. At malunt hi totum orbem multis bellis collidi, quàm tradere Deo regnum suum, quod hactenus obtinuerunt. Vt autem ex his nihil sit periculi, quis uerò persuadebit nobis res cœnobiticas, ut maximè reformentur ad primum institutum, nostro illo seculo uel æquè feliciter uel felicius quàm in ueteri illo factitatum uidimus, administrandas fore? Vidimus quale initium habuerint, qualem item progressum, & quale incrementum. Vidimus quid potuerit hypocrisis, ambitio ac auidia, uoluptas ac otium, & quo tandem reciderint omnia. An uerò putamus hominum cupiditates hodie fore moderatiores? An putamus nunc disciplinam minus fore à nobis & posteris nostris corrupendam quàm à maioribus corrupta est? Quinimò non meliora sperare, sed peiora metuere cogimur, qui quotidie deteriora experimur. Vivimus enim in face mundi, & in extremo seculi fine, in quo draco ille abyssi, hominum malitia & impietate mirificas acquisiuit uires, omnes res in toto orbe perturbandi & corrumpendi. Vbi tamen illud nos non parum in tantis consolatur periculis, quod uerbum ueritatis habet, dies illos propter electos fore abbreviandos, & illum breui soluendum tempore, mox autem consiendum in stagnum sulphuris. Præterea si legitime reformare uolumus, ad fontes ipsos accedamus oportet. At in primitiua ecclesia, in doctrina Christi & apostolorum, nihil legimus traditum de monachismo, intelligimus ergo non necessarium esse ecclesie: imò didicimus ipsa nos experientia docente pestiferum esse Ecclesie. Vera ergo reformatio suadet monachismum prorsus abrogare: non reiectis interim aut neglectis ijs, poenitentiam agentibus, quos temporum iniquitas & sibijplis & alijs reddidit inutiles, sed in curam & alimoniam ecclesie benignè receptis. Hæc autem hactenus per occasionem & obiter diximus de monachismo, cui nullum locum in primitiua Christi & apostolorum ecclesia fuisse indicauimus. Redimus ergo ad reliqua ecclesie utilia instituta.

Circa ægrotantes & moribundos utitur etiam disciplina fidelis Christi Ecclesie. Accurrunt enim uicini & fratres, ac faciunt certatim charitatis seu pietatis officia: suauit faculatibus indigos, aut si indigi non sunt decumbentes, præstāt his alia pietatis officia. Accedit & minister ecclesie, qui ægrotum cōsolans morti præparat, præuia ad Deum confessione peccatorum: quorum remissionem si credat uerè certò annunciat ex uerbo euangelij. Requirit ab eo quoque condonationem, siue ut in gratiam redeat cum omnibus, ne quid retineat ueteris iræ aut inimicitiarum. Post quæ publica fit ad deum ab ægroto, & ab ijs qui moribundo adsunt, oratio. Admonetur præterea de uarijs, confirmatur in fide, uocatur ad patientiam, & instituitur prout res eius deponere uidentur: discedens ex hoc seculo docetur animam suam commendare in manus Dei patris iuxta redemptoris doctrinam & exemplum, in ipso mortis articulo exclamantis, Pater in manus tuas commendo spiritum meum. Atque hanc disciplinam ab ipsis Christi Domini apostolis didicimus. Nam Iacobus Apostolus, Infirmatur quis inter uos, inquit, accersat presbyteros Ecclesie, & orent super eum, ungentes eum oleo in nomine Domini. Et obsecratio fidei saluum faciet laborantem. Eteriget eum Dominus. Et si in peccatis fuerit, remittentur ei. Confitemini inuicem alius alij delicta: & orate pro uobis inuicem ut salui sitis. Multum enim ualet deprecatio iusti efficax, &c. Hæc est apostolica illa disciplina. Si uerò rogas ubi sit oleum? Respon-  
Quid agat ecclesia apud ægrotantes.  
Iacobi 5.  
Vngentes eum oleo.



Marci 6.

Marci 16.

miraculosum illud sanandi ægros beneficium. De eo legimus in euangelio Marci, Et egressi discipuli prædicabant ut resipiscerent, & dæmonia multa eieciabant, & ungebant oleo multos ægros & sanabant. Et iterum in eodem, Porro signa eos, inquit, qui crediderint, hæc sequentur, Per nomen meum dæmonia eiciant, &c. Et mox super ægros manus imponent, & bene habebunt. Quoniam ergo beneficium illud adhuc erat in Ecclesia, Iacobus iubet apud ægros usurpare oleum, & usurpare quidem in nomine domini, sicuti præceperat dominus. Caterum cum illa gratia dudum desierit in Ecclesia, & re ipsa experiamur oleum nihil efficere apud ægotantes, pro ratione nostri temporis, & pro officio nostro, ægotantium morbos, fomentis morbo congruentibus maxime, adhibitis in nomine Christi, lenire & his medicari satagimus.

Extrema un-  
ctio.

Scio quomodo ex hoc apostoli testimonio suam illam extremam unctionem ornare contendant Papistæ: sed laborant frustra. Vt enim non commemorem quod Iacobus nihil loquitur de oleo consecrato: & quod isti hanc medicinam non nisi in extremis admittunt, cum Iacobus iubeat quemlibet inungere ægotantem: quomodo obsecro ex uerbis S. Iacobi tuebuntur, quod sacrificus ægotum rogat, Credis ne quod propter merita & preces sanctorum dominus uelit exaudire preces nostras: ac respondente moribundo, Credo, ingerit, Inuocemus ergo deum & sanctos eius. Aut ubi obsecro docuit uel Iacobus, uel alius Christi apostolus, quod ad unctionem illam suam proferunt? In nomine patris & filii & spiritus sancti, ungo te oleo sacro, ut per hanc unctionem accipias plenam remissionem peccatorum tuorum. Quæ oro scriptura docet per unctionem illam consequi nos plenam peccatorum remissionem? Fiunt hæc manifestè contra primarium religionis nostræ articulum, tradentem per solum Christi sanguinem purgari nos à peccatis omnibus, & plenissimè quidem. Huic soli debetur gloria, non oleo aut ulli in toto orbe creaturæ.

De funeribus  
& sepultura.

Iam & mortuorum corpora non abiicit Christi Ecclesia, instar mortui canis. Agnoscit enim corpora templa fuisse eius qui inhabitauit sancti spiritus. Agnoscit corpora sepeliri in resurrectionem & gloriam uitæ æternæ. Colligit ergo corpora honestissimè, inuoluit panno & adoperit decētissimè, impositaq; loculis deferit sollicitè in cœmeterium uel campum ecclesiasticum, ponè necessarijs amicis, uicinis & fratribus consequentibus, ipsumq; funus deducuntibus. Caterum dum deponitur funus & telluri mādatur corpus, fiunt preces publicæ ab his qui deduxere funus. Nam gratias agunt domino, quod in uera fide ex hoc seculo euocauit mortuum, & orant dominum ut ipsos quoq; uera fide illuminatos maturè ad se transferat. Præterea in cœtu ecclesiæ publico cum honore recitatur demortui fratris, uel demortuæ sororis nomen, omnesq; admonentur sortis suæ & ut maturè se morti præparent. Atq; ad hunc modum legimus in literis sanctis, patres nostros suos cōdidisse mortuos etiā sanctissimos. Nihil autē legimus de canonisatione, de reliquiarum ueneratione, de anniuersarijs & oblationibus pro defunctis, in hoc oblati ut ex pœnis purgatorii liberentur. Aliquot nobis in ueteri testamēto funera, ut Abraham, Saræ, Isaac, Iacobi & Iosephi, Aaronis, Mariæ, Iosue, Samuelis & Davidis, &c. in nouo testam. Ioan. Bapt. & Stephani describuntur, sed frugalitè illa omnia, neq; quicquā habentia superstitionis. Quod Iosephi ossa elata sunt, mysterio elata sunt, & ut inde colligerent Israelitæ se reponendos in terram promissam. Quo & illud pertinet, quod patriarcha unam in Hebron sepulturam elegerunt. Alioqui enim locus nihil facit ad conciliandum uel meliorem uel peiorem corpori sepulto sortem. Iudicandū est enim locum propter sanctorum in ipso sepulta corpora, quodam modo sanctificari aut certè sanctum appellari: non autem corpora quicquam sanctitatis aut salutis ex terra contrahere. Ergo nisi aliud uideatur diuine

proui-

providentia, libenter cubant sancti cum suis maioribus in cœmeterio eodem. Sin Deo uideatur aliud, agnoscunt se ab eadē terra ubiq; recipi indiscriminatim, nec locorū distantia se separari à suis maioribus. Proinde in ecclesia Dei nulla est supersticio circa funera & sepulchra. At quāta fuerit in papatu, nemo paucis explicauerit.

Hæc instituta ecclesiæ dei necessaria sunt, & religiosè obseruantur citra superstitionē à fidelibus ad ædificationem: cætera arbitrio duntaxat hominum inuenta nihil morantur p̄j. Scio interim quæ hic obijciantur, Veteri populo fuisse uarios multiplicesq; institutos à Deo per prophetas ritus & ceremonias, eò quod rudes huiusmodi pædagogia indigerent. Ceterum cum uulgus Christianorum & ipse serè plus satis sit rudis, non sine spiritus instinctu à patribus tot & tam multiplices inuentas esse ceremonias, quibus & parere oporteat. Respondeo hanc non esse ueram & solidam rationem qua infirmis in fide consulitur. Alioquin enim apostoli Christi non tacuissent. Præterea ita comparatas esse res infirmorum & simplicium ipsa nos docet experientia, ut quo plures eis relinquuntur ceremoniæ, hoc magis dispergantur animi ipsorum in diuersa, minusq; ad Christum colligantur, cui uni tribuenda sunt omnia. Nam placuit patri in ipso habitare omnem plenitudinem, & in eodē ut compendio colligere omnia uitæ & salutis nostræ. Quid quod ipsa diuina sapientia è medio sustulit totam illam externam pædagogiam, discrimine inter nos & illos constituto? Reducere ergo pergeremus Iudaismum, si non desineremus multiplicare ritus uel ceremonias ad ueteris ecclesiæ morem. Olim quidem habuerunt suum usum ceremoniæ illæ, quamuis & hæ non fuerint infinitæ, sed numeratæ. Hodie nullum usum nec locum habent in Ecclesia. Neq; grauissima hic autoritate destituimur. Apostoli enim & presbyteri Hierosolymis magna coeunt frequentia in Conciliū, in quo Petrus Apostolus disertè dicit, eos tentare dominum, qui iugum legis super libera Christianorum ceruices imponere nituntur. Scribitur & Synodica epistola, in qua unanimiter & spiritui sancto & ipsis testantur placere ne quid amplius imponatur Ecclesiæ Christi, quàm quod paucis recensent. Ut uel inde inclarescat, sufficere doctrinam euangelij Ecclesiæ, sine legis ceremonijs. Si autem euangelio ritus olim à Deo institutos tunc misceri noluit, quanto minus hodie eidem commiscere decet humanas adinventiones? Quibus præterea impiè tribuitur, uel ipsa ad gratiam cultumue Dei præparatio, uel salutis nostræ portio, ut non minus hodie, quàm olim Paulus, dicere possimus, Posteaquā cognouistis Deū, quomodo cōuertimini denuo ad infirma & egena elementa, quibus iterū ab integro seruire uultis? Dies obseruatis & mensibus, & tempora & annos. Metuo de uobis ne frustra laborauerim erga uos. His oibus illud quoq; accedit, quòd hæc pædagogia, de qua isti loquuntur, pertinet ad cultū Dei. At phibemur ipsi nobis fingere cultū: phibetur nobis ne quid institutioni ac uerbo Dei uel addamus uel detrahamus. Proinde ecclesia Dei huiusmodi cōstitutiones nec instituit, nec ab alijs institutas recipit. De qua re superius quoq; nonnulla attulimus, cū differeremus de Abrogatione legis, & de Libertate Christi.

S P E R O his me Sermonibus quinquaginta totū fidei, pietatis, siue religionis ueræ, Ecclesiæq; negotiū satis succincta breuitate comprehendisse. Quod autem in omnibus meis Sermonibus & libris inculco, id ipsum hic quoq; repeto, meliora ex scripturis doctū, meliora libenter & cum gratiarum actione amplexurum. Domino Deo nostro, omnium bonorum fonti inexhausto, sit laus & gloria per Iesum Christum Dominum nostrum.

*Ecclesiæ non  
esse opus legali  
pædagogia.*

*Acto. 15.*

*Galat. 4.*